





B-IV

14-2.I.7

De l'inc. de l'inc. de l'inc. de l'inc.
Sancet. inc. de l'inc. de l'inc. de l'inc.
1844



THE JOURNAL

OF THE

THE JOURNAL OF THE

THE JOURNAL OF THE

THE JOURNAL OF THE

THE JOURNAL OF THE

ILLVSTRISSIMO PRINCIPI
OCTAVIO RODVLFIO

S. R. E. CARDINALI,

Tituli Sanctæ Agnetis in Agone.

R A P H A E L A V E R S A

Clericorum Minorum.



VAM præclare nobis accidit (Cardinalis amplissime) talem nancisci Patronum. O qualem Tutelarem totus ordo noster inuenit, quando te Titularem nostrę Agnetis agonale templum accepit! Esto igitur & tu meorum studiorum in hoc initio meorū operum & Titulus & Tutela. Multū tibi debemus omnes quotquot in hoc ordine sumus: tanta statim beneuolentia & cura nostrum ordinem amplexus es, tanta promptitudine sub tuo patrocínio suscepisti, tot beneficijs & gratijs cumulasti. Cogites, velim, omnium manus in meis manibus hoc quaecunque communis deuotionis & obseruantię pignus offerre. Nec mirum; quando omnium nostrum tibi corda vinxisti. Plus tibi debet hoc nostrum Collegium; dum hanc Ecclesiam, relictis etiam amplioribus quę vacabant, in tui Cardinalatus titulum elegisti. Et vix elegeras: cū splendidissimis lucis tuę radijs illustrasti: cū festiuis solemnitatibus, apparatibus, opibus, magno populorum & Principum concursu, mirifice decorasti. Ego igitur qui hic nostra Theologica studia rego, hic meas lucubrationes assiduo labore peregi, totius huius Collegij nomine hoc tibi tributum soluo. Plurimum tandem ego proprijs rationibus tibi adstrictus debeo, quem magna ex parte tui splendoris participem effecisti, insignis tuę pietatis operarium habuisti, quem tanta humanitate aspeixisti, appellasti, suscepisti. Nimis ergo parum est, quod tibi pro tam magnis & meis & communibus debitis reddo. Sed si parum: primum. Diutius differre nec poteram nec debebam. Quam gloriosum mihi nunc est, aliquid

quantumuis minimum in tui obsequium exhibere ; quando sacræ & humanæ Maiestatis culmina ad exaltationem tui nominis conspirarunt : Pontifex , Imperator , Reges , Principes . Imperator te Cardinalem postulat , Pontifex creat , Rex Catholicus , post Arianensem , amplissimo Agrigentino Episcopatu donat . Principes tam Ecclesiastici , quam Ciuiles summa beneuolentia prosequuntur , tuasq. virtutes commédare non desinunt . Confluit in vnum Orbis è quatuor Mundi plagis : ab Occidente Hispania , ab Oriente Sicilia , à Septemprione Germania , ab Austro Roma . Splendet in domo tua quicquid decoris & gloriæ humana Respublica profert . Longum esset hic attexere clarissimas Maiorum tuorum imagines , virorum virtute dignitateq. præstantium , quibus Rodulfa gens antiqua & continuata serie splendet . Venio ad præsentes . Sonant in domo tua pacifica arma : Alexander frater tuus , Marchio Basilicensis , vir egregius , nuper cum Pontificis fratre in expeditione Telinensi castra regebat , modò Ferrariensis militiæ imperia tenet . Lucent in domo tua litteræ : Nicolaus aliùs frater tuus , vir doctissimus , in hoc Christianæ sapientiæ capite Apostolici Palatij magistrum summa cum laude gerit . Spirat & aulæ fauor : Ludouicus etiam frater tuus , vir industrius , intus iam Gregorij XV. Pontificis Maximi cubicularius , in Romana curia cum magno aulæ plausu versatur . Sed quid dico in domo tua ? In te vno hæc omnia videntur . Tu in Firmanæ Ciuitatis regimine pacis arma tenebas . Tu litterarum & studiorum eximius cultor & fautor . Tu in aula , non sequens aulam , sed ab aula , vocatus , promotus , euectus . Quanto igitur iure hunc tibi librum dedico : Logicam , idest arma veritatis , litterariæ militiæ rudimenta : Logicam , idest ianuam scientiarum , & disciplinarum omnium disciplinam : Logicam , idest Sapientiæ aulam . Nè repellas quod tibi tanto iure debetur . Patere hac etiam parte radios tuæ lucis effundi . Et Opus cum Auctore , Collegium hoc cum toto Ordine , foue , & protege , vt cœpisti . Tibiq. & domui tuæ & nobis diutissimè vale .

LECTORI AUCTOR.



SERNES fortasse (Generose Lector) post tot volumina nouum Opus, post tot Heroes nouum hominem. Indignaberis imo, non adhuc libris conscribendis finem imponi. Quousque tandem eadem huc illucque transcribi, & toties repetita reuolui? Nihil iam amplius noui posse proferri, nisi noua Auctotum nomina, copiosissimo iam Scriptorum cloto, anliticene magis priuata, quam utilitate publica, gestientium aggregari. Sed remitte quæso aliquantum seueritatem animi, aures pacatas exhibe: & attende, si fortè vel iustificare vel saltem excusare nō potero. Vide non esse adhuc humani ingenij vim exhaustam, non esse adhuc profunda rerum addita penitus explorata, non esse adhuc veritatem sapè è nostris veluti fugitiuam, obtritus comprehensam. Vide si in rebus adeò dubijs & perplexis, supersit adhuc quod verisimilius & probabilius inquiratur, supersint rationes quibus verisimiliora magis magisque firmantur, supersint defensiones quibus aduersis partibus & scilicet resistatur. Vide si adhuc possint obscura clariùs, ardua faciliùs, occulta manifestiùs, non modico studiosorum emolumento, proponi & explanari. Vide præcipuè, si adhuc post tot secula, post tot ingenia, post tot opera, non sit optimus & exquisitus rebus ordo præfixus: dico qualem ipsarum rerum natura, non qualem certi alicuius Auctoris expositio texit. Quid igitur ex his? Promitto ne rerum nouitatem, doctrinæ claritatem, ordinis sinceritatem? lactare nolo. Certè veritatis studium in rebus, claritatis in doctrina, sinceritatis in ordine, toto conatu perficitor. Et præferim in ipsa Logica quam præ manibus habemus, nonne vides apud Aristotelem in operibus quæ extant, quàm abruptum initium ab æquiuocis & vniuocis, vt ferè corpus sine capite dixeris. Nec satis integrum caput Logica à Porphyrio accepit per explicationem illarum quinque rerum quas in sua Illogice præmisit. Cæteri deinceps vi plurimum explicationis viæ gradientes, & ex occasione quæstiones inferentes, eandem Logicæ structuram amplexi sunt. Sed certè nihil iustius est in scientijs disponendis, quàm certum sibi proponere & assumere obiectum: tale inquam quod ad humanum ingenium excellendum, & ad debitam scientiarum distinctionem, & adequatam rerum omnium scibilium comprehensionem, aptius & opportunius videatur: eoque sibi præfixo & designato, de ipso obiecto per se directèquè tractare, & consequenter de alijs omnibus quæ ad illud pertinere reduciue noscuntur. Maximaquè ratione, hoc est in Logica debitum, quæ est scientiarum prima, & aliarum ianua, ac velut exemplar. Hoc ergo mihi in animo est nunc efficere, & similiter, si Deus concesserit, in Philosophia perficere, doctrinamquè tradere maiori facilitate breuitatequè qua possum. Quod felicissimè nobisquè vtilissimè præstitit Angelicus Doctor in Sacra Theologia: idem fortasse in Philosophia præstiturus, si tamdiu vixisset. Heroicos autem viros, sicut atsequi velle, priusquam temerarium esset, ita imitari velle non est impudentiæ arguendum, sed quam maxime laudandum. Plura demum de mei institui & ordinis ratione hic adijcere deberem: nisi in prima Logice quæstione de ipsius Logice instituto, & in alijs tractatibus, ubi opus est, de eorum ratione, & postremò in vltima quæstione de ordine tam huius quàm aliarum scientiarum in vniuersum plenè dissererem. Accipe tu amice Lector ea beneuolentia & studiositate has meas Lucubrationes, quæ ego promptitudine tuiquè profectus desiderio eas elaboravi. Stude & Vale.



IOANNES DE GVEVARA

Præpositus Generalis Cleric. Regul. Minorum .

Logica, Institutionibus præiis Quæstionibus contexta, Auctore P. Raphaelæ Auerfæ nostræ Religionis Clericorum Regularium Minorum, Sacræ Theologiæ Professore. Cum a duobus eiuſdem nostræ Religionis Theologis, quibus id commissimus, approbata fuerit, facultatem concedimus, vt Typis manderur: dummodo à cæteris quibus hoc munus incumbit, similiter approbetur. Datum Romæ, in ædibus nostris S. Laurentij in Lucina, die 10. Nouembris, 1622.

Ioannes de Guevara Prapof. Gener.

Imprimatur, ſi placet Reuerendiſſimo Patri Magiſtro Sacri Palatii Apoſtolicæ .

A. Epiſc. Hierac. Viceſg.

EX coſiſiſſione Reuerendiſſ. P. Nicolai Rodulſij Sacri Pal. Apoſt. Mag. Logicam hanc, Inſtitutionibus præiis, quæſtionibus contextam à R. P. Raphaelæ Auerfæ Clericorum, Regul. Minorum Theologo elaboratam, percurri, in qua nihil occurrit à Fidei veritatibus, à ſana doctrina alienum, nihil bonis moribus repugnans: Imò arduas quæſtiones complectens accurate pertractatas, ac miram ſubtilitatem, tum facilitatem perſoluras mihi ſatis Auctoris ingenium commendat: quare librum doctis viris iucundum, & ſtudioſis perutilem, dignum cenſeo, qui Typis illuſtretur.

Domnus Placidus Filingerius Clericus Regularis .

Imprimatur, Fr. Dominicus Paulacius Magiſter, & Socius Reuerendiſſ. P. Fr. Nicolai Rodulſij Ordinis Prædic. Sacri Pal. Apoſt. Mag.

INDEX

INDEX INSTITVTIONVM.

P R A E F A T I O.

DE ratione, & obiecto harum Institutionum. 1

TRACTATVS I.

DE cognitione intellectuā, eiusq. directione in communi. 3

Cap. 1. De cognitione intellectuā, eiusq. triplici actu, Apprehensione, Iudicio, & Discursu. 3

Cap. 2. De instrumentis directiuis cognitionis. 4

Cap. 3. De definitione. 5

Cap. 4. De diuisione. 6

Cap. 5. De ente rationis, quod per cognitionem fit, eiusq. directioni inservit. 7

Cap. 6. De vocibus quae mentis conceptus exprimunt, & cognitionis directioni inserviunt. 8

Cap. 7. De rebus omnibus intellectu proponendis ad dirigendam cognitionem. 9

Cap. 8. De vniuersali & singulari. 9

Cap. 9. De genere. 10

Cap. 10. De specie. 11

Cap. 11. De differentia. 12

Cap. 12. De proprio & accidente. 13

Cap. 13. De predicamenti in communi. 14

Cap. 14. De predicamento substantiae. ibid.

Cap. 15. De predicamento quantitatis. 15

Cap. 16. De predicam. relationis. 16

Cap. 17. De predicamento qualitatis. ibid.

Cap. 18. De reliquis sex predicamentis. 17

REMI

TRACTATVS II.

DE simplici apprehensione eiusq. directione. 17

Cap. 1. Quid sit simplex apprehensio, & quo directione indigeat. ibid.

Cap. 2. De simplicibus terminis. 18

Cap. 3. De varietate terminorum. 19

Cap. 4. De nomine. 20

Cap. 5. De verbo. 21

Cap. 6. De quibusdam alijs distinctionibus terminorum. 22

Cap. 7. De quibusdam comparationibus terminorum. 23

Cap. 8. De significatione & suppositione terminorum. 24

Cap. 9. De quibusdam variationibus significationis & suppositionis. 25

Cap. 10. De termino complexo, & de oratione. 26

TRACTATVS III.

DE Iudicio eiusq. directione per enunciationem. 27

Cap. 1. Quid sit iudicium, & quomodo per enunciationem dirigi debeat. ibid.

Cap. 2. Quid sit enunciatio, & ex quibus partibus componatur. 28

Cap. 3. De quantitate & qualitate enunciationis. 29

Cap. 4. De quibusdam diuisionibus, & speciebus enunciationis. 29

Cap. 5. De enunciationibus absolutis, & primò de earum oppositione. 30

Cap. 6. De equipollentia, & conuersione enunciationum absolutarum. 31

Cap. 7. De enunciationibus modalibus. 32

¶ 4 Cap. 8.

Index Institutionum.

<u>Cap. 8. De oppositione, aequipollentia, & conuersione modalium.</u>	33	Cap. 10. De tertia figura eiusq. modis.	46
<u>Cap. 9. De enunciationibus coniunctis sine hypoteticis.</u>	34	Cap. 11. De distinctione syllogismorum perfectorum & imperfectorum.	ibid.
<u>Cap. 10. De quibusdam enunciationibus exponibilibus.</u>	36	Cap. 12. De reductione syllogismorum imperfectorum ad perfectos.	pag. 47.
TRACTATUS IV.		Cap. 13. De probatione imperfectorum syllogismorum per deductionem ad impossibile.	48
D E Discursu eiusq. directione, per argumentationem.	37	Cap. 14. De syllogismo expository.	pag. 49
Cap. 1. Quid sit Discursus: & quomodo argumentatione dirigatur. ibid.		Cap. 15. De vi & efficacia syllogismi expository.	51
Cap. 2. De argumentatione in communi, & de regulis generalibus.	38	Cap. 16. De alio genere syllogismi ex medio communi, & extremis singularibus.	52
Cap. 3. Quotuplex sit argumentatio.	pag. 39	Cap. 17. De syllogismo ex terminis obliquis.	ibid.
Cap. 4. De syllogismo.	40	Cap. 18. De syllogismo modali, & hypotetico.	53
Cap. 5. De materia syllogismi.	41	Cap. 19. De diuisione discursus, & syllogismi in scientificum, & opinatiuum.	54
Cap. 6. De forma syllogismi. De tribus figuris, & de diuersis figurarum modis.	ibidem.	Cap. 20. De fallacijs syllogismi, & syllogismo sophistico.	ibidem.
Cap. 7. De regulis generalibus ad omnes figuras.	43		
Cap. 8. De prima figura eiusque modis.	44		
Cap. 9. De secunda figura eiusque modis.	45		

Finis Indicis Institutionum.

- INDEX QVAESTIONVM A C S E C T I O N V M .

QVAESTIO I.

D E Logica secundum se. pagina	1
<i>Secl. 1. De Nominibus Logica & Dialectica.</i>	<i>ibid.</i>
<i>Secl. 2. An Logica sit; et quotuplex sit.</i>	5
<i>Secl. 3. Vtrum Logica sit utilis & conueniens.</i>	8
<i>Secl. 4. An & quo pacto Logica sit necessaria.</i>	11
<i>Secl. 5. Quid sit Logica: An sit scientia.</i>	14
<i>Secl. 6. Vtrum Logica sit scientia speculatiua vel practica.</i>	19
<i>Secl. 7. Qua sit vltima ratio constitutiua Logica, & de alijs conditionibus eius.</i>	25

QVAESTIO II.

D E Obiecto Logicae. pagina	29
<i>Secl. 1. Vtrum obiectum Logicae sint res obis ab intellectu cognoscibiles.</i>	31
<i>Secl. 2. Vtrum obiectum Logicae sint voces expressiue conceptuum intellectus.</i>	34
<i>Secl. 3. Vtrum obiectum Logicae sit ens rationis siue secunda intentio.</i>	35
<i>Secl. 4. Vtrum obiectum Logicae sit modus sciendi, siue instrumenta recte cognoscendi.</i>	38
<i>Secl. 5. Vtrum cognitio intellectiua quatenus dirigibilis, complectens tres operationes nostri intellectus, sit verum obiectum Logicae.</i>	41

QVAESTIO III.

D E Cognitione intellectiua in communi.	46
--	----

<i>Secl. 1. Quid sit cognitio intellectiua, & quod obiectum habeat.</i>	47
<i>Secl. 2. Quot & qui sint actus intellectiua cognitionis: quam recte assignentur, Apprehensio, Iudicium, & Discursus.</i>	49
<i>Secl. 3. An & quomodo cognitioni intellectiuae rectitudo & veritas inest.</i>	53
<i>Secl. 4. Vtrum Veritas cognitionis sit conformitas conceptus formalis, vel obiectiui ad rem cognitam.</i>	57
<i>Secl. 5. Quid sit ipsa conformitas, in qua veritas cognitionis consistit.</i>	61
<i>Secl. 6. Qualiter cognitioni intellectiua inrectitudo & falsitas inest: & quid ea sit.</i>	64
<i>Secl. 7. De Dirigibilitate cognitionis intellectiuae.</i>	66

QVAESTIO IV.

D E Instrumentis directiuis intellectiue cognitionis.	71
<i>Secl. 1. Quot & qua sint haec Instrumenta.</i>	<i>ibid.</i>
<i>Secl. 2. Quid sint haec Instrumenta.</i>	74
<i>Secl. 3. Qualiter singula Instrumenta cognitionis directioni inserviant: & quomodo disponenda sint.</i>	77
<i>Secl. 4. De Definitione.</i>	79
<i>Secl. 5. De Diuisione.</i>	83

QVAESTIO V.

D E Ente rationis, quod per cognitionem fit, eiusq. directioni inservit.	85
<i>Secl. 1. An sit Ens rationis: & an sit in rebus, vel tantum in mente.</i>	86
<i>Secl. 2.</i>	

Index Quaestionum ac Sectionum.

<i>Seçt. 2. Quid sit ens rationis :</i>	89
<i>Seçt. 3. De Fundamento Entis rationis .</i>	94
<i>Seçt. 4. De Causa effectiua Entis rationis .</i>	98
<i>Seçt. 5. De Productione , & Cognitione Entis rationis .</i>	103
<i>Seçt. 6. Vtrum per omnes tres operationes nostri intellectus fiat ens rationis .</i>	108
<i>Seçt. 7. Quotuplex sit Ens rationis .</i>	111
<i>Seçt. 8. De peculiari specie Entis rationis , quæ dicitur Secunda Intentio : præsertim quomodo cognitioni dirigenda inseruiat .</i>	114

QVAESTIO VI.

D E Vocibus, quæ mentis conceptus exprimunt, & cognitionis directioni inseruiunt .	117
<i>Seçt. 1. An voces sint necessaria: & quid & quotuplex sit Vox .</i>	ibid.
<i>Seçt. 2. Vtrum Voces ex sua naturali virtute , vel ex hominum voluntaria impositione significant .</i>	121
<i>Seçt. 3. Quid sit significatio vocis, & cui nam vox significet .</i>	121
<i>Seçt. 4. Quidnam vox præcipuè significet: An conceptum formalem vel obiectiuum, an cognitionem vel rem cognitam .</i>	123
<i>Seçt. 5. An & quomodo ad significationem Vocis requiratur, atque concurrat notitia tum proferentis tum audientis .</i>	126
<i>Seçt. 6. Vtrum voces possint rem perfectius significare audienti, quàm nota sit loquenti vel saltem æquè perfectè .</i>	128
<i>Seçt. 7. De veritate & falsitate vocum: & quomodo voces cognitionis directioni inseruiant .</i>	133

QVAESTIO VII.

D E rebus omnibus intellectui proponendis per sequentè tractatum de vniuersalibus ad directionem nostræ cognitionis .	133
<i>Seçt. 1. Vtrum in Logica debuerit insitui hic tractatus de vniuersalibus .</i>	ibidem.
<i>Seçt. 2. Quo pacto hic tractatus conferat per se ad directionem cognitionis in communi proponendo res cognoscibiles intellectui .</i>	135
<i>Seçt. 3. Quid in suo libro Porphyrius tractet . Et quid à nobis tractandum sit . Quodue sit huius tractatus obiectum .</i>	137

QVAESTIO VIII.

D E Vniuersali in communi .	pag. 140
<i>Seçt. 1. Vtrum detur Vniuersale .</i>	ibid.
<i>Seçt. 2. Vtrū vniuersale detur à parte rei à singularibus separatim .</i>	143
<i>Seçt. 3. Vtrū vniuersale detur à parte rei in singularibus inclusum: vel sit tantum in mente factum ab intellectu .</i>	148
<i>Seçt. 4. Quid sit vniuersale: Quam bene definiatur, Aliquid vnum aptum esse in multis .</i>	150
<i>Seçt. 5. De Natura vniuersali .</i>	154
<i>Seçt. 6. De Vnitatem naturæ vniuersalis . Vtrum natura à parte rei, & in singularibus sit realiter, vel formaliter vna .</i>	158
<i>Seçt. 7. Vtrum natura secundum se & in sua essentia sit formaliter vna .</i>	165
<i>Seçt. 8. Qualiter natura vniuersalis per operationem, & præcisionem intellectui fiat propriè vna .</i>	168
<i>Seçt. 9. De aptitudine naturæ vniuersalis ad essendum in multis .</i>	172
<i>Seçt. 10.</i>	

Index Quaestionum ac Sectionum.

Secl. 10. Vtrum per unitatem vel per aptitudinem ultimo constituitur uniuersale. 175

Secl. 11. Per quam intellectus operationem praesertim an per notitiam praecisionem vel comparatiua perficiatur uniuersale. 177

Secl. 12. De actu naturae uniuersalis essendi in multis. 181

Secl. 13. De contractione naturae uniuersalis ad essendum in multis. 184

Secl. 14. De predicabilitate uniuersalis. 186

Secl. 15. De alijs proprietatibus uniuersalis. 190

Secl. 16. Quot & quae sint uniuersalia & predicabilia. 192

QVAESTIO IX.

DE Singulari seu Indiuiduo. pagina 199

Secl. 1. Vtrum quicquid est a parte rei singulare, sit & indiuiduum. 200

Secl. 2. Quid sit singulare & indiuiduum. An debeat assignari differentia singularitatis & principii indiuiduationis, quo formaliter constituitur. 202

Secl. 3. Vtrum singulare formaliter indiuiduetur per negationes vel per propriam existentiam. 205

Secl. 4. Vtrum substantia singularis formaliter indiuiduetur per collectionem suorum accidentium. 206

Secl. 5. Vtrum substantia materialis indiuiduetur formaliter per quantitatem. 208

Secl. 6. Vtrum substantia materialis indiuiduetur per materiam signatam. 213

Secl. 7. Vtrum substantia materialis indiuiduetur per formam. 218

Secl. 8. Vtrum accidens singulare indiuiduetur per subiectum, specia-

liter accidens materiale per quantitatem & materiam. 221

Secl. 9. Vtrum singulare in omnibus tandem rebus indiuiduetur per differentiam positiuam intrinsecam. 242

Secl. 10. Vtrum differentia indiuidualis a parte rei, a natura indiuidui distinguatur. 227

Secl. 11. Vtrum differentia indiuidualis perfecta praecisione rationis a natura indiuidui distinguatur. pag. 230

Secl. 12. Vtrum differentia indiuidualis imperfecta solum praecisione rationis a natura indiuidui distinguatur. 234

Secl. 13. Vtrum differentia indiuiduantes, & indiuidua sub certa specie sint in sua entitate intrinseca, prorsus similia. 237

Secl. 14. Vtrum differentia indiuiduantes, & indiuidua ratione ipsarum, sint in sua perfectione intrinseca intra eandem speciem aequalia, vel inaequalia. 240

QVAESTIO X.

DE Genere. pagina 245

Secl. 1. Quid sit Genus: & quae ratione differat ab alijs uniuersalibus. ibidem.

Secl. 2. An genus definiri possit: & quo sensu dici debeat definiri. pagina 250

Secl. 3. Quomodo genus definiatur, atque de speciebus pradicetur. pagina 253

Secl. 4. An & quomodo genus requirat plures species. 257

Secl. 5. An & quomodo genus respiciat etiam indiuidua specterum. pag. 257

Secl. 6. Quotuplex sit genus. 265

QVAE.

Index Quaestionum ac Sectionum.

QVAESTIO XI.

- D**E Specie. pa-
gina. 267
- Secl. 1. Quid sit Species vniuersalis seu predicabilis: qua ratione differat ab alijs vniuersalibus: & quo sit definienda.* ibid.
- Secl. 2. Quid sit Species subycibilis: quomodo referatur ad genus: & quomodo sit definienda.* 270
- Secl. 3. Quomodo in eadem Specie conueniant habitudines vniuersalitatis ad inferiora, & subycibilitatis ad genus.* 274
- Secl. 4. Quotuplex sit Species, tum subycibilis, tum predicabilis.* 278
- Secl. 5. Vtrum Species diuersae debeant omnino esse inaequales, vel possint esse aequales in perfectione essentiali.* 281

QVAESTIO XII.

- D**E Differentia. pa-
gina 286
- Secl. 1. An & qua sit differentia.* ibid.
- Secl. 2. Quid sit differentia; Et quomodo sit definienda.* 289
- Secl. 3. Quomodo differentia sit vniuersale.* 292
- Secl. 4. An & quomodo differentia ab alijs vniuersalibus differat. Et quotuplex sit.* 295

QVAESTIO XIII.

- D**E habitudine generis & differentiae in constituenda specie. 297
- Secl. 1. An & quomodo in constituenda specie debeant genus & differentia designari.* ibid.
- Secl. 2. Vtrum genus & differentia debeant ex distinctis partibus vel ex tota speciei entitate desumi.* 301
- Secl. 3. An differentia constitutiva*

speciei, esse debeat ei, eiusque generi propria. 303

- Secl. 4. An genus & differentia in constitutione speciei distinguantur a parte rei, vel tantum ratione.* 308
- Secl. 5. Vtrum genus & differentia distinguantur perfecta vel imperfecta praecisione rationis.* 311
- Secl. 6. Quonam modo species ex genere & differentia constituantur.* 317

QVAESTIO XIV.

- D**E Proprio & Accidenti. pa-
gina 320
- Secl. 1. An & qua ratione proprium & accedens sint vniuersalia, ab alijs & inter se distincta.* ibid.
- Secl. 2. Quanam natura habeant rationem proprii & accidentis.* 322
- Secl. 3. De proprio.* 325
- Secl. 4. De accidente.* 329

QVAESTIO XV.

- D**E Vniuersalibus in significando, Vniuocis, Aequiuocis, & Analogis. 334
- Secl. 1. De vniuocis & aequiuocis.* ibid.
- Secl. 2. De analogis in communi.* 338
- Secl. 3. De analogis, inaequalitatis, attributionis, & proportionalitatis.* 342

QVAESTIO XVI.

- D**E Rebus omnibus intellectui proponendis per sequentem tractatum Praedicamentorum. 347
- Deq. ipsis Praedicamentis in communi.* 347
- Secl. 1. An & qua ratione praedicamentorum tractatus spectet ad Logicam, & conferat ad directionem nostrae cognitionis: quodque obiectum habeat.* ibid.
- Secl. 2. Quid sint praedicamenta. An & quo-*

Index Quaestionum ac Sectionum.

& quomodo generibus summis & generalissimis consent. AV 330

Secl. 3. Quot & quae sint predicamenta. 357

Secl. 4. Quo pacto dicta predicamenta inter se distinguantur. 360

Secl. 5. Quanam res in predicamentis collocentur. 363

QVAESTIO XVII.

DE Prædicamento Substantiae. 369

Secl. 1. Quid sit substantia. ibid.

Secl. 2. De diuisione substantia in primam & secundam. 371

Secl. 3. Quodnam sit generalissimum, & quae substantia sub eo ponantur, in hoc predicamento. 376

Secl. 4. De diuisione generum & specierum substantia, & coordinatione totius predicamenti. 381

Secl. 5. De attributis & proprietatibus substantiae. 382

QVAESTIO XVIII.

DE Prædicamento quantitatis. 386

Secl. 1. Quid sit quantitas. ibid.

Secl. 2. De diuisione quantitatis in continuam, & discretam. 390

Secl. 3. De diuisione quantitatis continua in permanentem & successiuam. 395

Secl. 4. De speciebus quantitatis continua permanentis. 396

Secl. 5. De speciebus quantitatis continua successiuæ. 400

Secl. 6. De diuisione quantitatis discretæ in permanentem & successiuam. 402

Secl. 7. De speciebus quantitatis discretæ permanentis. 405

Secl. 8. De speciebus quantitatis discretæ successiuæ. 410

Secl. 9. De attributis & proprietatibus quantitatis. 412

QVAESTIO XIX.

DE Prædicamento Relationis. 415

Secl. 1. An & quae sit relatio predicamentalis. ibidem.

Secl. 2. Quo pacto relatio predicamentalis à transcendentali distinguenda sit. 419

Secl. 3. Quo pacto distinguantur relatiua secundum esse & secundum dici: & num sola relatiua secundum esse sint huius predicamenti. 424

Secl. 4. Quid sit relatio predicamentalis: an distinguatur à rebus aliorum predicamentorum. 426

Secl. 5. De subiecto, fundamento, & termino relationis. 428

Secl. 6. An & quod sit genus generalissimum huius predicamenti. 430

Secl. 7. Quot & quae sint genera & species relationum in hoc predicamento. 433

Secl. 8. De attributis & proprietatibus relationis. 437

QVAESTIO XX.

DE Prædicamento Qualitatis. 442

Secl. 1. Quid sit qualitas. ibid.

Secl. 2. De diuisione qualitatis in suas species. 445

Secl. 3. De prima & secunda specie qualitatis: habitu & dispositione, potentia & impotentia. 449

Secl. 4. De tertia & quarta specie qualitatis: passibili qualitate & passione, figura & forma. 452

Secl. 5. De attributis & proprietatibus qualitatis. 456

QVAE-

Index Quaestionum ac Sectionum.

QVAESTIO XXI.

- D**E reliquis sex Prædicamentis.
 pag. 458
Seçf. 1. De ijs sex Prædicamentis in communi. 459
Seçf. 2. De prædicamento Actionis. 461
Seçf. 3. De prædicamento Passionis. 466
Seçf. 4. De prædicamento Vbi. 469
Seçf. 5. De prædicamento Situs. 472
Seçf. 6. De prædicamento Quando. 475
Seçf. 7. De prædicamento Habitus. 478

QVAESTIO XXII.

- D**E comparatione rerum, quæ in prædicamentis positæ sunt. 481
Seçf. 1. De comparatione per oppositionem. 482
Seçf. 2. De comparatione rerum per connexionem. 486

QVAESTIO XXIII.

- D**E primo actu cognitionis intellectiux, nempe simplici apprehensione. 489
Seçf. 1. Quid sit simplex apprehensio, & quod obiectum habeat. *ibid.*
Seçf. 2. An & quomodo simplex apprehensio attingat tantum quid res sit, & non an sit. 492
Seçf. 3. De varietate rerum conceptibilium per simplicem apprehensionem. 495
Seçf. 4. An in simplici apprehensione detur veritas & falsitas. 499
Seçf. 5. Quanam sit simplicis apprehensionis relictus, & qui defectus: dequæ eius directione. 505

QVAESTIO XXIV.

- D**E secundo actu cognitionis intellectiux, nempe Iudicio, & Enunciatione. 507
Seçf. 1. Quid sit iudicium, & quod obiectum habeat. *ibid.*
Seçf. 2. Quo pacto in iudicio nostri intellectus detur compositio & diuisio. 510
Seçf. 3. De unitate & falsitate iudicij. 514
Seçf. 4. Quid sit enunciatio: & quæ sint regula vera enunciationis. 519
Seçf. 5. Quotuplex sit enunciatio, & de speciebus eius. 523
Seçf. 6. De enunciatione necessaria. 527
Seçf. 7. De enunciatione contingenti circa præterita & præsentia. 528
Seçf. 8. De enunciatione contingenti circa futura. 532

QVAESTIO XXV.

- D**E tertio actu cognitionis intellectiux, nempe Discursu & Argumentatione. 593
Seçf. 1. Quid sit discursus, & quod obiectum habeat. *ibidem.*
Seçf. 2. Qualiter in discursu assensus consequentis esse debeat actus distinctus ab assensu antecedentis, eum illoquæ coniunctus. 543
Seçf. 3. Qualiter in discursu assensus consequentis ex antecedentis assensu causetur. 547
Seçf. 4. De veritate & falsitate, bonitate & prauitate discursus. 550
Seçf. 5. De argumentatione: specialiter de syllogismo. 551
Seçf. 6. De materia syllogismi. 554
Seçf. 7. De forma syllogismi: & primo de figuris. 556
Seçf. 8.

Index Questionum ac Sectionum:

- Señ. 8. De syllogismorum modis in singulis figuris.* 360
Señ. 9. Quotuplex sit discursus & syllogismus: præcipue de diuisione eius in scientiæ & opinatiuum, demonstratiuum & dialecticū. 364

QVAESTIO XXVI.

- D**E discursu scientifico: & prius de scientia in communi. 366
Señ. 1. An detur in intellectu nostro scientia. 368
Señ. 2. Vtrum scientia in nobis acquiratur de nouo. 370
Señ. 3. Quid sit scientia. 372
Señ. 4. De obiecto scientia. 377

QVAESTIO XXVII.

- D**E quibusdā diuisionibus & speciebus scientiæ. 384
Señ. 1. De scientia speculatiua & practica: quid sint. ibid.
Señ. 2. Quomodo scientia speculatiua, & practica distinguantur. 387
Señ. 3. De obiecto scientia speculatiue & practica. Specialiter de præxi circa quam versatur scientia practica. 390
Señ. 4. Qualiter praxis sit operatio, qua exerceri possit ab eo, qui habet scientiam practicam. 393
Señ. 5. Quæ tandem operatio sit propriæ & primariæ praxis, circa quā versatur scientia practica. 395
Señ. 6. De scientia subalternante & subalternata. 396
Señ. 7. De scientia totali & partiali: deque distinctione scientiarum totalium. 600
Señ. 8. De distinctione plurium scientiarum practicarum. 602
Señ. 9. De distinctione plurium scientiarum speculatiuarum. 605

QVAESTIO XXVIII.

- D**E demonstratione, per quam acquiritur scientia. 610
Señ. 1. An & quid sit demonstratio. pag. 611
Señ. 2. Quotuplex sit demonstratio: quàm benè diuidatur in demonstrationem propter quid & quia. 612
Señ. 3. De demonstratione, propter quid. 616
Señ. 4. De demonstratione quia. 619
Señ. 5. De præcognitionibus & præcognitis ad demonstrationem requisitis. 622
Señ. 6. De terminis demonstrationis: præcipue propter quid: & prius de extremis. 624
Señ. 7. De medio termino demonstrationis, præsertim propter quid & potissime. 627
Señ. 8. De præmissis demonstrationis. An & quomodo esse debeant, prima, immediata, & per se nota. 631
Señ. 9. An & quomodo præmissa demonstrationis esse debeant priores & notiores conclusionem. 634
Señ. 10. An & quomodo præmissa demonstrationis esse debeant causæ & principia propria conclusionis. pag. 637
Señ. 11. An & quomodo præmissa demonstrationis debeant esse de omni & per se. 638
Señ. 12. An & quomodo præmissa demonstrationis debeant esse de prædicato vniuersali, secundum quod ipsum, & primò. 641
Señ. 13. De forma, figura, & modo demonstrationis. 643
Señ. 14. De circulo & regressu inter demonstrationes. 645

QVAE.

Index Quaestionum ac Sectionum.

QVAESTIO XXIX.

DE Discursu, & Syllogismo, Opinatio, & Apparenti. 649

Seçt. 1. Quid sit opinio, & quomodo differat a scientia. 650

Seçt. 2. An & quomodo opinio probabilis, per discursu ex suis præmissis deducatur: vel ex opinantis voluntate dependeat. 653

Seçt. 3. Quotuplex sit Opinio. 657

Seçt. 4. Vtrum opinio possit haberi simul cum scientia de eodem obiecto. pag. 660

Seçt. 5. De syllogismo opinatio. 663

Seçt. 6. De discursu, & syllogismo apparenti. 667

QVAESTIO XXX.

DE Ordine & Methodo, Res cognoscendi, ac scientias disponendi. 671

Seçt. 1. Quam utilis & necessarius sit ordo ad rectam cognitionem rerum & dispositionem scientiarum. ibid.

Seçt. 2. Quid & quotuplex sit ordo scientificus. 673

Seçt. 3. Quonam ordine naturaliter res cognoscamus, prius ne universalis, an singularis. 677

Seçt. 4. An magis, vel minus universalis, & singularis sub ijs contenta, prius naturaliter cognoscamus. 680

Seçt. 5. An substantiam vel accidentia prius naturaliter cognoscamus. 683

Seçt. 6. Quenam alia prius aut posterius naturaliter cognoscamus. pag. 684

Seçt. 7. Quonam ordine disponi debeat qualibet scientia circa suum obiectum. 687

Seçt. 8. Quanam & quomodo, qualibet scientia debeat considerare circa suum obiectum. 690

Seçt. 9. Quonam ordine debeat scientia, hac qua dicta sunt, considerare circa suum obiectum. 694

Seçt. 10. Quonam ordine debeant disponi varia scientia inter se. pag. 698

Finis Indicis Quaestionum & Sectionum.

LOGICAE INSTITVTIONES.

A V C T O R E

P. RAPHAELE AVERSA A SANSEVERINO,
Clericorum Regul. Minorum.

P R A E F A T I O.

DE RATIONE ET OBIECTO
HARVM INSTITVTIONVM.

*Institu-
tiones sūt
breuissimae
Logicae.*



INSTITVTIONES hę
Logica quędam sūt, par-
ua & breuis. Vbi non im-
meritō dixerim. Logitam
bis proponi atque describi
prius quidem summa-
rijs Institutionibus com-

prehensam: postea plenis Quæstionibus
diffusam. Hoc ergo Præurum Opuscu-
lum, ex ipsis visceribus Logicę col-
lectum atque depromptum, doctrinam
logicam breui complexu præmitit Aliud
Opus erit ipsa Logica per suas Quæstio-
nes extensa. Hinc præsens Opusculum
plures appellationes, idem tamen sonan-
tes, sortitam est. Nam dicuntur Sum-
mulę, Introducciones, Institutiones,
Summulę, quia in breuem summam re-
digunt quę deinde erunt fusiüs pertra-
ctanda. Introducciones, quia humanum
ducunt ingeniũ ad profundiores quęstio-
nes interius perlustrandas. Institutiones
demũ, quia ad ipsammet Logicã capessen-
dã nouos Tyrones instruunt & disponunt.

Optimis atque conuenientissimis
rationibus factum est, vt Studiosorum
mentes ad Logicam perdiscendam hæc In-
stitutiones præuie præpararent. Est eti-
nim Logica, cùm tota in interna conside-
ratione versetur, ab externis sensibus, re-

busquę exterius cõsuetis, adeo abstracta,
atque remota: vt rerum nouitate & ob-
scuritate faciliẽ animus primo intuitu ter-
reretur, ab inceptoque proposito resili-
ret. Ideo Summulę præcurrunt, in qui-
bus quędam faciliora Logicę præliban-
do, incipiat ingenium assuescere, resquę
has sibi aliquantum familiares redditas
libentiũs animosiusquę arripiat.

Deinde, cùm Logica sit superiorum
ianua facultatum, ad illam communiter
accedunt homines, grauioribus & acro-
ribus disputationibus insueti, in quibus
eorum opinionum perplexitate, argumentor-
um subtilitate, rationum copia hinc in-
de differitur. Vnde viderentur sibi statim,
tanta mole opprimi & confundi.
Quis ergo non videat, quanti solatij &
iuuamini futurum erat, prius aliquam
doctrinę partem, remisso disputationis
impetu, per modum potius narrationis
exponi? vt quasi in plana commodaquę
via, etiam rudes & inexperti pergere
non horrerent, sequę paulatim ad
maiora & altiora introduci gauderent:
donec tandem etiam inter disputationum
æstus, & contentionum fluctus,
se saluos in tuendis opinionibus, & validos
in repellendis, inno & oppugnandis
aduersis, fore confidant.

*Merito
præmis-
suntur.*

Postremo, cum Logica pari ferè necessitate, qua ad ceteras disciplinas etiam ad se ipsam perfectè assequendam quodammodo requiratur: quia nimirum & ipsa arte sciendi ad sciendas res logicas indigemus, & ea quæ in progressu ad finem vsque Logicæ pertrahemus, apta sunt ad prima quoque exordia deservire: ideo fieri oportebat, ut quasi Logica Logicam præveniret; & si cæteris scientijs famulatur, pariter se ipsam ipsa iuvaret. Atqui fieri non poterat, ut tota toti Logicæ anteiret. Perutiliter ergo & prorsus laudabiliter excogitatum est, ut brevior quædam Logica pleniori Logicæ præluceret. Hisquæ Institutionibus intrueretur ingenia scientiæ cupida ad perfectè assequendam Logicam in quaestionibus sequuturam.

Caterum expedit, quadam in his Institutionibus prolixius tradere, & quadam non oportet attingere. Illa nimirum plenius trademus, quæ magis necessaria erunt ad ipsammet Logicam capessendam, & quæ hic ita semel poterunt expediri, ut amplius repeti non oporteat. Alia verò quæ minus necessaria in his initijs videbuntur, ad proprios tractatus ex integro differemus.

*Habent
idem ob-
iectum ob-
iectum Lo-
gica, co-
gnitionem
intellecti-
vum.*

Totum autem harum Institutionum obiectum, idem prorsus, quod ipsius Logicæ constituendum est. Quælibet enim scientifica facultas habere debet aliquam rem certam & determinatam, de qua tractet, quæ dicitur materia & obiectum uniuscuiusque scientiæ. Et præsertim, quia extant varix operationes, quæ ab homine rectè aut pravè exerceri possunt, ac solent: ideo ad hoc ut quælibet operatio ritè & ordinatè, absque errore atque defectu fiat, debuit institui aliquid, peculiaris ars atque scientia, quæ hominem ad talem operationem rectè exercendam dirigeret, quæ leges & præcepta traderet rectè operandi, quæ etiam instrumenta conficiat siue disponat, quibus homo operationem suam dirigere

debeat. Ita, quoniam actio, v. g. canendi, potest benè aut malè fieri: ars quædam peculiaris instituenda fuit, quæ hominem edoceret, quo pacto benè canere posset; regulas traderet, quibus observatis actio canendi benè & suauiter, ac sine errore fieret; instrumenta etiam quædam apta conficeret ad actionem canendi dirigendam, notas scilicet atque figuras certo modo dispositas. Quæ ars appellata est Musica.

Inter operationes autem humanas, præcipuum locum tenet, & præclarissima est, Cognitio nostra intellectiua. Hæc intellectus nostri operatio pluribus defectibus & erroribus obnoxia est: multa enim sunt quæ penitus ignorantur: & circa ea quæ menti occurrunt, sæpius intellectus aberrat: vel apprehendendo res aliter ac sunt, concipiendo v. g. Angelum tanquam corporeum: vel iudicando esse verum, quod in re falsum est, aut esse falsum, quod in re verum est: vel tandem ex vna re cognita, aut purata, malè inferendo aliam. Hinc ergo instituenda omnino fuit certa quædam facultas, quæ cognitionem nostram dirigeret, quæ intellectum à defectibus & erroribus liberaret, quæ regulas & instrumenta traderet rectè cognoscendi. Hanc facultatem appellamus Logicam, cuius proprium munus est, cognitionem intellectiuam dirigere ut rectè exerceatur, præcauere ne in cognoscendo erremus, regulas præcepta & instrumenta tradere, quibus omnem intellectus nostri cognitionem dirigere sciamus & valeamus.

Obiectum ergo Logicæ, harumque Institutionum, est cognitio nostra intellectiua, in quantum dirigibilis est. Hoc obiectum in omni huius facultatis tractatu consideratur, ad hoc omnia reducuntur quæ in Logica pertractantur. Et similiter hinc ob quem hæc scientia instituta est, est rectitudo & perfectio cognitionis intellectiue, ad quem vaiuersa Logica ordiatur.



TRACTATUS PRIMVS.

De Cognitione intellectiua eiusquè directione in communi.

Institutiones has eadem ferè ordinis ratione contexere cogitamus, quæ postea totam ipsam Logicam. Nisi quòd Logicam per Quæstiones & Sectiones, Institutiones has per Tractatus & Capita diuidemus, quod magis præsentì stylo congruere iudicamus. Et quoniam cognitio intellectiua plures continet actus: hoc primo Tractatu totam ipsam in còmmuni consideramus: deinde alios tractatus, pro numero & distinctione actuum eius, apto ordine subnectemus.

CAPVT PRIMVM.

De Cognitione intellectiua, eiusquè triplici actu; Apprehensione, Iudicio, & Discurso.

*Cognitio-
nis ratio.
& obiectum.*

Cognitio hæc in communi est actus potentie intellectiue, quo nobis repræsentatur obiectum: dum nempe mente aliquid cogitamus, illiusquè notitiam habemus. Versari autem potest nostra intellectiua cognitio circa omnes prorsus res, nulla excepta: imò etiam circa negationes rerum & circa non entia: atque circa obiecta quædam, quæ cum ipsa non sint excogitantur à nobis, ab ipsoquè intellectu suamet cognitione funguntur, & propterea dicuntur entia rationis. Habet ipsa cognitio, quando perfecta est, rectitudinem & veritatem, quam assequi intendimus. Habet, quando deficit, inrectitudinem, aut etiam falsitatem, quam modò repellere studemus. Habet in communi dirigibilitatem, idest aptitudinem & capacitatem rectitudinis, in qua fundatur hæc scientia directiua.

Præcipuè considerandum est, tres esse actus & velut gradus huius nostre cognitionis. Primus actus dicitur Apprehensio simplex. Secundus Iudicium. Tertius Discursus.

Apprehensio.

Simplex apprehensio est, dum intellectus simplici modo cognoscit & concipit aliquid, non iudicando an illud sit, vel non sit, non quicquam affirmando aut negando. Vt cum simpliciter menti repræ-

sentatur, Homo, Angelus, antequam affirmemus vel negemus quicquam de homine, dicendo homo est albus, homo non est lapis, vel quid aliud simile. Illa inquam ita simplex apprehensio, est primus actus intellectiue cognitionis, est prima operatio nostri intellectus. Quæ sic breuiter explicatur: est cognitio qua aliquid simpliciter concipitur absque determinato iudicio.

Iudicium est, dum intellectus apprehensa aliqua re, determinatè iudicat aliquid de illa affirmando vel negando. Vt cum iudicat & affirmat, homo est animal: vel cum iudicat & negat, homo non est lapis. Si iudicium exerceret affirmando, dicitur affirmatio, atque etiam compositio. Si negando dicitur negatio atque etià diuisio. Vnde còmmuni vtu loquendi hæc operatio intellectus appellatur absolute compositio & diuisio, ad differentiam apprehensionis quæ dicitur simplex, idest carens compositione & diuisione. Hæc est itaque secunda operatio intellectus: quæ est cognitio qua intellectus aliquid determinatè iudicat, affirmat, aut negat.

Discursus demum est idum intellectus, cognita aliqua veritate, ex illa deuenit in cognitione aliterius veritatis, inferendo vnum ex alio. Vt cum intellectus præcognoscit hanc veritatem, omne totum esse maius sua parte, similiter cognoscit brachium esse partem hominis: & exinde infert & dicit, ergo homo est maior brachio, atque ita deuenit in cognitione huius determinatæ veritatis. Ideoque hæc actus cognitionis appellatur discursus, quasi quo intellectus ex vno in aliud excurrat. Atque hæc est tertia nostri intellectus

Iudicium

Discursus

4 Institutionum Tractatus Primus.

lectus operatio : quæ est cognitio quæ intellectus vnum ex alio infert .

Hi tres cognitionis actus dirigendi erunt .

Hos omnes tres actus nostræ cognitionis, Logica adequatè sibi dirigendos assumit. Quilibet enim eorū à debita rectitudine deficere pòt, imperfectè apprehédendo, falsè iudicando, præuè discurrendo. Primū itaq. actum Logica dirigit, tradendo modum, quo res ritè & perfectè apprehendamus. Secundū dirigit, edocendo quo pacto verè iudicandum sit, quid affirmandū, quid negandū. Tertium tandè dirigit, tradendo regulas & præcepta, quibus vnū ex alijs rectè debeamus inferre .

CAPVT II.

De Instrumentis directiuis cognitionis .

Plura exstant instrumenta cognitionis directiua .

Sicut aliz artes suorum operum directrices habent certa quædam & proportionata instrumenta ad rectè efficienda sua opera : Ita Logica habet etiam sua quædā instrumenta directiua cognitionis, quæ propterea appellantur etiam modi sciendi, modi rectè cognoscendi. In instrumentis Logica vritur ad tradendas certas regulas & præcepta, quibus perficiat directionem cognitionis quam intendit. Cùm autem distincti sint tres actus intellectiue cognitionis : plura etiam instrumenta sunt, quæ vel certæ alicui & peculiari cognitioni affixa sunt, vel communiter ad omnem cognitionis actum, adequatè deferuntur .

Definitio. Solent autè tria præcipuè instrumenta *Diuisio* : Logicæ designari, Definitio, Diuisio, & *Argumentatio* : Argumentatio. Omnino tamen addenda est etiam Enunciatio, tanquam constitutum & vtilissimum instrumentum. *Definitio* est, quæ explicatur natura & essentia rei: vt cum explicamus essentiam hominis, dicendo homo est animal rationale. *Diuisio* est, quæ aliquid totū diuiditur & distribuatur in suas partes : vt cùm dicimus, animal aliud est rationale aliud irrationale. *Enunciatio* est, quæ aliquid affirmatur aut negatur de aliquo, homo est albus, homo non est lapis. *Argumentatio* est, quæ ex vna vel pluribus enunciationibus infertur alia : vt cum dicimus, Sol lucet, ergo dies est, & similia. Hæc sunt donec instrumenta quibus Logica

vritur, tradendo suas regulas & præcepta, ad dirigendam nostram cognitionem .

Ex his instrumentis, argumentatio est proximum & aptissimum instrumentum ad dirigendum discursum, quæ erat tertia operatio intellectus. Ita enim satis aperte constat ex natura ipsa discursus & ratione argumentationis . Similiter dici debet enunciatio proximum & aptissimū instrumentum ad dirigendum iudicium, quæ erat secunda operatio intellectus. Nā per viam enunciationis Logica tradit regulas & præcepta propria ad directionē iudicij : & ita se habet enunciatio ad secundam, sicut argumentatio ad tertiam operationem . Definitio autem & diuisio non tam videntur propriæ alicui certæ operationi affigi, sed potius communiter & adequatè ad omnes tres operationes deferri. Vnde sunt quædam communia instrumenta . Nam definitio per se iuuat ad explicitam apprehensionem rei, ad rectam etiam & veram affirmationem, ad legitimū etiam & conuenientem discursum. Imo Arist. in sua Logica, nō nisi in 1. Poster. lib. per ordinem ad demonstrationem quæ perficit excellentissimum discursum, de definitione tractauit. Similiter diuisio iuuat ad distinctè apprehendendas res, ad rectè affirmandum vel negandum, & tandem ad rectè discurrendum. Neque simplex apprehensio, cū sit infimus gradus nostræ cognitionis, ita indigebat alio suo peculiari instrumento, in quo fundarentur propriæ regulæ & præcepta directionis, sicut enunciatio conuenit secundæ, & argumentatio tertię operationi.

Præter hæc, Instrumentum etiam quoddam est, Methodus siue ordo, quo res omnes in cognoscendo rectè disponantur, vt suis quæque locis collocentur . Verum quia hæc est quædam conditio generalis totius directionis, quæ per ante dicta instrumenta perficienda est, nō tam est nouum instrumentum prorsus cōstitutū à reliquis, quàm potius est complementum quoddam ipsorummet instrumentorum .

Iuxta hæc igitur, de argumentatione simul cum discursu, de enunciatione simul cum iudicio agendum erit : de definitione autè & diuisione hoc loco cōmuni agendum est : de Methodo verò in finem Logicæ referuamus .

Definitio & diuisio sunt instrumenta cōmunia, enunciatio & argumentatio propria .

Additur Methodus .

CAPVT TERTIVM.

De Definitione.

Definitio ita appellatur ex metaphora sumpta à terminis, seu finibus agrorum, vt notauit Quintil. lib. 7. cap. 4. ex eo quod per definitionem certis quibuldam finibus terminatur & circumscribitur. Vnde Arist. sapè definitionem appellat terminum.

*Definitio
nis ratio.*

Definitio igitur est oratio explicans naturam & essentiam rei. Ita ferè Arist. 2. Post. cap. 10. Dicitur oratio: quia essentia rei non potest vna tantum voce, seu dictione plenè explicari: sed debent plures ad minus duæ dictiones in rei explanatione coniungi, & ita definitio debet esse oratio. Quelibet enim res habet rationem aliquam qua cum alijs rebus conueniat, & aliam rationem qua ab ijs disceratur. Et hæc duæ rationes per definitionem explicandæ sunt: quod vnicui vocabulo præstari non potest. Vt in hac ipsa definitione definitionis quam modò tradimus, ponitur particula oratio, qua definitio cum alijs orationibus conuenit: ponitur item explicans naturam & essentiam rei, quod soli definitioni proprium est: & quæ ita definitio ab omnibus alijs orationibus differens redditur. Potest autem sumi definitio, vel pro oratione perfecta, idest pro integra enunciatione includendo etiam ipsum definitum & completam affirmationem: vt cum dicimus homo est animal rationale. Vel sumi potest pro ratione imperfecta & diminuta, idest pro solis illis particulis quæ affirmantur de definito: vt in exemplo posito se habent animal rationale: quo pacto dici solet definitio prædicatur de definito, conuenit cum definito, & similia.

*Definitio
nominis
& rei.*

Deinde duplex est definitio, alia nominis, alia rei. Definitio nominis est: quæ explicat vim & significationem nominis: vt si definatur hoc nomen Homo, dicendo: est nomen significarium animalis rationalis. Sub nomine autem hic nunc intelligitur non solum nomen, propriè dictum, sed etiam verbum, & & omne vocabulum. Hac autem solet

appellari definitio quid nominis. Definitio rei est, quæ explicat naturam & essentiam rei significatæ per nomen: vt dicendo homo est animal rationale. Et hæc dicitur definitio quid rei. Quia, tamè, cum definitur, se habet vt res quædam, nempe vt res definita: idè de nominis definitione non oportet distinctè loqui: sed absolute de rei definitione satis est loqui.

Rursus ergo definitio multiplex est. Alia est causalis, quæ explicat rem per suas causas: vt homo est quoddam animal ordinatum ad æternam beatitudinè, quæ definitio est per causam finalem, idest per finem ad quem creatus est homo. Alia est descriptiua, quæ absolute solet appellari descriptio: & est quæ explicat rem, nõ per prædicata verè essentialia, sed per quasdam proprietates enascèntes ab essentia rei: vt homo est animal risibile: risibilitas enim non est per se de essentia hominis, sed manat ab essentia, & distinguit hominè ab alijs rebus, quia est propria hominis. Alia præcipuè est definitio essentialis, quæ absolute vocari solet Definitio: & est quæ veram essentiam, & naturam rei per prædicata essentialia, siue per partes essentielles ipsius rei manifestat: vt homo est animal rationale.

*Definitio
causalis.
descripti-
ua, & es-
sentialis.*

Hæc autem definitio essentialis duplex est: alia enim traditur per genus & differentiam: alia per materiam & formam. Primo modo definimus hominem, dicèdo est animal rationale. Secundo modo, dicèdo est compositum constans ex corpore organico & anima rationali. Postea autem explicabimus magis genus & differentiam, quæ magis spectat ad Logicam. Nunc satis est dicere, per genus explicari conuenientiam rei definitæ cum alijs rebus consimilibus: per differentiam explicari discrimen, vel ab omnibus prorsus rebus, vel saltem ab ijs, cum quibus ipsa res conueniebat ratione generis: quod totum clarè patet in definitione tradita hominis, animal rationale. Et similiter per materiam indicatur conueniètia vnius compositi cum alijs similibus: per formam indicatur ratio propria ac distinctiua ab alijs compositis. Ad cognoscendum autem quæ definitio ex genere & differentia, quæ verò ex materia & forma cõstet,

*Definitio
essentialis,
meta-
physica, et
physica.*

hæc regula potest obseruari. Quando prædicata quæ ponuntur in definitione, possunt singula per se de definito prædicari; definitio erit ex genere & differentia: sic dicimus homo est animal, est rationalis. Quando verò partes per se prædicari non possunt, definitio erit ex materia & forma: sic dici non potest, homo est corpus organicum, est anima rationalis. Definitio quæ constat ex genere & differentia, dicitur Metaphysica: quæ ex materia & forma, dicitur definitio Physica.

*Definitio
nis,*

Cæterum ad rectè construendam definitionem, plures conditiones recenseri solent. Sed sufficiunt tres afferre, quæ omnibus diuersis definitionibus sunt communes.

*Prima cõ
ditio.*

Prima est, vt definitio sit clarior definito. Cùm enim definitio ponatur ad explicandam essentiam rei, quam prius confusè & indistinctè in re quæ definitur concipiebamus, debet omnino esse clarior definito. Non enim potest ignotum per æquè ignotum & obicurum manifestari. Ad hanc conditionem spectat, quod docuit Arist. lib. 6. Topic. cap. 2. loc. 17. & alibi, definitionē debere tradi per priora & notiora: quia ex notis debent manifestari ignota.

*Secunda
conditio.*

Secunda conditio est, vt conuertatur cum definito: ita vt de quocunque dicitur definitio, dicatur etiam definitum; & de quocunque dicitur definitum, dicatur definitio. Vnde non benè definiret, qui diceret homo est animal terrestre: quia hæc definitio dicitur de alijs animalibus quæ non sunt homo. Item non benè definiret, qui diceret homo est animal currens: quia multi sunt homines, qui non currunt.

*Tertia cõ
ditio.*

Tertia conditio est, vt definitio non sit diminuta, nec contineat aliquid superfluum. Hæc dicitur definitio diminuta: homo est substantia rationalis: quia addi deberet, substantia corporea sensitiua, quæ idem est quod animal. Item diminuta definitio esset: homo est constans ex anima rationali: quia debet addi & corpore. Et contra definitio contineret aliquid superfluum: si diceretur, homo est animal rationale bipes: hæc enim vltima particula esset superflua. Hæc sunt præcipue conditiones bonæ definitionis,

ad quas reduci possunt aliæ quæ congeri solent, sed in eundem sensum redeunt.

CAPVT QVARTVM.

De Diuisione.

Diuisio est oratio, qua totum aliquod in suas partes mentaliter distribuitur. Totum quod diuiditur, dicitur diuisum: partes in quas diuiditur, dicuntur membra diuidentia. Sed quia multiplex est diuisio, meliùs omnino ipsius diuisionis ratio innotescet, afferendo & explicando varios diuisionis modos.

Alia est diuisio nominis, alia rei. Diuisio nominis est, quando nomen aliquod siue verbum, siue oratio, in varias quas habere pòt significationes distribuitur. Quæ diuisio multùm deseruit, in disputando, ad inueniendam dicti veritatem, ad rectè iudicandum & discurrendum. Vnde in qualibet scientia huius diuisionis est frequentissimus vsus.

*Diuisio
nis ratio.*

*Diuisio
nominis,
& rei.*

Diuisio rei est, qua res aliqua habens partes, distribuitur in suas partes. Quæ rursus multiplex est, iuxta diuersos modos totius & partium. Diuiditur totum in suas partes physicas, scilicet materiam & formam, vt cùm dicimus, hominis alia pars est corpus, alia anima. Et hæc dicitur diuisio physica. Diuiditur totum in partes metaphysicas, quæ sunt genus & differentia: vt cùm dicimus hominis alia pars est animal, alia rationale. Et hæc dicitur diuisio metaphysica. Diuiditur item totum in suas partes integrâtes: vt cùm in homine consideramus caput, brachia, &c. & in aqua multas guttas. Et vbi partes sunt eiusdem rationis inter se, vt in aqua: dicuntur partes similes & homogeneæ. Vbi sunt diuersæ rationis, vt in homine: dicuntur partes dissimiles & heterogeneæ. Diuiditur totum vniuersale in sua inferiora: vt substantia in spiritum & corpus: animal in rationale & irrationale. Diuiditur item subiectum per sua accidentia: vt homines alij sunt albi, alij nigri. Et cõuerso accidens per sua subiecta: vt alborum aliud est nix, aliud cygnus, &c. Potest demum aliquod subiectum diuidi quodammodo per accidentia quæ illi vni insunt: vt cùm

*Diuisio
physica, est
metaphy-
sica, inte-
gralis,
vniuersa
li, & ac-
cidentia-
lis.*

in pomo distinctè consideramus odorem, colorem, saporem, &c.

Ceterum assignandæ modò sunt conditiones ad bonam diuisionem requisitæ.

*Diuisio-
nis.
Prima cõ
ditio.*

Prima est, vt membrum diuidens adequatè contineatur sub toto diuiso. Itaque non potest diuidi totum in partem aliquam quam non continet: vt si diuideretur substantia spiritalis in intellectiua & non intellectiua; nam substantia non intellectiua non continetur sub genere substantiæ spiritalis. Similiter non benè diuideretur homo in rem albam & nigram; quia non omnis res alba aut nigra est homo. Sed benè diuiditur homo in hominem album & nigrum: quia hæ partes adequatè continentur sub toto diuiso.

*Secunda
conditio.*

Secunda conditio est, vt non diuidatur totum in partes, quas remotè continet: sed quantum fieri potest diuidatur in partes proximas. Vnde non benè diuideretur substantia immediatè in hominem, leonem, lapidem, &c. sed immediatè diuidi debet in spiritualem & corpoream.

*Tertia cõ
ditio.*

Tertia conditio est, vt vnum membrum diuidens non includatur in alio. Itaque non benè diuideretur substantia in substantiam corpoream & animatam: quia substantia animata includitur in genere substantiæ corporeæ. Sed debet diuidi substantia in corpoream & incorpoream, vel animatam & inanimatam.

*Quarta
conditio.*

Quarta conditio est, vt totum diuisum contineat aliquid aliud vltra partem, quamlibet per se sumptam. Vnde non benè diuideretur homo in risibilem & doctum: quia homo conuertitur cum risibili, & non continet alios homines non risibiles. Benè tamen diuiditur homo in doctum & indoctum. Benè etiam diuiditur in suas partes essentielles animal & rationale: quia continet aliquid vltra rationale, scilicet animal. Itaque non dicemus, homo alius est animal, alius rationalis: sed hominis quædam pars est animal, & quædam rationalis.

*Quinta
conditio.*

Quinta conditio est, vt totum diuisum non contineat aliquid aliud vltra omnia membra diuisiua. Quocirca non benè diuideretur animal in rationale & aquatile & terrestre: quia continet præterea animal volatile seu æreum. Vt ergo diuisio

fit adequata & non diminuta, debet cõplecti omnes partes, omnia membra, quæ continentur in toto diuiso. Atque hæ sunt præcipuæ conditiones bonæ diuisionis, ad quas reduci possunt siquæ aliæ inueniantur.

CAPVT QVINTVM.

De Ente rationis, quod per cognitionem fit, eiusquæ directioni inseruit.

PRÆTER dicta instrumenta cognitionis directiua, ad cognitionem intellectiua, eiusquæ directionem spectat etiã ens quod dicitur rationis, siquæ ab intellectu per cognitionem, & aliquo modo deseruit ad ipsius cognitionis directionem.

Ens ergo rationis intelligitur illud, quod non est verè & realiter in rebus, sed est in mente per cogitationem & operationem intellectus: & ideo dicitur ens rationis, quasi ens mentis, ens intellectus. Et præcipuè dupliciter sumi potest iuxta frequentiore loquendi modum. Vno modo pro denominatione, desumpta ab ipsis actibus intellectus, & attributa rebus, quæ intellectui representantur. Dum enim intellectus cognoscit aliquid, id vtrique dicitur cognitur: dum intellectus apprehendit aliquid, id dicitur apprehensum: dum intellectus affirmat vnum de alio, illud dicitur predicatum, aliud subiectum: dum infert vnum ex alio, illud dicitur consequens, aliud antecedens. Alio modo sumitur pro obiecto aliquo quod excogitatur & fingitur ab intellectu, cum reuera non sit: vt cum mente cogitamus Chimeram siue Hircocerum, tanquam animal compactum ex natura hirci & cerui: cum cogitamus in pariete vno tanquam relationem & respectum ad oculum videntem, cum reuera non sit talis relatio: cogitamus cæcitatem in oculo quasi formam quandam possumus.

Ens rationis primo modo dictum, fit distributiue per omnes tres operationes intellectus. Aliquod fit per primam, vt esse apprehensum. Aliquod per secundam, vt esse predicatum & subiectum. Aliquod

*Ens ratio-
nis expli-
catur.*

*Per quem
actum co-
gnitio nis
fit.*

per tertiam, vt esse antecedens & consequens. Ens rationis secundo modo dictum, omnino debet esse in prima operatione: sed potest consequenter esse in alijs duabus. Circa idem enim obiectum possunt exerceri omnes tres operationes: ita tamen quod non possit exerceri secunda aut tertia sine prima. Et similiter non potest dari denominatio prædicati, & subiecti, antecedentis & consequentis in aliquo obiecto, quin antecedit denominationem apprehensi: sed hæc sunt distinctæ denominationes, prouenientes ex ipsis distinctis actibus intellectus.

Rursus coniungendo vtrumque modum entis rationis, fieri potest, vt intellectus per reflexionem cogitando obiectum esse à se apprehensum, &c. concipiat has denominationes tanquā relationes quasdam in ipso obiecto, quæ tamen reuera non sunt: quicquid formaliter in ipso obiecto: & sic fingat relationem apprehensi, relationem prædicati, & sic de alijs huiusmodi denominationibus. Hoc ens rationis propriissimè dicitur secunda intentio: quia primo loco intellectus exercet suos actus circa obiectum in se, secundo loco per reflexionem recogitat de illis denominationibus conuenientibus obiecto ratione primorum actuum; & ideò appellatur secunda intentio. Et hinc vterius quandoque intellectus præsupposita prima aliqua cognitione, seu apprehensione, postea per aliam repetitam cognitionem, seu apprehensionem, cogitat & effingit aliquam formam rationis, quæ scilicet in re non est; tale ens rationis appellatur secunda intentio, appellatur etiam ens rationis logicum.

Hoc ens rationis specialiter est, quod aliquo modo inferuit Logicæ ad directionem nostræ cognitionis. Et præcipue inferuit quia cum Logica in tradenda sua doctrina opus habeat sæpè nominare illa circa quæ versantur actus nostræ cognitionis, vtrius talibus nominibus secundarum intentionum. Appellat prædicatum subiectum, antecedens consequens, item genus speciem, abstractum concretum, & alia quæ passim occurrunt.

CAPVT SEXTVM.

De Vocibus, quæ mentis conceptus exprimunt, & Cognitionis directioni inferuiunt.

Notum est, cognitioni nostræ internæ proximè correspondere sermonem vocalem, quo mentis nostræ conceptus manifestamus. Itaque voces maxime pertinent ad nostram cognitionem, & ad eius directionem in Logica conferunt.

Vox in communi definitur: Sonus animalis ore prolatus per naturalia instrumenta. Sonus enim competit omnibus corporibus, vt patet. At non omnis sonus est vox; sed solum qui ab animali efficitur, & qui ore profertur, per naturalia quædam instrumenta formatus. Competit autem non solum homini, sed etiam brutis. Sermo tamen est proprius homini.

Deinde vox duplex est: alia est significatiua, alia non significatiua. Voces non significatiuæ sunt, quæ non indicant certam aliquam rem, vt Blitiri, & aliz quæ humano arbitrio à quouis fingi possunt. Voces significatiuæ sunt, quæ rem aliquam indicant & demonstrant, atque sunt rem aliquam notificare audienti. Signum enim est, quod non solum secundum se perspicitur, sed denotat aliquid aliud; & ita significare est denotare & notificare aliquid præter ipsum signum. Huiusmodi voces significatiuæ sunt illæ quibus animi nostri conceptus exprimimus.

Et rursus vox significatiua duplex est: alia significatiua naturaliter: alia significatiua ad placitum. Naturaliter significant quædam voces, quæ non certa aliqua impositione hominum, sed naturali instinctu aliquid demonstrant: sic gemitus naturaliter significat dolorem, risus, lætitiā. Ad placitum significant voces articulatae, quibus in humanis colloquijs vtitur: vt Homo, Angelus; Curro, Legos & aliz innumeræ. Dicuntur significare ad placitum: quia non ex natura rei determinata & instituta erant tales voces ad tales res; sed libera hominum impositione & institutione factum est, vt

Vox definitur.

Vox significatiua, et non significatiua.

Vox significatiua naturaliter & ad placitum.

Quomodo cognitio- nis direc- tioni inferuiat.

talís restali voce significaretur, vt talís vox talem rem significaret. Vnde apud diuersas nationes extant adeò diuersæ voces ad easdem res significandas: & è conuerso sæpè eadem voces apud diuersas nationes diuersas res significant.

Præterea sicut distincti sunt tres actus intellectiue cognitionis: ita etiam extant voces proportionatæ, quæ ipsidem actibus correspondent: & aliæ exprimentur simplices conceptus primæ operationis: aliæ determinata iudicia secundæ: aliæ illationes tertię operationis: & hæ omnes voces dicuntur subiecti loco conceptuum.

*Voces ferri
pta.*

Insuper voces omnes non solum ore proferuntur, sed etiam litteris conscribuntur. Vnde extat non solum sermo vocalis, qui profertur & transir, sed etiã scriptura quæ permanet. Et ita scriptura apta est significare non solum præsentibus, sed etiam absentibus: & non solum eo tempore quo fit, sed etiam toto tempore sequenti. Et pari modo litteræ, quæ scribuntur, sunt ad placitum institutæ: ideòquè etiam apud diuersas nationes, variæ sunt characterum figuræ, quibus res scripto consignantur.

*Voces de-
ferunt
ad cogni-
tionem di-
rigendā.*

Postremò voces omnes valde deferunt ad directionem nostræ cognitionis: non solum quia per voces traditur, & communicatur doctrina logica de directione: quod commune est omnibus alijs scientijs & humanis colloquijs. Sed specialiter, quia cum voces expriment mentis conceptus, & quodammodo gerant vicem actuum interiorum intellectus: sicutque nobis exterius notæ, atque sensibiles: pleraque quæ Logica docere intendit de ipsis conceptibus & mentis actibus, proximè & immediatè docet de ipsis vocibus: vt in progressu constabit. quod non modicam facilitatem, &

commoditatem af-
fert in dirigen-
da nostrā
cognitio-
nem.



CAPVT SEPTIMVM. De Rebus omnibus intellectui proponendis ad dirigendam cognitionem.

Quoniam cognitio omnis versatur circa res quæ cognoscuntur: commodum valde est & vtile ad directionem nostræ cognitionis, hic in Logica breuiter intellectui proponere & sub certis capitibus distinguere res omnes cognoscibiles: hinc enim maximè iuuabitur intellectus, ad rectè procedendum in sua cognitione circa ipsas res. Item quoniam Logica instituta est tanquam introductio ad alias scientias: valde etiam confert ad maiorem ipsarum scientiarum facilitatem, præuiam quandam rerum notitiam præbire, de quibus postea exactè & exquisitè est in alijs scientijs pertractandum.

Hæc autem distincta enarratio rerum per se iuuat ad dirigendam omnem intellectus cognitionem, omnesquè tres operationes: & ideò in hoc primo tractatu collocandam censuimus. Iuuat ad apprehendendum: vt nempe distinctè & explicitè varias res secundum proprias rationes concipere valeamus. Iuuat ad iudicandum: vt rectè & verè vnum de alio prædicare sciamus: & vt verum à falso discernere edicamus. Iuuat ad discernendum: vt probè vnum ex alio inferre dignoscamus. Quod totum satis est ipsa experientia exploratum.

Atque duplex in Logica tractatus extat ad res omnes intellectui proponendas. Primus est, quo ad communia quædam capita res omnes reducuntur. Secundus est, quo per speciales quædam classes res omnes distribuuntur. Primus est, qui dicitur Tractatus Vniuersalium, seu Prædicabilium. Secundus est, qui dicitur Tractatus Prædicamentorum.

CAPVT OCTAVVM.

De Vniuersali & Singulari.

Res omnes aut vniuersales sunt, aut singulares. Vniuersale est, quod est

*Res om-
nes utili-
ter per Lo-
gicam in-
tellectui
proponun-
tur.*

*Res om-
nes sunt*

*vniversa
les & sin-
gular es .*

est commune multis, predicatur de multis : vt homo dicitur de Petro, & Paulo, alijsquē singulis hominibus : substantia dicitur de Angelis & de corporibus . Singulare est quod non communicatur pluribus non diuiditur in plura : vt hic homo Petrus, hic equus, hic lapis, & sic de alijs . Vniuersalia non sunt reipsa à singularibus discreta & separata : sed sunt in ipsis singularibus inclusa . Per considerationem tamen intellectus à singularibus abstrahuntur . Quicquid ergo est, est realiter singulare : attamen in ipsis singularibus consideratur natura vniuersalis . Et ita vniuersale dicitur fieri ab intellectu . Fit autem sic . Cùm pleraque inueniantur inter se conuenientia & consimilia, v. g. Petrus Paulus & alij quique homines sunt consimiles inter se . Hinc intellectus concipit absolute id in quo tales vel tales res affimulantur, contipit naturam humanam, quæ denotatur hoc nomine homo : in quo conceptu non determinat hunc vel illum hominem ; & hic conceptus est æquē communis omnibus & singulis hominibus : concipitur posse determinari & contrahi ad singulos quosque homines, dicendo hic homo, ille homo, &c. concipitur posse verè prædicari & affirmari de Petro Paulo & alijs omnibus . Huiusmodi ergo conceptus hominis sic sumptus, est vniuersalis, est prædicabilis de pluribus, nempe de omnibus singularibus hominibus . Hoc ergo modo dantur vniuersalia & singularia : non quasi separata sint aut discreta : sed quia omnes res sunt singulares, sed per considerationem intellectus possunt sumi in vniuersali .

*Vniuersa
le explica-
tur .*

Itaque vniuersale dicit naturam, dicit unitatem, & dicit aptitudinem essendi in multis . Natura est realis, & per se supponitur, nec fit ab intellectu . Unitas non supponitur in ipsis rebus quæ potius distinctæ & diuise sunt : sed fit ab intellectu abstrahente naturam eam quæ concipiente sine differentijs, seu conditionibus eam determinantibus ad hoc & illud singulare . Aptitudo potest sumi realiter, quatenus valet dicere, realiter posse esse quodlibet singulare cum sua natura : fit autem per rationem, dum cogitatur aptitudo, quasi superueniens naturæ vni, tanquam potentia quædam

& capacitas qua ipsa natura possit diuidi in plura .

Singulare autem & indiuiduum dicit suam naturam, & dicit differentiam propriam, qua intelligitur constitui hæc natura, ipsumquē indiuiduum cum sua determinata natura intelligitur distingui ab omnibus alijs indiuiduis, fierique incommunicabile pluribus . Vnde in omni singulari est hæc differentia propria agnoscenda, quæ solet hæcceitas appellari . Non tamen purari debet distingui ab ipsa natura indiuidui, nisi per hoc quòd dicit explicitè & determinatè conceptus talis naturæ .

*Singula-
re explica-
tur .*

Cæterum plura vniuersalia & prædicabilia cum Porphyrio in sua Isagoge distinguuntur : quæ omnia ex Aristotele etiam sumpta sunt : nempe hæc quinque, Genus, Species, Differentia, Proprium, & Accidens : & singula modò distinctè & breuiter explicanda sunt : in qua explanatione summarie & dilucidè doctrinam ipsam Porphyrii colligemus .

*Vniuersa
lia sunt
quinque .*

CAPVT NONVM.

De Genere .

Generis nomen tripliciter accipitur, quæ dici solet triplex acceptio generis, & sumitur ex Aristot. 1. Metaph. cap. 28. Primò dicitur genus collectio multorum aliquo modo se habentium, ad vnum : quia nempe trahant originem ab illo, & ad se inuicem aliquo modo se habeant . Iuxta hanc acceptionem, dicitur Romanorum genus, ex habitudine vnus, scilicet Romuli, & ex habitudine ipsius multitudinis Romanorum inter se per cognationem, quam ab illo vno trahunt . Vnde etiam hoc genus, id est hæc Romanorum collectio, differt ab alijs generibus, quæ nõ habent talem habitudinem ad Romulum & in se per descendentiā ab illo . Non est autem necesse vt tota collectio descendat ab illo vno per generationem : non enim omnes Romani geniti fuerunt à Romulo, sicut omnes homines ab Adamo, & oēs Israelitæ à Iac . Sed sufficit aliqua alia dependentia : quo pacto omnes Romani ceperunt à Romulo tanquam eorum capite, qui

*Generis
nomi tri-
pliciter
accipitur .*

qui & ciuitatem extruxit & populum congregauit.

Secundo dicitur genus, quod est generationis principium. Et sumitur vel ab eo, qui quempiam genuit, vel à loco, in quo quis genitus est. Sic dicimus Orestem habere genus à Tantralo progenitore, & Platonem esse Atheniensem genere. Et prius quidem videtur appellatum fuisse genus, ipsum principium, deinde etiam collectio ac multitudo ab illo ducens originem.

Tertio dicitur genus, quod continet sub se species. Quod fortasse appellatum est genus propter similitudinem cum genere in alijs duabus acceptionibus. Nam hoc genus est quodammodo principium specierum, & continet in se earum collectionem. Addi præterea solet alia, quarta accepio, ex Aristotele eodem illo loco, qua genus dicitur materia, ex qua fit aliquid, & dicitur genus physicum. Sic statua fit ex ære vel lapide: & hoc sensu dicuntur ab Aristotele corpora celestia differre genere à rebus inferioribus, differre scilicet materia.

Genus est quod prædicatur inquit de speciebus.

In præsentia ergo tractatu sumitur genus in tertia acceptione; & hoc modo passim dicitur apud Philosophos. Et sic describitur. Genus est quod de pluribus & differentibus specie prædicatur inquit. sic animal v. g. prædicatur de homine, leone, equo, & alijs speciebus. Dum dicitur genus prædicari de pluribus, differt ab indiuiduo, quod dicitur de vno solo, & conuenit cum alijs vniuersalibus & prædicabilibus. Dum dicitur de pluribus speciebus, differt à specie, quæ dicitur tantum de pluribus indiuiduis. Differt etiam à proprio, quod quantum est de se prædicari potest de vna tantum specie & indiuiduis eius. Dum dicitur prædicari inquit, differt à differentia, & ab accidenti, ac etiam à proprio; quæ omnia prædicantur in quale. Si enim queratur quid est homo; respondemus est animal: si aut qualis est, vel quale animal est homines respondemus est rationalis, est animal rationale, est albus, est risibilis. Itaque prædicari inquit, est prædicari per modum nominis substantiui: in quale, est prædicari per modum nominis adiectiui.

CAPVT DECIMUM.

De Specie.

Speciei nomen dupliciter præcipue sumitur. Primo pro forma seu pulchritudine corporis; quo sensu dicitur species alicuius digna imperio; & in Plalm. accipitur. dictum est, *Species sua & pulchritudine sua*. Secundo proprie sumitur, quæ est sub genere, & quæ dicitur de indiuiduis. In hoc sensu Philosophi sumunt speciem, & modo de illa tractamus. Duplicem autem respectum habet species, vnum ad genus cui subijcitur; alium ad indiuidua, de quibus prædicatur. Primo modo dicitur species subijcibilis. Secundo modo dicitur species prædicabilis.

Species inquit dicitur generi.

Species quatenus subijcibilis describitur, quæ ponitur sub genere, & de qua genus prædicatur inquit. Quæ descriptio manifesta manet ex dictis de genere. Debet autem intelligi, species est quæ ponitur sub genere proximè & immediatè: quia alioqui etiam indiuidua ponuntur sub genere, & de indiuiduis quoque genus prædicatur, Petrus est animal, est substantia; sed indiuidua subijciuntur generi mediante specie, quæ mediat inter genus & indiuidua; species autem immediatè & proximè subijcitur.

Prædicatur de indiuiduis.

Species quatenus prædicabilis definitur, quæ de pluribus & differentibus numero prædicatur inquit. Dum dicitur prædicari de pluribus inquit, conuenit cum genere, differt ab alijs tribus prædicabilibus. Dum dicitur prædicari de differentibus numero, differt à genere; nam quæ differunt numero sunt indiuidua: species ergo prædicatur de indiuiduis, genus de speciebus. Et intelligi etiam debet, speciem prædicari proximè & immediatè de indiuiduis: imò prædicari adæquatè de solis indiuiduis; alioqui etiam genus prædicatur inquit de indiuiduis, sed non adæquatè & proximè.

Deinde species duplex est: alia dicitur infima & specialissima; alia dicitur subalterna. Sic etiam genus duplex est: aliud dicitur supremum & generalissimum; aliud dicitur subalternum. Nam

Species inquit infima & subalterna.

datur

datur series & ordo predicatorum essentialium, quorum vnum in recta linea sub alio collocatur. Inter hæc vnum debet esse primum & supremum: aliud debet esse vltimum & infimum: alia sunt intermedia. Illud quod est supremum, dicitur genus generalissimum. Illud prædicatum quod est infimum, dicitur species specialissima. Alia quæ sunt intermedia dicuntur genera subalterna, species subalterna. Genus generalissimum est tantum genus, & non est species, quia non habet supra se aliud genus, cui tanquam species subijcibilis subdatur. Species specialissima est tantum species, & non est genus, quia non habet sub se alias species, de quibus per modum generis prædicatur: & tam respectu suorum indiuiduorum, quam respectu generis superioris dicitur species; respectu indiuiduorum species prædicabilis, respectu generis superioris species subijcibilis. At prædicata intermedia ita se habent, quod eorum quodlibet simul est species & genus: est species respectu alterius generis superioris, est genus respectu aliarum specierum inferiorum. Itaque non est species prædicabilis, sed tantum subijcibilis; & quatenus est quod prædicabile est genus, non est species. Igitur sola species infima & specialissima, est simul species subijcibilis & prædicabilis; & secundum vtrunque respectum appellatur species. Exemplum sic in Prædicamento substantiæ. Substantia est genus generalissimum; homo est species specialissima; corpus, viuens, animal, sunt prædicata intermedia & subalterna, quæ vno respectu dicuntur genera, alio species.

C A P V T V N D E C I M V M .

De Differentia.

Differentia, communis, propria, et propriissima.
Differentia absolute loquendo est id quo vnum differt ab alio. Vnde triplex est differentia, Communis, Propria, & Propriissima. Differentia communis est, qua vnum per accidens aliud quod separabile differt ab alio: aut etiam a se ipso: sicut differt Socrates sedens a Platone stante, aut etiam a se ipso stante. Differentia propria est accidens

inseparabile quo differt vnum ab alio: vt cæcitas, seu exaltas oculorum, & nascituritas, & cicatrix ex vulnere relicta. Differentia propriissima est, qua vnum ab alio essentialiter & specificè differt: vt homo differt a bruto per rationalem. Omnis ergo differentia facit diuersum; sed communis & propria facit alterum, aut alterarum, hoc est diuersum accidentaliter; propriissima facit aliud, hoc est diuersum essentialiter. Inseparabilis differentia ab initio, in separabile & inseparabile. Separabilis est differentia communis. Inseparabilis rursus duplex est: vel accidentalis, & hæc est propria; vel essentialis, & hæc est propriissima. Aut potius prius diuidatur differentia in accidentalem & essentialem: accidentalis vel est communis, vel propria; essentialis est propriissima. Sola autem differentia essentialis & propriissima est, quæ hoc loco intelligitur, quæ sub nomine differentiæ inter prædicabilia comparatur, quæ generi & speciei coniungitur, & de qua nunc loquimur.

Duplicem autem respectum habet differentia; vnum ad genus; alium ad speciem. Per respectum ad genus dicitur diuisiua, per respectum ad speciem dicitur constitutiua. Nam genus per differentias diuiditur in species, & species per differentias constituuntur sub genere. Sic animal per rationale & irrationale diuiditur in hominem & brutum; homo constituitur per rationale, brutum per irrationale. Non potest autem eadem differentia esse diuisiua & constitutiua respectu eiusdem. Sed bene potest eadem natura habere quasdam differentias diuisiuas, & quandam constitutiua. Sic animal pro differentia constitutiua sensitiuum, pro differentiis diuisiuis habet rationale & irrationale. Et quidem omnia genera subalterna, & species intermedia, habent differentias diuisiuas, per quas diuiduntur in alias species inferiores, & constitutiuas per quas constituuntur sub genere superiori. Genus autem generalissimum habet solum differentias diuisiuas, non autem constitutiua sub genere superiori. Et e conuerso species specialissima habet differentiam constitutiua sub suo genere, non habet diuisiuas, per quas in alias inferiores species diuidatur.

Qua-

Differentia diuisiua generis, & constitutiua speciei.

CAPVT XII.

De Proprio & Accidente.

*Differen-
tia est
quam spe-
cies addit
generi.*

Quatuor modis Porphy. differentiam definiuit secundum varias consideratio- nes. Prima definitio est: differentia est qua species abundant a genere, idest quā species addunt supra genus. Nā vnaqu. q. species constat ex genere & differentia, v. g. homo ex animali & rationali. Hoc ergo modo definitur differentia quatenus constitutiva speciei. Secūda definitio est: Differentia est quæ de pluribus & differ- rentibus specie predicatur in quale quid, idest prædicatur per modū nominis adie- ctui, vt iam antea explicauimus. Debet autem hic intelligi prædicatur essentialiter, ad discrimen proprii & accidentis. Et ita differentia distinguitur ab omnibus alijs prædicabilibus. Itaq. hoc modo differ- entia definitur quatenus vniuersalē quoddam & prædicabile est, per compa- rationem ad inferiora, de quibus dicitur, quæ sunt eadem ipsa inferiora generis seu speciei quam constituit. Debeq. hoc mo- do distingui duplex differentia: vna ge- nericā, quæ constituit naturam genericā, alia specificā quæ constituit naturā specificā infimā. Illa prædicatur de pluribus speciebus; vt sensitiuum consti- tuit animal; & dicitur de omnibus spe- ciebus animalis. Alia dicitur de solis indi- uiduis: vt rationale constituit homi- nem, & dicitur de singulis hominibus. Definitio Porphy. spectat ad solam differ- entiam genericā. Adequatē ergo differentia essentialis in tota sua latitudi- ne debet definiri: est quæ prædicatur de pluribus essentialiter in quale.

*Prædica-
tur in
quale de
speciebus.*

*Diuidit
qua sub
eodem ge-
nere sunt.*

*Est qua
differunt
à se singu-
la.*

Tertia definitio est: Differentia est id quod apertum est diuidere ea quæ sub eodem genere sunt. Sic rationale & irra- tionale diuidunt hominē & brutum, quæ sunt species contentæ sub eodem genere animalis. Clariùs potest sic differentia definiri quatenus diuisiua generis: est id quod diuidit genus in species. Quarta demum definitio est: Differentia est qua differunt à se singula. Sic explicatur prop- riè differentia secundum nomen ipsum, & officium differentie. Sed quia hoc cō- petit omni differentie etiam communi & propriæ: addit Porph. differentiam esse quæ pertinet ad esse rei, & est pars essen- tialis eius. Clariùs & magis accommodatē dici potest: differentia est qua essen- tialiter differunt à se singula.

*Proprii no-
men dup-
pliciter di-
citur.*

Proprii nomen duobus præcipuè mo- dis sumitur. Primò, vt opponitur improprio; sicut homo pictus dicitur improprie & metaphorice homo, & prout dicuntur ridere: homo autem, viuus dicitur proprie & verè homo, prop- riè ridere. Secūdo sumitur, vt oppo- nitur communi: sic proprium dicitur, quod propriè & determinatē alicui con- uenit. Et hoc rursus sumitur dupliciter, ex Aristotele primo Topicorum cap. 3. Vel pro essentia propria rei, vel pro ac- cidente aliquo proprio rei. In hoc vlti- mo sensu nunc sumitur proprium, ac si dicatur accidens proprium.

Proprium sic sumptū dicitur à Por- phyrio in quatuor membra; & diuisio sumpta est ex Aristot. 1. Topic. capite 1. Primum proprium est, quod conuenit soli alicui speciei, sed non omnibus con- tentis sub tali specie; vt homini esse mu- sicum aut grammaticum. Secundum est, quod conuenit omnibus cōtēntis sub spe- cie, sed non ipsi soli speciei; vt homini ha- bere pedes. Tertium est, quod conuenit omni & soli, sed non semper; vt homini canescere in senectute. Quamuis autem hoc non videatur soli homini conuenire; aliqua enim bruta canescunt, vt de equis narrat Aristot. lib. 5. de Generat. Ani- mal. cap. 5. Tamen dici solet non opor- tere in exemplis reperiri omnimodam veritatem; & sufficit, quod canities ma- ximè conuenit homini, & manifestius quàm ceteris animalibus, vt ibidem docet Aristot. qui etiam test. 10. Problem. 52. Supponit, inter omnia animantia hominem canescere. Sed afferri potest ex- emplum actualiter discorredi quod soli homini conuenit, cum ad vsum peruenit ra- tionis. Quartū deniq. proprium est, quod conuenit omni soli & semper; sicut risi- bilitas hominiseti enim homo nō semper actu rideat; semper tñ habet aptitudinem ad ridendū, quæ est risibilitas. Et hoc prop- riū dicitur maximè propriū quod & cō- uertitur cū re, cuius est propriū; omnis hō est risibilis, & omne risibile est homo.

Acci-

14 Institutionum Tractatus Primus.

*Accidens
duplici-
ter sumi-
tur.*

Accidens quoque dupliciter sumi potest, ex Diuo Thoma questione vnica de Spiritual. creatur. artic. 17. in fine corp. Primò, prout distinguitur contra substantiam: & hoc dicitur accidens prædicamentale, sub quo continentur nouem prædicamenta accidentium. Secundò, prout dicitur quicquid est extra essentiam reiecta vt etia si vna substantia adsit alteri extra essentiam eius, dicatur eius accidens. Hoc accidens rursus vel sumitur in tota sua latitudine: & sic complectitur etiam proprium. Vel sumitur distinguendo accidens proprium & commune, & per accidens absolutè dictum intelligendo accidens commune distinctum à proprio. Et hoc modo nunc sumitur, dum distinctè nominantur proprium & accidens, ac si dicanetur accidens proprium & commune.

*Accidens
definitur.*

Accidens sic sumptum definitur à Porphyrio quod adest & abest præter subiecti corruptionem, idest aduenit subiecto, ab eoq. recedit, seu remouetur, in corrupto permanente ipso subiecto. Adhuc autè distinguitur duplex accidens: separabile vt sedere, & similia: & inseparabile, vt nigrum coruo, & album cygno. Quis autem huiusmodi accidens non separaretur realiter à subiecto: tamen saltem cogitatione seungitur, quia possumus intelligere coruum cum albedine sine præiudicio essentiae corui. Et hoc sufficit ad saluandam definitionem traditam.

Rursus definitur accidens, quod potest inesse & non inesse eidem: quæ definitio est Arist. 1. Top. cap. 4, & ferè cum præcedenti coincidit. Postremò definitur etiam accidens per negationem, quod neque est genus, neque differentia, neque species, neque proprium, sed semper existit in subiecto.

CAPVT XIII.

De Prædicamentis in communi.

*Prædicamentum
est rerum
series.*

Prædicamentum est series quædam, & coordinatio rerum sub certo genere, descendendo per varia genera & species. Itaque prædicamentum in summo & supremo loco dicitur genus quoddam,

quod propterea appellatur generalissimum. Deinde hoc genus diuiditur in alia proxima inferiora genera: & hæc rursus in alia genera sibi subdita, vsque ad species specialissimas, quibus tandem indiuidua continentur. Et ita contextitur recta linea & series prædicamenti per genera & species: & veluti à latere cogitantur differentia, quæ diuidunt genera & constituunt species: Adiunguntur etiam accidentia, & præsertim propria. Solæ autem res creatæ in prædicamentis disponuntur: & solæ res completæ directè in illis collocantur; partes autem etiam reductiue trahuntur per inclusionem in toto.

Et in vniuersam decem prædicamenta distinguuntur, Substantia, Quantitas, Relatio, Qualitas, Actio, Passio, Vbi, Situs, Quando, Habere. Quæ omnia breuiter explicanda sunt, colligendo præsertim & adducendo ea quæ Arist. de ijs singulis docet.

*Prædicamenta
decem sunt.*

CAPVT XIV.

De Prædicamento Substantia.

Substantia est, quæ per se existit, & non in alio tanquam in subiecto. Est quæ subsistat accidentibus tanquam subiectum eorum. Duplex est substantia: Prima & Secunda. Prima substantia est, quæ nec in subiecto est, nec de subiecto dicitur, idest non prædicatur de aliquo tanquam superius de inferiori: est ergo substantia singularis: vt hic homo, hic equus. Secunda substantia est, quæ non inest subiecto, sed de subiecto dicitur tanquam superius de inferiori, hæc est substantia vniuersalis, genus aut species; vt homo, animal. Itaque omnia alia quæ sunt, pertinent ad primas substantias. Nam accidentia sunt in illis tanquam in subiecto: & secundæ substantiæ dicuntur de illis. Vade ablati primis substantiis, sequeretur omnia alia auferri & aboleri. Et cum prima substantia omnibus subsistat, omnia subsistunt, maximè omnium substantia dicitur. Inter secundas verò substantias magis dicitur substantia, species, quam genus, quia propinquius accedit

*Substantia
ratio.*

*Substantia
prima &
secunda.*

dit ad primam substantiam.

Prima substantia affectio. Deinde assignat Aristoteles in suo Prædicamento sex affectiones & proprietates substantiæ. Prima est, non esse in subiecto. Quæ communis est etiam secundæ substantiæ: nam hæc ita dicitur de subiecto, quod non insit illi ad instar accidentis; sed essentialiter prædicatur de prima substantia. Vnde communis est etiam differentiis substantiarum, quæ verè in se substantiales sunt, tamen non erant ex substantiis antea assignatis: ac etiam non sunt in subiecto accidentaliter, sed dicuntur essentialiter de substantiis quas constituunt. Similiter se habent aliæ partes substantiales, quæ sunt quidem in toto, non tamen vt in subiecto, sed tanquam constitutiue totius.

Secunda. Secunda proprietates est, quæ determinatè conuenit secundæ substantiæ, vniuocè prædicari secundum idem nomen & eandem rationem de primis substantiis. Quod competit etiam differentiis substantialibus, vt patet.

Tertia. Tertia proprietates est, quæ peculiariter conuenit primæ substantiæ, significare hoc aliquid: ad cuius differentiam, ait Aristot. secundam substantiam significare quale quid. Vbi hæc non sumuntur in eodem sensu, quo antea dicebatur quædam vniuersalia prædicari in quid, quædam in quale. Sed significare hoc aliquid, est significare hoc determinatum & singulare per se existens: significare quale quid, est significare naturam indifferentem & communem pluribus.

Quarta. Quarta affectio omnis substantiæ est, non habere contrarium. Neque enim vna substantia est contraria alteri, neque accidens est contrarium substantiæ. Hoc tamen non est proprium substantiæ, sed commune est etiam quantitati.

Quinta. Quinta affectio substantiæ est, non suscipere magis & minus. Sic Petrus non est magis homo quàm Paulus: neque idem Petrus modo est magis, modo minus homo; sicut potest esse magis aut minus albus. Vnde hoc non destruit quod antea dicebatur, primam esse magis substantiam, quàm secundam.

Sexta. Sexta propriissima affectio substantiæ est, posse suscipere contraria, non quidem simul, sed successiue: eadem enim aqua modo est frigida modo calida: & sic de

alijs. Et hæc proprietates non conueniunt alijs rebus à substantia. Licet enim eadem opinio vel propositio affirmans, v.g. Petrum sedere, videatur posse mutari de vera in falsam: tamen id non fit per mutationem ipsius opinionis in se, recipiendo contraria, sed per mutationem ipsius rei & obiecti.

CAPVT XV.

De Prædicamento Quantitatis.

Quantitas alia est continua, alia discreta. Continua est, cuius partes sunt inter se coniunctæ & copulatæ. Discreta est, cuius partes sunt diuixæ & solutæ. Rursus vtraque quantitas duplex est. Alia est permanens, cuius partes simul coexistunt. Alia successiua, cuius partes succedunt vna post aliam. Quantitas continua permanens, alia est linea, idest longitudo sola: alia superficies, idest longitudo cum latitudine: alia corpus, idest longitudo & latitudo cum profunditate. Addit etiam Aristot. locum. Quantitas continua successiua est tempus. Addit etiam Aristot. morum. Quantitas discreta permanens est numerus. Successiua ab Aristotele assignatur vocalis oratio, quæ constat syllabis pro suis partibus.

Deinde tres proprietates & affectiones quantitatis Aristot. assignat. Prima est non habere contrarium. Licet enim magnum & paruum, multum & paucum, videantur contraria; tamen hæc potius sunt relaxiua, quia dicuntur per comparisonem vnius ad alterum. Secunda est, non suscipere magis & minus. Vna enim linea non dicitur magis linea quàm alia, nec vnus numerus quàm alius, nec vnum tempus quàm aliud. Dicitur tamen vna quantitas maior quàm alia; & ita dicitur suscipere maius & minus; quod spectat ad sequentem proprietatem. Tertia proprietates quantitatis est, æquale & inæquale dici. Nam vna quantitas dicitur æqualis aut inæqualis alteri. Et hoc videtur proprium soli quantitati, quia in alijs rebus dicitur potius simile & dissimile.

Quantitas continua, & discreta, permanens, & successiua

Quantitatis tres affectiones.

et non est

CA.

CAPVT. XVI.

De Pradicamento Relationis.

Relatio-
nis ratio.

Relatio est secundum quam vnum dicitur seu refertur ad aliud: & illa quæ sic dicuntur seu referuntur, dicuntur relata, dicuntur ad aliquid. Quæ dupliciter explicat Aristot. Vno modo in principio capitis, de mente Veterum: Ad aliquid dicuntur, quæ hæc ipsa quæ sunt dicuntur esse aliorum, vel quomodolibet ad alterum: hoc est quæ explicantur per ordinem & respectum ad aliud. Alio autem quomodolibet, idest per quemcumque nominis casum: siue dicendo duplum est dimidij duplum: siue simile est alicui simile: siue maius est minore maius. Alio modo explicat circa finem capitis, magis ex propria sententia: Ad aliquid sunt, quorum totum esse est ad aliud se habere. Et differt hæc explicatio à priori: quia prius dicebantur relatiua dici ad aliud: modo dicuntur esse ad aliud. Vnde factum est, vt apud alios distinguantur relatiua secundum dici & secundum esse.

Relatio-
nis prima
affectio.

Iuxta priorem explicationem, quatuor relatiuorum affectiones & proprietates Arist. assignat. Prima est habere contrarium. Nam virtus & vitium, scientia & ignorantia, idest error, sunt contraria: & magis propriè similitudo & dissimilitudo, æqualitas & inæqualitas.

Secunda.

Secunda est suscipere magis & minus. Nam vñ dicitur magis aut minus simile, magis, aut minus æquale alteri. Hæ autem duæ affectiones non conueniunt omni relationi. Nam duplum non dicitur magis aut minus duplum: & pater v. g. aut filius non habet contrarium. Neque conueniunt solè relationi: imo maximè qualitates suscipiunt magis & minus, & fundant contrarietatem.

Tertia.

Tertia proprietates solis & omnibus relatiuis conueniens, est dici ad conuertentiam: idest quod vnum dicatur mutuo per ordinem ad aliud. Vt si dicimus, dominus feruè dominus: dicere etiam valeat, seruus domini seruus: scientia scibilis scientia, scibile scientiæ scibile. Itaque interdum conuertentia fit per eundem nominis casum, vt in primo exem-

plo: interdum per diuersum, vt in secundo. Oportet autem conuenienter assignare relatiua, ad hoc vt dicantur ad conuertentiam. Si enim quis diceret, seruus hominis seruus: non potest conuerrere, homo serui homo. Vnde interdum ad hanc conuenientem assignationem, oportebit noua nomina componere. V. g. ala est auis ala, temo est nauigij temo: sed vt fiat conuertentia oportet dicere: temo est rei temonate temo: res temonate est temone temonate.

Quarta proprietates est, relatiua esse simul natura: illa autem dicuntur simul natura, quæ tra se habent, vt mutuo ablato vno auferatur & aliud. Sic si non extat pater, nec extat filius sub ratione filij: si non datur duplum, nec datur dimidium. Hoc tamen non est commune omnibus relatiuis. Nam ablato quidem scibili & sensibili, auferitur scientia & sensus: sed non è conuerso ablata scientia & sensu auferitur scibile & sensibile.

Quinta proprietates, quam Arist. peculiariter attribuit relatiuis secundo modo explicatis, est, vt si determinatè & in particulari cognoscitur vnum, cognoscatur & aliud. Si quis cognoscit duplum, cognoscet etiam dimidium cuius est duplum. Hoc autem non est necessarium, in aliis omnibus relatiuis: nam cognoscere quis potest & videre caput aut pedem, & ignorare cuius sit.

CAPVT. XVII.

De Pradicamento Qualitatis.

Qualitas est secundum quam subiectum dicitur quale. Habet quatuor species, quarum qualibet habet duas partes seu duo nomina. Prima species est habitus & dispositio. Habitus dicitur qui est difficile mobilis à subiecto, vt scientia & virtutes. Dispositio dicitur, quæ est facile mobilis à subiecto, vt agritudo & sanitas. Secunda species est potentia & impotentia. Potentia est virtus & facultas aliquid exercendi: impotentia verò est virtus debilis & imbecilla: vt durum habet potentiam non facile secari, molle habet huius impotentiam, idest habet debilitatem resistendi. Tertia species est passio.

Qualita-
nis ratio,
& qua-
tuor spe-
cies.

passibilis qualitas & passio. Passibilis qualitas est quæ dicitur affectionem spectantem ad sensum, & permanet in subiecto, ut calor & frigus, dulcedo & amaritudo, albedo & nigredo. Passio autem est quæ facile transit, ut rubor ortus ex verecundia, pallor ortus ex timore. Quarta species est figura & forma: ut rectum & curuum, triangulum & quadrangulum, & similia.

Tres affectiones

Deinde tres qualitaris affectiones & proprietates Aristot. assignat. Prima est, habere contrarium: una enim qualitas est contraria alteri, ut calor & frigus, albedo & nigredo. Non tamē omnis qualitas habet contrarium: rubrum enim, v. g. & pallidum non habet aliquid contrarium. Secunda est, suscipere magis & minus: datur enim magis album & minus album, & sic in alijs. Sed nō sic in omnibus qualitatibus: non enim datur magis aut minus triangulum. Ac etiam hæ affectiones non sunt propriæ solius qualitaris. Tertia magis propria affectio qualitaris

est similitudo & dissimilitudo: quia propriè secundum qualitatem vnum dicitur simile aut dissimile alteri.

CAPVT XVIII.

De reliquis sex Predicamentis.

De his alijs Predicamentis breuissimè loquitur Arist. Actio est secundum quam aliquid dicitur agere, ut calefacere & frigefacere. Passio est secundum quam aliquid dicitur pati, ut caleferi & frigefieri. Habent contrarietatem: ut patet in iisdem exemplis. Suscipiunt magis & minus: datur enim calefacere & caleferi magis & minus. Vbi deinde denotatur, ubi res sit, ut in domo in foro. Situs quomodo res sit in loco, ut iacere, sedere. Quando denotatur quando res sit, ut heri, superiori anno. Habere denotatur quæ spectat ad corporis vestes & ornamenta, ut calceatum esse, armatum esse.

Actio.

Passio.

Vbi.

Situs.

Quando.

Habere.

TRACTATVS SECVNDVS.

De Simplici Apprehensione eiusque Directione.

Accedimus ad directionem singularum operationum nostri intellectus, in speciali. Et omnino incipiendū est a simplici Apprehensione, quæ est prima operatio.

CAPVT PRIMVM.

Quid sit Simplex Apprehensio & quomodo directione indigeat.

Simplex apprehensio explicatur.

Sufficenter iam, & quantum præsentis instituto satis est, constare potest ex præcedenti Tractatu, quid sit simplex apprehensio, esse scilicet conceptum mentis internum, quo obiectum aliquod simpliciter intellectui representatur, sine determinata affirmatione aut negatione. Potest autem intellectus hoc modo simpliciter apprehendere etiā integras propositiones, solum nempe percipiendo ea-

rum sensum & significatum, non determinando an veræ aut falsæ sint. Ideoque simplex apprehensio dicitur peculiariter versari circa quid est rei, nō circa an est, & iudicium dicitur versari circa an est; quia per simplicem apprehensionem tantum concipimus quid significetur, quid dicatur; per iudicium autem determinamus an ita sit, vel non sit.

Deinde, in simplici apprehensione distinguimus duplex conceptus. Vnus dicitur conceptus non ultimatus: alius conceptus ultimatus. Primus est conceptus vocis: secundus est conceptus rei significata per vocem. Audita enim aliqua voce, v. g. I. pis; intellectus obijciatur & representatur ipsum vocabulum, & quæ res

Conceptus in conceptum non ultimatum vocem et ultimatum.

b signat.

significata per tale vocabulum. Si autem aliquis audiat vocem cuius significatum ignoret, tamen concipiet vocem, non autem rem aliquam significatam. Conceptus ergo ipsius vocis dicitur conceptus non ultimus, quia nimirum non in illo sistit ultimum intellectus. Conceptus rei dicitur conceptus ultimus, quia in illo sistit ultimum intellectus. Vnde quando sunt plures voces idem significantes, quæ dicuntur synonymæ sunt diuersi conceptus non ultimi in mente, vnus ultimus. Quando è conuerso est vna habens plures significaciones, & diuersa significata, quæ dicuntur voces æquiuocæ; tunc est vnus conceptus non ultimus, diuersi conceptus ultimi.

*Præ sua
rectitudi-
ne & de-
fectus op-
positus.*

Simplex ergo apprehensio, præsertim in conceptibus ultimis, debet esse perfecta, & habere suam rectitudinem: porro, à debita perfectione deficere. Nunc est recta & perfecta, cum intellectus clarè & explicite re apprehendit: cum per se & distinctè concipit & apprehendit ea quæ in se distincta sunt: cum quereret verà alicuius rei esse iam inuenire, re ipsa attingimus & assequimur ipsam propriam talis rei essentiam. Deficit autè intellectus à perfecta apprehensione rerum: dum obscure & implicite rem aliquam apprehendit, non per se considerando oēs & singulas partes & gradus essentielles eius: rem dum indistinctè & confusè concipit, ut vni quid ea quæ distinguenda sunt: ut cum apprehendit v. g. pomum, non distinguendo substantiam & accidentia, & inter accidentia quantitatem colorem saporem & alia: deficit tandè, cum querens inuenire alicuius rei essentiam, accipit aliquas rationes repugnantes ipsi rei aut inter se: ut cum apprehendit Angelum tanquam corporeum & similia.

*Indiget di-
rectione.*

Indiget ergo simplex apprehensio sua directione per Logicam, ut intellectus rectos & perfectos rerum conceptus efformet. Ferè tamen sufficienter dirigetur per cões tractatus directiuos cognitionis. Cum enim hic fit primus et infimus cognitionis gradus: latius dirigetur per communem ipsam doctrinam directiuam cognitionis absolutè, per communia illa instrumenta definitionis & diuisionis, per distinctam enarrationem rerum quæ intellectui proponuntur. Sic enim intellectus perficitur, ut clarè res concipiat, & distinctè,

singulas sibi proprias & essentielles rationes. Adhuc autem pleraque in hoc tractatu colligenda & explicanda sunt de simplicibus terminis, quæ etià iuuant ad directionem ipsius apprehensionis: sed magis necessaria sunt, magisque deferuntur ad directionem vltioris cognitionis in alijs duabus operationibus, nempe ad construedas enunciationes & syllogismos. Sed conuenienter in hoc tractatu simplicis apprehensionis, quia reuera in illa immediate consistunt, inferenda sunt.

CAPVT II.

De Simplicibus Terminis.

PRIMÆ ac minimæ partes & veluti elementa, ex quibus omnis logica compositio costruitur, & quæ in primo intellectus cognitionis ortu in simplici apprehensione exurgunt, appellantur termini. At verò Font. lib. 1. suarum Instit. c. 18. reprehendit Dialecticorum consuetudinem, qui ab initio sub vocabulo termini nominata & verba pertrahant. Commoda tamè & vtilis est atque seruanda, Dialecticorum consuetudo, venientum ab initio vocabulo termini. Hoc enim illi vocabulum cõe & accommodatum omnibus simplicibus partibus, ex quibus logicæ compositiones incipiunt. Et dicitur terminus quasi finis seu extremum quo compositio logica constituitur & terminatur. Itaque quamuis Arist. 1. Prior. c. 1. Terminum appellauerit specialiter per ordinem ad propositionem & syllogismum: tamen magis amplè & adæquatè significatio & vsus terminorum ad omnem compositionem logicam extenditur. Et hac ratione merito iam ab initio appellantur termini.

Terminus ergo ex Arist. definitur extremum in quod resoluitur seu ex quo componitur propositio: ut hæc propositio, homo est animal, Petrus currit, componitur ex his extremis, homo & animal, Petrus & currit: & hæc extrema sunt termini. Componit autem terminus propositionem, vel per modum subiecti, vel per modum prædicati: Subiectum est homo, Petrus; Prædicatum est animal, currit. Magis autè amplè & adæquatè terminus definiri poterit: extremum seu pars simplex, ex qua logica compositio constat. Extant verò plures

*Merito
hic agi-
tur de ter-
minis.*

*Termini
agiti-
catum.*

plures terminorum distinctiones quas ad vnum logicarum compositionū necesse est probè callere & in mente reponere.

CAPVT III.

De Varietate Terminorum.

Terminus, mentalis, vocalis, & scriptus.

Primò, diuiditur terminus in mentalem vocalem & scriptum. Terminus mentalis est, qui mente apprehenditur & concipitur. Vocalis est, qui voce proferatur ad aliquid significandū. Scriptus est, qui litteris & certis characteribus confignatur. Et quidē omnis logica compositio, omnisq. eius pars pōt his tribus modis accipi & exerceri, mēte, voce & scripto. Per se autē & proximē ad cognitionē se habent termini mētales. Ad maiore tamen facilitatē & commoditatem cōsuetum est loqui de terminis vocalibus.

Incomplexus & cōplexus.

Secundò, diuiditur terminus in incomplexum & cōplexum. Terminus cōplexus est in quo plures dictiones coniunguntur quarū cuiuslibet peculiaris conceptus correspondet in mente, quæ etiā ab inuicem separatæ significant idē quod coniunctæ significabāt. Vt quidā terminus cōplexus est homo iustus: hæ enim duæ partes, homo & iustus, per se & sigillatim, quātrivis separatæ, habēt semper eandē suam significationem, & denotant peculiare conceptus in mente. Itaq. in sermone vocali terminus cōplexus est, cuius partes per se sumptæ & separatæ, significant idē quod coniunctæ significabant. Terminus autē incōplexus est, cuius partes per se ac separatæ non significant: vt hic terminus homo. Insuper terminus incomplexus est, cuius partes separatæ non significant idē quod coniunctæ significabant, esto significant aliud quid: vt hic terminus Respublica: non enim correspondēt peculiare conceptus in mente partibus talis termini, dum cōiunctæ sunt, sed dum separantur, alij diuersi conceptus illis correspondent. Ex alia parte: quando vnum solum vocabulum æquiualeat pluribus vocabulis, dicitur adhuc terminus cōplexus: quia si resoluitur, eius partes per se ac separatæ significant: vt hic terminus nemo; qui idē significat quod nullus homo, quæ sunt duæ partes per se

significantes. Ceterū terminus cōplexus appellatur etiā oratio. Terminus incōplexus absolute appellatur terminus. Prius ergo nunc agimus de termino incomplexo; postea agemus de termino cōplexo, qui est oratio.

Tertiò, diuiditur terminus incōplexus in categorematicum & syncategorematicum, quasi dicamus in significatiuum & consignificatiuum. Terminus categorematicus est is qui ita est de se significatiuus, vt absq. vllō addito possit esse extremum, idest vel prædicatum vel subiectum propositionis: vt homo, animal. Terminus syncategorematicus est is, qui non hoc modo per se significat: sed tantū adiunctus subiecto vel prædicato, illud modificat, & aliter atque aliter disponit. Talia sunt signa vniuersalia & particularia quæ certo quodam modo modificant, extendunt aut contrahunt subiectū vel prædicatum: omnis, nullus, solus, aliquis, & similes. Item prepositiones; præ, abs: conjunctiones; vt, si, vel, & insuper aduerbia; doctē, sapienter, maxime. Quæ immerito Tolet. lib. 1. c. 12. noluit appellare terminos syncategorematicos, addens quoddam tertium genus termini mixti. Nā reuera aduerbia non possunt per se sine addito esse prædicatum aut subiectum in propositione: ergo sunt termini syncategorematici. Demū inter terminos syncategorematicos recēdendi sunt casus obliqui nominis: vt Petri, Petro, &c. quia non subiiciuntur nec prædicantur nisi cū addito, Paulus est seruus Petri. Ac etiam si dicatur, hic liber est Petri: adhuc non per se significatur ipse Petrus, sicut si diceretur est Petrus. Sed potius per se significatur quidam respectus dominij quē Petrus habet. Vnde ea propositio si resoluetur Petrus est dominus huius libri, hic liber possidetur à Petro, alioquē simili mō.

Quartò præterea terminus categorematicus diuiditur in nomen & verbum: de quibus, quoniam latiore explicationem exposcunt separatim agendum sequitur. Interdum tamen nomina sumuntur pro omnibus vocibus significatiuis: & similiter interdum verba ita amplè sumuntur. Sed quando verba & nomina distinguuntur, sumuntur pro certis quibusdam vocibus significatiuis: de quibus proinde distinctè agendum est.

Categorematicus, & syncategorematicus.

Nomen & verbum.

CAPVT QVARTVM.

De Nomine.

*Nomen de
finitur.*

Nomen definitur ab Aristotele lib. 1. de Interpret. cap. 2. Est vox significatiua ad placitum sine tempore, cuius nulla pars separata significat. Dicitur vox significatiua, ad differētiā vocis nō significantē. Dicitur ad placitū, ad differētiā vocis significatiuē naturaliter. Dicitur cuius nulla pars separata significat ad differētiā orationis & termini cōplexi. Dicitur sine tempore ad differētiā verbi. Vnde priores particulae tam satis explicare manent ex dictis. Hæc alia particula de nouo nunc explicanda est.

*Quomodo
nomen si-
gnificet si-
ne tempore.*

Animaduertendum ergo est, aliud esse significare tempus, aliud connotare tempus, aliud significare cum tempore. Non dicitur nomen non significare tempus: quinimo verè pleraque nomina significāt tempus: vt dies, hora, annus, & hæc ipsa vox tempus. Non dicitur nomen non connotare tempus: quinimo quadam nomina verè connotant tempus, id est significant quasdam actiones, quæ certo & determinato tempore fieri solent: vt prædium, cœna. Dicitur nomen non significare cum tempore: Quoniam illæ voces significant cum tempore, quæ significant aliquam actionem prout tempore determinato exercetur: & possunt per varias differētiās temporis inflecti & declinari: huiusmodi sunt verba, ambulo, loquor, & alia. In hoc ergo sensu nomen dicitur non significare cum tempore, vt distinguitur à verbo. Nomina enim non hoc modo se habent, vt per varias flexiones & declinationes significant actionem, prout vna vel alia differētia temporis exercetur.

*Nomen fi-
nitum &
infinitum.*

Adi præterea solent ex eodem Aristotele duæ aliæ particule ad completandam definitionem nominis scilicet vt sit vox finita & recta. Finita quidem ad excludendas voces infinitas, quæ nihil determinatè significant. Hoc modo voces infinitæ dicuntur, quando præponitur particula negatiua alicui voci determinatæ: vt non homo, non lapis: hæc voces

non significant aliquid determinatum. Ideò Aristoteles ait non esse nomina absolute loquendo: sed posse appellari nomina infinita. Hinc plerique addunt, si præponatur negatio nominibus vniuersalissimis quæ dicuntur transcendentia, tales voces non fore infinitas, sed absolute ex hac parte posse dici nomina, vt non ens: quia hæc vox non dicitur indeterminatè de omnibus; imo de nullo ente dicitur.

Additur etiam recta ad excludendos casus obliquos, qui non dicuntur nomina, sed casus nominis: ita vt per nomen intelligatur nomen in recto; vt homo, non autem hominis vel homini. Et ita docuit Aristoteles. Extenditur etiam hæc particula ad excludendas alias partes orationis, quæ sunt præpositiones, aduerbia, & similes: quoniam non sunt voces rectæ sicut nomina. Hoc autem totum potest saltem implicite considerari in prima illa definitione nominis. Si cum dicebatur nomen est vox significatiua, intelligatur per se significatiua, ad differētiā vocis significatiuæ, seu termini syncategorematici: & significatiua determinatè, ad differētiā vocis infinitæ.

Sub vocabulo autem termini & sub distinctionibus traditis de termino, sic potest nomen definiti ex dictis: est terminus incomplexus categorematicus determinatè significans sine tempore. Atque omnis hæc definitio nominis conuenit omnibus nominibus, non solum substantiui, vt Deus, homo: sed etiam adiectiui, vt sapiens, albus; illis etiam quæ dicuntur adiectiua substantiuata, vt album dulce. Conuenit etiam in rigore illis quæ dicuntur pronomina, eo quod ponuntur loco nominum, siue pro nominibus propriis & personalibus: vt ego, tu, ille. Insuper adiectiui, quæ ab his pronominibus deriuantur: vt meus, tuus, & similia. Omnes enim definitionis particulae his omnibus conueniunt: & hæc omnia possunt & solent per se poni in propositionibus tanquam termini categorematici, vel per modum subiecti, vel per modum predicati; & non sunt vti quæ verba.

*Nomen in
recta &
in obli-
quo.*

*Alio mo-
do nomen
definitur.*

De Simplici Apprehensione.

21

CAPVT QVINTVM.

De Verbo.

*Verbum
definitur.*

Verbum similiter definitur ab Aristotele 1. de Interpret. cap. 3. Vox significatiua ad placitum cum tempore, cuius nulla pars separati significat, & semper eorum, quæ de alio prædicantur est nota. Hæc definitio quoad priores particulas iam sufficienter explicata manet ex dictis circa definitione nominis. Ultima verò particula, & semper eorum quæ de alio prædicantur est nota, hunc habet sensum: vt scilicet verbum semper sit signum alicuius quod de alio prædicatur, siue vt ipsum verbum semper de aliquo prædicetur loco sui significati vt cū dicimus, Petrus studet, ly studet per se prædicatur de Petro; significans actum studendi in Petro. Vnde excluduntur verba quæ non sunt indicatiui modi, quæ scilicet non semper possunt prædicari: vt ama, lege; amare, legere.

*Verbum
præfens.*

Subiungit deinde Aristot. verbum significare cum tempore, non quocunque sed præfenti. Vnde excluduntur verba aliorum temporum: vt amauit, amabo, &c. quæ potius dicuntur casus verbi. Reddi potest ratio cur hæc alia tempora excludantur: quia si quis dicat Petrus studebat, iurantem hæc propositio verificatur, inquantum aliquando verum fuit dicere Petrus studet: & ita habet veritatem per reductionem ad tempus præfens.

*Verbum
finitum.*

Addit denique Aristot. verba infinita non esse appellanda absolute verba: vt non amo, non lego, & similia. Vbi obseruandum est particulam negatiuam, non, dupliciter posse se habere: vno modo vt se teneat ex parte copulæ in propositione, & reddat hunc sensum, ego non sum legens; & hoc modo non dicitur esse propositio de verbo infinito, sed dicitur propositio negatiua de verbo finito. Alio modo vt se teneat ex parte prædicati, & reddat hunc sensum, ego sum non legens. Et sic verba infinita non dicuntur esse simpliciter verba, sicut antea de nominibus Arist. dixerat.

Quocirca verbum ita magis explicite & exacte definitur: est vox significati-

ua ad placitum definitæ & cum tempore præfenti, cuius, &c. Vtendo autem nomine termini, ita verbum definitur: est terminus incomplexus categorematicus significans definitæ cum tempore præfenti, æque semper de altero prædicatur.

*De verbo
sum.*

Hinc colligi debet, verbum sum posse sumi dupliciter. Primò prout significet idem æque existo: vt cum dicimus, ego sum, Petrus est. Secundò prout est copula prædicati & subiecti: vt cū dicimus Petrus est homo, homo est animal. In priori sensu est verbum, & terminus categorematicus: si quidem per se prædicatur & significat, sicut cætera verba. Imò appellatur verbum substantiuum, & alia omnia dicuntur verba adiectiua. In posteriori verò sensu, non est verbum, sed copula, & terminus syncategorematicus. Nam in hoc sensu non potest prædicari sine addito: vt quando dicimus homo est animal: & retenta eadem significatione particula est, subtrahamus ly animal, nulla prædicatio fieret: sed oportet addere quid homo est. Et dum absolute affirmamus homo est, pro homo existit, non est eadem significatio particula est, quæ erat in alia propositione, vbi addebatur aliud prædicatum.

*De Participio
quomodo sit
verbum.*

Postremò videndum est, an participium, vt amans, legens, pertineat ad nomen vel ad verbum. Et quidem Dialectici ferè communiter illud ab viroque excludunt. Sed potius dicendum videtur posse ad vtrumque spectare. Itaque participiū potest sumi dupliciter. Vel quādo reuera habet participij vim: vt cū dico Petrus currens mouetur. Et tunc, dum participium est temporis præfentis, vt in exemplo posito, pertinet ad verbum. Si enim resoluatur, dicitur Petrus qui currit; vbi ly currit per se prædicatur de Petro, quæ prædicatio implicitè includitur, quando dicitur Petrus currens. Quod si participium non pertineat ad tempus præfens, idem erit iudicium de illo ac de alijs verbi casibus. Si autem participium sumatur per modū nominis quod ad omne tempus referri possit, pertinebit ad nomen: vt si dicamus, Petrus est amans, fuit, erit, erat amans, &c. Sicut etiam si dicatur, est, erit, erat sapiens, doctus.

CAPVT SEXTVM.

De quibusdam alijs distinctionibus Terminorum.

Superfunt quædam alię distinctiones terminorum, quę principaliter nomini adaptantur: sed suo modo possunt etiam ad verba, & ex parte ad alios quoque terminos extendi.

Primò, diuiditur terminus in concretum & abstractum. Termini concreti sũt, homo, album: abstracti, humanitas, albedo. Nomen abstractum significat formam per se sumptam. Concretum significat formam vt existentem in re, siue significat id quod habet formam. Itaque hæc distinctio propriè conuenit nominibus. Sed verba habent quandam modum termini concreti.

Secundò, diuiditur terminus, seu nomen, in absolutum & connotatiuum. Nomen connotatiuum est, quod significat formam tanquam adiacentem, & quasi inhaerentem subiecto: vt album, vestitum, lignum, aureum. Nomen absolutum est, quod significat rem ad modum per se stantis: vt homo, animal, lapis. Itaque omnia nomina connotatiua sunt concreta, sed non omnia concreta sunt connotatiua. At omnia nomina abstracta sunt absoluta: sed non omnia absoluta sunt abstracta. Nam omne nomen connotatiuum denotat formam vt in subiecto, & ita est concretum. Sed nomina concreta, quædam denotant formam per modum adiacentis, & hæc sunt connotatiua: quædam denotant rem per modum per se stantis, modo scilicet substantiuo: & hæc sunt absoluta. Omne autem nomen abstractum denotat formam per modum, per se stantis, & ita est absolutum: sed quædam nomina absoluta denotant formam per se, & sunt abstracta: quædam substantiuo modo denotant rem habentem formam, & sunt concreta.

Tertiò, diuiditur terminus in denominatiuum & denominantem. Denominatiuum est, qui ab altero deriuatur. Denominans est à quo alius deriuatur. Itaque nomina denominatiua sũt, iustus, sapiens: denominantia, iustitia, sapien-

tia. Insuper denominatiua sunt, dealbatus, candidatus; & respectu horum denominantia sunt, albus, candidus.

Quartò, diuiditur terminus in communem, qui conuenit & communicatur pluribus; & singularem, qui est vni solum indiuiduo proprius. Et terminus communis diuiditur in transcendente, & non transcendente, & supertranscendente. Transcendens est, qui vnicuique rei conuenit: vt sunt hæc sex nomina, Res, Ens, Aliquid, Vnum, Verum, Bonum. Non transcendens est, qui non conuenit omnibus rebus: vt substantia, accidens, corpus, quantitas. Supertranscendens est, qui conuenit non tantum veris rebus, sed etiam negationibus & entibus rationis, vt cogitabile, intelligibile.

Quintò, diuiditur rursus terminus communis, in vniuocum, æquiuocum, & analogum. Vniuocus est qui significat naturam seu rationē communem pluribus, de quibus dicitur: vt homo significat naturam humanam communem Petro & Paulo & cæteris hominibus. Acquiuocus est qui potest significare plura, sed non dicitur vnum conceptum ijs cõueniē. Vt nomen Populus, dicitur de quadam arbore, & dicitur de multitudine hominum, nomen significans certam naturam vtrique parti communem: & nomen Gallus dicitur de gallo homine, & de gallo aue. Similiter verbum Volo, significat velle & volare: Lego significat legere & legare. Analogus est, qui plura significat diuersa quidem, tamen habentia inter se aliquam habitudinem, vel per modum ordinis & dependentiæ, vel per modum propositionis & assimilationis. Vt nomen sanum dicitur de homine, qui habet sanitatem, dicitur etiam de cibo eo quod cõseruat, de colore eo quod indicat sanitatem: & verbum Rideo propriè dicitur de homine ridente, & per proportionem ac metaphoram dicitur de prato floreente.

Sextò, diuiditur terminus singularis, in collectivum, qui plura significat per modum vnius; vt ciuitas, claustrum, determinatum, qui determinatè significat aliquid vnum; vt Petrus: in vagum, qui significat aliquid vnum, non tantum determinatè, sed vagè; vt quidam homo: & denum in terminum singularem ex suppositione; qui, licet ex se posset pluribus

Communis & singularis.

Communis, vniuocus, æquiuocus, & analogus.

Singularis, collectivus, determinatus, & vagus.

Termini concretus & abstractus.

Absolutus & connotatiuus.

Denominatiuus, & denominans.

ribus conuenire, tamen facta aliqua suppositione vni tantum conuenit, vt Francisci filius, si supponamus Franciscum habere vnum tantum filium.

*Positiuus
& negatiuus.*

Septimò, diuiditur terminus in positium & negatiuum. Positiuus est, qui significat aliquam veram rem, aut etiam aliquid fictum ad instar rerum; vt homo, lapis; chimera hircocerus; item amo, video. Negatiuus est, qui significat negationem alicuius rei: vt non homo, non ens, non chimera, non amo. Hæc autem negatio si fit in subiecto capaci illius formæ quæ negatur, dicitur priuatiuus; & ille terminus dicitur priuatiuus; vt cæcitas dicitur de oculo qui est capax visus, & tenebræ de aere, qui est capax lucis. Alioqui negatio si non fit in subiecto capaci formæ negatæ, dicitur pura negatio, & terminus purè negatiuus, vt non homo, non videns in lapide.

Prima & secunda intentionis.

Octauò demum diuiditur terminus, in terminum primæ intentionis vel impositionis, & secundæ intentionis. Terminus primæ intentionis est, qui significat rem prout est in se ipsa à partere rei: vt homo, agere, pati. Terminus secundæ intentionis est, qui significat rem prout est in intellectu, siue qui significat quasdam affectiones quæ non conueniunt rebus, prout sunt in se ipsis, sed prout à nostro intellectu concipiuntur: vt subiectum, prædicatum, genus, prædicari, subijci.

CAPVT SEPTIMVM.

De quibusdam Comparationibus Terminorum.

Possunt termini inter se comparari, & varij termini varijs modis comparantur: vnde etiam resultant diuersi gradus & ordines terminorum.

Termini inter se impertinentes.

Primò. Quidam termini dicuntur inter se impertinentes, eo quòd non habeant nec certam aliquam repugnantiam, neque connexionem inter se; & possunt ambo eidem rei conuenire, possunt etiam vnus sine alio reperiri: vt sunt diues & sapiens, doctus & albus, ambulare & amare: quorum terminorum vnus ad alium nihil pertinet.

Secunda comparatio terminorum est per repugnantiam & oppositionem inter se, ita vt simul esse non possint: vt homo & equus, album & nigrum. Potest autem hæc repugnantia & oppositio cōtingere multis modis. Primò enim aliqui termini dicuntur disparati, qui significant diuersas naturas seu formas impossibiles: vt homo & leo, ridere & rugire. Secundò aliqui dicuntur contrarij, qui ab eodem subiecto mutuò se expellunt: vt calidum & frigidum, album & nigrum, amare & odire. Tertiò aliqui sunt priuatiui, quorum vnus dicitur formam, alter carentiam eius formæ in subiecto capaci: vt visus & cæcitas, lumen & tenebræ, illuminari & obtenebrari. Quartò alij opponuntur contradictoriè, quorum vnus significat formam, alter negationem talis formæ, vel sine subiecto, vel in subiecto incapaci: vt homo & non homo, viuens & non viuens, curro & non curro in lapide. Quintò alij opponuntur relativi, qui nempe dicunt respectum, & ordinem inter se: vt pater & filius, dominus & seruus, videre & videri.

Termini se comittentes.

Tertia comparatio terminorum est per coniunctionem & connexionem quandā inter se: vt se habent homo & animal, homo & risibilis. Horum quidam se habent vt superius & inferius: sic animal & homo, moueri & currere. Et hi termini sunt ira connexi, vt vbicunque est terminus inferior sit etiam superior: sed non è conuerso. Sic vbicunque est homo, est animal; & omnis qui currit mouetur: sed non vbicunque est animal, est homo; non omnis qui mouetur currit. Quidam autem termini se habent vt aequales, qui inter se conuertuntur, & mutuò valet dicere, vbicunque est vnus, esse & alterum. Sic se habent homo & risibilis, animal & sensitiuum.

Termini, diuersi, diuersi, multi-noci.

Quarta demum comparatio terminorum obseruari solet quoad significationē. Et aliqui dicuntur diuersi: aliqui diuersiuoci: aliqui multiuoci. Termini multiuoci appellantur etiam synonymi: & sunt quādo plura vocabula eandem significationē habent, eandem rem significant: vt caesus & gladius, desidero appetere cupio. Diuersiuoci sunt, quando plures voces significant res diuersas, tamen cum aliqua affinitate & similitudine vocabuli: vt

acclius & declius, ascendo & descendo. Diversi demum sunt, quando & significata & vocabula diversa sunt absque vlla similitudine ipsius vocabuli: vt homo leo equus, amo lego ambulo.

CAPVT VIII.

De significatione & suppositione Terminorum.

Significatio & suppositio sunt per se idē. Nota vis terminorum in significatione consistit: circa quam plures distinctiones & variationes occurrunt, quas hoc loco diligenter adnotare oportet, quando ad directionem logicam, & precipue ad rectum syllogismorum usum valde deseruiunt. Significatio autem dicitur etiam suppositio: licet aliquo modo differant, sumendo suppositionem pro omni acceptione & usu termini, significationem autem solum pro acceptione termini ad denotandā re significatā, vt ex sequenti explicatione constabit.

Suppositio est acceptio termini, vel pro se, vel pro suo significato. Vt, dicendo homo est animal: ille terminus, homo, accipitur pro re, quam significare intendimus pro illud nomen: & sic terminus accipitur pro suo significato: & hæc ipsa est significatio termini, quæ propriè refertur ad rem. At, dicendo homo est nomen, amo est verbum: non accipitur homo pro re quam significat, sed pro se, hoc est pro ipsa voce. Vnde duplex distinguitur suppositio. Vna dicitur materialis: & est quando terminus accipitur pro se ipso. Alia dicitur formalis: & est quando terminus accipitur pro re significata. Quia enim, vt dixit Arist. in principio Elench. res ipsæ per se asserre in disputatione non possumus, ideo nominibus quasi rerum notis & signis vimur. Vnde dici debet terminus supponi pro re significata, id est poni loco illius. Dialectorum tamen usu factum est, vt potius actiuo modo dicantur termini supponere pro rebus. Et quia vterius ipsa vocabula hoc peculiare habent, quod de ijs loquuri possumus ipsamet in disputatione asserre, dum illa proferimus: hinc distincta est alia suppositio quæ dicta est materialis.

Rursus quia sicut alias res significamus per voces, ita etiam quasdam voces possumus significare per alias voces: & hæc erit etiam suppositio formalis. Videlicet cum dicimus nomē est vox significatiua sine tempore: si dicere intendimus, hanc vocem nomen esse significatiuam sine tempore, erit suppositio materialis. Si autem dicere intendimus, quodlibet vocabulum quod appellatur nomen, esse vocem significatiuam sine tempore; exercetur suppositio formalis: quoniam hæc ipsa vocabula significantur per ly nomen, & hæc vox nomen habet pro sua re significata: oēs voces quæ dicuntur nomina. Clariùs patebit hæc suppositio formalis, dicendo verbum est vox significatiua cum tempore, imo dicendo verbum est verbum. Hoc enim verificatur de verbis significatis, nempe amo, lego & ceteris: alioqui ipsa vox verbum non significat cum tempore, non est verbum, sed est nomen. Itaque secundum suppositionem materiale falsum est dicere verbum est verbum: sed dici debet verbum est nomen. Similiter secundum suppositionem formalem verum est dicere aduerbium est terminus syncategorematicus: sed secundum suppositionem materiale non est terminus syncategorematicus, imo est nomen. Et sic in alijs similibus. Deinceps ergo loquendū est de suppositione formali.

Suppositio formalis est duplex. Altera propria, quando accipitur terminus pro re quæ propriè significat. Altera impropria et metaphorica, quādo accipitur pro re ad quam per metaphoram translatio est: vt cum sumitur leo pro viro forti, agnus pro innocente.

Suppositio propria triplex est, absoluta, simplex, & personalis. Potest enim idem terminus habere significatum aliquod immediatum & aliquod mediatum, & huiusmodi præferuntur termini communes: homo immediatè significat naturam humanam & conceptum communem omnibus hominibus, mediatè significat homines singulares. Quando igitur nomen homo accipitur pro toto suo significato, rām mediato quā immediato, rām pro singulis hominibus quā pro homine in comuni: dicitur suppositio absoluta: vt dicendo homo est animal: hoc

Suppositio
formalis,
propria et
metapho-
rica.

Suppositio
propria,
absoluta
simplex
et perso-
nalis.

hoc enim prædicatum verificatur de homine in cõis, & de singulari in particulari. Quando autem accipitur pro solo significato immediato, idest solùm pro natura in cõis sumpta; dicitur supponere suppositione simplici: vt dicendo homo est species: hoc enim non verificatur de singularibus hominibus, sed tantùm de homine sumpto in vniuersali. Quando demum accipitur pro solo significato mediato, idest pro hominibus particularibus, dicitur supponere suppositione personali, vt dicendo homo currit: hoc enim nõ verificatur de homine in communi, sed tantùm de aliquo homine in particulari.

Suppositio personalis, discreta & communis.

Suppositio personalis tandẽ duplex est, discreta & communis. Discreta est, quando significatur aliqua res certa & determinata: vt Petrus illudet: hic homo currit. Communis est quando accipitur quidem nomen commune pro suis inferioribus in particulari, non tamen determinatẽ. Et hoc potest contingere quatuor modis.

Suppositio communis, distributiva.

Primò, potest nomen supponere pro omnibus suis significatis distributiue sumptis, ita vt cuiuslibet in particulari conueniat prædicatum: & hoc fit præcipuẽ, cũ additur signũ vniuersale omnis, vt omnis homo scire desiderat. Et hæc dicitur suppositio distributiva. Et hæc rursus potest esse duplex vel pro singulis inferioribus indiuiduis, vt in supradicta propositione: & dicitur suppositio distributiva pro singulis generum. Vel pro singulis inferioribus speciebus: vt cùm dicitur, omne animal fuit in arca Noe: & hæc dicitur pro generibus singulorum.

Copulata

Secundò, potest supponere nomen pro omnibus suis significatis collectiue sumptis, ita vt nõ conueniat prædicatũ singulis significatis per se sumptis, sed omnibus simul acceptis: vt omnes Apostoli sunt duodecim: neque enim cuiuslibet Apostolo particulari conuenit esse duodecim. Et hæc est suppositio copulata.

Determinata.

Tertiò, potest supponere nomen pro aliquo significato particulari, non quidem certo, sed vagẽ sumpto: vt aliquis homo currit, idest vel hic vel ille: vt si de quolibet posita in particulari dicatur hic & ille & alius homo currit, necessariò aliqua istarum erit vera, si illa prior fuit vera. Et hæc dicitur suppositio determinata.

Quartò, potest supponere nomen pro suis significatis disunctim acceptis: vt dicendo ad equirendum requiritur equus; hoc nomen equus, non supponit pro aliquo equo particulari: sed neque si singularis equus ea propositio applicatur, dicendo hic equus est necessarius, ille est necessarius, & sic de singulari; aliqua istarũ particularium erit vera. Sed solũ verum erit, quod aliquis equus erit necessarius. Et hæc dicitur suppositio cõfusa.

CAPVT NONVM.

De quibusdam variationibus significationis & suppositionis.

Potest deinde significatio & suppositio terminorum quibusdam modis variari per quasdam additiones aut conditiones: quarũ variationes hoc etiam loco recensendæ sunt. Et præcipuẽ septem huiusmodi variationes assignantur. Restrictio, Diminutio, Alienatio, Appellatio, Status, Ampliatio, Distributio.

Terminum.

Restrigitur significatio & suppositio alicuius termini, quando illi additur alia vox contrahens terminum ad pauciora significata: vt si dicatur, omnes homines saluabuntur, terminus omnes homines potest restringi, si ei addatur hæc vox iusti, omnes homines iusti saluabuntur. Hęc autem additio potest esse: vel nominis adiectiui, vt in exemplo adducto: vel nominis substantiui, vt Apostolus Paulus est doctor gentium: vel casus obliqui, vt vmbra Diui Petri sanabit infirmos: vel per additionẽ alicuius propositionis, vt omnis homo qui est iustus saluabitur: vbi ly qui est iustus, appellatur copula restrictionis. Et multis alijs modis potest hęc restrictio fieri.

Restrictio.

Restrictioni similis est diminutio, quia diminuitur integra termini significatio, vt Aethiops est albus secundum dentes.

Diminutio.

Alienatio est translatio termini à propria ad impropria & metaphoricam significationem per aliquam additionem: vt dicendo homo pictus, ly pictus transfert ly homo ad impropria significationem.

Alienatio.

Appellatio est applicatio significationis vnius vocabuli ad aliud: vt dicen-

Appellatio.

do Alexander est magnus Logicus, ly magnus applicatur illi nomini Logicus, & dicitur appellans, Logicus vero dicitur appellatus. Hæc appellatio potest similiter esse ex parte subiecti: vt Alexander Magnus, est Logicus. Notandum autem est, non bene sequi, quando terminus appellat prædicatum, debere etiam appellare subiectum, vel e contra. Non enim valet, Alexander est magnus Logicus, ergo Alexander Magnus est Logicus. Neque valet, Alexander magnus est Logicus, ergo est magnus Logicus. Item neque valet, Petrus est magnus Logicus, ergo est magnus, & est Logicus.

SINUS.

Alia tres proprietates cōueniunt terminis quatenus referuntur ad mensuram temporis, illisque proueniunt ex cōiunctione cum verbo. Nam quando terminus refertur tātū ad illud tempus quod verbo significatur, dicitur status termini: vt dicendo Petrus sedens, vel qui sedere disputat, qui sedebat disputabat, qui sedebat disputabit: in his enim exemplis ad illud solum tempus refertur subiectū, Petrus qui sedet, qui sedebat, qui sedebat, ad quod refertur verbum principale, disputat, disputabat, disputabit.

Ampliasio.

Deinde potest subiectum referri, non solum ad illud tempus quod verbo principali importatur, sed ad illud & ad aliud etiam tempus: vt omnes iusti saluabuntur, nomen iusti non solum supponit pro ijs qui erunt iusti, quasi ad solum tempus futurum referatur, ad quod refertur verbum saluabuntur: sed supponit etiam pro ijs, qui in tempore præfenti sunt iusti. Et hæc dicitur Ampliatio.

Distraſio

Denique potest subiectum referri ad tempus omnino diuersum a tempore significato per verbum principale: vt cæci vident, ly vident, denotat tempus præfens, ly cæci nullo modo: non enim, sensus est ij qui nūc sunt cæci vident: sed solum qui fuerunt cæci; quare ly cæci refertur solummodo ad

tempus præteritum, ad tempus omnino diuersum a tempore verbi. Et hæc dicitur Distrasio.

**

CAPVT DECIMVM.

De Termino complexo, & de Oratioe.

Hactenus de Terminis simplicibus & incomplexis secundum se tractatum est. Restat, vt de termino complexo, qui ex eis componitur, aliqua dicamus.

Terminus itaq. complexus est is, cuius aliqua pars separata significat. Quam definitionem iam explicauimus cap. 3. Nūc ad maiorem explicationem addendum: partes quæ terminum complexum componunt, debere aliqua cōiunctione grammatica inter se coniungi, vt vnum aliquem sensum cōficiant. Nam si plures termini incomplexi absque vlla cōnexionē coadunentur, non dicentur cōstituere terminum complexum; vt dicendo, Homo, Angelus, Petrus Antonius. Requiritur ergo, vt accipiantur aliquæ dictiones per modum vnius, quæ ita inter se congruant, vt vnum certum sensum reddant: vt homo iustus, filius Francisci, Petrus currens, & similia.

Terminus complexus definitur

Potestque terminus complexus constitui: vel ex terminis categorematicis, vt homo iustus: vel ex syncategorematicis, vt omni tempore: vel ex vno categorematico & alio syncategorematico, vt omnis homo. Pleraque alia quæ de terminis incomplexis diximus, complexis etiam applicari possunt: vt consideranti patebit.

Oratio ita definitur ab Aristotele. Est vox significatiua ad placitū cuius aliqua pars separata est significatiua. Quæ definitio non indiget noua explicatione. Hoc tamen notauerim, ideo dici, vox & non voces, quia plures voces debent sumi per modum vnius, vt dictum est de termino complexo. Hæc autem particula vox, non solum potest significare vocem siue dictionem ore prolaram, sed etiam mente conceptam, vt comprehendatur oratio mentalis, in conceptibus non vltimaris.

Oratio definitur

Diuiditur autem oratio in perfectam & imperfectam. Perfecta est, quæ integrum sensum continet, Deus est bonus, perfectus.

Oratio imperfecta

Antro-

Antonius studet. Imperfecta est, quæ non continet integram sententiam, ut Angelus Domini, omnis homo, & alij similes. Perfectarum orationum, aliæ sunt operationes, utinam placerem Deo: aliæ interrogatiue, ut quodnam est obiectum Logice? quid est homo? aliæ deprecatiue, ut parce mihi Domine: aliæ imperatiue, ut ama Deum: aliæ vocatiue, ut o homines ingrati: aliæ demum sue enunciativæ, ut Petrus currit, Antonius amat Franciscum, Paulus est doctus, quæ veritatem aut falsitatem continent. Potest autem esse aliqua oratio, quæ ex pluribus partialibus orationibus constituitur, qualis est syllogismus, & propositio coniuncta, ut homo iustus facit opera bona & consequetur vitam æternam.

Ex his colligitur, quod discrimen sit inter orationem & terminum complexum. Nam dicitur oratio integra, propositio: terminus autem complexus est is, ex quo componitur propositio. Unde supradicta propositio, homo iustus facit opera bona, dicitur oratio & non terminus complexus, sed constituitur ex terminis complexis, qui termini complexi sunt etiam orationes. Itaque omnis terminus complexus est oratio, ut etiam supra diximus cap. 3. Non tamen omnis oratio est terminus complexus. Igitur terminus dicitur is, cuius aliqua pars separata significat, & constituit propositionem. Oratio autem dicitur, cuius pars separata significat, siue constituit propositionem, siue sit ipsa propositio.

*Discrimen
orationis
à termino
complexo.*

TRACTATUS TERTIUS.

De Iudicio eiusque directione per Enunciationem.

Secunda intellectus nostri operatio vno simplici nomine appellatur Iudicium. Per conjunctionem etiam duplicis nominis appellatur Compositio & Divisio: quia cum duas partes habeat, affirmationem & negationem, prima dicitur compositio, secunda divisio. Illi etiam convenit nomen enunciationis, intelligendo enunciationem neutralem. Sed enunciatio vocalis est, quæ manifestat internam mentis iudicium. Et quia notior est, ideo sub nomine enunciationis directio iudicii perficienda est.

CAPVT PRIMVM.

Quid sit Iudicium:

Et quomodo per Enunciationem dirigi debeat.

*Iudicium
explicatur.*

Iudicium est actus nostri intellectus, quo determinatè cognoscimus rem esse aut non esse, affirmando aut negando. Exercetur hic actus, dum intellectus affirmat, v. g. homo est animal, homo non est lapis, & sic de alijs rebus omnibus. Itaque iudicium fertur circa connexionem aut separationem duorum extremorum. Et in illo invenitur id de quo fit affirmatio

aut negatio, id quod affirmatur aut negatur, & conjunctio, siue separatio utriusque. Et necessario iudicium in intellectu præsupponit simplicem apprehensionem ipsorum extremorum, ac etiam ipsius habitus finis eorum inter se. Et ideo dum aliquis profert integram aliquam enunciationem, debet is qui audit percipere integrum significatum: utius enunciationis, ad hoc ut affirmare possit aut negare.

Habet iudicium pro sua insigni perfectione veritatem. Et iudicium est verum, dum intellectus ita iudicat sicut reuera est, coniungit affirmando ea quæ re ipsa coniuncta sunt, separat negando ea quæ re ipsa separata sunt. Verum iudicium est,

Potest esse verum aut falsum.

est, quo intellectus affirmat hō est animal, homo non est lapis. Hinc veritati opposita est falsitas. Et iudicium est falsum, dum intellectus iudicat & putat aliter quā est, coniungit quæ re ipsa separata sunt, aut separat quæ coniuncta. Tunc dicitur intellectus falli ac decipi. Si v.g. affirmet quis homo est lapis, neget dicendo homo non est animal.

*Dirigitur
per enun-
ciationē.*

Hinc indiget iudicium directione logica, vt veram rerum notitiam assequamur, vt intellectus non decipiatur, & erret. Plerunque autem ad hunc finem discursu & argumentatione vtimur, quia ex notis ignota, & ex veris alia vera dignoscimus. Sed hoc modo iam transimus ad tertiam operationem, eiusquē directionem. Habet autem secunda operatio aliam suam propriam directionem per varias regulas & præcepta, quæ circa enunciationem traduntur. Vnde non immerito enunciatio dicitur se habere tanquā instrumentum huius directionis. Et si quidem consideretur enunciatio mentalis: quæcumque de enunciatione dicitur, per se & directē de ipso mentis iudicio procedunt. Maioris tamen commoditatis & facilitatis gratia sumitur enunciatio vocalis; & tota doctrina quæ de illa traditur, facillimē de ipso mentis iudicio intelligitur.

CAPVT SECVNDVM.

Quid sit Enunciatio.

Et ex quibus partibus componatur.

Enunciatio dicitur esse propositio. Sed propositionis nomen præcipuē habet per ordinem ad syllogismum: solet tamen etiam absolutē hoc nomine appellari. Ideo hic potius vtimur nomine enunciationis, interdum verō nomine etiam propositionis.

*Enunciatio
definitur.*

Enunciatio definiri debet ex Aristotele 1. Perihermi. capite 4. Enunciatio est oratio perfecta, quæ verum vel falsum significat. Dicitur oratio ad excludendum nomen & verbum & alios omnes terminos simplices. Dicitur perfecta, ad excludendos terminos complexos & ora-

tiones imperfectas. Dicitur denique quæ verum aut falsum significat, ad excludendas orationes perfectas non enunciatiuas: propriē enim oratio enunciatiua determinatē significat verum vel falsum: vt Deus est bonus, est enunciatio vera, Angelus est corporeus, est enunciatio falsa.

Enunciatio componitur ex terminis categorematicis, prædicato & subiecto. Prædicatum est illud quod de alio affirmatur, vel negatur. Subiectum est illud de quo aliud affirmatur, vel negatur. Si autem hi termini sint nomen & verbum, vt Petrus amat; ad completam enunciationem constituendam nihil aliud requiritur, vt patet. Si autem sint plura nomina; omnino necessarium est, explicite poni copulam est, vt homo est animal. Sed etiam quando ex parte prædicati ponitur verbum; implicite continetur copula præter subiectum & prædicatum. Vnde Petrus amat potest resolui Petrus est amans. Enunciatio quæ expressē continet copulam distinctā a prædicato, dicitur de tertio adiacente, quæ verō formatur per verbum sine distinctione copulæ & prædicati, dicitur de secundo adiacente.

Sunt & aliæ partes, quæ licet necessariæ non sint: possunt tamen etiam interuenire ad constituendam enunciationem. Huiusmodi sunt termini complexi, termini item syncategorematici; qui adiunguntur prædicato vel subiecto. Et ex parte copulæ præcipuē se tenet particula negatiua non, quæ constituit propositionem negatiuam. Ex parte subiecti se tenent signa vniuersalia & particularia. Quæ quatuor præcipuē sunt. Nam aliud est signum vniuersale affirmatiuum, omnis, quilibet. Aliud est signum vniuersale negatiuum, nullus. Aliud est signum particulare determinans certam rem, & demonstrans aliquid determinatum, hic, iste, ille: & specialiter vocatur signum singulare. Non additur signum particulare negatiuum: quoniam si dicatur non aliquis, idem valet ac nullus: sed non aliter potest formari enūciatio particularis negatiua, nisi coniungendo negationem cum copula.

Aduertendum est insuper, eundem terminum posse esse prædicatū & subiectum

*Enunciatio
constat
ex subie-
cto & præ-
dicato &
copula.*

*Ex termi-
nis etiam
syncatego-
rematicis*

*Potest idē
terminus*

*esse subie-
ctum &
predica-
tum.*

Etum in aliqua enunciatione, vt Petrus est Petrus. Hæc dicitur enunciatio identica: quia idem prædicatur de se ipso. Addendū est etiā posse prædicari, non solum terminum superiorem de inferiori, homo est animal; differentiam de specie, homo est rationalis; accidens de subiecto, homo est albus: sed etiam ē conuerso terminum inferiorem de superiori, quoddam animal est homo; speciem de differentia, rationale est homo; & subiectum de accidenti, aliquid album est homo. In priori statu & forma appellatur enunciatio & prædicatio directa & naturalis: in posteriori appellatur indirecta & innaturalis.

Cæterū ex his omnibus, quæ enunciationem constituunt, termini dicuntur materia: copula connectens terminos dicitur forma enunciationis. Signa vniuersalia & particularia dicuntur constituere quantitatem enunciationis. Assertionio autem & negatio ac etiam veritas & falsitas, dicuntur pertinere ad qualitatem.

CAPVT TERTIVM.

De Quantitate, & Qualitate
Enunciationis.

*Enuncia-
tionis quan-
titas per
signa vni-
uersalia
& parti-
cularia.*

Quantitas Enunciationis est quadam affectio eius resultans ex signis vniuersalibus aut particularibus affixis subiecto ipsius enunciationis. Si subiecto addatur signum vniuersale, efficitur propositio vniuersalis, omnis homo currit, nullus homo currit. Si addatur signum particulare, efficitur enunciatio particularis indeterminata, aliquis homo currit. Si addatur signum singulare, idest certum & determinatum, efficitur enunciatio singularis & determinata hic homo currit. Vnde dicitur etiam enunciatio singularis, Petrus currit; Paulus loquitur. Quod si subiecto de se quidem communi nullum apponatur signum, dicendo homo currit, enunciatio vocatur indefinita. Atque iuxta hos quatuor gradus quantitaris in enunciatione, distinguuntur quatuor enunciationis genera. Vniuersalis, Particularis, Singularis, & indefinita.

Qualitas enunciationis duplex est. Prima dicitur essentialis, & consistit in ratione affirmationis & negationis. Et sanè quilibet enunciatio debet esse affirmatiua vel negatiua. Vnde duplex distinguitur enunciatio, nempe affirmatiua & negatiua. Aduertendum tamen est, tunc propositionē esse negatiuā, cū negatio afficit copulā, vt homo nō est lapis.

Quādo verò negatio afficit aliquē terminū, vt homo est nō lapis: talis enunciatio non est negatiua, sed est affirmatiua de prædicato negatiuo & infinito, nisi forte alia negatio addatur ex parte copulæ, vt homo non est non lapis. Illud autem signum vniuersale negatiuum, nullus, quāuis coniungatur cum subiecto, nullus homo est lapis: tamen reuera afficit copulam; & ideo reddit propositionem negatiuam. Dum enim dicitur, nullus homo est lapis, sensus est, hic homo non est lapis, ille non est lapis, & sic de omnibus & singulis. Et similiter quādo prædicatur est aliquid verbum, vt Petrus currit, si nā enunciatio negatiua, negatio afficit copulam: idemquē erit dicere Petrus non currit, ac Petrus non est currens. Quōd si diceretur Petrus est non currens, enunciatio erit affirmatiua de prædicato negatiuo.

Alia qualitas enunciationis est, quæ dicitur accidentalis, & in veritate ac falsitate consistit. Enunciatio vera est, quæ enunciat rem sicut in se est. Falsa, est quæ enunciat aliter ac in se est. Illa correspondet iudicio mentali vero: alia iudicio mentali falso. Et omnis enunciatio est aut vera aut falsa.

*Qualitas
acciden-
talis, ve-
ritas &
falsitas.*

CAPVT IV.

De quibusdam diuisionibus &
speciebus Enunciationis.

Præcipua enunciationis diuisio est in simplicem & compositam. Simplex est, quæ simpliciter vni de alio affirmat, aut negat: vt Petrus est iustus, homo est animal rationale, homo impius non saluabitur. Composita est quæ ex pluribus simplicibus simul iunctis constat: vt Petrus est sapiens & est iustus; si sol lucet

*Enuncia-
tio sim-
plex & cō-
posita.*

dies est, & alia similes. Propositio simplex appellatur categorica. Composita appellatur coniuncta, hypothetica & coniuñctiue vna, quo loquendi modo Arist. vtitur. Prius itaque nobis de simplici agendum est postea de composita.

Enunciatio simplex, absoluta & modalis. Ad hoc igitur ut enunciatio simplex ulterius diuidatur, notandum est, prædicatum quod in enunciatione affirmatur vel negatur de subiecto pluribus modis se habere posse. Aut enim necessariò conuenit ipsi subiecto, ita ut impossibile sit non conuenire: ut homo est animal, impossibile enim est hominem non esse animal. Aut conuenit contingentèr, id est ita ut possit conuenire vel non conuenire: ut homo est iustus, potest enim homo esse iustus, & potest non esse iustus. His duobus modis conueniendi necessariò & contingentèr, communis est modus conueniendi possibiliter: siue enim prædicatum conueniat necessariò siue contingentèr, potest dici conuenire possibiliter, id est prædicatum posse conuenire subiecto. Aut denique prædicatum est impossibile, ut conueniat subiecto: ut esse lapidem homini, homo enim non potest esse lapis. Itaque alia enunciatio est in materia possibili, alia impossibili; alia in materia necessaria, alia contingenti.

Si igitur in aliqua enunciatione absolute dicatur prædicatum de subiecto, non explicando modum, quo illi conueniat, vel necessariò vel contingentèr, &c. ut homo est animal, homo est iustus; appellatur propositio absoluta, siue de inesse. Si autem explicetur etiam ille modus conueniendi, dicendo necesse est hominem esse animal, contingens est hominè esse iustum, appellatur enunciatio modalis. Prius ergo agendum modò est de enunciationibus absolutis, postea de modalibus.

Enunciatio absoluta de materia necessaria, si sit affirmatiua, dicitur etiam necessaria, & non solum vera: ut homo est animal, quia reuera necesse est hominem esse animal. Si sit negatiua, ut homo non est animal; dicitur falsa & impossibilis, quia est impossibile hominem non esse animal. Item si enunciatio de materia impossibili sit affirmatiua, ut homo est lapis; dicitur etiam falsa & impossibilis,

quia impossibile est hominè esse lapidem. Si verò sit negatiua, ut homo non est lapis; dicitur necessaria, quia necesse est hominem non esse lapidem. Enunciatio autem ex materia contingenti, siue sit affirmatiua siue negatiua, semper est contingens; quia contingens est hominem esse iustum, aut non esse iustum. De enunciatione in materia possibili si sit in materia necessaria, idem dicendum ac de enunciatione necessaria: si sit in materia contingenti, idem ac de enunciatione contingenti.

CAPVT V.

De Enunciationibus absolutis: Et primò de earum Oppositione.

Quantum ad constructionem enunciationis absolutæ, & alias affectiones eius in se, nihil superest peculiariter dicendum præter ea quæ de enunciatione communiter dicta sunt. Solum explicandæ supersunt quedam alia affectiones per comparisonem ipsarum enunciationum absolutarum inter se. Et tribus præcipue modis comparari possunt. Primò per oppositionem. Secundò per æquipollentiam, quando habent eundem valorem atque significationem. Tertiò per conuersionem, quando vna potest conuerti in aliam.

De oppositione. Triplici ex capite enunciationes possunt opponi. Primò ratione terminorum, secundò ratione quantitatis, tertiò ratione qualitatatis. Ratione terminorum illæ enunciationes sunt oppositæ, quæ opposita prædicata de eodè subiecto affirmant: ut hic homo est albus, hic homo est niger. Quare tot varijs modis poterunt enunciationes in hoc genere opponi, quot sunt variae oppositiones terminorum, de quibus diximus tractatu præcedenti cap. 7. Sed omisso hoc genere oppositionis, quo non multum Logica vtitur.

Enunciationes ex eodem prædicato & subiecto constantes opponuntur ratione quantitatis, quando vna est vniuersalis, alia particularis, & sub particulari deinceps etiam singularem intelligimus. Et hoc

Enunciationes sub alterna.

hoc modo enunciationes comparantur, etiam si utraque sit affirmatiua, aut utraque negatiua. Et hæc tunc dicitur subalternatio enunciationum; & tales enunciationes dicuntur subalternæ: æque enunciatio vniuersalis dicitur subalternans, particularis dicitur subalternata. Ita se habent, omnis homo currit, aliquis homo currit: nullus homo currit, aliquis homo non currit.

Contraria & subcontraria.

Ratione qualitatis essentialis opponuntur enunciationes, quando vna est affirmatiua, alia negatiua. Et quando ambæ sunt vniuersales, dicitur oppositio contraria: vt omnis homo currit, nullus homo currit. Quando ambæ sunt particulares, dicitur oppositio subcontraria: vt aliquis homo currit, aliquis homo non currit.

Contradictoria.

Coniungendo demum hanc utranque oppositionem, possunt enunciationes opponi ratione quantitatis, & qualitatis simul, quando vna est vniuersalis, altera particularis; vna affirmatiua, altera negatiua: vt omnis homo currit, aliquis homo non currit: nullus homo currit, aliquis homo currit. Et hæc dicitur oppositio contradictoria.

Vnde quatuor gradus oppositionis habentur; & quatuor gradus enunciationum. Alia enim enunciatio est vniuersalis affirmatiua, alia vniuersalis negatiua, alia particularis affirmatiua, alia particularis negatiua. Vniuersalis affirmatiua, & vniuersalis negatiua sunt contrariæ. Particularis affirmatiua & particularis negatiua sunt subcontrariæ. Vniuersalis affirmatiua & particularis affirmatiua, itemque vniuersalis negatiua & particularis negatiua, sunt subalternæ. Vniuersalis denique affirmatiua & particularis negatiua, item vniuersalis negatiua & particularis affirmatiua sunt contradictoriæ.

Veritas & falsitas.

Demum alia oppositio est ratione qualitatis accidentalis, qua vna enunciatio vera & altera falsa opponuntur: quæ veritas aut falsitas in qualibet ex positis enunciationibus inuenitur. Ad maiorem tamen noticiam huius rei, videndum est, quo pacto enunciationes dictis modis oppositæ possint esse simul veræ vel falsæ.

Enunciationes contradictoriæ nunquam possunt esse simul veræ, aut simul falsæ: sed necessariò vna debet esse vera, altera

falsa. Contrariæ nunquam possunt esse simul veræ: possunt tamen esse simul falsæ in materia contingenti; vt omnis homo currit, nullus homo currit. Sed in materia necessaria semper affirmatiua est vera, negatiua falsa. In materia impossibili semper negatiua est vera, affirmatiua falsa. Subcontrariæ nõ possunt esse simul falsæ: possunt tñ esse simul veræ in materia contingenti; vt aliquis homo currit, aliquis homo non currit. In materia necessaria sēper affirmatiua est vera, aliquis homo est animal: negatiua est falsa, aliquis homo non est animal. In materia impossibili semper negatiua est vera, aliquis homo non est lapis: affirmatiua falsa, aliquis homo est lapis: Tandem enunciationes subalternæ in materia necessaria semper sunt simul veræ: omnis homo est animal, aliquis homo est animal. In materia impossibili semper erunt ambæ falsæ: ois homo est lapis, aliquis hō est lapis. In materia contingenti, hæc est regula certæ: quodcumq; est vera vniuersalis, est etiam vera particularis: non tamen semper quando est vera particularis, est vera vniuersalis.

CAPVT VI.

De Aequipollentia & Conuersione enunciationum absolutarum.

Dicuntur enunciationes æquipollentes siue æquivalentes, quæ habent eundem valorem & eandem significationem: cum tamen materialiter diuersæ videantur. Hæc æquipollentia potest primò exerceri ratione terminorum, quando nempe termini sunt synonymi, eandem significationem habentes; sic hæc sunt enunciationes æquipollentes, gladius vulnerat, ensis ferit. Secundo, ratione quantitatis: quo pacto vna vniuersalis æquipollit omnibus particularibus siue singularibus simul sumptis: v. g. omnis oculus videt, oculus dexter videt, & oculus sinister videt. Tertiò denique ratione quantitatis & qualitatis simul: quo pacto ex varia positione signorum determinantium quantitatem & particulam negatiuam non, enunciationes efficiantur æquipollentes: vt nullus homo est iustus, non

Æquipollentia.

non aliquis homo est iustus. Sunt autem tres præcipuæ regulæ ad cognoscendam hanc æquipollentiam: Pro quibus præmonendum est: signum vniuersale, si ei antepōnatur negatio fieri particulare, vt non omnis erit signum particulare: item si signo particulari antepōnatur negatio, id fieri vniuersale, vt non aliquis est signum vniuersale: hoc verò non est intelligendum de signo singulari determinato.

*Primæ
regula.*

Primæ igitur regula est. Quando sunt duæ enunciationes contradictoriæ, si alicui illarum antepōnatur negatio, illa fit æquipollens suæ contradictoriæ, v.g. non omnis homo currit æquipollet cum aliquis homo non currit: non alius homo non currit æquipollet cum omnis homo currit.

*Secundæ
regula.*

Secundæ regula. In enunciationibus contrariis & subcontrariis, si alicui illarum addatur negatio post subiectum, efficitur alteri æquipollens. Sic ois homo nō currit æquipollet cū nullus hō currit: & nullus hō non currit æquipollet cū ois homo currit.

*Tertiæ
regula.*

Tertiæ regula. In enunciationibus subalternis, si vni illarum adiungantur duæ negationes, vna ante & altera post subiectum, efficitur alteri æquipollens. Sic non omnis homo non currit æquipollet cum aliquis homo currit: & non aliquis homo non currit æquipollet cum omnis homo currit. Similiter non nullus homo non est iustus, æquipollet cum aliquis homo non currit. Vt verò hæc enuntiatio negatiua subalternata, fiat æquipollens suæ subalternanti, vel dici potest non aliquis homo non nō currit: vel quia coniunctio duarum negationum valet pro ablatione negationis, satius erit dicere non aliquis homo currit.

*Conuer-
sionis*

Conuersio est commutatio terminorum enunciationis, qua prædicatum fiat subiectum, & subiectum prædicatum, seruata eadem forma suæ qualitate essentiali, debet enim affirmatiua conuertere in affirmatiuam, & negatiua in negatiuam: seruata item eadem veritate, debet enim vera conuertere in veram. Prior enuntiatio quæ conuertitur, dicitur conuersa; posterior in quam conuertitur dicitur conuertere. Potest autem hæc conuersio fieri tribus præcipuis modis.

*Primus
modus.*

Primò, quando non fit alia mutatio, nisi prædicati in subiectum & subiecti in prædicatum: seruata non solum eadem

qualitate, sed etiam quantitate. Et hæc dicitur conuersio simplex, conuersio in terminis. Hoc modo potest verè conuertere particularis affirmatiua, aliquis homo est animal, aliquod animal est homo: & vniuersalis negatiua, nullus homo est lapis, nullus lapis est homo. Non potest verè conuertere vniuersalis affirmatiua: cum enim verum sit dicere omnis homo est animal, verum non est omne animal est homo. Nec particularis negatiua, aliquod animal non est homo, alius homo non est animal. Potest tamen conuertere singularis negatiua, Petrus non est Paulus, Paulus non est Petrus.

*Secundus
modus.*

Secundò, potest fieri conuersio per mutationem non solum terminorum, sed et quantitatis. Et hæc dicitur conuersio per accedens. Hoc modo potest conuertere vniuersalis affirmatiua in particularem, affirmatiuam: omnis homo est animal, aliquod animal est homo. Item vniuersalis negatiua in particularem negatiuam, nullus homo est lapis, aliquis lapis non est homo. Non bene autem conuertuntur particulares in vniuersales: cum enim verum sit dicere, aliquis homo est animal, verum non est omne animal est homo: item aliquod animal non est homo, nullus homo est animal.

*Tertius
modus.*

Tertiò, potest taliter conuersio fieri, vt seruata eadem qualitate & quantitate, termini inuicem commutentur, & ex finitis fiant infiniti. Et hæc dicitur conuersio per contrapositionem. Hoc modo potest conuertere vniuersalis affirmatiua, omnis homo est animal, omne non animal est non homo: & particularis negatiua, aliquis homo non est albus: aliquod non album non est non homo. Cæterum harum conuersionum rationem latius reddit Arist. in libris Prior. Plures etiā aliæ conuersiones possent afferri: sed has quæ magis consuetæ sunt sufficiat explicatio.

CAPVT SEPTIMUM.

De Enunciationibus modalibus.

Enunciatio modalis est quæ explicat modum quo prædicatum conuenit vel non conuenit subiecto. Cum igitur modus conueniendi sit quadruplex, nempe possibilis, impossibilis, necessarius, & con-

*Enuncia-
tio moda-
lis expli-
catur.*

contingens: quatuor sunt quoque genera enunciationum modalium.

Potest autem hic conueniendi modus duobus formulis explicari. Vna est per aliquod aduerbium, dicēdo homo necessarius est animal, contingenter est iustus. Alia est, dicendo hominem esse animal esse necessarium, impossibile est hominem esse animal. In qua forma dicendi, ly hominem esse animal, hominē esse lapidem, a Dialecticis vocatur Dictū: ly verò, est necessarium, est impossibile, appellatur Modus. Vnde propositio modalis constat ex dicto & modo. Dictū se habet vt subiectū, modus vt prædicatum. Nam de dicto affirmatur aut negatur modus. Quādo enim dicitur necesse est hominem esse animal: de hoc dicto affirmatur modus necessitatis.

Enunciationis modalis quas
Sed quāvis enunciationes modales possint constare ex modo contingenti, necessario, possibili, & impossibili: tamē quælibet enunciatio modalis, si est vera, est necessaria: si est falsa, est impossibilis.

Vnde hæc dicitur necessaria, contingens est hominem esse album, quia ita est vera vt non possit esse falsa. E contra falsa & impossibilis est hæc, contingens est, siue possibile est hominem esse lapidem, quia impossibile est vt contingat hominem esse lapidem. Ex quo etiam patet ad veritatem enunciationis modalis, non debere per se attēdi veritas ipsius dicti in se, sed potius an modus verē affirmetur vel negetur de dicto. Quare hæc est vera, impossibile est hominem esse lapidem: & hæc est falsa contingens est hominem esse animal, quia falsum est id esse cōtingens. Et sic euidenter constabit in alijs omnibus.

Deinde quantum attinet ad affirmationem & negationem harum enunciationum modalium: non est attendendum, si dictū per se sit affirmatiuum, vel negatiuum, sed si modus affirmetur vel negetur de dicto. Itaque hæc est affirmatiua, necesse est hominem non esse lapidem, licet dictum sit negatiuum: & hæc est negatiua, necesse non est hominem esse doctum, licet dictum sit affirmatiuum.

Enunciationis modalis quantitas
Denique quoad quantitatem: duplex quantitas in eis considerari potest. Vna ex parte dicti, si sit vniuersale vel particulare, necesse est omnem hominem esse

animal, aliquem hominem esse animal. Alia ex parte modi. Vbi ex quatuor modis assignatis, duo dicuntur vniuersales, scilicet necessarium, & impossibile: & duo particulares, possibile, & contingens. Dicuntur illi vniuersales secundum tempus: quia nimirū modus necessarius ponit rem pro omni tēpore: modus impossibilis tollit rem pro omni tempore. Contingens autem non omni tempore, rem ponit aut tollit: & similiter possibile. At verò cuicumque ex his modis adiungatur negatio: si est vniuersalis, efficitur particularis: si est particularis, efficitur vniuersalis. Vnde hi erunt modi vniuersales, non contingere & non possibile: hi verò particulares, non necessarium, non impossibile.

CAPVT VIII.

De Oppositione, Aequipollentia, & Conuersione modalium.

PAUCA quædam & breuiter de hac ro-
attingemus, quæ magis necessaria
& vtilia videntur: relicta etiam omnino
enunciatione modali ex contingenti, que
vix certam aliquam regulam cum alijs
seruare posset.

De Oppositione igitur, necessarium & impossibile sunt modi contrarij, & efficiunt enunciationes contrarias: quare hæc sunt contrariæ, necesse est hominem esse iustum, impossibile est hominem esse iustum. Modi verò subcontrarij sunt, possibile & possibile non: quare hæc sunt subcontrariæ, possibile est hominem esse iustum, possibile est hominem non esse iustum. Itaque hic modus quem dicimus possibile non, constituit negationem ex parte dicti. Modi subalterni sunt necesse & possibile: item impossibile & possibile non: & hæc sunt subalternæ, necesse est hominē esse animal, possibile est hominem esse animal: itē impossibile est hominem esse lapidem, possibile est hominem non esse lapidem. Modi denique contradictorii sunt, necesse & possibile non: impossibile & possibile. Vnde hæc sunt contradictoriæ, necesse est hominem esse animal, possibile est hominem non esse animal: item impossibile est hominem esse animal, pos-
c
bile

Oppositio modalium ex parte modi.

bile est hominem esse animal. Possunt etiam enunciationes modales fieri contradictoriae per appositionem negationis ex parte modi; vt possibile est hominem esse animal, possibile non est hominem esse animal: & sic per singulos alios modos. Quantum verò attinet ad veritatem & falsitatem omnium harum oppositarum enunciationum, eadem regulæ valent, quas de veritate & falsitate in oppositione enunciationum absolutarum tradidimus.

*Oppositio
ex parte
dicti.*

Demum potest considerari aliqua oppositio quæ oritur ex oppositione dicti; quando scilicet dictum vnius enunciationis modalis est oppositum cum dicto alterius: vt necesse est omnem hominem esse iustum, necesse est nullum hominem esse iustum. Atque hæc oppositio, si cum oppositione modorum coniungatur, miras habet varietates. Sed quia res esset magis molesta, quam utilis, consulto illam latius prosequi omittimus. Satis erit advertere, non semper eandem oppositionem reperiri inter integras enunciationes modales, quæ inter ipsa dicta reperitur. Non enim hæc modales sunt contrariæ, possibile est omnem hominem esse iustum, possibile est nullum hominem esse iustum: siquidem ambæ sunt veræ, cum tamen dicta contraria sint, & non possint esse simul veræ.

*Aquipollentia
modi
modalium.*

De æquipollentia modalium dicendum est: Quando sunt duæ contradictoriæ ex parte modi, vt impossibile est, hominem esse iustum, possibile est hominem esse iustum: si alicui modo addatur negatio, vt non est possibile hominem esse iustum, vel non est impossibile hominem esse iustum; si hæc vna enunciatio æquipollens alteri quæ erat contradictoria. Item quando sunt duo dicta contradictoria, si de altera illorum affirmetur, nec esse de altero impossibile, sicut enunciationes æquipollentes: vt necesse est hominem esse iustum, impossibile est hominem non esse iustum. Alias regulas quæ assignari possunt, facile est colligere & considerare ex dictis.

*Conuersio
modalium.*

Conuersio denique enunciationum modalium consistit in conuersione terminorum dicti, ita vt prædicatum fiat subiectum, & subiectum fiat prædicatum. Possunt autem conuerti simpliciter enunciationes, in

quibus dictum est vniuersale negatiuum: vt necesse est nullum hominem esse lapidem, nullum lapidem esse hominem, & in quibus dictum est particulare affirmatiuum: vt necesse est aliquem hominem esse animal, aliquod animal esse hominem. In enunciationibus verò ex necessario, aut ex possibili, in quibus dictum fuerit vniuersale affirmatiuum, fiet conuersio per accedens: vt necesse est omnem hominem esse animal, aliquod animal esse hominem. Neque hæc conuersio habet locum in modalibus ex impossibili.

CAPVT NONVM.

De Enunciationibus coniunctis, siue hypoteticis.

Enunciatio cōiuncta est, quæ ex pluribus simplicibus simul iunctis constat. Debent autem ipsæ enunciationes simplices aliquo nexu iungi inter se, ad hoc vt dicantur constituere vnā coniunctam. Et hic nexus erit copula aliqua aduerbialis, sicut in ipsa enunciatione simplici datur copula verbalis.

*Enunciatio
coniuncta
explicatur.*

Multiplex esse potest huiusmodi copula & coniunctio aduerbialis, vnde plura genera enunciationis coniunctæ efficiuntur. Alia est copulatiua, qualis est particula, Et, atque, & similes æquivalentes: Deus est bonus et est iustus, Petrus loquitur ac Paulus audit. Alia est disunctiua, qualis est particula, vel, aut, siue, & omnis alia similis: Petrus vel est bonus vel malus, aut Petrus aut Paulus currit. Alia est illatiua, quæ denotat vnum sequi & inferri ex alio. Et hæc rursus multiplex est. Alia est condicionalis: si Sol lucret dies est. Alia est causalis: quia Sol lucret dies est. Alia demum dicitur rationalis: Petrus currit, ergo mouetur. Itaque coniunctio copulatiua constituit enunciationem coniunctā copulatiuā, disunctiua disunctiua, illatiua illatiua: & in hoc genere condicionalis conditionalem, causalis causalem, rationalis rationalem. Omnes tamē hæc enunciationes illatiuæ, alij solent appellare conditionales. Sed clarior est modus loquendi quo nos loquimur. Enunciatio etiam condicionalis est, quæ propriè dicitur hypotetica, id est ex hypo-

hypo-

hypotesi aliquid enuncians : & per extensionē vocabuli factum est, vt omnis enunciatio coniuncta dicatur *hypotetica*.

Omnes enunciationes coniunctæ habent suam qualitatem essentialē affirmationis aut negationis. Non quidem ex eo quod enunciationes simplices quibus constant, sint affirmatiuæ aut negatiuæ: sed eo quod copula aduerbialis affirmetur vel negetur. Tunc autem hæc copula negatur, cum in principio totius enunciationis coniuncta apponitur negatio: vt non Petrus currit & loquitur: non si Sol lucet dies est. Itaque hæc sunt affirmatiuæ, Petrus non currit & non studet: si Sol non lucet dies non est. Et idem obseruandum est in reliquis. Quantitatem verò enunciationes coniunctæ nullam habent propriam, sed ea solū attendenda est ex quantitate simplicium. Quare nec habet propriam oppositionem ratione quantitatis, habent tamen propriam oppositionem contradictoriam, quæ ex propria affirmatione & negatione ipsarū nascitur.

Copulatiua.

Vt iam de ijs enunciationibus sigillatim agamus, incipendum ab enunciatione copulatiua. Hæc potest constare ex duabus vel pluribus simplicibus. Ad eius autem veritatem requiritur, vt qualibet simplex vera sit; quare si vna tantum sit falsa, ipsa enunciatio copulatiua erit falsa. Itaque hæc est falsa, homo est animal & est rationalis, & est risibilis, & est lapis. Deinde tunc enunciatio copulatiua est necessaria, cum omnes eius partes sunt necessariae: tunc est contingens, cum vel vna solū simplex est contingens: tunc denique impossibilis, quando vel aliqua simplex est per se impossibilis, vel plures simplices sunt inter se repugnantes, ita vt sit impossibile illas esse simul veras. Ad enunciationes copulatiuas reducuntur eæ quæ dicuntur aduerbatiuæ: vt Petrus est prudens, sed tamen est fortis. Item aliæ quæ dicuntur comparatiuæ: vt sicut Petrus est doctus, ita & est Paulus. & aliæ similes.

Disiunctiua.

Enunciatio disiunctiua potest similiter ex pluribus & pluribus simplicibus constare. Ad eius veritatem requiritur, vt aliqua vna ex simplicibus verificetur, etiam si reliquæ omnes falsæ sint. Itaque hæc est vera, Petrus vel est lapis, vel est equus, vel est homo. Et si nulla ex simplicibus vera sit, tota disiunctiua est fal-

sa. Sed difficultas est, num quando omnes simplices sunt veræ, ipsa disiunctiua sit vera, vt Petrus vel est homo, vel est rationalis. Et veteres quidem Auctores talem disiunctiuam falsam existimauerunt: Recentiores autem plerique veram existimant. Sed Arist. 10. Met. cap. 4. significauit esse vanam & ridiculam. Et sanè in rigore disiunctionis videtur falsa: quia disiunctio veluti excludit & negat coniunctionem omnium partium. At ex intento loquentium potest esse vera: quando nempe aliquis intendit nec negare nec affirmare coniunctionem partium, sed solum veluti vagè affirmare veritatem alicuius partis. Deinde illa disiunctiua dicitur necessaria, quæ constat ex partibus contradictorijs, aut talibus quæ ad contradiCTORIAS possunt reduci: vt vel omnis homo mouetur, vel aliquis non mouetur: Petrus vel mouetur vel quiescit. Item illa cuius altera pars est necessaria: vt Petrus vel est homo vel est Angelus. Impossibiles dicitur, cuius omnes partes sunt impossibiles: vt homo vel est lignum vel est lapis. Contingens demum erit, cuius aliqua pars est contingens: vt homo vel currit vel est lapis.

Illatiua.

Enunciatio illatiua cum sit ea in qua vnum ex alio inferitur continet plures simplices quarum vna inferitur ex alia. Illa quæ inferitur, dicitur consequens. Illa ex qua hæc inferitur, dicitur antecedens. Ad veritatem totius illatiuæ requiritur, vt bene vnum ex alio deducatur.

*Condi-
tionalis.*

Et hoc in primis valet in enunciatione conditionalis, ad cuius veritatem nullo modo obest, si partes eius sint falsæ dummodo bene vna ex alia consequatur. Nam secundum Dialecticos propria veritas conditionalis consistit in consequentia. Itaque hæc est vera, si homo habet alas potest volare: hæc autem est falsa, si Petrus est albus est doctus, quia non bene hoc ex illo sequitur, etiam si re ipsa verum sit Petrum esse album & esse doctum. Vnde est illud commune proloquium, conditionalis nihil ponit in esse, quia non ponit veritatem enunciationum simplicium, ex quibus componitur. Ad enunciationem conditionalem plures alie reducuntur, quæ eundem sensum redu-

*Rationalis
est causa
falsa.*

Enunciatio rationalis præter bonitatem consequentiæ requirit etiam veritatem simplicium. Vnde hæc est falsa, homo habet alas, ergo potest volare. Enunciatio autem causalis præter hæc, requirit vt in antecedenti sit vera causa consequentis. vt quia ibi est ignis est fumus, causa enim fumi est ignis: hæc autem esset falsa, quia ibi est fumus est ignis: quamuis verum esset dicere, ibi est fumus, ergo ibi est ignis: rationalis enim non requirit, vt antecedens sit causa consequentis in essendo, & in hoc differt à casuali.

Cæterum omnes illatiuæ enunciationes, quando consequens infertur necessariò ex antecedenti, dicuntur necessariae: quando verò non prorsus necessariò, sed probabiliter, dicuntur probabiles. Vnde hæc est necessaria, si Petrus est homo est animal: hæc probabilis, si Petrus est cum iustis conuersatus, est iustus. Itaque etiam in enunciatione conditionali asserimus posse dari probabilem consequentiam. Et falsum putamus, quod multi dicunt, omnem enunciationem conditionalem vel esse necessariam vel impossibilem.

CAPVT X.

De quibusdam Enunciationibus exponibilibus.

*Enunciatio
exponibilis
exponitur.*

Sunt quædam enunciationes, quæ licet in se simplices videantur: tamen implicitè continent plures simplices enunciationes, quarè ad coniunctis reuocari possunt: quoniam si resoluantur, plures simplices in eis inueniuntur: quæ resolutio dicitur expositio: vnde exponibiles appellatæ sunt. Et præcipue tria sunt earum genera: alix sunt exceptiuæ: alix exclusiuæ: alix reduplicatiuæ.

Exclusiuæ.

Exclusiuæ sunt, quæ continent signum aliquod exclusiuum, solum, tantum. Itaque hæc est exclusiuæ, homo tantum currit. Cùm enim prædicatum aliquod possit pluribus & possit vni tantum rei conuenire, dum in aliqua enunciatione explicatur prædicatum illi soli subiecto conuenire, excluduntur alix res à participatione illius prædicati: ita vt si-

gnificetur soli illi subiecto conuenire illud prædicatum, & non alijs rebus. Hæc autem exclusio explicatur dicendo, homo tantum est rationalis. Quæ hoc modo resoluitur, homo est rationalis, & nulla alia res est rationalis. Itaque illa vna exclusiuæ resoluitur per has duas simplices. Similiter potest in aliqua enunciatione explicari, prædicatum ita conuenire subiecto, vt nullum aliud prædicatum illi conueniat: vt homo est tantum animal rationale. Quæ hoc modo per simplices exponitur; homo est animal rationale, & non est aliud quam animal rationale. Et hoc modo excluduntur alia prædicata ab illo subiecto: sicut priori modo excludebantur alia subiecta à participatione illius prædicati.

Habemus igitur propositionem esse exclusiuam, tum ex parte subiecti, tum ex parte prædicati: & quomodocunque sit, eas per duas simplices exponentes, quas veluti implicitè continebat, resoluiamus. Sæpè tamen ambiguum, est au signum exclusiuum se teneat ex parte prædicati, an ex parte subiecti, vt homo tantum currit, potest habere hunc sensum, homo currit, & nihil aliud facit, & sic exclusio est ex parte prædicati: potest etiam habere alium sensum, homo currit, & nulla alia res currit, & sic exclusio est ex parte subiecti. Et tunc vt veritas propositionis cognoscatur, distinguenda est. Quando autem signo exclusiuo additur negatio, vt non tantum homo currit; sensus est, homo currit, & aliquis alius currit, Petrus non currit tantum, idest Petrus currit & aliquid aliud facit.

Enunciationes exceptiuæ sunt, quæ continent signum aliquod exceptiuum, qualis est particula præter. Itaque hæc est exceptiuæ, omne animal præter hominem est brutum. Quæ exponitur & resoluitur hoc modo, omne animal quod non est homo est brutum, & homo non est brutum. Et ideo dicitur exceptiuæ, quia excipit hominem à participatione illius prædicati. Vnde hæc enunciationes exceptiuæ differunt ab exclusiuis penes diuersum explicandi modum. Aduertendum est autem, sæpè particulam præter idem valere atque

Exceptiuæ.

aeque ultra, ut omnes homines præter Aristotelem sunt Philosophi, hoc est ultra Aristotelem: & tunc sensus est, Aristoteles est Philosophus, & omnes etiam alij homines sunt Philosophi. Si autem ita exponeretur, omnes homines, excepto Aristotele, sunt Philosophi, tunc particula præter habet vim exceptionis & constituit propositionem exceptionem.

Reduplicativa.

Enunciationes reduplicativæ, quarum frequens in scientijs usus est, sunt quæ continent aliquam particulam reduplicativam, qualis est, quatenus, homo quatenus rationalis est risibilis. Et denotat rationem per quam prædicatum convenit subiecto. Cum enim eadem res habeat in se plures rationes, potest prædicatum aliquod ipsi convenire propter unam rationem, & non propter aliam. Ut ignis habet calorem & siccitatem; calefacere autem convenit igni, non ratione siccitatis, sed caloris. Reduplicatio igitur determinat rationem, per quam prædicatum convenit subiecto: ignis quatenus calidus calefacit & falsum esset dicere, quatenus siccus calefacit. Igitur propo-

sitio reduplicativa ita exponitur, ignis calefacit, & hoc convenit ei ratione caloris. Potest autem reduplicari etiam idem subiectum, homo quatenus homo est rationalis; & sensus est, rationalitatem convenire homini qua homo est. Unde hæc esset falsa, homo quatenus homo est albus, quoniam de ratione humanitatis non est albedo. Itaque hinc frequenter dicitur, propositionem aliquam esse veram, vel reduplicativè, vel specificativè. Hæc enim, homo est rationalis, dicitur vera reduplicativè, quia rationalitas convenit homini qua homo est: hæc autem, homo est albus, dicitur vera tantum specificativè, quia albedo non convenit homini cum illa reduplicacione qua homo est.

Alia quæ de his enunciationibus exponibilibus dici possent, omitimus, eo quod minimè necessaria sint. De omnibus item coniunctis quibus addi potest modus, ita ut efficiantur modales, plura dici possunt, quæ similiter necessaria non sunt, & ex dictis iam colligi possunt.

TRACTATUS QUARTVS.

De Discursu, eiusquæ directione per Argumentationem.

Hic est præcipuus & ultimus qui superest tractatus de directione tertie operationis intellectus, circa quam maxima pars Logicæ Aristotelis versatur, & quæ maiores habet difficultates, de qua proinde etiam à nobis fusiùs hoc loco agendum est: quia hæc pars est quæ magis desideratur & iuvat ad directionem logicam.

CAPVT PRIMVM.

Quid sit Discursus: & quomodo Argumentatione dirigatur.

Discursus explicatur.

Discursus est actus quidam intellectus cognitionis, quo unum ex alio inferitur. Dum nimirum intellectus post cognitam aliquam propositionem, ex illa infert aliam; & sic ex vi assensus

præstiti illi propositioni antecedenti, vel pluribus propositionibus, deducitur in cognitionem & assensum alterius conclusionis consequentis; & assensus huius conclusionis ex vi alterius præstiti cognitionis circa antecedens, est proprie discursus. Itaque discursus est etiam essentialiter iudicium, & in hoc convenit cum secunda operatione. Tamen in hoc differunt, quod in secunda operatione simpliciter iudicatur prædicatum convenire, aut non convenire subiecto. At in tertia

operatione hoc iudicatur per illationem ex alio antecedenti iudicio. Et hinc discursus dicitur ex notis ad ignota procedere.

*Potest esse
rectus,
aut indi-
catus.*

Potest intellectus discurrens errare, cum ex propositione aliqua cognita, non bene sed male aliam infert: unde sapē deceptio oritur, qñ putabimus verā esse illam conclusionem, quam ex veris propositionibus deducere videmur: & potest esse talis conclusio falsa, quando non bona, sed praua & viciosa illatio fuerit: vt si quis ita discurrat, homo mouetur, ergo currit: vbi potest esse antecedens verum & consequens falsum.

*Argum-
tatione di-
gigitur.*

Propterea discursus maximē directio- ne indiget, ne in inferendo erremus. Tradendūque est modus, quo vnum ex alio rectē inferatur: quo modo probē cognito & obseruato, discursus noster rectē procedet. Peculiare ergo instrumentum ad hanc directionem peragendam traditur Argumentatio: quæ id propriē habet vt rectē dirigat actum illum, quo intellectus ex cognito antecedenti infert conclusionem: argumentatione namque semper vtimur, vt benē vnum ex alio inferamus.

CAPVT SECVNDVM.

De Argumentatione in communi: & de regulis generali- bus eius.

*Argumen-
tatio ex-
plicatur.*

Argumentatio est oratio in qua vnum ex alio inferitur. Quæ definitio satis manifeste manet ex dictis. Et hinc constat, tres esse partes argumentationem componentes: nempe id quod inferitur, & dicitur consequens: id ex quo inferitur, & dicitur antecedens: & particulam illatiuam, quæ dicitur nota illationis, qualis est particula ergo. Ipsa autem formalis illatio siue sequela dicitur consequentia. Id quod inferitur, & id ex quo inferitur debet esse integra enunciatio: quare argumentatio necessariō continet plures enunciationes. Ipsæ enunciationes dicuntur materia proxima. Et quia enunciationes constant ex terminis, termini dicuntur materia remota.

*Est ma-
teria &
forma.*

In ipsis autem enunciationibus & terminis debet considerari quedam disposi-

tio siue coordinatio, vt scilicet talis terminus sit in hac propositione subiectum, in altera prædicatum, vel semper sit prædicatum, vel semper subiectum. Hæc dispositio, siue collocatio terminorum, dicitur forma argumentationis. Itaque in hac argumentatione, omnis homo est animal, omne risibile est homo, ergo omne risibile est animal: termini siue materia sunt homo risibile & animal; forma autem est ea collocatio terminorum, quæ homo est subiectum in prima, prædicatum in secunda propositione, risibile subiectum in secunda & tertia, animal prædicatum in prima & tertia. Rursus ad formam pertinet, qualitas & quantitas propositionum, quod nempe sint affirmatiue & vniuersales. Hæc autem forma potest cuiusque alteri materię applicari, id est in alijs terminis exerceri: quia quicumque alij tres termini possunt eodē modo disponi. Et tunc dicitur esse eadem forma, licet materia sit diuersa; vt omnis leo est substantia, omnis equus est leo, ergo omnis equus est substantia.

*Illatio-
nis boni-
tas.*

Deinde quia de ipsis terminis & enunciationibus secundum se iam satis egimus in prioribus tractatibus, tractandum modo magis superest de illatione, quæ præcipuē in argumentatione attenditur. Sciendum est itaque illationem siue consequentiam esse bonam, ex eo quod benē vnum ex alio sequatur siue inferatur, quamuis propositiones falsæ sint. Vnde hæc est bona consequentia, homo est equus, ergo est hinnibilis. Et potest consequentia esse, vel necessaria, vel probabilis. Necessaria est, cum consequens necessariō sequitur ex antecedenti, vt in exemplo posito. Probabilis est quando consequens tantum probabiliter & nō necessariō sequitur, vt Petrus diligenter studet, ergo doctus euadet. Sunt autem generales quedam regulæ, ad quamlibet argumentationem deferuentes, assignandæ, quibus declaratur quidnam possit in bona consequentia ex alio inferri.

Prima regula est. Verum inferitur ex vero & ex falso: vt Petrus est homo, ergo est rationalis: Petrus est equus, ergo est animal. Quāuis enim antecedens falsum sit, tamen ex eo benē sequitur consequens verum: quia ex eo quod dicatur esse equus benē sequitur esse animal: ita

*Bona illa-
tionis.
Prima re-
gula.*

vt qui concederet antecedens cogeretur ratione consequentiæ concedere etiam consequens.

Secunda
regula.

Secunda regula est. Falsum inferitur solum ex falso. Falsum inferri ex falso, patet: equus est homo, ergo est rationalis. Nunquam autem falsum inferri ex vero in bona consequentia, patet: quia nunquam fieri potest, vt aliquis admissio antecedenti vero, concederet ratione illationis consequens falsum. Vnde optimè est conuerso ex falsitate consequentis, inferitur etiam antecedens esse falsum. Bene etiam inferitur contradictorium antecedentis ex contradictorio cōsequentis: quia eadem est ratio, vt patet. Ex his duabus regulis constat verissimum esse quod dici solet: Ex vero non nisi verum, falsum non nisi ex falso, ex falso verum & falsum.

Tertia re-
gula.

Tertia regula est. Consequens necessarium inferitur, tum ex antecedenti necessario, tum ex impossibili, tum ex contingenti: vt Petrum esse animal est necessarium. Potest inferri ex eo, quia Petrus est homo, quod est necessarium: ex eo quod dicatur esse equus, quod est impossibile: & ex eo quod currat, quod est contingens. Vnde dici solet, necessarium sequi ex quolibet.

Quarta
regula.

Quarta regula. Impossibile solum sequitur ex impossibili. Non enim potest sequi ex necessario, nec ex contingenti. Quare quodcumque consequens est impossibile, & consequentia bona, planè inferitur antecedens esse impossibile.

Quinta
regula.

Quinta regula. Contingens inferitur, tum ex impossibili, tum ex contingenti: vt homo currit, ergo mouetur; homo volat ergo mouetur. Non potest autem contingens inferri ex necessario. Quia, ex necessario non sequitur nisi necessarium: ex impossibili autè sequitur quodlibet: ex contingenti contingens & necessarium.

Sexta re-
gula.

Sexta regula. Ex quocumque sequitur antecedens, sequitur etiam consequens: vt cum dicimus Petrus est animal, ergo est substantia, illud antecedens potest inferri ex alio antecedenti, Petrus est homo, ergo est animal: ex hoc igitur etiam antecedenti, Petrus est homo, benè sequitur illud prius consequens,

ergo est substantia.

Septima regula. Quicquid sequitur ex consequenti, sequitur etiam ex antecedenti: vt Petrus est homo, ergo est animal: ex eo quod est animal inferitur quod sit sensitiuus: quare etiam ex eo quod est homo sequitur hoc idem.

CAPVT III.

Quotuplex sit Argumentatio.

Cum in quolibet consequenti includantur duo termini subiectum & prædicatum. Vno modo fit illatio assumendo aliquem alium terminum ab ijs distinctum: v. g. homo est rationalis, ergo homo est risibilis. Talis terminus distinctus appellatur argumentum, quo probatur conclusio. Alio modo potest inferri consequens, nullo alio posito termino distincto: vt cum inferimus propositionem conuertentem ex conuersa, aliquis homo est animal, ergo, aliquid animal est homo: item cum inferimus vnam aequipollentem ex alia, subalternatam ex subalternante.

Consequen-
tia, et Ar-
gumentatio.

Argumentatio potest vno modo amplecti vni vt vtriusque genus completa ur. Alio modo præse sumitur pro ea, quæ procedit ex medio distincto: & alia illationes appellantur potius mera consequentia.

Deinde diuiditur argumentatio in materiale & formalem. Materialis est, quæ concludit ex vi materiæ, siue ex vi connexionis materialis, quam habent termini inter se. Formalis est, quæ concludit ex vi formæ, hoc est ex vi dispositionis & collocationis terminorum, in qua dicebamus consistere formam argumentationis. V. g. hæc argumentatio, Petrus est homo, ergo est rationalis, benè concludit: benè namque inferitur ex eo quod est homo est rationalis, quia homo & rationale necessario cōiunguntur. Er sic dicitur concludere ex vi materiæ. Si autem hæc eadem forma argumentandi exerceatur in alia materia, potest esse vt non benè concludat: vt si dicas, Petrus est homo, ergo est hinnibilis. Similiter benè concluditur ex vi materiæ, omne secundum sequitur primum, omne

Argumē-
tatio ma-
terialis et
formalis.

tertium sequitur secundum, ergo omne tertium sequitur primum. At si hæc eadem forma alteri materiæ applicetur, non bene concludet, omnis iustus fugit impium, omnis impius fugit Deum, ergo omnis iustus fugit Deum.

Hæc autem argumentatio omne animal est viuens, omnis homo est animal, ergo omnis homo est viuens, est formalis & concludit ex vi formæ: quæ eadem forma, in quacunque alia materia, exerceatur & in alijs terminis, semper consequentia erit optima. Vnde si dicatur, omnis lapis est animal, omnis homo est lapis, ergo omnis homo est animal: consequentia erit bona: quia quævis propositiones sint falsæ, tamen ex illis bene inferitur illud consequens ratione formæ, scilicet ratione talis dispositionis & collocationis terminorum; quæ dispositio cum apta fuerit, semper apte concludet. Et quidem argumentationes illæ quas diximus appellari potius consequentias apte concludunt ex vi formæ: quia si v. g. hæc forma conuersionis, nullus homo est lapis, ergo nullus lapis est homo, applicetur cuiusque alteri materiæ semper bene concludet. Vnde hæc erit bona consequentia, nullus homo est animal, ergo nullum animal est homo: & idem est de alijs. Argumentatio autem propriè dicta potest esse formalis & materialis. Omniq; illatio formalis est necessaria: materialis potest esse necessaria vel probabilis iuxta connexionem vel necessariam vel probabiliter existimata inter ipsos terminos.

Argumentationis species, Syllogismus. Enchymema. Inductio. Exemplum.

Demum argumentatio propriè dicta diuiditur in quatuor species, syllogismus, Enchymema, Inductionem, & Exemplum. Exemplum est cum argumentum petitur ab exemplo. Petrus in diuinijs felicitatem non inuenit, ergo neque Paulus inueniet. Inductio est à singularibus ad propositionem vniuersalem: homo est sensitiuus, leo est sensitiuus, & sic de singulis animalibus, ergo omne animal est sensitiuus. Enchymema est, quod ex duabus enunciationibus constat hoc modo: homo est rationalis, ergo est risibilis. Syllogismus est cum ex duabus propositionibus certo modo dispositis inferitur conclusio: omnis homo est animal, Petrus est homo, ergo est animal.

Atque omnis syllogismus ex vi formæ concludit, cæteræ argumentationes, vel plurimum ex vi materiæ. Iam nunc specialiter de syllogismo agendum est: quoniam aliæ argumentationis species ad syllogismum reduci debent, & ex illo vim sumunt.

CAPVT QVARTVM.

De Syllogismo.

Syllogismus, præcipua argumentationis species, ita definitur. ab Aristotele 1. Prior. cap. 1. Est oratio, in qua quibuscumque positis, aliud quid ab ijs quæ posita sunt ex necessitate accidit. Et sensus est, syllogismum esse orationem continentem plures propositiones, ex quibus apto modo dispositis, aliqua distincta conclusio necessariò sequitur & inferitur. Illæ autem propositiones debent esse dictæ, quæ dicuntur præmissæ, & illa quæ inferitur dicitur conclusio.

Syllogismus definitur.

Ex quo intelligitur, quæ sit materia, syllogismi, & quæ forma. Materia enim proxima sunt ipsæ propositiones, materia remota sunt propositionum termini. Forma autem est certa illa dispositio terminorum ac propositionum modo requisito ad inferendam conclusionem.

Colligitur etiam ex hac definitione, consequentiam siue illatione syllogismi secundum se esse necessariam, & non posse dici tantum probabilem. Item colligitur, syllogismi concludere ex vi formæ. Ad hoc tamen, ut quis cedere teneatur conclusionem, non sufficit bona forma syllogismi, si præmissæ negentur. Sed quodcumque quis concesserit præmissas, si ex eis in bona consequentia conclusio deducatur, non poterit negare conclusionem. Et hoc denotatur per illam particulam definitionis, quibusdam positis: ubi propterea aliqui magis explicat, quibusdam positis & concessis.

Itaque per hanc definitionem differt in primis syllogismus ab omni alia consequentia quæ non erat tam propriè argumentatio: quia cum conclusio syllogismi debeat esse propositio distincta à præmissis, oportet dari argumentum siue medium terminum distinctum ab ijs

Differt ab omni alia argumentatione.

terminis qui in conclusione ponuntur. Differt item syllogismus ab omnibus alijs argumentationis speciebus, enthymemate, exemplo, & inductione: quia de nulla harum argumentationum dici potest, quod quibulda propositionibus certa forma dispositis, aliud consequens necessario deducatur. Non enim in ijs habentur plures propositiones ita dispositae, ut ex vi formae consequens necessario inferatur.

duo termini coniunguntur cum tertio, quod est argumentum, & in conclusione illi duo termini coniunguntur inter se. Et haec est vis syllogismi, quod ex coniunctione seu habitudine duorum cum tertio, inferatur coniunctio & habitudo eorum inter se. V. g. homo est animal, Petrus est homo; ergo Petrus est animal.

Ex his autem tribus terminis, illi duo qui in conclusione ponuntur, & qui in praemissis coniunguntur cum tertio, dicuntur extrema; & unus dicitur maius extremum, seu maior extremitas: alius dicitur minus extremum, seu minor extremitas. Ille autem tertius terminus qui ponitur tantum in praemissis & non in conclusione dicitur medium, medius terminus. Quoniam veluti extrema coniunguntur prius cum medio, ut per illum coniungantur inter se. Et ex duabus praemissis, una dicitur maior, altera minor: una dicitur maior, in qua ponitur maius extremum: altera minor, in qua ponitur minus extremum.

*Extrema
& mediū*

CAPVT V.

De materia Syllogismi.

Pateat ex dictis, materiam proximam syllogismi esse debere tres propositiones, nempe duas praemissas & unam conclusionem. Et magis proprie nomen propositionis convenit ipsis praemissis, quae proponuntur ad inferendam conclusionem, praeposuntur conclusioni, tamen per extensionem vocabuli, & conclusio & omnis enunciatio appellari solet etiam propositio.

*Materia
proxima
sunt pro-
positiones*

Propositiones, ex quibus syllogismus componitur, possunt esse coniunctae & hypoteticae: & haec constituunt syllogismum hypoteticum. Possunt esse modales: & haec constituunt syllogismum modalem. Possunt esse simplices & absolutae: & haec constituunt syllogismum qui dicitur categoricus. Et de hoc specialiter modo loquimur.

*Remota
sunt ter-
mini.*

Pateat etiam ex dictis materiam remotam syllogismi esse terminos. Modò videndum superest, quot & qui esse debeant termini ex quibus propositiones syllogismi consistant. Et dicendum est debere esse tres, ita ut nec pauciores nec plures esse possint. Nam in conclusione debent esse duo termini subiectum & praedicatum. In praemissis debet esse alius terminus distinctus, qui dicitur argumentum, ex quo probatur conclusio. Et in una praemissa coniungitur cum hoc argumento unus illorum terminorum, qui postea in conclusione ponuntur, in alia praemissa alius. Et ita quilibet ex tribus propositionibus differt a quolibet alio per unum terminum: & quilibet terminus bis ponitur in syllogismo. Itaque in praemissis

Postremo advertendum est medium terminum posse esse vel communem, vel singularem. Si est singularis, efficit syllogismum, qui dicitur expositivus. Si communis, efficit syllogismum qui absolute appellatur syllogismus categoricus. Item terminos posse poni vel in recto, homo est animal, vel in obliquo, Regnum est a Deo, & hic dicitur syllogismus ex obliquis. De syllogismo ergo expositivo, & ex obliquis, postea separatim agemus: modo loquimur specialiter de eo, qui absolute dicitur syllogismus.

CAPVT SEXTVM.

De forma Syllogismi.

De tribus figuris, & de diuersis figurarum modis.

Forma syllogismi duo dicit. Vnum est apta dispositio & ordinatio terminorum inter se, extremorum cum medio. Et haec dicitur figura syllogismi: quae ita definitur, est apta collocatio terminorum cum medio, in praemissis secundum debitam subiectionem & predicationem,

*Forma 13
sistit in fi-
gura &
modo.*

ad

ad aliquid concludendum. Aptæ autem collocatio est, ut in vna præmissa coniungatur vnum extremum cum medio, in altera præmissa alterum extremum cum eodem medio, in conclusione coniungatur ipsa extrema sine repetitione medi.

*Figura
sunt tres.*

Deinde hæc dispositio terminorum, triplex esse potest: vnde tres figuræ distinguuntur. Prima est, quando medium vni extremo subiicitur & de altero prædicatur. Secunda est, quando medium de vtroque extremo prædicatur. Tertia est, quando medium vtrique extremo subiicitur. At verò in prima illa dispositione videtur distingui si medium subiicitur maiori extremo, & prædicatur de minori: aut è conuerso subiicitur minori & prædicatur de maiori extremo. Quando medium subiicitur maiori, & prædicatur de minori extremo, est prima figura si è conuerso subiicitur minori & prædicatur de maiori, videbitur alia figura distincta. Et ita refertur ex sententia Galeni quæta figura. Verum hæc à Peripateticis non recipitur. Et nos putamus non debere à prima distinguere, quia quodcumque vnum extremum prædicatur, & alterum subiicitur, respectu medi, illud quod prædicatur dici debet maius, & quod subiicitur minus extremum: & ita non potest dari illa distinctio. De qua re suo loco in Logica plenius discurremus.

*Modi sunt
sexdecim*

Aliud in quo præter figuram consistit forma syllogismi, est dispositio præmissarum secundum quantitatem & qualitatem essentialem; hoc est secundum vniuersalitatem & particularitatem, affirmationem & negationem. Hic dicitur modus syllogismi. Non quilibet autem modus in qualibet figura concludit. Sed certæ regulæ assignandæ sunt, qui modi in qua figura cōcludat. Vnde aliqui modi dicuntur apti & viles, aliqui inapti & iniuriles. Atque in vniuersum, sexdecim distincti modi in qualibet figura esse possunt. Quod patet sic. Vel vtraque præmissa est vniuersalis: & hic est vnus modus. Vel vtraque particularis: & hic est alius modus. Vel maior vniuersalis & minor particularis: vel maior particularis & minor vniuersalis: & hi sunt duo alij modi. Et ita habentur quatuor modi ex parte quantitatis. Deinde

horum quilibet quadruplex esse potest ex parte qualitatibus. Aut enim ambæ præmissæ sunt affirmatiuæ; aut ambæ negatiuæ: aut maior affirmatiua & minor negatiua: aut maior negatiua & minor affirmatiua. Vnde habentur sexdecim distincti modi.

Iam ut designentur qui modi in qua figura concludant, & vt faciliter memoria retineri possint: quatuor versus à Dialecticis miro artificio elaborati extant, qui decem & nouem vocabula continent: & singula vocabula singulos modos signant. Versus & vocabula hæc sunt.

Barbara. Celarè. Darij. Ferio. Baraliptō.
Celātes. Dabitis. Fapemo. Frisefomorū.
Celare. Camestres. Festino. Barocco.
Darapti.
Felapton. Disamis. Datifi. Bocardo.
Ferison.

Harum dictionum qualibet tres syllabas cum tribus vocalibus continet. In ijs autem, in quibus plures conueniunt primæ tantum tres considerandæ sunt: reliquæ ad solam versus ac commoditatem appositæ sunt. Hæ tres vocales, tres syllogismi propositiones denotant: prima maiorem; secunda minorem; tertia conclusionem. Hæ autem vocales non sunt nisi, A, E, I, O. A denotat propositionem vniuersalem affirmatiuam, E vniuersalem negatiuam. I particularem affirmatiuam, O particularem negatiuam. Itaque illius modi cuius prima vocalis est A, maior debet esse vniuersalis affirmatiua: cuius fuerit E, debet esse vniuersalis negatiua: & sic de reliquis. Vnde Barbara habet omnes tres vniuersales affirmatiuas; Celarent maiorem & conclusionem vniuersalem negatiuam, minorem vniuersalem affirmatiuam; & sic in reliquis modis.

Cæterum non omnes hi modi bene concludunt in singulis figuris. Sed alij in prima, nempe primi nouem, Barbara, Celarent, &c. Alij in secunda, nempe sequentes quatuor, Celare, Camestres, Festino, Barocco. Alij in tertia, nempe sex ultimi. Ex illis autem sexdecim structuris modorum quas antea numerauimus, aliquæ in nulla figura deiciuntur, aliquæ in una tantum, aliquæ in pluribus. Et ideo mutato numero decem & nouem modi.

*Modi vni
les in sin
gulis figu
ris.*

modi viles pro omnibus figuris in vniuersum efficiuntur; in prima nouem tantum, in secunda quatuor, in tertia sex.

CAPVT VII.

De Regulis generalibus ad omnes figuras.

VT ex propria radice pateat, quoniam ex illis sexdecim modis viles, quoniam verò inutiles, & quoniam ratione in singulis figuris existant, quoniam quidam regula tradenda & obseruanda sunt.

Prima regula.

Prima regula est ad excludendas propositiones indefinitas, has non debere in syllogismis collocari. Et quidem in illis modis nominata non sunt, sed penitus pratermissæ propositiones indefinitæ. Interdum tamen ponitur aliqua indefinita pro particulari vel vniuersali. & tunc vtique bene pro illa deseruit.

Secunda regula.

Secunda regula. Ex duabus præmissis particularibus, siue affirmatiuis, siue negatiuis, nihil sequitur. Vnde nullus vtilis modus extrahitur, qui ex huiusmodi particularibus procedat. Per hanc regulam excluduntur quatuor ex illis sexdecim modis: vnus qui constat ex particularibus affirmatiuis, alius qui ex negatiuis, alius qui ex maiori affirmatiua & minori negatiua, alius qui ex maiori negatiua & minori affirmatiua.

Tertia regula.

Tertia regula. Ex duabus præmissis negatiuis nihil vi formæ bene concluditur. Per hanc regulam similiter excluduntur quatuor ex illis sexdecim modis duo qui consistunt ex ambabus negatiuis, vel vniuersalibus, vel particularibus; & alij duo qui ex vna vniuersali & altera particulari. Quia autem is qui constat ex duabus particularibus negatiuis per vtramque hanc regulam excluditur: septem modi sunt qui per has duas regulas excluduntur. Reliqui nouem viles sunt. Sed quoniam illorum in qua figura concludantur, in sequentibus constabit. Modo supersunt alie regulæ obseruandæ pro ipsis modis vilibus vt bene concludantur.

Quarta regula.

Quarta regula est. Termini non debent mutari aut variari per aliquam additionem vel deductionem, dum singuli termini secundo loco repetuntur. V, g. si

quis dicat omne animal rationale est homo, debet in minori repetere totum illud terminum complexum: alioqui si solum diceret, omne sensitiuum est animal, inferret omne sensitiuum est homo, quod est falsissimum: quamuis præmissæ veræ sint, & syllogismus vi deatur in Barbara. Item si quis pro maiori assumat, Petrus amat Paulum, vbi per resolutionem propositionis prædicatum est amans Paulum: deberet postea id totum repetere, & non posset repeti solum Paulus. Ideo etiam, non bene concluditur, omnis homo differt à leone, omne rugibile differt ab homine, ergo omne rugibile differt à leone: quia in maiori subiectum est ly homo, in minori autem additur differt ab homine. Itaque quando aliquis terminus variatur: tunc in rigore efficiuntur quatuor termini: & ideo non fit aptus syllogismus ex vi formæ concludens.

Quinta regula.

Quinta regula. Omnes & singuli termini debent retinere eandem suppositionem & significationem. Et ad hanc rem valde deseruiunt ea quæ circa significationem & suppositionem terminorum, diximus tractatu a. Itaque hic non erit bonus syllogismus, omnis agnus est brutum, omnis innocens est agnus, ergo omnis innocens est brutum: quia agnus in maiori supponit propriè, in minori metaphoricè; & ita variatur suppositio. Licet omnis populus est arbor, omnis ciuitas est populus, ergo omnis ciuitas est arbor: quia populus accipitur secundum diuersam significationem. Vnde licet materialiter sint tres termini, tamen formaliter sunt quatuor termini.

Sexta regula.

Sexta regula, de suppositione medij termini. Medium debet distribui supponere in aliqua præmissa: vt dicendo omnis homo est animal, Petrus est homo, &c. ly homo distribuitur in maiori: item dicendo aliquod animal non est homo, ly homo verè distribuitur: quia sensus est, neque est hic neque ille neque vilius homo, & sic homo accipitur pro omnibus & singulis. Itaque dupliciter fit hæc distributio: terminus qui est subiectum propositionis distribuitur per appositionem alicuius signi vniuersalis, omnis, nullus: qui est prædicatum distribuitur per propositionem negatiuam, non, per affirmatiuam. Debet autem medium distri-

distribui iuxta exigentiam extremorum. Cum enim duplex sit distributio, una pro generibus singulorum, altera pro singulis generum: interdum prima sufficit: interdum secunda, requiritur. Vt bene dici potest, omne animal fuit in arca Noe, equus est animal, ergo &c. quia cum equus sumatur pro specie, sufficit animal distribui pro generibus siue speciebus. Non autem bene diceretur, hic equus est animal, ergo hic equus fuit in arca Noe: quia cum hic equus sit indiuiduum, animal debuisset distribui pro omnibus & singulis indiuiduis, quo sensu maior esset falsa. Insuper hinc oritur regula valde notanda in Diuinis. Cum enim essentia Diuina quamuis singularis sit realiter communis tribus personis, potest suo modo sumi distributiue, & debet sic sumi iuxta exigentiam terminorum. Vnde si quis dicat omnis essentia Diuina est Pater, Filius est essentia Diuina, ergo Filius est Pater: non bene concludit: quia essentia Diuina cum sit communis tribus personis, deberet sic distribui: omnis persona quæ est essentia Diuina est Pater: & hæc propositio falsa est, & ita non mirum si inferat falsam conclusionem. Et alia similia obseruari possunt. Itaque medium debet distribui iuxta exigentiam extremorum.

Septima
regula.

Septima regula, pro distributione extremorum. Extremum, quod non distribuitur in sua præmissa, non est distribuendum in conclusione. Si ergo dicatur, omnis homo est animal, omnis homo est substantia, ergo omnis substantia est animal: non bene concluditur, quia ly substantia distribuitur in conclusione, & non in præmissis. Nec est aptus syllogizandi modus, cum ex præmissis veris inferatur conclusio falsa.

Octaua
regula.

Octaua regula pro ipsa conclusione. Quandocunque altera præmissarum fuerit particularis vel negatiua, conclusio non potest esse nisi particularis aut negatiua: & sic conclusio dicitur semper sequi debiliorem partem. Potest autem, ex vtraque præmissa vniuersali inferri conclusio particularis: vt patet in Baraphton, & Darapi. Imo quandocunque inferatur conclusio vniuersalis, potest etiam inferri particularis, quia sub vniuersali subalternantur omnes particulares. Non potest tamen ex vtraque præmissa affirma-

tiua inferri conclusio negatiua.

Postremò dupliciter intelligi possunt coniungi extrema in conclusione. Vno modo, vt maius extremum prædicetur, & minus subiiciatur: hæc dicitur conclusio directa. Alio modo, vt maius extremum subiiciatur & minus prædicetur: hæc dicitur conclusio indirecta. Quinam verò modi directæ aut indirectæ concludant, iam videbimus.

CAPVT VIII.

De prima figura eiusque modis.

Prima figura est, vt dicebamus, in qua medium vni extremo subiicitur & de altero prædicatur. Hinc dicitur medium subiici in maiori & prædicari in minori. Illudque extremum quod de medio prædicatur dicitur maius extremum: quod subiicitur dicitur minus. Quando autem illud ipsum extremum quod prædicatur de medio, est etiam prædicatum in conclusione, directè concluditur: quando è conuerso, indirectè concluditur.

Hæc figura habet quatuor modos directè concludentes, nempe Barbara, Celarent, Darij, Ferio. Ad excludendos autem alios modos inutiles duæ regulæ deseruiunt. Prima est. Ex maiore particulari nihil, ex vi formæ directè concluditur, sed omnino maior debet esse vniuersalis. Secunda est. Ex minore negatiua nihil directè concluditur, sed omnino minor debet esse affirmatiua. Et ratio est: quia si maior esset particularis, non distribueretur medius terminus qui est in illa subiectum. Et, si minor esset negatiua, tunc maius extremum quod non erat distributum in maiori affirmatiua, in qua erat prædicatum, distribueretur in conclusione negatiua, in qua etiam prædicatur. Itaque quatuor modi viles relinquuntur.

Primus est, qui ex vtraque vniuersali affirmatiua inferat vniuersalem affirmatiuam. Et hic est Barbara: omnis homo est animal, omne risibile est homo, ergo omne risibile est animal.

Secundus est, qui ex maiori vniuersali negatiua & minori vniuersali affirmatiua inferat

Prima figura explicatur.

Hæc quatuor modi directè concludentes.

Barbara.

Celarent.

infer vniuersalem negatiuam. Et hic est Celarent: Nullus homo est lapis, omne risibile est homo, ergo nullum risibile est lapis.

Darij. Tertius est, qui ex maiori vniuersali affirmatiua & minori particulari affirmatiua infer particularem affirmatiuam. Et hic est Darij: Omnis homo est rationalis, aliquod animal est homo, ergo aliquod animal est rationale.

Ferio. Quartus est, qui ex maiori vniuersali negatiua & minori particulari affirmatiua infer particularem negatiuam. Et hic est Ferio: nullus homo est lapis, aliqua substantia est homo, ergo aliqua substantia non est lapis. Caterum in his modis, vbi ponitur propositio particularis, bene etiam poni potest singularis determinata: vt nullus homo est lapis, hæc substantia est homo, siue Petrus est homo, ergo non est lapis.

Hic quinque indirecte concludentes Baralipon, Celantes, Dabitis, Fapesmo, Fesfomorum. Habet deinde prima figura quinque alios modos indirecte concludentes, Baralipon, Celantes, Dabitis, Fapesmo, Fesfomorum. Primi tres omnino conueniunt in præmissis cum primis tribus directis, differunt in conclusione per conuersionem terminorum: & præterea Baralipon differt à Barbara per quantitatem conclusionis: & ita concludit: Omnis homo est animal, omne risibile est homo, ergo aliquod animal est risibile: Fapesmo verò continet maiorem vniuersalem affirmatiuam, & minorem vniuersalem negatiuam, inferque conclusionem particularem negatiuam. Denique Fesfomorum ex maiori particulari affirmatiua & minori vniuersali negatiua concludit particularem negatiuam: Aliquod animal est homo, nullus lapis est animal, ergo aliquis homo non est lapis.

CAPVT IX.

De secunda figura eiusque modis.

Secunda figura ex plicatur. Secunda figura est, vt dicebamus, in qua medium de vtroque extremo predicatur in præmissis. Ex duo-

bus autem extremis, illud dicitur maius extremum, quod ponitur in prima præmissa: illud minus, quod ponitur in secunda: sicut prima præmissa dicitur maior, secunda minor. Vnde quando huiusmodi maius extremum prædicabitur in conclusione, dicitur conclusio directa: si subiiciatur, dicitur conclusio indirecta.

Dna sunt regulæ, quibus ab hac figura modi inuicem excluduntur. Prima est: ex duabus affirmatiuis in secunda figura non bene concluditur. Et ratio est: quia cum medium in vtraque præmissa prædicetur, si vtraque sit affirmatiua, in neutra distribuitur. Secunda est: ex maiori particulari nihil directe concluditur. Et ratio est: quia si maior sit particularis, maius extremum in illa non distribuitur, & postea distribueretur in conclusione, negatiua in qua esset predicatum.

Itaque quatuor modi viles in hac figura relinquuntur, Celare, Camestres, Festino, Baroco: qui omnes directe concludunt.

Primus ex maiori vniuersali negatiua, & minori vniuersali affirmatiua, infer conclusionem vniuersalem negatiuam: Nullus homo est equus, omne hinnibile est equus, ergo nullus equus est homo.

Secundus ex maiori vniuersali affirmatiua, & minori vniuersali negatiua infer vniuersalem negatiuam: Omne hinnibile est equus, nullus homo est equus, ergo nullus homo est hinnibilis.

Tertius ex maiori vniuersali negatiua, & minori particulari affirmatiua infer particularem negatiuam: Nullus equus est homo, aliquod animal est homo, ergo aliquod animal non est equus.

Quartus ex maiori vniuersali affirmatiua & minori particulari negatiua, infer particularem negatiuam: Omnis homo est rationalis, aliquod animal non est rationale, ergo aliquod animal non est homo.

Deinde addendum est, hanc figuram habere etiam totidem modos indirecte concludentes. Quia videlicet in Celare & Camestres, cum eadem dispositione

Hic quatuor modos directe concludentes.

Celare.

Camestres.

Festino.

Baroco.

Habet etiam indirecte concludentes.

sitione & ordine præmissarum potest cõuerri conclusio, & tunc minus extremum prædicatur de maiori. In Festino autem & Barocco possunt permutari præmissæ, ut quæ erat minor fiat maior, & quæ erat maior fiat minor; atque conclusio remaneat immutata; tunc dicitur indirecta, quia eius subiectum erit maius extremum.

Postremò præter hos omnes modos, alios in hac figura modos viles assignabimus cap. 16.

CAPVT DECIMUM.

De tertia figura eiusquẽ modis.

Tertia figura explicatur.

Tertia figura est, in qua medium vtrique extremo in præmissis subiicitur. Et maius extremum ac maior propositio est quæ primo loco ponitur: minus extremum & minor propositio, quæ secundo loco.

Habet sex modos.

Habet duas regulas ad excludendos modos inutiles. Prima est: Ex minori negatiua in tertia figura nihil directè concluditur. Et ratio est: quia si minor sit negatiua, maior debet esse affirmatiua, & conclusio negatiua; vnde maius extremum quod in vtraque prædicatur non distribuitur in conclusione. Secunda regula est de conclusione. In tertia figura non infertur conclusio vniuersalis, est ambig. præmissæ sunt vniuersales. Et ratio est: quia in conclusione vniuersali distribueretur minus extremum, quod est subiectum: at non erat distributum in præmissis, quia prædicabatur in minori, quæ semper est affirmatiua; unde regula præcedenti.

Habet hæc figura sex modos viles, Darapti, Felapton, Disamis, Datisi, Bocardo, Ferison.

Darapti.

Primus ex duabus vniuersalibus affirmatiuis infert particularem affirmatiuam: Omnis homo est rationalis, omnis homo est animal, ergo aliquod animal est rationale.

Felapton.

Secundus ex maiori vniuersali negatiua, & minori vniuersali affirmatiua, infert particularem negatiuam: Nullus homo est equus, omnis homo est animal

ergo aliquod animal non est equus.

Tertius ex maiori particulari affirmatiua, & minori vniuersali affirmatiua, infert particularem affirmatiuam: Aliquod animal est rationale, omne animal est viuens, ergo aliquid viuens est rationale.

Disamis.

Datisi.

Quartus modus, ex maiori vniuersali affirmatiua, & minori particulari affirmatiua, infert particularem affirmatiuam: Omne animal est sensitiuum, aliquod animal est rationale, ergo aliquod rationale est sensitiuum.

Bocardo.

Quintus modus, ex maiori particulari negatiua, & minori vniuersali affirmatiua, infert particularem negatiuam: Aliquod animal non est rationale, omne animal est sensitiuum, ergo aliquid sensitiuum non est rationale.

Ferison.

Sextus denique & vltimus modus, ex maiori vniuersali negatiua, & minori particulari affirmatiua, infert particularem negatiuam: Nullus homo est equus, aliquis homo est animal, ergo aliquod animal non est equus.

Horum etiam modorũ, primi tres possunt immutatis præmissis indirectè concludere per conuersionem conclusionis. In reliquis tribus, si præmissæ transponantur, conclusio quæ erat directæ, efficitur indirectæ. Sicut dictum est de modis secundæ figuræ.

Habet it indirectè conclusiones.

CAPVT XI.

De Distinctione Syllogismorum, perfectorum & imperfectorum.

Aliqui ex assignatis syllogismorum modi sunt, qui adeo euidenter concludunt, ut statim perspicue appareat conclusionem bene sequi ex præmissis, & qui præmissis admiseritis illico sibi conclusionem etiam esse concedendam agnoscat. Hi dicuntur syllogismi perfecti ex Aristotele primo Priorum capite primo, eo quod nulla alia re vel arte opus sit ad ostendendum tales syllogismos bene concludere. Tales sunt quatuor modi primæ figuræ directè concludentes, Barbara, Celarent, Darii, Ferio. Qui ideo ex se euidenter primo intuitu concludunt: quia immediatè fundantur in duobus

Syllogismi perfecti euidenter per se concludunt.

CAPVT XII.

De reductione Syllogismorum
imperfectorum ad perfectos.

duobus primis principijs naturali lumine claris. Primum est: Quicquid vniuersaliter affirmatur de aliquo, debet etiam affirmari de omnibus ijs de quibus hoc affirmatur: v. g. substantia affirmatur vniuersaliter de animali, affirmatur etiam de quocunque alio subiecto, de quo ipsum animal prædicatur. Et hoc est illud principium, quod ab Aristotele appellatur, Dicit de omni. Et in hoc fundantur Barbara & Darii. Secundum principium est: Quicquid negatur vniuersaliter de aliqua re, debet etiam negari de quocunque alio subiecto de quo eadem res affirmatur: v. g. lapis vniuersaliter negatur de animali; debet etiam negari de omni re, de qua ipsum animal affirmatur: si enim conueniret alicui rei quæ est animal, iam aliquod animal esset lapis, & hoc principium appellatur Dicit de nullo. Et in eo fundantur Celarent & Ferio.

*Imperfecti
sunt indi-
cantes pro-
batione,*

Omnes alij modi præter hos quatuor, non ita euidenter concludunt, sed indigent aliqua alia probatione & arte, ad hoc vt bona eorum illatio fiat manifesta & ex præmissis cogat ad assensum conclusionis. Et hi syllogismi dicuntur imperfecti. Triplici autem via potest probari bonitas illationis in his syllogismis. Prima est per reductionem ad primos quatuor modos perfectos, quæ reductio fit per conuersionem propositionum. Et hæc dicitur probatio ostensiva. Ideo autem probantur syllogismi imperfecti hoc modo: quia per easdē propositiones potest formari syllogismus perfectus cum sua conclusione, & ex hoc ipso potest inferri conclusio syllogismi imperfecti, per aliquam conuersionem. Et ita demonstratur, bene etiam ex illis præmissis illatam fuisse conclusionem syllogismi imperfecti. Secunda via est per deductionem ad impossibile, si probemus ex eo quod concedantur præmissæ & negetur conclusio sequi aliquod impossibile. Tertia est

per expositionem,
mediante scilicet syllogismo
qui
dicitur expositorius.

AD hanc reductionem perficiendam, reuocanda primò sunt in memoriam illæ duæ conuersiones propositionum, quas explicauimus tractatu præcedenti capite sexto, conuersio simpliciter, & conuersio per accidens. Simpliciter conuertitur propositio vniuersalis negatiua, & particularis affirmatiua: per accidens vniuersalis affirmatiua in particularem affirmatiuam. Addi modò debet conuersio, idest transpositio duarum propositionum inter se, qua maior fiat minor, & minor fiat maior; quæ erat secundo loco, ponatur primo, & quæ erat primo ponatur secundo.

*Reductio
nis regu-
la.*

Aduertendum est secundo, quatuor illos modos perfectos ab his quatuor consonantibus incipere, B, C, D, F. Et similiter omnes alios syllogismos ab eisdem litteris incipere. Quod totum vtili artificio factum est. Nam omnes modi incipientes à littera B, reducuntur ad Barbara; incipientes à C, ad Celarent; à D, ad Darii; ab F, ad Ferio.

Sciendum tertio ex alijs consonantibus in medio illarum dictionum quæ denotant imperfectos syllogismos, indicari quæ propositio & quomodo conuertenda sit. Et quatuor sunt hæc litteræ, hanc significationem habentes, S, P, M, C. S, significat conuersionem simpliciter; P, per accidens; M, per transpositionem propositionum; C, autem denotat aliud conuersionis genus per deductionem ad impossibile. Quando igitur in prima syllaba post vocalem sequitur S, vel P; maior propositio conuertenda est simpliciter, vel per accidens: similiter quando in secunda vel tertia syllaba, conuertenda est minor propositio, vel conclusio. M, autem quocunque loco inueniatur, semper denotat transponendas esse præmissas. C, demum in medio dictionis sita denotat conuersionem per impossibile.

Iuxta has regulas, facillimum est, syllogismos *Qui syllo-*

*gismi ad quas redu-
cuntur.*

logismos imperfectos reducere ad perfectos. Baralipon reducitur ad Barbara convertendo conclusionem per accedens. Celantes ad Celarent, Dabitis ad Darij, convertendo conclusionem simpliciter. Fapismo reducitur ad Ferio convertendo maiorem per accedens, minorem simpliciter & transponendo præmissas. Sit hic syllogismus in Fapismo: Omnis homo est animal, nullus equus est homo, ergo aliquod animal non est equus. Converteretur hoc modo: Nullus homo est equus, aliquod animal est homo, ergo aliquod animal non est equus. Et hic est syllogismus in Ferio: Friseforum reducitur, convertendo tam maiorem quam minorem simpliciter & transponendo præmissas.

Ex modis deinde secundæ figuræ, Cesare reducitur ad Celarent per simplicem maiorem conversionem. Camestres per simplicem conversionem maioris & conclusionis & transpositionem præmissarum. Festino ad Ferio per simplicem conversionem maioris. De Baroco mox dicemus. Ex modis demum tertiæ figuræ, Darapti reducitur ad Darij convertendo minorem per accedens. Disamis ad Darij convertendo minorem & conclusionem simpliciter, & transponendo præmissas. Datisi convertendo minorem simpliciter. Ferison ad Ferio similiter convertendo simpliciter minorem. Bocardo autem, sicut & Baroco, reducuntur ad Barbara, non quidem ostensivè convertendo propositiones, sed deducendo ad impossibile: quo pacto & alij quoque modo probari possunt, de qua re agemus cap. sequ.

*Reductio-
nis vis.*

Modus autem utendi hac reductione ad continendum quemcunque, hic est. Si quis v. g. in exemplo illo posito in Fapismo, post concessas præmissas negaret conclusionem: sic procedendum est: Omnis homo est animal, ut concedis, ergo aliquod animal est homo. Rursus nullus homo est equus, ut concedis, ergo nullus homo est equus: ex his duabus præmissis inferitur in Ferio, ergo aliquod animal non est equus, quæ erat prima conclusio. Et ira convincitur bene etiam ex illis primis præmissis illatam fuisse illam conclusionem.

CAPVT XIV.

De Probatione imperfectorum Syllogismorum per deduc- tionem ad impossibile.

Deductio ad impossibile fit hoc modo: Assumamus contradictoriâ eius conclusionis quam quis negavit, & alterâ ex præmissis quas concedebat: & ex his duabus inferamus in aliquo ex quatuor modis perfectis contradictoriâ vel contrariam alteri præmissæ quæ remanebat. Sit hic syllogismus in Baroco: omnis homo est animal, aliquod vivens non est animal, ergo aliquod vivens non est homo. Si quis concessis præmissis neget conclusionem: assumamus contradictoriâ omne vivens est homo, quoniam si vna contradictoria est falsa, altera est vera: assumamus quoque illam maiorem concessam omnis homo est animal. Tunc fiet talis syllogismus: Omnis homo est animal, omne vivens est homo, ergo omne vivens est animal: qui syllogismus est in Barbara. At hæc conclusio est contradictoria illi minori quæ concessa erat, aliquod vivens non est animal. Igitur ille contradictionis convincitur, & ad impossibile deducitur. Sic ostenditur primâ illâ illationem in Baroco, bonam & necessariam fuisse. Similiter probare possumus modum concludendi in Bocardo, hoc modo. Sit hic syllogismus: aliquis homo non est equus, omnis homo est animal, ergo aliquod animal non est equus. Si conclusio negetur assumatur contradictoria, omne animal est equus: assumatur etiâ minor propositio concessa, omnis homo est animal: & concludatur in Barbara, omnis homo est equus, quæ est contradictoria maiori propositioni concessæ.

Probari et possunt per deductionem ad impossibile omnes alij modi, tum secundæ, tum tertiæ figuræ, tum modi indirecti primæ figuræ. Modi secundæ figuræ deducuntur ad impossibile, assumendo contradictoriâ conclusionis pro minori, & eandem maiorem prius concessam, & inferendo contradictoriâ vel contrariam minoris. Modi tertiæ figuræ deducuntur, assumpta contradictoria conclusio-

*Deductio
ad impos-
sibile quæ
fit.*

*Omnis modi
imperfecti
probantur
hac
modo per
perfectos.*

conclusionis pro maiori cum eadem minori prius concessa, & inferenda opposita maioris. Modi verò indirecti primæ figuræ reducuntur assumendo contradictoriam conclusionis pro maiori, & quæ erat maior fiat minor, & inferatur conclusio opposita minori concessæ per conversionem etiam terminorum. V.g. sit syllogismus in Baralipson: Omne animal est substantia, omnis homo est animal, ergo aliqua substantia est homo. Reducatur sic: Nulla substantia est homo, omne animal est substantia, ergo nullum animal est homo, ergo rursus nullus homo est animal, quæ est contraria illius, omnis homo est animal. In Celantes tamen contradictoria conclusionis sumenda, est pro minori, & minor pro maiori, & inferenda est contradictoria primæ maiori concessæ.

Cæterum hoc modo non reducuntur syllogismi imperfecti ad eisdem modos perfectos, ad quos reducebantur per viâ ostensum & conversionem propositionum. Sed potius ad oppositos: affirmatiui ad negatiuos, negatiui ad affirmatiuos. Pro qua re alia regula extat per quatuor dictiones vno versu comprehensas.

Nesciebatis. Odiebâ. Letare. Romanis.

Prima continet quinque syllabas & vocales, denotantes quinque modos indirectos primæ figuræ. Secunda quatuor pro quatuor modis secundæ. Aliæ duæ continent sex vocales pro sex modis tertiæ figuræ. Et in singulis prima vocalis denotat primum modum, secunda secundum, & sic de reliquis. Suntque in ijs dictionibus quatuor vocales, A, E, I, O. Omnis modus qui denotatur per A, reducitur ad Barbara. Omnis qui per E, ad Celarent. Qui per I, ad Darij. Qui per O, ad Ferio. Itaque Baralipson reducitur ad Celarent, Celantes ad Darij: Et sic de reliquis.

CAPVT XIV.

De Syllogismo expositorio.

Syllogismus expositorius

Quæ hæcenus dicta sunt, procedunt de ijs syllogismis, quorum medius terminus, est terminus communis. Aliud

genus syllogismi est, cuius medius sit terminus singularis. Et dicitur syllogismus expositorius, eo quod sit adeo perspicuus & euidens, vt re veluti ante oculos exponere videatur, cū versetur in rebus singularibus, quæ nobis notissime sūt.

Possuntque syllogismi expositorii in singulis figuris confici. Possunt etiam conitari, vel ex omnibus propositionibus singularibus, vel ex quibusdam vniuersalibus, aut particularibus. Possunt non solum directè, sed etiam indirectè concludere. Possunt quoque ex præmissis singularibus inferre conclusionem, particulari, quando nimirum terminus, qui subiicitur in conclusione erit terminus aliquis communis.

Ex ambabus præmissis singularibus, quatuor modi in quahbet figura efformari possunt. Vnus ex ambabus affirmatiuis. Alius ex negatiuis. Alius ex maiori affirmatiua & minori negatiua. Alius ex minori negatiua & maiori affirmatiua. Qui conitat ex ambabus negatiuis in omni figura est inuicilis & ineptus.

In prima figura duo sunt apti & viles. Primus ex ambabus affirmatiuis: Hic homo est iustus, Petrus est hic homo, ergo Petrus est iustus. Et potest concludere indirectè aliquis iustus est Petrus. Secundus ex maiori negatiua & minori affirmatiua: Hic homo non est iustus, Petrus est hic homo, ergo Petrus non est iustus. Alius modus ex maiori affirmatiua non bene concludit: Hic homo est iustus, Petrus non est hic homo, ergo non est iustus, quia ly iustus distribuitur in conclusione & non in maiori. Potest autem indirectè concludere, aliquis iustus non est Petrus.

In secunda figura omnes tres modi bene concludunt. Primus: Tullius est Cicero, hic homo est Cicero, ergo est Tullius. Secundus: hic homo est Aristoteles, Plato non est Aristoteles, ergo non est hic homo. Tertius: Socrates non est Plato, hic homo est Plato, ergo non est Socrates. Et hi omnes modi possunt etiam indirectè concludere.

In tertia figura duo sunt modi viles. Primus: Hic homo est iustus, hic homo est Petrus, ergo Petrus est iustus. Et potest etiam indirectè concludere. Secundus, qui procedit ex maiori negatiua, & Petrus

constat ex medio singulari.

Modi expositorii in prima figura.



In secunda figura.

In tertia figura.

Petrus non currit, Petrus est animal, ergo aliquid animal non currit. Alius modus ex minori negatiua est inutilis, quia maius extremum distribueretur in conclusione, & non in præmissis. Bene tamen potest indirectè concludere.

Alij modi ex præmissis sunt vniuersales & particularibus alij varij modi cõfici possunt, exstante adhuc medio termino singulari. In prima figura maior omnino debet esse singularis: quoniam cum medius terminus subiiciatur in maiori, dum est singularis, omnino efficit propositionem singularem. Et quia rursus hæc figura non bene concludit ex minori negatiua: quare erunt modi viles. Primus ex maiori vniuersali affirmatiua. Secundus ex negatiua Tenuis ex minori particulari affirmatiua. Quarta ex negatiua. Qui correspondent quatuor modis perfectis antea assignatis, mutata solum maiori propositione. Exemplum primi modi sit: Aristoteles est philosophus, omnis princeps Peripateticorum est Aristoteles, ergo omnis princeps Peripateticorum est philosophus: & sic facillimè disponuntur alij modi. Pariter in hac figura agnoscendi sunt alij modi indirectè concludentes, facta solum mutatione maioris. Vt in exemplo posito potest indirectè concludi, tanquam in Barilepton, aliquis philosophus est princeps Peripateticorum: & sic etiam de reliquis modis.

In tertia figura, cum medium sit iam veraquæ præmissa subiectum, & si est singulare, iam omnino præmissa sunt singulares. Beata non dantur alij modi expositioij præter illos antea designatos.

In secunda autem figura, constituendi in primis sunt quatuor modi correspondentes illis quatuor modis notis, nota facta variatione nisi medij singularis. Sic in Cæsare: Nullus peccator est Christus, omnis redemptor est Christus, ergo nullus redemptor est peccator: & sic in alijs tribus. Possuntque hi modi etiam indirectè concludere: duo primi per conuersionem conclusionis: alij duo per transpositionem præmissarum: vt cap. 9. dicebamus.

Deinde constituendi sunt alij quatuor modi affirmatiue procedentes. Nam syllogismus expositioij in secunda figu-

ra bene concludit ex ambabus affirmatiuis, quia non indiget distributione mediij, dum medium est singulare. Primus ergo modus constat ex vniuersalibus: Omnis redemptor est Christus, omnis filius Virginis est Christus, ergo omnis filius Virginis est redemptor. Imo hic modus potest etiam indirectè concludere, non solum particularem sed vniuersalem affirmatiuum, omnis redemptor est filius Virginis. Secundus constat ex particularibus. Aliquis iustus est Christus, aliquis homo est Christus, ergo aliquis homo est iustus: & hic modus potest etiam indirectè concludere. Tertius constat ex maiori vniuersali & minori particulari. Quartus ex maiori particulari & minori vniuersali. Et vterque potest etiam indirectè concludere. Imo quartus modus potest directè inferre conclusionem vniuersalem, licet contineat præmissam particularem: Aliquis homo est Christus, omnis redemptor est Christus, ergo omnis redemptor est homo. Et in tertio modo idem potest concludi indirectè.

Insuper constituendi sunt alij modi procedentes ex vna præmissa singulari, & altera vniuersali vel particulari. Et quidem iuxta omnes quatuor modos notos huius figure, potest esse maior singularis, & altera præmissa immutata. Vt in Cæsare: Petrus non est philosophus, omnes sapientes est philosophus, ergo nullus sapiens est Petrus: Et sic in alijs. Possunt etiam esse alij duo modi: vnus ex minori singulari affirmatiua & maiori vniuersali negatiua: alter ex minori singulari negatiua & maiori vniuersali affirmatiua. Alij autem duo in maiori particulari, non bene concluderent, nisi indirectè. Itaque habentur sex modi directè concludentes negatiue. Præter hos habentur etiam alij quatuor modi affirmatiue concludentes, iuxta alios quatuor supra assignatos. Si maior sit singularis, vnus modus erit ex minori vniuersali, alius ex particulari. Si minor sit singularis, alius modus erit ex maiori vniuersali, alius ex particulari. Et omnes bene concludunt. Hi sunt decem modi distincti à supradictis, & inter se. Qui possunt euidenter probari, tum ostensiuè per reductionem ad alios modos

Alij modi ex vna præmissa singulari, & altera vniuersali vel particulari.

dos primæ figuræ, tum per deductionem ad impossibile: vt facile est considerare. Possunt etiam concludere indirectè iuxta ea quæ dicta sunt circa alios superiores modos.

CAPVT XV.

De vi & efficacia Syllogismi expositi-
torij.

*Syllogis-
mus expo-
sitiuus
fundatur
in duo-
bus prin-
cipijs.*

Habent Syllogismi expositi-
torij suam vim & efficaciam concludendi ex
duobus principiis euidenribus, in quibus
fundantur. Vnum est: Quæ sunt eadem
vni tertio singulari, sunt idem inter se.
Alterum est: Illa quæ ita se habent ad
quoddam tertium, vt vnum sit idem cum
illo, aliud diuersum, sunt etiam diuersa
inter se. In priori principio fundantur
syllogismi affirmatiui: in posteriori negati-
ui. Et in hac re debet intelligi esse
idem aut diuersum penes prædicationem:
quæ enim affirmantur, dicuntur esse
idem: quæ negantur, diuersa. Et illa
maximè proprie dicuntur esse idem cum
tertio, quæ de illo prædicantur. Et hoc
modo se habent extrema cum medio in
tertia figura. Vnde in hac figura præ-
stantissimi sunt syllogismi expositi-
torij. Et de ijs in hac sola figura meminit Arist. 1.
Prior. cap. 7.

*Debet ha-
bere me-
dium ter-
minū in-
communi-
cabilem.*

Cæterum in hac re valde notandum
est, medium terminum singularem debe-
re esse incommunicabilem, idest non
communem pluribus distinctis, siue op-
positis: alioquin non valet dicere, quæ
sunt eadem ipsi, esse eadem inter se: nec
potest esse apud medium in syllogismo
expositorio. Hoc est maximè obserua-
tione dignum propter essentiam diuinā,
quæ licet sit vna singularis, tamen est
communis pluribus personis inter se
realiter distinctis & relativè oppositis.
Vnde dicere non valet, Pater & Filius
sunt idem cum essentia, ergo sunt idem
inter se. Nec essentia diuina potest esse
medium in syllogismo expositorio. Vnde
non valet hic syllogismus: Pater est
Deus, Filius est Deus, ergo Filius est
Pater; siue si dicatur, hic Deus est Pa-
ter, hic Deus est Filius, ergo Filius est
Pater. Et sic de alijs similibus. Atque
non solum in Diuinis, sed etiam in rebus

creatis, si Deus eandem numero albedi-
nem poneret in duobus hominibus: non
benè posset inferri, Petrus est, hoc al-
bum, Paulus est hoc album, ergo Pau-
lus est Petrus.

Hinc patet tantam esse vim & effica-
ciam huiusmodi syllogismi: vt si in re-
cta forma & cum debitis regulis dispo-
natur, non minus in terminis diuinis,
quàm in alijs quibuscunque, locum ha-
beat & euidenter concludat. Quamuis
aliqui Theologi dixerint, formam syl-
logisticam non procedere in terminis di-
uinis, sed non aduerterunt, non esse
formam, sed vitiū formæ, illud quod
in Diuinis non procedit. Et sicut in
alijs rebus se habent termini vniuersales
& communes; ita se habent in Diuinis
termini essentielles, qui sunt communes
tribus personis. Et ita debent distribui
pro ipsis personis. Et appropinquo ipsis pos-
sunt signa vniuersalia & particularia:
non quidem dicendo, omnis Deus, ali-
quis Deus, omnis vel aliqua essentia
diuina: sed omnis vel aliquis qui est
Deus, qui est essentia diuina, idest om-
nis, vel aliqua persona diuina.

Postremo habent syllogismi expositio-
rii vim comprobandi alios syllogismos.
Specialiter syllogismos tertii figuræ: de
quæ tractat Aristoteles 1. Priorum,
capite septimo. Nam ex medio commu-
ni quod est subiectum in præmissis, potest
ferri medium singulare, & sub præmissis
vniuersalibus aut particularibus possunt
ferri singulares, & ex ijs possunt inferri
eandem conclusiones. Exemplum sit in Da-
rapti. Omnis homo est animal: ois homo
est viuens, ergo aliquid viuens est animal.
Dici etiam poterit: homo est animal, hic
homo est viuens, ergo aliquid viuens
est animal. Similiter sub præmissis par-
ticularibus & negatiuis. Nam pariter
præmissa particularis quando suppositæ
determinatæ, debet verificari in aliquo
singulari. Exemplum sit in Ferison.
Nullum animal est lapis, aliquid ani-
mal est homo, ergo aliquis homo non
est lapis. Dici etiam poterit: Hoc ani-
mal non est lapis, hoc animal est homo,
ergo aliquis homo non est lapis. Pos-
sunt etiam hoc pacto probari syllogismi
primæ figuræ, illi tamen qui particula-
riter concludunt, in quibus etiam po-
test

*Cōcludit
etiam in
Diuinis.*

*Ita vim
probandi
alios syl-
logismos.*

test maior fieri singularis determinando medium commune ad aliquod singulare. Sed in secunda figura hæc probatio non habet locum, in qua medium semper prædicatur.

*Et conuer-
siones pro
positionū.*

Habent quoque vim syllogismi expositorij probandi conuerſiones propositionum, per deductionem ad impossibile, vt tractat Aristoteles primo Priorum, capite secundo. Si v. g. quis concedat, nullus lapis est homo, & neget conuerſentem, nullus homo est lapis: assumatur contradictoria, aliquis homo est lapis: debet verificari de aliquo singulari, qui vocetur Petrus: tunc dicatur, Petrus est homo, Petrus est lapis, ergo aliquis lapis est homo, quæ est contradictoria primæ propositionis. Et sic euidenter probari possunt alix conuerſiones.

CAPVT XVI.

De alio genere syllogismi ex medio communi & extremis singularibus.

Hoc genus syllogismi distinguitur ab alijs.

Primum genus syllogismi erat, quod constabat ex medio alijsque terminis communibus. Aliud genus erat, quod constabat ex medio singulari, & alijs terminis siue singularibus siue communibus: & dictus est syllogismus expositorius. At præter hæc aliud genus superest, constans ex medio termino communi, & extremis singularibus: quod vtrique ex parte medij differt ab expositorio: ex parte extremorum differt à primo genere syllogismi. Et potest fieri, vt vel vtrunque extremum sit singulare, vel vnum sit commune & vnum singulare. Et quidem in omnibus figuris & iuxta varios figuratum modos possunt tales syllogismi efformari.

Valet in prima figura.

In prima autem figura, si minus extremum erit singulare, efficiet etiam minorem propositionem singularem, atque conclusionem si directæ sit. Omnis homo est animal, Petrus est homo, ergo est animal: vel negatiue, Nullus homo est lapis, Petrus est homo, ergo non est lapis. Maius autem extremum singulare efficiet conclusionem indirectam singularem: Omnis redemptor est Christus, omnis

innocens est redemptor, vel hic homo est redemptor, ergo Christus est redemptor, Christus est hic homo.

In secunda præcipue figura hæc forma syllogismi debet ostendi. In qua cum extrema subiiciantur, efficiunt propositiones singulares. Et possunt ambo extrema esse singulæ, atque adeo præmissæ. Et sic habentur duo modi. Primus ex maiori affirmatiua & minori negatiua: Petrus est iustus, hic homo non est iustus, ergo non est Petrus. Secundus ex maiori negatiua: Paulus non currit, hic homo currit, ergo hic non est Paulus. Et vterque potest indirecte concludere per conuerſionem conclusionis. Possunt item extrema esse, vnum commune, aliud singulare: & sic vna præmissa singularis, altera vniuersalis vel particularis. Et si maius extremum sit singulare, atque adeo maior propositio: poterit esse minor vel vniuersalis affirmatiua, vel vniuersalis negatiua, vel particularis negatiua: qui erunt quatuor modi differetes à quatuor notis solum per maiorem singularem. Si autem minor extremitas & propositio sit singularis, quia in secunda figura non potest esse maior particularis, erunt duo alij modi, in quibus erit etiam conclusio singularis. Et in his etiam sex modis poterit indirecte concludi, vel per conuerſionem conclusionis, vel per transpositionem præmissarum iuxta ea quæ antea diximus.

In tertia demum figura, si extrema sint singulæ non efficiunt præmissas singulares, quia non subiiciuntur, sed prædicantur in præmissis: minus tamen extremum efficiet conclusionem singularem, si directæ concluditur; maius extremum si indirecte.

Sed præcipue in secunda.

Etiam in tertia.

CAPVT XVII.

De Syllogismo ex terminis obliquis.

Possunt in dictis omnibus syllogismis, & solent interdum disponi aliqui termini in obliquo: v. g. Omnis potestas est à Deo, Regnum est potestas, ergo est à Deo. De hoc genere syllogismi ex obliquis plurimas regulas tradidit aliqui

Hoc genus syllogismi debet reduci ad verum.

qui. Sed breuiter hæc res expediri potest. Cùm in nulla propositione possit esse subiectum aut prædicatum terminus aliquis per se sumptus, & casus obliquus nominis sit terminus syncategorematicus, non potest per se esse subiectum, aut prædicatum; sed tantum erit veluti pars subiecti aut prædicati: & necessario ibi inueniri debet aliquis terminus directus qui per se subiiciatur aut prædicetur. Et certè sic in exemplo posito, cùm dicitur potestas est à Deo, prædicatum non est solum ly à Deo: non enim hoc est quod affirmatur à Deo: sed prædicatum est, esse à Deo, siue proveniens à Deo. Et particula, est, non se habet in illa propositione vt mera copula, sed vt verbum. Itaque huiusmodi syllogismi ex obliquis reducuntur ad rectos. Aliquæ tamen regulæ sunt, quibus interdum idem nomen quod positum est in obliquo, postea possit repeti in recto: vel è conuerso quod positum est in recto possit repeti in obliquo; vt in Darij: Omni calori contrarium est frigus, quædam qualitas est calor, ergo cuidam qualitate contrarium est frigus: & sic in alijs similibus. Verùm omnes tales syllogismi intantum ex vi formæ bene concludunt, inquantum possunt confici in terminis semper rectis. Sic in exemplo posito: Omnis calor habet contrarium frigus, quædam qualitas est calor, ergo quædam qualitas habet contrarium frigus.

CAPVT XVIII.

De Syllogismo modali & hypothetico.

Syllogismus modalis in omnibus figuris & modis.

Syllogismus modalis est qui cõstat ex veraque præmissa modali, vel vna modali & altera absoluta, insertque conclusionem modalem: vt necesse est omnem hominem esse animal, necesse est, omne rationale esse hominem, vel omnis homo est rationalis, ergo necesse est omne rationale esse animal. Potest confici in omnibus tribus figuris. Exemplum positum est in prima figura. In secunda figura formatur sic syllogismus; Necesse est nullum lapidem esse animal, necesse

est omnem hominem esse animal, vel omnis homo est animal, ergo necesse est nullum hominem esse lapidem. In tertia figura: Necesse est omnem hominem esse animal, necesse est omnem hominem esse substantiam, vel omnis homo est substantia, ergo necesse est aliquam substantiam esse animal. Possunt quoque modales syllogismi confici in singulari figurarum modis, variando dicta ipsarum propositionum modalium iuxta quantitatem & qualitatem propositionum in ipsis modis absolutis.

Possunt confici non solum per modum de necessario, sed etiam per alios modos de contingenti, de possibili, de impossibili. Possunt confici permiscendo simul plures modos, coniungendo vnam præmissam de necessario aliam de contingenti &c. Possunt confici non solum per modales affirmatiuas, sed etiam negatiuas negatione se tenente ex parte modi. Vnde patet maximam varietatem in syllogismis modalibus suboriri. Agit de ijs prolixè Aristoteles libro primò Priorum. Verùm laboriosum magis esset quàm vtile in hac re immorari. Et sufficienter ex iam dictis cum ipso lumine rationis, discerni poterit, quinam modales syllogismi rectè concludant.

Syllogismus hypotheticus dicitur, qui ex pluribus vel aliqua propositione coniuncta, quæ dicitur etiam hypothetica, constat. Et multiplex est, iuxta plura genera propositionis coniunctæ. Et breuiter trademus quasdam regulas proprias huius generis, spectatæ vi & significatione propria talium propositionum.

Ex propositione conditionali dupliciter potest confici syllogismus. Primò à positione antecedentis ad positionem consequentis; si sol lucet, dies est, sed sol lucet, ergo dies est. Secundò à destructione consequentis ad destructionem antecedentis: Dies non est, ergo sol non lucet. Non enim valet à destructione antecedentis ad destructionem consequentis; vt notauit optimè Augustinus de Doctrina Christiana capite 33. Non enim valet: si est orator est homo, sed non est orator, ergo non est homo: sicut valeret, sed non est homo, ergo non est orator.

Ex propositione copulatiua: si affirmatiua

Ex propositione conditionali.

Ex copulatiua.

matia sit, potest inferri quæcunque pars per se: tamen is non tam erit syllogismus, quam potius consequentia veluti eiusdem propositionis ex se ipsa. Petrus currit & studet, ergo currit, ergo studet. Si autem sumatur propositio copularia negatiua: potest inferri ex affirmatione vnius partis negatio alterius: Non Petrus currit & studet, sed currit, ergo non studet.

Ex disjunctiua.

Ex propositione disjunctiua, bene inferretur a destructione vnius partis ad positionem alterius, Petrus vel currit vel studet, sed non currit, ergo studet. In sententia etiam asserente non posse vtraque partem esse simul veram, valebit inferre a positione vnius partis ad destructionem alterius.

Illatio ex propositione causali.

Ex propositione causali potest inferri: Quia homo est rationalis est risibilis, ergo rationalitas est causa risibilitatis. Sed hic non est propriè syllogismus.

Et in rationali.

Propositio demum rationalis in omni illatione reperitur, nec constituit peculiare genus syllogismi.

CAPVT XIX.

De diuisione Discursus & Syllogismi in scientificum & opinatiuum.

Sumitur hæc diuisio ex parte materię, de qua est discursus & syllogismus; siue ex parte assensus circa præmissas & conclusiones, per quæ exercetur discursus. Et est præcipua diuisio discursus & syllogismi, quæ in Logica consideratur & traditur.

Discursus scientificus, & syllogismus demonstratiuus.

Alius ergo discursus & syllogismus est ex præmissis certis & necessariis circa conclusionem certam & necessariam; ita vt intellectus sine ulla dubitatione cum formidine illis omnibus assentiat, & ipse res non possint aliter se habere. Hic dicitur discursus & syllogismus scientificus & demonstratiuus: ac proprijs nominibus, ipse discursus appellatur scientia, syllogismus appellatur demonstratio. Et rursus diuiditur duplex scientia & demonstratio. Alia quæ procedit a causa ad effectum: vt omne rationale est risibile, homo est rationalis, ergo est risibi-

lis: nam rationalitas est causa risibilitatis in homine. Alia est quæ procedit per medium quod non est causa conclusionis, siue procedit e conuerso ab effectu ad causam: vt si dicatur: omne risibile est rationale, homo est risibilis, ergo est rationalis. Prior dicitur scientia & demonstratio propter quid, & a priori. Posterior dicitur scientia & demonstratio quia & a posteriori.

Discursus opinatiuus, & syllogismus dialecticus.

Alius discursus & syllogismus est ex præmissis probabilibus vel contingentibus circa conclusionem probabilem vel contingentem; ita vt intellectus assentiarum quidem, sed cum aliqua formidine & incertitudine: vel res ipse possint aliter se habere. Huiusmodi discursus dicitur opinatiuus, & syllogismus dicitur dialecticus & topicus. Ad hoc autem vt discursus aliquis & syllogismus pertineat ad hoc genus, deficiens a certitudine & necessitate scientię ac demonstrationis, sufficit si vel vna præmissa sit probabilis aut contingens, etiam si altera sit certa & necessaria. Nam conclusio nõ erit certa & necessaria. Et in hoc sensu maxime dicitur conclusio semper sequi debiliorem partem. Cæterum hæc tota incertitudo & cõtingentia se tenet ex parte materię, non autem ex parte formę ex tali syllogismo: sed semper dicere valebit, ipsam formalem consequentiam & illationem esse euidentem & necessariam. Et per hanc necessitatem definitur syllogismus in communi, etiam dialecticum comprehendens, oratio in qua ex necessitate sequebatur conclusio ex præmissis.

CAPVT XX.

De fallacijs Syllogismi, & Syllogismo sophistico.

Ad prudentem artificem pertinet, non solum regulas edocere quibus opus sit artis bene perfici possit; sed etiam aduertere & explorare defectus, præcipue occultos, qui circa illud contingere possunt, ne aliquando subreparent, & opus viciet. Circa syllogismum possunt huiusmodi defectus occurrere, ita vt rectus & efficax appareat, re ipsa autem sit vitiosus & fallax: qui error & deceptio nem

Fallacia, de qua dicitur vt cauenda sunt.

nem non veram rerū notitiā quā intendimus nobis ingereret. Talis autem vitiosus & fallax syllogismus dicitur sophisticus & apparens, quo ad alios decipiendos vtuntur ij, qui propterea Sophistæ appellati sunt, sapientes apparere cupientes.

*Fallacia
ex parte
materie.*

Duplex igitur erroris genus in syllogismo contingere potest. Primum ex parte materie: cum aliqua propositio falsa assumitur, quæ appareat vera: appareat necessaria aut probabilis: cum sit impossibilis & improbabilis. Vt, si quis dicat omnes lineæ ductæ ab eodem puncto ad idem punctum sunt æquales: id enim verum est de solis lineis rectis, falsum autem de vna recta & alia curua, vel de pluribus curuis quæ possunt etiam esse inæquales. Vnde si quis probare teneat, quaidam duas lineas, sumendo diametrum & semicircumferentiam circuli, aut semicircumferentiā vnius circuli maioris & alterius minoris, esse æquales, & assumat eam propositionem omnes lineæ ductæ ab eodem puncto ad idem pun-

ctum sunt æquales, sed hæc duæ lineæ sunt ab eodem puncto ad idem punctum, ergo sunt æquales; conficit vitium & fallacem syllogismum. Hic propriè appellatur pseudographus syllogismus. Ad dignoscendum & præcauendum huiusmodi errorem, vnum præceptum sufficit, vt diligenter inspiciatur sensus & veritas præmissarum; & explicentur atque distinguantur, quando sunt apparentes vel ambiguæ.

Secundum genus erroris est ex parte formæ: si videlicet syllogismus non rectè in figura & modo procedat: si interdum varietur suppositio & significatio terminorum, sub qua latenter plures quàm tres termini introducuntur. De qua re prolixè satis nonnulli agunt. Sed nos sufficere arbitramur doctrinam & regulas iam traditas de forma syllogismi in figura & modo: ex illis enim benè perspectis, non difficile erit deprehendere quæcunq. fallaciam & vitium syllogismi, vt ita omni errore submoto, verā quantum fieri possit rerum notitiā assequamur.

*Fallacia
ex parte
formæ.*

INSTITUTIONVM FINIS.



21736 *Quercus* sp. 7:9



1001

L O G I C A

Quæstionibus contexta.

A V C T O R E

P. RAPHAELE AVERSA A SANSEVERINO

Clericorum Regul. Minorum.

P R A E F A T I O.



MAXIMA sanè est in omnium animis insita à natura cognoscendi sciendique cupiditas : quæ eò deinceps ardentius prouocatur, & feruet : quò aliqua rerum notitia per ingenia studia coeperit degustari. Sapienter dictum est ab Aristot. initio Metaph. *Omnes homines natura scire desiderant.* Eleganter dictum est à Cicer. lib. 5. de Finib. *Tantus est innatus in omnibus cognitionis amor & scientia ; ut nemo dubitare possit, quin ad eas res hominum natura nullo emolumento inuitata rapiatur.* Attamen ad veram rerum notitiam assequendam, & solidam scientiam comparandam, diligenti industria, & solerti studio indigemus. Imò sæpè in cognoscendo possumus à recto veritatis tramite deuiare, & in contrarios errores incurrere. Idcirco merito ars & scientia quædam peculiaris adiuuentia fuit, quæ nos, & scire, & cætera cognoscere doceret ; omniq; falsitate repulsa, ad veritatem quam in omnibus scientiis intendimus, prouehere posset.

Hæc est Logica, cui id adequatè proponitur, ut viam tradat, ac methodum, cæteras scientias siue errore addiscendi, & in vniuersum res omnes ritè cognoscendi. Hinc de Dialectica loquens August. lib. 2. de Ordine cap. 13. cum disciplinam disciplinarum eam vocasset, subiungit : *Hæc docet docere, hæc docet discere, hæc scit scire ; sola scientes facere, non solum vult, sed*

etiam potest. Idem confirmat Boet. lib. 1. in Topi. Cicer. dicens : *Ratio, nisi via quidam processeris, sæpè in multos necesse est labatur errores.* quod nò passim feret, visum est antiquis Philosophia ducibus, vò ipsarum ratiocinationum, quibus aliquid inquirendum esset, naturam penitus discernere : ut his purgatis atque compositis in speculatione veritatis vterentur. Et Arist. multis in locis testatur, antiquos Philosophos ob imperitiam Logicæ in errores plurimos corruisse 4. Met. 8., 1. Phys. sic. 10. & 22., & alibi.

Hinc factum est, ut ante alias scientias Logica perdiscatur, quatenus hac arte sciendi & cognoscendi præmuniti, in illis deinceps, & veritatem assequamur, & ab erroribus reddamur immunes. Idq. præcepit Arist. 2. Met. 15. appellans Logicam modum sciendi, & volens ante omnes alias scientias hoc sciendi modum nos instructos esse debere, ut recto veritatis tramite dirigamur. Idem suæ expositione confirmant D. Thom. Auert. Alex. Albert. Magn. & alij in eundem locum.

In Logica autem tradenda, sicut & in cæteris philosophicis disciplinis, à multis iam sæculis penè omnes Arist. ducem sequuntur. Et nos illius auctoritati plurimum deferemus. Qui præ cæteris antiquis, Philosophiam & Logicam clarius edocuit, rectius ordinauit. Et præcipuè artis syllogisticæ, quæ est præcipua pars Logicæ, ipse Arist. se fuisse asserit inuentorem 2. Elench. in fine : *De syllogismo autem*



A

autem

autem omnino nihil habuimus prius aliud quicquam quod diceremus. Unde merito pro huius artis inuentione multam sibi gratiam exposcit: Reliquum erit omnium vestrum, vel eorum qui audierint hoc opus, amissa quidem artis venia dignari, inuenta autem multa profequi gratia. Hisque verbis vniuersę suę Logicę finem imponit.

Verum est tamen, non habere nos ex Arist. integram Logicę methodum: sed hos tantum libros. Librum Prædicamentorum, quem ad cõmunem directionem totius cognitionis intellectus referri putamus, in quo omnia rerum genera breuiter enarrantur. Duos libros Periermenias, hoc est de Interpretatione, in quibus prima & secunda intellectus operatio dirigitur. Duos libros priores resolutorios, in quibus de syllogismo eiusque forma in cõmuni differitur: duos libros posteriores resolutorios, in quibus de syllogismo demonstratiuo: octo libros Topic. in quibus de dialectico syllogismo: & duos Elench. in quibus de sophistico syllogismo tractatur. Qui omnes libri ad tertię operationis directionem ordinantur.

Libros Arist. enumerat Diogenes Laërtius in vita eius: qui in vniuersum sunt pene quadringenti, quorum tamen non

nisi centum & viginti ad nos peruenerunt. Inter alios autem libros, quos Laërtius recenset, & nos non habemus, multi sunt qui ad Logicam pertinerent: aliqui sunt de Syllogismo, de Definitionib., de Diuisibilibus, de Speciebus, & Generebus, de Proprijs, & alijs finiles. Non ergo Arist. incuri, sed temporum iniurię, tribuendum est, si Logicam ipsius veluti truncatam habemus. Addidit Porphyrius ad Logicę complementum suum Isbellum, de Genere, Specie, Differentia, Proprio, & Accidente, quorum cognitio ad perfectam Logicę tractationem, & doctrinę Arist. intelligentiam, præsertim eius quę continetur in libro Prædicamentorum necessaria erat.

Igitur nos ad completam Logicę structuram, iuxta ordinem cognitionis intellectus, de cuius directione Logica tractat, in omnibus procedemus, & ad suum quemque locum libros Arist. & librum Porphy. redacemus. Hanc autem tractandi seriem seruabimus: prius de rebus tractandis generales quæstiones proponemus, deinde singulas quæstiones in sectiones diuidentes, ad quædam magis particularia descendemus: quæstiones & sectionis nominibus, ad imitationem libri problematum Arist. hæc conuersio ordine, vlturpatis.

QVÆSTIO PRIMA.

De Logica secundum se.

IN principio cuiusque scientię maxime opportunum est, dignoscere rationem & conditionem ipsius scientię, & quod habeat obiectum, & de quibus rebus tractare debeat: ut deinceps, scilicet cognita, quoque obiecto præfixo, ad ea quę sibi sunt tractanda ordinatę procedat.

SECTIO PRIMA.

De Nominibus Logica & Dialectica.

*Nomina
hæc sunt fa-
cultatis.*

IN prius nomen ipsius scientię explicandū occurrit. Solet hæc scientia quædam aggredimur pluribus nominibus appellari. Plato appellauit artem differendi. Cicero scientiam veri & falsi di-

scernendi, diiudicatricem. D. Augustinus disciplinarum omnium disciplinam. Sed duo sunt simplicia nomina, quibus cõmuni vii ab omnibus hæc scientia appellatur, Logica, & Dialectica. Quare hæc duo breuiter explicabimus.

Logica est nomen græcum, derivatum à voce græca logos. Quę vox, licet alias habeat significationes, tamen quantum ad nostrum attinet institutum, duo præcipue significare potest, scilicet rationem,

nem. & sermonem ut notavit Aug. lib. 83. qq. 63. Vnde Logica, & ratiocinialis, & sermocinialis exponi potest.

Nom. Logica unde sumitur, & quid significet.

Scot. initio Predic. explicat logos in Etymologia Logice sumi tantum pro ratione, non pro sermone: dicens, Logicam exponendam esse, ratiocinalem, non verò sermocinalem. Quia sic videretur significari, Logicam veritari circa sermonem, & circa voces: quasi voces essent obiectum Logice; quod postea probabimus esse falsum. E contra alij multi, præsertim antiqui expostores Arist. Logicam interpretantur scientiam sermocinalem, à logos sumpto pro sermone.

Sumitur à ratione, & significat scientiam ratiocinalem.

Sed dicendum est, utroque modo posse Logicæ nomen exponi. Primò à logos sumpto pro ratione. Ita explicauit Isidor. lib. 2. Etymolog. cap. 22. & nò solùm Scot. locis cit. Sed D. Tho. initio Perier. & Postter. & alij multi. Dupliciter autem sumi potest ratio in hac explicacione: vno modo pro ipso intellectu: alio modo pro speciali actu intellectus qui est discurrere. Sic vno modo Logica dicitur ratiocinialis, ex eo quòd versetur circa operationes & actus rationis siue intellectus. Ita explicat D. Tho. locis cit. Alio modo, ex eo quòd specialiter versatur circa discursum, sumendo denominationem à principaliori Logicæ parte. Et in hoc sensu Logica à multis explicari solet, ratiocinialis & ars ratiocinandi. Ratiocinari enim propriè significat discurrere: vnde syllogismus græcè dicitur latine ratiocinatio.

Sumitur etiam à sermone, & significat scientiam sermocinalem.

Secundò Logica potest etiam optimè explicari sermocinialis, & ars sermocinandi, à nomine logos quatenus significante sermonem. Pro qua re notandum est, has voces logos & sermo, non solum significare propriè loquutionem vocalem, & verba quæ ore proferimus: sed etiam non minus propriè significare conceptum ipsius intellectus, quem exprimimus per loquutionem externam. Colligitur ex Arist. in Predicam. quant. cum dicit logon, latine orationem, esse speciem quantitatis; & subiungit: *Dico autem cum voce orationem factam*: Vtique supponens, equè propriè potuisse sumi illud nomen pro conceptu mentali: & ideo explicare voluit, orationem vocalem esse speciem quantitatis, ut ibi notat Por-

phy. Ammon, & alij interpretes: Imò S. Thom. 1. part. quest. 34. art. 1. & alij Theologi, dum tractant de nomine Verbi Diuini, docent, primò & principaliter conceptum mentis internum significari his nominibus, verbum, sermo, logos. Et idem habetur ex doctrina Sanctorum Patrum. Cum igitur logos & sermo in omni proprietate significet sermonem mentalem, poterit optimè, & in omni rigore, Logica exponi sermocinialis ab ipso sermone mentali, in eodem sensu quo dicebatur ratiocinialis. Et non sequitur quod inferebatur: si Logica dicitur sermocinialis, denotari veritari circa voces, & habere pro obiecto sermonem vocalem.

Adhuc tamen notanda est distinctio sermonis mentalis, quam ex August. & Damasc. desumptam tradit D. Tho. loc. cit. sermo mentalis potest sumi, tum pro conceptione ipsarum rerum, tum pro conceptione ipsarum vocum, quæ S. Tho. vocat imaginem vocis, & S. Aug. dixit, tuas esse hunc sermonem internum, cum imagines honorum verbi, siue vocis, cogitatione voluuntur. Et hæc distinctio coincidet cum distinctione illa conceptus ultimati & non ultimati. Logica igitur tractat per se de sermone mentali, prout dicit conceptum rerum. Et hinc præcipue suam significationem accipit.

Melius Logica dicitur ratiocinialis.

Verum est etiam, nomen sermonis habere aliquam ambiguitatem, cum possit sermoni, cum mentali, tum vocali applicari: Imò manifestius & communius significat sermonem vocalem, ut notauit S. Tho. ibidem. Quare cum Logica dicitur sermocinialis, potest remanere ambiguum, à quo sermone denominetur, & posset promptius cogitari de sermone vocali. Ideo præferenda est alia interpretatio, ut dicamus Logicam esse scientiam ratiocinalem.

Dialectica deinde est etiam nomen græcum, derivatum à verbo, dialogeme, quod significat disserere, & disputare. Quare Dialectica idem est, quod ars disserendi & disputandi, siue ut dixit August. lib. 1. cont. Crescon. cap. 14. ars disputatoria. Itaque propriè significat eam partem Logicæ, in qua de discursu & syllogismo probabili tractatur, quæ est pars topica. Quia tunc propriè disputamus.

Nomen Dialectica significat scientiam disserendi.

*Speciali-
ter signi-
ficat par-
tem reſpi-
ciam.*

musicum proposita aliqua quæstione, asseruntur pro utraque parte probabilia, argumenta siue ex vna parte argumenta, ex alia responsiones. Alioqui quando inuenta fuerit evidens demonstratio, non datur amplius disputandi locus. Hinc dixit Arist. 1. Rethor. cap. 1. Dialecticam, sicut & Rethoricam, versari circa contraria: similiter Alexand. 1. Top. cap. 1. explicauit, differere & disputare, exerceri per interrogationem & responsionem: cum scilicet vnus interrogat de aliqua quæstione, & alius respondet: qui autem interrogat, paratus esse debet ad oppugnandum qui quid respondens dixerit, quod totum contingit in materia probabilis. Atque hoc modo disputandi per interrogationem maximè utebantur antiqui. Vnde Arist. 1. Elench. cap. 11. dixit, doctrinam demonstratiuam non esse interrogatiuam: Dialecticam autem esse interrogatiuam. Non solum autem datur actus exterior sermonis vocalis, quo probabiliter disputamus: sed præcipue datur actus mentalis, quo probabiliter discurremus: & ab hoc potissimum Dialectica denominatur.

*Generaliter etiam
significat
totam facultatem.*

Attamen iam nunc Dialecticæ nomen toti Logicæ attribuitur. Et quidem non absque ratione. Nam differere, licet frequenter significet probabiliter disputare, tamen aliquando absolute significat sermone vti, vel etiam ignota ex notis manifestare: quæcumque via id fiat, & siue probabilis, siue certa & euidenti argumentatione: vt probat Fons. 2. Met. cap. 3. q. 1. sect. 2. ex Plat. Arist. & Cicer. Iuxta hanc igitur significationem potest iure optimo tota hæc facultas appellari Dialectica: quia tota tractat de sermone, scilicet mentali, & tradit omnia instrumenta cognoscendi & differendi. Adhuc tamen vltus retinuit, vt per syllogismum dialecticum intelligatur solim ille qui ex probabilibus procedit, ad differentiationem demonstrationis.

*Arist. enim
quæ usus
est nomi-
ne Logica
pro hac
facultate.*

Ceterum specialis controuersia est inter Auctores præsertim recentiores, quid apud Arist. significant hæc nomina, Logicæ, & Dialecticæ. Et in primis nusquam apparet, Arist. totam hanc facultatem appellasse Logicam. Imo neque hoc nomen, Logica, substantiue prolaturum apud ipsam reperitur. Vnde Boet. nota-

uit lib. 1. in Top. Cicer. com. 2. hanc facultatem à veteribus Peripateticis hoc nomen Logicæ accepisse. Solum his loquendi modis quandoque vtitur Aristot. Logicæ speculati 3. Phys. 40. Logicæ considerare 8. Phys. 70. Logicus syllogismus 1. Rethor. cap. 1. alijque similibus alibi. Multi ergo asserunt, semper apud Arist. Logicæ speculati & e. idem valere, ac probabiliter. Quare in hoc sensu Logica idem valet ac Topica. Sed quamuis hæc Aristot. hanc significationem intendat: vt multis in locis, & specialiter duobus primis modo allegatis, exponunt Auer. Simpli. D. Tho. & alij. Tamen eo loco 1. Rethor. per syllogismum Logicum videtur intellexisse demonstratiuum: vt ibi exponunt Petrus Victorius & Marcus Antonius Maioragius. Quare non semper eandem habet significationem ille loquendi modus apud Aristot. quamuis sapius significet probabilem, discursum.

De nomine, Dialectica, facile constat, Arist. serè semper per Dialecticam intelligere solam partem topicam, vt patet 1. Topic. 1. Elench. 3. Met. & alibi passim. Hinc multi existimant, nunquam in alio sensu Arist. esse hoc nomine usum, & nunquam per Dialecticam totam Logicam accepisse: & ita defendit Nicolaus Græchius in peculiari libello de Nominibus Logicæ & Dialecticæ. Concedendum tamen videtur, aliquando Arist. per Dialecticam intellexisse totam Logicam. Nam 1. Rethor. cap. 1. ait: *De quolibet syllogismo, Dialecticam, vel vniuersam, vel partem eius quandam considerare*: at certe Topica non tractat de quolibet syllogismo, sed tantum de probabili. Igitur Arist. per Dialecticam non intellexit solam Topicam, sed vniuersam facultatem. Et de hac dixit, Dialecticam, vel vniuersam, vel partem eius, id est illam partem quæ agit de argumentatione, scilicet à libris Prior. vique ad finem, considerare adequatè de syllogismo. Rursus infra in eodem cap. ait Arist. Dialecticam tractare, tam de vero syllogismo, quam de syllogismo apparenti & sophistico. Vbi per syllogismum verum potest intelligi tam demonstratiuum, quam probabilis: & præcipue constat, non in parte topicam sed in elenchis tractari de syllogis-

*Interdum
usus videtur
nomine Dialectica pro
tota hac
facultate.*

mo sophisticò. Ergo Arist. nomine Dialecticæ non intellexit solam Topicam.

Iterum eodem lib. cap. 1. Aristot. ait: *Rethoricam esse quasi propaginem Dialecticæ & eius negotij quod est circa mores: id est scientiæ moralis, nimirum quia Rethorica vitur argumentis ad persuadendum; & tam à Dialecticâ, quàm à morali scientia accipit quæ sibi deserviunt præcipuè ex Dialecticâ formam, ex morali mæriam.* Postea cap. 4. repetit Aristot. *Nam quod iam diximus verum est, Rethoricam scilicet ex resolutionis scientia, & ex civili quæ de moribus est, compositam esse.* Vbi sine dubio idem intellexit per scientiam resolutionis, quod antea per Dialecticâ: sed scientia resolutiva planè est illa pars Logicæ, quæ dicitur græcè *analytica*, latine resolutoria, quæ continet libros priores ac posteriores resolutorios. ergo per Dialecticam, non solam Topicam intellexit, sed etiam partem analyticam comprehendit. Et ita in his locis Arist. exponunt Pet. Viç. & Marc. Anton. Maiorag. Primum etiam locum ita exponit Foul. 2. Met. c. 3. q. 1. sect. 2. & lib. 1. Instit. c. 2.

Nec obstat debet, quod Arist. eodem loco 1. Rethor. cap. 1. dixit, Dialecticam versari circa contraria, quod nos supra diximus cõuenire parti probabiliter differendi. Nam vel diuersimodè idem nomen Dialecticæ accepit. Vel adhuc totam Logicam sic nominauit: eiquè attribuit illud quod ratione partis ei conuenit. Sicut vna quadam pars Logicæ est quæ agit de prædicamentis. ita et si nomen Dialecticæ sumatur pro tota facultate, in qua sola pars Topica tradit modum probabiliter differendi circa contraria: tamen absolutè de ipsa Dialectica dicere potuit Arist. versari circa contraria, id est tradere modum probabiliter disputandi circa contraria.

Est alius locus Arist. 1. Met. tex. 8. ubi nomine Dialecticæ videtur intellexisse artem definiendi, non autem Topicam: vt ibi exponunt S. Tho. Auerr. & alij.

SECTIO SECVNDA.

An Logica sit: & quomplex sit.

IN primis refert Cicero lib. 1. Academic. qq. ad Varr. quosdam antiquos,

Anaxanum & Rabirium, nullam definiendi, diuidendi, argumentandi, aut quouis modo differendi, artem agnouisse aut approbasse: qui nulla arte adhibita de solis rebus ante oculos positis vulgari sermone disceptabant. Quare hi Logicam penitus auferebant. Et fundamentum esse poterat, quia circa operationes naturales non potest dari ars & scientia directiua: vt docuit ipse Arist. 6. Ethic. cap. 4. *Neque enim eorum est ars quæ sunt secundum naturam:* sed cognitio nostri intellectus, & disceptatio de rebus, est vique operatio naturalis: ex naturali enim nostra virtute depromitur: ergo nulla Logica quæ sit directiua talis operationis esse potest.

Notissimum tamen est, dari facultatem hanc, quam Logicam & Dialecticam nominamus, directiuam nostræ cognitionis. Et quidem talem facultatem esse possibilem, à priori probatur: quia operationes & cognitiones nostri intellectus, possunt deficere & à recto tramite declinare, vt compertissimum est: ergo possibile est tradere aliquas regulas, & præcepta, aliqua item instrumenta sciendi, quibus nostra cognitio dirigatur. Quod totum clarè etiam constat ex dictis in Inst. & ex dicendis deinceps. Constat etiam exemplo aliarum artium, quæ optime potuerunt institui ad dirigendas alias nostras operationes, vt rectè fiant. Huiusmodi autem doctrina de directione nostræ cognitionis est Logica. Deinde de facto ac re ipsam talem facultatem dari, experientia ipsa est clarissimum, ex tot auctoribus, & libris, ex tot qui docent, & qui addiscunt Logicam, & ex omnium notitia.

Quæri autem posset, quando nam Logica esse cepit, & à quo primum inuenta fuerit. Et quidem Arist. in fine Elench. sibi met huius artis, præcipuè quoad syllogismorum structuram, inuentionem ascribit. Et saltem Logica in formam vnius facultatis tam exactè reducta, in ipso Arist. & ab ipso sic incepta, & instituta esse videtur. At putandum omnino est, longè ante, & apud alios antiquiores sapientes, saltem per partes, Logicam præfuisse, vt testatur Laertius in vita Zenonis. Imò & ab initio apud homines, saltem in mente, & voce, licet non scripto, artem Logicæ extitisse, & iam à primis

Logica extat.

Quando incepta, & à quo fuerit inuenta.

hominibus tradi cepisse. Aliqui autem propter hoc Arist. instantia & men facij accusare non dubitarunt. Sed equum est credere, Arist. non plusquam illud quod dicebamus, sibi arrogare voluisse.

Fundamentum verò antea oppositum facile soluitur. Operationes naturales, alias esse quæ non nisi certo modo exerceri possunt, nec contingit bene aut male fieri: ut actio illuminandi à sole, videndi per oculos, & similes. Alias esse quæ varijs modis fieri & exerceri possunt, & vel bene vel male. Circa priores non potest dari ars directiua: & hoc tantum docuit Arist. ibi, & patet ex textu. Circa posteriores optime potest dari: & tales operationes dici possunt, non solum naturales, sed etiam artificiales, idest capaces artis & directionis. Et huiusmodi planè sunt operationes nostri intellectus: quarum proinde optime datur Logica directiua.

Secundò vterius, ut constat magis quæ nam Logica detur, & quam traditur simus. Diuidi solet Logica in naturalem & artificialem. Ita Auerr. 1. Prior. cap. 1. & 6. Auicenn. cap. 2. suæ Logicæ, & alij communiter, & apertè colligitur ex Arist. 1. Rethor. cap. 1. & 1. Elench. cap. 11. Logica naturalis est ipsemet intellectus, quo apprehendimus, iudicamus, discurremus; seu ipsum lumen naturale, quod nobis dicitur quomodo discurrendum sit, qui discursus sit bonus, &c. Et in hoc sensu videtur loquutus Arist. aut denique ipsemet actus intellectus ex vi solius luminis naturalis procedens. Hæc enim omnia homo habet ex sua natura, quæ rationalis est. Logica artificialis est quedam ars suæ scientiæ, qua intellectus instruitur ad bene exercendas suas cognitiones & operationes, & qua ipsæ operationes diriguntur. Hæc est Logica, quam probauimus esse possibilem, & de facto dari, & quam modò tradere instituiamus.

Tertiò rursus potest per Logicam artificialem intelligi, tum ipsa doctrina quæ à scriptoribus traditur, vel voce explicatur, aut mente reuoluitur: tum etiam actus ipse intellectus, quo artificialiter cognoscimus & scimus doctrinam logicam: tum etiam habitus, qui in intellectu gignitur & relinquitur per tales

actus, qui habitus est qualitas deinceps inclinans, & promptum reddens intellectum, ad facilius similes actus repetendos. Vnde veluti triplex Logica artificialis distinguui potest. Prima dici potest obiectiua: quoniam est obiectum quod ab intellectu cognoscitur. Secunda dicitur actualis: quoniam consistit in actibus intellectus. Tertia dicitur habitualis: quoniam consistit in habitu qui acquiritur. Supponimus autem nunc, dari & acquiri huiusmodi habitus. Itaque datur Logica artificialis omnibus his modis. Nostri autem munus est, tradere doctrinam logicam, quæ spectat ad primum modum. Vnde studiosi per proprios actus Logicam actualem, & ex actuali habitaalem, sibi debeant comparare.

Quartò alio modo diuiditur Logica artificialis in vniuersalem & particularem. Hanc diuisionem tradit Auerr. 2. Met. c. 3. Logica vniuersalis est, quæ intellectus adquatè instruitur, quomodo in qualibet scientia, & circa omnem materiam, absque errore procedere debeat, & quomodo in vniuersum bene exercere, valeat suas operationes, quomodo discurrendum sit, & c. Logica verò particularis est, quæ in peculiari aliqua scientia, & certa materia, instruitur intellectus, qualiter procedere debeat, si quid proprium pro tali scientia & materia disponendum occurrat. Nunc igitur Logicam vniuersalem tradere intendimus: ad quam spectat tradere præcepta generalia & communia scientijs, per absolutam directionem cognitionis. Pertinebit autem ad singulares ipsas scientias, præmittere, si quæ peculiariter de ipsarum procedendi modo supersint. Et ita seruauit Arist. in princ. Physic. in princ. de Part. animal. & alibi. Et iuxta hoc videtur Arist. ibi de Part. distinguere duos habitus in omni facultate: Vnum qui sit scientia de ipsis rebus: Alterum quem vocat peritiam de modo procedendi in tali scientia: Et hæc peritia erit Logica particularis suæ scientiæ. Plerumq; tamen non erit amplius necessaria alia instructio particularis circa particularem scientiam ultra Logicam vniuersalem.

Quintò præcipuè Logica diuiditur in Docentem & Vtemem. Quæ diuisio communiter approbatur. Et à Græcis aucto-

Alia est Logica vniuersalis, alia particularis.

Datur Logica docens & vtem.

ribus videtur sub alijs terminis tradita, in Logicam auulsum à rebus & conuenientiam rebus: Vt Philop. in præfat. Super lib. Prior. in fine refert ex Plat. non defuerunt tamen qui hanc diuisionem repulerint. Ita Iustus Verax in it. suæ Logicæ, Grucchijs lib. de Nomin. Log. & Dial. & quidam alii. Et ex parte Fons. qui 1. Met. cap. 3. qu. 1. sect. 6. ait, totam quidem Logicam esse docentem, sed solum partem Topicam esse videntem: Quare in hac sola parte hanc distinctionem agnoscit. Fauet S. Tho. 4. Met. lect. 4. Vbi significat, non dari Logicam videntem in parte demonstratiua. Maior dissensio inter eos qui hanc diuisionem recipiunt, est de modo illam explicandi.

Sed absolute dicendum est recte diuidi & assignari Logicam docentem & videntem: debere quæ hanc diuisionem pro tota Logica accipi. Ita sumitur ex S. Thom. Opusc. 70. q. 6. art. 1. Scot. q. 1. Prædicab. Alberto & alijs antiquis. Ita etiam defendunt lauell. tract. 2. Logicæ c. 6. Conimbr. q. 1. Tolet. & Sor. q. 2. Proem. & alij Recent. Thomistæ, Masius, Sances, Petronius, & alij, qui conantur exponere illum alium locum S. Tho. Et breuiter sic est res explicanda. Logica docens est ipsa doctrina logica, huc cognitio directionis operationum intellectus, definitionis argumentationis, & c. antequam actu definiamus, vel dirigamus aliquam operationem, per applicationem communium regularum, Logica videntem est, cum actu exercemus operationes intellectus, cum actu definimus, & c. iuxta regulas & præcepta tradita, ac prius cognita. Itaque, cum absolute cogitamus, definitio tradenda est per genus & differentiam, syllogismus debet constare ex tribus terminis ita dispositis: non adhuc rem aliquam specialem definiendo aut demonstrando: tunc habemus Logicam docentem. Cum vero actu definimus aliquam rem per genus & differentiam, homo est animal rationale, aut conficimus aliquem syllogismum: tunc habemus Logicam videntem. Vnde hac distinctio, non in sola Logica reperitur, sed in omni etiam alia arte & scientia directiua: vt consideranti patebit.

Hinc manifestè probatur, hanc diuisionem esse toti Logicæ communem, &

non soli Topicæ propriam, nam tam in parte demonstratiua, & definitiua, datur doctrina de demonstratione & definitione conficienda, & præterea vltus demonstrandi, ac definiendi: sicut datur in parte Topicæ de probabili syllogismo. Nec bene ait Fons. actum quem demonstramus, & est vltus doctrinæ demonstratiuæ, pertinere ad illam scientiam in cuius materia demonstramus, videlicet Physicam, aut aliam, non autem pertinere ad Logicam: & ideo non dari Logicam videntem. Nam certè ita se habet vltus demonstrandi ad doctrinam demonstratiuam Logicam, sicut vltus probabiliter differendi ad Topicam. Et in ipsis materijs singularum scientiarum exercemus, cum artem demonstratiuam, cum definitiuam, cum disputatiuam, & omnem partem Logicæ. Imo sicut in alijs scientijs, ita etiam in ipsa Logica, vltimus eadem arte Logica, definiendo, argumentando, & c. in propria materia. Singuli autem actus, pertinent quidem ex parte materiæ ad illam scientiam in qua versantur, videlicet Physicam aut aliam: tamen valet dicere, quod regulantur & diriguntur per Logicam, quantum ad formam & modum, vt rectè fiant. Vnde simul in vltu ipso & exercitio spectant suo modo ad Logicam. Potest tandem hac diuisione, non solum actuali, sed etiam habituali Logicæ adaptari: vt mox videbimus.

Sexto præsertim dubitatur, quoniam modo Logica docens & videntem distinguatur. Aliqui significant, tam habitus, quam actus Logicæ docentis & videntis, esse realiter & essentialiter distinctos. Alij è contra, neque actus, neque habitus esse distinctos. Aliqui, esse distinctos realiter, non essentialiter. Alij, esse distinctos formaliter & essentialiter, non realiter. Commune fundamentum est, quia par ratio distinguendi & multiplicandi est: videtur de actibus & habitibus. Peculiariora verò fundamenta sunt, vel ex varijs principijs, vel ex vario loquendi modo: vt colligi potest ex dicendis. Sed communior sententia astringit, actus quidem Logicæ docentis & videntis esse distinctos: eundem verò esse habitum. Ita vt plurimum sentiunt Auctores antea relati.

Dicendum ergo breuiter est, distinguendo de actibus, & habitibus, actus Lo-

*Quomodo
distinguan-
tur Logi-
ca docens
& videntem.*

*Adhuc reser-
uatur liter &*

*Non so-
lum in
parte*

*essentia-
liter di-
stinguun-
tur.*

gica docentis & vrentis, idest actum qui est doctrina Logica, & actum qui est usus Logica, esse realiter & essentialiter distinctos. Ita sequitur ex dictis. Et patet facile. Alius planè actus est, quo intellectus cogitat, syllogismus debet in tali forma construi, & alius quo in certa aliqua materia conficit syllogismus. Sunt enim actus separabiles, habent diuersum obiectum, & ita se habent, sicut alij diuersi actus qui solent esse distincti. Imò vterius possunt hi actus esse diuersæ operationes intellectus, vt in exemplo posito, prior actus est secunda operatio, posterior est tertia operatio: & sic possunt asserri plurima exempla.

*Vnus &
id est
habitus
Logica do-
centis &
vrentis.*

Hinc inferendum est, his actibus correspondere quidem suos habitus pari modo distinctos. Nam vnus habitus est, quo quis instructus manet quomodo sit formandus syllogismus: & alius habitus est, quo format syllogismus in tali materia, siue physica, siue mathematica, siue alia quacunque. Vnde habitus sciëntiæ Physicæ, similiter Mathematicæ, vtiq; distinctus est ab habitu Logicæ. Ita tamen, quod vnus & idem actus in materia v. g. physica, qui dicitur actus Logicæ vrentis, idest usus Logicæ, correspondet simul duplici habitui, nempe habitui Physicæ & habitui Logicæ. Diuerso tamen modo: videlicet Physicæ elicitiuè, & Logicæ regulatiuè ac directiuè. Quia nimirum talis actus elicitor ab habitu Physicæ, dirigitor & regulatur ab habitu Logicæ.

Ex hoc vterius inferendum est: propriè loquendo, non ipsum habitum Physicæ, sed eundem solum habitum Logicæ, esse appellandum Logicam habitualementem vrentem respectu talis actus. Nam habitus vrens idem sonat quod habitus regulans & dirigens, siue quo intellectus per modum regulæ vtitur. Non ergo ipse habitus Physicæ, qui elicit suum actum in tali materia dicitur vrens; sed tantum dicitur eliciens. Habitus autem Logicæ, qui aptus est regulare omnes similes actus in quacunque materia, dicitur Logica vrens.

Ita patet, eundem ipsum habitum Logicæ esse dicendum Logicæ docentis & vrentis, secundum duas scilicet rationes, & per respectum ad diuersos actus. Nam per respectum ad actum docentem, dice-

tur Logica docens: & per respectum ad usum illius doctrinæ, Logica vrens. Diuerso autem modo respicit vtrumque actum. Nam primum actum elicit, sicut quilibet alius habitus suum proprium actum: secundum actum regulat & dirigit. Quare respectu primi dicitur habitus elicitiuus, respectu secundi directiuus & regulatiuus. Quod totum non est proprium & singulare ipsi Logicæ: quinimo est commune omni arti, & omni habitui practico ac directiuo alterius operationis. Habet enim suum actum cognitionis elicitiuum, proximum, & velut intrinsecum: habet & alium actum regulatum, ac velut remotum, & extrinsecum. Hoc tamen peculiare Logica habet, quod hic alius actus qui regulatur, est etiam actus cognitionis, quæ videlicet per aliam antecedentem cognitionem dirigitor, & habet alium suum peculiarem habitum, intellectualem sui elicitiuum. Ita ergo idem habitus Logicæ, sicut & quilibet alius habitus practicus, est simul docens & vrens. Et ex his facillimè solui potest quæcunque difficultas in contrarium afferatur.

Denique concludamus, à nobis nunc tradendam esse Logicam docentem, quæ deinde vti possimus ad operationes ceteras intellectus rectè exercendas, & ad omnes alias scientias addiscendas.

SECTIO TERTIA.

Vtrum Logica sit utilis & conueniens.

AD questionem an Logica sit, pertinet disputare an sit utilis & conueniens, an etiam necessaria. Hoc enim opportunum est inquiri in illis rebus quæ ad aliquem finem ordinantur: sicut supponimus Logicam ordinari ad directionem nostræ cognitionis. Itaque loquimur de Logica artificiali docente, quæ scilicet continet doctrinam de directione nostræ cognitionis.

Fuerunt quidam antiqui, vt habetur apud Senec. epist. 90. qui Logicam tanquam inconuenientem & perniciosam vituperabāt. Imo Terrull. lib. de Prescrip. hæret. cap. 7. & D. Hieron. in cap. vitim. Nahum, & in Psal. 104. & 143. Log. cam tanquam perniciosam damnasse videntur, dicen-

dicentes, Dialecticam fuisse illam, ex qua fallacia argumenta ad alios decipiēdos, suosq; errores suggerēdos, Hæretici deprompserint. Ac per hoc de ipso Arist. tanquam Dialecticæ auctore malè loquuntur. Præterea Hæretici Donatistæ, vt refert Augult. lib. 1. contra Iul. Petilianum cap. 16. & lib. 1. cont. Crescon. gram. cap. 13. obijciēbant ipsi Augult. Dialecticam, tanquam artem mentiendi, & Christianæ veritati incongruam: ideoquē illum tanquam hominem dialecticum fugiendum cauendumq; iactabant. Hæretici etiam nostri temporis, non solum in vniuersum nostrarum artium & Theologiæ Scholasticæ studium damnant, sed specialiter studium & vsum Logicæ, vt refert Rosenf. art. 1. cont. Lucher.

Referuntur deinde Epicurei & Ciceronici, Logicam tanquam vanam & inutilem contempnissē; vt habetur apud Hieron. lib. 1. Apolog. cont. Rufin. non multum ante finem, & Senecam epist. 90. Et de ipso Epicuro testatur Cicero in lib. de Finibus. Plato etiam in Parmenide refert, Logicam à quibusdam fuisse inutilem iudicatam.

Logica est utilis & conueniens. Certum tamen est, Logicam non solum non esse perniciosam, sed esse valde utilem & conuenientem. Ita omnes prudentes & pji libenter agnoscunt. Et præsertim ad sacram doctrinam probè intelligendam, & Fidem ipsam tuendam, multum conferre Logicam, eruditè multis SS. PP. testimonijs confirmant Titelman. in Apolog. pro Dialect. & Louanienf. in proemialibus Logicæ, & quidam alij qui de eadem re scripserunt.

Ad intelligentiam scripturarum. Et primò ad intelligentiam scripturarum plurimum conferre Logicam, testatur Aug. lib. 3. de Doctr. Christ. cap. 31. Rupert. Abb. lib. 7. de operib. Spiritus sancti cap. 13. qui asserit, non minus esse necessarium nosse, quid sit genus, species, & c. ad intelligentiam scripturæ, quam ad prædicam Aristot. & infra subiungit scripturam in formandis syllogismis esse efficacissimam. imò addit scripturam statim in primo exordio vsum fuisse syllogismo: illaque prima verba, In principio creauit Deus &c. esse maiorem syllogismi.

Ad dissolutionem falsi. Secundò Logicam multum inuare ad eadem catholicam contra infideles & hæ-

reticos comprobendam, pluribus posset ostendi. Sed sufficiat hanc ex Augult. confirmationem asserere. D. Aug. lib. 1. cont. Crescon. a cap. 13. de se ipso refert, Hæreticos refugisse cum eo disputare, eius Dialecticæ & arte disputandi perterritos. Tanta erat Logicæ vis ad conuincendos eorum errores, & veritates catholicas ostendendas. Præsertim quia per hanc artem Augult. solebat ex falsis Hæreticorum articulis, alias falsas & apud illos etiam absurdas conclusionēs inferre: vnde cogebantur tandem à prioribus illis falsis assertionibus resilire. Sic Aug. cap. 20. in defensionem suæ Logicæ loquebatur: *Nominem in disputando ad conclusionem falsam consequenter impelli, nisi prius consenseris falsis: de per hoc qui cauet nē se loquente consequantur falsa quæ non vult, vult: falsa cauens quæ procedunt.* Adducit præterea Aug. cap. 14. & latè probat, Apostolum Paulum fuisse insignem Dialecticum, & Dialecticæ vsum. Et cap. 17. ac 18. idem docet ac probat de Christo Domino, qui ad conuincendos Iudeos, argumentis & Dialecticæ utebatur. Ita conatur Aug. ibi confundere eos Hæreticos, qui imprudenter Dialecticam criminabantur, & quasi artem decipiendi Aug. obijciēbant.

Tertiò valet etiam Dialectica ad erigenda ac dissoluenda Hæreticorum argumenta, quæ non sunt nisi sophistica & vitiosa, quorum vsus familiaris est Hæreticis ad alios capiendos. Vnde Aug. ibidem per artem Dialecticam detegere studuit fallacias Hæreticorum in suis argumentis, easquē destruere. Ex ipso demum vsu Ecclesiæ, & diuturna ac probata tot sæculorum consuetudine, satis exploratum est, Logicam esse Christianæ Reipublicæ valde utilem & conuenientem.

Quartò deinde vtilem esse Dialecticam in vniuersum ad directionem nostræ cognitionis, & ad cæteras scientias comparandas, docuit præclarè Arist. 1. Top. cap. 1. *Dialecticam esse utilem, ad exercitationes, ad colloquia, & ad eas quæ secundum Philosophiam sunt disciplinæ.* Et egregiè Cicero lib. 2. Tuscul. qq. de Dialectica loquens: *Ex qua cum summa utilitas exstet ad res ponderandas, tum maximè ingenua delibatio.* Patet etiam ex existimatione omnium aliorum sapientum. Et euidenti

Ad hæreticos repellendos.

Ad directionem nostræ cognitionis.

denti ratione : quia sine dubio ad rectè operandū & procedēdum, maximè iuuat, prius prænocere & scire qualiter sit rectè operandum & procedendum: vt homo saliter instructus hac arte utatur. Ad rectè ergo discurrendum, & sic ad alias intellectus operationes exercendas, omnēque alias scientias addiscendas, maximè vilis est Logica.

Ad scientias addiscendas. Quinto id totum distinctè explicatur & confirmatur de varijs scientijs & disciplinis. Non solum ad sacram Theologiam, & ad Philosophiam, siue Moralem, siue Physicam, siue Metaphysicam, admodum confert Logica: imo est quodammodo necessaria, vt scēt. sequenti videbimus: sed etiam ad quasdam alias facultates de quibus dubitari posset, eo quod soleant addisci non præmissa Logica.

Etiā ad Rethoricam. Est valde vilis ad Rethoricam: vt patet ex Arist. 1. Reth. cap. 1. dicente, ad Rethoricam debere nos habere facultatem rariocinandi: imo vocauit Rethoricam propaginem Dialecticæ: Et cap. 4. ait, Rethoricam componi ex Dialecticā, & ex ea deducere argumentandi normam. Et Cicero libro de Claris oratoribus testatur est, ad eloquentiam conducere Dialecticam. Itaque in rigore prius esset addiscenda Dialecticā quā Rethoricā. Ideo autem oppositum frequentius obseruatur: quia iam Rethoricā ferè non traditur scientificè: & quia maiorem cum Grammatica similitudinem habet, cum vtraque tractet de modo loquendi: & quia Rethoricā sic tradi solita, est multo facilior quā Logica. Adhuc tamen ob ipsius Logicæ utilitatem, multa quæ iam cognita ex Logica supponi deberent, in ipsa arte Rethoricā traduntur: quæ rursus per Logicam maximè in suo gradu perficitur.

Etiā ad facultatē Iuris. Est etiam valde vilis Logica ad facultatem Iuris, quæ annexa est Philosophiæ morali, Hinc Cicero libro de Claris oratoribus Seruium Sulpitium vniuersis Iuris consultijs illius temporis anteponit, eo quod Dialecticā: peritus esset. vnde de eo inquit: *Nunquam ad tantam Iuris peritiā peruenisset, nisi Dialecticā didicisset.* apertè declarans Dialecticæ utilitatem ad tantam legis peritiā. Tradit etiam Sotus q. 1. præmiali, Iuris studiosos olim consueuisse non adire studium

Iuris sine Dialecticā. Ideo autem de facto id non seruatur, quia Iuris facultas, eo modo quo hoc tempore traditur, potius est fides humana quā scientia: vt notauit Sot. q. cit. in ult. prob. 2. conclus. Scientia enim est, cum per propriam causam & rationem rem cognoscimus: fides verò humana est, cum aliquid credimus ob auctoritatem hominis dicentis. Atque ita hoc modo facultas Iuris in auctoritate Iuris peritorum fundatur. Est autem hæc valde imperfecta notitia: & eos qui ita rem cognoscunt, comparat Arist. 1. Met. cap. 1. rebus inanimatis, quæ faciunt absque cognitione: quæ comparatione, videtur etiam Alb. Mag. in Porphy. Quod si quis veras rationes & causas legum inquirere vellet, vt reuera in uenire posset: ad id maximè Logica indigeret.

Vilis est demum Logica & ad scientias Mathematicas: licet Plato Geometriam ante omnes scientias præmittendam vellent, imò in eius gymnasio scribendum iusserat, nemo huc accedat, nisi Geometra. Nam scientiæ mathematicæ etiam videntur regulis & præceptis Logicæ. Plato autem non integram Geometriam, sed tantum quædam faciliora, & quædam demonstrationes magis euidentibus, ante Logicam præmittebat, vt Doctores notāt. Sed neque aliqua saltem inchoata notitia Logicæ tunc deat. Non est tamen negandum, minus requiri Logicam ad Mathematicā quā ad Philosophiā: quia in hac non sunt res adeo euidentibus.

Ceterum Hieron. & Terrull. antea allegari, tantum damnare voluerunt artem sophisticam, quærens ea multi Hæretici abutentes, insidiosis fallacijs suas hereses adstruere conabantur; non autem Logicam, quærens docet verum discernendi modum: vt aduertit Pamelius in annotat. super eum locum Tertull. & refert fuisse etiā animaduersum à Macereo & Clemente Alexand. lib. 1. Stromatum. Sed neque ars sophistica reprobanda est: quoniam & ipsa est valde vilis ad Hæreticos confutandos: quia ars sophistica non traditur, vt ea nos utamur; sed vt dum alij contra nos ea vti voluerint, fallacia argumēta dissoluere promptè sciamus. Et ad hunc finem Aristot. ipse libros Ethic. conscripsit, docens modum dissoluc.

Et ad mathematicas disciplinas.

Etiā pars sophistica Logica est vilis & cōueniēs.

SECT. III. An & quomodo sit necessaria. 11

soluendi argumenta sophistica, & aliàs sæpè sophistarum fallacias reprehendit, & 1. Rethor. cap. 1. notauit: *Oportet ut contraria persuadere possimus, nō ut veraq. faciamus: nam mala facienda non sunt. Sed ut nos lateant quomodo se habeant, & ut cum alijs non iuste utamur, oratione soluari possimus.* Non ergo Arist. est de hac re culpandus, sed valde laudandus.

SECTIO QVARTA.

An & quo pacto Logica sit necessaria.

Aliqui auctores, concedentes Logicam esse vtilem, noluerunt asserere esse etiam necessariam. Alij sunt qui ex opposito docent esse simpliciter necessariam ad alias scientias addiscendas. Ita loquitur Sorus q. 1. proem. referens etiā Albert. cap. 3. in Porphy. Sed hi auctores non satis explicarunt, quid intelligerent per necessariam simpliciter. Eodem autem modo loquuntur Sanc. q. 2. proem. & Petron q. 1. art. 2. Communior loquendi modus est, Logicam non esse necessariam simpliciter, sed secundum quid: non esse necessariam absolute, sed ex suppositione si aliæ scientiæ debeant perfecte acquiri: non esse necessariam ad quolibet modo acquirendas, sed ad perfectè acquirendas alias scientias. Ita Fons. 2. Met. cap. 3. q. 4. sect. 2. Iauel. tract. 1. cap. 4. Conimbr. & alij recentiores. Et idem in re voluerunt alij qui absolute dixerunt Logicam esse necessariam.

*Duplex
distingui-
tur neces-
sitas.*

Itaque pro resolutione duplex est necessitas distinguenda. Prima vocatur necessitas simpliciter, & absolute, & ad esse rei. Secunda vocatur secundum quid, & ex suppositione, & ad bene esse. Prima necessitas est, quando prorsus sine tali medio res haberi non potest: *Ut respirare, & alimentum animali necessarium est: impossibile enim est absque his animal esse.* Arist. 1. Met. cap. 5. Secunda necessitas est, quando sine tali medio potest quidem aliqua res haberi, sed non ita perfecte & bene: ut certa temperies aeris, & certa ciborum qualitas, potest esse necessaria, ad diutius & salubrius viuendum.

Dico 1. Logica artificialis praua non est simpliciter & absolute necessaria ad

directionem nostræ cognitionis, & acquisitionem aliarum scientiarum. Patet manifestè, quia planè sine alia arte Logica, & antequam addiscatur, & ab ijs qui eam nunquam didicerit, possunt & solent elici plerique actus cognitionis recti & veri, in omnibus & singulis operationibus, in apprehendendo scilicet, & iudicando, & discurrendo. Et præsertim multi sæpè optimi discursus sine praua arte Logica efficiuntur: quamvis discursus fit difficilior operatio, & quæ maiori indiget directione. Multæ enim illationes & consequentiæ sunt per se statim adeo manifestæ & euidentes, ut omnino intellectum rapiant ad assensum. Et hoc totum potest contingere in materia cuiuslibet scientiæ: dum alicui Logica artificialis experti, proponitur aliqua clara demonstratio geometrica, is statim præbet assensum, & habet euidenciam talis rei: & sic in alijs similibus rebus & scientijs. Possunt ergo haberi aliqui actus recti cognitionis, & actus scientifici variarum scientiarum, sine praua Logica artificiali: sed sufficit lumen ipsum rationis cum euidencia rei, quæ dicebatur Logica naturalis.

Neque valebit dicere, hominem sine Logica posse quidem elicere aliquem bonum & euidencem discursum: tamen non posse ipsi constare, cum discursum esse reuera talem, & præsertim esse propriè scientificum secundum omnes condiciones requisitas ad scientiam rigorosè dictam. Nam ad hoc oportet illi notas esse condiciones boni discursus in figura & modo, & condiciones proprias scientiæ: quam notitiam sine Logica habere non potest. Hoc inquam nihil obstat: quia poterit faciliè homo certò & clarè cognoscere, suum discursum esse bonum, & illo non decipi & errare. Hoc enim constat in rebus claris & euidencibus. Non sciet autem homo sine Logica, talem discursum esse in tali figura & modo, esse scientificum, quia procedit ex propositionibus primis immediatis & cum alijs conditionibus ab Arist. assignatis. Imò fieri potest, ut ne significationem quidem horum nominum quis percipiat, nec ipsa nomina vnquam audierit. Sed id non est necessarium ad hoc, ut reuera habeat ipsum discursum euidencem & scientificum,

*Logica nō
est simpli-
citer ne-
cessaria.*

tificum, in quo re ipsa inveniuntur debite conditiones, quæ a peritioribus distinctæ & explicitè cognoscuntur.

*Est necessaria
sua
eundem
quid.*

Dico 2. Logica dici debet secundum quid necessaria, siue necessaria ad perfectam & integram directionem nostræ cognitionis, & adeptionem aliarum scientiarum. Hæc conclusio habetur apertè ex D. Aug. lib. 3. cōtra Academicos cap. 17. & lib. 2. de Ordine cap. 13. & lib. 2. de Doctr. Christ. cap. 3. 1. & sequentibus, quibus & alijs in locis multa de Logicæ necessitate docet. Item ex Platone qui lib. 7. de Repub. docuit, ad omnes artes & scientias necessariam esse Dialecticam, etiam ad ipsam summæ boni contemplationem. Præcipuè ex Arist. qui multis in locis multa de necessitate Logicæ docet 2. Met. 1. & alibi; sæpè etiam asserit, antiquos Philosophos ob ignorantiam Dialecticæ in multis incidisse errores, errasse ob ignorantiam artis definiendi 1. Met. 8. ob ignorantiam artis diuidendi sæpè in requiuoco laborasse 1. Phys. cap. 3. & sequentibus, & ob ignorantiam artis argumentandi sæpè deceptos esse 1. Phys. tex. 10. & 22. Præterea Cicero de Epicuro refert, in graues lapsum fuisse errores ob contemptum Logicæ, & Seneca refert, Epicureos & Cirenacos demum coactos Logica vfos fuisse, illam tamen à Philosophia naturali, vel morali, non distinxisse. Huc etiam pertinet, quod Stoici Logicæ artis eximij professores dicebant, vt refert Laetius in vita Zenonis Citrici, sapientem in oratione sua sine Logica, non futurum sine lapsu. Refert etiam Laetius, eosdem Stoicos Philosophiam in tres partes diuississe, in Moralem, Naturalem, & Rationalem quæ est Logica. Totamquæ Philosophiam comparabant ciuitati optimè constitutæ. Philosophiâ naturalem ciuibus, moralem legibus, Rationalem menibus: vt refert Fonf. 2. Met. c. 3. q. 3. lect. 3. Atque per hanc similitudinem Stoici Logicæ necessitatem ad alias Philosophiæ partes indicabant: & sub Philosophia naturali, tam Metaphysicam, quam Physicam intelligebant. Denique Galen. lib. 1. Simplic. medicam et alibi Logicæ necessitatem expressit.

Probat deinde assertio ratione: quia sæpè in cognoscendo decipiuntur et erramus, præcipuè in discurrendo. Frequen-

ter enim multi vitiosi syllogismi, ob nimiam apparentiam, deceptionem causant. Quare propter humani ingenij imbecillitatem, & addiscendi difficultatem, impossibile est non sæpè errare: igitur necessaria fuit aliqua ars, tradens rectum cognoscendi, & discurrendi modum; necessaria inquam ad perfectam & integram directionem nostræ cognitionis, & adeptionem scientiarum: quæ dicebatur necessitas secundum quid, & ex suppositione, & ad bene esse. Hac ratione necessariae sunt aliæ artes ad alias operationes, in quibus error cōtingere potest, dirigendas: ergo maxime necessaria fuit ars logica ad dirigendas operationes intellectus, in quibus multi errores in scientijs acquirendis passim cōiungunt. Et præsertim ad illas Philosophiæ partes quæ in rebus difficilioribus & obscurioribus versantur, ac procedunt modo scientifico & disputatorio. Vnde certè nullus solet, & non nisi temerè posset quis, Philosophiam aggredi, Physicam, aut Metaphysicam, non præmissa Logica.

Dico 3. Logica est etiam quodammodo ad se ipsam necessaria. Est sanè hoc peculiare in Logica: quoniam vt quisque eandem ipsam Logicam addiscat, exercet vtique operationes sui intellectus, & cognoscendo addiscit. Si ergo ad perfectam directionem nostræ cognitionis aliarumq; scientiarum adeptioem, est necessaria Logica, est etiam ad se ipsam necessaria: & sicut dirigit alias cognitiones & scientias, ita etiam dirigit suas cognitiones & se ipsam. Et sicut in alijs scientijs seruantur regulæ & præcepta Logica, ita etiâ seruatur in ipsa Logica. Sed ex alia parte hoc videtur difficile, quia non potest idè esse necessarium ad se ipsum, quasi quid a se distinctum. Si autem quedam distincta Logica, seu ars directiua, necessaria ad ipsam Logicam distinguatur; dabitur processus in infinitum, & nunquam inuenietur prima Logica.

Ideo explicatur & suadetur conclusio dupliciter. Primò quia Logica habet plures partes, sic bene potest vna pars esse necessaria ad aliam. Itaque prima pars Logica, in qua agemus in communi de directione nostræ cognitionis, est necessaria ad sequentes. Secūda, in qua agemus de directione primæ operationis, erit

*Est etiam
ad se ip-
sam ne-
cessaria.*

*Vna pars
ad aliā.*

Seçt. III. An & quomodo sit necessaria. 13

erit necessaria ad alias duas. Tertia demum, in qua de secunda operatione, erit necessaria ad quartam, in qua de tertia operatione. Et rursus intra singulas has partes sunt plures partes, vna necessaria ad aliam. videlicet in prima parte, tractatus Vniuersalis est necessarius ad tractatum Prædicamentorum, & sic etiam de alijs minoribus partibus.

Imo vterius etiam partes posteriores sunt necessariae ad partes priores, & sic mutuò vna pars alteram iuvat. Nam in tradenda priori parte, veniunt etiam operatione quæ dirigenda est in posteriori parte. Sic in prima parte exercemus vtiq; omnes tres operationes postea dirigendas: & in tractatu primæ operationis oportet formare enunciationes & argumentationes: & in tractatu secundæ similiter oportet formare argumentationes. Imo, cum Logica sit scientia, vt seçt. sequent. Videbimus: etiam priores Logicae partes habent rationem scientiæ: occurrunt etiam variae opiniones. Itaque ex tunc exercere oportet actus scientiæ, & opinionis, de quorum directione in speciali agitur in postrema parte Logicae. Sed hinc redit difficultas insinuata, quòd si prima pars est necessaria ad secundam, & est conuersio secunda ad primam: quilibet erit necessaria ad se ipsam. Imo additur circulus qui videtur inutilis & vitiosus, & manifesta implicantia, ac intoleranda confusio. Ideo ad hæc omnia satisfaciens sequens explicatio.

Secundò explicatur & suadet conclusio: quia via & eadem pars Logicae, ipsaq; tota Logica, potest dupliciter tradi: vno modo exactè & perfectè: alio modo ruditer & imperfectè. Eadem ergo pars Logica, prius imperfectè tradita, bene potest esse, & reuera est necessaria, ad se ipsam perfectè tradendam. Sic etiam posterior pars imperfectè tradita, est necessaria ad priorem perfectè tradendam: Et tota demum Logica imperfectè tradita, est necessaria ad se ipsam perfectè tradendam. Ita planè de facto videmus, vt antequàm tota Logica perfectè tradatur, præmittantur institutiones, quæ sunt breuis quedam & imperfecta Logica: & sunt ita necessariae ad perfectam Logicam, sicut ipsa Logica ad alias scientias. Imo eadem solæ institutiones possent magna ex par-

te sufficere ad alias etiam scientias ad discendas. sed tamen non sunt penitus sufficientes: sed plenior Logica prærequiritur, præsertim ad res Philosophicas in Physica, & Metaphysica, ac deinde etiam ad res Theologicas in sacra doctrina inquirendas, & ad discendas.

Ceterum ad primam & imperfectam partem Logicae, non est rursus antecedenter alia ars Logica necessaria: sed iussit Logica naturalis, idest lumen rationis, cum fide adhibenda Magistris, vt per illam intellectus iuuetur, & progrediatur vterius, vsque tandem ad perfectam Logicæ complementum. Et per hoc satis dissoluta manet omnis difficultas & ratio dubitandi quæ asserbatur.

Postremò etiam ad se ipsam inueniendam fuit quoddammodo Logica necessaria, & Logica per Logicam inuenienda fuit. Primò quidem ex virtute luminis rationis, & Logica naturalis, experientia aliqua fieri cepit est de modis bene aut malè procedendi in cognitione intellectua. Sic Arist. 1. Met. cap. 1. hanc scriem artis inueniendæ per experientiam explicauit: *Per experientiam ars & scientia hominibus efficitur: sit autem ars, cum è multis experimentis alibus concepitur, vna de similibus vniuersalis opinio fiat.* Hanc quibusdam placuit vocare Logicam experimentalem. Hinc in formam artis redigi ceperunt aliquæ regulæ & præcepta de modo bene procedendi in nostra cognitione: exinde alia plura, & ex his rursus plura, temporis decursu, & sapientum successione, ac studiosorum exercitatione, inuenta & excogitata sunt, donec Logica ad hunc præsentem statum prouecta sit. Ita notauit Alb. Mag. initio Prædicab. *Logica modus à natura incipit: perfectitur autem arte, vsu, & exercitio.* Hoc modo ceteræ artes & scientiæ inuētæ sunt. De qua re præclarè Arist. 2. Elench. cap. vlt. explicans, quantum præclarus & difficilior fueris, principium inuenire, quam ex principio ad vltiora procedere, & inuentis addere. *Etenim quæ inueniuntur, omnium quæ quidem ab alijs sumpta sunt, prius elaborata, paulatim incrementum sumunt ab illis, qui postmodum accipiunt. Quæ autem ab initio conperiuntur, paruum in primis sumero solent incrementum: attamen utilius addere, multo eo quod postea ab*

Et Logica per Logicam inuenta fuit.

Et eadem ad se ipsam.

alij sit accretamento. Maximum enim fortasse principium omnium, & d'finitissimum; eo autem comperito, facile est adycere conpactumque reliquum.

SECTIO QUINTA.

Quid sit Logica: An sit scientia.

Investigare nunc debemus quidditatem & naturam Logicæ. De qua satis iam constat, Logicam essentialiter esse noticiam intellectualem, siue actua-lem; siue habituaalem. Distinguit autem Arist. 6. Ethic. cap. 3. sex genera notitiæ intellectualis, præcipue loquens de habitibus: Intellectum, Scientiam, Sapientiam, Prudentiam, Artem, & Opinionem ac existimationem. Primas quinque docet esse virtutes, idest, quæ falli non possunt: opinionem non esse virtutem, quia potest ex suo genere falli. Cum opinione complectitur etiam suspitionem, & fidem humanam. Videndum est itaque, sub quonam horum generum Logica essentialiter contineatur. Propter quod hac nomina explicanda sunt.

Intellectus hic sumitur, non pro ipsa potentia intellectiva, sed pro ipsa notitia, quæ versatur circa prima principia per se nota, quibus intellectus absque discursu ex sola terminorum apprehensione necessario assentitur: ut omne totum est maius sua parte: non potest idem simul esse & non esse.

Scientia quâdoque vulgari modo sumitur pro quacunque notitia, & cognitione: sed propriè hic sumitur de mente Arist. pro notitia discursiva certa & evidenti, de conclusione ex præmissis certis & evidentibus demonstrata.

Sapientia est notitia rerum præstantissimarum, & maxime uniuersalium. Unde Metaphysica dicitur propriè sapientia primo Metaphys. cap. 1. Acquisi intellectus & scientia adæquatè sumantur, etiam prout versantur circa res præstantissimas: sic sapientia est vel intellectus vel scientia, quia utroque modo haberi potest. Sic dixit Arist. 6. Ethic. c. 7. Sapientiam esse intellectum & scientiam. Ut autem sapientia ab illis distinguatur, debent intellectus & scientia sumi prout versantur circa res inferiores præstantissimas.

Prudentia est notitia directiua actionum humanarum singularium in genere. moris, idest, quoad bonitatem & honestatem moralem, ut rectè & laudabiliter fiant.

Artem interdu amplissimè sumitur pro omni notitia intellectiua: sic sumi videtur 2. Ethic. cap. ult. Interdu pro omni notitia practica & operatiua ac directiua in genere artis: sic sumi videtur 1. Metaphys. cap. 1. Propriissimè sumitur pro notitia practica de operationibus singularibus & indiuiduis; earumque directiua quoad rectitudinem & bonam dispositionem artificialem: sic sumpta est in Ethicis.

Opinio demum est notitia, quæ habetur de rebus contingentibus & non necessarijs, seu quæ est probabilis & obscura, non certa & evidens.

His suppositis, varis sententiæ de ratione Logicæ extant.

Prima sententia est, Logicam ad nullum ex his generibus pertinere: sed esse aliud quoddam genus notitiæ, quam vocant noticiam instrumentalem, habitum instrumentalem, facultatem instrumentorum, aut modum sciendi. Ita latè contendit Zabara lib. 1. de Nat. Logicæ. Ita etiam Balduinus quæst. 7. Petrus Niger quæst. 11. Iur. Clyp. Aegid. inicio Postee. Vallius 2. par. Prolog. quæst. 4. cap. 17. Zimara in Tabula verbo Absurdū est, & quidam alij occasione illorum verborum Arist. 2. Met. 15. vbi videtur Logicam appellasse modum sciendi, & scientia distinxisse. Referuntur quidam alij Expositores antiqui pro eadem sententiâ: qui tamen solum dixerunt, Logicam esse instrumentum, & modum sciendi: non tamen negarunt esse scientiam aut artem.

Secunda sententia est, Logicam esse opinionem. Ita Themist. 1. Poster. cap. 14. & Lemosius lib. 1. Paradox. Dialect. errore 2. qui tamen specialiter de Dialectica pro parte topica loquuti sunt. Et in eodem sensu aliqui Dialecticam vocant facultatem, ex Arist. 1. Rethor. cap. 2. quæ potest circa contraria probabiliter versari.

Tertia sententia est, Logicam propriè esse artem. Ita Apollinaris 1. Poster. quæst. 2. art. 2. Flamin. Nobilius quæst. 1. Logica, Monlorius 1. Prior. Mirandul.

Notitia
intelle-
ctualis ge-
nera di-
stinguunt
int.

Intelle-
ctus.

Scientia.

Sapientia.

Pruden-
tia.

Art.

Opinio.

Varia sen-
tentia re-
feruntur.

Mirandul. in proem Inst. in Logicam, & in Comment. sect. 1. circa finem, & alibi, Numes in lib. de Const. Dialect. Rodulph. Agricola lib. 2. de Inuent. Dialect. cap. 2. Scaliger. lib. 1. de Subtilit. exerc. 1. num. 3. Valquez 1. 2. disput. 85. num. 6.

Quarta magis communis sententia est, Logicam esse verè & propriè scientiam. Ita Aulic. cap. 1. suæ Log. Alb. tract. 1. Prædicab. cap. 1. Boet. editio. 1. in Porphy. D. Thom. 4. Met. lect. 4. Scot. q. 1. Prædicab. lauell. tract. 1. cap. 2. Aegid. initio Prior. Soc. Tolet. Conimbr. Dialect. à Iesu, Ruitius, Murcia, Massius, Sanees, Petron. & alij recentiores communiter in Proemialibus Logicæ, Soncin. 6. Met. q. 6. Pont. 2. Met. cap. 3. quæst. 1. sect. 7. Suarez disp. 1. Met. sect. 4. nu. 26. & alij vix plurimum. Sed S. Thom. Scot. & alij ex his, explicant, solam Logicam docentem esse scientiam: videntem verò non esse scientiam, sed potius esse artem. E contra aliqui explicant, Logicam docentem esse scientiam, non quidem distinctam ab alijs scientijs, sed esse varias ipsas scientias: docentem autem, quæ propriè est Logica ab alijs scientijs distincta, non esse scientiam. Ita Zab. lib. cit. & ait hanc esse Græcorum sententiã.

Pro vera resolutione huius rei: omnino distinguenda sunt diuersæ partes Logicæ, id est quantum ad diuersas propositiones quas docet & continet. Nam non potest vnum & idem genus notitiæ omnibus & singulis partibus attribui: Sed diuersa genera notitiæ in tota Logicæ admiscetur, & exercentur.

Dico primò, Logicam in aliqua sui parte esse essentialiter intellectus. De hac re mentionem non faciunt Auctores. Sed probatur conclusio manifestè: quia Logica continet quendam principia ex terminis nota, & per se ipsam euidentia, eaque tradit in ordine ad directionem nostræ cognitionis: v. g. vix perfectè apprehendatur res, debet explicite cognoscere essentialiter rei: tunc enuntiatio vera est, quando enuntiat rem sicuti est: syllogismus in Barbara bene concludit: & alia sunt huiusmodi plurima. Sic etiam in scientia morali sunt sua prima principia per se nota: & ut alijs scientijs. Imò hoc est necessarium ad resolutionem.

scientiæ in sua prima principia. Sed certè notitia suorum principiorum, in Logica est essentialiter Logica, non minus quam notitia, quæ habetur de conclusionibus logicis, quæ ex ijs principijs deducuntur. Omnis enim huiusmodi notitia est essentialiter directus nostræ cognitionis. Ergo verè aliqua pars Logicæ est essentialiter de illo genere notitiæ: quæ dicitur intellectus. Imò hæc est potissima & nobilissima pars Logicæ, quia hoc genus notitiæ excedit etiam ipsam scientiam.

Dico secundò, Logica in magna sui parte est essentialiter opinio. Hæc conclusio nõ intelligitur aut verificatur specialiter de parte tropica: Nam hanc optime posse esse scientiam, postea videbitur: sed intelligitur & verificatur in quolibet tractatu Logicæ. Nam communissimum est, ea quæ fusiùs & acutius in Logica pertractantur, esse illa quæ in questionem ac disputationem veniunt, quæ auctoritatibus ac rationibus probabilibus transiguntur, & varijs opinionibus in partes contrarias resoluntur: nec habetur certitudo, & euidentia veritatis: sicut ad scientiam requiritur. Ergo in his omnibus Logica est opinio, non scientia. Vbi non negamus, tales res posse quidem ex natura sua sciri: & euidenter cognosci, si inuenirentur media demonstratiua: sed dicimus de facto a nobis non solere sciri, & ita apud nos Logicam quoad talem partem esse opinionem. Imò de eadem propositione poterit in vno intellectu esse scientia, in alio opinio: si vnus nempe allequatur & percipiat certam demonstrationem, & non alius.

Dico tertio, Logica in quodam sensu potest appellari ars: & ex parte est propriè ars principaliter tamen non est in rigore ars quæ à scientia condistinguitur. Conclusio tres habet partes. Prima pars patet ex communi & recepto vñ loquentium, etiam sapientum. Passim enim appellari solet ars Logica, imò vna ex septem artibus liberalibus computatur. Idque explicatur optime à S. Thoma Opulc. 20. quæst. 5. art. 1. Sensus autem, in quo Logica appellatur ars, est: non solum sumendo artem in illa significatione pro omni intellectuati notitia, sed prin-

In magna parte est opinio.

Logica in aliqua sui parte est notitia quæ dicitur intellectus.

In quodam sensu appellari potest ars.

sed principaliter in alia significatione magis propria pro notitia regulariua, & directiua operis : Logicam verò esse directiuam operationis, & propriè esse practicam, ostendimus magis sect. sequenti. Ita patet, artem in hac significatione sumptam non distingui ab omni scientia, sed solum à scientia speculatiua, & potius importare scientiam practicam.

In aliqua
parte est
propria
ars.

Secunda pars conclusionis ostenditur quia ars propriè dicta, quæ à scientia distinguitur, est quæ versatur circa singularia, & habet pro obiecto suo ipsa singularia. Sed potest vtiq; dari notitia directiua, determinata & applicata ad aliquam singularem operationem intellectus dirigendam, hic & nunc cum singulis circumstantijs exercendam sicut talis notitia datur in alijs operationibus regulandis & dirigendis, scilicet non solum in vniuersali, sed etiam in singulari; Et præsertim in genere moris datur notitia directiua humanorum actuum quoad bonitatem moralem, non solum considerando illos in vniuersali, sed etiam in singulari; unde in tali genere assignatur prudentia distincta à scientia. Ergo talis notitia directiua est propriè ars. Sed hæc notitia continetur vtiq; sub genere notitiæ logicæ. Nam notitia logica in genere & adæquate est notitia directiua operationum intellectus. Sicut notitia moralis est quoddam genus continens sub se scientiam circa actus humanos in vniuersali, & prudentiam circa actus humanos in singulari. Et sicut circa alias operationes dirigendas familiæ generæ notitiæ directiue inueniuntur. Ergo hoc modo Logica ex parte est verè & propriè ars.

Principa-
liter non
est ars.

Tertia demum pars ostenditur quia principaliter Logica versatur circa operationes intellectus adæquate, & abstrahendo ab hac & illa singulari operatione, & tradendo doctrinam communem, quæ ad singulas operationes in indiuiduo applicari possit. Et hoc modo Logica à nobis nunc tradenda est. Sumendo ergo artem propriè & in rigore, prout versatur determinatè circa singularia, & sic distinguitur à scientia propriè dicta: sic plane Logica non est propriè ars. Alio modo à quibuscumque sumitur ars pro notitia directiua operum exteriorum, aut etiam

eorum quæ permanent post operationem? & sic clarissimum est, Logicam non esse hoc modo artem: cum dirigat operationes internas & immanentes intellectus.

Est pro-
pria scientia.

Dico 4. Logica est verè & propriè scientia, scilicet quantum ad illas veritates & conclusiones vniuersales quas certò & euidenter probat. Hæc conclusio est de mente Auctorum quartæ sententiæ, & est principaliter intenta in hac resolutione. Probatur 1. Omnis notitia discursiua certa & euidentis de conclusione vniuersali ex præmissis euidentibus, est verè & propriè scientia: sed Logica in multis veritatibus quas docet, est huiusmodi; probat enim certò & euidenter suas conclusiones: ergo est verè & propriè scientia. Maior supponitur ex breui explicatione tradita scientiæ, & ex proprio tractatu ipsius scientiæ. Minore est etiam clara: quia ad Logicam pertinet, non solum absolute docere suas conclusiones, tradere suas regulas & præcepta: sed pertinet etiam, illas euidenter probare, & efficaciter demonstrare: sicut hoc pertinet ad alias scientias circa suas conclusiones. Et reuera quamplurimæ sunt huiusmodi demonstrationes, & euidentes probationes in Logica. Sic Logica demonstrat omnes modos imperfectos primæ, & modos secundæ, ac tertiæ figuræ, benè concludere, per reductionem ad modos perfectos primæ figuræ. demonstrat definitionem debere esse clariorem definitio: omnis oratio explicans essentiam rei debet esse clarior ipsa re: sed definitio est oratio explicans essentiam definiti: ergo debet esse clarior definito. Et sic passim demonstrat alias huiusmodi suas assertiones, circa omnes operationes nostræ intellectus, & omnia instrumenta directiua cognitionis: ergo Logica est verè & propriè scientia.

Secundo si vterius scientia magis rigorosè & perfectè sumatur, pro ea quæ procedit ex causa per quam res est: quoniam scire est cognoscere rem per causam. Sic etiam Logica pleræque suas conclusiones demonstrat per causas à prioriori per definitionem per quam confici debet potissima demonstratio. Vt in exemplo posito: oratio explicans essentiam rei est definitio definitionis; & ratio illius proprietatis, vt definitio sit cla-

rior

rior definitio : aut dici potest demonstratio procedens ex causa finalis : quoniam ex eo quod definitio ordinatur ad explicitam noticiam definiti, debet esse clarior definitio . Et alia sunt plures huiusmodi demonstrationes in Logica. Nihilq. aliud deest Logicæ : ad veram scientiæ rationem, ut magis ex objectionum solutione constabit. Ergo omnino Logica est scientia.

*In omni
suo tra-
ctatu est
scientia .*

Tertio Logica habet hoc modo rationem scientiæ in omni suo tractatu, etiam in parte topica, & sophistica . Nam tractat quidem Logica de syllogismo probabili & vicioso : tamen efficaciter probat & euidenter demonstrat suas conclusiones de tali subiecto. Verbi gratia, certò & euidenter demonstrat, quòd syllogismus Dialecticus infert conclusionem probabilem : omnis syllogismus qui procedit ex præmissis probabilibus infert conclusionem probabilem : sed syllogismus dialecticus procedit ex præmissis probabilibus : ergo &c. Similiter Logica demonstrat, syllogismum sophisticum esse fallacem : omnis syllogismus qui apparet bonus & reuera non est, est fallax : sed syllogismus sophisticus &c. Demonstrat etiam alias regulas spectantes ad consiciendum syllogismum dialecticum, & dissoluendum sophisticum. Itaq. doctrina quæ tradit Logica de syllogismo probabili, & vicioso non est probabilis aut viciosa : sed certa & euidens : est ergo verè & propriè scientifica : & pars topica est scientia, & pars sophistica est scientia . Similiter etiam doctrina quæ tradit Logica de directione primæ, & secundæ operationis, est scientifica : quamvis ipsa secunda aut prima operatio non sit scientia. Nò ergo peculiariter Logica est scientia in eo solo tractatu quo agit de scientia & demonstratione, sed indifferenter in omni alio suo tractatu .

*Logica v-
rens, in
parte de-
monstra-
tina est
scientia ,
non in
alijs.*

Quartò hæc omnia procedit, ut patet, de Logica docente. Sed etià Logica vtens in aliqua parte est scientia, videlicet peculiariter in parte quæ exercet vsu scientiæ & demonstrationis : non autem quantum ad vsum aliarum partiũ & tractationum Logicæ. Patet quia Logica vtens actualis est ipse vsus Logicæ : sed vsus partis demonstratiuæ, veique est demonstrare & scire : & quandoq. in alia quamvis scien-

tia intellectus demonstrat aliquam conclusionem & exercet actum scientiæ, hic actus demonstrandi & sciendi est vsus Logicæ : ergo Logica vtens quantum ad istam partem plane est ipsa actualis scientia & demonstratio quæ exercetur . In alijs autem partibus vsus Logicæ erit, apprehendere in prima, iudicare in secunda operatione, ac etiam probabiliter discurre in tertia operatione : sed hi omnes actus non habent rationem scientiæ, ut est clarissimum : ergo Logica vtens quantum ad has partes non est scientia. Quod dicitur de actibus, pertinet etiam ad habitum : habitus enim dicitur scientia, qui gignit actum scientiæ. Item habitus dicitur Logica vtens, per respectum ad actum quem dirigit & regular . Quando ergo habitus Logicæ regulando & dirigendo gignit actum scientiæ, est scientia alioqui non est scientia. Itaque Logica vtens in parte demonstratiua est scientia, in alijs partibus non est scientia : sed vel est notitia apprehensiuus, vel iudicatiua, vel discursiua probabilis. Atque in hoc consistit discrimen partis demonstratiuæ : ad partem topicam alijsque partibus Logicæ : quòd pars demonstratiua non solum quatenus docens, sed etiam vtens, est verè scientia : at omnis alia pars solum quatenus docens, non autem quatenus vtens, est scientia .

Ceterum, quia quando absolute nominatur Logica, precipue intelligitur de illis veritatibus quas Logica euidenter & demonstratiue probat : ideo absolute loquendo dici solet, Logica est scientia, & ita deinceps loquuntur. Poterit etiam simul dici notitia instrumentalis, facultas instrumentalis, instrumentum, & modus sciendi : quoniam est talis scientia, quæ deferuit ad directionem cognitionis, & acquisitionem aliarum scientiarum. Vnde non bene dicebant illi, qui hac via Logica excludebant ex illa diuisione Arist. Na omnino debet in illa diuisione, & precipue sub genere scientiæ, Logica comprehendi . Nò est autè dicenda sapientia, quia nò agit de rebus præstantissimis & vniuersalissimis : nec prudentia, quia non dirigit actiones in genere moris. Logica tamè vè, in Metaphys. verè est sapientia, & in rebus moralibus est prudentia .

In contrariũ obijciunt . ad probandum

B Logi-

*Quomodo
Arist. vo-
catur
Logica
modum
sciendi.*

Logicam non esse scientiam, dictum illud Arist. 2 Met. text. 15. *Abjurdum est, simul scientiam & modum sciendi querere.* Vbi per modum sciendi intellexit Logicam, iuxta communem expositionem: ergo cum Arist. distinguat modum sciendi à scientia, Logica non est scientia.

Resp. 1. Aliqui per modum sciendi intelligunt, non Logicam vniuersalem, sed particularem instructionem præmittendam in singulis scientiis de suo modo procedendi. 2. Intelligendo Ar. de modo sciendi vniuersali: vtiq. non dixit Logicam esse modum sciendi: sed prius debere queri modum sciendi, qui quidem modus queritur à Logica, traditur in Logica. Vnde non sequitur, Aristot. vocasse in recto Logicam modum sciendi, ad differentiam scientiæ. 3. Etiam si ipsa Logica in recto vocata sit modus sciendi: non sequitur non esse scientiam: quia est modus quidem sciendi ad alias scientias, & nõ debet simul cum ijs misceri, sed potius præmitti: simul autem in se ipsa potest esse scientia. Et in ipsa non est absurdum, sed necessarium, simul queri scientiam & modum sciendi, siue scientiam de modo sciendi.

*Quomodo
vocalur
facultas
tam.*

Obijcies 2. idem Arist. 1. Rethor. cap. 4. aperte ait: *Si quis autem Rethoricam, aut Dialecticam, non ut facultates, sed ut scientias, insinuare ac docere conatur, is naturam earum hoc transitu interimere videtur.* Itaque Dialectica non est scientia, sed facultas: sicut Rethorica non est scientia, sed facultas.

Resp. Arist. loqui de Dialectica quoad partem topicam. Et sensu n. esse: si quis traderet Dialecticam, non ut potestatem & facultatem quæ versari possit circa contraria, sed ut scientiam qua tantum in aliqua re determinata vti debeamus, vel vnã tantum partem confirmare possumus, is naturam Dialecticæ destrueret: Non ergo negant ipsam Dialecticam in se esse scientiam. Sic etiam asserendum est, Rethoricam, si quando probet suas conclusiones, suas regulas & præcepta, per demonstrationes euidentibus, esse pariter in se ipsa scientiam.

*Quomodo
Logica
versatur
circa de-
termina-*

Obijcies 3. Scientia debet versari circa obiectum aliquod certum ac determinatum: ubique proprium: vt docet Arist. 4 Met. cap. 1. & alibi: sed Logica non tractat de re aliqua determina-

ta, sed de omnibus rebus: vt expressè docet idem Aristot. 4. Meta. text. 5. & in princip. Reth. ergo non est scientia.

Resp. Logicam proximè & immediatè versari circa suum obiectum determinatum ac certum, nempe circa cognitionem intellectuam: sed quia ipsa cognitio extenditur ad omnes res, Logica mediatè & remote versatur circa omnes res: & quantum ad vsum exercetur circa omnes res. quod nullo modo est contra rationem scientiæ.

Obijcies 4. Rationem fundamentalem oppositæ sententiæ. Scientia debet esse, propter se ipsam, & non propter aliam operationem: debet esse de rebus necessarijs, & non de operationibus quas in nostra potestate situm est exercere: alioqui etiam Moralis, Medicina, Aedificatoria, & similes essent scientiæ: vt arguit Zabarella: ergo Logica non est scientia.

Respon. Hoc argumentum tendere ad probandum, nullam esse scientiam practicam. At in proprio tractatu scientiæ ostendimus, non requiri, ut scientia sit propter se & speculatiua: & aliam esse scientiam speculatiuam, aliam practicam. Itemquæ scientiam posse esse de rebus, quæ in singulari non necessariò sed contingenter existunt, habet tamen suas veritates essentielles simpliciter necessarias præscindendo ab existentia. Et ita planè se habent operationes nostri intellectus, sicut etiam aliæ res naturales, quæ in sua existentia corruptibiles sunt: & sic certè omnes aliæ scientiæ similes, dum demonstrant veritates necessarias de operationibus quas considerant, sunt veræ scientiæ.

Obijcies 5. Omnis scientia est speculatiua aut practica: omnis scientia debet habere suum obiectum reale. Sed Logica nec est speculatiua nec practica: & habet pro obiecto suo ens rationis: ergo.

Resp. Esse speculatiuam aut practicam, ostendimus lect. sequenti: habere obiectum reale, quæst. sequenti.

Obijcies 6. ad probandum Logicam vtemem in nulla parte esse scientiam Logicam vtens tantum habet construere instrumentum sciendi, non autem demonstrare. Rursus non semper vitur demonstratione, quia vitur etiam alijs instrumentis: scientia autem semper vitur demonstrando.

*tum obie-
ctum.*

*Quomodo
versatur
circa ope-
rationes
dirigen-
das & sit
verè scien-
tia.*

*Quomodo
Logica
vten-
s, in
parte sit
scientia.*

demonstratione . Et saltem ipsa Logica vrens non habet obiectum determinatum, sed vagatur per omnia.

Resp. Logicam vrentem habere construere instrumenta : quando autem instrumentum est demonstratio , tunc verè demonstrat , & ipse actus demonstrandi est vsus Logicæ : est ergo vera scientia . Et pars demonstratiua Logicæ semper vritur demonstratione , licet non aliæ partes, vnde hæc pars in ipso vsu est scientia, non aliæ partes . Vagatur per omnia, & ideo non est vna quædam determinata ac certa scientia in ipso vsu: sed distribuitur per omnes scientias in quibus vsus Logicæ exercetur .

Quomodo non tota Logica vrens sit scientia.

Obijciens 7. ad probandum totam Logicam vrentem esse scientiam . Dictum, antea erat eundem esse habitum Logicæ vrentis atque docentis: dictum modo est Logicam docentem esse scientiam . Sed non potest idem habitus esse scientia & non esse scientia: ergo .

Resp. eundem habitum esse scientiam respectu quorundam actuum , & non esse respectu aliorum : id est respicere quosdam actus scientificos , & quosdam non scientificos . Maxime quia quosdam respiciunt elicitiuè, quosdam solum regulatiuè . Sic idem habitus Logicæ elicit actus scientificos, dum docet: regulat & dirigit actus non scientificos, dum eo vritur ad exercendos alios actus qui non sunt demonstratiui . Neque hoc est difficile aut singulare in hoc habitu . quinimo omnis habitus practicus respicit hoc modo diuersos actus: & præter actus intellectuales quos elicit, dirigit ac regulat actus etiam voluntatis, & aliarum quoque potentiarum .

SECTIO SEXTA . Vtrum Logica sit scientia speculatiua vel practica .

Dividitur scientia ab Aristot. 6. Met. cap. 2. in speculatiuam & practicam . Ad inspicendam ergo magis Logicæ rationem, maxime conuenit examinare, an sit speculatiua vel practica. De hac autem diuisione scientiæ latè in proprio tractatu agemus . Nunc satis est breuiter adnotare, scientiam practicam esse il-

lam, quæ considerat obiectum aliquod operabile , siue operationem quæ a nobis exerceri potest , & considerat modo operabilis, id est dirigèdo ad operandum, tradendo regulas & præcepta operandi ita dicitur ordinari , non per se ad cognoscendum, sed potius ad operandum: & habere pro suo fine vltimo & principali ipsum opus . Sicut Medicinæ considerat quomodo efficiat sanitatem , & ordinatur ad efficiendam sanitatem, nec sinit in cognitione & consideratione sui obiecti . E contra scientiam speculatiuam, esse illam, quæ vel considerat obiectum non operabile à nobis ; vt cum consideramus Cælos , elementa , & similia: vel si considerat obiectum aliquod operabile , non considerat modo operabilis, id est dirigendo ad opus: vt cum consideramus quæ sit natura & essentia motus localis . Ita scientia speculatiua finaliter ordinatur ad cognitionem sui obiecti, & habet pro suo fine veritatem cognoscendam . Sic dixit Arist. 2. Met. tex. 3. *Speculatiua finis veritas: practica autem opus*. Et 1. Met. cap. 2. & alibi sæpè hoc idem, expressit .

Ratio speculatiui & practici explicatur.

Prima sententia de ratione Logicæ est, Logicam non esse speculatiuam nec practicam, sed inservire speculatiuis & practiciis, esseque adminiculantem vtrique . Ita indicat Zabarell. lib. 1. de Natura Logicæ, & defendit Petrus Niger qu. 14. sui Clypei . Et aliqui attribuant alijs Auctoribus, qui Logicam vocant instrumentum aliarum scientiarum . Masius autem qu. 11. proem. ait, Logicam vrentem nec esse speculatiuam nec practicam, sed esse hoc modo instrumentum .

Varia sententia vrens.

Secunda sententia est aliorum è contra dicentium , Logicam esse simul speculatiuam & practicam ita Louanienf. qu. 15. in Porphy. Tolet. & Sor. qu. 4. proemali, Rurnius qu. 5. Petr. Hurtad. disp. 2. lect. 2. & disp. 9. n. 2. Suar. disp. 44. Met. in fine & alij, Aliqui tamen explicant, Logicam simpliciter & absolute esse speculatiuam, secundum quid esse practicam . Fauet etiam huic sententiæ S Th. 1.2 qu. 5. art. 3. ad 3., & 2. 2. qu. 47. art. 1. ad 3. ubi facultatem directiuam operum rationis vocat artem speculatiuam .

Tertia sententia est eorum qui absolute
B 2 te di-

tè dicunt, Logicam esse speculatiuam. Ita supponit Scot. in Prolog. sent. q. 4. & defendunt Capreol. ibi q. 2. art. 1. in 1. probat. 4. concl. Herueus quodl. 1. qu. 3. Soncin. 6. Met. q. 2. Iauell. q. 7. Anton. Andr. q. 3. Zerbis q. 4. Tatar. q. 2. Prædicab. Mafius loco cit. loquens de Logica docente, Sanc. etiam q. 16. & Petron. q. 2. art. 2. qui volunt, etiam Logicam vtem esse speculatiuam, licet dixerent non esse scientiam sed artem.

Quia a demum sententia asserit, Logicam absolute & simpliciter esse practica. Ita Ocham & Greg. in Prol. q. 5. Gabr. q. 10. Aureol. in quæst. An Theologia sit practica vel speculatiua art. 2. tandem. 6. Met. q. 5. Fonf. 2. Met. c. 3. q. 2. sect. 4. Scaliger Exercit. 107 num. 23. Gratia Dei q. 1. Prædicab. Paul. Venet. initio suæ Log. & Mirandul. Conimbr. q. 3. proemiali, & alij plures. Et in re eadem videtur sententia eorum qui dixerunt, Logicam esse artē, esse instrumentum: & aliorum qui dixerunt, Logicam ordinari ad operationes dirigendas, habere pro fine operationes exercendas, sicut plane loquutus est S. Tho. in Pol. Polit. & 1. Met. Lect. 1. & 3. & Opusc. 70 q. 5. ar. 1. ad 2. Ammon. in Porphy. pag. 15. colum. 4. Caiet. in princip. Prædicam. & alij passim. Imo vix aliquis inuenitur, qui de natura Logicæ loquutus sit, & hoc in re non dixerit. Nihilquē videtur magis vulgare & frequens apud Auctores, quam Logicam esse directiuā, esse vtilem, esse necessariam, deservire, & ordinari, ad dirigendas operationes nostri intellectus, ad alias scientias addiscendas: etiam si plerique nomen practica illi denegauerint.

Dico 1. Logica omnino est vel speculatiua vel practica: & non potest dici nec speculatiua nec practica.

Probat. primò ex Arist. qui 3. de Anima cap. 10. adequatè diuidit intellectum in speculatiuum, & practicum. Et 6. Met. tex. 1. *Omnis intellectus, aut actiuius, aut passiuus, aut speculatiuus est.* Per actiuum & factiuum intelligitur practicum: & planè hæc diuisio cadit super cognitionem intellectiuam. Non ergo dici potest Logica nec esse speculatiua nec practica.

Secundò scientia apud omnes adequatè diuiditur in speculatiuam & practica: sed Logica est scientia, vt probatur

est: ergo non potest vtramque rationem excludere. Sicut omne animal necessariò est aut rationale aut irrationale: & sic in alijs diuisionibus adequariis. Sed etiam ij qui negant Logicam esse scientiam, saltem admittunt esse scientiam latiori quadam acceptione scientiæ. At etiā scientia sic amplè sumpta, imò absolute cognitio iudicariua intellectus, tam in secunda, quam in tertia operatione, adequatè hoc modo diuiditur: vt suo loco dicemus. Ergo omnino Logica est vel speculatiua vel practica.

Tertiò idem manifesta ratione probatur: quia quilibet scientia vel considerat obiectum operabile, vel non operabile, vel modo operabili, vel non modo operabili: itè vel ordinatur, vel non ordinatur ad opus: vel sistit, vel non sistit in sola consideratione veritatis. Et non solum scientia propriè dicta, sed omnis alia similis facultas intellectuali, vnam vel alterā partem huius contradictionis debet participare. Sed has duas partes contradictionis intelligimus nominibus scientiæ speculatiuæ & practicae. Ergo omnino Logica, sicut omnis alia scientia, est vel speculatiua vel practica. Et in speciali ipsa Logica: vtique vel considerat obiectum operabile, modo operabili, tendens ad operandum: & sic est practica. vel obiectum non operabile, siue non modo operabile, sed sistens in cognitione sui obiecti, non tendens ad illud efficiendum: & sic est speculatiua.

Dico 2. Logica non est adequatè & principaliter speculatiua simul & practica. Dico adequatè & principaliter, quia inadéquatè & minus principaliter potest esse, vt nos dicemus. Fundamentum huius conclusionis sumitur clarè ex dictis: speculatiui enim & practicum reducuntur ad oppositionē contradictoriam: ergo non possunt eidem scientiæ conuenire. Et certè fieri non potest, vt vna eademq. scientia habeat pro obiecto suo adequatè & principaliter, rem operabilem, & non operabilem: siue consideret modo operabili, & non modo operabili: ordinetur, & non ordinetur ad opus. Quod confirmatur magis, asserendo & reiiciendo modos, quibus putari potest hæc duo posse coniungi.

Primò indicat Vázquez, eandem scientiam posse esse speculatiuam & pra-

Non est simul simpliciter speculatiua et practica.

Logica omnino est vel speculatiua vel practica.

practicam, si ex natura sua quidē sit operatiua, & directiua operis; sic enim est practica: Tamen nolit quis illa uti ad operandum, sed tantum eam velit addiscere & mente tenere, solum ad sciendum, non ad operandum, quod sanē in qualibet arte contingere potest; sic erit simul speculatiua. Ita ergo potest se habere Logica. Sed hoc non bene dicitur: quia, propriē loquendo scientia non dicitur practica aut speculatiua, ex voluntario & extrinseco sine sciētis, sed ex naturali & intrinseco sine ipsius sciētiae: ut suo loco de scientia speculatiua & practica, ostendemus. Sic, si quis addiscat aliquam artem, non intendens illa uti, & per illam operari: adhuc illa dicitur omnino ars, & cognitio practica; non autem speculatiua. Si ergo Logica ex natura sua est practica & operatiua, non dicitur speculatiua ex accidentario & extrinseco sine sciētis.

Secundō aliqui indicant, Logicam esse speculatiuam & practica simul intrinsecē, quia est quidem de obiecto operabili, est etiam operatiua & directiua operis: tamen non traditur modo operabili, sed potius per modum speculationis. Hoc etiā non bene dicitur. Tū quia hoc ipsum repugnat, esse operatiuā, & directiuam, operis quod habet pro obiecto, & non tradi modo operabili. Tū quia si reuera est directiua operis, illius scilicet operis quod habet pro obiecto: hoc sufficit ut sit omnino practica, & non speculatiua. Nā iā intrinsecē ordinatur ad operandum, & non sinit in contemplatione veritatis: & in tantū requiritur, ut consideret obiectum modo operabili, in quantum conducit ad operandū, & ad hoc ut sit operatiua: si ergo est & dicitur operatiua, etiā si nō consideret obiectū modo operabili, iam est prorsus practica, & non speculatiua: quia speculatiua nō est operatiua sui obiecti, & idem sonat practica quod operatiua sui obiecti. Tum demum falsum est, Logicam non tradi modo operabili, ut infra constabit.

Tertiō aliqui explicant, Logicā esse speculatiuā & practica: quia est quidem de obiecto operabili, & modo operabili, & est operatiua ordinata ad operandum: & hinc est practica. tamen hoc obiectum operabile est opus rationis; est cognitio

intellectiua, quae sistit in ipso intellectu, & tandē habet pro fine vltimo veritatē: & hinc videtur esse speculatiua. Hoc etiā non bene dicitur. Quia attendi nō debet, quod nā & quale sit opus dirigibile, per noticiam practica: sed satis est quod sit opus dirigibile, cuius noticia est directiua. Nam per hoc constituitur absolute & simpliciter practica, ita ut non sit speculatiua, ut infra constabit magis.

Dico 3. Logica est simpliciter siue principaliter practica.

Est simpliciter practica.

Probatur primō planē ex Aristot. qui 1. Prior. sect. 2. in principio, reddens rationem suae tractationis de syllogismo ait: *Non enim solum forsasse oportet generationē considerare syllogismorum, verum & faciendū potentiam habere.* Et sect. 3. in princ. rursū ait: *Si enim syllogismorum generationē specularemur, & inueniendū potestatem haberemus, amplius autem factū resolveremus in praedictas figuras, & finem habere posse quod a principio propositū.* Vbi planē docere voluit, Logicā tractare de syllogismo, tradendo doctrinā & artem de illo conficiendo, ad finē conficiendi. Et id sine dubio debet intelligi de alijs partibus Logicae: ergo Logica est absolute practica. Idem indicat 1. Top. c. 9. ut ad 1. Obie. exponemus. Insu per 6. Met. c. 1. & lib. 11. Sum. 3. c. 1. docet, scientias practicas esse, quae sunt de rebus quarū operandi principium est in ipso sciente: & distinguens scientias speculatiuas, tres tantū assignat, Meta. Phys. & Mathem. Sed Logica est de rebus quarum in nobis est operādi principiū, & nō utiq. cōtineatur inter eas sciētias speculatiuas: ergo simpliciter est scientia practica.

Probat 2. manifesta ratione. Logica est de obiecto operabili: & licet non conueniant Auct. in modo assignandi obiectū Logicae: tamen conueniunt in assignando obiecto operabili, siue ipsas operationes intellectus, siue modū sciendi, siue aliud: & praeterim satis constat, per te respicere & attingere operationes nostri intellectus. Tractat itē modo operabili. Nam utiq. Logica tradit regulas omnes & precepta recte cognoscendi, benē discurrendi, verē iudicandi, & perfecte apprehendēdi. His regulis & preceptis libri Ar. de Interpr. & sequen. conferti sunt, & vix quicquā aliud continent: similiter Logica tradita est ab alijs auctoribus. Rursus Lo

Habet omnes conditiones scientiae practicae.

gica est reuera operatiua, regulatiua, ac directiua. Nam per Logicam vtique bene exercemus operationes intellectuales. Logica inferuit, & dirigit intellectū, regular cognitionē. Sic intrinsecē & per se ordinatur ad hoc vt operationes recte fiant, vt bene discurreamus, probos syllogismos conficiamus, & c. neque certē sit in hoc vt tanēn cognoscamus syllogismos & c. arque ad hunc ipsū finē de facto Logica traditur, & addiscitur, & passim ad hunc finē deseruit. Et tanēn in omnibus ita se habet Logica circa operationes nostri intellectus, sicut qualibet scientia practica & ars ad alias operationes ergo oīno logica est dicēda practica.

*Et insinuat
ta. si ut
esset pra-
ctica.*

Tercio corroboratur magis. Possibilis vtiq. erat facultas quādā, quæ per se intederet dirigere operationes nostri intellectus, & ad hunc finem ordinaretur, quæ modo practico & operabili traderet regulas & præcepta huius directionis. Debit etiam de facto hæc facultas insinui. Si enim ad dirigendas alias operationes, etiā quæ multo minus referunt, conueniēter sunt facultates directiue, & artes hoc modo insinuat: quanto magis ad dirigendas hoc modo operationes intellectus debuit sua facultas insinui, quæ verē esset practica: sed de facto nulla alia talis facultas est nisi Logica: ergo verē Logica est huiusmodi. Et vltimus petendū est, quonā alio modo poruisset cōstitui talis facultas ita vt esset verē practica, .i. vt cōsideraret operationes modo operabili vt eas dirigeret: vel quidnā de facto omittat Logica eorū quæ possent modo practico & operabili edoceri: nihil sanē illi deesse iuueniet. Quinimo ideo prorsus Logica dicēta vtilis & necessaria ad ceteras sciētias: ideo traditur ante alias sciētias: ideo dīniditur in docentem & videntem: appellatur ianua scientiarū, ars artū, & disciplina disciplinarū: quia per se instituta est & ordinata ad dirigendā nostram cognitionē in acquisitione aliarū scientiarū. Et alioqui cognitio speculatiua de operationib. nostri intellectus, siue de ente rationis, aut de quouis alio, quod dicatur obiectū Logicę, debet potius pertinere ad Philol. naturalē vel Metaphys. Nec constituere poterat hanc peculiarē scientiā distinctā, eamq. prædicē alijs sciētīs præmittere.

Quarto patet etiam comprobatur ex pa-

ritate scientiæ moralis: hæc enim tractat de actibus voluntatis, siue de actibus humanis, sub genere moris; & est verē practica: probans tamen suas cōclusiones per rationes & causas. Ita planē Arist. 1. Eth. c. 2. *Quoniam præsentis tractatio non est speculationis causa, quemadmodum illa. Nam enim sit ut cognoscamus quid sit virtus, sed ut boni efficiamur, alioqui nulla esset utilitas: nec est, ut de actibus quomodo agenda sint, cōsideremus.* Et lib. 1. Moral. Eudem. c. 3. idē præclare docet, & magis explicat, debere adhuc scientiā morālē rationes reddere, & causas quærere, eorū quæ docet. Sed ita se habet Logica ad actus intellectus quatenus dirigibiles sub rectitudine cognitionis, sicut scientia moralis ad actus humanos quatenus dirigibiles sub rectitudine moris. Ergo similiter Logica simpliciter & absolute non est speculatiua, sed practica.

Dico 4. Logica simul est secundū quid & minus principaliter in aliqua sui parte speculatiua. Explicatur & probatur conclusio: quia Logica non ita nudē & purē tradit ea quæ proximē dirigunt ad operandum per modum regulæ & præcepti: sed pleraq. etiam considerat de natura & conditionibus nostræ cognitionis, & alijs ad eam spectantibus: præsertim latē considerat prædicabilia, & predicamenta. Hæc autem consideratio formaliter & intrinsecē speculatiua est: 4 Logica tamen assumitur etiam in ordine ad directionem inuentam: quia saltem remotē & per connexionem, vel necessaria est, vel multū confert ad eundem finem. Speciat etiam ad maiorem ornatum & complementum huius scientiæ: quæ non debet tradi ita rudi & infimo modo, sicut solent aliæ artes ab opificibus addisci: sed debet omnino tradi altiori & nobiliori modo; vt etiam aliqua per modum speculationis adificet. Ita egregiē de scientia morali notauit, & exemplo Medicinæ comprobauit Arist. 1. Ethic. c. 13. *Per speciem est, cuiusmodi, quæ ad animam spectant, quod immo cognoscere oportere: quemadmodum oculum & totum corpus eum qui curatur est. Atque eō magis, quod ciuilibus facultas honorabilior meliorq. Medicina est. Eleganter quoq. medici multa circa cognitionem corporis pertradant. Contemplandum igitur etiam ciuili homini de anima*

*Logica simul est
secundū
quid speculatiua.*

*Comprobatur
secundū*

anima est argua id boni causa, & quantum satis est ad ea qua hic quaruntur. Paria prorsus de ipsa Logica intelligi ac putari debent. Sicut ergo dicemus scientiam moralem; ac similiter Medicinam; esse simpliciter practicam, secundum quid speculatiuam: talem dicemus esse & Logicam. Nec incongruum est, vnam scientiam totalem, in pluribus suis partibus, questionibus, & propositionibus, coniungere ea quæ verè & intrinsecè practica sunt, & alia quædam quæ in se quidem & intrinsecè speculatiua sunt, extrinsecè tamè ab ipsa scientia etià referuntur ad suum opus & finem principaliter intentum. Et licet in rigore ea quæ sunt speculationis, ad alias potius scientias pertinerent: sic quæ Moralis speculatur de anima, & Medicina de corpore, sunt Philosophiæ naturalis: & quæ Logica speculatur de cognitione intellectus, de rebus cognoscibilibus, & alia: sunt in rigore eiusdem Philosophiæ & Metaphysiæ. Tamen non incongruè huiusmodi scientia practica: hæc sibi assumunt: quia ad suos fines maxime conserunt, & sine detrimento aliarum scientiarum hæc ad se transferunt. Imo specialiter in Logica hæ ipsæ tractationes valde viles sunt ad acquisitionem & directionem ipsiusmet Philosophiæ.

Logica vtem quomodo sit speculatiua vel practica.

Potremò de Logica vtem dicendum est. si sumatur actualiter, idest pro actibus regulatis per doctrinam Logicæ, pro vñ actuali ipsius doctrinæ: Sic ex hac parte non habet rationem notitiæ practicæ, sed habet potius rationem praxis: notitia enim practica est illa, quæ regulat & dirigit: praxis autem est operatio quæ dirigitur & regulatur. Sed manifestum est, ipsum actuale vñum Logicæ esse operationem quæ dirigitur & regulatur: ergo ex hac parte habet potius rationem praxis, non autem notitiæ practicæ. In se autem & absolute loquendo potest esse, vel notitia speculatiua, vel practica. Nam Logica dirigit omnem aliam cognitionem, siue speculatiuam, siue practica. Si ergo cognitio quæ per vñum Logicæ dirigitur, siltat in contemplatione alicuius veritatis, est speculatiua: si sit vltierius directiua alterius operationis, est practica. quod tñc non habet formaliter ex eo quod est Logica vñs, idest ex eo quod regulatur per Logicam: sed ex eo quod est in suo genere talis, vt sit effectiua & di-

rectiua alterius operis. Si autem sumatur Logica vñs habitualiter: sic vñq. est maxime regulatiua ac directiua, atq. adeo practica: directiua autem notitiæ tam speculatiuæ quàm practicæ. Et ita vñusque generis actus gignens.

Arist. explicatur.

In contrariū obijciunt 1. Arist. 1. Topic. c. 9. & c. 13. distinxisse videtur alia problemata speculatiua, alia practica, alia logica illis vñsq. inferuentia: ergo ex Arist. Logica nec est speculatiua nec practica: sed famulatur vtriq. Simile quid assert ex Platon. D. Aug. lib. 8. de Ciuit. c. 4.

Resp. Ar. in 2. loco distinxisse propositiones naturales, morales, & rationales. Sic enim ipse aperte loquitur. Vnde sequitur propositiones rationales idest logicas, nec esse naturales, nec morales, quod vltro concedimus. At dantur vñq. alia scientia practica, quæ non sunt morales. Primo autem loco distinxit alia problemata spectantia ad electionem & fugam, vt an voluptas eligenda sit vel non: Alia spectantia ad veritatē & sciendi tantum, vt an mñdus sit æternus: Alia adminiculatiua illis; quia pleraque sunt quæ non per se quarimus, sed aliorum gratia, vt per ea aliud quidpiā cognoscamus. Per quæ, vt exponit Alexand. intellexit problemata logica. Sed certū Arist. per illa prima intellexit similiter & problemata moralia, vt patet ex ipsis verbis & exemplis: tantum ergo negauit, problemata logica esse moralia. Imo, cñ dixerit esse adminiculatiua, & non esse gratia sui, sed propter aliud; indicauit simpliciter esse practica. Simili prorsus modo loquutus est ibi D. August. solum vltierius indicat, Logicā magis referri ad vñum scientiæ speculatiuæ, quæ maxime sibi perfectionem vendicat veritatis: & ideo quodāmodo reduci ad speculatiuam.

Obijcies 2. Logica respicit omnem nostrā cognitionem, tam speculatiuam, quàm practicam: ergo est simul speculatiua & practica. Nam quauis sit directiua ipsius cognitionis: tamen quatenus est directiua cognitionis speculatiuæ, finaliter tandem ordinatur ad cognitionem veritatis; cum veritas sit finis ipsius cognitionis speculatiuæ quæ dirigitur.

Logica, etiam quatenus dirigens cognitionem speculatiuam, est practica.

Resp. Logicā, etiam quatenus respicit cognitionem speculatiuam, esse practica: quia illa respicit tanquam operationem dirigibilem, & respicit practice regulatio ad di-

rigêdo. Vnde ipsa notitia speculatiua, ipsaq. speculatio, est verè praxis, idest operatio dirigibilis. Sicut è contra scientia animatiua, quæ etià agit de omni nostra cognitione, tam practica, quam speculatiua, est simpliciter speculatiua, & non practica, quia considerat speculatiuo modo. Nec refert, quòd cognitio speculatiua, quæ dirigitur per Logicà, sinit in contemplatione veritatis. Nā ipsa Logica non sinit in contemplatione veritatis de ipso suo obiecto, sed ordinatur ad illud efficiendū: atq. adeo non est propter se ipsā & gratia sui, sed propter aliam operationem. In quo consistit ratio scientiæ practicae. Illa aut cognitio est speculatiua, quæ sinit in contemplatione veritatis de suo met obiecto quod considerat, & sic est gratia sui, & propter se ipsam. Logica ergo ex hac parte non est speculatiua, sed practica: inseruit tamen speculatiua, tanquam eius directiua.

An sit
practica
actiua
vel factiua.

Obijcies 3. Diogen. Laert. in vita Arist. refert, Arist. diuisisse Philosophiā in practica & contemplatiua, atque ad contemplatiuū Physicam Logicamq. referri. Ipse etiā Arist. 6. Met. 1. diuidit scientiam practica, in actiua quæ est moralis, & factiua quæ versatur circa opera exteriora. Vnde Logica non est actiua nec factiua: ergo non est practica, sed speculatiua.

Resp. Diogen. ipsum voluisse eo modo Arist. Philosophiā diuidere. Sed Logicam reulit ad contemplationē non quia ipsa sit contemplatiua, sed quia contemplatiua deseruit. Vnde ibidē ait, Logicā esse exactissimū instrumentum. Practicam autē ibi accepit pro Philosophiā morali, quæ utiq. distinguitur à Logica. Deinde diuisio illa scientiæ practica in actiua & factiua, non benè & adquatè illo modo explicatur, vt patet. Sed vel per sciētiā factiua debet intelligi omnis scientia directiua quoad rectitudinē artificialē à morali distinctā: & sic Logica est factiua. Vel per actiua intelligi debet omnis scientia directiua actiua interiorum: sic Logica est actiua. Sed quoniam potius modo debeat illa diuisio explicari, in proprio tractatu de scientia practica dicemus.

Quomodo
consideret
sui obiectum
An no-

Obijcies 4. illa scientia quæ considerat naturā & proprietates sui obiecti, ac procedit definiendo, diuidēdo, & causas inquiredo, ac resoluendo res in sua princi-

pia, est speculatiua, non practica: quia hoc est procedere modo speculatiuo: sed Logica procedit illo modo: ergo est speculatiua, non practica.

de practi-
ca.

Resp. Illa scientiā quæ ita considerat suum obiectū, & ita procedit, vt reddat hominē aptum & promptū ad rectè efficiendum & exercendum tale obiectum, esse practica, & non speculatiua, idest esse operatiua, & non merè cognoscitiua: esse propter opus, & nō sinit in notitia veritatis. Manifestū est autē, Logicā esse huiusmodi. Itaq. si talis est consideratio de natura & proprietatibus obiecti, procedēs definiēdo &c. vt sit verè regulariua ac directiua operis: adhuc est practica, & non speculatiua. Considerare ergo naturā & proprietates obiecti, & procedere illo modo, est cōmune scientiæ speculatiua & practicae. Nā illud est de ratione scientiæ in communi, & scientia practica verè participat rationem scientiæ, vt modò supponimus, & in proprio tractatu videbimus.

Obijcies 5. Et hoc est fundamentum Scoti, quo vitur etiam Sozus, & quidam alij. Elto Logica sit directiua cognitionis intellectiua: tamen de ratione scientiæ practicae est, vt sit directiua aliquius operationis extra intellectū, quoniam praxis est operatio alterius potentia ab intellectu, & ex Arist. intellectus extensipne sit practicus. Ergo Logica non est propriè practica.

Notitia
directiua
operationum
intellectus
est verè
practica.

Resp. Hoc argumentum inducere controuersiam de nomine. Itaq. vt constet de re quā intendimus: dum dicimus Logica esse practica, intelligimus esse directiua operationis quā considerat, eo pacto quo omnis alia scientia practica se habet ad suum obiectum operabile. Sed quantum ad modum loquendi, suo etiam loco de scientia practica ostendemus, non requiri ad rationem ac denominationē scientiæ practicae, & praxis, illam conditionem: & intellectum satis extendi, dum tendit, non solum ad cognoscendum, sed etiam ad efficiendum opus quod considerat, etiam si sit opus eiusdem intellectus, vt per hoc verè dicatur practicus.

Obijcies 6. Logica, prout de facto tractatur, multò plura, & in lōge maiori parte sui, tractat per modum speculatiua, siue quæ in se intrinsecè sunt obiectum, potius

Quomodo
Logica sit
practica
simpliciter.

ter, et speculativius
secundum
quid.

potius speculationis, ea ratione qua conclus. 4. dicebamus, illa esse speculativius secundum quid: semulco pauciora, ac in valde minori parte Logicae, sunt illa quae traduntur practicae tanquam regulae & praeccepta operandi. Ergo potius dici debet, speculationis simpliciter, practica secundum quid.

Resp. admi. tendum sane esse, longè maiorem esse de facto partem Logicae intrinsecè speculationis, quam practicae: quinimo quae practicae sunt, ferè in Institutionibus praemittuntur & quae deinde in Logica disputantur, sunt maiori ex parte speculativae: perscrutant tamen nonniam practicae in Institutionibus. At verò scientia esse simpliciter, aut secundum quid practica, aut speculationis, non desumitur ex pluribus aut paucioribus, ex maiori aut minori parte: sed ex principali intento & fine atque obiecto scientiae. Quia ergo Logica est de obiecto operabilis & per se intendit directionem eius: & illa tandem speculationis usurpare debet, nè è suo ordine egrediatur, quae deferuntur ad directionem operationis quam intendit, & adhuc illa considerat ob finem suae directionis: Ideò illam appellamus simpliciter & principaliter practicae: secundum quid & minus principaliter speculationis. Vnde si ex Logica auferretur illa quae in se sunt speculationis, & remaneret tantum quae sunt merè practicae, verè adhuc Logica permaneret ab alijs scientijs distincta, ad illas necessaria, illisque praemittenda: Si è contra auferrentur quae practicae sunt, relictis illis quae sunt potius speculationis, verè non remaneret Logica à ceteris scientijs condistincta.

SECTIO SEPTIMA.

Quae sit vltima ratio constitutiva

Logicae: & de alijs conditionibus eius.

Quia Logica in ratione scientiae practicae convenit adhuc cum omni bus scientijs practicis, assignanda tandem superest vltima & propria ratio constitutiva ipsius Logicae, quae ab omnibus alijs scientijs distinguatur. Haec autem ratio non alijs assignanda est, quam

per ordinem ad suum proprium & peculiare obiectum. De obiecto autem Logicae separatim quaest. sequenti agemus. Et quidè plures varique sunt modi apud Auctores, assignandi obiectum Logicae. Sed satis eorum & explorarum est, aliquid speciatim ad intellectum esse obiectum Logicae, & Logicam esse directivam operationum intellectus, suae cognitionis intellectus. Sic ergo iussitudo doctrinae tradita, potest optimè vltima ratio constitutiva Logicae assignari, per respectum directionis ad cognitionem intellectum. Vnde sic bene poterit Logica definiri: est scientia directiva cognitionis intellectus. Vel, si completi velimus omnem modum Logicae, & non solum illum quo est verè scientia, dici debet: Logica est intellectualis notitia directiva cognitionis intellectus. Sic differt Logica ab omni alia scientia, quae non versatur circa cognitionem intellectum: differt etiam à scientia animalia speculationis, quae etiam tractat de eadem cognitione: quoniam Logica est directiva, scientia animalica est speculationis eiusdem cognitionis: siue quia Logica considerat cognitionem, quatenus dirigibilem, ut quaest. sequenti videbimus.

Deinde aliae quaedam conditiones sunt, quae vel de qualibet scientia, vel in speciali de Logica quaeruntur. Primo de qualibet scientia quaeritur, quomodo sit vna. Logica est utique vna scientia totalis, habens autem multas partes, imò totaque conclusiones docet: sed quia vnum est obiectum adequatum eius, in ordine ad quod omnia considerat, & omnes partes habent inter se connexionem & habitudinem, quae non debeant in plures scientias totales diuidi: sic Logica adequatè & totaliter est vna scientia. Saltem vna per aggregationem & ordinem artificialem: hoc est vna domus, vna navis, ex tot ramque varijs partibus constructa. In ipsa autem vna Logica concludi tanquam partes, Rethoricam, & Poeticam, defendere & explicare conatur Zabbar. lib. 2. de Natura Log. ob quasdam auctoritates Simplicii Ammon. & Auerr. Sed frustra: quia hoc & est praefer communem sensum aliorum cum ab omnibus haec tanquam distincta facul-

Logica vltimò constituitur, ac definitur.

Logica est vna.

Logica est vna.

Logica est vna.

facultates soleant reputari. Et in re est falsum: quia Rethorica, & Poetica, per se tractat de loquutione externa, & utitur quidem Logica: at non per hoc sunt partes Logicae docentis. Quandoque tamen Logica nomen sumitur generaliter, pro omni facultate quae versatur circa sermonem, includendo etiam sermonem vocalem. Sed sic Logica non est vna scientia, sed est nomen generale ad plures scientias totales. Et complectitur tam Grammaticam, quam Rethoricam, & Poeticam, aliamque similem facultatem.

Ratio huius unitatis.

Aliqui praeterea rationem unitatis Logicae assignare conantur penes abstractionem à materia, supponentes scientiam constitui vnam, & distinguere ab alijs, per certam quandam abstractionem sui obiecti à materia sibi propriam. Ita dicunt Logicam esse vnam, quia abstrahit ab omni materia, cum tractet de operibus rationis. Verum haec ratio, nec est necessaria, nec idonea. Nam ad summum scientiae speculativae sunt, quae dicuntur sumere unitatem & distinctionem ex abstractione à materia, videlicet Metaphysica, Physica, & Mathematica. Et de his res est etiam difficilis: utin tractatu de scientia videbimus. Non ergo debet ex huiusmodi abstractione unitas Logicae designari. Imo illa abstractio quae Logicae assignatur, per se attribuitur Metaphysicae: illa ergo non est propria ratio Logicae unitatis. Sufficitque illa ratio designandi unitatem Logicae, quam tradidimus.

Modus huius unitatis.

Gravis autem controuersia est inter Auctores, specialiter de scientia habituali, tam de Logica, quam de qualibet alia scientia, an sit vna simplex qualitas habitualis, vel potius sit collectio quaedam & veluti congeries plurimorum habituum, iuxta multitudinem conclusionum quae in scientia traduntur. Sed de hac difficultate, quoniam omnibus scientijs communis est, & proprie ad habitus refertur, suo loco disputabimus.

An Logica sit pars vel instrumentum Philosophiae.

Secundo in speciali de Logica quaeritur, An Logica sit pars vel instrumentum Philosophiae. Alex. & Philop. in praefat. in lib. Prior. Ammon. praefat. in Porphyry. S. Thom. Opusc. 70. quaest. 5. art. 1. ad 2. & alij volunt, Logicam non esse dicendam partem, sed potius instrumentum

Philosophiae. Fauet D. Damasc. in sua Dialectica cap. 3. Ex alia parte Auic. cap. 1. sux Log. Alb. tract. 1. Pradicab. Cic. lib. 1. de Finibus, & Plato, ut refert idem Philop. Logicam appellant partem Philosophiae.

Haec controuersia potius est de nomine, quam de re, quomodo videlicet accipiendum sit nomen Philosophiae. Plures ergo huius nominis acceptiones distinguendae sunt. Vno modo sumitur Philosophia pro cognitione rei per causam: quam Philosophiae definitionem Damasc. cap. 4. Dialect. & Ammon. in praefat. in Porphyry. ex veteribus referunt. Sumitur etiam haec definitio & accipio Philosophiae ex Platone in Theaeteto, & Aristot. 1. Met. cap. 2. & lib. 6. cap. 1. & lib. 11. summa 3. cap. 1. In hac acceptione Logica dicenda est pars Philosophiae. Siquidem procedit per demonstrationes probando suas conclusiones ex causis, ut patet ex antea dictis.

Celebris etiam est illa diuisio Philosophiae, in Moralem, Naturalem, & Rationalem. Philosophia moralis continet Ethicam, Politicam, & Oeconomicam. Naturalis continet Physicam, Metaphysicam, & Mathematicam. Rationalis diuiditur à D. Thoma in principio Post. in Logicam, Rethoricam, & Poeticam.

Ea autem Philosophiae diuisio in triplicem partem antiquissima & receptissima est. Ipsam referunt, explicant, & commendant, Plato apud Alcinoium cap. 3. & apud Euseb. Caesariens. lib. 11. de Praepar. Euang. cap. 1. Cic. lib. 1. de Orat. Ammon. praefat. in Porphyry. column. 6. S. August. lib. 8. de Ciuit. cap. 4. & lib. 11. cap. 25. Origen. hom. 1. in Cantic. Philo Iudaus in lib. de Agricult. Stoici etiam apud Laer. in vita Zenonis, & apud Plur. lib. de Placit. cap. 1. Qui censentur fuisse eius diuisionis auctores: quamuis illam tribuant Platoni: Isidor. lib. 2. Erymolog. cap. 24. Anpust. & Euseb. loco cit. Euseb. ramen vult, illam diuisionem fuisse multo antiquiorem ante Platonem. Sed tamen postea à Plat. ad perfectionem fuisse reductam. Et refert etiam ipsum Arist. lib. 7. de Philosoph. (qui libri nunc non exstant) eam diuisionem approbasse & tribuisse Platoni: & haec eius verba refert: *Vniuersam Philosophiam Plato*

in Physicam, Cuiuslibet, & Logicam partem
et. Iuxta hanc igitur diuisionem Philo-
sophia: Logica planè est pars Philo-
sophia:.

Aliter sumi solet Philosophia: vel pro
sapientia rerum præstantium atque subli-
mum, seu pro sola Metaphysic. 4. Met.
tex. 5, 7. & 8. vel pro cognitione tantum
rerum moralium 1. de Part. animal. c. 1.
Vel pro sola scientia speculatiua rerum:
quomodo multi volunt, accipi nomen.
Philosophia 2. Met. tex. 3. Atque in his,
& similibus Philosophia: acceptionibus,
Logica non est Philosophia, nec pars
Philosophia: aperte sequitur ex dictis.

*In alio
su est in-
strumen-
tum.*

Rursus Logica dici etiam potest, & re-
ctè dicitur, instrumentum Philosophia:.
Ita enim illam appellant, non solum.
Alexand. Philop. & Ammon. quos supra
allegauimus, sed præterea Auerroes 1.
Phyl. tex. 36. Alexand. de Alcs 7. Met.
tex. 3. & alij Peripat. communiter, vt
testatur Ammon. Diogenes etiam in vita
Arist. dixit, Logicam apud Arist. instru-
mentum esse exactissimum. Imò hæc ipsa
est vulgata inscriptio quæ Logica: Arist.
præfertur, Organum Arist. Organum
enim idem est quod instrumentum. Et 1.
Top. cap. 9. Arist. ipse problemata lo-
gica vocauit adminiculantia, quod idem
est ac instrumentalia: & 2. Met. 15. Lo-
gicam appellauit modum sciendi, quod
idem est ac instrumentum sciendi. Et
ratio huius denominationis est manife-
sta. Logica enim est ianua & via vici-
rioris Philosophia:, est illius directiua,
ad illam deferuit & ordinatur. Dum
autem Logica dicitur instrumentum Phi-
losophia:, Philosophia potissimum sumit-
ur in tali acceptione, quæ non includit,
sed ante se præsupponit Logicam.
Sed etiam quatenus Philosophia sumitur
vt includens Logicam, Logica adhuc di-
ci potest quodammodo instrumentum
eius, ea ratione quæ Logicam esse etiam
ad se ipsam necessariam, suique directi-
uam, Sect. 4. dicebamus.

*Absolutè
est pars in-
strumen-
tis Phi-
losophia.*

Itaque coniungendo simul verumque
loquendi modum, satis commodè Logi-
ca dicitur & pars & instrumentum Philo-
sophia: Ita loquutus est Boet. Præfat. in
Porphy. colum. 3. & plerique alij ex Au-
storijs allegatis. Ita etiam loquuntur
fuisse Platonem & Platonicos, referunt

Ammon. & Philop. loc. cit. & ita Laer-
tius in vita Arist. v. nupque coniungit, di-
uidens Philosophiam in plures partes,
quarum vna est Logica, & addens Logi-
cam esse instrumentum. Optime autem
cum Simplic. in Prædicam. pag. 5. Lo-
gica poterit appellari pars organica,
pars instrumentalis Philosophia:.

Cæterum aliqui ita distinguunt, vt di-
cant Logicam docentem esse partem,
vrentem esse instrumentum Philosophia:.
Aliqui è contra, vrentem esse partem,
docentem esse instrumentum. Verum,
potius eadem Logica, eodemque modo
sumpta, intelligenda est appellari, pars,
& instrumentum, pars instrumentalis
Philosophia: & maxime ipsa Logica,
docens. Nam de illa procedunt omnia,
quæ adducta sunt. Et eadem ratio est de
Logica vrentè habitualiter sumpta, Lo-
gica autem vrens actualis, id est actualis
vires Logica:, non est ex hac parte instru-
mentum, sed est ipsa Philosophia ad quæ
Logica est instrumentum.

Tertiò queritur, vtrum Logica sit sub-
alternata Philosophia: Sed hoc depen-
det ex modo explicandi subalternatio-
nem scientia: Si enim scientia subalter-
nata dicatur ex parte finis, eo quod or-
dinetur ad aliam: sic Logica subalterna-
tur Philosophia:, ad quam vtrique ordi-
natur. Item si dicatur ex parte obiecti,
quia scientia subalternata assumit sibi ali-
quam partem obiecti alterius scientia: sic
Logica rectè subalternatur Philosophia:
naturali, specialiter parti de Anima.
Nam considerat & dirigit operationes
nostri intellectus. Quodammodo etiam
subalternatur Metaphysicæ & toti
Philosophia: quatenus attingit breuiter
res omnes cognoscibiles, vt eas intelle-
ctui proponat. Vt patet in tract. Prædi-
cab. & Prædicam. Si demum scientia
subalternata sumatur ex parte præsensa-
rum & principiorum: quæ sanè est pro-
pria acceptio, vt in proprio tractatu vi-
debimus, quando scilicet scientia assu-
mit principia probata & demonstrata
in superiori scientia: sic Logica verè non
est alteri scientia: subalternata. Nam
habet sua principia prima per se nota,
quæ non supponuntur demonstrata in
alia superiori scientia. Quod si quædam
etiam assumuntur a Logica, quæ possent

*Aut si sub
alternata
Philoso-
phia.*

per alias scientias, specialiter per scientiam animaticam & Metaphysicam, demonstrari: tunc quantum ad tales propositiones Logica potest ijs alijs scientijs subalternari.

An sit dignior vel inferior alijs scientijs.

Quarō queritur, quem locum dignitatis atque perfectionis, per comparationem ad alias scientias & Philosophia: partes Logica seruet. Et videri potest omnium dignissima. Solet enim appellari ars et scientia scientiarum, artium & disciplinarum maxima, reatrix & gubernatrix aliarum scientiarum. His & similibus titulis illam exornant D. August. lib. 1. cont. Accid. & lib. 2. de Ordin. Plato lib. 7. de Repub. Cic. in lib. de Claris orat. & alij frequenter. Ex oppo- sito videri potest omnium scientiarum infimis: non solum quia est instrumentum & veluti famularix aliarum: sed quia habet pro obiecto suo ens rationis; unde aliz scientiz dicuntur reales, Logica rationalis. Et hunc dicendi modum indicat Socin. 6. Met. quaest. 6.

Secundum aliquam considerationem est dignior, et secundum aliquam inferior.

Sed dicendum est, licet secundum varias considerationes Logica dici possit, aut superior, aut inferior alijs scientijs: tamen absolute & simpliciter, quibusdam esse superiorem, quibusdam inferiorem. Nam in vniuersum facile contingit, aliquas res ita comparari, vt eadem res sit nobilior alia secundum vnā considerationem, & sit inferior secundum aliam considerationem. Sed inter has considerationes attenditur præcæteris illa quæ principalis & potissima est: & ratione illius dicitur vna res absolute & simpliciter nobilior alia: atque secundum aliam minorem considerationem dici poterit inferior secundum quid. Logica ergo quatenus viam sternit ad alias scientias, easque dirigit, ac veluti fundat earum rectitudinem ac certitudinem, docendo legitimos discurrendi modos, aliasque leges recte sciendi; videbatur quodammodo cæteras scientias excedere. Quatenus verò consideratur tanquā ministra & ordinaria ad alias scientias, sic videbatur quodammodo cedere.

Simpliciter est inferior Phyfica et Metaphysica.

At principalis consideratio ex qua simpliciter dignitas scientia pensanda est, est ex parte obiecti, scilicet penes nobilitatem & excellentiam ipsius obiecti. Quamuis enim Arist. 8. Top. loc. 21.

indefinitè dicat: *Scientiam scientia esse superiorē meliorem, aut eo quidd exaltior est, aut quidd meliorem; & quod alia sunt contemplatiua, alia actiua, &c.* Et 1. de Anima text. 1. dixerit, præstantiorem esse vnā scientiam altera, aut secundum certitudinem, aut ex eo quidd & meliorem & mirabiliorē est. Tamen 1. de Part. animal. cap. 5. determinat, potissimam rationem nobilitatis scientiæ, esse præstantiam obiecti. Res, inquit, illas superiores, tametsi leuiter attingere possumus: tamen ob eius cognitionis generis excellentiam, amplius oblectamur, quā cum hac nobis vniuersa omnia tenemus.

Ex comparatione ergo obiecti, Logica est planè inferior Philosophia naturali & Metaphysica. Metaphysica enim agit de substantijs separatis quæ nobilissimæ sunt, ac Deo ipso. Naturalis item agit de substantijs, & inter alias de ipso homine, ipsaque anima rationali, ac de ipsismet actibus nostri intellectus. Superatur etiam Logica eo quodd practica est. Respectu autem Mathematicæ Logica potius dici debet absolute nobilior. Obiectum enim Mathematicæ est quantitas: Logicæ autem non est ens rationis contradistinctum ab ente reali, vt supponebat Socin. sed sunt operationes rationis quæ verè sunt reales, & ab ijs Logica denominatur rationalis. Hæ autem operationes, cum sint spirituales & vitales, planè superant quantitatem, quæ est accidens corporeum & materiale. Ex alia tamen parte Mathematica præstat Logicæ, non solum quia est speculatiua, sed etiam ratione certitudinis, in qua & reliquis facultatibus disciplinæ Mathematicæ antecellunt. Quoniam vt plurimum suas conclusiones demonstratiuè probant: cum aliz facultates sæpe non nisi probabile indicium de suis rebus assequantur.

Deinde comparando Logicam cum alijs scientijs practicis, videbitur Logica præferenda non solum omnibus alijs, sed etiam scientiæ morali quæ dirigit actus voluntatis in genere moris. Nam iuxta sententiam Sancti Thomæ 1. par. q. 82. art. 3. Intellectus est potentia nobilior voluntate: & sic etiam actus intellectus actibus voluntatis. Sed tamen potius Logica videtur cedere debere scientiæ

Est inferior scientia moralis, superior alijs practicis.

tiz morali : non solum iuxta sententiam aliorum qui voluntatem praeferunt intellectui sed etiam quia bonitas & rectitudo moralis videtur praestantior, & non solum actus elicit voluntatis, sed etiam alij actus qui imperantur a voluntate, etiam ipsi actus intellectus, participant bonitatem moralem. Et praecipue quia scientia moralis primario considerat & intendit supremam felicitatem ac Beatitude bonis actibus assequendam, quae plane est summa & excellentissima perfectio humanae naturae. Alijs autem omnibus scientijs practicis sine dubio Logica antecellit: quoniam operationes intellectus & voluntatis, sunt nobiliores & praestantiores, omnibus alijs operationibus humanis, quae per alias artes seu scientias practicas diriguntur.

A quibus causis sit logica praestim propter quem finem,

Quinto tandem quaeritur, quae sint causae ipsius Logicae. Et quidem causa efficiens & materialis, sunt ei cum alijs omnibus scientijs communes. Idem enim intellectus est, qui elicit, & in se recipit, omnes scientiae actus. Ac per ipsos actus efficiuntur, & in eodem intellectu recipiuntur, habitus. Habent praeterea scientiae practicae causam finalem, id est finem ab ipsis scientijs distinctum, ad quem ordinantur: & qualibet habet sui peculiarem finem. Ita notavit Aristot. 1. Ethicorum cap. 1. *Cum autem multa & actiones & scientia & artes sint: multi & fines enadant necesse est. Medicina quidem, sanitas: navium extructricis, navis: militaris, victoria, domestica ac familiaris, divitiae ipsae.* Proprius ergo ac peculiaris finis Logicae, est rectitudo ac perfectio cognitionis nostrae intellectivae, siue cognitio recta & perfecta. Eiusque officium est intendere ac procurare,

ut omnis operatio nostri intellectus in cognoscendo recte exerceatur.

Neque verò hinc putandum est, Logicam ita exacte hunc suum assequi finem, ut qui fuerit Logica instructus, iam amplius non possit errare, aut nunquam erraturus sit. Comptum enim est, quot errores, siue falsae opiniones, adhuc post omnem industriam in humano intellectu contingant. Imo docent Theologi, non posse hominem in hac vita, sine speciali dono gratiae, assequi omnes veritates naturales, aut evitare omnes errores. Sed satis erit, possidere artem, quae tradat omnes regulas & leges idoneas ad consequendum finem intentum. Et saltem magna ex parte intellectus hac arte instructus recte procedet, & multo rectius quam sine hac arte procederet. Ita praclare notavit, & exemplo Rethoricae & Medicinae comprobavit Aristot. 1. Topic. cap. 2. *Habebimus autem perfectam methodum, quando perinde habebimus, ac in Rethorica, & Medicina, & huiusmodi facultatibus. Nam neque Rethor omni ex modo persuadebit, neque Medicus sanabit: sed si ex ijs quae contingunt nihil omiserit, sufficienter eum disciplinam habere dicemus.* Et similia habet 1. Rethoric. cap. 1. prope finem.

Causam demum formalem, proprie & intrinsece scientiae non habent: quoniam potius ipsae sunt formae afficientes & perficientes intellectum. Obiectum tamen in ijs se habet ad instar formae, & solet vocari causa formalis extrinseca. Quoniam singulae scientiae ex suis obiectis specificantur & constituuntur. Iam ergo sequenti quaestione obiectum nostrae Logicae inquiremus.

QVÆSTIO SECVNDA.

De Obiecto Logicae.

Quodnam & quomplex sit obiectum scientiae.

Obiectum cuiuslibet scientiae dupliciter assignatur. Vno modo complexè, pro tota & integra conclusione de qua assensum scientificum habemus. Sic dixit S. Thomas 1. 2. quaest. 1. artic. 1. in scientia Geometriae obiectum esse conclusiones scitas. Alio modo incomplexè, pro illa re de qua demonstrantur tales conclusiones: unde dicitur etiam subiectum. Sic dixit idem S. Thom. 1. par. quaest. 1. artic. 7. Subiectum Theologiae, se habens tanquam obiectum ad potentiam, vel ha-

vel habitum, esse Deum. Modò ergo quaerimus obiectum incomplexum Logicæ. Per quod etiam constabit, quod sit obiectum complexum, idest conclusio- nes quæ in Logica demonstrantur.

Deinde hoc obiectum duplex est. Aliud totale & adequatum. Aliud parziale & inadecuatum. Obiectum adequatum est quod in tota scientia consideratur, siue in ordine ad quod consideratur reliqua omnia quæ in eadem scientia continentur, quia sunt vel partes seu species, vel causæ, vel attributa & accidentia eius. Et ideo dicitur obiectum adequatum attributionis, ad quod scilicet attribuantur reliqua quæ in scientia pertractantur. Obiectum inadecuatum est, quod in parte aliqua scientiæ consideratur. Itaque obiectum totale debet esse vnum in qualibet vna scientia. Obiecta autem partialia plura sunt iuxta plures partes & tractatus eius scientiæ. Inter hæc autem consideratur aliquod, quod sit cæteris dignius & nobilius: & dicitur obiectum principale parziale. Maximè ergo nunc quaerimus obiectum adequatum Logicæ: ex quo etiam singula partialia apparebunt: & inter illa principale.

Rurius duplex est obiectum. Aliud dicitur materiale, & aliud formale. Quæ distinctio sumpta est ex Aristot. 2. Physic. tex. 17. & sequentibus. Obiectum materiale est res ipsa quæ in scientia consideratur. Obiectum formale est ratio secundum quam consideratur. Quæ ratio ideo assignatur, quia fieri potest ut eadem res possit secundum varias rationes considerari: & secundum vnâ rationem consideretur in vna scientia: secundum aliam in alia. Vnde hæc ratio formalis est, quæ vltimò distinguit illas scientias, quæ alioqui in eodem obiecto materiali conueniebant. Sic v. g. homo potest considerari, & quatenus compositum quoddam substantiale, & quatenus dirigi potest ad Beatitudinem, & quatenus sanari potest ab agritudine corporali. Primo modo consideratur in Physica: secundo modo in scientia morali: tertio modo in Medicina. Modò ergo quaerendum est si- mul obiectum materiale, & formale Logicæ.

*Quæ sint
conditiones
obiecti -*

Postremò dici solet ex Aristot. 1. Polit. tex. 76. & 179. Obiectum scientiæ debere habere, 3. partes, principia, & passiones. Partes, non intelliguntur solum intrinsecæ: ex quibus res constat: sed etiam species de quibus res ipsa tanquam genus prædicatur. Principia iunctum complexa, idest propositiones & præmissæ, ex quibus conueniunt demonstrationes & demonstrantur conclusiones: tum incomplexa, quæ vel sunt causæ ipsius rei in se, vel saltem sunt causa ut ei conueniant suæ proprietates & passiones. Passiones demum sunt illa prædicata, quæ conueniunt ipsi obiecto, & de illo demonstrantur. Sic dixit optimè Aristot. eò tex. 76. *Natura tria hæc sunt, circa quod monstrat*, idest obiectum, & *qua monstrat*, idest passiones, & *ex quibus*, idest principia. Ex his verò facillimè constant omnes conditiones quæ ad legitimum cuiuscunque scientiæ totalis obiectum requiri possunt ac solent. Et ex his colligendum erit proprium obiectum Logicæ.

*Logica vbi
vbi habet
suum obiectum.*

At vbi Zabara lib. 1. de Natura Logicæ cap. 17. magna quadam asseueratione contendit, nullum in hac significatione ipsi Logicæ conuenire subiectum, quod sit subiectum demonstrationum: & miratur tantum fuisse aliorum cæcitatem, & crassam ignorantiam: ut tale obiectum in Logica quaerere, & partem materialem & formalem considerare, voluerint. Sed maneat ipse in cæcitare & ignorantia quæ alijs omnibus Auctoribus obsistere voluit. Nobis luce clarius est, Logicæ, ut alijs etiam practicis disciplinis, proprium adesse obiectum, quod subiectum est demonstrationis & considerationis. Et quod nam si hoc obiectum Logicæ inquiramus.

*Aliquid
spectans ad
intellectum
est obiectum
Logicæ.*

Constat autem ex omnibus antea dictis, & ex nomine ipso Logicæ, aliquid spectans ad intellectum esse obiectum Logicæ. Multa sunt autem hæc de quibus quæritur & quaeritur, quodnam omnium optime debeat obiectum Logicæ assignari. Sunt actus ipsi intellectus, cognitio ipsa intellectiua. Sunt res quæ per hos actus ad intellectum cognoscuntur. Sunt voces quibus tanquam signis exprimimus mentis conceptus. Hæc eleganter commemorauit D. Augustinus in lib. Cæcogor. cap. 1. *Primo iunct res omnes quæ natura precepit. Secundo percipiuntur ea quorum imagines*
in animis

in animo videndo formamus & recondimus . Tertio dicuntur illa , quibus ea que sunt impressa animo effluuntur : id namque quod quis concipit animo , lingua profequente declarat . Sunt preterea illa que , cum non sint realiter a parte rei , sunt tamen obiectiue in men e per cognitionem nostri intellectus , siue sunt denominationes que ab ipso nostro intellectu attribuiuntur rebus : & dicuntur entia rationis , ac secundę intentiones . Sunt Jemum instrumenta & modi quibus actus nostre cognitionis dirigitur . Non curamus hic recensere , habitus , species intelligibiles , & si que sunt alia huiusmodi : de quibus satis compertum & exploratum est , non esse obiectum Logicę . Sed de his que enumerata sunt sequitur disputandum .

SECTIO PRIMA .
Vtrum Obiectum Logica sint res omnes ab intellectu cognoscibiles .

Scientia affirmans res omnes esse obiectum Logica .

EXtat sententia affirmans , obiectum entia : non tamen quatenus entia sunt in se ipsis & a parte rei . Sic enim de ente agit Metaphysica . Sed quatenus cognoscuntur ab intellectu , quatenus obijciuntur intellectui . Vnde aliqui expressę dicunt , obiectum Logicę esse conceptus obiectiuos , idest res quatenus concipiuntur : & consequenter ad Logicę pertinere etiā conceptus ipsos formales , idest actus intellectus quibus res concipiuntur .

Sed adhuc non cōueniūt Auctores huius sententię in modo assignandi hoc obiectum , preteritum ad designandum , & coniungendum obiectum formale cum materiali . Aliqui dicunt , res ipsas esse obiectum materiale : considerari verō quatenus cognoscuntur & concipiuntur ab intellectu : atque adeō hanc cognitionem & conceptionem esse obiectum formale . Alij volunt , obiectum materiale esse hoc totum , es cognitās & cōceptas , & integros cōceptus obiectiuos sumptos nō solū pro rebus ipsis , sed pro aggregatis ex rebus & actibus intellectus . Obiectum verō formale esse conuenientiam , realem quam in ipsis conceptibus obiectiuis considerant , vt inter se aptę coniungantur per predicationem & subiectionem atque illationem ; siue esse modum coniungendi & disponendi hos cōceptus , quem appellant etiam modum , sciendi & argumentandi . Referuntur pro hoc dicendi modo Enstiat. 2. Post. com. 314. & Rodulph. Agric. lib. 2. de Inuen. Dialect. cap. 5. Qui tamen tantum dixerunt , Logicam seu Dialecticam versa-

ri circa res omnes . Et nec loquuti sunt de obiecto proximo , nec etiam explicauerunt tale obiectum formale .

Alij verō sunt qui significauerunt , obiectum Logicę esse res omnes quatenus substant quibuldā denominationibus rationis : esse primas intentiones quatenus substant secūdās intentionibus . Quasi ipsę res & primę intentiones sint obiectum materiale : secundę verō intentiones sint obiectum formale . Referuntur pro hoc dicendi modo iidem Eultrat. & Agric. citati & Auerr. in Epito. Predicam. cap. vltimo , & 4. Met. cap. 2. lāndun. 4. Met. quæst. 6. Zabar. lib. 1. de Nat. Log. cap. 19. Auicen. & alij . Quorum tamen plerique solū dicunt , Logicam considerare primas & secundas intentiones : non tamen assignare voluerunt in rigore obiectum materiale & formale , vt nos querimus . Zabar. autem explicauit , res omnes non esse subiectum de quo fiant demonstrationes : sed esse subiectum operationis , in quo Logica efficiat secundas intentiones .

Dico primō . Non debent pro obiecto Logicę directę & proximę assignari res omnes que ab intellectu cognoscibiles sunt . Hęc conclusio est de mente omnium aliorum qui alijs modis obiectum Logicę assignare conati sunt . Et probatur primō . Logica per se instituta est directę & proximę ad directionem actum nostri intellectus , quibus cognoscimus res ipsas , vt videlicet rectę cognoscimus ipsas res , rectę exercemus operationes intellectus , & ad hunc finem tradit instrumenta cognoscendi , de quę ips tractat propter nostram cognitionem : ergo per se directę & proximę habet potius pro obiecto actus ipsos nostri intellectus , qui versantur circa res : & non res quas versantur actus nostre cognitionis . Item Logica per se intendit rectitudinem & per-

Res omnes non sunt directę & proximę obiectum Logica .

& perfectionem nostræ cognitionis: neque conatur cognitionem dirigere quasi ob perfectionem ipsarum rerum: igitur non ipsæ res sunt directè obiectum Logicæ.

*Logica se
habet ut
cognitio
reflexa de
ipsa cogni-
tione.*

Secundò cognitio reflexa intellectus de alia cognitione, habet utique pro obiecto suo directo & proximo illam aliam cognitionem, non autem obiectum illius alterius cognitionis: sed ad summum indirectè & remotè dici potest illud etiam obiectum attingere, quia videlicet versatur circa cognitionem quæ est de illo obiecto. Sed Logica se habet tanquam scientia reflexa de actibus nostræ cognitionis: Logica enim est quedam scientia, quæ tractat de ipsa ratione scientiæ: est discursus qui tractat de ipsa ratione discursus, & de varijs speciebus discursus: continet enunciationes quas docet, & apprehensiones quas ingerit, de ipsa ratione enunciationis, & apprehensionis: & in uniuersum est cognitio practica directiua nostræ cognitionis. Ergo non habet pro obiecto suo proximo & directo res ipsas quæ cognoscuntur, sciuntur, enunciantur, & apprehenduntur: sed actus ipsos quibus res cognoscuntur.

*Ad quam
cognitionem
reducuntur
quæcunq;
considerantur
in Logica.*

Tertiò ad cognitionem intellectiuam pertinent non solum res omnes tanquam cognitiæ obiectiue: sed etiam alia plura, nempe voces quæ ex vi ipsius cognitionis proferuntur, atque significant, & giungunt cognitionem in mente audientis: denominationes & entia rationis quæ cõsequuntur ex ipsa cognitione, & præcipuè instrumenta directiua eiusdem cognitionis. Et hæc omnia debent in Logica pertractari. Reducuntur autem optime ad ipsam cognitionem; & sicut instrumenta directiua & alia quæ dicta sunt, ita etiam ipsæ res tanquam cognitiæ reducuntur ad eandem ipsam cognitionem. Ergo directè & adequate, non res quæ cognoscuntur, sed cognitio ad quam & res quatenus cognitiæ, & omnia alia quæ tractantur in Logica, reducuntur: debet directè assignari obiectum.

*Afferuntur
aliam
scientiarum
exempla.*

Quartò hoc totum probatur exemplis aliarum scientiarum. In Grammatica quæ tractat de vocibus ut congruè disponantur, non dicimus, obiectum esse res significabiles per voces congruè disponibles: sed esse voces congruè disponibles.

In Rhetorica, non dicimus obiectum esse res persuasibiles per ornatum sermonem: sed esse ornatum sermonem aptum ad persuadendum: similiter in Poetica esse sermonem iucundum certis numeris concinnatum aptum ad delectandum. Et in scientia morali, in parte quæ tractat de actibus voluntatis, non dicimus obiectum esse res appetibiles honestè à voluntate: sed actus honestos voluntatis. Et in scientia naturali, in parte quæ tractat de sensibilibus, alijsque similibus, ac de ipsa nostra cognitione intellectuæ speculatiuæ modo; non dicimus obiectum esse res sensibiles, res intelligibiles: sed directè pro obiecto assignantur ipsi sensus, ipsa intelligentia, & simul reductiue considerantur obiecta sensibilia, & intelligibilia, sicut & species sensibiles, & intelligibiles, aliaque ad rem spectantia. Similiter ergo sentiendum & loquendum est de obiecto Logicæ. Vnde re ipsa patet, solum certam quandam Logicæ partem agere de rebus cognoscibilibus: nec tota Logica consistit in prædicabilibus, & prædicamentis. Igitur res omnes non sunt obiectum adæquatum Logicæ:

Quintò demum impugnari etiam possunt singuli illi modi, quibus explicabatur ac defendebatur illa sententia, ex ijs quæ dicenda sunt contra alias sententias, ad quas illi dicendi modi ex parte accedunt: ut deinceps constabit.

Dico secundò. Concedendum est, res omnes esse obiectum remotum Logicæ docentis: imò esse obiectum proximum Logicæ vrentis: atque etià esse obiectum proximum in aliqua parte Logicæ docentis, per reductionem tamen ad obiectum adæquatum totius Logicæ. Hæc conclusio tres habet partes. Explicatur & probatur per singulas. Si Logica habet pro obiecto suo immediato cognitionem intellectuam: cum hæc rursus habeat pro obiecto suo res omnes: sequitur, remotè & mediâtè Logicam docentem respicere res omnes.

*Res omnes
sunt obiectum
remotum
Logicæ docentis.*

At Logica vtens exercetur utique circa omnes res: & vsus Logicæ est ipsa cognitio intellectuæ directæ per Logicam: quæ, ut modò dicebamus, immediâtè versari potest circa omnes res: igitur Logica vtens habet pro immediato obiecto suo omnes res: quod non est aliud quam dicere;

*Proximè
Logicæ vtentis.*

dicere, cognitionem intellectuam, directam per Logicam, versari circa omnes & quascunque res cognoscibiles. Et ita idem est obiectum Logicæ utentis, quod est obiectum adæquatum intellectus. Et iuxta hoc explicanda erunt quædam loca Arist. quæ ab Aduersarijs asseruntur: vt mox infra constabit.

*Imo etiā
proximū
sed partiā
tiale in
quodam
parte Lo-
gica.*

In ipsa etiam Logica docente, vnus modus dirigendi cognitionem intellectuam est percurrendo, & intellectui proponendo, omnes res cognoscibiles, & constituendo varias connexiones & habitudines rerum: Hinc de facto extant in Logica, tractatus prædicabilium, & prædicamentorum, in quibus res omnes hoc modo considerantur & disponuntur. Hoc autem totum fit per ordinem & reductionem ad obiectū adæquatum totius Logicæ, ad directionem cognitionis intellectiue. Sic notauit egregie D. Aug. lib. Categor. cap. 3. dum de Arist. inquit: *Cūm de perceptis propoſueris disputare, & de ijs quæ sunt, & de ijs quæ dicuntur, necessariū loquuntur: Et de perceptis*, intelligit ipsas an mi perceptiones: de ijs quæ sunt, intelligit ipsas res: de ijs quæ dicuntur, intelligit voces.

*Quodam
loca Ari-
stot. ex-
plicatur.*

Obijci solent quædam Arist. loca ad probandum omnes res esse verum obiectum Logicæ. 1. Elench. c. 1. & 1. Reth. cap. 1. in princ. & cap. 2. & 4. Met. tex. 5. & alibi docet Arist. Dialēcticam non versari circa aliquam rem determinatam, sed circa omnes res.

Resp. Arist. solum voluisse, Dialēticā quantum ad vsum versari circa omnes res, & non restringi ad certum aliquod genus rei: quia scilicet syllogismi exerceri possunt circa omnes & quascunque res. Et ita aperte ex text. colligitur. Non ergo vult Arist. Logicam docentem immediatē versari circa omnes res, & non versari circa determinatam quoddam obiectum: sed optimē saluatur, Logicam proximē intendere cognitioni intellectuæ, quæ vtrique in sui exercitio versatur circa omnes res. Ideo ibi 1. Rethor. cap. 2. cūm dixisset, nec Rethoricam nec Dialēcticam esse de re aliqua determinatā, iudicet: *Sed facientes quodam sunt inueniendarum rationum*. Vbi iam rem quoddam determinatam assignat, scilicet inuentionem rationum: quæ tamen

rationes circa omnes res inueniri possunt. Sic etiam 1. Topic. cap. 1. *Propositum quidem negotij est, methodum inuenire, per quam poterimus de omni proposito problema te syllogizare*. Vnde ex his locis potius sumitur argumentum pro nostra sententia, vt explicata est. Cæterum in omnibus ijs locis Arist. specialiter loquens est de Dialētica pro parte topica, non pro tota Logica. quia rationes quidem probabiles circa omnes res, & in vtraque parte quæstionis, facili inueniuntur. Non sic autem rationes demonstratiue.

Obijcit 2. Iaudun. Finis Logicæ est discernere verum a falso: sed veritas primariō & principaliter inuenitur & fundatur in rebus; vt docet Arist. in Prædicam. substantiæ in fine, & in Post prædicam. cap. de priorib: ergo Logica primariō considerat veritatem quæ est in ipsis rebus. Igitur obiectum Logicæ sunt ipsæ res.

*Restitudo
quæ in in-
tendit Lo-
gica, for-
maliter
est in co-
gnitione,
non in re-
bus.*

Resp. Veritatem & rectitudinē quam Logica pro suo fine intendit, sine dubio formaliter conuenire cognitioni quam habemus de rebus. Arist. verō ijs locis solum docuit, ex eo quod res est, aut non est, opinionem & orationem, esse veram aut falsam. Vnde formaliter nō attribuit veritatē ipsis rebus, sed cognitioni. Imo 6. Met. tex. 8. aperte dixit, verum & falsum non esse in rebus, sed in mente. Logica ergo considerat ipsam cognitionem, vt eam dirigat, ad hoc vt veram rerum notitiam assequamur. Neque enim Logica facit, vt res ipsæ conformentur nostræ cognitioni, & ita sint sicut putantur: sed facit, vt nostra cognitio conformetur rebus, & ita res cognoscamus sicut in se sunt. Cognition ergo ipsa vera est, recta est, dirigibilis est. Rebus autem ipsis attribuitur alia veritas, quæ dicitur in essendo, & veritas transcendentalis, de qua non spectat ad Logicam, quæ tantum intendit veritatem cognitionis in representando. Itaque hinc potius demonstratur, non res ipsas, sed cognitionem rerum, esse proximū & adæquatum obiectum Logicæ.

SECTIO SECVNDA.
*Utrum Obiectum Logicæ sint vo-
 ces expressivæ conceptuum
 Intellectus.*

*Sententia
 affirmans
 obiectum
 Logicæ ef-
 se voces.*

E Se sententia quæ docet, obiectum Logicæ esse voces, siue sermonem, quatenus voces sunt significativæ rerum cognitarum, & expressivæ conceptuum intellectus. Voces enim possunt considerari secundum plures & varias rationes, sub quibus pertinent ad varias scientias. Quatenus sunt sonus quidam editus & prolatus ab animali, pertinent ad Physicam, ad partem animasticam, cuius est tractare de animali & de auditu eiusque obiecto. Quatenus possunt certis modis infecti atque coniungi, declinari, & modificari, vel locuti congrua efficiantur; pertinent ad Grammaticam. Quatenus possunt habere quandam ornamatum aptum ad persuadendum, pertinent ad Rhetoricam. Quatenus possunt habere quandam numerum & concentum aptum ad delectandum, pertinent ad Poeticam. Quatenus tandem sunt significativæ veri & falsi, sunt expressivæ & manifestativæ conceptuum mentis, sic dicuntur esse proprium obiectum Logicæ.

Hanc sententiam tenent Aureol. in Prol. sent. in q. de subiecto Theol. art. 5. Ocam. & alij, qui ex eo quod pleraque ad voces & nomina reducere voluerunt, appellati sunt Nominales. Item Villalpand. q. 5. proem. Log. Flam. Nobilius. q. vlt. Log. Titel. cap. 1. iure Dialect. & quidam alij Recentiores. Faveant etiam plerique veteres, Simplic. in præfat. Prædicam. Ammon. ibid. & in præfat. in Porphy. Philop. in præfat. Prior. Dexippus lib. 1. in Prædicam. cap. 5. & alij, qui vel in tractatu Porphy. vel in prædicamentis dixerunt considerari voces.

*Voces non
 sunt directæ
 & ad
 obiectum
 Logicæ.*

Dico primò, Obiectum Logicæ directè & adequatè non esse voces. Hæc est communis sententia. Probatur primò inductione ex omnibus ferè partibus & tractatibus Logicæ collectis. In tract. Prædicab. nõ considerantur per se ipsæ voces, genus, & species, & c. Sed res quæ his vocibus significantur. Et cū dicitur genus prædicari de speciebus, ut quædam est de ipsis re-

bus: & sic de tota doctrina eius tractationis. Similiter in Prædicamentis non considerantur per se hæ voces, substantia, quantitas, &c. neque illa quæ dicuntur in prædicamentis, conveniunt ipsis vocibus: sed considerantur res ipsæ, & de ipsis rebus verificatur doctrina quæ traditur. In reliquis item libris per se considerantur enunciationes, discursus, argumentationes, qui sunt actus mentales & exprimuntur per voces. Et vix exigua quedam pars Logicæ est, quæ debeat considerare de vocibus, ut conclusione sequenti dicemus. Non ergo voces sunt directum & adequatum obiectum Logicæ.

Secundò Logicæ primariò instituta & ordinata est ad directionem actuum intellectus, non verò ad regulandas & dirigendas voces. Et perspicuum est, multò magis principaliter se habere ipsos actus intellectus, quam voces expressivæ eorum. Per se ergo & principaliter Logicæ considerare debet ipsos actus. Et ad summum consequenter ac reduciuntur voces, quæ sunt expressivæ conceptuum.

Tertiò si nunc de novo inveniendâ & construendâ esset Logicæ: & aliquis institueret suam Logicam de vocibus: alius de actibus intellectus: utiq. hic multò excellens atq. præstantius suam Logicam institueret. Nā ad actus intellectus reducitur optime, & ipsæ voces, & alia plura: Ineptè autè & peruersè ad voces reduceretur ipsi actus intellectus, & alia quæ considerantur in Logicæ. Hinc de facto dici non debet, Logicæ quæ extat, & præsertim Logicæ Aristoteli, esse de vocibus per se & directè, tanquam deicali aut principalis obiecto. Neque hæc nostra Logicæ asserere hoc modo debet pro suo obiecto voces.

Dico 2. Voces secundariò & reduciuntur pertinent ad Logicæ. Hæc conclusio facile conceditur ab omnibus. Et patet, quia cū obiectum Logicæ sit aliquod intellectuale, voces pertinent proximè ad intellectus, sunt expressivæ conceptuum intellectus. Et præterea participant rectitudinem ac veritatem, quæ primariò conveniunt ipsis actibus intellectus. Nā dicimus, propositiones vocales esse veras, syllogismos vocales esse aptos, definitionem vocalem esse orationem explicatè significativam essentia rei. Imò pleraque quæ Logicæ per se in-

*Consequen-
 ter tamè
 & redu-
 cuntur per-
 tinent ad
 Logicam.*

die docere de internis actibus intellectus: maioris facilitatis & claritatis gratia, proxime docet de ipsis vocibus quæ exterius resonant, ut per illas intelligantur de internis actibus. Vnde dicitur, voces multum iuvant ad directiorem actum intellectus, & sunt suo modo directivæ. Sic ergo consequenter, & per ordinem ad obiectum adequatum, voces considerari debent in Logica, & reduci tanquam affectiones & instrumenta, quædam.

Sic explicatur quòd Logica tractet de vocibus.

Obijcit primò Aureol. ad probandum obiectum Logicæ primariò esse voces. Omnes libri Logicæ inchoantur à vocibus: liber Prædicamentorum ab æquivo- cis & vniuersis; libri de Interpretatione à nomine & verbo & oratione: libri Resolutorij à definitione syllogismi per orationem. Hæ autem sunt tres partes Logicæ, quæ videntur correspondere omnibus actibus intellectus. Ergo tota Logica ædificatur tractat de vocibus, quatenus expressius conceptum intellectus.

Resp. Adest. inchoare à vocibus, tanquam à vicinioribus & clarioribus, ut ab illis transiret ad difficiliora & principaliter intentia. Sic in libro Prædicamentorum brevissimè præmissæ explanatione illa vocum, transit ad res in libris Perier. tractat de nomine, verbo, & oratione, ac deinceps de enunciatione, in ordine ad actus internos apprehensionis & iudicii: in sequentibus libris tractat de syllogismo propter discursum mentis internum. Non ergo Arist. principaliter intendebat tractare de vocibus.

Obijciunt 2. alij. Definitio, divisio, argumentatio, Termini etiam, enunciationes, & alia specialia, quæ Logica tractat, sunt plane voces: Definitio est oratio explicans essentiam rei, & sic de alijs. Si quando autem Logica videtur tractare de rebus, ut in Prædicabilibus & in Tergicamentis: eius munus est, tantum breviter explicare & enarrare omnia: alioquin excederet suos limites. Hoc autem potius debet considerare voces, quam res.

Resp. Definitionem divisionem &c. posse considerari, vel prout consistunt in mente, vel prout consistunt in voce. Et oratio ipsa, vel est mentalis, vel vocalis. Logica ergo per se & principaliter de his tractat, prout consistunt in mente:

consequenter, & velut instrumentaliter, prout consistunt in voce, ut dictum est. Dum autem Logica tractat de rebus in Prædicabilibus, & Prædicamentis: breviter quidem tractat: sed hoc non est tractare per se de vocibus: sed verè est tractare de rebus, sobrie tamen & expedite, quatenus suo muneri convenit: ut res omnes intellectui proponat, ad dirigendam cognitionem.

SECTIO TERTIA.

Vtrum obiectum Logica sit ens rationis siue secundæ intentionis.

Sententia affirmat.

Alia frequens Thomistarum sententia est, obiectum Logicæ esse ens rationis, & non esse aliquod ens reale: ens scilicet rationis quod est tantum obiectivè in mente, & cogitatur ac si reuera esset, cum tamen verè non sit a parte rei. Non tamen omne ens rationis dicitur esse obiectum Logicæ: sed tantum genus quoddam entis rationis, quod appellant ens rationis logicum, & secundam intentionem. Est illud ens rationis, quod fundatur in primo operationis intellectus: & consistit in his denominationibus, seu generibus, speciebus, subiectis, prædicamentis, terminis, enunciationibus, argumentis, alijsque similibus. Et varijs adhuc modis aliqui explicare conati sunt, quodnam ens rationis, & quomodo sit obiectum Logicæ: vel determinando ens rationis pro modis & instrumentis sciendi: vel pro relationibus inter res cognitas ex cogitatione: vel dicendo ens rationis dirigere operationes intellectus, & ut directum considerari: vel dicendo ens rationis se habere materialiter: vel formaliter: & alijs modis.

Hanc autem sententiam absolute affirmantem, ens rationis logicum, siue secundam intentionem, esse obiectum Logicæ, defendunt Sorus qu. 4. Proem. Gratia Dei qu. 2. Prædicab. laudat. tract. 1. Log. cap. 3. Caiet. cap. de Genere Petr. Niger. qu. 12. Clype. Aegid. in p. æst. Eich. alijsque rectiores Thomistæ, Maius Sanc. Petron. in proem & ibi etiam, Paulus Vallius, Item Hericus tract. de

Secund. intention. part. ult. art. 2. Flan-
dr. 4. Met. q. 5. art. 2. Et sumpta est hæc
sententia ex D. Tho. 1. Post. lect. 20. 4.
Met. lect. 4. Opusc. 42. cap. 4. & Opusc.
56. ante medium, & alibi. Allegantur
etiam Alb. mag. in princip. Log. & 1. Met.
tract. 1. circa finem, Auicenn. 1. Met. c. 2.
Auer. in Epitome Log. in princip. & 4.
Met. com. 2. Durand. in 1. dist. 19. q. 6.
num. 11. & alij.

*Conclusio
negans.* Dico 1. Obiectum Logicæ directè &
adæquatè non esse ens rationis, siue se-
cundam intentionem. Hæc conclusio est

*Prima cõ-
clusionis
probatio.* Obiectum Logicæ assignare conati sunt. Et 1.
manifestum est, Logicam non habere pro
obiecto suo adæquatè ens rationis in-
comuni & in tota sua latitudine sumptū.
Nec enim Logica per se cõsiderat omnia
entia rōnis. Et cum ens rōnis diuidatur,
in negationem, priuationem, et relationē:
Logica non per se cõsiderat duo illa
prima generis nec etiam omnes relation-
es rationis. Igitur obiectum Logicæ non
est ens rationis adæquatè sumptum. Et
in hoc omnes conuenire videntur. Pro-
bat etiam, Logicæ obiectum esse non
debere certum aliquod ens rationis: quia
de ente rationis dicitur, non dari verè &
proprie scientia, vt in suo tract. de scientia
videbimus: sed Logica est verè & prop-
rie scientia, vt supponimus: ergo non
habet primariò pro suo obiecto ens ra-
tionis.

*Secunda
probatio.* Secundò idem probatur, & in specie
excludendū ens rationis quod diceba-
tur logicum & secunda intentio. Logi-
ca non est per se instituta ad consideran-
dam essentiam, inquirendas causas &
principia, manifestandas passiones, &
species huiusmodi entis rationis: quin-
imo in omnibus suis libris & tractatibus
agit potius de entibus realibus. In
libris Perier. Prior. & sequentibus per
se agitur de actibus nostris intellectus &
de discursu &c. nec per se querimus en-
tia rationis & secundas intentiones, quæ
funguntur seu resultant per ipsos actus.
In lib. Prædicamentorum per se conside-
rantur, & certis locis disponuntur natu-
ræ reales entium realium, exclusis en-
tibus rationis. In lib. etiam Prædicab.
quamvis tractetur de genere differ. & re-
liquis, quæ videntur entia rationis: ta-

men tractatur de illis, quatenus impor-
tant entia realia, videlicet de natura
reali generis differentia, &c. quæ signi-
ficatur per hæc nomina, vt proprio loco
videbimus.

Tertiò etiam quando Logica videtur
tractare de entibus rationis, reuera
non tam tractat de illis, quàm de veris
entibus realibus: & ea quæ docet verifi-
cantur de entibus realibus, non de en-
tibus rationis. Logica docet, genus præ-
dicari de speciebus, speciem de indiui-
duis, genus generalissimum de subalter-
nis: at non valet vtique prædicare dicen-
do, species est genus, indiuiduum est
species, genus subalternum est genera-
lissimum: sed homo est animal, Petrus
est homo, animal est substantia. Item
Logica docet, prædicatum affirmari
de subiecto: at non valet dicere, subie-
ctum est prædicatum: sed bene, Petrus
est albus, est homo, &c. Logica docet,
in prima figura prædicari maius extre-
mum de medio termino: medium termi-
num de minori extremo, & in conclu-
sione maius extremum de minori: at
vtique dicere nõ valet, medius terminus
est maius extremum, minus extremum
est medius terminus, ergo minus extre-
mum est maius extremum: sed de ipsis
terminis realibus hæc omnia verifican-
tur. Igitur dum Logica loquitur de ge-
nere & specie, prædicato & subiecto,
medio termino & extremis, & sic de
alijs similibus; non intendit tractare de
entibus rationis & secundis intentioni-
bus: sed per se de ipsis rebus, & natu-
ris realibus: vtitur autem illis terminis
secundæ intentionis, ad denotandas ip-
sas res: quoniam sub nomine, verbi gra-
tia prædicati, comprehenditur omnis
res quæ de alia dicitur: & sic in omnibus
alijs. Sicut ergo dicebamus, obiectum
Logicæ non esse voces, quibus res si-
gnificantur: ita dicendum est, obie-
ctum Logicæ non esse secundas inten-
tiones, sub quibus res ipse nominan-
tur.

Quartò omnes fatentur, Logicam
per se intendere rectitudinem actuum
intellectus: ergo fatendum est, Logicam
considerare ipsos actus quatenus dirigi-
biles. At non pōt Logica æquè primò &
per se considerare, & actus intellectus, &
entia

*Tertia
probatio.*

*Quarta
probatio.*

entia rationis. Nec etiam dici potest considerare actus intellectus reductiue & in ordine ad entia rationis: sed omnino si considerat entia rationis, dici debet considerare reductiue & per ordinem ad actus intellectus. Et præsertim hoc manifestum est ex modo loquendi illorum, qui dicunt, Logicam considerare ens rationis, quatenus d. rectum actum intellectus. Ergo non possunt ipsa entia rationis & secundæ intentiones, assignari pro obiecto adequato, nec principali Logicæ. Imo entia rationis modicam partem habent ad directionem actum intellectus, vt in suo tractatu de ente rationis ostendimus: & alia plura, & principaliora, ac longè utiliora media sunt, quibus Logica dirigat operationes nostri intellectus: ergo neque sub ista ratione, neque sub alia, ens rationis est proprium obiectum Logicæ.

*Quinta
Probatio.*

Quintò ita se habent: in Logica, hi termini secundarii intentionum, genus, species, prædicatum, subiectum, & c. sicut se habent in Grammatica, aduerbium, participium, actiuium, passiuum, & c. Et in Rhetorica, tropus, figura, exordium, & c. Et in Physica, dexterum, sinistrum, visum, auditum, & c. Vnde sicut vocantur entia rationis logica: ita etiam vocantur entia rationis grammatica, rhetorica, physica. Sed certe obiectum in his facultatibus, non assignatur ens rationis grammaticum, & c. Sed loquutio quæ dirigitur, & obiectum reale quod consideratur. Non ergo obiectum Logicæ debet assignari ens rationis logicum: sed aliud magis aptum, & adequatum. Et alioqui, si Logica per se multitudo esset de ente rationis logico, ita debuissent alie scientiæ institui de alijs generibus entis rationis, & quamplurimæ huiusmodi scientiæ multiplicari debebant. Alia plura argumenta possent addi, quæ facili ex dictis, & ex dicendis, non solum in hac questione, sed in alijs sequentibus tractatibus, manifestè colligi possunt. Et omnino hæc nostra Logica a nobis instituenda non est adequatè aut principaliter, de ente rationis, & secundis intentionibus, sed de alio obiecto multò magis conuenienti & accommodato.

*Indirectè
& reductiue
entis
rationis*

Dico 1. Pertinet etiam ad Logicam indirectè & reductiue agere de entibus rationis & secundis intentionibus. Hanc

conclusionem fortasse intendere voluerunt aliqui ex Auctoribus pro affirmatiua sententia allegatis: Et præsertim S. Tho. 1. Post. lect. 20. clarè hoc indicauit. Sic enim ait: *Quia circa omnia quæ sunt, habet negotiari ratio, Logica autem est de operationibus rationis: Logica etiam est de his quæ communia sunt omnibus, id est de intentionibus rationis, quæ ad omnes res se habet.* Vbi planè docet S. Tho. Logicam agere de intentionibus rationis, per ordinem & reductionem ad operationes rationis, de quibus principaliter agit.

Probatur conclusio ratione: quia entia rationis efficiuntur per actus in intellectu, secundæ intentiones consequuntur ad ipsos actus intellectus. Vnde Logica terminis secundarum intentionum ad denotandas res quas intendit. Hinc etiam iuant aliquo modo ad directionem nostræ cognitionis: & in vniuersum magnam affinitatem habent entia rationis, & maiorem secundæ intentiones, cum operationibus intellectus, & cum rebus cognitis: conuenienter ergo in Logica considerari debent, indirectè tamen & reductiue. Vnde hoc modo suam peculiari tractationem de ente rationis loco commodo instituitur.

Arist. explicatur.

Obijciunt 1. Thomistæ. Arist. 4. Met. tex. 5. ait, Dialecticam versari circa omne ens, sicut Metaph. ad hoc non potest aliter intelligi, nisi quod Metaphysica tractat de ente reali, Logica de ente rationis.

Resp. Imo Arist. expressè docet, Dialecticam versari circa idem obiectum, & circa idem ens, cum Metaphysica, & differre solum modo potestatis: quia Philosophia cerò demonstrat, Dialecticam probabiliter differre. Itaque sumpsit ibi Arist. Dialecticam pro parte topica, quantum ad vsum: quia de omnibus rebus per vsum Dialecticæ probabiliter disputamus.

Obijciunt 2. Vniuersa penè Logica tractat de entibus rationis: Prædicabilia, genus, species, & c. sunt entia rationis: Pædicamenta, genera generalissima, subalterna, & c. sunt entia rationis: Termini, enunciationes, syllogismi, figure, & modi, & c. sunt entia rationis: Definitio, diuissio, argumentatio, sunt entia rationis. Er-

*Quomodo
Logica
tractet de
entibus
rationis.*

go obiectum adæquatum Logicæ est ens rationis.

Resp. In suis locis agendum esse, quomodo hæc sint entia realia vel rationis. Nunc certum sit, Logicam per se non tractare de ijs prout dicuntur entia rationis: sed prout dicuntur entia realia, naturas reales rerum, actus reales intellectus, conceptus reales mentis: ut supra dictum est. Et videtur ijs terminis secundarum intentionum, ad significandas veras res. Imo plerumque illi termini sunt potius nomina rerum; quam entium rationis: enunciatio dicit iudicium intellectus, syllogismus dicitur iudicium intellectus, ut supra dictum est.

Quomodo de ente rationis dicitur scititia.

Obijcies 3. Ens rationis est quoddam scibile: ergo de illo debuit dari aliqua scientia: quæ utique non est nisi Logica, quæ & rationalis scientia appellatur.

Resp. Hoc argumentum probaret, ens rationis in tota latitudine esse obiectum Logicæ. Dicendum ergo, ens rationis non esse obiectum per se scibile, id est per se dignum de quo aliqua peculiaris scientia instrui debuerit. Sed per reductionem, posse spectare ad alias scientias: & hoc modo spectare ad Logicam, ut dicebamus. Logica autem appellata est scientia rationalis, non ab ente rationis distincto ab ente reali, sed ab actibus rationis quos dirigere curat.

SECTIO QVARTA. Vtrum Obiectum Logicæ sit modus sciendi, siue instrumenta rectè cognoscendi.

Sententia affirmata.

Alia rursus sententia est, quæ modum sciendi, siue instrumenta rectè cognoscendi, scilicet directiva nostræ cognitionis, & operationum nostri intellectus, assignat pro adæquato & legitimo obiecto. Diversi tamen Auctores varijs modis intellexerunt hunc modum sciendi, quem obiectum Logicæ designarunt. Aliqui acceperunt strictissime pro sola demonstratione, quæ est instrumentum productivum scientiæ propriissime dicte, prout sumitur ab Aristotele in lib. Post. Ita sentire videntur Ammon. & Simplic. initio Prædic. Alex. & Philop. initio Prior. Et quidam alij veteres Peripatetici: & ex

recentioribus sequitur Hurtad. disp. 7. sect. 7. Aliqui assignarunt modum sciendi aliquanto latius pro syllogismo. Ita Scot. q. 3. Prædicab. & plerique Scotistæ. Aliqui adhuc latius pro argumentatione. Ita Albert. tract. 1. Prædicab. cap. 4. Iauell. tract. 1. cap. 3. & quidam alij. Aliqui ex parte latius & ex parte pressius assignarunt modum sciendi completentem definitionem & demonstrationem, & hoc obiectum Arabes præcipue assignasse putantur. Alij denique qui latissime modum sciendi sumpserunt, opinati sunt, modum sciendi completentem tria instrumenta cognoscendi, siue directiva operationum intellectus, nempe definitionem, divisionem, & argumentationem, esse adæquatum & totale obiectum Logicæ. Ita Fons. 2. Met. cap. 3. q. 1. sect. 5. Conimbr. qu. 2. Proem. Log. Ruvius qu. 6. Mercado qu. 1. Prædicab. Anton. Bernard. Miran. J. initio suæ Log. Tatar. in Titulum summul. Petri Hispani art. 3. Scot. 1. Prior q. 3. & alij Referunt tamen nonnulli qui solum dixerunt, Logicam tradere vel considerare modum sciendi: non verò loquuti sunt in rigore de obiecto, ut nunc quærimus.

Rursus aliqui distinxerunt, de Logica in se prout adæquate institui potest, & de Logica Arist. quæ nunc extat & quam nos habemus. Atque dixerunt, obiectum Logicæ, prout in se ipsa tradi & institui potest, esse modum sciendi sic ample sumptum: obiectum autem Logicæ quam ex Arist. habemus, esse solum demonstrationem, aut syllogismum, aut argumentationem: quia supponunt etiam lib. Prædicab. & Perier. fuisse ab Arist. institutos propter demonstrationem, aut syllogismum, aut argumentationem. Et in Prædicab. tractari de terminis simplicibus, quæ est materia remota, in lib. Perier. de enunciationibus, quæ est materia proxima syllogismi. Ita Fons. sect. 4. Conimbr. concl. 3. Tolet. etiam q. 5. concl. 6. Ita, etiam rem explicavit Scot. 1. Prior. q. 2. & alij plures ita opinati sunt.

Dico primò Obiectum adæquatum Logicæ non esse modum sciendi pressè sumptum pro aliquo peculiari instrumento rectè cognoscendi. Probatur 1. quia non solum vnum aliquod, vel certa quædam

Sententia distinguenda de Logica in se & apud Arist.

Obiectum adæquatum Logicæ non est certum aliquis

*modus,
seu con-
stitutum in-
strumen-
tum scien-
di.*

dam instrumenta directiua cognitionis : sed omnia adequatè possunt considerari, & per artem constitui : Omnis etiam nostra cognitio potest dirigi, & instrumentis iuari : ergo de omnibus debet dari ars & scientia. Sed non sunt distinguendæ plures artes totales, plures Logicae, sed vna sufficit, si omnia complectatur : ergo obiectum adequatum Logicae, non est modus sciendi ita sumptus, vt non instrumenta omnia complectatur. Sic certè non solum demonstratio, sed omnis syllogismus, & argumentatio non solum argumentatio, sed etiam definitio, & diuisio, & si quod aliud extet instrumentum, debet per Logicam considerari & pertractari. Et non solum ad discurrendum : sed per se etiam ad alios cognitionis actus extendi debebat directio & usus instrumentorum Logicae.

*Etiam in
Logica
Arist.*

Secundò hoc non solum verum est de Logica in se : sed etiam de Logica Arist. quæ extat, licet non omni ex parte completa sit. Arist. per se non solum agere voluit de demonstratione ; sed etiam de syllogismo & argumentatione in communi, & omnibus speciebus eius. Dixit quidem initio Prior. suum intentum esse, agere de demonstratione & scientia demonstratiua : tamen id ad summum dixit de libris Analyticis. At certè in Topic. & Elench. per se agit de alijs speciebus syllogismi : & in lib. resolutorijs, licet principaliter respexerit ad demonstrationem, tamen in lib. Prior. adequatè agit de omni syllogismo & argumentatione quæcumque ad formam. Item non solum per se agere voluit de Argumentatione. Sed in lib. Perier. per se agit de nomine, & verbo, oratione, & enunciatione. Et non tam in ordine ad demonstrationem, quam propter se. Nam initio quidem Prior. Arist. explicat quid sit Terminus, quid & quodplex sit Propositionio, per ordinem ad ipsum syllogismum : & promittit deinceps se tractaturum magis de ipsis propositionibus propter syllogismum : quod & fideliter obseruauit. In lib. ergo Perier. non tam agit de enunciatione & alijs propter syllogismum, quam propter se. Ideo etiam prius vocauit, enunciationem, postea Propositionem : quia nomen propositionis præcipue dicit or-

dinem ad syllogismum, seu conclusionem ; nomen enunciationis est absolutum in se. De prædicamentis demum non agit per se & principaliter propter syllogismum : sed vel propter simplicem apprehensionem quæ est prima operatio intellectus, vt plurimi arbitrantur : vel propter communem directionem totius cognitionis intellectiue, & omnium actuum eius, vt nos putamus. Quamuis ergo termini simplices & propositiones concurrant etiam ad syllogismum & discursum tamen non solum secundum hunc ordinem ; sed etiam absolute secundum se, & propter antecedentes operationes intellectus, considerantur in Logica. Sicut in Physica, licet elementa concurrant ad constituendum mixtum ; tamen Physica non agit per se solum de mixtis, neque corpus mixtum est adequatum obiectum eius : sed per se etiam agit de elementis : & corpus commune mixtis & elementis est obiectum Physicæ.

Verum est, non extare in Logica Aristot. peculiare libros & tractatus de definitione & diuisione, quæ sunt alia duo instrumenta assignari consueverunt. Et ideo dicimus, Aristot. Logicam quæ extat, non esse omni ex parte completam. Et licet in 1. lib. Post. Aristot. late de definitione loquatur, potius loquitur in ordine ad demonstrationem, quam propter se. Ideo Postec. libr. primo Inst. cap. quinto, & alij dicunt, Aristot. solum de arte syllogistica fuisse sollicitum, quam dicit a se fuisse inuentam : de arte autem definiendi & diuidendi, non multum curasse ; quia iam ante, artem definiendi Socrates tradiderat, & diuidendi Plato. Verisimile tamen est, Aristot. etiam de definitione & diuisione scripsisse, vt colligitur ex narratione Laertij. Hinc autem inferitur, Logicæ Arist. quæ nunc extat, non posse pro obiecto adequato assignari modum sciendi communem definitioni, diuisioni, & argumentationi. Probatur etiam, non solum artem argumentationem esse obiectum. Aliter ergo assignandum erit obiectum Logicae, ita vocat Aristot. sicut ipsius Logicae in se : vt nos postea assignabimus.

Licet Logica Aristot. non sit omni ex parte completa.

*Nec etiã
modus
sciendi am-
plè sum-
ptus pro
omnibus
instrumen-
tis, est ob-
iectum.*

Dico 2. Nec etiam obiectum adequatum Logicæ esse modum sciendi amplè sumptum, prout completètur omnia instrumenta directiua cognitionis. Probatèr conclusio 1. Modus sciendi amplè & adequatè ab aduersarijs sumitur, pro tribus illis instrumentis, Definitione, Diuisione, Argumentatione: sed certè tota Logica non tractat solum de his tribus instrumentis. Nam in lib. Prædicam. & Perier. non de his agit: sed per se doctrinam horum librorum confert ad directionem nostræ cognitionis, præciso ordine ad illa instrumenta. Et aliqui ex ipsis aduersarijs supponunt, illos libros esse per se institutos ad directionem primæ & secundæ operationis intellectus. Præterea suo loco ostendimus, dum agemus de ipsis instrumentis, non esse tantum illa tria instrumenta: igitur non est obiectum Logicæ adequatè modus sciendi illo pacto sumptus. Nec etiam placet modus loquendi, dum dicitur modus sciendi: quia scire propriè & maxime hic in Logica, significat scientiam in rigore dictam, quæ igitur per demonstrationem. Vnde minus benè extenditur ad omnem cognitionem, vt modus sciendi ita amplè sumatur.

*Quia in-
strumen-
ta ordi-
nântur ad
operatio-
nes.*

Secundò vterius Instrumenta planè ordiuntur ad directionem operationum, quarum sunt instrumenta. Non enim æquè primò se habent: neque operationes ordinantur ad instrumenta: ergo omnino instrumenta ad operationes. Et Logica considerat, non solum instrumenta, sed etiam ipsas operationes dirigibiles, quibus applicat instrumenta. Debet enim considerare discursum, vt rectè procedat iudicium, vt sit verum & conforme rebus: Apprehensionem, vt sit clara & idonea. Debet considerare hos actus, vt rectè eliciantur. Arist. & alij omnes considerant, non solum demonstrationem, sed ipsam scientiam; & demonstrationem propter scientiam: & eadem ratio est de alijs actibus & instrumentis. Itaque Logica, instrumenta considerat in ordine ad ipsos actus, & propter actus. Verbi gratia, non considerat scientiam propter demonstrationem, sed omnino demonstrationem propter scientiam: & sic de alijs. Sed obiectum adequatum scientiæ est illud

ad quod reducitur, & in ordine ad quod considerantur, omnia quæ in eadem scientia continentur: ipsum verò non ordinatur ad aliud in eadem scientia consideratum. Ergo non modus sciendi, & instrumenta directiua, sed cognitio ipsa, & operationes intellectus, debent in obiectum adequatum Logicæ assignari.

Tertiò in alijs scientijs practicis, & artibus, obiecta non sunt instrumenta quibus diriguntur & perficiuntur operationes artium, sed sunt ipsæ operationes. Obiectum artis scribendi, non est calamus, sed scriptio, seu scriptura. Obiectum artis lignariæ, non sunt instrumenta quibus vitur, sed opera artificiosa quæ conficit. Obiectum Medicinæ, non sunt pharmaca & remedia, sed animal sanabile. Et sic in alijs huiusmodi facultatibus. Et ratio est vniuersalis: quia instrumenta ordinantur & reducuntur ad opera propter quæ assumuntur. Reducuntur autem, non tamquam partes, aut passiones, sed tamquam principia quædam & causæ instrumentales, seu tamquam media ad finem. Similiter ergo obiectum Logicæ non debent assignari instrumenta directiua, sed potius operationes quæ diriguntur.

Quartò vt hæc res penitus innoteat: instrumenta logica pluribus modis accipi possunt, vt proprio loco tractabimus. Et in aliquo sensu sunt aliquid reuera distinctum ab ipsis actibus intellectus, & ab ipsa Logica, quæ instrumenta tradit, & actus dirigit. In aliquo sensu sunt ipsæmet noticiæ directiua quam habemus de actibus dirigendis, quæ noticiæ formaliter est ipsa Logica. Sic instrumenta non distinguuntur à Logica: nam & ipsa Logica dicitur modus sciendi, instrumentum scientiarum, vt sæpe dictum est. In aliquo demum sensu instrumenta sunt ipsimet actus intellectus obiectiue considerati, cum regulis & præceptis suæ directionis: quo pacto se habent idealiter ad singulas operationes in actu ultimo dirigendas. Instrumenta ergo primo modo sumpta, non possunt esse obiectum adequatum & principale, quia planè reducuntur ad aliud. Secundo modo sumpta, non sunt obiectum Logicæ, sed sunt ipsa

*Et in alijs
artibus:
opera non
instrumenta
operũ
sunt ob-
iecta.*

*Instrumenta
logica
pluribus
modis ac-
cipiuntur.*

ipsa Logica. Tertio modo perinde est dicere, instrumenta, atque operationes ipsas esse obiectum. Nam instrumenta, sic sumpta, sunt operationes ipsae idæaliter conceptæ, dum Logica docet qualiter operationes dirigendæ sint, & tradit regulas ac præcepta directionis. Huius enim doctrinæ obiectum planè sunt ipsæ operationes cum suis regulis & præceptis. Præstat tamen dicere, operationes ipsas dirigibiles, siue cognitionem dirigibilem, esse obiectum. Quoniam ipsa doctrina Logicæ hoc modo traditur, quomodo discursus rectè confici debeat, & sic de omnibus alijs actibus. Et hoc modo obiectum omnis scienciæ practicæ assignatur quatenus operabile. Plura dicemus sect. sequenti.

Ad operationes re-ducitur.

Postremo ex his patet, instrumenta, sumpta quatenus distincta, licet non sint directè & principaliter obiectum: tamen maxima ratione ad Logicam pertinere, & considerari debere, per reductionem ad illud quod est directè & adequatè obiectum.

Quomodo Arist. vocauerit Logicam modum sciendi.

Obijci solet primò ad probandum, modum sciendi, siue instrumenta, esse obiectum. Arist. 2. Met. 15. vocatur Logicam, modum sciendi: ergo supponebat modum sciendi esse obiectum Logicæ.

Resp. Negari potest antecedens: quia Arist. non dixit Logicam esse modum sciendi: sed bene potest intelligi, Logicam tradere modum sciendi. Deinde negatur consequentia. Nam inde potius debebat inferri, instrumenta esse ipsam Logicam, non verò esse obiectum Logicæ. Ad mentem ergo Arist. satis est, per Logicam haberi modum sciendi, & instrumenta rectè cognoscendi.

Quomodo eandem artem tractet instrumentum & opus.

Obijcitur 2. Obiecta quarundam artium sunt instrumenta quæ ad aliud ordinantur; non autem opera ad quæ instrumenta ordinantur. Obiectum artis ferrariæ est ferra, malleus, &c. non autem scampum, vel statua. Obiectum artis fransichuæ est frenum, non autem equus regendus per frenum. Et sic in alijs. Ergo similiter in Logica obiectum sunt instrumenta, non operationes.

Resp. Arist. 1. Ethic. cap. 1. & 1. Politic. cap. 5. meminit quarundam artium, quas vocat ministras aliarum, quæ scilicet cōficiunt & præbent instrumenta quibus il-

læ vrantur. Quod est quoddam genus subordinationis & subalternationis. Itaque interdum distinctæ artes sunt, vna, quæ conficit instrumentum, alia quæ per tale instrumentum efficit aliud opus intentum. Interdum vna eademque ars totalis est, quæ conficit sua instrumenta & opera per instrumenta. Quando res primo modo se habet; tunc illa ars quæ conficit instrumentum, habet pro obiecto suo instrumentum, non autem aliud opus. Et ratio est quia talis ars intra se sinit in consideratione & constructione instrumenti, nec transit ad aliud considerandum. Vnde ipsum instrumentum est, ad quod reducuntur omnia quæ in tali arte continentur, & ipsum non reducitur ad aliquid aliud intra eandem artem contentum, & se habet tanquam vltimum opus in tali arte, & ad ipsum deferuntur alia instrumenta in eadem arte. Hoc modo se habent exempla illa allata. Quando autem eadem ars conficit instrumentum & opus: tunc vtrique non habet pro obiecto suo principali aut adequato, instrumentum vel opus. Quod sanè est euidentius. Hoc modo se habet Logica. Nam non solum conficit instrumenta sciendi, quasi vltimi arti tradat, quæ ijs vtens dirigat operationes intellectuales: nec darat alia ars seu Logica, quæ vltius dirigat operationes. Sed ipsa Logica per sua instrumenta perficit ac dirigat ipsas operationes. Ergo ex hoc ipso argumento probatur, non instrumenta ab operationibus distincta, sed potius operationes, debere per se ac directè in obiectum Logicæ assignari.

SECTIO QVINTA. Vtrum cognitio intellectiua quatenus dirigibilis, completens tres operationes nostri intellectus sit verè obiectum Logica.

T Andem videntes aliqui, non rectè posse quicquam quod ad operationes intellectus reducatur, adequatè vel principaliter assignari obiectum: in ipsismet operationibus esse directè & adequatè rationem hanc obiecti constituendam: adhuc minùs rectè opinati sunt, dicentes, nō omnes tres operationes nostri

Sententia assignas, aliquam, vel aliquas, vel omnes operationes intellectus.

stri intellectus; sed vel tantum discursum esse adequatum obiectum Logicæ; vel duas scilicet iudicium & discursum, prætermissa apprehensione; vel alias duas scilicet apprehensionem & discursum, prætermisso iudicio: putantes non omnes directè & per se; sed aliquas reduci ad tantum considerari. Plures sunt qui omnes tres, operationes assignant pro obiecto adequato Logicæ. Et hæc sententia satis frequens est inter recentiores. Ad constituendum verò obiectum formale, idest rationem secundum quam operationes considerantur in Logica: Aliqui dicunt considerari operationes quatenus directas: Aliqui quatenus dirigendas: Aliqui quatenus dirigibiles.

¶ Dico primò. Obiectum proprium & adequatum Logicæ esse cognitionem intellectivam, complectentem tres actus & operationes nostri intellectus, Apprehensionem, iudicium, & Discursum. Hæc conclusio quantum ad rem pures & graues habet Auctores, quibus innititur. D. Thom. in princ. Perier. & Post. illam aperit docuisse videtur, dicens Logicam per se & ex intento suo variari circa cognitionem, circa actus nostri intellectus. Caietanus in Antepred. in princ. ait, Logicam nihil aliud esse quam artem actuum rationis directivam, ordinari ad rationis opus vt proprium finem, eius intentionem primariam esse reddere operationes rationis rectas, & ex tribus operationibus distingui partes Logicæ. Similiter loquutus est Aegid. 1. Post. tex. 27. com. 3. Item Auerr. in princ. Epit. in Logic. ait: hanc artem esse, quæ tradit dispositiones & regulas, quibus dirigatur intellectus ad has duas notitias, hoc est ad formationem & verificationem. Per formationem intelligit simplicem apprehensionem, & per verificationem iudicium & discursum. Idem perspicue indicant alij Arabes. Algazel. in sua Logic. cap. 1. & 2. præmittit, Logicæ intentum esse dirigere actus intellectus, quos ipse vocat Imaginationem & Credulitatem; & explicat esse apprehensionem, & iudicium, enunciativum, ac discursivum. Similia habet Alpharab. in it. iux Log. & Aui-cenna section. 1. & 2. Insuper Aubert.

tract. 1. Predicab. cap. 1. & sequentibus. Ocham. in proem suæ Log. Accedunt Suar. disp. 39. Met. & disp. 54. in princ. Et ex parte Tolet. lib. 1. Introduct. cap. 2. & quæst. 5. proemiali, Mafius etiam sect. 1. q. 13. proem. conclus. 4. & alij plurimi.

Ex dictis autem satis probata manet hæc conclusio. Sed præterea confirmatur magis. Primò, ad directionem earum operationum humanarum, in quibus errare possumus, instituta sunt scientiæ & artes, quibus ea dirigantur. Harum artium obiecta non possunt melius assignari, quam ipsæ operationes vel opera artis. Obiectum artis saltandi est saltus: Canendi est cantus: Pingendi pictura: Aedificandi ædificium: Ars militaris est circa actiones bellicas, Aristot. 1. Moral. Eudem. cap. 5. & sic de alijs. Inter omnes verò operationes humanas, excellunt operationes intellectus, & voluntatis, quæ sunt omnium præstantissimæ: & in ijs maxime corrigendi sunt errores, qui contingere possunt: in actibus voluntatis prauitas & malitia: in actibus intellectus falsitas & inrectitudo. Iam verò instituta est peculiaris scientia ad dirigendos actus voluntatis, quæ est scientia moralis. Similiter alia instituta est ad dirigendos actus rationis, operationes intellectus: hæc est scientia rationalis, quæ est Logica.

Differunt ramen scientia moralis & rationalis, in his actibus considerandis & dirigendis: quia scientia moralis non fuit in ipsis actibus voluntatis: sed quoniam actus boni ordinantur ad ultimam hominis felicitatem, hanc felicitatem scientia moralis principaliter considerat. Sic Aristot. in ingressu scientiæ moralis toto ferè 1. Ethicor. agit de humana felicitate, & cap. 13. inquit: *Quoniam felicitas anima per virtutem perfectam operatio quadam est: de virtute considerandum videtur. hoc enim modo sortasse efficietur, ut melius de felicitate etiam contemplerur.* Hinc ergo obiectum scientiæ moralis potius assignatur ipsa felicitas quatenus humanis actibus atsequenda, ieu homo quatenus suis actibus beatitudinem atsequi potest.

At

Hoc modo obiectum aliarum artium assignantur.

Cognitio intellectiva complectens tres operationes, est verum obiectum Logicæ.

In quo differat obiectum Logicæ ab obiecto scientiæ moralis.

A: scientia rationalis sistit in ipsis actibus intellectus, ut illos dirigat, ac rectos efficiat: non eos ulterius ordinans ad alium finem intra eandem scientiam considerandum. Non aliud ergo Logicæ obiectum assignandum est, quam cognitio intellectiva in illos tres actus distribuenda.

Secundò huiusmodi cognitio intellectiva habet in Logica omnes conditiones ad obiectum scientiæ requisitas. Est enim quod per se consideratur & intenditur in Logica, ad quod reducuntur omnia alia quæ considerantur in Logica, & quod non ordinatur ad quicquam ulterius in ipsa Logica considerandum: ergo verè est adequatum obiectum Logicæ. Item habet partes, principia, & passionem. Nam cognitio in communi dividitur in tres actus, singuli etiam ex his actibus in alias partes & species dimiduntur: ut suis locis constabit. Similiter dantur principia, ex quibus Logica demonstrat ea quæ conveniunt directioni ipsius cognitionis, & singulorum actuum, & ex quibus ipsi actus accipiunt suam rectitudinem ac directionem. Dantur etiam passionem & attributa, quæ de ipsa cognitionis actibus, & alijs rebus ad eas pertinentibus, demonstrantur. Et hæc omnia considerantur à Logica in ordine ad directionem & rectitudinem ipsius cognitionis. Ergo hoc modo assignabitur optime obiectum Logicæ.

Tertiò comparando hunc modum assignandi obiectum Logicæ cum alijs omnibus antea examinatis; hic perspicue apparet omnium optimus, & omnibus preferendus. Nam ad obiectum hoc modo assignatum, planè reducuntur omnia alia quæ ab alijs assignabantur. Ad cognitionem intellectivam reducuntur res omnes, tanquam materia circa quam versatur voces, tanquam signa quibus exprimitur: entia rationis & secundæ intentiones, tanquam effectus qui consequuntur: instrumenta tanquam media quibus dirigetur: & omnia demum tanquam iuvantia, prout per artem logicam disponuntur, ad efficien-

dam cognitionem rectam atque perfectam. quod est totum intantum Logicæ.

Quartò per assignationem huius obiecti poterit optimo ordine Logica tota disponi: primo loco proponendo ipsum obiectum, ipsam cognitionem: consequenter apponendo alia omnia quæ enumerata sunt, prout ad ipsam cognitionem suo ordine reducuntur. Rursus considerando singulos actus nostræ cognitionis in specie, & quæ ad singulorum directionem pertinent adducendo. Sic nihil eorum quæ ad Logicam pertinent omittetur, nihil extra suum locum & ordinem collocabitur: sed omnia suis quæque locis commodissimè disponuntur. Quod etiam ad maiorem facilitatem & claritatem non modicè utilitate conferet. Vnde si nunc denuo Logica instituenda, & quæ ordine disponenda sit & alijs varijs modis instituant, ordinent, & disponant iuxta alios modos, quibus Logicæ assignabatur obiectum: nobis magis placet, hoc modo instituere, & ordinare, quem iuxta hanc assignationem obiecti excogitavimus, & optimum iudicamus. Itaque in obiectum huius nostræ Logicæ cognitionem intellectivam directè & adequatè nobis placet assumere.

Quintò omnes tres illæ operationes intellectus debent per se & directè ad obiectum Logicæ pertinere. Nam licet prima conferat ad secundam, & utraque ad tertiam: tamen singulæ per se habent suam rectitudinem, & sunt capaces directionis, habentque suas regulas, suamque doctrinam. Non tamen æqualiter, sed una magis quam alia capax est & indiget directionis. Hinc fit, ut omnes quidem per se & directè considerandæ sint, una tamen magis principaliter quam alia. Vnde inter huiusmodi obiecta partialia, erit aliquod magis principale assignandum: ut infra præstabitur.

Sextò demum alij Auctores qui quantum ad rem in hoc eodem obiecto conveniunt, solent per modum plurimum assignare tres operationes intellectus, tres actus rationis, aliove simili loquendi modo. Verùm multò melius & commodius iud-

Per hoc obiectum Logica optime ordinabitur.

Omnes tres operationes directè pertinent ad obiectum.

Optimè assignatur cognitio adiectiva.

Ad hoc obiectum alia omnia in Logica reducuntur.

iudicamus, per modum vnius, & sub vno nom ne, assignare cognitionem intellectuum. Plurè què rationes ad hoc nos inducunt. Tum quia obiectum vnius scientiæ, debet tanquam vnum, & vno genere nominari. Tum etiam nomen cognitionis est magis proprium pro re quam inrendimus, quam commune nomen operationis. Tum praterea intellectus noster habet plures alias operationes præter illas, apprehensionem, iudicium, & discursum; quæ alia operationes non indigent directione logica; & non se habent per modum cognitionis, sicut illæ tres. Optimè ergo assignabitur cognitio intellectiva, quæ adæquatè in illos tres actus distribuitur. Tum demum & præcipuè: quia non solum agere intendimus de singulis illis operationibus solutè & singillatim: sed prius agere cogitamus de ipsa cognitione in communi, & de alijs quæ ad illam pertinent in communi: & hæc maior pars Logica erit. Obiectum ergo Logica: cognitionem intellectivam simpliciter assignamus.

Dico 2. Obiectum formale, seu ratio formalis, secundum quam Logica considerat nostram cognitionem, commodè assignari potest, dirigibilitas: itaq. obiectum Logica:, coniungendo partem materialem & formalem, est cognitio intellectiva quatenus dirigibilis. Explicatur & probatur conclusio. Logica non considerat cognitionem quatenus obiectum quoddam ipeculabile est, vt contempletur naturam & rationem eius: sic enim cognitio consideratur à Philosopho naturali in parte de Anima. Omnino ergo considerat in ordine ad exercitium operandi. Neque verò considerat absolutè vt operabile quid est: non enim tradit regulas simpliciter operandi per intellectum, siue bonè, siue malè: quod non esset necessarium, nec vile. Omnino ergo considerat in ordine ad rectum exercitium operandi siue ad rectitudinem convenientem ipsi cognitioni. Rursus non considerat cognitionem quatenus directam, idest quatenus habentem iam suam formam & perfectionem rectitudinis: quasi suppones cognitionem esse rectam & perfectam. Nam Logica ipsa debet rectificare cognitionem, & insutura est ad hoc vt faciat cognitionem esse rectam.

Non ergo supponit cognitionem esse rectam: neque habet considerare cognitionem vt iam rectam. Similiter non considerat cognitionem quatenus dirigendā, idest quatenus futurum est quòd dirigatur. Tum quia vt sic etiam supponeret id esse futurum: at Logica non habet id supponere, sed efficere. Tum quia etiam si nunquam futurum esset, quòd aliquis deinceps exerceret cognitionem rectam: adhuc posset consistere ipsa Logica, in quòdum est de se apta dirigere. Sicut etiā si quis nunquam exercere vellet opera alicuius artis, posset optimè possidere artem.

Logica ergo dici debet considerare cognitionem quatenus dirigibilem, idest quatenus capaceam directionis, seu rectitudinis, quatenus bonè & rectè effici potest. Suppones ergo Logica, cognitionem esse verè in sua natura dirigibilem, considerat quo pacto dirigi debeat, docet & fatagit illam dirigere. Itaque eandem ipsam dirigibilitatè non habet considerare speculativo modo: sed practico modo, tradendo regulas & præcepta directionis. Quod est considerare obiectum operabile modo operabili seu operatio, scilicet per modum artis operativæ, siue est considerare opus dirigibile modo dirigibili, seu dicitur melius directivo, idest per modum artis directivæ. Hoc eodem loquendi modo solent obiecta aliarum artium explicari: dicuntur enim esse res operabiles quatenus operabiles, consideratq. modo operabili seu operatio: non verò dicuntur esse res operatæ, aut operandæ. Non opera facta aut faciendæ: sed opera quæ fieri possunt. Et quidem rectè. Nam facultas practica dicitur quæ est operatio, seu directiva: illi ergo optimè correspondet obiectum operabile, seu dirigibile.

Aliqui verò ulterius addere voluerunt, cognitionem considerari, non solum quatenus potest dirigi, quatenus capax est rectitudinis: sed etiam quatenus debet dirigi, quatenus exigit rectitudinem. Et in hoc sensu dicunt, obiectum esse cognitionem dirigendam: non per modum futuri quæ dirigetur: sed per modum debiti, quæ debet dirigi. Sed nihilominus præstat appellare operationem dirigibilem. Tum quia dicere operationem dirigendam,

Nec ut dirigendam.

Sed ut dirigibilem.

Dirigibilitas cognitionis est ratio formalis obiecti.

Logica non considerat cognitionem ut speculabilem.

Nec absolutè ut operabilem.

Nec ut directam.

Sine ut debet dirigi & exigit rectitudinem.

dam , est modus loquendi ambiguus . Tum quia potest commodè in abstracto hæc ratio formalis nominari dirigibilitas . Tum quia dicendo cognitionem dirigibilem , etiam intelligitur quæ debet dirigi , quæ exigit rectitudinem : quoniam hoc debitum & exigentia , non dicit aliud vltra capacitatem , nisi quod forma sit perfectio rei , & satis clarum est directionem ac rectitudinem esse perfectionem cognitionis . Tum etiam sic in alijs , quæ dicunt eodem modo capacitatem per modum debiti & exigentia , similis loquendi modus seruatur . Dicimus verum esse intelligibile , bonum esse amabile , materiam esse susceptiuam formæ , formam esse informatiuam materię , & sic in alijs passim . Tum demum in alijs sciencijs practicis obiectum sufficienter nominatur operabile , dirigibile .

Comparatur obiecta partialia & partes Logicæ .

Dico tandem tertio , Inter omnes partes obiecti Logicæ , idest inter omnia obiecta partialia , magis principalem esse secundam operationem quam primam , & tertiã quã secundam : & obiectum partiale principale esse scientiam . Explicatur & probatur conclusio , quia secunda operatio habet magis determinatam rationem cognitionis , & capax est , & indiget maiori directione , quã prima : vt ex proprijs tractatibus est manifestum . Illi autem qui volunt , totum tractatum prædicabili & prædicamentorij , esse peculiariter institutum ad directionem primæ operationis , maiorem sanè industriam & diligentiam attribuunt primæ quã secundæ . Sed nos totum illum tractatum instituendum putamus adæquare ad directionem totius cognitionis . Deinde tertia operatio valde magis capax est , & indiget maiori directione , vt satis est manifestum . Vnde aliqui illam solum , vel syllogismum , aut demonstrationem , pro obiecto adæquato assignantur . Perfectissimus autem discursus est scientia , quæ per demonstrationem habetur , Scientia ergo est absolute obiectum partiale principale . Dico scientiam , non autem demonstrationem : quoniam per se & principaliter consideratur & intenditur ipsa scientia , & propter scientiam assumitur demonstratio . Et iterum de hoc in proprio tractatu dicemus .

Scientia est obiectum principale .

Sed contra principalem resolutionem Obijcies primò . Aristot. in sua Logica nihil minus quàm de nostra cognitione & operationibus nostri intellectus tractare videtur . Alij etiam Doctores de hac retractare non solent . Ergo non bene obiectum Logicæ assignatur cognitio intellectiua cum tribus operationibus : nisi hæc noua inuentio Logicæ esse dicatur .

Quomodo Aristot. in sua Logica agerit de cognitione & singulis operationibus intellectus .

Respondetur , Logicam Ar. valde mancam & diminutam ad nos peruenisse , vt in Præfatione notauimus . Statim incipit ab æquiuocis , non præmissa intentione operis & Auctoris , & alijs præludijs quæ alioqui Aristot. ipse in alijs libris & operibus præmittere solet . Actamen talis qualis est , tota Aristot. Logica , non nisi de nostra cognitione tractat , aut in ordine ad illam : tractat de syllogismo , de eniuatione , de terminis , propter singulas nostras operationes : de prædicamentis propter totam nostram cognitionem . Alij etiam Doctores pleraque de varijs actibus nostræ cognitionis tractant , & multò magis ad ipsam cognitionem , quàm ad aliud quodcunque obiectum , referuntur , quocunque ad Logicam spectare noscuntur . Bene ergo obiectum Logicæ assignatur . Et hæc non noua inuentio , sed noua ordinatio Logicæ , esse dicitur .

Obijcies secundò . Ad Philosophiam naturalem in parte de Anima pertinet , tractare de nostro intellectu , & cognitione , & operationibus intellectus : pertinet etiam considerare ipsam dirigibilitatem . Nam hæc est passio ipsius cognitionis : & sine dubio eadem scientia est , quæ considerat rem quoad essentiam & passionem . Igitur nec etiam assignando cognitionem dirigibilem , bene assignatur obiectum proprium Logicæ .

Quomodo Logica in hoc suo obiecto à Philosophia naturali secedat .

Respondetur . Hoc argumentum probaret , nullam artem aut scientiam practicam esse posse de obiecto aliquo , quod speculatiuo modo ad aliam scientiam contemplatiuum pertinere supponitur . Nam pariter potest argui , quod animal sanabile , homo beatificabilis , actus morales , voces , & alię operationes humane , spectent ad eandem Philosophiam naturalem . Dicendum ergo , posse in primis idè obiectum materiale pertinere ad phy-

46 Quæst. III. De Cogn. intellectiua in cōmuni.

ad plures scientias, secundum plures rationes & consideraciones. Deinde etiam si Philosophia naturalis considerare dicatur dirigibilitatem cognitionis, & sic etiam operabilitatem alterius obiecti practiciabilis: tamen non considerare tanquam rationem formalem, sed potius tanquam passionem, ut in argumento dicitur. Poterit ergo distingui alia scientia, habens pro sua ratione formali & adequata, eandem operabilitatem & dirigibilitatem. Demum si Philosophia

considerat rem operabilem, non considerat in actu exercito ut operabile, id est non considerat modo operabili & practico, tradendo regulas & præcepta bene operandi. Bene ergo poterit distinguere alia scientia, habens pro suo obiecto eandem rem operabilem, quatenus in actu exercito operabilem: id est quæ sit operatiua & directiua talis operis. Hoc ergo modo Logica habet pro obiecto suo proprio, ita ut à naturali Philosophia distinguatur, cognitionem intellectiuam,

QVÆSTIO TERTIA.

De Cognitione intellectiua in communi.

*Ordinis
astio.*

Solent Logici tractatores post præcedentes præliminares quæstiones, statim Logicam ab vniuersalibus seu prædicabilibus super Isagogen Porphyrii auspicari. Quod quidem ijs qui non aliud sibi munus quam expositoris & commentatoris assumptum, ignoscendum fortasse sit: si non alia propria de vero obiecto Logicæ tractatione præmissa, ipsam textus expositionem & prædicabilium enarrationem in primo vestibulo aggrediantur. At nescio quomodo factum sit, ut & alij qui res logicas suis quæstionibus disputare professi, certum sibi obiectum deligendum putarunt, vel operationes intellectus, vel modum instrumenti: quæ sciendi, vel aliud quidpiam quod sibi magis arriterat: adhuc post determinationem sui obiecti non sine labore quæsitam, illo veluti prætermisso, eundem morem statim de vniuersalibus & prædicabilibus differendi imitati amplexi: quæ sint: nè satis quidem edocentes, qualiter id ipsum ad suum obiectum reduci, finemque pertinere, cernerent.

Sed certè, ut vnaquæque scientia recto ordine disponatur, primum quod in illa proponendum est, esse debet directè obiectum ipsum quod præsignatum antea fuerit. Ad hoc enim maximè dignum est & expedit inuenire, quodnam omnium optimè obiecti scientia statuatur, ut de illo per se & in recto tractetur, ac subinde de reliquis quæ ad ipsum reduci & pertinere noscuntur. Nos ergo qui in obiectum nostræ Logicæ Cognitionem intellectiuam duximus prælegendam, ipsam in capite aliarum rei um omnium collocamus, & statim considerare incipimus: consequentes alias quæstiones de alijs rebus adiunctis conuenienti ordine adnectemus.

Imo etiam in sententijs alio: um alijs modis obiectum Logicæ assignantium, constat cognitionem intellectiuam esse talem finem, ad cuius directionem tota Logica ordinatur. At finis, ut est primum in intentione, ita vtiq; debet esse primum in consideratione: ut consequenter apta media assumantur. Sic scientia moralis primo loco de humana felicitate pertractat: Medicina de humani corporis conditione & sanitate: & similiter alia similes facultates. Primo ergo loco Logica inspicere debet cognitionem intellectiuam quam dirigere intendit, rectitudinem quam procurat, & turcctiudinem quam repellere debet.

Neque hic modus inchoandi Logicam, Maiorum exemplo destitutus est. D. Ioannes Damascenus in sua Logica quam conscripsit, caput primum de Cognitione præmisit. Auicenna, qui in suis operibus non exiguum recti ordinis laudem contemnit, in Logica cognitionis dedit exordium, similiter lectionem primam de Cognitione præmittens.

*Cognitio
nis intel-* Cæterum omnis ijs, quæ de huius cognitionis essentia, virtute, productione, alijsque similibus ad naturalem Philosophiam, & in specie ad partem de Anima, spectant:

*lectura no-
min expo-
nitur, &
existentia
supponi-
tur;* spectant: nostri muneris erit, illa tantum quæ ad logicam directionem ipsius cognitionis per se facient, breuiter præbære.

Ante omnia quælibet scientia sui obiecti debet nomen exponere, & proponere illud esse. Ita monuit Arist. 1. Poster. tex. 2. & ibi Interpretes confirmant. Cognitionis ergo nomen satis manifestè denotat representationem obiecti: sequè hoc nomen extendit ad actum sensus & intellectus; nam uterque suum obiectum cognoscere dicitur. Ideò ad designandum quæ cognitio hic accipienda sit, vocamus cognitionem intellectiuam, ad differentiam sensitiuæ. Intellectiua autem dicitur, non sicut anima & potentia, idest potens intelligere, sed tanquam intellectio ipsa per se formaliter attingens obiectum. Rursus tanquam omnino certum notumque supponimus, reuera esse & dari in nobis huiusmodi intellectiuam cognitionem, quam considerare & dirigere inten limus.

SECTIO PRIMA.

*Quid sit Cognitio intellectiua,
& quod obiectum habeat.*

Non parca nec leues difficultates hæc de re extant: sed quia philosophice sunt, & ex alia parte hæc res non poterat hic penitus prætermitti: Ea tantum quæ necessaria videbuntur, breuissimè perstringemus.

Cognitio intellectiua non potest sic in communi aptius definiri, quàm actus spiritalis quo representatur obiectum. Dicitur actus, ad differentiam potentie cognoscitiuæ, & habitus. Dicitur spiritalis, ad differentiam cognitionis sensitiuæ quæ materialis & corporea est. Dicitur quo representatur obiecti ad differentiam actus voluntatis quo appetitur obiecti. Et hinc ob istam representationis rationem, intellectus cognoscens dicitur exprimere in se ipso imaginem & similitudinem obiecti cogniti. Magis hæc tota cognitionis ratio innoscescit, distinguendo & explicando plures & varios eius actus: quod præstabitur Sectione seq.

Potest etiam pressius sumi cognitio pro sola cognitione vera, quæ versatur circa res sicuri sunt. Quo sensu qui falsam existimationem de rebus habet, dicitur ignorare rem sicuri est. Hoc pacto Damascenus cap. 1. suæ Dialecticæ, inquit: Per cognitionem, veram eorum quæ sunt cognitionem intelligo: falsa autem cognitio, ut quæ eius rei quæ non sit cognitio sit, ignoratio potius quàm cognitio conseri debet. Sed iam communi peritorum vsu cognitio amplè sumitur, pro omni actu representationis obiecti: siue sit rei quæ est, siue quæ non est: siue sit cognitio ve-

ra, siue falsa. Quem ipsum sensum satis Damasc. expressit: dum falsam cognitionem nominauit.

Præter hanc verò cognitionem actualem de qua loquimur, datur & illa quæ appellatur habitualis, & consistit in habitibus qui in potentia cognoscitiua resident, etiam quando actu non operantur: & præsertim naturali via constat, dari habitus acquisitos, qui ipsi cognitionis actibus in anima acquiruntur. Atque videri potest, de hæc etiam habituali cognitione esse in Logica pertractandum, maxime quia ex actibus rectis aut indirectis, tales quoque habitus progignuntur. Vnde & ipsi habitus logicam directionem participare videntur. Et quidem solent aliqui circa libros Posteriores, vbi de scientia agitur, de ipsa quoque scientia habituali differere. Verùm hac ratione, non de sola scientia, sed de omni cognitione habituali, oporteret agere: & hæc tractatio vel ad hunc locum pertineret simul cum ipsa cognitione actuali in communi: vel ad suum. Logicæ post tractationem specialem omnium actuum cognitionis. Sed quia propriè & per se artificiosa directio non nisi actuales operationes attingit, nullæquæ distinctè reglæ tradi possunt de directione habituum: & quia etiam communis tractatio esse debet de omnibus habitibus, qui & alijs potentijs iunctur. Ideò hanc totam tractationem in proprium Philosophiæ locum differre præstat.

Ve autem modò assignemus intellectiue cognitionis obiectum: certum exploratumque satis est, quamlibet potentiam cognoscitiuam, atque cognitionem, habere suum obiectum in quod tendit, circa

*Cognitio
habitua-
lis in aliis
locum dis-
sertur.*

*Cognitio
nisi obiectum
habeat.*

*Cognitio-
nis essen-
tia breui-
ter expri-
mitur.*

circa quod exercetur. Idem est autem obiectum potentiae, eiusque actuum. Sic visus habet pro obiecto colorem, auditus sonum, voluntas habet pro obiecto bonum. Habet igitur intellectus suum obiectum, quod in omnibus suis actibus cognoscit, intelligit.

*Pro omni
ens.*

Arque obiectum adequatum cognitionis intellectus completi ut omne ens reale sine exceptione. Nam omne ens reale est intelligibile: ad res tam spirituales, Angelos & Deum ipsum, quam materiales & corporeas, intellectus noster se potest extendere. Et tam in vniuersali, qu. in singulari, omnes res potest attingere. Quod totum satis experientia ipsa comprobatur. Et ratione, tum ex parte ipsarum rerum, tum ex parte potentiae intellectus: quia omni ex parte est aptitudo & proportio ad talem cognitionem, nullumque impedimentum. Nec quicquid obstat quod Arist.

*Nō solum
in vniuer
sali, sed
etiam in
singulari.*

1. Physic. tex. 49. dixit, rationem seu intellectum esse vniuersalem, sensum esse singularem: & quod alij hinc dixerunt, intellectum non habere conceptum proprium de singularibus corporeis in materia totaliter concretis, rei quae fieri intelligibiles per abstractionem. Nam Aristot. solum docere voluit, sensum quidem cognoscere tantum singularia, intellectum cognoscere vniuersalia, non negando simul cognoscere singularia: sed dum vtraque cognoscit, planè differt à sensu. Alij verò potius de modo quo singularia cognoscuntur, quam de re ipsa dubitasse videntur: quia nullatenus neare potuerunt, ipsa etiam singularia quantumvis corporea ab intellectu cognosci. Et si ab intellectu Angelico, atque Diuino ab omni materia abstractissimo, sine dubio cognoscuntur, facillimè intelligitur, ab humano intellectu, & non tantum sensu cognosci. Modus autem quo cognoscuntur, & qualiter per abstractionem specierum intentionalium à materia, quia haec, sicut & actus ipsi nostrae intellectus, spirituales sunt in libris de Anima examinandus erit.

*Etiamens
rationis,
& nega
tione.*

Præterea ad obiectum intellectus cognitionis spectat etiam ens rationis: imò hoc non aliter est, quam dum ab intellectu cogitatur. Et potest intellectus circa ipsum suas operationes exercere.

Denique pertinent negationes quoque entium, atque adeo etiam non ens: b intellectu cognoscitur. Cognoscimus enim caritatem quæ est negatio seu priuatio visus: cognoscimus hominem non esse lapidem: & sicut exterius nominamus, ita & interius apprehendimus, non ens, & nihil. Neque obstat quod obiectum adequatum intellectus solet assignari ens reale. Hoc enim non ideo dicitur, quasi intellectus non possit quicquid apprehendere & concipere, quod ens reale non sit: sed quia non potest intelligere quicquam, quod vel ens reale non sit, vel non dicat saltem aliquo modo ordinem ad ens reale. Et ita ens rationis concipitur ad modum entis realis, & fundatur in ente reali, & consequitur ad ens reale, scilicet ad operationem intellectus per quam effingitur, quæ vique realis est. Negatio quoque se habet ad ens tanquam negatio eius. Propter quod Aristot. dixit vocari etiam ens. 4. Metaphysic. 2. Nam ipsum non ens, esse non ens dicimus: eamque ibi non dedignatur includere inter ea quorum consideratio ad Metaphysicam spectat, cuius tamen obiectum ens reale maxime assignatur.

*Intelle-
tus ipse;
eiusque co
gnitio, est
sui ipsius
obiectum.*

Ceterum speciali animadversione dignum est, ipsum intellectum esse sui ipsius obiectum. Potest namque intellectus, sicut res alias cognoscit, ita & circa seipsum suæ cognitionis actus exercere. Quatenus ergo intellectus est id quod potest cognosci atque cognoscitur, est obiectum sui ipsius quatenus potentis cognoscere, & cognoscentis. Itaque & habet rationem potentiae cognoscituiæ, & obiecti cognoscibilis: & quatenus est quid cognoscibile, est obiectum sui, met, quatenus potentia cognoscituiæ. Ipse quoque actus intellectus cognitionis est obiectum cognoscibile ab intellectu. Prius enim intellectus cognoscit rem aliquam: deinde cognoscit se cognoscere. In hoc secundo actu obiectum est ille prior actus. Et quia rursus potest intellectus cogitare de hoc secundo actu; hic etiam erit obiectum alterius actus. Et quia semper quilibet actus poterit alio actu cognosci abique villo certo termino, patet quemlibet intellectus actum sine exceptione esse obiectum ab eodem intellectu cognoscibile.

Cognitio 1

*Cognitio
qua cognos-
citur a-
lia cogni-
tio dicitur
reflexa .*

Cognitio autem illa prior de re quam cognita, dicitur directa & actus directus; quia nempe intellectus per illam directè tendit in rem representatam. Cognitio verò posterior habens pro suo obiecto priorem, dicitur cognitio reflexa: quia per eam intellectus velut ad intra se tendit. & reflectitur super cognitionem suam priorem. Et quia rursus hæc cognitionem reflexam potest alia ulteriori reflexione considerare: illa erit quidem reflexa respectu prioris actus, sed erit veluti directæ respectu posterioris cognitionis quæ attingitur. Idemque dicere valebit absque termino, quoadque tales reflexiones multiplicentur.

*Qualiter
intellectus
simul exer-
ceat mu-
nus poten-
tiæ &
obiecti .*

Neque obstat, si quis dicat, intellectus cognoscit se ipsum: ergo cognoscit se esse potentiam cognoscitivam, & se posse cognoscere. Igitur sub eadem ratione formali cognoscit & cognoscitur. Sed non videtur fieri posse, ut idem secundum eandem rationem sit obiectum sui ipsius: ergo difficile adhuc est, quomodo intellectus cognoscit se ipsum: vel malè à nobis dictum est, intellectum quatenus obiectum cognosci à se ipso quatenus potentia cognoscente. Hoc inquam non obstat: quia quantumvis intellectus cognoscatur sub ea formalitate quatenus potens cognoscere: tamè verè tunc duplex munus exercet. alterum obiecti cogniti, alterum potentie cognoscentis: & adhuc dicere valebit in quantum cognoscitur, exercet munus obiecti; in quantum cognoscit, exercet munus potentie, nec è conuerso dicere valeret, cognoscit quatenus obiectum. Itaque, dum cognoscit se ipsum esse potentiam cognoscentem: hæc ratio potentie verè quidem cognoscitur; tamen quatenus vi sic cognoscitur, gerit munus obiecti, sicut omnis alia res quæ ab intellectu cognoscitur; & non vi sic formaliter exercet & gerit munus ipsius potentie. Sine in tali actu intellectus & elicit actiue, & terminat obiectiue ipsum actum: & non formaliter quatenus elicit, terminat; quandoquidem tam sæpè elicit & non terminat, dum alia res cognoscit: neque quatenus terminat, elicit; quandoquidem tot alia res terminant, & non eliciunt actum cognitionis.

SECTIO SECVNDA.

*Quæ & qui sint actu intellecti-
ua cognitionis: quàm rectè as-
signentur, Apprehensio, Iudici-
um, & Discursus.*

Pervulgata satis & nota est, atque à nobis sapius iam commemorata, hæc distinctio, & assignatio trium operationum intellectus: desumpta ex Aristot. 1. Priorum cap. 1. sub nominibus Termini, Propositionis, & Syllogismi: atque ab omnibus alijs recepta & approbata. Hæc ergo diuisio optima est, & ad totius Logicæ dispositionem commodissima. Confirmatur & explicatur breuiter. Intellectus in omni sua cognitione, vel simpliciter aliquid concipit & apprehendit, non iudicando, non affirmando aut negando. Vel vterius iudicat aliquid esse aut non esse, affirmat aut negat. Vel tandem ex vna re iudicata & cognita aliam deducit & infert, ex vno in aliud discurrendo. Qui sunt veluti tres gradus intellectus cognitionis, per quos intellectus paulatim in cognoscendo progreditur & eleuatur: ita ut apprehensio quidem non præsupponat ante se iudicium & discursum: iudicium autem omnino præsupponat apprehensionem: & discursus iudicium. Ideoque cum ordine nominantur, prima, secunda, & tertia operatio intellectus.

Quilibet autem ex his tribus actibus rursus diuidi potest: videlicet apprehensio in incomplexam & complexam, in cōceptum non vltimum & vltimum, in positiuum & negatiuum, cum scilicet apprehenditur terminus positiuus vel negatiuus: & sic iuxta varias diuisiones terminorum traditas in Institutionibus. Iudicium præcipue diuiditur in affirmatiuum & negatiuum, siue assensum & dissensum: & affirmatiue dicitur compositio, negatiue dicitur diuisio. Et hæc diuersitas iudicii tam obuia est, quando secundum intellectus operatio nominatur, ut hinc appellationem duplici nomine complexam sortita sit, atque compositio & diuisio communiter nuncupatur. Discursus demum similibus modis diuidi potest,

*Hæc diui-
sio appro-
batur &
explica-
tur .*

test, sed præcipuè diuidendus est iuxta varias formas & modos inferendi æque syllogizandi, de quibus satis in Institutionibus dictum est. Quæ verò de his & alijs diuisionibus harum operationum, & varijs modis illas exercendi, supersint; proprijs ac specialibus locis tractanda sunt.

In solo intellectu humano reperitur.

Cæterum hæc trium operationum distinctio, ita propria est intellectui humano, quod non sit alijs potentijs cognoscitiuis æque communis. Et sanè intellectui Diuino nullo modo competere potest, qui simplicissimo intuitu, absque ulla compositione vel discursu, euidenter cognoscit, & plenissimè videt omnia, etiam illa ipsa quæ nos componendo & discurrendo assequimur. In intellectu etiam Angelico docet Sanctus Thomas prima par. quæst. 58. artic. 3. & 4. non inueniri discursum, nec compositionem, circa res illi naturaliter notas æque perspicuas sed omnia simplici intuitu ab Angelico intellectu videri. Sed de hac re in propria materia disputandum erit. In cognitione demum sensitiua non est hæc distinctio horum trium actuum admittenda: quia sensus materialium tantum modo, & valde imperfecto, res cognoscit. De qua re latè Genuara libro primo de Interiori sensu tract. 4. cap. 11. & 12. Itaque hæc distinctio negatur intellectui Angelico & Diuino, ob superiorem eius perfectionem: quia perfectiori modo sine distinctione horum actuum res cognoscit. Sensui autem denegatur ob imperfectionem eius: quia non attingit illam perfectionem cognoscendi, quæ intellectui conuenit. Conceditur ergo intellectui humano qui medio modo se habet, & imperfectionem perfectioni admixtam admittit.

Verùm circa distinctionem & assignationem traditam trium operationum in intellectu humano, ex vna parte videri potest, potius fuisse assignandas duas quàm tres. Nam Aristoteles libro primo Methæ. capite primo, & libro 3. de Anima textu 21. & 22. duas tantum enumerat, scilicet intellectionem indubitabilem, & compositionem. Et ratione idem probatur: quia discursus est quoddam iudicium, & in compositione vel diuisione consistit: ergo. duæ

sunt tantum operationes.

Propter hoc concedendum est, posse quidem cognitionem intellectiua primò in duo membra diuidi, scilicet in apprehensionem & iudicium, siue in noticiam apprehensiuam & iudicariam; sumendo latè iudicium: & deinde hoc diuidatur in iudicium simplex & illatum. Nam reuera discursus est iudicium illatum, quo intellectus ex vi antecedentis assensum præbet consequenti: & ambo hi actus conueniunt in ratione compositionis, & in alijs multis rationibus. Et secundum hanc communem rationem Aristotel. ibi accepit compositionem, quam tunc vltierius distinguere non curauit, quia id non opus erat ad suum intentum ijs locis. Distinguendo ergo ipsam compositionem æque iudicium communiter sumptum, patet tres effici intellectus operationes. quæ ideò ab initio sic distinctæ sunt sine illa diuisione intermedia: quia distinctæ sunt tanquam gradus, per quos intellectus in cognoscendo procedit, quorum vnus post alium consequitur; & quia ita ad directionem logicam commodius visum est. Vel, si Aristoteles accepit compositionem pro sola secunda operatione: non vtrique negauit, dari etiam tertiam, de qua tam latè in quatuor libris resolutorijs pertractauit, & tam sæpè alijs in locis locutus est: sed de illa non meminit, quia non intendebat tradere diuisionem adæquatam operationi intellectus: sed loqui volebat de illis duabus operationibus.

Ex alia parte videri potest, plures esse, & alias superesse operationes intellectus, præter tres assignatas.

Et primò occurrit attentio, quæ videtur esse actus quidam præcedens ad omnes tres operationes assignatas, quo videlicet animus applicat se ipsum ad aliquid cogitandum apprehendendum, &c. Quo mentem sistimus & figimus ad aliquid considerandum. Verùm talis attentio non videtur esse actus alius positius ipsius intellectus: sed potius esse actus & conatus positius voluntatis, applicantis intellectum, retrahendo illum ab alijs rebus considerandis, & determinando ad aliquam certam rem cogitandam. Et consequenter ex parte ipsius

Potest eū Arist. diuidi cognitio in apprehensiuam & iudicariam: & hæc deinde in simplicem & illatam.

Attentio non est actus positius intellectus, distinctus ab assignatis.

ipſus intellectus dicit carentiam conſiderationis aliarum rerum, & peculiarem ipſam conſiderationem talis rei ad quam attendere dicitur. Quæ conſideratio conſiſtit in tribus operationibus aſſignatis. Et vocatur etiam actualis attentio. Ac præſertim vehemens & ſuma cogitatio rei, abſque diſtractione ad alias res, ideſt, ſine permixtione cogitationis de alijs rebus, vocatur attentæ conſideratio. Deinde eſto attentio eſſet diſtinctus actus ipſius intellectus: tamen non haberet aliquam propriam rationem cognitionis; ſed ſolum eſſet veluti diſpoſitio prævia ad actualem cognitionem. Tres autem operationes aſſignatæ ſunt, diuidendo adequatè cognitionem intellectualem.

Dubitatio eſt actus poſitiuus.

Secundò occurrit dubitatio, quæ etiam videtur eſſe actus alius intellectus, quo is veluti medius & ſuſpenſus manet inter affirmationem & negationem alicuius propoſitionis. v. g. cum intellectus cogitans, num aſtra ſint paria; in neutram partem inclinat, nec aſſentiens nec diſſentiens, nec affirmans nec negans, ſed dubitans. Hæc autem dubitatio non eſt ſola apprehenſio, ſed ad illam ſequitur, nec eſt iudicium, vel diſcuſus. Ad hoc, aliqui ſignificant, dubitationem non eſſe aliud quàm ſuſpenſionem ipſam & negationem aſſenſus pro vtraque parte, ſuppoſita apprehenſione terminorum, & ita non eſſe actum poſitiuum. Verùm concedendum videtur, dubitationem, formaliter eſſe actum quandam poſitiuum: ita vt ſicut quidam actus eſt, quo intellectus affirmat, & quidam alius quo negat; ita quidam actus veluti medius ſit, quo dubitat. Et ſuadetur: quia fieri poteſt, vt quis apprehendens terminos, & cogitans de aliqua propoſitione, pro ſua libertate retineat intellectum, nè tunc actu exerceat actum iudicii, aſſentiendo vel diſſentiendo: etiam ſi habitualiter ſciat, propoſitionem eſſe veram, aut eſſe falſam. Sed tantum noli tunc exire in actum ſecundum iudicij: neque propterea dubitare dicitur. Quod præſertim oſtenditur: ſi fideli alicui te offerat cogitatio de aliqua propoſitione, quam ipſe fide tenet,

v. g. Deus eſt trinus, is eſt vtique liber quoad exercitium, vt tunc eliciat actum fidei, & poteſt illum non elicere, vt ſupponimus. & poteſt hic caſus euenire abſque vilo hominis peccato, pro eo ſcilicet tempore quo non tenebatur talem actum exercere. Tunc autem non dicitur talis homo dubitare, quia dubius de fide eſt infidelis, & amittit fidem, & dubitatio de rebus fidei eſt quædam infidelitas poſitiua. Igitur in vniuerſum dubitatio non eſt ſola negatio aſſenſus & diſſenſus, ſed eſt quidam actus poſitiuus quo intellectus intra ſe dubitat.

Ad difficultatem ergo dicendum eſt. Eſto dubitatio ſit diſtincta quædam operatio intellectus: tamen non habere propriam rationem cognitionis de qua agimus: quia dubitare, non eſt cognoſcere, ſed potius ſe habet ſicut ignorare: vnde aliquis interrogatus, num aſtra ſint paria; periſe dicit dubito, atque ignoro. Et præſertim Logica non intendit dirigere dubitationem, ſed potius illam remouere, & facere vt intellectus poſſit de rebus omnibus determinatè iudicare, diſcernendo verum & falſum. Vnde optimè Sanctus Thomas quarto Phyſicorum lectione quinta, littera B. *Cognitio inquit veritatis eſt ſolutio dubitationum.* Et Ariſtoteles tertio Metaphyſicorum textu i. idem expreſſit. *Soluere non eſt, cum nodus ignoratur: ſed intellectus quatenus dubitat, ſimile quiddam ligatis patitur.* Deinde poteſt dubitatio quodammodo ad ſecundam operationem reuocari: nam ſuccedit poſt apprehenſionem terminorum cum copula: verſatur circa coniunctionem ipſam terminorum quoad an: eſt; non quidem determinatè illam affirmando vel negando, ſed dubitando: habetquè vnum terminum pro ſubiecto, alterum pro prædicato, & copulam cum dubitatione. Sicut ergo ſecunda operatio eſt ſ' quando poſt terminos apprehenſos, illos vel coniungimus affirmando, vel diſiungimus negando: ita ſecunda operatio eſt, quando de tali coniunctione dubitamus. Sicut etiam ad ſecundam operationem pertinet quæcunque, licet levis, inclinatio intellectus plus ad vnam partem quàm ad alteram,

Sed nò eſt actus diſtinctus cognitionis dirigibilis.

& formido admixta partis oppositæ. Vnde non sine causa profert quis secundam operationem diuidere in tres partes, compositionem, diuisionem, & dubitationem. Sed tamen secundum rationem cognitionis quæ a Logica dirigenda sit, sufficit secundam operationem accipere pro compositione & diuisione.

*Notissimum
est pro iudicio
quodam dubio
rationis obiecti
dubium.*

Demum alio modo poterit contingere dubitatio, per actum veluti reflexum, & propositionem modalem: ita vt formaliter sit quedam affirmatio intellectus, obiectiue tamen sit dubitatio. Si videlicet dicamus, dubium & incertum est, an alia sint paria, hoc modo habet intellectus iudicium positium, quo affirmat talem rem esse dubiam & incertam: & hic actus in toto rigore est iudicium affirmatiuum secundæ operationis. Si cur è contra, si dicatur, hæc res non est dubia: hoc est iudicium negatiuum, remouens dubitationem. Neque mirum est, dari posse tali modo iudicium dubitatum in intellectu. Nam hac ratione circa propositionem probabilem, præter assensum intellectus formaliter in se probabilem, dari potest pari modo aliud iudicium quo intellectus affirmet, hæc propositio est probabilis. Quod iudicium dicat quidem probabilitatem ex parte obiecti: sed in se formaliter sit certum & euidens.

*Imperium
est actus
intellectus
datus.*

Tertiò occurrit imperium. quod intellectui tribuit S. Thom. 1. 2. quæst. 17. artic. 1. & sine dubio est actus positius, nec est apprehensio, iudicium, vel discursus: sed est actus quo ratio præcipit & imperat, vt aliquid fiat, & sic explicatur, fac hoc. Sed de hoc imperio, multi negant esse actum intellectus: & dicunt esse actum potius voluntatis. Imò Almai. tract. 3. Moral. cap. 2. ex numero præstabilito trium operationum, arguit ad probandum imperium non esse actum intellectus. De quo alibi disputandum est. Inter illos ergo qui defendunt imperiū esse actum intellectus, Vasiq. 1. 2. disp. 49. nu. 14. ait imperium esse per se & directè secundam operationem, quia est iudicium compositionis, quo intellectus exprimit in se ipso affectum suæ voluntatis, ac si exterius diceret, habeo voluntatem faciendi hoc. Verum, si imperiū non aliud

esse dicatur quam tale iudicium: hoc in re est negare illud imperium, quod ab alijs præter omne tale iudicium cognitionis habens pro obiecto ipsum actum voluntatis, intellectui tribuitur.

Aliiter ergo Cordub. lib. 2. suar. quæstionū q. 10. ad argumentum Alm. ait, tres operationes assignatas esse intellectui, prout in se est, non verò prout practicè ad appetitum refertur: sed secundum hunc respectum, notitiam iudicariam esse duplicem, scilicet ostensiuam, & præceptiuam. Similiter Medina 1. 2. quæst. 17. art. 1. ad 1. & 2. ait, vel non esse inconueniens dicere tres illas operationes speculatiue intellectui assignari, & in intellectu practico aliquem alium actum reperiri: vel imperium reduci ad discursum aut iudicium.

*Sed non
est actus
cognitionis
per Logicam
dirigibilis.*

Sed clarius & melius dicendum est, illas tres operationes adequatè diuidere cognitionem intellectus: arque adeò assignari intellectui prout cognoscenti & intelligenti. At præter cognitionem, aliquem alium actum intellectui conuenire per ordinem ad operandum, & huiusmodi esse actum imperij. Imperium enim non est quædam alia notitia intellectus, quinimò totam notitiam præsupponit, etiam iudicium ipsum de re facienda: nec imperat intellectus, nisi vt fiat id quod nouit & iudicauit esse faciendum: & tantum est tanquam impulsus quidam ad operandum. Deinde potest imperium ad secundam & tertiam operationem reduci, si hæc magis amplè, & non pro sola cognitione sumantur. Considerari enim potest in imperio quadam compositio ex subiecto & prædicato cum copula, videlicet tu fac hoc: & potest exerceri tum per modum affirmationis, fac hoc: tum per modum negationis, nē facias hoc. Et quia potest inferri ex aliquo præuio discursu, sequē habere veluti conclusio, v. g. dicendo bonum est hoc facere: ergo fac hoc. Sic potest reduci ad tertiam operationem.

Quartò demum occurrunt alij præterea actus, qui similiter intellectus solent attribui, oratio seu petitio, quam esse actum rationis docet Sanctus Thomas secunda secunda quæst. 83. artic. primo. Suasio etiam quæ pariter se habet: & sua-

*Similiter
oratio &
alij similes
actus.*

& suasioni externa qua verbis efficitur, correspondet interior operatio intellectus, quae tali loquutione exprimitur. Et differt ab oratione & imperio, quia imperium dicit respectum superioris ad inferiorem, oratio inferioris ad superiorem, suasio respicit aequales siue amicos. Item promissio, quam esse actum intellectus docet S. Thom. 2. 2. quæst. 82. art. 1. Reuerentia insuper, adoratio, laus, & si qui sunt alij similes actus, solent attribui intellectui. De his ergo omnibus idem dicendum est, quod de actu imperij dictum est: nempe in rigore non comprehendi sub cognitione intellectiva, quam in tres illos actus diuisimus: & quæ adeo concedendo, præter illos, plures alios esse actus, qui realiter exercentur à potentia intellectiva, non tamen formaliter quatenus intellectiva seu cognoscitiva est. Possent tamen tres operationes intellectus tam amplè explicari, ut hos etiam alios actus comprehendant, quatenus in ijs aliqua ratio compositionis, aut etiam illationis, inueniatur.

Perspicuum autem est, huiusmodi alios actus non ad Logicam pertinere, nec indigere directione logica: sed potius esse dirigibiles directione morali quoad probitatem morum; & ita ad moralem scientiam pertinere, ut reuera in illa considerantur. Quidam etiam ex dictis actibus, quatenus exterius exercendi, sunt dirigibiles per artem dicendi, ut videlicet per suademus quod cupimus, obtemperamus quod petimus: & talis eorum directio ad Rhetoricam pertinet. Ita clarè Arist. 1. Perior. cap. 4. distinguens orationem enunciativam & deprecariam, ait: Cetera igitur relinquuntur. Rhetorica enim vel Poetica conuenientior est considerationi: enunciativa vero præsentis est speculationis. Ideo demum nos obiectum Logicæ assignauimus cognitionem intellectivam: quia nec negare volumus, intellectum præter cognitionem habere, etiam alias operationes: nec omnes intellectus operationes sub directione logica concludere debuimus. Cognition ergo intellectiva, quam in Logica dirigendam assumpsimus, adæquatur illis tribus actibus, apprehensione, iudicio, & discursu comprehenditur.

SECTIO TERTIA.

An & quomodo cognitio intellectiva rectitudo & veritas insit.

Vniuersa cognitio nostra directio ad hoc planè tendit, ut illam ad debitam rectitudinem perducamus. Vnde merito statim in principio hanc nobis rectitudinem proponere debemus. Hæc autem rectitudo cognitionis maximè est veritas in communi loquendo, de qua veritate nunc quarimus.

Sed notandum est ex Metaphys. dari veritatem quandam communem omnibus entibus, quæ assignatur vna ex passionibus entis, quæ dicimus, homo est verus homo, aurum est verum aurum. Et quia, omnibus rebus conuenit, appellatur veritas transcendentalis. Appellatur etiam veritas in essendo, quia quodlibet quod est, secundum quod habet esse, habet hæc veritatem. Et præcipuè explicatur consistere, ex D. Thom. 1. par. quæst. 16. art. 1. in conformitate rerum ad intellectum. Diuinum, in eo scilicet quod vnaquæque res talis est, qualis esse debere à Diuino intellectu cognoscitur. Hæc ergo veritas conuenit sine dubio nostræ cognitioni, quæ vtrique est quoddam ens: quælibet enim nostra cognitio, veram, habet cognitionis essentiam, & talis est, qualem Deus videt cognitionem esse debere. Imo etià cognitio falsa habet hanc veritatem transcendentalem, quia habet adhuc suam essentiam, in qua conformatur conceptui Diuino, quæ Deus de ipsa habet. Atque adeo in ea ipsa sua falsitate est hoc modo vera: nã Deus optimè nouit, quale nam sit iudicium falsum: & omne nostrum iudicium falsum in ipsa sua falsitate tale est, quale Deus noui, & conformatur conceptui quem Deus habet de iudicio falso: igitur in ipsamet falsitate verum est, loquendo de hac veritate in essendo. Carentium hæc veritas non est præsentis nostri institui, sed ad Metaph. spectat.

Alia veritas est cognitionis propria, in qua consistit perfectio & rectitudo cognitionis. De hac veritate dixit Ar. 6. Met. 2. verum & falsum non est in rebus, sed

Cognitio conuenit veritas transcendentalis in essendo.

Alia veritas est veritas in cognitione in essendo.

Omnis ergo cognitio & operatio ratio intellectiva, quam Logica dirigat, est apprehensio, iudicium, vel discursus.

34 Quæst. III. De Cogn. intellectiua in cōmuni.

in mente. Hæc veritas appellatur veritas repræsentatiua, veritas in cognoscendo. Et sicut prior veritas consistebat in conformitate rerum ad cognitionem; ita hæc consistit in conformitate cognitionis ad ipsas res, ut nimirum cognitio repræsentet intellectui res sicuti sunt in se ipsis; & quando repræsentat res aliter ac sunt, tunc dicitur cognitio falsa. Exempli gratia, quando iudicamus ignem esse calidum, aquam ex natura sua esse frigidam, cognitio nostra vera est: si autem oppositum iudicemus, talis cognitio falsa est. De hac veritate agere, propriè pertinet ad Logicam: ut notauit S. Tho. 4. Met. lect. 17. circa initium. Et sumitur ex Ar. loco modò cit. ubi ait non ad Metaphys. pertinere, & ibi Interpretes notare solent, pertinere ad Logicam.

Primò ergo non defuerunt inter veteres Philosophos, qui putauerint veritatem esse impossibilem nostræ cognitioni, idest non posse nos veram rerum notitiã determinatè assequi. Ita refert Ar. 4. Met. cap. 5. & in specul. tex. 22. refert, Democritum dixisse, aut nihil verum esse, aut nobis manifestum non esse. Fundamentum illorū erat: quia dicebant in rebus nihil esse ratum ac firmum, sed omnia continua mutatione agitari.

Ipsè Arist. docet optimè, possibilem quidem nobis esse veram rerū notitiã. Hoc notitium est ex cōmunissimo opium hominum sensu: omnes enim passim sperant atq. conātur assequi veritatē. Ex omnium philosophantium studio: ad nihil eaim aliud scientijs vacant, nisi vt veram rerum noticiã assequantur. Vnde meritò Ar. hoc titulo oppositam sententiam reprehendit, quia euertit philosophandi studium, dum desperationem veritatis assequendæ humano ingenio iniicit: & nihil aliud erit veritatem querere, quam volatilia insequi. Patet item clarissimè experientia. Tūm sãpè enim comperimus, nostram noticiã esse rebus ipsis conformem: sicut & aliquando inuenitur opinio rebus dissona, quam tunc falsam asserimus. Patet certissimè ex nostra Fide, quæ tota verissima est. Patet denique ratione: quia ex parte ipsius cognitionis non est vtiq. impossibile, vt rebus conformetur, & repræsentet aliquam rem sicut est. Ex parte etiam nostra, pos-

sunt & solent idonea media inueniri, ad veritatem nostræ menti ingerendam. Fundamentum verò antiquorum vanissimum erat: tum quia omnia illa quæ ad rerum essentias pertinent, immobilia prorsus sunt; vnde à nobis propositiones essentialis meritò dicuntur æternæ veritatis, videlicet homo est animal rationale, qualitas est accidens, & similes: tum quia res ipsæ quæ mutantur, saltem quando sunt, veræ sunt, & vt tales cognosci possunt, & ipsa earum mutatio potest verè cognosci.

Secundò rectè docet idem Aristot. 2. Metaph. in principio, difficilem sæpè nobis esse in rebus plurimis veritatem. Et idipsum satis patet ex cōmuni hominū sensu, ex philosophantium laboe in veritate inuestiganda; ex ipsa experientia & vsu quotidiano. Patet etiam ex sacris litteris, ex quibus constat, homines in plurimos errores incidisse: nobis autem multa manifestata esse, quæ notis viribus non poteramus assequi. Patet denique ratione, quia sæpè non occurrunt nobis media idonea ad inueniendam veritatem.

Hinc dubium oritur, vnde nam propriè oriatur ista difficultas. Aristoteli ibi dixit: Cum verò difficultas duobus sit modis; fortasse causa eius non rebus, sed nobis ipsi inest. Quomodo enim animi vespersionem oculis ad lumen dici se habens, ita & intellectus noster ad ea quæ manifestissima omnium sunt. Sed propter diuersitatem rerum intelligibilium, Auerr. Alex. Albert, D. Thom. Aegid. Iandun. Aquar. & alij ibi, & Masius 1. Phys. cap. 1. quæst. 9. distinguunt duo rerum genera: vnum earum rerum quæ perfectione superant & excedunt humanū intellectum ipsum, quæ hominem, alterum rerum imperfectiorum & inferiorum. In primo genere collocat substantias separatas & res omnes à materia abstractas: in secundo res materiales atque corporeas. Cum hac distinctione docent, difficultatem in cognoscendis rebus primi generis, oriri ex imperfectiōe nostri intellectus, & Aristot. hoc voluisse. ideoq. vtiq. illo exemplo: in cognoscendis verò rebus secundi generis oriri potius ex imperfectiōe ipsarum rerum. Scorus tamen, & alij cum ipso, totam rationem difficultatis absolute in

Est tamen sæpè difficultas.

Vnde hæc difficultas oriatur.

Veritas verò cognitio nostra intellectui possibilis est.

te in imperfectionem nostri intellectus reducunt . Suar. disput. 9. Metaphysic. sect. 3. addit , circa omnes quidem res oriri difficultatem ex imperfectione nostri intellectus , sed præterea circa res secundi generis oriri etiam ex imperfectione ipsarum : & ita utranque sententiam conciliare conatur. Fons. 2. Metaph. cap. 1. quæst. 1. tertium genus rerum adiunxit , medium inter duo priora . In primo collocans res supremas in secundo res infimas , ut relationes , materiam primam ; in tertio res medias , scilicet substantias sensibiles & earum accidentia , absoluta . Circa genus medium autem non reperiri difficultatem : circa primum genus oriri tantum ex imperfectione nostri intellectus : circa secundum tamen , ex imperfectione ipsarum rerum , tum etiam nostri intellectus .

*Oritur ed.
paratiue
ex parte
rerum &
nostri in-
tellectus .*

Clarius & facilius sine his distinctionibus dicendum est , difficultatem in vera rerum notitia assequenda , oriri ex comparatione & habitudine ipsarum rerum cum nostro intellectu : & sic non absolute ex alterutra parte , sed comparative ex utraque . Probat : quia eadem res quæ difficillime ab humano intellectu attinguntur , scilicet substantiæ separatae ; facillime ab intellectu Divino & Angelico cognoscuntur : ergo non oritur difficultas absolute ex parte ipsarum rerum , quia sic respectu omnis intellectus inueniretur . E contra quædam res sunt , quæ facile à nostro intellectu percipiuntur , videlicet illæ quæ sunt obuiæ sensibus : ergo nec absolute oritur difficultas ex parte nostri intellectus , quia sic respectu omnium rerum inueniretur . Oritur ergo ex comparatione & habitudine utriusque partis , siue ex utraque parte comparative .

*Res quæ
magis di-
stāt à sen-
su , diffici-
lius cogno-
scuntur .*

Ad explicandum verò ex quanam comparatione proprie oritur , & quanam res facilius , quæque difficilius cognoscantur , hæc regula obseruanda est . Maiorem difficultatem inueniri in cognoscendis ijs rebus quæ a sensibus magis distant , minorem verò in ijs quæ sensibus propinquiores sunt . Hæc regula planè est experientia ipsa omnibus nota acque peripicua . Et ratio eius a priori est , quia omnis nostra cognitio a sensibus ortum habet , & intellectus ipse acquirit species cognos-

citius rerum mediante ministerio sensuum : ac propterea earum rerum quæ sub sensum cadunt , habet proprias species , alias verò res intelligit per species alienas . Hinc ergo fit , ut veritates de rebus sensibilibus facilius , a lias difficilius assequatur .

Vnde ulterius ratio difficultatis , quatenus se tenet ex parte rerum , non tam dici debet perfectio aut imperfectio earum , quam potius distantia earum à sensu . Ideoque siue perfectiores , siue imperfectiores sint , quæ magis distāt à sensu difficilius cognoscuntur . Nisi fortè mediare dicamus , ratio quare quædam res magis distāt à sensu , est earum perfectio , & tales sunt substantiæ separatae : in quibuscumque verò rebus est earum imperfectio . Vnde dici debet , ex parte ipsarum quidem rerum modo dicto oriri difficultatem : in rebus tamè perfectioribus oriri ex ipsa rerum perfectione , habito respectu ad nostrum modum intelligendi . Quatenus autè ratio difficultatis se tenet ex parte intellectus , bene dici potest : esse imperfectio ipsius intellectus , qui in cognoscendo dependet à sensu , & intelligit per species emendatas à sensu . Quare intellectus Angelicus qui perfectione est , non patitur hanc difficultatem .

Hæc demum resolutio est de mente Aristotelis . præcipue docere voluit contra quosdam antiquos , difficultatem veritatis assequenda , non oriri absolute & per se ex ipsis rebus , sicut illi volebant oriri ex mutabilitate & instabilitate rerum : ita ut respectu omnis intellectus , etiam Angelici & Divini , talis difficultas inueniretur . Et in contrarium docuit , causam difficultatis nobis ipsis inesse . Docuit autè hoc , loquendo comparative cum ipsis rebus . Sic enim exëplum . illud & comparatione apposuit : quamvis diuersa sit ratio , quare debiles oculi lumè clarum inueniri non possint , & quare intellectus cum difficultate assequatur veritates rerum , quæ a sensibus distāt . Nec enim oportet exëpla in omnibus conuenire . Sed præclare ipse Arist. rem totam expresse : primo de Partibus animalium cap. 5. docens : propterea nos minus posse scire de rebus æternis & Diuinis quod admodum pauci animalium sensibus patet , quorum beneficio facultas nobis cogitandi & indagandi sup-
peditur .

*Ar. expli-
cat .*

*Veritas co-
gnitionis
sumitur
ex re co-
gnita.*

Tertiò deinde ad explicandum, vnde dicatur veritas in cognitione, facit illud quod docet Aristotel. in Prædicamento substantiæ, ex eo quod res est, aut non est; oratio, & sic etiam opinio, seu mentalis cognitio, vera aut falsa dicitur. Et 9. Metaphys. text. 21. ait Aristot. *Non propterea quod nos te verè putamus album esse, tu albus es: sed propterea quod tu albus es, nos qui dicimus, verum dicimus.* Itaque ex hac regula Aristotel. semper dicere valebit, ideò cognitio vera est, quia res ipsa est sicut cognoscitur: sicut est contra falsa erit, quando res non est sicut putatur. Nec è conuerso dicere valeret, ideò res talis est, quia eius cognitio vera est.

Aliqui tamen supponentes distinctionem cognitionis speculatiue & practice, asserere vellent, hanc regulam locum habere solum in cognitione speculatiua, quia hæc non est causa rerum. Verum præter quàm quod Arist. vniuersaliter loquitur de omni oratione, & opinione, vt legenti patebit, quia id pertinebat ad eius intentum, dum docere volebat, orationem & opinionem non esse per se suspectam contrariorum. Ratione vniuersali probatur, quia de omni cognitione procedit. Veritas cognitionis est conformitas ad rem. Licet enim dici soleat de veritate practica, esse conformitatem ad appetitum rectum: tamen id specialiter dicitur in materia morali, præter quàm datur cognitio practica in materia artificiali. Atque in materia ipsa morali non excludit conformitatem ad rem: imò eandem ipsam inuoluit; nam & appetitus ipse ideò rectus est, quia versatur circa tale obiectum scilicet honestum; sicut è contra prauus est, quando versatur circa inhonestum. Omnis ergo cognitio vera est per conformitatem ad rem. Sed certè ideò cognitio, siue speculatiua, siue practica, est conformis rei, quia res talis est sicut cognoscitur: & non è contra, ideò res talis est, quia cognitio est illi conformis. Ergo in vniuersum veritas cognitionis sumitur ex eo quod res est, & non è conuerso.

Confirmatur. Conformitas cognitionis ad rem, vel est relatio, vel denominatio ab ipsa re; vt postea dicemus: sed vtroque modo explicetur, omnino sat

mitur ab ipsa re; quia & relatio consoquitur suum terminum, & denominatio rem à qua sumitur. Ergo omnino verum est, veritatem sumi ex eo quod res est.

Deinde specialiter de cognitione practica ostenditur. Cognitio practica est qua intellectus iudicat, hoc est ita faciendum, illud est fingendum. Sed hoc iudicium intantum verum est, inquantum reuera hoc sit faciendum alius fingendum, & alioqui iudicium est falsum. v.g. Hoc est iudicium practicum verum, est temperare viuendum, vtrique quia ita cognoscitur sicut est. Hoc autem est iudicium falsum, est voluptuose viuendum, quia reuera non ita est. Ergo etiam veritas cognitionis practica sumitur ex ipsis rebus, ex eo quod res sint sicut cognoscuntur: & non ideò res sunt tales, quia cognitio quæ iudicantur tales, vera est. Non ideò est temperatè viuendum, quia ego sic iudico: sed ideò ego debeo sic iudicare, quia in re ita esse supponitur.

Confirmatur. Illi antiqui contra quos disputat Aristoteles quarto Metaphysicorum, capite quinto, dicebant, non aliud esse verum nisi quod videbatur seu putabatur verum. Quod v.ique absurdissimum effect dicere de rebus practiciis. Nè autem id sequatur, oportet dicere, veritatem cognitionis practica sumi ex ipsis rebus: quibus si conformis sit, vera est; si difformis, falsa.

Ad motum sententiæ oppositæ dicendum est, in cognitione practica, debere considerari, & obiectum abstractum ab actuali exercitio, & postea, actuale exercitium operis cogniti. v.g. prius homo iudicat, est temperatè viuendum, postea ex consensu voluntatis temperatè viuit. Cognitio ergo practica non est causa sui obiecti primo modo considerati, sed potius illud præsupponit, & ab illo accipit veritatem. Est autem causa operationis consequentis, quatenus actualiter exercetur. Et respectu huius dabitur alia cognitio inuitiua qua videtur qui temperatè viuit, & hæc cognitio sumet veritatem ab ipso actuali exercitio quod habet pro obiecto, nec tamen ipsa est causa eius: nec est practica respectu ipsius, sed potius est speculatiua.

Quartò

*Etiā in
cognitione
practica.*

*Veritas
an conueniat
omni
operationi
intellectui.*

Quarto post hæc videndum esset, num veritas omni actui cognitionis intellectuique, idest omnibus tribus operationibus, conueniat. Et quidem satis certum est, conuenire notitie iudicatiue, cum secundæ, tum tertie operationis. Difficultas autem est de prima operatione, que est simplex apprehensio rerum. Sed cum res iam sit specialis de ipsa apprehensione, de hoc in proprio suo loco tractabimus.

Quintò cum præter actus cognitionis, datur in intellectu etiam species intelligibiles, & habitustijs quoque solet suo modo tribui veritas, quia habent etiam suam conformitatem cum rebus. Hoc autem intelligendum est per ordinem ad ipsam cognitionem actualem, quatenus referuntur ad actum cognitionis veræ. Et iuxta hoc intelligitur quod docuit S. Tho. q. 1. de Verit. art. 1. cognitionem consequi ad conformitatem & veritatem, esseque effectum eius. hoc enim dixit de conformitate & veritate inter rem & speciem intelligibilem.

*Non conuenit
solum
intellectui
sensitui,
sed etiam
sensui.*

Sextò demum quærendum restat, num hæc veritas representatiua & in cognoscendo, soli intellectuique cognitioni, vel etiam sensuique, conueniat. Et asserendum est, conuenire etiam suo modo cognitioni sensitiue: sed longè diuersam atque perfectiorem esse veritatem cognitionis intellectui. Et quidem sensui inesse veritatem, atque etiam falsitatem, docuit aperte Arist. 2. de Anima tex. 161. & alibi sæpe, loquens tam de sensibus externis, quam internis, præcipuè de imaginatione. Idem asserit S. Tho. 1. p. q. 17. ar. 2. & q. 1. de Verit. art. 9. & 11. dicens, sicut veritas consequitur operationem intellectus, secundum quod intellectus iudicat de re secundum quod est, ita veritas est in sensu. Idem alij communiter approbant. Et ratione patet, quia sensui percipimus res sicuti sunt: & tunc cognitio sensitiua conformatur rebus in representando & cognoscendo: ergo habet hanc veritatem.

*Diuersa
est & longè
perfectior
veritas
intellectus
sensitui.*

Diuersitatem autem veritatis intellectuique a sensitiua explicat S. Tho. quia intellectus potest per reflexionem cognoscere veritatem in actu suo: non ita sensus, de quo ait: Si enim sensus verè iudicat de rebus, non tamen cognoscit veritatem qua

verè iudicat. Alia etià diuersitas est, quod veritas intellectui omnes res cognoscibiles complectitur, veritas autem sensitiua solas sensibiles. Sed potissima differentia est, quia sicut cognitio & representatio sensitiua est materialis, & imperfecta: ita & eius veritas: veritas autem, sicut & cognitio intellectui, longè sublimior ac perfectior est.

SECTIO QVARTA.

Utrum veritas cognitionis sit conformitas conceptus formalis vel obiectiui ad rem cognitam.

Cum veritas, ex ipsa nominis explanatione tradita, sit conformitas & adequatio intellectus cognoscentis cum re cognita: & in intellectu cognoscente datur subiectiue quidem conceptus formalis, qui est ipse actus cognitionis: & obiectiue datur conceptus qui dicitur obiectiui, & est res ipsa cognita quatenus cognita: atque præterea datur res ipsa in se. Ideo tripliciter potest attendi ista conformitas. Primo inter conceptum formalem & obiectiui, videlicet inter cognitionem lapidis, & lapidem quatenus cognitum: quatenus nempe ita conceptus formalis representat rem, sicut res ipsa representatur. Secundo inter conceptum formalem & rem in se: quatenus ita cognitio representat re, sicut res ipsa est in se. Tertiò inter conceptum obiectiui & eandem rem, idest inter rem ipsam ut cognitam, & ut est in se: quatenus nempe ita res representatur in conceptu obiectiui sicut est in se. Hinc examinare oportet, in qua nam propriè conformitate veritas consistat.

*Triplex
conformitas
distinguitur.*

Prima sententia esse potest, consistere in conformitate inter conceptum formalem & obiectiui. Secunda sententia est, quæ asserit, consistere in conformitate inter conceptum obiectiui & rem. Ita Durand. in 1. dist. 19. q. 5. Heruets quodl. 3. q. 1. ar. 2. & 3. & Valquez 1. parte disp. 76. Tertia sententia asserit, consistere in conformitate conceptus formalis, idest ipsius cognitionis ad rem in se. Ita Caiet. 1. parte quæst. 16. ar. 2. Ferr. 1. contra Gótes cap. 19. & 60. Aegid. quodl. 4. q. 7.

*Triplex
sententia
refertur.*

Soncin.

Soncin. 6. Met. q. 17. Molina 1. p. q. 16. d. 1. Font. 4. Met. cap. 2. q. 6. sect. 7. & 8. Suar. disp. 3. Met. sect. 1. & multum fauer S. Tho. 1. par. q. 16. ar. 2. & 1. contra Genes cap. 59. & 60. Item Ammon. & Boet. in primo cap Perierm.

*Veritas
non est cō-
formitas
conceptus
formalis
ad obie-
ctum.*

Dico primò. Veritas nō est conformitas inter cōceptum formalem & obiectiui Cōclusio est certa. Et probatur clarè: quia in omni prorsus cognitione, siue vera siue falsa, hæc conformitas reperitur: ergo omnis cognitio esset vera, & nulla falsa Assumptum patet: quia semper & in omni cognitione, ita cōceptus formalis repræsentat rem, sicut res repræsentatur in cōceptu obiectiui: neq. inter hos duos cōceptus potest esse diffinitas. Vnde si ponamus quempiam, verbi gratia, iudicare, lignum esse lapidem: ita prorsus cognitio repræsentat in cōceptu formalis, sicut res in cōceptu obiectiui repræsentatur: & tamen hoc iudicium est falsissimum. Et idem est in omni alia cognitione. Omnino ergo oportet, veritatem constituere in conformitate inter mentis cōceptum & rem in se prout est ad extra: ita vt tunc dicatur intellectus veram notitiam habere, & non falsicūm res ipsa ita est in se, sicut in intellectu repræsentatur.

*Nec est
conformi-
tas in es-
sendo co-
gnitionis
ad rē co-
gnitam.*

Dico secundò. Veritas non est conformitas cōceptus formalis seu cognitionis ad rem secundum esse ipsius cognitionis. Hoc expressit S. Thom. primo contra Genes cap. 59. & si hoc tantum voluissent Doctores secundæ sententiæ, rectè dixissent. Probatum manifestè. Non ideo cognitio vera est, quia talis sit ipsa cognitio in sua entitate, qualis est res quæ cognoscitur, siue quia sit illi similis in essendo. Quin potius potest esse, & est hoc modo valde dissimilis. Nam cognitio est accidens & qualitas. quando res cognita est substantia. Est immaterialis & spiritualis, quando res cognita est corporea & materialis. Est subiectiue in intellectu, quando res est in se ad extra. Quando verò cognitio in quibusdam ex his rationibus assimilatur rei cognitæ, videlicet quando cognoscitur qualitas aliqua, quæ sit spiritualis, quæ sit etiam in ipsa anima: imo quando per cognitionem reflexam cognoscitur cognitio, ubi maxima interce-

dit similitudo in essendo: non per hoc ipsa cognitio erit magis vera per hanc maiorem assimilationem, & conformitatem cum re cognita. Igitur veritas non est conformitas in essendo cōceptus formalis, idest cognitionis ad rem cognitam.

Dico tertio. Veritas propriè est conformitas, tūc cōceptus obiectiui, tūc cōceptus formalis, ad rem in repræsentando: atque per se primò formaliter conuenit ipsi cognitioni, per quam res menti obijcitur & repræsentatur. Probat. & explicatur conclusio primò. Tūc cōceptus obiectiui, tūc cōceptus formalis, potest ac debet propriè denominari conformis & adequatus obiecto: nam cōceptus formalis repræsentat rem sicut est, in cōceptu obiectiui repræsentatur res sicut est: quæ propriè est adequatio & conformitas in repræsentando: ergo uterque denominatur verè & propriè conformis. Hinc sequitur, vtriusque cōceptus conformitatem esse propriè veritatem: nulla enim ratio suppetit, quare vnius tantum, & non vtriusque cōceptus conformitas, dici debeat veritas: & hæc est vtrique veritas repræsentatiua à transcendentali distincta. E contra quando intellectus fallitur, tam in cōceptu obiectiui, quam in cōceptu formali, dicitur inueniri diffinitas cum re, quæ diffinitas est falsitas.

*Veritas
est conformi-
tas in
repræsen-
tando con-
ceptus for-
malis &
obiectiui
simul ad
rem cog-
nitam.*

Secundò in vtroque cōceptu verè inuenitur ratio repræsentationis, vel actiue, vel passiue, vt patet: ergo & in vtroque reperitur conformitas, & veritas in repræsentando. Atque dum quaeritur quæ conformitas propriè sit veritas: dicere oportet, veritas cōceptus formalis est conformitas ipsius ad rem, veritas cōceptus obiectiui est conformitas suimet ad eandem rem. In hoc enim uterque verus est, quod conformatur obiecto: & sicut conformitas conuenit vtrique, ita veritas: ergo vniuiusque propria conformitas, est propria veritas.

Tertiò vel dicitur esse duplex diuersa conformitas vtriusque cōceptus ad rem: vt sanè si conformitas sumatur pro relatione rationis, potest duplex relatio

*Sine sit
duplex cō-
formitas,
sine vna.*

tiſ cogitari . Et tunc dicitur duplex quoque veritas , & quilibet conceptus per ſe denominabitur conformis & verus à ſua conformitate & veritate . Vel potius dicitur eſſe vna eademque conformitas ; ſicut ſanè dicendum eſt , ſi conformitas accipitur realiter : quæ diuerſo modo explicata conueniat vtrique conceptui ; actiue ſcilicet & formaliter conceptui formali , paſſiue & obiectiue conceptui obiectiuo . Sicut eadem eſt ratio repræſentationis , quæ actiue explicata conſtituit conceptum formalem , paſſiue explicata conceptum obiectiuum . Et ſic veritas eſſe dicitur hæc conformitas , quæ eſt vtriuſque conceptus ad rem , denominans verumque , quatenus ex parte vtriuſque ſe tenet : & vtroque modo poteſt explicari .

Quarto deinde hæc veritas per ſe primo formaliter conuenit ipſi noſtræ cognitioni . Nam conceptus quidem formalis per ſe & directe eſt ipſa cognitio : in conceptu autem ipſo obiectiuo eadem cognitio ſe habet vt forma , per quam denominatio conformitatis conuenit conceptui obiectiuo . Conceptus enim obiectiuus eſt res quatenus cognita : vnde duo dicit , & rem , & cognitionem . Eſſe vero rei conformem , non illi conuenit quatenus res eſt : quia vt ſic potius illi conuenit eſſe idem cum res eſt enim ipſa res : in qua identitate non vtrique conſiſtit veritas de qua agimus . Illi ergo conuenit quatenus res cognita eſt : igitur ratione cognitionis ; & ita cognitio eſt forma ratione cuius talis denominatio illi conueniat . Ideoque ipſa conformitas explicatur dicendo , quia res cognoscitur & repræſentatur ſicuti eſt .

Quinto hinc ſequitur , ſi assignare velimus , cuiam conceptui prius quam alteri hæc conformitas ſeu denominatio conueniat : dicendum eſſe , prius conceptui formali . Nam conceptus formalis eſt is , per quem res primario & formaliter repræſentatur . Ergo is etiam primario eſt , per quem res repræſentatur ſicut eſt , & cui proinde primario conuenit conformitas & veritas . Et ſicut ipſi conceptui obiectiuo ratio repræſentationis conuenit per ipſum conceptum formalem , tanquam per formam , ita pariter ratio

conformitatis & veritatis . Et ſicut valebit dicere : ideo res repræſentatur intellectui , quia intellectus cognoscit & concipit rem : ita etiam valebit dicere : ideo res repræſentatur conformiter ſicuti eſt , quia intellectus illam concipit ſicuti eſt : & demum in alijs ſimilibus rebus , ſi aliquis ordo conſtituendus ſit inter denominationem actiuam & paſſiuam , prius assignatur actiua : vt inductione patebit .

Sexto notum & perſpicuum eſt , illud cui propriiſſime & comuniſſimo vſu loquendi veritas attribuitur , eſſe ipſam cognitionem . Nominatur enim cognitio vera , notitia vera , opinio vera : contra dicitur cognitio falſa . Item ipſa cognitio , ſive verbum mentis , dicitur ſimilitudo expreſſa obiecti , imago obiecti . Ergo ratio conformitatis , & denominatio veritatis , per ſe primo conuenit ipſi cognitioni . Cognitio aut per ſe & directe dicit conceptum formalem . Et quando de hac materia agimus , per ſe & directe agimus de ipſis actibus intellectus , non de conceptibus obiectiuis : & hic modo quærimus de cognitione intellectiua , de cognitione vera , de veritate cognitionis . Potiſſime ergo conceptui formali , i. ipſi cognitioni , debemus attribuire veritatē .

Postremo hæc omnia illuſtrantur & confirmantur exēplis . Imagines , ſive pictæ , ſive ſculptæ rerū , ſunt illis ſimiles & conformes in repræſentando : & dici quidem poteſt , tam de re quatenus ibi effigiata , quam de ipſa effigie , eſſe ſimile & conformem rei in ſe : tamen per ſe primo hæc ſimilitudo & conformitas tribuere ipſi imagini formali . Propoſitio vocalis & ſcripta dicitur vera , quando ſignificat rē ſicuti eſt : & pot quidē ita conformitatis & veritas dici , tam de re quatenus ſignificata , quam de propoſitione ſignificantē : tamen per ſe primo tribuere ipſi propoſitioni ſignificantī . Species intelligibiles , & habitus in intellectu , participant conformitatem & veritatē : quæ eſt etiam dici poſſit de rebus quatenus repræſentatis in ipſis ſpeciebus , & habitibus : tam per ſe primo ipſis ſpeciebus , & habitibus , ſuo modo formaliter attribuitur . Ergo ſic veritas & conformitas de qua agimus , poteſt quidem tribui conceptui tum obiectiuo tum formali : tamen per ſe primo .

*Commun
modo lo
quendi co
gnitioni
tribuitur*

*Ad mai
rem con
firmatio
nem affe
runtur e
xempla
quædam*

*Per ſe
primò for
maliter
conuenit
ipſi cog
nitioni.*

*Priusq. cō
ceptui for
mali quā
obiectiuo.*

*Quomodo
veritas
sit confor-
mitas ad
rem, quā-
do cogno-
scuntur
negatio-
nes.*

primò ipsi cognitioni debet tribui.

Obijcies primò contra primam conclusionem. Intellectus cognoscit non solum entia positiua, sed etiam negationes & non entia: sed hæc nullum habent esse in se ipsis a parte rei: ergo veritas in cognitione eorum non potest esse conformitas ad rem prout est in se: igitur tantum erit conformitas conceptus formalis ad obiectum.

Resp. Quamuis negationes non sint entia positiua, non sint res, propriè loquendo: tamen hoc ipsum non esse, dicitur esse ipsius negationis & non entis. Negatio enim lapidis in homine, est ipsum non esse lapidis, quod non esse lapidis est esse negationis lapidis. In ordine igitur ad hoc non esse, quod suo modo datur a parte rei, quia realiter homo non est lapis: sumenda est veritas & conformitas cognitionis circa negationem. Cum ergo intellectus cognoscit hominem non esse lapidem, negationem esse non ens: cognitio vera est, quia reuera homo non est lapis, negatio est non ens. Conformatur ergo rebus sicuti sunt. Et dum dicimus veritatem esse conformitatem ad rem sicuti est, res non accipitur propriè & positiuè, ut a non ente distinguitur: sed sumitur pro obiecto cognito, quodcumque illud sit, quod appellatur res cognita.

*Et quā-
do cogno-
scuntur
entia ra-
tionis.*

Obijcies 2. contra eandem. Intellectus cognoscit non solum entia realia: sed etiam entia rationis: sed hæc nullum omnino habent esse a parte rei: sed tantum habet esse obiectiuè in intellectu: ergo cognitio entis rationis non aliter potest esse vera, nisi per conformitatem cognitionis ad conceptum obiectiuum, in quo solo consistit totum esse entis rationis.

Resp. Distinguendam esse duplicem cognitionem entis rationis: primam, quando primò fit & fingitur ens rationis: secundam, quando ulterius consideratur atque cognoscitur. Tunc primò fit entis rationis, cum id quod non est concipitur ac si esset: tunc consideratur ulterius, cum intellectus recogitat, hoc est ens rationis, hoc est fictum, & similia. In primo modo cognoscendi deficit potius intellectus a conformitate & veritate debita: deberet enim cognoscere quod non est tanquam non ens, & non tanquam si esset: & dum iudicat esse quod in re non

est, fallitur, daturque in cognitione difformitas ad rem consideratam vt verè est a parte rei. In secundo modo cognoscendi potest optimè dari veritas & conformitas: quia cum consideretur ens rationis vt præexistens in priori cognitione: siue etiam si consideretur vt possibile per illam cognitionem, consideratur verè sicuti est: non quidem sicuti est realiter a parte rei, quia sic non est, sed sicuti est obiectiuè in ipsa alia cogitatione intellectus. Et ita semper veritas est conformitas ad rem, siue ad obiectum prout est in se, siue prout esse supponitur ad ipsam cognitionem: & non est conformitas cognitionis ad illum conceptum obiectiuum, qui ipsamet cognitione formatur.

Obijcies 3. contra tertiam conclusionem ex Durando. Conformitas cognitionis ad obiectum, non est in essendo, sed in representando: at conformitas in representando attenditur ex parte obiecti seu conceptus obiectiui: ergo veritas solum est conformitas conceptus obiectiui ad rem. Maior a nobis supponitur. Minor probatur, quia conformitas in representando consistit in hoc quòd res menti obijciatur atque representetur sicuti est in se: tota ergo ista conformitas in conceptu obiectiuo consistit.

Resp. Conformitatem in representando attendi, tum ex parte conceptus formalis, tum obiectiui. Nam & consistit in hoc quòd res menti obijciatur sicuti est, & in hoc quòd ipsa cognitio formaliter rem menti obijcit atque representat sicuti est. Imo aliter intelligi non potest in conceptu obiectiuo, nisi mediante ipsa representatione, quæ est conceptus formalis. Verum est tamen, in ipsomet conceptu formalis non inueniri conformitatem, nisi per ordinem ad rem ipsam: sicut & ipsa ratio cognitionis dicit ordinem ad obiectum, quia est vtique obiecti cognitio.

Obijcies 4. ex eodem. In illo est veritas mentalis formaliter, quod significatur per propositionem vocalem veram: quia hæc est vera tanquam signum: signum autem non dicitur tale, nisi quia significat illud quod est formaliter tale: pulsus non dicitur lapus, nisi quia significat animal lanum. Sed propositio vocalis

*Quomodo
conformi-
tas in re-
presentan-
do, non
solum con-
ceptui o-
bectiuo,
sed etiam
formali,
conueniat.*

*Quo erit
propositio
vocalis
vera sit
per con-
formitatem
ad rem.*

calis per se significat conceptum obiecti-
um, non vero formalem: significat enim
rem cognitam, non cognitionem. Ergo.

Resp. Imo propositio vocalis signifi-
cat per se & directè rem prout est in se,
vt propria quæst. de vocibus tractabi-
mus. Est ergo vera, quia habet signifi-
cationem conformem rei prout est in
se, & quia substituitur loco cogniti-
onis veræ. Neque semper est verum, si-
gnum dici tale, quia res significata dicitur
talis. Nam certè signum dicitur con-
forme rei significatæ, non quia res ipsa
significata dicatur sibi conformis, sed
quia est talis sicut significatur. Ideo au-
tem pulsus dicitur sanus quia animal di-
citur sanum: quoniam formaliter denomi-
natur à sanitate animalis, nec habet in
se formam sanitatis. at propositio ipsa ha-
bet suam significationem, & per conse-
quens conformitatem: & si denominari
debeat vera per veritatem alibi existen-
tem, denominatur per veritatem existen-
tem in ipso conceptu formali, id est cog-
nitione, loco cuius substituitur. Quia
illud ipsum obiectum quod cognitio re-
præsentat ad intra, propositio profert
ad extra.

SECTIO QUINTA.

*Quid sit ipsa conformitas, in qua
veritas cognitionis consistit.*

Ad huc dubium remanet, quidnam sit
dicta conformitas, an aliquid à cog-
nitione distinctum, vel ipsamet cog-
nitio; an relatio, vel aliquid absolutum.

Durand. eod. loco in 1. d. 19. q. 3. n. 14.
explicat esse relationem rationis. Et probat
ex eodem fundamento: quia cum vel-
let, veritatem esse conformitatem concep-
tus obiectiui ad rem, atque adeo eiusdem
rei quatenus cognitur ad se ipsam.
quaremus est, erit relatio eiusdem ad se
ipsum, atque ita non potest esse nisi
relatio rationis. Alij etiam idem tenent,
& probant à pari: quia veritas transcen-
dentalis est relatio rationis, qua res di-
cuntur conformari intellectui.

Soncina verò 6. Met. q. 17. docet, con-
formitatem in qua veritas cognitionis
consistit, dicere entitatem ipsam absolu-
tam conceptus mentalis, superaddita

relatione; vel reali, si sit ad rem actu
existentem; vel rationis, si sit ad rem
non actu existentem.

Bagn. 1. par. q. 16. art. 3. dub. ult. ait, ve-
ritatem simpliciter esse perfectionem ab-
solutam cognitionis; explicari tamen per
relationem, vel realem, vel rationis, si-
cut dicebat Soncin. His modis solent &
alijs Thomistæ rem explicare de mente
S. Thom.

Suarez demum disp. 8. Met. lect. 2. con-
tendit, veritatem cognitionis non in re-
latione consistere, nec reali, nec rationis;
sed in entitate ipsa intrinseca cogniti-
onis, & connotatione sue concomitantia
obiecti in re taliter se habentis.

Dico primò. Conformitas in qua con-
sistit veritas cognitionis potest explicari
per relationem ad obiectum.

Probatur primò ex ipso nomine con-
formitatis. Nam conformitas est vtique
vnius rei ad aliam, & dicitur sicut simili-
tudo, æqualitas: & è contra disconfor-
mitas, sicut dissimilitudo, inæqualitas. Er-
go sicut dantur relationes similitudinis,
æqualitatis, & aliæ; ita concedenda est
relatio conformitatis: potest ergo sumi
conformitas pro relatione; & hæc con-
formitas, quæ est cognitionis ad rem,
est veritas ipsius cognitionis.

Secundò veritas transcendentalis, quæ
est conformitas rerum ad intellectum,
solet per relationem explicari, & rebus
ipsis attribuitur hæc relatio conformita-
tis ad intellectum, & ita assignatur veritas
quæ est passio entis: ergo similiter ve-
ritas repræsentatiua, quæ è conuerso est
conformitas intellectus ad rem, potest
per relationem explicari.

Tertiò ad videndum, an hæc sit re-
latio realis vel rationis, considerandum est,
an concurrant omnia requisita ad re-
lationem realem prædicamentalem, & tunc
iuxta sententiam asserentem has relatio-
nes esse modos ex natura rei distinctos à
rebus absolutis, debet vtique in ipsa cog-
nitione concedi iuxta relationem realem. Ad-
sunt autem omnia requisita, quando &
existit ipsa cognitio; & existit actualiter
obiectum eius: quia hæc relatio dicitur
retulere ad existentiam sui termini, &
non respicere terminum possibilem non
actu existentem: tunc inquam debet iuxta
illam sententiam concedi ista relatio, quia
adest

*Bagnes
sententia.*

*Suarez
sententia.*

*Conformi-
tas potest
explicari
per mo-
dum re-
lationis.*

*Durandi
sententia.*

*Soncina
sententia.*

*Interdū
realis.*

adest fundamentum, & terminus, & ratio quæ in concedendis his relationibus in alijs rebus iuuenitur. Atque hæc relatio realis concedenda esset etiam in sententia Durandi, quod veritas sit conformitas conceptus obiectiui ad rem. Nam negari non debet, cognitionem ipsam habere respectum representationis ad rem representatam; & si alia res huiusmodi solent fundare respectus prædicamentales, etiam cognitio dici debet fundare suum respectum. Imo ratione ipsius cognitionis, etiam conceptus obiectiui ad rem concedi poterit relatio realis. Nam eiusdem ad id ipsum, si nulla adesse distinctio realis, non potest quidè dari relatio realis: tamen, si idem ex vna parte sumatur quatenus ita sub aliqua forma realiter distincta, poterit ratione talis forme realiter referri ad seipsum quatenus per se sumptum, quæ relatio realiter non erit alia nisi illa eadem quæ est talis forme ad ipsam rem, quando talis forma apta est fundare relationem. Sic, si imago dicat relationem realem ad rem representatam, dici etiam poterit ipsa res quatenus representata in imagine, referri realiter, siue assimilari ad se ipsam per se sumptam.

*Interdum
rationis.*

Quartò ex altera parte, quando non aderunt omnia requisita ad talem relationem prædicamentalem, videlicet quando cognitio versabitur circa rem non actu existentem; vt quando intellectus iudicat, Adamus est homo, alius mundus est possibilis, & similia; imo vniuersaliter iuxta sententiam negantem, relationes reales distinctas à rebus: tunc certè relatio quæ cogitur superaddita cognitioni in ordine ad rem cognitam, est relatio rationis, quoniam excogitur ab intellectu, cum reuera non sit. Et sanè negari non potest, solere intellectum hoc modo concipere conformitatem cognitionis ad rem, referendo, & conferendo: & ita apprehendimus veritatem tanquam relationem conformitatis, quæ erit relatio rationis. Et sic veritas transcendentalis sollet constitui in sola conformitate & relatione rationis, vt possit esse passio entis, quæ esse debet extra ambitum ipsius entis realis.

Debet præ Dico 2. Conformitas in qua veritas co-

gnitionis consistit, debet etiam, imo præcipue explicari penes entitatem ipsam, cognitionis & connotationem obiecti entitatis habentis sicut cognoscitur, antecederet ad omnem relationem superadditam.

*notationem
obiecti.*

Probatur primò. Relatio realis, vt diximus, non semper datur in omni cognitione vera, relatio rationis fingitur ab intellectu cum in re non sit: cognitio autem vera, sine dubio est à parte rei & realiter vera: nec enim quod vera sit, in totum fingitur ab intellectu. Ergo sine relatione superaddita oportet etiam explicare veritatem in cognitione.

Secundò etiam data hypotesi, quod non resultarent relationes illæ prædicamentales distinctæ à rebus, aut saltem, quod in cognitione non inueniatur alia relatio ab eius entitate distincta; item, quod intellectus non fingeret relationem rationis, sed conciperet rem sicuti est: tunc adhuc valeret dicere, cognitionem esse veram, & inueniri realiter conformitatem inter cognitionem & rem, dum cognosceretur res sicuti est: ergo veritas debet explicari per entitatem ipsam cognitionis & rei, independentem ab omni alia relatione distincta.

Tertiò si consideremus certà aliquam cognitionem, v. g. iudicium affirmans hominem esse animal, per hoc solum quod addimus, hominem re ipsa esse animal, & circumscripta quacunque alia forma seu formalitate distincta à tali cognitione, & tali obiecto: rectè dicemus, talem cognitionem esse verà, & differre à cognitione falsa: rectè etiam dicemus, cognitionem conformari cù suo obiecto: quia ita representat rem sicut res ipsa est. Vbi non inuenitur aliud, nisi ipsa entitas cognitionis, & talis entitas obiecti. Ergo hoc modo potest & debet veritas explicari. Ita, quod in recto quidem dicat talem cognitionem atq. representationem connotatiue aut & per concomitantiam ipsum obiectum ita se habens. Nec enim sufficeret sola entitas cognitionis: quia stante eadem cognitione, si obiectum non ita se habeat sicut cognoscitur, cognitio non est vera sed falsa. Non autem in recto dicimus, veritas est obiectum ita se habens sicut cognoscitur, sed potius est representatio obiecti sicut est. Itaque in recto dicit ipsam repræ-

*Quia se-
clusa om-
ni alia
forma di-
stincta à
cognitione,
intelligi-
tur cognitio vera.*

repræsentationem connotando obiectum ita se habens.

Quartò explicatur magis. Stante quòd obiecti taliter se habet à parte rei, tunc variatio cognitionis falsæ aut veræ, se tenebit ex parte entitatis intrinsecæ ipsius cognitionis. Nā v. g. iudiciū affirmatiuum erit verum, negatiuum falsum: quæ duo iudicia vtriusque intrinsecè differunt, imò contraria sunt. Et hoc modo dicere valebit, veritatē esse perfectionē intrinsecam cognitionis: idest illud quod, facta prius suppositione obiecti taliter se habere, superest ad perficiendā cognitionē veram, est talis repræsentatio siue talis cognitio, v. g. iudiciū affirmatiuum ex parte intellectus. Ideò etiam de perfectione intellectus est, vt verā cognitionē proferat, siue vt attingat re sicuti est. Si autē è contra fiat suppositio, quòd intellectus taliter cognoscat, videlicet affirmet rem: tunc variatio veritatis aut falsitatis se tenebit ex parte obiecti, & consistet in vna vel alia connotatione obiecti. idest si obiectū in re ita se habet, iudiciū illud est verum: si aut nou ita se habet, iudiciū est falsum. & quantum ad hanc partē, veritas non est alia perfectio intrinseca cognitionis, sed connotatio alicuius extrinseci. Hinc vltimus fit, quando obiectum est necessariū, sicut est in propositionibus essentialibus, mutationē veritatis & falsitatis esse nō posse nisi ex parte cognitionis: quando autem obiectū est variabile, vt in propositionibus contingentibus: tunc mutatio veritatis & falsitatis esse potest, non tantū ex parte cognitionis, sed etiā ex parte obiecti: ita quod possit eadem, non solum specie, sed & numero, cognitio, esse aut vera aut falsa, per solam varietatem obiecti, siue mutatione siue propriæ entitatis, eo modo quo dicemus q. 24. Patet ergo quare ratione dicamus, veritatē hanc consistere in entitate cognitionis & connotatione obiecti.

Et relatio Quintò dicimus, veritatē ita præcipuè realem nō explicari debere. Tum quia hæc est veritas quæ realiter cognitioni cōuenit: cūm deest, ratio totū fit à parte rei absq. omni dubio: tamen non alia aut relatio realis distincta, vel nullo est reali modo, vel certè non in omni cognitione vera, reperitur: relatio rationis fingitur ab intellectu, quando aut quærimus, quid sit veritas & conformitas cognitionis,

præcipuè quærimus, quid adæquatè sit in omni cognitione vera, & quid sit realiter in ipsa cognitione. Tū etiam agimus hic de veritate, quatenus illam intendimus inducere in cognitionem per directionem logicam: sed Logica nihil vtrius curat, vt inducatur aliqua relatio distincta, siue realis, siue rationis: sed solum intendit, vt assequamur illam rerū cognitionē, quæ sit talis in repræsentando sicut sunt res in essendo, quod per entitatē ipsam talis cognitionis, cōnotata tali entitate rerū, plenè saluatur: ergo sic præcipuè debet nunc veritas explicari.

Sextò iuxta hanc explicationem dici debet, veritatē esse aliquid absolutum, si absolutum sumatur prout à prædicationali relatione distinguitur. Sed quia etiam illa quæ sunt hoc modo absoluta, habent rationem respectus qui dicitur transcendentalis, & per omnia prædicationa vagatur: & planè huiusmodi est cognitio, quæ omnino dicit ordinem ad obiectum: sic veritas quatenus dicit cognitionem, habet vtriusque rationem respectus transcendentalis, & sic optime vocatur conformitas. Præterea, quia completa ratio veritatis vltra entitatem cognitionis, connotat obiectum, quod est ab illa distinctum & separatum sequitur, hanc veritatis denominationem in ipsa veritate non esse penitus intrinsecam, quia non dicit solum formam aliquam intrinsecam in ipsa cognitione: sed esse partim extrinsecam. Ita vt ex parte directi significati, nempe repræsentationis attingentis obiectum, sit quidem intrinseca: ex parte autem cōnotati, sit extrinseca, idest connotat aliquid extrinsecum.

Denum quia veritas cognitionis duplici modo explicata est: veritas primò modo explicata scilicet per relationem, poterit appellari veritas formaliter sumpta; secundo modo veritas fundamentaliter ac realiter sumpta. Non quidem quasi entitas cognitionis cōnotans obiectum, non sit secundum se veritas, & solum sit fundamentum veritatis: sed quia in se quidem simpliciter est veritas; tamen etiam est fundamentum relationis, atque adeo veritatis alio modo explicatæ. Ideo optime appellabitur veritas realiter sumpta.

Atque

*Veritas
sue explicata,
dicitur respectum
transcendentem
cum connotatione
extrinseca.*

*Veritas
primo modo
sumpta est
formaliter.
Secundo
modo
fundamentaliter
et realiter.*

Atque ex his poterant facile conciliari sententiæ relata, & si quæ alia videbantur diuerſæ circa explicationem veritatis: & omnia earum argumenta non faciunt contra doctrinam traditam, sed potius vel vnam vel alteram ex nostris conclusionibus confirmabunt.

SECTIO SEXTA.

*Qualiter cognitioni intellectus
inreſtitudo & falſitas inſit:
& quid ea ſit.*

*Duplex
eſt intel-
lectus no-
ſtri defe-
ctus.*

Rectitudini & veritati opponitur inreſtitudo & falſitas. Vnde ſicut illam in noſtram cognitionem inducere: ita hanc ab eadem depellere debemus. Duobus autem modis intellectus noſter deficere poteſt: & ſumitur ex Ar. 1. Poſt. cap. 15. tex. 109. & D. Tho. q. 1. de Malo art. 7. Primò nulla tenus cognoscendo rem: quomodo ſe habet circa ea quæ omninò ignorat. Secundò modo deficit intellectus errando, cum concipit rem aliter quam eſt, cum iudicat lignum eſſe lapidem, hominem non eſſe animal. Prior ille defectus dicitur ignorantia negativa vel privatiua, quia caremus omni notiſia rei. Poſterior dicitur ignorantia poſitiua & praua diſpoſitionis, quia non caremus omni cognitione, ſed habemus poſitiuam, obliquam tamen & falſam, quia malè cognoscimus rem aliter ac eſt. Et hæc ignorantia poſitiua eſt error & falſitas, ſive cognitio errans, falſa, & indirecta.

*Defectum
ignorantia
primaria, ad
Logicam
etiã cor-
rigere ſpe-
ſtat.*

Circa primum defectum eſt difficultas, an etiam contra illum Logica dirigat intellectum in cognoscendo. Negant aliqui, dicentes, ad ſingulas quaſque ſciẽtias pertinere, auferre ab intellectu imperfectionem illam ignorantia: quia ipſæ ſciẽtiæ ſunt quæ nos edocent res quas ignoramus: & ita liberant intellectum ab ignorantia. Logica verò ſolùm habet tradere modum, quo in ijs rebus addiſcendis & inueſtigandis rectè procedamus, nè decipiamur errantes.

Sed potius eodem pacto de ignorantia negativa, atque de errore poſitiuo, ſentendum & loquendum eſſe videtur, nempe Logicam contra verumque defectum eſſe cognitionis noſtræ directricem. Nam Logica non ſolùm tradit modum quo diri-

gamus noſtram cognitionem, nè erremus, ſed etiã quo res ignotas perſcrutari poſſimus. Et ex altera parte ſingulari quæquæ ſciẽtiæ in propria materia, non ſolùm, tradunt cognitionem rerum quæ ignorantur: ſed non minus conantur oftendere veritatẽ rei ijs qui decipiuntur & errant.

Probatum quia poſſibilis eſt vtique ars, quæ non ſolùm tradat modum corrigendi errores iã in cognoscendo contractos, illoſq. precauendi nè cõtrahantur: ſed etiã inquirendi & explorandi res ignotas, vt earum notiſiam aſſequamur: imò hæc ſeparari non poſſunt. Hæc autem ars non eſt niſi Logica. Et de facto id totum Logica præſtat. Ideo enim tradit modos inſtrumenta quæ cognoscendi. Ideo prædicabiliũ & prædicamentorum ſeriem rexit, in qua rerum omnium prælibatam quandã notiſiam intellectui offert. Ideo viam rectè apprehendendi iudicandi & diſcurrendi aperit & demonſtrat, totquẽ media res addiſcendi, & in reliquis ſciẽtijs proficiendi, ſubminiſtrat. Ipſæ autem ſciẽtiæ, arte logica vtentes, eamquẽ ad materiam propriam applicantes, tum rerum notiſiam aſſequi, tum errores depellere curant.

Exemplo res fiet illuſtrior. Ponamus aliquem penitus ignorare animam rationalem: alium verò exiſtimare animam eſſe corpoream. Prima eſt ignorantia negativa: ſecunda eſt deceptio poſitiua. Ad Phyſicam quidem pertinet, quia materia ſua eſt, & demonſtrare animam rationalem reperiri, & explicare quid illa ſit, quæ ſit eius eſſentia, quæ proprietates, &c. Itenquẽ probare, illam nequaquam eſſe in ſua entitate corpoream, ſed eſſe verè ſpiritualem: neque ſanè ad Logicam pertinet id probare. Logica autem eſt quæ tradit modum, quo Phyſica poſſit argumenta inuenire, & rectè formare argumẽta diſponere, quo poſſit animam definire, cuiuſquẽ perfectam notiſiam aſſequi. Sicut ergo non ad ſolam Logicam ſpectat, corrigere huoc vel illum errorem in ſingulis materijs, ſed id pertinet ad ſingulas ſciẽtias vtentes ipſa Logica, ſeu per regulas Logicæ: ita ad ſingulas ſciẽtias per ſe ſpectat, tradere notiſiam ſuarum rerum: tamen id ipſum præſtare per vſum & regulas Logicæ. Et ita logici etiam muneri eſt, dirigere intellectum cognitioni-

*Declaratur, quod
ſi minus
Logici, &
quod a-
liarum
ſciẽtiarum.*

*Defectus
inrectitudi-
nis &
falsitatis
sæpe in
nostra co-
gnitione
contingit.*

gnitionem contra ignorantiam privatiuam. Circa secundum defectum, scilicet falsitatis, refert Arist. 4. Met. text. 19. 21. & 28. Protagoram, Anaxagoram, Homerum, & alios, dixisse, omnem cognitionem atque de rebus opinionem esse veram: quia ita vnaquaque res est, sicut cuique esse videtur, sicut esse putatur. iuxta quam sententiam nulla esset nostra cognitio falsa.

Clarissimum tamen est, quàm sæpe & facile intellectus noster fallatur atque decipiat: sæpe ergo est nostra cognitio falsa. Ita sanè frequentè experientia constat. Ex sacris etià litteris habetur expressum. Ex eis veritate nostræ Fidei sequitur: Omnis namque opinio illi opposita, falsa est. Ap. ipse optimè arguit. Si quicquid putatur, verum est; sequitur contradictoria esse simul vera: quia sæpissimè cōtingit, opposita à diuersis vera putari. Non ergo ex humana opinione fieri potest, ut talis sit res qualis putatur: sed eò quòd res est vel non est, sit nostra opinio & existimatio vera vel falsa. Et quia sæpe de rebus opinamur aliter quàm re ipsa se habent, sæpe in cognitione fallimur. Et plerumque nos ipsi dum postea comperimus, rem aliter se habere quàm vt putauimus, deprehendimus nostræ mentis errorem: & opinionem falsam mutando corrigimus. Benè etiam Arist. ibi docet, perinde se habere, dicere nullam cognitionem esse veram, atque nullam falsam: siuc omnem falsam, atque omnem veram. Vtroque enim loquendi modo philosophandi studium evertitur, omnisque scientia confunditur vanaque redditur.

*Non erit
tur ab in-
rectitudo-
ne ex incli-
natione
luminis
natura-
lis.*

Ad assignandum verò, vnde nam falsitas in nostra cognitione oriatur, non desuunt qui dixerint, interdum lumen ipsum naturale intellectus, & rationem naturalem, inclinare ad falsum, id est ad illud quod reuera non sit tale sicut putatur. Quod cogitarunt propter mysteria quedam nostræ Fidei, videlicet Trinitatis, Incarnationis, Eucharistia: concedentes hæc mysteria repugnare principiis naturalibus, atque adeo lumen ipsum naturale circa talia principia inclinare ad falsum. Aliqui verò dicere ausi sunt, talia principia opposita mysterijs nostræ fidei esse quidem vera secundum rationem naturalem, falsa secundum doctrinam fidei;

atque adeo lumen naturale inclinare, quidem semper ad verum naturale, quod tamen interdum sit falsum contra veritatem supernaturalis fidei.

Omninò tamē dicendum est, falsitatem in nostra cognitione non oriri ex naturali inclinatione luminis naturalis, sed solum ex causis extrinsecis, siue ex impedimentis occurrentibus in assequenda veritate. Est res certa, & tunc Philosophis, tum Theologis explorata: & propterea Theologi docent, mysteria nostræ fidei esse quidem supra, non autem contra lumen & rationem naturalem, & principia naturalia. Et præclare S. Tho. primo contra Gentes cap. 7. Ea (inquit) quæ naturaliter rationi sunt insensæ, verissima esse constent, in tantum, ut nec ea esse falsa sit possibile cogitare.

*Quod ex
se nun-
quam in-
clinat ad
falsum.*

Probat. Tum ratione S. Tho. ibi. Lumen naturale est nobis indicium à Deo Auctore naturæ, & Diuina ipsa sapientia continet illa principia quæ naturaliter nobis nota sunt, sicut scientia Doctōris continet illa, quæ discipulo communicat, nisi fictè doceat: sed Diuina sapientia non potest continere falsa principia, neque ea poterit communicare intellectu naturali: quam condidit, nec potuit illi tribuere naturam inclinationem ad falsum; quia sic esset auctor mendacij, & falsitatis: neque fieri illo modo poterat, ut idē Deus quædam doceret per lumen fidei, & alia opposita manifestasset per lumen naturæ: ergo nullatenus dici potest lumen naturale inclinare ad falsum.

Tum etiam alia ratione à post. iori probatur: quia si timere aut suspicari possemus, ne naturale lumen inclinet ad falsum, nihil iam nobis certum firmumque constaret, quia in ipso dictamine luminis naturalis omnis certitudo naturalis notitiæ nitiatur atque fundatur. Semper ergo dubium remaneat, et, num ratio lumenque naturale inclinaret ad falsum. Vnde rursus eorum philosophandi studium evertitur, & humana conditio infelicitissima redditur.

Tum præterea illi qui dicebant, lumen naturale inclinare quidem ad verum naturale, quod tamen possit esse falsum, in fide, maiori reprobatione digni sunt, quòd quocumque modo appellare audeant verum id quod veritatem nostræ fi-

E dei

dei contradicit. Et quia illud solum est verum, illa ratio, illa cognitio, illa propositio, quæ conformatur rei prout est in se, vt patet ex dictis de veritate; hoc enim simpliciter & absolute intelligitur, quando dicitur aliquid esse verum. In hoc autem sensu omnino doctrina nostra fidei vera est, quæ scilicet attestatur res prout re ipsa le habent. Omnis ergo ratio & propositio opposita, protus falsa & nullo modo vera dici debet.

Habetur quæ huius rei præclara definitio & declaratio in Concilio Lateranensi sub Leone Decimo in Constit. quæ incipit Apostolici Regiminis: vbi cum Pontifex cum Concilio retulisset, insurrexisse quosdam errores circa animam rationalem, & aliquos dixisse saltem secundum Philosophiam illos esse veros, infra sic inquit: *Cumque verum vero nimis contradicat, omnem assertionem veritati illuminata fidei contrariam omnino falsam esse definimus: & vt aliter dogmatizare non liceat, districte inhibemus.* Et rursus Philosophiæ lectoribus præcipit: *Vt omni studio debeant Philosophorum argumenta contra mysteria nostra fidei excludere atque resolvere, cum omnia (inquit) solubilia existant.* Concludendum ergo est, nunquam rationem naturalem per se inclinare ad falsum, neque absolute, neque quod dicatur falsum iuxta doctrinam fidei: sed fides nostra est quidem supra rationem naturalem, non tamen illi contraria.

*Sequitur
ex causis
& impedimentis
extrinsecis.*

Ex causis itaque extrinsecis, & impedimentis occurrentibus, defectu etiam nostrorum sensuum quibus sæpe repræsentantur res aliter quam sunt, provenit falsitas in nostra cognitione; ex illa demum difficultate in allequenda veritate, quam sect. 3. enarrauimus.

Cæterum falsitas quam nostro intellectui sæpe dicimus accidere, planè conuenit notitiæ iudicariæ, etiâ illatiuæ: an vero etiam apprehensiuæ, grauis est difficultas, de qua in proprio apprehensionis tractatu disputabimus. Saltem constat, interuenire in nostra apprehensione talem defectum, quo sæpe concipimus re aliter quam est, & aliter quam concipere debebamus; propter quem defectum sua etiam directione indigeat, sicut præterea in discursu inuenitur alius

proprius defectus in praua illatione consistens, de quo etiam suo loco.

Denique quid sit falsitas explicandum est eodem modo quo quid sit veritas cui opponitur. nempe sicut veritas est conformitas conceptus, tum formalis, tum obiectiui, ad rem in se: ita falsitas est disconformitas vtriusque conceptus ad rem in se. Sic Aristot. 4. Met. text. 27. falsum explicauit esse, ex eo quod iudicatur esse quod non est, vel non esse quod est. Et August. lib. 33. qq. q. 32. *Quisquis vltimam rem aliter quam ipsa res est intelligit, falsatur.* Hæc autem disconformitas poterit explicari per relationem, vel realem, vel rationis. Et debet explicari realiter per entitatem ipsam actus connotando obiectum aliter se habens quam vt repræsentatur. Quod totum patet ex dictis de veritate: & sanè noua discussione non indiget.

*Quid sit
falsitas,
patet ex
dictis
quid sit
veritas.*

SECTIO SEPTIMA. De Dirigibilitate cognitionis intellectiua.

Cum in cognitione intellectiua dari possit, tum rectitudo & veritas quæ est ipsius cognitionis perfectio, tum inrectitudo & falsitas quæ est eiusdem cognitionis defectus & imperfectio, iuxta illud quod ait Aristot. 6. Ethic. cap. 2. *Contemplatiua cogitationis bonè & malè esse, est verum & falsum:* in ordine ad hanc rectitudinem & perfectionem consideratur dirigibilitas, idest capacitas directionis & rectitudinis. De qua post veritatem & falsitatem nunc disserere oportet. Eo magis quod hæc dirigibilitas est obiectum formale Logicæ, dum Logica cognitionem quatenus dirigibilem sibi in obiectum proponit. Duo autem sunt, quæ de hac dirigibilitate consideranda occurrunt. Primum qualiter cognitioni intellectiua conueniat: secundum quid ea sit.

Circa primum. Quamuis satis clarum & certum appareat, cognitionem intellectiuam esse dirigibilem, esse capacem directionis & veritatis: tamen dubitari potest, num omni, vel cuiusnam cognitioni intellectus, conueniat. Et videri potest in re nulli conuenire. Nam om-

*Dirigibilis
cuiusnam
cognitioni
conueniat.*

nīs actus cognitionis, à parte rei, vel est rectus & verus, vel indirectus & falsus nec in re datur cognitio media; omnis enim cognitio vel est conformis vel disconformis obiecto. Cognitio autem vera iam habet actu rectitudinem & veritatem: igitur non habet potentiam ad illam, cum potentia sit reducta ad actum; nec indiget directione, non est amplius dirigibilis. Cognitio indirecta & falsa, non potest ipsamet in se subire talem mutationem, ut dirigatur & fiat vera, permanens eadem cognitio. Verbi gratia si quis iudicet lignum esse lapidem, impossibile est, ut hoc iudicium idem permanens fiat verum, sed debet prius è mente tolli tale iudicium, & aliud diuersum atque oppositum introduci. Non ergo illud iudicium falsum, est dirigibile, non est capax directionis & veritatis. Si autem circa propositiones contingentes possit idem iudicium mutari de falso in verum, de qua re postea agemus, id vtique esset per mutatione obiecti: si v.g. dum quis iudicat Petrum currere, Petrus qui non currebat incipit currere. Atqui hoc penitus per accidens se habet ad dirigibilitatem & directionem logicam. Nec enim Logica habet vim dirigendi cognitionem murando obiectum, sed solum murando ipsam cognitionem. Si deum dicatur dirigibilis conuenire cognitioni in comuni & abstrahenti à recta & indirecta: adhuc vrget difficultas. Tum quia in re non datur talis cognitio abstrahens, sed solum mente cogitatur. Tum etiam, quia si conueniret illi in comuni, conuenire deberet omni cognitioni speciali, quia prædicatum commune alicuius generis conuenit omnibus speciebus eius.

Conuenit
cogniti-
oni in co-
muni.

His tamen non obstantibus, dirigibilitas verè conuenit cognitioni intellectiue: imo omni illi conuenit. Et in primis conuenit cognitioni in comuni sumptæ, abstrahendo à recta & indirecta. Na cognitio sic sumptæ, est vtique determinabilis & contrahibilis vt sit recta est capax differentie rectitudinis, quam recipere potest. Nec obstat, quod non datur a parte rei cognitio abstrahens. Nam licet non sit abstrahens a parte rei: tamen ipsa cognitionis ratio quæ mète abstrahitur, realis est. Sicut quodcunque genus est capax suarum differentiarum, licet non detur

abstractum à parte rei. Nec etiam necessario sequitur, dirigibilitatem conuenire omni cognitioni speciali. quia esse contrahibile per differentias, est prædicatum secundæ intentionis, quod conuenit quidem generi, non autem speciebus. Si verò sumatur fundamentaliter & realiter, sic conuenit speciebus: quod circa cognitionem tum rectam tum indirectam modò explicabitur magis.

Conuenit etiam dirigibilitas cognitioni rectæ. Tum quia capacitas & potentia potest sumi dupliciter: vel cum carentia formæ, quomodo distinguimus illud quod est actu tale, & quod est tantum potentia tale: vel absolute pro ipsa capacitate & potentia. Licet ergo non detur potentia primo modo, quando datur actu forma: tamen semper datur potentia secundo modo. V.g. quando oculus actu videt, & intellectus intelligit: tunc vtique datur potentia & capacitas videndi, atque intelligendi. Neque forma & actus destruit & tollit, sed potius perficit potentiam. Imo non potest dari actus & forma sine tali potentia. Tum etiam magis ad rem, quia cognitio recta potest considerari, nõ quatenus actu iam existens, sed quatenus possibilis: possibilis est enim intellectui cognitio recta: conuenit ergo illi hæc dirigibilis, quæ idem est ac possibilis essendi, & super hæc dirigibilitatem, idest possibilitatem, optimè cadit directio logica: indiget enim cognitio recta possibilis, vt reducatur ad actum.

Conuenit
cognitioni
rectæ.

Conuenit demum dirigibilitas etiã cognitioni indirectæ & falsæ, aliquo modo. In hoc enim actu duo consideranda sunt, & quod sit actus cognitionis, & quod sit indirectus. Quatenus ergo indirectus, est vtique incapax rectitudinis; quatenus falsus est, est incapax veritatis: quia inrectitudo & falsitas rectitudini & veritati repugnat, estque illi inconpossibilis. Quatenus verò actus cognitionis est, sic secundum ipsam communem rationem retinet rectitudinis capacitatem: & vt sic est dirigibilis. Reducitur aut hæc capacitas ad actum: nõ quidem facièdo, vt idè actus realiter ex falso fiat verus: sed facièdo, vt talis actus mutetur, & conuertatur in aliud actum verum, realiter diuersum & oppositum, conuenientem tamen cum illo in ratione com-
E 3

Conuenit
etiam co-
gnitioni
indirectæ.

muni cognitionis circa tale obiectum. Vnde in re talem actum esse dirigibilem, non est aliud quam esse mutabilem & convertibilem in actum rectum, siue esse corrigibilem & emendabilem per ablationem ipsius & introductionem alterius oppositi. Et hoc totum propter conuenientiam in communi ratione cognitionis. Sic ergo talis actus quatenus actus est, est capax rectitudinis: id est fieri potest, ut non quidem idem realiter actus, sed idem secundum conuenientiam rationis, fiat rectus, dum adueniat alius realiter actus, cum quo ille primus conuenit in communi ratione actus.

Hoc genus aptitudinis & capacitatis assignauit Arist. 5. Met. c. 22. Talpam esse capacem visus, non quatenus talpa est, sed quatenus animal est. Assignant etiam Theologi in actibus moralibus (quod est exemplum prout simile actibus intellectualibus) & tribuunt cuiusque actui malo, etiam illi qui nullo modo possit fieri bonus, v.g. actui odij Dei, priuationem bonitatis & rectitudinis oppositæ: imo in hac priuatione formaliter malitiam moralem constituere solent. Quia verò priuatio dicitur in subiecto aptitudinem formæ priuare: dicunt actum malum, non quatenus talis, quatenus malus actus est, sed quatenus actus humanus est, esse capax rectitudinis & bonitatis. Sic ergo in genere moris, actus prauis dicuntur dirigibiles, siue corrigibiles & emendabiles: ita nos dicimus de dirigibilitate actuum intellectus.

Quare specialiter dirigibilis ipsi cognitioni assignatur. Quia verò actus in genere sumptus, est capax vtriusque differentie, videlicet tam inrectitudinis, quam rectitudinis: & pariter de actu recto dici potest, quatenus actus est, esse capacem inrectitudinis: idem notandum esse discernim inter rectitudinem & inrectitudinem: quod cum rectitudo sit perfectio actus, inrectitudo autem imperfectio: & verum & falsum in actibus intellectus se habet, ut bonum & malum: multo potius attenditur capacitas & aptitudo respectu illius formæ & differentie quæ est perfectio actus. Iuxta hoc Arist. 10. Met. tex. 16. docet, in omni contrarietate alterum contrarium dicere priuationem alterius contrarii: non tamen omnia similiter, videlicet inæqualitatem dicere priuationem æqualitatis, dissimilitu-

dine similitudinis, vitiū virtutis: quia videlicet inter duo contraria, vnum se habet tanquam perfectum, alterum tanquam imperfectum & diminutum: v.g. album & calidum sunt perfecta, frigidum & nigrum imperfecta: & ideo vnum contrarium habet rationem boni, alterum mali: ut docet S. Tho. 1. con. 21. Gen. cap. 9. Illud ergo potius contrarium quod habet rationem perfecti & mali, dicitur priuationem alterius contrarii: quia nimirum, cum priuatio dicatur aptitudinem & capacitatem formæ priuare, hæc aptitudo multo potius consideratur respectu formæ quæ est perfectio. Nam respectu perfectionis assignatur propensio & inclinatio, quæ dicitur etiam appetitus innatus. Hoc ergo modo consideratur dirigibilitas in cognitione intellectiua respectu rectitudinis, tanquam perfectionis illi conuenientis: sicut & in actibus moralibus consideratur aptitudo & capacitas bonitatis, tanquam formæ debitæ.

Circa secundum. Dupliciter potest dirigibilitas explicari. Primo modo in ordine ad artem. Duri enim potest, & de facto datur, ars directiua cognitionis, scilicet ipsa Logica: capacitas ergo huius artis intelligi potest per dirigibilitatem in ipsa cognitione. Quia intellectus quod est subiectum huius artis, cognitio autem est eius obiectum. Vnde capacitatis subiectum artis est in intellectu, capacitas autem obiecti seu terminatiua est ex parte cognitionis. quod idem est, ac dicere: posse dirigere per artem, conuenit intellectui: posse dirigere per artem conuenit operationi dirigibili. sicut posse videre conuenit oculis: posse videri conuenit colori.

Hinc colligitur, quid sit ista dirigibilitas ex parte cognitionis. Non videtur esse aliqua forma realis intrinseca, in ipsa cognitione, formaliter dicens ordinem ad intellectum & artem: sed potius formaliter est denominatio extrinseca, desumpta ex ipsa potentia & arte intellectuali. In vniuersum enim, esse intelligibile, visibile, aliæque huiusmodi denominationes, non denotant potentiam intrinsecam ex parte obiecti terminatiua actuum: sed formaliter sunt denominationes extrinseca, sumptæ à potentia intellectiua, visua, alijsque similibus. Ab eadem enim potentia à qua oculus constituitur visuus, formaliter etiam deno-

Dirigibilis primo sumi potest pro capacitate artis directiue.

Et ut sic est denominatio extrinseca.

denominatur visibilis color qui est obiectū visus: & duplex denominatio ab illa tribuitur, vna intrinseca respectu subiecti, altera extrinseca respectu obiecti. Sicut actu intelligi, & videri, non dicit aliquam formam intrinsecam ex parte obiecti, sed solum dicit denominationem extrinsecam desumptam ab eadem forma intellectiōis, & visionis, quæ est subiectiue in potentia. Et hæc doctrina est Aristot. 5. Met. cap. 15. Ita ergo esse dirigibile per artem, cum non sit aliud quam posse terminare artem regulatīnam & directiuam, non dicit formaliter aliquam distinctam potentiam & capaciatem in ipsa operatione dirigibili: sed potius dicit denominationem extrinsecam à potentia directiua per artem, siue ab arte possibili in potentia directiua. Sicut actu terminare artem directiuam, non est formaliter aliquid illi intrinsecum: sed tantum denominatio extrinseca ab ipsa arte actualiter attingente suum obiectum.

Neque est obiectum formale. Logica .

Hinc vterius inferitur, non hoc modo sumptam dirigibilitatem esse obiectum formale Logice: quamvis plures soleant per ordinem ad artem illam explicare, & indicat Suar. disp. 39 Met. in principio. Probat quia obiectum formale, naturæ ordine præsupponitur ad suam scientiā, illique tribuit speciem & vnitatem quoniam scientia essentialiter constituitur per ordinem ad suum obiectum formale: & atque adeo debet præintelligi tale obiectum, in quod scientia tendere possit: sed dirigibilitas eo modo explicata proinde & consequitur ex ipsa scientia, seu arte directiua, cum sit denominatio desumpta ab ipsa arte, vt explicatum est: ergo dici non potest dirigibilitas sic explicata esse obiectum-formale Logice. Et in vniuersum dici non potest, denominationem extrinsecam proveniens ab aliqua forma, esse obiectum, siue esse ratio specificatiua & constitutiua talis forme.

sicut visibilitas, & alia similes denominationes, non constituunt obiectum

Confirmatur, quia hæc ratione dici non potest visibilitas, prout est denominatio extrinseca à potentia visiva, esse obiectum formale, siue ratio formalis obiecti ipsius potentie: quoniam talis denominatio desumitur ex ipsa potentia: obiectum autem formale ipsius debet præintelligi, ad quod dicat ordinem ipsa potentia.

Et in hoc eodem sensu expressit Arist. 10. co. cit. 5. Met. cap. 15. *Intelligibile (inquit) significat quod eius est intellectus. Non est autem intellectus ad id quod cuius intellectus est, idem enim profecto his dictum esset. Similiter & visus cuiusdam est visus, non cuius est visus, est verum est hoc dicere, sed ad colorem, aut aliquid aliud tale.* Idem, intelligibile quidem recte explicatur, cuius est intellectus, quia scilicet est denominatio sumpta ab ipso intellectu. Sed non recte deinde explicaretur, intellectus est ipsius intelligibilis, videlicet assignando pro obiecto formali intellectus dictam denominationem intelligibilis, quia sic idem bis diceretur, foretque inutilis circulus & repetitio, ac si diceretur intellectus est eius cuius est intellectus. Quod in re verum quidem est, non tamen bene explicat intellectum, quia non assignat rationem formalem obiecti, penes quam constituitur. Et sic etiam de visu & visibili. Similiter S. Tho. 1. parte quæst. 25. art. 3. hæc ratione probat obiectum Diuinæ omnipotentie non esse assignandum possibile prout denominatur ab ipsamet potentia, quia committeretur inutilis circulus. Ita ergo obiectum Logice non est dirigibilis sumpta pro capacitate ipsius artis directiue, siue prout est denominatio ab ipsa forma Logice derivata. Sed aliquam priorem rationem dirigibilitatis inuenire & assignare oportet.

Dirigibilitas secundum suum debet pro capacitate veritatis

Secundo modo potest & debet dirigibilitas explicari immediate in ordine ad rectitudinem ipsam & veritatem cuius est capax intellectus cognitio: ita vt dirigibilitas formaliter sit capacitas huius rectitudinis & veritatis. Sicut dirigibilitas moralis in actibus voluntatis potest assignari penes capaciatem rectitudinis & bonitatis moralis: actus enim morales sunt dirigibiles, idem possunt esse recti & boni. Et certè in hac re maximam habent proportionem actus intellectus, & voluntatis. Nam vt ait S. Thom. 1. 2. quæst. 19. ar. 1. bonum & malum per se pertinent ad voluntatem: sicut verum & falsum ad intellectum. Et hinc est, vt interdum hæc nomina commutentur: & ex vna parte verum & falsum appellantur bonum & malum intel-

tellectus, ex Arist. 6. Ethic. cap. 2. Ex altera parte bonum & malum in voluntate appellantur verum & falsum, ex S. Thom. 1. parte quaest. 17. art. 1. in textu illud Ioan. 3. *Qui facit veritatem*, idest opera recta & bona, *venit ad lucem*: & de contra Psalmo 4. *Ut quid diligitis vanitatem*, & *queritis mendacium*, idest peccatum. Et sicut in actibus voluntatis specialiter consideratur capacitas bonitatis: ita in actibus intellectus capacitas veritatis. Quia ad bonitatem & veritatem homo ex natura sua rationali inclinationem habet. Unde virtutum dicitur esse contra hominis naturam, ex S. Thom. 1. 2. quaest. 71. art. 2. Et sic etiam falsitas dicitur contra lumen naturale intellectus, quia homo natus est ad veritatem, Aristot. primo Reth. cap. 1. Atque adeo huiusmodi capacitas bonitatis & veritatis in his actibus, se habet veluti exigentia quaedam perfectionis ad quam natura inclinat, ut etiam supra notauimus. Hoc ergo modo per hanc rectitudinis capacitatem optimè dirigibilitas explicatur.

Et ut sic essentias ipsa cognitionis. Hinc colligendum est, quid sit ista capacitas. Est enim aliquid reale, quia sine fictione intellectus cognitio verè & realiter potest esse recta & vera. Non est denominatio aliqua extrinseca: cognitio enim secundum se est capax veritatis, & non denominatur talis ab aliqua forma extrinseca, eo modo quo dictum est de dirigibilitate priori modo sumpta. Neque est potentia aliqua realis, seu forma intrinseca, distincta ab entitate ipsa cognitionis. Nam in hoc actu iudicii quo intellectus affirmat, verbi gratia homo est animal, non potest excogitari potentia seu forma distincta ab ipsa entitate iudicii, quæ sit capacitas veritatis: eo magis quod ipsa veritas non est forma ab actu entitatis distincta. Et sic in omni alio cognitionis actu.

Est ergo realiter & essentialiter ipsamet entitas cognitionis connotando rectitudinem & veritatem possibilem. Quod explicatur magis, distinguendo cognitionem in triplici statu, in quo supra defendebamus illi convenire veritatem. Si sumatur cognitio in communi abstrahens à recta & indirecta: sic potest

quidem considerari capacitas rectitudinis per modum relationis, atque adeo quæ sit relatio rationis; sicut in omni natura generica consideratur huiusmodi aptitudo relatiua, seu relatio rationis, ut possit contrahi per suam differentiam. Tamen quia querimus quid sit realiter ista capacitas; sic certè non est aliud, quam gradus ipse cognitionis realis, qui est fundamentum talis relationis, connotando differentiam realem cuius talis natura est capax. Si autem sumatur cognitio recta: sic etiam non est aliud quam idem gradus realis cognitionis in ipsa inuentus: siue est possibilis ipsius cognitionis rectæ, quæ intrinsecè non est aliud, quam ipsamet cognitio quatenus possibilis recta. Si demum sumatur cognitio indirecta & falsa: in ipsa etiam inuenitur ille gradus cognitionis, ratione cuius est mutabilis & conuertibilis in cognitionem rectam: siue qui gradus secundum conuenientiam rationis vnus, potest transire de incorrectitudine ad rectitudinem, de falsitate ad veritatem.

Atque hoc totum confirmandum est & illustrandum eodem exemplo actuum moralium voluntatis quoad suam capacitatem & exigentiam bonitatis. Nam hæc capacitas in illis similiter per entitatem ipsam actus voluntatis, connotando bonitatem illi possibilem & debitam, explicanda est; applicanda illam, tum actui sumpto in communi abstrahenti à bono & malo, tum actui bono, tum malo.

Et hoc modo demum sumpta dirigibilitas est ratio formalis obiecti Logica: estque fundamentum illius denominationis, qua cognitio dicebatur dirigibilis per artem: ratione enim huius dirigibilitatis qua cognitio est capax rectitudinis.

Logica circa ipsam

versatur, intendens pro suo fine, illam rectam efficere.

Estque ratio formalis obiecti Logica.

CCCCC

QV AE-

QVÆSTIO QVARTA.

De Instrumentis directiuis intellectiux cognitionis.

Cognitioni dirigibili Instrumenta directiua proximè correspondeat. His enim instrumentis directio potissimum perficienda est. Itaque nomine instrumenti intelligitur illud, quod Logica assignat, & quo intellectus vitur ad cognitionem, dirigendam. Appellari etiam solent hæc instrumenta, Methodi, idest viæ & trames cognoscendi. Ita Methodos appellauit Damasc. cap. 1. suæ Physicæ, & Arist. ipse 1. de Anima text. 4. & 5. Alijque veteres Peripatetici sic loquuti sunt: & ex modernis sub hoc nomine Methodi agit de his instrumentis Iacob. Zabab. in suis libris de Methodis. Sed iam communiter instrumenta potius appellantur: & latius sumpto nomine scientiæ pro cognitione, solent dici instrumenta sciendi, pro cognoscendi.

Vt certum notumque supponimus, dari hæc instrumenta cognitionis directiua. Et licet Zabab. lib. 3. cap. 20. velit, hæc instrumenta dari proprie propter scientias speculatiuas, non verò propter practicas, sed ad summum secundario ijs adaptari: tamen sicut Logica per se primò & adequatè dirigit cognitionem, abstrahendo à speculatiua & practica, siue vtranque complectendo: ita prorsus instrumenta per se primò & adequatè sunt directiua totius cognitionis, complectendo tam practica, quam speculatiua.

SECTIO PRIMA.

Quot & quæ sint hæc Instrumenta.

Varia sententia.

Nota satis & consueta est assignatio trium Instrumentorum, Definitionis, Diuisionis, Argumentationis. Quorum mentionem faciunt Porphy. cap. 1. Prædicab. Cic. lib. 1. Accad. qq. ad Varon. & in lib. de Finibus, & alibi, Plato apud Alcinoum cap. 3. Boet. ad initium Topic. Cicer. D. Aug. lib. 2. de Ordine c. 3. & alij.

Aliqui verò ex horum numero Instrumentorum Diuisionem subtrahunt, non distinguentes eam ab alijs instrumentis. Specialiter Hurtad. disp. 10. sect. 6. diuisionem cum definitione ferè confundit. Et Vall. us init. Post. qu. 1. cap. 3. vult, ad definitionem & demonstrationem omnia instrumenta reduci. Et fundantur in Arist. qui non solum in sua Logica nullibi per se tractat de diuisione, sicut tractat de argumentatione & definitione in libris Resolui. Sed expressè 1. de Anim. 48. *Ratiogymnis* (inquit) *definitio est aut demonstratio.* Et 1. Met. text. item 48. *Omnis disciplina, aut per demonstrationem, aut per diuisionem.* Hæc ergo solum duo instrumenta Arist. agnoscit. Sic etiam Algazel

in sua Logica tantum definitionem & argumentationem assignat.

Ex opposito Damasc. cap. 1. suæ Physicæ quatuor Logicæ instrumenta distinguit, addens præter dicta tria, Resolutionem compositi in partes. Eadem quatuor instrumenta assignat Ammon. super Piocem. Porphy. Eulfrat. in sua præf. super 2. Post. & quidam alij.

Deinde Zabab. in suis lib. citatis noua sententia exegitata contendit, duo in primis instrumenta esse in genere, Ordinem quem ait esse instrumentum disponendi, & Methodum propriè dictum intelligendo instrumentum cognoscendi sue sciendi. Rursus ordinem distinguit in duos. Et sub methodo quoque duo instrumenta distinguit, Demonstrationem, & Resolutionem. Per resolutionem intelligit demonstrationem ab effectu ad causam. Demonstrationem verò absolute dictam sumit pro demonstratione potissima, quæ est à causa ad effectum. Et præsertim lib. 3. conatur tam definitionem quam diuisionem ex instrumentorum classe reijcere. Totum fundamentum eius est: quia supponit, instrumentum esse quod habet vim notificandi ignotum ex noto. Vnde illud cum syllogismo confundit, & maxime ad Demonstrationem restringit.

Alia demum sententia est, quæ tria illa instrumenta, Definitionem, Diuisionem, Argumentationem, retinens; alia duo adiungit, Enunciationem, & Ordinem, siue Methodum, sumendo nomen Methodi, non communiter pro omni instrumento, sed solum pro ipso Ordine, qui sanè in sciètijs solet absolute Methodus appellari. Et ira hæc sententia quique efficit instrumenta. Et omnium optime videtur veram ac debitam assignationem attingere. Sed per omnia enumerata instrumenta breuiter discurrendo, res tota clariùs & certius apparebit.

Argumentatio.

Primò Argumentatio planè est insignis Logica instrumentum, cognitionis nostre directiuum. Patet. Tum apud Arist. qui propterea tam late de illa & accurate in lib. resolutor. alijsque sequentibus pertractauit. Tum absolute in ipsa Logica, quæ tam sollicitè & diligenter tradit regulas præcepta & normam bene argumentandi. Tum ex valore ipso argumentationis: nihil enim magis aptum & idoneum ad dirigendum nostrum discursum potest afferri vel cogitari. Inuenitur autem plerumque loco argumentationis demonstratio nominari, ut patet apud Arist. & Porph. loc. cit. Nò vtiq; ad excludendas alias argumentationis species; sed quia demonstratio dignior ac præcipua est.

Enunciatio.

Secundò debet etiam Enunciatio per se tanquam instrumentum assignari. Probatur Tum ex Ar. qui per se & ex professo de illa agit in lib. de Interpret. sicut in alijs lib. de argumentatione. Tum quia còmode & opportunè satis Logica quamplures regulas & præcepta de ipsa enunciatione tradit, ut notum est, quæ multum deferuiunt ad discernendam veritatem: quatenus ergo hæc regulas suscipit, & doctrinà logicā fundat, est instrumentum cognitionis directiuum. Tum præsertim ita se habet enunciatio ad iudiciū, sicut argumentatio ad discursum: ergo sicut argumentatio erat instrumentum commodissimum ad directionem discursus: ita est enunciatio ad directionem iudicii. Nam ipsum iudiciū est in se capax propriæ directionis per proprias regulas & præcepta: sed non alio modo potest melius & propius dirigì, quàm mediante enunciatione, de ipsa immediate tradendo regulas & leges directionis ergo.

Quod si quæ ratio enunciationi videtur ob stare, est fortasse, quia enunciatio non est quid à iudicio distinctum: enunciatio enim mentalis est formaliter ipsum iudiciū: vocalis est expressio eiusdem iudicii. At par difficultas omnino de argument. procedit: non enim plus à discursu, quàm enunciatio à iudicio, distinguitur. Si ergo hoc argumentationi non obstat: nec enunciationi debet ob stare. Sed qualiter veraciter à cognitione dirigibili distinguatur, scèd. seq. videbimus.

Nec etiam debet ob stare, enunciationem non fuisse ab alijs inter instrumenta repositam. Sufficere enim potest auctoritas Aristot. allata. Et præterea alijs veteres non negarunt enunciationem esse instrumentum: sed quando illa tria nominarunt, non dixerunt illa sola ad æquarè esse instrumenta: imo nec sub nomine instrumenti illa appellarunt: tantum absolute docuerunt, definitionem, diuisionem, argumentationem, ad Logicam pertinere. Fortasse etiam in ipsa argumentatione enunciationem intelligere voluerunt: quoniam argumentatio duas habet partes, antecedens quod vtiq; spectat ad secundam operationem, & consequens in quo formaliter consistit discursus. Sic Arist. loc. cit. de Anima post verba præallegata, distinguit in demonstratione antecedens & consequens.

Quia tamen enunciatio hic sumi debet per se & absolute præcisò ordine ad illationem conclusionis, & argumentatio sumi debet specialiter pro ipsa vi illationis: ideò, sicut secunda & tertia operatio distinctæ sunt, & per se dirigibiles: discretè debent hæc duo instrumenta, argumentatio & enunciatio, assignari.

Definitio.

Tertiò etiam Definitio est logicum instrumentum. Sic illam simpliciter appellauit Auerr. 7. Met. com. 42. Patet. Tum ex Ar. qui 1. de Anima, & 1. Met. definitionē principaliter simul cum demonstratione coniunxit. Et licet hic in Logica de definitione nò agat nisi in 2. Post lib. magis in ordine ad demonstrationem, cuius potest esse medium, vel conclusio; & in 6. lib. Topic. propter syllogismum dialecticum, ad quem etiam multum deferui potest: tamen numerat Laetius in vita Aristot. alios eius libros ad definitionem pertinentes, qui nunc non extant.

Tum

Tum etiam patet ex ipso vſu Logice, quæ definitionis regulas & præcepta præſcribit. Et ex vſu aliarum ſcientiarum, quæ de rebus quas conſiderant aptas, definitiones conſtruire ſtudent. Tum demum ex vtilitate ipſius definitionis, quæ ſane ad explicandas, & explicite proponendas intellectui rerum eſſentias, ad verâ notitiam de rerum quidditate formandam, & ad inferendas proprietates eſſentiam conſequentes, maximè conſert. Imo præterea aliqui defendunt, definitionem eſſe instrumentum demonstrationis nobilius. Ita contendit Vallius 2. Poſter. diſp. 3. p. 1. q. 1. Et quidem in aliquo ſenſu verum eſt. Tamen conſiderando illud quod Logica magis intendit in ordine ad ſcientias; ſic definitio non eſt demonstrationi præferenda: ſed potius demonstratio eſt præcipuum instrumentum.

Diuiſio.

Quartò debet etiam Diuiſio inter instrumenta logica computari. Probat. ur. Tum quia Ariſtot. ipſe licet non de illa ſpecialiter aliquo in loco tractauerit: tamen ſæpè illam nominat, ſæpè illa vitur. Et expreſſe primo de Anima textu quinto inter Methodos, id eſt instrumenta cognoscendi ſimul cum demonstratione diuiſionem coniungit. Refert etiam Laertius quosdam libros Ariſtot. ad diuiſionem pertinentes. Tum quia præſertim Plato multum diuiſionem eſtimabat. Et Reſolutio illa quam Damasc. adiungebat, genus quoddam diuiſionis eſt: Vnde diuiſionem per duplicem partem assignauit, alteram qua diuiditur ſuperius in ſua inferiora, alteram qua diuiditur totum in partes ex quibus componitur. Niſi dicatur, Damascen. accepſiſſe reſolutionem pro ea qua diiudicamus prædicata conuenientia rei, veluti reſoluendo rem in ſua prædicata, ex quo poſtea poſſunt fieri illationes: quo pacto reſolutio cum enunciatione coincidit.

Tum etiam conſtat, Logicam rectè & vtiliter tradere regulas & præcepta bonæ diuiſionis, omnetque ſcientias frequenter diuiſione vti iuxta regulas logicas: ergo diuiſio verè eſt instrumentum. Tum demum patet, diuiſionem multum iuuare ad diſtinctos conceptus de rebus ſingulis eſtormandos, ad diſcernendum quæ affirmari vel negari debeant, aliaque ſubinde inferenda. Propter quod

Ariſtotel. primo Priorum ſect. 2. cap. 3. dixit, diuiſionem eſſe paruum quandam particulam ſyllogiſmi, quia eſt veluti imbecillis ſyllogiſmus. Non eſt ergo ex instrumentorum numero excludenda.

Nec obſtare debet auctoritas Ariſtot. illis duobus locis. Obſeruandum eſt enim, Ariſtot. ſæpè præcipuum facere mentionem, & maximam habere extrimationem, eius cognitionis qua aſſequimur eſſentiam & quidditatem rei, & quâ ipſe vocat cognitionē quod quid eſt; itē alterius cognitionis quæ proprio nomine ſcientia appellatur & demonstratione gignitur. Hæcque cognitiones, tanquam in omnibus facultatibus principales, maximè extollit. Vnde quidam antiqui ſolebant nomen ſcientiæ vſu præ, vt huic duplici cognitioni commune. In hoc ergo ſenſu Ariſtot. ibi reſpectu huius duplicis cognitionis, demonstrationem & definitionem assignauit. Non negans, ſi cognitio magis amplè ſumatur, etiam diuiſionem eius directioni plurimum inferuire. Vel docere voluit, ad perfectam rei notitiam omnino definitionem demonstrationemque requiri, nec eſſe adeo neceſſariam ſemper diuiſionem.

Neque demum contra hæc alia instrumenta quæ præter argumentationem defendimus, obſtare debet fundamentum Zabari. Non enim ſumi debet instrumentum præciſè pro eo quod notificat ignotum ex noto, ſive pro ſyllogiſmo: ſed pro medio apto ad dirigendam cognitionem, ſive ad manifeſtandum quod erat ignotum; reſerendo instrumentum, non ad ſolum diſcurſum, ſed ad totam cognitionem intellectum.

Quintò demum Methodus ſive Ordo maximè quidem iuuat ad directionem noſtræ cognitionis: non tamen eſt instrumentum æquè diſtinctum à prædictis, ſicut erant ipſa inter ſe: ſed eſt diſpoſitio quædam communis ad omnem directionem noſtræ cognitionis: debetque in Logica, ſicut & alia quæ ad directionem cognitionis pertinent, conſiderari æque tractari.

Et quidem, quantæ vtilitatis, imo neceſſitatis, ſit hic Ordo & Methodus, experientia ipſa ſatis perſpicuum eſt & exploratum: vt e contra conſtat, cum reſectus non ſeruat ordo, res omnes confuſi, addi-

*Methodus
ſive Ordo.*

ad discens animi perturbari, & à perfecta rerum notitia maxime præpediri. Non propterea oportet Methodum, tanquam còdìstinctum quoddam ab alijs instrumentum assignare. Quinimo in maiorem eius laudem redundat, dicere, esse conditionem còmunem totius directionis peragenda. Nam quælibet scientia suam doctrinam tradit, definiendo, diuidendo, enunciando, argumentando: hæc autem omnia ordinatè facere debet. Itaque ordo non abstrahitur & auellitur ab his medijs cognoscendi, sicut vnumquodq. ex his alijs medijs per se & sigillatim assumitur & exercetur. Planè autem ad Logicam pertinebit tractare de Methodo. Vt enim Logica tradit modum sciendi, modum in scientijs omnibus procedendi: sic tradere debet modum ordinatè sciendi & procedendi, tradendo regulas & præcepta de ordine obseruando. Idquè ad nullam aliam scientiam poterat ex officio pertinere.

Ceterùm prædicta instrumenta solum in genere designauimus, Sed rursus in plures species diuidenda sunt. v. g. definitio, alia est essentialis, alia descriptiua: argumentatio continet demonstrationem, tum à causa, tum ab effectu, tum omnes varias illationes: & sic de alijs. De quibus omnibus in speciali suis locis agendum erit.

SECTIO SECVNDA.

Quid sint hæc Instrumenta.

Non est facile explicare, quid nam hæc instrumenta sint, in genere de ipsis loquendo. Et quidem tria distinguenda sunt, quæ in dubium venire possunt. Voces quibus argumentatio enunciatio & alia instrumenta exterius efformantur: Actus intellectus in his interuenientes: Obiectum quod per hos actus menti obuersatur, & vocibus significatur. Primo modo dicitur argumentatio vocalis, enunciatio vocalis, & sic de cæteris. Secundo modo argumentatio mentalis seu formalis. Tercio modo argumentatio obiectiua, definitio obiectiua.

Et primò statim videbitur, omnia hæc instrumenta in vocibus consistere, & essentialitèr esse voces. Nam omnia expli-

cari solent per orationem: definitio est oratio explicans essentiam rei: & sic de alijs singulis: oratio autem est vox significatiua ad placitum &c. siue voces sumantur, prout actualiter proferuntur, siue prout interius apprehenduntur in conceptibus nò vltimis, quo pacto pertinere videntur ad mentalem orationem. Ergo omnino hæc instrumenta sunt voces.

At ex opposito id non videtur posse defendi. Tum quia cum voces sint signa conceptuum, supponunt cognitionè in mente, atque adeò vel directam vel indirectam: non ergo possunt causare cognitionem directam, siue rectitudinè in cognitione: quod est officium instrumèti directiui. Tum etiam voces manifestant quidem mentis conceptum, vel rectum, vel indirectum. Enunciatio, v. g. exterius profert iudicium mentis vel verum vel falsum. Voces ergo rectè dicuntur instrumenta manifestatiua, non autem directiua conceptuum. Tum præterea, cum Logica tradit regulas & leges benè definiendi; non vtiq. intendit exquirere & inuenire nomina generis & differentia, aliaue per quæ res definiatur; sed intendit vt concipiatur vera & realis essentia rei. Et in rebus ipsis concipiendis, non idèò rectè concipitur, v. g. homo; eò quòd apprehendantur hæc nomina, animal rationale: sed quia apprehenditur realis essentia hominis. Neque voces sunt causa huius rectæ apprehensionis. Non ergo sunt voces instrumenta directiua conceptuum.

Secundò nec etiam dici posse videtur, instrumenta esse actus ipsius intellectus. Vel enim sumuntur illi actus intellectus, qui diriguntur siue recti efficiuntur, videlicet enunciatio vera, syllogismus rectè concludens: & sic hi actus non dirigunt, sed diriguntur. Nam enunciatio est ipsum iudicium, syllogismus est ipse discursus. Non ergo sunt instrumenta directiua: sed sunt operationes ipsæ dirigibiles, seu directæ. Si autem iudicatur illi actus intellectus, quibus in genere scimus, qualiter rectè argumentandū definiendum sit &c. Hi actus sunt formalitèr ipsa Logica: hæc enim scientia est Logica: scientia quidem actualis, si iudicatur pro actibus; habitualis, si iudicatur pro habitibus. Non ergo hæc sunt instrumenta,

*An sint
actus in-
tellectus.*

*An sint
voces.*

*An sint
obiectum in
tellectum.*

mèta, quæ Logica tradit, & quibus utitur. Tertiò tandem nec etiam dici poterit, instrumentum consistere in obiecto quod cognoscitur. Nam obiectum est id ad quod ritè cognoscendum assumimus instrumenta: quia perfectio cognitionis consistit in eo quod attingatur obiectum sicuti est in se; & ad hanc perfectionem assequendam non vitur ipso obiecto. Non ergo obiectum dici potest instrumentum directivum cognitionis. v. g. perfecta apprehensio hominis consistit in eo vt explicatè concipiatur essentia eius, scilicet animal rationale, perfectus discursus consistit in eo vt ex rationalitate risibilitas inferatur: ad hos autem actus dirigendos non deferunt ipsa obiecta: sed potius hæc obiecta tunc mente assequimur, cum rectis actibus attingimus. Non ergo instrumenta consistunt in obiecto cognito.

His tamen non obstantibus, explicandum est, quidnam hæc instrumenta sunt. Imo omnibus his tribus modis rationem horum instrumentorum possumus explicare.

*Possunt
constitui
in vocibus.*

Primo ergo possunt hæc instrumenta sumi prout in vocibus consistunt & exercentur, nempe argumentatio vocalis, & sic reliqua: & hæc sint verè directiva nostræ cognitionis. Nimirum Logica tractat de argumentatione, v. g. quæ est oratio, quæ vocibus constituitur, traditque suas regulas & præcepta: non quidem vt in ipsa argumentatione vocali sistat, quasi ipsam dirigere & regulare intendens: sed vt mediante ipsa per easdem regulas & præcepta dirigat argumentationem suæ discursum mentalem: quod est intentum Logicæ. Et non sine magna commoditate Logica hoc medio vitur: quia cum voces sint nobis notiores, magisque familiares, & substituantur loco conceptuum: opportunum satis est, ijs directionem logicam accommodare: quia sic facilius & promptius conceptibus mentalibus applicatur. Hæc ergo ratione Logica agit de enunciatione quæ est oratio, volens dirigere iudicium: similiter de argumentatione, volens dirigere discursum. Sic dixit optimè Auic. in princ. Logicæ, & approbat Caiet. in Prafat. Prædicam. *Considerare de vocibus non est logicæ negotij ex intentione: sed ne-*

cessitas ad hoc impellit; quoniam res sic conceptas non nisi verbis exprimimus, docemus, adunamus, ordinamus.

Exemplum persimile huius rei est. Considerat Astronomus parvam spheram ligneam fabrefactam, in qua descripta sunt signa, circuli, & alia quæ considerantur in cælis, quorum etiam admirabiles & varij motus in illa representantur, vt eadem res de cælo representat per illam spheram debeant intelligi: quæ si de ipso cælo immediatè ab initio traderentur, multò difficilius possent intelligi. Pari ergo consilio, Logica tradit suam doctrinam de vocibus, considerando, v. g. enunciationem, qualiter sit affirmatiua, vel negatiua; absoluta vel modalis, &c. vt id totum de ipsis mentis conceptibus, de ipso mentali iudicio, intelligatur. Hinc sphaera illa ligneæ dicitur instrumentum Astronomi ad tradendâ suam doctrinâ de ipso cælo: & voces dicuntur instrumentum Logicæ ad tradendam suam doctrinam de directione cognitionis, atque adeò ad dirigendam ipsam cognitionem. Et iuxta hanc explicationem nullam vim habent, quæ supra contra voces opponebantur.

*Possunt
constitui
in actibus
intellectus.*

Secundò rursus possunt hæc instrumenta sumi, prout consistunt in actibus intellectus: ita vt hi actus verè instrumenta directiua dicantur. Et quidem supponendo & acceptâdo distinctionem illam actuum intellectus inter dubicandum aliam: possunt aliquo modo actus ipsi in particulari qui diriguntur dici & esse instrumenta: non quidem quasi idem actus / sit instrumentum ad directionem sui ipsius: sed quia vnus potest deferuire ad directionem alterius. v. g. definitio formalis, id est actus quo intellectus definit siue concipit essentiam talis rei, item diuisio quæ perspicit rem in plura parti, multum deferuit ad plures enunciationes & argumentationes efformandas, siue ad plures actus iudicandi & dicendi rectè eliciedos: sic ergo possunt dici instrumenta.

Alio modo magis propriè actus intellectus sumpti pro notitia quâ habemus, qualiter definiendum sit, argumentandum sit, sunt vtique maximè directiui actuum in particulari eliciedorum in quacunque materia: & ad hanc notitiam adæquatè spectat directio cognitionis quæ subinde dirigenda est.

Eate-

Facimus autem libenter, hanc noticiam esse ipsam Logicam, & posse sumi tum in actu, tum in habitu. At recte Logica ipsa dicitur instrumentum aliarum scientiarum, dicitur instrumentalis ad dirigendum nostram cognitionem: atque sic diuersæ partes Logicae sunt diuersa instrumenta. Cum verò dicitur Logica tradere instrumenta, ut instrumentis: vel tunc instrumenta alijs modis sumuntur: vel etiam in hac acceptione potest intelligi & explicari, sumendo Logicam per modum doctrinæ, & instrumenta per modum disciplinæ, sicut sanè dicere solemus: Logica doce, quomodo descendendi & discurrendum sit: Logica tradit noticiam benè definiendi & discurrendi, aliaque simili, quæ eodem pacto verificantur.

*Possunt
constitui
in obiecto.*

Tertio præcipuè hæc instrumenta sumenda videntur obiectiuesita ut sint obiectum ipsius intellectus, quod deserviat ad dirigendam cognitionem: non quidè assignando obiectum cuiuscunque cognitionis in particulari, quasi tale obiectum sit instrumentum directiuum suæmet cognitionis: sed assignando obiectum illius notitiæ prædictæ, quam etiam dici posse instrumentum affirmamus conclusionem præcedenti. Cognoscit enim intellectus per Logicam instructus, qualiter definiendum, qualiter argumentandum sit, cognoscit regulas & præcepta bonæ definitionis, bonæ argumentationis, & sic de singulis instrumentis. Hoc ergo obiectum terminans hanc cognitionem, definitionem, argumentationem, hoc modo sumpta, cum suis regulis & præceptis, est instrumentum directiuum cognitionis, quæ potest in particulari definimus, argumentatur, &c.

*Et sic præ
cipuè de
bent acci
pi.*

Suadetur primò instrumenta debere sumi obiectiue. Tum quia sic in toto rigore verificatur, Logicam tradere instrumenta, considerare instrumenta directiua, & alia huiusmodi, quæ passim dici solent. Tum quia ij qui volebant, instrumenta directiua esse obiectum Logicae, utique illa obiectiue sumebant, & supponebant esse obiectum intellectus. Alij autem qui non eo modo obiectum Logicae assignabant, non negabant, imo vltro etiam supponebant, instrumenta esse obiectum intellectus: tamen reduci ad operationes quarum iunt directiua, & ita

considerari in ordine ac illas, atque adeo has potius quam instrumenta primariò esse obiectum.

Secundò probatur instrumenta esse obiectum intellectus modo explicato. Quia notum sanè est: artificem, ad hoc ut opus suum artificiosum rectè efficiat, prius in mente sua cogitare atque perspicere, qualiter tale opus rectè efficiendū sit, qualiter contruendum icamum, exstruenda domus, &c. quod est præhabere in mente sua regulas & præcepta tale opus efficiendi: & hoc suo conceptu obiectiuo vtitur ad rectè efficiendum opus ad extra, & ipse conceptus obiectiuus est maximè directiuus operis faciendi: similiter ergo intellectus se habet ad dirigendam suammet cognitionem, tanquàm operationem quandam dirigibilem: habetque apud se huiusmodi conceptum obiectiuum, & hic est instrumentum directiuum cognitionis eliciendæ.

Tertio explicatur magis exemplo. Ut intellectus efficiat rectum aliquem discursum, per Logicam discit, qui modus discurrendi sit aptus & benè concludens, qui syllogismus, quæ argumentatio recta sit: atque cognoscit, v. g. syllogismū in Barbara rectè concludere, diligenter perspicit qualiter talis syllogismus cōficiendus sit. Ex virtute autem huius notitiæ, & huius conceptus obiectiui, format deinde syllogismum, id est efficit discursum in hac vel in illa materia: semper rectè concludens, dum vtitur regulis illis præcognitis, operans iuxta normam præscriptam. Hic ergo conceptus obiectiuus est qui dirigat discursum postea elicitum, estque instrumentum directiuum ipsius discursus, qui directus euadit. Similiter in quocunque alio modo argumentandi seu discurrendi, sic etiam definiendi, atque in omnibus alijs instrumentis. Argumentatio ergo ita obiectiue præcognita est propriè & præcipuè instrumentum, quod intelligitur nomine argumentationis: & sic de alijs singulis. Et præter hæc omnia non apparet, quomodo aliter posset assignari & explicari, quid sint hæc logica instrumenta.

Sed contra hunc tertium & principalem modum explicandi instrumenta, Obijces primò, conceptus obiectiuus quem format artifex, v. g. de ædificio construendo,

*Suntquæ
idem atq.
idæa direc
tiua co
gnitionis.*

struendo, nusquam dicitur instrumentum edificandi; sed instrumenta dicuntur varia ligna & ferra quibus edificatur: atque ille conceptus obiectivus spectat potius ad ideam seu exemplar: differunt autem idea & instrumentum: imo assignari solent duæ distinctæ causæ, ideæ, & instrumentalis. Ille ergo conceptus obiectivus, quem Logica format de syllogismo rectè efficiendo, non debet dici instrumentum, sed potius idea & exemplar.

Respondetur. Libenter concedendo, talem conceptum obiectivum dici posse ideam, ac spectare ad causam id talem: tamen hanc ideam in Logica dicimus esse instrumentum directivum cognitionis. Quod non est absurdum, quando iam hoc modo loquendi communiter appellatur. Verum est, in alijs artibus non solere ideam appellari instrumentum, sed hæc duo solere distinguere ratio est: quia in alijs actibus habentur alia instrumenta externa quæ propriè hoc nomine appellantur, ut in exemplo adducto edificacionis: sed in Logica, cum opus dirigibile sit cognitio interior intellectus, non habentur alia proportionata instrumenta: nisi quod ipsamet idea iam explicata dicitur instrumentum. Imo etiam in alijs artibus idea interdum dicitur instrumentum: ut cum pictor effornat aliquam imaginem ad imitationem certi exemplaris quod sibi ob oculos proponit, illud exemplar computatur inter instrumenta.

*Quomodo
instrumentum
directivum di-
stinguitur
à cognitione
dirigibili.*

Obijcies secundo. Obiectum quod solet concipi in idea artificis, nisi sit opus aliquod singulare imitabile, quod tanè non est per se necessarium; non videtur esse aliud, quam ipsummet opus effornandum, vel in communi, vel vagè præconceptum: ergo idem est in casu nostro: igitur obiectum à nobis assignatum, re ipsa non est aliud, quam eadem cognitio dirigibilis. At cognitio dirigibilis & instrumentum directivum debent esse duo distincta: distinctè enim de ijs loquimur, & instrumentum se habet ut causa cognitionis quæ dirigat. Ergo.

Respondetur. Concedendo ideam non plus ab opere efficiendo distingui, quam in argumento assumitur: & ita etiam instrumentum directivum cogni-

tionis non plus distingui ab ipsa cognitione. Reuera enim dum intellectus concipit modum rectè discurrendi, v.g. syllogismum consiciendum in Barbara, obiectum huius notitiæ est ipse discursus, qui tali modo fieri debeat, sic in communi seu vagè sumptus. Et distinguitur ulterius à discursu postea efficiendo, sicut res prout obiectivè concepta & in mente existens, ab ipsa re prout sumpta in se à parte rei: siue sicut conceptus obiectivus ab obiecto in se sumpto. Et hæc distinctio sufficit ad salvanda omnia, quæ dicuntur, tam de instrumento directivo, quam de cognitione dirigibili. Et præsertim ad salvandam causalitatem: opus enim quatenus mēte præcognitum, est quodammodo causa operis, prout in executione efficitur. Nec mirum, quia reuera tota ista causalitas exercetur per ipsam cognitionem practicam, quæ est formaliter directiva operis, & ab ipso distinguitur.

Obijcies tertio. Si ita est: ergo perinde erat assignare obiectum Logicæ instrumentum directivum, atque cognitionem dirigibilem. Imo illud potius assignari debebat: quia illud est cognitio ipsa in communi & obiectivè concepta.

Respondetur. Negatur consequentia. Tum quia, sicut obiectum aliarum artium non assignatur idea directiva operis, sed opus dirigibile: & ratio est quia ipsa idea ordinatur ad opus, & ars per ideam efficit opus: ita etiam in Logica. Tum etiam, quia cum Logica, non solum dirigat cognitionem tradendo instrumenta, propriè dicta, sed etiam explanando & proponendo intellectui res cognoscibiles, & considerando alia quæ intellectuam cognitionem circumstant: non debebat obiectum ad instrumentum directivum coarctari, sed adæquatè cognitio dirigibilis assignari.

Quare potius cognitio dirigibilis, quam instrumentum directivum assignari debet Logicæ.

SECTIO TERTIA.

Qualiter singula Instrumenta cognitionis directioni inserviant: & quomodo disponenda sint.

Cum sub cognitione intellectiva, tres actus dirigibiles constitui-
sunt,

78 Quæst. IV. De Instrumentis directiuis :

sint, viderendum est qualiter instrumenta quæ designata sunt, ijs actibus dirigendis inferuiant: an vnum vni, & singula singulis: ita vt directionis officio ad inuicem distributo, certum instrumentum certæ tantum operationi deferuiat: vel sine discrimine, ipsa instrumenta omnem intellectum cognitionem, omneque tres operationes, indifferenter dirigere habeant. Vnde dependet dispositio instrumentorum in Logica, idest vbi nam singula collocanda, & an cognitioni in communi, vel cui nam actui in speciali, adnectenda sint.

Argumentatio omnem cognitionem inuenit, sed per se discursum dirigit, illique coniungenda est.

Primo ergo ex se satis apparet, Argumentationem proximè & directè valere & ordinari ad directionem discursus: essentialiter enim est modus rectè discurrendi. At per connexionem quam inter se habent omnes tres operationes intellectus, negari non potest, argumentationem multum etiam valere ad alios duos actus dirigendos. Ad iudicium quidem: quoniam sæpè, si intellectus falsa aliqua opinione & existimatione teneatur, argumentatio ex notis ad ignota procedendo illi veritatem manifestabit, & persuadebit, & ita errorem corrigit tollendo falsum iudicium. Et licet tunc in ipso actuali exercitio argumentationis atque discursus, per iudicium illatum tertiæ operationis corrigatur, idest tollatur falsum iudicium, quod erat secundæ operationis: tamen deinceps poterit intellectus, etiam sine illo actuali exercitio discurrendi, elicere actum veri iudicii de veritate tunc cognita: & ita positiuè etiam assequutus erit actum rectum secundæ operationis ope argumentationis prioris. Ad apprehensionem etiam: quia argumentatione sæpè iuamur ad assequendum proprium & quidditarium rei conceptum, ad inueniendam rei essentiam, vt perfectè, & quidditatiuè, atque explicito proprioque conceptu, rem apprehendere valeamus.

Verum propter intrinsecam & proximam habitudinem, imo identitatem argumentationis ad discursum, non nisi simul cum ipso discursu de argumentatione agendum erit. Ad directionem autem communem cognitionis & duarum priorum operationum, sufficet argumentatione ipsa vti ex regulis iam

in Institutionibus præmissis.

Secundò pariter perspicuum est, Enunciationem per se & directè referri ad dirigendam secundam operationem intellectus. Ita enim se habet enunciatio ad iudicium, sicut argumentatio ad discursum, vt antea dictum est. Per connexionem verò dici debet, conferre etiam ad dirigendam omnem aliam cognitionem. Ad discursum planè: quia ex secundæ operatione dependet tertia; & argumentatio ab enunciatione incipit, vt in conclusionem definat: & regulæ quæ traduntur circa enunciationem multum iuvant ad rectè syllogizandum, vt est satis notum. Ad apprehensionem quoque: quia ex vero iudicio potest adiuvari intellectus: vt per simplicem apprehensionem connectat illa quæ verè connectenda sunt in proprio conceptu talis vel talis rei, nè aberret à vero rei conceptu, quando quærimus talem rem concipere: & ex regulis quæ circa enunciationem traduntur, multa innotescunt circa apprehensionem, quatenus ipsas etiam enunciations potest complecti.

Debet autem enunciatio non alio in loco quam simul cum secundæ operatione tractari: quia tam per se & intrinsicè iudicium & enunciatio conuectuntur, vt separari non possint.

Tertiò deinde Definitio non est ita per se affixa vni certæ ac peculiari operationi intellectus: sed potius incipiens à primæ operatione, per se extenditur ad alias etiam duas dirigendas. Et in primis, definitionem per se primò valere ad dirigendam primam operationem, patet: quia tunc maximè apprehensio rei perfectæ est, cum propriam essentiam rei explicite & adæquatè concipimus: sed definitio est quæ explicat & intellectui proponit veram ac legitimam rei essentiam. Imo obiectum proprium primæ operationis assignatur quod quid est rei ab Aristotele multis in locis, sexto Metaphysicorum textu octauo, tertio de Anima textu vigesimo sexto: vbi comparat intellectum apprehendèrem essentiam rei, oculo videnti proprium obiectum, & alibi. item à Dno Thoma prima quæst. 85, articulo 3. & 6. & alibi. Sed veram rei quidditatem cognoscimus per definitionem, vt docet idem Aristot. 11. Meta-

Enunciatio omni cognitioni inuenit, sed per se iudicium dirigit, illique coniungenda est.

Definitio per se omnem cognitionem dirigit, & hoc loco communem consideranda est.

Metaphys. sum. 3. cap. 1. dicens : *Cum* vero unicuique scientiarum necesse sit ipsum quid est aliquo modo scire, & hoc principii uti oporteat, non latere quomodo definiendum. Et Auerroes 7. Metaphysicorum com. 42. *Logicus considerat definitionem quatenus est instrumentum ducens intellectum ad cognoscendam quidditatem rerum.* Definitio ergo per se primò valet ad dirigendam primam operationem.

Consequenter valet etiam per se ad dirigendam secundam, ad affirmanda de quacunque re sua essentialia prædicata, & subinde ad neganda omnia quæ veræ rei essentialia & prædicatis essentialibus repugnant. Imò si sumatur definitio pro integra propositione, homo est animal rationale: sic formaliter spectat ad ipsam secundam operationem. Valet deum ad dirigendam tertiam operationem. Ex definitione enim colliguntur propriæ passionēs & attributa quæ rei conveniunt: deducitur etiam negatiue, quam prædicata rei attribuenda non sunt: & plurimæ veritates per discursum ex vera rei definitione inferuntur. Imò definitio assignatur pro legitimo & proprio medio demonstrationis, quæ dicitur propter quid, & quæ constituit perfectissimum discursum. Vnde Aristoteles in secundo Posteriorum lib. latè de definitione agit propter demonstrationem & scientiam.

Hinc fit, cum definitio sit hoc modo commune instrumentum, non debet restringi ad certam aliquam operationem: sed potius sub directione cognitionis in communi ante singulas operationes in speciali considerari debet. Quod quidem hac ipsa quæstione breviter exequemur.

*Similiter
diviso;*

Quartò. Divisio item per se valet ad directionem omnium trium operationum. Primæ quidem: quoniam per divisionem fit, ut non vno conceptu confuso, sed distinctè & sigillatim plura apprehendamus. Secundæ: quia per divisionem multum iuvamur ad dignoscendum, quid affirmandum quidue negandum sit. Imò, cum affirmatio fundetur in identitate, negatio in distinctione extremorum divisio sæpè manifestat hanc distinctionem, vel identitatem. Tertiæ demum: quia in discurrendo frequenter

distinctionib. vtimur, & divisio sæpè suggerit materiam, & aperit viam discurrendi in multis rebus, iuvat ad dispiciendam vim illationis, detegit si quæ ambiguitas & fallacia in argumento latebat & pleraquæ sanè commoda discursui dirigendo offert. Iuxta hæc Auerroes in Epith. Perhiem. in princip. ait, duo esse genera, id est instrumenta ad perficiendam verificationem, nempe distinctionem & syllogismum: per verificationem intelligens iudicium, abstrahendo à simplici & illatio. Et Divus Augustinus libro tertio de Doctrina Christiana, capite tertio ait: distinctionem utendum esse ad cognoscendam dicti veritatem.

Hinc pariter fit, ut de divisione hoc loco communi, & non in peculiari aliquo vnius certæ operationis tractatu, agendum sit.

Quintò tandem de Methodo multò certius constat ex dictis, non esse peculiare quoddam alicuius operationis instrumentum: diximus enim esse communem quandam conditionem totius directionis, & rectæ cognitionis. Quia autem ordo dirigendi supponit utique ipsam directionem absolute consideratam: & ordo cognoscendi, ipsam cognitionem: idèò in fine Logicæ de Methodo agere cogitamus. Eoque magis, quòd is tractatus proximè nobis gradum faciet ad Philosophiam auspicandam, rectèquè ordine disponendam.

*Methodus
autem ad
finem Logi-
cæ refer-
natur.*

SECTIO QUARTA.

De Definitione.

Definitionis tractatio aliquo olim tempore multò celebrior exstitit, magisque æstimata. Imò fuerunt qui definitionem demonstrationi præferrent, eique potissimum locum inter instrumenta sciendi tribuerent: eò quòd Aristoteles 7. Metaphysic. rex. 4. dixit, nobilius esse scire quid res sit, quam qualis sit. Nunc autem à multis ferè contemniuntur, aut profus omittuntur: eò quòd non adeò necessaria videatur. A quibusdam verò ad Metaphysicam potius quam ad Logicam pertinere, existimata est. Ita Suetonius libro 1. Poster. in princ. Et quidam alij: Eò quòd.

Eo quòd Arist. in ipsa Met. lib. 7. de illa latè pertractat.

Verùm hac tractatio neque tanti vt olim faciendâ est, neque prorsus contemnendâ vel omittendâ, neque in Metaphysicâ differendâ sed hoc loco breuiter explicandâ est: quæ omnia ex dictis iam communiter de instrumentis logicis satis constant. Præsuppositis autem quæ hac de re in Institutionibus præmissimus, nè hic eadem repetamus; quæ supererunt breuiter prosequemur.

An sit. Primò refert Aristoteles 8. Metaphys. tex. 9. Antisthenis sectatores negasse rerum definitionem: quia dicebant, oporteret longum sermonem texere, & in infinitum definitionem extendere: quoniam illa prædicata per quæ res definiuntur, debebunt & ipsa per alia definiri, & hæc per alia in infinitum. Refert etiâ Themistius 2. Poster. cap. 24. Speusippum negasse definitionem: quia dicebat, ad definitionem necesse est cognoscere differentiam propriam rei ab alijs rebus; ad hanc autem differentiam cognoscendam, necesse est res ipsas omnes cognoscere, quod est nobis impossibile.

Satis tamè manifestum & exploratum est, rerum definitiones esse posibles, nec admodum difficiles, essequè in vñ magna eum vtilitate in singulis quibusque scientijs. Neque difficultatem ingerunt rationes oppositæ. Nam, vt respondet ibi Arist. in definiendo peruenimus ad supremâ prædicatâ, quæ vltimus per alia definiri non exigunt: & ita non sequitur processus in infinitum. Item necesse non est, omnes res distinctè cognoscere ad cognoscendam differentiam propriam vnius rei: sed ex definitione ipsa solemus assignare discrimen rei definitæ ab alijs rebus. Et ad assignandum ipsummet discrimen, satis est cogitare de alijs rebus sub conceptu aliquo communi: v. g. ad assignandum discrimen substantiæ viuientis ab alijs omnibus rebus; satis est cogitare alia entia quæ non sunt substantia, nempe accidentia, & alias substantias quæ non sunt viucentes: nec necesse est singula quæque in speciali percurrere.

Quid sit. Secundò dixerunt alij, non posse assignari quid sit definitio: quia hoc erit definire definitionem, quod videtur impos-

sibile. Sicut non potest dari actio actionis, quantitas quantitatis: & alioqui daretur processus in infinitum. Comperit tamen est, debere ac solere assignari quid sit definitio, quod reuera est definire definitionem. Et quidem vulgare est illa definitio definitionis: definitio est oratio explicans essentiam rei: quæ planè conuenit singulis quibusque definitionibus in particulari. Nam definitio hominis est oratio explicans essentiam hominis, & sic de reliquis. Si autem definire velimus definitionem magis propriè sumptam, vt instrumentum, quatenus diximus instrumenta magis propriè sumi obiectiue, vt iam explicauimus: sic dici debet; definitio est modus, siue norma, siue idea, explicandi essentias rerum.

Non est autem incommodum, dari definitionem definitionis, nec sequitur processus in infinitum. Quoniam ipsamet definitio definitionis non est extra rationem & ambitum ipsius definitionis quæ definitur: sed continetur implicite intra ambitum ipsius definitionis definitæ. Nam definitio definitionis est vtique definitio quædam: & definitio quæ traditur de ipsa definitione, conuenit etiam ipsimet definitioni definitionis. Nam & ipsa est oratio explicans essentiam alicuius rei, nempe definitionis. Vnde non indigebit definiri alia definitione.

Tertiò deinde dubitatur, num definitio sit ens reale vel rationis. Et dicendum, materialiter quidem esse ens reale: formaliter verò ab intellectu referri per relationem rationis ad definitum. Vel enim sumitur definitio pro oratione explicante essentiam, idest pro vocibus: vel pro actu intellectus concipientis explicitè essentiam rei: vel pro obiecto eiusdem intellectus. Et quocunque modo sumatur, materialiter est reale quid. Sed facile ab intellectu excogitatur respectus definitionis ad definitum, qui erit respectus rationis. Et licet actus ipse definiendi in intellectu dicat ordinem realem transcendentalem ad obiectum: tamen adhuc in illo fundatur alia ratio rationis, sicut contingit & in alijs actibus intellectus.

Quartò dubitatur, in quam operatione intellectus propriè consistat definitio, loquen-

An sit ens reale.

In quam operatione intellectus consistat definitio, loquen-

operatione consistat. loquendo scilicet de definitione formali, idest de actu quo intellectus rem definit. Ex una parte videtur, in prima tantum operatione consistere: quia Aristoteles primo Posteriorum cap. 10. textu 79. & libro 2. cap. 2. textu 16. planè ait, definitionem non esse enunciationem, siue affirmationem, sed esse id quod affirmatur de re, solumquè percipi, idest apprehendi: Et ita exponunt atque defendunt, Auerroes, Sanctus Thomas, & alij ipsdem locis. Ex alia parte idem Aristot. 1. Posteriorum cap. 2. textu 14. & rursus cap. 7. & lib. 2. cap. 10. planè docet, definitionem esse propositionem, & esse unam ex præmissis in demonstratione, vel etiam esse conclusionem. Sic etiam definitionem explicauit Quintil. libr. 7. cap. 3. dicens, definitionem esse enunciationem. Definitio ergo in secundam intellectus operatione consistit, vel etiam in tertia.

Hac tota diuersitas tantum potest consistere in modo loquendi, & in modo accipiendi definitionem. Dubium enim non est, in intellectu reperiri & explicitam apprehensionem essentiae rei, & enunciationem qua talis essentia affirmatur de sua re, v. g. homo est animal rationale. Definitio ergo potest vtroque modo accipi, vel pro sola apprehensione per se sumpta, vel pro tali affirmatione. Et vtroque modo illam accepit Aristoteles in locis allegatis. Quatenus autem definitio in integra enunciatione consistit si probetur & inferatur ex alijs præmissis, spectabit vtique ad tertiam operationem. Verum est autem, frequentius solere primo modo sumi: & ita magis propriè dicitur: in prima operatione consistere.

Quomodo differat à definito. Quinto dubitatur, quomodo definitio differat à definito. Pro dicendum, definitionem sumptam pro essentia rei explicite concepta, non differre, nisi in modo concipiendi. Ex parte enim rei conceptæ idè prorsus est res & sua essentia, atque adeò definitum & definitio. Totaque differentia consistit in modo concipiendi: definitum enim est quatenus implicite concipitur, definitio quatenus explicite. Sic se habent homo & animal rationale, aliaquè huiusmodi. Vnde hac solet appellari distinctio rationis ratiocinantis, non verò

ratiocinata: quia scilicet non se tenet ex parte rei conceptæ, sed solum ex parte intellectus concipientis. Si autem sumantur ipsi actus intellectus: hi planè realiter distinguuntur. Sunt enim duo actus, quorum vnus non est alius, & vnus potest esse sine alio.

Sexto dubitatur, quam ponenda sint in definitione cuiusquè rei, & qualiter sit ipsa definitio construenda. Et regula generalis est: omnia illa quæ intrinsecè sunt de essentia rei, vel adque res essentialiter dicit ordinem, esse ponenda in definitione rei. Illa sunt de essentia rei, quæ secundum se & directè in ipsa essentia includuntur. Sæpè autem res dicit essentialiter ordinem ad aliquid extra se, v. g. relatio ad suum terminum, actus ad suum obiectum, & similia. Hac ergo etiam in definitione ponuntur: non quali ipsa secundum se sint de essentia definiti, sed quia ordo ad ipsa est de essentia, qui ordo sine ipsis explicari & nominari non potest.

Illaque sunt directè de essentia, vel sunt gradus metaphysici, qui scilicet per abstractionem rationis præcéduntur, vt respectu hominis animal rationale: & hæc sunt propriè prædicata essentialia, quæ in recto ponuntur in definitione, atque affirmantur de ipso definito. Et huiusmodi definitio appellatur definitio essentialis metaphysica. Vel illaque sunt de essentia rei, sūt partes physica seu reales: siue sint materia & forma: & sic potest definiri homo, est compositum constans ex corpore organico & animato rationali: siue sint partes integrantes simpliciter de substantia & cōstitutione rei, & sic potest definiri domus, est opus artificiale compactum ex parietibus & tecto: siue sint natura & substantia: & sic potest definiri suppositum, est quid constans ex natura substantiali & subsistentia: siue alio simili modo se habeant. Et huiusmodi partes non in recto ponuntur & prædicantur de definito, vt patet: non enim dicimus, homo est anima, sed constat ex anima: non domus est tectum, sed constat tecto. Ponuntur tamè intrinsecè: & definitio ex ipsis constata, est essentialis & intrinseca definito: ac propriè appellatur definitio physica.

Illaque res essentialiter dicit ordinem,

In definitione, quæ nam prædicata. Et quomodo ponenda sint.

Ponuntur per se prædicata essentialia.

Ponuntur

F

82 Quæst. IV. De Instrumentis directiuis.

*etiam alia
per modum
causæ vel
effectus.*

finem, vel se habent per modum causæ, vel per modum effectus. Per modum causæ: siue efficientis, v. g. creatura est ens effectiue dependens à Deo: siue finalis, v. g. homo est animal ad beatitudinem ordinatum: siue materialis, v. g. accidens est ens inherens subiecto: siue formalis, v. g. materia est subiectum actuabile à forma. Causam materialem & formalem nunc dico, respectu rei cuius est causa, non autem pars intrinseca: sicut patet in exemplis allatis. Ad causam verò finalem seu formalem reducitur terminus respectu relationis, obiectum respectu actus, & si quæ sunt similia. Hoc autem genus definitionis appellatur propriè definitio causalis: de qua Arist. 2. Poster. textu 44 dixit, esse orationem significanrem propter quid res est.

Per modum effectus possunt è conuerso poni aliqua in definitione per eadem causalitatis genera assignata. Sic v. g. potest vno modo explicari Deus, est primum principium, prima causa rerum omnium, & sic de alijs. Tanquam effectus rei se habent proprietates per quas solent sapè definiti rei describi res. Nisi quòd ipsamet proprietates, cum in se rei, in recto prædicatur de illa, homo est risibilis, & talis prædicatio est accidentalis. Vnde tunc propriè appellatur definitio descriptiua atque descriptio. Dum verò Arist. 6. Topic. loc. 17. docuit, definitionem debere constare ex prioribus: noluit negare, posse etiam rem definiti per effectus qui posteriores sunt: sed priora dixit potius in cognoscendo quam in causando, adeo quæ prius seu clarius cognoscuntur, notioraque sunt. Sic enim dixit, ex prioribus & notioribus. Quod quidem verum est, quia definitio debet esse notior & clarius definitio. Ac fieri potest, ut nobis notiores propinquioresque sint effectus rei qui, ficut in argumentatione, ita etiam in definitione, possint nos deducere in notitiam ipsius rei: sed specialiter de definitione reliquorum per ordinem vnius ad aliud, proprio loco agemus.

*And. boni
poni omnia prædi-
cata essen-
tialia.*

Ceterum quando res definitur per prædicata essentialia, quæ in recto dicuntur: debent vel omnia explicite poni, vel saltem proxima quæ implicite superiora contineant. V. g. dupliciter potest definiti homo: vel nominando omnia essen-

tialia prædicata, incipiendo à supremo entis aut substantiæ, & descendendo: substantia corporea viuens sensitua rationalis. Vel tantum dicendo, animal rationale, quia in animali cætera includuntur. Non esset autem apta definitio, si coniungeretur genus remorum & differentia proxima, v. g. substantia rationalis. Ex illis verò duobus modis: prior est magis exquisitus & explicius: secundus est magis expeditus & commodus, vtpotè breuior, & omnia necessaria continens. Atque omnia prædicata essentialia quæ hoc modo in definitione ponuntur, sunt genus & differentia, ex Aristot. 7. Metaphysicorum textu 43. vel se habebunt ad instar generis & differentia, si videlicet prædicata analogæ seu transcendencia in definitione ponantur.

Quando autem res definitur per illa ad quæ dicit ordinem, non tamen secundum se inclusa in ipsa essentialia rei: vt perfecta & adequata sit definitio, debent poni omnia ad quæ res essentialiter dicit ordinem, quia sic plenè explicabitur essentialia rei. Sed ad breuem & expeditam definitionem sufficit ponere aliqua, donec formetur conceptus: ita propius definiti, vt soli ipsi & non alijs conueniat. Iuxta hoc non oportebit in definitione causalis omnes rei causas apponere: nec in definitione per effectus, omnes proprietates.

*Anomalia
ad quæ res
dicit ordi-
nem.*

Septimò dubitatur, quænam res definiti possint. Agitur de hac re Aristoteles libro septimo Metaphysicorum. Sed breuiter patet ex dictis, illa quibus non conueniunt prædicata essentialia superiora, quæ non constant ex genere & differentia, non esse capacia definitionis metaphysicæ: sed solum explicationem aliquam admittent, quæ latiori modo poterit appellari definitio. Sic transcendencia & genera summa, se habent. Item illa quæ non constant partibus physicis, non posse physico more definiti. Et sic de alijs prædictis. Quæ verò constant prædicatis essentialibus genere & differentia, vel partibus physicis, vel dicunt ordinem ad suas causas, aut ad suos effectus: possunt vicinè iuxta propriam naturam singula dechni.

*Quænam
res defini-
ri possint.*

Disputat specialiter Aristoteles, eo lib. à tex. 12. Num composita accidentalia, con-

constata scilicet ex subiecto & aliquo acci-
denti, v.g. album, musicum, possint de-
finiri. Tandem docet, non posse propriè
& per se, sed quodammodo posse. Patet:
quia non habent essentiam propriè & per
se viam: habent tamen suam constitutio-
nem & cõpositionem intrinsecam. Qua-
re etiam, cum accidentia per se sumpta
possint definiri. Et docet tex. 16. & 19.
definitionem primò & simpliciter esse
tantum substantiam: um: admittit saltem,
secundariò esse accidentium. Et praci-
puè docere voluit, accidentia non nisi
per ordinem ad substantiam definiri. Vn-
de sicut dicere solet, accidens non esse
simpliciter ens, sed esse entis ens: ita
etiam de definitione accidentis loqui vo-
luit. Alioqui planum est, accidentia verè
habere sua prædicata essentialia, genus &
differentiam, per quæ propriè definiantur.

Insuper tex. 53. & duobus sequentibus,
negat singularia definiri. Idem sentiunt
Interpretes, ibi, S Thom. 1. par. qua. 29.
art. 1. ad 1. aliquè communiter. Probat
Arist. de singularibus sensibilibus, quia
corruptibilia & mutabilia sunt. Sed hanc
rationem examinabimus postea in re si-
mili de scientia, an deat de singularibus.
Clariùs probatur ratione communi de
omnibus singularibus: quia nobis nota
non sunt ultimæ differentia: indiuiduan-
tes: nisi quòd in consulo, & pari modo
dicimus, omnia singularia habere suas
differentias, seu entitates distinctas: ita
ut una non sit alia. Non per hoc autem
negatur, ipsa indiuidua participare defi-
nitionem communem suæ speciei, in qua
conueniunt. Nec item negatur, posse etiã
in indiuiduo vtriusque explicari seu signa-
ri per accidentia & circumstantias, hoc &
illud singulare. Verum tamè hoc modo dicitur
assignari & explicari potius quis sit
aliquis singularis, quàm quid sit, ut ex
communi modo loquendi constat.

Octauò dubitatur, vtrum vnus rei vna
tantum sit definitio. Arist. eam ita docet 6.
Top. loc. 17. sic probat, quia vnus rei vni-
ca est essentia. At ex dictis videtur, posse
vnam eandem rem explicari per definitio-
nem metaphysicam, & per physicam, &
per varias causas, variòque effectus. Dic-
endum est ergo, vnam rem non posse nisi
vnicâ definitione definiri, quantum ad re
explicatam, idest quantum ad essentiam,

quæ vtrique vna sola est; & eadem semper
explicatur, si eadè res definitur. At verò
posse pluribus definitionibus, quantum ad
orationes ipsas explicantes essentiam rei,
sive quantum ad modum accipiendi & de-
finiendi, iuxta regulas assignatas. Et rur-
sus hoc modo non possunt eidem rei plu-
res definitiones cõuenire sub eodè modo
definitionis, videlicet plures definitiones
metaphysicæ ex genere & differentia, vel
plures physicæ ex materia & forma.

Nono quaeritur, quò intelligenda & in-
uenienda sit definitio rei. Arist. 2. Post. c. 8.
alias 14. tradit hanc regulam: in specie
ultima & a homa definienda, sumantur
prædicata, quæ singula in plus se habeat,
idest communiora sint quam ipsa species: ito
etiam illo: si collectio sit ipsi propria &
adæquata, non conueniens alijs extra ip-
sam speciem. In specie autem superiori, scilicet
subalternâ, definiendas considerentur
species, quæ sub illa continentur, & sumat-
ur id in quo cõueniunt, remaneantur il-
la in quibus differit, & assumatur genus
superius illi speciei cuius definitio qua-
ritur, inspecto prædicamento proprio ip-
sæ: & sic habebitur tota definitio.

Item Plato refertur duplicè viã distin-
xisse inueniendi definitione, viam scilicet
resolutionis, & viam compositionis. Per
viã resolutionis quaeritur definitio, distin-
guendo rem in plura prædicata, & illa in
quibus cum alijs conuenit, & illa per
quæ differt. Per viã compositionis è cõ-
uerso, incipièdo a genere generalissimo,
siue a supremo prædicato, & addèdo cer-
tam differèntiam, & sic deinceps, viq. dum
addatur vltimū prædicatū rei, quod illam
facit differre ab omnibus, cum quibus per
anteriora prædicata cõueniebat. Quomo-
do demum inquirendo causas & effectus
& passionis possint res definiri: pro di-
uinitate rerum definiendarum, & vtrò
varijs definiendi formulis, in singulis ma-
terijs discutiendum est.

SECTIO QVINTA.

De Diuisione.

Notum est, diuisionem hic non
accipit pro reali separatione par-
tium & rerum, quæ diuile & non vniue
dicuntur: sed prout in mentis conside-
ratione perficitur, sup. etiam in extrema

F 2 loqu-

*Qualiter
definitio
inquiren-
da & in-
uenienda
sit.*

*An vnus
rei vna
tantum sit
definitio.*

loquutione exercetur. Item modò non sumitur pro diuisione, à compositione distincta, quando in secunda intellectus operatione compositio & diuisio assignatur, ubi diuisio est iudicium negatiuum: quinimo diuisio de qua nunc loquimur, potius per affirmationem atque adeò indicij compositionem exercetur. Sumitur ergo pro partitione vnius in plura per operationem intellectus considerantis plura in aliquo vno. Et ferè sufficienter quæ de diuisione in Institutionibus iam antea diximus, & quæ ex dictis modò de definitione colligi possunt. Sed ne quicquam intricatum relinquamus, pauca fac iterum attingere.

Quid sit.

Primo ergo, diuisio in voce sumpta, est oratio qua distribuitur totum in partes: in mente, est consideratio intellectus qua distribuitur totum in partes. Obiectiue autem sumendo diuisionem, & propriè vt instrumentum est, est modus & norma siue idea distribuendi totum in partes. In exercendi autem ipsa diuisione, datur vtique in prima operatione intellectus apprehensio totius & partium: sed præcipuè dici debet, diuisionem fieri ab intellectu per secundam operationem. Tunc enim dicitur intellectus diuidere, quando affirmat, totius hanc & illam esse partes. Si autem intellectus hoc assequatur inferendo ex alijs præmissis, ad tertiam operationem talis actus diuidendi pertinebit. Facile etiam patet, diuisionem materialiter acceptam esse ens reale: formaliter autem posse ab intellectu cogitari & efformari relationem rationis, tum inter diuisum & membra diuidentia, tum inter actum intellectus diuidentis & obiectum representatum, tum inter normam seu ideam diuidendi & diuisionem in re aliquam exercitam: posseque mutuo ex partibus omnium extremorum hanc relationem effingi.

Qualiter se habeant membra diuidentia ad totum diuisum.

Secundò, si quaeratur quonam modo diuisio, siue membra diuidentia distinguantur in toto diuiso, non potest vni communi regula determinari. Sunt enim diuersi modi totalitatis, & ex illis hæc quaestio dependet, & variæ controuersie in hac re incidunt, quæ proprijs locis disputanda sunt. Neque opus est ad directionem logicam, & ad rectum

vsus diuisionis in dirigenda cognitione intellectiua, id nunc inuestigare.

Tertiò, in quam diuidi res possit; siue quam esse possint membra diuidentia, & rursus quam res diuidi possint, communi regula patet, omne totum diuidi posse in suas partes. Diuersi sunt autem modi totalitatis, vnde etiam varij modi diuisionis efficiuntur, de qua re facis in Institutionibus dictum est. Solum addi nunc potest, non oportere propriè & in rigore sumi totum, & partes ad efficiendam diuisionem: sed interdum fieri posse ob imitationem quamdam totius & partium: v. g. cum subiectum in sua accidentia diuiditur, siue in vno subiecto consideramus plura accidentia, non vtique subiectum est propriè totum, & accidentia partes subiecti, sed quia simul adunantur ipsum subiectum & sua accidentia, hoc sufficit ad faciendam hanc diuisionem. Et ad hoc genus diuisionis spectat, quando vox æquiuoca in plura significata diuiditur: significatio enim est accedens vocis, & eadem vox tanquam subiectum, habet plures significationes. Spectat etiam, quando diuiditur anima in suas potentias: non enim propriè anima constituitur per ipsas potentias, sicut totum partibus; sed potentie sunt accidentia anime: & hoc sufficit ad faciendam talem diuisionem. Hinc etiam facile patere potest, qualiter eadem res possit plures diuisiones admittere, quia in eadem re possunt inueniri plures modi totalitatis fundantes plures diuisiones. Et qualiter demùm quæcunque diuisio iuxta conditionem quamcumque rerum inuestiganda inueniaturque sit.

Quartò præterea, quoniam varij sunt diuisionum modi, nempe generis in species, compositi physici in partes physicas, &c. solam diuisionem generis in species per differentias essentielles, esse instrumentum logicum, iuxta communem sententiam eorum qui volunt absolute diuisionem esse instrumentum; ait Zabarella libro tertio de Methodis cap. 6. Sed neque hæc videtur communis sententia; neque vera est: quin potius diuisio absolute & adæquate sumpta, dici debet logicum instrumentum. Et in primis, Auctores qui diuisionem inter instrumenta collocant,

Quæ res, & in qua membris, diuidi possunt.

Quonam diuisio sit logicum instrumentum.

de eaque tractant, & regulas tradunt, non restringunt hæc diuisionem ad illam solam, sed potius ad omnem diuisionem extendunt; & ideo singulos modos diuisionis sollicitè declarant, & de omnibus suas regulas tradunt. Aliqui verò qui præcipue diuisionem sumplerunt pro ea quæ est generis in species, præter diuisionem assignarunt resolutionem, hoc nomine intelligentes diuisionem compositi in partes, quæ rursus iuxta varios modos compositionis multiplex esse potest.

Deinde non solum diuisio generis in species per differentias essentielles, sed etiam alij modi diuisionis sunt in usu, tumquæ valde viles ad directionem cognitionis intellectiue, vt experientia

patet: & hi etiam spectant ad Logicam, quæ tradere debet omnia instrumenta directiua cognitionis. Ergo diuisio ample sumpta est instrumentum logicum. Libenter tandem fatendum est, diuisionem essentialem generis in species esse magis præcipuam, frequentem, & utilem, & in scientiarum usu maioris æstimationis. Sed non per hoc aliæ diuisionis species excluduntur. Sicut quia demonstratio est præcipua argumentationis species, non propterea ad solam demonstrationem restringenda est argumentatio quæ dici debeat instrumentum: sed argumentatio in tota sua latitudine est logicum instrumentum.

Q V Æ S T I O Q V I N T A.

De Ente Rationis,

Quod per cognitionem fit, eiusquæ directioni inferuit.

Consideratio Entis rationis ad nullam scientiam per se pertinet, tanquam de obiecto primario: quia ens rationis non est obiectum per se scibile secundum omnes conditiones ad rigorosam scientiam requisitas. Metaphysicæ tamen munus esse potest, tractare de ente rationis per reductionem ad ens reale quod est proprium eius obiectum; vel Physicæ in parte de Anima, quatenus ens rationis est quoddam opus animæ. Optimè tamen Logica hanc sibi tractationem assumit: tum quia ens rationis fit per cognitionem intellectiuam quæ est proprium eius obiectum, ad eamquæ benè reducitur: tum quia a multis assignatur tanquam instrumentum directionum operationum intellectus, vel saltem ad hanc directionem aliquo modo deseruit. Imo inter varias de obiecto Logicæ sententias, vna erat quæ ens rationis faciebat obiectum Logicæ. Itaque si non tanquam primum & adequatum obiectum, saltem tanquam id quod ad obiectum reducitur, spectat ad Logicam.

Eratquæ præterea hæc tractatio in Logica præsertim necessaria: tum quia in ipsa Logica sæpè entibus rationis & secundis intentionibus vtendum est: tum quia in sequentibus alijs scientijs frequenter entia rationis in disputationem adueniunt, propter quod oportet ens rationis ab initio esse notum, nec poterat commodè eius tractatio ad finem vique Physicæ vel Metaphysicæ differri.

Ad declarationem autem nominis, sciendum cum Soncin. 6. Metaphys. quaest. 18. artic. 1. Nominis entis rationis significari aliquid pertinens ad intellectum, qui dicitur ratio. Potest autem primò significari ipsemet intellectus: ita vt per ens rationis intelligatur ens quod est ratio: sic dicitur sumi intransitiuè. Secundò potest significari id quod inest huic recipitur in intellectu tanquam in subiecto; quo modo ipsamet cognitio, habitus, & species intelligibiles, dicuntur entia rationis: & sic ens rationis sumitur subiectiuè. Tertiò significati potest id quod realiter efficitur ab intellectu; quo modo non solum actus elicit ab intellectu, sed etiam opera artificiosa quæ sunt ad extra per directionem intellectus, dicuntur entia rationis: & sic ens rationis sumitur effectiuè. Quartò demum significatur id quod obijcit

F 3 intel-

*Ens ratio-
nis meri-
to conside-
ratur in
Logica.*

*Eius no-
men expli-
catur.*

intellectui, idest cognoscitur ab intellectu: sic sumitur obiectiue.

Sed in hac acceptione iterum distinguendum est. Obiectum enim cognitum ab intellectu, vel reuera habet suum esse à parte rei quod representatur intellectui, sicut est homo, equus, & alix res, omniaque entia realia: vel nullum habet esse à parte rei; sed cum in re nihil sic, concipitur ac si esset. Obiectum primo modo se habens, prius supponitur habere esse reale, deinde habet esse obiectiui in intellectu. Obiectum verò posteriori modo se habens, non habet aliud esse nisi obiectiui in intellectu. Et hoc est quod propriissime dicitur ens rationis, contradistinctum ab ente reali. Alioqui ens rationis in alijs significationibus acceptum, est in toto rigore ens reale. Hoc ergo modo explicat ens rationis Sanctus Thomas Opusc. 42. cap. 1. & Opusc. 48. tract. 2. cap. 1. & alij communiter. Aque de hoc ente rationis sic sumpto nunc agimus, quod etiam appellatur ens fictum, & ens intentionalē.

SECTIO PRIMA.

An sit Ens rationis: & an sit in rebus vel tantum in mente.

Prima sententia.

PRIMO Mairon. in Quodl. quæst. 7. Bernard. Mirand. in Exposit. Prædicam. & Vallesius Controner. 10. Physicæ, descendunt, non dari ens rationis.

Secunda sententia.

Secundò ex opposito defendunt aliqui, dari non solum in mente, sed etiam aliquo modo à parte rei antecedenter ad omnem operationem intellectus. Ita sentit Bartholom. Medina 3. par. quæst. 35. artic. 5. dub. 1. ad primum argumentum, de illis entibus rationis quæ habent fundamentum in rebus extra intellectum. Aliqui verò docent, omne ens rationis secundum existentiam quidem dari tantum in mente, sed secundum essentiam dari per se. Nam sicut in ente reali distinguì solet essentia & existentia, existentia qua actu realiter est, essentia verò secundum quam consideratur præcisè ab esse actuali: sicut modo considerari potest essentia, v. g. Adami, videlicet Adamum esse hominem, esse animal rationale, licet Adamus actu non sit: Ita, pariter debere distinguì existentiam entis rationis qua actu est dum sit ab intellectu, & essentia secundum quam abstrahit ab esse actuali: & secundum hanc essentiam esse secundum se indepèdenter ab operatione intellectus.

Tertia sententia.

Tertiò, Fonseca quarto Metaphysicorum cap. 2. quæst. 7. sect. 9. & libr. 5. cap. 15. quæst. 4. sect. 4. quædam ait esse entia rationis, quæ nec sunt nec conueniunt rebus nisi per operationem in-

tellectus, vt relationem generis, speciei, & similes: quedam verò, quæ licet actu non sint ante operationem intellectus, quoniam hoc repugnaret enti rationis; tamen actu conueniant rebus præcisè omni conceptione intellectus. Tales esse ait, relationes creatoris, prioris & posterioris, aliasque similes. Simili modo quidam recentiores asserunt, huiusmodi entia rationis, licet non existant, tamen verè denominari illa subiecta in quibus fundantur.

Quartò, Scotistæ docere solent, vt testatur Sotus quæst. 3. de Vniuersal. art. 1. dub. 2. quædam entia rationis esse subiectiue in rebus, ita tamen quòd fiant per operationem intellectus in quo sunt obiectiue. Idque sumunt ex Scotò quò 9. Prædicab. & in 4. dist. 23. quæst. vnica, vers. contra opin.

Quarta sententia.

Dico primò, dari ens rationis. Hæc est communis Doctorem sententia. Nam entia rationis non solum D. Thom. Scot. & ceteri Scholastici, dari supponunt: sed ea etiam agnouerunt antiquiores Philosophi. Porphy. in Proemio Prædicab. cum meminit eius quætionis, an genera & species sint in solis nudis intellectibus, quod est quærere an sint entia rationis, cuius quæst. meminit etiam Themist. primo de Anim. cap. 4. Rursus idem Porphy. in Prædicam. interrog. 3. distinguì nomina primæ & secundæ intentionis. De quibus secundis intentionibus sæpè etiam loquitur Aueroes quarto Metaphysic. com. 2. in Epithome Logica in princip. & alibi, illas vocans secundò intellecta, secundò intelligibilia: & præterea nono Metaphysic. com. 7. ait, esse quædam entia quæ non dicuntur esse simpli-

Daturæ rationis.

simpliciter, sed esse in anima & in cognitione. Eadem entia agnoscit Auicenna. 3. Metaphys. cap. 10. Aristoteles. ipse 6. Metaphys. in fine, & lib. 11. Sum. 3. cap. 2. ait, dari quoddam esse, & quoddam ens, quod sit in anima: unde colligunt Expositiones, dari ens rationis.

Ratione probatur: quia ipsa experientia constat, multa quae in se ipsis verè non sunt, nec esse possunt, à nobis concipi ac si essent: concipitur Chimera, Hircoceruus, & similia entia ficta, quae à parte rei esse non possunt: concipitur esse visum in pariete, ac si esset quidam respectus parietis ad oculum, caecitas in oculo ac si esset quaedam forma positiua contraria potentia visus, & alia huiusmodi, quae tamen non sunt, nec esse possunt. Et haec sunt entia rationis, id est quae habent merum esse obiectiuum in intellectu. Item a priori: quia non repugnat intellectum concipere quaedam quae realiter nec sunt nec esse possunt; imò interdum intellectus putat & affirmat quaedam esse, quae tamen esse non possunt: & ex parte ipsius obiecti, ex eo quod illi repugnet realiter esse, non propterea repugnat concipi, & esse obiectiuè in mente. Ergo concedenda sunt entia rationis.

Non datur ante operationem intellectus.

Dico secundò, ens rationis non dari actu nisi per operationem intellectus, neque quantum ad existentiam, nec etiam quantum ad suam essentiam. Haec conclusio est Doctorum communis, qui nulla distinctione facta essentiae & existentiae in ente rationis, absolute docent, ens rationis esse solum opus intellectus, & alioqui non dari.

Et probatur primò: quia in hoc distinguitur ens rationis ab ente reali: quod ens rationis non est nisi per rationem iens reale est realiter in se. Implicat ergo ex ipsis terminis, dicere, dari ens rationis à parte rei, dari independentem ab operatione rationis. Quae autem Medina respondet: ens rationis in actu perfecto & completo non esse nisi per operationem rationis. Vel, ens rationis de se quidem esse in rerum vniuersitate, tamen non habere esse nisi per operationem intellectus. Vel, varia esse genera entis rationis, & quaedam esse, quaedam non esse, ante operationem intellectus. Haec

inquam omnia manifestè repugnant. Nam ens rationis nullo modo potest esse in actu, nisi per operationem rationis. Et non potest esse nisi habeat esse. Et nullum genus entis rationis potest esse citrà operationem rationis: alioqui iam non esset ens rationis; sed ens reale.

Probatur secundò, Ens rationis non posse esse actu secundum essentiam in se ipso: quia de ipsa essentia ipsius entis rationis est, vt non sit nec esse. possit nisi per operationem rationis, id est intellectus: & ideo dicitur ens rationis. Et totum esse ipsius est huiusmodi. Neque in illo distingui potest duplex esse, quorum vnum actu sit independentem ab intellectu. Quinimo dum intellectus concipit quod non est, tunc fingit & efformat totum esse, & essentiam ipsam entis rationis, nempe Chimeram, relationem rationis, & similia. Et alioqui, si daretur aliquod esse entis rationis non obiectiuè solum in mente, daretur à parte rei & in se ipso, atque adeò secundum illam formalitatem esset potius ens reale.

Dixi, non dari actu nisi per operationem intellectus: quia libenter fatendum est, antecedenter ad actualem operationem intellectus dari in potentia. Nam etiam nullo intellectu actualiter operante, & efficiente ens rationis, verum erat, dicere, ens rationis esse possibile & posse fieri: sed hoc ipsum verificatur per ordinem ad potentiam intellectus, seu ad operationem possibilem intellectus. Itaque ens rationis non datur actu, nec etiam quantum ad esse essentiae actuale, nisi per actualem operationem intellectus: datur autem in potentia etiam quoad esse ex se ius suò modo ipsi possibile, per ordinem ad operationem intellectus possibilem.

Dico tertio. Nullum ens rationis conuenit actu rebus ante operationem intellectus, sed tantum conuenire & denominare potest fundamentaliter. Probatur: quia vel ita conuenientia iunimur pro aliqua applicatione reali, veluti formae ad subiectum, vel tantum pro veritate praedicationis, quae potest affirmari praedicatum de subiecto etiam sine existentia actuali, vt cum dicimus, Adamus est homo. Neutro modo dici potest, ens rationis actu conuenire

Non conuenit rebus ante operationem intellectus

rebus ante operationem intellectus. Non primo: quia dū ens rationis non est in se, nec etiā potest esse applicatum subiecto: esse enim applicatum supponit esse simpliciter. Neque secundo modo: quia illa solum prædicata dici possunt de rebus sine existentia, quæ sunt essentialia. Ipsi rebus: prædicata verò contingentia non dicuntur sine actuali existentia, vt est notum. At relationes rationis formaliter sumptæ, non sunt vique prædicata essentialia & necessaria, imò maxime contingentia, & plus accidentalia, quàm prædicata realia. Ergo dicti non debent actu conuenire rebus ante operationem intellectus.

Dici tamen possunt conuenire fundamentaliter, id est dari in rebus fundamentalium talium relationum: sic creatio est fundamentum relationis creatoris. Et hoc est discrimen quod assignari potest inter entia rationis: quòd quædam habent fundamentum in rebus quæ sunt extra intellectum, & solum pro causa efficiencie indigent intellectu: quædam verò habent fundamentum in ipso intellectu, siue in aliqua operatione eius; tales sunt relationes generis & speciei. Sed de hac distinctione agemus postea.

*Non est secundum
biellectum
rebus, sed
tantum
obiectum
in intellectu.*

Dico quartò. Ens rationis esse non potest nisi in intellectu, neque per operationem intellectus resultat in ipsis rebus, vt sit in illis subiectiue: sed tantum ab ipsomet intellectu prædicatur de ipsis rebus. Ab hac conclusione nec Scotus ipse dissentit, vt notauit supra Sotus: tantum enim docere voluit secundam conclusionis partem. Probatur conclusio manifestè: quia per se euidens est, nihil posse ab intellectu resultare in rebus per cognitionem ipsius intellectus, quod subiectiue sit in rebus ad extra. v. g. cum cogitamus de calis, de Angelis, de ijs etiam rebus quæ actu non sunt, atque de Deo ipso, ipsque attribuimus denominationes seu relationes rationis; nihil vtiq; de nouo efficitur subiectiue in ipsis rebus. Et præterea, si quicquam efficere- tur, hæc esset forma realis, non rationis: quia esset subiectiue in ipsis rebus, sicut est forma artificialis quæ efficitur per virtutem intellectus. Ens autem rationis præcisè sinit in ipso intellectu obiectiue, nec transiit ad extra.

Verum est tamen, posse ens rationis ab ipsomet intellectu prædicari de rebus: vt patet quia dicimus, Deus est creator, animus est genus, & similia. Nec enim ad huiusmodi prædicationes requiritur, vt prædicatum subiectiue in se subiecto in se ad extra, sed satis est quòd ab ipsomet intellectu cogitatur intellectu. Sicut enim ens rationis cogitatur esse, cum re ipsa non sit: ita cogitur in se, cum re ipsa non inest. Et hoc sufficit ad prædicationem; non quidem realem ex parte obiecti, sed rationis, id est de prædicato quod est ens rationis.

Obijcies primò contra primam conclusionem. Impossibile est ab intellectu concipi & cogitari illud quod impossibile est esse; nam intelligi sequitur ad esse, & quod est impossibile, est intelligibile: ergo dari non potest tale ens, quod in se nullo modo esse possit, sed tantum in intellectu, quod est ens rationis.

Respondetur absolute negando maiorem: quia simpliciter fieri potest, vt intellectus concipiat, & putet aliquid, quod re ipsa non est, nec esse potest: vt de facto sæpe contingit. Negando etiam, quod est impossibile esse intelligibile: quia potius latius patet intelligibile, quàm possibile: qualiter autem explicari debeat, intelligi consequi ad esse, siue intelligibilitatem esse passionem entis, facis diximus quod est 3. lect. 1.

Obijcies secundò contra secundam. Etiam nullo intellectu efficiente actu ens rationis, inueniuntur quædam entia rationis à parte rei, vt oculum esse cæcum, parietem esse visum, & similia; & præsertim Christus realiter est filius Beatæ Virginis, & tamen illa relatio filiationis, non est realis, sed rationis; vt ex Sancto Thoma tenet ibi Medina: ergo. Præterea dantur propositiones essentialiales de ente rationis, vt ex parte obiecti, videlicet hæc ipsa propositio ens rationis est fingibile ab intellectu, & similes. Atque per veritatem huiusmodi propositionum essentialium de entibus realibus, dicitur dari essentia realis eorum antequam ipsa actu existant. Ergo datur ens rationis quantum ad suam essentiam ante omnem operationem intellectus.

Respondetur, omnia illa quæ dantur à parte

*Ens ratio
nis potest
mentaliter
concipi, li-
cet nō pos-
sit reali-
ter esse.*

*Habet pro-
positiones
essentialiter
æternæ ve-
ritatis, li-
cet nō ha-
beat essen-
tiam ab
æterno.*

à parte rei, non esse entia rationis: sed vel puras negationes seu priuationes, vt sunt tenebræ, cæcitas, &c. vel denominationes reales, vt parietem esse visum, & similia, vel formas reales. Et præsertim repugnat, dicere, Christum esse realiter filium per relationem rationis. Sed omnino eo modo quo dicitur realiter filius, concedendo est filio realis ad matrem. De qua re tertia parte agendum est. Et hæc omnia constabunt ex dicendis. Deinde dicendum est, esse concedendas illas propositiones de ente rationis, esseque dicendas æternæ veritatis, sicut de entibus realibus: & inter has propositiones, esse hanc, ens rationis etiam quantum ad essentiam non est, nisi fingatur ab intellectu: essentia entis rationis est essentia rationis, & essentia ficta, non est à parte rei, sed tantum habet esse obiectiue in intellectu. Sic ergo potius infertur nostra conclusio. Et ad argumentum dicendum, veritatem harum propositionum non fundari in eo quod actu sit essentia secundum aliquod esse essentia antecedens esse existentia: sed in eo quod ipsa essentia sit possibilis, vt actu sit, & actu ponatur in esse. Quia nimirum intantum illæ propositiones veræ sunt, in quantum abstrahunt à tempore, & ab omni actualitate essendi; solumque enunciant connexionem predicati cum subiecto, quæ necessario actu debet esse, quodcumque subiectum ipsum actu sit. Et ideo nec etiam essentia entis realis datur actu secundum aliquod esse essentia, antequam sit sub esse existentia, vt dicemus postea circa directionem iudicii, & latius in Metaphysica tractandum est. Illi autem qui dicunt, dari hoc modo essentias rerum ab æterno: sanè pari ratione id concedere cogentur de essentia rationis, quia pari modo verificantur propositiones essentialiales. Non enim differunt ens reale & ratio, quod essentia entis realis sit ab æterno, non verò essentia entis rationis. Sed quod ens reale potest esse, vel actu est realiter: ens autem rationis tantum est vel esse potest obiectiue in intellectu.

*Sutpenit
interdum
denomina
tiones rea
les.*

Obijcies tertio contra tertiam. Verum est dicere Deus est creator, etiam nullo intellectu cogitante & fingente relationem, & sic in alijs similibus: cum

tamen animal non sit genus, & homo species, nisi per considerationem intellectus: ergo aliquæ relationes rationis conueniunt rebus, siue denominant res, actu ante operationem intellectus.

Respondetur, illam denominationem creatoris, aliasque similes, verificari à parte rei, non quidem per relationem rationis, sed per aliquam formam realem tamen extrinsecam, esseque denominationes reales extrinsecas: videlicet Deus denominatur realiter creator, idest realiter creas, per actionem creationis, quæ non est relatio rationis. At si quis dicat, Deus est creator relatiue, siue Deus refertur ad creaturas, hoc non verificatur nisi per operationem intellectus referentis.

Obijcies quartò contra quartam. Ens rationis debet esse alicubi subiectiue, nõ enim est substantia per se sine subiecto subsistens: non est autem subiectiue in intellectu, vt patet: ergo est subiectiue in ipsis rebus, de quibus predicatur.

Respondetur cum S. Thom. Opus. 48. tract. 2. cap. 1. Ens rationis nullibi esse subiectiue: quia si esset in aliquo, esset accidens, & per consequens ens reale. Tantum ergo est obiectiue in ipso intellectu. Nec propterea est substantia, quia substantia realiter est atque subsistit: sed est proprie ens rationis. Quomodo autem possit fingi ad instar, substantia, vel accidentis, & ita possit concipi vt in aliquo subiectiue existens, vel quasi per se subsistens, postea dicemus.

*Nullibi
subiecti
ue.*

SECTIO SECVNDA.

Quid sit ens rationis.

PRIMO aliqui sic explicant ens rationis, est purum nihil conceptum ab intellectu: vnde dicunt ens rationis verè non esse ens, sed esse purum nihil quod opponitur enti, quia conceptio intellectus non potest facere, vt verè sit ens, quod non erat ens. Quidam verò addunt, sufficere si ens rationis actu sit purum, nihil, idest non sit actu à parte rei, & tamen esse concipiatur: hoc dicunt esse ens rationis quatenus sic conceptum, esto sit possibile esse à parte rei. Sic defendit Hurtad. disp. 19. Met. sect. 1.

*Prima sen
tentia.*

Secun-

*Secunda
sententia.*

Secundò ex opposito Durand. in 1. dist. 19. q. 5. num. 7. explicat, ens rationis non esse penitus nihil, sed nò esse aliud quàm denominationem obiecti ab actu rationis, conuenientem ipsi obiecto solum vt cognitur est: ita quòd intelligere, in homine intelligente sit quidem vera res, & vera denominatio realis: intelligi autem, non est vera res, nec denominatio realis in lapide intellecto: sed dicitur ens rationis, quia non competit rei nisi per actum rationis tendentis in ipsum vt obiectum. Aliqui verò addunt, non solum hanc denominationem prouenientem ab actu rationis: sed omnem aliam prouenientem, ab alijs similibus actibus extrinsecis, videlicet ab actibus sensuum, & appetitus, siue à quacumq. forma extrinseca. esse ens rationis: ita vt ens rationis adequatè sit denominatio à forma extrinseca, quæ ab intellectu tribuitur rebus. Et ita ferè tenet Fonseca 5. Met. cap. 7. q. 6. sect. 3. Aliter Masius q. 1. de Ente rationis ait, illud ens rationis quod habet fundamentum, in re, non esse purum nihil.

*Tertia
sententia.*

Tertiò alij explican, ens rationis esse relationem resultantem in rebus, vel per solum actum rationis quo cognoscitur obiectum, vel per omnem aliam actum agentem aliquod obiectum, seu per omnem formam denominantem extrinsecè aliquod subiectum. Ita indicat Viger. in Instit. de Anima rationali S. 2. vers. 4. Differt autem hac sententia à præcedenti: quia ubi illa dicebat, ens rationis esse ipsam denominationem extrinsecam: hac asserit, esse relationem rationis resultantem ex ipsa denominatione, seu ex forma denominante rem extrinsecè. Soncinas etiam 6. Met. q. 12. ex parte ait, ens rationis esse relationem statim resultantem ex quocumq. actu cognitionis: sed concedit etiam alia entia rationis. præter relationem.

*Ens vñm
in quodā
sensu est
purū ni-
hil.*

Dico primò, si nomen entis sumatur propriè, & in rigore, & purum nihil prout opponitur huic enti: sic ens rationis verè non esse ens, sed esse purum, nihil: si autem nomen entis in tota sua latitudine sumatur, vt sanè sumi potest & debet: sic ens rationis esse suo modo ens, & non esse purum nihil. Hac conclusio, si benè percipitur, videtur certa: non enim potest esse controuersia

nisi de nomine, an ens rationis dicendum sit ens vel purum nihil.

Probatu ergo & explicatu: quia ens propriè & in rigore dictum, significat id quod propriè & verè est: vere autem, & propriè non est, nisi quod est realiter: nam illud quod realiter non est, sed esse concipitur, in rigore non est, sed concipitur esse: & longe differt, esse, atque concipi esse. Vnde, cum quis aliquid putat quod non est tale, esse tale: v. g. aurichalcum esse aurum; non dicimus, illud esse tale, aurichalcum esse aurum; sed putari tale: & cum id putatur verum, non dicimus esse verum, sed putari verum. Sic ergo simplicium nomen entis pro eo quod verè est, ad differentiam eius quod verè non est, sed esse concipitur: non vique dicitur de ente rationis. Arque adeo sumendo purum nihil, quod opponitur huic enti, pro eo scilicet, quod verè & in re non est: sic ens rationis est purum nihil, quod idem est ac dicere, nihil reale.

Ex alia parte negari non potest, nomen entis extendi magis & ampliari per quandam translationem, ad significandum non solum quod verè est, sed etiam, quod esse concipitur: siue illud quod est, vel in re, vel in apprehensione & opinionione mentis. Quod sanè patet ex ipso nomine entis rationis: nam nomen entis applicatum est enti rationis. Ex opposito autem purum nihil dicitur, id quod non est, nec cogitatur esse, siue quod nec in re nec in apprehensione mentis est. In hoc ergo sensu, ens rationis non est purum nihil, sed est aliquo modo ens. Et clarè loquendo, illud quod non est tale, sed putatur tale, dicitur tale in mente, siue putatum, existimatum tale: aurichalcum dicitur aurum in mente, aurum putatum: quæ additio est conditio diminutiva, siue detractiva nomen à significato proprio & rigoroso, ad significatum magis amplum. Ens ergo rationis dicitur ens apprehensum, ens putatum. Imo hoc ipsum denotatur, dum vocatur ens rationis, quod idem est atque ens mentis, siue ens fictum, ad differentiam entis absolute dicti, quod sonat ens reale.

Sicut nomen, v. g. hominis, propriè & absolute significat verum hominem viuum:

*In alio
sensu est
ens oppo-
situm mi-
nimo.*

at translatum etiam est ad significandum hominem pictum, nam imaginem hominis vocamus hominem pictum. Vnde homo pictus non est propriè & in rigore homo, sed figura hominis; & ideo cum conditione diminutive dicitur homo pictus. Ita nomen entis in rigore & ex prima significatione denotat ens reale, sed subinde extensum est ad ens fictum, quod est ens rōnis. Ex hac autē cōclusionē colligitur entia rōnis non poni in prædicamentis: quia hæc de veris & realibus entibus construuntur, vt suo loco dicemus. Nec dari conceptū vnum entis, cōmunem eni reali & rōnis: quia solū ens reale habet verē entis rōnem: ens autem rōnis fingitur vt ens, & solūm apparenti quodam modo dī ens. sicut non datur cōceptus hominis communis homini vero & picto, sed homo pictus est tantūm figura & imago hominis. Sed de communitate entis latē in Metaph. agendum est.

Dico 2. Ens rōnis esse solum id, quod nec actu est, nec possibile est à parte rei: ita quod quicquid possibile est in re, licet actu esse puretur, cum actu non sit, non est ens rōnis, sed verē ens reale. Hæc conclusio est cōmunis. Et probatur efficaciter: quia ad rōnem essentialē entis realis per accidens est actu existere: sed eius essentia saluatur in hoc quod sit aptum existere: siue ergo existens, siue solum possibile, est verē ens reale. Atque abstrahendo ab omni existentia, verum est dicere, homo est ens reale, Adamus est ens reale, & sic de alijs omnibus. Sed ens rōnis opponitur cum omni ente reali, igitur non est ens rationis, nisi, quod non solum actu non est, sed nec etiam possibile est, quod non potest realiter esse. Vnde, etiam si quis puret, v. g. rosam esse in hyeme, fallitur quidem, non tamen facit ens rationis: quia obiectum licet actu non sit, est tamen possibile: & existentia ipsa, quam tunc rosa attribuit, est vtique possibilis, atque adeo verē realis. Ponamus enim casum, quod tunc esset rosa, quando ille esse purebat, vtique existentiam realem attribuit rose: deinde sublata rosa, adhuc ille eandem existentiam realem, quæ adesset si rosa permaneret, attribuit rose: ergo tale obiectum est ens reale, non rationis. Nullatenus enim fieri potest, vt idem obiectum modo sit ens reale, mo-

do rationis: neque in sola existentia realis, sed quam maxime essentialiter differunt ens reale & rationis, plusquam quæcunque entia realia inter se.

Dico 3. Ens rationis propriè & adæquate sumptum, non consistit in denominatione extrinseca proveniente formaliter ab actu rationis, siue ab alia forma reali. Ita defendit Suar. disp. 54. Metaph. sect. 2. & videtur communis sententia. Probatur. Tum quia quedam entia rationis sunt præter has denominationes extrinsecas, videlicet Chimera, Hircoceruus, negatio apprehensa tanquam forma positiva, & alia huiusmodi. Tum præsertim: quia ipsæ denominationes extrinsecæ, vt tales sunt, sunt reales, non rationis: vt dicemus postea circa prædicabilia proprii & accidentis. Et non nimis denominationi proveniens ab actibus intellectus realis est, sicut actus ipsi intellectus reales vtique sunt, & non sunt entia rationis, in sensu quo ab initio diximus hic sumi ens rationis. Et sicut hominē intelligere, est reale quid: ita etiam reale est, lapidem intelligi. Similiter reale quid est, propositionem per iudicium affirmari vel negari, conclusionem inferri ex præmissis. Neque certè potest quoad hoc constitui discrimen inter denominationes huiusmodi provenientes ab actibus intellectus, aliasque provenientes ab alijs actibus formis extrinsecis. Nam omnes pariter sunt forme reales, non nimis, inquam, actus intellectus, quam alij actus & forme. Et realiter dicuntur habitudinem ad obiectum: in qua habitudine consistit denominatio quoad rem significatam per ipsam denominationem.

In alio tamen sensu sumendo ens rationis, scilicet subiectivè in intellectu, in quo sensu ipsi actus & habitus intellectus dicuntur entia rationis: dicere, valebit, denominationes provenientes ab ijs actibus, esse denominationes rationis, siue entia rationis, quia scilicet proveniunt ab actibus rationis. Imo addo, quamplura quæ sæpè à Doctoribus in materijs tum philosophicis tum etiam theologicis explicari solent per entia rationis, posse sufficere, imo melius explicari, per denominationem extrinsecam ab actibus intellectus. V. g. quando dici

Nec est denominatio extrinseca ab actu cognitionis aliam formam extrinsecam.

Non tamen ponitur in prædicamentis, nec cōvenit cū ente reali in vno cōceptu.

Non est ens reale, nec actuale, nec possibile.

Nisi ens rationis alio sensu sumatur.

foler, rationem prædicari & subiecti esse relationes rationis : optimè dici potest, esse denominationes extrinsecas ab actu intellectus prædicantis & subijcientis in aliqua propositione, & sic in alijs multis. Et sim liter alia plurima quæ in alijs rebus solent explicari per relationes rationis, verbi gratia esse visum in colore, esse creatorem in Deo, & similia, commodius sapè explicarentur per denominationes extrinsecas.

Vnde fateor, quòd si ens rationis dicitur, non ad differentiam entis realis in tota sua latitudine, sed tantum ad differentiam eius entitatis realis, quæ conuenit rebus in se, & non per extrinsecam negotiationem rationis, id est intellectus: sic sanè denominationes provenientes rebus ab actibus intellectus, esse entia rationis. Quòd si amplius ens rationis dicatur, ad differentiam totius entitatis realis, quæ intrinsecè vel subiectiue conuenit rebus de quibus dicitur: sic omnes denominationes extrinsecas esse entia rationis. Et fortasse interdum quando hæc solent explicari per entia rationis, in hoc sensu aliqui Auctores acceperunt ens rationis, & non pro ente merè excogitato & ficto, sicut nunc sumimus.

Dico 4. Ens rationis non esse relationem resultantem in rebus eo modo quo tertia sententia asserbat. Probatur in primis: quia dantur quidem relationes rationis: tamen dantur & alia entia rationis, quæ non finguntur & concipiuntur ad instar relationum, sed velut entia absoluta. Sicut enim intellectus potest excogitare & fingere relationes quæ non sunt, ita etiam potest absoluta quæ non sunt, siue quæ impossibilia sunt. Vnde in diuisione entis rationis, relatio assignatur tanquam vna species, præter quam dantur & alia, vt infra videbimus. Ergo ens rationis non est adæquatè relatio rationis.

Deinde relatio rationis non resultat eo modo, quasi per solum actum directum cognitionis attingentem obiectum in se reale, iam hæc relatio rationis. Nam vel tuac relatio esset subiectiue in ipsa met re cognita. Et hoc est falsissimum. Tum quia ex actu cognitionis non resultat relatio subiectiue in re cognita. Tum quia si sic resultaret, esset relatio realis,

sicut dicuntur esse alia relationes resultantés ex positione extremorum. Vel esset tantum obiectiue in intellectu, sicut sanè esse debent entia rationis. Et hoc dici non potest: quia illud tantum est obiectiue in intellectu, quod ei obijcitur ac repræsentatur, concipitur & cogitur ab ipso intellectu: sed per actum cognitionis directæ quo intellectus attingit aliquod obiectum reale, v.g. quo iudicat hominem esse animal, non tunc cogitat id obiectum esse cognitum, siue refertur ad cognitionè: sed hoc pertinet ad alium actum cognitionis reflexæ qui postea consequitur: ergo nec datur nec resultat relatio rationis per primum illum actum cognitionis.

Et multò minis dici potest, statim & immediatè resultare relatio rationis ex actibus aliarum potentialium, vel ex alijs formis extrinsecè denominantibus. Nam relatio rationis vtrique non est nec resultat, nisi per operationem rationis: ergo non per alios actus & formas, nisi tantum superueniente actu intellectus apprehendentis denominationem extrinsecam, tanquam respectum, vbi non est respectus. Et alioqui, si ante operationem intellectus resultant tales relationes, omnino sunt reales, sicut sunt alia omnes relationes reales, quæ dicuntur resultare in suo subiecto, quando ponitur terminus, & sicut sunt alia omnia entia, quæ non sunt merè obiectiue in intellectu, sed habent suum esse in rebus independentè à ratione.

Dico tandem 5. Ens rationis adæquatè est obiectum quod ab intellectu excogitatur, & fingitur, & re ipsa non est, nec potest esse: siue est non ens conceptum & cogitatum tanquam ens. Sic solet magis communiter ens rationis definiri. Et explicatur. Dicitur, obiectum: quia ens rationis: est quod menti obseruatur, & est id quod intellectui obijcitur & repræsentatur, & non est denominatio ab ipso actu cognitionis, sed est id cui conuenit hæc denominatio, nempe id quod est cognitum ab intellectu. Dicitur, quod ab intellectu: per quod indicatur a solo intellectu fieri ens rationis, quod quidem vel ipso nomine entis rationis exprimitur, & suffus sect 4. ostèdetur. Dicitur excogitatur & fingitur, quo loquendi modo

Ens rationis est obiectum quod ab intellectu fingitur.

Nec est relatio resultant in rebus ex actu cognitionis aliunde forma extrinseca.

do indicatur, ens rationis non aliter esse nisi per ipsum intellectum. Est enim inuentum quoddam & opificium proprium eius, ideoque merito etiam dicitur signum in intellectu. Et in hoc sensu idem est ens rationis atque ens fictum, ab intellectu: quod ipsum clarius denotatur. cum dicitur, quod non est re ipsa, nec esse potest. Rursus, cum dicitur esse non ens cogitatum tanquam ens: non debet intelligi, necessarium esse hoc totum, ut intellectus cogitet esse non ens, & deinde esse ens: sed satis est, quod intellectus cogitet esse ens, id quod in re non est, etiam si intellectus putet verè esse ens. Imò tunc maxime fingitur ens rationis, quando id quod in re non est, intellectus obiecit, non ut non ens, sed ut ens.

Hinc patet, esse entis rationis, esse illud quod obiecit intellectui, esse inquam, tum essentiae, tum existentiae. Nam in illo esse consistit, & quidditas & actualitas entis rationis: & quatenus quidem actu est, dicitur esse existentia: quatenus verò considerari potest ut possibile abstractando ab actualitate essendi, dicitur esse essentia, ut suo modo assignetur essentia & existentia entis rationis ad instar entis realis.

Entis rationis quomodo sit quid medium inter ens reale & purum nihil.

Obijcies primò contra primam conclusionem. Non potest dari medium inter ens reale & purum nihil, quia hæc duo contradictoriè opponuntur: ergo ens rationis cum non sit ens reale, omninò dicendum est purum nihil, nec potest villo modo distingui a puro nihilo.

Resp. Ens reale & purum nihil reale, opponi contradictoriè, & nullum inter se medium pati: & ita ens rationis esse omninò purum nihil reale, nec ab illo distingui. Sed sumendo purum nihil, non solum nihil reale, sed etiam nihil in mente; sic non opponi adequatè contradictoriè cum ente reali: & hoc modo dici potest ens rationis veluti quid medium inter ens reale & purum nihil amplè sumendum. Quod potest dupliciter explicari, iuxta duplicem mediandi modum, vel per exclusionem, vel per participationem extremorum. Nam vno modo ens rationis, nec est ens reale, nec est in tali sensu purum nihil. Alio modo ens rationis participat de ente reali, quia cogita-

tur velut ens reale; participat de nihilo, quia reuera non est prout cogitatur.

Obijcies 2. contra 2. Illud, quod non est actu, er puratur essentiam actu est merè obiectiue in intellectu: non habet aliam existentiam actualiter nisi obiectiuam per intellectum: & ut sic sit ab intellectu, siue accipit talem existentiam ab intellectu, ergo actu quidem est ens rationis, licet de possibili sit reale.

Resp. Ens rationis est illud, quod non solum actu, sed etiam de possibili, non est nisi obiectiue in intellectu. Illud ergo, quod licet actu sit solum obiectiue in intellectu, tamen potest esse a parte rei, nullo modo potest dici ens rationis, in hoc sensu, quod scilicet ita est merè fictum, ut opponatur enti reali in tota latitudine, non minus possibili quam actualiter existenti. Atque illa existentia, quam intellectus attribuit tali rei, non est ita merè obiectiua seu intentionalis, quod non possit esse a parte rei: & ita est verè realis, & non fabricatur seu fingitur ab intellectu, sicut contingit de ijs quæ impossibilia sunt.

Obijcies adhuc 3. Si omninò requiratur impossibilitas obiecti, certè dum intellectus putat esse id quod non est, iam hoc est impossibile, sicut implicat duo contradictoria esse simul. Licet enim res simpliciter possit esse, tamen non potest esse dum non est, quia sic posset esse & non esse simul. Quando ergo intellectus putat rem esse dum non est, fingit aliquod impossibile.

Resp. Dupliciter posse interpretari hoc iudicium intellectus: vel ita quòd intellectus putat hoc totum, rem esse & non esse simul, siue esse quando non est, componendo vtrumque in suo iudicio: & hoc obiectum, id est hæc complexio, est sanè impossibilis, estque merè ficta & rationis. Vel ita quòd intellectus solum putat rem esse, ignorans tunc rem non esse: & hoc modo illud obiectum quod menti obuerfatur, est verè possibile, & est possibile pro illo instanti, non quidem comparando simul secum non esse rei, sed excludendo ipsum non esse. Et hoc obiectum dicimus esse reale, non rationis. Fictitia ergo & rationis est, complexio essendi & non essendi: sed existentia sola, est possibilis & realis.

Quo sit sensu obiectiue in intellectu

Quomodo sit realiter impossibile.

Con-

Confirmatur hæc solutio: quia planè aliter se habet intellectus, si iudicet rem esse & non esse in hyeme, ac si solum iudicet esse: primo modo format obiectum impossibile: secundo modo attingit obiectum possibile. Et similiter, alia est propositio falsa, alia impossibilis: datur enim propositio falsa quæ non est impossibilis. Et præclare Arist. 9. Meta. tex. 8. *Si supponamus, esse, aut factum esse, quod non quidem est, sed possibile est, nihil impossibile erit. Enimvero non est idem falsum & impossibile: et namque nuac stare, falsum quidem, sed non impossibile est.*

Quomodo se habent ad cognitionem:

Obijcies 4. contra 3. conclusionem. Denominatio cogniti, & omnis alia denominatio proveniens ab actibus intellectus, non est realiter in ipsis rebus, nec est subiectivè in ipso intellectu, in quo potius est denominatio cognoscens: id est tantum obiectivè in intellectu: ergo est ens rationis.

Resp. Est, subiectivè in intellectu quantum ad formam predominantem, id est habitudo cognitionis ad obiectum cognitum, est ut quæ in intellectu, & hinc sumitur realitas denominationis: imo non est obiectivè in intellectu, nisi quando per actum reflexum concipitur: & tunc erit ens rationis, si apprehendatur ut aliquid intrinsecum in obiecto.

Obijcies 5. contra eandem. Ens rationis non est nisi dum cognoscitur: ergo totum esse entis rationis est cognosci: igitur adæquatè ens rationis consistit in ipsa denominatione cogniti & cogitati.

Resp. Duo in hoc debet distinguere: unum est illud quod cognoscitur & obijcitur intellectui: aliud est ipsa denominatio quæ valet dicere, id cognosci & obijci. Primum præcipue est esse entis rationis: & sic debet intelligi totum esse entis rationis est cognosci, id est est illud quod solum cognosci quidem potest, realiter esse non potest. Denominatio autem ipsa cogniti, etiam applicata entis rationis, realis est, quia cognitio attingens ipsum ens rationis, realis est: & realiter verum est, intellectum concipere ens rationis.

Contra alias duas conclusiones non occurrit alia difficultas, nisi quatenus conexæ sunt cum alijs difficultatibus pertractandis, de quibus iam agendum sequitur.

SECTIO TERTIA.

De Fundamento entis rationis.

Cognita natura & quidditate quam suo modo habet ens rationis, agendum est de causis eius. Duas autem causas habere posse videtur: unam materiale, non quidem in qua subijcitur, quia ens rationis nullibi est subiectivè, sed tantum in qua fundatur: & causam efficientem, a qua fiat ens rationis. Dico has duas tantum causas, quia de causa finali & formali nihil dicendum occurrit. De causa effectiva agemus postea: modo querimus de causa fundante, id est fundamento entis rationis. Quod est aliud ens reale cui velut innitur ens rationis.

Dixerunt aliqui, ens rationis non habere aliud fundamentum, nisi imperfectionem nostri intellectus, & debilem nostrum concipiendi modum, ob quem non attingimus res sicut verè sunt. Et contra dixerunt alij, omne ens rationis debere habere aliquod fundamentum in rebus ipsis: & aliqui non posse merè gratis ab intellectu excogitari & fingi. Aliqui verò addunt, fingi quidem posse, non tamen esse proprie ens rationis. Sed, alia esse entia mere fictitia, alia entia rationis, & hæc esse illa tantum quæ fundantur in rebus.

Varij sunt etiam modi explicandi hoc fundamentum, ad assignandum quodnam illud sit: & quidnam sit, cuius rationis fundari in rebus. Aliqui dicunt, fundamentum entis rationis esse illud, quod necessitat & cogit intellectum ad faciendum ens rationis: ita ut non posset intellectus concipere ipsam rem, seu reale fundamentum, quin illi affingeret aliquod ens rationis. Ita dicunt: non potest intellectus concipere parietem esse vitum, quiningat ens rationis vitum, id est relationem rationis ad oculum videntem. Alij verò dicunt, fundamentum esse illud ens reale, cui adiunctum concipitur ipsum ens rationis, veluti forma subiecto, & de quo proinde prædicatur ipsum ens rationis: ut esse vitum de colore, esse genus de animalibus, & sic de alijs. Ita Font. 5. Met. cap. 7. q. 1. sect. 5. Alij autem dicunt, fundamentum esse illud, ad cuius imitatio concipitur ens rationis, quomodo quidem solet concipi ad imitatio aliquid entis realis.

Dico primo, ens rationis, non quod dicitur omne,

Aliorum sententia refutatur.

Ens rationis

*sepi habet
fundamē
tū in re-
bus.*

omne, sed ut plurimum habet fundamen-
tum in re, præter imperfectionem nostri
intellectus. Hæc conclusio est commu-
nis. Et quidem ex vna parte, ens rationis
posse & solere habere fundamētum in re,
patet: quia plerumque non temere & sine
causa, intellectus excogitat & intra se ef-
format entia rationis: sed ex motu rerum
ipsarum; supposita tamen debilitate
ipsius. Sed quia distinguimus fundamen-
tum tanquam causam materiale à causa
effectiua entis rationis, imperfectio nos-
tri intellectus se tenet potius ex parte
causæ effectiue. Querimus autem funda-
mentum præter ipsam causam effectiua,
fundamentum scilicet ex parte rerum,
quæ solent esse obiectum intellectus.

*Interdū
non ha-
bet.*

Ex alia parte fieri potest, ut intellectus
etiā temere absque alio fundamēto ens
aliquod rationis effingat: videlicet cum
concipimus Chimeram Hircoceruū, quasi
animal compactum ex duobus nativis re-
pugnansibus: cum intellectus distinguit
eandem rem à se ipsa, & concipit re tan-
quam sibi ipsi inexistentē, & format pro-
positionē idēticam, Petrus est Petrus. Ad
quæ entia rationis intellectus non habet
fundamētum. Hæc ergo sunt entia rationis
ficta absque fundamēto. Et hinc duplex
assignatur ens rōnis, aliud fundatum,
aliud non fundatum. Et duplex assignatur
distinctio rōnis: vna cum fundamēto in
re, ut inter gradus essentiales eiusdē rei,
inter attributa Dei; & appellatur rōnis
ratiocinata: alia sine fundamēto, ut di-
stinctio eiusdē à se ipso, & appellatur
rationis ratiocinantis.

Atque hæc quæ sine fundamēto sin-
guntur, debent appellari entia rationis.
Quia si attendamus propriū & formale
significatū huius nominis, quodq; in com-
muni modo loquendi intendimus, ens ra-
tionis significat id, cuius esse est solum
obiectiue in intellectu, & non datur à
parte rei; atq; hæc est definitio entis ra-
tionis: sed illud quod absq; fundamēto
singitur, planè est huiusmodi: ergo debet
appellari ens rōnis. Imo, si sic dicere li-
ceat, eo plus habet de ente rationis, id est
quod rōnetur, quò plus ab intellectu sin-
gitur, & minus niritur rebus ipsis, magis
quæ distat ab ente reali. Non ergo corra-
distinguī debet entia ficta & entia rōnis:
sed hæc duo tanquam synonyma accipie-

da sunt, distinguendo ens rōnis, in fictum
cum fundamēto, & absq; fundamēto.
Sic distinctio eiusdē à se ipso, & rela-
tio eiusdē ad se ipsum, absolute appel-
latur, distinctio rōnis, & relatio rationis.

Dico 1. Fundamētum entis rōnis non
est illud quod imponat necessitatem in-
tellectui ad efformandum ipsum ens ra-
tionis. Probat: quia licet intellectus nos-
ter ob suam imperfectionem difficulter
possit interdum quædam concipere non
singendo entia rōnis: tñ non ad id prorsus
cogitur. Sed poterit res concipere ut li-
que sicuti sunt absque entibus rōnis: v.g.
licet intellectus concipiens parietem vi-
sum, soleat id concipere tanquam relatio-
nem parietis ad oculum: tamen sicut re-
uera paries est visus, non per relationem
aliquam in se, sed per solam terminatio-
nem visionis ad parietem, quæ realis est
& intrinseca: ita potest rectè intellectus
id ipsum concipere: & sine ira realiter ef-
fesse affirmat. Similiter potest intellectus con-
cipere actionem qua creatus est Mundus
prodijisse à Deo, & ita Deum esse crea-
tore, non singendo aliam relationē Dei
ad creaturam. Imo expressè cogitando &
affirmando, in pariete viso, in Deo crean-
te, nullam esse reuera relationem.

Confirmatur. Aliud est illud quod à par-
te rei reperitur, aliud quod ab intellectu
singitur. A parte rei reperitur solum hoc,
quod visio fertur ad parietē, quod actio
procedit ab agente: & paries realiter est
visus per ipsam visionem ad se termina-
tā, causa realiter agit per ipsam formam
actionis: ab intellectu aut singitur vte-
rius relatio rōnis. Cur ergo non possumus
aliquo actu concipere illud solum quod
est à parte rei, vel non cogitando, vel ex-
pressè remouēdo & negādo entia rōnis?
Imo oēs periti agnoscunt & dicunt, res ta-
li modo se habere à parte rei: ergo planè
ita concipiunt. Potest ergo intellectus concipere
res sicuti se habent, nō singendo, eis-
uē tribuendo entia rōnis: & hoc etia in
cōcipiendis illis rebus, in quibus solent
ex fundamēto ipsarum rerū scite offerre
intellectui entia rōnis. Igitur fundamen-
tū entis rōnis dici non debet esse illud
quod imponat necessitatem singendi. Imo
nullū est fundamētum, quod ex parte ip-
sarum rerum talem necessitatem homini
non intellectui absolute imponat.

*Funda-
mentum
entis ra-
tionis non
cogit in-
tellectum
ad illud
singendū.*

Dico.

*Non est
idem ac
subiectū.*

Dico 1. Fundamentum entis rationis non bene et adequatè assignatur illud, cui adiungitur concipitur ens rationis, & de quo ipsum ens rationis prædicari possit, vel ad cuius instar concipitur ens rationis. Prima pars probatur. Tum quia cum concipimus spatium imaginariū & vacuum per modum cuiusdam extensionis, hoc reputatur ens rationis cum fundamentum eius quidem difficulter potest res aliter concipi: & tamen hoc ens rationis nulli enti reali cogitur adiunctum. Tum è contrariis concipitur homo tanquam Angelus, hoc ens rationis non habet fundamentum: & tamen cogitur affixum alicui enti reali. Et licet propter hanc fictionem non possit prædicari verè homo est Angelus, tamen dici posset homo est Angelus obiectivè in intellectu fingente, id est cogitatur ut Angelus. Et hoc modo etiam quando concipitur relatio creatoris in Deo, non valet dicere, Deus verè refertur ad creaturam, sed refertur per rationem, id est cogitatur referrì. Tum etiam fundamentum relationis creatoris in Deo, est ipsa creatio: relationis visì in pariete, est ipsa visio: & tamen talis relatio non cogitur adiuncta creationi, sed Deo: non visioni, sed parieti: non prædicatur de creatione & visionem, sed de Deo & pariete. Tum denum, dum intellectus tribuit Deo relationem creatoris, dicitur tribuere cum fundamento: si verò ipsi Deo tribuat albedinem, vel aliud huiusmodi, dicitur tribuere sine fundamento, aut si tribuat relationem generis, aliamvè talem: similiter inter res creatas, cum fundamento tribuitur colori relatio visì, non tamen relatio auditu, vel gustatu: homini relatio speciei, non tamen relatio generis: ergo fundamentum entis rationis, est aliquid aliud, quàm subiectum cui tribuitur & affigitur ipsum ens rationis.

*Nec ad
cuius in-
stas fingi-
tur ens
rationis.*

Secunda pars deinde probatur: quia de quocunque ente rationis valet dicere, concipi ad instar alicuius entis realis. Nisi enim intellectus entia realia cognovisset, nunquam cogitaret entia rationis. Et Hircoceruus, v.g. concipitur ad instar animalis, quod ens reale est, & distinctio rationis ratiocinantis ad instar distinctionis quæ in rebus invenitur. In hoc ergo sensu omne ens rationis habet fundamen-

tum in re. At quærimus aliquod maius fundamentum, magis propriè dictum, quod scilicet moveat & veluti impellat intellectum ad effingendum ens rationis.

Dico 4. Fundamentum entis rationis in vniuersum est illud, quod est specialis quædam occasio & motium, ac veluti impulsivum intellectui ad excoquenda entia rationis: ita ut ipse intellectus non temerè & merè gratis, sed sumptu occasione ex ipsis rebus, quas rēgre ob suam imperfectionem posset aliter intelligere, efficiat entia rationis. Explicatur exemplis. Visio quæ terminatur ad parietē, & refertur ad illum, est occasio intellectui, concipiendi esse visum in pariete per modum mutue cuiusdam relationis, quæ tamen reuera non est. Item cum in homine realiter sit, & principium sentiendi & discurrendi: principium autem sentiendi, sit etiam in brutis, in quibus non est principium ratiocinandi: hoc est motium & fundamentum intellectui, distinguendi eos duos gradus, qui reuera distincti non sunt: itemquè concipiendi principium sentiendi seu animal, tanquam superius quid ad hominem & brutum, quod possit communicari utrique: & ita foris maris ens rationis, vniuersale, & genus. Rursus in Deo glorioso datur intellectus, & voluntas, & alia attributa, quæ a parte rei sunt vnum & idem: quia tamen similia attributa sunt distincta in rebus creatis, & in Deo ipso valet dicere, Deus per intellectum non per voluntatem intelligit, dicit, & gignit Verbum: per voluntatem non per intellectum amat, spirat, & producit Spiritum sanctum. Hæc est occasio & motiuū intellectui, distinguendi attributa Diuina. Et hoc modo explicatur fundamentum huius nostræ distinctionis S. Tho. in primo d. 2. q. 1. art. 3. & d. 19. q. 3. art. 1. aliquid Theologi communiter.

Rectè autem sic assignari fundamentum entis rationis, suadet. Tum ex impugnatione aliarum sententiarum, præter quas non superest alius commodior modus. Tum ex recepto & consuetō loquendi modo, præsertim in actibus ipsis nostri intellectus. Nam illud quod est nobis motiuum & occasio aliquid purandi & opinandi, dicitur fundamentum nostræ opinionis: indicia & signa quæ movent ad aliquid iudicandum & ex-

*Proprie
est occasio
sive moti-
um fin-
gendi.*

stimandum, dicuntur fundamentum talis iudicii. Vnde è contra, cum quis sine ratione, sine talibus iudicijs, quicquam opinatur: dicitur, sine fundamento, gratis & temerè opinari. In hoc ergo sensu dici etiam videtur fundamentum entis rationis, & è contra ens rationis carens fundamento: Vnde fit, hoc fundamentum esse maius & minus, iuxta maiorem scilicet aut minorem impulsum occasionis dictæ: & ens rationis posse dici magis minusve fundatum.

Ens rōnis sine necessitate, sed nō sine occasione fundatur.

Obijcies primo. Si intellectus noster non cogitat ad formandum ens rationis, nullumquè est fundamentum cogens: ergo semper frustratur, & sine causa formabitur, atque adeo voluntariè & sine fundamento: & si res possunt concipi sicuti sūt, melius longè est ut ita concipiatur, & ita præstabit omnia entia rōnis auferre.

Resp. Si frustra & sine causa & voluntariè ac sine fundamēto, significet sine necessitate, sine fundamēto cogente: concedendum ultro est, ita formari entia rōnis. Si autē sine causa inducente & fundamēto mouente, negandū id est. Sicut in alijs nostris opinionibus & iudicijs, licet rōnes & indicia non cogant, tamen quando apta sunt inducere & mouere, dicuntur etia fundamētū. Vltro etiam fatemur, multo melius esse, concipere res sicuti sunt (sublatiis entibus rōnis). Et ita non dicimus, entia rōnis aliquam vtilitatem asserre, per se loquendo: sed assignamus entia rōnis, quia solent dari, & in mēte versari: & per accidens ob imperfectionem nostri intellectus iurare possunt ad aliqua explicanda, sicut in scientiarum vŭ contingit.

Omnes res possunt concipi sicuti sunt sine entibus rationis.

Obijcies 2. Quædā non videntur profus concipi posse sine entibus rōnis, v.g. non possumus concipere Angelū nisi tanquam corporeum, spatium imaginarium nisi tanquam magnitudinem, tēpus imaginariū nisi tanquam successionē, denominationes extrinsecas nisi tanquam relationes ergo.

Resp. Quia homo non solum habet intellectum, sed etia sensum internum, qui præcipue dicitur imaginatio: & operatio imaginationis coniungitur cū operatione intellectus imaginatio autē non potest apprehendere nisi res corporeas & quantitatis: ideo per imaginationē quidem non possunt res nisi penes aliquas imagines ap-

prehendi. Ita imaginamur Angelum tanquam iuuenem sub forma humana, id est simul atque intellectus cogitat Angelū, imaginatio sibi format idoli quoddam sensibile sub quo solent etia Angeli depingi ac figurari. Sed si seceramus & per se, spectemus considerationē intellectus, hic vtrique expresse concipit & scit, Angelū esse substantiam quandā, non solum carentē, sed excludentem prorsus omnem qualitatem, corporeamque figuram: existente totam in toto & totā in qualibet parte loci: in qua intellectuāli conceptione nullū ens rōnis admittitur, ut patet. Sic etia intellectus benè concipimus & scimus, spatium ac tēpus imaginariū non esse quicquam positiuū imo ideo dicitur imaginarium, quia per imaginationē representatur quædā extensio positiua. Denominationes demum extrinsecas concipimus & scimus sicuti sunt verè sine relationibus, quia scilicet datur creatio procedens a Deo, vŭs terminata ad parietē & sic de alijs.

Quo distinctio rationis sit necessaria.

Obijcies 3. Saltem ad distinctionem rōnis videtur cogi intellectus ex fundamēto ipsius distinctionis. Nā communiter dici solet, non posse à nobis vno conceptu intelligi attributa Diuina sine tali distinctione, non posse à nobis in hac vŭta concipi Deū perfectè sicuti est: sic etia in alijs rebus in quibus plures formalitates ratione distinguuntur.

Resp. in primis, saltem conceptu confuso & indistincto posse talia intelligi sine distinctione vŭta rōnis. Deinde in conceptu explicito & distincto diligenter aduertendum est, dupliciter posse sumi distinctionem rōnis. primo solum pro eo quod intellectus distinctis suis actibus apprehendat ea quæ in re vnum sunt: a. pro relatione quadam distinctionis, quæ cogitari potest inter ea quæ sic apprehensa sunt. Primo modo non datur distinctio rōnis quæ sit ens fictum ex parte obiecti, sed solum denominatio ab actibus rōnis, id est esse cognitum per actus inter se realiter distinctos. Secundo modo datur ens rōnis obiectiue fictum. Potest ergo res concipi explicitè primo modo sine hoc secundo, & tunc concipitur sine ente rōnis obiectiue ficto: sed non sine denominatione ab actibus rationis, quam vtrique concedimus necessariò dari hoc ipso quod datur actus intellectus: sed ea in rigore est realis.

realis, non quidem intrinseca rebus ad extra, sed per actum realem intellectus, ut dicebamus.

*Quæ sunt
fundamentum
sit causa
materialis
entis
rationis.*

Obijcies 4. Fundamentum est causa materialis entis rationis, ut ab initio diximus: sed causa materialis est quæ est subiectum formæ: ergo fundamentum entis rationis propriè est illud cui adungitur & affingitur ens rationis, quasi forma subiecto, ita ut de illo prædicetur.

Reip. Fundamentum entis rationis solum similitudine & imitatione quadam esse causam materiale quatenus illi quodammodo innititur ens rationis. De reliquo concedimus, illud quod habet in intellectu tanquam subiectum entis rationis, plus habere de causa materiali erga ipsam formam rationis. Et nè fiat contentio de nomine, admittimus etiam posse in hoc sensu sumi fundamentum pro subiecto. Sed iuxta communem loquendi modum aliter sumitur, ut explicauimus.

*Quæ occasio
fingendi
non sit
per se
generat.*

Obijcies 5. Si fundamentum est idè quod occasio fingendi ens rationis, adhuc sequitur omne ens rationis habere fundamentum: quia semper ex aliqua occasione mouetur intellectus ad illud fingendum.

Reip. Isto semper interueniat aliqua saltem remota & minus propria occasio: tamen fundamentum propriè intelligitur occasio veluti vrgens & impellens intellectum. Sicut etiam vix aut nunquam intellectus quicquam opinabitur, nisi ex aliquo motu saltem leui: & tamen dicitur temerè & sine fundamento moueri. Sed in hac re non oportet aliud querere, nisi communè loquendi modum, ut illud motuum dicatur propriè fundamentum, quod ita solet communiter appellari: & illud ens rationis dicatur habere vel non habere fundamentum, de quo id solet affirmari.

SECTIO QUARTA. De Causa effectiua Entis rationis.

*Varie
nuntia.*

Nolunt aliqui concedere, ens rationis habere causam effectiuam. Ita Gab. in 2. d. 1. q. 2. dub. 4. Hierueus tract. de Secundis intentionibus, Soncin. 6. Met. q. 12. Maior conueruersa est, supposito quòd ens rationis fiat suo modo ab aliqua causa, quamquam illa sit, & à qua causa in vniuersum ens rationis effici queat.

Aliqui asserunt, non à solo intellectu effici ens rationis, sed etiam ab alijs potentijs cognoscitiuis & appetitiuis, nempe à sensibus præsertim internis, & appetitui præsertim à voluntate: dicentes per actus omnium harum potentiarum resultare in obiecto relatione cogniti aut voliti: quæ cum non sit realis, erit rationis. Et ita specialiter de imaginatione & voluntate sensisse Scotum, refert Caiet. 1. p. q. 28. art. 1. Ac Scot. in 1. d. 45. q. vñica. air, resultare quidem relationem: sed talem relationem non esse propriè rationis, cum non fiat à ratione: nec esse realem: sed esse ab vtraque diuersam. De imaginatione verò Suar. d. 54. sect. 3. nu. 18. concedit, per illam fieri ens rationis, tunc scilicet, quando imaginatio fingit quod non est, ad instar intellectus: & Ruvius in tract. de Ente rationis concedit, per Phantasiam fieri aliquod ens rationis, ut montem aureum.

Deinde aliqui asserunt, ab omni intellectu, etiam Diuino effici ens rationis. Ita sentire videntur illi Theologi qui docent, non solum ab intellectu nostro, sed etiam ipsius Dei ac Beatorum distinguere attributa Diuina in intelligendo. Et præterea Caiet. 1. p. q. 15. art. 2. ad finem, planè asserit, per intellectum Diuinum comparatiuum effici respectus rationis suarum idæarum ad creaturas. Imo S. Thomeodem art. ad 3. & 4. id planè docere videtur. Et Fonseca 4. Met. cap. 2. qu. 7. sect. 14. §. ad posteriorem obiectionem, asserit, si non omnes, saltem plurimas relationes rationis, non minus consequi ad apprehensionem intellectus Diuini, quam nostris.

Dico primo. Ens rationis non habet verè & propriè, habet tamen suo modo, causam effectiuam. Prima pars est de mente Auctorum quos initio allegauimus, & faciliè ab alijs concedetur. Patet: quia cum ens rationis non sit verè, nec habeat verum esse, sed tantum fingatur ad instar entis, non potest fieri & propriè fieri, sicut fit ens reale: & ita non habet propriè causam efficientem. Sed proprium est entis realis, posse poni extra causas per veram productionem.

Secunda pars est communis. Nam passim ab omnibus dicitur, ens rationis fieri ab intellectu, effici per operationem intellectus.

*Ens rationis
non habet
propriè,
habet tamen
suo modo, causam
effectiuam.*

tellectus & similia : ergo habet aliquo modo causam effectiuam . Et ratione patet : quia sicut dicitur suo modo ens , & esse obiectiue : ita dici etiam debet suo modo fieri , & accipere suum esse obiectiuum . Et tunc dicitur hoc modo fieri , cum concipitur & obijciatur , ac suo modo incipit esse . Imo etiā quando ab intellectu cognoscitur ens reale , aliqui sic loquuntur , effici & produci in esse cognito , in esse obiectiuo . Absolutē autem & simpliciter nō dicitur produci & fieri ens reale per hoc solum quod cognoscitur , quia nimirum habet verum & reale modum quo producit a parte rei . At ens rationis absolutē dicitur fieri dum cognoscitur , quia non habet modum magis essendi , & a sua causa procedendi , quam penes cognosci & obijci .

A solo intellectu efficitur .

Dico 2. Ens rationis a solo intellectu efficitur . Hæc est communior sententia . Et primò quidem maximè fieri ab intellectu , est clarissimum . Nam & inde nomen accepit : ens enim rationis idē prorsus est ac ens intellectus : & intellectus potest concipere sibi obijcere ea quæ nō sunt ac si essent . Et de ipso intellectu primario cogitatum est , in illo dari , scilicet obiectiue , & ab illo fieri , tale ens contradistinctum ab ente reali .

Secundò hinc probatur , non ab alia potentia fieri . Nam si fieret , iam non esset ens rationis , cum non fiat per rationem , sed esset aliud genus entis . Et Scot. quidem non dubitauit sic loqui , sed præter communem modum : & ideo vel hoc ipso capite id non debet recipi . Suar. verò conatus est explicare , etiam illud quod per imaginationē fieri concedit , esse & vocari debere ens rationis : dicens , imaginationem in hoc participare vim rationis ; & fortasse nunquam fingere quod nō est , nisi cooperante rōne . Verum non potest effugere , quin tale ens ab imaginatione fictum , potius deberet appellari ens imaginationis , quàm ens rationis . Neq. imaginatio per se participat vim rationis : sed tantum conuenit cum intellectu in munere potestatis cognoscitiuæ interne . Et si imaginatio suo actu proprio distincta ab actu intellectus , habet efformare ens fictum frustra assertur consortium rōnis . Dicere autē quis poterit , assignandū esse ens fictum contradistinctū ab ente reali : &

ipsum ens fictum latius patere quàm ens rationis , id est intellectus . Et ens fictum , posse fieri per alias potentias ab intellectu . Et vel tunc non appellari ens rationis , sed potius ens voluntatis , aut ens sensus . Vel omne ens fictum appellari ens rationis per extensionem & ampliacionem vocabuli , origine appellationis sumpta à rōne tanquam à notiori causā entis ficti .

Tertiò ergo quoad rem ipsam probandum est , non fingi , nec fieri per alias potentias ab intellectu , tale ens contra distinctum ab ente reali . Et quidē ex dictis sect. 2. satis patet , non resiliare statim relationē cogniti & voliti in obiecto , ab alijs alia fitione intellectus . Sed ante operationē rōnis illas esse denominationes reales extrinsecas . Et nunc suadet magis : quia illa relatio obiecti voliti , v. g. quæ statim dī resiliare , vel est subiectiue in rebus ipsis , & sic est verè realis . Vel est subiectiue in voluntate : & sic etiā est realis . Et præterea peruersè ponitur relatio rei volitæ ad voluntatē in ipsa voluntate , in termino scilicet , nō in subiecto & fundamēto ipsius relationis . Vel est obiectiue in voluntate . Et hoc dici nō potest . n. voluntas amat , v. g. Deū : non aliud obiectū attingit nisi ipsum Deū , & Deus solus dici poterit esse obiectiue in voluntate . Illud . n. dicendū erit obiectiue in voluntate , quod amatur ab ipsa voluntate : sed Deus est qui amat , nō autē relatio aliqua ficta , in quam nullo modo tūc fertur voluntas tanquam in obiectū : ergo nulla talis relatio est tūc obiectiue in voluntate . Ergo nullo modo est . Nec . n. dici potest alio modo esse . Et idē est de alijs potestis . Imo etiā de ipso intellectu quādo cognoscit entia realia . Ergo non sit illa via ens aliquod fictum per huiusmodi potentias .

Quartò vltimis dici nō potest , fieri has relationes fictas per has potentias . Sā ē dū alio suo actu veluti reflexo sibi obiectum denominationes suas extrinsecas ad instar relationis sicut dicebamus , in intellectu hoc modo fingit relationes cognitæ , prædicatæ , subiectæ , &c . Hoc inquam dici non potest . Nam hæc potentie nō faciunt huiusmodi reflexionē . Oculis . n. videt . parietē , nō autē videt nec cognoscit reflexe parietē esse visū : & sic de alijs sensibus externis . Itē imaginatio non percipit quidnam sit esse imaginatū in obiecto , & quauis per sen-

Non per se resiliat ex operationibus aliarum potentiarum relationes rationis .

Nec ab ipse potentis , fingitur .

sum internum possit cognosci obiectum ut aerea recognoscitur per modum memorie & minime senti: tamen id apprehendit solum quoad an est recolendo antecedentem actum cognitionis, neq. cogitando quidam fuerit tale esse cognitum in obiecto, neque apprehendendo relationem quæ non est nec fuit ex parte obiecti. Appetitus aut. m. & voluntas non habet apprehendere & cogitare de esse volito; cum non sit potentia cognoscitiva, nec etiam sui actus, suæ denominationis: sed talis cognitio spectat ad intellectum.

Quando ab alijs potentis attinguntur obiecta ens non sunt, adhuc nō sunt entia ficta.

Quintō deinde dici non pōt, fieri ens fictū per has potentias saltē tunc, quando attingunt obiecta aliqua quæ non sunt ac si essent. Sicur hoc modo dicimus fieri ens rōnis ab intellectu V.g. oculis sapē videmus ea quæ non sunt: apparet nobis cernus fractus in aqua, sol apparet exigua magnitudinis, & sic alia quamplura etiā respectu aliorū sensuum. Et præsertim interius imaginari possumus & solemus, mentem aeternam, mare vitreum, hircocerum, aliaq. varia signenta. Item voluntatem, non solum appetere quæ non sunt ac si essent: sed etiam quæ prorsus impossibilia sunt, vel putata possibilia, vel etiam cognita vel impossibilia, saltē affectu simplicis complacentiæ: possumus ordinare vnum ad aliud quod de se non est ordinatum ad illud.

Nō à sensibus externis.

Næque hoc inquā modo sit ens rōnis seu fictū per has potentias. Et probatur: quia in primis per sensus exteriores, licet possit & solet repræsentari quod nō est, seu res aliter quam est: tamen semper repræsentatur quod verē possibile est, ut patet in ipsidem exemplis adductis, & in alijs quæ contingere solent. Ens aut possibile, non est ens rationis & fictum, sed est verē reale. Vnde nec etiā ab intellectu, dū tali modo decipitur, dicimus fieri ens rōnis. Eadem quoq. ratio est de sensibus internis, de quē ipsa imaginatione: semper enim repræsentatur ens possibile & sensibile, non aut quicquā impossibile, & merē fictitiū, ut norauit egregie noster Guevara lib. 1. de Interiori sensu tract. 1. cap. 1. Patet quia est vtriq. possibilis, & à Deo factibilis, mōs aureus, id est aurum in tanta quantitate & mole & cum tali figura, sicut est mōs: & similiter mare vi-

treum. In hircocerum etiā aliaud simili Chimera oportet distinguere duo, & figurā externā sensibilem cum corpore cerui & capite hirci, & naturam substantialem quæ ibi pōt apprehendi: figura illa sensibilis vtriq. non repugnat: quinimo sepe visa sunt huiusmodi mōstra mixta ex diuersis figuris: natura aut substantialis cōpacta ex natura cerui & hirci, est quæ repugnat. Imaginatio ergo non attingit substantiā, sed tantum sitit in externa illa figura, quia substantia non est sensibilis in se. Nō ergo repræsentat ens aliquid impossibile distinctū ab ente reali. Vnde nō bene Suar. dixit, latius patere ens imaginabile quā ens possibile: licet enim imaginatio per coniunctionē plurimū specierū, videlicet montis & auri possit sibi repræsentare quasdā figuras quæ a causis naturalibus fieri non possint: saltem erunt absolute possibiles, quæ à Deo fieri possint; & sic continentur intra latitudinem entis realis.

De voluntate aut alia ratio reddenda est, supposito quod fieri possit in impossibile. nimirū volūtas nihil appetere pōt, quod non ipsi proponatur ab intellectu: nec potest ordinare vnu ad aliud nisi sub tali ordine sit illi propositū ab intellectu. Sēper ergo tale obiectum fictum in quod fertur, præsupponitur factū ab ipso intellectu. Nec dici debet denuo fieri per ipsā voluntatē. Quoniā non dicitur voluntas ipsa fugere, sed tantum ferri in id quod ab intellectu fictū illi proponitur. Vnde cū de re constet, conclusus etiā loquendi modus seruandus est. Et præterea quando voluntas ordinat vnu ad aliud, id est eligit mediū propter finē, non format nouā relationem ordinis in tali medio: sed tñ eligit mediū ex intēione finis, vnde prouenit denominatio extrinseca in obiecto, quod vnum sit volitum propter aliud, mediū propter finem.

Dico 3. Ens rōnis à solo ferē humano intellectu efficitur: & specialiter nō efficitur ab intellectu Diuino: nec etiā ab Angelico circa ea obiecta quæ Angeli euidenter & inuicē cognoscunt. Hæc conclusio est ferē cōis. Sumitur ex D. Tho. qu. 7. de Pot. ar. 6. & ex alijs Theol. negantibus, intellectū Dei ac Beatorū inuentum clarē essentiam Diuinam, distinguere in illa attributa quæ in re distincta non sunt.

Fun.

Nō à voluntate.

Ab intellectu humano. manequi. dē sit ens rōnis: non à Diuino.

Fundamentum est: quia ens rationis efficitur, cum quod non est, concipitur ac si esset: sed fieri non potest, ut Deus aliué intellectus perfecté intuens obiectū, concipiat quod non est ac si esset: ergo. Maiorem supponimus ex dictis, iuxta explicationem factam de ente rationis. Si enim per ens rationis intelligeretur denominatio ab actu cognitionis, vel si ex omni actu cognitionis resularet relatio rationis in obiecto, sic necessarió & absq. ulla imperfectione ens rationis fieret ab intellectu Diuino. Sed sumimus ens rónis pro obiecto impossibili, quod concipitur ac si esset. Ergo nó aliter fit ens rónis nisi per hunc concipiendi modum. Minor deinde conuincitur ex perfectione intellectus Diuini. Magna enim imperfectio est, ut obiectū cognoscatur aliter ac est, absolutum tanquam relatum, negatio tanquam forma positiua, & similia: & intellectus perfecté cognoscens, cognoscit omnia sicuti sunt. Ita Deus cognoscit parietem esse visum, non quidem concipiendo parietē referri ad oculū, sed tantum visionē terminari ad parietem: hominem esse animal, non quidem referendo prædicatum ad subiectū, sed intruendo connexionem & identitatē essentialem horum extremorum: hominē non esse equum, non quidē concipiendo hanc negationem quasi aliquid positiuū, sed negando & remouendo, sicuti verum est à parte rei. Non ergo Deus intellectu suo facit entia rationis.

Similiter Angelus perfecté cognoscit res de quibus habet euidenciam, vnde intruetur res sicuti sunt; & dicto modo cognoscit, parietem esse visum, & alia, quæ diximus, non fingendo entia rationis. Euidenter autem cognoscit Angeli ex virtute sui intellectus res naturales. Eadem ratione Beati claré intuentes Deū, non faciunt in hac cognitione entia rationis, sed cognoscunt totum obiectum, sicut reuera & realiter est. Admitti autem potest, Angelum in cognoscendis illis obiectis de quibus non habet euidenciā, v. g. mysterijs supernaturalibus, quæ naturali virtute intueri non potest, & circa quæ non habeat lumen supernaturale, vt certè Angeli mali non habent; posse concipere aliquid aliter quam est, & ita facere aliquod ens rationis. Ideo non dixi absolutē solam intellectum humanum,

facere entia rationis. Sed cum illa explicatione quæ posita est in conclusionē.

Cæterum asserendum vltro est, ens rationis optimè posse fundari in operationibus dictarum potentiarum, à quibus dictum est fieri non posse, & ita posse dependere & causari ab illis tanquam à fundamento, acque resultare ab ipsis: non quidem quasi statim non interposita alia operatione & fictione intellectus confurgant tales relationes: sed quia ab intellectu super tale fundamentum excogitari possunt. Et sic potest intelligi dictum S. Thom. de Idæis diuinis: & alij similes loquendi modi poterunt sic exponi.

Obijcies primò ad probandum ens rationis à nulla causa effici posse. Causa realis debet habere effectum realem: itemque potentia realis debet habere obiectum reale: ergo à nulla causa & potentia reali potest effici ens rationis.

Resp. Causam & potentiam realem, debere quidem in tota sua latitudine, continere effectum & obiectum reale, imò id principaliter respicere: sed posse etiam extendi ad effectum & obiectū non reale. Præterea causa realis in omni sua operatione actuali debet habere effectum realem. Et ita fatendum est, nunquam fieri posse ens rationis, quin simul fiat aliquis effectus realis: & verè ita est: quia non fit ens rationis, nisi dum fit actus realis cognitionis: sed præter ipsum effectum realem posse adij huiusmodi effectum non realem. Non sic autem erit necesse, vt in omni actuali operatione potentia interueniat aliquid aliud obiectum reale: quia ipse actus realis potest non habere aliud obiectum nisi rationis, vt defendemus sectione sequenti.

Obijcies 2. Ens rationis non posse effici ab intellectu. Intellectus, sicut & omnis potentia cognoscitiua, debet præsupponere obiectum in quod feratur: ergo non potest suomet actu illud efficere, & in illud ferri. Debet intellectus præsupponere rem esse, ad hoc vt cognoscatur illam esse: sicut oculus præsupponit colorem quē videre debet, & implicaret oculū eodē suo actu efficere & videre colorem. Ergo non potest ens rationis fieri ab intellectu. Hoc argumentum fieri solet ad probandum absolutē non dari ens rationis. Et adeo difficile visum est, vt va-

Ens rónis quò fieri possit à causa reali.

Nec ab Angelico nisi ex parte.

Quò ab intellectu fieri possit effectus rationis.

rijs modis illud soluere plures conari
sint, tamen maxima ex parte inuilibus &
ineptis.

Resp. autem faciliè intellectum, quan-
do cognoscit rem sicut est, tunc vique
præsupponere obiectum esse. At si cogno-
scat rem aliter ac est, tunc potius præ-
supponere oppositum. Facit autem ens ra-
tionis, quando cognoscit res aliter ac
sunt. Neque verò argumentum probat, ef-
se adeo necessarium, obiectum præsup-
poni, vt non possit intellectus cognosce-
re quicquam aliter ac est: neque vllate-
hus id probari potest contra euidenter
experientiam, qua constat tam sapè in-
tellectum falli, iudicando esse id quod
reuera non est. Atque etiam sensui re-
præsentari potest id quod non est, vt ex-
perientia patet. Discrimen verò est, quod
intellectui repræsentari potest, etiam,
quod possibile non est & ita fingitur. Sic
ergo potest intellectus concipere quod
nō est, & tunc efficit obiectum suum;
quia nimirum tale obiectum non habe-
bat aliud esse, nisi quod tunc illi tribui-
tur, esse obiectum in mente.

*Quo ab
imagina-
tione co-
gnoscatur
negatio,
sine for-
ma sua.*

Obijcies 3. Ens rationis posse fieri per
potentiam sensitiuam, saltem per imagi-
nationem. Imaginatione apprehendimus
negationes, v. g. Petrum non esse loquu-
tum: sed id fieri non potest nisi apprehen-
dendo negationem per modum formæ
positivæ & sensibilis; quoniam potentia
sensitiua non attingit nisi obiectum sensi-
bile: ergo.

Resp. primò. Sensum & ipsam imagina-
tionem non percipere actu positivo nega-
tionem: sed tantum percipere subie-
ctum non cognita forma negata. v. g. ap-
prehendendo Petrum non apprehensum,
loquutione: sicut certè in operatione sen-
suum externorum, non videmus actu po-
sitivo negationem talis vel talis coloris
in obiecto, non videmus tenebras in æ-
re, non audimus silentium, sed solum per
carentiam actus abusiue dici solent videri
tenebræ, audiri silentiū. Secundò si quis
contendat imaginationem actu positivo
concipere negationem: dicendum est, id
percipere per modum iudicij negatiui;
sic cognoscendo, Petrum non esse locu-
tum: in quo modo cognoscendi nihil fi-
ctum inuoluitur. & ita imaginationem,
posse attingere non solum positivè obie-

ctum sensibile, sed etiam negatiuè caren-
tiam formæ sensibilis.

Obijcies 4. Ens rationis fieri etiā à Deo. *Quo con-*
Quædam sunt in Deo, quæ constituuntur *stituuntur*
per relationes rationis iuxta frequentem *que-*
Theologorum doctrinam, videlicet de- *dum in*
creta libera, idææ, & ipsam scientiam, *Deo, &*
Dei de creaturis: ergo dantur ab æterno *cognoscantur*
tales relationes: ergo factæ ab intellectu *à Deo*
Diuino. Item Deus cognoscit sua decre- *sine enti-*
ta libera, & omnia quæ dicuntur consti- *bis ratio-*
tui per relationes rationis: & cognoscit
viuè independentem ab intellectu no-
stro fingente relationes: ergo ipsemet ex
se cognoscit & facit tales relationes.

Respondetur. Vtique res non consti-
tuuntur realiter per relationes rationis,
vt est euidens. Neque relationes ipse
rationis includuntur in reali statu rerum.
Implicat enim in terminis dicere, relatio-
nem rationis constituere rem à parte rei.
Et consequenter intellectus cognoscens
qualiter res se habeant verè à parte rei,
non potest in tali cognitione inuoluerè
relationes rationis. Decreta ergo Diuina
prout sunt à parte rei, & idææ, &c.
constituuntur omnino sine relationibus
rationis, & vi sic cognoscuntur à Deo.
Non ergo sunt tales relationes ab intel-
lectu Diuino: sed tantum imperfecto no-
stro modo cognoscendi concipiuntur at-
que finguntur. De qua re in proprijs
materijs Theologicis agemus.

Obijcies 5. Saltem Deus, & similiter
Angelus, cognoscit relationes & omnia
entia rationis quæ sunt à nobis: sed ens
rationis fit, cum cognoscitur: ergo saltem
sic Deus efficit ens rationis.

Respondetur in primis, hoc modo non
efficere entia rationis ex se, & per co-
gnitionem quam habet de rebus ipsis, si-
ne ordine ad nostrum concipiendi mo-
dum, & ad entia rationis quæ à nobis fun-
guntur: sicut à nobis fiunt entia rationis,
non quia vnus cognoscit ens rationis
quod fit ab alio, sed ex se, & secundum
propriam cognitionem de obiectis in
se.

Deinde quomodo cognosci possunt, &
à Deo ipso cognoscantur, entia rationis
quæ sunt à nobis: neque propterea fie-
ri dicantur, modò examinandum se-
quitur.

SECTIO QUINTA.
De Productione & Cognitione
Entis rationis.

*Aliorum
sententia.*

Vbi adest causa quæ efficit & effectus qui producitur, assignari debet & ipsa productio. Non desuerunt qui dixerint, dari peculiarem quandam actionem per quam ens rationis fiat ab intellectu; distinctam à cognitione attingente ipsum ens rationis, & naturæ ordine prior rem ipsa cognitione. Alij verò dixerunt, productionem entis rationis non distinguere realiter ab eius cognitione, distinguere ramen formaliter: quia eadem operatio intellectus potest considerari, & ut cognitio, & ut productio: priusquæ habere rationem productionis quam cognitionis. Hæc excogitarunt præcipue ob secundum argumentum sect. præcedenti iam solum.

Deinde, quia productio entis rationis, vel est ipsa prius cognitio, vel omnino cum cognitione coniungitur: non levis difficultas est, num omnis cognitio entis rationis sit eius productio, & atque adeo eo ipso quod ens rationis ab intellectu aliquo cognoscitur, dici debeat ab eo effici & produci: ideoque hic cognitionem cum productione coniungimus. Et quæ sententia affirmans, omnem cognitionem entis rationis esse eius productionem: ac proinde ab omni intellectu à quo cognoscitur, fieri etiam ens rationis. Et hæc via nonnulli tenent, ab intellectu Divino fieri ens rationis. Vel è contra nè cognoscei quidem ens rationis ab intellectu non faciente ens rationis, & intellectum Divinum qui non facit, nec cognoscere ens rationis. Ita significat Valsq. 1. p. d. 118. n. 12.

*Productio
entis ra-
tionis est
eius co-
gnitio.*

Dico primò. Productio suo modo conveniens enti rationis, realiter & formaliter in cognitione aliqua consistit. Hæc est communis. Et sequitur planè ex dictis. Primò ens rationis non aliter est nisi obiectivè in intellectu, non nisi per cognitionem fit, quæ est ipsa formalis representatio obiecti: ergo ens rationis per ipsam sui cognitionem & non aliter efficitur. Secundo ens rationis non habet esse verum & reale, sed tantum fi-

ctum & apprehensum: ergo nec dari nec cogitari potest alia actio distincta quæ fiat, præter ipsam fictionem & apprehensionem. Et in hac distingui & cogitari non potest alia formalitas productionis à formalitate talis cognitionis. Tertiò nullo modo potest intelligi, ens rationis prius fieri quam cognosci. Vel enim in illo priori habet suum esse obiectivum, in intellectu: ergo iam cognoscitur. Vel non habet: ergo non efficitur. Implicat ergo dicere, ens rationis villo modo prius fieri quam cognosci. Quariò quando intellectui representatur obiectum reale, nulla formalitas productionis respectu obiecti præter formalitatem ipsam representationis excogitari potest: sed per ipsammet dici solet, rem produci in esse obiectivum. Ergo similiter in cognitione entis rationis: nisi quod hæc absolute dicitur productio entis rationis, quia ens rationis non habet maiorem, aliumve modum essendi. Quinò ideo dixi productio suo modo conveniens enti rationis. Quia sicuti diximus, ens rationis non habere verè & propriè causam effectivam: ita etiam non habet propriè productionem, & actionem per quam fiat. Sed modo quodam dicitur cognitionem pro sua productione, sicut causam cognoscentem pro causa producente. Quoniam cognitio gerit munus productionis in efficiendo ente rationis, dum dat illi totum esse quod habere potest. Et quod accipit terminus realis per suam veram, ac realiter ab intellectu Divino, scilicet suum esse reale; hoc in suo gradu accipit ens rationis per cognitionem, scilicet suum esse obiectivum.

Dico 2. Non omnis cognitio entis rationis est eius productio: quinimò potest optime cognosci ens rationis, & de facto cognoscitur, ab intellectu non faciente. sue non fingente ipsum ens rationis: & specialiter ab intellectu Divino. Hæc conclusio sumitur ex D. Tho. 1. par. q. 14. art. 9. Est Capreol. in r. d. 3. qu. 4. art. 3. Suar. disp. 54. sect. 2. Molin. 1. par. q. 18. art. 2. d. 3. & videtur aliorum communis. Probatur: quia omnino asserendum est, Deum cognoscei entia rationis, quantum dictum sit non illa effingere.

Primò enim Deus cognoscere potest & debet, quæ sit quidditas & natura

*Non ta-
men om-
nis cog-
nitio entis
rationis
est eius
productio.*

*Deus co-
gnoscei vo-
catis*

*fra entia
rōnis, &
cognoscere
de non fa-
ci.*

entis rationis, siue propositiones quæ sunt necessariæ & essentielles de ipso ente rationis, videlicet ens rationis est quid fictum, relatio rationis est quæ concipitur referri id quod reuera non refertur, & alia huiusmodi: quia hoc est vtrique obiectum cognoscibile. & sicut Deus clarissimè intuetur omnem aliam veritatem: ita non minus perspicit & comprehendit omnem veritatem quæ de ente rationis enunciarî potest.

Item Deus cognoscere potest & debet, quandocumq; ens rationis efficitur à nobis, imò ab æterno perpexit quæcumq; entia rationis essentia non decursum temporis effingenda. Cognoscit enim Deus quicquid à quacunque causa creata promanat, atque concurrit ad omnem actionem causæ secundæ, vtrique sciens & videns. Et intuetur cerè cognitionem, nostram quæ nos efficiamus ens quodcumq; rationis, ad eamq; concurrit. Ergo omnino videt Deus, quidnam per talem, cognitionem fiat, siue quo inam sit obiectum talis cognitionis. V. g. quando quis cogitat relationem visî in pariete, Deus vtrique videt talem cognitionem, ad eamq; concurrit: ergo videt cogitari relationem quæ non est; & sic in vniuersum videt omnia entia rationis, quæ cogitantur à nobis. Insuper fieri potest, quempiam, graniter delinquere fingendo entia rationis: v. g. si Angelus peccauit appetendo se esse Deum, aut si quis nunc peccet per infidelitatem attribuendo aliquid falsum & impossibile ipsi Deo, aliouè simili modo. Et vtrique Deus intueretur tale peccatum. Ergo intuetur Deus omnem nostram fictionem, & quicquid à nobis fingitur, per scienciam quæ à Theologis appellatur sciencia visionis, & versatur circa res in quacunque differentia temporis existentes.

Præterea absolute Deus optimè nouit nostrum imperfectum concipiendi modum, scitq; intellectum nostrum, esse ita imperfectum, quòd sæpè concipiat res aliter quàm sunt; & in specie ac distinctè comprehendit omnem actum atque cognitionem, omnemq; defectum potibilem in intellectu nostro: ergo non potest non cognoscere, à nobis ob nostram imperfectionem posse fingi ea quæ non sunt, & sic posse effici entia ratio-

nis. Imò quæcumque fictiones & quæcumq; entia rationis quæ à nobis fingi possunt, etiam si nunquam actu fingerentur, & etiam si nunquam fuisset creatus intellectus humanus, non possunt non esse nota Deo: ergo cognoscit Deus omnia entia rationis possibilia, per scienciam quæ à Theologis dicitur sciencia simplicis intelligentiæ, & versatur circa res possibiles.

Secundò à priori probatur: quia cognoscere his modis entia rationis, nullam imperfectionem ponit vel arguit in intellectu sic cognoscere: imò illa non cognoscere, esset ignorantia quedam, & magna imperfectio. Imperfectionis quidem est, ex se cognoscere, rem aliter quàm est; & hæc imperfectio reperitur in nobis, & longè abest à Deo: atque adeo Deus non hoc modo cognoscit & fingit entia rationis. At cognoscere, si ubi alio intellectu concipiantur res aliter quàm sunt, vel concipi possunt, simul discernendo defectum & imperfectionem alieni intellectus, non est vtrique imperfectionis, sed summa perfectionis. Quia non est cognoscere res aliter ac sunt, imò est cognoscere omnia sicut sunt. Dum enim à nobis res cognoscitur aliter ac sunt, ille qui cognoscit, à nobis, cogitas esse aliter ac sunt, cognoscit vtrique & res ipsas & nostros conceptus sicuti sunt. Et hoc modo dicimus Deum cognoscere nostra entia rationis. Sicut imperfectionis vtrique est, decipi & falli: perfectionis tamen est, perspicere in quo aliud decipitur, sed fallatur. Vnde Deus falli non potest, sed non potest non inspicere omnem nostram falsam existimationem. Sic ergo non ex se fingit concipiendo res aliter quàm sunt; sed cognoscit nostra figmenta, inspicendo ea quæ nos concipimus aliter quàm sunt.

Tertiò vltimus argumētari possumus ad hominem contra Vasc. Ipsi enim relationes rationis in pluribus rebus constitutendi familiarissima esse solent. Aut, decretū Dei constitui per relationē rōnis, valorem operum Christi esse relationem rōnis, actus morales esse bonos aut malos per relationes rationis, & alia pleraquæ: Deus aut cognoscit hæc omnia ergo maxime iuxta suā sententiā dicere debet, Deum

*Sine ulla
imperfe-
ctione co-
gnoscit.*

Deum cognoscere entia rationis. Imo dicere cogebatur, etiam sine ordine ad intellectum nostrum, Deum ex se cognoscere, imo facere tales relationes rationis, etiam si fingi non possent ab intellectu nostro: quia adhuc exire poterant decreta diuina, actus boni & mali, &c. Vel si Deus ita cognoscere potest sine ipsis relationibus rationis, male dictum est ea constitui per relationes rationis. Nescio ergo, quomodo is qui tantopere utebatur relationibus rationis in constitutione rerum; postea à cognitione diuina eas addo repulerit, ut etiam quatenus à nobis sunt, cognosci à Deo negasse visus sit.

Præterea ipsemet cap. 3. expressè ait, Deum optimè cognoscere sua attributa ratione nostra distinguere ob imperfectum nostrum concipiendi modum: nõ tamen propterea ipsum distinguere sua attributa intellectu suo; quia aliud est cognoscere à nobis distinguere, atque ipsum distinguere. Ergo sic etiam de omnibus entibus rationis fateri debet, Deum quidem cognoscere entia rationis quæ sunt ab intellectu nostro, & non propterea intellectu suo facere entia rationis.

Quartò, Vsq. ait, nostrum ens rationis non posse habere esse obiectiuum in mente Deis cum Deus non habeat conceptum nostrum formalem in mente sua: sicut inquit, discursus noster cognoscitur à Deo, sine discursu obiectiuo; & conceptus quos habemus de rebus spiritualibus ad iustar rerum corporalium, absq. eo quòd ipsemet habeat tales conceptus de rebus spiritualibus. Sed vel hinc docere voluit, nostra entia rationis cognosci quidem à Deo, non tamen habere esse obiectiuum in mente Deis: vel, cum non habeant esse obiectiuum, non cognosci. Si primum: iam fateretur, ens rationis quod sit à nobis, cognosci à Deo, quod videret eo capite negare & impugnare: & deinde, implicat in terminis dicere, aliquid cognosci, & non esse præsens obiectiuo, non habere esse obiectiuum in mente cognoscentis, eo scilicet modo quo cognoscitur. Nam esse præsens obiectiuo, & habere esse obiectiuum in mente, nihil aliud est, nisi obijci in mente, cognosci in mente. Si secundum: vrgent omnia argumenta

facta ad probandum, à Deo cognosci nostra entia rationis: & repugnare etiam, videretur verbis ipsis, dum distinguit inter cognosci, & inter habere esse præsens obiectiuo, siue habere esse obiectiuum in mente Dei.

Sed veronè modo, intelligat, eadem exempla allata faciunt contra ipsum. Nam Deus & cognoscit omnino discursum nostrum, & illum habet sibi obiectiuo præsentem, atque idem ipse discursus qui est in nobis, est obiectiuo, & habet esse obiectiuum in mente Dei: sicut certè omne aliud ens creatum quod à Deo cognoscitur: & adhuc Deus ipse non dicitur discurre, & facere discursum. Similiter Deus cognoscit, & habet obiectiuo in sua mente, conceptus quos nos habemus de rebus spiritualibus, non tanquam conceptus suos, siue à se factos; sed tanquam conceptus nostros, factos à nobis, & à se cognitos. Idem ergo prorsus dicendum est de nostris entibus rationis. Ad quod totum, opus non est, ut habeat conceptum nostrum formalem in mente sua subiectiuo, sed quòd habeat obiectiuo: & sic reuera habet; quia conceptus nostri omnes, siue formales siue obiectiuo, noti sunt, & ita obiectiuo præsentem, ipsi Deo. Et simul cum ipsis habet Deus suos proprios conceptus obiectiuos, quos veluti ipse format de rebus prout sunt in se. Cognoscit enim Deus res, & qualiter sint in se, & qualiter sint in mente nostra, siue qualiter cognoscantur à nobis.

Quinò deinde, sicut dictum est de Deo, etiam Angeli & Beati, cognoscendo nostrum intellectum, & nostros actus, cognoscere possunt nostra entia rationis, quatenus possunt à nobis fieri, & naturam ipsam, ac propositiones essentialis entis rationis. Quando autem & qualiter cognoscant actuales cogitationes nostras mentis, ut sic cognoscant entia rationis quatenus actu sunt; non est huius loci tractare. Neque tamen in hac cognitione, dicendi sunt ipsi facere entia rationis. Imò pariter nos ipsi, quando consideramus entia rationis ab alijs fieri, vel etiam à nobis ipsis facta esse, aut absolute posse fieri, siue quando speculamur quanam sit natura entis rationis, ut modò in hoc tractatu facimus, & dū loquimur

Sicut & nostrum discursum, nostrumque conceptus.

Etiam Angeli & homines possunt cognoscere non faciendo entia rationis.

Habet illa sibi obiectiuo præsentia.

& disputamus de ipso ente rationis; non certè dicimur facere & fingere ens rationis. Idquè patet ex communi modo loquendi. Et quia tunc propriè dicitur quis facere ens rationis, quando fingit quod impossibile est, quando concipit quod non est, ac si esset. Sed in hoc modo cognoscendi nunc allato, nemo dixerit, eum qui considerat ens rationis, quicquam fingere; quin potius is dicitur rectè cognoscere, & cognoscere obiectum sicuti est: non ergo facit ens rationis.

Non omnis ergo cognitio est productio entis rationis.

Secundo ergo patet, non omnem cognitionem entis rationis, esse eius productionem. Et ratio vniuersalis est: quia ex communi modo loquendi & concipiendi, ens rationis fieri dicitur ob imperfectionem intellectus: non ergo fit per cognitionem, nisi illam quæ imperfectionem inuoluat. Et poterit sine dubio ens rationis, postquam factum est, vel quatenus factibile est, cognosci ab intellectu, quantumvis perfectissimo, absque ulla imperfectione in tali modo cognoscendi. Ergo non per omnem sui cognitionem dicitur effici ens rationis. Hinc determiuandum superest per quamnam cognitionem propriè fiat.

Duplex cognitio entis rationis distinguitur.

Dico tertio. Duplex est entis rationis cognitio distinguenda: prima directæ secundæ reflexæ, vel quasi reflexæ: prima, quæ quod non est concipitur tanquàm ens reale; secunda quæ id concipitur tanquam ens rationis, sicut verè est: prima quæ velut in actu exercito fingitur quod verè non est; secunda quæ velut in actu signato consideratur ratio talis fictionis, & obiecti ficti. Prima cognitio est productio entis rationis: secunda dici debet mera cognitio, non verò productio. Exemplo res fiet illustrior. Prima cognitio erit, v. g. quando intellectus cogitat in colore vilo relationem quandam ad oculum videntem, sicut vnam ex relationibus realibus. Secunda erit, quando intellectus dispiciet, se cogitare talem relationem: & hæc cognitio erit propriè reflexa. Siue quando considerat, talem relationem solius concipi, posse concipi, aut talem relationem esse hētitiā, esse ens rationis: siue speculatur quæ sit ratio & natura talis relationis hētitiæ: & his modis cognitio est quasi reflexa,

quæ nimirum habet pro obiecto, vel explicitè, vel saltem implicitè, illam aliam cognitionē entis rationis saltem vt possibilem; & si non in proprio intellectu, saltem in alieno. Primo ergo ex his modis exercetur fictio: secundo modo consideratur tantum in actu signato. Hinc probatur facile, primā tantum cognitionem dici debere productionē entis rationis.

Primo quia cum hoc cōsistat potius in modo loquendi quàm in re, hic modus loquendi seruandus est: qui sanè magis accommodatus est ad rem explicandam, & magis consonus ipsi quæ dici solent de ente rationis: vt ex præcedenti conclusionē probatum remanet. Secundo, cū sit manifesta distinctio inter duplicē modum assignatum cognoscendi entis rationis: congruum est, primam solam cognitionem appellare productionē alteram verò meram cognitionem, ad imitationē ipsam entis realis. Sicut enim alia operatio est quæ ens reale producit, & alia quæ cognoscitur: ita pariter dicatur de ente rationis, nisi quod vtraque operatio circa ens rationis, est cognitio: sed longè diuerso modo se habens, quia per secundam cōsideratur quatenus factum vel factibile; & ita non per illam dicitur fieri, sed tantum cognosci. Tertiò a priori, ens rationis est quod ab intellectu excogitatur & fingitur, siue non ens conceptum tanquam ens: ergo tunc efficitur, quando excogitatur & fingitur, quando non ens concipitur vt ens. Hoc autem fit per primum, non per secundū cognoscendū modum: sed per hunc dicitur solum considerari quod excogitatur & fictum est, vel excogitari & fingi potest.

Obijcies primò, per nullam operationem & cognitionem posse fieri ens rationis: Omnis operatio & cognitio intellectus est actio realis: sed omnino actio realis debet habere terminū reālē: ergo nō pōt habere pro suo termino ens rationis.

Respondetur, etiā illam cognitionem quæ attingit ens rationis, habere suū terminum in reālē realem, illum scilicet quē solet habere cognitio circa quodcūque versetur obiectū, & dicitur verbum mentis; non disputando nunc, an distinguatur ab ipsa cognitione. Sed præter hunc, potest cognitio habere pro suo termino ens rationis, quia habet illud pro obiecto,

Probatur quoniam secundum productionem entis rationis.

Entis rationis bene potest esse terminus actionis realis.

obiecto, sicut habere potest pro obiecto alias res extrinsecas. Nō solum autē dicimus, ens rōnis esse obiectū quod cogitatur, sed etiā esse terminum qui efficitur: eō quod non habeat alium essendi modū, nisi essendi obiectiū: ut satis dictum est.

*Et obiectū
a se
reale.*

Obijcies secundō Actio specificatur a termino, & actus ab obiecto: sed omnis actio & actus intellectus est realis: ergo non pōt habere p o termino & obiecto ens rationis.

Respondetur negando consequentiam. Illa enim specificatio nō intelligitur quasi eiusdē speciei esse debeat actio & actus cum termino & obiecto. Nā certē cognoscimus Deum per actū creatum, substantiam per actum qui est accedens, rem materialem per actum spiritualement. Sed solum intelligitur, quod sortiatur suā speciem per ordinem ad terminū & obiectū, & quod iuxta eorū diversitatem, aliqua etiam diuersitas redundet in ipsos actus. Et hoc modo nō est inconueniens, actionem realem dicere ordinem ad ens rationis: sicut etiam ad negationem, quando de negationibus cogitamus.

*Potest fieri
in genere
re sine
in specie.*

Obijcies tertio. Si fieri entis rationis, est cogitari: sequitur, posse fieri eius rōnis in genere, & nō in specie, in cōi & nō in singulari: quia pōt fieri cogitari: & ē conuersio in specie, & nō in genere: quia pōt fieri etiā cogitari. At repugnat fieri genus separatū ab omni specie, vniuersale separatū a singularibus, & ē cōuersio. Ergo.

Respondetur, id repugnare in entibus realibus, quia realiter existunt & realiter fiunt: sed in modo existendi obiectiū nō repugnare. Vnde sicut obiectiū pōt cogitari natura vniuersalis abstracta a singularibus, & natura generica abstracta a speciebus: item species sine explicito conceptu generis, licet non sine implicito conceptu: sic concedendū est, illis obiectis, quia non habent aliud existere, nec fieri, nisi obiectiū: posse tali modo existere & fieri cum tali separatione.

*Potest enim
seruari et
esse obiectū
in
mente Dei,
licet ab
illo non
fiat.*

Obijcies quartō ex Valg. Si Deus retinet in mēte sua eius rōnis, licet factum ab intellectu creato: ergo reuera format in intellectu suo signum: & monstrat illud, virtute sui intellectus conseruat factū & inuentū ab alio: & ens rōnis habet esse obiectiū ab intellectu Diuino, tanquā ab integra causa: neque enim ad illud

prout est in intellectu Diuino, concurrat intellectus creatus.

Respondetur, Deū retinere quidē in intellectu, non tamen formare, sed cognoscere formatū a nobis signum: & monstrat: & ita etiā conseruare in cognoscendo, non in faciendo: sicut in mēte cōseruantur & alia quā nō sunt ab ipsa mēte. Et ad illud esse obiectiū quod hēt ens rationis in mēte Dei, concurrat etiā intellectus creatus, ex parte tamē obiecti, nō ex parte actus Diuini, id est non efficit actum, quo Deus sibi obijcit ens rōnis: sed efficit ipsū ens rōnis, quod Deo obijcitur. Et hoc ipsum est quod cognoscitur a Deo, scilicet ens rōnis fieri ab intellectu nostro. Sicut Deus retinet & conseruat in intellectu suo nostra mēdacia & peccata, non tamen illa efficit. Et ad illa ex parte obiecti nos cōcurrimus, quia Deus cognoscit nos esse, qui mentimur & peccamus.

Obijcies quintō. Si Deus cognoscit ens rationis quod fit a nobis, cognoscit utiq. ab aeterno, & antequā intellectus creatus illud effingat: ergo ex se illi tribuit esse obiectiū, quod nondum tribuitur ab intellectu creato: ergo ex se ab aeterno efficit ens rationis.

*Potest a
Deo cognosc
se ab a-
eterno, li-
cet tantū
fiat in illo,
pore.*

Respondetur, sicut Deus ab aeterno cognoscit nostra mēdacia & peccata, neque tantū dicitur ex se illi tribuere esse, eaq. efficere: sed tñ cognoscere efficiendā a nobis: ita nō ipse Deus tribuit enti rōnis illud esse obiectiū, per quod ens rōnis dicitur esse & fieri: sed tñ cognoscit tale esse obiectiū, solumq. ei dat denominationem cogniti, quam dat omnibus alijs obiectis quā ab aeterno cognoscit, neque ex tunc dicitur illa efficere.

*Potest obij-
ci intelle-
ctui, licet
ab illo nō
fiat.*

Obijcies 6 Fieri & formari ens rōnis, nō hēt aliud quā obijci intellectui, seu intelligi: ergo si ens rationis obijcitur intellectui Diuino, ab eo efficitur.

Rñr, fieri & formari entis rōnis, nō esse utiq. obijci & intelligi: sed esse, obijci & intelligi directē, & in actū exercito, fingendo quod non est: non verō obijci tñ reflexē, & in actū signato, concipiendo quod fictum est. Et hoc, non illo modo, ens rationis obijcitur intellectui Diuino: vnde ergo ab illo efficitur.

Obijcies præterea 7. Totum esse entis rōnis est esse cognitum & obiectum: sed omnis intellectus cognoscens ali-

*Potest ac-
cipere esse
cognitum*

*an intelle-
ctus, licet
non acci-
piat esse
simplici-
ter.*

quid, eo ipso dat illi esse cognitum & obiectum, quod verum est etiam in cognitione obiecti realis: ergo omnis intellectus cognoscens ens rationis, dat illi totum eius esse: & omnis cognitio entis rationis, est eius productio.

Respondetur. Totum esse entis rationis est esse cognitum & obiectum sicut ac directè, non verò quomodocunque: & ens rationis existere, est manere in intellectu concipiente quod non est, ac si esset: non ergo omnis cognitio entis rationis, dat illi esse obiectum, estq. eius productio.

*Potest fieri
et existi-
tere obiectum
in mente, licet
non fiat
et existat
simplici-
ter.*

Obijcies octavo. Ens ipsum reale, dum cognoscitur, dicitur existere obiectivè in mente & produci in esse obiectivo: ergo multò magis id concedendum est de ente rationis: sed ens rationis existere & produci simpliciter, est existere & produci obiectivè in mente: ergo.

Respondetur, esse libenter concedendum, eo modo posse dici ens rationis existere & produci obiectivè, etiam per cognitionem divinam, quo id dicitur de entibus & obiectis realibus, & quo etiam de mendacijs & peccatis dici debet existere & produci obiectivè in mente, dum pari modo cognoscuntur. Sed sicut in entibus realibus, aliud est existere & produci simpliciter, & aliud obiectivè & secundum quid: ita in entibus rationis. Nisi quòd existere simpliciter entium rationis, etiam est esse obiectivè in mente: sed diverso modo, atque quando cognoscuntur ut facta. Dupliciter ergo potest existere ens rationis in mente: vno modo simpliciter, & tunc etiam dicitur simpliciter produci: alio modo secundum quid ad instar entium realium dum cognoscuntur, & tunc non dicitur produci simpliciter: iuxta duos modos cognitionis assignatos.

SECTIO SEXTA.

Utrum per omnes tres operationes nostri intellectus fiat ens rationis.

Quia cognitio nostri intellectus in tres illos actus distinguitur, consequenter examinandum est, cum per

omnes illos, vel per eorum aliquem, & per quem determinatè, fiat ens rationis.

Prima sententia est quæ affirmat, per omnes tres operationes fieri entia rationis. Non quidem quasi quolibet promiscuè possit per quolibet operationem fieri: sed quia aliud fit per primam, aliud per secundam, aliud per tertiam. Ita Durand. in 1. dist. 19. quæst. 5. & 6. & communiter alij idem asserunt vel supponunt. Nempè per primam operationem fieri ens rationis, genus, species, apprehensum, & similia, quæ conveniunt terminis simplicibus: per secundam fieri ens rationis, prædicatum, subiectum, propositio, & similia, quæ concernunt integras enunciationes: per tertiam ens rationis, medius terminus, maius & minus extremum, antecedens, consequens, & similia, quæ concernunt illationem.

Secunda sententia est quorundam dicentium, ens rationis non fieri nisi per secundam operationem, siue per notitiam iudicativam, idest cum intellectus putat esse id quod in re non est possibile, & hoc solum iudicium dicunt esse fictionem.

Tertia sententia est opposita aliorum dicentium, ens rationis non fieri nisi per primam operationem, quando obiectum ante iudicium simpliciter apprehenditur; nam apprehensio semper præcedit ante iudicium, & ita iudicium inveniunt iam factum ens rationis.

Dico primò. Ens rationis non fit distributivè per tres operationes intellectus, quasi aliud debeat fieri per unam, aliud per aliam: sed bene quidem quædam entia rationis fundari vel in una vel in alia ex tribus operationibus. Expli-
catur conclusio: quia etiam in ipsa cognitione intellectus distinguendum est fieri & fundari entis rationis iuxta doctrinam traditam. Fundabitur enim ens rationis in aliqua cognitione, quando intellectus ex illa sumat occasionem concipiendi per alii actum & cingendi ens rationis.

Primò ergo probatur, posse ens rationis in tribus operationibus distinctè fundari. Quia si aliquod ens rationis potest fundari in operationibus externis & sensitiuis: non minùs poterit in operationibus intellectus, quarum quilibet potest

Prima sententia.

Secunda sententia.

Tertia sententia.

Ens rationis non fit distributivè per tres operationes.

Aliquod ens rationis non fundatur in illis.

potest esse occasio, ut intellectus fingat varia quædam entia rationis. Prima operatio est fundamentum, ut intellectus concipiat esse apprehensum tanquam aliquid in re apprehensa: secunda operatio, ut intellectus concipiat esse affirmatum & prædicatum per modum relationis in ipsa re: tertia, ut intellectus concipiat esse antecedens vel consequens tanquam aliquid in re: in quibus conceptibus fiunt hæc varia entia rationis.

Non ex singulis operationibus fluitantur entia rationis.

Secundo probatur, ens rationis non fieri distributivè eo modo per singulas tres operationes. Nam si consideramus tantum iudicium illud, quo, v. g. intellectus iudicat parietem esse album: ibi adhuc non efficitur ens rationis subiectum & prædicatum, sed tantum inveniuntur actus realis extrinsecè denominans obiectum, realiter enim in illo actu album affirmatur de pariete. Sed tunc fiet ens rationis, cum intellectus concipiat esse subiectum & prædicatum in pariete & albo, per modum cuiusdam relationis, quæ in re non est. Similiter antecedens & consequens non est ens rationis in ipso primo actu illationis: sed solum postea quando concipitur ad modum formæ in obiecto. Tunc enim solum fit ens rationis, quando expressè cogitur, & ita datur obiectivè in intellectu: alioqui solum dabitur fundamentum entis rationis in illa prævia operatione, ut efficiatur per aliam sequentem operationem.

Nec omnis fundantur in illis.

Tertiò, prima illa sententia diminuta planè est in assignando, per quam operationem fiant entia rationis: quia alia multa sunt præter illa ibi enumerata, concernentia ipsas operationes, videlicet alia relationes rationis, Chimæ, & alia, de quibus adhuc oportet assignare per quam operationem fiant, neque ex illa regula satis colligi potest.

Quæ fundantur in illis, fiunt per notitiam reflexam.

Quartò, ex his sequitur, qualiter illa entia rationis quæ fundantur in ipsis operationibus intellectus, fieri debeant per notitiam reflexam, alia verò per notitiam directam. Nam tunc illa efficiuntur, quando intellectus reflectendo concipit denominationes ortas ex priori cognitione in obiecto, ad modum alicuius relationis seu formæ intrinsecæ. Cætera

verò fiunt per notitiam directam, id est non involutè reflexionem circa aliam præviam cognitionem. Quod autem dicebamus sectione præcedenti, ens rationis non fieri, sed tantum cognosci per notitiam reflexam: intelligebatur de illa notitia reflexa, quæ attingebat ipsamet ens rationis factum alia prævia cognitione directa. Modò autem dicimus: quædam entia rationis fieri per notitiam reflectentem super alium priorem actum cognitionis, in quo non erat adhuc factum ens rationis.

Dico secundò. Omne ens rationis quantum ad quandam determinationem essendi, fit per notitiam iudicativam, intellectus, vel in secunda, vel in tertia operatione. Explicatur & probatur conclusio: quia licet ante iudicium præcedat apprehensio; tamen in ipso iudicio est nova quædam determinatio de obiecto quod iudicatur: & peculiari quodam modo tunc obiectum representatur intellectui, nimirum determinatè. Dum ergo intellectus, vel affirmat quod non est possibile, vel negat quod est necessarium, dicitur facere ens rationis quantum ad hunc peculiarem modum determinationis. Et sane tunc maximè dicitur fingere, sicut dici solet exterius fingere ille qui falsum profert seu ostendit.

Omne ens rationis modo determinato fit per iudicium.

Dico tertiò. Omne ens rationis quodam simplici modo fit per simplicem apprehensionem in prima operatione intellectus: & propriè tunc dici debet fieri, quando querentes concipere & invenire aliquid obiectum, sicuti est, apprehendimus aliter ac est, & modo aliquo impossibili. Explicatur & probatur conclusio: quia ante iudicium præcedit apprehensio, attingens non solum extrema in se, sed etiam connexionem eorum. Si, v. g. quis iudicat animam esse accedens, ubi utrunque extremum in se sumptum est reale: tamen totum complexum est fictitium: præcedit etiam tunc apprehensio ipsius complexionis & connexionis: ibi ergo iam fit ens rationis. Dico autem propriè fieri, quando querentes concipere rem sicuti est, concipimus aliter ac est: quia tunc propriè ex imperfectione intellectus ita concipimus. Et alioqui, si scientes qualiter res verè se habeat, solum queramus qualiter soleat

Modo simplici per apprehensionem.

leat per errorem vel imperfectionem intellectus obiectum concipi & explicari aliter quam est: quæ notitia iam in se non inuoluet illam imperfectionem: tunc non dici debet fieri ens rationis, iuxta doctrinam antea traditam.

*An hæc
per noti-
tiam com-
paratiuam
vel abso-
lutam.*

Præter hæc, alia distinctio cognitionis intellectus potest ad hanc rem afferri. Alia est enim cognitio comparatiua, idest quæ refertur & ordinatur vni ad aliud; alia absoluta, qua concipitur obiectum aliquod in se sine ordine ad aliud. Aliquorum sententia est, specialiter Taret. questione tertia Prædicab. dub. 2. Ens rationis fieri per notitiam comparatiuam: vel quia fit per comparisonem non entis ad ens reale, nam dicitur ens rationis concipi ad instar entis realis: vel quia nou aliud ens rationis appareat nisi relatio rationis: quæ utique per notitiam comparatiuam debet effingi.

*Relatio-
nes sunt
per com-
paratiuam.*

Dico quarto. Quoddam ens rationis fit per notitiam comparatiuam, & quoddam per absolutam. Probat. quia omnino relatio rationis, non nisi per notitiam conferentem & ordinantem vnum ad aliud, concipi & effingi potest. Vbi licet Vasqu. prima par. disput. 76. numero 6. propterea dixerit, relationem rationis non posse fieri sine enunciatione; tamen hæc comparatio etiam utique in simplici notitia inuenitur: quinimo non solum fieri potest, sed etiã necesse est, ut apprehendatur respectus ante iudicium.

*Alia om-
nia per
absolutam.*

In alijs verò entibus rationis efficiendis, quamuis possit intercedere aliqua comparatio; vt cum apprehendimus tenebras, tanquam dispositionem aeris, per comparisonem ad lucem cuius tenebræ sunt priuatio: tamen hæc non est propriè comparatio: non enim referimus & ordinamus vnum ad aliud, tanquam relatiuum ad suum terminum: sed tantum concipimus vnum ad similitudinem alterius, vel tanquam formam positiuam oppositam alteri formæ. Vnde si in aere, v. g. conciperemus quandam respectum ad lucem, qui non sit; hoc erit ens rationis relatio, factum per notitiam relatiuam: si verò concipiamus tenebras quasi formam existentem in aere expulsam lucis vel existentem in aere, sicut lux quando est existit in aere: hoc non erit utique ens rationis relatio,

nec erit factum propriè per notitiam comparatiuam. Omne ergo ens rationis quod non est relatio (supponimus enim dari alia entia rationis præter relationes) propriè fit per notitiam absolutam. Neque enim ita valet dicere, ens rationis fieri ad instar entis realis, vt fiat per formalem comparisonem & ordinationem; sicut quando propriè concipitur relatio ad suum terminum.

Obijcies primò contra primam conclusionem. Eo ipso quòd intellectus affirmat vnum de alio, resultat relatio rationis inter subiectum & prædicatum. Ergo per ipsum iudicium fit relatio rationis: & ita alia sunt per distinctas operationes intellectus, sicut dicebat prima sententia.

*Quomodo
nō statim
per omnes
operatio-
nes resul-
tent entia
rationis.*

Respondetur negando antecedens. Nam relatio rationis non datur neque resultat, nisi cum actualiter concipitur referri id quod non refertur: argui sùstendo præcisè in illo iudicio, tantum iudicatur prædicatum inesse subiecto; non autem concipitur per nouum respectum referri ad illud: ergo illud iudicium tantum est fundamentum, non autem productio entis rationis. Vnde hæc est notabilis differentia inter relationem realem & rationis: quòd illa posito fundamento & termino statim datur; at relatio rationis etiam posito fundamento & termino indiget noua operatione, qua efficiatur, nimirum cogitatione intellectus. Nam si ex rebus ipsis statim resultat, iam esset realis, non rationis; & esset in se ipsa, siue in rebus, & non tantum obiectiue in intellectu.

Obijcies secundo contra secundam. Nihil de nouo ex parte obiecti additur in secunda operatione, quod non fuerit in prima: ergo dici non debet fieri ens rationis per secundam operationem: quia supponitur penitus factum in prima. Sicut dicebamus, non fieri ens rationis per notitiam illam reflexam, cum supponebatur factum per directam.

*Quid ad-
datur en-
ti ratio-
nis in se-
cunda ope-
ratione.*

Respondetur primò, licet non addatur aliquid nouum ex parte obiecti, tamen add: ex parte modi id est obiectum cognosci nouo modo, nempe determinatè. Idquè sufficit vt ens rationis tali modo fieri dicatur.

Secundò, licet supponatur factum, po-
tèst

SECTIO SEPTIMA.

Quotuplex sit Ens rationis.

test iterum fieri: sicut tertē per repetitos actus potest ab eodem intellectu idē ens rationis sepius fieri. Diversaque ratio est de cognitione illa reflexa, per quam repræsentabatur ens rationis, quatenus factum vel factibile: per notitiam enim iudicativam nō representatur obiectum quatenus apprehensum, quasi iudicium attingat obiectū ipsam apprehensionem.

Quando fiat per primam operationem.

Obijciēs tertio contra tertiam. Obiecti quantumvis impossibilis simplex apprehensio potest inueniri in intellectu quantumvis perfecto; imō apprehensio integræ propositionis impossibilis: ergo, si sufficit apprehensio, potest ens rationis fieri à quolibet intellectu.

Responderi potest primo, in intellectu perfectō talem apprehensionem semper inueniri coniunctam cum cognitione reflexa, aut quasi reflexa, de tali obiecto, quatenus ficto vel fingibili: & ita non fieri ens rationis.

Secundo, responderetur idē dictum esse in conclusione, ens rationis fieri, quando quatinus apprehendere rem sic cui est, & aliter apprehendimus: hoc enim nō nisi in intellectu imperfecto contingit. Quod si quis contendat, satis esse, utque apprehendere, faciet questionem de nomine. Sed magis consonat communi modo loquendi, dicere, non fieri ens rationis, nisi quando ex imperfectione intellectus menti obijciatur.

Cum non sēper fiat per comparationem

Obijciēs quarto contra quartam. Ens rationis concipitur per speciem intentionalem entis realis: ergo omnino concipitur comparatiue ad illud: igitur non nisi per notitiam comparatiuam.

Responderetur, concessio antecedenti, negatur consequentia: quia non est necesse, talem comparationem semper interuenire. Concipimus enim, v. g. relationem creatoris per speciem repræsentatiuam relationis realis causæ ad effectum. Non tamen facimus expressam comparationem illius relationis ad aliā. Neque oportet, in hoc interuenire expressam comparationem, quasi relationis ad suum terminum, ita entis rationis ad illud ens reale per cuius speciem concipitur.

Ad complementum huius tractationis, necessarium est descendere ad distinguendas plures entis rationis species. Vbi celebris in primis est, non minus quā difficilis, diuisio entis rationis in tres species, Relationem, Negationem, & Priuationem. Quæ communiter traditur. Et sumitur ex D. Tho. q. 1. de Ver. ar. 1. & in 1. dist. 2. q. 1. art. 3. & alibi.

Relatio; Negatio; & Priuatio.

Suar. disputat. 54. Met. & alij, solent sic explicare. Per relationem, intelligi formam quæ concipitur referri id quod reuera non refertur. Per priuationem intelligi, quando Priuatio, idest carentia formæ in subiecto capaci, concipitur ad modum formæ positivæ, vt cæcitas in oculo. Per Negationem, intelligi quando negatio, vel in subiecto incapaci formæ negata, vt negatio leonis in homine; vel omnino absque subiecto, vt negatio Antechristi, concipitur ad modum entis positiui.

Non bene solent explicari.

Verum si sic diuisio explicetur, apta nō est. Primo: quia non bene distinguuntur hæ species entis rationis, nam si negatio sumatur quoad eam partem, quæ dicit carentiam formæ in subiecto capaci, non distinguuntur essentialiter à priuatione, sed accidentaliter, vt Suar. facit. Et patet: quia tota distinctio est quoad capacitatem subiecti, quæ per accidens se habet ad ipsam negationem. Et potius distinguuntur essentialiter negatio quæ concipitur omnino absque subiecto, ab omni illa carentia quæ concipitur in subiecto, quia diuersus essentialiter est modus essendi in se & in subiecto. Multo ergo melius distingueretur, negatio quæ concipitur sine subiecto ex vna parte, & omnis illa quæ concipitur in subiecto ex alia parte.

Quia nō satis distinguuntur.

Secundo præcipue diuisio sic explicata est valde diminuta, & multo plura entia rationis relinquit. Nam Chimæra, Hircoceruus, sunt entia rationis: item fingimus in vacuo positum quoddam intervallum: & spatium quod dicitur imaginarium, concipimus extra cælum; & tempus imaginarium ante

Et præsertim diminutè assignantur.

initium mundi concipiunt etiam honorem, vel aliam dignitatem, tanquam aliquid existens in homine, per modum cuiusdam formæ absolutæ, perficientis & decorantis subiectum. Quæ omnia sunt entia rationis.

*Nam dicitur
entia
rationis
ad instar
omnium
prædicamentorum.*

Imo sicut datur relatio rationis ad instar relationis realis, ita possunt fingi alia entia rationis ad instar aliorum prædicamentorum, ut admittit Caietanus prima par. quæst. 28. articulo primo, & defendunt Suar. sectione quarta numero septimo & 10. Molin. prima par. questione 28. articulo 1. Vazq. 1. par. disput. 114. à numero 14. & alij plures. Et patet, quia Chimera est subiectum rationis. Spatium imaginarium quantitas rationis: & numerus, vel in rebus spiritualibus, vel in omnibus rebus, solet reputari ens rationis. Aliæ formæ quæ absolute concipiuntur in subiecto, sunt qualitates rationis. Tempus illud imaginarium imitatur prædicamentum quando. Et, si concipiatur modus positivus in re, per quem continuatur præsens huic vel illi tempori, quem modum de facto dari aliqui opinati sunt: est ens rationis quando. Item si actio concipiatur in agente, erit actio rationis. Et si cognitio terminata ad obiectum, concipiatur efficiens ipsum obiectum, erit passio rationis. Et si demum denominatio sumpta à vestibus, concipiatur ut forma seu modus intrinsecus subiecto, erit habere rationis. Et sic per eas alias plures denominationes possunt alia plura entia rationis fingi iuxta varia prædicamenta. Et hæc omnia non continentur sub illis tribus speciebus assignatis. Ergo diuisio sic explicata est valde diminuta.

*Quæ dicitur
in illa
diuisione
comprehendi.*

Tertiò, non bene respondent aliqui, hæc omnia entia rationis esse ficta absque fundamento; & ideo non includi in ea diuisione. Nam in primis ibi diuidebatur, seu diuidi debebat, ens rationis in tota sua communitate. Deinde inter illas species continetur aliquod ens rationis non habens fundamentum, videlicet quando concipitur negatio quasi res per se existens. E contra quæ plurima ex alijs entibus rationis, quæ numerauimus, habent maximè fundamentum: ut per illa omnia discurrendo patebit.

Quartò, non bene respondent alij, etiam omnia entia rationis comprehendendi sub negatione & priuatione: quia simpliciter sunt non entia. Nam sic etiam relatio rationis continetur sub priuatione, aut negatione: quia simpliciter est non ens. Deinde ens rationis negatio explicabatur, quando ipsamet negatio concipiebatur tanquam aliquid positivum, & in hoc distinguebatur à relatione. Sed sic in alijs exemplis adductis, non formaliter negatio rei concipitur ut aliqua res, sed concipitur esse ad quod in re non est, sicut concipitur relatio, quæ reuera non est. Neque illa entia rationis sic concepta, spectant ad relationem rationis: nam si illa essent entia realia, non essent vtrique relationes, sed essent entia absoluta aliorum prædicamentorum. Ergo non debent coniungi cum relatione rationis, sed potius debent ab illa distingui.

Aliter ergo explicari potest & debet ex diuisio, ut bona sit. Debet autem diuidi ens rationis per varios essendi modos, quibus fingere possumus, & concipere ad modum entis, ea quæ non sunt: sicut diuiditur ens reale per suos reales essendi modos. Possumus ergo primò concipere ens rationis per modum essendi ad aliud, hoc est per modum respectus & ordinis ad terminum. Secundo, siue respectu ad aliud, per modum essendi in aliquo tanquam in subiecto, hoc est per modum formæ inherenti subiecto, nec respicientis alium terminum extrinsecum. Tertiò, siue respectu ad terminum, & sine modo essendi in subiecto, per modum essendi ad se, & per se, cum videlicet concipitur Chimera. Hircoceruus. Hinc ad quæ tria habemus genera entis rationis: non enim superest aliud extra hos tres essendi modos.

Et hæc possunt satis commodè accipi per illa tria nomina, Relationis, Priuationis, Negationis. Videlicet ens rationis ad aliud, est relatio rationis. Ens rationis in alio, est priuatio rationis. Ens rationis in se, est negatio rationis. Nam respectus ad aliud conuenientissimè appellatur Relatio. Alijs vero generibus entis rationis, cum in vniuersum ens rationis non sit ens reale, conue-

*Et non est
prebendum
secundum illam
explicationem.*

*Aliter explicatur
per tres essendi
modos.*

*Et restat illis
nominibus
appellatur.*

conuenienter nomina non entium attribuantur, scilicet negatio, & priuatio. Et quia rursus de ratione negationis non est vt sit in subiecto, quia saluatur etiam extra subiectum: de ratione autem priuationis omnino est esse in subiecto: ideo conuenienter ens rationis in alio, dicitur priuatio, ens rationis in se, dicitur negatio.

Et cum omnibus praedicamentis relatis realis alia entia rationis sub alijs duobus generibus comprehensa, possunt cum alijs praedicamentis diuidi.

Sicut autem se habet relatio rationis ad praedicamentum relationis realis alia entia rationis sub alijs duobus generibus comprehensa, possunt cum alijs praedicamentis diuidi. Aduerti tamen potest, ens rationis in se, non solum fingi in praedicamento substantiae, sed etiam aliorum: vt tempus imaginarium & spatium imaginarium ad instar quando & quantitatis; extensio enim quae concipitur in spatio imaginario, concipitur veluti per se, est tamen quantitas & extensio rationis. Illa autem entia rationis quae concipiuntur ad instar substantiarum, v.g. Hircoceruus ad instar animalis, dicuntur substantiae rationis.

Alia diuisiones entis rationis.

Postremo alio modo varia genera entis rationis considerari & distingui possunt, iuxta varietatem fundamenti. Vnde diuidi primo poterit ens rationis mere fictum absque fundamento, & ens rationis fundatum, quod dicitur esse fundamentaliter in re, scilicet cuius datur reale fundamentum. Hoc deinde subdividi potest in varias species: v.g. in id quod fundatur in substantia, & in aliud fundatum in accidenti: in id quod fundatur in rebus quae sunt extra intellectum, & aliud fundatum in ipso intellectu & actibus eius, quod proinde non solum in fieri, sed etiam in fundari ab intellectu dependet. De quo propterea speciali ratione, sect. sequen. separatim agemus.

*Quae ap-
te tria ge-
nera entis
rationis
sunt: tribus
illis nomi-
nibus ap-
pellantur.*

Obijcies primo. Iuxta explicationem traditam videret potius noua diuisio excogitata, & non antiqua illa retenta, nisi in solis nominibus longe aliter explicatis a communi vsu, faltem quoad priuationem & negationem.

Respondetur, Diuisionem illam, & nomina negationis & priuationis in ipsa diuisione, non eodem modo ab omnibus explicari; non male ergo possunt modo a nobis assignato accipi. Nam,

reuera diuisio entis rationis in ens rationis ad aliud, per se, & in alio, est bona & adequata: assignamus etiam congruam rationem quia haec tria membra illis tribus nominibus appellantur. Neque vero diuisionem & eius membra ita explicare cogimur, vt eandem habeant significationem negatio & priuatio rationis, quam pura negatio & priuatio entis realis. Non enim res sunt accommodandae nominibus, sed nomina rebus: quia non res propter nomina, sed propter res nomina inuenta vel assumpta sunt.

Obijcies secundo. Ens reale non in tria, sed in duo membra diuiditur: vno modo in ens per se, & ens in alio; idest substantiam, & accidens: alio modo in ens ad se, & ens ad aliud; idest absolutum, & respectuum: ergo similiter debebat diuidi ens rationis.

*ENS
RATIONIS
DIUIDITUR
POTIUS
IN TRIA
MEMBRA.*

Respondetur primo. Esto posset his etiam modis diuidi ens rationis: tamen debuisset illo modo explicari eam visitam diuisionem in tria membra: & praefertim quia commodum visum est, illo modo diuidere ens rationis. Secundo diligenter notanda est differentia inter ens reale & rationis. Nam ens reale in vtraque illa diuisione, necessario est vel vnum vel aliud, vel per se vel in alio, item vel ad se vel ad aliud. At ens rationis potest concipi ad aliud, abstractendo a per se & in alio. Ita plane haberet ex Diuo Thoma prima parte quaestione vigesima octaua articulo primo, & admittit Suarez, sectione quarta numero sexto. Similiter potest ens rationis concipi in alio, abstractendo ab esse ad se & ad aliud. Cuius rei ratio est, quia ens rationis consistit tantum in conceptibus intellectus. Ideo ergo debuit ens rationis illo modo in tria membra diuidi.

Obijcies tertio, potest sine dubio idem ens rationis concipi esse ad aliud & esse in alio, vel esse ad aliud & esse per se: ergo illa tria membra non bene diuiduntur; quia tunc idem ens rationis deberet sub duplici genere constitui.

*Nam idem
ens ratio-
nis possit
ad plura
genera per-
tineret.*

Respondetur, ideo dictum esse, genus entis rationis in alio, esse quando non concipitur ad aliud tanquam terminum, sed solum in alio tanquam in subiecto.

H Simi-

Similiter ens rationis per se, quod neque concipitur ad aliud, neque in alio. Quodcumque ergo ens rationis concipitur ad aliud, semper collocatur determinare sub illo genere quod appellatur relatio rationis: Et hoc planè est iuxta communem loquendi modum. Alia verò entia rationis sub alijs duobus generibus collocantur.

*Quomodo
peculiariter
relationes
rationis
assig-
nantur.*

Obijcies quæstio. Sanctus Thomas prima parte quæstione vigesima octava articulo primo ait, proprium esse ijs quæ dicuntur ad aliud, ut in ijs inveniatur aliquid secundum rationem tantum, quæ est relatio rationis. Et subdit in alijs generibus non inveniari.

Respondetur, propterea hoc aliquis dixisse, in prædicamento relationis includi relationes etiam rationis, non verò in alijs prædicamentis. Hoc tamen, est omnino falsum, nec potuit intendi à Diuo Thoma. Quia ens reale adæquatur est, quod in decem prædicamenta dividitur: Nec possunt entia rationis directè in illis collocari: sed tantum ad instar illorum fingi, & distingui. Et alioqui par ratio esset de cæteris entibus rationis, ac de relationibus. Communior ergo & vera expositio est: Sanctum Thomam loqui tantum de convenientia in nomine; ut tantum velit, hoc nomen relationis commune esse etiam relationibus rationis: nam relatio rationis absolute appellatur relatio; in alijs verò generibus, ens rationis non appellatur substantia vel quantitas: sed ad summum, cum expressa additione, substantia rationis, quantitas rationis. Et intellectus, dum fingit relationem rationis, propriè dicitur referre, ordinare, comparare. Dum verò fingit alia entia rationis, non dicitur substantificare, vel quantificare. Sed neque etiam tam frequenter nominantur substantia rationis

&c.

Sicut relatio rationis.

¶

SECTIO OCTAVA.

De peculiari specie entis rationis qua dicitur Secunda intentio: Præsertim quomodo cognitioni dirigenda inferuiat.

Familiaria & frequentia satis sunt nomina primæ & secundæ intentionis. Quæ aliqui absolute sic explicant, primam intentionem esse ens reale, secundam intentionem esse ens rationis. Hoc tamen non potest in tota amplitudine entis realis & rationis intelligi. Nam non omne ens rationis dicitur secundam intentionem: sed peculiaris quædam species entis rationis. Nec omne ens reale dicitur prima intentio, nisi addita aliqua conditione, ex qua hoc nomen assumit. Alij aliter eadem nomina explicant: & aliqui prolixum tractatum de primis & secundis intentionibus instituerunt. Sed quia tota controuersia solum est de nomine; inutile esset in ea diutius immorari: satis ergo erit, ea nomina breuiter explicare.

Sciendum itaque ex Diuo Thoma prima secundæ quæstione duodecima articulo primo, intentionem ex vi nominis significare tendentiam vnius in aliud. Hoc autem ait Diuus Thomas conuenire propriè voluntati, quæ intendit & tendit in bonum. A voluntate autem extensum est etiam ad intellectum, ut intellectus quoque dicatur intendere, id est tendere in suum obiectum. Sed ulterius, non solum actus siue voluntatis siue intellectus, est appellatur intentio: verum etiam ipsum obiectum in quod tendunt. Ita actus appellatur est intentio formalis, obiectum intentio obiectiua: quæ in intellectu idem sunt, atque conceptus formalis & obiectiuus.

Deinde aliqua sunt quæ primo loco cognoscuntur ab intellectu: ut Petrus, Antonius, Ignis, Cælum, &c. Alia sunt quæ cognoscuntur secundo loco: cum, videlicet postquam intellectus cognouit rem aliquam, actu sequenti cognouit se cognouisse rem: Prius item intellectus cognoscit naturam humanam abstrahendo ab individuis; deinde refert & comparat

*Prima &
secunda
intentio.*

patet ad individua . In cognitione prioris obiectum est prima intentio obiectiva : actus prima intentio formalis : in secunda cognitione , actus est secunda intentio formalis , obiectum secunda intentio obiectiva . Tam ergo secunda , quam prima intentio formalis , semper est realis . Est enim actus realis intellectus . Intentio prima obiectiva , non solum est realis , sed potest etiam esse rationis : cum nempe intellectus cogitat seu fingit aliquid ens rationis non fundatum in alia antecedenti cognitione . Intentio secunda obiectiva potest esse & realis & rationis : realis est , cum cognoscitur prior cognitio quæ est realis : rationis est , cum concipitur aliquid ens rationis in obiecto prius cognito : cum concipitur esse cognitum , esse prædicatum , vel subiectum , per modum relationis . Sed iam per secundam intentionem obiectivam stricte sumptam propriè intelliguntur huiusmodi entia rationis , quæ supponunt priorem aliquam cognitionem & intentionem in qua fundentur .

Possunt etiam & solè aliter sumi prima & secunda intentio . Nempe prima intentio pro re ipsa seu obiecto intellectus in sua entitate spectato , quæ entitas representatur intellectui . Secunda intentio pro denominatione ipsa formali desumpta ab actibus intellectus , cum obiectum denominatur cognitum , apprehensum , &c . Quo pacto secunda intentio est verè realis : dicitur autem ens seu denominatio rationis , sumpto ente rationis subiectivè ex parte intellectus , ut notavimus secl. 2 .

Patet ergo quænam secunda intentio sit ens rationis : quo pacto sit quædam peculiaris species entis rationis : & quidnam propriè sit . Nempe est ens quoddam rationis fundatum in cognitione intellectiva . Itaque meritò vocamus peculiarem , hoc est quasi speciali titulo insignitam , speciem entis rationis . Quia nimirum plus habet de ratione , quam omne aliud ens rationis . Habet enim , non solum fieri per cognitionem & operationem rationis , quod est omni enti rationis commune : sed etiam habet in illa fundari , quod est ipsi proprium & peculiare . Ideo etiam appellatur ens ra-

tionis logicum : quia magis propriè spectat ad Logicam , & peculiari modo consequitur ad intellectum , seu rationem , appellatam logos .

Potest autem secunda intentio verè prædicari de prima , homo est species , animal est genus , & familia . Hæc prædicatio potest habere duplicem sensum . Primò , fundamentalem , homo est species , idest est fundamentum idoneum , ut ab intellectu referri possit ad individua : & in hoc sensu dici potest , homo à parte rei est species . Secundo , sensum formalem , homo est species , idest refertur ad individua : & in hoc sensu dici non potest , homo à parte rei est species , sed dici debet , est species per intellectum . Quia videlicet non à parte rei , sed tantum per intellectum , natura humana habet formaliter hanc secundam intentionem , quæ ad individua refertur . Et hæc doctrina applicari potest alijs etià entibus rationis , quæ de entibus realibus prædicantur . Quomodo autem secunda intentio prædicetur in concreto , vel in abstracto : quoniam difficultas est communis ad alias prædicationes : de illa suo loco dicemus .

Præsertim modò videndum restat , quò hoc ens rationis inferuiat Logicæ ad dirigendam cognitionem intellectivam . De qua re agere solent , cum disputat de obiecto Logicæ . Sed hic est proprius locus eius . Sunt ergo aliqui , qui tñ deferunt enti rationis ad operationes dirigendas , ut vniuersam Logicam nò alia directione vi velint , quam per ens rationis . Hi sunt qui ens rationis directiui cōstituebant obiectum Logicæ . Sed neque hi neq. alij conveniunt in explicando modo , quo ens rationis dirigat operationes intellectus . Aliqui explicantes quia dicunt , tria instrumenta directiva , definitionem , divisionem , & augmentationem , esse entia rationis . Sed iam quæstione præcedenti ostendimus , quid sint ea instrumenta , & satis constat non esse entia rationis contradistincta ab ente reali , sed potius esse entia realia . In illis tamè fundari quædam relationes rationis & secundas iniectiones , videlicet relationem definitionis ad definitum , & sic de alijs . Verum nò sunt hæ relationes , illa quæ dirigunt operationes intellectus : quinimo etiam si illæ nòingerentur ,

Quomodo prædicatur de prima intentione .

An secunda intentio dirigat cognitionem .

Quid sit secunda intentio .

H 2 etiam si

etiam si nõ cogiterentur adhuc instrumenta logica, non minùs perficiunt suam directionem.

*Refellitur
quidam
decenti
modus.*

Alij specialiter hoc modo explicant hanc directionem: quia inquirunt, non quodlibet ens rationis natum est consequi indifferenter ad quamcunque intellectus operationem; sed aliud ad vnam, aliud ad aliam. V.g. ad cognitionem quæ affirmamus hominẽ esse animal, non est natum sequi ad illud animal ens rationis subiectum, sed prædicatum. Similiter in syllogismo ad eam propositionem, quæ ex præmissis inferitur natum est sequi eas rationis consequens, non antecedens: ad primam præmissam, ens rationis maior, non minor. Ita ergo observatum est, quodam ens rationis, ad quã operationem, siue ad quam rem cognitam, consequi debeat. Unde quãdo videbimus, illud ens rationis consequi ad certam operationem, quod illi debetur; signum erit, illam esse rectam: cum vero non illud, sed aliud consequi; signum erit, operationem non esse rectam: eamque dirigere conabimur, quousque ad suam perfectionem deducemus. Sicut sylus in plano defixus, dirigi potest per umbram suam, inspicendo, quãdo umbra sit obliqua vel recta. Ita explicat & defendit Paulus Vallius parte secunda Prolegomen. quæstione tertia capite 21. & sequent.

Hæc tamen tota Doctrina nullam utilitatem aut probabilitatem affert. Primo enim ad summum tali modo per ens rationis assequi possumus, ut cognoscamus quãdo operatio sit recta vel indirecta: At quidnam facere debeamus, & quomodo ente rationis vii, ut cognitionem indirectam dirigamus; neque hi Auctores satis explicant; neque per ens rationis præitari possent.

Secundò, operatio potest esse indirecta, & cognitio falsa, absque vlla incorrectitudine ex parte entis rationis. Iudicet quis, Angelum esse corporeum, deinde Angelo tribuit ens rationis subiecti, corporeo prædicati. Item argumentetur quis in secunda figura ex duabus affirmatiuis; deinde denominet singulos terminos, & singulas propositiones, pro ut debet: quænam incorrectitudo tunc est in entibus rationis? aut quanam regula hinc dignosci poterit, illam

affirmationem fuisse falsam, cum syllogismum fuisse ineptum.

Tertiò est contra, etiam quãdo operatio recta fuerit, accidere potest, ut obliquè tribuantur entia rationis. Iudicet quis, hominem esse animal, alius iudicet hominem esse leonem: tãtũ vno, quàm in alio contingere potest, ut homini tribuantur denominatio subiecti vel prædicati. Neque ex veritate, aut falsitate cognitionis provenit, ut hoc vel illud ens rationis singulis terminis tribuatur. Similiter post rectissimum syllogismum, contingere poterit malè tribui entia rationis, medijs terminis, &c. Hoc ergo modo tantum cognoscitur, quæ incorrectitudo sit in attributione entium rationis. At non est hæc ea incorrectitudo, quæ frequenter in nostris operationibus inueniri solet. Neque hæc recta attributio entium rationis est, in qua alia scientia à Logica dirigi possunt.

Quartò, imò neque hæc incorrectitudo entium rationis cognoscitur per ipsa entia rationis: sed, sicut quãdo datur incorrectitudo circa entia realia, non per ipsamet cognoscitur, nec corrigitur; ita si quis erret in attributione entium rationis; in his etiam vitandum erit alijs Logica instrumentis, præsertim definiendo, & syllogizando: quod affirmatur est prædicatum: hoc extremum affirmatur: ergo hoc est prædicatum. Vniuersaliter enim incorrectitudo non corrigitur mediane ipsomet obiecto, cuius cognitio est indirecta, sed mediante alio modo benè cognoscendi obiectum.

Vtitur ergo tantum Logica nominibus secundæ intentionis, ad tradendam suam doctrinam de operationum directione, & de incorrectitudine per propria instrumenta in illas introducenda. Hoc modo, quia multa dicenda sunt de re quæ in propositione affirmatur vel negatur de alia; similiter de ea re, de qua alia affirmatur. Item in syllogismo de conclusione, & de præmissis, de prima, & de secunda præmissa. Ideò ut vno nomine breuiter complectatur omne id quod de altero dicitur, vitatur nomine prædicati; item subiecti: rursum consequentis & antecedentis, maio-

*Affertur
modus
quo secundæ
intentionis
directioni
invenitur.*

maioris & minoris : insuper generis speciei, &c. Non quod suam doctrinam tradere intendat, de prædicato quatenus prædicato, de genere quatenus genere, quoad relationes rationis & secundas intentiones : sed ut per hæc nomina significet res de quibus tradit suam doctrinam ; per nomen prædicati rem quæ dicitur de alia ; per nomen speciei naturam communem singularibus ; & sic de alijs . Sicut etiam vimur vocibus ad significandas res : non tamen id quod dicimus, dicere intendimus de ipsis vocibus ; sed de rebus significatis per voces . Ens ergo rationis & Secunda intentio , non se habet ut instrumentum proximum, quo perficiamus directionem operationum : sed est tanquam signum quo Logica significat res, ut commodius tradat doctrinam suam de operationum directione .

Imò si diligentius rem attendamus . Sicut cum dicimus, res quæ de altera

affirmatur ; non datur hic, nec significatur aliquid ens rationis : sed significatur ipsa res, adiuncta denominatione extrinseca ab actu affirmandi, qui est realis in intellectu : ita sanè, cum dicimus prædicatum, idem significare intendimus . Nec intencum nostrum est, loqui de aliqua proprietate vel relatione ficta ab intellectu : sed simpliciter de re cui convenit ea extrinseca denominatio . Vnde vimur potius nominibus extrinsece denominationis realis, quam nominibus entium rationis . Imò si nunquam daretur, nec fingeretur illud ens rationis, sanè melius & rectius in cognoscendo procederemus .

Hinc ergo potest concludi, secundam intentionem, magis si sumatur pro denominatione extrinseca ab actibus rationis, inservire suo modo, & vñ esse Logica, ad directionem intellectus cognitionis ; quam si sumatur pro forma rationis ficta ab intellectu .

Q V Æ S T I O S E X T A .

De Vocibus, quæ mentis conceptus exprimunt, & cognitionis directioni inserviunt.

Disputationem de Vocibus, quæ sunt signa conceptuum, pertinere ad Logicam, nullus est qui dubitet . Disputare de vocibus solent Auctores initio Perihæ. occasione quorundam verborum, quæ obiter ibi inserit Aristot. Verùm, cum voces non ad certam aliquam operationem intellectus, de qua ibi agitur ; sed ad omnes operationes, omnemque cognitionem intellectuum, adequatè pertineant : hoc loco de ijs agendum putamus, dum de omnibus quæ communiter ad omnem nostram cognitionem spectant disputamus .

SECTIO PRIMA .

An Voces sint necessaria: & quid & quotuplex sit Vox .

Refert Aristoteles quarto Metaphysicorum text. 22. sententiam Cratylæ & aliorum sectatorum Heracliti, qui putabant nihil dicere verbis oportere ; sed solam digitum movebant, gestibus manuum significando quod vocibus exprimendum esset . Quanquam hi, non

tam vocum odio, quam ob aliam rationem ibi ab Aristotele indicatam, in eam sententiam adducti sint : quia scilicet nullas res putabant esse stables ; sed omnes in continua mutatione, reuolui : adeò ut dum verbum proferretur ; iam quod dicendum erat, transisset .

Dico primò, aliquibus signis esse nobis opus ad significandum & exprimendum quod intendimus, siue per voces, siue per motus manuum, siue per quælibet alia genera signorum . Est res notissima : neque enim possumus notificare

Sig. a sũe nobis: & cess. rim.

H 3 id quod

id quod interius latet in mente, nisi per signum aliquod exterius sensibile. Hinc definitur signum ab Augustino libro secundo de Doctrina Christiana in principio. Signum est, quod præter speciem quam ingerit sensibus, aliquid aliud facit in cognitionem venire. Cognoscitur enim ipsum signum per nostros sensus, in quibus causat speciem & cognitionem sui: sed ultra hanc facit nos venire in cognitionem alterius rei. Ut visio vestigio animalis, cogitamus transisse animal: & ex fumo cognoscimus ignem.

Multa sunt autem signorum genera, quæ excogitari possunt. Potest homo pluribus signis internum animi sui conceptum alteri manifestare, vel per oculos, vel per manus, vel per alios motus. Tamen inter omnia signa, verba obveniunt inter homines principatum significandi: quæcumque concipiuntur: ut rectè notavit Augustinus libro citato cap. 3.

Voces sunt animo distincta signa.
Dico secundò. Voces, quamvis non sint simpliciter necessarie ad significandas res, cum possint ad id alia multa signa deferre: tamen sunt optima & maxime idonea instrumenta significandi, & ex parte proposita necessaria. Patet primò: quia quæcumque volumus, possumus significare per voces, longè maiori facilitate & commoditate, quam per alia signa. Et ut asserit Augustinus, cætera signa possunt verbis enunciari: verba autem illis signis non possunt.

Secundò, necessariae sunt omnino voces ad manifestandos animi conceptus, hominibus loco absentibus, & tractu temporis futuris: quod efficimus scribendo verba, & literis consignando. Ad significandas etiam res absentes hominibus presentibus. Neque enim aliter exprimere possumus res non presentes, quamvis res presentes alio modo monstrare possumus. Non possumus etiam res ipsas presentes & sensibiles integrè & perfectè sine verbis, alijs solum indicij demonstrare.

Tertiò, præter hæc, voces admodum valent ad iucunditatem humanam: plurimum enim delectamur loquendo per voces: ad amicitiam & societatem exercendam: ad docendum: ad interrogandum: ad discendum: ad precipiendum: ad præbenda & petenda consilia.

Quartò, patet etiam ex his, quomodo litteræ & characteres quibus voces scripto exaramus, sint necessarie, ad colloquendum scilicet absentibus, vel loco, vel tempore: quam necessitatem expressit Sanctus Thomas 1. Perihierm. lectione prima.

Dico tertiò. Vox in communi sic rectè definitur. Est sonus ab animali ore prolatus formatus per naturalia instrumenta. Sonus est genus. Per sonum intelligitur id quod ab auditu percipitur: quicquid enim auditur, sonus est. Ore animalis prolatus ponitur ut differentia. Potest enim sonus multipliciter effici ex percussione corporum & aeris: solus verò ille sonus qui ab animali efficitur, nõ quocumque modo, sed per prolationem oris, dicitur vox. Pontitur denique illæ particule, per naturalia instrumenta formatus, tum ad maiorem explanationem, tum ad excludendum sonum, qui fortasse esset ore ab animali prolatus, sed non per vocis instrumenta formatus.

Sunt autem multa vocis efformanda instrumenta, pulmones, guttur, dentes, lingua, labia, &c. Ex quibus lingua præcipue est, quæ varia sui flexione & motione, atque ad palatum & dentes coniunctione, aerem ex pectore in os, virali virtute, & pulmonis agitatione deductum, mira varietate frangit, percutit, & modificat. Ita vocem modulari, tanquam vocum verborumque varietates effugit. Unde innumerabilis verborum copia reperitur. Sed de hac re in libris de Anima.

Dico quartò. Vox rectè diuiditur sequentibus modis. Primò in vocem, non significatiuam, quæ nihil significat, ut Blitiri: de qua nihil ad nos, Et significatiuam: ut nomen Petrus significat talera hominem, gemitus significat dolorem. Non solum autem hominibus, sed etiam brutis, vox significatiua conuenit. Quæ, ut testatur Sanctus Thomas 1. Perihierm. lectione tertia circa principium, per quasdam voces, suas conceptiones sibi inuicem manifestant. Testatur etiam & exemplis comprobatur Augustinus libro citato capite secundo. Cognoscunt enim animalia per sensus internos, & naturali instinctu, quid significetur.

Vox definitur.

Vox diuiditur.

ceatur per voces quas suo modo edunt. Vox ergo significatiua est sonus ore animalis prolatus aliquid significans. Secundò hæc vox rursus diuiditur ex Diuo Thoma 1. Perihierm. lectione secunda, in eam quæ significat affectiones, sensus, siue cognitiones sensitiuas, vt voces quibus vntur bruta, & genus significans dolorem: & eam quæ significat conceptiones intellectus. Huiusmodi voces sunt homini propriæ, quæ sunt voces modulata & articulata. Et de his loquutus est Aristoteles 1. Perihierm. cap. 1. *Voces sunt notæ, hoc est signa, eorum passionum quæ sunt in anima.* Per passionem enim intellexit cogitationes & conceptus intellectuales: vt ibi exponit Diuus Thomas cum alijs. Hæc autem vox humana, quæ homini conuenit quatenus homo, hoc est quatenus intellectualis, ita definitur: est vox significatiua conceptus intellectus. Pater ex his, quomodo vox humana quæ solet dici sermo, differat à sono & à voce. Nam sermo est hominis, vox animalis, sonus corporis. Ergo voces humanæ ad nos pertinet: voces quibus mentis nostræ conceptus exprimus & significamus.

SECTIO SECVNDA.
*Vtrum Voces ex sua naturali
virtute vel ex hominum
voluntaria impositione
significent.*

Cum voces quatenus significatiuæ, Logico consideranda proponantur; & cum manifestè conset voces esse significatiuas: merito inquirimus, vnde hæc significatio & vis significandi in vocibus ortū habuerit, ex natura nē rerum & ipsarum vocum: an verò ex hominum voluntate, quæ cum nomina essent ad varias res significandas indifferentia, quod sibi libuerit vnicuique rei significanda applicauerit.

Ammo. 1. Perihier. refert Eraclium & Cratylum, Dexippus eodem 1. Perihier. cap. 6. refert, Pythagoricos dixisse, nomina fuisse rebus imposita a natura, & quæcunque rem iuxta propriam essentiam & conditionem sortitam fuisse nomen, vim habens & efficaciam ad exprimendam.

illam; quam vim cætera nomina non haberent. Ita inferebant, sapientis munus, non esse noua rebus imponere nomina, sed peculiare cuique nomen à natura fabricatum consecrari. Opposita sententia fuit Hermogenis, contra quem disputat Socrates in Cratyllo Platonis. Hic omnem significandi vim ita hominum voluntari tribuebat, vt nullam omnino partem in hac re naturæ tribueret: sed omnino fortuito & per accideos hoc vel illud nomen huic vel illi rei fuisse impositionem.

Dico primò. Nulla vox hominis articulata significationem habet omnino naturalem & inditam à natura: sed nomina imponenda fuerint rebus ab hominibus: ita voces non significant naturaliter, sed ad hominum placitum. Loquimur de voce articulata quæ est propria hominis. Suspiria enim, gemitus, & similia: sunt voces naturaliter significantes. Et dum dicimus nomina imponenda fuisse ab hominibus: non negamus Deum ipsum & Angelos potuisse etiam immediate imponere rebus nomina propter homines. Hæc conclusio est ab omnibus recepta. Et expressè Aristoteles 1. Perihier. cap. 2. *Nomen significat secundum placitum, quoniam natura nominum nulla est.* Et cap. 4. *Omnis oratio est significatiua, non sicut instrumentum, sed secundum placitum.* Eandem veritatem docuit Plato in Cratyllo: vt refert Alcinoüs cap. 5.

Probatur 1. ex sacra Scriptura, Gen. 2. *Ex sacra Adduxit Deus cuncta animalia ad Adā, vt videret quid vocaret ea: omne enim quod vocauit Adam animæ viuentis, ipsum est nomen eius: appellauit. Adam non inibus suis &c.* Non ergo fuerant ab ipsa natura singulis animalibus propria nomina attributa: sed expectabantur humano placito imponenda. Et idem est de alijs rebus atque nominibus.

Secundò. Est experientia manifestum, nos quæ placuerit nomina rebus imponere, vt hominibus nascensibus, animalibus, & alijs, quæ quo libuerit nomine appellamus.

Tertio, ex Arist. 1. Perihier. c. 1. Si quælibet res ab ipsa natura suum nomē accepisset, omnes populi & nationes illo nomine re appellare debuissent. Et si nomen ex sua natura rem aliquam determinat

Voces articulatæ, non significant naturaliter, sed ad placitum.

Ex sacra Scriptura

Experientia

Aristotelis ratione

significaret, hanc eandem significationem sèper & apud omnes populos retineret. Constat autem hæc non ita esse. Quinimò vna res diuersissimis nominibus apud diuersas nationes exprimitur: & eadem vox in diuersis linguarum generibus, diuersissima sæpè significat: vel in vna significat, in alia nihil. Imo & inter eiusdem loquelæ homines, datur voces æquiuocæ, quæ absque villo proportionis fundamento diuersa significant: & voces synonymæ, materialiter valde diuersæ, in eadem significatione conuenientes.

*Similiter
litteræ qua-
scribuntur.*

Quartò, eodem modo quo voces, etiã litteræ quæ scribuntur sunt ad placitum. Non enim est aliqua naturalis vis insitæ characteri sic vel aliter efformato; ad vnam vel aliam litteram denotandam. Nec littera exigit hac vel illa figura inscribi. Sed hominum placito factum est, tales litteras talibus vel talibus figuris & characteribus insigui. Vnde quemadmodum non sunt eadem voces: ita nec litteræ omnibus eadem.

*In ansu-
trius in
sylis nul-
lo idio-
mate lo-
queretur.*

Quintò, ex his refellitur vana & inepta quorundam existimatio, infantem emittitur in sylis, & ab omni hominum loquentium consortio segregatum, naturali instinctu loquentium hebraicè, aut alio tali idiomate. Nam si hæc loquela esset hominibus indita à natura, quisque eam omni tempore retineret: etiã cum alium quemcunque sermonem addisceret. Sicut quis retinet patrium sermonem quem vsu comparauerat, etiã dum alium extraneum apprehendit: imo firmitus homini inhaerere deberet sermo ille innatus, quàm quilibet alius comparatus. Vel saltem aliquam homo facilitatem & propensionem experiretur ad loquelam illam innatam: quod nec etiam verum est. Quemadmodum ergo, vt benè aduertit Vallesius capite tertio de sacra Philologia, homo natura progignitur expers omnis artis, omnisque cognitionis, composamen omnem adipiscendi: ita & sine certa loquela, cum potestate tamen quolibet ascendendi. Igitur infans ille nullo idiomate loqueretur, donec in humanum conuiuium inductus, aliquod ex hominum consortio compararet. Qua sola ratione omnis loquela perditur.

Dico secundò. Multa sunt nomina, quæ determinatis rebus significantis imposita sunt, non merè calu & fortuito: sed aliqua rationabili occasione & fundamento: ita vt liberè quidem homo talia nomina imposuerit non tamen temerè, & absque ratione. Hoc maximè intendebat Plato contra Hermogenem in Cratyllo. De Platone hæc habet Alcinoüs capite quinto citato. *Quærit, natura ne nomina consent, an institutione. Atque statuit, quod in ipsi nominibus volutum est, id institutione constare: non tamen omnino, neque vi fors tulit: sed ita vt huiusmodi institutio natura rei sit consentanea: nec aliud esse nomen reddidit, quam institutionem cum rei natura conuenientem.* Habent ergo multa nomina talem & tantam cum rebus conuenientiam & proportionem, vt ad illas significantas præceteris nominibus multum valeant.

Probatu primò: quia hac ratione, inter omnia Dei nomina vnum est, quod præ omnibus alijs à sanctis Patribus & à Theologis celebratur, tanquam ad Diuinam naturam exprimendam aptissimum. Hoc est nomen, quod ipse Deus sapientissimus sui nominis institutor, sibi imposuit, Exod. 3. cum Moyse de suo nomine interroganti respondit: *Ego sum qui sum, qui est mihi me ad vos: nomen, Qui est, quod Hebræis dicitur Iehovah.* Hoc inquam nomen ad significantam Diuinam naturam aptissimum est: quoniam significat, Deum esse à se ipso & per essentiam suam, qui neque esse coeperit, nec vnquam desinet, siquæ fons & origo totius esse, imo totum esse, totamque essendi plenitudinem in se ipso contineat eminenter. Ita docet Diuus Thomas prima parte quæstione, 13. articulo vndecimo, ceterique Theologi. Alia etiam plurima nomina apud Hebræos sunt hoc modo aptissima ad res significantas. Et sic etiam plura sunt in alijs linguis apud alias nationes.

Secundò, ideo Deus adduxit animalia ad Adam, nomina illis imposituro; vt libera quidem voluntate nomina institueret: sed cognitio animalium naturæ & proprietatibus, congruum & proportionatum nomè prudenter singulis attribueret. Ita notauit Eusebius Cæsariensis lib. 1.

de

Secl. II. Vnde Voces habeant significationem. 121

de Præparat. Euang. cap. 4. Et hinc est quod dici solet, *sapientis esse, imponere nomina rebus*; quia scilicet sapiens rerum naturas probè discernens, ipsa quoq. nomina prudenter adaptat, assignando nomina quæ rerum naturis consentanea sint. Ideoque sæpe ex nominibus ad rerum naturas inuestigandas argumenta sumuntur.

Vel rōne
etymologia.

Tercio idem probatur, declarando quænam sit hæc proportio nominis ad rem. Ex duplici enim capite potest maxime provenire. Vno modo per etymologiam, quæ in hoc consistit, ut cum prius iam imposuit fuerit nomen ad rem aliquam significandam, deinde consimile nomen imponatur ad aliam rem, consimilem siue coniunctam significandam. Sic dicitur homo quia sumptus est ab humo: dicta est virago quia sumptus est de viro: dicta est Logica à Logos: & alia innumera sunt huiusmodi. In his tamen etymologicis nominibus deueniendum est ad primum nomen, quod absque etymologica ratione fuerit primum impositionem, alioqui abiremus in infinitum.

Vel ratione
soni.

Quarto. Præter etymologiam est alia ratio proportionis, dum quædam nomina cum certis rebus quandam cognationem habent, & ita illis proportionari consonareque videntur, ut peculiaris appareat in illis efficacia ad huiusmodi res significandas. Sunt enim quidam soni rigidi & asperi, qui similibus rebus significandis sunt magis idonei: ferrum, conturbatio, contritio, bombus. Aliæ sunt voces suaves & humiles, quæ ad alias res magnam congruitatem habent: ut hæc ipsa nomina, suauitas, humilitas. Vnde experientia constat, diuersa narratione eundem rei, & diuersis nominibus, diuersimodè quoq. affici animos audientium: & quædam voces sunt, quibus nos magis moueri sentimus, cum alijs eandem rem significantibus parum aut nihil moueamur. Sic ex sententia Stoicorum notauit Aug. cap. 6. sue Dialecticæ. *Ipsum leno cum diximus, leniter sonat. Quis item asperitatem non & ipso nomine asperam iudicat? Adol, quàm suauiter gustum rei ipsa, eam suauiter nomen tangit auditum. Acro in utroque asperum est. Lana & vepres, ut audiuntur verba, sic illa tanguntur. Hæc quasi eumula verborum esse crediderimus, ut sensus*

rerum cum sonorum concordarent.

Dictum est autem in conclusione, multa sunt nomina: quia sanè non in omnibus aliqua huiusmodi congruentia reperitur, v: notauit ibidem Aug. Quapropter plurimæ voces extant, quæ mera hominum libertate, solumque casu, fuerunt impostæ rebus: ut præsertim voces æquiuocæ, quæ diuersa & prorsus disparata significant: & interdum possunt pro verbo aut nomine sumi: ut canis significat canem & canere, veniam, pares, feras, facis, & alia. Atque per hæc duas conclusiones facillimum est, satisfacere omnibus argumentis quæ contra alterutram afferri possent.

Non omnes voces habilem proportionem.

SECTIO TERTIA.

Quid sit significatio Vocis, & cui nam Vox significet.

Duplex extrema sententia esse potest de significatione vocis. Prima, hanc significationem esse formam realem & intrinsecam ipsi voci, veluti vim quandam & virtutem inexistentem voci: seu relationem quædam realem superuenientem entitati absolutæ vocis: esse etiam actionem quandam realem qua vox gignat noticiam rei significatæ in mente alterius. Ita indicauit S. Tho. 3 p. q. 61. ar. 4. ad 1. dicens *In ipsa voce sensibili, est quædam vis spiritualis ad excitandum intellectum hominis*. Et hoc exemplum affert ad explicandam vim Sacramentorum in conferenda gratia. Secunda & frequens sententia est, significationem esse relationem rationis quæ tribuitur voci per impositionem humanam.

Pro resolutione huius rei, distinguere oportet significationem vocis in potentia radicali, idest potentiam & aptitudinem vocis ad hoc ut possit imponi. Deinde significationem velut in potentia proxima, hoc est vim quam habet vox per impositionem ad hoc ut significet hanc vel illam rem. Demum significationem in actu ultimo, idest quando vox actu prolata suum significandi munus exercet, ingerendo alicui noticiam rei significatæ.

Triplex acceptio significationis.

Dico primo. Significatio primo modo sumpta, nihil addit realiter supra ipsam vocis entitatem, nisi denominationem extrinsecam à voluntate potente imponere. Probatur, quia vniuersaliter posse velle

Significatio primo modo dicitur de-

minatio-
nem à po-
tentia vo-
luntatis.

velle est intrinsecum voluntati, imo est ipsa intrinseca potentia voluntatis; in obiecto autem posse appeti, formaliter non addit nisi denominationem extrinsecam ab hac eadem potentia. Posse ergo imponere nomina, est potentia intrinseca voluntatis: non enim est aliud quam posse velle, vt hoc nomine talis res significetur. Posse verò imponi in voce (& idem dicendum est de posse significari in re) est denominatio deriuata ab hac impositiua potentia: neque enim aliud est posse imponi, quam posse assumi a voluntate ad significandum; quod est posse terminare actum voluntatis imponentis. Nec debet distingui alia relatio realis. Non nego autem posse cogitari & fingi relationem rationis. Sed sine ea res potest intelligi.

Secundo
modo di-
citur nomi-
nationem
ab actu
volunta-
tis.

Dico 2. Significatio secundo modo sumpta non est aliquid intrinsecum in voce, sed est denominatio realis extrinseca ab actu voluntatis, & potest explicari per relationem rationis. Prima pars patet: quia hæc significatio non est aliqua vocis proprietas naturalis. Nec ab intrinseca imponentis voluntate quicquam producit in re voluta: nec in voce imposita: nec in re significata. Nō est relatio realis de nouo relictā. Nulla est enim necessitas vel utilitas talis relationis: nec adiunt conditiones requisitæ ad relationem realem.

Secunda pars patet ex dictis. Ab hominū enim extrinseco consensu vox denominatur significatiua talis rei, & dicitur habere vim ad ingerendā noticiam rei significatæ. Ex impositione enim facta, semper deinceps valet dicere: homines contulisse, vt quando quis iudicid significare talem rem, proferat talem vocem: & quando quis audit talē vocem, intelligat talem rem. Et hæc est denominatio realis extrinseca, vt patet. Et hæc est propriè vis significandi, quæ ex impositione conuenit vocibus. Item proportio illa quam pot habere vox ad rem: si sit ratione etymologiæ, etiam est denominatio extrinseca: licet proportio consistens in qualitate soni mitis vel terribilis, sit quadam affectio intrinseca ipsi voci, quæ sit vel aliter modulari & articulata, redditur terribilis vel suavis.

Tertia pars ostenditur: quia hæc signi-

ficatio in voce, solet concipi quasi virtus quadā intrinseca, respectiua ad noticiam gignendam in mēte audientis. Sed nō debet hæc absolute assignari, quando queritur quid sit significatio vocis: quia maxime queritur quid realiter sit: per formam aut rationis potius assignatur, quid fingatur ab intellectu, cū reuera non sit.

Dico 3. Significatio sumpta in actu vltimo, prout vox actualiter ingerit alicui noticiā rei significatæ, non est aliqua casualitas phylica qua vox producat cognitionem. Non enim potest habere vim, vox accidens materiale, ad producendam cognitionē intellectus spiritualem. Est aut quædā veluti causalitas & excitatio moralis, qua vox moraliter excitat mentem audientis, qui propter impositionē vocis, & ex sua cognitione quā habet de significatione vocis, statim audita voce concipit eius rei cogitationem. Se habet ergo vox, vt id ad cuius auditū præsentia, intellectus elicit suæ cognitionis actū. Sicut etiā ex re aliqua visā, solent quidā affectus excitari in nobis: nō quod illa res quicquā phylica causalitate efficiat in affectū nostrum: sed tantum moraliter ad eū mouet, quatenus nos ea visā illū eliciamus. Videtur ergo, vocē actū significare & excitare cognitionem, non esse aliud quam denominatio extrinseca à productione cognitionis, seu ab ipsa cognitione producta in nobis ad præsentia & auditionem vocis: Cui non est intrinsecum, sed omnino extrinsecū, quod intellectus ea audita eliciat rei cognitionem.

Neq. credendū est, s. i. hominibus duabus conclusionibus contradicere. Non enim dicere poterat, inesse voci quæ materialis & corporea est, virtutē spiritualem quasi formam intrinsecā. Si enim hoc dixit de Sacramentis, dixit fieri per Diuinā potentia. At vis quæ conuenit voci, conuenit per potestatem naturalem hominū. Nec vilo modo naturaliter fieri pot, vt inist forma spiritualis subiecto corporeo. Debet ergo explicari, per vim spirituale intellectus cōcomitantia ipsam humanæ impositionis, seu denominationē ab illa desumptā. Eo aut exemplo visus est ad virtutem Sacramentorū explicandam: vel quia non oportet exempla in omnibus esse similia: vel quia fortasse pari modo circa Sacramenta debeat explicari.

Tertio mo-
do dicit
denominati-
onem
à noticiā
quam in-
gerit au-
dientis.

Ex

*Audienti,
cui vox
significat,
debet esse
alius à lo-
quente.*

Ex his dicendum 4. Vocem per se si-
gnificare audienti, qui debet esse alius à
proferente : sed aliquo modo fieri etiam
posse, vt sit idem qui protulit. Prima pars
expresse ponitur ab Henr. in sum. art. 73.
q. 9. & ab alijs communiter præsupponi-
tur: Patet: quia significare est aliquid de-
ducere in alterius noticiam: ergo illi si-
gnificatur cui aliqnd notificatur. Sed
proferens & loquens non sibi notificat:
neque enim per suam loquutionem de
noio cognoscit, nec generatur cognitio
rei in mente eius: quæ cognitio iam in
illo supponitur, vt res cognita possit si-
gnificari. Tantum ergores significatur
audienti, in quo rei significatur notitia
excitatur & gignitur. Et ideo is qui ver-
ba profert, non loquitur vt ipse cognos-
cat, sed vt alteri explicet, & ab illo rem
cognosci faciat. Et hoc est quod dicit
August. lib. 2. de Doctrina Christ. cap. 2.
*Nulla est nobis causa significandi, nisi ad de-
promendum & traiciendum in alterius ani-
mum, id quod in animo gerit is qui signum
dat.* Ex propter id dicuntur nomina
symbola loquentis ad audientem, quia
ille manifestat rem à se conceptam, hic
eandem percipit.

*Potest ali-
quo modo
esse idem.*

Secunda pars conclusionis explicatur
& ostenditur hoc modo. Potest quis scri-
bere quæ conceptusque si deinde relegat,
certè nouam eliciet cogitationem rei à
se scripto conceditæ, quam fortasse fue-
rat oblitus. In hoc enim casu ex vi scrip-
turæ quam is legit, deuenit in rei nouam
cognitionem, quæ in eo generatur
ex vi lectionis, & ita res ipsi significatur,
nimirum quæ deducitur in eius noticiam.
Significans autem est ipsemet qui scripto
veluti sibi ipsi loquitur: & sic scripto
suo in alterius legentis animo rei cogni-
tionem gigneret, ita & in mente sua ean-
dem gignit. Disparitas aut, quare possit
scribens, non autem proferens, sibi ipsi
significare, est. Quia dum actu loquitur
iam datur actu rei cognitio actualis præ-
uia loquutioni. Qui autem scribit, quan-
tis tunc habeat rei cognitionem, post-
quam ea cognitio præterierit, poterit de
noto in rei noticiam deduci mediante
lectione. Idem ergo vt scribens, signifi-
cat sibi ipsi legenti vt sciens, sibi vt postea
oblitus, aut non cogitanti.

SECTIO QVARTA. *Quidnam Vox proprie significet: An conceptum formalem vel obiectiuum, an cognitionem vel rem cognitam.*

In omni sermone externo quo aliquid
significare intendimus, præsupponitur
& res aliqua cognita & ipsa cognitio.
Nec enim narrare possumus quæ ignora-
mus & non cogitamus, vt ostendimus
secl. sequenti.

Prima sententia est asserentium, per vo-
ces primariò siue immediatè significari
cognitionem intellectus, & mediatè si-
gnificari rem. Huius sententia videtur
D. Tho. 1. p. q. 13. art. 1. & 1. Perier. lect. 1.
Boet. lib. 1. de Diuis. cap. 2. Auerr. 1. Per.
c. 1. Scot. 1. Perier. q. 3. Bonau. 1. diff. 12.
art. 1. Richar. Aegid. & Durand. q. 1. & se-
quitur Vallius 1. Perier. q. 1. Et expres-
se ipse Arist. cap. 1. *En qua sunt in voce sunt
notæ earum passionum qua sunt in anima.*

*Prima sen-
tentia.*

Secunda sententia est asserentium,
voces proximè & immediatè directè &
primariò significare ipsas res, licet præ-
supponant cognitionem rerum ad hoc vt
res exterius manifestari possint: & in hoc
sensu dicunt significari res quatenus men-
te cõceptas. Ita Ocham. & Gabr. in 1. diff.
21. q. vnica, Font. 1. Met. cap. 1. q. 2. secl. 4.
Cõimbr. 1. Perier. cap. 1. 5. aduertendum
est, & ex parte Masius q. 3. & alij circa
eundem locum. Item Vasq. 1. par. d. 57.
num. 3. & disp. 75. cap. 3. Suar. 1. par. tract.
1. lib. 2. cap. 31. nu. 6. qui ait, id videri per
se notum, aliq. Theologi frequenter.

*Secunda
sententia.*

Dico primò. Voces immediatè ac pro-
ximè per se & primariò significant res modis
conceptas. Probatur 1. ex Arist. 1. Elen-
ch. cap. 1. vbi ait: *Quia fieri non potest, vt moris so-
res ipsas ferentes dispartimus; nominibus pro-
rebus vniuer signis.* Ergo de mente Arist. res cogni-
nomina assumimus per se ad significandas res.
res quas concipimus. Imò & ex sacra
Scriptura. Genes. 1. Deus appellauit lu-
cem, diem tenebras, noctem, & cap. 2.
Adam animalibus nomina imposuit: *Ap-
pellauitq. nominibus suis cuncta animan-
tia.* Ergo nomina significant res ipsas,
quas eadem oculis cernimus, & mente
concipimus.

Secun-

*Res per
se imposi-
ta sunt.*

Secundò. Vox id principaliter & absolute significat, ad quod primariò significandum est per humanam institutionem imposita: sed voces impositæ sunt ad significandas res ergo res sunt quæ principaliter significantur. Hæc nomina, Homo, Cælum, ignis, Aqua, & sic de reliquis, impositæ sunt ad significandas res ipsas quas his nominibus appellamus. Atque has ipsas de facto significant. Homo significat animal rationale, Cælum corpus caeleste, &c. Neque Homo significat cognitionem hominis, Cælum cognitionem cæli. Et aliud est quod significamus: dum dicimus, Cælum, Cælum est corpus; & dum dicimus cognitionem cæli, cognitio cæli est actus intellectus terminatus ad tale obiectum. Et cum dicimus Cælum est corpus: sensus vique non est, cognitionem cæli esse cognitionem corporis: sed rem ipsam cælum esse rem corpus. Voces ergo per se & primariò significant ipsas res.

*Rerū no-
ticiam per
se inge-
runt.*

Tertiò. Significare est deducere audientem in noticiam rei significatæ: suspirium est signum doloris, quia cognoscimus suspirantem esse dolore affectum. Sed nomina deducunt immediatè in rerum noticiam: nam audito nomine hominis, statim concipimus ipsam hominem; nomine cæli, ipsum cælum: & cum audimus homo currit, primò concipimus hominem currere. Neque certè prius concipimus cognitionem quam de re habet ille qui loquitur, ut deinde mediante tali cognitione cognita concipiamus & rem: sed primò nobis repræsentatur res, etiam nihil de cognitione alterius cogitantibus; ut ipsa experientia constat. Voces ergo immediatè & proximè significant ipsas res.

*Etiam vo-
ces signi-
ficantes
actus mi-
nis signi-
ficantes res
cognitas.*

Quarto. Etiam istæ voces, cognitio, conceptus formalis, & similes, directè significant res cognititas. Nam cognoscimus etiam cognitionem & conceptum formalem: & hoc quod cognoscimus, significare intendimus. Cognitio ergo quatenus res cognita, significatur per suum proprium nomen. Et sic in uniuersum verum est dicere, non nisi res cognititas significari per voces. Possunt tamen ipsæ res cognitæ, esse actus & cognitiones intellectus, terminantes obiectuè alios actus & cognitiones reflexas, ut est manifestum.

Voces non

Quintò. Dum dicuntur res significari

quatenus cognitis: non debet esse sensus, simul significari seu directè consignificari ipsam quoque cognitionem rei: sed tantum cognitionem se habere per modum conditionis ad hoc ut quis possit significare rem. Et sicut obiectum cognitionis, solum est ipsa res, non autem ipsamet cognitio per quam res cognoscitur: ita id quod significatur, est solum ipsa res cognita, quæ simul terminat & cognitionem mentis & significationem vocis. Nam dum dicimus, vel audimus, Homo, Cæli: id quod significatur, est tantum res ipsa, quæ simul est cognita obiectuè & dum dicimus homo est animal: sensus non est, homo cognoscitur esse animal, sed homo in re est animal. Vnde optimè dici poterit, specificatiuè quidem significari res cognititas, cognitione se tenere per modum conditionis: non tamen reduplicatiuè quatenus cognititas, quasi cognitione seu denominatione cogniti simul consignificata cum ipsa re. Concedendum, tamen libenter est, consequutiue & per illationem, posse ex vocibus & significatione rerum, deduci noticiam de cognitione earundem rerum quam loquens habere supponitur. Nam, quia scimus loquutionem & significationem esse de rebus notis loquenti & significanti; bene inferre possumus, illum qui loquitur & significat, habere cognitionem talium rerum. Sed hoc non est, cognitionem ipsam directè & per se significari per illam loquutionem.

Dico 2. Voces in alio sensu dici possunt primariò & proximè exprimere conceptus formales & cognitiones rerum, id est subiecti & subrogari loco ipsorum conceptuum formalium ad significandas res obiectuè cognititas. Explicatur & probatur concl. Homo in seipso cognoscit, sibi quæ repræsentat obiectum, per actum suæ cognitionis, per quem etiam dicitur mentaliter loqui, & proferre verbum mentis in suo intellectu. Per eundem actum deberet alteri notificare & manifestare rem cognitam, & cum illo loqui, eique significare. Hoc modo manifestat Deus creaturas Beatis, qui videntes Diuinam essentiam & cognitionem perfectissimam Deian quæ res creatæ repræsentantur, vident etiam tanquam

*Voces sub-
signantur
loco cogni-
tionis.*

lib. 13.

lib. 11. confel. cap. 10. *Vident faciem tuam semper, & ibi legunt.* Hoc modo præcipue Angeli inter se loquuntur, dum unus proponit & manifestat alteri conceptum, sicut, & mediante cõceptu res cognitas. Iuxta illud Damasc. lib. 2. Fidei cap. 3. *Non lingua neque auribus opus habentes: vtrum circa firmam adinveniam cognitiones suas, & consilia inter se communicantes.* Et Theodoret. & Theophil. in illud 1. Cor. 13. Si linguis hominum loquar & Angelorum, declarant linguam Angelorum esse intellectum ipsum.

At qui non possumus nos homines immediate in se ipsis manifestare conceptus mentis, assumimus voces loco conceptuum, quarum ministerio immediate significamus easdem res quas mente concipimus. Unde sicut alius qui videret immediate conceptum cognoscentis, perciperet etiam rem cognitam: ita de facto qui audit vocem loquentis, statim percipit rem significatam. Is ergo qui cognoscit & loquitur, substituit voces loco sui conceptus ad manifestandam rem conceptam: non ut mediante voce prius alter percipiat cognitionem loquentis, & mediante cognitione rem: sed ut immediate ex voce percipiat rem. Itæ voces substituta sunt loco conceptuum ad significandas easdem res quæ ipsis conceptibus præsentantur.

Et in hoc sensu dicuntur signa conceptuum.

Dicuntur etiam voces exprimere ipsos conceptus, quatenus gerunt vicem eorum. Dici etiam solent voces esse signa conceptuum, & significare conceptus. Sed hoc non debet intelligi in eo sensu, quo dictum est esse signa rerum: sed in alio sensu modo explicato, quia voces exprimunt conceptus, substituantur loco conceptuum, ac sunt vicaria conceptuum. Iuxta hoc debet intelligi dictum Arist. in initio Perier. Nonnulli quidem explicat, Ar. intellexisse cõceptus obiectivos, id est res conceptas. Sed hoc videtur à mente Arist. alienum. Tum quia ait, voces esse notas animi passionum: passionem autem dicuntur quæ afficiunt animam, & sunt in illa formaliter. Tum quia distinguit passionem à rebus, & passionem ait esse rerum similitudines. Melius ergo intelligitur Arist. voces sunt notæ conceptuum, sunt signa substituta loco conceptuum. Hoc etiam solum voluerunt alij ex quibus

qui dixerunt, voces significant conceptus, & qui dixerunt significare rem mediante conceptu: quia non potest quis significare quicquam nisi prævio cõceptu, rem cognoverit.

Ex hac autem substitutione vocum loco conceptuum oritur primò, ut ex voce audita bene argumentari possimus ad inferendam cognitionem loquentis, ut supra dicebamus.

Secundò. Ut cùm res, plures in se habuerint conceptibiles rationes, secundum quas plures conceptus formari possint, plures etiam extent voces proportionatae conceptibus. Sic in Petro v.g. distinctè concipiuntur, ratio animalis, & rationalis, & c. in Deo distinctè concipiuntur, Potentia, Sapientia, &c. hinc habemus has ipsas diversas voces, ad has plures rationes significandas, quamvis in una & eadem re, & sine distinctione, actuali à parte rei inter illas plures rationes. Ob distinctionem tamen conceptuum fit, ut tales voces non dicantur synonymæ: quia synonyma sunt, quæ non solum significant eandem rem, sed etiam secundum eandem rationem, eundemque conceptum. Unde S. Thom. 1. par. qu. 13. art. 4. alij. Theologi docent, diversa nomina attributorum Dei non esse synonyma.

Diverse conceptibus diverse voces correspondentes.

Terriò. Interdum alia ratio est ex qua nomen desumptum est, & alia ad quam significandam assumptum est. Itæ S. Thom. ead. q. ar. 8. Interdum enim is qui nomen imposuit, consideravit certam aliquam rationem, ex qua motuum accepit: certum nomen imponendi secundum aliquam etymologiam: tamen non ad illam præcisè rationem significandam, sed absolute ad significandam ipsam rem, nomen impositum & institutum est. Sic homo dictus est, quia de humo sumptus est: lapis dictus est à lædendo pedem: Angelus à nuntiando: Deus ab eo quod est propitiare, vel videre, aut providere: tamen hæc nomina non significant has præcisè rationes, sed absolute & adequatè ipsas res. Et ita passim in alijs pluribus rebus ac nominibus idem obtinere potest.

Quartò ulterius. Sic tres sunt distincti gradus nostre cognitionis, id est tres operationes intellectus: itæ etiam similis distinctio & ordo reperitur in vocibus.

Interdum aliis conceptibus, ex quo sumuntur, et ad quem assumuntur.

Diverse operationibus intellectus.

Alia

*diuersæ
voces cor-
respondere.*

Aliæ sunt voces simplices & incoplexæ, correspondentes primæ operationi: vt Petrus, Animal: item Petrus albus, Animal rationale: quoniam incomplexum nunc dicitur ad differentiam integræ enunciationis & iudicii. Aliæ sunt voces complexæ enunciativæ, correspondentes secundæ operationi: vt Petrus est albus, Animal est rationale. Aliæ demum sunt voces illatiuæ, correspondentes tertiæ operationi: vt Petrus est homo, ergo est animal. Et rursus sicut quælibet operatio in plures partes vterius subdividitur: ita etiam voces. Iudicium aliud est affirmativum, aliud negativum: aliud simplex, aliud modale: ita datur enunciatio affirmativa & negativa, simplex & modalis. Et sic in alijs actibus & vocibus.

*Etiam di-
versis mo-
dis concipi-
endi.*

Quintò præterea. Quia vna & eadem res secundum eandem rationem potest diversimodè concipi, videlicet vel explicitè vel confusè: diversæ etiam substitutæ sunt voces, ad significandam rem explicitè vel implicitè. Sic differunt Definitio & Definitum. Homo significat implicitè naturam humanam: Animal rationale significat explicitè. Et sic in alijs huiusmodi.

*Littera
quæ scri-
buntur, si-
gnificant
immediatè
voces.*

Cæterum de litteris quæ scribuntur dicendum est, litteras scriptas immediatè significare voces, & mediatis vocibus significare res. Ita perspicuè indicat D. August. lib. 2.º de Doctrina Christiana cap. 4. & lib. 2.º de Ordine cap. 12. Patet: quia talis vel talis character qui figuratur & inscribitur, proximè significat certam litteram quæ voce profertur. Unde fieri potest, vt aliquis legendi peritus, legat quidem dictionem scriptam, & tamen ignoret quæ res significetur. Atque diverso modo se habet scriptura, ad vocem, & vox ad cognitionem. Unde, quod Aristot. 1.º Perierm. cap. 1. pariter dixit, ea quæ sunt in voce esse notas passionum animæ, & ea quæ scribuntur esse notas eorum quæ sunt in voce: Ipse declaravit in hoc sensu: quod sicut voces non sunt eadem apud omnes, ita nec litteræ: & sic etiam notavit ibi Porphy.

*Posiùs si-
gnificant
immediatè
res.*

Verum est tamen, posse figuras scriptas ab aliquo applicari ad immediatè res denotandas. Quo sensu Valla. cap. 3. de sacra Philologia ait: "Scripturam per se significare independenter a vocibus. Potest

enim quis certum characterem excogitare, quem voce non profertur: & cum alio convenire, vt ad ostensionem talis figuræ talem rem intelligat. Sic vtrique scriptura immediatè significabit res. Et hic mos scribendi apud aliquam nationem fuit in usu, præsertim apud Aegyptios. Et hæc erant illorum Hieroglyphica. Vtebantur enim certis quibusdam characteribus & figuris, non voces aliquas per litteras significantibus: sed immediatè denotantibus res quas significare volebant.

SECTIO QUINTA.

*An & quomodo ad significationem
Vocis requiratur atque cōcur-
rat notitia tum proferentis
tum audientis.*

Triplex notitia hic consideranda est: prima non vltimata vocis: secunda significacionis vocis: tertia rei significatæ. Dupliciter quæri potest, an quælibet notitia ex his sit necessaria: primò an debeat actu esse, cum actu exercetur significatio: secundò an sit necessaria, vt saltem præcesserit & in habitu remanserit, quamvis actu non sit.

Dico primò. Necessaria est notitia & conceptus non vltimatus vocis, itemque significacionis eius, tam in loquente, quam in audiente. Patet nam qui verba profert debet vtrique in mente habere illa. Item qui audit, nisi interna cogitatione vocem percipit, nullo modo poterit ex vi vocis percipere rem. Rursus qui verba profert ad significandum, debet vtrique perspicuè habere significacionem vocis: alioqui qui nescit, quidnam hæc vox significet, vel quam voce hæc res significetur, vtrique non potest tali voce vt ad significandam talem rem. Item si qui audit, debet præcise habere significacionem vocis: alioqui quantumvis eius sonum audiat, non percipiet quidnam significetur. Sufficit tamè, vt præcesserit notitia antecedens & habitualis de tali significacione, quæ obliuione deleta non sit, ad hoc vt statim quis audita voce percipiat ex vi significacionis rem significatam.

Dico secundo. Notitia rei significatæ est actu necessaria ex parte loquentis & formaliter significantis. Sic dicebat Aug. lib.

*Prærequi-
ritur no-
tia vo-
cis eius-
quæ signi-
ficacionis*

*Prærequi-
ritur etiā
rei signi-
ficatæ.*

secunda no-
titia in lo-
quentis.

Categ. cap. 1. Id quod quis concipit animo, lingua prosequente declarat. Et patet ex dictis, quia voces substituntur loco conceptuum. Et hoc adeo verum esse etiam cum significare volumus affectus & desideria nostrae voluntatis: ut cum dicimus hoc vel illud desidero, de hoc gaudeo, doleo, &c. necessaria sit etiam cognitio de tali affectu nostrae voluntatis. Imo etiam cum cognitiones ipsas eiusdem nostri intellectus notificare volumus: ut cum dicimus, cognovi rem hanc, hoc ita iudico, & similia: intercedit adhuc alia cognitio reflexa de illa prima cognitione. Semper enim valet dicere, significari res cognitae: ergo seper intercedit cognitio qua res significanda cognoscatur, & una cognitio bene potest esse res cognita per aliam cognitionem reflexam.

Insuper non satis est, res antea cognovisse, & habere notitiam habituale earum, ad hoc ut de eis loqui possimus: sed necessaria est actualis cogitatio rerum, tunc enim loquimur. Nam experientia patet, non solum non loqui non posse de rebus prorsus ignorantibus, sed et de rebus quas actu non cogitamus: praerequitur ergo actualis notitia & cogitatio rei ad loquendum atque significandum.

Nisi tantum materialiter voces proferantur.

Dixi autem, ex parte formaliter significatis: quoniam alioqui fieri posset, ut aliquis casu & fortuito, ignorans rem, ac etiam significationem vocis, certum vocabulum proferat, quod apud alios revera sit significativum. Tunc inquam, non proferatur vox formaliter, quatenus significativa, & ex animo significandi: sed solum materialiter, tanquam sonus quidam. Possit etiam, aliaque quaedam aures, solent voces articulatas proferre. Et interdum quidem possunt per sensum cognoscere rem significatam. Quando autem nihil de re cognoscunt, solum materialiter verba proferunt. Demum homines interdum falso & mendaciter pronunciant ea quae sciunt aliter se habere, & pronunciant animo significandi falsum, & decipiendi audientes. Sed tunc habent saltem simplicem apprehensionem rei quam enunciant: & adhuc dici potest, talem enunciationem substitui loco illius conceptus mentalis, qui subesse deberet, & pro quo instituta est, & qui subesse solet in alijs hominibus vera loquentibus. Ideoque audientem decipi putando verum rem ita esse, & ita putari ab ipso loquente, sicut exterius affirmatur.

Dico tertio. Non praerequitur in audiente notitia rei significata, nec actualis, nec habitualis. Patet de notitia actuali: quia haec potius ipsius vocis ministerio gignenda est in mente audientis. Et haec est vis significativa vocis, ut ingerat audienti notitiam rei significatam: non ergo praerequitur talis notitia, quae potius debet esse effectus vocis significantis. Patet etiam de notitia habituali: quia saepe virtus ex loquutione & doctrina alterius addiscit, quae nunquam sciverat. Et ad hoc etiam se extendit significatio vocis: ut non solum possit in mentem reducere ea quae aliqui in qua audie aliquando cognovisse supponitur: sed etiam possit de novo manifestare & notificare ea quae antea fuerant prorsus ignota & incognita.

Non praerequitur in quod audiente.

Dico quarto. Quando quis actualem rei cogitationem habet, rem illi significare non possumus: possumus tamen, quando alius solum antecedenter & habitualiter rem cognovisse supponitur. Itaque actualis cogitatio rei in audiente, non solum non praerequitur: sed potius si inveniatur, impedit actum & exercitium significationis: antecedens tamen & habitualis notitia, nec praerequitur, neque impedit.

Imo actualis cogitatio rei, impedit actum significationis.

Probarur prima pars, quae est de notitia actuali, ex ipsa significationis essentia. Significare enim est aliquid deducere in alterius notitiam, & facere ut alius rem cognoscat: at quando quis iam praehabet actualem rei cogitationem, non deducimus rem in eius notitiam, nec facimus ut rem cognoscat: quia fieri non potest, quod factum supponitur. Neque potest simul in eodem intellectu existere duplex actus cognitionis eiusdem modi, de eodem prorsus obiecto, ut nunc supponimus. Itaque in tali casu dicitur quidem sermo loquentis habere quantum est de se vim significandi, non tamen actu exercere suam significationem. Sicut si igni, aut cuius alij agenti naturali, applicetur subiectum habens iam calorem, aliamque qualitatem, in eo gradu in quo posset a tali agente produci: non produciatur in actu secundum talis effectus.

Si tamen quis loquatur de re secundum aliquam rationem novam, de qua alius actu non cogitabat, licet cogitaret

de illa re: &c. optime significabit rem secundum illam nouam rationem. Imò si per loquutionem excitetur clarior aut certior, alioù modo perfectior cognitio in mente audientis: sic etiam dicitur res illi significari: quia ex significatione loquutionis, talis perfectior notitia gignitur quæ non supponebatur.

Possumus loqui, non tamen significare, ijs qui actualiter cogitant de rebus. Hinc notauit Valsq. 1. par. disput. 57. in fine, non posse nos quicquam illo modo significare Deo, quia nullam vilius rei notitiam Diuinæ menti ingerere possumus, cui omnia per se notissima sunt. Debemus tamen Deum orare & rogare propter vilitatem nostram, illiquè narrare indigentias nostras, & affectus cogitationeqùè veluti deregere: vt explicauit Sanctus Thomas secunda secundæ quæst. 83. articulo 2. Adhuc tamen dici potest homo loqui ad Deum, Genesis 18. *Loquitur ad Dominum meum.* Et Iesai. 32. *Loquatur ad Dominum.* Et Angeli etiam Deo loquuntur, ex Diuo Thoma 1. parte quæst. 107. artic. 3. Latius ergo patet loqui quàm significare. Nam loqui, solùm dicit verba proferre, vel ore vel mente, quæ de te sunt significatiua. Significare autem actualiter, quodit actualem causalitatem cognitionis, vel nouæ cogitationis, in mente audientis. Item Angelis & Beatissimis nos non propriè significamus illa quæ ipsi actualiter cogitant. Quodammodo tamen dici possumus illis significare conceptus seu cogitationes de talibus rebus: quoniam, dum loquimur de rebus quas concipimus & cogitamus, conuenienter Angeli dignoscunt nos habere tales conceptus & cogitationes. Hoc tamen non est directè & per se significare: sed probare illis motuum cognoscendi nostras cogitationes. Quando tamen directè loquimur de ipsis nostris cogitationibus: tunc verè illas significamus, quia Angeli non inueniuntur directè nostras cogitationes, nisi ad summum, dum illas manifestare volumus.

Notitia habitus habitus nec praerequisitur neque impedit.

Probatur deinde secunda conclusionis pars, quæ erat de notitia habituali: quoniam adhuc vox potest efficere, vt is qui audit deueniat in cogitationem actualè rei habitualiter notæ: ergo verè significat. Hoc enim sufficit ad significationem. Et hæc significatio dici poterit, rememo-

ratia, quoniam in mentem reuocat & reducit id quod aliis notum fuerat.

SECTIO SEXTA.

Vtrum Voces possint rem perfectius significare audienti quàm nota sit loquenti, vel saltem aque perfectè.

EX notitia proferentis & audientis dependet non solùm significatio vocis, sed etiam perfectio significationis. Iuxta enim maiorem vel minorem rei significatæ notitiā, vox magis vel minus perfectè significare dicitur. Duplex autem perfectio attendi nunc potest, scilicet claritas, dum clariùs & distinctiùs res cognoscitur: & proprietas conceptus, dum proprio & quidditatiuè cõceptu cognoscitur, prout est in se. Dubitatur ergo, num fieri possit, vt aliquis vocibus vtendo, & vel imponendo, vel tantum profereudo voces significatiuas, perfectiùs rem significet, quàm ipsemet cognoscat, idest magis clarè & distinctè, propriè & quidditatiuè.

Affirmant Scot. Ocham. & Gabr. in 1. dist. 22. Molina 1. par. quæst. 13. artic. 1. disput. 2. & latè Valsq. disput. 57. Vnde docent, licet viatores non cognoscant clarè & quidditatiuè Deum: posse tamen clarè & quidditatiuè significare, Beatissimis. Et Valsq. declarat magis. Si loquens habeat rei notitiam imperfectam, audiens verò perfectiorè, illum posse multò perfectiùs & clariùs rem alteri significare, quàm ipse in se cognoscat. Explicat & probat exemplo. Si qui nunquam Romam vidit, nudi qui vidi, de Roma loquatur, vtiq. multò melius & perfectiùs mihi in memoria reuocabit. Multo enim perfectior est notitia rei in eo qui vidit, quàm in eo qui ex sola relatione cognouit. Adducit aliud exemplum de impositione nominis. Si Philippus Rex mitteret exercitum & Duci præciperet, vt insulam vel ciuitatem suo nomine Philippinam, nuncuparet: hoc nomen clariùs & euidentiùs illam insulam deinceps significaret Duci & militibus, qui eam proprijs oculis viderunt, quàm Rex ipse cognosceret qui nomen imposuit.

Audienti sententia.

Oppo-

Opposita sententia est Theologorum communis. D. Thom. 1. par. quest. 13. artic. 1. & 1. contra Gent. cap. 30. & 31. Caiet. & Ferr. Item Alensis 1. par. q. 48. membr. 1. Albert. mag. Durand. Bonau. & aliorum in 4. dist. 22. Suar. disp. 30. Metaph. sect. 13. num. 8. & 9. & 1. par. tract. 1. lib. 2. cap. 31. num. 13. Bagn. & Zumei 1. par. quest. 13. art. 1. Valentia puncto 1. Fons 2. Metaphys. cap. 1. quest. 2. sect. 4. Hurtad. disput. 8. Log. §. 11. Qui dicunt, mensuram significationis sumendam esse ex conceptu loquentis : & sic non posse aliquem perfectiorem rem significare alteri, quam ipse cognoscat : quia nomina significant res quatenus conceptas, seu mediante conceptu. Deinde alij sunt qui affirmant, semper posse loquentes significare rem saltem aequè perfectè ac ipsi cognoscunt. Atque ita Beatos posse significare Deum clarè & intuitivè ut est in se. Et hoc asserere solent illi qui alioqui negat posse Deum clarè a viatoribus significari. Alij autem hoc etiam negant : & ita dicunt, non posse semper ita perfectè rem exteriori significari, sicut interiori concipitur. Ita discurrit Suar. cap. cit. 1. par. num. 13. & 19.

Hæc controversia magna ex parte orta est ex diverso modo accipiendi perfectionem cognitionis, & ex diverso modo causandi quo vox potest præbere noticiam rei significatæ.

Dico ergo primò, perfectionem significationis formaliter loquendo, non consistere in eo quòd voces proferantur ab eo qui habet perfectam rei noticiam, siue quòd substituatur loco perfecti conceptus qui habetur de re ab ipso proferente : sed in eo quòd gignant perfectam noticiam & conceptum in mente audientis. Probatur primò. Vocem significare non est aliud, quam facere, ut alius res cognoscat : ergo perfectè significare, est facere ut alius perfectè cognoscat : clarè & quidditative significare, est facere ut res clarè & quidditative cognoscatur. Secundò. Si aliquis perfectè & clarè rem cognoscat : proferat tamè vocem quæ non habet præbere claram & perfectam cognitionem, non diceretur perfectè & clarè rem significare. Tertiò. Si quis minus perfectè & clarè rem cognoscat, & proferat vocem, quibus alius perfectam & claram

rei noticiam assequatur : hic diceretur perfectè & clarè rem significare. Hinc patet, quando queritur, nò possit res perfectiùs vel aequè perfectè significari, atq. cognoscitur a loquentes : nihil aliud queri, nisi num possit perfectior vel aequè perfectior notitia gigni in audiente quàm sit in loquente.

Dico secundò, voces non posse perfectiùs rem significare audienti quàm sit notitia loquenti, præbendo novam rei noticiam, quando scilicet audiens non aliud rem novetur. Pro hac conclusione supponimus ex præced. sect. voces posse significare, seu causare cognitionem in mente audientis : vel per modum novæ notitiæ rei scilicet antea ignotæ, vel per modum rememorationis excitando audientem ad actualiter cogitando de re alijs ipsi nota. In hac conclusione loquimur de primo modo, & hæc conclusio est de mente Auctorum 2. sent.

Probatur primò, ex D. Tho. Quia vox nò significat rem, nisi quatenus concepta, eo modo quo explicauimus : ergo nò potest eam perfectiùs significare, quàm concepta fuerit : sicut ergo voce non possumus significare quod nò concepimus : ita non possumus perfectiùs significare, cum minus perfectè cœcepimus. Nomina enim sequuntur conceptus : & ita debent etiam sequi illos in perfectione : quia id a quo sumitur esse rei, sumitur & eiusdem perfectio.

Secundò. Nomina substituntur loco conceptuum, & intantum habent significandi vim, inquantum sic substituantur pro conceptibus, quibus naturale est, res cœceptas repræsentare & significare. Loco ergo conceptus imperfecti ponetur vox eodem modo imperfectè significans, sicut & ipse cœceptus imperfectè repræsentat. Loco verò conceptus perfecti, ponetur vox etiam perfectè significans. Neq. verò poterit quis loco conceptus sui imperfecti, quo imperfectè sibi repræsentat rem, substituere vocem, quæ perfectiùs rem significet, & perfectionem cognitionem generet in mente audientis.

Tertiò. Si quis naturaliter loqueretur manifestando alteri immedie conceptum suum : hic cui conceptus manifestatur, ex vi huius conceptus non posset acquirere maiorem & clariorem noticiam rei conceptæ, quàm sit ipse conceptus. Si ergo

Non possunt notificare de nouo perfectiùs rem audienti, quàm nota sit loquenti.

Nam voces substituntur loco conceptuum.

Est ipsi cœceptus nò possit manifestare vi sua perfectiorem.

Voces tunc perfectè significant, cum perfectiùs gignunt rei noticiam.

cognitio rei sit cōfusa & obscura: taliter quoque eandem rem concipiet ex vi huius cognitionis ille qui per eam deducitur in rei notitiam. Sicut videmus ita representari res in speculo, clariis aut obscuris, quale ipsum speculum fuerit. Potiori ergo ratione dicemus de voce, cui non competit intrinsicè & ex natura sua significare rem, sed extrinsicè, ex libera hominum impositione qua substituitur loco conceptus naturaliter representantis rem; nō posse perfectius significare rem ex vi sua & sue substitutionis ac impositionis, quā cognoscatur a significante; & quā sit perfecta cognitio pro qua vox subrogatur.

Et ipse qui loquitur, non acquirit maiorem notitiam.

Quartò. Si voces quæ proferuntur, habent ex se vim quēdā perfectionem notitiam quā sit in loquente; deberet etiā illam gignere in ipso loquente. Cur enim ipse qui loquitur & percipit significationem verborum, non in se acquireret talē perfectam notitiam? ergo nec alius cui is loquitur, & qui non aliam aliunde habet rei notitiam, potest ex virtute & significatione talis loquutionis perfectionem sibi notitiam comparare.

Sapē etiā nō equi perfecti possunt nos res rem manifestare.

Dico tertio. Sapē non posse vocibus tā perfectam notitiam de nouo gigni in audiente, sicut est in loquente. Probatur primò, quia ideo dixit Aug. 6. de Trin. c. 4. Verius cogitur Deus, quā dicitur; & verius est, quā cogitur. Et Plato atque Hermes Trismegist. ut refert Nazian. Ora. 34. quæ est 2. de Theol. nu. 6. & 2. & Cyril. Alex. lib. 1. cont. Iul. 5. At Plato: difficile esse Deum intellectui percipere, eloqui verò impossibile.

Secundò. Manifestum est, Beatos Deū videntes, non posse quacūq. vi & significatione nominum, præbere viatoribus claram & intuitivam Dei notitiam. Similiter Deum ipsum se comprehendentem, non posse se vllj intellectui creato comprehensivè significare. Et hoc non solum defectu nostro: sed quia absolute non potest in virtute & significatione vocum, cōprehensivā, neque intuitivā, Dei notitia gigni, in eo qui aliunde illā nō habebat.

Tertio. In alijs etiā rebus, is qui re aliquā vidit & intuitivè novit, nunquā poterit virtute sue loquutionis intuitivā rei notitiam præbere alteri qui rem non viderit, & non ex sui visione intuitivā no-

titiam cōparaverit: & in multis alijs rebus quotidiana experientia constat, non posse tā perfectè verbis exprimi, & alijs notificari, sicut cognoscitur a loquente.

Quartò. Ratio à priori huius rei est, quia notitia aliqua perfecta, videlicet intuitiva & clara, acquiritur per aliud mediū, v.g. propriā visionē, sine quo tā perfecta cōparari nō pōt. Sed per voces & per alienum testimoniū, tantū poterit acquiri notitia inveniēdis & fides humana de eadē re. Ille ergo qui loquitur, non poterit vocum ministerio tā perfectā rei notitiam ingerere alteri, non utenti illo alio modo cognoscendi, videlicet propriæ visionis, quo ille cā sibi notitiā cōparaverat.

Dico 4. Voces posse perfectius significare re audienti, quā nota sit loquenti, excitando in audiente notitiā quā aliunde habitualiter habere supponatur. Hæc conclusio est de mente Auctōrum primæ sententiæ. Et primò satis apertè probatur exemplis ibi adductis, alijsq. similibus: dum quis habet imperfectiorem rei notitiam, loquitur alteri qui aliunde perfectiorem notitiam habuisse supponitur: utique excitat in illo actum quēdam huius perfectioris notitiæ. Sic ergo possunt voces perfectius rem significare audienti, quā sit nota loquenti.

Secundò. A priori suaderur, quia voces non solum habent vim ingenerandi de nouo notitiā rei antea ignotā, sed etiam excitandi & renouandi notitiā præcedentē & habitualiter permanentē. Quando ergo præinvenitur notitia perfectior, quā sit in loquente; hæc utiq. excitabitur. Et ita voces possunt perfectius significare, idest excitare audientem ad perfectiorem notitiam, quā sit in loquente.

Tertio. Quia aliqui Auctōres primæ sententiæ, hoc considerantes, dixerunt id esse per accidens ad rōnem significationis, & non esse ex vi vocum, seu ex vi significationis, ideo adhuc dici non debere voces perfectius significare: quia ad significationē debet attendi, id quod per se effectus significationis, non autē quod per accidens se habet, & provenit aliunde. Propter hoc, ut rectè renecamus loquendi modū: præstabit dicere, talem perfectiorem notitiā, non esse ex illa vi vocis & significationis, quæ refertur ad causandam notitiam de nouo rei aliā ignotā: esse autem

Possunt tamē voces, excitando priorē notitiā, perfectius significare.

Voces vim habet excitando perfectiorem notitiam.

Secl. VI. De Perfectione significationis Vocū. 131

autem ex illa vi vocis & significationis, quæ refertur ad excitandā & renouandā antiquā noticiā rei prius notæ. Et probatur, sic esse dicendū. Tum quia hæc vis significationis non est determinata, ad talem, seu tam perfectā noticiā causandam: sed indifferens est ad excitandā quācumq. habitualiter inuenit. Tum quia si in intellectu audientis nulla alia noticiā rei significata de nouo gignatur, sed tantūm pristina renouetur: vtique dicitur vox significare rem tali audienti, atq. adeo per se habere suæ significationis effectū, nepe noticiam in intellectu audientis. Ergo renouata illa noticiā, est per se ex vi significationis, ex illa, inquam, vi, quæ refertur ad excitandam noticiam quam habitualiter in audiente supponit.

Per has conclusiones magna ex parte conciliari possunt sententiæ oppositæ antea relatæ. Et fortasse Auctores illarum, in diuisione tradita & conclusionibus positis, facile conuenirent.

Obijcies tamē primò. Ex doctrinā tradita in 2. conclus. sequi videtur, quod si duo; alter clarè, alter cōfusè; alter quiditatiuè, alter impropriè; eandē rem cognoscentes, eandem loquutionem profertant, loquentes alicui qui antea rem non nouerat: si diuersimodè res significabitur audienti: quia ab vno ponitur sermo vocalis loco conceptus perfecti, ab altero loco conceptus imperfecti. Sed consequens est planè falsum, & cōtra experientiam: quia a quocunque quis audiat eundem sermonem, formabit eundem conceptum, non obstante inæqualitate conceptus interioris in mente loquentium.

Respondetur. Sicut cōceptus quos homines de eadem re habere possunt, sunt diuersi. Ita etiā diuersas impositas & substitutas esse voces: vt patet ex dictis sect. 4. Quando ergo quis loquitur: considerandum est, quibulnam vocibus viatur, siue cuiusnā conceptus loco, talis sermo substitui debebat ex cōi hominū impositione ac recto vsu: & iuxta conditionem talis conceptus significabit. Itaq. si contingat, quempiam habentē perfectum cōceptum, profertē voces minis perfectè significantes, significabit etiā imperfectè. Be è conuerso si contingat, quempiam habentem conceptum imperfectum, profertē voces perfectiūs significantes, saltem materia-

liter perfectè significabit. Nimirū, cum etiam si loquens nullum rei conceptum haberet, sed casu verba proferret, adhuc alij perciperet illorum significationem: quia nempe attenditur conceptus, loco cuius solet apud homines talis sermo substitui. Igitur si duo habentes inæquales conceptus, eundem sermonem pronuntiant, equaliter significabunt. Et hoc experientia constat.

Non per hoc autē putandū est, tam multas & diuersas inueniri voces, quanta esse potest diuersitas & inæqualitas in mentis conceptibus. Imò id erat moraliter impossibile. Sed tantūm hoc procedit, vbi ob notabilē diuersitatē conceptuum, diuersæ inueniuntur instituta voces. Solent tamen is qui clariūs certius & perfectiūs rem interioris comprehendit: maiori etiā claritate distinctione & ordine in explicando, maiori vi & momento rationum in probando, maiori copia & proprietate verborum, varietate exemplorum, & loquutionis promptitudine in significando, clariorem certiorē & perfectiorē suæ mentis conceptū exprimere, longèq. meliūs externo verborum apparatu rem audientibus enarrare.

Obijcit 2. Scot. Hōc nomen, substantiā, & alia substantiariū nomina, homo, equus, & reliqua, sincerè significant entitatem ipsam & quidditatem substantiale in se: quam tamen non hoc modo concipimus, sed cōcipimus per species alias, scilicet accidentiū: ergo perfectiūs & puriūs rē nominamus quam cognoscimus.

Respondetur ex D. Tho. 1. p. q. 3. art. 8. Nos ex accidentibus quidē & effectibus deducere noticiam, sed verè assequi noticiā aliquā & conceptū ipsius substantiæ, & causæ in se: noticiā tamen & cōceptū, non perfectū & exquiritū, sed quāle possumus per alias species comparare: & sicut cognoscimus, ita etia notamus, & ita per illa noia imposita significamus.

Obijcies tertio. Ex 4. concl. sequitur, posse viatores nomina imponere, seu impositis vt ad significandum clarè & inuiriū Deum Beatis, qui supponuntur iam ex lumine gloriæ videre Deum. Hoc est absurdum, & contra seculam sententiā quæ est Theologorū fere cōmunis.

Repon. Verè non tum solidam rationem ad negandum viatores posse clarè

Res quæ non per se cognoscimus, nec etiā perfectè nominamus

Viatores non sciunt res diuinas intueri Beatis.

significare Deū & res Diuinas Beatis, ex eo quod ipsi viatores non habent intuitum Dei notitiam: quia licet ipsi non habeant, possent eam excitare in mente audientium, qui ad eam habitualiter dispositi essent. Sed alia suppetit ratio, quod neque hoc modo excitando notitiam, possint viatores Deum clare significare Beatis: quia cum Beati semper & necessarii sint in actuali exercitio visionis Dei non potest hęc clara visio ex nostris sermonibus in eorum mentibus excitari. Non dicuntur autem voces actualiter significare, nisi causent aliquo modo notitiam, seu actuale recogitationem, obiecti, mentem excitando ad nouum actum, ut patet ex dictis sect. præced. Sed in vniuersum quomodo possit Deus nominibus significari, in quaestione de cōmatertia prima parte tractandum erit.

SECTIO SEPTIMA.

De Veritate & Falsitate

Vocum.

Et quomodo Voces Cognitionis directioni inferuiant.

*Voces par
ticipat ve
ritatis &
falsitatis
& cognitio-
nis.*

Sicut cognitio habet repræsentare obiectum, & vel verè vel falsò repræsentare: ita vox cognitionem exprimens, habet in sua significatione verè vel falsò significare. Sicut ergo vox eo significat, quod ponitur loco conceptus mentalis; ita vere significat, cum ponitur loco veri conceptus; falsò, cum loco conceptus falsi. Tunc propositio est vera, si cum iudicio quod per eam exprimitur, verum est: tunc est falsa, quando iudicium est falsum. Hęc est vera propositio, homo est animal: hęc est falsa, homo est lapis; & sic de alijs omnibus.

*Veritas et
falsitas in
vocibus
est nomi-
natio ex-
trinsicca.*

Hinc explicandum est, quid sit veritas & falsitas in vocibus. Realiter enim veritas & falsitas non est aliquid intrinsecum in ipsis vocibus: sed tantum est denominatio extrinsecca proveniens a cognitione intellectus vera vel falsa, cuius loco vocalis sermo substituitur. Nam fundamentum veritatis & falsitatis in vocibus est vique significatio: si quidem significatione seclusa non posset talis denominatio veritatis aut falsitatis in vocibus reperiri. Sed significatio formali-

ter, non est aliquid intrinsecum in vocibus; sed est denominatio extrinsecca, ut iam ostensum est. Ergo veritas & falsitas in vocibus non potest esse aliqua forma intrinsecca, sed tantum erit denominatio extrinsecca. Vnde veteribus, si vox de significatiua fieret non significatiua; ut potè si homines amplius nollent tali voce in tali significatione uti: tunc vtiq; amitteret etiam veritatem aut falsitatem, quam antea haberet: & hoc totum fieret absque mutatione intrinsecce ipsius vocis, sed per solas denominationes extrinsecas. Et similiter si è conuerso vox aliqua de non significatiua fieret significatiua, & sic propositio vocalis vera vel falsa: id totum fieret sine mutatione intrinsecce vocis.

Possit autem hęc denominatio extrinsecce veritatis & falsitatis in vocibus explicari per connotationem ipsarum rerum significatarum in se, stante certa significatione per humanam impositionem ex parte ipsarum vocum. Sed supposita veritate & falsitate cognitionis cuius loco substituitur voces: optimè explicabitur hęc denominatio vocis ex ipsarum cognitione vera aut falsa dicendo, propositio vocalem esse veram, quæ substituitur loco iudicii veris esse falsam, quæ substituitur loco iudicii falsi.

Cæterum dupliciter fieri potest, ut aliquis in vocibus falsum dicat. Vel quia in mente sua habet falsam exitimationem de re, & ita etiam falsum enunciat; putans tamen se verum asserere. Vel quia habens quidem in mente veram rei cognitionem; tamen exterius oppositum asserat, volens audientem fallere ac decipere: & hoc est propriè mentiri, ubi loquutio externa vocalis non consonat non est conformis cum conceptu mentis interno. Primo modo apparet manifestè, qualiter sermo vocalis denominetur falsus per falsam cognitionem mentalem, ex cuius virtute profertur. Secundo modo sermo vocalis dicitur falsus, non quidem per illam cognitionem quæ de facto est in mente loquentis, quæ vera esse supponitur: sed per illam cognitionem cui talis sermo ex institutione sua correspondere deberet, & cuius loco debet ac solet substitui. Itaque in vniuersum, sermo vocalis verus est, qui ex sua

*Quomodo
hęc deno-
minatio
ex cog-
nitione su-
matnr.*

sua significatione denotat conceptum verum: falsus, qui est contra denotat conceptum falsum: sine talis conceptus de facto addit, siue non addit in mente loquentis.

Voces cognitionis directioni inferniunt.

Denique asserendum est, voces admodum deleruire ad cognitionis directionem in Logica, siue ad doctrinam directiuam in Logica tradendam: non solum quia per voces aut ore prolatas, aut scripto consignatas, tradenda est doctrina logica, quod sanè commune est omnibus alijs

scientijs & facultatibus. Sed specialiter quia pleraque de ipsis vocibus obiectiue sumptis Logica tradit, vt facilius & commodius de ipsis mentis actibus, quibus voces correspondent, & quorū loco subsistuntur, intelligantur. Vnde non immerito instrumenta directiua quæ à Logica assignantur, possunt ac solent verbaliter, prout consilunt in vocibus, vsurpari. Ac proinde voces dicuntur suo modo instrumenta directionis logicæ, vt satis explicauimus quæst. 4. sect. 2.

Q V Æ S T I O S E P T I M A.

De Rebus omnibus intellectui proponendis per sequentem tractatum de Vniuersalibus ad directionem nostræ cognitionis.

Res omnes esse aliquo modo in Logica considerandas, adeo verum est, vt aliqui illas ipsas directè obiectum Logicæ constituerint. Sed nos dicimus, esse considerandas vt obiectum cognitionis per Logicam dirigendæ, & propter maximam opportunitatem & vtilitatem talis considerationis ad directionem nostræ cognitionis intentam. Hanc ergo tractationem nunc auspicamur. Quo tandem fiet, vt omnia illa quæ à quibusdam directè constituebantur obiectum; nempe instrumenta directiua, ens rationis, voces significatiuæ, & res cognoscibiles; per reductionem ad cognitionem dirigibilem, tanquam ad obiectum directè præfixum, considerata remaneant. Hoc ergo titulo rerum omnium duos tractatus sequentes: Primum, Porphyrii. qui vocatur de Vniuersalibus & Prædicabilibus; Secundum Aristoteli. qui vocatur Prædicamentorum; ad logicam directionem nostræ cognitionis pertinere censuimus. Quod de primo tractatu quæstione præsentī ostendemus: quam veluti proœmialē ad ipsum tractatum duximus præmittendam; tūc vt ea quæ solent ab Expositoribus circa proœmium Porphyrii complectamur; tūc ad reddendam penitus rationem, quæ hic tractatus ad Logicam pertineat, directioni cognitionis inferuiens; & ad videndum quā apto ordine hoc loco ponatur.

SECTIO PRIMA.

Vtrum in Logica debuerit institui hic tractatus de Vniuersalibus.

Negamus aliqui.

Non desuerunt, qui dixerint, Porphyrii librum, atque hunc tractatum de Vniuersalibus & Prædicabilibus, non fuisse Logicæ necessarium, non oportuisse hoc loco institui. Imò landuus primo Physicorum quæstione quinta,

non dubitauit asserere, malè introductum esse consuetudinem prælegendi librum hunc Porphyrii. & tractatum vniuersalium ad initium Logicæ, vtpotè non necessarium: sed tamen, quia introducta est & inoluit, esse seruandam. Auer. ipse in prologo magno Posteriorum dixit quoque, librum hunc non fuisse necessarium ad definitiones constituendas, eademque videtur ratio de alijs Logicæ instrumentis, ad quæ pariter Porphyrius in suo proœmio hunc tractatum conducere iudicauit. Et quod maius est, Aristoteli. vtique necessarium non

putauit huiusmodi tractatum, quem alioqui non prætermisisset. Ergo non debebat postea ad ipsius Logicam aggregari: & nimis ausus fuisse videbitur Platonice sectæ homo, qualis fuit Porphy. quasi volens Aristotelis suppleri defectum, hunc suum librum adiciens.

*Instituen-
dum esse
Porphy.
fuit, &
vniuersa
comple-
uit.*

Dicendum tamen est, debuisse hoc loco in Logica institui, & iure optimo institutum esse. Tractatum de Vniuersalibus seu Prædicabilibus. Ita communiter Interpretes ad initium huius libri sentiunt, vel supponunt.

*Propter
Prædic-
abilia Ari-
stot.*

Probat primò, ex auctoritate Porphyrii, qui in suo præmio præfatus est, necessarium esse ad doctrinam prædicamentorum Arist. & vtilē ad definitiones, diuisiones, demonstrationes, nosse quid sit genus, differentia, species, proprium, & accident. Auctoritas autem Porphyrii hoc loco suscipitur, cuius liber propterea est communiter acceptatus.

Secundò, ratione probatur, declarando magis hæc quæ Porphy. docuit. Erat hic tractatus necessarius ad prædicamenta quia hæc aliud non sunt nisi coordinationes horum quinque prædicabilium. Ineipiunt enim a summis generibus, quæ in species per differentias diuiduntur, vique ad vltima individua: & proprietates atq. accidentia annexantur. Vnde in prædicamentis disponēdis & pertractandis, nihil magis quam harum rerū mētio sit. Oportebat ergo propter prædicamenta hæc penitus explicare. Et quia hæc notitia ad omnia prædicamenta referenda erat, debebat potius ante præmitti, quam inter ipsa prædicamenta cōfundi & permisceri. Si ergo prædicamenta ad Logicam pertinebant, vt postea ad ipsa accedentes videbimus, debebant etiam hæc vniuersalia seu prædicabilia in Logica contineri.

*Propter
alia mē-
tio Logi-
cæ.*

Tertiò, non solum propter prædicamenta, sed etiam propter singula instrumenta Logicæ. Propter definitiones: quia definitur species per genus & differentiam, describitur per proprium, & multa etiam communia accidentia simul sumpta. Ad diuisiones: quia in diuisionibus essentialibus diuiditur genus in species per differentias, in diuisionibus accidentalibus diuiditur subiectum per accidentia, vel propria vel communia. Deniq. ad demon-

strationes, in quibus medium est definitio vel differentia, demonstratur passio & proprietates de subiecto & sua specie: ad ceteras eius argumentationes, in quibus vel accidentalitè prædicata per essentialitè comprobantur, vel è conuerso, vel mixtim essentialia & accidentalitè inter se. Addit Boetius, ad propositiones & enunciationes ritè efformandas. Et Ammonius, ad resolutas res compositas vsque ad vltima & simplicia prædicata: & rursus ad componendas res ex ipsi simplicibus prædicatis. Ac præterea magis clarè in ordine ad directionem cognitionis intellectus quam Logica intendit, seq. hanc vtilitatem & necessitatem explicabimus.

Quartò, an hic tractatus debeat dici tantum vtilis vel necessarius ipsi Logicæ, quæstio potest esse de nomine. Et Porphy. quidem vtroq. nomine vsus est. Vbi Cōnumbr. Tolet. & alij adnotant, pro eodem vtroq. sumptum esse. Et faciliè dici potest, esse appellandum, non solum vtilem, sed etiam necessarium, eo modo & sensu quo ipsam Logicam necessariam dicebamus: videlicet sumēdo necessarium, non omnino simpliciter, sed saltem secundum quid: quia nimirum licet potuisset Logica tradī abque hoc distinctio Vniuersalium tractatu: tamen non tam commodè & ordinatè.

Hinc potest explicari dictum Auerr. hunc librum nō fuisse necessarium necessitate simpliciter ad definitiones cōstruēdas, aliāq. instrumenta Logicæ. Vel dicere voluit, non fuisse necessarium hunc librum, quasi vltra Aristot. doctrinā: quia nimirum quæ in hoc libro colliguntur, saltem dispersa in varijs ipsius Philof. libris inueniuntur: ex quibus depromi poterant ad vsum Logicæ. Sed non propterea negauit, percommodum fuisse hoc loco colligi & explicari.

Hinc etiā ad auctoritatē negatiuam Arist. dici potest. Cum ipse sæpe in ipse prædicamentis horum Vniuersalium faciat mentionem, solum fuisse, dum ipsa prædicamenta docebat, hæc pariter explanare: huncq. laborem relinquere maius sequeutibus Magistris, vt vel inter, vel ante prædicamenta, de hac re discipulis satisfacerent. Sicquē factum est, vt Porphyrius, sicut narrat Ammonius initio huius libri, rogatus a Chrysaorio Patrio

*Esquē di-
cēdus vti-
lis ac ne-
cessarius.*

*Explica-
tur Auerr.*

*Excusa-
tur Arist.*

Roma.

Romano, qui aliqui prædicamenta Arist. ægre poterat intelligere, ut viam ei aperiret ad illa intelligenda, libellum conscripserit, quem introductionem appellauit: quem & sequentes Logici, cum sibi commodum experirentur, amplexi sunt. Non ergo iniuriosum Arist. fuit, hunc specialem tractatum eius Logicæ aggregari. Neque hoc solum; sed alia etiam in Arist. Logica quæ extat, deesse fateamur, quæ nos supplere conamur.

Cæterum Laertius in vita Arist. inter alios libros recenset de generibus & speciebus unum, & de proprijs alterum: qui cum alijs non paucis exciderunt. Et nunc inter Logicæ libros quos ex Arist. habemus, in Topicis præsertim, multa de his Prædicabilibus continentur.

SECTIO SECVNDA.

Quo pacto hic tractatus conferat per se ad directionem cognitionis in communi proponendo res cognoscibiles intellectui.

Aliquorū sententia.

NON pauci significant, Tractatum hunc non per se & principaliter, sed tantum velut per accedens ad Logicam pertinere, & ad finem Logicæ qui est directio nostræ cognitionis ordinari, videlicet quatenus confert ad intelligenda prædicamenta, quæ per se nostram cognitionem dirigere valent. Et quantum Porphyrius ipse non tantum ad prædicamenta, sed etiam ad singula instrumenta Logicæ, conferre dixerit. Tamen hoc etiā accipiunt per ordinem ad prædicamenta: quia ipsis instruimur definire, diuidere, demonstrare: idem etiam ad hæc, prædicabilia prædicamentis mediantibus deferuire. Iuxta hoc Caiet. ad initium huius libri, & quidam alij dicunt, hunc librum non esse partem Logicæ: sed Logicam incipere a prædicamentis, & hunc librum tantum esse dicendū viā ad primā partē Logicæ. Immo nomen quod inscribitur sonare idem videtur, Introductio.

Præterea idem Caiet. in Præfatione Prædicament. & S. Thom. initio Periher. & Postter. & alij dicunt, librum hunc Prædicabilem, cum libro Prædicamentorum, propriè institutum esse & deferuire ad directionem primæ operationis intellectus. Quod potest etiam suaderi.

quia est Logica dirigat omnes tres operationes nostri intellectus; nullus alius proprius tractatus habetur ad directionem primæ: cum extant libri proprii ad directionem aliarum. Libri videlicet de Interpret. ad directionem secundæ, & libri Priores resolutorii cæterique sequentes ad directionem tertiæ operationis.

Dico tamen primò, Vniuersalia & Prædicabilia non solum veluti per accedens propter prædicamenta, sed principaliter & per se deferuire ad directionē intellectus cognitionis, proponendō intellectui res cognoscibiles: & hac præcipuè ratione in Logica tractari & considerari debere.

Probatur primò auctoritate Porphy. qui apertè distinguit iuuantē huius libri ad intelligentiā prædicamentorum, & ad construendas definitiones, diuisiones, demonstrationes. Neq. hoc secundū reulie etiā ad primū, sed per se & principaliter apposuit. Alioqui si solum mediātibz prædicamentis hic liber ad alia instrumenta Logicæ iuuabat, nihil plus dicere debebat, quā iuuare ad ipsa prædicamenta, & ex consequenti ad cætera ad quæ ipsa prædicamenta deferuiunt.

Secundò rōne probatur: quia planè notitiā horū Vniuersaliū, non solum mediātibz prædicamentis, sed per se & immediate valde deferuit ad definiendū, diuidendū, argumentandū. Sic enim scēt. præced. satis perspicuè declarati est. Et patet magis: quia etiā si non sequeretur liber prædicamentorum, adhuc per solum hunc tractatum prædicabilium maximè dirigere-nt intellectus ad definendum, & in omnibus materijs, vtendo doctrina hic tradenda, de genere, differentia, &c.

Tertiò declaratur magis, qualiter tam hic liber, quā liber prædicamentorū, vterq. per se & principaliter cōferat ad logicā directionē cognitionis intellectui. Liber prædicamentorū confert, in quantum specialiter percurrēdo omnia rerū genera, species, differentias, &c. quāda omniū rerū notitiā intellectui offert, ut subinde melius & facilius in alijs scientijs cuncta perdiscere possit. Ideo Logica distincte intellectui proponit, v. g. in prædicamento substantiæ, quod sit genus inanimatum, quæ species, videlicet substantiæ corporeæ & incorporeæ, & sic per alia, vsque ad indiuidua, & sic per alia.

Hic tractatus, per se, & non solum propter prædicamenta, dirigat cognitionē.

Et immediate instruit intellectum ac iuuat ad recte operandū.

prædicamenta. Liber autem hic prædicabilium abstractæ magis & in communi intellectui proponit, quid sit genus, quid species, &c. declarans illa quæ ad hæc quinque pertinent. Hoc autem per se valde iuuat & dirigit intellectum, ut suas operationes in cognoscendo recte disponat. Ac etiam si non fuisset excogitatus liber Prædicamentorum, aut non fuisset hic in Logica insertus; adhuc per se & immediatè iuuat ad dirigendum intellectum in sua cognitione. Et ita immediatè iuuat ad alias scientias perdiscendas, sicut ad ipsa prædicamenta iuuat. Vnde non nego, valde etiam ad ipsa prædicamenta conferre: imò speciali quadam ratione, quia habet maximam cum illis coniunctionem, & prædicamenta magis hac præuia introductione indigebant. Fateor etiam libenter, hunc librum, cum consortio libri prædicamentorum, multò magis intellectui conferre, quàm si solus sine illo esset. Sed contendo, per se etiam & principaliter propriam utilitatem habere ad dirigenda intellectui cognitione, propter quam præcipuè utilitatè debuit hic tractatus in Logica institui.

Quarto hinc sequitur, librum hunc esse propriè partem Logicæ appellandam: quia per se & intrinsecè ad Logicam pertinet, & in Logica includitur. Potius ergo hic liber, quàm liber prædicamentorum, debet prima pars Logicæ appellari; inter vulgatas videlicet & consuetas Logicæ partes. Quia alioqui nos in hac nostra Logica alias quæstiones ante hunc tractatum recto ordine censuimus præmittendas. Nec obstat, quòd inscribitur Introductio: est enim verè introductio ad ea quæ sequuntur. Sed non propterea definit esse pars: quia se habet tanquam pars prior introducens ad alias sequentes.

Dico secundò, tractatum hunc simul cum prædicamentis adquatè deferuere ad directionem cognitionis intellectui in communi, completendo omnes tres operationes nostri intellectus: & non debere appropriari atque restringi ad directionem primæ operationis.

Roboratur primò, auctoritate Porphyrij, qui cum ex æquo dixerit hunc librum conferre ad definitiones, diuisiones, demonstrationes; planè illum referre voluit, &

conferre vidit, non solum ad primam, sed ad oëm cognitionem nostri intellectus, vique ad tertiam, quæ in discursu consistit. Nā definitio & diuisio sunt instrumenta communia, ut suo loco diximus: demonstratio propriè pertinet ad tertiam operationem.

Secundò, faciliè ratione probatur: quia in dirigenda cognitione intellectui infimus gradus conuenit simplici apprehensioni: & multò magis conatur Logica iudicium, discursumque dirigere: ergo iustum non erat, hos prolixos tractatus soli simplici apprehensioni adaptare, atque restringere. Atque reuera hi tractatus plenè dirigunt intellectum, nò solum ut probe apprehendere discat: sed nò minùs, imò potius magis, ut rectè iudicet, & discurreat sciat, quòd vel ipsa nomina prædicabiliū & prædicamentorū indicant: & in omnibus tribus operationibus exercem & perficiunt intellectum. Et quatenus hi libri referuntur ad alias scientias: plenius perdiscendas: certè per hanc rudè rerum omnium notitiam, quæ intellectui prebetur, ut dicebamus, nò tantum inuendimus neque tantum assequimur, ut intellectus in ijs rebus postea plenius inquirendis rectè apprehendat: sed potius ut verum à falso discernens, rectè iudicet affirmando & negando, probeque discurrat.

Fateor tamen, quòd sicut simplex apprehensio est inter tres operationes executionis ordine prima: pariter hi tractatus prius in executione dirigunt intellectum apprehendentem. Et hoc voluisse videntur illi qui hos tractatus primæ operationi specialiter deputabāt. Sed hoc non tollit, quòd minùs communiter & adquatè se extendant ad omnes, imò magis principaliter ordine intentionis ad alias duas operationes.

Ad rationē in contrariū respondemus: quia simplex apprehensio minùs quàm alia indigebat directione, sufficere potuisse pro illa tractatus communes directiuos cognitionis intellectui, quia vix quicquid aliud pro illa sola supererat. Sed tamen nos, quia volumus ut nihil ad hanc rem in hac Logica desit, post hos cōtes tractatus, speciatim de singulis, deq. ipsa prima operatione agemus. Imò Arist. in 1. Peri. aliquid ad directionē primæ operationis specialiter tractare non omittit, ut ibi videbimus.

SECTIO

Idest omnes tres operationes nostri intellectus.

Vnde est propriè pars Logica.

Atque simul cum prædicamentis diuisis cognitionis in communis.

SECTIO TERTIA.

Quid in suo libro Porphyrius tractet:

Et quid à nobis tractandum sit:

Quodum sit huius tractatus obiectum.

Porphyrius declarauit, quid tractare quid omittere vellet.

Et pluram iam tractari solent.

Nobis quid tractanda sunt.

HAec duo distincte proponimus, scilicet de instituto Porphyrii, ac nostro: quia iam visu & Auctorum industria factum est, ut alia & plura, quam quae Porphyrius in suo libro tractauit, hic soleant de vniuersalibus disputari, quae etiam & nos tractare non recusamus. In primis ergo Porphyrius ipse satis clare in prooemio praenarrauit, quae tractare volebat, scilicet, quid sit genus, differentia, species, proprium, & accedens; simul monens, se tantum velle faciliora de his breuiter explicare, & praetermittere altiores qualidam ac difficiliore quaestiones, maiori inquisitione indigentes: & ita deinceps exequutus est, agens prius singillatim de quinque praedictis, & postea cap. vltimo colligens in quibus eadem quinque conuectant, & in quibus differant. Haec sunt, quae Porphyrius tractat.

In celebrioribus autem scholis, & à praecipuis Auctoribus introductum est, ut praeter, & ante haec, agatur de vniuersalibus & praedicabilibus in communi, quod opportunum sane visum est, prius quam de praedictis singulis ageretur: & quia id etiam magnopere iuuabat, tum ad praedicamenta Aristoteli ad pleniorum directionem nostrae cognitionis. Atque eadem ipsae quaestiones, quas Porphyrius prosequi recusauit, & aliae praeterea, iam hoc loco de vniuersalibus disputantur, Fateor autem, hanc tam exactam tractationem vniuersalium, videri potuisse potius ad Metaphysicam pertinere ad Logicam verò solummodo spectasse, breuem quandam & rudem harum rerum notitiam praebere, ut deinde in propria Metaphysicae facultate de his rebus suo in loco plenius ageretur.

Verum nos hoc loco de vniuersalibus & praedicabilibus, tam in communi, quam singillatim, exacte tractare propo-

nimus: tum ut praesenti vsui conformemur, propter quem hoc loco hanc tractationem desiderari scimus: tum ut semel hunc tractatum expeditum, ne rursus ad easdem res tractandas redire cogamur. Tum praeterea speciali quodam titulo, & optimo iure, exacta vniuersalium tractatio dici potest ad Logicam pertinere. Haec enim materia, ex toto, vel maxima ex parte, in intellectus negotiatione consistit, & in modo res cognoscendi: ut ex tractationis progressu patebit. Atque adeo maxime facit ad directionem nostrae cognitionis, ut nempe videamus, qualiter per gradus vniuersalium res sese nobis offerant cognoscendas. Rationabilis ergo est vsus Logicae de hac materia penitus & adaequate tractandi.

Ceterum cum satis constare deberet, de quam materia in hoc libro atque tractatu agatur: tamè quarendo, quod sit illius obiectum, illico diuersae opinioniones insurgunt. Et hoc discutere oportet, quia est apprime necessarium ad rectam huius tractatus dispositionem. Auerr. Ammonius, & quidam alij ex antiquis dicebant, obiectum huius libri esse illas quinque voces, Genus, Speciem, Differentiam, Proprium, & Accedens. Contra hoc alij communiter contendunt, non voces, sed res, pro obiecto assignari debere: quia non voces sunt obiectum adaequatum Logicae: & quia Porphyrius planè de rebus significatis sub illis vocibus in suo lib. tractat. Item contendunt, non ita solum in quinque partes, sed collectum in vni aliquid commune ad praedicta quinque obiectum assignari debere: neque aliud occurrat, nisi vniuersale aut praedicabile in communi, complectens dicta quinque.

Magis ergo communiter assignari solet vniuersale pro obiecto huius libri. Ita Albert. tract. 2. cap. 1. Scotus q. 7. & 8. vniuersalium 5. ad primam q. Scotus q. 3. vniuers. Tolet. q. 1. ante cap. de Genere Anton. And. q. 1. vniuersal. Burleus in princip. praedical. Comib. in prooemio q. 7. Masius sect. 3. de rebus vniuersis q. 3. Rinaldus q. 8. vniuersi. & alij. Et nonnulli quidè ex his indifferenter assignant vniuersale, atque praedicabile: pro eodem vtutque reputantes. Aliqui verò contendunt, vniuersale non autem praedicabile assignari debere. Tum quia in hoc libro

Obiectum huius tractatus esse quinque illas voces Genus species etc. dixerunt Auerr. & alij.

Esse vniuersale in communi, Albert. & alij.

libro illa quæque considerantur, non solum prout prædicari possunt, sed absolute & adæquate, prout vniuersalia sunt. Tum quia prædicabilitas est passio vniuersalis. Ergo potius vniuersale quam prædicabile, debet pro obiecto constitui.

Et contra aliqui contendunt, potius prædicabile, quam vniuersale assignari debere. Ita assignant Paulus Venet. Gratiades, & quidam alij ad initium huius libri. quia prædicta quinque huc definiuntur & explicantur per prædicari, genus quod prædicatur in quid de pluribus differentibus specie, & sic alia explicantur ergo.

Verum ex dictis antea in hac sect. distinguendum censetur: quia, ut dicebam, alia in hoc loco ab alijs auctoribus pertractatur, quæ à Porphyrio tractata non sunt: distincte ergo censetur assignandum obiectum libri à Porphyrio conscriptis & obiectum huius tractatus prout a nobis instituitur: fortasse aliud sit obiectum Porphyriani libelli, & aliud nostri tractatus.

De obiecto ergo libri prout à Porphyrio conscripti, non multum aberrare videtur prima sententia Auerr. & Ammonij: & magis à mente Porphyrij recesserunt, qui vniuersale seu prædicabile, huius libri assignare voluerunt obiectum.

Primo, quia Porphyrius non multum, plus in hoc libello facit, quam nomina explicare, quid sit genus, species, &c. id est, quid hæc nomina significet, & qualiter accipi debeant, & explicari. & hoc erat necessarium per modum introductionis, quam ipse tradere voluit: & ideo abstinuit à difficultatibus, questionibus quæ de rebus ipsius poterant pertractari.

Secundo, Porphyrius non egit de illis quinque sub aliquo conceptu communi, neque de vniuersali aut prædicabili in communi tractauit: sed statim aggressus est, distincte & solute illa singula explicare. Ergo non oportet obiectum Porphyriani libelli, vnum aliquid assignari, sed potius solute illa quinque dici debent obiectum. Nam, obiectum libri nihil aliud est, quam id de quo in libro tractatur: sed sic est quod in suo libro Porphy. non egit de vniuersali aut prædicabili in communi: neque de illis quinque sub tali conceptu communi sed solute distincte de singulis ergo.

Tertio, neque etiam Porphyrius de illis

quinque egit proprie & præcisè quatenus vniuersalia sunt. Nam vniuersale est quatenus vni potest esse in multis. Sed Porphyrius non sub hac formalitate egit de illis quinque: neque enim per hoc illa definiuit, & explicauit. Quinimo solum genus, ac speciem, & differentiam, in quadam acceptione explicauit per ordinem ad plura, de quibus possunt prædicari: proprium verò & accidens per se non explicauit in ordine ad plura: quod est de ratione vniuersalis: sed potius per ordinem ad subiectum cui conueniunt, ut in eius libro patet. Atque speciem ipsam non minus considerauit, prout generi subiicitur, sub quo respectu non est vniuersalis: quam prout ad indiuidua refertur, & est species specialissima, vniuersale distinctum à genere. Et differentiam quoque alijs modis considerauit sine respectu ad plura: & ad illa comparatione quorum dici potest vniuersale.

Quarto, simpliciter; neque quatenus prædicabilia sunt, proprie & præcisè de illis egit. Nam de proprio, & accidenti agens, ne meminit quidem prædicationis. De reliquis, non solum quatenus prædicantur, sed & secundum alias formalitates egit. Si ergo illa quinque considerari possint non solum quatenus prædicantur, sed secundum alias formalitates, v.g. quatenus constituentur, aut constituuntur, quatenus insunt rebus, aliatque similes: & secundum has etiam Porphyrius dicta quinque pariter explicauit: dici non debet præcisè prædicabile esse huius libri obiectum.

Quinto ergo patet, intentum Porphyrij proprie fuisse tradere rudem aliquam noticiam illorum quinque, quatenus deferuebant ad prædicamenta, ad definitiones, diuisiones, demonstrationes, & ad hunc finem considerauit, fuerationem prædicationis, siue alias formalitates occurrentes, quatenus opportunum iudicauit ad suum intentum. Hoc fuit ergo obiectum Porphyrij. Neque sane oportebat huius rei altam discussionem facere: quid ipsemet libri auctor ita aperte præfatus est in tuo proemio, quid & quatenus tractare volebat. Ideo puro Auerr. & alios, qui cum ipso loquuti sunt, ut aliquo communi vocabulo illa quinque complecterentur; quia non parum dicendum hic considerari quinque vniuersalia, seu quinque prædicabilia, neque aliud vocabulum illis commune, &

con-

Esse prædicabile in communi, Paul. Venet. & alij.

Obiectum libri prout à Porphyrio scripti, assignari possunt absolute illa quinque, Genus species, &c.

Quia Porphyrius non in vnum collecta, sed solute & singulatim illa tractauit

Es non so

Item quatenus vniuersalia sunt.

Aliqua tenus prædicabilia

Sed absolute & adæquate

conueniens occurrebat dixisse, hic considerari quinque illas voces, quasi dicerent quinque illos terminos, non negantes hic breuiter & ruditer explicari res significatas illis quinque vocibus. Si ergo sic illa sententia intelligatur: non solum non à mente Porphyrii aberrauit, sed illam quam optime attigisse videtur.

Obiectum tractatus à nobis instituentis, nec bene assignaretur uniuersale, aut predicabile in communi

Deinde ex his colligendum videtur, nec etiam huius plenioris tractatus, prout iam institui conuehit, & à nobis consociendus est, sufficienter assignari posse pro obiecto, vniuersale, aut predicabile. Primum, vt diximus, non solum secundum has, sed secundum alias etiam formalitates, illa quinque hoc loco considerantur, & vique considerata sunt, ut prout digne illo modo assignaretur obiectum.

Secundum, non bene potest assignari vniuersale: quia fortasse non ita bene, sicut oportet vniuersale complectitur omnia illa quinque: nam non omnia illa videntur esse vniuersalia distincta, vt postea tractabimus.

Et quia etiam, differentia, proprium, & accidens, non sunt vniuersalia, quatenus referuntur ad sua immediata subiecta, sed ad summum quatenus referri possunt ad alia inferiora, quae conueniunt sub ipsis immediatis subiectis, & quae plura sunt, v.g. rationales, & risibile, non sunt vniuersalia, quatenus primo referuntur ad hominem cui immediate conueniunt: sed quatenus referri possunt ad homines indiuiduos, qui sub humana specie continentur. Vniuersale enim non est, nisi prout refertur ad plura, et tamen in hoc tractatu considerantur non solum quatenus referuntur mediate ad plura: sed magis & principalius quatenus ad suum subiectum immediatum referuntur: imò vix parum aliquid de ijs dicitur, prout referuntur ad plura. quod totum in proprijs tractatibus plane constabit. Non bene ergo potest vniuersale assignari huius totius tractatus obiectum. Et ex hac parte melius assignaretur predicabile, quia predicabile dici potest, etiam per respectum ad vnum de quo pradicetur. Et differentia v.g. est proprie predicabile, tam respectu sui subiecti immediati, quam respectu inferiorum, nam rationale tam bene & proprie pradicatur de homine, sicut de Petro & Paulo & ceteris singularibus. Sed nec etià satis bene potest assignari

pradicabile vt antea probatum est.

Tertio praeceat. Si hic consideratur vniuersale, in eundem tractatum cadere debet singulare: quia haec duo connexa sunt, & separari non possunt. atq. Porphyrius ipse, licet non in distincto capitulo, tamen in capite specie agit de indiuiduo. Et non tantum per accidens, & reductum ad vniuersale considerandum hic est singulare: sed ratio, quae facit vt hic per se de vniuersali tractetur, facere etiam debee vt patiter per se de singulari tractetur. Item si consideratur pradicabile, pariter considerari debet subieibile: quia pradicatum sine subiecto stare non potest: & verumque principaliter attenditur.

Itaque resolutio huius rei petenda nobis est ex eo quod secti praecedenti dicebamus: nempe Logicam per hunc tractatum, & alium lectionum de pradicamentis, dirigere nostram cognitionem, proponendo intellectui omnes res cognoscibiles, omnemque rerum varietatem, vt instructior & promptior ad apprehendendum iudicandum & disputandum de omnibus euadat. Et in pradicamentis quidem specialiter & distincte res omnes percurrere proponere. In hoc autem tractatu abstractione magis & in communi, scilicet certa quaedam capita designando, ad quae omnia reduci possunt, secundum varias comparationes & habitudines, vel per modum superioris & inferioris, sicut se habent genus & species vel per modum formae & subiecti, sicut se habet proprium ad rem cui conuenit. Sicut ergo obiectum libri pradicamentorum non aliter constituerendum est, nisi res omnes prout distincte intellectui proponenda: ita videtur huius praesentis tractatus obiectum, non aliter designandum, quam res omnes prout abstractione intellectui proponenda: certa quaedam capita constituendo, quae sunt illa, genus, species, &c. Et nihilominus prout hic tractatus, inscribi de vniuersalibus, seu pradicabilibus: sicut liber sequens de pradicamentis: quia à praecepta & notiori parte bene poterit denominatio sumi. Et sic etiam sequentes quaestiones sub iisdem nominibus, vniuersalis, pradicabilis, generis, speciei, &c. ob maiorem commoditatem insignire sufficiens simul tamen per singulas quaestiones de annexis agemus.

Quia magis amplè assignandum est.

Assignatur ergo, res omnes quatenus intellectui abstracti sub certis capitibus proponuntur.

QVÆSTIO OCTAVA.

De Vniuersali in communi.

*Explica-
tur nomē
Vniuer-
salis.*

Vniuersale ex vi nominis propriè dicitur, quod vnum cum sit, versatur in multis: in se quidem vnum, commune tamen pluribus. Sic appellatur lus commune & vniuersale, illud quod tradit benè viuendi præcepta hominibus communia: & iudicium extremum in mundi fine futurum dicitur vniuersale, quia omnes homines iudiciali sententia complectetur. Propter hoc Vniuersalis nomen, varijs rebus, quæ varijs modis communitatem cum vnitæ coniuñctam habeant, tribuitur & applicatur.

Vnde in primis aliud assignatur vniuersale complexum, aliud. incomplexum. Complexum est propositio quam dicimus vniuersalem, omnis homo est animal: de quo intelligendus est Arist. 1. Post. cap. 7. & 1. Met. cap. 1. cum dicit, principia scientiarum esse vniuersalia, hoc est propositiones quidam vniuersales; loquitur enim de principijs scientiarum complexis. Vniuersale incomplexum est res aliqua simplex, terminus incomplexus, substantia, quantitas. Rursum hoc vniuersale incomplexum, aliud est vniuersale in causando, quomodo dicitur causa vniuersalis, quæ plura causat: sic Deus est causa vniuersalis omnium creaturarum, Sol & Astra harum rerum inferiorum. Aliud est vniuersale in representando, sicut verbi gratia, imago leonis representat omnes leones, & cognitio quam intellectus habet de homine, representat aliquo modo omnes homines. Aliud est vniuersale in significando, vt hoc nomen homo, animal, quod significat omnes homines, omnia animalia. Aliud denique est vniuersale in essendo, quod scilicet est in multis, sicut natura humana est in omnibus hominibus, natura animalis in omnibus animalibus. Quod dicitur etiam vniuersale in prædicando: quia id quod hoc modo est in multis, prædicatur quoque de illis. Sic homo prædicatur de omnibus hominibus, animal de animalibus.

*Hic sum-
mitur V-
niuersale
in essen-
do.*

Vniuersale ergo præsens nostri instituti, est vniuersale in essendo, quod absolute loquendo sub vniuersalis nomine intelligitur: & dicitur vniuersale, ad differentiam singularis & indiuidui, qualis est hic homo Petrus, hic equus Bucephalus, qui non communicatur pluribus. Quia verò ad Logicam consequenter spectat agere etiam de vocibus, agemus etiam postea de vocibus vniuersalibus in significando in tractatu de vniuocis & æquiuocis. De vniuersali in causando hic non agimus, cuius tractatio est Philosophica, vel Theologica. De rerum cognitione quatenus potest esse vniuersalis in representando, Philosophus quidem tractat, quatenus cognitio est imago & similitudo representatiua obiecti. Modò verò iam egimus de cognitione in communi quatenus ad Logicam pertinebat, & hanc ipsam tractationem ordinamus ad dirigendam ipsam cognitionem.

SECTIO PRIMA.

Vtrum detur Vniuersale.

Iuxta veteres Philosophos aliqui referuntur negasse vniuersale, quod dicimus in essendo. Ita de Eracleito, & Cratylo refert Arist. 4. Met. tex. 32. & de Epicureis refert S. Tho. Opusc. 55. & de alijs refert Ammonius in Præfac. prædicab. & prædicam. Deinde illi Scholastici, qui dicti sunt Nominales, videntur

etiam negasse vniuersale in essendo, & dixisse dari tantum vniuersale in significando, idest nomen multa significans, & in representando, idest conceptum formalem multa representantem. Ita Ochamus prima parte Logicæ cap. 14. & in 1. dist. 2. per plures qq. & quodl. 3. q. 2. Greg. item in 1. dist. 3. Gabr. in 1. dist. 3. q. 8. & Buridana in princip. prædicab. & nupex Petrus Hurtad. disp. 5. Met. sect. 10. hanc Nominalium sententiam explicandam ac defendendam assumpti: eam-
que

quæ tribuit S. Thomæ Opusc. 11. & 16. absolute tamen loquendo concedit vniuersalia.

Datur vniuersale. Dicendum tamen omnino est cum communi & vera sententia, dari vniuersale in essendo. Est Aristot. qui loco citato reprehendit eos Philosophos. Et primo Periherm. capite quinto, ait, rerum alias esse vniuersales, alias singulares: & vniuersale explicat, quod in pluribus prædicari natum est. Item 1. Poster. text. 36. & alibi sæpe.

Probatur primò, datur verè natura communis quæ competit pluribus, & est in illis, & de eisdem prædicatur: huiusmodi autem natura est, quæ dici debet vniuersalis in essendo & prædicando: ergo verè datur vniuersale in essendo, de quo loquimur. Dari talem naturam patet, natura humana communis est & competit Petro & Paulo, & omnibus & singulis hominibus: estquæ in illis, quilibet enim habet humanitatem: prædicatur de illis; nam Petrus est homo, Paulus est homo, & sic de singulis. Et hoc etiam modo se habent aliæ rerum naturæ. Ergo naturæ rerum planè sunt hoc modo vniuersales.

Non solù in significando & representando. Secundò, ex vniuersali quod concedunt Nominales in significando & representando, inferitur nostrum vniuersale in essendo. Datur enim nomē plura significans: nō tamen tanquam penitus diuersa; sed potius vt in aliqua ratione communicantia & conuenientia. Nomen homo significat omnes homines, prout in communi humanitatis ratione conueniunt. Similiter datur conceptus plura representans, videlicet conceptus hominis omnes homines, utique quatenus in communi natura iunguntur. Datur ergo natura vniuersalis in essendo, quam & nomen significat, & conceptus representat.

Sed maxime in essendo. Tertiò, cum dicimus, Petrus est homo, Paulus est homo: utique non est sensus, nec nostrum intentum; Petro & Paulo nomen tantum hominis continere, esseque commune: sed maxime intendimus affirmare de utroque rem significatam per nomen. Affirmamus Petrum esse hominem, esse animal rationale, & sic de alijs singulis. Neque nomen de nomine, sed rem de re medijs nominibus prædicamus. Ergo omnino datur

natura communis significata per nomen commune, eamquæ dicimus vniuersalem in essendo. Similiter non prædicamus vnum conceptum formalem de alio, id est vnum actum cognitionis de alio: quia sic falsum esset dicere, Petrus, siue actus quo concipitur Petrus, est actus quo concipitur homo. Insuper quando dicimus, homo est substantia, linea est quantitas, color est visibilis, & similia: non utique hæc dicimus de nominibus, aut de actibus intellectus: sic enim falsò dicerentur: sed dicimus de rebus; & sic verissima sunt. Ergo datur res ipsæ vniuersales, de quibus secundum conceptus obiectiuos sunt hæc prædicationes.

Quartò, idem probari solet à posteriori. quia si non daretur vniuersale; scientiæ quoque omnes tollende essent: cum de singularibus quæ sola superessent, non possit dari scientia. Ablatis ergo vniuersalibus, omnes scientiæ pariter tollerentur. Saltem ergo propter ipsas scientias vniuersalia concedenda sunt. Hæc ratio sumitur ex Aristot. primo Posteriorum, præcipue text. 11. & 33. Eaq. vitur Sanctus Thomas Opusc. 11. & alij communiter. Neque verò possunt Nominales in solis nominibus scientias conseruare. Scientiæ enim non sunt de nominibus, sed de rebus: res non nomina definimus, rerum proprietates ex realibus essentijs demonstramus.

Quintò demum, cum dicimus verè dari vniuersale in essendo, non intelligimus quòd sit verè & realiter vnum, simulquæ extendatur ad multa. Hoc enim repugnat, vt postea ostendemus. Quinimò in hoc sensu sumendo vniuersale, vera est sententia Nominalium, vniuersalia esse voces & conceptus formales. Vox enim est realiter vna, & communis multis: conceptus formalis est realiter vnus, & completitur multa. Res autem ipsa significata per nomen, & representata per conceptum formalem, v. g. natura humana, non est tali modo realiter vna. Vnde si Nominales in hoc sensu loquuti sint, non errarunt de re. Intellegimus ergo vniuersale in essendo, quod sit aliquo modo vnum, si non realiter, saltem per rationem: cum tamen quantum ad naturam ipsam reale sit, vt deinceps explicandum erit. Et sic oportet omnia.

Estquæ ad scientias necessarium.

Diuerso modo datur in significando & representando, ac in essendo.

omnino concedere vniuersalia in essendo. Nec etiam intelligimus, dari vniuersale quod sit a singularibus distinctum: neque nunc determinamus quomodo a singularibus prædicatur. De his enim deinceps agemus.

Arist. negans species sumptas pro Ideis Platoniciis.
Incontrarium obijcies primò. Arist. ipse 1. Post. tex. 149. loquens de vniuersalibus inquit. *Species valent, signum enim sunt: & sunt, nihil ad sermenem sunt.* & quod dixit de speciebus, de omnibus vniuersalibus intellexit. Ergo secundum Aristot. vniuersalia nihil sunt, & nihil valent.

Respondetur, mentem Arist. esse notissimam: per species ergo ibi non intellexit vniuersalia illa quæ ipse vbique concedit, sed formas & Ideas Platonicas, realiter separatas a rebus: de quibus merito dixit non esse; & si essent, non ad scientias & demonstrationes deservire, de qua re ibi agebat.

Dixit quædam prædicari secundum nomen; non negans vniuersalia prædicari secundum rem.
Obijcies 2. Idem Arist. in prædicam. substantia. ait, quædam prædicari tantum secundum nomen, non verò secundum rationem: cum videlicet dicitur corpus est album: sed par ratio esse videtur de alijs omnibus prædicationibus: ergo sequitur, tantum nomen prædicari, & esse vniuersalia, vique in significando. Ibidem etiam post medium capitis ait, secundum substantiam significare quale aliquid: sed secunda substantia est substantia vniuersalis, significare competit nominibus: ergo substantia vniuersalis non est aliud, quam substantia nomen.

Respondetur. Arist. ibi apertè docet, quædam prædicari non tantum secundum nomen, sed maxime secundum rationem, videlicet hominem de Petro, animal de homine: & ita se habere omnia genera & species. Prædicari autem tantum secundum nomen & non secundum rationem, ibi intellexit prædicari accidentaliter, ad differentiam prædicationis essentialis: sic dicitur corpus album. Nec negare voluit ipsam etiam rem significatam nomine, albi prædicari de subiecto, tamen accidentaliter. Deinde non solum de secunda substantia, sed etiam de prima dixit, significare hoc aliquid: prima autem substantia est singularis, & non est vique nudum nomen. Aut ergo ibi accepit ipsa nomina significantia, dicendo significare

substantiam quoad rem, vel in vniuersali vel in singulari. Aut significare accepit pro esse: quasi diceret, prima substantia est hoc aliquid. &c. sicut in communi etiam modo loquendi dicere solemus. homo significat animal rationale, Petrus significat hunc hominem, aliaq. similia.

Obijcies 3. Porphyrius in proem. ait, quætionem esse de vniuersalibus, an substantia vel in tois nudis intellectibus posita sint: supponens inter hæc duo non dari medium. Sed vniuersalia non subsistunt, idest, non per se existunt a rebus separata: ergo in solis intellectibus existunt: ergo vel sunt tantum conceptus formales qui subiectiue sint in intellectu; vel sunt tantum obiectiue in intellectu, & sunt mera entia rationis.

Respondetur, Porphyrium non supponere inter ea duo non dari medium. Nam rursus ait, quætionem esse, num vniuersalia sint separata, vel in sensibilibus idest singularibus posita. Possunt ergo naturæ vniuersales existerè realiter in rebus, idest in ipsis singularibus. Deinde sensus esse potest, an subsistant vel sint in solis intellectibus, idest, an realiter vel tantum per intellectum sint a singularibus separata. & sic concedendum est, separationem a singularibus esse tantum per intellectum, natura tamen quæ prædicatur sit realis. Vel aliter, an sint in solis intellectibus, idest sint mera opera intellectus; vel subsistant, idest sint entia realia. Et in hoc sensu subsistunt quantum ad naturam, idest sunt entia realia.

Obijcies quartò. Quando intellectus prædicat, & affirmat vel negat; vique coniungit vel separat extrema: sed non potest coniungere vel separare res ipsas, sed tantum iuos conceptus formales: ergo inter ipsos exercentur prædicationes, nec oportet dari vniuersalia ex parte rerum.

Respondetur, intellectum coniungere & separare res ipsas, obiectiue tamen, & in cognoscendo, idest iudicando extrema esse coniuncta vel separata. Inter ipsas ergo res exercentur prædicationes, & oportet dari vniuersalia ex parte rerum.

Obijcies quintò. Implicare videtur illa duo, vnitas & communitas in essendo. Nam hæc communitas est multiplicatio: multi-

Porphyrius non dixit vniuersalia vel esse separata a singularibus vel esse mera opera intellectus.

Prædicationes de vniuersalibus exercentur inter res.

Vnitas, & communitas bene

in vniuersali inueniuntur. multitudo autem opponitur vnitati. Vnū est indiuium in se: commune est diuium in multa. Hęc autem duo planē repugnant. Ergo implicat vniuersale.

Respondetur, implicare, illud quod est commune multis in essendo, esse vnum vnitati reali & indiuiuali; non tamen aliqua alia vnitati, quę dicitur vnitās vniuersalis, estq. composibilis cum multiplicatione reali. Item repugnat, quod est realiter indiuisum, esse realiter diuisum in plurimū tamen si sit tantū formaliter indiuisum, seu per abstractionem intellectus, vt postea videbimus.

Omne quod est, est singulare: & tamen datur vniuersale. Obijciē textū. Quicquid est, est singulare: ergo nullum datur vniuersale. Assumptum patet, quia nulla res potest existere, nisi in singulari hic & nunc, quę demonstrari & signari possit, quę fiat per actionem suę causę.

Respondetur, per hoc tantū probari, non dari vniuersale separatū realiter à singularibus. quod nos ipsi mox ostendemus. Sed non probari, quo minus in ipsis singularibus sit natura realis, quę per operationem intellectus fiat vniuersalis.

His demum & alijs difficultatibus quę congeri possunt contra vniuersale, iam disputando & explicando quomodo detur vniuersale, plenissimē satisfiet.

SECTIO SECVNDA.

Vtrum Vniuersale detur à parte rei à singularibus separatū.

AD plenius inspiciendum qualiter vniuersale in essendo verē sit & detur, necesse est inquirere & explorare quo pacto detur, an realiter à parte rei, vel tantū in mente. Et quia rursus à parte rei dupliciter potest dubitari, an detur vniuersale: primò an à singularibus auulsum ac separatū: secundo an in singularibus inclusum atq. contentum. Modo primum querimus (quod inter quæstiones quas Porphyrius commemorauit, vt ab earum discussione se propter nimiam difficultatem excusaret, tertio loco recensuit) *an vniuersalia, separata sint, vel in sensibilibus posita &*

circa hæc consentia. Neque verò hæc quæstio nunc difficilis est, vt hic tractari non debeat: quinimo de re ipsa nullam, solum de mente Platonis non modicam difficultatem habet, quippe qui in hac re indignam tanto viro sententiam visus est excogitasse & tradidisse.

Celebris ergo & peruulgata satis est sententia quę Platoni tribuitur, vniuersalia esse naturas quasdam à singularibus separatas, per se existentes, ingenerabiles, materię experies, omnibus indiuiduis communes, eisque suum esse tribuentes, quas Plato vocauit *Ideas*. Ita daretur homo, v. g. seu humanitas in communi, de qua omnes homines singulares participent; & equus siue equinitas, de qua omnes equi; & sic de alijs singulari speciebus. Atque de his vniuersalibus, non verò de rebus sensibilibus quę mutabiles sunt, dari scientias, fieriq. definitiones ac demonstrationes.

Præcipuus testis de hac Platonis sententia habetur Aristoteli qui sapissimē in suis libris, Platonis *ideas* refert & insectatur acerrimē: vt de nulla alia re frequentius & vehementius in suis operibus inueniatur esse loquutus. Et præsertim primo Methaphys. & libro septimo & 13. & primo Ethic. cap. sexto, ex professo refert & impugnatur Platonis *ideas*. & expressē refert, *ideas* sententia Platonis esse vniuersalia. ita primo Methaphysicorum tex. sexto, & libro 13. summ. 2. cap. primo, & summ. tertio cap. quarto. expressē etiam illas vocauit species, primo Post. tex. 149. quando eas valere iussit. Hinc ex Arist. testimonio hæc apud Peripateticos opinio promanauit, Platonem posuisse vniuersalia à singularibus separata, vniuersalia in essendo de quibus nunc loquimur. Imo aliqui addidere, Platonem posuisse hæc vniuersalia in loco quodam sublimi & remoto, fortasse in concauo calorum supra elementorum sphaeras.

Ex alia parte, hæc sententia adeo falsa & absurda omnibus visa est; vt multis incredibile etiam visum sit, Platonem in talem errorem labi potuisse. Sed dicunt, Platonem tantum posuisse, *ideas* rerum omnium in mente Dei, quę reuera concedendę sunt; nihilquē in his *ideis* errasse. Et quidam non solum

Plato posuit Ideas vniuersales separatas.

Platonem multi explicant.

144 Quæst. VIII. De Vniuersali in communi.

solum ij qui Platonice doctrinam professi sunt, sed multi etiam ex Peripateticis, magis pro Platone quam pro Aristotele in hac re stare voluerunt. Et præsertim pro Platone pugnat August. Euphymius libro primo de Perenni Philosophia capit. 10. Sebastianus Foxius libro primo de Philosophia naturali cap. 6. & latissimè Gabr. Burzellus in sua Concliat. Controuersiarum Aristot. & Plat. integro libro primo, & Iacobus Carpentarius in sua Digress. super cap. 8. Alcin. Imò aliqui vterius progressi, inuidiam huius rei in Aristot. declinarunt: dicentes, eum vel non intellexisse, vel malignè interpretatum esse Platonem, vt liberius impugnaret. Ita Vass. prima parte disp. 71. numero primo. Modestius loquutus est Fonseca 7. Metaphysicorum capit. 8. quæst. 2. sect. 1. Platonem defendens, & Aristot. non accusans, dicens, eum consultiò impugnasse illam sententiam, quæ in verbis non in mente Platonis erat.

In hac quæstione entitendum nobis est, non solum rei veritatem statuere & confirmare; sed etiam ita Plat. & Aristot. explicare, alioquin etiam graues Auctores qui vni vel alteri adheruerunt: vt nec Platonem præsertim resolutioni aduerarium habeamus, nec Aristot. inscientiæ aut malitiæ accusemus, & aliorum etiam dicta quoad fieri possit conciliemus.

Dico ergo primum quantum ad rei veritatem attinet. Vniuersalia in essendo non sunt, nec dantur a singularibus realiter separata. Est res certa in doctrina Aristot. & in omnium sententia.

Probatur primo. Vniuersale in essendo quod nos quarimus, est illud quod est in multis, id est in suis singularibus: ergo non est separatum ab illis. Insuper est natura & essentia rerum, quæ vtique non potest esse separata ab ipsis rebus. Prædicatur de ipsis rebus, quæ prædicatio requirit coniunctionem, cui separatio repugnat. Ergo impossibile prius esse, vniuersale in essendo esse separatum a rebus.

Secundò. Quicquid assignetur realiter separatum ab his & illis singularibus, ià erit in se ipso singulare quoddam ens, ab alijs realiter distinctum, & in se ipso existens, sicut est Petrus, Paulus, & quilibet in se existens. Et ita si daretur Idæa

illa hominis separata, esset quoddam ens singulare in se existens: & solum dici posset vniuersalis in causando, si ab illa omnes homines derivari dicantur. Nò ergo vniuersale in essendo potest poni a singularibus separatum.

Tertiò. Non potest assignari, vbi nam maneret naturæ illæ vniuersales a singularibus separata: Non enim esset maior ratio de vnoquam de alio loco. Neque, quoniam modo ad ea concurrerent. Neque, quomodo singularia de sua natura separata participarent. Neque ad quid profusus talis natura separata deferatur. Cum tamen totum quod oportet, optime assignetur penes naturam coniunctam & in ipsis singularibus inclusam.

Quartò. Specialiter non inuunt idææ illæ, seu naturæ separata, ad scientias, ad definitiones & demonstrationes construendas. Nam scientiæ dantur vtique de rebus nobis notis, de naturis inclusis in ipsis rebus. Et omnes Philosophorum sectæ quæ tales idæas non agnoscere, adhuc discurrerant de rebus ipsis, & in illamet secta, quæ dedit idæas, discurreretur adhuc de ipsis rebus in se. Et quæ in scientiis philosophicis tam speculatiuis quam practicis solent edoceri, non quidem de idæis illis, de quibus nò cogitatur quidem in tradendis: p'is scientiis, sed de rebus in se traduntur. Et cum nunc quarimus quid sit homo, & demonstramus animal rationale, & demonstramus hominem esse risibilem; non vtique de homine & humanitate realiter separata cogitamus; sed tantum de hominibus nobis notis, & sicut nos sumus. Et Plato ponebat idæas tantum substantiarum, cum tamen etiam de accidentibus datur scientia & fiant definitiones. Alia plura argumenta solet congerere contra idæas Aristot. plura etiam excogitari possunt. Sed in re tam clara hæc iusticiant. Vnde, probatum manet, non solum de factò nò dari, sed etiam de potentia absolutæ Dei non posse dari vniuersale in essendo a singularibus separatum. Et iterum de hac re loquimur quæstione sequenti sectione prima.

Dico secundò, quantum attinet ad mentem Platonis, Platonem non posuisse vniuersalia in essendo separata a rebus, de quibus nos nunc loquimur: sed tantum

Ad nihil destruitur si daretur.

Plato posuit idæas tanquam causas tantum

Vniuersale non datur realiter a singularibus separatū.

exemplaria
rei totū.

tantum posuisse ideas vniuersales in-
causando, in genere scilicet causa exem-
plaris: posuisse tamen illas distinctas,
tum à rebus ipsis quarum sunt ideas, tum
ab Essentia Diuina: ita vt esset homo seu
humanitas quædam separata, & sic de
alijs speciebus, ad quam similitudinem
efficerentur res sensibiles, & de quib-
us ideas darentur scientiæ, hærentque
definitiones & demonstrationes, quæ
dantur.

Et primò quidem, Platonem posuisse
ideas tanquam exemplaria rerum, est res
fatis perspicua in Dialogis ipsius Plato-
nis. Et præterea probatur testimonio
grauissimorum Auctorum, qui sic intel-
lexerunt Platonis ideas. Diuus Augu-
stinus libro 83. Questionum questione
46. libro septimo de Ciuitate Dei capite
vigesimo octauo, & libro duodecimo
capite vigesimo sexto. Seneca epistola
59. & 66. Clemens Alexandrinus libro
tertio Stromatum, non multum ante
finem, & libro quarto non multum
post principium. Eusebius Cæsariensis. li-
bro 11. de Præparatione Euangelica
cap. 11. & 12. Plutarchus libro primo
de Placitis capite 10. Cicero libro primo
Tusculanæ. Marcellus Ficinus in com-
ment. super D. Dionys. de Diuinis no-
nibus. Et alij.

Insuper Alcinoous cap. 8. de Doctrina
Platonis, accurate referens Platonis
sententiam de ideis, ait Platonem vo-
luisse, Ideam esse vnum ex principijs, vt
ad eius exemplum res efformate sint;
quemadmodum si opus aliquod ab artifi-
ce fiat, cuius exemplar præsupponi de-
bet. Atque si externum nullum sit, vnus-
quisque tamen artifex in se illud concep-
tum gerens, eius formam exprimit: &
infra ait, Ideas esse Dei notiones æter-
nas, & in seipsis perfectas. Ex ipso de-
nique Platone lib. 6. de Repub. hæc verba
refert Carpentarius vbi supra. *Quem
intelligimus petrum. Hyppia? non ne qui
eius rei quam scilicet est, etiam rationem
& speciem habet. Annulus igitur illum
num efficitur, si & sculpendi ratio-
nem, & annuli speciem non habuisset? Pu-
tas totum speciem maximum certa ratione
ageret quemadmodum in te erat species an-
nuli, etiam similiter in eo species hominis
& equi. habebis igitur is totum quæ*

*faciis omnium in se species. Farendum ergo
est, Platonem posuisse suas ideas tanquã
causas exemplares rerum.*

Secundò deinde efficaciter ostendi po-
test, Platonem posuisse tales ideas eo
modo quo in conclusione dicebamus: nõ
solum ex testimonio Aristotelis, qui pro-
pterea illas impugnauit, vt dicemus con-
clusionem sequenti: sed & aliorum graui-
ssimorum Auctorum, etiam eorundem,
qui modò in ipsis fauorem allegati sunt.

Seneca epist. 66. *Hæc exemplaria, inquit,
rerum omnium Deus intra se habet, planus
his figuris est, quas Plato ideas appellat sum-
mis.*

*mortales, immutabiles, insusceptibiles. Ita-
que homines quidem pereunt, ipsa autem
humanitas, ad quam homo effingitur, per-
manet, & hominibus laborantibus illa nil
patitur.* Eusebius Cæsariensis. cap. 11. cit.
hæc verba refert ex Didimo Platonico,
in lib. de Placitis libro 3. *Determi-
nata sensibilibus exemplaria, ideas ap-
pellat Plato, ex quibus scientiam & definitiones
fieri censet. Præter enim omnes homines ho-
minem quendam intelligi, & præter equos
omnes equum, & communiter præter ani-
malia animal, nec generabilia nec corrupti-
bile: vt quemadmodum ab vno sigillo mul-
ta signantur, sic à singulis sensibilibus ideis
multa formentur. Est autem idea, per se
sua substantia, causa & principium vt sin-
gularia talia sunt qualis ipsa est. Hic autem
Didimus creditur esse Alcinoos.* Et qui-
dem hæc ipsa verba habentur in Alcinoos.
Clemens Alexand. libro quinto Stromati-
um, referens sententiam Platonis, ait: *Vnum
mundum nequit barbara Philosophia,
qui percipitur intelligentia; alterum vero
sensibile. Illum quidem Archetypum,
hunc vero imaginem eius qui dicitur exemplar.*

Præter hos sic ideas Platonis refe-
runt, & aperte impugnant, Ambrosius
libro quarto de fide capite tertio, &
libro primo Exameron. cap. 1. Cyrillus li-
bro secundo contra Iulianum, non multum
ante finem. Vbi etiam Platonem in-
constantem notans, sic ait: *Ideas, inter-
dum esse & subsistere per se, affirmat Pla-
to, aliquando autem eas cogitationes Dei
desinit.* Et addit: *Quomodo autem res se
habeant, nec à discipulis ipsi sermonem capi
posse, dicunt etiam Aristoteles.* Tertull. li-
bro de Anima cap. decimo octauo, ideas
Platonicas intelligi subiacet quædam

*Posuit it-
mè illi, tanquã
naturas
quasdam
distinctas
tū ab es-
sentia Di-
uina, tum
à creatu-
ris.*

*Et + m
vbi
46. 71*

inuisibiles, incorporeales, supermundiales, diuinas, & æternas. In eisque relucere semina Gnosticorum, & Valentinianorum. (Hæ fuerunt quedam absurdissimæ hæreticorum sectæ.) Idem dixit Irenæus libro 2. aduersus Hæreses cap. 19. & contra tales ideas differuerat latè capite sexto. Elias Cretensis in orationem 10. Nazianzeni & Iacobus Billius in orationem 33. nume. 31. dicunt, Platonem excogitasse ideas tanquam vniuersalem hominem, vniuersalem bouem, vniuersalem equum, easque posuisse extra Deum, & ipse Nazianzenus ideas refellit. Iustinus Mart. oratione parenetica ad Gentem ait, Platonem ex libris Moysi male intellexisse posuisse suas ideas separatas, quondam videlicet antiquiorem speciem separatam ab istis, easque posuisse creatas à Deo. Quod idem expressè testatur Clem. vbi supra, subdens: *Constituit ealium non aspectabile, & terram sanctam, & lucem que percipitur intelligentia. In principio, inquit, fecit Deus ealium & terram, terra autem erat inuisibilis, deinde subiungit fiat lux. In ortu autem mundi sensibile, ealium fabricatur solidum, terram sensibilem, & lucem que videtur.* Bessarion Card. libro 2. contra Calumn. Platonis capite 5. refert, Platonem voluisse ideas & formas exemplares esse productas à Deo. Philo Iudæus in libro de Mundi opificio ait: cum dictum est faciamus hominem ad imaginem, &c. intelligi non sensibilem vt nos sumus, sed idealem & intelligibilem. Demum ipse Augustinus libro primo Retract. capite tertio sic ait: *Dispicet mihi, quod duos mundos, vnum sensibilem, alium intelligibilem, non ex Platonis vel Platoniorum sententia, sed ex eo se commendanti, tanquam hoc etiam Dominus significare voluerit. Quamuis adhuc conetur in bono sensu interpretari Plat.*

Tertio, ex his Plat. non posuisse ideas tanquam vniuersalia in essendo, (de quo vniuersali nos nunc loquimur) probatur etiam pertrèquia in tota doctrina Platonis id nequaquam habetur: sed expressè habetur, ideas esse tantum formas exemplares, atque adeo causas extrinsecas rerum sensibiliū, quæ res vtrique haberent in se ipsi proprias essentias & naturas, quas nos modò facimus vniuersales in essen-

do: Et expressè in Timeo dixit, Ideas esse speciem quæ semper eadem sit sine ortu & interitu, quæ nec in se accipiat quicquam, nec ipsa procedat ad aliud quidpiam, & ad solam intelligentiam pertinere. Et post ipsa ait, esse aliud quodcum ipsa non ratione, sed nomine conuenit, eiusque similitudinem gerit. Ex quo planè colligitur, ideas de mente Platonis non esse vniuersale illud in essendo, de quo agimus.

Atque ita Simplic. libro 2. de Anima com. 60. ultra ideas separatas vniuersales, ait esse vniuersalia in prædicando, existentia in ipsis singularibus. Et Anthonius in præfatione Prædicabil. diuidit vniuersale, in illud quod est ante multa, quod est in multis, & quod est post multa. Quam diuisionem alijs nominibus alijs tradunt, vniuersale metaphysicum, physicum, & logicum. Ante multa, sunt vniuersalia exemplaria: in multis, quæ habent esse materiale in re: post multa, quæ habent esse abstractum, in anima. Sic etiam Eustratii primo Ethicorum capite 6. & Albertus primo Ethicorum tractatu 1. cap. 13. idem ex Platone ipso refert. Solam tamen terciã vniuersalitatem agnoscit Aristoteles primo de Anima textu 8. cum ait, vniuersale, aut nihil est, aut posterius est: quia scilicet natura non est actus vniuersalis, nisi cum opere intellectus abstrahitur à rebus.

Dico tertio, quod attinet ad Aristotelem, Aristot. fideliter reulisse & meritò impugnasse Platonis sententiam. Hanc conclusionem omnes Peripatetici defendere debent: nisi ipsi velint tanquam desertores Aristotelis aut etiam impostores accusari.

Et primò quidem non est credibile, Aristot. per viginti annos Platonis discipulum, aut magistri sententiam ignorasse, aut dolose in interpretatu esse. Tum quia idem Aristot. 9. Ethicorum cap. 2. protestatur est, Philosophiæ magistris, sicut & Dijs, ac parentibus, non posse honorem aequiparabilem exhiberi. Tum quia in specie disputaturus contra ideas, 1. Ethicorum cap. 6. protestatur est, se velut inimicum, & sola veritate coactum, talem disputationem aggredi. Arduam, inquit, hanc questionem nobis futuram video præte-

Arist. fideliter reulisse Platonis.

Non vero posuit tanquã vniuersalia in essendo.

Seet. II. An detur à singularibus separatum. 147

propterea quòd amici sunt qui formas intro-
duxerunt. Sed forsitan rectius est, & oportet
videtur, ut pro veritatis salute unus
quisque, & praesertim Philosophi, sua quoque
propria resutarent. Nam licet amici ambo
sint, sanctum est veritatem ipsi in honore
autepueri. Tum praeterea, quomodo po-
terat audere Aristoteles, viuentibus ad-
huc alijs Platonis discipulis, eiusque li-
bris extantibus, alienam ab eius mente
sententiam illi imponere? an non statim
eorum argueretur, & tam impenditis
impoliturae & mendacij notaretur? Cre-
dendum ergo est, Aristot. fideliter Plato-
nis retulisse sententiam.

In eodem
sensu pra.
dicto.

Secundò. Si inspiciamus Aristotelis
relationem de Idæis platonicijs, perspi-
cuae apparebit, non in alio, quam in præ-
dicto à nobis sensu, accepisse Platonis
idæas. Nam illas ex professo refert, quan-
do agit de communibus rerum principijs
dicens: Platonem illas posuisse tanquam
rerum principia. Expresse etiam intelle-
xit & declarauit, idæas esse formas exem-
plares rerum, & sic eas impugnauit primo
Metaph. text. 31. & alibi. Et tex. 6.
dixera: Plat. posuisse idæas, ut earum
participatione cetera fierent, dicens, idè
esse apud Plat. participationem, quod
apud Pythagor. imitationem, solo nomine
mutato. Argumenta quoque quæ Arist.
congerit contra idæas, non tendunt ad
probandum illas non esse vniuersalia,
in essendo separata, sed ad probandum
absolutè non dari, non esse necessarias
nec viles.

Fateor tamen, Arist. solere interdum
interrogare qualiter idææ se habeant, &
plures modos asserre, & singulos impu-
gnare. Vbi inter alia probat, idæas non
esse rerum substantias, cum separatae sint,
primo Metaph. tex. 33. Idque fecit, tum
quia Plato obscurè loquutus erat. Tum
quia Platonici varijs modis illas expli-
care solebant: quos ex parte referunt
Picus Mirandul. lib. 6. de Examine va-
nitatis doct. gentium cap. 15. & Sueff.
x. de Anima. tex. 8. imò Simplic. & Am-
mon. referunt, Xenocrate & alios Plato-
nis discipulos intellexisse idæas realiter
separatas & per se existentes. Vnde fieri
potuit, ut Ar. quadam de idæis referret
& impugnaret, quæ non oia ab ipso Plat.
sed ab alijs sequacibus addita fuerant.

Fateor etiam, Arist. Idæas vocasse vni-
uersalia, & substantias vniuersales, ac
species. Sed vniuersalia intellexit in cau-
sando, in genere scilicet causæ exemplar-
is, ut ex ipsius discursu planè constat.
Et species vocauit, quia hoc speciei no-
men frequentissimè sumitur pro forma,
siue imagine, ut testatur Porphy. cap. de
Specie. Et ita explicat S. Thom. 1. par.
quæst. 6. art. 4. species pro idæis.

Et meri-
tò impu-
gnauit.

Tertiò sequitur, Arist. meritò impu-
gnasse tales Platonis idæas. Non enim
in vniuersum tollere voluit causam idæa-
lem, quam apertè constituit 7. Metaph.
23. & alibi. Neque Deo denegare pro-
fus idæas: ut colligitur ex 1. Metaph.
cap. 2. & lib. 12. text. 39. & alibi. Sed tan-
tùm idæas illas separatas & distinctas
tam ab essentia Diuina quam à creaturis
ipsis. Vnde Euseb. Cæsar. lib. 15. de Pre-
par. Euang. cap. 44. ait: *Socrates & Plato
idæas seiunctas à materia, substantias exis-
tentes in sensu visis quæ Dei: Ar. species
quidem & idæas reliquit, sed neutquam à
materia distinctas.* Idæas autem illas eo
modo posuit, Arist. meritò impugnauit,
quia verè non dantur. Non enim indi-
get Deus illis imaginibus & exemplari-
bus, suntque mera spectra & signenta.
Acque Idææ Diuinae tantum consistunt,
vel in ipsamet essentia Diuina repræsen-
tante creaturas, vel in ipsis creaturis ob-
iectiue cognitæ. Meritò etiam impu-
gnauit Arist. quod Plato dicebat, propter
suas illas idæas dari scientias ac defini-
tiones: quia ad id nec necessariae nec
viles esse poterant.

D. Augustinus autem recepit & com-
mendauit Platonis Idæas, solum quan-
tùm ad hoc quòd denuc idææ in mente
Diuina diuinorū operum directrices: nō
tamen examinare curauit, quomodo Plato
eas posuisset. Sed ipse recto sensu iux-
ta suam sententiam determinauit idæas.

Sed contra primam conclusionem ad
probandum vniuersalia dari à singulari-
bus separata. Obijcies, primò funda-
mentum Platonis. Scientiæ sunt de rebus
in corruptibilibus, quia sunt perpetuæ
& immutabiles: sed sunt de vniuersali-
bus: ergo vniuersalia sunt incorruptibili-
bus. Sed omnia quæ sunt in singularibus,
pereunt his pereuntibus: ut enim ait Arist.
in Prædicam. substantiæ: ablati primis

Sine idæis
dantur
scientiæ de
rebus.

substantijs nihil aliorum remanere potest. Ergo vniuersalia debent esse à singularibus separata.

Respondetur, scientias esse de rerum essentijs, & versari circa veritates essentielles, quæ sunt de predicatis essentialibus rerum. Propositiones autem essentielles sunt æternæ & immutabilis veritatis, vt homo est animal, animal est substantia: quoniam à rēpore & ab actuali existentia absoluuntur. Vnde quamuis res corrumpantur, imo etiam si nunquam existerent, tales propositiones semper sunt veræ. Et de his constans immutabilitate scientia datur, remotis idearum figmentis; quas qui dari existimat vt scientias habeat, non in scientia, sed in errore manet.

Obijcies secundò, aliud fundamentum Plat. Omne producit à suo simili, homo ab homine, ignis ab igne: sed multa non videntur à simili produci; generatur enim ignis ex ferro & lapide, rana ex pluvia & puluere: ergo dantur idæe, rebus similes, earumque effectrices.

Respondetur. Omne producit à simili: quod fit simile, vel formaliter, vel virtualiter. Simile virtualiter est illud quod in virtute continet effectum, idest habet virtutem ad producendum illum, quamuis sit in suo esse illi formaliter dissimile, & hæc dicitur causa æquiuoca: non ergo oportet ponere idæas quæ sint formaliter rebus ipsis similes.

Obijcies tercio. Si vniuersalia non sūt realiter à singularibus separata: ergo falsò concipiuntur separari: ergo non dantur vniuersalia, nisi in falsa conceptione intellectus; quod est dicere, non verè dari vniuersalia.

Respondetur. Si intellectus iudicaret vniuersalia esse realiter à singularibus separata, vtique falsò conciperet. Sed si solum concipiat naturam, non concipiendo illam vt existentem in singularibus, non falsò concipit; quia concipit vnum, & non concipit aliud, non tamen affirmat, vnum esse realiter sine alio. Et hæc est abstractio, de qua dicitur, abstrahentium non esse mendacium. Et hæc separatio, idest abstractio, vniuersali sufficit.

SECTIO TERTIA.

Vtrum Vniuersale detur à parte rei in singularibus inclusum: Vel sit tantum in mente factum ab intellectu.

Alia opinio excogitari potest, vniuersale esse omnino realiter in rebus, non tamen separatum iuxta Platonis idæas: sed inclusum in ipsis singularibus. Ita quoddam vniuersale sit natura in ipsis singularibus, v.g. vna & eadem humanitas in Petro & Paulo, alijque singulis hominibus, vna & eadem animalitas omnium animalium, & sic de cæteris: eo pacto quo nos fide nominamus, vnam & eandem indiuisam naturam Diuinam esse in tribus personis inter se realiter distinctis. Hanc fuisse Plat. sententiam, arbitratus est Aureol. in 2. distinct. 9. q. 2. ar. 1. dicens, Platonem posuisse vniuersale separatum à rebus, non quidem separatione locali atque distantia, sed separatione distinctionis realis, ita vt esset vnum realiter, in singularibus quidem existens, sed ab ijs re ipsa distinctum.

Alia rursus sententia est, vniuersale esse quidem realiter in rebus, & in ipsis singularibus inclusum: non tamen habere perfectam vnitatem à parte rei, qualis est vnitatis naturæ Diuinæ existētis in tribus personis: sed habere minorem quandā vnitatem. Ita vt reuera sit distincta realiter & numericè humanitas quæ est in Petro, & quæ in Paulo, & sic de omnibus: habeat tamen quandam conuenientiam in ratione formali humanitatis: & hæc sit quædam vnitatis à parte rei. Sic etiam natura dicat à parte rei aptitudinem existendi in multis. Hæc sententia solet tribui Scoti, & à quibusdam Scotistis defenditur, & ex parte à Fonseca 5. Metaph. cap. 28. q. 5. Verum Scotus in 2. dist. 3. q. 1. vbi hæc de re tractat, licet tribuat naturæ à parte rei aliquam vnitatem quam vocat minorem vnitatem numeralem, aliquam etiā aptitudinem negatiuam ad essendum in multis: tamen aperte declarat, id non sufficere ad rationem vniuersalis: atque adeo cum communi sententia fatetur, vniuersale non esse verè & propriè à parte rei.

Ex op.

*Sine idæis
res à suis
similibus
producentur
non.*

*Sine idæis
vniuersalia à singularibus
separantur
non.*

Ex opposito extrema sententia esse potest, vniuersale penitus non esse à parte rei, totumque esse solum in mente factum ab intellectu, & nihil ipsius esse in rebus; sed quicquid ipsius est, esse per meram operationem & industriam rationis: sicut in prima quaestione, quam commemorat Porphyrius in proemio, an Vniuersalia subsistant, vel in solis nudis intellectibus posita sint.

Vniuersale, quod ad naturam est à parte rei: quod ad vniuersalitatem in mente.

Communis & vera sententia docet, naturam quæ est vniuersalis, esse vere realem, & existere à parte rei in suis singularibus: vniuersalitatem autem ipsius naturæ non esse realem, non esse à parte rei, sed esse in mente, fierique per intellectum. Et ita absolute loquendo, Vniuersale formaliter non dari à parte rei, sed esse obiectiue in mente. Ita ferè omnes docent. Sanctus Thomas Opusc. 55. 35. 36. referens Boetium dicentem, Vniuersale est, dum intelligitur singulare, dum sentitur. Et prima parte quaestione 85. articulo primo. Et prima secundæ quaestione 29. articulo 6. Et alibi sæpè ait, Vniuersalitatem esse ab intellectu. Sic etiam Auerroes primo de Anima Comment. 8. ait, Intellectus est qui facit vniuersalitatem in rebus. Et 12. Metaphysicorum Commen. 4. Vniuersalia sunt collecta ex particularibus in intellectu, qui accipit inter ea confimilitudinem, & facit ea vnam intentionem. Themist. secundo Posteriorum capite 35. Vniuersale est opus mentis, & ab ea effingitur. Philoponus primo Posteriorum cap. 20. Vniuersale in sola intelligentia esse habet. Albertus magnus tertio de Anima tractatu 2. cap. 3. Vniuersale, vt vniuersale, non est in re. & primo de Intellect. & Intelligibil. tract. 1. capite 1. Vniuersale non est in rebus, nec in sensu, sed in intellectu. Item Ammon. primo Posteriorum cap. 8. & libro 2. capite vltimo. Dext. libro primo in Prædic. cap. 24. Auicenna quinto Metaphysicæ capite primo. Alex. 7. Metaphysicæ textu 46. Dur. in 1. distinct. 3. quaestione 5. & in 2. dist. 3. quaestione 7. Aegidius in prolog. quaestione 2. & in 1. distinct. 39. quaest. 2. Cateranus de Ente & Essentia capite 6. & 7. Soncin. primo Metaphysicæ quaestione 40. lauell. octauo Metaphysicæ quaestione 13.

& tractatu de Prædicabil. capite primo. Sotus quaestione 2. Vniuersal. Toletus quaestione tertius. Suar. disput. 6. Metaphysic. sect. 1. 4. & 5. Et cæteri communiter. Idemque satis expresse docuit Aristoteles, qui idè primo de Anima text. 8. dixit, vniuersale aut nihil esse, aut posterius esse; posterius scilicet qui a fit per abstractionem à singularibus operationem intellectus.

Et quia dicebamus, naturam quidem esse à parte rei, vniuersalitatem autem fieri per intellectum: idèò communiter dici solet, vniuersale fundamentaliter esse à parte rei, formaliter esse in mente: quoniam scilicet natura quæ est à parte rei, est fundamentum vniuersalitatis, ipsa autem vniuersalitas est tanquam forma. Item, vniuersale in potentia & aptitudine esse à parte rei, actu uerò non nisi in mente: quia natura potens est & apta vt fiat vniuersalis, actu autem fit vniuersalis ab intellectu.

Ad probandam hanc veritatem, oportet ex vna parte ostendere, naturam esse realem, darique in rebus; ex altera parte vniuersalitatem non esse realem, fierique ab intellectu. Cumque vniuersalitas dicat & vniratem naturæ in se, & aptitudinem existendi in multis; oportet de vtraque id examinare distinctè: idèò iam in sequentibus de his omnibus sigillarim agemus: & quod dictum est, perspicue demonstrabimus. Dummodo prius quid sit vniuersale videamus, & per hæc quæ modo diximus constitui ostendamus.

Nunc obijces primò ad probandum, vniuersale debere esse totaliter à parte rei. Arist. 1. Periherm. cap. 5. diuidens omnes res, ait, alias esse vniuersales, alias singulares. Quæ diuisio bona non effect, si omnia quæ sunt à parte rei, arque adeò omnes res, essent penitus singulares, & non etiam dentur vniuersalia à parte rei, idèst res vniuersales.

Respondetur, Aristotelem noluisse docere, aliqua esse realiter vniuersalia à parte rei, neque voluisse tradere diuisionem, quasi de duplici statu, vtroque reali rerum; sed tantum docuisse, res vel esse singulares vel vniuersales. Ita quidem, quòd à parte rei sint singulares; non sint autem vniuersales; nisi per operationem intellectus.

Bene vniuersale à singulari diuiditur.

Licet singulari sit à parte rei, non probetur vniuersale.

Obijcies secundò. Singulari est penitus à parte rei, non solum quoad naturam, sed etiam quoad ipsam singularitatem: ergo similiter vniuersale non solum quoad naturam, sed etiam quoad vniuersalitatem, est à parte rei, & est vniuersale à parte rei. Sequela probatur, quia vniuersale & singulare vel se habent tanquam opposita & contraria: contrariorum autem eadem est ratio. Vel se habet tanquam correlatiua: correlatiua autem simul sunt.

Resp. negando illà sequelà: & ad probationem dicendo: siue hæc duo sumantur tanquam opposita non semper & in omnibus, contrariorum esse eandem rationem, imò potius contrariorum sunt oppositæ rationes essentielles. Sic certè maximè opponuntur ens reale & rationis: atque hanc oppositionem habent singulare & vniuersale formaliter sumptum. Siue sumantur tanquam relatiua: non semper esse relationem realem mutuum ex parte vtriusque extremi: imò scilicet relatio est realis ex parte vnius, & rationis ex parte alterius: & hæc correlatiua dicuntur esse simul: vel fundamentaliter: vel formaliter, sed diuerso modo, scilicet aut realiter aut per rationem. Demum etiam ipsum singulare si formaliter relatiue sumatur, dicit relationem rationis, non verò realem ad suum vniuersale, vt quæstione sequenti dicemus.

Posteriori sunt demonstratiue: siue à parte rei, formaliter est obiectum per intellectum.

Obijcies tertio. Si vniuersale non datur ad æquitàtē secundum totum suum, esse à parte rei: ergo tantum datur, tunc quando sit ab intellectu: ergo malè dicebamus absolute loquendo dari vniuersale, quasi semper & necessariò daretur.

Respondetur, illud debere intelligi in sensu accommodato: nimirum fundamentaliter quidem & in potentia vniuersale semper ac necessariò dari: formaliter verò & actu, cum sit ab intellectu: vt satis explicatum est.

Quæ natura conueniunt, re dicitur vniuersale dicuntur.

Obijcies quartò. Multa de vniuersali dicuntur, quæ verificari non possunt de aliquo ente rationis, & dici videntur de vniuersali formaliter sumpto, videlicet vniuersale est intrinsecè in singularibus, est de essentia eorum, illaque constituit de vniuersali datur scientia, & alia simi-

lia, quæ plane non conueniunt ensi rationis, & frustra dicerentur de ipso vniuersali, nisi dicantur de vniuersali formaliter sumpto.

Respondetur, hæc omnia dici de ipsa natura, quæ recipit intentionem vniuersalitatis: ipsa enim natura est in singularibus, &c. Non immeritò autem dicitur de ipso vniuersali: quia illa quæ nature conueniunt, possunt affirmari de ipso vniuersali: & quia vniuersalitas habet tanquam ratio aut conditio, vt intellectus referat naturam ad singularia, & de illa formet propositiones scientificas.

SECTIO QUARTA.

Quid sit Vniuersale:

Quam benè definiatur

Aliquid vnum aptum esse in multis.

Vniuersale definitur ex Aristot. 1. Posterior. cap. 10. text. 81. & 7. Metaphysic. text. 45. *Aliquid vnum aptum esse multis.* Et paulò aliter 1. Periherm. capite quinto: *Quod aptum est predicari de pluribus.*

Primò, dicitur aliquid. Per quam particulam denotatur, Vniuersale debere esse aliquid positiuum. Vnde dixit Aristoteles quarto Topicorum in fine: Non ens non esse genus, quia non entis nulla sunt species, & 1. de Part. anim. cap. 3. Priuationis nulla est differentia, non enim fieri potest vt detur species non entis. Non tamen ex his est negandum, etiam inter non entia, & negationes ipsas, formari posse conceptus communes & particulares ad initar vniuersalium, & singularium. Nam negatio est communis huic & illi negationi. Sed propriè vniuersale sumitur pro ente aliquo positiuo, siue pro natura positiua quæ dicitur vniuersalis.

Secundò, dicitur vnum. Quam particulam licet Aristot. non expresserit omnibus locis: tamen expressit 1. Posterior. vbi addit: *Oportet aliquid vnum & idem in pluribus esse, & non aquiuocè.* In alijs verò locis satis significauit, dum dixit aliquid, & quod aptum est. Expedit tamen vt expresse ponatur ad maiorem explicatio-

Vniuersale est aliquid.

Vnum.

cationem: Vnitas ergo est omnino de ratione ipsius vniuersalis: quoniam dici non potest quidquam commune multis, quod in se non se habeat, vt aliquatenus vnum. Si enim sunt merè multa in multis, nullum est quod sit commune multis: vt ergo deur vniuersale, oportet esse aliquid vnum quod sit commune pluribus.

*Aptū in-
esse mul-
tis, pradi-
cari de
multis.*

Tertio, dicitur aptum inesse multis, vel prædicari de multis. Habet enim vniuersale, & vt sit in multis, & vt prædicetur de ijs. Natura humana, v.g. & est realiter in Petro & Paulo, & ab intellectu prædicatur de ijs. Prius autem est, vniuersale esse in multis, quam de illis prædicari: ideo enim forma prædicatur de subiecto, quia est in illo. Vnde ex his duabus rationibus, prima est essentialiter constitutiva ipsius vniuersalis, secunda, quæ est prædicabilitas, se habet vt passio & proprietates consequens essentiam. Hinc ait Albert. tractatu secundo Prædicab. cap. 1. Priorem definitionem esse per causam, posteriorem per effectum. Melius dicemus, priorem esse definitionem essentialem, posteriorem esse descriptionem accidentalem. Ideoque primam secundæ cum communi Doctorum arbitrio iure præferimus. Potest etiam vniuersale explicari per modum actus essendi in multis: dicendo, vnum quod est in multis, sumendo actum essendi essentialiter, vt postea explicabimus.

*Necessè
est ut vni-
uersale
possit re-
uera esse
in mul-
tis.*

Quartò, hinc infertur, esse prorsus necessarium ad verum & proprium vniuersale, in re fundatum; vt natura vniuersalis possit esse verè & realiter in multis, siue vt possibilia sunt multis, quæ in tali natura conueniant. Caietanus tamen hic in Log. cap. de Spe. & in tractatu de Ente & Essentia cap. 4. & 1. par. quest. 13. artic. 9. aduerte, asserit, etiam naturam quæ re ipsa multiplicari non potest in pluribus, esse vniuersalem: quia etiam in tali natura potest intellectus concipere aptitudinem essendi in multis. Adhærent. Ferrar. 1. Contra Gent. cap. 63. §. ad secundam. Lauell. 12. Metaph. quest. 14. qui licet concedant esse possibiles per Dei potentiam plures Angelos in vna specie: tamen dicunt ad vniuersale sufficere, si natura intelligatur in multis, li-

etè, sit de se ita singularis, vt ei repugnet à parte rei esse in multis. Eandem sententiam defendit Sanc. tom. 1. Logice quest. 56. Famae Sanctus Thomas eodem loco 1. par. dicens, naturam specificam posse esse communem, vel secundum rem, vel tantum secundum rationem. Et videtur id loqui ex eo quod docet Sanctus Thomas, & Thomistæ defendunt, Angelos inter se differre specie, naturam tamen specificam cuiusque Angeli non posse multiplicari in pluribus indiuiduis eiusdem speciei.

Sed omnino dici debet requiri dictam multiplicabilitatem naturæ. Hæc est enim communis sententia; omneque supponunt, naturam vniuersalem vel debere esse actum in multis, vel saltem posse esse in multis. Hoc ipsum docere voluit Sanctus Thomas ibi, qui naturam communem tantum secundum rationem dixit illam, quæ non actu existat; sed tamen possit existere in multis. Et probatur aperte. tum ex Aristotele 4. Topicorum cap. 3. & 7. Metaphysicorum tex. 45. dicente, vniuersale natura aptum est vt sit in multis: quod vt que dici non potest de re, cui ex sua natura repugnet multiplicatio. Sed patet ad vniuersale requiri, vt natura verè & non per meram hctionem intellectus possit esse in multis. Tum a posteriori, quia alioqui sequeretur, etiam naturam diuinam esse vniuersalem: quoniam licet reuera non possit esse diuisa in plures Deos, possit talis cogitari ab intellectu. Imò singulare ipsum in indiuiduo sumptum potest esse vniuersale, quia etiam illi potest intellectus assignare talem aptitudinem. Sicut de facto Caiet. per hoc voluit defendere, naturam Angeli realiter inmultiplicabilem esse vniuersalem. Hæc autem iuxta absurdum, & contra omnium loquendi consuetudinem. Tum demum à priori ex definitione ipsa vniuersalis, quia in hoc sensu debet intelligi, aptum inesse multis, aptum scilicet inesse per veram & realem inexistentiam. Item aptum prædicari de multis, prædicatione vera affirmante naturam prædicabilem de illis quibus verè conueniat. Aque ita, licet aptitudo eisdem in multis formaliter sumpta sit relatio rationis, vt postea dicemus: tamen debet habere fundamentum in re

& in ipsa natura. Ideoque dixi, vniuersale verum ac proprium fundatum in re, quia de hoc loqui oportet, quantum alioqui possit intellectus per meram fictionem debitum ordinem perturbare. Sicut etiam posset tribuere, v. g. naturæ humanæ intentionem generis, naturæ animalis intentionem speciei. Neque propterea quicquam absolute loquendo dixerit, hominem esse vniuersale genus, animal esse vniuersale speciem. Qualiter verò intelligi possit, singulos Angelos inter se differre specie, non vtique specie vniuersali & prædicabili, sed alio modo sumendo speciem, dicemus in propria questione de specie.

Satis est, p. v. quæcunq. potentiam posse esse vniuersale.
Quinto, ex alia parte infertur, ad vniuersale sufficere, vt naturæ ipsi non repugnet esse in multis, per quamcunque potentiam possibile sunt ipsa multa. Nonnulli quidem significant, ad vniuersale requiri, vt actu existat in multis: quod specialiter affirmant de genere respectu specierum. Alij autem volunt, saltem requiri, vt per potentiam naturalem, id est causarum naturalium, sint possible multa, per ordinem ad quæ dicatur vniuersale, & non sufficere si sint possible per solam Dei potentiam absolutam. Probant. Tum ex eodem loco Aristot. vniuersale natura aptum est esse in multis. Tum ex definitione vniuersalis: non enim dicitur cui non repugnat, sed quod aptum est esse in multis: ergo non sufficit non repugnantia, sed requiritur potentia positiva naturalis. Tum quia non possunt a nobis cum fundamento cognosci multa nisi vel actu sunt, vel saltem naturaliter possible. Neque Philosophi inquirunt aut considerant quæ per solam Dei potentiam absolute possible sunt: ergo non potest a nobis cum fundamento fieri vel cogitari vniuersale, nisi quod vel actu existit, vel naturaliter potest existere in multis.

Adserendum tamen est, id non requiri. Ita communior sententia docet. Et propterea distingui solet duplex potentia eisendi; vna quæ dicitur physica, & est potentia causarum naturalium; altera, quæ dicitur logica; & sumitur pro natura ipsa rei possible, vel pro non repugnantia ad eisendum, vt saltem ab ipso Deo res fieri possit. Et docere solent, non

requiri ad vniuersale potentiam physicam; sed sufficere potentiam logicam. Et patet, quia vniuersale non definitur, quod actu existit in multis, neque quod naturaliter, siue per potentiam causarum naturalium, potest existere in multis; sed absolute quod aptum est esse in multis. Quod verificatur optime de omni natura participabili a pluribus, etiam si hæc per solam Dei potentiam absolute existere possint. Item vniuersale describitur, quod aptum est prædicari de multis: sed potest ipsa prædicatio actualiter exerceri de omnibus rebus merè possiblebus, seclusa omni existentia actuali, & omni potentia naturali; nam propositiones naturales sunt simpliciter necessariae, & dicuntur esse æternæ & immutabilis veritatis. Ergo verè saluatur vniuersale & prædicabile. Et ipsa adhuc ad excludendam necessitatem existentie actualis, dicemus infra lect. 21. & in speciali de genere respectu specierum, questione 10.

Ad probationes verò oppositas sententia dicendum est, ex verbis Arist. tantum colligi, naturam ipsam vniuersalem debere esse aptam esse in multis. Nam omnis res possible, vtique essentialiter secundum naturam suam talis est, vt sit possible. Non ergo requiritur vt deus causa naturalis potens efficiere ipsam rem. Ex definitione etiam vniuersalis tantum habetur, naturam debere esse aptam ex parte sua, sine hæc aptitudo explicetur per non repugnantiam, siue positivè, vt postea tractabimus: nec requiritur vt aptitudo intelligatur physice ex parte causæ naturalis. Demum ex cognitione nostra tantum habetur, ex defectu quidem nostro non posse fieri seu cognosci cum fundamento vniuersale, quando nobis non constat naturam posse esse in multis: sed vtunque id constare poterit, satis erit ad hoc vt cum fundamento fiat vniuersale. Constat autem id potest, non solum ex potentia causarum naturalium, sed etiam ex alijs medijs cognoscendi, ex quibus sapè etiam Philosophi ipsi disputant, num aliquæ res sint possible, vel implicent contradictionem, & de multis affirmant esse possible.

Sextò, rursus discutiendum est, num omne id quod dicto modo potest esse in pluribus sit vniuersale, vel aliqua alia conditi-

Nomen naturæ, quæ pos-

sunt esse in multis, sint vniuersales. conditio requiratur. Aliqui enim excludit illa omnia quæ per se in prædicamentis non collocantur, & ad vniuersale requirunt: poni directè in prædicamento. Propter quod non solum excludunt prædicata transcendentalia quæ sunt super ipsa prædicamenta, videlicet ens, res, accidentis in cõis, & similia. Sed etiam naturas incòplexas & parciales, vt materiã, formam, & similes, quæ non directè per se, sed tantum per reductionem ad totum, in prædicamento ponuntur: itæque naturas substantiales in abstracto sumptas, quia prædicamenti substantia coordinatur in naturis concretis & completis. Ita Albert. tract. 2. Prædicab. cap. 3. Sencin. 7. Met. q. 39. Caiet. cap. de Specie. Tolet. q. de Specie ad 3. Et quidam alij. Fauet quæ S. Thomas in 3. distinct. 6. questione 1. artic. 1. Opusc. 48. tractatu 1. cap. 2. Et de Ente & Essentia cap. 3. & 4. Imò Porphyrius ipse capite ult. ubi assignans discrimen inter speciem & differentiam, ait, nõ posse plures species componere vnum totum, sicut possunt plures differentie. Atque Arist. 1. Metaph. tex. 37. *E multis numeris, inquit, vnus numerus fit: ex speciebus vero quomodo species vna?* Et 4. Met. text. 6. & lib. 1. Ethic cap. 6. dixit, ens vnum & bonum non esse vniuersalia. Eadem ratione aliqui excludunt concreta accidentalialia: & volunt, non esse vniuersale, nisi quod est vnum per se & non per aggregationem. Ita Caiet. cap. 7. de Ente & Essent. Villalpand. in cap. de Genere, & quidam alij. Alij è contra contendunt, non requiri has conditiones ad vniuersale; sed omne illud quod aptum est inesse pluribus modo dicto, esse vniuersale.

Vniuersale, si autem sumatur, componitur ex multis. Hac tamen controuersia magna ex parte est de nomine, in modo scilicet accipiendo nomen ipsius vniuersalis. Vnde dicendum est, vniuersale posse accipi dupliciter, vel in tota sua amplitudine, vel solum pro illis quæ directè in prædicamento ponuntur, quod dici poterit vniuersale prædicamentale. Primo modo omnia prædicata dici debent vniuersalia. Patet, tum quia Aristoteles 3. Metaphysicæ tex. 10. de ipsomet ente dixit, esse maximè vniuersale. Tum quia vniuersale potest accipi, vt adæquate contradistinctum à singulari: sed prædi-

cta omnia in communi sumpta, non sunt singularia: ergo dici debent vniuersalia. Tum quia vniuersale passim sumi solet non pro ijs solis quæ directè in prædicamento ponuntur. Nam differentie non ponuntur in recto: sed à latere, & proprii & accidentis quatenus talia sunt; reductiue ponuntur in prædicamentis suorum subiectorum: & tamen differentia proprium & accidentis inter vniuersalia numerantur. Tum demum ita in omnibus prædictis inuenitur intentio vniuersalitatis, sicut in rebus totalibus & completis. V.g. Anima vniuersaliter se habet ad vegetatiuam sensitiuam & rationalem, rationalis ad hanc & illam animam, caput ad hoc & illud caput, humanitas ad hanc & illam humanitatem, coloratum ad album & nigrum, & sic de alijs. Ergo.

Secundo modo verum est, plus requiri ad vniuersale prædicamentale. Quia scilicet non omnia quæ sunt pluribus communia; ponuntur directè in prædicamentis. Quæ autem conditiones ad hoc requiruntur, & quænam sint illa quæ directè in prædicamentis ponuntur, non est huius loci examinare, sed ad ipsa prædicamenta spectat. Esse autem admittendâ hanc acceptionem vniuersalis, patet ex auctoritate eorum qui sic acceperunt: & præcipuè moxi videntur, quia cum hic tractatus sit specialiter institutus propter prædicamenta, sumere voluerunt vniuersale specialiter pro ijs quæ directè in prædicamentis ponuntur, & quod diuiditur in illa genera & species, per quæ recta linea prædicamentalis contextitur. Vnde hæc liminatio specialiter pertinet ad vniuersale sumptum pro genere & specie: quia hæc liminatio directè in prædicamento ponuntur. Et iuxta hoc debet intelligi Porphy. & Arist. Vel Arist. & Porphy. tantum dicere voluerunt, ex duabus speciebus non componi vnum compositione metaphysicâ, quæ scilicet cõpositio fit ex genere & differentia non aut negarunt, posse cõponi vnu cõpositione physica, sicut componitur corpus substantiale ex materia & forma: & sic de alijs. Et S. Tho. solù voluit, naturas parciales & incòplexas non esse vniuersalia respectu naturarum totalium & cõplectarum, vt materia & forma non sunt vniuersalia respectu cõpositi. Nõ aut negauit, materiam esse

Vniuersale prædicamentale, solum illas quæ in prædicamentis directè ponuntur.

esse vniuersale respectu huius & illius materie, formam respectu formarum. Carterum nos in hoc tractatu potius agimus de vniuersali in tota sua latitudine, non restringendo ad vniuersale solum prædicamentale: quia & doctrina est communis omni vniuersali & de vniuersali agimus, non tantum propter prædicamenta, sed maxime propter se, vt sub distinctione vniuersalis & singularis omnia entia complectamur.

Vniuersale solum dicitur in rebus & naturis creatis. Septimo, adhuc videndum superest, num vniuersale solum dicatur in rebus creatis, an etiam in Diuinis. Et quidem difficultas non est de ipsa essentia diuina vnica in tribus personis, quæ certè non est vniuersalis, quoniam non est vna essentia in multis essentis, non est in multis per sui diuisionem & multiplicationem: sed difficultas est de conceptu personæ, qui cõmunis est tribus personis: de conceptu relationis, qui communis est relationibus diuinis distinctis. Dur. in 1. dist. 25 q. 2. concedit hos conceptus esse vniuersales. Negat S. Tho. in 1. d. 19. q. 4. ar. 2. & 1. par. q. 30. ar. 4. Et hic est magis receptus loquendi modus. De hac autem re plenius agendum erit proprio loco de Trinitate. Modò satis est dicere, si nomen vniuersalis amplè sumatur pro omni conceptu communi, sic illos conceptus esse communes. S. Tho. autem dixit, vniuersale propriè esse, quod ita diuiditur in pura, vt illa in quæ diuiditur non habeant vnum esse vnamquè essentiam communem: At omnes tres Personæ diuinæ habent vnam indiuisam essentiam, & omnes relationes Diuinæ, licet inter se distinctæ, identificatur cum eadem singulari essentia. Sumendo ergo vniuersale in hoc secundo sensu, non reperitur nisi in rebus creatis.

Vniuersale constituitur ex natura vniuersalitatis & aptitudinis. Octauo, deinde ex dictis constat, vniuersale adequatè sumptum esse constitutum quoddam, ex re seu natura quæ dicitur vniuersalis, & ex ipsa vniuersalitate, idest vnitatem naturæ in se & aptitudinem essendi in multis. Vniuersale homo, v. g. dicit naturam humanam, vnitatem huius naturæ, & aptitudinem eius essendi in Petro & Paulo alijsquè singulis hominibus. Quæ ratione dixit S. Tho. Opusc. 56. Vniuersale est vnum & plura, vnum in se, seu in intellectu abstrahente; plura

inquantum est in pluribus indiuiduis. Natura autem in constitutione ipsius vniuersalis se habet materialiter: vniuersalitas se habet formaliter. Sicut album dicit, subiectum tanquam materiam, & albedinem tanquam formam.

Postremò hinc dubium oritur, quo pacto vniuersale definiri poterit, si est tali modo constitutum ex partibus adeò diuersis: cum natura sit realis, vnitatis sit negatio, aptitudo sit relatio rationis; vt in sequentibus apparebit. Item quoddam sit propriè definitum in definitione tradita, an directè totum constitutum ex natura & vniuersalitate, vel natura, vel vniuersalitas, vel natura quatenus vniuersalitati substra. Sed hoc totum commodius disputabimus circa vniuersale genus, de quo consuetum est huc disputari. Et inde apparebit, quid sit de ipsa cõmuni vniuersalis definitione dicendum.

Modò cum statueretur sit, vniuersale ex ijs tribus rationibus adequatè constitui, Natura, Vnitatem, & Aptitudinem: sequitur vt de his omnibus distinctè ac singulatim agamus.

SECTIO QUINTA.

De Natura Vniuersali.

Nominales, qui alioqui vniuersalia negare videbantur, excogitauerunt quendam modum quo vniuersalia tuerentur, dicentes, intellectus fingere intra se naturam communem pluribus, similem intentionaliter naturæ reali singulari. V. g. dum intellectus apprehendit hominem in communi, illi obijci figmentum quoddam & simulacrum singulorum hominum, quod indifferenter omnibus indiuiduis hominibus applicari queat: & sic non solum voces & conceptus formales, sed etiam huiusmodi conceptus obiectiuos, esse vniuersales. Atque adeò naturam vniuersalem non esse realem, sed esse constitutam, ad instar tamen naturæ realis. Ita Ocham. in 1. dist. 2. q. 8. Gabr. ibidem & Greg. d. 3. q. 1. ar. 2. Qui tamen hunc dicendi modum suggerunt, sed non in illo quiescunt. E contra Plato de suis illis ideis dicebat, non solum esse reales, & realiter a rebus sensibilibus separatas: sed etiam esse substantiales

Quo pacto definitur, si est taliter potuerit, & quo sensu definitum sit.

tiales per se existentes : esse incorporeas, atque adeò sola mente intelligibiles, non verò corporeas sensuque perceptibiles : esse demum ingenerabiles & incorruptibiles, atque adeò semper æternas.

Aristoteles verò in his, partim discerepat, partim conuenire videtur. Negat vniuersalia esse substantias, 3. Metaphysicorum textu 10. & latè 7. Metaph. a. tex. 45. & deinceps, vbi id multis rationibus probare conatur. Affirmat vniuersalia esse sine materia, atque adeò incorporea : & expressius esse ingenerabilia & incorruptibilia, 7. Metaph. tex. 51. ad differentiam singularium, quæ ait esse concretæ in materia, esse sensibilia, generari atq. corrumpi. Expressè etiam, 1. Post. tex. 182. ait vniuersale esse semper & vbiq. per quod significat esse semper æternum.

Hæc omnia procedunt, vt patet, de natura ipsa quæ dicitur vniuersalis, non de vniuersalitate formaliter accepta : ideò nunc penes hæc explicandum est, quomodo se habeat ipsa natura.

Dico 1. Natura vniuersalis entium realium est verè realis : potest tamen cogitari etiam natura vniuersalis entium rationis, quæ erit ens rationis. Conclusio est communis & certa. Et primò de natura entium realium inductione patet, quia discurrendo per omnes res, omnes earum naturæ apparebunt reales, & de qualibet earum prædicabitur ens reale. Homo & natura humana est ens reale, similiter animal, substantia, quantitas, & reliqua omnia. Neque enim has naturas nos fingimus, sed concipimus eas quæ reuera sunt : non fingimus naturam humanam, naturam animalis, & reliquas. Nulliusque dixi ita, has naturas esse entia rationis & ficta, neque nos fingimus Petrum esse hominem, hominem esse animal, sed reuera ita est. Patet etiam ratione à priori, quia de essentia eorum quæ sunt entia realia, omnino est natura realis : essentialiter enim sunt entia realia. Idque de ijs in quacumque vniuersalitate & communitate acceptis, dummodò non excedatur ipsummet prædicari entis realis, planè verificatur. Nam nullus conceptus communior asserri poterit, quam ipsummet ens reale : & certè nihil verius

dici poterit, quam ens reale est ens reale. Igitur omnis natura vniuersalis intra latitudinem entis realis est verè realis.

Hinc sequitur, omnem huiusmodi naturam realiter existere à parte rei. De ratione enim entis realis est posse existere realiter. Item sequitur, actu existere realiter quodcumque existunt singularia, de quorum ratione est ipsa natura : non enim existere possunt sine sua natura & essentia. Non est autem necessarium, vt actu existat ipsa natura, suaque singularia : quoniam non est de necessitate & essentiali quidditate entis realis, ac specialiter entis creati, existentia actualis, vt nunc supponimus.

Secundò, de natura entium rationis patet etiam facile, posse cogitari in vniuersali, esseque essentialiter ens rationis. Nam potest, v.g. cogitari relatio visi ad videntem, communis huic & illi relationi, quæ sunt relationes rationis : item relatio rationis in communi, sub se complectens omnes relationes rationis. Atque sub conceptu communissimo cogitamus absolute ens rationis. Dequè ijs omnibus dicere valet, esse ens rationis. Dantur ergo naturæ vniuersales pro entibus rationis, quæ sunt entia rationis.

Non autem hinc dicimus, dari naturam aliquam, seu conceptum vniuersalem, abstrahentem ab ente reali & rationis, quique proinde essentialiter non sit realis nec rationis : quia non solet assignari natura & conceptus entis in tanta præcisione & vniuersalitate. An verò absolute dari possit huiusmodi conceptus, non est huius loci disputare, sed ad Metaphysicam pertinebit.

Dico secundò. Quædam naturæ vniuersales sunt substantiales, quædam accidentales, quædam neutre. Explicatur & probatur conclusio 1. sumi potest substantiale pro eo quod est essentialis, accidentale verò pro eo quod est extra essentialiam. Sic quædam naturæ sunt essentialiales, quædam accidentales subiectis de quibus dicuntur. Homo, v.g. essentialiter dicitur de Petro, animal de homine : alium verò esse sapiens accidentaliter dicitur. Et in vniuersum quidem, genus species & differentia essentialiter dicuntur, proprium verò & accidens accidentiter. In hoc autem sensu etiam ipsi acci-

Potest existere à parte rei.

Etiam in entibus rationis cogitatur natura vniuersalis.

Natura vniuersalis est realis.

Quædam naturæ sunt substantiales, quædam accidentales.

accidentibus suæ naturæ dicende sunt substantiales, idest essentialis: color, v.g. est natura essentialis albedinis, & sic de reliquis.

Secundò, substantiale propriè sumitur pro eo quod per se existit, accidentale pro eo quod inhaeret subiecto. Sic distinguimus ex vna parte substantiam, & ex altera accidentia. In hoc sensu naturæ essentialis quæ conueniunt substantijs, sunt substantiales, siue sunt substantia: quæ verò accidentibus, sunt accidentales, siue sunt accidentia. Ita notauit S. Tho. Opusc. 55. Et patet, cum inductione, tum ratione. Natura humana est vtique substantialis, item natura Angelica, natura animalis, & alia huiusmodi: homo essentialiter est substantia, animal est substantia, & sic de cæteris, atque substantia ipsa vtique est substantia. E contra natura quæritaris, qualitaris, alioquinquè accidentium, est accidentalis: qualitas essentialiter est accidens, habitus qui est species qualitatis essentialiter est accidens, & sic de cæteris. Deinde neque de essentia substantiæ potest esse natura accidentalis, neque de essentia accidentis natura substantialis, vt est notissimum, & tota natura quæ est in substantia aliqua singulari, est vtique per se independentè ab omni subiecto inhaerentis. Similiter tota natura quæ est in quolibet accidente singulari, inhaeret subiecto. Natura ergo substantiarum substantia est, accidentium accidens est.

Tertiò, considerari potest, & assignari solet, ratio entis realis, quæ essentialiter dicitur, tum de substantia, tum de accidenti. Hæc ergo natura communis entis, & similiter omnis alius conceptus, qui tam de accidenti quàm de substantia poterit predicari, non est essentialiter substantia: quia sic non competeret accidenti: nec essentialiter accidens: quia sic non competeret substantiæ. Est ergo quoddammodo natura neutra supra substantiam & accidens ab vtroque præscindens. Non per hoc dicimus, talem naturam, siue conceptum, esse propriè & perfectè vniuersale, quod dicitur vniucum, & esset genus. Sed sumimus nunc vniuersale magis amplè, prout contradistinctum à singulari. Quoniam verò modo conceptus communis substantiæ

& accidenti, possit præscindere & dici vniuersalis, suo loco videbimus.

Caterùm Arist. illis locis, quando negauit vniuersalia esse substantias, substantiam sumpsit pro natura existète per se extra singularia; quæ videlicet non solum non esset in subiecto inhaerentis, sed nec etiam in subiecto Prædicationis: Solum ergo negare voluit, vniuersalia esse naturas per se & in se consistentes, separatas à singularibus, vt ex eius dictis & rationibus satis perspicuè patet. Ideoque etiam dixit in prædicamento substantiæ, secundum substantiam, idest vniuersalem, significare quale quid. Hoc ipso autem quod eam appellauit substantiam, & totam substantiam diuisit in primam & secundam; planè supposuit, naturam vniuersalem substantiæ verè esse substantiam, fumendo substantiam propriè, pro ea quæ ita dicitur existere per se, vt non existat in alio tanquam in subiecto inhaerentis.

Dico tertiò. Quidam naturæ vniuersales sunt materiales & corporeæ, quædam spirituales & incorporeæ, quædam neutre. Hæc conclusio est etiam certa. Et per eam respondendus ad secundum Porphyrii. q. in proem. quæ sola ex tribus supererat resoluenda. Probat & explicatur. Natura quæ est communis inferioribus quæ omnia corporeæ & materialia sint, est etiam talis: videlicet natura animalis in genere, & omnium animalium in specie, omniumquè corporum, & natura ipsa entis corporei in communi vtique corporeæ est. Ex aduerso natura communis rebus spiritualibus, spiritualis & incorporeæ est: videlicet natura Angelica, natura qualitatis spiritualis, & natura ipsa entis incorporei in communi. Implicat enim, vel de essentia entis corporei esse naturam vniuersalem spiritualem, vel de essentia entis spiritualis naturam corpoream: quoniam sic ens corporeum fieret spirituale, & spirituale corporeum. Quod planè repugnat. Deinde sunt quidam conceptus qui abstrahuntur à rebus tum corporeis tum spiritualibus, & sunt vtique communes: videlicet substantia, quæ, itas in communi, & similes. Hæc sunt naturæ neutre, scilicet neque spirituales neque corporeæ in suo conceptu essentiali: alioquin non

Arist. explicatur.

Quidam natura sunt corporeæ, quædam incorporeæ, quædam neutre.

Quidam natura & abstractæ.

non possent esse vtrique entium generi essentialiter communes, sicut reuera sunt.

*Similiter
sensibiles,
& in-
sensibiles.*

Hinc rursus, quia nulla natura spiritalis est sensibilis, idest sensu perceptibilis; sed proprium est rebus corporeis posse sentiri: pariter dici debet, quasdam naturas esse sensibiles, quasdam insensibiles, quasdam neutras. Ita tamen quod non intelligatur, posse vquam exerceri sensationem circa naturam inere vniuersalem. Nunquam enim visus est, nec videri potest, color in genere, albedo in communi, aut gustari sapor in communi: sed sensatio actualis non nisi circa certum aliquod singulare exercetur: ipsi tamen color, omnique natura sensibili in communi, competere possit in suis singularibus sentiri. Sicut notauit præclare S. Tho. 1. 2. q. 29. ar. 6. & sicut infra dicemus de natura generabili & corruptibili.

Arist. explicatur.

Arist. verò solum docere voluit, vniuersalia esse sine materia singulariter accepta, nec negauit includere materiam etiam vniuersaliter acceptam, vt magis ostendemus questione sequenti, vbi disputabimus quomodo materia sit principium indiuiduationis, & quomodo vniuersale abstrahat à materia.

*Natura
vniuersa-
les possunt
generari
& corripi
in singu-
laribus
& nõ ali-
ter.*

Dico quartò, Naturæ vniuersales possunt generari & corrumpi, prout sunt in singularibus, non tamen abstractæ à singularibus: Ita notauit Auerr. 1. Metaph. comm. 27. D. Tho. q. 1. de Verit. ar. 1. ad 13. & 14. Et alij communiter docent. Et est res certa. Et primò probatur ex Arist. qui propterea 1. Metaph. cap. 11 dixit: *Omnas actiones & generationes circa singularia sunt: non enim hominem, nisi per accedens, sanas qui medetur, sed Cælium aut Socratem.* Docuit ergo actiones verari circa naturas vniuersales, non quidem in se, sed prout sunt in singularibus. Et idco dixit per accedens: quia accidit ipsi naturæ in sua essentia spectata, reperiri in hoc vel illo singulari, in quo talem vel talem mutationem subeat. Propterea etiam dixit in Prædicam. subst. sublati primis substantiis, auferri etiam secundas, quæ in ipsis sunt: auferuntur ergo secundæ substantiæ, non tamen nisi per ablationem primariam, idest singularium. Et alij pluribus locis idem docet.

Ratione

Secundò euideti ratione. Vniuersale non

potest existere separatum à singularibus: ergo quando auferitur singulare, non potest remanere existens natura vniuersalis, sed omnino simul cum illo auferitur, & amittit existentiam realem: generatur ergo & corrumpitur in ipsis singularibus. Item non poterit per se produci existens extra singularia: ergo nec potest corrumpi abstractum à singularibus. Ex vna parte itaque impossibile est, Petrum v.g. generari aut perire, quin simul sit verum dicere hò gignitur aut perit. Ex alia parte impossibile est, hominem gigni aut perire, nisi aliquis singularis homo gignatur aut pereat. Et hoc in vniuersum verum est de omni alia actione & passione. Vnde verissime dicitur, actiones & passiones sunt singularium.

*demons-
tratur.*

Tertio addendum est, naturam prout in singularibus, posse generari & corrumpi, vel in toto, vel in parte. In parte, cum corrumpitur vnum aut aliud singulare, aut plura, remanentibus tamen aliquot in illa specie: in totum, si omnia prorsus singularia pereant. Hac autem ratione species rerum, quantumvis corruptibilia, dicuntur esse & conservari semper: quia scilicet realiter existunt vel in his, vel in alijs singularibus, tractu temporis succedentibus. Et propter hoc etiam dicunt Philosophi, generationes fieri propter conservationem speciei, vt quia hoc & illud indiuiduum, nunc vel postea perit, remaneat semper species in varijs indiuiduis. Et secundum hoc, recte dixit Auerr. apud D. Tho. loc. cit. quod secundum opinionem ponentium mundi ab æterno, & duraturum in æternum, vniuersalia essent semper æterna & incorruptibilia. At secundum veritatem mundus omnino rerum species aliquando esse coeperunt: quam verò species rerum duraturæ sint in æternum, & quæ in fine mundi consumendæ, est difficultas Theologica, de qua Scholastici in 1. d. 48. & S. Tho. ibi q. 2. ar. 5.

*In singu-
laribus
possum cor-
rumpi, vel
ex parte,
vel ex to-
to.*

Quartò rursus addendum est, naturam in omni statu, etiam in statu abstractionis, essentialiter includere rationem generabilitatis & corruptibilitatis; non quidem vt in illo metu statu possit generari & corrumpi, sed vt possit generari & corrumpi in indiuiduis. Exertitum itaq. generationis & corruptionis,

*In se ipso
data di-
cunt essen-
tialiter pro
priam ad
genera-
tionem et
corruptionem.*

158. Quæst. VIII. De Vniuersali in communi.

nis, non competit nisi indiuiduis & naturæ in indiuiduis; at capacitas huius actus, competit ipsi naturæ etiam præcisè. Sic ut certè, de homine in communi, non valet dicere, est discursiuus; est rationalis; nunquam tamen, homo in communi, sed tantum in singularibus, exercere potest actum discurrendi, actum ratiocinandi; & de accidenti in communi dicimus; est apium inherere subiecto: imò communissime de ente reali, est apium existerè à parte rei; & tamen actus inherendi, & actus existendi, non nisi in singulari exerceri potest. Ita, omnino de animali, v.g. in genere, de mixto, de elemento in communi, dicimus; est natura sua generabile & corruptibile, actus tamen generationis & corruptionis non nisi in singulari exerceri potest. Vnde dicere licebit, potètia per se primò conuenit naturæ, & per illam communicatur singularibus; actus è contra per se primò conuenit singularibus, & per illam naturæ in ijs inclusæ: potètia & apitudo immediatè consequitur essentiam; actus autem & operatio sequitur existentiam.

Actus autem non exercetur nisi in singularibus

Nec obstat quod dixit Arist. lib. de Somno & Vigil. cap. i. cuius est potètia, eius est & actus. Non enim debet intelligi, eius prorsus inuariati, sed satis est, si sit eius aliqua ratione mutari: quia sæpè res habent potèntiam ad aliquem actum; indigent tamen aliqua conditione ad executionem & exercitium actus. Sic ut ignis in se quidem, & etiam quando distat, habet vtrique potèntiam calefactiuam; indiget tamen, approximatione, ut reducatur ad actum. Sic itaque ipsius quidem naturæ est potètia, & eius etiam est actus generationis & corruptionis: sed etiam in statu præcisionis habet distatè potèntiam, actum tamen non suscipit nisi in singularibus; quia quedam veluti immutatio seu conditio intercedere debet ad exercitium actus. Quando enim res habet potèntiam in vno statu, tamen ad exercendum actum in alio statu; debet eo modo mutari status, quo opus est ad executionem ipsius actus.

Quedam natura diu ei possunt generari

Quintò demum addendum est, generari & corrupti posse sumi dupliciter. Primò latè pro eo quod est produci & desinere; quomodo, etiam illa, quæ

fieri possunt per creationem, & annihilari à Deo, sunt mutabilia. Et in hoc sensu omnis natura creata, est generabilis & corruptibilis, idest potest produci, & potest destrui. Secundò propriè sumendo generationem & corruptionem, à creatione & annihilatione distinctam; quomodo solam illa quæ sunt dependentes à subiecto virtute agentium naturalium, & simili modo desinunt, dicuntur generari & corrupti, videlicet res hæ materiales & sublunares: Angeli autem & corpora caelestia dicuntur ingenerabilia & incorruptibilia. Et in hoc sensu dicendum est, non omnem quidem naturam vniuersalem esse generabilem & corruptibilem, sed quidam quidem esse, quasdam verò esse ingenerabiles & incorruptibiles, quasdam neutras, iuxta modum quo in superioribus conclusionibus philosophati sumus.

Arist. explicatur.
Ceterum Arist. quando dixit, vniuersalia esse ingenerabilia & incorruptibilia, intellexit non posse per se generari & corrupti, abstracta à singularibus: atque adeò solim negatiuè esse ingenerabilia, idest non quidem habere gradum positiuum essentialem ingenerabilitatis, quia sic certè communicari non possent singularibus generabilibus: sed negatiuè, quia non habent nisi in singularibus conditiones requisitas ad exercitium generationis & corruptionis. Et quando dixit, vniuersale esse semper & vbique: vel dixit semper, ex suppositione suæ opinionis de æternitate mundi, vt notauit Auic. vel semper pro tota duratione mundi quantacumque sit. Et vbique intellexit, non in certo aliquo & signato loco, sed vbicumque sint, & quocumque ferantur singularia, in quibus realiter inueniuntur.

SECTIO SEXTA.

De Vnitate Naturæ vniuersalis.

Virum Naturæ à parte rei & in singularibus sit realiter vel formaliter vna.

AD inueniendam vnitatem Naturæ vniuersalis distinguere oportet plures naturæ status, plures etiam vni-

tatis

etis gradus: vnde appareat in quo statu quæ vnitate natura habeat.

*Distingui-
tur tres
naturæ
status.*

Natura ergo in triplici statu sumi potest ex D. Thoma quest. 7. de Pot. artic. 9. Opusc. 43. cap. 7. de Ente & Essen. cap. 4. Auicenna 1. Metaph. cap. 1. Scot. 7. Met. q. 18. & alijs. Primò secundùm se & absolutè in sua propria ratione: hic dicitur status essentialis. Secundò prout est in singularibus à parte rei: hic dicitur status existentie realis. Tertiò prout est in mente obiectiue in intellectu: hic dicitur status existentie obiectiue. Natura humana, v.g. & est realiter in singularibus, & est obiectiue in intellectu, & habet in se ipsa propriam rationem & essentiam, non solum essentialia prædicata, sed etiam proprias passiones ab essentia promanantes, quæ nec ab intellectu dependunt, nec ab ipsis singularibus. In statu essentiali, naturæ conueniunt sola & omnia illa prædicata, quæ vel sunt de essentia eius, vel necessariæ passionnes. Homo in statu essentiali est animal rationale, est sensitiuus, est discursiuius, est risibilis. In statu existentie realis, scilicet in singularibus, naturæ conueniunt denominationes omnes & proprietates, quæ ipsis singularibus realiter insunt, videlicet accidentia realia quæ contingunt, operationes actuales, generatio, corruptio, & similia, atque ipsamet existentia actualis: verum est enim dicere, homo est albus, currit, nascitur, existit, inquantum hic vel ille singularis homo habet albedinem &c. In statu demum existentie obiectiue, naturæ conueniunt denominationes & proprietates rationis, quæ ab intellectu ipsi tribuuntur, videlicet cognosci, abstrahi, referri, & similia.

*Inter se
conferuntur.*

Prædicata quæ conueniunt naturæ in statu essentiali, semper de illa dicuntur, & vbicumque fuerit, atque addè etiam, in vtroque alio statu dicto. Hoc est enim axioma illud quod tradit Aristoteles: dici de omni, quicquid scilicet dicitur de re aliqua secundùm essentiam suam considerata, dici etiam de omnibus alijs in quibus talis essentia reperitur. Sic v.g. homo etiam in singularibus & in intellectu est essentialiter animal rationale, est risibilis. Non sola tamen illa prædicata quæ conueniunt naturæ in statu essentiali, sed etiam

alia, illi adiunguntur in alijs duobus statibus. Et hæc quæ specialiter ratione horum statuum naturæ conueniunt, non dicuntur de natura in statu essentiali: quia nimirum sunt extra rationem & essentiam eius. Vnde dicere non possumus, natura in sua essentia est singularis, vel è contra est abstracta à singularibus: neque homo quatenus homo est albus, est abstractus, & similia. In statu enim essentiali tantum naturæ conueniunt prædicata vel formaliter essentialia, vel virtualiter, id est propriæ passiones. Et hæc prædicata possunt re-duplicatiue affirmari, homo quatenus homo est rationalis, est animal, est substantia, est risibilis &c.

Deinde ex parte vnitatis supponendum ex Met. vnitatem in communi formaliter esse negationem diuisionis, & rem esse vnā, inquantum non est in plures diuisa. Petrus est vnus, quia non est diuisus in plures: Petrus & Paulus non sunt vnus, quia alter ab altero sunt diuisi. Sic ait Aristoteles 5. Met. text. xi. *Quæ non habent diuisionem, quantitas non habent, quatenus vnus dicuntur: vnde patet si prout homo non habet diuisionem, vnus est homo; si prout animal, vnus animal: si prout magnitudo, vna magnitudo.*

Hinc iuxta plures diuisionis modos, plures assignantur vnitatis gradus. Et præcipuè duplex diuisio consideratur. Vna quæ dicitur realis & materialis, & attenditur penes differentias indiuiduantes oppositas: quo pacto diuisi sunt Petrus & Paulus, hæc & illa quantitas, &c. Altera quæ dicitur formalis, & attenditur penes prædicata essentialia: quo pacto differunt hic homo & hic equus, non tantum per infimas singularitates, sed per rationalitatem & irrationalitatem, humanitatem & equinitatem, quæ sunt prædicata essentialia. Sic duplex pariter vnitas assignatur: vna realis materialis, negas diuisionem materiale, quia vnitas Petrus est in se ipso vnus: alia formalis, negas diuisionem formalem, quia vnitas Petrus & Paulus dicuntur esse in ratione hominis formaliter vnus. Diuisio & vnitas materialis appellari solet numerus, quia fundat numerum: formalis appellari solet essentialis, quia fundatur in prædicatis essentialibus. Illa dicitur materialis, quia indiuidua in infimo gradu se habent veluti

*Distingui-
tur duo
vnitatis
gradus.*

veluti materia, respectu prædicatorum essentialium: Alii dicitur formalis, quia prædicata essentialia se habent veluti forma respectu indiuiduorum. Demum, quia prædicata essentialia sunt alia magis alia minus communia: diuersi adhuc gradus in illa considerantur. Magis enim formaliter conueniunt homo & equus, quam homo & lapis: homo & equus conueniunt in genere animalis: homo & lapis differunt per genera substantiæ animatæ & inanimatæ. Hæc habentur ex Caiet. de Ente & Essentia c. 4. q. 6.

Scoti sententia.

Vnitatem materialem & numeralem nullus tribuit naturæ à parte rei in singularibus. Scot. autem in 2. distinct. 3. q. 1. & 7. Met. q. 18. naturæ à parte rei assignauit vnitatem quandam, quam ipse vocauit minorem vnitatem numerali, alij breuius appellare ceperunt vnitatem formalem. Et hanc sententiam de vnitatem formali naturæ à parte rei defendunt Scotista communiter. Licher. & alij ibidem. Anton. Andr. 1. Met. q. 1. & lib. 7. q. 16. Ant. Tromb. q. 38. Metaph. Paul. Venet. 2. Metaph. c. 2. & q. de vniuersal. Burl. 1. Physic. tex. 5. fo. Monlorius disp. de vniuersal. cap. 5. & 6. Rada tom. 2. controuers. 3. art. 1. & alij, qui intelligere videntur, naturam humanam, v. g. in Petro & Paulo, esse à parte rei actu formaliter vnam, quamuis realiter & materialiter multiplicatam: siue à parte rei humanitatem Petri esse vnam & eandem formaliter cum humanitate Pauli, licet materialiter sit diuisa atque discreta.

Caietani.

Caiet. de Ente & Essentia q. 6. tribuit etiam naturæ in singularibus à parte rei vnitatem formalem. Explicat tamen, non esse eandem simplicem vnitatem communem pluribus indiuiduis, siue quæ sit eadem ratione alicuius entitatis quæ vna & eadem sit in omnibus indiuiduis; sed in quolibet singulari inquit esse suam vnitatem formalem ratione propriæ suæ naturæ, distinctam ab vnitatem numerali eiusdem indiuidui, atque a simili vnitatem formali alterius indiuidui: per ipsam tamen vnitatem formalem repertam in singularibus valere dicere, Petrus à parte rei est vnum formaliter cum Paulo, non differt formaliter à Paulo. Et sic intelligit ipsius Scoti sententiam.

Et aliorum.

Aliqui rursus explicant, naturæ à parte

rei in singularibus conuenire vnitatem formalem: non quidem positivam, ratione scilicet alicuius entitatis positivæ realis quæ à parte rei sit eadem indiuisa in pluribus: sed negativam, quam sic explicant, quia cum à parte rei sit verè diuisa natura Petri à natura Pauli, tamen hæc diuisio provenit à singularitatibus distinctis ab ipsa natura, & non provenit ab ipsa natura. In Petro ergo & Paulo, cum non sit diuisio proveniens à natura, consideratur negatio huius diuisionis, & hæc negatio appellatur vnitatis negatiua. Et quidem sic intellexisse videtur Caiet. suam illam vnitatem.

Demum Suar. disp. 6. Metaph. sect. 1. affirmat, dari in singulari indiuidui à parte rei vnitatem formalem naturæ, aliquo modo ab vnitatem numerali distinctam: quæ tamen vnitatis formalis non solum non sit eadē in pluribus indiuiduis: sed nec etiam dicere valeat, hoc indiuiduum est vnum formaliter cum illo: sed tantum, est vnum formaliter & indiuisum in se. Itaque non ponit vnitatem formalem naturæ vnius indiuidui cum alio, sed tantum singularium in se.

Dico primò. Natura vniuersalis in suis indiuiduis non est materialiter & realiter vna, sed est realiter multiplex & diuisa. Hæc conclusio est apud omnes certa, de qua Auicenu. 2. Metaph. vt refert Caiet. cap. 4. de Ente & Essentia com. 5. dixit: *Quod nullus sana mentis potest oppositum opinari, quis enim est adeo fatuus, qui dicat, essentiam Sortis sibi communem esse & Platoni?* Aristoteles etiam 10. Metaph. tex. 24. & sæpe alias hanc veritatem expressit.

Probatur primò: quia prorsus repugnat naturæ creatæ quæ finita & limitata est, vt vna & eadem indiuisa sit pluribus indiuiduis communis. Determinatur enim vnaquæque natura in suo indiuiduo, vt illa quæ ibi est, non possit eadem realiter alteri communicari. Ad eò vt non solum ex vi ipsius naturæ; seu per quamcunque potentiam naturalem: sed etiam de potentia Dei absoluta id sit penitus impossibile. Posset quidem Deus vnam formam realem, siue substantialem, siue accidentalem, in distinctis subiectis collocare: sed non eandem naturam in pluribus indiuiduis, eo modo quo illis inest natura

Natura non est à parte rei in singularibus realiter vna.

Sec. VI. An habeat vnitatem à parte rei. 161

natura vniuersalis, de qua nunc loquimur.

Sola natura Diuina est vna in personis.

Secundò, ex Damasceno libro primo Fidei capite vndecimo. Propriissimum est Diuinæ naturæ, & vna cum sit, omnino indiuisa, existat in pluribus personis, identificata cum illis; eadem Diuinitas in Patre & Filio & Spiritu sancto, quæ personæ inter se inuicem per suas proprietates relativas realiter distinguuntur; & hoc est altissimum Trinitatis mysterium, sola fide nobis notum. Non ergo potest simile quid excogitari & fingi de qualibet natura creata in suis indiuiduis; & omnino grauiter erraret, qui scilicet vellet de rebus creatis. Præterea expressè damnata est ab Ecclesia sententia quorundam Philosophorum, qui dicebant vnum esse intellectum, vnam esse animam omnium hominum: magis ergo erraret, qui diceret, non solum animam, sed & totā humanitatem, esse eandem realiter in singulis.

Singularia vērò sunt plura in ipsa natura communi.

Tertio. Experientia constat, diuersas & oppositas operationes solere ab indiuiduis eiusdem speciei exerceri, oppositas etiam passiones in illis fieri; & præsertim patet in specie humana: & non sicut in Personis Diuinis; vbi, quia est vna indiuisa natura, eadem etiam operationes naturales sunt omnibus personis communes, ut est res cetera: ergo manifestè inferretur, distinctas realiter esse naturas singulorum indiuiduorum. Item indiuidua quæ sub vna specie continentur, appellantur plura in tali specie, v. g. non dicimus Petrus & Paulus sunt vnus homo, sed sunt duo homines, & sic numeramus plures & plures: similiter homo & equus sunt duo animalia, & sic de singulis. A. si esset vna indiuisa natura, hæc singulariter de omnibus diceretur: sicut no dicimus tres personæ sunt tres Dii, sed sunt vnus Deus.

Si natura esset realiter vna, esset singularis, non vniuersalis.

Quartò deinde. Natura si esset realiter indiuisa & vna, esset singularis, non vniuersalis. Quia de ratione naturæ vniuersalis est, ut sit in pluribus naturis singularibus, siue ut diuidatur in plures se ipsas, homo sit in pluribus hominibus, humanitas sit diuisa in plures humanitates, & sic de cæteris. Vnde, singulare, idèò dicitur indiuiduum, quia non diuiditur in plura: & natura Diuina in tribus personis est vna prorsus

singularis. Natura ergo vniuersalis non potest esse realiter vna in suis indiuiduis. Imò ranteum abest, ut hæc vnitatis requiratur vel concurrat ad constituendum vniuersale, quòd potius illud destruat, illique repugnet.

Dico secundò. Natura in suis indiuiduis non est à parte rei formaliter vna, sumèdo vnitatem propriè pro indiuisiōne: neque datur vnitatis aliqua formalis à parte rei in natura, quæ per se conferat ad constituendum vniuersale. Hæc conclusio est communis, tam eorum qui dicunt solum in statu essentie, non autem in singularibus, quàm aliorum qui dicunt, tantum in statu rationis vnitatem conuenire naturæ, quos in sequentibus referemus.

Nec est à parte rei formaliter vna, id est indiuisa.

Probatur primò. Non potest dari vnitatis quæ sit indiuisio, nisi ratione entitatis indiuisæ, quæ sit vna: sed non datur in indiuiduis entitas naturæ indiuisæ; quinimo verè est multiplex & diuisa: ergo non datur talis vnitatis formalis naturæ à parte rei in pluribus indiuiduis. Nec dici potest, indiuidua, siue naturam in indiuiduis, distinguere quidem materialiter & realiter, non tamen formaliter. Nam itante diuisione reali, non potest intelligi quænam sit ista indiuisio & vnitatis formalis à parte rei: neque apparet qualiter vno modo possit natura esse diuisa, alio modo indiuisa etiam à parte rei. Sed tantum simul cum diuisione reali itare poterit conuenientia & similitudo, ut conclusione sequenti dicemus.

Secundò. Aliqua esse formaliter, seu essentialiter vnum, est habere vnam formam, vnam essentiam: sed sic est, quòd forma ipsa & essentia quæ est natura, non est vnica, sed multiplex & diuisa: ergo non potest indiuiduis inter se attribui vnitatis formalis & essentialis, iurèdo vnitatem pro indiuisiōne, supposita diuisione reali. Item quicquid est in vno indiuiduo, est realiter diuinum, atque dicretum ab eo quod est in alio indiuiduo: atque etiam ipsa prædicta essentialia superiora sūt in illis diuisa, v. g. alia est humanitas, alia rationalitas, alia animalitas, alia corporeitas, in Petro, atque in Paulo, & sic de omnibus prædicatis ceteris, quibus in omnibus indi-

Sed est ad huc multiplex & diuisa.

L. diuis.

duis: ergo ea quæ sic adæquatè sunt realiter diuisa & discreta, non possunt inter se habere à parte rei aliquam vnitatem & indiuisiōem: quasi in aliqua ratione sint diuisa; in aliqua autem sunt indiuisa, & sint à parte rei idem.

*Nullus est
fundamē-
tum indi-
uisionis
formalis
à parte
rei.*

Tertio. Scotus fundauit vnitatem illam suam numerali minorem, in distinctione quam ibidem constituit inter naturam & singularitatem, distinctionem, scilicet reali minorem, quæ etiam appellatur distinctio formalis. Sed duplici ex capite deficit. Tum quia non est concedenda talis distinctio à parte rei inter naturam & singularitatem, vt quæst. sequenti ostendemus. Tum quia, etiam si daretur talis distinctio, non sequitur indistinctio & vnitatis formalis inter naturam vnius indiuidui & alterius. Nam in composito physico materia & forma sunt distinctæ inter se; & tamen in duobus compositis, tam forma, quam materia, vnus, distincta est ab ea quæ est alterius. Quod si quis ex distinctione naturæ à singularitate inferre conetur, naturam quatenus sic distinctam à singularitate, iam non distinguui à natura alterius indiuidui, & vt sic esse vnā formaliter cum illa: malè procedet, quia potius dicere oportet, etiam naturam secundum entitatem suam naturæ, verè distinguui ab entitate alterius naturæ, & non solum à singularitate. Et, si deinde videatur, non posse distinguui naturam à natura, nisi per singularitatem: inde potius inferri debet, non posse naturam à parte rei à singularitate distinguui, & vt sic distinctam accipi; vt suo loco nos ostendemus.

*Nec ipsa
vnitas for-
malis po-
test esse in
singulari-
bus inter
se.*

Quarto, si datur talis vnitas formalis à parte rei. Vel datur vna prorsus in omnibus & singulis indiuiduis. Et hoc est penitus impossibile: & nec Scotus ipse & sequaces id voluisse videntur: quia nec vna entitas positiua, nec vna negatio, potest fingi in pluribus indiuiduis. Vel in singulis indiuiduis sūt singulæ vnitates, vt dicebat Caiet. Et tunc dici non pot, ratione talis vnitatis hoc indiuidui esse vni cum illo, id est indiuidui, indistinctum: quinimò si sunt distinctæ vnitates: ergo res ipse per illas sūt verè diuisæ atque distinctæ. Hic enim est modus quo res inter se distinguuntur, singulæ per suas peculiares ac proprias vnitates. Et sicut inco-

gitabile est, quòd res habens suā entitatē distinctā ab entitate alterius, dicatur per ipsam entitatē esse vnā & idē cum illa: ita etiā quòd res per suā vnitatē distinctā ab vnitare alterius, dicatur vni & idē cū illa. Et repugnat in terminis, dicere, quòd res habeat in se vnitatē distinctā ab alia re eiusq. vnitare, & per illam vnitatem sit vnā & idē cum tali re.

Confirmatur magis. Vni dicitur indiuisum in se & diuisum à quocunq. alio, & vnitatis indiuisio in se & diuisio à quocunq. alio: per vnitatē ergo ipsam, res est formaliter diuisa à quacūq. alia re: repugnat ergo dicere, rem per suam vnitatem esse vni & idē cum alia re habente aliā vnitatem distinctā: perinde enim id esset, ac dicere, vnā re per diuisionem quam habet ab alia re, esse indiuisam ab illa re: quæ est manifesta contradictio. Et quia vnitas, quam Caiet. hoc modo ponit, est vnitas formalis: per illam dici potius debet, re esse vnā in se, & diuisam formaliter ab omni alia re: non autem vnā formaliter cum alijs rebus.

Quinto. Neq. potest singularitas, seu natura in illis, tribui vnitas negatiua à parte rei, eo modo quo explicabatur: quasi essent duo gradus distincti, natura & singularitas, & diuisio proveniat à sola singularitate, deturq. negatio diuisionis procedentis à natura. Quin potius natura & singularitas sunt vna simplex entitas à parte rei; imo nec etiā per rationem perfectè distinguuntur, vt quæst. seq. dicemus. Et, cum tota entitas vnius indiuidui sit adæquatè diuisa ab entitate alterius, & natura vnus à natura alterius: iā per entitatē ipsam suā naturæ vnūquodq. diuiditur ab omnibus alijs: & in ipsamet entitate naturæ fundatur diuisio singulorū. Solum dici pot, talem diuisionem non esse de essetia ipsius naturæ, vt natura est, v.g. de essetia humanitatis, vt humanitas absolute est: quæ idē dicatur vna negatiue, quod negatiue loquendo valeat dicere, non esse de essetia eius diuisionē, neque hāc & illam singularitatem, vt lectione sequenti explicabimus.

Sexto demum. Si vnitas formalis dicatur tantum esse cuiusque indiuidui in se & in sua natura, non verò cum alijs indiuiduis, eorumque naturis. Hæc vnitas concedi quidem potest à parte rei. *Non* in se non

*Nec etiā
vnitas
negatiua,
nisi in
quodam
sensu.*

*Vnitas
formalis
cuiusque
indiuidui
in se non
veitō*

*facit ad
vniuersa-
le.*

verò distinguatur ab vnitare numeri, eadem questio est, atque an distinguatur ipsa natura à singularitate, quam postea disputabimus. Modò hæc vnitas non per se facit ad vniuersale: vnitas enim vniuersalis, debet esse vnitas multorum inter se, seu vnitas naturæ in multis non verò vnitas singularum rerum in se.

*Nat vna
à parte
rei est for-
maliter
vna, id-
est con-
similis &
conformis.*

Dico tertio. Natura in suis indiuiduis est à parte rei consimilis & conformis: & hæc potest appellari eius vnitas formalis à parte rei; non quidem sumendo vnitatem pro indiuiduone excludente diuisionem rerum, sed pro conuenientia quadam excludente dissimilitudinem rerum. Hæc conclusio est ab omnibus concedenda, & valde commoda est ad explicandam vnitatem formalem naturæ vniuersalis, siue ad fundandum ipsum vniuersale faciendum ab intellectu.

Probatu primò & explicatur ex re ipsa. Euidens sanè est, Petrum & Paulum esse realiter consimiles, & conformes in eo quòd vterque homo est, homo & equus in eo quòd animal est, & sic de cæteris. Vnde à parte rei hæc prædicata sunt ipsis communia, Petrus est homo, Paulus est homo. Quam similitudinem & conuenientiam in humanitate, nõ habet Petrus cum hoc equo, imò differt & dissimilis est: conuenit autem & assimilatur in natura animalis. Datur ergo realiter à parte rei ista similitudo & conformitas. Potestque appellari vnitas, quia sic solet communiter appellari, & quia vnitatis nomen sumitur, non solum in toto rigore pro negatione diuisionis, sed etiam pro huiusmodi conuenientia. Dicuntur enim res conuenire, quasi in vnum venire, idest in vnam proportionem & similitudinem, excludendo differentiam & disconuenientiam, per quam res sunt dissimiles & disconformes in essendo. Et appellabitur vnitas formalis, ad differentiam vnitatis realis, quæ dicit indiuiduonem: & dicitur Petrus formaliter vnus cum Paulo in ratione hominis, idest similis & conformis in humanitate sua cum humanitate alterius.

*Habetur
ex Arist.*

Probatu secundò ex Aristotele, tum de re, tum de modo loquendi. Aristot. 5. Metaph. cap. 6. plures vnus siue vnitatis modos & gradus distinguit, & inter

illos ponit, quando plura sunt vnum genere: *Vt homo, inquit, equus, canis, vnum quid, quoniam omnia animalia, & quodam simili modo, sicut materia vna.* Ponit etiã illa quæ sunt vnum specie, & in vniuersum quæ in prædicato aliquo superiori conueniunt. Idem habet cap. 9. & perspicue cap. 15. assignat hæc tria, idem, simile, & æquale: & ait, omnia dici secundum vnum. *Eadem sunt, quorum substantia vna. Similia, quorum qualitas vna. Aequalia, quorum quantitas vna.* Vna scilicet, idest conformis & conueniens. vbi conuenientiam in essentia & natura appellauit identitatem. Et 10. Metaph. 10. 24. simul docet, species in suo genere dici vnum & idem, & genus diuidi atque distingui in ipsis speciebus: ita vt ipsamet animalitas diuersa sit in homine & equo: per vnum ergo & idem, intellexit simile substantialiter & conforme, si à parte rei loquamur. Et præclare 1. Topicorum cap. 14. *Considerandum, quæ sint sub eodem genere, si quid inest omnibus idem, vt homini, equo, & cani. Nam si inest aliquid eis idem, in eis sunt similia.* Vbi planè docuit, quando idem prædicatum dicitur de pluribus, hæc assimilari & conuenire in ipso prædicato: & sic dici idem prædicatum.

Tertiò addendum est, hanc similitudinem & conuenientiam posse esse maiorem aut minorem. Quò enim res in pluribus prædicatis conueniunt, seu quando conueniunt in prædicato magis proximo, similia sunt: quò verò in paucioribus, seu in prædicato magis remoto, minus similia sunt. Sic magis conueniunt Petrus et Paulus, quia Petrus & hic equus: magis adhuc Petrus & hic equus, quia Petrus & hæc planta, & sic deinceps. Vnde quammaxime quidem conueniunt, ea quæ in specie infima vniuntur. Quamunimè verò, quæ solum in prædicato supremo. Et est contra quammaximè differunt, quæ in prædicato supremo differunt: quamunimè, quæ in infimo prædicato. Et ratio est. quia valet quidem inferre, quæ conueniunt in prædicato inferiori, conuenire etiam in superioribus vsque ad supremum: sed non valet inferre, quæ differunt in inferiori, differre etiam in superioribus. Valet inferre, quæ differunt in superioribus, differre etiam in inferioribus.

Hæc vnitas habet plures gradus.

bus: Non autem quæ conueniunt in superiori, conuenire etiam in inferioribus. Ascendendo ergo ab inferioribus ad superiora, augetur differentia, minuitur conuenientia. Et contra descendendo à superioribus ad inferiora, minuitur differentia, augetur conuenientia. Caterùm, modò non curamus, an hæc similitudo à parte rei sit relatio realis distincta ab ipsis extremis: quia hoc nihil refert ad præsentem causam: sed alibi disputandum est. Potius loquimur de entitatibus ipsis rerum, quæ sibi inuicem conformes sunt.

Explicatur Porphyrius & Aristoteles.

Obijcies primò. Porphyrius in capite de Specie, ait: *Plures homines participatiue speciei sunt unus homo*: ergo vna realiter est humanitas in omnibus hominibus. Et Aristoteles quinto Metaphysicæ capite decimoquinto citaco dixit, illas relationes fundari in vnitatem: ergo præsupponit vnitatem naturæ à parte rei, præter & ante conuenientiam à nobis assignatam. Et septimo Metaphysicorum textu quinquagesimo primo ait: *Animal esse vnum & idem in homine & equo sicut in sibi ipsis*.

Respondetur. Vtique Porphyrium non ignorasse, plures homines à parte rei esse plures & non vnum hominem. Vel ergo solùm docere voluit, sunt consimiles homo, si loquor: est de vnitatem à parte rei: vel vnus homo vnitatem rationis in intellectu, de quo postea. Aristoteles item ibi non dixit, illas relationes fundari in vnitatem, sed potius dici secundum vnitatem, & vnitatem acceptam pro conuenientia. Inde tamen alij sumptum occasione dicendi, illas relationes fundari in vnitatem. Sed debet id intelligi in vnitatem fundamentaliter accepta, idest in entitate rerum, quæ ab intellectu concipitur vt vna. In altero autem loco non dixit illud asserendo: sed asserendo tanquam absurdum, si animal esset idem in homine & equo; ipse planè volens, non esse idem, vt patet ex textu.

Explicatur diu. si natura in singularibus.

Obijcies secundò. Si in singularibus non esset aliud quàm natura vniuersalis, vtique non possent esse distincta: sed omnia essent à parte rei vnum & idem, vt notauit Sanctus Thomas questione nona de Pot. articulo primo. Ergo de fa-

cto vna & eadem est natura in omnibus: alioqui si diuersa est; etiam si ipsa sola remaneret, posset illa distinguere.

Respondetur. Si in singularibus esset natura adhuc eo modo quo nunc est, vtique semper distingueret ipsa singularia. Imò de facto non aliter singularia distinguuntur, nisi quia alia est natura vnus, alia alterius, alia humanitas Petri, alia Pauli; & ideò alius homo est Petrus, alius est Paulus. Implicat autem, naturam esse tali modo sine ipsis singularitatibus & differentiis contrahentibus ad singula indiuidua. Dictum verò illud, si non esset aliud, quàm sola natura, singularia non possent esse distincta: intelligitur, si esset sola natura eo modo quo nunc est in intellectu, quando abstrahitur. Quod idem est, ac si diceretur, nisi natura diuideretur in plura, idest in plures singulares naturas, esset prorsus vna. Ex qua condicionali, nullatenus potest inferri, de facto naturam esse vnā.

Obijcies tertio. À parte rei Petrus & Paulus non differunt specie, homo & equus non differunt genere: ergo à parte rei sunt vnum specie, vnum genere: ergo datur vnitatis formalis naturæ à parte rei.

Explicatur conuenientia singularium in natura.

Respondetur. Non differunt, idest, non sunt diuisi in naturam specificam & genericam: & negatur assumptum, quia sic est verè diuisa natura vnus à natura alterius. Non differunt, idest non disconueniunt, non sunt dissimiles in ipsa natura: & sic conceditur. Et similiter consequentia de vnitatem sumpta pro conuenientia dicta.

Obijcies quartò. Ab omnibus dictum solet, indiuidua eiusdem speciei differre tantum materialiter & numericè, non autem essentialiter, imò esse essentialiter vnum: ergo. Item à parte rei magis est vnus Petrus cum Paulo, & minus diuisus quàm Petrus ab hoc equo: ergo datur vnitatis aliqua naturæ à parte rei.

Respondetur. Indiuidua non differre, idest non esse dissimilia essentialiter in sua essentia & natura: sed reuera distinctam esse essentiam vnus ab essentia alterius. Sic magis est vnus, idest magis conuenit & assimilatur Petrus

trus cum Paulo : Ac si de distinctione loquamur, non minus est ab illo distinctus, quam ab equo : quia reuera nihil Petri est idem in Paulo ; sed tota entitas vnitas est alia à tota entitate alterius.

Alia argumenta, quæ congeri possunt, ex dictis facilius solui poterunt.

SECTIO SEPTIMA.

*Vtrum Natura secundum se
& in sua essentia sit formaliter vna.*

Sanctus Thomas Opusc. 42. quod est de natura generis, capite septimo, planè docere videtur, naturam secundum se, & in sua essentia, dicere vnitatem quandam ipsi in tali statu conuenientem ; quæ sit quidem à parte rei, & præter aliam vnitatem, quam natura postea accipit ab intellectu, tamen non sit in singularibus, neque cum ipsa natura descendat, siue communicetur ipsis singularibus : sed sitat in ipso statu essentia. Quoniam natura in sua quidem essentia caret diuisione : sed dum ad inferiora contrahitur, diuiditur in illis, ibique caret vnitatem. Et ita hanc sententiam defendunt Capreolus in tertio distincti. quinta quaestione tertia articulo tertio. Soccia. septimo Metaphysic. quaestione quadragesima. Iacellus octauo Metaphysic. quaestione decimatertia. Et Fonseca quinto Metaphysic. capite vigesimooctauo quaestione tertia, qui hanc vnitatem vocat præcisionis : atque esse quodammodo mixtam ex vnitatem formali & numerali : quia quatenus conuenit solis naturis, participat rationem vnitatis formalis : naturæ enim communes sunt formæ singularium. Quatenus autem conficit numerum ipsarum naturarum communium, quia habet varias, v. g. & equitatis, sunt duæ naturæ specificæ, habet rationem vnitatis numeralis. Et hinc vult, eam potius appellandam vnitatem numeralem, non quæ est propria singularium, sed quæ sit propria vniuersalium.

Dico primo. Natura secundum se,

& in sua essentia non est formaliter vna positiue loquendo. Hac est communis eorum qui asserunt, naturam non nisi per intellectum esse formaliter vnam, quos sectione sequenti referemus : & fortasse, nec etiam est contra Auditores allegatos, qui intelli. gi poterunt mixta conclusionem sequentem, vt dicemus.

Probatur primò. Natura in statu essentia conueniunt tantum illa, quæ vel sunt intrinsecè de ipsa essentia, vel sunt passionibus eam necessariò comitantes : sed vnitas seu indiuisio non est prædicatum essentiale naturæ, nec passio necessaria eius : ergo Minor est clara, quia nec inter prædicata essentialia naturæ talis vnitas reperitur, nec necessariò illam comitatur : quinimo natura est in suis indiuiduis multiplicata, atque diuisa. Non ergo hæc vnitas conuenit naturæ secundum se & in statu essentia.

Secundò prorsus repugnat, naturæ vniquam conuenire oppositum eorum, quæ illi in sua essentia conueniunt, sic enim destrueretur ipsa essentia : sed natura in singularibus conuenit diuisio opposita vnitati : ergo vnitas non conuenit essentialiter ipsi naturæ.

Tertiò. Id totum probatur exemplo diuinæ naturæ, quæ cum sit secundum se & essentialiter vna : diuidi non potest, sed vnica est in omnibus personis : Cùm ergo vnitas non conueniat naturæ vniuersali in omni statu, quinimo in aliquo statu illi conueniat diuisio vnitati repugnans : planè sequitur, illi non conuenire secundum se & in statu essentia vnitatem.

Quartò vltimis, quicquid conuenit naturæ in statu essentia, simul cum illa ad inferiora descendit, ipsique communicatur. In hoc enim propriè consistit quòd prædicata conueniunt naturæ in statu essentia, vt iam præmissimus. Ergo in terminis repugnat, dicere, vnitatem conuenire naturæ in statu essentia, & non simul cum illa ad inferiora descendere. Item quicquid est à parte rei, & quicquid à parte rei conuenit naturæ reali, potest realiter existere in ipsis rebus : alioqui si tollim possit existere obiectiue in intellectu, erit quid rationis & fictum : ergo repugnat etiam

Nō potest natura essentialiter conuenire vnitas, quæ nō sit in singularibus à parte rei.

in terminis, dicere, naturæ reali conuenire à parte rei aliquam unitatem, quæ nunquam existat, vel existere possit realiter in ipsâ naturâ.

Nō potest unitas nature communis dici numeralis.

Quintò, specialiter contra Fonseca, non debet naturæ communi tribui unitas numeralis. Nam hæc unitas ab omnibus ponitur propria singularium. Vnde unitas, quæ saltem per rationem ab omnibus conceditur naturæ communi, videlicet unitas generica, specifica, à nullo vocatur unitas numeralis: licet penes illam possimus plura vniuersalia numerare: numeramus enim decem genera generalissima, sex species in vno genere, ut patet. Et ratio est: quia non omnis unitas per quam numeramus, appellatur unitas numeralis, aliqui non distinguere unitas numeralis & vniuersalis, sed omnis unitas est numeralis. Sed unitas numeralis sumitur pro unitate indiuiduali, quæ est propria singularium, quæ in indiuiduo numeramus, & de quibus dicimus, hoc est vnum numero. Petrus est vnus numero. Non ergo unitas naturæ communis debet dici numeralis.

Natura in sua essentia nec etiam est diuisa.

Dico, secundò. Naturâ secundum se & in eodem statu essentia, nec habet diuisionem in plura, oppositam unitati: & hinc dici potest quodammodo in tali statu negativè vna, idest non diuisa. Hæc conclusio est expressa S. Tho. de Ente & Essent. c. 4. & Opusc. 55. & 42. c. 6. & Auic. qui propterea dixit: *Equinitas secundum se est tantum equinitas, nec est vna nec plura.* Hæc etiam videtur, fuisse de mente eorum quos ab initio aliecauimus.

Probat, primò, eodem modo quo præcedens conclusio. Quia nec etiam diuisio est de essentia naturæ, vel necessaria eius passio: quinimo natura est secundum integram suam essentiam & omnes suas passiones in vnoquoque indiuiduo, & tamen non est in illo diuisa: est etiam obiectiue in intellectu, quando abstrahitur à singularibus, & tunc etiam à diuisione præcinditur. Non ergo essentialiter diuisionem importat.

Secundò. Ex eo quod natura humana, v.g. essentialiter differt & est diuisa à natura equina, impossibile est, ut secundum suam specificam rationem sit in tali diuisione: ergo si pari modo essentialiter diceret diuisionem sui ipsius in

plura, nunquam esse posset sine tali diuisione. Sed potest esse sine illa, vt patet: ergo diuisio non conuenit essentialiter ipsi naturæ.

Tertiò itaque patet, neque unitatem, idest indiuisiuitatem in plura, neque diuisionem & multiplicationem, conuenire naturæ in statu essentia: sed naturam secundum suam essentiam esse indifferenter ad vtrumque. Ita tamen quòd nec ipsa indifferencia sit de essentia naturæ. Sed natura in sua essentia dicat tantum illa quæ ei necessariò & semper insunt, & non dicat aliud præterea.

Quartò, hinc dici potest natura in statu essentia negativè vna, idest non essentialiter diuisa. Vbi diligenter aduertendum est: aliud esse dicere per modum propositionis affirmatiuæ, natura in sua essentia est indiuisa, aliud per modum propositionis negatiuæ, non est in sua essentia diuisa. Prima propositio est falsa: & idè in conclusione præcedenti dicebamus, naturam non esse formaliter vnâ positiue loquendo. Secunda est vera: & idè in hac conclusione concedimus, naturam dici posse negativè vnâ. Et ratio huius rei est clara. Quia dum sumitur, natura in statu essentia, omnis propositio affirmatiua aliquod practicum quod non sit de essentia, erit planè falsa: & è contra, omnis propositio negans erit vera. Sicut tam falsum est dicere, de essentia hominis est non albedo, quàm est albedo: & è contra tam verum est dicere, de essentia hominis non est non albedo, quàm non est albedo, quia neutrum est de essentia hominis. Et sic patet in omnibus alijs rebus.

Obijcies primò. Natura in sua essentia habet vnum nomen vnamque definitiuam: quod autem definitur, debet esse vnum, vt notauit Arist. 4. Metaph. tex. 20. & lib. 7. tex. 13. ergo natura in se & essentialiter est verè vna.

Respondetur, nomen quantum ad suum significatum, & definitionem rei, non esse magis vnâ, quàm sit ipsum res: sufficit ergo, quòd natura in sua essentia sit negativè vna, idest non dicat essentialiter diuisionem, posse etiam concipi ab intellectu vt vna, àd hoc vt vno nomine significari, & vna definitione explicari possit.

Vnde dici potest negativè vna.

Quomodo possit natura definiti.

Obij-

*Quomodo
unitas su-
adqua-
ta passio-
entis.*

Obijciat secundū. Vnum est passio entis, & omne ens in quocunque gradu sumatur, est ex sua essentia vnum: sed quilibet natura in quocunque gradu sua essentia sumpta est vique essentialiter ens: ergo in eodem statu est vna. Sicut veritas & bonitas, quæ sunt alie passionēs entis, omni naturæ reali in statu essentia conueniunt.

Respondetur. Unitatem quæ est passio entis, posse saluari merè negativè, quod scilicet non sit de essentia naturæ diuisio: posse etiam saluari per rationem cum fundamento in re, quò pacto natura in intellectu est vna. Deinde potest sumi unitas transcendens, quæ est passio entis, pro unitate numerali & indiuiduali. Et hæc omni enti, omni quæ naturæ reali, in omni statu conuenit. Pro qua re notandum est, hanc unitatem indiuidualem posse sumi, vel determinatè in hoc aut illo indiuiduo, vel abstractè & in communi præscindendo ab omni unitate indiuiduali determinatæ. Sicut enim præscinditur natura à singulis indiuiduis, ita unitas à singulis unitatibus. Naturæ ergo secundum se & in communi sumptæ, non conuenit determinatè hæc vel illa unitas singularis: conuenit tamen in communi & præcisè sumpta. Et hoc modo verum est dicere, enti adæquate loquendo, & omni gradui entis, conuenire essentialiter & necessariò unitatem: ita ut in indiuiduis illi conueniant singulæ unitates determinatæ in communi illi conueniat pariter unitas in communi abstracta ab iisdem unitatibus. Unde, ita verum est dicere, omne ens est vnum singulare, omnis substantia est vna, omnis homo est vnus singularis, sicut dicuntur alia prædicata, quæ conueniunt naturæ in statu essentia. Non oportet ergo aliā unitatem propriam & determinatam tribuere naturæ in statu essentia, repugnantem diuisioni quam habet in pluribus indiuiduis. Quod solè in conclusione negatiuæ.

*Quomodo
natura
communis
possit nu-
merari.*

Obijciat terriò ex Fonseca. Unitas quæ conuenit naturæ communi, est incommunicabilis pluribus, quia sinit in ipsa natura: ergo dici debet vni & numeralis. Nam unitas numeralis constituitur per incommunicabilitatem, ad differentiam unitatis formalis, quæ communicabilis

est. Item vbiunque conceditur numerus, debet concedi unitas numeralis: ex his enim unitatibus numerus configit: sicut in naturis communibus debet concedi numerus: dantur enim tres species, decem genera: ergo unitas naturæ communis debet appellari unitas numeralis.

Respondetur, quoad rem attinet natura in statu essentia non continere aliquam unitatem, quæ non communicetur singularibus: quia apertè repugnat dicere, aliquod prædicatum conuenire naturæ in statu essentia, & non communicari singularibus. Quoad modum verbò loquendi, si talis unitas conueniret naturæ, siue unitas rationis quam postea concedemus: licet secundum se communicari non possit, non debet appellari numeralis in sensu philosophico. Unitas enim numeralis est, quæ res dicitur vna numero, & quæ sit ut res ipsa communicari non possit: cum ergo natura communis possit ipsa communicari, eius unitas non est dicenda numeralis, licet dicenda erit vniuersalis opposita numerali. Vniuersalis enim est vnum commune multis. Ad alteram instantiam, nè de nomine contendamus, distinguendum est, dupliciter posse sumi numerum & unitatem numerali: vel mathematicè, & vbiunque scilicet possumus numerare: vel metaphysicè, pro numero singularium, & pro unitate singulari. Isto ergo mathematicè loquendo, possit in naturis communibus concedi numerus & unitas numeralis: tamen non metaphysicè loquendo, in quo sensu Philosophi communiter loquuntur, & nos loquimur.

Obijciat 4. Diuisio & negatio diuisionis contradiçtorie opponuntur: sed inter contradiçtorias non stat medium: ergo male dictum est, neutram conuenire naturæ in statu essentia. Vel sic, ex duabus contradiçtorijs necessariò altera est vera, & altera falsa: sed hæc contradiçtorie, natura in essentia sua est quæ, natura in sua essentia non est diuisa: ergo alterutra debet esse vera.

Respondetur, inter contradiçtorias non dari medium in statu realis existentia, quia omnino vel forma vel negatio formæ conuenit subiecto: sed in statu essentia possit dari medium, id est quod nec forma nec negatio formæ sit de essentia

*Quomodo
natura
in sua es-
sentia pos-
sit abstra-
here à con-
tradiçto-
rijs.*

subiecti, vt patet innumeris exemplis. Illæ autem propositiones, quæ dicunt vel formam vel negationem esse de essentia, non sunt inter se contradictoria: quoniam ambæ sunt affirmatiuæ, & ambæ falsæ: atque adeo duæ negatiuæ oppositæ erunt veræ. Illa ergo propositio, natura in statu essentia non est diuisa, si reddat sensum affirmatiuum, id est de sua essentia habet vt non sit diuisa, est falsa: si autem reddat sensum negatiuum, hoc modo, non ex sua essentia natura habet, vt sit diuisa: sic est vera, ex qua non sequitur positiuè loquendo vnitatem seu indiuisiōnem conuenire nature in statu essentia.

*Quomodo
propositio-
nes omnes
negatiuæ,
circa hanc
rem sint
veræ, af-
firmatiuæ
sunt falsæ.*

Obijcies quintò. Ex propositione negatiua de prædicato finito, benè inferri potest affirmatiua de prædicato infinito, vt habetur 2. Perieric. cap. 1. V.g. homo noui est albus: ergo est non albus. Igitur non solum valebit dicere, natura in statu essentia non est diuisa: sed etiam affirmatiuè, in statu essentia est indiuisa.

Respondetur cum Caiet. de Ente & Essentia quest. 6. Illam regulam valere in propositionibus simplicibus, non autem in propositionibus reduplicatiuis, seu in propositionibus essentialibus ea quæ sunt de essentia rei: vt patet in exemplo allato. non enim valet dicere, homo quarens homo siue in sua essentia est non albus. Benè tamen valet è contra etiam in reduplicatiuis, ex propositione affirmatiua inferre negatiuam: v. g. homo ex sua essentia est non equus: ergo ex sua essentia non est equus. Ratio autem clara est, quia benè fieri potest, vt neque forma neque negatio competat subiecto essentialiter: & idè si negatur forma, non sequitur debere affirmari negationem formæ, sed hac etiam negari debet. At fieri non potest, vt forma & negatio formæ simul essentialiter competant eidem rei, vnde nunquam poterit veraq. affirmari sed si affirmabitur negatio formæ, debet negari forma. Firma ergo remanet regula quam tradidimus: propositiones quidem negatiuæ esse veras, tam de diuisione quam de indiuisiōne; affirmatiuæ autem esse ambas falsas.

*Quomodo
dici possit
naturam
negatiuè
veram.*

Obijcies 6. Si ex eo quòd natura in statu essentia non sit diuisa, admittimus posse dici negatiuè veram: ergo eum etiam dictum sit, in statu essentia non esse indi-

uisam: admitti debet, esse negatiuè diuisam, id est non esse de essentia eius indiuisiōnem.

Respondetur, rem quidem pari modo se habere de vnitatē seu indiuisiōne, atque de diuisione, vt ostensum est: tamen quoad modum loquendi facilius dici posse naturam esse negatiuè vnā: non solum quia id est in vtu, qui solus sufficere potest: sed etiam quia ex impositione ipsa nomen vnitatis magis sumitur negatiuè: vnde eo sensu quo dicimus, natura non est in sua essentia diuisa, dicitur negatiuè vna. Sic Aristoteles 5. Metaphys. text. 11. *Quicumque non habent, rationis vnitatem, quatenus non habent, rationis vnitatem dicuntur.*

SECTIO OCTAUA.

Qualiter Natura vniuersalis per operationem & præcisionem intellectus fiat propriè vna.

Primò, ex dictis sequitur, naturam, vt sit vniuersalis, fieri debere vnā per operationem intellectus. Hac est sententia S. Thom. de Ente & Essentia. cap. 4. & Opusc. 42. sæpè, præsertim cap. 9. & 1. 2. q. 17. ar. 4. vbi ait, vnū specie vel genere esse vnū ratione, & alijs pluribus locis. Est etiam planè Damasc. lib. 1. Fidei cap. 1. vbi ait, naturas duorum singularium sola ratione vnū esse. Item Auicenna 5. Metaphysic. in princ. Alen. 5. Metaph. text. 10 & aliorum grauium Auctorum. Eamq. defendunt Suarez. disp. 6. Metaph. Sorus hic q. 2. Vniuersalium. Tolet. q. 2. Fund. 4. & q. 3. Fund. 2. Conimbr. q. 3. ad 2. Masius sect. 2. de Vniuers. q. 3. & alij recentiores, vt plurimum. Patet: quia ex vna parte primitiū est, vnitatem esse de necessitate & constitutione vniuersalis: ex altera parte ostensum est, naturam non esse à parte rei vnā, neque in singularibus, neque secundum se sumptam: ergo nihil aliud superest, nisi vt hac vna per intellectum. Neque enim ad rationem vniuersalis satis est illud quod dictum est, naturam in sua essentia non dicere diuisionem: oportet enim vt positiuè dicat indi-

*Natura
vniuersa-
lis fit vna
per opera-
tionē in-
tellectus.*

Secl. VIII. Qualiter habeat unit. per intellect. 169

indiuisionem. Et sic vniuersale definitur aliquid vnum idest indiuisum. Natura ergo vniuersalis debet fieri vna per rationem.

*Et est vna
obiectiue
in mente.*

Cōfirmatur: quia unitas quę constituit vniuersale, debet in aliquo statu existere in ipsa natura, in illo scilicet statu in quo ipsa natura est vniuersalis. Sed duplex est status existentie, scilicet realis, & obiectiue: unitas autem naturę non existit a parte rei in indiuiduis, quinimo a parte rei existit diuisio naturę in ipsis singularibus: debet ergo exare in statu existentie obiectiue, dum natura est in intellectu. Et sic natura non est vniuersalis a parte rei, sed tantum prout est obiectiue in mente. Hanc demum unitatem rationis, vniuersali tribuere voluit Arist. non solum. Post. tex. 149. dum dixit, vniuersale esse posterius singularibus, quia scilicet fit per abstractionem rationis a singularibus: sed præsertim 5. Metaph. tex. 11. & lib. 10. textu 1. ubi inter varios modos vnus ponit vnum ratione & intelligentia, hanc unitatem plane referens ad vniuersale.

*Fig. vna
per præci-
sionē intel-
lectus.*

Secundo, ad explicandum quomodo fiat hæc unitas per rationem, dici solet, fieri per abstractionem & præcisionem intellectus, quia scilicet intellectus sua consideratione veluti separat naturam ab ijs in quibus realiter est diuisa, & ita dicitur abstrahere & præcindere. Cum enim realiter existat in Petro v. g. sua humanitas, & in Paulo sua humanitas, intellectus concipit tantum humanitatem, non determinans illam ad aliquod certum singulare, sed forans de illa talem conceptum obiectiuum, qui possit affirmari non solum de certo aliquo indiuiduo, sed de omni alio in illa natura consimili. Vnde talis conceptus obiectiue in mente, non est actu diuisus in multa, sed veluti collectus in vnum: caret ergo diuisione: & sic est vnus. Et rursus ad maiorem explicationem talis præcisionis aduertendum est, dupliciter posse intellectum sua consideratione veluti separare & abstrahere vnum ab alio, vt notauit Boet. com. 2. in procem. Porphy. a se translati, & D. Thom. 1. par. q. 85. ar. 1. ad 1. & Quid. 70. q. 5. ar. 3. vel per modum compositionis & diuisionis,

vt loquitur S. Thom. vel per modum simplicitationis.

Prior modus est, cum intellectus iudicat hoc non esse illud: sic separamus & abstrahimus equum ab homine, dū dicimus homo non est equus. Et quando sic separamus quę in re separata non sunt, fallitur intellectus exercendo actus iudicii falsi. Posterior modus est, cum intellectus cogitat aliquid, non cogitando quicquid illi coniunctum & connexum est: sic possumus cogitare de sapore v. g. pomi, non cogitando de colore eiusdem; imo etiam absque distinctione rerum a parte rei potest intellectus sua cogitatione formare plures conceptus, cogitando aliquam rationem, & non ad quædam concipiendo quicquid est in tali re, & postea alio actu concipiendo aliam rationem. Sic sæpe cogitamus de vno attributo diuino, v. g. misericordia, non cogitando de iustitia. Vnde prouenit distinctio quę dicitur rationis. In hoc autem modo abstractionis non datur falsitas; nec enim intellectus iudicat hoc non esse illud, sed cogitat de hoc, non cogitans de illo. Et recte dixit Arist. 2. Phys. 18. Abstrahentium non esse mendacium. Solum autem prima abstractio vocari negatiua, secunda præcisiua.

*Qualis sit
hæc præci-
sio.*

Hoc ergo secundo modo abstractionis præcindit intellectus a rebus conceptum naturę communis, a diuisione quam habet a parte rei, concipiendo scilicet ipsam naturam, non concipiendo illam diuisam & determinatam in plura; non tamen negando illam de ipsis pluribus: quinimo per talem præcisionem natura constituitur in statu, vt possit prædicari de pluribus, quia deinde intellectus applicans eandem naturam rebus, in quibus verè reperitur, illam de omnibus affirmat. Vnde natura dum fit vniuersalis, fit etiam prædicabilis de pluribus. Et ratio est: quia licet concipiatur non vt actu diuisa; tamen concipitur vt apta diuidi & multiplicari, de qua a petitudine loquimur sectione sequenti. Nunc tantum loquimur, de unitate, quatenus negans diuisionem actualem in ipso intellectu.

Tercio. Hæc intellectus præcisio exercetur, & unitas efficitur, non temere, & me-

*Fit vna
dum præ-*

*seinditur
ab intellectu
et cum
fundamēto
in re.*

& merè fidei, sed cum maximo fundamento in re, quod potest dupliciter explicari. Primò penes similitudinem, illam qua dicebamus singularia inter se realiter cōuenire & conformari in essendo. Cū enim intellectus percipiat, Peterum & Paulum cōuenire in hoc, quod uterque est homo, format conceptum humanæ nature vtriusque communem; & ut dixit Sōdēn. quinto Metaph. quæst. 34. ad 3. Quilibet natura singularis apta est inherere intellectui speciem intentionalem, ex qua formari possit conceptus obiectiui, qui prædicari possit de omnibus alijs confimilibus. Secundò explicari potest penes negationem illam, qua dicebamus diuisionem in multa non esse de essentia nature. Hinc enim fit, ut possit concipi natura sine tali diuisione: alioqui si diuisio esset de essentia nature, natura non posset rectè ab illa præscindī. Vnitas ergo illa conformitatis, quam à parte rei concessimus; & negatio diuisionis iuristatue essentis, licet per se non sufficiat ad constituendum vniuersale, tamen est proprium fundamentum eius unitatis per rationem, quam modò assignamus, & quæ formaliter concurrat ad constituendum ipsum vniuersale.

*Vnitas vniuersalis
est denominatio
vel forma
rationis.*

Quarò deinde ad explicandum, quid sit hæc vnitas, statim videbitur esse ens quoddam rationis: non enim est à parte rei: sed tantum fit per intellectum. Distinguedum tamen est, dupliciter posse accipi hanc unitatem. Primò, in primo actu quo intellectus concipit naturam, in se. Secundò, in alio actu reflexo, quo intellectus recogitat naturam in tali suo conceptu esse vnā & indiuisam: quos duos actus pater in intellectu debere distinguī. In primo illo actu, intellectus cōcipit quod reale est in natura, licet nō concipiat totum quod est à parte rei: non tamen concipit quicquā fictum ex parte obiecti, ut per se patet: non ergo tuoclarur ens aliquod rationis, & fictū obiectiue. Adhuc tamen per illum primum actum, denominatur natura concepta, & concepta sine diuisione. Atque adeo tunc dici potest vnā per denominationem extrinsecam ab ipso actu intellectus ita concipientis, quæ denominatio in rigore est realis, quia est à forma reali cogitationis: tamen dicitur etiam rationis, quia

cū non sit subiectiue in ipsa natura; illi tribuitur ab actu rationis. Et sic vnitas primo modo est denominatio realis ab actu rationis.

In secundo actu, si intellectus recogitans naturam in primo actu fuisse præcisam & effectam vnā, tantum id concipiat per modum denominationis extrinsecæ, sicut nos modò diximus se habere: nec etiam facit ens aliquod rationis & fictum, quia concipit quod reuera est, & potest verè iudicare, natura est tali modo præcisā & vnā. Si autem concipiat vnitate in natura ad istar forme cuiusdam intrinsecæ, quam concipiat veluti resultare in ipsa natura ex priori operatione intellectus: tunc propriè effinget ens rationis, obiectum nempe quod reuera non est; nec est denominatio à forma reali: hoc autem totum, consonat doctrinæ in proprio tractatu traditæ de ente rationis.

Ad constituendum verò vniuersale, non est necessarium expectare unitatem, hæc fictam tali modo, neque hæc est necessaria, neque quicquā iuuat vel ad sufficiat vel ad totum explanationem. Sufficit ergo prima illa vnitas: & per illam optimè intelligitur vniuersale esse aliquid vnum: vnum quidem, non realiter, id est unitate existente in rebus extra intellectum: sed vnū ratione, non quasi hæc vnitas debeat esse forma ficta per rationem, sed per denominationem rationis ab actu intellectus, verè reali modo explicato.

Quinò principaliter ad explicandum quod duplex esse possit hæc vnitas & præcisio, distinguere oportet adæquatè duplicem unitatem & præcisionem. Vnā, dicitur perfecta: altera imperfecta. Illa erit perfecta vnitas & præcisio rationis, quando in illis rebus a quibus abstrahitur natura, inuenitur duplex ratio intrinsecæ: vnā sit ipsa natura in qua vnā res conuenit cum alijs altera sit differentia propria talis rei per quam differat ab alijs. Vnde intellectus formare possit duos conceptus, vnum de natura, alterum de tali differentia. Ita quod neque talis differentia includatur in conceptu nature, neque natura in conceptu differentie: non inquam includatur, nec explicitè, nec implicite: sed quantumuis explicetur vtrique conceptus, vnus non anue-

*Duplex
est vnitas
& præcisio.
Vnā perfecta.*

natur

natur in alio. Exemplum huius perfectionis fit in homine inter animalitatem & rationalitatem. Si consideretur animalitas, quæ est natura communis hominis cum bruto, & est essentialiter principium sentiendi non includit rationalitatem sumptam pro principio essentiali intellectu, nec etiam implicite, quia quantumvis explicetur principium sentiendi, nunquam includit principium intelligendi. Pariter si consideretur rationalitas, quæ est differentia hominis à bruto, non includit animalitatem, quia quantumvis explicetur principium intelligendi, non includit principium sentiendi. Vnde principium intelligendi inuenitur in Angelis, in quibus nullum est principium sentiendi.

*Alter im
perfecta.*

Alia est imperfecta vnitas & perfectio rationis, quando in illis rebus à quibus abstrahitur natura communis, non inuenitur alia ratio, quæ non intrinsecè & essentialiter includat eandem ipsam naturam: quin potius totum quod est in ipsis rebus, & quæcunque formalitas in illis inuenta, semper inuoluat conceptum illum naturæ communis, nec possit penitus ab illo præcindi. Vnde & ipse conceptus naturæ communis in se continet & inuoluit quicquid penitus est, & omnem formalitatem inuentam in suis inferioribus, non relinquens in illis aliquas differentias quas secum non trahat. Et eo solum dicatur abstrahi & præcindi, quod potest conceptu consulo apprehendi sine conceptu explicito inferiorum: tamen saltem implicite illa contineat: & ideo dicitur præcindi imperfectè, quia præcindit solum ab explicito, non autem à totali conceptu inferiorum. Exemplum huius imperfectæ perfectionis fit, iuxta communem sententiam, in ente, sumpto adæquate pro omni eo quod non est in re nihil. Conceptus naturam entis communem substantiæ & accidenti, nec tamen in substantia, vel in accidenti, inueniri potest aliqua ratio vel formalitas, quæ essentialiter non sit ens. Sed dicimus quidem substantiam esse ens per se, accidens in alio; & ita distingui per differentias perfectæ & inaleitatis: tamen ipsa perfectæ, & quicquid in ea concipi potest, semper est essentialiter ens. Alia, ergo

primus conceptus obiectiui entis, nõ dicebat partè tantum substantiæ, & partem relinquens: sed penitus inuoluebat quicquid est in substantia, quia nihil est in illa præter ens. Similiter in accidente. Sed quia Scot. cum sequacibus non admittit hoc exemplum, contendens etiam respectu entis dari differentias contractiuas in quibus ipsum ens non includatur: & de hoc disputandum erit in Metaphys. Aliud exemplum potest esse hæcceitatis in doctrina Scoti, qui ponit in cunctis rebus singularibus proprias hæcceitates à natura distinctas. Potest ergo à nobis nominari & concipi hæcceitas in communi, prædicabilis de singulis hæcceitatibus. Quod non est purum nomen æquiuocum, nec dicitur analogice per metaphoram, aut denominationem extrinsecam: sed planè dicit conceptum obiectiuum in mente, communem singularis. Nec potest dici nisi imperfectè præcindere: quia sine dubio quicquid est in singulis hæcceitatibus, essentialiter inuoluit talem conceptum: nec sunt cogitabiles aliæ differentie extra latitudinem eius. Ceterum alijs locis proprijs, iuxta varietatem rerum & naturarum, occurrentium, demonstrabimus & defendemus, dari non solum modum perfectæ, sed etiam imperfectæ perfectionis: & hæc tota res magis explicabitur.

Superest modò difficultas, num ad vniuersalem requiratur perfecta vnitas & perfectio, vel sufficiat imperfecta. In qua re dubium esse non debet, posse sumi vniuersale ita amplè, prout scilicet à singulari distinguitur, quod conceptus communis, siue perfectè, siue imperfectè præcindens, dicatur vniuersalis. Sic Aristoteles tertio Metaphysicæ textu decimo & 16. dixit, ens esse maximè vniuersale. Item posse sumi vniuersale ita præse, pro solo eo, quod est perfectè vnum, perfectè præcindens, quod excludatur conceptus solum imperfectè vnus. Et in vtroque sensu potest explicari definitio ipsius vniuersalis: vel intelligendo aliquid vnum, quocunque modo sit vnum: vel intelligendo perfectè vnum. Solum ergo potest esse dubium, an vniuersale quod diuiditur in genus & speciem, quod prædicamenta constituunt, quod dicitur vniuocum, & condistinguitur

*Quoniam
ad vni-
uersale
requira-
tur vel
sufficiat.*

tur ab analogo, debeat perfectè præcindere. Et cõmunis quidem sententiã ita ferè sine disputatione iupponit. Hoc tamen multum dependet ex dicendis. Et quia porius spectat ad quædam vniuersalia, postea id discutietur & resoluemus. Nunc vniuersale maxime sumimus in tota sua amplitudine, vocando vniuersale in essendo ad differentiam singularis, & cui conuenit doctrina hæcenus tradita.

Arist. explicatur.

Obijcies primò ad probandum vnitatem naturæ vniuersalis non posse in solo intellectu consistere. Arist. 5. Metaph. tex. 10. Vnitatem genericam & specificam videtur computare inter vnitates reales, seu quæ sunt a parte rei in rebus ipsis: sed vnitates genericæ & specificæ est vniue vniuersalis: ergo.

Respondetur, vel Arist. ibi recensere vnitates quæ conueniunt entì reali, includendo etiam illas quæ per rationem conueniunt. Vel, si posuit vnitatem genericam & specificam a parte rei: intellexisse pro vnitare conformitatis, nõ verò indiuisiõis: sive pro vnitare indiuisiõis fundamentaliter accepta, idest pro fundamento talis vnitatis.

*Quomodo
actus in-
tellectus
sumat
vniuitatem
ab obiecto
& de v-
nitatem
naturæ.*

Obijcies secundo. Actus intellectus sumit vnitatem ab obiecto, a quo & specificatur: ergo non potest dare illi vnitatem: igitur natura non potest fieri vna per operationem intellectus. Respondetur, actum intellectus sumere vnitatem ab entitate naturæ quæ est eius obiectum, non ab vnitare naturæ. Et ita bene potest dare vnitatem ipsi naturæ, quam natura non habebat. Nec necesse erat, naturam præsupponi vnã ad hoc vt posset terminare vnum actum intellectus, nisi vnã fundamentaliter iuxta prædicta.

SECTIO NONA.

De Aptitudine Naturæ vniuersalis ad essendum in multis.

Varia sententia.

Idem Auctores qui naturam a parte rei & in singularibus vnã esse censebant, etiam aptitudinem ad essendum in multis tribuunt a parte rei ipsi naturæ in quolibet indigido repertæ. Vel distinguunt duplicem aptitudinem: vnã positivam, aliam negativam, scilicet

non repugnantiam, seu negationem repugnantiam ad essendum in multis: & dicunt, naturam a parte rei, si non habet aptitudinem positivam, saltem habere hanc non repugnantiam. Vel duplicem esse aptitudinem, vnã proximam, aliam remotam: proximam esse potentiam liberam & expeditam, nullæquæ impedimento affectam: remotam esse potentiam impeditam, quæ tamen sublatò impedimento reduci possit ad actum. Sicut materia secundum se quidem dicit potentiam proximam recipiendi certam formam: sed quatenus affecta aliqua forma priori, est in potentia remota ad recipiendam aliam. Ita naturam a parte rei habere aptitudinem, non quidem proximam, sed remotam, singularitatem scilicet impeditam, ad essendum in multis: quando verò abstrahi ut, atque adeo a singularitate denudatur: tunc impedimento sublato esse in potentia proxima. Ita declarauit Sco. in 4. dist. 3. quæst. 1. quem alij suæ scholæ sequuti sunt.

Aliter Foul. 5. Metaph. cap. 28. quæst. 4. & 5. & lib. 7. cap. 12. quæst. vnica. sect. 12. & 13. sic naturæ tribuerat vnitatem in statu essentia: independentem ab operatione intellectus, quæ tamen vnitatis non esset in ipsis singularibus: ita pari modo natura tribuit aptitudinem in statu essentia: illi demum qui naturæ non nisi obiectiue in mente, tribuebant vnitatem: ita etiam communiter de aptitudine sentiunt.

Dico primò. Natura a parte rei & in singularibus existens non habet aptitudinem, quin potius habet repugnantiam, vt vna sit in multis. Hæc conclusio est ferè communis. Probatur primò, a parte rei dari non potest vna indiuisa entitas naturæ, quæ eadem possit esse in multis: sed non nisi plures & multæ naturæ inter se diuisæ, possunt esse in multis: non ergo a parte rei datur, nec inueniri potest, aptitudo naturæ vnus ad essendum in multis. Item natura realiter non inuenitur nisi in suis singularibus: in quolibet autem singulari est determinata ad vnum, & non est apta vt sit in alijs. Hæc manet quæ est in Petro, non potest esse in Paulo, nec in alio quouis homine singulari. Implicat enim naturam aliquam singularitatem affectam amittere præteritam

*Natura
non habet
a parte
rei aptitudinem
essendi vna
in multis.*

Seet. IX. De eius aptitud. essendi in multis. 173

stentem & nouam recipere ; idquē neque per Dei potentiam fieri potest , quia non ranta dist. nctio intercedit inter naturam & singularitatem, vt apud omnes constat. Implicat etiam, naturam priori singularitate recentia, nouam recipere, vt ita possit eadem indiuisa natura plura constituere indiuidua : Sic enim eadem natura, esse posset nō tantum in duobus, aut tribus, aut decem, sed in quocunque crearentur à Deo : & si ita esse posset, dicendum foret ita esse de facto: quæ omnia, absurdissima sunt: non ergo natura vt existens à parte rei in singularibus, potest vna esse in multis .

Respondent, naturam vnius indiuidui duo dicere, & rationem nature, & rationem huius. Et quatenus est hec, non posse esse in pluribus, nec alijs indiuiduis communicari: sed quatenus est natura, posse. Sed contra. quia si in hac natura separari posset ratio naturæ & ratio huius, illaquē sola transferri ad alia indiuidua, relicta ratione huius: sic responsio posset habere locum. Sed certè nihil eius naturæ quæ est in vno indiuiduo, nullaquē entitas vnius indiuidui, potest communicari alijs: quinimo indiuidua ita diuisa sunt à parte rei, vt nullam entitatem possint realiter habere communem, quæ eadem sit in pluribus: ergo hæc natura, neque etiam quoad entitatem naturæ quam habet in hoc indiuiduo, potest communicari alijs.

Secundò probatur conclusio. Quia talis aptitudo, si esset à parte rei, conueniret cuilibet naturæ existenti in quolibet singulari. Vel ergo esset vna in omnibus & singulari: vel multiplex quot sunt ipsa indiuidua. Primum dici nullo modo potest, quia cum nec ipsa natura sit vna indiuisa in pluribus, multo minus aptitudo naturæ potest esse vna indiuisa in omnibus. Si dicatur secundum: ergo tot sunt naturæ vniuersales à parte rei, quot singularia eius, quia nimirum quilibet ex singulari naturis erit vna apta esse in pluribus: tot ergo erunt species hominis, quot homines singulares; tot genera animalis, quot animalia indiuidua. Imò è contra hinc inferretur, nullum esse vniuersale: quia cum quodlibet singulare haberet suum proprium vniuersale; nullum erit vniuersale vnum in multis.

Nulla modo ergo potest tribui illa aptitudo naturæ à parte rei.

Tertiò, non solum non potest tribui aptitudo positiua: sed nec etiam negatiua, idest non repugnancia. Probatum enim est, naturæ à parte rei positiuè repugnare, esse in pluribus: potius ergo dici debet, naturam à parte rei esse prorsus ineptam & impotentem, vt vna sit in pluribus. Item non solum aptitudo proxima, sed etiam remota, non potest tribui naturæ. Tum quia natura non potest vnquam amittere singularitatem, quam semel habuit, & accipere aliam. Nec etiam apta est veluti sub conditiones quod si per impossibile expoliaretur singularitate quam habet, posset accipere aliam. Eset enim prorsus vana talis potentia: & perinde esset, ac si quis diceret, Petrum habere potentiam, quod si non esset Petrus, posset esse Paulus quod planè nugatoriè diceretur. Et patet eodem illo exemplo materiæ: quæ ideo vti que dicitur rectè habere potentiam remotam ad alias formas, quia reuera potest transire de forma quam habet, ad aliam quam non habet. Tum deinde, aptitudo remota sic explicata, nihil facit ad rationem vniuersalis. Vniuersale enim est quod aptum est simul esse in multis, & esse commune multis. Aptitudo ergo remota, quæ per ablationem vnius singularitatis natura posset assumere aliam, nihil facit: quia semper verum esset dicere, naturam nunquam posse nisi in vno singulari existere. Vnde etiam si natura posset realiter ab vna singularitate transire ad aliam, esset hoc ipso in se singularis: sicut materia successiuè recipiens plures formas, & transiens de vno compositio ad aliud, semper est verissimè singularis.

Quartò. Scotus ideo posuit aptitudinem illam à parte rei in ipsa natura, quia naturam à singularitate distinxit. Sed nos modo supponimus, non distinguui, & quærit. seq. ostendemus. Deinde etiam si distinguereur: cum non esset tanta hæc distinctio, vt sufficeret ad separationem realem, nec etiam sufficeret ad talem aptitudinem. Denique etiam si sufficeret ad separationem realem, adhuc non sufficeret ad multiplicationem eius naturæ in plura. Vana est ergo

Nec positiuam nec negatiuam.

Nec proximam nec remotam.

Nec vniuersam, nec multiplicatam,

Nec etiam si natura esset à singularitate distincta.

ergo illa aptitudo, & falsò excogitata.

Dico secundò. Natura secundum se & in statu essentia non dicitur posituè aptitudinem ut possit esse in multis; sed negatiuè se habet, quia nec etiam dicitur repugnantiam oppositam. Et primò, non dicere aptitudinem, sequitur ex eadem præcedenti conclusione; quia si talis aptitudo conueniret essentialiter naturæ, semper illi conueniret, etiam à parte rei & in singularibus. Vnde sic benè argui potest. Humanitas Petri est essentialiter humanitas, & habet quicquid est de essentia humanitatis, alioqui nullus homo esset perfectus homo: sed humanitas Petri non est apta esse in pluribus: ergo humanitas absolutè non dicit essentialiter aptitudinem essendi in pluribus. Quà ratione probatur, nec etiam aptitudinem negatiuam, id est non repugnantiam, conuenire naturæ in statu essentia affirmatiuè loquendo: nam si non repugnantia competeret essentialiter ipsi naturæ; nunquam naturæ posset adiungi repugnantia opposita, quæ tamen in quolibet singulari naturæ adiungitur.

Secundò, ex alia parte probatur, naturam in statu essentia nec etiam dicere repugnantiam essendi in pluribus. Quia reuera, si sumantur plura indiuidua, in ips pluribus est natura: & quatenus natura vniuersalis est obiectiue in intellectu, habet aptitudinem essendi in pluribus, neque hic noster conceptus destruit essentiam naturæ, quinimo habet fundamentum in ipsa reali essentia naturæ. Non ergo naturæ secundum suam essentiam repugnat esse in pluribus. Item, non est de essentia naturæ secundum se sumptæ, esse determinatam in hoc indiuiduo, v. g. de essentia humanitatis ut humanitas est, esse determinatam in Petro: quia sic non possent esse alij plures homines participantes humanam essentiam. Sicut si verum esset, quamlibet naturam specificam Angeli esse determinatam ad vnum certum indiuiduum, non possent esse plures Angeli in eadem specie, iuxta sententiam Thomistarum.

Tertiò itaque, eodem pacto quo de vnitatem dicebamus, nunc de aptitudine constat, neque aptitudinem neque ineptitudinem seu repugnantiam oppositam, item neque negationem aptitudi-

nis neque ineptitudinis, esse de essentia naturæ. Vnde omnes propositiones affirmatiuæ erunt falsæ, negatiuæ erunt veræ. Et hæc tota doctrina habetur ex D. Thom. de Ente & Ess. cap. 4.

Dico tertiò. Quilibet natura à parte rei & realiter apta est esse in suo vno singulari. Explicatur & probatur conclusio. A parte rei exant naturæ singulares multiplicatæ & diuisæ, v. g. in quolibet homine sua humanitas. Et apta vtrique est humanitas quæ est in Petro, esse in Petro, nam de facto est in illo: cum alioqui apta non sit, imò illi repugnet, esse in Paulo, & quolibet alio homine. Non datur ergo à parte rei aptitudo naturæ ut sit in multis, sed datur vnitati naturæ in vno, & singularum in singulis indiuiduis: atque adeò hæc ipsa aptitudo est realiter multiplicata atque diuisa. Nec etiam putandum est, hæc aptitudinem esse potentiam quandam realem distinctam a natura. Natura enim in quolibet indiuiduo non distinguitur ab ipso indiuiduo eiusquæ singularitate: multò ergo minus potest habere potentiam distinctam. Sed talis aptitudo est eadem ipsa entitas naturæ, siue ipsiusmet indiuidui; ac si dicatur, hoc indiuiduum aptum est realiter ex se: idem enim prorsus est dicere, natura huius indiuidui potest existere, potest esse in ipso indiuiduo. Vnde hæc tota aptitudo non est alia quàm possibilis existendi totius indiuiduorum consimilium essentialiter inter se: quæ quidem, positiuè est ipsamet entitas rerum possibilium denominatiuè autem dicit potentiam causæ productiue talium rerum & negatiuè dicit non repugnantiam ad essendum. Quod totum est de adæquata ratione eius possibilis, de qua in Metaphys.

Dico quartò. Ab intellectu fit, & nature tribuitur, aptitudo ad essendum in multis, simul cum vnitatem quam natura habet in eodem intellectu, quæ aptitudo sit relatio, siue quædam potentia rationis, fundata in re. Hæc conclusio, est communis. Et probatur facili: quia cum intellectus vno conceptu apprehendat naturam aliquam, detque illi vnitatem rationis, simul cogitat eandem naturam aptam esse ut sit in multis, ut possit communicari multis, cogitat naturam humanam aptam esse

Natura quilibet à parte rei apta est esse in suo indiuiduo.

Natura in statu essentia dicit aptitudinem.

Nec dicit repugnantiam.

Sed negatiuè se habet.

Natura in intellectu. Ab intellectu habet aptitudinem essendi una in multis.

esse inueniri in tot hominibus singularibus: & hanc aptitudinem concipit tanquam relationi quamdam & ordinem, siue quamdam potentiam, habentem pro subiecto ipsam naturam, & pro termino singularia. Et quidem si intellectus solium conciperet aptitudinem realem, qua vna singularis natura potest esse in suo indiuiduo, & sic de singulis: in hoc conceptu nullum faceret ens rationis, sed conciperet rem sicuti est. Sed dum concipit aptitudinem vnus naturæ, quasi ordinem & respectum superadditur naturæ: sic facit hanc aptitudinem rationis. Cum fundamento tamen in re, eodem scilicet quod erat fundamentum vnitatis. Nam reuera quilibet natura apta est esse in suo singulari, & singularis naturæ sunt inter se consimiles, nec est de essentia naturæ secundum se, v.g. de essentia humanitatis vt humanitas est, esse determinatam ad certum aliquod singulare: non ergo temere, sed cum occasione & fundamento, concipit intellectus talem aptitudinem naturæ vnus ad essendum in multis.

Poterit autem intellectus concipere hanc aptitudinem, vel adæquatè ad omnia indiuidua, vel explicite ad aliquot, siue ad vnum aut aliud certum determinatumque indiuiduum. Et hæc aptitudines erunt diuersæ relationes rationis, vt patet, differentes ex parte termini. Et hæc erit differentia veluti specifica, quia plus differt aptitudo concepta ab vno intellectu ad omnia indiuidua, ab aptitudine concepta ad vnum certum indiuiduum, quam à simili aptitudine concepta ad omnia indiuidua ab alio intellectu, vel ab eodem alio actu. Quandoquunque autem à diuersis intellectibus, aut ab eodem diuersis & repetitis actibus, concipiatur aptitudo consimilis: dici poterint plures relationes rationis veluti numero differentes. Dixi autem esse relationem siue potentiam rationis, quia se habet ad instar relationis transcendentalis, sicut potentia realis dicitur ordinè ad suum obiectum.

Argumenta quæ obijci possent ad probandum dari aptitudinè à parte rei vel in statu essentia: aut tamen probant aptitudinè vnus cuiusque naturæ in suo indiuiduo, aut non repugnantiam in statu essentia: negatiue loquendo, id est naturæ ex sua essentia non repugnare esse in multis.

SECTIO DECIMA. Vtrum per unitatem vel per aptitudinem vltimò consti- tuatur vniuersale.

Ex omnibus quæ dicta sunt de natura & vnitate & aptitudine, explicanda tandem est constitutio ipsius vniuersalis. Et quia sine dubio natura ante omnia præsupponitur, comparando vnitatem & aptitudinem duplex modus constitutiendi vniuersale colligi potest. Vel dicendo, vniuersale constitui per aptitudinem rationis quæ naturæ ab intellectu tribuitur: & quia hæc superuenit vnitati, vniuersale vltimò constitui atque compleri per ipsam aptitudinem in vnitate fundatam. Vel dicendo, ad vniuersale sufficere aptitudinem illam realem diuisam in pluribus, superueniente collectione illa & adunatione, quæ ab intellectu accipit vnitatem: & quia hæc aptitudo realiter præsupponitur, sic vniuersale constitui atque compleri per ipsam vnitatem, nec indigere alia aptitudine rationis.

Frequens sententia est, vniuersale vltimò constitui & compleri priori modo, scilicet per aptitudinem quæ est relatio rationis. Ita significat S. Thom. de sententia & ess. cap. 4. dicens, ex eo quòd natura humana habet relationem ad indiuidua, intellectum adinuenire rationem speciei. Afferuntque Anerr. & Anic. dicentes, intellectum facere vniuersalitatem in rebus. Alij etiam qui docent, vniuersale esse opus intellectus, vniuersalitatem esse aliquid rationis, supponere videntur, vniuersale constitui per formam rationis, quæ non est alia quam talis aptitudo. Et expressè Scot. ipse in 2. d. 3. q. 1. s. sed contra, ait, vniuersale completiue constitui per potentiam & aptitudinem proximam quam accipit ab intellectu. Boetius item in Porphyry. à se translatus cap. de Genere, ait, generitatem esse relationem qua animal v. g. refertur ad ea quæ sibi subiecta sunt. Et præsertim omnes qui dicunt, vniuersale fieri per notitiam comparatiuam referentem naturam ad sua inferiora: omnino sentiunt, aptitudinem rationis esse formam constitutiuiam & vltimò completiuiam vniuersalis.

Alia sententia est, vniuersale vltimò consti-

Duplex
modus cò
stituti
vniuersa
le.

Duplex sè
ntentia.

Et hæc ap
tutudo po
tèst pluri
bus modis
concipi.

constitui atque compleri per vnitatem non expectata alia aptitudine rationis. Hæc sententia videri potest eorū qui volūt vniuersale fieri per notitiā abstractiūm, & non per comparatiūm. Verūm hi, e iam supponendo aptitudinem rationis esse de constitutione vniuersalis, sentiunt vniuersale fieri per notitiā abstractiūm, quia volunt per eandem ipsam notitiā effici aptitudinem rationis: & ita non possunt pro hac sententia afferri. Clariū eam indicat S. Thomas Opusc. 48. tractatu 1. cap. 1. & Opusc. 56. Vbi clarē docere videtur, per vnitatem compleri vniuersale, & vniuersalitatem formaliter non esse aliud quā vnitatem.

*Fundamen-
tū vniuersa-
litatis.*

Fundamentum primæ sententiæ est. Quia vniuersalitas formaliter est aptitudo naturæ vniuersalis ad essendum in multis, non verò vnitatis naturæ apta; & ita solet communiter assignari: sed vniuersalitas ipsa fit ab intellectu, & non est in rei nam vniuersale formaliter est opus rationis, vt omnes supponunt; ergo aptitudo rationis est per quam vniuersale constitui debet vniuersale.

Fundamentum secundæ sententiæ est. Quia nihil plus ad vniuersale requiritur, nisi vt sit vnum aptum inesse multis: sed hoc totū habetur per aptitudinem reālē superueniente vnitatis; nā cū natura a parte rei sit apta esse in rebus, hoc ipso quod est vna, est vna apta: ergo superflua & inutiles est alia aptitudo rationis. Cū ergo præsupponatur talis aptitudo realis, etque superueniat vnitatis per quam statim vniuersale completur; vnitatis est quæ vltimō constituit vniuersale. Confirmatur magis. Natura eo ipso quod est vna, iam est prædicabilis, id est potest affirmari de multis; neque ad hoc vt prædicetur seu prædicari possit, expectare oportet aliam aptitudinem rationis: sed prædicabilitas sequitur vniuersalitatem, quia prius est, esse in subiecto quā de illo prædicari, & posse esse quā posse prædicari: ergo dum natura est vna, iam est vniuersalis; & vnitatis est quæ vltimō illam constituit vniuersalem.

*Vtrq. mo-
dus appro-
batur.*

Pro resolutione: vtraq. hæc sententia verificari potest, dicendo, vniuersale posse dupliciter accipi: & vno modo vlti-

mō constitui per aptitudinem rationis superuenientem vnitati: alio modo per vnitatem superuenientem aptitudinē reali ante aliam aptitudinem rationis. Explicatur & probatur assertio. Dubium non est, vniuersalis nomine posse intelligi illud quod sit aptum aptitudine intrinsecā vna & in se singulari, eo pacto quo dixit S. Thom. Opusc. 56. circa medium, intentionem vniuersalitatis quæ est in anima, esse quid singulare: siue aptitudine fundata in vnitatis præuenera opere intellectus in ipsa natura. Hoc modo manifestum est, aptitudinem rationis esse de intrinseca constitutione, vniuersalis, esseque formā vltimō completiūm eius, & esse formaliter loquendo vniuersalitatem.

Pari modo dubium esse non debet, vniuersale posse accipi pro eo quod vnum est & aptum est esse in multis, non requirendo dictas conditiones aptitudinis; sed quomodocumque sit ipsa aptitudo. Hoc modo sufficit aptitudo realis, & per vnitatem vltimō constituitur vniuersale sic sumptum. Nam cum qualibet natura singularis, sic realiter apta esse in suo indiuiduo, vt prædictum est; hanc aptitudinem non amittit natura, quando abstrahitur & fit vna: sub ipsa ergo vnitatis, natura est apta. Et quia conceptus ille naturæ nō est determinatus ad vnum certum singulare, vt supponimus; est aptus esse in multis: ergo nihil prohibet, quominus dicatur vniuersalis. Vbi ipsamet aptitudo est vna, non quidem vna singularis, sed vna per abstractionem; sicut ipsa natura est vna: sufficit autem, tantam, siue potius eandem esse, vnitatem aptitudinis; quanta, siue quæ est, vnitatis naturæ.

Hæc resolutio consona est cuidam distinctioni quæ tradi solet. Vniuersale duplex esse, seu dupliciter sumi posse: aliud esse vniuersale logicum, aliud metaphysicum. Priori modo dicitur logicum, posteriori metaphysicum. Dicitur illo modo logicum: quia inuoluit secundam intentionem logicā & relationem rationis. Dicitur alio modo metaphysicum, quia minus habet de opere rationis, & magis præfert realitatem rei: atque vt sic maximè deferunt ad scientias, quæ dicuntur esse de vniuersalibus,

*Duplex
acceptio
vniuersa-
lis.*

libus, idest de rerū naturis, ad easq. sciē-
tias nihil planē confert alia aptitudo ra-
tionis. Itē primum dicitur vniuersale ne-
gatiuum, secundum positiuum. Quia
nimirum illud completur per vnitatem :
Imo etiam in illo statu præter aptitudi-
nem realem habet aptitudinem negati-
uam, idest nō repugnantiam ad essendum
in multis, eo quod sit præcūm à diffe-
rentijs determinatibus ; quæ tamen ap-
tutudo negatiua non est aliud quā ipsa
præcisio. Alio mō dicitur vniuersale po-
sitiuum, quia constituitur per aptitudinem
rationis, veluti per formam positiuam.

Ex hac demum resolutione explica-
tur, qualiter vniuersale sit opus intelle-
ctus, siue sit ens rationis. Nam vniuersale
logicum inuoluit formam quæ pro-
priissime est ens rationis obiectiue sum-
ptum & fictum, sicut in proprio tracta-
tu explicauimus ens rationis. Vniuersale
autem metaphysicum non ita intuo-
luit formam rationis : quinimo totum
quod est, in rigore est reale. Ad sum-
mum enim inuoluit denominationem ex-
trinsecam ab actu reali intellectus : si vni-
tas sumatur primo modo, quem diximus
sect. 8. conclus. 4. & quæ sanē sufficit ad
constituendum hoc vniuersale. Vnde quā-
do dicitur vniuersale esse opus rationis,
& vniuersaliter esse formam rationis :
De hoc vniuersali verum non est, nisi su-
mēdo ens rōnis in alio sensu, scilicet subiecti-
uē in intellectu, & pro denominatione
desūpta ab actibus qui sunt in intellectu.

Hinc ad fundamentum vtriusq. senten-
tiæ dicendum est. Ad fundamentum pri-
mæ, vniuersaliter in rigore complecti
& vnitatem & aptitudinem ; & dici pos-
se, vniuersalitas est aptitudo naturæ
vnit, est vnitatis naturæ apte esse in mul-
tis. Et quocunq. modo sumatur vniuersa-
litas, semper de illa valet dicere, fieri ab
intellectu : cum si sumatur vniuersalitas
pro aptitudine rationis : cum si sumatur
pro vnitatis : nam hæc etiā fit ab intellectu,
modo tamen explicato. Tum etiam si su-
matur pro aptitudine reali. Pro qua ob-
seruandum est, aliud esse dicere, hæc ap-
tutudo est, atq. hæc aptitudo est vniuersa-
litas, siue est vna : Afferimus enim esse
à parte rei : negamus, à parte rei & inde-
pendēter prius ab intellectu esse vnā,
siue esse vniuersaliter. Ratio ergo vni-

uersaliter omnino habetur opere intel-
lectus, vel per formam rationis, vel per
denominationem ab actu rationis.

Ad fundamentū secundæ sententiæ di-
cendum est, ad vniuersale metaphysicum
nihil plus requiritur : tamē ad vniuersale lo-
gicum requiri vltiorem illam aptitudi-
nem, fundatam in vnitatis naturæ præci-
sæ, & in se singulariter vnā. Ad confir-
mationem dicendum, prædicabilitatē pa-
riter sumi posse : vel pro forma & aptitu-
dine rationis ; & hæc ordinatē fingitur
ab intellectu post aptitudinem inessendi,
quæ est vniuersalitas vniuersalis logici :
vel pro denominatione à potentia intel-
lectiua quæ apta est prædicare ; & ad hæc
sufficit vniuersale metaphysicum ; & hæc
etiam prædicabilitas sufficit ad exercitiū
prædicandi, vt intellectus scilicet affir-
mare naturam de inferioribus, nulla in-
tercedente aptitudine ficta rationis.

SECTIO XI.

*Per quam intellectus operatio-
nem, præsertim an per noti-
tiam præcisiuam vel compara-
tiuam, perficiatur vniuersale.*

Explicando hætenus essentia & con-
stitutionem vniuersalis, satis osten-
sum est, quam sit causa faciens vniuersa-
les nempe intellectus. Solū videndum
superest, per quamnam operationem fiat
ab intellectu vniuersale.

Prima sententia asserit, vniuersale fieri
per operationem, quæ non sit actus co-
gnitionis intellectiue, sed præuia quædā
actio : fieri scilicet per operationē intel-
lectus agētis, abstrahētis speciem intel-
ligibilem representatiuam naturæ com-
munis abique conditionibus indiuiduan-
tibus. Cū enim nos acquiramus species
intentionales ministerio sensuum, im-
primūtur prius species sensibiles in sensibus
internis, & inde producuntur species
intelligibiles ad vñm intellectū. Hæ in-
tellectus agens est qui habet hoc munus
producendi species : intellectus verō qui
recipit species, & cognoscit obiectū, di-
citur intellectus patiens. Afferit ergo hæc
sententia, intellectū agētem producere
speciem intelligibilem representatiuā so-
lius naturæ cōmūis, non vni singulariū

*Prima sen-
tentia as-
serens fieri
per ope-
rationem
intelle-
ctus agē-
tis.*

178 Quæst. VIII. De Vniuersali in communi.

in se: atq. adeo per hanc operationem primo fieri vniuersale. Ita significauit Auerr. 3. de Ani. com. 8. Fauet S. Tho. 1. p. q. 85. ar. 1. Defendit Soc. q. 1. de Vniuers. & ex parte Fons. 5. Met. c. 28. q. 6. sect. 1. Et Didac. Math. sect. 2. q. 5. idē defendit de vniuersali specie, quod abstrahitur ab indiuiduis sensibilibus. Adhæret Sanc. quæst. 34.

*Secunda
asserit fieri
per notitiā
præcisiuam.*

Secunda sententiā asserit, vniuersale fieri per notitiā præcisiuā, quæ scilicet intellectus cognoscit seu apprehendit naturā cōem sine conditionibus indiuiduātib. Ita indicat S. Tho. eodē loc. ad 1. & art. 2. ad 2. & ar. 3. ad 1. & 4. & 1. 2. q. 29. ar. 6. & alibi. Dur. in 1. d. 3. q. 5. n. 27. & in 2. d. 3. q. 7. n. 12. Capr. in 1. d. 8. q. 2. ar. 3. Heru. c. 1. de Secun. intent. & non pauci recentiores sequuntur, Tol. q. 2. de Vniuers. & q. 2. de Prim. & secun. inten. Soc. q. 3. de Vniuersal. Conimbr. q. 4. Mal. lo. cit. Vall. de Vniuers. in cōmuni q. 4. c. 9. & alij. Vbi Petron. lib. 4. q. 1. ar. 6. idem defendit, cōfundens notitiā abstractiuā cum operōne intellectus agentis, & notitiā cōparatiuā cū operōne intellectus possibilis.

Tertia asserit fieri per notitiā comparatiuā.

Tertia sententiā asserit, vniuersale fieri per notitiā comparatiuā, quæ intellectus refert naturam cōem ad inferiora, cōcipiendo ipsam naturam aptam inesse illis. Ita significat S. Thom. Opusc. 55. & de Ente & Essent. c. 4. vbi Caiet. q. 7. Scot. etiam 7. Met. q. 11. Antonius Andr. q. 16. & alij Scotistæ. Item Sueffan. lib. 7. Met. disp. 17. Suar. disp. 6. sect. 6. Et alij plures. Rursum quæst. 6. Vniuers. Et alij hoc loco.

Quarta asserit fieri per notitiā comparatiuā.

Quarta sententiā asserit, vniuersale fieri per notitiā præcisiuā comparatiuæ immixtam, sumendo scilicet comparationem inter ipsa inferiora: quia nempe intellectus conferendo plura inter se consimilia, abstrahit cōceptum illis omnibus communem, & ita facit vniuersale. Ita explicant Conimbr. quæst. 4. Vniuersal. & Fons. 1. Met. cap. 2. quæst. 2. sect. 5. Vel aliter sumendo comparationem pro reflexione, quæ intellectus considerat cōceptum naturæ à se abstractæ, & confert cum rebus ipsis. Et ita aliqui dicunt, vniuersale fieri per notitiā reflexam. Et hoc indicat S. Thom. Opusc. 43. tract. 1. cap. 1.

Vniuersale non fit per actum aliquem notitiæ intellectiue, & non per operationem antecedentem

Dico primò. Vniuersale propriè fieri per actum aliquem notitiæ intellectiue, & non per operationem antecedentem

intellectus agentis abstrahentis species, nisi fortè habitualiter seu in actu primo. Hæc conclusio est communis. Et dupliciter fundari potest. Primò, si dicamus intellectum agentem non abstrahere species intelligibiles à conditionibus indiuiduantibus; sed producere species representantius, non solum naturæ communis, sed etiam omnium singularium, cum suis conditionibus indiuiduantibus: qui verò producit species spirituales; idèō dici abstrahere ipsas species à concretione materiæ. Sed hæc res non est huius loci, spectatque ad libros de Anima.

Secundò Etiam si nunc admittamus intellectum agentem abstrahere eo modo species: tamen actu & formaliter vniuersale non dicitur fieri, nisi quando per actum cognitionis representabitur ipsa natura communis sine conditionibus indiuiduantibus, siue natura genericæ sine differentiis specificis. Per abstractionem verò specierum intelligibilem ad summum dici poterit fieri habitualiter, & in actu primo. Neque in hoc oportet de nomine plus contendere.

Dico secundo. Vniuersale diuersimodè sumptū iuxta duplicem modum sect. præced. assignatū, fieri per notitiā vel præcisiuam vel comparatiuam. Vniuersale, scilicet metaphysicum, quod nempe completur per vnitatem, fieri per præcisiuam: logicum verò, quod completur per aptitudinem rationis, per comparatiuā. Probatur facili. Vnitatis consistit in ipsa præcisione naturæ ab inferioribus: perficitur ergo in ipsa præcisione absque alia comparatione naturæ ad inferiora. Aptitudo autem rationis, cum sit relatio, non potest cogitari nisi comparando naturam, aptam inesse, ad ea in quibus apta est inesse, vt est clarissimum: & non potest fieri, nisi per talem cogitationem & considerationem intellectus: quod planè sequitur ex dictis suo loco de ente rationis. Et immeritò aliqui dicunt, per ipsammet noticiam abstractiuam, licet non cogitetur hæc relatio, tamen effici & resistere. Id enim repugnat in terminis. Et ad summum dici potest in illa abstractione fundari, vt deinde alia cogitatione, quæ omnino fit comparatiua, actu fiat talis relatio. Vniuersale ergo quantum ad vnitatem fit per noticiam præcisiuam

Vniuersale, quod vnitatem fit per notitiā præcisiuam, quod aptitudinem per comparatiuam.

uam: sed quantum ad aptitudinem rationis omnino fit per notitiam comparatiuam.

Dico tertio. Ad faciendum vniuersale metaphysicum per abstractionem, necesse non est inuolui comparationem inter plura similia: ad cognoscendum tamen id esse verè vniuersale, necesse est cognoscere possibilia esse plura cõsimilia in illo conceptu. Explicatur & probatur conclusio. Ad abstrahendam naturam aliquã ab aliqua re, non est simpliciter necessarium, considerare similitudinem vnus rei cum alia. Regulariter quidem solet ita fieri abstractio, quia intellectus perspicies, v.g. Petrum & Paulum esse similes in operationibus humanis, abstrahit conceptum hominis in quo ambo conueniunt: tamen in rigore, etiam cogitando vnum tantum singulare, potest ex illo abstrahere conceptum naturæ, considerando deinde ipsam naturam sine expressa consideratione talis indiuidui: sicut possumus nunc considerare naturam Solis, non expressè determinando hunc numero Solem. Et natura sic concepta, erit indifferens ad omnia indiuidua, ad eaque applicabilis: nam post abstractionem ab hoc indiuiduo, non plus est illius quàm aliorum quorumcunque similium, alioquin non esset abstracta. Igitur non est simpliciter necessaria comparatio & collatio plurium singularium inter se cõsimilium ad faciendum vniuersale per abstractionem. Quod verò dixit Arist. primo Poster. tex. 134. impossibile esse vniuersalia speculari nisi per inductionem ex multis, etiam si per abstractionem dicatur: planè intellexit de vniuersalibus complexis, idest de propositionibus vniuersalibus, & docuit illarum veritatem inductione cõstare, idest illas ostendi veras in singulari sub illa vniuersalitate contentis. quare nihil dixit contra præsentem nostram doctrinam.

Ad cognoscendũ tamen id esse vniuersale, necesse est cognoscere possibilia, esse plura cõsimilia in illo conceptu. Nam certè si non esset possibile nisi illud vnicum singulare a quo abstracta fuit natura, verè illa natura non esset vniuersalis, idest non esset apta inesse pluribus. Sicut, si verum esset vnum solum Angelum singularem esse possibilem in qualibet natura specifica Angelica: talis natura non esset verè vniuersalis. In tantum ergo

conceptus naturæ potest dici vniuersalis in abstractione, inquantũ per aptitudinẽ realẽ potest esse in pluribus. Igitur vt intellectus cognoscat huiusmodi vniuersale, debet cognoscere esse tali modo aptum: & in hoc inuoluitur cognitio comparatiua.

Dico quartò. Ad faciendum vniuersale logicum per comparisonem, necesse non est per explicitam reflexionem considerari, sed satis est supponi priorem, conceptum abstractionis. Explicatur & probatur conclusio: quando intellectus concipit & fingit in natura aptitudinem rationis effendi in pluribus, præsupponitur quidẽ cõceptus abstractionis, quo talis natura concepta est in se tanquã vna: & deinde eidem naturæ attribuitur ab intellectu aptitudo effendi in pluribus. Quod totum fieri potest, etiam si intellectus in secundo actu nõ consideret ipsam abstractionem prius factam, siue vnitatem naturæ in illo conceptu formatam. Non ergo necesse est, per explicitam reflexionem considerari, sed est supponi ipsam abstractionem. Si quis autẽ notitiam reflexam appellare velit illam quæ præsupponit aliã priorem, licet non habeat eam pro obiecto, sed attingat alio nouo modo illud ipsum obiectum quod fuit representatum in prima cognitione, quo talis notitia comparatiua dici poterit reflexa: & vniuersale quatenus fit per illam, dicitur fieri per notitiam reflexam.

Hinc multò minis necesse est, ad faciendum vniuersale, reflexè cogitare de illamet aptitudine quatenus facta per directã comparationẽ. Sed solum id requiritur ad cognoscendum vniuersale iam factum. Nam tunc fit aptitudo rationis, cum primò concipitur: cum autem de nouo consideratur quatenus facta, nõ est illa fieri, sed factam cognosci. Ita notauit Scot. 5. Metaph. quæst. 11. Et p̃terea satis manifestum manet ex dictis a nobis in proprio tractatu de ente rationis. Atq. iuxta has omnes cõclusiones debet intelligi S. Th. varijs in locis, quibus omnes sententias relatas docuisse videbatur.

Cætèrũ, si quæratur per quamnã ex tribus operationibus intellectus fiat vniuersale, resoluẽdũ id est ex dictis in vniuersum de ente rationis. Nemp̃ per se primò fieri per primam operationem: magis autem determinatè fieri per notitiam u-

M 3 dica-

In abstractione non oportet inuolui comparationem;

In comparatione non oportet inuolui, sed satis est supponi abstractionem.

applicatum in secunda, vel tertia operatione, quæ scilicet affirmari potest quod in prima erat simpliciter apprehensum. Vnde non intelligitur fieri per iudicium quo prædicatur actus de rebus, sed quo iudicetur apta prædicari.

Natura prædicta et non comparatur, quomodo sit vniuersalis.
Obijcies primo ad probandum, vniuersale penitus & adequatè fieri per notitiã abstractionis. Natura dū abstrahitur, iam non est singularis: ergo est penitus vniuersalis. Non est determinata ad vnum: ergo omnino indifferens & communicabilis pluribus. Non est impedita ad essendum in pluribus: ergo est proximè apta. Est proximè prædicabilis: ergo & habet proximam aptitudinem quæ est vniuersalis. Imo intellectus, actu sequenti, quæ comparatiue cognoscit naturam aptam inesse pluribus, non fingit aliquid nouum, sed cognoscit quod iam erat in primo conceptu: & si quid aliud fingit, id est inutile, ad nihil deseruiens: ergo per notitiã prædictam penitus factum erat vniuersale.

Respondetur. Hæc omnia solum probare, per notitiã prædictam completè fieri vniuersale metaphysicum, constitutum per aptitudinem realem cū vnitatem rationis & non repugnantiam ad essendum in pluribus: quod vltro concedimus. Sed ad hoc præter id totum, verum est, posse alio actu cōparationis fingi quãdã aptitudinẽ positiuam non realem, quæ non erat in priori actu abstractionis. Neq. verò hanc aptitudinem ponimus tanquam vtilẽ ad aliquid, cum sit purum ens rationis: sed solum tanquam fingibilem, & quæ sub vniuersali nomine solet inuolui.

Quomodo sit apta et se in multis.
Obijcies secundò. Statim atque natura abstrahitur, in illa resultat aptitudo rationis: ergo per abstractionem fit totum vniuersale. Assumptum probatur: tum quia statim posita essentia resultat passio: tum quia statim posito fundamẽto & termino resultat relatio.

Respondetur, in abstractione fundari, non autè per illam statim fieri, aptitudinẽ rationis. Et in entibus quidè realibus verũ est, statim resultare relationes & passionẽs: sed quãdo sunt entia rationis, non resultare, nisi ab intellectu hanc, dum cogitantur atque finguntur.

Quomodo in prædicto.
Obijcies terciò ad probandum, vniuersale omnino fieri per solam comparationem.

Si heret per abstractionem, non possent in illa distinguere diuersa vniuersalia formaliter loquendo, videlicet genus, species, &c. Nam in omnibus idem est modus abstractionis & vnitas.

*si heret
sent in illa
distingui
diuersa
vniuersalia.*

Resp. 1. Esto id ita esset, non propterea sequitur per abstractionem non fieri vniuersale, licet sine diuersitate in ipsa abstractione. Vnde Suzz. d. 6. Met. lect. 8. n. 5. specialiter ad vniuersale cōparatiuẽ sumptum refert illam diuisionem. Secundo etiam in ipsa abstractione datur varietas nature, & varia aptitudo realis: vel scilicet aptitudo essendi in pluribus speciebus, si sit natura generica: vel in pluribus indiuiduis, si sit natura specifica: siue quo alio modo explicetur varia aptitudo. Tercio, etiã in ipsa abstractione est similis diuersitas: quia vel natura abstrahitur à pluribus speciebus, vel indiuiduis, vel quo alio modo explicetur varietas in comparatione, inuenitur etiã suo modo in abstractione. Maiori tamen ratione asserendũ videtur, duo vltima vniuersalia non differre à primis in abstractione, sed tñ in aptitudine. Nã natura accidentalis abstracta potest comparari, vel ad ea quibus est essentialis, & sic pertinet ad priora vniuersalia: vel ad subiecta de quibus dicitur accidentaliter, & sic constituit duo vltima. Potest autem natura accidentalis abstracta considerari, vel secundum vnã, vel secundum aliam comparationem. Vnde diuersa vniuersalitas non in ipsa abstractione, sed tñ in cōparatione inueniuntur.

Obijcies 4. Si vniuersale fit per abstractionem, sequitur et per operationem sensu fieri: nã sensus potest attingere obiectũ suũ ratione cõem sine differentia determinatè. V. g. imaginatio potest apprehendere absolute colorẽ, vel altem albedinem, non determinando hanc aut illã: similiter calorem, dulcedinem, &c. Imo etiã per sensus externos, videmus, v. g. hominẽ procul venientem, & discernimus esse hominem, non discernimus quĩnam sit: sic discernere possumus, esse animal, esse corpus, non discernendo cuius speciei.

*An per
notitiã
abstractionis
etiam in
sensibus
fieri possit
vniuersale.*

Respondetur primò cum Fons. 5. Met. cap. 12. q. 6. in fine, in talibus casibus apprehendi indiuiduũ, non tamen determinatè hoc vel illud, sed vagè, videlicet quẽdam hominẽ, quoddam corpus: & ita non apprehendi rem in communi & vniuersali.

SECTIO XII.

De Actu Natura vniuersalis essendi in multis.

nerfali. Secundò, sæpe per sensus percipiuntur quædam accidentia, & non omnia: vt in homine procul veniente percipimus motum, in corpore distant molem quantitatiuam, non autem certam figuram. Illud autem quod percipitur, in singulari percipitur. Cuius rei signum clarum est, quòd videmus procul esse plures homines, plura corpora, non discernentes quinam illi sint: perquè illam pluralitatem manifestum est, videri homines in singulari, non hominem in vniuersali. Tertiò fortasse de sensibus internis admitti potest, posse ab ijs apprehendi speciem rei sensibilis abstractam ab omni indiuiduo, quod nec videtur ab experientia alienum. Et quando dicitur vniuersale non posse sentiri, potest intelligi vel de sensibus externis vel de vniuersali logico vel de perfecta cognitione ipsius naturæ vniuersalis.

An etiam ab intellectu Angelico. Obijciunt quòd. Sequitur, vniuersale posse etiam fieri ab intellectu Angelico. Nam non videtur perfectioni illius repugnare, apprehendere & cogitare naturam, actu non cogitando de certis indiuiduis eius. Neque apparet, cur non possit Angelus considerare naturam hominis, qualiter homo essentialiter sit animal rationale, & similia, nihil cogitando de Petro & Paulo & singularibus hominibus. Non enim cogitur Angelus, omnia quæ potest, simul actu considerare. Neque hoc esset congrue ens rationis, quod dicebamus non congruere perfectioni intellectus Angelici. Aliud enim est fingere quod non est, aliud non cogitare actu quicquid est: hoc enim secundum non dicitur imperfectionem, quæ in fingendo inuoluitur.

Respondetur. Admittendo totum quia id neque repugnat doctrinæ traditæ de ente rationis, quod dicebamus non fingi ab Angelo. Neque alia ex parte repugnare videtur. Et sic etià potest admitti, Angelum posse, naturaliter loquendo, & seclusa visione beatifica, cogitare de vno attributo Diuino, nõ simul cogitando de omnibus: licet nõ fingeret distinctionem rationis per modum relationis, sicut nos fingimus. Itaq. potest admitti, Angelum in suo intellectu posse facere vniuersale metaphysicum, abstractum naturam: licet nõ logicum, fingendo aptitudinem rationis.

Post vniuersale in se constitutum & consideratũ, plurimum confert considerare & explicare actum ipsum essendi in multis, naturæ vniuersali conuenientem.

Et primò Triplex actus essendi distinguendus est, actus essendi quoad essentiam, quoad existentiam realem, & quoad existentiam obiectiuam. Quoad essentiam, quo humanitas. V. g. conuenit essentialiter Petro & Paulo, rationalitas homini, estque de eius essentia, etiam si nullus homo de facto realiter existeret, & antequam a quocunque intellectu cogitetur, Petri esse hominem, hominum esse rationalem, & similia. Quoad existentiam realem, quo actualiter a parte rei & extra causam existunt singularia, & in illis sua natura: quo pacto nunc, v. g. existunt Petrus & Paulus homines, non autem Adamus, Antichristus, & præteritum illi qui nunquam fuerunt, nec futuri sunt. Quoad existentiam obiectiuam, quo ab intellectu actualiter predicatur & affirmatur natura de suis rebus.

Atque hic triplex actus essendi, etiam in entibus rationis suo modo distingui potest. Nam etiam entibus rationis essentialiter cõueniunt sua predicata quidditatiua. Item entia rationis actu existunt, quando ab intellectu sunt, ad instar existentie realis entium realium. Et præterea actualiter ab intellectu cognoscuntur illa cognitione, qua dicuntur tantum cognosci, & non fieri ad instar existentie obiectiuæ entium realium.

Secundò, ad probandum qualiter his essendi modis natura vniuersalis sit in rebus, præsertim an necessariò vel contingenter, faciliè constat: naturam vniuersalem essentialem rebus, necessariò prorsus illis conuenire quoad essentiam. Nã ideò propositiones essentielles dicuntur necessariae & æternæ veritatis. Natura autem accidentalis, videlicet pertinet ad accidens quantum prædicabile, non hoc modo conuenit suis subiectis, cum non cõueniat essentialiter. Alijs duobus modis

Triplex actus essendi distinguuntur.

Qualiter omnes tres, natura vniuersali conueniant.

182 Quæst. VIII. De Vniuersali in communi.

essendi omnis natura vniuersalis contingenter & non necessariò erit in actu. Nulla enim res creata necessariò existit existentia reali, quia creaturæ non nisi liberè factæ sunt à Deo. Nec etiam necessarium est, res actualiter ab intellectu creato considerari, atque adeò in illo existere obiectiue. Dico, intellectu creato: quia vltro supponendum est, omnes veritates non posse non cognosci, & semper actu cogitari ab intellectu Diuino.

*Quid sint
in actu
essendi.*

Tertiò, ad explicandum quidnam sine dicti essendi modi. Modus essendi obiectiue non est aliud quàm denominatio extrinseca ab actu cognitionis: & per illum natura dicitur esse in rebus, tanquam prædicatur in subiecto, idest tanquam id quod affirmatur, in illo de quo affirmatur. Modus existendi realiter, loquendo de natura essentiali rebus, non est aliud quàm ipsamet actualis entitas rei existentis: itaque nihil aliud est, humanitatem existere in Petro & Paulo, quàm Petrum & Paulum homines existere. Existentia autem naturæ quæ accidentaliter inest, formaliter dicitur in formationem ipsam, siue actuationem sibi proportionatam, per quam inest subiecto tanquam forma ab illo distincta. Modus demum essendi quoad essentiam, non est aliud quàm connexio seu identitas essentialis ipsorum prædicatorum essentialium, scilicet ipsius naturæ cum re cui conuenit essentialiter. Vnde non est purandum, antequam res actualiter existant, præcedere rerum essentias per alium realem actum essendi actualiter: quin potius ante existentiam solùm dicere valebit, res esse possibiles: & esse sic possibiliter, dicitur quidam status essendi essentialis rebus. Cæterum hoc totum non potest plenius explicari, nisi tractando de essentia & existentia rerum, quod in Metaphysica præstandum erit.

*Quis con-
uenit
necessita-
re vniuer-
salis?*

Quartò, ex his difficultas oritur, vtrù de ratione & necessitate vniuersalis, sit actus essendi aliquo modo ex dictis. Aliqui significant, de necessitate vniuersalis Generis omnino esse, vt existat actu in pluribus speciebus: non tamen esse de necessitate vniuersalis Speciei, vt existat actu in pluribus indiuiduis, sed sufficeret vt existeret tantùm in vno: vnde adhuc

videntur requirere, vt saltem existat in vno. Auctores huius sententiæ referemus in quæst. de Genere.

Dicendum tamen est, ad vniuersale non requiri actualem existentiam, nec realem nec obiectiuam: requiri tamen omnino modum essendi essentialiter, in ijs naturis quæ essentialiter dicuntur de rebus. Hæc est sine dubio communis Doctorem sententia. Et patet, non requiri existentiam realem. Tum quia vniuersale definitur, quod apertum est esse in multis: non verò quod actualiter existit in multis. Tum quia sine existentia actuali, natura essentialis est prædicabilis de suis rebus, vt est notissimum: ergo à fortiori est vniuersalis. Tum quia de vniuersalibus datur scientia: scientia autem datur de rebus abstrahendo ab existentia actuali: ergo ad vniuersale non requiritur existentia actualis. Tum etiam, supposita existentia actuali, quando sit vniuersale, abstrahitur ab ipsa existentia actuali: ergo per se non requiritur. Tum demum eadem est ratio de Genere ac de Specie: nam vtrumque est vniuersale, atque adeò respicit multa. Et eadem est ratio de omnibus indiuiduis: quòd sicut necessarium non est, omnia existere, vel tot, vel hæc aut illa: ita absolute necesse non est, quæcunque existere. De accidente quidem aliquid peculiare concedendum est, nempe non posse prædicari de suo subiecto, nisi actu illi inest: sed adhuc, vt possit prædicari, saltem remotè loquendo, satis est quòd possit existere in subiecto.

Patet etiam, non requiri actualem existentiam obiectiuam, quia necessaria non est prædicatio actualis. Sed sufficit apertudo: neque enim vniuersale seu prædicabile dicitur, quod actu prædicatur, sed quod prædicari potest de multis.

Patet verò, requiri modum essendi essentialem in naturis essentialibus: quia, vt dictum est, hic modus essendi dicitur necessariam connexionem prædicatorum essentialium; ex qua impossibile est, rem existere, & non existere cum sua natura essentiali: & in hac necessitate fundatur prædicatio & veritas necessaria propositionum essentialium. Sicut ergo de necessitate vniuersalis est, posse existere in multis, & posse prædicari

*Nō alius
existentia
realis.*

*Vel obiecti-
ua.*

*Sed bene
alius con-
uenientia
essentia-
lis.*

cari de multis, existere inquam & prædicari essentialiter: ita de necessitate ipsius vniuersalis est modus ille essendi essentialiter.

Per ordinem ad quæ actus, dicitur aptitudo vniuersalis.

Quintò demum explicandum est, per ordinem ad quem actum essendi ex dictis, dicatur aptitudo qua vniuersale constituitur: aptitudo enim essendi vtriusque dicitur ad actum essendi: & vniuersale aptum inesse multis, vtriusque intelligitur esse aptum habere aliquem actum essendi. Fonseca 5. Metaphys. cap. 28. quæst. 4. sect. 1. dixit, actum essendi per ordinem ad quem dicitur aptitudo vniuersalis, non esse actum existentie, sed esse actum conuenientie & identitatis essentialis. Probat ex eo quod actus existentia non necessario conuenit naturæ, & solus actus identitatis essentialis est qui necessario conuenit.

Dicitur per ordinem ad actum existentiam.

Dicendum tamen est, actum existentie, non verò actum identitatis essentialis ab actuali existentia præscindentem, esse illum per ordinem ad quem dicitur aptitudo constitutiva vniuersalis. Probaturn quia aliud esset dicere, vniuersale constitui per actum essendi: & aliud est dicere, constitui per aptitudinem essendi. Dici quidem non potest vniuersale constitui per actum essendi quoad existentiam: quia nimirum natura est vniuersalis, etiam si non actu existat: sed optimè dicitur constitui per aptitudinem existendi: quia certè etiam si non actu existat, rectè dicitur aptum existere in multis: & dum natura concipitur vt talis modo apta, verè concipitur vniuersalis. Tum deinde non est excogitanda aptitudo essendi in multis essentialiter ante actum illum qui dicebatur conuenientie & identitatis essentialis. Nam actus ipse est essentialis ratio & quidditas rerum: neque ante ipsam essentiam, excogitanda, est aptitudo naturæ, siue essentie ad ipsam essentiam. Cogitatur quidem aptitudo ad existentiam, quoniam res non necessario existunt cum sua natura: non autem aptitudo rerum ad essentiam. Vnde dicimus quidem, Petrus potest existere, homo potest existere: non tamen rectè diceremus, Petrus aptus est esse homo, homo aptus est esse animal. Sic è conuerso rectè dicemus, humanitas apta est existere realiter in Petro: item apta est

affirmari de Petro: non autem rectè diceremus, apta est esse de essentia Petri, essentialiter conuenire Petro: sed dicimus absolute, est de essentia Petri, conuenit essentialiter Petro.

Hinc fit, non quidem aptitudinem essendi essentialiter, sed actum ipsum essendi essentialiter, dici posse vniuersalitatem naturæ: & vniuersale dici posse, vnum quod est essentialiter in multis, idest quod est de essentia multorum, istud quod conuenit essentialiter. Non ergo excluderemus actum essendi in multis essentialiter, quasi insufficientem ad vniuersale: sed quia talis actus non debet assignari, tanquam per ordinem ad ipsum dicitur vniuersalitas, sed tanquam per se ipsa vniuersalis. In rigore autem hic actus essendi, est aptitudo ipsa existendi, cum necessitate conditionata, quod res potest existere, non nisi tamen cum tali sua natura & essentialibus prædicatis: & ideo ipsa prædicata dicuntur ei necessario conuenire. Vnde sicut dicebamus de aptitudine, posse sumi, vel realiter per entitatem vtriusque naturæ possibilis, vel per rationem pro relatione quæ in natura abstracta fingitur ab intellectu: ita hic actus essendi potest sumi, vel realiter pro entitate essentiali cuiusque rei, vel per rationem pro relatione quam intellectus tribuit naturæ, dum cogitat illam essentialiter conuenire multis, quasi referretur ad multa per talem actum essendi.

Vnde vlteriùs admitti potest aliqua diuersitas in modo concipiendi. Et asserendum est, vtroque modo, vel scilicet per modum aptitudinis, vel per modum actus, posse constitui & explicari ipsum vniuersale. Et hoc est quod insinuare volumus sect. 4. vbi breuiter præmissis constitutionem vniuersalis. Ideò autem solet vniuersale definiri & explicari potius per aptitudinem. Tum quia facilius intelligitur aptitudo existendi, & possibilitas existendi rerum. Tum ne præberetur occasio putandi, ante existentiam dari aliquod aliud esse actuale distinctum necessarium & æternum: cum certè non ita intelligendum sit, se habere rerum essentias, vt suo loco tractabimus. Tū præerea si inter vniuersalia, etiam naturæ accidentales respectu suorum su-

Actus autem ipse conuenientia essentialis, dici potest vniuersalitas.

Quomodo vniuersale dicitur, quod actus vel potius aptitudo est in multis.

bicetorum computandæ sint, illæ quidem non conueniunt essentialiter suis subiectis: sed aptæ sunt in illis existere.

*Dicitur
respectu
existentiæ
realis.
An etiam
obiectiue.*

Postremo, quia actus existendi duplex est, realiter, & obiectiue: certum quidem est, actum existendi realiter maxime esse per ordinem ad quem dicitur aptitudo vniuersalis. Sed an etiam, actus existendi obiectiue, sit huiusmodi, est eadem difficultas, æque an prædicabilitas sit vniuersalitas. Nam aptitudo essendi obiectiue est aptitudo prædicationis. De hac autem agemus sect. 14.

SECTIO XIII.

De Contractione Naturæ vniuersalis ad essendum in multis.

Contractio abstractioni opponitur. Per abstractionem enim natura veluti separatur a multis: per contractionem autem determinata est ad essendum in multis. Hæc contractio dicitur etiam descensus naturæ vniuersalis ad res ipsas: vniuersale enim se habet quasi superius: res velut inferiores. Et ita vniuersale dicitur descendere quasi superius ad inferiora.

*Contractio
est diuisio
naturæ in
plura.*

Ad explicandam ergo plenius hanc naturæ contractionem. Primò contractio naturæ realiter non est aliud quam diuisio & multiplicatio ipsiusmet naturæ, præcedens utiq. abstractionem: imò hæc diuisio verè est à parte rei, & non ab intellectu dependens; abstractio autem non est nec fit nisi opere intellectus. De necessitate autem ipsius vniuersalis est, vt hæc contractio exerceatur per realem diuisionem & multiplicationem, non solum rerum in quibus est natura, sed etià ipsiusmet naturæ, quæ scilicet diuidi & multiplicari debet realiter. Vnde si eadē simplex natura existeret realiter in pluribus, sicut de facto natura diuina est in tribus personis, & sicut esset vna forma, vna albedo, si Deus illam in pluribus subiectis collocaret: hæc verè non esset contractio naturæ vniuersalis ad multa. Quia licet esset realis veluti applicatio naturæ ad plura subiecta: ramè non esset contractio & diuisio naturæ in multas naturas. Et hæc contractio est quæ conuenit naturæ vniuer-

sali. Sed illa natura eo modo existens in multis, non naturis, sed subiectis, semper esset singularis. Quod totum satis patet ex antea dictis.

Hinc dixit optimè S. Thom. Opusc. 16. quando dicimus, vniuersale esse vnum in multis, idè esse, ac dicere, esse vnum & multa. Est multa realiter & à parte rei, homo, v. g. est in re ipsa plura, idè plures homines. Est vnum in cognitione: quia cum ea quæ à parte rei sunt verè plura, sine etiam verè similia: ipsa plura secundum quod similia sunt, constituunt vnum intellectum. Dum enim intellectus apprehendit hominem & brutum, in quantum conueniunt in vna ratione, scilicet sensitua, vnico conceptu apprehendit, quamuis in re sint multa. Vnde nec vnitas destruit multitudinem, nec multitudo impedit vnitatem: quia vnitas est tantum per rationem & apprehensionem, fundata tamen in similitudine reali rerum: multitudo autem est realis in ipsis rebus. Pariter rectè alij notant, idem esse dicere, vniuersale esse vnum in multis, ac esse vnum & multiplex: quia nimirum ipsummet vniuersale est quod multiplicatur, & plurificatur, & non quasi vnum in se permanens & existens, si in multis tantum subiectis vnus indiuisa formæ. Rectè demum etiam dici solet, vniuersale contrahi & diuidi in plura se ipsa: videlicet naturam in plures singulares naturas, hominem in plures homines.

Secundò tamen addendum est, naturam ita contrahi per sui realem diuisionem, quòd tamen totam & integram suam essentiam habeat in singulis, & in vnoquoque eorum in quæ diuiditur. Natura humana, v. g. diuisa est in Petro & Paulo: sed tota hominis essentia est in Petro, & tota in Paulo. Patet: quia vterque est perfectè & essentialiter homo, nulliquè eorum quicquam deest, quod sit de essentiali ratione hominis: omniatque prædicta essentialia hominis, sunt in singulis. Et alioqui si non tota essentia hominis esset in vnoquoque, quilibet esset veluti dimidiatus homo: imò simpliciter non esset homo: quia sublato aliquo prædicto essentiali hominis, simpliciter aufertur essentia hominis. In hoc enim sensu dixit Arist. species esse sicut numeros, quia sicut numerus variatur per additionem vel detra-

*In plures
scilicet natura
singulares.*

*Ita tamè
quòd tota
naturæ es-
sentia sit
in singu-
lis.*

detractiōe cuiuslibet vnitatis: ita quælibet essentia variatur per additionē aut detractiōem cuiuslibet prædicati. Non ergo ita contrahitur natura communis, vt veluti distrahatur in partes, & vna pars descendat ad vnum, alia ad aliud indiuiduum: si vnum prædicatum essentiale ad vnum, & aliud ad aliud. Sed tota secundum partes suas essentialēs & quidditiua prædicata descendit in singula: & hæc propriè est contractio & diuisio naturæ vniuersalis.

*Quomodo
hæc tota-
litas cum
diuisione
cohereat.*

Quia tamen hæc duo repugnare videntur: naturam esse diuisam in singulis, & non vnam in omnibus: simulquē esse totam essentialiter, & non per partes distractam in singulis. Quod enim diuiditur, in partes diuiditur: & è conuerso quod est totum, & non secundum partes in singulis, non potest esse diuisum, sed erit vnum & idem in omnibus. Quam difficultatē vidit Boetius in proem Porphy. sui. Ideo vt hoc penitus explicetur, sciendum est, vniuersale dici quoddam totum. Sed duplex est modus totalitatis, & dupliciter pro hoc proposito dicitur totum: vno modo totum potentiale seu potestatiuum: alio modo totum essentialē seu quidditatiuum. Totum potentiale dicitur superius respectu inferiori quæ dicitur continere in potestate: eo quod inferiora non sunt de conceptu essentiali & quidditatiuo naturæ superioris: quia sic vbicunq; est natura communis, oportet esse omnia simul eius inferiora, in quolibet v. g. animali omnes species animalium: quod planè repugnat. Hoc sensu Porphy. cap. de Differentia ait, genus potestate continere differentias quibus diuiditur, actu nullam. De hoc etiam modo totalitatis dixit Aristor. 1. Physic. tex. 4. *Vniuersale quoddam totum est, multa comprehendens vsq; partes.* Totum essentialē dicitur quolibet res respectu suorum prædicatorum essentialium quæ formaliter & intrinsecè in sui constitutione & quidditate continet. Vniuersale ergo habet hæc duplicem totalitatem: Homo v. g. est totum potentiale respectu Petri & Pauli & cæterorum, est totum essentialē in se completens animalitatem & rationalitatem, siue dicens totam suam quidditatem.

Quia sci-

luta hæc distinctionem duplicis to-

talitatis dicendum est, vniuersale diuidi quidem in plura: non tamen quatenus totum essentialē est: sed quatenus totum potentiale est. Nō quatenus totum essentialē, quasi in plures partes suæ essentia & ex homine, v. g. animal contraheretur ad Petrum, rationale ad Paulum. Quinimo hoc modo nō diuiditur homo: sed tota essentia hominis, tam rationalitas, quàm animalitas, communicatur perfectè cuiuslibet singulari homini. Diuiditur quatenus totum potentiale, in plures scilicet partes potestativas, idest in plura inferiora. Et ita non omnes partes potestatiue reperiuntur in quolibet indiuiduo. Quinimo in vno non nisi vna reperi potest, scilicet propria entitas singularis eius: in Petro, v. g. non reperiuntur omnes homines qui sub homine in comuni continentur, sed solus ipse Petrus. Hinc ergo patet, quàm optime illa duo inter se cohereant: naturam vniuersalem esse diuisam in singulis, & tamē secundum totam essentiam esse in singulis: quia diuiditur solum secundum totalitatem potestatiuam, nō autem secundum totalitatem essentialē. Et hæc propriè est contractio naturæ secundum totam suam essentiam ad singula inferiora, quæ dicuntur partes potestatiue ipsius vniuersalis.

Quando autem dicimus, totum, essentialē: non oportet id intelligi positiuè & in rigore, quasi necesse sit, plura prædicata essentialia tanquam partes inuolui in ipsa essentia: sed sufficere intelligi negatiuè, idest quòd nulla pars essentia, siue nullum prædicatum essentialē desit, vbicunq; est talis essentia: siue in illa includantur, siue non includantur plures partes seu prædicata essentialia. Vnde etiam ens communissimè sumptum, dici potest hoc modo totum essentialē, atque totum essentialiter, & secundum totam entis essentiam in singulis entibus reperi, idest nihil esse de essentiali ratione entis, quod non in singulis entibus reperiatur. Sed præterea simul cum essentia intelligi possunt propriæ passionēs, de quibus etiā similis ratio est, ac de prædicatis formaliter essentialibus: omnes enim huiusmodi passionēs reperi debent in quolibet participante naturam communem, nec sunt dispersæ in diuersis per contractionem ipsius naturæ.

Tertiò

*licet vni-
uersale,
diuiditur
quatenus
totum po-
tentiale,
non qua-
tenus to-
tum essen-
tiale.*

*Contradio
natura si
per diffi-
rentias de
quibus po-
sita agen-
dum est.*

Tertiò principaliter ad hanc contra-
dictionem pertinet, videre, an & quomo-
do fiat per differentias determinantes na-
turam communem ad plura & distincta:
notissimum enim est, quod in hac mate-
ria dici & repeti solet, differentias esse
quæ contrahunt, quæ diuidunt natu-
ram communem, quæ faciunt differre,
illa quæ alioqui in ipsa natura conue-
niunt & vniuntur. Vbi Nominales qui-
dem, sicut vniuersale in essendo nega-
bant; ita etiam nullo modo has differen-
tias agnoscunt. Scotus significauit, sem-
per & vbiunque est natura communis,
interuenire debere differentias à parte
rei distinctas ab ipsa natura. Alij volunt,
interuenire non posse à parte rei; sed de-
bere saltem ratione distinctas. Hæc au-
tem tota res prolixam discussionem exi-
git. & quia habemus tum contractionem
naturæ vniuersalis ad vltima singu-
laria, tum etiam ad alios conceptus in-
termedios, v. g. generis ad species: cõ-
sideranda sunt differentia, tum indi-
dualis, tum specificæ. Ideò de hac re
distinctè differemus, de differentijs qui-
dem indiuidualibus in proxima quæstio-
ne de ipso singulari & indiuiduo, de dif-
ferentijs autem specificis in alia pecu-
liari quæstione de Differentia genere
& specie.

SECTIO XIV.

De Prædicabilitate Vni- uersalis.

Solet cum vniuersali prædicabile om-
nino coniungi, & ferè confundi;
atque Prædicabilitas assignari, vel tan-
quam formaliter vniuersalitas, vel tan-
quàm proxima & propriissima passio eius.
Oportet ergo nunc, de prædicabili, seu
de vniuersali prædicabilitate differere.
Primò quidem certum est, quod ab
omnibus supponitur, omne vniuersale
esse prædicabile, esse inquam de multis
prædicabile. Patet inductione notissima
de omnibus vniuersalibus, & ex ratione
ipsius vniuersalis. Quod enim est, siue
aptum est, esse in multis, potest vtrique
prædicari de illis: prædicari enim sequi-
tur inesse, iuxta ea quæ hæcenus dicta
sunt. Idque planè intelligitur, prædica-

tione affirmatiua vera, idest potest vni-
uersale verè affirmari de multis.

Non prædicatur autem de rebus vni-
uersali subditis, ipsa formalis vniuersa-
litas, vel constitutum ex natura & vni-
uersalitate. Quinimo falsa essent hæ præ-
dicationes, Petrus est species humana,
est specietas, homo est genus animal, est
generitas, & sic de alijs. Sed prædica-
tur natura ipsa realis, quæ dicitur vni-
uersalis: Petrus est homo: homo est ani-
mal: & sic de alijs. Ita notatur optimè
S. Thom. cap. 4. de Ente & Essentia, &
Opusc. 56. dicens, vniuersale prædicari
quoad naturam vniuersalitati subiectam,
non autem quoad ipsam vniuersalitem.
Et est res clarissima. Et ratio euidens.
Quia, non vniuersalitas, nec totum aggre-
gatum ex natura & vniuersalitate, sed
tantum natura est in ipsis rebus vniuersa-
li subditis: illud autem prædicatur de
subiecto, quod est in subiecto. Sicut er-
go antea dicebamus, vniuersale non se-
cundum vniuersalitem, sed tantum secun-
dum naturam, esse in multis: ita non
secundum vniuersalitem, sed secundum
naturam prædicatur de ijs.

Nec etiam necesse est, prædicari na-
turam quatenus singularem, seu quoad ip-
sam singularitatem formaliter, quæ con-
stituit illud indiuiduum de quo natura
prædicatur. Patet. tum quia alia prædi-
catio est, dicere, Petrus est homo, est ani-
mal; atque dicere, Petrus est hic homo
qui dicitur Petrus, est hoc animal: alia
enim significatio est in prædicato vnus,
atque alterius propositionis. Dum ergo
prædicatur vniuersale de singularibus,
dicendo Petrus est homo, Paulus est ho-
mo; non importatur ex parte prædicati
determinata singularitas Petri & Pauli.
Tum quia aliqui nulla esset prædicatio
ipsius vniuersalis de singularibus, idest
vnus de multis: sed tantum prædicare-
tur singulare de singulari. Quod esset
destruere prædicabilitatem ipsius vniuersa-
lis. Licet ergo in re propositio verifi-
cetur ratione illius naturæ singularis quæ
est in Petro: tamen non id exprimitur in
v: & significatione illius propositionis.
siue in conceptu obiectiuo intellectus qui
forma ut ex parte prædicati, non exprimi-
tur nec determinatur singularitas ip-
sius Petri de quo fit prædicatio.

Prædi-

*Non præ-
dicatur
formali-
ter secun-
dum vni-
uersalita-
tem.*

*Nec secun-
dum sin-
gularita-
tem.*

*Omne vni-
uersale
est de plu-
ribus præ-
dicabile.*

*Sed secundum
dum esse
tiam.*

Prædicatur ergo natura secundum suam essentiam, in qua non includitur neque vniuersalitas neque talis singularitas, sed tantum inuoluuntur essentialia prædicata naturæ. Cum dicimus, Petrus est homo; prædicatur natura humana secundum essentiam humanitatis. Ita docuit optimè S. Thomas Opuscul. 56. & probauit: quia terminus, idem prædicat quod significat: sed homo simpliciter significat hominem quoad humanam essentiam, non quoad vniuersalitatem, nec quoad hanc vel illam singularitatem: ergo in hac etiam significatione prædicatur, cum dicimus, Petrus est homo, Paulus est homo. sic etiam explicat Caiet. cap. 4. de Ente & Essentia com. 4. & Capreol. in 3. d. 5. q. 3. art. 3.

*Sub vno
conceptu
obiectiuo.*

Et dum prædicatur natura de pluribus, adhuc prædicatur secundum vnum conceptum obiectiuum: ita vt verum sit dicere, prædicari vnum de multis, non quidem vnum realiter, sed vnum ratione & præcisione. Declaratur: quia cum intellectus affirmat, Petrus est homo, Paulus est homo, idem conceptus obiectiuus eademque formalis apprehensio prædicati, idest idem ipse actus intellectus, quo apprehenditur absolutè homo, valet deservire ad verèque illam propositionem; variatione facta ex parte subiecti, non ex parte prædicati: & sic ad omnem aliam similem propositionem. Vbi rursus dicere oportet, prædicari quidem conceptum vnum de pluribus: non tamen prædicari vnitatem ipsam. Quod satis patet ex supradictis. Dum enim dicebamus, prædicari naturam, non verò vniuersalitatem; sub vniuersalitate intelligebatur vtique vnitas quæ constituit vniuersale.

*Nō destrui
Ra vni-
tate.*

Neque etiam per ipsam actualem prædicationem intellectus de pluribus, destruitur vniuersale in mente, eo quòd mente ipsa diuidatur in plura, & ita videatur destrui vnitas rationis & præcisionis. Nam oportet considerare, & conceptus se tenentes ex parte subiecti, idest de Petro Paulo & cæteris singularibus, & conceptum se tenentem ex parte prædicati, idest conceptum de homine absolutè. In conceptibus quidem ex parte subiecti datur diuisio, & non vnitas: & ita non illi conceptus sunt vniuersales, sed sunt singulares. At in con-

ceptu ex parte prædicati adhuc saluatur vnitas: quia non dissoluitur ipse conceptus, sed permanens vnus, etiam obiectiue in mente, applicatur singulis: & vnus conceptus prædicatur de multis, vnum obiectiue prædicatur de multis subiectis. Et ita vniuersale est prædicabile de multis, sine destructione suæ vniuersalitatis, idest suæ vnitatis mentalis.

Secundò vterius, vt videamus, An solum vniuersale sit prædicabile, & qualiter prædicabilitas sit propria ipsius vniuersalis: dicendum est, si prædicabilitas seu prædicatio amplè sumatur, non soli vniuersali competere, nec esse eius propriam: si tamen secundum quosdam conditiones restringatur & designetur, posse ita accipi & explicari, vt sit omnino propria solius vniuersalis. Explicatur & probatur assertio. In primis possunt verè prædicari, non solum superiora de inferioribus, sed etiam è conuerso inferiora de superioribus: valet enim dicere; animal, aliquod animal, est homo. Hæc autem prædicatio inferioris de superiori dicitur indirecta, & prædicatio superioris de inferiori dicitur directa. Limitari ergo debet prædicabilitas ad prædicationem directam. Item datur, non solum prædicatum quod potest affirmari de pluribus, sed etiam quod potest affirmari de vno tantum. Sic Porphy. cap. de Specie, indiuiduum definiuit, quod de vno solo prædicatur. Imo differentia, ac etiam proprietas, quæ sit adæquata respectu suæ speciei suæ naturæ, de illa sola prædicatur, & non de alijs speciebus: est ergo prædicabilis de sua specie, & non tamen est vniuersalis respectu plurium specierum. Sic, v. g. equus est hinnibilis, animal est sensicium, & similia. Debet ergo addi, prædicabile de pluribus, ad hoc vt prædicabilitas restringatur ad vniuersale. Rursus potest esse vnum prædicabile de pluribus, quod sit in se indiuisum & singulare; sicut certè natura Diuina prædicatur de tribus personis, & vna numero albo prædicaretur de pluribus subiectis, si in illis poneretur a Deo. Debet ergo addi, vt sit vnum prædicabile de multis, veluti de multis se ipsis: seu quod sit vnum tantum ratione, & realiter sit diuisum ac multiplicatum. Prædicabilitas ergo cum

*Non solū
vniuersale
est prædicabile.*

*Et si cum
quibusdā
conditio-
nibus.*

his conditionibus explicata, erit propria solius vniuersalis. Et vt breuiter dicatur, prædicabile de pluribus eo modo quo esse in pluribus constituit vniuersale, adequatè conuertitur cum ipso vniuersali. Et præterea si vniuersale restringatur tantum ad essentialia prædicata, vel ad solum genus & speciem, de qua regemur sect. seq. etiam prædicabilitas poterit limitari ad prædicationē essentialē, aut etiā ad prædicationē in quid, vt sit omnino propria vniuersalis sic assignati.

*Prædica-
bilitas du-
pliciter
explica-
tur.*

Tertiò deinde, ad explicandum quid sit prædicabilitas, dicendum est. Cum prædicatione non sit aliud quàm actus intellectus affirmantis prædicatum de subiecto, prædicabilitatem esse potentiam seu capacitatem veluti passiuam, vt aliquis possit affirmari de subiecto. Debet enim considerari duplex potentia. Vna actiua ex parte intellectus potentis affirmare. Alia veluti passiuā ex parte obiecti potentis affirmari. Vtque prædicabilitas sit propria vniuersalis, debet intelligi, obiecti potentis affirmari cum conditionibus iam designatis. Et rursus hæc prædicabilitas potest sumi dupliciter.

Vel pro entitate ipsa obiecti, & denominatione extrinseca à potentia intellectiua: sicut esse visibile v.g. sumi potest pro entitate coloris & denominatione extrinseca à potentia visuā. Et hoc modo prædicabilitas formaliter sumpta, consistit in denominatione reali extrinseca à dicta potentia. Vel prout concipi potest & solet ad instar formæ & aptitudinis seu relationis cuiusdam intrinsecæ in ipso obiecto, idest in ipsa natura vniuersali, sicut dicebamus antea de vniuersalitate. Et sic est formaliter aptitudo & relatio rationis, habens pro termino prædicationem possibilem, qua natura vniuersalis potest de suis inferioribus affirmari.

*Colligi-
tur quid
sit subijci-
bile.*

Hinc patet pariter, quid sit subijcibile, quod prædicabili correspondet. Nam cum prædicatio omnino fiat de aliquo subiecto; & si datur prædicatum, datur subiectum: debet nominari subijcibile, quod apud est esse prædicationis subiectum, de quo scilicet potest fieri affirmatio prædicati. Subijcibilis ergo potest etiam explicari dupliciter, vel sine relatione rationis pro denominatio-

ne extrinseca ab intellectu quatenus potente subijcere, vel pro relatione rationis opposita relatiuè alteri relationi dictæ prædicabilitatis.

Quartò, nunc examinare oportet, num prædicabilitas sit formaliter vniuersalitas, vel distinguatur ab ipsa vniuersalitate. Scot. q. 15. Vniuersalium indicauit, prædicabilitatem esse formaliter vniuersalitatem, & prædicabile idem formaliter ac vniuersale. Sequitur Hurtad. disp. 3. sect. 2. Fauet Porphy. qui vniuersalia explicat, & definit per posse prædicari: Genus est quod potest prædicari de pluribus differensibus specie: species quæ de pluribus differensibus numero. Potestque hæc sententia duplicem habere sensum: vel non distingui in natura communi duplicem aptitudinem, vnam ad esse, alteram ad prædicari de multis: sed vnam esse aptitudinem, quæ dicatur vniuersalitas, & prædicabilitas. Vel distingui quidem duplicem aptitudinem, & ipsam aptitudinem ad prædicari de multis, esse vniuersalitatem. Cuius alio: si sententia est, prædicabile formaliter ab vniuersali distingui, scilicet prædicabilitas em ab vniuersalitate.

Dicendum ergo est, distinguere aliquo modo debere duplicem aptitudinem in natura communi, primam ad esse, secundam ad prædicari de multis. Et licet, non solum prima, sed etiam secunda, dici possit vniuersalitas quædam: tamen magis propriè prima est quæ dicitur vniuersalitas. Hæc assertio tres habet partes. Prima pars probatur clarè: quia posse prædicari de multis, dicit vel denominationem extrinsecam à potentia intellectiua, vel aptitudinem & relationem rationis ad actum prædicationis possibilem, vt explicatum est: ergo differt ab aptitudine essendi in multis, in intelligendo scilicet actum essendi realiter, quæ aptitudo non dicit formaliter eam denominationem aut relationem rationis, vt patet. Secunda pars probatur. Quia etiam prædicatio de multis, est quoddam esse in multis, esse scilicet obiectiue: ergo si dum vniuersale definitur aptum esse in multis, & vniuersalitas aptitudo essendi; quis sumere velit, esse, pro esse obiectiue; sic ipsa prædicabilitas est quædam vniuersalitas, ab alia prima vni-

*Ab prædi-
cabilitas
sit forma-
liter vni-
uersali-
tas.*

*Ab vni-
uersalitate
distingui-
tur, &
potest dici
quædam
vniuer-
salitas.*

ma vniuersalitate distincta. Imo communi modo loquendi solet distinctis nominibus assignari, vniuersale in essendo, & vniuersale in prædicando. Hinc patet tertia pars: quia iuxta communem intelligentiam, & propriè loquendo, quando dicitur esse in multis, intelligitur esse realiter: & dum distinctè nominatur vniuersale, & prædicabile: & vniuersale dicitur aptum inesse, prædicabile aptum prædicari: iam sumitur esse realiter, ad distinctionem modi essendi obiectiue per prædicationem. Igitur hæc aptitudo ad esse, non autem aptitudo ad prædicari, est propriè quæ dicitur vniuersalitas. Porphy. autem non sibi proposuit tractare de genere & specie sub hoc rigore quatenus vniuersalia sunt: vel etiam quantum ad hoc, illa explicauit per posse prædicari de multis, tanquam per aliquod intimè connexum cum ipsa vniuersalitate.

Quintò: stante hac distinctione, eadem communis sententia docet, prædicabilitatem esse passionem consequentem ex vniuersalitate. Quod tamen difficultate non caret, quia si prædicabilitas explicetur realiter, non potest esse passio vniuersalitatis formaliter sumptæ pro aptitudine rationis. Nec etiam si explicetur per relationem rationis. Nam non apparet necessarium, vt relatio ad prædicari, fingatur ab intellectu ex relatione ad essendum in multis: sed potest immediate fingi post abstractionem naturæ. Vnde rursus post prædicabilitatem poterit fingi relatio inessendi. Videtur ergo prædicabilitas æquè primò, atque ipsa vniuersalitas, conuenire naturæ. Et præterea passio necessariò consequitur ad essentiam: ideoque dicitur conuenire semper: ac faciliè fieri potest, vt intellectus fingat vniuersalitatem, non autem prædicabilitatem: ergo.

Propter hæc explicare magis oportet, quoniam modo prædicabilitas se habeat ad vniuersalitatem. In primis ergo rectè dici potest passio necessariò conueniens, si tum ipsa prædicabilitas, tum etiam aptitudo essendi, in ipso vniuersali explicetur realiter. Nam certè ideo prædicatum potest affirmari de subiecto, quia est in illo. Atque denominatio extrinseca ab intellectu potente affirmare, se

habet vtique tanquam passio consequens realitatem super quam cadere potest prædicatio. Similiter si prædicabilitas accipiat pro relatione rationis, planè est quid consequens vniuersaliter realiter acceptam. Si autem etiam ipsa vniuersalitas accipiat pro aptitudine rationis: sic faciendum sanè est, posse quidem ab intellectu concipi & fingi relationem ad prædicari, etiam non præconcepta aptitudine rationis ad essendum in multis. Sicut planè potest & solet intellectus concipere relationes rationis præditi & subiecti, non præconcepta alia relatione rationis, sed tantum reali coniunctione prædicari & subiecti. Tamen adhuc valebit dicere, quòd si intellectus debeat concipere & fingere, tam relationem essendi quàm relationem prædicandi, & debeat ordinatè concipere: tunc prius cogitabit relationem essendi, & consequenter relationem prædicandi: sicut ipsum esse præsupponitur ad prædicari. Et hoc modo debet explicari, prædicabilitatem esse passionem consequentem ad vniuersalitatem. Demum quando passionem sunt relationes rationis, non oportet seruari illum rigorem, vt statim posita essentia sequatur passio: sed satis est, tunc dari proximum fundamentum eius: vt verò actu resultet, expectatur operatio actualis intellectus ingentis.

Sextò adhuc superest explicandum, ad quem actum prædicationis referatur prædicabilitas ipsius vniuersalis. Duplex enim prædicatio distingui potest. Prima qua affirmetur prædicatum de subiecto tantum secundum essentiam, quomodo nunc verum est dicere, Adamus est homo, quamuis non existat. Secunda qua affirmetur secundum existentiam, si dicatur, Petrus nunc actu existit extra causas hominis. Aliqui supponunt, prædicabilitatem referri ad hanc secundam prædicationem: quia aptitudo prædicandi sequitur aptitudinem essendi: sed isto actus essendi intelligitur quoad existentiam realem: ergo etiam actus prædicandi est quo affirmatur existentia realis.

Dicendum ramen est, in ordine ad vtique prædicationem posse explicari prædicabilitatem, sed potius explicari debere in ordine ad primam, in ipsa in quam

An prædicabilitas sit passio consequens vniuersalitatem.

Explicatur quomodo conueniat, aut committitur.

Ad quod actum prædicationis prædicabilitas referatur.

Ad actum referatur ad prædicationem existentiam.

quam vniuersalibus quæ essentialiter dicuntur de rebus. Et quidem posse utroque modo explicari, patet: quia verè utroque modo potest natura prædicari: ergo utroque est prædicabilis. Debere autem potius primo modo explicari, manifestè probatur: quia ad faciendam & exercendam prædicationem ipsius vniuersalis de suis inferioribus, non est utique expectanda actualis existentia rerum. Sed sic vniuersale cogitamus abstractendo à rerum existentia: ita etiam prædicamus & affirmamus: ipsæque propositiones essentialiter de rebus, Adamus est homo, Petrus est homo, quæ sunt æternæ veritatis, sunt maxime in quibus exercetur prædicatio vniuersalium, generis de speciebus, speciei de indiuiduis. Et natura, dum est vniuersalis, iam est proximè prædicabilis, id est tunc potest prædicari de rebus, & non solum remotè, quasi prius mediare debeat actus existentie realis, ad hoc vt exerceri possit prædicatio.

*Vnde dici
debet cõse-
qui actum
essendi es-
sentialiter.*

Hinc sequitur, dici debere, prædicabilitatem proximè consequi actum essendi in multis, sumendo actum essendi essentialiter. Et quia diximus, vniuersale respectu huius actus essendi constitui, non per aptitudinem ad talem actum, sed per ipsum actum: ita nunc dici debet, prædicabilitatem non consequi ad aptitudinem essendi, quasi referendo aptitudinem ad actum essendi essentialiter: sed consequi ad vniuersale constitutum & explicatum per ipsum actum essendi. Neque mirum est, prædicabilitatem consequi, non ad solam aptitudinem, sed ad actum ipsum essendi. Nam verè dicimus, idèò hoc potest affirmari de illo, quia est in illo. Idg. apparebit clarius in prædicatione accidentalibus, quæ requirunt actualem existentiam ad veritatem prædicationis. Nam ex eo solum quòd quis potest adipisci musicam, non possumus tunc affirmare, hic est musicus; sed quando musica actualiter illi inest, tunc id poterimus affirmare. Prædicabilitas ergo proxima sequitur actum ipsum essendi.

*Aptitudi-
nem exis-
sentiã ren-
tior.*

Quia verò actus essendi essentialiter, re ipsa coincidit cum aptitudine existendi realiter, propter quod dicebamus vniuersale rectè explicari per aptitudinem reflatam ad hanc existentiam: ita pariter nunc dicendum est, prædicabilitatem rectè

consequi ad ipsam aptitudinem existendi: non quasi deinde ad exercendum actum prædicationis; expectare oportet etiam actum existendi realiter: sed quia immediatè ex ipsa aptitudine existendi, quoniam coincidit cum actum essendi essentialiter, potest exerceri prædicatio penes propositiones essentialiter. Et hinc patet ad rationem partis aduersæ. Actus enim prædicandi, non affirmat actum illum existendi realiter ad quem ea aptitudo refertur, sed affirmat aptitudinem ipsam existendi, seu actum essendi essentialiter: nec sequitur ad illum actum existendi, sed immediatè, & proximè sequitur aptitudinem quidem existendi, actum verò essendi essentialiter.

Ceterum quoad exercitium ipsum prædicationis, solent hic multa quari atque tractari: quoniam modo natura vniuersalis debeat de suis inferioribus prædicari, an solum in cõcreto, v.g. Petrus est homo, est albus; an etiã in abstracto, Petrus est humanitas, vel Petreitas est humanitas, vel est homo. Sed hæc quidè non sunt propria vniuersalium: potius sunt communia ad omnia prædicata & subiecta, etiam seclusis vniuersalibus, & propriè spectat ad secundam operationem intellectus, per quam prædicationes exercet. Vnde ad peculiare tractatũ de ipsa secunda operatione suo loco instituendũ, hæc re differimus.

*Qualiter
prædica-
tio exer-
cenda sit,
differtur
ad tracta-
tum de
secunda
operatio-
ne.*

SECTIO XV.

De alijs Proprietatibus Vniuersalis.

Prima & præcipue vniuersalis proprietas, erat Prædicabilitas, de qua satis egimus. Secunda proprietas vniuersalis assignatur, esse quodammodo posterius singularibus. Sumpta ex Ar. 1. de Ani. tex. 8. & solet explicari dupliciter.

Primò quoad existentiam realem: quia scilicet intantum natura vniuersalis quoad iuã realitatè existit, inquantum singularia existunt: alioquin nullatenus posset existere separata. Et, cum exercitium existentie non sit prædicatum essentialiter & necessarium, sed potius contingens, & dependens ex actione quæ primario versatur circa singularia: idèò dicitur primario ipsis singularibus conuenire, & cõsequenter naturæ vniuersali quoad iuã realitatem. Ita colligitur ex Ar. 1. Met. c. 1. Hoc autè

*Prima pro-
prietas,
prædica-
bilis.
Secunda,
esse post-
erius singu-
laribus.
Tum quo-
ad existèn-
tiam realem.*

rotā, solum accipiendū est secundū quēdam explicandi modū: alioqui in rigore loquendo, vniuersale realiter sumptum quoad primam intentionem, in re est ipsummet singulare. vnde non potest dari ordo existentie realis, siue dependentie realis in existendo, naturæ vniuersalis à singularibus. Sed solum quāā explicādi modū, ad denotandū vniuersale nō posse existere separati, dicitur nō existere nisi ratione singulariū. Cū etiam ē conuerso valeat d'cere, ipsa singularia nec posse existere separata à sua natura essentiali: sed non nisi cum illa posse existere.

Tū quoad obiectiū.

Secūdo illud explicatur, quoad existentiam obiectiū, siue quoad abstractionē naturæ vniuersalis, ac etiā quoad aptitudinem rationis quē illi ab intellectu tribuitur. Nam vniuersale abstrahitur à singularibus in quibus realiter esse supponitur: & abstractū accipit ab intellectu aptitudinē rationis. Vnde realiter ipsa natura inuēta in singularibus, & similitudo atque conuenientia realis eorū inter se, est fundamentū abstractionis & vniuersalitatis: sic ergo vniuersale formaliter dicitur esse posterius singularibus. Neque obstat, quōd potētia ad aliqū actū est prior ipso actū: natura autē in statu vniuersalitatis dicit potētia ad eundē in multis: vnde videri pōt, priorē esse statū vniuersalitatis statu singulariū. Non inqū obstat, quia illud verū est de potentia reali quæ realiter sit causa sui actus, nō autē de potentia rationis quæ fingitur ab intellectu. Cū ergo aptitudo naturæ in statu vniuersalitatis sit ens rationis, nō debet precedere: quinimo potius ē contra dicere valebit, ideo naturā concipi ab intellectu apā esse in multis, quia realiter inuenitur natura similis in multis. Et hoc est fundamentum vniuersalitatis.

Tertia, esse aliam rationē prius singularibus.

Tertia proprietas est secundū aliā cōsiderationē vniuersale dicitur prius singularibus. Quod etiā dupliciter explicatur. Primō secundū essentia: quia scilicet natura vniuersalis est quæ essentialiter cōstituit singulā. Prædicata autē essentialia concipiuntur quodammodo prius quā res quæ per illa cōstituitur & cōpletur. Secūdo quoad illationē essendi: secundū quā dicitur prius à quo non conuertitur subsistēti cōsequētia, vt docet Ar. in Post. prædic. c. 2. videlicet ex eo quōd datur

hoc singulare, benē inferitur dari in illo naturā vniuersalē: sed nō ē conuerso ex eo quōd datur natura vniuersalis, inferri potest dari hoc singulare, quia nimirum natura dari potest sine hoc singulari, sed non hoc singulare sine natura. Hoc modo explicat Porph. cap. vit. agēs de discriminē generis & differētiæ, & generis & speciei: docēs, genus esse hoc modo prius suis differētijs & speciebus. Vbi etiā obseruandū est, hāc cōparationē nō fieri inter hanc naturā & hoc indiuiduum: sed inter naturā absolutē in tota sua amplitudine, & hoc indiuidū. Vñ in rigore hæc prioritas nō est aliud quā maior amplitudo ipsius vniuersalis, quæ in plura se exēdit, quā quodlibet singulare: & sic genus quā species, & adequatē oē vñ quod est in multis, quā vñ aliqū ex ipsis multis. Ex quo pariter fit, vt benē inferre valeat, hic est hō, ergo est animal: sed nō cōuertitur, est aīal, ergo est hō. Et sic de relijs.

Rursus circa hūc ordinē prioris & posterioris, si vñle & singulare sumatur formaliter relatiuē, quatenus referuntur ad inuicē: sic dicere valebit esse simul: quia in vniuersū correlatiua dicuntur esse simul, quod suo loco explicandū est. Alia difficultas est, quidnā prius à nobis cognoscat, vñle nē an singulare. Sed de hac re in propria quæst. de Cogn. ord. differemus.

Quarta proprietas assignanda videtur, vñle esse principii rerū, quas sub se continet. Ita ait Porph. c. de Genere, genus esse principii specierū quæ sub ipso sunt. Ar. aut 3. Met. tex. 10. pluribus rōnibus ex vtraq. parte disputat, nū vñlia sint rerum principia. Sed res facilis est. Vñlia in essendo, de quibus loquimur, nō esse principia realiter rerū quas sub se cōtinēt, quasi per modū causæ: cū enim non sint à rebus distincta, non possunt hoc modo esse earū principia & causæ. Nostro tñ intelligendi modo, quatenus res concipiuntur constituit per prædicata vñlia, & quatenus vñle tanquā vñ in se intelligitur diuidi in plura in inferioribus: sic vñlia possunt dici quodammodo principia rerum.

Quinta proprietas vniuersalis est, quā dicitur esse, vel perfectius, vel imperfectius singulari. Et quidem si sumatur vniuersale formaliter pro secūda intentione, ideo est pro ipsa vñlitate: sic est in infinitū imperfectius singulari: singulare enim quoad

Quarta, esse principii rerum.

Quinta, esse perfectius vel imperfectius singularibus.

quoad singularitatem suam est verè reale. Quantum ergo præstat ens reale, enti rationis, tantum præstat singulare vniuersali sic sumpto. Si autem sumatur vniuersale pro natura reali, & sumatur in tota sua amplitudine prout completur omnia quæ in illa conueniunt: sic dici potest vniuersale tantum excedere perfectione singulare, quantum tota multitudo singularium excedit unū aliquod singulare. Si demum dicatur singulare, siue omne id quod sub vniuersali continetur, superaddere suam differentiam, intrinsicam supra naturam communem: sic ratione talis differentie vniuersale erit minus singulare.

Sexta, esse intelligibile.

Sexta proprietas vniuersalis est, esse intelligibile & scibile. Et videtur hæc proprietas assignari vniuersali ad differentiam singularis, dicendo singulare non esse per se intelligibile & scibile. Et sumitur ex Arist. 1. Post. tex. 182. vbi ait, vniuersale percipi intellectu, singulare verò sensu. Verum negari non potest, etiam singulare posse intelligi, & non solum sensui sed etiam intellectui obijci posse, vt iam prædiximus q. 3. vbi & locum Arist. explicauimus. Dum ergo assignatur tanquam proprietas vniuersalis, esse intelligibile: potius accipi debet ad exclusionem cognitionis sensitiuæ, id est esse ita purè intelligibile, quod non possit percipi sensu: singulare autem potest percipi sensu. Quod etiam debet intelligi iuxta ea quæ diximus sect. 1. Et præterea posse percipi solo intellectu, commune est etiam singularibus spiritalibus. Imo etiam inter res materiales, substantia ipsa & pleraque accidentia non possunt immediate sentiri, sed tantum intelligi.

Et esse scibile.

Dum ergo assignatur proprietas vniuersalis, esse scibile: hoc magis dici solet ad differentiam singularis: quia non omnis cognitio intellectiua est scientia propriè dicta: sed scientia sumitur pro cognitione quadam perfectâ secundum conditiones quæ lib. 1. Poster. ab Arist. assignantur. Et hæc scientia dicitur esse tantum de vniuersalibus. Et de singularibus dicitur non dari scientia. Quod adeo necessarium visum est, vt propterea illi antiqui qui vniuersalia non cognouerint, scientiam omnem abstulerint: &

Plato, vt scientiam conseruaret, separata illa vniuersalia excogitauit. Verum de hac re in proprio tractatu de scientia inter species cognitionis intellectuæ agemus: ibiq. examinabimus, quodnam obiectum scientiæ esse debeat.

Præter has demum, aliæ proprietates vniuersalis assignari solent: videlicet, esse ingenerabile & incorruptibile, esse semper & vbique, esse totum, & si quæ sunt aliæ similes: quæ satis in hac quæstione suis locis magis proprijs explicatæ sunt.

SECTIO XVI.

Quot & quæ sint Vniuersalia & Prædicabilia.

IN fine huius quæstionis, in qua considerauimus vniuersale in communi, examinare oportet, si plura vniuersalia sint, & quot & quæ sint, vt subinde de ijs singulatim agamus. Non autem nunc querimus de numero & distinctione vniuersalium ex parte naturæ: aut realium. Nam de hoc satis patet, quam copiosa sit multitudo, & quanta varietas naturarum, quæ postea in prædicam. distinctè recensendæ & collocandæ sunt. Sed querimus ex parte vniuersalitatis & prædicabilitatis formalis, quot & qui sint modi diuersi vniuersalitatis.

Notissima & communissima sententia est, vniuersalia & prædicabilia esse illa quinquæ, quæ in suo libello à Porphyrio pertractantur videlicet, Genus, species, differentia, proprium, & accidentis. Cuius diuisionis ratio & sufficientia duplex solet præcipuè assignari. Prima ex parte vniuersalitatis, quæ refertur ad essendum in multis. Secunda ex parte prædicabilitatis. Ex diuersa enim ratione essendi in multis, & similiter quæ natura prædicatur de multis, hæc distinctio colligenda & comprobanda est. Quia inde desumitur diuersa aptitudo & ratio rationis, siue etiam diuersa abstractio & vnitas rationis.

Prima ratio est huiusmodi. Natura vniuersalis, vel est in multis essentialiter, vel accidentaliter. Si essentialiter, vel tanquam tota essentia: & hæc est species, quæ dicitur esse tota formalis individuorum.

Communis sententia assignat quinq. Genus, species, differentiam, proprium, & accidentis.

Prima ratio ex parte vniuersalitatis.

Seçt. XVI. Quor & quæ sint Vniuers. & Præd. 193

uiduorū essentia, quoniam cōditiones indiuiduātes dicuntur se habere materialiter, non autē tanquā gradus essentialiter formales. Vel tāquā pars essentia. Et tūc aut tanquā pars materialis: & hoc est genus. Aut tanquā pars formalis: & hæc est differentia. Nam genus & differentia. v. g. animal & rationale in homine, dicuntur se habere tāquā pars materialis & formalis. Quoniam genus concipitur veluti per se stans, ac recipiens differentiam, & tāquā indeterminatū quid, determinabile per differentiam, sicut materia se habet ad formam: differentia autem se habet tāquā forma actiuus & determinans. Si deinde natura vniuersalis uest accidentali. Vel saltem enascitur & promanat ab essentia rei: & hoc est propriū. Vel prouenit merē ab extrinseco aliqūe necessaria connexion vel dependentia ab essentia: & hoc est accidens. Quāuis enim etiam propriū sit accidens: & possent hæc duo prædicabilia appellari, accidēs propriū, & accidens commune: tamen breuitatis gratia, vnum appellatur abso- lutē propriū, aliud accidens. Hanc rationem distinctionis reddit Suarez. d. 6. sect. 8. n. 7. & alij.

Secunda ratio ex parte prædicabilitatis est huiusmodi. Natura vniuersalis aut prædicatur in quid, idest per modū termini substantiui & essentialiter. Et tūc aut de pluribus differētibz specie, vt animal de homine & beato: & hoc est genus. Aut de pluribus tantū differētibz numero, vt homo de Petro & Paulo: & hæc est species. Aut deinde prædicatur in quale quid, idest per modū termini adiectiui, sed essentialiter, vt rationale de homine & singulis hominibus: & hæc est differentia. Aut tandē prædicatur in quale, idest per modum termini adiectiui, & accidentaliter. Et hoc: Vel est propriū, si necessariū prædicatur, vt risibile de homine. Vel est accidēs, si tantū cōtingeret dici de subiecto, vt albi & similia.

Alia sententia videtur quorūdam veterum & grauiū Auctorum, qui illa tantū vniuersalia quæ essentialiter rebus cōceptis, imo quæ substantiue & in quid, scilicet genus & species, & non alia, assignasse videntur. Ita significant Auerr. in Antepredicam. cap. 1. Ammon. cap. 3. Boet. in Prædicam. com. 6. Simplic. com. 6. & 9.

Dexippus cap. 24. & Porphy. ipse in Freddicam. interrogazione 35.

Alia ex aduerso sententia est quorundam recentiorum, qui prædicabiliū numerum augere maluerunt Caiet. cap. de Specie, addidit individuū vagū, v. g. quidam homo: pōt enim dici de Petro & Paulo, & cæteris. Atq. definitionē, vt animal rationale: pariter enim dici pōt de pluribus. Et alij demum aliter alia addiderūt, quia plura sanē sūt quæ prædicari possūt, ac perinde debent inter prædicabilia cōputari.

Dico primò, posse sine dubio accipi vñle & prædicabile, pro solis ijs naturis quæ essentialiter suis inferioribus conueniūt, siue vt solūmō duo vñlia, scilicet genus & species cōplectatur: atq. hanc acceptionē, non solū esse in antiquitate fundatā, sed etiā per se vñle, & de facto vñtarā. Probatur primò, posse vñle sic accipi, debere quæ hanc acceptionē admitti. Tū auctoritate tot grauiū Auctōrū, qui sic acceperūt vñle, vt allegauimus. Tū præterea ex Porphy. in hoc ipso libro. Nā in proem. cū proposuisset, explicare se velle quinquē illa, quæ ibi numerat, mox cōmemorans quæstiones illas difficiles de vñlibz, illas non proponit de omnibus illis quinquē: sed signatē de generibus & speciebus: vt iq. supponēs, hæc & non alia esse vñlia, de quibus illæ quæstiones procederent. & in tractatu ipso singulorum, non de ijs omnibus egit quatenus vniuersalia sint, vt prænotauimus quæst. præced. sect. 2.

Tum insuper idem ex Arist. nō obscure colligitur, qui non solūm nullibi illa omnia tanquā vniuersalia numerat: sed vñde saltem habetur, assignationem illam quinquē vniuersalium non ex Arist. detumpram, sed nouiter excogitatā fuisse. Sed expressē ipse Arist. sub hoc nomine vniuersalium, nō nisi genera & species proposuit: & quando disputat cōtra Platonis idæas, quæ putantur vñlia separata, non meminit nisi specierū & generū, siue idæarū de speciebus & generibus. Et hic in Logica, cū in Antepredic. c. 1. definisset vñuota, quæ nomine & rōne cōueniunt, in cap. de substantia, negat accidētia de subiecto dici vñuota, quia scilicet nō essentialiter dñtur. Et similiter 2. Top. c. 2. Vbi planē vñuota accepit pro solis ijs, quæ essentialiter dicūtur, & maxime pro generibus & speciebus. Hæc ergo vniuersa-

Vniuersale potest sumi. vt solūm Genus & species cōplectatur.

Ex Porphyrio.

Ex Arist.

Secunda ex parte prædicabilitatis.

Alia sententia assignat tantū duo, Genus, & speciem.

lis acceptio. est magis periparetica, & de mære Arist. Tum demum alij Auctores, dum dilpurant de Platonis idæis, siue contra vniuersalia separata, aut cum absolūtē de veris vniuersalibus differunt; de determinatē de naturis essentialibus, de speciebus generibusquē, loquuntur.

*Ex ratio-
ne vniuer-
salis.*

Secundo ratione probatur, quia cū vniuersale definitur, vnum apertum inesse multis, commodissime potest intelligi, apertum inesse essentialiter, & quod apertū est predicari de multis essentialiter. Imo, sicut sect. 1. notauimus, perinde est dicere, vniuersale est vnum in multis, atque est vnum & multa. est vnum & multiplex; & dicitur vniuersale diuidi in multa se ipsa: quæ maxime intelliguntur de specie in multis indiuiduis, & de genere in multis speciebus, vt patet. Et propterea Arist. in An. prædicam. cap. 1. distinguit, esse in subiecto, & dici de subiecto; atque, de subiecto dici, hominem de hoc homine; in subiecto autem esse, scientiam in anima, albedinē in corpore. Solum ergo predicata essentialiter dicuntur de subiecto ex mente Arist. quādo ergo vniuersale & predicabile dicitur, quod predicatur de multis: optimē intelligitur, quod predicatur essentialiter, tanquam gentis aut species. Imo obseruandum est, Arist. ibi docere, quod simul esse in subiecto & dici de subiecto: scientia, inquit, in subiecto est in anima, ad subiecto dicitur de grammatica. Vbi patet, scientiam de grammatica dici essentialiter, essequē genus eius: & respectu anime se habere accidē: aliter. In hac ergo acceptione, si accidētia comparantur ad sua inferiora quibus essentialiter cōpetunt, v. g. color ad albedinē & nigredinē, albedo ad hanc & illam albedinē, verē sunt vniuersalia, id est aut genera, aut species: si autem comparantur ad subiecta quibus insunt, non sunt respectu eorum vniuersalia.

*Ex utili-
tate: &
quæ talis
acceptio
est.*

Tertio, vltius ostenditur, hanc vniuersalis acceptionem esse vtilem & vltimam. In coordinatione prædicamentorum quæ vniuersalibus perficiuntur, genera & species in recta linea componuntur, cætera tantum à la: ere & reductiue, & non tanquam noua vniuersalia, sed quatenus annexa ipsis vniuersalibus, generibus & speciebus, quæ in recto ponuntur. In dispositione scientiarum, quæ penes gradus

magis & minus vniuersales ordinantur, tantum genera & species per se considerantur sub hoc ordine: alia autem nō tanquam noua vniuersalia, sed per reductionē ad illa quæ per se considerantur. Insuper quādo in cōmuni modo loquendi atque docendi, opponuntur vniuersale & singulare, pro vniuersali non cogitantur nisi genera & species: quādo assignatur natura & singularitas, natura planē sumitur pro essentia singulariū. Quādo item vniuersale dicitur contrahi per differē: tias, quādo dicitur potestate continere sua inferiora, quādo vniuersale appellatur superius respectu inferiorum: non nisi de naturis quæ essentialiter dicuntur, scilicet de generibus & speciebus, cogitamus. Et si demum attendatur quæ in tota hac questione de vniuersali in cōmuni tractata sunt: ferē omnia de vniuersali in hac acceptione maxime dicta inueniuntur.

Cæterum quia differē: tia quæ diuidit genus & constituit speciem, verē est essentialis ipsis speciebus, & consequenter omnibus inferioribus eius: possunt quidem vno modo sub hac acceptione tria vniuersalia assignari, scilicet genus, species, & differē: tia. Sed quia alio modo potest dici, differē: tiam nō esse vniuersale distinctū, id est non habere vniuersalitatē essentialis et diuersam ab vniuersalitate generis & speciei: idēo duo tantum vniuersalia, scilicet genus & species, in hac acceptione distinguitur, nō quidē excludendū, sed cū ijs inuoluēdo differē: tiam. Sed an verē differē: tia sit vniuersale ab ijs distinctum, in proprio tractatu examinabimus.

Dico secundo, posse etiā vniuersale & predicabile magis amplē & adæquatē sumi, vt omnia illa quinque completantur, eaque omnia dicantur vniuersalia & predicabilia. Probatur primo: quia verē omnia illa quinque apta sunt suo modo esse in pluribus, de iisque predicari: ergo potest vniuersale & predicabile in tota hac amplitudine sumi. Assumptum patet, non solum de genere & specie ex dictis, sed etiam quia differē: tia propriū & accidēs possunt sumi in cōmuni, & sic de pluribus dici: nō dico solum de pluribus suis speciebus, sed de pluribus subiectis: v. g. rationalitas, risibilitas, albedo, non solum de hac & illa rationalitate &c. sed de hoc & illo homine. Vnde debent sumi
hac

*Aliiter pot
sumi, vt
completa-
ntur omnia quin-
que.*

hæc tria in cõis, idest differentia in cõis: proprium itẽ, quod est propriũ respectu speciei, est autem cõe respectu inferiorũ talis speciei: & accidẽs in cõmuni: vt sit hoc modo vñlia & prædicabilia. Alioqui hæc differentia, hæc proprietates singulares, videlicet hæc ronalitas, hæc risibilitas, nõ est vtique vñlis & prædicabilis de pluribus. Deinde est hæc acceptio vniuersalis & prædicabilis, tam cõmunis vulgata & frequens, vt notissimum est: ergo omnino est admittẽda & acceptanda. Arque Porphy. ipse in cap. de Genere planẽ docet, hæc omnia quinque contineri in eo quod de pluribus prædicantur. Non per hoc verò modò approbare intendimus omnes illas rationes à prima sententia, adductas ad explicandam distinctionem horum quinque. Sed optima quidem est distinctio illa, eorum quæ essentialiter & quæ accidentaliter distinguuntur: itemque proprii & accidentis inter se: & distinctio tamen aliorum trium inter se, maiori discussione indiget: quæ quoniam dependet ex propria ratione illorum singulorum, in propriis tractatus differenda est. Neque etiam dicimus, vniuersale immediatẽ & aquẽ primò in ea quinque diuidi. Quinimò fatendum est, prius & immediatius in pauciora membra diuidi, videlicet in illud quod dicitur essentialiter, & quod dicitur accidentaliter: alijq. modis in explicatione cõis sententiæ iã adductis. Sed assignantur illa quinque, in quæ verè resoluitur diuisio ipsius vniuersalis.

Secundò, hæc diuisio ita communiter adæquata censetur, vt præter ea quinque, nullum aliud addendum sit. Et præsertim indiuiduum vagum & definitio, non sunt alia distincta prædicabilia. Idquẽ à multis probari solet, quia sunt termini complexi, prædicabile autẽ debet esse terminus incomplexus. Verum hæc ratio potius cõfirmare videtur sententiã Caiet. Nam fatebitur quidem ipse, quing tantũ esse illa prædicabilia incomplexa, sed præter illa dicit dari alia complexa. Et ita quidem indicat Tolet. q. 3. ad 2. Deinde non oportet ea ratione excludere terminos complexos. Nam multa prædicabilia possunt, vel per terminos incomplexos, vel per complexos, designari: v.g. perinde est dicere, homo est rationalis, est discursiuus; atque est apus discurrere, est

aprus ridere: nix est alba, atq. est disgregatiua visus. Hęc ergo prædicata cõplexa, non sunt excludenda, sed potius cum incomplexis confundenda, ita vt nõ sint ab illis segreganda & distinguenda. Libenter ergo admittendum est, definitionẽ esse quoddã prædicabile: sed dicendũ, non esse distinctũ à re definita. Sic animal rationale est idẽ prædicabile quod est homo, & sic de alijs. Similiter indiuidũ vagum, si sumatur quatenus prædicari potest cõter de pluribus singularibus, erit vel species vel genus: si videlicet dicatur de pluribus differentibus numero, vt quidam hõ de oĩbus hominibus; vel etiã dicatur de pluribus differentibus specie, vt quoddã aial, quædã substantia: quæ poterunt dici, species vaga, genus vagũ. Imo sic poterit etiam in omni alio prædicabili designari: v.g. in accidenti, nix est quoddam album. Et sic de alijs.

Sed ad maiore explicationẽ indiuidui vagi, notandũ est, ly quidã hõ posse sumi dupliciter, vel pro cõceptu cõi omnibus & singulis hominibus, vt idẽ sit ac singularis hõ, de quo dicere possumus, Petrus est singularis homo. Sic videtur accepisse S. Tho. 1. p. q. 30. art. 4. & q. 9. de Potẽt. ar. 2. ad 1. Vel pro vno tñ indiuiduo, nõ tamẽ certo & signato, sed vagẽ & indeterminatẽ: & hoc nõ est aliud quã dicere sub disunctione, vel hic vel ille vel alius hõ.

Primo modo est vñale quoddã. Sed ibi inuoluitur difficultas, quõ singularitas in cõis, seu singularitas humana, se habeat ad hanc & illã singularitatẽ: de qua re nos differemus qu. seq. agẽtes de ipsa singularitate: vbi dicemus, eodẽ modo pro: lus se hñe, quo se hñt nũra ad hæc & illã naturã.

Secundo modo propriẽ dicitur indiuidũ vagũ. Et vt sit, nõ tã se habet vt prædicatũ, quã potius vt subiectũ. Signa enim vñlia & particularia propriẽ ponuntur ex parte subiecti, nõ prædicati: & ly quidã hõ deferunt ad dicendũ, quidã hõ currit, loquitur, &c. Irẽ non tam se habet, vt quid cõe multis, quã potius vt quid propriũ vni, non tñ determinatẽ huic, sed indeterminatẽ & disunctiue: Vnde nõ propter cõitatem, sed propter talẽ indeterminatẽ, potest applicari huic vel illi. Idẽ ergo non dicitur esse vniuersale & prædicabile, sed dicitur indiuidũ, vagũ tamen & incertũ. Quæ tandẽ res ethicaci-

Explicatur maius indiuiduum vagum.

Indiuiduum vagum, & definitio, non sunt alia distincta prædicabilia.

et confirmatur. quia terminis vñlibus apponimus syncategoremata, omnis, nullus, aliquis, omnis hō, nullum rōnale, aliquid album, &c. & ita vñlia distribuimus per multa pro quibus supponunt. Individuum verò vagū, nec his signis affici pōr, nec distribui: nō enim dicitur, oīs quidā homo, aliquis quidam hō: quia nimirū cūm non supponat cōiter pro multis, sed solum vagē pro vno, distributionem non recipit.

*Non sunt
plura alia
predicabi-
lia præt
vniuersa-
lia.*

Tertiō deinde non est negandū; plura alia prædicata addi posse, si fumenda sint oia quæ quoquo mō prædicari possint. Sed prædicabilia hic sumuntur, quæ directē & formaliter possunt per modū vnius diuī in plura de pluribus prædicari, vt scēt. 14. notauimus circa prædicabilitatē vñalis. In hoc sensu assignantur eadē quinq. prædicabilia, quæ sunt quinq. vñalia, nec alia superaddenda sunt. Et quantū ad hoc non fuit audiēdi aliqui, quæ plura prædicabilia quā vñalia multiplicar. Quia cū in eo sensu quo accipitur vñale, accipitur hic etiā prædicabile; debēt pariter & æqualiter prædicabilia cum vñalibus assignari.

*Addi po-
tesset sex-
tū vniuersa-
le & præ-
dicabile
ex myste-
rio Incar-
nationis.*

Quartō vltimū sextū quoddā prædicabile à quibuscūq. Theologis ex mysterio Incarnationis excogitant est, quod videlicet natura substantialis assumpta dicitur de persona assumente: vnde vocarunt hoc prædicabile assumptiū. Verē enim dicimus, Deus est hō, Filius Dei est hō. Et posset etiā hoc prædicatū dici de pluribus, si Pater & Spiritus sanctus aliā & aliam humanitatē, aut aliam naturā assumerent: & rursus eō magis, si etiā persona creata pōt alienā naturā assumere. Vnde hoc, tam sextū vñale, quā sextū prædicabile dicēdū videretur. Valg. autē 3. p. d. 63. c. 4. contendit, huiusmodi prædicationē spectare ad quintū prædicabile quod est accidēs. quia prædicatū pōt adesse & abesse subiecto præter eius corruptionē: & quia est substantia pōt hoc modo prædicari, sicut cū dicimus, circulus est ligneus; quoniam sic non est accidens prædicamentale, quod distinguitur à substantia, sed est accidēs prædicabile, quod solum distinguitur à prædicatī essentialibus.

Sed certē negari non potest, notabile discrimen esse inter hanc prædicationē & alias prædicationes accidentales. Nā accidentē prædicabile prædicari solent in quale & adiectiue, ē: si prædicatū sit sub-

stantia, vt patet in eodē exēplo allator: at in hac propōne, Deus est hō, prædicatū dicitur in quid & substantiue. Itē accidēs prædicabile ita cōuenit accidentaliter, vt nō cōstituat vñū substantialiter: at natura substantialis cōstituit vñū substantiale cū persona assumente. Vñ Theologi docere solēt, propōnes illas inter Deū & hominem in Christo, esse per se & substantiales, quia sunt in vnitare suppositi. Dicēdū ergo est, vel posse accipi quintum prædicabile, ita amplē, vt cōplectatur oē id quod prædicatur extra eī etiā subiecti & cōtingēt, siue in quale siue in quid, siue merē accidentāliter siue substantialiter: & sic dictam prædicationē spectare ad quintū prædicabile: ita tñ qnō negetur, hoc posse & debere diuidi in duas partes. Vel si quintū prædicabile accipiat solū pro eo quod dicitur in quale & merē accidentaliter: sic dari sextum prædicabile, non ex Philosophia, sed ex doctrina Fidei cognitum.

Quintō rursus addēdū est, dicta quinq. vñalia posse rursus diuidi in plura mēbra: nō quidē solū penes diuersas nūras vñales: sed et aliquo mō formaliter penes ipsā vñalitatē. Patet. quia genus, aliud est gñalissimū, aliud subalternū, vt diuidit ipse Porph. c. de Specie. Itē differētia, alia est generica, alia specifica. Similiter & propriū. Sicut. n. diuiditur, genus quod prædicatur de pluribus differentibus specie, & species quæ de pluribus differentibus numero: ita datur differētia & proprium cōueniēs pluribus differētibz specie, vel tñ numero. Itē de 5. prædicabili iā diximus. Species ē pōt diuidi, quæ dicitur de pluribus numero diuersis, vel per inintersecas singularitates, vel per discōinuatiōē partium, siue per excēssiōē, vel per inēssiōē, vel per successiōē, aut alio mō. Et dubitari pōt, num hæ diuisiones sint verē essentielles in rōne formali vñalitatē, vel tñ accidentales: siue, vt dici solet, an dicta quinq. sint quædā genera sub se cōtinentia species essentialiter diuersas vñalīs, vel sint species infimæ ipsius vñalis. Sed qm hoc attingit proprias rōnes ipsorum vñalīū, in proprijs tractatibus dicetur.

Postremō alia præcipua difficultas hic est, nū vñle quod diuiditur in ea quinq. sit tantum illud quod perfectē prædicanda: ab inferioribus, vel potius vniuersale sumptum in tota latitudine, etiam pro illo

*Diffini-
tio vñi-
uersalia:
possunt in
plura sub-
diuidi.*

*Quantum
vniuersa-
lia prædicant
ad hæc di-
uisionem.*

illo quod imperfectè præcindit. Item an diuidatur solum vniuersale vniocū, siue illud quod prædicamenta constituit, vel complectatur etiam analogum, & quæ prædicata transcendentalia, siue an detur vniuersale analogum atque transcendens, præter duo iuxta primam, aut præter quinque iuxta secundam conclusionem; vel ad eorum aliquod reducatur. Sed hoc etiam omnino dependet ex tractatione ipsorum vniuersalium: & tandè in proprio tractatu de analogis & de prædicamentis in communi penitus resoluetur.

Sed contra tam primam conclusionem in qua diximus esse duo, quàm secundam in qua diximus esse quinque vniuersalia & prædicabilia: Primò obstat videtur Arist. qui 1. Top. c. 3. tria prædicata distinguit, Genus, Proprium, & Accidens; & expressè ait, differentiā inuolui cū genere: & propriū subdistinguit, in terminis, id est definitionem, & illud quod absolute dicitur proprium. & 1. de Part. anim. c. 5. vniuersale videtur in tria membra diuidere, dum ait: *Alia præportione, alia genere, alia specie, rationem complect communis.*

Respondetur. Intantum Philosophi in priori loco non fuisse assignare prædicabilia de quibus modo agimus: sed tantum terminos in quibus disputatio dialectica versatur: ad quem finem opportunum ei visum est, illa prædicata eo modo distinguere. Et per genus intellexit omne prædicatum essentiale, quod sit commune subiecto de quo disputandum est cum alijs rebus: per accidens, prædicatum accidentale commune: per proprium, prædicatum ipsi subiecto peculiare vel essentiale, & hoc dicit terminum seu definitionem; vel accidentale oriens ex essentia, & hoc dicit absolute propriū. Ideo autem differentia cum genere copulauit: quia supposebat differentia non esse adequatam cū subiecto, sed latius patere, sicut genus. Et ideò prædicatum essentiale propriū assignauit definitionem: quia tota definitio est, quæ cū subiecto adequatur, de qua re agemus in tractatu de differentia. In alio autem loco Arist. per ea quæ proportionem cōueniunt, intellexit analogia, de quibus iam diximus postea a nobis tractandum esse quomodo ad vniuersale se habeant. Itaque ille locus pro prima conclusione facit. Nec tamen destruit secundam, iuxta diuersas acce-

ptiones vniuersalis. Et alia argumēta quæ obijci possunt, ex dictis satis soluta manent.

Secundò præcipuè dubitari potest, quomodo possit vniuersale in cōi diuersa sub se vniuersalia complecti. Sic enim ex vna parte videbitur illa sub se continere, sicut genus cōtinet suas species: & sic vniuersale in cōi erit genus ad diuersa vniuersalia, & hæc vniuersalia erūt species eius. Hoc autem ex alia parte repugnare videtur & implicare in terminis: præsertim quia si vniuersale continet sub se genus tanquam speciem suam, quomodo potest esse in se genus? Et si coninet non solum genus, sed etiā alia vniuersalia quæ non sunt genus: quō potest esse genus ad omnia vniuersalia? Et cum genus rursus sub se complectatur oia illa quæ sunt genera: quō potest sub se complecti ipsum vniuersale in cōi, quod potius sub se complecti supponitur ipsū genus? & cū vniuersale complectatur sub se alia quatuor vniuersalia: si ipsum vniuersale continetur sub genere, sequitur & alia quatuor vniuersalia contineri sub genere. Et demū cum omnia vniuersalia præter speciem non sint species, ut patet: genus enim non est species, sed est genus, & similiter alia: quō poterunt ipsa omnia vniuersalia esse species vniuersalis in cōi?

Ad hoc dubiū Alber. tract. 1. Prædicab. c. 9. negat, vniuersale in cōi esse genus ad quinque vniuersalia. Fauet Boet. & Ammon. in cap. de Gen. Auicenn. cap. 7. sur Log. & quidam alij, & ex parte sequitur Vall. q. 7. de Vniuers. in cōi, c. 12. E contra id affirmat atque defendit Scot. q. 8. Vniuersalium, cū quo sentiunt non solum Scotistæ, sed alij recentiores cōiter circa hunc locum. Quā planè vniuersale est quid cōe ad oia vniuersalia: & de illo, respectu singulorum vniuersalium dicere valet, esse aliquid vniuersum in se multis, siue aptum diuidi & multiplicari in plura vniuersalia: ergo oino respectu illorum est vniuersale quid, & prædicabile de illis. Insuper prædicatur de illis in quid & essentialiter. Nam genus essentialiter est vniuersale, genericitas est vniuersitas, & sic de cæteris: sicut hō essentialiter est animal: ergo oino se habet ad illa sicut genus ad species. Neque posset dici, accidens, aut propriū, aut differentia, aut species, respectu illorum. Neque posset dici esse analogū quid & non vniocū: respectu ipsorum vniuersalium, ideòque, non esse genus.

Nū vniuersale in communi sit genus ad quinque vniuersalia.

Duplex sententia.

Duo loca Arist. explicantur.

Nam vniuersale formaliter sumptum, seu vniuersalitas, dicit conceptum vnum secundum rationem suam verè communem singulis vniuersalibus, & vniuersalitatibus, primariò conuenientem singulis, loquendo formaliter inter ipsas secundas intentiones: ergo dicit còceptum vniuersum & genericum. Atque demum illa ipsa inconuenientia in dubitatione adducta, & maiora, sequuntur si vniuersale dicatur esse aliud vniuersale à genere, siue esse analogi, quàm si dicatur esse genus.

Vniuersale sumptum pro natura, non est genus.

Pro solutione huius dubij, distinctè considerare oportet: in omni vniuersali, & naturam realem, & vniuersalitatem formalem. Quantum ad naturam realem, ita se habet vniuersale in communi ad omnia quinque, sicut se habet natura absolute dicta ad omnes naturas, siue sicut se habet ens ad omnia entia. quod magis communiter dicitur esse analogum, non verò vniuersum, neque genus: de qua re nos alibi disputabimus. neque hic est proprius sensus huius dubij. Et quantum ad hoc Fous. 5. Metaph. cap. 18. q. 12. exponit primam sententiam. Quantum

Sumptum pro vniuersalitate formali, est genus, non essentialiter, sed à denominatione.

ergo ad vniuersalitatem formalem, rursus considerandum est. Sicut alijs naturis realibus intelligitur superaddi intentio vniuersalitatis per comparisonem ad inferiora in quibus talis natura reperitur, quæ intentio vniuersalitatis non est de essentia ipsius naturæ, sed ad illam accidentaliter & denominatiuè se habet. Ita dicendum est, quia ipsamet vniuersalitas in communi comparatur ad varias vniuersalitates, tanquam superius ad inferiora: ipsam quidem se habere quasi naturam realem, eique intelligi superaddi intentionem quandam vniuersalitatis respectu suorum inferiorum; quæ formaliter non sit de essentia ipsius, sed ad eam accidentaliter & denominatiuè se habeat. Vnde sicut dicimus natura animalis est vniuersalis: ita dicemus natura vniuersalitatis est vniuersalis ad varias vniuersalitates. Atque hæc intentio vniuersalitatis illi superaddita, potest & debet omnino esse specialis quadam vniuersalitas ex quinque dictis. Nec potest dici alia quam intentio generis. Et ita vniuersalitas in communi, est vniuersale genus ad varias vniuersalitates. Vniuersalitas enim in communi dicit suam ab-

stractionem à varijs vniuersalitatibus in speciali: & ita dicit suam vnitatem rationis; dicit etiam aptitudinem essendi in ipsis suis inferioribus; & se habet ad illa tanquam prædicatum commune essentialiter respiciens suas species. Itaque vniuersale in cò formaliter sumptum, est verè genus ad quinque vniuersalia, non per genereitatem essentialè illi vniuersali, sed per genereitatem illi superadditæ, eique accidentalem, quasi secundam intentionem primæ.

Similiter dicendum est, illa quinque vniuersalia esse species vniuersalis in communi, species inquam subijcibiles, per secundam intentionem huius specieitatis, illis superadditam supra vniuersalitatem propriam. Insuper quodlibet ex his quinque vniuersalibus in communi sumptum, erit genus siue species prædicabilis ad hæc & illa in singulari sumpta, v. g. vniuersale genus, est species ad hoc & illud genus, formaliter loquendo, idest genereitatis in communi est species ad hanc & illam genereitatem, scilicet ad genereitatem substantiæ, quantitatæ, &c. Pariter vniuersale proprium est hoc modo species ad hoc & illud proprium, scilicet ad ribilitatem hominis & hinnibilitatem equi, & sic de alijs. Vbi semper talis vniuersalitas specie, est intentio accidentaliter superaddita, ipsi generi, ipsi proprio, supra vniuersaliter essentialiter generis & proprii; eamque accidentaliter afficiens, atque denominans.

Et per hoc facillimè satisfiet ad totam rationem dubitandi in contrarium allatam. Quia enim vniuersale in communi continet sub se genus, nõ est essentialiter in se genus: sicut animal nõ est in sua communitate essentialiter homo: sed bene potest esse genus per intentionem genereitatis ei accidentaliter superadditam. Et quia continet sub se alia vniuersalia, quæ non sunt genus: ideo est genus ad omnia per suam intentionem genereitatis: sicut quia animal continet sub se hominem, equum, leonem, &c. est genus ad hæc omnia, quæ tamen nõ ipsamet sunt genera. Et quia vniuersale continet sub se genus essentialiter: ideo, non quidem essentialiter, sed tamen accidentaliter potest vicissim contineri sub genere, idest potest affici quadam genereitatem, quæ vique est essentialiter quæ-

Similiter quinque vniuersalia sunt species.

Quomodo vniuersale in communi admittat intentionem generis.

dam vniuersalitas, & quoddam indiuidui essentialiter contentum sub ipsamet vniuersalitate, quam afficit, æque denominat. Sicut, v.g. quando intellectus intelligit intellectionem in communi, ille singularis actus intellectionis, continetur vtique essentialiter sub ipso conceptu obiectiuo intellectionis intellectæ. Et simul denominat accidentaliter extrinsecè ipsamet intellectionem, cum dicimus intellectio intelligitur, non minus quam cum dicimus substantia intelligitur, quantitas intelligitur. Et quia vniuersale continetur hoc modo sub genere, siue est genus: valet etiam dicere, omnia quinque vniuersalia contineri sub genere, non quasi ipsa sint genus, sed quia continentur sub vniuersali quod est ipsorum genus.

Et demum cum quatuor vniuersalia diuersa sint à specie, non sunt quidem essentialiter species, sed tamen possunt accidentaliter affici & denominari quadam intentione specieitatis, & ipsamet species afficitur etiam accidentaliter quadam intentione specieitatis, sicut & alia quatuor. Ita quod sumendo, v. g. Genus: natura quidem realis, quæ suscepit hanc intentionem generis, est vniuersale genus respectu iuorum inferiorum; animal respectu hominis & bruti: sed intentio ipsa generis, communis huic & illi generi, est species prædicabilis respectu earum, & est species sub icibilis respectu vniuersalis in eoi: hæc autem vel illa generitas in singulari, non est nec genus, nec species, sed indiuiduum quoddam & singulare. Et sic de alijs vniuersalibus.

Et quinque vniuersalia intentione specieitatis.

Q V Æ S T I O N O N A.

De Singulari seu Indiuiduo.

Ratio ordinis & necessitatis, quæ singulare cum vniuersali coniungitur.

Non solet hic de Singulari seu Indiuiduo exactè tractari. Nisi quòd tantum in cap. de Specie Porphy. breuiter rationem indiuidui indicauit. Vbi pro explicatione textus, & per comparisonem ad speciem, aliquid etiam de indiuiduo ab Auctoribus reductiuè tractatur. In Metaphysica autem ex professo & largè de principio indiuiduationis agunt aliqui. Verum tam necessariam video connectionem inter vniuersale & singulare; & adeò requiri parem noetiam ipsius singularis ad perfectè capiendâ ea quæ de vniuersali dicta sunt: vt hæc duæ tractationes disiungi non possint. Sed vel etiam tota de vniuersali tractatio erat in Metaphysicâ distenda: vel qua ratione de vniuersali hic in Logica agimus, etiam tractationem de singulari coniurgendam esse statuimus. Nec possent hi duo tractatus distrahi: & vnus in Logica, alius in Metaphysica collocari. A quæ ex rebus ipsis tractandis multò planius apparebit, quàm necessariò hæc tractatio hoc loco adiungi debebat; & ad logicum institutum, tum propter vniuersalia & prædicabilia, tum propter prædicamenta, & alias partes Logicæ deferuât.

Ratio etiam singularis & indiuidui nomina coniunguntur.

Coniungimus autem duo nomina, Singularis & Indiuidui, tanquam synonyma, quia ambo æqualiter sunt in viû: & nos vtroque promiscuè vtremur. Singulare dicitur per oppositionem cum vniuersali: vt satis ipsa nominis forma demonstrat. Indiuiduum dicitur, quasi non diuiduum, non diuium; etiam per oppositionem cum vniuersali, quod pluribus communicatur, in plura diuiditur. Licet enim singulare magis latine sumatur pro eo quod ratum est siue excellens, aut in suo gradu vnicum: vt dicimus, singulare opus, singularis Poeta. Et indiuiduum quod non diuiditur, non separatur ab alio: sic dicitur indiuiduus comes. Tamen apud non solum Logicos, sed Philosophos etiam ac Theologos, in hoc nostro significato sumuntur.

Aureolus verò in 2. distinct. 9. quæst. 3. art. 1. quandam differentiam significationis inter hæc nomina assignauit. Singulare quidem dicitur omne illud quod non diuiditur in plura, etiam si sit vnicum in sua specie: Indiuiduum autem proprie

200 Quæst. IX. De Singulari seu Indiuiduo.

dici quod habeat alia sibi similia in eadem specie comparticipantia naturam communem. Verùm hæc diuersitas non est in viù. quia communiter à peritis tam indiuiduum quàm singulare pro eodem vsurpantur.

SECTIO PRIMA. Vtrum quicquid est à parte rei Singulari sit & Indiuiduum.

PRO clariori resolutione certiorquæ d. 1. trina, considerandum est, singulare & indiuiduum posse adhuc in sensu logico pluribus modis accipi, esse autem sumendum in sensu maximè proprio hic intentio, vt videamus quomodo quicquid est, singulari sit & indiuiduum.

Nō omne quod est, est indiuiduum ad speciem. Primo indiuiduum sumi potest precisè & formaliter, pro eo quod refertur ad speciem sub qua continetur, siue ad vniuersale cui substat, quodquæ in prædicamentis collocatur. Sic dixit Porphyrius in cap. de Specie: *Indiuiduum est sub specie, species sub genere*. In hoc sensu necesse non est, quicquid est, esse indiuiduum. quia potest esse aliquid, quod non ad speciem refertur, non sub vniuersalibus concludatur, non in prædicamento collocetur. Huiusmodi est Deus: vt in progressu constabit. Insuper multi Auctores volunt, esse species quasdam in rebus, se ipsi singulares, & tales esse Angelos. Apud hos Auctores singuli Angeli non erunt talia indiuidua, quæ verè sub specie prædicabili contineantur, sed potius immediatè generi communi subdètur. Vnde saltem certum est alicui vniuersali subesse. Et quia non debent à prædicamentis excludi, vt suo loco dicemus: absolute loquendo, debent etiam in hoc sensu logico indiuidua appellari. Itaque Deo excepto, nihil aliud apparet, quod in rerum natura sit, & non sit in hac prima significatione indiuiduum.

Non omne quod est, est singulare vniuersale numero.

Secundo, Singulare sumi potest quod est vnum numero vnitatem numerali rigorosè dicta. Vnitatis hæc numeralis est vnitatis quantitatiua, quæ multiplicata conficit numerum de prædicamento quantitatis, constantem ex rebus quantis iuxta quorundam intelligentiam. In hoc sensu solæ res quantæ sunt singulares. Quia dum vnacunque non est in plures partes diuisa & discontinuata, est vna numero;

& si diuidatur in partes, tunc multiplicatur numero. In hoc sensu loquuti sunt aliqui Thomistæ, interdum dicentes, Angelos esse naturas separatas abstractas específicas, nō esse singulares: vt indicauit Caiet. 3. p. q. 4. ar. 4. §. vbi statim, non esse scilicet singulares huiusmodi vnitatem numericam. Ad eundem sensum spectant, quæ interdum Arist. ipse docet de vnitatem numericam, dum ait, ea esse vnum numero quorum materia est vna, & plura numero quorum est diuisa materia. Et expressè §. Metaph. tex. 8. *Vnum dicuntur quæ continuantur sunt*. & tex. 11. *Est quidem, vt quodcunque dicamus continuatione vnū esse, modo quantum & continuum sit*. Negari tamen non potest, vnum numero sumi posse, & apud Arist. ipsum sumi, magis amplè pro omni singulari, quod non est vniuersale. Sic accepit Arist. 3. Met. tex. 14. vbi opponens singulare vniuersali, ait, idem esse dicere singulare atque vnum numero: vniuersale verò esse quod est in multis. In hoc autem sensu quicquid est, non solum de rebus materialibus & quantis, sed etiam immaterialibus & Angelicis, est vnum numero, sicut dicimus esse singulare. Hanc duplicem acceptionem vnitatis numeralis explicauit Fonseca §. Met. cap. 13. quæst. 3.

Tertiò, Indiuiduum dici potest ex opposito, quod prorsus diuidi, & in partes dissolui non possit. Sic nulla res quantæ est indiuidua, quia potest diuidi & secari: nulla res cōposita & ex partibus constata, est indiuidua, quia potest dissolui in partes quibus constat. Solæ res simplices & impartibiles erunt indiuiduæ. Sic indiuiduum sumitur pro indiuisibili: ac interdum apud Aristot. inuenitur. Verum hæc acceptio & significatio indiuidui, quantò est magis arcta, tantò est minùs apta & vtilis ad doctrinam.

Quartò, Singulare & indiuiduum dici potest, quod sit prorsus incommunicabile, non possit conuenire pluribus, nullo modo possit de pluribus dici & prædicari. Hoc modo accepit Boetius, quando personam definiuit, est rationalis naturæ indiuidua substantia. Sic Diuina natura per se

Nō omne quod est, est indiuiduum indiuisibile.

Nō omne quod est, est singulare incommunicabile.

Seçt. I. Vtrum quicquid est sit singula re. 201

per se sumpta, non est indiuidua substantia, non est suppositum & persona, quia est cõmunis tribus Diuini personis. Et, si quæcunque alia natura possit per Dei potentiam in pluribus suppositis, vel forma in pluribus subiectis collocari, vt sic non est indiuidua. Imò si omninò indiuiduum pro solo supposito sumi placeat, quod scilicet nec pluribus, nec etiam soli vni communicari possit. Sic omnis res quæ non est suppositum, idest omnis forma, omnis pars, quæ communicatur subiecto, vel toti composito, non est tale indiuiduum. Hæc autem significatio non facit ad præsentem tractatum, sed bene ad alium de supposito & persona.

Omne quod est, est singulare & in diuini oppositum vniuersali.

Quinò demum proprie ad rem præsentem indiuiduum & singulare sumitur, quod ita est realiter vnum, vt non sit commune multis per realem diuisionem sui ipsius in plura, quorum singula sint ipsum. Et est proprie oppositum vniuersali hæcenus in præcedenti questione explicari. In hoc sensu asserendum est, quicquid est, vel esse potest, realiter esse singulare & indiuiduum. Est hoc tam certum & apud omnes indubitatum, quam certum & exploratum est, non dari nec posse dari vniuersale realiter à singularibus separatim. Hinc enim patet, omnia quæ in re sunt, esse singularia & indiuidua. Et comprobatur magis.

Probatur inductione omnium rerum.

Primò inductione, quilibet Angelus, quilibet homo, quæcunque alia res existens, non potest diuidi in plures Angelos, homines, pluresque tales res, & non potest intelligi realiter existere hominem, qui possit diuidi in plures homines, quorum singuli sint ille homo diuinus. Potest quidè diuidi totum homogenum in suas partes similes, v. g. aqua in plures portiones, de quarum etiam qualibet dicere valeat, hæc est aqua: tamen hæc est diuisio totius integralis in partes integrantes, non vniuersalis in singularia: non est diuisio in plura quorum singula sint illud primum quod de omnibus affirmetur nulla enim portio aquæ diuise erit illa aqua quæ diuisa est, sed erat pars. Nihil igitur inueniri potest in rebus, quod realiter singulare non sit.

Probatur ratione.

Secundò manifesta ratione. quicquid realiter est à parte rei, est realiter vnum sic enim vnum & ens conuertuntur. Sed

quod est realiter vnum, non potest realiter diuidi & multiplicari in plura se ipsa. Nam si diuideretur in plura se ipsa: peto, an vnum ex ijs sit idem cum alio, vel distinctum. Si est idem: ergo non sunt plura: ergo illud non est diuisum & multiplicatum in plura. Si distinctum: ergo non sunt illud quod erat realiter vnum, quandoquidem sunt realiter plura. Itaque ea quæ sunt realiter plura, nullo modo possunt in eo in quo sunt plura, esse realiter vnum: ad summum possunt esse vnum ratione, idest habere vnitatem rationis per intellectum. Sic Petrus & Paulus sunt realiter plures homines: & homo communis vtrique non potest esse realiter vnius, sed tantum ratione. Atque hoc est vniuersale quod sit ab intellectu. Igitur quicquid est realiter à parte rei, necessàriò est realiter vnum inmultiplicabile in plura se ipsa. Est itaque singulare & indiuiduum.

Terriò non solum dico, quicquid à parte rei est, esse singulare: sed esse à parte rei singulare: quia alioqui est etiam à parte rei natura quæ à nobis denominatur vniuersalis, non tamen est à parte rei vniuersalis. Sed quicquid est, est à parte rei singulare: Nam esse singulare consistit in esse realiter vnum inmultiplicabile: quicquid autem est, est re ipsa tale. Non propterea nego, posse singulare sumi relatiuè ad vniuersale, indiuiduum ad speciem, intelligendo relationem inferioris ad superius, subiecti ad prædicatum, quæ vtrique non est nisi relatio rationis: sicut rationis est relatio vniuersalis ad sua inferiora. Sed singulare & indiuiduum verè & proprie sumitur pro re quæ à parte rei vna est, & realiter multiplicari non potest. Sic dicimus, omne quod est, esse, realiter singulare & indiuiduum.

Nihil potest esse & non esse singulare.

Quartò non solum dico, quicquid est, sed etiam quicquid realiter esse potest: quia non solum omnes res de facto existentes, aut aliquando futuræ: sed omnes res possibiles realiter, non sunt aliter possibiles, nisi quòd vt sint in re debent esse singulares & indiuiduæ. Prorsus enim implicat contradictionem: esse quicquam à parte rei & non esse realiter singulare.

SECTIO SECVNDA.

*Quid sit Singulare & Indiuiduum.**An debeat assignari differentia singularitatis & principium indiuiduationis, quo formaliter constituitur.**Indiuiduum quomodo possit definiti.*

Aristoteles 7. Metaphys. text. 53. ex professo docuit, & probauit, non posse definiti & designari, quid sit indiuiduum. Videtur ergo non posse à nobis quæri quid sit indiuiduum. Verùm Arist. ibi loquutus fuit de singulis indiuiduis determinatis & signatis, v. g. de Platone, Socrate: & negauit posse tradi definitionem propriam & certam vniuscuique indiuidui per se. Sed hoc etiam examinauimus, cum de definitione egimus. Negari autem non potest, nec Arist. negare voluit, posse adequatè designari quid sit indiuiduum, acque sic definiti seu describi, definitione quæ communis sit omnibus & singulis indiuiduis. Ita explicauit S. Thomas prima parte, quæst. 29. art. 1. ad 1.

Prima de finitio Porphy.

Duobus modis Porphy. in cap. de Specie, indiuiduum definit. Primo: *Indiuiduum est, quod de vno solo prædicatur.* Voluit hoc modo ad instar aliorum prædicabilium definire. Debet autem accipi hæc definitio de indiuiduo, & omnis alia similis, non quidem secundum suppositionem simplicem hoc est secundum communem indiuidui conceptum. Nam sic nomē & ratio indiuidui, nō de vno solo, imo de omnibus indiuiduis possibilibus prædicatur. Sed secundum suppositionem personalem, hoc est accipiendo omnia & singula quæque indiuidua: ita vt de vnoquoque intelligatur, quod de vno solo prædicatur. Sic Petrus de vno solo dicitur, Paulus similiter, & sic de singulis.

Hæc autem definitio, cum sit quædam propositio exceptiua, duas habet partes, vnam assumantem indiuiduum prædicari de vno, alteram negantem prædicari de pluribus. Vtraque pars difficile, ne vacat. Quia ex vna parte videri potest nec prædicari de vno: nam Arist. in Ante

prædic. cap. 2. & in Prædicam. cap. de substantia & 7. Metaph. text. 7. ait, primam substantiam, id est indiuiduum substantiæ, de nullo subiecto prædicari. Ex altera parte videtur indiuiduum posse de pluribus prædicari: nam hæc omnes propositiones veræ sunt hic homo est Petrus, hoc album est Petrus, hoc animal est Petrus: vbi idem determinatum indiuiduum de pluribus prædicatur.

Sed dicendum est, verè quodlibet indiuiduum prædicari de vno. Potest in primis prædicari quodlibet de se ipso, vt Petrus est Petrus: quæ est propositio identica, verissima quidem, sed impropria: prædicatio enim propria requirit, vt prædicatum explicet aliquid quod subiectum non explicabat. Has autem prædicationes identicas adeò detestatur Auerr. 1. Prior. in digress. de 4. figura, vt dixerit, idē de se ipso prædicari esse in fine abominationis. His tamen prædicationibus vitur ipse Arist. 5. Metaphys. 23. homo est homo: & 2. Periherm. cap. ultimo in fine, bonum est bonum. Deinde potest etiam indiuiduum magis propriè & non identicè prædicari: indiuiduum accidentis prædicatur de suo subiecto, Petrus est hoc album: etiam indiuiduum substantiæ prædicatur, Petrus est hic homo, hic homo est Petrus. Prioribus autem locis Aristoteles tantum docere voluit, indiuiduum substantiæ non prædicari de subiecto, hoc est inferiori, sicut prædicatur secundæ substantiæ: seu de subiecto inhaesionis, sicut accidentia prædicantur.

Similiter verum est, indiuiduum non de pluribus prædicari. Sic docuit etiam Aristoteles 1. Periherm. cap. 5. Et patet: quia cum indiuiduum non sit in pluribus, non potest de pluribus affirmari. Si autē eadē numero forma, v. g. albedo, per diuinam potentiam in pluribus subiectis poneretur: tunc posset quidem de illis omnibus prædicari. Tamen non hoc fieret per diuisionem ipsius albedinis in plures, modo quo de pluribus prædicatur natura communis per illi diuisionem. In illis autem propositionibus, quæ antea afferebantur, semper prædicatum dicitur de vno eodemque indiuiduo: quia vnum & idem indiuiduum est, hic homo, hoc album, hoc animal. Vnde Petrus non prædicatur de pluribus diuersis ac separatis, sicut

*Indiuiduum verè prædicatur de vno.**Non prædicatur de pluribus.*

sicut vniuersale prædicatur de pluribus, quorum vnum non est aliud.

Secunda definitio Porphy. Secundo modo Porphy. indiuiduum definitur: *Quod ex propriatibus consistit, quarum collectio nunquam in alio eadem erit.* Prior definitio erat magis logica.

Hæc est magis philosophica: attingit difficilem questionem de principio indiuiduationis, & significat hoc principium esse collectionem accidentium. Verum de hoc iam latè disputandum erit.

Alijs modis indiuiduum definitur. Præterea duobus alijs modis potest indiuiduum definiri. Vno modo negatiue, quod non potest esse in pluribus, non potest pluribus communicari, non potest diuidi in plura, in eo sensu & explanatione, qua sectione præcedenti vltimo loco dicebamus. Alio modo relatiue per relationem ad speciem, quod immediatè subiicitur speciei, de quo species proximè prædicatur, cui species primò inest. Ita colligitur ex dictis de vniuersali.

His autem modis indiuiduum definimus: non quasi velimus, esse penitus negatiuum quid, aut relatiuum rationis. Quinimò vltra asserimus, indiuiduum esse positium & reale in se: loquimur enim de rebus realibus indiuiduis. Sed per negationem, aut relationem rationis, ipsa positiua & realis ratio indiuidui explicatur.

De principio indiuiduationis. Maxima autem difficultas est, quomodo in re, & per quid formaliter constituatur singulare, per quid indiuiduetur natura communis. Et in primis videre oportet, an assignanda sit quædam differentia singularitatis, qua contrahatur natura communis ad singula indiuidua: siue principium formale indiuiduationis, quo constituentur & distinguantur singularia quæ in natura communi conueniunt.

Nominales negant principium indiuiduationis. Nominales qui vniuersale negabant, coherentè dicebant, non oportere querere aliam differentiam singularitatis, siue principium indiuiduationis: sed omnes res esse per se ipsas singulares, omnemque naturam quæ nobis videtur vniuersalis, per se ipsam indiuiduari & determinari in omnibus & singulis indiuiduis. Ita Ocham. in 1. dist. 2. quæst. 4. & 6. Gabr. quæst. 6. 7. & 9. Adamus distinct. 33. quæst. 3. art. 5. Sed & alij etiam vniuersalia non negantes, dixerunt, non oportere querere aliud indiuiduationis

principium: sed naturam per se ipsam esse singularem. Indicaui Durandus in 2. dist. 3. quæst. 2. Quia cum eadem natura sit vniuersalis & singularis, est vniuersalis prout est in intellectu, est singularis prout est in re: idè oportuisse assignari, per quid & quomodo natura fiat vniuersalis: sed non oportere assignari aliud quàm ipsamet naturam in re, quo fiat realiter singularis. Item Aureolus in 2. dist. 9. quæst. 3. art. 1. & 2. tenet, indiuiduum non constitui, nec naturam specificam indiuiduari per aliquè gradum seu differentiam superadditam. Et art. 2. inquit, conceptum specificum & indiuiduale, videlicet hominis & hominis hominis, se habere tanquam disparatos, quorum vnus non includat alium: sed conceptus specificus se habeat per modum similitudinis, conceptus indiuidualis per modum dissimilitudinis.

Hanc opinionem negantem principium indiuiduationis aliud a natura, alij Auctores valde committere reijciunt & explodunt, tam ex schola S. Thom. quam Scoti, & cæteri. Verum, eorum non pauci re ipsa magna ex parte eam amplecti videntur, præsertim ex Thomist. Schola. Thomistæ enim assignant quidem in rebus materialibus principium indiuiduationis, & dicunt esse materiam aut quantitatem. In rebus autem spiritualibus, nempe in Angelis, non aliud principium indiuiduationis agnoscunt, quàm ipsamet naturam specificam, quam volunt esse per se ipsam in singulis Angelis indiuiduum. Et præterea aliqui declarant, in ipsis rebus materialibus materiam vel quantitatem esse principium indiuiduationis, quantum ad distinctionem numeralem & quantitariam indiuiduorum, non autem quantum ad distinctionem transcendentalem & entitativam. Vnde etiam vt sic, non aliud indiuiduationis principium, quàm ipsam rerum naturam, agnoscunt: vt in sequentibus asseremus.

Modò pro resolutione præsentis dubij, breuiter distinguendum est. Dupliciter potest intelligi, an deus principium indiuiduationis. Vno modo, an deus distinctum ab ipsa re singulari: siue a natura quæ indiuiduetur, distinctum scilicet, aut a parte rei, aut ratione cum perfe-

Item Durandus.

Aureolus

Et ex parte Thomistæ.

Non querimus ut principium indiuiduationis sit præter à natura

*natura di-
stinctum.*

perfecta præcissione ab ipsa natura. In hoc sensu dico, esse magna ex parte sententiam valde frequentem, & apud multos grauelq. Auctores satis communem, non dari hoc modo principium indiuiduationis aliud a natura. Et nostro etiam iudicio hanc sententiam verâ arbitramur. Et hoc totum in progressu ostendemus.

*Aliquo
modo oportet
affigere præ-
cipiū indiuidua-
tionis.*

Alio modo, an detur, & assignari aliquatenus debeat, differentia singularitatis, & principium indiuiduationis, in vnoquoq. singulari, saltem cum aliqua distinctione rationis, & imperfecta præcissione ab ipsa natura. Hoc modo dico, oportere concedi & assignari in omnibus rebus suum indiuiduationis principium.

Probatum primò. Dictum iam & probatum est, dari naturam vniuersalem & communem singularibus, dum abstrahitur, & consideratur vt vna comunicabilis multis. Oportet ergo assignare, à quibus differentiis præcindat, differentiis vtique constitutis singularium, & diuisiuis ipsius naturæ in plura. Quia quodcumque habemus conceptum vniuersalem communem multis, consideramus differentias, per quas contrahitur talis conceptus, & determinatur ac multiplicatur in illis.

Secundò. Natura, dum concipitur vniuersalis, non concipitur indiuiduata in hoc aut illo singulari: ergo dum concipitur indiuiduata in hoc singulari, oportet assignare per quid concipiatur indiuiduata, quid concipiatur apponi ipsi naturæ, quidquid plus dicat natura indiuiduata in hoc singulari, quod non dicebat quando concipiebatur vniuersalis abstracta.

*Quid nõ
sit de con-
ceptu essen-
tiali natura
communis.*

Tertiò. Darit vtique conceptus naturæ humanæ v.g. qui essentialiter prædicatur de Petro & Paulo & singulis hominibus: ergo non includit essentialiter id per quod indiuiduatur & determinatur in esse Petri. Nam si essentialiter includeret, id secum ferret vbiq. essentialiter reperitur: atque de vnoquoque indiuiduo diceretur secundum omnes conceptus proprios aliorum indiuiduorum, vnde omnia indiuidua includerentur in singulis, & demum sequeretur inter se non esse distincta. Ergo dici non potest natura humana essentialiter in suo conceptu includere id per quod indiui-

duatur & determinatur in singulis indiuiduis. Nec dici potest indiuiduatur per se ipsam, quasi per suam essentiam. Sed oportet assignare differentias indiuiduantes, quæ non sint de conceptu essentiali ipsius naturæ.

Quartò. Indiuidua quæ alicui rationi communi subduntur, vtique conueniunt inter se, & differunt: assignamus in quo conueniunt, videlicet conceptum communem: ergo oportet etiam assignare in quo differant, nempe proprias singularitates quibus in suo esse determinato constituentur.

*Quo indi-
uidua dif-
ferant.*

Quintò. Intelligi non potest, quod dicebat Aureolus, conceptum specificum & singularem se habere tanquam disparatos, quorum vnus non includat alium. Nam nisi redeant vniuersalia separata, planum est conceptum specificum non posse esse disparatum & extraneum à conceptibus indiuiduorum: sed omnino ipse conceptus naturæ specificæ est qui dicitur indiuiduari. Et hic homo dicit totum conceptum essentialem, quem dicit homo, additque vt sit hic homo. Oportet ergo omnino assignare hanc rationem indiuiduationis in quolibet singulari.

Sextò. Hæc probant, non tantum in rebus materialibus, sed etiam spiritualibus, ipsisque Angelis, oportere huiusmodi indiuiduantes differentias assignare. Nam Angeli vtique inter se conueniunt aliquo conceptu vniuersali, sibi quæ communi: & sub illo per proprias differentias distinguuntur. Cumquæ sine dubio sint singulares & indiuidui, realiter discreti & differentias per quas in suo esse distinguuntur, appellamus differentias indiuiduantes. Vnde quauis Thomistæ dicant, naturam specificam in Angelo esse per se indiuiduam: tamen negare non possunt, nec negant, in ipsa natura posse distinctè considerari, & rationem communem in qua vnus Angelus cum alio conueniat, & rationem propriam per quam differant, & rationes singulares quibus indiuiduantur.

*Tā in re-
bus spiri-
tualibus,
quàm ma-
terialibus*

Argumenta quæ contra hanc rem fieri possunt, perunt difficultates de huiusmodi differentiis, quid sint, & quomodo se habeant. quæ difficultates mox discutende sequuntur. Illud verò quod dicebatur, quia natura sit tantum per rationem

Seçt. III. Vtrū indiuid. per neg. vel per exist. 205

nem vniuersalis, estquē in re singularis, non habet vim contra resolutionem traditā. Quia ad summū probat, naturam per aliquid reale indiuiduari non aut obstar, quominus querendum sit & assignandum.

SECTIO TERTIA. Vtrum Singulare formaliter indiuidetur per negationes vel per propriam existentiam.

Henricus
per negationes
affirmat.

Henricus quodl. g. quaest. 8. & 15. significauit, singulare formaliter indiuiduari per negationem, solamque negationem addi supra naturā specificam, vt determinetur inesse indiuiduo, assignandū duplicem negationem; vna est negatio diuisionis in se siue in plura entia; altera est negatio identitatis cum quolibet alio ente. Principium autem positium indiuiduationis, non aliud videtur agnosce-re, quam principium effectiuium à quo res in suo esse producitur.

Præcipuum fundamentum huius sententiæ est, quia vnitas transcendentalis adequatē cōuenit enti: & solū dicit, ac supra ens addit, huiusmodi negationē: sed indiuiduum formaliter nihil aliud dicit quā vnitatem indiuidualem; & vnitas indiuidualis erit negatio diuisionis in plura indiuidua, & identitatis cum quolibet alio indiuiduo: ergo non aliud est principii indiuiduationis, quā hęc negatio. Est & aliud fundamentum, quia nō potest facillē assignari aliquid positiuū, quod sit principium indiuiduationis: sed quicquid dicitur, impugnabitur: ergo non est aliud, quā negatio.

Hęc sententia, si neget prorsus principii indiuiduationis positiuū, reincident in sententiā iam oppugnātā. Illa enim non negabat negationem diuisionis in indiuiduo. Et solū differt in mō assignandi: quia illa dicebat, principii indiuiduationis esse ipsā naturā, hęc dicit esse negationē. Si autē solū negare velit principii positiuū distinctū à natura: & in hoc sensu dicat, non esse aliā formā indiuiduationis à natura distinctā, nisi negationē. Sic in re verū habebit sensum. Sed non adhuc querimus quodnam sit, sed an sit assignandum principium positiuū indiuiduationis.

Dicendū est, dari quidē negationē prædictā in indiuiduo: sed oportere omnino assignare principii positiuū indiuiduationis intrinseci, quod sit fundamentū talis negationis. Hanc conclusionē sū vtrāque, partē tradidit Scot. in 2. dist. 3. q. 2. & alij cōiter approbant. Prima pars est manifestā. Nā verissimū est, indiuiduū non esse diuisum, nec posse diuidi in plura seipsa: itē vnum indiuiduū non esse aliud, nō esse idem cum alio indiuiduo. Admittimus etiam vnitatem indiuiduāle, quæ est passio indiuidui, esse hanc negationē formaliter, supponendo vnitatē quæ est passio entis formaliter in negatione consistere.

Secūda pars probatur nō solū ex dictis scđt. præced. Sed præterea primū, quia singulare oīno dicit positiuū quid in re, v. g. quōd Petrus sit hic singularis hō, non solū dicit, quōd nō est plures homines, & quōd non est Paulus Antonius & ceteri: sed positiuē dicit, quōd sit hic determinatus hō Petrus: ex quo prouenit quōd nō sit plures, nec sit vnus ex alijs. Imo perfectius quid est singulare, quā natura cōis: ait enim Philosophus in prædicamento substantiæ: prima substantia est maximē substantia, & magis quā secūda. Ergo (inset Scotus) non pōt dici constitui in esse singularis solū per negationē additam naturæ cōis. Itē singulare est principii operationis, est terminus productionis. quod non potest saluari per solam negationem. Sed oportet dicere, singulare quatenus singulare esse aliquid positiuū.

Secundū perspicuē demonstratur sic. Et alio-Sumatur aliquid singulare, v. g. Petrus, qui nec huic repugnat diuidi in plures se ipsos: & hęc repugnātia, prout formaliter dicit nō posse diuidi, est vtriq. negō. Peto nūc, an in Petro sit aliquid positiuū, per quod illi hęc repugnātia cōueniat, id est quod stante repugnet prorsus Petri diuidi: vel nihil tale est in Petro. Hoc secundū dici non pōt: quia planē sequeretur, totā entitatē positiuā Petri posse trāsire à negatione diuisionis ad diuisionē, posset. diuidi: quod certissimū est: indiuiduo repugnare, alioqui nō esset indiuiduum. Ergo oportet fateri primū. Illudq. positiuū dicimus esse principii indiuiduationis, fundamentum talis repugnantiæ atque negationis.

Tertiū, quado cōcipitur natura humana in cōis, & postea concipitur determinatē in in-

Singulare
habet quidē
negationem.

Hęc prin-
cipium po-
sitiuū in-
diuidua-
tionis &
ipsius ne-
gationis.

Et alio-
Sumatur
huic nec
& hęc
nō posse
est vtriq.
Peto nūc,
an in Petro
illius
stante
vel nihil
non pōt
sequeretur
entitatē
negatione
diuisionis
posset. di-
quod certis-
indiuiduo
repugnare,
alioqui nō
esset indi-
Ergo opor-
tetur fateri
primū. Illud-
positiuū di-
cimus esse
principii in-
diuiduationis,
fundamentum
talis repugnantiæ
atque negationis.

Nec por-
tulas vo-

*gationes
potest co-
trahi ma-
iura non
minis.*

*Et indini-
dua disti-
gua.*

in indiuiduo, in hoc homine, non potest intelligi determinari solum per additionem negationis. Nam naturæ humanæ prius conceptæ nõ repugnabat diuidi, imo ea erat diuisibilis in plura, postea huic naturæ repugnat diuidi: ergo datur principium positiuum indiuiduationis, seu indiuisibilitatis indiuidualis.

Quartò. Inter ipsa indiuidua, Petrus differt à Paulo, non utique sola negatione, quasi solum negatio quædam sit in Petro, quæ non sit in Paulo: sed omnino differt sua entitate positiua, quia est quædam entitas in Petro, quæ non est eadem in Paulo, & in hac entitate fundatur ista negatio. Nec intelligi potest, aliqua duo ita differre, vt tota entitas positiua sit communis & eadem, solaque negationes distinguant. In entitate ergo positiua vnus singularis, quæ nõ est in alio, oportet agnoscere indiuiduationis principium positiuum. Arcue hæc plane probant principium intrinsecum in ipso indiuiduo. Fuit ergo Henricus assignabat principium effectiuum, de quo non oportet loqui, quia vltro constat dari causam efficientem indiuidui.

Fundamentum oppositum, potius iuuat ad eandem veritatem confirmandam. Nā vnitas enis præsupponit entitatem positiuam, in qua fundatur: ita ergo vnitas indiuidualis præsupponit entitatem positiuam indiuidualem, in qua fundatur. & hæc entitas est principium ipsius indiuiduationis & vnitatis. Ad aliud fundamentum, assignando verum indiuiduationis principium, satisfiet.

Supposito ergo quod detur indiuiduationis principium positiuum, dixerunt aliqui apud Scotum in 2. distinct. 3. questione 3. hoc principium esse propriam existentiam superadditam essentiae rei. Fundamentum est, quia per Aristot. 7. Metaphys. tex. 49. actus est qui distinguit: sed existentia est vltimus naturæ actus: ergo ipsa est quæ indiuidua constituit, & constituta distinguit.

Hanc sententia meritò Scot. impugnatur: atque omnino aliquid aliud indiuiduationis principium assignandum est. Primò quia indiuidua sunt verè indiuidua, atque inter se considerantur esse distincta, præscindendo ab actuali existentia. Singulares enim sunt, & inter se distincti,

homines qui in mente Dei vt possibiles cognoscuntur. Secundò, sicut essentia ita etiam existentia rerum potest considerari in communi, & deinde in singulari: ergo oportet assignare principium, quo & ipsa existentia simul cum essentia indiuiduetur. Tertiò, tota coordinatio prædicamentalis, inquit Scotus, perfici potest absque existentia, quæ velut accidentaliter se habet ad rerù essentias: sed indiuidua verè sunt, quæ complent & claudunt totam prædicamenti seriem, quia vltimo loco ponuntur: ergo sine existentia suo indiuiduationis principio gaudent.

Ad fundamentum oppositum facile dicitur, actum esse qui distinguit, atque adeò vltimum actum indiuidualem esse, qui indiuidua distinguit & constituit. Hic autem actus potest considerari præcisè ab existentia, sicut & gradus superiores qui indiuiduantur.

SECTIO QVARTA.

Vtrum substantia singularis formaliter indiuiduetur per collectionem suorum accidentium.

AD vterius inquirendum verum modum, quo singulare indiuiduari dicatur. Quia extant varia Auctorum placita, de diuersis rebus diuerso modo philosophantium, videlicet de substantia, & accidenti, & inter substantias de substantia spiritali & materiali. Ideò oportet distinctè hæc omnia percurrere.

In primis ergo loquendo de substantia singulari, illam per collectionem suorum accidentium indiuiduari, affirmasse videtur Porphyrius cap. de Specie, dum dixit: *Indiuidua dicuntur, quoniam ex proprijs suis consistit vnumquodque eorum, quod collectio nunquam in alio eadè erit: Socratis enim proprietates nunquam in aliquo alio particularium erunt eadem.* Et planè de proprietatibus accidentalibus loquutus est. Item Auic. 5. Metaph. cap. 2. & 4. Boet. cap. de Specie, & libro 1. de Trinitate cap. 1. idem docuisse videtur. Insuper Damascen. in sua Dialectica cap.

Affirmare videtur Porphyrius & alij.

Aliqui per existentiam dixerunt indiuiduari.

Oportet assignare principium præscindendo ab existentia.

cap. 30. & 42. ait, accidentia esse characteristicas proprietates quibus tanquam certis notis hypostasis exprimitur. Et lib. Primar. Intituit. cap. 3. & 4. *tuus vinum & alterum hominem hoc interest, quod hic longus, ille brevis; hic albus, ille ater; hic valet, ille egrotat; hic pater est, ille filius.* Idem repetit alijs locis. Et Basilus in epist. de Differentia nar. & hypost. Nisicnus in lib. de Differentia essentiae & hypost. idem indicant. Imo S. Thom. 1. part. quæst. 3. art. 3. & pluribus alijs in locis, planè sensisse videtur, singulare in rebus materialibus indiuiduari per collectionem suorum accidentium. Et Quodl. 2. art. 4. ad 1. in hoc distinguit substantias materiales à spiritualibus. Quidam etiam Thomistæ, dum defendunt, principium indiuiduationis esse quantitatem, explicant hoc intelligi de quantitate affecta alijs accidentibus.

*Resolutio
negatiua
probat
ex distinctione
substantiali
indiuiduum
duorum.*

Veruntamen rectè dici non potest, singulare formaliter indiuiduari per accidentia eorumque collectionem. Probat 1. quia si sumantur duo aliqua indiuidua vnius speciei: vel quicquid substantiale est in viroque, est vnum & idem prorsus, solaque eorum accidentia differunt: vel entitas substantialis illorum realiter diuersa est. Primum dici non potest: quia sine dubio in duobus in diuinis substantialibus substantia ipsa distincta est. Nam si esset vna à parte rei, non esset vna unitate vniuersali, sed potius singulari: sic natura Diuina est vna singularis in tribus personis, & materia modò sub vna modò sub alia forma, modò sub his modò sub alijs accidentibus. Oportet ergo dicere secundum. Igitur si non sola accidentia distinguuntur in duobus indiuiduis, sed est duplex entitas substantialis eorū agnoscenda est differentia substantialis singulis propria, constitutiva & distinctiua eorum.

*Ex separabilitate
accidentium.*

Secundò Possunt opsime intelligi duo indiuidua alicuius speciei substantialis, secussum omnibus accidentibus: & adhuc distincta realiter essent, quia adhuc haberent suas entitates substantiales, & vni non esset aliud. Ergo non per sua accidentia, sed per substantiales differentias distinguuntur. Insuper, de facto saepe mutantur accidentia in vno eodemque indiuiduo, atque adeò fit diuersa colle-

ctio accidentium: & certè semper remanet idem substantiæ indiuiduum.

Tertiò. Si aliqua duo indiuidua habeant prorsus inter se similia accidentia: adhuc reuera distincta sunt. Quamvis enim de facto in hominibus alijque rebus, per disparata & dissimilia accidentia discernamus distinctionem eorum, & cognoscamus quis sit Petrus quis Paulus: tamè in rebus homogeneis saepe inueniuntur accidentia prorsus similia, vt in duobus aquis, duobus lignis: & idem potest sine dubio in hominibus euenire, iuxta illud quod de duobus fratribus cecinit Poeta Aeneid. 10.

Dancia Laridis Timberg. simillima proles, In discreta suis gratisque parentibus error. & Valer. Max. lib. 9. cap. 14. multa exempla refert hominum inter se simillimorum. Atque Aristot. ipse 7. Metaph. text. 54 hac ratione probauit, indiuidua non posse per sua accidentia desiniri: quia possunt plura indiuidua in omnibus accidentibus conuenire & assimilari. Nec sufficere quod indicant Boetius loco cit. de Tri. saltem loca fore diuersa. Nam per diuinam potentiam possunt etiam in eodem loco constitui, & naturaliter possunt successinè quod etiam taliter fieri potest, vt sensu non discernatur talis successio. Item possunt duo indiuidua inter se commutare loca: & tamen vnum quodque semper remanet idem cum eadem differentia indiuiduali.

Quartò. Accidentia præsupponunt subiectum, & præsupponere debent subiectum singulare & indiuiduum. Nam exercitium recipiendi, sicut & agendi, supponit causam singularem: quia actiones non sunt nisi singularium. Ergo dici non potest, substantiam; id est subiectum accidentium, per ipsa accidentia formaliter indiuiduari: quia antecederet ad accidentia non intelligeretur substantia nisi vniuersalis. Imo è conuerso dicuntur accidentia indiuiduari per subiectum.

Quintò. Substantia independent ab accidentibus habet totum id quod requiritur vt in suo prædicamento reponatur: sed in prædicamento ponuntur non solum genera & species, sed vixima etià indiuidua: ergo independent ab accidentibus substantia est singularis & indiuidua. Dum enim ponitur indiuiduum in præ-

*Ex consuetudine
natura
accidentium
in pluribus
indiuiduis.*

*Ex prioritate
substantie
respectu
accidentium.*

in praedicamento, utique. non ponitur quasi aggregatum quoddam per accidens, sed tanquam ens per se vnum: igitur non constituitur formaliter in esse indiuiduo per accidentia, sed intrinsecè per indiuiduationem substantialem.

Plura hic adijci possent. Sed ea melius afferemus sectione sequenti specialiter contra quantitatem. Et rursus sect. 6. ostendemus, nec etiam dici posse, substantiam seu materiam, per ordinem ad accidentia indiuiduari, vel indiuiduare.

Ad auctoritates initio allegatas dicendum est, ut plurimum intelligi quantum ad nostram cognitionem, quia nos sensu non discernimus vnum indiuiduum ab alio, nisi quatenus in suis accidentibus disconueniunt. Vel solere dissimilia accidentia comitari seu consequi indiuidua substantialem diuersa. Et ideo inquit Scot. in 2. dist. 3. q. 4. §. ad auctoritates, quando assignata est differentia indiuiduorum per accidentia, non assignata est prima, sed secundaria differentia, quae solet comitari primam. Sed neque hoc ita debet intelligi, quasi semper oporteat dissimilia accidentia in distinctis indiuiduis inueniri: sed sufficit, ut plurimum ita esse. Et in hoc sensu valet quod dicebat Boet. Si aliqua indiuidua in reliquis prorsus similia sint: tamen dum in distinctis locis conspiciuntur, per hoc apparere sensui diuersitatem eorum. Vel demum aliquando inter proprietates accidentales etiam indiuidualis differentia computatur: non quòd verè accidens sit: sed quia veluti accidit naturae specificae, quoniam non est de intrinseca quidditate eius.

Præterea illi Patres loquuti non sunt de indiuiduo præcise, sed de hypostasi & supposito. Suppositum fumentes pro eo quod simpliciter omnibus substat, non solum suis essentialibus prædicatis, sed etiam accidentibus. Et sic voluerunt suppositum inuoluere accidentia, ut suo loco videbimus. Et S. Thom. ipse illis locis de supposito loquutus est in hoc eodem sensu.

Imo cum ipse frequenter doceat, peculiariter quantitatem, siue materiam signatam quantitatem, esse indiuiduationis principium: interdum significauit, hoc etiam intelligi per concomitantiam, vel quan-

tum ad nostram cognitionem seu designationem. Sic Opuſc. 29. quod est de principio indiuiduationis, non multum ante finem ait: *Quantitas determinata dicitur principium indiuiduationis, non quòd aliquo modo causet substantiam suam quod est prima substantia, sed concomitatur ei in inseparabiliter, & determinat eam ad hoc & nunc; & quòd cadat sub sensu exteriori, est per quantitatem.* Et clarissime Opuſc. 32. cap. 3. in fine docuit, indiuiduum substantiale constitui per suam enitatem circumscriptis omnibus dimensionibus, sed per certas dimensiones constitui indiuiduum demonstrabile sicut per signum. Alijs tamen locis, S. D. plus planè voluit, quando dixit quantitatem seu materiam signatam esse principium indiuiduationis, ut iam tractabimus.

SECTIO QUINTA.

Vtrum Substantia materialis indiuiduetur formaliter per quantitatem.

Quoniam substantia rursus duplex est, spiritualis, & materialis; distinctè etiam de utraque ob varias opiniones quaerendum est. Verùm de substantia spirituali quæ complectitur Angelos, cum sit res superior, nolumus hic distinctè tractare: sed relinquimus rem considerandam in proprio Tractatu Theologico de Angelis cum D. Thom. alijsq. Theologis, & obiter de ijs aliquid insequentibus attingemus. Specialiter autem de indiuiduatione substantiae materialis, quia res est magis familiaris, agere prosequemur.

Pervulgata facis est & celebris sententia S. Thom. Materiam signatam quantitatem, seu stantem sub certis dimensionibus quantitatis, esse indiuiduationis principium. Ita asserit prima parte quaest. 50. art. 4. 1. contra Gen. cap. 21. de Ente & Essentia cap. 2. Opuſculis supra citatis, & alibi sæpius. Vnde inferit, ubi non est quantitas signans & determinans, nullum esse aliud indiuiduationis principium, sed naturam specificam esse per se formaliter singularem, nec posse esse pluram indiuidua intra eandem speciem. Et ita sentit

Sententia affirmativa.

Secl. V. Vtrum indiuiduetur per quantitatē. 209

sentit de substantijs immaterialibus, idest Angelis.

*Fidetur
in Arist.*

Fundamentum huius sententiæ non aliud ferè inuenio, quam auctoritatem Arist. multis in locis significantis, solum per materiam indiuidua esse diuersa: quæ loca quia propriè de materia loquuntur, sect. seq. commodius afferemus. Et alijs in locis significat Arist. indiuiduum esse vnum per quantitatem. Nam 3. Metaph. text. 11. ait. *Vnum est, quod indiuisibile, est: omne verò indiuisibile, aut secundum quantum, aut secundum speciem.* Indiuisibile secundum speciem intelligit ipsam speciem: indiuisibile secundum quantum intelligit indiuiduum quod non est in sua quantitate indiuisum. Et 5. Metaph. cap. 6. vnitatem indiuidualem constituere videtur in vnitatem continuatiua per quantitatem, & distinctionem in distinctione quantitatis. Et rursus cap. 13. ait, quantum esse diuisibile in ea quæ sibi insunt, quorum vnumquodque apertum est esse vnum quid.

*Explicatur
ab
eius
Autoribus.*

Hanc D. Thomæ sententiam adeo difficilem videntur ipsi Thomistæ, vt in ea explicanda ac defendenda in diuersas partes distracti sint. Eorum aliqui sic intellexerunt sententiam S. Tho. vt verè formaliter & in recto ipsa quantitas simul cum materia sit indiuiduationis principium. Ita Capreol. in 2. d. 3. quæst. 7. art. 1. & 3. Ferr. 1. cont. Gent. cap. 21. Soncin. 7. Metaph. quæst. 33. & 34. & alij, qui rem ita explicant. Indiuiduum in sua vnitatem duo dicit, & esse incommunicabile pluribus ad differentiam vniuersalis, & esse distinctum à quocunque alio. Primum habet per materiam, per quam fit incommunicabile. Secundum habet formaliter per ipsam quantitatem. Hunc explicandi & sentiendi modum planè indicauit ipse Sanctus Thomas 3. par. quæst. 77. artic. 2. in 4. d. 12. quæst. 1. artic. 1. quæstiuncula 3. in Opuculo citato de Princip. indiuiduar. & alibi, in recto dicens, quantitatem simul cum materia esse principium indiuiduationis. Præterea absolurè Gotsfredus quodlib. 6. quæst. 16. & quodlib. 7. quæst. 5. tenuit, quantitatem esse indiuiduationis principium. Et ex parte adheret Aureolus in 2. distinctione nona quæstione tertia articulo tertio.

Pro resolutione nunc valde deseruiet duplex acceptio indiuidui, seu vnitatis numeralis, explicata sect. 1. Vno modo sumitur hæc vnitas pro vnitatem quantitatiuæ & prædicamentali. Alio modo pro vnitatem entitatiuæ & substantiali. Cum enim vnitas sit indiuisio rei in se, & distinctio à quocunque alio: vno modo accipitur indiuisio in plura se ipsa, & distinctio suæ entitatis ab omni alia: & hæc est vnitas entitatiua: alio modo accipitur indiuisio rei quæ in plures partes, seu continuatio omnium partium, & distinctio discontinuatiua ab omni alia re quæ; & hæc est vnitas quantitatiua, de qua loquebatur Aristot. 5. Metaph. text. 8. & 11. Vnitas entitatiua conuenit omnibus rebus existentibus: vnitas autem quantitatiua solis rebus materialibus & quantis: & hæc solæ res sunt singulares & indiuiduæ per vnitatem numeralem eo modo dictam vt ibi notauimus.

*Duplex
acceptio
indiuidui.*

Dico primò, Indiuiduum in sua vnitatem entitatiua non constitui formaliter per quantitatem, imò esse singulare & indiuiduum independentem & antecedenter ad quantitatem. Hæc concl. est Scoti in 2. d. 3. quæst. 4. & omnium aliorum, qui impugnant illam sententiam de materia signata. Est etiam eorum Thomistarum qui alio modo explicat materiam signatam, vt referemus sect. seq. Imò videtur etiam eorundem qui supra dicebant, quantitatem esse principium indiuiduationis, vt referemus conclus. sequen. Videtur demum ipfius S. Thom. qui prima parte quæstione vigesima nona articulo primo, planè dixit, substantiam indiuiduari per se ipsam, accidens per substantiam: & loquutus est de omni substantia, etiam materiali.

*Singulare
in sua
vni-
tatem,
entitati-
ua non
indiuidu-
atur per
quantita-
tem.*

Probatum efficaciter hæc assertio ipsæ argumentis, quibus in vniuersum probatum est, substantiam non indiuiduari per accidentia, quorum vnum est quantitas. Quæ argumenta, quoniam hæc res est præcipua, iuuabit specialiter nunc de quantitate virgere, nouique viribus roborare, & alia de nouo addere.

Primò omne indiuiduum substantiale est ens & est hoc ens in sua eacitate substantiali: vnumquodque, in quo gradu est ens, est etiam vnum & indiuisum, ab alijsque distinctum in tali entitate:

*Quomodo
substantia
debet
indiuiduari
per dis-*

O Vnde

*feretiam
substantia-
lem.*

Vnde eodem principio formaliter quo constituitur in effectalis entis, constituitur etiam in ratione vnius. Sed indiuiduum substantiale, vtiq; non per quantitatem, sed per entitatem substantialem, in suo esse constituitur. Ergo sic etiam, in esse vno & indiuiduo.

Confirmatur, sicut species substantialis habere debet suam intrinsicam differentiam qua in suo esse specifico constituitur: ita etiam indiuiduum debet habere intrinsicam differentiam. Quantitas autem non potest dici intrinseca ipsi indiuiduo substantiali, eiusq; constitutiva. Nec dici potest natura specifica contrahi ad indiuidua per plures quantitates tamquam per differentias. Igitur omnino aliam indiuiduationis formam præter quantitatem concedere oportebit.

*Et possit
indiui-
dua di-
stingui,
quantita-
tibus ab-
lati, aut
permuta-
tis.*

Secundo. Possent sine dubio à Deo conservari duæ substantiæ materiales sine quantitate, & adhuc quælibet esset vna in se, & ambae essent inter se distinctæ, essentque verè indiuiduæ & singulares: ergo haberent vtiq; suas differentias indiuiduantes, per quas constituerentur: quæ differentia non tunc de nouo fierent, quæ sine dubio illæ substantiæ manerent eadem quæ antea erant: igitur de facto non per quantitatem, sed per intrinsicæ differentias indiuiduantur.

Item posset Deus in vna eademq; substantia ponere vnam vel aliam quantitatem: & ipsa substantia semper maneret eadē singularis. E conuerso posset Deus vnam eademq; quantitatem in alia vel alia substantia collocare: vt quando conseruat quantitatem panis in Sacramento destituta substantia panis, posset alium panem sub illa eadem quantitate de nouo creare: & semper tales substantiæ manerent distinctæ in suo esse intrinseco. Denum posset Deus duarum substantiarum quantitates permutare: in quo casu non vtiq; substantiæ permutarentur, quasi hæc fieret illa, & illa hæc: sed vnaque semper maneret eadem quæ fuit, & quæ ab æterno erat possibilis. Ex his omnibus ergo patet, singulare non indiuiduari formaliter per quantitatem.

*Nec for-
ma nec
materia
dici potest*

Tertiò. De facto quando corrumpitur vnum indiuiduum, & aliud generatur, & vna forma substantialis succedit alteri in eadem materia: vel remanet in materia

eodem numero quantitas, vel mutatur. Si dicatur primum, ponamus casum, quod aliqua forma succedat eiusdem speciei cum primas quod saltem per Dei potentiam fieri potest, ac etiam naturaliter, si non in prima, saltem in alia transmutatione. Tunc sine dubio vna forma esset distincta ab alia: & non vtiq; per quantitatem, quæ eadem semper manet: ergo. Nec iuuat quod dixit Hercules quodl. 3. quæst. 9. quantitatem poni solum ad distinguenda illa indiuidua quæ actu existunt: quia alioqui, illa quorum vnum existit, aliud non existit, facis distinguuntur per esse & non esse. Hoc inquam, non iuuat: quia esse & non esse, distinguunt quantum ad existentiam: non verò quantum ad entitatem, quæ ab existentia præscindi potest: ideo non poterat existentia constitui indiuiduationis principium. Et omnia indiuidua possumt considerari quatenus possibilis, in quo statu adhuc distincta sunt. Ergo nec pro ijs quæ non simul exant, nec pro ijs quæ simul existunt, potest quantitas indiuiduationis principium assignari.

Secundo Thomaz dicant, scilicet mutari quantitatem in genito & corrupto. Sed certum est, materiam semper remanere eandem indiuiduam. Ergo materia non indiuiduatur, nec constituitur hæc per hanc quantitatem: igitur aliud indiuiduationis principium agnoscendum est.

Quartò rursus dici non potest distinctio inter substantias materiales numero diuersas solum haberi per diuisionem quantitatis. Nam considerare possumus, vel duas res discontinuas, vel partes vnius rei continuæ. Si sumamus duas aquas non continuas: verum quidem est, illas esse quantitate diuisas & discretas. Sed præter hoc, habet sine dubio hæc aqua suam entitatem substantialem, quæ non est entitas illius aquæ: ergo in hoc formaliter non distinguuntur per quantitatem, sed per ipsas suas entitates.

Si deinde consideremus partes vnius aquæ continuæ: hæ partes adhuc sunt aliquo modo distinctæ. Dico aliquo modo: quia aliqui volunt distinguere tantum in potentia, aliqui per designationem: à qua quæstione nunc abstraho. Sed intelligo distinctas, ita quod realiter non est in sub-

*indiui-
duari per
quantita-
tem.*

*Nec per
solā quan-
titate res
materia-
les inter
se distin-
guuntur.*

Seçt. V. Vtrū indiuiduetur per quantitatem. 211

in ſua bñticia quanta & continua vna ſimplex entitas quā replicaretur; ſicut ſi Deus vnū palmū aquæ replicaret in quatuor locis coniunctis, appareret aqua quadri-
palmaris: ſed reuera ſint plures partes entitatis diuiſibiles & ſeparabiles: hanc dico diſtinctionē entitatum aquæ. Hæc itaque diſtinctio non habetur per diuiſionem quantitatis, quia etiam ſine tali diuiſione haberetur. Et ſi partes aquæ diuidātur, ſolum acquirunt diſtinctionem quam voco quantitatiuam, nempe per diſcontinuationem quantitatis: non autē acquirunt de nouo, ſed retinent quam habebant, diſtinctionē entitatiuā. Iſe ſi auferatur pars ab iſta aqua, & vnatur cum alia aqua, Deus utiq. ſēper videt, quæ ſit talis pars, prius in vna, & poſtea in alia aqua. Et ſēper remanet vna & eadem in ſua entitate ſubſtantialiſ talis partialis aquæ; ſolumquē mutat vnitatem continuationis, modo cū vna, modo cum alia aqua totali. Igitur indiuiduationem entitatum res habet nō per cōtinationē vel diuiſionē quantitatis.

Pariter quādo ab aliquo continuo abſcinditur aliqua pars, & hæc per ſe permanet ſeparata: adhuc utique eſt eadē ipſa quæ antea erat quoad ſuam entitatem. Propter quod, dum Hoſtia conſecrata diuiditur, in ſingulis partibus permanet Chriſtus, quia etiam poſt ſeparationem partes quantitatis & omniū accidentium quæ in illa ſunt, ſunt entitatiuē eadē quæ antea erant. Sic ut & quando vni quantitati interponitur & cōtinuatur alia quātitas, omnis permanet entitatiuē illa eadē quæ antea erat. Atque hoc totū expreſſum habetur ab ipſo S. Tho. 3. p. q. 77. art. 8. ad 4. & clariū in 4. d. 11. q. 1. art. 2. quæſtiuncula 6. & quodl. 10. art. 3. vbi propterea ait, per diuiſionem, aut additionem, quantitatem diuerſificari ſolum quoad terminationem, & quoad determinationem meſuræ, non autē quoad eius entitatem: & ideo permanere Chriſtum in partibus conſecratis, non obſtante diuiſione vel additione.

Quintō præterea, quantitas ipſa in ſingulari utiq. eſt hæc & indiuidua, & plures quantitates inter ſe diſtinctæ ſunt: per quid ergo indiuiduatur vna quantitas in ſe, & ab alia diſtinguitur? Non pōt reſponderi, ſolum per ſe ipſam, abiq. alia al-
lignatione. Quia ſicut in alijs rebus, ita

& in quantitate cōſideratur natura communis, v. g. linea communis huic & illi lineæ: assignare ergo oportet per quid contrahatur natura communis, & indiuiduetur in tali ſingulari.

Arguit etiam Scot. qu. cit. S. ex quarta via: quantitas eſt forma: ergo ſi per ſe diſtinguitur ab alia quantitate, diſtinguitur ſpecie. Quoniā fundamentum ſententiæ aſſerentis, diſtinctionem numeralem haberi per materiam & quantitatem, eſt: quia omnis diſtinctio formalis eſt ſpecifica. Et ſi excipiat quātitas ab iſta propoſitione fundamentali adificij ruinoſi, inquit Scot. nec etiam in alijs rebus poterit oſtendi, omnem diſtinctionem formalem eſſe ſpecificam.

Reſpondet Caiet. q. 5. de Ente & eſſen. ad 6. irridens argum. Scoti, aliud eſſe dicere diſtinctionem formarum, & diſtinctionem formale: atq. ſolum ſequi inter duas quantitates eſſe diſtinctionē formarū, ſicut diſtinguuntur duæ formæ ignis: ſed non oēm diſtinctionem formarū eſſe formalem, atq. adeo ſpecificam. Sed hæc reſponſio cadit in id quod Scot. intendit: quia Thomiſtæ ideo volunt, diſtinctionē numeralem nō haberi abiq. materia, quia putant: oēm diſtinctionem quæ habetur per formam, eſſe formalem & ſpecificam. Si ergo concedunt, per formam poſſe haberi diſtinctionem numeralem non ſpecificam: fateri debebunt, dari poſſe formam ſue differentiam indiuiduante præſcindenſo a materia: ac etiam in rebus immaterialibus dātem diſtinctionem indiuidualem non ſpecificam: quod intendebat Scotus.

Si aliter dicatur quantitas indiuiduari per ſubiectum: ita planē apparebit vicioſus & inutilis circulus, cum ſubiectū nō ſupponatur indiuiduari per quantitatem. Dicere enim valebit: quantitas eſt hæc, quia eſt in hoc ſubiecto: & ſubiectum eſt hoc, quia habet hanc quantitatem. Et nec etiam in diuerſo genere cauſæ id ſaluari pōt: quia abſolute loquendo ſaltem vnū ē nobis debet præſupponi iam ſingularē & hoc, vterumque dici poſſet indiuiduari per ipſum. Vnde S. Tho. 1. p. q. 29. art. 1. non dixit accidentia indiuiduari per ſubſtantiam, & ſubſtantiam per accidentia: ſed accidentia per ſubſtantiam, ſubſtantiam per ſe ipſam.

O 2 Si de-

Quantitas
ipſa quo-
modo in-
diuidue-
tur.



Si demum dicantur quantitates indiuiduari quae distinguuntur per proprios situs seu positiones: ut indicauit S. Thom. 3. p. quaest. 71. art. 2. & quodlib. 7. art. 10. Vel intelligitur per situs atque positiones in loco. Et hoc certe accidentaliter se habet ad quantitatem: quia potest variare & mutare situs & loca sine variatione suae indiuiduationis & distinctionis. Et ad summum hoc valebit quoad nostram cognitionem: quia dum videmus quantitates in distinctis locis, cognoscimus illas esse distinctas. Vel intelligitur pro situ intrinseco quantitati in ordine ad se, id est, per distinctionem & ordinem partium in ipsa quantitate, sicut planè explicauit ipse S. Tho. 4. contra Gen. cap. 61. Et sic est omnis quantitas conueniat in hoc quòd habeat partes & partes: oportebit adhuc assignare, per quid quantitas fiat hæc determinata singularis. Vel demum intelligi debet, singulas quantitates indiuiduari per differentias intrinsecas proprias, quae unaquaeque constituatur in suo esse hæc indiuidua singularis. Et hoc modo etiam de alijs rebus dici poterat & debebat, indiuiduari per intrinsecas differentias in sua unitate entitatis.

Ex conversione sacramentali in Eucharistia confirmatur assertio.

Sextò, potest sumi aliud argumentum ex sacramento Eucharistiae. Si quantitas esset formale principium indiuiduationis, sequeretur in sacramento poni ex vi conuersionis & verborum, ac non per concomitantiam, quantitatem corporis & sanguinis Christi. Sequela probatur, quia ex vi conuersionis ponitur omnino corpus singulare: nam dicitur, hoc est corpus meum, & ponitur corpus Christi: ergo ponitur ex vi conuersionis ratio formalis constitutiua talis corporis singularis: sicut sine dubio ponitur ex vi conuersionis differentia constitutiua corporis humani. Consequens autè est contra S. Tho. 3. par. q. 75. art. 4. ubi ex professo docet in sacramento quantitatem poni per concomitantiam, & non ex vi sacramenti seu conuersionis sacramentalis: sed ex vi conuersionis poni substantiam corporis Christi, in quam conuertitur substantia panis. Fateri ergo oportet, corpus Christi esse substantialiter singulare per suam entitatem intrinsecam, & non per quantitatem, & similiter omnem aliam substantiam.

Dico secundò. Indiuiduum materiale quod constituitur quantum formaliter per quantitatem, eadè etià quantitate constituitur in ratione unitatis numeralis quantitatiuæ. Hanc concl. docere voluerit illi Thomistae initio allegati. Nà planè distinguunt duplicè in indiuiduo unitatè: primà vocant transcendente: secundam vocant quantitatiuà. Hanc secundà declarant haberi à unitate. De prima pro certo cōcedunt, conuenire substantiæ antecedenter, & indepēdenter à quantitate. Sic perspicuè explicarūt. Sonc. q. 34. Ferr. & alij. Et hoc etiam magna ex parte est de mēte S. Tho. Verū, quia S. Tho. cōiungendo materiam cum quantitate, in assignando principio indiuiduōis, aliquid amplius voluisse videtur; plura addemus scilicet, seq.

Probatur primò auctor. Arist. qui hoc ad minus voluit in illis locis initio allegatis, & in alijs postea allegandis.

Secundò manifesta rōne. Hæc indiuiduario & unitas consistit in hoc, quòd res sit indiuisa in se per continuationem quantitatiuà suarum partium, & diuisa ab omni alia re per discontinuationem ab illa. Sic ista aqua v. g. est vna indiuisa in se, diuisa ab omni alia. Sed ista continuatio & discontinuatio habetur per quantitatem, ut patet. Igitur in hoc sensu quantitas, quatenus continua in se, & discontinua ab omni alia, est principium indiuiduationis huiusmodi.

Tertiò. Multi docent, numerum qui ponitur in prædicam. quantitatis, & dicitur quantitas discretæ, esse tantum illum qui constituitur ex rebus quantis: sic ergo quantitates sunt, quæ constituunt unitates, ex quibus conflurget talis numerus: igitur quantitas est principium unitatis & distinctionis huiusmodi.

Quartò. Etiam in alijs prædicamentis, res continua, v. g. aqua, ponitur vel vnum indiuiduum, vnum scilicet integraliter & totaliter; partes autem ponuntur tantum inclusæ in ipso toto: res verò discretæ ponuntur ut plura indiuidua, v. g. plures aquæ. Sed partes aquæ vniri vel diuidi, sit ratione quantitatis. Ergo quantitas est principium unitatis & distinctionis prædicamētalis huiusmodi: quāritas est ratio per quā fit, ut res materiales possint vniri aut diuidi, & ita reponi per modum vnius aut pluris in suo prædicam.

Nec

Singulari in unitate quādā indiuiduat per quantitatem.

Iuxta Arist.

In unitate quantitativa.

Numerali.

Prædicamētali.

Nec abſurdum eſt, res aliorum prædicamentorum quantum ad hoc dependere à quantitate: quoniam adhuc ſalvatur optimè, res quidem ipſas non ſecum trahere ſuas quantitates ad ſua prædicamenta, ſed quantitates remanere in ſuo proprio prædicamento: & ita prædicamenta permixta impermixta.

Demum patet, ſingulariter hoc modo habere à quantitate, non ſolum diſtinctionē ab omni alia re, ſed etiā unitatem & indiuiſionem in ſe ratione continuationis: quod etiam aſſerebat Soncinus ibi quaſt. 34.

*Ariſt. ex-
plicatur.*

Ad fundamentum primæ ſent. ex Ariſt. deſumptum, ubi Ariſt. non aliam unitatē vel diſtinctionem indiuidualem, niſi per quantitatem aſſignare videbatur, dicendum eſt: fortaſſe Ariſt. non agnouiſſe multiplicationem indiuiduorum intra eandem ſpeciem, niſi in rebus materialibus & quantis: acque adeo in eius ſententia dicere valeat, omnia indiuidua, quæ ſunt vnum ſpecie, diſſerre diuiſione quantitatiua, & vnumquodque eorum eſſe vnum unitate quantitatiua, non conſiderādō diſtinctionem quæ eſt inter partes eiufdem rei continuæ, ſed ſolum diſtinctionem inter res integras & totales. Non autem negauit Ariſt. nec negare potuit, in ipſdem rebus inueniri unitatem & diſtinctionem entitatiuam. Neque dixit, principium indiuiduationis eſſe ſolummodò quantitatem. Nec negauit, dari principium entitarium, intrinſecum præter quantitatem. Aliquando etiam Ariſt. tantum conſiderauit unitatem totalem rei in ſe, & diſtinctionem ab omni alia: quod in rebus materialibus exercetur per quantitatem. Sic quantum eſt diuiſibile in plura: quorum vnumquodque poſt diuiſionem eſt vnum totum integrale, cum ante diuiſionem eſſet tantum pars. Quod, vt patet, nihil facit contra nos.

Aduerſus ſecundam conſeſſionem, non occurrat argumentum alicuius momenti: quia quæ probant quantitatem, non eſſe principium indiuiduationis, tantum probant in ſenſu primæ conſeſſionis.

SECTIO SEXTA.

Vtrum Subſtantia materialis indiuiduetur per materiam ſignatam.

Quia S.Tho. coniungebat materiam & quantitatem, acque dicebat, materiam ſignatam quantitate, ſiue vſtantiem ſub diſtinctionibus terminatis, eſſe indiuiduationis principium: ideo Capreol. Ferr. Sonci. ſupra dicebant, materiam dare indiuiduo incommunicabilitatem, quoniam materia eſt vltimum incommunicabile; quantitatem dare diſtinctionem.

*Aſſeruit
S. Thom.
& ſequa-
ces.*

Alij plures Thomiſtæ, nolentes in hac re quantitatem formaliter aſſociare materię, & in principio indiuiduationis includere, materiæ ſoli hoc munus in recto attribunt, dicentes; materiam, non quatenus formaliter quantam, ſed quatenus in potentia ad quantitatem, eſſe indiuiduationis principium: Et hanc dici materiam ſignatam. Ita Caiet. de Ente & Eſſentia quaſt. 5. Aegid. quodl. 1. q. 5. art. 1. Iauell. 5. Met. q. 15. Bagn. 1. par. q. 3. art. 2. Zumel. ibidem, & alij. Quia dicunt, materia per actionem præuiam, agentis appropriatur alicui certæ quantitati, & determinatur acque ſignatur, vt ſit capax talis certæ quantitatē, & non alterius, quæ certæ quantitas eſt debita tali indiuiduo producendo per actionem agentis: quoniam ex Ariſt. 2. de Anima textu 41. *Omnium natura conſtantiū determinata eſt ratio magnitudinis & augmenti.* Supponunt autem Thomiſtæ, ſimul cum forma ſubſtantiali omnia accidentia conſequenter de ſe ipſo produci, deſtructis omnibus quæ præerant. Et ita dicunt materiam ſic ſignatam eſſe principium indiuiduationis.

*Et materiā ſignatam ex-
plicamus.*

Verū hanc ſententiam poſtea reprobauiſſe ipſemet Caietanus 1. parte quaſt. 19. artic. 1. quia cogitant, potentiam illam materiæ ad quantitatem eſſe etiam de prædicamento quantitatis, cum potentia pertinet ad prædicamentum ſui actus: acque adeo eadem difficultas reddit de ipſa potentia, quæ erat de quantitate. Aliiter ergo ibi explicat materiam ſignatā, quatenus eſt fundamentum radix

& causa quantitaris, & quasi præhabens naturam quantitaris.

Circa quod Suar. disp. 1. Metaph. se. 8. 3. num. 18. ait, nihil aliud esse materiam sic sumptam, nisi quatenus est in potentia passiva ad quantitatem. Sed Bagn. significat, materiam esse quantitatis principium, sicut est essentia passionum, & forma aliorum accidentium, & non solum esse subiectum recipiens quantitatem, sed esse radicem ratione cuius quantitas conuenit & debetur rebus materialibus. Verum, si per hoc velit tribuere materię causalitatem actiuam erga quantitatem, incurrit nouam difficultatem, dum facit materiam actiuam; & non euadit priorem, quia si potentia passiva, pariter actiua, esset de eodem prædicamento quantitaris. Caiet. igitur in 2. loco uidetur intellexisse materiam prout est principium radicale exigitium quantitaris per suammet essentiam substantialem; ex quo fit, ut habeat potentiam proximam receptiuam quantitaris.

*Loca Ari.
pro hac
sententia.*

Fundamentum commune asserendi, materiam esse principium indiuiduationis, non est aliud quam auctoritas Arist. qui id passim docuisse uidetur. Cuius præcipua loca hæc sunt. Primò 1. Celi textu 91. querens an possint esse plures Celi, idest Mundi, supponit ibi esse plura in aliqua specie, uel est materia. Et tex. 94. 95. & 96. negat esse plures Mundos, quia non possunt per materiam multiplicari, cum in hoc vno Mundo sit tota materia. 2. 5. Metaph. tex. 12. Vnum numero sunt, quorum materia est vnus; & è contra quædam sunt plura, eò quod non sunt continuæ. 3. 7. Metaph. tex. 12. Calliam & Socratem esse diuersos propter materiam, eam sunt idem specie; & formam in his carnibus & ossibus, esse Socratem aut Calliam. 4. 7. Metaph. tex. 35. Vniuersale quid: ex forma & materia; singulare uero ex vltima materia iam Socrates est. 5. 12. Metaph. tex. 49. Quæcumque sunt multa numero, materiam habent; & hac ratione probat, vnum tantum esse primum Motorem, quia non habet materiam. 6. deum 7. Metaph. tex. 41. & lib. 8. tex. 8. significat, quod dicitur in rebus immaterialibus esse idem cum re cuius est quidditas, idest cum singulari: in rebus autem materialibus esse distinctam. Quod

uidetur dicere propter singularitatem, rei quæ lumitur à materia. & 3. de Anima tex. 9. similiter ait, non idem esse magnitudinem & magnitudinis esse, idest rem corpoream singularem & naturam eius.

Deo primò, singulare non indiuiduari per materiam absolute sumptam, nec etiã quoad illam incommunicabilitatem quæ est de ratione indiuidui. Probatur primò auctorit. Arist. qui multis in locis docuit, materiam includi simul cum forma in conceptu naturę vniuersalis, & hanc materiam simul cum hac forma cõstituere rem singularem. Ita dicit 7. Metaph. tex. 35. rursum tex. 39. Item 12. Metaph. 17. & alibi. Ergo dici non potest materia absolute sumpta esse principium indiuiduationis. Insuper Sanctus Thomas ipse cap. 2. de Ente & Essentia, in fine, id expresse docuit, atque probauit. Idem dicit primo contra Gentes cap. 21. Ideoque affirmauit, materiam signatam esse principium indiuiduationis.

*Singulare
non indi-
uiduatur
per mate-
riam ab-
solute sũ-
ptam.*

Secundo. Nec etiã dici potest, materiam in particulari sumptam, hanc vel illam, esse principium indiuiduationis, quasi quælibet forma esset determinata ad certam singularem materiam, & per hoc indiuiduatur: quod de animabus ipsis rationalibus significauit Sanctus Thomas 2. contra Gent. cap. 75. & 81. Hoc inquam, dici non potest. Tum quia, oportebat antea assignare, quomodo materia ipsa erat hæc indiuidua, quod assignatum non est. Tum quia sicut quæcumque materia est per se indifferens ad omnem formam, & tamen est in se singularis: ita intelligi potest optimè, quæcumque formam indifferenter respicere omnem materiam, & adhuc esse in se singularem. Tum demum verum non est, talem formam esse ex vi sua determinatam ad talem materiam. Imo de facto constat, eandem animam rationalem decursu temporis informare diuersas & varias materias partes: ac per accidens prorsus esse, ut hæc vel illa materia, ex his vel illis cibis, humano corpori aggregetur. Idemque procedit de animabus aliorum perfectiorum animalium, in sententia eorum qui volunt, has etiam animas esse indiuisibiles. Et sic tandem de omnibus formis putandum est, non esse certam formam huic

*Neque per
certam ma-
teriam sin-
gularem.*

Sect. VI. Vtrum indiuid. per materiā sign. 215

huic vel illi materiæ ab intrinseco al-
ligatam.

*Neq. in-
comunica-
bilitatem
indiui-
dualem,
singulare
recipit à
materia.*

Tertio præcipue ostenditur, indiuiduū non habere ex parte materiæ incommu-
nicabilitatem indiuidualem. Nam multi-
plex communicatio hic considerari po-
test. Prima est qua forma communicatur
suo subiecto per informationem. In hoc
sensu verum est, materiam esse vltimum
incommunicabile. At non est hæc incommu-
nicabilitas de ratione singularis. Nam
accidens singulare, & formæ singularis,
non solum esse incommunicabiles, sed actu
communicata. Et è contra, de materia,
a. que etiam de Angelo, non solum in-
particulari, sed etiam in vniuersali dici
potest, non posse communicari alteri,
tanquam forma subiecto.

Alia communicatio est per modum
partis respectu totius. In hoc sensu ma-
teria, non solum non est incommunica-
bilis, sed maxime communicatur pluri-
bus & pluribus compositis successiue. Et
forma potius multum habet de incommu-
nicabilitate: quia ita est propria vni
composito, vt nulli alteri competere pos-
sit. Non ergo à materia, sed plus à for-
ma hæc incommunicabilitas habetur. Et
præterea non est de ratione indiuidui.

Alia ergo communicatio est, qua po-
test conceptus aliquis communicari &
multiplicari in plura per diuisionem sui
ipsius, eo modo quo de natura dicimus
posse esse in multis. Incommunicabilitas
huic communicationi opposita, est verè
de ratione singularis, ad differentiam
vniuersalis. Hanc autem indiuiduum
non plus habet à materia quàm à forma.
Nam materia potest sumi, & in comuni,
& in particulari, vt fateretur Sanctus Tho-
mas vbi supra. In comuni sumpta po-
test communicari, & communicatur huic
& illi materiæ: sed hæc particularis ma-
teria communicari non potest. At similiter
forma, v.g. forma ignis, in comuni
sumpta, est quidem communicabilis huic
& illi formæ: sed in particulari hæc for-
ma amplius sic communicari non potest.
Et in vniuersum inde habet quacunque
res hanc incommunicabilitatem, vnde
habet suam indiuiduationem, quod ad-
huc sufficienter assignatum non est.

Vidit hæc Soncin. 7. Metaph. qu. 33.
Et propterea aliam communicationem

adiicit, qua natura substantialis potest
veluti per informationem communicari
supposito, v. g. humanitas Petro. Et ait
de ratione substantiæ singularis esse, etiā
hoc modo communicari non posse. Atq.
hanc incommunicabilitatem haberi à ma-
teria. Sed nullo modo satisfacit. Tum
quia non est de ratione substantiæ singu-
laris, sed tantum de ratione suppositiō
posse hoc modo communicari. Nam na-
tura quæ à supposito distinguitur, eique
communicatur, singularis est, videlicet
hæc humanitas in Petro. Tum etiam
suppositum ipsum hanc incommunicabi-
litatem non habet à materia; imò & ma-
teria ipsa singularis communicatur sup-
posito: sed habet à modo subsistentiæ,
distincto tamen à materia quàm à forma,
vt suo loco videbimus. Igitur neque hæc
ratione quantum ad hanc incommunica-
bilitatem substantia singularis indiuidua-
tur in sua entitate per materiam.

Dico secundò, Singulare non indiui-
duatur per materiam signatam, quatenus
capacem certæ quantitatis, siue quatenus
habentem potentiam ad certam quan-
titatē.

Probari potest primò hæc conclusio
ex ipso Caietano per illam rationem,
quæ ipsi à priori sententiæ dimouit: quon-
iam potentia materiæ ad quantitatem,
est etiam accidens pertinens ad idem
prædicamentum quantitatis: ergo re-
dit tota difficultas, quæ erat in dicendo
quantitatem, aliaue accidentia, esse indi-
uiduationis principium. Ad hanc tamen
rationem conarus est respondere lauell
in priori Caietani sententiæ persistens,
quem imitatus est Bagn. dicentes, poten-
tiam materiæ esse substantialem; quoniam
primariò respicit formam, secundariò
quantitatem. Tamen contra lauellii ean-
dem rationem virget Fons. 5. Metaph.
capite 6. quæst. 4. sect. 4. dicens, poten-
tiam materiæ, saltem quatenus respicit
quantitatem, reduci ad prædicamentum
quantitatis. Contra Fonssecam, responso-
nem lauellii defendit Suarez disp. 5. sect.
3. num. 20. dicens, satis esse potentiam
materiæ realiter esse substantialem.

Alio tamen modo, ratio illa Caietani
refelli potest: quia necesse non est, po-
tentiam pertinere ad idem prædicamen-
tum, in quo est actus. Quinimo potentia

*Neq. in-
diuidua-
tur per
materiam
signatam
quatenus
capacem
certæ quan-
tatis.*

*Quia ipsa
capacitas
est acciden-
talis.*

quæ ab essentia rei distinguitur, constituit certam speciem qualitaris, & in eo prædicamento ponitur. Ita potentia respiciens motum & præsentiam localem, non ponitur in prædicamento Vbi, sed Qualitaris, & sic de potentia respiciente alios effectus.

Hinc autè aliter potest illa ratio proponi & virgeri pro conclusione: quia potentia, siue effectiva, siue receptiva, quantitatis, si distincta est ab essentia, substantia, de qua res alius erit distinctus locus: est verè accidentis, atque, si non est quantitas, est qualitas, ita ut non possit formaliter includi in ipso individuationis principio.

Secundò efficaciter probatur conclusio: quia materia secundum naturam suam & potentiam innatam, respicit indifferenter omnem quantitatem, nec est determinata ad hanc vel illam: ergo non potest per se ipsam dici individuationis principium, quatenus signata sit capax certæ quantitatis. Si autem ab agente determinatur ad certam quantitatem, petendum est, per quid formaliter determinetur, quid sit hæc determinatio, an dispositiones præfixæ, an actio ipsa agentis, an modus aliquis superadditus. Omnino enim debet esse aliquid distinctum ab ipsa materia: cum non sit illi innata, siquæ variabilis. At illa omnia sunt accidentalia & extrinseca ipsi individuo substantialissimo nullus modus excogitari potest præter ipsas dispositiones materiae. Ergo prorsus non potest hoc modo individuationis principium assignari.

Tertiò, quando Caiet. dicebat materiam determinari ab agente ad certam quantitatem, tolerabilius dicere potuisset determinari ad certam formam, & secundum hanc potius determinationem esse individuationis principium. Imò dixit quidem Caiet. agens particulare appropriare materiam ad hanc formam & hoc individuum, & idè illi deberi certam quantitatem. Si ergo materia prius determinatur ad certam formam, & consequenter ratione formæ ad certam quantitatem: & cò magis, quòd apud Thomistam materia prius natura recipit formam quam accidentia, & in materia simul & forma recipiuntur accidentia: potius dici debebat materia ut determinata ad cer-

tam formam esse individuationis principium. Et præterea si idè materia designatur ad certam quantitatem, quia ad certam formam: iam forma ipsa non individuat per materiam ut ordinatam ad certam quantitatem: emiseret potius è conuerso per ipsam formam determinaretur certa quantitas. Et sic potius forma esset individuationis principium, nõ materia.

Quartò. Non beaè supponebatur, materiam ita determinari ad certam quantitatem, ut redatur capax huius, & non illius: ita determinari ad certam formam, ut hanc & non illam numero recipere debeat: rursus tali forma talem certam quantitatem deberi. Imò multorum sententia est, hanc determinationem individualemente esse penitus ab extrinseco, & accidentaliter se habere ad res ipsas: sed tantum ad species effectuum determinari res à causis naturalibus. Ac præterea non esse diuersam quantitatem cum vna, vel alia forma, sed semper esse eandem numero in materia. De quibus rebus proprijs in locis agendum erit. Nec quicquam Caiet. prodest illa auctoritas Aristotelis. Solùm enim docuit, vinentia determinare sibi certam mensuram & magnitudinem quantitatis, quam non possint excedere. Insuper saltem sub hypothesis certum esse debet, quòd etiam si materia non determinetur ad certam quantitatem, adhuc remanet singularis, & forma erit singularis. Non ergo debet illo modo individuationis principium assignari.

Quintò. Quando dicitur materia illo modo signata esse principium individuationis, vel intelligitur quòd ipsa materia per eam signationem individuetur, vel quòd sit causa individuationis formæ. Primum dici non potest: quia materia, apud aduerarios, modò determinatur ad vnam, modò ad aliam quantitatem: & semper permanet in se eadem numero. Vnde nec etiam dicendum erit secundum: quia petere possumus, per quidnam ipsa materia individuetur. Et si dicatur individuari per se ipsam, quia non per ordinem ad certam quantitatem: pariter dicemus nos, formam individuari per se ipsam, non per ordinem ad certam quantitatem. Imò si idè materia determinatur ad certam quantitatem, quia ad certam formam: prius dici non potest: idè

Nec autem ordinem determinatio naturæ materiæ ad certam quantitatem.

Nec per talem signationem materia ipsa aut forma individuari potest.

for-

Seçt. VI. Vtrũ indiuiduetur per materiã sign. 217

formam esse hanc, quia recipitur in materia determinata ad hanc quantitatem, & ideo determinatã ad hanc quantitatem, quia determinatã ad hanc formam. Hæc esset enim aperta negatio.

Sexto demum præsens assertio probari etiam potest iisdem ferè argumentis, quibus probatum est, accidentia ipsa & quantitatem in recto, non esse indiuiduationis principii: quia pariter probat indiuiduationem non esse sumendam per ordinem ad accidentia & quantitatem, vt considerati patebit.

Dico tertio. Materia est aliquo modo indiuiduationis principium radicaliter in rebus materialibus, id est est causa & ratio quia multiplicari possunt indiuidua in his rebus. Hæc conclusio est de mente S. Tho. Et probari potest principio auctoritatis. Arist. qui hoc ad minus voluit in locis antea allegatis, & infra explicandis. Non enim recte Scot. in 1. d. 3. q. 6. §. ad quæst. 5. tentauit: explicare, per materiã debere intelligi ipsam differentiam indiuiduantem; quã ait, recte posse nomine materiæ intelligi, quia sicut materia est vltimum subiectum physicum, ita differentia indiuidualis est vltima & infima in compositione metaphysica, subijciens indiuidui omnibus superioribus prædicatis. Hæc inquam expositio non potest menti & verbis Philosophi adaptari. Quia satis manifestè apparet in textu Aristot. intellexisse materiã physicam, vt verè & propriè ipsam notam materiã sonat.

Secundo ratione probatur & explicatur. Inanem multiplicari possunt plura & plura indiuidua in rebus materialibus, inquit materia ex natura sua habet plures partes, potest diuidi in plures portiones in quibus plures formas recipere queat. Et intantum forme ipsæ multiplicari possunt, in quantum habent materiã copiam: ac etiam animæ rationales per ordinem ad materiã ideo multiplicari possunt, quia ex parte materiæ esse possunt plura corpora. Sic ergo materia est causa, vt indiuidua multiplicari possint. Et in hoc planè sensu significauit S. Thom. 4. contra Gen. cap. 60. quantitatem, seu materiã sub quantitate, esse radicem multiplicationis indiuiduorum.

Fateor hac ratione etiam dici posse, materiã esse causam vt in rebus materialibus species quoque rerum.

multiplicen: ut quia intantum plures formarum species multiplicari possunt, in quantum habent copiam materiæ, quam informant. Fateor etiam hoc propriè valere, vt simul esse possint plura indiuidua, plures formæ: alioqui saltem successiue esse possunt in eadem profus materia.

Tertio hinc patet, materiã esse in hoc sensu principium indiuiduationis, quatenus capacem quantitatis, siue quantitatem diuisibilem in plures portiones. Vbi non oportet sumere hanc capacitatem pro alia accidentali potentia, vel dispositione. Sed præstat accipere essentiam ipsam materiæ, quatenus in sua substantia radicaliter exiguitatem quantitatis. Vnde materia signata debet intelligi potentia- liter seu radicaliter. Melius diceretur: materiã signabilis quantitate. Et si hoc voluit Caiet. illo loco 1. par. benè dixit. Patet etiam hoc modo non esse per se causam indiuiduationis determinatæ, sed potius in cõsulo: id est materia nõ est causa, vt talis res seu forma sit hoc indiuiduum: sed solum est causa, vt possint esse plures & plures res singulares & indiuidua. Quod autem vnaquæque res & forma sit hæc aut illa, aliunde habebit. Concedimus verò libenter, cõpositum ex materiã & forma constitutum vltimò indiuiduari per hanc materiã, & hanc formam: vt ict. sequenti commodius explicabimus.

Quartò demum præcipua difficultas est, an materiã taliter sit vnicum principium, & causa necessaria, vt indiuidua intra certam speciẽ multiplicari possint, quod vbi nõ est materiã, videlicet in substantijs spiritibus, talis multitudo esse nõ possit, sed singula species in singulis tantũ indiuiduis concludantur. Hoc enim S. Tho. purè videtur, & Arist. docuisse. Sed hæc iam est nona quæstio pertinet ad Angelos, nõ potest esse plures Angeli eiusdem speciei solo numero differentes: de qua in prima parte Theologia in tract. de Angelis disputabimus.

Restat modo ad fundamentum primæ sententiæ respondere, hoc est loca Arist. explicare, ne nostras priores conclusiones videantur infringere. In primo loco, cum Aristoteles quaereret de veritate Celi, seu Mundi, qui materiã consistat; benè potuit asserere, vnicum esse Mundum, quia

Sic materia signabilis quantitate, est principium indiuiduationis.

An sit vnicum & necessarium principium.

Loca Arist. explicantur.

Materia radicaliter dici potest principium vt indiuidua multiplicentur.

Nam propter copiam materiæ, forme multiplicantur.

quia hic vnus Mundus includit totam materiam. Quod si per hoc putauit, non esse penitus possibilem aliam materiam, aliumque Mundum, deceptus est, si respiciamus ad Dei potentiam absolutam. In secundo loco planè voluit, illa esse vnum numero vnitate continuatiua & integrali, quæ habent materiam vnā, id est continuam; & illa esse plura, quæ non sunt continua. In tertio loco optimè intelligitur potest iuxta vltimam conclusionem, scilicet homines multiplicari propter diuisibilitatem materiæ. In quarto loco, cum dixerit, vniuersale constare ex materia & forma, verum est singulare constare ex hac materia: & subintelligitur etiam ex hac forma, quod alijs in locis conclusione 1. citatis expressit. In quinto loco ad summum significauit, non posse indiuidua multiplicari numero, nisi ubi est materia, & ita materiam esse principium requisitum vt indiuidua multiplicari possint: de qua re, vt diximus, proprio loco de Angelis agendum erit. Quæ sexto denique loco afferuntur, commodius explicabimus postea sectione decima.

SECTIO SEPTIMA.

Vtrum Substantia materialis indiuiduetur per formam.

Affirmare videtur Auerr. multis in locis, 3. Phys. com. 60 4. Phys. com. 38. 1. de Anima com. 7. 2. de Anima com. 2. & alibi. Sequuntur Zimara Theorem. 97. & in quaest. de Princip. indiuiduat. Sebastianus Oxomensis in lib. 2. de Anima text. 2. & quidam alij. Item ex Theologis Durand. in 2. d. 3. quaest. 2. num. 15. indicat, & in 4. d. 44. quaest. 1. 2. num. 6. plenius docet, non solum compositum, sed ipsam quoque materiam indiuiduari per formam. Vnde inferri potest in resurrectione animam cuiusque hominis vni indifferenter cuiusque materiæ, & ratione ipsius animæ fore vndequeque vnum & eundem hominem reingentem, qui prius tali anima vixerat. Imo S. Thom. ipse 2. cont. Gent. cap. 40. probans, materiam non esse primam causam distinctionis rerum, tandem ratione 5. signi-

ficat potius formam esse rationē distinctionis in materia: & licet præcipue loquutus sit de distinctione specificâ, tamen par ratio est de distinctione numerica.

Habet & hæc sententia in Arist. fundamentum, qui 1. Physic. textu 69. formam appellauit hoc aliquid, & 2. de Anima text. 2. peripicuè air, substantiam, aliam esse materiam quæ secundum se quidem non est hoc aliquid, aliam esse formam secundum quam iam dicitur hoc aliquid: sed hoc aliquid non est aliud quam indiuiduum: ergo de mente Arist. compositum, imo & ipsa materiæ, indiuiduatur per formam. Ait etiam ibi Arist. materiam esse potentiam, formam esse actum: sed in doctrina Peripatetica actus est qui separat & distinguit 7. Metaph. text. 49. Ergo forma est, quæ indiuidua separat & distinguit: ergo forma est principium indiuiduationis. Insuper 2. Phys. text. 91. ait, materiam esse propter formam, tanquam propter finem, & ex eo quod finis sit hoc, determinari etiā id quod est ad finem, vt sit hoc: forma ergo est quæ determinat compositum & materiam in esse indiuiduo.

Dico primò, Forma non est adæquatum & totale indiuiduationis principij: dico non esse adæquatum & totale, id est non esse solam formam per quam indiuiduetur compositum ex materia formæque constatum, nec esse ipsam formam, per quam materia in suo esse indiuiduari dicatur. Hæc conclusio est communis de mēte Doctorum. Probatur primò: compositum intrinsecè includit materiā & formam: ergo hoc compositum hanc materiam & hanc formam: igitur non sola hæc forma est principium intrinsecum indiuiduationis: quod idem est, ac dicere, hoc compositum non constat solum ex hac forma, sed etiam ex hac materia, quod est clarissimum.

Probatur secundò, materiam ipsam non indiuiduari per formam. Non potest dici indiuiduari intrinsecè per formam quasi inclusiū in ipsa materia singulari, ad modum differentie constitutiue. Nam materia est vtique realiter & essentialiter a forma distincta, & hæc materia ab hac forma in hoc composito: atqui materia quatenus sic distincta, & antecedens formam ordine naturæ, est hæc & singularis

*Fundam.
in Arist.*

*Forma vñ
est adæ-
quatam
indiui-
duationis
principij.*

*Materia
non indi-
duatur
per for-
mam.*

*Sententia
affirmat.*

gularis; nec enim forma intelligitur aduenire & inesse materiae vniuersali, sed huic materiae singulari. Igitur materia non constituitur intrinsecè per ipsam formam in esse singulari & indiuiduo. Confirmatur materia, quatenus hæc distincta à forma, habet suam entitatem, vtiq. singularem realiter distinctam ab entitate formæ: est ergo singularis per ipsam suam entitatem singularem, & non per formam.

Nec per ordinem ad formam
Tertio. Dico non potest, materia indiuiduari, si non intrinsecè per formam, saltem per ordinem ad certam formam, in vti fiat hæc per respectum ad hæc formam. Nam materia ex se indifferenter respicit omnem formam, & non magis vnā quā aliam. Et hæc materia, omni quæ materia singularis, est hoc modo indifferens. Neque hæc materia, respicit determinatè hanc formam, illa illā, & sic de singulis. Non ergo indiuiduatur materia per ordinem ad certam formam. Addit S. Thom. 1. par. quæst. 75. art. 7. si materiae sint diuersæ per habitudinem ad diuersas formas, sequi diuersitatem secundum speciem, & inæqualitatem naturalem: quia supponit, diuersitatem quæ habetur ex forma esse specificam. Hoc tamen necessarium non est: quia ex forma quatenus hæc & singulari necesse non est differentiam quæ oritur esse specificam.

Quarto, in omni transmutatione substantiali in qua vna forma succedit alteri, permanet eadē materia singularis, quod est in Philosophia certissimum: igitur materia non indiuiduatur per formam: quandoquidē cum omnibus diuersis formis materia semper permanet eadem indiuidua. Atque si per Dei potentiam materiae committunt iuxta se formas, non vtiq. permittuntur inter se ipsæ materiae, quasi hæc fiat illa, & illa fiat hæc; quod prorsus implicat: sed vnaquæq. remanet illa ipsa quæ præerat: & Deus plane videret, materiam quæ postea est sub vna forma, esse illam ipsam, quæ erat sub alia forma: sicut de factō videt, quænam materia has, quæ illas, quæ alias formas, successiuè suscepit. Igitur materia est per se hæc & indiuidua. & semper est vna eademque numero: non ergo indiuiduatur per formam, per hanc vel illam formam.

Quinto demum communis Theologorum sententia est, ad perfectam veritatem resurrectionis, & unitatem hominis resurgentis, spectare vt singule anime resumant eadem corpora, quæ prius informauerant, ita vt omnis homo sit & corpore & anima idem post resurrectionem, qui fuerat antea. Imo si fieri potest, vt anima resumatur, vel idem, vel diuersum corpus ab illo quod antea informauerat: vtiq. valeret dicere, ista anima resumit idem corpus quod antea possidebat: illa sumit diuersū corpus à priori. Quod si materia non indiuiduaretur nisi per formam, potius valeret dicere, semper eandem animam resumere idem corpus, quia per eandem animam esset idem numero corpus. Illud ergo est signum clarissimum, corpus esse hoc vel illud, non quia habet hanc vel illam animam, sed quia habet suam certam entitatem: idēq. discerni posset, an hæc anima sumeret idem corpus quod antea informauit, vel aliud diuersum. Non ergo materia indiuiduatur per formam, nec compositum per solam formam.

Dico secundò. Singulare ex materia & forma compositum indiuiduatur per formam simul cum materia, hoc compositum per hanc formam. & hanc materiam: magis tamen præcipue per formam. Ita notauit Suar. disp. 5. sect. 4. Et videtur ad mentem Arist. Prima pars planè sequitur ex modò dictis. Cum enim compositum physicè ex materia & forma consistat, in tantum compositum est hoc aut illud, in quantum constat ex hac & illa forma & materia. Quia autem ad constituendum compositum, concurrunt vniò materia: & formæ, etiam hæc vniò singularis suo modo concurrat, vt compositum sit vndequaque hoc secundum totam suam entitatem. Sed quia partes compositi sunt materia & forma, vniò autem se habet solum vt nexus partium: ideo sufficit dicere, compositum indiuiduari per suam formam & materiam: quia intelligitur per materiam & formam vniatas. Quod si inter materiam & formam alius compositi vniò varietur: tunc abstrahere quidem diceretur vnum & idem compositum, quia habet vtraque partem eandē, sed quantum ad vniōnem deberet dici diuersum.

Secun-

Ad perfectam unitatem compositi requiritur vniitas formæ et materiæ.

Compositum indiuiduatur per formam & materiam singularem.

Magis præcipue per formam.

Secunda pars conclusionis facile ostenditur. Tum quia forma est magis præcipua pars compositi. Tum quia de facto eadem materia transire solet ab una ad aliam formam, & ita est pluribus indiuiduis compositis successivè communis: at una forma transire non solet ab una materia in aliam: ergo compositum magis determinatur ex hac forma quam ex hac materia. Tum demum si una forma esset modò in una modo in alia materia, & cetera una materia modò sub una, modò sub alia forma: magis diceretur idem indiuiduum per unitatem formæ, quam per unitatem materiæ.

Ceterum non per hæc dico esse sufficienter assignatū principium indiuiduationis in ipso composito: quoniam hoc modo tantum physicè assignatur, non autem per modum differentie contrahentis & determinantis naturam specificam. Quod tamen hic præcipue quaeritur. Et præterea adhuc assignandum superest, per quidnam ipsa forma, ipsaque materia, indiuiduetur.

Arist. explicatur.

Ad auctoritates Arist. initio allegatas, dicendum est, illis non probari, formam solam esse adæquatam indiuiduationis principium: sed ad summum formam simul cum materia, & magis præcipue ipsam formam in indiuiduatione compositi.

Materia quomodo possit per se habere unitatē.

Obijcies præterea primò ex Durando. Materia secundum se est pura potentia, nullam habens actualitatem nisi per formam, & non habens esse nisi per formam: sed res non potest habere unitatem in se & distinctionem ab alijs rebus; nisi ab eodem principio à quo habet actualitatem & esse: ergo materia secundum se est in potentia, ut sit hæc vel illa: sit autem hæc vel illa singularis per formam.

Respondetur. Non esse in hunc locum inuehendam quaestionem, an & quomodo materia sit pura potentia, an ex se habeat aliquam actualitatem & esse. Sed breuiter satis est dicere, materiam secundum se, non esse vique in potentia ut sit materia: sed esse verè materiam. Et hoc quod est esse materiam, vique non habet à forma, sed per se habet. Sic ergo ut sit hæc vel illa singularis materia, per se habebit, & non per formam. Et loquutum ad omnem aliam actualitatem &

esse quod habet à forma, constituitur per formam.

Obijcies secundò ex eodem. Nisi tota unitas materiæ & compositi esset à forma: sequeretur, animal quod nutritur, non esse idem post ac ante nutritionem: quia per nutritionem acquirit novam materiam. Imò progressu temporis fieri potest, ut homo per actionem caloris naturalis mutet totam materiam: ergo esset diversus homo.

Quomodo sit idem vivens non obstante successiva mutatione materiæ.

Respondetur. Hoc argumentum fieri posse etiam contra unitatem formæ. Nam in illis viventibus quorum anima non est indiuisibilis, simul cum partibus materiæ mutantur etiam partes formæ. Dicendum ergo est, reuera per mutationem successivam materiæ, hominem manere semper eundem quantum ad animam, & quantum ad illam materiæ portionem quæ non mutatur, tamen mutari quantum ad aliam materiæ partem. Imò dum dicuntur mutari materiæ partes sub eadem forma: cogitur Durand. concedere, materiam non indiuiduari per ipsam formam, sed per se esse hanc vel illam. Quando etiam ipsa forma simul cum materia variatur in alijs viventibus, dicitur idem vivens, quia non fit mutatio tota, simul, sed per partes valde exiguas, & successivè: ut plenius suo loco de nutritione tractandum erit.

Obijcies rursus tertio. Materia in suo esse essentiali constituitur per habitudinem ad formam: ergo etiam in suo esse indiuiduali: quia non solum materia, sed hæc materia intrinsece ordinatur ad formam.

Quomodo materia dici possit indiuidua. ut per habitudinem ad formam.

Respondetur. Dupliciter posse intelligi materiam indiuiduari per habitudinem ad formam. Vel per habitudinem ad certam formam. Et hoc falsum est: quia potius constat, quamlibet singularem materiam dicere habitudinem indifferentem ad omnem formam. Vel indiuiduari per certam habitudinem ad formam, id est hanc materiam per hanc habitudinem. Et hoc verum est: quia cum materia dicat essentialiter habitudinem ad formam, hæc materia dicit hæc habitudinem, illa illam: & sic indiuiduatur.

Obijcies quartò contra 2. concl. Ex dictis de materia videbatur sequi, potius materiam esse magis præcipuum indiuiduationis

Quomodo forma uno modo

Seçt. VIII. Vtrū indiuiduetur per subiectum. 221

*materia
alio sit
magis pra-
cipua ra-
tio indiui-
duationis*

duationis principium: ergo non forma. Respondetur 1. cum Fonf. 5. Metaph. cap. 6. q. 4. seçt. 6. id esse verum quantum ad nostram cognitionem: quia nos magis per accidentia quæ materiae insunt dignoscimus indiuidua distincta. Secundo melius. Id verum esse, quantum ad multiplicationem indiuiduorum absolute, vt dicebamus: quia cum materia sit primum subiectum & fundamentum eam formæ quæ quantitatæ: ex copia materiae sit radicaliter, vt indiuidua multiplicari queant. Tamen, vt indiuiduum sit hoc vel illud determinatè, magis præcipue haberi per formam. Terrio addi potest, secundum appropriationem & accommodationem quandam, differentiam indiuiduantem magis adscribi materiae quàm formæ: eo quod, maiorem præ se ferat similitudinem cum materia, vt ex Scoto adducebamus seçt. præced. concl. 3.

SECTIO OCTAVA.

Vtrum Accidens singulare indiuiduetur per subiectum, specialiter accidens materiale per quantitatem & materiam.

*Sententia
affirmas.*

Sanctus Thomas 1. par. q. 29. art. 1. 4. cont. Gent. cap. 65. & alibi, affirmavit & docuit, accidentia indiuiduari per subiectum, quod est substantia. Dicitur enim, inquit, hæc albedo, in quantum est in hoc subiecto. Idem communiter Thomistæ sequuntur: & intelligunt tam de accidentibus spiritualibus, quàm materialibus. Sed quia in rebus corporeis adæquatum indiuiduationis principium facere voluerunt materiam signatam quantitate: consequenter asserunt alia accidentia materialia indiuiduari per quantitatem, seu per materiam signatam quantitate. Ipsam verò quantitatem dicunt indiuiduari per se ipsam, vel per proprium suum, in quo una quantitas etiam separata à subiecto potest esse distincta ab alia.

Ex hac doctrina inferit S. Thom. quædam notata digna. Inferit, non posse conservari etiam per potentiam absolute Dei accidens aliquod indiuiduum separatum à subiecto & quantitate. Non negat omnino posse separari: sed ait, pos-

se quidem Deum conservare naturam albedinis sine quantitate: sed non posse facere, vt esset indiuidua sine quantitate. Vnde si esset separata, esset potius quædam forma intelligibilis, ad modum formarum quas Plato posuit. Ita habet quodd. 7. art. 10. Et propterea 4. cõc. Gent. cap. 65. declarat, accidentia panis & vini in sacramento esse indiuidua, quia licet non sint in substantiali subiecto, insunt quantitati. Item inferit, non posse intelligi plura accidentia eiusdem speciei, inter se distincta, separata à subiecto, plures albedines sine quantitate, sicut possunt intelligi plures quantitates. Ita asserit ibi quodd. 7. & 1. par. q. 50. art. 4. q. 75. art. 7. & alibi. Denum inferit, fieri non posse, vt plura accidentia solo numero diuersa, idest eiusdem speciei, eidem subiecto insint. Ita asserit 3. par. q. 35. art. 5. Metaph. seçt. 12. & alibi. Quod aliqui intelligunt, non solum simul, sed etiam successiue.

Dico primò. Non oportet accidens indiuiduari propriè per subiectum, ita vt certum singulare accidens constituatur per certum singulare subiectum: & specialiter accidens materiale non indiuiduetur propriè per quantitatem aut materiam. Hæc conclusio est de mente Scoti & aliorum negantium, quantitatæ, seu materiam signatam, esse principium indiuiduationis.

*Accidens
non indi-
uiduatur
per certū
singulare
subiectū.*

Probatur primò. Quia vel intelligeretur indiuiduari per subiectum formaliter & intrinsecè, ita vt accidens quatenus singulare formaliter includeret subiectum tanquam differentiam contrahentem naturam specificam accidentis: vel tantum concomitater & veluti terminatiue, quia hoc accidens constitueretur per ordinem ad hoc subiectum. Primum nec dici nec cogitari potest. Quia accidens, & hoc singulare accidens, v.g. hæc albedo, distinguitur essentialiter & realiter à subiecto, tam a quantitate, quàm a materia: non est aggregatum quoddam ex qualitate & quantitate aut materia: per se ponitur in suo prædicamento, etiam quatenus singulare & indiuiduum: nulloque modo fingi potest, in hac albedine solum esse naturam specificam albedinis, & quantitatem, arque materiam illi coniunctam, sed non potest non intelligi talis albedo esse in-

se intrinsecè hæc & singularis intra suam speciem. Si dicatur secundum: querendum est, quidnam sit ille ordo huius albedinis ad hoc subiectum. Hæc erit vique differentia individualis intrinseca huic albedini. Igitur fieri oportet, albedinem formaliter & propriè indiuiduari per suam propriam differentiam.

Secundò vltius potest intelligi optime, omne singulare accidens quantum est de se, aequè indifferenter respectu quodcunque subiectum in specie sua proportionatum: & hanc albedinem non plus petere inesse huic quam illi portioni materiae & quantitatis. Nam tota materia, totaque quantitas, est prorsus similis & homogenea. Et simul cum hoc optime intelligi poterit, plures albedines distinguui numero per se ipsas: quia vna est hæc, alia est illa, & qualis est certa quadam singularis in se: sicut hæc & illa materia, hæc & illa quantitas, distinguuntur. Ergo non est cur dicatur accidens indiuiduari per ordinem ad certum subiectum.

Tertiò, potest Deus aliquod accidens, aliquam albedinem, vel ab initio creare absque subiecto & quantitate, vel modò separare & per se conservare. Tunc omnino talis albedo esset singularis & indiuidua: quia prorsus repugnat, existere naturam à parte rei non indiuiduam: & nihil absurdum dici potest, quam talem albedinem in eo casu euadere vniuersalem, & realiter existere separatà ab omnibus singularibus. Neque credibile est, S. Thom. voluisse oppositum asserere: què propterea infra explicare conabimur. Deinde posset Deus, non solum vnâ, sed plures albedines hoc modò à subiecto separare. Quæ etiam tunc remanerent distinctæ. Non enim deberent fieri vnâ per continuationem. Neque possent fieri vnâ per omnimodam identitatem creaturam: quia prorsus implicat, duas res prius distinctas, hoc modò in vnâ confundi. Nec etiam credibile est, S. Thom. oppositum docuisse. Patet igitur accidens non indiuiduari per subiectum.

Fateor, quòd dicere quis posset, accidens separatum remanere indiuiduum per ordinem ad certum suum subiectum: & plura separata, posse esse distincta per

ordinem ad sua distincta subiecta: & sic indiuiduari per ordinem ad subiectum. Sed hoc neque S. Thom. ipse dixit. Et sine fundamento diceretur. Et præterea negari non potest, posse rursus fieri: vt illa albedo quæ abstracta erat ab hoc subiecto, reponeretur in alio: & quæ erat in alio, reponeretur in hoc. Vbi aquè naturaliter vnaquæque albedo esset in hoc aut illo subiecto, tribuens suum effectum formalem. Non oportet ergo accidens indiuiduari per subiectum.

Quartò, negandum etiam non est, posse plura accidentia solo numero diuersa saltem successivè esse in eodem subiecto. Sic aqua sæpius frigescit et incallescit, æt illuminatur, & alia innumerat: & non est idem numero accidens quod redit. Non ergo accidens indiuiduatur per certum subiectum, siue per ordinem ad tale subiectum, quia alioqui: nec etiam successivè plura accidentia possent in eodem subiecto distinguui. Et si quis dicat, distinguui per diuersitatem aliarum circumstantiarum, saltem temporis. Iam non indiuiduantur per subiectum. Nec etiam per alias circumstantias dici possunt indiuiduari intrinsecè. Et frustra diceretur indiuiduari per ordinem ad tales circumstantias, siue per exigentiam illarum, quia & hoc sine vtilitate & sine fundamento diceretur. Imò videtur aquè bene, hoc accidens, hæc albedo, in hoc vel illo tempore, produci & existere posse. De qua re plura in Philosophia dicemus. Sed præstabit dicere, vnumquodque accidens in se indiuiduari per propriam differentiam & singularitatem, quæ fiat hoc distinctum ab omnibus alijs.

Quintò, An possint etiam simul esse plura accidentia solo numero diuersa in eodem subiecto, est alia quæstio, quæ nõ solum dependet ex hoc, sed ex alijs etiâ principijs: ideoquæ in Philosophia examinanda erit. Modò satis sit dicere, ex hac parte non repugnare, quominus saltem à Deo possint poni plura accidentia solo numero diuersa in eodè subiecto, sine præiudicio indiuiduationis & distinctionis eorum: quia bene possent intelligi hoc & hoc accidens per proprias differentias in vno eodemque subiecto, illa videlicet accidentia quæ possent intelligi saltem successivè distincta.

Cate.

Imo respicit indifferenter omne subiectum.

Et separatum à subiecto, adhuc esset singulare.

Nec exiget certum numero subiectum.

Et possunt esse distincta numero accidentia in eodem subiecto.

Quidam Ceterum fortasse de quibusdam pecu-
acciden- liaribus generibus accidentium non ab-
tia, & mo- surdè dici posset, indiuiduari per ordi-
di, fortas- nem ad subiectum: de accidentibus vi-
se in fini- delictet inseparabilibus, & quæ sunt pro-
duantur prie passionēs. Nā si dicamus, potentias
per ordinē animæ v. g. ita se habere, vt hic nume-
ad certū ro intellectus, hæc numero voluntas,
subiectū. non nisi huic animæ possit inesse: & huic
animæ, non alius intellectus, aliæ volun-
tas, possit inesse. Sic de his defendi
posset optimè, indiuiduari per ordinem
ad subiectum. Similiter idem dici posset
de quibusdam modis substantialibus, &
intimis ipsarū rerū: v. g. de modo vni-
onis inter hanc animam & hoc corpus, de
modo existentie aut substantie huius na-
turæ. Sed neque hoc satis in omnibus
probari potest. Neque est necessarium,
ad declarandum indiuiduationem. Ideo
quæ in vniuersum dicebamus, non oportere
accidentia per subiectum, siue per
ordinem ad illud, indiuiduari.

Ex mul-
titudine
subiecto-
rum, ac-
cidentia
haberi pos-
se multi-
plicari.

Dico secundò. Aliquo modo saluari
potest, accidentia indiuiduari, idest mul-
tiplicari numero, ratione subiecti: et spe-
cialiter accidentia materialia ratione
quantitatis & materie. Declaratur &
probatr facili, sicut antea explicauimus,
materiam capacem quantitatis esse causam
multiplicationis indiuiduorum. Nam
ex eo quod sint plura subiecta similia, &
apta recipere aliquam speciem acciden-
tium, dependet multiplicabilitas acci-
dentium intra talem speciem. Quoniam
si non possent, esse plura huiusmodi sub-
iecta, nec etiam oportebat esse plura
accidentia eiusdem speciei numero dif-
ferentia. Et hoc valet tam in rebus spi-
ritualibus quam materialibus. Et prout
ad hoc vt simul sine plura accidentia:
aliqui vniuersi subiectum satis esset, vt
saltem successiuè esse possent plura acci-
dentia indiuidua in eodem. Non autem
valet ad hoc, vt debeant singula quæque
accidentia respicere certum singulare
subiectum, quia non oportet vt hoc acci-
dens determinet sibi hoc subiectū, & sic
de singulis: sed bene possunt singula esse
indifferentia ad omnia subiecta suæ spe-
ciei proportionata, vt dicebamus.

Ex quan-
titate ha-
bent acci-

Præter hoc, specialiter accidentia ma-
terialia à quantitate habent unitatem,
coniuuatiuum, quod hæc albedo sit vna

continua; vel distinctionem oppositam,
quod hæc & illa albedo discōtinuæ sint;
iuxta id quod de materiali ipsa substan-
tia supra diximus. Habent etiam, vt vi-
dentes nos hæc accidentia in distinctis sub-
iectis cognoscamus distinctionem nu-
meralem eorum.

Iuxta hæc fortasse poterit intelligi Sā-
ctus Thomas, quando dixit accidentia
indiuiduari per subiectum. Et quando di-
xit, albedinē separatam non posse esse in-
diuiduam; planè dixit, non posse esse
hanc sensibilem, idest hanc demonstrabi-
lem & signabilem, quæ sensu discerni
possit. Sed esse quandam formam intel-
ligibilem, ad modum formarum quas Pla-
to posuit: non dixit, fore vniuersalem,
sed intelligibilem ad differentiam rei sen-
sibilis; & in hæc eā assimilauit idæis Pla-
tonis. Vnde non negauit, albedinem sepa-
ratam fore indiuiduam & singularem,
entitatiuè: nec oppositum erat imagina-
bile. Similiter dixit, non posse esse plu-
res albedines separatas distinctas, idest
distinctas sensibiliter & quantitatiuè. De
quantitate autem, & dicere poteris, in-
stantum esse possibilem in magna copia,
inquantum est possibilis materia in qua
recipitur, & in hoc depedere à materia:
tamen diuisibilitatem, & propriè exten-
sionem, in qua res modo continuatur, mo-
dò seque possunt, quantitas ex se habet.
& ipsa communicat in genere causæ for-
malis, tam substantiæ, quam accidentibus
materialibus. Habet etiam quantitas per
se, & ratione sui intrinseci situs; vt etiam
si sit sine subiecto, possit esse sensibiliter
indiuidua & distincta ab alijs quantitatibus:
sicut videmus in pluribus hostijs consecratis.

Demum ex eo quod diximus, multitu-
dinem numericā accidentiū simul actua-
liter existentium fundari in multitudine
subiectorum, bene sequitur saltem natu-
raliter non posse esse simul plura acci-
dentia solo numero diuersa in eodem sub-
iecto: quia non est, ad quid vel vnde talia
accidentia multiplicentur. Imo hoc veritè
est, non solum de alijs accidentibus, sed
etiam de ipsa quantitate, quæ aliqui di-
cebatur, non per subiectum, sed per pro-
prium situm indiuiduari. Nam non pos-
sunt esse simul in eadē materia duæ quan-
titates. Itaque quod non possint esse simul

in ea

distia ma-
terialia
unitatem
vel distin-
ctionē cō-
tinuati-
nam.
Explica-
tur S. Tho-
mas.

1709

in eadem materia duæ quantitates. Itaque quòd non possint esse plura accidentia solo numero diuersa simul in eodem subiecto, non prouenit specialiter ex eo quòd singula indiuiduentur per ordinem ad certum subiectum: sed quia vagè & in consulo valet dicere, quia sunt plura subiecta posse esse plura accidentia in illis. Si tamen aliqua accidentia dicantur solo numero differre, sed non sint prorsus similia, sed dicerant etiam ex parte termini, alioque modo, vt duæ visiones, duæ species visuæ duorum colorum; hæc poterunt optimè esse simul. De quare, quia vt diximus dependet ex alijs principijs philosophicis, alibi plenius differemus.

SECTIO IX.

Vtrum Singulare in omnibus tãdem rebus indiuiduetur per differentiam posituam intrinsecam.

Negasse videntur omnes Auctores qui alijs modis conati sunt indiuiduationem singularem explicare. Et præsertim Thomistæ impugnare solent sententiam Scoti, qui dixit principium indiuiduationis esse differentiam intrinsecam singularem, quam vocauit hæcceitatem.

Affirmant Scotus in 2. d. 3. q. 6. & sequaces ibidem, & latè defendit Rada Tomo 2. Controu. 3. art. 4. Sequuntur item Fons. 5. Metaph. cap. 6. q. 5. Suar. disp. 5. sect. 2. & alij recentiores frequenter. Imò in re eadem sententiæ videntur adhærere Thomistæ: quorū aliqui distinxerūt in indiuiduo unitatem entitatiuam & quantitatiuam: aliqui apertè dixerunt, singulare indiuiduari per ordinem ad aliquid à se distinctum, fatentes talem ordinem esse differentiam intrinsecam indiuiduationis. Et expressè Caiet. de Ente & Essent. q. 5. p̄posito 4. ad finem, admittit differentiam indiuiduantem, quam tamen contendit à materia signata desumi: & in hoc aut se distincere à Scoto, quamuis supra absolutè impugnasset sententiā Scoti de hæcceitate. Item 1. par. q. 85. art. 7. §. ad hæc argumenta, concedit dari differentiam indiuiduantem ita intrinsecam rei singularis, sicut est differentia specifica speciei.

Fauet insuper S. Thom. 1. par. q. 19. artic. 1. quando dixit substantiam indiuiduari per se ipsam. Non enim negare prorsus voluit omne principium indiuiduationis: sed docere voluit substantiam indiuiduari per differentiam suam substantialem intrinsecam. In omnibus etiam locis in quibus S. Thom. docet, vniuersale abstrahi à singularibus, & contrahi per differentias, planè supponebat dari has differentias indiuiduantes. Præterea Fons. q. cit. sect. 1. ad finem ait, dubitari non debere, hanc fuisse sententiam Arist. atque adeò D. Thomæ de principio indiuiduationis rerum omnium præter quàm substantiarum separatarum.

Cum hac sententia asserendum est, non aliter assignandum esse, quomodo singulare indiuiduetur, & quodnam sit indiuiduationis proximum formale quæ principium, nisi vno eodemque modo de omnibus rebus dicendo, omne singulare indiuiduari per differentiam posituam sibi intrinsecam, quæ ipsum constituat in esse talis indiuidui, & ab omni alio distinguatur. Hæc assertio primò ex dictis planè deducitur: quia probatum est per singulas aliorum opiniones, non posse alio modo indiuiduationis principium assignari. Et quando ab initio ostensum est debere assignari, per quid formaliter singulare indiuiduetur, & natura specifica ad singula quæque indiuidua contrahatur: non nisi de huiusmodi differentia indiuiduantem id conuinceretur.

Secundò, hic est modus communis & adæquatus pro omnibus rebus, ita vt non oporteat in varijs rerū generibus varijs modis indiuiduationis principium assignare. Et præsertim verificatur, non tantum pro rebus materialibus, sed etiam pro rebus spiritualibus & substantijs separatis. Nam cum omnis substantia spiritualis sit vtique in se indiuidua & singularis, non potest illi proprium indiuiduationis principium denegari. Quod si S. Thom. dixit, in substantijs spiritualibus naturam specificam esse per se ipsam in singulis Angelis indiuiduam, non propterea indiuiduationis principium denegauit. Imò sic dicendo assignauit eandem ipsam differentiam speciem, quæ simul esset indiuidualis: olum quæ voluit, non posse intra eandem differentiam &

Fauet S. Thom.
S. Thom.
M. 1.

Per differentiam intrinsecam optimè explicatur indiuiduationis singularis.

In omnibus rebus, etiam in substantijs separatis.

Affirmat
Scoti.

Se^{ct}.IX. Vtrū indiuid. per singularit. intrins. 225

naturam specificam plura indiuidua per plures alias differentias distinguui, sicut in rebus materialibus.

Differentia indiuidualis constituit singulare, & distinguit ab alijs.

Tertiò. Vt explicetur magis quid & quæ sit ista differentia indiuidualis, dicebamus hanc esse quæ constituit indiuiduum in proprio esse indiuiduali, & distinguit ab alijs indiuiduis. Sicut enim differentia specifica est, quæ constituit speciem in propria natura, & distinguit ab alijs speciebus sub eodem genere contentis: ita se habet differentia indiuidualis in constituendis & distinguendis indiuiduis, quæ in natura specifica conueniebant. Differentia item indiuidualis est vltimus gradus in coordinatione rerum. Est vltima ratio indiuisibilitatis & incommunicabilitatis: quia quicquid est supra indiuidua, est communicabile multis, est diuisibile in plura se ipsa, & ita est vniuersale: differentia autem indiuidualis est quæ vltimò determinat omnes gradus superiores, sistens & terminans totam communicabilitatem eorum. Differentia demum indiuidualis in vnoquoque indiuiduo propria eius singularitas dici debet. Quæ etiam more philosophico non ineptè à Scoto hæcetas appellata est: quia per illam singulare, ut hoc certum determinatum. Et, vt in singulis quibusque indiuiduis propria singularitas proprio nomine denotetur, dicitur de Petro Petreitas, & sic de alijs.

Differentia indiuidualis, num dici possit formalis & essentialis.

In contrarium Obijcies primò, id quod Scotus appellauit fundamentum, sententia opposita. Si datur hæc differentia indiuidualis, se habet tanquam forma indiuidui: ergo distinctio vnus indiuidui ab alio est distinctio formalis: ergo specifica. Vel sic potest difficultas vrgeri magis. Hæc differentia est intrinseca indiuiduo: ergo est illi essentialis & quidditativa: igitur facit illud essentialiter & quidditatiuè ab alijs differre. Quod plane repugnat.

Respondetur. Hanc differentiam in quodam sensu dici posse se habere tanquam formam, quatenus vltimò constituit indiuiduum, & determinat naturam specificam. In alio sensu imitari materiam, quatenus vltimò subijcit indiuiduum omnibus superioribus prædi-

catis, facitquè indiuiduum vltimò incommunicabile. Vnde pariter distinctio ab hac differentia proveniens, licet dici possit in quodam sensu formalis: tamen potius dici solet materialis: atque magis propriè dici debet numeralis & indiuidualis. Tunc autem distinctio formalis est specifica, quando habet ut per gradum qui potest adhuc alijs sub se pluribus communicari: qualis est differentia specifica, non autem indiuidualis.

Similiter dicendum, si essentia & quidditas rei sumatur pro tota entitate intrinseca, includendo omnem gradum: sic dici posse indiuidua differre essentialiter & quidditatiuè ex parte differentie indiuidualis sibi intrinsece. Quod non esset differre specie, sed numero: nec est contra conuenientiam quam habent indiuidua in sua specie. Alio tamen modo in communi vsu loquendi quidditas & essentia sumitur pro natura rei quasi condistincta ab indiuiduatione. In hoc sensu differentia indiuidualis non dicitur essentialis & quidditativa. Et reddi potest ratio huius modi loquendi: quia essentia & quidditas rei appellatur illa; per quam respondetur ad questionem *Quid est*: ad quam solet responderi, assignando naturam specificam rei. Per differentiam verò indiuidualem responderi solet ad questionem *Quis est*. Nam si queratur, quid est ille: respondebitur, est animal rationale. Tunc autem respondebitur, est Petrus: quando queritur, quis est ille.

Obijcies secundo. Si datur hæc differentia indiuidualis, sequitur quod species non sit totum esse indiuiduorum: quod est contra Porphyrium cap. de Specie & cap. vlt. Item sequitur indiuiduum posse deñiri: contra Aristot. 7. Metaph. textu 53. Possè etiam de indiuiduo dari scientiam & demonstrationem: contra eundem ibidem & primo Polter.

Respondetur, Porphyriū ad summum voluisse, speciem esse totum esse essentialè & quidditatiuū indiuiduorum modo nunc explicato. Vel potius solūm voluit, speciem esse totum potentiale respectu indiuiduorum. Et pariter ait, genus esse totum, scilicet potentiale, respectu specierum. Item Aristot.

Quomodo species sit totum respectu indiuiduorum.

P ad sum-

*An de indi-
viduo
possit defi-
nitione de-
monstratio
fieri.*

ad summum voluisse, individuum non posse definiri alia definitione explicante essentiam & quidditatem in sensu su-
pradicto, nisi tantum definitione speciei. Similiter de individuo dari, non scientiam & demonstrationem propriam, quasi de aliqua propria passione, sed tantum de passionibus communibus speciei. Quia, ut notavit Scor. questione citata §. Et per hoc, in fine, individuum non habet aliquam passionem propriam, sed tantum speciei. Vel non posse de individuo confici definitionem aut demonstrationem, fumendo individuum quatenus actualiter existens, & quoad accidentaliter prædicata. Fundamentum enim Aristotelis fuit, quia individua sunt corruptibilia, de qua re plura suo loco dicemus.

*Singula-
ritas, non
presuppo-
nit, sed fa-
cit natu-
ram esse
singula-
rem.*

Obijcies tertio ex Caietano. Omnis actus singularis præexigit potentiam singularem quam actuat: ergo hæcceitas, si datur, præexigit potentiam singularem. Sed illa potentia est natura individui: ergo natura individui est singularis ante hæcceitatem. Non ergo hæcceitas est individuationis principium. Maiorem, in qua est difficultas, probat Caietanus auctoritate eiusdem Scori. Et præterea Aristotelis secundo Physic. tex. 38. Et confirmat: quia si hoc verificatur, quando actus & potentia realiter distinguuntur: debet etiam verificari, quando non realiter distinguuntur, quia adhuc debent eundem servare ordinem. Respondetur. Omnem actum singularem, vel præexigere, vel constituere potentiam siue naturam singularem. Et quidem actus singularis, qui est ipsamet singularitas, non potest præexigere, nec præsupponere; sed primo constituit naturam singularem. Omnis autem alius actus singularis, iam præsupponit potentiam seu naturam singularem. Et hoc solum est quod voluit Scor. Aristoteles etiam tantum dixit, causas esse singulares effectuum singularium: & loquutus est de causis & effectibus realiter distinctis, quod non facit ad rem. Quando autem actus distinguitur realiter à potentia; omnino præsupponit illam esse singularem: quia iam non illam constituit.

Non præ-

Obijcies quarto ex eodem. Quod con-

uenit vni individuo, & repugnat alteri eiusdem speciei, præexigit necessarium ipsorum distinctionem: sed differentia individualis, si datur, v.g. Sorteitas, convenit Sorti, & repugnat Platoni: ergo præexigit distinctionem Sortis à Platone. Igitur differentia individualis non est quæ primo distinguit individua: ergo non datur. Maiorem, in qua est difficultas, probat Caietanus auctoritate Scori quodl. 2. ubi illam propositionem in terminis præfuit.

Respondetur. Illud quod ita convenit vni individuo, & repugnat alteri, quod sit prima ratio constitutiva individui, nullo modo potest præsupponere distinctionem individuum. At post constituta individua, quicquid superuenit, præsupponit distinctionem eorum. Et hoc solum est quod voluit ibi Scor. §. prima ratio, versiculo tunc arguo, loquens de aptitudine animæ ad corpus, quam ait non esse primam rationem constitutivam animæ.

Obijcies quinto ex Soncin. 7. Metaph. quæst. 32. Si omnes res individuantur per suam hæcceitatem; sequitur in composito physico esse tres hæcceitates, videlicet materię, formę, & ipsius compositi; atque adeo esse tria individua. Quod probat Sonc. esse absurdum: quia pariter sequeretur, in composito esse plures existentias; sequeretur etiam formam vni materię mediante aliqua realitate, scilicet hæcceitate formę: & præterea materiam etiam separatam ab omni formâ, esse in actu formalis, quia sua hæcceitas est illi actus formalis.

Respondetur, utique in composito esse duas hæcceitates parciales, alteram materię, alteram formę. Quod est necessarium concedendum. Esse etiam in composito hæcceitatem totalem ipsius. Hanc Fonseca questione citata sectione 3. ad 5. obiecit. vult esse distinctam à duabus prædictis etiam simul sumptis. Sed satis est dicere, hæcceitatem compositi non esse aliam, quam hæcceitates materię & formę simul sumptas. Et hinc ulterius concedendum est, in composito esse duo individua partialia, id est duas partes individui, & vnum totale quod est ipsum compositum. Neque etiam absurdum est, quod ulterius inferbatur de exi-

*supponit,
sed facit
distinctionem
nec indi-
viduorum.*

*In com-
posito ex ma-
teria &
forma tri-
plex est.*

de existentia. Nec necessariò inferitur: quia hæceitas se tenet ex parte essentia, præscindens ab existentia. Non etiā absurdū est, formā vniri materiæ mediāte sua hæceitate, quod idem est, ac mediante se ipsa singulari, quia non nisi forma singularis potest vniri materiæ. Demum non sequitur, materiam separatam habere actum formalem, sumendo actum formalem pro forma substantiali. Et absurdum non est, habere actum formalem, si sumatur pro quocunque actu determinante & actuante materiam.

*In rebus
continuis
vel diuisi-
sis semper
est eadē.*

Obijcies præerea sextò. Si dantur hæc differentia indiuiduales, sequeretur; quando partes aquæ diuiduntur, de nouo acquirere suas certas differentias; & quando rursus vniuntur, amittere. Sequela probatur: quia partes aquæ diuise distinguuntur, vnitæ sunt vna aqua. Consequens est contra doctrinam traditam: quia dicebamus differentias indiuiduantes esse iurinfecas rebus.

Respondetur. Partes aquæ, siue vnitas, siue diuise, semper seruire suam vnitatem & distinctionem entitariam, & sic etiam suas differentias indiuiduantes: mutare autem vnitatem & distinctionem quantitariam, quam dicebamus haberi per quantitatem. Itaque in partibus aquæ diuisis, valebit dicere hæceitatem vnitis esse diuisam ab hæceitate alterius: & in partibus vnitis esse vnitam. Et sicut hæc aqua, siue diuisa, siue vnita cum illa, semper est in se vna & eadem entitatiuè; vna & eadem cum se ipsa: ita semper permanet in se vna & eadem hæceitas intrinseca talis aquæ: nec potest aliter de nouo produci, aut amitti; nisi dum producit, aut destruitur talis aqua.

Alia demum argumenta congeri possent: quæ ex dictis facillimè solui poterunt. Alia sunt quæ petunt distinctionem & connexionem differentia indiuiduantis cum natura, de qua re modò sequitur disputandum.

SECTIO X.

Vtrum Differentia indiuidualis à parte rei à natura indiuidui distinguat.

SCOTUS, dum suam differentiam indiuiduantem præter naturam indiuidui assignauit, voluisse videtur, hanc differentiam esse à parte rei à natura distinctam: non quidem realiter, tanquam rem à re: sed formaliter, tanquam vnā formalitatem seu realitatem ab alia. Et hanc distinctionem formalem esse à parte rei auccedenter ad omnem operationem rationis. Ita philosophatur in 1. d. 3. quæst. 1. & in Quodl. quæst. 2. & 7. Metaph. quæst. 16. Atque in hoc sensu Scoti sententiam intelligunt & sequuntur Scotistæ circa eadem loca, & Rada tomò secundo Controuersia tertia articulo quarto conclusione nona; & renaciter amplectitur Fonseca septimo Metaph. cap. 12. quæst. vnica sectione 11. & sequentibus.

Scotus assermat.

Dicendum tamen est, differentiam indiuidualem non distingui actū à parte rei à natura indiuidui: sed naturam & singularitatem indiuidui esse prorsus idem à parte rei. Hæc assertio est aliorum Doctorum communis. Et probatur clarè.

Resolutio negativa.

Primò. Si differentia indiuidualis à parte rei distinguitur à natura, ipsa natura quatenus sic distincta est adhuc realiter singularis. Ergo nullatenus dicendū est, singularitatem esse à parte rei à natura distinctam. Assumptum probatur. Quicquid realiter existit, si sumatur præcisè quatenus ab omni alia entitate reali distinctum, necessariò est singulare. Nec enim fieri aut intelligi potest, rem in sua entitate, in qua existit à parte rei, ab omni alia entitate distincta, non esse singularem: vt ex dictis ab initio manifestè deducitur. Ergo iam frustra & falsò supra talem naturam indiuidualis differentia superadditur. Quinimò ex ipsis terminis planè repugnat, naturam quatenus à singularitate distinctam esse adhuc singularem.

Quia natura à parte rei in se est singularis.

Secundò. In quolibet indiuiduo, in quo natura & singularitas esse dicuntur, non solum singularis esse ipsa singularitas; sed etiam ipsa natura: illa inquam entitas naturæ, quæ realiter est in indiuiduo, & à singularitate dicitur esse distincta. Sed hæc entitas vt sic à singularitate distincta dici non potest esse singularis per ipsam differentiam, à qua distinguitur; & omnino dici debet esse singularis per suam intrinsecam entitatem. Ergo ad nihil amplius illi deserviet, sed impossibilis prorsus erit, illa alia singularitas à natura distincta.

Tertiò. Natura indiuidui, quatenus à parte rei à singularitate distincta, dici non potest esse communicabilis & diuisibilis in plura, sed omnino dici debet incommunicabilis & indiuisibilis: ergo vt sic haberet unitatem indiuidualem: non ergo indiget alia singularitate distincta. Probatum assumptum: quia vtique natura humana, quæ est in Petro, non potest in plures homines dispartiri: non solum inquam singularitas Petri, sed humanitas Petri etiam, si dicatur à singularitate distingui. Entitas ipsius naturæ, quatenus in se sola, & ab omni entitate ac realitate distincta, est verè incommunicabilis & indiuisibilis in plura: ergo per se habet unitatem indiuidualem.

Quartò. Natura cuiuscunque indiuidui secundum propriam entitatem, non est à parte rei eadem cum natura alterius indiuidui, sed realiter ab omni alia natura distinguitur: ergo etiam secundum propriam entitatem habet distinctionem indiuidualem ab omni alio indiuiduo, quæ distinctio vicinò complet unitatem. Ergo ulterius natura non indiget alia singularitate distincta, quæ vnum indiuiduum ab alio distinguitur. Assumptum probatur: quia verè natura quæ est in Petro, non est realiter illa natura quæ est in Paulo, & sic de singulis indiuiduis: non solum inquam singularitas quæ est in Petro: sed maximè entitas naturæ quæ est in Petro. Et illa entitas quæ dicebatur à singularitate distingui, alia vtique est in Petro, alia in Paulo. Ergo præter ipsas naturas sic distinctas, nullæ alia singularitates excogitandæ sunt.

Attingit ex parte hoc argumētum. Rada. Et, vt respondeat, concedit quod negare non poterat, duas illas naturas, vt præcisas à singularitatibus, esse inter se realiter distinctas. Negat tamen inde sequi, esse indiuiduas & singulares, differreque numero. Sed inquit, illas naturas vt sic, nec numero, nec specie distingui. sicut natura ipsa & singularitas, genus & differentia distinguuntur, & tamen nec numero nec specie.

Verùm illæ naturæ planè realiter distinguuntur. Nam sunt realiter separate, & vna sine alia existere potest: ergo negari non potest in se numero distingui. Præterea si distinguuntur: ergo valet dicere, hæc & illa natura: igitur sunt singulares & indiuiduæ. Demum distinctio, quocunque nomine appelletur, inter duas illas naturas, non habetur ex vi naturæ humanæ in specie sumptæ, sed diuise in plura atque contractæ: igitur illæ naturæ, in eo ipso formaliter in quo distinctæ sunt atque diuise, sunt singulares & indiuiduæ. Vnde dicemus, nihil aliud esse in Petro, quam illam naturam humanam, quæ etiam vt à singularitate præcisā, concedebatur à natura Pauli distingui: nullamquæ aliam singularitatem esse fingendam.

Denique à fortiori ex resolutione, & rationibus ascensibus sectione sequenti, præsens assertio multò efficacius confirmata manebit. Et rursus ex dicendis quæst. 13. circa distinctionem differentiarum à natura generis.

Contra hanc verò doctrinam non aliud ferè est argumētum pro opposita sententia: nisi quæ generationem afferunt, ad probandam distinctionem formalem ex natura rei inter gradus entitativos rerum, inter naturas quæ contrahuntur, & differentias contrahentes. Quæ tamen nihil probant: & quæst. 13. soluenda sunt.

Obijci nunc specialiter possunt quædam Aristotelis loca: quæ, cum Scotus in secundo distinctione tertia quæstione quinta, adduxisset pro materia signata, ipse quæst. 6. §. ad quæst. quintam, retorquet pro sua sententia de distinctione differentiarum indiuiduantis à natura.

Loca

Et idem nō indiget alia singularitate.

Est etiam incommunitabilis et indiuisibilis.

Est distincta ab omni alia natura.

Quomodo Arist. dixit quiddam rei distinguui à re.

Seft.X. Vtrum fingul. diffing. in re à natura. 229

Loca Aristotelis funt, feptimo Metaphyf. textu 41. vbi ait, quidditatem effe idem cum re cuius eft quidditas in primis fubftantijs, & explicat primas fubftantias quæ non conftant ex materia & forma: in ijs verò quæ funt cum materia docet, quidditatem non effe idem cum re cuius eft quidditas. Simile quid repetit 8. Metaph. textu octauo dicens: *Anima & effe anime idem eft: homini verò & homo non idem*. Et tertio de Anima textu nono: *Aliud eft magnitudo & magnitudinis effe, aqua & aquæ effe, & fic in multis alijs, fed non in omnibus, quia in quibusdam idem eft*. Ex his locis Thomiftæ colligunt, diffingui rem fingularem à fua natura rōne materiæ fignatæ per quam dicitur indiuiduari. Scot. verò, per materiā intelligens differentiam indiuiduantem, fic exponit: in rebus fine materia, id eft confideratis abfttractè à differentijs indiuiduantibus, idem eft quidditas cum fua re, humanitas cum homine: in rebus autem cum materia, id eft in rebus indiuiduis, eft aliud, propter diffinctionem naturæ & differentię indiuiduantis.

Verùm pro neurra parte hæc Aristotelis loca vim habent. Er quia obfcura funt, varijs alijs modis poffunt & folent exponi. Aliqui exponunt, Aristot. voluiffe in rebus materialibus diffingui fuppositum à natura, non autem in rebus fpiritalibus. Hæc expofitio rem trahit ad aliam quæftionem de diffinctione fuppositi à natura. Eft tamen ab Aristotele & à veritate aliena. Quia Aristot. nō cogitare quidem poffuit de diffinctione fuppositi à natura, quæ folū ex mýfterio Incarnationis cognita à Theologis eft. Er præterea in rei veritate dici debet, tam in fubftantijs fpiritalibus quàm materialibus diffingui fuppositum à natura.

Alij exponunt, Aristot. effe loquutum de ente per fe, & ente per accidens: atque dixiffe, quidditatem effe idem cum ente per fe, non cum ente per accidens: humanitatem effe idem cum homine, non cum homine albo aut mufico. Et ita accomodant verba Aristot. in 7. Metaph. fauetque quod ipfe dixerat textu 25. & 21. vbi id planè docuerat. & rursus lauet quod fubdit textu 41. commemorans illa quæ tantum fecundum accidens funt vniuerfa.

Alij exponunt, Aristot. per quidditatem intellexiffe formam rei, & in rebus fpiritalibus formam effe ipfam fimplitem effentiam, in fubftantijs materialibus effe illam quæ informat materiam & coltruit compositum: Sicquè in fubftantijs materialibus quidditatem diffingui à re, in fpiritalibus non diffingui. Fauet ipfe Aristot. qui non folū alijs in locis, quanto Metaphyf. textu 3. lib. 7. textu 35. & 39. & alibi, formam quæ à materia diffinguitur appellat quidditatem & fubftantiam rei: fed etiam ibi text. 21. & 40. ait, fubftantiam, id eft quidditatem compositi, effe formam, hominis effe animam & materiam non includi in ipsa fubftantia, fed fimul cum fubftantia includi in toto composito. Et iuxta hunc locum facile exponitur etiam alia duo loca allegata.

Iuxta has verò expofitiones, loca Arist. nihil faciunt contra nos, nec pro materia fignata, nec pro diffinctione differentię indiuiduantis à natura: quia nec de indiuiduis, nec de indiuiduatione loquuntur.

Sed tandem, etiam fi illa loca explicare velimus pro indiuiduatione rerum poffumus explicare, tam pro materia fignata, quam pro differentia indiuiduante, iuxta doctrinam traditam. Pro materia fignata dicendo, in rebus materialibus diffingui naturam ab indiuiduo fump:to quoad vnitatem, non quidem folū entitativam, fed quantitativam. Pro differentia indiuiduante dicendo, quidditatem effe fimpl. citer idem cum re, abftrahendo à materia, id eft ab ipsa differentia indiuiduante, vt volebat Scotus; humanitatem cum homine: fed non effe ita omnino idem cum re in materia, id eft indiuidua & fingulari, hominē ab hoc homine: non quia differentia indiuidualis debeat à parte rei à natura diffingui: fed quia aliquo modo ratione diffingenda eft. Nec etiam dici debet perfe.

Etia rationis præcifione diffingui, fed faltem imperfecta, vt modo difputandum eft.

Vel forma à composito.

Aut tandem à diffinctione aliquæ naturæ ab indiuiduo.

Non intellexis de diffinctione quidditatis ab ente per accidens.

Sed vel de diffinctione quidditatis ab ente per accidens.

SECTIO XI.

*Vtrum Differentia indiuidualis
perfecta præcisione rationis
à natura indiuidui di-
stinguatur.*

*Sententia
affirmati-
ua.*

Inter Auctores qui rerum indiuiduationem per indiuiduales differentias explicabant, alij quibus non placuit distinctio formalis à parte rei, voluit differentiam indiuiduantem, scilicet per intellectum cum fundamento in re, perfecta præcisione rationis, à natura distingui. Ita quòd natura & singularitas indiuidui dici debeant, à parte rei distingui fundamentaliter & virtualiter, per intellectum verò actualiter formaliter. Et singularitas non includit in suo conceptu præcisiō naturā, neque naturā inuoluat differentias indiuiduantes. Hanc sententiam tradit atque defendit Suarez diip. 5. Metaph. sect. 2.

*Resolutio
negatiua.*

Verum re bene perspecta atque considerata, dicendum videtur, differentiam indiuidualem, nec etiam per intellectum perfectā rationis præcisione, à natura distingui, quasi nec explicitè, nec implicitè, singularitas naturam, & naturā singularitates includat. Pro hac conclusione faciunt omnes illi, qui supra sectione secunda non aliud indiuiduationis principium assignare volebāt præter ipsas res singulares & indiuiduas. Nam præcipue volebant, non esse necessarium aliquod indiuiduationis principium ab indiuidui naturā distinctum. Facit etiam Aristot. 4. Metaphys. textu 3. dicens: *Idem enim unus homo, & ens homo, ac homo. Et non significat diuersum aliquid secundum distinctionem repetitam, id est homo & homo & unus homo.* Per quod planè significat, nihil plus denotari, nec quicquam distinctum addi, dicendo homo & homo singularis, humanitas & humanitas singularis.

*Funda-
mentum
sumitur
ex ipso-
met diff-
rentia in-*

Probat per concl. primò. Si differentia indiuidualis perfectā rationis præcisione à natura distinguitur, sumantur & considerentur plures hæcceitates constituentes & distinguentes plura indiuidua: hæc singularitates etiam inter se conueniunt

in conceptu communi singularitatis: & diuidua-
te. Perendum est ergo, per quid deter-
minetur singularitas in communi ad hæc
& illam, per quid hæc & illa singulari-
tas distinguantur. Vel per alias differen-
tias pariter perfectè præcisas à singula-
ritate in communi. Vel non. Si dicatur
primum: redibit rursus idem argumentū
de his alijs differentijs. Nam pariter in-
ter se conuenire atq. distingui inuenien-
tur. Et sic daretur processus in infinitum.
quod nullo modo est admittendum. Si
dicatur secundum: ergo sic etiam nō mi-
nus ab initio dici poterat, naturā huma-
nam, v. g. determinari ad sua indiuidua,
et ipsa indiuidua inter se distingui, nō per
alias differentias perfectè præcisas.

Vidie difficultatem Scot in 2. d. 3. q. 6. §. vltius, vers. & per hoc apparet. Et conatus est respondere dicendo, differentias indiuiduantes, sicut & specificas, non conuenire in aliquo conceptu communi, quia sunt primò diuersæ, id est se ipsis primò differunt, & non per alias differentias.

*Primæ re.
spōso Sco-
ti refelli-
tur.*

At certè datur iste conceptus, qui ex-
primitur hoc nomine, singularitas, hæc-
ceitas, differentia indiuidualis. Non enim hæc sunt pura nomina sine re signifi-
cata. Sed in isto conceptu communi singu-
laritatis, conueniunt hæc & illa & omnis alia singularitas: nam singularitas Petri est singularitas, petreitas est hæc-
ceitas, & sic de singulis & omnibus. Imò quantum conueniunt naturæ rerum
in conceptu naturæ communi, humani-
tas Petri & Pauli in cōi humanitatis cō-
ceptu, nihil minus conuenire videntur
hæc & illa singularitas in suo communi
conceptu. Si ergo propter conuenien-
tiam in conceptu naturæ, distingueban-
tur differentia à natura: sequeretur pariter,
propter conuenientiam in conceptu
singularitatis esse alias differentias dis-
tinguendas. Vel si hoc non est necessa-
rium, vt verè non est: nec erat necessa-
rium ab initio distinguere differentias
indiuiduantes à natura quod intendimus.

Apposuit aliquid amplius addere Ra-
da ad responsum Scoti, dicens articu-
lo citato conclus. 6. ad 2. differentias indi-
uiduantes esse primò diuersas, quia
non conueniunt in aliquo conceptu eis
quid-

*Secunda
responso
Rada re-
felliunt.*

Secl. XI. Vtrū singul. perfectē præscin. à nat. 231

quidditatiuē communi : conuenire tamen concomitanter & reductiuē per identitatem realem quā habent cum natura, quæ natura est indiuiduis quidditatiuē communis : sicquē non indigere alijs proprijs differentijs, sed ipsas esse vltimas ac simplicissimas differentias contractiuas naturæ communis.

Sed hæc addita responsio nihil plus satisfacit. Solū enim cogitauit Rada, conuenientiam huius & illius singularitatis in ipsa natura, quam contrahere dicebantur: & ideo dixit conuenire concomitanter, non quidditatiuē. At certē in ratione singularitatis ita quidditatiuē & directē conueniunt, sicut quæcunque alia inferiora in suo superiori, sicut hæc & illa natura in communi conceptu naturæ, hæc & illa humanitas in conceptu humanitatis. Nam prorsus quidditatiuē & directē singularitas Petri est singularitas, & sic de omnibus & singulis. Non ergo effugere potest vim difficultatis.

Aliter respondet Fossica quinto Metaphys. cap. 6. quæst. 5. lect. 3. ad t. Differentias indiuiduantes conuenire inter se, non vniuocē, sed analogicē analogia proportionis : quia sicut Socrates est hic per hanc suam singularitatem, ita Plato per suam : & ideo non indigere alijs differentijs, quia solūm quæ conueniunt vniuocē indigent differentijs.

Sed quicquid dicat, adhuc in eadem difficultate versatur. Aut enim ideo dicit, non conuenire vniuocē, sed analogicē: quod nō conueniant in aliquo conceptu singulis intrinseco, & omnibus communis: sed tantūm habeant proportionem quandam inter se. Et hoc satis impugnatur est. Conueniunt enim in ratione & conceptu hæcæitatis, qui conceptus est singulis differentijs prorsus intrinsecus, & omnibus adæquatē communis, non minus quā ratio humanitatis huic & illi humanitati. Alioqui pariter dicit quis, humanitatem Petri & Pauli tantūm analogicē proportionaliter conuenire, quia sicut Socrates est homo per suam humanitatem, ita Plato per suam. Et quicquid contra hoc diceretur, statim contra responsionē datam poterit retorqueri. Et quicquid afferetur ad probandam conuenientiam naturarū in ratione humanitatis, pariter conuertetur ad probandam simi-

lem conuenientiam in ratione hæcæitatis. Aut ideo dicit, non conuenire vniuocē, sed analogicē: quia conueniant quidem in conceptu intrinseco & communis tamen non addant aliquid de nouo supra talem conceptum, sicut illa quæ conueniunt vniuocē, sed tantūm determinentur per maiorem expressionem & explanationem. Et hæc erit sequēs responsio, modo afferenda & impugnanda. Accedit quōd S. Thom. 1. par. q. 30. art. 4. significauit, rationem indiuidui esse vniuocē communem singulis indiuiduis.

Respondet denique Suar. sect. 2. cit. num. 20. Differentias indiuiduantes conuenire quidem in conceptu sibi communi singularitatis & hæcæitatis tamen, non habere in se alias differentias ratione distinctas ab isto cōceptu in quo conueniunt: sed in se ipsis determinari non per aliquam nouam additionem, sed solūm per maiorem expressionem illius conceptus. Nec dicere compositionem rationis ex conceptu communi & differentia contrahente. Ipsum autem indiuiduū, v. g. Petrus, intelligitur habere hanc compositionem rationis ex natura humana & propria singularitate ob distinctionem rationis inter vtranquē.

Redditquē discriminis rationes. Tum quia si hæc compositio etiam huic singularitati tribueretur, inferri posset processus in infinitum, qui tamen non inferitur, sit talis compositio ipsi primo indiuiduo & non vltius concedatur. Tum quia de ratione differentię est, vt sit simplex, & non componatur ex vna ratione communi & alia propria: at de ratione indiuidui, v. g. Petri, potius est compositio metaphysica, iuxta commune modum concipiendi & loquendi Philosophorum: sicut de ratione speciei est compositio ex genere & differentia. Tum demum cū differentia sit ipsa formalis ratio differendi, non indiget alia differentia: sicut actio non indiget alia actione, vniuocē aliā vniuocē, præterea localis alia præsentia locali : quia actio est ipsa formalis ratio agendi, & sic de alijs.

Hæc etiam responsio non satisfacit. Quia si in ipsis differentijs omnia rite saluantur absque alia distinctione & compositione rationis: pariter & non minus bene saluari potest quicquid opus est, de

Quarta
responsio
Suarij
refellit.

Tertiar
responsio
Fossicæ
refellit.

indiudivis, v. g. Petro & Paulo, absque tali distinctione & compositione. Et si quid esset, eundem cogere vel suaderet, talem distinctionem in indiudivis reperiri, pariter procederet in ipsis differentiis. Nam si indiudiva conveniunt in comuni conceptu naturæ, Petrus & Paulus in ratione humanæ naturæ, & tamen inter se realiter distinguuntur: ita etiam ipsæ differentiæ inter se conveniunt, & realiter distinguuntur. Et cætera similia pari passu currunt. At ubi necesse non est, tales formalitates seu realitates in rebus esse aut distinguui, impossibile est illas esse aut distinguui. Ergo non debet illa compositio & distinctio rationis in ipsis indiudivis cogitari.

Rationes quoque allatæ discriminis non sufficiunt. Non prima. Quia si ipsi primo indiudivo, v. g. Petro, talis distinctio & compositio tribuatur; à paritate sequitur, debere etiam tribui ipsi differentiæ Petri, & ulterius usque in infinitum præstat ergo illam ab initio denegare, cum etiam sine illa bene possint omnia in ipso Petro saluari. Alioqui dicit quis, se velle talem distinctionem & compositionem tribuere solum primæ differentiæ Petri, & non ulterius: vel etiam secundæ: & non ulterius. Quia sic vitabit processum in infinitum, & hanc ipsam rationem discriminis pro se afferret.

Nec secunda ratio valet. Quia si ita potest saluari constitutio Petri indiudivi absque illa distinctione & compositione ex natura & singularitate, sicut saluatur constitutio ipsius singularitatis: ad quid talis modus distinctionis & compositionis in Petro, vel quare debuit excogitari? imo quomodo poterit in illo dari? Fortasse ob communem concipiendi & loquendi modum Philosophorum. Est is quidem modus concipiendi & loquendi eorum Philosophorum, qui hæcceitatem à natura distinguunt: non tamen aliorum qui oppositum sentiunt. Illorum autem auctoritate volumus nos convinci, nisi rationibus convincamur. Imo facilius est convincere contra illos, non debere hæcceitatem à natura illo modo distinguui.

Nec demum tertia ratio vim nostri argumenti frangit, aut fugit. quia verum sanè est, differentiam esse ipsam formalem

rationem differendi, non indigentem, alia differentia. Tamen hæc differentia non est eo modo distinguenda ab ipsa natura, sed in illa imbibitur. Unde dicimus, ipsam naturam non indigere alia differentia distincta per quam sit hæc indiudiva.

Et exempla allata potius nobis favent. Nam si nulla esset ratio quæ suaderet, actionem à termino, unionem à partibus, præsentiam à re locata, distinguui; quæ non pariter suaderet esse debere aliam actionem propter primam actionem, & sic de cæteris: planè sequeretur, nec etiam ab initio debuisset actionem à termino distinguui. Reuera autem datur ratio persuadens, actionem à termino distinguui, non probans ulterius de ipsa actione. Quia nempe terminus sit ab agente, & postea permanet sine dependentia ab agente: ipsa autem actio non potest esse nisi actualiter exiens ab agente. Unde oportet distinguere actionem à termino, sed non aliam actionem ab actione. Quod si actio posset esse, vel dependenter, vel independenter ab agente: tunc non minus convinceretur ad ipsam actionem dari debere aliam actionem distinctam. Cum igitur in casu nostro non adsit alia ratio distinguendi hæcceitatem à natura, nisi quæ pariter suaderet distinguendam esse aliam hæcceitatem ab hæcceitate, ut ostensum est: dici debet neutrum probare. Nulla ergo necessitas cogit, nulla ratio persuadet, ponere talem distinctionem. Imo sic fictitium est & impossibile, talem distinctionem ponere in ipsa hæcceitate: ita etiam in ipso Petro inter naturam & hæcceitatem.

Deinde secundo loco principaliter probatur conclusio. Si differentia indiudivalis eo modo à natura distinguitur: vel differentie indiudivorum in una certa specie conveniunt in quodam conceptu peculiari specifico: vel sunt potius disparatæ, & solum in communissimo singularitatis conceptu conveniunt. v. g. hæcceitas Petri & Pauli & singularium hominum, vel conveniunt in quodam conceptu sibi proprio singularitatis humanæ: vel non plus singularitas Petri convenit cum singularitate

Pauli,

*Secundo loco res-
ponsum tra-
ditum pro-
batum.*

Se&ct. XI. Vtrú singul perf. præscin. à natura. 233

Pauli, quàm cum singularitate huius equi, huius lapidis, huius albedinis. Neutrum commodè dici posse videtur, sustinendo distinctionem illam inter singularitatem atque naturam.

Non potest dici secundum, ut hinc incipiamus. Tum quia credi non potest, tam disparatas esse, & non plus convenire, hæcceitates Petri & Pauli, quàm Petri & huius albedinis: & veluti per se notum apparet, plus convenire. Tum quia negari non potest, singularitatem omnium substantiarum esse in se formaliter substantialem, idquæ Scotistæ concedunt, & sinitur ex Scoto in secundo distinctione tertia quæstione quarta; & singularitatem omnium accidentium esse accidentalem; similiter omnium rerum materialium esse materialem, spiritualium spiritualem: ergo dici non possunt omnes hæcceitates esse æqualiter disparatæ absque convenientia in aliquo conceptu intermedio vique ad hæcceitatem communissimè sumptam: sed dantur conceptus peculiare in omnibus generibus & speciebus, quæ eadem erit omnium ratio. Tum etiam si consideretur communissimus singularitatis conceptus, est transcendens super omnia prædicamenta, & in se abstractissimus: ergo contrahi debet per gradus intermedios vsque ad ultimam individua. Nam sicut propterea conceptus entitatis descendit per lineam inferiorum graduum: ita necesse est dicere de singularitate. Et sic dicimus ens in communi; ita etiam singulare in communi. Et sicut dividitur ens in substantiale & accidentale, entitas in substantialem & accidentalem: ita prorsus singulare & singularitas. Et sic in omnibus generibus & gradibus entium.

Nec etiam commodè poterit dici primum. Quia si hæcceitates Petri & Pauli continentur inter se in proximo conceptu hæcceitatis humanæ, per quem differunt ab hæcceitate brutali, & omnis alterius speciei; similiter hæcceitas omnis hominis, & omnis alterius substantiæ conveniunt in conceptu hæcceitatis substantialis; & sic in omnibus alijs entium gradibus: iam negari non poterit, dari differentias intermedias à communissimo singularitatis conceptu vique

ad ultimas singularitates. Nam ita fit coordinatio in gradibus hæcceitatum, sicut in gradibus naturarum. Et eo modo quo contrahitur ens ad substantiam & accedens, substantia ad materialem & spiritualem, & sic deinceps; contrahitur etiam singularitas ad singularitatem substantialem & accidentalem, substantialis ad materialem & spiritualem. Ergo qua ratione ponuntur differentiæ afficientes naturas in contractione earum: ita ponendæ erunt differentiæ afficientes singularitates in propria contractione. Et qualem distinctionem habent differentiæ naturarum ab ipsis naturis: talem habere debebunt differentiæ singularitatum ab ipsis singularitatibus. ut tandem duplex coordinatio, altera naturarum, altera singularitatum, in quolibet prædicamento distinguenda sit. Quod planè est absurdum, & nullo modo dicendum. Hoc totum, inquam, sequitur: si ab initio hæcceitas à natura individui illo modo distingui putetur.

Demum tertio conclusio sic probatur. Sicut consideratur homo communis singularis hominibus, ita considerari & nominari potest homo singularis, v. i. conveniens omnibus hominibus singularibus. Et sic per omnes gradus considerari potest etiam in ipso ente, ens & singulare ens. Quando ergo dicitur singularis homo, qui prædicari potest de Petro & Paulo & singulis hominibus. Vel per ly singularis intelligitur addi aliqua formalitas ratione distincta à natura humana. Vel potius non plus dicit singularis homo, quàm dicebat homo absolute. Primum exitimo nullo modo dici posse: quia in rei veritate homo realiter possibilis, non est nisi singularis homo, & realiter intelligitur quando absolute dicitur homo. Nullaque prorsus ratio occurrit, quæ cogat dicere, hominem singularem addere aliquam formalitatem in communi supra ipsam naturam humanam. Nam rationes quæ probant, dari singularitatem in individuo, nullatenus probant, dari debere istam rationem singularitatis in communi distinctam ab ipsa natura. Sic etià idem prorsus est dicere substantia singularis, ac substantia absolute, acci-

*Tertiorum
sus cõclu-
sio confir-
matur.*

accidens singulare ac accidens absolute, ens singulare ac ens absolute. Oportet ergo dicere secundum, nempe hominem singularem non addere aliquam formalitatem ratione singularitatis à natura humana perfecte præcisam.

Tunc ulterius quando consideramus & nominamus certos homines singulares. Aut intelligitur addi noua formalitas, id est hæcceitas determinata huius indiuidui perfecte præciscens ab illo toto conceptu, qui significabatur per ly singularis homo. Aut non intelligitur addi noua formalitas hoc modo distincta. Primum dici non potest. quia cum in illo conceptu, singularis homo, detur planè conceptus singularitatis in communi: si ly Petrus addit aliquam aliam formalitatem distinctam: ergo planè hæcceitas Petri addit aliquam aliam propriam differentiam ratione distinctam ab hæcceitate in communi. quod nullatenus potest admitti: vt patet ex dictis. Ergo oportet dicere secundum, nempe Petrum non addere supra ly singularis homo aliquam formalitatem eo modo ratione distinctam. Sed nec homo singularis addebat formalitatem eo modo ab humana natura distinctam. Ergo tandem Petrus, siue hæcceitas Petri, non dicit nouam rationem, ab ipsa natura Petri, id est ab humanitate, perfecte præcissione distinctam.

Argumenta aliqua, quæ contra hanc resolutionem possunt obijci, commodius afferemus atque soluemus sect. seq.

SECTIO XII.

Vtrum Differentia indiuidualis imperfecta solum præcissione rationis à natura indiuidui distinguatur.

Concludendum iam est ex dictis, quomodo tandem differentia indiuidualis se habeat ad naturam quam contrahit, & pariter ad indiuiduum quod constituit. Acque dicendum, differentiam indiuidualem imperfectam solum præcissione rationis ab indiuidui natura distingui, Petreitatem ab humanitate, & sic de singulis. Hanc resolutionem non obscure insinuat Durand. in 2. d. 3. q. 2.

Et alij etiam ex Auctoribus qui principium indiuiduationis assignare volebant, ab hac nostra cõcl. non dissentirent. Hæc verò conclusio vltiori probatione non indiget præter ea quæ hæcenus dicta & probata sunt.

Explicatur tamen magis, vt rectè percipiat. Et supponimus iam ex præterita quæst. quænam sit distinctio seu præcisio perfecta aut imperfecta rationis. Hoc supposito, quando consideratur & nominatur certa aliqua singularitas, vltima & propria alicuius certi indiuidui, v. g. Petreitas: non debet intelligi quasi noua entitas condistincta ab humanitate: sed potius formaliter & intrinsecè dicit ipsam humanitatem; ac si diceretur talis humanitas, humanitas Petri: diciturque totam entitatem Petri, quatenus est hic homo singularis. Rursus quando consideratur & nominatur homo seu humanitas in communi: non debet intelligi quasi natura ita præcisà, vt sit formaliter extra rationem differentiarum contrahentium, & tanquam pars quedam indiuiduorum, tanquam pars entitatis Petri: sed potius debet intelligi, quod in se inuoluat totum esse omnium indiuiduorum hominum, implicitè dicens totam entitatem singulorum. Et hoc modo differentia indiuidualis distinguitur à natura, solum per imperfectam præcissionem rationis, penes implicitum & explicitum. Ita videlicet, quod Petreitas expressè dicit & declarat hanc humanitatem Petri: humanitas autem absolute concepta, non hoc dicit explicitè, sed implicitè inuoluit hanc & illam & omnem singularem humanitatem omnium indiuiduorum hominum.

Sicut se habent substantia & accidens respectu entis. Ens intelligitur contrahi ad substantiam & accidens per illas differentias quæ dicuntur perfectas & inaleitatas. Verum perfectas non addit aliquid supra ens, quasi ipsa non includeret ipsum ens: cum potius quicquid dicit, sit omnino ens. Et ipsum ens non præciscit ad substantiam seu à pericitate, quasi non diceret quicquid ibi est: sed ens implicitè dicit omne quod est: substantia autem & pericitas explicitè dicit esse per se. Et alia plura sunt exempla similia.

Explicatur magis.

Cate.

Sect. XII. Vtrū singular. imperf. præsc. à nat. 235

Imo singularitas humana nullo modo ab humanitate distinguitur, & sic de alijs :

Cæterum si sumatur differentia indiuidualis, non quidem vltima & propria certi indiuidui : sed secundum communem aliquam, v.g. si nominetur singularitas humana absolute : apud nos nullatenus distinguetur ab ipsa humanitate : quia perinde putamus esse, dicere humanitatem, atque humanitatem singularem, & singularitatem humanam absolute. Similiter si nominetur singularitas brutalis, singularitas angelica : ac etiā singularitas substantialis. Et si demum, in supremo gradu singularitatis, nullatenus ab entitate distinguitur.

Vnde rationes quæ probabant, & quæ probare possunt, admitenda esse vniuersali : nullo modo probant, nec probare possunt, dari hominem v.g. in vniuersali distincte ab homine singulari in communi. Sed nihil plus probant, quam dari conceptum hominis in quo Petrus & Paulus & alij singuli conueniant : hi autem conueniunt in hoc quod omnes & singuli sunt homines singulares. Conceptus ergo hominis singularis est ijs omnibus adequatè communis. Et non alium video dari debere conceptum hominis in vniuersali. Et negadū est, dari alio modo vniuersali : nec necessariū est alio modo dari : nec possibile iuxta rei veritatem.

An quolibet indiuiduo sit vnica vel multiplex singularitas :

Hinc faciliè resoluetur dubium quoddam circa vnitatem vel multipliciter singularitatis in quolibet singulari. Quod plerique non modicam difficultatem affert. An videlicet in Petro sit vnica singularitas, indiuiduus omnia superiora prædicata : immediate quidem afficiens humanitatem : & quia in humanitate includitur gradus animalis, & in animali gradus vniuersalis, & sic vsque ad ensi hæc omnia per illam vnicam & vltimam singularitatem indiuiduari dicantur. Vel aliter quæ sunt gradus essentielles in Petro subordinati, tot sunt etiam in illo singularitates, vel formaliter a parte rei, vel tantum ratione distinctæ : singulæ afficientes immediate suos gradus, & inter se pariter subordinatæ.

Auctores qui differentias indiuiduantes à natura distinguunt, alij volunt esse vnicam solum in quolibet singulari. Ita Fonf. 5. Metaph. cap. 6. q. 5. sect. 3. ad 4. & Snar. disp. 6. Metaph. sect. 9. num. 15. & 16. alij esse multiplicem. Sed vtrique

non leui difficultate premunur. Illi qui volunt esse vnicam, opponunt contra alios, quod frustra & sine necessitate plures multiplicare malint, quando vna sufficiebat : difficilioremque reddant suā sententiam apud aduersarios, qui cum nō vnicam quidem singularitatem admittant, audire eoganur tot singularitates in quolibet indiuiduo. Et alia quæ Suarez congerit. Qui autem volunt, esse multiplicem, dicunt sic esse coherentem philosophandum : quoniam si absolute loquendo datur singularitas à natura distincta : cum non solum dicere valeat, homo singularis, sed immediate etiam dici possit, animal singulare, hoc animal, substantia singularis, hæc substantia : & sicut animal præscindit ab homine, ita animal singulare ab homine singulari : ita demū sicut animal ab homine distinguitur, distingui debeat singularitas animalis & hominis, & sic de omnibus gradibus essentialibus in eodem indiuiduo reperiis.

In nostra autem sententia hæc difficultas locum non habet : quia cum non distinguamus vltimam singularitatem ab indiuiduo, Petre itatem à Petro, & sic etiam non distinguamus alias denominationes singularitatis à gradibus superioribus, singularitatem humanam ab humanitate, substantialem a substantia : non alias singularitates agnoscere cogimur præter ipsos gradus essentielles. Nec a iam nouam distinctionē inuicere præter eam quæ est inter ipsos gradus essentielles, vel penes perfectam, vel tantum imperfectam præcisionem rationis, iuxta conditionem & assignationem ipsorum graduum, ex doctrina quæst. præcedenti iam tradita.

Resolui etiam potest aliud dubium, quod eisdem vexat Auctores, an differentia indiuidualis sit magis vel minus nobilis & excellens quam ipsa natura. Alij dicunt esse magis, quoniam ad instar formæ actus perficitur naturam Alij dicunt esse minus, quoniam est differentia materialis potius quam formalis, subijctique rem omnibus superioribus prædicatis. Hoc autem apud nos difficultatem non habet. quia cum non distinguatur à natura, nisi per maiorem expreſſionem conceptus, talem comparationem non

An differentia indiuidualis sit excellentior natura communi.

solui.

fulcipit; sed talis est ipsa differentia, qualis est ipsa natura.

*Comparatur
conflatio in
individui
ex natura
et singulari-
tate cum
compositione
speciei ex
genere et
differentia*

Contra hanc nostram resolutionem. Obijcies primò. Sicut in specie reperitur compositio ex genere & differentia, ob distinctionem rationis cum perfecta præcisione inter naturam generis & rationem differentie: ita etiam in individuo debet per distinctio & compositio admitti ex natura speciei & differentia individuante. Probatur consequentia à paritate rationis: quia tota ratio cognoscendi & concedendi illam distinctionem in specie, sumpta est ex eo quòd videmus, unam speciem cum alia partim convenire, partim differre: sed idè reperitur in individuis sub specie coniectis: ergo idè de illis dicendum ac sentiendum est.

Respondetur primò, nec semper in specie reperiri compositionem & distinctionem rationis cum perfecta præcisione: sed sæpe reperiri solum distinctionem penes implicitum & explicum. Et præteritum si differentia sit ita propria speciei, ut nulli alteri conveniat, non perfecte præcinderet à natura generis. Secundo etiam si in specie admittatur talis compositio & distinctio, est adhuc neganda in individuis. Nam poterunt quidem reperiri gradus essentialis, quorum unus formaliter non includat alium: qui possunt esse gradus determinati & præcisi. Sed ratio singularitatis, ut nos dicebamus, necessario inest omni gradui, estque per omnia transcendens, atque ita in omnibus imbibetur, ut distinguui non possit singularitas humana ab humanitate, substantialis à substantia, & sic de omnibus. Vnde Suarez ipse num. 19. ait, naturam generis, non solum prout mente abstractam, sed etiam prout in re existentem, posse præcindi & ratione distinguui à differentia specifica. Naturam autem specificam, solum prout mente abstractam, & non prout in re existentem, posse ratione præcindi à differentia individuali. Hanc ergo præcisionem non immerito nos dicimus esse tantum imperfectam per consusam conceptionem individuorum per modum unius.

*Comparatur
differentia in
individuo*

Obijcies secundo. Sicut reperiuntur alie differentie constitutionis & distinctionis rerum: nec propterea sequitur, ipsas differentias debere per alias con-

stitui atque distinguui; sicque procedi debere in infinitum. Ita dari poterunt differentie individuantes à natura distinctæ: nec propterea sequatur, in illis alias esse rursus differentias distinguendas.

Respondetur primò, alias etiam rerum differentias reperiri, quæ solum per imperfectam præcisionem distinguuntur à rebus: & de quibus, si perfecta præcisione dicerentur distinguui, pariter sequeretur, in illis fore alias differentias distinguendas, & sic in infinitum: illis ergo comparandæ sunt differentie individuantes.

Secundo. Difficile non est, disparitatem asserere inter illas differentias, quæ perfecta, & illas quæ imperfecta solum præcisione distinguuntur à rebus. Illæ enim quæ non sunt secundum se vicinæ & propriæ talis rei, poterunt perfecta præcisione distinguui ab alio gradu in eadem re inueni. Sed quæ sunt propriæ & vicinæ rerum, dicunt totam rei entitatem. Vnde non possunt perfecta præcisione distinguui. Item illæ, quæ non necessario comitantur gradum, aliquem essentialem, sed reperiri possunt ubi non sit talis gradus essentialis, & ipse gradus essentialis possit reperiri ubi non sint tales differentie: perfecte præcipient. At illa præcipue differentia quæ se habet transcendenter ad omne entitatis gradum: sicut est differentia essentialis, quia nullum ens reperitur nisi singulare, nulla substantia nisi singularis, nullus homo nisi singularis & sic de omnibus: nec potest nec debet a rerum naturis perfecta præcisione distinguui. Demum tunc differentia ab alio naturæ gradu distinguatur, absque eo quòd sequatur, esse rursus in ipsa differentia aliam differentiam distinguendam: quando datur fundamentum tale primæ differentie eo modo distinctæ, quod non pariter suadeat aliam differentiam vterius debere distinguui. Sed quando non est aliud fundamentum, nisi tale, quod si ab initio vim haberet, consequenter traheret rem in infinitum, unde appareat nullam vim habere: tunc patet non fuisse ab initio illam differentiam eo modo distinguendam.

Obijcies tertio. Ex dictis sequi videtur, non debere, nec posse distinguui, ens uniuersale & singulare, substantiam uniuersalem & singularem, & sic de cæteris.

*Explicatur
distinctio inter
uniuersalem
et singularem*

Dixi.

le et singulari.

Diximus enim, idem esse dicere, substantiam ac substantiam singularem, &c. Consequens autem non solum est contra Aristot. & omnes Philosophos distinctè loquentes de vniuersali & singulari, & distinguentes substantiam primam & secundam: sed etiam contra nos ipsos, qui non solum hanc distinctionem passim supponimus, sed duos integros tractatus iam nunc distinguimus de vniuersali & singulari.

Respondetur. Quando nominatur singulare, dupliciter posse sumi. Vno modo secundum suppositionem absolutam seu simplicem, ita vt sumatur pro singulari in communi, quod vtrique prædicatur de omnibus singularibus. Alio modo secundum suppositionem personalem, ita vt intelligatur accipi pro hoc & illo & alio singulari. Primo modo vtrò concedimus, non distingui singulare & vniuersale. Secundo modo concedimus distingui vniuersale & singulare. Quod idem est, ac dicere. Ens potest sumi, vel in vniuersali complectendo omnia entia, vel in singulari pro certo aliquo ente hoc aut illo. Homo potest sumi siue etiam apud nos homo singularis, potest sumi: vel communiter complectendo omnes homines singulares secundum conceptum consulum in quo conueniunt. Et sic sumitur in vniuersali. Vel determinatè pro certo homine, pro hoc, illo, alio, & sic de singulari. Hoc modo sumitur in singulari, prout singulare ab vniuersali distinguitur. Et ita saluamus distinctionem substantiæ primæ & secundæ, entis vniuersalis & singularis, & sic in omnibus rerum gradibus.

Quomodo dici possit singulare est vniuersale.

Obijcies quartò. Ex hac nostra doctrina rursus sequitur, valere dicere, singulare est vniuersale, homo singularis est vniuersalis: quod videtur contradicere in terminis. Nam è contra verum est dicere, singulare non est vniuersale, homo singularis non est vniuersalis, & similia.

Respondetur. De singulari, seu de homine singulari sumpto secundum suppositionem absolutam seu simplicem, verum esse dicere, quòd sit vniuersale: sumpto autem secundum suppositionem personalem pro hoc aut illo, valet dicere, quòd non est vniuersale. Neque illud est mirum, aut ex nostra sententia

nouum: quia omnes tenentur fateri, singulare illo modo sumptum, esse commune multis, est prædicabile de pluribus, esse diuisibile & multiplicabile in plura, esse transcendens. Quæ non minus singulari repugnare videbantur. Imo vtriusque, si quis inferat, ergo singulare illo modo sumptum non est singulare: id erit ab omnibus concedendum, sumendo singulare ex parte subiecti illo primo modo, ex parte prædicati secundo modo. Quod idem est, ac dicere: singulare, prout est commune singularibus, non est incommunicabile pluribus; & prout est vniuersale seu commune, non est certum aliquod determinatum singulare.

Obijci adhuc possunt alia difficultates, communes ad præcisionem generis à differentiis. De qua tamen re proprio loco agemus.

SECTIO XIII.

Vtrum Differentia indiuiduantes,

Et Indiuidua sub certa specie, sint in sua entitate intrinseca, prorsus similia.

Sensus huius dubij est, an differentia indiuiduantes, ipsaque indiuidua constituta per eas intra suam speciem, ita in omnibus & per omnia conueniant, quòd solum differant & distinguantur in eo quòd differentia indiuiduantes sunt hæc & illa, & indiuidua sunt hoc & illud: vel possint aliquam aliam disconuenientiam habere, per quam differant in sua scilicet entitate intrinseca: quia aliqui manifestum est in variis accidentibus, & denominationibus, quæ non sunt de intrinseca entitate eorum, sine difficultate posse differre.

Ratio dubitandi est Quia ex vna parte videtur, indiuidua quæ eiusdem speciei censentur, posse differre plusquàm per esse hoc & illud: posse scilicet differre vel per respectus intrinsecos ad diuersos terminos, vel per aliquam aliam huiusmodi diuersitatem. V.g. actus visionis quo cõspicitur albedo A, ab actu visionis quo cõspicitur albedo B, non solum differre, eo quòd

Ratio dubitandi pro parte negativa.

sunt hæc & illa visio: sed eo etiam quod vna sit visio albedinis A, alia albedinis B. similiter in actibus aliorum sensuum, & intellectus, ac voluntatis. Item actiones quibus efficiuntur vnus & alius ignis, & motus locales, atque præsentia, quibus res mouetur aut quiescit in vno aut alio loco. Aliaque possunt asserri huius generis exempla.

*Pro parte
affirmati-
ua.*

Ex alia parte videtur, indiuidua quæ tali modo differunt, differre plusquam numero, differre specie: atque adeo indiuidua quæ solo numero differant sub certa specie, debere esse prorsus similia, & in omnibus ac per omnia conuenire; solumquæ differre posse per esse hoc & illud. Nam in istis exemplis allatis, hæc visio albedinis A, plus differt ab alia visione albedinis B, quam ab alia visione eiusdem A: ergo differt plus quam numero, differt specie. Item hæc & illa & omnis alia visio albedinis A, conueniunt in hoc conceptu visionis terminata ad albedinem A, per quem differunt ab alijs visionibus terminatis ad albedinem B. Et iste conceptus est intrinsecus ipsis visionibus, & non est variabilis: quia fieri non potest, vt illa ipsa visio quæ respicit albedinem A, transeat ad respiciendam aliam: ergo talis conceptus est essentialis omnibus illis actibus visionis. Cumquæ dicatur de pluribus actibus numero differentibus, planè est species prædicabilis secundum definitionem Porphyri. Nec apparet quid illi desit ad rationem talis speciei. Itaque omnis visio albedinis A, differt specie ab omni visione albedinis B. Ergo iam illæ solæ visiones differunt numero, quæ sunt ita prorsus similes & conformes, vt habeant idem obiectum, & in cæteris assimulentur, ac solum differant in hoc quod sunt hæc & illa visio: & si plus quam per hoc differunt, hæc differentia erit specifica, non numerica. Et sic in alijs exemplis allatis, & omnibus alijs rebus.

In hac re non inuenio alias Auctorum sententias: nisi quod ea quæ in exemplum allata sunt, tanquam certæ rerum species nominari solent: v. g. motum localem in quacunque parte fiat, præsentiam localem in quacunque parte sit, visionem cuiuscunque albedinis, & sic de similibus, esse vnâ speciem. Accedunt etiam

ij qui affirmant, posse intra eandem speciem indiuidua inæqualis perfectionis intrinsecæ contineri, vt referemus sect. seq. Alij qui è contra id negant, coherenter sentire debent, omnia indiuidua sub infima specie debere esse prorsus similia, & aliqui differre specie.

Pro resolutione huius rei distinguendum videtur: speciem, quantum ad præsentem causam pertinet, dupliciter posse sumi: vno modo logicè: alio modo physice. Speciem logicè sumptam intelligimus pro specie infima prædicabili: quæ ita de pluribus differentiibus numero prædicatur, vt sit primum ac proximum prædicatum intrinsecum, in quo ipsa indiuidua conueniunt, nullaque alia dentur prædicata media inter talem speciem & vltima indiuidua. Specie physice sumptam intelligimus, quæ à Philosophis in suis tractatibus, sive etiam à Theologis in rebus theologicis, tanquam vna certa species reputatur: quia nimium ad suas tractationes ita expediat illam, vsurpare. & de illa tractant tanquam de specie ab alijs distincta, & non tractant sub illa vterius de diuersis sub ea contentis, quasi de diuersis alijs speciebus.

Isse autem hanc distinctionem admittebam, quod aliquæ physico modo dicantur species, & non logico modo, patet: quia satis notum est, in sententia S. Thom. & sequacium dici omnes Angelos differre specie, ita vt qualibet species naturæ angelicæ in vno tantum indiuiduo reperiri possit, vbi patet hanc dici speciem, quæ tamen non de pluribus differentibus numero more logico prædicatur: non dicitur ergo species logicè loquendo.

Vnde duplici ex capite fieri potest, aliquam dici speciem physice loquendo, non autem logicè. Vel per defectum, communis, quia non sit prædicabilis de pluribus differentibus numero, vt in exemplo posico. Vel per excessum communis, quia scilicet non sit infimum & proximum prædicatum indiuiduis commune: sed inter ipsum & vltima indiuidua mediant adhuc alia communia prædicata: tanien adhuc physice loquendo dicatur species, quia videlicet in tractando de rebus illis, in illo conceptu

*Species du-
pliciter su-
mi potest,
vel logicè
vel physice.*

SecT. XIII. Vtrū singular. sint prorsus simil. 239

fistitur, nec descenditur ad consideranda distinctē alia inferiora predicata. Quod rursus pluribus rationibus accidere potest. Vel quia hæc inferiora predicata multiplicari possunt in infinitum. Vnde locū habebit regula illa Platonis, qui vsque ad specialissima descendere iubetur, ibique quietere, infinita verò quæ sub illis distinguī poterant relinquere, quoniam non potest eorum haberi scientia. Vel quia tanta sit convenientia inferiorum in illo conceptu communi, aut connexio inter se, & similitudo proprietatum & passionum; ut in illo sitendum esse tanquam in vltima specie merito iudicetur.

Hoc supposito Dico primò, sub specie logicè sumpta omnia indiuidua debere esse in omnibus intrinsecis predicatis prorsus similia, & in omnibus ac per omnia conuenire: solumquē posse differre atque distinguī per esse hoc & illud. Hæc conclusio planè conuinci videtur ex ratione dubitanti pro secunda parte adducta. Quoniam si plus differant vel oporteret dicere in ea vltiori ratione in qua hoc indiuiduum differret ab illo, non conuenire cum quopiam alio indiuiduo, sed esse vnicum & solum in illa ratione: & ita illa ratio non constitueret speciem prædicabilem de pluribus numero differentibus: sed constitueret vltimam differentiam indiuiduantem. Vel si cum aliquo alio conuenit in illa ratione, ut supponimus; iam ab illo quidem solo numero differret: ab alijs autem cum quibus in illa ratione non conuenit, imo per illam differt, iam differt specie. Quoniam illa ratio erit species prædicabilis quæ dicitur de pluribus numero differentibus quæ sub se coninet. Et, ut præter exemplum actuum vitalium, in aliquo alio exemplo hoc demonstremus, præsentia v.g. localis affixa certo spatio, quæ inest huic corpori dum est in hoc spatio; intrinsecè per entitatem suam affixa est huic spatio, ita ut per nullam potentiam in alio spatio posset locare corpus, quia esset manifesta implicancia in terminis. Si ergo vna sola numero præsentia esset possibilis ad locandum corpus in hoc spatio, tunc dici posset numero differre per suam vltimam angularitatem ab omni alia præsentia lo-

catua eiusdem corporis in alijs partibus spatij: sed sic est, quod sunt possibiles plures & plures præsentia, omnes respicientes idem illud spatium, ibique locatiua eiusdem corporis, & de facto extant saltem successiue, quando corpus inde discedit, & rursus illò redit: ergo hæc præsentia conuenit cum alia præsentia affixa illi spatio, in hoc conceptu intrinsecò qui est respicere tale spatium, per quem conceptum intrinsecè differt ab omni alia præsentia respiciēte omne aliud spatium. Et ille conceptus prædicatur intrinsecè de omnibus alijs præsentijs in illo spatio possibilibus. Igitur ille est conceptus specificus, est species prædicabilis, & hæc præsentia solo quidem numero differet ab illis alijs præsentijs, cum quibus per omnia conuenit, etiam inquam in respiciendo hoc spatium; & à quibus solum differt, quia est hæc præsentia, & illa est illa, alia est alia, respectu eiusdem spatij: ab omni autem alia præsentia à qua plus differt, scilicet in respiciendo vnam & aliud spatium, iam differt plusquam numero, & differt specie logicè prædicabili. Igitur sub specie infima logicè prædicabili indiuidua debent in omnibus conuenire & assimilari, solumquē differre possunt eo modo quo diximus. Cæterum multò plura & validiora pro hac assertionē asseremus sect. seq. quia res est communis cum aequalitate indiuiduorum intra suam speciem.

Dico secundò. Posse prædicatum aliquod physicè sumi tanquam vnam speciem, sub qua contineantur indiuidua, quæ non in omnibus sint similia, sed differant plusquam per esse hoc & illud. Hæc concl. sequitur ex ratione dubitanti pro prima parte adducta: & deseruiet ad saluandum communem loquendi & philosophandi modum. Et alia probatione non indiget, præter rationes supra redditas, quare soleat hoc modo sumi species, & præter exempla ipsa allata. Nam præsentia localis corporum tanquam vna species à Philosophis accipitur. Similiter actio productiua ignis, actio productiua caloris. Actus visionis circa certam speciem coloris: & sic de omnibus actibus vitalibus circa certas species obiectorum. Relatio similitudinis alicuius rei ad alias res eiusdem speciei,

Sub specie logicè sumpta omnia indiuidua debent esse prorsus similia.

Sub specie physicè sumpta possunt plus minusve assimilari.

ciei, v. g. albedinis ad alias albedines, in sententia distinguente relationes etiã in eodem subiecto ad multos terminos. Et sic in alijs huiusmodi exemplis.

Vbi accedit tandem alia ratio, quare physice sic sumantur hæ species: quoniam huiusmodi entia quæ essentialiter respiciunt alias res tanquam terminos, dicuntur specificari per ipsos terminos seu obiecta. Vnde quando obiecta & termini non distinguuntur specie: omnia illa quæ conueniunt illi respiciendo certam speciem obiecti aut termini, considerantur tanquam vnus speciei, nec Philosophi curant descendere ad distinguendas sub illis prædicatis varias species. Plura demum pro hac tota re videnda sunt scilicet sequenti.

SECTIO XIV.

Vtrum Differentia indiuiduantes,

Et Indiuidua ratione ipsarum, sint in sua perfectione intrinseca intra eandem speciem æqualia vel inæqualia.

*Quæstio-
nis sen-
sus.*

NON querimus de inæqualitate accidentali, nec etiam intensiua, aut extensiua indiuiduorum. Nam sic perspicuum est, illa indiuidua quæ accidentalibus perfectionibus exornantur, solere esse ex hac parte inæqualia: vnus homo fortior, pulchrior, doctior alio: illa etiam quæ extensionem admittunt, esse aliud alio magis aut minus intensum vel extensum: calor vt octo est intensior calore vt septem, linea bipalmaris est longior palmari, & sic de alijs similibus: & in his valet illa regula, magis & minus non variat speciem. Sed tantum difficultas est de perfectione intrinseca & entitatiua, quæ in singulis indiuiduis variari non potest, & consistit in differentijs indiuiduantibus constitutiujs ipsorum singularium.

*Sententia
affirmans
esse inæ-
qualia.*

Est sententia asserens, differentias indiuiduantes intra eandem speciem esse intrinsece inæqualis perfectionis, acque adeo ipsa indiuidua. Et quoniam hæc res præcipue de animabus rationalibus disputari solet: ita tenent omnes qui volunt, animas rationales esse intrinsece

indiuidualiter inæquales. Tenet Caiet. 1. par. quæst. 85. art. 7. & alij non pauci. Ac nouissimè defendit noster Gueziara lib. 1. de Inter sensu tract. 7. cap. 5. Et videtur sententia S. Thom. ibi, & in 1. d. 32. q. 2. art. 3. & alibi. Potest autem hæc sententia duplicem habere sensum. Vel quodd necesse sit, omnia indiuidua intra quamlibet speciem esse inæqualia, & repugnet duo æqualia reperiri. Ita interpretatur sententiam eorum Auctorum Fons. 5. Metaph. cap. 12. q. 16. Vel solum quod possint indiuidua esse inæqualia: non tamen hoc sit necessarium, sed possint etiam æqualia reperiri. Nec in omni specie possint esse inæqualia: sed tantum vbi appareat fundamentum & modus talis inæqualitatis. Et in hoc porius sensu equidem arbitror, Auctores illius sententiae esse loquutos.

*Sententia
affirmans
esse æqua-
lia.*

Opposita sententia asserit, omnia indiuidua eiusdem speciei necessariò esse intrinsece in sua differentia & entitate indiuiduali prorsus æqualia: nec posse intra eandem speciem vnum indiuiduum esse alio in sua entitate magis minusve perfectum. Ita sentire videntur omnes qui negant, animas rationales esse intrinsece inæquales: significant enim inæqualitatem inter indiuidua eiusdem speciei non esse possibilem. Et ita vniuersaliter sentit Fons. loc. cit. Fauet S. Thom. 1. par. q. 93. art. 3. ad 3. dicens, non participari speciem substantiæ à diuersis indiuiduis secundum magis & minus. & Quodl. 3. art. 6. respondens ad argum. ait: *In eadem specie non potest esse vnum prius alio* propriè loquendo in ordine naturæ, quia species prædicatur æqualiter de omnibus indiuiduis. Fauet etiam Arist. 3. Metaphys. tex. 11. dicens, in indiuiduis vnus speciei, non esse aliud prius, aliud posterius: & per prius & posterius planè intelligit magis & minus perfectum, ait enim: *Vbiunque aliud melius aliud deterius est, prius est quod melius est.* Neque benè dicunt aliqui, Arist. & S. Thom. tantum voluisse, indiuidua non esse inæqualia in ipsa natura specifica: non verò negasse, esse inæqualia in iis differentijs indiuiduantibus. Nam simul ijsdem locis docuerunt, inter species eiusdem generis dari prius & posterius: & quod affirmarunt de speciebus, negarunt de indiui-

Se^{ct}. XIV. Vtrū singular. sint prorsus æqual. 241

indiudivis. Sed certè species sunt inæqualia, quæ per suas differentias specificas, & non in ipsa natura generica: non enim homo est magis animal quàm brutum; sed rationalitas est irrationalitate perfectior. Ergo maximè negare voluerunt, indiudiva esse in suis differētijs indiudivalibus inæqualia.

Dico primò. Nō est necesse omnia indiudiva alicuius speciei esse inæqualis perfectionis indiudivalis: sed possunt intra quamcunque speciem æqualia prorsus indiudiva reperiri. Probarur concl. 1. quia intelligitur optimè, indiudiva eiusdem speciei esse posse distincta, absque eo quod indiudivalis differentia vnius sit perfectior & excellentior differentia indiudivali alterius: sed eò solum quod sint hoc & illud & aliud indiudivum: licet inter se prorsus equalis perfectionis. Nec est alia ratio vnde provenire possit tam necessaria inæqualitas. Nulla què repugnantia reddi potest, cur non possit Deus plura & plura indiudiva prorsus æqualia intra eandem speciem continere. Et dato quocunque indiudivo, nullo modo est dicendum non esse possibile aliud æquale, solumquè esse possibile aliud magis aut minus perfectum in tali specie.

Secundo. Illi Auctores qui faciunt indiudiva inæqualia, maximè id propter animas rationales docuerunt; & volunt, aīas esse indiudivaliter inæquales, quia vna respicit & informat corpus melius dispositum quàm alia. Sed adhuc in eorum sententia negari non potest, posse vnum aliquod corpus æquali prorsus dispositione cum alio esse affectum, quia hæ dispositiones cōstitunt in qualitatibus & proportionibus organorū corporis: possunt autè sine dubio hæ qualitates & proportionēs æqualiter se habere in vno & alio & pluribus corporibus: nullaq. ratione oppositum dici potest. Ergo iuxta eorum sententiam poterunt animæ æquales indiudivaliter reperiri. Et similiter nulla alia species erit, in qua non nisi inæqualia indiudiva multiplicari queant. Nullumquè intra quamcunque speciem indiudivum reperitur, cui solum inæqualia, non autem æqualia indiudiva, allociari possint.

Dico Secundo. In quibusdam rerum speciebus non possunt indiudiva esse inæ-

qualia, sed necessariò debent esse æqualia, etiam iuxta sententiam eorum qui animas rationales faciunt inæquales. Probarur concl. 1. quia aliquè rerum species sunt, in quibus non apparet, vnde aut quomodo, posset hæ inæqualitas desumi atque saluari. V.g. in ipsa materia prima, hæc & illa materia indiudivaliter distinguuntur; & certè non apparet, quomodo possit hæ materia esse aut dici in sua entitate indiudivali magis minusve perfecta quàm illa. Similiter non apparet, quomodo hæc quantitas possit esse excellentior illa, nisi aut quia sit maior, quæ est inæqualitas extensivæ; aut quia sit melius figurata vel affecta, quæ non est inæqualitas intrinsecæ per indiudivales differentias quantitatis, sed per alias affectiones accidentales. Item non apparet quò hic calor, hoc frigus, hæc albedo, hæc lux, & similia, possint præ alijs indiudivis earundem specierum excellere, nisi per maiorem intensiōem. In huiusmodi ergo speciebus non possunt indiudiva per intrinsecas differentias indiudivales inæqualia reperiri.

Secundo. In tantum illi Auctores dicebant, esse animas inæquales, inquantum videbant animas informare corpora inæqualiter affecta, & aliam alia melius ac perfectius operari. Sed in quamplurimis rerum speciebus nihil tale invenitur, aut inveniri potest. V.g. quælibet materia est de se æquè indifferens ad omnem formam omnemquè dispositionem, siue magis siue minus robilem & perfectam. Multæ aliz formæ, tam substantiales, quàm accidentales, non habent huiusmodi respectus, quibus dici possint affixæ inæqualibus subiectis aut dispositionibus. Et in qualitatibus quæ suscipiunt magis & minus, tota diversitas saluari potest per inæqualitatem intensiōis. Vnde inter duos primus gradus eiusdem qualitaris, & sic inter reliquos, nō potest inæqualitas perfectionis intrinsecæ reperiri.

Deinde ve videamus, num absolutè possint sub aliqua specie inveniri indiudiva inæqualis perfectionis, & nostram in hac re sententiam proponamus: supponenda est distinctio tradita scē. præced. qualiter species sumi possit, vel in rigore logico pro infima specie prædicabili, vel physicè magis amplè.

Dico

ciobus nō possunt indiudiva esse inæqualia.

Nō est necesse, omnia indiudiva speciei esse inæqualia.

In quibusdam speciebus

*In nulla
specie logi-
cæ sumpta
posse esse
indivisi-
dua inæ-
qualia.*

Dico ergo 3. Sub nulla specie infima logicæ sumpta possunt inveniri aut multiplicari individua inæqualis perfectionis intrinsecæ per suas differētiās individuatæ: sed necessariò oīa debent esse in sua entitate individuali æqualia. Conclusio- nem hanc probare nolumus ijs rationibus quibus Auctores posterioris sententiæ illam confirmare nituntur. Et quia contra sequentem nostram conclusionem possent opponi, postea soluentur.

*Quia vel
debent ef-
se omnia
inæqualia
vel om-
nia æqua-
lia.*

Sed fundam. huius cōcl. nobis est. quia vel dicere oporteret, omnia individua, speciei hoc modo sumptæ esse inæqualia, nec posse duo æqualia inveniri. Aut dicere oportebit oīa esse equalia, nec posse duo intrinsecè inæqualia reperiri. Ex his duobus magis eligendum est hoc secundum: quia, ut iam ostendimus, non est credibile, non posse in quacuncq. specie prædicabili, unicuique individuo dato aliud & alia æqualia associari.

Oportere aut alterutrum ex illis duobus asserere, sic probamus. Nō aliud mediū inter illa excogitari pōt, nisi dicēdo: posse intra speciem, signando certū aliquod individuum, reperiri alia ipsi æqualia, & alia magis aut minus perfectā. Si autē hoc dicatur. Iā consideretur omnia individua inter se equalia in certo perfectionis gradu, & alia rursus inter se æqualia in alio, aut maiori, aut minori perfectionis gradu, & sic de omnibus perfectionis gradibus intra illam speciem possibilibus. Tunc planè probamus intentum, quia in his individuum classibus, dantur hi cōceptus & hæc prædicata, individuum tantæ aut tantæ perfectionis; v.g. Anima rationalis tantæ perfectionis: quilibet ex his cōceptibus est cōis omnibus singularibus participatibus intrinsecè eī perfectionis gradum: ergo hic est cōceptus proximè cōis ipsi singularibus, qui prædicatur de pluribus numero differentibus: ergo hic est cōceptus speciei infimæ prædicabilis logicè loquendo: & omnia hæc huiusmodi prædicata mediant inter illam primā quæ dicebatur species & vltima individua. Ergo illa non erat species infima logicè loquendo: sed potius habet cōitarem genericam, & proximè dividitur in conceptus illos inæqualis perfectionis: & tandem hi dividuntur in vltima singularia, vultuquē, in singularia inter se intrinse-

cæ paria. Itaq. fieri nō pōt, ut sub cōceptu speciei infimæ logicè sumptæ, individua sint, nisi æqualis perfectionis individualis.

Respondēri pōt 1. ad hoc argum. Illos conceptus designantes certos perfectionis gradus, non esse específicos: quia illa determinatio tantæ vel tantæ perfectionis includitur in differentijs individualibus, quatenus in natura specifica distinctis, & tota illa inæqualitas in solis singularitatibus exercetur: & sic solū sequi, individua esse inæqualia in suis entitatibus singularibus, non autem penes conceptus específicos.

Hæc responsio sibi ipsi repugnat. Nā in ipsis entitatibus seu differentijs individuarū attendi debent duo cōceptus. Vnus est quo individua habent entitatē tantæ perfectionis in certo gradu. Alius est quo individua est hoc aut illud. In primo cōceptu conveniunt oīa talia individua. In secundo distinguuntur. Ergo primus ille cōceptus non est differentia individualis huius aut illius individui: sed planè est cōceptus specificus, de pluribus differentibus numero prædicabilis. Et differentia individualis solum erit vltima hæcitas, qua dicitur individui esse hoc aut illud. Ergo iā illa determinatio tantæ aut tantæ perfectionis, dici nō pōt includi in differentijs individuantibus prout à natura, specifica distinctis, seu prout ab omni gradu cōi atq. cōicabili distinguuntur. Et illa inæqualitas dici non pōt in solis differentijs individuarū exerceri: nisi dicerent, nullum individuum posse æquale alteri, cum eoquē conveniens in gradu illo tantæ perfectionis, reperiri.

Respondēri pōt 2. addendo ad præcedentē responsionē, vltimam hæcitatē huius aut illius individui, non distingui perfectā præcisione rōnis ab illo cōceptu qui importabat determinationē tantæ perfectionis: sed ad summum posse distinguī eo modo quo hæc singularitas à singularitate in cōi. Et idē dici determinationē illā tantæ perfectionis includi in ipsis singularitatibus. Et propterea conceptū illū non habere cōitarem specificā nec vnuocam respectu suorum individuum, sed tñ analogicā: quia ad cōitarem specificā & vnuocā requiritur perfectā præcisio. Et idē nō impedire, quominus prima illa quæ dicebatur species, sit propriè species logicè

*Alioquin
qua ma-
qualia
sunt, dis-
sunt species.*

*Atq. si di-
catur inæ-
qualitas
includi in
ipsis dif-
ferentijs in-
dividuan-
tibus.*

Secſt. XIV. Vtrū Singular. ſint prorfus æqual. 243

logicè loquendo, dum iam non habet ſub ſe alias ſpecies prædicabiles.

Non minuitur diſſimilitas.
Hæc reſponſio eſt adhuc inſufficiens, nec ſibi ſuiq. fundamentis cohæret. Et primò non pot habere locū in noſtra ſententia, quia vniuerſaliter dicebamus, differentias indiuiduantes nò diſtingui perfectà præciſione à natura ſpecifica, & non plus diſtingui quā ab ipſa ſingularitate in cōi. Vnde conceptus ille dicens determinationem tantæ perfectionis, non minùs habebit communiter vniuocā & ſpecificā, quā omnis alia natura ſpecifica.

Imo augeatur.
Secūdo deinde hæc reſpōſio facit mediare conceptus analogos, & ideo nō ſpecificos, inter illā quā dicit ſpeciem, & vltima indiuidua: atque adeò lateri cogitur, ſpecie immediatè diuidi in cōceptus illos analogicos, immediatè ad illos deſcendere & contrahi, ac per illos tandè ad vltima indiuidua. V. g. Aia prius diuidetur in aiam tantā, aut tantā perfectionis. Et poſtea aia tantæ perfectionis diuidetur in hanc & illā aiam. Vnde adhuc illa ſpecies non eſt proximū & vltimū prædicatū cōe indiuidui: niſi fortè minis abſurdū ſit, interponere cōceptus hos analogicos quā vniuocos. Equidè arbitror, potius eſſe abſurdū, cōceptus analogicos interponere. Quia ex quo incipit contraſtopremi gradus vniuoci ad inferiora: ſemper fieri debet per gradus vniuocos intermedios, non aut analogicos, vſq. ad vltima indiuidua. Neq. apparet, quare nō præſtet dicere, illos cōceptus eſſe vniuocos ſicut cæteros. Et eos qui hoc dixērunt, nulla ratione in contrarium poterunt conuincere aduerſarij.

Nec dicitur coherenter.

Tertiò præcipuè eadè prorfus rō eſt de vltimis hæcceitatibus indiuiduorū reſpectu illius conceptus cōis, quæ in vniuerſū eſt de ſingularitatibus rerū reſpectu naturæ ſpecificæ: ergo vel oēs, vel nullæ, dici debent perfectà rōnis præciſione eſſe diſtinctæ. Eſſe aut eandè rōnē patet. quia ita indiuidua æqualis perfectionis cōueniunt in illo conceptu cōi, ſicut cōuenire ſolēt indiuidua in natura ſpecifica: & ſubinde per hæcceitates proprias diſtinguitur: & oia alia paria ſunt. Quod v. magis appareat: dicamus nos, ita eſſe in vniuerſum de rerū hæcceitatibus ſentendū, videlicet non diſtingui à natura ſpecifica: vt videamus quā rōnem opponat. Et ſta-

tim eadè rō paribus vicibus retorquebitur cōtra id quod dicitur hæcceitates vltimas non eſſe ab illo cōi cōceptu diſtinctas. Et ſi v. hoc defendatur, ſolueur ratio: eadè ſolutione vtetur nos, dum nobis illa ratio opponebatur.

Quartò. Vel illa ratio determinationis tantæ perfectionis, diſtinguitur perfectà præciſione à natura cōi, vel non. Si nō diſtinguitur. Cū rurfus vltimæ hæcceitates dicantur non eſſe ab illa rōne diſtinctæ: ergo nec diſtinctæ ſunt à natura cōi. Et tota reſponſio ruit. Si diſtinguitur. Tunc eadè rō apparebit, vt hæcceitates debeāt ab illo cōceptu tantæ perfectionis eſſe diſtinctæ. Nam ſicut ſe habet ad aiam in cōi differētia quæ additur tantæ perfectionis: ita ad aiam tantæ perfectionis differētia quæ additur talis hæcceitatis. Et quæcūq. rō afferatur: facile oſtenderit, vel vtrāq. diſtinctionē, vel nullam poſſe cōvincere.

Dico 4. Poſſe ſub aliqua ſpecie phyſicè ſumpta, indiuidua inæqualia reperiri, ſeu inæquales indiuiduorū claſſes, quā ſi alia ſit magis, alia minis præciſa, & in quolibet ſuit vel eſſe poſſint plura ac plura indiuidua inter ſe æqualia Concl. probatur exēplis. Et præcipuè exemplo aie rōnalis propter quā maximè hæc inæqualitas indiuiduorū excogitata eſt. Anima rōnalis accipitur phyſicè tanquā vna ſpecies: & facilimè intelligitur, intra hæc ſpecie eſſe poſſibile aliā aiam maioris virtutis in operando ex vi ſua intrinſeca, quæ meliùs vti poſſit organis corporeis, ſpeciebus intentionalibus, ac etiam ſeparatā à corpore meliùs quā alia operari poſſit. Et licet plures ac varij ſint gradus inæquales aie: & in quolibet ex his gradibus plures aie inter ſe prorfus ſimiles & æquales multiplicari poſſint. Similiter in ſpeciebus aliarum animarum, ſenſitiuarum, ac vegetatiuarum. Idem inſuper intelligi pōt in alijs formis. v. g. in ſpecie aquæ, vnam formam eſſe validiorem ad reſtituendas ſibi ſuas qualitates, quando immutata fuerint, aut alijs ſimilibus modis. Et in ipſis qualitatibus, illi qui volunt gradus eſſe æterogeneos, faciunt gradus intrinſecè inæquales: & tamè vna eſt phyſicè ſpecies caloris, vna frigoris: quia omnes gradus inter ſe continuari poſſunt, vt vnus ſit in ſubiecto calor totalis vt octo, frigus vt octo.

Eadem. ratio eſt de omni natura cōi minis in ſingularibus.

Sub ſpecie phyſicè ſumpta poſſunt indiuidua inæqualia reperiri.

Cæterum nō propterea dicimus, rē de facto in huiusmodi indiuiduis ita se habere. Sed modō tantum inquirimus quod possibile est, & ad hūc effectū i exempla ponimus. Quid sit autem de facto sentientium, ad propria rerum loca remittimus.

Iuxta has duas conclusiones fortasse conciliari possūt loca S. Thom. Quādo significauit indiuidua nō posse esse inæqualia, intelligatur iuxta concl. 3. Quādo dixit esse animas inæquales, intelligatur iuxta concl. 4. In sensu etiam concl. 3. debet intelligi Arist. pro 2. sent. allegatus. Plura autē sunt quæ circa animā rationalem specialiter dicenda forēnt. Sed hæc non sunt huius loci: & differenda sunt vsque ad proprium tractatum philosophicum in libris de Anima.

Ex æqualitate singularitatis non sequitur vniuersalitatem

In contrariū Obijcies 1. ad probandū, oēs differentias indiuiduantes esse debere inæquales. Si essent æquales, conuenirent inter se vniuocē: quia quæ æqualia sunt, in quo sunt æqualia, vniuocē conueniunt. Consequens est absurdū: qm̄ vterius sequeretur, differentias indiuiduantes debere per alias differentias esse distinctas: vnde sequeretur tandē processus in infinitū.

Respondetur 1. Hoc argum. in nostra sententia nullā habere vim. Iā enim diximus, qm̄ differentia indiuiduantes in cōceptu cōi conueniant: nec indigeāt aliis differentijs, quibus adinuicē distinguantur. Secundo. In nulla sent. habet vim: quia conuenientia vniuoca nō sumitur ex æqualitate perfectionis. Sed siue differentia sint æquales, siue inæquales, stare pōt conuenientia vniuoca, si aliud nō obstat. Quōd si quid aliud obstat, nō sufficit æqualitas differentiarum ad fundandam conuenientiam vniuocam.

Quædam differentia sunt in indiuiduis, sunt inæquales.

Obijcies 2. ad probandū posse vltimā speciē contrahi ad indiuidua per differentias inæquales. Genus contrahitur ad species per differentias specificas inæquales, quarū vna sit perfectior alia: ergo pariter poterit spēs ad indiuidua vltima cōtrahi per differentias indiuiduantes inæquales.

Resp. Illam speciē apud nos non posse contrahi per differentias inæquales, quæ ita est vltima, vt in suo conceptu intrinseco dicat certū perfectionis gradū: qui, vt supponimus, pōt non solum in vno, sed in pluribus indiuiduis reperiri, & qui etiā dicit totālē æqualitatē inter ipsā indiui-

dua. Vnde patet ex terminis repugnare, talē gradū contrahi per differentias inæquales: et inter talia indiuidua, alia magis, alia minus perfecta in proprijs entitatibus inueniri. Omne autē genus, siue omne prædicatū, quod non determinat certum perfectionis gradū in suis inferioribus, seu in quo conueniunt illa quæ sunt in proprijs rationibus inæqualia, vltro contrahitur per differentias inæquales, & sub se continet species inæqualis perfectionis.

Obijcies deinde 3. ad probandū ex opposito, nec etiā sub specie physice sumpta posse esse indiuidua inæqualia, ex Durādo in 2. d. 32. q. 3. num. 8. In illis formis, in quibus intra eandē speciē dicitur magis & minus perfectum, hoc non pōt esse nisi secundū intensiōem, & secundū magis & minus: ita quōd daretur magis & minus homo, magis & minus ignis. Sed hoc, formis substantialibus repugnat: quia substantia non suscipit magis & minus. Ergo in formis substantialibus est impossibilis hæc inæqualitas.

Ad hoc bene respondet Caiet. Substantia repugnare, vt eadem forma substantialis possit intendi & remitti, possit successiue recipere magis & minus, sicut accidit in qualitatibus. Sed non repugnare, quōd vna forma inuariabiliter sit perfectior alia. Nec propterea sequitur, dici debere magis aut minus homo, &c. quia hoc solum dicitur in qualitatibus: sed tantū dici debere, magis aut minus perfectus homo. Sicut etiam non dicimus, homo est magis animal quā brutum, sed est magis perfectum animal.

Obijcies quartō ex Fonseca. Si indiuidua essent inter se inæqualia, sequeretur Mundum non semper esse æquē perfectum secundū substantiam: quoniam, modō existerent indiuidua nobiliora, modō ignobiliora. Consequens autem est falsum: quia omnes Philosophi docent, & sacra litteræ significant, Mundum esse perfectum & optimē constitutū.

Respondetur in primis negando consequentiam. Quia estis possibilis sine indiuidua inæqualia, atque esto etiam de facto essent: tamen dici posset, pro indiuiduis quæ deperduntur alia æqualia succedere, & sic semper Mundum in eodem statu conservari. Secundo, ad-

Indiuidua substantia, si sunt inæqualia, nō suscipiunt magis & minus.

Nō sequitur, Mundum esse in sua perfectione instabile.

mittendo consequens : & dicendo, Mundum semper esse æquè perfectum secundum species rerum : sed non oportere semper esse æquè perfectum secundum indiuidua. Quod in omnium sententia manifestè probatur. Nam non solum in accidentibus, in quibus etiam Mundus perfectus est & optimè institutus : sed etiam in substantijs, modò existunt plura, modò pauciora indiuidua specierum : modò abundat magis indiuiduis species aliqua magis perfecta, modò alia species minus perfecta. Nec ergo esset inconueniens intra eandem speciem inæqualia indiuidua variari.

Nō sequitur de indiuiduis dari definitiones ac demonstrationes.

Obijcies quòd ex eodem. Si indiuidua essent inæqualia, sequeretur de ijs posse formari definitiones & confici demonstrationes : quia ipsa indiuidua haberent proprias quidditates, proprias etiam passiones. Consequens autem est contra Aristot. & cæteros Philosophos.

Respondetur. Siue indiuidua sint æqualia siue inæqualia, dummodò dicantur proprias differentias indiuiduantes habere : posse hanc difficultatem moueri. Sed non cōuincit : ut patet supra seet. 9. ad 2. Quòd si ratione inæqualitatis sequitur, magis propriè de indiuiduis inæqualibus dari

posse suas definitiones & demonstrationes : iam dicimus, conceptus illos proximos, in quibus omnia indiuidua inter se æqualia conueniunt, esse species prædicabiles. Et de ijs poterit magis propriè definitiones demonstrationesq. concedi.

Obijcies 6. Si indiuidua essent inæqualia, sequeretur quòd dum vnum indiuiduum producit aliud vel minus vel magis perfectum, semper esset causa æquiuoca, non vniuoca. Imò semper deberet producere minus perfectum, si producit inæquale. At inconueniens esset dicere, rerum indiuidua semper in deterius commutari.

Respon. In primis posse produci æqualia ab æqualibus. Secundò. Etiam inter inæqualia, causa dicenda est vniuoca : quia hæc denominatio maximè sumitur ex cōueniētia in specie physice appellata. quæ ratione etiam dum calor ut octo producit calorem ut vnum, dicitur causa vniuoca. Tertiò. Non oporteret semper in indiuidua minus perfecta produci : quia, quæ à causis æquiuocis, v. g. à causis cælestibus, sunt, possunt perfectione præ alijs prioribus effici : & ex cōsortio earundem causarum possunt etiam à minus perfectis indiuiduis interdum perfectiora produci.

Non sequitur indiuidua semper deterius produci.

QVÆSTIO DECIMA.

De Genere.

Oportet iam de singulis vniuersalibus in speciali differere. Et primo loco de Genere. Quod, cum dicatur essentialiter, & in quid, & de pluribus speciebus : proculdubio præcedere debet alia duo quæ dicuntur accidentaliter, & differentiam quæ dicitur in quale, & speciem quæ dicitur solum de indiuiduis : & ob alias rationes quæ faciliè cogitari possunt. Quomodo autem hic accipiat nomen generis, & ex dictis in Institut. & ex textu Porphyrij satis constet.

SECTIO PRIMA.

Quid sit Genus.

Et qua ratione differat ab alijs vniuersalibus.

Quia vt notissimum supponitur, genus esse : statim inquirimus quid sit genus. Et quia satis iam dictum est de vniuersali in quo genus cum alijs cōuenit, solum superest explicare quæ sit

propria ratio generis, per quam ab alijs vniuersalibus discernatur. Vbi etiam satis constat, genus inesse suis inferioribus essentialiter : & per hoc satis differre à proprio & accidenti. Difficultas autem est, quæ sit propria ratio eius, per quam à specie & differentia, quæ etiam essentialiter insunt, distinguatur. De qua re aliquot pauci dicendi modi afferendi & examinandi sunt.

Primus dicendi modus satis frequens inter

*sentia, quæ
nunc esse
quædam
per modum
sævis ma-
terialis.*

inter recentiores Auctores est, propriâ rationem generis, idest vniuersalitatem genericam, in eo sitam esse, quòd natura generica apta est in suis inferioribus tanquam pars materialis essentia reperi. Quia per hoc quòd inest tanquam pars, differt à specie quæ inest tanquam tota essentia: per hoc quòd inest tanquam pars materialis, differt à differentia, quæ inest tanquam pars formalis. Et putant Auctores huius sententia, hunc esse unicum & necessarium modum illa tria vniuersalia distinguendi: & aliqui non sufficienter & essentialiter distinguunt genus à specie eo solum, quòd genus inest pluribus speciebus, species indiuiduis. Quia illa quidem diuersitas sumitur ex parte modi essendi, & ita per se & formaliter se habet. Hæc autem diuersitas non est ex parte modi essendi, sed solum ex parte eorum in quibus genus & species inest, atque adeò per accidens se habet.

*Hæc sententia non
est vera.*

Hic tamen dicendi modus nobis probari non potest, iuxta alia quæ dicturi sumus in sequentibus.

Primo & præcipue, quia supponit, genus & differentiam debere omnino se habere tanquam duas partes essentielles constituentes speciem, ad quod sequitur saltem rationis distinctio cum perfecta præcisione vnius gradus ab alio. At nos postea dicemus, id non esse necessarium. Quin potius genus posse & solere inuoluere totam essentiam rerum à quibus sumitur, non relinquendo differentias à se condistinctas: atque adeò differentias non se habere ad modum partis superaddictæ, sed solum per modum conceptus magis expliciti. Non ergo potest ratio generis eo modo designari, quod habet inesse per modum partis materialis.

*Non bene
distinguit
genus à
specie.*

Secundo vterius, si genus omnino debet habere differentias sibi superaddictas: etiam species dum ad indiuidua contrahitur, debet habere suas differentias singulares: & ita quidem supponunt Auctores illius sententia. Ergo in rigore etiam species est pars, & non tota entitas intrinseca indiuidui. Dicunt autem differentiam indiuidualem esse gradum tantum materiale, non verò formalem & essentialem: ita non obstat, quomodo natura specifica dicatur tota

essentia indiuidui. Sed certe negare non possunt, ita esse intrinsecam & constitutam indiuidui suam differentiam indiuidualem, sicut species suam à differentia specificam. Atque adeò, si essentia sumatur pro tota entitate intrinseca rei, quod prædicto vniuius habet vique, essentiam suam propriam distinctam intrinsecè ab essentia aliterius, verè vltimum differentiam esse gradum essentialem indiuidui, qui gradus concipitur etiam præscindendo ab existentia actuali per modum mere essentia, & potest velle prædicari de suo indiuiduo per propositionem æternæ veritatis. Imo sicut genus dicitur pars materialis respectu differentia à qua determinatur: ita natura specifica dicitur pars materialis respectu singularitatis à qua pariter determinatur. Solum ergo hoc discrimen interuenit, quòd differentia indiuidualis est gradus infimus vterius incommunicabilis pluribus, & ideo subiecti remanens omnibus prædicatis communibus, & propterea dicitur gradus materialis: differentia autem specifica est adhuc communibilis pluribus indiuiduis, & ideo dicitur gradus formalis & essentialis. Igitur totum discrimen reuertitur ad hoc, quòd natura specificæ superadditur differentia vltimè incommunicabilis, naturæ verò genericæ & differentia specifica communibilis: in modo tamen essendi per modum partis respectu totius entitatis ambæ conueniunt. Hoc autem non est aliud, quàm dicere, genus posse esse, in pluribus speciebus, speciem solum, in pluribus indiuiduis. Tam ergo solum ex hac parte, & non ex modo inessendi, sumitur diuersitas generis & speciei.

Tertiò præterea non bene distinguitur genus à differentia per discrimen partis materialis & formalis. Nam natura vniuersalis debet comparari ad ea multa respectu quorum est vniuersalis: & propria ratio vniuersalis debet sumi ex certo respectu naturæ ad ipsa multa in ordine ad quæ est vniuersalis, siue ex modo essendi in ipsis multis. Sed esto differentia respectu generis, siue respectu speciei quam simul cum genere constituit, se habeat tanquam pars formalis: tamen si comparatur ad inferiora respectu quorum est vniuersalis, & in quibus contrahitur & di-

*Nec etiã
à differentia.*

& diuiditur : planē se habet tanquam pars materialis, non minus quā ipsum genus. Nam se habet tanquam pars determinabilis per vltiores differentias contractiuas, & se habet quasi in se recipiens ipsas differentias per quas contrahitur. Vnde quando genus subalternum constitutum ex alio genere superiori & sua differentia contrahitur ad species inferiores : totum quod est in iplo genere, etiā differentia constitutiva eius, subit talem determinationem & contractionem, per modum partis materialis, respectu speciei ad quam contrahitur, siue differentia contractiue ad talem speciem. Igitur nullatenus possunt illo modo distinguī duæ vniuersalitates sub ratione formali vniuersalitatis, quæ constituunt duo vniuersalia essentialiter diuersa.

Quarō videtur etiam illa sententia supponere, semper in omni specie interuenire differentiam propriam eius, contractiuam generis ad ipsam speciem, cum perfecta præcisione rationis inter genus & differentiam. Quod si ex opposito dicamus, vt de sacro dicemus in q. 13. non semper talem differentiam inueniri : sed sæpe differentiam ipsam esse communem etiam alijs speciebus extra illud genus : & non nisi per combinationem talis generis & differentia, haberi rationem propriam talis speciei, non communem alijs : sic certē non plus dici potest, hunc gradum genericum se habere materialiter, quia determinatur per differentiam, quamē contra dici possit, illum gradum qui dicebatur differentia, se habere materialiter, quia determinatur per illum qui dicebatur gradus genericus. Nec est ratio discriminis, cur vni vel alteri gradui tribuatur vniuersalitas essendi per modum partis materialis vel formalis. Frustra ergo illo modo genus & differentia distinguebantur.

Secundus modus dicendi est aliorum afferentium propriam generis rationem, & discriminē a specie, consistere in hoc, quod species est illa quæ multiplicatur in plura tantum per materialem seu integralem diuisionem partium, id est per discontinuationem quantitatum, eo modo quo præcedenti quæst. dicebamus principium indiuiduationis esse quantitatem per continuationem vel disconti-

nuationem : genus autem esse quod multiplicatur & diuiditur in plura per intrinsecas entitatis differentias. Vel aliter, speciem esse quæ multiplicatur in plura quæ apta sunt continuari inter se, siue actualiter sint continua, siue discontinua : genus autem esse quod ita intrinsecē & essentialiter multiplicatur in plura, vt hæc non possint inter se continuari, & efficere integraliter vnum. Et hoc modo intelligi, genus esse quod dicitur de pluribus differentibus specie, speciem quæ de pluribus differentibus numero : differre enim specie aut numero, intelligi duplici modo multiplicationis dicto. Atque hic dicendi modus est sanē valde conformis doctrinæ S. Thomæ & aliorum dicentium, principium indiuiduationis esse quantitatem atque in substantijs spiritalibus quæ non subduntur quantitati non multiplicari indiuidua sub vna specie, & Angelos omnes inter se necessariō differre specie, & conceptum communem quibuscumque pluribus Angelis, non esse speciem prædicabilem, sed esse genus vniuersale. Et Sotus hic in quæst. de Specie ad. 2. ita planē supponit differre genus ac speciem.

Iuxta hunc dicendi modum asserendū videtur, posse hoc quidem modo distinguī duo vniuersalia, duaque vniuersalitates formales essentialiter differentes. Nam sine dubio datur dictus duplex modus multiplicationis, atque adeo duplex modus essendi in pluribus. Vnde etiam diuersa aptitudo resultat ad essendum vno vel alio modo, & ita diuersa vniuersalitas. Imo iam quæstione præcedenti affirmauimus, posse vno modo sumi indiuiduum & principium indiuiduationis illa ratione quæ in hac sententia supponitur : iuxta illam ergo acceptionē indiuidui, bene procedit hæc distinctio duplicis vniuersalis. quia vnum vniuersale dicitur per respectum ad indiuidua eo modo sumpta : aliud vniuersale per respectum ad ea quæ plurius eo modo diuiduntur, scilicet per intrinsecas & quidditatas differentias.

Attamen quod attinet ad explanationem & discriminē assignandum generis ac speciei, minus bene tali modo designatur genus & species : sed species quidem nimis restringitur genus autem

Hæc sententia distinguens quid sit vniuersale.

Sed nō recte assignatur genus et species.

Secunda sententia, genus esse quod multiplicatur per intrinsecas differentias.

nimis ampliatur contra vsitarum magis & commodum loquendi modum. Nam duplex etiam modus assignandi in dicta sententia continetur. Prior quidem videtur magis seruare rigorem illius distinctionis, sed magis à recta via aberrare, supposita doctrina à nobis tradita de distinctione indiuiduorum. Nam diximus, etiam illa indiuidua quæ dicuntur per determinationem quantitatis distingui distinctione numerali; verè, imò principaliter, distingui intrinsecè & entitatiuè per suas intimas differentias: quam distinctionem aquæ retinent, siue talia indiuidua diuisa & discreta, siue vnita & continuata sint. Sequeretur ergo, conceptum communem talibus indiuiduis, consideratum quatenus aptum diuidi in illis per intrinsecas entitatuas differentias, esse genus. V. g. conceptum aquæ communem huic & illi aquæ, huic & illi parti vnus aquæ continuæ, esse genericum. Quod tamen est contra omnium loquendi modum, & nullatenus admittendum.

Nam species etiam multiplicari potest per intrinsecas differentias.

Posterior autem assignandi modus euadit quidem hoc inconueniens: quia dicit, illa omnia quæ apta sunt continuari, etiam quatenus differunt entitatiuè per intrinsecas differentias, differre solum numero non specie; & conceptum ipsi communem esse specificum, non autem genericum. Illum autem conceptum esse genericum, qui aptus est diuidi per tales differentias entitatuas, quæ non compatiuntur secum continuationem earum rerum quæ sic diuiduntur; non verò omnem illum conceptum qui vtcunque aptus est diuidi per differentias entitatuas. Vnde sine dubio hic modus est longè præferendus priori modo. Attamen, habet adhuc aliud inconueniens. quia cogitur admittere quæcunque sint diuisa per intrinsecas differentias, ita vt inter se continuari non possint, esse species immediate contentas sub genere & conceptum ipsi communem esse genericum: etiam si ipsa sint vltima singularia, quæ in alia plura diuidi non possint. Quod quidem vltro asserit Auctores illius sententiæ, & in Angelis de facto volunt ita esse. Sed est contra magis probatum, sentiendi & loquendi modum. Nam, potius genus dicitur illud, quod sub se habeat plures species prædicabiles, quæ

scilicet species habeant plura indiuidua: & conceptus proximè communis singularibus incommunicabilibus, potius censetur vniuersale species, non vniuersale genus. Ita ostendimus in sequenti modo dicendi. Imò etiam ab eorummet sententia videtur alienum consequens illarum: quatenus ipsi intantum dicunt, singulos Angelos differre specie, & immediate contineri sub genere, inquantum supponunt omnes esse inter se ita differentis naturæ, vt essentialiter natura vnus sit perfectior naturæ alterius: nec possint inueniri duo æqualis perfectionis, & naturæ prorsus similes. Quod si crederent, possibiles esse plures, similes prorsus & æquales essentialiter, solummodò differentes per esse hic & ille, sicut dixerunt hæc & illa aqua: non credo diceret, tales d'ferre specie, & conceptum naturæ tæx vel tantæ perfectionis illis immediate communem, esse genericum. Quin potius dicerent, illos d'ferri e tantum indiuidualiter, & talem eorum communè conceptum esse specificum. Non ergo rectè dicitur genus esse illud, quod aptum est vtcunque multiplicari in plura taliter diuisa vt inter se continuari nō possint.

Tertius modus dicendi hinc posset sumi, dicendo: genus esse illud quod multiplicari potest in plura, quæ sint dissimiles & inæqualis perfectionis essentialis, & ideo dicantur differre specie. Verùm hic etiam deficit. Tum quia adhuc sequitur, etiam si ista plura non possint rursus multiplicari in indiuidua, illud esse genus: quod non est admittendum. Tum quia è contra benè intelligi potest, vt dicemus inquit. de specie, inueniri naturas inter se essentialiter diuersas, & tamen æqualis perfectionis, quæ rursus diuidi possint in plura indiuidua; quæ naturæ verè essent species prædicabiles, æque adeo contentæ sub genere: ergo non est de necessitate generis, posse multiplicari in species inæquales. Tum specialiter illi qui volunt etiam inter indiuidua eiusdem speciei inueniri posse, inæqualitatem perfectionis intrinsecæ, non possunt tali modo explicare genus.

Quartus ergo & optimus dicendi modus est: vniuersale genus esse illud, quod potest essentialiter multiplicari in plures species, species scilicet prædicabiles de pluribus.

Tertia itentia, genus esse, quod multiplicatur per differentias inæquales.

Vera sententia, genus esse, quod non pluribus.

Sect. I. Quid sit & quō differat ab alijs Vniuers. 249

*uenit plu-
ribus spe-
ciebus, seu
pluribus
vniuersa-
libus.*

pluribus alijs sub se contentis, seu in plu-
ra vniuersalia: & in hoc differre à specie
vniuersali, quōd species tñ pōt multipli-
cari in indiuidua. Itaq. vñle genus cōstitit
in hoc, quōd habet sub se alia vñlia: cūm
vniuersale species non habeat sub se, nisi
tñ singularia. Hic dicendi modus primō

*Est de mē-
te Porph.*

est planē de mente Porph. qui sic expres-
se definiuit & explicauit genus, æque à
specie distinxit. Cap. de Genere ait, genus
differre à specie, quia species dicitur tñ

de differentibus numero, vt hō de Socrate
& Platone: genus verō de differentibus
specie, vt animal de homine & boue &
equo. Et cap. de Specie docet, species alias
esse specialissimas & infimas, quæ scilicet
sunt species prædicabiles alias subalter-
nas & intermediarias, quæ sūt quidē species
subijcibiles respectu generis superioris,
sed sunt genera respectu aliarū speciesū
sibi subditarū. Itaq. assignat quidē qual-
dam species subijcibiles & non prædica-
biles: non tñ quasi vlla species subijcibi-
lis sit, quæ non dicatur de pluribus, nō sō-
lūm indiuiduis, sed etia speciesbus. Et om-
ninō vult, oēm specie dici de pluribus, &
omne genus habere sub se alia vniuersa-
lia, & non esse infimum vniuersale. Et ca-
pite vltimo eadem repetit.

*Imo Ari-
stotelis.*

Secundō. Hoc etiam modo Arist. vbiq.
accepit & intellexit genus, atq. à specie
distinxit: vt videre est 1. Met. 32. 7. Me. 5t.
1. Top. c. 4. 1. de Part. aīal. c. 5. & vbiqunq.
hac de re meminit. Eadē planē fuit sentē-
tia aliorū Peripateticorū, & veterū, qui
nō aliter nominarūt genus vñle, nisi quod
continet sub se alia vñlia, & species quæ
sunt adhuc cōes pluribus. Nec putarunt
genus esse quod sit infimum vniuersale,
prædicabile de solis vñleis singularibus.

*Est ratio-
ni confor-
mis.*

Tertiō. Ratione nō alia hac res debet
ollēdī: nisi quia manifestū de se est, dari
hāc distinctionē inter vniuersalia & præ-
dicata essentialia, quōd aliud dicatur de
solis vñleis singularibus, aliud habeat
sub se etia vniuersalia. Et hæc duo pote-
rāt vtrique distinctē nominari, & assignari.
De factō autē ex cōmuni & antiquissimo
loquendi modo cōstat, vñū ex his appel-
latū esse genus, aliud specie. Sic ergo de-
bet genus explicari, & à specie distingui.

*Bend di-
stinguit
genus à
specie.*

Quartō. Inter hos duos modos vniuersa-
litaris, tenē dici potest dari diuersitatē
essentialē, qualis in secūdis intētionibus

intervenire potest. Nā vniuersalitas gene-
ris sit per abstractionē ab alijs vniuersa-
libus, & per comparationem ad alia vni-
uersalia sub ipso contenta: vniuersali-
tas autem speciei per abstractionē &
comparationem solum ad singularia. .
quæ diuersitas est planē sufficiens: licet
genus & species non aliter differant in
modo essendi in ijs inferioribus, nisi mo-
dus essendi appelletur, esse in pluribus
vniuersalibus, aut solum singularibus. Imo
etiam in entibus realibus solent aptitudi-
nes & relationes essentialiter distingui
solum per respectum ad diuersos termi-
nos: licet aliqui in modo respiciendi
conueniant.

Quintō. Hic modus assignandi & di-
stinguendi genus & speciem est, qui
maximē deseruit ad prædicamenta coordi-
nanda, vbi disponuntur prædicata supe-
riora & inferiora incipiendo à genere
generalissimo, & descendēdo per genera
intermedia & species, vsq. ad singularia
quæ vltimus nō multiplicantur in plura:
Igitur hic modus omnino retinendus est.

Cæterūm fateor, per hunc modum non
traditum esse discrimen generis à differē-
tia. Sed si quidē sumatur differētia speci-
fica, ab hac planē differt genus, sicut ab
ipsa specie. Si autem sumatur, differen-
tia generica, fortasse non oportet illam
à genere distinguere in ratione vniuersa-
lis. Sed de hac tota re propria quæstio-
ne de differentia agemus. Item fateor,
non adhuc explicatum esse discrimen ge-
neris à prædicatis quæ dicuntur transcē-
dentalia, & superant omnia genera etiam
generalissima, vt ens, res, & similia. Sed
de hac quoque re in sequentibus agemus.

In contrariū Obijcies primō. Si sufficie-
ntia diuersitas inferiorum ad distinguēda
vniuersalia absque alia diuersitate in mo-
do respiciendi illa: ergo innumera di-
stinguenda erant vniuersalia: quia est in-
finita diuersitas rerum. Et omnis natu-
ra diuersa ab alia, erit vniuersale di-
stinctum, non solum materialiter, sed
etiam formaliter & essentialiter, quod est
contra omnes Doctores.

Respondetur. Reuera quidem tot esse
vniuersalia diuersa, quot sunt nature vni-
uersales: alia enim est species hominis,
alia leonis, & sic de alijs. Imo hæc di-
uersitas non solum est in ipsa natura, sed

*Fundat
coordina-
tiōe præ-
dicamen-
torum.*

*An sequa-
tur, plura
alia vni-
uersalia
dubie di-
stingui.*

sed etiam suo modo in ipsa vniuersalitate: alia est enim vnitas, aliaque aptitudo & relatio naturæ humanæ ad homines, atque naturæ leoninæ ad leones. Hæc tamen diuersitas appellatur materialis, quia tota provenit ex parte primæ intentionis. Sed præter hanc, alia diuersitas est quæ provenit ex parte secundarum intentionum. Quod scilicet vnus modus vniuersalitatis sit respicere plura vniuersalia, alius respicere solum plura singularia. Et hæc dicitur diuersitas formalis in ratione vniuersalis, quæ in re præsens non quidem innumeratur, sed duo vniuersalia distinguit, scilicet genus & speciem.

Obijcies secundò. Saltem sequitur intra ipsum genus plura adhuc vniuersalia formaliter distinguere, nempe genus generalissimum quod habet sub se genera, & genus subalternum quod habet sub se tantum species: imò et genera, quot gradus intermedij esse possunt inter summum & infimum genus.

Respondetur, verè debere distinguere hæc omnia genera. Quomodo tamen distinguantur, & quòd non tanta distinctione sicut genus à specie, tractabimus sect. vltima.

Obijcies tertio. Si eo modo distinguuntur duo vniuersalia, genus & species: ergo etiam debent distinguere duo vniuersalia differentie, ac etiam proprij: datur enim differentia & proprium conueniens pluribus speciebus, & conueniens tantum pluribus indiuiduis.

Respondetur, verè dari hanc diuersitatem etiam intra latitudinem differentie & proprij: & ideo an propterea debeant in illis plura vniuersalia formaliter distinguere, proprijs locis agemus.

Obijcies quartò. Terminus immediatus ad quem vniuersale refertur, est actus essendi in pluribus, siue actus ipse multiplicationis: ergo si hic non est diuersus, etiam si ipsa plura diuersa sint, non sunt diuersa vniuersalia. Sed non est diuersus actus multiplicationis generis in species, ac species in indiuidua: nam vtrunque multiplicatur & diuiditur essentialiter in plura se ipsa: ergo.

Respondetur. Hunc actum esse pariter diuersum, sicut differunt ipse species ab indiuiduis. Nam actus generis est mul-

tiplicari in plura se ipsa quæ sunt rursus vniuersalia, & est ita esse in illis ut non sit vltimò determinatum, sed possit adhuc contrahi, in quo plane differt ab vniuersalitate speciei.

SECTIO SECVNDA.

*An Genus definiri possit:
Et quo sensu dici debeat defini.*

Quia per definitionem optime explicatur quid res sit: tradenda nunc est generis definitio. Sed prius videndum, quatenus genus definiri possit ac debeat. Quod sanè difficultate non vacat. quia cum genus dicat & naturam realem & rationem formalem generetatis, possitque vel quoad alteram tantum; vel quoad vtramque simul, quasi ex vtraque constitutum, accipi: diuicultas est, quoniam ex his modis sit definitionis capax, ac de facto debeat definiri. Quæ dubitatio aliter proponi solet, an definiamur prima intentio generis, vel secunda, vel vtraque simul. Vnde non querimus, quomodo definiatur quodlibet genus secundum se, nempe animal, corpus, substantia: sed querimus de genere in communi, de quo hic agimus.

Ammon. in c. de Gen. negasse videtur genus vllò modo posse definiri. Scotus quæst. 14. Vniuersal. Caietanus cap. de Gen. Masius sect. 1. quæst. 6. Sanc. quæst. 41. Vallius quæst. 11. de Genere cap. 11. & quidam alij sentiunt, de facto definiri genus formaliter quoad secundam intentionem, non quidem in abstracto sumptum sub nomine genericitatis, sed in concreto sub nomine generis. Sotus quæstione vn. ca de Gen. art. 1. significat, definiri in recto quidam secundam intentionem, connotando tamen primam: id est definiri genericitatem, prout alitè naturam realem. Alij sunt qui è contra asserunt, in recto definiri genus quoad primam intentionem connotando secundam. Et fauet S. Thom. cap. 4. de Ente & Essen. & multi explicant, secundam intentionem se habere ut conditionem sine qua non ita definiretur natura realis.

*Difficultas
est ratio.*

*Opiniones
varie.*

*Quomodo
diff. rat
multiplicatio
generis &
speciei in
plura.*

Dico

Sect. II. Quo pacto definiri possit & debeat. 251

*Genus potest su-
modo de-
finiri.*

Dico primò. Genus non potest propriè definiri, sumptum præcisè pro natura reali, vel directè pro toto constituto ex prima & secunda intentione. Sed potius propriè potest sumptum formaliter pro ipsa genereitate, seu pro natura quatenus genereitati subtrata. Explicatur & probatur conclusio. Genus sumptum pro natura reali comprehendit naturas omnes, tum substantiæ, tum accidentium, omniumque entium: ergo non plus potest definiri, genus sic sumptum, quam definiri possit ens in tota sua latitudine: quod sanè non potest propriè definiri, ut satis constat. Sumptum verò genus pro toto constituto, non est quid per se vult: cum sit aggregatū quoddam ex ente reali & rationis: non ergo potest una definitione propriè definiri. Quæ ratione nec etiam aggregatum ex rebus diuersorum prædicamentorum, aut compositum accidentiæ ex substantia & accidente, propriè definiri potest, ut omnes docent. Genus autem sumptum formaliter pro genereitate, seu genereitas ipsa: licet sit ens rationis: tamen potest suo modo definiri, eo pacto quo vnum ex entibus rationis. Et cum antea dictum fuerit, vniuersale in communi esse genus ad quinque vniuersalia formaliter sumpta: ut sic poterit genus propriè definiri per suum genus, addita differentia contrahente vniuersale in communi, & determinante ad rationem talis vniuersalis. Et perinde est, si dicamus: definiri posse genus, in recto quidem sumptum pro natura reali, tamen quatenus sit sub ratione formali genereitatis, secundum quam formalitatem sit capax definitionis, ut magis conclusione tertia explicabimus.

*Dici non
de et defi-
niri dire-
ctè quoad
secundam
intentionem.*

Dico secundò. Genus de facto in contactibus definitionibus nõ definitur præcisè sumptum pro secunda intentione, nec tantum pro prima, nec pro toto constituto, nec directè pro secunda intentione connotando primam. Probatur prima conclusionis pars. Genus definiri solet: quod aptum esse est in pluribus, prædicari de pluribus, &c. Sed hæc definitiones non verificantur de genereitate ipsa formali. Non enim hæc est, quæ apta est esse & prædicari de speciebus generi subditis: quinimo falsum esset di-

cere, genereitas animalis est in homine, vel homo est genus. Nec satisfacit Caiet, dicens, secundam intentionem esse in speciebus, & prædicari de illis, ut quo, non ut quod: id est esse rationem formalem, per quam sit prædicatio, non autem esse id quod prædicatur. Nam hæc ratio facit quidem, ut genereitas ipsa definiri possit dicendo, est ratio seu forma per quam natura realis constituitur apta esse in speciebus, & dici de illis. Sed quando definitur genus, quod aptum est prædicari, intelligitur planè quod ipsummer genus prædicetur ut quod. Ita enim patet ætatem ex rigore ipso verborum: tum ex communiori intelligentia: tum ex mente Porphyrij, qui ita sine dubio intellexit suam definitionem generis: ita enim proposuit pro exemplo, animal, quod vtrique est id quod prædicatur: & sic in singulis vniuersalibus Porphyrius vtitur exemplis naturarum realium, non secundarum intentionum: tum demum quia præcipuum Logicæ intentum, non est directè considerare secundas intentiones, sed potius res quæ ipsi afficiuntur.

Nec etiam satisfaciunt alij Thomistæ dicentes, non solum ut quo, sed etiam ut quod, secundam intentionem generis posse prædicari, illique hoc essentialiter conuenire. Et explicant prædicari per referri. Nam aliud est, secundam intentionem esse aptitudinem ipsam prædicationis, & relationem ipsam ad species: hoc enim verum est: & aliud est dicere, esse id quod est aptum prædicari, quod potest essentialiter prædicari, quod refertur essentialiter ad species: hoc enim aperte falsum est: quia potius illi repugnat prædicari de speciebus, & esse in speciebus, ut per se patet.

Probatur deinde secunda conclusio- nis pars, quia natura præcisè secundum se, non est genus, non est vniuersale: quando ergo definitur vniuersale genus, non definitur natura realis præcisè sumpta. Ex eor, definitionem posse tradi de natura reali quatenus fundamentum est vniuersalitatis, & quatenus eius aptitudo potest explicari realiter, ut suo loco diximus: et ad maiorem commoditatem vniuersalia sumuntur prout dicuntur et aptitudinè rationis, æque ut sic definiuntur.

Proba-

*Neg. præ-
cisè quod
ad naturam
realem.*

Neg. quoniam ut videtur, vel quoniam secundam intentionem connotant. de primâ.

Probat^{ur} tertia & quarta conclusio-
pars, sicut prima. quia nec totum consti-
tutum ex prima & secunda intentione,
hec secunda intentio connotans primam,
est quæ de inferioribus generis prædi-
catur, ut manifestum est: in illis ergo de-
finitionibus generis, definitum non est,
vel totum aggregatum, vel secunda in-
tentio ita sumpta. Sed si quis velit hæc
vtrunque definire, alio modo definire
deberet, per definitionem seu descrip-
tionem quæ verè illis competeret.

*Sed dicitur
esse eundem
naturam
realem sub
ratione,
formalis so-
cundam in-
tentionis.*

Dico tertio. In consuetis definitioni-
bus generis, definitur genus directè sum-
ptum pro natura reali connotando se-
cundam intentionem tanquam rationem
formalem sub qua definitur. Hæc est
magis communis sententia doctorum,
hoc loco. Indicatur a D. Thom. de Ente
& Essent. cap. 4. Et sequitur ex conclu-
sione præcedenti: non enim alius modus
superest. Et præterea probatur primò.
Genus à Porphyro. definitur, quod aptum
est prædicari &c. Sed propriè natura
realis affecta vniuersalitate seu prædica-
bilitate, atque per ipsam formam prædi-
cabilitatis, est huiusmodi: ergo omnino
definitum in tali definitione, omnique
alia simili, est genus dicto modo sumptum.

Secundò. Illud est definitum, cui con-
uenit, & de quo dicitur definitio: illa est
ratio formalis, quæ est forma per quam
definitio conuenit definito: sed in præ-
senti definitione, illud quod potest præ-
dicari est natura generis: forma per quâ
constituitur apta prædicari, est prædica-
bilitas. igitur ipsa natura est definitum,
prædicabilitas siue vniuersalitas, quæ est
secunda intentio, est ratio formalis sub
qua natura definitur.

*Secunda
intentionis do-
bet dici
ratio for-
malis, non
conditio.*

Tertio. Minus benè dicebant illi, qui
secundam intentionem appellabant condi-
tionem. Nam ad constituendam na-
turam aptam prædicari, prædicabilitas
non se habet tanquam conditio, sed pro-
priè tanquam forma: sed definitur ge-
nus quatenus aptum prædicari: ergo ipsa
prædicabilitas non se habet ut mera condi-
tio, sed potius ut ratio formalis huius
definitionis, per quam scilicet formaliter
natura constituitur & denominatur apta.

Quartò. Si quis definiret album, est
coloratum disgregatum vitus: certè
definitum in hac definitione esset subie-

ctum affectum albedine, & ratio forma-
lis ipsa albedo. Nam subiectum ipsum,
propriè est coloratum disgregatum,
vitus. Non enim ipsa albedo dici po-
test colorata, sed dicitur color: albe-
do autem est forma constitutiva subie-
cti in hoc statu, ut sit coloratum disgre-
gatum vitus. Sed ita prorsus se habet
definitio generis. Ergo pari modo de
hac definitione sentiendum & loquen-
dum est. Atque quod modò dicimus de
generis definitione, eodem pacto intel-
ligendum est de definitione vniuersalis
in communi suo loco tradita, ac de de-
finitionibus cæterorum vniuersalium de-
inceps tradendis.

Obijcies primò. Arist. 7. Metaph. cap.
11. dixit, speciem esse quæ definiiri po-
test, quia species habet supra se genus
per quod definiiri possit: ergo genus de-
finiri non potest.

Respondetur. Genus ipsum esse spe-
ciem vniuersalis in communi: & hoc esse
genus generis & aliorum vniuersalium,
per quod rati ipsum genus, quam cæte-
ra, definiiri potest.

Obijcies secundò. Definitum debet
esse vnum: sed natura quatenus secundæ
intentioni subtrahitur non est quid vnum:
ergo non potest ut sic definiiri.

Respondetur. Ad hoc ut res definiiri
possit, sufficere vnitatem rationis for-
malis sub qua definitur, quando res defi-
nitur quatenus substat tali formæ. Tradi-
enim potest tunc definitio vna, per genus
& differentiam quæ conueniant definito,
eo modo quo illi conuenit ipsa forma.
Si quis tamen quærere vellet definitio-
nem ita perfectam, quæ esset de re, non
solum secundum se, sed etiam cum sua
ratione formali vna: fatemur, non dari,
nec esse talem, definitionem generis.

Obijcies tertio. Definitio debet com-
petere rationi formali: sed definitio ge-
neris non competit secundæ intentioni:
ergo hæc non est ratio formalis.

Respondetur. Negando antecedens:
ut patet etiam exemplo, albi supra defi-
nitur nec enim dici poterat albedo est co-
lorata. Et ratio à priori est: quia forma
de qua nunc loquimur, non est id quod
definitur, sed sub qua res alia definitur:
nò ergo debet illi còpetere definitio, sed
debet còpetere rei ratione ipsius formæ.

Obijcies

*Genus de-
finiri po-
test, quia
est species
vniuersa-
lis.*

*Habere vni-
tatem suffi-
cientem ad
definitio-
nem.*

*Natura
sub secun-
da inten-
tione com-
petit defi-
nitio.*

Sect. III. Quomodo definiatur. & prædicetur. 253

*Secunda
intentio
quæ consti-
tuit defini-
tum.*

Obijcies quartò. Ratio formalis est quæ constituit rem: ergo si secunda intentio est ratio formalis in definitione generis, est quia constituit genus definitum. Ergo definitum est constitutum ex secunda intentione atque natura: vel secunda intentio non est ratio formalis.

Respondetur, rationem formalem posse considerari dupliciter. Primò vt constitutum illius concreti quod resultat ex ipsa forma & subiecto. Secundo vt afficiens ipsum subiectum. V. g. albedo consideratur: & vt forma constituens concretum accidentale ex pariete & albedine, cuius concreti ipsa albedo est pars intrinseca: & vt afficiens parietem, respectu cuius non est vtique pars constitutiva intrinseca. Et in composito substantiali forma aliter refertur ad ipsum totum cuius est pars, & ad materiam quam informat. In presenti ergo definitione, secunda intentio non se habet vt forma & pars intrinseca constituens definitum, sed vt forma afficiens & denominans definitum: id est definitum non est constitutum ex secunda intentione, tanquam ex parte intrinseca, sed est subiectum quod afficitur & denominatur ab illa tanquam forma.

SECTIO TERTIA.

Quomodo Genus definiatur, atque de speciebus prædicetur.

*Definitio
est gene-
ris assigna-
tio.*

Porphyrus definit Genus: *Quod de pluribus & differentibus specie in eo quod quid est prædicatur.* Vel per esse in multis debet genus definiri: quod aptum est inesse essentialiter pluribus speciebus, siue pluribus differentibus specie. Illi autem qui genus constituebant per respectum essendi in multis tanquam pars materialis essentie, vel essendi in multis per intrinsecas, aut inæquales differentias: pariter his modis genus definire debent. Quocunque autem ex his modis definiatur genus, debet in definitione subintelligi vniuersale, vt notauit Albert. exponens definitionem Porphyrii. Nam cum vniuersale sit genus omnium vniuersalium, per illud debet singula definiri. Vel melius poterit expresse apponi: ge-

*Vniuersa-
le est ge-
nus in de-
finitione
generis.*

nus est vniuersale aptum inesse essentialiter, aptum prædicari de pluribus differentibus specie. Neque sic definiendo essent superflue & particule, aptum inesse pluribus, vt pote iam contentæ in ly vniuersale. Vponunt enim ad determinandam propriam rationem generis per vltimam particulam, differentibus specie, quæ sine illis intermedijs collocari, & cum ly vniuersali connecti non posset, vt per se patet. Vel clarius poterit genus per definitionem ipsius vniuersalis ex integro positam definiri: est aliquid vnum aptum inesse pluribus specie differentibus. Nam optimus modus definiendi est, quando loco illius generis quod deberet in definitione poni, ponitur integra definitio eius.

*Ordo ad
speciem est
proprius dif-
ferentia.*

Sic ergo supposito & in definitione præmisso genere generis, explicatur propria & peculiaris differentia constitutiva generis, dicendo: quod inest pluribus differentibus specie: vel iuxta aliorum sententias, quod inest tanquam pars materialis, alioque modo. Et sic definitur essentialiter genus, quatenus quoddam vniuersale est, per ipsam essentialem suam vniuersalitatem. Porphyrius autem definit, quod prædicatur: & intellexit aptitudinem, siue quod aptum est prædicari. Est enim manifestum, ita debere intelligi. Scotus verò q. 15. Vniuers. significat, hoc modo etiam definiri genus essentialiter, quia scilicet sua prædicabilitas sit de essentia generis. Verum communiter alij notant, & rectè, aptitudinem prædicationis esse proprietatem generis quatenus vniuersale est: & ita per illam genus describi, non autem essentialiter definiri: quævis dici possit definiri quatenus prædicabile est. Et quidem ipse Porphyrius dicit, genus eo modo describi. Maluit autem sic describere genus, quàm essentialiter definire. Tum quia sic illud explicauit Arist. 1. Topic. cap. 4. Tum quia talis modus explicandi erat apud alios frequens. Vnde Porphyrius ait: Philosophos describentes genus, assignasse illam explanationem. Tum quia cum proprietates soleant esse nobis notiores, facilius per eas declaratur, quod definiri intenditur.

Dicitur autè genus prædicari de pluribus speciebus, seu de pluribus differ-

rentibus specie, sumendo species vniuersales generi subditas, & intelligendo etiam de indiuiduis quæ specie vniuersali distinguuntur, idest quæ continentur sub speciebus vniuersalibus, vt in sequentibus dicemus magis.

Genus prædicatur in quid de speciebus: cum differentia prædicatur in quale.

Dicuntur prædicari in eo quod quid est, siue in quid, ad differentiam non solum prædicabilem accidentaliū quæ dicuntur prædicari in quale, sed etiam differentia quæ à Porphyrio dicitur prædicari in quale quid. Itaque Porphyrio. distinguere voluit genus etiā à differentia generica. Aut quæ genus prædicari in quid, differentiam in quale. quia per genus respondemus ad questionem quid est, per differentiam ad questionem quale est. Quærentibus enim quid est homo, respondemus est animal: interrogantibus verò quale quid est, seu quale animal est homo, respondemus rationale. Idque sumptum est ex Arist. 5. Met. c. 28. vbi ex professo agens de genere inquit, genus esse quod dicitur in eo quod quid est, cuius differentia sunt qualitates. & 2. Top. cap. 2. vbi docet, genus non prædicari denominatiue de speciebus, nec rectè dici albedinem colorari, ambulationem moueri: cum dici debeat, albedo est color, ambulatio est motus. Propter quod explicare nunc oportet hunc modum prædicationis in quid.

Aliqui explicant, prædicari in quid esse prædicari per modum totius: in quale per modum partis vel formæ. Et ita genus prædicari in quid de speciebus, quia prædicatur tanquam totum: & similiter speciem de indiuiduis: alia tria, prædicari in quale, quia dicuntur per modum partis vel formæ. Ita refert & approbat Suarez. d. 15. Met. sect. 11. n. 16.

Verum hæc explicatio, & obscura est, & non satis solida. Aut enim genus dicitur totum, quia in se inuoluit totam essentiam & quidditatem specierum. Et hoc in primis est contra eos qui volunt genus esse partem materialem essentia. Deinde etiam in nostra sententia, saepe inuenitur genus quod non inuoluit totam essentiam speciei, sed dicat tantum partem, cui addatur alia pars, perfecta rationis præcisione distincta: & adhuc tunc prædicatur vtique in quid. Aut genus dicitur totum solum potestatiue, quia potestate continet suas species omnes-

quæ differentias. Et hoc modo Porphyrio. cap. ult. §. de conuenientia generis & differentia, planè docet, etiam differentiam continere species de quibus dicitur: & vtique intelligitur continere potestatiue: & tamen differentia non prædicatur in quid, sed in quale. Et præterea ratio quare genus prædicatur tali modo de specie, non est contentia potestatiua aliarum specierum: sed sola conuenientia talis prædicati essentialis huic speciei. Adeo vt etiam si implicarent aliæ omnes species, adhuc tale prædicatum verè diceretur de hac specie. Aut genus dicitur totum, quia licet formaliter dicat tantum vnam partem, essentia: tamen veluti virtualiter continet etiam differentiam speciei, sicut materia dicitur continere in potestate formas, & formæ dicuntur educi de potestate materiae. Et hoc etiā non sufficit. Tum quia non hæc ratio potentialis contentia, sed absolute conuenientia ipsius naturæ generica: suæ speciei, est fundamentum prædicationis. Tum quia illa contentia virtualis non est alia nisi quod genus aptum est esse in tali specie per contractionem talis differentia: etiam è conuerso dicere licebit, differentia apta est coniungi tali generi & constituere speciem: Neque refert, si dicatur, genus esse aptum per modum materiae, differentiam per modum formæ. Nam sicut in vera materia & forma hoc discrimen non efficit, vt alio modo materia quam forma prædicetur de toto composito: ita etiam non efficit, vt alio modo prædicetur genus quam differentia, nisi fortè recurratur ad sequentem dicendi modum.

Quidam ergo explicant, prædicari in quid esse prædicari ad modum rei per se stantis, in quale verò ad modum formæ adiacentis seu adhaerentis. Et ita genus se habeat, tanquam quid prius, & per se stans, non receptum in alio: differentia autem tanquam forma adueniens & adhaerens ipsi generi. Hac ergo ratione genus prædicatur in quid, differentia in quale. Indicat hoc totum Arist. 5. Met. c. 28, vbi ait, genus esse quod primum inest, & quod est subiectum differentiam verò se habere vt qualitatem eius. & c. 14. dixerat qualitatem vno modo sumi pro differentia substantiali. & Porphyrio. cap. ult. §. de

Prædicari in quid videtur esse prædicari per modum per se stantis.

Prædicari in quid non est prædicari per modum totius.

Seçt. III. Quomodo definiatur & prædicetur. 255

discrimine generis & speciei, ait: *Genera præiacere oportet, & informata specificis differentiis perficere species.* Et capite de Differentia, exemplo materiæ & formæ explicat, cur genus prædicetur in quid, & differentia in quale. Vbi eodem modo id explicat Boet. dicens, species ad similitudinem materiæ & formæ habere priores antiquioresque naturas, super quas differentia venientes efficiunt aliquid.

Nô quasi ex natura rei genus in hoc differt à differentia. Verùm si hoc ita intelligatur, quasi ex natura rei determinata sint duo prædicata essentialia in specie, quorum vnum præcedat ad modum per se stantis, aliud adueniat ad modum adiacentis: illudque propriè debeat prædicari in quid, hoc in quale: falsum id est. Nam vel genus & differentia non distinguuntur tanquam duæ rationes cum perfectâ præcisione rationis, sed solum per magis aut minus explicitum conceptum. Et tunc, ràm sub conceptu explicito, quàm implicito, poterit sine dubio fieri prædicatio in quid. Vel etiam quando genus & differentia eo modo distinguuntur: non est determinatum ex natura rei, ut hoc prædicatum præcedat ut per se stans, aliud sequatur ut adiacens: sed potius indifferenter se habent. V. g. in homine non est ex natura rei determinatum, ut potius esse sensitiuum præcedat, quàm esse rationale seu intellectiuium; ut illud se habeat veluti per se stans, hoc veluti adiacens: quin pariter de conuerso oppositum dici possit. Ita clarè Arist. 7. Metaph. tex. 43. ad finem, ubi agens de prædicatis essentialibus, ait: *Ordo non est in substantia. Quonamque modo intelligere oportet, hoc quidem prius, illud vero posterius?*

Quinimo oia prædicata essentialia possumus sic prædicari. Et præferri vrgetur difficultas, considerando differentia, quatenus ipsa etiam potest esse communis alijs speciebus, ut supponit Porphy. de ipsamet rationalitate, quam ait esse communem Angelis: imo hominem ab Angelo, nec etiam per rationem animalis, sed per rationem mortalis distinguere in qua tamè ratione mortalis, homo conuenit cum alijs viuètribus corporeis. Iuxta ergo hanc considerationem certè non apparet, cur potius esse animal quod est esse sensitiuum, vel esse rationale, vel esse mortale, dicatur ex natura rei per se stare, aut debere concipi

ut per se stans: cum per quantumque ex his rationibus homo cum quibuscumque rebus conueniat, & à quibuscumque differat: & ita bene vna, sicut alia ratio, præmitti potest, aut superaddi. Similiter quando diuiditur substantia in incorporeâ & corporeâ, & substantia corporea est genus quod dicitur corpus, & hoc rursus diuiditur in viuens & non viuens, ubi viuens se habet ut differentia pari modo prorsus diuidi poterat ab initio substantia in viuentem & non viuentem, ac postea viuens in incorpoream et corpoream, ubi viuens est genus, esse corporeum est differentia. Non plus ergo vna quàm alia ratio, est ex natura rei prior, vel per se stans, aut perit concipi talis.

Dicendum ergo est, prædicari in quid aut in quale, nihil aliud esse, nisi prædicari substantiæ vel adiectiue, siue esse terminum substantium aut adiectiuum qui prædicatur. Et terminus quidem substantiuus profertur & prædicatur quasi per se stans, adiectiuus quasi adiacens: ut nomina ipsa declarant. Loquendo autem de Genere & Differentia, siue de prædicatis essentialibus rei, non est tanè determinatum ex natura & exigentia ipsorum prædicatorum, ut vnum prædicetur substantiue, aliud adiectiue. Quinimo sæpè vnum & idem prædicatum potest vno vel alio modo sumi. V. g. viuens, item rationale, mortale, & alia. Sæpè etiam per variationem nominis idem prædicatum potest dici vno vel alio modo. V. g. sub nomine animalis natura sensitiua, dicitur substantiue, sub nomine sensitiui dici potest adiectiue. Sæpè etiam non habet vnum simplex nomen substantiuum ad significandum id quod substantiue dici deberet, & oportet uti voce adiectiua. V. g. ad significandum quantitatem permanentem & successiuam, quæ sunt duo genera quantitatis; qualitatem spirituales & corporealem, per quæ duo genera poterit diuidi qualitas; & sic in alijs.

Adhuc ramen saluandum aliquo modo est, genus prædicari in quid seu substantiue differentiam in quale seu adiectiue: quia videlicet quando simul duplex prædicatum essentialia affirmamus de subiecto, nõ coniungendo illa duo per particulam coniunctiuam, & sed innuendæ

Sed terminus substantiuus prædicatur in quid, adiectiuus in quale.

Et, prædicatum substantiuum appellatur, adiectiuum differentia,

per

per se ipsa ; oportet vnum ponere substantiue, aliud adiectiue : primum per modum per se stantis, secundum per modum adiacentis. Illud ergo quod ponitur substantiue dicitur genus, quod ponitur adiectiue dicitur differentia ; quamvis conuerti possint ; vt quod dicebatur substantiue dicatur adiectiue, & tunc appellabitur differentia ; quod dicebatur adiectiue dicatur substantiue, & tunc appellabitur genus. V.g. dicendo homo est corpus viuens ; ratio corporei dicitur substantiue, & sic dicitur vt genus ; ratio viuens dicitur adiectiue, & vt differentia. e conuerso dici potest, homo est viuens corporeum : vbi ratio viuens dicitur substantiue vt genus ; ratio corporei adiectiue vt differentia. Et hoc totum consonat doctrinæ postea tradendæ de differentia eiusquæ diiudicare à genere. Et iuxta hoc debent explicari Porphy. & Arist. supra relati. Et sic præcipue debet intelligi, quod ipsi docent, per genus responderi ad questionem quid est, per differentiam ad quid. quale est. Nam interroganti quid res sit, solet responderi per primum prædicatum substantiue dictum ; & interroganti rursus quale quid res sit, responderetur addendo secundum aliud prædicatum adiectiue supra primum. Quid est homo, respondemus est animal : quale animal est homo, respondemus rationale animal. Cum tamen etiam e conuerso responderi posset : quid est homo, est rationale quid : quale rationale est homo, est rationale sensitiuum ac mortale. Et sic in alijs rebus.

*Quomodo
genus præ
dicatur,
nō solum
de specie-
bus, sed
etiam in-
diuiduis
alijsq. ge-
neribus.*

Obijcies primò contra definitionem generis. Genus non tantum prædicatur de speciebus, sed etiam de indiuiduis : imò potest prædicari de generibus substantia enim prædicatur de corpore & spiritu, quæ & ipsa sunt genera. Similiter si definitio tradatur per inesse, genus potest inesse & indiuiduis & generibus : ergo diminuta est definitio, quæ tantum tradita est per ordinem ad species.

Respondetur. Genus prædicari de indiuiduis, mediatis speciebus ; & ideo non oportuisse præter species distinctè nominare indiuidua : eò magis quod necessariò intelligitur talis prædicatio, iuxta regulam prædicatorum essentialium traditam ab Arist. in Antepredic.

Deinde si in definitione dicatur, genus prædicari de pluribus differentibus specie, id per se intelligitur etiam de indiuiduis, quæ contenta sub speciebus vique specie differunt. Sed de respectu generis ad indiuidua plenius agimus lect. 5. De generibus verò non omne genus prædicatur : & ideo non poterat per hunc respectum genus in communi definiri. Sed dum dicitur genus prædicari de speciebus : vel intelligitur de speciebus subiicibilibus, quæ respectu quidem generis sibi superioris dicuntur species, respectu autem aliorum suorum inferiorum, possunt esse vel genera vel species prædicabiles. Vel etiam si determinatè intelligatur de speciebus infimis prædicabilibus : bene adhuc definitur genus : quia omne genus de his speciebus prædicatur, siue prædicetur de generibus sub quibus tandem hæ species continentur, siue tantum de talibus speciebus.

Obijcies secundò contra prædicationem dictam generis. Arist. 7. Metaph. tex. 48. & in Prædicam. cap. de subst. ait, secundas substantias, quæ scilicet sunt substantiæ vniuersales, prædicari in quale quid, & non in quid : ergo falsum est, genus prædicari in quid.

*Quomodo
Arist. di-
xerit, sub
stantiam
vniuersa-
lem prædi-
cari in
quale.*

Respondetur. Arist. ijs locis tantum voluisse, substantias vniuersales non dicere naturas per se subsistentes extra singularia ; sed dicere naturas existentes in ipsis singularibus : nõ esse hoc aliquid ita per se existens, sicut ipsa indiuidua quæ vocat primas substantias ; sed ad differentiam illarum esse quale aliquid. Non ergo accepit dici in quid & in quale, sensu supra tradito : sed hoc alio modo.

Obijcies terriò. Idem Arist. 2. Polit. tex. 79. & 7. Topic. cap. 2. ait, differentiam prædicari in quid. Et ratione probatur : quia differentia est gradus essentialis. Ergo non distinguitur genus à differentia per prædicari in quid.

*Quomodo
alijs di-
xerit, dif-
ferentiam
prædicari
in quid.*

Respondetur. Dupliciter explicari posse prædicationem in quid & in quale. Primò prædicationem in quid esse essentialem, in quale accidentalem. Secundò, sicut dicebamus, per modum termini substantium vel adiectiui. Primo modo vtro dicendum est, tam differentiam quam genus prædicari in quid, & non in quale : & hoc voluit ibi Arist. Secundò modo dictum

Se^{ct}. III. Quomodo definiatur & prædicetur. 257

dictum est ex eodem Aristot. genus prædicari in quid, differentiam in quale. Sed quia differentia prædicatur essentialiter adiectiue, ideo dicitur prædicari in quale quid, ad differentiam tum generis, tum accidentium quæ absolute dicuntur prædicari in quale.

Quo dixit, res, partem non prædicari de toto. Obijciat 4. Arist. 4. Topic. c. 5. dixit, partem non posse prædicari de toto. Et patet: quia dici non potest, homo est caput, est brachium, est anima, & similia: quod maxime intelligitur de prædicatione in quid. ergo non potest saluari genus prædicari in quid, nisi dicendo prædicari ut totum.

Respondetur. Aristot. ibi planè loquutum esse de partibus physicis: quæ, quia realiter distinguuntur à toto, non possunt sic prædicari, ut patet in exemplis adductis: sed partes metaphysicæ, idest gradus essentialia, quia non ita distinguuntur à toto, possunt optimè prædicari. Neque ex hac parte prædicatio generis impeditur.

SECTIO QVARTA.

An & quomodo Genus requiratur plures species.

Prima sententia, nō requirere plures species. AD exactam explicationem generis, hoc dubium modo examinandum est. In quo duæ extremæ sententiæ extant. Prima quorundam defendentium, genus per se non requirere plures species etiam possibiles: sed ei sufficere plura, singularia, ad hoc ut respectu eorum sit verum vniuersale genus. vel saltem non requirere plures species vniuersales, sed singularia ipsa posse immediatè differre specie, & ita sufficere ad rationem generis. Inducti sunt autem ad hoc dicendum ex eo fundamento, quòd ratio generis consistat in eo ut insit pluribus tanquam pars materialis essentia, vel ex alijs modis dicendi se^{ct}. prima relatis: his enim modis genus potest se habere immediatè ad singularia sine alijs speciebus intermedijs: sicut, v. g. non solum materia corporum inferiorum quæ est capax diuersarum formarum, sed etiam materia corporum celestium, dato quod non sit capax nisi vnius tantum formæ, adhuc est

verè materia & pars materialis compositi. Arque de facto, dicunt, genus licet habeat sub se species, & mediantibus speciebus singularia, habet rationem generis non solum respectu specierum, sed etiam respectu singularium eiusdem speciei: ergo per se non requirit pluralitatem specierum.

Secunda celebris sententia quorundam grauium Auctorum est, genus requirere plures species, non tantum possibiles, sed actu existentes. Et hoc quidem esse peculiare ipsi generi: quamuis aliqui ad alia vniuersalia, præsertim ad speciem, sufficiant plura inferiora solum possibilia. Ita tenet Boetius lib. de Diuisionibus. Alexandr. lib. 1. Naturalium qq. cap. 11. Albert. tract. 4. Prædicab. cap. 6. D. Tho. primo Post. lec. 12. & in 1. d. 19. q. 4. art. 2. & ex recentioribus Tolet. q. de Specie ad 3. Sor. q. de Specie ad 2. & quidam alij. Inducti sunt autem ad hoc dicendum fere ex eodem illo fundamento, discrimen assignantes inter genus & speciem: quia natura generica, cum sit partialis & incompleta, indiget pluribus differentijs ut compleatur & perficiatur, nec potest in vna tantum specie habere totam suam perfectionem: & natura specifica est per se totalis & completa, & propterea illi sufficit si vel in vno tantum individuo reperitur. Et quia, differentia specificæ sunt oppositæ, & veluti contrariæ: existente autem vno contrariorum, debet existere & aliud, ex Aristotele 2. Cæli. 18. Et quia potentia generis ad plures species est potentia naturalis, quæ debet reduci ad actum ne frustra sit. Et Aristoteles tertio Metaphysic. 10. dixit: *Necesse est vniuersum in quo generis differentias esse, & vnamquamque vnam esse.* Præter hos Fonsleca quinto Metaphysic. cap. 28. quaestione 15. Masius lectione 2. de Genere quaestione 1. & alij recentiores, cum quibusdam distinctionibus docent, genus quodam sensu requirere, & quodam non requirere plures species: & partim conuenire, partim differre à specie.

Prima conclusio, requirere plures species possibiles. Dico primò. Genus omnino requirere plures species saltem possibiles: & hoc intelligitur de speciebus quæ & ipsa sint vniuersalia quædam. Hac est magis communis sententia. Probatur primò

Secunda sententia, requirere actu existentes.

primo, auctoritate tum Porphyrii tum Arist. tum aliorum, qui definiunt genus, quod potest predicari de pluribus specie differentibus: & certe non possunt intelligi plura differentia specie, nisi intelligendo plures species: & Porphyrius expresse ait, genus non de vna sola, sed de pluribus speciebus debere dici, & cap. de Specie semper in plures species diuisione generis fieri. Et Arist. 4. Top. cap. 3. loco 39. dixit, omne genus habere plures species, & si contingat alteram speciem non esse dicti generis, id non esse genus omnino. Et cap. 6. loco 71. Idemque supponit 3. Met. 10. 7. Met. 42. 10. Met. 14. & alibi sapè, & hoc totum dictum est de speciebus vniuersalibus continèntibus sub se plura indiuidua, & de differentibus specie vniuersali, vt antea diximus.

Secundo ratione probatur. Quia de ratione communi vniuersalis est, posse inesse pluribus vt suo loco ostendimus; de ratione autem generis, vt distinguatur à specie, esse debet posse esse in pluribus speciebus. Si enim genus non potest esse, nisi in pluribus indiuiduis, iam esset species, non genus, & plures species debeant intelligi vniuersales, quia aliter non potest rectè distingui genus à specie, vt ostensum est scilicet. 1. Imo etiam qui constituant genus per respectum essendi ad modum partis materialis, idem asserere debent. Nam inquantum dicebant, genus esse partem essentiae, & non totam essentiam, inquantum generi addebant talem differentiam quam non esset vltimus gradus incommunicabilis, sed esset gradus formalis essentiae, qui debet posse vltimius communicari. Neque dicere possunt, potest fieri, vt genus in vna tantum specie per vnam tantum differentiam sic affici possit. Nam si genus non esset quid communis tali specie & tali differentia, non contraheretur ad eam speciem per talem differentiam: sed esset formaliter vltimus gradus incommunicabilis. Debet ergo fieri, de ratione generis esse, vt habeat sub se plures species vniuersales, sique contrahibile per plures differentias formales, quae scilicet sint vltimius communicabiles pluribus.

Nō tamē in certo numero. Tertiō. Ad hanc conclusionem pertinet explicare, num genus requirat certum ac determinatum numerum specie-

rum. Nam Porphyrius cap. de Specie ait, species quidem generis esse finitas, indiuidua verò speciei esse infinita. Sed dicendum est, non esse de ratione generis in communi, habere certum numerum specierum. Sed aliquod quidem genus diuidi per differentias taliter oppositas, vt per illas determinetur ad tot species & non plures. V. g. substantia, adaequatè diuiditur in substantiam corpoream & spiritualem, nec extra has est alia possibilis: similiter animal in rationale & irrationale. Alia verò genera, esse, sub quibus in infinitum saltem per Dei potentiam multiplicari possint species: quod praesertim in speciebus specialissimis verificatur. V. g. sub genere substantiae spiritalis, infinitae Angelorum species sunt sine dubio possibiles: sub genere item coloris, infinitae colorum species. Naturaliter tamen & de facto, certae sunt & determinatae rerum species: quia non omnes species possibiles, sunt de facto conditae. Et in hoc sensu debet explicari dictum Porphyrii. Et discrimen generis à specie debet sic intelligi: quòd licet nec etiam indiuidua de facto multiplicentur in infinitum, nisi recurratur ad falsam opinionem de aeternitate Mundi; tamen indiuidua semper magis ac magis de nouo multiplicantur in rebus corruptibilibus, & quotidie noua indiuidua emergunt. Ac non ita multiplicantur & immutantur species, sed in certo ac determinato numero sub suis generibus recensentur.

Dico secundo. Absolutè loquendo, genus non requirere species actu existentes, sed sufficere possibiles. Hac est communior recentiorum sententia, Et probatur planè, quia vel requiritur actualis existentia specierum, ad hoc vt natura generica habere possit intentionem vniuersalis generis. Et hoc dici non potest, vt satis probatum est quaest. 8. sectione 12. Nam vniuersale est, quòd aptum est esse in multis: & genus est, quòd aptum est esse in pluribus speciebus: vnde non solum non requiritur quòd existant plures species, sed ne vna quidem, sed sine existentia generis potest essentialiter predicari de suis speciebus, & ad hoc per accidens se habet existentia actualis. Vel requiritur ad hoc, vt natura

Secunda conclusio, non requiritur actu existentes.

natura generica realiter existat. Et hoc modo verissimum sane est, requiri existentiam saltem vnius speciei: quia vniuersale non potest existere separatim. Et ad hoc vt aduersus existat natura generica, imo & existat secundum totam suam essentiam, sufficit existentia vnius speciei: nam in quolibet inferiori vniuersalium reperitur tota essentia naturae, id est secundum omnia praedicata essentialia, vt in vniuersum dictum est quae questione octaua sectione 13. Vel demum requiritur ad hoc, vt natura generica adequatè existat, id est etiam secundum partes suas potentiales. Et sic quidem fateor, vt adequatè existat requiri, non solum plurius, sed omnium prorsus specierum sub genere possibilem existentiam. Nam illae omnes sunt partes potentiales generis, & in illis omnibus potest natura generica existere: Sed hoc modò etiam ad existentiam adequatam speciei, requiritur existentia omnium indiuiduorum possibilem. Nam ea omnia pariter sunt partes potentiales speciei, & in ijs omnibus species a se ipsis realiter existere. Et quando existit vnum solum indiuiduum speciei, reuera deest tota illa entitas realis possibilis intra eandem speciem, quomodo haberent alia indiuidua si existerent: quae entitas non minus esset de perfectione speciei, quoniam sit illa quae existit in eo vno indiuiduo: imò tanto magis, quanto entitas tot indiuiduorum possibilem praeponderat entitati vnius solius indiuidui. Non ergo ex hac parte plus requirit genus existentiam suarum specierum, quam species suorum indiuiduorum.

Dico tertio. Propter auctoritatem tam grauium Auctorum, qui oppositum dicere videbantur, esse aliquo modo concedendum, genus requirere plures species, in quo differat a specie non requirente plura indiuidua. Et primo hoc explicatur, quia naturaliter loquendo sub omni genere nobis noto, inveniuntur plures species existentes: licet per Diuinam potentiam possit vna sola existere. At aliqua species sunt quae tantum in vno indiuiduo conseruantur, videlicet species Solis, Lunae, & aliarum rerum similium incorruptibilium. Item magis per se est, vt sub genere existant plures species: cum veluti per accidens sit, vt sub vna

specie existant plura indiuidua, propter conseruationem scilicet ipsius speciei in rebus corruptibilibus. Ita significat Sorus loco citato. Còsultò autem dixi, sub omni genere nobis noto, quod scilicet solet assignari & considerari, tanquam genus. Alioqui facile dici potest, esse possibilem aliquam aliam rerum speciem, quae ita conueniat cum aliqua nunc existente, vt vnum genus cum illa participaret; & tamen de facto non nisi vna species inueniatur: & propterea non cogitari naturam genericam communem sub ratione generis, sed tantum sub ratione certa speciei nobis nota.

Secundo explicatur, quia differentia contractiua generis, & ipsae species contractae sub genere, solent esse inaequalis perfectionis: indiuidua verò speciei sunt in sua entitate prorsus similia & aequalia. Ad hoc ergo vt existat genus secundum varios gradus perfectionis, requiritur existentia specierum: quod non habet locum in specie & indiuiduis. Ita Fonseca quæst. cit. sect. 9. concl. 3. qui in hoc sensu ait, intelligendos esse antiquiores illos Auctores.

Tertio explicatur, quia differentia contractiua generis dicitur gradus formales & essentialis: vltima autem differentia indiuiduantes dicuntur gradus materiales. Vt ergo existat genus secundum plures gradus formales essentialis, requiritur existentia specierum: quod non dicitur de existentia speciei in indiuiduis.

Quarto demum, quia multò magis confert ad splendorem vniuersi, & ad varietatem rerum, multiplicatio specierum, quam indiuiduorum, vt patet. Sic ergo maiori ratione dicitur genus requirere plures species existentes, quam species plura indiuidua. Vnde insuper ad existentiam generis secundum totam eius latitudinem adequatam, oportet sanè existere omnes species eius possibiles: tamen ad existentiam proportionatam & consentaneam huic vniuerso secundum presentem ordinationem, quae a Deo constitutum est, sufficit existere plures, etsi non omnes, illas scilicet: quae praesenti rerum vniuersificati determiunt.

Ex his facillimè respondetur ad fundamentum primae sententiae. Rationem generis non posse saluari sine ordine

Secundo.

Tertio.

Quarto.

Oppositum
iuxta aucto-
ritatem solun-
tur.

Differen-
tia
me genus
a specie.

Primo.

SECTIO V.

*An & quomodo Genus respiciat
etiam indiuidua specterum.*

ad plures species saltem possibiles: Imo etiam si ratio generis consisteret in aptitudine efficiendi per modum partis materialis: id ipsum saluari non poterat sine pluralitate specterum vniuersalium, quâvis materia physica possit bene saluari per ordinem ad vnâ formam. Et disparitas est manifesta. Quia tantum natura generica dicebatur pars materialis, & non tota essentia, in quantum differentia contrahens erat gradus communicabilis alijs pluribus: alioqui etiam natura specifica dici deberet pars & non tota essentia. An autem de facto vniuersalitates generica saluetur, non tantum respectu specterum, sed etiam singularium sub speciebus, tractabimus sect. seq.

Item patet ad fundamentum secundæ sententiæ. Non enim probat, propter ipsam vniuersalitem generis, requiri species actu existentes, sed solum ad existentiam perfectam naturæ genericæ. Quod ipsum intelligendum est iuxta explicationem traditam. Nec probat, esse simpliciter necessariam naturam genericam tali modo existere, sed ad summum naturaliter ita esse debere. Sed præterea quando Aristoteles dixit, contraria debere existere, loquutus est de contrarijs propriè dictis, non de omnibus oppositis. Imo de his ait in Postprædicam. cap. 1. non esse necessarium, existente vno oppositorum existere & aliud. Dum verò dicitur potentia generis esse potentia naturalis. Vel sensus est, fundata & radicata in natura essentiali generis. Et hanc potentiam necesse non est reduci ad actum: non enim omnia quæ essentialiter possibilia sunt, actu sunt. Vel sensus est de potentia causarum naturalium de facto existentium ad producendas species generis. Et necesse non est, potentiam generis esse hoc modo naturalem, vt patet ex dictis de vniuersali in communi sectione quarta. Deum quando Aristoteles dixit, necessariò differentias generis esse: non est loquutus de existentia actuali: sed esse dixit, id est dari tales differentias essentialiter loquendo: quia nempe necessarium est, genus posse diuidi per differentias. Et ita clarè patet ex textu.

Quia sub speciebus indiuidua concidentur: oportet ad complementum generis videre, num habitudo generis ad ipsa indiuidua extendatur, siue quo pacto genus ad illa se habeat. Et præcipuè difficultas est, an eadem vel diuersa habitudine qua species, respiciat earum indiuidua: & an respectu ipsorum indiuiduorum habitudo naturæ genericæ sit verè habitudo & vniuersalitates generis, vel quænam sit.

Doctores Louanien. opinati sunt, relationem generis ad indiuidua esse diuersam essentialiter & specificè à relatione eiusdem generis ad suas species: & per ordinem quidem ad species, genus esse verè genus: per ordinem v. r. ad indiuidua, constitui quandam aliam speciè vniuersalis distinctam ab alijs vniuersalibus: & quam, quia non habet peculiare nomē, nominant innominatam.

*Opiniones
varia.*

Alij Doctores magis communiter sentiant vel supponunt, genus eadem habitudine referri, non solum ad species, sed etiam ad earum indiuidua: proximè quidem & primariò ad species, remotè & secundariò ad indiuidua. Ita Scot. q. 17. Vniuer. Conimbr. q. x. de Specie. Masius sect. 2. de Genere q. 3. & 4. Fons. 5. Met. c. 28. q. 14. sect. 3. Et alij apud ipsum.

Deinde, siue distincta, siue eadem habitudo sit: Aliqui etiam volunt, respectu indiuiduorum esse verè habitudinem genericam: ita vt animal v. g. etià respectu singulariū hominū et brutorū sit verè genus. Alij autem volunt, esse potius habitudinē specificā, sicut hominū ad singulares homines. Aliqui demum apud Louanien. opinati sunt, genus quodlibet primò & adæquatè referri ad aliquid cōe tum speciebus tum indiuiduis: quod vocarū: subijcibile in quæstione quid est incōpletè. Cū enim genus dicatur simili mō in quid, non solum de speciebus, sed et de indiuiduis: hoc cōe speciebus & indiuiduis, nec solæ species, sicut nec sola indiuidua, erit adæquatus terminus habitudinis genericæ, siue adæquatum correlatiuum gene-

gene-

generis. Et ita defendit Hurtad. disp. 5. lect. 11 §. 5.

Genus respicit etiam indiuidua.

Dico primò. Genus verè respicit non solum species, sed etiam indiuidua: estq. respectu eorum vniuersale ac prædicabile. Est certa conclusio. Et patet euidenter. quia natura generica apta est inesse, & de facto inest, apta est prædicari, & de facto solet prædicari de ipsis indiuiduis. Imò necessarium prorsus est, vt si dicitur de speciebus, dicatur etiam de indiuiduis: quoniam omnia essentialia prædicata speciei, conueniunt necessario indiuiduis. Et hoc totum notauit Porphy. in cap. de Specie. Atque in vniuersum dicere valebit, quodcumque genus non solum respicere species sibi immediatas, sed quæcumque alia sub ijs speciebus rursus contineantur, vsque ad vltima indiuidua. Nam genus generalissimum essentialiter respicit omnes species & genera intermedia, & tandem sistit in indiuiduis: de què ijs omnibus essentialiter prædicatur.

Vna habitudine adequatè apta respicit species et indiuidua.

Dico 2. Genus vna & eadè aptitudine adequatè sumpta, qua respicit species, respicit etiam indiuidua. Explicatur & probatur primò de aptitudine reali, quæ non est alia quam entitas ipsius naturæ: eadem vtrique entitas natura est in specie ac in indiuiduo, idem actus essendi: & inseparabile prorsus est, esse in indiuiduo ab esse in specie: ita vt nulla potentia fieri possit, vt natura generica sit in aliqua specie, & non in aliquo indiuiduo talis speciei: siue è conuersio in aliquo indiuiduo, & non in specie talis indiuidui. Eadem ergo indiuisibilis est hæc aptitudo.

Secundò. Id verificatur etiam de aptitudine rationis, si adequatè sumatur & cogitetur secundum totum suum fundamentum. Nam cum genus realiter sit in ipsis indiuiduis inseparabiliter à speciebus modo dicto: si cogitari debeat adequatè habitu de generis ad omnia sua inferiora, & secundum totum fundamentum quod in re subest, vtrique cogitabitur habitu non solum ad species, sed etiam ad indiuidua. Itaque quod recto ordine primario & proximè concipiatur in ordine ad species, consequenter & mediantibus speciebus in ordine ad indiuidua.

Tertio idem confirmatur. Si natura generica esset realiter separata habens realem aptitudinem ad essendum, in speciebus & indiuiduis: vique eadem reali habitu hanc omnia respiceret. Imò de facto forma accidentalis qua habet potentiam realem ad essendum in subiecto, eandem realem potentiam habet, siue cogitetur ad subiectum in communi, siue ad singularia subiecta. Igitur quando cogitatur aptitudo rationis in natura generica ad sua inferiora, si cogitetur adequatè, concipietur vna aptitudo, attingens pro suo termino proximè species, & consequenter indiuidua.

Possunt tamen distinguere qui plures habent indiuidua.

Dico tertio. Potest distinctè & inadæquatè cogitari habitu natura generica ad species non cogitando expresse de indiuiduis, & è contra immediatè ad indiuidua non cogitando de speciebus. Fundamentum huius conclusionis est ipsa experientia: possumus enim & solemus vtroque modo cogitare, vt cuiusque compertum est. Et possumus ac solemus prædicare genus de speciebus sistendo in illis: item immediatè de indiuiduis, Petrus est animal, Bucephalus est animal. Neque oportet, vt inter conceptus singularem & conceptum genericum animalis, simul obseruentur in mente conceptus vniuersales specifici de homine & equo.

Ita ergo fieri potest, vt in mente detur quædam aptitudo rationis, attingens solum species & non indiuidua, vel è contra solum & immediatè indiuidua & non species. Quando ergo intellectus cogitabit aptitudinem ad hæc omnia, erit alia habitu, adequata scilicet & completa iuxta præcedentem conclusionem. Et ratio a priori huius rei est, quia cum aptitudo non sit realis, sed tantum sit opus rationis, potest per operationem ipsius intellectus per plures & varios conceptus his omnibus modis efformari. Cum tamen, si esset aptitudo realis, omnino semper esset adequata circa omnem suum terminum, & non posset taliter diuidi & dissipari.

Ex hac & præced. concl. sequitur, posse etiam ab intellectu concipi aptitudinem naturæ genericæ ad sua inferiora, non distinctè cogitando, nec species, nec indiuidua, vtraque cõplectendo sub conceptu communi inferiorum generis, siue eorum

quæ differunt specie. Nam quando nominamus inferiora generis, vtiq; non exprimimus nec species nec individua determinatè: & vtiq; datur conceptus in mente correspondens huic loquutioni. Potest ergo hoc etiam modo cogitari apud genera.

Habitudo ad individua speciei differentia, est verè generica.

Dico iam quartò, habitudinem naturæ genericæ quæ refertur ad individua quæ differunt specie, esse verè habitudinem genericam. Si verò referatur ad individua quæ non differunt specie, non esse habitudinem genericam, sed esse potius habitudinem specificam. Prima conclusionis pars videtur de mente Porphy. cap. de Specie, cum docet: genus posse dici, non solum de ipsis speciebus differentibus, sed etiam de individuis contentis sub ijs speciebus, & videtur loqui formaliter de genere vt genus est. Imo consonat ratio & definitio generis, quod prædicatur de pluribus differentibus specie. Consulto enim dictum videtur de differentibus specie, & non de speciebus: quia certè in toto rigore individua diuersarum specierum, licet non dicantur species diuersæ, tamen dicuntur differre specie. Genus ergo est genus, non solum inquantum aptum est prædicari de speciebus, sed etiam de individuis specie differentibus. Vnde animal, v. g. comparatum ad Petrum hominem & Bucephalum equum, dici debet vniuersale genus, sicut dicitur respectu hominis & equi absolurè. Et iuxta hoc debet intelligi quod antea dicebamus, genus dici debere de pluribus speciebus vniuersalibus. Non ita scilicet, vt omne id ad quod refertur vniuersalitas generica, esse debeat species, quæ sit vniuersalis: sed ita quod genus debet omnino continere tales species, vt dicatur genus respectu quoruncunque differentium per ipsas species vniuersales, iuxta convenientem & receptum loquendi modum.

Non verò ad individua eiusdem speciei.

Probari deinde secunda conclusionis pars, ex eadè ipsa definitione generis, & ex doctrina superius tradita. Quia cum genus comparatur solum ad individua vnius speciei, non potest dici respectu illorum prædicari de pluribus differentibus specie: sed sicut si diceretur de illa tantum specie, non esset genus, sed esset species: quia de ratione generis est plu-

ralitas specierum: ita pluralitas individuum in vna specie conuenientium, non est sufficiens ad denominationem generis. Et nisi quis cogitet, naturam illam communem ita dici de indiuiduis vnius speciei, vt non sit ad illa coarctata, sed possit etiam dici de alijs specie differentibus; non cogitabit, nec poterit affirmare, illam naturam esse genericam. Sicut si penitus ignoraret, eam naturam esse communem pluribus specie differentibus, sed putaret esse propriam vni tantum speciei & indiuiduis eius, vtiq; omnino ignoraret illam naturam esse genericam. Quando ergo non cogitat illam communem, licet alias sibi notam, non cogitat communiter genericam.

Hinc sequitur tertia conclusio *Sed potius est specificca.* pars. Tum quia dum natura alioqui generica comparatur ad individua vnius tantum speciei, est vtiq; vniuersalis & prædicabilis in quid: non potest autem in hoc fingi tertia vniuersalitatatis species præter genus & speciem: ergo est vniuersalis vniuersalitate specifica. Prætere illi optimè conuenit tota definitio speciei: est enim vniuersale aptum prædicari in quid de pluribus numero differentibus: ergo est vniuersale species. Tum etiam quando de facto cogitur aliqua species, ad suamque individua refertur: vtiq; tota essentia ipsius speciei, in qua certè includitur genus eius, imò vtiq; ad genus generalissimum, subit vniuersalitatem specificam: ergo comparatio cuiuscunque naturæ ad individua eiusdè speciei & solo numero differentia, constituit vniuersalitatē specificam. Tum demum si sub animali dicamus, hoc animal & illud animal, non dicendo hoc animal hominem, & illud animal equum: vtiq; animal respectu illorum terminorum est species & non genus, vt bene notauit Rurinus quæst. 5. de Specie, conclus. 1. Nam prorsus ita se habet, sicut homo ad hunc hominem & illum hominem: cum tamen, si dicamus animal est commune ad hoc animal hominem, & illud animal equum, tunc sit verè genus. Natura ergo communis si comparatur ad plura individua, seclusa diuersitate specifica, constituit vniuersale speciem, & non genus.

Quod

Seçt. V. Quomodo respiciat etiã indiuidua. 263

Potest cogitari habitu abstrahens à genericis & specificis.

Quod si quis tantum cogitet, naturam esse communem essentialiter pluribus inferioribus, de quibus possit dici in quid, nec cogitando diuersitatem, nec conuenientiam specificam inter illa, sed prædicando ab utraque: tunc sanè nec erit vniuersale genus, nec species: neque tamen hæc erit tertia vniuersalitatis species. Sed erit genus quoddam vniuersalitatis commune ad vniuersalitatem genericam & specificam. Quando enim in diuisione vniuersalis, declarando sufficientiam eius dicebatur. Vniuersale vel est commune pluribus essentialiter, vel accidentaliter: vtrique non erant aliæ species vniuersalitatis distinctæ à quinque: sed erant tanquam genera magis propinqua, vnum completens primas tres species, aliud completens vltimas duas species vniuersalitatis. Et restringendo adhuc vniuersale essentialiter commune, & quod predicatur in quid: est quoddam genus completens genus & speciem. Sicut ergo si quis cogitet aliquam naturam esse communem accidentaliter, nec cogitet an contineatur ab intrinseco vel ab extrinseco: non efficit tertiã speciẽ vniuersalitatis à proprio & accidenti, sed cogitat tantum genus quoddam vniuersalis commune proprio & accidenti. Ita prorsus res se habet circa genus & speciem.

Inferunt quod sit æquatum correlatiuum generis.

Ex hac conclusione inferendum est, quissam principaliter & adæquatè sit terminus habitudinis genericæ, seu quodnam sit adæquatum correlatiuum generis. Si enim quæzatur id ad quod proximè & primariò referri debet genus: hæc sunt species vniuersales quæ immediatè ipsi generi subsunt. Si autem quæzatur totum id ad quod genus referri potest: sic non sunt solæ species, sed etiam indiuidua. Et benè assignari poterit correlatiuum adæquatum generis sub hoc nomine, subijcibile generi, siue ea quæ differunt specie. Quæ est vtrique conceptus communis tam indiuiduis, quam speciebus. Non quidem quasi genus dici debeat immediatè solum referri ad talem conceptum communem. Sed quia immediatè potest referri formaliter ut genus est, siue ad talem conceptum communem, siue ad species, siue ad indiuidua. Nec est inconueniens concedere

talem conceptum communem speciebus & indiuiduis simul: quia est conceptus secundæ intentionis, quæ accidentaliter dicitur de subiecto: & iuxta varias operationis intellectus facillimè potest varijs modis efformari. Sicut vtrique admitti debet conceptus subijcibilis essentialiter, qui completitur subijcibile tribus primis vniuersalibus: & similiter subijcibile accidentaliter, & sic alijs modis.

Obijcies primò, quòd genus non possit vnica habitudine respicere indiuidua cum speciebus. Indiuidua & species referuntur vtrique relatione subijcibilitatis ad genus: sed non eadem relatione, ut videtur manifestum: ergo è conuerso genus non potest vna eademquẽ relatione vtrique respicere.

Respondetur primò: negatur confessio. Et ratio est manifestæ: quia licet non possit esse vna relatio in duplici subiecto ad vnum terminum: tamen benè potest esse vna relatio in vno subiecto ad duplicem terminum. Nam vnitas relationis magis sumitur ex parte subiecti, quam termini. Et eò magis potest esse vna relatio in vno subiecto ad duplicem terminum, quando ordinatè respicit vtrumque, vnum mediante alio. Sic in entibus ipsis realibus duplex est habitudo potentia: & quæ habetur ad actum: vna autem ipsius actus ad potentiam & habitum simul. Atque, ut notauit Sanctus Thomas 3. parte quæst. 35. artic. 5. duplex est relatio Patris & Matris ad Filium, vna Filij ad vtrumque: plures sunt relationes Discipulorum ad Magistrum, vna Magistri ad Discipulos: & sic in alijs plurimis exemplis. Atque in casu nostro, vna est relatio generis ad plures species, speciei ad plura indiuidua: licet plures sint relationes ex parte singularum specierum ad genus, indiuiduorum ad speciem. Secundo vltcrius potest etiam esse vna relatio specierum & indiuiduorum ad genus. Cum enim hæc sint relationes rationis, potest intellectus vno conceptu cogitare species ac indiuidua referri ad genus: & tunc vna erit omnium relatio. Et eò facilius, quòd species ab indiuiduis nõ realiter distinguuntur. Quinimo etiam omnium ipsarum specierum, quæ inter se non solum distinguuntur, sed opposita sunt, potest intellectus

Nam species et indiuidua eandẽ vel diuersã habitudinem referant ad genus.

vno conceptu cogitare respectum ad genus.

Nam in diuidua eadē vel diuersa habi- tatio respiciant ge- nus & spe- ciem.
Obijcies secundò. Ipsum indiuiduum refertur tum ad genus tum ad speciem: sed non vnica relatione; nam ad speciem refertur completè, ad genus incompletè: ergo pariter genus non potest vnica relatione referri ad species & indiuidua.

Respondetur primò, disparitatem esse in promptu: quia genus non diuerso sed eodem modo respicit species & indiuidua. Secundò etiam ipsum indiuiduum potest cogitari vnica relatione referri ad speciem immediatè, ad genus mediata: arque, etiam si dicatur ad speciem referri completè, ad genus incompletè: quia respectu diuersorum potest diuersi- modè denominari.

Quo do- zar habi- tudo gene- rica respo- dit indiui- duorum.
Obijcies tertio, quod non possit ge- nus diuersis relationibus respicere indiuidua ac species. Quia hæc relationes inter se specificè differrent. Vnde cum dictum sit, genus etiam respectu indiuiduorum esse genus, sequitur dari diuersas specie relationes genericas, atque adeò genus non esse speciem infimam, vniuersalem.

Respondetur. Hoc totum non esse incommensens, vt dicemus sectione sequenti.

Obijcies quartò, quòd respectu indiuiduorum non possit saluari ratio generis. Genus necessariò ac sufficienter definitur per ordinem ad species. Sic notauit Porphyrius cap. de specie, ex necessitate genus debuisse definiri per speciem. Ergo solum per respectum ad species saluatur ratio generis.

Respondetur primò. Sufficiensr defini- ri genus per ordinem ad species, quia respicit primariò species: & dum dicitur respicere species, virtualiter dicitur etiam respicere indiuidua. Secundò, ge- nus necessariò quidem definiri per ordinem ad species: tamen adæquatè defini- ri per ordinem ad ea omnia quæ differunt specie, completendo etiam indiuidua, differentia specie.

Quomodo dari possit ratio prius subijcibilis com- muni spe-
Obijcies quintò ex Fonseca, quòd non detur conceptus ille subijcibilis commu- nis speciebus & indiuiduis. Quia sic da- retur etiam conceptus prædicabilis in- quid communis generi & speciei, ad quod proximè referatur indiuiduum. Quod

tamen nemo concedit. Et præterea con- ceptus ille subijcibilis esset quædam spe- cies infima subijcibilis: vnde non potest explicari, quomodo sub illo species tum indiuiduis vniantur.

Respondetur in primis, non solum dari conceptum subijcibilis communem speciebus & indiuiduis respectu generis. Sed etiam dari còceptum subijcibilis in quid completens, tam subijcibile generi vt genus est, quàm subijcibile speciei vt species est. Et sic etiam esse concedendum conceptum illum prædica- bilis, quem Auctores non negant. Imò multi norant, in diuisione vniuersalis dari conceptus intermedios inter vniuer- sale in communi & quinque species vniuersalis. An vero indiuiduum proximè ad illum conceptum prædicabilis referatur, explicandum est eodem modo, quò dictum est genus posse ad sua subijcibilia referri. Videlicet posse cogitari relationem indiuiduorum ad speciem, item immediatè ad genus, ac de- mum adæquatè ad omne prædicabile in quid, cui ipsa possunt subijci. Deinde non oportet dicere, conceptum illum, communem subijcibilis esse speciem, infimam subijcibilis: sed dici potest, posse diuidi in duas species: in species subijcibiles, & indiuidua subijcibilia. Nimirum cum nec sit necessarium dicere, habitudinem genericam esse speciem quandam infimam, quæ non possit diuidi in plures species. Si autem dicatur esse species infima vtendū sub illa vniantur species & indiuidua, tanquam subiecta indiuidualia talis relationis subijcibilitatis, tanquam forme accidentalis, & de ijs prædicabilis in quale. Imò in omnium sententia sub conceptu subijcibilis generi dici debent conuenire omnes species subijcibiles, partici- pando relationem ipsam subijcibilitatis: ita vt signari possint hæc species subijcibilis, & illa species: vbi hæc & illa species se habeat tanquam subiecta indiuidualia, de quibus dicitur se- cunda intentio subijcibili- tatis.

SECTIO SEXTA.

Quoruplex sit Genus.

Communiter ferè sentire videtur, tam Genus, quam alia quatuor vniuersalia, esse species infimas vniuersalis: & nò dari plures & diuersas species generis formaliter loquendo, idest species generitatis: sed vnâ solam esse generitatis (speciem in quacunque natura generica. cum tamen ipsæ naturæ diuersissimæ sint: arque ad eò ex parte naturæ. genus non solum non sit species infima, sed sit valde multiplex iuxta varietatem omnium naturarum. Omnino tamen tradendæ sunt aliquæ generis diuisiones. & breuiter videndum, an formaliter in ratione generis detur aliqua diuersitas, diuersitas scilicet generitatis species.

Et primò quidē, quæ genus diuidi potest ex parte naturæ, videlicet aliud genus est substantia, aliud quantitas aliud qualitas &c. dici potest, diuersitatem essentialē non esse tantum in ipsa natura, sed in genereitate formaliter sumpta, deriuatam tamen ex diuersitate naturæ, vt indicauimus sectione prima ad primum. Probatur. quia de facto cum detur similitudo realis inter ea quæ participant naturam cōmunem, alia vique est similitudo hominis cum equo in ratione animalis, corporis cum spiritu in ratione substantiæ: arque lineæ cum superficie in ratione quantitatis: habitus cum potentia in ratione qualitatē: & sic de alijs. Vbi, si hæc censeantur esse relationes à parte rei distinctæ ab ipsis rebus, vtiq; sunt diuersæ relationis species. Pariter ergo communitas ipsa natura, siue aptitudo quæ illi tribuitur, & vniuersalitas suadeta in tali similitudine, dici non debet esse vnus infimæ speciei: sed potius esse multiplex speciei, sicut ipse relationes similitudinis & cōuenientiæ essentialis à parte rei.

Secundò. Si natura vniuersalis esset separata, & haberet aptitudinem realem essendi in multis: esset planè essentialiter diuersa aptitudo substantiæ ad essendum in suis speciebus, & quantitatis in suis, & sic de reliquis. Arque de facto aptitudo realis vniuersaliusque naturæ ad

essendum in re, quæ est ipsamet essentia naturæ, est maximè diuersa iuxta varietatem naturarum: ergo etiam in aptitudine, quæ per rationem effingitur, & in ipsa vniuersalitate formali, est hæc diuersitas agnoscenda.

Tertiò. Plus sine dubio differt aptitudo, quæ cogitur vno actu, substantiæ ad sua inferiora, ab aptitudine quæ cogitur quantitatis ad sua; quàm differat ab aptitudine, quæ alio actu, siue ab alio intellectu, cogitur etiam substantiæ ad sua inferiora. Et quidem, quando varijs actibus cogitur semper aptitudo substantiæ ad suas species, hæc sunt aptitudines solo numero diuersæ & eiusdem speciei. Sed inter aptitudinem substantiæ & quantitatis tanta est diuersitas, vt merito dicendum videatur, aliam esse speciem habitudinis, quæ cogitur in substantia, ab ea quæ cogitur in quantitate, & sic de reliquis: quæ omnes conueniant sanè in communi ratione aptitudinis generiæ: sed in speciali differant, quòd alia est aptitudo substantiæ, alia quantitatis.

Quartò ulterius sequitur, iuxta varias conuenientias & diuersitates ipsarum naturarum, esse quodam pari modo varios gradus in ipsis vniuersalitatibus distinguendos. Videlicet cum in prædicamento substantiæ sint plura genera, dabitur conceptus vniuersalitatis generiæ, conueniens naturis substantiælibus, in quo omnia genera substantiæ conueniunt, & per quidem differunt ab omnibus generibus, quæ sunt in prædicamento quantitatis, & in alijs prædicamentis. Et ita plura excogitari possunt.

Quintò. Ratio à priori huius rei est, quia diuersitas relationis & aptitudinis, non solum sumitur ex diuerso modo respiciendi, sed etiam ex diuersitate subiectorum & terminorum. Nam de ratione relationis & aptitudinis, non solum est talis vel talis modus respiciendi; sed etiam ordo ad talem vel tale terminum, & ordo talis vel talis subiecti: ex reali ergo diuersitate eorum, resultat etià formalis diuersitas in ipsa relatione & aptitudine. Quod ergo realiter in veris entibus reperitur, etiam in entibus rationis suo modo concedendum est. Sic

certe

Genus valde multiplex est ex parte naturæ.

Diuersitas velum dat etiam in ipsam generitatem.

cerrè alia essentialiter dicitur relatio
visi quæ cogitatur in colore, & relatio
auditi quæ cogitatur in sono; quamvis
eodem modo se habere cogitentur: sicut
si hæ relationes essent reales, essentialiter
utique differrent.

*Genus, aliud
genus
valissimum
aliud sub
alterum.*

Secundò præcipuè diuidendum est ge-
nus magis formaliter sumendo diuisionem
ex parte vniuersalitaris, in genus su-
premum & genus intermedium, siue
genus generalissimum & genus quod di-
citur subalternum. Hanc diuisionem
tradit Porphyrius cap. de Specie; & alij
omnes approbant. Estquæ necessaria &
maximè opportuna ad coordinationem
prædicamentorum. Genus supremum
& generalissimum est, quod non habet
supra se aliud genus. Genus interme-
dium & subalternum est, quod habet su-
pra se aliud genus: atque aded respectu
eius dicitur species, species scilicet subij-
cibilis, & appellatur genus simul & spe-
cies. Dubitari autem potest, num genus
generalissimum sit illud quod prorsus nõ
habet supra se genus, vel quod in coor-
dinatione certi prædicamenti non habet
supra se genus: esto alias detur extra
prædicamentum aliquod genus supra ip-
sum. Quod idem est, ac quærere, num
prædicata transcendentalia quæ sunt su-
periora & communia prædicamentis, sint
genera vel non. Hoc autem propriè spe-
ctat ad ipsa prædicamenta, ibiq. id exa-
minabimus.

*Aliud in-
fimum
aliud su-
perius.*

Vel alio modo potest diuidi genus, in
genus infimum & genus superius. Ge-
nus infimum dicimus quod est vltimum
genus in suo ordine, non habens sub se
alia genera, sed tantum species specialis-
simas. Genus superius dicimus, quod
habet sub se alia genera, quæ rursus de
alijs speciebus prædicantur. Et in hoc
dubitari potest; quomodo differant ge-
nus infimum & genus superius in ipsa for-
mali ratione generis. Et quidem admi-
tteri potest, differre suo modo essentialiter.
Nam aliquo modo diuersa vniuersalitas
est, esse vniuersale generum, ac esse vni-
uersale tantum specierum: sicut diceba-
mus diuersam vniuersalitatem esse, esse
vniuersale specierum, ac tantum indiui-
duorum. Sed tamen non est tanta omni-
no diuersitas: quia omnis vniuersalitas
generis conuenit in hoc, quod genus sit

vniuersale aliorum vniuersalium, in quo
differt ab vniuersalitate speciei specialis-
simæ. Vnde benè assignari & distingui
poterunt, vniuersale genus & vniuersa-
le species. Et nunc benè diuidi potest
genus, quod est genus generum, vel vni-
uersum specierum: siue genus cuius spe-
cies subijcibiles sunt vniuersalia genera,
& genus, cuius species subijcibiles sunt
species infimæ prædicabiles.

Tertiò præterea, si verum est, aliquod
genus esse quod perfectè à suis differen-
tijs præcindat, aliquod verò quod solum
imperfectè: de qua re agemus in quæst.
de differentia: Hæc est sane maxima ra-
tio diuidendi genus. Et sine dubio his
duo modi vniuersalitaris essentialiter for-
maliter distinguuntur. Nam in abstra-
ctione ipsa ab inferioribus, siue à diffe-
rentijs, est notabilis diuersitas. Imo tanta
est, vt conceptus illi qui ab inferiori-
bus non perfectè præcindunt, soleant
ab omnibus quinque vniuersalibus peni-
tus ablegari: si ergo inter vniuersalia
admitcantur, omnino magna diuersitas
formalis est inter eos, qui perfectè &
qui imperfectè præcindunt.

*Genus,
aliud per-
fectè, a-
liud im-
perfectè
præcinden-
s.*

Quartò demum, quia prædictum est, in
eodem genere posse distinctè cogitari ha-
bitudinem ad species atque ad indiuidua:
admittendum est in eadem natura generi-
ca plures habitudines, omnesquæ generi-
cas, considerari posse suo modo distin-
ctas, & dici posse distingui essentialiter
ex diuersitate terminorum in concepti-
bus intellectus. Quamvis enim ipsi ter-
mini, videlicet species & indiuidua,
quoad naturas reales non condistinguan-
tur essentialiter. Tamen quia conceptus
secundarum intentionum determinatur vel
ad hæc vel illa, possunt dici hoc modo
distingui: sicut certè distinctæ secundæ
intentiones dantur, in natura generica;
in natura specifica, atque in indiuiduo
quod accipit secundam intentionem sub-
ijcibilitatis: & in ipsa specie diuersa est
intentio prædicabilitatis ad indiuidua,
subijcibilitatis ad genus: licet quoad na-
turas reales hæc omnia non condistin-
guantur essentialiter, sicut ipsæ secundæ
intentiones contradistinguantur.

Porrò hæc habitudines in natura gene-
rica pluribus modis distingui & multi-
plicari possunt. Potest enim cogitari ha-
bitudo

bitudo ad species & indiuidua, cum ordine quo respiciat species tanquam terminum primarium, indiuidua tanquam secundarium. Vel habitudo ad species tantum: vel habitudo ad indiuidua tantum. Vel habitudo ad ea quæ differunt

specie, non explicando species vniuersales, aut indiuidua contenta sub specie. Vel si quo alio modo intellectus possit naturam genericam ad inferiora comparare atque conferre.

QVÆSTIO VNDECIMA.

De Specie.

Porphyrus in Proœmio, Speciem non secundo, sed tertio loco numerauit: inter Genus & Speciem interponens Differentiam. Et insuper, quia genus & differentia sunt rationes cõstitutiue speciei: prius tam de differentia quàm de genere ante speciem videbatur agendum. Rectè tamen ipse Porphy. in tractatione, immediatè post genus & ante differentiam collocauit speciem: & rectè Boet. Ammon. Albert. alijque Expositores in cap. de Specie notant, hunc ordinem esse seruandum. Tum quia genus & species correlatiue dicuntur: vnde immediatè debent in tractatione coniungi, quia correlatiua dicuntur esse simul natura & cognitione. Tum quia genus descendit & contrahitur ad species per differentias: prius ergo post genus agendum erat de speciebus ad quas genus descendit, & postea de differentijs per quas descendit. Tum quia vniuersalia quæ prædicantur in quid, præcedere debent ea quæ prædicantur in quale. Tum demum quia sic doctrinæ tradendæ commodus est. Et hæc omnes rationes præponderant, vt species differentia præferatur.

Species autem in præsentì proposito duplicem sensum habet. Vnum per respectum ad genus sub quo continetur: sic homo & brutum v. g. dicuntur species animalis. Et in hoc sensu species appellatur subijcibilis. Alium sensum habet per respectum ad indiuidua: sic homo dicitur species Petri & Pauli & cæterorum. Et in hoc sensu appellatur species prædicabilis. Atque in vtroque sensu agendum modò est de specie. De specie quidem prædicabili, quatenus vniuersale quoddam vnum ex quinque. De specie autem subijcibili, ad maiorem ipsius generis explicationem, pleniorque notitiam.

SECTIO PRIMA.

Quid sit Species vniuersalis seu prædicabilis: qua ratione differat ab alijs vniuersalibus: & quomodo sit definienda.

EX dictis de genere ferè constat, quo modo speciei ratio explicanda sit, cuiusquè discrimen tam à genere quàm à cæteris vniuersalibus. Et breuiter pauca quædam hic colligenda & adnotanda sunt.

ra quæ essentialiter esset inmultiplicabilis & determinata ad vnum. Idquè dicebat ad hoc vt etiam in substantijs spiritalibus, quarum naturas supponebat esse inmultiplicabiles in plura singularia, defenderet esse species, & inter se differre specie. Verùm quantum ad hoc, iam diximus quæst. 8. sect. 4. esse rationem communem omnis vniuersalis, atque adeo etiam speciei, posse multiplicari in plura; esseque necessarium vt fiat realiter possibilia plura inter se similia & conuenientia in ea natura quæ dici debet vniuersalis. Supponere ergo oportet, hanc multiplicabilitatem esse de ratione speciei vniuersalis. Ita tamen quòd non requiratur actualis existentia plurium: imò nec etiam possibilitas naturalis, per vires

ribus indiuiduis.

De ratione speciei: cuiusque discrimen tam à genere quàm à cæteris vniuersalibus. Et breuiter pauca quædam hic colligenda & adnotanda sunt.

Primo Caiet. dicebat, ad rationem speciei vniuersalis non requiri, posse esse reuera in multis, sed sufficere si cogitaretur vtcunque in multis, etiam illa natu-

vires scilicet causarum naturalium, quæ dici solet potentia physica: sed iusticia: possibilitas saltem per Dei potentiam absolutam.

*Quanam
individa
dua di-
cuntur dif-
ferre nu-
mero.*

Secundo. Alij ex Thomistis, id totum vitio supponentes, atque concedentes speciem debere esse communem pluribus numero differentibus iuxta eius definitionem, asserunt ea solum dici differre numero, quæ diuisione quantitativa differunt, & non per intrinsecas differentias: sed hæc dicunt differre specie. Vnde inferunt, species vniuersales & prædicabiles, in suis tantum materialibus, non autem spiritualibus, reperiri. Concedunt etiam reperiri in accidentibus, non tantum materialibus, sed etiam spiritualibus: quia scilicet accidentia distinguuntur penes subiectum, quod est eorum veluti materia, est causa materialis & subiectina. Quando autem dicantur substantiæ spirituales differre specie: volunt id intelligi, specie tantum subiectibili, non prædicabili: eo quod conuenientes sub conceptu communi, inter se per intrinsecas differentias distinguuntur: vnde dicunt, illum conceptum habere vniuersalitatem generis, & singularia sub ipso contenta esse species subiectas tali generi.

*Non solum
qua differ-
entia diui-
sione quan-
titativa,
sed etiam
qua per
intrinse-
cas diffe-
rentias.*

Dicendum tamen est, illa plura per ordinem ad quæ species constituitur quoddam vniuersale & prædicabile, esse illa quæ numero differunt, sumendo differentiam numeralem pro quacunque differentia individuali, quæ scilicet versatur inter singularia, per singularia intelligendo quæ vterius communicari pluribus ad modum vniuersalium non possunt. Hæc est magis communis sententia. Et sine dubio est de mente Porphyrij, qui cum speciem definisset, quæ prædicatur de pluribus numero differentibus, id est de pluribus indiuiduis: definie etiam indiuiduum, dicens, quod de vno solo prædicatur: non dixit, quod diuisione quantitativa ab alio differt: sed quod de vno solo dicitur. Et satis probata manet hæc assertio ex dictis de genere. Nam natura communis, quæ non potest multiplicari in alia plura vniuersalia, sed tantum in singularia vterius inmultiplicabilia, non est vniuersale genus: ergo est vniuersale species, etiam si per intrinsecas diffe-

rentias diuidatur. Imo omnis natura communis quatenus communis, non potest non diuidi per differentias intrinsecas ipsis inferioribus in quæ diuiditur; etiam si hæc singularia sint, vt ostensum est in propria quæst. de singulari. Quare etiam in substantijs spiritualibus agnoscendæ sunt species vniuersales prædicabiles, penes quas illæ dicantur differre specie, non solum subiectibiliter etiam prædicabili. Et rursus scilicet sequenti dicemus, nullam esse speciem subiectibilem, quæ in se non sit vniuersale quoddam.

Tertiò. Ex aduerso aliqui significant, non sufficere ad rationem speciei prædicabilis, continere sub se plura numero differentia, de quibus secundum conuenientiam intrinsecam dicatur, atque adeò non omnem conceptum proximè communem indiuiduis esse speciem. Simulque voluit, naturam aliquam communem sub qua inueniantur alij conceptus rursus communes pluribus indiuiduis, esse vniuersale speciem, & non genus. Hi sunt illi, qui inter indiuidua eiusdem quam vocant infimæ speciei, constituant dissimilitudinem seu inæqualitatem: ita tamen quod in quolibet gradu talis inæqualitatis, inueniantur plurima inter se quidem æqualia, & ita tot classes indiuiduorum, quot gradus inæqualitatis sunt possibiles in illa specie. Nam dicunt, conceptum seu gradum tantæ vel tantæ perfectionis, licet communem pluribus indiuiduis, non esse speciem: sed naturam illam communem participabilem inæqualiter, licet dicatur de pluribus gradibus inæqualibus, quorum singuli sunt rursus communes pluribus indiuiduis inter se æqualibus, esse adhuc vniuersale speciem. Verum in quæst. de singulari ad finem, satis ostendimus, logicè loquendo, & secundum diuisionem vniuersalium hic traditam, naturam illam communicabilem pluribus gradibus inæqualibus, quorum singuli sint communes pluribus indiuiduis, esse vniuersale genus, non speciem; & gradus atque conceptus illos intermedios esse species. Quod sane ex distinctione tradita inter genus & speciem planè conuenitur. Imo mirandum fortasse videatur; aliquos, præsertim Cæsarum, ex vna parte dixisse, etiam naturam prius inmultiplicabilem

*Omnis &
sola natu-
ra commu-
nicabilis
proximè
individa-
uis, con-
stituit vni-
uersale
speciem.*

bilem esse speciem vniuersalem, & naturam aliquam communem proximè singularibus incommunicabilibus esse genus & non speciem; & ex alia parte dicere conceptum communem pluribus indiuiduis non esse speciem, & naturam communem pluribus his conceptibus seu gradibus incommunicabilibus non esse genus. Concludendum ergo est, omnem & solam illam naturam quæ est proximè communis pluribus singularibus, id est quæ non sunt ulterius communicabilia pluribus, habere adæquatam rationem speciei vniuersalis & prædicabilis.

Et ratio speciei formaliter est in re sciendo sola indiuidua.

Quartò. Hoc supposito aliqui volunt, ratione propriâ huius vniuersalitatatis non in hoc formaliter consistere, sed potius in eo quòd species possit inesse pluribus tanquam tota essentia: & per hoc distingui à genere & differentia, quæ dicebantur inesse tanquam partes essentia, vt supra de genere retulimus. Dicendum tamen est, propriam & essentialem rationem speciei vniuersalis, per hoc optime assignari, quòd species sit vniuersale habens sub se non alia vniuersalia, sed tantum vltima singularia. Patet ex dictis de genere, & ex alijs modò dictis. Nam ille modus dicendi de inesse per modum totius essentia, vel nihil affert diuersum, vel falsus est. Nam inancium dicunt, speciem inesse tanquam totam essentiam: non, quia negent in indiuiduis reperiri differentias indiuiduantes, sicut volunt genus adiunctas habere differentias specificas: nec quia negent differentias indiuiduantes esse intrinsecas ipsis indiuiduis, sicut sunt differentia specificæ speciebus: sed solum quia sunt infini gradus amplius incommunicabiles, ideoquæ vocantur materiales, non formales essentialiter. Quod, vt patet, in idem prorsus redit, quòd nos dicebamus, Aliqui autem plus velle videtur: idè scilicet speciem esse totam essentiam, quia præter naturam specificam, pro differentijs indiuiduantibus sunt accidentia, quæ non sunt de intrinseca entitate rerum: vel diuisione quantitatiua, quæ etiam accidit rebus. Sic autem talis dicendi modus est prorsus falsus ex dictis iam in quæst. de singulari, quia inclusis omnibus accidentibus, & diuisione ipsa quantitatiua, adhuc singularia extant cum intrinseca diuisi-

one quam inter se habent: nec natura specifica remanet velut vniuersalis sine differentijs determinantibus ad singularia.

Quintò. Ex his satis manifestum relinquitur, quo pacto species ab alijs vniuersalibus differat. Differt à duobus vltimis, quia inest & prædicatur essentialiter. Differt à genere, quia genus continet sub se vniuersalia, species tantum singularia: genus dicitur de pluribus inter se differentibus per conceptus alios vniuersales, species tantum de ijs quæ vltimo indiuidui conceptui differunt. Per hoc differt etiam species à differentia generica, id est illa quæ etiam dicitur de pluribus speciebus. An verò & quomodo differant species & differentia specifica, magis examinabimus quæst. sequentis & mox indicabimus.

Et per hoc differt à genere.

Sextò demum. Quia species definiri potest & debet eo sensu quo diximus de genere: Porphy. speciem prædicabilem definit: *Species est quæ de pluribus & differentibus numero in eo quod quid est prædicatur.* Vel per inesse, species sic definitur: quæ apta est inesse essentialiter pluribus tantum singularibus. Neque opus est, hic repetere ea quæ dicta sunt circa definitionem generis, quantum ad ea quæ communia sunt verique. Quantum verò ad id in quo differunt: intelligi omnino debet in descriptione Porphy. speciem esse quæ adæquatè, siue quæ immediatè, siue quæ tantum de differentibus numero prædicatur: alioqui etiam genus prædicatur de ipsis pluribus numero differentibus, nempe de omnibus indiuiduis sub speciebus, vt notauit ipse Porphy. ex cuius contextu planè constat, definitionem speciei quam tradit ita esse intelligendam: licet non ipsamet definitione ipse talem determinationem expresserit.

Species de finitur.

Socus, verò hic quæst. de Specie ad 2. conf. 2. argumenta, vult, debere subintelligi duplicem particulam exclusiuam: species est quæ solum prædicatur de pluribus solo numero differentibus. Quia si tantum diceretur, est quæ prædicatur de solo numero differentibus: etiam genus prædicatur de illis indiuiduis quæ solo numero differunt. Et, si tantum diceretur, quæ solum prædicatur de numero differentibus: etiam indiuidua diuersarum specie-

specie-

specierum de quibus genus predicatur, differunt numero; sed non solum numero, quia etiam specie. Potest tamen sufficere una particula exclusiua, per quam dicitur, illa plura de quibus species dicitur esse tantum singularia: quia hoc est dicere, speciem non dici de pluribus vniuersalibus, per quod planè dicitur à genere, quod ita dicitur de singularibus, ut dicitur etiam de vniuersalibus.

In contrarium obieci potest primò ad probandum, illa tantum differre numero, quæ differunt diuisione quantitativa, quæ sola efficit numerum, & de quibus dixit Arist. illa esse vnum numero vel plura numero, quorum est materia vna vel multiplex. Verùm hæc omnia satis explicata sunt in sua quæst. de singulari. Vnde constat, numerum debere sumi entitatiuè, & differentiam numeralem pro differentia indiuiduali intrinseca, quæ non ex diuisione quantitativa desumitur. Et loca Arist. ibi explicauimus.

Obieci secundo. Non bene explicari rationem essentialiæ speciei, per hoc quod refertur solum ad indiuidua, cum genus referatur ad species. quia sic species videtur constitui per negationem, quia scilicet non habet sub se vniuersalia: nam in eo quod est sub se habere singularia, conuenit cum genere, & tantum differt per illam exclusionem. Hoc autem est absurdum: quia vniuersalitas speciei est vtrique positua, sicut vniuersalitas ipsius generis.

Respondetur. Sæpè solere, per negationes explicari rationes posituas: sicut cum diuiditur animal per rationale & irrationale, substantia per corpoream & incorpoream. Sic ergo in calu nostro, vniuersalitas speciei quæ positua est, explicatur per negationem: quasi dicitur vniuersalitas speciei est talis forma positua, quæ habet pro termino suo adequato singularia. Et natura specificæ est talis natura positua, cui repugnat diuidi in plura vniuersalia. Imò ipsummet singulare ad differentiam vniuersalis soler sic per negationem explicari. Indiuiduum est quod de vno solo dicitur, id est non plulquam de vno, seu non de pluribus. Singulare est quod est incommunicabile, quod non potest multiplicari in plura: & tamen multò magis est

positua ratio singularis quæ est realis, quam ratio vniuersalis quæ est rationalis.

Obieci tertio. Vniuersalia constituentur per ordinem ad multa, non materialiter vt multa sunt, sed formaliter prout communicantia in ipsa natura vniuersali: ergo per diuersum modum communicationis, & non per diuersitatem eorum quæ communicant, debent distinguí vniuersalia: & alioqui non distinguuntur in ratione formali vniuersalis. Melius ergo assignabitur species, quæ potest inesse tanquam tota essentia, quam quæ potest inesse singularibus. Et cerè prima tria vniuersalia distinguuntur à duobus vltimis per diuersum modum communicationis, & etiam hæc duo vltima inter se: ergo non minùs oportet distinguí illa prima inter se.

Respondetur. Vniuersale in communi constituitur in primis per ordinem ad multa. Deinde diuidi in plures species: vel per diuersum modum respiciendi ipsa multa, & sic distinguuntur alia quæ dicta sunt vel per diuersitatem eorum multorum quæ respiciuntur, & hoc etiam sufficit ad distinctionem vniuersalium: præsertim dum diuersitas ipsa multorum non est extranea à ratione vniuersalis, imò consistit in distinctione vniuersalium & singularium. Diuersa ergo vniuersalitas est eius natura, quæ est communicabilis tantum pluribus singularibus, ab vniuersalitate eius natura quæ est communicabilis pluribus vniuersalibus. Imò saluari etiam potest, hanc diuersitatem consistere in modo communicationis. Nam species ita est communicabilis multis, vt in illis eo ipso fiat incommunicabilis vltimis: genus autem ita est communicabile multis, vt rursus ab illis multis possit vltimis communicari æquè descendere.

SECTIO SECVNDA.

Quid sit species subijcibilis: quomodo referatur ad genus:

& quomodo sit assignanda.

IN primis videri potest, solam speciem predicabilem quæ est vniuersale distinctum

Quomodo indiuidua etiam spiritualia differant numero.

Quomodo species explicetur quia, non tamen constituitur, per negationem.

Quomodo per diuersa inferia, vel per diuersum modum communicationis, species à genere distinguatur.

finē à genere, esse subijcibile respectu generis, quia ideo factum esse videtur, ut vnum speciei nomen vtrunque significatum habeat: quoniam vni eidemque naturæ, vtraque speciei denominatio tribuenda est. Ex opposito non solum species prædicabiles, & genera subalterna, sed etiam vltima singularia, posse esse species subijcibiles, licet in se vniuersalia non sint, opinantur illi qui volunt, vniuersale genus posse esse immediatè commune singularibus, quicquid in substantijs spiritualibus non agnoscunt speciem prædicabilem de pluribus, sed omnem naturam specificam ad vnum singulare determinant.

Species subijcibilis debet esse in se vniuersalis.

Dicendum tamen est, species subijcibiles generi, debere quidem esse in se ipsi vniuersales; non tamen oportere ut sint species prædicabiles, quæ ab vniuersali genere distinguuntur, sed posse esse vel species infimas vel genera subalterna. Prima pars satis patet ex sæpè dictis. Et manifestè Porphyrius in toto hoc tractatu nullam speciem agnoscit, nec prædicabilem, nec etiam subijcibilem, quæ vniuersale quoddam non sit commune pluribus. Aristoteles etiam quando nominauit species quæ generi subdantur, per species non nisi vniuersalia quadam intellexit. Similiter loquuti sunt veteres Peripatetici, & communiter Expositores hoc loco. Ratione verò non alia probanda est, nisi ex eo quod statutum est, vniuersale genus esse quod habet sub se vniuersalia: ex quo planè sequitur, species subijcibiles, quæ scilicet sunt illæ quæ immediatè subdantur generi, debere esse in se vniuersalia quadam.

Vel scilicet species prædicabilis, vel genus.

Secunda pars deinde clarè ostenditur, quia non solum datur genus infimum, quod non habet sub se nisi illas species quæ tantum de vltimis singularibus prædicantur: sed dantur etiam genera superiora & generalissima, quæ in plura genera diuiduntur: & genera diuidentia dicuntur species respectu generis diuisi, species scilicet illi subdantur, quæ sunt species subijcibiles. Et hic est communissimus loquendi modus. Sic dicimus corpus & spiritum esse species substantiæ in communi: qualitas diuiditur in quatuor species: & sic de alijs. Hinc orta est distinctio duplicis speciei: alia dicitur spe-

cies specialissima: alia subalterna. Illa appellatur etiam species infima, quia non habet sub se alias species: & species atomica, quia non potest diuidi in plures species. Alia dicitur species intermedia, quia & habet supra se genus, & sub se alias species. Species specialissima habet duplicem denominationem speciei: est enim species subijcibilis respectu generis: & est species prædicabilis, sumendo speciem prædicabilem, prout est vniuersale quoddam distinctum à genere, respectu suorum inferiorum nempe singularium. Species autem subalterna vnam tantum denominationem speciei habet, nempe speciei subijcibilis respectu generis: respectu autem suorum inferiorum, nempe aliarum specierum quas sub se habet, est vniuersale genus. Vnde huiusmodi prædicata intermedia, dicuntur species simul & genera, videlicet respectu diuersorum: species respectu prædicati superioris, & genera respectu subiectorum inferiorum. Hoc totum prosequitur latè Porphyr. hoc cap. de Specie. Vnde non ideo idem speciei nomen vtrunque respectum significat, quòd sola species infima sit etiam subijcibilis, sed propter aliam rationem quam sect. 3. reddemus.

Omnis species prædicabilis est etiam subijcibilis.

Secundò deinde dixerunt aliqui, non omnem speciem prædicabilem esse etiam speciem subijcibilem; sicut non omnis species subijcibilis, est etiam species prædicabilis. Quia videtur dari aliqua species prædicabilis, quæ nulli generi subdatur. V. g. punctum quantitatis, quod vique non est sub genere quantitatis, quia punctum non est quantitas. Et materia prima, iuxta illam sententiam, quæ negat in corporibus celestibus esse materiam diuersæ rationis specificæ à materia corporum inferiorum: nam sic materia esset species infima; & tamen non est sub genere substantiæ in prædicamento. Et si quæ sunt alia similia exempla. Fuitque huic sententiæ Caietanus in cap. de Specie.

Dicendum tam est, omnem speciem prædicabilem esse etiam subijcibilem, eo quòd habeat genus aliquod, sub quo per se contineatur. Ut autem id probetur, considerandum est: aliud esse dicere omnem speciem esse sub genere prædicamentali, id est quod in prædicamento aliquo

aliquo directè collocetur & omnem speciem esse sub aliquo genere, siue in prædicamento siue extra. In primo sensu certè non omnis species est sub genere prædicamentali: nam non omnes naturæ genericæ & specificæ ponuntur directè in prædicamentis, ut præsertim de naturis incompletis & partialibus constat. Sed adhuc dicere valebit, omnis species prædicamentalis ponitur sub genere prædicamentali: quia sic debet tam species quam genus in eodem ordine sumi. In secundo sensu omnis species absolute subiicitur alicui generi, saltè extra prædicamentum. Et ratio est: quia omnis natura specifica conuenit cum aliqua alia natura per similitudinem intrinsecam in aliquo gradu essentiali, & sic dabitur genus commune, cui tales species subiunguntur. Idquè inductione patet, potest in omnibus rebus. Et patet manifestè in exemplis allatis. In puncto quantitatæ, præcipuè quia datur etiam instans temporis, cum quo conuenit in conceptu indiuisibilis continuariui & terminariui partium, abstrahendo à quantitate permanet & successiua. In materia prima, quia cum detur etiam forma substantialis, ambæ conueniunt sub conceptu partis physice essentialis. Et sic omnis alia species inuenietur habere aliam cum qua conueniat, atque adeò genus in quo conueniat, & cuius sit species subiicitibilis.

*Species su-
biicitibilis
dupliciter
refertur
ad genus.*

Tertiò. iam explicanda est ipsa formalis ratio subiicitibilitatis, & ordo speciei ad genus. Et quidè potest dupliciter accipi & explicari. Sicut enim genus potest accipi & quatenus vniuersale & quatenus prædicabile, & hac duplici ratione refertur ad sua inferiora. Ita è còuerso species subiicitibilis dupliciter potest accipi. Et licet nomè subiicitibilis denotet potius respectu correspondenti ad genus quatenus prædicabile: tamen, cum non habeatur duo nomina ita accommodata, sicut illa, vniuersalis & prædicabilissimum eodè vno nomine subiicitibilis. Potest ergo in specie considerari respectu generis vnus ordo correspondens relationi vniuersalitatæ. Et hic ordo propriè est, quatenus concipitur species apta habere in se naturam genericam. Ut enim genus consideratur apud esse in speciebus: ita species habere in se genus. Et potest in specie con-

siderari ordo correspondens relationi prædicabilitatis: quatenus nempe species concipitur apta subiici ab intellectu in propositione affirmatiua generis de ipsa specie. Et ita sunt duæ relationes mutue inter genus & speciem tanquam inter correlatiua. Potest tamen subiicitilitas explicari etiam per modum denominationis extrinsecæ a potentia intellectiua, sicut in communi diximus de prædicabilitate. quia reale quid est, intellectum posse verè prædicare genus & subiicere speciem: & hac potentia realis, apta est denominare extrinsecè obiectum. Sicut etiam actu prædicari & subiici, possunt sumi pro denominatione extrinsecæ ab actu intellectus, sine alia relatione rationis & ficta.

Quartò. Pro definitione speciei subiicitibilis, Porphyrius prius ait: *Species dicitur quæ est sub assignato genere.* Et paulò intra subdit: *Species est quæ ponitur sub genere: de qua genus in eo quod quid est prædicatur.* Has aliqui contendunt, esse tres distinctas definitiones seu descriptiones. Et colligunt ex Porphyrio qui postea illas vocat in plurali numero assignationes seu definitiones speciei. Aliqui è contra, esse vnã tantum, diuersis vocabulis traditam, & posteriori loco magis explicatam quam primo. Dici tamen potest, esse duas definitiones. Nam non videntur differre: species est sub assignato genere: & species ponitur sub genere. Non enim nisi in voce differunt ly est & ponitur. Nec habet aliquam peculiarem vim, quod priori loco dicitur sub assignato genere. Vel enim denotat sub certo & determinato genere: & hoc non refert, quia ita satis est dicere sub genere. Vel tantum denotat sub assignato, id est sub genere quod Porphyrius iam descriperat. Sic enim ipse lapsus vtitur hoc verbo assignandi. Hac est ergo prima definitio speciei. Secunda quæ dici potest distincta, est, species est de qua genus prædicatur in quid. Et distinctio huius definitionis à prima explicanda est, per duplicem considerationem dictam speciei subiicitibilis. Nam prima definitio optimè quadrat speciei subiicitibili prout correspondet generi quatenus vniuersali. Secunda verò prout correspondet generi quatenus prædicabili. Vel dici potest, secundam defini-

*Species su-
biicitibilis à
Porph. de-
finitur.*

definitionem esse illam totam, species est quæ: ponitur sub genere, & de qua genus prædicatur in quid: ita vt prima pars huius definitionis non sit veluti repetitio prioris definitionis: sed ly ponitur, sumatur pro subijcitur. & ita pertinet ad eundem sensum secundæ definitionis, in qua additur, de qua genus prædicatur in quid: quia in priori parte explicatur solum subiectio speciei ad genus, in hac posteriori parte explicatur modus subiectionis, nepe subijci in quid. Et ideo hæc sola posterior pars potest esse sufficiens definitio: non tamen prior pars sine hac posteriori, ad explicandum hunc modum prædicationis in quid.

Definitio explicata.

Præterea ad proprietatem & rigorem omnis huiusmodi definitionis, oportet aliquid addere, seu subintelligere: & alioqui etiam de indiuiduis verum est dicere, poni sub genere, & de ijs genus prædicari in quid. Aliqui dicunt, debere intelligi seu addi, species est quæ proximè & immediatè ponitur sub genere, vel de qua proximè & immediatè genus prædicatur. Qui modus dicendi potest esse quidè sufficiens: sed quia etiam de indiuiduis potest genus immediatè prædicari, Petrus est animal; non totà difficultatè exhaurit, nec omnino rem explicat. Aliqui addunt, species est quæ ponitur sub genere tanquam sub totali principio: quia, dicunt, licet species addat supra genus suam differentiam, tamen differentia promanat à genere in quo potestatiue continetur, & ita genus est totale principium. Hic modus dicendi potest in aliquo sensu verificari, non obstante quòd pariter dici debeant differentie indiuiduales à natura promanare. Nam hæc dicuntur promanare non à solo genere, sed à tota natura specifica in qua potestatiue dicerentur contineri: sed differentia specifica à solo genere: & ita genus proximè diceretur totum principium speciei; non autem proximè totum principium indiuiduorum. Tamen hic modus dicendi non est aptus ad definitionem. Est enim obscurus, & tanta explicatione indiget ad sui verificationem.

Optimus ergo dicendi modus erit: species est vniuersale quoddam quod essentialiter sub genere ponitur, siue de quo genus essentialiter prædicatur. Sic enim manifestè exprimitur distinctio speciei ab indiuiduis: exprimitur etiam quod dicebamus, speciem subijcibilem debere esse vni-

uersalem: & hoc clarius ex textu ipsius què Porphy. discursu deducitur.

Potrenio præcipua difficultas circa hunc modum definiendi specie est, quæ vidit & tractauit idè Porph. quomodo species definiatur per genus, cum genus definitum fuerit per species. Videtur enim hic esse vitiosus quiddam circulus, & inutilis ac nugatoria repetitio. Definitio enim tradi debet per priora & notiora, vt docet Ar.

6. Topic. cap. 3. relatiua autè dicitur esse simul natura & cognitione. Vnde vnū non est prius nec notius alto. Quod si esset, tunc vnū ex ijs solum posset definiri per aliud, & non vicissim hoc aliud per illud. Augeret difficultas, quia cum species definitur per genus, potest vtiq. in definitione speciei loco ipsius generis poni definitio eiusdem generis: & tunc diceretur species est de qua prædicatur in quid illud quod prædicatur in quid de speciebus. Quod planè esset explicare idè per idem, & petere principium.

Propter hoc non desuerunt qui dixerint, non debere genus & speciem sic per ordinem mutuū definiri, & malè Porph. tali modo definisse. Cōmuniter tamè Expositores has definitiones approbāt & defendunt: supponētes insuper genus & specie necessario sic definiri debere, vt Porphy. docuit, eo quòd sunt inter se correlatiua. Et patet: quia certè vniuersale non potest definiri nisi per ordinem ad multa, quod scilicet apud est esse in multis, prædicari de multis: & vnusquodq. vniuersale non poterit definiri nisi per ordinem ad sua multa, genus non nisi per ordinem ad species, species per ordinem ad indiuidua. & cōuerso subijcibilia vniuersalia, non poterūt formaliter definiri nisi per ipsū ordinem subiectionis. Et ratio cōmunis est: quia relatiuū nō potest explicari nisi per ordinem ad terminū, qm̄ in ipso ordine essentialiter consistit.

Ad difficultatē verò propōsitā, in tractatu de relationibus videndū est, quomodo relatiua possint vnū per aliud mutuo definiri. Interim dici potest, vel excipiēda esse relatiua ab illa regula de definitione tradēda per priora & notiora, vt significauit ibi ipse Philoſoph. ita vt possint relatiua per se inuicē, cum sint simul natura & cognitione, definiri. Vel licet genus & species per se nominata, nō sint vnū notius alio: tamē totam simul propositionē,

Quomodo species per genus, & genus per specie definiatur.

1125

11

Pluribus modis definuntur.

S genus

genus est quod pōt dici de pluribus speciebus, species est quæ subditur generi, esse uotiōis, & sic definitiōis esse clariore definitio. Vel melius dicendū debere in his cōsiderari, & entitāre absolutā singulorū extremorū, & relationē mutuā inter ea: & relōnes quidā ipsas esse illas quæ dicuntur simul natura & cognitione: desiniri aut vñū relatiūm per ordinē, non quidē ad aliā mutuā relationē, sed ad entitatem absolutam alterius extremi, quæ prior & notior dici debet. Hoc est definitur genus per ordinē ad speciē, non formaliter ut mutuō relatiū ad genus, sed absolute sumptū in se: ac si dicatur, genus est vniuersale quoddam, quod dicitur de pluribus vñilibus sub se cōrentis: & ē cōuerso, species est vñle quoddā, quod hēt supra se aliud vñle. Vnde non est acceptanda illa repetitio, quæ in argumēto afferebatur: quia id esset definire vñū relatiū per aliud quatenus formaliter relatiūm est: & quia definitio debet tradi modo vñli & cōuenienti ad explicatiōem definiti, & nō eo modo inutili & otioso.

SECTIO TERTIA.

Quomodo in eadem Specie conueniant habitudo vniuersalitatis ad inferiora, & subijcibilitatis ad genus.

Quia ostēsum est, semper hāc vtrāque habitudinē simul in vna eadēq. specie cōuenire: omnis enim species vñlis est etiā subijcibilis, & omnis subijcibilis est vñlis, vel per vñlitate specificam & infimā, vel per genericam: superest modo ad plenā speciē trā prædicabilis, tum subijcibilis notitiā, hanc vtrāque habitudinē in eadem specie coniunctim cōsiderare.

Primō ergo Porph. in cap. de Specie circa medium ait, in specie specialissima vñicā esse habitudinē simul attingentē & genus sub quo est species, & indiuidua quæ sunt sub ipsa spē: in specie aut subalterna duplicē ac distinctā esse habitudinē, vñā ad superiora, alteram ad inferiora.

Dicendū tñ oīno est, in omni specie ēt infima esse duplicē essentialiter diuersā habitudinē, vñā vñlitaris ad inferiora, alterā subijcibilitatis ad superiora. Est res certa. Et patet, quia maximū discriminē est inter vtrāque habitudinē. Et in vniuersum

quidē hæ sunt relōnes oppositæ, sicut relationes patris & filij, domini & subditi, aliaq. similes. Deinde qñ respectū diuersorū in eodē subiecto inueniuntur, differunt tñ ex parte termini, quia vna est ad terminū superiorem, altera ad inferiorem: tñ ex parte modi, quia vna est relatio cōreiti ad continens, altera cōcōnens ad cōcōnta, ut notauit ipse Porph. vna est tanquā partis potentialis ad totū, altera tanquā totius potēntialis ad partes, ut in fine cap. indicauit idē Porph. vna demū est tanquā multorū ad vñle, altera tanquā vñlis ad multa: vna tanquā subiecti ad prædicatū, altera tanquā prædicati ad subiectū. Plus ergo differunt hæ duæ habitudines inter se, licet in vno eodēq. subiecto vniantur, quā differant adinuicem quocūque variaz vñlitaris inueniātur. Nā hæ oēs cōueniūt in rōne cōi vñlitaris, in qua tñ differunt à rōne subijcibilitatis, ut magis infra dicemus. Porph. aut solū dicere voluit, in specie specialissima vñū esse nomen vtriusq. habitudinis: nā dicitur species tā respectū indiuiduorū, quā respectū generis, licet in diuerso sēsu. In specie aut subalterna diuersimodē vtrāq. habitudinē nominari: nam respectū superioris appellatur species, respectū autē inferiorum genus.

Secundō dubitari pōt, nū sicut hæc duplex habitudo in specie specialissima in eodē nomine cōueniunt: ita et conueniat in rōne aliqua vñiuoca, & cōceptu significato ipso noīe speciē: vel trā velut æquiuocē in solo noīe conueniat. Sot. in hoc cap. Metaph. sect. 1. q. 4. Sanc. q. 53. volunt cōuenire trā æquiuocē. Sed ex alia parte negari non potest, cōuenire in cōceptu cōi relationis, atque secundæ intentionis.

Dicendū est, non cōuenire in cōceptu aliquo adæquato & peculiari, qui conuenit trā speciē vñli & subijcibili, & non alijs atq. ad eō in ipso noīe speciē conuenire velut æquiuocē, seu analogicē. Patet, quia non datur, nec pōt affirmi, definitio vna cōis, quæ importet conceptū vñū, cōem vtriq. relationi, seu speciē vtriusque modo sūptæ, sub ipso nomine speciē: sed quælibet hēt suam definitiōē diuersā. Et præterea ex mō dictis patet, tantū esse diuersitatē inter vtrāque, ut non possit assignari rō aliqua peculiaris significata noīe speciē, adæquata speciē prædicabili & subijcibili, & non alijs. Conueniunt ergo

tantum

Non conueniunt æquiuocē, sed tantū analogicē in nomine.

Ha duæ habitudines in omni specie distinguuntur.

tantum in noie speciei. Cû aliqua tñ analogia, & non merè aq'uocè à casu, quia scilicet nomen speciei sumptu est à decore & pulchritudine: & dicitur species subijcibilis respectu generis, quia est veluti decor generis, quod sua differentia perficit atque ornat: dicitur etiam species prædicabilis, respectu indiuiduorum quæ essentialiter continentur, tanquam forma & perfectio essentialis eorum.

Quamam sit principalis in specie.

Tertiò videndû est, quonâ ex his duabus rônibus sit principalior in ipsâ natura specifica. Aliqui affirmant, esse rônem subiectionis. Tñ quia species subijcibilis est magis ampla. Tñ præterea in sciètijs spēs consideratur potius sub rône subiecti, de quo prædicata essentialia affirmantur & passiones demonstrantur, quâ sub rône prædicati: quôquid sciètiæ non curât de indiuiduis de quibus spēs est prædicabilis. Tñ et in prædicamentis spēs ponitur potius quatenus subijcibilis, quam quatenus prædicabilis. Tñ quia hæc est rône magis consideratur hic à Porph. qui agit de ipse maximè quatenus est correlatiui generis. Tñ p' electum spēs refertur ad genus essentialiter tanquam ad suum prædicatum essentialitè: ad indiuidua verò tantum accidentaliter, quia per accidens diuiditur per conditiones indiuiduantes, seu per diuisionem materiæ & quantitatis.

Dicendû tamen, secundum varias considerationes, posse tam vnâ, quàm alteram ex his rationibus præferri. Nam si species sumatur quatenus inter quinquæ vniuersalia & prædicabilia numeratur, quatenus continebatur sub vniuersali in communi, de quo antea egimus, quatenus à singulari distinguitur, aliaq. similes considerationes: vtrique principaliter dicitur rationem vniuersalis & prædicabilis. Et sine dubio nobilior est ratio vniuersalitatæ quàm subijcibilitatis: quia vniuersale continet, subijcibile continetur: vñle est superius, subijcibile est inferius. Si verò attendatur duæ primæ rationes antea allatæ: præferenda est ratio subiectionis. Dico, duæ primæ rationes, quia aliæ non subsistunt. Nam species in prædicamentis ponitur, & à Porph. alijsq. omnibus hic consideratur, non solû quatenus subijcibilis, sed etiam & fortasse magis, quatenus vniuersalis & prædicabilis. Et diuiditur in sua inferiora non

accidentaliter, sed intrinsecè per differentias entitatiuas, vt suo loco probatû est.

Quartò præcipuè dubitatur, an hæc habitudines sint inter se prorsus disparatæ & inconnexæ, vel vna sit de ratione alterius, siue vna fundamentum & origo alterius. Albert. tractatu 4. Prædicab. cap. 2. significat, & alij asserunt, esse disparatas: ita vt vna veluti per accidens se habeat ad aliam. quia nec subijci generi, est per se de ratione vniuersalis ac prædicabilis de multis: nec etiâ esse vñle & prædicabile, est de ratione subijcibilis. Sed optimè potest & solet, vna ex his rationibus sine alia inueniri. Caiet. verò in hoc cap. significat, rationem vniuersalis & prædicabilis in specie, cõsequi ad rationem subijcibilis: ita vt dicere valeat, ideò species apta est de indiuiduis prædicari quia subijcitur generi. Et contra Tolet. q. de specie circa 1. argum. concedit, rationem vñlis per se esse de ratione subijcibilis in specie & supponi ad rônem subijcibilis: ita vt dicere valeat, ideò est species subijcibilis, quia est vñle quid in se. Idem tenet Sanc. q. 33.

Numera sit de ratione alterius.

Pro resolutione distinctè considerare oportet rationem subijcibilis & prædicabilis absolutè & secundum se, atque denominationem speciei subijcibilis & prædicabilis: id est hoc totu cõplexu, species subijcibilis, spēs prædicabilis. Primò modo dicendû est, illas rationes nò esse vnâ de ratione alterius, non esse per se connexas, sed vnâ per se non requiri ad aliam, & veluti per accidens vnâ simul in vno subiecto. Patet ex ratione primæ sententiæ. quia indiuiduum est subijcibile & tamen nò est vniuersale nec prædicabile de pluribus: genus summum est prædicabile, & tamen nulli generi subijcitur. Patet etiam à priori. quia ad hoc vt prædicatum aliquod possit de suo subiecto affirmari: non oportet, vt idè prædicatû sit subiectu alterius prædicati: & si sit id nò per se facit ad prædicationem eius de alio subiecto. Similiter ad hoc vt aliquid possit subijci alicui prædicato, non oportet vt ipsum possit prædicari de alio subiecto: & si possit, id non per se facit ad subiectionem eius respectu alterius prædicati.

Absolute loquendo non est.

Secundo modo dicendû est, denominationem speciei vniuersalis & prædicabilis connotare rônem subijcibilis. Patet. quia

Denominatio natio nomen speciei.

*et uni-
uersalis,
connotat
etiam ra-
tionem sub-
iicibilis.*

licet natura non subiecta alteri prædicato superiori, possit esse vñlis et prædicabilis; tñ non dicitur species vñlis & prædicabilis, sed genus vñle, imo genus summū: de rōne ergo illius denominationis, & de constitutione totius huius cōplexi, verè est ipsa subiicibilis. Nimirū quia idè est dicere species vñlis, atq. natura subiecta generi sibi superiori, vñlis respectu suorum inferiorū. Sicut etiā dicendo genus subalternū, inuoluitur vñq. subiectio generis ad aliud genus, quæ non inuoluitur absolute dicendo genus, atq. excluditur dicendo genus generalissimū. Hoc autè procedit, supposito quod nulla detur species infima prædicabilis, quæ non subdatur generi sibi superiori, vt antea diximus: alioqui si daretur, tunc species vñlis simpliciter non cōnotaret rōnem subiicibilis.

*Et demo-
minatio
speciei su-
biicibilis
inuoluit
etiā rōnem
vniuersa-
lis.*

Multò magis dicendum est, è conuerso denominationem speciei subiicibilis inuoluerè rōnem vñlis & prædicabilis. Patet: quia licet indiuiduū quod vñle nō est, sit verè subiicibile; tñ nō dicitur species subiicibilis: ergo de rōne huius denominationis, & de constitutione huius cōplexi, verè est vñlitas speciei: quia etiā idè est dicere species subiicibilis, atq. vñle quoddā subditiū alteri vñli. Species igitur subiicibilis oīno importat rōnem vñlis & prædicabilis. Sicut èt in eodè exēplo alaro, genus subalternū quod idè est ac genus subiicibile, inuoluit vñq. vñlitarè generis: alioqui diceretur quidè alio modo subalternū siue subiectū, nō tñ genus subalternū. Nomen ergo speciei in toto rigore sonat vñle quid subiectū alteri vñli. Sic alterutra ex his cōditionibus deficiente, non dicitur species: sed loco speciei inuenietur indiuiduū, si deficiat cōditio vñlitaris: vel genus generalissimū, si deficiat cōditio subiectionis. Siue ergo dicatur species vniuersalis, inuoluit subiectionem: siue dicatur species subiicibilis, inuoluit vniuersalitatē.

*Nō tamē
hæc dua ra-
tiones for-
maliter
cōfundun-
tur.*

Ita tñ quòd nō intelligatur species esse vñlis respectu eiusdè termini, respectu cuius est subiicibilis: nec è conuerso. Est res clarissima. Species enim subiicibilis non est vñlis respectu generis, cui subiicbitur: nec species prædicabilis est subiicibilis respectu indiuiduorum, de quibus est prædicabilis. Implicat enim respectu eiusdè habere vtrāq. relōnem in sensu

quo nūc loquimur: quia hæc sunt relōnes oppositæ. Sicut implicat eundè hominem esse patrè & filiū respectu eiusdè, eandè quæritatè esse maiore & minore respectu eiusdè, & sic in aliis similibus. Neq. intelligatur eadè ipsa relatio subiicibilis. tis esse relō vñlitaris: vel è conuerso. Sunt enim inter se ita diuersæ, q. vna formaliter non sit alia: nec ipsa relatio subiicibilis denominet speciem vñlem, nec relō vñlitaris denominet speciē subiicibilē. Et hoc tñ est, quod oēs ferè veteres docuerūt, vt testatur Alber. & refert Caiet. speciē quatenus subiicibilē non esse vñlem, idèst non esse vñlem respectu generis, cui est subiicibilis. Nec voluerunt negare, speciē quatenus denominatur species subiicibilis, inuoluerè rōnem suam vñlis, referendo vñlitarè nō ad genus, sed ad inferiora illi subdita: quæ vniuersalitas, ipso speciei nomine importatur.

Tertiò demū dicendū est, quia verè in ipsa specie distinguuntur hæc dua habitudines subiectionis ad genus & vñlitaris ad inferiora, dicendū in quā est, talè habitudinè subiectionis, quæ est propria speciei, quodāmodo consequi ad aliā habitudinè vñlitaris, in eaq. veluti fundari. Explicatur & probatur. Sicut diximus, distinctā esse vñlitarè generis quæ refertur ad species, atque speciei quæ refertur ad indiuidua: ita pariter dici debet, diuersā esse subiicibilitatē specierū ad genus, atque indiuiduorū ad speciē. Nā vñlitari & prædicabilitati correspondet subiicibilitas: & quanta diuersitas illa hēt, tantā & hæc participat. Sed tota diuersitas subiicibilitaris specierū à subiicibilitate indiuiduorū consistit in hoc, q. illa est subiicibilitas vñliū ad aliud vñle superius hæc verò singulariū ad proximū sibi vniuersale. Ergo subiicibilitas speciei ad genus, quatenus talis est, idèst quatenus diuersa à subiicibilitate indiuiduorū, cōsequitur quodāmodo ad vñlitarè speciei, in eaq. fundatur. Verū est tñ, nō esse simpliciter necessariū ad hoc vt intellectus fingat talè relationem subiicibilitaris vt prius vel tēpore vel natura affinxerit relationē vniuersalitaris: quia pōt sufficere abstractio naturæ specificæ ab indiuiduis, in quo statu natura specifica potest etiam dici vniuersalis. Neque verò sequitur è conuerso, relationem vniuersalitaris in-
specie

*Sed ratio
vniuersa-
litaris: sum-
das rela-
tionē sub-
iicibilis
specificæ.*

specie præsupponere rationem subijcibilis. Quoniam non est diuersa vniuersalitas illius vniuersalis quod subijcitur alteri, ab vniuersalitate illius quod non subijcitur, quantum est ex hac parte subiectionis, vt patere potest ex dictis de genere; & ideo non oportet ad relationem talis vniuersalitates quæ conuenit speciei subijcibili, præsupponi ipsam subijcibilitatem. Et si ex hypothese inueniretur aliqua species infima habens sub se singularia, quæ non haberet supra se genus: hæc species esset eiusdem rationis in ratione vniuersalis & prædicabilis.

Quomodo species formaliter ut species sunt vniuersales vel subijcibiles.

In contrarium obijcies primò ad probandum, speciem per eandem formalem relationem subijcibilitatis esse vniuersalem. Species vt species formaliter est vniuersalis, & numeratur vnum ex quinque vniuersalibus: ergo quatenus subijcibilis formaliter est vniuersalis; & per eam formam qua constituitur subijcibilis, constituitur vniuersalis. Vel sic: species subijcibilis omnino debet esse vniuersalis: ergo quatenus subijcibilis est vniuersalis. Hoc dubium Caiet. fatetur, se propter eius difficultatem maluisse omittere, quam tractare.

Sed respondetur facili. Species quatenus species formaliter potest iungi dupliciter: vel quatenus species vniuersalis, & sic est verè vniuersalis & ponitur vnum ex quinque: vel quatenus species subijcibilis, & sic non formaliter quatenus subijcibilis, idest per ipsam subijcibilitatem, est vniuersalis. Debet quidem omnino species subijcibilis esse vniuersalis: sed non per ipsam subijcibilitatem, nec quatenus subijcibilis debet esse vniuersalis. Vbi notari potest, aliud esse dicere: species quatenus subijcibilis est vniuersalis, & aliud quatenus species subijcibilis: quia secundo modo reduplicatur non solum ratio subijcibilitatis, sed tota etiam denominatio speciei, & quicquid ad talem denominationem requiritur: unde perinde se habet, ac si dicitur quatenus vniuersale quoddam subijcibile. Primo ergo modo negandum est, species quatenus subijcibilis est vniuersalis. Secundo modo concedendum est, quatenus species subijcibilis, idest quatenus vniuersale quoddam subijcibile, est vniuersalis: non vtique per ipsam subijcibilitatem,

sed per vniuersalitatem, quæ etiam reduplicatur. Sicut dicere non valeret homo quatenus rationalis est sensitiuus: sed tamen quatenus animal rationalis, quia sic non per rationalitatem, sed per animalitatem constituitur sensitiuus.

Obijcies 2. Genus quatenus genus formaliter respicit species quatenus vniuersales: per hoc enim constituitur propria ratio generis ad differentiam speciei prædicabilis: ergo ipsa species quatenus vniuersales sunt, subduntur generi, & referuntur ad genus. Vel ergo ipsa ratio vniuersalitis constituit species subijcibiles generi: vel ipsa subijcibilitas constituit species vniuersales, quod in idem redit.

Quomodo species ut vniuersalis vel subijcibilis respiciatur à genere vel respiciat genus.

Respondetur. Genus respicere species quatenus vales, ita vt vniuersalitas specierum non sit relatio mutua ad ipsum genus. Sed tñ sit ratio terminandi relationem generis. Correlatiuum enim habet, & relationem qua refertur ad aliud, & rōne qua terminat relationem eius ad se. Vtilitas ergo speciei est tñ rō terminandi relationem generis, ac et est fundamentum relationis quæ et hæt ipsa species. Species ergo quatenus vales sunt, subduntur generi terminando relationem generis, & referuntur fundando relationem speciei subijcibilis. Non itaque ipsa vtilitas formaliter refert species ad genus: sicut nec subijcibilitas refert species ad indiuidua. nec et necesse est, vt vtilitas sumpta pro relatione fundet relationem subijcibilitatis in specie, sed sufficit vniuersalitas in statu abstractionis, vt antea dicebamus.

Obijcies 3. ad probandum, rōnem vtilis nihil facere ab rōnem subijcibilis in specie. Quia vel per se pertinet ad speciem subijcibilem vtilitas generica, vel specialissima: sed neutra dici potest ergo. Et quidem quod alterutra dici deberet, patet. quia si rō vniuersalis per se spectat ad aliquam naturam, necessariò debet inueniri aliqua specialis vniuersalitas quæ ad illam pertinet: non enim potest animal esse de ratione alicuius corporis, quod non pertineat ad speciem aliquam animalis. Quod autem neutra dici possit, patet. quia species infima est species subijcibilis, & tamen non est genus: ergo non potest dici vniuersalitas generica per se pertinere ad speciem subijcibilem. Et contra species subalterna est species subijcibilis, & tamē

Qua ratio vniuersalis sunt de rationem subijcibilis in specie.

vires scilicet causarum naturalium, quæ dicitur solæ potentia physica: sed sufficit possibilis saltem per Dei potentiam absolutam.

*Quenam
indivisi-
dua di-
cuntur dif-
ferre nu-
mero.*

Secundò. Alij ex Thomistis, id totum vltro supponentes, atque concedentes speciem debere esse communem pluribus numero differentibus iuxta eius definitionem, asserunt ea solam dici differre numero, quæ diuisione quantitativa differunt, & non per intrinsecas differentias: sed hæc dicunt differre specie. Vnde inferunt, species vniuersales & prædicabiles, in substantijs tantum materialibus, non autem spiritualibus, reperiri. Concedunt etiam reperiri in accidentibus, non tantum materialibus, sed etiam spiritualibus: quia scilicet accidentia distinguuntur penes subiectum, quod est eorum veluti materia, est causa materialis & subiectiva. Quando autem dicantur substantiæ spirituales differre specie: volunt id intelligi, speciem tantum subijcibili, non prædicabili eo quod conuenientes sub conceptu communi, inter se per intrinsecas differentias distinguuntur: vnde dicunt, illum conceptum habere vniuersalitatem generis, & singularia sub ipso contenta esse species subiectas tali generi.

*Non solū
quæ diffe-
runt diui-
sione quan-
titativa,
sed etiam
quæ per
intrinse-
cas diffe-
rentias.*

Dicendum tamen est, illa plura per ordinem ad quæ species constituitur quoddam vniuersale & prædicabile, esse illa quæ numero differunt, sumendo differentiam numeralem pro quacunque differentia individuali, quæ scilicet versatur inter singularia, per singularia intelligendo quæ vltius communicari pluribus ad modum vniuersalium non possunt. Hæc est magis communis sententia. Et sine dubio est de mente Porphyrij, qui cum speciem definiisset, quæ prædicatur de pluribus numero differentibus, id est de pluribus indiuiduis: definit etiam indiuiduum, dicens, quod de vno solo prædicatur: non dixit, quod diuisione quantitativa ab alio differre: sed quod de vno solo dicitur. Et satis probata manet hæc assertio ex dictis de genere. Nam natura communis, quæ non potest multiplicari in alia plura vniuersalia, sed tantum in singularia vltius inmultiplicabilia, non est vniuersale genus: ergo est vniuersale species, etiam si per intrinsecas diffe-

rentias diuidatur. Imò omnis natura communis quatenus communis, non potest non diuidi per differentias intrinsecas ipsi inferioribus in se quæ diuiditur; etiam si hæc singularia sint, vt ostensum est in propria quæst. de singulari. Quare etiam in substantijs spiritualibus agnoscendæ sunt species vniuersales prædicabiles, penes quas illæ dicantur differre specie, non solum subijcibilis, sed etiam prædicabili. Et rursum test. sequenti dicemus, nullam esse speciem subijcibilem, quæ in se non sit vniuersale quoddam.

Tertiò. Ex aduerso aliqui significant, non sufficere ad rationem speciei prædicabilis, continere sub se plura numero differentia, de quibus secundoque conuenientiam intrinsecam dicatur, atque adeò non omnem conceptum proximè comunem indiuiduis esse speciem. Simulque volunt, naturam aliquam communem sub qua inueniantur alij conceptus rursum communes pluribus indiuiduis, esse vniuersale speciem, & non genus. Hi sunt illi, qui inter indiuidua eiusdem, quam vocant infimæ speciei, constituent dissimilitudinem seu inæqualitatem: ita tamen quod in quolibet gradu talis inæqualitatis, inueniantur plurima inter se quidem æqualia, & ita tot classes indiuiduorum, quot gradus inæqualitatis sunt possibiles in illa specie. Nam dicunt, conceptum seu gradum tantæ vel tantæ perfectionis, licet communem pluribus indiuiduis, non esse speciem: sed naturam illam communem participabilem inæqualiter, licet dicatur de pluribus gradibus inæqualibus, quorum singuli sunt rursum communes pluribus indiuiduis inter se æqualibus, esse adhuc vniuersale speciem. Verum in quæst. de singulari ad finem, satis ostendimus, logicè loquendo, & secundum definitionem vniuersalium hic traditam, naturam illam communicabilem pluribus gradibus inæqualibus, quorum singuli sunt communes pluribus indiuiduis, esse vniuersale genus, non speciem: & gradus atque conceptus illos intermedios esse species. Quod sane ex distinctione tradita inter genus & speciem planè conuenit. Imò mirandum fortasse videatur, aliquos, præsertim Caeteranū, ex vna parte dixisse, etiam naturam prorsus inmultiplicabilem

*Omnia &
sola natu-
ra commu-
nicabilis
proximè
indivisi-
uis, con-
stituit vni-
uersale
speciem.*

bilem esse speciem vniuersalem, & naturam aliquam communem proximè singularibus incommunicabilibus esse genus & non speciem; & ex alia parte dicere conceptum communem pluribus indiuiduis non esse speciem, & naturam communem pluribus his conceptibus seu gradibus incommunicabilibus non esse genus. Concludendum ergo est, omnem & solam illam naturam quæ est proximè communis pluribus singularibus, idest quæ non sunt vterius communicabilia pluribus, habere adequatam rationem speciei vniuersalis & prædicabilis.

Et ratio speciei formaliter cõfistit in re speciendo sola indiuidua.

Quartò. Hoc supposito aliqui volunt, ratione propriâ huius vniuersalitatæ nõ in hoc formaliter cõsistere, sed potius in eo quòd species possit inesse pluribus tanquam tota essentia: & per hoc distingui à genere & differentia, quæ dicebant inesse tanquam partes essentia, vt supra de genere retulimus. Dicendum tamen est, propriam & essentialiẽm rationem speciei vniuersalis, per hoc optime assignari, quòd species sit vniuersale habens sub se non alia vniuersalia, sed tantum vltima singularia. Patet ex dictis de genere, & ex alijs modò dictis. Nam ille modus dicendi de inesse per modum totius essentia, vel nihil affert diuersum, vel falsus est. Nam in tantum dicunt, speciem inesse tanquam totam essentiam: non quia negent in indiuiduis reperiri differentias indiuiduantes, sicut volunt genus adiunctas habere differentias specificas: nec quia negent differentias indiuiduantes esse intrinsecas ipsis indiuiduis, sicut sunt differentia specificæ speciebus: sed solum quia sunt infini gradus amplius incommunicabiles, ideoquẽ vocant materiales, non formales essentialẽs. Quod, vt patet, in idem prorsus redit, quod nos dicebamus. Aliqui autem plus velle videtur: idẽ scilicet speciem esse totam essentiam, quia præter naturam specificam, pro differentijs indiuiduantibus sunt accidentia, quæ non sunt de intrinseca entitate rerum: vel diuisio quantitatiua, quæ etiam accidit rebus. Sic autem talis dicendi modus est prorsus falsus ex dictis iam in quæst. de singulari. quia scilicet omnibus accidentibus, & diuisione ipsa quantitatiua, adhuc singularia extant cum intrinseca diuisi-

one quam inter se habent: nec natura specifica remanet velut vniuersalis sine differentijs determinantibus ad singularia.

Et per hoc differt à genere.

Quintò. Ex his satis manifestum relinquitur, quo pacto species ab alijs vniuersalibus differat. Differt à duobus vltimis, quia inest & prædicatur essentialiter. Differt à genere, quia genus continet sub se vniuersalia, species tantum singularia: genus dicitur de pluribus inter se differentibus per conceptus alios vniuersales, species tantum de ijs quæ vltimo indiuidui conceptu differunt. Per hoc differt etiam species à differentia generica, idest illa quæ etiam dicitur de pluribus speciebus. An verò & quomodo differant species & differentia specifica, magis examinabimus quæst. sequentis & mox indicabimus.

Sextò demum. Quia species definiri potest & debet eo sensu quo diximus de genere: Porphy. speciem prædicabilem definit: *Species est quæ de pluribus & differentibus numero in eo quod quid est prædicatur.* Vel per inesse, species sic definitur: quæ apta est inesse essentialiter pluribus tantum singularibus. Neque opus est, hic repetere ea quæ dicta sunt circa definitionem generis, quantum ad ea quæ communia sunt vtrique. Quantum verò ad id in quo differunt: intelligi omnino debet in descriptione Porphy. speciem esse quæ adequatè, siue quæ immediatè, siue quæ tantum de differentibus numero prædicatur: alioqui etiam genus prædicatur de ipsis pluribus numero differentibus, nempe de omnibus indiuiduis sub speciebus, vt notauit ipse Porphy. ex cuius contextu planè constat, definitionem speciei quam tradit ita esse intelligendam: licet non ipsamet definitione ipse talem determinationem expresserit.

Species de finitur.

Soror verò hic quæst. de Specie ad 2. conf. 2. argumenta, vult, debere subintelligi duplicem particulam exclusiuam: species est quæ solum prædicatur de pluribus solo numero differentibus. Quia si tantum diceretur, est quæ prædicatur de solo numero differentibus: etiam genus prædicatur de illis indiuiduis quæ solo numero differunt. Et, si tantum diceretur, quæ solum prædicatur de numero differentibus: etiam indiuidua diuersarum specie-

specierum de quibus genus prædicatur, differtur numerosè non solum numero, quia etiam specie. Potest tamen sufficere vna particula exclusiua, per quam dicitur, illa plura de quibus species dicitur esse tantum singularia: quia hoc est dicere, speciem non dici de pluribus vniuersalibus, per quod planè differt à genere, quod ita dicitur de singularibus, vt dicitur etiam de vniuersalibus.

*Quomodo
indivini-
dua etiã
spiritua-
lia differ-
rant nu-
mero.*

In contrarium obijci potest primò ad probandum, illa tantum differre numero, quæ differunt diuisione quantitatiua, quæ sola efficit numerum, & de quibus dixit Arist. illa esse vnum numero vel plura numero, quorum est materia vna vel multiplex. Verùm hæc omnia satis explicata sunt in sua quæst. de singulari. Vnde constat, numerum debere sumi entitatiuè, & differentiam numeralem pro differentia indiuiduali intrinseca, quæ non ex diuisione quantitatiua desumitur. Et loca Arist. ibi explicauimus.

*Quomodo
species ex-
plicetur
quoniam, nõ
tamen cõ-
stituitur,
per nega-
tionem.*

Obijcies secundo. Non bene explicari rationem essentiali speciei, per hoc quod refertur solum ad indiuidua, cum genus referatur ad species. quia sic species videtur constitui per negationem, quia scilicet nõ habet sub se vniuersalia: nam in eo quod est sub se habere singularia, continet cum genere, & tanquam differt per illam exclusionem. Hoc autem est absurdum: quia vniuersalitas speciei est vtique posititiua, sicut vniuersalitas ipsius generis.

Respondetur. Sæpè solere, per negationes explicari rationes posititiuas: sicut cum diuiditur animal per rationale & irrationale, substantia per corpoream & incorpoream. Sic ergo in calu nostro, vniuersalitas speciei quæ posititiua est, explicatur per negationem: quasi dicatur vniuersalitas speciei est talis forma posititiua, quæ habet pro termino suo adæquato singularia. Et natura specifica est talis natura posititiua, cui repugnat diuidi in plura vniuersalia. Inò ipsummet singulare ad differentiam vniuersalis solet sic per negationem explicari. Indiuiduum est quod de vno solo dicitur, id est non pluraquam de vno, seu non de pluribus. Singulare est quod est incommunicabile, quod non potest multiplicari in plura: & tamen multo magis est

posititiua ratio singularis quæ est realis, quam ratio vniuersalis quæ est rationis.

Obijcies tertio. Vniuersalia constituantur per ordinem ad multa, nõ materialiter vt multa sunt, sed formaliter prout communicantia in ipsa natura vniuersali: ergo per diuersum modum communicationis, & non per diuersitatem eorum quæ communicant, debent distinguí vniuersalia: & alioqui non distinguuntur in ratione formali vniuersalis. Melius ergo assignabitur species, quæ potest inesse singularibus. Et cerè prima tria vniuersalia distinguuntur à duobus vltimis per diuersum modum communicationis, & etiam hæc duo vltima inter se: ergo non minùs oportet distinguí illa prima inter se.

*Quomodo
per diuer-
sa inferiora,
vel per
diuersum
modum com-
municati-
onis, spe-
cies à ge-
nere diffi-
nat.*

Respondetur. Vniuersale in communi constituitur in primis per ordinem ad multa. Deinde diuidi in plures species: vel per diuersum modum respiciendi ipsa multa, & sic distinguuntur alia quæ dicta sunt: vel per diuersitatem eorum multorum quæ respiciuntur, & hoc etiam sufficit ad distinctionem vniuersalium. præsertim dum diuersitas ipsa multorum non est extranea à ratione vniuersalis, imò consistit in distinctione vniuersalium & singularium. Diueria ergo vniuersalitas est eius natura, quæ est communicabilis tantum pluribus singularibus, ab vniuersalitate eius natura quæ est communicabilis pluribus vniuersalibus. Imò saluari etiam potest, hanc diuersitatem consistere in modo communicationis. Nam species ita est communicabilis multis, vt in illis eo ipso fiat incommunicabilis vltcrius: genus autem ita est communicabile multis, vt rursus ab illis multis possit vltcrius communicari æque descendere.

SECTIO SECVNDA.

Quid sit species subijcibilis: quomodo referatur ad genus:

*& quomodo sit asse-
nsenda.*

IN primis videri potest, solam speciem prædicabilem quæ est vniuersale distinctum

distinctū à genere, esse subijcibile respectu generis, quia ideò factum esse videtur, ut vnum speciei nomen vtrunque significatum habeat: quoniam vni eidemque naturæ, vtraque speciei denominatio tribuenda est. Ex opposito non solum species prædicabiles, & genera subalterna, sed etiam vltima singularia, posse esse species subijcibiles, licet in se vniuersalia non sint, opinantur illi qui volunt, vniuersale genus posse esse immediatè commune singularibus, quicquid in substantijs spiritualibus non agnoscunt speciem prædicabilem de pluribus, sed omnem naturam specificam ad vnum singulare determinant.

Dicendum tamen est, species subijcibiles generi, debere quidem esse in se ipsis vniuersales; non tamen oportere ut sint species prædicabiles, quæ ab vniuersali genere distinguuntur, sed posse esse vel species infimas vel genera subalterna. Prima pars satis patet ex sæpè dictis. Et manifestè Porphyrius in toto hoc tractatu nullam speciem agnoscit, nec prædicabilem, nec etiam subijcibilem, quæ vniuersale quoddam non sit commune pluribus. Aristoteles etiam quando nominauit species quæ generi subduntur, per species non nisi vniuersalia quadam intellexit. Similiter loquuti sunt veteres Peripatetici, & communiter Expositores hoc loco. Ratione verò non alia probanda est, nisi ex eo quod statutum est, vniuersale genus esse quod habet sub se vniuersalia: ex quo planè sequitur, species subijcibiles, quæ scilicet sunt illæ quæ immediatè subduntur generi, debere esse in se vniuersalia quadam.

Secunda pars deinde clarè ostenditur, quia non solum datur genus infimum, quod non habet sub se nisi illas species quæ tantum de vltimis singularibus prædicantur: sed dantur etiam genera superiora & generalissima, quæ in plura genera diuiduntur: & genera diuisa dicuntur species respectu generis diuisi, species scilicet illi subdita, quæ sunt species subijcibiles. Et huc est communissimus loquendi modus. Sic dicimus corpus & spiritum esse species substantiæ in communi: qualitas diuiditur in quatuor species: & sic de alijs. Hinc orta est distinctio duplicis speciei: alia dicitur spe-

cies specialissima: alia subalterna. Illa appellatur etiam species infima, quia non habet sub se alias species: & species atomica, quia non potest diuidi in plures species. Alia dicitur species intermedia, quia & habet supra se genus, & sub se alias species. Species specialissima habet duplicem denominationem speciei: est enim species subijcibilis respectu generis: & est species prædicabilis, lumen do speciem prædicabilem, prout est vniuersale quoddam distinctum à genere, respectu suorum inferiorum nempe singularium. Species autem subalterna vnam tantum denominationem speciei habet, nempe speciei subijcibilis respectu generis: respectu autem suorum inferiorum, nempe aliarum specierum quas sub se habet, est vniuersale genus. Vnde huiusmodi prædicata intermedia, dicuntur species simul & genera, videlicet respectu superiorum: species respectu prædicati superioris, & genera respectu subiectorum inferiorum. Hoc totum prosequitur latè Porphyr. hoc cap. de Specie. Vnde non ideò idem speciei nomen vtrunque respectum significat, quòd sola species infima sit etiam subijcibilis, sed propter aliam rationem quam sect. 3. reddemus.

Secundò deinde dixerunt aliqui, non omnem speciem prædicabilem esse etiam speciem subijcibilem; sicut non omnis species subijcibilis, est etiam species prædicabilis. Quia videtur dari aliqua species prædicabilis, quæ nulli generi subdatur. V. g. punctum quantitates, quod vtrique non est sub genere quantitatis, quia punctum non est quantitas. Et materia prima, iuxta illam sententiam, quæ negat in corporibus celestibus esse materiam diuersæ rationis specificationis: nam sic materia esset species infima: & tamen non est sub genere substantiæ in prædicamento. Et si quæ sunt alia similia exempla. Faueretque huic sententiæ Caietanus in cap. de Specie.

Dicendum tamen est, omnem speciem prædicabilem esse etiam subijcibilem, eo quòd habeat genus aliquod, sub quo per se contineatur. Ut autem id probeatur, considerandum est: aliud esse dicere omnem speciem esse sub genere prædicamentali, id est quod in prædicamento aliquo

Omnis species prædicabilis est etiam subijcibilis.

Species subijcibilis debet esse in se vniuersalis.

Vel scilicet species prædicabilis, vel generalis.

aliquo directè collocetur; & omnem speciem esse sub aliquo genere, siue in prædicamento siue extra. In primo sensu certè non omnis species est sub genere prædicamentali: nam non omnes naturæ genericæ & specificæ ponuntur directè in prædicamentis, vt præsertim de naturis incompletis & partialibus constat. Sed adhuc dicere valebit, omnis species prædicamentalis ponitur sub genere prædicamentali: quia sic debet tam species quam genus in eodem ordine sumi. In secundo sensu omnis species absolute subiicitur alicui generi, saltem extra prædicamentum. Et ratio est: quia omnis natura specifica conueniet cum aliqua alia natura per similitudinem intrinsecam in aliquo gradu essentiali, & sic dabitur genus commune, cui tales species subiiciuntur. Idquæ inductione patere potest in omnibus rebus. Et pater manifestè in exemplis allatis. In puncto quantitatis, præcipuè quia datur etiam instantis temporis, cum quo conueniet in conceptu indiuisibilis continuariui & terminariui partium, abstrahendo à quantitate permanenti & successiua. In materia prima, quia cum detur etiam forma substantialis, ambæ conueniunt sub conceptu partis physice essentialis. Et sic omnis alia species inueniuntur habere aliam cum qua conueniat, acque adeo genus in quo conueniat, & cuius sit species subiocabilis.

*Species sub
biocabilis
duplè
refertur
ad genus.*

Tertiò. iam explicanda est ipsa formalis ratio subiocabilitatis, & ordo speciei ad genus. Et quidè potest dupliciter accipi & explicari. Sicut enim genus potest accipi & quatenus vniuersale & quatenus prædicabile, & hac duplici ratione refertur ad sua inferiora. Ita è còuerso species subiocabilis dupliciter potest accipi. Et licet nòmè subiocabilis denotet potius respectu correspondentè ad genus quatenus prædicabile: tamen, cum non habeatur duo nomina ita accommodata, sicut illa, vniuersalis & prædicabilissimur eodè vno nomine subiocabilis. Potest ergo in specie considerari respectu generis vnus ordo correspondens relationi vniuersalitatis. Et hic ordo propriè est, quatenus concipitur species apud habere in se naturam genericam. Vt enim genus consideratur apud esse in speciebus: ita species habere in se genus. Et potest in specie con-

siderari ordo correspondens relationi prædicabilitatis: quatenus nempe species concipitur apud subiici ab intellectu in propositione affirmatiua generis de ipsa specie. Et ita sunt duæ relationes naturæ inter genus & speciem tanquam inter correlatiua. Potest tamen subiocabilitas explicari etiam per modum denominationis extrinsecæ à potentia intellectiua, sicut in communi diximus de prædicabilitate. quia reale quid est, intellectum posse verè prædicare genus & subiicere speciem: & hæc potentia realis, apud esse denominare extrinsecè obiectum. Sicut etiam actu prædicari & subiici, possunt sumi pro denominatione extrinsecæ ab actu intellectus, siue alia relatione rationis & ficta.

Quartò. Pro definitione speciei subiocabilis, Porphyrius prius ait: *Species nuncupatur que est sub assignato genere*. Et paulò infra subdit: *Species est que ponitur sub genere: de qua genus in eo quod quid est prædicatur*. Has aliqui contendunt, esse tres distinctas definitiones seu descriptiones. Et colligunt ex Porphyrio qui postea illas vocat in plurali numero assignationes seu definitiones speciei. Aliqui è contra, esse vnā tantum, diuersis vocabulis traditam, & posteriori loco magis explicatam quam primo. Dici tamen potest, esse duas definitiones. Nam non videtur differre: species est sub assignato genere: & species ponitur sub genere. Non enim nisi in voce differunt ly est & ponitur. Nec habet aliquam peculiarem vim, quod priori loco dicitur sub assignato genere. Velenim denotat sub certo & determinato genere: & hoc non refert, quia ita satis est dicere sub genere. Vel tantum denotat sub assignato, idest sub genere quod Porphyrius iam descriperat. Sic enim ipse sapus vitur hoc verbo assignandi. Hæc est ergo prima definitio speciei. Secunda quæ dici potest distincta, est, species est de qua genus prædicatur in quid. Et distinctio huius definitionis à prima explicanda est, per duplicem considerationem dictam speciei subiocabilis. Nam prima definitio optimè quadrat speciei subiocabili prout correspondet generi quatenus vniuersali. Secunda verò prout correspondet generi quatenus prædicabili. Vel dici potest, secundam defini-

*Species sub
biocabilis à
Porph. de-
finiuntur.*

definitionem esse illam totam, species est quæ ponitur sub genere, & de qua genus prædicatur in quid: ita vt prima pars huius definitionis non sit veluti repetitio prioris definitionis: sed ly ponitur, sumatur pro subijcitur. & ita pertinet ad eundem sensum secundæ definitionis, in qua additur, de qua genus prædicatur in quid: quia in priori parte explicatur solum subiectio speciei ad genus, in hac posteriori parte explicatur modus subiectionis, nempe subijci in quid. Et ideo hæc sola posterior pars potest esse sufficiens definitio: non tamen prior pars sine hac posteriori, ad explicandum hunc modum prædicationis in quid.

Definitio explicatur.

Præterea ad proprietatem & rigorem omnis huiusmodi definitionis, oportet aliquid addere, seu subintelligere: alioquin etiam de indiuiduis verum est dicere, poni sub genere, & de ijs genus prædicari in quid. Aliqui dicunt, debere intelligi seu addi, species est quæ proximè & immediatè ponitur sub genere, vel de qua proximè & immediatè genus prædicatur. Qui modus dicendi potest esse quidè sufficiens: sed quia etiam de indiuiduis potest genus immediatè prædicari, Petrus est animal; non totà difficultatè exhaurit, nec omnino rem explicat. Aliqui addunt, species est quæ ponitur sub genere tanquàm sub totali principio: quia, dicunt, licet species addat supra genus suam differentiam, tamen differentia promanans à genere in quo potestatiue continetur, & ita genus est totale principium. Hic modus dicendi potest in aliquo sensu verificari, non obstante quòd pariter dici debeant differentie indiuiduales à natura promanare. Nam hæc dicuntur promanare non à solo genere, sed à tota natura specifica in qua potestatiue dicentur contineri: sed differentia specifica à solo genere: & ita genus proximè dicitur totum principium speciei: non autem proximè totum principium indiuiduorum. Tamen hic modus dicendi non est apud ad definitionem. Est enim obcurus, & tanta explicatione indiget ad sui verificationem.

Optimus ergo dicendi modus erit: species est vniuersale quoddam quod essentialiter sub genere ponitur, siue de quo genus essentialiter prædicatur. Sic enim manifestè exprimitur distinctio speciei ab indiuiduis: exprimitur etià quod dicebamus, speciem subijcibilem debere esse vni-

uersalem: & hoc clarius ex textu ipsius què Porphy. discursu deducitur.

Postremo præcipua difficultas circa hunc modum definiendi speciem est, quæ vidit & tractauit idè Porph. quomodo species definiatur per genus, cum genus definitum fuerit per species. Videtur enim hic esse vitiosus quidam circulus, & inutilis ac nugatorijs repetitio. Definitio enim tradi debet per priora & notiora, vt docet Ar. 6. Topic. cap. 3. relatiua autè dicitur esse simul natura & cognitione. Vnde vnū non est prius nec notius alto. Quòd si esset, tunc vnū ex ijs solum posset definiri per aliud, & non vicissim hoc aliud per illud. Augeret difficultas, quia cum species definitur per genus, posset vtiq. in definitione speciei loco ipsius generis poni definitio eiusdem generis: & tunc diceretur species est de qua prædicatur in quid illud quod prædicatur in quid de speciebus. Quod planè esset explicare idè per idem, & petere principium.

Propter hoc non desuerunt qui dixerint, non debere genus & speciem sic per ordinem mutuū definiri, & malè Porphy. tali modo definisse. Cōmuniter tamè Expositores has definitiones approbāt & defendunt: supponentes insuper genus & speciem necessario sic definiri debere, vt Porphy. docuit, eo quòd sunt inter se correlatiua. Et patet: quia certè vniuersale non potest definiri nisi per ordinem ad multa, quod scilicet aptū est esse in multis, prædicari de multis: & vnūquodq. vniuersale non poterit definiri nisi per ordinem ad sua multa, genus non nisi per ordinem ad species, species per ordinem ad indiuidua. E contra subijcibilia vniuersalia, non poterit formaliter definiri nisi per ipsū ordinem subiectionis. Et ratio cōmunis est: quia relatiuū non potest explicari nisi per ordinem ad terminū, quā in ipso ordine essentialiter consistit.

Ad difficultatē verò propositā, in tractatu de relationibus videndum est, quomodo relatiua possint vnū per aliud mutuo definiri. Interim dici potest, vel excipiendum esse relatiua ab illa regula de definitione tradenda per priora & notiora, vt significauit ibi ipse Philothoph. ita vt possint relatiua per se inuicē, cum sint simul natura & cognitione, definiri. Vel licet genus & species per se nominata, non sint vnū notius alio: tamè totam simul propositionē,

Quomodo species per genus, & genus per speciem defini possit.

125

51

Pluribus modis defonditur.

S genus

aliquo directè collocetur: & omnem speciem esse sub aliquo genere, siue in prædicamento siue extra. In primo sensu certè non omnis species est sub genere prædicamentali: nam non omnes naturæ genericæ & specificæ ponuntur directè in prædicamentis, vt præsertim de naturis incompletis & partialibus constat. Sed adhuc dicere valebit, omnis species prædicamentalis ponitur sub genere prædicamentali: quia sic debet tam species quam genus in eodem ordine sumi. In secundo sensu omnis species absolute subiicitur alicui generi, saltem extra prædicamentum. Et ratio est: quia omnis natura specifica conuenit cum aliqua alia natura per similitudinem intrinsecam in aliquo gradu essentiali, & sic dabitur genus commune, cui tales species subiiciuntur. Idquè inductione patere potest in omnibus rebus. Et patet manifestè in exemplis allatis. In puncto quantitatis, præcipuè quia datur etiam instantis temporis, cum quo conuenit in conceptu indiuisibilis continuatiui & terminatiui partium, abstrahendo à quantitate permanenti & successiua. In materia prima, quia cum detur etiam forma substantialis, ambæ conueniunt sub conceptu partis physice essentialis. Et sic omnis alia species inuenitur habere aliam cum qua conueniat, atque adeò genus in quo conueniat, & cuius sit species subiicibilis.

Species subiicibilis dupliciter refertur ad genus.

Tertiò. Iam explicanda est ipsa formalis ratio subiicibilitatis, & ordo speciei ad genus. Et quidè potest dupliciter accipi & explicari. Sicut enim genus potest accipi & quatenus vniuersale & quatenus prædicabile, & hac duplici ratione refertur ad sua inferiora. Ita è còuerso species subiicibilis dupliciter potest accipi. Et licet nomen subiicibilis denoret potius respectu correspondentè ad genus quatenus prædicabile: tamen, cum non habeatur duo nomina ita accommodata, sicut illa, vniuersalis & prædicabilis: vimur eodè vno nomine subiicibilis. Potest ergo in specie considerari respectu generis vnus ordo correspondens relationi vniuersalitatis. Et hic ordo propriè est, quatenus concipiuntur species apud habere in se naturam genericam. Vt enim genus consideratur apud esse in speciebus: ita species habere in se genus. Et potest in specie con-

siderari ordo correspondens relationi prædicabilitatis: quatenus nempe species concipitur apud subiici ab intellectu in propositione affirmatiua generis de ipse specie. Et ita sunt duæ relationes muræ inter genus & speciem tanquam inter correlatiua. Potest tamen subiicibilitas explicari etiam per modum denominationis extrinsecæ à potentia intellectiua, sicut in communi diximus de prædicabilitate. quia reale quid est, intellectum posse verè prædicare genus & subiicere speciem: & hæc potentia realis, apud est denominare extrinsecè obiectum. Sicut etiam actu prædicari & subiici, possunt sumi pro denominatione extrinsecæ ab actu intellectus, siue alia relatione rationis & ficta.

Quartò. Pro definitione speciei subiicibilis, Porphyrius prius ait: *Species accipitur que est sub assignato genere*. Et paulò post infra subdit: *Species est quæ ponitur sub genere: & de qua genus in eo quod quid est prædicatur*. Has aliqui contendunt, esse tres distinctas definitiones seu descriptiones. Et colligunt ex Porphyrio qui postea illas vocat in plurali numero assignationes seu definitiones speciei. Aliqui è contra, esse vnā tantum, diuersis vocabulis traditam, & posteriori loco magis explicatam quam primo. Dici tamen potest, esse duas definitiones. Nam non videntur differre: species est sub assignato genere: & species ponitur sub genere. Non enim nisi in voce differunt ly est & ponitur. Nec habet aliquam peculiarem vim, quod priori loco dicitur sub assignato genere. Velenim denorat sub certo & determinato genere: & hoc non refert, quia ita satis est dicere sub genere. Vel tantum denorat sub assignato, idest sub genere quod Porphyrius iam descriperat. Sic enim ipse sapus vtiur hoc verbo assignandi. Hæc est ergo prima definitio speciei. Secunda quæ dici potest distincta, est, species est de qua genus prædicatur in quid. Et distinctio huius definitionis à prima explicanda est, per duplicem considerationem dictam speciei subiicibilis. Nam prima definitio optime quadrat speciei subiicibili prout correspondet generi quatenus vniuersali. Secunda verò prout correspondet generi quatenus prædicabili. Vel dici potest, secundam defini-

Species subiicibilis dicitur que est sub assignato genere. Et paulò post Porphyrius dicit: Species est quæ ponitur sub genere: & de qua genus in eo quod quid est prædicatur.

definitionem esse illam totam, species est quæ ponitur sub genere, & de qua genus prædicatur in quid: ita vt prima pars huius definitionis non sit veluti repetitio prioris definitionis: sed ly ponitur, sumatur pro subiicitur. & ita pertinet ad eundem sensum secundum definitionem, in qua additur, de qua genus prædicatur in quid: quia in priori parte explicatur solum subiectio speciei ad genus, in hac posteriori parte explicatur modus subiectionis, nepe subijci in quid. Et ideo hæc sola posterior pars potest esse sufficiens definitioni: tñ prior pars sine hac posteriori, ad explicandū hūc modū prædicationis in quid.

Definitio explicatur.

Præterea ad proprietatē & rigore omnis huiusmodi definitionis, oportet aliquid addere, seu subintelligere: alioquin etiam de indiuiduis verū est dicere, poni sub genere, & de ijs genus prædicari in quid. Aliqui dicūt, debere intelligi seu addi, species est quæ proximē & immediatē ponitur sub genere, vel de qua proximē & immediatē genus prædicatur. Qui modus dicēdi potest esse quidē sufficiens: sed quia etiam de indiuiduis potest genus immediatē prædicari, Petrus est animal; non totā difficultatē exhaurit, nec omnino rem explicat. Aliqui addūt, species est quæ ponitur sub genere tanquā sub totali principio: quia, dicunt, licet species addat supra genus suā differentiam, tamen differentia promanat a genere in quo potestatiue cōtinetur, & ita genus est totale principium. Hic modus dicēdi potest in aliquo sensu verificari, nō obstantē quod pariter dici debeant differentie indiuiduales a natura promanare. Nā hæc dicētur promanare nō a solo genere, sed a tota natura specifica: in qua potestatiue dicerentur contineri. Sed differentia specifica a solo genere: & ita genus proximē dicitur totum principii speciei: nō autem proximē totum principii indiuiduorū. Tamen hic modus dicēdi nō est aptus ad definitionem. Est enim obfuscus, & tanta explicatione indiget ad sui verificationem.

Optimus ergo dicēdi modus erit: species est vniuersale quoddā quod essetialiter sub genere ponitur, siue de quo genus essetialiter prædicatur. Sic enim manifestē exprimitur distinctio speciei ab indiuiduis: exprimitur etiā quod dicebamus, speciem subijcibilem debere esse vni-

uersalem: & hoc clarius ex textu ipsius quæ Porphyrii discursu deducitur.

Postremo præcipua difficultas circa hūc modū definiendi speciei est, quā vidit & tractauit idē Porphyrius. quomodo species definiatur per genus, cum genus definitū fuerit per species. Videtur enim hic esse vitiosus quidā circulus, & inutilis ac nugatoria repetitio. Definitio enim tradi debet per priora & notiora, vt docet Aristoteles. Topic. cap. 3. relatiua autē dicitur esse simul natura & cognitione. Vnde vnū nō est prius nec notius alto. Quod si esset, tunc vnū ex ijs solum posset defini per aliud, & nō vicissim hoc aliud per illud. Augetur difficultas. quia cū species definitur per genus, potest vtiq; in definitione speciei loco ipsius generis poni definitio eiusdē generis: & tunc diceretur species est de qua prædicatur in quid illud quod prædicatur in quid de speciebus. Quod planē esset explicare idē per idem, & petere principium.

Propter hoc nō defecerūt qui dixerint, non debere genus & speciem sic per ordinem mutuū definiri, & malē Porphyrii modo definisse. Cōmuniter tamē Expositores has definitiones approbāt & defendunt: supponētes insuper genus & speciem necessario sic definiri debere, vt Porphyrius docuit, eo quod sunt inter se correlatiua. Et patet: quia certē vniuersale non potest definiri nisi per ordinem ad multa, quod scilicet aptū est esse in multis, prædicari de multis: & vnūquodq; vniuersale nō poterit definiri nisi per ordinē ad sua multa, genus non nisi per ordinē ad species, species per ordinē ad indiuidua. E cōuerso subijcibilia vniuersalia, nō poterūt formaliter definiri nisi per ipsū ordinē subiectionis. Et ratio cōmunis est: quia relatiuū nō potest explicari nisi per ordinē ad terminū, qm̄ in ipso ordine essetialiter consistit.

Ad difficultatē verō proposita, in tractatu de relationibus vidēdū est, quomodo relatiua possint vnū per aliud mutuū definiri. Interim dici potest, vel excipienda esse relatiua ab illa regula de definitione tradēda per priora & notiora, vt significauit ibi ipse Philosophus. ita vt possint relatiua per se inuicē, cum sint simul natura & cognitione, definiri. Vel licet genus & species per se nominata, nō sint vnū notius alijs: tamē totam simul propositionē,

Quomodo species per genus, & genus per speciem defini possint.

125

11

Pluribus modis definitur.

S
genus

genus est quod pōt dici de pluribus speciebus, species est quæ subditur generi, esse notiorē, & sic definitionē esse clariorē definito Vel melius dicendū debere in his cōsiderari, & entitatē absolutā singulorū extremorū, & relationē mutuā inter ea: & relōnes quidā ipsas esse illas quæ dicuntur simul subre & cognitione: definiri autē vñū relatiuum per ordinē, non quidē ad aliā mutuā relationē, sed ad entitatē absolutam alterius extremi, quæ prior & notior dici debet. Hoc est definitur genus per ordinē ad speciē, non formaliter vt mutuū relatā ad genus, sed absolute sumptā in se: ac si dicatur, genus est vniuersale quoddam, quod dicitur de pluribus vñilis subre & cōtēntis: & ē cōuerso, species est vñle quoddā, quod hēt supra se aliud vñle. Vnde non est acceptanda illa repetitio, quæ in argumento afferebatur: quia id esset definire vñū relatiuum per aliud quatenus formaliter relatiuum est: & quia definitio debet tradi modo vtili & cōuenienti ad explicōnem definiti, & nō eo modo inutili & otioso.

SECTIO TERTIA.

Quomodo in eadem Specie conueniant habitu vniuersalitatis ad inferiora, & subijcibilitatis ad genus.

Quia ostēsum est, semper hāc vtrāq. habitudinē simul in vna eadēq. specie cōuenire: omnis enim species vñilis est etiā subijcibilis, & omnis subijcibilis est vñilis, vel per vñilitatē specificam & infimā, vel per genericam: super est modo ad plenā speciei tñ prædicabilis, tum subijcibilis notitiā, hanc vtrāq. habitudinē in eadem specie coniunctim cōsiderare.

Primō ergo Porph. in cap. de Specie circa medium ait, in specie specialissima vñicā esse habitudinē simul attingentē & genus sub quo est species, & indiuidua quæ sunt sub ipsa spē: in specie autē subalterna duplicē ac distinctā esse habitudinē, vñā ad superiora, alteram ad inferiora.

Dicendū tñ oīno est, in omni specie ēt infima esse duplicē essentialiter diuersā habitudinē, vñā vñilitatis ad inferiora, alterā subijcibilitatis ad superiora. Est res certa. Et patet, quia maximū discriminē est inter vtrāq. habitudinē. Et in vniuersum

quidē hæ sunt relōnes oppositæ, sicut relationes patris & filij, domini & subditi, alizq. similes. Deinde qñ respectū diuersorū in eodē subiecto inueniuntur, differunt tñ ex parte termini, quia vna est ad terminū superiorē, altera ad inferiorē: tñ ex parte modi, quia vna est relatio cōtēnti ad cōtēntens, altera cōtēntens ad cōtēnta, vt notauit ipse Porph. vna est tanquam partis potentialis ad totū, altera tanquam totius potēntialis ad partes, vt in fine cap. indicauit idē Porph. vna demū est tanquam multorū ad vñle, altera tanquam vñilis ad multa: vna tanquam subiecti ad prædicatū, altera tanquam prædicati ad subiectū. Plus ergo differunt hæ duæ habitudines inter se, licēt in vno eodēq. subiecto vniantur, quā differant adinuicem quotquot variæ vñilitates inueniātur. Nā hæ oēs cōueniūt in rōne cōi vñilitatis, in qua tñ differunt à rōne subijcibilitatis, vt magis infra dicemus. Porph. autē solū dicere voluit, in specie specialissima vñū esse nomen vtriusq. habitudinis: nā dicitur species tā respectū indiuiduorū, quā respectū generis, licēt in diuerso sēsu. In specie autē subalterna diuersimodē vtrāq. habitudinē nominari: nam respectū superioris appellatur species, respectū autē inferiorum genus.

Secundō dubitari pōt, nū sicut hæc duplex habitudo in specie specialissima in eodē nomine cōuenit: ita et conueniat in rōne aliqua vñiuoca, & cōceptu significato ipso noīe speciei: vel tñ velut æquiuocē in solo noīe conueniat. Sor. in hoc cap. Metaph. sect. 1. q. 4. Sanc. q. 53. volunt cōuenire tñ æquiuocē. Sed ex alia parte negari non potest, cōuenire in cōceptu eōi relationis, atque secundæ intentionis.

Dicendū est, non cōuenire in cōceptu aliquo adæquato & peculiari, qui conuenit tñ speciei vñili & subijcibili, & non alijs atq. adēd in ipso noīe speciei conuenire velut æquiuocē, seu analogicē. Patet, quia non datur, nec pōt affirmi, definitio vna cōis, quæ importet conceptū vñū, cōem vtriq. relationi, seu speciei vtroque modo sūptæ, sub ipso nomine speciei: sed quælibet hēt suam definitionē diuersā. Et præterea ex mō dictis patet, tantā esse diuersitatē inter vtrāq. vt non possit assignari rō aliqua peculiaris significata noīe speciei, adæquata speciei prædicabili & subijcibili, & non alijs. Conueniunt ergo

Non conueniunt vniuersaliter, sed tantū analogicē in nominibus.

tantum

He duæ habitudines in omni specie distinguuntur.

tantum in noie speciei. Cū aliqua tñ analogia, & non merè aquiuocè à casu, quia scilicet nomen speciei sumptū est à decore & pulchritudine: & dicitur species subijcibilis respectu generis, quia est veluti decor generis, quod sua differentia perficit atque ornat: dicitur etiam species prædicabilis, respectu indiuiduorum quæ essentialiter constituunt, tanquam forma & perfectio essentialis eorum.

Quanam sit principalis in specie.

Tertiò videndū est, quānā ex his duabus rōnibus sit principalior in ipsā natura specifica. Ad quā affirmant, esse rōnē subiectionis. Tū quia species subijcibilis est magis ampla. Tū præterea in scētijs spēs considerātur potius sub rōne subiecti, de quo prædicata essentialia affirmantur & passionē demonstrantur, quā sub rōne prædicati: quāquidē sciētia non curāt de indiuiduis de quibus spēs est prædicabilis. Tū ē in prædicamentis spēs ponitur potius quatenus subijcibilis, quā quatenus prædicabilis. Tū quia hac ē rōne magis consideratur hic à Porph. qui agit de ipē maximē quatenus est correlatiuū generis. Tū p̄sertim spēs refertur ad genus essentialiter tanquam ad suum prædicamentum essentialē: ad indiuidua verò tantū accidentaliter, quia per accidens indidit per conditiones indiuiduantes, seu per diuisionem materiæ & quantitatis.

Dicendū tamen, secundū varias considerationes, posse tam vnā, quā alteram ex his rationibus præferri. Nam si species sumatur quatenus inter quinque vniuersalia & prædicabilia numeratur, quatenus continebatur sub vniuersali in communi, de quo antea egimus, quatenus à singulari distinguitur, aliasq. similes considerationes: vtique principaliter dicit rationem vniuersalis & prædicabilis. Et sine dubio nobilior est ratio vniuersalitatis quā subijcibilitatis: quia vniuersale continet, subijcibile continetur: vñle est superius, subijcibile est inferius. Si verò attendantur duæ primæ rationes antea allatæ: præferenda est ratio subiectionis. Dico, duæ primæ rationes, quia aliæ non subsistunt. Nam species in prædicamentis ponitur, & à Porph. alijsq. omnibus hic consideratur, non solū quatenus subijcibilis, sed etiam & fortasse magis, quatenus vniuersalis & prædicabilis. Et diuiditur in sua inferiora non

accidentaliter, sed intersecè per differentias entitativas, vt suo loco probatū est.

Quartò præcipue dubitatur, an hæc habitudines sint inter se prorsus disparatæ & inconnexæ, vel vna sit de ratione alterius, siue vna fundamentum & origo alterius. Albert. tractatu 4. Prædicab. cap. 2. significat, & alij asserunt, esse disparatas: ita vt vna veluti per accidens se habeat ad aliam. quia nec subijci generi, est per se de ratione vniuersalis ac prædicabilis de multis: nec etiā esse vñle & prædicabile, est de ratione subijcibilis. Sed optimè potest & solet, vna ex his rationibus sine alia inueniri. Caiet. verò in hoc cap. significat, rationē vniuersalis & prædicabilis in specie, cōsequi ad rationem subijcibilis: ita vt dicere valeat, idē species apta est de indiuiduis prædicari quia subijcitur generi. Et contra Tolet. q. de specie circa 1. argum. concedit, rationē vñlis per se esse de ratione subijcibilis in specie & supponi ad rōnē subijcibilis: ita vt dicere valeat, idē est species subijcibilis. quia est vñle quid in se. Idem tenet Sant. q. 33.

Numma sit de ratione alterius.

Pro resolutione distinctè considerare oportet rationē subijcibilis & prædicabilis absolute & secundū se, atque denominationē speciei subijcibilis & prædicabilis: id est hoc totū cōplexū, species subijcibilis, spēs prædicabilis. Primò modo dicendū ē, illas rationes non esse vnā de ratione alterius, non esse per se connexas, sed vnā per se non requiri ad aliam, & veluti per accidēs vnā simul in vno subiecto. Patet ex ratione primæ sententiæ. quia indiuiduum est subijcibile & tamen nō est vniuersale nec prædicabile de pluribus: genus summum est prædicabile, & tamen nulli generi subijcitur. Patet etiam a priori. quia ad hoc vt prædicatum aliquod possit de suo subiecto affirmari: non oportet, vt idē prædicatū sit subiectū alterius prædicati: & si sit, id nō per se facit ad prædicationem eius de alio subiecto. Similiter ad hoc vt aliquid possit subijci alicui prædicato, non oportet vt ipsum possit prædicari de alio subiecto: & si possit, id non per se facit ad subiectionem eius respectu alterius prædicati.

Absolute loquendo non est.

Secundo modo dicendū est, denominationē speciei vniuersalis & prædicabilis connotare rōnem subijcibilis. Patet. quia

Denominatio rationis speciei

specie præsupponere rationem subijcibilis. Quoniam non est diuersa vniuersalitas illius vniuersalis quod subijcitur alteri; ab vniuersalitate illius quod non subijcitur, quantum est ex hac parte subiectionis, vt patere potest ex dictis de genere; & ideo non oportet ad relationem talis vniuersalitatibus quæ conuenit speciei subijcibili, præsupponi ipsam subijcibilitatem. Et si ex hypotesi inueniretur aliqua species infima habens sub se singularia, quæ non haberet supra se genus: hac species esset eiusdem rationis in ratione vniuersalis & prædicabilis.

*Quomodo
species for-
maliter
ut species
fit vniuer-
salis vel
subijcibi-
lis.*

In contrarium obijcies primò ad probandum, speciem per eandem formalem relationem subijcibilitatis esse vniuersalem. Species vt species formaliter est vniuersalis, & numeratur vnum ex quinque vniuersalibus: ergo quatenus subijcibilis formaliter est vniuersalis; & per eam formam qua constituitur subijcibilis, constituitur vniuersalis. Vel sic: species subijcibilis omnino debet esse vniuersalis: ergo quatenus subijcibilis est vniuersalis. Hoc dubium Caiet. fatetur, se propter eius difficultatem maluisse omittere, quam tractare.

Sed responderetur faciliè. Species quatenus species formaliter potest sumi dupliciter: vel quatenus species vniuersalis, & sic est verè vniuersalis & ponitur vnum ex quinque: vel quatenus species subijcibilis, & sic non formaliter quatenus subijcibilis, idest per ipsam subijcibilitatem, est vniuersalis. Debet quidem omnino species subijcibilis esse vniuersalis: sed non per ipsam subijcibilitatem, nec quatenus subijcibilis debet esse vniuersalis. Vbi notari pòt, aliud esse dicere: species quatenus subijcibilis est vniuersalis, & aliud quatenus species subijcibilis: quia secundo modo reduplicatur non solum ratio subijcibilitatis, sed tota etiam denominatio speciei, & quicquid ad talem denominationem requiritur: vnde perinde se habet, ac si dicitur quatenus vniuersale quoddam subijcibile. Primo ergo modo negandum est, species quatenus subijcibilis est vniuersalis. Secundo modo concedendum est, quatenus species subijcibilis, idest quatenus vniuersale quoddam subijcibile, est vniuersalis: non utique per ipsam subijcibilitatem,

sed per vniuersalitatem, quæ etiam reduplicatur. Sicut dicere non valeret homo quatenus rationalis est sensitiuus: sed tamen quatenus animal rationale, quia sic non per rationalitatem, sed per animalitatem constituitur sensitiuus.

Obijcies 2. Genus quatenus genus formaliter respicit species quatenus vniuersales: per hoc enim constituitur propria ratio generis ad differentiã speciei prædicabilis: ergo ipsæ species quatenus vniuersales sunt, subduntur generi, & referuntur ad genus. Vel ergo ipsa ratio vniuersalis constituit species subijcibiles generi: vel ipsa subijcibilitas constituit species vniuersales, quod in idem redit.

Responderetur. Genus respicere species quatenus viles. ita vt vniuersalitas specierum non sit relatio mutua ad ipsum genus. Sed tñ sit ratio terminandi relationis generis. Correlatiuū enim habet, & relationē qua refertur ad aliud, & rōnē qua terminat relōnem eius ad se. Vtilitas ergo speciei est tñ rō terminandi relōnem generis, ac ēt est fundamentū relationis quā ēt ipsa species. Species ergo quatenus viles sunt, subduntur generi terminando relationē generis, & referuntur fundando relationē speciei subijcibilis. Non itaque ipsa vtilitas formaliter refert species ad genus: sicut nec subijcibilitas refert species ad indiuiuiua. nec ēt necessē est, vt vtilitas sumpta pro relōne fundet relationē subijcibilitatis in specie, sed sufficere vniuersalitas in statu abstractionis, vt antea dicebamus.

Obijcies 3. ad probandū, rōnem vtilis nihil facere ab rōnem subijcibilis in specie. Quia vel per se pertinet ad speciem subijcibilem vtilitas generica, vel specialissima: sed neutra dici pōt. ergo. Et quidem quòd alterutra dici deberet, patet. quia si rō vniuersalis per se spectat ad aliquam naturā, necessariò debet inueniri aliqua specialis vniuersalitas quæ ad illam pertinet: non enim potest animal esse de ratione alicuius corporis, quod non pertineat ad speciem aliquā animalis. Quod autem neutra dici possit, patet. quia species infima est species subijcibilis, & tamen non est genus: ergo non potest dici vniuersalitas generica per se pertinere ad speciem subijcibilem. Et contra species subalterna est species subijcibilis, & tamē

*Quomodo
species ut
vniuersa-
lis vel su-
bijcibilis
respiciat-
tur à ge-
nere vel
respiciat
genus.*

*Quæ ratio
vniuersa-
lis fundet
rationem
subijcibi-
lis in
specie.*

non est species infima: ergo nec vniuersalitas specialissima per se pertinet ad speciem subijcibilem.

Respondetur facili. Speciem subijcibilem posse sumi, vel in communi ad omnem speciem subijcibilem, vel determinatè hæc aut illa species subijcibilis. Primo modo de ratione speciei subijcibilis, est vniuersalitas pariter in communi ad vniuersaliter genericam & specialissimam: nimirum quia species subijcibilis potest esse vel genus vel species infima. Secundo modo verissimum est, quamlibet speciem subijcibilem determinatè dicere vnam vel alteram vniuersaliter. V. g. animal est genus, & est species subijcibilis viuæntis. Homo est species infima. Et sic in alijs quibuscunque.

*Quomodo
subijcibi-
litas sit
passio vni-
uersalis.*

Obicitur quarto, Subijcibilitas speciei consequitur ad rationem vniuersalis: ergo est passio ipsius vniuersalis: & ita erunt duæ passionēs vniuersalis, scilicet prædicabilitas & subijcibilitas. Quod quidem Tolet. planè asserit. Sed videtur hæc minus inaudita, & prorsus absurdum: subijcibilitatem cum prædicabilitate esse passionem vniuersalem.

Respondetur. Solam prædicabilitatem, & non subijcibilitatem, esse passionem vniuersalem in communi: quia vniuersale potest esse quod non sit subijcibile, sed non quod non sit prædicabile. Si autem sumatur vniuersale, quod subijcitur alteri vniuersali sibi superiori: passio utique huius est, posse subijci, non quidem eo formaliter quod vniuersale est, sed eo quod subditum est: cum etiam indiuiduis commune sit posse subijci. Si insuper sumatur talis subijcibilitas, quæ correspondet immediatè superioritati genericæ, siue dicatur subijcibilitas quæ vniuersale subditur alteri, siue clariùs subijcibilitas quæ aliqua natura ita subijcitur vt secum subijciat multa quæ sub se continet, siue demù subijcibilitas quæ quod subijcitur non sit vltimum subijcibile. Hæc planè subijcibilitas est propria vniuersalis, & non communis indiuiduo: & est veluti passio ipsius formalis vniuersalitatis, non quidem omnis, sed vniuersalitatis non supremæ. Et hoc non solum non est absurdum, sed ab omnibus concedendum.

SECTIO IV.

Quotuplex sit Species, tum subijcibilis, tum prædicabilis.

Supposita diuisione speciei subijcibilis & prædicabilis, videndum est quotuplex vtrique sit, & quam & quantum diuersitatem admittat.

Primò ergo satis nota est diuisio speciei in specialissimam & subalternam, quæ diuisio propriè spectat ad speciem subijcibilem. Nam tam in specie subalternam quàm infima appellatur subijcibilitas specifica. Nec per se spectat ad speciem prædicabilem: quoniam species subalternam non est species prædicabilis, sed genus prædicabile; eiusquæ vniuersalitas non dicitur specifica, sed generica. Ex quo manifestum est, diuersam esse formaliter hanc duplicem vniuersaliter, sicut differunt ea duo vniuersalia, genus & species. In specie autem subijcibili, docere vel supponere solent, non differre formaliter in ratione ipsa subijcibilitatis speciem subalternam ac specialissimam: quoniam vtrique refertur ad genus: sed genus est eiusdem rationis, siue infimum, siue superius: ergo etiam species subijcibilis quæ est eius correlatiuum, siue ipsa subijcibilitas, semper est eiusdem rationis; siue sumatur species specialissima, quæ subijcitur generi infimo, siue subalternam quæ subijcitur generi superiori.

Potest tamen constitui aliqua formalis diuersitas in duplici specie subijcibili: licet non tanta, quanta est inter subiectionem specierum ad genus & indiuiduorum ad suam speciem. Idque sequitur ex dictis de Genere sectione vltima, posse videlicet constitui aliquam diuersitatem formalem inter genus infimum non habens sub se nisi species specialissimas, & genus superius habens sub se genera. Ita ergo in præfenti, cum species subijcibilis sit vniuersale quid in se, vel est genus quod subijcitur generi superiori, vel est species infima quæ subijcitur suo generi. Concedi ergo potest aliqua diuersitas formalis subijcibilitatis. Tum quia supponitur non esse diuersitas ex parte generis, cui refertur hæc subijcibilitas. Tum ex parte subiecti & fundamenti, quia vna subij-

Species subijcibilis, alia infima, alia subalternam.

Differunt aliquomodo de formaliter.

subijcibilitas fundatur in vniuersalitate generica, altera in specifica. Tum ex parte ipsius subijcibilitatis: quia vna talis est, vt natura quæ subijcitur subijciat secum etiã plura vniuersalia quæ sub se continet; altera talis est, vt soli subijciat plura indiuidua sub specie infima contenta.

Aliæ etiam diuisiones, quas mox trademus de specie infima prædicabili, possunt suo modo redundare in speciem infimam subijcibilem.

Species prædicabilis duplex, per duplicem multiplicationem modum.

Secundò. Species infima prædicabilis præcipuè diuidenda est, in illam, quæ multiplicatur in sua indiuidua solim per accidentale diuisionem quantitatiuam, & in illam quæ multiplicatur in sua indiuidua per intrinsecas differentias. Hanc diuersitatem in specie prædicabili inueniri, sequitur planè ex lapè dictis. Nam certè datur multiplicatio per diuisionem quantitatiuam, per quam potest, v.g. fieri ex vna aqua plures aquæ, & sic de alijs. Et tunc aqua communis huic & illi aquæ est vtique species. Datur etiam multiplicatio indiuiduorum per intrinsecas differentias: vt satis ostensum est. Et natura proximè cõis his indiuiduis, est species prædicabilis, & non genus, vt etiam ostensum est.

Est autem valde notabilis diuersitas, & prorsus formalis, inter hos duos modos vniuersalitatis specificæ: vt per se notum apparet. Et ostenditur magis. Vniuersale est, quod potest esse in multis, siue potest multiplicari in plura: ergo cum sint tam diuersi modi multiplicationis, diuersa est planè vniuersalitas. Et multiplicatio quidem per diuisionem quantitatiuam, est accidentalis seu contingens: quia illa quæ erant vnum per continuationem, possunt fieri multas & quæ erant multa, possunt fieri vnum. Fitque hæc multiplicatio, non per entitates intrinsecas ipsarum rerum, sed per ablationem vniõis continuatiuæ, siue per distinctionem duorum indiuisibilium terminantium illam, quæ diuiduntur: & tota distinctio quæ de nouo fit inter partes quæ diuiduntur, consistit in carentia illius vniõis, seu in terminatione: qua illa quæ erant partes, vel possunt esse partes vnius totius integralis, idest vnius continui, sunt in se duo tota integralia. Multiplicatio autem, per intrinsecas differentias, est prorsus necessaria & immutabilis: nullaquæ po-

tentia fieri potest, vt quæ erant vnum, fiant multa, vel è conuerso. Fitque hæc multiplicatio per intrinsecam entitatem singulorum indiuiduorum: & distinctio consistit in ipsis entitatibus, hæc & illa, quarum hæc non est, nec esse potest illa, Petrus non potest esse Paulus, hæc anima non potest esse illa anima.

Vt autem rectè assignetur natura specifica communis indiuiduis discretis per diuisionem quantitatiuam, sic debet assignari, v.g. aqua totalis integraliter, siue dicatur aqua quæ sit totum continuuum, & sic de alijs. Ratio est, quia hic quidem erit conceptus adequatè communis huic & illi aquæ, quæ diuise sunt inter se, & vnaquæque est aqua totalis integraliter in se ipsa, cum sit tota & terminata in se, & non sit pars alterius aquæ totalis per continuationem cum alia aqua, licet in se habeat suam propriam continuationem partium suarum. Atque iste conceptus aquæ, multiplicatur per diuisionem quantitatiuam: tunc enim iuxta aqua totali sunt multa indiuidua, idest multa aqua totales, quando ipsæ aquæ sunt diuise, & singulæ in se totales. Hæc aqua sub isto conceptu est quæ directè ponitur in prædicamentis supposito quod sola entia completa, non autem partes, etiam si sint partes integrales, ponantur per se & directè in prædicamento, sed tunc ponantur per reductionem & inclusionem in toto, vt suo loco dicemus. Si verò dicatur aqua absolutè, prout prædicari potest de qualibet parte aquæ, nam qualibet pars vnius aquæ continuæ, est quidè aqua, non tamen aqua totalis & integra: Aqua, inquam sic dicta, non sumereitur tanquam species potens multiplicari in plura indiuidua per diuisionem quantitatiuam: sed potius tanquam species habens sub se infinita indiuidua distincta per intrinsecas differentias & proprias entitates, iuxta sequentem diuisionem.

Tertio. Species quæ multiplicari potest per intrinsecas differentias, adhuc diuidenda est, in illam quæ ita multiplicari potest, vt eius indiuidua non possint inter se continuari: sic planè se habent res spirituales; & in rebus etiam corporeis non potest ex natura sua anima vnius equi continuari cum anima alterius equi,

Qualiter sit assignanda species quæ multiplicatur per diuisionem quantitatiuam.

Aliæ diuisiones duplicis speciei.

& sic in alijs rebus similibus, licet omnes hæc formæ sint in materia, quæ potest ex natura sua tota esse continua. Et in aliam speciem quæ multiplicari potest in indiuidua quæ inter se continuari apta sunt. Ita se habent quamplures species rerum materialium, & species ipsa materia, & quantitatis seu magnitudinis quæ illam comitatur. Valde autem differt hic modus speciei ab alio modo assignato diuisione præcedenti, licet in ipsdem rebus uterque inueniatur. Nam hoc modo quem nunc dicimus, consideratur distinctio & multiplicatio quæ consistit in intrinseca entitate indiuiduali rerum, quæ permanet etiam quando ipsæ res inter se continuantur: illo autem modo considerabatur distinctio consistens in discontinuatione quantitativa. Illo modo non differebant numero vnus & alius palmus vnus aquæ bipalmaris: sed hoc modo verè distinguuntur. Illo modo non erant illi palmi plura indiuidua speciei: hoc autem modo sunt plura indiuidua. Et sic de omnibus partibus, considerando earum multiplicatam & distinctionem vnus ab alia.

Inter se autem differunt duo membra huius diuisionis præsentis, distinctione oriente potius ex parte naturæ specificæ: quia videlicet vna natura specifica est quantitativa, & ideo continuationis incapax, alia expers quantitatis, & ideo continuationis incapax. Cum alioqui in modo vniuersalitatis, & multiplicationis entitativæ cōueniant. Sed adhuc hæc distinctio videtur attingere etiam modum ipsum vniuersalitatis & multiplicationis. Quinimo aliqui sūt qui multiplicationem indiuiduale sub vna eademque specie, tantum agnoscunt in illis rebus quæ cōtinuari possunt, & nō in alijs. Si ergo in his alijs etiā admittatur, non immerito distincte assignatur hic duplex modus multiplicationis in indiuiduis, atque adeo vniuersalitatis in speciebus.

Quartò vltierius species prædicabilis in rebus quantitativis, siue sumatur prout multiplicatur per diuisionem, siue per intrinsecas differetias in ea quæ apta sunt continuari: potest rursus diuidi iuxta varios modos quantitatis seu continuationis possibili. Et specialiter potest in tria capita distinguui. Alia enim est quantitas continua permanens, quæ etiā dicitur magnitudo, &

est propria rerū corporalium: in qua, tanquā notiori, exempla iam attulimus. Alia est quantitas continua successiua, quæ consistit in motu & tempore. In qua pariter potest fieri multiplicatio indiuiduorum modis dictis. Nā vnus motus localis nūc factus, & alius post aliquod intervallum sequens, sic etiam in alteratione, sunt motus distincti per diuisionem & discontinuationem: daturque etiā distinctio per intrinsecas entitates indiuiduales inter ipsos motus, & inter partes successiuas eiusdem motus continui. Alia est quantitas intensiua, quæ quidē non solet inter quantitates collocari, sed spectat propriè ad qualitatē: tñ in hac re imitatur prorsus quantitatē dictam, præsertim si intensio fiat per additionem & continuationem partium qualitatis in eodē subiecto. In hac ergo quantitate intensiua potest considerari multiplicatio per diuisionem & discontinuationem. Sicut certè distinguuntur calor in vno subiecto, & in alio subiecto: præter distinctionem entitativam, quæ est etiā inter gradus eiusdem caloris intensi. Sicque potest dupliciter assignari species caloris. & sic in alijs qualitatibus. In hac ergo tria membra potest distinguui species in rebus quantitativis ita late sumptis.

Hæc tñ distinctio sumitur ex diuersitate ipsarū naturarū, ut patet. Sed non est aliena ab ipsa vñitate specifica. Nā et illi qui principium indiuiduationis, idest quod indiuidua sub eadē specie multiplicatur, assignabant materiā signatā, vel quantitatem: id solū dicebant pro rebus materialibus & corporeis, quibus competit huiusmodi extensio: & propterea distincte assignabāt principium indiuiduationis aliorū accidentium esse subiectū; quod pertinebat ad distinguendas qualitates quatenus sunt capaces intentionis: & insuper cōgebantur per interruptionem tēporis distinguere motus successiuos se habentes. Sicut ergo distincte considerantur hæc rationes in multiplicatione indiuiduorum: ita possunt & debent considerari in constituenda vniuersalitate specifica naturarū supra indiuidua.

Possent postremo & alia speciei diuisionis excogitari, & tradis quæ tñ quia merè ex parte naturæ, & non ex parte modi vñitatis, periri videretur, nō sunt hic afferenda: sed postea in singulis prædicamentis variæ omnium rerū species collocanda erūt.

S E C T I O

*Alia diu-
isio spe-
ciei in
tria mem-
bra.*

SECTIO V.

Vtrum Species diuersa debeant omnino esse inæquales, vel possint esse æquales in perfectione essentiali.

Non solet hæc quæstio à Doctores bus disputari. Sed solet sæpè tanquam certum sine disputatione supponi, omnes species sub aliquo genere conuenientes, debere omnino esse inæqualis perfectionis essentialis. Sed res est examine digna: & propriè hoc loco tractanda.

Ex vna parte videri potest, non posse species quæ sub vno genere conueniant esse inæqualis perfectionis. Nam inter analoga assignari solent, illa quæ dicuntur analoga inæqualitatis, & propriè sunt illa quæ dicunt inæqualem perfectionem essentialem, cum vnum sit essentialiter perfectius alio: sed analoga ab vniuocis distinguuntur, & genera omnia sunt vtrique vniuoca: & omnes species quæ conueniunt in aliquo genere, vniuocè conueniunt: ergo videtur fieri non posse, vt sub genere quod verè sit genus vniuocum, species sunt inæqualis perfectionis essentialis.

Ex opposito frequens sententia est, non posse inueniri duas species sub quocunque genere æqualis perfectionis essentialis: sed necessariò omnes naturas specificè differentes, esse vnam essentialiter perfectiorem alia. Ità passim omnes supponere solent, & ex professo tractat & probat Sonc. 12. Met. q. 4. & attingit Fons. 5. Met. c. 28. q. 16. sect. 2. & Suar. dif. 29. Met. sect. 13. nu. 16. qui ait, hanc esse receptam Philosophorum sententiam, non tamen esse euidentem, & minus verificari in relationibus, quàm in entibus absolutis. Eandemque sententiam videtur supponere S. Thom. 1. par. quæst. 93. art. 3. ad 3. & quæst. de Spiritualibus creaturis, art. 8. & Quodl. 3. art. 6. Imo videtur tradidisse Aristot. locis postea citandis & explicandis, circa quæ Expositores idem docere solent.

Dico primò. Possunt atq. vt plurimum solent species diuersæ, quæ in suo genere conueniunt, esse inter se inæqualis perfectionis essentialis. Est res certa, & explorata, quam videtur docuisse Arist. & cū

illo alijs graues Auctores. Et ostenditur manifestè frequenti inductione. Sub genere animalis logè perfectior species est animal rationale, quàm irrationale: sub genere substantiæ substantia spiritualis, quàm corporea: sub genere qualitatibus potentia, quàm habitus: & sic passim discurrendo per alia genera & species. A priori autè suadeatur. quia in tanta diuersitate rerum possibilis vtrique est inæqualitas essentialis, quia vna res sit essentialiter perfectior alia. Neq. hæc inæqualitas repugnat, quominus tales res possint assimilari & conuenire in aliqua ratione cõ: quia inæqualitas potest consistere in differentiis proprijs constitutiuis talium rerum. Vnde adhuc concipi potest natura communis sibi conuenientiam essentialem, sine expressione differentiarum. Nam, semper quidè ipsæ differentiæ sunt diuersæ: & siue sint inter se æquales, siue inæquales, non minus quantum est ex hac parte, potest præcindi natura communis, & subire vniuersalitatem genericam: ergo omnino possibilis est hæc inæqualitas essentialis inter species eiusdem generis.

Aq. adeò quando assignantur analoga inæqualitatis: oēs notant, hæc quidem analoga nõ contradistingui ab vniuocis, quæ sunt genera & species, sed in ipsis vniuocis inueniri hanc analogiã inæqualitatis. Vnde constat, passim inueniri hanc inæqualitatè in ijs naturis quæ assignantur pro generibus & speciebus. Alia aut sunt analoga, quæ ab vniuocis distinguuntur, quæ dicuntur attributionis, & proportionalitatis: quæ non propter inæqualitatem, sed longè alia ratione, non dicuntur vniuoca, nec genera, nec species.

Dico secundò. Non apparet tanta necessitas, vt oēs species debeat sub suo genere esse inæqualis perfectionis essentialis: quinimo potius videtur inueniri posse, & de facto inueniri aliquæ, quæ diuersæ quidè sint, tamè essentialiter æquales, ita vt vna non sit quidditatiuè perfectior alia. Et primò quidè sufficiens fundamentum huius conclusionis est: quia non apparet talis necessitas, nec ratio adeò cogens, vt oēs prorsus species diuersæ debeat esse inæquales: & nec saltè per Dei potetiam absolutà fieri possint aliquæ æquales. Quinimo saluari potè optimè diuersitas specificæ & essentialis sine inæqualitate perfectionis.

Non apparet, cur nõ sint possibiles aliquæ æquales.

Species diuersa possunt esse inæquales.

tionis. Aliud enim est, hoc esse diuersum ab illo, atq. esse magis aut minus perfectum illo: & saluari potest optimè primum sine secundo. Nullam autem esse talem necessitatem, & rationem quæ cogat, ex obiectionum solutione constabit.

De facto relationes diuinae sunt inter se aquales.
Secundo vltimis de facto sumi potest argumentum ex perfectionibus & præsertim ex relationibus diuinis. Nam ex Sancto Thoma 1. par. quaest. 32. art. 2. & quaest. 10. de Potent. art. 2. ad 12. alijsq. Theologis, relationes diuinae distinguuntur inter se veluti specie. Quod ita explicatur: non quasi paternitas diuina sit species vniuersalis sed plures paternitates; nam in Deo vnus est pater non tres patres, & ita vnica tantum paternitas: sed quia ipsa singularis paternitas in ratione formali paternitatis distinguitur a filiatione, sicut distinguuntur inter se relationes, quæ dicuntur disquaratae, & sunt oppositæ, videlicet paternitas & filio in rebus creatis: quæ non tantum numero, sicut duæ paternitates, sed specie distinguuntur. Neque hæc distinctio minuitur in Diuinis, eo quod paternitas sit singularis & vnica, ac similiter filio: pariter ab ijs duabus distinguitur relatio spirationis. Imo concipi potest in ipso Deo relatio fundata in intellectu, qui conceptus est communis duabus relationibus paternitatis & filiationis: & relatio fundata in voluntate, qui conceptus conuenit duabus alijs relationibus spirationis actiua & passiua: atque hi duo conceptus inter se formaliter distinguuntur. Sed sic est, quod relationes diuinae inter se sunt prorsus æquales, nec vnæ est perfectior alia, vt est certum, & patet ex Symbolo Athanasij: *In hac Trinitate nihil maius aut minus: sed tota tres personæ sibi sunt conuales.* Ergo absolute non repugnat, inueniri species diuersas essentialiter æquales: ita vt etiam in rebus creatis inueniri possint.

Es ex ijs potest dici argumentum ad species verum creaturam.

Ad hoc argumentum responderi potest. Vel relationes diuinas non importare perfectionem, vt multi sentiunt; & ideo in illis non habere locum regulam communem de inæqualitate specierum. Imo Vasq. 1. par. disp. 122. num. 12. hinc probat relationes diuinas non dicere perfectionem, quia aliqui cum specie differant, deberent omnino esse inæqua-

lis perfectionis. Vel dicendo, relationes diuinas ideo esse æquales perfectionis, quia sunt idem cum essentia, aut eam in suo conceptu formali includunt, quæ essentia est vnica in omnibus. Siue quia cum infinitæ sint, sunt incapaces inæqualitatis. Atque adeo diuersam esse rationem earum a speciebus rerum creatarum.

Verum nos præsupponimus, quod suo loco ostendimus, relationes diuinas verè dicere perfectionem relatiuam. Et præterea præscindendo à nomine perfectionis, nullus negare potest, omnem relationem diuinam habere in se suam entitatem, & esse formam conuenientem ipsi Deo: sed nihilominus vnæ relatio non est maior alia, nec est magis aut minus conueniens: ergo vt sic sunt æquales. Et sanè Athanasius appellauit personas æquales, & intellexit etiam quod relationes, ne quis ponat in illis inæqualitatem. Insuper saltem concedere teneatur omnes, illas non esse inæquales: ergo non omnes species sunt inæquales: & saltem in speciebus relationum creatarum idem cogentur admittere.

Deinde licet relationes diuinae sint idem cum vnica essentia, tamen possunt & debent considerari quatenus ab illa ratione distinguuntur, siue quatenus inter se opponuntur, sumendo paternitatem quoad respectum genitoris, qui est in Patre, & non est in Filio, similiter filiationem quoad respectum geniti: & adhuc vt sic relationes diuinae sint æquales, & non solum æqualitas est quantum ad essentiam omnibus tribus personis communem. Ergo non repugnat talis æqualitas rerum in ijs rationibus, in quibus distinguuntur: & in rebus creatis non repugnat æqualitas specierum, etiam in ijs differentijs in quibus differunt. Quod autem perfectiones diuinae sunt incapaces inæqualitatis, efficit sanè, vt in Deo non possint esse rationes inæquales; possint autem esse in rebus creatis: sed non efficit, vt non possint esse rationes æquales in rebus creatis. Non enim dici debent entia creata esse incapacia æqualitatis. Et ita quædam poterunt esse æqualia, quædam inæqualia.

Tertiò. Per se in ijs rebus creatis efficaciter probari potest inueniri species æquales ex dictis quaest. 8. sect. 14. Sumen.

De facto etiam inueniuntur

*speci-
rum crea-
tarum æ-
quales.*

Sumēdo species eo modo logicē pro naturis in aliqua ratione disconuenientibus & dissimilibus, v. g. præsentiam localem constitutiuam in hoc spatio, & præsentiam constitutiuam in alio spatio: certē hæ naturæ sunt prorsus æquales, & sunt specificæ, quælibet habens sub se sua individua, & inter se differentes penes rationes suas formales quidditatiuas. Aliæque plurima huiusmodi exēpla possunt afferri. Et ne redeat questio de his speciebus: saltem absolute loquendo debent concedi conceptus illi inter se differentes, & singuli communes pluribus, atque contenti sub conceptu magis communi præsentie localis. Et hos conceptus dicimus inter se æquales. Ad quod parum refert, si quis nolit illos appellare specificos, & hunc genericum. Neque afferri potest disparitas, cur in his conceptibus dari possit æqualitas: non autem in alijs speciebus sub alijs genericibus.

Nisi quis dicat, nomine speciei tantum intelligi illam naturam, quæ habeat gradum perfectionis inæqualem cum omni alia specie, & per ea quæ differunt specie tantum intelligi illa quæ differunt per gradus inæqualis perfectionis. At si quis ita vocabula explicet, & hanc significationē in ijs supponat: nugatoriā planē reddet questionē. Nam idē esset querere, nū plures species possint esse æquales, ac si dicatur, nū plures naturæ essentialiter inæquales sint essentialiter æquales. Alia ergo significatio in speciei nomine præsupponitur: nempe species in hac re sumitur pro natura essentiali suis indiuiduis, diuersa ab alia natura, cū qua in alio conceptu naturæ communioris conuenit: & de his naturis in questionem adducitur, num possint esse æquales. Vel demum ne questio de re transeat in questionem de nomine: concedemus vitro, in illa significatione speciei euidentissimē implicare inueniri species æquales: dummodò concedatur etiam in alia significatione modò a nobis posita inueniri species æquales. Hoc enim tantum intendimus.

Quartò demum. Alia plurima exempla earum specierum, quæ ab omnibus supponuntur esse species diuersæ, possunt afferri. Sed quia id esset inuoluere alias peculiariæ questiones de perfectione ipsarum rerum, ab hoc loco penitus alienas:

*Septē du-
bia est inæ-
qualitas
specierum.*

præstat nunc ab ijs superfedere: sed in varijs materijs occurrent. Nunc verò monere sufficit, sapē inter Philosophos taliter controuerti de quibusdam speciebus, quarum eam sit perfectior, v. g. de intellectu & voluntate inter Thomistas & Scotistas, alijsque similibus rebus: vt planē appareat hanc esse perfectiorem illa secundum certam aliquam rationem & considerationem, & mutuo illam esse perfectiorem secundum certam aliā considerationem: nec satis definiri possit, quænam sit simpliciter perfectior. Neque apparet, cur necessarium sit, vt semper vna species sit simpliciter & absolute perfectior alia. Sapē etiam in quibusdam generibus, quædam species dicuntur perfectiores alijs, potius ob moralem aliquam commoditatem & vsum, quàm ob physicam entitatem: vt in varijs figuris quantitatis, in varijs sitibus corporum, in varijs coloribus, in diuersis potentijs, & operationibus, atque etiam in diuersis substantijs.

In contrarium Obijcit primò Sôcinas rationem ex Aristotele depromptam, quam vocat demonstratiōem. Omnes differentie constituntur diuersarum specierum, sunt inter se inæquales: ergo & ipsæ species. Consequentia est euident. Antecedens est Aristot. 10. Metaphysic. tex. 16. Vbi ait, semper vnam differentiarum se habere vt formam, alteram vt priuationem: & priuationem sumit pro quadam ignobilitate, seu minori perfectione, vt exponit Commentator.

Respondetur. In primis Arist. ibi non loqui de omnibus speciebus diuersis, sed tantum de contrarijs, vt patet in textu. Deinde Arist. ibi planē ait, in omni contrarietate vnum contrarium habere priuationem alterius: sed non omnia similiter. Et sensus est, omnem quidem formam contrariam inducere priuationem alterius: sed non similiter & eodem modo in omnibus contrarijs. quia scilicet in quibusdam contrarijs magis consideratur priuatio ex parte vnius forme quàm alterius. Quod potest euenire ex eo quod forma vna explicetur per modum rei positiuæ, altera per modum priuationis. Et ideo affert exempla: inæqualitas dicitur priuationem æqualitatis, dissimilitudo similitudinis, & vitium virtutis: nam etiam

*Quomodo
Arist. di-
xerit, vnam
speciem di-
cere priua-
tionē alteri-
us.*

etiam vitium solet assignari & explicari penes carentiam debite rectitudinis. Alioqui certè non apparet, cur inæqualitas sit positivè loquendo ignobilior æqualitate: maximè si sumatur inæqualitas maioritatis: quare enim perfectior est æqualitas quantitatis bipalmaris cum alia bipalmaris, quàm maiortas respectu quantitatis palmaris? Potest etiam provenire ex eo quòd vna forma sit ignobilior altera: & pro hac parte accipi potest exèplū virtutis & vicij. Sed nō dixit Aristot. sēper hoc modo inueniri priuationē in omni cōtrarietate. Quinimo dixit, absolūtè quidem semper in omni inueniri priuationem, saltem quia vna forma tollit aliam: sed non in omni eodem modo; quia scilicet aliquo peculiari modo inuenitur in aliqua contrarietate, vt nunc dictum est.

*Quomodo species pos-
sunt differ-
re sine in-
æqualita-
te.*

Obijcit secundo. Species non possunt inter se distingui nisi per differentias inæquales. Nam si differentiæ sunt æquales, æqualiter distant à primo ente & à non ente. Vnde non potest assignari ratio quæ diuersæ sunt. Ergo species, si diuersæ sunt, nō possunt esse æquales. Quam rationem attulit etiam Suarez. vbi supra.

Respondetur. Etiam si species & differentiæ æqualiter distant à primo ente & à non ente, posse esse diuersas. Quia non tota ratio diuersitatis consistit in maiori & minori distantia: sed in alia & alia entitate intrinseca, licet æquè distanti. Vt manifestè patet in exemplis pro conclusione adductis: & etiam in indiuiduis, quæ vtique cum æquali distantia distinguuntur.

*Et esse dif-
finitas.*

Obijcit tertio. Quæcunque sunt omnino æqualis perfectionis, sunt omnino similia: sed quæ differunt specie non possunt esse omnino similia: quia sic essentia- liter non differunt: ergo.

Respondetur. Negando maiorem. Nam intelligitur optimè, quædam esse dissimilia in suis rationibus proprijs essentialibus, & tamen esse æqualia: sicut certè differunt inter se relationes diuinæ, quarum vna est paternitas alia filia- tio &c. & amen sunt æquales: differunt præsentia locatiua in hoc spatio & illo spatio, nec sunt prorsus similes, sicut hæc & illa præsentia in hoc spatio, & tamen sunt æquales.

Obijcit quarto. Quilibet experitur intellectum diuidentem genus in differentias & species, concipere alteram earum vt perfectam, alteram vt imperfectam: ergo.

Respondetur. Id quidem vt plurimum, non tamen necessariò & semper in omnibus generibus & speciebus verificari.

Obijcies præterea 5. Arist. 3. Metaph. tex. 11. docet, sub genere inter species inueniri prius & posterius, seu melius & deterius. & lib. 8. tex. 10. asserit, essentias rerum esse sicut species numerorum: vt ergo non inueniuntur duæ species numerorum æquales, ita nec aliæ specificæ essentia rerum.

Respondetur. Arist. priori loco indefinite esse loquutum, & tantum docuisse intra genus inter species posse & solere illum ordinem inueniri, quem negat posse inueniri inter indiuidua eiusdem infinitæ speciei. In posteriori loco ipsemet aperte declarauit, quam rationem fecerit illam comparationem. quia inquit: Sicut denumero, ablato aut addito aliquo ex quibus numerus est, non est amplius idem numerus, sed diuersus: ita nec definitio nec ipsum quid erat esse, erit amplius, ablato aliquo aut addito. Quantum ad illam verò inæqualitatem est peculiaris ratio de speciebus numerorum: quia hæc species formaliter sumptæ non dicuntur multiplicari, per hoc quòd numerus sit harum vel illarum rerum: sed solum per hoc quòd numerus sit maior aut minor, addita vel detracta aliqua vnitate: quæ ratio non procedit in omnibus speciebus. Sed etiam quædam alia genera sunt, in quibus non potest intelligi multiplicatio specierum, nisi per inæqualitatem perfectionis. V. g. in genere Angelorum, non aliter distingui possunt species; nisi quòd vnus Angelus habeat perfectiorem vim intelligēdi, aut aliās operandi, quàm alius: quod non tollit, quo minus in aliquo alio genere possit inueniri diuersitas absque inæqualitate.

Obijcies sextò. Indiuidua omnia quæ solo numero differunt, sunt inter se equalia: & ideo differunt solo numero, & non specie; quia sunt æqualia: ergo omnes species, & omnia ea quæ differunt specie, debent esse inæqualis perfectionis.

Respondetur. Negando consequentiā.

Quomodo in speciebus sit prius & posterius.

Quo species sint sicut numeri.

Quare in indiuidua sint equalia, & nō omnes species sint inæquales.

Quo-

Seçt. V. De Inæqualit. essentiali specierum. 285

Quoniam indiuidua debent in omnibus & per omnia conuenire, & solum distinguui penes hoc & illud: ex quo potius sequitur, illa omnia quæ differunt, vel per gradus inæqualis perfectionis, vel per differentias æquales quidem, tamen diuersæ & dissimilis rationis, differre specie. Quia ergo ex utroque capite potest provenire diuersitas specifica, species possunt esse, vel inæqualis, vel æqualis perfectionis essentialis: dummodo distinguantur per suas specificas differentias.

*Quomodo
Species di-
uersæ pos-
sint inter
se comen-
surari.*

Obijcies septimò ex Vasquez loco supra citato. Quæcunque sunt æqualia, possunt inter se commensurari: sed quæ sunt diuersæ rationis non possunt inter se commensurari: ergo. Imo eo ipso quod aliqua sunt diuersæ rationis, diuersam quantitatem perfectionis habent. Et Aristoteles quarto Metaphysic. textu 18. infert, ea quæ non sunt similia, esse vnum maius alio.

Respondetur. Negando primam illam minorem. Quinimo quando dicuntur aliqua non posse commensurari: non solum sensus est, non posse esse æqualia, sed nec etiam vnum esse maius alio. Sic dicimus, quantitatem permanentem & successiuam non posse commensurari, idest non posse dici vnum palmum, v. g. esse æqualem, aut maiorem, aut minorem vna hora. Et contra autem ea inter quæ hæc comparationes fieri possunt, dicuntur commensurari: imo est regula vniuersalis; primum in vnoquoque genere esse mensuram reliquorum. Argumentum ergo probaret, species quæ sunt diuersæ rationis, nec posse dici æquales, nec inæquales. Cùm ergo non obstante diuersitate possunt ita commensurari ut vna dicatur perfectior alia: ita ex hac parte nullatenus repugnabit aliquas esse æquales. Dum verò species sunt diuersæ rationis, habent utique diuersam quantitatem perfectionis, idest diuersam perfectionem: sed non necessario diuersam, idest inæqualem. Aristoteles autem ibi loquutus est in quodam casu particulari: dicit enim, non eodem modo

mentiri qui dicit quatuor esse quinque, & qui dicit esse mille: sed si non similiter, idest æqualiter mentitur, patet quòd alter minus: quia scilicet ibi non erat alia diuersitas, nisi penes maiorem aut minorem à veritate recessum.

Obijcies octauò. Si diuersæ rerum species possunt esse æquales, poterit vna habere vim producendi aliam: & tunc erit causa quæ dicitur æquiuioca. At omnino causa æquiuioca debet esse essentialiter perfectior suo effectu, quia illum continet eminenter. Ergo repugnat, species diuersæ esse æquales. Imo sequeretur, tales res posse mutuo se causare in diuersis indiuiduis: & sic effectum æquiuioci posse esse causam æquiuiocæ alterius indiuidui eiusdem speciei cum sua causa: quod est apud Philosophos inauditum.

Respondetur. In primis non esse necessarium, ut inter illas species detur vis productiua: sic certe præsentia rei in hoc loco, non est per se effectiua præsentie in alio loco. Deinde, quia nec apparet repugnantia, ut sint possibiles tales species quarum vna sit productiua alterius: tunc dici posset causa vniuioca, si hæc sumatur pro omni causa æqualis perfectionis: vel causa æquiuioca, si hæc sumatur pro omni causa diuersæ speciei, quæ dicitur continere eminenter, idest virtualiter effectum, hoc est habere virtutem producendi effectum. Vel si causa vniuioca dicatur tantum quæ est eiusdem speciei, & causa æquiuioca tantum quæ est maioris perfectionis: hoc esset aliud terciù genus causæ. Demum nec etiam repugnabit illa mutua causalitas. Imo videtur ita sequi in rebus creatis, si illæ res essent æqualis perfectionis. Alioqui si vna sola species sit productiua alterius, iam erit ex hac parte perfectior. Neque id est inconueniens. Quoniam licet sit inauditum de facto inter species nobis notas: tamen non ostenditur impossibile. Imo de facto aliqui volunt, ita se habere actus & habitus. Nam actus efficiunt habitus, & habitus eliciunt actus.

*An et quo-
modo spe-
cies æqua-
les possint
se se cau-
sare.*



QVÆSTIO DVODECIMA:

De Differentia.

Differentia hic sumitur pro illa ratione seu gradu entitatis, qui facit differre unam rem ab alia, dum convenit uni & non convenit alteri. Sicut intelligencia nomen Angelis applicatum, significat substantiam intelligentem. Verum differentia hic consideratur, non solum sub dicto motivo differendi: sed adæquatè secundum totam suam rationem, etiam quatenus dividit genus, quatenus constituit speciem, & quatenus ad plura refertur. Atque specialiter consideratur differentia quæ pluribus sit communis, quæ speciei generice coniungitur. Nam de ultimis differentiis individuancibus, satis iam antea egimus. Merito autem agitur de differentia post genus & speciem, ante proprium & accidens, ob rationes iam ex superioribus manifestas.

SECTIO PRIM A.

An & qua sit Differentia.

*Differentia
triplex: com-
munis,
propria, et
propriissi-
ma.*

In primis Porphyrius triplicem differentiam distinguit, Communem, Propriam, & Propriissimam. Communis est accidens aliquod separabile per quod subiectum differt vel a se ipso vel ab alio: ut Socrates stans differt a se ipso sedente, & à Platone sedente. Propria est accidens inseparabile: ut cæcitas, siue ut alij legunt, cæcitas oculorum, vel nasi curvitas, vel cicatrix ex vulnere relicta. Propriissima est ratio intrinseca & essentialis per quam vna species differt ab alia; ut rationalitas per quam homo differt à bruto. Item alio modo tradit hanc divisionem. Differentia duplex est, alia separabilis, alia inseparabilis. Separabilis est idem ac differentia communis. Inseparabilis duplex est: vel quæ per accidens separari non potest, & hæc est idem ac differentia propria: vel quæ per se separari non potest, & hæc est differentia propriissima. Alius etiam modus diuidendi ex textu colligitur. Differentia duplex est. Vna quæ facit aliud, idest per quam dicere valet hoc est aliud ab illo: & hæc est differentia propriissima. Alia quæ facit alteratum, idest per quam subiectum suscipit mutationem accidentalem: & hæc differentia vel est propria vel communis.

Secundò circa hanc divisionem dubitari solet, an sit sufficiens & adæquata, complectens omnem differentiam: vel super sit aliqua alia differentia. Datur enim differentia individualis, quæ non videtur in aliqua ex assignatis differentiis contineri. Item ipsamet genera possunt dici differentia. quia animal v.g. facit utique

differre hominem à planta: & substantia ipsa quæ est genus generalissimum, facit differre omnes substantias ab omni accidenti. Insuper forma substantialis physica facit differre vnum compositum ab alio, v.g. distinguit corpus animatum ab inanimato. Passiones etiam quæ fluunt ab essentia, faciunt differre: v.g. risibilitas distinguit hominem ab omnibus brutis, hinnibilicas equum à cunctis alijs animalibus. Et hæc omnia non videntur in tradita diuisione differentie contineri.

Ad hanc totam difficultatem, aliqui: ut defendant diuisionem esse penitus adæquatam, conantur hæc omnia ad illa tria membra reducere. Aliqui verò fatentur, diuisionem illam non esse penitus adæquatam: sed præter illas tres, alias differentias inueniri. Alij verò quædam ex ijs quæ enumerata sunt reducant, quædam excludunt. Dicendum tamen, videtur, posse quidem ita adæquatam omnem differentiam diuisionem tradi, & diuisionem illam triplicis differentie taliter explicari: ut ea omnia quæ addita sunt, in illa includantur: tamen id non esse necessarium de mente Porphyrii, cuius intentum non tam fuit omne penitus differentiam assignare, quam potius terminos illos explicare, & ea proponere quæ ad doctrinam logicam magis necessaria videbatur. Quod totum breuiter discurrendum per ea omnia quæ addebantur, innotesceat.

Differentiam individuali aliqui reducant ad differentiam communem: & propriam. Fauetque Porph. cap. de Specie prope finem, ubi ait individua differre per collectionem suarum proprietatum, utque accidentalium. Verum hoc solum dici potest de differentia individuali supra prout solet cogno-

*An hæc
diuisio om-
nem differ-
entiam
complectatur?*

*An differ-
entias in-
diuidua-
les.*

cognosci & explicare per accidentia. At supponere oportet, dari differentia individuale entitativâ intrinsecâ. Hanc ergo aliqui reducunt ad differentia propriissimâ. Verum potest quidē differentia propriissima tam amplè assignari, ut etiâ individua-lem cõpõlatur, si videlicet sumatur pro omni differentia entitativa, constitutiva rei. Tamen non in hoc sensu videtur à Porphy. assignata: quin potius planè constat, differentiam propriissimam ab eo sumptum esse solum pro ea quæ convenit speciebus. Dicit ergo debet, Porphy. tantum voluisse dividere differentiam quæ sit univèrsalis & de pluribus prædicabilis: id eoq. numericam omisisse.

An gene-
ricas na-
turalis.

Naturas deinde genericas, aliqui dicunt non esse differentias: quia differentia est tantum illa quæ prædicatur in quale. Aliqui verò dicunt, quia differentia ita debet esse principium differendi, ut non sit etiam conveniendi: at genus, si secundum unam rationem facit differre, secundum aliam facit convenire. Vel si sumatur genus generalissimum, hoc non facit differre ea quæ sub eodem genere conveniunt, quod tamen est de ratione differentia. Sed cerrè negari non potest, posse differentiam amplè sumi pro omni ratione quæ facit differre: & sic differentia propriissima esset quodcunque prædicatum essentiale faciens differre unam rem ab alia. Et hoc modo etiam naturæ genericæ quatenus faciunt differre, includuntur in divisione totius differentia. Porphy. tamen potius accepit differentiam ut contradistinctam à genere. Et in univèrsum accepit differentiam pro ea ratione, quæ concipitur superuenire rei, quatenus convenienti cum alia re per aliquam rationem prius concepim; & ita distinguentem ipsam rem ab alia: genus autem non ita se habet, ut patet: sed ipsum concipitur tanquam ratio prima, & concipitur potius ut faciens convenire unam speciem cum alia, quam ut faciens differre. Admittendum tamen est, eundem gradum essentialem, qui sumitur ut genus, posse etiam alio modo sumi ut differentiam, ut dicemus sect. seq. ita ut in toto rigore sub differentia propriissima includatur.

An for-
mas sub-
stantiales.

Formas substantiales aliqui excludunt, dicentes, in hac divisione solum assigna-

ri differentias metaphysicas: illas autem esse potius differentias physicas. Verum si velint in tota divisione non includi differentias physicas, excludi etiam debebant differentia communis & propria: hæ enim non sunt utique gradus metaphysici, sed sunt formæ accidentales physica, distinctæ à formis substantia-libus. Si autem velint, in sola differentia propriissima non includi differentias physicas: debent reddere rationem, cur in hac divisione ponantur duo membra, de differentiis physicis accidentalibus, & formæ substantiales penitus omitantur. Alij ergo formas substantiales includunt sub differentia propriissima. Sed hoc est planè præter mentem Porphy. eiusque doctrinam de differentia propriissima, ut est perspicuum. Dicendum ergo, differentiam hic sumi pro prædicato quod affirmari potest de re. Et ita si forma substantialis sumatur sub proprio nomine in se, excludi quia non prædicatur de re: non enim dicimus homo est anima. Si autem ex forma substantiali accipitur prædicatum quod affirmari possit de re, videlicet homo est animatus, sic in toto rigore ad differentiam propriissimam pertinere: & in tale prædicatum optime cadere quæcunque Porphy. de differentia propriissima docet.

An passio-
nes ab es-
sentialia pro-
manantes.

Demum passionēs quæ ab essentialia flunt, non desunt qui penitus à divisione excludant. Sed non apparet, qualiter id excusari possit. Sunt alij qui sub differentia propriissima videntur includere. Tum quia differentia communis est separabilis, propria est inseparabilis per accidens: at passio manans ab essentialia est inseparabilis per se, quod convenit differentia propriissima. Tum etiam differentia communis & propria suscipit magis & minus, non verò differentia propriissima, ut Porphy. docet: sed passio fluens ab essentialia non suscipit magis & minus, ut de proprio significat idem Porphy. cap. ult. in fine: ergo. Dicendum tamen est, huiusmodi passionem, ad differentiam propriam, non ad propriissimam pertinere. Patet: quia prius non possunt his passionibus accomodari quæ Porphy. de differentia propriissima docet, ut patet ex text. possunt autem quæ de differentia propria. Nam propriissimæ essentialia rei,

pro-

propria autem est accidens inseparabile. Atque passionem dici possunt esse inseparabiles per accidens, id est tanquam formæ accidentales, quæ non sunt formaliter de essentia. A quibusdam etiam dicuntur, posse suscipere magis & minus. Sed neque a Porphyrio dicitur de omni differentia communi & propria, posse suscipere magis & minus: neque dici poterat nam per se accidentia sunt, quæ non suscipiunt magis & minus, ut præsentia localis, figura, & alia: sed tantum dictum est indehinitè: & magis examinandum erit, cum agemus de proprio & accidenti. Non ergo obstat, quo minus passionem non suscipientes magis & minus, possint ad differentiam propriam pertinere.

Ille differentia distinguuntur variis modis.

Tertiò dubitari solet, qualiter inter se distinguantur tres species differentiarum assignatæ. Aliqui enim volunt, distinguí materialiter ex parte formæ quæ facit differre. Aliqui, solum formaliter ex parte modi differendi. Aliqui volunt, distinguí essentialiter. Aliqui, solum accidentaliter. Dicendum autem est, utroque modo distinguí. Nam interdum solum formaliter: v. g. esse disgregatum visus, est differentia propriissima albedinis, propria nivi, communis parietis. Alias autem differentia distinguuntur etiam materialiter ex parte formæ: v. g. in homine rationalitas est differentia propriissima; certa habitudo corporis, propria; frigiditas, communis. Similiter aliqua ex parte differentiarum distinguuntur essentialiter in modo faciendi differre. Sic distinguuntur differentia propriissima ab alijs duabus: diversus enim essentialiter est modus differendi essentialiter atque accidentaliter. Aliqua autem ex parte distinguuntur accidentaliter. Sic distinguuntur communis & propria inter se, solum per hoc quòd possit aut non possit separari.

Et diuisio est analogica.

Quartò vltcrius communiter docere solent, hanc diuisionem non esse vniuocam, sed esse analogi in analogata. Tamen Louan. significat esse vniuocam, Petrus Niger q. 51. significat esse æquiuocam. Et quidem, si accipiatur differentia materialiter pro forma quæ facit differre: res est clara. Nam diuisio comprehendit formas diuersissimas, nempe positiuas & negatiuas, reales & rationis. Imò sic,

etiam differentia propriissima, & genus de varijs generibus, species de speciebus, non dicitur vniuoce. Si autem accipiatur quoad rationem formalem differendi: sic videtur quodammodo dici vniuocè, quia cogitari potest conceptus differendi communis ad differre essentialiter atque accidentaliter, separabiliter & inseparabiliter. Quia tamen ea quæ differunt essentialiter, verè & propriè differunt; quæ verò accidentaliter, non tam differunt ipsamet, quàm potius recipiunt in se accidentia differentia: nam hic modus differendi reperitur in vno eodemque subiecto, dum accidentaliter transmutatur; & idem subiectum vtrique semper est idem, suscipit autem diuersa accidentia, & ideo denominatur differre accidentaliter. Propter hoc, inquam, diuisio dicitur potius analogica, scilicet analogi in analogata, sicut dicitur analogicè sanitas de animali cui propriè inest, & de causis & signis quæ minus propriè denominantur.

Differentia essentialis est primum analogatum.

Et primum quidem analogatum, est differentia essentialis, secundum ad accidentalis. Nec obstat quod Porphyrio ait, differentias communem & propriam absolute & simpliciter appellari differentias: essentialis verò vocari cum addito specificis. Quin potius ex hoc cõfirmatur quod dicimus. Nam, vti notauit optimè ad hanc rem Caiet. duplici ex capite potest nomen aliquod attribui cum addito. Vel quia ratio significata per nomen non inuenitur in re verè & perfectè; & tunc apponitur additum tanquam conditio diminuens. Sic imago hominis appellatur cum addito homo pictus, ad differentiam veri hominis qui sine addito appellatur homo. Vel è contra quia ratio significata melius & perfectius inuenitur in reali re; & tunc illi tribuitur nomen cum addito significante maiorem perfectionem, tanquam cum conditione augente. Hoc modo sæpè nomine animalium absolute prolato intelligitur bruta, homo autem appellatur animal rationale. Ob hanc ergo secundam rationem differentia essentialis appellatur cum addito differentia specificæ.

Quintò his præmissis de multiplici differentia, statucndum est, differentiam de qua hic agere intendimus, esse solam propriissimam; & ideo hac diuisio præmit-

Differentia essentialis est propriissima.

ma, sola
est de qua
hic agi-
tur.
tenda fuit ad eligendam illam differen-
tiam quæ ad hanc pertinet questionem.
Differentia enim propriissima est quæ ge-
neri & speciei coniungitur, quæ tertio
loco inter vniuersalia & prædicabilia
collocatur; cum aliqui aliæ differentie
pertineant ad alia duo prædicabilia Pro-
prium & Accidens. Atque ipse Porphy-
r. post traditas differentie diuisiones, so-
lam propriissimam deinceps definit & ex-
plicat. Et cum in fine capitis adduxisset
quandam definitionem, quam non illi so-
li conuenire videbat: statim eam correxi-
t; addens vt debeat ad rei essentiam
pertinere, & d. excludendas alias diffé-
rentias.

Datur ve-
rò hac dif-
ferentia.

Sextò tandem de differentia in hoc
sensu sumpta refertur sententia Nomina-
lium, qui cum vniuersale in essendo ne-
gauerint, etiam differentias negare de-
buerunt, quæ ponuntur ad hoc vt con-
trahant & determinent naturam vniuer-
sale, genusque diuidant in plures spe-
cies. Omnino tamen hæ differentie con-
cedendæ sunt absolute loquendo. Est
communis omnium aliorum sententia. &
est res notissima in doctrina Arist. qui
valde frequenter de ijs differentiis memi-
nit. Et patet inductione in omnibus re-
bus. Et ratione: quia cum res reuera
differant, debent differentie, idest rationes
per quas differant, assignari præsertim.
Cum ita differant, vt simul in aliqua
ratione conueniant: oportet ergo assi-
gnare differentias per quas natura illa
communis contrahatur & diuidatur,
atque ita genus in plures species ultra-
hatur.

Dico autem, absolute loquendo: quia
multi volisse & explicant differentias da-
ri, sumendo differentias cum quibuscum
conditionibus quas in eis requirunt. Mo-
dò ergo non determinamus, dari diffé-
rentias, cum talibus conditionibus acce-
ptas; sed de his conditionibus in hoc
tractatu disputaturi sumus. Vnde ab ijs
præciscendo, nunc statimus, quod cer-
tum & indubitatum esse debet, dari
differentias. Et ita est absolute loquen-
dum, vt deinceps de hac re agere se-
quamur.



SECTIO SECUNDA. Quid sit Differentia: & quomodo sit definienda.

POST traditas illas differentie diui-
siones, Porphyrius pluribus modis,
& varijs definitionibus, conatus est ra-
tionem differentie explicare, différen-
tie scilicet propriissimæ. Et quidem
quatuor differentie definitiones attu-
lit. Vt autem nos totam differentie ra-
tionem distinctè & clarè explicemus: ante
omnia distinguendum censuimus, quos
modis differentia sumenda sit, siue quos
munera exerceat, vt iuxta singulas for-
malitates exactè definiatur & explicetur.

Differentia ergo quatuor modis con-
sideranda est. Primò enim differentia di-
uidit siue contrahit & determinat genus.
Secundò, constituit & perficit speciem, &
sumitur species non pro sola specie in-
fima prædicabili, sed pro omni specie su-
bjicibili, ad quæ genus contrahitur. Porph.
hanc tradit tanquam diuisionem différen-
tie, assignans differentias diuisiones gene-
ris & constitutivas specierum. Sed ipse
met explicat, easdem ipsas differentias,
hæc duo munera exercere. Tertio, diffé-
rentia distinguit suam speciem ab alijs spe-
ciebus: & secundùm hanc consideratio-
nem propriè habet differentie nomen.
Quartò, refertur ad inferiora ipsius spe-
ciei, de ijsq. prædicatur: & sibi hanc con-
siderationem propriè fortitur rationem
cuiusdam vniuersalis, & prædicabilis.

Differentia 1. modo sumpta potest ac-
comodari definitioni quæ Porph. 3. loco af-
fert: *Differentia est quæ apta est diuidere ea
quæ sub eodem genere sunt.* Licet enim his
verbis directè exprimi videatur diuisio
ipsarum specierum inter se: tamen quia hic
expressè nominatur genus, & vt hac de-
finitio sit ab alijs diuersa: potest accipi
pro differentia quatenus diuidit genus in
species. Et clarius sic dici potest: differentia
est ratio quæ diuidit genus, & contrahit
ad certam speciem. Genus enim in sua
vniuersalitate & abstractione non dicit
diuisionem, sed vnitatem: & differentia con-
cipitur diuidere genus ab illa vnitare &
coherere ab illa abstractione: Vbi dubi-
tari potest, num hæc ratio, siue hoc officium
differentie, sit reale quid, vel potius sit
inten-

*Differentia
quatuor
modis con-
sideranda
est & defi-
nienda.*

*Quate-
nus diui-
sua gene-
ris.*

intentioni rationis. Et breuiter dicendum, realiter quidem & à parte rei genus esse diuifum, & potius unitas est per rationem: tamen diuifio concepta tanquam diuifio naturæ vnius, & contractio concepta quasi restrictio ab vniuerfaliitate ad certam speciem, dicitur conceptum rationis, quia cum non supponatur realiter unitas & abstractio naturæ, non datur realiter diuifio & contractio sic concepta: sicut datur realiter diuifio vnius continui in plures partes, & adductio vnius rei ad aliam per operationem realem.

*Quarta
vnde con-
stat in
specie.*

Differentiæ secundo modo sumptæ potest accommodari definitio, quam Porphy. primo loco tradidit dicens: *Differentia est, quæ abundat species à genere*, id est quæ species excedit genus, siue quam species addit supra genus. Genus enim non includit essentialiter differentiam, quia sic includeret differentias oppositas, & ad quancunque speciem simul secum afferreret differentias oppositas: quod repugnat: species autem includit essentialiter, cum ipsum genus, cum etiam suam peculiarem differentiam. Vnde claritas sic dici potest: Differentia est ratio quæ simul cum genere essentialiter constituit speciem. Quomodo autem differentia intelligatur addi supra genus quoad rationem aliquam conceptam, vel solum quoad maiorem explicationem in modo concipiendi, postea inquiremus. Si autem quærat, num hæc additio & constitutio sit reale quid: Illi quidem, qui differentiam distinguunt ex natura rei à natura generica, debent affirmare. Sed quia ostendimus nequaquam distingui nisi per rationem, fateri oportet talem additionem & constitutionem non esse actum quandam realem, sed per rationem cogitari.

*Quarta
vnde distin-
guuntur
vniuersales
speciei ab
alijs.*

Differentiæ tertio modo sumptæ, conuenit quarta definitio Porphy. *Differentia est, quæ differunt à se singula*. Species enim non differunt secundum genus, homo & equus non differunt in genere animalis: differentia autem rationalitatis est per quam differt homo ab equo. Addit Porphy. differentiam mortalitatis distinguere hominem à Dijs, id est Angelis: videtur enim supponere, Angelos esse corporeos, & conuenire cum homine

in genere animalis rationalis. Quod tamen falsum est. Vidit quoque Porphy. definitionem sic traditam esse diminutam, quia etiam per accidentia possunt res differre: ideo addit exactiorem definitionem differentiæ, quæ videri posset noua definitio: sed reuera est completum prioris. Addit ergo differentiam, debere esse essentialem. Sic ergo poterit differentia definiri: est ratio essentialis speciei, distinguens illam ab alijs speciebus: vel est ratio quæ vna species essentialiter differt ab alijs. Cæterum reale quidem est, vnam speciem differe ab alijs. Nam reuera ipse species distinguuntur inter se. Tamen concipiendi differentias inter species tanquam inter naturas conuenientes & unitas in genere: ita ut distinctio concipiatur quasi superueniens unitati præsuppositæ in genere: sic dicitur conceptum rationis.

Differentiæ demum quarto modo sumptæ propriè conuenit definitio quam Porphy. secundo loco ponit: *Differentia est, quæ de pluribus & differentibus speciebus, est, & reus, in quo quid prædicatur*. Per hunc autem modum prædicationis, distinguere voluit differentiam à genere quod definitur prædicari in quid. Nec sibi repugnat, cum in fine cap. concludit, differentias accipi in eo quod quid erat effectus per hoc enim tantum docere voluit, differentias esse essentielles rebus. Per illam etiam particulam videtur distingui differentia à proprio & accidenti: quæ non in quale quid, sed solum in quale prædicari dicuntur. Verum ipse Porphy. capite de Genere, in fine, communiter de omnibus accidentibus dixit, prædicari in quale quid. Non ergo distinxit duplicem modum prædicationis, in quale, & in quale quid. Et potius videtur supposuisse distinctionem differentie ab accidentibus, ex eo quod differentia prædicatur essentialiter, quod non expressit in ipsa definitione. Vel ideo tandem ad finem capitis dixit, ad exactam definitionem differentiæ debere addi: *Quæ spectant ad quid erat effectus* vique supplens defectum qui in antecedentibus definitionibus erat. Iam tamen viū factum est, ut differentia dicatur prædicari in quale quid, accidentia autem solum in quale.

*Quarta
vnde uni-
uersalis
est, & re-
us, in quo
quid prædicatur.*

Dum

*Differètia
prædica-
tur in qua-
le quid.*

Dum ergo dicitur differentia prædica-
ri in quale quid, sensus est prædicari es-
sentialiter adiectiuè, vt patet ex dictis
de genere. Et ratio quare differentia
dicatur sic prædicari, est: quia illud præ-
dicatum essentialiter dicitur differentia,
quod secundo loco inter prædicata essen-
tialia nominatur, vt cum dicimus homo
est animal rationalis & concipitur veluti
afficere primò prædicatum, eiq. adiacere,
& illi adiectiuè coniungitur. Et quia for-
ma afficiens rem, dicitur communi voca-
bulo qualitas rei; & dum afficit, dicitur
qualificare: ideo Arist. 5. Met. c. 28. differ-
entias appellauit generis qualitates: &
ideo hic modus predicationis appellatur
in quale. Atq. ad illius exercitiū oportet
omnino differètiā sumere in concreto,
quia vt sic prædicatur in quale, dicendo
homo est rationalis, est animal rationale,
non autem est rationalitas. Propter quod
S. Tho. c. 4. de Ente & essen. & alij com-
muniter approbant dictum illud Auicen.
tract. 5. Met. cap. 6. Rationalitas non est
differentia, sed est principium differen-
tiæ: quia scilicet differentia debet sumi in
concreto, vt prædicatur modo sibi debito.

*Quomodo
dicatur
prædicari
de pluri-
bus differ-
entibus
specie.*

Maxima autè difficultas est in eo quod
in definitione dicitur, de pluribus differ-
entibus specie: nam non solum dantur
differentiæ genericæ, de quibus id verum
est: sed etiam specificæ ac propriæ infi-
marum specierum, quæ proinde differen-
tiæ non de pluribus differentibus specie,
sed tantum numero prædicantur, vt patet.

Ad hoc Albert. tract. 5. Præd. c. 6. refe-
rens Alpharab. Auic. Auer. respondet,
hic defini differentiam vt differentia est,
supra quam differentia specifica addit esse
propriam vnius speciei, quod non est
de ratione differentia: sibi scilicet: vnde nō tollit
quominus sit bene definita differentia vt
differentia est, Verū dici non pōt defini-
ri differentia vt differentia est, nisi defini-
tio conueniat omni differentia: tam specifi-
cæ, quam genericæ. Quia si definitio
conuenit soli differentia: genericæ: ergo
sola illa definitur. Et quidem posse præ-
dicari de pluribus speciebus, conuenit dif-
ferentiæ genericæ vt genericæ est. Sicut
si quis definiret differentiam, quæ prædi-
catur de pluribus numero differentibus:
vtique nō definiret differentiam vt diffe-
rentia est, scilicet in communi ad speciti-

cam & genericam, sed tantum specificam.
Si autem Albert. voluit solas differentias
genericas esse veras differentias, sic rectè
dixit definire differentiam vt differentia
est. Sed certè negari non debent absolu-
tè loquendo differentia specificæ.

Caiet. in hoc c. de Differentia, quæ se-
quitur Sor. respondet, definitione explicat
negatiuè: differentia prædicatur de plu-
ribus speciebus, id est non repugnat diffe-
rentia: in quantum differentia est, prædi-
cari de pluribus speciebus: & hoc con-
uenire etiam specificis differentiis, quibus
non vtique eo quod differentia: sunt, sed
eo quod specificæ sūt, repugnat de pluri-
bus speciebus prædicari. Sed hæc respo-
sio non magis satisfacit. Tum quia non
debet certè natura communis definiri per
hoc quod illi non repugnat aliqua pro-
prietas, quæ in vna tantum eius specie
reperitur, quia sic liceret definire animal,
est viuens rationale, quia animal, & ipsi
bruto, non repugnat rationalitas inquan-
tum animal est. Tum quia sic pariter pos-
set differentia definiri, quæ potest de vna
sola specie prædicari: quoniam etiam
hæc determinatio non repugnat differen-
tiæ, nec differentia: genericæ, inquan-
tum differentia est. Tum demum hæc re-
sponso est planè præter mentem Porphyr.
qui aliteruè affirmat, differentiam
esse quæ prædicatur de pluribus differen-
tibus specie. Idquæ facit ipse Caiet. Sed
dicit, definitionem in illo sensu negatiuè
explicatam, magis accedere ad rei natu-
ram: At certè si tradenda sit definitio
adæquata omni differentia: non oportebit
assumere eandem definitionem Por-
phyr. & ad sensum alium arguere in-
eipum detorquere: sed satius erit defini-
tionem aliter assignare.

Dicendum ergo est, Porphyr. voluisse
in ea definitione solas differentias ge-
nericas definire. Ita quamplures docent
Scor. quart. 27. Vniuersal. Simplic. cap. 3.
Antepræd. reg. 2. Burlin cap. de Differ.
Anton. Andr. Tacaver. Aëgid. & alij ibi-
dem: & apertè Boet. lib. 4 in Porph. ium
in explicatione huius definitionis. Et pa-
ter clarè ex verbis manifestis ipsius defi-
nitionis. Sicut enim dixerat Porphyrus,
genus est quod prædicatur de pluribus
differentibus specie: ita ipsdem verbis
hæc docet de differentia. Ratio au-

*Id non di-
citur de
differentiis
vltimis
specificis.*

*Porphyr.
definit
differentiam
vniuersalem
genericam.*

tem quare Porphy. sic differentiam pro solis differentiis genericis definiuit. Vel est, quia putauit omnes prorsus differentias esse genericas, nullasque dari specificas, proprias vni soli infimæ speciei, de qua re postea disputabimus: Vel si has etiam cognouit, voluit solas genericas, tanquam notiores & frequentiores, ea definitione complecti.

*Adquæ-
rere differe-
ntia d'fini-
tur.*

Facillimè autè & optimè poterit differentia adequatè definiri, ita vt tantum genericas quàm etiam specificas & vltimas complectatur, omittendo ly differentibus specie, dicendo, quæ de pluribus prædicatur: sub qua communitate deinde poterunt distinctè differentia generica per respectum ad plures species, & specifica per respectum ad sola individua, definiri. Solent autem differentiam quatenus vniuersale quoddam est, essentialiter definire: quæ potest inesse multis tanquam pars formalis essentia. Sed de hac re, & simpliciter de vniuersalitate ipsius differentia, mox agemus.

*Differentia
non susci-
pit magis
& minus.*

Postremò ad rationem huius differentia: propriissimè pertinet, quod Porphy. docet, differentias essentialis non suscipere magis & minus, & in hoc differre à differentiis accidentalibus, quæ etiam si infortuitæ sint, suscipiunt magis & minus. Hoc autem videtur difficile, quia differentia essentialis accidentium suscipiunt vtique magis & minus, sicut ipsa accidentia: albedo, v. g. intensâ, est magis disgregariâ visus, quam albedo remissa, & sic de alijs similibus differentiis. Ad hoc Zimar. Theor. i. & quidam alij respondent, dictum Porphyrij esse intelligendum tantum de differentiis substantiarum. Sed certè patet, Porphyrium esse absolute loquutum de differentiis essentialibus, quæ tam accidentibus, quam substantiis conueniunt. Et in hoc sensu dictum eius verum est. Differentia ergo non suscipit per se magis & minus, immutata manente re cuius est differentia: sed bene suscipit per incrementum, aut decrementum ipsius rei. Sic certè non potest augeri aut minui differentia eiusdem albedinis inuariatæ. Sed si augeatur albedo, siue addatur nouus gradus albedinis: sic augeatur siue addatur differentia: Imo hoc est necessarium ad rationem differentia: essentialis. Accidentia autem

suscipiunt magis & minus, eodem permanente subiecto, cuius sunt accidentia. Et hoc planè est quod voluit Porphy. Imo Arist. id ipsum planè docuit 6. Top. loc. 50. & quibuscum sequi hoc signum assignans ad cognoscendum, quando prædicatum sit rei essentialè vel accidentalè: esse scilicet essentialè, quando simul cum re augeatur vel minuitur & non aliter, esse autem accidentalè, quando vel ipsum augeatur & minuitur non aucta vel immutata re, vel è conuerso.

SECTIO TERTIA.

Quomodo Differentia sit Vniuersale.

Cum differentia attingat genus quod contrahit, speciem quâ constituit, & interiora speciei in quâ multiplicatur: de ijs omnibus prædicatur: explicandum est, quoniam modo, & per quem respectum, siue respectu cuius terminat, habet rationem vniuersalis. Et quidem respectu generis, tanquam certum supponi solet, differentiam non habere rationem vniuersalis. Tum quia dicitur de vno & non de pluribus generibus. Tum quia non prædicatur essentialiter de ipso genere. Veruntamen dicendum est, licet differentia non habeat vniuersalitatem differentie respectu generis: tamen posse habere aliam vniuersalitatem, videlicet accidentis.

Probatur quia differentia concipitur inesse nature genericæ, quasi forma subiecto: & potest verè de ipso genere prædicari prædicatione formali, vt oēs concedunt: v. g. aial est rationale: sed hac non est prædicatio essentialis: quia rationalitas non est de essentia aialis, sicut est de essentia hominis: ergo non habet quidè vtilitatem differentia respectu generis; quia differentia debet essentialiter. Tò illa prædicatio debet pertinere ad aliquod prædicabile: & reuera se hæt sicut prædicatio accidentalis de ipso genere: & dicitur de illo, non quidè de omni, sicut debet proprium: non enim omne aial est rationale, & sic de alijs generibus & differentiis. Ergo reduci debet ab quoniam prædicabile. Potest etiam aliqua differentia dici, non solum de vno, sed de pluribus generibus: videlicet si sumatur in conceptu ita communi, in quo

*Differentia
non est vni-
uersale
respectu
generis.*

*Nisi ad
esse nature
modum ac-
cidentis.*

non sit adæquata vni soli generi . V. g. cum quantitas continua diuiditur in permanentem & successiuam, hæc ratio successiui est differentia quantitatis continuæ : at etiam quantitas discreta diuiditur in permanentem & successiuam, & sic ratio successiui est etiam differentia huius generis, & de vtroque genere prædicatur . Item si sumantur duo genera substantiæ, viuientis & non viuientis : vtrunque diuiditur per differentias corporeæ & incorporeæ . Et alia plurima sunt huiusmodi exempla .

Respectu speciei, quam differentia constituit, admittit Tolet. hoc capit. dub. 4. differentiam esse vniuersalem : quia, inquit, de subiecto vniuersali prædicatur . Alij id prorsus negant : quia vniuersale formaliter refertur ad plura, species autem ad quam differentia refertur est vna . Ita contendit Sanc. quæst. 63. Dicendum tamen est, alias differentias esse, quæ per se de pluribus speciebus prædicantur, alias quæ adæquantur vni speciei . V. g. in exemplis illis allatis, illa differentia successionis dicitur de pluribus speciebus sub diuersis generibus : at è contra aliæ differentiæ sunt, quæ sunt adæquatæ & affixæ certis speciebus . De qua re latè agemus quæstione sequenti . Illæ ergo priores differentiæ planè sunt vniuersales respectu ipsarum specierum : nam dicuntur de pluribus speciebus . Hæ autem posteriores differentiæ dici poterunt respectu speciei vniuersales virtualiter, non formaliter . Quia enim differentia dicitur de vna tantum specie, non de pluribus speciebus, non est vniuersalis formaliter respectu specierum : sed quia ipsa vna species continet sub se plura, differentia etiam talis speciei, habet vt dicatur de pluribus . Et hoc voluit ibi Tolet. dicens, differentiam esse vniuersalem, quia prædicatur de subiecto vniuersali, vnde & de contentis sub ipso subiecto vniuersali .

Respectu demù inferiorum ipsius speciei dubitari potest, quomodo differentia sit verè vniuersale : quia natura dici debet vniuersalis, maximè respectu eorum, de quibus primariò & immediatè prædicatur : sed differentia primariò & immediatè prædicatur de ipsa specie, & mediante specie de inferioribus : ergo .

Hinc Petron. quæst. 3. de Differ. art. 4. contendit, differentiam non habere rationem vniuersalis respectu indiuiduorù speciei, sed tantùm respectu ipsius speciei . Sed certum est, differentiam quæ sit adæquata vni speciei, habere propriè & formaliter rationem vniuersalis respectu inferiorum ipsius speciei . Patet quia hæc sunt illa plura, de quibus differentia prædicatur essentialiter, sicut oportet ad rationem huius vniuersalis . Ad rationem autem dubitandi dicendum est, naturam posse esse vniuersalem, etiam respectu eorum de quibus mediatè dicitur : sicut est genus respectu indiuiduorum . Deinde differentiam dici suo modo immediatè de inferioribus specie, idest non mediantibus alijs, respectu quorum prius differentia sit vniuersalis . Hoc est inferiora speciei sunt immediatè plura, de quibus differentia dicitur . Differentia enim non dicitur de alijs pluribus antè ipsa inferiora : quia si dicitur de specie, species supponitur esse vna species, & ipsa differentia nõ contrahitur per alias differentias, antequam per illas differentias quibus determinatur ad inferiora speciei, sed his differentijs immediatè afficitur : quia ad speciem communem ijs inferioribus, non determinatur per aliam differentiam . Quando inquam differentia est adæquata ipsi vni speciei . Alioquin si differentia per se ad plures species referatur, iam diximus esse primariò vniuersale respectu ipsarum specierum : & tunc erit secundariò respectu inferiorum quæ sub ijs speciebus continentur, eo prius modo quo se habet genus ad inferiora contenta sub speciebus de quibus immediatè dicitur . Et fortasse, quia ad hunc modum vniuersalitatè respicit Porphyrius in definienda differentia : idèò illam definiuit, quæ de pluribus differentibus specie prædicatur .

Præter hæc aliqui addunt, differentia habere etiã sibi se sua inferiora, & respectu eorù suam vniuersalitatè . V. g. rationale directè refertur ad hoc & illud rationale, siue rationalitas ad hanc vel illà rationalitatè . Item sensitiuum, quæ est differentia animalis, directè referri potest ad sensitiuum rationale, & sensitiuum irrationale . Pons. 5. Metaphys. cap. 23. quæst. 18. sect. 2. contendit, differentiam comuniter

Potest etiã referri ad propria inferiora .

Respectu speciei est, vel formaliter, vel virtualiter .

Propriè est respectu inferiorum speciei .

acceptam non esse vniuersale quid, non esse genus respectu alium complexorum, in quibus coniungitur differentia communior cum alia differentia eam determinante, vt in exemplis allaris. Et probat quia tale complexum non est quid per se vnum, vt possit esse species prædicari superioris. Nam duæ differentie ambæ sunt actus tertij, scilicet respectu generis, nec vna est forma seu actus alterius: sicut illi qui ponunt plures formas substantiales in composito, non dicunt vnam esse formam & actum respectu alterius, sed omnes respectu materiæ: ergo illæ differentie non consueiunt per se vnum, nec illud complexum est per se vnum.

*Sed respectu eorum
se habet
vt genus
vel species.*

Dicendum tamen est, differentiam esse verè & propriè vniuersale respectu suorummet inferiorum, quæ illo modo rectè accipi & nominari possunt: tamen suo illo modo dicendi & nominandi, habere in toto rigore modum generis, vel speciei. Patet: quia manifestum est, differentiam eo modo posse prædicari de pluribus, & habere quicquid ad rationem vniuersalis potest requiri: ergo vt sic est verè vniuersale. Atque eo modo prædicatur potius in quid, quam in quale: dicendo enim hoc rationale est rationale, ly rationale fumiatur substantiue, neque sumitur quasi forma adiacens: sicut si dicatur hæc rationalitas est rationalitas, dicitur vtque substantiue: similiter dicendo sensitiuum rationale, est sensitiuum, sicut si diceretur animal rationale est animal. Habet ergo proprium modum generis, si dicatur de pluribus subiectis in specie sumptis: modum speciei, si dicatur tantum de vltimis indiuiduis. Imò sic etiam se habent proprium & accidens. Nam risibile de hoc & illo risibili, album de hoc & illo albo, formaliter loquendo dicitur propriè tanquam vniuersale species: & coloratum de colorato albo & nigro, siue disgregatiuo & congregatiuo visus, dicitur tanquam genus.

Nec obstat ratio Fonseca. Tum quia etiam inter ea quæ non sunt per se vnum, possunt vniuersalia assignari, & prædicationes vniuersales optimè exerceri. Tum quia complexum illud se habet, vt per se vnum. Nec enim se habet, vt aggrega-

tum accidentale. Et optimè dici potest, secundam differentiam se habere tãquam formam & actum respectu primæ, rationale respectu sensitiui: quinimo perinde se habet rationale ad sensitiuum, atque ad ipsum animal, & animal vltimò constituitur per sensitiuum; vnde determinatur animal per rationale, dum determinatur esse sensitiuum per coniunctionem rationalitatis. Nec est par ratio cum formis physicis, quæ omnes sunt à materia realiter distinctæ. Nam in compositione metaphysica non datur hæc distinctio, & differentia ipsa communior, est intima formalis ratio quæ constituit genus.

Deinde, Ex parte differentie idem Fonseca ibi contendit, differentiam, vt sit vniuersalis, debere esse simplicem, quandam formam seu gradum, nec posse accipi complexiorem ex duplici differentia, quæ complexio sit vniuersale differentia. Probat. Tum quia nulla differentia constat ex genere & differentia; sed debet esse simpliciter simplex: illa autem complexio constat ex genere & differentia, vt sequitur ex modò dictis. Tum quia omnis differentia mediat inter genus aliquod quod diuidit & speciem quâ constituit: sed talis complexio, v.g. sensitiuum rationale, non ita se habet: non enim mediat inter animal & hominem, quia sensitiuum non est differentia diuisiua animalis, & contractiua ad hominem: nec mediat inter viuens & animal, quia rationale non est differentia diuisiua viuents & contractiua ad animal: ergo tota complexio non est differentia. Tum demum quia ex regula Arist. non potest eadem differentia diuidere duo genera, non subalternata: sed si sensitiuum esset genus quod diuidatur per rationale, sic rationale diuideret duo genera non subalternata, nempe animal & sensitiuum: ergo.

Dicendum tamen est, non requiri ad vniuersalitatem differentie, vt differentia sit forma simplex: sed etiam complexiorem ex duplici differentia posse esse optimè vniuersale differentiam. Probat, quia talis complexio potest & solet prædicari de pluribus in quale: ergo habet totam vniuersalitatem differentie. Nam vtque dicimus, Petrus est sensitiuus rationalis, sic etiam Paulus & ceteri homi-

Differentiam complexi vniuersalem negat Fonseca.

homines. Item addendo genus, Petrus est viueus sensitiuum rationale, & sic de alijs; tempus est quantitas continua successiua, vbi continuum successiuum est differentia, & sic in alijs innumeris exemplis.

*Solutio
rationes
opposita.*

Ad rationes autem in oppositum dicendum est. Ad primam, differentiam quidem simplicem non constare ex genere & differentia: sed differentiam complexam posse constare, quandoquidem in illa plura prædicata iunguntur. Neque hoc obstat rationi ipsius differentia, sicut non est contra rationem generis, constare ex alio genere & differentia. Ad secundam, etiam illam complexionem mediare inter genus & speciem, si non inter genus & speciem quæ proximè coniunguntur, saltem inter genus & speciem quæ remotè iunguntur. Sic sensitiuum rationale mediat inter viueus & hominem. Nec mirum est, quando differentia constatur ex huiusmodi duobus prædicatis. Ad tertiam, præter quam quòd illa regula postea examinanda erit: ad summum procedit de generibus disparatis, quæ nec sunt inter se subalternata, nec in idem redeunt: imo minus distant quæ in idem redeunt, & inter se conuertuntur. Si ergo potest eadem differentia diuidere genera subalternata: multo facilius, quæ in idem redeunt, & inter se conuertuntur: ita ut vnum adæquatè sit aliud, sicut se habent animal & sensitiuum, ut notum est. Nullaque difficultas prorsus apparet, in hoc quod eadem rationalitatis differentia diuidat sensitiuum & animal. Imo id est necessarium, dum sensitiuum est propria ratio constitutiva animalis.

SECTIO IV.

*An & quomodo Differentia ab alijs vniuersalibus differat.
Et quotuplex sit.*

Communis sententia est, differentiam in sua vniuersalitate essentialiter differre ab alijs vniuersalibus, sicut ipsa alia differunt inter se. Propria autem vniuersalitas differentia, & diuisionem ab alijs vniuersalibus, solet frequenter assignari per hoc, quòd differentia apta est

in esse pluribus tanquam pars formalis essentia.

In contrarium est, quod Arist. 1. Topic. cap. 3. plura prædicata distinguens, non solum non assignat differentiam distinctè ab alijs, sed clarissimè ait. *Differentia cum sit generalis, cum genere ordinanda est.* Vbi planè differentiam reducit ad genus. Igitur non est vniuersale distinctum à genere. Deinde ille modus distinguendi differentiam à genere & specie, non est idoneus, ut probauimus de ipso genere q. 10. sect. 1.

Dico ergo primò. Differentia in ratione sua vniuersalitate, non ita differt ab alijs vniuersalibus, nempe à genere & specie, sicut differunt hæc alia vniuersalia inter se. Fundamentum est, quia planè quidem distinguitur differentia à proprio & accidente, per hoc quòd inest essentialiter rebus, & in hoc conuenit cum genere & specie. Sed non differt à specie per hoc quòd species inest tanquam tota essentia, differentia tanquam pars. Tum quia dicto loco ostendimus, tam de specie, quam de genere, seu differentia, communem esse rationem in modo essendi. Tum præterea interdum differentia dicit totam essentiam suæ speciei, quando videlicet nõ perfectè prædicat à gradu generico, sed tñ differt eo quòd dicit conceptum magis expliciui, ut postea ostendemus: ergo non ex hac parte vniuersale differt à genere ab vniuersali specie. Nec etiam differentia differt à genere, per hoc quòd genus iust vt pars materialis, differentia vt pars formalis. Tum quia eodem loco notauimus, differentiam respectu multorum, ad quæ debet contrahi per rationes determinantes, ita se habere vt partem materialem, sicut se habet ipsum genus. Et hoc indicauit Aristot. 7. Metaph. tex. 43. vbi docet, ita differentiam sicut genus diuidi & contrahi ad inferiora per alias differentias illam determinantes. Tum quia quando differentia nõ dicit totam essentiam speciei, sed tantum dicit certum, quendam gradum essentialis; non est ex natura rei determinatum, ut potius hic vel ille gradus essentialis se habeat materialiter aut formaliter, siue iuponatur aut adueniat, siue determinetur aut determinet: sed mutuo dici potest, vnum

*Differentia
quomodo
non differat
in ratione vniuersalis
à genere
& specie.*

per alterum determinari, & hic vel ille potest prius aut posterius concipi, siue materialiter aut formaliter, vt etiam potest magis ostendimus. Non ergo eo modo differt differentia à genere, quasi in ipsa rei natura determinatè fundetur hoc discrimen, vt talis gradus sit genus, talis sit differentia: sicut illa sententia intendit: & sicut alia vniuersalia inter se, & genus ipsam & species distinguuntur.

*Et quomodo
differt.*

Dico secundo. Differentia, licet possit cum genere & specie confundi seu inuolui: tamen aliquatenus in modo prædicationis ab illis distinguitur. Fundamentum est: quia genus sumi potest adæquatè pro prædicato essentiali communi pluribus speciebus, species pro prædicato essentiali communi vltimis tantum indiuiduis. Omnis autem differentia est prædicatum essentialia, aut commune pluribus speciebus, aut tantum pluribus indiuiduis. Sic ergo potest cum genere & specie confundi. Sic planè Arist. eo loco Topic. quia solum respexit illam differentiam, quæ est communis pluribus speciebus, quam ibi vocauit generalem, reduxit ad genus. & 1. de Part. animal cap. 5. prædicata essentialia & communia diuisa in genera & species, nulla facta distincta mentione differentiarum.

At verò hæc prædicata essentialia possunt & solent dupliciter nominari & de rebus affirmari, vel per modum termini substantiui, vel adiectiui, vt compertum est: Per modum termini substantiui dicuntur prædicari in quid, & vt sic appellantur differentia. Ita quòd idem prædicatum essentialia vtroque modo dici possit, & vno modo appellabitur genus, alio modo differentia. V. g. viuens substantiue dictum, vt quando affirmamus animal est viuens corporeum, dicitur genus; adiectiue autem dictum, vt quando affirmamus animal est corpus viuens, dicitur differentia. Et sic ex duobus prædicatis essentialibus mutuo vnum vel alterum dici poterit genus vel differentia, vt in eodem exemplo, in prima propositione prædicatum viuens sic habet vt genus, corpori vt differentia; in secundo è conuerso. Solum ergo sic in modo prædi-

candi & concipiendi consistit eorum discrimen differentia à genere & specie. Ita etiam notauimus de genere sect. 3. Vel dici potest, idem prædicatum essentialia appellari genus quatenus comparatur ad illa quæ in eo conueniunt, appellari differentiam quatenus comparatur ad alia quæ in illo differunt. Vt in eodem exemplo, viuens est genus animalium plantarum & Angelorum, quia hæc omnia in illo conueniunt: estquæ differentia eorum à substantiis non viuētibz. E conuerso, corpus est genus animalium & plantarum & aliarum substantiarum corporarum: estquæ differentia horum omnium ab Angelis, vt est manifestum.

Dico tertio. Ex his, duplex omnino differentia distinguenda est, vna generica, alia specifica: quæ ita differunt inter se, sicut differunt adinuicem genus & species. Hæc conclusio manifesta manet ex dictis. Et declaratur magis. Sicut distinguuntur duo prædicata in quid, vnum commune speciebus, aliud solis indiuiduis: ita non minus debent distingui duo prædicata in quale, seu quæ adiectiue dicantur.

*Differentia
duplex, x. g.
generica &
specifica,
distingui
debet.*

Conantur tamen alij defendere, licet dentur differentia tam specificæ quam genericæ: tamen non constituere duo vniuersalia distincta, ad instar generis & speciei. Et rationem afferunt insistendo in illo modo distinguendi vniuersalia. quia differentia, siue in pluribus speciebus, siue tantum indiuiduis, semper inest eodem modo, scilicet tanquam pars essentialis, pars nempe formalis: at genus & species habent diuersum modum essendi, nempe per modum partis & totius. Verum præter ea quæ in superioribus dicta sunt, impugnatur adhuc hæc responsio. quia incantum dicitur, speciem esse totam essentialiam, in quantum illi solum adduntur differentia indiuiduantes quæ non dicuntur alia partes essentielles: generi autem adduntur differentia specificæ quæ dicuntur partes & gradus essentielles. Ac certè differentia, licet dicatur respectu generis & respectu speciei quam constituit, siue hæc sit species specialissima siue subalterna, eodem modo semper se habere tanquam pars formalis essentialis: tamen si comparetur ad inferiora respectu quorum est vniuersalis, negari non potest.

Seçt.IV. Qũo ab alijs differat, & quoruplex fit. 297

est diuerſo modo ſe habere, in hoc quod ipſi differẽtiæ ſubalternæ addũtur rursus aliæ differentię, quæ etiam ſunt partes eſſentiæ, quia ſunt gradus eſſentiales: at differentię ſpecialiſſimæ vt contrahatur ad indiuidua, ſolũ adduntur differentię indiuiduantes, quæ non dicebantur partes eſſentiæ nec gradus eſſentiales. Ergo reſpectu huiusmodi differentiarum contrahentium tantam prorsus diuerſitatem habent differentia generica & ſpecifica, quantum habent genus & ſpecies: ſic igitur reſpectu inferiorum. in ordine ad quæ debet ſumi atque diſtingui vniuerſale, par eſt ratio diſtinctionis.

*Cur non
fuerit ab
initio di-
ſtincta.*

Nec obſtat, quod in diuiſione vniuerſali, diſtincte aſſignantur duo vniuerſalia genus & ſpecies, non autem duo ſed tantũ vnum vniuerſale differentię. In primis enim Porphyrius qui illa quinque diſtinxit, ad ſolas differentias genericas reſpectuſſo videtur. Deĩndẽ neceſſe

non erat, vt in prima diuiſione vniuerſalium omnia diſtincte numerari deberent, ſed ſub vno membro diuiſionis poterant plura icludi, quod eſſet poſtea ſubdiuidendum. Commodum autem apparuit, in prima diuiſione diſtinguere genus & ſpeciem, etiam ſi tunc non fuerit diſtincta multiplex differentia, quia ita ad tractationem proſequendam opportunum videbatur. Denũ, quia differentia præcipuè ſumi & conſiderari hic debet, quarens contrahit genus, & conſtituit ſpeciem, ſue ſubalternam ſive inſimam: merito hæc tria diſtincta ſunt ab initio, genus, ſpecies, & differentia.

Cæterum cũ dictũ ſit, differentiam ad genus & ſpeciem reuocari, aliæ diſtinctiones quæ traditæ ſunt de genere & ſpecie, poſſunt etiam ipſi differentię adaptari: ſed neceſſe non eſt illas repetere.

QVÆSTIO DECIMATERTIA.

De Habitudine Genæris & Differentię in conſtituenda Specie.

ID quod præcipuè in hac re circa hos gradus eſſentiales conſiderari debet, eſt conſtitutio ſpeciei, & habitudo ipſorum graduum quantum ad emittentem eſſentialem rei. Quæ ſanè conſideratio multo magis dirigit intellectũ ad perſpiciendas rerum naturas, multoquẽ vtilior ad reliquas ſcientias eſt, quàm conſideratio vniuerſalitatis & ſecundarum intentionum. Et quia non ad vnum ſolũ tribus nominatis pertinet: ſed omnia ſimul amplectitur: ideo hæc diſtincta & peculiari quaſtione hæc de re agere cogitauius.

SECTIO PRIMA.

An & quomodo in conſtituenda Specie debeant Genus et Dif- ferentiã deſignari.

DVrandus in 2. d. 3. quæſt. 1. à num. 12. ſingularẽ quandam ſententiã tradiſſe videtur, tractans de Angelis, & dicens, non in omni ſpecie quæ eſt ſub genere poſſe differentiam deſignari. Sed ad ſolas ſubſtantias con-

poſitas reſtringit combinationem genæris & differentię: in ſubſtantijs autem ſimplicibus & accidentibus non illam agnoſcit.

Alij autem docere aut ſupponere ſolent, ita in omni ſpecie ſuum genus & differentiam deſignari debere: vt vnum aliquod prædicatum certum ac determinatum, ſit proximum genus; aliud etiam certum ac determinatum, ſit differentia affixa tali generi, & conſtitutiva ſpeciei: nec poſſit niſi vno certo modo genus & differentia talis ſpeciei deſignari.

Et ita

Et ita videtur supponere ipse Porphy. qui in cap. de Specie, seriem quandam generum specierum & differentiarum, ita contexat, quasi non aliter possint in Prædicamento substantiæ designari. Et cap. ult. agens de discrimine generis & differentia, ait, genus vnum esse secundum vnamquamque speciem, vt hominis animal : & licet dicat differentias esse plures, non intellexit posse vnam aut aliam differentiam vno aut alio modo designari : sed intellexit plures simul cōiunctas, ita vt illæ & non alix sint, v. g. in homine rationale mortale. Videtur etiam, hic dicendi modus necessarius ad constructionem prædicamentorum : quia, hæc a iocum non possent vno certo modo contexti, si non essent certa ac determinata genera & differentia specierum, ita, vt vno certo modo & non aliter designanda sint. Atque ita de facto obseruatur in ipsis prædicamentis, vt notum est.

In omni specie debent genus et differentia designari.
Dico primò, in omni specie possunt, ac debent genus & differentia designari ad constitutionem ipsius speciei. Conclusio est communis & certa. Patet quia omnis species est sub aliquo genere communi ipsi speciei & alijs etiam rebus, alioquin non esset species : & nomen speciei in hac re omnino denotat essentiam subiectam generi, & sic dicitur species subijcibilis. Ideoq. consulto dicimus in omni specie, & non in omni essentia : quia excipienda est essentia prædicati adeò suppremi, vt ipsum sit genus omnium specierum sub se contentarum, nulliusque generis supra se stantis sic species. Dum autem species est sub genere, oportet etiam differentiam assignare. Nam genus non nisi per differentias potest diuidi ac determinari ad certas species. Et species debet per suam essentiam & aliquid suū prædicarum essentiale distinguī ab alijs speciebus, cum quibus conueniebat secundum commune genus. Ergo oportet omnino in omni specie differentiam cum genere designare. Et præterea manifesta inductione porerunt in omnibus speciebus differentia simul cum generibus inueniri. Vbi non dicimus differentiam debere esse hoc vel illo modo distinctam : sed de hoc postea disputabimus. Et fortasse Durandus solum legare voluit differentiam à natura generis distinctam;

& ideo in solis compositis illā concessit.

Dico secundò. Necessè non est in omni specie genus & differentiam vno aliquo certo modo designari : quinimò potius possunt varijs modis constitui. Itaq. quòd non solum vnum certum ac determinatum, sed plura & varia, scilicet vel vnum vel aliud quoddam prædicarum essentiale, potest pro genere proximo designari : & similiter vnum vel aliud pro differentia.

Hæc conclusio probatur primò, exemplis & inductione. Et in primis afferatur exemplum in hac re familiarissimum. Solet genus hominis assignari animal, & differentia rationale. At æquè benè potest genus hominis assignari substantia intellectualis, quod est ipsi commune cum Angelis : & deinde differentia potest assignari, esse discursuum, vel esse corporeum, aut mortale, aut alia. Rursus genus animalis assignari solet corpus animatum seu viuens, in quo conuenit cum plantis differt ab Angelis. At æquè benè potest assignari viuens cognoscituum, in quo conuenit cum Angelis, differt à plantis : & differentia erit, esse sensitiuum, vel corporeum, aut mortale, aut alia. Et vt aliqd exemplum etiam in accidentibus afferatur. Solet assignari genus scientiæ habitus, in quo conuenit cum habitibus aliarum potètiarum, differt ab actibus intellectus : & differentia assignatur, intellectualis certus & euidentis. At æquè benè potest assignari genus scientiæ qualitas intellectualis, in quo conuenit cum actibus intellectus, differt ab omnibus qualitatibus aliarum potètiarum : & differentia poterit assignari, habitualis, vt distinguatur ab actibus cum quibus in illo genere conueniebat. Et ita facillimè poterit in alijs omnium prædicamentorum speciebus obseruari.

Secundo. A paritate probatur quia, si è conuerso incipiamus ab aliquo genere, hoc non vno solum modo potest immediatè diuidi & contrahi, sed varijs modis per varias differentias. V. g. substantia vno modo diuiditur in incorpoream & corpoream : at alio modo immediatè diuidi potest in viuentem & non viuentem : alio modo in incorruptibilem & corruptibilem. Quamuis potest immediatè diuidi, vel in continuum & di-

Possunt pluribus modis in vna specie designari.

Sicut idè genus potest pluribus modis diuidi.

secretam, vel in permanentem & successivam. Et cum animal soleat vno modo diuidi in rationale & irrationale: Arist. 7. metaph. tex. 43. alio modo diuisi: per differentias habentis & non habentis pedes; habentis & non habentis plumas: & in Antepred. cap. 4. per gressibile & aquatile & volatile. Et passim plures varijque modi diuidendi vnum & idem genus inveniuntur. Generis ergo differentie & species immediatae, non vno solo ac certo modo, sed pluribus ac varijs possunt designari. Pariter ergo genera & differentie specierum, non vno solo certo modo, sed pluribus ac varijs possunt. Imo ex varijs diuisionibus & partitionibus generum, necessarij suboriuntur plures ac varij modi quibus genera & differentie specierum designari queant.

Tertiò. A priori probatur quia vna, eademque species potest essentialiter conuenire & assimilari, vel in vna vel in alia ratione, cum alijs varijs speciebus: vt homo in virtute sentiendi conuenit cum brutis, in virtute intelligendi cum Angelis: & inter ipsa animalia conueniunt inter se illa quae habent omnes sensus internos & externos, & alia quae non habent omnes: illa quae habent pedes, & alia quae non habent: & plures huiusmodi conuenientiae exogitari possunt: quae sunt vtique essentialis, si referantur ad principium exigitium intimum ipsis rerum essentialijs. Potest autem ab intellectu concipi omnis gradus essentialis, in quo plura conueniunt. Et gradus in quo conueniunt plures species, erit vtique genericus: praeter quem oportebit assignare differentias per quas distinguantur illa quae in ipso genere conueniunt. Ergo iuxta has omnes varias conuenientias vnus rei, cum vna, vel cum alia re: & varias distinctionis rationes, vel ab vna, vel ab alia: possunt varijs modis genera & differentiae assignari, id est possunt varia praedicata essentialia pro generibus & differentijs singularum specierum constitui.

Atque hinc lequitur, reuera posse praedicamenta pluribus modis constitui & ordinari. Porphy. quidem vnum modum proposuit pro praedicamento substantiae. Sed certe alij plures modi idonei esse possunt. Quare autem vno potius modo, quam alio, singula praedicamenta dispo-

nantur: non alia potest esse ratio, nisi maioris commoditatis: assumendo scilicet diuisiones generum & specierum, vel notiores & frequentiores, vel magis aptas & idoneas ad distinctam rerum notitiam exhibendam: vel merum arbitrium. Quando verò Porphy. dixit, speciei genus esse vnum, differentias plures: negare non voluit, genus vnum posse varijs modis assignari. Sed solum docere voluit: quandoquē praedicata essentialia speciei coniungimus, vnum quidem dici substantiuē, plura adiectiuē: vt homo est animal rationale mortale disciplinabile &c. Et ideo genus esse vnum, differentias plures. At poterant etiam alio modo praedicata essentialia hominis designari: est viuens intellectuale discursum corporeum &c. Vbi rursus vnus est terminus substantiuus, plures adiectiuus: vnus dicitur in quid, plures in quales vnum est genus, differentiae plures.

Contra primam conclusionem obijcit 1. Durand. Differentia praedicatur in quale, & non in quid: sed nullum praedicatum essentialia in rebus simplicibus praedicatur in quale: ergo. Minorem probat, quia illud dicitur in quale, quod dicit partem & non totam essentiam: sed in simplicibus non sunt partes: ergo.

Respondetur primò. Non ideo praedicatum dici in quale, quia dicit partem: sed quia dicitur adiectiuē, etiam si dicat totum. Secundò in simplicibus non sunt partes physicae: sed possunt esse metaphysicae, id est gradus essentialis. Et certe etiam in compositis physicis, non ideo differentia dicitur in quale, quod dicat partem physicam. Et omnium etiam loquentium vsu exploratum est, non minus de rebus simplicibus, quam compositis, plurimè praedicata solere dici in quale adiectiuē.

Obijcit secundò. In rebus simplicibus non possunt differre conceptus speciei & differentiae: non enim differunt vt totum & pars. Essent etiam aequè determinati. Ergo non est distinctè assignanda differentia in ipsa specie.

Respondetur. Possunt differre, vel vt totum & pars metaphysica, vel per conceptum implicitem & explicitem: siue sint aequè, siue non aequè determinati: sicut dicemus in sequentibus. Nec quicquam

Et sicut
varia sūt
conuenien-
tia & di-
stinctiones
rerum.

Quomodo
de rebus
simplicibus
differentiae
praedicantur.

Vnde pra-
dicamenta
varijs
modis co-
ordinari
possunt.

Quomodo
simul cū
generibus
designantur.

quam refert, num res sint physicè compo-
fitæ vel simplices.

Obijcit tertio. Simplicia se ipsis con-
stituuntur, & ab alijs distinguuntur: ergo
non admittunt differentia quæ in illis desi-
gnentur. Differentia enim non deferuit
nisi ad constituendam & distinguendam
speciem. Et demum addit Durand. nul-
lus vnquam assignauit differentias acci-
dentium: nec definitiones ex genere &
differentia nisi in substantijs compositis.

Respondetur. Simplicia constitui &
distingui se ipsis, idest non per partes
physicas distinctas: bene tamen per gra-
dus essentialis metaphysicos. Possunt de-
mum, & passim solent, differentia & defi-
nitiones ex genere & differentia, non
minus in rebus simplicibus, quàm in com-
positis assignari.

*Quomodo
species sit
essentia--
liter vna.*

Obijcies deinde quartò contra se-
cundam conclusionem. Nisi vnaquæque
species habeat vnum tantum certum
genus certamque differentiam: erit ve-
luti congeries quædam prædicatorum
essentialium sine ordine & proportionem.
ergo non erit essentia verè & per se vna:
sed potius erit velut accidentalium quidam
acceruus, quod est prorsus absurdum.
Sicut compositum physicum intantum est
per se vnum, in quantum constat vna
certa materia certaque forma: & alio-
qui esset aggregatum quoddam per ac-
cidents.

Respondetur. Negatur consequentia:
quia prædicata essentialia non sunt par-
tes ex natura rei distinctæ, vt ita debeant
esse certæ, & vno tantum modo desi-
gnatæ: sed solum concipiuntur per di-
uersos actus intellectus; dum natura
speciei, vel in vna vel in alia ratione
assimilatur, vel cum vna vel cum alia
natura: & sic etiam per vnam vel aliam
rationem differt ab vna vel alia natura.
Et hinc fit, vt formentur plures concep-
tus de prædicatis in quibus exercetur
talis conuenientia vel differentia. Longè
ergo diuersa ratio est de compositione
physica & metaphysica. Neque multitu-
do prædicatorum essentialium obstat vni-
tati per se singularium specierum.

*An infini-
tis modis
possint ge-
nera &*

Obijcies quintò. Ex illa conclusione
sequitur, posse pluribus & pluribus mo-
dis in initium sine termino genus &
differentiam vnius speciei designari. Non

enim certa aliqua ratione finire & termi-
nari poterunt. Ergo dantur infinita præ-
dicata essentialia in vna specie, & po-
tèst in ijs procedi in infinitum. Quod
planè est contra Aristot. 2. Metaph. cap.
2. Et omnino fallum, quia sic species
constans tot prædicatis, esset infinite per-
fecta, & haberet infinitas proprietates:
& nunquam posset perfectè definiri atque
cognosci: vt probant Suarez. disp. 15. sect.
11. Fonseca & alij circa eum locum Ari-
stotelis.

*differentia
designari.*

Respondetur. Tot modis posse genera
& differentias in speciebus singulis desi-
gnari, quot rationes conuenientia essen-
tialis, atque distinctionis, respectu alia-
rum specierum siue existentium siue possi-
bilium, in illis reperiuntur, & à nobis
considerari possunt. Ac proinde si huius-
modi conceptus possunt in infinitum mul-
tiplicari & variari, etiam prædicata
essentialia esse infinita, quæ per modum
generis & differentia designari queant.
Itaque cum sub genere animalis, v.g.
sint possibiles infinitæ species, si homo
in quodam conceptu conuenit cum vna
specie in quo differt ab alijs, in alio con-
ceptu cum alijs speciebus, & sic de infi-
nitæ alijs speciebus possibilibus: sic etiam
inter plantas, inter colores, inter sub-
stantias spirituales, & inter alias rerum
species: sic inquam, non solum non est
absurdum, sed est necessarium concede-
re talem infinitatem. Et Aristot. ipse 3.
Metaph. text. 10. infert, si differentia sunt
rerum principia, sequi infinita etiam
principia, & videtur intelligere infinita
in vna re, supponens differentias esse
infinitas.

Ad illum autem locum Arist. qui obij-
ciebatur, dicendum est. Vel Arist. tan-
tum negare voluisse processum infinitum
in prædicatis subordinatis, quorum vnum
directè & adquaret sub alio continetur.
Nam hoc modo certum est, dari supre-
mum prædicatum & infimam speciem. Vel
etiam negare voluisse infinitatem prædi-
catorum concomitantium, quatenus à no-
bis de facto cognosci & considerari pos-
sunt iuxta rerum species actu existentes.

*Etia in-
finita sint
essentia--
lia prædi-
cata.*

Ad rationes dicendum, non sequi per-
fectionem infinitam: quia essentia tota rei
est determinata & limitata intra latitu-
dinem entis: licet possit cum infinitis
alijs

alijs essentijs varijs modis conuenire atque differre. Et si hanc quis velit dicere infinitatem, hac non excedit limites entis creati & terminati, ad differentiam entis propriè & simpliciter infiniti per essentiam, qui est Deus. Nec etiam sequuntur proprietates infinitæ positionis: quia necesse non est, ad omnem conuenientiam essentialem consequi peculiarem proprietatem positionis, possunt tamen admitti infinitæ negationes, idest variæ negationes, quæ singulis prædicatis affigi possunt. Nec denum sequitur, rem non posse perfectè definiti & cognosci, eo modo qui intellectui humano debetur. Satis enim est, si cognoscamus prædicata, in quibus res cõuenit vel differt respectu aliarum rerum quæ nobis notæ sunt. Licet non cognoscamus ad eod. perfectè, etiam respectu rerum possibilium quas ignoramus. Vnde verum est, ab intellectu comprehendente has etiam res, longè exactius atque perfectius singula quaque cognosci.

SECTIO SECVNDA.
Vtrum Genus & Differentia de-
beant ex distinctis partibus,
vel ex tota Speciei en-
titate desumi.

Varia sen-
tentia.

Diuis Thomas 1. par. quæst. 30. art. 2. ad 1. 2. cont. Gent. cap. 95. de Ente & essentia cap. 3, & sequent. quæst. vnica de Spiritual. Creatur. art. 1. & alibi sæpè, Caet. eod. Opusc. de Ente & essentia, Ferran. eo loco cont. Gent. Soncin. 10. Metaph. q. 25. Maius sect. 2. de Differ. q. 5. Et alij Thomistæ asserunt, in corporibus ex materia & forma constantibus, genus à materia, differentiam à forma desumi: licet in alijs rebus, siue substantijs, siue accidentibus, absque tali distinctione, rum genus tum, differentia à tota entitate sumatur.

Fundatur hæc sent. in quibusdam loquendi modis Porphyri, cap. de Differ. & cap. ult. 5. de Discrimine generis & differ. atque Arist. 8. Met. cap. 2. & 3. qui genus appropriat materie, differentia formæ. Asserunt etiam rationem, quia genus est potentiale quid, differentia est actus: sed materia est potentia, forma est actus:

igitur in rebus ex materia & forma cõpositis, genus est à materia, differentia à forma. Omnis enim potentialitas oriri debet à materia, omnis actus à forma.

Aliqui vltcrius voluerunt, quia plura sunt genera subalterna inter generalissimum & vltimam speciem, quæ omnia in ipsa specie adunantur: plures distingui debere formas substantiales, ex quibus illa genera, siue differentiæ subalterne talium generum constituantur, desumantur. Ita refertur sensisse Auicem. in lib. Fontis vitæ, & quidam alij. Vel saltem quantum ad aliquos gradus essentielles, aliqui posuerunt distinctas formas substantiales: videlicet formam corporeitatis propter gradum corporis substantialis, siue animæ vegetatiuæ propter gradum viuientis, & aliam sensitiuam propter gradum animalis, & aliam rationalem propter gradum humanitaris in eadem specie humana.

Aliqui etiâ Thomistæ dixerunt, in rebus nõ cõpositis ex materia & forma, saltè inueniri cõpositionem ex essentia & existentia: & ex his diuersis partibus, genus ab essentia, differentia ab existentia deriuari: quia pariter essentia & hæc vt quid potètiæ, existentia tanquã vlt. actualitas. Ita significat Ferran. ibi 2. cont. Gent. c. 95.

His omnibus opposita sententia docet, non posse genus & differentiam cum tali distributione ex diuersis partibus, specialiter genus ex materia, differentiam ex forma desumi: sed indifferenter omnia & singula prædicata desumi ex tota entitate physica speciei. Ita Alexan. lib. 2. Natural. quæst. on. cap. ult. Iacobus Pauesius disput. 2. Metaph. cap. 9. Suarez disput. 6. Met. sect. 11. Scot. q. 16. Vniuersal. Sanc. etiam quæst. 45. asserens plura loca D. Thom. pro hac parte, & alij cõmuniter hoc loco. Et satis clarè Arist. 7. Metaph. tex. 35. vbi ait: *Vniuersale totum quiddam, est ex hac materia & hac forma tanquam vniuersali.* Vult ergo vniuersale, siue genus sit, siue differentia, sumi ex vtraque parte, idest ex tota entitate physica speciei.

Dico primò. Non repugnare prædicata essentialia sumi ex diuersis partibus physicis rei cõpositæ, ita vt possint de ipsa tota re assumari, & possint per modum generis & differentiæ assignari: & de facto assignari debent aliqua huiusmodi

Positum im-
terdum ge-
neris et dif-
ferentia ex
distinctis
partibus
desumi.

modi prædicata. Probatur conclus. quia diuersis partibus physicis rei conueniunt sine dubio sua essentialia prædicata propria: materia enim habet sua essentialia prædicata, & forma pariter habet sua. Aliqua autem prædicata sunt, quæ ita dicuntur de ipsis partibus, ut non dicantur de toto: qualia sunt hæc ipsa prædicata, pars, materia, forma, & similia expressè denotantia: rationem partis, & oppositionem quandam cum toto, vel cum alia parte. Alia prædicata sunt, quæ possunt etiam dici de toto: v.g. esse susceptivum quantitatis & aliorum accidentium materialium, essentialiter conuenit materia, & ratione materie dicitur de toto composito, etiam in sententia eorum qui dicunt accidentia subiectari in sola materia. Similiter esse intellectivum essentialiter conuenit animæ rationali, & est prædicatum illi commune cum Angelis, & ratione animæ rectè affirmatur de homine. Exemplum etiam clarissimum huius rei habetur in Christo, de quo dicuntur prædicata essentialia, tum Deitatis, tum humanitatis. Licet autem hæc duæ naturæ non dicantur partes, tamen verè dicuntur constituere & componere Christum.

Ex illis autem duobus prædicatis dictis de homine, potest vtrique vnum pro genere, alterum pro differentia assignari. Vel constituendo intellectivum pro genere communi cum Angelis, & susceptivum quantitatis pro differentia ab illis distinctiua. Vel susceptivum quantitatis pro genere communi cum alijs corporibus, & intellectivum pro differentia ab ijs distinctiua. Neque huic conclus. repugnat Arist. loco allegato pro vltima sent. qui optimè intelligitur iuxta conclus. sequentem.

Dico secundò. Non esse necessarium, diuersa prædicata essentialia ex diuersis partibus desumi: quinimo non solum in alijs rebus, sed etiam in substantijs compositis ex materia & forma, possunt & regulariter solent, genus & differentia ex tota physica entitate desumi. Probatur primò: quia in substantijs spiritalibus & in accidentibus non datur compositio ex materia & forma, & tamen datur genus & differentia: ergo non est necessaria hæc distinctio partium, ad hoc ut ex ma-

teria sumatur genus, & ex differentia forma. Vnde nec etiam in substantijs physicè compositis erit necessaria hæc distributio: sed poterunt hæc prædicata desumi ex tota physica entitate.

Secundò. Genus & differentia quæ assignari solent, regulariter dicuntur totam entitatem physicam & omnes partes: ita ut in altera sola parte non inueniatur tale genus, talis differentia. Videlicet genus corporis seu compositi, & genus substantiæ totalis, vtrique dicitur totum compositum, totam physicam entitatem, nec plus ex vna quam ex alia parte desumitur. Similiter animal, mixtum, elementum, & alia genera quæ in substantijs compositis inueniuntur, non saluantur in vna tantum parte, in sola materia, sed in toto composito; ut patet. Sic etiam se habent ut plurimum differentia: quæ non vnam tantum partem, non solam formam, sed totam physicam entitatem importare solent: quæ inquam non de ipsa forma per se sumpta, sed solum de toto composito prædicantur.

Tertiò. Si genus sumitur à materia, differentia à forma: petendum est, vnde sumantur differentia: constitutiua: generum subalternorum, eorum scilicet quæ mediant inter genus generalissimum, substantiæ & aliquam speciem infimam ut hominem. Vel enim sumuntur à forma: & sic solum genus generalissimum sumitur à materia, subalterna autem sumuntur à forma, & ita non saluatur, gradus potentiales sumi à materia. Vel sumuntur à materia: & sic sola differentia vltima sumitur à forma, & omnia prorsus prædicata superiora sumuntur à materia: in ijs tamen prædicatis continentur differentia: subalterna, quæ habent rationem actus respectu generum, quæ contrahunt & determinant; habent etiam distinguere varias naturas, distinctio autem naturarum prouenire debet potius à forma quam à materia. Et præterit inductione potest ostendi, nec à materia, nec à forma, per se & singillatim desumi huiusmodi genera & differentias.

Quartò. Falsum prorsus est, dari plures formas substantiales ex quibus diuersi gradus essentialia desumantur. Falsum, dari formam corporeitatis distinctam a

Nō genus ex materia, differentia, ex forma.

Regulariter ex tota physica entitate sumuntur.

Nec alijs modis ex distinctis partibus.

singulis alijs formis. Falsum quoque, distinguere in eodem viuentem plures animas propter gradus illos subordinatos. quod totum in Philosophia ostendendum est. Falsum denique, genus sumi ab essentia, differentiam ab existentia. quia clarissimum est, non minus differentiam quam genus, esse de essentia, esse gradum essentialium speciei. Et alijs rationibus ex toto processu huius materię, possunt ij omnes dicendi modi efficaciter impugnari.

Assimilantur tamē genus materiae & differentia formae.

Ad auctoritates Porphyri. & Aristoteli sensus est clarus. Solū enim dixerunt, genus assimilari materię, differentiam formę. E. S. Thom. ipse quandoquē hunc sensum expressit. Et hinc dictum videtur ab illis Auctoribus, genus sumi a materia differentiam a forma, solū secundum appropriationem & accomodationem quandam, ratione alicuius proportionis & similitudinis. Inde etiam factum est, ut genus acceperit nomen partis materialis, differentia nomē partis formalis, in constituenda essentia speciei.

Habent autem genus & differentia hanc proportionem & similitudinem cum materia & forma. Quia sicut materia est per se existens, forma verō recipitur in materia: ita genus concipitur tanquam per se existens, & dicitur in quid; differentia verō tanquam afficiens genus, & dicitur in quale. Sicut materia est in potentia ad formam: ita genus concipitur esse in potentia ad differentias per quas est aptum contrahi & determinari. Sicut materia respicit plures formas: ita genus plures differentias. Et sicut materia, vna cum sit, trahitur ad diuersas essentias per diuersas formas: ita genus, quod in se concipitur vnum, contrahitur ad diuersas species per differentias. Et alię similes comparationes cogitari possunt.

Quę tamen procedunt, non solū in substantijs compositis, sed etiam in alijs, quacunque ex genere & differentia constant. Hoc autem discrimen potest assignari, quod in substantijs compositis hac similitudo est intrinseca, quatenus sumitur in ordine ad partes ipsi intrinsecas: in alijs rebus est extrinseca. Et ideo potius de illis dictum est, genus sumi a materia, differentiam a forma. Faciendum

est etiam, quando idem essentialiter predicatum potest sumi, vel ut genus, vel ut differentia, ut dicebamus secl. præcedenti: posse secundum varias considerationes comparari, vel materię, vel formę. Reuera autem maximē differt compositio metaphysica ex genere & differentia a compositione physica ex materia & forma: ut explicant Alen. loc. supra cit. Auerr. 1. Metaph. com. 17. D. Thom. & Scot. 10. Metaph. tex. 24. Et est res clarissima.

Ad rationem demum illius sententię facile patet, potentialitatem quidem, physicam consistere in materia, actualitatem in forma. At gradus metaphysici, siue sumantur ut potentiales, siue ut actuales, non per hoc debent sumi potius a materia vel a forma. Sed solū secundum quandam proportionem assimilantur magis, vel materię, vel formę. Cum tamen realiter, non in diuersis partibus, sed in tota entitate physica speciei constant.

SECTIO TERTIA.

An Differentia constitutiva speciei, esse debeat ei eiusque generi propria.

DVobis modis intelligi possunt se habere genus & differentia in constitutione speciei: vel ita ut differentia sit propria & adæquata tali speciei & generi, nullique alteri speciei in alio genere conueniat: vel ita ut sit magis ampla, & alijs etiam speciebus in alijs generibus conueniat: & non nisi tota combinatio, solaquę collectio, ex tali genere & differentia, sit propria & adæquata ipsi speciei. De qua re dux oppositę sententię exant.

Vna docet, non dari differentias proprias, & singulis speciebus adæquatas: sed omnem differentiam esse pluribus speciebus communem. Ita Alex. 1. Top. cap. 3 circa med. Simplic. in Prædicam. com. 10. cum lamblico quem refert, Boet. lib. 4. in Porphyri. sum. explicans 2. definitionem differentię, & Dialogo 2. in Porphyri. Victorini circa initium, & lib. Diuisionum cap. 4. Soncin. 4. Metaph. q. 2. art. 3. conclus. 1. Lincon. 2. Poll. com. 30.

Prima sententia negat.

Bur-

Burl. in cap. de Differ. & alij plures ibidè.

Hæc ipsa videtur aperta sent. Porphy. non solum quia differentiam definiunt, *quæ de pluribus differentiis specie prædicantur*: sed quia cap. de Spec. & cap. de Differ. duplicem differentiam assignat homini, rationale & mortale; rationale commune cum Angelis; mortale cum brutis. Et clarissimè cap. ult. hoc discrimen assignat inter genus & differentiam, quòd genus quidem vnum est, differentiarum plures sunt in vna specie: planè supponens nullam differentiam per se sumptam esse propriam speciei.

Imò Arist. ipse perspicuè eandem sententiam docuit 1. Top. cap. 3. & lib. 6. loco 34. & 41. concedens eandem differentiam in pluribus generibus inueniri. Et 2. Post. tex. 17. alias 69. & 70. ait in definitionibus collocanda esse plura prædicata essentialia, quorum quodlibet extendatur in plus quam definitum, omnia verò simul sumpta adæquantur ipsi definito. Et offert exemplum: Ternarius definitur, numerus impar primus: impar enim conuenit alijs numeris imparibus, primus conuenit etiam binario: impar primus non est nisi ternarius.

Alia sententia docet, differentias debere esse proprias & adæquatas suis speciebus quas constituunt, & generibus quæ diuidunt: ita vt non possint in alijs speciebus & generibus inueniri. Ita Auerr. 7. Metaph. com. 42. & cap. ult. Prædicab. in princ. D. Thom. 2. Post. lect. 13. & 7. Met. lect. 12. Bonau. in 2. d. 1. art. 6. q. 2. Albert. tract. 5. Prædicab. cap. 6. Scot. q. 27. Vniuersal. Philopo. 1. Prior. cap. 1. com. 4. & 5. Zabar. 2. Post. tex. 70. Fons. 5. Metaph. cap. 18. q. 17. Suar. disp. 15. lect. 11. num. 23. Paulus Venet. Tolet. Sorus Masius Sanc. & alij in cap. de Differ. Adhæret etiam Boet. lib. 1. in Prædicam. com. 7. & de Diuiso. cap. 4.

Arque Porphy. ipse cap. ult. agens de discrimine speciei & differ. ait: *Differentia in pluribus sæpe speciebus consideratur: Differentia de pluribus speciebus dicitur sæpe.* Vbi dicens sæpe, insinuat non semper. Et ita apertè declarauit in Prædicam. interrog. 38. Vbi, cùm quaesisset, num omnis differentia prædicatur de pluribus speciebus respondet: *Non ita planè: sed plerumque sic esse conuenit.*

Arist. etiam 1. de Part. animal. cap. 2. agnoscit vnam solam differentiam ad speciem constitutionè & 7. Metaph. tex. 42. & 43. apertè concedit differentias vltimas adæquatas speciebus. Et 6. Top. loc. 39. indicat aliquas differentias esse speciebus æquales, iuxta expof. Auerr. loco suo 5. de differentiis. Clarius 4. Top. loco 20. ait, aliam differentiam esse, quæ dicitur de pluribus quàm species; aliam, quæ de æqualibus, quæ conuertibilis est cum specie, eiquè adæquata. Et in Antep. cap. 4. docet, diuersorum generum diuersas esse species & differentias, quando vnum genus non est subalternatum alteri.

Pro resolutione Dico quasdam differentias esse adæquatas & proprias speciebus quas constituunt, & generibus quæ diuidunt: quasdam esse magis amplas, & in pluribus generibus inueniri. Probatur primò manifesta induct. & exemplis, discurrendo per plures ac varias differentias assignari conuerfas.

In genere viuientis, sensitiuum est differentia propria & adæquata animalis quæ est species illius generis: nec in alia specie vel genere inuenitur. In genere magnitudinis, longitudo sine latitudine quæ est species illius generis: nec in alia specie vel genere inuenitur. In genere extensionis, longitudo cum latitudine & sine profunditate, propria superficiæ. Et sic sunt alia plurima. Ex alia parte quòd corpus substantiale diuiditur in viuens & nõ viuens, differentia viuientis est magis ampla, & reperitur in alia specie extra genus corporis, nempe in substantijs spiritualibus. Et quando quantitas continua diuiditur in permanentem & successiuam, & per has differentias constituuntur duæ species, magnitudo & tempus: hæ differentie reperiuntur etiam in genere quantitatis discretæ, ibiquè constituunt duæ alias species, numerum & orationem. Habitus intellectus sub genere habitus constituitur per differentiam intellectualem: & tamen hæc differentia conuenit etiam actibus intellectus. Et ita nec ratio habitus, nec ratio intellectualis, per se, est propria illi speciei: sed vna conuenit alijs habitibus, altera conuenit & actibus intellectus: sed tota combinatio est propria illi speciei. Nec oportet plura exempla congerere.

Quidam differentia sunt propria, quædam non.

Se&t. III. An Differ. sit propria generi & speciei. 308

Rationalis an sit propria hominis.

De rationalitatis differentia dubitari potest vtro modo se habeat. Porphy. plane illam facit non propriam homini, sed communem & Angelis. Imo cap. de Specie ponit in prædicam. substantiæ rationale animal tanquam genus. Et adijcit aliam differentiam mortalitatis, communem quidem brutis, ad distinguendum hominem ab Angelis. Alij defendere conantur, eam differentiam esse propriam homini dicentes, non debere sumi rationale pro intellectu in communi, sed pro discursu, quia Angeli non per discursum intelligunt. At certe, etiam si Angeli intelligerent per discursum, adhuc homo differret ab Angelo: ergo non oportet sic illam differentiam explicare. Imo Scotus putat, Angelos discurre. Et saltem ex parte id verum est: vt 1. part. tractabitur. Et adhuc vtrique in tali sententia homo differt ab Angelo. Atque etiam, si possibilis est substantia spiritalis discursiva, adhuc vtrique homo ab illa differt. Melius ergo dicitur, rationale sumi posse pro eo quod est intellectuum per conuersionem ad phantasiam, seu dependenter à sensibus, siue per species acquisitas ministerio sensuum. Iuxta quod, si dicatur, esse discursuum absolute non posse vlli substantiæ merè spiritali etià possibili conuenire. Id fundabitur in hoc quòd modus intelligendi per discursum, necessariò inuoluat dependentiam à cognitione sensitiua. Et ita in idè redit Rationale ergo sic explicatum, est differentia propria & adæquata homini: nec extra genus animalis inueniri potest: vt euidenter patet.

Possit inueniri differentia propria, possunt sufficere communes.

Secundò ratione probatur assertio, quia nullum impedimentum apparet in hoc, quominus ad distinguendam speciem ab alijs rebus, formetur talis conceptus, qui ita sit ei proprius & adæquatus vt nulli alteri rei conueniat. Esi autem talis conceptus dicat totam rei essentiam: tamen quatenus magis explicitè dicens, & quatenus formans prædicatum quod essentialiter affirmatur de ipsa re, & quatenus per conjunctionem cum genere prædicatur in quale: vt sic optime dicitur differentia. Ex alia parte nihil etiam obstat, quominus in vna specie intelligantur plura prædicata, quorum quodlibet per se in plus se habeat quam ipsa species: si

multamen inuicè conuertantur cum ipsa specie. Et hoc modo species intelligitur optime differre ab omnibus alijs. Nam ab illis cum quibus conuenit per vnum prædicatum, differt per aliud. Et illud prædicatum quod dicitur adiectiue, appellabitur differentia: cui sufficet quòd distinguat speciem ab alijs speciebus, cum quibus conueniebat per genus prauum: quamuis faciat eam conuenire cum alijs rebus, à quibus tamen supponebatur distinguui per ipsum genus.

Tertiò. Non bene conantur aliqui defendere, etiam quando differentia quæ additur generi, videtur in plus extendi, esse adhuc propriam & adæquatam tali speciei & generi: dicentes, non debere sumi in tota sua amplitudine & communitate, sed sub ratione magis propria, & determinata v. g. successiõnem quæ est differentia constitutiva temporis, esse talem successiõnem, quæ non est communis orationi sub genere quantitatatis discretæ: & saltem determinari per hoc quòd dicere valeat, esse talem successiõnem quæ exigat affigi quantitati continuæ: & sic esse omnino propriam suæ speciei temporis, & suo generi quantitatatis continuæ. Hoc, inquam, non bene dicitur, quia vel intelligitur illa differentia solùm determinari per ipsummet genus cui adiungitur, videlicet dicendo successio continuæ: vel per aliquam aliam peculiarem rationem includam in conceptu differentiæ, etiam vt præcisa ab ipso genere.

Si dicatur primum. Hoc planè est quod intendimus; scilicet differentiam vt præcisam ab illo genere, esse communem; alteri speciei & generi, determinari autè ad hanc vel illam speciem per hoc vel illud genus. Sicut prorsus ipsum genus in sua quidem præcisiõne est coe pluribus: sed in sua contractione determinatur per hanc vel illam differentiam. Si dicatur secundum. Est prorsus falsum. Nam differentia vt præcisa ab illo genere, v. g. successio à quantitate continuæ, est prorsus indifferens ad quantitatem continuam & discretam: nihilquè peculiare in suo conceptu includit, quo determinetur ad quantitatem continuam potius quam discretam, ad tempus potius quam ad orationem: sed non nisi per ipsam,

Differentia communis, quæ per ipsum genus determinatur ad speciem.

V con.

continuationem determinatur. Sicut & conuerso ratio ipsa continuationis, per nullam aliam rationem determinatur ad speciem temporis, nisi per ipsam successionem. Et, cum inter has rationes, non sit distinctio à parte rei, sed tantum per rationem: non potest dici differentia, v. g. successio, determinari per hoc quod sit talis successio exigitua continuationis. Sicut & conuerso continuatio quæ ponatur loco generis, non potest dici determinari per hoc quod sit exigitua successio. Sed via ex his rationibus, non determinatur, nisi formaliter per alteram. Et, si iungantur prout via præcendit ab alia, non sunt determinatæ, sed indifferentes.

Quæ differentia sunt propria, quæ communes.

Quare deinde pro exacta notitia huius rei, superest explicandum, quanam differentia sint propria & adequata suis speciebus, quæ verò magis amplæ & communes. Aliqui significant, omnes species subalternas constitui differentiis sibi propriis & adequatis, species verò infimas constitui per collectionem differentiarum subalternarum. Verum hoc non bene dicitur, quin potius sapientiam species subalternas explicantur per plures differentias communes, & species aliquæ infimæ per differentias sibi adequatas. Vt patet in exemplis allatis, & in alijs plurimis. Hinc alij dixerunt, nullam certam regulam tradi posse. Sed in quibusdam speciebus inueniri differentias proprias, in quibusdam non inueniri, pro varia natura & conditione ipsarum specierum, in ipsis singulis obseruanda.

Attamen si res penitus inspicitur, certa & constans regula apparebit. Quandoquunque differentia ita accipitur, vt perfecte præcendat & non includat in conceptu suo essentiali genus: tunc potest extra tale genus inueniri; atque adeo non est propria speciei quam sub tali genere constituit. Quandoquunque autem non perfecte præcendit, sed includit in suo conceptu essentiali ipsum genus: tunc non potest extra tale genus inueniri; atque adeo est propria speciei quam sub tali genere constituit. Cæterum hoc prorsus dependet ex dicendis de distinctione & præcisione differentia à genere: & ex ijs perspicue apparebit.

Quinco. Iuxta resolutionem traditam, & regulam indicaram, debent accipi & conciliari loca Porphyrij & Aristotelis, quæ pro vtraque sententia asserbantur. Quæ sic efficaciter confirmant nostram sententiam. Et licet aliqui Auctores secundæ sententia, explicare tentauerint loca primæ sententia, non de differentiis essentialibus, sed accidentalibus; alijsque modis. Tamen adeo manifestus est sensus de differentiis essentialibus; & adeo manifeste in illis locis assignatur differentia communioris speciebus, sicut in alijs locis secundæ sententia assignatur differentia propriæ speciebus: vt superfluum esset in ijs expendendis amplius immorari.

Loca Porphyrij & Aristotelis.

Sed obijciens primò ad probandum, omnem differentiam debere esse propriam speciei quam constituit. Species vltimò completur per differentiam, & ita constituitur vt distinguatur ab omnibus alijs, atque species specialissima non possit diuidi in plures species: ergo ipsa differentia quæ dat hos effectus formales speciei, debet omnino esse propria illi, & non communicabilis alijs, nec diuisibilis in plures species.

Quomodo species constituitur per combinationem plurimum prædicatorum communium.

Respondetur. Speciem ita vltimò constitui per differentiam, vt non per ipsam solam debeat distingui ab omnibus alijs: sed sufficit, si per eam distinguatur ab alijs sub eodem genere contentis: per ipsam autem combinationem generis & differentia distinguatur ab omnibus prorsus alijs speciebus. Per quam similiter combinationem, species specialissima constituitur indiuisibilis in plures alias species: quomodo singula prædicata essentialia eius, sint communia ipsi & alijs speciebus.

Obijciens secundò. Si differentia non est propria speciei quam constituit: ergo debet determinari & contrahi: sed non apparet per quam aiam differentiam contrahatur. Nec dici potest determinari per genus cui adiungitur. Nam potius differentia contrahit & determinat genus. Vnde idem respectu eiusdem esset contrahens & contractum, esset minus commune & magis commune, esset veluti forma & veluti materia, esset actus & potentia, esset posterius & prius, esset differentia, & genus.

Quomodo differentia contrahit genus contrahatur per genus.

quæ planè repugnare videntur.

Respondetur. Nulli esse inconueniens, duo prædicata communia mutuo se determinare. Quod sanè manifestum est in exemplis allatis. Et à priori patet: quia hæc determinatio non est aliquis actus seu causalitas realis: sed est quidam conceptus nostræ mentis; qui pro utraque parte exerceri potest, cum non minori fundamento ex vna quam ex altera parte. Et sic etiam verum est, vnum esse magis & minus commune altero; tamen respectu differentium, quia, v.g. lucifusio conuenit alteri speciei cui non conuenit continuitas, & continuitas alteri cui non conuenit lucifusio. Potest etiam mutuo, vel vnum vel aliud, prius concipi per modum materie & potentie, & aliud per modum forme & actus. Et sic denum per modum generis & differentie iuxta doctrinam antea traditam.

*Quomodo
plures dif-
ferentia sub-
alternæ
constituunt
speciem
vnam.*

Obijcies tertio. Non potest species constitui essentialiter per plures differentias, siue per combinationem earum: sed debet constitui per vnicam differentiam, acque adeo sibi adequatam. Tum quia, vt indicat S. Thom. 2. Post. lect. 13. differentia se habet ad genus, sicut forma ad materiam: sed non potest ex multiplici forma constitui vna essentia. Tum quia essentia constituta ex duplici differentia subalternæ, non esset in se vna species, sed esset coniunctio duplicis speciei subalternæ. Tum quia species habet suam vnicam proprietatem sibi adequatam; & proprietates autem nascitur ex differentia: ergo species supponitur constitui per vnicam adequatam differentiam.

Respondetur. Non in omnibus valere comparationem materie & forme. Nam certè in compositione metaphysica plura genera & differentie saltem subalternarum cogitantur, ac etiam non subalternarum ex dictis lect. præced. Et ratio est clara: quia materia & forma realiter sunt partes, quæ realiter distinguuntur: ac prædicata essentialia cogitantur secundum conuenientiam vel differentiam variarum rerum. Et essentia sic constituta, est verè vna species, licet dicatur consistere ex duplici specie seu differentia subalternæ. Ad eamque bene potest consisti peculiari proprietate: conlurgens, non ex vna sola differentia, sed ex collo-

ctione talium prædicatorum essentialium. Vt si bilicas in homine sequitur ex conjunctione gradus intellectui cum sensitiuo in corpore idoneo ad talem operationem. Et postremo non negamus, differentiam posse adequatè ita designari, vt sit propria speciei: si videlicet sumatur includendo omnia prædicata essentialia. Sic enim est propriissima & adequata ratio speciei.

*Differen-
tiæ propria
quomodo
verè sit
differ. itia.*

Obijcies hinc quod pro parte opposita. Si non aliter datur differentia propria speciei, nisi includendo omnia prædicata essentialia; hæc non erit differentia. Nam differentia concipitur tantquam pars metaphysica superaddita generi.

Respondetur. Rectè sequi, non dari talem differentiam, quæ sit solum pars non dicens totam essentiam, & non includens illa prædicata, quæ sunt propria & adequata speciei. Tamen appellando differentiam etià illam, quæ licet dicat totam essentiam, prædicatur in quale, & concipitur contrahere genus, & distinguere speciem ab alijs, intercedente aliqua distinctione inter talem differentiam & genus & speciem, saltem in modo concipiendi: in hoc sensu solum asserimus, dari differentias proprias & adequatas suis speciebus, iuxta ea quæ dicemus de distinctione & præcisione differentie à natura generica.

Obijcies quinq. Hac ratione dici non poterit aliquas species constitui per differentias proprias, aliquas vero per combinationem differentiarum communium: sed potius in vnaquaq. specie poterunt & plures differentie communes, & vna propria includens omnia prædicata, designari.

*Num om-
nis species
habet
suam vna
differentiã
prop. iam
& plures
communi-
nes.*

Respondetur primò. Id non esse contra nos. Non enim dicimus quoddam species constitui vno, quoddam alio modo: sed quoddam differentias se habere vno, quoddam alio modo. quod potest optime intelligi respectu singularum specierum. Secundò. Aliquod discrimen in ratione specierum multitudine inuenitur, quod in quibusdam tollit communem viũ & explanationem apponi differentie propriæ, in quibusdam communes: vt in varijs exemplis considerari potest. Item quod interdum non potest aliter differentia veri ge-

neris ad certam speciem assignari, nisi quæ sit adequata & propria: v. g. viuens ad animal, magnitudinis ad lineam, & alijs huiusmodi. Licet in alijs assignetur differentia magis ampla & communis. Denum in quibusdam rebus habentur nomina simplicia adiectiua, quæ significant differentias adequatas, vtpotè significantia totam essentiam speciei: & tunc assignari dicitur vna differentia: vt sensitiuum in animali. In quibusdam autem non habentur talia nomina: sed oportet plura coniungere ad indicandam rationem propriam speciei: v. Porphyrii dixit in homine, rationale mortale: & Aristoteli in ternario, impar primus: & in tempore oportet dicere, quantitatem continuum successiuam. Et tunc dicuntur plures differentie assignari.

SECTIO QUARTA.

An Genus & Differentia in constitutione Speciei, distinguantur à parte rei, vel tantum ratione.

Prima sententia.

Prima sententia est, quæ affirmat distinguere à parte rei. Et quidem Auerrobroni in libro Fontis vitæ, relatus à D. Thoma 1. par. quæst. 50. art. 2. & 1. d. 2. Met. q. 9. significant, distinguere realiter, tanquam vnâ rem ab alia re. Scot. verò in 2. dist. 3. q. 1. & 7. Met. q. 16. quæ Scotus sequuntur, vult distinguere munda quæ realiter, distinguere scilicet formaliter à parte rei, id est tanquam duas formalitates eiusdem rei. Sequitur Fons. 7. Met. cap. 12. q. vnica. sect. 11. & seq. Imo hanc sententiam attribuit S. Tho. & cum eo affert Caiet. & Ferr. Satis tamen notum est, quàm sit aliena hæc sententia à mente D. Tho. & Thomistarum, qui nomen quidem distinctionis formalis à parte rei agnoscunt, sed assignant distinctionem rationis in conceptibus intellectus.

Secunda sententia.

Secunda sententia est, quæ negat omnem prorsus distinctionem, etiam rationis, inter genus & differentiam. Hæc tribuitur Nominalibus, qui prorsus vniuersalia genera & differentias negare videbantur.

Tertia sententia.

Tertia sententia est, quæ negat ge-

nus & differentiam distinguere à parte rei, affirmat ratione distinguere per intellectum cum fundamento in re. Ita planè S. Tho. 1. par. q. 50. art. 2. & q. 76. art. 3. ad 4. de Ente & essen. cap. 3. & 4. Ibi quæ Caiet. Durand. in 1. d. 2. q. 2. nu. 6. & 8. Henricus quodl. 1. q. 9. Capreol. in 1. d. 8. q. 2. art. 3. Ferrar. 1. contra Gen. cap. 24. §. ad eundem, & lib. 2. cap. 95. Soncin. 7. Met. q. 36. Iauell. q. 18. Masius sect. 2. de Differ. q. 4. & alij Thomistæ cõmuniter. Itè Sueslan. 7. Met. disp. 15. Suar. disp. 6. Met. sect. 9. Vasq. 1. par. disp. 179. num. 2. & disp. 118. nu. 14. Refertur etiam Alenf. 7. Metaph. tex. 11. Alijquæ vt plurimum hanc sententiam approbant.

Dico primò. In quibusdam rebus quædam prædicata essentialia, quæ possunt pro generibus & differentijs assignari, distinguuntur à parte rei realiter. Hæc conclusio in sensu quem intendimus non est contra communem sententiam: imo negari non potest. Explicatur & probatur: quia in illis rebus quæ essentialiter & realiter ex partibus physicis componuntur, possunt considerari plura prædicata essentialia, ratione diuersarum partium, vt dicebamus sect. 2. Et hæc prædicata ita distinguuntur, sicut ipsæ partes ex quibus desumuntur. Exemplum manifestum est in homine inter illa duo prædicata, esse susceptiuum quantitatis, & intellectiuum, vnum sumptum ex materia, aliud ex forma. Eam ergo distinctionem quam in homine habent materia & anima, habent hæc duo prædicata, distinctionem vtique realem. Et sicut ipsæ partes sunt realiter separabiles ita & hæc prædicata. Et sicut vna ex his partibus potest in aliud compositum transferri, dum materia transfit de vna ad aliam formam: ita idem prædicatum ex tali parte desumptum, potest de vno ad aliud compositum transferri. Possunt autem ea prædicata respectu ipsius hominis designari per modum generis & differentie, sicut alia similia prædicata.

Sed non propterea putandum est, hæc prædicata non aliter contrahi, nec per alias differentias, nisi per mutuam conjunctionem. Quinimò, cum possint inter se separari & separata existere, necesse est dicere, vnumquodque habere suam

Quædam prædicata essentialia distinguuntur realiter.

Secū. IV. Vtrū Gen. & Diff. dist. in Spē à par. rei. 309

suam differentiam & contractionem propriam & inseparabilem. Ac proinde de communis adhuc superest difficultas, quomodo in omnibus rebus genus & differentia distinguantur.

*Absolutū
genus &
differentia
non distin-
guuntur
à parte
rei.*

Dico secundò. Genus & differentia in constitutione speciei, nullo modo distinguuntur actu à parte rei. Probatur primò ex dictis quæstione nona, ubi ostendimus, differentias indiuiduantes non distinguī à parte rei à natura vniuersali. Idem enim nunc dicere oportet de differentiis specificis respectu naturæ genericæ. Tum quia par est prorsus ratio. Tum quia cum omnes gradus essentialia, omniaque essentialia prædicata, sint omnino idem cum vitima singularitate indiuidui: debent esse etiam inter se omnino idem à parte rei. Nam quæ sunt eadem vni tertio, sunt idem inter se.

Secundò ex dictis quæst. 8. de Vniuersali, naturam non habere à parte rei vnitatem indiuidualem in pluribus, & aptitudinem essendi per modum vnius in pluribus: imò esse omnino multiplicem & diuisam à parte rei. Sed certè natura multiplicatur & diuiditur per differentias: ergo non potest dici distinguī ex natura rei à differentiis. Confirmatur. Si natura generis distinguitur à sua differentia: petendum est, num animalitas quæ est in homine, secundum illam entitatem qua dicitur distinguī à rationalitate, sit à parte rei determinata, & distincta ab animalitate quæ est in equo, vel indifferens & non distincta. Si dicatur primum: planè sequitur, in ea formalitate dicere differentiam determinantem & distinguentem, atque adeò non ab ea distinguī à parte rei. Secundum dici non potest. quia utique entitas ipsa animalitatis quæ est in homine, prout est à parte rei, est reuera distincta ab animalitate equi, & est inde determinata. Non ergo cogitanda est distinctio à parte rei inter genus & differentiam.

*Nec ten-
liet, nec
modali-
ter, nec
formali-
ter.*

Tertiò. Genus & differentia dici certè non possunt distinguī realiter tanquam duæ res, sue modaliter tanquam res & modus: vt notissimum est. Nec verò addi debet aliud genus distinctionis à parte rei, quæ dicatur distinctio formalis: nec dici debent genus & dif-

ferentia distinguī formaliter à parte rei. Quia ex tali distinctione inferretur potius distinctio realis. Tum quia illæ duæ formalitates essent veræ res: ergo distinguuntur tanquam duæ res. Quamuis vniantur in vna re composita. Nam materia & forma vniuntur in eodem composito, & adhuc distinguuntur realiter. Tum præterea si illi duo gradus habent distinctas formalitates essentialia, sive essentialia à parte rei: ergo habent etiam distinctas existentias sive entitates actuales. Existentia enim seu entitas actualis est ipsa essentia posita in actu, vt nunc supponimus. Dum ergo species actu existit, darentur in illa duæ entitates actuales distinctæ, generis & differentię. Quod quidem vltro concedit Fonseca sectione decimaquarta ad primum. Sed hinc sequitur, tales gradus non solum distinguī formaliter ratione essentię, sed etiam realiter ratione existentię. Ex qua distinctione existentię potest vltius inferri, posse saltem per Dei potentiā realiter separari. quod prius implicat.

Quartò vltierius, si in essentis creatis distinguerentur à parte rei prædicata essentialia, ob diuerfam rationem eorum, & quia veluti diuersa munera exercent: non minori, imò maiori necessitate, oporteret concedere similem distinctionem in Deo inter attributa Diuina, & essentiam ac relationes. Vbi Scotus quidem & sequaces id totum asserunt. Sed contra communem sensum aliorum Theologorum, & contra debitum sentiendi modum de simplicitate Diuina. Imò Auerroes ipse 12. Metaph. com. 39. in fine, dixit, distinctionem & multiplicationem attributorum Dei esse tantum in intellectu, & non in esse. Insuper Scot. eam distinctionem quam posuit in essentis specificis inter genus & differentiam, posuit etiā in summis generibus inter ipsum eus & differentias contractiuas entis. Quod communiter à reliquis Philosophis reprobat. Sed tanè si quæ ratio probaret distinctionem in alijs. probaret etiam in his: ergo in omnibus est neganda distinctio. Et malè Fonseca, cum in alijs neget cum communi sententia, concedit inter genera & differentias, cum Scoto.

*Sicut nec
alia simi-
lia distin-
guuntur.*

Postremò ex solutione argumentorum quæ probare possunt distinctionem : cùm alioqui non oporteat sine vrgenti ratione illam inuhere : & à fortiori ex alijs quæ dicemus seq. seq. circa distinctionem rationis : hæc veritas amplius confirmata manebit .

Genus & differentia distinguunt rationem cum fundamento in re .

Dico tertio . Debet inter prædicata essentialia , genus & differentiam , concedi aliqua distinctio rationis cum fundamento in re . Probatum facili . Tum ex hæcenus dictis . quia aliter constare non possunt vniuersalia , eorum præcisiones , & contractiones , sine hac saltem distinctione . Tum quia experientia ipsa constat concipi à nobis diuersis actibus & conceptibus prædicata essentialia rerum , sensitiuum & intellectiuium in homine , esse viuens & esse corporeum , animal in communi , & tale animal in speciali , & sic de alijs . Tum quia ideò dicimus , vnā speciem in vno prædicato conuenire cum alia specie , per aliud prædicatum differre , & similia ; quæ planè ostendunt distinctionem nostrorum conceptuum . Tum demum hoc totum , habet fundamentum in ipsa similitudine reali , & distinctione rerum , & in ipsa essentiali ratione prædicatorum . Ideò genus & differentia dicuntur distinguere , si non actualiter , saltem fundamentaliter & virtualiter in re .

Porph. & Arist. explicatur .

Contra secundam conclusionem . Obijciens primò . Porphyrius dixit , differentiam esse , quæ species superabundat generi : quod debet intelligi re ipsa : ergo differentia re ipsa distinguitur à genere , eiquè additur . Aristot. 7. Metaph. textu 37. dixit , partes definitionis correspondere partibus definiti : hæc autem partes vtiq. sunt genus & differentia . Et non solum sunt partes in definitione , idest in nostro conceptu : sed in definito , idest in re . Et text. 42. & 43. diligenter quærit , quomodo ex genere & differentia fiat essentia & definitio vna . Et explicat , quia illa se habent tanquam materia & forma . Eset autem quæstio inutilis , & responsio falsa , si genus & differentia non à parte rei distinguerentur .

Respondetur , dictum Porphyrij sufficienter intelligi per distinctionem nostrorum conceptuum cum fundamento in re . Sic etiam dictum Aristotelis de

partibus definitionis & definiti . quia distinctio partium formaliter est in intellectu definiente , fundamentaliter in re definita . Sic demum intelligitur quæstio illa & responsio de vnitate essentia . Nec enim inutiliter quærebatur , quod nondum constabat . Et comparatio cum materia & forma intelligitur secundum habitudinem rationis , quia differentia concipitur actuare & determinare genus . Imo potius Arist. ibi voluit , interdum dum assignatur genus , assignari id quod est materia physica : vt vox est materia diuersarum modificationum , quæ in varijs vocibus contingunt . Et ita exponit ibi S. Thom. aliquæ frequenter .

Obijciens secundò fundamentum Scoti . Natura communis & differentia contrahens habent diuersas rationes essentielles : alia est enim ratio sensitiui , & alia rationalis in homine ; & vna non est de essentia alterius ; quia sic vbicumque esset ratio sensitiui , esset etiam rationalitas . Idquæ totum verificatur à parte rei . At hæc propriè est distinctio formalis à parte rei : ergo .

Fundamentum Scoti soluitur .

Respondetur . A parte rei quidem dari omnes has rationes in essentijs reuincunt : tamen non à parte rei hanc esse aliam , idest distinctam ab illa . Quinimò à parte rei sunt vna simplex entitas , in qua deinde per plures conceptus , intellectus distinctè recogitat illas rationes in vna essentia . Adeò vt vbicumque est illa ratio sensitiui quæ in alijs animalibus reperitur ; omnino sit etiam rationalitas . Tamen prout distinguuntur in mente , potest fieri , vt vna ratio non sit de essentia alterius , idest in conceptu vnius non includatur conceptus alterius . Atque etià dici potest , vna ratio non est de essentia alterius à parte rei , idest res ipsa non affert necessitatem intellectui , vt vno conceptu complectatur omnia , imò potius præbet fundamentum , vt formentur distincti conceptus .

Obijciens tertio . Per gradum generis cum natura specifica conuenit cum alia specie eiusdem generis : per differentiam autem differt . Et verè à parte rei conuenit & differt . Sed non potest per vnā simplicem entitatem à parte rei conuenire simul & differre . Ergo à parte rei sunt distinctæ formalitates .

Alia argumenta soluitur .

Respondetur .

Respondetur, à parte rei conuenit, id est assimilatur: & differt, id est, distinguitur. Hoc autem totum potest opime prastari per vnam simplicem entitatem: maxime fundamentaliter & virtualiter multiplicem.

Obijcies quarto. Si distinctio generis & differentiae non est plusquam rationis, posset etiam reperiri in Deo, in quo sine difficultate concedi solet distinctio rationis. Communiter tamen negatur in Deo compositio ex genere & differentia. Item frustra dicerentur genera summa, & differentiae ultimae rerum, simpliciter simplices, eo quod non consent genere & differentia. Nam distinctio rationis non repugnat perfectae simplicitati. Præterea non satis distingui possent vniuersa & analogæ. Quoniam etiam in analogis non repugnabit innēiri naturam communem & differentias contrahentes cum sola distinctione rationis. Et destrui videtur vniuersatio naturæ communis, si à parte rei non sit ita vna vt à differentijs distingatur.

Respondetur. Imo si distinctio generis & differentiae est plusquam rationis, deberet etiam in his alijs reperiri: quia, alia argumenta allata, pariter de ijs possunt vrgeri. Non ergo ob distinctionem generis & differentiae, sed ob aliam peculiarem rationem, negantur in Deo genus & differentia: vt suo loco videbimus. Genera autem summa & differentiae ultimæ dici solent ita simplices, vt etiam compositionem rationis per distinctionem conceptuum non admittant. Idque propter ipsam maximam abstractionem. Denique vniuersa ab analogis, non differunt per distinctionem à parte rei inter naturam communem & differentias, sed alio modo postea explicando. Neque destruitur vniuersatio, quæ dicere debet unitatem naturæ solum per rationem, dum negatur illa distinctio à parte rei.

Alia adhuc argumenta congerit Fonsæca, quæ nullam afferunt nouam difficultatem. Sed omnia ex dictis soluta manent.

SECTIO QVINTA.

Vtrum Genus & Differentia distinguantur perfecta vel imperfecta prae-cisione rationis.

Cum duplex esse possit distinctio & præcisio rationis, perfecta, & imperfecta; vt explicauimus q. 8. sect. 8. & cum modò statutum sit, genus & differentiam non à parte rei, sed tantum ratione distingui: videndum consequenter est, perfectandè, an solum imperfecta præ-cisione rationis distinguantur.

Et in primis præter Scotum & alios quosdam, qui dicentes, etiam Ens in communi perfectè præcindere ab omnibus entibus, sensibile videntur, omnem naturam communem in qua plura cōueniunt, debere perfectè præcindere à differentijs contrahentibus, ita vt sit extra conceptum essentialem earum: Communis valde & recepta sententia est, saltem omnem naturam quæ sit propriè vniuersalis, & maxime omnem naturam genericam, sumendo genus quod primum ex quinque vniuersalibus assignatur, & sumendo illas naturas genericas per quas prædicamenta coustruuntur & ordinantur, debere omnino perfectè præcindere à differentijs contrahentibus: ita vt ipsi naturæ genericæ intelligantur addi vteriores differentiae non includentes in suo essentiali conceptu eandem ipsam naturam genericam. Et alioqui omne illud prædicatum quod non ita perfectè præcindat, non esse genus, non esse vniuersum, sed esse analogum, non pont in prædicamentis, nec inter propriè dicta vniuersalia computari.

Ita communiter sentire solent ij qui de vniuersalibus tractant. Et multi sunt qui expressè docent, differentias specierum inferiorum non posse includere in suo conceptu differentias constitutiuas generum superiorum, siue differentias specificas non includere subalternas, item differentias esse simplices, esse primò diuersas, non distingui per alias differentias, ita S. Thom. 1. par. q. 3. art. 8. ad 3. & 1. cont. Gent. cap. 17. Capreol. in t.

V 4 d. 2.

Sententia affirmans perfectè præcindere.



312 Quæst. XIII. De Hab. Gen. & Differ. in Specie.

d. 2. quæst. 2. Gabr. Zerbus 7. Metaphys. quæst. 16. Sueslan. disput. 16. Fonseca. 5. Metaphys. cap. 28. quæst. 18. Suarez disput. 6. sect. 9. Mañus sect. 2. de Differ. quæst. 3. Ruusius quæst. 5. & alij frequenter hoc loco.

*Sententia
negat per
fectè præ
scindere.*

Opposita sententia esse potest, omnem naturam communem a suis inferioribus, & omne genus a suis differentiis, non posse perfectè, sed tantum imperfectè præscindere: ita ut essentialiter includatur in omnibus differentiis & formalitatibus, quæ in ipsis inferioribus excogitari possunt. Ita videntur sentire Auctores, dum docent, genus esse totam essentiam specierum, & in consilio atque implicitè continere omnes differentias specierum. Non dicunt solùm continere potestatiuè, sed significante actualiter continere, non explicitè, sed implicitè. Et ita planè loquens est S. Thomas 7. Metaph. lect. 12. par. 5. & cap. 3. de Ente & essen. ubi idem sæpè repetit: & pariter ait, differentiam non addi quasi essentiam diuersam à genere, sed etiam ipsam differentiam importare totam essentiam speciei. Idem docet cap. 4. Et alij plures sic loquuti sunt. Item alij qui dicunt differentias específicas includere in suo conceptu essentiali subalternas, siue omnes superiores. quod defendit Söcin. 7. Met. quæst. 37. qui etiam quæst. 39. ait, tam genus, quam differentiam, dicere totam essentiam speciei: sed diuerso modo, genus confusè, differentiam distinctè. Et alij recentiores hoc loco idem defendere solent.

*Inter ge
nera &
differen
tias non
proprias
datur per
fecta præ
scisio.*

Dico primò. Aliqua prædicata essentialia sunt, quæ perfectè præcissione rationis ab inuicem distinguuntur, & per modum generis & differentie designari possunt. Hæc conclusio verificatur in illis prædicatis, quorum vtrunque potest manere alterum sine altero reperiri, & ambo se habent sicut excedens & excessum. id est, quando sicut genus potest in alia specie, & sine tali differentia reperiri, ita, è contra differentia non est propria ipsi generi, & adæquata certæ speciei sub tali genere. sed in alio etiam genere reperitur. De his prædicatis probatur planè conclusio. quia cùm differentia possit in alio genere reperiri, non potest essentialiter in suo conceptu includere illud pri-

um genus: sicut genus, cùm possit in pluribus speciebus inueniri, non potest includere in suo conceptu essentialiter vnam vel aliam speciem. Exemplum perspicuum huius rei sit in homine inter sensitiuum & intellectiuium, quæ ambo sunt prædicata essentialia eius, & potest alterum pro genere, alterum pro differentia designari. Et vnum ab alio ita perfectè præciscindit, quòd neutrum includat alterum in suo conceptu essentiali: dum, sensitiuum reperiri potest etiam in brutis quæ non intelligunt, & intellectiuium in Angelis qui non sentiunt.

Dico secundò. Quandoque differentia est propria certæ naturæ communi, leu certo generi, non distinguitur perfectè præcissione rationis, quinimò includit in suo conceptu essentiali ipsam naturam communem. Atq. hoc non repugnat vniuersalitati genericæ ipsius naturæ, imò verificatur etiam in illis generibus quæ in prædicamentis disponuntur.

*Interge
nera & dif
ferentias
proprias
non datur
perfecta
præcisio.*

Probatur conclusio primò auctoritate Arist. qui hanc veritatem clarè docuisse videtur. Lib. 7. Met. tex 43. ait, genera & differentias communiore diuidi per alias differentias speciales: non debere autem diuidi per alias differentias velut disparatas, nisi quando aliter diuidi non possit: sed debere diuidi per differentias proportionatas & proprias, quæ includant illam naturam communem quæ diuiditur. Ponit exemplum. Si diuidatur animal per differentias habentis pedes & non habentis pedes: postea habens pedes, non debere diuidi per plumiferum & implume, sed per habens pedes fîsso vel non fîsso: *Fîsso namque pedum*, inquit, *aliqua peditas est*. Vbi planè vult, differentiam diuisiuam naturæ superioris essentialiter includere naturam diuisiuam, ita ut hæc de illa essentialiter prædicetur etiam in abstracto.

*Arist. au
thoritate
probatur.*

Nec fatisciant aliqui dicentes, sensum Arist. esse: aliqua peditas est, id est est differentia peditaris. Nam Arist. distinctè ait: *Ha pedis differentia sunt, quia fîsso pedum aliqua peditas est*. Vbi probat esse differentiam peditaris, quia est quedam peditas. Et ex re ipsa est manifestum, differentiam sic assignatam includere naturam diuisiuam, ut sit illi propria: habere namque pedes fîsso, es
sentia.

sentialiter includit habere pedes. Imò hinc pater, hunc modum diuidendi, & designandi differentias, esse optimum, & hunc esse seruandum quodcumque seruari potest nec esse vrendum differentiis disparatis, nisi quando aliter fieri non potest. Id enim totum Aristoteles ibi docet.

Rursus infert inde Aristoteles, differentiam ultimam esse rei substantiam, & definitionem, esse speciem ipsam, & substantiam, in qua superiora prædicata essentialiter includuntur. Itaque planè intendit, differentiam ultimam importare totam essentiam speciei constitutæ, atque adeò non perfectè præscindere à superioribus prædicatis. quod nos intendimus. Et hoc modo rem totam exponit ibi Sanctus Thomas, & alij quamplures.

Præterea 7. Physic. tex. 31. aperte inquit: *Genus non est unum quid, sed in eo latent multa*, idest non est quid perfectè vnum præscindens a multis, quin potius implicite continet multa, multas species multas differentias. De his etiam generibus & differentiis, quæ non distinguuntur perfecta præcissione, docet in Antepædicam. cap. 4. diuersorum generum, & nō subalternarum, diuersas esse differentias: subalternorum verò generum posse eadem esse differentias, quia semper superiora de inferioribus prædicantur. Denum quod Arist. dixit 1. Physic. tex. 4. & alibi, & Porphy. cap. de Spec. in fine, vniuersale esse totum, genus esse totum, cuius partes sunt species, multi sic declarant, quia genus implicite continet totam essentiam specierum. Si autem perfectè præscinderet à differentiis specierum, magis se haberet vt pars singularum specierum, quam vt totum.

Secundo exemplis & inductione probatur assertio. Et quidem saltem in prædicatis transcendentibus non inueniri perfectam præcissionem à differentiis, communiter solet concedi. Nam si sumatur Ens in tota sua latitudine pro omni eo quod non est nihil, nulla differentia esse potest quæ non sit essentialiter ens. Et de hac re proprio loco latius agendum erit. Et saltem de hæcceitate communi ad omnes & singulas hæcceitates, id Scotus ipse fateri tenetur; vt notauimus q. 8. sect.

8. Sed præcipuè ostenditur in veris generibus & differentiis, quibus prædicamenta ipsa constituuntur.

Et vt incipiamus ab ipso primo Prædicam. & genere summo substantiæ: Substantia diuiditur in spirituales & corporeas: hæ rationes corporei & spiritualis, dici debent substantiales, & ita communiter solent censerī & appellari. quoniam species substantiæ non possunt nisi substantialibus differentiis, sicut accidentia accidentalibus, constitui. Et aliqui si differentia contrahentes substantiam, dicantur præscindere ab esse substantiali & accidentali: ipsæ erunt magis communes, & magis indigebunt determinatione & contractione, quàm ipsam substantiæ genus. Sed quia adhuc alij qui hoc totum admittentes, dicunt, illas differentias non esse essentialiter substantiales, sed præscindere; quia etiam in accidentibus inueniuntur, quæ alia sunt spiritualia alia corporalia. Ideo sic euidenter arguendum est. Vel eæ differentia sumuntur vt communes etiam accidentibus: & sic vtique non includunt rationem entis substantialis, sed præscindunt. Vel si placeat illas sumere vt proprias substantiæ: sic non aliter possunt sumi, nisi spiritualitas substantialis, corporalitas substantialis: & vt sic tales differentia planè dicunt essentialiter in suo conceptu ipsam substantiæ rationem, quod intendimus.

Rursus descendendo ad inferiora genera substantiæ: Substantia spiritualis diuiditur in varias species Angelorum. Et similiter nisi differentia contrahentes sine communes ad substantias corporales, erunt essentialiter spirituales, includentes in suo conceptu essentiali genus quod contrahunt. Pariter discurrendum est de substantia corporea, dum diuiditur per suas differentias in suas species. Et præsertim quadam genera sunt, quæ commode non nisi per differentias includentes genus diuidi possunt. Vt viuens diuiditur in intellectuum, sensitiuum, & vegetatiuum. Vbi viuens est quod potest immanentè operari, & dicitur mouere se ipsum. Intellectuum autem est quod potest exercere talem operationem immanentem, nempe intellectiōnem, & sic de alijs. Et substantia intellectualis angelica

In genere
substantia.

In alijs
generibus
eiusdem
prædicam-
enti.

Exemplis
& indu-
ctione ostē-
ditur.

non

non potest aliter diuidi in varias species, nisi per differentias tantæ vel tantæ perfectionis in intelligendo, quæ planè includit ipsam rationem essentialitem principij intellectui. Demum de rationalitate, qua diuiditur animal & constituitur homo, iam diximus sect. 3. quomodo vel sit differentia cõmunis, & ita præscindat à genere animalis; vel sit propria, & ita includat essentialiter ipsum genus.

Et in alijs prædicamentis.

Deinde in Prædicam. quantitatis, cum diuiditur quantitas in continuam & discretam, continua in permanentem & successiuam: si differentia sumi debeant tanquam propria, planè inueniuntur includere ipsum genus, v. g. permanentia & successio continua: & alioqui si sumantur præscindendo, iam erunt communes alteri generi. Imo cum diuiditur tandem magnitudo in lineam superficiem & corpus: non aliter possunt differentie designari, nisi longitudo sine latitudine pro linea, cum latitudine pro superficie, cum profunditate pro corpore: longitudo autem latitudo & profunditas essentialiter dicunt rationem ipsam extensionis & magnitudinis.

Pari ratione facile est discurrere in prædicam. qualitat. Arque etiam relationis. Vel enim relatio diuiditur per differentias relatiuas, vel per differentias abstrahentes à relatiuo & absoluto. certè enim non potest contrahi per differentias absolutas. Si per differentias abstrahentes: hæc erunt communes etiam entibus absolutis. Si autem debeant assignari differentie propriae, non possunt assignari, nisi essentialiter relatiuæ, atque adeo includentes ipsam relationem rationem. Et sanè non apparet, quomodo possint aliter assignari differentie similitudinis & dissimilitudinis, æqualitatis & inæqualitatis, & sic de alijs relationum speciebus, nisi includendo essentialiter rationem respectus & relationis. Et ita demum inductione posset ostendi per omnia prædicamenta, eorumque genera, species, differentias.

Nec possunt generis et differentie distingu,

Tertiò. Impugnandus est quidam dicendi modus, quo aliqui explicare conari sunt differentias proprias generibus ab ipse præciat, quem indicauit Fons. 5. Metaph. cap. 8. q. 2. sect. 3. Genera esse se ipsis gradus quosdam completos & to-

tales, differentias verò esse gradus incompletos & parciales. Vnde substantia v. g. debeat sumi pro substantia completa, vt sit verum genus; differentia autem contrahentes sint quidem substantiales, non tamen sint substantia completa, & ita non includant in suo conceptu essentiali ipsum genus. Si autem sumatur substantia sub conceptu communissimo, vt complectatur omnes substantias etiam incompletas, atque adeo differentias substantiales, non esse verum genus, sed esse analogum quoddam. Et ideo debere sumi substantiam completam ad constituendum in recto prædicamentum & genus generalissimum substantia. Et similiter esse philosophandum in alijs prædicamentis atque generibus.

Hic modus dicendi est prorsus inutilis & insufficiens ad rem explicandam, & difficultatem enodandam. Vel enim, gradus completus intelligitur ille, qui ita est totalis, vt non sit pars alterius: & sic apud ipsos aduersarios nullum genus est gradus completus; quoniam est pars essentialis speciei, atque adeo ita incompletus & partialis, sicut differentia. Vel intelligitur gradus completus, qui in se est compositus ex suis partibus, ex genere & differentia, respectu quarum partium sit totum quoddam: & hoc modo ipsum genus generalissimum apud aduersarios non esset gradus completus; quia non componitur ex genere & differentia. Et præterea in generibus subalternis nullum est hoc discrimen inter ipsa genera & differentias proprias rerum. Nam differentia propria dicit totam entitatem rei cuius est propria, vt ostendimus; & in se includit gradum illum quemcumque qui erat genus ipsius rei. V. g. ita sensitiuum, sicut animal, includit rationem viuens, idest potestis vitaliter operari & ita longitudo latitudo & profunditas, sicut linea superficies & corpus, dicit essentialiter extensionem. Neque apparet quoniam modo dici possit; linea quidem esse magnitudinè completà, quia ex genere & differentia constat; longitudo autem nequam. Quenam enim compositio assignabitur in linea, quæ non inueniatur in longitudine? vel quæ distinctio & perfecta præcisio vnius gradus completi, alterius incompleti, nisi merè fictitia, & solo

tanquam ratio completa & incompleta.

Non, sumendo cõpletu pro gradu totali, incompletu pro partiali.

lo yo-

*Nec sumē
do cōpletū
pro gradu
subsistēte,
incomple-
tum pro
adiacēte.*

Io vocabulorum lusu, poterit cogitari. Vel intelligitur gradus completus ille, qui prædicatur in quid, & se habet ad modum per se stantis; gradus verò incompletus, qui se habet ad modum adiacentis, & prædicatur in quale. Sic explicat Fons. 5. Metaph. cap. 7. quæst. 7. sect. 2. qui præterea genera appellat cōpleta secundum quid, indiuidua verò appellat simpliciter, quæ non possunt esse partes componentes tertium quid per se vnum.

At hoc nullius prorsus est momenti. quia hæc distinctio non est nisi in modo nominandi & concipiendi prædicatum, per modum termini substantiui vel adiectiui: nec vllō modo facit, vt sint plures rationes obiectiua, quarum vna perfectè præscindat ab alia. Imò ex dictis patet, posse idem prædicatum essentialiter nominari & concipi vtroque modo. Nec apparet, qualiter ex hoc solum distinguantur duæ rationes & formalitates in vna essentia, quòd vna formalitas dicatur in quid, alia in quale, si nulla alia distinctio inter illas adsit.

Et ad maiorem euidētiā ponatur exemplum. Qualiter enim in linea dici potest, esse vna ratio magnitudinis completa, eo quòd prædicetur in quid de linea; & alia distincta ratio magnitudinis incompleta, inclusa essentialiter in differentia longitudinis, eo quòd dicatur in quale? Similiter quòd in animali sit vna ratio viuētis completa, quæ dicatur in quid, alia incompleta, inclusa in differentia sensitiui, quæ dicatur in quale? Imò sicut substantia completa dicitur in quid de omnibus completis: ita prorsus incompleta de ijs quæ dicuntur substantiæ incompleta. Et dicendo, spiritualitas est entitas substantialis, rationalitas est vitalitas; ita prædicatur est in quid: sicut dicendo, spiritus est ens substantiale, est substantia, homo est viuens: & sic de alijs. Nullatenus ergo possunt illa ratione duo gradus essentialiter condistingui.

Vel demum genus dicitur esse quid completum; quia, si non explicite, saltem in confuso continet quicquid in inferioribus inuenitur. Sic explicat Suar. disput. 33. sectione prima, numero 21. & 22. Vbi expressè ait: *Homo nihil aliud*

est. quàm ipsa indiuidua, vt inter se similia in confuso concepta per modum vnius, & deo saltem confuso continet totā substantiam indiuiduam, & idem est de superioribus prædicatis. At hoc planè est dicere, speciem & genus nō perfectè præscindere à suis inferioribus & differentijs contrahentibus. Neque hoc modo distinguitur duplex ratio substantiæ in substantia spiritali, duplex ratio vitalitatis in animali; vna completa, altera incompleta; vna quæ sit genus, altera quæ in differentia includatur, perfectè præscindens ab ipso genere. Neque ex opposito differentia dici debet incompleta, quasi non dicat totam essentiam speciei. Imò differentia dicit magis explicite & determinatè. Sed discrimen solum est, quòd genus in confuso dicit omnes species, differentia vnam tantum quam dicit explicite: & genus dicitur per modum termini substantiui, differentia adiectiui.

Quarò vltieris conclus. comprobatur. quia perfecta præcisio, non est necessaria, nec sufficiens, ad saluandam vniuersalitatem genericam, & statuēdum discrimen inter genera quæ constituunt prædicamenta, & prædicata transcendentia, quæ sunt supra prædicamenta, & dicuntur analoga, & non assignantur vt genera. Nam qua ratione assignantur differentia perfectè præscindentes ab illis generibus, assignandæ etiam erunt respectu horum prædicamentorum. Si enim assignantur per distinctionem completi & incompleti, pariter omnino distingui deberet, ens completum commune generibus, & ens incompletum pro differentijs. Arque ita sicut dicebatur de substantia: Licet ens communissimum non perfectè præscindat à completo & incompleto: tamen ens completum perfectè præscinderet. Et præterea quacumque ratione attribuantur substantia; differentia non includentes eandem ipsam substantiam rationem: non minus attribui debebunt accidenti communi ad accidentia. Similiter enti creato in communi, sub quo prædicato omnia prædicamenta continentur. Non ergo ex defectu perfectæ præcisionis hæc prædicata non sunt genera. Sed si ab aliam rationem dicantur non esse genera, quantum habent æqualem præcisionem: eadem ratio

*Perfecta
præcisio
iunat, non
sufficit ad
saluandā
vniuersali-
tatem ge-
nericam.*

*Sed tollē
da est per
fecta præ-
cisio.*

ratio

ratio militabit, & idem discrimen adhuc poterit assignari, etiam si nec alia genera dicantur perfecte præscindere.

Nullaque alia apparet necessitas rationis, cur debeant differentie cum perfecta præcisione rationis à generibus designari, siue cur debeant talia genera constitui, quæ à speciebus & generibus debeant perfecte præscindere. Et alioqui præstabit dicere, non esse necessarium genera dariis sufficere prædicata cum imperfecta præcisione à differentiis, quando hæc sunt illis propria. Si quod autem argumentum aliquam difficultatem afferat, fundatur potius in auctoritate quam in ratione. Sed non debet in his rebus auctoritas rationi preferri. Et ipsæ auctoritates poterunt explicari.

Ratione à priori concluditur, quia in his prædicatis uniuersalibus & communibus, in tantum aliquid prædicatum potest ratione præscindi à subiecto de quo dicitur, in quantum potest dici de alio etiam subiecto præter illud, & ita potest sumi sub conceptu communis prædicabili de utroque subiecto. Si autem accipiat prædicatum ita determinatum, quod non possit de alio, quam de tali certo subiecto dici: sic utique non ab illo præscindit, sed in suo conceptu essentialiter dicit propriam rationem talis subiecti, & propterea non potest alteri subiecto conuenire. Unde non dicitur prædicatum aliquid præscindere ab una specie, si illi soli sit essentialiter.

Hinc sequitur adæquata ratio nostræ conclusionis. Quæcumque differentia sumatur, siue quodcumque prædicatum assignetur pro differentia diuisiua generis & constitutiua certæ speciei: si est ita proprium talis generis & speciei, ut de nullo alio dicatur; sic iam non præscindit, sed includit in suo conceptu essentiali ipsum genus, & alioqui posset etiam alteri generi conuenire: tunc autem poterit perfecte præscindere, quando est commune, tum illi, tum alteri etiam generi. Quodcumque ergo differentia sumitur sub conceptu qui sit proprius & adæquatus tali generi & speciei, non perfecte præscindit, sed includit essentialiter ipsum genus. Et è conuerso genus non relinquit præter se differentiam in specie, dicentem aliam essentialiter rationem.

ab ipso genere: sed in se inuoluit totam entitatem speciei, eamque simul cum alijs speciebus dicit in confuso. Ita quod diuerso modo differentia dicatur includere genus, & genus species ac differentias. Differentia enim dicitur includere genus propriè essentialiter: genus verò continet omnes & singulas differentias ac species per modum collectionis & confusionis. Sicut se habet ens cum suis differentiis per quas diuiditur, & ad sua genera in quæ diuiditur.

Dico tertio. Inter genera & dictas differentias proprias datur imperfecta præcisione rationis. Sequitur planè ex dictis. Prius enim ostendimus debere ratione distingui: modò probamus non distingui perfectà præcisione: sola ergo superest imperfecta præcisio. Explicatur autem magis hic modus præcisionis. Genus, v. g. viuens, dicit implicitè & in confuso omnes suas species & differentias; indeterminate tamen, scilicet non plus vnā quam aliam: intellectiui autem dicit explicitè & determinatè talem gradum viuētis. Ita quod in ipso viuente intellectiui non ita distinguantur duæ rationes, vna viuētis, & alia intellectiui; quasi vna non includens aliam. Quin potius ratio intellectiui essentialiter includit rationem viuētis, nec potest penitus ab illa præscindi: & ratio viuētis in confuso dicit totam essentialitatem viuētis intellectiui, quia non relinquit præter se aliquam aliam rationem quæ non sit essentialiter ratio viuētis. Et hæc vocatur imperfecta præcisio. Et iuxta hoc videtur dixisse S. Thom. 1. par. q. 50. art. 2. ad 1. in quantum intellectus noster considerat rem ut indeterminatè, accipit rationem generis: in quantum verò considerat ut determinatè, accipit rationem differentie.

In contrarium obijcies 1. Porphy. cap. de Diff. definit differentiam, per quam species abundat à genere. quod utique non verificatur, si differentia non perfecte præscindat a genere. Et Arist. clarè 4. Top. loc. 14. & 7. Metaph. tex. 42. asserit, genus non esse particeps differentiarum. Et 3. Metaph. tex. 10. genus non prædicari de differentiis; & ideo ens non esse genus, quia non habet differentias in quibus non includatur.

Qualiter genus & differentia propria, imperfecta præcisione distinguantur.

Porphy. & Arist. explicantur.

Respon-

Secl. VI. Quo Species ex Gñe & Differ. const. 317

Respondetur. Porphyrii perspicue esse loquutum de differentiis quæ non sunt propriæ vni speciei & generi. Arist. verò in prioribus locis tantum voluit, genus non esse particeps essentialiter differentiarum, id est differentias non esse de essentia generis, quasi de quocunque subiecto dicatur genus, debeant de illo dici omnes differentie talis generis: sed non negavit genus implicite & in confuso inuoluere differentias. In ultimo loco non est loquutus assertiuè, sed tantum dubitativè, inquirendò, & dubitationes mouendo: ut constat in toto serè libro, & specialiter in illo cap. & text u. Et præterea ibi disputabat de sent. quorundam, qui dicebant genera rerum esse rerum principia: agebat enim de principiis. Et ad hominè contra illos dubitabat ex vna parte sequi, maximè ens & vnum esse principia, tanquam suprema omnium generum: & ex alia parte hac non posse esse genera & principia: quia genera quæ ab illis dicebantur principia, ponebantur tanquam elementa rerum, ex quibus res tanquam ex partibus constarent. Vnde oportebat, præter talia genera dari differentias de quibus ipsa genera non prædicarentur: ens autem & vnum de omnibus differentiis prædicantur. Igitur ad summum hac ratione probauit, ex defectu distinctionis à differentiis, ens & vnum non esse illa genera, quæ essent principia, eo modo quo ab illis veteribus ponebantur.

Alia argumenta soluntur. Obijcies secundò. Illa prædicata quæ non perfectè præcindunt à differentiis & ab inferioribus de quibus dicuntur, non sunt vniuoca, sed analogæ: & alioqui non satis distinguerent vniuoca ab analogis. Sola autem vniuoca possunt esse genera & species. Ergo repugnat dicere, genera non perfectè præcindere.

Respondetur. Etiam prædicata quæ non perfectè præcindunt, dici debere vniuoca & non analogæ. Aliudquè esse discrimen assignandum inter vniuoca & analogæ: ut suo loco videbimus.

Obijcies terciò. Ex nostra sent. sequitur, etiam transcendencia, Ens, Res, Accidens quoque, & alia, esse genera: atque adeò non esse rectè prædicamenta, decem genera generalissima, illa quæ assignantur.

Respondetur. Imò hanc difficultatem esse communem in omni sententia, ut su-

pra ostendimus: eamquè discutiemus suo loco de prædicamentis.

Obijci hic possent alie difficultates, quæ tamen communes essent ad omnia prædicata, etiam transcendencia, & maximè circa præcisionem entis solent afferri. Quia tamen nunc supponimus, ens & similia prædicata non perfectè præcindere, solumquè specialiter de generibus ostendere volumus, etiam genera posse non perfectè præcindere: idèò plura in Metaphysicam differimus, ubi de præcisione entis specialiter differemus.

SECTIO SEXTA.

Quonam modo Species ex Genere & Differentia constituitur.

Iuxta modum distinctionis, explicandus est modus constitutionis. Vnde si distinctio inter genus & differentiam est realis, compositio speciei ex genere & differentia dicenda realis. Scotus & alij qui genus & differentiam distinguunt formaliter à parte rei, pariter dicere debebunt, compositionem esse formalem à parte rei. Alij qui solam rationis distinctionem agnoscunt, etiam compositionem vocant rationis. Et qui volunt genus & differentiam distinguere tanquam duos gradus perfectè præcisos, speciem dicunt constitui ex genere & differentia per modum compositionis, tanquam ex duabus partibus metaphysicis.

S. Thom. verò cap. 1. de Ente & essent. explicat speciem constare ex genere & differ. non tanquam rem tercia ex duabus rebus, sed tanquam intellectum tertium ex duobus intellectibus. Vbi Caiet. eo cap. com. 6. s. aduerte, ut rem magis explicet, distinguit, genus differentiam & speciem tripliciter posse accipi. Vno modo pro secundis intentionibus, id est pro relationibus rationis. Alio modo pro primis intentionibus, id est pro naturis rebus. Alio modo pro conceptibus formalibus qui sunt in mente. Hinc docet, compositionem in his non esse ex secundis intentionibus. Quia hæc sunt relationes inter se oppositæ. Nec certe secunda intentio speciei constat vel componitur ex secundis intentionibus generis & differentia. Sicur pariter secunda intentio propositionis non constituitur ex secunda intentione prædicari & subiecti: sed est quedam reio attributa immediatè ab intellectu toti

toti complexo. Docet etiam, compositionem non esse inier primas intentiones, idest naturas reales. quia hæ sunt idem, realiter inter se.

Itaque concludit Caiet. compositionem esse penes conceptus formales. conceptus, inquit, formalis speciei integratur ex conceptu formali generis & conceptu formali differentie, tanquam ex duabus partibus. Hoc deinde magis explicat, dicens, se accipere conceptus formales, tam pro conceptibus obiectiuis, quam formalibus propriè dictis; & compositionem ait fieri, tum ex conceptibus obiectiuis, tum ex formalibus, sumpris tamen in representando non in eisendo.

Constitutio speciei interdu est per modum compositionis, interdum per modum explicationis, interdu per modum compositionis.

Dico primò. Constitutio speciei ex genere & differentia, non semper se habet per modum compositionis quasi ex partibus: sed interdum per modum compositionis, interdum verò solim per modum explicationis. Hæc conclus. sequitur manifestè ex dictis. Si enim sumatur differentia quæ est propria generi & adæquata speciei, & quæ non perfectè præcendit: constitutio non est per modum compositionis, sed per modum explicationis. Patet quia genus & differentia sic sumpta, non se habent tanquam duæ partes distinctæ, quarum una addatur alteri: sed se habent per modum conceptus impliciti & expliciti eiusdem essentia. Non ergo debemus concipere, speciem constitui ex genere & tali differentia, quasi componatur ex duabus partibus: sed solim, quòd in conceptu differentia explicetur & determinetur, quod in conceptu generis implicitè & indeterminatè continebatur. Sic substantia non intelligitur constitui per modum compositionis ex ente & perfectate: & sic de alijs similibus.

Si autem sumatur differentia communis & perfectè præcendens: sic constitutio est per modum compositionis. quia genus & differentia concipiuntur tanquam duæ partes, neutra per se dicens nec explicite nec implicitè totam essentiam speciei: sed ex utroque prædicato simul iuncto intelligitur consurgere tota essentia speciei: sic ergo constitutio speciei se habet per modum compositionis.

Compositio est realis.

Dico secundò. Hæc constitutio & compositio, non est realis nec à parte rei, sed

est rationis & in intellectu: quando scilicet genus & differentia considerantur in eadem re, & non in diuersis partibus physicis. Probarur manifestè: quia si realiter & à parte rei non datur distinctio partium, sed omnia prædicata essentialia sunt una simplex entitas: ergo non datur à parte rei compositio. Compositio enim dicitur partes & totum, dicitur plura & vnum, plura componentia & vnum compositum: sed ubi non datur distinctio, non datur plura & vnum, partes & totum. Quia ratione in Deo ipso, quia perfectiones diuinæ non distinguuntur à parte rei ab essentia, nullam faciunt à parte rei compositionem, sed Deus est simplicissimus. Compositio igitur ex genere & differentia, non est realis, nec à parte rei.

Sicut autem ratione distinguuntur genus & differentia, ita etiam datur in mente compositio speciei ex genere & differentia: quia intellectus distinguens concipit duo prædicata, tanquam duas partes, & speciem tanquam totum resultans ex partibus. Et ita compositio speciei est opus rationis in mente.

Dico tertio. Hæc compositio non exercetur inter secundas intentiones, nec inter conceptus formales, sed inter primas intentiones, seu inter rationes reales quatenus sunt in mente, siue inter conceptus obiectiuos ipsarum rerum. Prima conclus. pars benè probata est à Caietano. Secunda probatur etiam de mente eiusdem, sumendo conceptus formales propriè pro actibus intellectus. Tum quia quilibet actus intellectus est in se simplex, non compositus ex alijs actibus: & vnus actus est quo apprehenditur genus, alius quo differentia, alius quo tota definitio & essentia speciei: & hic est tertius actus realiter distinctus ab illis duobus, nec est quasi collectio eorum. Tum etiam, si fieret compositio inter ipsos actus formales: hæc non esset constitutio ipsius speciei ex prædicatis essentialibus: sed esset potius compositio cognitionis speciei ex cognitionibus prædicatorum. At hic queritur constitutio ipsius speciei ex ipsis essentialibus prædicatis.

Hinc planè sequitur tertia conclus. pars, quam docere voluit Caiet. Essentia enim speciei constituitur ex natura reali generis

Exercetur inter conceptus obiectiuos.

generis & differentia, essentia hominis ex ratione sensitiui & intellectiui. Quia tamen hæ non sunt partes in re distinctæ, sed solum in mente: ideo constituunt quatenus sunt in mente, & constitutio exercetur inter conceptus obiectiuos: id est actus constitutionis & compositionis exercetur in mente per cogitationem intellectus: qui licet ea in re quæ cogitatur hæc compositio sit verè à parte rei tamen non à parte rei exercet compositionem sicut non à parte rei distinguuntur. Sed ubi est distinctio, ibi est compositio. Et hæc ipsa est quod voluit S. Thomas.

*Quomodo
species
vè dicatur
constitui
ex genere
& diffi-
rentia.*

Obijciens primò. Si non semper genus & differentia sunt rationes distinctæ & perfectè præcisæ, non poterit dici species constitui ex genere & differentia. Siquidem genus dicitur implicitè, differentia explicitè, totam essentiam speciei.

Respondetur. Verè non ita propriè dici, sicut quando genus & differentia sunt duæ rationes distinctæ: & ideo iam diximus constitutionem non esse per modum compositionis, sed explanationis. Adhuc tamen id non immeritò dicitur in ordine ad nostrum modum concipiendi. Quoniam definitum speciem per genus & differentiam, & ipsa definitio in nostro conceptu consistit ex genere & differentia. Sic substantia suo modo definitur: est ens per se, quæ definitio constat ex ente & perfectione. Quod non est aliud, nisi quòd conceptus noster obiectiuus de tali essentia, constat ex vno conceptu confuso & indeterminato, altero explicito & determinato eiusdem rei.

*Quare nò
dicatur so-
la differe-
ntia consti-
tuere spe-
ciem.*

Obijciens secundò. Hoc modo sufficeret solus conceptus differentia: qui explicitè dicit totam essentiam speciei, & inutiliter videtur præponi genus. Imò sit inutilis repetitio & nugatio, quia idem bis ponitur in definitione, si ipsamet ratio generis includitur essentialiter in ipsa differentia. Confirmatur: quia hac ratione Aristot. 7. Metaph. text. 43. docuit, sufficere in definitione ultimam differentiam, nec debere alias superiores poni, ne idem crebro dicatur. Sic non debere bipes definiri, pedes habens duos pedes habens, sed sufficere, duos pedes habens.

Respondetur. Sufficere quidem solam differentiam ad explicandum conceptum

proprium speciei, quatenus differentia ab alijs: sed non sufficere ad explicandum conceptum quo species conuenit cum alijs. Et ad hoc debet præponi genus. Neque sit inutilis repetitio & nugatio, quia, ut notauit optimè Soncin. 7. Met. quest. 37. ad 3. non est nugatio, si idem bis dicatur, prius in communi, & postea in speciali: Vnde non est nugatio, dicere, animal est viuens sensitiuum, linea est magnitudo longa sine latitudine. Id què passim est in vñ. Imò est necessarium in definitionibus, & ad hoc ut differentia dicatur ex parte prædicati per modum differentia, id est adiectiue cum genere: debet enim præponi genus quod dicatur substantiue. Vnde Arist. ibi non dixit, non debere poni genus: imò supponit debere poni. Nam in illo exemplo supponit debere poni animal, licet ipsa ratio animalis includatur in ratione habentis pedes, sumendo habere pedes propriè ut sumi debet. Sed solum docuit, non debere interponi alias differentias, maxime quando etiam in verbis fieret repetitio, ut patet in illo exemplo, in quo esset manifesta nugatio: quæ tamen non est, quando distinctis verbis, & diuerso modo, per plures terminos, eadem res explicatur.

Obijciens terriò. Si compositio speciei ex genere & differ. non est à parte rei, sequitur essentiam speciei in re esse ita simplicem, sicut est essentia Diuina: præsertim quando species non componitur ex partibus physicis, quia tunc non habet aliam compositionem quam ex gradibus metaphysicis. Consequens autem videtur absurdum.

Respondetur. Neque D. Thom. & alios qui negant distinctionem à parte rei, existimasse absurdum, dicere, essentiam creatam non habere maiorem compositionem quam rationis. Neque etiam Scot. & alios qui ponunt distinctionem formalem, putasse absurdum, non ponere in essentia creatâ pluriusquam formalem distinctionem, quam etiam attribunt ipsi Deo. Adhuc verò Diuina simplicitas summa est, quæ non conuenit creaturis. Quoniam in Deo inveniuntur tot perfectiones & attributa sine vlla distinctione & compositione à parte rei. In rebus autem creatis, licet compositio ex

*Quantum
dicitur in
simplicitate
creata à
Diuina.*

præ-

prædicatis essentialibus non sit realis; tamen reperitur compositio ex natura & substantia, ex substantia & accidenti, alijsue modis Deo repugnantibus.

Quomodo compositio sit rationis, compositum & composita sint realia.
Obijciens quartò. Si compositio speciei ex genere & differ. est opus rationis: ergo id quod componitur, & ea quæ component, sunt aliquid rationis. Vel è contrarij hæc omnia sunt realia, & ipsa compositio est realis. Nam inter entia realia compositio debet esse realis: compositio autem rationis erit inter terminos rationis.

Respondetur. Compositionem esse ra-

tionis, tamen esse inter ea quæ sunt ens reale. Quoniam realitas compositionis requirit, non solum extrema realia, sed etiam distinctionem realem, & unionem inter extrema. Atque distinctio ipsa rationis, est inter extrema realia, & tamen est opus rationis. Vnde etiam fatendum est, denominationem compositi in ipsa specie, & denominationem partium atque componentium in ipsis prædicatis essentialibus, formaliter esse denominationes rationis. Tamen subiectum cui tales denominationes ab intellectu tribuuntur, est ipsa realis essentia speciei, & ipsa realia prædicata.

QVÆSTIO DECIMAQVARTA.

De Proprio & Accidenti.

Hæc duo simul in hac vna quæstione coniungimus: tum quia ea breviter expediemus: tum p. æcipuè quia nonnulla utriusque communia tractanda sunt.

SECTIO PRIMA.

An & qua ratione Proprium & Accidens sint vniuersalia, ab alijs & inter se distincta.

Proprium & Accidens sunt quadam vniuersalia.
IN primis supponimus, hæc duo esse vniuersalia & prædicabilia in sensu quem iam explicauimus in diuisione & assignatione vniuersalium. Sed nunc explicatur magis, quia inueniuntur in rebus prædicata quæ sunt extra essentiam rerum, & tamen verè & rectè de illis affirmantur, verè illis insunt: vt est notissimum. Possunt etiam plures res in huiusmodi prædicatis assimilari & conuenire. Vnde potest sumi prædicatum accidentale sub tali conceptu, vt possit affirmari de pluribus subiectis, & rectè dicatur posse inesse pluribus. Sic certè risibile se habet ad omnes homines, album ad varia corpora. Hoc ergo modo talia prædicata accidentalia sumuntur tanquam vniuersalia & prædicabilia respe-

ctu eorum quibus accidentaliter insunt, seu inesse possunt, & de quibus affirmari possunt.

Quocirca proprium non dicitur proprium, quasi vni soli singulari conueniat: sed quia sit proprium alicui naturæ vniuersali. Vnde adhuc est commune pluribus in tali natura conuenientibus: & ita optime est vniuersale.

Secundò hinc sequitur, hæc prædicata accidentalia debere sumi in concreto, ad hoc vt subeant hunc modum vniuersalitatibus & prædicabilitatibus. Nam non nisi in concreto possunt de subiecto accidentaliter prædicari. Non enim dici potest, homo est risibilis, paries est albus: sed homo est risibilis, paries est albus. Concretum autem debet hic accipi, non pro toto aggregato ex subiecto & forma accidentali, ita vt in recto dicat vtunque: sed pro forma ipsa quatenus est in subiecto, ita vt in recto dicat formam, connotet verò subiectum. Sic enim ipsa forma in concreto sumpta dicitur de subiecto.

Tertiò hæc prædicata habent tum *Habens vni-*

Debit accipi in concreto.

suam vniuersalem. vnitatem, cum aptitudinem essendi in multis, requisitam ad rationem vniuersalis. Vnitatem habent per abstractionem intellectus, qua abstrahitur natura albedinis, v. g. non solum ab hac & illa albedine, sed etiam ab hoc & illo subiecto determinato ac singulari. Vnde album in communi, non solum dicit naturam albedinis prædicando à singulis albedinibus; sed etiam connotat subiectum in communi, prædicando à singulis subiectis in particulari. Sic enim prædicatum accidentale poterit esse commune pluribus subiectis.

Et aptitudinem. Aptitudinem verò essendi in subiecto, habent hæc prædicata accidentalitè, peculiari quadam ratione, quam non habent prædicata essentialitè. Nam forma accidentalitè quæ distinguitur à subiecto, habet realem aptitudinem essendi in subiecto à se distincto: sicut ipsum subiectum habet realem aptitudinem recipiendi talem formam. Vnde satis commodè dici potest, constitui vno modo vniuersale accedens per talem aptitudinem, superaddita vnitatè per abstractionem. Sed non per hoc negandum est, cogitari posse aliam aptitudinem rationis; per quam, præsupposita vnitatè, concipiatur natura accidentalitè, apta diuidi & distrahì in plura subiecta. Et per hanc dici debet alio modo perfici vniuersale accedens per notitiam comparatiuam, iuxta ea quæ diximus de vniuersali in communi.

Dicunt scilicet eas intentiones. Et hinc determinari debet, num ratio horum prædicabilium sit realis vel rationis, sit primæ vel secundæ intentionis. Estque in his peculiaris ratio dubitandi: quia ipsamet nomina proprij & accidentitè videntur habere reale prorsus significatum, & denotare primas tantum intentiones. Nam proprium realitè est proprium, accedens realitè est accedens. Et de singularibus accidentibus rectè dicitur, esse propria, esse accidentia: cum tamen dicere non valeat, Petrus est genus, est species. Sed quoad rem ipsam iam patet, quidnam sit reale, quid verò rationis, in his prædicatis. Quoad nomina autem proprij & accidentitè fatendum est, hæc dupliciter iungi posse: primò denotando tantum naturam realem, vt modò dicebatur; secundò vt idem valeant,

ac si dicitur, vniuersale proprium, vniuersale accedens: & sic denotant secundas intentiones, nec possunt de singularibus accidentibus affirmari, arque se habent sicut nomina generis & speciei.

Quartò. Facile patet, qualiter hæc prædicata accidentalitè sint vniuersalia essentialitè distincta ab alijs quæ sunt prædicata essentialitè. Distinguntur enim per diuersum modum inessendi & prædicandi, vt manifestum est. Quæ diuersitas est maxima quæ esse potest inter vniuersalia. Et tamen verum est, vnam eandemque naturam subire vtrumque modum vniuersalitatis. Nam natura accidentalitè potest comparari ad hanc & illam naturam, vel ad hoc & illud subiectum: V. g. color ad albedinem & nigredinem, vel ad niuem & picem. Penès primam considerationem talis natura dicitur essentialitè, vt patet: vnde est vniuersale genus. Penès secundam considerationem natura accidentalitè habet hunc alium modum vniuersalitatis, de quo nunc agimus: quia de subiecto dicitur accidentalitè, & extra essentialitè eius. Ideò quæstione octaua sectionis vndecimæ ad tertium, dicebamus, hæc duo vniuersalia differre à primis tribus, non in statu abstractionis, sed in statu comparationis per comparisonem ad diuersa.

Quintò deinde. Varijs modis possunt diuidi prædicata accidentalitè: vel dicendo alia esse separabilia, alia inseparabilia: vel alia esse necessaria, alia contingentia. Sed optimus modus diuidendi erit hic. Cum ab initio diuidantur prædicata vniuersalia, quæ dicuntur essentialitè, & quæ dicuntur accidentalitè, idest extra essentialitè: hæc rursus diuidantur, in ea quæ ab intrinseco promanant ex essentia subiecti, & ea quæ non ab intrinseco & necessario ex vi ipsius essentia: promouunt. Illa ita inseparabiliter & necessario subiecto conueniunt, vt de subiecto dicantur, etiam præcisè existentia actuali, & constanciant propositiones quæ dicuntur æternæ veritatis. Alia autem contingentia & non ita necessario subiecto conueniunt. Illa quæ promouunt ab essentia subiecti, dicuntur accidentia pro-

Ab alijs vniuersalibus distinguntur.

Inter se etiam distinguntur.

pria. Alia dicuntur accidentia non propria, seu communia. Breuioris autem appellationis gratia, illa dicuntur absolute propria, hæc absolute dicuntur accidentia. Et ita hæc duo prædicabilia, proprium & accidens, distinguuntur. Quæ distinctio est essentialis: quia planè diuersus est dictus modus, quo vnum vel aliud subiecto inest, de eoque prædicatur.

*Alijsque
modis
vlti-
us di-
uidi pos-
sunt.*

Sexto demum possunt adhuc alijs modis hæc duo prædicabilia diuidi. Alia enim sunt prædicata accidentalitè generica, v. g. color: alia specifica, v. g. albedo. Alia generalissima, vt quantitas, qualitas: alia subalterna, vt est manifestum. Quæ omnia accidentalitè de subiectis prædicantur. Item alia sunt quæ dicuntur de pluribus specie aut etiam, genere differentibus: vt sentire & posse sentire de omnibus speciebus animalium, esse in loco de omnibus rebus: alia quæ dicuntur tantum de pluribus numero differentibus, vt ridere, posse ridere, de solis hominibus.

Neque verò idem est, prædicatum accidentale esse in se genericum aut specificum, atque conuenire generi aut speciei. Quinimo obseruari potest, prædicatum in se specificum conuenire non solum alicui generi & speciebus sub illo contentis, sed etiam varijs generibus. Et ita se habent plura accidentia communia, vt albedo, nigredo, calor, frigus, & similia. Imo etiam aliquod accidens proprium, vt quantitas conuenit toti generi substantiæ corporeæ. Ex alia parte prædicatum aliquod genericum potest conuenire vni soli speciei: vt si consideretur genus potentie rationalis, commune & adæquatum intellectui & voluntati humanæ, conueniens soli speciei humanæ. Aliud ergo est dicere, prædicatum accidentale esse genericum vel specificum, atque conuenire naturæ genericæ vel specificæ. Et ita bene notauit Fons. quinto Metaphysic. capite vigesimo octauo quæstione vigesima sect. 4.

Hæc autem distinctiones prædicatorum accidentalium, formalitè spectant ad ipsam vniuersalitatem & prædicabilitatem horum prædicatorum: & ita se habent, sicut alia similes distinctiones, in alijs vniuersalibus suis locis traditis.

Nec ob stare debet, quod Porphyrius cap. de Genere, & cap. vltimo sæpe ait, proprium conuenire vni soli speciei, & cum illa conuerri. Aliqui enim intelligunt, Porphyr. loqui tantum voluisse, de proprio specierum infimarum. Sed non propterea neganda sunt propria generum. Nam sicut, licet Porphyr. loquutus sit de differentijs tantum genericis, non propterea negantur specificæ: ita è conuerso de proprio. Vel Porphyr. accipiens speciem pro specie subijcibili, de omni proprio dixit conuenire vni tantum speciei, scilicet subijcibili. Imo respectu ipsius proprii species se habet vt subijcibilis. Et potest id colligi ex ipso Porphyr. qui agens de Commun. & differens. speciei & proprii, ait: *Species pro se & aliorum genus esse.* Et dum addit, proprium non posse conuenire alijs speciebus, intelligit alijs ab illa specie subijcibili, cui proprium conuenire supponebatur. Addendum tamen est, propriam posse conuenire etiam generi summo, imò enti communissimè sumpto. Nam proprium substantiæ est, non esse in alio: accidentis, non esse per se. Et proprietates entis sunt, vnum, verum, bonum. Sed hoc totum magis explicabitur sect. 3.

*Porphyrius
applicatur.*

SECTIO SECVNDA.

Quanam Natura habeant rationem Proprii & Accidentis.

DVo præcipuè circa hoc notanda occurrunt.

Primum est, licet hæc dicantur prædicata accidentalitè: tamen non solum naturas essentialitè accidentales, quæ constituunt notem prædicamentæ accidentium, & à primo prædicamento substantiæ distinguuntur: sed etiam naturas quasdam essentialitè substantiales, quæ sunt de prædicamento substantiæ, habere rationem horum prædicabilium proprii & accidentis. Ita notauit Sanctus Thomas quæstione vnica de Spirit. creaturis articulo vlt. Quia nimirum etiam naturæ quædam in se substantiales, possunt ita afficere aliquod subiectum, seu aliquas

*Etiam na-
tura sub-
stantiales
ad hæc
prædicabi-
lia perti-
nents.*

aliquas res, vt de illis verè prædicentur, non essentialiter, sed extra essentialiam. In hoc sensu dicuntur accidentaliter prædicari, ad differentiam prædicationis essentialis.

Exempla sunt passim obuia. Omnes formæ substantiales afficiunt materiam, nec sunt de essentiali materiae, de eaque prædicari possunt, non quidem substantiuè & in quid, sed d:nominativè & in quale: materia est informata, est animata, est ignea. Item à vestibus denominatur homo vestitus, calceatus. Ab auro denominatur vas deauratum. Imo interdum ab ipsa materia solet forma sic denominari, videlicet hoc vas est aureum, est aneum, hoc scamnum est ligneum, est lapideum, fumendo vas est scamnum pro figura, aureum &c. pro materia. Hæ ergo omnes & similes prædicationes dicuntur accidentales, idest non essentialis. Et vtique non spectant ad primaria prædicabilia, quæ dicuntur essentialiter, sed ad hæc duo, quæ dicuntur accidentaliter. Nam esse vestitum non dicitur de homine, tanquam genus de specie, vel species de indiuiduo, vel differentia de essentiali, sed tanquam accidens de subiecto.

Vnde accidens prædicabile à prædicatione distinguatur.

Hinc factum est, vt Accidens distinguatur soleat. Aliud dicitur accidens prædicamentale: aliud accidens prædicabile. Illud est, quod contradistinguitur à substantia, & in plura alia prædicamenta distribuitur, in quibus prædicata superiora comparantur essentialiter ad inferiora. Accidens prædicabile est, quod contradistinguitur à prædicatis essentialibus, esto in se sit natura substantialis. Dum ergo modo assignantur hæc duo prædicabilia, accidens proprium, & commune, non intelligitur accidens prædicamentale: sed intelligitur, quod prædicatur accidentaliter de subiecto, idest extra essentialiam: & ideo appellatur accidens prædicabile.

Etiā natura extrinsece denominantes subiectū, ad hæc prædicabilia pertinet.

Secundum quod notari debet est, non solum naturas quæ inherent, vel afficiunt res: sed etiam quæ referuntur, siue extrinsece attingunt aliquas res, posse suo modo de illis verè affirmari per modum prædicationis accidentalis, ita vt ad hæc duo prædicabilia pertineant. Ita vocauit Sanctus Thomas prima parte quæst. 6.

art. 4. dicens, in his quæ important relationem posse aliquid denominari ab extrinseco, sicut denominatur locatum à loco, mensuratum à mensura. Et quæst. 13. artic. 7. ad 5. asserit, Deum esse realiter dominum, quia realiter ei subiecta est creatura. Et alibi similia docet. Similiter Durand. in 1. d. 30. quæst. 3. explicat, Deum esse realiter creatorem & dominum per denominationem actionis extrinsecam. Idem docet Argent. ead. d. quæst. 1. art. 2. ad 1. contra primam conclusionem: & alij frequenter idem docent. Atque hæc sunt quæ communiter vocantur denominationes extrinsecæ, quia scilicet sumuntur à forma extrinseca, quæ non est in ipso subiecto determinato, nec illi coniuncta.

Vasquez tamen prima parte disp. 115. cap. 2. contendit, non esse ante operationem intellectus realem aliquam denominationem ab aliqua re aut forma extrinseca: sed omnem denominationem extrinsecam esse opus rationis. Quia inquit, denominatio, cum sit nominis appellatio, planè est opus rationis, & est alicuius intellectus expressio. Idem plures alij recentiores defendunt.

Omnino tamen asserendum est, verè & realiter quantum ad rem significatam posse formam extrinsecam de subiecto aliquo prædicari, siue posse rem denominari realiter à forma extrinseca, seclusa omni relatione rationis. Explicatur & probatur primò. Vel prædicatio & denominatio sumitur formaliter per actum intellectus affirmantis prædicatum de subiecto, aut imponentis nomen. Et hæc est vtique operatio intellectus: tamen adhuc realis est. Atque hoc modo etiam quando dicitur forma intrinseca de subiecto, prædicatio & denominatio est operatio intellectus. Vel sumitur obiectiue pro re quæ affirmatur, & nominibus significatur. Sic certè realiter & à parte rei aliqua forma respicit aliquè terminum extrinsecum: quando ergo hoc ab intellectu affirmatur, & nominibus significatur, aliquid reale significatur. Et hæc est denominatio realis extrinseca.

Secundò demonstratur exemplis. Certè verum est dicere, paries à parte rei est visibilis, est visus ab oculo, ignis

Nam denominationes extrinsecæ sunt reales.

324 Quæst. XIV. De Proprio & Accidente.

calefacit lignum, Deus est creator omnium rerum: hæc, inquam, & similes propositiones enunciantes rem à parte rei, verissimæ sunt; atque id quod significatur per has propositiones, est reale quid. igitur possunt verè & realiter talia prædicari dici de subiectis ad quæ extrinsecè se habent. Nam vtrique realiter oculus videt parietem, creatura efficitur à Deo, & sic de alijs: ergo realiter paries videtur ab oculo, Deus est creator rerum. Realiter visio terminatur ad parietem, creatura emanat à Deo: ergo realiter paries terminat visionem, Deus exercet creationem. Et hæc res est, quæ his denominationibus significatur.

Quando scilicet forma respicit ali- quid extrinsecū.

Tertiò ostenditur à priori. Quia potest aliqua forma attingere diuerso modo plura: si videlicet vni in se, aliud quid respiciat, seu ab alio procedat. Sic planè in exemplis positis: visio inest oculo, respicit obiectum: actio est in rebus, emanat ab agente. Ergo optimè potest eadem forma diuerso modo denominare plura, idest prædicari de pluribus: de vno tanquam inhærens, de alio tanquam respiciens: de illo dicitur intrinsecè, de alio extrinsecè. Et ita ab eadem visione dicimus, oculus videt; & hæc est denominatio in finem: obiectum videtur; & hæc est denominatio extrinsecæ: vtraque autem realis.

Non oportet in his denominationibus extrinsecis, admisceri relationes rōnis & fictas. Nam vtrique cognoscibile & affirmabile est, id quod reale est in his rebus; realis ordo ad terminum, de ipso termino. Non ergo prædicatur aliqua relatio rationis, sed ipsa habitudo realis de re ad quam terminatur. Potest quæ prædicatur reale affirmari de re per extrinsecam attingentiam. Sic vtrique, Deus, Angelus, & omnis intellectus non finitens enia rationis, cognoscit reales veritates, prout realiter sunt à parte rei, præcindendo etiam à notitia quam habent de relationibus rationis, quas nos fingimus, quæ prorsus per accidens se habent ad rem in se. Tunc autem admiscetur forma & relatio rationis, quando Deum esse creatorem, concipimus per modum formæ existentis in Deo, seu per modum relationis Dei ad creaturam. Sed potest certè sine hac imperfectione con-

cipi, qualiter Deus sit reuera creator per emanationem creaturæ ab eius omnipotentia.

Quinò. Dicere solèt aliqui, à parte rei Deum esse fundamentaliter creatorem, parietem fundamentaliter visum, non verò formaliter: & ita denominationes extrinsecas fundamentaliter esse reales, formaliter esse rationis. Sed in primis: si valet dicere, paries fundamentaliter est visus, quia visio est fundamentum denominationis seu relationis rationis: ergo iam datur prædicatio realis de prædicato extrinsecò, quod intendimus: & huiusmodi prædicationes ab hæc duo prædicabilia realiter sumpta debent pertinere. Deinde dici non debet, paries à parte rei est fundamentaliter visus, sed dici debet formaliter visus. Nam oculus formaliter videt, & videt vtrique parietem: sic etiam creatura formaliter efficitur à Deo, & Deus formaliter creat. Certè enim datur à parte rei realis forma visionis, & creationis, quæ formaliter debet denominare rem. Nec refert, quòd forma non sit in re denominata. Nam hæc propositio, Deus creat, non reddit sensum, Deus habet in se formam, creationis: sed Deus exercet creationem, quod formaliter verissimum est.

Valebit autem dicere, paries à parte rei, non est formaliter, sed tantum fundamentaliter relatus ad oculum: quia non datur reuera relatio parietis ad oculum; & fundamentum relationis rationis, est ipsa realis visio. Neque per ipsam relationem dici debet, paries esse formaliter visus: sed potius fingi tali modo visus, seu relatus ad oculum videntem. Itaque tria hæc distinguenda sunt, parietem fundamentaliter seu potentialiter videri, actu formaliter videri, & referri ad oculum. Prima denominatio habetur per potentiam visiuam. Secunda per actum visionis. Tertia per relationem rationis. Igitur per formam visionis, dici non debet fundamentaliter videri, sed formaliter quidem videri, fundamentaliter autem referri.

Sextò. Quidam alij dicunt, Deum denominari à parte rei formaliter creatorem, tantum per relationem rationis possibilem, quæ sit forma denominans. Non dicunt per fundamentum ex quo est possi-

Non solū fundamē taliter, sed formaliter verifi- cantur ta les denomi nationes.

Non per re lationem rationis possibilem sed per possi-

*formas
reales.*

possibilis relatio; sed per ipsam formam relationis, tamen ut possibilem, quia ante omnem operationem intellectus verum est illam esse possibilem. Verum satis constat, quod etiam si esset impossibile talis relatio, à nulloque intellectu fingi posset, adhuc Deus realiter est creator. Ac etiam si nihil cogitur de tali relatione possibili, potest cogitari & affirmari, Deum esse creatorem. Neque de facto quando hoc dicimus, intendimus dicere, esse possibilem talem relationem. Imo per relationem possibilem non posset dici Deus actu creator, sed possibiliter creator: sicut non potest dici actu referri, sed possibiliter referri: & sicut per albedinem possibilem non potest dici paries actu albus, sed possibiliter albus.

Alia denominationes spectant ad proprium, alia ad accidentem.

Septimò demum in his denominationibus extrinsecis benè distinguuntur, alix spectantes ad proprium, alix ad accidentem. Nam quædam sunt quæ conueniunt rebus ex vi essentiz: vnde formantur propositiones necessariæ: & valet dicere, hoc prædicatum dicitur de hoc subiecto, omni, solo, & semper. Sic se habet denominatio visibilis, sumpta à potentia visua, ad colorem & lumen, denominationio audibilis ad sonum, aliaque similes. Alix autem sunt, quæ non hoc modo, sed ad instar accidentium communium se habent, ut actu videri, audiri & similes.

Objectiones solvuntur.

In contrarium obijcies primò. Prædicatum tantum dicitur de subiecto: sed non est subiectum nisi illud cui forma inest: ergo repugnat formam dici de eo cui non inest.

Respondetur. Aliud esse subiectum prædicationis, aliud inhesionis seu informationis: omne ergo prædicatum dicitur de subiecto primo modo sumpto, quod patet ex terminis: sed non de subiecto secundo modo sumpto, quod patet ex dictis.

Obijcies secundò. Forma non potest denominare formaliter, nisi id cuius est forma, siue quod habet formam: ergo non potest dici extrinsecè de alia re.

Respondetur. Aliam esse denominationes habentis formam, aliam terminantis, seu producentis. Prima est intrinsecà, & conuenit tantum illi rei quæ habet in-

se formam. Secunda est extrinsecà, & conuenit alijs rebus.

Obijcies tertio. Hæ denominationes visi, auditi, creatoris, & similes, sunt denominationes relatiuæ. Nam visum refertur ad videntem, creator ad creaturam. Et ita solent assignari tanquam relationes rationis. Ergo non sunt denominationes reales.

Respondetur. Illas denominationes esse terminatiuas, vel causatiuas, non relatiuas. Non enim sensus est, paries refertur ad videntem, sed terminat visionem, Deus exercet creationem. Concedimus autem, quando hæ denominationes sumuntur relatiuè, esse rationis. Et sic solent frequenter assignari.

Obijcies quartò. Vniuersale definitur aptum inesse pluribus, & prædicabile in eodem sensu sumitur: ergo natura non potest esse vniuersalis & prædicabilis respectu eorum quibus non potest inesse: & repugnabit dicere prædicata extrinsecà vniuersalia.

Respondetur. Si ly inesse sumatur propriè & intrinsecè, ita esse. Sed si sumatur magis latè, pro eo quod est aliquo modo attingere, seu adesse, taliter ut possit prædicari: sic benè inrer vniuersalia & prædicabilia computari. Vel, si dicere placeat, esse prædicabilia, non vniuersalia sumendo magis amplè prædicabile quàm vniuersale. Et quidem cõmuniter ad hæc duo prædicabilia reducuntur illæ propositiones, vas est aureum, scamnum est ligneum: & tamen non inest substantia figuræ. Sed quia eo modo prædicantur, idèò ad hæc prædicabilia reducuntur.

SECTIO TERTIA.

De Proprio.

IN primis, quatuor modos Proprii Porphyri. distinguit. Et distinctio sumpta fere est ex Aristotele 5. Top. in princ. Primum proprium est, quod conuenit vni soli speciei, non tamen omnibus contentis sub illa: ut homini esse Medicum, vel Philosophum. Secundum est, quod è contra conuenit omnibus contentis sub specie, non tamen illi soli speciei: ut homini esse bipedem. Requiritur autem ad hunc modum proprii, ut non indifferenter inest oibus speciebus, sed quibuscumque inest, quibuscumque non inest.

Proprium quatuor modis sumitur.

in exemplo posito esse bipedem non conuenit omnibus speciebus animalium. Tercium est, quod conuenit omni & soli, non tamen semper: ut homini conuenit canescere, tamen in tempore senectutis. Esi autem hoc non uideatur soli homini conuenire: nam & equus canescere narrat Aristot. lib. 5. de Gener. animal. cap. 5. Tamen non est in exemplis omnimoda veritas requirenda: Et saltem homini maxime magisque manifestè conuenit in senectute canescere. Vnde idem Aristot. sect. 10. Problem. quaest. 52. supponit, specialiter hominem inter omnia animalia canescere. Aliud exemplum huius proprii asserri potest: homini conuenit actu discurrere, scilicet dependenter à sensibus intelligere, cum ad viam peruenit rationis. Quartum proprium est, quod conuenit omni soli & semper: ut homini esse risibilem. Esi enim homo non semper actu rideat, semper tamen habet potentiam ridendi, quæ est risibilitas: & equo proprium esse hinnibilem.

*Quoniam
multo fit
quartum
predicabile.*

Secundò videndum est, num omnia hæc propria, vel quodnam ex eis, constituant hoc quartum predicabile distinctum à quinto. Aliqui affirmant omnia: quia omnia in hoc cap. à Porphyrio recensentur. & pro quinto prædicabili remanent illa accidentia, quæ nec soli vni speciei, nec omnibus sub illa contentis, conueniunt: ut homini esse album. Ita sentit Hurtad. dispue. 6. sect. 5. Fonseca autem 5. Metaphysic. cap. 28. quaest. 19. sect. 1. & 3. & quaest. 20. sect. 3. Et Cominbr. quaest. 1. de Proprio, sentiunt, non solum proprium quarti modi, sed etiam secundi modi, quod conuenit omni, & non soli, spectare ad hoc quartum predicabile. Quia, dicunt, sunt pleraque accidentaliter prædicata, quæ à pluribus specierum natura promanant: neque cum certa aliqua natura communi, vel specifica, vel generica, conuertuntur. Ut esse intellectuum conuenit homini & Angelo, non autem alicui generi vtrique communi: item esse volatile, gressibile, & similia, quæ conueniunt varijs speciebus animalium: & esse quale, quod conuenit varijs substantijs, nec conuertitur cum genere summo substantiæ, cum conueniat etiam animæ separatae, quæ non ponitur directè in predicamento substantiæ.

Dicendum tamen est, solum proprium quarto modo confluere hoc quartum predicabile. Hæc est communis sententia. Auerrois in hoc cap. Ocham. prima parte Log. cap. 24. Caietan. Scot. Tolet. & aliorum hoc cap. Et quidem non oportet probare, verè proprium quarti modi spectare ad hoc predicabile, quia res est clara. Proprium autem primo & tertio modo non spectare, probatur facillè: quia illa prædicata quæ non conueniunt omnibus contentis sub specie, nec semper: sunt prorsus contingentia, & separabilia: nec proueniunt ab essentia, talis speciei, quæ vtrique inest omnibus & necessariò & semper. Licet autem actuales operationes, quæ ex vi potentialium naturalium exercentur, & emanationem dicuntur ab essentia promanare: nec necessariò, sed contingentè exercentur: & vterque. Illæ autem perfectiones quæ necessariò & naturaliter ex vi essentia profluunt, appellantur à Philosophis proprietates & propria passionum rerum. Et hæc solæ debent in hoc quarto predicabili collocari: quia hæc est optima ratio distinguendi quartum à quinto predicabili.

Deinde de ratione huius proprii esse, ut conueniat adequatè alicui soli speciei, seu vni naturæ communi, atque adeò excludendum esse proprium secundum modi, nisi ad quartum modum reducatur, probatur planè ex Porphyrio, qui in hoc capite ait, propria quarto modo esse propria, seu verè propria. Et clarissimè in cap. de Genere, & capite ultimo, §. de discrimine differet. & propr. & §. de discrimine proprii & accident. docet, proprium dici de vna sola specie, & cum illa conuerti, & in hoc distinguari à genere, differentia, & accidenti. Hoc autem debet sic intelligi: proprium primariò & adequatè dici de vna aliqua natura communi, siue sit species specialissima, siue subalterna: at genus differentia & accidentis non ita se habent, sed primariò & immediatè dicuntur de pluribus speciebus. Arque hæc ratio proprii, sumpta est ex Aristotele primo Topicorum cap. 4. *Proprium est, quod soli inest.*

*Nō primo
vel tertio
modo sum
ptum.*

*Nec secundum
do, sed tantum
quartum*

inest, & conuersim prædicatur de eo. Nemo enim proprium dicit, quod contingit alijs inesse. Et addit, si aliquid quod non inest soli, dicatur proprium, non dici simpliciter, sed secundum quid. Debent autem in hoc quarto prædicabili collocari illa quæ sunt simpliciter propria.

Proprium enim debet esse adequatum illi essentia à qua emanat.

Ratione idem probatur & explicatur: quia vel prædicatū accidentale conueniens pluribus speciebus, conuenit ab extrinseco, & non ab earū essentia manans. Et sic planè deficit à ratione huius proprii: quod ab accidente distinguimus. Vel conuenit tanquam ab earum essentia manans. Et sic omnino debet concedi gradus essentialis communis omnibus ijs speciebus, quibus tale proprium conuenit: ipsique gradui, seu naturæ communi tale proprium erit verè proprium, illi soli & ijs quæ sub illo continentur conueniens. Nam passio conueniens alicui speciei ex vi essentia, si conuenit ex vi talis essentia, prout talis est, distincta ab alijs omnibus; non potest alijs pariter conuenire. Et è contra passio quæ conuenit pluribus speciebus, iam non conuenit huic vel illi, ex vi essentia prout talis determinata essentia est: sed potius ex vi gradus essentialis & naturæ genericæ communis ijs speciebus. Et ita omnis proprietas ab essentia, manans illi soli conuenit, & non reperitur nisi ubi talis natura est. Sic v. g. esse sensibile sumptum pro proprietate conuenit omnibus speciebus animalium: prouenit autem ex vi gradus communis, & naturæ genericæ animalis, eique soli conuenit.

Nipè principio exigitur in se ipsum proprium.

Confirmatur magis. Hoc ipso, quod aliqua proprietas conuenit alicui speciei ex vi essentia, assignatur tanquam gradus essentialis eius speciei principium, exigitur eius proprietatis. Imo hic est frequentissimus modus explicandi rerum essentias. Si ergo illa proprietas conuenit etiam alteri speciei, in illa similiter assignabitur principium exigitur talis proprietatis. Ergo datur conceptus communis principij exigitur eius proprietatis, qui conceptus est essentialis omnibus speciebus participantibus eam proprietatem. Et de hoc gradu essentiali dicere valebit, illi soli & omnibus sub eo contentis conuenire il-

lam proprietatem. Ideò dixi, proprium quarti prædicabilis debere alicui naturæ communi conueniri, & excludendum esse omne aliud prædicatum, quod non ad proprium quarti modi reducatur.

Iuxta hoc Aristot. 1. de Anima tex. 68. cum dicat, aerem & aquam & quadam alia corpora esse perspicua, addit: *Non enim secundum quod aqua, nec secundum quod aer, perspicuum est: sed quoniam est natura eadem in his utrisque, & in perpetuo illo quod sursum est corpore.* Vbi planè docere voluit, dari conceptum naturæ communis, cui proprium sit esse perspicuum, in quo conceptu conueniant, aqua, aer, calum, & omnia corpora perspicua: Idipsum significauit 1. Poller. cap. 9.

Imo illam exemplum allata a Fouleca hoc totum confirmant. Nam sicut assignatur intellectuum pro quadam proprietate communi homini & Angelo: ita omnino datur intellectuum pro gradu essentialis communi. Sic etiam esse volatile, gressibile, & similia: sicut sumi possunt pro quibusdam proprietatibus, ita pro quibusdam gradibus essentialibus sub genere animalis: vt planè assignauit Aristot. in Antepæd. cap. 4. & 7. Metaphys. text. 43. & esse quale conuenit substantia, sumendo substantiam in tota latitudine, vt etiam animam rationalem, & similes substantias parciales complectatur. Neque enim dicimus, omnem proprietatem debere alicui speciei vel generi prædicamentali conuenire: sed absolute alicui naturæ communi. Vide etiam entem in tota sua amplitudine suæ proprietates attribuantur.

Et per hæc patet manifestè ad fundamenta aliarum sententiarum. Porphyr. enim non ideo quatuor modos proprii numerauit, vt omnes ad quartum prædicabile reduceret: sed vt verum proprium quod est quarti modi assignaretur. Sicut autem plures modos differentia distinxerat, vt differentia propriissima acciperetur. Et nulla sunt accidentalia prædicata, quæ ab essentia prominent, & non alicui soli naturæ communi conueniant: vt de ijs verificetur, conuenire omni soli & semper.

Tertio deinde patet, quid sit hoc proprium, & qualiter definiendū. Benè enim Porphyr. ait: *Proprium esse quod conuenit*

Exemplis ostenditur.

Proprium definitur.

omni soli & semper: præintelligendo tamen prædicatum accidentale. Benè etiam Aristot. 1. Top. cap. 4. *Proprium est, quod non indicat quid est effectus: soli autem inest, & conuersum prædicatur de re.* Et idem est sensus vtriusque definitionis. Quod enim inest omni soli & semper, conuertitur cum rei: ita dicere valeat, omnis homo est risibilis, omne risibile est homo; & sic de alijs. At autem Arist. quod non indicat quid est rei, idest non est prædicatum essentialiter, alioqui non negauit, per modum signi & effectus notificare essentiam rei. Optimè etiam definitur proprium: est prædicatum accidentale quod naturaliter promanat ab essentia rei, iuxta ea quæ dicta sunt. Expresse autem quatenus vniuersale & prædicabile definiri debet: quod apud est inesse pluribus, seu prædicari de pluribus, extra eorum essentiam, sed promanans ex eorum essentia. Propter dictam autem emanationem ab essentia, quandoque proprietates rerum dicuntur essentielles, & propositiones in quibus eadem proprietates affirmantur de rebus, dicuntur essentialiter. Quod intelligitur, non formaliter, sed causaliter: ut patet.

Quartò quia dictum est, proprium adæquate conuenire alicui naturæ communi, & ita conuenire omnibus sub illa contentis, dici debet formaliter vniuersale respectu eorum quæ sub ipsa natura continentur. Ita Albert. tract. de Propr. cap. 10. Scot. q. 30. Vniuersale ad 1. Sorus q. 1. de Propr. ad vltimum, Conimbr. q. 2. Lohanien. & alij eod. cap. Quia vniuersale formaliter dicit ordinem ad plura, & dicitur respectu plurium: sed natura communis cui proprium adæquatur, consideratur vt vna; inferiora verò sunt plura: ergo respectu horum proprium est vniuersale. Vnde, cum idem prædicatum dicatur, & proprium, & vniuersale, quod idem est ac commune multis dicitur quidem proprium respectu ipsius naturæ, tanquam proprium vni naturæ; vniuersale autem & commune respectu inferiorum, tanquam commune multis. Dicit tamen poterit veluti virtualiter vniuersale respectu naturæ, quia scilicet est proprium naturæ vniuersali, cum quæ consequenter debet diuidi in plura. Et hoc totum conforme est ijs quæ in re similis diximus

de Differentia, quæstione duodecima sectione 3.

Quintò præterea quæri hic potest, num ita debitum sit naturæ communi, habere proprium, vt omni naturæ communi debeat sua peculiaris proprietates conuenire, in qua differat ab alijs naturis. Regulariter quidem ita est: & interdum assignatur proprietates saltem per negationem, aut per formam rationis fundatam in ipsa natura. Imo solent rerum essentialiter explicari & designari per rationem principij exigentia talis vel talis proprietatis. At tamen necesse non est, vt omni naturæ sua proprietates possit conuenire, quod saltem patet, quia non oportet cui libet proprietatem aliam proprietatem conuenire, nè detur processus in infinitum. Possant etiam, & solent, plures proprietates inter se connexæ, sibi quæ non aduersantes, vni & eidem naturæ conuenire: vt significauit Arist. 5. Top. cap. 2.

Sextò ex alia parte quæri potest, num etiam singularibus concedendæ sint suæ peculiare proprietates, à differentijs indiuidualibus promanantes. Et breuiter dicendum est, non posse conuenire nouas alias proprietates extra illas quæ in communi conueniebant naturæ communis: debere ijs conuenire proprietates naturæ communis, determinatas & contractas in ipsis singularibus. Probat quia quæcunque proprietates conueniant alicui singulari, potest prorsus similis proprietates & solo numero diuersa, alij & alij singulari conuenire: sicut constat de ipsa natura specifica. Nec ex vilo capite conuenire potest repugnancia, vt dum conuenit natura prorsus similis solo numero multiplicata pluribus indiuiduis, non possit etiam consimilis proprietates conuenire. Ergo ipsa proprietates debet sumi in communi, & vt sic conuenire naturæ communi. Et sicut natura diuiditur & multiplicatur in singularibus, ita etiam proprietates. Loquimur autem de rebus creatis, & de illis singularibus quæ conueniunt in communi naturæ specifica.

Deiinde non apparet semper necessarium, vt huic determinato indiuiduo ex vi suæ determinatæ singularitatis, conueniat certa determinata proprietates singularis: quinimo benè fieri potest, vt li-

Num omni naturæ communi sua proprietates inest.

Singularibus non conueniunt nouæ proprietates.

Quomodo in ijs determinatur proprietas communis.

cet huic & cuiuslibet indiuiduo debeat proprietas conueniens speciei; tamen non debeat huic indiuiduo hoc numero accidens proprium, sed possit indifferenter hoc vel illud attribui. V. g. proprietas materiæ seu substantiæ corporeæ est quantitas. Sed necesse nõ est huic certæ materiæ insidere hanc certam quantitatem: sed indifferenter illi potuisset tribui hæc vel illa: & similiter hæc quantitas potuisset imponi huic vel illi materiæ. Et pariter in alijs rebus similibus dici potest.

Imo etiam quando proprium est ita genericum, vt contineat sub se varias species, fieri potest, vt secundum genus quidem sit debitu, indifferens autem sit secundum vnā vel aliam speciem. Sic certæ materiæ est debita forma substantialis, non autem hæc vel illa species formæ: quantitati debita est figura, non tamen hæc vel illa species figuræ. Vnde sequitur, prædicatum ample sumptum esse verè proprium, & competere necessariò rei: singula autem indiuidua seu species talis proprii, esse potius accidentia communia seu contingentia: quia nimirum singillatim sumpta non necessariò competunt. Quod non est aliud quam dicere: materiæ v. g. necessarium est, habere formam, & quantitati figuram: non tamen necessarium est habere hanc formam, hanc figuram determinatè. Et ita notauit benè Fonseca 5. Metaph. cap. 28. q. 10. sect. 5.

Ex alia parte fieri etiam potest, vt vni certæ naturæ vna certa proprietas debeat: v. g. vt huic naturæ substantiali hic certus subsistentiæ modus, & sic de singulis. Hic enim modus se habet vt proprietatis respectu ipsius naturæ substantialis. Et in alijs rebus similibus idem dici poterit. Itaque iuxta varias rerum condiciones explicandum est, quomodo proprietates communes in singularibus determinentur.

Septimò quæri potest, an & quomodo proprium distinguatur ab essentia rei, & an saltem per Dei potentiam possit ab illa separari. Sæpe quæstione secundæ, de hoc latè disputat. Sed fatetur quæst. non esse huius loci. Satis ergo nunc est dicere, non requiri absolute ad rationem proprii, vt reuera ab essentia distinguatur, sed: sufficere pos-

se distinctionem rationis. Hoc enim satis est, vt proprium prædicetur non essentialiter etiam de illa natura à qua sic distinguitur, sumendo scilicet naturam & proprietatem formaliter, quatenus distinguuntur. Item ex alia parte, non repugnat, vt proprium à parte rei, ac realiter à natura distinguatur: ita vt posset à Deo conservari natura sine sua proprietate: & in quibusdam rebus etiam ipsa proprietas sine natura: vt certè potest quantitas sine substantia conservari. Neque enim oportet, tam necessariam esse diminutionem proprietatis ab essentia, vt nec per Dei potentiam impediri queat. Ceterum quænam proprietates & quomodo à rerum essentijs distinguantur, in proprijs locis & meritis philosophicis disputandum est.

SECTIO QUARTA.

De Accidentibus.

Accidens prædicabile modò sumitur vt conditum à proprio, sicut antea explicatum est. Et primo loco à Porphyrio definitur: *Quod adest & abest præter substantiæ corruptionem*. hoc est: Accidentis est natura seu forma, quæ apta est inesse seu conuenire subiecto, atque à subiecto abesse, ipso subiecto incorrupto permanente. Hæc definitio bona est, & vera, si rectè explicetur. Recipitur à Peripateticis communiter. Licet Auicenna, & alij Arabes apud Albertum tractatu 7. Prædicabil. capitè 2. eam rejiciant. Et non modicam difficultatem habet: propter quod diligenter explicanda est.

Præcipua difficultas circa hanc definitionem est, quia multa sunt accidentia quæ à subiecto abesse & separari nequeunt, vt nigredo à coruo, albedo à cygno, & similia. Quamuis autem postea dubitatum sit, an inueniatur coruus albus. Imo Diuus Augustinus libro quarto de Trinitate capite quarto notauerit, coruum antequam plumescat non esse, nigrum. Tamen admittendum est exemplum, quod semper coruus sit niger: & sufficit quod semper pluma corui nigra sint, vt notant ipse Augustinus. Imo Porphyr. ipse immediatè post definitionem

Accidens definitur.

An et quia omne accidens possit abesse circa subiecti corruptionem?

An proprium distinguatur ab essentia rei.

nem diuide accidentia, dicens, alia esse
sep arabilia alia inseparabilia. Hæc autem
accidentia inseparabilia planè videntur
destruere definitionem traditam. Vnde
non desuerunt qui dixerint, illam defini-
tionem esse traditam de solo accidente
separabili. Sed certè, cum Porphy. prius
definierit accidentis, quam diuiserit, &
continuatando dixerit, diuiditur autem in
duo: planè definitur accidentis in commu-
ni, quod consequenter diuisit. Quocirca
communitè vt certum supponitur, il-
lam definitionem esse adequatam acci-
denti: & varijs modis conati sunt Aucto-
res illam explicare & verificare. Omis-
sis autem quibuldam explanationibus, quæ
a nonnullis adhibentur, à mente Porphy.
alienis, & ad rem ipsam insufficientibus:
tribus modis potest satis commodè ea
definitio explicari.

*Possibile
per consi-
derationē
intelle-
ctus.*

Primus est S. Thomæ Opuscul. 48.
cap. 8. & quæst. vnica de Spiritual. creatur.
art. vi. ad 7. Scoti q. 35. Vniuersal.
Aegid. 1. Poster. textu 18. Caiet. Anton.
Andr. Soti, Tolerti, & aliorum in hoc cap.
Accidens posse abesse & separari à subie-
cto, si non realiter, saltem per intelle-
ctum: quia benè potest concipi substantia
sine accidenti, coruus sine nigredine,
absque detrimento ipsius subiecti: imo
ipso Porphy. rem sic explicauit, videns
difficultatem, quæ ex accidentibus inseparabilibus
contra definitionem orieba-
tur. *Propterea enim intelligi, inquit, & coruus
albus, & Asinus abiiciens colorem, prater su-
biecti corruptionem.*

Verum adhuc virget difficultas, quia
pariter proprium potest per intellectum
ab essentia separari. Possumus enim con-
siderare essentiam rei sine eius proprietate.
Ideò addendum; ita posse accidens
per rationem separari à subiecto, vt sub-
iectum possit etiam concipi cum alio
accidenti opposito sine præiudicio essen-
tiæ eius: vt possumus concipere coruum
album, integro manente conceptu essen-
tiali corui, cui nimirum quantum est ab
intrinseco non repugnat albedo. Sed non
potest ita separari proprium ab essen-
tia: non potest subiectum concipi cum
proprietate opposita, v. g. homo cum
hinnibilitate: sed per hunc conceptum
destrueretur essentia hominis. Et ratio
est: quia si concipitur hinnibilitas vt præ-

prietas hominis, concipitur vt inens &
manans ab essentia eius, & ita e-
minis concipitur vt principi-
tium hinnibilitatis: at hæc est formaliter
essentia equi: ergo destruitur essentia
hominis. Atque hoc est quod indicat
voluit Porphy. quando dixit, potest in-
telligi coruus albus.

Imo hinc potest etiam negari res ex-
plicari. Non potest intelligi essentia sine
proprietate, formaliter loquendo, id est
intelligi vt non exigitur talis proprietate.
Nam sic planè destrueretur essentia.
Sed benè potest intelligi subiectum sine
accidente. Itaque non potest intelligi es-
sentia sine proprio, illo modo quo pro-
prium conuenit ipsi essentia, scilicet per
exigentiam naturalem. Sed benè potest
intelligi subiectum sine accidente, illo
modo quo accidens potest conuenire sub-
iecto, scilicet per contingentem habi-
tudinem.

Secundus modus explicandi est per se-
parationem realem, veluti sub conditio-
ne: id est accidens ita se habet, quòd si
auferatur à subiecto, inde non sequitur
necessariò destructio subiecti. Quamuis
absolutè loquendo, non separatur, vt ni-
greto à coruo. Tamen proprium ita se
habet, vt dici valeat, si proprium auferatur,
destruitur essentia rei. Ita explicat
Boet. super hunc locum. Debet autem
intelligi, si proprium auferatur, non tan-
tùm materialiter, quo modo potest sæpe
per Dei potentiam separari: sed formaliter,
vt modò dicebamus; ita scilicet vt
non exigatur amplius ab essentia, non
cōparetur illi vt naturaliter ei debitum.
hoc enim esset auferre proprium modo
opposito illi modo quo proprium formaliter
conuenit essentia. Et hinc planè
sequeretur destructio essentia, vt patet.

Tertius modus & valde acomodatus
ad distinctionem accidentis à proprio est,
considerando accidens in sua specie, &
comparando illud ad subiectum etiam
in specie sumptum, v. g. nigredinem ad
coruum. Cum enim proprium definitum
sit illud, quod inest omni soli &
semper: accidens est, quod deficit ab ali-
qua ex his conditionibus; & vel non inest
omni, vt Grammatica homini; vel non
soli, vt nigredo corui; vel non semper,
vt canities homini. Et in hoc sensu rectè
dici-

*Et, si rea-
liter abssi,
nō neces-
sariò des-
truitur su-
biecti.*

*De facto
abssi,
quia vel
non inest
omni, vel
non soli,
vel non
semper.*

dicitur abesse præter subiecti corruptionem. si non inest omni, abest ab ijs quibus non inest si non soli, illud quod inest alijs rebus abest ab illo subiecto: si non semper, abest pro aliquo tempore. Non ergo oportet, vt accidens possit separari per ablationem sui ab illo subiecto cui semel inerat: sed satis est, posse abesse aliquo ex his modis. Proprium autem nullo ex his modis abesse potest à suo subiecto, formaliter loquendo. Nullum enim indiuiduum speciei est, cui proprium non sit naturaliter debitum: nulla alia species est, cui sit naturaliter debitum: nullum tempus est, quo non sit tali naturæ debitum.

Alia difficultas circa eandem definitionem est propter aliam particulam, quod adest præter subiecti corruptionem. Quædam enim accidentia sunt, quæ suo aduentu & præsentia destruit subiectum, vt mors viuientibus, combustio lignis, calor summus aquis, & similia. Propter quod Rupert. Abb. lib. 7. de Operib. Spiritu. cap. 13. dixit: *Tali definitione nequaquam comprehendit illud accidens, quod subiectum, idest hominem, omnino corrumpit, imo destruit, ita ut reuertatur in puluerem.*

Ad hanc difficultatem Aegid. loco citato. Burl. hoc capite, & quidam alij dicunt, ly præter subiecti corruptionem, non debere cum viroque verbo coniungi, sed solum cum ly abest: vt sensus sit, accidens est, quod ita adit subiecto, vt abesse possit sine eius corruptione: Sed melius dicendum est cum alijs magis communiter, & conformiter ad ea quæ dicta sunt, præter subiecti corruptionem, intelligi quoad essentiam, idest sine destructione & præiudicio essentia subiecti: si uero non repugnare essentia subiecti, tam præsentiam, quam absentiam accidentis. Non verò intelligi quoad existentiam: sed bene fieri posse, vt per aduentum accidentis causeatur corruptio subiecti quantum ad existentiam: vt passim in subiectis corruptibilibus contingit.

Secundo loco Porphy. definit accidens: *Quod contingit esse, & non inesse.* Quæ definitio est Aristot. 1. Topic. cap. 4. & lib. 4. cap. 1. loco 4. Eam verò Auerr. in cap. de Acciden. vult soli accidentis comparabili conuenire. Cajetanus & alij

volunt conuenire omni accidenti, sicut primam. Et quidem potest faciliè hæc definitio explicari, sicut illa: vel de separatione per intellectum: vel de separatione reali modo prædicto. Vnde non differet à prima definitione, nisi quòd illa utebatur verbis adest & abest: hæc autem utitur verbo inessendi, quod aptius est ad explicandum modum, quo accidens est in subiecto. Vtitur etiam verbo, contingit, quod exprimit contingentiam accidentis.

Deinde etiam si non inesse sumatur pro separatione reali, qua idem accidens, quod inerat subiecto, realiter auferatur, & corrumpatur, permanente subiecto: adhuc potest hæc definitio omnibus accidentibus huius quinti prædicabilis adaptari, dicendo cum Alexand. 1. Top. cap. 4. & Themist. 1. Poster. cap. 14. satis esse, si accidens possit hoc modo separari ab aliquo vno, ex multis subiectis quibus inest. Sic certe nigredo, licet non possit auferri à coruo, tamen potest auferri à manu. Et ita se habent omnia alia accidentia. Hunc sensum indicauit planè ipse Aristoteles, dicens: *Accidens contingit inesse & non inesse cuius vni.* hoc est potest separari ab vno aliquo subiecto, quoduis illud sit. In quo verè differt accidens à proprio, quod sanè à nullo subiecto cui conuenit per naturalem dimanationem ab essentia, potest naturaliter separari: & maxime fieri non potest, vt non sit debitum & connaturale tali subiecto.

Tertio loco Porphy. definit accidens per negationem aliorum quatuor, de quibus tractauerat: *Quod neque est genus, neque differentia, neque species, neque proprium: semper autem est in subiecto subsistens.* Quæ definitio pariter sumpta est ex Aristot. 1. Top. cap. 4. Nisi quòd in textu Aristot. habetur: *Inest autem rei.* Quod verbum intelligendi magis congruit accidenti. Porphy. autem per subsistit intellexit existit. Et dixit, semper, ad denotandum, accidens non existere extra subiectum, sed vel non existere, vel existere in subiecto. Merito autem Aristotel. huic definitioni præferebat aliam quam modò explicauimus: quia per hunc modum definiendi negatiui, potius explicatur quid non sit, quam quid sit.

*Tertia de
subiecto ac-
cidentis.*

*An et quæ
omne acci-
dens possit
adesse ci-
tra subie-
cti corrup-
tionem.*

*Secunda
definitio
accidentis.*

Quar-

332 Quæst. XIV. De Proprio & Accidente.

*Definitur
& expli-
catur ac-
cidenti qua
tenus uni-
uersale.*

Quartò deinde accidens formaliter & expresse quatenus vniuersale & prædicabile, definitur debet: Quod apertum est inesse pluribus, seu prædicari de pluribus, accidentaliter contingenter, seu extra essentiam, nec promanans ab essentia. Hæc definitio satis clara manet ex dictis, tum de ipso accidente, tum de proprio.

Obseruandum tamen de nouo occurrat, quod aliqui opinati sunt, accidens esse vniuersale, etiam per comparationem ad vnum tantum subiectum reale, quia in illo possunt saltem per rationem distingui plura de quibus accidens prædicatur. Nam rectè dici potest, hic paries est albus, hoc corpus est album, & similia multiplicari possunt in eodem subiecto reali. Imò cõsiderari possunt plura realiter distincta: v.g. in eodẽ pariete dicere possumus, hæc substantia est alba, hæc superficies est alba. Sed certè non debet accidens per hunc respectum dici vniuersale: sequeretur enim, accidens singulare quatenus hoc singulare, esse vniuersale, essequẽ vniuersale à parte rei. Ratio autem a priori est, quia natura non est vniuersalis, nisi per respectum, ad plura in quibus multiplicetur per diuisionem sui ipsius: quod de omni vniuersali verum est, etiam de accidente. At eo modo nõ dicitur accidens de pluribus per diuisionem sui, sed potius idem singulare accidens indiuisum eo modo prædicatur. Accidens ergo non est vniuersale, nisi per respectum ad plura subiecta realia in quibus distinguatur plura singularia accidentia, quæ conueniant in natura sumpta in communi.

*Vt dica-
tur uni-
uersale
non requi-
rit existẽ-
tia aduẽ-
lem.*

Præterea quidam alii dixerunt, ad vniuersalitatem accidentis requiri actualem existentiam eius in pluribus subiectis, & in hoc differre a cæteris vniuersalibus quibus sufficit aptitudo essendi. Quoniam accidens non potest prædicari de subiecto, nisi præsupposita actuali existentia pro aliqua differentia temporis: alia autem prædicari possunt præcendendo ab existentia & ab omni differentia temporis. Et quidem si vniuersalitas sumatur pro fundamento proximo prædicabilitatis, id rectè dicitur. Sed ramen necesse non est, vniuersalitatem sic sumi: sed sufficit saltem remotum fundamentum, & aptitudo existendi in multis con-

ueniens accidenti etiam non existenti. Et ita licet accidens differat ab alijs vniuersalibus modo dicto: adhuc potest dici suo modo vniuersale, sine existentia actuali, vt iam notauimus quæst. 8. sect. 12.

Quintò. Accidens diuisum est à Porphyrio dicente, alia esse accidentia separabilia, alia inseparabilia. Separabilia dicuntur, quæ ita subiecto insident, vt possint ac soleant ab ijs auferri, non quasi possint abstrahi à subiecto, & per se coluari extra subiectum, vel quasi possint transferri ad aliud subiectum: sed quia possunt destrui & corrumpi. Inseparabilia dicuntur, quæ semper permanent in subiecto, quandiu subiectum extiterit. Fieri autem potest, vt idem speciei accidens sit separabile respectu alicuius subiecti, & inseparabile respectu alterius: vt nigredo non potest separari à coruo, potest ab alijs multis rebus.

Potest præterea accidens alijs modis diuidi. Aliud enim accidens est, quod non inest omni, sed inest soli, vt videre homini. Vbi accidens quidem habet necessariam dependentiam à subiecto, subiectum tamen non habet necessariam existentiam eius. Aliud est, quod inest omni, sed non soli, vt nigredo coruo. Aliud quod omni & soli, sed non semper. Aliud, quod nec semper, nec omni, nec soli. Alijquẽ modi diuidendi facillè excogitari possunt. Et potest aliquæ diuersitas formalis in ipsa vniuersalitate & prædicabilitate talium accidentium admitti: sicut dictum est de alijs vniuersalibus.

Postremo assignat Porphyrius, cap. ult. in fine, discrimen quoddam inter accidens & proprium, dicens: *Proprium quidem æqualis est participatio; accidentium vero non magis vel minus.* Hoc autem difficile est. Tum quia multa accidentia sunt, quæ non luicipiunt magis & minus, nec inæqualiter participatur: vt variaz præsentiaz locales, varij situs & figuræ, & relationes. Tum quia è contra aliqua propria sunt, quæ videntur posse luicipere magis & minus, & inæqualiter participari: vt potentia sensitiva, & motiua in animalibus, extensio in corpore, quæ potest esse maior per raritatem minor per densitatem, & alia huiusmodi. Atque Porphyrius, ipse in cap. de

*Accidens
diuiditur*

*Accidens
suscipit
magis &
minus.*

de Differ. absolute docuit, differentias accidentales, includendo etiam accidentia propria, posse suscipere magis & minus, & in hoc distingui à differentijs essentialibus.

Ad hanc difficultatem varijs modis conati sunt aliqui satisfacere, & rem explicare. Breuiter tamen dicendum est: accidens posse inaequaliter participari, seu suscipere magis & minus. Non quasi necesse sit, omnem formam accidentalem quinti prædicabilis esse huiusmodi. Nulla enim ex parte oritur talis necessitas. Sed quia absolute & indefinite loquendo, accidens quinti prædicabilis capax est huius inaequalitatis, seu non repugnat illi ex ratione accidentis suscipere magis & minus. Ad quod verificandum sufficit, multa accidentia reperiri capacia huius inaequalitatis: & præterea in illis quæ non sunt capacia, repugnantiam non oriri ex ipsa ratione accidentis prædicabilis, licet oriatur ex peculiari natura talium accidentium.

*Non autem
proprium in
rigore sus-
cipitur.*

Proprium autem potest considerari dupliciter: vel ita vt sit verè proprium, manans ex vi essentiae, non solum quatenus forma quædam est, sed etiam quatenus sit tantæ vel tantæ perfectionis: vel ita vt solum sit proprium manans ab essentia, quatenus forma quædam est absolute loquendo, non autem quatenus sit tantæ vel tantæ perfectionis: sed hæc determinatio oritur ex alijs causis aut dispositionibus, & non necessario sed contingenter se habeat ad essentiam speciei. Primo modo se habet, v. g. sua potentia intellectiva cum quacunque specie Angeli: ex vi enim talis essentiae specificæ determinatur potentia tantæ vel tantæ perfectionis. Secundo modo se habet, v. g. potentia sensitiua, aut motiua animalis. Exigit enim animal absolute loquendo talem potentiam: tamen perfectio eius dependet ex alijs causis

& dispositionibus contingemibus & variabilibus. Imo ex dictis sect. præced. patet, posse formam secundum rationem tantum genericam habere rationem propriam, & non secundum vnam vel aliam sui speciem determinatam: sic materia exigit absolute formam, non autem formam tantæ vel tantæ perfectionis essentialis.

Proprium ergo primo modo, non inaequaliter participatur, non suscipit magis & minus: quandoquidem secundum omnem rationem & determinationem est verè proprium, & necessario annexum speciei: Proprium secundum modo, potest inaequaliter participari, & suscipere magis & minus: quandoquidem est proprium & necessarium, speciei, solum secundum rationem absolutam & indefinitam, non verò secundum omnem determinationem: sed quantum ad certam determinationem se habet potius contingenter. De proprio primo modo, siue de proprio secundum omnem rationem qua verè proprium est, loquens est Porphyrius ibi capite ultimo: De proprio secundo modo procedit argumentum factum: & solum probat, secundum eam rationem qua prædicatum non est proprium & necessarium speciei. Et vt sic hæc accidentalia prædicata includuntur inter illa, de quibus idem Porphyr. cap. de Differ. dixit suscipere magis & minus.

Ceterum inter omnia dicta quinque, quæ hætenus considerata sunt, Genus, Speciem, Differentiam, Proprium & Accidens, quamplurimas rationes conuenientiæ & discriminis prolixè satis cogerit Porphyrius capite ultimo, comparando omnia & singula omnibus & singulis. Verum ex tractatione singulorum satis manifestum relinquitur, in quo singula quæque conueniant ac differant, vt non opus sit in hac re amplius immorari, sed hæc sufficiant.



QVÆSTIO DECIMAQVINTA.

De Vniuersalibus in significando;
Vniuocis, Æquiuocis, & Analogis.

Aristoteles ante tractatum Prædicamentorum, præmittit quædam, quæ propterea Antepredicamenta vocantur. Et præsertim cap. 1. explicat æquiuoca & vniuoca. Reliqua quæ Arist. in eo tract. prosequitur, vel iam in præcedenti vniuersalium tract. inclusa sunt, vel in sequenti quæst. de Prædicam. in communi expediuntur. De vniuocis modò & Æquiuocis, additis Analogis quæ sub æquiuocis ab Arist. hoc loco comprehenduntur, præfati quæst. agere debemus. Quæ maximam connexionem habet cum præced. tractatu, & ad illum proximè debet adiungi. Distinximus enim ab initio vniuersalia in essendo & in significando: & sicut illa, ita & hæc ad Logicam pertinent. Vniuersalia autem in significando sunt voces quæ plura significant. Et sunt in triplici differentia: alia sunt nomina vniuoca: alia æquiuoca: alia analoga. Fæceor, vniuoca, & in quodam sensu etiam analoga, dicere simul vniuersalitatem nature in essendo. Sed de hac vniuersalitate iam satis egimus. Solùm ergo nunc superest de ijs agere quantum ad vniuersalitatem in significando.

Cætèrùm Arist. quidem prius æquiuoca quàm vniuoca nominat & explicat. Cuius ordinis rationem reddunt Simplic. & Ammon. quia æquiuoca simpliciora sunt, cum solam nominis communiter importent. Porphy. verò & Boet. quia tractatus prædicamentorum initium sumit à diuisione entis in plura, quod æquiuocè se habet. Sed tamen quia vniuoca maiorem propinquitatem habent cum vniuersalibus in essendo præmissis: idèò illa duximus præponenda.

SECTIO PRIMA.

De Vniuocis, & Æquiuocis.

Prestat simul hæc coniungere & explicare: quoniam communi ad utraque discursu optimè innoscunt. Definit Arist. æquiuoca: *Quorum nomen solum commune est, secundum nomen verò substantia ratio diuersa.* E contra vniuoca definit *Quorum & nomen commune est, & secundum nomen eadem substantia ratio.* Ita etiam hæc explicat D. August. in lib. Categor. cap. 3. ubi æquiuoca appellat homonyma, vniuoca synonyma.

Pro explicatione primò obseruandum est, posse considerari, & res quæ nominibus significantur, & res quæ nominibus significantur. Res dici solent æquiuoca, æquiuocata, vniuoca vniuocata: quia, scilicet vocantur & appellantur nominibus. Nomina autem dicuntur vniuoca vniuocantia, æquiuoca æquiuocantia: quia vocant & appellant, idèst significant ipsas res. Sed etiam natura vna in communi sumpta, quæ significatur nomine vniuoco, habet appellationem vniu-

voci vniuocantis. Definitiones ergo Arist. rebus ipsis quatenus sunt sub nominibus adaptantur. Vnde fatendum est, Arist. definisse vniuoca vniuocata & æquiuoca æquiuocata. Sed facillimum est, ex ijs definitionibus adaptare similes definitiones nominibus vniuocantibus & æquiuocantibus: quæ sunt propriè vniuersalia in significando. Nomen æquiuocum est, quod est commune pluribus secundum diuersas rationes. Nomen vniuocum est, quod est commune pluribus secundum vnā rationem.

Secundò in utraque definitione ponitur, nomen commune pluribus. In hoc conueniunt tam æquiuoca quàm vniuoca. Sumitur verò nomen, non in rigore vt conditum à verbo: sed ampliori significatione, vt tam verba quàm nomina complectatur. Nam non solum nomina, sed etiam verba sunt vniuoca vel æquiuoca. videlicet Amo est vniuocum ad actus amandi. Lego est æquiuocum ad legere & legare. Imò etiam in terminis syncategorematicis, vt in articulis & præpositionibus, inueniuntur vniuoca & æquiuoca. V.g. ly, In, potest significare con-

*Nomina
vniuoca
& æquiuoca,
sunt
vniuersalia
in si-
gnificando.*

*Nomina
sumuntur
amplè pro
omnibus
terminis.*

coniunctionem, dicendo, calor est in subiectis & oppositionem, dicendo, calor agit in frigus. Iste scripsit in Platonem, potest significare, vel super Platonem, vel contra Platonem. Itaque nomen debet hic intelligi pro omni termino & dictione significatiua. In hac autem amplitudine inuenitur non raro nomen apud Arist. 1. Perier. cap. 3. 1. Topic. cap. 13. 1. Elench. cap. 1. & alibi.

Substantia ratio est ratio significatiua.

Tertio in veraque definitione ponitur, substantia ratio. Vbi non sumitur substantia prout ab accidenti distinguitur. Nam etiam in accidentibus inueniuntur vniuoca & æquiuoca. Sed sumitur pro quidditate & essentia. Et substantia rationem, intellexit Arist. definitionem per quam explicatur essentia rei, & significatum nominis. Hanc acceptionem substantia & totum hunc sensum expressit plane ipse Arist. 1. Metaph. 15. *Quod quid erat esse, cuius ratio definitio est, vniuocumque substantia dicitur.*

Ratio vniuocorum est vna, æquiuocorum diuersa.

Quarto vniuocorum ratio dicitur vniuocorum diuersa, secundum idem nomen. Et in hoc formaliter consistit eorum differentia. Dicitur vniuocorum ratio vna, non quidem vniuocæ reali, sed vniuocæ rationis & præcisionis, eo modo quo de vniuocis dictum est. Vnde tres Personæ diuinæ non dicuntur vniuocæ conuenire in nomine Dei alijsque nominibus essentialibus: sicut natura diuina non dicitur vniuocæ ipsis personis: Dicitur æquiuocorum diuersa ratio, id est quæ neque per rationem & præcisionem sit vna. Nomina ergo vniuoca sunt, homo, animal, substantia, quantitas, & similia, quibus subest natura vniuocæ, quæ per se primò significatur per tale nomen, & est communis pluribus. Nomina æquiuoca sunt, canis, quod dicitur de cane, terrestri, de pisce quodam marino, & de quodam caelesti sydere: gallus, quod dicitur de gallo gallinaceo, & de homine ex Gallia orto: & alia similia nomina, quæ sine vniuocæ alicuius rationis in pluribus, imposita sunt disparatè ad significanda plura. Cum enim nomina sine ad placitum: sicut solent esse diuersa nomina ad significanda plura: ita factum est, ut interdum ad plura ac diuersa idem nomen assumptum sit. Vnde multi homines sepe sunt qui eodem nomine appellantur.

Consulto autem ab Arist. appositum, fuisse illam particulam, secundum nomen, notant Boet. Simplic. Ammon. & alij, & Damasc. cap. 31. suæ Dialect. Quoniam aliqui possunt illa quæ habent vnum nomen æquiuocum, conuenire in aliqua vna ratione communi, quæ tamen non importetur per ipsum nomen æquiuocum. Canis enim terrestris marinus & caelestis conueniunt vtrius in vna ratione communi corporis & substantiæ, & in hac ratione vniuocæ conueniunt: sed non conueniunt in vna aliqua ratione, quæ significetur nomine canis, & idè in hoc nomine sunt æquiuoca. Rectè igitur dictum est, secundum nomen ratio diuersa. Et idè etiam non possunt talia æquiuoca sub vno nomine vna definitione ipsis adæquata definiri. Et hoc voluit Aristor. dicens: *Si quis assignet eorum vtriusque, propriam assignabis vtriusque rationem.*

Diuersa nomen, idem nomen.

Rectè etiam notauit Ammon. ut sit idè nomen, debere esse non solum eadem litteras, sed etiam eandem pronunciationem, & quantitatem syllabarum, atque accentuum: ita ut in sola significatione sit diuersitas. Quare non dicemus esse idem nomen æquiuocum, leporem cum media syllaba correpta, & leporem cum media producta: sed hæc dicentur potius diuersa nomina, similia tamen in litteris. Et patet: quia ex pronunciatione, nomen dictum vno vel alio modo, determinatè significat vnam rem, & non aliam.

Nomen quomodo debet esse idem.

Itaque vniuocæ horum nominum in significando habet; quod omnia quidem plura significant. Tamen nomen vniuocum habet vnam impositionem & significationem: quæ quoniam habet pro sua re, naturam significatam sub conceptu communi pluribus: idè plura complectitur. Nomen autem æquiuocum plures impositiones & significationes sortitum est, ad diuersas res & rationes, singulas per se significandas. Nomen ergo vniuocum est vniuocæ in significando, quia per vnam significationem plura complectitur: æquiuocum verò per plures. Et hæc est legitima horum nominum in sua significatiua vniuocæ differentia.

Quæ sit vniuocæ significatiua in his nominibus.

Quintò. Specialiter circa vniuocæ dubitatur, num oporteat rationem significatam

Natura significatam

*nomen
æquiuocum,
an debeat
esse essen-
tialis.*

catam esse essentialem ijs rebus de quibus nomen dicitur. Ex vna parte ita videtur. quia idem Arist. ait, substantia rationem, idest essentialiam & definitionem esse vnam. Et in Prædicam. subst. ait, album & similia prædicata accidentalia dici tantum secundum nomen & non secundum rationem de subiecto. Et idem habetur 3. Top. cap. 2. Ex alia parte omnia vniuersalia debent esse vniuoca: sed etiam prædicata accidentalia sunt vniuersalia: ergo dici debent vniuoca. Hac dubitatio tantum potest esse de nomine: quomodo vniuocationis nomen accipiendum sit. Vnde dicendum, posse dupliciter accipi. Vno modo magis proprie, quando nomen significat rationem essentialem. Et hoc sanè modo Arist. accepisse videtur, qui propterea post æquiuoca & vniuoca, assignat denominatiua, ad quæ pertinent accidentalia prædicata. Et in hoc sensu non omnia quinque vniuersalia sunt vniuoca. Sed vniuocum sic sumptum coincidit cum vniuersali sumpto primo modo dicto q. 8. sect. 16. pro solis essentialibus prædicatis. Alio modo magis latè, quando nomen significat hanc rationem pluribus communem, siue essentialem, siue accidentalem. Et hæc acceptio est satis consueta. Sic solet vniuocum cum vniuersali amplè sumpto confundi, ut omnia quinque vniuersalia complectatur. Et Arist. ipse 1. Ethic. cap. 6. dixit, eandem esse albedinis rationem in niue & in cerula.

*An de-
beat esse
perfectum
vniuersale
prædicatum.*

Item dubitatur, num oporteat rationem significatam per nomen, esse perfectè vnam per præcisionem perfectam naturæ ab inferioribus & a differentijs contrahentibus: vel sufficiat vnitatis imperfecta per imperfectam præcisionem. Et similiter respondendū est, nomen vniuocationis dupliciter posse sumi: vel magis proprie, ut requirat vnitatem naturæ perfectam: vel magis latè, ut sufficiat vnitatis imperfecta. Sed tamen absolute debet sumi hoc secundo modo. Sequitur ex dictis de vniuersalibus. Diximus enim, etiam illa quæ imperfectè præcendant, esse genera & species, atque adeo vniuersalia quæ in prædicamentis collocantur. At non nisi vniuoca dici debent esse genera & species, & in prædicamentis collocari: ergo sic latè sumi debent vniuoca.

Plura de hoc dicemus, agendo de analogis.

Denique dubitatur, num oporteat rationem significatam per nomen, acque primò & principaliter conuenire omnibus vniuocatis, vel possit conuenire vni principaliter & primariò, alij minus principaliter & secundariò: siue vni originali-ter & independentè, alij participatiue & dependentè ab illo. Ad hanc dubitationem similiter responderi potest, posse vtrunque dici: dupliciter accipiendo nomen vniuocationis. Quidnam autem potius dici debeat absolute loquendo, dicemus agendo de analogis: au scilicet illa quæ cum ea diuersitate in natura communi conueniunt, dici debeant analogæ vel vniuocæ.

*An de-
beat aquæ
primò par-
ticipari
ab vniuoca-
tis.*

Sextò. Specialiter circa æquiuoca dubitatur, num absolute loquendo nomen æquiuocum dici debeat vnum vel plura. Nam ex vna parte videtur vnum: quia & Ar. ait esse nomen commune: & vna vique est vox, canis, gallus, quæ significat plura. Ex alia parte nomen formaliter constituitur per significationem: ergo vbi plures sunt significationes, plura sunt nomina. Sed res est clara & facilis. Materialiter vnum est nomen, idest vnus sonus; vna vox. Formaliter sunt plures significationes. Quoad modum autem loquendi, dici debet potius vnum nomen: quia hoc est magis consonum communi intelligentiæ: & quia vnitatis magis attenditur ex subiecto materiali, quam ex ratione formali. Et è conuerso in ipsis nominibus, quando varia nomina habent eandem significationem, idest significant eandem rem, quæ dicuntur synonyma; absolute dicuntur plura nomina, non vnum nomen. Et ita docet Scot. 1. Elench. q. 2. qui etiam rectè ait, posse nomen æquiuocum dici vnum multiplex, quasi vnum complicans multa.

*Nomen æ-
quiuocum
est vnum
materialiter,
multiplex
formaliter.*

Item dubitatur, quonam modo nomen æquiuocum plura significet. Multi dicunt, significare plura sub disunctione: ita vnde canis; reddatur canis, vel terrestris, vel marinus, vel caelestis. Alij qui addunt, posse significare, vel sub disunctione, ut dicendo aliquis canis; vel etiam conincluduè, ut dicendo omnis canis. Scot. autem lib. 2. Elench. q. 9. & 10. docet, non posse nomen æquiuocum sumi nisi

*Quonam
modo no-
mæ æqui-
uocæ plu-
ra signifi-
cet.*

nisi pro vno tantum significato : atque adeo nec coniunctiue nec disiunctiue posse nomen æquiuocum in vna prolatione significare plura : sed in ipso nomine æqui-uoco copulari simul varias significaciones variarum rerum.

*Absolute
prolatum
nihil de-
terminat.*

Sed breuiter dicendum est ; nomen æqui-uocum ex vi sua absolute & nude prolatum, determinare quidem non gignere in mente audiencis nisi conceptum non vltimatum sui ipsius : quantum ad rem verò significatam, dubium & suspensum, vel inquirere audientem, quidnam loqueris significare velit : Aprum tamen esse nomen æqui-uocum, vt per appositionem alterius nominis determinare significet aliquam rem ex ijs quibus idem nomen competit. Explicatur & ostenditur ab experientia. Si quis absolute proferat hoc nomen canis, nihil addendo : is qui audit percipiet quidem vocem, non tamen concipiet naturam communem sub tali nomine, vt patet : neque determinare poterit quidnam ille significare velit, sed suspensus manebit. Et in hoc sensu dici solet, nomen æqui-uocum significare plura disiunctiue. Melius esset dicere, negatiue, non significare quiequam determinatè.

*Per addi-
tionē de-
termina-
tur.*

Si quis autem vel per integram propositionem apponar aliquod prædicatum, vt canis latrat, vel apponar alium terminum adiectiuum, vt canis celestis : sic determinat sensum nominis, vt significet determinatè illud, de quo verificatur propositio, vel totus terminus complexus. Et ita nomen æqui-uocum in se sumptum, est aptum & idoneum in actu primo, vt determinetur ad vnam quamlibet ex illis rebus quibus competit. Interdum autem ex alijs signis & circumstantijs præter voces, potest & solet deprehendi mens loquentis & proferentis terminum æqui-uocum. Interdum verò voces quæ adduntur, nec etiam satis determinant sensum : sed vel tantum ex parte, vel nullo modo. Vt si quis dicat, canis viuus : excludit quidem celestem, non tamen determinat vel marinum vel terrestrem. Et si quis dicat, canis mouetur, nullum determinat : quia hoc de singulis verificari potest. Interdum quoque ipsam determinatio non est satis clara. Vnde sæpe fit, vt sub iisdem verbis ab eodem prolati vel scripti,

diuersi diuersos sensus accipiant : vt passim conringit in exponendis Auctorum dictis, præsertim eorum qui obscurius loquuti sunt.

*Qualiter
determinetur.*

Non tamen solet ita determinari sensus nominis æqui-uoci, regulariter loquendo, vt determinare plura significet. Sed determinatio nõ nisi in vni ex æqui-uocis cadere solet. Vnde si quis dicat, omnis canis ; non determinat terrestrem simul marinum & celestem : sed adhuc dubius manet sensus, nam intelligatur omnis terrestris, vel omnis marinus, &c. Sed si dicat, omnis canis latrat tunc determinat terrestrem : Similiter si quis dicat, aliquis canis, non determinat hanc disiunctionem ex parte rei significare, vel terrestris vel marinus, &c. Sed disiunctio & suspensio remanet adhuc ex parte significationis, an significetur aliquis ex terrestribus, vel aliquis ex marinis. Quod determinabitur dicendo, aliquis canis latrat : tunc enim sensus est, vel hic vel ille terrestris. Et hoc totum sequitur ex conditione ipsa nominis æqui-uoci, ad differentiam vni-uoci : vni-uocum enim determinare significat, quia habet vnam significationem circa vnam naturam : æqui-uocum verò non vnum determinare significat, sed cum sit impositum ad plura, debet aliqua additione determinari ad vnum certum significatum.

Dixi regulariter loquendo : quia absolute talis ac tâta expressio fieri potest, vt determinetur plura significata vel coniunctiue, vel disiunctiue : vt si quis dicat, omnis illa substantia quæ habet nomen canis, omne illud viuens quod habet nomen galli : vel si dicat, aliquod ex illis. Et præsertim si quis dicat, adoro omnes illos Sanctos qui habent nomen Petri : vel iubeat dari eleemosinam omnibus pauperibus, qui habent tale nomen, vel alicui eorum. Sic, inquam, non est negandum, determinari posse nomen æqui-uocum secundum totam amplitudinem suæ significationis.

Denique obseruandum est, nomen æqui-uocum dici posse de pluribus, vel sine omni prorsus habitudine & cõuenientia ; vel secundum aliquam habitudinem aut cõuenientiam. Primo modo se habent æqui-uoca in exemplis posit. Secundo modo se habent quædam alia nomina.

*Diuisio-
tur p̄
æqui-uoca
& analo-
ga.*

v.g. animal dicitur de animali vero & pictor dicitur homo verus & pictus. Sanum dicitur de homine sano, & de cibo sano. Ridere dicitur de homine ridente, & de prato floreante. Hac & similia nomina dicuntur de pluribus secundum diuersas rationes. Longè enim alia est ratio hominis viui & picti, & sic in alijs dictis exemplis. Tamen dicuntur secundum quandam habitudinem seu conuenientiam. quia homo pictus est imago hominis veri: cibus dicitur sanus, quia conferuat vel restituit sanitatem: pratum dicitur ridere, quia velut assimilatur homini ridenti. Huiusmodi autem nomina propriè dicuntur analogia. Vnde æquiuoca dupliciter sumi possunt. Vel amplè, ut etiam analogia complectantur. Sic accepit hic Arist. qui in exemplum æquiuocorum attulit hominem verum & pictum. & 1. Ethic. cap. 6. vbi dicit, ens esse æquiuocum. Vel possunt sumi magis pressè, quæ dicuntur purè æquiuoca, & ab analogis distinguuntur: quæ scilicet non dicuntur propter habitudinem vllam vel conuenientiam inuentam in rebus. Et hoc modo sumuntur æquiuoca, quando distinctè assignantur vniuersiua æquiuoca & analogia. Sic accepit Aristot. 4. Metaph. cap. 3. vbi dixit, ens non esse æquiuocum, sed se habere ut sanum, quod est analogum. De his autem analogis, propter habitudinem & conuenientiam quam dicunt, separatim agemus.

Æquiuoca ad casum & ad consensum.

Atque hanc æquiuocorum distinctionem tradunt Boet. & Ammon. hic comm. 1. Simplic. comm. 2. Porphy. interrog. 16. Auerr. in Epitome Log. cap. 2. & alij. Imò planè Arist. ipse 1. Ethic. cap. 6. & D. August. in lib. Categor. cap. 2. Purè æquiuoca appellari solet æquiuoca à casu: quia casu factum est, idem nomen pluribus rebus imponi. Alia appellantur æquiuoca à consensu: quia non remper, sed consensu vnum nomen extensum est ad plura. Aliqui verò addunt, æquiuoca à consensu dici: non solum quando propter habitudinem aliquam inuentam in ipsis rebus, idem nomen dicitur de pluribus: sed etiam quando ab affectu aliquem ex parte imponentis, nomen vnius imponitur alteri: ut cum quis ex deuotione erga Diuum Petrum imponit filio nomen Petri: vel ex memoria alicuius

viri insignis: aut propter desiderium & spem, ut filius similis illi euadat, certum nomen assumit. Analogia autem solium dici, quando propter habitudinem, aut conuenientiam præinuentam & consideratam in ipsis rebus, idem nomen ad plura extenditur.

SECTIO SECVNDA.

De Analogis in communi.

IN primis Analogiæ nomen, ex Cicer. lib. 1. de Vniuersis non multum ab initio, Quiniliano lib. 1. cap. 6. in principio. & D. August. cap. 2. Categor. graecum est vocabulum: quod latine dicitur proportio vel conuenientia. Ita etiam interpretatur S. Thom. 1. par. 9. 13. art. 5. & quæst. 2. de Verit. art. 11. & vocat Cælius cap. 1. de Nominum analogia, qui est tractatus quinquies in 3. tomo Opuic. Iam tamè apud Latinos analogiæ nomen magis extensum est, ut dicar non solum proportionem seu similitudinem inter aliqua, sed etiam habitudinem per modum ordinis seu dependentiæ & attributionis, ut infra patebit. Debent autem considerari, & nomen quod dicitur de pluribus rebus, & res ipsæ habentes inter se proportionem vel attributionem. Nomen dicitur analogum analogans: res verò analogata analogans.

Analogia nomen exponitur.

Secundò, Auicenna apud Auerr. in libro qui dicitur. De destructione destructionum. disp. 7. dub. 5. videtur negasse analogia. Sed cerum satis est, esse analogia concedenda Aristot. & varij Auctores, hac & sectione præcedenti allegati, illa assignare. Et exemplis inter æquiuoca adductis, alijsque multis manifestè deprehenditur. Atque etiam in ratione fundantur. quia sine vlla difficultate fieri potuit, ut plures res secundum diuersas rationes haberent aliquam habitudinem, quæ non sufficeret ad vniuersationem constituendo vnam naturam communem, sed discernat analogata à puris æquiuocis.

Analogia dantur.

Tertiò, Ad explicandum quid sint analogia, solent à multis definiti, imitando definitiones Arist. de æquiuocis & vniuersis. Analogia sunt, quorum nomen commune est, & secundum idem nomen substantiæ ratio partim eadem partim diuersa.

Definiuntur.

uerſa. Clariuſ ſamen definiuntur, dicen-
do: & ſecundum idem nomen ratio ſigni-
ficata diuerſa eſt, cum aliqua tamen ha-
bitudine inter ſe. Nomen autem analo-
gum definiunt: quod plura ſignificat ſe-
cundum diuerſas rationes, ſed cum ali-
qua habitudine inter illa. Per quas defi-
nitiones ſatis clarè denotatur diſcrimen
analogorum, tam ab vniuocis, quàm à
puris equiuocis iuxta doctrinam traditã.
Patet etiam analoga eſſe veluti media in-
ter vniuoca & equiuoca. Ita colligitur ex
Ariſt. 4. Met. 2. Auerr. ibidem: & docet
S. Thom. 1. par. q. 13. art. 5. Et reſeſt cla-
ra. Vnde vltèriùs poterunt aliqua ana-
loga accedere magis ad vniuoca, aliqua
magis ad equiuoca: nimirũ iuxta maiore
vel minorem habitudinem analogato-
rum inter ſe.

Quartò. Inſigne dubium circa analoga
eſt, num nomen analogum importat
poſſit naturam communem pluribus ana-
logatis, aliquo modo in ſe vnam, & ab
iſis præciſam, que ſub vno conceptu obie-
ctiuo ab intellectu apprehendatur, poſ-
ſitque de pluribus predicari: vel potiùs
vbiunque ſit talis vnitãs & præciſio na-
turæ, non analogia, ſed vniuocatio dici
debeat inueniri.

Caiet. tract. cit. de Nomin. analog. c. 5.
& ſeq. cenſet, analogum nunquam dicere
conceptum & rationem aliquam vnã, ab-
ſtrahetẽ & præciſam ab analogatis ſed
ait, dicere tantum ipſa analogata in con-
fuſo, prout habent inter ſe aliquam habi-
tudinẽ. Idem ſentiunt Zimar. in Tabula
verbo Analog. Fonſ. 5. Met. c. 8. q. 1. ſe^{ct}. 2.
& lib. 4. cap. 3. q. 1. & 2. Perer. 2. Phyl. c. 2.
paulò ante fin. Vaſq. 1. par. diſp. 114. uu. 6.
& diſp. 121. num. 4. & alij qui ſpecialiter
loquuntur de conceptu entis, quem ideo
negant eſſe præciſum, vt defendant eſſe
analogum; putantes, ſi eſſet præciſus, for-
re vniuocum. Item Ruuius & alij hoc lo-
co tractantes in vniuẽſum de analogia.

Oppoſita ſententia affirmat, poſſe in
analogis reperiri conceptum vnum præ-
ciſum, naturamq. communẽ nomine
analogo ſignificatam, eaq. adhuc diſſer-
re ab vniuocis. Ita Capreol. in 1. diſt. 2.
q. 1. Iauell. 4. Met. q. 1. Suar. diſp. 2. ſe^{ct}. 2.
diſp. 22. ſe^{ct}. 3. num. 18. & diſp. 32. ſe^{ct}.
2. num. 15. Socus cap. 4. Antep. d. q. 1.
Fauet interdum S. Thom. & tenent alij

qui defendunt, ens non eſſe vniuocum, &
eſſe præciſum. Aliqui verò volunt, conce-
ptum analogum eſſe poſſe tantum imper-
fectè præciſum, & in hoc diſſerre à con-
ceptu vniuoco quem ſupponunt eſſe de-
bere perfectè præciſum. Et hoc non eſt
alienum à mète aliquorum ex hiſ qui ab-
ſolutè negabant analogum dicere conce-
ptum præciſum. Alij autem concedunt,
analogum poſſe etiam perfectè præciſin-
dere. Et alij explicant, diſſerre à con-
ceptu vniuoco: quòd, ſi conceptus natu-
ræ ita præciſindat, vt deſcendere debeat
ad inferiora per eſſentialem participatio-
nem & dependentiam vnũ ab alio: ſicut
ens conuenit accidenti per eſſentialem
dependentiam à ſubſtantia, creaturæ per
eſſentialem dependentiam à Deo: tunc
ſit analogus, non vniuocus: vniuocum au-
tem eſſe, quando natura communis æquẽ
primò participatur, & non per depen-
dentiam eſſentialem vnũ ab alio.

Hæc controuerſia quantum ad præſens
ſpectat, magna ex parte eſt de nomine.
Vnde diſtinguendo & aſſignando plures
accepiõnes quibus ſummi poſſit analogum
& vniuocum, reſoluenda eſt.

Primo modo, poteſt ſumi analogum
pro nomine ita per ſe & immediatè ſi-
gnificante plura, vt non importet vnica
ſignificatione naturam ſeu conceptum
vnum, nec perfectã, nec imperfectã præ-
ciſione rationis: ſed omnis natura alie-
rũ modo præciſindẽs, ſit & dici debeat
vniuoca. Sic certè manifeſtum eſt, dici
debere, analogum non poſſe importare
conceptum vllõ pacto per modum vnũ
naturæ ab analogatis præciſum: ſed om-
nem conceptum vnum præciſum, eſſe
vniuocum.

Hæc ſanè acceptio analogi & vniuoci
eſt maximè conformis explicationi iam
traditæ de analogis, qua dictum eſt no-
men analogum ſignificare plura cum ali-
qua tanien habitudine. Non ergo vnitã
aliqua naturæ & conceptus ſignificati de-
bet concedi huiusmodi analogis: ſed ad
ſunum habitudo quædam, quæ non ſit
per modum vnitatis, ſed vel per modum
attributionis, vel per modum propor-
tionis, vt poſtea explicabimus. Eſt etiam
maximè conformis explicationi traditæ
de equiuocis ita ample ſumptis, vt etiam
analogia completantur. Nam ſic veriſi-

*Prima ac-
ceptio ana-
logi nõ di-
centis con-
ceptũ præ-
ciſum.*

*Nã ana-
logum di-
cere poſſit
conceptum
vnũ præ-
ciſum.*

*Sententia
negans.*

*Sententia
affirmãs.*

cabitur, nomē analogum significare plura secundum diuersas rationes & definitiones sub eodem nomine. Alioqui si plura conueniant in natura aliquo modo vna, habente definitionem pari modo vnam; & secundum talem vnitatem vno nomine significantur: non possunt sub æquiuocis contineri. Est etiam conformis explanationi traditæ de vniuocis, in qua dictum est nomine vniuoco significari plura secundum vnam rationem, nec dictum est perfectè præscindenter.

Est valde conformis distinctioni vniuocorum & æquiuocorum, si hæc distinctio adæquatè sumatur & explicetur pro omnibus nominibus vniuersalibus in significando. Nam ita nomen vniuocum significat plura secundum vnam rationem, nomen æquiuocum secundum diuersas rationes: quod nomen vniuocum habeat vnam impositionem & significationē circa vnā rationem significatam; nomen autem æquiuocum habeat plures significationes & impositiones circa diuersas rationes significatas. Sic vtrique se habet nomen canis, & nomē hominis applicatum vero & picto, aliaq. similia. Sed vbi datur conceptus vnus saltem per imperfectam præcisionē, ibi est vna significatio & impositio: ibi autē sunt plures significationes & impositiones, vbi nulla talis vnitatis rationis significata reperitur, sed discretè significantur plura. Ergo nomen significans res sub vna ratione, licet imperfectè præscindente, debet inter vniuoca, & non inter æquiuoca, sub quibus inuoluuntur analogia, computari.

Est denum maxime conformis doctrinæ prius traditæ de vniuersalibus in essendo. Diximus enim, vniuersale vel perfectè vel imperfectè præscindere. Diximus, genera & species quæ in prædicamentis ponuntur, posse solū imperfectè præscindere. Solet autē vniuocū cum vniuersali confundi: & genera & species quæ in prædicamentis collocantur, vniuoca & non analogia reputantur & appellatur. Ergo imperfecta naturæ præcisio non cōstituit analogiam, sed sufficit ad vniuocationem. Et sicut ibi dicebamus, etiam transcendentia quæ sunt supra prædicamenta, esse & dici debere vniuersalia in sensu ibi tradito: ita nunc vltro afferendum est, esse & dici debere vniuoca in

sensu quem nunc dicimus, supposito quod aliquo modo saltē imperfectè præscindat.

Secundo modo posset sumi analogum pro omni nomine non significante naturā perfectè vnā & præcisam, sed significante plura cum aliqua habitudine, vel cum imperfecta vnitatem in natura communi: vniuocum autem solūm dicatur, quod importat naturam perfectè vnā & præcisam. Sic analogum posset dicere naturā vnam & conceptum obiectuum imperfectè præcisum, vt patet. Hic tamē dicendi modus habet plura inconuenientia, quæ aptè colliguntur ex modo dictis. Et præterea non saluat id quod intendit. Nam qui sic loquuntur, intendunt præcipuè saluare, prædicta transcendentia non esse vniuoca, sed omnia & sola illa quæ in prædicamentis ponuntur, incipiendo à generibus generalissimis, esse vniuoca: & ideo illa non esse genera, non poni in prædicamentis. Verum quæ ratione in eorum sententia substantia in primo prædicamento dicitur perfectè præscindere? etiam accidens, quod est commune alijs nouem prædicamentis, & fortasse etiam ens, quod est commune omnibus, dici deberet perfectè præscindere. Vnde planè non habent intentum. Hic ergo loquendi modus reiiciendus magis est, quam retinendus.

Tercio modo posset sumi analogum pro nomine significante plura quæ dicunt inter se habitudinē, vel non conuenientia in conceptu aliquo præcisio, vel ita conuenientia, vt participant naturam communem per dependentiam essentialem vnius analogati ab alio, ipsaque natura contrahatur per differentias independentiæ & dependentiæ, & intelligatur prius descendere ad vnum analogatum, & posteriùs ad aliud in virtute prioris: etiam si natura communis concipiat in se vna & perfectè præcisā ab inferioribus analogatis. Vniuocum autem requirat naturam communem æquè primò & principaliter participatam ab omnibus analogatis. Hòc modo constat planè, analogū dicere posse conceptum perfectè præcisum, cum conditione tamen dictæ dependentiæ essentialis.

Hic modus loquendi præcipuè deseruit ad dicendum, ens cōe substantiæ & accidenti, Deo & creaturis; & similiter alia trans-

*Secunda
acceptio
analogi
dicentis
conceptum
imperfectè
præcisum.*

*Tertia ac
ceptio ana
logi dicen
tis conce
ptum præ
cisum cū
ordine de
pendentiæ
inter ana
logata.*

transcendencia non esse vniuoca, sed analogica: vt sic etiam dependatur ens nõ esse genus, & vere esse genera suprema & generalissima illa quæ sunt prædicamentorum capita. Et sanè fundatur in Arist. qui in Postprædicam. cap. de Simul. ait, genera quidem esse priora speciebus, sed species vel differentias diuidentes genus, non habere ad se inuicem naturæ prioritatem. & 3. Phyl. 70. idè ait naturâ infiniti non esse vnâ & eandè, idest vniuocam in pluribus, quia dicitur secundum prius & posterius, & vnum est tale propter aliud, & dependenter ab illo. Et perspicuè 7. Met. tex. 14. & 15. ait, ens inesse quidem omnibus, non tamen similiter & eodem modo, sed substantiæ quidè primò & simpliciter, accidentibus verò consequenter & quodammodo: idèq. docet, non dici vniuocè, nec æquiuocè, sed analogicè. Eodem modo discurret 1. Ethic. cap. 6. etiam de mente totum, qui ponebant ideas separatas.

Fundatur
in Arist.

Et in alijs
Auctori-
bus.

Fundatur etiam in auctoritate aliorum grauium Auctorum. S. Thom. 1. con. Gen. cap. 32. in fine, inde probat ens non esse vniuocum Deo & creaturis, quia prius dicitur de Deo, & posterius de creaturis per dependentiam essentialẽ à Deo: aitq. certum esse, prædicatum quod dicitur per prius & posterius non esse vniuocum. Idem docet Auerr. 12. Met. com. 2. vbi pro omni prædicato communi vtitur nomine generis, includendo etiam analogica. Sicut etiam 4. Met. com. 2. dixerat, aliquod genus esse æquiuocum. Similiter in lib. Destruct. disp. 7. in fine, negat id quod dicitur per prius & posterius, de causa & effectu, esse naturam omninò eandem, idest vniuocâ. Idem docet Boet. lib. 1. Perih. edit. 2. com. 1. ante mediũ, vbi refert etiam Porph. Denique Caiet. cap. 1. de Nomin. analog. in fine ait, quasi synonyma esse, aliquid dici analogicè & dici per prius & posterius. Et alij Auctores idem dicere solent.

Oportet autem ordinem dependentiæ inter analogata esse essentialẽ, & non sufficere esse contingentem: ita vt differentia essentialis vnus analogati esse debeat dependentia ab alio analogato. Sic se habet accidens ad substantiam, creatura ad Deũ. Vnde nihil refert illa dependentia, quia hic ignis generatur ab alio igne, hic ho-

mo ab alio homine: hac enim est dependentia contingens & quoad existentiam, nõ autem est differentia intima vnus ab alio.

Hec ergo acceptio analogiæ admittenda est, & est utilis ad constructionem & distinctionem prædicamentorum, vt q. seq. videbimus. Faciendum tamen est, hanc acceptiõnem non esse iuxta explicatiõnem illam analogorũ, & distinctionem ab vniuocis, quia dicebamus nomen analogũ significare plura secundum diuersas rationes cum aliqua habitudine, vniuocũ verò significare plura sub vna rone. Quinimò dicendum est, analogica quæ important naturam vnâ & præcisam, participatã tamen per ordinem essentialis dependentiæ, contineri sub vniuocis in illa explicatiõne & distinctione. Atq. illa vniuoca subdistingui, in ea quæ æquè primò participantur, & alia quæ per ordinem essentialis dependentiæ, quæ in hac alia acceptiõne dicuntur analogica, vt iterum dicemus sectione sequenti.

Hac acceptio
quoniam
vnum
differens
est
prima.

Vnde contra hoc frustra adduceretur illud quod obijci solet: natura in statu præcisionis non magis dicit differentias dependentiæ & independentiæ, quàm alia natura præciscens dicat alias suas differentias: ergo in illo statu est prorsus vnã atq. adeò vniuoca. Hoc inquam nihil obstat contra nos. Nam non ex defectu vnitatis, dicimus talem naturam esse analogam, non vniuocam. Imò in illo sensu volumus esse vniuocam. Sed ex defectu cuiusdam æqualitatis, dicimus talem naturam esse analogã in hoc alio sensu. Quia licet in illo statu abstractionis præciscendat à differentiis: tamen consideratur, & fundamentaliter est, capax & exigitiua talium differentiarũ in æqualium: & hæc vocatur analogia in illo sensu.

Quintò, tandem aliud dubium huic annexum est, quinquam conceptus formalis in mente homini analogo correspondeat, idest quinquam cognitionis actus, & circa quod obiectum. Et ex his dicendum sequitur, si analogum sumatur pro eo quod dicebamus quoad rem significatam importare naturam vnã & rationem communem pluribus: sic homini analogo correspondeat conceptus formalis vnus realiter, idest

Quis
con-
ceptus
for-
malis
ho-
mini
ana-
logo
cor-
respondeat.

vnus actus realis circa quancunque naturam vniuersalem quam mente concipimus, qui actus est realiter distinctus ab alijs actibus quibus singula inferiora concipiuntur, licet natura non plusquam ratione ab inferioribus distinguitur.

Si autem sumatur nomen analogum in primo sensu, quod per se immediatè importat plura & non naturam intrinsecè communem ipsi pluribus: sic illi correspondent varij conceptus formales de ipsi pluribus, idest de varijs analogatis: prout quis vel ad vnum vel ad aliud analogatum significandum tali nomine vtitur. Sic ut si queratur, quisnam conceptus formalis nomini æquiuoco correspondeat: dicere oportet, vel vnum vel alium circa vnum vel aliud æquiuocatum quod quis significare intendit. Nimirum cum analogi in illo sensu proximè accedant ad æquiuoca, imò sub ijs intelligantur. Et discrimen solùm erit, quòd in conceptu formali vnus analogati inuoluetur aliquis ordo ad aliud analogatum: qui ordo inter plura æquiuoca non inuenitur.

SECTIO TERTIA.

De Analogis, Inæqualitatis, Attributionis, & Proportionalitatis.

Quia analogi sunt illa quæ secundum aliquam habitudinem comparantur: iuxta diuersam habitudinem, diuersa analogiæ genera distinguuntur. Caiet. c. 1. de Nomin. analog. & alij communiter distinguunt, alia analogi inæqualitatis, alia attributionis, alia proportionis seu proportionalitatis. Nonnulli quidem analogi attributionis vocant proportionis, & alia vocant proportionalitatis. Ideò ad tollendam ambiguitatem præstabit, illa vocare attributionis, alia proportionalitatis. Alio modo diuidi solent analogi adæquatè in duo membra, attributionis & proportionalitatis. Et ita quidem hæc diuisio habetur apud Arist. 1. Ethic. cap. 6. vbi analogi attributionis vocat ab vno seu ad vnu, alia vocat secundum proportionem.

Analogi inæqualitatis definit Caiet. Quorum nomen est commune, & ratio secundum illud nomen omnino eadem, in-

qualiter tamen participata quoad perfectionem. Exempli gratia, homo & brutum conueniunt in nomine & ratione animalis: sed homo participat naturam animalis contractam per rationalitatem, quæ est differentia multo perfectior irrationalitate contrahente animal ad brutum. Vnde fit, vt natura animalis in homine sit multo perfectior quam in bruto, non quidem per essentiam ipsius animalis præcisè, sed per differentiam rationalitatis adiunctam.

Quocirca, vt docent Caiet. ibi & Philop. 1. Prior. cap. 1. com. 4. & Fons. 4. Met. cap. 2. q. 1. sect. 6. & alij frequenter, hæc analogi sunt: perfectè vniuoca. Nam in exemplo allato, animal est maximè vniuocum. Imò iuxta communem sententiam omnia genera censentur esse huiusmodi, vt inæqualiter participentur à suis speciebus per differentias inæqualis perfectionis. Vnde solæ species infimæ in sententia asserente omnia indiuidua eiusdem speciei esse æqualis perfectionis, vel si quæ reperiantur genera quorum species sint æquales, non erunt analogi in æqualitatis. Sed hinc planè sequitur, hunc modum analogiæ inuoluerit assignari: cum hæc analogi cum omnibus vel ferè omnibus generibus vniuocis confundantur.

Aliter & vtilius poterit hic modus analogiæ explicari, dicendo: Analogi, inæqualitatis esse illa quæ conueniunt in natura communi, eamquæ participant inæqualiter, non per quancunque inæqualitatem perfectionis, sed per dependentiam essentialem vnus analogati ab alio. Sic enim hæc analogi, licet in vno sensu sint vniuoca, adæquatè sumendo vniuoca: tamen in alio sensu distinguuntur ab omnibus ijs vniuocis, quæ aquè primò & principaliter participant naturam communem, licet vnum sit perfectius alio. Et ita analogi inæqualitatis esse dicentur illa, quæ dicant conceptum vnum naturæ communis, sed cum ea in æqualitate participationis iuxta tertiam acceptionem analogiæ sect. Superiori traditam. Et hic loquendi modus habet magis fundamentum in auctoritatibus allegatis. Quamuis verò interdum hæc analogi inæqualitatis sub analogis attributionis nominentur: tamen adhuc possunt & debent distinguui ab alijs puris analogis attributionis quæ mox explicabimus.

Alia modo possumus melius explicari.

Secl. III. De Analog. Inæqu. Attrib. & Propor. 343

*Analogia
attributio-
nis expli-
cantur.*

Analogia attributionis definit Caiet. cap. 2. Quorum nomen est commune: ratio autem secundum illud nomen est eadem secundum terminum, & diuersa secundum habitudines ad illum. Vel clarius dici potest. Nomen analogi per attributionem est, quod dicitur de pluribus per ordinem vnius ad aliud. Quod sic intelligitur. Inuenitur nomen aliquod per se primo & principaliter impositum ad significandam aliquam rationem seu formam inuentam in aliquo subiecto: & deinde consequenter extensum est ad quædam alia quæ dicunt ordinem ad illam formam. Et ita non casu assumptum est ad significanda plura, sed consulto ob connexionem ordinis inuentam inter ipsa: & ideo non se habet vt purè æquiuocum. Neque tamen per vnam impositionem assumptum est ad significanda plura secundum vnam rationem in omnibus ijs inuentam: sed primo quidem per vnam impositionem assumptum est ad significandum illud in quo certa forma reperitur: & consequenter per aliam impositionem ampliatur est ad significandum aliquid aliud, quod extrinsecè dicit ordinem ad talem formam quam in se non habet, siue dicit ordinem ad subiectum habens talem formam. Sic planè se habet hoc nomen, Sanum. Quod vtique per se primo significat formam sanitatis, & animal habens in se sanitatem, ex qua denominatur animal sanum. Deinde dicitur etiam de medicina, cibo, colore, & similibus: appellamus enim medicinam sanam, cibum sanum, colorem sanum. Non quia ipsa eadem forma sanitatis reperitur in omnibus his: sed solum quia hæc dicunt ordinem ad sanitatem animalis, seu ad animal sanum: cibum causat seu conseruat sanitatem: medicina restituit: color indicat. Item nomen, Homo, per se primo significat verum ac viuum hominem: deinde appellatur etiam homo pictus: non quod pictura habeat eandem formam humanitatis: sed quia dicit ordinem ad verum hominem, est imago hominis. Et sic extant plurima nomina hoc modo analogæ. Et hæc sunt analogæ attributionis.

*Aliud est
analogia
principalis
le, aliam*

Hinc inter hæc analogæ, vnum dicitur primum & principale analogatum, illud scilicet de quo primo dicitur, vt animal sanum, homo viuus. Alia dicuntur nupus prin-

cipalia analogata, illa nempe de quibus nomen dicitur per ordinem ad illud primum. Et in qualibet vna vnius nominis analogia, signari debet vni principale: minus autem principalia possunt esse plura per plures ac varias habitudines: vt patet in exemplo posito sani. Vnde nomen dicitur analogi, non solum comparando vnum principale & aliud minus principale analogatum, sed etiam comparando plura minus principalia, quæ quidem non denominantur analogæ per ordinem vnius ad aliud inter se, sed per ordinem ad aliud tertium quod est principale analogatum. Sic sanum dicitur analogum, etiam quatenus dicitur de cibo sano & colore sano, quia nempe de vtroque dicitur per ordinem ad animal sanum.

Iuxta hoc S. Thom. 1. par. q. 13. art. 5. & 1. cont. Gent. cap. 34. ait, nomen dici analogicè de pluribus, vel quia ipsa plura dicunt ordinem ad aliud tertium, vel quia vnum dicit ordinem ad aliud. Et explicat eodem exemplo sani. Ino hinc diuidi solet analogia attributionis: quædam dicitur analogia vnius ad vnum: quædam duorum ad tertium. Quam diuisionem explicat Caiet. cap. 2. de Nomin. analog. Ferrar. ibi contra Gent. Fonf. 4. Metaph. cap. 2. q. 1. sect. 6.

Addit Caiet. eodem loco, analogiam attributionis exerceri posse secundum omnia quatuor causarum genera. Et significat, principale analogatum esse debere causam aliorum: & sic sanitatem animalis esse causam, etiam respectu medicine, nempe in genere causæ finalis. Sed potius dicendum est, ordinem inter analogata esse posse, non solum quatenus principale analogatum sit causa, sed etiam quatenus sit effectus aliorum in essendo. Dico in essendo: quia planè in significando magis principale est causa aliorum: quandoquidem ex ipso extenditur nomen ad alia. Sed bene fieri potest, vt ratio huius extensionis sit, non solum quia principale analogatum sit causa, sed etiam quia sit effectus aliorum. Hæc enim ratio sufficit ad extensionem nominis, etiam si non confideretur ratio causæ ex parte principalis analogati. Sic dicere solemus, medicinam dici sanam, quia ipsa est causa sanitatis, videlicet effectiua: & S. Thom. 1. par. q. 13. art. 6. admittit, in quodam sensu Deum de-

*Analogia
attributio-
nis ex-
cetur se-
cundum va-
rias cau-
sas.*

344 Quæst. XV. De Vniuersalib. in significando.

nominari posse bonum, quia causat bonitatem in rebus: ita ut tale nomen ut sic dicatur de Deo per attributionem ad creaturas. Concedendum est autem, hunc ordinem analogiæ, siue principale analogarum consideretur ut causa, siue ut effectus, exerceri posse secundum omnia causarum genera: ut asserit Caiet.

*Formam
princ. pass
in solo pri
mo analo
gato inue
niri, docet
Caiet.*

Inferet præterea Caiet. eod. cap. 2. in hac analogia nomen analogum dici de solo primo analogato formaliter tanquam de eo quod verè habet formam significatam: de reliquis autem dici per denominationem extrinsecam, quia non habent in se formam directè significatam nomine analogo, sed tantum denominatur per ordinem ad illam: ut patet in exemplo sani, & alijs similibus analogis. Idem asserunt Tolet. q. vnica in cap. 1. Antepred. §. Hoc vnum, Masius sect. 1. cap. 3. Jacob. Pauesius disp. 1. Metaph. cap. 11. & ex parte Fons. 4. Metaph. cap. 2. q. 1. sect. 6. §. Tertium discrimen, & sect. 7. & alij frequenter. Et expresse S. Thom. 1. par. q. 16. art. 6. & alibi, idem docuit. Imo per hoc distinguit analogia ab vniuocis. Et addit optimè, licet in secundarijs analogatis non sit forma principalis significata, tamen esse aliquid aliud, id est aliquam habitudinē ad illam: in medicina enim est virtus causatiua, in signis est aptitudo manifestatiua sanitatis.

Et inde inferit rursus Caiet. formā principalem significatam, & à qua sumitur denominatio, esse vnam numero, siue non esse distinctam pro varijs analogatis. Eadem enim sanitas est, per quam animal constituitur formaliter sanum, & per ordinem ad quā denominatur medicina sana. color sanus, & sic de alijs similibus.

*Aliquod
innumeru
in opini
bus ana
logis.*

Ex opposito alij volunt, licet quædam analogia attributionis ita se habeant: tamen alia analogia esse, in quibus forma principalis significata reperitur intrinsecè in omnibus analogatis, per attributionem tamen vnius ad alterum, siue multorum ad vnum. Ita Alen. 7. Metaph. tex. 3. D. Tho. in 1. d. 19. q. 5. art. 2. ad 1. Capreol. in 1. d. 2. q. 1. art. 1. concl. 9. Ferrar. 1. cont. Gent. cap. 34. §. Ad primum & §. Aduertendum est, Richar. in 1. d. 19. art. 1. q. 2. Bagn. 1. par. q. 13. art. 6. Petrus de Bergamo in concord. dictorum S. Thom. dnb. 12. Suar. disp. 28 Metaph. sect. 3. num. 14. & disp. 32.

sect. 2. n. 14. & ipse quoque Caiet. 1. par. q. 13. art. 5. §. Memetò hic, & art. 6. §. Ad hoc breuiter, & alij plures. Hoc autem præcipue asserit propter analogiam entis: ens enim supponitur esse analogum Deo & creaturis, substantiæ & accidenti: & sic etiā alia prædicata cōmunia Deo & creaturis, ut bonus, sapiens, &c. alia etiam prædicata transcendētia, quæ formaliter & intrinsecè reperiuntur in omnibus analogatis.

Sed adhuc Caiet. ibi de Nomin. analog. & alij, ut defendant iuxta priore sententiam analogiam entis, conēdunt, ens, & sic etiam alia similia prædicata analogata, dici tantum extrinsecè de accidenti & omnibus secundarijs analogatis, denominariq; per attributionē ad entitatē substantiæ aliamue formā intrinsecā in principali analogato: ita ut quāritas v.g. intrinsecè dicatur ens, in quāritate est aliquid entis quod est substantia, est enim extēso substantiæ: & sic de alijs. Vnde accidens vocatur entis ens.

*Et ita di
ci debet
de prædi
catis tran
scedēti
bus.*

Verum non potest nec debet hoc modo horū prædicatorū analogia defendi. Omnino enim asserendū est, quod in Philosophia demonstrabitur, in accidente esse suam entitatē intrinsecā, significatā nomine entis; & nō tantum per entitatē substantiæ accedens denominari ens itē in creaturis esse intrinsecè suā bonitatē, sapientiā, & sic de alijs prædicatis: nec denominari tantū extrinsecè ab attributis diuinis, ut est notissimum. Fieri autem potest, ut res aliqua dupliciter denominationē aliquā sortetur: vno modo intrinsecè per formam sibi propriam: alio modo extrinsecè per ordinē ad aliud in quo inuenitur forma. Sic S. Thom. 1. par. q. 6. art. 4. ait, creaturas posse denominari bonas: vno modo bonitate diuina, & sic esse vnā omnī rerū bonitatē: alio modo per proprias & intrinsecas bonitates, participatas tamē à Deo: & sic esse diuersas singulari rerū proprias bonitates. vbi Caiet. idē explicat. Et ita talis res vtroque modo denominata, vno quidē modo dicitur per attributionē & denominationē extrinsecā: alio modo dicitur & denominatur per formā intrinsecā.

Dicendū ergo est, Analogiā attributionis dupliciter sumi posse. Vno modo magis proprie, quod nō dicat per vnā significationem vnam rationem, in qua omnia analogata communicent: sed dicatur per diuer-

*Vnde du
plex ana
logia at
tributio
nis distin*

genda
est.

diuerſas impositions & ſignificationes, ſicut mō explicatū eſt. Et ſic ens & ſimilia prædicata quæ dicuntur intrinſecē de ſiſ ſubiectis, non eſſe analogata, ſed potius vniuoca, iuxta diſtinctionē illā vniuocorū & analogorū primo loco traditā ſect. præced. Alio modo minus propriē eo pacto quo ſupra diximus poſſe vtiliter explicari analogia inæqualitatis. Et in hoc ſenſu dicta prædicata eſſe analogata, & diſtingui ab vniuocis in tertiā acceptione tradita ſect. præced. & dici etiā poſſe analogia attributionis, ſumendo attributionē pro depēdētia eſſentiali vnius analogati ab alio, vel plurimum analogatorum ab vno tertio. Quo pacto omnia accidentia ſe habent ad ſubſtantiā, omnes creaturæ ad Deum.

Quis con-
ceptus cor-
reſpon-
det, quæ
ſignifica-
tio inſit,
nomini
analogo
per attri-
butionē.

Ex his demū manifeſtē colligitur, quānam ſit conceptus obiectiuus atq. formalis, in mente nominis analogo attributionis correſpondens, & quæ ſit ſignificatio ipſius nominis. Si enim ſumatur illud analogū quod dicitur naturā communem exiſtē in ſingularis analogatis: ſe habet ſicut vniuocū, de quo iam diximus. Si autē ſumatur analogū attributionis alio modo explicatū: ſic patet ex dictis, non dicere vni conceptum obiectiuum, nec vni formalem: ſed dicere diuerſos iuxta diuerſa analogata. Hoc tamen habet peculiare, quod in conceptibus de ſecundariis analogatis inuoluitur indirectē & in obliquo principale analogorum. Nā concipere medicinā ſanā, eſt concipere eſſe cauſā ſanitatis in animali: & ſic de alijs. Vnde rectē dici ſolet, analogatum principale: debere poni in definitione aliorum, quæ dicuntur per attributionem ad ſiſ. Ita notauit S. Thom. 1. par. q. 13. art. 6. & docet Caiet. c. 2. citato de Nom. analog. Et ſequitur planē ex vi ipſius attributionis. Sic etiā patet, nomen analogū habere plures ſignificationes: vnā originalem & primariā: aliam vel alias derivatas ab illa per extensionem vocabuli. Vnde rectē etiā dici ſolet, tale nomen analogū abſolute prolatū ſtare pro principali ſignificato: id enim propriū timē denotat. Per alias autem voces adiunctas, veluti per conditiones diminuentes, ſeu potius extendentes vſum vocabuli, trahi ad alia ſignificata minus principalia.

Analogia

Analogia demū proportionalitatis ſūt,

quibus maximē analogiæ nomen cōpetit, quod nimirum propriē dicitur proportio- nē & ſimilitudinē. Deſiniuntur a Caiet. cap. 3. Quorū nomen commune eſt & ratio ſecundū illud nomen proportionaliter eadē, vel proportione ſimilis. Et clari- riùs ſic explicantur. Inueniuntur quædam nomina, quæ dicuntur de pluribus ſecundū diuerſas quidem rationes, tamen ob aliquam proportionem, & comparationē inuentā inter ipſas res. Ariſt. 1. Ethic. c. 6. attulit exemplū vilis: quod nomen dicitur de intellectu & de oculo. Et 2. Poſt. tex. 87. ſimiliter dixit, ita ſe habere ſpīnam in piſce, ſicut os in alijs animalibus. Auer. 5. Met. com. 12. attulit exemplū gubernatoris: quod nomen dicitur de eo, qui regit ciuitatem. & qui regit nauē, & qui regit domū. Nomen etiam principij eſt analogum ad patrē reſpectu filij, fontem reſpectu riuulorum, punctū reſpectu lineæ, cor reſpectu vitæ, & fundamentum reſpectu domus. Et vulgariffimū exemplū eſt de verbo ridēdi: quod dicitur de homine, dicitur etiam de prætore florentie, & de fortuna proſpera. Aliæ ſunt innumera huiusmodi nomina, præterim per metaphoram dicta, quibus abundant humana colloquia, & Doctorem ſcripta: imo & ipſa Scriptura diuina frequenter vtiuntur quādo Deo tribuit manus, pedes, oculos, & ſimilia: quando Chriſtum appellat leonem, agnū, aquilā: & alia plurima.

Conſiſtite autem hæc analogia in proportionē & comparationē huiusmodi: quia ſicut ſe habet pater ad filium, ita: quodammodo ſons ad riuulū, punctum ad lineam: ſicut ſe habet riſus ad hominem, ita ſloriditas ad prætorem: ſicut ſe habet leo in ſimilitudine: ita ſe habet quodammodo vir fortis: & ſic de alijs. Ideoque hæc analogia vocatur proportionalitas, quaſi proportio daturum proportionum: vt explicant Mathematici, & aſſert Clauſius in Euclid. lib. 5. deſinit. 4. Vna enim proportio ſeu habitudo eſt puncti ad lineam, alia patris ad filium: dicendo autem, ſicut ſe habet pater ad filium, ita punctum ad lineam: ſic comparatio inter ipſas duas proportionē.

Aliqui verò ad hanc analogiam requirunt, vt nomen primò & propriē dictum ſit de aliqua re, deinde per metaphoram extenſum ſit ad aliam rem. Et ita expli-

proportio-
nalitatis
explican-
tur.

Hæc ana-
logia exor-
tur per
compara-
tionem in
ter plura.

Quando-
que dicit
ſignifica-
tionē mor-

*metaphoricè
& quàm
diuè pro
priam.*

cat Soar. disp. 28. Metaph. sect. 3. num. 7. & disp. 32. sect. 2. num. 36. Sed hoc non videtur necessarium: quia potest nomen analogum huius generis, dici propriè de pluribus significatis: vt in exemplis antea positis principij & gubernatoris. Non enim ita metaphoricè ea nomina dicuntur de aliquo suo significato, sicut per metaphoram dicuntur prout ridere, & Christus appellatur agnus, leo, petra, &c. Rectè ergo Caiet. cap. 3. cit. distinguit duos gradus huius analogiæ: vnum quando nomen dicitur propriè de vna re & metaphoricè de alia: alium quando dicitur propriè de pluribus.

*Hæc ana
loga diffe
runt ab
vniuocis,
& puris
æquiuo
cis.*

Catèrum differt hæc analogia ab vniuocis: quia in vniuocis consideratur natura communis sub vno conceptu; vnde nomen dicitur de pluribus secundum vnā impositionem & significationem. Hæc autem analogia non adunatur in vno conceptu: sed in ipsa diuersitate consideratur quædam comparatio: & nomen impositionem est sub pluribus significationibus ad denotanda ipsa plura. Quare licet etiam in vniuocis dici possit: sicut se habet animalitas ad hominem, ita ad brutum: tamè hæc nō est analogia, sed vniuocatio: quia sumitur natura sub vno conceptu. Differt etiam hæc analogia ab æquiuocis: idest à puris æquiuocis quæ dicuntur à casu. Si verò æquiuoca latè sumantur modo antea dicto, sub æquiuocis continentur.

*Differt
ab alijs
analogis.*

Differt demum ab analogis attributionis. Quia cum omne quidem analogum dicatur de pluribus secundum diuersas rationes, & secundum aliquam habitudinem: analogia attributionis dicuntur secundum habitudinem qua vnum ordinatur ad aliud: proportionalitatis verò secundum habitudinem qua vnum comparatur & quodammodo assimilatur alteri. Siue analogum attributionis est, quod de vno dicitur propter se, de alijs dicitur eo quod sint aliquid illius: sanum dicitur de medicina eo quod fit causa, de eo lore eo quod fit signum sanitatis. Analogum verò proportionalitatis, non dicitur de vno, eo quod fit aliquid alterius, sed eo quod fit sicut est aliud. Punctum dicitur principium, non quia fit aliquid

parris, sed quia est sicut pater, idest sicut pater ad filium, ita punctum ad lineam. Vnde attributio fit vnus terminus ad alium: proportionalitas autem est inter proportionem vnus ad vnum & proportionem alterius ad alterum.

Analogia autem illa proportionalitatis quæ dicuntur per metaphoram, accedunt magis ad analogia attributionis. Quia, nimirum nomen analogum primò & per se dicitur de significato proprio, secundariò & per extensionem dicitur de significato metaphoricò. Vnde etiam tale nomen absolute prolatur reddit sensum de vero & proprio significato: ex adiunctis verò et alijs circumstantijs trahitur ad supponendum pro alieno significato.

Contingere deinde potest, vt in ijsdem rebus sit vrâque analogia, & idem ipsum nomen vrâque analogia dicatur de iisdem rebus. V. g. Pomum potest denominari sanum. Vno sensu, quia confert ad sanitatem animalis: & sic dicitur per analogiam attributionis. Alio modo, quia fit in se integrum & nulla parte incisum: & hæc denominatio est per analogiam proportionalitatis, vt patet. Et insuper solet interdum à quibdam etiam secundum eandem formam significari tribui vrâque analogia ijsdè rebus. Summo scilicet analogia attributionis, pro ijs in quibus reperitur intrinsecè forma significata cum dependentia essentiali vnus ab alio. Quia sicut ibi talis dependentia dat appellationem analogiæ: ita comparatio quæ inuenitur inter eadem analogia, dicendo, sicut se habet enceras substantialis ad substantiam, ita accidentalitas ad accidentem: dabit appellationem analogiæ proportionalitatis. Licet aliqui hæc comparatio in alijs pure vniuocis non det appellationem analogiæ. Et hoc modo vrâque analogiam Enti nonnulli concedunt.

Postremò satis iam constat ex dictis, quinam conceptus obiectus rerum, quis conceptus formalis, nomini analogo proportionalitatis correspondeat, quodque significatum ipsi nomini subest. Et quomodo tandem, cum res vniuersales in essendo, cum voces vniuersales in significando, se habeant.

*Potest in
ijsdem re
bus & in
minibus.
vrâque
analogia
reperi.*

QVÆSTIO DECIMA SEXTA.

De rebus omnibus intellectui proponendis per sequentem tractatum Prædicamentorum. Deq. ipsis Prædicamentis in communi.

Non sufficit, in præcedenti vniuersaliuni tractatu, Res omnes sub illis generalibus capitibus, & sub secundis intentionibus, intellectui proposuisse: sed superest modò, vt distincte & specialiter per omnia entium genera discurrendò, res omnes explicitè intellectui proponatur. Ad hunc finem institutum putamus, & sub hac ratione suscipimus, hunc prædicamentorum tractatum, vt mox confirmabimus. Prædicamentum autem nomen, Græcè Categoria, licet interdum sumptum inueniatur pro quocunque prædicato, & interdum pro genere summo quod dicitur de omnibus sub ipso contentis: tamen adæquatè hoc loco significat collectionem quandam & coordinationem rerum quæ per prædicationem & subiectionem inuicem conne-ctuntur, vt etiam deinceps constabit.

SECTIO PRIMA.

An & qua ratione Prædicamentorum tractatus spectet ad Logicam, & conferat ad directionem nostræ cognitionis: quodquæ obiectum habeat.

*Sententia
negans
hunc tra-
ctatū spe-
ctare ad
Logicam.*

Primò non defuerunt qui negauerint, hunc tractatum ad Logicam pertinere. Ita Angelus Thyns et; Balduinus in suis quæstionibus de hac re, Mirandul. in Apologi: & in Comment. de hac re, qui & in sua Logica hunc tractatum prætermisit: & nuper Petr. Hurtado in sua Logica & Metaph. Imò illi etiam opinati sunt, hunc tractatum qui in Logica Aristot. insertus est, nequaquam esse Aristot. & Sanctus Thomas Opusc. 48. tract. de Situ cap. 1. dicit. ista prædicamenta, nec ab Aristot. nec ab alio magnæ auctoritatis, facta, fuisse. Sed tamen illud Opusc. est dubij Auctoris. Fundamentum huius sententiæ est. quia non ad Logicam, sed ad singulas quasque scientias pertinet, de suis obiectis, atque adeo de varijs rerum generibus, agere. Et, si ad aliquam vnã scientiam spectat varia entis genera distinguere & ordinare, id ad Metaphysicam potius pertinebat. Et quidem Arist. ipse in Metaphysic. præterit lib. 5. de his omnibus prædicamentis agit. Logica autem debet tantum tradere modum & doctrin-

nam rectè cognoscendi: nec debet per se prosequi quæcunque cognoscenda, sunt, alioqui vna Logica in se omnes scientias confunderet & complicaret.

Quidam alij verò opinati sunt, hunc prædicamentorum tractatum debuisse, quidem separatim à Metaphysic. & ab alijs scientijs institui: tamen non per se ad Logicam pertinere: sed esse veluti communem quandam introductionem ad omnes scientias, quasi compendium quoddam, & brevis enarratione rerum omnium, quæ deinde à singulis quibuscunque scientijs per extensum pertractandæ sunt. Fauetque D. August. qui separatim conscripsit præcipia Dialecticæ & Categoriarum. Imò in libris Arist. nulla continuatio apparet inter hunc tractatum cum alijs Logicæ libris: sed hic tractatus per se incipit in Antepædicamentis & absolvitur in Postprædicamentis.

Dicendum tamen est, hunc tractatum verè ad Logicam pertinere, & meritò fuisse hic in Logica institutum. Hac est sententia omnium Peripateticorum, Platoniorum etiam, aliorumque Philosophorum, & Damasc. in sua Dialectica, & planè de mente Arist. Non solum quia, hic prædicamentorum liber ab omnibus antiquis existimatus est ipsius Arist. tanquam primus Logicæ liber: sed quia & alijs in locis, tum in alijs Logicæ libris, tum in quibusdam Philosophiæ Arist. supponit distinctionem & ordinationem prædi-

*Resolutio
affirmati-
ua cum
Aristot.*

348 Quæst. XVI. De Prædicamentis in communi.

prædicamentorum tanquam à se traditam. 1. Post. cap. 18., 1. Top. cap. 7., 3. Phyl. tex. 3., 5. Phyl. tex. 9., 2. de Anima tex. 2. & alibi.

*Ratione
fundam-
ent.*

Ratione suadet & explicatur quia, cum munus Logicæ sit, dirigere cognitionem intellectus; ad hunc effectum maximè utile falcem & opportunè erat, si non necessarium, breuiter percurrere, & intellectui proponere, acque distinctè & ordinatè enumerare, tam varia rerum genera, quæ constituunt obiectum intelligibile. Nihil enim commodius excogitari poterat ad maximum iuuamè intellectus, ut deinceps clariùs procederet in rebus omnibus contemplandis. Item Logicæ munus est, instruere & preparare intellectum ad alias scientias, maxime ad Philosophiam, aggrediendas & addiscendas. Quæ scientiæ & variz Philosophiæ partes, cum omnia & varia entium genera in obiectum sibi assumant: nihil utilius esse poterat, quam breuiter res distinguere, & sub certis quibusdam generibus ordinare, ut faciliùs & promptius ad scientias & disciplinas philosophicas humana mens introduceretur. Propter quod optinè dixit Simplic. in pæfat. Prædicam. hunc tractatum prædicamentorum esse, veluti vniuersæ Philosophiæ præfationem. Non ergo debebat hic tractatus à scientijs omnibus, etiam ab ipsa Logica segregari, & quasi singularem aliam scientiam constituere: sed in Logica quæ via est ad alias scientias collocari.

Qua ratione prædicamenta spectant ad Logicam.

Hinc ad fundamentum prioris sententiæ respondetur. Ad singulas quidem scientias pertinere de suis obiectis exactè & completè differere, & præsertim ad Metaphysicam de illis diuisionibus & generibus entis, quæ ad eam pertinent. Sed ad Logicam, tanquam ad ianuam ipsarum scientiarum, ut ipsismet inseruiat, pertinere breuem quandam enumerationem & distinctionem rerum omnium præmittere. Item alias scientias tractare de suis rebus propter ipsas res. Logicam autem attingere easdem res propter ipsas scientias, siue ad dirigendum intellectum, ad hoc ut promptius & commodius per ipsas alias scientias plenam rerum notitiam assequi possit.

Vnde fit, quod libenter fateamur & vltro asserimus, nequaquam ad Logicam,

pertinere, exactè & prolixè de rebus omnibus disputare. Id enim planè esset aliarum scientiarum munus usurpare. imo illas tollere; si quod ipsis faciendum erat, Logica preoccupauerit. Ad summum Logica potest, breuem quandam & rudem rerum enarrationem exequi, magis supponendo quàm disputando, & quæ ad distinctionem generum & specierum pertinent colligendo.

Patet etiam ad alia quæ pro altera sententia adducebantur. Non enim oportebat hunc tractatum ante ipsam Logicam & propter ipsam quoque institui. Sufficiebat enim ab initio præfigere obiectum Logicæ cognitionè intellectus; quæ dirigenda erat: & suo loco hunc tractatum propter hanc directionem & propter alias scientias constituere. Neque D. Aug. hunc tract. à tota Logica voluit separare: sed duos tractatus ambos logicos edidit: vnum de principijs Dialecticæ, alterum de Categorijs. Neque refert, què Arist. non expresserit continuationem huius cum reliquis Logicæ libris. Nam non semper in diuersis libris, tum ipsius Log. cum aliarum scientiarum, talem continuationem expressit: sed reliquit ex rebus ipsis Lectorum iudicio colligendam.

Secundò, deinde ad explicandum, qua ratione hic tractatus conferat ad directionem nostræ cognitionis: Caiet. in Pæfat. huius libri explicare conatur, hunc tractatum propriè deservire ad directionem simplicis apprehensionis. Quia, inquit, ex adunatione omnium rerum ad decem capita, tollitur euagatio intellectus, nè dum apprehendere aliquid volumus, oporteat euagari per amplissimam rerum vniuersitatem. Tollitur etiam, confusio ex distinctione & ordinatione horum decem incomplexorum. Tollitur demum obscuritas ex assignatione proprietatum, sub quibus rerum essentia desitescunt. Suadet etiam, hunc tractatum esse institutum specialiter ad directionem primæ operationis, ex ipso Arist. qui in Antep. cap. 5. diuisurus decem prædicamenta, incipit: *Eorum quæ secundum nullam complexiorem dicuntur.* Certe autem incomplexa pertinent ad primam operationem. Addit Caiet. hunc tractatum non esse adhuc sufficientem ad directionem primæ operationis, sed requiri alium

An hic tractatus conferat solum ad directionem primæ operationis.

alium tractatum de arte definitiua, ad quem pertineat declarare, genus, differentiam, speciem, & alia quæ in Isagoge Porphyrii præmittuntur. Vnde infert; quia ars definitiua deberet sequi post tractatum prædicamentorum, hunc tractatum esse naturaliter priorem libro Porphyrii.

*Disi-
bet ad-
quæ cõ-
ferre ad
direc-
tionem
nostræ co-
gnitionis.*

Dicendum tamen est, hunc tractatum per se & adæquatè conferre ad directionem totius nostræ cognitionis, & omnium trium operationum: quia tamen simplex apprehensio est prima in exercitio, ideo prius in executione ad illius directionem inferuire: debetque recto ordine post tractatum præcedentem de vniuersalibus collocari. Hæc tota assertio habetur planè ex dictis q. 7. vbi explicauimus, qualiter vniuersalium tractatus ad directionem nostræ cognitionis inferuiat. Et sanè vel ipsum nomen prædicamentorum facis poterat indicare, hunc tractatum, saltem non minus, imo magis principaliter intentionis ordine, referri ad directionem illius cognitionis, in qua quædam de alijs prædicamus. Nam potissimè traditur per prædicationes quæ sunt generum superiorum de speciebus subditis. Licet reuera deseruiat ad directionem primæ operationis ijs rationibus, quas attulit Caiet. & in executione, illi ante alias famuletur. Atque Arist. in ipsis Anæpræd. tradit regulas prædicationis. Et eodem illo cap. 5. allegato subdit: *Horum autem ad se inuicem complexione affirmatio vel negatio fit.* Nihil ergo obstat, quòd Arist. illa vocauerit incomplexa, quæ reuera per se sumpta incomplexa sunt. Non autem considerantur præcise vt incomplexa, sed multò magis vt ex ijs fiunt complexiones.

*Post tra-
ctatum de
vniuersa-
libus.*

Neque post hunc tractatum, alius de arte definitiua expectandus erat. Et multò minus post illum differendus erat liber Porphyrii & vniuersalium tractatus. Nam certè deceptus non est Porphyrius, qui suum librum tanquam introductionem ad ipsam prædicamenta præmisit. Nec decepti sunt alij qui talem errorem non viderint, sed sine vlla dubitatione eundem ordinem præcauerint obseruandum. Et ex re ipsa patet, prædicamentis in quibus non nisi genera differentiarum species

proprietates & accidentia nominantur atque ordinantur & disponuntur, debuisse præponi non postponi tractatum de his quinque, sicut & factum est.

Tertiò. Ex his inquirendum & definiendum est, quodnam sit proprium huius tractatus obiectum. Communis veterum Peripateticorum opinio erat, voces simplices & incomplexas quatenus significantes rerum, esse obiectum huius tractatus. Adhæret Fonf. 5. Metaph. cap. 7. q. 1. sect. 6. ad 3. Alia non ignota sententia est, res quatenus subsistant secundis intentionibus esse huius tractatus obiectum. Ita significat Auerr. in Epitome Prædicam. cap. vlt. Alber. in principio huius libri, Scot. q. 2. Prædicam. & defendunt alij. Caiet. in Præfat. Prædicam. concludit, ens proponibile primæ operationi esse huius tractationis obiectum, & negat debere assignari ens ordinabile secundum sub & supra; quia hoc spectat ad secundam operationem, ad quam hic liber non primò ordinatur. In eodemque sensu Caiet. intelligit Auctores qui dixerunt, voces incomplexas esse obiectum: quia idem est tractare de rebus vt conceptis simpliciter apprehensionibus, & de vocibus vt significant illas sic conceptas.

*Alium
sententia
de obiecto
huius tra-
ctatus.*

Dicendum tamen nobis est, obiectum huius tractatus esse res omnes quatenus intellectui distinctè proponibiles ad directionem cognitionis eius. Ita planè sequitur ex dictis. Et ita perspicuè significauit D. August. cap. 3. Categ. ex doctrina Themistij. Dico res omnes potius quam voces significantes rerum: rectè enim & ex intento res debent proponi & explicari: voces verò assumuntur tanquam notæ ipsarum rerum. Quia tamen explicatio rerum hoc loco non est exacta & exquisita: ideo fortasse veteres Peripatetici maluerunt assignare voces significantes rerum, quam res significantes vocibus. Per res omnes debent intelligi entia realia exclusiue entibus rationis: ea enim sola in his prædicamentis collocantur, vt viderimus. Debent etiam intelligi specialiter res creatæ: ita vt Deus & res diuinæ non in hoc ordine includantur. Satis enim Logica est, si tantum res creatas attingat, neque ad diuinas ascendat, ad quas non nisi ex plena atque

*Vera res
huius, Res
quatenus
distinctè
proponi-
les intelle-
ctui esse
obiectum.*

atque perfecta rerum creaturarum notitia, gradum facere, intellectui humano conceditur. Vnde præclare August. lib. de Cognit. veræ vitæ cap. 3. dixit: *Dialectica differendi potens, cum ad Diuinitatem intendit, tanta Maiestatis luce reuerberata, pauidum caput tremefacta rescedit, atque in abdita mundana sapientia fugiens delinquit.*

Dico deinde, quatenus intellectui &c. ad denotandam rationem formalem sub qua res omnes à Logica attinguntur. Nam ab alijs scientijs considerantur res quatenus res sunt: à Logica verò quatenus per hunc tractatum directiæ sunt cognitionis in alijs scientijs acquirendæ. Non dico quatenus stant sub secundis intentionibus. Si enim hæc sumantur pro entibus factis & relationibus rationis, contemnenda potius sunt. Neque in hoc tractatu hæc secundas intentiones prosequi & considerare intendimus. Fortasse autem illi Auctores qui eo modo loquuti sunt, acceperunt secundas intentiones potius pro ipsis conceptibus mentis sub quibus stant res quæ intellectui proponuntur. Neque dico quatenus proponibiles primæ operationi. Non enim hoc solum in prædicti tractatu intenditur: sed potius ad æquæ dirigere cognitionem intellectuiam. Hæc enim enarratio rerum, vtrique per se apta est iuuare, & rectè poterat institui, ad directionem totius cognitionis: ergo hac ratione suscipienda est. Et præsertim perspicuum est, in prædicamentis res ordinari secundum prædicari & subijci. Non ergo debebat Caiet. excludere hanc ordinationem ab intentione huius tractatus. Igitur ad æquæ ad directionem nostræ cognitionis, complectendo omnes tres operationes, prædicamenta construenda & disponenda sunt. Dico demum, quatenus distinctè proponibiles, ad distinguendum hunc tractatum à prædicti vniuersali. In illo enim abstractè proponebantur res omnes sub nominibus generis speciei &c. In hoc autem tractatu distinctè proponuntur varia genera species &c. res omnes per varia prædicamenta distinguendo.

SECTIO SECVNDA.
*Quid sint Prædicamenta. An
& quomodo generibus sum-
mis & generalissimis
consistat.*

EX initio huius quæst. satis constat, Prædicamenta esse coordinationes rerum quæ inter se habent ordinem superiorum & inferiorum, vniuersalium seu prædicabilium & subijcibilium. Et licet soleat moueri dubium, an quatenus vniuersales, vel quatenus prædicabiles, naturæ reales constituent prædicamenta: tamen res est clara, posse vtroque modo accipi, & secundum vtranque considerationem coniungi, vt prædicamentum dici possit, vel coordinatio vniuersalium, vel prædicabilium. Quamuis prædicamenti nomen magis apertè & explicitè prædicationem sonet.

¶ Addit Fonl. 5. Metaph. cap. 7. quæst. 1. sect. 2. prædicamentum esse dispositionem naturalem rerum. Naturalem vocat & explicat: quia non est ab intellectu excogitata, sed in rebus ipsis inuenta: distinctio superiorum & inferiorum, non est rationis puræ, sed ex natura rei: & ordo eorundem, non est arbitrius, sed naturalis. Verum dicendum potius est, dispositionem & coordinationem prædicamentalem formaliter esse opus rationis, fundari tamen in rebus. Ita communiter alij supponunt. Et patet ex dictis de vniuersalibus: quia superiora & inferiora non distinguuntur actu à parte rei, nec in re habent huiusmodi respectus: ergo eorum ordo & dispositio non habetur nisi per rationem. Fundatur tamen in re: vt videlicet substantia ponatur supra corpus & spiritum, animal supra hominem & brutum, & sic de alijs.

Itaque prædicamentum est opus quoddam veluti artificiale, constructum ab intellectu ex varijs naturarum gradibus subordinatis & in vnam seriem collectis. Habetque vnitatem artificialem, quæ consistit in apta dispositione & collocatione partium, facta ad iuuandum intellectum, vt facilius & commodius accipiat rudem quandam & inchoatam rerum omnium notitiam.

*Prædicamenta sunt collectio-
nes et coordina-
tiones rerum.*

*Sunt opera
rationis.*

*Sunt veluti opera
artificialia.*



An cõstet
generibus
iũmis seu
generalif-
simis.

Præcipuè autem ad rationem prædicamenti solet requiri genus summum, quod dicitur generalissimum, quod videlicet non habeat supra se aliud genus. Vnde prædicamenta interdum vocantur ipsa summa genera, sub quibus alia genera species & individua collocantur. Vel magis communiter vocantur totæ collectiones naturarum, quæ sunt incipiendo à primo quodam supremoquæ genere. Et in hoc fundari solet distinctio tot & talium prædicamentorum, quæ postea numerabimus. Aliqui verò cum tanto rigore hoc intelligunt ut velint, non posse dari conceptum villo modo vnum atque præcisiuum supra ipsa prædicamenta, per modum naturæ communis, eo pacto quo dantur conceptus naturarum communium in ipsis prædicamentis. Alij sunt qui admittunt conceptum vnum & præcisiuum, ij videlicet qui asserunt ens in communi præciscindere à substantia & accidenti: negant autem, talem conceptum esse vniuocum, aut posse dari alium conceptum vniuocum supra prædicamenta. Alij demum funt qui, etsi admittant conceptum (vniuocum, saltem negant esse genericum). Sic Scotus voluit ens esse vniuocum, negant esse genus.

Comunis
sententia
affi mat.
Porphy.

Absolutè autem loquendo, prædicamenta requirere in se genera summa, non habentia aliud supra se genus, est communis sententia. Et est aperte Porphyrij cap. de Specie, vbi distinguit genus generalissimum, quod non habet supra se aliud genus, à genere subalterno quod est species alterius generis sibi superioris: & ait, prima esse decem genera, videlicet iuxta decem prædicamenta, & ens non esse genus omnium, sed æquiuocè dici de omnibus. Atque testatur, hanc esse sententiam Arist. Et etiam Damasc. in sua Dialectica cap. 36. vbi decem prædicamenta appellat summa genera.

Damasc.

Aristot.

Videturquæ eadem planè esse sententia Aristot. Primò ex ipso prædicam. libro, quia idcirco in principio distinxit æquiuoca & vniuoca, ut vniuoca distingueret in decem capitula supra quæ non erant alia nomina nisi æquiuoca. Ideò etiam decem prædicamenta distinxit, non plura nec pauciora. Et cap. ult. concludit: De omnibus generibus quæ proposuimus sufficiant quæ dicta sunt. Secundo, quia 12.

Met. tex. 19. & 28. docet, principia rerum, idest naturas prædicamentorum, non esse eadem sed diuersa: & solim esse aliquo modo eadem, idest analogicè. Tertiò, quia primo Ethicorum cap. 6. ex eo quòd bonum dicitur de omnibus prædicamentis, inferi non esse commune quid vniuersale; planè supponens, non posse aliud aliud genus, seu vniuocum, aut vniuersale, supra prædicamenta inueniri. Quarto, quia 3. Metaph. text. 10. ait: Tot esse omnium principia, quot prima generis sunt. Et docet ens & vnum non esse genera. Et videtur etiam supponere, prima genera esse prædicamenta. Quintò, quia 8. Metaph. text. 16. docet, ens, cum diuidatur in substantiam quantitatem qualitatem, non esse genus, & propterea, non esse ponendum in definitionibus, quæ scilicet ex genere & differentia constare debent. Vbi etiam, sicut negat ens esse genus, ita videtur supponere, substantiam quantitatem & pariter alia prædicamenta esse summa genera. Sextò demum, quia 4. Metaph. text. 2. & lib. 11. sum. 2. & alibi docet, ens non esse vniuocum, sed ad summum esse analogum. & 1. Physic. text. 13. & 16. ens dici multipliciter, idest æquiuocè seu analogicè. Quæ etiam propter prædicamenta docuisse videtur, ut prædicamentorum genera sint prima vniuoca.

Pro resolutione Dico primò, posse prædicamentum ita accipi & constitui, ut in capite dicat gradum adeo communem & vniuersalem, ut nullum supra se ponitur dicat alium gradum superiorem magis communem & vniuersalem, nullum genus, nullum conceptum vniuocum, aut præcisiuum. Hæc conclusio patet, quia cum prædicamentum sit opus artificiale fabricandum ab intellectu, nihil prohibet, prædicamentum ita accipi & fabricari. Nam sine dubio datur prædicatum aliquod omnium supremum, non habens supra se aliud, saltem ens communissimè sumptum; & potest tale prædicatum diuidi in plura, & hæc rursus in alia: ita, ut dicatur vnum prædicamentum incipiens ab illo supremo prædicato.

Dico secundo, posse prædicamenta ita accipi & constitui, ut in capite dicant certos gradus genericos, qui tamen habeant supra se alios gradus superiores & commu-

Potest prædicamentum constitui ex gradu supremo, & communissimò.

Possunt plura prædicamenta constitui

*ex generi-
bus non
supremis
simplici-
ter.*

communiore etiam præcisos. & vniuersos; imo genericos, adequatè sumendo genus pro vniuersali quod dicitur in quid de pluribus vniuersalibus sub eo contentis. Et de ratione talium prædicamentorum erit, habere in se genera summa, quæ scilicet intra ipsa prædicamenta sunt summa, id est non habeant in ipsis prædicamentis alia genera superiora, licet extra & supra dentur alia genera. Hæc etiam conclusio patet: quia nihil prohibet, diuersas rerum classes constituere, & series ordinare, inchoando à diuersis entium generibus, eaque in alia inferiora diuidere vique ad vltimas; & singulas has rerum classes prædicamenta appellari. ita quod supra illa genera, in quibus singulæ ex his rerum classibus incipiunt, detur alij gradus communes ijs singulis. Qui gradus sint vniuersalia quædam, quæ prædicentur in quid de pluribus vniuersalibus sub se contentis, & ita sint genera.

*Supremis
secundum
quid.*

Dici autem poterit, in quolibet ex ijs prædicamentis inueniri genus summum & generalissimum in illo ordine, in illa rerum serie, in illo prædicamento. Quia cum tale prædicamentum incipiat à certo aliquo genere: vtiq; non habet in se & intra se aliud genus superius illo in quo incipit. Quia iam non inciperet ab illo, sed ab alio superiori.

*Prædicamentum
est quia
sunt in
usu, non
constat ge-
neribus
simplici-
ter supre-
mis.*

Dico tertio. Prædicamenta, quæ de facto assignantur & sunt in vñ, atque distinctè vñ ab alio ordinantur, se habent hoc posteriori modo, non illo primo. Hæc conclusio est, de qua procedit difficultas. Probatu primò ex ipso Arist. ab auctoritate negatiua. quia nusquam expressit, prædicamenta à se distincta & constructa, dicere genera simpliciter generalissima, supra quæ nullum penitus sit aliud genus. Sed in hoc tract. in cap. vi. Antepædicamentorum, quando prædicamenta diuidit, solum dicit, omnia incomplexa esse aut substantiam aut quantum &c. & in fine Prædic. tantum concludit se egisse de propositis generibus, quod omnino verissimum est. Nec dixit de summis generibus, supra quæ nulla sint alia. Et omnia loca Arist. in contrarium allata, postea explicabimus. Non oportet ergo, prædicamenta Arist. assignare tanquam genera simpliciter sum-

ma, quando ipse Arist. id non expressit.

Secundò præcipuè probatur ab auctoritate positiua, & ratione in ea fundata. Arist. in Antepred. cap. 4. docet, generum non subalternarum non posse, esse eandem differentias diuisivas, subalternarum autem posse esse. Deinde lib. 4. Topic. loc. 11. & lib. 6. loc. 41. declarat, genera subalternata esse, vel quorum vñum continetur sub alio, vel quæ ambo continentur sub tertio genere ipsis superiori, & utroque modo posse ipsorum generum eandem communes esse differentias. Sed certè manifestum est, diuersorum prædicamentorum posse communes differentias assignari. Nam v. g. sicut substantia diuiditur in spirituales, & corporeas: ita prorsus diuidi potest qualitas, relatio, actio: & alia similes diuisiones communes excogitari possunt. Ergo, cum diuersa prædicamenta non sint inter se subalternata, quasi vñ sub alio, seu in alio, includantur; dici debent subalternata alteri generi extraneo ipsis superiori: igitur non sunt in se, seu non dicuntur genera simpliciter summa atque suprema.

Et hinc sumitur etiam ratio ad idem confirmandum: quia differentia diuisiue habentes inter se adequatam oppositionem, debent attingere naturam aliquam communem quam adequatè diuidant: ita vt omnia illa quibus tales differentia insunt, conueniant in aliquo conceptu communi, sub quo per tales differentias diuidantur: sed quando diuersa genera diuiduntur per consimiles differentias, tunc tales differentia neutri sunt adequata, vt patet: ergo oportet recurrere ad aliud prædicatum superius cui adæquantur. & ita inductione constare potest in omnibus rebus. Quod si quis dicat, non esse eandem differentias spiritualitatis & corporeitatis, quæ diuidant substantiam, qualitatem, & alia. Verissimum est, non esse eandem realiter: sed sic nullæ alia differentia aliorum diuersorum generum, sunt inter se eadem realiter, vt patet. Nec Arist. intellexit differentias eandem realiter. Falsum autem est, non esse eandem ratione, seu non esse consimiles & inter se conuenientes: sicut se habent alia huiusmodi differentia consimiles aliorum generum.

*Probatu
ex Arist.*

Terriò. Affert potest quod Arist. 2. Met. tex. 4. assumens, *Vnumquodque esse maximum tale secundum quod alijs vniuocatio inest*, idest per quod alijs inest forma vniuoca, & ratione & nomine cõmunis: ex hoc inquam inferit, illa ex quibus alijs veritas inest, esse maximè vera: & sicut vniquodque se habet secundum esse, ita se habere secundum veritatem. Indicatur ergo, veritatem & entitatè dici vniuocè: sed certè hæc sunt prædicata transcendentalia communia omnibus prædicamentis: ergo prædicamenta habent supra se alia vniuoca prædicata. Nec satisfaciunt, quod responderi solet, Arist. ibi accepisse vniuocationem minus propriè. Planè enim accepit vniuocationem pro conueniètia in ratione seu forma eodem nomine significatâ: quæ est definitio vniuocorum hoc loco tradita & 4. Met. tex. 3. docet, ens esse cõmune omnibus generibus siue prædicamentis, & vique intelligit esse commune secundum rationem significatâ, eo modo quo hic vniuoca definiunt: & propterea ait, proprietates communes conuenire rebus quatenus entia sunt, quæ reduplicatio vique indicat rationem & naturam communem essentialiter omnibus.

Quartò. Affert potest, quod Arist. ait 10. Met. tex. 12. ubi docet, alia esse diuersa, & alia esse differentia. Illa esse diuersa, quæ nullatenus cõueniunt. Illa differre, quæ in aliquo vno conueniunt: hoc verò idem, aut genus, aut speciem esse. Et ideo alia differre genere alia specie: idest alia ita differunt, quod per rationes genericas differunt, alia solum per rationes specificas. Loquitur enim de naturis vniuersalibus. Et omnia hæc intelligit cõuenire in alio genere superiori. Alioqui esset diuersa, & non differentia. Deinde inter ea quæ differunt genere assignat illa: *Quorū alia est prædicationis figura*: quæ ab omnibus intelliguntur dici illa quæ in diuersis prædicamentis inueniuntur: ergo de mente Arist. prædicamenta non sunt diuersa, sed differentia, & conueniunt in aliquo genere superiori. Nec bene Suar. d. 37. Met. lect. 2. num. 31. cum Arist. explicat Arist. quando dixit alia differre genere alia specie, sumpsisse differre vel commune est ad esse diuersa: & ad differre propriè sumpsisse. quia differre genere accepit pro ijs quæ genericè distinguuntur, ut ut non in alio ge-

nere conueniunt. Nam potius Arist. illa quæ dixit differre, & distinxit à diuersis, ubi distinguit, in ea quæ differunt genere, & quæ differunt specie. Et patet ex verbo ipso differendi in sètu quo ibi sumitur. Neque differre genere accepit pro ijs quæ ita distinguuntur, ut in alio genere non conueniant, sed pro ijs quæ ita distinguuntur, ut differentijs quidem genericis distinguantur & non solum specificis, tamè conueniant in genere alio superiori, ad discrimen diuersorum quæ antea præmiserat.

Quintò deinde ratione probatur: quia dū non assignatur vni totius entis realis prædicamentis, sed multa prædicamenta per se plura entis genera distinguuntur: tam talia prædicamenta nō dicunt genera ita suprema, supra quæ non sit aliud cõmuniū prædicatum: sed planè ipsū ens est super oīa prædicamenta. Imo quia non nisi entia creata per hæc prædicamenta distribuantur, præsupponitur etiam distinctio entis in increatum & creatū, & ens creatum est omnibus prædicamentis commune. Huiusmodi autem ens, nō est merè nomen æquiuocum, sicut nomen canis: nec est ita analogum, sicut sanū respectu animalis & medicinæ, vel sicut ridere respectu hominis & prætii, sicut principii respectu patris & puncti: siue ens nō est nōmē per plures impositiones multa significans, non indicans vnum conceptum in mente. Quinimo verè sub nomine entis formatæ suus conceptus in niere, prædicabilis quoad naturam realem de omnibus & singulis entibus: sicut sic habent alia vniuersalia. Ipsique entis sic sumpto conueniunt & assignantur suæ proprietates adæquate, vnum, vel tum, bonū: quod vique æquiuocis & veris analogis, quæ solā dicunt communitatē nominis, nō contingit. A. que in hoc sensu ens dicitur conceptum vnum suū modo prædictum, & in hoc sensu vniuocū in sensu, inquit, quo Arist. hic distinxit vniuoca & æquiuoca, & in quo magis propriè accipi debent vniuoca & æquiuoca, complectendo sub æquiuocis analogas. In eodem ergo sensu prædicamenta quæ sub ente distinguuntur, non sunt prius & summi gradus cões, prima & summa vniuoca.

Viterius in eodem sensu ens dici debet genus. Tum quia genus est illud quod prædicatur in quid de pluribus vniuersalibus, quod scilicet est commune in

*Probat
ex vniuer
salitate
& genera
litate en
tis.*

essendo multis: sed ens planè est huiusmodi: ergo. Tum quia sine dubio potest accipi vniuersale in essendo in tanta amplitudine, ad distinctionem singularium, & vniuersalium merè in significando; quòd ens & familia transcendentia dici debeant vniuersalia in essendo, vt notauimus quæst. 3. sect. 4. si ergo vniuersale sic amplè sumptum diuidatur per illa: quinque, genus, speciem, & reliqua: vique ens non nisi ad genus pertinebit. Tum sinè solet saepe appellari genus entis, & passim de varijs rebus dicitur, esse in genere entis, in genere rei. Et Aristot. in Postprædicam. cap. de Oppositis & 4. Topic. loc. 33. bonum & malum in communi vocat genera. Non est ergo infectum, sumi nomen generis in hac acceptione & amplitudine. Tum denum, vnum, verum, bonum, ab omnibus dicuntur proprietates entis: & vique habent communiter & vniuersaliter quatuor prædicabiles quod dicitur proprium. Non enim solo nomine: sed verè secundum rationem significat, sunt proprietates communes, còuenientes omni soli & semper: habent ergo aliquam vniuersaliter in essendo, & vtiq. vniuersaliter proprii. Ergo ipsum ens, quod dicitur essentialiter in quid de omnibus inferioribus, habet vniuersaliter generis.

Neque valet, quòd ait Scot. in 1. d. 3. q. 3. Contra istam. vers. Ad videndum, qui docens ens esse vniuocum, imò non includi in conceptu simplicium differentiarum, conatur defendere non esse genus: quia inquit, includitur in còceptu aliquarum saltem differentiarum, earum inquit, quæ sumuntur ab aliqua parte: nam de omni forma reali dicitur ens, & ita dicitur de differentia adæquatè sumpta ex ipsa parte. Hoc inquam, nihil valet. Tum quia videtur supponere, genus debere sumi ab vna parte potentiali, & differentia ab alia parte formali, cū reali distinctione ipsarum partium, & ipsorum graduum generis & differentie: quod verum non est. Tum quia passim alia genera non habent adiunctas tales differentias, quæ sumuntur ex partibus distinctis, extra conceptum quarum differentiarum sunt ipsa genera: & tamen sunt vera genera. Tum quia nulla redditur ratio, cur ille gradus vniuocus qui prædicatur in quid de plu-

ribus generibus: imò qui dicitur esse extra rationem differentiarum simplicium, quæ sunt illæ quæ proximè & adæquatè diuidunt ipsum ens, videlicet perfectas & inaleitas: non sit verum genus.

Nec etiam valet, quòd ait Suar. d. 32 Met. sect. 3. nu. 11. vbi defendit, non bene inferri, ens esse genus, etiam si admitatur esse vniuocum. quia inquit, non dicit conceptus vnum omnino præcisum à differentijs, sed in ijs inclusum. Et eadè rōne affirmat, alia esse prædicata vniuoca quæ non sint genera. Hac autem ratione alij frequenter defendere solent, ens non solum non esse genus, sed nec etiam esse vniuocum, quia de ratione vniuoci putat esse perfectam præcisionem. Hoc inquam, non valet. Quòd satis patet ex iam prædictis. Ostensum est enim, præsertim q. 13. non esse de ratione generis, nec etià eorum generi quæ in prædicamentis poni solent, perfectà præcisione: & ens simile habere præcisionem cum ea quam habent alia pleraq. genera. Ergo hæc ratio non impedit, quominus ens dicatur genus.

Nec demū sufficit, quod contrahitur ad substantiam & accidens per dependentiam essentialè accidentis à substantia, quæ inæqualitas cōstituit quandā peculiaritatem analogiam, vt quæst. superiori cōcessimus. Hoc, inquam, nō sufficit. Tum quia potest aliter immediatè & adæquatè diuidi sine tali inæqualitate: videlicet ens aliud est spirituale aliud corporeum, seu aliud immateriale aliud materiale, aliouè simili modo. Tum etiam respectu substantiæ & accidentis, illa inæqualitas non faciet esse minorem vnitatè conceptus obiectionis entis, & superioritatè essentialè ac prædicabilitatem in quid entis respectu eorum generi. Atq. adeò potest adhuc genus sumi in tota amplitudine quam supra dicebamus, vt non excludat ipsum ens. Iuuant tamen illa inæqualitas tanquā congruentia quædam ad distinctionem prædicamentorum, vt dicemus sect. seq. Plura autem de communitate entis dicemus suo loco in Metaph. vbi hæc omnia magis confirmanda erunt.

Sextò præterea efficaciter probatur assertio. Præter ens sunt alia plura prædicata sub ente, cōia, si nō omnibus, salte pluribus prædicamentis, ex ijs quæ sunt in vfu, quæ prædicata sunt vniuoca & generica: Præter.

Ex vniuersalitate & generalitate accidentis.

& aliorum prædicamentum,

Pater. Tum quia ens immediatè diuiditur in substantiam & accidens, substantia est vñ prædicamentum, accidens in nouem alia distribuitur: sed certè quâ vnitate & cõitatem, atq. adeò genericam vniuersalitatem, habet substantia respectu substantiarum, pariter habet accidens respectu accidentium: ergo. Vnde Scot. in Anrepro. q. 2. ad 2. Fateatur, accidens esse vniuocum: & nullam aptam rationem reddit, cur non sit genus. Tum deinde accidès pòt immediatè diuidi in quosdam alios gradus qui sunt rursus cões pluribus prædicamentis. Non enim accidens exigit immediatè diuidi inquantitatè qualitatem &c. Videlicet pòt diuidi in illud quod verè inest subiecto illudquè denominat, & in illud quod solum dicitur per denominationè extrinsecam: quædam enim prædicamenta vno, quædam alio modo se habent. Itò pòt diuidi in illud quod est res, & in illud quod est modus, sumendo rē non amplè vt cum ente coincidit, sed vt à modis distinguitur. Rursus pòt diuidi in absolutum & respectum: & accidens absolutum verè dicit conceptum positum oppositum respectu suo, sicut enim se habent esse per se & esse in alio, ita pariter se habent esse ad se & esse ad aliud. Accidens autè absolutum completur ea prædicamenta quæ non in relatione consistunt. Tum insuper possunt excogitari & assignari alij conceptus, cões certis quibusdam prædicamentis. Sic multi assignant conceptum accidentis absoluti perfecti, cõem quantitatis & qualitatis. Alij assignant conceptum motus, siue productionis, siue viæ & transitus, cõem actionis & passionis: Nam certè actio & passio habent inter se certà conuenientiam in vno conceptu, in quo differunt ab alijs prædicamentis. Alij assignant cõceptum accidentis localis, cõmumem vbi & suui. Alij assignant conceptum relationis extrinsecus aduenientis, vt loquitur Scot. siue relationis accidentis transcendentalis, siue formæ dicentis habitudinem ad aliquid extrinsecum, aut subiectum aut terminum, cõceptum inquam cõem sex vltimis prædicamentis, aut eorum aliquibus. Vnde duar. disp. 39. sect. 3. nu. 15. fateatur tandem accidens dici vniuocè de quibusdam prædicamentis. Fateor, tenebatur ijs prædicamentis esse vniuocum, certum conceptum accidentis ijs

adæquatum. Nec satisfacere poterat, cur non sit genus. Tū demum aliqui cõceptus assignari possunt communes substantiæ & quibusdam accidentibus, videlicet ens absolutum, ens quod est res. Alijsquè modis possunt ac solent gradus communes pluribus prædicamentis inueniri.

Hi autè gradus ita habent suâ vnitatè præcisionis, & cõitatem in elidendo, ac prædicabilitatè in quid, sicut alia genera quæ in ipsis prædicamentis assignantur. Et, si quid diceretur obflare vniuationi genericæ horum graduum, poterit pariter retorqueri aduersus illa genera quæ in prædicamentis disponuntur. Videlicet, si quis dicat, accidens in cõi, aut accidès in trunsecè denominans, nõ perfectè præcedere, quia non sit extra rōem differentiarum. Et idèò non esse vniuocum, aut non esse genus. Eadè difficultas vrgebit cõtra ipsam substantiam, contra quantitatem, qualitatem, relationem, & alia singula prædicamenta. Vel eo modo quo in his generibus sufficiens præcisio & differentia diuidens assignantur, eodè statim inueniètur in illis gradibus cõioribus designatis. Quod non oportet hic latius præsequi, quia rem considerando, & paritates virgendo, totum perspicue apparebit. Et præterea in multis ex dictis prædicatis, non inuenitur illa inæqualitas & dependentia participationis per prius & posterius: vel salte nõ inuenitur pluriquâ in alijs prædicatis, quæ inter prædicta sine obstaculo collocantur.

Septimò tandem ad plenâ explicationè huius rei, & ad tenendū facile & cõmodū loquendi modum, iuuabit distinguere, quædam esse vniuoca & genera prædicamentalia, quædam verò transcendèntia. Illa sunt quæ in prædicamentis vsitatis disponuntur & collocantur. Alia sunt quæ transcendunt ipsa prædicamenta. Vnde sumimus nomen transcendèntis, non solū pro illis, Ens, Res, &c. quæ omnibus cõia sunt. Sed pro oibus prædicatis quæ non in vno certo prædicamento includuntur: sicut nominari solent relatio, prædicamentalis & transcendentalis, & interdum actio, aliudquè simile. De ratione ergo prædicamentorum est, vt singula dicam: sua certa genera prædicamentalia summa & suprema & gñalissima respectu omnium aliorum quæ in iisdem prædicamentis collocantur. Et ratio huius rei est, quia vñ prædicamen-

Prædicamenta cõsistant genera vniuersalibus prædicamentis.

356 Quæst. XVI. De Prædicamentis in communi.

camentum non habet plura prima capita: sed vnum à quo incipit, quod proinde esse debet generalissimum totius prædicamenti. Non est autem de ratione horum prædicamentorum, ut nulla alia extent vniuoca & genera transcendentalia superiora. Et ratio etiam huius rei est: quia cum prædicamenta non sint data à natura, sed sint facta per artem; placuit prædicamentis ita distinguere & multiplicare, ut non vnum tantum, vel pauciora quædam, sed tot prædicamenta fierent, incipiendo à generibus non vique adeo coibus. Vnde licet potuisset aliter fieri, ut antea dicebamus: tamen de facto Aristoteli & Scholæ Peripateticæ ita fieri placuit.

Auſtoritates Peripateticæ & Damasceni explicantes.

Superest modò auctoritates initio adductas explicare. Auctoritatè Porph. non multum curat Scot. in 1. d. 3. q. 3. propè finem. Et quia Porph. assertit, Arist. dixisse ens dici æquiuocè, respondet id in Logica non inueniri: quæ aut Arist. dixit in Met. posse exponi. Attamen quòd Porph. constituit in prædicamentis genera generalissima, debet intelligi de generalissimis prædicamentibus: Agit enim de dispoñe prædicamentorum: & inquit in quolibet prædicamento inueniri vnum generalissimū, plura intermedia, & plurimas (pès specialissimas, quod verissimū est. Quod verò dixit, ens non esse còe omnium genus, sed dici æquiuocè: non est solūm contra nos. Nam Porph. ait, còionem entis esse solūm sūm nomen, & non sūm rōnem: & tñ etiam illi qui dicunt ens esse analogū, non dicunt esse tale analogū, quod solū nominis còionē dicat: sed enti tribuunt aliquā còicatē rōnis significatē. Pòt aut fortasse exponi, ens non esse genus quod æqualiter participatur à substantiis & accidenti, & sic nō esse vniuocū æqualitatis, sed esse analogū inæqualitatis, quod scilicet non eque primò participatur. Ceterū ipse non est loquutus de alijs prædicatis sub ente, coibus pluribus prædicamentis, de quibus nos loquuti sumus. Pro testimonio verò Arist. quod assertit, inuenitur hic in Logica. 1. Elench. c. 6. ens, vniū, & idē, dici æquiuocè: sed intelligi dē analogicè: & debet exponi sicut alia Arist. Damasc. autem satis commodè intelligitur de generibus summis prædicamentibus.

Auſtorit. Arist. ex. plicans.

Ad 1. auctorit. Arist. dicendum est, illū distinguere æquiuoca & vniuoca, non quia

omnia, sed quia sola vniuoca, erant in prædicamentis disponenda. Distinxisse de cetero prædicamenta, nō quia nulla alia erant genera ijs superiora, sed quia illa distinctio erat commoda, ut postea dicemus. Dixisse demum, de generibus, non de summis simpliciter generibus.

Ad 2. Per principia non intellexit naturas & gradus essentielles, sed causas, seu principia physica, ut patet in textu. Et dixit, hæc principia esse diuersa, sed aliquo modo eadē: tum analogicè per quandam proportionem: tum quia causæ substantiarū dici possunt osum aliorū causæ; quoniam peremptis substantijs, & alia pereunt.

Ad 3. Ibi disputat contra idæas separatas, & intendit probare non dari idæā boni, & in hoc sensu ait, bonū non esse vniū quid còe. Et probat ex eo quòd dicitur in oibus prædicamentis: arguens ad hominē contra Auctores idæarū, qui supponebāt non esse vniū idēam diuersorū generum.

Ad quartam iam diximus questione 13. sect. 5. ad 1.

Ad 5. Ibi solūm voluit, ens nō esse genus prædicamentale, quod poni debeat in definitione. Quia cū ens dicatur de omnibus, non debet poni in definitione earū specierum, quæ ponuntur in prædicamentis: cū porius in definitionibus harum specierum poni debeant illa prædicata, quæ distinguant speciem definitam saltem ab aliquibus rebus.

Ad 6. demum Arist. interdum accepit ens adeo late, ut etiam de entibus rationis & negationibus dicatur, ut patet ibi: & ens sic sumptum planè dicitur analogicè, sicut sanum quia solūm per extrinsecam attributionem dicitur de ijs quæ reuera non sunt entia. Vel etiam si de ente reali loquutus sit: solūm voluit, dici analogicè analogia inæqualitatis sue dependentiæ, ad distinctionem vniuocationis æqualitatis: quia scilicet ens dicitur per prius de substantiā, quā de accidenti. Dixit etiam, dici multipliciter: quia verè multa & varia sunt entis genera.

Præter hæc, alia difficultas insurgit, quare tot, & non pauciora, aut pluriora prædicamenta, designata fuerint: si non determinentur ex eo quòd tot sint genera simpliciter summa. De qua re iam agendum sequitur.

SECTIO

SECTIO TERTIA.

Quot & quæ sint Prædicamenta.

Afferri solet ad hunc locum sententia quædam Pythagoreorum quorundam, apud Aristot. 1. Metaph. cap. 5. distinguunt viginti rerum principia per decem combinationes: videlicet finitum & infinitum, par & impar, vnum & plura, dexterum & sinistrum, masculinum & femininum, quiescens & motum, rectum & curuum, lumen & tenebras, bonum & malum, quadratum & altera parte longius. Verum neque Pythagorici illi hæc principia assignabant pro prædicamentis de quibus nunc agimus: neque Aristot. de his prædicamentis differens illam refert: sed sermo erat de rerum principijs seu causis: neque ea sententia hoc loco afferenda, nedum impugnanda erat.

Plato autem in Sophista & in Parmenide, vnum tantum totius entis prædicamentum fecisse, videtur. Alij verò duo, alij quatuor, alij varijs modis plura aut pauciora prædicamenta distinxerunt. Aristot. hoc loco decem prædicamenta distinguit, quæ enumerat in Antep. cap. 5. & in sequenti tract. distinctè prosequitur, & sunt hæc. Substantia, Quantum, Qualitas, Ad aliquid, Vbi, Quando, Sicum esse, Habere, Agere, Pati. Hæc eadem prædicamenta distinctè enumerat 1. Topic. cap. 7. Hunc numerum, non solum Peripatetici communiter approbare & defendere solent: Sed etiam D. Aug. in suis Categorijs, Damasc. in sua Dialectica & D. Isidor. lib. 2. Ethim. cap. 27. Auerra autem ait, Aristot. fuisse primum Auctorem & inuentorem huius numeri & distinctionis: Iamblicus apud Boetium ait, potius Architam Tarentinum fuisse priorem inuentorem, quem postea Aristot. imitatus sit. At verò idem Aristot. 1. Post. text. 148., 5. Phyl. text. 9., & 5. Metaph. text. 14. octo tantum prædicamenta numerauit, omittis sicut & habitu. Et voluit ijs locis adæquatè omnium numerare, vt ex eius intento colligitur. Nul- lumquæ verbum adiecit, quo indicaret plura superesse: sicut adiecit 1. Ethic. cap. 6. vbi cum sex tantum numerasset, apposuit, & his similia. Hinc non pauci expositores circa eadem loca tenent, octo

tantum esse prædicamenta exclusi illis duobus: & aliqui hoc loco idè defendunt. Atque Fons. 5. Met. c. 7 q. 2. sect. 4. ait, fisci & habere assignari solere inter prædicamenta populari sensu: sed reuera secundum philosophicum rigorem non esse ab alijs distincta. Præterea nõ defuerunt alijs, qui alijs modis prædicamenta designauerint: vel tantum duo, substantiam & accidentis: vel aliquantò plura, diuidentes accides in pauca aliquot genera. Sic Hurad. disp. 9. Met. sect. 2. duo vel tria facit prædicamenta. Rursus alij voluerunt, prædicamenta esse aliquantò pauciora, quàm decem, videntes quædam ex ijs prædicamentis, quæ inter decem distinguuntur.

Dico primò. Potuisse vnicum prædicamentum entis realis assignari: imo si prædicamentum ita assignadum sit, quod nulum (supra se habeat gradum communem in essendo, videlicet non solo nomine, sed etiam ratione significata prædicabilem, atque adeò in sensu quodam dicto vniuocum & genericum: sic non nisi vnus ipsius entis esse prædicamentum. Hæc conclusio manifesta est ex dictis sect. preced. Et præterea ex Arist. confirmatur. Nam locis cit. 1. Post. 5. Met. & præsertim 1. Topic. primum prædicamentum assignat, non quidem substantiam, sed quid est seu quidditatem, & intelligit planè atque declarat, quidditatem: non solum substantiæ, sed omnium aliorum, etiam accidentium, qualitatis, quantitatis, &c. *Genera prædicamentorum (inquit) sunt numero decem, quid est, quantum, qualitas, &c. Manifestum est autem, quoniam quod quid est, quandoque substantiam significat quandoque quale, &c. & exemplis ostendit.* Ibi ergo Aristot. vnum prædicamentum fecit de omnibus prædicationibus essentialibus in quibuscunque generibus alia prædicamenta fecit de prædicationibus accidentalibus; secundum quas formæ accidentales de substantia ipsa prædicantur. Ad eum ferè modum, quo distincta sunt prædicabilia. Nam accidentia quatenus essentialiter prædicantur, pertinent ad genus, vel speciem quatenus accidentaliter, ad duo vltimæ prædicabilia. Ergo iuxta eam doctrinam Aristotelis, vnum est prædicamentum omnium essentialium prædicamentorum.

Poterat
vni con-
stitui præ-
dicamen-
tum.

358 Quæst. XVI. De Prædicamentis in communi.

generum & specierum in tota latitudine entis, licet alia prædicamenta distinxerit secundum prædicationes accidentales.

*Poterant
varijs mo-
dis plura
distingui.*

Dico secundò. Potuisse varijs modis plura prædicamenta distingui & designari. Potuissent enim duo, diuidendo ens immediate in duo membra. Et hoc rursus non tantum vno, sed varijs modis fieri poterat. Nam non solum potest diuidi ens per substantiam & accidentis: sed non minus immediate & adæquatè potest diuidi, per absolutum & respectum, per spirituale & corporeum, seu immateriale & materiale, per corruptibile & incorruptibile, per rem & modum, alijque similibus diuisionibus. Arque hæc diuisiones frequenter in vsum veniunt. Nihil ergo prohibebat, quominus potuisset quis alio ex his modis ens diuidere, & sub primis generibus alia genera & species ordinare, hæque coordinationes appellare prædicamenta.

Item potuerunt plura quam duo prædicamenta distingui, varijs modis subdistinguedo & ordinando. Quod quidè innumeris penè modis fieri potuisset, vt certa prædicamenta, vel infra decem, vel decem, vel ultra decem fierent, vt consideranti patebit. Ita quòd in singulis prædicamentis essent sua genera suprema & generalissima prædicamentalia, supra quæ extarent alia genera transcendentia. Quandoquidem necesse non est, prædicamenta in hac acceptione sumpta, constare generibus simpliciter supremis, supra quæ nullum sit aliud.

*Responde-
dit in istis
et assigna-
ta decem
prædica-
mentis.*

Dico tertio. Satis commodam vtilem & rationabilem esse, assignationem & distinctionem illorum decem prædicamentorum, quæ Aristot. in hoc tractatu distinxit & posuit: hancquæ assignationem esse merito tenendam. Hæc assertio præter auctoritatem Arist. aliorumquæ tot & tam grauium Auctorum, tamque receptæ & inolitæ consuetudinis: ratione explicatur & suaderetur.

*Nam opor-
tè distin-
ditur ens
in substan-
tiam &
accidens.*

In primis optima erat & alijs præferenda diuisio entis per substantiam & accidentis. Tum quia traditur per intimas & conspicuas differentias, dicentes essentialem modum essendi per se & in alio. Tū quia est maximè opportuna & idonea ad distinctionem rerum noticiæ intellectui

exhibendam. Tum quia maximè commodæ & vilis est ad rectam & ordinatam dispositionem aliarum scientiarum. Tum præsertim quia ens diuiditur in substantiam & accidentis per illam inæqualitatem participationis, descendens primariò ad substantiam, & ex vi substantiæ ad accidentis: quæ inæqualitas constituebat speciem quandam analogiæ, vt quæst. præc. dicebamus, & habet quandam similitudinem cum analogia attributionis propriè dicta. Vnde poterat vniuocum in quodam sensu sumi, vt excluderet naturas communes pluribus generibus per huiusmodi inæqualem participationem: atque adeò in hoc sensu ens non est vniuocum, nec genus, & substantia relinquatur tanquam supremum vniuocum & genus. Et in hoc sensu loquuti sunt plerique, & admittebant ens dicere conceptum tam obiectiuum quam formalem vnum, & negantes esse vniuocum. Vnde iuxta hanc explicationem saluari & retineri potest communis loquendi modus. Nec debet videri inconueniens, si distinguendo varias acceptiones vniuoci & generis: in vno sensu tribuamus, in alio negemus hæc denominationes ipsi enti. Quinimo id videtur necessarium, vt patet ex dictis, non solum propter rationes, sed etiam propter varios loquendi modos.

Secundò. Substantiam quidem non oportebat in plura prædicamenta diuidere, sed præstabat per plura genera & species in vno tantum prædicamento cōstringere. Ita enim vñ ipso & experimento constabat. Et quia proprietates assignandæ, erant adæquatæ ipsi substantiæ: sic ergo fieri præstabat. Illi autem qui in recepto prædicamento substantiam, solas substantias corporeas, vel potius adhuc solas corruptibiles, collocandas putarunt; cogeantur aliud substantiale prædicamentum pro spiritualibus aut omnibus incorruptibilibus addere, quod ramen erat inutile. Accidentis autem multo potius debuit per plura prædicamenta distribui. Tum quia longè maior est copia & diuersitas accidentium. Vnde in vnicâ substantia plurima accidentia distinguuntur, & plerumque omnia illa, quæ varia constituunt prædicamenta. Et ideo ad maiorem & clariorem distinctionem

*Substantia
facit vñ
prædica-
mentum.*

*Accidens
diuiditur
in plura.*

nam rerum, expediebat plura accidentium prædicamenta distingui. Tum præsertim quia cum accidens dicatur per essentialem dependentiam à substantia; considerandum est, quod sicut analogum attributionis dicitur non solum comparando primum & secundarium analogatum, sed etiam comparando plura secundaria in ordine ad primum. Ita in illo modo analogie inæqualitatis quem dicebamus, non solum potest fieri comparatio inter substantiam & accidens, sed etiam diversorum accidentium ad substantiam; ut etiam in ipsa comparatione aliquid illius analogie inueniatur. Et quantumvis longe duera ratio sit, inter versus analogæ attributionis, ubi nomen habet diuersas significationes & impositiones diuersis quæ conceptus, etiam considerando ipsa analogata secundaria: Tamen in illa analogia inæqualitatis apparet quidam similitudo attributionis, & quidam recessus ab illo rigore uniuocationis, quo natura communis non descendit in una specie mediante alia; nec in plures species mediante aliqua prima.

*Res non
nomen prædi
camentum
accidentis
designatur.*

Tertiò. Potuisset sanè accidens immediate in duo tæctum genera diuidi, ut duo fierent prædicamenta, ut patet ex antea dictis. Sed non oportet aliam querere rationem, nisi maioris commoditatis & distinctionis, cur plura quam duo distincta sint. Quæ etiam ratio effecit, ut non minus quam nouem prædicamenta distincta sint. Et ne ex alia parte nimia & superflua distinctio appareret; & ut terminus aliquis nigeretur, non plus quam nouem uia sunt distinguenda, ut ita cum prædicamento substantiæ denarius numerus completetur. Plures autem rationes excogitare sunt ad conuenientiam huius assignationis, & sufficientiam huius numeri explicandam.

*Referuntur
rationes
D. Angu
lini et D.
Thoma.*

Diuus Augustinus cap. 7. Categoriarum hac ratione per tres classes explicat. Accidentium quæ de substantia prædicantur; alia sunt in ipsa substantia, alia extra, alia intra & extra. In substantia sunt, quantitas, qualitas, situs. Extra sunt, ubi, quando, habere. Intra & extra sunt, ad aliquid, facere, pati. D. Thoma. 5. Metaphys. lect. 9. & 3. Physic. lect. 3. hac ratione explicat. Accidentium, alia sumuntur ex eo quod insunt substantiæ,

alia ab aliquo extrinseco. Illa vel insunt substantiæ per se & absolute; & vnum genus est quod consequitur materiam, & est quantitas; aliud quod consequitur formam, & est qualitas. Vel per respectum ad aliud, & hoc est ad aliquid. Illa quæ sumuntur ab extrinseco, vel sumuntur penitus ab extrinseco; & vnum genus est quod non se habet ut mensura subiecti, & hoc est habitus; aliud quod se habet ut mensura quoad tempus, & est quando; aliud quoad locum, & est ubi; in quo, si consideretur ordo partium in toto; additur situs. Vel ita sumuntur ab extrinseco, ut secundum aliquid sint in subiecto. Et sic vnum genus est quod est ut in principio, & hoc est agere; aliud ut in termino, & hoc est pati. Verum hæc & alia similes rationes, plures pati possunt difficultates, ex natura harum omnium rerum, ut ex singularum rerum tractatione constabit.

Sufficere ergo nunc potest ratio, quæ colligitur ex Aristotele quinto Metaphys. text. 14. videlicet ex varijs prædicationibus accidentium de substantia, deduci varia eorum genera, & prædicamenta distingui. Hæc autem variæ prædicationes colliguntur ex varijs interrogationibus, quæ communiter sunt in vso, ad quas per accidentia respondemus. Maxime enim spectatus esse videtur communis vsus loquentium, & sub varia forma verborum distinguendum prædicata efficiencia substantiæ ad distinguenda & assignanda prædicamenta. Et lauat etiam ipse Aristoteles, hoc loco, quando prædicamenta enumerat. Interrogari ergo solet quantum sit, & ad hoc responderetur per quantitatem; quale sit, & ad hoc per qualitatem; quid respiciat, & ad hoc per aliquod, idest relationem; ubi sit, & ad hoc per ubi; quomodo sit in loco, & ad hoc per situm; quando sit, & ad hoc per quando; quid agat, & ad hoc per actionem; quid patiat, & ad hoc per passionem; quomodo se habeat, & ad hoc per habitum.

Ceterum quare Aristoteles alijs in locis omiserit duo prædicamenta, situm, & habitum, & quidam de his ferendum sit, proprijs in locis de ijs tractando dicemus. Ad difficultatem verò in fine sectionis superioris allatâ, iam satis patet.

*Afferunt
faciliorem
ratio ex Aristotele.*

Difficultates solvuntur.

per ex dictis. Non apparere quidem rationem cogentem, cur tot & hæc prædicamenta designari deberint: quinimo potuisse aliter vel plura vel pauciora distinguere. Sed non defuisse rationem quandam commoditatis & congruentiæ in dicto denario numero assignando. Aliæ quoque difficultates asserri solent, vel ad augendum, vel ad minuendum dictum numerum, quas præsertim congerunt Bonf. 5. Met. cap. 7. quæst. 1. & Suar. disp. 39. sect. 2. Sed partim ex dicendis in hac quæst. partim ex tractatione singulorum prædicamentorum, satis soluta manebunt.

SECTIO QUARTA.

Quo pacto dicta Prædicamenta inter se distinguantur.

*Naturæ
reales præ
dicamentorum
debent à
parte rei
distingui.*

Hoc dubium plures sensus habet & secundum eos, plures difficultates inuoluit. Primus sensus est quoad naturas reales ipsorum prædicamentorum. Paulus Venerus in sua Met. cap. 31. vult naturas reales prædicamentorum, debere inter se distinguere realiter Bonf. 5. Met. cap. 7. q. 3. sect. 3. in fin. concedit, debere distinguere ex natura rei ante operationem intellectus. Fundamentum huius sententiæ est: quia diuersa prædicamenta habent vitæ diuersas essentias, naturas & realitates, diuersa genera, diuersas differentias: ergo & ipsa diuersa sunt. Nec potest eadē res poni in diuersis prædicamentis, vel habere diuersas differentias, quæ inter se non subordinantur, vt colligitur ex Aristotele in Antepæd. cap. 4. & 6. Topic. loc. 41. Ergo quæ ponuntur in diuersis prædicamentis, sunt diuersæ res. Et præterea quæcunque differunt genere, differunt etiam numero, vt habetur ex eodem Aristotele 5. Met. text. 12. sed quæ ponitur in diuersis prædicamentis, vitæque differunt genere; quæ verò differunt numero, differunt vitæque realiter siue à parte rei: ergo.

Communior sententia docet, sufficere distinctionem rationis. Ita sentiunt Durand. in 1. dist. 30. quæst. 2. nu. 20. Ocham. d. 24. quæst. 2. ad 1. & Quodl. 5. quæst. 21. Capreol. in 1. d. 8. quæst. 2. Sont. 5. Met. q. 13. Iauell. q. 16. Hequeus Quodl.

1. q. 9. Ferr. 3. Phys. q. 5. Suar. disp. 39. Met. sect. 2. nu. 21. Valq. 1. par. disp. 138. nu. 4. & disp. 175. num. 5. Tolet. hic in fine Prædic. & alij frequenter hoc loco: idemque videbatur docuisse Fonseca ea quæst. sect. 2.

Hæc res inuoluit plurimas quæstiones de distinctione multarum rerum ad varias prædicamenta spectantium. Nunc satis fit dicere in communi: quantum est ex vi ipsorum prædicamentorum, seu distinctionis requisitæ ad faciendam plura prædicamenta, non esse necessariam distinctionem à parte rei, & multo minus distinctionem propriè realem: sed sufficere posse distinctionem rationis. Colligitur ex Aristotele, qui cap. de Qualit. in fine planè concedit, posse idem spectare plura prædicamenta: sibi tamen non videtur ex propria sententiâ loquutus; vt dicemus in prædicamento relationis sect. 1. Imoque dixit idem secundum diuersas rationes: sed nec etiam diuersitatem rationis requirit. Sed præcipuè 3. Phys. text. 22. significat, actionem & passionem non distinguere ex natura rei: & tamen hoc loco facit duos prædicamentos actionis & passionis: Et multo certius est, alia quæ in prædicamentis ponuntur, non distinguere propriè realiter: sed ad summum modaliter à rebus aliorum prædicamentorum, v. g. figuram à quantitate, vbi & situm à re locata, & alia plura.

Ratione simuletur: quia bene possunt in vna & eadem re considerari plures rationes, quæ etsi ante intellectus operationem distinctæ non sunt: tamen intellectui obijciuntur diuersis conceptionibus: ita vt vna ratio non sit de essentia alterius, quatenus stant sub ipsis distinctis conceptionibus: deturque fundamentum à parte rei huius distinctionis conceptionis. Et quia prædicamenta per rationem & artem disposita sunt: bene fieri potuit, vt distincta prædicamenta signarentur de rationibus eo modo distinctis: vt bene notauit loco citato Durandus. Sic planè in vno actu reali potuit distinctè considerari ratio actionis & ratio passionis: & si quæ sint alia similia.

Hinc ad fundamentum primæ sententiæ facile dicitur, diuersa prædicamenta habere diuersas essentias, &c. vel diuersas à parte

*Possunt solum
la rationes
distingui.*

*Quia id
sufficit ad
distinctionem
nam prædicamentorum.*

à parte rei, vel tantum ratione. Nec posse eandem rem secundum eandem rationem poni in diversis prædicamentis, habereque diversas differentias non subordinatas: & hoc tantum colligi ex Aristotele. At bene posse secundum diversas rationes, etsi sola intellectus consideratione diversas. Ac demum quacunquæ differunt genere, differre etiam numero: tamen hanc totam differentiam posse esse rationis. Nam etiam distinctio numerica dicitur illa, quæ per considerationem intellectus intercedit inter hanc & illam rationem singularem. Et ita datur distinctio numerica rationis.

Prædicamentum accidentium, quomodo debet distinguì à prædicamento substantia.

Ceterum peculiaris difficultas est, de prædicamentis accidentium: prædicamentum substantia, an debeant distinguì à parte rei. Ita supponit Soncino loco citato. Fauet S. Thom. 1. par. quæst. 58. art. 2. & 4. contra Gen. cap. 14. Atque Caietanus & Ferrarius iisdem locis, & alij plures asserere solent. Ex opposito multi concedunt, in his etiam sufficere distinctionem rationis: præsertim exiis qui relationem à fundamento non distinguunt, solum concedendo relationes quasdam in substantia immediate fundari.

Hæc etiam res, proprie spectat ad naturam accidentis explicandam. Nunc fac erit dicere, Aliud accidens esse, quod in rigore dicitur modum essendi in subiecto per inhaerentiam, sicut planè se habent qualitates ad substantiam: Et huiusmodi accidentia debere ex natura rei distinguì ab ipsa substantia. Nam inhaerentia dicitur realem causalitatem in genere causæ materialis, quæ planè requirit talem distinctionem. Aliud verò accidens esse, quod solum dicitur per denominationem accidentalem, qua forma aliqua seu res, licet in se sit substantia, tamen accidentaliter dicitur de quadam alia re seu substantia. Et adhuc de huiusmodi accidentibus asserendum est, debere quidem distinguì ab alijs substantijs, de quibus tanquam subiectis dicuntur: non tamen ab omnibus oino substantijs, siquidè in se ipsas substantia quædam sunt. Sic se habet prædicamentum habitus, si non aliam dicat formam denominantem, nisi vestem aut quid simile. Nam vestis distinguitur utique à corpore vestito: tamen in se est substantia. Et in ipso etiam prædicamen-

to relationis, si relatio non sit acciciens distinctum inherens subiecto: idem nominatio relatiua constituitur per connotationem termini, distincti quidem à fundamento & subiecto denominato: quique in se possit esse substantia quædam.

Secundus sensus quæstionis est quoad formalitatem ipsam prædicamenti, quæ est secunda interior & opus rationis. Aliqui significant, ita differre has secundas intentiones diversorum prædicamentorum inter se, sicut differunt naturæ reales eorum. Aliqui è contra dicunt, non obstante quantacunque distantia naturarum nõ distinguì plusquam numero.

Hæc res non est hic noua: sed resoluta manet in tractatu vniuersalium. Ex quo iam patet, omnes secundas intentiones vniuersalitatis & prædicabilitatis, conuenire in ratione communi vniuersalitatis & prædicabilitatis, & omnes intentiones genericas in ratione vniuersalitatis genericæ, & sic de singulis. Vnde omnia prædicamenta conueniunt in communi ratione prædicamenti. Atque etiam dicendo naturas diversorum prædicamentorum & generum generalissimorum nõ conuenire vniocè in conceptu aliquo superiori tanquam in genere communi: tamen ipsæ secundæ intentiones dicuntur hoc modo conuenire. Et ita vniuersale dicitur: genus ad quinq. vniuersalia: & genus formaliter sumptum dicitur genus vel species ad varia genera. Deinde diximus in quæst. de genere sect. vlt. ex diuersitate naturarum realium redundare etiam distinctionem in secundas intentiones earum: & iuxta varios gradus conuenientia inter ipsas naturas, posse etiam designari similes gradus conuenientia inter secundas intentiones. Vnde sequitur, intentiones diversorum prædicamentorum differre inter se, non solum numero, sed etiam specie, aut etiam genere.

Tercius sensus quæstionis est, vnde nam sumatur distinctio prædicamentorum. Arist. enim 5. Metaph. text. 14. significat, desumi ex diuersa prædicatione, seu ex diuerso modo prædicandi, quo dicuntur præferri de prima substantia. & ita Auerr. Alenf. & alij ibi loquuntur. S. Th. verò ibi lect. 9. quem alij sequuntur sunt quos refert & imitatur Fons. q. supra cit. sect. 2.

Ratio formalis prædicamenti quomodo distinguatur.

Vnde sumatur distinctio prædicamentorum.

sect. 3. concl. 3. addidit, prædicamenta primario distinguuntur ex diuerso modo essendi in prima substantia, secundario autem & consequenter ex diuerso modo prædicandi. Adhærent Tolet. q. 1. Post prædic. Scot. 4. Antep. q. 3. & alij hoc loco. Et sumitur ex ipso Arist. eod. loc. In cōtrariū nonnulli volunt, nō ex diuerso ordine, siue prædicādi siue inessendi ad substantiam, sed ex diuerso ordine generum generalissimorum ad sua inferiora, prædicamenta distinguuntur. Quia inquit, ex illo ordine ad substantiam distinguuntur tantum duo vniuersalia per modum essendi, siue duo prædicabilia per modum prædicandi, quæ sunt proprium & accidentis: nō autem distinguuntur nouem præter substantiam. At certè similis difficultas potest contra ipsos retorqueri. Nam ex diuerso ordine superiorum ad inferiora de quibus dicuntur essentialiter, tantum distinguuntur duo vel tria, prima vniuersalia & prædicabilia: & tamen nunc distinguuntur decem prædicamenta. Alij verò notant, talibus modis significari, prædicamenta distinguuntur ex diuersitate vniuersalitatē & secundæ intentionis: quasi non potius distinguantur ex diuersitate naturarum realium. Sed certè illi Auctores non hoc docere voluerunt.

*Maximè
sumitur
ex diuer-
sitate na-
turalium.*

Dicendum est, prædicamenta primario distinguuntur ex diuersitate naturarum realium in quibus coordinantur, ipsas autem naturas reales distinguuntur penes diuersos modos essendi: in hoc sensu, quod accidentia distinguuntur a substantia per modum essendi in alio, cum substantia per se subsistat: deinde ipsa accidentia conueniant quidem in modo essendi in alio communitate considerato, & ita etiā in modo prædicandi communitate considerato; tamen essentialiter sunt diuersæ forme dicentes suam habitudinem ad substantiam. Et hæc habitudo in eis est essentialiter multiplex, distincta scilicet & contracta per speciales & proprias rationes ipsorum accidentium. Sic ergo debet intelligi, prædicamenta distinguuntur ex diuerso modo essendi in prima substantia, in quo fundatur modus prædicandi. Non quidem sumendo modum essendi, pro secundæ intentione vniuersalitatē, quæ constituit vniuersale proprium & ac-

cidens; sed pro natura reali, & pro aptitudine essentiali accidentibus ad essendum in substantia.

Quartò demum sensus est, num prædicamenta inter se ita discreta, vt in nulla parte communicent, idest nulla species vel differentia pertineat ad vnum prædicamentum, pertineat etiam ad aliud. Et communis quidem sententia ita docet ex Arist. in Antep. cap. 4. Aliqui autem id probant: quia in vniuersum putant, fieri non posse, vt eadem species sub pluribus generibus reponatur, etiam in eodem prædicamento; & eadem differentia pluribus generibus applicetur, quia id totum videtur Arist. docuisse. Verum considerandum est, quædam genera esse inter se communicantia, quædam verò prorsus discreta, & in nulla parte communicantia, cuiusmodi sunt illa quæ constituuntur per differentias oppositas & impossibiles. Primo modo se habent genus v.g. substantiæ corporeæ & genus substantiæ viuētis, quæ communicant in plantis & animalibus: hæc enim ad vtrunque genus pertinent; quia & sunt substantiæ corporeæ, & viuētis. Secundò modo se habent substantia corporea & incorporea, viuēs & non viuēs. Benè ergo fieri potest, vt in eodem prædicamento genera communicantia designentur, sub quibus vna & eadem species continetur. Consonat hoc cum eo quod diximus quæst. 13. sect. 1. Neque est contra Arist. qui vel tantum de generibus non communicantibus loquutus est: vel de generibus non iudicantibus, idest quorum nec vnum sub alio, nec vtrunque sub alio tertio continetur.

At verò genera generalissima prædicamentorum non sunt inter se communicantia. quia nimirum in distinguendis vniuersa vel prædicamentis assumpta sunt talia genera summa vt in nulla parte communicent. cū habent. Possunt quidem alijs modis quædam genera designari, quæ communicantia sunt: vt si sumatur pro vno genere accidens absolute, pro alio accidens quod est res, pro alio accidens consistens in facto esse, & similia. Sed commodius fuit, & ad distinctam rei conceptionem vtilius, talia summa genera designari, quæ non haberent aliquam speciem communem. Et ita inductione patere potest in omnibus prædi-

*Prædicamenta an in aliqua parte communi-
cant.*

*Prædicamenta di-
uisa vel
summa vt in
nulla parte
communicent.*

n. m.

prædicamentis. Intelligitur autem hoc de eadem specie formaliter & secundum eandem rationem, iuxta superius dicta.

*Nullam etiam diff. est, quædam esse proprias & adequatas ferentiam certis generibus & speciebus, vt se habet sensitiuum ad corpus viuens. Et de his verum est, vnam differentiam non ad plura genera, quorum vnum non sit sub alio, pertinere, etiam in eodem prædicamento. Alias verò differentias esse, quæ non sunt propriæ & affixæ certo generi, sed sunt ex parte communiores, sicut se habet differentia intellectiui ad genus animalis. Et huiusmodi differentia pos-
sunt ad plura genera, quorum vnum non sit sub alio, sed ambo sub quodam ter-
tio, idest sub alio communi prædicato, pertinere. Et altero ex his modis debet intelligi Aristot.*

Rursus sicut sect. 2. de generibus, imo in vniuersum de prædicatis essentialibus, dicebamus: ita distinguí possunt aliæ differentie prædicamentales, aliæ transcen- dentes. Illæ sunt, quæ in certo aliquo prædicamento concluduntur: vt rationale & irrationale sub genere substantiæ, conti-
nium & discretum sub genere quantita-
tis, & aliæ similes. Aliæ vero sunt, quæ per plura prædicamenta vagantur: vt non solum differentia essendi in alio dicitur de omnibus prædicamentis acci-
dentium; sed spirituale & corporeum, per quas diuiditur substantia, inueniuntur secundum cõceptus communes etiam in alijs prædicamentis. Illarum ergo differ-
entiarum nulla est quæ ad plura prædicamenta pertineat. Harum autem nulla est quæ non ad plura pertineat.

SECTIO QUINTA.

Quenam res in Prædicamentis collocentur.

Res & nō voces in Prædicamentis collocantur.
Primò, illi qui dicebant, in prædicamentis agi de vocibus, sensisse videntur, voces, non res, per se poni in prædicamentis. Certum tamen est, res significatas vocibus per se constitui in prædicamentis. Res enim sunt quæ in hoc tractatu ad certa capita reducuntur, & intellectui proponuntur. Res sunt inter

quas consideratur coordinatio & connexio superiorum & inferiorum. Res ipsæ sunt quæ dicuntur genera species &c. Res demum sunt de quibus verificantur eæ quæ in hoc tractatu traduntur, vt in progressu constabit. Non per hoc negamus, sed vltro asserimus, ipsas quoque voces, tanquam res quasdam, per se habere suum quendam locum in prædicamentis, tanquam certam quandam speciem prædicamentalem: videlicet genus sub quo continentur voces est quædam sensibilis qualitas de prædicam. qualitaris.

Secundò videndum est, num solæ res in prædicamentis ponantur, siue quænam intelligantur res quæ in prædicamentis disponuntur. Aliqui voluerunt, non solum entia realia, sed etiam rationis, per se poni in prædicamentis. Et quidem de relationibus rationis id indicat S. Thom. 1. part. quæst. 28. art. 1. & tene Buridan. hoc loco. Alij verò dixerunt, entia rationis non poni in his decem prædicamentis: sed debere vndecimum prædicamentum addi pro entibus rationis. Ita indicat Soc. in Antep. in fine: & defendunt Pet. niger 1. parte Clypei quæst. 6. & Maius in Antecatorijs quæst. vlt. Alij sunt qui distinguunt tria prædicamenta rationis, relationem, negationem, & priuationem. Alij dicunt, entia rationis reduci ad prædicamenta entium realium. Ita Tolet. in fine Prædicam. quæst. 1. concl. 2. Succf. 7. Metaph. quæst. 6. & alij plures hoc loco. & Maius vbi supra ait, negationem quidem & priuationem reduci ad prædicamenta rerum, acque solam relationem rationis constituere vndecimum prædicamentum. Ex aduerso Fonf. r. Metaph. cap. 7. quæst. 4. sect. 2. res quæ poni debent in prædicamentis, significat, esse debere propriè res, excludendo modos essendi.

Dicendum tamen est, solas res, idest sola entia realia, poni in his prædicamentis de quibus hic agimus: posse tamen alia totidem prædicamenta distinguí pro entibus rationis: & inter res quæ ponuntur in prædicamentis, computari etiam reales modos essendi. Concl. tres habet partes. Prima est communis, & de mente Aristot. & patet: quia intentum huius tractatus, est proponere intellectui entia realia; de entibus autem rationis alia

Sola entia realia in his prædicamentis collocantur.

via

via agemus in hac Logica. Tum insuper non posset institui vnum prædicamentum pro entibus realibus & rationis. Nam prædicamentum omnino dicit vnum prædicatum supremum, quod secundum vnum conceptum & rationem significatam dicitur de inferioribus. At non importatur sub nomine entis, siue sub nomine relationis, aliove simili, vnus conceptus communis entibus realibus & rationis: sed solum nomen est illis commune per meram analogiam. Quia ens rationis est quædam umbra & fictio entis realis. Et ita se habent, sicut homo verus & homopictus. Non ergo posset constitui vnum prædicamentum pro entibus realibus & rationis, seu pro relationibus realibus & rationis, & sic de alijs: nec eo inquam modo, quo aliqui admitebamus, potuisse vnum totius entis realis constitui prædicamentum.

Pro entibus rationis eandem alia designari possunt. Secunda concl. pars suadetur. quia sicut in entibus realibus, ita etiam in entibus rationis, possit predicata superiora & inferiora, genera & species, cogitari. Vnde possit coordinari ratio prædicamenti in ipsis entibus rationis. Deinde possunt fingi entia rationis ad instar omnium entium realium & omnium prædicamentorum realium, vt in proprio tractatu prædiximus: ergo possunt eandem prædicamenta in ijs distingui.

Etiam modi pertinent ad prædicamenta. Tertia demum pars ostenditur. quia res duobus modis potest accipi; vel adæquate pro omni ente reali, & sic conuertitur cum ente; vel pro illis tantum rebus quæ saltem per Dei potentiam per se existere possunt, & sic distingui solent res & modi. Res ergo quæ per hæc prædicamenta distribuitur, accipitur in primo sensu, & non excludit modos, modos inquam reales, idest qui non finguntur ab intellectu, sed sunt à parte rei. Atq. de facto bona pars prædicamentorum consistit in his modis, relatio, vbi, situs, actio, passio, iuxta sententiam eorum qui hæc modaliter à subiectis distinguunt. Nequæ sanè Fons. de his modis loquutus est.

An sola entia per se vna in prædicamentis ponantur. Tertiò deinde, quia in latitudine entium realium, considerantur non solum illa quæ habent per se vnitatem, siue simplicia sint siue composita: sed etiam aggregata quædam per accidens non ha-

bentia per se vnitatem, vt æceruus lapidum, domus, naus, & similia. Hinc videri potest, non solum entia per se vna, sed etiam hæc aggregata, seu entia per accidens, debere poni in prædicamentis: non solum scilicet, disunctè & ratione partium, de quo non potest esse dubium: sed coniunctim & secundum se. Nam, possunt in ijs genera & species coordinari. imo constat in prædicamento quantitatis assignari quantitatem discretam, & sub illa orationem & numerum, quæ non sunt nisi huiusmodi aggregata. Fortasse etiam totum prædicamentum relationis constituitur per aggregationem & concomitantiam plurium rerum, habitus quoque, & si quæ alia prædicamenta constituuntur penes denominationes extrinsecas, aut connotantiam plurium rerum, vt multi volunt.

Nihilominus Auctores cõmuniter supponunt, sola entia per se vna per se poni in prædicamentis. Et sunt ex Arist. 1. Metaph. tex. 14. Et ab experientia patet: quia naus, domus, & similia, nunquam per se nominantur in prædicamentis. Ratione etiam suadetur. Tum quia, aliqui per hæc entia per accidens potius confuso quàm distinctio in prædicamentis coordinandis oriatur. Tum etiam cum ea ad arbitrium multiplicari possint, nullus in ijs posset præfixi terminus. Tum insuper cum de ijs non detur scientia, nec debebat etiam haberi ratio in prædicamentorum constructione. Tum demum cum ens per accidens non sit propriè vnum ens, sed sit simpliciter plura, non debebat per modum vnius, sed satis erat partes eius per modum plurium, poni in prædicamentis, sicut verè ponuntur. V.g. de domo lapides ponuntur per se sub genere lapidis, ligna sub genere ligni in prædicamento substantiæ, figura sub genere figuræ in prædicamento qualitatis, & sic quæcunque alia.

Propter hæc dicendum est, in rigore quidem non debere entia per accidens poni in prædicamentis, & vt plurimum ita obseruari: tamen ob maiorem sciendi commoditatem factum esse, vt quædam in prædicamentis locum acceperint. Hoc totum patet ex modò adductis. Nam secundum rigorem non debent entia per accidens cum entibus per se coniungi: & ita

In rigore hæc sola debet poni: sed alia quæ etiam entia per accidens neminem.

Sect. V. Quæ res in Prædicam. collocentur. 365

ita ut plurimum non nominantur in prædicamentis. Tamen, quia v. g. quantitas discreta, & præcipue numerus, est magna & valde utilis considerationis: ideo in quantitatibus prædicamento nominatur & explicatur. De qua re plura proprio loco dicemus. Et sic etiam de alijs, si quæ simili modo se habeant.

Quo pacto incompleta solum ponantur in prædicamentis.
Quartò. Præterea docere solent, sola incòplexa, per se poni in prædicamentis, non verò complexa ex pluribus terminis constantia. Atque adeò, non definitiones, sed definita tantùm poni in prædicamentis, ut defendit Fonf. 4. Metaph. cap. 7. q. 8. Idquæ videtur planè fumi ex Arist. qui in Antepædicam. cap. ult. prædicamenta enumerat, diuidendo ea quæ secundùm nullam complexionem dicuntur. Et ratione suadetur. Tum quia, complexa non sunt vniuersalia vna simpliciter vniuersalitate. Tum quia in prædicamentis intellectui proponuntur prima & simplicia elementa, quæ vtrique debent esse: incompleta.

Dicendum tamen videtur, incompleta posse sumi, vel ad differentiam propositionum, quo sensu etiam termini complexi non habent complexionem propositionis; vel ad differentiam terminorum complexorum. Et primo quidem modo, non secundo, debere intelligi, sola incompleta poni in prædicamentis. Nam prædicamenta construuntur, non per integras propositiones, sed per prædicata & subiecta ex quibus sunt propositiones, ut patet. Non multum autem refert, an ipsi gradus prædicamentales nominentur per terminos incomplexos vel complexos. Imò Porphy. cap. de Specie in coordinatione prædicamenti substantiæ, quædam genera nominauit per terminos complexos. Et sæpe alias occurrunt alia genera vel species, in quibus non habemus vnum simplex nomen: neque quicquam obstat, quominus sub terminis complexis nominentur & ponantur in prædicamentis. Convenientius tamen & commodius est, quando habemus terminos simplices incomplexos, per illos nominare gradus prædicamentales.

Arist. verò planè intellexit, ea quæ secundùm nullam complexionem propositionis dicuntur. Nam illis opponit complexiones affirmatiuas & negatiuas. Ac-

quæ etiam termini complexi cogitari possunt cum eadem simplici vniuersalitate, cum qua cogitantur termini incomplexi illis æquiuales, ut patet ex dictis de vniuersalibus. Et in prædicamentis demum proponuntur intellectui illa elementa ex quibus conficiuntur propositiones, siue ea per terminos incomplexos, siue per complexos nominantur.

Quintò. Communis etiam & vera sententia est, sola entia completa & totalia per se & directè poni in prædicamentis: entia verò incompleta & partialia, cuiusmodi sunt partes integræ, partes etiam physice materia & forma, non directè disponi in serie prædicamentali: sed bene ad prædicamentum reduci. Colligitur hoc ex Arist. 7. Metaph. tex. 8. Vbi significat, materiam non esse per se speciem alicuius prædicamenti, quamuis dicat esse substantiam. Porphy. etiam, ordinat prædicamentum substantiæ, nullam fecit partium, sed tantùm substantiarum totalium mentionem. Ratione item ostenditur, ita fieri debuisse: quia ipsæ partes per hoc solum quòd totum ex ijs constans per se ponitur in prædicamento, iam inueniuntur in prædicamento: ergo non oportebat, nec conueniebat, per se etiam & separatim extra totum distinctè reponi. Itaque non est negandum, per se etiam suam seriem prædicamentalem in rebus partialibus ordinari. Nam verè in ijs inueniuntur prædicata superiora & inferiora, genera & species. v. g. quoddam genus est substantia physica partialis, quæ diuiditur in materiam & formam: materia etiam fortasse diuiditur in duas species, ætheream & subtilem: forma autem tot modis diuidi potest quot ipsa substantia completa corporea. Iterum verò de hac re dicemus in prædicamento substantiæ.

Per hanc eandem regulam multi explicant, neque differentias diuisiuis generum & constitutiuis specierum, directè poni in recta linea prædicamentali, sed tantùm poni à latere, seu reduci ratione ipsorum generum & specierum. Quia dicunt, differentia sunt entia incompleta & partialia. Verùm si entia incompleta intelligantur illa, quæ sunt partes constitutiue totius; non apparet, citè magis differentia quam genera dicantur entia incom-

Quo pacto entia completa solum ponantur directè in prædicamentis.

366 Quæst. XVI. De Prædicamentis in communi.

incompleta: & tamen genera sunt quæ constituunt rectam lineam prædicamentalem. Unde è contra aliqui notant, quando excluduntur entia incompleta, non intelligi incompleta metaphysicè, quæ videlicet sūt partes metaphysicæ: quia sic oīa prædicata superiora excluderentur; sed intelligi entia physicè incompleta, quæ sunt partes physicae. Et Ammonius quem sequutus est Hurradus d. 9. Metaph. sect. 3. affirmavit, etiam differentias poni directè in prædicamentis.

Aliter ergo debent distingui, alia prædicata quæ dicuntur in quid & substantiue, alia quæ dicuntur in quale & adiectiue. Prædicamenta autem ita disposita sunt, ut in recta linea ordinentur & collocentur illa quæ dicuntur in quid. Et hæc sunt genera & species: à latere autem apponantur illa quæ dicuntur in quale: & hæc sunt differentie. Sic enim clara & commoda fit distinctio rerum, ut aptè intellectui proponantur. Et in dicto sensu genera & species dici possunt prædicata completa, differentie verò prædicata incompleta.

Sextò præterea. Communior sententia docet, sola entia essentialiter finita, idest creata, in his prædicamentis collocari. quod quidem dicitur, nè Deus in prædicamentis poni putetur. Nec enim Diuina substantia ponitur in Prædicam. substantiæ: nec Diuina attributa, aut relationes, aut emanationes, in prædicam. qualitatibus, ad aliquid, & actionis, aut passionis: nec Diuina immensitas, & aternitas, in prædicamento vbi, & quando. Rationes autem huius rei varieg reddi solent. Sed quare in alijs prædicamentis a substantia nulla Diuina perfectio reponatur: Ratio est in promptu: quia hæc alia prædicamenta sunt accidentia, & pro solis accidentibus inficiuntur; omnis autem Diuina perfectio prorsus substantialis est. Quare autem Deus non ponatur in prædicamento substantiæ commodius proprio loco sequenti quæst. dicemus.

Septimò. Aliqui vltiores addiderunt, sola entia corporea exclusis rebus spiritualibus, aut sola entia corruptibilia exclusis rebus perpetuis, in prædicamentis collocari. Hæc tamen sententia reijcienda est. Quia potius prædicamenta quæ de facto instituta sunt, indifferenter illa,

omnia complectuntur. Et quia rationi consentaneum erat, ita fieri, nè sine vlla necessitate aut vtilitate, magna rerū pars è prædicamentorum serie repellatur. Sed quia qui illud dixerunt, præcipue loquuntur in prædicam. substantiæ, ad excludendos Angelos & corpora celestia, ideo plura de hac re in eodem prædicamento dicemus.

Octauò rursus. Aliqui volunt, sola genera & species, non autem indiuidua, in prædicamentis collocari. Et viderur ita docuisse Porphy. in cap. de Specie, innixus auctoritati Platonis, qui vixit ad specialissimam à generalissimis descendens inebat quiescere. Quoniam indiuidua infinita sunt. Alia etiam ratio huius rei reddi potest: quia indiuidua non per se faciunt ad scientias: ergo nec in prædicamentali serie debent includi. Alij sunt qui docet, etiam indiuidua debere in infimo loco sub speciebus specialissimis in prædicamentis collocari. Et ita defendit Fonf. 5. Metaph. cap. 7. quæst. 8. sect. 3. Quoniam certè de ipsis indiuiduis essentialiter dicitur genera & species, idest omnes gradus superiores, ipsumque genus generalissimum.

Sed res est facilis. Si in prædicamentis reponi intelligantur oīa illa, quæ essentialiter sub genere generalissimo continentur, ut poni in prædicamento solū sit subdi generi generalissimo, siue aptum esse illi subijci in prædicatione essentiali. Sic perspicuum est, indiuidua poni in prædicamentis, idest contineri sub generibus summis. Et hoc planè docuit ipse Porph. qui explicauit qualiter species de indiuiduis essentialiter prædicetur: & in serie prædicamentali substantiæ vltimo loco nominauit particulares homines, Soratrem & Platonem. Atque Aristot. in prædicam. substantiæ per se explicauit substantiam primam & secundam, idest singularem & vniuersalem. Alier verò, si in prædicamentis reponi dicantur tantum illa quæ in ædificio ipsorum prædicamentorum debeant distinctè recenseri & numerari. Sic inutile planè esset, imo impossibile est, omnia indiuidua distinctè in prædicamentis singulis recensere. Et in hoc sensu iubeat Plato in specialissimis quiescere. Imo hoc modo, nec etiam necesse est, & plerumque esset impossibile,

Quomodo etiam indiuidua ponantur in prædicamentis.

*Entia solū crea-
ta ponun-
tur in præ-
dicamen-
tis.*

*Non tamen
sola entia
corporea,
vel corru-
ptibilia.*

possibile, omnes rerum species numerare. Nec enim curamus in prædicamento substantiæ percurrere omnes brutorum species, plantarum, lapidum, & sic de alijs. Quinimo sufficiens indicatur, præcipuas & notiores species sub communioribus generibus distinguere & proponere.

Entia maxime quoad essentiam in prædicamentali serie disponuntur.

Nonò. Quia entia possunt sumi, vel præcisè quoad essentiam vel etiam quoad actualem existentiam; communiter docere solent, entia tantum quoad essentiam per se & directè disponi in prædicamentis. Ita significat D. Thom. in 1. d. 8. q. 4. art. 2. & Quodl. 1. art. 3. & docent alij quos refert & sequitur Pons. 5. Metaph. cap. 7. q. 4. De existentia verò aliqui volunt, omnem existentiam rerum creaturarum pertinere ad prædicamentum aliquod accidentium. Ita faveat S. Thom. ibi dicens, existentiam esse accidens rerum. Et expresse Molina 1. par. q. 3. art. 4. disp. 2. opinatur, existentiam rerum successivarum spectare ad prædicamentum quantitatis sub specie temporis, rerum verò permanentium ad prædicamentum quando, confundens existentiam cum duratione rerum.

Hæc tamen res attingit arduam quæst. de distinctione existentia: ab essentia rerum, & de ratione ipsius existentia. Breuiter modò sat erit dicere, non esse quidem necessarium res actu existere ad constructionem prædicamentorum: sed optimè constitui prædicamenta in solis essentijs rerum, siue in rebus consideratis præcisingendo ab actuali exercitio existentia. Est res clara. Tum ex dictis in tractatu vniuersali. Tum quia satis notum est, optimè posse res concipi, & inter se coordinari, atque prædicari & subijci, secundum essentiam. Ita vt etiam si res non existerent, nihilominus possunt cogitari, & distingui per genera & species: sicut de facto fit in prædicamentis.

Sed etiam quoad existentiam disponi possunt.

Ex alia parte addendum est, hanc ordinationem & dispositionem per singula prædicamenta, posse fieri in rebus existentibus quatenus existentibus. Nam eadem res dicunt suam existentiam, dum actu sunt: & hæc existentia diuersa & multiplex est, sicut ipsa essentia rerum. Non ergo dici debet omnis existentia ad certum aliquod prædicamentum accidentium pertinere. Et S. Thom. ipse 4. Meta-

ph. lect. 2. cont. Auicem. docet, existentiam non esse tali modo accidens rerum. Et Molina fatetur, hanc esse communem sententiam. Sed dici debet, existentiam rerum distribui per omnia prædicamenta, per singula genera & species: disponendo ipsa prædicamenta in rebus quatenus existentibus. Sed de hac tota re in Metaph. latè agendum erit.

Decimò eadem. Quia entia possunt sumi tum in abstracto, v. g. humanitas, albedo; tum in concreto, homo, album: dubium est, vtro ex his modis propriè & præcipuè in prædicamentis disponantur. Et de substantia quidem facillè cōueniunt omnes, eius genera & species poni potius in concreto. Paret ex ipso vñ: substantia, corpus, spiritus, viuens, animal, homo. Et ratione ostenditur, quia substantia in concreto dicit suppositum, quod est completum & totale: in abstracto autem dicit naturam, quæ se habet vt pars suppositi, præcisingens à modo superaddito, per quem substantialiter completur in ratione vniuersi per se. Dictum est autem, directè in prædicamentis disponi entia completa, & in illis includi incompleta. An verò possit etiam aliquo modo prædicamentum substantia: coordinari in terminis abstractis, dependet ex alijs quæst. num talia abstracta prædicari & subijci possint: quod alio loco videbimus.

In prædicamento substantia disponuntur in concreto.

De prædicamentis accidentium est difficultas. Et aliqui pariter volunt, accidentia propriè in concreto debere in suis prædicamentis disponi. Ita defendit Tolet. q. 2. post prædicamenta. Et viderur hic planè esse sensus Arist. Nam hic in Antrepr. cap. 5. & alijs in locis in quibus prædicamenta recenset, illa omnia nominat sub terminis concretis. Probat etiam Tolet. quia prædicamenta distinguuntur per ordinem ad substantiam, qui ordo per terminos concretos explicat. ut. Tum quia concreta magis quàm abstracta denotant propriè accidentia. Tum etiam, modus inherentijs quo forma accidentialis inest subiecto, pertinet ad idem prædicamentum sui accidentis: at hic modò significatur per nomen concretum, non per abstractum. Tum maximè, quia forme quorundam prædicamentorum, scilicet vbi, situs, quando, & habere: si abstractè sumantur, includuntur in alijs prioribus prædi-

In prædicamentis accidentium Tolet. idem affirmat.

368 Quæst. XVI. De Prædicamentis in communi.

prædicamentis, videlicet locus & tempus in prædicamento quantitaris, vestis in prædicamento substantiæ. Ergo necesse est dicere, solum in concreto constituitur hæc alia quatuor prædicamenta. Denique videri potest paritas substantiæ: ut quod de prædicamento substantiæ dictum est, etiam de prædicamentis accidentium debeat dici.

*Plures vo-
lunt, in ijs
disponi po-
tius in ab-
stratto.*

Ex opposito Avicenna lib. 3. Metaph. cap. 3. S. Thom. Opusc. 42. cap. 19. & de Ente & essentia. cap. 7. ibique Caiet. Fons. 5 Metaph. cap. 7. q. 5. & alij vt plurimum hoc loco volunt, prædicamenta accidentium propriè in naturis abstractis coordinari debere. Adest & pro hac parte auctoritas Arist. qui & hic in prædicamentis sub terminis abstractis, illorum genera nominare solet. & 3. Top. cap. 1. loc. 4. ait, iustitiam non verò iustum esse in genere boni, id est virtutis. & lib. 2. cap. 2. loc. 1. ait, non rectè assignari coloratum genus albi. Et præterea in iisdem illis locis allegari, iuxta varias versiones, prædicamenta recensentur, vel per nomina concreta, vel abstracta. Ratio autem fundamentalis huius sententiæ est. quia concretum accidentale non dicitur vnum per se, sed vnum per aggregationem & per accidens: ex forma enim accidentali & subiecto non fit vnum per se: at nomē concretū dicitur non trā formā, sed etiam subiectum. Nec iuuat quod aliqui respondent, concretum accidentale non dicere in recto subiectum, sed tantum dicere in obliquo & connotatiue: id est dicere formam in subiecto. Quicquid enim sit de significatione nominis concreti, de qua agemus q. 22. sect. 3. certè planum est, formam accidentalem cum subiecto connotari non habere perfectam vnitatem per se, sicut habet ipsa forma per se sumpta.

Nec etiam iuuat, quod quidam alij dicunt: concretum accidentale absolute dictum non dicere certum aliquod subiectum alicuius certi prædicamenti: sed tantum dicere vagè aliquod subiectum: & vt sic habere vnitatem per se. Nam nec etiam cum subiecto vagè sumpto forma accidentalis facit per se vnum. Non enim habent proportionem & aptitudinem ad hoc requisitum. Et, si forma non facit per se vnum cum quocunque subiecto determinato & in specie sumpto: nec

etiam facit cum subiecto indeterminatè & in genere sumpto. Et præterea, licet concreta accidentaliter non dicant subiectum determinatum in certa specie, saltem pleraque dicunt determinatum in certo genere. Album, v. g. licet non detur: minet parietem aut cygnum album: tamen vtique determinat corpus albi: & quantum determinat substantiā quantum: & sic frequenter alia familia concreta.

Dicendum ergo est, in rigore quidem, & diuidendo ens per ea quæ habent vnitatem per se: prædicamenta accidentium debere in formis abstractis disponi. At commoditatis & consuetudinis gratia, posse etiam in terminis concretis disponi. Iuxta hoc possunt intelligi & conciliari loca Aristot. allegata. Et res ferè manet explicata & probata ex dictis. Nam ex vna parte verè in formis accidentalibus abstractè sumptis inueniuntur omnes conditiones requisitæ ad coordinationem prædicamentorum, & in ijs maxime fiunt & exercentur prædicationes essentielles generū & specierū: magnitudo est quantitas, potentia est qualitas, similitudo est relatio, & sic de aliis omnibus. Nec deest conditio entis completi. Nam licet talis forma sit pars concreti seu compositi accidentalis: tamen hoc compositum non est quid per se vnum: Illud autem dicitur propriè ens incompletum, quod est pars alicuius compositi quod sit per se vnum. Potius ergo ipsa forma accidentalis in se, est ens completum & totale.

*In rigore
quidem
disponi de-
bet in
abstracto.*

Ex alia parte, licet in concretis accidentalibus desit conditio vnitatis per se: tamen quia hæc concreta sunt tam familiaria & consueti in communi modo loquendi: non immerito etiam in ijs admitenda est coordinatio prædicamentis: & in ijs etiam exercentur prædicationes: magnum est quantum, potens est quale, simile est relatum. Nos autem in progressu huius tractatus, absolute sub terminis abstractis accidentium prædicamenta disponemus. Vnde manifestè accipi poterit etiam in terminis concretis ordo & series prædicamentis.

Hinc ad rationes Toleti facilè Respond. etiam in formis abstractis considerari ordinem ad subiectum. Dicimus enim, quantitas extendit subiectum, qualitas attingit

*Sed possit
etiam in
concreto.*

*Argumē-
ta solum
int.*

& sic

& sic de reliquis. Et nomina etiam abstracta denotant accidentia, ut patet in ipsidem exemplis. Modus autem inherentiæ reducitur ad prædicamentum sue formæ, tanquam modus eius: & satis est, si includatur quando prædicamenta coordinantur in concreto; licet tunc desit aliqua conditio, alioqui de rigore requisita. Deinde si quatuor illa prædicamenta, non aliter distinguuntur ab alijs, nisi per discrimen concreti & abstracti: ergo malè ipse Tolerus omnia prædicamenta vult per concreta coordinari debere. Sed etiam illa quatuor possunt in terminis abstractis designari, quia considerari possunt illæ formæ quatenus apte denominare extrinsecè aliquod subiectum: & ita differunt à se ipsis quatenus insunt intrinsecè alteri subiecto. Et secundum hos diversos respectus, tam in terminis abstractis, quam

in concretis acceptæ, spectant ad diuersa prædicamenta, ut suis locis videbimus. Demum disparitas inter prædicamenta accidentium & prædicamentum substantiæ, conspicua est ex dictis. Naturæ enim substantiales ordinabantur ad constituendum suppositum per se vnum: vnde erant propriæ entia incompleta. Formæ autè accidentales opposito modo se habent: quia non sunt apte constituere cõpositum per se vnu. Et in exercitio etiã prædicationis est manifesta diuersitas, quia prædicationes essentialis inter accidentia maximè sunt sub terminis abstractis, ut exploratum est. At inter substantias, vel negantur, vel vix admittuntur sub terminis abstractis; humanitas est animalitas, corporeitas est substantialitas, &c. Fiunt autem & in viũ ponuntur sub terminis concretis: homo est animal, corpus est substantia.

QVÆSTIO DECIMASEPTIMA.

De Prædicamento Substantiæ.

Merito primo loco cum Aristotele agimus de Prædicamento Substantiæ. Substantia est enim fundamentum & causa omnium accidentium: Illaque, ratione, cognitione, tempore, natura, præcedit 7. Metaph. cap. 1.

SECTIO PRIMA.

Quid sit Substantia.

Substantia nomen quid significet.

Substantiæ nomen vno modo nimis amplè sumitur pro cuiusvis rei essentia & natura. Sic accipiebatur in definitione æquiuocorum & vniuocorum, quorum diuersa vel eadem substantiæ ratio dicebatur. Sic etiam frequenter alias accipi solet. Hoc autem modo non dicit determinatum quoddam genus entis, sed ad omnia se extendit. Arque etiam accidentia habent suam propriam substantiæ rationem, idest suam essentiam & naturam. Alio modo nomen substantiæ sumitur ad significandum determinatum quoddam genus entis, dum ens diuiditur in substantiam & accidens. In hoc sensu nunc sumitur.

Potestquè dupliciter huiusmodi substantia explicari. Vel enim dicitur substantia à substantando, quod est subesse & supponi alteri. Sic substantia dicitur, quæ subest accidentibus quorum est subiectum. Ad hanc substantiæ explicacionem videtur maximè respexisse hic Arist. ut notauit D. Isidor. lib. 2 Etymolog. cap. 6. cum ex mente Arist. ait, substantia est quæ propriè & principaliter subsistere dicitur. Et ideo Arist. dixit, primam substantiam, idest singularem, esse magis substantiam: quia non solum subest accidentibus, sed etiam suis superioribus prædicatis: & respectu accidentium dicitur subiectum, inhærens; respectu prædicatorum essentialium dicitur subiectum prædicationis.

Vel substantia dicitur à subsistendo, sumendo subsistere pro per se existere &

Substantia ratio dupliciter explicatur.

A a non

non in alio subiecto. Ex quo verbo derivatur etiam subsistentia pro per se existentia. Substantia autem sic dicitur, illud ens quod per se existit, & non dependet a subiecto cui inhearet. Sic explicat idem Isidorus libro primo Differentiarum capite quarto & quinto. Fateor, ly subsistere in rigore vocis posse sumi pro eodem prorsus ac subsistere, quasi scilicet subsistere & stare sub alio: ut etiam hoc modo substantia dicatur quatenus subest accidentibus. Et ita explicavit Dionysius Augustinus libro 7. de Trinitate cap. 4. Fateor etiam, interdum ly subsistere sumi pro eo quod est verè existere, ad differentiationem eorum quæ apparent & verè non sunt. Sic accepit Aristot. in libro de Mundo ad Alexandr. Nihilominus communiori sensu & intelligentia subsistere sumitur pro per se existere, & substantia per hanc Eymologiam est quæ per se existit.

Ex hac duplici explicatione duplex substantiæ ratio conspicitur, una per se existendi, altera substanti accidentibus. Dicendum est autem, primariam & adequatam rationem essentialem, esse rationem per se existendi. Ita sumitur ex ipso Aristot. qui ad finem huius cap. ponit inter proprietates substantiæ, esse susceptivum contrariorum. Hoc enim non aliud est quam posse subsistere accidentibus, inter quæ contrarietas exercetur: proprietas autem non est prima ratio essentialis, sed supponit essentialiam: & ita ratio substanti debet supponere rationem substantiendi. Habetur etiam ex Damasceno cap. 39. & 42. sup. Dialecticæ. D. Thoma Opusc. 42. cap. 10. Et est communis sententia Doctorum.

Et patet. Tum quia Deus est perfectissima substantia, & ita ab omnibus appellatur: & tamen nulli rei subest, nulla accidentia suscipit. Si fieret etiam aliqua creatura, quæ per se quidem existeret, nulla tamen accidentia recipere posset, vique esset verè substantia, contradistingueretur ab accidenti in illa communi divisione entis per substantiam et accidentem. Tum deinde ideo substantia est accidentium susceptiva, quia supponitur in se existere: hinc enim habet, ut possit & alia subsistere, sitque primum subiectum aliorum entium, addita imperfe-

ctione, quod non est purus actus, nec per solam suam essentialiam habet omnem perfectionem sibi convenientem, ad differentiationem substantiæ increare: ergo ratio per se existendi est prima ratio essentialis substantiæ. Tum demum hæc est ratio immediatè distinctiva substantiæ ab accidenti: accidentis enim est in alio, substantia est per se. Unde perfectas & inaleas assignatur tanquam primæ differentiæ divisiuæ entis, in substantiam & accidentem.

Ad explicandam verò magis hanc rationem essendi per se, videndum est, *se existens*. quid ea propriè sit. Sincin. quinto Metaphysicæ. quæstione 14. docet esse negationem, negationem scilicet essendi in alio. Probat: quia substantia non potest addere supra ens aliquam rationem positivam & realem, cum in omni tali ratione includatur ipsa ratio entis: ergo solum addit negationem. Certum tamen esse debet, hanc rationem esse positivam & realem, licet per negationem explicetur. Est aperta sententia Sancti Thomæ primo contra Gentes, capite vigesimo quinto Vbi Ferrarien., Scoti etiam, in primo distinctione tertia quæstione tertia & aliorum communis. Sumitur ex Aristotele qui in hoc capite negationem essendi in alio inter proprietates primo loco recensuit: *Commune est omni substantiæ, in subiecto non esse*: planè supponens hanc negationem non esse primam & quidditativam substantiæ rationem.

Probat manifestè. Tum quia substantia quatenus substantia est, est ens positivum & reale, & entitas positiva substantiæ est realiter & essentialiter divisa ab accidenti: ergo in se constituitur, & ab accidenti distinguitur, per rationem positivam realem. Tum è contra, esse in alio, per quod constituitur accidentis, vel dicitur rationem positivam, vel solum negationem essendi per se. Si primum: ergo perfectius erit formaliter accidentis quam substantia: imo tantò perfectius, quantò ens non ente. Si secundum: tunc ergo esse per se erit negatio negationis essendi in alio, quæ est ineptissima negatio & circularis. Tum præterea negatio essendi in alio, debet vique fundari in entem.

Essentialis ratio substantiæ, non est subsistere accidentibus, sed per se existere.

entitate aliqua positiua, quam habet substantia, & non habet accidens quod non habet talem negationem: illa ergo entitas positiua est realis & essentialis ratio per quam substantia constituitur. Tum a pari: Deus dicitur constitui per rationem essendi à se, ad differentiam entis creati quod constituitur per rationem essendi ab alio: ratio autem essendi à se constitutiua Dei, vique positiua est: ergo similiter ratio essendi per se constitutiua Substantiæ. Verum est, has rationes positiuas solere explicari per negationes, veluti per proprietates consequentes. Quoniam cum sit quodammodo notius, & facilius concipiatur per modum positiui, esse in alio & esse ab alio: ideo esse per se explicatur per negationem dependentiæ à subiecto receptiuo, & esse à se per negationem dependentiæ à principio effectiuo.

Ad rationem Soncin. facile dicitur: non oportere substantiam constitui per rationem aliquam superadditam enti, quæ non sit essentialiter ens: imo non posse per talem rationem constitui. Sed essentialiter determinari per rationem talis entis, quæ est esse per se. Quia non opus est, in ijs quæ sub ente diuiduntur, distinguere vnam rationem entis, & alteram propriam per modum differentiæ, cum perfecta præcisione. Et hoc ipsum docuerat idem Soncin. eadem quaestione. Et latius videndum erit in Metaph.

*Adiuv
modus sub
sistens ad
substantia
cõplemen
tum.*

Præter hæc, ad complementum substantiæ addi solet alius modus essendi, qui appellatur subsistentia, per quem formaliter natura substantialis dicatur per se subsistere, & ex quo simul cum ipsa natura constituitur suppositum. Quod totum colligitur ex mysterio Incarnationis: quoniam in Christo est humana natura, non autem est modus subsistentiæ creatus cõnaturalis ipsi naturæ. Sed loco eius adest persona Verbi diuini, per suam subsistentiam increaram terminans naturam humanam. Vnde in Christo sunt duæ naturæ, & vnum tantum suppositum: quia Verbum diuinum ad se assumpsit in vnitatem suppositi & personæ naturam humanam. Hinc consequenter, non talis modus subsistentiæ actualis, sed principium exigitium

eius, dicitur essentialis ratio substantiæ, & appellatur subsistentia radicalis. Sicut è contra, quando ratio essentialis accidentis, dicitur esse in alio, non intelligitur inhærentia actualis: nam quantitas in Sacramento Altaris existit per se non actu inhærens, res autem ita se habet cum sua essentia vt implicet, etiam respectu potentiæ absolutæ Dei, rem aliquam conferuari sine sua essentiali ratione. Sed intelligitur inhærentia radicalis, idest natura exigitia inherentiæ actualis. Ita pariter de essentia substantiæ philosophatur S. Thomas in 4. dist. 12. quaestione 1. art. 1. quæstiuicula 1. ad 1. Durandus in 3. distinct. 1. quaestione 1. num. 9. cum Auicenna quem referunt, & alij Theologi circa mysterium Incarnationis. Sed de hac re latè agendum erit in Metaphyl.

SECTIO SECVNDA.

De Diuisione Substantia in Primam & Secundam.

ARistoteles suum prædicamentum substantiæ auspicatur à distincta explicatione primæ & secundæ substantiæ. Vnde orta est diuisio substantiæ in primam & secundam. Quæ diuisio non leues difficultates affert. Propter quod Ammon. hoc loco ait, hanc non tam esse diuisionem, quàm potius enumerationem quandam: vt si quis enumerando diceret, in oratione reperiri dictiones, syllabas, & litteras: sic in hoc prædicamento inueniri primas & secundas substantias. Et sane Aristoteles non diuidendo loquutus est, sed statim incepit explicare primam substantiam, & deinde explicat secundam. Verùm alij Periparetici communiter, Porphyrius interrog. decimanona, Boetius, Simplicius, Auerroes, & alij in hoc capite, eam tanquam diuisionem recipiunt. Et sine dubio, dum sub eodem nomine substantiæ enumerantur prima & secunda; iam hæc est diuisio quedam: ac si diceretur, substantia duplex est, prima, & secunda. Quæ diuisio nunc explicanda est.

*Substantia
diuiditur
in primam
& secundam.*

Et primo loco commodum erit explicare

Quænam

A a 2 care

372 Quæst. XVI. De Prædicamentis in communi.

*Prima
in secun-
da substan-
tia.*

care, quid sint: prima & secunda substan-
tia; quæ sunt membra diuidentia. Arist.
sic definit primam substantiam: *Quæ ne-
que de subiecto dicitur neque in subiecto ali-
quo est.* Secundam autem substantiam in
progressu explicat: *Quæ de subiecto qui-
dam dicitur, in subiecto autem non est.* Ita-
que utrique substantiæ commune est, non
esse in subiecto. Discrimen autem utrius-
que consistit penes dici aut non dici de
subiecto. Non esse in subiecto intelligi-
tur non inherere subiecto, quæ erat es-
sentialis ratio & adæquata substantiæ,
quam explicauimus sect. præcedenti. Di-
ci de subiecto intelligitur prædicari de
subiecto tanquam superius de inferiori,
quo pacto genera & species de suis in-
ferioribus prædicantur. Quocirca pri-
ma substantia est substantia singularis, quæ
non prædicatur de alijs subiectis sibi in-
ferioribus. Secunda substantia est sub-
stantia vniuersalis, quæ prædicatur de in-
ferioribus sibi subiectis.

Querit autem Scot. quæst. 12. in Præ-
dicam. num iuxta hanc explicationem
indiuiduum vagum substantiæ æle, sit prima vel
secunda substantia. Videtur enim prima:
quia est indiuiduum: & Aristot. in exem-
plum primæ substantiæ affert, *quidam ho-
mo, quidam equus.* Et ita defendit Tolet.
quæst. 5. de Substantia, ad 1. Ex alia par-
te videtur secunda: quia dicitur de sub-
iecto, & potest de pluribus prædicari,
nempe de indiuiduis determinatis. Ver-
um hoc non est aliud quam querere,
num indiuiduum vagum sit vniuersale vel
singulare. De qua re satis diximus quæst.
8. sect. 16. quomodo possit utroque mo-
do sumi. Aristot. autem hic posuit illa
exempla sine dubio pro substantijs singu-
laribus: quasi diceret, Petrus homo,
Bucephalus equus.

*Quæritur
si substan-
tia quæ di-
uiditur.*

Secundò loco videndum est, quod-
nam sit diuisionem in hac diuisione, seu
quomodo accipiat substantia quæ diui-
ditur in primam & secundam. Et qui-
dem facillè consentiunt omnes, non esse
ipsum genus generalissimum substantiæ,
quasi diuidatur in suas species, sicut cum
diuiditur quantitas in continuum & dis-
cretam. Nam genus generalissimum est
substantia secunda & vniuersalis, ut patet:
ergo non est illud quod diuiditur in pri-
mam & secundam. Neque absolute lo-

quando substantia vniuersalis est quæ di-
uiditur, sicut non est substantia singu-
laris: quia totum diuisionem non debet coinci-
dere cum vno membrorum diuidentium.
Sic enim totum esset æquale parti: nec
posset esse apud diuisionem. Sed asserere
oportet, diuidi substantiam acceptam
in aliquo sensu quo sit indifferens ad sta-
tum primæ & secundæ.

Hoc supposito, Caiet. in principio huius
prædicam. & alij vt plurimum docent,
diuisionem in hac diuisione esse substantiam
directè ponibilem in hoc prædicamento.
& quia substantia, tum vniuersalis, tum
singularis, directè ponitur in prædicam-
mento: ideo diuidi in primam & secun-
dam. Nam hæc diuisionem traditur propter
coordinationem prædicamentum: ergo in-
telligitur diuidi illa substantia quæ ponit-
ur in recta linea prædicamenti. Albertus
autem hic cap. 1. & quidam alij signifi-
cant, diuidi substantiam sumptam forma-
liter secundum rationem substantiæ. Nam
hæc est ratio prima & quidditatiua sub-
stantiæ, communiter se habens ad primam
& secundam. Aliqui dicunt, potius di-
uidi substantiam secundum rationem sub-
stantiæ. Nam hæc etiam est ratio communis:
& secundum hanc rationem Aristot. ait
primam substantiam esse magis substantiam,
quia magis substantat.

Verum non oportet de hac re nimium
cōtendere. Sed dicendū est, oibus his mo-
dis posse accipi substantiam diuiditur.
Nam omnibus ijs potest benè adaptari
diuisionem. Imo ex ijs potest fieri vnus modus,
dicēdo diuidi illam substantiam quæ di-
rectè ponitur in prædicamento: diuidi au-
tem formaliter secundum rationem es-
sentialē substantiæ; explicandam pri-
mario per rationem substantiæ, secunda-
rio per rationem substantiæ, quod totum
ex dicendis clariùs innosceret.

Tertiò. Tām circa totum diuisionem, *An diui-
sionem circa membra diuidentia, dubita-
tur, an in hac diuisione sumatur secun-
dum rationes reales quæ dicuntur primæ
intentiones, vel secundum rationes intelle-
ctuales quæ dicuntur secundæ inten-
tiones.* Scotus in hoc Prædicam. q. 1. art.
1. affirmat, accipi formaliter quoad se-
cundas intentiones: quia non solum se-
cunda substantia, sed etiam prima, forma-
liter dicitur secundam intentionem. Sicut
enim

*An diui-
sionem circa
membra diuidentia
sumatur quoad
rationes reales
vel intentiones.*

enim dici de fubieçto eſt fecunda inten-
tio prædicabilitatis: ita eſſe fubieçtum eſt
fecunda intentio fubijcibilitatis. E contra
Suar. diſp. 33. Metaph. ſeçt. 2. vult, accipi
potius debere quoad primas intentiones:
idq. eſſe magis ad mentē Ariſt. Quia Ariſt.
explicat ſubſtantiam per non eſſe in ſub-
ieçto, ad denotandam realem ſubſiſten-
di rationem: & etiam ſi ſubſtantia expli-
cetur per ſubſtare accidentibus, hæc quo-
que ratio eſt realis. Et ita diuiditur ſub-
ſtantia in ordine ad duplicem modum,
realem ſubſiſtendi & ſubſtandi; vel per ſe
& primariò, qui eſt modus primæ ſub-
ſtantia; vel ſecundariò & mediante pri-
ma ſubſtantia, qui eſt modus ſecundæ ſub-
ſtantiæ. Addit: cùm Ariſt. dicat primam eſ-
ſe magis ſubſtantiam: hoc non verificatur
quoad ſecundas intentiones: ſed bene
quoad dictum modum ſubſiſtendi & ſub-
ſtandi. Caiet. verò in principio huius
prædicamenti docet, diuifionem poſſe
accipi, tùm quoad ſecundas, tùm quo-
ad primas intentiones. Quoad ſecundas,
vt ſenſus ſit, ſubſtantia prima aut ſecunda,
particulariter aut vniuerſaliter concepta.
Quoad primas, vt ſenſus ſit, ſubſtantia
prima, id eſt particulariter ſubſiſtens: ſe-
cunda, id eſt non includens particulari-
ter ſubſiſtere.

*Vno modo
poſſe acci-
pi peni-
tus quoad
rationes
intention-
nales.*

Pro reſolutione dicendum eſt, varijs
quidem modis poſſe diuifionem accipi,
quibus vel plus vel minus de ſecundis in-
tentionibus inuoluatur: omnino tamen
debere inuolui aliquam denominationem
rationis. Vno modo poſſe accipi diui-
ſio omni ex parte penes ſecundas inten-
tiones. Videlicet ex parte totius diuiſi ac-
cipiatur ſubſtantia quatenus ponibilis in
prædicamento, quæ breuius dici poſſe
ſubſtantia prædicamentalis: poni autem
in prædicamento, vtique eſt aliquid ſecun-
dæ intentionis. Et vt ſic ſubſtantia diui-
datur: in illam quæ ponitur inſimo loco,
& hæc eſt prima ſubſtantia; & in illam,
quæ ponitur in aliquo ſuperiori loco, &
hæc eſt ſecunda: ſive in illam quæ pon-
nitur in prædicamento ſolum vt ſubijci-
bilis, & hæc eſt prima; & in illam quæ
ponitur vt prædicabilis, & hæc eſt ſecun-
da. Quæ omnes rationes formaliter ſunt
ſecundæ intentiones, vt patet.

*Alijs mo-
dis, par-*

Alio modo poſſe accipi diuiſio, ex par-
te quidem ſubſtantia; diuiſæ quoad pri-

mam intentionem, ex parte membrorum
diuidetium quoad ſecundas intentiones.
Scilicet natura & eſſentia realis ſubſtan-
tiæ, vel afficitur intentione vniuerſalis
& prædicabilitatis; vel intentione cor-
relatiua inferioritatis, ſingularitatis, &
ſubijcibilitatis. Alto demum modo poſſe
accipi, ex parte etiam primæ ſubſtantia;
quoad primam intentionem, ex parte ſe-
cundæ quoad ſecundam. Videlicet eſſen-
tia realis ſubſtantia; aut ſumitur prout eſt
realiter ſingularis, aut ſumitur prout vni-
uerſalis, ſeu prout à ſingularitate præ-
ſeindens. Sive aut per ſe primò ſubſiſtit
& ſubſtar, aut mediâtè & ſecundariò:
vt dicebat Suar. Patet autem, omnino in
ſecunda ſubſtantia debere aliquam ſecun-
dam intentionem ſeu aliquam denomina-
tionem rationis inuolui. Nam cùm na-
tura vniuerſalis non diſtinguatur à parte
rei, ſed tantum per rationem, à ſingulari-
bus: non niſi per rationem ſuſcipere po-
teſt talem denominationem in qua diſſe-
rat à prima. Et ita patet in omnibus
modis dictis. Nam non tantum ſi dica-
tur ſubſtantia vniuerſalis; ſed etiam ſi
dicatur ſubſtantia prædicans à ſingulari-
tate, ſeu non includens ſingularitatem:
hæc eſt vtique denominatio rationis, op-
ponens quodammodo ſubſtantiam ſecun-
dam primæ, & addens ſaltem negatio-
nem reſultantem ex operatione rationis
ſupra eſſentiam ſubſtantia; ſe tenentem ex
parte totius diuiſi. Rurſus etiam dicen-
do, ſubſtantia mediâtè & ſecundariò
ſubſiſtens: hæc maxime eſt denominatio
rationis fundata in diſtinctione rationis.
A parte rei enim non datur talis diuerſi-
tas, ſed formaliter ſic per intellectum
diſtinguentem, & referentem naturam
vniuerſalem ad rem ſingularem. Et ita
tandem fatetur ipſe Suar. num. 24.

Difficultas adhuc ſuper eſt, quinam ex
his modis ſic magis de mente Ariſt. Et ſic
etiam dicendum eſt, omnes poſſe eius men-
ti accommodari. Nam ſubſtantiam quæ
diuiditur accipit prout ponebatur in
prædicamento; & ita quoad ſecundam
intentionem: accipit quoad rationem
ſubſiſtendi et prout ſubſtat: accidentibus;
& ita quoad primam intentionem, quam
etiam indicauit per negationem illam,
non eſſe in ſubieçto, quam fecit commu-
nem tam ſecundæ quam primæ ſubſtantia;

*ſim quoad
rationes
reales, par
ſim quoad
intention-
nales.*

*Omnes ij
modi poſſe
ſunt ad
mentem
Ariſt. ap-
tari.*

De substantia prima dixit, subijci omnibus alijs, etiam secundis substantijs: quæ subiectio dicitur planè secundam intentionem. Dixit etiam, nec esse in subiecto, nec de subiecto dici: per quam secundam negationem explicauit rationem singularitatis quæ realis est & primæ intentionis. De secunda substantia dixit, in illis, idest sub illis, esse primas substantias, illas esse genera & species, illas prædicari de subiectis primis substantijs: quæ omnia sonant secundas intentiones.

Hinc patet ad ea quæ Suar. ex Arist. adducebat. Imo certè Arist. non explicauit primam & secundam substantiam per modos primarij aut secundarij subsistentiæ, licet ipsa nomina primæ & secundæ ita sonent: sed potius explicauit & distinxit, per nō dici, vel dici de subiecto. Quo sensu verò dixerit, primam esse magis substantiam quia magis substat, infra explicabimus: & patebit, id etiam intelligi per secundas intentiones.

*Qualitas
si ipsa di-
uisio.*

Quartò vltierius circa ipsam diuisionem dubietur, qualis nam sit. Aliqui volunt esse diuisionem generis in species: quoniam substantia vniuoce & essentialiter in quid dicitur de vtraque. Plures sunt qui asserant, esse analogi in analogata. Ita S. Thom. quæst. 9. de Pot. art. 2. qd 6. Albert. & Caiet. hic, Tolet. q. 1. ad finem, Sorus quæst. 1. ad 1. Mastrus sect. 1. quæst. 3. Ruuius quæst. 4. & alij: quoniam substantia prima & secunda, dicitur per prius & posterius: vt ex ipsis nominibus patet. Aliqui dicunt, esse diuisionem subiecti in accidentia. Ita indicant etiam Caietanus & Sorus, & descendit Sanc. quæst. 2. quoniam diuiditur substantia per modos intentionales. Aliqui è contra, esse accidentis in subiecta. Ita indicat Suar. sect. 2. cit. nn. 11. quoniam subsistere vel substat, se habet tanquam proprietates, quæ comunicatur vtrique substantiæ. Alij demum, esse diuisionem accidentis in accidentia. Ita Louanienf. quoniam substantia quæ diuiditur, accipitur secundum modum ipsi accidentalem, & diuiditur per modos accidentales, idest accidentaliter se habentes etiam ad illum modum: sicut si diuidatur homo albus in sedentem & ambulantem.

Est gen-

Pro resolutione dicendum etiam arbi-

tror, omnibus his modis posse talem diuisionem explicari. Est diuisio generis in species: si intelligatur diuidi secunda intentio ponibilitatis in prædicamento in subijcibiliterat & prædicabilitatem. Nam sicut vniuersale & prædicabile formaliter sumptum, dicitur genus ad quinque prædicabilia: ita potest cogitari genus commune ad prædicabile & subijcibile: & substantia prædicamentalis ad substantiam prædicabilem & subijcibile. Non autem est diuisio generis in species, sumendo naturam realem substantiæ. Nam species sub genere inter se opponuntur: at natura realis substantiæ eadem est, siue in vniuersali, siue in singulari sumatur: & solum in secunda intentione est diuersitas.

Est diuisio analogi in analogata: non dicam propter ordinem illum prioris & posterioris, quam rationem improbat etiam Suar. sect. 2. cit. num. 21. & 22. Sed præcipue: quia substat dicitur, tum respectu accidentium de subiecto inhærensionis, tum respectu prædicatorum superiorum de subiecto prædicationis. Et dicitur analogice: quia solum secundum quandam habitudinem hoc nomen est commune. Imo substat accidentibus est quid reale, substat prædicatis essentialibus est intentionale. Substantia autem prima, vno modo distinguitur à secunda, quia vltra rationem substandi accidentibus commune ipsi substantiæ, addit rationem substandi secundis substantijs, & ita nomen substantiæ planè dicitur analogice.

Est diuisio subiecti in accidentia, sumendo substantiam quoad essentiam realem & primam intentionem, primam autem & secundam quoad secundas intentiones. Nam hoc non est aliud quam considerare substantiam, prius in statu essentia, deinde in statu vel singularitatis vel vniuersalitatibus: quo pacto se habet tanquam subiectum ad accidentia: vt patet etiam ex dictis de vniuersalibus in communi.

Est diuisio accidentis in subiecta, quia potest considerari ratio substantiæ, pro actuali exercitio subsistenti per modum substantiæ: à natura distinctum, & pro actuali exercitio substandi accidentibus. Potestque huiusmodi actuale exercitium attribui

*ris in spe-
cies.*

*Est ana-
logi in
analogata.*

*Est subie-
cti in ac-
cidentia.*

*Acciden-
tis in sub-
iecta.*

Seçt. II. De Diuif. Subft. in primâ & fecundâ. 375

atribui naturæ fubftanciali tanquam fubieçto : & ita fit diuifio veluti accidentis in fubieçta.

*Eft acci-
dētis in
accidētia.*

Eft demum diuifio accidentis in accidentia, fi fumatur fubftantia ex parte totius diuifio quoad huiusmodi modum accidentalem, idelt non effentialem naturæ præciſe fumptæ & fumatur etiam prima & fecunda fubftantia pro modis accidentalibus fecundarum intentionum qui accidentaliter fe habent, non folùm ad naturam ipfam fubftantialem, fed etiâ ad alium illum modum, quo fumebarur fubftantia quæ diuidebatur.

*Prima di-
citur prius
ac magis
fubftantia,
quàm fe-
cunda.*

Quintò. Comparando inter fe primam & fecundam fubftantiam : ex ipsis nominibus, & ex doctrina Ariſtot. habetur, rationem fubftantiæ prius & per fe conuenire fingularibus : fecundario autem, & mediæ vniuerfalibus. Atque Ariſtot. primam eſſe magis fubftantiam quàm fecundam, eſſe propriè & maximè fubftantiam. Vnde vterius inferit, inter fecundas fubftantias, ſpecies eſſe magis fubftantias quàm genera : quoniam propinquiores ſunt primis fubftantijs. Imo lib. 3. & 7. Metaph. docere ſolet, vniuerſalia non eſſe fubftantias, & licet id præcipuè docuerit contra idæas, volens eas non ſubſiſtere extra ſingularia : tamen inde etiam habetur, naturas vniuerſales fubftantiales non eſſe fubftantias per ſe, ſed ad ſummum mediantribus ſingularibus. Idem docet S. Thom. quaſt. 9 de Pot. art. 1. ad 4. & 5. & alij hoc loco defendunt.

*Difficul-
tas propo-
nitur.*

Verùm ex alia parte id apparet difficile, & videtur potius e conuerſo, naturas vniuerſales eſſe prius & magis fubftantias, quàm ſint indiuidua. Tum quia idem Ariſtot. 8. Metaph. text. 2. ait, genera eſſe magis fubftantias quàm ſpecies, & vniuerſalia quàm ſingularia. Quamvis id ſoleat exponi, dictum eſſe ſecundùm mentem Platonis ponētis idæas ſeparatas. Et D. Thom. in 1. d. 13. quaſt. 1. art. 1. & d. 16. quaſt. 1. art. 1. ad 4. cum Boetio ſignificat etiam, naturas vniuerſales magis ac prius eſſe fubftantias. Tum etiam ratione : quia prædicata effentialia conueniunt indiuiduis mediantribus naturis vniuerſalibus, & in hoc ipſo prædicamento fubftantia eſt genus generaliffimum, non niſi mediantribus varijs gradibus ſubordinatis, deſcendens

ſequè communicans vſque ad vltima indiuidua : ergo potius videtur eò fubftantia prius & magis conuenire naturis vniuerſalibus. Vnde potius hæc dici debuiffent primæ fubftantiæ.

Pro reſolutione huius difficultatis : Aliqui, diſtinguendo in fubftantia rationem ſubſiſtendi & ſubſtandi, dicunt, rationem ſubſtandi eſſe illam quæ magis & prius conueniat ſingularibus, quoniam hæc ſunt quæ per ſe primò recipiunt accidentia, & ijs mediantribus etiam naturæ in vniuerſali denominantur ab accidentibus : & ſecundùm hanc rationem loquuntur eſſe Ariſtot. hoc loco. At rationem ſubſiſtendi e contra ſe habere : & hoc probari per dubitationem allaram. & pro hac ſententia Suar. num. 17. aſſert Boet. lib. de Duabus nat. dicentem : *Genera et ſpecies ſubſiſtunt tantum : indiuidua vero non tantum ſubſiſtunt, ſed etiam ſubſtant.* Et ipſe conatur num. 19. diſcrimen inter ſubſiſtere & ſubſtare ad mentem Boetij explicare.

*Solutio
quadam
aſſertur.*

Hæc tamen ſolutio & explicatio adhuc difficultis eſt. Tum quia tam ſubſtare accidentibus, quàm ſubſiſtere, ſi ſumatur radicaliter, dicit effentialem rationem fubftantiæ : vnde eadem eſt de vtroque ratio. Tum etiam ſi conſideretur ratio ſubſtandi tanquam proprietas fubftantiæ prout ſubſiſtentiæ : vique proprietas per ſe comitatur eſſentiam : & cui prius magisque competit eſſentia, prius etiam ac magis competit proprietas. Tum demum, quando fubftantia dicitur ſubſtare accidentibus, hoc non tantùm intelligitur de accidentibus communibus & ſeparabilibus, ſed etiam proprijs & inſeparabilibus. Ac licet accidentia communia prius ſint ſingularibus, & conſequenter denominent naturas vniuerſales : tamen accidentia propria & paſſiones e conuerſo prius conueniunt naturis à quibus profluunt, & per eas ſingularibus.

*Impugna-
tur.*

Dicendum ergo in primis eſt, tam quoad rationem ſubſtandi, quàm quoad rationem ſubſiſtendi, poſſe rem explicari. Diſtinguendo, vtranque rationem poſſe conſiderari, vel ſecundùm effentiam, vel ſecundùm exiſtentiam, idelt vel ſecundùm connexionem effentialem prædicatorum, vel ſecundùm actuale exercitium exiſtendi. Primo modo verum eſt,

*Vera ex-
plicatio.*

A a 4 prius

prius convenire naturis absolute spectatis quam individuis. Secundo autem modo, prius individuis quam naturis universalibus. Nam essentialiter quidem substantia prius & propinquius intelligitur prædicari de corpore & spiritu, & tandem de infimis individuis: siue substantia sumatur pro ente apto per se existere, siue pro ente apto subsistere accidentia. At in actuali exercicio, per se & immediate individua sunt, non solum quæ in se recipiunt accidentia, sed etiam quæ per se existunt. Nam sicut individua sunt, quæ primò existunt, & in quibus naturæ existunt: ita & ipsa sunt, quæ primò per se existunt, & in ipsis actualiter naturæ subsistunt. Atque hoc totum habetur planè ex dictis in tract. vniuersalium.

*Additio
de mente
Arist.*

Deinde addendum est, ad mentem Arist. substantia hic sumi, non tantum respectu accidentium, sed etiam prædicatorum superiorum. Hoc modo maximè primæ substantiæ ad differentiam secundarum substantiarum dicuntur. In hoc sensu dixit clarissimè Arist. *Prima substantia, idè quod alijs entibus subiungitur, & alia omnia vel de ipsis prædicantur, vel in ipsis sunt; propter hoc maximè substantia prima dicuntur.* Et addit, quia species subiicitur generi: idè esse magis substantiā quam genus. Et idem rursus repetit. Itaque vult, tam secundam, quam primam, pariter esse substantiam, quia in subiecto non est, id est per se existit: & quia substantia accidentibus, quæ in subiecto sunt. Sed præter hoc, primam substantiam dicere subiectivam ad prædicata superiora, & per hoc esse magis substantiam, id est magis substantiare, quia pluribus modis substantiat: & speciem esse magis substantiam quam genus, id est magis substantiare, seu pluribus substantiare. Hic etiam est sensus Boetii, quando dixit, genera & species subsistere, individua etiam substantiare, id est substantiare adæquatè omnibus prædicatis.

Imò fatendum est, hunc modum substantiandi respectu prædicatorum superiorum non esse proprium substantiæ, sed esse commune etiam accidentibus: ut patet. Vnde in rigore verbi, etiam accidentia, quæ substantiis suis generibus & speciebus, dici possunt substantia, deriuando hoc participium à verbo substantiandi. Sed tamen substantiæ nomen non solet ijs attribui,

nisi sumendo substantiam pro essentia. Itaque hæc ratio substantiandi prædicatis superioribus, ex communi vñ loquendi nõ accipit nec dat denominationem substantiæ, nisi quæremus coniuncta cum alia ratione substantiandi & subsistendi. Quod quidem solum spectat ad modum loquendi. Et idè Arist. dixit, primas substantias esse magis substantias. Idè etiam non nisi sub nomine substantiæ, introducta est ista distinctio primæ & secundæ. Nec dicuntur accidens primum & secundum, aut homo primus & secundus. Quia nimirum modus ille loquendi fundatur in verbo substantiandi.

Sextò tandem in ordine ad hoc prædicamentum dubium est, num omnes prorsus substantiæ, vel solè creatæ & còpletæ, spectent ad hæc diuisionem, & sub prima vel secunda substantia contineantur. Verum absque dubitatione constare potest, quòd si prima & secunda substantia sumantur adæquatè pro omni substantia singulari & vniuersali: sic planè quæcumq. res dicatur substantia, ad hanc diuisionem pertinebit. Si autem prima & secunda substantia sumantur tantum pro substantia prædicamentali, quæ in prædicamèto diuisionè collocantur: sic pariter quæ substantiæ ab hoc prædicamento excluduntur, etià ab ipsa diuisione exclusæ manebunt.

*Quenam
substantia
spectet ad
hanc di-
uisionem.*

SECTIO TERTIA.

Quodnam sit generalissimum, & quæ substantia sub eo ponantur in hoc prædicamento.

IN primis est sententia asserens, substantiam communem creatæ & increatæ esse genus generalissimum in hoc prædicamento. A quæ adèò etiam Deum ipsum per se poni & contineri in hoc prædicamento. Ita defendunt Gregor. Gabr. Maior in 1. dist. 3. Holcot. in 1. quæst. 6. Marfil. quæst. 10. & ferè sequitur Hurtad. d. 9. Met. sect. 4. Idem planè docuit Damascen. lib. Primar. Inscitue. cap. 7. dicens, sub genere summo substantiarum contineri Deum & Angelum, & alia quæ ibi enumerat. D. August. etiam lib. 5. de Trin. cap. 8. apertè dixit, duo sola prædicamenta dici propriè de Deo, substantiā et re-

*Sententia
affirmans
etiam sub-
stantiam
increatā
poni in hoc
prædicamento.*

latio-

Secl. III. Quod generaliss. habeat, & quæ infer. 377

lationem. Et Arist. ipse 1. Ethic. cap. 6. distinguens substantiam ab alijs prædicamentis, in substantiam nominat Deū & mētem: vbi per mentem videtur intellexisse Angelos. Aliqui autem dixerunt, genus summum in hoc prædicamento esse quidē substantiam creatam: tamen adhuc Deū pertinere ad prædicamentum, non quidē directē, sed reductiue: nimirum tanquā principium & causam totius substantiæ creatæ. Ita Simplic. in hoc cap. de Substan. Paulus Venet. cap. 4. lux Met. Imo Sanctus Thomas quæst. 7. de Pot. artic. 3. ad 7. & in 1. d. 8. quæst. 4. art. 3. ad 3.

*Sententia
negans.*

In contrarium esse communior Doctōrum sententia, negans Deum poni in prædicamento. Ita Magister Sententiarū. Bonuuen. Scot. Albert. Durand. Riccar. Argent. Aegid. Bissolis. Capreol. & alij Scholastici in 1. d. 8. Henricus in Sum. art. 16. quæst. 2. Alenf. 1. par. q. 48. art. 3. & 10. Met. text. 8. Item D. Thom. 1. par. quæst. 3. art. 5. & 1. contra Gen. cap. 25. apertē docēs, nec etiam reductiue Deum poni in prædicamento. Idem tenent Caiet. & Ferrar. ibi, Bagn. Molin. Valent. Vafq. & alij recentiores Theologi eo loco 1. par. Insuper Fons. 5. Metaph. cap. 8. quæst. 1. Suar. diip. 30. Met. sect. 4. à nu. 28. Tolet. in hoc Prædicam. quæst. 3. Sotus quæst. 1. art. 2. & alij hoc loco. Idem denique docuerunt. Auic. 8. Metaphys. cap. 4. Auerr. in lib. Destruct. disput. 7. dub. 5. Boet. lib. 1. de Trin. cap. 5. & 6. Cyrill. Alexandr. lib. 11. Thesauri, cap. 1. Anselm. in Monolog. cap. 16. dicens, substantiam diuinam nullo comuni substantiarum tractatu includi. Dionys. cap. 1 de Diuin. nomin. dicens, Deum esse supra substantiam. & Aug. lib. 4. Confess. cap. 16. & 7. de Trin. cap. 4. dicens, Deum in prædicam. non contineri, & lib. de Cognit. veræ vitæ cap. 3. nullum prædicamentum propriè Deo conuenire. Arist. etiam in hoc prædicam. docet, substantiam esse susceptiuam accidentium, primam substantiam lubeffe omnibus tanquam subiectum cui accidentia insunt: quod nullatenus competit Deo.

*Sententia
affirmans
etiam sub
stantias
incomple
tas.*

Rursus est alia sententia affirmans, substantiam communem completæ & incompletæ seu totali & partiali esse genus generalissimum: sub eoq. directē poni etiā partes substantiales, siue physicas materiæ

& formam, siue integrantes, vt caput, manus, pedes. Ita significat Holc. & Paulus Venet. locis præallegatis, Zimara in Theorem. super text. 8. 7. Met. Louanien. autem & Villalpand. hoc loco, admittit, saltem partes integrantes directē poni in prædicamento. Præterea Ammon. Simpl. & Boet. indicant, etiam differentias substantiales per se poni in hoc prædicamento. Faut quoad illas partes Arist. in hoc prædicam. qui explicare curauit, quomodo illæ verē sint substantiæ, quia non sunt in subiecto, licet sint in toto: & aliæ etiā proprietates substantiæ quas assignat, conueniunt ipsædem partibus. Et in cap. de Ad aliquid inter primas & secundas substantias computat etiam partes integrantes, & planè supponit caput manus & similes alias partes esse secundas substantias. Item 15. Met. text. 5. inter substantias numerat partes. Et alijs sæpè diuidit in compositum materiam & formā, 7. Met. 7. & lib. 8. text. 3. 2. de Anima text. 2. quo loco apertē loqui videtur de substantia prædicamentali.

*Sententia
negans.*

In contrarium communior sententia docet, substantiam completam & totalem esse genus generalissimū in hoc prædicamento, & in eo non poni directē, sed tantum reductiue, partes substantiales, siue physicas, siue integrantes; & differentias poni à latere, simul cum generibus, quæ diuidunt, & speciebus quas constituunt. Ita recentiores communiter, & plures ex antiquis hoc loco: atque defendit latè Fons. 5. Met. cap. 8. q. 2. & 3. & præsertim de partibus substantialibus. S. Tho. 1. par. q. 86. art. 3. ad 2. & in 2. d. 3. q. 1. ar. 1. Sconin. 7. Met. q. 39. Ocham. in 1. d. 8. q. 2. Aegid. ibid. q. 3. & alij. Sumier & hæc sententia ex Aristotele qui hoc loco apertē excludit differentias: dum primam proprietatem substantiæ, scilicet non esse in subiecto, ait conuenire non solum substantijs, sed etiam differentiis: vbi saltem voluit, differentias non esse de recta linea substantiæ: & loquens de secundis substantijs docet, sola genera & species esse secundas substantias. Deinde septimo Metaphysic. 56. ait, eorum quæ videntur substantiæ, multas esse partes substantiarum: vbi planè distinguit substantiam à partibus substantialibus. Et secundo de Anima, cap. 1. ait, Mater:

378 Quæst. XVII. De Prædicamento Substantiæ.

Materiam secundum le non esse hoc aliquid, & formam esse per quam fit hoc aliquid, compositum verò esse hoc aliquid. At hoc aliquid est prima substantia, de qua hic loquitur. Clarius 7. Met. textu 8. *Dico autem materiam per se ipsam, neque quid, idest substantiam, neque quantum, nec aliquid aliorum quibus ens determinatur, idest prædicamentorum.* Demum Porphy. in cap. de Specie, nec differentias, nec alias partes, sed solas substantias completas in recta linea prædicamenti disposuit.

Sententia negat substantias spirituales & incorruptibiles poni in prædic.
Ex alia parte fuit sententia aliquorum, in aliud extremum declinans, & prædicamentum substantiæ nimis restringens, affirmans substantiam corpoream esse genus generalissimum, & ab hoc prædicamento excludi Angelos. Ita Albert. hoc loco, Aegid. etiam, & quodl. 1. q. 3. Plotinus Aenneade. 6. lib. 1. cap. 2. Imo vltius substantiam corpoream corruptibilem esse genus generalissimum, & ab hoc prædicamento excludi etiam corpora celestia. Ita Auerr. in cap. de Specie, & 10. Metaph. com. 26. Iandun. 10. Metaph. q. 22. Succf. disp. 9. Iambl. lib. 2. de Myfter. Aegiptiorum cap. 2. Refert etiam Simpli. hoc loco Forph. Architam & Boethium quendam. Et hanc sententiam vt probabilè defendit Vallius q. 2. de Subst. c. 5. Motium huius sententiæ fuit quædam auctoritas Arist. 10. Metaph. cap. vlt. dicentis, corruptibile & incorruptibile esse genere diuerfa. Affert Vallius quædam alia loca.

Sententia affirmat.
In contrarium communior sententia docet, genus generalissimum esse substantiam communem corporeæ & incorporeæ, corruptibili & incorruptibili. Ita D. Thom. 10. Metaph. lect. 12 & in 1. d. 3. q. 1. ar. 1. Henric. Quodl. 7. q. 8. Alenf. 5. Metaph. tex. 33. Soncin. 12. Metaph. q. 47. Caiet. cap. 7. de Ente & Ess. in illa, verba S. Thomæ Hoc tamen sciendum. Fonf. 5. Metaph. cap. 8. q. 4. Suar. disp. 35. lect. 3. num. 24. Gratia Dei, Burleus, Tolet. Soc. & alij communiter hoc loco. Ita etiam sentiunt communiter Theologi tractando de Angelis. Imo Durand. in 1. d. 3. q. 1. num. 12. licet neget, Angelos componi ex genere & differentia, tamen concedit illos esse in genere. Hæc etiam est aperte sententia Porphy. in cap. de

Specie. Et sine dubio Arist. qui non solum nihil in hoc Prædicam. docet, quo illud restringat ad solam substantiam corruptibilem vel corpoream: sed quicquid docet, non minus commune est ad substantiam incorpoream & incorruptibilem. & 5. Metaph. tex. 15. & lib. 7. tex. 5. inter species substantiæ numerat Damonia Cælos & Astra. Simpli. etiam pro hac sententia refert Platonem.

Pro resolutione Dico primò. Põr substantia ica amplè sumi, vt omnem substantiam etiam increatam ac etiam substantias incompletas directè complectatur: & potuisset prædicamentum substantiæ ica constitui, vt genus generalissimum esset substantia sic amplè sumpta, & in recto contineret omnes dictas substantias. Hæc concl. est conformis ad ea quæ diximus de prædicamentis in communi. Habet etiam pro se auctoritates pro prima & altera sententia allegatis.

Ratione probatur: quia nomen substantiæ non est æquiuocum, vt patet: nec ita analogum, vt per diuersas impositiones plura significet, sicut nomen sani, & risus: sed verè importat conceptum vnum in intellectu, tam obiectum quam formalem, communem omni substantiæ, conceptum videlicet per se existentis. Quod planè est per se manifestum: & a fortiori patet ex ente; quia si ens importat conceptum communem substantiæ & accidenti, eò magis substantia conceptum communem omnibus substantiis. Potest ergo constitui vna series prædicatorum incipiendo ab huiusmodi conceptu communissimo substantiæ, qui sanè prædicatur essentialiter & in quid de omnibus substantiis: & hoc diceretur vniuersalis substantiæ prædicamentum. Et quidem quando ens sumptum in tota sua latitudine diuiditur adæquatè in substantiam & accidentis: Viique hoc modo sumitur substantia. Potest etiam substantia sic in communi sumpta appellari genus, vt fatetur etiam Fonf. q. 1. cit. lect. 3. admitteus Deum esse in genere latè sumpto. Et patet: quia genus sumi potest pro omni prædicato, quod non solo nomine, sed etiam ratione significata, dicitur in quid de pluribus, & nõ est species. Neq. in hoc vllum inconueniens apparet. Poterat ergo prædicamentum substantiæ hoc modo con-

Potuisset fieri prædicamentum quod etiam substantiæ increatæ & incompletæ comprehenderet.

Seçt. III. Quod generalis. habeat, & quæ infer. 379

constitui, constituendo hoc genus generalissimum, & sub illo directè ponendo omnes substantias.

De facto hoc prædicamentum continet solâ creaturâ & completâ substantiam.

Dico secundò. Prædicamentum substantiæ vt de facto est in vñ, conuenienter constitutum est pro sola substantia creata & completata vt in hoc prædicamento non ponatur directè Deus & substantia incompleta, sed hæc quidem ponantur reductiue, Deus autem nec etiam reductiue. Hæc concl. est iuxta communem sentiendi & loquendi modum, & iuxta alias auctoritates allegatas.

Partes nō ponuntur directè sed tantum reductiue in prædica.

Et primò faciliè probatur conuenienter factū esse, vt directè supra sit sola substantia cōpleta: nam partes substantiales sufficientes & commodè includuntur in substantijs completis quarum sunt partes nec necesse erat, nec vtile, illas distinctè & directè in prædicamentali serie collocari vt bis includerentur, semel reductiue in toto, & iterum directè per se ipsas. Satis ergo est, illas solūm reductiue in prædicamento collocari. Præterea prædicatum vniucōm & genus summi potest, vt solū dicatur illud quod diuiditur in species ita impermixtas, quarum non vna in alia includatur. Et hoc pacto constituitur de facto est genus summum in hoc prædicamento. Itaque genus summum non est substantia directè communis toti & partibus: nec partes directè ponuntur in prædicamento quasi species quædam distinctæ à toto. Quando autem Arist. etiam partes appellauit substantias, voluit docere illas verè esse substantias, non propterea eas directè & distinctè in prædicamento collocauit. Appellauit etiam primas & secundas substantias, quia verè possunt considerari in singulari & in vniuersali: sed simul dixit esse partes primarum substantiarum, id est illarum quæ directè in prædicamento ponuntur. Et quædò diuisit substantiam in compositum materiam & formam, non diuisit substantiam huius prædicamenti, sed substantiam physicam ad æqualem sumptam: licet dixerit substantiam esse vnum quoddam genus eorum quæ sunt, id est esse vnum eorum generum quæ sunt, latius sumens genus quam prædicamentum.

Secundò. Quando dicimus substantiam completam esse genus summum, su-

minus substantiam completam pro ea, quæ prædicatur in quid, vt ita nec etiam differentia ponantur per se & directè in prædicamento. Quamuis apud nos qui dicimus, eisdem gradus posse sumi per modum generis in quid, & per modum differentia in quale; non excludantur omnino illi gradus qui sunt differentia: sed solūm dicere valeat, non poni directè, quando sumuntur per modum differentia & dicuntur in quale: & vt sic disponi per latus prædicamenti. Quando autem Arist. hoc cap. videtur negare differentias esse substantias, dicens, non esse in subiecto esse proprietatem communem non solum substantijs sed etiam differentijs, & sola genera ac species esse secundas substantias: sumpsit substantiam tantum pro illa quæ dicebatur in quid.

Tertiò. Ad probandum Deum non debere poni in prædicamento, nec cōcineri sub aliquo genere, plurimæ rationes excogitatae sunt. Et illi qui conueniunt in assertionem rei, valde discrepant in reddenda ratione: & alij alias rationes impugnant. Aliqui probant ex infinitate Dei. Aliqui ex simplicitate. Aliqui ex supereminetia perfectione. Aliqui ex eo quod Deus est purus actus nullam potentialitatem admittens. Aliqui ex eo quod non possit assignari differentia superaddita generi & non includens ipsum genus. Alij alijs modis. Hæc tamen rationes non satis probant inuentum: & faciliè impugnari possunt.

Quartò ergo optima ratio erit: quia Deus est ens & substantia per essentiam: omne autem aliud ens, & omnis alia substantia, est talis per participationem & dependentiā essentialem ab ipso Deo: vnde omnia prædicata communia Deo & creaturis, prius & antecedenter conueniunt Deo, posterius & consequenter creaturis: ita tamen vt intrinsicè & essentialiter conueniant ipsis creaturis.

At prædicatum vniucōm & genus vno modo sumitur, quod non solūm dicat in se conceptum vnum, sed dicat naturam aequè primò participabilem ab inferioribus, & non per dependentiam essentialem vnius ab alio: siue dicat naturam aptam inesse pluribus æqualiter, ad excludendum ordinem dependentiæ essentialis. Hoc autem modo sumptum est prædi-

Deus non ponitur directè in prædicamento.

380 Quæst. XVII. De Prædicamento Substantiæ.

prædicatum vniuersum & genus substantiæ in hoc prædicamento. Neque sub vno prædicato vniuerso, & genere hoc modo sumpto, poterant contineri Deus & creatura. Hæc est ergo ratio, cur Deus non in hoc prædicamento ponatur, nec sub eius summo genere concludatur.

Quintò. Accedit, hæc prædicamenta infinita esse, vt ad certas classes reducatur multitudo creaturarum rerum, vt sine confusione dignosci possent. Propter quâ rationem non oportebat Deum ipsum in aliquo prædicamento concludi: neque conueniebatur Deum veluti in ordinem redigi cum rebus creatis, & a Logica attingi. Merito ergo factum est, vt pro genere summo prædicamenti ponatur substantia creata, sub se tantummodo complectens varietatem substantiarum creaturarum, non autem substantiam diuinam & increatam. Quando verò Arist. & illi Patres videbantur ponere Deum in prædicamento substantiæ, debent intelligi, non de prædicamento vt hoc loco constituitur, sed de prædicamento quod magis amplè designari posset.

Non etiã
reducti-
uò.

Sextò. Nec etiã reductiuè Deum poni in hoc Prædicam. probatur. Tum ex S. Thom. loc. cit. i. partis, & D. August. loc. cit. de Cogn. ver. vii. quia quod reducitur ad aliquod prædicamentum, debet ad solum illud pertinere: sed Deus est principium non tantum substantiæ, sed omnium aliorum entium: non ergo ad prædicamentum substantiæ reducitur. Tum præterea ratio causæ & principij, non est ratio reducendi quicquam ad aliquod prædicamentum: nisi sit ita principium, vt sit de intrinseca entitate & constitutione rei quæ directè ponitur in prædicamento, & ita reducitur, sicut dicebamus de partibus inclusis in toto. Hoc modo punctum reducitur ad lineam, & vnitas ad numerum, in prædicamento quantitatis. Deus ergo quatenus principium & causa effectiua rerum, non reducitur ad prædicamenta rerum. Tum demum, supposito quòd prædicamenta directè constituantur ex rebus creatis: certè dici non debet, Deum reduci ad res creatas: sed potius res creatas, & omnia earum prædicamenta, reduci ad Deum vt ad primam causam: dici non debet, Deum contineri in prædicamentis rerum creatarum, sed

potius res creatas & ipsa prædicamenta contineri eminèter & virtualiter in Deo tanquam in prima causa.

Septimò. Ex his vltèrius aliqui addiderunt, nec etiã Christum Dominum esse in prædicamento substantiæ, etiã quatenus homo quidam est: quia includit naturam & substantiam diuinam. Concedendum tamen est, Christum Dominum ratione humanæ naturæ verè poni in hoc prædicamento. Ita sumitur ex S. Tho. 3. p. q. 2. ar. 5. vbi docet, hominè dici vniuersè de Christo & alijs hominibus. Idem tractat latè Fons. lib. 5. Metaph. cap. 8. q. 7. Sed breuiter suaderetur: quia sufficit conuenientia in natura ponibili in prædicamento: sed verè Christus conuenit essentialiter in natura humana quæ ponitur in hoc prædicamento: ergo licet quatenus Deus non ponatur, ponitur tamen quatenus homo.

Christus
tamè qua-
tenuus ho-
mo ponit-
ur in præ-
dicamen-
to.

Dico tertio. Sunt quidem diuersa genera substantia corporea & incorporea, corruptibilis & incorruptibilis: tamen habent supra se genus commune substantiæ, & rectè substantia sicut in communi assignata est genus generalissimum, & factum est vnum substantiæ prædicamentum, in quo directè omnia illa genera collocantur. Hæc conclusio facillè ostenditur, quia datur planè conceptus vnus substantiæ abstrahens ab illis, iisque communis secundum rationem per se existendi. Vnde substantia in communi, siue substantia creata de qua iam loquimur, est verè genus ad illas substantias. Nec etiã inter illas intercedit ordo dependentiæ essentialis, sicut inter substantiam creatam & increatam. Nec alia ratio vel conuenientia suadebat, plura debere substantiarum sicut accidentium prædicamenta distingui: ergo optimè factum est vnum substantiæ prædicamentum, habens illud vnum genus generalissimū, & directè complectens omnes illas substantias.

Substantia
spiritua-
les & in-
corruptibi-
les ponun-
tur in præ-
dicamēto.

Nec obstat dictum illud Arist. corruptibile & incorruptibile sunt diuersa genere. Non enim docere voluit, ita esse diuersa genera, vt non in alio communi & superiori genere conuenirent. Sed præcipue hic locus solet exponi, distinguendo duplex genus, aliud metaphysicum de quo hic loquimur, aliud physicum intellegendum materiam ex qua naturalia cor-
pora

pora constant: & ita dicendo, Arist. esse loquutum de genere physico: & docere voluisse, diuersam esse materiam rerum corruptibilem & incorruptibilem: qui sensus est conformis textui: & colligitur etiam ex cap. præcedenti: & quia alibi etiam Arist. solet in eodem sensu uti nomine generis. Quædam alia loca Arist. miroris momenti, explicat Tolet. q. 3. Et ad illa loca quæ afferebat Vallius cap. 5. ipsemet respondet cap. 7.

Nec rursus obstat, quod quidam recentiores dubitant, quoniam modo substantia illa communis habeat differentias à quibus perfectè prædicantur: quoniam differentia per quas vltimò constituuntur substantia corporea & spiritalis, corruptibilis & incorruptibilis, sunt essentialiter substantiales. Hoc inquam, non debet obflare: quia eadè adhuc militat difficultas, si sumatur genus substantiæ corporeæ & corruptibilis. Nam pariter differentia per quas constituuntur species huius substantiæ, sunt essentialiter substantiales corporeæ & corruptibiles. Sed iam ex antea dictis patet, non requiri perfectam præcisionem inter naturam genericam & differentias proprias atque adequatas speciebus.

SECTIO QUARTA.

De diuisione generum & specierum substantiæ, & coordinatione totius prædicamenti.

Diuisio et coordinatio Porphy.

Supponi ferè videtur, diuisionem generum & specierum substantiæ, & coordinationem prædicamenti, vno solo certo modo fieri posse: ita vt determinata sint quædam, & non sint alia genera, in quæ immediatè substantia diuidi debeat, & ita etiam alia sub illis vsque ad infimas species. Hic autem modus apud Porphy. in cap. de Specie est: primo diuidendo substantiam in corpus & spiritum: secundò corpus in animatum & inanimatum: tertio corpus animatum in animal & plantam: quartò animal in rationale & irrationale: quinto ex mente Porphy. animal rationale diuidendum erat in Angelum & hominem.

Non defuerunt qui huic modo diuidenti & coordinandi se opposuerunt, voluerunt aliter debere hæc gna diuidi. Loquuntur. voluit, prius debere diuidi corpus in corruptibile & incorruptibile, & postea corruptibile in animatum & inanimatum. Alij dixerunt, debere prius diuidi corpus in simplex quod complectitur celos & elementa, & mixtum: mixtum verò diuidi debere in animatum & inanimatum. Alij notarunt, non debere immediatè diuidi animal in rationale & irrationale, seu in hominem & brutum, sed prius debere diuidi in animal terrestre aquatile & volatile: illud rursus in gressibile & reptile: gressibile in bipes quadrupes &c. Nam Arist. in hoc cap. expressè, quasdam ex ijs differentijs essentialiter conuenire homini. Alij demum alias diuisiones inuenerunt.

Diuisio et coordinatio aliorum.

At verò hæc satis ostendunt, non vno tantum modo posse fieri diuisionem & coordinationem prædicamenti nec esse determinatum & præfixum, vt talia & non alia genera debeant sub tali superiore genere designari. Quinimo dicendum est, pluribus ac varijs modis aequè bene & immediatè posse diuisiones & coordinationes fieri, ac genera & species designari. Nimirum iuxta varias conuenientias & differentias, quæ inter varia genera & species considerari possunt. Et patet ex dictis in superioribus, præsertim quælibet. 13. sect. 1.

Non vno solo modo, potest hæc diuisio & coordinatio fieri.

Atque in primis, genus generalissimum substantiæ potest immediatè & adequatè diuidi, non solum per substantiam corpoream & incorpoream, sed pariter per corruptibilem & incorruptibilem. Nam Angeli qui sunt substantiæ incorporeæ, vique conueniunt in genere substantiæ incorruptibilis cum corporibus celestibus. Similiter potest diuidi per viuentem & non viuentem. Nam Angeli in genere substantiæ viuentis verè conueniunt cum corporibus viuentibus. Deinde quocunque modo sumantur & designentur hæc prima genera substantiæ, possunt rursus varijs modis diuidi, & sic varijs alia genera designari & coordinari in recta linea prædicamenti.

Ad evitandam tamen confusionem & nimiam multipliciter, satis erit vno aliquo modo, qui magis nouus & receptus

Vnus qui dam modus diuisionis.

*fionis &
coordina-
tionis as-
seritur.*

præ sit, hanc diuisionem & coordinatio-
nem prosequi. Et quidem ille modus quem
Porphyrius posuit, ex parte aptus est. Ad-
di tamen debet, substantiam spiritualem
rursus diuidi per varios ordines & cho-
ros Angelorum, inter quos credendum
est etiam plura genera mediare antequam
ad infimas Angelorum species descendatur.
Rursus corpus etiam inanimatum,
diuiditur in simplex & mixtum: simplex
in cæleste & elementare: cæleste in plu-
res calos & astra: elemētum in quatuor
elementa: mixtum, in lapides, metalla,
varios liquores, & quæ alia sunt mixta
vix expertia. Corpus animatum bene
diuiditur in vegetatiuum & sensitiuum.
Vegetatiuum continet sub se diuersa
plantarum genera, quæ præsertim in tri-
bus vel quatuor gradibus in communi
distingui solent: & sunt, arbor, frutex,
herba, aut etiam radix; vt affert Toler.
q. 4. Sed in his etiam varij gradus con-
uenientie, & plura genera subordinata
considerari possunt. Corpus sensitiuum,
idest animal, potest varijs modis diuidi,
vt patet ex dictis. Præcipue tamen diui-
di solet per rationale & irrationale.
Irrationale quod est brutum, diuiditur
rursus per varia genera & species. Ra-
tionale autem non debet diuidi in Ange-
lum & hominem: quia supponimus An-
gelos non esse corporeos, nec sensitiuos,
nec in animalis genere contineri; sed
adæquate animal rationale conuertitur
cum homine. Demum sub singulis infi-
mis speciebus indiuidua continentur,
quæ sunt primæ substantiæ quæ omnibus
substant.

SECTIO QUINTA. **De Attributis & Proprietatibus** **Substantiæ.**

IN maiore huius capitis parte, Arist.
explicat proprietates seu attributa
substantiæ, quæ vtrique multum deser-
uiunt ad inspicendam ipsam essentia-
lem substantiæ rationem. Dicimus au-
tem proprietates, non solum quæ sint
proprie quarto illo modo quem in cap.
de Propr. Porphy. assignauit; sed etiam
si se habeant aliquo alio modo ex illis.
Et quia rursus in alijs prædicamentis at-
tribuantur aliqua quæ nullo ex illis mo-

dis sint ijs propria: ideo coniungimus
de attributis & proprietatibus.

Prima proprietas quam Arist. substan-
tiæ attribuit, est, non esse in subiecto. In-
telligitur autem non esse in subiecto in-
hesionis, idest non inherere subiecto.
Hæc negatio conuenit substantiæ ex vi
eius rationis essentialis quæ habet esse
per se. Et conuenit omni substantiæ.
Nam etiam secundæ substantiæ de subie-
cto quidem dicuntur, non tamen in subie-
cto sunt, idest non inherent primis sub-
stantijs. Et partes sunt quidem in toto,
non tamen tanquam in subiecto: non illi
inhærent, sed illud constituunt. Formæ
quoque substantiales recipiunt quidem
in materia: imo formæ materiales ab
illa ita dependent, quod natura sua non
possint extra materiam separatè consiste-
re: tamen adhuc dicuntur non inherere
ad modum accidentium: præsertim quia
ita cum materia vniuntur, vt cum illa
perficiant & constituunt compositum per
se vnum de genere substantiæ, acciden-
tia autem non item. Sed de formis sub-
stantialibus, & quomodo sint substantiæ,
erit specialiter suo loco agendum.

Addit Aristot. hanc proprietatem non
solis substantijs, sed etiam differentijs
conuenire, quas ait dici quidem de
subiecto sicut secundas substantias, non
tamen esse in subiecto. Et augetur diffi-
cultas: quia hoc eod. cap. concedit, par-
tes quæ sunt in toto esse substantias. Hinc
aliqui absolute dixerunt, differentias
substantiarum non esse substantias, sed
esse potius qualitates. Ceterum tamen est,
differentias substantiarum non posse esse
de genere accidentium. Et Arist. ipse 7.
Metaph. 43. dixit, substantias non posse
constare ex non substantijs. Verè ergo
sunt de genere substantiæ, saltem redu-
ctiue; & in diuisione generali entis per
substantiam & accidens, sub nomine
substantiæ continentur. Arist. autem, quæ
eo modo loquutus est, accepit substan-
tias, pro ijs quæ non solum in essendo, sed
etiam in modo prædicandi, se habent per
modum per se stantis, vt se habent gene-
ra & species quæ dicuntur in quid: diffe-
rentiæ autem prædicantur per modum
adiacentis. Et ideo partes appellauit sub-
stantias, quia etiam partes dicuntur sub-
stantiæ & in quid; caput, manus, &c.
Itaque

*Prima pro-
prietas, ut
esse in su-
biecto.*

*Est adæ-
quata sub-
stantia.*

Sec. V. De Attrib. & Propriet. Substantiæ. 383

Itaque hæc proprietas est adæquata substantiæ in tota sua latitudine, & non solum conuenit substantiæ quæ directè in linea huius prædicamenti disponitur, sed omni prorsus substantiæ. Vnde respectu substantiæ sic sumptæ, est verè proprietas quarto modo, conueniens omni soli & semper.

*Secunda
proprietas
secunda
substantia,
vniuocè
prædicari
de prima.*

Secunda proprietas quam Aristot. secundis substantijs attribuit, est, vniuocè prædicari. Intelligit autem de primis substantijs: alioqui etiam genera & species accidentium vniuocè essentialiter de suis inferioribus prædicantur. Et intelligit etiam prædicari essentialiter: alioqui etiam accidentia prædicantur de primis substantijs, sed tamen accidentaliter. Quomodo autem dicar, accidètia prædicari nomine, nõ autem ratione & definitione de primis substantijs, explicauimus quest. 1. §. sect. 1. Docet etiam rectè Arist. differentias substantiales prædicari etiam hoc modo vniuocè de primis substantijs.

*Tertia pro
prietas pri
ma substantia,
signifi
care hoc
aliquid.*

Tertia proprietas quam Aristot. ait videri quidem omnibus substantijs conuenire, est, significare hoc aliquid: reuera tamen ait solis primis substantijs conuenire: secundas autem substantias potius significare quale quid. Hac res obscura & difficilis Expofitoribus visa, est. Vnde varijs modis illam explicare conati sunt. Sed certè tota difficultas cõsistit in explicatione illorum terminorum, hoc aliquid, & quale quid. Qui licèt varijs modis accipi & explicari possint: tamen hoc loco nil aliud querendum est, nisi quomodo illos accipiat Aristot. Ex verbis ergo ipsius satis apertè colligitur, hoc aliquid esse rem per se subsistentem indiuiduum singularem.

Indiuiduum enim, inquit, est & vnum numero quod significatur. Quale quid verò esse naturam substantialem quidem, tamen vniuersalem & communem multis. *Neque enim, inquit, vnum est quod subiectum est, quemadmodum prima substantia: sed de multis homo dicitur, & animal.* Itaque prima substantia significat hoc aliquid, idest rem per se subsistentem singularem. Secunda autem substantia videtur etiam significare hoc aliquid, quia dicitur per modum termini absoluti & substantiui: tamen potius significat quale quid, quia dicit naturam substantialem

communem. Vnde non sumitur hic significare quale quid, sicut sumebatur prædicari in quale, quando differentia dicebatur prædicari in quale, ad discrimen generis quod dicebatur in quid: sed sumitur magis amplè pro eo quod est significare naturam vniuersalem, ad discrimen primæ & singularis substantiæ.

Addit præterea S. Thom. 1. part. quest. 75. art. 2. ad primis, hoc aliquid posse accipi dupliciter: vel pro substantia totali & completa, & sic partes substantiales non esse hoc aliquid: vel pro quacunque substantia siue totali siue partiali, & sic etiam partes substantiales esse hoc aliquid.

Reddit etiam ratione Sanctus Thomas Opusc. 42. cap. 9. & cum illo Caietanus hoc loco, & Capreol. in 3. dist. 5. quest. 3. ad 8. contra 3. concl. cur secunda substantia dicatur significare quale quid: quia scilicet significat substantiam in vniuersali, vniuersalitas autem est accidens rationis, & ideo Aristot. ait secundas substantias determinare qualitatem circa substantiam, ad differentiam naturarum accidentalium: idest addere accidens rationis supra naturam verè substantialem. Tolet. hic quest. 6. aliam rationem reddit: quia natura substantialis cum non sit in subiecto inhesionis, dicatur tamen de subiecto & sit in subiecto prædicationis: est quidem substantia, tamen degenerat à perfectæ ratione substantiæ, & quodammodo imitatur rationem accidentis: ideo dicitur significare quale quid. Alij dicunt: quia natura substantialis se habet tanquam forma & perfectio singularium, nomen autem qualitatis interdum sumitur non pro accidenti, sed pro forma & perfectione rei, etiam si essentialis & substantialis sit: ideo dici significare quale quid.

Ceterum, quia significare est proprium officium nominum; nomina enim significant, res verò significantur: hæc proprietates significandi hoc aliquid & quale quid, in rigore competit nominibus primarum & secundarum substantiarum. Ipsis autem rebus debet hæc proprietates passiuè applicari: idest significari vt hoc aliquid, est proprietas primæ substantiæ: significari vt quale quid, est proprietates secundæ substantiæ.

*Cur scilicet
da substantia
dicitur signifi
care quale
quid.*

Quarta

334 Quæst. XVII. De Prædicamento Substantiæ.

*Quarta
proprie-
tas, non
habere cō-
trarium.*

Quarta proprietas cōmunis omni substantiæ tam secundæ quàm primæ est, non habere contrarium. Imo hæc proprietas est communis, non solum illis substantiis quæ directè, sed etiam alijs quæ reductiue in prædicamento ponuntur. Et ratio vniuersalis huius proprietatis est: quia contraria sunt illa quæ se expellunt ab eodem subiecto: cum ergo substantia non sit in subiecto, non habet quicquam per quod expellatur à subiecto, & ita non habet contrarium. Intelligitur autem hic contrarietas propriè dicta, quam explicabimus in Postprædicam. Vnde, hæc proprietates conueniunt etiam formis substantialibus. quia hæc, licet sint inter se oppositæ & impossibiles, & per aduentum vnus excludatur alia ab eadem materia: tamen adhuc non dicuntur contrariæ contrarietate propriè sumpta, quia non insunt materiæ tanquam subiecto inhaesionis. Acque adeo sicut saluatur in illis vera ratio substantiæ, vt antea dicebamus: ita etiam saluatur, illas non esse sibi contrarias.

*Non con-
uenit soli
substan-
tia.*

Addit Arist. hoc non esse proprium soli substantiæ: quin etiam quantitatem non habere contrarium. Et ratio quare non oporteat hoc esse proprium soli substantiæ, est: quia licet substantia, cum non sit in subiecto, non habeat contrarium, idest per quod expellatur à subiecto: tamen non necesse est, vt omne quod est in subiecto, habeat aliquod contrarium per quod expelli possit à subiecto. Quomodo autem quantitas sit huiusmodi quæ non habeat contrarium, inter proprietates quantitatis videbimus.

*Quinta,
non susci-
pere ma-
gis & mi-
nus.*

Quinta proprietas communis etiam omni substantia est, non suscipere magis & minus. Quod Arist. explicat, non intelligi quoad ipsam rationem & denominationem substantiæ. Nam sic potius docuerat, primam esse magis substantiam quàm secundam. Sed intelligi secundum proprias & speciales rationes substantiarum. Hoc est, vnus homo non est magis homo quàm alius: nec idem homo potest successiue fieri magis aut minus homo: sicut vnus album est magis album quàm aliud; & idem subiectum potest successiue fieri magis aut minus album. Duxerat etiam supra, vnam secundam substantiam non esse magis substantiam,

quàm aliam secundam; nec vnam primam magis quàm aliam primam. Sic homo non est magis substantia quàm equus, neque hic homo hoc equo. Addi tamen potest, etiam comparando primam cum secunda substantia, primam non esse magis substantiam per maiorem intensiōnem. Et ita adequatè verum est, substantiam non suscipere magis & minus eo modo quo suscipiunt qualitates, licet per quandam aliam denominationem prima substantia dicatur magis substantia.

Prouenit autem hæc proprietas ex eo quod substantia non habet in sua entitate latitudinem intensiuam, sicut habent qualitates. Aliqua tamen difficultas est de quibusdam formis substantialibus, præsertim de formis elementorum. Sed de his etiam verum est, non suscipere magis & minus. De qua re in Philol. agendum erit. Verum est etiam, hanc proprietatem non soli substantiæ conuenire. Nam conuenit etiam quantitati, vt in proprio prædicam. dicemus, quibusdam etiam qualitibus, & multis alijs accidentibus, vt ex singulorum tractatione constabit.

Sexta & vlt. proprietas, quâ Arist. docet esse maximè propriam substantiæ, est, posse suscipere contraria, non quidem simul, sed successiue trañeundo de vno ad aliud: ita vt vna & eadem substantia modò habeat vnum contrarium & modò aliud. Sic vnus & idem homo potest esse albus & niger, calidus & frigidus, studiosus & prauus. Potest autem magis absolute hæc proprietas designari, posse suscipere accidentia. Nam substantia est accidentium susceptiua, siue hæc contraria sint, siue non secum ferant contrarietatem. Et hinc sumpta est vna explicatio nominis substantiæ, quia substantia accidentibus.

*Sexta, posse
suscipere
contraria.*

Non verò docet Aristot. hanc proprietatem esse communem omni substantiæ: sed dixit esse maximè propriam, vt soli substantiæ illam tribueret. Et quidem non solum non conuenit Deo, qui vt dicebamus est perfectissima substantia, sed tamen nullo modo in hoc prædicamento includebatur: sed etiam non conuenit omnibus ijs, quæ ita participant ratione substantiæ creatæ, vt saltem reductiue ad hoc prædicamentum trahantur. Sic dantur aliqui modi substantiales, videlicet modus

*An conue-
niat omni
substantia.*

modus substantiæ, modus vnionis intermateriam & formam, & si qui sunt alij similes, qui non recipiunt in se contraria: & de formis substantialibus sub questione manet, an vnâ cum materia in se recipiant accidentia. Attamen saltem de omni substantia completa quæ directè ponitur in prædicamēto, affirmadum est, esse accidentium susceptiuum. Nam tam substantiæ spirituales quam corporeæ habent sua accidentia, & non est purâ dissimilis substantia creata omnis accidentis experta. Esse inquam susceptiuum contrarij. Nam licet aliqui hoc ad solas substantias corruptibiles putauerint restringendum. Tamen certè etiam Angeli sunt capaces ex natura sua actuum contrarij, tam in voluntate quam intellectu: & Cæli sunt capaces motuum contrarij secundum locum, & de facto saltem secundum partes sic mouentur, dum eadem pars modò mouetur de oriente in occidentem in nostro emisphæro, modò è conuerso dum est in altero emisphæro.

*Quomodo
conuenias
soli.*

Asserit autem Arist. hanc proprietatem soli substantiæ conuenire. Quod ostendendum est & defendendum, satisfaciendo quibusdam difficultatibus in contrarium occurrentibus. Prima est quam assertit ipse Arist. Eadem oratio, idest propositio, eadem opinio, potest mutari de vera in falsam: vt ipse si quopiam affirmante vel opinante Petrum sedere, interrim Petrus surgat: veritas autem & falsitas contraria sunt: & oratio vel opinio non est substantia. Respondet sufficienter Arist. orationem & opinionem non mutari in se ipsa, nec variari per mutationem sui: sed mutationem fieri in obiecto aliter & aliter se habente, vt patet: & inde redundat denominatio veritatis aut falsitatis in opinione. Proprium autem esse solius substantiæ, suscipere contraria per mutationem sui, seu per successionem accidentium in ipsa substantia. Responderi etiam potest, non esse eandem numero orationem aut opinionem, illam quæ mutatur de vera in falsam: de qua re in proprio loco de secunda operatione agendum erit. Rursum responderi posset, orationem & opinionem non esse primum & principale subiectum: quia cum sint accidentia, recipiuntur in substantia, sicut: infra de quantitate dicemus. Sed ta-

men, quia denominationes veritatis & falsitatis non attribuantur substantiæ quæ est subiectum orationis & opinionis, sicut accidentia quæ insunt quantitati denominant substantiam: idè Aristoteles illo potius modo voluit respondere.

Secunda alia similis difficultas est. Potest eadem actio humana mutari de bona in malam, vt in moralibus tractatur: ergo non solâ substantia est susceptiuum contrarij. Respondetur, non solum rem esse satis controuersam: & præterea, actionem esse accidens quod tandem in substantia subiectatur: sed præferim actionem eo modo mutari per mutationem, alicuius circumstantiæ ex qua sumatur denominatio bonitatis aut malitiæ, non autem per susceptionem aliorum accidentium in se. Itaque eadem responsio Arist. de oratione & opinione, procedit etiam de actione morali.

Tertia difficultas est. Quantitas, iuxta receptam Philosophorum sententiam, est proximum subiectum aliorum accidentium materialium, & immediatè suscipit contraria. Præterea potentia vitales sunt proximum & immediatum subiectum iuorum actuum, quæ etiam sæpè contrarij sunt. Possunt ergo accidentia suscipere alia accidentia etiam contraria. Igitur non est id proprium substantiæ. Propter hoc distinguitur duplex subiectum, vnum primum & principale, aliud secundarium & minus principale: illud dicitur vt quod, aliud dicitur vt quod, idest mediante quo illud primum recipit & sustinet accidentia. Potest ergo etiam aliud quod accidens esse subiectum minus principale, quod est immediatum & proximum alterius accidentis. Sed subiectum primum & principale non potest esse nisi substantia: Et hinc apparet ratio a priori, cur hæc sit proprietas solius substantiæ: quia nimirum sola substantia est quæ primo & per se existit, & in qua omne accidens exiit.

*Quo alio
humana
possi mu-
tari de bo-
na in ma-
lam.*

*Quomodo
quantitas
recipiat
alia acci-
dētia etia
contraria.*

Quartò. Adhuc superest difficultas ex mysterio Eucharistiæ: ibi enim quantitas est primi & principale subiecti aliorum accidentium panis & vini, cum ipsa quantitas in illo admirabili Sacramento non habeat pro suo subiecto substantiam. Rõdetur. Hæc difficultas fieri et potest ad pro-

*Præferim
in Sacra-
mento Eu-
charistiæ.*

386 Quæst. XVIII. De Prædicamento Quantitatis.

bandum, non esse proprietatē solius substantiæ non esse in subiecto, imo non esse rationem essentialē propriam substantiæ per se existere. Dicendum ergo, has omnes rationes esse solius substantiæ proprias, quatenus illi connaturaliter & ex vi intrinseca ipsi substantiæ conuenientes: at posse supernaturaliter & per Dei potentiam communicari quantitati. Id est pro-

prium solius substantiæ est, esse ex natura sua primum subiectū accidentium, ex natura sua nō esse in subiecto, sed per se existere. & nunquam fit, nec fieri potest, ut vllum accidens sit ex natura sua primum subiectū per se existens & non in alio subiecto: sed solum fit, ut per miraculum per se existat, siquē primum subiectum quantitas.

QVÆSTIO DECIMA OCTAVA.

De Prædicamento Quantitatis.

Architas, qui primus creditur Prædicamentorum inuencor, secundo loco, non quantitatē, sed qualitatem, inmediate post substantiā ordinasse refertur Et poterant huius ordinis rationes esse. Quia amplior & nobilior apparet qualitas quantitate. Qualitas enim conuenit etiam separatis substantijs, & in se continet quædam præclarissima accidentia. Imo in ipsamet substantia corporea statim secū affert extēsiōis quantitatis conceptū. Et substantia omnis, dum est, vna est; & si alia addit, duæ sunt: at vnum & duo, omnisq. numerus, quantitatē sonat. Rursus quātitas continua permansens censetur aliorū accidentium proximum in substantia materiali subiectum, atque adeo ipsius qualitatis. Et licet hæc quantitas non insit substantijs separatis: tamen si quantitas omnem motum & numerum complectatur; etiam ipsæ substantiæ separate non sunt quantitatis expertes. Et licet multæ qualitates quantitati nobilitate præcedant: tamen si quantitas causalitate præcedit, est potius præferenda. Vnde demum licet forma dignitate, tamen materia pariter causalitate præcedit. Hæc satis ostendunt, non immerito quantitati secundum inter prædicamenta, qualitateque priorem locum, fuisse concessum.

Ordinis
ratio.

SECTIO PRIM A.

Quid sit Quantitas.

Quantitatis
nomen
quid
significet.

Quantitatis nomen interdum magis amplè sumitur, quàm latitudo huius prædicamenti poscat. Vnde distingui solet duplex quantitatis significatū. Quædā dicitur quātitas virtutis seu perfectionis. Quædam quantitas molis seu dimensionis. Quantitas virtutis ad oēs res potest extendi: Dicit enim perfectionem vniuscuiusque rei. Hinc interrogari solet, quanta sit perfectio huius atque illius rei. Et suscipit denominationes finiti & infiniti, tati & tati, æqualis & inæqualis, maioris & minoris: quæ loquendi

formulæ in quantitatis nomine fundantur. Et ita hoc tam amplum quantitatis significatum exposcunt. Sed hoc non potest certum prædicamentū constituere; quando quidem vagatur per omnia. Quantitas molis seu dimensionis magis propriè sumitur pro quātitate rerum corporalium, id est pro magnitudine & extēsiōe harū rerū. Sed hæc nō complectitur oēm quantitatem, quæ in hoc prædicam. distinguitur. Itaq. sumi dēt pro quātitate propria quiddē, sed adæquata huius prædicamēti: quæ optime dici poterit quantitas prædicam.

Ut ergo explicetur, quid sit quantitas hoc modo sumpta: Arist. quidem hic non definiuit quantitatē in genere: sed in pri-

Quantitas
in genera
non des-

nienda
sit.

mis verbis exorsus est à diuisione in continnam & discretam. Aliqui illum excusant, eo quòd genera generalissima non sunt definitionis capacia. Sed non satisfaciunt; quia saltem possunt suo modo describi & quidditatiuè explicari. Albert. tract. de Quant. cap. 1. & sots q. 1. dicitur, Arist. considerasse quantitatem secundum rationem mensuræ: & vt sic quantitatem continuam & discretam nõ conuenire in vna ratione mensuræ, quæ vna definitione explicari potuerit. Sed sic Arist. potius accusat. Tum quòd non attigerit quantitatem secundum eius essentiam, sed secundum certam quandam passionem. Tum quòd cum possit considerari quantitas secundum rationem vnā, continuæ & discretæ communem, vt ipsi supponunt: id omiserit. Et quasi dicunt, quantitatem continuum & discretam non hic coniungi secundum vniuocam conuenientiam, sed solum secundum analogicam, vel equitocam. Tum demum quòd etiam secundum rationem mensuræ poterat aliquo modo in communi quantitas explicari. Alij aliter conati sunt Arist. excusare.

Sed non oportet hac de re nimis esse sollicitos, quasi quantitatem solam omiserit definire. Nam nec substantiam antea definiuit: sed prædicam. inchoauit à diuisione substantiæ in primam & secundā, & in alijs sequentibus prædicamentis vix aliqua in communi definiuit. Satis sit ergo dicere, quia Arist. non exactè de his rebus hoc loco tractabat, ideò non curasse communes definitiones tradere, sed maluisse per diuisiones explicare quatum oportebat. Nisi dicere placeat, voluisse prius quantitatem in continuā & discretā diuidere: quia prædicamentum non erat ex vtraque constituendum: sed ad designandam quantitatem continuam, ex qua propriè prædicamentum constituendum sit. Cæterum hæc non obstant, quominus nos quantitatem in communi definire & explicare conemur. Quando & ipse Arist. alibi præstitit, quod hic omisit: & 1. Met. tex. 18. quantitatem communiter definiuit.

Ex Arist.
definitur.

Ergo nunc satis erit illa ipsa definitio quam Arist. ibi tradidit, dicens: *Quantum est, quod est diuisibile in ea qua sibi insunt, quorum singula apta sunt esse vnum quid.* Vnde quantitas in abstracto dicitur: est accidens, est forma, siue est id quod red-

dit res diuisibiles &c. Dum dicitur, quantum est diuisibile, significatur habere partes ex quibus constat, alioqui diuidi non posset. Et sic excluduntur omnes res indiuisibiles & simplices, nõ cõstantes partibus. Debet etiam intelligi diuisibile naturaliter, idest per facultatē & vires naturales, non recurrendo ad Dei potentiam absolutam. Vnde excluduntur illa, quæ licet possint à Deo diuidi & separari: non tamen possunt per causas naturales. Præcipuè qualitas intensa: quæ si constat gradibus intensiuis, potest quidem Deus hos gradus diuidere & separare: hoc tamē naturaliter fieri nõ pòt, ita vt gradus separati permaneant. Itaque intensio qualitatis non est quantitas huius prædicamenti.

Deinde dum dicitur in ea quæ insunt, significatur, partes in quas diuiditur quantum, fuisse formaliter in ipso quito. Vnde excluditur mixtum ex elementis quatenus mixtū: idest ipsa mixtio ex elementis non est quantitas. Quoniam licet mixtum diuidatur seu resoluitur in elementa: ramen elementa non inerant formaliter sed tantum virtualiter in mixto. Illi autem qui volūt elementa esse formaliter in mixto, dicere adhuc debent mixtum excludi quia elementa non sunt partes integrales mixti, sed essentielles seu physice. Quantum autem est diuisibile in ea quæ sibi integraliter insunt.

Demum dicitur, quorum singula apta sunt esse vnum quid, idest vnū aliquid totale, siue totum quid. Per quod excluditur compositum ex materia & forma, siue ipsa cõpositio, quæ vtique non est formaliter quantitas. Quoniam licet possint materia & forma diuidi & separari, vt contingit in morte hominis: tamen nec materia nec forma separata, est aliquid totū. At in diuisione quantitatis, quæ separata permanent, singula sunt totum quid integrale. Ita patet, qualiter hæc definitio soli quantitati conueniat, & alia excludat. Quæ adhuc clariùs excluduntur, definiendo quantitatem in abstracto: est accidens per quod subiectum redditur diuisibile. Nam per intentionem qualitatis non vique redditur diuisibile ipsum subiectum. Nec cõpositio mixti ex elementis, & corporis substantialis ex materia & forma, est accidens reddens subiectū diuisibile.

Conuenit etiam definitio omni quan-

Omniquæ

B b a titati

388 Quæst. XVIII. De Prædicamento Quantitatis.

*titati defi
n in appli
canti.*

titati & singulis speciebus eius. Conuenit quantitati continuæ, cuius partes actu vnitæ & coniunctæ sunt: separari tamen & distingui possunt, vt clarissimum est. Aliqua difficultas esse potest de quantitate discreta. Quoniam cum eius partes vnitæ non sint: non tam valet dicere, illam esse diuisibilem, quam potius esse diuisam. Hoc tamen non obstat. Tum quia diuisibile hic sumitur, non ad excludendum quod est actu diuisum, sed quod nec actu nec potentia diuisionem admittit. Tum quia etiam si sumatur pro diuisibili solum in potentia: quantitas discreta potest vterius diuidi hoc modo. Si sumatur numerus denarius, vtiq; colligit in se & includit per aggregationem decem vnitates: & poterit diuidi in duos quinariorum. & sic omnis numerus potest diuidi, etiam binarius in Ius vnitates. Hoc voluit Arist. ibi 5. Met. dicens, multitudinem esse quæ potentia diuisibilis est in non continuam.

Rursus tradita diuisio conuenit, tum quantitati permanenti, quæ tota simul existit, & partes eius tam separatæ, quam coniunctæ simul existere possunt: tum etiam quantitati successiuæ, qualis est motus & tempus. Quia licet non existat tota simul secundum suas partes: tamen successiuè suo modo coniunguntur, & vna pars sequitur post aliam. Atque de illa optimè dicere valet, posse diuidi, & partes posse separari.

Præterea conuenit tum quantitati rerum corruptibilem, in quibus de facto passim diuiditur & separatur: tum etiam quantitati rerum incorruptibilem, videlicet corporum celestium. Quoniam licet prout est in tali subiecto non possit per causam aliquam naturalem diuidi & secari: tamen satis est; quod secundum speciem suam diuidi possit, & ex parte sua non refugit diuidi. Ita etiâ conuenit omni quantitati quantumvis minimæ: quia quæcunque quantitas secundum se diuisibilis est in partes. Et licet exigua quædâ quantitas, dum est separata, non possit per instrumenta conueta secari: tamen si sit coniuncta cum alijs partibus, potest facile in quolibet sui puncto diuidi.

Denum ratio explicata quantitatibus conuenit, tum quantitati finitæ: tum etiâ infinitæ, si daretur, aut si dari potest. Non-

nulli quidem dixerunt, in hoc prædicamento solum assignari & definiri quantitatem finitam. Quia Arist. 5. Met. cap. 13. dixit: *Multitudo quantum quid, si numerabilis est: magnitudo verò, mensurabilis.* Numerabile enim & mensurabile conuenit tantum quantitati finitæ. Faut S. Thom. 1. par. q. 7. art. 3. & 4. & alij, qui hac ratione negant, esse possibilem quantitatem finitam, quoniam in nulla certa specie & genere collocaretur. Aliqui verò concedunt quantitatem continuam negant discretam infinitam, in hoc prædicamento contineri. Ita defendit Ruuius hic q. 10. Disparitatem assignat, quia multitudo essentialiter constituitur per vnitates: unde distinguitur specie per variationem cuiuslibet vnitatis, & sic esset essentialiter infinita: at essentia infinita non ponitur in prædic. sed magnitudo esset tantum accidentaliter seu integraliter infinita.

Absolute tamen dicendum est, etiam quantitatem infinitam participare definitionem traditam quantitatibus, & verè in hoc prædicamento collocari. Itaque plures hoc loco, Sonc. 4. Met. q. 15. & alij circa illum locum Arist. Colligit Soncin. ex Arist. 6. Top. dicente, quod si esset linea infinita, adhuc ei conueniret ratio & definitio lineæ. Ratione patet. quia sine dubio posset formari conceptus cõis quantitatibus, abstrahendo à finita & infinita, cui adæquatur definitio tradita: & hic conceptus erit vniuocus. Neq. adest fundamentum, cur quantitas infinita deberet ex prædicamentali serie excludi. Eademque prior ratio est de quantitate discreta, atque continua.

Arist. verò vel fumpsit numerari & mensurari, non adæquate pro eo quod potest totum pertransiri: sed quod saltem sibi partes potest accipi sub numero aut mensura. Et ita conuenit etiâ quantitati infinitæ. Vel voluit sub genere quantitatibus assignare species quantitatibus finitæ, non excludendo quantitatem infinitam. Et obseruari potest Aristot. dixisse, multitudo quantum quid, si numerabilis est: id est, est certum, finitum, ac determinatum quantum, quando potest mensurari. Illud verò infinitum, quod est infinitum per essentiam, & ens increatum a quo dependet cætera omnia, non ponitur in prædicamentis. At infinita magnitudo, sic etiam multitudo, verè

*Præterea quæ
titati inf
mita.*

verè in sua peculiari specie consideratur, & optime potest ac debet in prædicam. collocari. Sicut etiam si daretur qualitas infinita, esset utique in genere & prædicam. qualitas, & tempus infinitum in specie temporis. Si tamen omnibus his modis infinitum censetur impossibile: in nullo prædicamento ponitur. Quia in prædicamentis non ponuntur nisi entia realia possibilia.

Quantitas hoc non solummodo secundum rationem mensuræ.
Vterius circa rationem quantitatis in hoc prædicam. S. Thom. & alij plerique volunt, quantitatem prout in hoc prædicam. logico consideratur, esse definiendam & explicandam per rationem mensuræ. quia Arist. secundum hanc considerationem videtur hic accipere quantitatem. Hoc sibi persuadent, quia sub isto respectu & non aliter potest saluari divisio specierum quantitatis facta ab Arist. Hoc tamen non bene dicitur, quia si ratio mensuræ non est prima essentialis ratio quantitatis, sed est quædam passio: dici non debet esse prima & adequata ratio, sub qua hic quantitas pertractetur. Sed si in alijs prædicamentis considerantur res, non præcisè secundum aliquam suam certam passionem: sed adequatè secundum se, idem non est quantitati negandum. Consideratur ergo hic quantitas secundum se. Sed potest per passiones proprias definir: sicut in alijs rebus cõtingit. Et ad fundam. opposita sententia in sequentibus ostendemus, qualiter divisio specierum quantitatis rectè se habeat.

Qua sit prima ratio essentialis quantitatis.
Ceterum gravis quaestio est, quamnam sit propriè essentialis ratio quantitatis. Nam divisibilis, sicut & ratio mensuræ, aliaque similia attributa, sunt passiones potius quantitatis, & proveniunt ex eo quod quantitas habet partes extra partes. Unde frequentius solet essentialis quantitatis constitui in eo quod est habere partes extra partes. Et ip ordine ad subiectum posset sic quantitas definir: est accidens dans subiecto extremitatem partium. Sed hoc quomodo intelligatur, est res magnæ discussionis. Et maxime hæc difficultas procedit de quantitate continua siue magnitudine rerum corporearum. De qua re in Philoſophia erit plenius disputandum.

Quomodo quantitas
Nunc unum breue dubium circa communem essentiam quantitatis expedien-

dum restat. quia de ratione uniuscuiusque rei est, ut de se ipsa suisque speciebus dicatur tantum essentialiter & substantivè, non autem denominativè & vultu accidentaliter. Idque de genere respectu specierum docuit Arist. 1. Top. loco 1. At oppositum in quantitate cernitur. Nam dici solet quantitas quantæ, linea quantæ, numerus multus. Non autem dicimus qualitas qualis, albedo alba, & sic de cæteris.

Ad hanc difficultatem concedunt aliqui, quantitatem secundum rationem suâ essentialem prædicari sub tali forma denominativè, non tamen in sensu denominativo, sed eis ætiali. Et hoc esse peculiare quantitati, ut sub tali forma prædicetur præter morem aliorum prædicamentorum. Ita Tolet. hic q. 1. fund. 4. & ad 1. Et quidam alij. Sed non bene videtur admitti, quantitatem secundum rationem suam essentialem sub tali forma prædicari de ijs de quibus essentialiter dicitur: ita ut prædicatio essentialis sit sub forma denominativa.

Quidam alij dicunt, in illis propositionibus non prædicari quantitatem de se ipsa suisque speciebus: sed potius de subiecto suo. Ita ut quando dicitur linea est quantæ, est longa; sensus sit de substantia quæ recipit longitudinem lineæ: & ita illas prædicationes esse verè denominativas. Sed neque hoc bene dicitur. Nam dicendo quantitas est quantæ, magnitudo est magna, linea est longa: propositiones intelliguntur de ipsa quantitate, eiusque speciebus. Unde etiam de quantitate separata a subiecto in Sacramento enunciantur.

Melius ergo dicendum est, in illis propositionibus non esse ipsam essentialè rationem quantitatis quæ prædicatur. Sed considerandū est, in ipsa quantitate præter rationem eius essentialè reperiri suas affectiones & attributa, esse divisibilem, esse mensurabilem, esse tantam, &c. Et his etiam affectionibus nomen quantitatis tribuitur: ut habetur planè ex Arist. 1. Met. cap. 13. Nec mirū, cum quantitas nomen maximam amplitudinem admittat. Hoc supposito intelligenda sunt illæ propositiones in hoc sensu: ut dum dicitur quantitas

prædicatur de se, suisque speciebus.

Non prædicatur de se, tantummodo ipsa quantitas, sed affectiones eius.

quanta, &c. prædicatum supponat pro affectionibus quantitatis: ac si diceretur, quantitas est diuisibilis, est mensurabilis. Aut vt inquiramus, an quantitas sit tanta vel tanta: interrogamus, quanta sit ista quantitas. Sic etiam debet intelligi quando dicitur, linea quanta, linea longa. Et dici solet alia linea longa, alia breuis: fumendo scilicet longam, vt dicitur tantam aut tantam longitudinem. Sic Arist. ipse loco proxime citato, longum & breue, latum & strictum, humile & profundum, inter passionis quantitatis enumerat. At verò si sumatur quantitas secundum rationem suam essentialem: dici non debet, quantitas est quanta, sed est quantitas: non, linea est longa, sed est longitudo: non, numerus est multus, sed est multitudo: & sic de reliquis. Neque demum hoc est singulare in quantitate: Nam etiam in qualitate exemplo quod in contrarium afferebatur, qualitate nomen sumi potest ad denotandas differentias qualitate: ratione quarum denominatiue dicitur: sic interrogamus qualis sit ista qualitas, an spiritalis vel corporea: qualis sit iste color, iste habitus: alijque similibus modis.

SECTIO SECVNDA.

De Diuisione Quantitatis in Continuum & Discretam.

VT inueniatur genus generalissimum, & species designetur in hoc prædicamento, per diuisiones ipsius quantitatis procedendum est. Aristot. tam hic quam §. Metaph. quantitatem diuidit in continuum & discretam. Vtranque explicat §. Metaph. per diuisibilitatem: Multitudo est quæ diuisibilis est in non continua: magnitudo verò quæ in continua. Verum neque per hæc nomina omnem quantitatem discretam atque continuum videtur complexus: neque ibi amplius explicauit, quæ sit continua, & quæ non continua. Hoc tamen loco id totum explicauit optimè. Quantitatem discretam esse, cuius partes non copulantur communi termino: vt patet in numero; partes enim denarij, quinque & quinque, non sunt vno quopiam communi termino co-

pularæ. Quantitas continua est, cuius partes communi termino copulantur: vt patet in linea cuius partes puncto, & in superficie cuius partes linea, & in corpore cuius partes superficie, copulantur. Diuisio sic explicata statim apparet quantitati adæquata. Nam traditur per modum contradictionis, dum dicitur, cuius partes sunt aut non sunt copulatæ. Oportet nam specialiter & distinctè de vtraque quantitate differere.

Circa quantitatem continuum sunt maximæ difficultates, de eius partibus, de continuatione, de terminis seu indiuisibilibus continuarijs, & aliæ quæ planè transcendunt traditionem logicam, & in Philosophia ex professo disputandæ erunt. Huc modo spectat, quomodo rectè quantitas continua sit species quantitatis. Includitur enim in quantitate discreta, tamquæ constituit: ita quod partes quantitatis discretæ sunt ipsæ quantitates continuæ. Sed in prædicamento non potest vna species esse pars constitutiui alterius: vt patet ex dictis de prædicamento in communi. Ergo non potest quantitas continua tanquam vna quantitas species primario assignari.

Hoc dubium primò cessabit, si dicatur quantitas potius discreta non esse species quantitatis, de quo mox agendum. Secundo, siue non sit, siue sit species: tamen constat, quantitatem discretam constare ex pluribus continuis, non esse tanquam vnum ens per se, eo modo quo compositum ex materia & forma constatur, & quo vnum continuum ex suis partibus integratur: sed tantum esse vnum quid per aggregationem. Illa autem quæ verè sunt entia incompleta & partialia, constitutiva aliquid per se vnum, non oportet directe poni in prædicamento extra ipsum totum quod constituunt. Sed quæ non hoc modo se habent, debent per se directe in prædicam. reponi.

Tertio. Si dicatur quantitas discreta non ex solis quantitativis continuis adæquate consurgere, sed etiam ex subiectijs, qualitatibus, alijsque rebus, quæ vique in suis prædicamentis per se ponuntur: sic etiam ipsa quantitas continua per se in prædicamento ponetur. Quarto demum etiam si sumatur quantitas discreta præcisè pro illa quæ ex continuis numeratur.

De quantitate continua.

Quantitas continua & discreta ex Aristot. explicatur.

ratur. Tamen certè quantitas continua dupliciter considerari potest. Vno modo prout constituit unitatem quandam numeri, & plures constituunt totum aliquè numerum. Alio modo prout solū in se dicie suam extensionem & cōtinuitatem. Primo modo non per se directè ponitur in prædicamento extra quantitatem discretam: sed in illa continetur. Unitates enim cōficiētes numerum, quatenus tales sunt, ponuntur in prædicamento per inclusionem in ipso numero: & duo quinarij cōficiētes denarium, ponuntur per inclusionem in ipso denario, quatenus sumuntur vt partes eius. Sed secundo modo quantitas continua est in se & per se ens completum, vt omnino directè & præcipue scilicet in suo prædicamento habere debeat.

De quantitate discreta. Circa quantitatem discretam est sandè maxima difficultas: tum circa rationem eius: tum circa assignationem specialem in prædicamento. Primò enim dubium est, an sit realis & positiua. Secundò, an à rebus alijs distinguatur. Tertio, an habeat unitatem per se, qua differat ab aggregato per acciden. Et demum quarto, quia hæc conditiones supponuntur esse necessariz ad hoc vt aliquid tanquam vera species in prædicamento ponatur, an sit verè & propriè species prædicamentalis.

Hæc omnia affirmare videntur Auic. lib. 3. Met. cap. 4. Henr. 1. par. art. 29. quæst. 7. S. Thomas 1. par. quæst. 11. art. 1. & 2. & quæst. 30. art. 3. & alibi, cum eoque Thomistæ communiter, Capreol. in 1. d. 24. quæst. 1. Soncin. 10. Metaph. q. 7. & sequ. Iauell. q. 9. Caiet. Sor. Petrus Niger, Hieron. Plā, Mafius, Sanc. Petron. Ruuius, Canterus, Vall. Toller. & alij in hoc prædicam. Eandem sententiam tenuit Scot. 7. Metaph. q. 9. quam postea in dubium reuocauit in 1. d. 24. Et licet non omnes omnia illa quatuor distinctè affirmant: tamen, dicendo numerum esse veram speciem prædicamentalem, alias etiam conditiones videntur supponere: & aliqui aperte illa omnia distinxerunt.

Est alia sententia, quæ negat, numerum esse verè & propriè speciem quantitatis: id què ex defectu illarum trium conditionum. Ita Albert. lib. 8. Met. tract. 1. cap. 8.

Aureol. Ocham. Gregor. Bussol. & alij in 1. d. 24. In re sequuntur Fons. 5. Met. cap. 13. quæst. 4. & Suar. disp. 41. sect. 1. volentes tamen esse tenendum consuetum loquendi modum, dicendo numerum esse speciem quantitatis.

Dico primò. Quantitas discreta in aliquo sensu est realis, in aliquo est opus rationis. Per hanc conclusionem conciliari fortasse poterunt Auctores, alij dicentes numerum esse omnino realem, alij dicentes consistere in apprehensione rationis, & alij dicentes materialiter esse realem formaliter esse rationis. Explicatur & probatur vtraque conclusionis pars.

Quantitas discreta seu numerus est realiter a parte rei, si sumatur pro multitudine rerum, siue pro rebus multis. Nam realiter, & non per cogitationem intellectus, datur hoc modo multitudo in rebus: sunt multi homines, multi lapides, &c. Datur etiam determinata multitudo, certusque numerus. Re ipsa enim sunt tot cæli & non plures, & sic de alijs rebus. Ac insuper intra aliquam rerum speciem possunt esse plures varijque numeri a parte rei per aliquam circumstantiam designati. V. g. in hac ciuitate sunt tot homines, & sic in alia & alia, sunt tot Philosophi, & similia. Vbi planè non intellectus sua cogitatione facit, vt sine tot & non plures aut pauciores: sed hæc omnia verà sunt a parte rei antecederent ad apprehensionem & numerationem intellectus. Præterea datur etiam ordo a parte rei inter res numeratas, quando videlicet ipsæ res habent inter se connexionem siue subordinationem, quantum ad locum, vel tempus, vel dignitatem, vel causalitatem, alioque modo. V. g. a parte rei est, & non ab intellectu dependet, quod supra elementa primum cælum sit Luna, secundum Mercurij, & sic deinceps: quod primus homo sit Adam, secundus Cain, &c. Sicque potest in multis rerum ordinibus a parte rei inueniri connexio a primo vique ad vltimum. Secundum hæc omnia ergo, numerus potest esse realiter a parte rei. Et iuxta hoc Aristot. reposuit numerum inter sensibilia, communia: quia reuera sensus percipit multitudinem rerum, siue res multas, etiam in certo numero & ordine.

Quantitas discreta, quo sensu sit realis.

*Quomodo
fit opus ra-
tionis.*

In alio sensu numerus est opus rationis. Tum accipiendo numerum abstractum à rebus, prout mente cogitamus, tria, quatuor, &c. qui numerus rebus ipsis postea applicatur. Hic appellatur numerus numerans; sicut numerus applicatus rebus, appellatur numeratus. Supponunt ergo communiter, numerum numerantem esse opus rationis, quia est in apprehensione mentis. Tum etiam accipiendo numerum numeratum, quando non per rei naturam, sed per nostrum arbitrium designatur certus numerus. Dum v.g. in tota collectione hominum aut lapidum, numeramus duos vel decem, vel quot nobis placuerit. Tunc hæc designatio & terminatio numeri, est per nostram cogitationem. Tum demum quando similiter non ex natura rei, sed ex nostro arbitrio ordinantur res quas numeramus, & ad placitum dicimus, primus, secundus, &c. cum in re non magis hic quam ille esset primus aut decimus: tunc planè hic ordo est opus nostre rationis.

Potest autem intelligi, numerum quoad hoc esse opus rationis. Vel quòd propriè sit ens rationis fictum; si nimirum numerus concipitur tanquam certum quoddam ens, & designatio quasi realis terminatio, & ordo quasi realis relatio: eo modo quo fiunt alia entia rationis. Vel quòd numerus consistat in ipso actu reali intellectus, siue in denominatione extrinseca ab ipso actu, quo dici possunt res colligi, ordinari, & numerari. Et iuxta hæc loquutus est Arist. 4. Phys. tex. 131. ubi numerum ait esse opus animæ & intellectus, & sine anima non esse numerum. Item tex. 110. eundem esse numerum centi hominum, & centum equorum. & tex. 132. eundem esse numerum septenarium canum & equorum.

*Quomodo
positum
aut n. g.
sine se ha-
beat.*

Dico 1. Quantitas discreta, in aliquo sensu positiva, & in aliquo negativè se habet. Idq. ex duplici capite. Primò: quia cum quantitas discreta dicatur, cuius partes copulatæ non sunt: hoc accipi potest vel pro formali negatione coniunctionis: & sic negatione constituitur: vel pro entitate positiva cuiusq. rei in se terminata & coplata: sic positivè se habet. Secundò: quia cum numerus sit aggregatio unitatū. Hoc potest intelligi: Vel sumendo unitatem formaliter pro negatione: sic nu-

merus est aggregatio talium negationū. Vel sumendo unitatē pro rebus vnīs, quæ verè numerantur: sic numerus est aggregatio rerū positivarum. Vel demò sumendo unitates proprias quantitarum unitates autem quantitatis est continuitas eius, quam Thomista vocant propriè unitatem numeralem, & ex his solis unitatibus cōficiunt numerum huius prædicamenti: sic inquam, unitas, idest continuitas quantitatis, potest accipi positivè: quia vel consistit in indiuisibilibus cōtinuatiuis, inter partes, vel in aliqua alia vnione, iuxta varias sententias. Et sic etiam numerus positivè dicitur.

Dico 3. Numerus realiter acceptus, in aliquo sensu distinguitur, & in aliquo non distinguitur ab alijs rebus. Explicatur & probatur conclus. Si numerus sumatur formaliter pro collectione quantitatum continuarū, in sensu quo S. Tho. in solis rebus materialibus numerū collocat: res autem numeratæ sumantur pro substantijs, alij: quæ rebus affectis quantitate. Sic patet manifestè, numerū ab ipsis rebus distingui, sicut quantitatem continuā ab alijs rebus distingui supponimus. Hoc interdum significauit S. Thom. de hac re loquens. Rursus, si numerus sumatur magis formaliter pro collectione unitatum quantitatarum, quam unitatem modò diximus esse continuitatē ipsā quantitatis, & hæc unitas ab ipsa quantitate distinguitur, sicut vnio distingui potest à partibus vnitis: sic planè numerus pari modo ab ipsismet quantitatibus distinguitur. Et hoc maximè voluisse videtur Thomistæ, quando contendunt, distinguī numerum à rebus numeratis.

At ex alia parte, si numerum sumamus pro collectione rerum, & res sumantur pro rebus ipsis collectis, videlicet sumamus collectionem substantiarum atque substantias collectionem quantitatum & quantitates, collectionem dictam unitatū & unitates ipsas. Sic planè numerus non potest ab ipsis rebus esse distinctus. Quia collectio rerum, non est aliud realiter ab ipsis rebus: nihilq. aliud assignari potest præter ipsas res quæ numerantur. Numerus denarius substantiarum non est aliud realiter quàm ipse substantiæ, & sic de omnibus alijs. Nullumquē aliud accidens, nullus alius modus realiter reperitur.

*Qualiter
à rebus
alij: distin-
guantur.*

peritur in quo constituitur ratio numeri. Quod tam clarum est, tamque evidenter potest ostendi: vt non sit credibile, quenquam oppositum docere voluisse: nec opus sit, in hoc plus laborare.

Continuitas vero ipsa quantitatis, etiam si à quantitatis partibus distinguatur: tamen includitur omnino in ipsa tota quantitate, & non se habet vt passio, sed vt ratio constitutiva eius. Et quodammodo ita se habet continuitas ad quantitatem continuam, sicut anima ad animatum, vel certe sicut vnio ad compositum. Vnde sicut dum compositum ponitur in prædicam. in ipso composito ponitur etiam vnio: ita dum quantitas continua habet suam sedem in prædicam. in ipsa quoque ponitur sua continuitas. Ex quo apparet, numerum, quocunque modo sumatur, non esse quicquam aliud distinctum ab alijs omnibus, quæ iam certam sedem in prædicamentis supponunt habere. Et hoc etiam insinuat Arist. locis mox con- sequenti citandis.

Dico quartò. Quantitas discreta seu numerus, non habet unitatem per se, quæ dici possit esse ens quoddam per se vnum: sed potius est aggregatum quoddam per accidens, siue per rationem qua consideratur ad modum vnus. Hec concl. non videtur posse negari. Et probatur. t. auctoritate Arist. multis in locis. 3. Phyl. tex. 68. *Numerus est vna plura & quanta quædam.* Non dixit, est vnum quid, sed est plura vna, idest plures unitates, plures res quarum qualibet in se est vna. 8. Metaph. tex. 10. planè ait, non posse dici numerum esse vnum quid: sed verè esse quasi congeriem. Aut si dicatur esse vnum, quid, oportere assignare, quidnam sit illud quod facit vnum ex multis: quasi dicens, assignari & inueniri non potest. Et tex. 15. rursus querens de unitate numeri ac definitionis: ait, ibi propriè esse vnum, vbi si inueniuntur plura, vniuntur tanquam forma & materia, tanquam actus & potentia. Rursus 10. Metaph. tex. 4. *Numerus est unitatum multitudo.* Et tex. 20. & 21. opponit vnum & multa, & numerum ait esse multa, esse multitudinem. Et alijs in locis similia docet.

Secundò probatur ratione hinc desumpta. Manifestum est, vnum & multa, unitatem & multitudinem opponi. Et

quod est vnum, est ens: quæ sunt multa, sunt entia. Sed quantitas discreta seu numerus, non est aliud quam multa, siue multitudo: vt notissimum est. Ergo non est propriè & per se vnum quid. Per rationem tamen & considerationem nostram, ipsa multa colliguntur in vnum: idest vniuntur in intellectu, dum numerantur, & cogitantur ad modum vnus aggregati: sic est denarius hominum, centenarius lapidum, &c. Hæc est ergo unitas numeri per aggregationem & rationem.

Tertiò. Ex rebus distinctis non potest fieri vnum, nisi per vnionem & conjunctionem illarum: imò per vnionem proportionatam inter partes proportionatas: vt est notissimum. Sed res siue unitates, ex quibus constituitur numerus, non habent inter se realiter vnionem: sed ad summum per coadunationem & considerationem intellectus colliguntur in vno. Ergo.

Ad hoc argum. quod est in hæc re præcipuum fundamentum, duplici via conati sunt aduersarij respondere. Aliqui tentarunt vnionem aliquam excogitare, dicendo: in numero vltimam unitatem aduenire prioribus, easque veluti actinare & determinare ad certam speciem numeri: siquæ priores unitates se habere ad instar materiarum, vltimam ad instar formarum. Verum tam evidens & perspicuum est, partes numeri non habere inter se realiter vnionem: vt vanus prorsus labor sit, velle vllam excogitare. Quam enim vnionem habent decem homines, quando illos numeramus, & ad libitum hos vel illos accipimus? Sic etiam de alijs rebus. Vel quomodo dici potest, decem homines numeratos, esse aliquid per se vnum? Et prorsus imaginaria est, non realis, illa actiatio & informatio vltima unitatis respectu priorum. Nihil enim tale est in re: sed sola consideratione fingitur. Imò nec in re, determinata est vltima vel prima unitas. Sed ex arbitrio numerantis est, sistere in tali vltima unitate, vel vltimè numerare. Et infra numerum, v.g. denarium, ad libitum potest illa quæ fiebat vltima, fieri prima, aut quarta, &c. possuntque diuersi homines, imò & idem homo diuersimodè numerare. Patet ergo, illam determinationem & vnionem non esse in re, sed fieri solum per considerationem rationis.

Et nō habet vnionem partium.

Non habet unitatem per se.

Quia essentialiter est multitudo.

Alij

*Sine qua
vniōne nō
fit per se
vnum.*

Alij itaque ingenue fatentur, non aliam esse vniōem in partibus numeris, timē differentiam propriam eius esse, carere vniōne iuxta definitionem antea traditam. Sed dicunt, non ad omnem profus vnitatem requiri vniōem partium. Et saltem esse proprium numeri, vt sine vniōne partium fit quid vnum. Verū nihil notius in Philosophia erat, quā partes distinctas non posse constituere vnum totum, nisi inuicem vniantur vinculo apto & proportionato. Et alioqui non erit iam discrimen inter compositum per se, & per accidens siue per aggregationem. Neque percipi potest, quā vnitas sit inter decem homines inter quos non est vniō. Sed planē quantum deficit vniō, deficit vnitas: & si vniō solū est per accidens, siue per rationem; pariter non confurgit vnitas, nisi per accidens, siue per rationem.

*Nec distin
guuntur
realiter
plures nu
meri.*

Quartō. Si quantitas discreta habet vnitatem per se à parte rei: petendum est, an realiter sit vnus tantū numerus ex omnibus rebus numerabilibus, habens hanc vnitatem: vel à parte rei sint plures ac diuersi numeri, singuli habentes suas vnitates. Primum non est dicendum, quia & est contra Arist. aliosque auctores, qui eo modo quo numerum constituunt, plures numerorum species in rebus numerabilibus distinguunt: & est etiam contra communem exliminationem omnium. Secundum dici non potest, quia nulla maior vnitas vel vniō à parte rei est inter has vel illas vnitates: vt dici possit, à parte rei est hic vel ille numerus, hæ vel illæ vnitates conficiunt certum numerum: sed hoc totum fit per rationem. Ergo vnitas numeri non est nisi per aggregationem aut considerationem rationis.

*Ita se ha
bet nume
rus in re
bus corpo
reis sicut
spiritua
libus.*

Quintō. Non maiorem vnitatem habent inter se res materiales & corporeæ siue quantitates earum, quā res spirituales & incorporeæ: vt patet: sed res spirituales non conficiunt vnum per se in ratione numeri & multitudinis: vt supponunt ferē omnes qui vult, numerum esse propriē speciem quantitatis: ergo neque res materiales & corporeæ. Vel, si hæ res habent vnitatem: similem habebunt res spirituales: ergo vel ex veritate, vel potius ex neutris, confurgit nu-

merus qui fit ens per se vnum.

Sextō. Nonnulli ex auctoribus i. sent. volunt: quodcunque ex quibusdam partibus fit per se vnum, resultare ex partibus quandam tertiam entitatem, distinctam ab ipsis partibus etiam vt vnitis. Sed certē incogitabile est, dari in multitudine rerum discretarum talem tertiam entitatem distinctam ab ipsis rebus. Ergo numerus non est quid per se vnum. Soncinus non dubitauit asserere, in numero reperiri tertiam entitatem, sicut putat in omni alio composito per se. Sed certē nihil videbatur absurdum dici posse. Quam est enim, vel vbi esse potest hæc tertia entitas? an tota in omnibus & tota in singulis rebus seu vnitatibus componentibus numerum: an tota in omnibus & per partes in singulis distributa: vel extra illas res per se separata acque subsistens? An sit simplex indiuisibilis: vel in se rursus suis composita partibus? Quomodo gignitur, quomodo desinit, quando ex tot aut tot vnitatibus numerum computamus, rursusque dissoluimus? Certē ne concipi quidem potest, quomodo dum decem homines, viginti lapides, numerantur; quæpiam tertia entitas re ipsa, resultet. Sed nihil prorsus potest in numero realiter cogitari, nisi res ipse quæ numerantur. Nec quicquam in contrarium docuit Arist. 5. Metaph. 19. dicens: substantiam numeri sex, consistere in semel sex, non in bis tria. quem locum explicabimus infra sect. 7.

Dico demum quintō. Quantitas discreta est vna species quantitatis, opposita quantitati continuæ in hoc prædicamento, si prædicamentum vno modo construatur: & non est propriē species, si prædicamentum alio modo construatur. Explicatur & probatur concl. ex antea dictis de prædicam. in communi. Cum constructio prædicamenti fiat per artem logicam ad inuicem intellectum in sua cognitione: potest vno vel alio modo fieri, prout commodius vniū fuerit.

Aut ergo prædicamentum iūmicur cum toto rigore: vt non nisi illud, quod est ens reale, ab alijs condistinctum, per se vnum, in prædicam. ponatur. Sic oportet excludere quantitatem discretam: vt patet ex conclusionibus iam probatis. Sed illa sola quantitas quæ habet omnes

*Ex vni-
tatis
non resul
tat vna
entitas
numeri.*

*Quantitas
discreta
in quomo
do sit spe
cies quan
titatis.*

Seçt. III. De Diu. Quant. cont. in perm. & succel. 395

prædictas conditiones, totum conficiet prædicamentum: acque genus generaliffimum erit quantitas continua quæ diftinguitur à difcreta. Et tunc folum ob quam affinitatem fuae conuenientiam dici debet, nominari & explicari quantitas difcreta in hoc prædicamento, non verò quafi directè pertinet ad ipfum prædicamentum.

Aut prædicamentum fumitur non cum tanto rigore: fed folum pro certa ferie, habentium inter fe talem conuenientiam, ob quam fimul coniungatur & explicentur, etiam fi aliqua deficiant ab illis conditionibus præfignatis. Sic dicetur quantitas difcreta directè in hoc prædicamento, tanquam fpecies oppofita quantitati continuæ: ita vt locum generaliffimi teneat quantitas communis continuæ & difcretæ, quæ primario in vtrinq. diuiditur, non obftante quòd quantitas difcreta in quibufdam conditionibus ex intellectus confideratione dependeat.

*Quare po-
fit fit in
prædicam-
mento.*

Reddiquè potèft ratio, quare non immeritò factum fit, vt fuae vno, fuae alio modo, quantitas difcreta in hoc prædicamento addiéta fit, etiam præter normam aliorum prædicamentorum. quia, nimirum quantitas difcreta fuae numerus, tam frequenter & familiariter in vfu & confideratione hominum reperitur, & accipi folet tanquam res quædam peculiaris: in tanta etiam æftimatione fuit apud veteres fapientes, qui imò plus nimio numeris tribuebant: eft præterea ampla materia vniufex mathematicis difciplinis, fcilicet Arithmeticæ, in qua tam multa de numero, ficut in Geometria, de magnitudine, traduntur ac demonftrantur: & tantam denum habet cum quantitate continua in participandis proprietatibus quantitatibus conuenientiam: vt mirum effe non debeat, illi talem locum fuiffe attributum in prædicamento fimul cum quantitate difcreta: vt vel fe habeant tanquam duæ fpecies vnius generaliffimi: vel fe habeant tanquam duo capita, quorum vnum directè conftituit prædicamentum, aliud per affinitatem & fimilitudinem illi affocietur.

*Arist. ex-
plicatur.*

Acque iuxta hanc confulionem debet Aristotelis confulum approbari: dum in hoc prædicamento, & 5. Metaph. cap. 13. difcretam cum cõtina quantitate coniun-

xit. Vel dicendo, Philofophum appofuiffet quantitatem difcretam, non quafi directè fpeciem in prædicamento. fed quafi fociam illius quantitatibus quæ conftituit prædicamentum. Vel prædicamentum voluiffet conftituere non in toto rigore, fed cum maiori ampliacione: ita vt fub quantitate in communi directè vtraque quantitas reponatur. Alioqui non eft credibile, Aristot. putaffe, quantitatem difcretam effe ens penitus reale ab alijs omnibus condiftinctum & per fe vnum, ficut ad rigorofam prædicamenti conftitutionem requiritur. Imò fatis clarè potius oppofitum indicauit, iuxta noftros priores confuliones.

Alia argumenta quæ aduerfus doctrinam traditam poffent afferri, non continent difficultatem alicuius momenti. Et ex dictis facillimè folui poffunt, per diftinctiones in noftis confulionibus pofitas & explicatas.

SECTIO TERTIA.

De Diuifione Quantitatis continuæ in permanentem et fucceffiuam.

Aristoteles in hoc Prædicamento, & 5. Metaph. cap. 13. fex fpecies quantitatibus continuæ diftinguit, Lineam, Superficiem, Corpus, Locum, Tempus, & Motum. Verum vt immediatè quantitatibus continuam in fuis fpecies proximis diuidamus, præftabit fic diuidere. Quantitas continua, alia eft permanens, alia fucceffiuæ. Permanens eft, quæ habet fuis partes omnes fimul coexiftentes: vt aquæ, ligni, & omnium huiufmodi rerum permanentium. Succelliuæ eft, quæ habet fuis partes in continuo fluxu, alijs abeuntibus, & alijs aduenientibus: vt patet in motu & tempore. Sufficientia huius diuifionis apparet facillè. Nam cum principalis ratio quantitatibus fit extremitas partium: duobus adæquatè modis hæc potèft intelligi: vel per ordinem ad fpatium loci, ficut fe habent corpora quanta: & hæc eft quantitas permanens: vel per ordinem ad fpatium temporis, ficut fe habent motus quanti: & hæc eft quantitas fucceffiuæ. Apparet etiam effentia-

essentialis differentia vtriusque speciei : quia manifestum est, esse permanentem & successivum, siue ordinem ad spatium loci & spatium temporis, essentialiter differre, &que constituere species essentialiter differentes.

Quantitas permanens est maximè quantitas.

At verò loquendo sigillatim de vtraque specie : satis exploratum est, quantitatem permanentem, quæ proprie dicitur magnitudo, esse verè & proprie quantitatem, imò quæ absolute solet intelligi nomine quantitatis. De quantitate autem successiva dubium est, an sit verè & proprie species quantitatis, sicut supra dubitatum est de quantitate discreta. Vnde si hæc non erit proprie species quantitatis, quantitas permanens erit genus generalissimum huius prædicamenti.

Et quidem ita opinatur Suar. disp. 40. sect. 8. & 9. qui etiam disput. 41. sect. 4. num. 8. absurdum non reputat, si quis dicat, in hoc prædicamento non dari species & genera subalterna, sed tantum dari vnum supremum genus, scilicet magnitudinem, & tres infimas species, lineam, superficiem, & corpus. Raveat etiam alij eidem sententiæ, qui tam de tempore quàm de motu dubitant, an sint proprie species quantitatis. Et aperte negat Sanc. quæst. 32. Insuper Soncin. 5. Metaph. quæst. 14. cum plus tribuat tempori quàm motui de ratione quantitatis : tamen significat, tempus formaliter pertinere potius ad quantitatem discretam quàm continuam.

Etiā dantur quantitates successivæ vtriusque speciei quantitatis.

Dicendum tamen est, dari quantitatem continuam successivam, quæ sit tam verè & proprie species quantitatis, quàm est quantitas continua permanens. Hæc videtur esse communis sententia. Et probatur : quia sicut datur res habens partes & partes extensas, siue quæ possunt extendi, & extraponi in ordine ad spatium loci ; & ad hanc extensionem partium datur illi quantitas : ita datur res habens partes & partes extensas, siue quæ possunt extendi in ordine ad spatium temporis ; ut patet in omnibus entibus successivis. Ad hanc ergo extensionem debet poni quantitas successiva. Et si datur fundamentum ad distinguendam illam quantitatem permanentem a rebus, ut propterea sit accidens quoddam peculiare : ita etiam non deest simile fundamen-

tum de quantitate successiva. Igitur & hæc est quoddam accidens peculiare. Et patet manifestè, hanc vtrunque quantitatem verè & univoce convenire in communi conceptu quantitatis continuæ : ergo.

Imò addendum est, quantitatem hanc successivam etiam in rebus spiritualibus inveniri, in quibus tamen nullatenus invenitur altera species prædicta, scilicet magnitudo. Nam in rebus spiritualibus invenitur motus successivus & continuus, ut supponimus : ergo talis successio continua habebit totam quantitatis rationem. Quia cum ratio quantitatis successivæ consistat in extensione partium in ordine ad tempus per prius & posterius : hæc extensio non repugnat rebus spiritualibus, sicut illis repugnat extensio partium per ordinem ad spatium loci, in quo sensu omnis res spiritualis est penitus impartibilis, illique repugnat quantitas continua permanens, quæ concernit extensionem partium in spatio loci. Plura pro hac quantitate successiva addemus postea, examinando rationes proprias motus & temporis.

SECTIO QUARTA.

De Speciebus Quantitatis continuæ permanentis.

Deinde quantitas continua permanens habet suas species in quas dividitur. Et in primis ad quantitatem dividitur in illas tres species, Lineam, Superficiem, & Corpus. Linea est longitudo sine latitudine. Superficies præter longitudinem dicit latitudinem, sed sine profunditate. Corpus præter longitudinem & latitudinem dicit etiam profunditatem. Vel, ut loquitur Aristot. 5. Metaph. cap. 13. Longitudo seu linea est magnitudo ad vnum. Latitudo seu superficies ad duo. Profunditas seu corpus ad tria. Ad vnum, idest vnius dimensionis siue extensionis. Ad duo, duplicis. Ad tria, triplex dimensionis. Explicantur magis. Cum ratio propria huius quantitatis consistat in extremitate partium quoad spatium loci : tripliciter potest intelligi hæc extremitas. Vel ut quantitas habeat partes extra partes ab vno puncto ad aliud, &

Linea, Superficies, et Corpus.

fit

fit impartibilis atque indiuisibilis in latera: hæc est longitudo, quæ dicitur linea. Vel habeat partes extra partes, non solum in longum, sed etiam ad latera, fit tamen impartibilis & indiuisibilis in altitudine seu profunditate: hæc est latitudo, quæ dicitur superficies. Vel demum habeat partes extra partes etiam in altum seu profundum: hæc est profunditas, quæ dicitur corpus. Vbi planè apparet, hanc diuisionem esse adequatam, ita ut alia species præter has tres excogitari non possit.

Datur quidem Punctum, quod est vndeque indiuisibile versus omnem dimensionem: tamen hac ipsa ratione non habet essentiali quantitatè, nec est distincta species eius: cum de essentiali quantitatè sit habere partes in quas diuidi possit. Solumque reductuè trahitur ad hoc prædicamentum, & in linea includitur, quia linea punctis terminatur & conuenitur.

Circa nomen verò corporis obseruandum est, hoc nomen triplicem significationem habere. Vno modo sumitur pro composito substantiali ex materia & forma: ac dicitur corpus metaphysicum. Alio modo pro parte materiali & subiectiua viuientium, quando dicuntur constare ex corpore & anima: ac dicitur corpus physicum. Tertiò demum modo pro trina extensione atque dimensione explicata: ac dicitur corpus mathematicum. Et hoc est de prædicamento quantitatis, de quo nunc agimus.

At verò circa totam diuisionem tres præcipuè difficultates occurrunt. Prima est, an reuera dentur superficies & linea, eademque ratio est de punctis: vel tantum sint imaginaria quædam. Nam errè hæc non inueniuntur separata à corpore triuè dimensionis. Hæc tamen difficultas hoc loco expediri non potest: sed in Philosophiam differenda est. Modò loquendum est ex suppositione si dentur iuxta communissimum vsum tam Philosophorum quam Mathematicorum, qui de ijs loquuntur & tractant.

Secunda difficultas, & huius loci magis propria, est, an & quomodo hæc tres species essentialiter distinguantur. Ratio dubitandi est, quia vna in alia essentialiter videtur includi. Nam essentialis linea est longitudo; ac longitudo inclu-

ditur in superficie: & sic etiam latitudo in corpore. Ad hoc dicunt aliqui, superficiem esse longam, non per id quod addit supra lineam, sed per lineas quas continet, & similiter corpus esse latum per superficies. Sed hoc non rectè dicitur. Quia superficies non solum includit lineas longas: sed etiam suas partes quas in latitudine addit, habet quoque longas, ut planum est, & longitudo harum partium non est longitudo linearum: partes enim sunt ultra lineas, & sunt longæ & latæ. Imò si sumatur corpus aliquod, & sit figure quadratæ: non est maior ratio, cur dicatur secundum hanc dimensionem longum, illam latum, aliam profundum: sed ad libitum dici potest hinc vel inde longum, aut latum, aut profundum. Non ergo dici potest corpus habere hanc vel illam dimensionem à lineis, aut à superficialibus: sed omnem dimensionem habet se toto.

Dicendum ergo est, verè superficiem per se dicere latitudinem cum longitudine, & corpus cum longitudine & latitudine profunditatem: sed diuersam esse longitudinem lineæ ac superficiali, latitudinem superficiali & corporis. Itaque longitudo dupliciter sumi potest. Vno modo quæ excludat latitudinem, & dicatur longitudo sola: hæc est propria lineæ. Alio modo admittens latitudinem, quæ dici poterit longitudo lata: hæc est essentialis & propria superficiali. Similiter de latitudine respectu superficiali & corporis. Vnde si sumatur longitudo in communi: non est propria lineæ, sed communis triplici speciei dictæ: & latitudo in communi est communis superficiali & corpori: Et diuiditur in species modo assignato.

Dum autem dicitur, longitudo excludens latitudinem, siue longitudo sola: non est putandum, addi tantum negationem supra longitudinem in communi, & sic constitui lineam: & cum dicitur, longitudo lata addi differentiam positiuam. Nam fieri non potest, ut natura generis, quæ ad vnam speciem contrahitur per differentiam positiuam, ad aliam contrahatur per solam negationem. Sed omnino in alia etiam specie dicit differentiam positiuam. Intellegi ergo debet longitudo excludens latitudinem, id est longitu-

Quomodo
longitudo
sua propria
linea, la-
titudi-
sua
superfici-
bus

profundi-
tas corpo-
ris.

longitudo talis, & per talem differentiam positum determinatam, quæ excludat latitudinem, sicut quando diuiditur animal in rationale & irrationale.

*Quomodo
hæ tres spe-
cies distin-
guntur in
prædica-
mentis, po-
nantur.*

Tertia difficultas est. Si superficies non aliter inueniuntur nisi inclusa in corpore, & linea inclusa in superficie, copulando partes ac terminando totum: ergo non sunt per se entia còpleta, sed incòpleta. Igitur non debet per se & directè poni in prædicam. sed satis est si reducatur. Et ita admittit Sor. q. 4. in Antepæ.

Sed quia in Arist. & cõ aliorum assignatione illæ tres species distinguuntur, itaq; directè posita in prædicam. Ideo cõter dici solet, linea & superficiem cõsiderari dupliciter. Vel quia indiuisibiles sũt. Sicq. esse entia incòpleta, & non directè sed reductiue poni in prædicam. Vel quia indiuisibiles sunt. Sic esse entia completa, & directè participare essentiam quantitatis, vt per se in prædicam. ponantur.

Hæc rãmen responsio non videtur penitus satisfacere. Tum quia ex vna parte, linea non solùm quatenus non lata, sed etiam quatenus longa includitur in superficie. Nam idẽ dicuntur partes superficiei copulari & terminari lineis, non autem punctis: & per se requirunt ipsæ lineæ quatenus longæ sunt, ad constituendam superficiem, & ad copulandam vnã partem latam cum alia parte lata. Tum ex alia parte, linea etiam quatenus diuisibilis in latitudine, dici deberet poni directè in prædicam. Nam, poni deberet secundum suam specificam differentiam, quæ est latitudo. Alioqui poneretur solùm quatenus quantitas in communi, non quatenus talis species quantitatis; atque adeo non ipsa linea poneretur in prædicam. Tum præterea, à pari: Sic etiam dicit quis, punctum posse considerari dupliciter, vel vt indiuisibile, vel vt habens suam entitatem: & primo modo reduci; secundo modo debere directè poni in aliquo prædicam. Item materiam & formam posse considerari, vel quatenus substantiales sunt, vel quatenus partiales: & primo modo directè poni secundo reductiue ad compositum in prædicam. substantię.

*Explicatur
ex cõ-
structione*

Dicendum ergo est. Cũ ædificium prædicamenti fuit artis inuentum: vtrique dupliciter potuisse prædicamentum con-

strui. Vno modo intelligendo, quantum dicitur quantitas, simpliciter & vndeque completam. Sic diceretur solùm de corpore, & non de linea ac superficie. Alio modo intelligendo omnem extensionem siue magnitudinem, abstrahendo a determinatione vnus vel duplicis vel trius dimensionis. Sic patet, sub hoc quantitatis prædicam. arq; conceptu directè contineri, non solùm corpus, sed etiam superficiem ac lineam. Imo sic etiam dupliciter poterat accipi substantia: vel pro sola substantia completa: vel absolute vt etiam de materia & forma directè prædicaretur. Verũ, vno aut alio ex his modis prædicamentum construitur, prout commodius Logice visum fuerit. Prædicamentum ergo substantię primo modo, quantitatis secundo modo fabricatum est. Et ideo in substantia non directè collocantur materia & forma: sed in quantitate directè locantur cum corpore superficies & linea. Nec gratis & temerè ita factum est. Sed quia substantia satis abundat generibus & speciebus, atque gradibus luboridinatis à summo ad imum. Sed in prædicam. quantitatis, etiam distinguendo lineam superficiem & corpus, vix inuenitur aliquis gradus intermedius pro modum generis & speciei subalterne inter species infimas & genus generalissimum. Iuxta hanc ergo constructionem huius prædicamenti, absurdum non est, lineam & superficiem bis in prædicamento poni: reductiue per inclusionem in specie corporis: & directè sub illo communi quantitatis conceptu.

Præter illas tres species, Aristot. in hoc prædicam. addidit etiam locum. Vnde Socus Tolet. & quidam alij huc defendunt, hanc esse speciem quantitatis ab alijs distinctam. Negant alij plures, tum hic, tum 5. Metaph. cap. 13. Fauent Auerr. & S. Thom. ibi. Sequuntur Fons. ibi q. 7. & Suar. disp. 40. lect. 8. Sciatq; pro hac parte Aristot. ibi, qui inter species quantitatis loci non meminit.

Pro resolutione distinguendum est. Locum potest primò sumi pro spatio siue interuallo, quod concipimus occupari à re existente in loco: & sæpe in communi sermone locus hoc modo sumitur. Locum sic sumptum, idest spatium, quidam

*Locus sũ-
pius pro
spatio, an
sit species
quantita-
tis.*

vere-

Sect. IV. De Speciebus Quant. continuæ perm. 399

veteres Philosophi arbitrati sunt, esse ens quoddam positivum & reale, cui omnia locata corpora coexistere. Ita refert Arist. 4. Phys. Circa hoc, duo quæri possunt. Vnum est: an detur tale spatium quod reale sit. Aliud est: num si daretur, esset peculiaris quædã species quãtitatis.

De primo certum est, tale spatium non esse reale. Ita demonstrat Arist. 4. Physic. Vnde à nostris Philosophis appellatur spatium imaginarium. De secundo etiam communiter dici solet, quòd si tale spatium esset reale, non esset distincta species quãtitatis, sed coincideret cù specie corporis, quia esset quantitas triplex dimensionis. Verùm si tale spatium reale esset per se existens, potius ad prædicamentum substantiæ pertineret. Deinde si ad quãtitatis prædicam. spectaret: non solum cum corpore, sed etiam cum alijs duabus speciebus conveniret. Nam haberet lineas & superficies, quas & nunc in spatio imaginario cogitamus. Sed demum hæc tota quãtitas sparij, specie distingueretur ab alia quantitate assignata. Quoniã quantitas hæc assignata, inhaeret rebus, transfertur de loco ad locum, cù ipsis rebus est variabilis; & quantitas sparij esset in se immobilis, semper eadẽ. Vnde fati haberent, quo specie differrent. Et ita indicavit Philopon. 4. Phys. in digress. de loco.

*Locus in-
ptus pro
superficie
non est spe-
cies distin-
cta à su-
perficie.*

Secundo modo sumitur locus prout definitus est ab Arist. 4. Phys. superficies corporis continentis. Corpus enim locatum circumdatur superficie concava corporis locantis: hæc superficies dicitur locus. Vnde illi qui negant locum esse peculiarem speciem quãtitatis, vtrò quidem asserunt esse quantitatem, sed dicunt non esse speciem distinctam à superficie, cum sit superficies, & solum addat denominationem continentis respectu locati. At illi qui volunt locum esse peculiarem speciem quãtitatis, conati sunt excogitare distinctionem aliquam saltem formalem inter locum & superficiem. Vel dicendo, eandem superficiem posse considerari, prout est superficies intrinseca corporis continentis, & prout est quoddammodo superficies extrinseca corporis contenti. Atque sub priori respectu esse illam speciem quæ dicitur superficies: sub altero esse distinctam speciem quæ dici-

tur locus. Vel dicendo, superficiem posse considerari quatenus extensio quædam in se est, siue quatenus mensura intrinseca sui subiectis sic dici superficiem: & quatenus mensura extrinseca locatis sic dici locum.

At non bene dicunt. Tum quia quantitas non est accidens quod dicatur extrinsecè, sed dicitur intrinsecè de suo subiecto. Tum quia superficies corporis continentis, non est verè quantitas aut extensio corporis contenti, siue terminus proprius eius: imò pariter se habet superficies extrema corporis contenti ad corpus continens. Tum etiam si illa superficies denominatur extrinsecè corpus contenti & locatũ: hæc extrinseca denominatio potius pertinet ad prædicamentũ vbi: alioqui & denominatio vestiti à vestibus deberet trahi ad prædicam. quãtitatis: cù tñ ponatur in prædicam. habitus. Tñ demũ licet locus dicatur mensura locati: tñ è contrario potest locatum dici mensura loci. Imò quæcunquẽ quantitas ex parte sua potest esse mensura alterius: nec tamen propterea in omni quantitate distinguitur formaliter nova species ob rationem mensuræ. Sed ratio mensuræ est quædam cõis proprietas quãtitatis. Frustra quoq. illa responsio excogitata est in gratiam Arist. qui potius assignavit locum in illa prima acceptione, ut infra dicemus.

Tertiò rursus potest sumi locus formaliter pro præsentia locali. Aut pro extensione actuali quãtitatis in loco. Illa præsentia quæ dicitur Vbi, constituit peculiare prædicamentum vbi. Sed dubitari potest, an inter primarios rei corporeæ quãtitatem & ipsum vbi mediet quædam actualis extensio in loco. Vnde illa quantitas dicitur extensio rei in ordine ad se, hæc alia extensio dicitur in ordine ad locum. Ex sanè si hæc extensio localis datur, & distincta est: vel ponetur in hoc prædicam. tanquã passio ipsius quãtitatis: vel potius directè constituit distinctam speciem quãtitatis: quæ rursus habet lineas, ac superficies, & trinam dimensionem. Vnde potest à capite dividi quantitas continuæ permanens, in illam quæ dicitur in ordine ad se, & aliam quæ dicitur in ordine ad locum. Verùm de hac re, quæ non solum philosophica est, sed multum ex principijs Theologicis dependet, in Philosophia differemus.

*Præsentia
& exten-
sio localis
an sit spe-
cies quan-
titatis.*

Cate.

*Arist. ex-
plicatur.*

Cæterum Aristot. dum hic locum inter quantitates species numeravit, suis-
met verbis plane ostendit, se accepisse
locum in prima illa significatione suo tẽ-
pore vísatæ. Et hæc est etiam communis
Doctõrum expositio. Noluítquẽ Aristo-
teles locum eo modo sumptum omítte-
re. quia cùm nondum disputasset, an lo-
cus illo modo daretur: voluit loqui cùm
cæteris: At postea in Physicis contra
illam Antiquorum sententiam reale spa-
tium evertere studuit. Et in Metaphysi-
cis nullam inter species quantitatis loci
habuit mentionem.

SECTIO QUINTA.

De Speciebus Quantitatis conti- nuæ successivæ.

*Tempus
& motus.*

Aristoteles in hoc prædicamento ab
initio capitis solum tẽpus assignat,
quod ad hanc quantitatis partem pertine-
bat: verum in progressu addit motum,
& cùm motu actionem, cum qua nomi-
nare etiam possumus passionem: hæc
enim tria pro eodem in præsentí reputã-
tur. At tamen, motum non esse quantum
per se, sed per accidens, scilicet ratione
temporis: sicut albedo non est quantitas
per se, sed per accidens, videlicet ratio-
ne superficiei. At deinde 5. Metaph. cap.
13. pariter ait, motum & tempus esse
quantum per accidens. Imo addit, tempus
esse quantum propter ipsum motum.
Quæ varietate doctrinæ res alioqui non
adeo facilis, reddita est difficilior.

Hinc occasionem sumpserunt aliqui ab-
solutè negandi totam quantitatem succes-
sivam. Et Suar. qui ita sentiebat, ait disp.
40. sect. 9. num. 9. Arist. in Metaphysi-
ca mutasse & correxisse, quod in prædica-
mento logico minùs rectè docuerat. At-
tamen alij magis communiter aliquam
successivam quantitatem agnoscunt in
genere quantitatis continuæ: vt nos iam
supra statuimus.

Itaque Fonseca 5. Met. cap. 13. quæst.
8. sect. 3. & quæst. 10. sect. 2. defendit,
motum quatenus continuum, & tempus,
esse verè & propriè duas distinctas spe-
cies quantitatis successivæ. Idem voluit
se videntur. Albert. tract. de Quant. c. 18.
& Burleus in eodem Prædicam. Probat-

quẽ Fonseca has esse duas species distinctas
quia quodammodo opponi videntur. Nã
quò maior est successio motus, eò minor
temporis est: & quò minor est motus, ma-
ior est temporis. In motu enim veloci est
multa successio motus in modico tempo-
re: in motu tardo est modica successio
motus in maiori tempore.

Alij verò sunt, qui motum & tempus
in vnam quantitatis successivæ speciem
confundunt. Et aliqui volunt, tempus
esse propriè quantitatem, & motum esse
quantum per accidens: iuxta doctrinam
Aristot. in hoc loco. Ita sentiunt Porphy-
rius. Ammon. aliique plures, Masius sect. 3.
quæst. 5. & 6. Ruus quæst. 3. & 5. &
alii recentiores frequenter. Aliqui ex
adverso volunt, motum esse magis prop-
riè quantitatem, & tempus esse quan-
tum per motum. Quod magis consonat
Aristot. in loco Metaph. Et præterea 3.
Phys. text. 1. ait: *Motum esse de genere
continuum.* Ex alia parte 4. Phys. text.
101. definiens tempus ait: *Tempus est nu-
merus motus:* at certè numerus non est de
genere quantitatis continuæ. Et text. 31.
quia numerus dependet ab animas infert
sine anima non posse tempus esse: vnde
facit tempus opus rationis, sicut est nu-
merus.

Pro resolutione distinguendum est in
primis circa motum. In motu considera-
ri posse, & entitatem eius quæ est acqui-
sitiõ alicuius termini qui producitur, &
successionem eius siue cõtinuitatem. No-
lumus enim distinguere successionem &
continuitatem, vt facit Fonseca. & alij. quia
eodem modo hic loqui oportet de suc-
cessionem siue cõtinuitatem motus. Potest-
quẽ optimè appellari extensio motus in
ordine ad sparium temporis. De entita-
te ipsius motus facile constat, non per se
pertinere ad prædicamentum quantita-
tis: sed vel ad prædicamentum sui termi-
ni, & ita vagari per varia prædicame-
ta: vel ad prædicamenta actionis &
passionis.

At de successione & continuatione
motus, equidem rursus distinguendum
puto. Aut enim creditur esse indistincta
& essentialis ipsi motui: aut distincta
& accidentalis, sicut extensio substantiæ
est accidentalis & distincta ab ipsa sub-
stantia. Si primum: sic etiam pertinebit
ad idem

*Motus an
& quò hu-
beat ra-
tionem quan-
titatis.*

ad idem prædicamentum cum entitate, motus. Secundum: sic propriè est de prædicamentis quantitatibus: estque quantitas continua successiva. Probatur: quia ratio indistincta & essentialis ponitur utique in eodem prædicam. cum sua re: forma autem distincta & accidentalis ponitur in prædicamento distincto. Sic certè si extensio substantiæ esset ipsi essentialis, non poneretur in prædicamento distincto: sed quia est distincta & accidentalis, ponitur in hoc prædicamento quantitatibus distincto à substantia. An verò hæc extensio motus verè sit distincta ab ipso motu, non est huius loci disputare. Sed breviter supponimus, si non semper, & in omni motu, saltem sæpè distingui. Et ita habemus hanc propriam speciem quantitatibus successivæ.

Rursum distinguendum est circa tempus. Duplex est enim. Aliud dicitur, tempus extrinsecum: aliud intrinsecum. Tempus extrinsecum est, quod in familiari sermone communiter intelligitur, dum nominatur tempus, & præcipue consistit in duratione motus cæli: unde distribui-mus, annos, menses, dies, horas, &c. Et hoc tempore mensurantur alij motus. Tempus intrinsecum est intrinsecum & propria duratio rei sue motus. Hoc supposito dicendum est, tempus extrinsecum, non constituere novam speciem quantitatibus respectu rerum seu motuum quibus est extrinsecum. Nam non est extensio talium rerum, non dat illis formaliter habere partes extra partes: sed supponit. Et ad summum est illarum mensura. Quod non sufficit ad constituendam distinctam speciem quantitatibus: cum ratio mensuræ sit communis passio quantitatibus, ut antea diximus. Acque ita se habet, tempus extrinsecum ad res quæ sunt in tempore, sicut locus ad res quæ sunt in loco. Unde si placeat hic considerare etiam tempus imaginarium, sicut supra consideravimus spatium imaginarium: pari modo est de tali tempore ac de spatio philosophandum, proportionem servata. Tempus autem intrinsecum uni cuicunque motus, re-vertens non est aliud quam illa ipsa successio seu continuas, idest extensio motus. nec quicquam aliud excogitari potest. Hoc ergo tempus verè & propriè est species quantitatibus, non tamen distin-

cta ab illa quam motui attribui-mus. Sed est prorsus illa ipsa.

Hinc ad rationem Foul. in contrarium facillimè dicitur, illam regulam valere tantum de tempore extrinsecum. At loquendo de tempore intrinsecum: quantitas est successio motus, tanta est, imò eadem est, successio temporis. Non ergo motus est distincta species quantitatibus à tempore.

Hinc etiam intelligenda sunt & explicanda loca Aristot. allegata. Et in primis patet, quomodo optime in hoc prædicam. inter primas quantitatibus species ab initio posuerit tempus. Postea rectè addidit, motum esse quantum per acci-dens, idest per ipsum tempus. In loco autem Metaph. ubi Aristot. dixit, motum & tempus esse quanta per acci-dens; exponit Alex. ibi, Aristot. accepisse quantitatibus continuam pro sola permanenti: nam ab initio capitis illam vocavit magnitudinem. Acque adeo respectu huius quantitatibus dixit, motum & tempus esse quanta per acci-dens. Nam dum corpus aliquod movetur, possumus considerare in ipso motu extensionem correspondentem ipsi mobili, ad instar aliorum accidentium quæ sunt in tali subiecto: hæc autem non est extensio successivæ propria ipsius motus, ut patet. Et respectu eius verum est, motum & tempus esse quanta per acci-dens ratione subiecti, & tempus ratione motus.

Vel aliter dicendum est, Aristot. non in eodem prorsus sensu accepisse quantum per acci-dens. Sed quantum per acci-dens dixit, non solum quod est quantum formaliter per aliud, sicut musicum & album per subiectum: sed etiam quod casualiter in sua extensione dependet ab alia re extensa sue divisibili: prioria tamen, quod in se habeat formaliter suam extensionem. Sic planè ipse Aristot. ibi distinguit duo genera quanti per acci-dens: vout sicut musicum & album: aliud sicut motus & tempus, quæ dicit esse quanta per acci-dens, eo quod hæc ideo sunt quanta, quia supponunt esse quanta sue divisibilia, illa quorum est motus & tempus, idest in-quanti motus sit per magnitudinē sue spatium quantum: similiter dici potest: quæ terminatur ad rem constantē ex pluribus partibus, quæ una post aliā acquiruntur.

Arist. explicatur.

Tempus quomodo sit propriè species quantitatibus.

Hinc enim prouenit, ut motus fiat successiuè & sit quantus. Quod autem dixit, tempus esse quantum ratione motus, debet intelligi in genere causæ materialis: quoniam motus per suas partes est capax extensionis successivæ. Quod non obstat, quominus motus sit quantum formaliter & extensus per ipsum tempus.

Item dum Arist. dixit, motum esse de genere continuorum: non per hoc dicere voluit, hanc esse rationem illi essentiali: nisi fortè radicaliter. Nec negauit, motum habere formaliter per ipsum tempus suam continuitatem successiuam. Denique dum tempus definiuit per numerum: non sumpsit numerum pro quantitate discretæ: sed intellexit idem atque mensuram. Et dicere voluit, tempus esse mensuram motus. Et postissimè loquebatur de tempore extrinseco. Acque etiam secundum hanc mensuram rationem dixit, tempus dependere ab anima: quoniam nos sumus qui per operationem animæ mensuramus.

An in aliis plures species quantitas successiua distinguatur.
Ceterum quantitas hæc successiua diuidi non potest per vicinam duplicem & triam dimensionem: quoniam non dantur hæc differentie in successione motus & temporis. Signantur quidem in motu & tempore indiuisibilia, quæ dicuntur mutata esse & instantia, ad instar punctorum in magnitudine. Sed hæc eo ipso quòd indiuisibilia sunt, non directè participant essentialiam quantitatis. Magis hæc quantitas diuidi poterit iuxta diuersam motuum. Quoniam cum hæc successio ad summum distingui possit à motu tanquam modus à re, in se participare poterit diuersitatem specifi- cam, quam ipsi motus habent, de qua in Physicis.

At verò Vallius q. 4. huius prædicamentum Burleo defendit, tempus reduci ad lineam, seu sub lineam contineri: eo quòd ad instar lineæ dicat solam longitudinem. Sed certè nomine lineæ & longitudinis, propriè intelligitur quantitas permanens. Neque debet lineæ diuidi in permanentem & successiuam. Sed supposita diuisione quantitatis permanentis & successivæ: sub permanente continetur lineæ, per successiuam intelligitur tempus.

Postremò dubitari potest, tam circa hanc successiuam, quam circa permanentem quantitatem, an illæ quæ inæquales sunt, sint diuersæ species quantitatis: videlicet in quantitate successivæ tempus diurnum & biduum, ac in quantitate permanenti lineæ bicubita & tricubita. Ratio dubitandi est: quia sic in numero diuersæ species numerorum sunt binarius & ternarius: at par ratio esse videtur in quantitate continua. Et ita significat Sanctus Thomas prima parte quæst. 7. art. 3. ad 1.

Verum de re facillè constat, quantitatem continuam maiorem aut minorem, esse eiusdem speciei essentialis, solumquæ differre per magis & minus, sicut in qualitatibus calor ut vnum & ut octo. Dicit tamen poterit, quantitates inæquales differre specie in ratione mensuræ: hoc est diuersas mensuras esse, diem & biduum, palmum & vnam. Aut si dicere placeat, tales quantitates esse vnius speciei in ratione quanti, diuersæ autem in ratione tanti & tanti. Quod solum consistit in modo loquendi. Ac in numero libentius dicitur absolute loquendo, illas esse diuersas numerorum species: quoniam cum numerus non habeat propriè essentialiam per se vnam, sed maxime adunetur per collectionem rationis: idè iuxta diuersas collectiones suo totalitates, quæ considerantur in binario & ternario cæterisque numeris inæqualibus, numerorum species appellantur: ut sect. 7. proprio loco dicemus.

SECTIO SEXTA.

De Diuisione Quantitatis discretæ in permanentem & successiuam.

Aristoteles in hoc prædicam. duas species discretæ quantitatis assignat, Numerum & Oratiouem. Ut autem sub iisdem terminis quibus de quantitate continua, adæquatam diuisionem quantitatis discretæ pariter tradamus: hæc etiam duplex est, Permanens & Successiua. Permanens importat numerum. Successiua orationem.

An quantitates continuæ inæquales, sint distinctæ species.

Numerus & oratio.

Quant.

Seet. VI. De Diuis. Quant. discr. in perm. & suc. 403

*Quantitas
discreta
permanens
& successi-
ua.*

Quantitas discreta permanens est multitudinem rerum seu vitarum numerabilium permanentium. Successiua rerum successiuarum. Sic multitudo hominum, lapidum, & similibus, est permanens: multitudo motuum est successiua. Vnde iuxta hanc explicationem multitudo permanens intelligitur esse, non tantum rerum simul actu coexistentium, sed etiam si alij post alias existant: dummodo quæque in suo esse habeat permanentiam. Nam perinde existimatur numerus ternarius hominum qui unus post alium extiterunt, ac numerus simul coexistentium. E converso multitudo successiua intelligitur, non tñ motuum qui unus post alium extiterunt, aut erunt, sed etiam si simul exercentur, itaque hæc permanentia vel successio in quantitate discreta potius attendenda est penes permanentiam vel successionem vniuersi cuiusque rei seu vnitatis numerabilis in se, quam penes coexistentiam vel successionem vnius rei post aliam.

Multitudinem ergo permanentem intellexit hoc loco Aristot. nomine numeri. quia licet nomen numeri ad omnem multitudinem etiam motuum possit extendi: tamen peculiariter attribuitur discretæ multitudini. At nomine orationis non omnem multitudinem successiuam complexus est. Et oratio hic sumitur, non quidem in illo sensu logico, quo dicebatur vox significatiua ad placitum cuius partes separatæ significant. Sed sumitur pro quocunque vocabulo, etiam si sit terminus incomplexus: dummodo constet pluribus syllabis: imo etiam si nihil significet, quia ad hanc rem nihil significatio facit. Mens ergo Aristot. est, orationem esse quantitatem discretam, quia constat ex pluribus syllabis quæ successiue proferruntur.

Circa priorem huius quantitatis speciem, sufficere possunt quæ antea diximus in communi de diuisione quantitatis in continuam & discretam. Circa posteriorem duo de nouo dubitari possunt: Primum est, an rectè assignetur hæc species quantitatis. Secundum est, an sufficienter oratio assignetur, vel magis amplè hæc species assignanda sit.

Successiua non mi Circa primum dubium, erat sententia aliquorum, qui alioqui defendentes nu-

merum & tempus esse veras species quantitatis, de oratione negant: quo modo non aliam multitudinem nisi magnitudinem in hoc prædicam. constituere voluerunt. Ita Caiet. & Louanienf. hoc loco. Sanc. quast. 30. & alij. Fauet Aristot. qui in 5. Metaph. cum numerum motum & tempus in quantitatibus tractatu recenset, orationis omnino non meminit. E contra alij quidam magis orationem, quam aliarum rerum numerum ad rationem veræ quantitatis accedere arbitrati sunt: eo quod syllabæ, quæ sunt partes orationis, maiorem quandam vniouem præ se ferunt, vt vnam orationem conficiant, & oratio manifestius quidam quantitatis denominationes admittit. dicitur enim in suis syllabis longa vel breuis. Qua ratione Aristot. ipse rem hoc loco probauit.

Dicendum tamen est, eandem esse rationem de oratione, atque in vniuersum de numero & multitudine totaque quantitate discretæ. Probatur ex vna parte, orationem non esse minoris conditionis, quam numeri aliarum rerum. Quia etiam si numerus intelligatur esse tantum rerum materialium siue magnitudinis in quibus est vnitatis quantitatiua per continuationem: tamen iam probatum est, successionem motus esse quoque veram quantitatem, quæ habet vnitatem quantitatiuam per continuationem: ergo multitudo huiusmodi motuum siue vnitatum, parem habet quantitatis discretæ rationem.

At, quia prolatio syllabæ sumi potest, vel pro motu locali qui est causa soni, vel pro ipso sono: siue in sono, siue in motu locali, consideretur per singulas syllabas successio quæritur: aequaliatur ratio quantitatis discretæ in toto rigore. Nec obstat huic parti Aristot. qui in Metaphysic. orationem omisit. Quoniam ibi absolute pro quantitate discretæ multitudinem assignauit: nec curauit distinguere numerum & orationem. Itaque sub nomine multitudinis veramque speciem videtur complexus. Et ita ibi Commentator exponit.

Probatur ex alia parte, orationem non habere in rigore plus de ratione quantitatis, quam numerum aliarum rerum. Quia licet maiorem vniouem partium videatur habere: tamen cum hæc vniouem sit per continuationem: alioqui tota

*nis quæ
permanens
quantitas
participat
rationem.*

Neq. magis quam illa habet de ratione quantitatis.

oratio esset quantitas continua non discreta: adhuc est per aggregationem & propinquitatem, dum vna syllaba immediate post aliam profertur: & oratio est totum quid, non per vnitatem per se, sed per artificialem compositionem. At hoc modo etiam in numero sumi potest numerus rerum, quæ sese immediate loco contingunt, quæ etiam totum quoddam artificiale constituunt: vt lapides & ligna vnius domus. Neque tamen hoc refert ad quantitatis discretæ rationem: Non ergo oratio magis habet de ratione quantitatis quam numerus. Sed ad summum valebit dicere, quantitatem confluens ex partibus immediatis & cõtiguis in rationem alicuius totius, licet artificialis, magis imitari quantitatem continuam, quæ est verè & propriè quantitas. Et hoc repetitur et in numero corporum: vt patet in exẽplo allato domus.

Licet autem oratio ratione syllabarum dicatur longa aut brevis. Neq. hoc quicquam refert. Quia vel intelligitur, quatenus aliqua syllaba in pronuntiatione protrahitur aut corripitur. Et hoc aliud non est, quam orationem constare ex vno motu longiori aut breviori: sicut si in numero linearem, sit aliqua longior alijs. Vel intelligitur quatenus plures aut pauciores syllabæ possunt esse in vna dictione. Et hoc perinde est, atque numerum aliarum rerum ex pluribus aut paucioribus vnitatibus constare, & sic esse maiorem aut minorem: sicut si plures lapides, vnus post alium in longitudinem componantur, dici poterit series lapidum longior aut brevior per plures aut pauciores lapides. Neque Aristoteles illam rationem attulit ad probandum, orationem magis quam numerum habere de ratione quantitatis: sed absolute ad probandum habere de ratione quantitatis.

Circa secundum dubium, ex vna parte est auctoritas Aristot. qui non solum non assignavit aliud quam orationem pro quantitate discretæ successivæ: sed circa medium capituli bis affirmat, sola illa quæ assignauerat, & non alia, esse per se quantæ. Ex alia parte vtrique considerari potest multitudo motuum, non solum in loquendo & proferendo orationem: sed in alijs multis, in quibus

non minor huius quantitatis ratio reperitur. Imo etiam in loquendo considerari potest multitudo dictionum & syllabarum, si quis non immediate vnam post aliam, sed per interpolata spatia temporis illas proferat: tunc ex syllabis sic prolatis, non dicitur confici oratio.

Propter auctorit. Aristot. conati sunt aliqui defendere, orationem fuisse adæquatè & sufficienter assignatam. Et respondent, aliam motuum multitudinem non esse propriè quantitatem. quia ad hanc requiritur aliqua vniõ & vnitatis, quæ non reperitur, nisi ipsi motus sint inter se connexi atque coniuncti: sicut sunt in prolatione vniã syllabarum conficientium vnam dictionem. Vnde pariter dicunt, non esse huius generis quantitatem, illam collectionem motuum, qui simul eodem tempore fiunt.

Dicendũ tamen est, non solam orationem, sed oẽm multitudinem motuũ habentium debitã successionẽ, pertinere ad hanc speciem quantitatis, quam dicimus quantitatem discretam successivam. Probatur manifestè ratione allata: & quia nõ potest aut ratio disparitatis, aut quicquam aliud in contrarium asserti. Et maxime vrgendo exẽplum numeri: Non ergo requiritur vniõ & coniunctio immediata partium. Nã numerus confugit ex corporibus, non tantum cõtiguis & aliquo artificio compactis, sed & penitus solutis atque distantibus. Imo ratio quantitatis discretæ apud Aristot. potius consistit in eo quod partes eius copulatæ non sint: Similiter nec requiritur, vt partes multitudinis successivæ vna post aliam existat: sicut è contra partes numeri permanentis non requirant, omnes simul existere, vt supra notauimus. Deinde etiã si inter partes multitudinis successivæ illa vniõ requireretur: hæc vniõ reperitur non solum in prolatione syllabarum vnius dictionis, sed etiam in alijs motibus: vt in pulsatione alicuius instrumenti sonantis in repetita salutatione, alijsq. similibus: ergo non sola oratio adæquatè constituit hanc speciem quantitatis.

Poterit autẽ hæc species discretæ quantitatis, satis cõmodè adæquato vocabulo appellari. Tẽpus discretum. Hoc vultur Theologi agere de motu Angeli, qñ considerat plures motus, vult alijs succedentes.

Et opti.

Non sola oratio, sed omnis successio pertinet ad hanc speciem quantitatis.

Seçt. VII. De Speciebus Quant. discr. perman. 405

Et optimè extendi potest ad omnem motuum multitudinem. quia sicut tempus continuum dicitur, quod est vnus continui motus: ita tempus discretum multitudinis motuum discretorum. Ad Arist. v. r. d. dicendum est, illum assignasse orationem, tanquam exemplum magis notum, & obuium huius quantitatis, & quod in familiari hominum sermone solet accipere denominationes quantitatis, breuitatis & longitudinis. Nec negauit alias motuum multitudines ad hanc quantitatis speciem pertinere, quam quantitatem discretam successiuam appellamus.

SECTIO SEPTIMA. De Speciebus Quantitatis discretæ permanentis.

Multitudo rerum permanentium considerari potest, tam in rebus spiritualibus, quam corporeis. Vnde in has duas species diuidi posse videtur. Sed dubium valde est, an multitudo rerum spiritualium sit numerus huius prædicamenti, & quantitas discreta etiam in ijs rebus inuenitur.

Negant S. Thom. 1. part. quæst. 11. art. 1. ad 1. & quæst. 30. art. 3. 5. Metaph. lect. 2., in 1. d. 24. quæst. 1. art. 3., & alibi. Durand. Capreol. Aegid. & alij eadem dist. Caiet. & alij Thomistæ in locis primæ part. lauell. 8. Metaphysic. quæst. 9. Soncin. lib. 10. quæst. 13. Sorus, Sanc., Ruuius, & quidam alij in hoc prædicam. Henric. Quodl. 4. quæst. 57. Alenf. 5. Metaph. text. 12. & 18. & alij frequenter. Foss. 5. Met. cap. 13. q. 4. Suar. d. 41. sect. 2. Hac videtur sent. Arist. multis in locis, & Auerr. cum ipso. 3. Physic. text. 41. ait, numerum non esse separatum & infinitum. Et text. 68. numerus est vna plura & quanta quædam. & lib. 2. & 3. de Anima, ponit numerum inter sensibilia, quæ vtique non sunt nisi corporea: 6. Metaph. text. 2. ait, scientias mathematicas esse de rebus quæ in re non abstrahunt à materia: & tamen constat agere de numero. 10. Metaphysic. text. 2. & 3. ait, mensuram primario esse rei quantæ, & inde ad alia derivari, primam autem mensuram esse vnum quod est principium numeri. Et text. 21. ait, multitudinem esse quasi genus numeri,

quia numerus est multitudo mensurabilis vno. Et alij in locis simili docet.

Ex opposito affirmant alij, numerum tam in rebus spiritualibus quam corporeis reperiri. Ita Richard. Aureol. Gregor. Major Ocham. Gabr. & alij in 1. d. 14. & nonnulli circa hunc locum.

Controuerfiam hanc Soncin. & quidam alij dicunt esse de nomine. Sed melius dicemus, controuerfiam hanc potius esse de huius prædicamenti structura. Nam non solum de re planè constat, tam in rebus spiritualibus, quam in ceteris, inueniri plura & multa: sed etiam de modo loquendi in illis pariter dici, tum multitudinis, tum & numeri nomen, quibus est enim qui non dicat multitudinem Angelorum, numerum Angelorum? & in specie numerando dicimus, duo Angeli, tres Angeli, & vltra. Solim ergo controuerfia remanet, num sola multitudo rerum corporearum, an etiam spiritualium in hoc quantitatis prædicam. ponatur. Vnde illi qui negativè respondent, distinguunt numerum transcendentem communem omnibus rebus, & prædicamentalem quem dicunt in solis rebus corporeis reperiri.

Dicendum videtur, sicut in alijs similibus dubijs anrea respondebamus. Cùm prædicamentum sit artificium quoddam ad commoditatem humani intellectus elaboratum: dupliciter posse hoc prædicamentum constitui. Et vno modo omnem numerum: alio modo solum numerum rerum corporalium esse speciem quantitatis prædicamentalis.

Primo modo sumi potest quantitas discreta pro omni multitudo rerum cuiuscunque generis: sic planè complectitur etiam numerum rerum spiritualium. Postquæ hoc modo sumi, efficaciter demonstratur. Primo quia definitionem traditam de quantitate discreta, cuius partes non copulantur termino communi, nullum rerum genus excludit: & pariter definitionis illa communissima Arist. quantum est diuisibile in ea quæ insunt, nullam restrictionem habet. Et vtraque definitio optimè conuenit omni multitudini. Item proprietates, tam quantitatis discretæ, quam quantæ in communi, de omni multitudine verificantur, non habere contrarium, quale est inquantum, & mensurabile.

An tam
multitudo rerum
spiritualium quæ
corporaliū
sint species
quantitatis.

Punctum
controuerfiam
sic præfati
sunt.

cap. 11

q. 11

multitudi
nem com
plecti.

3.

406. Quæst. XVIII. De Prædicamento Quantitatis:

& mensurare: & cætera quæ Arist. tum hoc loco tum 5. Metaph. docuit. Rursus, numerum esse parem vel imparem, esse diuisibilem in partes æquales aut inæquales, esse perfectum aut imperfectum, esse quadratum, & cætera quæ Arithmetici demonstrant, & tota arithmetica doctrina generaliter procedit de omnibus rebus: nihilque curat, quales sint res numerabiles, an corporeæ vel spirituales. Imo etiam si tota rerum corporæ multitudine periret: adhuc tota doctrina arithmetica integra in sua numerali supputatione subsisteret.

Secundo probatur magis numerum posse se accepit in hoc prædicamento locari. Quia par ratio est de numero omnium rerum, tam spiritualium, quam corporalium, imo numerus sic in communis sumptus communitatem inuocam suo modo habet respectu omnium rerum, si formaliter accipitur. Nam ratio colligendi ordinandi numerandi unitates, eadem est in intellectu, respectu omnium rerum: ut manifestè patet. Ergo quo loco ponitur numerus, adæquatè ponitur in prædicam. pro omni numero.

Tertio. Tota ratio Auctorum primæ sententiæ est, quia, cum numerus sit collectio unitatum in rebus quantis inuenitur unitas positiua, in continuatione consistens, distinctaque à re cuius est unitas & unitas vnus rei quantæ cum unitate alterius habet proportionem, ut simul faciant vnum quid: unitas verò aliarum rerum in sola negatione consistit. Verum hæc ratio iam diruta manet ex dictis sect. 2. Nulla enim multitudo rerum, est ens quoddam reale & positiuum, distinctum a cæteris, per se vnum: neque ea ratione quantitas discreta erat propriè quantitas, & huius prædicamenti vera species. Præterea nunc addi potest, non solum in rebus quantis, sed etiam in alijs rebus, inueniri posse unitatem positiuam, distinctam: videlicet in alijs rebus compositis, in quibus, consideratur componem partium, atque ad id unitatem compositionis positiuam: ac præsertim in qualitatibus intensis, non minus spiritualibus quam corporeis.

Quarto. Turbare nos non debet quantitatis nomen, à quo res spirituales abhorre videntur. Nam hoc nomen, si

sumatur pro quantitate molis, quæ significat extensionem corpoream: nullo modo in rebus spiritualibus inuenitur. At si amplè sumatur: sicut dici potest, quantitas successiua etiam de motibus spiritualibus successiuis: ita dici potest quantitas discreta etiam de rebus spiritualibus: & multitudinem adunatis.

Quinto. Est numerus rerum spiritualium in hoc prædicam. ponamus: non propterea ponere volumus numerum ternarium personarum diuinarum, siue binarium quarum personarum. Idque duplici ratio. Vna communis est: quia, in vniuersum prædicamenta non nisi de rebus creatis ordinantur. Altera propria est: quia quantitas discreta, est rerum quæ non copulantur aliquo termino communi. At diuinæ personæ non solum coniunctæ sunt, sed idem prorsus in vna singulari natura. Frustra ergo aliqui inferunt quod si numerus rerum spiritualium, etiam numerus diuinarum personarum, in hoc prædicamento ponatur.

Huc demum attentioni non obstat loca Arist. antea allegata. In primo tantum voluit, non dari multitudinem separatam & infinitam, id est præter eas res quæ finitæ sunt & nobis notæ. In secundo tantum voluit, multitudinem esse quantam quadam quantitate discreta. In tertio assignauit numerum vique rerum sensibilibus inter sensibilia communia: non propterea negauit numerum etiam in rebus non sensibilibus. Ad quartum: quomodo scientia mathematica non abstrahant a materia, & Arithmetica versetur circa numerum, tractabimus q. 17. In quinto, tantum voluit, rationem mensuræ in quantitate primario reperiri: id est quantitate mensurari, & inde ad alia derivari: & per quantitatem intellectis, non solum coarctam, sed etiam discretam. Initium autem mensuræ dixit esse numerum, quia hæc est simplicissima mensura, in quam omnis composita mensura resoluitur: vnum autem esse principium numeri. Non ergo dixit, vnum & numerum in solis rebus corporeis inueniri. In sexto demum loco dixit, multitudinem esse genus numeri, quia sumptis numerum pro multitudine finitæ: ideoque numerum depluribus, multitudinem mensurabilem.

*De æqua
ratio in
vtraque
procedit.*

*Nec obstat
nomen quæ
ritatis.*

*Nec numerus
di
ninarum
persona
rum.*

*Nec autem
heritas
Aristot.*

Alio

*Alio modo
de hoc pra
dicamen
tum conti
net solum
numeri
corporali
um.*

Alio secundo modo sumi potest taliter quantitas discreta: & quantitas in communi, ut multitudinem rerum spiritualium non includat: & ita numerus de predicam. quantitatibus in folis rebus materialibus inuenitur. Explicatur & probatur primò. Quantitas sumi potest ita ut idem sit dicere quantitas quòd extensio: quæ postea diuidatur in continuam & discretam. sic idem erit dicere quantitas discreta, quòd extensio discreta, siue plures extensiones non continuas. Item quando definitur quantitas in communi, quæ est diuisibilis in partes, intelligi potest in partes extensas: & quantitas discreta, cuius partes extensæ sunt, & non sunt copulatae, sed sunt discontinuæ. Sic patet, unitates ex quibus quantitas discreta constituitur, esse unitates continuas & extensas: atque adeò res spirituales in hac acceptione numeri predicamentalis non includi.

*Et alia
multitu
do per re
liqua pra
dicamenta
uagatur.*

Secundò. Reddi potest ratio, cur possit etiam hoc modo predicamentum constitui, & predicamentalis quantitas explicari. Quia eùm multitudo non sit ens quoddam distinctum à reliquis, & per se unum non oportet ut adequatè in aliquo certo predicamento ponatur: sed vagatur per omnia. multitudo substantiarum, idest multæ species, indiuidua substantia, ponuntur in predicamento substantiæ: & sic de alijs. Hoc ergo modo in predicamento quantitatibus ponitur multitudo quantitarum, idest illarum quæ sub quantitate continua continentur, quarum proinde numerus dicetur predicamentalis de predicam. quantitatibus.

Atque adeò idem erit in hoc sensu diuidere quantitatem in continuam & discretam, atque dicere quantitas vel una vel multiplex, loquendo de ipsa quantitate continua. Sicur in toto ambitu entis, Arist. diuisit vnum & multa. Vide fit, pariter in predicam. substantiæ potuisse diuidi, substantia vel una vel multiplex, & sic in reliquis predicamentis. Sed adhuc reddi potest ratio, cur singulariter in predicam. quantitatibus, & non in alijs, hæc diuisio facta sit: nempe propter communem consuetudinem loquendi. Quia eùm in genere quantitatibus, hæc ipsa multitudo habeat ipsum quantitatibus nomen, atque vocetur quantitas discreta:

non immerito distinctè explicanda fuit. quod non ita erat in alijs predicamentis necessarium.

Tertiò. Alia magis propria & accommodata ratio reddi potest. Quia quantitas huius predicamenti, eùm sit de genere accidentium, debet accidentaliter dici de rebus: & in quodam sensu, numerus qui dicitur de rebus quantis & extensis, accidentaliter de ipsis dicitur: de alijs autem rebus dicitur magis intrinsecè & entitative: ergo non immerito sola rerum extensarum multitudo poterit in hoc predicamento reponi. Minor in qua consistit vis huius rationis ostenditur, quia numerus & distinctio intrantum dicitur de rebus, inquantum unitas & continuata non sunt, iuxta definitionem quantitatibus discreta: sed extensio ex natura sua potest esse tota continuata, atque adeò res quæ tali quantitate extenduntur, possunt ex natura sua continuari. Huiusmodi autem sunt, de rebus permanentibus loquendo, solæ res corporeæ: res verò spirituales ita diuise & discrete sunt, ut quilibet huiusmodi continuo continuari possint. Ergo illa discretio atque numerica multiplicatio, est accidentalis ipsi rebus corporeis, non autem rebus spiritualibus. quod erat probandum. Quod si adducantur qualitates intensæ, quæ si saltem per Dei potentiam copulari possint, etiam accidentaliter discrete videntur: dici potest. Aut propterea illarum etiam discretio in hoc numerum generè contineri. Aut, quòd sicut intensio qualitatis non spectat ad predicam. quantitatibus, sed ad proprium qualitatibus & discretio qualitatis.

Quartò. Addendum est, quantitatibus discretam iuxta hanc explicationem per se & formaliter consistere in multitudine ipsarum quantitarum continuarum, siue extensionum, per quas res aliæ extenduntur: hæque esse formaliter unitates ex quibus talis numerus configit. Multitudo autem omnium aliarum rerum, si consideretur præcendendo ab extensione, potius ad alia predicamenta spectabit, sicut ipsæ res. Si verò considerentur tales res quatenus extensæ: ut sic etiam ipsarum multitudo ad hoc predicam. sub quantitate discreta reducatur: non quidem per se, sed per accidens.

*Illaq. se
la multi
tudo acci
dentaliter
dicitur de
subiecto.*

*Per se su
mitur pro
multitudi
ne quan
titarum
continua
rum.*

inquantum itant sub extensione. Nam Arist. in hoc prædicam. distinguit quantum per se & per accidens. Et sicut in substantia corporea, extensio quidem ipsa est per se species quantitatis, substantia autem est quanta per accidens, id est per extensionem quæ est eius accidens: ita prorsus quantitas, discreta per se consistit in ipsis extensionibus rerum, de rebus autem ipsis dicitur per accidens.

Ceterum rationes huius concl. non obstant, quominus omnis multitudo rerum considerari possit, quatenus accide naturæ communi absolute spectatæ, intra quam ipsæ res multiplicantur & magis quatenus dicit collectionem unitatum & ordinem numeralem, quo modo multo magis accidentaliter tribuitur ipsis rebus, ab ipsisque distinguitur, ut possit iuxta priorem huius prædicamenti constructionem dictam, pertinere ad hoc prædicamentum sub genere quantitatis discretæ.

*De speciebus
vniuersi
numeri.*

Aliud dubium circa numerum in hac re superest, verum numerus quarumcunque rerum rursus in alias species distinguitur. Quod dupliciter capere quasi potest. Primum an numeri diuersi, videlicet par & impar, imo & singuli numeri, ut binarius ternarius & cæteri, specie differant: Secundò, an numeri diuersarum rerum, ut denarius hominum & denarius equorum specie differant. Ratio dubitandi est, quia ex vna parte, numeri diuersi, etiam si sint rerum eiusdem speciei, ut binarius hominum & ternarius hominum, dici solent diuersæ species numerorum: & è contra numeri æquales diuersarum rerum, ut denarius hominum & denarius equorum, dicuntur vna species numeri. Et hoc planè dixit ipse Arist. 4. Phys. text. 110. Numerus unus & idem centum equorum & centum hominum quorum autem numerus est, diuersi sunt. At ex alia parte numeri diuersi earundem rerum solum differre videntur per magis & minus: sicut in quantitate continua differunt maior & minor moles: magis autem differre videtur numerus confimilis diuersarum rerum: nam decem equi utique specie differunt à decem hominibus.

*Quomodo
numeri*

Hoc dubium breuiter resolendum est cum distinctione, qua vtraque ratio pro-

posita aliquid pro sua parte committat. Numerus ergo dupliciter sumi potest. Vel formaliter, quatenus dicit collectionem & ordinem atque collectionis & ordinis unitatem. Vel materialiter, quatenus dicit res ipsas numeratas. Primo modo, diuersi numeri, licet earundem rerum, dici debent esse diuersæ species numerorum & è contra numeri æquales diuersarum rerum, esse eiusdem speciei. Patet facillè, quia si formaliter loquamur, non attenditur in numero, quantum sint res numeratæ, sed solum qui sit ipse numerus: diuersa autem collectio est in illis numeris diuersis. Et iuxta diuersitatem numerorum sunt variae proportionales, coniunctiones, & oppositiones numerorum: ut in Arithmetica manifestum est. Et in hoc seruandus est communis vsus loquendi. Secundo modo, numeri licet æquales diuersarum rerum, dici debent diuersæ speciei: è contra numeri licet inæquales rerum eiusdem speciei, dicuntur vnius speciei. Patet non minus facillè, quia hoc nihil aliud est quam dicere, res numeratas esse eiusdem aut diuersæ speciei. Itaque poterit pro vtraque parte rectus teneri loquendi modus, dicendo: in binario & ternario hominum, res numeratas esse eiusdem speciei, numeros esse diuersæ: è contra in ternario hominum & equorum, res numeratas esse diuersæ speciei, numerum esse eiusdem. Quoniam numeri nomen in communi loquutione, ac etiam apud sapientes, magis accipitur formaliter.

Sed superest difficultas: quia vna species numeri includitur in alia: ergo non sunt distinctæ species: aut saltem non, completè & adæquate, ita ut distinctè in prædicamento ponantur. Assumptum patet: quia v. g. senarius constat ex duobus ternarijs, quinaris ex ternario & binario, & sic de reliquis.

Ad hoc Soncin. 10. Metaph. q. 10. ratione 4. significat nequaquam vnam speciem numeri includi in alia, nec senarium constare ex duobus ternarijs: sed vnam, quæque speciem esse per se ipsam distinctam ab alia. Patet Arist. 5. Metaph. 19. vbi videtur dicere, sex secundum speciem & substantiam suam non esse bis tria, aut ter duo, sed tantum esse semel sex.

*materialiter aut
formaliter specie
distinguitur.*

*Non ob
stante in
clusionem
numerorum
vnius in
alio.*

At

At negari non potest, vnum numerum aliquo modo includi in alio. Tum quia per se notum apparet, in senario includi duos ternarios, siue tres binarios, & sic de alijs. Tum quia certe binarius includit duas vnitates, quaternarius quatuor vnitates: nam numerus constat vnitatibus. Sed perinde est dicere, quaternarius includit duos binarios; imo magis differt vnitates quàm binarius à quaternario. Ergo dici debet quaternarius includere duos binarios. Tum etiam ipsa numerorum nomina hoc ipsum indicant. Nam quindecim planè dicit decem & quinque: ducentum duos centenarios: & sic de similibus. Tum demum hac ratione in Arithmetica quidam numeri dicuntur compositi, quia ex minoribus numeris componuntur: sicq. ibi dicitur, duo ducta per ter efficere sex, aliæque similes regulæ traduntur.

Vel ergo dicendum est, sicut ab initio numerus deficit à vera & rigorosa ratione speciei, & ab vnitatibus alijsque conditionibus requisitis: ita non esse inconueniens, species numerorum deficere ab illa distinctione & impermixtione quæ inter alias species reperiri solet: atque adeo bene posse vnam numeri speciem includi in alia. eoque magis, quod etiam in quantitate continua linea includebatur in superficie, superficies in corpore.

Vel dici potest, binarium, v. g. & sic quemlibet numerum, posse sumi dupliciter. Primò sitiendo in illo & non ulterius numerando. Secundo procedendo ulterius alias vnitates addendo. Primò modo esse certam numeri speciem quæ dicitur binarius. Secundo modo non esse in se certam speciem, sed esse partem quandam incompletam, in potentia ad componendas alias numerorum species. Verum est tamen, binarium hoc modo sumptum non dicere aliquid positium ultra dualitatem vnitatum: sed potius dicere negationem vltiorum vnitatum. Et ita in sua illa specifica ratione, negatione completur.

Ad locum Arist. in primis dici posset, senarium non esse duos ternarios, sumendo ternarium negativè modo nunc assignato: quia esset implicantia in adiecto. Aut senarium non esse duos ternarios, si ternarii distinctè sumantur. Si

quis enim modò numeret tria, postea alia tria, neque hæc illaque coniungat: non diceretur numerasse vsque ad sex, sed bis numerasse vsque ad tria. quia requiritur vnitates collectionis inter duos ternarios, vt senarium verè conficiant. Sed proprius sensus illius loci est. Substantiam siue essentiam numeri consistere in ipsa totalitate numeri: alias autem comparationes & proportionem per considerationem partium, dici potius qualitates numeri. Potius ergo Arist. ibi supponit, numerum maiorem reuera includere minores.

Potremò explicandum est quod dici solet, in singulis numerorum speciebus vltimam vnitatem esse formam numeri, siue esse differentiam dantem numero speciem. Hoc sumpsum est ex Arist. 8. Metaph. tex. 10. vbi ait, essentias rerum esse sicut numeros. quare sicut vltimus gradus essentialis rei dicitur eius forma & differentia, ita dicitur vltima vnitates respectu numeri. Idem significat S. Thom. ibi lect. 3. Vnde hunc loquendi modum defendit Capreol. in 1. d. 14. q. 1. contra Aureolum, & Bartholomeum Spina in Defensione super eundem locum S. Thomæ contra Anton. Andr. & ex parte Socin. 10. Metaph. q. 9. Explicant etiam & defendunt Masius lect. 2. de Quant. q. 5. & alij recentiores Thomistæ.

In contrarium verò, hunc loquendi modum impugnant, non solum Aureol. in 1. d. 14. & Anton. Andr. 8. Metaph. sed quidam alij, dicentes, formam & differentiam numeri potius esse discretionem suarum vnitatum, siue collectionem ipsarum vnitatum. Probant autem, non rectè dici vltimam vnitatem esse formam & differentiam numeri, præcipuè ex duplici capite. Tum quia forma & differentia dicitur per respectu ad materiam & genus: sed in numero priores vnitates dici non possunt materia, nec genus. Tum deinde quia non solum per vltimam vnitatem, sed etiam per primam aut quacunque mediam, si addatur, aut detrahatur, numeri species variabitur. Imò per accedens est, quòd hæc vel illa sit vltima vnitates. Nam si in numero, v. g. quaternario, quæ prius ponebatur prima ponatur quarta, & c. conuerso: vtique non variatur numerus.

Sed nihilominus rectè defendi potest ille loquendi

Quomodo vltima vnitates sit veluti forma et differentia specierum numeri.

410 Quæst. XVIII. De Prædicamento Quantitatis.

sequendi modus. Non ita quidem, quasi vltima vnitas sit propriè forma vel differentia. Hoc enim nullatenus dici potest. Et ita frustra assertur prima ratio in contrarium. Sed solum quod se habent ad instar formæ aut differentie. Et similitudo stat in hoc, quòd sicut forma & differentia est illa, quæ vltimò complet & specificat essentiam rei, facitque rem à cæteris omnibus differentem: ita vltima vnitas est quæ complet ternarium, & sic de singulis. Imo vltima vnitas sortitur eandem denominationem cum numero quem constituit, tertia vnitas ternarij, decima denarij, centesima centenarij. Item sicut forma est quæ superuenit materiæ, & differentia generi; & è contra est quæ primò aufertur in resoluenda specie: ita pariter se habet vltima vnitas in numero.

Vnde ruit etiam secunda ratio in contrarium allata. quia licet per additionem aut subtractionem cuiuscunque vnitatis, species numeri varietur: tamè præcipue hoc fit per additionem & subtractionem vltimæ. Et in communi numerandi vsu hoc maximè obseruatur. Additur enim ad finem numeri, indeque incipimus detrahete. Sicut ergo species naturalis variatur etiam per mutationem materiæ aut generis, tamen designamus formam & differentiam: ita in numero designamus vltimam vnitatem. Imo quomodocunque addatur aut detrahatur aliqua vnitas: variatio tandem inuenitur in vltima vnitate. Nam si in numero, v.g. denario, addatur quæcunque vnitas, sient vndecim: sic additur alia vltima vnitas supra decimam. Et si quæcunque vnitas auferatur, remanent nouem: vnde vltima, idest decima vnitas, est ablata. Per accedens etiam est, hanc vel illam esse vltimam, idest vltimo loco numerari: sed per se formaliter est, quòd detur vltima. Et variatio materialis rerum, aut ordinis earum, non variat formalem numeri speciem. Itaque forma & differentia numeri, v.g. denarij, non consistit in eo quòd hæc vel illa res vltimo loco ponatur: sed solum quòd aliqua sit quæ vltimo loco decem complet.

Fateor, perinde hoc esse, ac dicere essentiam specificam denarij consistere in habendo decem vnitates, non plures aut

pauciores. Vnde etiam dici potest, formam & differentiam denarij consistere in tot suis vnitatibus, includendo omnes & singulas. Neque aliud voluerunt Aristot. & S. Thom. Vbi non malè Soncin. 10. Metaph. quæst. 9. & Iauell. 8. Metaphysic. quæst. 10. dicunt, omnes simul vnitates esse formam numeri, idest esse totam entitatem & quidditatem numeri: vltimam verò vnitatem esse formam partis, idest quæ præsuppositis tot vnitatibus, est pars complens tantum numerum.

Quod autem alij dicebant, discretionem aut collectionem esse formam & differentiam numeri: verum est, sumendo numerum seu quantitatem discretam in communi, quæ vtrique per talem differentiam vltimò constituitur, & à quantitate continua distinguitur. Sed distinguendo varias numerorum species, aliter erat singulorum forma & differentia propria assignanda.

SECTIO VIII.

De speciebus Quantitatis discreta successiua.

IN primis simile dubium circa hanc quantitatem insurgit: an diuidi etiam possit in multitudinem motuum successiuorum, non solum in rebus corporeis & extensis, sed etiam spiritualibus & incorporeis. Quod licet videri posset iam, resolutum manere ex dictis circa numerum: tamen quia non omnino similem, cum illo resolutionem habet, est hic distinctè tractandum.

Atque dicendum, quantitatem discretam in toto rigore atque proprietate, etiam in rebus spiritualibus reperiri eo modo quo in rebus corporalibus inuenitur. Fundam. huius assertionis sumitur ex dictis antea sect. 3. vbi ostendimus, quantitatem successiuam etiam in rebus spiritualibus, in earum nempe motibus, propriè reperiri. Quoniam, non sicut repugnat rebus spiritualibus extensio in ordine ad locum, pariter repugnat extensio in ordine ad ipsarium temporis. Si ergo quantitas discreta in rigore sumatur, vt tantum dicatur de quantitatibus continuis, siue de rebus hac quantitate exten-

Successiones motuum, tam in rebus spiritualibus, quam corporalibus, sunt species huius quantitatis.

extensis, & discretè multiplicatis: cùm in rebus spiritualibus sit propriè quantitas successiua, sinequè motus successiue quanti: iam in ijs saluatur quantitas discreta propiè dicta in ratione quantitatè successiue, consistens in multitudine & collectione extensionum & quantitarum successiuarum, siue motuum successiue extensorum.

Et minus differunt quàm in numero rerù permanentium.

Vnde sequitur, multò minus distinguui in quantitate discreta successiua, speciem eius in rebus spiritualibus atque corporalibus; quàm in quantitate discreta permanenti distingueretur numerus rerum spiritualium atque corporaliũ. Quoniam in genere quantitatè permanentis maxima distinctio inuenitur: dum numerus rerum corporalium dicit numerum ipsarum quantitarum, in rebus verò spiritualibus nequaquam. At in genere quantitatè successiue, tam in rebus spiritualibus, quàm materialibus, multitudo constituens hanc quantitatē, est verè multi udo quantitarum, quæ sic optime efficiunt quantitatē discretam ex ijs collectam atque constitam.

Itaque si accipiat in hoc prædicam. quantitas in communi, atque etiam quantitas discreta, in illa proprietate atque rigore quod sect. præced. 2. loco adduximus: adhuc inquam in illo sensu etiam in rebus spiritualibus inuenitur propriè quantitas discreta successiua, quamuis non inueniretur quantitas discreta permanēs. Quod est valde notandum.

Quomodo Arist. dixit, scilicet vocalem orationē esse speciem humani sonitus.

Solum ob stare potest, quòd Aristot. in hoc prædicam. dum sub quantitate discreta orationē à numero distinguit, aperte declarauit se intelligere orationē vocē factam. Quod non ex alio moti uo declarauit, nisi ad excludendam orationē mentalem quæ cōsistit in actibus intellectus: sed oratio pertinet ad quantitatē discretam successiuam, vt supponimus: ergo hæc quantitas inuenitur solum in syllabis vocē prolatis, non autem in actibus intellectus. Quod non potest in alia ratione fundari, nisi quia voces ore prolatae materiales sunt, actus verò mente elicitæ spirituales & incorporei: ergo hoc quantitatè genus non in rebus spiritualibus inuenitur.

Ad hoc dicendum est, Aristot. exclu-

dere voluisse orationē mentalem à genere quantitatè discretæ, non quia spiritualis est, sed ob alias rationes, quæ duæ possunt afferri. Vna quòd actus intellectus non sunt successiui ad instar motus: sed singuli actus vel in instanti sunt & statim transeunt, vel pro aliquo tempore permanenter durant: hoc autem genus quantitatè non confugit nisi ex motibus successiuis. Altera ratio est: quia non ita se habet actus mentis correspondens orationi vocali, sicut ipsa oratio vocalis. Nam dum vnum vocabulum ore proferitur, in illo sunt plures syllabæ, atque adeo plures motus: quod requiritur ad rationem quantitatè discretæ: Illi tamen vocabulo vius actus correspondet in mente, non discretus in plures partes ad instar syllabarum. Merito ergo Aristot. explicauit, orationē vocalem, non autem mentalem, esse quantitatē discretam. Et hoc planè consonat verbis Aristot. qui reddit rationem, cur dixerit orationē vocē factam: quia huius orationis partes, ad nullum communem terminum copulantur.

Aliud dubium circa hanc quantitatē superest, an amplius alio modo species eius distinguendæ sint. Sed non oportet hic reperere, quomodo si variae successiuium species distinguantur, sic etiam variae species in earum collectione & multitudine, saltem materialiter differentes, eo modo quo antea diximus de numero. Sed peculiare quoddam dubium est circa orationē, quam Aristot. specialiter nominauit. quandam enim orationis distinctionem ipse Philosophus indicauit. Oratio est brevis aut longa. Et hæc distinctio videtur specifica. Ita, significat Toler. hic quæst. 2. Quoniam, diuersis valde est in loquendo vius orationis brevis & longæ. Et ex hac parte, in carminibus per artem poeticam construendis, diuersi pedes, vt vocant, diuersimodè distinguuntur. & hæc diuersitas videtur specifica: diuersæ etiam ipsorum carminum species inde resultant.

Verum, quamuis ad vsum artificiosæ compositionis dici possint orationes tali modo differentes, specie differre: tamen in rigore logico si sumatur vna syllaba brevis & alia longa, hæc non plus differunt, quàm si in quantitate permanenti sumantur

An etiam oratio brevis & longa, specie distinguatur.

tur vna linea brevis & alia longa. Quomodo tota differentia solum in eo consistit, quòd successio in motu prolationis syllabæ, breuior sit aut longior. Si autem duæ dictiones sumantur ex totidem syllabis constantes, vna tamen longis, altera breuibus: hæ non magis differunt, quàm si in quantitate permanenti duo linearum numeri sumantur æquales in multitudine, sed vnus sit linearum longiorum, alius breuiorum. Si demum sumantur duæ dictiones, altera pluribus, altera paucioribus constata syllabis: hæ pari modo differunt, sicut in rebus permanentibus duo numeri inæquales. quæ autem & qualis sit huiusmodi differentia, iam antea dictum est.

An salis distinguatur realiter. Addunt aliqui aliam rationem ad probandum, orationem breuem & longam non differre specie. quia hæc tota differentia ex hominum voluntate dependet, quòd alias syllabas duxerint corripendas, alias producendas. Vnde interdum ad solam variationem significationis, eadem syllaba profertur aut brevis aut longa: vt patet in hac voce, leporem, ad significandû quoddam animalis genus & leporem, ad significandam venustatem dicendi.

Hæc tamen ratio solum probat, orationes suæ syllabas obiectiue sumptas, ex se non differre per breuitatem & longitudinem: quia ipsæ ex se sunt indifferentes, nec magis exigunt sibi quæ determinant, vnam quàm aliam pronuntiandi formam: sed tota differentia ex hominum arbitrio provenit. At certè si consideretur ipsa formalis pronuntiatio, siue sonus & motus, correptus, aut productus: hæc differentia breuitatis & longitudinis est realis in ipsis rebus, etiam quando eadem syllaba, modò brevis modò longa profertur. Non ergo sufficenter ea ratione probatur, hanc differentiam non esse specificam: nisi addendo, quòd tota consistit in maiori aut minori extensione successiua, vt dicebamus. quod non sufficit ad diuersitatem specificam inducendam.

SECTIO NONA.

De Attributis & Proprietatibus Quantitatis.

Quasdam quætitatis proprietates seu attributa Aristot. in hoc prædicamento recenset: sicut fecit in prædicam. subst. quasdam etiam assignat s. Metaph. cap. de Quanto. & quasdam alias ex alijs locis collectas addemus.

Prima quam Aristot. hoc loco assignat, est, Non habere contrarium, quæ communis est quantitati cum substantia. Et hoc debet intelligi. Tû quòd extra genus quantitatis non inueniatur in alijs rebus: forma propriè contraria quantitati. licet enim quantum & non quantum, corpus & incorporeum opponantur: tamen non se habent vt formæ quæ in communi subiecto mutuo se expellant, sicut requiritur ad contrarietatem propriè dictam. Tum quòd intra ipsum genus & prædicam. quantitatis non inueniatur vna quantitas contraria alteri. Hoc autem explicat Aristot. in definitis, idest determinatis & certis speciebus quantitatis: quasi nonnegans, inter superiora genera quantitatis posse contrarietatem aliquam inueniri, nempe inter quantitatem continuam & discretam. Nam potest idem corpus, modò continuari, modò in numeros diuidi: modò suas partes copularas, modò disgregatas habere. Quo pacto continuatio & discretio suo modo contrariè opponuntur. At de reliquis species quantitatis non sunt sibi contrariæ: quia non vna aliam de communi subiecto expellis, vt consideranti parebit.

Solum videbantur opponi magnum & paruum, multum & paucum. Ad quæ Aristot. ait, potius dici relatiue, & relatiue opponi. quia magnum non dicitur, nisi respectu parui, & e conuerso. Vnde vnum & idem subiectum dici potest magnum & paruum: magnum respectu minoris: paruum respectu maioris. Addi potest magnum & paruum in quantitate non opponuntur, nisi sicut intensum & remissum in qualitate: vt ergo calor vt vnum & vt octo non sunt contrariæ: ita nec magna & parua quantitas. At verò in lo-



Se&t. IX. De Attributis & Propriet. Quantit. 413

in loco qui est species quantitatis, ferè admittit Aristot. sursum & deorsum esse contraria. Explicat tamen, eos qui hoc dicebant, aliam attulisse contrariorum definitionem, dicentes: contraria esse, quæ sub eodem genere maximè distant. Cæterùm quomodo in genere quantitatis versetur motus propriè dictus, de cuius ratione est, esse inter terminos contrarios; datur enim augmentatio quæ est motus ad quantitatem; suo loco in Phisicis dicemus.

Secunda, nō suscipe
re magis
et minus.
Secunda proprietates quantitatis, etiam ipsi substantiæquè communis ab Aristot. adiungitur, Non suscipere magis & minus. Quod intelligitur secundum extensionem; quia aliqui secundum extensionem suscipit, ut paret. Discrimen autem est, quòd in intensione quidè propriè dicitur magis & minus, magis calidum minus calidum: sed in extensione dicitur potius maius & minus, linea maior linea minor, numerus maior numerus minor. Quamvis negandum non sit, conmutatis nominibus dici posse maiorem minorem, vè calorem, & quantitatem magis aut minus extensam. Sed priores loquendi formulæ plus appropriatæ sunt. Hinc fit, ut sicut proprietates qualitatibus esse dicitur suscipere magis & minus: ita hic dici posset, proprietatem quantitatis esse suscipere maius & minus. Quòd Aristot. ideo fortasse distinguere non curauit, quòd ad sequentem proprietatem reduci posse putauit.

Tertia, æ-
quale &
inequale
dici.
Tertia proprietates, quam Aristot. in hoc prædicam. tanquam maximè propriam quantitatis assignat, est, Aequale & inæquale dici. Et intelligit esse ita propriam, quia conuenit omni & soli quantitati. Addi potest, & semper: ut habeat omnes tres condiciones traditas à Porphy. de proprio quarto modo. Conuenit ergo omni quantitati, sumendo singulas quantitates sub suis certis speciebus. Nam alioqui si in communi sumatur quantitas continua & discreta, permanens & successiua: dici non possunt inter se æquales aut inæquales. Sed æqualis aut inæqualis dicitur linea lineæ, superficies superficiei, corpus corpori, tempus tempori, numerus numero. Item conuenit omni quantitati, si comparetur alteri eiusdem generis, dummodo exi-

stant duæ quantitates illius generis. Atque de facto nulla sanè quantitas est, cui non inueniatur alia proportionata: ita: ut inter se æquales aut inæquales dicantur. Nam tempus, quod difficultatem ingessit Fontecæ quinto Metaphysic. cap. 13. quæst. 13. quia est vicium prò omnibus rebus, quod conficitur motu primi mobilis: manifestè etiam habet cum quo comparetur; tum cum tempore intrinseco motus aliorum cælorum, cui est æqualis; tum aliorum morum, cui est inæquale, est enim maius. Quòd si vna sola quantitas esset in certa aliqua specie, hæc saltè aptitudine esset æqualis & inæqualis respectu aliarum possibiliū. Ita hæc proprietates conuenit omni quantitati. Et hinc etiam faciliè colligitur, qualiter conueniat semper.

Conuenit demum soli quantitati, si ia rigore sumatur. Dupliciter enim sumi potest. Vel in rigore, esse æquale & inæquale in extensione sue discretionem. Sic soli competit quantitati, & per quantitatem rebus quantis. Vel magis amplè, ita ut ad alia multa, imò ad omnia amplietur. Sic enim dicitur vna qualitas, vna albedo, æqualis aut inæqualis alteri, vnum pondus æquale aut inæquale alteri. Imò & vna substantia dicitur in sua perfectione essentiali æqualis aut inæqualis alteri: & sic de alijs rebus. Nec mirum, hanc denominationem esse sic ampliatam, quando & ipsum quantitatis nomen ita ampliatum est, ut dicatur quantitas perfectionis & virtutis. Per quandam ergo imitationem quantitatis, æquale & inæquale de alijs etiam rebus dicitur.

Quarto loco possumus hic ponere, *Quarta.*
multum
& paruum
& paruum,
longum et
breue etc.
quasdam alias denominationes, quas tanquam passionem quantitatis idem Arist. 5. Metaph. assignauit, *Multum & paucum,*
longum & breue, latum & strictum, pro-
fundum & humile, graue & leue. & caso-
ra quoque, inquit, huiusmodi. Vbi sanè multum & paucum, siue magnum & paruum, nihil aliud dicit quàm maius & minus. Sic etiam magis aut minus longum, latum, aut profundum: quæ sunt propria magnitudinis. Graue item & leue propriè conuenit corporibus, de quibus id experientia constat. Sed Expositores ibi communiter notare solent, Aristot. hoc ibi apposuisse, non ex sententia

¶ 14 Quæst. XVIII. De Prædicamento Quæntitatis.

tencia propria, sed aliorum qui volebant, graue consistere in multitudine, leue in paucitate superficialium aut atomorum. Hoc autem intantum dici debuit, inquantum Aristot. ibi vult, passiones quas enumerat quantitatibus, per se & essentialiter habere rationem quantitatis, & esse denominationes quasdam formaliter quantitatiuas. Et hoc modo se habent alia exempla quæ affert: grauitas verò & leuitas formaliter sunt qualitates. Et ideo dici debuit, Aristot. esse loquutum iuxta illam aliam sententiam. Verum hoc non obstante, alia rōne dici poterunt grauitas & leuitas passiones quantitatibus, quæ videlicet consequuntur ipsam quantitatem: quia ex maiori & minori mole, ex densitate & raritate proueniunt. Nec obstat quòd sunt qualitates. Nam pariter æquale & inæquale sunt relatiua. Non enim est inconueniens, illa quæ directè in vno prædicamento ponuntur tanquam species, esse passiones alterius.

Quinta, habere positionem localem.

Quinto loco addenda videntur quædam alia proprietates peculiare magnitudinis, quæ sumuntur ex eod. Arist. in hoc prædicam. & in alio de qualitate. In primis habere positionem partium. Diuidit enim Arist. quantitatem, in illam quæ habet, & illam quæ non habet positionem partium. Et communiter dicunt, hanc diuisionem esse veluti subiecti in accidentia, quia habere positionem est passio quantitatis. Intelligitur autem habere positionem & situm in loco. Vnde bene ait Arist. hoc non conuenire numero, quia nihil facit ad numerum positio partium in loco. Item nec conuenire tempori, cuius partes cum non permaneant, non possunt habere positionem. Exclusa ergo quantitate discreta & successiua, hæc proprietates soli magnitudini conueniunt. Imo magis adæquate potest hæc proprietas designari, Præsentia circumscriptiua in loco, quæ spectat ad prædicamentum vbi: & modus huius præsentia, qui est situs, de prædicamento situs. Hæc enim tota, est adæquata & maxime propria passio magnitudinis.

Præsentiam.

Figura, varium & densum, asperum, & lenum.

Rursum alia proprietates huius quantitatis sunt, Figura: nam vtrique hoc est accidentis proprium magnitudinis. Item rarum & densum, asperum & lenum. Quas

cum Arist. in qualitatis prædicam. recenset: ibidem ait, magis quandam positionem partium importare, quod planè refert ad quantitatem. Et sine dubio hæc sunt magnitudinis proprietates. Atque frustra & non bene Suar. disp. 41. sect. 5. num. 7. dixit, raritatem & densitatem, non conuenire quantitati ratione sui, sed ratione substantiæ: & ideo non fuisse hic numeratas inter passiones quantitatis. Nam potius è conuerso dicendum, est, raritatem & densitatem conuenire substantiæ ratione quantitatis, sicut certè figura & præsentia circumscriptiua in loco: ita vt merito debeant tanquam passiones magnitudinis assignari.

Quod verò Aristoteles non earum, in hoc prædicamento meminerit: communiter hic notare solent, non fuisse eius institutum omnes quantitatibus passiones enumerare. Addimus etiam, Aristot. hic præcipue recensere: voluisse proprietates communes & adæquatas omni quantitati: hæc autem sunt propria magnitudini. Ceterum sicut in quantitate permanenti est raritas & densitas: ita in successiua est tarditas & velocitas, quæ ad eam pari modo se habent.

Sextò demum addi possunt alia proprietates toti quantitati communes. Diuisibilitas, per quam Aristoteles in Metaphyl. quantitatem definiuit. Item, ratio mensuræ, tum actiua, tum passiva, ex eodem Aristotele decimo Metaphysic. tex. 2. *Mensuram esse, est maximè proprium quanti: hinc enim & ad alia denunt.* Tandem finitum & infinitum, ex 3. Physic. tex. 24. Vbi difficultatem offert quod postea in 5. Metaphyl. Aristot. ait, multitudinem esse quantum quid, si numerabilis est: & magnitudinem, si mensurabilis. Quibus verbis determinare videtur, quantitatem debere esse finitum. Sed hunc locum iam explicauimus scilicet in prima, vbi ostendimus, etiam infinitam quantitatem, si datur, vel si saltem possibilis est, ad hoc prædicamentum pertinere. Atque adeo bene finitum & infinitum, tanquam proprietates quantitatibus prædicamentalis assignari potest. Si tamen quantitas infinita repugnat sic esse finitum est adæquata proprietates quantitatibus.

Sexta, diuisibilitas.

Ratio mensuræ.

Finitum & infinitum.

Cete-

Cæterum de his omnibus affectionibus, ac de tota ratione quantitaris, & præsertim magnitudinis, motus, & temporis, expresso in Philosophia tractandum erit. Modò tantum de quanto, logico more sufficit.

QVÆSTIO DECIMANONA.

De Prædicamento Relationis.

Aristoteles in 5. Metaph. post quantitatem proximè qualitatem adiunxit antea relationem. Et is ordo fundari videbatur in naturis ipsarum rerum: quia qualitas ordine dignitatis omnes, ordine causalitatis plurimas, relationes præcedebat. Hoc tamen loco relationem qualitati præposuit. Cuius ordinis rationem reddunt D. August. in lib. Categor. cap. 11. Boet. lib. 2. in Prædicam. com. 38. & lib. 3. in princip. Ammon. & alij frequenter in hoc cap. Quia in præcedenti quantitatis prædicamento, mentio facta fuerat maioris & minoris, æqualis & inæqualis, quæ sunt relatiua: doctrina ordo poscebat, ut statim relationis prædicamentum sequeretur: cum ex alia parte eius notitia non dependeret ex qualitate. Addit Boetius iisdem locis simul cum Porphy. & Simplic. quia etiam ordine naturali statim posita quantitate confluebat relatio in illa fundata: & non ita necesse est qualitates emergere. Addi etiam potest, si relatio post qualitatem differebatur, pari ratione post omnia alia ferè prædicamenta differri debuisset. Nos ergo logicum ordinem obseruantes, hoc loco cum Arist. relationis prædicamentum ponimus.

Porrò apud recentiores vsus inualuit, ut proluxa nimis & exacta relationis tractatio hoc loco institueretur. Quod inde factum videtur: quia cum non pauca celebres & arduæ quæstiones de hac re exorta sint, non inueniebant alium locum & tempus commodum, in quo hanc tractationem inferrent. Sed certè ad Logicam non pertinet, exactè de ipsis rerum generibus tractare: sed solum illa breuiter percurrere & enarrare. Nec magis de relatione, quam factum sit de substantia & quantitate, & faciendum sit de qualitate & alijs prædicamentis, conuenit Logicæ disputare. Suusquæ locus & tempus inter philosophicas materias debet relationi sicut alijs rerum generibus referuari. Breuiter ergo iuxta logicum institutum hanc rem expediemus, tantùm prosequentes illa quæ ad logicam constructionem prædicamenti facere videbuntur.

Relationis nomen non habetur hic apud Arist. qui potius relatiua in concreto nominauit: & hoc caput inscripsit de his quæ ad aliquid. Sed relationis nomen commodius est, & magis conforme appellationibus aliorum prædicamentorum sub terminis simplicibus abstractis. Et sensus est manifestus. Dicitur enim relatio, quia vnum refertur ad aliud: dicitur & ordo, quo vnum ordinatur ad aliud: dicitur respectus, quo vnum respicit aliud. Et relatiuum appellatur ad aliquid, quia refertur & dicitur per ordinem ad aliquid.

SECTIO PRIMA.

An & quæ sit Relatio Prædicamentalis.

com. 19. ubi ait, quosdam existimasse relationes esse de secundis intellectibus, id est esse entia rationis. Negarunt etiam aliqui iuniores, ut refert Soucin. 5. Metaph. 25. Sed præsertim Aureol. in 1. d. 30. late cõtendit, relationes prædicamentales non esse reales, sed esse tantùm in apprehensione intellectus. Vnde art. 3. ad finem ait, ad quosdam prædicamenta suffi-

Varia sensa.

Relationes reales negarunt quidam Antiqui, ut refertur Simplic. hoc cap. com. 1. Ammon. com. 31. Auicenna 3. Metaph. cap. 10. Auerr. 12. Metaph.

sufficere, vt extra animam sint in potentia, & eorum actus per operationem animæ compleantur.

Alia sententia ex Zenone refertur, dari quidem relationes reales, tamen non constituere vnum quoddam prædicamentum, nec esse certum quoddam genus entis: sed vagari per omnia prædicamenta & entis genera.

Alia sententia esse potest, dari quamplurimas relationes reales, & omnes pertinere ad hoc vnum relationis prædicamentum. Fauter Tolet. hic q. r. concl. 3. referens Albert. Simpl. Boet. & Paul. Venet. ac dicens, omnem respectum ad terminum, etiam si includatur in accidentibus aliorum prædicamentorum, spectare etiam minus principaliter ad hoc prædicamentum. Imo hæc planè videtur sententia ipsius Arist. qui in hoc prædicamento inter relationes numerat, habitus, dispositiones, sensum, scientiam, positionem, & alia similia. At positiones sunt de prædicamento situs: illa alia sunt de prædicamento qualitatibus: & alia similia inveniuntur in alijs prædicamentis. Et expressè ipse Arist. in prædicamento qualitatibus, mouens hanc ipsam difficultatem, prius respondet: illa quæ dicta erant ad aliquid, esse huiusmodi in communi sumpta: at in singulari sumpta, esse qualitates, & non ad aliquid. Deinde respondet: *Si contingit idem ipsum & quale & ad aliquid esse, nihil est incommune in utriusque hoc generibus enumerare.*

*Distinctio
relationis
prædicamentalis
& transcendentalis.*

Pro resolutione sciendum est, duos relationum ordines solere distinguere. Quædam relationes sunt, quæ vel sunt prædicata communia omnibus aut pluribus prædicamentis, vel essentialiter includuntur in rebus aliorum prædicamentorum. Quædam aliæ relationes sunt, quæ cum non sint tali modo prædicata communia, nec essentialiter in alijs prædicamentis includantur, in hoc peculiari & ab alijs distincto relationis prædicamento collocantur. Relationes primi ordinis sunt, v. g. ordo quem essentialiter dicit accidens ad subiectum: nam accidens secundum suam essentialiter rationem respicit subiectum cui aptum est inherere: item ordo quem essentialiter dicit ens creaturæ respectu Dei: nam omnis creatura essentialiter dicit esse ab alio, qui est or-

do essentialis dependentiæ à prima causa. Hæc sunt prædicata relatiua communia pluribus prædicamentis. Rursus relationes primi ordinis sunt, ordo quem essentialiter dicit actio ab agente ad terminum qui producit: passio à subiecto ad formam, quæ recipitur: ordo quem dicunt actus vitales ad sua obiecta, visio ad colorem, omnis cognitio ad rem cognitam, ordo etiam quem dicunt potentia & habitus ad suos actus & obiecta. Actio enim & passio sunt in suis proprijs prædicamentis: dicti actus, potentia, & habitus, sunt in prædicamento qualitatibus: & alia sunt huiusmodi relatiua. Relationes secundi ordinis sunt, v. g. æqualitas & inæqualitas, similitudo & dissimilitudo, paternitas & filiatio, aliæque huiusmodi, quæ non in alio quam in hoc relationis prædicamento reponi solent.

Relationes illæ primi ordinis appellantur transcendentes: quoniam ad instar prædicatorum transcendentium sunt communes pluribus prædicamentis, vel per plura prædicamenta diuiduntur. Tolet. tamen quæst. cit. & quidam alij, non vocant relationes transcendentes, nisi illas quæ ita in communi sumuntur, vt prædicentur de pluribus prædicamentis, qualis erat ordo accidentis ad substantiam: alias verò quæ in alijs prædicamentis includuntur, vt ordo actionis ad terminum, actus vitalis ad obiectum, vocant relationes secundum dici. Relationes autem secundi ordinis ab omnibus appellantur prædicamentales, eo quod certum hoc relationis prædicamentum constituent.

Primo ergo satis manifestum est, dari realiter relationes modò dictas primi ordinis, quas deinceps commodum erit appellare vno nomine relationes transcendentes: quæ scilicet non constituunt peculiare quoddam relationis prædicamentum, neque ad præsens prædicamentum pertinent. Pater: quia accidens v. g. realiter & essentialiter est ens aptum inherere substantiæ: dicit ergo ordinem ad substantiam, & non potest nisi per talem ordinem explicari & concipi. Atque etiam in ipso nomine accidentis hic ordo denotatur: nam accidens est vtique alicuius accidentis: & quod accidit vtique alicui accidit: & quod inheret vtique alicui

*Dantur relationes
transcendentes,
quæ non ponuntur in
hoc prædicamento.*

Sec. I. An & quæ sit Relatio Prædicamentalis. 417

alicui inhaeret. Imo propterea accidens dicitur entis ens. Sed hic ordo, qui est essentialis ratio accidentis, est communis omnibus accidentibus, quæ in plurâ prædicamenta distinguuntur: ergo non in vno certo prædicamento concluditur: neque spectat ad hoc relationis prædicamentum. Similiter ens creatum, utique dicit ordinem dependentiæ respectu causæ creatis. Loquor autem nunc de ordine essentiali, per quem ens creatum essentialiter ab ente increato distinguitur. Et hic etiam ordo, cum sit ratio essentialis omnis entis creati, planè non in vno certo prædicamento concluditur, sed est idem ipsum prædicatum transcendens entis creati, quod in tot prædicamenta distribuitur. Et sic etiam se habent alia similia prædicata communia.

Et quæ ponuntur in alijs prædicamentis.

Secundò deinde. Aliæ plurimæ res quæ in alijs prædicamentis ponuntur, dicunt essentialiter ordinem ad aliquem terminum: ut patet in illis exemplis allatis. Et ordo ipse essentialis talium rerum ad suos terminos, ponitur in ipsdem prædicamentis ipsarum rerum, in quo enim prædicamento ponitur res, ponitur tota essentia eius: imo talis ordo essentialis constituit gradus quidditativos per modum generis aut differentiarum, per quos gradus res constituuntur in suis prædicamentis. Sic planè ordo actionis ad terminum productum, est ipsa essentialis ratio actionis, & ponitur essentialiter in prædicamento actionis. Ordo habitus & potentie ad actus & obiectum, est essentialis ratio ipsius habitus & potentie, & constituit certas species qualitates. Vnde necessario debet, cum ijs speciebus in ipso qualitatibus prædicamento reponi. Et sic de alijs similibus rebus.

Tertiò. Dicitur non potest, easdem res in communi solum sumptas poni in hoc prædicamento; in singulari verò sumptas poni in alijs prædicamentis. Nam certissime constat, res singulares poni sub ipsdem generibus, sub quibus ponuntur sue species: & ita essentialiter subordinantur omnes gradus essentielles. Et erat aperta regula ipsius Aristotelis in Antepædicam, quodocunque prædicatum dicitur essentialiter de aliquo, dici

omnino de omnibus ijs quæ sub illo continentur: & clarè quarto Topicorum cap. 1. præsertim loco quarto, ubi in specie loquitur de prædicamento ad aliquid & qualitatibus. Nulloquæ pacto fingi potest, species & genera rerum poni in vno prædicamento, indiuidua in alio. Et præterea in hac re, si species dicuntur ad aliquid, etiam indiuidua planè dicuntur ad aliquid: ut si visio est obiecti visio; hæc visio est huius obiecti: & sic de alijs. Solum verum est, non solere fieri repetitionem singularitatis, dicendo, hæc visio est huius obiecti hæc visio. Sed hoc non refert: quia satis est, quòd dicatur obiecti visio. Nam pariter prorsus res se habet in illis relationibus, quæ sunt omnino propriæ huius prædicamenti, & utique utique ad indiuidua in illo ponuntur. Nam dicimus quidem, hoc maius est illo minore maius: non tamen dicimus, est illo minore hoc maius, æquale est huic æquale hoc æquale, & sic in alijs.

Quartò. Dicitur non potest, tales res relationis mater taliter quidem poni in alijs varijs prædicamentis, tamen secundum rationem formalem ordinis & relationis poni in hoc relationis prædicamento. Nam planè ostenditur, secundum ipsam rationem formalem ordinis poni in ipsis alijs prædicamentis: quia ponuntur in ijs secundum suam essentialem rationem: sed ipsa ratio ordinis est sua ratio essentialis. Sic actio non præscindit ab ordine ad terminum, quatenus constituit suum prædicamentum actionis: & potentia non præscindit ab ordine ad actus & obiectum, quatenus constituit quandam speciem qualitatibus. Et sic de alijs.

Quintò. Accedit quòd alioqui maxima pars rerum, quæ per se ponuntur in alijs prædicamentis, simul poneretur in hoc vno prædicamento: quod sanè potius confusionem gigneret, quàm distinctionem & ordinationem in conceptione rerum. Imò vltimè sequeretur, etiam accidens in communi secundum rationem formalem ordinis ad subiectum, debere poni in hoc prædicamento. Non enim refert, quòd ait Toletus, hunc ordinem non esse ad terminum extrinsecum, sed ad subiectum. Quia adhuc

418 Quæst. XIX. De Prædicamento Relationis.

reuera est ordo. Imo tandem sequetur, omne ens creatum secundum rationem ordinis ad causam creatam poni debere in hoc prædicamento: ubi hic ordo planè est ad terminum extrinsecum.

Sextò ergo concludendum est, hoc prædicamentum relationis quod ab Aristotele vocatur ad aliquid, non esse institutum pro omni relatione, seu pro omni eo quod dicitur ad aliquid. Quintò relationem & ad aliquid, si in totalitate sumatur, esse prædicamentum quoddam transcendens, quod est commune pluribus, imò omnibus prædicamentis, & quod per varia prædicamenta distribuitur.

Ad auctoritatem verò Aristot. dicendum est: in principio huius prædicamenti adduxisse quendam definitionem eorum quæ ad aliquid, quæ tunc ab alijs tradi solebat, nimis amplam, quam postea ipse ad finem capituli corrigi. Vnde multa continentur sub prima definitione, quæ iuxta illam essent in hoc prædicamento, quæ postea excluduntur, ut ex sequentibus constabit magis. Sub illa prima ergo definitione Aristoteles numeravit illa relatiua quæ sunt aliorum prædicamentorum. Deinde in capite de qualitate primam illam responsum non approbavit; ideoquè secundam adiecit. Quam etiam solum attulit consequenter ad primam illam definitionem relatiuorum: quia iuxta illam oportebat dicere, easdem res esse in diuersis prædicamentis. Sed sicut illam definitionem ipse non accepit: ita nec etiam ista responsio acceptanda est de mente eius.

Secundò dicendum est, dari realiter peculiare quasdam relationes, quæ constituunt hoc prædicamentum distinctum ab alijs, quæ propriè appellantur relationes prædicamentales. Hæc conclusio primò patet auctoritate Aristotelis, qui tum hic, tum quinto Metaphysic. peculiare prædicamentum & caput distinguit de his quæ ad aliquid, ab alijs prædicamentis & rebus: alijquæ in locis distinctè enumerat ad aliquid ab alijs rebus. Plato etiam hoc genus ab alijs distinctè assignasse refertur. Præterea Diuus Augustinus in suis Categorijs, Damascenus

in sua Dialectica, eundem styllum sequuntur. Et plerunque Sancti Patres occasione relationum Diuinarum, etiam creaturarum relationum mentionem fecerunt. Demum omnes alij, tum Philosophi, tum Theologi, hoc relationis prædicamentum acceptarunt, & relationes huius prædicamenti receperunt. Licet magna diuersitas sit de modo quo à diuersis constitutæ sunt. Sed nunc de hoc non agimus. Sed tantum asserimus illud in quo communiter Auctores consentiunt. Neque dici potest hoc prædicamentum constitui per aliquid rationis. Nam omnia hæc prædicamenta instituta sunt pro entibus realibus, ut antea ostendimus. Itaque oportet aliquo modo assignare realiter relationes, de quibus hoc prædicamentum institutum sit.

Secundò probari etiam solet, dari in humanis relationes paternitatis & filiationis, & hinc vterutis in omnibus rebus creatis inter causas & effectus, ex relationibus Diuinis quæ sunt inter Diuinas personas. Pater enim qui generat filium, habet relationem paternitatis Filius qui generatur, habet relationem filiationis: Pater & Filius relationem spirationis actiue; Spiritus Sanctus relationem spirationis passiue. Ergo similiter in humanis & in rebus creatis huiusmodi relationes concedendæ sunt. Aliqui tamen dicunt, hoc argumentum non esse efficax: quia relationes Diuine sunt substantiales: ergo ex ijs probari non possunt relationes humanæ accidentales. Hoc tamen non obstat: quia relationes in Diuinis sunt substantiales, quoniam nihil accidentale potest esse in Deo, imò ipsæ relationes constituunt & distinguunt personas. At res creatæ suscipiunt accidentia: & paternitas ac filia in humanis non constituunt, sed supponunt personas constitutas per suas entitates absolutas. Possunt ergo ex relationibus substantialibus in Diuinis, inferri accidentales in humanis.

Aliud est quod in hoc argumento notari debet: relationes Diuinas non esse distinctas ab ipsis productionibus; quæ productiones in Deo distinctæ sunt, actiue & passiue. Itaque paternitas, est generatio actiua, filia est generatio passiua: & sic etiam spiratio actiua & pas-

*Probat
ex relatio
nibus Di
uinis.*

*Dantur re
lationes
prædicame
ntales
constituen
tes hoc præ
dicamentum.*

flua. Hinc ergo inferri non potest, dari in humanis relationes paternitatis & filiationis, distinctas ab ipsis rebus & ab actione generationis. Sed ad summum probatur, dari denominationes relativas, desumptas ex ipsis rebus & actione generandi: eo modo quo nos relationes explicabimus.

*Probat
ratione
naturali.*

Tertiò. Rationem naturalem ad probandum dari relationes prædicamentales, aliqui, licet eas defendant, fatentur non satis inueniri: sed relationes magis auctoritate credi, quam ratione probari. Hoc tamen ideo eis accidit: quia supponere voluerunt, dari relationes tanquam formas quasdam distinctas ab omnibus rebus, constituentes hoc prædicamentum. At verò has relationes dari, non solum probari non potest, sed falsum putamus, vt postea ostendemus. Sumendo ergo nunc relationes pro denominationibus quibusdam relatiuis, quæ vna res dicitur ad aliam, non determinando quid sit relatio tribuens talem denominationem. Probat euidenter dari relationes, relationes inquam similitudinis, æqualitatis, & alias, quas in secundo ordine supra nominauimus. Nam reuera hoc album est simile alteri, albo, & est dissimile corpori nigro: vna quantitas palmaris est æqualis alteri palmari, est maior alia semipalmari, & minor alia bipalmari: & omnes ita loquuntur, vt patet. Neque, quando hæc dicimus, putamus dicere aliquid fictum & excogitatum à nobis: sed dicere volumus id quod reuera & realiter est: sicut enim reale est, hanc quantitatē esse palmarem, illam semipalmarem: ita verè dicimus, hanc quantitatē esse realiter maiorem illa: & sic de alijs huiusmodi. Dantur ergo aliquo modo hæ relationes reales seu denominationes relatiue reales.

*Probat
constitutio
humani
pecu-
liaris præ-
dicamēti.*

Quartò probatur eas constituere peculiare quoddam prædicamentum, & non reponi à que distribui in alijs prædicamentis. Quoniam hanc quantitatē denominari æqualem illi, maiorem alia, &c. importat denominationem, quandam accidentalem ipsi quantitati, vt patet. De essentia enim quantitatis solum est extensio in se & per se absolutè spectata: quod autem inueniatur alia

quantitas, cui ipsa sit æqualis, & quod hoc modo denominetur, est illi prorsus accidentale. Igitur hæc denominatio per se non spectat ad idem prædicamentum quantitatis: sed neque pertinet ad aliquod aliud prædicamentum, vt patet: ergo propriè pertinet ad hoc relationis prædicamentum. Et hoc modo se habent omnes aliæ huiusmodi denominationes. Merito ergo hoc prædicamentum pro huiusmodi denominationibus accidentalibus relatiuis institutum est.

SECTIO SECVNDA.

Quo pacto Relatio prædicamentalis à transcendentali distinguenda sit.

Oportet nunc assignare regulam aliquam & rationē, qua relatio prædicamentalis dignoscenda sit, & à transcendentali distinguenda: vt appareat quænam relationes in hoc prædicamento collocentur. Plures autem modi excogitati sunt ad hanc distinctionem tradendam & explicandam, quos breuiter asserre & examinare iuuabit.

Primò, Caiet. q. 25. de Ente & essen. Iucll. 7. Met. q. 2. Pons. 5. Met. cap. 15. q. 1. sect. 4. Conimbr. hic q. 1. Mabius sect. 1. q. 6. & quidam alij, hoc modo distinguunt: Relationes transcendentales esse illas, quibus vna res respicit aliā, non purè tanquam terminum, sed potius tanquam causam sui, vel receptiuam, vel effectiuā, vel alio modo: nam etiam actus vitalis respicit obiectum tanquam causam formalem. Relationes autem prædicamentales esse illas, quibus vna res respicit aliam purè vt terminum suæ habitudinis absque dependentia causalitatis.

*Primus
modus di-
stinguende.*

Hæc tamen explicatio non satisfacit. Primo quia relatio transcendentalis esse potest non solum effectus ad causam, sed etiam e converso causæ ad effectum. Potentia vitalis v. g. dicit ordinem transcendentalē ad actus quos potest elicere, & in vniuersum potentia effectiua ad effectum producibilem: similiter subiectum & potentia subiectiua ad formam quam respicit vt effectum in genere causæ materialis. Et licet videatur dici posse, illas ipsas res quæ sunt effectus in genere causæ effectiue aut subiectiue,

Resoluitur

esse etiam causas in genere causæ finalis, quia potentia est propter actus. Tamen nulla est ratio cur dicatur potentia transcendentaliter respicere actum, potius vt causam finalem, quam vt effectum in alio genere causæ. Imo dici debet respicere vt effectum. nam potentia effectiua quatenus effectiua, & receptiua quatenus receptiua, formaliter exprimit ordinem causæ ad effectum: & sine dubio potentia causatiua quatenus causatiua dicit ordinem transcendentalem, & ordo causæ quatenus causæ ad effectum quidam ordo transcendentalis est. Actio etiam quatenus respicit terminum, dici non debet respicere tanquam causam sui, sed potius tanquam effectum qui producitur.

Secundò. E contra aliquæ relationes quæ ab omnibus dicuntur prædicamentales, sunt relationes effectus ad causam. Videlicet relatio filij ad patrem, & sic omnis alia similis relatio effectus ad causam: ergo non bene eo modo distinguuntur relatio prædicamentalis à transcendentali. Nec satisfacit quod Fonseca respondet, huiusmodi relationes non esse ad causas formaliter, quasi termini calium relationum secundum suam relatio- nem causant relationem in alijs rebus ad ipsas relatis. Sic pater non est causa filij per suam relationem paternitatis, nec alia causæ causant per suas formales relationes. Hoc inquam non satisfacit. Nam etiam relatio transcendentalis non inuenitur respicere causam formaliter quasi causantem per suam formalem relationem: visio & potentia visiva respicit obiectum visibile, potentia intellectiua obiectum intelligibile, & sic de alijs similibus; hæc tamen obiecta non causant suas potentias vel actus in genere causæ obiectiue per suas formales relationes: imo non habent mutuas reales relationes, vt in sequentibus dicemus, & Fons. ipse concedit, qui etiam affirmat & docet, illas potentias & actus esse relationes transcendentales.

Tertiò. Quando dicitur relatio transcendentalis respicere terminum tanquam causam, prædicamentalis verò vt purè terminum: vel intelligitur tanquam causam aut terminum eiusmet relationis, aut potius rei quæ est subiectum relationis.

Si dicatur eiusmet relationis. Sic certè terminus est causa relationis etiam prædicamentalis in genere causæ obiectiue; maximè supponendo quod illi censent, relationem de nouo fieri & resultare in subiecto ex positione termini. Si dicatur rei quæ est subiectum relationis. Sic nec etiam in relatione transcendentali oportet terminum esse causam rei. Nam obiectum, quod terminat actum vel potentiam, non perinde dicitur causa subiecti in quo talis actus aut potentia reperitur, sicut ipse actus aut potentia.

Secundò aliter Suarez disputatione 47. Metaphysic. sectione quarta numero. decimo, doctrinam Cartesii, seu potius rem ipsam, explicat. Relationes prædicamentales esse illas, quæ ita habent referre vnam rem ad aliam tanquam ad terminum, vt nihil aliud exerceant circa ipsum terminum: v. g. similitudo nihil aliud praestat quam referre vnum album ad aliud. Relationes verò transcendentales esse illas, quæ aliquod aliud munus exercent circa terminum: sic potentia, habet efficere actum, actus habet representare obiectum, actio habet producere effectum, vnio habet coniungere vnum extremum alteri: & deinde inuenire est in alijs relationibus transcendentibus.

Sed hoc discrimen, esto inuet aliquantò magis ad rem explicandam: tamen non omnino satisfacit. Quoniam illud ipsum munus quod relatio transcendentalis dicitur circa suum terminum exercere, adhuc dici potest non esse aliud, quam respicere ipsum terminum: respicere tamen tali vel tali modo. Representare obiectum, v. g. est respicere obiectum tali modo, scilicet representando, & tota ipsa ratio representationis essentialiter est ordo & respectus. At sic etiam, relationes prædicamentales diuersæ ac speciales, habent specialibus modis ac rationibus respicere terminos. Similitudo dicitur assimilare, aequalitas adæquare. Accedit, quod hinc non satis redditur ratio, cur relationes quæ in hac explicatione appellantur transcendentales distribuuntur in alijs prædicamentis, & aliæ constituunt hoc peculiare prædicamentum.

*Secundus
modus dī
distinguit.*

*Nō satis-
facit.*

Ter-

*Tertius
modus di
stingendi.*

Tertio. Aprior discriminis ratio esse videtur. Relationes prædicamentales esse illas, quæ accidunt rebus relatis, seu quæ accidentaliter dicuntur de suis relatiuis: relationes verò transcendentes esse rebus essentialis, easquæ intrinsecè constituere. Hæc autem regula inducitur potest ostendi in verisque relationibus. Nam esse simile alteri albo accidentaliter se habet ad hoc album, esse patrem vel filiũ talis hominis accidentaliter se habet ad hunc hominem, & sic de alijs relationibus quæ censentur prædicamentales. E contra potentia intellectus essentialis est ordo ad actus quos potest elicere, & obiectum quod potest intelligere: actui vitali essentialis est ordo ad obiectum: materia essentialis est ordo ad formam: vnioni ordo ad extrema vnita: & sic de alijs relationibus quæ non censentur esse huius prædicamenti. Et hinc satis commodè redditur ratio, cur solæ illæ relationes accidentales constituant hoc prædicamentum: quia scilicet cum accidunt rebus, constituunt peculiare quoddam genus accidentis: alia autem quæ sunt essentialis rebus, reponi debent in ipsd prædicamento ipsarum rerum. Atque hanc rem attingit Caiet. 1. part. q. 77. art. 3. §. Ad euidentiam, loquens de relationibus transcendendis. De prædicamentibus verò debet intelligi quod dixit Damasc. cap. 50. suæ Dialect. *Prædicamentum aliqd sine habitu & relatione esse necesse est, ne tunc habitum in ipso considerare.* Et de ipsd intelligendum est dictum Auguſt. Relatiuum esse aliqd aliud excepta relatione.

*Defendi-
tur.*

Sed circa hæc explicationem dubitat Suar. sect. cit. numero 8. Quia vel intelligendum est, respectum transcendentalem esse de essentia ipsiusmet relationis, vel de essentia subiecti. Si primum. Id commune est etiam relationi prædicamentali. nam ipsi relationi vtique essentialis est respectus ad terminum. Si dicatur secundum. Non est vniuersaliter verum. nam ordo transcendentis quædam dicte scientia ad obiectum, non est de essentia subiecti cui scientia inest. At verò propter hoc cõsultò diximus, relõne trãscendentalem esse essentialem rei relatae, prædicamentalem verò esse ipsi relatiuo accidentalem. Considerari itaque debet

id quod per relationem proximè & immediatè denominatur ad aliud: & respectus eius inspicere debet, an denominatio relatiua sic ei essentialis vel accidentalis. Sic in exemplo allato, scientia est quæ denominatur referri essentialiter ad obiectũ seclusa consideratione alterius subiecti. Et ita se habet scientia ad scribile, sicut v. g. materia ad formam: vbi nullum aliud subiectum materiae adest. Et accidens refertur transcendentaliter ad ipsummet suum subiectum: vnde ipsum subiectum non est id quod tali relatione refertur, sed est terminus ad quem dicitur talis relatio. At in relationibus prædicamentibus, id quod proximè denominatur relatum, est v. g. album per similitudinem, quantum per æqualitatem, Petrus per filiationem: vbi denominationes relatiue accidentaliter se habent ad res relatas.

Addi etiam potest, supposita prius constructione aliorum prædicamentorum, iam ex illis constare quantum res in illis singulis reponatur: & tunc considerari debere, an illis sint essentialis vel accidentales, variæ denominationes relatiue: & quæ inueniuntur essentialis rebus aliorum prædicamentorum, esse transcendentes, & non in hoc sed in illis prædicamentis reponi: quæ autem inueniuntur accidentales ipsis rebus, constituere hoc distinctum relationis prædicamentum. Similiter illas denominationes relatiuas quæ inueniuntur essentialis prædicamentis communibus ad plura prædicamenta, esse etiam prædicamenta communia, non inclusa in certo aliquo prædicamento.

Quartò. Afferi potest discriminis ex Scoto in 3. d. 1. quest. 1. §. Ad illud, & in 4. d. 13. quest. 1. §. Ad huius autem, verũ. si ergo, & Quod. 11. §. De primo. qui distinguit duos relationum ordines: alias vocat intrinsecos aduenientes, alias extrinsecos aduenientes. Intrinsecos aduenientes explicat, quæ ita se habent, vt statim positis extremis, idest fundamento & termino, consequantur. Ita se habent relationes similitudinis, æqualitatis: item paternitatis & filiationis, supposito vno homine generante & alio generato: propriinquitas etiam & distantia: localis inter duas res

*Quartus
modus di
stingendi.*

422 Quæst. XIX. De Prædicamento Relationis.

habentes suas præsentias in certis locis & aliæ huiusmodi. Et ideo illas vocat intrinsecus aduenientes, quia per se & ab intrinseco ex fundamento & termino consequuntur.

Relationes extrinsecus aduenientes explicat, quæ non statim positis extremis, ideoque fundamento & termino, consequuntur, sed indigent alio nouo influxu. Sic se habet vnio inter aliqua duo quæ possunt extare secundum totum suum esse absolute sine vnione; ita vt nihil aliud illis desit, nisi ipsa vnio. Item actio & passio: nam non statim posito agente & passio, necesse est sequi actionem & passionem: imò etiam si adsint omnes conditiones naturaliter requisitæ, poterit saltem à Deo impediri & suspendi exercitium actionis. Vbi etiam seu præsentia, in certo loco, ita se habet, quòd potest Deus conseruare idem locale & eundem locum sine eodem vbi; & ideo vbi habet propriam nouitatem essendi præter extrema. Docet ergo Scotus, relationes intrinsecus aduenientes constituere speciale prædicamentum ad aliquid: alias verò, quia & ab illis & inter se differunt genere, constituere sex vltima prædicamenta.

Hanc tamè relationum distinctionem, & Scoti doctrinam, impugnat Scotus hic questione prima circa 3. argum. Soncin. quinto Metaphysic. quæst. 39. Herue. Quodl. 7. quæst. 14. Suarez disput. 48. Met. sect. 1. & alij. Sed vt plurimum impugnationes ferè tendunt, vel contra vocabula relationis intrinsecus & extrinsecus aduenientis, vel circa constitutionem vltimorum sex prædicamentorum, vel procedere videntur contra distinctionem relationis prædicamentalis & transcendentalis. At nobis in animo non est, de nominibus contendere; nec modò examinare rationem illorum sex prædicamentorum, quod postea præstabimus; nec in dubium possumus reuocare distinctionem relationis prædicamentalis, & transcendentalis non spectantis ad hoc prædicamentum, quæ distinctio est necessario concedenda, vt patet ex dictis.

Alius tamen defectus in illa Scoti distinctione occurrit, quòd non videtur adequata de omnibus relationibus: & nec Scotus ipse explicauit, se velle tra-

dere distinctionem adequatam omnium relationum. Quamuis enim adequata esse possit illa assignatio relationum intrinsecus aduenientium, seu prædicamentarium, quæ ita se habent vt necessario ponantur positis fundamento & termino cum conditionibus requisitis. Tamen non videtur adequata assignatio aliarum relationum, dicendo, quæ non statim positis extremis ponuntur: hoc ita intelligendo, quasi positis extremis possint consequi aut non consequi, omnino tamen prærequirant extrema, ex quibus debent consequi. Nam aliqua relatio est, quæ potius statim & necessario ponitur, dum vna res ponitur; ita vt non possit esse res sine tali relatione, imò etiam independentem ab existentia alterius extremi. V. g. materia necessario essentialiter dicit ordinem ad formam, nec potest intelligi sine tali ordine, etiam præcindendo ab actuali existentia formæ: similiter forma ad materiam. Accidens etiam necessario dicit suum essentialem ordinem ad subiectum: ita vt, etiam dum est separata quantitas, essentialiter respicit subiectum per suam exigentiam naturalem. Præterea coniungendo simul existentiam alterius extremi: necessario eo ipso quòd est aliquis modus, dicit essentialem ordinem inessendi subiecto, sine quo prorsus esse non potest: necessario etiam dum est creatura, dicit suum ordinem essentialis dependentiæ ad Deum à quo procedit. Atque hæc omnes relationes non sunt de prædicamento ad aliquid. Aliquid ergo prædèdum est, vt adequatè assignentur relationes transcendentes. Et dici non male posset, in illa distinctione Scoti diuidi relationes, quæ sunt aduenientes, ideoque quæ adueniunt extremis: easquè diuidi per duplicem modum adueniendi: ac præter illas esse alias relationes, quæ non sunt aduenientes, sed sunt primò venientes: & hæc esse alias relationes modò à nobis adductas, quæ sunt etiam extra hoc prædicamentum.

Quintò ergo dici potest, ad equatè alias relationes esse, quæ tantum per accidens ponuntur ex positione terminorum, & cum illis necessario ponuntur alias relationes esse, quæ per se & proprio

Quintus
modus a-
dequatus
distinguen-
di.

Exami-
natur.

Videtur
inadequa-
tus.

prio agentis influxu sunt, seu in rerum natura ponuntur: & vel non praequirunt extrema, ex quibus consequantur; vel si praequirunt, tunc dicere valeat, non necessariò ex ijs consequi, sed posse etiam non sequi: & ideo indigere nouo influxu, quo per se ponantur. Atque primas illas relationes esse, quæ constituent hoc prædicamentum, alias omnes spectare ad alia prædicamenta. Sumi potest hoc discrimen ex Aristotele quinto Physicorum textu decimo, ubi docet ad genus ad aliquid non dari motum, quia non per se, sed per accidens ponitur, scilicet ex positione extremorum. Cum tamen eo capite doceat, ad quædam alia accidentia dari per se motum, quæ utique inuoluunt essentialiter relationem ad subiectum: & specialiter affirmat dari motum ad ubi, quod utique est essentialiter ordo locati ad locum.

Ostendi etiam potest hoc discrimen inductione. Nam planè omnes relationes, quæ communi sententia censentur ad hoc prædicamentum spectare, illo primo modo se habent. Vnde dici solet, relationes prædicamentales esse non posse sine existentia extremorum, & fieri non posse, ut extrema existant, & in illis non sit relatio. E contra alia quæ dicunt quidem ordinem, & in hoc prædicamento collocari censentur, illo secundo modo se habent. Eriam actio. Nam hæc, licet non fiat per aliam actionem, tamen per se ab agente exercetur & ponitur in rerum natura: nec resultat ex positione agentis & termini, vel passii; sicut necessariò resultat æqualitas inter duas quantitates, paternitas & filiatio inter duos homines generantem & generatum: sed potius ipsa actio, dicit nouum influxum agentis, qui est ipsamet. Et à fortiori res quæ sunt tanquam termini producti, ut sunt omnia illa accidentia, & substantiæ, quæ dicunt aliquam relationem, ut patet in exemplis iam adductis, per se sunt & in rerum natura ponuntur.

Cæterum hic modus distinguendi & explicandi relationes, præcipue procedit ex suppositione, si relationes ipsæ prædicamentales essent formæ quædam di-

stinctæ à rebus, & ex ijs resultantes. Traditur enim modus quo in se designari, & ab alijs relationibus non prædicamentibus discerni debeant. Adhuc tamen superest difficultas in hoc modo, quam ratione solæ relationes quæ dictæ sunt per accidens consequi non aliter quam ex oppositione extremorum, in hoc prædicamento ponantur: & non aliæ, saltem illæ quæ etiam accidentia realia sunt. Nam ex omnes videtur conuenire in quodam communi genere relationis, quo potius vnum prædicamentum de ijs omnibus constitui debuisset. Hæc tamen difficultas tantum procedit ad hominem apud illos, qui nullo modo volunt admittre genus aliquod commune pluribus prædicamentis. Apud nos autem hæc difficultas non habet vim.

Sexto tandem, alia manifestissima via & ratione distinguuntur relationes huius prædicamenti ab alijs: si dicamus, relationes prædicamentales non esse formas quasdam simplices superadditas rebus ab ijs quæ distinctas, sed tantum esse denominationes desumptas ex collectione seu combinatione ipsarum rerum. Alias autem relationes esse illas, quæ sunt verè res quædam aut formæ secundum essentialem rationem respectus & habitudinis ad terminum: ut se habet visio ad parietem, potentia ad actus & obiectum, vnio ad partes, materia ad formam, forma ad materiam, accidens ad subiectum, creatura ad Deum, & omnia huiusmodi. Vnde etiam est per-

spiciua ratio, quare non debeant hæ relationes cum illis in vno prædicamento contineri. Relatio- nes autem prædicamentales illo modo se habere, in sequentibus dicemus.

*



Sextimo
dnt ad...
quærit et
vult.

SECTIO TERTIA.

*Quo pacto distinguantur relati-
ua secundum esse & secundum
dici: & num sola relatiua se-
cundum esse sint huius prædi-
camenti.*

*Distinctio
sumitur
ex Arist.*

Aristoteles in principio huius prædi-
camenti affert quandam relatiuo-
rum definitionem, scilicet: *Quæ hæc ip-
sa quæ sunt aliorum esse dicuntur.* Postea
ad finem capitis, veluti corrigens supe-
riorem definitionem, aliam affert: *Ad
aliquid sunt, quibus hoc ipsum est esse, ad
aliquid quodammodo se habere.* Et infra
addit: *Est autem esse ipsi quæ ad aliquid sunt
idem ac ad aliquid aliquo modo se habere.*
Vbi totum discrimen consistit in dici ad
aliquid & esse ad aliquid. Hinc orta est
distinctio relatiuorum secundum esse &
secundum dici. Aristoteles quidem sup-
ponit, omnia relatiua esse secundum dici,
quia dicuntur ad aliquid: sed non
omnia esse secundum esse. Alij tamen
hanc distinctionem tradentes, sumunt re-
latiua secundum dici, pro illis quæ ita
merè dicuntur, vt nō etiam sint ad aliud,
& hæc opponuntur relatiuis secundum
esse. Traditur autem hæc distinctio po-
tius de relatiuis quàm de relationibus,
quia sic est magis comoda, vt explicōne
constabit; & magis consona verbis Arist.
allegatis. Atq. Arist. ipse indicat, relatiua
propria huius prædicamenti debere intel-
ligi relatiua secundum esse. Adhuc autem
varijs modis hæc relatiua, eorumquē dis-
tinctio ab Auctoribus explicantur.

*Prima ex
plicatio.*

Primus modus est, relatiua secundum
esse, esse quæ realiter referuntur per re-
lationes reales: secundum dici, quæ tan-
tū per intellectum referuntur per re-
lationes rationis; idest quæ concipiuntur
referri, cum reuera non referantur. Iuxta
quam explicationem planè sequitur, re-
latiua tantum secundum esse, poni in hoc
prædicamento: quia supponimus entia
rationis non habere locum in his prædi-
camentis quæ sunt de entibus reali-
bus. Sequitur etiam, tam relationes
transcendentales, quàm prædicamenta
les esse secundum esse: quia reuera rea-

les sunt. Acque adeo non omnes rela-
tiones secundum esse poni in hoc prædi-
camento.

Hanc autem explicationem impugnatur *Reijcitur.*
Suar. disp. 47. sect. 3. num. 8. Tum quia
ait, relationes rationis computari debe-
re inter relationes secundum esse: nam
suo modo non solum dicuntur, sed etiam
sunt ad aliud. Tum etiam quia ait, inter
relatiua realia inueniri quædam tantum
secundum dici: quæ scilicet reuera non
sunt ad aliud, sed explicantur per habi-
tudinem ad aliud, non quidem ex parte
obiecti, sed ex parte modi concipiendi.

Sed certè negari non potest, diuisio-
nem posse illo modo explicari, sumendo
relatiua secundum esse, quæ secundum
esse reale referuntur, & secundum dici,
quæ dicuntur siue voce, siue mente, concep-
tu scilicet: mentali, referri, cum re-
uera non referantur. Non tamen videtur
talis explicatio de mente Aristotelis, at-
que adeo videtur adduci alia diuisio re-
lationis: non autem explicari illa quæ ex
Aristotele sumitur. Quod mox constabit.

Secundus similis explicandi modus
est, relatiua secundum esse, esse illa,
quæ vero ordine referantur, siue præ-
dicamentali, siue transcendentali. Se-
cundum dici esse illa, quæ solo nomine
referuntur. Ita explicant Fons 5. Me-
taph. cap. 15. q. 1. sect. 4. Vasq. 1. par. disp.
173. num. 13. Conimb. hic q. 1. & alij.
Vnde pariter sequitur, sola relata secun-
dum esse poni in hoc prædicamento. Non
tamen omnia. Nam relata transcenden-
tia, vero & reali ordine referuntur, &
non solo nomine. Hæc explicatio est vti-
que consona ipsis vocabulis relatiuorum
secundum esse & secundum dici. Non
tamen videtur quoad rem de mente Arist.
Nam Arist. post traditam illam primam
definitionem relatiuorum, tradidit se-
cundam, vt illa sola relatiua comprehen-
deret, quæ debebant poni in hoc prædi-
camento, & excluderet alia quæ non de-
bebant poni, & quæ sub prima definitio-
ne continebantur, vt patet in textu. Ergo
non omnia relatiua realia etiā tran-
scendentalia, sunt relatiua secundum esse
in eo sensu quo tradenda fuit secunda
relatiuorum acceptio & definitio.

Tertius explicandi modus sumitur ex *Tertia ex
D. Thom. 1. par. q. 13. art. 7. ad 1. & q. 7. de
Po-*

*Secunda
explica-
tio.*

Reijcitur.

Sec. III. Qũo disting. Relat. sec. esse & sec. dici. 425

Potent. art. 10. ad 11. & Durand. in 1. d. 24. q. 1. n. 14. eumquẽ sequitur Soc. hic q. 1. relatiua secundũ esse intelligi illa, quæ formaliter dicunt respectũ & referuntur ad terminũ: secundũ dici intelligi res ipsas, quæ secundũ se non dicunt respectũ nec referuntur, sed sunt subiectũ aut fundamentum relationis per quam referri debeant. Sic D. Thom. ait: *Quadam relatiua sunt imposita ad significandas ipsas habitudines relatiuas, & hæc dicuntur secundũ esse: quadam ad significandas res quas consequuntur habitudines, & hæc dicuntur secundũ dici.* Imo S. Thom. eo loco de Pot. sub relatiuis secundũ esse complectitur etiam relatiua per relationes rationis; quatenus per ipsas relationes formaliter referuntur. At verò sola relatiua realia complectendo, hanc distinctionem tradit Soc. 5. Metaphys. q. 30. sub alijs nominibus, relatiua secundũ dici appellans per accidens, & secundũ esse appellans per se.

Hæc tamen explicatio difficilis est. Tũ quia sic nõ distinguũtur formaliter varia relatiua: sed tãtũ ex vna parte relatiua formaliter, seu relationes ipsæ; & ex alia relatiua subiectiue & fundamentaliter, seu subiecta & fundamenta relationum. Tum quia Arist. etiam relatiua secundũ dici accepit formaliter quatenus referuntur, caput quatenus est capitati caput; & in toto prædicam. loquitur de relatiuis formaliter, prout dicuntur, seu sunt ad aliud. Tum demum in hac explicacione sub relatiuis secundũ esse includuntur etiã transcendentalia, quæ certè verè & formaliter referuntur: ergo nõ determinantur relatiua propria huius prædicamenti: & eò magis, si etiam relatiua rationis includantur.

Quartus explicandi modus sumi potest ex ipsis exemplis ab Arist. allatis. Relatiua secundũ dici distincta à relatiuis secundũ esse, intelligit illa quæ dicuntur tanquam partes ad totum: ita, vt in ipso toto includatur eamets pars. Sic affert exempla capitis, & manus, ad eum cuius est caput & manus, & alia huiusmodi. Quæ rectè excluduntur ab hoc prædicamento; quoniam partes & ordines partium ad totum, sicut compositio totius ex partibus, reducuntur ad idem prædicamentum totius, Et hoc quidem

sufficiebat ad intencum Arist. qui voluit excludere partes substantiarum ab hoc prædicamento. Adhuc tamen hæc explicatio deficit: quia sic relatiua secundũ esse, erunt omnia illa, quæ dicuntur ad terminum totaliter distinctum: at non omnia huiusmodi ponuntur in hoc prædicamento: nam etiam relatiua transcendentalia sunt huiusmodi. Vnde relatiua secundũ esse, non sunt propria huius prædicamenti.

Quintus explicandi modus est Toletii quest. 1. dicentis, alia accidentia relatiua esse, quæ non solum habent ordinare ad aliud, sed etiam afficere & disponere ipsum subiectum in se; sicut scientia habitus & potentia insunt animæ. Alia esse, quorum rota natura consistit in eo quod ordinent subiectum ad aliud; vt se habet paternitas. Illa inquit, esse relatiua secundũ dici, hæc secundũ esse. Defendit autẽ, etiã illa relatiua poni in hoc prædicamento: & etiã a relatiuis transcendentalibus distinguit relatiua secundũ dici. Verũ sine causa Tolet. distinguere voluit relatiua secundũ dici à relatiuis transcendentalibus. Sed satis erat illa confundere cum omnibus relatiuis quæ non sunt secundũ esse. Et præter mentem Aristot. concedit etiam relatiua secundũ dici poni in hoc prædicamento. Quandoquidem non ob aliam rationem Philosophus addidit acceptionem, & definitionem relatiuorum secundũ esse, nisi vt excluderet relatiua secundũ dici, distincta à relatiuis secundũ esse.

Sextus satis frequens explicandi modus est, Relatiua secundũ esse intelligi propriè relatiua prædicamentalia; relatiua autem secundũ dici intelligi transcendentalia, amplè sumendo relationem transcendentalem, pro omni ea, quæ nõ ponitur in hoc prædicamento. Hoc enim modo saluatur opinio, relatiua secundũ esse adæquare consistere hoc prædicamentum, exclusis relationibus secundũ dici.

Hanc tamẽ explicacionem impugnant Suar. sect. cit. num. 9. & Vasq. disp. cit. num. 14. quia relata transcendentalia verè & realiter imò essentialiter referuntur ad suos terminos, & non solo nomine aut modo loquendi: sed relatiua secundũ dici sunt quæ solo nomine referuntur

Reijciunt.

Quinta explicatio.

Reijciunt.

Sexta explicatio defenditur.

Reijciunt.

Quarta explicatio.

finis

runtur: ergo hæc non sunt relatiua transcendentalia. Hæc quidem ratio evidenter ostendit, non posse coniungi duplicem explicationem simul, quod videlicet relatiua secundum dici sint quæ solo nomine referuntur, & sint relatiua transcendentalia. Vnde si qui sint qui oppositum dicere voluerunt, planè decepti sunt. Sed tamen in hac vltima explicatione non debet illa alia prior inuolui: sed relatiua secundum dici sumi debent, non pro ijs quæ solo nomine referuntur, sed pro ijs quæ ita verè & realiter referuntur, vt non spectent ad hoc prædicamentum. Licet aut hic modus explicandi videatur non retinere rigorem vocabuli, secundum dici: tamen benè determinat relatiua secundum esse pro solis prædicamentibus, & ab illis fecerit omnia alia relatiua.

Et relatiua secundum esse cum prædicamentibus confunduntur.

Potest ergo tandem sic explicari doctrina Arist. & distinctio quæ ex illo sumitur. quod Arist. in principio capitis tradit seu potius refert illam acceptionem & definitionem relatiuorum, quæ sit communis omnibus, traditam per dici ad aliud. Verè enim omne relatiuum dicitur ad aliud. Vide inter relatiua, numerat, non solum natus & duplum, sed etiam habitum, sensum, scientiam, & alia quæ planè spectant ad alia prædicamenta. Postea videns, per illam definitionem plura contineri inter relatiua, quam quæ in hoc prædicamento poni deberent: Addit relatiua posse definiri, quæ quodammodo, seu aliquo modo se habent, siue sunt ad aliud. Quod videtur sic intelligendum: quæ certo quodam & peculiari modo se habent ad aliud. Explicat autem à posteriori seu à signo, quisnam sit hic peculiaris modus: quando relatiuum ita se habet ad aliud, vt qui definit, id est determinat scit ipsum relatiuum, sciat etiam determinatè id ad quod dicitur tale relatiuum. Sic qui scit aliquid esse duplum, sciet cuius sit duplum: & qui scit aliquid esse melius, sciet quoniam sit melius: alioqui si quis solum sciat indefinitè, hoc esse peiorè melius: non adhuc sciet exactè, sed talis erit potius suspicio quàm scientia. Alia autem relatiua sunt, quæ possunt definitè cognosci, etià si non definitè cognoscatur terminus. Sic caput, & manus, & similia, pos-

sunt definitè sciri, nec est necessarium, scire definitè cuius sint. Et hæc relatiua erunt distincta à relatiuis huius prædicamenti. Hoc ergo signo videtur Arist. voluisse distinguere & explicare illa, quæ nos appellauimus relatiua prædicamentalia & transcendentalia.

Et videtur hæc explicatio correspondere explicationi antea tradite. Nam quia relationes prædicamentales ita se habent, vt necessariò ex suis extremis consequantur, vel vt sint denominationes sumptæ ex ipsis extremis: hinc oritur peculiaris necessitas, vt relatiuum non cognoscatur sine illo ad quod refertur. Quia verò alia relationes non illo modo se habent: non habetur ex hac parte talis necessitas. Sed tandem non oportet in hac tota re, nimis esse sollicitos propter auctoritatem Arist. quando ipsemet in fine capitis concludit, se potius dubitandum quàm vehemèter asserèdo esse loquuntur.

SECTIO QVARTA. Quid sit Relatio prædicamentalis: an distinguatur à rebus aliorum prædicamentorum.

Hanc rem breuiter attingemus quantum Logicæ intentum exigit: fusiorè discussionem Philosophiæ referuantes. Maximè autem relationis quidditas & essentia innotescet ex distinctione eius à rebus: & idèò hoc totum simul querimus. Extrà de hac re variæ sententiæ.

Prima sententia est quæ affirmat, relationem prædicamentalem esse entitatem quandam & formam accidentalem, à parte rei distinctam à rebus, inhaerentem suo subiecto seu fundamento, & terminatam ad alium terminum. V.g. similitudinem vnius albedinis ad aliam albedinem, esse formam quandam distinctam ab ipsa albedine, & constituentem illam similem, sicut ipsa albedo est forma quædà distincta à suo subiecto: sic etiam paternitatem esse formam quandam distinctam, relicta in homine generante ex vi ipsius generationis: & sic in alijs relationibus prædicamentibus. Aliqui autem dicunt, relationem distingui realiter à suo fundamento. Aliqui modaliter. Aliqui formaliter à parte rei.

Sententia affirmans distinguere à parte rei.

Secun-

*Sententia
affirmans
distingui
ratione.*

Secunda sententia est aliorum dicentium, relationem prædicamentalem non distingui quidem à parte rei à fundamento: distingui tamen ratione ratiocinata: ita vt adhuc relatio sit quædam peculiaris entitas & forma simplex, existens in suo fundamento, & per conceptus mentis distinguatur ab illo.

*Sententia
negans di
stingui.*

Tertia sententia est quæ docet, relationem prædicamentalem non esse aliud quàm denominationem quandam desumptam ex ipsismet rebus absolutis quatenus simul iunctis, idest quatenus simul coexistentibus, siue esse veluti coexistentiam duarum rerum. Itaque tamen, vt denominatio relatiuæ primariò & in recto dicat ipsam rem quæ denominatur, concomitanter & in obliquo dicat aliam rem ad quam fit denominatio: sic hoc album esse simile illi, nihil esse aliud quàm hoc esse album, & illud etiam esse album, absque alio ordine vel respectu quasi medio vnius ad aliud: hæc quantitate esse æqualem illi nihil esse aliud, nisi hanc quantitate esse tantam, v. g. palmarem, & illam itidem esse palmarem. hunc esse patrem illius, non esse aliud quam hunc generasse illum; & illum esse filium huius, non esse aliud quàm esse ab eo generatum. & sic se habere omnes relationes prædicamentales, quæ scilicet cõter centur in hoc prædicamento collocari.

*Ad consi
derationem
huius præ
dicamēti
sufficit de
nominatio
supra
ab ipsis re
bus.*

Pro resolutione logica huius rei, satis nobis videtur nunc asserere, posse sufficenter saluari hoc prædicamentum relationis iuxta hanc tertiam sententiam: etiam si inquam relatio non sit peculiaris quædam entitas & forma distincta à rebus, sed solum sit denominatio sumpta ex ipsis rebus, ex earum scilicet combinatione. Neq. propter cõstitutione prædicamēti necesse est plus relóni tribuere.

Probatur assertio: quia non omnia prædicamenta important noua entia, & inter se distincta: sed potest aliquod prædicamentum constitui per solas denominationes extrinsecas: & huiusmodi saltem est prædicamentum Habitus, etiam prædicamentum Quando: & iuxta quorundam sententiam etiam vbi & situs. Idem ergo dici potest, quantum est ex hac parte, de hoc prædicamento relationis. Neque certe quisquam dixerit, ex eo specialiter quod inueniantur tot & hæc præ-

dicamenta fuisse distincta, oportere concedere, illa omnia esse verè distincta entia; vt nullum possit per solam denominationem desumptam ex rebus quæ alioqui sunt in alijs prædicamentis explicari: si non alia ratio conueniat, dari & verè esse talia entia distincta.

Imo specialiter hoc prædicamentum relationis merito potuit & debuit assignari, etiam si in sola dicta denominatione consistat. Quoniam huiusmodi denominationes relatiuæ sunt tam frequentes & familiares, & tam sæpe relationes in scientijs nominantur, exantque tot difficultates de ipsis relationibus, & in specie hæc de distinctione eius à fundamento: vt omnino debeat peculiaris tractatus de ipsis relationibus institui, & hic in Logica peculiare prædicamentum, in quo varia relationum genera recensentur & coordinentur, explicata, prius distinctione relationis prædicamentalis à transcendentali.

In contrarium, omisiss nunc alijs argumentis circa rem ipsam, Obijcies primò circa constitutionem prædicamenti: quia sic videtur redire illa sententia quæ dicebat, relationem esse aliquid rationis, & per illam constitui hoc prædicamentum. Nam si negetur relatio realis distincta à rebus absolutis, sola superest relatio rationis.

Respondetur. Farendum quidem est, supposito quod non detur relatio realis distincta, relationem quæ cogitur tanquam distincta, non esse nisi rationis: tamen non per ipsam relationem rationis, sed per denominationem realem sumptam à rebus, dici debet constitui hoc prædicamentum: quia prædicamenta non sunt nisi realia. Vnde non redit illa sententia. Imo Aureol. qui prædicamentum constituit per relationem quam contendit esse aliquid rationis, expresse impugnat sententiam de denominatione relatiuæ reali. Itaque planè differt vna sententia ab alia.

Obijcies secundò. Denominatio desumpta à rebus, non debet poni in alio distincto prædicamento ab ipsis rebus: imo non potest separari ab ipsis rebus: ergo non debet ob solam denominationem desumptam à rebus quæ alioqui in alijs prædicamentis collocantur constitui

*Denomina
tio tam
men rea
lis, non
relatio ra
tionis.*

*Potest di
stinctio
prædica
mentalis
saluari
per deno
minationem.*

tui hoc peculiare prædicamentum ad ali-
quid. Sed satis esset, æqualitatem quan-
titarum poni in prædicamento quantita-
tis, similitudinem qualitarum in prædi-
camento qualitatibus, & sic de alijs huius-
modi relationibus.

Respondetur. Denominationes quæ
sunt intrinsecæ & essentielles rebus, non
debere nec posse distrahi a prædicamen-
tis ipsarum rerum ad aliud prædicamen-
tum: quia se habent tanquam prædicata
essentia ex quibus series prædicamen-
ti componitur. Sed tamen denominationes
accidentales posse in alio prædica-
mento per modum cuiusdam accidentis
collocari: sic denominatio habitus, licet
sumatur à re substantiali, tamen consti-
tuit quoddam peculiare prædicamen-
tum. Ita cum denominatio similis huic
qualitati, & æqualis huic quantitati, sit
accidentalis, quia per accidens illi est
quod inueniatur alia talis qualitas, &
alia tanta quantitas: cum etiam omnes
hæ denominationes conueniant in quo-
dam conceptu communi denominationis
relatiuæ, qui conceptus non poterat in
vno alio certo prædicamento restringi:
cùm etiam adsint illæ rationes quas in
conclusionem adduximus pro conuenienti
institutione huius prædicamenti: non
immerito factum est, vt pro his denomi-
nationibus relatiuis hoc peculiare præ-
dicamentum institutum sit.

Quædam prædicamenta constituantur per entia vtrius distincta, quædam per denominationes.

Obijcies tertio. Quamuis possit ali-
quod prædicamentum in sola denomina-
tione extrinseca saluari: tamen saltem
quatuor prima prædicamenta, inter quæ
vnum est Ad aliquid, censerentur debent præ-
dicamenta perfecta per distincta entis
genera constituta, & quæ non per solas
denominationes distinguantur.

Respondetur. Negando assumptum.
Non enim ex eo quod prima sint, debent
huiusmodi censerentur: sed substantia quidem,
quantitas, & qualitas, sunt huiusmodi,
propter suas essentielles rationes. Imo in
prædicamento quantitatibus inter species
quantitatis recensentur quædam quæ non
sunt entia per se vna distincta ab alijs,
vt patet ex præcedenti tractatu. Prædi-
camentum autem relationis totum consti-
tuitur potius per dictas denominationes
relatiuas. Inter alia verò sex prædica-
menta, plura sunt, quæ per vera entia po-

culiaria, ab alijs penitus distincta, consti-
tuuntur: vt ex propria tractatione con-
stabit.

SECTIO QVINTA.

De Subiecto, Fundamento, & Terminis Relationis.

IN primis satis notum est, in omni Re-
latione interuenire duo inter quæ re-
latio exercetur. Quod verum est etiam
de relatione transcendenti. Hæc duo, vno
communi nomine appellatur relationis
extrema. Vnum autem ex his est id quod
refertur. Alterum est id ad quod illud
refertur. Per relationem paternitatis pa-
ter est qui refertur, filius est ad quem pa-
ter refertur: per relationem similitudinis
hoc album refertur ad illud: & ita
inductione patet in omnibus relationi-
bus. Illud quod refertur proprio nomi-
ne appellatur relatum & relatiuum: ap-
pellatur subiectum relationis. Vbi non
oportet intelligere, esse subiectum per
realem receptionem sue informationem
aut inhesionem relationis in illo: de hoc
enim sentiendum est iuxta varias opinio-
nes de relationibus, & iuxta varias re-
lationes. Sed ad minus intelligitur sub-
iectum denominationis, quod scilicet
denominatur prædicatione relatiua. Al-
terum extremum ad quod subiectum re-
fertur, proprio nomine appellatur termi-
nus, terminus scilicet ad quæ est relatio.
Certum est etiam, hæc duo extrema de-
bere esse à parte rei inter se distincta.
Nam idem non refertur realiter ad se ip-
sum: sed sicut dari potest distinctio ra-
tionis inter ea quæ a parte rei non distin-
guuntur: ita ad summum dari inter ea
potest relatio rationis.

Secundo vterius ex parte subiecti as-
signatur etiam fundamentum relationis.
Quod explicat S. Thom. in 1. d. 2. in ex-
pos. litteræ, id quod est causa subiecto
vt referatur, seu in virtute cuius ipsi sub-
iecto conuenit relatio. Sic se habet po-
tentia generatiua in patre. Hæc enim
potentia est patri causa vt generet & ad
filium referatur. Verum obiterandum
est, non esse semper necessarium, vt deus
fundamentum distinctum a subiecto quod
deno-

*Relatio re-
quirit duo
extrema
subiectū,
& termi-
num.*

*Ex parte
subiecti
additur
fundamē-
tum.*

Sect. V. De Subiecto Fundam. & Term. Relat. 429

denominantur referri. Interdum quidem datur ita vt non ipsum fundamentum, sed solum subiectum eius denominetur referri, vt patet in exemplo apposito. Non enim potentia generatiua, sed homo solum denominatur pater: nec etiam natura ipsius, sed suppositum denominatur pater. Vnde Durand. in r. d. 33. quaest. 2. in fine, notauit, relationem non dici de illo in quo est tantum vt in fundamento.

Non oportet semper esse a subiecto distinctum.

Interdum verò non inueniuntur duo distincta, quorum vnum dicatur subiectum, alterum fundamentum. Sic certè ex parte filij licet cogitari possit potentia vt generetur; tamen hæc non est quid distinctum ab ipsa substantia filij. Si etiam alia substantia possunt immediatè fundare relationes, vt communior iam sententia docet: in illis non distinguitur fundamentum a subiecto. Et si Deus conseruaret albedinem separatam ab omni subiecto, imò de facto dum conseruatur quantitas per se in Sacramento: vtique talis albedo diceretur similis alteri; & modò etiam quantitas dicitur equalis alteri. Neque in ipsa, fundamentum a subiecto distinguitur: sed vnum & idem dicitur subiectum & fundamentum, subiectum quatenus est quod denominatur, fundamentum quatenus est sibiimet causa talis denominationis.

Denique interdum inueniuntur quidem duo distincta, quorum vnum dici possit subiectum, aliud fundamentum, tamen ita vt vtrunque rectè denominetur per relationem: vnde illud ipsum quod dicitur fundamentum, dici etiam debet subiectum: & ita ex ijs duobus, vnum dicitur subiectum remotum, aliud dicitur subiectum proximum. Videlicet corpus substantiale habet in se quantitatem, & tam ipsa quantitas quam corpus denominatur æquale alteri. Si ergo corpus dicatur subiectum, quantitas fundamentum æqualitatis: ipsa quoque quantitas dici debet subiectum; corpus quidem dicitur subiectum remotum, quantitas proximum. Sic etiam res se habet in similitudine per albedinem, & alijs huiusmodi.

Additur ratio fundandi.

Tertiò præterea, cum fundamento solet assignari ratio fundandi. Imò distinguí solet duplex fundamentum. Vnum remotum, & est illud quod modò expli-

catur est, & absolute vocatur fundamentum. Aliud proximum, quod propriè vocatur ratio fundandi: & explicatur esse conditio aliqua sine qua non sequeretur relatio ad fundamentum. Talis assignatur actio generandi in patre ad relationem paternitatis. Nunquam enim ex sola substantia et potentia generatiua talis hominis, sequeretur relatio paternitatis, nisi intercederet actio generandi: & similiter nunquam daretur relatio filiationis in alio homine nisi generaretur a suo patre. Vnde posset vtique Deus eisdem duos homines immediatè creare: qui ob solum defectum generationis vnus ab alio, non referrentur inter se tanquam pater & filius. Dicitur autem conditio & non causa, & dicitur distinguí a fundamento antea explicato; quia non in ipsa conditione & ratione fundandi inest relatio, imò post præteritam actionem remanet adhuc relatio, quæ tamen sine subiecto & fundamento antea dicto, nec ab initio resultat, nec postea conseruatur. Hoc autem præsertim dicitur iuxta sententiam distinguentem relationem ab ipsis rebus.

An semper detur.

At verò, quia in alijs ratiis non inuenitur alia huiusmodi conditio, sicut inuenitur actio inter causam & effectum: ideo Suar. disp. 43. sect. 7. num. 13. ait, in alijs ratiis inueniri conditiones saltem indistinctas ab ipsis rebus, videlicet aliquam naturalem proprietatem & rationem ob quam apta sint fundare relationem. Vnde fatetur, etiam inter patrem & filium præter actionem inueniri quodam huiusmodi conditionem. Sed certè frustra & immerito talis proprietates, imò natura ratiis, vocatur conditio: cum sit in rigore ipsius fundamentum. Nec oportebat aut iuuabat, præter fundamentum assignare conditionem hoc modo explicandam.

Communior dicendi modus est, in alijs ratiis inueniri conditionem saltem negatiuam: & hanc esse vnitatem, quæ videtur esse ratio fundandi similitudinem, æqualitatem, identitatem: in quibuscumque alijs inueniri rationem mentura patitur, quæ videtur esse ratio fundandi relationem scientiæ ad scibile, sensus ad sensibile, & alias huiusmodi. Et hoc totum sumpsum est ex Aristot. 5. Metaph. cap. 15. Verum nec etiam inuenitur

nitur vnitas in rebus à parte rei præter ipsam relationem, quæ vnitas dicatur fundare relationem, nisi sumendo vnitatem fundamentaliter pro rebus ipsis in quibus est fundamentum vt ab intellectu concipiatur per modum vnitas ostendimus q. 8. lect. 6. Neque apparet, quænam ratio distincta mensuræ passivæ sit in scientia, & sensu, fundans relationem ad scibile & sensibile: sed à parte rei non videtur esse aliud quàm ipsa entitas illarum rerum. Nec demum Aristot. ibi dixit, relationem fundari in illis rationibus seu conditionibus: sed tantum ibi distinguit varia relationum genera secundum varias rationes & habitudines: de qua distinctione agemus postea.

Dicendum ergo absolucè est, non oportere in omnibus relatiuis inueniri alias conditiones seu rationes fundandi. Nam neque à priori ex natura relationis colligitur talis necessitas: satis enim esse possunt ipsa extrema inter quæ exercetur relatio, quæ statim per ipsam positionem extremorum intelligatur; vt verè statim intelligitur per positionem duarum quantitatum, duarum qualitatum, & sic de alijs. Neque inductione inueniuntur tales conditiones distinctæ in omnibus relatiuis. Imo etiam in illis relatiuis quæ se habent vt causa & effectus, potest esse vt non intercedat actio media distincta: & tamen ex hac parte non tollitur quominus inter illa possit exerceri relatio.

Quartò deinde ex parte termini obseruandum est, solere etiam ipsum terminum mutuo referri ad suum relatiuum: sic vtrique filius refertur ad patrem, & duo alba, duo quanta, & alia huiusmodi, inter se mutuo referuntur. Vnde vnum & idem dicitur tum terminus tum relatiuum: terminus quatenus aliud refertur ad ipsum: relatiuum quatenus etiam ipsum refertur ad illud: & tunc ambo extrema simul dicuntur correlatiua. An vero semper in termino deat relatio mutua: vel aliz sint relationes mutue, aliz non mutue, infra videbimus in relationum diuisione.

Quintò etiam ex parte termini posset quodammodo considerari fundamentum & ratio seu conditio terminandi: de qua re pari modo philosophandum est, sicut

dictum est ex parte subiecti. Est autem peculiaris & grauis difficultas: num terminus exerceat munus terminandi secundum entitatem suam absolutam, vel secundum suam mutuum relationem: siue an relatiuum attingat & respiciat terminum in quantum absolutum quid, vel in quantum sibi correlatiuum. Et alie sunt etiam difficultates circa hæc relationum extrema. Quæ quidem specialiter habent locum in sententia distinguente relationes à rebus. Illas autem examinabimus in philosophico relationum tractatu. Modò ea quæ supersunt logicæ tractationi debita prosequemur.

SECTIO SEXTA.

An & quod sit genus generalissimum cuius prædicamenti.

Ratio dubiandi est: quia cum genus generalissimum debeat esse vnicum in prædicamento: videtur non posse vnum aliquod genus generalissimum in hoc prædicamento assignari. Primò quia Aristot. idcirco non per modum vnus nominauit relationem aut relatum in hoc prædicamento, sicut nominat substantiam, qualitatem & quale, &c. in alijs prædicamentis: sed potius per modum plurium, ea quæ sunt ad aliquid. Secundo. D. Aug. cap. 11. Caregor. in vniuersum aut, relationem non posse generaliter considerari, sed tantum in singulari in quolibet relatiuo ad suum terminum. Quo, non solum genus generalissimum, sed omne prorsus genus & prædicatum vniuersale in hoc prædicamento negasse videtur. Tertiò. Præsertim ex natura relationis & relatiui. nam relatiuum est quod refertur ad aliud: igitur si datur genus generalissimum quod refertur ad aliud, dabitur etiam per modum alterius generalissimi illud aliud, & ita sunt duo generalissima. Quartò præterea. Illud aliud debet esse distinctum à relatiuo, vt sequitur ex dictis: sed sic est quod solet etiam ipse terminus mutuo referri: ergo continetur sub ipso relatiuo: ergo distinguitur & non distinguitur: quod repugnat.

Propter hæc Boet. & Simplic. in hoc prædi-

Non semper datur præterfundamentum.

Ex parte termini solent adesse relationum mutue.

Alia diffcultates distinguuntur.

Ratio dubiandi.

Sec. VI. De Genere generalis. huius Predic. 431

prædicamento negasse videntur vnum, supremum genus generalissimum. Et aliqui clariùs dixerunt, dari solum genus generalissimum in abstracto, videlicet relationem, non autem in concreto, scilicet relatiuum: putantes sic se difficultates euadere, quæ magis contra concretum, quam contra abstractum videntur vrgere.

Assignatur genus generalissimum, id in abstracto, id in concreto.

Dicendum tamen omnino est, dari vnicum genus generalissimum in hoc prædicamento, posseque assignari non solum in abstracto, sed etiam in concreto, sicut in alijs prædicamentis. Hæc est communis omnium sententia. Et probatur primò ratione communi: quia omne prædicamentum debet habere suum genus generalissimum: & si prædicamentum est vnum, habet vnum tale genus; alioqui essent plura prædicamenta. Secundò ratione propria: quia si dantur hæc & illæ relationes, & omnes conueniunt in hoc omnibus communi relationis conceptu: iam hoc est genus generalissimum: sicut dantur alia genera intermedia; similitudo communis ad omnes similitudines, & sic de alijs relationum generibus. Finiturque inter hos gradus, prædicationes essentielles & quidditantes, quæ tandem omnes reuocantur in vnum commune prædicatum relationis prædicamentalis, sicut in alijs prædicamentis. Tertio sicut nominatur relatio in communi: ita etiam nominatur & concipitur in concreto relatum, in quo prædicato conueniunt & vniuntur singula quæque relata: nominantur etiam & concipiuntur in concreto genera intermedia, simile, æquale, & alia omnia. Ea ergo ratione qua alia prædicamenta possunt disponi & in abstracto & in concreto, quantitas & quantum, & sic de alijs: ita etiam potest disponi præfens prædicamentum. Et præterea eadem fere difficultates vrgent, dum cõceditur cõmune genus relationis in abstracto. Nā relatio est vnius ad aliud: vnde adhuc remanet dubitatio, quomodo designari possit hoc vnum, & illud aliud, & quomodo distinguantur, & quomodo non se habeant quasi duo generalissima.

Arist. explicatur.

Huic primò. Ad auctoritatem Arist. dicendum est, non idèò Arist. nominasse ea quæ sunt ad aliquid, quasi non sub vno

conceptu, & vno genere generalissimo comprehendi putaret. Imò eo modo loquendi non distinxit tanquam duo, illud quod refertur, & illud ad quod refertur. Sed nominauit omnia quæ referuntur: quasi diceret, relatiua sunt, seu relatiuum est: sicut si dixisset, qualitates sunt: & sic in alijs prædicamentis. Eo autem modo loqui voluit, quia sic ei commodum visum fuit, vel quia sic erat eo tempore consuetum. Nam & in alijs rebus obseruari potest, diuersam consuetudinem esse nominandi, quædam per modum vnius, quædam per modum plurium.

Secundò. Ad auctoritatem Augustini dicendum, illum tantum voluisse, relationem non exerceri realiter nisi inter singularia, & speciali quadam ratione, debere in singularibus cogitari; vt hoc esse duplum respectu illius, hunc hominem esse vultu similem illi. Alioqui ipsemet ibi in communi nominat & definit prædicamentum ad aliquid, planè supponens dari conceptum generis communi.

D. Aug. explicatur.

Ad tertium in quo consistit præcipue difficultas. Fonseca. 5. Metaph. cap. 15. q. 6. negat, relatum in communi respicere aliud commune ad quod referatur: quia inquit relatum in communi non per se ipsum proximè refertur, sed tantum refertur per sua inferiora, per hæc & illa relata quæ habent suos terminos ad quos referantur. Propter quod etiam ait, relationem & relatum in communi dicere tantum in potentia seu inchoatiue rationem respectus & ordinis: & idèò non indigere in illo statu communitatis termino in communi. Quod etiam alio modo explicatur: relationem & relatum in communi, non referri in actu exercito; sed tantum considerari in actu signato & mente concepto: & idèò non habere terminum in communi. Pro hoc dicendi modo Fonseca refert Albert. Boet. Simplic. Ioannem Gandau. & Scot. Sequitur etiam Mafius hic sect. 1. q. 5. & Sanc. q. 39. & alij, & probabilem iudicat Suar. d. 47. sect. 17. Imò de alijs quibusdam peculiaribus generibus relatorum id significat Scot. in 1. d. 27. q. vnica prope finem, in relationibus scilicet æquiparantiz, nempe similis ad simile, æqualis

Aliqui negant dari etiam terminum in communi.

æqualis ad æquale, non referri relatum in communi, id est simile in communi, nec habere terminum in communi sibi correspondentem; quia nimirum non possunt dari duo similia in communi. In relationibus autem disquisantur, ut patris ad filium, maioris ad minus, facile potest assignari tam terminus quam relatum in communi, siue duo correlatiua in communi: quia non habent vnum conceptum & appellationem, sed differunt conceptu & nomine ut patet.

*Probat
esse con-
cedendum.*

Nihilominus concedendum est, sicut datur relatum in communi, ita etiam concipi terminum in communi, debereque hunc communem conceptum termini assignari. Ita plures docent. Et probatur. Tum quia relatum & relatio in communi habet veram essentiam relati & relationis: sed hæc essentia consistit in ordine ad terminum: ergo omnino illi in communi correspondet terminus in communi. Tum de facto, dum concipitur & de finitur relatum in communi, utique dicitur, est quod refertur & ordinatur ad aliud: ergo nominatur & concipitur ly aliud in communi: ar hoc aliud est terminus. Nec satis est dicere, per ly aliud significari varios terminos in speciali. Verum est enim, realiter non dari nisi varios terminos singulares: tamen certè in illo nomine & conceptu non distinguitur pluralitas terminorum: sed sicut sumitur relatum in communi, & sicut considerantur alij conceptus rerum in communi: ita nunc sumitur ly aliud, atque adeo terminus in communi. Tum etiam dum dicitur, relatum in communi non referri per se ipsum sed per sua inferiora: verum est non dari realiter relatum in communi separatim à singularibus: sed negari non potest in ipso relato in communi inuolui rationem ordinis & respectus abstractam à singularibus; & talè ordinem etiam in communi conceptum, esse ad terminum. Nec bene loquitur Fonseca, relatum in communi dicere tantum in potentia & inchoatiue rationem ordinis. Nam ita relatum in communi dicere debet formaliter & perfecte rationem ordinis, sicut substantia in communi rationem essendi per se, & sic de alijs rerum generibus. Nec etiam sufficit dicere, relatum in communi non referri in actu exercito,

sed tantum considerari in actu signato. Nam adhuc debet concedi terminus in actu signato. Sicur enim relatio exercita respicit terminum in actu exercito: ita relationi considerata in actu signato, debet concedi terminus in actu signato. Imò sic maxime consideratur relatio secundum essentiam suam, quæ essentia consistit in ordine ad terminum. Sicur licet accidens in communi dicatur non exercere actum inhiarandi: ramen in actu signato cogitatur subiectum in communi. Et licet nunquam possit exerceri actus, v. g. visionis in communi, quo conspiciatur visibile in communi: ramen dum in actu signato cogitatur visio in communi, cogitatur etiam visibile in communi. Atque hoc valet etiam in relationibus æquiparantur. Nam simile in cõi habet terminum similitudinis in cõi, æquale æqualitatis, & sic de alijs. Vnde non assignantur duo similia in communi, quasi duo relatiua: sed formaliter vnum est commune relatiuè simile, cui consideratur, correspondere terminus similitudinis, & consideratur etiam in communi.

Ad difficultatem verò illam Respondetur, terminum in communi, si sumatur materialiter secundum suam entitatem, non esse vnum genus generalissimum, sed dicere res diuersorum prædicamentorum quæ in ipsis prædicamentis collocantur. Si autem sumatur formaliter sub denominatione terminandi: sic reducit ad hoc ipsum prædicamentum relationis. Nam cum relatio sit ordo vnius ad aliud, secum assumit vtrunque extrinsecum. Vnde terminus in communi non constituit nouum genus prædicamentale, nouumquæ prædicamentum. Sed fatendum libenter est, sub termino in communi posse coordinari varia genera terminorum, è regione relati in communi & eorum generum quæ distinctè sub ipso coordinantur. Hoc totum tamen fit in hoc prædicamento per reductionem termini ad relatum. Sic enim ipsa rerum natura, & commoda rerum dispositio poscit. Idque omnes debent faceri. Nam etiam illi qui negant terminum in communi, faceri debent, terminos in speciali reductiue non directè spectare ad prædicamentum. Tam facile ergo est, idem dicere de termino in communi.

Terminus reductiue spectat ad prædicamentum.

Ad

*Quomodo
saluetur
distinçtio
inter rela-
tium &
terminu.*

Ad quartum deinde dicendum, non oportere quodlibet relatiuum esse a quolibet termino & relatiuo distinctum: sed satis esse, si distinguatur quodlibet a termino suo & correlatiuo sibi opposito. Vnde quando de relatiuo & termino in communi loquendo, dicitur debere distinguì; intelligi debet distributiuè, omne relatiuum distinguì a termino ad quem refertur, & a correlatiuo sibi opposito. Atque dum infertur, terminum a relatiuo distinguì & non distinguì: dicendum est, distinguì ab aliquo correlatiuo, nempe ab illo quod ad ipsam refertur; & ab aliquo non distinguì, nempe a se ipso.

SECTIO SEPTIMA.

Quot & qua sint genera & species relationum in hoc prædicamento.

*Diuisio re-
lationis
in tria ge-
nera ex
Aristot.*

Aristoteles hoc loco non aliam diuisionem generum relationis tradidit, præter eam quæ ex ipso sumebatur de relatiuis secundum dici & secundum esse. At. 5. Metaph. cap. 15. docuit. Quædam relatiua dici secundum numerum, aut unitatem, vt duplum ad dimidium, æquale ad æquale: Quædam dici secundum actiuam & passiuam potentiam & potentiarum actiones, vt calefactiuum ad calefactibile, calefaciens ad calefactum: Quædam alia demum dici eo quòd alia dicantur ad ipsa, vt mensurabile ad mensuram scibile ad scientiam. Hinc orta est distinctio relationis in tria genera, frequens apud Auctores, quæ dicitur sumpta esse ex parte triplicis fundamenti: & sic tradi solet. Primum genus esse earum relatiuum, quæ in unitate vel distinctiõne seu numero fundantur. Secundum genus esse earum, quæ in actiõne vel potetia fundantur. Tertium genus esse earum, quæ in ratione mensuræ fundantur: & relationes huius tertij generis esse non mutuas, id est esse ex parte vnius extremi trã: aliorum duorum generum esse mutuas. Hæc diuisionem, & omnia tria genera, tanquã adæquata & propria huius prædicamenti, multi defendunt: & præsertim lausissimò Suar. d. 47. à sect. 10. per plures sequen-

Non desuerunt tamen qui illà uò omni-

nò recipere: & præsertim non pauci, tertio genere excluso, duo priora defendunt. Nonnulli primum & genus abstraherunt, solas eas relationes acceptantes, quæ inter causam & effectum, seu inter agens & passum versantur: eo quod non aliud efficax motiui concedendi relationes suppetere arbitrantur, nisi exëplum Diuinarum relationum ex ijs solas relationes in productione seu causalitate fundatas inferri, sibi persuaserunt.

Dico ergo primò, Arist. nec voluisse propriam huius prædicamenti, nec adæquatam totius relationis diuisionem tradere: nec modum illius designandi tria relationis genera esse de mète Arist. Sed Arist. ibi voluisse trã indefinitè enumerare quædam genera quæ dicebantur ad aliquid. Probatnr conclusio quoad omnes partes.

Primò. Arist. ibi inter relatiua cõputat quædam, quæ non possunt in hoc prædicamento collocari: sed vel sunt aliorum prædicamentorum: vel nullius; quia potius dicunt relationes rationis, vt notauit Fõs. ibi q. 4. Ponit enim inter relatiua, ea quæ sunt actiua & passiua, ponit autè secundã potetia actiua & passiuã, & sũ actiones: nec assignat relationem aliam fundatam in potetia aut actiõne, sed solim ipsam formaliter potetiam & actiõne: potetia autè est de prædicamento qualitatũ, actiõ constituit proprium prædicamentũ. Insuper inter eius generis relatiua ponit id quod denominatur ab actiõne futura, id quod futurum est ad id quod faciendũ est. Nullus autè dicit dari relationem realem de præseuti, fundatam in actiõne futurã sed fatentur oēs, non esse nisi rationis relationem, quæ tunc cogitur vt præsens. Item annumerat in eodem genere quãdã secundum priuationem potetia, vt impossibile & inuisibile; quæ vtique non dicunt relationem realem. Demum tertium genus assignat eorum quæ in tantum dicuntur ad aliquid, in quantum alia dicuntur ad ipsa, vt sensibile dicitur a sensui, intelligibile ab intellectu. Communis autem sententia docet, in his rebus non esse relationes reales, obiecti scilicet sensati ad sensum, & intellecti ad intellectum: sed tantum esse denominationes extrinsecas a potencijs & actibus respicientibus obiecta, vel relationes rationis. Non ergo Aristot. ibi assi-

*Arist. tamẽ nõ in-
tendebat
tradere
diuisionẽ
propriam
huius præ-
dicamenti.*

E e gnauc

434 Quæst. XIX. De Prædicamento Relationis.

genauit genus quoddam relationis huius prædicamenti.

*Nec ad-
quatum
totius re-
lationis.*

Secundò. Arist. ibi omisit multa rela-
tiua, quæ vel sunt extra hoc prædica-
mentum, vel etiam huius prædicamenti.
In primis non per se assignauit habitudi-
nem actuum, habituum, & potentiarum
ad objecta. licet enim mentionem fecerit
sensus & intellectus: tamen non inten-
debat per se assignare hæc relatiua, sed
directè solum intendebat recensere sen-
sibile & intelligibile. Item nou nume-
rauit alia relatiua, quæ vel in alijs præ-
dicamentis inueniuntur, vel sunt com-
munia pluribus prædicamentis. Deinde
secundum genus solum assignauit penes
causalitatem in genere causæ efficientis
& materialis: ac pariter debent relatiua
sumi ex alijs causalitatis generibus, siue
hæc dicantur non includi, siue dicantur
includi in hoc prædicamento. Insuper
primum genus secundum unitatem, Arist.
diuisit in ea quæ dicuntur, vel idem se-
cundum substantiam, vel aequalia secun-
dum quantitatem, vel similia secundum
qualitatem. Omisit autem quæ dicuntur
coniuncta vel disuncta, propinqua vel
distantia secundum locum, item similia
secundum alia accidentia aliorum præ-
dicamentorum, & si quæ alia excogitari
possunt quæ cum illis connumerari de-
bent: non ergo intentum Arist. erat, om-
nia relatiuorum genera numerare, &
ad æquam diuisionem tradere.

*Nec illa
diuisio be-
nè expli-
catur de
mto Ari.*

Tertiò. Modus consuetus designandi
tria illa relationum genera non est de-
mente Arist. Tum quia Arist. non tradidit
illam diuisionem ex parte fundamenti:
nec dixit, alias relationes fundari in uni-
tate, & sic de alijs: sed dici secundum
unitatem, & unitatem accepit pro con-
uenientia quadam. Tum specialiter de
tertio genere Arist. nec dixit fundari in
ratione mensuræ, nec dici secundum ra-
tionem mensuræ: sed solum dixit quæ-
dam relatiua dici, vt mensurabile ad
mensuram, & scibile ad scientiam, & sen-
sibile ad sensum. Vbi potius hæc omnia
tanquam distincta exempla posuit: & non
quasi vellet scibile & sensibile contineri
sub mensura aut mensurabili. Et eodem
modo loquitur iterum in eodem cap.
Prius ergo alienum est à mente Arist.
dicere, tertium genus esse quod fundetur

in ratione mensuræ: sed rationem tertij
generis Arist. constituit in eo, quod in-
stantium dicantur ad aliquid, in quantum
alia dicuntur ad ipsa. Tum etiam si Arist.
uoluisset, totum tertium genus dici se-
cundum rationem mensuræ: colligi de-
beret, scibile se habere ad scientiam, &
intelligibile ad intellectum, tanquam
mensurabile ad mensuram. Sed tamen
qui eo modo diuidunt relationes, ex op-
posito dicunt, scibile esse mensuram,
scientiæ, & sensibile sensus. Tum demum
dicunt relationes tertij generis esse
non mutuas, sumunt relationes ex parte
scientiæ & sensus, quas dicunt esse rea-
les, & non habere alias relationes mu-
tuas ex parte scibilis & sensibilis: At
Arist. in eo genere non posuit hæc rela-
tiua scientiam & sensum: sed posuit sci-
bile & sensibile, illa scilicet quæ non
per se dicuntur ad aliud, sed solum de-
nominantur, eo quod alia dicantur ad
ipsa.

Quarò. Ex his concluditur, intentum
Arist. ibi fuisse, tantum enumerare pluri-
ma ex ijs quæ dicuntur ad aliquid: & ad-
duxisse plures modos huiusmodi ordinis
seu denominationis, ad explicandum ip-
sum ad aliquid, nec tantum enumerasse
illa relatiua quæ constituunt speciale
prædicamentum ad aliquid, sed etiam ex
alijs quæ sunt extra prædicamentum.
Quod eo facilius credendum, quò Arist.
in cap. præcedenti de quali etiam quæ-
dam enumerat quæ plane non sunt de
prædicamento qualitatis, & non enume-
rat omnes qualitates quæ sunt de ipso
prædicamento: & in vniuersum eo libro
explicat Arist. varias res, non tamen
per modum prædicamentorum, sed prout
illi vtile aut commodum videbatur.

*Sed Arist.
solum vo-
lebat, in-
definitè af-
ferre plu-
res relati-
uorum mo-
dos.*

Dico secundò. Nec etiam iuxta rei
naturam & debitam dispositionem præ-
dicamenti debere assignari tria illa rela-
tionum genera: sed posse in solo primo
genere, si ad quæ sumatur, saluari to-
rum hoc relationis prædicamentum. Et
primò probatur, non debere assignari
tertium illud genus in hoc prædicamen-
to: quia nec sumi potest ex parte obie-
ctorum ad quæ Arist. dicebat alia referri,
videlicet ex parte scibilis, sensibilis, ap-
petibilis, &c. Nec ex parte earum rerum
quæ verè referuntur, scilicet ex parte
ipso-.

*Relatio-
nes tertij
generis nō
sunt de
hoc prædi-
camento.*

ipforum actuum & potentiarum respicientium sua obiecta. Non ex parte obiectorum. Quoniam in ipsis non resultant propriae relationes reales: etiam in sententia eorum qui aliqui ponunt relationes distinctas a rebus: dicit enim, in obiecto quod sentitur, quod intelligitur, &c. non resultare relationem aliquam qua respiciat, sensum, intellectum, &c. Neque dici possunt relationes rationis quae in eis concipiuntur spectare ad praedicamentum, vt supponimus. Neque denominationes extrinsecas desumptas ab ipsis actibus aut potentijs, spectant ad hoc praedicamentum ad aliquid: proprie enim spectant ad eadem praedicamenta in quibus sunt tales res. Nam cum ordo ad obiectum sit ipsa essentialis ratio potentiae: vbi ponitur potentia, atque adeo suus essentialis ordo, ponitur etiam denominatio quae tribuitur obiecto, quae est denominatio terminantis talem ordinem: sicut denominatio facientis & recipientis, facti & recepti, ponitur in eodem praedicamento actionis aut passionis.

Item non potest sumi illud genus relationis ex parte rerum respicientium sua obiecta: quoniam illis intrinsicus & essentialis est ordo ad obiectum: & illae res ponuntur in alio suo proprio praedicamento: vnde in illo etiam, & non in hoc relationis, ponitur ille ordo, vt haberetur ex antea dictis. Prater autem hunc ordinem essentiali, nullatenus debet poni alius ordo accidentalis & praedicamentalis de hoc praedicamento in illis rebus. In actu visionis, non est ad quid ponatur alius ordo accidentalis, prater entitatem ipsam actus, essentialiter respicientem obiectum: sic neque in potentia visiva debet villo modo distingui alius ordo accidentalis, vt ponatur in hoc praedicamento: & sic in alijs rebus hoc modo se habentibus. Igitur nihil inuenitur in eo tertio genere, quod in hoc praedicamento ponatur.

Nec etiam relationes secundi generis, nisi in sententia distinguuntur relationes a rebus.

Secundò. Circa secundum genus quod assignabatur, manifestum est, non ipsam potentiam actiuam & passiuam, alioque modo causariam, nec actionem & passionem, alioque causalitatem, poni in hoc praedicamento: nam haec omnia habent sua propria praedicamenta. Et consequenter neque denominationes ex ijs-

dem rebus desumptas poni in hoc praedicamento. Nam denominatio potestis agere, aut agentis, potentis fieri, aut facti omnino est eiusdem praedicamenti, cuius est potentia, aut actio: sicut denominatio quanti & qualis, est eiusdem praedicamenti quantitatis & qualitatis. Illi autem qui volunt, ex actione, aut ex omni alia causalitate, resultare distinctas alias relationes; has sane habent, quas in hoc praedicamento collocant. Sed tamen si negetur hae aliq̃ relationes, & omnia saluentur per denominationes desumptas ex ipsa actione, alioque causalitate: sicut sane Arist. voluisse videtur in illo secundo relatiuorum genere, in quo expressè explicat denominationes patris & filij per generationem prateritam: *Pater quoque filij pater dicitur, hoc enim fecit, et illud passum quid est: id est pater dicitur quia genuit, filius quia genitus est.* Sic inquam non inueniuntur relationes de eo genere, quae in hoc praedicamento collocantur: sed dictae denominationes relatiuae erunt de alijs praedicamentis, vel actionis, vel alterius, cuius est forma denominans.

Tertiò. Solùm superest primum illud genus per quod constituitur hoc praedicamentum. Potest autem sic adequatè explicari: quod dicitur secundum conuenientiam aliquam aut disconuenientiam, siue secundum accessum quandam aut recessum. Et hoc ipsum intellexit Arist. secundum vnitatem aut numerum. Nam, alioqui hoc non potest intelligi secundum vnitatem aut numerum quantitatiuū qui sit propriae de praedicamento quantitati: neque sumendo quantitatem & numerum transcendentaliter: vt manifestè apparet. Debet ergo intelligi dicto modo. Et sic omnia exempla congruunt: videlicet similitudo dicitur secundum conuenientiam, dissimilitudo secundum disconuenientiam: sic etiam aequalitas & inaequalitas, aliaeque relationes huius generis. Sub hoc etiam genere continentur coniuncta & disiuncta, propinqua & distantia secundum locum: nam haec etiam dicuntur secundum conuenientiam & disconuenientiam, seu accessum & recessum.

Quartò. Hoc genus relationis valere ad constitutionem huius praedicamenti: non solum in sententia dicente, huiusmodi relationes aequalitatis, similitudinis, &c. ef-

*Relatio-
nis primi
generis op-
timè con-
stituitur hoc
praedica-
mentum.*

*Qualiter
differant
ab alijs.*

436 Quæst. XIX. De Prædicamento Relationis.

se formas distinctas ab ipsis rebus: sed etiam dicendo, non esse nisi denominationes sumptas ex collectione ipsarum rerum, iuxta ea quæ diximus sect. 4. Disparitas autem inter has denominationes & alias quas modò excludēbamus de hoc prædicamento, est manifesta. Quia illæ alix denominationes desumebantur ex vna aliqua forma reali, quæ erat essentialiter relatiua, & ita se habens, vt implicaret illam existere, & non dare illas denominationes: vnde non poterant tales denominationes separari & distrahi à tali forma, sed omnino simul cum illa in eodem eius prædicamento concinebantur. Et sicut ipsa forma cum sua essentiali relatione ponebatur in suo prædicamento: ita secum ferebat denominationē relationis quam tribuebat. At hæ denominationes quas modò dicimus, non sumuntur ex vna simplici forma, neq. ex re essentialiter relatiua, & quæ quatenus sic relatiua poneretur in suo proprio prædicamento: quinimo potest intelligi & extare qualibet res in se, videlicet hæ quæritas, hæ albedo, hæ potentia, sine consortio alterius vnde sumebatur denominatio relatiua. Non immerito ergo posuit distinctum hoc prædicamentum ob tales denominationes constitui, præsertim ob rationes redditas sect. 4.

Dimiduat in alia genera.

Dico tertio. Sub hoc relationis genere possunt varijs modis plura genera & species distingui & designari. Primò possunt generali ratione ita indicata distingui duo genera, vnum quod dicatur per modum conuenientiæ & accessus, aliud per modum disconuenientiæ & recessus. quæ res in exemplis antea allatis satis perspicua est.

Secundò. Possunt distingui & assignari ex distinctione aliorum prædicamentorum, & omnium generum & specierum quæ in illis distinguuntur. Alia est conuenientia aut disconuenientia inter substantias & inter varia substantiarum genera: alia inter quantitates: & sic de alijs: addendo etiam comparationem vnius prædicamenti cū alio. Nec opus est, hæc omnia magis distinctè nunc prosequi & explicare.

Tertio. Possunt distingui & assignari plura genera magis ex mente Arist. qui præcipue assignant identitatem secundum substantiam, similitudinē secundum qualitatem, & æqualitatem secundum quantitatem. Et

prius possunt sub distinctione bimembri assignari, conuenientia seu disconuenientia essentialis, & accidentalis.

Conuenientia essentialis ab Arist. vocata est identitas. Nec inuenitur inter solas substantias: sed inter omnia entia, quatenus conueniunt aut differunt in aliquo prædicato essentiali: sicut dixit S. Thom. 1. par. q. 28. ar. 1. ad 2. relationē identitatis realē, esse inter ea quæ dicuntur eadem in natura generis siue speciei. & ita Arist. dū dixit eadē sunt quorū est substantia vna, substantiā accepit pro essentia. Et identitas non dēt intelligi realis, sed eo modo quo explicauimus agendo de vniuersilibus. Opposita autē identitati est diuersitas seu disconuenientia essentialis. Conuenientia deinde & disconuenientia accidentalis consideratur inter ea de quibus accidentalia prædicata dicuntur, quatenus subsistat ipsis accidentalibus prædicatis. Et vno modo potest hæc subdiuidi secundum varia prædicamenta accidentia, & prædicata accidentalia. Alio modo vtilius potest subdiuidi secundum generales quosdam dicendi modos: Aut enim res denominatur tanta vel rāra, aut talis vel talis: addēdum etiā videtur, aut esse hic aut ibi, item aut esse nunc aut tunc. In prima denominatione consistit æqualitas & inæqualitas: in secunda similitudo & dissimilitudo: in tertia propinquitas & distantia. His. n. generalibus loquendi modis solet explicari omnis conuenientia & disconuenientia rerum.

*Relatio--
nes identitatis &
diuersitatis.*

Æqualitas & inæqualitas in denominatione tanti vel tanti manifestissime dicuntur in quantitate siue cōtinua siue discretā: sub inæqualitate dicuntur maius & minus: sub his rursus alij determinati gradus, dupli & subdupli, aliæque huiusmodi. Sed iuxta cōmunē loquendi morem, hæ denominationes non solum dicuntur quoad quantitatem prædicamentalem: sed etiam quoad alia quæ imitantur quodammodo quantitatem: vt manifestè patet in interfone qualitatis: dicimus enim tantum & æqualem esse calorem in vno & alio igne, maiorem esse in igne quā in aere, aliāque innumera. Et sic debet accipi dictam Arist. æqualia sunt quorum est quantitas vna.

*Relatio--
nes æqualitatis &
inæqualitatis.*

Similitudo & dissimilitudo in denominatione talis vel talis manifestissime dicuntur quoad qualitatem & in oībus speciebus eius. sed

*Relatioes si
militudinis et
dissimilitudinis.*

sed etiam iuxta cōmunem loquendi morem dicitur & in alijs rebus per imitationem quandam qualitatē: vt dicimus duo agentia vel duo patiētia esse similia: duos homines esse similes aut dissimiles in vestimenta de prädicatione habitus: & in ipsamet quantitate hanc materiam esse similem illi in eo quod veraciter quanta est; & dissimilem alteri si esset non quanta. Vbi non consideratur tanta vel tanta mensura quantitatis, sed absolute ipsa quantitas. Et sic debet ampliari dictum Aristot. similia sunt quorum est qualitas vna.

Relationes propinquitatis & distantiae

Propinquitas demum & distantia, est quaedam denominatio diuersa à prädicatione, licet Aristot. eius non meminerit. Dicimus enim, terram esse propinquam aequae, esse distantem ab elemento ignis: neque hoc cadit sub denominationem aequalis & inaequalis, nec similis & dissimilis, vt patet. Debet igitur distincte assignari hoc relationis genus. Ad quod etiam spectant relationes superioris & inferioris, anterioris & posterioris, aliquae huiusmodi. Pariter consideratur propinquitas aut distantia in tempore: vnde dicimus quaedam esse simul, quaedam esse vnum ante aliud, vnum post aliud.

Ceterum pluribus alijs modis possunt genera assignari subdiuidi, iuxta varios modos quantitatis & qualitatē, spectato communi modo loquendi, quo plura relationum genera & species designantur: vt cuique facili consideratione patebit.

Rursus distinguuntur relationes mutuae & non mutuae.

Dico tandem quartò. Alia nota relationum distinctio est, in mutuas & non mutuas: & rursus mutuarum in relationes aequiparantiae & disquiparantiae. Relationes mutuae dicuntur, quando non solum hoc relatiuum refertur ad illum terminum, sed etiam ille terminus vicissim refertur ad suum relatiuum: & ita ambo sunt relatiua, & ambo termini. sic se habent aequalia, similia, & his opposita. Non mutuae dicuntur, quando ex parte vnius tantum extremi datur relatio ad quendam terminum, neque ex parte illius termini correspondet alia relatio. Sic censentur se habere relationes potentiarum & actuum ad obiecta. Sed supra iam diximus, illas esse relationes transcendentales, nec in ijs debere distingui alias prädicationales. Sic etiam conuen-

tur esse relationes creaturarum ad Deum: quia creaturae referuntur realiter ad Deum, non Deus ad creaturas. Sed de hac re suo loco disseremus.

Relationes mutuae, alię dicuntur aequiparantiae & eiusdem appellationis, aliae disquiparantiae & diuersae appellationis. Relationes aequiparantiae sunt, quae ex parte vtriusque correlatiui sunt eiusdem rationis, & habent eandem appellationem idemque nomen: sic duo alba ambo dicuntur similia, duo quanta ambo dicuntur aequalia. Relationes disquiparantiae sunt, quae sunt diuersae rationis, & diuersis nominibus appellantur in duobus correlatiuis. Sic in secundo genere assignantur relationes paternitatis & filiationis, & in vniuersum agentis & passi, causae & effectus. In primo genere sunt relationes maioris ad minus, & minoris ad maius. De his omnibus docet S. Thom. in 1. d. 27. quest. 1. art. 2. ad 2., relationes quae diuersis appellantur nominibus, esse quoque diuersas species: quae verò eandem habent appellationem, esse eiusdem speciei.

Reliones mutuae aequiparantis & disquiparantis.

In relationibus demum disquiparantiae, aliae dicuntur superpositionis, aliae subpositionis. Illae sunt quae important quandam excellentiam & superiorem: aliae sunt quae e contra dicunt quandam inferioritatem. Prioris modi sunt, relationes causae ad effectum, domini ad seruum, maioris ad minus. Posterioris modi sunt & conuerso, relationes effectus ad causam, serui ad dominum, minoris ad maius. Possent etiam haec relationes appellari secundum superabundantiam & defectum, nonnibus sumptis ex Aristot. 3. Physic. text. 3.

Relationes disquiparantis, superpositionis, & subpositionis.

SECTIO OCTAUA.

De Attributis & Proprietatibus Relationis.

Primum attributum quod Aristot. relationi assignat, est, Habere contrarium. nam virtus est contraria vniuersum ambo sint ad aliquid: & scientia ignorantiae, sumendo ignorantiam pro errore positivo. Docet idem Arist. hanc contrarietatem non omnibus relationibus

Relationibus habere contrarium.

438 Quæst. XIX. De Prædicamento Relationis.

bus conueniret: duplici enim aut triplici, alijsquæ huiusmodi relationibus, nihil est contrarium. Notum est etiam, contrarietatem non solis relationibus conuenire: nam inuenitur & inter alia accidentia, maxime in qualitatibus.

Dubium est autem, an contrarietas ex mente Aristotelis verè conueniat relationibus prædicamentalis, vel solùm transcendentalibus, aut secundùm dici. Aliqui negant, educere relationibus prædicamentalis: quia ipse Arist. in cap. de Quantitate sic expressè asseruisse videtur, & probasse. Ideo enim dixit, magnum & paruum non esse contraria, eo quòd dicantur ad alterum: *Quod enim inquit, non potest sumi per se ipsum, sed ad alterum dicitur, quomodo huic aliquid erit contrarium?* Et ad hanc aliam rationem: quia si magnum & paruum sunt contraria, idem simul contraria susciperet; nam idem simul est magnum & paruum, magnum respectu vnius, paruum respectu alterius. Imò dum Aristoteles hic docet relationem habere contrarium, asserit in exemplum illa quæ non sunt relatiua huius prædicamenti, sed sunt essentialiter qualitates. Nec mirum, quia loquitur iuxta priorem definitionem, sub qua omnia relatiua, etiam transcendentalia, & secundùm dici, continentur.

Dicendum tamen est, hanc contrarietatem de mente Arist. attribui suo modo etiam prædicamentalis relationibus. Paret: quia idem Arist. 10. Metaphysic. textu 26. inter exempla contrariorum, ponit non solùm vitium & virtutem; sed etiam æqualitatem & inæqualitatem, similitudinem & dissimilitudinem: quas manifestum est esse relationes huius prædicamenti. Ratione insuper suadetur: quia contraria sunt quæ ab eodem subiecto mutuò se expellunt, & non possunt esse simul: sed, vt patet, non possunt esse simul in aliquo subiecto, similitudo & dissimilitudo respectu eiusdem termini: potestquæ fieri talis mutatio, vt quòd prius dicebatur simile vel æquale, postea dicatur dissimile, vel inæquale: & sic vna relatio expellit aliam de eodem subiecto: ita vt contrarietas non solùm sit in formis absolutis: sed formaliter etiam in ipsiis relationibus, seu de nomi-

nationibus relatiuis. Et hoc totum maxime procedit iuxta sententiam distinguentem relationes à rebus; & dicentem, relationes esse formas quasdam, quæ de nouo aduenire possunt, ac deperdi. Alioquin iuxta oppositam sententiam, solùm modo quodam potest relationibus attribui contrarietas, secundùm denominationes inter se repugnantes, & quarum vna excludat aliam.

Aristoteles autem in capite de Quantitate, solùm negare voluit, ea quæ sunt correlatiua mutua, & quæ ad se inuicem referuntur, esse contraria: quod verum est. Et hunc esse eius sensum, patet: quia ibi latè probat, magnum dici in ordine ad paruum, & paruum in ordine ad magnum; & sic ait: quod ad alterum refertur, quomodo huic potest aliquid, idest illud aliquid ad quod refertur, esse contrarium? Ita exponit ibi Boetius: & est clarum ex eodem Aristotele in Postprædicament. capite de Oppositis.

Alia tamen ratio, qua Aristot. id probare voluit, quia sequeretur eidem simul inesse contraria, videtur prima facie, prorsus friuola: sumptis enim magnum & paruum respectu diuersorum: quo modo nec etiam simile & dissimile, si sumantur respectu diuersorum, sunt contraria: scientia etiam & error, si sumantur respectu diuersarum conclusionum, non sunt contraria. Obseruandum ergo est, Aristot. cum ibi docuisset, quantitatem non habere contrarium, obijcere sibi magnum & paruum. Ad quod prius respondet, magnum & paruum esse potius relationes. Deinde addit, etiam si dicantur quantitates, non esse contraria. Et ad hoc valet ad hominem illa ratio: quia qui diceret, esse quantitates, non poterat se tueri per respectum ad diuersa; vel si ad hoc confugeret, iam conuincatur, vt fateretur illas esse relationes. Et ita concludit Aristoteles: *Et si non eorum qua ad aliquid, sed quanti hæc esse dicat, non esse contraria.* Sic etiam Sanctus Thomas in quarto distinctione octaua quæstione prima articulo secundo quæstiuncula prima ad primum, ait, posse quidem oppositas relationes inesse eidem subiecto respectu diuersorum, non tamen oppositas proprietates absolutas, Secun-

Conuenit
quibusdã
relationi-
bus prædi-
camentali-
bus.

*Relationi
suscipere
magis &
minus.*

Secundum quod Arist. relationibus attribuit, est, Suscipere magis & minus: nam dicitur aliquid magis aut minus simile, vel dissimile; æquale, vel inæquale. Docet verò, hoc non esse commune omnibus: nam duplum non dicitur magis aut minus duplum, & sic alia huiusmodi. Notum est etiam, hoc non esse proprium relationi, sed multo magis qualitatibus conuenire.

Dubitari autem potest, quomodo hoc intelligendum est, an per veram intensiorem & remissionem vnus relationis, sicut fit in qualitatibus, vel quo alio modo. Sed dicendum est, in sententia distinguente relationes à rebus, dici non debere, eandem ipsam relationem augeri aut minui: sed potius dici debere, quamlibet relationem consistere in indiuisibili; ita vt vel inuariata permaneat, vel prorsus pereat, & alia noua adueniat. Sic certè æqualitas v.g. in rigore loquendo, consistit in indiuisibili; quamuis vulgari modo ea etiam quæ parum differunt, dici soleant æqualia; & ita aliqua dicuntur magis aut minus æqualia. Inæqualitas verò non est vna sola relatio maioris ad minus, aut minoris ad maius: sed alia, est inæqualitas dupli ad subduplum, alia tripli ad tertiam partem: & ita quilibet per se consistit in indiuisibili, & per quamlibet variationē mutatur tota relatio. Eodem modo res se habet in similitudine & dissimilitudine. Neque apparet, quomodo in eadem relatione consistit possit diuisibilis intensius; penes quā augeri minuiue dicatur. Saluari ergo debet, relationem suscipere magis & minus per variationem & successionem plurium relationum, quarum vna denominet magis alia minus secundum commune quandam appellationem relationum. Sic per relationem tripli ad tertiam partem dicitur magis inæquale, magis maius, quàm per relationem dupli ad dimidium; & sic de alijs.

Non distinguendo autem relationes à rebus, nulla superest difficultas. Nam, aliunde petendum est, quænam res & quomodo augeri aut minui possint. Ad præsentem verò rem factis est, ex varia combinatione rerum resultare varias denominationes relatiuas iuxta consuetum loquendi morem: ita vt interdum ex eo

quod res augetur, veluti minuatur denominatio relatiua. Quod enim erat minus alio, si augetur, erit minus inæquale, erit non tam minus.

Tertia quæ verè est relationis proprietas, est, Vt relatiua dicantur ad conuertentiam, idest vnum conuersum dicatur ad aliud: seruus domini seruus, dominus serui dominus: maius minore maius, minus maiore minus, & sic de alijs. Non oportet autem, hanc conuertentiam fieri per eundem casum; sed potest bene fieri per diuersum: vt sensus dicitur sensibilis sensus; sensibilis autem dicitur sensu sensibile. Oportet autem conuenienter assignare vtunque extremum, ad hoc vt dicantur ad conuertentiam. Si quis enim dicat, seruus est hominis seruus; inæpè conuertet, homo est serui homo: sed oportet primò assignare seruum ad dominum, & sic apè fiet conuersio. Item si quis dicat, ala est auis alarum non poterit conuertere, auis est ala: auis: sed conueniens assignatio erat, ala est alari alarum. Item si quis dicat, ala est auis alarum non poterit conuertere, auis est ala: auis: sed conueniens assignatio erat, ala est alari alarum. Quapropter, vt conueniens assignatio fiat, oportet interdum noua nomina fingere: vt, quia non esset, iussiciens assignatio, remo est nauigij remo; oportebit ex ipso temonis nomine deriuare aliud vocabulum, remo est rei temonate: remo: sic apè conuersio fiet, res temonata temone est temonata: similiter si dicatur, caput est animalis caput, non rectè fiet conuersio: sed oportebit dicere, est capicari caput; vt fiat conuersio, capicatum est capite capicatum. Et hæc tota est doctrina Arist.

Vbi patet, hanc in rigore esse proprietatem correlatiuorum. Et ideo assignatio conueniens & apè ad conuertentiam tunc est, quando vtunque extremum assigna ut sub suo nomine relatiuo, vt ita vtunque mutuò dicatur ad alterum. Sed addendum est, etiam si relatio realis sit ex parte vnus tantum extremi: tamen adhuc posse fieri aliquo modo conuertentiam: iungendo nempe terminum, vel sub relatione rationis, vel sub denominatione terminatiua sumpta ex ipso relatiuo: quomodo ambo semper extrema dici possunt correlatiua. Et ita Arist. hanc proprietatem hic assignat tanquam communem omnibus relatiuis. & 5. Met. cap. 1. inter ea quæ dicuntur ad

*Relatiua
dici ad vñ
vtrum.
tiam.*

*Quater-
nus cor-
relatiua
sunt.*

440 Quæst. XIX. De Prædicamento Relationis.

aliquid, numeravit ea quæ dicantur eo quod alia referantur ad ipsa. Sic patet conueniri, scientia est scibilis scientia, scibile est scientia scibile: creatura est creatoris creatura, creator est creaturæ creator. Addendum est etiam, hoc totum esse commune, non solum relatiuis prædicamentalibus, sed omnibus alijs: quandoquidem est commune etiam relatiuis rationis.

*Relatiua
esse simul
mutua.*

Quarta proprietas quam Arist. relatiuis assignat, est, Esse simul natura. Simul autem natura intelligit ea quæ ita se habent, vt vicissim vno sublato auferatur & alterum: sicut e contra illud dicitur prius natura altero, quod non auferatur altero ablato, hoc tamen auferatur ex ablatione illius. Relatiua ergo sunt simul natura: quia mutuo valet dicere, si vnum auferatur, auferri & alterum. Sic, si non sit duplum, non erit dimidium; & si non sit dimidium, non erit duplum. Si non sit pater, non erit filius; si non sit filius, non erit pater. Vnde hæc proprietas inuenitur etiam inter relatiua causam & effectum. Et intelligitur hæc proprietas formaliter quoad ipsas relationes seu denominationes relatiuas, non autem quoad entitates absolutas & per se sumptas extremorum. Nam certè non sequitur: si tollitur hoc album, tolli aliud album, vel nigrum, cui erat simile, vel dissimile: si tollatur hoc quantum quod erat duplum, tolli & aliud quod erat dimidium: si non sit hic homo, non esse & illum, quorum vnus erat pater, alius filius. Sed bene valet quoad denominationes relatiuas: si hoc quantum non sit dimidium illius, nec illud esse duplum huius: si hic non sit filius illius, illum non esse patrem huius: & in vniuersum si hæc res non sit effectus illius, nec illam esse causam huius. Et hoc modo relatiua sunt formaliter simul natura.

Addit Arist. hanc proprietatem non esse communem omnibus relatiuis, sed in quibusdam vnum esse prius natura altero, vt scibile esse prius scientia, & sensibile sensu. Nam ablato quidem scibili & sensibili, auferretur scientia & sensus; sed non e conuerso ablata scientia & sensu, auferretur scibile & sensibile: imo communiter præexistere solet scibile ante scientiam, & sensibile ante sensum. Hinc

colligunt aliqui, relatiua quidem mutua esse simul natura, ipsque conuenire hanc proprietatem, excludi autem debere relatiua non mutua. Aliqui autem dicunt, illud quod verè est relatiuum, esse prius natura altero extremo non relatiuo: quia hoc extremum accipit denominationem ab illo relatiuo. Sed hoc est expresse contra mentem Arist. qui potius ex opposito dixit, scibile & sensibile esse prius natura. Alij ergo e contra dicunt, illud extremum quod sua relatione caret, esse prius natura altero extremo relatiuo.

Sed difficultas est circa hoc, & in ipsis exemplis ab Arist. positis. Nam vel sensus est; ablato scibili quoad suam entitatem absolutam, auferri scientiam; non autem ablata scientia auferri scibile. Et hoc verum est: sed non impedit simultaneitatem naturæ vt patet in pluribus alijs relatiuis, quæ tamen dicuntur esse simul natura, etiam si se habeant vt causa & effectus. Vel sensus est, etiam formaliter & quoad denominationes relatiuas. Et sic verum non est: nam ablata scientia, auferretur denominatio scibilis, quæ sumitur ab ipsa scientia: & sic de sensu & sensibili. Imo ablata creatura, auferretur denominatio creatoris a Deo. Et iuxta hoc Fons. 5. Metaph. cap. 15. q. 4. sect. 2. affirmat, etiam relatiua non mutua, esse simul natura, considerando ex parte extremi quod non refertur relationem rationis. Hanc enim vult esse simul cum relatione reali quæ est ex parte alterius extremi.

*Aliquo
modo com-
munis om-
nibus re-
latiuis.*

Sed quod attinet ad rem, dicendum est, huiusmodi relatiua non esse simul natura quoad relationem realem ex vna parte & rationis ex altera: esse tamen suo modo simul natura quoad relationem intrinsecam ex vna parte & denominationem realem extrinsecam ex altera parte. Explicatur & probatur, quia potest verè dari totum quod reale est, & relatio illa realis, absque relatione rationis actuali: nec ex eo quod intellectus desinat fingere talem relationem, quæ non est nisi quando cogitatur, vt supponimus; sequitur etiam tolli relationem realem veri relatiui, vt patet. Ac certè eo ipso quod datur vnum relatiuum realiter respiciens terminum, necessariò da-
tur

Se&t. VIII. De Attrib. & Propriet. Relationis. 441

tur denominatio, idest res significata per denominationem de ipso termino, nempe respectus terminatus ad ipsum. Vnde etiam à posteriori bene potest inferri: si obiectum non denominatur scitum, aut visum: ergo non datur scientia, non datur visio: si non denominatur potens sciri, potens videri: ergo non datur potentia apta scire, apta videre.

Arist. explicatur.

Ad Arist. verò dicendum est, illum accepisse ex vna parte scientiam & sensum in actu pro actuali cognitione, ex altera accepisse scibile & sensibile in potentia, quod scilicet potest sciri, potest sentiri. Hinc dixit, scibile & sensibile esse prius scientia & sensu: quia non sequitur, ablata illa scientia & sensu, auferri scibile & sensibile, etiam quoad denominationem scibilis & sensibilis in potentia. Ita exponunt Simplic. Porph. Boet. Ammon. & alij communiter ibi, & S. Thom. 1. p. q. 13. art. 7. ad 6. Ita expressit ipse Arist. *Si scientia non sit, nihil prohibet esse scibile; ut circuli quadratura, si esset scibilis, scientia quidem eius nondum esset, ipsa verò scibilis esset.* Verum est, in hac comparatione committi equiuocationem quandam, sumendo ex vna parte scientiam & sensum in actu, ex altera scibile & sensibile in potentia. Sed vt iidem Auctores notant, Arist. voluit explicare talem comparationem sub ijs nominibus, quibus solebant talia relatiua designari: cum in rigore scientia & sensus dictus pro sensatione, significant cognitionem in actu: scibile & sensibile significant obiectum cognoscibile in potentia.

Relatiua esse simul cognitione & definitione.

Quinta proprietas quam Aristot. assignat relatiuis, secundo loco à se definitis, est, Vt si determinatè cognoscatur vnum relatiuum, debeat determinatè cognosci & id ad quod dicitur tale relatiuum: vt si quis cognoscat quod duplum est, vel quod melius est: necesse est etiam cognoscat, cuius illud sit duplum, & quo aliud sit melius. Solet autem alio modo hæc proprietas ab alijs assignari, relatiua esse simul cognitione & definitione: idest debere vnum per alterum siue non posse vnum nisi simul cum altero cognosci & definiri. Et occasio sumpta est ex modo loquendi Arist. dicentis, si definitè cognoscatur vnu relatiuum &c. At Arist. ly definitè sumpsit pro determinatè: nec

est expressè loquutus de definitione relatiuorum. 6. tamen Topic. cap. 3. docet, relatiua per se inuicem definiri.

In primis ergo, proprietas vt hoc loco tradita ab Arist. est, difficultatem habet: quia nec videtur simpliciter necessarium, vt qui cognoscit certum aliquod relatiuum ex ijs quæ sunt ad aliud, debeat omnino cognoscere in singulari terminum. Neque id videtur proprium relatiuis prædicamentalibus quæ Arist. per secundam suam definitionem voluit designare. Sed non oportet de hac re nimis laborare: satis enim est quòd saltem frequenter videatur ita contingere in cognitione relatiuorum. Et Arist. de hoc præsertim, magis dubitando, quàm asserendo, loquutus est: vt ipsemet in fine concludit. Et saltem ea ratione quam diximus sect. 3. in fine, apparere quædam peculiaris necessitas in relatiuis prædicamentalibus, vt vnum determinatè cum alio cognoscatur. Addi etiam potest: quia dici solet relationem prædicamentalem requirere terminum actu existentem, idque non esse de necessitate relationis transcendentalis: idèò specialiter in illa per vnum cognosci alterum quoad existentiam, idest ex vno dato bene inferri existentiam alterius. Sed in quibusdam etiam relationibus transcendentalibus id verificatur: vt in vnione, actione, & similibus.

Eadem proprietas prout ab alijs tradita solet, relatiua esse simul cognitione & definitione, difficultatem etiam habet: quia vnaquæque res debet cognosci & definiri per ea quæ sunt notiora & priora natura, vt docet idem Aristot. 6. Topic. cap. 3. At dictum est, relatiua, esse simul natura: ergo hæc proprietas cum illa repugnat. Præterea ex hac proprietate sequitur, committi vitiosum circulum, dum ambo relatiua definiuntur vnum per alterum, & per principium, explicando idem per idem.

Sed reuera manifestum est, non posse relatiuum cognosci & definiri sine suo termino, formaliter inquam vt relatiuum est. Nam si relatiuum est quod dicitur ad aliud, & in hoc consistit eius ratio formalis: vtique non potest, nec definiri, nec concipi, nisi in ordine ad aliud, & non sine illo ad quod refertur: igitur in cogni-

442 Quæst. XIX. De Prædicamento Relationis.

cognitione & definitione vnius relatiui necessariò inuoluitur terminus in obliquo, idest non tâquâ prædicatum essentiale, tanquam genus vel differentia relatiui quod definitur: sed tanquam id per ordinem ad quod concipitur & explicatur essentia ipsius relatiui. Et hoc verum est, non solum de relatiuis prædicamentalibus, sed maximè etiam de transcendentalibus, quæ verè & essentialiter dicunt ordinem ad terminum.

*Quomodo
relatiua
vnum per
alterum su-
t ad defini-
endum.*

Difficultas autem proposita attingit aliam de termino relationis, an relatio respiciat terminum quoad entitatem eius absolutam, vel quoad mutuam relationem. Illi ergo qui dicunt respicere quoad mutuam relationem; dicere debent, hanc esse exceptionem in relatiuis, vt non debeant cognosci & definiri per priora natura, siue per prius nota: sed per ea quæ sūt simul natura & cognitione.

Dicendo autem, relationem respicere terminum formaliter quoad entitatem absolutam, res est facillima. Nempe vnum relatum cognosci & definiri per aliud, non quatenus relatum, sed quatenus terminus absolutus est: vt sic autem, terminus est prior natura & cogni-

tione ipsa relatione: & pariter dum ipsum correlatiuum definitur, definiri per ordinem ad entitatem absolutam primi relatiui, priore etiam natura, & notiore. Sic Arist. 5. Metaph. tex. 12. definit potentiam actiui per ordinem ad alterum, sed non ad alterum vt correlatiuum est: & cap. 15. ait, non debere explicari intellectum per ordinem ad intelligibile formaliter vt intelligibile, idest quoad hanc denominationem. & 1. Polit. cap. 3. definit seruum, homo qui est alterius iuris, & non per ordinem ad dominum vt formaliter correlatiuum.

Quando autem nunc dictum est, relatiua esse simul natura: iam explicatur, est quoad ipsas relationes & denominationes relatiuas formaliter. De quibus etiam negandum non est, solere per concomitantiam simul cogitari & cognosci, tanquam simul & æque notas.

Postremo addenda videbatur alia proprietas, nempe oppositio relatiua, quæ vnum relatum seu relatio dicitur opponi alteri relatiuo, siue termino, aut mutue relationi. Sed de hac agemus cum Arist. in Postprædicam. inter alios modos oppositionis.

QVÆSTIO VIGESIMA.

De Prædicamento Qualitatis.

PRædicamentum Qualitatis iure prorsus ac meritò alijs sex prædicamentis, quæ supersunt, hoc loco præponitur: quandoquidem non deerant rationes, quibus etiam relationi, imò & quantitati, videri poterat debere præponi: sed tamen ob alias rationes, quæ praualebant, post illa dilatum est. At omnis ratio poscit, tum ex dignitate & perfectione rei, tum ex commoditate & vtilitate doctrinæ, vt non longius hoc prædicamentum à suo loco moueatur.

SECTIO PRIMA.

Quid sit Qualitas.

*Qualitas
nomen
varie sum-
itur.*

Qualitatis nomen plures acceptiones habet. Primò amplissimè sumitur pro omni forma actiua & afficiente aut constituente rem. Sub hac significatione Arist. in prædicam. sublt. dicebat, secundas substantias dici in quale

de primis, quasi scilicet sint quædam qualitates earum. Et 4. Metaph. tex. 22. nomine qualitatis intelligit substantiam rei, seu formam substantialem. Et 5. Metaph. cap. 14. vbi agit de ipsa qualitate, assignat primam acceptionem, qua differentia essentialis & substantiales dicuntur qualitates. Iuxta hoc etiam Porphy. definiuit differentiam, quæ prædicatur in quale. Hinc satis peripicuum est, non quali-

qualitatem hoc modo sumptam constituere hoc prædicamentum, sed esse prædicatum quoddam transcendens, & commune ad omnia prædicamenta.

Secundò. Sumitur nomen qualitatís aliquanrò pressius pro sola & omni forma accidentali actuante & efficiente subiectum: quo sensu Porphy. dicebat accidens prædicari in quale. Patet etiam, hanc acceptionem non esse propriam huius prædicamenti: dum qualitas sic sumpta, est communis omnibus saltem accidentium prædicamentis.

Tertiò. Ex opposito nomen qualitatís sumitur nimis pressè, aut pro solis qualitatibus sensibilibus, aut etiam pro ijs inter quas per modum contrarietatis subiectum mutatur. Sic Aristot. 5. Metaph. capite 14. posuit hanc acceptionem qualitatís, pro ijs quæ sunt passiones substantiæ, & penes quas dicuntur alterari corpora, vt caliditas & frigiditas &c. additis etiam illis quæ dicuntur secundum virtutem & malitiam, bonum & malum; secundum quas bonè vel malè agunt aut patiuntur, ea quæ in motu sunt. Sic etiã in libris de Generatione assignatur alteratio circa qualitatē: non tamen omnes qualitates, sed solum sensibiles; aut quæ disponunt ad generationem vel corruptionem substantiæ, eo nomine appellantur.

Aliter propriè et adæquatè sumitur nomen qualitatís, pro certo quodam genere entis & formæ accidentalis, distincto ab alijs omnibus prædicamentis: ita tamen vt complectatur omnes illas species quæ non in alijs prædicamentis inveniuntur. Et sic accipitur qualitas propriè & adæquatè pro hoc prædicamento. Et qualitas sic sumpta, est genus generalissimum huius prædicamenti. Et in hoc sensu ab Aristot. hoc loco accipitur.

Qualitatís sic sumptæ naturã & quidditatem explicare, & definitionem tradere, difficile valde est. Quod attestatur D. Aug. in suo Categor. lib. dicens, hanc categoriam difficiliorem cæteris reputari. Et non parua prudentia esse, qualitatem cum cæteris bene confusam, mentis vivacitate discernere. Aristot. 5. Metaphys. nullam communem explicationem & definitionem tradidit qualitatís. Hoc loco sic explicat. *Qualitatem dico secundum*

quam quales quidam esse dicuntur. Hinc aliqui dicunt, hanc esse veram & essentialē definitionem qualitatís: quia subintelligi debet prædicatum aliquod commune per modum generis: vt dicendo qualitas est forma accidentalis secundum quam &c. & hæc erit differentia essentialis: quoniam traditur per effectum formalem. Alij verò dicunt, hanc non esse essentialē definitionem, sed tantum imperfectam quandam descriptionem & explicationem. Imo ne sufficiens quidem explicatio esse videtur. Quoniam dicitur idè per idè, seu ignotū per aquè ignotū: non enim magis notum est quale quàm qualitas. Augetur difficultas: quia idem Aristot. infra in eodem cap. explicare voluit ipsum quale: & è conuerso explicat per qualitatē: qualia dici quæ qualitatibus dicuntur. Itaque vnum per aliud explicasse videtur: atque adeo neutrum explicasse. Et redit illa quæst. de circulo in definitionibus, definiendo duo vnum per alterum.

Ad hoc dici potest: vel Arist. in principio nec definire nec explicare voluisse qualitatē, sed tantum coniungere abstractum simul cum concreto: eo quòd priora prædicamenta in concreto posita nominauerat, hic autem incipit nominare in abstracto qualitatē: & ideo dixisse qualitatē secundum quam dicitur quale. Vel reuera voluisse explicare qualitatē, supponendo, esse quodammodo magis notum concretum quàm abstractum in còmuni modo loquend: sicut si quis diceret, humanitas est per quam constituitur homo, equinitas per quam constituitur equus: frequentiora enim sæpè sunt & notiora nomina concreta, quàm abstracta: vnde non oportet dicere, Aristot. voluisse in rigore definire qualitatē per genus & differentiam: sed tantum voluisse leuiter explicare. Quòd autem postea dixit, qualia dici per qualitates. Vel non quidem voluit explicare ipsum quale: sed tantum asserere id quod verum erat. Et præsertim vt diceret, sæpè deriuari concretum sub eodem nomine, vt ab albedine album; interdum, sub diuerso nomine, vt à virtute dicitur quis studiosus: ideo ait, qualia dici à qualitatibus, aut denominatiuè, aut alio modo. Vel etiam si Arist. voluerit eo modo expli-

Quo pacto Arist. explicauerit qualitatē.

Specialiter sumitur pro hoc certo genere entis.

Qualitas in communi, an sit ab Arist. definita.

444 Quæst. XX. De Prædicamento Qualitatis.

explicare ipsum quale : iam præmiserat diuisionem specierum qualitatis, per quam multò clariorem efficeret omnem qualitatem. Et ita potuit explicare quale per qualitatem, non quidem quatenus solum explicaram per ipsum quale : hic enim videri poterat vitiosus circulus : sed potius quatenus explicaram per distinctionem specierum. Quod rectè facere potuit.

*Alia explicatio-
nes exa-
minantur.*

Adhuc tamen patet desiderari maiorem explanationem; & si fieri potest, definitionem qualitatis : quia insufficient est illa sola explicatio, qualitas est per quam dicitur quale. Sanctus Thomas 1. par. quæst. 28. art. 2. explicat qualitatem, dicens esse dispositionem substantiæ, sicut ait quantitatem esse mensuram substantiæ. At 1. 2. q. 49. art. 2. explicat, qualitatem propriè importare modum, seu determinationem substantiæ secundum aliquam mensuram. Sed utraque explicatio videtur obscura. Quia non apparet quæ sit ista ratio dispositionis propria, qualitari, ad differentiam aliorum accidentium : nec quæ sit ratio mensuræ & determinationis : nec quomodo sit propria qualitati, alijsque generibus accidentium non conueniat.

Suar. disput. 42. sect. 1. num. 5. explicat, qualitatem propriè esse, quæ per se primò instituta est ad intrinsecè ordinandam & perficiendam substantiam, tum in existendo, tum in agendo. Hæc etiam explicatio imperfecta est : quia, hoc munus ordinandi & perficiendi substantiam, pariter potest alijs accidentibus attribui : nec satis eo modo loquendi distinguitur qualitas ab alijs generibus accidentium. Et ex his aliæ similes explanationes qualitatis, quæ excogitatae sunt, refelli faciliè possunt ut insufficientes.

Itaque non alia via poterit commodius explicari propria ratio qualitatis, quam discurrendo per plures gradus essentiales, per quos ab alijs varijs entium generibus distinguatur. In primis qualitas est accidentis, est forma accidentalis in quo euidenter distinguitur a toto genere substantiæ.

Secundò deinde. Dicitur esse accidentis absolutum, ut distinguatur a genere relationis. Et aliqui per hoc etiam conantur illam distinguere a sex ultimis prædi-

camentis, quæ dicunt consistere in respectu, & Scor. vocabat relationes extrinsecus aduenientes. Verùm etiam in ipso genere qualitatis, plurimæ inueniuntur, quæ essentialiter dicuntur ad aliud, respiciendo suos terminos : habitus, potentia, actus vitales. Non ergo potest qualitas distingui ab omni relatione : sed in illa etiam inuenitur ratio respectus transcendentalis ad terminum, seu extrinsecus aduenientis. Solum ergo per hoc potest distingui à relatione prædicamentali, & ad differentiam illius dicitur accidens absolutum : sicut à prædicamento relationis distinguuntur cætera prædicamenta accidentium.

Tertiò præterea. Qualitas est accidentis intrinsecè inherens substantiæ, & non se habet velut extrinsecè denominans. Per hoc distinguitur ab omnibus ijs prædicamentis quæ per denominationes extrinsecas constituuntur, ut à prædicamento habere, & quando, de quibus postea agemus : à prædicamento etiam ipso relationis iuxta sententiam explicantem relationes per denominationes simplices ex combinatione rerum : & iuxta sententiam quorundam, etiam à prædicamento ubi & situs. Sed hoc non placet, ut in ijs prædicamentis tractabimus.

Quartò rursum. Qualitas est forma consistens in facto esse, siue tanquam terminus qui fit & in subiecto recipitur, & non se habet formaliter tanquam via faciendi et recipiendi. Sic planè ab actione & passione distinguitur : & absolute loquendo nomen formæ, non solum substantialis, sed etiam accidentalis, solet accipi ad distinctionem viæ : forma, enim dicitur effici & recipi, ad differentiam actionis & passionis. Itaque dicens qualiter esse formam, satis indicatur hæc essentialis ratio eius.

Quintò insuper. Qualitas debet habere certam quandam rationem determinatam, ut certo modo determinet subiectum, contingens illi superueniens. Per hoc potest distingui ab ubi, & pariter à Quando, si dicatur importare formam seu modum inherentem subiecto. nam ubi & quando ita se habent, ut generaliter & necessariò conueniant omni rei, ut ipso quod in rerum natura existit : ita ut omnino quamcumque rem existentem comiten-

*Intrinse-
cè inherens
substantiæ.*

*Se habens
tanquam
forma.*

*Determinans cer-
to modo
subiectum.*

*Qualitas
est acci-
dens abso-
lutum.*

mitentur, ex necessitate pari, & communi omnibus rebus. Omnis enim res, si est, alicubi est, & aliquando est. Et hoc rectè sumitur ex Diuo Thoma prima secunde quæstione 49. articulo secundo. Vbi idè inquit, forma substantialis dicitur qualitas materię, quia determinat potentiam materię. Ideo etiam differentia essentialis dicitur, qualitas, quia determinat genus. Sic itaque illa forma accidentalis quę certo modo determinat subiectum, & non ex illa generali necessitate competit omnibus rebus, est qualitas accidentalis. Hinc etiam a qualitate excluditur sensus: quia vel non differt ab vbi: vel ita coniunctim comitatur, vt non deberit in eo prædicamentum a quo vbi excluditur collocari.

Non satis rectè dicitur consequi formam.

Sextò. Solùm superest assignare vltimam rationem propriam qualitatis, quā distinguatur a quantitate. Aliqui distinguunt dicendo, qualitatem esse accidens quod sequitur formam ad differentiam quantitatē quę potius consequitur materiam. Sed hic dicendi modus non satisfacit. Tum quia non potest intelligi qualitatem consequi formam, sumendo formam pro forma substantiali quę est altera pars compositi: qualitates enim inveniuntur etiam in substantiis spiritualibus. Nisi autem hoc modo sumatur forma; non benè sumitur distinctio horum accidentium ex distinctione materię & formę. Tum etiam in ipsis rebus spiritualibus inuenitur aliqua species quantitatis, videlicet successiua, vt suo loco diximus; vnde de quantitate successiua non potest dici, sequi materiam. Tum demum si consideremus quantitatem & qualitatem in substantiis corporeis, materia & forma constantibus: non satis apparet, quoniammodo, vel in quo genere causę efficientis non oportet dicere quantitatem provenire a materia: in genere causę subiectiue certè non plus forma quàm materia recipit qualitates. Imo quędam qualitates dicuntur specialiter consequi materiam ratione quantitatis, videlicet figura, raritas & densitas, vt docuit apertè Sanctus Thomas tertia parte quæstione 77. articulo secundo ad tertium. Itaque potius secundum accommodatio-

nem quandam attribui solet quantitas materię, qualitas formę, ob quandam similitudinem & proportionē, per quam non satis adhuc explicatur propria ratio qualitatis, & distinctio a quantitate.

Ex dictis ergo antea circa rationem propriam quantitatis, manifestè colligitur propria ratio qualitatis, & distinctio a quantitate. Quantitas enim erat accidens diuisibile. Contra qualitas dici debet accidens indiuisibile, id est non habens reddere suum subiectum diuisibile. Itaque non est indiuisibilis, quasi ipsa quoque non fiat diuisibilis per quantitatem, neque quasi in suam intentionem non sit diuisibilis: sed solum quia non habet reddere subiectum diuisibile. In quo maximè differt intensio qualitatis ab extensione quę est propria quantitatis. Neque ob stare debet, quòd qualitas hoc modo videtur potius explicari per negationem. Nam per negationes sæpè explicantur essentie rerum. Et sic nominatur substantia incorporea immaterialis, animal irrationale, & alia huiusmodi. Et præsertim in hac re tolerandū id est: quòd nullo ferè modo videbatur posse qualitatis essentia in communi explicari.

Postremò ex his omnibus confici poterit communis definitio qualitatis: est forma accidentalis conueniens subiecto secundum certam aliquam denominationem & indiuisibilitatem. Quę definitio per se quidem non satis clara est: sed iuxta ea quę dicta sunt facillè declaratur.

Ex se conueniens subiecto indiuisibilitatem.

Qualitas definitur.

SECTIO SECVNDA.

De Diuisione Qualitatis in suas Species.

ARISToteles in hoc capite Qualitatem diuidit in quatuor species. Non propterea est purandum, non posse alio modo diuidi: quinimo pluribus alijs modis diuidi & ordinari posset. Pòt diuidi qualitas in communi, in spiritualem & corpoream, sicut diuidebatur substantia. Et rursus hæc genera possent diuidi in alias species, vt facillè est cogitare. Imò Albertus Mag. & Caiet. notant: idè

Qualitas diuidi potest in spirituales et corporeas.

446 Quæst. XX. De Prædicamento Qualitatis.

ideò Aristot. dixisse, qualitatem esse secundum quam quales dicimur, vt denotaret, tam qualitates spirituales, quam corporeas, in hoc genere comprehendi. quoniam nos homines fumus vtriusque generis qualitatum capaces: secundum animam quidè qualitatum spiritualium; secundum corpus materialium. Aliæ verò substantiæ, vel tantum spirituales, vel tantum corporeas qualitates admittunt. Sed nescio, an Aristot. hæc mysteria in illo simplici verbo cogitauerit.

*In super-
naturali
& natu-
ralem.*

Item potest adequatè diuidi qualitas, in qualitatem naturalem & supernaturalem. Hæc tamen diuisio non fuit notata Aristot. nec solo naturali lumine poterat agnosci: qualitates enim supernaturales, vt gratia habitualis, virtutes infusæ, & aliæ huius generis, non nisi fidei lumine manifestatæ sunt. Sed etiam inter Theologos agnoscetes has qualitates, Ricard. in 4. d. 5. art. 2. quæst. 1. & quidam alij dubitarunt, an qualitates supernaturales essent in hoc prædicamento includendæ. Quoniam si Arist. 10. Metaph. text. vlt. dixit, corruptibile & incorruptibile differunt genere, quoniam magis naturale & supernaturale.

Omnino tamen, supposita notitia harum qualitatum, debent in hoc prædicamento includi. Ita rectè notauit Scot. in 4. d. 6. quæst. 10. §. ad quæstionem, & alij communiter supponunt. Nam illis verè & essentialiter conuenit communis ratio qualitatis: & qualitas in communi est prædicatum vniuocum, & verum genus respectu naturalium & supernaturalium qualitatum. Debetque qualitates supernaturales, supposita earum notitia, suum habere locum in hac prædicamentali omnium entium distributione. Accedit, quòd de facto optimè enumerari possunt inter illas species qualitatis quas Aristot. ipse distinxit, præsertim multæ sub specie habitus: & ita ab omnibus Theologis appellatur habitus infusi. Qualitas ergo prædicamentalis has omnes species sub se continet.

*Præcipuè
diuitur
qualitas
in qua-
tuor spe-
cies.*

Sed præcipuè examinanda hic est & explicanda diuisio Arist. in quatuor species: quoniam valde accommodata est ad omnes qualitatum Species dispiciendas & ordinandas, & est ab omnibus recepta, & in scientijs vsitata. Species quas Aristot. assi-

gnat sunt hæc quatuor, quarum singulæ duas partes vel duo nomina habent: Habitus & Dispositio: Potentia & Impotentia: Passio & Passibilis qualitas: Forma & Figura. Circa quam assignationem nõ leues difficultates emergunt, per quas discurrendo tota hæc diuisio innotescet.

Et primò. Scot. in hoc prædicamento quæst. 1. & in 4. d. 6. q. 10. §. Ad quæst. docet, hanc diuisionem non esse verè generis in species, sed esse tantum secundum modos quosdam diuersos: quasi diceret esse diuisionem subiecti in accidentia, seu rei in varios modos quibus afficitur. Suaderique potest ex Aristot. qui post explicata singula membra suæ diuisionis, ait illos esse modos qualitatis. Et ratione: quia videtur vna & eadem qualitas in pluribus ex illis membris contineri: at non potest vna res esse sub diuersis speciebus essentialibus: bene potest participare plures modos accidentales. Supponendum tamen est, hanc esse veram diuisionem generis in species, & vt talem esse recipiendam. Nam omnes ita loquuntur, appellantes quatuor species qualitatis. Aristot. appellat species, & distinguit tanquam species sub genere. Prædicamentum debet ordinari per diuisionem generis in species. Poterit commodè hac diuisio ita explicari, vt sit generis in species. Ergo vt talis suscipienda est & explicanda. Nec obstat, quòd Aristot. illos appellauit modos qualitatis: quia modus in diuisionibus passim sumitur pro specie: vt dicimus, quot modis dicitur substantia, quantitas, animal, & alia, quando illa diuidimus. Nec etiam obstat illa ratio. Tum quia potest vna & eadem res in diuersis speciebus, quando hæc non sunt oppositæ & impermixtæ contineri. Tum quia ita explicari potest diuisio, vt non contineatur sub diuersis speciebus eadem qualitas: vt ex dicendis constabit.

Secundò. Has species qualitatis ita explicat & distinguit Simplic. & cū illo plures alij. Qualitas aut est aduertiencia ab extrinseco proueniens. Et hæc est prima species, habitus & dispositio. Aut est innata, seu ab intrinseco indita à natura. Et hæc rursus: vel se habet per modum potentie; & hæc est secunda species, potentia & impotentia: vel per modum actus.

*Primus
modus ex-
plicandi
diuisionem.*

Reijciuntur.

*Secundus
modus.*

Sec. II. De Diuisione Qualit. in suas species. 447

actus. Et hæc rursus: vel est in profundo substantiæ; & hæc est tertia species, passio & passibilis qualitas: vel est tantum in superficie; & hæc est quarta species, figura & forma. Similis modus explicandi est, quem magis probat Fonseca 5. Metaph. cap. 14. q. 1. sect. 4. Qualitas: si sit in sola superficie; est quarta species: si etiam interiori, sitque subiecta sensibus; est tertia species: si non sit sensibilis, siquæ innata; est secunda species: si sit aduentitia; est prima species.

Rejicitur. Modum dicendi Simplicij impugnatur S. Thom. 1. 2. quest. 49. art. 2. Tum quia multæ qualitates passibiles & figuræ, quæ sub tertia & quarta specie recenseri debent, non sunt innatæ, sed aduentitiæ; Tum quia quædam qualitates primæ speciei, vt sanitas & pulchritudo, non sunt aduentitiæ, sed innatæ. Tum etiam quia hoc modo habitus & dispositio, non prima, sed potius vltima species constitui debuisset. Tum etiam, tam contra illum, quam cõtra modum dicendi Fonseca, opponi potest, quòd non benè assignetur quarta species, quæ in sola superficie sistat: nam non solum ipsa figura videtur esse per totam profunditatem corporis, sed in eadem specie videntur debere reponi raritas & densitas, quæ vtrique in tota profunditate sunt: & aliæ etiam qualitates sub nomine formæ in eadem specie reponendæ erunt, quæ non possunt illo modo assignari. Plura etiam possunt contra talem explicationem opponi: quæ facile erit colligere ex dicendis.

Tertius modus. Tertiò. Ipse S. Thom. ibi sic aliter distinguit eas species. Qualitas vel accipitur in ordine ad naturam ipsam subiecti quod benè vel malè afficit: & hæc est prima species. vel in ordine ad actionem & passionem: & hæc distinguitur in secundam & tertiam speciem. vel in ordine ad quantitatem: & hæc est quarta species. Secundam autem & tertiam speciem Caiet. hoc loco sic explicat et distinguit: qualitas quæ est principium actionis est secunda species; quæ est terminus, quia scilicet fit per motum, est tertia species. Et sic etiam apparet recta ordinis ratio in enumerandis illis speciebus. Et hæc explicationem defendunt Thomistæ hoc loco.

Rejicitur. Hic etiam dicendi modus non satisfacit.

Nam dum dicitur prima species quæ accipitur in ordine ad subiectum. Vel hoc intelligitur exclusiue, ita vt nullum aliud munus conueniat tali qualitari. Et hoc dici non potest: quia habitus & dispositiones maximè ordinantur ad operationes. Vel intelligitur adæquatè. Et ita illa prima species exhaurit totum prædicamentum, & omnes aliæ species in illa includuntur. Admittit hoc S. Th. ibi ad primum, dicens, alias qualitates quæ secundum alias rationes constituunt alias species, poni etiam in prima specie secundum illam rationem ordinis ad subiectum. Vnde fit pariter, habitus & dispositiones, quatenus dicunt ordinem ad operandum, includi in alia specie: & sic alias quoque species inter se permisceri. Et præsertim sub tertia specie, si adæquatè explicetur, omnes etiam qualitates includuntur. At hoc esset recidere in primum illum dicendi modum, distingui qualitates non per species, sed per modos seu rationes conuenientes ipsæ qualitatibus. Et sine dubio valde imperfectam efficit diuisionem.

Quartò. Aliter Suar. d. 24. sect. 5. nu. 7. explicat & distinguit has species: ita vt sint inter se oppositæ & impermixtæ. Aliæ qualitates spectant per se primò ad operandum: aliæ verò potius ad perficiendam & complendam substantiam in se ipsa. Illæ vel sunt principia conaturalia & intrinseca, ac primò constitutiva rem potentem operari: & constituunt secundam speciem: vel sunt principia superaddita ad iuuandam potentiam; & constituunt primam speciem. Imo si quæ operationes sint de prædicamento qualitatibus, ad eandem speciem pertinebunt. Aliæ autem qualitates vel per se & immediate ordinantur ad ornatum substantiæ: & constituunt tertiam speciem. Vel solum ad modificandam & terminandam quantitatem; & hæc est quarta species.

Hic etiam dicendi modus difficilis est. Tum quia multæ sunt qualitates, de quibus satis discerni non potest, an magis & principalius ordinentur ad perficiendam substantiam in se, vel ad operandum: cum ad vtrunque valde deferuant. Tum quia præter communem loquendi modum est, in prima specie quæ dicitur habitus & dispositio, collocare etiam actua-

Quartus modus.

Rejicitur.

448 Quæst. XX. De Prædicamento Qualitatis.

actualem operationem: nec assignatur genus commune & adæquatum, quæ has omnes qualitates, & non alias, pro prima specie comprehendat. Tum etiam ille modus assignandi tertiam speciem, est prorsus alienus ab Aristot. qui longè aliter qualitates tertiæ speciei distinguit: & nomen ipsum longè aliud demonstrat. Et præterea Suar. sect. 4. num. 23. iuxta suam explicationem, gratiam sanctificantem ponit in eadem tertia specie: cum tamen valde diuersus conceptus cõiter habeatur de passione & passibili qualitate, quam vt sub illa possit gratia cõprehendi.

*Quintus
modus
dicitur.*

Quintò ergo alio modo magis conuenienti possunt hæ species distingui & explicari. In primis quædam qualitates sunt, quæ ita afficiunt subiectum, vt ordinentur ad aliquam operationem exercendam, vel efficiendam, vel recipiendam.

*Designan-
tur prima
duæ spe-
cies.*

Et hæ rursus sunt duplicis ordinis. Aut sunt virtutes primariæ & congenitæ à natura ad operandum, vt intellectus ad intelligendum, voluntas ad appetendum, visus ad videndum: & hæ constituunt secundam speciem, quæ dicitur potentia & impotentia. Aut sunt virtutes secundariæ & superadditæ potentij, vt habitus scientiarum, habitus virtutum moralium & vitiolorum: Et hæ constituunt primam speciem, quæ dicitur habitus & dispositio. Hoc totum est planè conforme communi modo loquendi. Nam habitus & dispositiones vocantur illæ qualitates, quæ hoc modo adiuuant ad efficiendum vel recipiendum: potentia vocantur, quæ sunt virtutes primariæ agendi aut patiendi. Videretur etiam de mente Aristot. in explicatione harum specierum. Nisi quòd in prima specie numerat ægritudinem & sanitatem, quæ tamen non videntur qualitates operatiuæ: & pariter in eadem specie solet reponi pulchritudo, quæ etiam non est per se operatiua. Sed dici potest, vel Arist. considerasse sanitatem quatenus disponit hominem ad validè exercenda opera vitæ, ægritudinem verò quatenus disponit ad debilitèr exercenda eadem opera. Vel attulisse hæc exempla, non vt doceret has esse qualitates primæ speciei, quam vt indicaret quomodo quædam qualitates sint faciliè mobiles de subiecto: per quam rationem distinguere volebat

dispositionem ab habitu, vt patet in textu. imò vulgata res est, non oportere in exemplis requirere veritatem. Et reuera sanitas & ægritudo, sicut & pulchritudo & deformitas, non sunt determinatæ quædam qualitates distinctæ ab alijs: sed potius sunt temperamenta quædam qualitatum, iuxta debitam proportionem, aut cum excessu vel defectu opposito. Et etiam Metaph. text. 25. definitur habitum, quo subiectum benè aut malè disponitur vel secundum se vel ad aliud: & nominat sanitatem qua quis benè disponitur. Sed ibi nõ agebat de habitu pro hac determinata specie qualitatis de qua nunc agimus: sed asserere quasdam acceptiones quibus sumi potest habitus. neque intellexit secundum se & ad aliud, pro ordine ad naturam subiecti præcisè & ad operationem, sed potius pro ordine ad subiectum ipsum & ad aliud extrinsecum.

Deinde quædam aliæ qualitates sunt, quæ etsi non sint per se ordinatæ ad agendum aut patiendum, saltem sunt aptæ terminare operationes sensuum circa ipsas, & sunt sensibiles seu afficiunt sensus: vt sunt colores, odores, sapores, & aliæ plures. hæ constituunt tertiam speciem quæ dicitur passio & passibilis qualitas. Quæ explicatio est apertè de mète Arist. qui planè per ordinem ad sensus hanc tertiam speciem designauit. Neque verò debebat certa aliqua species qualitatis constitui per officium terminandi actionem productiuam ipsius qualitatis, vel terminandi cognitionem intellectualem. Hoc enim totum erat commune omnibus speciebus qualitatum. Neque refert, quod qualitates sensibiles eo ipso sunt effectiuæ specierum intentionum quibus sentiuntur, atque adeo saltem mediatè concurrunt ad ipsarum sensationes. Nam non erat hæ efficientia per quam primæ species constituebantur: sed hæc efficientia dicitur intentionalis, illa verò erat efficientia realis: non scilicet in ordine ad sensationem per modum obiecti, sed in ordine ad alios effectus per modum causæ.

*Tertia spe-
cies.*

Aliæ demum qualitates sunt, quæ per negationem remanent distinguendæ, quæ scilicet non exercent munus agendi aut patiendi, nec per se terminandi sensationem aut afficiendi sensus: & hæ constituunt

*Quarta
species.*

SECTIO TERTIA.

De prima & secunda specie Qualitatis: Habitu & dispositione, Potentia & impotentia.

tuunt quartam speciem, quæ dicitur figura & forma. Quod etiam videtur planè de mente Aristot. Et hic modus assignandi quartam speciem reddidit manifestè diuisionem ita adæquatam, vt nulla qualitas extra has species relinquatur. Nam si quæ appareat, quæ ad alias tres priores non possit trahi, hanc quartam non effugiet. Nec obstat, quòd Aristot. post enumeratas omnes species, videtur dubitare, an aliqua alia supersit. Nam Expositores notare solent, id esse dictum modestæ causæ, aut vt motuum remaneret diligentius inquirendi. Vel Aristot. indicare voluit, posse quidem alijs modis qualitates diuidi, & species assignari: sed illas esse maximè nominatas & conuentas.

Earum di-
stinctio &
ordo.

Cæterum adhuc superest explicare, an hæ species sint penitus distinctæ & impermixtæ, vel possint eadem qualitates ad plures species pertinere. Sed hoc constabit differendo de singulis speciebus. quod iam præstandum erit. Solum nunc circa ordinem quo ab Aristot. numeratæ sunt, dubium est: quia potius videbatur priori loco numeranda potentia quam habitus. Sed hoc non est magni momenti: quia non multum referebat hic ordo. Maius hic quest. 2. defendit, ordine naturæ priorem esse habitum potetie: quoniam habitus est dispositio subiecti in ordine ad naturam, potentia in ordine ad operationem. Sed iam ex dictis patet, habitum quoque tendere ad operationem: & apud omnes satis compertum est, habitus esse perfectiones & dispositiones potentialium. Aliter potest aliqua reddi ratio, cur prius collocata sit species habitus. Tum quia habitus est quid magis actuale. Tum fortasse magis ad mentem Aristotelis, quia in superiori cap. de Ad aliquid mentionem fecerat habitus & dispositionis: Vnde & hoc capite dubitat, quomodo illa in utroque prædicamento posuerit.

Quæ etiam ratio assignari solet, cur hic priorem locum relationi ante qualitatem.

dederit.

IN primis genus commune huic utrique speciei, subalternum tamen generalissimo qualitatis, est qualitas operatiua seu causatiua, sumendo operationem & causalitatem, vt commune quid ad agendum & patiendum. Nam non solum qualitas quæ ordinatur ad agendum, sed etiam quæ ad patiendum, in hoc genere includitur, & potest reperiri tam in specie habitus & dispositionis, quam potentie: vt sumitur ex Arist. hoc loco, & 5. Met. tex. 17. Requiritur autem ad id quod hoc genus, vt tale principium operatum, sit distinctum à substantia & natura rei, quæ per ipsam potentiam aut habitum est operatiua. Alioquin enim non est illi accidens, non est qualitas de hoc prædicamento: sed essentialiter includetur in prædicamento & specie ipsius naturæ. Vnde illi qui non distinguunt potentias vel actiua vel passiua ab essentia rei, aut qui vocant habitus quosdam indistinctos à natura: non debent hæc in hoc qualitatis genere collocare.

Cum dicimus hoc genus esse qualitatis operatiuæ, debet intelligi operatiua realiter, & non tantum intentionaliter per modum obiecti, vt sectione superiori notauimus: alioquin includeret tertiam quoque speciem qualitatis. Dico verò per modum obiecti: quia certè potentia ipsa quæ elicit actus intentionales, & habitus qui illam adiuuant, utique in hoc genere includuntur; quia agunt realiter eliciendo, & non per modum obiecti mouendo. Et rursus dupliciter potest intelligi qualitas sic realiter operatiua: vel ita ample vt complectatur etiam quosdā passibiles seu sensibiles qualitates, quæ simul possunt esse realiter operatiuæ suorum effectuum: vel ita determinate, vt illas oēs excludat. Quod explicabimus sc&t. seq.

Secundo. Sub hoc genere distinguuntur duæ illæ species, prima & secunda. Et quidem satis conueniens modus distinctionis.

F f guendi

Assignatur genus quoddam commune utrique speciei.

Examina-
tur distinctio
distinguitur
quoque speciei.

450 Quæst. XX. De Prædicamento Qualitatis.

guendi est, potentiam esse illam quæ est indi- & conuenientia à natura: habitum, verò & dispositionem, quæ ab extrinseco aduenit: sicut sunt habitus qui nostris actibus acquiruntur: & in hoc etiam ordine à Theologis computantur habitus qui infunduntur à Deo. Verùm fieri potest, ut aliqua qualitas quæ sub specie potentie computatur, interdum proveniat ab extrinseco: ut calor est potentia calefactiva, & in aqua non est à natura, estquæ eiusdem speciei ac in alijs rebus: licet quantum est de se calor in igne insit à natura. E converso, si intelligatur aliqua qualitas insita à natura, tamen distincta à potentia operativa, ut illam ad uet; debet potius in specie habitus computari. Et ita aliqui constituunt habitus quosdam congenitos à natura. Et, si species intelligibiles rerum dicantur congenitæ Angelis à natura: adhuc inter habitus, non inter potentias, computantur. Et saltem aliquæ dispositiones innatæ iuvantes ad patiendum inveniuntur, quæ tamen adhuc in prima specie collocantur.

Alio modo possent hæc qualitates distinguui: dicendo, primam speciem esse, quando qualitas datur tantum ad commodius & facilius operandum, cum non sit necessaria ad simpliciter operandum: secundam speciem esse, quando qualitas requiritur ad simpliciter operandum. Hic tamen dicendi modus solum respicit ad distinguendos à potentijs habitus acquisitos. Vnde hæc modo habitus infusi & species intelligibiles, non in prima, sed in secunda specie, deberent computari. Quod est præter communem loquendi modum.

Alius modus distinguendi est, quem tradit Socrates hic quæstione vnica ad tertium, & sequitur Sancti. quæstione 59. primam speciem esse, quæ subiectum bene vel male afficit: secundam, quæ abstrahit à bene vel male. Sed non satisfaciens: quia potentia ipsa utique bene & conuenienter afficit subiectum; & multi habitus sunt, qui dantur ad simpliciter operandum, & non tantum ad bene operandum: & tamen ponuntur in prima, non in secunda specie. Hoc quidem peculiare est in habitibus, quod inveniuntur aliqui male afficientes subiectum:

ut vitia & errores. & hoc sumitur ex Aristotele quinto Metaphysic. text. 25. tamen hæc non est adæquata & sufficiens ratio distinguendi habitus à potentijs, siue primam à secunda specie qualitatibus.

Aprior ergo modus distinguendi illas duas species est: primam speciem esse illarum qualitarum, quæ supponentes potentiam, illi superadduntur ad operandum: secundam speciem esse illarum qualitarum, quæ per se & primario datæ sunt ad operandum. Hoc est magis consonum communi modo loquendi de potentijs & habitibus. Nam sic etiam virtutes infusæ, & species intelligibiles, & si quæ alia sunt qualitates congenitæ potentijs à natura, in specie habitus collocantur. Arque etiam Gratiæ sanctificans vocatur habitus, quia vel est idem cum charitate iuxta sententiam Scoti: vel, si distinguitur, & est immediate in essentia animæ, iuxta sententiam Sancti Thomæ; fert secum virtutes infusæ, & realiter præsupponit potentias naturales, & ita confert ad operandum.

Tertiò. In prima specie distincte nominantur habitus & dispositio. Itaque, hæc species diuiditur in duas partes. Affert verò Suarez disputatione 42. sectione tertia varias significationes harum vocum apud Aristotelem inuentas. Sed ex dictis comperta est significatio, in qua hic sumuntur pro qualitatibus. Habitus autem dicitur qualitas, quæ est difficile mobilis à subiecto. Dispositio vno modo dicitur amplè pro tota hac specie qualitatibus, siue facile siue difficile mobilis: alio modo dicitur propriè, quæ est facile mobilis à subiecto, ad differentiam habitus. Ita explicat Aristoteles ipse: qui etiam quinto Metaphysic. textu 25. amplè sumens dispositionem, definit habitum: *Est dispositio secundum quam bene vel male disponitur dispositum.*

Hinc ortum est dubium, num habitus & dispositio propriè sumpta, differant inter se specificè & essentialiter, vel tantum accidentaliter. Et ratio dubitandi est: quia ipse Aristoteles prius videtur habitum & dispositionem ita distinguere, ut differant essentialiter: quod habitus de natura sua fit difficile mobilis, dispositio ex natura sua facile mobilis.

Assignatur vera distinctio.

Prima species duas habet partes, habitum & dispositionem.

bilis. Deinde addit illam qualitatem, quæ erat dispositio; si in subiecto valde inualefcat, dici habitum: è contra illam qualitatem quæ esse deberet habitus, si se in subiecto non multum illam retinente, dici dispositionem. Ex quo sequitur, differre tantum accidentaliter. Hinc diuisi sunt Auctores. Alij volunt differre essentialiter. Ita defendunt Caietanus, Sotus, Tolerus, Hieron. Placitius, Masius, & alij hic, Fonseca 5. Metaph. cap. 14. quæstione secunda. & ex parte Suar. disputatione 42. sectione sexta. Et præcipue hoc docuit Sanctus Thomas prima, secunda quæstione 49. articulo secundo ad tertium. Alij volunt differre solum accidentaliter. Ita Boet. Ammon. Albertus, Scot. Louanienfes, & alij tum veteres tum recentiores hoc loco. Et expressè ipse Sanctus Thomas quæstione 7. de Malo art. 2. ad 4.

lè è subiecto diuelli, magnam latitudinem habet, & varijs modis designari potest: hinc etiam varij gradus distinctioni possunt. Et quibusdam placebit, qualitates in certo gradu facilitatis aut difficultatis consideratas, appellare dispositiones; quibusdam, habitus. Hinc Fonseca sectione secunda ad secundum & 3. errores in intellectu, & vitia in appetitu, Sotus hic quæstione vnica ad secundum, opiniones, malunt appellare dispositiones, ad differentiam scientiarum & virtutum. Quoniam opiniones cum non habeant firmam causam, & errores & vitia cum sint contra inclinationem rationalis naturæ, possunt ex natura sua, faciliè abijci. At ex alia parte ita appellari & assignari communiter solent habitus, errorum, opinionum, & vitiorum sicut scientiarum, & virtutum. Et ita constat Tum ex ipso Aristotele qui inter habitus numerat etiam illos, qui male afficiunt subiectum. Tum ex Diuo Thoma & alijs omnibus, tam Theologis, quam Philosophis, quando tractant de habitibus intellectus & voluntatis.

Suar. aut non aliter agnoscit distinctionem essentialem inter habitum & dispositionem: nisi inter qualitates quæ insunt per modum actus primi in potentijs animæ, quas ait esse essentialiter habitus, quia de se habent esse fixum & permanentes; & actuales operationes earundem potentiarum, quas ait esse essentialiter dispositiones, quia cum hæ operationes dependant in conseruari ab actuali influxu, possunt facillimè definere, sicut solent, per suspensionem influxus. Verum inter dispositiones quæ tam faciliè perperunt, videbantur numerandæ etiam species sensibiles sensuum exteriorum, quæ tamen habent rationem actus primi. Et ex opposito inter habitus firmiter insidentes subiecto, debuissent numerari visio beatifica, amor & fructus beatorum, & si qui etiam actus sunt perpetuò permanentes in Angelis, vt aliqui volunt: quæ tamen sunt actuales operationes ad differendum iam actus primi. Et hoc esset etiam præter communem loquendi modum. Præterea Aristoteles inter qualitates ex natura sua faciliè mobiles, recenset caliditatem & frigiditatem, quæ vtique non dependent in conseruari a suis causis ef-

*litas fir
habetur
que dispo
sitionis*

*Possunt hæ
duæ par-
tes distin-
gui, vel es-
sentialiter,
vel acci-
dentaliter.*

Sed ex hac ipsa diuersitate breuiter dici potest, posse vtroque modo diuisionem hanc in habitum & dispositionem, siue hæc duo nomina explicari. Vno modo, sumendo habitum pro qualitate ex natura sua apta firmiter permanere in subiecto: ita vt si quando ex accidenti mobiliter hæreat, vt quando incipit acquiri aliquis habitus; vel ex conditione aliqua subiecti; adhuc sit & dicatur essentialiter habitus. Et dispositionem pro qualitate ex natura sua leuiter affixa subiecto: ita vt si quando ratione aliqua, firmiter imprimatur alicui subiecto; adhuc sit & dicatur essentialiter dispositio. Alio modo, sumendo habitum & dispositionem pro qualitate quacunque ratione immobiliter vel mobiliter inherente subiecto: ita vt eadem specie qualitas, in vno subiecto dicatur habitus, in alio dispositio: vel etiam in eodem subiecto, modo dicatur dispositio, modo habitus. Vnde ipsi Auctores primæ sententiæ fauerent, posse & solere vnam & eandem qualitatem habere essentialiter habitus & statum accidentalem dispositionis, & è conuerso essentialiter dispositionis, & statum accidentalem habitus. Et vtique modus explicandi, siue vtroque horum nominum acceptio, est de mente Aristotelis, quia ex eius doctrina desumitur.

Quæ quæ Sed tamen quia posse faciliè aut diffici-

fectius. Illa ergo regula nõ est satis apta.

Itaque non apparet aptus aliquis & inoffensus modus, quo habitus & dispositio absolute & adequatè essentialiter distinguantur penes difficultè & facilitè mobile de subiecto. Sed in specie quidem siue in certis quibusdam qualitarum speciebus, potest commodè hic modus distinguendi inueniri. Semper tamen in ijs qualitatibus apparebit alia distinctionis ratio, quæ manifestior & securior erit: ut patet in exemplo Suarij. Melius enim distinguuntur qualitates quæ insunt potentis animæ, dicendo, alias effectus operationes, alias principia operationis, quæ sub nominibus habitus & dispositionis, & sub ratione difficultè & facilitè mobilis.

Si denum hoc discrimen accidentaliter accipiat, ferè arbitrarium remanebit de quibusdam qualitatibus, veluti in statu quodam medio inter valde difficultè & valde facilitè mobiles consideratis, ut vel dispositiones vel habitus nuncupentur. Et per comparationem ad opposita extrema poterunt utraque appellationem admittre.

Secunda species distinguitur in potentiam & impotentiam,

Quartò pariter in secunda specie distinctè nominantur potentia & impotentia. Itaque & hæc species habet duas partes. Horum etiam nominum plures significationes fecerit Suar. sectione 1. numero 9. & sequentibus. Sed quomodo hic sumatur potentia, satis patet ex antea dictis. Impotentia autem non sumitur pro defectu & priuatione potentis; sic enim non est qualitas, sed defectus & priuatio qualitatis. Pro defectu autem & priuatione impotentiam sumpsit alibi Aristot. 5. Metaph. cap. 12. Potest autem duobus præcipue modis impotentia explicari potius, & distingui a potentia. Vno modo potest sumi impotentia pro facultate qua subiectum aptum est resistere agenti, & ita dicitur impotentia ad pariendum: quæ facultas resistit potest esse forma positiua, ut patet: & distinguitur a potentia qua subiectum aptum est pati. Alio modo sumitur impotentia pro facultate debili & imbecilla; potentia verò pro facultate forti & valida: siue facultas referatur ad agendum, siue ad pariendum, siue ad resistendum. Et hoc est magis de mente Aristotelis.

Hinc Fonseca questione citata sectione tertia contendit, potentiam & impotentiam non distingui essentialiter, sed tantum accidentaliter. Potentia enim visiva debilis in senex, valida in iuvene, solum accidentaliter distinguuntur. Sequitur Ruuius hic questione 3. Sed certè, sicut dicebamus de habitu & dispositione, potest quidem vno modo hæc distinctio solum accidentaliter explicari: tamen alio modo poterit designari aliqua impotentia essentialiter differens a potentia. Si videlicet illa sit ex natura & vi sua debilis & infirma, ad differentiam potentis validæ. Sic Aristot. pro exemplo potentis adduxit duritiem, quæ validè resistit diuisioni: pro exemplo impotentis molitiem, quæ debiliter resistit.

Quintò tandem utraque hæc species qualitatis, tam prima, quam secunda, potest varijs modis diuidi in plures & plures species: ut consideranti facilitè patebit, & in proprijs materijs philosophicis est latè tractandum. Maioris autem commoditatis gratia singulæ hæc species solent vno nomine appellari. Prima species absolute appellatur habitus. Secunda potentia. Et ita in Philosophia agitur de habitibus & de potentijs, comprehendendo oēs harum specierum qualitates.

Vtraque species in alijs pluribus diuidenda est.

SECTIO QUARTA.

De tertia & quarta specie Qualitatis:

Passibili qualitate & passione, Figura & forma.

IN primis ex Arist. & cõmuni sententia certum esse debet, tertiam qualitatis speciem dici & constitui per ordinem ad sensum. Nec audiendus est Suar. dum alio modo illam assignauit, ut diximus sect. 2. Sed non facile est explicare, per quod ordinem ad sensum dicatur hæc species qualitatis, & quomodo debeat explicari. Aristoteles significat, dici passibilem qualitatem, vel quia efficit passionem in sensu, vel quia efficitur ex aliqua passione, vel quia per se est passio afficiens animam. Hinc aliqui volunt, & ita sentit Tolet. in explicatione huius speciei, & defendit Ruuius hic quæst. 4. hanc speciem qualitatis non dici adequatè, eo quod sit

Tertia species designatur per ordinem ad sensum.

Seet. IV. De tertia & quarta Specie qualitat. 453

fit qualitas sensibilis tanquam obiectum sensuum. Quinimò non omnes qualitates sensibiles poni sub hac ratione in hac specie: sed tantum qualitates sensibiles per tactum, gustum, & odoratum: quoniam hæ solæ efficiunt passionem, idest alterationem aliquam in sensu. Et contra non solum quatenus sensibiles poni qualitates in hac specie, sed quatenus venientes ex aliqua passione: ut sunt rubor oriens ex verecundia, pallor ex timore, aut si ex naturali temperamento oriuntur, & ita poni colores in hac specie, non quatenus sensibiles, sed quatenus orientes ex passione. Insuper poni in hac specie affectus illos, qui à Philosophis appellantur passionibus appetitus sensitui; ut ira, amor, odium, &c. Et hoc totum videtur docere Arist. qui post assignatas qualitates quæ efficiunt passionem in sensu, subdit: *Albedo autem & nigredo & ceteri colores, non eodem modo ijs quæ dicta sunt passibiles qualitates dicuntur: sed eo quòd ipsa ab aliqua passione innascuntur.* Et infra: *Similiter autem his, & secundum animam passibiles qualitates & passionis dicuntur, &c.*

Hic tamen dicendi modus difficilis est ad certam & essentialem qualitat. speciem designandam. Tum quia non apparet, quomodo assignetur vnum commune genus omnibus ijs qualitatibus, ijsquæ proprium & adequatum; sed potius assignatur convenientia quædam analogica in nomine passionis. Tum quia si primo loco dicantur passibiles qualitates, eo quòd efficiant aliquam realem passionem & alterationem in sensu: sic non oportebat plus respectu sensuum, quam absolute respectu subiecti alterabilis, assignare tales qualitates: v. g. color & frigus alterant omnem subiectum. Nec etiam semper satis apparet, qualemnam alterationem realem ultra passionem intentionalem, efficiant omnes illæ qualitates in sensu. Tum quia si secundo loco dicantur passibiles qualitates illæ, quæ ex aliqua passione nascuntur. Vel intelligitur ex passione sensus: & sic solum illi colores, & tunc quando ex tali passione oriuntur, ad hæc speciem pertinebunt, non autem quando sunt in alijs subiectis extra animal. Vel intelligitur ex quacunque passione vniuersali quæ corporis;

& sic etiam saporibus aliisque qualitates proueniunt ex alteratione suorum subiectorum. At Aristot. expressè negat, hæc esse ex hac parte passibiles qualitates, quæ ut sic non dicerentur per ordinem ad sensum. Et præterea nullo ex his modis, soni qui pertinent ad auditum, & sunt ex percussione corporum, sub hac tertia qualitat. specie continerentur, qui tamen omnino in hac debent collocari, cum sint qualitates, & non in alia specie collocentur. Et præsertim nec lumen in hac specie poneretur, quod licet Tolet. admittat: tamen est falsum: quia in nulla alia specie potest commodius collocari, Tum insuper si testis loco in hac specie ponantur passionibus appetitus sensitui, deberent etiam pariter reponi actus sensuum. Par est enim, vtrorumque ratio, & maxima conuenientia: ita ut non possint commodè per diuersas ex quatuor speciebus huius prædicamenti distrahi. Sed in qua specie ponuntur actus sensuum, debent etiam reponi actus appetitus.

Dicendum ergo est, hæc speciem qualitat. verè & adequatè esse qualitat. sensibilem, & ideo dici qualitat. passibilem, quia causat passionem in sensu, passionem videlicet intentionalem. Suadet hoc. Tum ex Aristotele septimo Physic. textu 11. vbi adequatè assignat genus qualitat. sensibilis, & ferè appellat passibilem qualitat. Tum ex natura ipsa rei: quoniam hoc est verum, quoddam genus qualitat. in quo plures subiectæ species secundum vnam essentialem conueniunt rationem. Tum, quia sic redditur ap. distinctione quatuor specierum qualitat. ut patet ex dictis sectione tertia, & patebit magis ex dicendis.

Quod verò Aristot. aliter docere videbatur, sic exponendum est. Vel non voluisse negare, colores dici passibiles qualitates, eo quòd quatenus sensibiles immutant sensum: sed voluisse addere, non eo modo solis dici passibiles qualitates sed alio insuper, quia proueniunt ex alteratione sensus. Vel non tam voluisse ibi reddere rationem rei, cur scilicet in re colores spectarent ad illam speciem qualitat. quam potius nominis, vnde scilicet colores illam appellationem passi-

Quia scilicet sensibiles est.

454 Quæst. XX. De Prædicamento Qualitatis.

bilis qualitatibus sortiri essent, licet non ob illam deberent in illa specie reponi. Quando rursus loquutus est de animæ passionibus, tantum dixit illas similiter dici, seu appellari passibiles qualitates & passiones: non quod propterea voluerit, debere in eadem specie cum alijs qualitatibus quas dixerat, reponi. Alioquin cum dicitur, etiam affectiones permanentes, cum scilicet quis est propensus ad iram, & dicitur iracundus, item cum quis est amens: dici passibiles qualitates: potius habitus, & non solum actus, in hac tertia specie collocasset.

Potest ad huc varijs modis qualitas sensibilis designari.

Secundò deinde. Et iam supposito quòd qualitas tertiæ speciei sit qualitas sensibilis: potest id varijs modis intelligi. Vel enim sumi potest pro omni prorsus qualitate sensibili, etiam si sit sensibilis non ratione sui, sed ratione aliarum qualitatum: sic etiam figura inter sensibilia computatur. Vel pro qualitate sensibili per se & ratione sui. Et hoc potius modo debet accipi, ut excludatur figura. Item vel pro omni qualitate sensibili etiam per solos sensus internos. Vel pro qualitate sensibili per sensus externos simul & internos: quoniam omnis qualitas sensibilis exterius, sentitur etiam interius: sed non è contris. Et debet etiam potius hoc modo accipi: quia iuxta communem modum loquendi hæc species qualitatis refertur propriè ad sensus externos.

Rursus vel sumi potest pro omni qualitate sensibili, etiam si simul sit operativa realiter: ut sunt qualitates primæ, calor & frigus. Vel pro qualitate solum sensibili, quæ non sit realiter operativa. Hæc distinctio necessaria est ad declarandam habitudinem huius speciei cum primo isto genere qualitatis operativæ: quoniam hæc duæ rationes non sunt impossibiles & oppositæ. Si ergo dicatur ex vna parte qualitas sensibilis non operativa, ex altera qualitas operativa siue sensibilis siue insensibilis: hæc erunt species oppositæ & impermixtæ. Sic autem calor & frigus non erunt sub hac specie qualitatis sensibilis, sed sub specie qualitatis operativæ. Pariter, si dicatur ex vna parte qualitas operativa non sensibilis, ex altera qualitas sensibilis siue operativa siue non operativa: hæc erunt species oppositæ & impermixtæ. Calor

autem & frigus non erunt sub hac specie qualitatis operativæ, sed sub specie qualitatis sensibilis.

Quòd si ex vna parte dicatur qualitas operativa non sensibilis, ex altera sensibilis non operativa: hæc non erit diuisio adæquata: sed addenda esset tertia species media, operativa simul & sensibilis. Si demum ex vna parte dicatur adæquatè qualitas operativa, ex altera qualitas sensibilis: sic hæc species erunt in quibusdam qualitatibus permixtæ & communicantes. Eo modo prorsus quo in prædicamento substantiæ se habent genus viuæ & genus corporis, si adæquatè sumantur. Quomodo autem possint hæc variæ diuisiones rectè fieri, satis patet ex dictis de vniuersalibus & de prædicamentis in communi.

Quoniam verò potius modo debeat fieri diuisio harum specierum in hoc prædicamento, res est terè arbitraria. Et quia hæc diuisio est mentalis, consistens in cognitione distinctionis & conuenientiæ inter ipsas res: satius est prospicere & asserere, omnibus ijs modis tales res se habere & inter se comparari. Magis autem consonat textui Arist. vltimus modus diuidenti. Nam Aristoteles easdem qualitates calorem & frigus sub diuersis repetit speciebus.

Tertiò rursus. Quia in hac etiam specie assignantur duæ partes, passibilis qualitas & passio: ex eodem Aristotele est manifestum, quomodo distinguantur, & quæ sit vtriusque ratio. Passibilis qualitas est, quæ firmius & diutius inhaeret subiecto. Passio est, quæ de facili transiit. Quando quis ex naturali complexione, aut ex longa aegritudine, vel æstu, est pallidus, aut niger: hæc dicuntur passibiles qualitates. Sed quando quis ex verrecundia erubescit, aut ex timore fit pallidus: hæc dicuntur passionēs. Dum verò Aristor. ait, has non dici qualitates, nec secundum eas subiectum denominari quale: tantum voluit, non dici qualitates, nec denominare subiectum quale, permanentem, siue secundum consuetum loquendi morem, siue eo modo quo denominant quando permanent. Alioquin non voluit negare, eas esse essentialiter qualitates, dum sub hac qualitatibus specie reponit. Sic etiam D. August. lib. 6.

contra

Distinguitur hæc species per passibilem qualitatem & passionem.

contra Iul. cap. 7. *Quantum ad animam, aff. die est timore, affectionalis qualitas timidum esse: sic aliud est iratus, aliud iracundus, aliud ebrius, aliud ebrius. Quantum ad corpus, aliud est pallens, aliud palidus: aliud rubens, aliud rubicundus.*

Hinc Fons. 5. Metaphys. cap. 14. quest. 2. secl. 3. Ruuius hic quest. 4. dub. 2. Masius quest. 6. Sanc. quest. 60. & alij contendunt, passibilem qualitatem & passionem distingui tantum accidentaliter. Nam certe pallor, siue ortus ex timore, & cito transiens, siue ortus ex naturali complexione & diu permanens, est eiusdem speciei: Quamuis Sotus hic quest. vnica ad 4. de hoc dubitet. Verum sufficit quidem hæc distinctio accidentalis, etiam de mente Aristot. Sed negari non potest: sicut dictum est in alijs speciebus: ita in hac posse considerari qualitatem, aliquam ex natura sua de facili transeuntem, quæ vt sic differat essentialiter ab alijs firmiter ex natura sua permanentibus. Sic certe sonus & lumen ex natura sua de facili transeunt, vt patet: & in hoc essentialiter differunt ab alijs qualitibus ex natura sua permanentibus. Cæterum interdum hæc tota species vno nomine passibilis vel sensibilis qualitatis adequatè significatur.

Quarta species, quæ nec est operatiua, nec sensibilis.

Quartò demum. Quarta species qualitatis, vt manifestè appareat totius predicamenti diuisio adequata per quatuor illas species, assignanda est eo modo quo dicebamus, qualitas nec operatiua nec sensibilis. Hoc enim modo nulla qualitas poterit ex his speciebus subtrahi.

Hæc duas partes. Figura in tota magnitudine reperitur.

Habet & hæc species suas duas partes seu duo nomina: appellatur enim figura & forma. De figura omnes conveniunt, & ipse Arist. explicauit, esse quæ afficit quantitatem, quatenus certo modo terminatam: sic alia est figura circularis, alia angularis, &c. Addit Sanc. quest. 61. conclus. 4. figuram de hac specie qualitatis inueniri etiam in quantitate diicreta & numero. Sumitur ex Arist. 5. Metaphys. cap. 14. Nam numeri dicuntur etiam plani seu superficiales, aut solidi: item quadrati, aut veluti altera parte longiores: vt explicat ibi Fons. Verum licet hæc denominationes attribuantur numeris: Tamen non indicant figuram quæ sit propriè qualitas in hac quarta specie. Tum

quia in hoc prædicamento non collocantur, nisi qualitates quæ sint vera accidentia per se vna. Tum etiam illæ denominationes non sunt accidentales, sed sunt intrinsecæ suis numeris. Non enim potest numerus transire de vna in aliam figuram numeralem, nisi per additionem aut subtractionem alicuius partis, per quæ ipsa species numeri variatur. In magnitudine autem potest per se variari figura sine additione aut subtractione partium. Aristoteles verò ibi assignauit quidem, acceptionem quandam qualitatis pro illis denominationibus numerorum: non tamen vt esset species huius predicamenti: sicut ibidem primam acceptionem qualitatis posuit pro differentia substantiali, quæ vique non ponitur iniet species huius predicamenti.

Deinde propter formam, quam in hac quarta specie Aristot. non amplius explicauit, dubium est, an he sint due partes distinctæ, & quæ sit ipsius forme ratio. Fons. quest. 2. cit. in fine, Suarez. secl. 3. num. 25. & secl. 6. num. 5. & quidam alij dicant, hanc distinctionem consistere potius in nomine quàm in re: quia eadem qualitas mathematico more appellatur figura, physico more forma. Albert. hoc loco similiter ait, hanc esse eandem qualitatem, quæ respectu quantitatis dicitur figura, respectu substantiæ, præcipuè quatenus cõfert ad cognoscendam distinctionem inter varias substantias, dicitur forma. S. Thom. 7. Phys. secl. 5. ait, figuram dici quatenus est terminus quantitatis, formam quatenus constituit artificiatum: statua v. g. dicitur constitui ex materia & forma, materia est æs, forma est figura. Sot. hic quest. vnica ad 5. ait, figuram dici circa quantitatem vt abstrahentem ab hac & illa materia, formam verò dici circa res vt in materia concretas. D. Aug. in Categor. dicit, figuras tribui rebus inanimatis, formas animatis. Damasc. cap. 51. ait, figuram dici communiter tam de animatis quàm de inanimatis, formam dici specialiter de animatis. Boet. asserit, figuram dici quæ afficit quantitatem, formam dici pulchritudinem aut deformitatem. Hoc defendit etiam Suarez. secl. cit. explicans pulchritudinem per concomitantiam colorum ultra figuram.

An forma sit distincta species à figura.

Aliqui demum apud Soc. dicunt figuram esse modum quantitatis continuæ, formam esse modum quantitatis discretæ.

*Forma est
distin-
guenda
qualitas
a figura.*

Dicendum tamen videtur, per formam intelligi qualitatē aliam a figura distinctam: eoq. nomine hic cōprehendi debere omnes alias qualitates nō operatiuas & nō sensibiles. Suadetur tum ex ipso Aristot. qui nō solum prius distinctē nominat figuram & formam: sed rursus infra eam enumerasset aliquas figuras, & probasset esse qualitates, quia secundum eas res dicuntur quales, addit: *Et secundum etiam figuram unumquodque quale dicitur*. Quo loquendi modo planē denotavit, formam esse diuersam aliam, qualitatem præter figuram. Insuper sic nominat ipsam formā: *Circa unumquodque constans forma*. Quia nempe hæc qualitas est, quæ circa ipsum subiectum consistit in eo perficiendo & actuando.

Tum deinde suadetur ratione. Quia omnes alij dicendi modi relati iniufficientes sunt: & aliqui falsi. Tum demum quia ex natura rei possibiles apparent, & de facto etiam extant, aliæ qualitates nō operatiuæ nec sensibiles, quæ in nulla ex superioribus speciebus includebantur: ergo debet hoc modo intelligi & explicari hæc vltima species. De possibili nō apparebat repugnātia, cur tales aliæ qualitates nō essent sensibiles. De facto adfuit actus vitales sensuum externorum, iuxta sententiam asserentem tales actus esse vel saltem secum asserre intrinsecas qualitates, vt attingemus in prædicamento actionis. Hi autem actus nō sunt ipsi sensibiles, nec in tertia specie collocabatur. Nō sunt operatiui, sicut actus potentiarum interiorum, qui efficiunt habitus, & propterea in prima specie sub nomine dispositionis includebantur: ergo debebunt in hac quarta specie sub forme nomine collocari. Fortasse etiam character supernaturalis, qui per quædam sacramenta imprimitur in animā ad illam consignandam, nec est physicē operatiuus, in hac quarta specie optime collocabitur. Et si quæ sint aliæ huiusmodi qualitates, in hac specie propriam sedem habent.

*Præterea
Aristoteles
enim
tatum*

Præterea Aristoteles vltra figuram & formam, assignasse videtur rectitudinem & curuitatem inter qualitates. Sed

certe rectum & curuum, si pro qualitatibus accipiantur, sunt figuræ quædam. Aristoteles autem illas expressit tanquam species quasdam figuræ, quæ tamen nō tolebant ita manifestē sub nomine figuræ intelligi: & ideo illas distinctē nominauit. Querit etiam Aristoteles, num rarum & densum, asperum & lene, impotent qualitates. Et respondet, esse potius positiones de prædicamento Situs. Diuus Augustinus autem in hac specie qualitatis docet, licet vno modo explicentur per modum positionis, tamen verē esse qualitates. Et Gilbertus Porretanus cap. de Positione, asperum & lene refert ad qualitates. Aristoteles autem, nō ex se asserendo loquutus est, sed dixit: *Aliena huiusmodi esse putantur à diuisione quæ circa quale est*. De hac tamen re in suis materijs philosophicis erit disputandum. Nunc satis est dicere: si hæc sint qualitates afficientes quantitatem, sub specie figuræ posse inuolui. Nam figura sumi potest pro omni affectione modificante quantitatem. Et ex dictis demum patet, quo pacto hæc quarta species qualitatis possit in alias & alias subiectas species diuidi: vt ita totum prædicamentum, per dictas quatuor species earumquē diuisiones compleatur.

*dictum, et
similia re-
ducuntur
ad figuram.*

SECTIO QVINTA.

De Attributis & Proprietatibus Qualitatis.

Primum qualitatis attributum ab Aristotele assignatur, Habere contrarium: vt calor frigori, albedo nigredini, iustitia iniustitiæ, contraria sunt. Et nō solum in abstracto: sed etiam in concreto hæc contraria opponuntur, calidum & frigidum, &c. Intelligitur autem hic contrarietas propriissime dicta & in toto rigore. De huius autem, contrarietatis conditionibus agemus questione vigesima secunda cum Aristotele in Postprædicamentis. Addit & rectē Aristoteles hanc contrarietatem nō esse omnibus qualitatibus communem. Afferit in exemplum alios colores: vt rubrum & pallidum, qui dicuntur medij inter extrema contraria album & ni-

*Qualitas
habet con-
trarium.*

*Notandum
omnis.*

grum

grum. Sed quia videri potest, hos etiam colores esse contrarios, quatenus magis aut minus participant de extremis: & saltem videtur contrarij secundum quid, idque sumitur ex Aristotele quinto Physicorum textu sexto, & secundo Ethicorum capite octauo. Ideo afferri possunt exempla aliarum qualitarum, quae planè non habent contrarium: praesertim in specie potentiae intellectui enim voluntati & similibus potentijs, nullum contrarium aduersatur.

Addit insuper Sorus in quaestione huius praedicamenti ab 6. contrarietatem per se primò reperiri in tertia specie qualitatis, ubi nempe sunt quatuor primae qualitates, calor & frigus, humiditas & siccitas. Et ratione earum exerceri contrarietatem inter alias res: & qualitates secundas, ut colores, sapor, quae ex ijs oriuntur, esse contrarias. In spiritualibus vero esse contrarietatem, non ratione primarum qualitarum, sed ad similitudinem illarum. Verum non est haec proprietas tali modo attribuenda tertiae speciei. Nam aequè primo inueniuntur in prima specie inter plurimos habitus & dispositiones. Neque plus dici potest in ijs inueniri ad similitudinem qualitarum tertiae speciei, quam è conuerso dici possit in his inueniri ad similitudinem qualitarum primae speciei. Dicitur etiam possunt in secunda & in quarta specie qualitates contrariae per se inueniri.

An sola. Rursus ex Aristotele capite sequenti de Agere & pati habetur, hanc contrarietatem non esse propriam soli qualitati. Nam illam attribuit actioni & passioni. Verum in hoc dici potest, contrarietatem per se primò conuenire qualitatibus: nam actioni & passioni conuenit quatenus terminantur ad contrarias qualitates. Quomodo autem relationibus conueniat contrarietas, suo loco dictum est: & facile patet, non ita propriè illis conuenire sicut qualitatibus. An autem in aliquo alio praedicamento inueniatur contrarietas, in proprijs tractatibus videndum est. Hinc autem benè addit Aristoteles, qualitati non nisi qualitatem esse contrariam: atque adeò si vnum contrarium sit qualitas, alterum etiam esse qualitatem. Non enim aliquid aliorum

praedicamentorum est alicui qualitati contrarium. Intelligi verò hoc debet directè & formaliter. Alioquin indirectè & concomitanter dici poterit aliqua actio contraria alicui qualitati: v. g. refrigeratio calori, & sic de similibus.

Secundum qualitatis attributum ab Aristotele assignatur; Suscipere magis & minus, siue intendi & remitti: est res clarissima in pluribus qualitatibus, praesertim primae & tertiae speciei. Vbi notus in expositione textus ait, hanc proprietatem esse adeò affinem aequè coniunctam cum praecedenti, ut nullibi una sine altera inueniatur; quia haec videtur oriri ex praecedenti. Intensio enim & remissio fit per minorem vel maiorem admixtionem contrarij. Verum, licet frequenter & in plurimis hae proprietates reperiuntur coniunctae tamen id non est necessarium nec semper verum: nec illa ratio est vera. Inueniuntur enim qualitates quae suscipiunt magis & minus sine contrarietate: cuiusmodi manifestè est lumen, actus etiam sensuum externorum, species intentionales. Nec etiam semper qualitates intenduntur aut remittuntur per minorem aut maiorem admixtionem contrarij: etiam si sint ex illis qualitatibus quae habent contrarium; ut patet in actibus & habitibus internis, in saporibus, odoribus, sonis, & alijs. Possunt etiam benè intelligi qualitates contrariae, etiam si consistant in indiuisibili, nec suscipiant magis & minus: quia non apparet dependentia vel necessaria connexio illius cum hac proprietate.

De hac etiam proprietate, siue de praecedenti, docet Aristor. non omnibus qualitatibus conuenire. Et in primis dubitat, an conueniat qualitatibus in abstracto, vel tantum in concreto. Dicimus enim hunc hominem esse magis aut minus iustum, non tamen dicimus hanc iusticiam esse magis aut minus iusticiam. Verum, hoc tantum consistit in modo loquendi: quia aliqui de re ipsa dubium esse non possent, iusticiam, & sic alias qualitates similes, intendi & remitti in subiecto, siue intensio fiat per additionem gradus ad gradum, siue per maiorem radicationem in subiecto. Quoad modum autem loquendi verè non tam

*Qualitas
suscipit
magis &
minus.*

*Non tam
omnis.*

458 Quæst. XXI. De reliquis sex Prædicamentis.

dici debet, hæc est magis aut minus iustitia, quam potius est maior. aut minor iustitia, & sic de alijs.

Deinde affirmatiue docet, Figuras non suscipere magis & minus: ut triangulus quadrangulus non dicuntur magis & minus, sed vel totaliter vel nullo modo de quantitate dicuntur. Opponi tamen possunt curuum, rarum, & densum, asperum, & lene, si in hac specie collocentur: dicuntur enim magis & minus, ut notum est. Sed tamen etiam de his dici potest, non esse eandem qualitatem curuitatis, raritatis, &c. quæ intendatur & remittatur: sed potius esse diuersas totaliter qualitates, quando linea est magis aut minus curua, quando corpus est magis aut minus rarum: dici autem magis & minus per comparationem vnius qualitatis ad aliam. Aliæ etiam qualitates sunt, præsertim in secunda specie, quæ non suscipiunt magis & minus, ut intellectus, voluntas, & aliæ similes potentie. De quibusdam autem qualitativis res est dubia; quæ non hoc loco definienda est.

An sola: Ex altera parte nec etiam soli qualitati hoc attributum videtur convenire. Nam etiam de relationibus dictum est,

& de actione ac passione diceretur, suscipere magis & minus. Verum dici potest, primario & principaliter hoc competere qualitati. Nam relationi competit denominatione per qualitatem. actioni etiam & passioni, illi solum competit, quæ terminatur ad qualitatem suscipientem magis & minus, atque adeo ratione ipsius qualitatis.

Tertium attributum quod Aristot. assignat tãquam propriissimum qualitati, est, Ut secundum illam res dicantur similes aut dissimiles: sicut dixerat proprietatem quantitatis esse, æquale & inæquale dici. Itaque sicut ibi notauimus, ita nunc distinguendum est. Hæ denominationes sumi possunt præse & determinatè; ita, ut sensus sit, res esse similes aut dissimiles in qualitate, & ita hoc est proprium qualitati. Sumi etiam possunt amplè & absolute pro convenientia & disconuenientia, siue ut cadant in omnes res, quatenus dicuntur tales aut tales: quod etiã est consonum communi modo loquendi: & ut sic hoc non est proprium qualitati prædicamentali. Sicut nec æquale & inæquale amplè sumptum, erat proprium quantitati prædicamentali. sed est commune & alijs prædicamentis.

Qualitas est, secundum quam res dicuntur similes & dissimiles.

QVÆSTIO VIGESIMAPRIMA.

De reliquis sex Prædicamentis.

IN hac vna quæstione hæc omnia simul prædicamenta coniungimus. Tum quia Arist. de illis breuissimè agit, in vno capite de agere & pati, in alio de alijs quatuor. Tum quia & nos illa breuiter expediemus, Imo à quibusdam penitus omittuntur. Tum quia etiam nonnihil communiter de omnibus ijs prædicamentis agemus. Porro ad supplendum tractatum Aristot. appositus est hoc loco tractatus cuiusdam Gilberti Porretani, qui de sex principijs inscribitur, in quo videlicet de his sex prædicamentis agitur, ex quo tractatu & aliqua desumemus. Sunt autem hæc sex prædicamenta, Actio, Passio, Vbi, Situs, Quando, & Habere.



SECTIO PRIMA.

De ijs sex Pradicamentis in communi.

Varij Auctores excogitarunt aliquam rationem communem omnibus his sex prædicamentis: quorum sententias recensere & examinare debemus: & si quæ vetè ratio communis inueniatur, determinare.

Prima sententia.

Primò S. Thom. 3. Physic. lect. 5. par. 9. & 5. Metaph. lect. 9. part. 3. satis apertè significauit, hæc prædicamenta esse denominationes extrinsecas, siuè sumit à formis extrinsecis denominantibus res quibus nõ verè insunt. quæ etiam videtur sententia Gilbert. cap. 1. in fine, vbi distinguit ea quæ extrinsecis contingunt ab ijs quæ intrinsecis se habent: & illa distribuit in sex principia: Et ita hanc sententiam defendunt Heru. Quodl. 1. quæst. 9. Iauel. 5. Metaph. quæst. 23. Sorus hic & in Antepred. cap. 4. quæst. 2. Tolet. in Prædicam. quando, & in Post-prædicam. quæst. 1. Fons. 5. Metaph. cap. 15. quæst. 7. sect. 3. & alij. Sic actionem, esse formam quæ fit & denominat agens, vbi esse locum, quando esse tempus, prout extrinsecè denominat rem locatam, rem durantem.

Secunda sententia.

Secundò. Scotus in 3. dist. 1. quæst. 1. in 4. d. 13. quæst. 1. & Quodl. 11. art. 4. docet, sex vltima prædicamenta esse relationes quas vocat extrinsecis aduenientes: Vnde supponit esse intrinsecis inherentes: & distinguit à prædicamento relationis, quod constituit in relationibus quas vocat intrinsecis aduenientes. Hanc sententiam defendit Louanienſes hic, & in re tenet Paul. Venet. 5. Metaph. cap. 36. & quidam alij, qui volunt quidem esse respectus, non tamen appellant respectus extrinsecis aduenientes. Sic actionem esse respectum agentis ad effectum vel ad passum, vbi esse respectum locati ad locum, & sic de alijs.

Tertia sententia.

Tertiò. Capreol. in 2. d. 3. quæst. 1. ad argumenta, & similiter d. 6. asserit, sex vltima prædicamenta, nec omnino esse absoluta, nec omnino esse respectus: sed dicere absolutum cum respectu. Hanc senten-

tiam defendit Soncin. 5. Metaph. quæst. 36. & sequentibus: qui explicat quæst. 40. formam absolutam esse extrinsecam, vt dicebat prima sententia: & quæst. 41. art. 1. explicat, respectum non esse de prædicamento relationis: reddit verò rationem, quia fundatur in relatione prædicamentali, quam dicit ad illum respectum supponi. Itaque iuxta hanc sententiam, actio est forma quæ fit, addito respectu agentis ad ipsum effectum, vel ad passum: vbi est locus, addito respectu ad locatum: & sic de alijs. Sequitur Masius quæst. 1. de Sex prædicam.

Quarta sententia.

Quartò. Dixerunt aliqui, hæc prædicamenta esse entia quadam absoluta, siue modos intrinsecè inherentes subiectis de quibus dicuntur: sicut quantitas & qualitas erant formæ accidentales absolute inherentes suis subiectis. Sic actionem esse modum quandam absolutum in agente, vbi in re locata, & sic de alijs. Aliqui verò id dixerunt de solis quinque prædicamentis, exclusa scilicet actione: vt refert Fons. quæst. cit. sect. 4. in fine.

Quinta sententia.

Quintò. Aliqui coniungentes quodammodo omnes superiores dicendi modos, asserunt, hæc prædicamenta esse modos quosdam absolutos intrinsecos subiecto, simul cum respectu ad aliquid extrinsecum, & cum denominatione extrinsecâ ab illo. Ita tenet Ruvius in quæst. generali pro vltimis prædicamentis, & ait ita tenere cæteros interpretes Aristot.

Reijciuntur omnes reſoluta sententia.

Veruntamen omnes hi modi dicendi non rectè assignant rationem communem his sex prædicamentis: nullaquæ erat necessitas, vt inueniretur communis ratio horum prædicamentorum. Primus dicendi modus non est vniuersalis de omnibus. Nam aliqua dicunt modos intrinsecè afficientes subiectum, vt ex eorum tractatione constabit.

Secundus nec etiam est vniuersalis. Nam aliqua constitunt solum in denominatione extrinsecâ, non in respectu intrinsecò: vt etiam ex singulorum tractatione constabit. Et præterea si respectus extrinsecus adueniens assignetur solum his prædicamentis, verum non est: quia ita etiam multæ qualitates respiciunt essentialiter sua obiecta: vniò substantialis respicit essentialiter extrema: & in vniuersum in quolibet prædicamento, & supra

460 Quæst. XXI. De reliquis sex Prædicamentis.

supra prædicamenta, inueniuntur respectus qui non sint de prædicamento relationis.

Tertius modus rem magis confundit, constituens prædicamentum ex re absoluta & respectu superaddito. & licet dicat, absolute inportari in recto, respectum in obliquo: non sufficit quia adhuc facit quid mixtum & compactum ex utroque. Præterea vel intelligitur respectus prædicamentalis: & sic non bene per talem respectum hæc alia prædicamenta constituuntur. Vel intelligitur alius respectus qui non sit de prædicamento ad aliquid: & sic non solum non in omnibus inuenitur talis respectus, ut iam dictum est: sed in quibus inuenitur, potius debet per se assignari, & non faciendo vnumquid ex absoluto & respectivo. Et præsertim est prorsus falsum, quod dicebatur de respectu alio fundato in relationibus prædicamentalis, & ideo non includi in eodem relationis prædicamento. nam nec esse nec intelligi potest talis alius respectus ad constituenda noua prædicamenta.

Quartus modus falsus est ex dictis. Quia non in omnibus inuenitur forma inhaerens, seu modus intrinsecus subiecto. Et in quibus inuenitur, non potest dici modus penitus absolutus, quasi nullo modo respectus terminum: quinimo verè & essentialiter est respectus, ut ex eorum ratione constabit.

Quintus modus in se simul inuoluit omnes difficultates adductas: & præterea conficit vnum quid ex aggregatione illa & coniunctione: nec sane solet tradi ab Interpretibus Aristot.

Deinde necesse non erat, inuenire rationem aliquam communem peculiari: ex his prædicamentis, ipsique adæquarum. Non enim id requirebatur ad coordinationem ipsorum prædicamentorum in se: quia hæc coordinatio incipit à generibus generalissimis singulorum. Neque ad distinctionem illorum ab alijs prædicamentis: quia satis poterant singula per proprias rationes distingui. Neque ad tradendam sufficientiam decem prædicamentorum: nam neque ijs modis rectè traditur: nec oportebat talibus modis tradi. Neque demum ex eo quòd hæc sint vltima sex prædicamenta: non enim

ideo dicuntur talia, vel ideo talem locum sortita sunt, quòd haberent rationem aliquam peculiariter sibi communem: sed quia ita commodius ad rectum ordinem visum est.

Aliqui vltius arguunt ad probandum, non posse dari rationem communem omnibus his prædicamentis, præsertim ad probandum contra Scot. non debere dici hæc prædicamenta esse relationes extrinsecas aduenientes: quoniam si conueniunt in aliqua ratione communi, non essent prædicamenta distincta, sed potius deberet vnum prædicamentum ex ijs omnibus confici: imò insuper vnum prædicamentum & ex ijs & ex relationibus intrinsecis aduenientibus. Sed tamen hoc argumentum militat etiam contra eosdem qui vltro vultur. Nam si non eo modo quo Scot. tamen alio modo assignant rationem communem his prædicamentis: & in eorum sententia potest quari, cur non constituatur vnum prædicamentum ex omnibus relationibus secundum dici, vel ut ab alijs vocantur transcendentalibus: aut etiam vnum ex omnibus prorsus relationibus: siue vnum prædicamentum ex omnibus ijs denominationibus extrinsecis: siue alio modo, quo assignabatur ratio communis his prædicamentis.

Interi ergo oportet, non esse ex hac parte contra distinctionem prædicamentorum, si conueniant in prædicatis aliquibus ad plura communibus: siue accidens est commune ad omnia nouem prædicamenta, & alia inueniuntur huiusmodi prædicata: sed ideo hæc dicuntur transcendencia, quia sunt communia & superiora pluribus prædicamentis. Merito autem factum est, ut non obstante tali conuenientia, plura prædicamenta distribuenda sint, in quorum singulis dantur sua genera summa prædicamentalia. De qua re satis egimus antea de prædicamentis in communi.

Itaque alio modo potest assignari conuenientia quadam inter hæc prædicamenta, simul etiam cum prædicamento relationis: ut notauit Aureolus in primo dist. 40. parte prima articulo tertio. nimirum quòd omnia hæc exigunt duo quædam, inter quæ quodam modo dicantur.

Non

Non tam est inueniunt assignare.

Aliquo modo assignatur.

Nō est necessarium assignare rationem communem ijs prædicamentis.

Non autem intelliguntur duo, quorum vnum sit forma accidentalis, alterum sit subiectum eius; hoc enim est commune alijs accidentibus: sed duo tanquam extrema, inter quæ ipsa prædicamenta dicantur. Sic patet inductione. Relatio dicitur inter subiectum & terminum: Actio inter agens et effectum seu passum: Passio inter subiectum & formam seu agens: Vbi & situs inter locum & locum: Quando inter rem & tempus: Habere inter corpus & vestem.

Addi tamen debet, etiam quædam ex alijs prædicamentis in hoc convenire: v. g. habitus, & aliæ qualitates, quæ dicunt ordinem ad obiectum extrinsecum. Nam propriissime exigunt duo, & versantur inter duo, ut patet. Neque etiam vno eodemque modo omnia sex prædicamenta dicuntur inter duo extrema: sed alia dicuntur magis proprie ratione alicuius modi superadditi ipsis rebus, existentis in vna re tanquam in subiecto, & attingentis alteram tanquam terminum: alia dicuntur solum per modum denominationis extrinsecæ sumptæ ex ipsismet rebus: ut ex singulorum tractatione constabit.

SECTIO SECVNDA.

De Prædicamento Actionis.

Quamvis in capite 5. Antepædicam. Aristot. enumerans prædicamenta, actionem & passionem vitimo loco posuerit: tamen in tractatione prius de ipsis agit quam de reliquis. Eundem ordinem Gilbertus servat. Et nos servandum putamus.

Primò ergo. Actionem definit Gilbertus, *Secundum quam in id quod subiicitur agere dicimur.* Qui modus definiendi imitatur illum quo Arist. qualitatem explicaverat. Aliqui verò hanc definitionem tanquam nimis arctam rejiciunt. Tū quia convenit solum actionibus transeuntibus quæ scilicet exercentur in subiecto alio ab agente. Tum quia convenit solum actionibus quæ præsupponunt præteritum subiectum. At etiam actiones immanentes, & creatio quæ non est ex præsupposito subiecto, debent in hoc prædicamē-

to collocari, & in communi actionis definitione comprehendi. Defenditamen potest definitio, dicendo: non oportere intelligi in id quod subiicitur distinctum ab ipso agente: sed siue sit distinctum, siue idem sit quod exercet actionem, & quod subiicitur actioni, & ita definitionem complecti saltem omnes actiones quæ in subiecto aliquo exercentur. Creationem autem non esse actionem de hoc prædicamento: & idè debere non comprehendi in definitione. Quod etiā iuxta multorum sententiam dici debet de actionibus immanentibus vitalibus, vt infra attingemus.

Si autem circa has quæstiones, & clarius actionem definire velimus, dici poterit: actio est actus accidentalis per quem formaliter causa effectiva suū producit effectum. Dicitur actus accidentalis, tanquam primum genus: & intelligi debet quòd ipsimet agenti & effectui qui producit sit accidentalis, sit nempe extra essentiam eius. Per quod excluditur creatio, & actio vitalis, si dicatur effectus essentialis rei quæ producit, argue adeò reponi debeat in eodè prædicamento rei, & non in hoc actionis: si autè dicatur esse accidentalis ad iustitiam aliarum actionum: sic continetur in hoc prædicamento, & includitur in definitione. Dum etiam dicitur actus per quem formaliter distinguitur à potestate agentis, & ab omni forma, quæ se habet per modum principij ad agendum, & dicitur actus primus, qui supponitur antecederet ad actionem, ne per illum formaliter dicitur causa agere, sed dicitur activa seu potens agere. Dum item dicitur per quæ causa effectiva producit effectum: distinguitur actio ab omni alia causalitate, & in specie à passionem, quæ dicitur de subiecto recipientem formam. Neque convenit hic usus de actionis ratione tractare: & præsertim determinare, an actio sit intersecens agente, vel tantum denominet extrinsecè: aliaque quæ philosophica sunt.

Solū oportet determinare & explicare magis, quamnam actio in hoc prædicamento collocetur, vt etiam plura actionis genera & species distinguantur.

Secundò ergo. Aliqui distinguunt duplicem actionem. Vnam, quæ verè est productio termini qui sit per ipsam actionem

Clarius explicatur.

Num omnis actio sit productio termini.

Actio desinitur à Gilberto.

462 Quæst. XXI. De reliquis sex Prædicamentis.

vi: se habet calefactio ad calorem, generatio ad substantiam. Alteram quæ solum attingat obiectum per modum tendentiæ, etiam si illud in suo esse supponat: vt se habet visio ad calorem, & in vniuersum omnis actus cognitionis & appetitionis ad obiectum. Et utramque volunt in hoc prædicamento reponi. Quoniam hi actus dicuntur etiam actiones, actio videndi, actio intelligendi: & ita dicitur intellectio, volitio, sicut generatio, calefactio. Arque Aristor. in cap. de Agere & pati, inter species horum prædicamentorum posuit non solum calefacere & frigescere, calefieri & frigesieri: sed etiam delectari & tristiari.

*Omnis
actio prædicamen-
talis est
productio
termini.*

Asserendum tamen est, solam actionem quæ est productio sui termini quem attingit, sub hac includendo etiam conseruationem, quæ est quædam continuata productio, quando res dependet à causa effectiua non solum in fieri sed etiam in conseruari; esse illam quæ hoc prædicamentum constituit. Arque adeo illum actum qui se habet per modum tendentiæ ad obiectum, non spectare secundum hanc rationem ad hoc prædicamentum, sed potius ad prædicamentum qualitatatis. Hæc est magis communis sententia.

*Probatur
primò.*

Et patet primò: quia longè diuersa ratio est actionis quæ est productio, atq. illius actus siue dicatur actionis quæ non est productio. Illa enim solum est per quam causa dicitur agens & agere, agere scilicet siue facere illud quod per talem actionem attingitur: ignis per calefactionem dicitur agere & efficere calorem, per generationem alium ignem: at oculus videns calorem, mens intelligens aut appetens obiectum, non vtiq. dicitur illud agere seu efficere: sed tantum attingere, cognoscere, aut appetere. Igitur penes solam actionem productionis intelligitur actio, quæ definiebatur secundum quam agere dicimur: & actio prædicamentalis non est nisi productio termini.

*Probatur
secundò.*

Secundò. Sola actio productiua, est transiua, est via ad effectum, non est forma in se ipsa sistens in essendo: Actus autem cognitionis erga obiectum, est forma in se sistens in essendo, non est via ad ponendum ipsum obiectum in rerum natura. At per hanc differentiam quæ

præced. sect. 1. distinximus qualitatem, & actionem: actus ergo qui tendunt ad obiectum, non debent secundum hanc rationem poni in hoc actionis prædicamento, sed ad prædicamentum qualitatatis potius pertinebant.

Tertiò.

Tertiò. Si in eliciendis actibus vitæ dicatur distingui effectus quidam seu terminus productus, qui in intellectu appellatur imago expressa obiecti ac verbum mentis: & actio seu productio, per quam talis terminus fiat: Vtiq. ipse terminus non est de prædicamento actionis, sed qualitatatis: Actio autem quæ ab illo distinguitur erit maxime de prædicamento actionis: tamen in toto rigore, secundum rationem productionis, vt nos intendimus. Si autem non dicatur distingui in ijs actibus terminus productus & actio productionis. Sic etiam ipse actus non debet secundum respectum tendentiæ ad obiectum cognitum vel amatum poni in prædicamento actionis. nam hunc respectum tendentiæ pariter haberet, si fieret per actionem distinctam: & tamen tunc omnibus farentibus non poneretur in prædicamento actionis. Planè ergo talis respectus tendentiæ ad obiectum non sufficit ad actionem prædicamentalem: sed omnino spectat ad prædicamentum qualitatatis. Quòd si dicatur poni in prædicamento actionis secundum rationem emanationis à sua potentia. Iam sic poneretur secundum rationem productionis, & per respectum ad causam producentem, non per respectum tendentiæ ad obiectum. Sed etiam si non haberet hunc respectum tendentiæ, haberet autem respectum emanationis à sua causa: pariter dici deberet poni in prædicamento actionis. Hoc autem spectat ad conclusionem sequentem.

Quartò.

Quartò. Respectus tendentiæ ad obiectum habent, non solum ipsi actus, sed etiam habitus, ac species intentionales: & tamen non propterea ponuntur in prædicamento actionis, sed nullo dubitante ponebantur in prædicamento qualitatatis. Si tamen in ijs consideretur actio seu productio qua fiunt: ad summum, hæc actio secundum rationem productionis dici potest poni in hoc prædicamento. Ergo omnino respectus ille tendentiæ ad obiectum, non collocat actus in prædicamen-

Quinto.

dicamento actionis, sed qualitatæ.

Quinto demum. Quia tota dispositio & distinctio prædicamentorum facta est secundum varias conuenientias & discrimina rerum: non negabimus, ex vna parte posse considerari conuenientiam, quandam in ratione tendentiæ, inter actus qui terminantur ad aliud per modum obiecti, & actiones per quas producuntur effectus. Sed ex altera parte, manifesta est etiam conuenientia illorum actuum cum alijs qualitatibus in ratione formæ, quæ in se sistit in essendo, & non est via quæ fiat aliud. Vnde tota difficultas deuoluitur ad modum quo debeant hæc prædicamenta designari: vt tales actus, vel in actionis, vel qualitatæ prædicamento collocentur. Sed certe potior est conuenientia illa in ratione formæ, & commodior ad dispositionem prædicamentorum. Debet igitur genus generalissimum qualitatæ ita designari, vt sub illo contineantur omnes illæ formæ, etiam quæ constituent in actuali tendentia ad aliquod obiectum: genus verò generalissimum actionis solum pro actione quæ est via & productio, sub quo non contineantur illi actus secundum rationem tendentiæ ad obiectum.

Ad fundamentum oppositæ sententiæ & ad Aristot. dicendum est. Vel in actibus vitalibus interuenire actionem, quæ sit verè productio, & ratione cuius in hoc prædicamento ponantur. Vel, si neque hoc admittatur, respondebitur conclusione sequenti.

Tertio vltius. De actione productiua distinguendum est, dupliciter posse intelligi, effectum produci à sua causa. Vel per actionem quandam distinctam, & mediam inter causam & effectum: quo modo sunt saltem illæ res quæ permanent postquam factæ sunt non perseverante ipsa actione. Vel per actionem seu dependentiam indistinctam ab ipsis rebus: quo pacto celebris sententia est, creationem non esse actionem mediam inter Deum & creaturam: atque similis sententia est de emanatione actuum vitalium à sua causa. Aliqui ergo volunt, non solum actionem distinctam à rebus, sed etiam indistinctam & essentialem rebus, poni in hoc actionis prædicamento. Et iuncti potest hæc sententia eidem funda-

mento sententiæ modò impugnatæ. Ad di potest, licet dependentia dicatur essentialis effectui: tamen accidentaliter & extrinsecè denominat agens, vt patet: ergo secundum hanc rationem potest & debet poni in hoc prædicamento.

Asterendum tamen est, solam actionem distinctam à rebus constituere hoc prædicamentum: si quæ verò actio sit dependentia essentialis ipsis rebus & indistincta, poni formaliter in prædicamento eorundem rerum. In hac conclusione non determinamus, an & quæ sit actio indistincta à rebus: non enim hoc est huius loci: sed loquimur tantum sub conditione. Probatur assertio: quia si quæ actio sit indistincta à rebus, est dependentia essentialis effectui, sicut sunt alia prædicata essentialia, & se habet tanquam differentia constitutiva talis essentia: ergo omnino debet in eodem prædicamento rei collocari, & non in alio. Quod eadem prorsus ratione hic dicendum est, quæ antea iam diximus respectu essentialis rebus non spectare ad prædicamentum relationis, nec posse diuelli à prædicamentis eorundem rerum. Imo talis dependentia indistincta à rebus, planè est quidam ordo & respectus essentialis rerum ad suas causas. Ideo dicebamus, actionem definiri debere actum accidentalem: vt supra explicauimus.

Itaque iuxta sententiam non distinguentem creationem a rebus, creatio non ponitur in hoc actionis prædicamento. Sed si assignetur ex parte Dei, in nullo ponetur. Si assignetur ex parte rerum, vt ex parte substantiæ quæ creatur, ponitur in eodem prædicamento substantię. Similiter in actibus vitalibus si non distinguantur actio & terminus: sed intellectio v. g. dicatur esse quædam simplex forma per se ipsam emanans & essentialiter dependens à potentia intellectiua: sic nihil erit in his actibus quod in hoc actionis prædicamento ponatur: sed totum concludetur in prædicamento qualitatæ.

Iuxta hanc verò sententiam Ad fundamentum illud dicendum est, actus vitales vocari actiones, & habere vocabula similia alijs actionibus: non tamen esse actiones prædicamentales. Sicut non omnes formæ quæ vocantur relationes, & habent vocabula similia alijs relationibus,

Omnis actio prædicamentalis distinguitur à termino.

Num omnis actio distinguitur à termino.

Excluduntur actiones non prædicamentales.

464 Quæst. XXI. De reliquis sex Prædicamentis.

nibus, sunt relationes prædicamentales. Vnde dici solet illas esse actiones nomine, non re: & ad hoc denotandum, cõsue- rum est, illas appellari actiones grammaticales: quia sicut grammatico more appellantur verba actiua, ita significata rali- um verborum appellantur actiones. Ad Aristot. verò dici potest, adduxisse illa exempla solum ad designandam contrarietatem inter actiones: contrarietas autem verè inuenitur inter actus gaudij & tristitia, & sic inuenitur etiam inter veras actiones. Nec in exemplis requiri omnimodam veritatem: & sic non oportere illos & alios actus vitales in hoc actionis prædicamento reponi.

Ad id quod addebarur dicendum est, non in alio prædicamento reponi denominationem qua causa denominatur age- re, ab illo in quo ponitur ipsa actio, & in quo ponitur denominatio qua effectus dicitur agi seu produci: sicut non in alio prædicamento ponitur denominatio visi in pariete, & in vnuerfum cognitio, & amari in obiecto, ab illo in quo ponuntur ipsi actus, & denominationes quas tribuunt suis subiectis.

Quartò deinde ex aduerso Soncin. 9. Met. q. 21. nimis coarctans hoc prædicamentum, docet, solas actiones successi- uas, quæ sunt in tempore, esse in hoc prædicamento. Et excludit omnes actiones instantaneas, etiam illuminationem. Probat quia Aristot. 3. Phisic. text. 19. docet, actionem esse motum: motus autem est successiuus ex doctrina eiusdem.

Certum tamen esse debet, non requiri successiorem ad actionem prædicamen- talem, sed ex hac parte etiam instanta- neas actiones optimè posse in hoc prædi- camento collocari. Probat quia si de- tur talis actio distincta à termino, quæ sit vera productio eius: vtique non in alio prædicamento potest collocari: & licet fiat in instanti, habet planè tamam conuenientiam cum actione successiua, vt omnino debeat in eodem prædicamento collocari. Neque genus generalissimum huius prædicamenti debet assignari sola actio successiua. Itaque si illuminatio sit actio distincta à lumine quod producit, omnino in hoc prædicamento collocari: sicut si calor produceretur in instanti tunc non minus calefactio poneretur in

hoc prædicamento, quàm de facto dum est successiua in tempore. Nec potest in alio prædicamento talis actio instantanea collocari. Non enim magis potest trahi ad prædicamentum sui termini, quàm possit actio successiua: quia nihil ad hoc refert differentia instantanei & successiui.

Ad Aristot. verò dicendum est, vel non esse loquutum de omni actione; vel ibi non lumpsisse motum pro eo qui successi- uus est: sed potius prout complectitur etiam mutationem, quomodo sapius motum sumit.

Quintò. Idem Soncin. ibidem conten- dit, solas actiones transeuntes, id est quæ exercentur in subiecto distincto ab ipso agente, vt cum ignis calefacit lignum: non verò actiones immanentes, id est quæ exercentur ad intra in eodem agente; spe- ctare ad hoc prædicamentum. Fundari potest præcipuè in Aristot. qui lib. 5. Metaph. text. 17. definit potentiam actiuam, quæ est principium transmutandi alterum in quantum alterum: sed actio prædica- mentalis adæquatur cum potentia actiua: ergo sola actio transiens in subiectum alterum ab agente, est actio prædicamen- talis. Addit Masius quæst. 2. de Sex prædicam. quia actio prædicamentalis dicit essentialiter motum, & infert passionem: hæc autem sunt propria actioni transeun- ti. Alij magis communiter docere solent, etiam actiones immanentes in hoc prædi- camento collocari: & aliqui quidem non distinguunt, alij verò distinguunt, tales actiones à terminis productis, quos in prædicamento constituunt qualitates. Vnde Sanc. quæst. 67. docet, eisdem actiones immanentes poni in prædicamento actionis quatenus constituunt causam operantem, & in prædicam. qualitates quatenus disponunt subiectum.

Sed quia hoc non est modò examinan- dum: dicendum tantum est. Si non distinguantur, non collocari: si distinguantur, omnino collocari in hoc prædicamen- to. Prima pars patet ex dictis. nec enim actus immanentes sunt actiones prædica- mentales per respectum ad obiectum, quod per eas non producitur: nec per rationem illius dependentiæ quæ est essen- tialis termino qui produciur: vt satis probarum manet. Nec dici potest perri- nere simul ad prædicamentum actionis & quali-

Nō solum actio transiens, sed etiam immanens.

Non solum actio successiua, sed etiam instantanea, est de hoc prædicamento.

qualitatis, per duas illas consideraciones allatas. Nam sic quæcunque alia accidentia aliorum prædicamentorum possent ijs modis considerari, & quatenus talia sunt in se, & quatenus disponunt subiectum; atque adeo omnia pertinerent ad prædicamentum qualitatis, & ad plura simul prædicamenta. Neque illo modo possunt res horum prædicamentorum distingui, vt satis patet ex dictis.

Secunda pars patet facile. Quia sic nihil obstat, quominus tales actiones sint verè de hoc prædicamento, nihilque eis præiudicat quòd sint immanentes: nec possent ad alia prædicamenta trahi: sed in communi actio productiua termini distincti, dici debet genus generalissimum in hoc prædicamento. Vnde si saltem in quibusdam actibus immanentibus distinguatur actio à termino, videlicet cum aqua reducit se ad pristinum frigus, imò etiam in actu nutritionis, & alijs actibus vitalibus partis vegetatiuæ: sic inquam, debet talis actio in hoc prædicamento collocari.

Ad locum verò illum Aristotelis multi respondent, Philosophum ibi non definire omnem potentiam actiuam: nam planè etiam potentia operatiua ad intra, sunt verè actiue: sed tantum potentiam operatiuam ad extra: cum qua non oportet adequari actionem prædicamentalem. Sed tamen obseruandum est, Aristotelem ipsum sub distinctione dicere, potentiam esse principium mutationis in altero, vel prout alterum est. Et hanc secundam partem exemplo explicat: ars medendi potest esse in eodem homine qui sanatur, sed non prout sanatur. Itaque planè docet potentiam actiuam esse etiam respectu eiusdem, quod sit agens simul & patiens: & tunc potentia dicitur respicere pro subiecto in quod agit, idem agens quod agit; respicere tamen in quantum alterum, id est in quantum patiens. Hinc ergo potius colligitur, rationem immanentis non obstatè verè rationi actionis. Ad aliud argumentum dicendum, ad actionem prædicamentalem satis esse, si sit quoddam accidens distinctum à termino, quicquid sit de illis denotationibus motus & passionis, de quibus lect. seq.

Sextò præterea, Suarez disputatione 48, sectione sexta opinatur, solas actiones quæ ad accidentia terminantur constituere hoc prædicamentum, excludendo non solum creationem, sed etiam generationem quæ ad substantiam terminatur, & dicendo reduci ad prædicamentum substantiæ tanquam modum substantialem. Mouetur, quia actio communis ad accidentalem & substantialem, videtur potius analogum quid, quam vniuocum. Tum quia Philosophi dicere solent, generationem dici analogicè de substantiali & accidentali. Et Aristoteles libro primo de Generatione, generationem substantiæ vocat generationem simpliciter, accidentium verò secundum quid. Et sic loqui solet etiam S. Thomas. Tum ratione: quia actio est via ad esse: sed esse substantiæ, est esse simpliciter, accidentis secundum quid; atque substantia & accidens conueniunt analogicè, non vniuocè: ergo sic se habent etiam actiones.

Dicendum tamen est, Genus supremum huius prædicamenti esse actionem accidentali & substantiali communem; atque generationem substantialem verè in hoc prædicamento contineri. Hæc videtur communis sententia. Probarur. Tum quia generatio substantialis, supposito quòd à suo substantiali termino distinguitur, est essentialiter accidens, sicut sunt alia accidentia quæ substantiæ conueniunt: nec est de constitutione intrinseca substantiæ, ac proinde non se habet, sicut quidam modi substantiales, vt modus subsistentiæ per quem constituitur suppositum, & modus vnionis per quem constitui ur compositum. Non ergo in prædicamento substantiæ, sed in hoc actionis includitur. Tum quia non minorem connexionem habet productio cuiuscunque alterius rei, vt quantitatis & qualitatis, cum ipsa re, quam generatio substantialis cum ipsa substantia: ergo vel omnis actio debet reduci ad prædicamentum sui termini; vel etiam generatio substantiæ in hoc actionis prædicamento poniur. Tum etiam posset ad hominem contra Suarez inferri, etiam actiones quæ terminantur ad varia prædicamenta, non conuenire vniuocè, sed analogicè: sicut ipsæ.

G g sup-

*Non solum
acciden-
talis, sed
etiam sub
stantialis.*

466 Quæst. XXI. De reliquis sex Prædicamentis.

supponit conuenire ipsa prædicamenta; unde tot alia prædicamenta actionum deberent distinguui, quot sunt prædicamenta rerum quæ per ipsas actiones fiunt.

Ad fundamentum ergo oppositum responderetur, actionem substantialem & accidentalem verè vniuocè conuenire. Modus autem ille loquendi circa nomen generationis, tantum denotat rem dici generari simpliciter, quando substantialiter fit, & eandem ipsam rem dici generari secundum quid, per additionem alicuius accidentis. Vt aqua dicitur simpliciter generari & fieri, quando de nouo fit: quando autem calefit, dicitur generari secundum quid, idest dicitur fieri calida. Similiter aliud est dicere, homo fit, atque homo fit doctus. At verò ipsum accidens, tam simpliciter fit secundum se, quam fit substantia. Et ita patet ex ipso Aristotele, Sancto Thoma, & alijs Philosophis. Non ergo negatur conuenientia vniuoca inter utrâque actionem in ratione productionis. Distantia item essendi, & conuenientia quæ dicitur analogica inter substantiam & accidens, tantum facit ut hæc sint distincta genera actionum: non tamen oportet, ut tanta distantia sit inter ipsas actiones, sicut inter terminos; ut patet in actionibus terminatis ad alia prædicamenta: & in actibus intellectus, qui vniuocè conueniunt in suo genere, etiam si alij terminentur ad substantiam, alij ad accidentia; & ut patet etiam in relationibus inter varia prædicamenta. Nec eadem ratio analogiæ est inter actiones, quæ inter terminos; ut patet, si analogia inter substantiam & accidens explicetur per dependentiam; nam planè non est illa dependentia essentialis actionis ab actione, quæ est accidentis à substantia: & sic etiam si alio modo assignetur analogia,

An creatio, & dependentia rerum à Deo, sit de hoc prædicamento.
Septimò. Specialiter de creatione, imò vniuersaliter de dependentia rerum à Deo, sunt fit substantia sue accidentia, alij affirmant, alij negant in hoc prædicamento collocari. Sed de hoc sentiendum putamus iuxta alia quæ dicta sunt. Si creatio & hæc dependentia dicatur esse actio distincta à rebus, sic pertinet ad hoc prædicamentum, Si au-

tem dicatur indistincta & essentialis rebus, in ipsam ipsarum rerum prædicamentis includitur. Quomodo autem hoc se habeat, non est huius loci discutere.

Octauò. Ex his colligi possunt variae diuisiones, & ordinari genera ac species huius prædicamenti. Solet enim diuidi actio in illam quæ fit ex præsupposito subiecto, & dicitureductio; & illam quæ fit independentè à subiecto, & dicitur creatio. Item in substantialem, & accidentalem. Atque hæc rursus diuiduntur iuxta varia genera accidentium, & substantiarum. Præterea in transeuntem & immanentem, in successiuam & instantaneam. An autem hæc omnes sint diuisiones actionis prædicamentalis, vel aliqua sit actionis quæ vocari potest transcendentalis, ex iam dictis colligendum est.

Postremò. Duo attributa Aristoteles applicat actioni, videlicet habere contrarium, & recipere magis & minus. Aliam proprietatem addit Gilbertus, videlicet omnem actionem inferre passionem in subiecto. Significat etiam, omnem actionem coniungi cum motu: Et hæc quoque potest accipi tanquam alia proprietates actionis. Sed quia hæc sunt communia passioni; de ijs omnibus coniunctim agemus sectione sequenti.

SECTIO TERTIA.

De Prædicamento Passionis.

Passio definitur.
IN primis Passionem definit Gilb. c. 3. *Est effectus & illatio actionis, secundum quam hæc quidem patiuntur magis, illa verò minus.* Vbi non debet intelligi, passionem esse propriè effectum actionis, sicut calor est effectus ignis sue calefactionis. Sicut enim nomine actionis non intelligitur causa quæ agit, sed actus agendi; ita nomine passionis non intelligitur effectus qui producit, sed formaliter actus patiendi. Dicitur ergo effectus actionis, quoniam concipitur quodammodo consequi ad actionem; quia enim agens agit, concipitur passum pati. Deinde non oportet in definitione poni

Actiois diuisiones & genera.

Attributa & proprietates.

Passio definitur.

discrimen illud magis & minus patiendi: sicut non ponebatur in definitione actionis. Et multo minus valent exempla: quæ Gilbertus apponit, brutum esse animantem arbore, & hominem brutum. Sed sufficienter potest passio definiri ad instar actionis & qualitatis: Est secundum quam aliquid pati dicitur. Optime autem definitur pari modo, quo de actione diximus: Est actus accidentaliter quo subiectum recipit formam: Cuius definitionis sensus, partim ex dictis circa definitionem actionis, partim ex modo dicendis de ipsa passione, penitus discipietur.

Passio dicitur respectu subiecti recipientis formam.

Secundo ergo. Aureolus in 1. dist. 30. parte prima artic. 3. propos. 1. explicat, passionem esse quæ effectus ipse dicitur fieri & produci ab agente, & effectum ipsum esse passum: & ab actione distinguit secundum considerationem: quia idem actus quatenus consideratur ex parte agentis producentis, est actio: quatenus verò ex parte effectus producti, est passio. Certum tamen est, passionem dici per ordinem ad subiectum in quo recipitur effectus & forma quæ produciuntur. Ita patet ex Aristotele tum hic, tum 3. Physic. & alibi: & ita omnes alij explicant. Et est manifestum, non solum ex significato proprio passionis: sed ex re ipsa, quia agens producere effectum & effectum produci ab agente, debet pertinere ad unum & idem prædicamentum: ad aliud verò debet pertinere, subiectum recipere formam & formam recipi in subiecto. Itaque passio & pati non dicitur hic secundum acceptionem grammaticalem pro verbo passivum: sed dicitur secundum acceptionem philosophicam pro actu recipiendi: siue dicatur per modum verbi passivi, siue activi. siue pariter actionis prædicamentum accipitur, siue dicatur per modum verbi activi, siue passivi ex parte effectus qui produciuntur.

Tercio. Aliqui videntur passionem explicare, non tantum respectu subiecti verè recipientis formam, sed etiam respectu obiecti terminantis actum: ut cum dicimus obiectum sentire, videri, intelligi. Sed certum est etiam, passionem prædicamentalem non dici respectu talis obiecti. Nam ad idem prædicamentum spectat videri,

intelligi, ad quod spectat actus ipse videnti, intelligendi. Et si in ijs actibus dicatur inueniri passio prædicamentalis, solum dicitur inueniri respectu subiecti sui, quatenus in illo exercentur: & eo magis si tales actus non dicunt actionem prædicamentalem, nec etiam dicunt passionem.

Quarto. Videri posset passio huius prædicamenti consistere, non solum in fieri, dum v. g. ignis calefacit, & aqua calefit: sed etiam in facto esse quando forma inhaeret & permanet in subiecto: ita ut hic modus inherentiæ sit de prædicamento passionis. Sicut quando agens conservat effectum productum, ut patet in luminis si prima productio, etiam tota conservatio, est de prædicamento actionis. Dicendum tamen est, passionem prædicamentalem consistere solum in fieri. Ita plane supponit Aristot. hic & 3. Physic. & alij omnes. Passio enim inseparabiliter cum actione coniungitur: nec unquam extat passio huius prædicamenti, sine actione. Modus autem ille inherentiæ, non in hoc, vel in alio certo prædicamento concluditur. Sed cum inherentiæ sit ratio universalis accidentium, est quid transcendens, & simul cum ipsa ratione accidentis in varia prædicamenta diuiditur. Et præsertim dum prædicamenta accidentium disponuntur in concreto, inuoluitur ipsa actualis inherentiæ in subiecto, ut notauimus questione decimasexta sectione quinta ad suum. Quia modus inherentiæ est de intrinseca constitutione ipsius concreti, sicut modus visionis est de intrinseca constitutione compositi substantialis. Vnde etiam denominatio formæ efficientis & actualis subiectum, non constituit peculiare prædicamentum. Sicut ergo non datur quoddam prædicamentum informationis: ita non datur prædicamentum passionis pro huiusmodi inherentiæ. Ad exemplum verò altarum actionis, fateamur vitro, quando effectus dependet etiam in conservari a suo agente, & tota conservatio est de prædicamento actionis: tunc pariter talis actus conservationis spectare ex parte subiecti ad prædicamentum passionis. Sed hoc totum dicimus in fieri: quia nunc solum distinguimus fieri a conservari. Sed solum dicimus illam inherentiæ quæ conuenit

Consistit solum in fieri.

468 Quæst. XXI. De reliquis lex Prædicamentis.

formæ etiam sublata actione & conseruatione agentis, non esse passionem huius prædicamenti.

*Communio
intrinsicæ
subiecto.*

Quintò vterius Fousfeca quinto Metaphysic. capite 15. quæstione septima sectione quinta ad 2. ait, passionem interdum dici intrinsicè de subiecto, quando videlicet per actionem producit formam intrinsicè subiecto, vt quantitas, qualitas: interdum verò dici extrinsicè, quando scilicet producit formam extrinsicè, vt locus: & hoc modo serui dicuntur pati vincula, milites arma, & vasa, aurum quando deaurantur. At potius supponendum est, nunquam dari actionem, qua non producat formam aliquam intrinsicè subiecto. Loquimur enim de actione distincta à creatione. Vnde etiam in motu locali non acquiritur sola forma extrinsicè loci, sed per se acquiritur modus præsentie localis, vt dicemus sect. sequenti. Hinc ergo sequitur, passionem huius prædicamenti dici intrinsicè de subiecto. Denominationes autem illæ extrinsicæ, remittendæ sunt ad prædicamentum habitus, vt in illo constabit. At verò Sanctus Thomas Opuscul. 48. tract. de Passione cap. 2. defendere volens, omnia sex vltima prædicamenta constitui per formas & denominationes extrinsicæ: hoc explicat etiam de passione, dicens, passionem accipere secundum denominationem passi ab agente, quod extrinsicum est. Sed manifestum est, actum ipsum passionis esse intrinsicè in patiente, & illud denominare, cum respectu tamè ad extrinsicum, nempe ad agens: & ita Sanctus Thomas ibi ait, passio extrinsicè denominat subiectum, vel dicit respectum ab extrinseco.

*Adequatur cum
actione
prædicamentali.*

Sextò, addendum à nobis est ex dictis sect. præced. illam solam passionem constituere hoc prædicamentum: quæ distincta est, tam à forma quæ fit & recipitur in subiecto, quam ab ipso subiecto. Alioquin enim non est actus accidentalis. Sed quia omnis forma quæ fit, pertinet ad certum suum prædicamentum: si actus quo talis forma fit & recipitur in subiecto, non sit ab illa distinctus; prorsus includetur in eodem prædicamento ipsius formæ. Vnde quia tunc solum inuenitur talis passio distincta, quando inuenitur actio distincta: concludendum est, in

illis tantum actibus, in quibus concedebamus actionem prædicamentalem, reperiri etiam passionem huius prædicamenti. Et consequenter illas diuisiones, illaque genera & species quæ actioni tribuuntur, pari proportionem debere tribui passioni ad coordinationem totius prædicamenti.

Septimò deinde est in hac re quædam præcipua difficultas, quomodo actio & passio distinguantur. Communior sententia docet, non distinguere à parte rei, sed tantum ratione; ita vt idem actus sit, quo forma fiat ab agente & recipiatur in passio: sed quatenus consideratur ex parte agentis, dicatur actio; quatenus ex parte subiecti, dicatur passio. Et videtur planè ita docuisse Aristoteles tertio Physic. textu 18. & sequen. vbi affert exemplum viæ, quæ eadè cum sit, dicitur accliuus à parte inferiori ad superiorem, dicitur decliuus à parte superiori ad inferiorem. Sed quod attinet ad rem ipsam, hoc erit in Philosophia examinandum. Nunc satis sit, distinctionem hanc rationis sufficere ad distinctionem prædicamentalem, vt diximus antea de prædicamenti in communi.

*Quo passio
distincta
gatur ab
actione.*

Octauò. Alia difficultas est, quia, esto actio & passio sint duo genera inter se distincta, tamen videntur conuenire in quodam conceptu sibi essentiali & adequato, nempe in ratione viæ & transitus: vnde deberent potius sub vno generalissimo in vno prædicamento concludi. Vel, si hæc sunt duo prædicamenta, deberet addi aliud tertium prædicamentum, nempe motus. Nam Aristoteles tertio Physicorum, hæc tria pariter assignat, motum, actionem, & passionem, & hic in Postprædicam. distinctè agit de motu.

*Quomodo
distinguitur
hæc
duo prædicamenta,
& includit
motum.*

Plotinus libro tertio de Generibus entis, vult actioni & passioni genus commune esse motum per modum vnius prædicamenti. Peripatetici defendunt, illa esse duo prædicamenta; & motum non esse ab ijs distinctum. Et vt plurimum solent motum cum passione confundere. Sed non oportet circa hoc nimium laborare. Et concedendum est, cogitari posse rationem actioni passionique communem: sed commodius visum esse, distinctè connumerare hæc duo prædicamenta,

iuxta

juxta ea quæ diximus de prædicamentis in communi. Motus autem vel cum passione coincidit. Vel si sumatur pro dicto conceptu communi actioni & passioni, non assignatur vt vnum prædicamentum, sed vt prædicatum commune duobus. Vel præsertim motus se habet ad instar partis intrinsecæ tam actioni quàm passioni, & veluti ad modum subiecti: intelligendo nomine motus præcisè ordinem viæ ad terminum; & eidem viæ addendo ordinem agentis sub nomine actionis; & ordinem subiecti sub nomine passionis. Et sic motus ad vtrunque prædicamentum reducitur. Ideoque Aristoteles de motu agit extra prædicamenta, tanquam de re non affixa vni, sed spectante ad plura prædicamenta.

*Attribu-
ta passio-
nis cum
actione ex
Aristot.*

Postremò. Duo attributa quæ Aristoteles passioni communiter cum actione attribuit, facilia sunt. Aliquæ enim, non omnes actiones & passiones, habent contrarium, & suscipiunt magis & minus: illæ videlicet quæ attingunt terminos contrarios, & qui suscipiunt magis & minus. Itaque hæc attributa actioni & passioni conueniunt ratione terminorum. Sed præterea videri possunt, aliquo modo etiam per se ipsas conuenire. Nam aliqui volunt, actiones ita esse contrarias; vt etiam si earum termini, v. g. calor & frigus, possint in gradibus remissis coexistere simul; tamen nullatenus possit idem subiectum calefieri simul & frigefieri. Sed de hoc agemus in Phisicis.

Item potest actio secundum se velocius aut tardius exerceri. vt fieri potest, æqualem calorem velocius produci in vno quam in alio subiecto: atque motus localis potest esse velox aut tardus; quamuis terminus ipsius motus non suscipiat magis & minus. Sed tamen hæc affectiones velocitatis & tarditatis, non consistunt in intentione & remissione, eo sensu quo propriè dicitur res suscipere magis & minus: sed potius se habent sicut densitas & raritas in magnitudine: & conueniunt motui; quatenus dicenti rationem quantitatis successiue. Itaque hæc potest assignari tanquam peculiaris proprietas actionis & passionis successiue, scilicet esse capacem velocitatis & tarditatis, sicut magnitudo est

capax densitatis. & raritatis.

Aliam proprietatem Gilbertus tribuebat actioni, scilicet secum ferre passionem: quæ & assignari potest ex parte passionis, scilicet semper inferri ex actione. Alia demum proprietates sumi poterat actioni & passioni communis, semper esse cum motu. Illam proprietatem multi impugnant, quia non omnis actio secum fert passionem: creatio enim quæ non fit ex subiecto, non affert passionem. Defendi tamen potest hæc proprietas, si creatio dicatur non esse actio prædicamentalis. Aut saltem de illo genere actionis, quod fit ex præsupposito subiecto, ea proprietas ad quæ verificatur. Ex parte autem passionis perspicuum est, omnem passionem inferri ex actione. Quoad alteram verò proprietatem de coniunctione cum motu, res dependet ex varia explanatione motus. Si enim motus amplè accipitur pro omni productione alicuius formæ in subiecto: sic motus inuenitur in omni actione & passione. Si autem accipitur solum pro fluxu successiuo, & a mutatione instantanea distinguatur: sic inuenitur non simpliciter in omni actione & passione, sed tantum in successiua. Pariter si accipitur physice prout in rebus naturalibus & corporeis exercetur: sic in omni actione & passione physica, siue rerum materialium, inuenitur.

*Proprietates ex
Gilberto.*

SECTIO QUARTA.

De Prædicamento Vbi.

Inter Vbi & Quando arbitrarius ordo esse potest. Vbi enim dicitur quoad locum, & Quando quoad tempus. Gilbertus quidem agit prius de Quando. Aristoteles in prædicament. capite 5. prius nominat Vbi. Et hic ordo magis nobis aridet: præsertim quia dicemus, Vbi importare veram & nouam formam realem intrinsecam subiecto; non nem. Quando.

In primis. Vbi ab Arist. solū per exempla explicatur: *Esse in Lycio, in foro*. Arist. definitur: *Est circumscriptio loci pronominis.*

Vbi d. f. nimir.

Gg 3 Quæ

*conuenit
etiam re-
bus spiri-
tualibus.*

Gilbert. enim supponit, & alij plures docent, solum vbi corporum. & ita defendit Sanc. quæst. 75. Ex aduerso Fons. 3. Metaph. cap. 15. quæst. 9. sect. 3. & sect. 7. in huc, concedit, non solum in omnibus rebus creatis, sed etiam in Deo ipso, vbi prædicamentale: quia nimirum cum illud constituat in denominatione extrinseca, absurdum non reputat Deo tribui tales denominationes prædicamentales; vt etiam denominationem agentis per actionem prædicamentalem; & habentis, si induat personam Regis, aut Pastoris.

Hæc res maxime dependet ex modo quod res spirituales dicantur esse in loco. Breuiter ergo: si etiam Angelis concedatur forma inhærens, idest modus præsentia per quam constituantur in loco: sic planè non minus in Angelis quam in corporibus datur vbi prædicamentale. In Deo autem consideratur hoc modo attributum immensitatis, quo est vbique, quod nullatenus in hoc prædicamento continetur, quia non est forma accidentalis: sed sicut intellectus Dei, scientia Dei, non est qualitas prædicamentalis: ita immensitas Dei non est vbi prædicamentale. Si autem consideretur denominatio extrinseca loci: tunc si denominatio loci tantum dicatur per circumscriptionem aut contactum quantitatiuum: sic planè non dicitur de rebus spiritualibus: si autè dicatur per quamcunque præsentiam seu coexistentiam in spatio: sic potest tribui etiam spiritualibus rebus, ac etiam ipsi Deo vt dicebat Fons. Demum quia res spirituales dici solent esse in loco per operationem: hæc denominatio non tam pertinet ad hoc prædicamentum, quam potius actionis & ipsius operationis ex qua talis denominatio sumitur. Nec etiam præsentia sacramentalis Christi in Eucharistia, quatenus respicit ipsas species, est de hoc prædicamento, quia non est propriè præsentia localis: de qua re in propria materia Theologica ageudum est.

Quartò deinde. Hinc diuidi potest ipsum Vbi in plura genera. Aliud est enim vbi corporeum, aliud spirituale. Vulgatus autem & celebris modus diuidendi est: alius est modus essendi in loco circumscriptiue, alius definitiue. Sed vt res ipsa & modus loquendi melius teneatur: prius diuidi debet, alius modus essendi in

loco indefinitè, & alius definitè. Indefinitè est esse in omni loco sine certa taxatione finium. hoc est proprium Dei, & vt dicebam, non debet poni in prædicamento. Definitè est esse in certo loco intra certos fines. hoc conuenit rebus finitis & creatis. Rursus sub hoc modo debet diuidi, alius modus essendi circumscriptè, alius incircumscriptè. Et hinc factum est, vt modus essendi incircumscriptè, appropriato sibi communi vocabulo, appelleretur modus essendi definitè. Illud est circumscriptè in loco, quod commenfuratur per partes suas partibus loci. hoc modo sunt res corporeæ in loco. Illud autem est definitè & incircumscriptè in loco, quod non ita commenfuratur loco: sed dum est in loco extenso, est totum in qualibet parte loci. hoc modo sunt res spirituales in loco. Et per Dei potentiam potest etiam corpus hoc modo poni in loco. Sic corpus Christi est totum in tota, & totum in qualibet parte hostiæ: & hic proprio nomine appellatur modus essendi Sacramentaliter.

Catèrum Fons. quæst. cit. sect. 3. contendit, hanc diuisionem non esse adequatam: quia cum possit eadem res esse per Dei potentiam in pluribus locis; vt patet de corpore Christi in Sacramento: tunc neutro illo modo est in loco. quia de ratione essendi in loco definitè est, ita rem esse in vno loco vt non sit in alio, ita esse hic vt non sit alibi. Ideò ait diuisionem debere intelligi de illis rebus quæ sunt in vno tantum loco. Propter hoc etiam aliqui præsentiam Christi sacramentalem nolunt appellare definitiuam. Sed certè si consideremus, quando res est in vno tantum loco, & postea per Dei potentiam ponatur simul in alio; vtique tunc non variatur ratio illius præsentia prioris; sed permanet prout vt antea erat, vtique definitiua, vel etiam circumscriptiua. Dicit ergo debet diuisio esse adequata. Debet autem præsentia definitiua in communi sci intelligi & explicari: per quam res ita est in vno certo ac definito loco, vt per illam eandem non sit in omni alio loco, imò ne in vno quidem alio loco. Quando enim res a Deo ponitur in alio & in alio loco, non ponitur per eandem præsentiam: sed qualibet præsentia determinata est ad vnum certum locum.

*Est diuisio
adequata
ita.*

*Vbi diui-
ditur in
definitiuū
et circum-
scriptiuū.*

472 Quæst. XXI. De reliquis sex Prædicamentis.

Et in hoc differt esse in loco definitè ab esse in loco indefinitè: quia Deus ita est indefinitè in loco, vt per eandem suam immensitatem sit vbique & in omni loco. Quamuis ergo res ponatur in pluribus locis, in quolibet est definitè: & si commensuratur partibus loci, est etiam circumscriptè.

Aliud est quod obseruari potest in illa diuisione, scilicet propriè diuidi modum essendi in loco diuisibili. quia sic aliud dicitur esse per partes suas in partibus loci, aliud dicitur esse totum in singulis partibus loci. Præter quod, potest considerari modus essendi in loco indiuisibili. Sic punctum non potest esse in loco, nisi indiuisibili. Et Angelus ex virtute sua potest se collocare in puncto, vt nunc supponimus: & res materiales possunt, vel sine quantitate, vel etiam cum quantitate in ordine ad se, à Deo collocari in vno puncto.

Diuiditur & in permanentes & successiuum.

Quintò. Alijs adhuc modis potest diuidi Vbi. Præcipue aliud est Vbi permanens, aliud successiuum. Permanens est, dum res in vno loco immota persistit. Successiuum & fluens est, dum res mouetur: sicut enim motus ipse secundum alias & alias partes succedit & fluit, & mobile constituitur successiuè in alijs & alijs partibus loci, seu spatij: sic datur vbi fluens & succedens in toto motu per totum spatium. Rursus diuidi potest Vbi iuxta diuersitatem rerum quæ sunt in loco, & iuxta diuersa loca omnesque partes spatij, in quibus locari possunt. Antea hæc sit differentia specifica attigimus antea quæst. 9. sect. 13. Demum Gilbert. diuidit Vbi in simplex & compositum. Sed nec ipse diuisionem explicat: nec alijs receperunt.

Vbi attributa.

Postremò duo attributa ipsius Vbi, recenset Gilbertus. Videlicet non suscipere magis & minus. Nam fieri non potest, vt res sit magis aut minus in loco: licet possit esse in maiori aut minori loco. Et, non habere contrarium. De quo declarat Gilbertus, sursum & deorsum non esse contraria, quia vnum & idem potest esse sursum & deorsum respectu diuersorum. Sed meliùs id declaratur dicendo: diuersas præsentias locales esse quidem naturaliter impossibiles, quia non potest eadem res esse in diuersis locis: ta-

men non habere inter se contrarietatem in toto rigore dictam: quia non est determinata vna certa præsentia quæ aliam excludat, sed omnes eodem modo se habent.

Dux aliarum proprietates magis notandæ & considerandæ sunt. Scilicet esse immobile. Nam non potest vnum & idem vbi transferri de loco ad locum. Et, esse fundamentum relationum propinquitatis & distantie & omnis proportionis localis: & quidem magis hoc est proprium vbi prædicamentali: quàm erat proprium quantitati & qualitati prædicamentali, esse fundamentum relationum æqualitatis & inæqualitatis, similitudinis & dissimilitudinis.

Proprietates.

SECTIO QVINTA.

De Prædicamento Situs.

Proximè ad Vbi debet adiungi Situs. Nam dicitur etiam in ordine ad locum: & vel est modificatio ipsius vbi: vel fortasse ne distinguitur quidem ab illo. Appellatur autem non solum Situs, sed etiam Positio, tum ab Aristot. cum à Gilbert. Appellatur etiam Dispositio ab Aristot. 5. Metaph. cap. 19.

In primis satis manifestum est, Situs esse modum essendi in loco, siue esse ordinem aut dispositionem partium rei locatæ in loco. Nam homo potest esse in loco, vno vel alio modo, cum vna vel alia partium dispositione, potest stare, sedere, iacere: tales ergo modi essendi in loco, intelliguntur nomine situs & positionis. His exemplis Arist. explicauit Situm. Sic etiam Gilbert. ita definiuit & explicauit positionem. Et non inuenitur nisi in rebus corporeis, quæ habent partes secundum quas diuersimodè possunt disponi. Inuenitur autem, non solum in corporibus animatis, sed etiam in alijs: v. g. columna potest poni iacens vel erecta: & sic in alijs similibus.

Secundò, est hic difficultas, quòd non sit assignandum hoc prædicamentum Situs distinctè à prædicamento Ad aliquid. Nam Arist. c. de Ad aliquid expressè connumerauit Situm inter relationes. & inter alia inquit: Sunt autem & accubitus latitudo & sta-

Quomodo non contrahatur in prædicamento mentione rationis & sta-

Et statio & sessio positiones quædam, positiones verò ad aliam sunt. Dum verò addit: *Iacere autem & stare vel sedere, non sunt positiones, sed denominatiui dicuntur à positionibus*: tantum distinguere voluit concreta ab abstractis. Sicut si dicamus, esse album non est albedo, non est qualitas: sed est concretum & denominatiuum à tali qualitate, ab albedine. Item 5. Metaph. cap. 12. inquit: *Dispositio dicitur ordo partes habentis*: at ordo planè est relatio: ergo.

Satis tamen manifestum est, Situm distinguui à relatione prædicamentali: sicut vbi, actio, & passio, ab eodem prædicamento relationis distincta sunt. Aristot. autem numerauit positiones inter relationes, ea ratione quia ibi numerauit etiã scientiam, sensum, habitus, & alia huiusmodi. Itaque ibi loquebarur de relatione amplè sumpta, complectendo etiam relationes secundum dici, quæ tamen in rigore excludendæ, erant à prædicamento ad aliquid, vt suo loco tractauimus. Similiter debet intelligi: quando positionem vocauit ordinem, de ordine qui non sit de prædicamento ad aliquid.

Tertiò. Maior difficultas est, quòd non sit distinguendum prædicamentum Situs ab Vbi. Nam per ipsummet vbi, & maxime per modum præsentia: localis quem dicebamus, videtur res constitui in loco, & constitui tali vel tali modo, cum tali vel tali dispositione partium. Nec aliter variari potest ipse situs, nisi per variationem ipsius vbi, vel quoad totum corpus, vel saltem quoad aliquas partes: vt si homo qui sedebat, surgat.

Iuxta hoc Fons. 5. Met. cap. 7. quæst. 2. sect. 4. ad 1. ait, prædicamentum Situs populari quidem sensu distinctum fuisse à prædicamento Vbi: sed philosophico rigore non esse, reuera distinctum. Imo Arist. ipse 5. Met. c. 7. distinguens & enumerans genera entis, situm omisit. Sed alij hoc loco defendere solent distinctionem horum prædicamentorum. Et Sanc. q. 77. vult, distinguui realiter. Suar. disp. 52 Met. sect. 1. explicat, non realiter, sed ratione distinguui: quia idem modus præsentia: quatenus consideratur præcisè in ordine ad locum, dicitur vbi: quatenus verò consideratur in ordine ad partes corporis locati certo modo dispositas, dicitur situs.

Sicut etiam actio & passio sunt distincta prædicameta per solâ rônis distinctionem. Et similiter alij qui prædicamentum Vbi constituunt in denominatione extrinseca à loco, assignant prædicamentu Situs per distinctâ considerationem talis denotationis.

Hinc ergo dici potest, potuisse quidè sine incommodo non poni distinctum prædicamentum Situs ab Vbi: tamen ad explicandos diuerfos modos loquendi & respondendi ad interrogationes, non male potuisse distinguui. Sic possunt conciliari loca Arist. dñ in Metaph. omisit, hic verò assignauit hoc prædicamentum. Et explicatur, quia in rigore, situs non est aliud quàm tale vbi, idest talis præsentia rei & partium eius in loco. Per variationem enim ipsius vbi fit, vt homo stet vel iaceat, vel sedeat, aut alio modo in loco se habeat. Itaq. non est tanta distinctio inter situm & vbi, quanta inter passionem & actionem. Nam passio addebat respectum ad aliam distinctâ causam, & non erat tanquã sola determinatio respectus ad tale vel tale, agens, seu talem vel talem partem agentis. Situs autem solum dicit determinationem talis partis locatæ ad talem locum. Nihilominus quia in communi more loquendi diuersæ interrogationes fiunt, in quo loco res sit, & quo modo sit in loco: & diuersæ responsiones adhibentur. Est quis in domo in foro: & sedet vel stat: ideò hoc loco inter prædicameta distinctè nominantur vbi & situs. Vel, vt ait S. Tho. Opus. 48. tract. de Situ c. 1. quia aliqua diuersitas est inter comparisonem totius locati ad totum locu, & partium locati ad partes loci: ideò assignatum est prædicamentum Situs, aliud à prædicamento Vbi.

Quartò adhuc remanet difficultas, quænam propriè sint positiones huius prædicamenti: quod est querere genera & species eius. Et ratio difficultatis præcipuè est, quia Arist. in prædicam. qualitatibus ait, rarum & densum, asperum & lene, esse potius positiones: quàm qualitates: quia dicunt dispositionem partiu rei. Densum est enim cuius partes magis propinquæ sunt: rarum cuius partes magis distantes: lene cuius partes æqualiter iacent: asperu cuius alia: partes supereminent, aliæ subsident. Vnde vltèrius videtur, omnes alias figuras debere dici positiones, & debere quàm hoc prædicamento collocari.

Dicen-

Quomodo
distingua-
tur à præ-
dicamen-
to Vbi.

An ratio
& desum
& similia
sint de
hoc prædi-
camento.

474 Quæst. XXI. De reliquis sex Prædicamentis.

Dicendum tamen est, has esse verè & essentialiter qualitates, nò autem positiones de hoc prædicamento: sed sicut prædicamentale solum consistere in ipsa actuali præsentia locali, prout certo modo se habente & denominante locum, quoad actuale dispositionem suarum partium in loco. Ita communiter solet supponi. Et planè Gilb. c. 6. docet, tractans ex professo hanc questionem. Et patet ex dictis autem in prædicamento qualitatibus. Et nunc explicatur magis, quia figura quantitatis, intelligendo etià rarietatem & densitatem, asperitatem & lenitatem, sunt affectiones fixæ & stabiles, antecedentes ad præsentiam localem, còstituentem res in tali vel tali loco, aut partes rei cù tali vel tali ordine in talibus partibus loci. Situs autem, sicut & vbi, consistit formaliter in ipsa actuali præsentia locali. Atque verò ibi non est loquutus asserendo, sed dubitando, vel referendo ut in eo prædicamento notauimus. Dicunt autem eæ qualitates dispositionem partium rerum, sicut quantitas dicit extensionem partium: non quidem dispositionem consistentem in actuali præsentia locali, sed antecedentem ad ipsam præsentiam: at sola dispositio consistent in ipsa actuali præsentia locali, còstituit hoc prædicamentum situs.

Quæ sunt positiones huius prædicamenti.

Quintò. De hac dispositione ulterius dubitatur, quia duplex esse potest. Vna, in qua variatur ordo & dispositio partium corporis inter se: sic differunt stare & sedere & genuflectere. Altera in qua non variatur ordo partium inter se, sed tantum in ordine ab aliquo extrinsecum: sic differunt stare & jacere, siue in homine, siue in columna. Nam partes eodem modo se habent in rectum dispositæ, ut patet. Dubitari ergo potest ex vna parte, non esse positionem huius prædicamenti illam, in qua variatur ordo partium inter se: quia ibi potius variatur figura, quæ nò est huius prædicamenti. Ex alia parte, esse huius prædicamenti illam, in qua non variatur ordo partium inter se: quia illa positio quæ solù sumitur in ordine ad corpus extrinsecum, dicit solù concomitantiam ipsius corporis extrinseci: unde non esset in vacuo: nec enim esse posset in vacuo differentia standi & iacendi, ut patet.

Dicendum tamen est, omnes huiusmodi positiones debere huic prædicamento

attribui. Illæ quidè quæ variant ordinem partium inter se: Quoniam esto ibi simul varietur figura, tamen variatur etiam ipsa præsentia localis, quantum sufficit ad hoc prædicamentum Situs. Illæ etiam quæ solum variant ordinem partium ad corpus extrinsecum. Quoniam directè & per se dicunt talem vel talem præsentiam localem, & concomitanter connotant habitudinem corporis extrinseci. Vnde ex hac parte denotant aliquid denominationis extrinsecæ. Quod non est contra rationem huius prædicamenti: dum fatemur & explicamus, hoc prædicamentum esse ita imperfectum, quod etià potuisset in prædicamentorum numero non distingui.

Sextò. Hinc patet, quomodo possit diuidi Situs in sua genera. Rectè enim Alb. super Sex principia tract. de Posit. cap. 1. diuidit positionem in rectam & flexam. Deinde utraque diuidi potest per varias mutationes, quæ in illis contingere possunt, ut facile est considerare.

Diuiditur situs in genera & species.

Postremò. Tria attributa Situs recenset Gilb. Primum est, non habere còtrarium. Quod intelligi debet, sicut dictum est de Vbi. Secundum est, non suscipere magis & minus. Quod intelligendum est circa vnum & eundem situm: alioqui constat, solere dici rem esse magis aut minus flexam in loco. Sed tunc est diuersus situs: sicut etiam dicimus, lineam esse magis aut minus curuam, dicimus etiam magis & minus raram. Sumquè diuersæ figuræ, ex quibus hæ denominationes resultant. Non quasi vna eademq. positio sub figura suscipiat magis & minus ad instar qualitatis. Tertium est, proximè assistere substantiæ. Quod ait Gilb. esse magis proprium positionis. Et S. Tho. Opus. 48. tract. de Situ c. 3. intelligit, assistere substantiæ materiali. Obscurum est autem, quoniam sic hæc proxima assistentia. Atque Suar. d. 52. sect. 2. in fine, hanc proprietatem non recipit: quia etiam si sub verbo assistendi intelligatur quicunque modus, vel relatio, vel denominatio intrinsecæ: immediatius assistit substantiæ corporeæ vbi quàm situs. Potest tamen hæc proprietas sic intelligi. Situm proximè & adequatè conuenire substantiæ materiali & quantæ, ut talis est. Nam vbi conuenit substantiæ in communis, & inuenitur etiam in substantia spirituali. Situs autem proximè conuenit substantiæ

Situs attributa est propria.

stanti eo quòd materialis & quanta sit. Et quia omnia antecedentia prædicamenta, etiam quantitatibus quoad aliquam speciem, inueniebantur etiam in spiritibus rebus: hoc erit attributum magis proprium huius prædicamenti.

SECTIO SEXTA.

De Prædicamento Quando.

Quando est prædicamentum proportionale Vbi: vt enim res sunt in spatio loci per vbi: ita sunt in spatio temporis in hoc vel illo tempore, per hoc prædicamentum quod appellatur quando.

In primis ergo Quando manifestè sonat denominationem accidentalem essendi in tempore, siue durationem rei existentis in tempore: & sic ab omnibus explicatur. Aristot. autem non nisi in Antepædicamentis cap. 5. & non nisi exemplis explicauit: *Quando autem, ut heri, superiori anno.* Gilbert. cap. 4. Sic definit: *Quando est quod ex adiacentia temporis relinquatur.* Et subinde docet, non esse ipsum tempus: sed esse quandam affectionem & effectum temporis; secundum quam aliquid dicitur fuisse, esse, vel fore.

Nō est modus positius distinctus à rebus. Secundò. Hinc explicandum magis est, quid sit ipsum quando. Aliqui affirmant, esse modum quandam realem positium, inhaerentem rei duranti in tempore, quo res constituitur præsens tali vel tali temporis, sicut vbi erat modus positius præsentia localis constituens rem in tali vel tali loco. Sed quia tempus non idem permanet, sed semper fluxit & succedit, atque adeò res sit præsens nouo & nouo temporis: ideò hunc modum esse fluentem semper ac successiuum ad instar ipsius temporis. Arque etiam in duratione Angelorum, quæ dicitur æuum, hunc modum constituit Bonauentura in 1. distinctione 2. art. 1. quæst. 1. Hunc tamen modum distinctum à re durante & tempore, communis sententia negat: & diuersa ratio conseruetur de præsentia in loco atque in tempore. Quoniam cum tempus sit in continuo fluxu & variatione, subsistere videtur ipsamet mutatio temporis ad hoc vt res dicantur esse in hoc vel illo tempore. In loco autem non potest id explicari per aliam mutationem, quam

præsentia localis, distincta tam à re, quam à loco. Itaque si daretur modus positius præsentia rerum in tempore, dubium non est, quòd per hunc modum optimè constitueretur hoc prædicamentum: sicut per præsentiam localem constituebatur vbi. Sed si non detur talis modus in tempore, oportet aliter hoc prædicamentum explicare.

Sanc. quæst. 73. vult, hoc prædicamentum consistere in modo quodam positio resultante ex concomitantia temporis: sicut supponit prædicamentum vbi consistere in modo resultante ex loco reali in re locata. Verum inec ipsum vbi erat modus resultans ex loco reali positio: Nec vllus talis modus censendus est resultare: & ad summum datur modus præsentia in ordine ad spatium locale, vt dicebamus. Ergo multò minus datur talis modus resultans ex tempore, in quo modo possit constitui prædicamentum Quando.

Alij plures asserere solent, hoc prædicamentum formaliter esse durationem rerum. Non solum enim dicuntur res esse seu existere, sed etiam durare: Hæc ergo duratio assignatur, quæ intelligatur, nomine quando in hoc prædicamento. Adhuc tamen remanet difficultas, quid sit ipsa duratio. Suarez disp. 50. sect. 12. num. 3. constituit hoc prædicamentum in duratione rerum. Durationem verò dixerat esse eandem ipsam rerum existentiam; connotando quòd eadem res in aliquo tempore aut instanti prius existerit. Molina prima parte quæst. 3. artic. 4. disp. 2. dicens durationem absolute esse ipsam rerum existentiam, asserit existentiam ipsam rerum permanentium spectare ad hoc prædicamentum quod & excludit tempus quod in quantitate prædicamento relinquat. Alij aliter explicant durationem. Sed de hac re agendum erit in Philosophia.

Nunc breuiter existentia ipsa rerum non est separanda ab ipsa prædicamentis rerum, vt diximus quæst. 16. sect. 5. concl. 9. nec est constituenda in hoc prædicamento. Exclusus est etiam modus positius distinctus, siue appelletur præsentia in tempore, siue appelletur duratio. Et præsertim non potest per durationem permanentem, & multò minus exclu-

*Nō est pro
pria duratio rerum.*

476 Quæst. XXI. De reliquis sex Prædicamentis .

cludendo tempus , vt volebat Molina , constitui hoc prædicamentum . Nam , exempla Aristot. nomen ipsum quando , & communis modus sentiendi ac loquendi aliorum planè demonstrant , hoc prædicamentum prorsus consistere in ipso tempore . Et Aristot. *Æth.* cap. 6. absolute nomine temporis hoc prædicamentum appellauit . Nec etiam potest constitui in tempore , quatenus est duratio intrinseca sui motus : vt infra magis ostendemus . Recurrendum est ergo ad formam & denominationem extrinsecam , per quam hoc prædicamentum constituitur .

Est extrinseca denominatio à tempore .

Et dicendum est , Quando prædicamentale esse denominationem extrinsecam sumptam à tempore , cui res coexistunt , & in quo esse dicuntur , atque denominantur esse hodie , fuisse heri , &c. Hoc est de mente Aristot. Et hoc videtur voluisse Gilbertus . non enim intellexit , quando esse nouum aliquod accidens distinctum à tempore , & ab illo resultans , & intrinsecè inherens rebus . Sed potius esse denominationem quæ sumitur ab ipso tempore . Ita explicat ac defendit S. Thom. *Opusc.* 48. tract. de Quando , & alij frequenter . Et suadetur . quia sicut in prædicamento vbi , si non daretur modus positius præsentia , oportebat illud constituere per denominationem extrinsecam à loco , quæ etiam supposito modo præsentia saltem reducebatur ad idem prædicamentum : Ita dum in hoc prædicamento quando non datur similis modus positius , oportet illud constituere per talem denominationem extrinsecam à tempore .

Nō tamen imaginario , sed reali .

Tertiò videndum est , quodnam sit hoc tempus à quo hæc prædicamentalis denominatio desumatur . Pro quo recollendum est , duplex tempus distingui solere : aliud reale , quod nempè est realis successio : aliud imaginarium , quod concipitur per modum infiniti interualli & spatij temporanei , etiam si nullum extaret tempus reale , sicut concipitur & nominatur spatium imaginarium quoad locum . *Fons.* 5. *Metaph.* cap. 15. quæst. 10. sect. 2. concl. 3. significat , posse à tempore imaginario sumi denominationem huius prædicamenti . Sed omnino dicendum est , debere sumi tantum à

tempore reali : quoniam prædicamenta debent per realia entia constitui & explicari .

Rursus tempus reale duplex est : aliud dicitur intrinsecum , & est propria successio cuiusque motus : aliud dicitur extrinsecum , & est successio alterius motus cui res coexistit : & licet possit considerari coexistètia rerum cum quolibet alio motu & successione ; tamen præcipue consideratur cum successione motus primi mobilis , in quo designantur variae partes : & ideò specialiter ex motu primi mobilis accipitur tempus extrinsecum tanquam à prima mensura aliorum .

Ad hoc ergo prædicamentum non pertinet tempus intrinsecum , quatenus suo motui intrinsecum : nam sic pertinebat ad prædicamentum quantitatis , eratque quantitas successiua . Sed pertinet solum denominatio quæ sumitur à tempore extrinseco , per quam dicimus rem hodie esse , heri fuisse , & similia . Vnde , licet posset in hoc prædicamento poni quilibet denominatio à quolibet tempore extrinseco : tamen quia heri & hodie & similes denominationes specialiter sumuntur ex primo tempore extrinseco dicto ; & communis modus loquendi , propter quem hoc prædicamentum designatum est , maximè refertur ad dictum tempus : ideò denominatio quæ ex illo sumitur , maximè constituit hoc prædicamentum . Licet etiam tale tempus sit intrinsecum suo motui : tamen sicut dicebatur de loco quatenus superficies erat intrinseca suo subiecto , spectabat ad prædicamentum quantitatis ; quatenus denominabat extrinsecè locatum , reducebatur ad prædicamentum vbi : ita pariter de tempore philosophandum est .

At verò Ruuius in hoc prædicamento , constituens illud per durationem in communi , atque adeo in illo collocans tempus quatenus duratio intrinseca suo motui est : conatus est alio modo explicare , qualiter tempus possit ad prædicamentum quantitatis & quando pertinere : distinguens in tempore rationem successionalis , continuitatis , & extensionis . Sed meminisse oportet , ad prædicamentum quantitatis pertinere tanquam species eius , quantitatem continuum , & successiuam . Itaque tempus secundum rationem extensionis

Et præcipue à tempore extrinseco primi mobilis .

Tempus quatenus intrinsecum suo motui nō spectat ad hoc prædicamentum .

tionis seu diuifibilitatis erat quantitas: secundum rationem successione erat quantitas successiua: secundum rationem continuitatis erat quantitas continua. Nulla ergo ratio remanet, secundum quam in hoc alio prædicamento ponatur. Sicut non potest in magnitudine, ratio continuationis, vel permanentiæ, vel extensionis, facere ut aliud prædicamentum extra quantitatem trahatur.

Quartò. Rursus videndum est, quibusnam rebus conueniat denominatio huius prædicamenti. Fonf. quæst. cit. sect. 2. concl. 2. & sect. 3. ad 1. ait, hoc prædicamentum propriè accomodari solis ijs rebus quæ transeunt cum tempore, eiquæ subiunguntur, aut illi commensurantur & coextenduntur. Et Sanctus Thomas Opusc. 48. tract. de Quando capite tertio, significat, quando propriè dici de illis actibus qui mensurantur tempore, qui scilicet in successione consistunt per partes post partes. & ita defendit Marius quæstione quarta de Sex prædicamentis.

Dici tamen potest, denominationem huius prædicamenti omnibus rebus conuenire. Nam in primis, non solum motus successiui, sed etiam res permanentes quæ incipiunt & desinunt, communi modo loquendi dicuntur esse in tempore, & mensurari tempore. Et sicut non solum illæ res quæ commensurantur & coextenduntur loco, sed etiam quæ existunt indiuisibiliter in omni parte sui loci, denominantur in prædicamento ubi: ita etiam dici debet de rebus permanentibus in hoc prædicamento quando. Deinde etiam substantiæ immortales, ut Angeli, anima rationalis, denominantur esse in tempore per quandam coexistentiã: dicimus enim Angelos esse hodie, & omni tempore esse: Hæc ergo denominatio quæ illis tribuitur, dici potest ad hoc prædicamentum spectare: licet non dicantur subijci tempori, nec transeant cum tempore sicut res corruptibiles. Et hoc totum affirmat expressè ipse Sanctus Thomas alijsuè Auctor eius Opusc. eodem capite tertio in fine: Et planè Gilbert. capite quarto. Et hoc modo omnis res quæ denominabatur in prædicamento ubi: dicitur etiam denominari in prædicamento quando.

Potius excipiendus videtur à denominatione huius prædicamenti ipse motus successiui primi mobilis: quoniam non extrinsecè, sed intrinsecè denominatur à suo tempore. Potest ramen considerari respectu illius, denominatio quæ sumi potest à tempore intrinsecò & successione aliorum morum, præsertim motus aliorum calorũ. Et sic potest dici particeps huius denominationis prædicamentalis.

Quintò videndum est, An & quomodo in hoc prædicamento fiat prædicamentalis diuisio & coordinatio. Scotus dixisse videtur, non dari in hoc prædicamento genus generalissimum, imo nec genus quod in plures species diuidatur: sed vnicam esse speciem temporis, quæ tanquam in indiuidua diuidatur, in præsens, præteritum, & futurum. Imo Suarez lectione duodecima citata numero decimo septimo, vltèrius infert, iuxta sententiam constituentem hoc prædicamentum in denominatione extrinsecã, sequi totum prædicamentum esse vnicum indiuiduum, quia illæ differentiæ sunt tantum partes eiusdem indiuidui.

Dicendum tamen est, dupliciter posse fieri diuisionem huius prædicamenti ipsi proportionatam. Primò, ex parte formæ denominantis, idest temporis, ex quo sumitur denominatio: si non ex solo motu primi mobilis, sed ex coexistentia cuiusque alterius motus sumatur hæc denominatio. Dantur autem planè motus eorumquæ successiones, specie & genere differentes. Genus autem generalissimum erit, denominatio quæ sumitur à motu & tempore in communi. Secundò ex parte rerum, quæ denominantur, non solum considerando veluti materialiter diuersitatem earum: sed etiam formaliter quoad denominationem. Videlicet aliæ sunt res, quæ successiue existunt in tempore eiquæ coextenduntur, aliæ, quæ permanent & indiuisibiliter. Quæ diuisio correspondet illi quæ tradebatur de ubi, per modum essendi in loco circumscriptiue & definitiue. Item aliæ res sunt, quæ transeunt cum tempore: aliæ quæ non transeunt, sed semper erunt. Nec refert, quod hæc diuisio non se tenet

Denominatio huius prædicamenti potest attribui omnibus rebus.

Diuisio-nes & genera huius prædicamenti.

478 Quæst. XXI. De reliquis sex Prædicamentis.

ex parte ipsius temporis denominantis res: quia satis est, quòd se tenet ex parte modi denominandi. & hoc sufficere debet in prædicamento quod in denominatione extrinseca constituitur.

*Præsens
præteritū
& futurum.*

Valet etiam illa diuisio, præsentis, præteriti, & futuri: quia videtur Gilbert, & quæ est valde frequens: quia licet ipsum tempus sit vnum continuum: ramen vt diuersè sumuntur hæ denominationes in communi modo loquendi. & quia vt prædictum est, hoc prædicamentum assignatum est propter modum loquendi adeò frequentem & consuetum: hic etiam modus diuidendi suscipi debet. Imo vltèrius præteritum diuidi potest in infinitum, scilicet pro die præterita, pro anno præterito, pro sæculo præterito: & rursum intra diem pro varijs horis et momentis. Et pariter potest diuidi futurum. Imo Aristot. ipse hunc diuidendi modum indicauit, dum in exemplum prædicamenti quando, attulit, heri, superiore anno. Vnde etiam iuxta hanc diuisionem, Quàdo in communi, nò est solum species, sed genus generalissimum. At verò D. Aug. lib. 11. Confess. cap. 14. & sequentibus, dubitauit, quomodo tempus in eas tres differentias diuidatur: quoniam videtur repugnanti terminorum, dum dicitur quoddam tempus est præteritum, & quoddam est futurum: quia ly est, denotat tempus præsens. Sed certè res est clara. Constat enim aliud tempus præterisse, aliud fore. Modus etiam ille loquendi optimum sensum habet. Dum enim dicimus, quoddam tempus est præteritum: ly est non sumitur determinatè pro differentia temporis præsentis: quasi sensus esset nunc in præsentem datur tempus quod est præteritum: sed sumitur abstrahendo à certa differentia temporis, vt sæpius in communi modo loquendi sumitur.

Diuidit etiam Gilbert. Quando, aliud simplex, aliud compositum. Simplex, dum res dicitur esse in momento, esse nunc. Compositum, dum dicitur esse in hora, die, hebdomada, & similibus.

*Attributa
et præ-
sentantes.*

Postremò. Duo huius prædicamenti attributa Gilbert. assignat, non suscipere magis & minus, & non habere contrarium. Non suscipit magis & minus: quia

non dicimus rem esse magis aut minus in tempore. Suscipit tamen maius & minus: quia dicimus rem esse in maiori aut minori tempore, plus aut minus durare, diutius aut breuius existerè. Non habet contrarium: quia non datur vna forma vel denominatio quæ expellat aliam ex eodem subiecto. Imò de eadem re bene dicimus, esse nunc, fuisse prius, & permansuram in futurum. Addi potest alia proprietas ipsius Quando, fundare relationes ordinis in tempore. Sicut enim consideratur propinquitas & distantia in loco: ita & in tempore. Aliqua enim dicuntur esse simul, alia dicuntur priora, alia posteriora in tempore.

Cæterum difficultas communis huic prædicamento cum sequenti habitus, est, quomodo inter prædicamèta distinguatur, quæ in denominatione extrinseca ex formis aliorum prædicamentorum desumpta consistunt: quam scèctione sequenti expediemus.

SECTIO SEPTIMA.

De Prædicamento Habitus.

Vltimo tandem loco superest hoc prædicamentum, quod & nomine Habitus, & verbo Habere, solet appellari. Hæ autem voces plures significationes habent, vt recenset Aristot. in Post-prædicam. cap. 5. Sed præcipuè vno modo amplè sumuntur, vt per omnia prædicamèta suam significationem extendant: & omnis res dicitur habere suam essentiam, & existentiam: omne subiectum dicitur habere formam, dicitur habere sua accidentia: omne totum dicitur habere suas partes: homo dicitur habere caput manus &c. Quæ denominationes planè includuntur in ipsèdem prædicamètis suarum rerum, nec peculiare prædicamentum habendi constituere poterant. Alio modo sumitur nomen habitus pro quadam specie qualitatis, vt in proprio prædicamento vidimus: quæ significatio nec etiam spectat ad hoc prædicamentum. Sed habitus & habere hic sumitur pro denominatione qua res dicitur habere aliquid, quod non est pars constitutiva eius, nec forma intrinsece inhaerens: sed se habet quodam-

*Habitus
explicatur.*

quodammodo ad instar formæ. Videlicet homo dicitur habere vestes, arma, ornamenta; dicitur vestitus, armatus, ornatus: item in speciali togatus, vel clypeatus, & similia.

In primis ergo. Aristot. non aliter explicat hoc prædicamentum, quam exemplis: *Calceatum esse, armatum esse*. Gilberto. verò cap. 7. habitum definit: *Est corpus & eorum quæ circa corpus sunt a liacencia, secundum quomodo quidem habere, illa verò dicuntur haberi*. Adiacencia dixit, quasi appositio & accommodatio alicuius quasi formæ ad corpus, per quam corpus denominetur habere.

Secundò. Hinc examinandum magis est, quid propriè sit hoc Habere, & quæ sit ratio huius prædicamenti. Est quædam sententia affirmans, dari modum quendam realem, distinctum à corpore & à veste, resultantem ex appositione ipsius vestis, & inhærentem corpori vestito: Et hunc modum esse habitum huius prædicamenti. Hanc sententiam defendunt Ruuius Sanc. Vallius in hoc prædicamento: & aliqui tribuunt Gilberto. Imo hæc videtur apertè sententia Aristot. 5. Metaph. cap. 20. *Habitus dicitur tanquam quidam habitus & habiti actus, sicut actio quædam aut motus. nam cum hoc quidem officio, illud verò sit. est media effectio: ita & habentis vestem & vestis habitus est modus habitus*. Vbi S. Thom. lect. 20. par. 2. notat, habitum sic sumptum & explicatum, esse vnum quoddam prædicamentum.

Dicendum tamen est, non dari talem modum. intrinsecum & inhærentem: sed potius hoc prædicamentum consistere in denominatione extrinseca, quæ sumitur ab ipsis vestibus & alijs similibus. Et hæc est communior sententia, quam tradit S. Thom. Opusc. 48. tract. de Habitu & defendit Suar. disp. 53. Metaph. sect. 1. Et patet Tum à posteriori. quia sanè incredibile est, ex eo quòd alicui accingatur gladius, vel apponatur flos ad decorè & ornatum, resultare talem modum positivum: & ita etià non debet excogitari talis modus, dum homo veste contegitur, aut pileo caput cooperit. Tum etià sequeretur, talem modum debere concedi, si indumenta arma vel ornamenta apponantur stacuis, aut rudibus lapidibus &

lignis. Tum à priori probatur. quia per solam circumpositionem vestis, secluso quocumque alio modo, aut si per Dei potentiam impediatur ille modus distinctus qui dicebatur; intelligitur optimè homo vestitus, armatus, &c. ergo inutiliter & falsò fingitur talis modus. Tum demum hinc fit, hoc prædicamentum consistere in denominatione extrinseca, quæ sumitur à veste & similibus.

Aristoteles verò ibi solum docere voluit, interuenire veluti coniunctionem, mediam inter habentem & rem habitam, si per se & separatim consideretur. Non enim sufficit, hominem ex vna parte existere, & ex alia vestem, vt homo dicatur vestitus; sed requiritur circumpositio & adaptatio vestis. Hoc autem fit per coniunctionem & præsentiam localem, quam libenter concedimus. Sed hæc præsentia est de predicamento vbi. Itaque ad constituendum hoc prædicamentum, solum relinquatur denominatio quæ sumitur ab ipsa veste circumposita, qua corpus denominatur habere vestem ad instar formæ. Et in hoc differt hæc denominatio à denominatione extrinseca loci: non enim locum dicebatur habere locum, ad modum formæ.

Tertiò ulterius videndum est, à quam re propriè sumatur denominatio huius prædicamenti. S. Thom. Opusc. 48. cap. 1. significat, desumi ex illis rebus quas homo sibi ipse per artem & industriam parat, vice earum quæ datæ sunt animalibus à natura. nam animalibus data sunt à natura plumæ, vel pili, aut alia similia, pro vestibus; cornua, ungues, aut alia similia, pro armis: hominibus autem datus est intellectus, quo hæc sibi parare queat. denominationem autem sumptam ab ijs rebus quæ data sunt à natura, ait S. Thom. non spectare ad hoc prædicamentum; quia spectant potius ad substantialem constitutionem corporum animalium. Et quidem verum est, hoc prædicamentum præcipuè assignatum esse, pro vestibus, armis, & ornamentis, quæ arte parantur. Sed iuxta sententiam asserentem, plumas ungues & similia non esse partes animaras, dici potest, etiam ex ijs hoc prædicamentum consisti: quia sic non sunt partes, substantiales animalis: at etiam in homine inueniuntur ali-

qua

A quibus
rebus su-
matnr
hæc deno-
minatio.

huiusmodi
rebus.

480 Quæst. XXI. De reliquis sex Prædicamentis.

quæ huiusmodi quæ naturaliter enascuntur, vt pili, & vngues.

Rursus, in ijs quæ arte parantur considerari potest, & substantia rei, & figura quæ est forma artificialis. Fons. 5. Metaph. cap. 7. quæst. 1. scilicet. 4. ad 4. significat, denominationem huius prædicamenti debere sumi ex ipsa substantia. Sed certè constat, non dici vestem & enssem ratione solius substantiæ, sed etiam ratione formæ artificialis; neque denominationes vestiti & armati sumi ex sola substantia rerum adiacentium, sed etiam ex alijs qualitativis & dispositionibus earum. Et ita fatendum sanè videtur, denominationem huius prædicamenti sumi ex aggregato quodam compacto ex substantia & alijs pluribus accidentibus. Quod non debet reputari inconueniens in hoc prædicamento, quod potius propter consuetum loquendi morem, quam propter necessitatem & distinctionem rerum, constitutum est. Vnde Fons. agnoscens in talibus rebus inuolui etiam figuras, ait hoc prædicamentum magis accommodare ad popularem sensum, quam ad philosophicam considerationem, in prædicamentorum numero censeri. Imò ad hoc ipsum obseruari potest, quod Ar. 5. Met. cap. 7. prædicamenta enumerans, hoc omiserit. Neque etiam est inconueniens ex parte substantiæ, quod per illam constituatur prædicamentum accidentale: quoniam bene potest vna substantia accidentaliter prædicari de alia per dictam denominationem. & ita notauit S. Thom. eo Opusc. cap. 1. de hoc prædicam.

Et quibus
conueniat.

Quarò videndum est, Quibusnam rebus propriè cõueniat denominatio huius prædicamenti. Et quidem ex dictis satis constat, solis corporibus conuenire. Imò videri potest solis hominibus conuenire. & ita sentit Rurius. Verùm non solum si ex illis rebus quæ datæ sunt à natura, sumatur hoc prædicamentum, potest ad alia animalia pertinere: sed etiam ex his quæ arte parantur. nam etiam, sumas et equos vestire et armare solemus. Et quod attinet ad denominationem huius prædicamenti, perinde se habet si brutum aut homini circumponatur vestis: nam par denominatio accidentaliter inuenitur. Et ita notauit S. Thom. eo Opusc. cap. 1. de hoc prædicamento.

Imò etiam ad corpora inanimata debet extendi denominatio huius prædicamenti, non solum si statuat vestiantur aut ornentur: sed etiam dum ornantur templa, ædes, & similia. Insuper dum ligna, vasa, aliæque huiusmodi, deaurantur, pinguntur, aliæque tali substantia exornantur: hæc etiam denominationes spectant ad hoc prædicamentum, & communiter solent in eo collocari.

Quintò. Ex dictis colligi possunt variae diuisiones & genera huius prædicamenti. Possunt diuidi ea quæ sunt à natura, & ea quæ ab arte; si placeat etiam illa in hoc prædicamento collocare. Possunt diuidi, ea quæ ita affixa sunt: rebus vt non possint faciliè diuelli, vt in vasis & lignis deauratis; & alia quæ possunt faciliè auferri, vt vestes & arma. Possunt diuidi indumenta, arma, & ornamenta: & rursum varia indumenta, varia arma, varia ornamenta, & alijs modis qui faciliè considerari possunt.

Diuisio-
nes & ge-
nera hu-
ius prædi-
camenti.

Postremò. Tria attribua Gilbert. huic prædicamento assignat. Primum est, suscipere magis & minus: nam potest esse homo magis et minus ornatus &c. Quod explicat optimè S. Thom. eo Opusc. cap. 3. de Quando, non intelligi, quasi vna, & eadem forma denominans suscipiat magis & minus per intensionem & remissionem. Quinimo cum forma ex qua sumitur denominatio huius prædicam. sit substantia, hæc non suscipit magis & minus. Sed intelligitur, quia possunt concurrere plures aut pauciores formæ denominationes ad constituendam vnā denominationem veluti totalem. Sic ergo qui habet plura arma, dicitur magis armatus: qui plures vestes, magis vestitus. Atque S. Thom. hunc modum suscipiendi magis & minus, posse etiam conuenire, alicui relativo, item alicui agenti, ac etiam patienti: non autem inueniri in prædicamentis Vbi & Situs & Quando. Intelligi etiam potest, vt addit S. Thom. hoc prædicam. posse suscipere magis & minus ratione qualitarum perficientium substantiarum ex qua sumitur denominatio: vt si quis habet vestem commodiorem, armaturam fortioiorem, ornamentum pulchrius; dicitur magis vestitus, armatus, ornatus.

Attribu-
ta et pro-
prietas.

Secundum attributum est, non habere contra-

contrarium. Nec enim contraria sunt, vestiri & armari, aut calceatum & pileatum esse, & similia quæ ad hoc prædicamentum spectant. Bene tamen considerari potest contrarietas qualitatuum in diuersis formis huius prædicamenti. Et sic denominare solemus, quandam vestire nigrum, quandam vestire album: quandam tabulam imbui atro, quandam albo liquore: & sic de similibus.

Tertium attributum, quod Gilbertus ait esse proprium huius prædicamenti, est, in pluribus existere, in corpore & in his quæ adiacent corpori, secundum partium diuisionem. Quod explicat Sanctus Thomas cap. 4. quia corpus habet diuersas partes quibus congruunt & ada-

ptantur diuersi habitus, denominatur absolute & simpliciter ipsum totum per habitum singularium partium. Sic à pileo cooperiente caput, absolute dicitur homo pileatus, à calceis in pedibus dicitur absolute calceatus, ab hasta quam manu tenet, dicitur hastatus. Verum hoc non est ita proprium huius prædicamenti, ut non ex parte aliqua inueniatur in aliquo alio prædicamento: præsertim à potentij & actibus existentibus in certis organis corporeis, absolute totus homo denominatur, nempe audire, & videre, & sic de similibus. Et Gilbertus ipse non dixit, hanc proprietatem in nullo alio, sed in paucis inueniri.

QVÆSTIO VIGESIMASECVNDA.

De Comparatione rerum.

Quæ in Prædicamentis posita sunt.

Post prædicamentorum tractatum Aristoteles alium adiungit, sicut & ante alium præmiserat. Vnde ante & post prædicamenta vocantur. Quæreretur autem consueverunt Expositores, cur Arist. non hæc etiam quæ post prædicam. referuauit ante præmisisset, cum ad plenam prædicamentorum noticiam etiam ipsa deseruiant. Reddunt rationem Porphy. Ammon. Simplic. Dexip. & alij: quia quæ ante præmisserant, prorsus ignota, & ideo tunc necessario explicanda: quæ vero post seruuit, erant ex parte nota, & ideo potuerunt differris: nè si aliqui omnia præmisisset, prolixior fuisset introductio, quam opus intentum, & longius exordium quam tractatus.

Sed insistendo nostro ordini inchoato, & seriem nostrarum questionum prosequendo, aprior ratio reddi potest. Quinq. sunt Postprædicam. capita. Duo vltima sunt, vni de motu, aliud de habere. Et motum quidem hic explicare voluit Arist. quoniam eum esset veluti medium quid inter actione & passionem, & vtriq. suo modo communis, non in illis prædicamentis illum collocauerat. Sed satis est quod nos de motu notauimus in Prædicamento Passionis. De habere, solum plures vocabuli significationes asserit, quas ideo fortasse non in ipso prædicamento habitus adduxerat, quia omnia sex vltima prædicamenta voluit ita breuiter expedire: nec opportunum iudicauit, suis de habitu quam de alijs quinq. loqui. At nos iam sufficienter nomen habitus in ipso prædicamento explicauimus.

Tria priora Postprædicamen. capita sunt, vnum de Oppositis, aliud de Priori, aliud de Simul: quæ omnia planè continent comparationem earum rerum, quæ in prædicamentis posita sunt. De hac autem comparatione iure & merito post ipsa prædicamenta tractandum erat. Sicut & Porphyrius in fine suæ liagoges comparauit illa quæ prius absolute considerauerat. Sub hoc ergo titulo de Comparatione, præsentem instituimus questionem. Quæ rursus comparatio in duas partes distinguenda est. Alia est comparatio per oppositionem: alia veluti per connexionem, siue inter ea quæ sunt simul, siue inter ea quæ habent ordinem prioris & posterioris.

ris. Præsupponitur autem comparatio per distinctionem, tanquam præuia ad omnia prædicamenta quæ ab initio distincta sunt. Et de hac egimus antea in prædicamentis in communi.

SECTIO PRIM A.

De Comparatione per Oppositionem.

*Oppositio
in communi.*

DE oppositione agit etiam Aristot. 5. Met. cap. 10. & rursus præcipue de contrarietate lib. 10. per plura capita: Oppositio in communi est repugnancia duorum quæ impossibilia sunt in eodem subiecto. ita habetur ex 5. Met. cap. 10. *Quacunque susceptio amborum non coniungit simul adesse, hæc opponi dicuntur.* Ut autem oppositio amplè sumatur, non debet intelligi subiectum propriè & in rigore, sed iussit quodcumque apprehenditur vs subiectum. Nam etiam differentie diuidentes genus dicuntur opponi: & tamen genus nõ est propriè subiectum differentiarum, sed apprehenditur ad instar subiecti, cui differentie insunt.

*Oppositionis
quatuor genera.*

Deinde oppositionem in quatuor genera diuidit Arist. hoc loco in oppositionem relatiuam, contrariam, priuatiuam, & contradictoriam. Sed potest prius diuidi oppositio in duo genera, videlicet in positiuam & negatiuam: & rursus oppositio positiua in relatiuam & contrariam: negatiua in priuatiuam & contradictoriam. Oppositio positiua est inter duas formas positiuas inter se repugnantes. Oppositio negatiua est inter formam & negationem eius. Vnde oppositio positiua est comparatio rerum inter se, oppositio negatiua est comparatio rerum cum non rebus, idest cum negationibus ipsarum rerum.

*Oppositio
contradictoria.*

Oppositio negatiua contradictoria, ut hinc incipiamus, ab Arist. explicatur per modum complexionis, scilicet inter propositionem affirmatiuam & negatiuam; sedet, non sedet. Sed ipsemet infra declarat: Aliud esse affirmationem & negationem: aliud quod affirmatur & negatur. Illam esse orationem significantem: hanc esse rem significaram. Vnde patet, oppositionem contradictoriam quæ hic consideratur, primariò esse in rebus ipsis, scilicet inter formam & negationem; &

inde refundi in propositiones affirmatiuas & negatiuas. Non quia ipsa quoque propositio negatiua, sit formaliter negatio: est enim verè quoddam ens positiuū, vel oratio vocalis, vel actus iudicii mentalis. Sed quia habet pro suo significato & obiecto negationem. Est autem cõditio valde notanda oppositionis contradictoriæ, quòd nullum medium admittit, nec per participationem, nec per exclusionem vtriusq. extremi, idest fieri non potest vllum subiectum esse in re, cui simul insint forma & negatio talis formæ: vel cui neq. insint forma, neq. negatio formæ. Vnde fit, non posse propositiones contradictorias esse ambas simul veras, vel ambas falsas. Itaq. in omni propositione contradictoria, necessariò vel forma vel negatio dicitur de subiecto: & vna propositio vera est, altera falsa.

*Oppositio
priuatiua.*

Oppositio priuatiua ab Arist. designatur inter habitudinem & priuationem, idest inter formam priuatiuam (hanc enim intelligit nomine habitudinis) & priuationem talis formæ. Priuatio autem est negatio seu carentia formæ in subiecto a pro recipere formam, ut cæcitas in oculo. Itaque vbicumque inuenitur oppositio priuatiua inuenitur etiam contradictoria: Sed non è conuerso: quia non vbicumq. est carentia formæ, est etiam apertudo ad illam, quæ nomine priuationis inuoluitur. Vnde in oppositione priuatiua potest dari mediū per exclusionem vtriusq. extremi: videlicet subiectum, in quod nec fit forma neque priuatio formæ, quod nempe non habet apertudinem ad talem formam. Sic lapis neque dicitur videns neque cæcus. Et hinc patet, oppositionem contradictoriam esse maiorem oppositione priuatiua, & absolute omnium maximam. Et hoc totum docuit ipse Arist. 10. Met. tex. 15.

Sed præterea priuatio pluribus modis sumi potest, ex Arist. 5. Met. tex. 27. Vnde plures gradus seu acceptiones oppositionis priuatiuæ distingui possunt. Primò dicitur priuatio formæ de se quidem aptæ haberi, in subiecto tamen non apte habere. Sic inquit, dicitur planus priuari oculis, quia oculi simpliciter haberi possunt.

Secun-

*Huius
oppositionis
plures gra-
dus.*

Secundo dicitur priuatio formæ quâ subiectum habere potest, si consideretur secundum genus suum licet secundum speciem suam propriâ habere nō possit: sic talpa dicitur cæca, quia quatenus animal potest habere visum. Tertiō dicitur priuatio formæ quam subiectum etiam in specie cōsideratum habere potest, licet non possit habere pro eo tēpore quo forma caret: sic infans dicitur priuatus dētibz, quōs simpliciter aptus est habere, sed non pro eo tempore infantiz: & catuli per aliquot dies dicuntur priuati visu, licet pro tunc non illis debeat visus. Quartō demū priuatio perfecta dicitur, quando subiectum aptum est habere formam, etiam pro illo tempore quo forma caret: sic in homine cæcitas est priuatio visus, in aere tenebræ sunt priuatio luminis. Poterit ergo pariter oppositio priuatiua his omnibus modis accipi, sed maxime attendi solet in priuationibus vltimo modo consideratis.

*Quomodo
à priua-
tione ad
habituū
non datur
regressus.*

Ceterū difficile est quōd Aristot. hic ait, oppositiōē priuatiuā talem esse, quōd subiectū pōt quidē transire de habitu ad priuationē: non tñ potest rursus redire de priuatione ad habitu: ita à priuatione ad habitum non dari regressum: *Neque enim, inquit, cæcus factus aliquis, rursus vidit: neque cum caluus fuerit, rursus comatus factus est: neque cum fuerit edentulus, dentes ei iterum orti sunt.* Hoc inquam, difficile est: quia licet in his exemplis verum sit à priuatione ad habitum non dari regressum, naturaliter loquendo: tamē alia plurima sūt, in quibus facillimē datur talis regressus: vt aer quotidie ex tenebroso fit lucidus, & oculus ex non vidente actualiter fit videns: & sic in alijs rebus similibus.

Propter hoc explicari solet Arist. non dari regressum ad habitum quantum ad eandem numero formam singularem deperditam. Sed hoc verum quidem est naturaliter loquendo: ramen non est hec mens Arist. Nam simul docet, in contrarijs dari mutationem mutuam ex vno ad aliud, & hoc assignat tanquam discrimen inter oppositiōem priuatiuam atque cōtrariā. At manifestū est, non minus in cōtrarijs verū esse, non dari regressū ad eādē numero formā. Alij alijs modis rē explicare conati sunt, minū tñ sufficētibus.

Debet ergo Arist. intelligi, quōd in contrarijs regulariter potest & solet fieri mutatio & conuersio mutua: vt multis exemplis ipse ostendit, inter sanum & languidum, nigrum & candidum, frigidum & calidum, prauum & studiosum. At inter priuationem & habitum plerumq. non potest fieri regressus: vt ostēdit il lis alijs exemplis. Et præcipuē id verificatur, quādo priuatio tollit aliquam potentiam & virtutem naturalem: vt cæcitas tollit potentiam visuum, surditas potentiam audiendi: & ad tales formas non datur regressus. At in tota latitudine oppositiōnis priuatiuæ, nō potest in vniuersum negari, à priuatione ad habitum dari posse regressum.

*Oppositio
relatiua.*

Oppositio deinde positiua relatiua ab Arist. constituitur inter correlatiua, quæ ad se inuicem referuntur: vt inter duplum & dimidium, inter scientiam & scibile. Hæc autem. intantum dicitur oppositio, inquantum non potest vnum & idē subiectum habere duas relationes mutuās, non potest simul esse subiectum & terminus eiusdem relationis: quod satis patet ex dictis de relatione. Atque hæc oppositio inuenitur in omni relatione, etiam transcendentali, & extra prædicamentum relationis. Et perfecte quidem inuenitur, quādo relatio est mutua ex parte vtriusq. extremi: tunc enim mutuo alterum alteri opponitur. Sed si relatio sit tantum ex parte vnius extremi, tunc datur etiā ex parte oppositio relatiua: quia per ipsam vnā relationem opponitur id quod refertur termino ad quem refertur. Et sic Arist. inter exēpla huius oppositiōnis ponit scientiam & scibile: cum tamen scibile nō referatur intrinsicē per mutuam relationem realem, sicut refertur scientia ad ipsum scibile.

At videri potest omnis oppositio esse relatiua: imo oppositio formaliter dicitur relatiua. Nam omne oppositum, alicui est oppositum. Et in specie, contrarietas quæ est aliud genus oppositiōnis positiuæ, dicitur relatiua inter contraria. Nam omne contrarium alicui est cōtrarium. Propter hoc Arist. notat, differre oppositiōem relatiuam ab omni alia oppositiōe: quia, opposita relatiuē, ea ipsa quæ sunt, aliorum esse dicuntur: non sic alia opposita: sed tantum dicuntur esse alijs opposita, idest

*Omnis op-
positio di-
ci potest
relatio:
sed nō om-
nis est re-
latiua.*

H h 2 com-

484 Quæst. XXII. De Cōp. rerū quæ in Prædipos. sunt.

commune quidem est omnibus oppositis, ut dicatur alijs opposita. At præter hoc, illa quæ opponuntur relatiue, dicuntur secundum proprias rationes, & sub proprijs nominibus ad aliud; ut duplum dimidij duplum. Non sic alia opposita. Malum enim dicitur quidem contrarium bono, non tamen dicitur boni malum; nec calidum frigidi calidum. Et in genere oppositi non est negatiua, non dicitur visus cæcitatibus visus; similiter air, non dicitur cæcitas visionis cæcitas, sed visionis priuarii; priuarii autem formæ, non est relatio ad formam, sed est ablatio formæ.

Itaque admitti potest, omnem oppositionem formaliter secundum se esse relationem quandam. Vel realem, dum est inter extrema realia; & reduci ad genus illud relationis, quod consistebat in distinctione rerum determinando talem ac tantam distinctionem, quæ dicat repugnantiam formarum in eodem subiecto. Vel rationis, dum est inter rem & priuationem siue quamcunque negationem. Sed nihilominus rectè diuiditur, alia oppositio relatiua, alia non relatiua: quia oppositio relatiua non solum est in se relatio, sed est inter relationes seu relatiua, quæ inter se referuntur: at oppositio non relatiua, est relatio quædam, sed inter extrema quæ non erant relationes: ut calor secundum se non est frigoris calor; & pariter in alijs exemplis allatis est res manifestata.

Oppositio denique contraria, siue contrarietas, interdum amplè sumitur pro omni oppositione. & sic aliquando Arist. ipse loquitur. Vnde 10. Met. tex. 7. ait, primam contrarietatem esse inter habitum & priuationem. Sed specialiter sumi debet, & hic sumitur, pro oppositione inter formas positivas, & quæ non se habet ut relationes inter se. Ut autem diuisio oppositiouis in quatuor genera sit adæquata, & omnem oppositionem includat, debet contrarietas adæquatè sumi pro omni oppositione inter quasque formas impossibiles in eodem subiecto, exceptis solum relationibus, quarum oppositio constituebatur tertium genus assignatum. Nam nisi in tanta latitudine accipitur contrarietas, non adæquatè assignabitur omnis oppositio per illa quatuor genera. Atque in hoc sensu videtur hic assignasse contra-

rietatem Arist. qui non solum non apponit conditionem aliquam restringentem: sed inter exempla contrariorum, ponit etiam par & impar in numero, quæ tamen sunt differentie diuidentes & contrahentes numerum. Neque curat distinguere contraria, nisi ab alijs tribus generibus oppositorum quæ assignat. Hoc autem modo, etiam formæ substantiales, & quæ plurima accidentia, dici debent inter se contraria, etiam in illis prædicamentis, de quibus dicebatur non habere contrariū.

Itaque alio modo magis præse & propriè sumitur contrarietas, sub quibusdam certis conditionibus, quæ non in omni oppositione huius quarti generis reperitur. Vnde oppositio huius quarti modi debet distinguere in contrarietatem præse & rigorosè dictam, & in aliam minus rigorosè dictam. Ut verò constet, quanam sit contrarietas rigorosè dicta; recensenda hic sunt conditiones quæ ad illam requiruntur.

Prima conditio est, ut contraria sint in subiecto inhærentis, id est sint formæ accidentales inhærentes subiecto. Et per hoc planè excluditur oēs substantia & formæ ipsæ substantiales: quæ sunt quidè in materia, non tamen accidentaliter inhærent.

Secunda conditio est, ut differant plusquā numero. Vnde licet non possint plures formæ accidentales solo numero differentes simul coexistere in eodè subiecto, non tamè dicuntur contraria. Nec obstat quod Arist. 10. Met. tex. 25. supponit, quædam contraria non differre specie, ut masculinum & femininum. Non enim loquitur de contrarijs propriè dictis, sed per contraria intelligit ea quæ inter se differunt.

Tertia conditio sumi videtur ex Arist. 10. Metaph. tex. 13. & 14. ut contraria non penitus differant genere, sed sub eodem genere contineantur. Et ita descendit Suarez. disp. 45. Met. sect. 2. At verò idè Aristot. hoc cap. apertè docet, & in fine concludit, contraria, vel esse sub eodem genere, ut album & nigrum in genere coloris; vel esse sub contrarijs generibus, ut iusticia & iniusticia sub generibus virtutis & vitij; vel ipsa esse genera, ut bonum & malum. Et licet Diuus Thomas tertio contra Gentes, capite nono dicat, Aristot. asserere hoc exemplum boni & mali secundum sententiam,

Pytha-

Contrarietatis prima conditio.

Secunda conditio.

Tertia conditio.

Oppositio contraria.

Pythagoræ qui ponebat hæc duo prima genera & principia: tamen non negat, Aristotelem propria sententia docere contraria posse esse diuersa genera. Præterea 5. Metaph. cap. 10. Aristoteles præcipuè docet, contraria vel differre genere, vel specie sub eodem genere. & 4. Topic. loc. 33. assignat contraria quæ non continentur sub alio genere, sed ipsa sunt genera, videlicet bonum & malum. Hinc aliqui absolutè defendunt, non requiri ad rationem contrariorum, talem conditionem essendi sub genere, & potius in illo loco 10. Metaphysic. Aristotelem non esse locutum ex propria sententia.

Sed in primis, hæc res faciliè resolui potest, dicendo: dupliciter accipi posse contraria. Vno modo determinatè pro illis formis quæ in vno genere conueniunt & inter se repugnant: & hæc constitui per illam conditionem. Alio modo magis amplè pro omnibus formis inter se repugnantibus, etiam si non sub vno genere concludantur: & sic illam conditionem non requiri. Et iuxta hunc duplicem sensum, Aristoteles diuersimodè esse locutum. Et quidem illo loco 10. Metaphysic. Aristoteles loquebatur de illis quæ sub eodem genere differebant: & de his quandam gradum maximæ differentia, appellauit contrarietatem; alijs autem locis magis amplè locus est de contrarietate. Deinde dici potest, omnem contrarietatem in speciali exerceri inter formas quæ sub aliquo genere, si nõ infimo, saltem superiori, in certo prædicamento conueniant. Posse autem in communi & abstractè considerari formas contrarias, non sub vno certo genere. Vt in exemplo Aristot. de bono & malo, contrarietatem non exercetur, nisi inter talem formam conuenientem subiecto, & aliam formam oppositam disconuenientem: quæ formæ semper inueniuntur conuenire in vno certo genere & prædicamento. Sic contrarietatem exercetur inter virtutes & vicia, quæ conueniunt in genere habitus moralis: sic etiam inter actus honestos & prauos. Similiter in intellectu inter habitus scientiæ & erroris, sic etiam inter actus. Et eodem modo in alijs similibus. At potest in generali & abstractè considerari entitas

conueniens subiecto & entitas disconueniens subiecto: qui conceptus generales, non solum non in certo aliquo genere seu prædicamento concluduntur: sed sunt conceptus transcendentis, & communes ad plura prædicamenta: & ab Aristotele appellantur genera, non tamen intelligendo genera prædicamentalia.

Cæterum Aristoteles vtroque loco Metaphysic. citato, docet, contraria quæ in eodem genere conueniunt, maximè distare sub illo. Quod diffcultate non caret, propter illa contraria, de quibus affirmat hoc loco Aristoteles dari media inter extrema: vt virtutes mediant inter vicia extrema, alij colores inter album & nigrum; atque etiam ipsa quæ mediant, sunt contraria extremis; & tamen non maximè ab illis distant, cum plus distant extrema inter se. Sed ad hoc satis videtur dicere, comparationem fieri contrariorum cum non contrarijs, id est illa quæ sunt contraria, maximè distant præ omnibus illis quæ sub suo genere non sunt contraria. Nam contraria, aded distant, vt non solum vnum non sit aliud, sed nec vnum sit cum alio. Inter ipsa autem contraria, possunt quedam magis distare quàm alia: vt in exemplis allatis. Vel Aristoteles illud docuit de contrarijs extremis quæ vtrique maximè distant.

Quarta conditio sumitur item ex eodem Aristotele decimo Metaphysicæ textu decimoquarto, contrarietatem determinatè esse inter duo, ita vt vnum non habeat plura contraria, sed tantum vnum. Hoc pariter diffcultatem habet, propter contraria, in quibus inuenitur medium. Aristoteles ipse hoc loco distinguit quedam contraria non habentia medium, vt par & impar, sanum & ægrum: & quedam habentia medium, vt colores. In his ergo quæ habent medium, inueniuntur plura contraria vni. Ad hoc dici debet conditione contrariorum esse, vt vnum vni opponatur tanquam extremo extremo; sed posse plura opponi vni, comparando media & extrema. Et quidem faciliè constat, ips quæ propriè contraria dicuntur, non inueniri nisi vnum quod tanquam extremum alteri extremo opponatur: & ita

Quarta
conditio

H h 3 con-

contrarietas debet esse determinata quædam oppositio. Contat etiam inueniri posse media inter extrema contraria. Et hoc concedit idem Aristoteles, non solum alijs in locis, sed etiam 10. Metaphys. tex. 15. & deinceps. Fieri etiam potest, ut vni plura sint contraria per modum extremorum in specie; tamen conueniant in quodam genere superiori & determinato, quod sit primo illi vni contrarium. Sic errori contraria est non solum scientia, sed etiam opinio vera. Hæc autem vniuntur in genere cognitionis veræ de tali obiecto, quæ cognitio est primo contraria errori, idest falsæ existimationi. Quomodo verò se habeant illa quæ dicuntur media in contrarietatibus, videlicet virtutes inter vicia, colores medijs inter album & nigrum, & alia huiusmodi: in proprijs materijs examinandum est.

Quinta
conditio.

Quinta demum conditio est, ut contraria ita non possint esse simul in eodem subiecto, quod tamen possint esse separatim & successiue: atque adeo vnum expellat aliud de eodem subiecto. Explicatur: quia aliquo plurima accidentia sunt quæ absolute esse non possunt in aliquo subiecto; ut accidentia spiritualia in subiecto materiali, & e conuerso. Non ergo accidentia spiritualia dicuntur contraria materialibus. Et ratio est clara: quia non tam ob repugnantiam illorum, sed absolute ob incapacitatem subiecti non possunt esse in eodem subiecto, etiam si non adsint alia accidentia. Repugnantia ergo contrariorum attendi debet respectu alicuius subiecti quod sit ex se capax vtriusque contrarij, & separatim possit habere vtrumque; tamen non possint simul ipsa contraria coexistere in eodem subiecto. Tunc enim id formaliter provenit ex repugnantia quam aduersum se inuicem habent.

Et hinc fit, ut vnum contrarium expellat aliud de eodem subiecto. Quoniam quando in subiecto habente vnum contrarium aduenit aliud, recedit & tollitur illud quod præerat. Et hæc dicitur expulsio formalis: quia vnum contrarium, non quidem efficiendo aliquem alium effectum, sed insidendo formaliter in subiecto, excludit aliud. Aliqua autem contraria habent vim se expellen-

di etiam effectiue: ut calor existens in igne expellit effectiue frigus aquæ, efficiendo alium calorem in ipsa aqua. Hoc tamen non est de ratione omnium contrariorum, nec in omnibus inuenitur.

Atque hæc expulsio formalis non conuenit oppositis relatiue, siue relationibus mutuis: quæ non possunt quidem esse in eodem subiecto, ut antea dicebamus: sed tamen vna non expellit aliam; quia subiectum quod refertur, numquam assumit relationem termini, ita ut transeat ab vna ad aliam relationem mutuum & oppositam relatiue. Quamuis autem contraria nõ possint esse simul in eodem subiecto; tamen Arist. 2. Celi tex. 18. docet, existente vno contrariorum in rerum natura, existere etiam & aliud: in quo videntur conuenire cum oppositis relatiue, quæ dicuntur simul existere. Sed tamen dictum illud Aristotelis intelligitur tantum ob complementum & perfectionem vniuersi, quod ad sui integritatem requirit diuersitatem & contrarietatem rerum. Relatiua verò ex propria & interseca ratione dicunt coexistentiam.

Cæterum qualiter contraria, licet inter se repugnantia & impossibilia, tamen possint esse simul in gradibus remissis & imperfectis, ut præsertim in primis elementorum qualitatibus est perspicuum; solumquæ in gradibus intensis & perfectis verificetur, talia contraria non posse esse simul: qualiter etiã per Dei potentiam possint simul collocari in vno subiecto, illa contraria quæ aliqui naturaliter non poterant esse simul: in proprijs materijs philosophicis examinandum erit.

SECTIO SECVNDA.

De Comparatione rerum per connexionem.

Connexionem hic accipimus pro habitu dine eorum, quæ vel sunt simul, vel habent ordinem prioris & posterioris. De qua habitu dine agit Aristoteles in hoc tractatu. Et satis erit cum ipso Aristotele recensere varios modos prioritatis ac simultatis. Multis enim modis

Connexio
per prius
& posteri-
us, &
simul.

Sec. II. De Comparatione per Connexionem. 487

modis hæc habitudo dicitur. Quatuor modos prioris, magis communes & consuetos, Aristor. hoc loco recenset. Quintum ipse addit.

*Primus
modus
prioris &
posterio-
ris.*

Primo modo dicitur prius secundum tempus; quando nempe ordine durationis & temporis vnum est ante aliud; & quod antiquius est, dicitur prius. Estque res notissima.

*Secundus
modus.*

Secundo dicitur prius id à quo non conuertitur existendi consequentia, idest quando duo ita se habent, vt ab existentia huius rectè inferatur existentia illius; sed non è conuerso ab existentia illius inferatur existentia huius: illud inquam à quo non valet illatio, à quo non conuertitur consequentia existendi de alio extremo, dicitur prius, aliud verò dicitur posterius. Illud enim à quo non conuertitur consequentia, signum est, quòd potest existere sine alio, sed aliud non potest existere sine illo. Vnde meritò illud dicitur prius, aliud posterius. Sic vnum est prius duobus, quia rectè inferitur: si sunt duo est vnum; sed non è conuerso si est vnum, sunt duo. Hoc etiam modo gradus superiores dicuntur priores gradibus inferioribus: quia rectè valet: si est homo est animal; sed non conuertitur, si est animal est homo.

*Tertius
modus.*

Tertiò dicitur prius ordine: vt in scientijs, aliæ debent præcedere; aliæ sequi: & in vna eademque scientia, alij tractatus præcedunt, alij sequuntur: & in oratione proximum debito ordine narrationem præcedit.

*Quartus
modus.*

Quartò dicitur prius dignitate, illud scilicet quod præstantius & excellentius est. Quod potest intelligi, cum perfectione physica, vt Angelus est prior homine, homo prior brutis; tum etiam excellentia quadam morali, sic dicitur prior is qui habet aliquam dignitatem præ alio, is qui honorabilior est: is etiam qui ab aliquo plus diligitur, dicitur apud illum prior. Ideò Aristoteles hunc modum vocat alienissimum inter omnes modos prioris: quia nimirum in humana existimatione & arbitrio consistit.

*Quintus
modus.*

Quinto modo, quem Aristor. addit, dicitur prius illud à quo etiam si conuertatur existendi consequentia, tamen est aliquo modo causa existentie alterius.

Sic hominem esse, est prius quàm veram esse orationem id enunciantem, quia est causa eius: quamvis conuertatur consequentia: si homo est, & illa oratio vera est: sic etiam si dies est, sol est; & si sol est, dies est; prius autem est solem esse, quia sol est causa diei: item essentia est prior passionibus, cum tamen ab ipsa essentia rectè conuertatur consequentia ad passionem. Et in vniuersum, quacunque causa est prior suo effectu, siue effectus contingenter, siue necessarìo ex tali causa promanet: & hæc propriè dicitur prioritas causalitatis: & communiter appellari solet naturæ; dicitur enim causa ordine naturæ prior suoeffectu, etiam si sit simul duratione & tempore. Porrò hæc prioritas naturæ, est verè realis, quòd causa realiter causar effectum: quoniam est ipsa causalitas, quæ realis est. Interdum verò consideratur hic ordo inter aliqua quæ à parte rei non distinguuntur, sed ratione nostra concipiuntur distinctè, & cum quodam ordine. sic aliqui tantum ratione distinguunt potentias ab essentia: & in Deo solum ratione distinguuntur attributa ab essentia. Et hoc modo talis prioritas & ordo naturæ, non est realis, sed rationis.

Præter hos alij sunt etiam modi prioris, quos recenset Aristor. 5. Metaphys. cap. 11.

Sextò dicitur prius loco, quod est tertio alicui loco propinquius: & è contra quod remotius est, dicitur posterius.

*Sextus
modus.*

Septimò dicitur prius in tempore: de præteritis quidem illud quod remotius est à præsentis nunc: de futuris verò illud quod propinquius erit.

*Septimus
modus.*

Octauò dicitur prius motu, illud quod magis appropinquat mouenti: vt homo puer quam senex generanti.

*Octauus
modus.*

Nonò dicitur prius potentia, quod alijs præminet: vt princeps & prælatus, qui sua voluntate & electione disponit vt cætera fiant.

*Nonus
modus.*

Decimò dicitur prius ordine seu numero, quod ante alia numeratur: vt primum ante secundum, secundus ante tertium.

*Decimus
modus.*

Vndecimò dicitur prius cognitione, quod ante alia cognoscitur: & hoc dupliciter, vel ratione seu intellectu co-

*Vndeci-
mus mo-
dus.*

gnoscente, vel sensu. Vbi fieri potest, ut quæ sunt prima ratione sint posteriora sensu, & è conuerso. Sic aut, vniuersalia sunt priora secundum rationem, singularia secundum sensum: & sic in alijs plurimis.

*Ultimus
modus.*

Postremò dicitur prius natura, id quod potest existere sine alio, non aliud sine illo: sic subiectum & substantia præcedit accidentia, potentia est prior actu, partes toto. Quod genus prioris, redit in illud à quo dicebatur nõ conuerti existendi consequentiam.

*Modi of-
fendi si-
mul.*

Deinde quamuis eodem modis quibus assignatus est ordo prioris & posterioris, possit assignari ordo essendi simul: tamen tres præcipue modos, vtpotè magis perspicuos & conuersos, Aristot. hic cap. de Simul. recenset. Primò simpliciter & propriissimè dicuntur simul tempore, quæ videlicet simul sunt aut existunt in tempore, & non vnum antea, aliud postea. Secundo, dicuntur simul natura ea inter quæ conuertitur existendi consequentia, & vnum non est alterius causa: vt se habent diuplum & dimidium, & alia huiusmodi correlatiua. Tertiò, dicuntur simul quæ primariò diuidit genus aliquod: vt volatile gressibile & aquatile sub animali: & sic in diuisionibus aliorum generum, quando natura generica æquè primò conuenit & communicatur singulis speciebus, & non vni per dependentiam & participationem essentialē ab alia.

*Quomodo
prius &
posterior
sint si-
mul.*

Sed hinc dubitari potest primò, quia prius & posterius dicitur relatiuè: prius enim est posteriori prius, & posterius est priori posterius: sed correlatiua sunt simul natura: ergo prius & posterius, etiam inquam prius & posterius natura, sunt simul natura: quæ videtur aperta re-

pugnantiā. Ad hoc dicendum est, debere distingui, denominationes ipsas formales prioris & posterioris: & res quæ ita denominantur: siue relationes ipsas, & fundamenta relationum. Res ergo ipsæ sunt, quarum vna est prior, alia posterior: ac denominationes ipsæ formales seu relationes sunt simul. Itaque denominatio ipsa prioris non est prior denominatione posterioris, neque hæc est posterior illa: sed res illa est prior, alia posterior. Quando autem dicuntur correlatiua esse simul natura, intelligitur formaliter quoad ipsas relationes seu denominationes relatiuas: vt suo loco in proprio prædicamento notauimus.

Secundò, tam simul quàm prius & posterius dicuntur relatiuè: sed habitu do relatiua, est habitudo oppositionis, & constituebat tertium genus oppositionis: ergo prius & posterius & simul non dicunt connexionem, sed potius oppositionem. Ad hoc etiam dicendum est, benè posse inter aliqua considerari & oppositionem & connexionem, maxime oppositionem relatiuam, quæ est omnium minima. Nam vtiq; ipsamet connectio dicitur relatiuè. Quod enim connexum est, alicui connexum est. Itaque inter ea quæ relatiuè dicuntur, consideratur oppositio, inquantum vnum non potest esse aliud, & non potest idem esse relatiuum & terminus. Consideratur etiam connectio, inquantum coniuncta sunt, vel concomitanter seu consequenter se habent. Ea ergo quæ sunt simul, & quæ sunt prius & posterius, opponuntur relatiuè: quia non est idem quod dicitur esse simul cum se ipso, prius aut posterius se ipso. Connectuntur autem, inquantum coexistunt, siue inquantum vnum sequitur ad aliud.

*Quomodo
prius &
posterior
& simul
dicantur
per con-
nexionem.*



QVÆSTIO VIGESIMATERTIA.

De Primo Actu Cognitionis intellectiue, nempè Simplici Apprehensione.

Oportet iam de singulis actibus intellectiue cognitionis specialiter & distinctè tractare. Et quidem Aristoteles in duobus libris Græcè Perihermenias, Latine de Interpretatione, qui proximè post totum Prædicamentorum librum sequuntur, agit tam de quibusdam spectantibus ad primam operationem, quàm de ijs quæ spectant ad secundam operationem: de his autem prolixius. Primus actus intellectiue cognitionis solet appellari Simplicium apprehensio. Sic etiam Aristoteles 3. de Anima tex. 21. appellauit indiuisibilem intellectiōnem. Verùm quia simplicitas quæ huic actui attribuitur, magis se tenet ex parte ipsius actus, quàm obiecti: dicimus enim apprehendi etiam complexa & integras propositiones, simplici tamen actui: & quia etiam huic actui attribuitur simplicitas, ad differentiam secundæ operationis, quæ appellatur compositio, quasi composita cognitio: idèd potius appellamus simplicem apprehensionem.

SECTIO PRIMA.

Quid sit Simplex apprehensio, & quod obiectum habeat.

*Simplex
apprehen-
sio expli-
catur.*

Simplex apprehensio est cognitio quædam nostri intellectus, quæ simpliciter concipimus obiectum, non determinando an sit vel non sit id quod menti obijcitur. Per hoc explicatur propria ratio huius actus, & differentia essentialis tum à secunda tum à tertia operatione, idest ab omni noticia iudicatiua, per quam nimirum intellectus, vel affirmando determinat rem esse, vel negando determinat non esse: simplex autem apprehensio repræsentat tantum & obijcit intellectui aliquid per modum simplicis conceptus, non determinando rem esse vel non esse, non affirmando vel negando. Magis autem innoteſcet ratio huiusmodi apprehensionis, assignando eius obiectum, & deinde modum quo illud attingit.

*Habes pro
obiectos
minores, su-
ne comple-
xos, siue
incomplexo-
sos.*

In primis, satis notum est. per primam operationem simpliciter apprehendi terminos omnes, siue res significatas per ipsos terminos: non solum inquam terminos incomplexos, homo, album, &c. sed etiam complexos, animal rationale, filius Francisci, &c. non solum res prorsus simplices, sed etiam res compositas ex pluribus partibus. Patet ipsa expe-

rientia. Patet etiam ratione: quia licet in termino complexo & in re composita inuoluantur plura: tamen inuoluantur per modum vnius, & ita vnicui actui possunt apprehendi per modum vnius. Vt enim docuit D. Thom. 1. par. quæst. 85. art. 4. Intellectus nollet potest vnicui actui complexi plura per modum vnius: non potest autem plura per modum plurium, & ut plura sunt, nisi per plures actus. Sic vtrique vno actui concipimus rei definitionem, vno actui concipimus quantitatē, concipimus compositum, & omnia alia huiusmodi. Neque sicut sunt distinctæ partes in obiecto quod concipitur, ita etiam sunt in ipso actui quo concipitur.

Deinde maius dubium esse potest, an ad obiectum simplicis apprehensionis pertineat etiam integra propositio, constants ex subiecto & prædicato cum copula affirmationis seu negationis. Vsq̃ue prima parte disputatione 75. numero 21. sentire videtur, solas voces apprehendi posse per primam operationem in propositionibus: & eadem prima parte disputatione 223. & 1. 2. disputatione 62. & disputatione 79. vbiq̃ue cap. 3. ait, iudicium & assensum consistere in hoc, ut non tantum cognoscantur extrema, sed & connexio inter illa: quæ cum cognoscitur, tunc erit iudicium, & non simplex apprehensio. Et non multum distat ab hac eadem sententia. Suar.

490 Quæst. XXIII. De Simplici Apprehensione.

Suar. disp. 8. Metaph. sect. 4. num. 8. ubi significat, propositiones dum apprehenduntur esse tantum in mente non ultimata. Idem videtur sentire Greg. in Prolog. sent. quæst. 1. art. 3. Addit Vasquez disp. illa 223. in fine, non posse per simplicem apprehensionem concipi convenientiam & ordinem vnius relati ad aliud: sed dum apprehenditur talis ordo, iam esse compositionem & iudicium. Et confirmat, quia cum apprehensione illius ordinis non potest esse dissensus negans vnum extremum referri ad aliud: quod signum est, illam apprehensionem iam esse iudicium & assensum.

Habet enim pro obiecto integras propositiones

Dicendum tamen est, per primam nostram operationem apprehendi etiam integram propositionem, idest non tantum propositionis extrema, subiectum & prædicatum: sed etiam connexionem extremorum, convenientiam prædicati cum subiecto: non tantum quoad voces, & per conceptum non ultimatum; sed maxime quoad rem significatam, & per conceptum ultimatum. Hæc est communis sententia Auctorum qui huius rei meminerunt, Conf. 4. Metaph. cap. 21. quæst. 6. sect. 6. Conimbr. 3. de Anima cap. 13. quæst. 4. art. 1. Toler. 3. de Anima quæst. 21. & 22. Caiet. in Præfat. prædicam. & 1. part. quæst. 17. art. 3. & quæst. 58. ar. 5. Soc. 1. Post. cap. 1. quæst. 1. ad 2. & aliorum. Idem quæ videtur concedere Suar. ead. sect. 4. à num. 4.

Non solum quoad extrema, sed quoad connexionem etiam extremorum.

Probatur primò. Sicut possumus simpliciter apprehendere quæcumque res & quæcumque propositionum extrema: ita sine dubio possumus pariter apprehendere connexionem inter ipsas res, inter ipsa extrema, per modum simplicis conceptus. & sicut dum apprehendimus rem, non per hoc determinamus rem esse vel non esse: ita intelligendum est, nos apprehendere ipsam connexionem non determinando an ea sit vel non sit: propositio autem consistit in ea connexionem extremorum: ergo possumus apprehendere integram propositionem, & non solum extrema per se ac separatim sumpta. & hoc totum per primam operationem sine interuentu iudicii.

Secundò. Omne illud quod definiri potest, potest simpliciter apprehendi: nam definitio dicit essentiam rei explici-

te apprehensam, definitum verò dicit rem implicite apprehensam: sed potest suo modo definiri conexio inter prædicatum & subiectum, & potest vtrique quæri quid sit talis conexio & coniunctio: ite potest definiri ipsa propositio, & potest quæri quid sit hominem esse virtuosum; & hoc totum fieri potest, non determinando an verè detur illa conexio, an prædicatum insit subiecto, an homo verè sit virtuosus. ergo potest integra propositio & conexio prædicati cum subiecto, simplici conceptu sine iudicio apprehendi.

Tertiò. Sapè cogitamus & mente reuoluimus quæstiones & propositiones de quibus sumus dubij, imò etiam propositiones falsas. Sic certè si quis audiat dicentem altra sunt paria, probe intelligit & percipit quid ille significet, etiam si non præbeat assensum, non affirmet altra esse paria: similiter si quis audiat dicentem Angelus est corporeus, statim percipit significatum talis propositionis: & sic in alijs omnibus propositionibus, siue dubijs, siue falsis: ergo apprehenduntur tales propositiones sine determinatione iudicii. & pariter in propositionibus veris & notis, distingui debet apprehensio à determinato iudicio.

Quartò. Talis apprehensio non est de solis vocibus, sed maxime de significato vocum. certè enim alius conceptus gignitur in mente eius qui easdem voces audiat earumque significationem ignorat, atque in mente eius cui vocum significatio nota est: & omnia ea quæ dicta sunt, procedit de eo cui nota sit significatio vocum. Hic autem non tantum formabit conceptum non ultimatum vocum, sed maxime conceptum ultimatum de significato vocum: ergo propositiones possunt apprehendi non tantum quoad voces & per conceptum non ultimatum, sed maxime quoad rem significatam & per conceptum ultimatum.

Non solum quoad voces, sed etiam quoad res significatas.

Quintò. Manifestum prorsus est, posse simpliciter apprehendi ordinem vnius relati ad aliud sine determinato iudicio. Dum enim nominatur simpliciter paternitas, similitudo, aequalitas, &c. vtrique hæc omnia simpliciter apprehendimus sine assensu & iudicio. Et pariter si dicatur aequalitas huius rei ad aliam, apprehenditur

henditur citra iudicium. Imo etiam si dicatur, hanc rem esse aequalem illi, hunc hominem esse patrem illius: potest utique apprehendi totum hoc significatum, etiam si intellectus non assentiat: ut patet quando res est dubia vel euidenter falsa. & cum tali apprehensione potest adhuc dari dissensus negans: imo praequiritur apprehensio ordinis ac relationis, siue ad negandum, siue ad affirmandum. Deinde Vasquez ad summum dicere debet, apprehensionem conuenientiae inter praedicatum & subiectum esse compositionem & iudicium. At conuenientia inter relata, non est conuenientia inter praedicatum & subiectum: non enim, vnum relatum praedicatur de alio, filius de patre. Si autem dicat, conuenientiam relationis ad suum subiectum esse conuenientiam praedicati ad subiectum: id erit commune ad omnes modos & formas existentes in subiecto, & nihil peculiare erat de relatione. Sed planè ipse loquutus est de conuenientia et ordine inter ipsa relata, vnus scilicet relati ad suum extremum. Demum ipse Vasquez 1. par. disp. 134. num. 7. & 1. 2. disp. 44. num. 7. & 12. & in fine, planè docet, posse nos simpliciter apprehendere absque compositione & iudicio, rem ut bonam aut malam, conuenientem aut disconuenientem nobis. quod est maxime apprehendere rem ut relatum.

Quomodo prima operatio dicitur simplicium apprehensio.

Obijcies primò ad probandum, solos terminos implexos & simplices posse per primam operationem apprehendi. Aristot. 3. de Anima tex. 21. hanc operationem appellauit indiuisibilibus intelligentiam, & alij appellare solent simplicium apprehensionem: sed soli termini implexi sunt indiuisibiles & simplices: ergo.

Respondetur. Aristot. ipsum text. 23. & 24. explicare indiuisibile, non quod diuidi non possit, sed quod actu diuisum non sit, idest quod non sit diuisum in plures conceptus, sed sumatur per modum vnus conceptus, & quod indiuisibili tempore, & indiuisibili animae intelligentiae percipitur, idest vno instanti, vnico actu comprehenditur. Et idem sensus esse debet, quando hac operatio appellatur simplicium apprehensio. Ideo ad hanc ambiguitatem vitandam, praestat

appellare simplicem apprehensionem, ut ab initio praefati sumus. Et quomodo in hoc differat à secunda operatione quae dicitur compositio, magis explicabimus quæst. sequenti.

Obijcies secundò. Terminus complexus, & multò magis propositio, est cuius partes separatae adhuc significant, suamque significationem retinent: sed voces extrinsece substituuntur loco conceptuum, & in se ipsis praeserunt quod in actibus mentis geritur: ergo conceptus seu actus mentalis cui terminus complexus correspondet, talis est ut habeat plures partes, quarum qualibet per se repraesentat suum partiale obiectum: ergo non vno simplici actu terminus complexus apprehenditur.

Respondetur. Non oportere, ut omnis distinctio & compositio quae est in vocibus externis, sit in actibus mentis internis: quinimo multò plures voces adhiberi solent ad promendum exterius quod paucioribus actibus mente geritur. Sed quia voces directè significant res ipsas conceptas: ideo dum terminus complexus dicitur, cuius partes separatae significant, solum sequitur, in re concepta & significata, inueniri partes quae distinctis vocibus significantur, quae etiam possint distinctis actibus concipi: licet tunc quando sumuntur per modum vnus, vno actu concipiantur.

Obijcies tertio. Quando concipitur terminus complexus, posset in mente remanere conceptus vnus partis sine conceptu alterius, v. g. animalis sine rationali, rationalis sine animali: ergo in illo conceptu erant distinctae partes, idest distincti actus.

Respondetur. Fieri quidem posse, ut in mente separati sint conceptus de terminis implexis apertis conficere vnum complexum: tamen fieri non posse, ut separantur in illo actu quo concipiebatur vnus terminus complexus: sed vnus simplex actus est, quo totus hic terminus concipitur. Si autem concipiatur animal tantum, vel rationale tantum: tunc non vna pars auferatur, altera remanet de priori actu: sed totus ille abit, & alius nouus aduenit.

Obijcies quartò. Propositiones ex ratione sua propriè spectant ad secundam operationem.

Quomodo vnus simplex actus plura comprehendat.

Quomodo possit separari apprehensio plurimum terminorum.

Quomodo differat opera-

*prima à
secunda
operatio-
ne circa
proposicio-
nes*

operationem, siue ad notitiam iudicati-
uum: ergo non possunt spectare ad pri-
mam operationem: alioqui confundi-
tur secunda cum prima. Imo dici solet,
secundam operationem verari circa cõ-
plexa, primam circa incomplexa, sumen-
do complexa pro integris propositioni-
bus, incomplexa pro omnibus terminis
circa propositiones.

Respondetur. Longè diuerso modo pro-
positiones spectare ad primam & secun-
dam operationem. Ad secundam enim
spectant quatenus determinatè iudican-
tur, affirmando aut negando: ad primam
verò solum quatenus earum significatum
percipitur: vt magis sect. sequenti pare-
bit. Et in hoc sensu prima operatio di-
citur circa incomplexa verari: quia
etiam ipsæ propositiones in illa se habent
ad modum aliorum incomplexorum: dum
apprehenditur sine determinatione iudi-
cij connexio extremorum, eo modo quo
apprehenduntur ipsa extrema.

SECTIO SECVNDA.

An & quomodo Simplex apprehensio attingat tantum quid res sit, & non an sit.

*Aristot.
ita docet.*

*Et S. Tho-
mas.*

Aristoteles multis in locis 6. Meta-
text. 8., 9. Metaph. 22. 3. de Anima
text. 26. & alibi, planè supponit primam
nostram operationem à secunda distin-
ctam attingere quod quid est rerum: &
proprium eius rationem esse, apprehen-
dere quid res sit. Hinc S. Thom. initio
Perhier., & initio Poster., 1. part. quæst.
85. art. 5., 2. cont. gen. c. 39. & alibi,
docere solet, adæquatum obiectum sim-
plicis apprehensionis esse quidditatem re-
rum. Imo expressè in 1. dist. 19. quæst. 5.
art. 2. ad 7. adiunctis quæ dixerat in cor-
pore, & Opulc. 70. quod est super Boet. de
Trinit. quæst. 5. art. 3. asserit, cùm in-
re considerari possit quidditas seu essen-
tia, & esse seu existentia: simplicem ap-
prehensionem propriè attingere quiddi-
tatem: notitiam verò iudicatiuum per
compositionem & diuisionem attingere
existentiam rei: non quasi per hanc solum
cognoscatur an res existat vel non existat
per propositionem de secundo adiacente:

sed etiam an sit talis vel talis, an homo
sit albus, sit doctus, & cætera huiusmo-
di, per propositiones de tercio adiacente.

Iuxta hoc Caiet. 1. part. quæst. 17. ar-
3. §. 5. ad euidentiā affirmat, ad primam
operationem pertinere, non solum ap-
prehensionem quidditatis & definitionis
secundum se, sed pertinere etiam appli-
care talem quidditatem & definitionem
tali rei, v. g. dicendo linea est longitudo
cuius extrema sunt duo puncta. Ad se-
cundam verò operationem pertinere iudi-
cium de proprietatibus & accidenti-
bus alijsquē omnibus prædicatis rei, ita-
que videtur velle, ita primam operatio-
nem attingere quid rei, vt etiam ad il-
lam pertineat affirmare quidditatem de
ipsa re, idquē indicat ipse S. Thom. 1.
part. quæst. 17. art. 3. & quæst. 85. art. 6.
& 1. cont. gent. cap. 59.

Sed præterea Suarez. disp. 8. Metaph.
sect. 3. num. 6 & sect. 4. num. 6. ait, ab-
solutè simplicem apprehensionem inuol-
vere aliquo modo, scilicet virtualiter &
implicitè, rationem iudicii: ita vt per sim-
plicem apprehensionem tali modo iudic-
etur res esse talis sicut apprehenditur,
v. g. hominem esse animal rationale, & sic
de alijs propositionibus.

Aliqui autem recentiores volunt, non
solum virtualiter & implicitè, sed etiam
formaliter & explicitè, primam operatio-
nem attingere an res sit, & cognosce-
re in integra propositione hoc esse illud,
hominem esse animal, Petrum currere, &
similia: dicentes, id totum posse cogno-
sci, tum per notitiam apprehensiuam, tum
iudicatiuam: & apprehensiuam esse pri-
mam operationem, iudicatiuam esse se-
cundam.

Dicendū tamè est de mente Arist. sim-
plicem apprehensionem attingere tantum
quid est rei, nec determinatè attingere
an sit sed hoc spectare ad iudicium & se-
cundam nostri intellectus operationem.

Explicatur & probatur primò. Si intel-
lectus apprehendat simplicem aliquem
terminum, siue etiam terminum comple-
xum, vt animal rationale: vtique non
determinat rem esse, hominem esse,
animal rationale: quia sic integram pro-
positionem perficeret, vt patet. Sed
tantum percipit quid significatur, quod
sit significatum illius termini. Non quasi
per

*Aliquorū
sententia.*

*Apprehen-
sio attingit tantū
quid est,
et non an
est.*

per modum propositionis enunciat, hoc nomen significat hanc rem; sed quia simpliciter sub hoc nomine tanquam signo percipit hanc rem. & hoc est attingere quid est rei. Vel implicite, dum v.g. percipit homo. Vel explicite, dum percipitur definitio, animal rationale. Et sic etiam dum obijcitur intellectui quodcumque accidens, vel etiam ens fictum, aut non ens seu negatio; percipitur quid est talis obiecti. Si deinde intellectus per primam operationem apprehendat integram propositionem, percipit solum significatum eius, non determinando an ita sit vel non sit: & ita tantum attingit quid est ipsius propositionis seu connexionis inter prædicatum & subiectum. Patet enim possibile esse hanc perceptionem tantum quoad significatum & quid est propositionis, ut patet ex dictis sect. præcedenti. Clarum est etiam, hanc perceptionem antecedere illam determinationem qua intellectus præbeat assensum tali propositioni percipere: ea ergo simplex perceptio spectat ad primam operationem, & non illa determinatio qua res esse vel non esse cognoscitur.

Et in hoc distinguitur à iudicio.

Secundo. Idem clare probatur: quia in hoc distinguitur prima operatio à secunda: quod prima tantum percipit rem seu propositionem; secunda determinat iudicat, afirmando vel negando, rem esse vel non esse, hominem esse vel non esse animal, & sic de alijs. Si ergo id totum primæ operationi tribuatur, tollitur secunda operatio: nihil enim superest quod illi amplius tribuatur.

Tertio. Ideo Angeli non habent secundam operationem à prima distinctam, quia vno simplici intuitu cognoscunt rem & prædicatum convenire ipsi rei, cognoscunt propositionem quoad an est. Ita sumitur ex S. Thom. 1. par. quæst. 58. ar. 4. & est notum apud eos qui tenent Angelos non cognoscere componendo & dividendo: ergo pariter si intellectus noster prima operatione & simplici apprehensione id totum percipit, non debet in illo distingui alia secunda operatio.

Quarto. Dici non potest illo modo notitiam primæ operationis esse apprehensionem, secundæ iudicativam; & ideo distingui. Nam si in prima operatione cognoscitur determinate rem esse, ho-

minem esse animal; non requiritur alia notitia iudicativa distincta: sed iam illa prima notitia est iudicativa, et est affirmativa. Intantum vero potest distingui notitia apprehensiva & iudicativa; in quantum per apprehensionem tantum percipitur significatum huius propositionis, non determinando an ita sit; per iudicativam vero determinate intellectus affirmat hominem esse animal.

Quinto. Dici non debet in simplici apprehensione propositionis virtualiter & implicite includi iudicium. Nam apprehensio prærequiritur quidem ad ipsum iudicium; tamen iudicium nullo modo est, nisi dum determinat res affirmari aut negari: sed in apprehensione nullo modo res affirmatur aut negatur: ergo nullo modo dici debet in illa includi iudicium. Imo quavis apprehensio quantum est de se, indifferenter & expeditum relinquit intellectum, siue ad affirmandum, siue ad negandum. post enim perceptum significatum propositionis, & simul cum ipsa apprehensione potest stare, siue affirmatiui siue negatiui iudicium, siue assensus siue dissensus: ergo dici non debet apprehensio villo modo includere iudicium, vel negatiui, vel affirmatiui.

Apprehensio non includit iudicium.

Sexto. Etiam in propositione enunciante definitionem de definito, prima operatio tantum habet apprehendere significatum propositionis, non autem habet determinate affirmare. Nam certe iudicare hominem esse animal rationale, est actus secundæ operationis, consequens post apprehensionem quæ est prima operatio: & hæc propositio, homo est animal rationale, exterius enunciativè prolata, exprimit iudicium affirmativum secundæ operationis: eademque prorsus ratio est de hac propositione, homo est risibilis, homo est animal risibile, alijque similibus, arque de illa, homo est rationalis, est animal rationale. Vel ergo determinatio omnium harum propositionum spectat ad primam operationem, quod falsum est: vel spectat tantum ad secundam, & non ad primam, quod verum est. Accedit quod Caiet. supponit, etiam quando definitio vnius rei falso attribuitur alteri rei cui reuera repugnat, id fieri in prima operatione: ergo maiori ratione quando alicui rei tribuitur prædicatum.

Etiam affirmatio quid dicitur de re, spectat ad iudicium, non ad apprehensionem.

494 Quæst. XXIII. De Simplici Apprehensione.

dicatum aliquid accidentale quod illi non repugnat, deberet ad primam operationem pertinere: & ira non tantum, affirmatio definitionis de definito, sed omnis propositio pariter determinatè spectabit ad primam operationem. Quod si Caiet. voluit, per primam operationem apprehendi tantum significatum propositionis, & quid est connexionis: id non tantum verificatur in coniunctione definitionis cum definito, sed etiam cuiuscunque prædicari cum subiecto: non ergo debuit distinguere inter definitionem & alia prædicata.

*Quomodo
dicat S. Thom.
Ans. T. h. c.
mas, ap-
prehensio-
nem ver-
sari circa
essentiam,
iudicium
circa exi-
stentiam.*

Pollremò ex his debet explicari quod dicebat S. Thom. primam operationem versari circa essentiam, secundam circa existentiam. Non enim id potest absolute intelligi, quasi non etiam circa essentiam formemus propositiones per secundam operationem, & quasi non etiam rerum existentiam simpliciter apprehendamus. Sed intelligitur per accomodationem quandam: quia essentia dicit quid res sit, abstrahendo ab eo quoddam actu sit vel non sit: ita in prima operatione concipimus quid rei, seu quid propositionis, non determinando an sit vel non sit id quod apprehenditur. Existentia autem dicit rem esse, & secunda operatio est quæ in mente determinat rem esse. Certe autem possumus & ipsam existentiam rei apprehendere per modum essentiae, concipiendo quid sit existentia, quid sit rem existere: & hunc conceptum formamus etiam de re quam nescimus existere. Et si conuerso de ipsa rei essentia iudicamus quodammodo ad instar existentiae, dum affirmamus determinatè, hanc esse essentiam huius rei, talem rem habere talem essentiam, hominem esse animal rationale.

Similiter dum nos dicebamus primam operationem attingere quid res sit, & non primam sed secundam attingere an res sit: obseruandum est, ipsam rem esse rei, simpliciter concipi per modum quid est, quia apprehendimus quid sit rem esse, rem esse hoc vel illud, percipimus significatum harum propositionum absque determinatione illarum. Et si conuerso ipsum quid est, non tantum simpliciter apprehendimus, sed etiam de illo iudicamus ad modum an est, dum affir-

mus determinatè talem quidditatem, de tali re; & querenti quid sit homo, quid sit equus, respondemus per propositiones affirmatiuas & determinatas. Quoad modum ergo cognoscendi debet intelligi, simplicem apprehensionem attingere quid est, iudicium attingere an est rei.

Hinc etiam debet explicari, quando idem S. Thom. videbatur primæ operationi tribuere affirmationem definitionis de definito. In illis enim locis primæ partis, S. Thom. nequaquam dixit, primam operationem esse quæ attribuit definitionem rei. Sed tantum dixit, intellectum attribuire, & in tali attributione posse falli. Quod debet intelligi per secundam operationem. Nam ipsemet expressè docet, in tali attributione inuolui compositionem: certe autem compositio mentalis est secunda operatio. Distinguit ergo ibi duplicem cognitionem quidditatis; primam sine compositione, & hæc est simplex apprehensio; secundam cum compositione, & hoc est iudicium. In alio rari loco contra Gent. expressè dixit, intellectum incomplexum esse illum qui attribuit definitionem rei, cognoscendo definitionem in comparatione ad rem. Difficultatem vidit ibi Ferr. & respondet S. Ad euidentiæ primi dubij, S. Thom. non intelligere talem comparationem ex parte obiecti, sed ex parte modi cognoscendi. Clariùs dici potest, intellectum incomplexum apprehendere definitionem in comparatione ad rem, non quidem determinando et affirmando, sed percipiendo tantum significatum illius propositionis in qua definitio prædicatur de definito. Vel, intellectum incomplexum S. Thom. accepit non tam ex parte actus, quam potius ex parte obiecti, intellectum scilicet cognoscentem quidditatem rei, quoniam quidditas & res, in re non faciunt complexiorem: & intellectus sic sumptus habet duplicem actum, vnum incomplexum etiam ex parte sua, alterum vero complexum ex parte sua, & in hoc inuolui comparationem determinatam quidditatis ad rem. Nam S. Thom. in eodem discursu simul docet, comparationem non dari nisi in complexione, atque in illa comparatione quidditatis ad rem planè constituit complexiorem, sicut in locis primæ partis compositionem.

Explicatur S. T. h.

Obij.

Quomodo definitio cognoscatur.

Obijcies præterea primò ex Caietano. Quidditas est alicuius rei quidditas: ergo non satis cognoscitur, nisi cognoscatur cuius rei sit. si ergo ad primam operationem spectat cognoscere quidditatem, spectat etiam cognoscere cuius rei sit, quod est determinatè cognoscere.

Respondetur. Quidditatem rei non satis cognosci per solam primam operationem, sed cognosci quidem tantum apprehensivè & quoad significatum nominum: iudicativè autem & determinatè cuius rei sit, siue quoad an est modo explicato, debet cognosci per secundam operationem.

Quomodo apprehensio sit cognitio sine ratione iudicij.

Obijcies secundo ex Suar. Omnis actus potentia cognoscitivus, siue omnis cognitio, debet esse aliquo modo iudicium: quod enim non iudicatur, ignoratur: ergo simplex apprehensio, cum sit actus quidam cognitionis, involuit saltem virtualiter & implicite aliquam iudicii rationem.

Respondetur, negando assumptum: quia cognitio alia est iudicativa, alia apprehensiva. & quod non iudicatur, ignoratur quidem determinatè, sed cognoscitur apprehensivè, id est mente percipitur. Idquè patet manifestè in apprehensione simplicium terminorum, in qua nullum penitus involuit iudicium: & ita possibilis est mera apprehensio connexionis, sine iudicio an sit vel non sit, siue apprehenduntur ipsi termini.

Quomodo cognitio sensitiva attingat re quoad an est.

Obijcies tertio. In simplici cognitione sensitiva attingitur obiectum quoad an est: videmus enim parietem esse album, videmus lucem in sole, & multò magis in sensibus internis talis determinata cognitio reperitur: ergo maiori ratione, id est concedendum in simplici apprehensione nostri intellectus, quæ est longè perfectior omni cognitione sensitiva.

Respondetur. Si hoc argumentum valeret, planè probaret in intellectu nostro non debere distingui notitiam apprehensivam & iudicativam, primam & secundam operationem, sed vno simplici actu totum cognosci, sicut contingit in sensu. At verò quomodo in sensu detur determinata cognitio, & suo modo iudicium, sine distinctione actuum, suo loco tractabimus. Nunc ad argumentum facile dicitur, sensum valde imperfe-

ctè & materialiter cognoscere, non discernendo distinctè, quid res sit, & an sit: idè vno simplici actu cognoscere totum quod ad ipsum pertinet. At intellectus noster, cum perfectiùs cognoscit ac discernat, non ita tamen perfectè sicut intellectus angelicus: debet distinctis actibus, percipere quid res sit, & iudicare an sit. Ita notavius q. 3. sect. 2. Non ergo per primam & simplicem apprehensionem intellectus noster determinatè iudicat an res sit.

Obijcies quartò. Multa sunt, quæ scimus quidem esse, nescimus autem quid sint: circa illa autem de quibus utriusque scire possumus, præcipit Aristot. ut prius inquiramus an sint, deinde quid sint: ergo malè dicimus, primam operationem, quæ utriusque præcedit sciendum, attingere quid res sit, secundam verò an sit.

Respondetur. Seimus aliqua esse, de quibus nescimus explicitè & exactè quid sint, ac per notitiam iudicativam ac determinatam de talium rerum essentia & quidditate. Et antea inquirimus an res sit, quam quæramus tali modo scire quid sit. At omnino ante notitiam de existentia rei, præcedere debet aliqua saltem implicita & confusa atque apprehensiva notitia rei. Et ita ante omnia percipere oportet nominis significatum: alioqui nihil prorsus potest sub tali nomine de re affirmari. Et talis prævia notitia apprehensiva attingit quid est rei, iuxta hoc Sanctus Thomas prima parte quæstione 85. art. 5. ait: Intellectus humanus non statim in prima apprehensione capis perfectam rei cognitionem, sed primò apprehendit aliquid de ipsa, puta quidditatem ipsius rei, quæ est primum & proprium obiectum intellectus.

Quomodo cognitio quid est, præcedat cognitionem an est.

SECTIO TERTIA.

De Varietate rerum conceptibilium per Simplicem apprehensionem.

Magna varietas est in rebus quæ simpliciter apprehensibilibus obijciuntur. Et vno modo potest considerari ista varietas in speciali per omnia eorum genera, de qua iam latius in prædicamentorum

Varia res conceptibilis.

496 Quæst. XXIII. De Simplici Apprehensione.

tum tractatu; nec quicquam circa hunc specialem cognitionis actum repetere, necesse est. Alio modo potest considerari varietas rerum conceptibilium, sub quibusdam diuisionibus magis abstractis, & magis logicis, quæ magna ex parte ex modo concipiendi sumuntur. Et in primis, iam dictum est posse simpliciter apprehendi, cum terminos, tum integras propositiones. Hinc ex parte propositionum tota varietas quæ in ijs reperitur, facit etiã ad ipsam apprehensionem. Sed de hac re agere sufficet in tractatu de secunda operatione, ad quam propriè spectant propositiones quatenus determinatè enunciantur.

Varij termini.

Ex parte autem terminorum adest tota illa varietas de qua in Institutionibus egimus, distinguentes tot varios terminorum modos, & præcipuè Nomen & Verbum, & Orationem, de quibus agit hoc loco Aristot. lib. 1. Periherm. Itaque hæc tota terminorum tractatio ad hunc locum propriè pertinet. Sed quia satis sunt quæ iam in Institutionibus hac de re egimus, non eadem transcribenda sunt. Ad complementum tamen doctrinæ & integritatem Logica, volumus hoc loco rem insinuare.

Specialiter considerantur abstracta & concreta.

Sed specialiter de nominibus abstractis & concretis aliqua hic addenda sunt, quæ in Institut. non erant necessaria. Abstrahitum est, quod dicit formam significatam veluti per se sumptam; vt albedo, humanitas. Concretum est, quod dicit formam veluti existentem in re cuius est forma, siue dicit rem quatenus habet formam; vt album, homo. Rursus ab aliqua forma abstracta solet interdum abstrahi alia ratio; ac proinde illa forma abstracta se habet vt concretum respectu vterioris abstractionis. Sic quia albedo constituitur in specie albedinis per suam differentiam, qua genus coloris contrahitur ad speciem albedinis; hæc differentia potest abstrahi, & vocatur albedineitas. & pariter in alijs rebus huiusmodi similes abstractiones obseruari possunt.

Concretum verò aliud est substantiale, quod icilicet dicit formam substantialem vt homo, animal: aliud est accidentale, quod dicit formam accidentalem vt album, calidum. Rursus aliud est substantiatum, quod dicitur per modum per se

stantis: aliud adiectiuum, quod dicitur per modum adiacentis. Vbi obseruandum est, hæc non esse idem atque concretum substantiale & accidentale. Imò aliquod concretum substantiale est adiectiuum; vt dum Persona diuina dicitur humanata incarnata, Filius Dei est incarnatus est humanatus: & è conuerso aliquod concretum accidentale est substantiatum; vt opifex, artifex, gubernator, pater, causa, principium, & alia plurima.

Inter concreta accidentalia, plurima dicuntur etiam denominatiua, de quibus agit Aristot. in Antepredic. cap. 1. quando scilicet concretum communicat etiam in nomine cum forma abstracta. Interdum enim concretum non dicitur sub eodem nomine sub quo dicitur abstractum, sed sub alio nomine; vt à virtute dicitur quis studiosus, idest virtuosus: studiosus ergo est quidem concretum virtutis, non tamen denominatiuum à virtute. Vt plurimum autem concretum accipit etiam nomen ab abstracto; vt album ab albedine, calidum à calore: & hæc dicuntur denominatiua. Ita habetur ex Arist. ibi & cap. de Qualit. in fine.

In hoc sensu denominatiua ibi definit: *Quæcumque ab aliquo differentia casu secundum nomen habent appellationem: vt à grammatica grammaticus, & à fortitudine fortis.* Idest denominatiua dicuntur illa quæ participant aliquam formam, à qua etiã nomen & appellationem recipiunt; ita, tamen vt aliqua differentia in fine & cadentia nominis intercedat: vt patet in exemplis allatis. Propter quod multi volunt, ly grammatica pro muliere grammatica, non esse denominatiuum à facultate grammatica, mulier musica ab arte musica; cum nulla sit in nominis casu sen sine differentia. Sed tamen particula illa definitionis potest intelligi negatiuè, idest denominatiua non differente pliquam in casu & sine nominis: ita vt etiam si nihil in nomine differant, adhuc tamen dicuntur denominatiua. In omnibus autem denominationibus, forma abstracta dicitur forma denominans, substantiatum forma seu denominationis dicitur res denominata, & totum concretum dicitur denominatum.

Concretum explicandum est, quodnam sit *concretum* propriè

Sec. III. De varietate rerum conceptibilium. 497

quid propriè significent.

propriè significatum siue conceptus obiectivus concretæ, & in quo differat ab abstracto. Et quidem clarum est, concretum accidentale significare simul aliquo modo formam & subiectum, ad differentiationem abstracti quod significat solum formam: concretum quoque substantiale simul cum natura significare subsistentiam siue personalitatem, quam suppositum addit supra naturam. Aliqua tamen concreta sunt, quæ non significant aliquid amplius quam abstracta, sed tantum in merito modo significandi differunt: ut ens & entitas: Petrus & Petreitas, si Petreitas sumatur pro tota entitate Petri, siue dicendo entitas Petri: Deus & Deitas, si Deus sumatur ut concretum diuinitatis commune singulis personis. In his ergo terminis differentia solum est, quod abstractum dicitur ad modum formæ, concretum ad modum habentis formam. Sed difficultas est, quando concretum addit aliquid supra abstractum, vel scilicet subiectum, vel subsistentiam, quidnam primariò & principaliter significet.

De concreto accidentali Auicenna. prima parte Logicæ cap. de Proprio dixit, per se & præcipue significare subiectum, connotare autem formam. Sequitur Hurta. disputatione 9. Metaphys. sect. 3. Et fuit Aristot. 7. Metaphys. tex 3. Vbi ait, concreta accidentium esse magis entia, quam abstracta, quia dicunt subiectum. Sed tamen non ait, præcipue importare subiectum. Auerroes quinto Metaphysic. comm. 14. Diuus Thomas lect. 9. Durandus in primo distinctione 34. questione 1. num. 15. & alij vt plurimum, tam Theologi, quam Philosophi, volunt per se & directè significare formam, connotare autem subiectum. Fuit Aristot. in Prædicam. Substantiæ dicens: *Nihil aliud significat album, quam qualitatem*. Sed tamen ibi voluit solum constituere discrimen inter nomina substantia quæ ait significare quid, & nomina accidentalia quæ ait significare quale seu qualitatem, id est formam accidentalem; intelligens de formali significato. Sed alijs rationibus idem probat Fonseca quinto Metaphys. capite septimo questione quinta sectione 3.

De concreto substantiali pariter Du-

rand. loco cit. & alij docere solent, significare per se & directè naturam, v. g. homo humanitatem, connotare autem, subsistentiam & personalitatem. Fuit Sanctus Thomas prima parte questione 30. artic. 4. Sed Vasquez 1. par. disput. 130. num. 13. & disput. 55. num. 16. distinguit alia concreta naturæ, vt homo, equus, quidam homo, &c. alia concreta personæ, vt ipsum nomen personæ, item suppositum, hypostasis, & nomina etiam propria singulorum, Petrus, Paulus, &c. Illa dicit, per se & directè significare naturam, hæc & conuerso per se & directè significare subsistentiam.

Dicendum tamen videtur, concretum substantiale per se directè & intrinsece significare cum subsistentiam tum naturam: concretum autem naturæ expressius significare naturam: concretum personæ seu suppositi expressius significare subsistentiam. Nam concretum substantiale directè significat id quod totum est & completum: sed hoc intrinsece includit tum naturam tum subsistentiam. At concretum naturæ expressius sonat naturam, homo humanitatem: concretum personæ personalitatem; vt ex ipsis nominibus satis patet.

Item concretum accidentale per se & directè significare cum subiectum, tum formam, sed magis expressè & specificè formam. Nam album est id quod habet albedinem, in quo significato directè includitur, tum subiectum quod est habens formam, tum albedo quæ inest subiecto. At albedo significatur expressè in specie sua: non autem significatur tale vel tale subiectum in specie. Item dici potest subiectum significari materialiter, forma formaliter: non quasi vnum significetur directè & intrinsece, alterum significetur solum connotatiue & velut extrinsece: sed vtrunque directè & intrinsece.

Addi potest, concretum accidentale, præsertim in propositionibus, variare suppositionem: vt quando est prædicatum propositionis, principaliter dicat formam: quando est subiectum, principaliter dicat subiectum formæ. Nam quando dicimus paries est albus, homo est sapiens; maxime intendimus prædicare formam de subiecto: & ita

Concreta
substantialia
significan-
tiam na-
turam &
subsistentiam.

Accidentalialia
significan-
tiam for-
mam &
subiectum.

498 Quæst. XXIII. De Simplici Apprehensione.

ex parte prædicari intenditur ipsa forma, quam affirmare volumus inesse subiecto. Quando autem dicimus, sapiens currit, hoc album est frigidum, signando nomen; maxime intendimus prædicare, cursum & frigus, de illo quod est simul subiectum sapientiæ & frigoris. Et ita, in similibus propositionibus, dum conerum accidentale subiicitur alteri prædicatio, maxime supponit pro subiecto.

Aliud præceptum dubium est, unde propriè sumatur unitas vel pluralitas concreti; ex parte formæ, an subiecti; ex parte naturæ, an subsistentiæ? Atque adeo si sit una forma in pluribus subiectis, vel multiplex forma in uno subiecto, & similiter una natura cum pluribus subsistentiis, vel multiplex subsistentia cum una natura, an tunc dicatur unum concretum, vel plura.

Concreta accidentalia sumunt unitatem & pluralitatem ex subiecto.
De concretis accidentalibus dicendum est, unitatem & pluralitatem sumi ex parte subiecti. Ita docet Sanctus Thomas prima parte questione 39. articulo tertio. & alij communiter approbant. Et sic etiam de omnibus concretis adiectiuis. Itaque si una forma sit in pluribus subiectis, dicuntur plura concreta: si eadem albedo poneretur à Deo in pluribus hominibus, absolute dicerentur plures albi: similiter si plures personæ Diuinæ assumeret eandem humanitatem, dicerentur plures humanitati & incarnati: & de facto cum una sit æternitas personarum Diuinarum, dicuntur personæ coæternæ & coæquales, videlicet sumendo hos terminos adiectiuè. Et contra si plures formæ consimiles sunt in uno subiecto; vt de facto sunt plures potentie in eodem homine, plures scientie in eodem intellectu: concretum dicitur unum, vnus potens, vnus sciens, non plures potentes, plures scientes: & sic etiam si vna persona Diuina assumeret plures humanitates, diceretur vnus humanatus, incarnatus, non plures. Et ratio huius rei est: quia cum nomen adiectiuum dicat formam per modum adiacentis subiecto, maxime determinatur per ipsum subiectum.

Substantialia & substantiæ sumuntur
De concretis substantialibus & substantiis, docet ex opposito idem Sanctus Thomas, unitatem & pluralitatem sumi ex parte formæ: quia cum nomen

substantiuum dicat formam per modum *ex forma*, per se stantis, maxime determinatur per ipsam formam. Et quidem in hac re certius est, ad multiplicationem talis concreti requiri prorsus multiplicationem formæ: ita vt si sit vna forma, vnus dicatur concretum. Sic tres personæ Diuinæ sunt & dicuntur vnus Deus, vnus etiam omnipotens, & vnus æternus, vt habetur in Symbolo Arhanasij, sumendo hos terminos substantiuè, vt Theologi explicant. Similiter, etiam si forma significata nomine substantiuo sit accidentalis, idem valet. Vt, licet denominatio creatoris & gubernatoris dicatur accidentaliter de Deo, tanquam denominatio extrinseca, vel relatio rationis; adhuc dicitur vnus creator, vnus gubernator.

Maius dubium est, an sufficiat pluralitas formæ, etiam sine pluralitate subiecti, ad multiplicationem concreti. Et quidem rursus si sumatur concretum per se, planè constat sufficere multiplicationem personalitatis sine multiplicatione naturæ: sic sunt & dicuntur plures personæ Diuinæ, tria hypostasis, tres hypostases. Et ratio est: quia personæ, & suppositum sumitur eaqum subiectum. Vnde dum sunt plures formæ, id est personalitates, reputantur etiam plura subiecta. Sed dubium procedit, si sumatur concretum naturæ, essentiquè plures naturæ in vno subiecto, in vno supposito: vt si vna persona Diuina assumeret plures humanitates. Multi docent, hoc sufficere ad multiplicationem concreti, dicique debere plures homines. Et ita docuit Sanctus Thomas in 3. d. 1. quæst. 2. artic. 5. ad argumenta. Sed postea idem Sanctus Thomas tertia parte quæst. 3. artic. 7. asserit, id non sufficere, & in eo casu dici debere vnum hominem, non plures homines: atque adeo ad multiplicationem talis concreti coniunctum requiri multiplicationem naturæ & subsistentiæ. Et hic modus loquendi magis ab alijs Theologis approbatur. Et absolute est in vi. Nam sic Christus de facto cum habeat duas naturas substantiales & viuentes, dicitur vna substantia, vnus viuens: & Pater æternus, cum habeat duas relationes principij, scilicet paternitatem & spirationem, dicitur vnus pater.

Item ex subsistentia & subiecto.

principium: & in rebus humanis, vnus homo habens plures artes, dicitur vnus artifex, non plures artifices: faciens plura opera, dicitur vnus opifex: possidens plura regna, dicitur vnus rex: qui genuit plures filios, etiam in sententia dicente relationes multiplicari ad multitudinem terminorum, dicitur vnus pater. Potissima autem ratio huius rei est, vltus ipse loquendi: quo factum est, vt huiusmodi concreta singulariter dicta, significant vel vnitatem formæ, vel substantiæ & subiecti pluraliter autem dicta significant pluralitatem vtriusque simul. Quæ autem ex his res Theologicas concernunt, exacte in proprijs locis & materijs, præsertim de Trinitate & Incarnatione, tractanda sunt.

SECTIO QVARTA.

An in Simplici Apprehensione detur veritas & falsitas.

Hæc quaestio difficilis est, non solum propter rem ipsam, sed præcipue etiam ob varia Aristotelis loca, in quibus interdum affirmare, interdum negare videtur. Sed magna ex parte difficultas tandem resoluitur in modum loquendi.

Aristoteles hic primo Periherm. cap. 1. perspicue docet, veritatem & falsitatem non in simplicibus vocibus & conceptibus, sed tantum in propositionibus & in compositione ac diuisione intellectus reperiri. Vnde concludit: *Hircoceruus aliquid significat: sed nondum verum aliquid vel falsum, nisi esse vel non esse addatur, vel simpliciter, vel secundum tempus*: id est nisi dicatur hircoceruus est possibilis, aut non est possibilis: est, vel non est: fuit, vel non fuit. Idem repetit cap. 4. & significauit in Postprædicament. capit. de Oppositis. Idem rursus planè docet libro tertio de Anima text. 21. & 22., 4. Metaphysic. text. 27., & 6. Metaphysic. text. 8. Hinc Valsqu 1. parte disputatione 75. contendit: in simplici apprehensione non reperiri veritatem. Refert pro eadem sententia Caietani. Heru. & Durand. qui tamen solum voluerunt, non ita reperiri veritatem in apprehensione,

sicut in iudicio. Alioquin Caietanus non solum veritatem, sed etiam falsitatem, primæ operationi concedit, vt infra referemus.

Ex opposito idem Aristot. alijs in locis planè concedit simplici apprehensioni veritatem, imo docet esse imper veram & nunquam falsam. 3. de Anima textu 16. cum dixisset, semper cum dicimus aliquid de aliquo, eam dictionem & affirmationem esse veram aut falsam, subdit: *Intellectus autem non omnis, sed qui est ipsius quid est, verus est, & non aliquid de aliquo. sed vt visio proprii vera est: si autem album homo aut non, non semper verum est: sic se habens quæcumque sunt materia sunt*: id est enunciatio quidem est capax tum veritatis tum falsitatis: at non omnis intellectus, non omnis alius actus intellectus, est capax vtriusque: sed intellectus simplex qui est circa quid est rei, est omnino verus, nec dicit aliquid de aliquo, sed tantum simpliciter cõcipit quid est rei. Sicut enim non fallitur visio circa proprium sensibile, sed deceptio contingit in applicando albedinem v. g. huic vel illi subiecto: sic etiam se habent spirituales cognitiones intellectus quales sunt sine materia. Et hoc ipsum voluerat Aristot. textu 21. vbi dicebat: *Inuicibilium intellectio in his est, circa que non est falsum: in quibus autem falsum iam & verum est, compositio quidam tum est conceptum*. Similiter quoque Metaphysic. text. 22. expressè concedit simplici notitiæ veritatem.

Iuxta hoc, communis satis sententia docet, in simplici apprehensione reperiri veritatem, non tamen falsitatem, sed omnem apprehensionem esse veram. Ita Auerr. 3. de Anima com. 27. Aegidius & Aphrodis. 9. Metaphysic. prop. finem, Albert. 3. de Anima tract. 3. cap. 5. & alij circa loca allegata Aristot. 5. hom. tum circa eadem loca, tum Opuscul. 43. tract. de Enunciat. cap. 5., 1. par. quærit. 16. & 17. & alibi, Capereol. in 1. dist. 19. artic. 1. concl. 3. Aegid. Quodl. 4. q. 7. h. 1. con. Gent. c. 59. Fonseca. 4. Metaphysic. q. 6. lect. 4. Viguer. instit. de Anima in fin. § 8. vers. 2. Conimbr. & alij recentiores hic 1. Periherm. cap. 1. vt plurimum etiam recentiores Theologi 1. par. circa quæst. 16. & 17. Tolet. verò 1. Periherm. cap. 1. q. 2.

I i 2 & Sua-

Sententia
negans de
veritate
& falsitate

Sententia
affirmans
de veritate,
negans
de falsitate

500 Quæst. XXIII. De Simplici Apprehensione.

& Suarez disp. 8. Met. sect. 3. licet concedant simplici notitiæ veritatem, tamen dicunt esse veritatem transcendentelem, quæ est omnibus entibus communis.

*Sententia
affirmans
de veritate
te & falsitate.*

Demum idem Arist. 9. Met. tex. 22. videtur simplici apprehensioni tribuere, non solum veritatem, sed etiam falsitatem. ait enim: *Non est decipi circa quid est, nisi secundum accidens*: concedit ergo saltem per accidens dari posse falsitatem in cognitione attingente quid est, quæ est simplex apprehensio. Eodem modo loquitur S. Thom. 1. par. q. 17. art. 3. & quæst. 85. art. 6. & 1. contra Gent. cap. 59. & expressè Caiet. 1. par. quæst. 58. art. 5. Ad hanc dubitationem, & Valent. quæst. 17. de Deo, puncto 2. Hurtad. disput. 9. de Anima, lect. 2. & quidam alij, concedunt in prima operatione nostri intellectus dari posse falsitatem.

*Conclusio
negat falsitatem.*

Dico primò. In simplici apprehensione & prima intellectus nostri operatione non inuenitur falsitas. Hæc conclusio est cois. Et primò, est clarè de mente Arist. non solum alijs in locis in 1. & 2. sententia relatis, sed etiam in ultimo loco allegato in tertia sententia. Nam ibi planè docet, non contingere per simplices conceptus intellectus falli ac decipi, sed potius non attingere & ignorare obiectum. Aut enim intellectus concipit aliquod obiectum; & talis conceptus semper est verus, idest verè representat & attingit tale obiectum: aut si non illud concipit, sic penitus ignorat, & non attingit; per quod ut patet non dicitur falli & decipi. Dum verò ait, non est decipi circa quid est, nisi per accidens; non vique voluit affirmare, in simplici apprehensione circa quid est esse posse falsitatem: sed in cognitione ipsius quid est, quæ potest haberi per compositionem & iudicium, si nempe affirmetur de re essentia et definitio quæ illi verè non competit. Et idè ait, per accidens: quia essentia rei per se petit simpliciter concipi, & satis concipitur per simplicem conceptum explicitum. At per accidens fieri potest, ut per distinctionem conceptus impliciti & expliciti, admisceatur compositio in cognitione ipsius quid est, ut vni rei attribuat essentia aliena: & ita per accidens in cognitione ipsius quid est, per admixtionem. i. compositiois & affirmationis, inueniatur falsitas.

Idem prorsus voluit S. Tho. qui id perspicue explicauit, non solum prima parte quæst. 17. & quæst. 85. sed clarissime quæst. 58. art. 5., quæ est. 1. de Verit. art. 12., in 1. d. 19. quæst. 5. artic. 1. ad 7. 6. Met. lect. vltima. & 9. Met. lect. vlt. ubi sic exponit dictum Arist. *Quomodo decipitur aliquis circa quid est, considerandum est: non enim decipitur quis circa quod quid est, nisi componendo & diuidendo: ut si quis diceret, asinum esse animal rationale mortale, aut hominem non esse animal rationale mortale, aut esse animal insensibile.* Vnde ex his debet declarari quod 1. contra Gent. cap. 19. vocat intellectum incomplexum, cui attribuit per accidens falsitatem, & vocat apprehensionem circa quid est. Vocauit enim intellectum incomplexum & apprehensionem, omnem cognitionem circa quid est, complectendo etiam iudicium & compositionem ex parte intellectus, ut dicebamus sectione præcedenti.

Rationibus probatur.

Secundò ratione est satis clarum, in simplici apprehensione non inueniri falsitatem, quando concipiuntur termini sine propositione. Nam vel concipiuntur res quæ sunt, & ibi nulla falsitas est, ut patet: vel res quæ non sunt, sunt autem impossibiles; & ibi etiam nulla est falsitas, nisi intellectus affirmat tales res esse: vel quæ nec etiam possibilia sunt, & ibi etiam intellectus non fallitur, donec affirmet talia esse, vel esse possibilia. Sic notauit optimè Aristoteles hoc loco, concipiendo hircoceruum, non concipi falsum. nisi addatur esse, vel simpliciter, vel secundum tempus. Itaque, etiam si concipiuntur termini complexi in quibus coniungantur partes impossibiles, v.g. animal insensibile, Angelus corporeus: adhuc intellectus non fallitur, nisi addat, dari Angelum corporeum, animal insensibile: alioquin in solo simplici conceptu prorsus non datur falsitas; ut à fortiori constabit ex conceptu propositionum.

Tertiò etiam quando intellectus simplici conceptum apprehendit propositiones falsas & impossibiles, non dicitur falli & decipi. Nā hunc simplicem conceptum etiam format quisquis audit ab alio proferri aliquā talem propositionem, etiam si aperte falsam, aut etiam contra fidem: neque

vnquam

Sec. IV. An habeat veritatem & falsitatem. 501

vnquam ob talem apprehensionem quid dicitur falli errare & decipi: dummodo non præbeat assensum tali propositioni. Atque post talem conceptum indifferens adhuc manet intellectus ad assentiendum aut dissentiendum, ad iudicandum propositionem esse veram aut falsam: ergo per illum solum conceptum dici non potest falli.

Quartò à priori. Falsitas est disconformitas cognitionis ad rem: disconformitas autem est, quando quis putat rem esse aliter quam reuera est, v. g. Angelum esse corporeum. Nam si non putet id esse, sed tantum percipiat significatum huius propositionis, concipiat quid sit Angelum esse corporeum, quis sit sensus illorum verborum, si non disconformatur cum eo quod reuera Angelus non est corporeus. Sed ad primam operationem tantum pertinet simpliciter apprehendere propositionem quoad quid est, id est sensum & significatum propositionis; non autem determinatè affirmare ipsam propositionem, vt antea ostensum est: ergo non datur in illa falsitas. Confirmatur, etiam si quis affirmatiuè dicat, explicando sensum illius propositionis; Angelum esse corporeum significat gradum corporeitatis inesse Angelo: vtrique non fallitur, nihil falsum dicit: ergo non potest inesse falsitas simplici apprehensioni, qua tantum percipitur quid est rei, seu significatum propositionis.

*Conclusio
negat veritatem per
seclam &
determinatam.*

Dico secundò. In simplici apprehensione non inueniri veritatem perfectam & rigorosè dictam, quæ est opposita falsitati. Hæc assertio non est contra Auctores secundæ sententiæ, qui potius loquuti sunt in sensu conclusionis sequentis. Et primò sanè est de mente Arist. in illis locis, in quibus pariter veritatem ac falsitatem simplici apprehensioni denegat. Ibi enim loquutus est de illa veritate, quæ est contraria falsitati, & quæ est perfecta veritas. Idem etiam voluit Sanctus Thomas, qui 1. par. quæst. 16. art. 2. & alibi sæpè, docuit non inueniri veritatem in prima, sicut in secundæ operatione: & ibi ait, propriè loquendo veritatem inueniri tantum in intellectu componente & diuidente, non autem in intellectu cognoscente quod quid est.

Secundò manifesta ratione probatur. Veritas opposita falsitati est, quando determinatè cognoscitur esse quod est, & non esse quod non est: sicut è contra falsitas est, quando putatur esse quod non est, vel non esse quod est. Sed hic modus cognoscendi non competit primæ operationi, vt antea ostendimus: ergo neque hic modus veritatis. Hæc etiam planè est perfecta veritas, quando sic determinatè res cognoscitur. Nam per solam apprehensionem de re siue de significato propositionis, sine determinato iudicio, non perfectè cognoscitur; sed tunc perfectè cognoscitur, quando determinatè iudicatur. Non nisi ergo in notitia iudiciali, perfectæ veritas inuenitur.

Rationibus probatur.

Tertiò. In communi & consueto modo loquendi, tunc dicitur quispiam veram cognitionem habere, quando determinatè putat re se habere sicut reuera se habet: sicut tunc dicitur decipi & falli, quando secus putat. Item tunc dicitur quis verum proferre, quando quicquam profert determinatè affirmando aut negando, Angelus est spiritalis, Angelus non est corporeus: sicut è contra dicitur falsum proferre, seu mentiri, quando oppositum profert. Alioqui ex eo quod solum pronunciat simplices terminos, aut complexos, siue etiam profert aliquid per modum propositionis sine determinatione, vt dicendo tantum Angelum esse corporeum, non addendo, est impossibile, est possibile; aut dicendo, si Angelus esset corporeus, vbi etiam nihil determinat: non dicitur verum aut falsum proferre. Veritas ergo rigorosè dicta, non inuenitur nisi in determinato iudicio, & in propositione externa exprimente tale iudicium.

Dico tertio. Aliqua simplex & imperfecta veritas debet simplici apprehensioni concedi. Hæc est de mente Auctorum secundæ sententiæ. Et primò planè est Aristot. in illis testimonijs secundo loco allegatis: manifestè enim tribuit simplici apprehensioni veritatem; quantum prius docuerat falsitatem. Neque benè ait Valsez capite secundo, Aristotelem voluisse solum concedere aliquid ad initia veritatis, non propriè veritatem, quem sensum elicere

*Conclusio
concedens
aliquam
simplicem
veritatem.*

conatur ex 9. Metaph. tex. 22. Vbi Arist. videtur prius negare in simplici notitia veritatem, & postea concedere; & ita ait debere intelligi aliquid instar veritatis. Hoc inquam non bene dicitur: quia sic fiet quæstio de solo nomine, an debeat appellari veritas, vel aliquid instar veritatis. Et ipse Vasquez supponit controuerſiam esse de nomine: ac certè Aristoteles appellauit veritatem, non autem dixit instar veritatis: ergo si ex verbis Aristot. legitimus loquendi modus sumendus est, debet in simplici notitia appellari veritas. Et in illo loco nono Metaph. planè explicauit Aristot. non esse in simplici notitia eam veritatem quæ est in iudicio, sed esse quandam aliã veritatem. Nec etiam dici potest, Aristot. in illis locis solum voluisse, simplicem apprehensionem esse veram virtualiter seu causaliter, quia est causa veri iudicii. Nam planè docuit, secundum se & per se, vt notitia quædam est, & non per ordinem ad aliam consequentem notitiam, esse veram per aliam diuersam veritatem formaliter illi conuenientem.

Rationibus probatur.

Secundò ratione probatur: Quia in simplici apprehensione datur utique quædam conuenientia cum obiecto, vt faceret Vasquez cap. 4. in principio, siue quædam conformitas ad obiectum, & quædam similitudo representatiua. Hæc autem conuenientia & conformitas, appellatur veritas. Nam sic etiam dicere solemus, dum quis concipit animal rationale, hunc esse verum conceptum hominis, hanc esse veram apprehensionem hominis. Similiter dici solet, hæc est vera imago Cæsaris, ob solam simplicem representationem Cæsaris: ergo sine complexione & determinatione debet adhuc veritas in simplici representatione nominari. Dicitur autem hæc veritas imperfecta: quoniam non est illa rigorosa & determinata veritas, quæ consistit in iudicando rem esse sicut est, hominem esse animal rationale. Dicitur etiam simplex: quoniam in simplici notitia reperitur, & propriè appellari solet veritas incomplexa, ad differentiam veritatis iudicariæ, quæ appellatur complexa.

Tertiò, hæc veritas in omni prorsus apprehensione reperitur. Nam omnis ap-

prehensio est representatio sui obiecti, atque adeò illi conueniens & conformis, siue obiectum sit possibile, siue aliquid impossibile. Nam non est contra veritatem, apprehendere obiectum impossibile, dum non iudicatur esse, vel esse possibile: imò relinquit intellectum expeditum ad eliciendum verum iudicium de impossibilitate talis obiecti.

Quartò. Hæc veritas non est transcendentalis illa quæ est communis omnibus entibus: sed est propria cognitioni, & consistit in representando obiectum; igitur est veritas quædam representatiua, & propria huius cognitionis. Et, si Suarez volebat hæc esse solum veritatem transcendentalem, non erat cur in simplici apprehensione rationem aliquam iudicii excogitaret, vt defenderet omnem veritatem esse in iudicio. Neque cur tantoperè laboraret in distinguenda veritate apprehensionis à veritate iudicii: si cur ipse facit.

In contrarium obijcies primò, ex Valenti ad probandum in simplici apprehensione contingere falsitatem. Non solum secunda, sed etiam prima intellectus nostri operatio, dependet ex specie intelligibili: sed potest species intelligibilis esse imperfecta, aut imperfectè recipi in potentia, & ideò contingit falsitas in secunda operatione: ergo pariter potest in prima contingere.

Respondetur. Contingere falsitatem in secunda operatione, quia hæc determinatè iudicat rem esse aut non esse: unde potest iudicare aliter ac est. Sed quia prima operatio tantum percipit quid est rei, sine vlla determinatione, ideò nec ex defectu speciei intelligibilis, nec ex alio capite, est capax falsitatis.

Obijcies secundo. Conceptus simplex qui est conformis vni rei, est eo ipso disconformis alteri rei diuersæ & oppositæ: vt conceptus animalis rationalis, est conueniens homini, est disconueniens leoni: sed falsitas est disconuenientia conceptus ad rem: ergo in simplici conceptu datur falsitas. Et saltem quando intellectus quærens essentiam vnius rei, accipit taliã prædicatã quæ non sunt vera essentia illius rei; vel si quærens essentiam Angeli, accipiat substantiam corpoream immortalem: debet

talis

Cur secundæ operationis, non autem primæ, sit obnoxia falsitati.

Cur simplex apprehensio sit conformis, non autem disconformis obiecto.

ralis conceptus dici falsus conceptus Angeli.

Respondetur. Verè conceptum vnus rei non esse conformem & conuenientem alteri, sed non per hoc dici debet posituè disconformis, & ueque falsus, aliqui omnis conceptus alicuius rei, dicendus erit falsus per comparationem ad omnes alias res, etiam conceptus mentis diuinæ; quod est absurdissimum. Falsitas ergo est disconformitas ad illam rem quæ est obiectum cognitionis, non ad quamcunque aliam rem. Vnde non diceretur conceptus ille animalis rónalis, falsus cõceptus leonis, sed non conceptus leonis. Quando etiam intellectus quærens essentiam vnus rei, accipit essentiam aliquam illi repugnantem; vt concipiendo substantiam corpoream immortalem: simpliciter non concipit essentiam illius rei quam quærebat; sed aliam, vel alterius entis possibilis, vel etiam obiecti realiter impossibilis: & idè adhuc non diceretur falsus conceptus illius rei, sed non conceptus illius rei: quia falsitas non est disconuenientia ad rem quam quis quærebat concipere, sed deberet esse per ordinem ad rem quæ de facto concipitur. Hic autem est quidam defectus contingens in intellectu, qui dicitur potius non attingentia rei quæritæ, vt dicemus sect. sequenti, & planè sumitur ex Arist. 9. Metaph. tex. 22.

Obijcies tertio. Per conceptum simplicem potest apprehendi res ipsa aliter ac est, vt Angelus tanquam corporeus, canis tanquam discursiuus: coniungendo simul duas partes realiter impossibiles: & tunc planè datur disconformitas ad rem quæ concipitur: ergo falsitas.

Respondent aliqui, in tali casu nec etiam concipi illam rem cui repugnat prædicatum quod illi adiungitur; sed concipi aliud quid, vel possibile, vel impossibile. & aliqui admittunt, intellectum per primâ operationem determinatè attribuire prædicatum subiecto, corporeitate Angelo. Sed certè negari non potest, apprehendi rem illam cui prædicatum adiunctum repugnat. Nam in propositionibus falsis vtrique attribuitur prædicatum illi subiecto cui reuera repugnat. At propositio ipsa falsa quæ iudicatur, etiam apprehenditur. & vtrique potest apprehendi quid sit coniun-

ctio, siue quid significet propositio in qua tali subiecto attribuitur tale prædicatum: & hoc modo potest concipi, quid significet ille qui dicit Angelos, qui realiter sunt esse corporeos, Solem qui de facto est esse bipalmarem, & similia. Itaq. si prima operatio intellectus haberet determinatè attribuire prædicatum subiecto, omnino esset capax falsitatis.

Respondetur ergo, Per simplicem conceptum posse apprehendi Angelum vt corporeum, & similia, tantum quoad quid est, id est percipiendo significatum huius coniunctionis: quod passim contingit, absque non solum deceptione, sed nec imperfectione intellectus: dum, v. g. audimus quempiam loquentem, & percipimus significatum loquutionis. Non posse autem per simplicem conceptum determinari rem quoad an est, sed hoc iam spectare ad secundam operationem. Per illam autem apprehensionem quoad quid est, non disconformatur intellectus ipsi rei. Nam res est, quod Angelus non est corporeus: tunc ergo solum intellectus disconformatur huic rei, cum determinatè purat quoad an est Angelum esse corporeum. Apprehendere autem quid significet Angelum esse corporeum, planè non opponitur, non disconformatur illi rei. Quinimo in intellectu potest optimè consistere simul hæc apprehensio, & iudicium determinatum quod Angelus non sit corporeus.

Obijces quartò. In cognitione sensitiua inuenitur falsitas, vt planè docuit Arist. 1. de Anima text. 156. & 161. & sapè alibi, & approbat S. Thom. 1. part. quest. 17. art. 2. & quæst. 1. de verit. art. 9. & alibi: ergo etiam in simplici apprehensione intellectus. Respondet Suar. disp. 9. Metaph. lect. 1. num. 16. supponens quidem, pariter se habere cognitionem sensitiuam: & in intellectu apprehensiuam: & dicens, nec etiam sensum propriè falli: quia quando sensus videtur apprehendere rem exteriorè aliter quam in re existat, non tam apprehendit illam, quam potius aliam loco illius. Sed certè negari non potest, sensum ferri in illam ipsam rem quæ ei exterius obijcitur. Et quando apparet remus fractus in aqua, vel Sol apparet tanquam bipalmaris: vtrique remus, ipse qui realiter est, & Sol

It 4. qui

An per primam operationem possit apprehendi res aliter ac est.

An magis in cognitione sensitiua datur falsitas.

qui realiter est, conspicitur.

Respondetur ergo, in cognitione sensitiua inueniri falsitatem, atque etiam determinatam veritatem, sumendo falsitatem & veritatem, non pro diffinitate & conformitate intellectus ad rem, sed pro diffinitate & conformitate cuiuscunque cognitionis. Et perspicue Sanctus Thomas locis citatis, & eadem questione de Verit. art. 11. sensui tribuit falsitatem & veritatem secundum rationem iudicii. Non ergo pariter se habet cognitio intellectus apprehensiuæ cum cognitione sensitiua. Sed, sicut antea dicebamus, in cognitione sensitiua inueniri determinationem iudicii, quæ non inueniebatur in sola apprehensione intellectiua: ita nunc admitti debet falsitas & veritas determinata. Quæ tamen materiali & valde imperfecto modo se habet in sensu: vnde cognitio sensitiua est longe inferior omni cognitione intellectiua. Explicat tamen Sanctus Thomas falsitatem per accidens contingere in sensu, vt loquitur Aristoteles: quia vel contingit ex accidentali indispositione organi: vel quia vt plurimum est circa sensibilia quæ dicuntur communia, quæ etiam per accidens sentiri dicuntur.

An in simplicibus vocibus detur veritas.

Obijciens quintò ex Vasq. ad probandum nullo modo dari in simplici notitia veritatem. Non datur veritas in simplicibus vocibus: nam cum quis audit quæpiam dicentem, homo; non potest dicere verum aut falsum est. & licet dici soleat, hoc est verum nomen talis rei, in hoc planè inuoluitur enunciatio, ac si dicatur, verum est hoc nomen esse positum tali rei: vel solum dicitur verum nomen, quia per se est causa veræ enunciationis. Ergo sic in simplicibus conceptibus non datur veritas.

Respondetur. In simplicibus vocibus non dari determinatam illam veritatem, sicut nec falsitatem, quæ est in propositionibus: sed dici etiam posse, dari veritatem simplicem, quæ consistit in significando talem rem: sicut dicebamus veritatem simplicem conceptus consistere in representanda re. Et licet cum dicimus hoc est verum nomen huius rei, hæc sit verè enunciatio: tamen enunciamus veritatem simplicem de simplici termino: sicut etià dicebamus simplicem conceptum esse

verè conceptum talis rei: non solum quia vox sit causa veræ enunciationis: sed per se & ob suam significationem rectè etiam dici potest verum nomen talis rei.

Obijciens sextò ex eodem. Si in simplici apprehensione non datur falsitas: ergo nec veritas. quia idem est subiectum contrariorum: neque potest vnum subiectum esse capax vnius contrarij, & non alterius.

Respondetur. In simplici apprehensione non dari illam veritatem quæ est contraria falsitati: sed dari aliam simplicem quæ non habet contrarium falsitatem. Quare sicut omnis apprehensio habet representare obiectum, & nulla apprehensio est quæ habeat aliquam rationem contrariam representationi: quoniam non datur talis ratio contraria. Ita omnis habet veritatem in ordine ad suum obiectum, nullaquæ est falsa: quia non datur falsitas contraria simplici veritati. Sicut etiam omnis res est vera transcendentaliter, nec in aliqua re datur falsitas huic contraria veritati.

Obijciens septimò. In quibusdam alijs rebus, in quibus conceditur simplex veritas, inuenitur etiam falsitas: vt in operibus artificialibus; quæ vera dicuntur quando concordant, falsa quando discordant ab idæa artis: & in operibus moralibus, quæ vel concordant, vel discordant cum regula rectæ rationis: & in imaginibus representatiuis pictis, aut sculptis, quæ vel conformantur, vel discorruunt cum rebus representatis: ergo similiter in simplicibus conceptibus, vel tam falsitas quam veritas, vel neutra inuenitur.

Respondetur. Suarez disput. 9. Metaph. sect. 1. num. 10. & duobus sequentibus, explicat, in operibus artificialibus & moralibus non inueniri propriè falsitatem. Sed non oportet modò de hoc contendere. Si ergo in ijs appelletur veritas & falsitas per respectum ad idæam artis & regulam rationis; quia in ijs potest dari tum conformitas tum diffinitas: sic inuenitur tum veritas tum falsitas. Sed quia veritas simplicis apprehensionis, dicitur per ordinem ad obiectum representatum, nec potest in illa dari nisi conformitas: ideo datur veritas, & non falsitas. In-

Quare simplex apprehensio sit subiectum veritatis & non falsitatis.

An in alijs rebus simplicibus detur tam falsitas quam veritas.

ima-

SECT. V. Quæ sit eius rectitudo, & qui defectus. 305

imaginibus verò repræsentatiuis potius datur non repræsentatio, vel in toto vel in parte, quando imago non est consimilis alicui rei. Et ita imago non consimilis Cæsari, improprie diceretur falsa. Imago Cæsaris: sicut si conceptus hominis diceretur falsus conceptus leonis. Vnde Aristoteles 9. Metaph. tex. 22. rectè monuit, debere appellari potius non attingentiam seu ignorationē illius obiecti quod non repræsentatur, quam falsitatem.

SECTIO QUINTA.

*Quanam sit Simplicis apprehensionis rectitudo, & qui defectus:
Dequæ eius directione.*

Veritas quam iam explicauimus & simplici apprehensioni concedimus, non potest sufficienter assignari tanquam rectitudo intenta in primo actu cognitionis intellectiui; quasi posset esse aliqua apprehensio non vera sed falsa: & ideo per logicam directionem enitendum sit, vt omnis sit vera & nulla falsa. Siquidem diximus, ex se omnem apprehensionem esse veram. Nulla ergo arte indiget, vt si apprehensio est, vera sit. Sed, exclusa etiam falsitate ab hac prima operatione, alij defectus explorandi sunt, & rectitudo illis opposita inuenienda: vt ab ijs defectibus ad rectitudinem oppositam simplex apprehensio dirigatur.

*Aliqui defectus re-
feruntur
ad illius op-
posita.*

Primò. Potest deficere intellectus me-
re negatiue, penitus ignorando & non
concupiendo res. Rectitudo opposita
erit, simpliciter concipere & apprehen-
dere res.

Secundò. Alius defectus est difficul-
tas in percipiendis & apprehendis
rebus: quam difficultatem experiuntur
homines rudes & tardi, ij etiam qui no-
uiter aliquam scientiam aggrediuntur.
Rectitudo opposita erit, facilitas et prom-
ptitudo in percipiendis ijs quæ audiuntur:
aut quomodocunque se offerunt cogi-
tanda & cognoscenda.

*Præsertim
defectus*

Tertiò. Alius defectus est obscuritas
& confusio, quando videlicet intellectus

rem implicite apprehendit, non discernendo clarè & distinctè rei quidditatem, non distinguendo ea quæ distingui debe-
rent, vel confundendo plures res simul, substantiam & accidentia quæ illi insunt, quantitatem, qualitates &c. Rectitudo opposita erit, claritas & distinctio, quan-
do intellectus explicite & exactè res apprehendit, cum debita distinctione & adæquatione. Cum v.g. in concipiendo hominem, distinctè sumimus ex vna parte substantiam hominis, ex alia acci-
dentia. Deinde in substantia hominis, & sic etiam in alijs rebus, distinctè concipiendo essentialia prædicata, ea in quibus res conveniunt, & ea in quibus differunt: vt concipiendo animal rationale, animal per quod homo conuenit cum brutis, & rationale per quod ab ijs differt. Itaque eandem pro-
fus rem concipimus, quando concipimus, homo, & quando concipimus, animal rationale. Sed vno modo concipimus implicite & confusè, alio modo explicite & distinctè. Sicut quando ædificium aliquod intruemur à longè, non discernentes singulas partes eius, obscure & confusè videmus: quando autem de propinquo conspiciamus & contemplamur, videmus idem ædificium clarè & distinctè.

Et sicut dictū est, in homine clarè concipiendo debere explicite apprehendi animal rationale: ita rursus in concipi-
endo ipso animali, distinctè concipienda sunt prædicata essentialia eius, videlicet corpus, viuens, sensitiuum. Item, vt explicite concipitur corpus, debet concipi substantia cum ratione corporeitatis: & in substantia ens per se existens: vt ita deueniatur ad prædicata suprema quæ nõ possunt in alia resolui. Et vt dixit Aristot. 2. Poster. cap. vlt. quousque ad ea peru-
niatur quæ partibus vacant. Verumamen non potest intellectus noster in statu præsentis ob suam imbecillitatem, hos omnes simul gradus essentialia, incipiendo à rebus infimis vsque ad suprema prædicata, vno simplici conceptu & apprehensionis actu completi: sed indiget pluribus actibus, vt satis experientia patet. Et propterea cōparādo primum illum conceptum confusum hominis, & alium conceptum animalis rationalis: hic

*obscuritas
& re-
ctitudo
claritas.*

Assignatur quidam error non attingentia, & resistitudo opposita.

hic dicitur conceptus explicitus & distinctus : licet inquam non sit adhuc omnino explicitus : ramen ad differentiam primi illius conceptus prorsus impliciti.

Quarto demum alius defectus in simplici apprehensione contingit, qui dici potest error quidam non attingentia. Interdum enim accidit, ut quis inquirens & intendens explicitè concipere essentiam alicuius rei, non illam attingat, sed aliam diversam ac repugnantem. Ut si quis inquirens essentiam & definitionem Angeli, accipiat animal immortale : vel inquirens definitionem circuli, accipiet hanc, figura habens tres angulos, quæ est definitio trianguli. Itaque dupliciter contingit hic defectus : ut inmitur ex Diuo Thoma prima parte questione 17. artic. 3. vel coniungendo plura prædicata inter se impossibilia & repugnantia, ex quibus non conficitur aliqua realis essentia, sed ficta & chimerica : vel loco definitionis vnius rei quam inquiremus, accipiendo definitionem alterius rei, quæ in se quidem realis sit, tamen repugnet illi rei cuius definitio quærebatur.

Sic intellectus deficit & errat in apprehensione rerum. Non utique quasi per primam operationem determinare attribuat talem essentiam tali rei, affirmando Angelum esse animal immortale : quia dum ad hanc determinatam affirmationem devenitur, iam admiscetur compositio & secunda operatio, quæ erit falsa, sed quia in ipsa prima operatione apprehenditur definitio illa animal immortale, quando quærebatur essentia longe diversa, nempe essentia Angeli : aut ad summum apprehenditur, quoad quid est, siue quoad significatum propositionis, quid sit Angelum esse animal immortale : quando quærebatur coniunctio veræ essentia cum ipso Angelo.

Hic autem defectus dici potest error non attingentia. Error, non quidem sumendo errorem pro deceptione & falsi-

tate : sed in eo sensu quo dicere solemus, quempiam qui non assequitur quod intendebat, aberrasse à suo intento. Error etiam causaliter : quia talis defectus est causa falsa & erroneæ affirmationis in iudicio sequente ad talem apprehensionem, ut nempe intellectus iudicet & asserat Angelum esse corporeum. Sic dixit Aristoteles quinto Metaphys. tex. 34. Res ipsas posse dici falsas, quatenus aptæ sunt interdum causare falsam existimationem, quando apparent aliter quam sunt ; sicut umbræ & picturæ. Et sic aurichalcum dicitur falsum aurum, non dicitur falsum argentum ; quia cum habeat colorem auri, aptum est causare falsam existimationem qua putetur aurum.

Dicitur etiam error non attingentia ex modo loquendi Aristotelis nono Metaphysicæ textu 22. quia videlicet dum quis quærens essentiam vnius rei, & ita concipere explicitè talem rem, accipit essentiam alienam : reuera in concipienda tali essentia aliena, non attingit illam rem quam quærebat ; sed aliam disparatam : vel aliam rem, si accipit essentiam realem alterius rei ; vel ens rationis & fictum, si accipit essentiam absolute repugnantem.

Rectitudo autem huic defectui opposita est manifesta, nimirum propria attingentia rei quam quærimus explicitè & distinctè concipere : cum nempe accipimus veram & legitimam essentiam propriam talis rei.

Cæterum directio huius primæ operationis, non exigit ulterius alium peculiarem tractatum, præter ea quæ tradita sunt communiter ad directionem nostræ cognitionis. Præsertim autem inuatur directio simplicis apprehensionis per definitionem & diuisionem, de quibus iam antea egimus, & per distinctam enarrationem rerum in tractatibus præmissis, tum vniuersalium, tum prædicamentorum.

Ad directionem simplicis apprehensionis sufficit directio communis cognitionis.



507

QVÆSTIO VIGESIMAQVARTA.

De Secundo actu Cognitionis intellectiue, nempe Iudicio & Enunciatione.

Secundus actus nostræ intellectiue cognitionis solet per coniunctionem duplicis nominis appellari, Compositio & Diuisio. Sed vnicō & adæquato nomine, magisque expresse huius cognitionis, Iudicium commodè appellatur: & hoc libentius vtimur. Coniungimus Enunciationem: quia vel sumitur mentaliter pro ipso iudicio: vel sumitur vocaliter: aut per modum ideæ, tanquam instrumentum directiuius nostræ cognitionis. Et multa commodius de Enunciatione tradentur, quæ ad directionem iudicii faciunt. Et Aristoteles in libris Periherm. maxime de Enunciatione pertractat. Cæterum nomen iudicii commune est etiam discursui siue iudicio illatiuo. Et certè pleraque quæ de iudicio dicuntur, communia erunt omni notitiæ iudicatiue. Sed appropriato sibi nomine, specialiter Secunda operatio nomine iudicii intelligitur: & de hac specialiter modò agimus.

SECTIO PRIMA.

Quid sit Iudicium, & quod obiectum habeat.

Iudicium explicatur.

In primis, Iudicium est actus quo intellectus determinatè cognoscit rem esse vel non esse, affirmando vel negando. Qui actus in nostro intellectu satis experientia ipsa notus est. Affirmamus hominem esse animal rationale: negamus hominem esse Angelum, esse leonem: & sic de alijs rebus. Hoc est iudicare. Hi actus sunt iudicium. Et omne iudicium, vel est affirmatiuū vel negatiuum: vel est assensus vel dissensus. Et per hoc quòd determinatè cognoscimus rem esse aut nō esse, iudicium differt à simplici apprehensione: vt manifestum est ex dictis quæstione præcedenti. Vtquē vltèrius iudicium secundæ operationis distinguatur à iudicio illatiuo tertię operationis, addendum est, quo intellectus absolute & per se, non verò inferendo vnum ex alio, affirmat aut negat.

Est actus distinctus à simplici apprehensione.

Secundò, Iudicium in nostro intellectu est actus realiter & essentialiter distinctus à simplici apprehensione, ad differentiam intellectus Diuini & Angelici. Nam Deus iudicat quidem, & perfectissimè cognoscit res sicuti sunt: Angelus quoque iudicat & determinatè cognoscit: sed non per distinctum actum ap-

prehendēdo & per alium iudicando: sed vno simplici actu & intuitu totū cognoscendo. Ita habetur ex Diuo Thoma prima parte quæst. 14. art. 14. & quæstione 58. art. 4. primo contra Gent. capite 59. & alibi. At intellectus noster ob sui imbecillitatem & imperfectionem non potest vnicō actu & simplici intuitu totum cognoscere, & veluti a Jæquare totam cognoscibilitatem obiecti: sed indiget distinctis actibus, vno quo simpliciter concipiat & apprehendat rem, alio quo determinatè cognoscat affirmando aut negando. Ita habetur ex Diuo Thoma iisdem locis, & præcipuè prima parte quæst. 85. art. 5. vbi propterea comparat intellectum nostrum cum rebus naturalibus, quæ non statim ab initio, sed successiue per plures operationes, opus habent suam perfectionem acquirere.

Hinc patet, iudicium esse actum tum realiter tum essentialiter à simplici apprehensione distinctum. Alius enim actus est quo rem simpliciter concipimus, alius quo determinatè iudicamus. Et potest ac solet ille actus inueniri sine alio: quando percipimus quidem rem, sed non adhuc affirmamus aut negamus, quicquid. Et alia est essentia specificæ huius actus quo determinatè cognoscimus, ab essentia illius actus quo tantum simpliciter apprehendimus. Neque cogitari potest, hos actus esse tantum numericè distinctos: quia planè aliter distinguuntur.

Distinctus realiter et essentialiter.

vnu

vnus actus apprehensionis & alius iudicij: quàm vel duo actus apprehensionis, vel duo actus iudicij. Inter illos enim manifestè apparet distinctio essentialis in specie eorum actuum.

Si quis autem diceret, hunc esse quidem frequentem & ordinarium cognoscendi modum nostri intellectus, per distinctionem horum actuum: interdum, tamen fieri posse, præsertim in rebus valde notis & obuijs, vt vno actu intellectus noster apprehendat & iudicet. Hic sanè non potest efficaciter impugnari. Sed cum ex vna parte constet, quis sit consuetus & connaturalis modus cognoscendi nostri intellectus: non debet hic alius modus cognoscendi ei attribui. Loquimur autem pro statu præsentis vitæ: quia anima separata habet eundem cognoscendi modum, atque dum est coniuncta corpori, vel modum simpliciorum ad instar intellectus angelici, non est hoc loco tractandum.

Necessariò præsupponit apprehensionem.

Tertiò. Iudicium in nostro intellectu necessariò præsupponit apprehensionem, non solum terminorum secundum se, sed etiam quoad connexionem vnus cum alio, siue apprehensionem totius propositionis de qua ferendum est iudicium: & neque elici neque conservari potest actus iudicij sine tali præuia apprehensione. Patet manifestè ab ipsa experientia: quia si quis non percipit terminos propositionis, nullum planè potest de illa ferre iudicium: & debet omnino apprehendere tam prædicatum quàm subiectum. Pariter si quis percipiat quidem terminos, non autem percipiat connexionem eorum, non apprehendat significatum totius propositionis: nec etià potest de illa ferre iudicium, affirmare aut negare. Vnde si quis loquens alicui homini alterius idiomatis, pronunciet propositionem aliquam, v. g. homo est animal, eique declararet quid significet homo & animal: nisi vterius ille doceatur, & tandem percipiat quid importet particula est: adhuc non poterit iudicare de illa propositione. Sed post integram & completam apprehensionem totius propositionis, tunc poterit ferre iudicium. Ita ergo prærequiritur tota hæc apprehensio in omni mentali iudicio. Et in vniuersum intellectus non potest iudicare de ignotis, idest

de ijs quæ non percipit & apprehendit. Sed prius esse debet, percipere propositionem quoad quid est modo explicato quæst. præcedenti, & deinde sequi potest iudicium quoad an est. & idcirco iudicium in nostro intellectu, est secunda operatio, sequens primam.

Imo non solum dum primò elicitur actus iudicij, sed quando in intellectu permanet, semper requirit apprehensionem actu præsentem. Non enim sufficit aliquando apprehendisse, vt postea intellectus iudicet: sed dum iudicat, non iudicat nisi de ijs quæ tunc actu percipit. Atque adeò non potest in intellectu conservari iudicium sine continua apprehensione: ab eaque dependet, non solum in fieri, sed etiam in conservari. Potest quidem fieri, vt apprehensio prius tempore incipiat, quàm iudicium: sed debet omnino permanere donec iudicium eliciatur, & quandiu deinceps continuatur. Neque verò est necessarium, vt apprehensio prius tempore incipiat: sed satis est natura & causalitatis ordine præsupponi. Quonammodo verò se habeat ad iudicium, an per modum partis vel causæ vel conditionis, sect. seq. explicabimus.

Quartò. Communiter supponi videtur, ad iudicium requiri duas distinctas apprehensiones extremorum: duos simplices conceptus, vnum subiecti & alterum prædicari. Et ita significat S. Thom. 3. de Anima lect. 11. & 6. Metaph. lect. 4. Et fundamentum est: quia non potest intellectus noster vno actu comprehendere plura. Imo subiectum & prædicatum videntur apprehendi formaliter tanquam plura: videlicet subiectum velut materia, prædicatum velut forma; prædicatum tanquam id quod alteri inest, subiectum tanquam id cui alterum inest. Et rursus eo magis in propositione negatiua extrema apprehenduntur vt plura, quia apprehenduntur vt separata, & quorum vnum remouetur ab alio. Deinde idcirco iudicium nostri intellectus dici videtur compositio, quia coniungit ex distinctis conceptibus extremorum, simul tamen adunatis in intellectu.

Et hinc vterius inferendum videtur, dari alium tertium actum apprehensionis de habitudine extremorum quæ correspondet copulæ propositionis. Neque enim

An requirantur distinctas apprehensiones.

Sec. I. Quid sit & quod obiectum habeat. 509

enim apparet maior ratio, cur cum apprehensione vnus potius quàm alterius extremi confundatur. cum vtrique autem confundi non potest: quia hæc habitudo non nisi vno simplici actu concipi potest: ac non potest vnus simplex actus confundi cum alijs duobus distinctis, quia quæ sunt eadem vni tertio sunt idem inter se.

*Videtur
sufficere
posse vnus
solus ap-
prehensio-
nis actus.*

Verum non apparet tanta necessitas, vt omnino debeant esse distincti omnes hi actus ante iudicium: sed possunt quidem esse distincti. Fortasse etiam sufficere potest vnus solus actus quo apprehendatur totum significatum propositionis, ita vt intellectus possit vno simplici actu ambo extrema cum sua habitudine apprehendere. Et quidem posse illos actus esse distinctos, est facile: quia potest vno actu apprehendi subiectum secundum se, alio actu prædicatum secundum se, & tertio actu connexio siue habitudo inter illa. Sicut enim in composito reali inueniuntur subiectum formæ & vnio, ita tres distincti actus esse possunt in intellectu.

Non esse autem necessariam distinctionem horum actuum, patet in primis ex parte ipsius iudicij: quia vtrique iudicium secundum rationem suam tantum exigit, vt apprehendantur extrema cum habitudine: & perinde elici poterit, siue sint distincti actus, siue vnus solus quo omnia simul apprehendantur. Deinde suadet ex parte ipsius apprehensionis, seu ex parte intellectus: quia potest intellectus noster concipere simul plura, si ea concipiat tanquam vnum: plura enim vt plura non potest simplici intuitu complecti. Sic vtrique vno actu concipit terminum totum complexum, in quo plura inuoluuntur, quorum vnum sit substantia, aliud accidens; imo vnum sit ens positivum, aliud sit negatio; vt oculus cæcus, aer tenebrosus. Vbi etiam valet dicere; vnum concipi vt materiam, aliud vt formam; vnum concipi vt per se stans & tanquam subiectum, aliud tanquam adiacens & insidens subiecto. Sed hoc modo extrema propositionis cum sua habitudine & connexionione se habent per modum vnus: fieri ergo potest, vt intellectus absque alijs actibus distinctis, vno solo concipiat significatum totius propositionis cum extremis & copula, homo est

albus, homo est rationalis, Petrus currit: & ad hanc vnā simplicem apprehensionem sequi potest iudicium quo id determinatè affirmetur.

Vnde non obstat fundamentum quod pro parte opposita adducebatur. Imo habitudine illa subiecti & formæ, facit potius vt extrema se habeant per modum vnus, vnus scilicet compositi & coniuncti: quia potius duo subiecta, vel duæ formæ, se haberent per modum plurium; ita vt non possent vnico actu comprehendere: sed subiectum & formæ se habent per modum vnus, sicut substantium & adiectiuium in termino complexo, vt dicebamus. Nec etiam obstat propositio negatiua: quia si in illa ob peculiarem rationem oporteat interuenire plures actus apprehensionis, iam non erit par necessitas de propositione affirmatiua. Præterea etiam in propositione negatiua defendi potest vnus solus apprehensionis actus, nam potest vnico actu apprehendi terminus complexus, etiam in quo interponatur negatio; vt homo non albus, homo non currens, Petrus non loquens. Et ratio est: quia licet negatio separet in esse reali, tamen in ratione obiecti cognoscibilis coniungit extrema, vt sint vnum obiectum simul cognoscibile: et ita etiam extrema se habebunt vt vnum in ratione obiecti cognoscibilis; & erit vnum obiectum, totum significatum propositionis negatiuæ, homo non est albus, Petrus non currit.

Supereft solum explicandum, qualis sit compositio nostri iudicij, etiam si non sint plures conceptus simplices apprehensui terminorum. De qua re agemus sect. sequenti.

Quintò præterea ad designandum obiectum iudicij, potest afferri quod Simplicij. & Porphyrii. initio Prædicam. & Oham. r. par. Logic. cap. 20. significant, voces esse quæ in propositionibus subiiciuntur & prædicantur, quasi vna vox de alia affirmetur aut negetur. Aliqui verò significat, conceptus formales, id est actus representatiuos extremorum, esse qui subiiciuntur & prædicantur, quasi vnus conceptus formalis de alio affirmetur aut negetur.

Certò tamen constare potest, obiectum iudicij esse res significatas & apprehensas,

*Quo ap-
prehendatur
extrema
& co-
pula.*

*Obiectum
iudicij sunt
res quoad
conuenien-
tiam, vel
discrepan-
tiam.*

hensas, & propriè esse res quoad an est, seu esse conuenientiam & disconuenientiam vnius extremi cum alio, quatenus affirmamus aut negamus hoc esse illud. Patet: quia cum affirmamus, homo est animal; falsum planè esset, si intelligeremus, nomen homo est nomen animal: sunt enim diuersa nomina. Falsum etiam esset, si intelligeremus, conceptus formalis hominis est conceptus formalis animalis, supposito item quòd essent distincti actus & conceptus formales. Neque etiam quando negando iudicamus & dicimus, homo non est equus, Petrus non currit; intendimus dicere, nomen homo non esse nomen equus, & actum representatiuum hominis non esse actum representatiuum equi. Sed sensus verus & intenus est, rem quæ significatur nomine homo, & apprehendiatur ab intellectu, esse rem quæ significatur nomine animalis; non esse rem quæ significatur nomine equi: & sic de alijs. Interdum quidem formamus iudicia & enunciationes de ipsis vocibus & conceptibus formalibus: ut cum dicimus vox est sonus, hoc nomen differt ab illo, conceptus formalis est cognitio, & similia. Sed tunc hæc ipsa se habent sicut aliæ res apprehensæ. Sicut enim de alijs rebus, ita & de his datur cognitio in nostro intellectu.

Dico autem obiectum iudicii propriè esse res quoad an est, seu quoad conuenientiam & disconuenientiam. Quod satis patet ex dictis quæst. præced. circa apprehensionem. Vbi explicauimus, qualiter apprehensio versetur circa quid est, iudicium circa an est: & qualiter iudiciū in nostra secunda operatione verè etiam versetur circa rerum essentias & quidditates: tamen semper per modum an est, affirmando aut negando hoc esse illud. Et res est clara: quia non aliter intelligi potest exerceri iudicium, nisi inter duo extrema, circa habitudinem

eorum inter se, determinatè cognoscendo, an vnum conueniat, vel non conueniat alteri.

✱

SECTIO SECVNDA.

Quo pacto in Iudicio nostri intellectus detur compositio & diuisio.

Aristot. hic lib. 1. Periherm. cap. 1. nostrum iudiciū appellat compositionem & diuisionem. Et in hoc præcipuè solet constitui discrimen inter intellectum humanum, & Angelicum ac Diuinum, quòd nos intelligimus dum iudicamus componendo & diuidendo: non autem Deus & Angeli. Explicare ergo oportet, quæ & qualis sit hæc compositio in iudicio nostri intellectus.

Primò Aliqui rem explicant ex parte solius obiecti cogniti: dicentes, non esse aliud, intellectum componere, quam suu actu mentali coniungere & connectere vnum cum alio, dum affirmat vnum esse aliud: Diuidere è contra esse disiungere & separare ac remouere vnum ab alio, dum negat vnum esse aliud. Ita sentit Masius 1. Periherm. cap. 4. quæst. 3.

Verùm hæc explicatio videtur quidem sufficiens ad mentem Aristotelis, dum nominat compositionem & diuisionem. Non est autem sufficiens ad explicandam talem compositionem in nostro iudicio, per quam distinguatur ab iudicio Angelico & Diuino. Nam Aristot. quidem nihil plus intellexisse videtur per componere & diuidere, quam affirmare & negare. Neque per hoc intendebat distinguere nostrum iudicium ab Angelico & Diuino: sed tantum volebat distinguere iudicium à simplici apprehensione, vt patet in textu.

At certè compositio & diuisio illa, quæ est tantum obiectiua, est de essentia omnis iudicii, & reperitur etiam in intellectu Angelico & Diuino. Nam Deus & Angelus perfectè cognoscit, hoc esse aut non esse illud, hunc hominem esse album, illum non esse album, & sic de omnibus veritatibus: & ita verè affirmat & negat, atque adeò in hoc sensu componit & diuidit. Iuxta hoc D. Thom. quæst. 16. de Malo art. 6. ad 1. 2. ordinis, & 1. parte quæst. 58. art. 4. ait, Angelum cognoscere quidem compositionem & diuisionem,

non

Compositio nostri iudicii nõ tenet tãtũ ex parte obiecti.

non tamen componendo & diuidendo : datur ergo in intellectu angelico compositio & diuisio, quæ se tenet tantum ex parte obiecti. Et per talem cognitionem docet S. Tho. eo loco 1. par. in solut. ad 3. Angelos loquentes proferre posse & solere propositiones affirmatiuas & negatiuas, affirmando & negando, sicut nos facimus in loquendo. Et propterea etiam arte. sequenti docet, Angelum posse falli & falsò iudicare. Pariter illam eandem compositionem obiectiuam tribuit Deo 1. contr. Gent. cap. 58. & 59. Et in eodem sensu D. Dionys. c. 2. de Diu. Nom. ait, Diuinam sapientiam cognoscere indiuisibiliter diuisibilia, & multa vniriue.

Neq. bene Ferr. eo cap. 59. §. Ad 2. ait, Deum cognoscere compositionem, solum quia cognoscit compositionem quæ est in nostro humano iudicio. Nam verè etiam seculis nostro iudicio, Deus cognoscit res ipsas, earum convenientiam & disconuenientiam in se ipsis : & D. Th. ibi probat, intellectum Diuinum cognoscere verum, dum compositionem cognoscit: non vtique quòd cognoscat tantum compositionem nostri intellectus esse veram, vt male exponit Ferr. sed quòd cognoscat verè res ipsas sicut sunt, eo modo quo ait & nos cognoscere verum, cum cognoscimus hoc esse illud.

Secundò Aliqui conari sunt, explicare ex parte actus intellectus compositionem in toto rigore : dicentes, intellectum vno simplici actu apprehendere subiectum, alio actu prædicatum : deinde per quandam modum vnionis coniungere & vnire eos duos actus : & iudicium esse quid verè & propriè compositum ex ijs duobus actibus vnitis, & hanc esse compositionem nostri iudicii.

Sed hic dicendi modus, nec necessarius, nec verus est. Necesse. n. non est, cum tanta proprietate & rigore saluare compositionem nostri iudicii. Et possibile non est, vniri illos duos actus intellectus ad componendum tali modo quid tertium. Nam illi actus sunt singuli in se ipsis completi & perfecti. Neque possunt vniri per modum partium essentialium tanquam materia & forma. nam vnus actus non recipitur in alio, vt in subiecto, licet ipsa extrema per quandam

similitudinem comparentur, subiectum, cum materia, & prædicatum cum forma. Nec enim possunt vniri per modum partium integralium. Non. n. se habent vt duæ partes extensiuæ, vt patet : neque vt duo gradus intensiuæ : quia vtique ex apprehensione subiecti & prædicati non constituitur quedam apprehensio seu cognitio intensior. Nec apparet quo alio modo possit ea vnio & compositio exerceri. Præterea explicandum esset, in quonam actu apprehensio esset immediatè talis vnio : an in vtroque simul, an in altero tantum : & alia quæ difficultatem, non vtilitatem afferunt. Et præsertim, dum intellectus post præuias apprehensiones determinare iudicat, verè elicit nouum, ac peculiarem actum cognitionis. Et licet intensionaliter vniat & coniungat prædicatum cum subiecto, tamen non per hoc dici debet, vnire realiter & physice actus ipsos suos. Demum ex dicto modo non poterit explicari, qualiter se habeat iudicium negatiuum : an etiam, constitutur per vnionem actuum, vel per aliquid oppositum vnioni, siue per separationem, & quomodo sit in se quid vnum.

Tertiò Valsq. 1. par. disp. 223. cap. 3. cui consensit Ruuius hic 1. Perier. cap. 4. q. 4. explicat compositionem iudicii ex parte actuum intellectus : dicens, naturam huius compositionis esse, vt dentur duo conceptus, alter prædicati, alter subiecti, quibus ipsa extrema concipiantur relata, vt vnum alteri conueniens, quæ conuenientia denotatur in propositione vocali per particulam est. Ita tamen, vt in intellectu non corresponsdeat ipsi copulæ peculiaris cōceptus. Similiter diuisionem esse duos conceptus representantes prædicatum & subiectum, prædicatum tamen vt disconueniens subiecto.

Hic etiam dicendi modus rejiciendus est. Tum quia facit iudicium nihil esse aliud, quàm combinationem duorum simplicium conceptuum : ita vt secunda operatio intellectus non sit aliud quàm duplex prima operatio : certè autem iudicium & secunda operatio debet addere nouum actum vltra omnem actum, primæ operationis & simplicis apprehensionis. Tum quia constituit rationem, iudicii in sola apprehensione conuenientia.

Debet esse actus distinctus à simplicibus conceptibus.

Non est vnio duorum simplicium & n. ceptuum.

tiæ extremorum: sed iam satis ostensum est, hanc apprehensionem inueniri posse in intellectu absque omni actu iudicii, & semper debere præcedere ad actum iudicii. Tum demum, facit iudicium non esse vnum quid: Imo plus illi detrahit de vnitatem, quam præcedens dicendi modus qui addebat vnitatem inter simplices conceptus.

*Non includit in-
trinsecè,
sed supponit app-
rehensioñe.*

Quarto. Aliqui supponētes, præter simplices conceptus debere elici alium distinctum actum ad constituendam rationem iudicii, dicunt, iudicium adæquate constitui ex ijs omnibus actibus simul, & acque adeo intrinsecè includere simplices apprehensiones extremorum, tanquam partes, non solas tamen, sed addere alium nouum actum: & sic habere rationem compositionis, quia formaliter componitur ex ijs omnibus actibus. Et hanc sententiam probabilem censet Vallius 1. Perich. par. 3. q. 3. cap. 3.

Dicendum tamen est, iudicium esse nouum quandam actum elicium ab intellectu post omnem apprehensionem & esse in se formaliter simplicem. Hac conclusio est expressè Durandi in 1. d. 38. q. 2. n. 5. Greg. in Prologo sent. q. 1 ar. 3. post 3. concl. Gab. q. 1. ar. 1. Ferr. 1. cont. Gent. cap. 59. §. Aduertendum secundò, Tolet. 3. de Anima q. 19. & aliorum, & ex parte Fonf. 6. Met. cap. 1. q. 3. sect. 4. dicentis, interdum iudicium esse qualitatem compositam, interdum simplicem. Probatur. Tum quia iudicium & secunda operatio nostri intellectus, debet esse, quid per se vnum, vnus actus, qui per se ponatur in practico: sed non potest ex pluribus actibus intellectus simul adunatis constitui quid per se vnum, vt supra ostensum est: ergo secunda nostra operatio debet esse actus quidam simplex consequens ad primam operationem. Tū præsertim, post omnem apprehensionem datur omnino nouus actus, quo intellectus determinatè affirmat aut negat: & hic nouus actus quatenus distinctus ab alijs, veique nō includit formaliter ipsos alios: siue ille actus qui elicatur ab intellectu post omnem apprehensionem, vique vt præcisè sumptus, non includit intrinsecè, sed supponit apprehensionem. At hic simplex actus est ille qui essentialiter habet veram iudicii rationem; nam

hic actus est, quo intellectus determinatè cognoscit connexionem extremorum, & affirmat hoc esse illud, aut negat: & ita veluti definitiuam sententiam profert: quæ est integra ratio iudicii. Tum etiā hic actus, quatenus ab apprehensione distinctus, est vtiq. essentialiter cognitio: ergo est de aliqua cognitionis specie. sed non est apprehensio: ergo est essentialiter iudicium. non est prima: ergo est secūda operatio intellectus. Tum demum, actus discurrendi quatenus est tertia operatio, non includit essentialiter secundam, sed consistit præcisè in iudicio illatio, dependente quidem ex præuio assensu antecedentis: vt q. sequenti dicemus: Ita ergo pariter iudicium, quod est secunda operatio, non includit essentialiter apprehensionem, & primam operationem. Cæterum circa modum quo iudicium ab apprehensione dependeat: non oportet dicere, apprehensionem esse per se & directè causam essentialis iudicii: sed potius apprehensio se habet per modum conditionis requisitæ, ad hoc vt potentia ipsa intellectiva eliciat actum iudicii: sicut etiam dicemus postea circa discursum. S. Tho. verò 1. cont. Gent. cap. 58. rat. 3. dixit quidem apprehensionem esse principium iudicii, sed non ita loquutus est ad explicandum modum quo apprehensio concurret ad iudicium, sed solū docere voluit absolutè concurrere & prærequiri. Quomodo verò iudicium, non obstante hac dependentia, conueniat vniuocè cum simplici apprehensione, dicemus circa comparationē discursus cum iudicio.

Quintò Durand. Greg. & alij explicāt, dici compositionē de iudicio, quia supponit duos simplices conceptus extremorum: & Durand. ait virtute illos continere. Imo vult non permanere simul in intellectu hos plures actus distinctos: sed prius existere actus apprehensiuos, & illis succedere actum iudicii.

Hic dicendi modus supponit, debere esse actus distinctos, quibus apprehendantur extrema propositionis. Quod tamen diximus non esse necessarium. Non benè autem Durand. ait, actus apprehensiuos non solū non debere, sed nec posse naturaliter coexistere simul cum iudicio. & sine causā supponit, nulla ratio-

*Non dicit
necessa-
riò plures
apprehen-
siones.*

ne

ne posse naturaliter plures actus distinctos existere simul in intellectu. Quinimo possunt & debent, quando sunt actus context, quorum unus dependet ab alio: sicut sunt omnes tres operationes intellectus sibi subordinatae.

Sexto ergo concludendum est, de ratione compositionis nostri iudicii, satis esse, quod ipse actus indicandi sit actus distinctus ab apprehensione, etiam si unus solus apprehensionis actus interueniat. Et compositio debet intelligi & explicari per hoc, quod actus iudicii, non quidem intra se formaliter componitur, sed ponitur in intellectu simul cum alio apprehensionis actu distincto, quem praerequit. Ita sumi potest ex S. Thom. 1. par. q. 58. art. 4. & alijs in locis, in quibus constituitur discrimen inter intellectum Angelicum & humanum. Et hinc suaderetur: quia sufficit taliter assignare compositionem in intellectu humano ut eum distinguat a modo cognoscendi intellectus Angelici sed per hoc satis distinguitur: Nam, ut ait S. Thomas, intellectus Angelici non componitur, quia per eundem actum quo cognoscit quid est, siue per unum simplicem intellectum, cognoscit praedicatum, quae rei conueniunt intellectus autem humanus indiget distincto actu a cognitione quod quid est. Item sufficit saluare iudicium in intellectu humano esse secundam operationem distinctam a prima: sicut sufficit saluare discursum esse aliam tertiam operationem distinctam a secunda: per hoc enim distinguitur ab intellectu Angelico, qui non indiget his distinctis operationibus, & his tribus gradibus in cognoscendo. Non ergo oportet, aliam compositionem tribuere nostro iudicio, quam per distinctionem & dependentiam ab actu praecedente simplici apprehensionis.

Septimo tandem compositio hoc modo sumpta ex parte actuum, reperitur in omni nostro iudicio, non solum affirmatiuo, sed etiam negatiuo. Ad quia in nostro iudicio distincte recensentur compositio & diuisio, compositio pro iudicio affirmatiuo, & diuisio pro negatiuo. Ideo addere oportet, compositionem a diuisione distinctam, imitari non solum compositionem ex parte actuum, sed etiam ex parte obiecti: haec affirmatio est

compositio, quia per actum ab apprehensione distinctum coniungit praedicatum cum subiecto. Negatio est diuisio, quia per actum similiter distinctum separat & auferit praedicatum a subiecto. Compositio autem ex parte actuum, distinguit iudicium humanum ab Angelico: ex parte vero obiecti, distinguit iudicium affirmatiuum a negatiuo.

Dupliciter ergo sumi potest compositio nomen. Vno modo magis ample pro omni nostro iudicio: & sic non distinguitur a diuisione, sed inuenitur etiam in iudicio negatiuo. Alio modo magis pressè pro iudicio nostro affirmatiuo: & sic a diuisione distinguitur, addens supra distinctionem actuum, coniunctionem positiui obiecti. Ita notauit egregie D. Thom. hic 1. Periherm. sect. 3. quod si consideremus ea quae sunt circa intellectum secundum se, semper est compositio: sed in ordine ad rem; compositio erit cum intellectus comparatur unum alteri per coniunctionem aut identitatem; diuisio cum per diuersitatem. Et sumi potest ex Aristotele, quia hic quidem compositioem diuisionemque distinguitur: ut libro 3. de Anima textu 39. totum nostrum iudicium appellat complexionem intellectuum. & textu 21. in vniuersum dixerat, in illa nostra conceptione, in qua est verum & falsum, esse compositionem conceptuum: & text 22. sequenti subiecta: Si album non album dixerit, ipse non habet album compositum: contingit autem ex Aristotelem dicere eundem. Vbi vel sensus est, si quis dicat hoc non est album: haec vocari potest compositio: vocari etiam potest diuisio. Et ita sumitur compositio primo modo assignato, ut non distincta a diuisione: Vel sensus est, si quis dicat: hoc est non album: ita ut propositio sit affirmatiua de praedicato infirmo. (Et quidem hoc modo legitur Agrippa) tunc componit: possunt autem & haec omnia praedicata negatiua dici per diuisionem, id est propositionem negatiuam, hoc non est album. Et ita sumitur compositio secundo modo assignato, licet textu superiori sumpta esset primo modo.

Obijcies primo. Non potest intellectus noster simul vno actu cognoscere plura ac valde distincta: sed iudicium formatum inter plura & sepe valde distincta

compositio
diuisio
compositio
diuisio
compositio
diuisio

compositio
diuisio
compositio
diuisio
compositio
diuisio

Quomodo
vniuersum
iudicium
plura
cognoscitur.

Sed pro-
priè dicit
distinctionem
iudicii
ab apprehen-
sione.

Quomodo
distinguitur
compositio
& diuisio
in nostro
iudicio.

Quomodo
distinguitur
compositio
& diuisio
in nostro
iudicio.

sa: ergo non potest esse vnus simplex actus.

Respondetur cum D. Thom. prima parte quæst. 85. art. 5. ad 1. per iudicium directe cognosci convenientiam aut disconvenientiam inter ipsa plura: quæ, cum vna sit, potest vno actu cognosci. Sic etiã notauit idem Sanctus Thomas 6. Metaph. lect. 4. Intellectus concipiens hominem & animal, vnumquodque secundum se, intelligit duobus actibus: cum autem, ex ijs format compositionem aut diuisionem, intelligit ambo vt vnum, & sufficit vnus in se iudicij actus.

*Quomodo
iudicium
attingit
etiam
propositionis
extrema.*

Obijcies secundò. Iudicium non tantum attingit habitudinem extremorum, sed etiam ipsa extrema: nam per iudicium affirmamus hoc totum, homo est animal rationale: ergo impossibile est intelligi iudicium quod non includat apprehensionem extremorum.

Respondetur. Hoc argumentum potius probare, iudicium nullo modo distingui ab apprehensione: quia reuera ille actus qui additur in secunda operatione intellectus, in qua perficitur iudicium, debet omnino attingere ipsa extrema, vt argumentum probat. Dicendum est ergo, ipsum iudicium vt ab apprehensione distinctum, attingere etiam extrema, tamen determinatè, & quoad an est ipsius habitudinis quæ est inter extrema. Et ita non includere apprehensionem extremorum: sed ante ipsum iudicium præsupponi ordine naturæ apprehensionem eorundem extremorum, imò & eiuſdem habitudinis, indeterminatè & quoad quid est.

*Quomodo
propositio
includit
extrema
cum copu-
la.*

Obijcies terriò. Propositio vocalis intrinsecè componitur ex ipsis extremis, subiecto & prædicato: sed termini in voce exprimentur simplices conceptus & apprehensiones in mente, pro quibus substituimus q. 3. in comuni. Aliquid tamen, modo addendum est, per comparisonem iudicij ad simplicem apprehensionem, quantum ad veritatem, quæ etiam aliquo modo ipsi apprehensioni attributa est. Et quidem certum est, veritatem speciali modo conuenire iudicio, plusquam simplici apprehensioni. Quod satis patet ex doctrina Arist. qui interduo veritatem & falsitatem adæquatè attribuit iudicio, vt q. superiori vidimus: & ex communi modo sentiendi & loquendi: & ex natura ipsa iudicij. Imò ex dictis iam circa veritatem

mente distincti à iudicio: nec per se illos exprimere: sed simul cum copula, proferri loco ipsius iudicij, quod attingit verè ipsa extrema quatenus determinatè dicunt habitudinem. Quando autem simplices termini solui à propositione per se proferuntur in voce, tunc exprimentur conceptus simplices à iudicio distinctos. Vel, etiam si quando in propositione proferuntur, dicantur exprimere ipsos simplices conceptus terminorum id sit, quia præsupponitur simplex apprehensio ad iudicium. Vnde non sequitur ipsosmet iudicio debere intrinsecè includi, sed sat est præsupponi simplicem apprehensionem. Imò S. Thom. in 4. dist. 8. quæst. 2. art. 3. ad 7. docet, & sequitur Ferr. 4. contra Gen. cap. 63. circa sextum dictum significatione propositionis vocalis esse in se simplicem, supponere tamè significatione partiũ. Vnde non bene Gabriel. 43. in Canon. ait, probabiliter dici posse, propositionem mentalem formari in mente audientis succedente, sicut succedente proferitur ab alio propositione vocalis. Nam potius actus iudicij, in quo formaliter consistit propositio mentalis, non formatur nisi in fine totius prolationis, dum comprehenditur sensus totius propositionis, & intellectus præbet assensum.

SECTIO TERTIA. De Veritate & falsitate Iudicij.

Notum satis est, cognitionem nostram iudicariam, esse non solum veritatis, sed etiam falsitatis capacem. Et de hac re præcipue procedunt quæ de veritate & falsitate cognitionis tractauimus q. 3. in comuni. Aliquid tamen, modo addendum est, per comparisonem iudicij ad simplicem apprehensionem, quantum ad veritatem, quæ etiam aliquo modo ipsi apprehensioni attributa est. Et quidem certum est, veritatem speciali modo conuenire iudicio, plusquam simplici apprehensioni. Quod satis patet ex doctrina Arist. qui interduo veritatem & falsitatem adæquatè attribuit iudicio, vt q. superiori vidimus: & ex communi modo sentiendi & loquendi: & ex natura ipsa iudicij. Imò ex dictis iam circa veritatem

*Iudicio
maximè
conuenit
veritas et
falsitas.*

*Quæst.
III. de
Iudicio
et
Veritate.*

Seçt. III. De Veritate & falsitate Iudicij. 515

rem simplicis apprehensionis, facile hæc tota res constare poterat: sed hic in proprio loco magis explicanda est.

D. Thom. 1. p. q. 16. art. 2. & alijs sepè locis explicare solet, veritatem in intellectu simpliciter apprehendente, esse tantum vt in eo in quo est veritas, non autem vt in cognoscente veritatem: sed in intellectu iudicante, componente & diuidente, esse tanquam in cognoscente veritatem. Hæc doctrina rem difficiliore reddidit, dū alij aliter sententiam D. Tho. & rem ipsam defendere conati sunt.

In iudicio non est veritas cognita formaliter expressè, nisi in iudicio reflexo.

Ferr. 1. contra Gent. cap. 39. supponens, omnem veritatem, de qua in hoc proposito loquitur S. Thom. esse conformitatem cognitionis ad rem, intelligit in iudicio esse specialiter veritatē vt cognitam, quod iudiciū attingat tanquam obiectum ipsam cōformitatem cognitionis ad rē: apprehensio autem sit quidē ipsa cōformis obiecto, non tamen cognoscat cōformitatem. Idem in resensire videtur Masius 1. Periherm. cap. 1. q. 6. & lib. 4. de Transc. cap. 9. & 10. qui ait, veritatem in actu exercito reperiri in apprehensione; sed in actu signato, & tanquam in cognoscente, esse solum in iudicio. Refert etiam hunc dicendi modum Caiet. 1. par. quæst. 16. art. 2. §. Ad euidentiā, & ait per superficiem litterarū prima fronte hunc sensum ostendi.

Hæc tamen sententiā insufficiens & falsa est, eamquē Caietanus ipse refellit. Primò quia benè quidem dari potest iudicium per modum cognitionis reflexæ, quo cognoscatur & affirmetur veritas quæ erat in alia cognitione; vt cūm dicimus hæc cognitio vera est: tamen in iudicio directo de re ipsa, cūm v. g. affirmamus homo est animal; vtique obiectum huius iudicij, non est ipsa veritas & cōformitas cognitionis ad rem, sed tantum est coniunctio seu identitas animalis cum homine. At veritas speciali modo est in iudicio, non tantum reflexo, sed in omni iudicio verò: & maximè sensus est de iudicio directo, ad differentiam apprehensionis præcedentis circa idem obiectum.

Secundò. Sensus esse non potest, iudicium habere pro obiecto cognitio veritatem præcedentem in simplici apprehensione. Nam iudicium sequens ad apprehensionem, non habet pro obiecto suo ip-

sam apprehensionem, sed eandem rem apprehensam; non quidem obiectiue, quatenus apprehensam, quasi iudicet rem esse apprehensam: sed solum suppositiue apprehensione tanquam conditione: ergo multò minus habet pro obiecto suo cōformitatem apprehensionis ad rem. Nec etiā sensus esse potest, habere pro obiecto & cognoscere cōformitatem sui ipsius ad rē: nam hoc non spectat ad eundem ipsam iudicij actum, sed ad alium reflexum, quē intellectus elicere potest, vt manifestum est. Neque apparet, cuiusnam cognitionis cōformitas, sit cognita per hoc iudicium, quo intellectus affirmat, homo est animal, vel negat hō non est equus, vt dicatur veritas esse in iudicio tanquam cognita.

Tertiò præterea. Ex parte apprehensionis pōt non minùs dari simplex apprehensio de veritate & cōformitate cognitionis ad rē. Hoc enim est quoddā obiectum cōceptibile: & sicut cōceptimus alias res, hæc etiam concipere possumus & solemus. Et habemus terminos, quos voce pronunciamus, & sub quibus in mente latent conceptus simplices de hac re: ergo etiā in apprehensione pōt esse hoc modo veritas vt cognita. Et, si iudicium dicatur cognoscere veritatē suæ cōformitatē sui ipsius ad rē: pariter dicet quis, apprehensio cognoscere veritatē suā & cōformitatē sui ipsius ad rē. Si autē iudiciū dicatur cognoscere veritatē ipsius apprehensionis, etiā dicatur apprehensio cognoscere veritatē iudicij. Ergo nō pōt hoc modò distinguī veritas iudicij à veritate apprehensionis. Interdū quidē videtur S. Tho. assignare hoc discriminē inter veritatē intellectus & sensus, quod intellectus hēt vim cognoscendi sui ipsius veritatem, qui nimirum potest per reflexionem cognoscere suam cognitionem; non sic autem sensus: Sed hoc non sufficit ad propositum, vt patet.

Caietanus ibi, post quasdam notationes explicat, veritatem esse in iudicio tantum quam cognitā, non quod cognoscatur in actu signato: sed tantum in actu exercito. Tunc ait cognosci in actu signato, cūm cognitio terminatur ad cōformitatē quæ est veritas. Tunc autē in actu exercito, cū cognoscitur aliquid in se cōforme cognitioni. Intellectus autē, sepe dū iudicat, cognoscit aliquid in se vt cōforme aut disforme rei: cognoscit enim aliquid cōplexum,

Etiā in apprehensione reflexa potest esse veritas cognita.

In iudicio non est veritas cognita in actu exercito et impletè.

ideſt enunciationem in qua eſt conformitas vel diffinitas. Caietanū ſequuntur Valent. prima parte diſput. 1. quaſt. 16. puncto 2. & Suarez diſput. 7. Metaphyſ. ſeſtione tertia, dicentes etiam veritatem cognosci in iudicio implicite & virtualiter.

Prima ratio.

Hæc ſententia obſcurior eſt & inſufficiens. Primū enim dum Caiet. ait, cognoscere in actu exercito, eſſe cognoscere aliquid in ſe conforme cogito, & hoc conuenire iudicio: vel ſenſus eſt, intellectum cognoscere ſatim materialiter aliquid quod eſt conforme: vel etiam cognoscere formaliter eſſe conforme. Si dicatur primum, id nullo modo eſt cognoscere veritatem: ſicut qui cognoscit hominem qui reuera eſt iuſtus, non tamen cognoscit eum eſſe iuſtum; nullatenus cognoscit iuſtitiam eius. Si ſecundum: id eſt cognoscere nō tantum in actu exercito, ſed etiam in actu ſignato; ſive eſt cognoscere per ſe & expreſſe conformitatem in re conformi: & redit prior ſententia impugnata. Non ergo apparet, quoniam modo per iudicium cognoscatur veritas in actu exercito, & non in actu ſignato.

Secunda ratio.

Secundū. Dum dicitur cognosci in actu exercito aliquid quod eſt conforme: quodnam eſt hoc aliquid? Vel eſt res ipſa, ſive prædicatum: quod eſt conforme ſubiecto. Et hæc non eſt conformitas cognitionis ad rem: ſed eſt connexio realis ipſius rei, quæ ſunt formaliter & expreſſe eſt obiectum iudicij; nec oportet diſtinguere, cognosci in actu exercito, non in actu ſignato. At hæc non eſt veritas quæ eſt conformitas cognitionis ad rem. Nō ergo proprie dici debet veritas cognitionis, quam modō quaerimus in iudicio, eſſe in iudicio: tanquam cogitant. Vel eſt apprehenſio præcedens ad iudicium. Et hæc apprehenſio, etiuſque conformitas, nullo modo eſt obiectū iudicij ſequentis ad ipſam apprehenſionem, ut antea dicebamus: ergo nec in actu ſignato, nec in actu exercito, dici debet cognosci in iudicio. Neque tamen intellectus iudicat & affirmat homo eſt animal, Petrus eſt albus & affirmat, concipiens ſimplices quos apprehendēdo formauit conformari rei: ſed tantum affirmat rem ipſam ita ſe habere, naturam animalis conuenire

homini, albedinem in eſſe Petro. Et in iudicio Angelico non eſt minor veritas, quā in iudicio humano: at non præſupponitur apprehenſio ad illud iudicium, cuius conformitas per actum ipſum iudicij cognoscatur. Vel illud aliquid conforme, eſt ipſummet iudicium. Sic ſic plane non apparet, qualiter iudicium dici poſſit cognoscere ſe ipſum conforme in actu exercito, niſi quod in ipſo reuera eſt & exercetur veritas & conformitas ad obiectū. Quod non eſt pluſquam dicere, veritatem eſſe in iudicio tanquam in cognitione in qua eſt veritas: & fruſtra dicitur eſſe tanquam cognita. Sed ſic etiam eſt in apprehenſione, in qua in eſt & exercetur ſua proportionata veritas. Vel demum, illud aliquid conforme, intelligitur eſſe ſpecies impreſſa, aut ſpecies expreſſa, de quibus meminit Caiet. aut aliud tale. Et hæc magis obſcure & abſurde diceretur: ut à tortiori ex dictis patere poteſt.

Tertia ratio.

Tertiū. Veritas ſpecialis iudicij debet eſſe veritas oppoſita falſitati: cuius falſitatis, & pariter veritatis illi oppoſite, nō eſt capax ſimplex apprehenſio: ſed falſitas iudicij dici non debet eſſe in illo tanquam cognita. Neque poteſt explicari hoc modo. Nam in ſimplici apprehenſione nunquam eſt falſitas, ut ſupponimus: ut per reſpectum ad illam dicatur in iudicio eſſe falſitas cognita. Neque apparet, quo alio modo falſitas formalis, quæ eſt diſformitas cognitionis ad rem, dicatur cognita in iudicio falſo. Ergo nec etiam veritas propria iudicij debet eo modo assignari, ut veritas obiectiue cognita, ſed ſicut explicabitur falſitas, ita etiam explicanda erit veritas ei oppoſita.

Quarta ratio.

Quartū. Illo dicendū modo ſolūm explicatur veritas in iudicio affirmatiuo, ubi componitur prædicatum cum ſubiecto, & ita dicitur cognosci veritas, ideſt conformitas ad rem. Sed tamen in iudicio negatiuo, intellectus diuidens prædicatum à ſubiecto, potius dici deberet cognoscere diſformitatem & diſconuenientiam: ergo non ſaluarur in iudicio negatiuo eſſe veritatem ut cognitam. Concedit hoc totum Valent. puncto citato in fine, atque ita intelligit Sanctū Thomam tantum de iudicio affirmatiuo, nō de negatiuo. At certe Ariſt. ad etiam

Secl. III. De eius veritate & falsitate. 517

etiam Sāctus Thomas pari modo prorsus attribuit veritatem diuisioni & compositioni. Et non minùs iudicium negatiuum, quā affirmatiuum, propriissimè dicitur verum aut falsum: & in illo oportet assignare veritatem specialem, ad differentiam apprehensionis. Eoq. modo quo assignabitur in iudicio negatiuo, debet etiam assignari in affirmatiuo. Defendit Suar. d. 7. secl. 6. etiam in iudicio negatiuo veritatē vt cognitam: tum quia licet non cognoscatur conformitas vnus conceptus ad alterum conceptum extremorum; tamen implicite cognoscitur conformitas singulorum conceptuū ad sua extrema: tū etiam ait, nō solum cognoscere conformitatē sicut est, sed etiam cognoscere difformitatē sicut est, esse veri: & hoc esse verū cognitum in iudicio negatiuo. Sed non satisfacit. Tum quia veritas huius negationis, Petrus non currit, nullo modo consistit in conformitate vnus conceptus ad Petrum, & aliter ad cursum: sed in remotione vnus ab altero inter ipsa extrema, vt per se patet. Tum quia cognoscere difformitatem sicut est, est quidem verum ex parte cognitionis, quia cognitio est vera: non tamen apparet, quomodo sit verum obiectiue, quod scilicet veritas ipsa cognitionis sit: cognita.

Quinta ratio.

Quintò vltcrius, propria ratio iudicij qua differt ab apprehensione consistit in eo quod intellectus determinatē cognoscatur: ē esse aut nō esse: & sic propria veritas eius dici debet consistere in eo quod cognoscatur, esse quod est, & non esse quod non est: ita vt si dum res est, affirmatur esse, sit verus; si negatur esse, sit falsus. Sed simplex apprehensio semper est eodem modo conformis obiecto, siue res sit, siue non sit: quia non sumitur per ordinem ad an est, sed consistit in simplici representatione: ergo veritas propria & specialis iudicij, dici non debet esse veritas apprehensionis cognita: neque consistit in hoc quod cognoscatur conformitas conceptus simplicis ad iē. Confirmatur: quia cū omnis apprehensio sit vera, vt supponimus: sequeretur in omni iudicio cognosci pariter veritatem & conformitatem apprehensionis; atque adeo in omni iudicio, etiam falso, semper esse eodem modo veritatem vt cognitam. Alia ergo est propria & specialis

veritas iudicij, quando iudicium est verum; & non quia in illo cognoscatur veritas apprehensionis siue simplicium conceptuum.

Sextò. Etiam si quis explicitè & in actu signato cognoscatur, simplices conceptus, quibus apprehensi sunt homo & albus, sunt veri & conformes rebus; non per hoc habet illud verum iudicium, quod consistit in affirmando, homo est albus, quando realiter homo est albus: sed illa cognitio eodem modo se habet, & eodem modo cognoscit eam veritatem apprehensionis, etiam si homo non sit albus: ergo dum homine existente albo, habetur hoc verum iudicium, homo est albus; multò minùs dici potest, per cognitionem in actu exercito seu implicitam illius veritatis & conformitatis quæ erat in simplicibus conceptibus, saluari veritatem propriam & specialem huius iudicij; & hanc veritatem esse veritatem apprehensionis in actu exercito cognitam.

Aliter ergo sine his difficultatibus assignanda est veritas propria iudicij. Et quidem facillimè explicari potest, dicendo, esse in iudicio specialem veritatem, tanquam in eo in quo est veritas, talis tamen veritas quæ non est in simplici apprehensione. Veritas inquam perfectæ & determinatæ: quæ consistit in hoc, vt determinatē cognoscatur esse quod est, & non esse quod non est.

Explicatur specialis veritas iudicij ad differentiam apprehensionis.

Et probatur primò. Sicut de essentia iudicij est specialis & propria ratio cognitionis, non quia ei tribuatur cognitio cognita, sed quia est specialis & talis cognitio obiecti: ita pariter iudicio conuenit specialis veritas, non quia sit veritas cognitionis cognita, sed quia formaliter est cognitio vera.

Secundò. In vniuersum quando assignatur veritas cognitionis, quæ dicitur: veritas formalis & in representando, attribuitur cognitioni tanquam illi in qua est talis veritas; non quasi debeat esse cognita per ipsam cognitionem cui tribuitur, & quam denominat veram: ergo veritas specialis talis cognitionis debet etiam ita assignari; vt sit in ipsa cognitione, non vt sit cognita per ipsam cognitionem.

Tertiò. Si in simplici apprehensione est

K k 3 veri-

veritas tanquam in eo in quo est veritas: utique etiam in iudicio debet assignari aliqua veritas, tanquam in eo in quo est veritas, quæ scilicet subiectivè attribuitur ipsi iudicio: sed hæc veritas planè est alia, quàm illa veritas quæ erat in simplici apprehensione: ergo sic optimè assignabitur veritas propria & specialis iudicii. Imò in simplici apprehensione, vix inveniatur & saluabatur aliqua veritas, quæ dicebatur simplex & imperfecta. Vt ergo assignetur veritas propria iudicii, non oportet recurrere ad hoc quòd veritas sit in iudicio tanquam cognita: sed debet sibi in hoc quòd ipsi iudicio convenit veritas & conformitas perfecta, tanquàm in eo in quo est veritas.

Quartò. Quando dicimus aliquod iudicium esse verum, propositionem esse veram: hæc est conceptus quem omnes de veritate habent, quòd cognoscitur & enunciat res esse sicut est, quæ determinata cognitio non convenit simplici apprehensioni. Et è contra dicitur iudicium falsum & enunciatio falsa, quando putatur res aliter ac est. Et hæc est illa conformitas ac dissimilitudo cognitionis ad rem, quæ veritatis ac falsitatis nomine intelligitur: ergo sic optimè explicanda est veritas propria iudicii, opposita falsitati, & conveniens iudicio, tanquam in eo in quo est veritas & conformitas.

Quintò. Cognoscere determinatè rem sicuti est, siue affirmando, siue negando, est utique conformari obiecto prout est in se. Hæc conformitas convenit iudicio, & est in eo tanquam in quo est conformitas, & non tanquam hæc conformitas sit cognita per ipsum iudicium. Item hæc conformitas est perfectissimè veritas, sicut dissimilitudo opposita est falsitas. Rursus hæc conformitas determinata, non est in simplici apprehensione, in qua non affirmamus aut negamus sicut res est aut non est: ergo omnis hæc conformitas debet assignari tanquam veritas propria specialis & perfecta iudicii. Et hic modus eam assignandi facilis & clarus est. Et hæc ipsa veritas est rectitudo & perfectio secundæ operationis intellectus, quæ per directionem logicam intenditur & procuratur, ut nempe veram rerum notitiam sine deceptione assequamur.

Sextò demum hinc poterit aliquo mo-

do explicari, in iudicio reperiri veritatè, ut cognitam, videlicet non tam sumendo veritatè pro conformitate cognitionis ad rem, quàm potius pro habitu dine inter extrema, quæ verè ita sit sicut cognoscitur. Cum itaque iudicium habeat determinatè cognoscere talem habitudinem inter extrema, hominem esse album: si reuera sit talis habitudo & connexio, homo reuera sit albus, dicitur intellectus cognoscere verum, & in iudicio dicitur cognosci veritas, idest illud quod reuera est sicut cognoscitur. Et hæc dici potest veritas obiectiva, idest obiectum iudicii. Quod totum pariter invenitur in iudicio negatio, dum intellectus separat in cognoscendo illa quæ reuera separata sunt. Tunc, dum cognoscitur hæc separatio sicut reuera est, dicitur cognosci veritas. E contra quòd iudicium est falsum, quia res non est sicut putatur, similiter dicitur cognosci falsum, idest illud quod reuera non est & putatur esse. In solo autem iudicio & non in apprehensione dicitur esse hoc modo veritas cognita: quia intantum dicitur cognosci verum, inquantum determinatè cognoscitur esse quod verè est, & affirmatur habitu quo verè est, aut negatur quæ verè non est: qui modus cognoscendi est proprius iudicii, & non convenit apprehensioni.

Consonat hoc totum communi & consuetò modo loquendi. Notum est enim, dici passim solere, illum qui profert propositionem veram, dixisse verum; esse verum illud quod dictum est, idest reuera ita esse sicut dictum est. E contra qui falsam profert propositionem, dicitur dixisse falsum. Similiter de iudicio mentali dicimus, quempiam putasse verum; verum esse quod ille putat: alium putasse falsum. Et Arist. ipse sic loquitur 9. Metaph. text. 21. *Verum dicit qui divinum dividi & compositum componi putat: falsum autem dicit qui contra quam res se habent.* &c. Et hic 1. Perihæra. cap. 6. propè finem ait, orationes esse veras sicut res, idest sicut res veræ sunt, res nempe quæ enunciantur. Atque hic modus loquendi, ita proprius est circa iudicium, ut non perinde dicamus circa simplicem apprehensionem, illum qui simplices terminos profert, & simplices conceptus habet, dixisse verum; cognovisse verum: sed ad summum

*explicari
possit in
iudicio veri
tas cogni-
ta.*

cum

Secl. IV. De Enunc. & regulis veræ enunciat. 519

cum addito, hic pronunciauit verum, nomen hominis, formauit verum conceptum hominis.

Demum ipse S. Thom. hoc planè explicasse videtur. Nam 3. de Anima lect. 11. ait: *Intellectus incomplexum, neque verum, neque falsum est, quantum ad id quod intelligitur. Veritas enim consistit in quadam comparatione & adæquatione vnius ad alterum, quæ quid in est in compositione & diuisione, non autem in intelligibili incomplexo. Sed licet ipsum incomplexum non sit verum; tamen intellectus intelligit de ipso, verus est, inquantum adæquatur rei intellectæ.* Et 1. Periherm. lect. 3. declarat, non esse aliud, intellectum cognoscere, habitudinem conformitatis suæ ad rem, quàm iudicare ita esse in re aut non esse. Idem significauit 1. contra Gent. cap. 59. & alibi. Quod autem ait, intellectum componentem & diuidentem cognoscere conformitatem sui ad rem, potest intelligi tantum materialiter, quia cognoscit habitudinem & cõparationem vnius extremi ad aliud, quæ omnia erant quidem apprehensa quoad quid est in prima operatione intellectus, & in ea apprehensione erat simplex sua conformitas.

SECTIO QUARTA.

Quid sit Enunciatio: & quæ sint regulæ veræ enunciationis.

Enunciatio pluribus modis sumitur.

Enunciatio sumi potest obiectiue pro re ipsa quæ enunciat. Et sic non est aliud quàm habitudo quæ est inter extrema propositionis prædicatum & subiectum, siue est illud quod affirmatur aut negatur. Et enunciatio sic sumpta, est obiectum iudicii, vt patet: & est res significata per propositionem vocalem. Secundò sumi potest formaliter in mente, pro actu ipso quo enunciamus, affirmamus aut negamus. Et sic sumpta, est adæquatè ipsum iudicium, secundaque operatio intellectus. Tertiò sumi potest vocaliter & significatiue, pro oratione vocali quæ voce exprimitur, aut etiam scripto consignatur. Et sic sumpta, est signum expressiuum mentalis iudicii. Quartò sumi potest instrumentaliter seu idealiter, pro idæ & instrumento directiuo

iudicii, iuxta ea quæ diximus quæst. 4. de Instrumentis directiui cognitionis: sicut argumentatio erat instrumentum directiuum discursus.

Sub hoc ergo enunciationis nomine, consuetum est tradi illa quæ pertinent ad directionem iudicii: & propinquius quidem edoceri solent de enunciatione vocali, vt per illam de mentali intelligantur. Iam autem in Institutionibus latis multa de enunciatione præmissimus, quæ sanè admodum inuant directionem iudicii: & hoc loco inferenda essent, nisi iam ibi tradita fuissent. Et præsertim plurimæ regulæ ad rectam & veram enunciationem ex eo loco habentur. Super sunt tamen modò quedam aliæ regulæ, quæ tunc non erant necessariæ, nec pro eo loco opportunæ. Et specialiter tradi solent circa prædicabilia, ad explicandum quomodo & qualiter debeant prædicari. Sed nos ad hunc locum magis propriè pertinere censuimus.

Primò ergo, Regula vniuersalis est, ad propositionem affirmatiuam requiri identitatem aliquam extremorum, & è contra ad propositionem negatiuam diuersitatem. Ita supponit D. Thom. 1. par. qu. 13. art. 12. & 1. contra Gent. cap. 36. qui hoc declarat, non solum in propositionibus essentialibus, vt homo est animal, vbi planè idem quod est homo est animal: sed etiam in propositionibus accidentalibus, vt homo est albus: hæc enim sunt idem subiecto; quia idem quod est homo, est subiectum albedinis. Ita etiam apertè docuit Arist. 9. Met. tex. 21. vbi ait, illa quæ affirmantur, componi, & esse vnum: quæ negantur, non componi, & esse plura. & 5. Met. text. 7. & 16. vbi assignat quendam modum identitatis quem vocat secundum accidens, scilicet inter accides & subiectum, & inter plura accidentia, quæ insunt vni subiecto. Et rursus textu 35. Socratem & Socratem musicum idem esse quodammodo. Hic est etiam communis modus loquendi aliorum. Vnde pro fundamento quodam syllogismorum poni solet pronunciatum illud, quæ sunt eadem vni tertio sunt idem inter se, in hoc sensu, quòd illa quæ in prædicatione cum quodam tertio communicant, etiam sunt idem inter se, idest vnum eorum de altero prædicatur.

Sub enunciationis nomine iudicium dicitur.

Ad enunciationem affirmatiuam requiritur identitas extremorum.

Et ratio huius rei est clara: quia propositio affirmatiua determinat hoc esse illud: quæ planè est quædam identitas. Diuersi sunt autem identitatis gradus, ad diuersas propositiones sufficientes. Nam ad propositionem essentialiter requiritur identitas essentialis: ad propositionem accidentalem accidentalis, quæ consistit in coniunctione formæ cum subiecto, imò ad propositionem de predicato extrinsecè denominante, sufficit habitudine aliqua: ut enim verò dicamus, paries est vilis, sufficit quòd visio terminatur ad parietem: quia nempe idè quod est paries, est obiectum visionis, est quod terminat visionem. Hinc ad propositionem negatiuam requiritur talis diuersitas extremorum, quæ excludat omnem identitatem sufficientem ad affirmationem: quia si aliqua identitas sufficiens adsit, vera erit propositio affirmatiua, non autem negatiua, cum negatiua sit infinita. Vnde licet album non sit idem essentialiter cum pariete: tamen quia est idem accidentaliter, valet affirmare, paries est albus; & non valet negare, nisi cum explicatione, paries non est essentialiter albus: quæ tamen propositio in re est modalis, perinde ac si dicatur, parietem esse album non esse illi essentialiter, ubi negatio cadit non super copulâ propositionis simplicis seu categoricæ, sed super copulam modi cum dicto, sicut in alijs propositionibus modalibus negatiuis.

An etiam requiratur, extrema sumi in concreto. Secundo vltierius, quia illa extrema, ex quibus propositio affirmatiua veta confici potest, possunt sumi vel in concreto vel in abstracto, exploratum est inter terminos concretos, nominando scilicet tam predicatum quam subiectum in concreto, veram predicationem exerceri: ut homo est animal, homo est albus. Et ratio est clara: quia sic maxime sumitur extrema secundum dictam identitatem requisitam. Videndum est autem, an etiam inter terminos abstractos possit talis predicator exerceri. Sed quia varijs modis hæc comparatio contingit, vel predicari in abstracto cum subiecto in concreto, vel subiecti in abstracto cum predicato in concreto, vel vtriusque simul in abstracto: idè totidem regulæ distinguendæ sunt.

Nō potest Tercio ergo regulariter loquendo non

potest predicatum in abstracto affirmari de subiecto in concreto. Est res clarissima in predicatis accidentalibus. Nec enim dici potest, paries est albedo, oculus est visio: & similiter in secundis intentionibus dici non potest, animal est genericitas, est vniuersalitas, est predicabilitas. Et ratio est manifesta: quia formæ accidentales sunt essentialiter à subiecto distinctæ, & tantum sunt idem quodammodo per coniunctionem: sed dum nominantur in abstracto, accipiuntur prorsus ut distinctæ; dum verò nominantur in concreto, accipiuntur secundum identitatem coniunctionis: ergo non in abstracto, sed tantum in concreto, predicari possunt. Si enim dicerentur in abstracto: sensus esset, naturam parietis esse naturam albedinis, quod est falsum. Dum autem dicuntur in concreto: sensus est, parietem esse subiectum albedinis, habere in se albedinem, quod verum est. Iuxta hoc Aristot. 7. Metaph. text. 42. dixit: *Homo & album, multa sunt, cum non insit alterum alteri; unum verò, cum insit.* id est si album non fumatur prout insit homini, sed fumatur in abstracto, dum dicitur albedo; prorsus distinguitur ab homine, ut de eo predicari non possit. Et S. Thomas 1. par. quæst. 85. art. 5. ad 3. cum dixisset, compositionem intellectus esse signum identitatis eorum quæ componitur, subdit: *Non enim intellectus sic componitur, ut dicat quod homo est albedo, sed quod homo est albus, id est habens albedinem.*

Idem procedit, si predicata sunt quidem in se ipsis substantialia, tamen non sint de essentia subiecti. Sic non valet dicere, in areria est forma, est anima; sed tantum est inanimata, est animata. Nec valet dicere, Verbum Diuinum est humanitas, vel hic homo est Deitas; sed tantum Verbum Diuinum est homo, hic homo est Deus. Imò etiam inter genus & differentiam, quæ aliqui à parte rei non distinguunt, non valet dicere, animal est rationalitas, aut rationale est animalitas; sed tantum animal est rationale, rationale est animal. Insuper hæc regula valet etiam in illis predicatis quæ sunt de essentia subiecti: ut non valet dicere, homo est animalitas, est rationalitas, imò nec homo est humanitas. Ita docet S. Thomas de Ente & essen. c. 3. Caiet. ibi & alij com-

predicatum in abstracto affirmari de subiecto in concreto.

Etiam si predicatum sit substantiale.

Etiam si sit essentialiter substantiale.

Secl. IV. De Enunc. & regulis veræ enunciat. 521

communiter. Ratio reddi solet: quia prædicatum essentiale debet se habere quasi totum respectu subiecti: & alioqui non potest prædicari pars de toto, licet sit illi essentialis: non enim dicitur, homo est caput, est anima: abstractum autem se habet vt pars: ergo non potest prædicari de subiecto cui est essentialis. Verum, si subiectum consideretur solum quoad suam essentiam, fortasse hæc ratio non sufficit. Nam sic prædicatum essentiale non est pars physica & realis, sed tantum metaphysica & secundum nostrum concipiendi modum. Vnde de illo non procedit eadem ratio, quæ de partibus physicis à parte rei distinctis. Sed etiam dum certum quoddam prædicatum essentialis sumitur in concreto, dici potest pars metaphysica & essentialis. Vnde multi definiebant genus, quod erat pars materialis & differentiat, quæ erat pars formalis essentialis.

Addendum ergo est: dum subiectum sumitur in concreto: si sit substantiale, dicere non solum essentiam, & naturam, sed etiam substantiam à natura distinctam, id est adqueatè dicere totum suppositum: vt explicauimus quæst. præced. sect. 3. prædicatum autem abstractum dicit tantum naturam: vel si sumatur abstractum à substantia, dicit tantum substantiam. Vnde intercedit vera distinctio, & prædicatum se habet per modum partis physice. Et ideo non potest talis prædicatio fieri. Si etiam subiectum sit concretum aliquod accidentale, dicit non solum formam, sed etiam subiectum, & modum inhaesionis: Vnde de illo non poterunt affirmari prædicata essentialia de generibus accidentium. Non potest dici, album est color, est qualitas: sed tantum est coloratum, est quale. Non potest dici, sciens est habitus, sed tamen scientia est habitus: & sic de alijs.

Ceterum ubi non intercedit talis distinctio inter concretum & abstractum, bene potest fieri talis prædicatio: & ideo in conclusione dicebamus, regulariter loquendo non posse fieri. Tales autem prædicationes valent in Deo, in quo nec attributa sunt accidentia distincta à Diuina substantia, nec substantiæ personales ab essentia distinguuntur. Vnde valet opinari dicere, Deus est sua potentia, sua sapientia, &c. Deus est Deitas, Deus est Paternitas,

Pater est Deitas: vt suo loco in Theologia tractabimus.

Quartò. Si è conuerso sumatur prædicatum in concreto & subiectum in abstracto, distinguendum est: si prædicatum dicatur in quid & per modum termini substantiu, nõ potest regulariter affirmari de subiecto. Si autem dicatur in quale & per modum termini adiectiu, potest se prædicari de subiecto. Prima pars patet. Non enim bene dicitur, humanitas est animal, equinitas est brutum. Et procedit de hoc eadè ratio, quam antea dicebamus. Vnde dico et regulariter: quia pariter hic locum habet illa exceptio, quæ à parte rei non adest distinctio. Sic in Deo optime dicitur, Deitas est Pater, Paternitas est Deus. Addenda est et alia exceptio, si prædicatum sit secundum intentionem, & dicatur de natura cui verè conuenit. Nam si intellectus attribuit secundam intentionem naturæ abstractæ, poterit vtrique de illa prædicari. Sic rectè dicemus, humanitas est species ad hanc & illam humanitatem: animalitas est genus ad humanitatem equinitatem &c. Itæ vtilitas est genus ad quinq. species vtilitatis: & passim dñs, albedo est species, color est genus, quæritas est genus generalissimum. Et sic de alijs.

Secunda pars ostenditur: quia rectè vtrique dicimus: hæc albedo est similis illi, hæc quæritas est equalis illi, humanitas est risibilis, est rationalis, aliqua animalitas est rationalis, & similia. Vnde hoc valet, non tamen si prædicata sint essentialia, sed etiam si sint accidentalia subiecto. Et ratio est: quia terminus adiectiuus dicitur per modum adiacetis & inhaerentis, & ita dicit identitatem coniunctionis: & potest considerari vt suo modo idè est cum subiecto supposito in abstracto, vt patet in exemplis allatis. Dixi autem sapere: quia ex alia parte, multa prædicata sunt, quæ non possunt commode dici in quale & per modum termini adiectiu de subiectis in abstracto: vt non bene diceretur, albedo est colorata, est alba. Sic notant Arist. 2. Top. cap. 2. loc. 1. male dici, albedinem colorari, ambulationem moueri, & sic de alijs generibus respectu suarum specierum. Et ratio est: quia huiusmodi prædicata, quæ se habent per modum generis: non possunt dici in quale, sed tantum in quid: licet prædicata non minus essentialia, quæ se habent per modum differentiarum, dicantur adiectiue: vt dicebamus

Prædicatum in concreto non potest per modum termini substantiu affirmari de subiecto in abstracto.

Potest per modum termini adiectiu dici.

Nisi quædam abstractum non distinguatur à concreto.

humanitas est rationalis, sic etiam est sensitiva, animalitas est sensitiva. Quomodo autem dici solet, quantitas quanta, linea quanta, linea longa, & similia, circa species quantitatis; explicauimus in proprio prædicamento sect. 1. Item illa, prædicata, quæ dicuntur actiones & operationes, non semper de subiectis in abstracto prædicantur: vt non rectè diceretur, humanitas currit, loquitur: sed dici debet, homo currit, loquitur. Sic etiam docet S. Tho. 1. par. q. 39. ar. 5. & alij Theologi magis communiter, non rectè dici Essentia diuina generat, licet rectè dicatur Essentia diuina est generatio, ob realem identitatem. Aliquando tamen, etiam hæc prædicata dicuntur de subiectis in abstracto sumptis: vnde non solum in Deo actus essentialiter dicuntur de essentia, essentia intelligit, Deitas vult: sed etiam apud nos rectè dicimus, potentia operatur, potentia intellectuatur, discit, appetitus amat, & similia. Huius autem diuersitatis ratio, ex diuersitate ipsarum operationum & subiectorum, iuxta commune loquendi & significandi modum, attendenda est.

Quintò demum, sumendo vtrumque extremum in abstracto, facile quidem constat, non posse prædicatum in abstracto dici de subiecto, si iam accidentialiter ei conuenit: quia nimirum prædicatum accidentale dici non potest de subiecto, nisi quatenus illi inhærens, & prædicatio accidentalis est denominatiua & in quale. Vnde dici non potest, humanitas est albedo, est scientia, & sic de alijs.

Vasq. tamen 1. part. disp. 130. cap. 3. affirmat, posse abstractum prædicari de abstracto accidentaliter & denominatiue. Affert exempla, rationalitas est differentia, risibilitas est proprietas, hæcetas Petri est indiuiduatio. & ita defendit Relationem diuinam bene dici personalitatem, etiam si tantum accidentaliter & denominatiue dicatur talis. Et ponit regulam: tunc præsertim abstractum de abstracto prædicari, quando denotamus actum & quasi officiū illius. Verum hoc totum est prorsus falsum. & innumeris exemplis constat, tales prædicationes non esse vsurpandas, etiam quando denotamus actum & officiū rei, vt est manifestum. In illis autem exem-

plis, certè differentia & proprietas, sumuntur tanquā concreta, vt patet ex dictis in tractatu vniuersalium, si sumantur quoad secundas intentiones: alioqui quare non valet dicere, animalitas est generitas, humanitas est species, item rationalitas est secunda intentio, est relatio rationis, & similia? Dum verò dicitur hæcetas Petri est indiuiduatio, prædicatio est quidditatiua, ac si dicatur, hæcetas Petri est hæcetas. Et similiter, Relatio diuina est personalitas, est substantia. Hoc enim illi quidditatiue conuenit, vt in materia de Trinitate videbimus.

Difficultas ergo est de ijs prædicatis, quæ essentialiter conueniunt subiecto, An dici possint, humanitas est animalitas, est rationalitas, & similia. Negat adhuc Scot. in 1. dist. 2. q. 7. & in Log. q. 16. vniuersaliū. Sequitur Succ. 3. Met. disp. 2. Et fundamentum est: quia semper abstractum sumitur per modum partis, pars autem non potest prædicari de toto. Affirmant tamen Sorus q. 3. Vniuers. art. 2. Fons. 5. Met. cap. 28. q. 13. Suar. disp. 6. Met. sec. 10. n. 6. & vt plurimum recentiores in tract. Vniuersalium, saltem de illis prædicatis essentialibus quæ sunt genera & species.

Dicendum absolutè videtur, posse prædicata essentialia dici in abstracto de subiectis etiam in abstracto. Patet in primis inter accidentiam hæc omnes propositiones verissimæ sunt, albedo est color, linea est quantitas, alteratio est actio, & sic in omnibus alijs accidentibus. Vidit hoc Scot. qui propterea dixit, diuersā esse rationem de substantiis & accidentibus: quia inquit, illa accidentia non sunt abstracta vltima abstractione, sed possunt ab illis alia abstracta desumi; vt ab albedine albedineitas, à colore coloritas: at abstracta substantiarum sunt abstracta vltima abstractione. Vnde ait, dici non posse, albedineitas est coloreitas, & similiter humanitas est animalitas. Sed tamen etiam inter hæc abstracta concedenda est prædicatio. Nam, pariter ab humanitate potest abstrahi rationalitas, & ab animalitate sensibilitas. Nec etiam apparet, quare vltima abstractio impediat prædicationem, quando adhuc prædicatum abstractum, est de essentia subiecti etiam abstracti.

Nec

*Abstractū
de abstracto
non potest
prædicari
accidentaliter.*

*Potest prædicari
essentialiter.*

Sec. IV. De Enunciat. & regulis veræ enunciat. 523

Nec etiam satisfacit, quod aliqui dicunt, naturam substantialem abstrahi tantū à supposito, formam verò accidentalem abstrahi à subiecto. Nec quod affert Suar. num. 3. abstractionem accidentis esse physicam, abstractionem subiecti esse metaphysicam. Nam sicut accidentia quæ abstrahuntur abstractione ipsi competente, quæ aliqui impedit prædicationem abstractorum de concretis; tamen prædicantur de subiectis pari modo abstractis: ita substantiæ quæ abstrahuntur abstractione sibi conueniente, debent prædicari de subiectis pari modo abstractis.

Deinde etiā inter substantias idem demonstratur exemplis. sine dubio valet dicere, hæc humanitas Petri est humanitas, sicut valet dicere hæc anima est anima rationalis. Item humanitas est natura corporea, est natura sensitua: quæ omnia prædicata sunt abstracta. & idem, prorsus sonat dicere, est natura sensitua, & est animalitas. Ergo concedendæ sunt prædicationes abstractorum de abstractis inter substantias.

Et ratio demum huius rei est: quia verè rationalitas est de essentia humanitatis: humanitas enim dicit totam naturam humanam, quæ vtiq; essentialiter includit gradum rationalitatis. Nec adest illud impedimentum quod erat in prædicatione abstracti de concreto, dum etiam subiectum sumitur in abstracto. Ergo verè & in sensu formali ac essentiali, potest talis prædictio exerceri. Unde etiam ille gradus, qui est differentia essentialis, poterit de natura abstracta prædicari, humanitas est rationalitas; sicut si diceretur, humanitas est natura discursiva. Verè tamen tunc non prædicabitur per modum differentie, sed potius per modum generis. Nam modus differentie est, prædicari in quale & adiectiue. Vnde si differentia coniungatur cum alio termino substantiuo, non poterit poni in abstracto, sed debet poni in concreto. sic nō rectè diceretur, humanitas est animalitas rationalitas: sed bene est animalitas rationalis. At quia idē gradus essentialis, qui quando affigitur alteri termino & prædicato substantiuo, dicitur differentia; potest alio modo per se primò sumi substantiue, & tunc se

habere tanquam genus, vt diximus in tractatu de vniuersalibus: sic talis gradus poterit etiam in abstracto prædicari. Vnde pariter dici poterit humanitas est rationalitas sensitua, & sic in alijs similibus.

Ad fundamentum verò sententiæ oppositæ, patet ex supra dictis, partem physicam, seu quæ se habet per modum partis physice, non posse prædicari: abstractum autem respectu abstracti, non se habet vt pars physica, sicut respectu concreti. Deinde eo modo quo animal dicitur se habere, vt totum respectu hominis, quia est totum potentiale; licet sic pars essentialis: ita etiam se habet animalitas ad humanitatem, & dicitur pariter totum potentiale, tanquam genus, tum ad humanitatem, tum ad alias naturas sibi subditas; licet se habeat vt pars essentialis. Si tamen comparentur inter se plures gradus essentialis alicuius rei, quorum vnus non includit essentialiter alium, vt se habent in homine animalitas & rationalitas, quæ quidem in concreto possunt de se inuicem prædicari: non poterunt in abstracto prædicari, animalitas est rationalitas, vel e converso, in sensu inquam formali & essentiali; quantum in sensu solum idemico & reali possent tales prædicationes admitti, ad denotandum tales gradus essentialis esse idem in re: quæ saltem ratione attributa diuina inter se & de essentia etiam in abstracto prædicantur.

*Soluitur
fundamē
tū senten
tiæ negati
uæ.*

SECTIO QVINTA.

Quotuplex sit Enunciatio, & de speciebus eius.

Aristoteles in maxima parte huius operis de Interpret. agit de varijs diuisionibus & speciebus enunciationis. Sed nos breuiter quædam quæ sunt præcipua attingemus.

Prima & notissima enunciationis diuisio est, in affirmatiuam & negatiuam. Quam diuisionem in explicanda essentia iudicii & enunciationis in communi inferere oportuit. & inde iam satis patet, quid & quæ sit enunciatio affirmatiua ac negatiua. Et rectè Arist. hic lib. 1. cap.

*Enuncia
tio affir
matiuā,
& negati
uā.*

*Redditur
rō huius
prædica
tionis.*

4. ait: *Affirmatio est enunciatio alicuius de aliquo: negatio verò enunciatio alicuius ab aliquo.* Modò examinandum magis est, quò differant, & quomodo conueniant.

Aliqui significant, differre solùm accidentaliter, ita vt diuisio sit tanquam subiecti in accidentia. Tum quia quòd enunciatio sit affirmatiua vel negatiua, dici solet qualitas enunciationis. Tum quia eadem propositio quæ est affirmatiua, potest fieri negatiua, sine alia varietate quam per additionem particulæ negatiuæ. homo est albus, homo nò est albus. Tù quia negatio pòt æquiualeenter apponi, vel ex parte copulæ homo non est albus, vel ex parte prædicati homo est non albus: & hæc secunda propositio in se est affirmatiua, & non videtur differre à propositione negatiua, nisi per transpositionem particulæ negatiuæ.

E contra Alexand. Afrodis. apud Philop. 1. Prior. cap. 1. com. 4 dixit, has enunciationes adeò differre, vt nec etià in communi ratione enunciationis vniocè conueniant, sed tantùm analogicè: & hanc diuisionem esse analogi in analogata, non generis in species. Quia nimirum affirmatio & negatio non æqualiter se habent, sed enunciatio per prius dicitur de affirmatiua quàm de negatiua. & ita indicauit Arist. ipse hic lib. 1. cap. 4. *Est autem una prima oratio, enunciativa affirmatio, deinde negatio.*

Dicendum tamen est, enunciationem affirmatiuam & negatiuam verè differre essentialiter: conuenire autem vniocè in còis enunciationis rōne, atq. adeò hanc esse verà diuisionem generis in species. Hęc est còis sententia Interpretum in 1. lib. de Interp. & D. Tho. Opusc. 48. tract. de Interp. c. 6. Et patet faciliè. Nam differentia enunciationis còsistit in differentia iudicii mentalis, sed affirmare & negare, assentiri & dissentiri, componere & diuidere, planè differunt essentialiter: imò circa idem obiectum sunt actus contrarij. Ergo. At verò datur conceptus enunciationis & iudicii in communi, quem affirmatio & negatio essentialiter participant: & iudicium per se ponitur in prædicamento tanquam genus quoddam: ergo affirmatio & negatio verè conueniunt vniocè, & illa diuisio enunciationis est generis in species.

Nec obstant quæ in oppositum premissa sunt. Illa enim dicitur qualitas enunciationis, non tanquam qualitas accidentalis, sed tanquam qualitas essentialis, ad differentiam quantitatis qua enunciatio dicitur vniuersalis vel particularis. & præsertim differentia essentialis diuidens genus in species dici solet qualitates. Propositio autem vocalis potest de affirmatiua fieri negatiua per additionem particulæ negatiuæ: at iudicium mentale non potest fieri de affirmatiuo negatiuum, nisi per totalem mutationem vnius actus in alium actum, vt est manifestum. Et hinc propositiones etiam ipsæ vocales dicuntur differre specie & essentialiter, quia denominari debent ad instar iudicii mentalis cui correspondent. Atque etiam propositiones illæ, in quibus negatio ponitur, vel ex parte copulæ, vel prædicati differunt specie & essentialiter: quia alius actus est, quo intellectus negat homo non est albus, & alius quo affirmat homo est non albus.

Deinde affirmatio & negatio nò equaliter se habent quantum ad perfectionem: quia affirmatio est quodammodo perfectior: est etiam quodammodo prior: quia prius esse solet iudicare quid res sit, quàm quid non sit. Et hæc ad summum voluit ibi Ar. quia: certè non impediunt vniocationem conuictam inter species eiusdem generis. Neque verò apparet alia ratio analogiæ, destruens vniocationem, inter enunciationem affirmatiuam & negatiuam. Et, vt notauit ibi S. Tho. negatio non participat rationem enunciationis per dependentiam essentialem ab affirmatione, sicut accidens participat rationem entis per dependentiam essentialem à substantia: vt propterea dici debeat tantùm analogicè cum illa conuenire, eo modo quo dicitur conuenire accidens cum substantia.

Secunda præcipua etià enunciationis diuisio est, quæ sumitur ex parte quantitatis, in vniuersalem & particularem, sub quibus intelligi possunt singulares & indeterminatæ, nisi placeat has omnes distinxisse recensere. De quibus etiam dubitari potest, an differant essentialiter, vel tantùm accidentaliter. Et aliqui vno, alij alio modo, differre volunt. Sed dicendum est, hanc differentiam

Enunciatio vniuersalis, & particularis.

Secl. V. De Diuisione & Speciebus Enunciat. 525

nō se tenere ex parte modi iudicandi, sed potius ex parte obiecti materialis. iudicare enim aliquem hominem esse album, aut omnem hominem esse album, solū differunt, quia enunciatio vniuersalis plura cōplectitur ex parte subiecti in obiecto suo. Itaque eodem modo differunt hę propositiones, sicut dicuntur differre alię circa diuersa obiecta: vt si quis iudicet, Petrum esse album, aut Paulum esse album, aut Petrum esse doctum, aut ignem esse calidum: & sic de alijs. It in vniuersum, hac differentia videtur: dicenda essentialis: quia omnes actus per differentiam suam intrinsecam determinati sunt ad sua obiecta: ita vt possint plures actus prorsus similes circa idem obiectum multiplicari, & hi dicuntur differre solo numero. Actus autem attingentes diuersa obiecta, dici debent differre specie. Sed hac res est generalis, de specificatione actuum ab obiectis: de qua in Philosoph. agendum erit.

Tertia diuisio fit, quę habetur ex Arist. cap. 4. cit. in simplicem, & compositam seu coniunctam. Simplex est, quę constat ex suo subiecto & predicato. Composita est, quę confurgit ex pluribus simplicibus simul iunctis: vt propositio conditionalis, si sol lucet dies est: copulatiua, sol lucet & dies est: & alię huius generis. De Enunciatione coniuncta, multi supponunt, importare plures actus iudicii in intellectu, correspondentes pluribus partibus, idest enunciationibus simplicibus ex quibus illa constat. Et addunt, hos actus vniri in mente per quendam modum vnionis correspondentem particulę coniunctiue, quę in voce constituit propositionem compositam, videlicet particulę, et, in propositione copulatiua: particulę, vel, in propositione disiunctiua: & sic de alijs. Iuxta hoc vltcrius communis ferē sententia docet, hanc diuisionem esse analogi in analogia. Ita S. Tho. loc. cit. Opusc. 48. & pluri mi Expositores 1. de Interp. cap. 4. quia nimirum propositio coniuncta constat ex simplicibus tanquam partibus: totum autem non conuenit vni vocē cum partibus in ratione communi. & quia propositio simplex est propriē vna, coniuncta autem tantum est vna per modum quendam coniunctionis: & ita Ar. illā appellat

lat simpliciter vnam, hanc autem cum addito, coniunctione vnam. Al qui verō defendunt, diuisionem esse vni vocem generis in species: quia sufficere potest, quod propositio coniuncta addit aliquid vltra simplices, & quod sit vna per compositionem. Aliqui demum contendunt, differentiam & diuisionem esse solū accidentalem: quia eędem propositiones sunt simplices per se sumptę, & sunt vna cōposita dum simul sumuntur.

Dicendum tamen est, enunciationem coniunctam esse in mente vnum simpliciter actum iudicii, habentem pro obiecto suo coniunctionem quę inter plures propositiones simplices inuenitur. Probatur, tum quia dici non possunt in mente solū esse plures actus iudicii simul existentes in intellectu: quia sic non esset vna propositio coniuncta, sed solū plures simplices absque connexionē inter se. Nec possunt dici, plures actus iudicii coniungi modo superaddito vnionis. Hic enim modus vnionis inter actus non apparet quomodo esse possit: vt dicebamus sec. 1. potius ergo dicendum est, propositionem coniunctam esse in mente, certum quendam iudicii actum circa totum obiectum. Tum deinde, ita se habet copula coniunctionis in propositione cōposita, sicut copula, est, in propositione simplici: sicut ergo copulę est corresponsdet simplex iudicii actus, vt antea statuimus: ita etiā copulę cōiunctionis in propositione coniuncta. Quod inde magis patet, quia propositio cōiuncta nō est affirmatiua aut negatiua, eo quod partes ex quibus constat sint per se affirmatiue aut negatiue, sed eo solū quod copula coniunctionis sit affirmatiua aut negatiua: & vna sola negatio debet: apponi ipsi copulę, vt tota propositio dicatur negatiua. Vnde hac propositio, Petrus non currit, & Paulus non sedet, est affirmatiua: hac autem, non Petrus currit & Paulus sedet, est negatiua. Signum ergo euidens est, quod in mente vnus adęquatē sit iudicii actus circa totam propositionem coniunctam, formaliter attingens ipsam coniunctionem: & hoc iudicium, vel est affirmatiuum vel negatiuum de tali coniunctione. Alioquin si pluribus iudicijs constaret, planē aliud esse posset affirmatiuum, aliud negatiuum.

Enunciatio cōposita in mente dicitur vnum iudicij actum.

Enunciatio simplex ex cōposita.

Tum

Tum etiam idem propositio coniuncta, vel est absolute vera, vel absolute falsa, nec potest dici partim vera partim falsa: quia vnicum habet assensum in mente, qui vel falsus vel verus est: si autem haberet plures, posset vnus esse verus, alius falsus.

*Conditio-
nalis.*

Tum praeterea id ostenditur discurrere per omnes species propositionis coniunctae. In propositione condicionali, si Sol lucet dies est, clarissime patet, vnicum esse assensum intellectus circa connexionem effectus cum conditione. Nec alium esse assensum circa partes eius propositionis. Et ideo dicitur condicionalis nihil possit in esse. Et alioqui assensus esset absolutus non condicionalis. In propositione disiunctiva, vel Sol lucet vel non lucet, idem clare patet. Non enim datur duplex assensus intellectus circa hanc duplicem partem, sed tantum vnus circa disiunctionem ipsam: & alioqui ad veritatem propositionis disiunctivae requireretur veritas vtriusque partis, cum tamen sufficiat vnus partis.

*Disiuncti-
ua.*

*Copulati-
ua.*

In propositione copulativa, Petrus currit & Paulus sedet, non est duplex assensus distinctus circa singulas partes, sed vnus solus circa totam propositionem & vtrunque partem, affirmans nimirum talem copulationem quae requirit veritatem vtriusque partis. Et patet: quia, si negativè dicatur, non Petrus currit & Paulus mouetur, vtique vnus est actus iudicii negatiui, negans talem copulationem. Ideo si vna taurum pars huiusmodi propositionis sit falsa, etiam si altera per se esset vera; tamen tota propositio dicitur falsa: quia nimirum vnus est in mente assensus falsus: & alioqui si essent plures assensus, aliquis subesset verus assensus. Huic etiam propositioni aequivalens propositio exclusiva, solus Petrus currit, id est Petrus currit & nullus alius currit: & propositio exceptiva, omnes currunt praeter Petrum, id est omnes alij currunt & Petrus non currit. Ijs autem propositionibus planè vnus assensus correspondet in mente. Pariter in propositione causali, quia Sol lucet dies est, procedunt eadem rationes: vt consideranti parebit.

*Rationali-
s.*

In propositione demum rationali, dies est ergo Sol lucet, distinguendum est: si

re ipsa in mente exerceatur hæc illatio, tunc quidem in mente erunt duo assensus, vnus circa antecedens, alius circa consequens: sed primus erit actus secundae operationis, secundus tertiae operationis. Vnde reuera hæc non erit propositio spectans ad secundam operationem, sed in toto rigore est argumentatio, nempe entymema, & se habet sicut syllogismus. Sed aliter potest sumi hæc propositio, ita scilicet vt non actu exerceatur illatio, sed tantum iudicetur bonitas illationis, quæ fieri potest in tertia operatione: vt si expressè diceremus, benè inferitur, ex eo quod dies est Solem lucere: sicut etiam cum dicimus, modus discurrendi in Barbara benè concludit. Sic autem vnus est assensus in mente, qui pariter haberi potest in materia euidenter falsa: vt si dicamus, benè inferitur, Plato loquitur ergo vivit. Concludendum est ergo, omnem enunciationem spectantem ad secundam operationem, licet dicatur composita & coniuncta, id intelligi quidem ex parte obiecti, sed tamen ex parte actus consistere in vno simplici actu iudicii in mente.

Hinc vltius sequitur, diuisionem enunciationis in simplicem & compositam, non esse analogicam. Quia nec verum est, compositam constitui ex pluribus simplicibus, loquendo de actibus mentis, vnde hæc res desumenda est. Neque enunciationi composita deest sua vera ac perfecta vnitas. Dum autem Aristoteles eam vocauit coniunctionem vnam, respexit præcipue ad obiectum enunciationis, vel ad enunciationem vocalem. Sequitur etiam, diuisionem non esse accidentalem, quasi iidem actus in mente qui sunt propositiones simplices, possint transire in vnam compositam. Sed dicendum superest, diuisionem esse essentialem, generis in species, per differentiam desumptam ex parte obiecti.

Quare diuisio sit, quæ habetur ex Aristotele libro secundo capite tertio, in enunciationem absolutam, quæ etiam dicitur de inesse, vt homo est albus; & modalem, vt contingens est hominem esse album: Vbi etiam dicendum est, propositionem modalem in mente non constitui ex illo actu iudicii qui haberi potest absolute circa propositionem de inesse,

*Enunciatio
absoluta
& mo-
dalis.*

in esse, quasi super illum addat alium, actum iudicii de modo contingentie, siue alio modo: sed potius esse vnum simpliciter actum & assensum formaliter circa connexionem modi cum dicto. Et ita saluantur omnia, quæ de affirmatione & negatione, veritate & falsitate, propositionum modalium, dicuntur. Vnde etiam consequitur, propositiones modales cum absolutis conuenire vniuocè, & differre specificè, iuxta alia prædicta.

Certa & probabilis.

Quinta diuisio fit in enunciationem certam & probabilem, item euidentem & non euidentem, quæ diuisio maxime se tenet ex parte actus. Alius est enim, assensus firmus & certus intellectus, alius probabilis & cum formidine de parte opposita. Item alius clarus & euidentis, alius obscurus & incuidentis. Itaque hæc diuisio est essentialis & specifica. Sed quia hæc distinctio præcipue consideratur circa discursum, ideò in tractatu discursus eam plenius prosequemur.

Enunciatio necessaria & contingens.

Postremò, specialiter commemoranda hic est, diuisio enunciationis in necessariam & contingentem. Necessaria est, quæ non potest non esse vera, vt homo est animal. Contingens est, quæ potest non esse vera, vt Petrus currit. Quæ distinctio, vt patet, sumitur penitus ex parte obiecti. Vnde alia dicitur enunciatio in materia necessaria, alia in materia contingens. De his iam enunciationibus distinde quædam tractanda supersunt. Pleraque alia quæ ad superiores diuisiones pertinet, & ad alias diuisiones quæ tradi possunt, præmissa sunt in Institutionibus, neque sunt hoc loco denuò repetenda.

Enunciatio necessaria est omnino vera.

SECTIO SEXTA.

De Enunciatione necessaria.

Enunciatio necessaria est omnino vera.

Enunciatio simpliciter necessaria est illa, quæ affirmat, de subiecto prædicata essentialia eius, aut passiones naturaliter ab essentia promanantes; illa etiam quæ negat ea quæ repugnant essentia rei, & huiusmodi, enunciationis necessitas, seu necessaria veritas, prouenit ex ipsa necessitate, & immutabilitate obiecti, quod non potest aliter se habere.

quoniam essentie rerum sunt inuariabiles: & ideò propositiones enunciantes ea quæ spectant ad essentiam rei, tales sunt, vt accidere non possit, quod non conformetur obiecto: non possunt ergo esse falsæ, sed sunt necessariò veræ.

Est æterna veritas.

Atque hinc, tales enunciationes dicuntur esse æternæ veritates, idest ab æterno & in æternū veræ, etiam quando ipse res non existunt actualiter extra causas. Ita semper verū fuit dicere, & deinceps erit verum dicere, homo est animal, est substantia, est rationalis, est risibilis; etiam antequam homo crearetur, etiam si omnis homo redigeretur in nihilum. Hinc etiam tales enunciationes dicuntur absolui à tempore, quia non sibi determinant certum aliquod tempus pro quo peculiari-ter veræ sint, sed àdæquate pro omni tempore verificantur. Nec enunciant rem, pro certo aliquo ac definito tempore, sed amplè & àdæquate pro omni tempore.

Quomodo sit vera, quando non est.

Sed circa hanc rem duplex præcipue difficultas occurrit. Prima est, quomodo hæc propositiones dicantur esse æternæ veritates, idest ab æterno veræ, cum ab æterno non fuerint. Nec enim satis est dicere, ab æterno fuisse saltem in mente Dei, quia Deus sciebat has oēs veritates. Nam Deus ab æterno sciebat etiam omnes res contingentem futuras in tempore, & tamen non propterea propositiones contingentes dicuntur æternæ veritates. Et certe, quando propositiones necessariae dicuntur æternæ veritates, non solum id refertur ad intellectum Diuinum, sed ad omnem intellectum potentem iudicare & enunciare. Dicendum ergo est, has propositiones formaliter sumptas, siue pro mentali iudicio, siue pro enunciatione vocali, dici æternæ veritates veluti sub conditione: idest tales sunt hæc propositiones, vt quodcumque vel interius vel exterius proferantur à quocunque intellectu, etiam si ab æterno prolata fuissent, semper sint veræ ac necessariae.

De facto ergo non sunt tales propositiones in intellectu creato, nisi quando intellectus iudicat, aut etiam exprimit: sed semper sunt talis naturæ & conditionis, vt si intellectus iudicat, aut etiam exprimat, veræ sint. Itaque sicut ipse propositiones essentielles de rebus, veræ sunt, etiam quando res non existunt: ita hæc

hæc ipsa propositio quæ enunciat veritatem talium propositionum, propositiones essentialia sunt veræ, vera est etiam præcisa actuali existentia earum propositionum.

Quomodo sit vera quædam non existit obiectum de quo est.

Secunda & maior difficultas est, quò possint hæc propositiones esse semper veræ etiam non existente obiecto. Quoniam quando res non actu existunt, nec etiam earum essentia actu dantur. Vel dicendum erit, essentia rerum esse æternas, & ab æterno dari: atque adeo, licet res creatæ non nisi in tempore incipiant secundum actualitatem existentie, tamen ab æterno fuerint secundum actualitatem essentia. Verum, hæc est questio metaphysica de essentia & existentia rerum, earumque distinctione, quæ non potest hoc loco examinari. Interim explicari potest, has propositiones esse veras, etiam si res actu non sint, nullaquæ detur actualitas essendi in se ipsis, nec quoad esse existentia, nec quoad esse essentia: dicendo, eas propositiones non enunciare actualitatem aliquam essendi, sed tamen connexionem prædicatorum præcendendo ab actualitate. Et si debent explicari in ordine ad actualitatem, debere explicari eo modo quo nunc dicebamus, veluti sub conditione, quod. quodcumque res actu sit, omnino esse debet talis sicut enunciat. Et ita potest quidem fieri, ut ignis non sit, atque adeo nec eius essentia & essentialia prædicata actu sint: sed fieri non potest, ut sit & non sit substantia corporea exigua caloris & siccitatis. Si ergo actu sit, necessario est actu talis. Sic itaque propositiones essentialia sunt veræ, etiam quando res actu non exant: & sunt necessariae ac immutabiles veritates.

Inter enunciationes necessarias sunt propositiones per se notæ.
Deinde diuidi possunt enunciationes necessarias, in illas quæ dicuntur per se notæ, & statim ipso naturæ lumine evidentes, & alias quæ non sunt ita per se notæ, sed indigent medio aliquo, ut intellectus præbeat assensum. Propositiones per se notæ sunt illæ, quæ statim præsupposita apprehensione terminorum, eo modo quo ad omnem assensum, nostri intellectus hæc apprehensio prærequiritur, inclinans intellectum ad assensum, qui ex ipso innato lumine, non alio adhibito medio cognoscendi, statim

præbet assensum: cuiusmodi sunt hæc propositiones: non potest simul idem esse, & non esse: omne totum est maius sua parte: quæ sunt eadem vel equalia uni tertio, sunt eadem vel equalia inter se: & aliæ similes, quæ ideo dicuntur principia naturaliter notæ. Unde: habitus qui in nostra potentia intellectu, circa talia principia constituitur, appellatur habitus intellectus, conuincendo sibi nomine ab eadè potentia intellectu, quæ primario dicitur intellectus. Circa alias autem propositiones, quæ non sunt per se notæ, intellectus indiget medio aliquo quo inducatur ad assensum. & ad hoc proprie deservit discursus in tertia operatione intellectus.

Ceterum circa propositiones per se notas, in quibus consistit iudicium, & assensus secundæ operationis, possent aliqua hoc loco tractari. Sed quia vel communia sunt ad eas propositiones, quæ per discursum evidentem inferuntur, & ita etiam cogunt intellectum ad assensum: vel referuntur ad demonstrationem quæ ex talibus præmissis conficitur: ideo commodius in hac alia loca differimus.

SECTIO SEPTIMA.

De Enunciatione contingenti circa præterita & præsentia.

Enunciatio contingens est, quæ affirmat de subiecto illa prædicata quæ ei contingenter conueniunt, id est possunt non conuenire, & finitè quæ negat ea quæ contingenter non conueniunt, id est possunt conuenire. Et ita omnis propositio contingens est de rebus contingens: & specialiter de eorum existentia actuali rerum, quæ existentia in omnibus rebus creatis contingens est, quoniam res creatæ possunt esse & non esse. Itaque propositio contingens est, quæ potest esse vera aut falsa.

Sed adhuc duplex contingens distingui solet: aliud dicitur naturale: aliud liberum. Liberum est, quod dependet à causa libera & indifferenti potente operari & non operari. ut Petrus currere aut non currere, peccare aut non peccare.

Enunciatio contingens potest esse vera, aut falsa.

av. 1. 2. 3.

Effectus contingens duplex.

Se^{ct}. VII. De Enūnc. cont. circa præ^{ter}. & præ^{ter}. 529

re. Naturale est, quod dependet à causis naturalibus, de se quidē determinatis ad operandum, tamen quæ ab aliqua alia causa naturaliter impediri possunt: ut Sol est determinatus de se ad illuminandum, tamen potest nubibus impediri. Vnde hic effectus dicitur quidem contingens respectu vnius causæ per se consideratæ: tamen si consideretur simul totæ collectio causarum naturalium, est determinatus & necessarius, respiciendo scilicet ad solas causas naturales. At si respiciamus ad libertatem causæ primæ; scilicet ad voluntatem Diuinam, sic omnis effectus est liberè contingens; quia omnis effectus dependet à Deo, & Deus in omnibus operationibus ad extra est perfectissimè liber. Atque adeo etiam effectus naturales, & qui sunt necessarij respectu causarum secundarum, sunt prorsus liberi relati ad Deum. Præcipue autem loquimur de effectibus contingentibus & liberis, qui etiam per respectum ad causam secundam & voluntatem creatam contingentem se habent.

Potest considerari de præterito, de præsentis, & de futuro.

Rursus effectus contingentes possunt considerari, vel qui præteriti sunt, vel qui sunt præsentis, vel qui sunt futuri. Non addimus, qui sunt impossibiles; quoniam possibilitas est prorsus necessaria, & non contingens. Hinc enunciationes contingentes; aliæ sunt de præteritis, ut Petrus peccauit; aliæ de præsentibus, ut Petrus peccat; aliæ de futuris, ut Petrus peccabit. Prius ergo breuiter expediemus, quid dicendum sit de enunciationibus circa effectus præteritos & præsentis, deinde latius differemus circa contingentia futura, de quibus omnibus occasione propositionum contradictoriarum agit Aristotel. hic libro primo capite 6.

De præterito & de præsentis enunciatio est determinata vera aut determinata falsa.

De præteritis & præsentibus notum satis est, enunciationes esse determinatè veras, aut determinatè falsas. Ita supponit Aristoteles in principio capituli. Et est res clara. Verissimum est enim dicere, Adamus peccauit, & similia: & falsum esset dicere oppositum. Item, dum videmus Petrum loquentem, verum est dicere Petrum loquitur, falsum esset dicere Petrus non loquitur. Et ratio huius rei est manifesta: quia effe-

ctus præteritus & præsentis, est verè determinatus: ergo potest verè ferri determinatum iudicium, & proferri determinata enunciatio de tali effectu.

Deinde in speciali de præteritis exploratum etiam est, postquam semel incipiat verum esse dicere rem fuisse, semper deinceps in omni tempore sequenti id verum esse; neque id amplius dependere ex potentia causæ. Imo absolutè & simpliciter non potest fieri, ut præteritum non fuerit, vel ut non præteritum fuerit. Et hoc est quod dici solet, ad præteritum non dari potentiam: de qua re agendum erit cum Sancto Thoma prima parte quæstione 19. Itaque non exercetur libertas & contingentia formaliter circa præteritum, sed tamen quia tunc quando res fuit, contingenter fuit, quia poterat ab initio non esse, & non produci à causa libera: Ideo etiam propositiones de præterito dicuntur contingentes: quoniam licet postea fieri non possit ut verè non sint, tamen ab initio fieri poterat ut verè non essent: & hoc ad differentiam earum propositionum, quas antea dicebamus esse necessarias, quæ non ex suppositione aliqua contingentis; sed absolutè ex natura rei tales erant, & nullatenus unquam fieri posuisset quòd essent falsæ.

De præsentibus duplex speciale dubium occurrit. Primum est, pro quam mensura temporis specialiter debet verificari propositio de præsentis, præsertim propositio vocalis. Cum enim propositio vocalis non proferatur in vnico instanti, sed requiratur spatium temporis, dubitari potest, an pro eo toto spatio debeat verificari id quod asseritur, vel satis sit verificari tantum in parte aut instanti aliquo eius temporis, & in quoniam. Hoc dubium moueri solet à Theologis circa veritatem verborum consecrationis. Nam quædam propositio est, Hoc est corpus meum: & tamen non nisi in vltimo prolationis instanti est Corpus Christi in Sacramento. Et quidem aliqui dixerunt, in rigore sermonis propositionem de præsentis, debere verificari pro toto tempore lûx prolationis. Aliqui, pro primo instanti. Aliqui, dum proferui copula propositionis. Aliqui, in vltimo instanti.

De præterito est quodammodo necessaria.

De præsentis quædo propriè verificatur.

Et hi omnes varijs modis conati sunt fal-
uare veritatem illius propositionis. Sed
remissa longiori discussione huius rei in
proprium locum de Eucharistia propter
veritatem consecrationis: breuiter nunc
dicendum est, ad veritatem propo-
sitionis de præsentis sufficere rem esse in
qualibet parte seu instanti prolationis.
Nam propositio totum illud tempus con-
figurat inon quidem coniunctiuè, ita
vt pro omnibus partibus debeat verifica-
ri: sed diu finè, ita vt sufficiat pro qua-
libet parte vel vno instanti verificari. Et
ita etiam iudicium mentale dici debet
conformari significationi ipsius propo-
sitionis in voce, & referri ad illam men-
suram pro qua verificatur propositio voca-
lis: & id sufficere ad eius veritatem.
Imo aliquæ propositiones sunt, quæ pro-
feruntur per formam loquendi de præ-
senti, & consignificant tempus aliquod
propinquum: quamuis non prorsus idem
cum prolatione propositionis: vt cum
quis dicit, ego bibo, egocurro, & post
completam prolationem exercet actio-
nem de qua loquitur: quod iuxta condi-
tionem rerum & vsum loquendi discer-
nendum est. Potest etiam expressè in
ipsa propositione, & in iudicio mentali
determinari certa aliqua latitudo tem-
poris: vt si quis dicat, Petrus tota hac
hora sedet, tota hac die ambulat. Et tunc
ad id verificandum, verè requiritur vt
toto eo tempore sit id quod asseritur.
Similiter propositio scripta enuncians
aliquid de præsentis, potest ac debet ve-
rificari pro illo tempore seu aliqua par-
te temporis quo scribitur, nisi alia pecu-
liaris expressio fiat.

Secundum dubium est, an propositio
de præsentis possit mutari de vera in fal-
sam, & è conuerso. Communis sen-
tentia affirmat. Sumitur ex Aristotele
in Prædicamento Substantiæ ad finem,
& 9. Metaphysic. textu 21. Sequuntur nõ
solum Expositores circa eadem loca: sed
etiam Diuus Thomas prima parte quæst.
14. articulo 15. ad 3. Durandus in 2. dis-
tinct. 40. quæstione 3. numero 4. Caie-
tan. 1. 2. quæstione 19. artic. 1. Suarez
disputatione 8. Metaphysic. sectione 2.
numero 10. & alij. Et fundamentum
est: quia potest mutari obiectum, & Pe-
trus qui sedebat potest surgere: si ergo

mutetur obiectum, propositio quæ affir-
mabat Petrum sedere, siue opinio quæ
intellectus existimabat Petrum sedere,
mutatur de falsa in veram: & quæ affir-
mabat Petrum stare, mutatur de falsa
in veram. Explicat autem Aristoteles in
Prædicamento, id totum fieri per solam
variationem obiecti, & non per muta-
tionem intrinsicam orationis & opinio-
nis: idest non per susceptionem aliquo-
rum accidentium in eadem numero ora-
tione & opinione: vt ita defendat solam
substantiam esse susceptiuam contrario-
rum, vt ibi docebat.

Et quidem in hac re dubium non est,
posse enunciationem & opinionem contin-
gentem de præsentis, mutari de vera
in falsam, & è contra, per mutationem
diuersorum actuum. Nam enunciatio po-
tèst sapiùs proferri, & iudicium iterari.
Vnde si quis hac hora, dum Petrus sedet,
affirmet sedere, verum affirmat: si ru-
sus hora sequenti, dum Petrus stat: ad-
huc affirmet Petrum sedere, falsum
affirmat. Insuper dubium esse non de-
bet, antecedenter loquendo fieri posse,
vt eadem numero enunciatio & opinio,
sine distinctione actuum, vel vera vel
falsa esset. Nam idem numero actus esse
potest, quo quis affirmet Petrum hac
hora sedere: siue Petrus ea hora sedeat,
siue ambulet: & si Petrus sedeat, affir-
matio est vera: si ambulet, est falsa.

Ex alia parte certum est etiam, non
posse eandem affirmationem mutari de ve-
ra in falsam, ita vt priùs sit vera, po-
stèa falsa, si referatur ad eandem prorsus
temporis mensuram. Nam non pos-
sunt pro eodem tempore verificari duo
contradictoria: ergo non potest respec-
tu eiusdem temporis, modò esse verum,
modò falsum, Petrum sedere. Difficul-
tas solum remanet, an eadem numero
affirmatio per comparisonem ad diuer-
sas partes temporis, priùs sit vera, po-
stèa falsa, per mutationem obiecti intra
illud tempus, Petro v.g. in vna parte
temporis sedente, & in alia parte sur-
gente.

Et dicendum videtur, id fieri non
posse. Quoniam non est idem numero
actus affirmationis, qui referatur priùs
ad vnā partem temporis, postèa ad
aliā. Vbi enim variatur obiectum,

variatur

Non vide-
tur posse
eandem mu-
tationem
tari.

An possit
mutari
de vera
in falsam.

variatur etiam actus cognitionis attingens tale obiectum. Et licet tempus sit quædam circumstantia obiecti, tamen sufficit ad variationem actus. sicut si quis affirmat Petrum in vno aut in alio loco sedere; licet locus sit tantum circumstantia, tamen non potest esse idem numero actus, modo respiciens vnam, modo aliam loci differentiam. Dum ergo quis affirmat Petrum pro certa parte temporis sedere, habet vnum actum. Si inluper perseueret idem affirmare pro alia parte temporis, non erit idem inuariatus actus.

Itraque si quis tempore aliquo continuo perseueraret semper in affirmando Petrus sedet, determinatè semper referendo iudicium ad illam præcisè partem temporis quæ est præsens simul cum ipso iudicio: oportebit dicere, quòd sicut tempus fuit, & successiue per diuersas partes est præsens; ita similis successio in illo actu inueniatur, ad instar motus, & talis actus maneat in continua & successiua variatione correspondente successioni temporis. Et hac ratione potest prius esse verus, postea falsus, & iterum verus, & sic deinceps quandiu taliter perseuerat. Si autem quis ab initio affirmet Petrum sedere pro determinata aliqua latitudine temporis, v. g. Petrus per totam hanc horam sedet, potest sine dubio hic actus idem & inuariatus perseuerare: tunc si Petrus vna semihora sedeat, altera sitet; non dicitur affirmatio prius vera, postea falsa: sed ad summum ab initio dici potuisset partim vera partim falsa: vera quatenus attingebat primam semihoram, falsa respectu secundæ. At quia huiusmodi affirmatio se habet tanquam copulatiua, ad cuius falsitatem absolutè loquendo sufficit falsitas alicuius partis: ideo absolutè illa affirmatio ab initio dicenda fuisse falsa.

Si autem interim dum vocalis enunciatio profertur, quæ vt dicebamus requirit aliquod spatium temporis, obiectum mutetur: Tunc si itemus solum in rigore sermonis, ad veritatem eius sufficit, si in aliquo prolacionis instanti res verificetur. Et si in reliquo spatio non verificatur; non per hoc propositio est falsa, quia nimirum non

affirmabat copulatiue pro toto illo spatio, sed vagè & indefinitè pro aliquo momento. Vnde nullatenus dici posset, propositionem illam quæ est forma consecrationis, prius esse falsam, & in ultimo instanti esse veram. Si autem ex intentione loquentis, vel etiam ex maiori expressione verborum, significatio propositionis vocalis referatur ad certam aliquam mensuram seu latitudinem temporis: tunc vel est vera, si res pro ea mensura & tota latitudine verificetur: vel est semper falsa, si res non ita verificatur, nec vnquam eadem secundum eandem prolacionem & significationem mutabitur de vera in falsam.

Iuxta hæc debet intelligi Aristoteles. Vel nempe affirmationem de præsentī posse esse modò veram, modò falsam, ita ramen vt varietur actus: sed dicitur eadem affirmatio, quia semper eodem modo se habet, nempe de præsentī. Vel etiam eandem prius numero ab initio quidem potuisse esse vel veram vel falsam; licet postquam vera est, mutari non possit in falsam. Vel demum, si sensus sit eandem numero successiue posse mutari, vt præsertim in prædicamento hic sensus esse videtur: obseruandum est, Aristotelem ibi non id ex se docuisse, sed tantum adduxisse dubitationem quandam: ad quam ipse optimè respondet; quòd etiam si ita esset, non sequeretur orationem & opinionem suscipere contraria, eodem modo quo substantia. Imo apertè sub conditione loquitur, quòd si quis eo modo de oratione

& opinione putaret, diuerso adhuc modo se haberet ab ipsa substantia: quia oratio & opinio solum per mutationè obiecti denominaretur:

substantia
autem
in se
suscepit accidentia contraria.

*

Explicatur Arist.

SECTIO OCTAVA.

De Enunciatione contingenti circa futura.

Arist. videtur negasse determinationem veritatem circa futura contingentia.

Circa contingentia futura, Aristoteles hic libro primo capite sexto, peripicuè docere videtur, nullam propositionem esse determinatè veram, nullam etiam esse determinatè falsam; sed omnem propositionem, siue affirmantem, siue negantem, esse indifferentem & suspensam inter veritatem & falsitatem, quandiu res ipsa in futurum contingenter pendet. Arque adeo ex duabus contradictorijs, v. g. bellum nauale cras erit, bellum nauale cras non erit, non esse vnam determinatè veram, alteram determinatè falsam. Saluat autem rationem contradictionis, asserendo indeterminatè quidem & vagè alterum ex his euenturum: vt ira valeat dicere, alteram quidem partem esse veram, alteram falsam. Non tamen determinatè dici possit, hoc esse euenturum, neque hæc pars est vera, illa falsa.

Quod fit etiam explicatur: veram quidem esse hanc propositionem disiunctam, bellum nauale erit vel non erit. Est enim propositio necessaria, & cuiuslibet per se nota & euidens. Neutra tamen propositio categorica, bellum erit, bellum non erit, sit determinatè vera. Sed si sumatur quilibet categorica per se, v. g. bellum erit; vera sit etiam hæc disiuncta, bellum erit vel est vera vel falsa; non tamen determinatè dici possit, est vera, est falsa, non est vera, non est falsa. Itaque cum semper de duabus contradictorijs valeat dicere, alteram esse veram alteram falsam; signari tamen & determinari non possit, quanam sit illa quæ est vera, & quæ illa quæ est falsa.

Alij qui negant.

Hanc sententiam sequuntur Aureolus in primo dist. 33. quaestione 1. artic. 3. Cathar. in Opusculo de Veritate enunciar. Molina prima parte quaestione 14. artic. 13. dispensatione 17. & 18. Conimbr. hic 1. Perihier. cap. vltimo quaestione 2. Lomanien. Masius, ex parte Vallius, & quidam alij circa text. Aristot. Imo Cicero in libro de Diuinatione, contra quem di-

sputat Diuus Augustinus libro quinto de Ciuitate Dei cap. 6. negauit etiam apud Deum propositiones de futuris contingentibus esse determinatè veras, & negauit in Deo præscientiam futurorum. Et aliqui suspicantur, Aristot. quoque in eodem errore fuisse. Et Gregor. in primo d. 38. quaestione secunda articulo primo, idem ferè tribuit Aureolo. Et Ianè Aureolus loco citato, licet concedat Deo notitiam circa actualitatem futurorum contingentium: tamen in solutione argumentorum obscure loquitur, & præsertim de veritate & determinatione prædictionum prophetiarum, non benè sentit, vt inferius referemus: expressè autem contendit, neque ipsam scientiam Diuinam dare enunciationibus de futuro determinatam veritatem.

Fundamentum huius sententiæ apud Aristotelem & Ciceronem & alios, sumptum est ex contingentia ipsa effectuum, & libertate causæ operantis, cum quæ non videtur stare posse determinatio veritatis in vna parte contradictionis. Nam contingentia & libertas dicunt indifferentiam in vtranque partem: ad indifferentiam ad vtranque partem & determinatio ad vnam partem contradictionis, planè repugnat: ergo vel neganda est libertas & contingentia effectuum, vel hac supposita neganda est determinata veritas futurorum.

Explicatur magis vis difficultatis: data propositione aliqua vera de futuro, v. g. Petrus peccabit: aut Petrus poterit non peccare, aut non poterit. Si non poterit: ergo necessariò peccabit. Si poterit: ergo propositio illa poterit reddi falsa. Tunc sic, aut potest esse falsa eodem tẽpore quo est vera: & hoc non, vt patet. Aut ante, vel post: & sic eadem propositio de futuro, modò erit vera, modo falsa. quod apertè repugnat: quia si aliquando verum est dicere, Petrus peccabit: ante etiam semper & semper id fuit verum, vt ait Aristoteles eo capite, & similiter erit semper vera vsque dum Petrus re ipsa peccet. Nullo ergo modo propositio vera de futuro, potest fieri falsa ante euentum ipsius futuri: igitur ipsum futurum necessariò euenit. Si ergo futurum verè est contingens, quia potest cuciri-

Falsam tamen sumitur ex ipsa contingentia & libertate.

¶ Sect. VIII. De Enunc. contingenti circa futura. 533

euenire. & non euenire: nulla pars est determinatè vera, antequam futurum eueniat: sed vtraque est suspensa & indifferens.

Concedendum est de terminata veritas. Asserendum tamen est, non solum propositionem disiunctam de quolibet futuro contingenti esse veram, sed diuisiue & determinatè vnam partem esse veram & alteram falsam. Hæc est ferè communis Theologorum ac Philosophorum sententia. est Scoti Bonauenturæ Richardi Ocham. Gregorij Gabr. Maior. Capreol. & aliorum Scholasticorum in primo distinct. 38. & 39. Soti in caput nonum Epist. ad Romanos, Cordubenſis libro primo questione 59. dubio secundo, Vaiqui. prima parte disputatione 66. & aliorum circa artic. 13. questionis 14. Diui Thomæ, Sum. in Opusc. lib. 1. de Scientia Dei cap. 2. & disputatione 19. Metaph. sect. 10. num. 11. Fons. 6. Metaph. cap. 2. questione 2. sectione 7. & 8. Vilalpandi & plurimū recentiorum, hoc loco. Et aliqui Theologi expressè notant, hoc perspicuè sequi ex principijs nostræ fidei, præsertim de scientia Dei, & oraculis Prophetarum; & ita esse iuxta rectam fidem necessariò asserendum. Et ipse Cicero in princip. de Diuinatione testatur, antiquissimam & communissimam apud omnes populos fuisse hanc persuasionem de præscientia & prædictione futurorum: Gentem nullam *video*, neque tam humanam atque doctam; neque tam immanem tamque barbaram, quæ non significat futura. Et à quibusdam intelligi prædiciquè posse & censeri. Et Tolet. hic questione prima testatur, Peripateticos cognouisse in Deo præscientiam futurorum.

Probatum primo. Probatum primò à priori: quia verè in rebus ipsis determinatè eueniet, aut hic effectus contingens, aut oppositus, aut peccare aut non peccare. Et non tantum verum erit hoc disiunctum, Petrus peccat aut non peccat: sed erit determinatè vera vna ex his partibus: ergo non sola propositio disiuncta de hac vel illa parte, vera erat: sed vna ex contradictorijs de futuro erat. determinatè vera, & altera determinatè falsa, iuxta euentum qui verè postea succedit. Vt, si Petrus postea re ipsa peccat, propositio asseruatiua Petrus peccabit, erat signatè

& determinatè re ipsa vera, negatiua opposita erat falsa: quamuis tunc notum non erat, nec humana industria discerni poterat, quæ esset vera. quæ falsa.

Confirmatur. Quia postea vna pars determinatè reperitur in Petro, altera non: ergo illa enunciatio determinata, quæ dicebat eam partem euenturam, verè conformabatur obiecto; alia erat dissimilis obiecto euenturo: ergo distinctè & signatè illa est vera, altera falsa.

Secundò. Consideremus hominem, qui in hoc instanti peccat, aut alium, actum liberè exercet: consideremus etià alium antea dixisse Petrus peccabit, alii dixisse non peccabit. Certè nunc viso euentu sequuto, apparet; illum qui affirmauit, dixisse verum, idest dixisse id quod nunc verè euenit; alium qui negauit, dixisse falsum, idest dixisse id quod verè non euenit: igitur vna propositio erat determinatè vera, altera determinatè falsa. Et vt omne effugium præcludatur, propositionem determinatè veram hic vocamus illam, quæ ita enunciat sicut postea res erit; falsam illam, quæ ita vt nõ erit: prima enim est conformis, secunda disconformis obiecto. Sed determinatè vna ex illis propositionibus enunciauit sicut postea euenit, alia oppositum: ergo vna erat determinatè vera, altera falsa. Et sanè euidenter apparet, quòd si comparemus dictum vnius affirmatiuum cum dicto alterius negatiuum; diuerso & opposito modo se habet obiectum ad vtrumque: inter vnum enim dictum & obiectum est conformitas, inter alterum dictum & idem obiectum est dissimilitudo: igitur vnum erat determinatè verum, aliud erat falsum.

Tertiò. Proferat quis nunc propositionem de aliquo euentu futuro. Vel hæc propositio habet in se rationem veritatis: ergo est determinatè vera. Vel habet rationem falsitatis: ergo est determinatè falsa, & sic contradictoria erat determinatè vera. Vel nec veritatis vel falsitatis rationem habet: ergo valebit dicere, nec est vera, nec falsa. Ergo nec etiam sub disiunctione dicere valebit, est vera: aut falsa: & tamen saltem

L 3 disiunctum.

Secundo.

Tertiò.

hanc disunctionem etiam aduersarij admittunt. Itaque si hæc disunctio est vera: oportet fieri, propositionem ipsam, aut habere determinatè rationem veritatis, aut determinatè rationem falsitatis. Nam in vniuersum saluari non potest, subiectum aliquod verè dici sub disunctione habere aut vnam aut alteram formam oppositam, & tamen re ipsa neutram habere determinatè: verificari non potest pariter esse album aut nigrum, quin reuera habeat determinatè albedinem aut determinatè nigredinem. Et sic in omnibus alijs.

Verum est quidem, nos qui non sumus conscij futurorum, tantum in confuso & sub disunctione scire quamlibet propositionem esse veram aut falsam, ex illo principio quodlibet est vel non est: ignorare autem distinctè & signatè, an sit vera, an sit falsa. Sed pariter in confuso & vagè nobis persuasum esse debet, aut determinatè veritatem, aut falsitatem illi inesse. Et hoc ipsum est, quod sequitur ex illo principio, quodlibet est vel non est. Quod clariùs patet, si sumatur propositio aliqua contingens de presenti aut de præterito nobis ignoto. V. g. certissimè scimus, hanc propositionem: Petrus heri ambulauit, esse aut veram, aut falsam: ignoramus autem determinatè, an sit vera, an sit falsa: sed certè à parte rei iam determinata est. Non ergo ex incertitudine nostræ cognitionis debet inferri indeterminatio rei. Et per hoc præsertim aduersarij. decepti videntur, dum ita philosophari voluerunt de ipsa re, sicut conspiciebant in cognitione nostra, quando non sumus conscij futurorum.

Quartò Quattò. Euidens huius rei probatio sumitur ex æterna scientia Dei. Deus enim ab æterno prænouit distinctè & determinatè, quamquam essent futura, & quæ non essent futura, in quacunque differentia temporis: præscriuit inquam quacunque contingencia, quocunque euentus liberos à quacunque causa futuros. Est res certa de fide. Psalm. 138. *Intellexisti cogitationes meas de longe & omnes vias meas præuidisti.* Et ex alijs plurimis scriptis. locis. Est etiam res rationis lumine explorata, ex perfectione Diuinæ essentia: & cognitionis. Et

aliqui, si Deus tantum in confuso & sub disunctione cognosceret, res erit vel non erit: rectè arguit Boetius libro quinto de Consolatione pr. vsa. 3. *Qua est hæc præscientia, quæ nihil certum, nihil stabile comprehendit? aut quid differt à vaticinio illo ridiculo? Tineat, quicquid dicam aut erit aut non erit?* Ex hac ergo scientia Dei euidenter constat, dari determinatam veritatem circa futura contingencia, dari enunciationem, idest cognitionem determinatè veram de quocunque futuro. Constat etiam, ipsa contingencia futura, seu enunciations obiectiue sumptas, esse determinatè veras, idest determinatè cognoscibiles per veram cognitionem. Constat demum, iudicia & enunciations, quæ de futuris ab intellectu creato proferri possunt, esse determinatè veras, aut determinatè falsas. Nam omnis huiusmodi enunciatio, aut est in re conformis præscientia: Diuinæ, enuncians sicut Deus re ipsa nouit; & sic est determinatè vera: aut difforsum, & sic est determinatè falsa.

Sed conati adhuc sunt aliqui Catholici, supposita præscientia Dei, defendere priorem sententiam, dicentes, non sequi futura contingencia esse determinata in se ipsis: sed vel Deum illa cognoscere ex supereminencia sui intellectus, vel ex præsentia eorundem futurorum in æternitate Diuina, vel ex decreto suæ voluntatis, vel alijs similibus modis. Verum, non est hoc loco disputandum, quoniam modo & ratione Deus futura cognoscat. Neque vnde proueniat determinatio futurorum, ut videlicet hic potius effectus liber quam alius in rerum natura ponatur: & quomodo ipsamet determinatio voluntatis creatæ dependeat ex concursu & determinatione voluntatis Diuinæ. Sed hæc omnia in Theologiam differimus. Et non sunt ad præsentem causam necessaria. Non enim nunc querimus modum, sed tantum, rem. Itaque ex præscientia Dei iam euidenter habetur, futura contingencia esse determinatè vera, idest determinatè cognoscibilia: nisi enim essent cognoscibilia, Deus illa non posset cognoscere, sicut non potest facere quod non est possibile fieri. Habetur, dari in Deo determinatam cognoscitionem veram de futuris. Habe-

Se&t. VIII. De Enunc. contingenti circa futura. 535

Habetur etiam, omnem cognitionem creatam, & omnem nostram enunciationem, quando esse conformis cognitioni Diuine, esse determinatè veram: quæcunque tandem sit ratio eius cognitionis, veritatis, ac determinationis.

*Quinò
ex Proph.
191.*

Quinò. Similis demum probatio sumitur ex Prophetis & prædictionibus, Diuino instinctu factis, & apud homines manifestatis, ex ijs maxime quæ in Scripturis habentur, & quæ obligant fideles, vt certa fide teneant quæcunque à Prophetis prædicta fuisse. Certè enim tales enunciations factæ à Prophetis, erant determinatè veræ: fides qua homines illas credunt, est determinatè vera: & propositiones quibus nos eadem futura enunciamus, sunt determinatè veræ. oppositæ sunt determinatè falsæ. Insuper Scriptura ipsa declarat, illos qui prædicebant ea quæ euentura non erant, fuisse Prophetas mendaces & falsos: vtique quia ea quæ dicebant, erant determinatè falsa. Hinc 3. Regum 22. dicitur, fuisse spiritus mendacij & deceptionis in ore Pseudoprophetarum, qui promittebant Regi Achab prosperum euentum belli, cum postea oppositum eueniret. Et Deuteronomi. decimo-octauo, hoc signum præbuit Dominus, cognoscendi falsum Prophetam, si non eueniebat quod prædixisset.

Mira sunt, quæ ad hæc respondet Aureolus loco citato. Ait, propheticas propositiones de futuro, non magis esse veras, quàm suas oppositas. Et confirmat, quia quandoque Prophetæ dicebant de præterito quod erat futurum: Isaïæ nono: *Parvulus datus est nobis.* Ait, Prophetam verum & mendacem non differre penes veritatem propositionum. Confirmat, quia quandoque Prophetæ prædicebant quæ euentura non erant: vt Ionæ tertio: *Adhuc quadraginta dies, & Ninive subvertetur.* Ait, quòd siue res eueniat, siue non; Prophetæ non dixit falsum: vnde Christus non dixisset falsum, etiam si Petrus ipsum postea non negasset. Ait, illud signum datum in Deuteronomi. intelligi solum, vt in pluribus: quia quod à Deo prædicatur, vt in pluribus euenit.

Sed hæc adeò absurda sunt, & homine catholico indigna, vt impugnatione

non egeant. Quid enim certius esse debet apud fideles, quàm omnes prædictiones propheticas fuisse verissimas, & propositiones oppositas prorsus falsas? Quòd etiam quando Prophetæ loquebantur de præterito, verum dicebant de futuro: quia ille est modus loquendi propheticus per transmutationem temporum, vt Sancti notant? Quòd Prophetæ vera differat à mendaci penes veritatem propositionum? Quòd semper omni prædictioni absolutæ correspondebat talis euentus: sed quandoque prophetia intelligebatur sub conditione; qua non adimpleta, non sequebatur euentus, vt Sancti notant? Quòd ad veritatem prophetiæ requiratur, vt sequatur euentus? Quòd semper & sine exceptione, quicquid à Deo prædicitur, infallibiliter eueniet? Afferendum ergo omnino est, de futuris contingentibus dari determinatam veritatem; idque sine vllò præiudicio contingentiæ & libertatis.

Ad Aristotelem qui caput oppositæ sententiæ habebatur, multi fatentur, illum errasse, & contra principia nostræ Fidei esse loquutum, & tacite negasse Deo præscientiam futurorum. Et sanè quantumvis constaret, Aristotelem in illa fuisse sententiâ; eius in hac re contemnenda esset auctoritas. Alij tamen difficile reputantes, Aristotelem in hac re errasse, quæ naturali ipsa ratione satis perspicua videbatur: conari sunt, aliquo modo illum exponere. Et quidem præstat in hac re magis fauorem, quàm rigorem erga Aristot. exercere. Nam vt dixit Gregorius in primo d. l. l. 28. quæstione secunda articulo 1. ad 13. Benevolentia lectoris est, in bonum sensum interpretari Auctorem.

Primò potest explicari, Aristotelem per veritatem determinatam intellexisse necessitatem: & negasse, propositionem de futuro contingentem esse determinatè veram, id est esse necessariò veram, quasi non posset oppositum euenire. Et quidem Aristoteles in toto suo discursu maximè intendit tueri contingentiam, contra necessitatem: & propè finem capitis rem apertè explicale videtur: *Essa quidem vel non esse omne, necesse est: & futurum esse vel non: non tamen dependens*

*Arist. ex-
plicatur.*

*Primo mo-
do.*

sem dicere alterum necessarium. Dico autem, *ut necesse est futurum esse bellum cras vel non futurum esse*: non tamen fieri *cras bellum navale necesse est*, neque non fieri: fieri tamen vel non fieri *necesse est*. & similia repetit. Vbi planè voluisse videtur, totam quidem propositionem disjunctivam esse necessariam; siue necessarium esse, ut alterutra pars contradictionis eueniat, nullam tamen partem per se esse necessariam; siue necessarium non esse determinatè, ut pars affirmatiua eueniat, vel ut pars negatiua. Sicut valet dicere, oculus est necessarius ad videndum; non tamen valet dicere, dexter est necessarius, sinister est necessarius. Sed simpliciter, dum valet dicere, homo per oculum videt: omnino valet dicere, determinatè videt per talem oculum: sic etiam videbit per aliquem determinatè. Et quia etiam Aristot. dixerat, propositionem de præsentibus, sicut & de præteritis, esse determinatè veram; assignat aliquam necessitatem in ipso præsentibus: *esse quod est quando est, & non esse quod non est quando non est, necesse est*. Quod magis infra explicabimus. Et licet similis necessitas, scilicet ex suppositione, possit considerari etiam circa futurum: ramen quia effectus præsens iam est actu extra suam causam, ideo potius illam considerauit in præsentibus, quam in futuro.

Secundò modo.

Secundò explicari potest, Arist. voluisse, propositionem de futuro contingenti non esse determinatè veram quoad nostram notitiam, idest à nobis dignosci & signari non posse, quænam propositio sit vera, & quæ falsa. Hunc sensum videtur indicare ipse Aristot. dum post medium capituli ait, quædam esse manifestata nobis: & intelligi debet saltem probabiliter. *Multa (inquit) nobis manifesta sunt sic se habentia; ut quod hanc vestem possibile est incidi, & non incidetur, sed prius extertur*. Et concludit, non omnia ex necessitate euenire: sed quædam ita esse indifferentia ad utrumlibet, ut non magis affirmatio vel negatio vera sit: quædam vero ita se habere, ut magis, & ut in pluribus, altera pars veritetur: idest quædam sunt, de quibus non magis possumus affirmare vel negare: quædam autem, de quibus magis possumus

mus in alteram partem inclinare. Licet autem etiam de quibusdam rebus presentibus & præteritis nos scire nequeamus, an sint, vel fuerint: tamen id non est ex defectu obiecti, sed ex defectu nostro: sed ex genere suo tale obiectum est cognoscibile à nobis. At futura contingentia ex genere suo non possunt naturaliter prænosci ab intellectu creato: possunt tamen ex illustratione Diuina. Et ideo Aristot. quod de præteritis & præsentibus concedit, negat de futuris.

Tertiò explicari potest, propositionem de futuro contingenti non esse determinatam in sua causa, idest in causa libera potente operari & non operari. Potest enim considerari effectus contingens, vel in se ipso, prout suo tempore existens extra causam; vel prout in actu primo continetur in causa. In ipsa causa ergo non est determinata veritas contingentis ad alterutram partem: quia nempe ipsa causa secundum se libera est & indifferens. Sed tantum effectus necessarij, sunt determinati in sua causa. In se ipsis tamen effectus contingentes determinati erunt determinati, quatenus erunt existentes extra causam, eo quod potentia & indifferentia causa reducitur ad actum. Item in ipsa causa potest considerari maior inclinatio ad vnam partem quam ad alteram, licet non illi insit necessitas, & simpliciter determinatio ad vnam partem. Iuxta hoc D. Tho. 1. par. quæst. 14. artic. 13. notauit, futura contingentia non posse certò cognosci in suis causis, & non ita cognosci à Deo, sed cognosci in se ipsis: posse autem in causis cognosci coniecturaliter, & probabiliter, iuxta maiorem inclinationem causæ. Et idem alij communiter docent. In hoc sensu procedit optimè discursus Aristot. quod si contingentia essent determinata in causa, iam non essent contingentia, sed omnia euenirent ex necessitate. Fauter etiam, dum ad finem capituli ait, contingere magis quidem veram esse alteram partem contradictionis, non tamen iam veram vel falsam: idest magis dignosci posse vnam partem contradictionis ex maiori inclinatione causæ, non tamen certò & præiudicè determinatè, quia causa nostra est simpliciter determinata ad vnam

Tertiò modo.

Fa-

Secl. VIII. De Emanl contingenti circa futura. 337

Falnet etiam libro secundo de Generatione textu 64. vt ibi exponit Sanctus Thomas, & alij.

*Cenclia-
tur cōti-
gentia ef-
fectuum
cū deter-
minatione
vari-
tatis.*

Ad fundamentum eiusdem sententia opposita, in primis factis manifeste patet, quod si quid probaret, maxime destrueret Diuinam prædiciam futurorum. Ideo hanc negauit Cicero, & si propter illud fundamentum Aristot. negauit determinatam veritatem futurorum in nostris propositionibus, non minus negauit in cognitione Diuina. At verò Catholici omnes, non solum cum prædiciam Diuini intellectus defendunt illam permanere contingentiam effectuum & voluntatis libertatem: sed longe maiores difficultates ex Diuina prædiciatione & prouidentia insurgentes superant. Nunc autem facillimum est, defendere contingentiam & libertatem effectuum simul cum determinata veritate propositionum de futuris.

Dicendum ergo est ad priorem partem difficultatis, contingentiam & libertatem dicere indifferentiam ex parte potentia, non verò ex parte actus secundi: id est dicere, vt causa possit operari, & possit non operari: non autem dicere, vt nec operetur, nec non operetur: nec operatur, si, nec non operatur. Determinatio autem quam ponimus in propositionibus, consistit in actuali operatione in actu secundo, id est causa determinatæ operatur, aut operabitur. Plane ergo hæc determinatio non repugnat cum illa indifferentia. Imo in hoc consistit exercitium contingentia & libertatis, vt causa potius operari & non operari, actu operetur, siue operatura sit, siue voluntas actu velit, aut actu nolit, siue de presenti, siue de futuro.

Similiter ad posteriorem partem difficultatis dicendum est, Petrum peccatum posse vtrique non peccare, tamen re ipsa & in actu secundo peccatum. Potest itaque indifferentem vtrumlibet oppositum euenire: sed re ipsa alterutrum eueniet, vel distinctè hoc, vel illud: & de illo quod eueniet propositio est vera, opposita est falsa. Non ergo veritas propositionis imponit necessitatem effectui: sed potius exequutio ipsius effectus futuri est quæ determinat veritatem propositionis. sicut notauit Beda tom. 8. lib. qq. q. 13. loquens de scientia Dei: *Quid ergo cogis*

nos Deum ut mali sibi videretur ab æternis? Absit: Nam potius nos legimus eam, ut mali sibi videretur. Et explicat exemplum sicut dum quis inuenerit alterum iacentem non vtrique inferre illi necessitatem vtriusque: quis potius, qui iacet, inferat alteri necessitatem vt eum iacere conspiciat? Causa ergo libera est in se indifferens, & in eius potestate est operari aut non operari: & liberè se determinabit vel ad operandum, & sic est verum dicere operabitur: vel ad non operandum, & sic est verum dicere non operabitur.

Ut autem ad formam argumenti respondetur: *Distinquendum est ex ipso Arist. in hoc cap. & 1. Elench. c. 3. & cum d. Arist. lib. de Concordia prædiciam Sec. cum lib. arb. c. 1. Aliud esse dicere, res pōe esse aut non esse, & aliud res quæ est pōe non esse. Primum enim est verum in rebus contingentibus. Secundum est falsum in hoc sensu, quasi possit res simul esse & non esse. Vnde ait Arist. omne quod est quando est necesse est esse. Ita aliud est dicere, hæc propositio potest esse vera aut falsa, & hæc propositio vera potest esse falsa. Hoc est secundum non potest concedi, quasi propositio possit esse vera simul & falsa. Illa ergo propositio, Petrus peccabit, potest esse vera, & potest esse falsa quia Petrus potest peccare, & potest esse peccare: tamen dato quod sit vera, non potest simul esse falsa: sicut dato quod Petrus peccet, non potest simul non peccare coniungi. Dato quod sit vera, necne hoc est contra libertatem. Nec ratio de ratione libertatis est, vt possint coniungi duo contradictoria simul.*

Hæc ipsa res solet magis explicari. Hæc propositio Petrus peccaturus potest non peccare, potest sumi vel in sensu diuiso, vel in sensu composito. In sensu composito, id est supposito quod est peccaturus, potest componere simul non peccare cum peccare. Sic planè propositio est falsa. In sensu diuiso, id est potest ponere ipsi non peccare per se sumpti, & diuisi ab eo quod est peccare: licet re ipsa ponet hoc quod est peccare. Sic propositio est vera. De ratione autem libertatis est, posse non peccare in sensu diuiso, non autem in sensu composito. Rursus duplex est necessitas, altera absoluta, altera ex suppositione: siue altera antecedens, altera con-

*Distingui-
tur neces-
sitas in sē-
su compo-
sito et di-
uiso, con-
sequens
et antecē-
dens.*

ra consequens vsum libertatis . Absoluta & antecedens est, quæ conuenit causæ secundum potentiam suam consideratæ, quæ ex se non potest nisi in vnam partem ; vt graue ex necessitate naturæ descendit, nec potest ascendere . Ex suppositione & consequens est, quæ oritur ex eo quod supponitur ipse vsum libertatis : id est ex eo quod causa liberè se determinat in vnam partem, non poterit simul se determinare in oppositum . Prima quidem necessitas est contra rationem libertatis : secunda non solum non est contra, sed fundatur in ipsa libertate, quatenus se determinat . Dato ergo quod sit vera propositio, Petrus peccabit, id est dato quod Petrus peccabit, necessarium est necessitate consequenti & ex suppositione, vt Petrus peccet : & sic illa propositio non potest

esse vera & falsa, aut eodem tempore, aut diuersis temporibus antecedentibus peccatum, quod perinde est . Sed non est necessarium absolutè & antecedenter : & ita est verè liberum & contingens . Plura de hac re dicenda erunt circa scientiam Dei, & alios actus Diuinæ providentiæ .

Postremo . Posset hic etiam quæri de veritate propositionum conditionalium circa contingentia tantum sub cōditiōe futura ; an sit verum & cognoscibile, quid faceret Petrus si in tali occasione constitueretur, an peccaret, vel non peccaret, & similia . Sed hanc quæstionem, quæ grauissimæ disceptationis materia est apud Theologos, integram & intactam in materiam theologicam de Diuina scientia referuamus .



QVÆSTIO VIGESIMAQVINTA.

De Tertio Actu Cognitionis intellectiue ,
nempè Discursu & Argumentatione.

Discursus, sicut est vltimus actus inter tres gradus nostræ cognitionis, ita præcipuam & prolixiorē Logicæ artis directionem ad se auocat, & quodammodo præcedentes etiam tractationes huc referuntur. Imo discursus est, qui ita propriè nostro intellectui tribuitur, vt per habitudinem ad hunc actum soleat propria differentia humanæ naturæ ab alijs naturis intellectualibus designari. Appellatur discursus, quasi cursus quidam & motus, quo intellectus de vno ad aliud, de noto ad ignotum, transit & deuenit: vt notauit Sanctus Thomas 1. par. quæst. 58. art. 3. ad 1. Appellatur etiam ratiocinatio: vt idem notat 1. contra Gent. cap. 57. Vnde & homines dicti sunt rationales: sumendo videlicet ratiocinari pro eo quod est, medio aliquo & argumento assequi quod prius erat ignotum, procedendo nempè ex ijs quæ supponuntur prius nota. Discursui Argumentationem coniungimus, siue sumatur pro ipso discursu, siue quouis modo pro instrumento directiuo discursus.

De Argumentatione, & maxime de Syllogismo, agit Aristoteles in duobus libris prioribus, græcè analyticis, latine resolutorijs, & in alijs sequentibus. In duobus quidem prioribus agit in communi. Deinde in duobus alijs, qui inscribuntur posterioribus resolutorijs, agit specialiter de syllogismo scientifico, qui dicitur demonstratio. Postea in Topicis de syllogismo probabili & opinatiuo. Postremo in Elenchis de syllogismo sophistico & apparenti. Quatuor illi libri, distincti in duos priores, & duos posteriores, vocantur resolutorijs: quia in ijs traditur ars resolendi nostram cognitionem per discursum, specialiter ars resolendi noticiam conclusionum in prima principia euidentia. Nam & priores duos libros, Aristot. ex sua intentione præcipuè ordinauit ad duos posteriores: vt apertè præmittit in principio: dicens, intentum suæ considerationis esse circa demonstrationem & scientiam demonstratiuam. Propriè autem obiectum priorum librorum dici poterit discursus, seu argumentatio, aut syllogismus in communi. Et de hoc in præfati agimus quæstione, non quidem solum propter scientiam & demonstrationem, sed adæquatè propter directionem tertiarum operationis nostri intellectus.

SECTIO PRIMA.

Quid sit Discursus, & quod obiectum habeat.

*Discursus
definitur.*

Discursus breuiter definiri potest, est actus cognitionis quo intellectus vnum ex alio infert. Actus cognitionis est genus ad omnes tres operationes intellectus. Ratio illationis est differentia propria distinguens discursum ab alijs duabus operationibus. Distinguit autem Sanctus Thomas prima parte quæst. 14. art. 7. duplicem discursum in nostro intellectu. Vnum vocat secundum successionem: alterum secundum causalitatem. Discursus secundum successionem est,

quando intellectus postquam cognouit & considerauit aliquid, conuertitur ad considerandum aliud. Discursus secundum causalitatem est, cum ex vi vnius rei intellectus cognoscit aliam, cum per principia deuenit in noticiam conclusionis. Nunc ergo non sumitur discursus primo modo: sic enim inueniri potest in singularibus operationibus intellectus, dum videlicet post apprehensionem vnius rei apprehenditur alia, post iudiciū vnius propositionis iudicatur alia. Sed sumitur secundo modo: sic enim est tertia operatio distincta à duabus præcedentibus. Ideo non definitur, quo intellectus cognoscit vnum post aliud, sed quo cognoscit & infert vnum ex alio. Et vnum ex his vocatur antecedens, aliud consequens: illud

lud quod inferitur; est consequens; illud ex quo inferitur, vocatur antecedens. Verum oportet adhuc magis exacte atque distincte rationem huius nostri discursus explicare.

Discursus est cognitio iudicativa. Primò certum est; & ab omnibus supponitur, discursum esse cognitionem quandam iudicativam, qua intellectus determinat assensum præbeat alicui propositioni, siue qua determinat affirmare aut negare. Itaque non potest saluabitur discursus in sola apprehensione plurimum terminorum; aut etiam propositionum, etiam si apprehendatur quoque dependentia & consequentia vnius ab alio, eniã si vna apprehensio consequatur aliquo modo ex alia. Sed omnino de ratione discursus est determinatus assensum seu iudicium. Acque adeò discursus conuenit cum simplici iudicio, tertia operatio cum secunda, in quodam genere proximo, in quo hæc utraque operatio differt à prima. Est res nota, ex communi modo loquendi & sentiendi. Non enim dicitur intellectus dicere, nisi dum infert consequens ex antecedenti, determinatè affirmando aut negando. Sic omnis syllogismus, omnis argumentatio constituitur. Et sic discursus constituitur eorum gradum cognitionis intellectivæ, nec perficitur antequam post simplex iudicium.

Requiris assensum plurimum propositionum.

Secundò ulterius certum est, ad rationem discursus requiri assensum & determinatum iudicium plurimum propositionum; & præsertim non sufficere, si intellectus solim per modum vnius propositionis, iudicet & affirmet connexionem & consequentiam vnius ex alio; consequentis ex antecedenti. Ita notavit optimè Sanctus Thomas 1. contra Gentes cap. 99. dicens; non ex hoc intellectum rationari atque discurrere, quòd inspicit qualiter ex præmissis conclusio sequitur: hoc enim contingit non argumentando, sed argumenta diiuticando. Et 3. par. quaest. 98. art. 31. ad 2. concludit; Angelos cognoscere syllogismos, & videre effectus in causis; & causas in effectibus: non tamen discurrere & syllogizare.

Probatur aperte: quia cognoscere connexionem & consequentiam inter duo, solum est simplex quoddam iudi-

cium, & in nobis est secunda operatio intellectus, non necessariò præsupponens aliud simplex iudicium ex quo deducatur: & in intellectu non discurrente inuenitur sine distinctione operationum. Et tunc solum dicitur intellectus noster discurrere, ac exercere tertiam operationem; cum præbeat assensum pluribus propositionibus cum dependentia vnius ex alia. Et omnino inuenerit debet assensus antecedentis per modum simplicis iudicii per secundam operationem, & assensus consequentis modo illatio per tertiam operationem. Et sic discursus est tertia operatio post secundam.

Tertio. Addendum est, nec etiam sufficere ad rationem discursus, si intellectus præbeat assensum, tum antecedenti, tum consequenti, tum etiam connexioni inter utrumque; sed requiri, vt præbeat assensum consequenti ex vi assensus quem præbet antecedenti: ita vt hic ordo se teneat ex parte actus, quòd assensus consequentis oriatur ex assensu antecedentis. Ita habetur ex S. Thom. 1. par. quaest. 14. art. 7. & alibi. Et est communis sententia aliorum.

Probatur: quia fieri potest, vt intellectus præbeat assensum pluribus propositionibus, inspiciat etiam connexionem inter eas, solum per modum simplicis iudicii, licet per plures actus, in secunda operatione nostri intellectus. Vt, potest quis iudicare, homo est rationalis, homo est risibilis, hæc duo sunt necessaria connexa, risibilitas provenit ex rationalitate & potest ex illa bene inferri, potest etiam inferri rationalitas ex risibilitate, adhuc istæque non discurrunt, sed tantum multiplicat plures actus simplicis iudicii. Et certe Angelus iudicium sibi proportionatum habet de his omnibus propositionibus, & de causalitate quæ est inter eas, non solum de causalitate reali, sed inspicit etiam ordinem illationis qui exerceri potest inter easdem propositiones: hoc tamen inquam cognoscit, etiam si non discurrat.

Tunc autem dicitur intellectus discurrere, quando ex assensu vnius seu plurimum propositionum, elicit assensum alterius propositionis: ita vt assensus sit ex assensu, & connectio seu consequentia non se teneat præcisè ex parte obiecti cogniti, dum

Requiris dependentiam in assensu consequentis ex assensu antecedenti.

Requiris

ti, dum intellectus cognoscit in obiecto esse connexionem & causalitatem; sed propriè se teneat ex parte cognitionis, hoc est cognitio & assensus consequentis dependeat ex assensu antecedentis, & per notitiam & assensum antecedentis intellectus deducatur & impellatur in assensum consequentis. Et hinc est, quòd discursus fieri potest, non solum ex causa ad effectum, sed etiam ex effectu ad causam: quia nimirum potest notitia effectus ingerere intellectui notitiam causæ, & notitia ipsius causæ potest causari ex notitia effectus, quando videlicet prius cognoscitur effectus, & ex hac cognitione acquiritur notitia causæ.

Sic intellectus discurrens infert unum ex alio.

Luxta hæc ergo debet intelligi definitio discursus, quo intellectus infert unum ex alio, infert præbendo determinatum assensum unius propositioni ex assensu alterius, seu aliarum propositionum, taliter ut assensus unus ex assensu alterius in mente causetur: & hæc causalitas est quæ in voce exprimitur per notam illationis, cum v. g. dicimus; Sol lucet ergo dies est, & similia. Dum autem dicitur, assensus, non excluditur iudicium negativum, quod etiam potest in discursu exerceri; ut quando infertur conclusio negativa, & propriè dicitur dissenfus. Sed nominatur assensus: Tum quia eadem pariter doctrina debet intelligi de dissenfu. Tum quia latiori modo nomine assensus interdum intelligitur omne iudicium: quia quodammodo, dum intellectus negat, veluti assentitur ipsi propositioni negativæ, acceptando illam tanquam veram. Plura etiam circa hanc rem addemus in sequentibus.

Discursus consistit formaliter et præcisè in assensu conclusionis.

Quarto præterea. Essentia discursus formaliter & propriè non includit intrinsecè omnem assensum prædictum; sed consistit præcisè in assensu conclusionis, causato tamen ex assensu antecedentis. Itaque ipse assensus antecedentis non includitur formaliter in essentia discursus, sed se habet casualiter. Patet facile: quia assensus antecedentis secundum se spectatus est propriè secunda operatio intellectus: sed discursus est tertia operatio: ergo consistit in illo assensu, quem intellectus elicit vltra assensum antecedentis, & viceus assensus: maxime cum assensus consequentis in discursu sit actus reali-

ter distinctus ab assensu antecedentis, ut magis ostendemus sectione sequenti. Itaque hic actus, quatenus distinctus, non vtrique includit actum priorem, sed habet suam essentiam simplicem in se. Neque tertia operatio intellectus est aggregatum quid ex pluribus actibus: sed est quidam novus ac simplex actus, per se ponibilis in prædicamento. Interdum tamen videtur nomen discursus sumi, ut amplè complectatur omnem actum intellectus circa aliquam materiam: sed tunc non sumitur propriè pro tertia operatione, ut nunc à nobis accipitur: sed sumitur pro collectione plurium operationum intellectus.

Quintò demum. Ex his constat, quodnam sit obiectum discursus. Est enim omnino conclusio quædam complexa, quæ consequitur ex antecedenti item complexo: siue dicere placeat, obiectum discursus est connexio inter extrema, quæ cognoscitur ex connexionem eorundem extremorum cum medio. Nam ita fit discursus per syllogismum, quòd intellectus prius per secundam operationem cognoscit connexionem extremorum cum medio, & inde infert connexionem eorundem extremorum inter se. Et hic actus illationis, siue hoc iudicium illativum, habet pro suo proprio obiecto conclusionem, in qua continetur talis connexio extremorum. Vnde ipse actus discurrendi, nec etiam attingit tanquam obiectum, connexionem conclusionis cum præmissis, siue illationem ipsam. Quinimo per alium actum reflexum cogitur talis connexio & bonitas illationis. Neque hæc reflexio est necessaria antecedenter ad ipsum actum discurrendi & iudicium illativum; sed ipse assensus præmissarum est sufficiens ratio assentiendi conclusioni quæ infertur. Interdum tamen in illis modis syllogismorum, qui non sunt de se adeò validi & efficaces, sed indigent reductione & probatione, contingit intellectum retardari ab assensu conclusionis, donec aduertat connexionem conclusionis cum præmissis, & bonitatem illationis: sed neque tunc hæc aduertentia & reflexio includitur intrinsecè in ipsomet actu discurrendi, quo illa conclusio inferatur. An verò idem ipse actus præcisus iudicii illativi, attingat aliquo

Assignatur obiectum discursus.

aliquo modo præmissas ex quibus fit illatio, scilicet sequenti dicemus.

Quo discursus procedat ex notis ad ignota

Ad obiectum item discursus spectat, quod communiter dici solet, discursum procedere ex notis ad ignota, conclusio quæ inferitur per discursum, dicitur esse ignota, ignota scilicet anrequam per discursum inferatur: quia nempe intellectus habens notitiam antecedentis, ex illo acquirit notitiam consequentis, quod aliqui ignorabar. Et ita sæpe loquitur S. Tho. & alij passim. Hoc tamen est difficile. quia sæpe contingit, intellectum discurrere inferendo conclusionem ex præmissis, etiam si eandem ipsam conclusionem antea nouerit: & potest præsupponi notitia conclusionis, vel aliunde & ex aliis medijs præhabita, vel etiam ex eodem medio, quando scilicet intellectus post semel factum aliquem discursum & syllogismum, iterum & iterum deinceps eundem repetit.

Propter hoc aliqui explicant & limitant, tunc solum intellectum discurrentem procedere ex notis ad ignota, cum primum utitur discursu aliquo ad probandam conclusionem, cui antea non præbuerat assensum. Et saue debet hoc modo. dictum illud limitari, si sensus sit discursum procedere ad conclusionem prius ignoratam. Sed etiam quando procedit ad conclusionem antea notam, potest dictum illud saluari & explicari, distinguendo notitiam habituales & actuales: multa enim habitualiter nouimus, quæ non semper actu cogitamus. Discursus ergo non semper procedit ad conclusionem etiam habitualiter ignotam, sed semper procedit ad conclusionem quodammodo actualiter ignotam, id est cuius actualis assensus debet elici in vi antecedentis. Arque adeo in illo priori in quo iudicatur antecedens præcisè, non inuenitur formaliter ille conclusionis assensus, qui ex vi eius elicendus est. Non dico, non inueniri in eodem instanti temporis; de hoc enim sectione sequenti dicemus: sed in illo priori nature. Vnde clarius sic dici potest: discursum semper procedere ex notis ad illa quæ debet actuali assensu cognosci ex illis notis: siue procedere ex notitia antecedentis ad actuale notitiam consequentis.

Contra ea quæ dicta sunt, Obiicies primò. Interdum conficimus syllogismos ex propositionibus aperte falsis, quibus uocæ non assentimus: aut ex terminis non significatiuis. Sic Aristot. in his libris docet conficere syllogismos A est B, C est A, ergo C est B. In his autem syllogismis non datur assensus circa tales propositiones, sed vel sola apprehensio, vel ad summum iudicium de cõsecutione cõclusionis ex præmissis, ergo hoc sufficit ad rationem discursus.

Respondetur. In ijs casibus nequaquam exerceri formaliter discursum in mente, sed solum obiectiue representari intellectui discursum qui fieri potest, siue formam & bonitatem illationis; representari autem per primam & secundam operationem. Itaque intellectus, vel solum apprehendit connexionem illam: vel etiam iudicat de connexionem conclusionis cum præmissis, siue formam illationis esse bonam: re ipsa autem non exercet discursum. Sic etiam quandoquocumque intellectus iudicat, hæc forma illationis bona est, hæc non est bona; exercet solum simplicem iudicii actum. Imò hæc tota cognitio reperitur etiam in intellectu Angelico & Diuino. Vnde Deus cognoscit quidem omnem nostrum discursum: non tamen ipse discurrens.

Obiicies secundo. Datur propositio conditionalis, quæ dicitur illatiua, & continet vim illationis: unde in mente videtur importare discursum. Et similiter potest constare ex partibus absolute falsis: ut, si homo est equus est hinnibilis. Imò etiam quando constat ex partibus absolute veris: tamen particula conditionalis suspendit assensum intellectus circa ipsas partes absolute spectatas: sed solum datur assensus circa connexionem consequentis cum antecedenti, ergo hoc sufficit ad discursum.

Resp. In propositione conditionalis nequaquam exerceri discursum in mente: sed solum dari simplicem iudicii actum per secundam operationem. Dicitur autem propositio conditionalis esse illatiua, & continere vim illationis quia resoluta per illationem: ita scilicet quod si intellectus absolute præberet assensum antecedenti, ex illo etiam aut. u. e. inferretur consequens, & intellectus induceretur ad assensum cõ-

Quo efficiatur syllogismus sine assensu: in intellectu.

Quo propositio conditionalis sit illatiua cum suspensio assensus.

sequentis absolutum. Quod autem etiam in omni conditionali verum sit, non est modò examinandum. Sed certum esse debet, non exerceri discursum in mente, quādiu manet suspensus assensus circa partes propositionis conditionalis. Nisi quòd assensus ipse conditionatus circa connexionem parium, potest planè elici ex alio distincto & praeiudicium antecedenti: ut si quis dicat, quandoque Sol lucet dies est; ergo si nunc Sol lucet dies est.

Cur in apprehendendo non distinguitur duplex gradus, sicut in iudicando.

Ob. 1. Sicut in iudicando inuenitur talis ordo & dependentia, ut vnum iudicium causetur ex alio; & hoc sufficit ad constituendam tertiam operationem distinctam à secunda: pariter in apprehendendo potest esse similis ordo & dependentia, ut apprehensio vnius rei sequatur ex apprehensione alterius: imò ante discursum debet semper totus syllogismus esse apprehensus. Ergo vel etiam deberet distingui alia operatio distincta à prima, conueniens in genere apprehensionis: vel illa ratio non sufficit distinguere duas operationes sub genere iudicii.

Resp. Planè non inueniri illum ordinem & dependentiam in apprehendendo, sicut in iudicando: ut experientia ipsa apparet. Neque sicut datur modus inferendi in iudicio & assensu determinato, ita etiam in simplici apprehensione. Sed est aliquando intellectus ex apprehensione vnius rei excutitur ad apprehensionem alterius: id tamen non fit per similem modum dependentiae & illationis. Sed etiam in simplici iudicio potest contingere, intellectum excutiri per vnum iudicium ad aliud, ob similitudinem, aut propinquitatem rerum, & connexionem specierum, sine tamen discursu & illatione. Dumque intellectus apprehendit totum syllogismum, non utique apprehensio conclusionis causatur ex apprehensione praemissarum, sicut assensus ex assensu. Sub genere ergo iudicii inuenitur tanta diversitas, quae merito distinguitur duas operationes, duos gradus cognoscendi: quae diversitas non reperitur in apprehensione.

Quo Ar. dixerit, conclusionem consistere ex praemissis.

Ob. 4. Ar. 1. Physic. 31. & 5. Met. text. 3 docet, suppositiones, id est praemissas, esse causas materialem conclusionis, ex qua conclusio consistit; sicut sunt litterae syllabarum, elementa mixtorum, & alia similia: sed conclusio est, quae continet discursum: ergo assensus praemissarum est pars intrinseca

& de essentia discursus, tamen pars malis.

Resp. primò. Iam dicebamus, posse modo quodam sumi discursum pro toto aggregato, & sic includere assensum praemissarum, includentem totam secundam quæ tertiam operationem. Et iuxta hoc Aphrodisaeo loco Met explicat, totum syllogismum constitui ex praemissis & conclusione: & praemissas se habere ut materiam, conclusionem ut formam. 2. Aliqui exponunt, licet Ar. inter varia exempla causarum materialium posuerit etiam illud: tamen posuisse solū secundum quandam similitudinem, quia re vera praemissae in cognoscendo habent potius modum causalitatis effectuius quam materialis respectu conclusionis. 3. Melius S. Th. & Alen. eo loco Met. exponunt Arist. de praemissis & conclusione obiectiue sumptis, id est conclusionem quæ est obiectum discursus, componi ex istis terminis ex quibus praemissae constabant, scilicet, ex maiori & minori extremo, quæ quidem in praemissis coniungebantur cum medio, in conclusione coniunguntur inter se.

SECTIO SECVNDA.

Qualiter in Discursu assensus consequentis esse debeat actus distinctus ab assensu antecedentis, cum illoque coniunctus.

AD exactam explicationem discursus, examinare magis oportet distinctionem & coniunctionem, ac praeterea capitalitatem & dependentiam actuum, quod distincte habet & sequenti sed. praestandum est.

Durand. in 1. d. 38. q. 13. n. 13. & Socin. 6. Met. q. 10. opinari sunt, discursum esse debere vni & eundem actum cum simplici iudicio: ita scilicet ut quādo intellectus inferendo, assensum praebet conclusioni: ex vi antecedentis, non duplici, sed vno actu assentietur utrique: & quatenus attingit ipsum consequens, dicatur inferre, & discurrere. Non autem 6 Met. cap. 1. q. 4. supponens dari debere assensum consequentis distinctum ab assensu antecedentis, contentis includi adhuc in assensu consequentis quendam antecedentis assensum: ita ut idem assensus attingat conclusionem in recto, praemissas in obliquo. Idè dedit

Val.

Vallius 1. Poster. disp. 1. part. 2. quæst. 5. Fauet D. Thom. 1. 2. q. 8. artic. 3. & q. 12. artic. 4. Et quidam alij idem asserunt vel significant.

Ex alia parte Capréol. in 2. dist. 3. q. 2. ad 1. contr. 6. concl. & quidam alij, opinati sunt, de ratione nostri discursus non solum esse entitativam distinctionem actuum: sed etiam distantiam & moram temporis: ita ut non simul coniungantur: sed prior tempore sit assensus antecedentis, eoq. cessante succedat assensus consequentis. Fauet D. Thom. 1. par. quæst. 14. artic. 6. dicens, discursum secundum causalitatem, includere discursum secundum successionem: quia procedentes à principijs ad conclusionem, non simul vtrunq. considerant. Et alijs locis eodem modo loquutus est.

Assensus consequentis debet esse distinctus ab assensu antecedente.

2. Dico primo, Intellectum nostrum per distinctos actus præbere assensum consequentis, atque antecedenti: & hanc distinctionem actuum esse de ratione nostri discursus. Hæc est sententia S. Thom. multis in locis. 1. par. q. 58. art. 3. ubi ait, quod si homines statim in ipsa cognitione principij noti, inspicereut quasi notas omnes conclusiones consequentes, in ijs discursus non haberet locum. & q. 14. artic. 7. planè supposebat distinctionem actuum in discursu. Idem clarè docuit q. 2. de Verit. artic. 3. ad 3. & q. 8. artic. 15. 1. contra Gent. cap. 58. & alibi sæpè. Idem docuit Gregor. in Prol. q. 3. art. 1. concl. 2. & alij Scholastici docere solent. Eandem sententiam sequuntur Caiet. Bagn. Moling, & alij circa loca citata S. Thom. ex 1. parte.

Probant 1. aliqui hanc conclusionem: quia non videtur fieri posse, ut intellectus eodem actu plura complectatur, pluribus propositionibus assentiatur cum ordine & dependentia vnus ex alijs. Verum absolute loquendo non est hoc impossibile in omni intellectu. Nam non repugnat eodem actu attingi plura cum tali ordine, ut vni cognoscatur per aliud, siue in alio: & talis modus cognoscendi reperitur in intellectu separato, ut infra dicemus. Aliter ergo est probanda conclusio.

2. Secundo itaque probatur ex speciali imperfectione intellectus humani: quia cum intellectus noster sic adeo debilis &

limitatus: non videtur fieri posse, ut dum cognoscit vnum dependenter ab alio, siue cognoscit vnum ex cognitione alterius: vno simplici actu id totum exerceat: sed potius hic ordo & dependentia in cognoscendo distinguit plures actus, quorum vnus verè & formaliter dependeat ex alio.

Tertio. Distinguantur in intellectu nostro plures habitus, alius iudicativus circa principia, & alius discursivus circa conclusiones: & in rebus evidentibus prior dicitur habitus intellectus, alius scientiæ. hanc distinctionem habituum concedunt Durand. & Soncin. Ergo à fortiori distinguui debent actus: facilius enim multiplicantur actus quàm habitus. Nec dici potest, quod insinuant idem Auctores, esse distinctos habitus propter actus quos separatim elicere potest potentia intellectiva circa principia & conclusiones, esse autem vnum habitum quo elicatur actus communis vtriusque. Nam non est alius tertius habitus distinguendus. Nec habitus scientiæ est quo intellectus assentiatur conclusionibus separatim à principijs, imo est quo intellectus per demonstrationem assentiatur conclusioni ex principijs: & sic distinguuntur illi duo habitus penes diuersum modum cognoscendi principia per se, & conclusiones ex principijs.

Quarto addi potest. Sæpè in aliquo discursu & syllogismo, aliqua præmissa est affirmatiua, & alia negatiua, & conclusio est negatiua; aliqua præmissa eni-dens aut certa, alia obscura aut probabilis, & conclusio similiter: ergo non potest esse vnus & idem actus qui hæc omnia complectatur; & simul sit affirmatiuus ac negatiuus, evidens & obscurus, certus & probabilis, respectu diuersarum partium syllogismi.

Quinto rursum probatur ex speciali ratione discursus. Quia ad discursum requiritur, ut assensus consequentis formaliter dependeat, atque oriatur ex assensu antecedentis. Dico, formaliter: quia dupliciter potest intelligi ordo inter aliqua, vel tantum virtualiter sine distinctione à parte rei; sicut dici solet, attributa conueniunt Deo ex vi essentia, & similia: vel formaliter cum vera causalitate & dependentia; quo pacto esse non potest, nisi cum di-

Et ob specialem rationem ipsius discursus.

Ob specialem conditionem intellectus

Secl. II. De Dist. & cōiun. assen. cōseq. cū ass. antec. 545

distinctionem à parte rei. In nostro ergo discursu, non tantum virtualiter, sed verè & formaliter, assensus consequentis dici debet dependere & provenire ex assensu antecedentis: Igitur concedenda est distinctio actuum. Adeo quòd si quandoque intellectus noster vno actu complecteretur conclusionem cum præmissis, hic non esset propriè discursus. De ratione ergo nostri discursus est distinctio actuum in assentiendo.

Sextò. Idem probatur magis: quia de facto Theologi docere solent, Beatos videntes Deum videre etiam in illo creaturas, ita vt essentia. Diuina sit illis ratio & medium cognoscendi creaturas: nec propterea dicuntur discurre, quia non habent distinctos actus, vnum causatum ex alio, ad modum nostræ illationis. Angeli etiam illas res, quarum non habent proprias species, cognoscunt mediantibus alijs, quarum habent proprias species: sic cognoscunt naturaliter Deum ex creaturis, & similiter quosdam effectus oculos ex alijs prius notis. Et hoc totum procedit etiam in sententia negante Angelis discursum. Ergo hic ordo cognoscendi non sufficit ad discursum sine distinctione actuum. Hinc optimè S. Thom. 1. par. quæst. 14. artic. 7. & quæst. 53. artic. 3. & præclarè quæst. 5. de Verit. artic. 15. distinguit duplicem modum cognoscendi, primum cognoscendi vnum in alio, secundum cognoscendi vnum ex alio. Primum ait esse, cum vno actu cognoscitur verumque: secundum, cum cognoscuntur distincti actibus. Primum docet non esse discursum, secundum esse discursum.

*Distinctio
est realis,
& essentialis.*

Septimò putandum est, hanc distinctionem esse realem, tanquam rei à re. Non enim cogitari debet actus illationis & discursus, quasi modus immediatè afficiens assensum antecedentis: sed est verè nouus actus elicitus ab intellectu, immediatè inherens ipsi potentia. Et cum hac distinctione reali associanda est distinctio essentialis & specifica. Essentialiter enim actus tertie operationis importat suam rationem illationis, quæ non inuenitur in simplici iudicio secunde operationis: & ita essentialiter ab illo distinguitur.

Assensus Dico secundò. Assensus consequentis

non includit in se formaliter assensum aliquem antecedentis. Probatur conclusio: quia non est purandum, post primum præmissarum assensum intellectum rursus assentiri conclusioni, & iisdem præmissis: sed tantum assentiri conclusioni prout distincta est à præmissis. Hic tamen conclusionis assensus dependet & elicitur ex prauio præmissarum assensu. Nam illud est obiectum vltimi assensus, quod significatur per voces exprimentes conclusionem, quæ inferitur: sed in conclusionem non repetitur antecedens, vt patet; sed solum apponitur particula illatiua, ergo, quæ vique non denotat aliunt nouum præmissarum assensum, sed tantum denotat dependentiam & causalitatem assensus illatiui ex simplici præmissarum assensu, qui iam supponitur. Propter hoc autem, aliqui dicunt, assensum conclusionis includere saltem virtualiter præmissarum assensum. Sed hoc non plus verificatur in præsentī casu, quam in omni alio dicere valeat, effectum includere virtualiter suam causam. Propter hoc etiam Ruuius primo Posterior. capite 1. quæstione 6. ait, assensum antecedentis includi in assensu conclusionis, quia in eo includitur ordo dependentiæ ab assensu ipsius antecedentis: & vbi includitur ordo, includitur etiam id ad quod ordo terminatur. Sed certè satis compertum est, non ex eo quòd includitur in aliqua re ordo ad alium terminum, dici debere includi ipse terminus. Et ita patet in omnibus alijs rebus. Absolutè ergo loquendo dici non debet assensus conclusionis includere etiam præmissarum assensum: sed tantum dici debet ab illo pendere, ex illo elici & inferri.

Dico tertio. Non est de ratione nostri discursus, vt non simul & coniunctim existant assensus consequentis & antecedentis, neque successio temporis requiritur ad nostrum discursum: quinimo intellectus discurrens debet simul cum assensu antecedentis elicere consequentis assensum. Hac conclusio est Scoti in Prologo sent. q. 4. laterali, & 1. Poster. quæstione octaua, & sequacium. Est etiam Bagni. Mol. Vafq. & aliorum circa loc. cit. S. Thom. ex prima parte. Et

*eliqui
nō inclu-
dit assen-
sum ante-
cedentis.*

*Vtrq; as-
sensus de-
bet esse si-
mul con-
iunctus.*

est expressè ipſius S. Thom. prima parte quæſt. 58. artic. 7. ad 2. & 1. Poſt. lect. 6. parte prima, aſſerentis ſimul eſſe in intellectu operationes diſtinctas, videlicet circa principia & circa conſiſiones. La alijs autem locis, ſolùm requirere voluit diſtinctionem actuum & dependentiam unius ex alio in noſtro diſcurſu. Ipſamque diſtinctionem actuum cum ordine quodam naturæ, vocavit ſucceſſionem: & dixit, intellectum non ſimul, id eſt non vno ſingulari actu, attingere conſiſionem cum præmiſſis. Vel tantum docere voluit, ſolere plerumque prius tempore elici præmiſſum aſſenſum, ut ipſe indicavit 1. 2. quæſtione 8. articulo 3. in fine corp. ita tamen ut perſeuerante eodem aſſenſu eliciatur ſubinde conſiſionis aſſenſus.

Quia non requiritur ſucceſſio temporis ad rationem diſcurſus.

Probat. concl. 1. quia per diſtinctionem actuum cum dependentia unus ex alio ſalvatur opinio vis & ratio illationis, quæ dicere valeat, intellectum cognoscere unum ex alio, ex vana nouitate; deduci aliam, ex notis manifeſtari ignota; & ita ſalvatur omnia quæ dici ſolent de ratione noſtri diſcurſus, etiam ſi omnes actus ſine ſimul in eodem inſtanti: ergo nulla ratione requiritur diſtancia & ſucceſſio temporis.

Secundò. Hæc ſucceſſio non requiritur, nec iunat, ad hoc ut defendatur diſcurſus ita proprius humani intellectus, qui non conueniat intellectui Angelico. Nam ſaris eſt diſtinctio illa actuum cum eo ordine dependentiæ & illationis: quia qui defendunt, Angelos non diſcurrere; dicere debent, Angelos non indigere tali diſtinctione actuum, & illatione unius ex alio. Quod ſi Capreolus dicat, id non ſufficere: quia talem poteſt eſſe, id non ſufficere: quia talem poteſt eſſe Angelus diſtinctis actibus vi. Iam neque ſucceſſio temporis ſufficiet: quia pariter poteſt Angelus ſucceſſiue, vnum poſt alium eos actus elicere. Sed in propria materia videandum erit, num Angelis, licet non indigant diſcurſu, poſſint tamen diſcurrere. Si autem velimus taliter accipere diſcurſum, ut nullo modo poſſit intellectui Angelico conuenire: dicendum erit, diſcurſum importare dependentiam cognitionis intellectiue ex cognitione ſenſitiua, ſive modum intelligendi per conuerſionem ad phan-

taſmata, ut Philoſophi loquuntur.

Tertiò præterea Aſſenſus conſequentis elici non poteſt ex vi antecedentis, niſi in eodem inſtanti inueniatur in intellectu aſſenſus antecedentis. Nam cauſatur ex illo. Po. eſt quidem fieri ut intellectus aſſentiar quibusdam propoſitionibus, etiam ſi adhuc nil cogit de conſiſione quæ poteſt inferri: tamen ut eliciatur conſiſionis aſſenſus, debet adhuc in intellectu exare aſſenſus præmiſſum. Certè autem non eſt de ratione diſcurſus, ut aſſenſus præmiſſum prius tempore inceperit, imò id per accidens ſe habebit. Sed de ratione diſcurſus erit, ut ſimul in eodem inſtanti ſit v. circue aſſenſus, unus dependens ex alio. Sic etiam actus iudicii elici non poteſt, niſi ſimul exiſtente ſimplici apprehenſione, quumvis hæc potuerit prius incipere.

In contrarium. Obijcies primò ex Soncin. Intellectus debet eodem actu ferri in obiectum & in rationem cognoscendi obiectum: ſed antecedens eſt ratio cognoscendi conſequentis: ergo eodem actu debet attingi vtrumque. Sic eodem viſionis actu incipit color & lumen, quia lumen eſt ratio videndi colorem. Simili modo conatur Fonſeca pluribus probare, aſſenſum conſequentem includere ſaltem aliquem antecedentis aſſenſum.

Reſponderetur. ex D. Thoma quæſt. 8. de Verit. artic. 15. Multiplicem eſſe rationem cognoscendi. Alia eſt ratio ex qua aliud cognoscitur: alia eſt ratio in qua, ſive cum qua, aut per quam res cognoscitur. Ratio ex qua, non debet eodem actu attingi: & ſic ſe habet antecedens reſpectu conſequentis. Ratio autem in qua, cognoscitur eodem actu: ut cum intellectus vno actu videt effectum in causa, conſiſionem in principiis. Lumen autem eſt ratio cum qua, ſeu per quam, videtur color. Argumenta verò Fonſecæ, non plus probant, quàm aſſenſum conſequentem debere ſupponere aſſenſum antecedentis, & ab illo pendere, & intrinſecè includere dependentiam ab ipſo aſſenſu antecedentis.

Obijcies ſecundò. Voluntas vno eodem actu appetit finem & media, ut docet Sanctus Thomas 1. 2. quæſt. 8. art. 3. Sed ita ſe habent antecedens & conſe-

Sed ad illationem requiritur eodem actu

Quomodo obiectum & ratio cognoscendi diſtinguantur.

Quomodo voluntas vno actu appetit

finem & medium.

quens in cognoscendo, sicut finis & media in appetendo; ut docet Aristotel. 2. Phyc. text. 79. & libro 7. cap. 8. Ergo eodem actu intellectus assentitur antecedenti & consequenti.

Respondetur. Suo loco examinandum esse, quo pacto sit vnus vel multiplex actus voluntatis circa finem & media. Modò, si ammiratur assumptum, facilis est disparitas. Quia media sunt causa necessaria ad consequentem finis, & se habent in genere causa efficientis: vnde velle efficaciter finem, idest velle assequi finem, est velle applicare media necessaria. Planè autem non ita se habet conclusio ad pramissas, ut assentiri pramissis sit formaliter assentiri conclusioni. Dici tamen potest assensus pramissarum, continere virtualiter assensum conclusionis, ad quem consequenter inducit. Et hoc indicauit Aristot. primo Poster. text.

4. Item media appetuntur quatenus utilia ad finem, quæ bonitas utilitatis consistit formaliter in ordine ad finem; ideoque amor mediorum sub ista formalitate, simul est amor finis. At veritas conclusionis non consistit formaliter in ordine ad pramissas, sed infertur ex pramissis: vnde non sequitur, eundem assensum conclusionis esse formaliter pramissarum assensum, sed solum ex illo causari. Neque verò oportet, ut in omnibus conueniant habitudo finis ad media, & principiorum ad conclusionem: sed satis est, si in aliquo conueniant, ut suo loco explicandum erit.

Obiicies tertio. Non potest intellectus noster simul habere plures ac distinctos actus: quia hoc esset cognoscere plura ut plura. Ita docet Sanctus Thomas 1. par. quæst. 58. art. 2. & quæstio 85. art. 4. & alibi. Ergo, vel vnus solus actus est, quo intellectus assentitur antecedenti & consequenti, contra primam conclusionem: vel distincti actus non sunt simul, sed successiue, contra tertiam.

Respondetur cum Ferr. 7. contra Gen. cap. 33. 5. Considerandum, & Sor. 1. Post. cap. 1. quæst. 1. ad 4. non posse esse plures actus simul disparatos & inconnexos: posse tamen esse, quando connexi sunt & coniuncti, & vnus refertur ad alium. Quia tunc non cognoscuntur plura pror-

sus ut plura, sed aliquo modo ut vnum: ut notauit etiam Scotus primo Poster. quæst. 8. Sic possunt vtrique esse in intellectu simul apprehensio & iudicium: & si requirantur plures apprehensiones, etiam possunt esse simul. Ita possunt esse assensus consequentis & assensus antecedentis, & in assensu antecedentis plures actus circa plures pramissas, quæ vniuntur in vno medio con iuncti. Et ita explicauit ipse Sanctus Doctor locis citatis conclus. 3.

Obiicies quarto. In scientiis subalternatis, conclusio quæ in vna demonstratione probatur, est pramissa ad probandam aliam conclusionem: & hæc conclusio rursus potest esse pramissa ad probandam aliam: sed non videtur fieri posse, ut hi omnes actus simul existant in intellectu: ergo omnino requiritur successio temporis.

Respondetur. Non esse negandum, ob nimiam multiplicatè rerum, & processum in cognoscendo requiri successione temporis. Sed non propterea in omni discursu & in vno syllogismo debet requiri. Quando autem aliqua propositio fuerit in mente per suum syllogismum demonstrata: poterit deinde intellectus illi assentiri simplici iudicio, sine noua iteratione totius demonstrationis: & sic potest deseruire tanquam pramissa ad probandam aliam conclusionem.

SECTIO TERTIA.

Qualiter in Discursu assensus consequentis ex antecedentis assensu causetur.

Certum iam est, assensum consequentis aliquo modo causari et dependere ex antecedentis assensu, præsertim itante distinctione actuum quam probauimus. Sed examinare magis oportet modum & conditiones huius causalitatis. Concedendum est verò, etiam assensum consequentis aliquo modo causare assensum antecedentis, nempe in genere cause finalis: quia conclusio se habet tanquam finis syllogismi, ut docuit Arist. 1. de Anima text. 49. & S. Thom. Opusc. 47. in princ.

Mm 2 Primò

Quomodo intellectus possit simul habere plures actus.

*Causatur
in genere
causæ ef-
fectivæ.*

Primò ergo querendum est, num assensus antecedentis concurrat ad assensum consequentis in genere causæ materialis, vel potius effectivæ. Arist. 2. Phys. textu 31., & 5. Met. 3. indicavit, in genere causæ materialis. Dicendum tamen potius est, in genere causæ effectivæ. Hac est communis sententia Expositorum, in iisdem locis, & 1. Prior. cap. 1., & 1. Poster. cap. 1. Vbi sic intelligunt mentem Arist. dum ait, in syllogismo ex præmissis sequi conclusionem, & notitiam, discursuam fieri ex præexistente cognitione. Probatur faciliè: quia assensus antecedentis per se cõcurrit ad, hoc vt eliciatur assensus conclusionis, movere & impellit intellectum ad assensum conclusionis: hic autem modus causandi, spectat ad genus causæ effectivæ. Illa autem loca Arist. explicavimus sect. 1. ad 4.

Ista verò causalitas dici debet potius æquivoca quam vniuoca: quia assensus illatus conclusionis, est essentialiter diuersus ab assensu antecedentis. Sed an propterea assensus conclusionis dici debeat minis perfectus, minis verus, minis certus, minis euidens, quàm assensus antecedentis; commodius dicemus postea in speciali de scientia.

*Tamquam
à rationis
efficiendi.*

Secundò dubitari potest, num assensus antecedentis sit per se & directè causæ efficiens, eliciendi assensum conclusionis, ita vt productio huius assensus directè egrediatur ab assensu antecedentis: vel hic tantum se habeat per modum conditionis, aut rationis agendis quia scilicet stante assensu antecedentis, intellectus ipse eliciat assensum consequentis, sicut elicit alios suos actus. Et dicendum est, hoc secundo modo concurrere. Nam potentia intellectiva est quæ directè elicit actus, nec dici debet vnius actus per se & directè efficere alium. Sic etiam purandum est, cognitionem præuiam intellectus nõ esse directè causam cùctitiam actus voluntaris, sed tantum concurrere tanquàm rationem volendi. Et in ipso intellectu, simplex apprehensio nõ est directè causæ elicitivæ iudicii. Plus tamen habet causalitatis, assensus antecedentis erga assensum consequentis, quàm simplex apprehensio erga iudicium. Tum quia assensus consequentis, illatus & impulsus deducitur ex assensu antecedentis. Tum quia assen-

sus antecedentis determinat intellectum ad assensum cõclusionis, vt infra dicemus: apprehensio autem secundum se relinquit intellectum indifferenter ad asserendum & negandum.

Cum hoc autem modo causalitatis, explicari potest & defendi perfecta vniuocatio inter discursum & iudiciũ, & adæquatè inter tres operationes intellectus. Nam erat quidam modus analogiæ, quo plura ita conveniebant in aliqua natura superiori, vt inæqualiter per dependentiam essentialem vnius ab alio illam participarent, sicut se habent substantia & accidens in ratione entis. Vniuocatio autem perfecta excluderat hanc analogiã. Dicit ergo potest, illam analogiam tunc propriè esse, quando vnus per se & directè dependet, & accipit ab alio illam naturam communem tanquam a vera causa. Hoc modo discursus & iudiciũ & omnes tres operationes inter se, non dicuntur convenire analogicè, sicut substantia & accidens, aliaquæ similia: sed perfecte vniuocè conuenire, lumendo vniuocationem vt oppositam illi analogiæ. Quamvis adhuc intra hanc vniuocationem plures gradus poterunt designari, videlicet quando nullus prorsus sit ordo dependentiæ inter plures species, & quando sit aliqua dependentia eo modo quem dicimus in casu præsentis.

Tertiò videndum est, an posito antecedentis assensu, necessariò sequatur assensus consequentis, vel possit non sequi. Sanctus Thomas 1. p. q. 82. art. 2., & 1. 2. q. 17. art. 6. Scot. in 2. d. 1. q. 4. 5. Ad argum. Durand. in 2. d. 1. 5. quæst. 4. nu. 7. Arg. q. 1. in fin. & alij circa eadem loca, affirmant, necessariò sequi. Idem indicat Arist. 1. Poster. c. 1. scilicet stante assensu minoris in syllogismo, supposito eo iam assensu maioris, necessariò sequi assensum conclusionis: licet assensus solius maioris poterit antea per se inueniri sine alio assensu. Et idem defendunt Expositores ibi. Hiquè omnes Auctores specialiter loquuti sunt in rebus euidensibus, quando scilicet præmissæ sunt euidentes, & connexio cõclusionis cum præmissis est etiam euidens. Acque Fontec. 6. Met. cap. 2. q. 4. sect. 4. ita intelligit hanc sententiam, vt nõ voluntas quidem ipsa possit continere intellectum, ne excrescat actum assentiendi

*Vnde de-
claratur
quomodo
discursus
cum iudi-
cio conue-
niat vni-
uocè.*

*Num as-
sensus an
necessariò
inferat as-
sensus cõ-
sequentis.*

Se&t.III.De Causal.assen.conseq. ex assen.anteced. 549

conclusioni, supposito pramissarum assensu, & aduerteria conclusionis: sicut ne se ipsam quidem cohibere potest voluntas, vt stante intentione efficaci finis non eligat media necessaria,

Pro resolutione, duplex necessitas distinguenda est. Prima dicitur quoad specificationem actus: secunda quoad exercitium actus. Prima est, quando potentia non est indifferens ad eliciendum, duos actus diuersos & oppositos circa idem; intellectus ad assensum & dissensum, voluntas ad amorem & odium. Secunda est, quando potentia non est indifferens ad exercendum & non exercendum aliquem actum, sed est determinata ad exercendum.

Insertio necessaria quoad specificationem. Certum ergo est, posito pramissarum assensu, esse necessarium quoad specificationem assensum conclusionis: id est intellectum ita se habere vt dissentiri non possit: & ne à voluntate quidem ad id posse cogi, aut inclinari. Idque patet experientia. Patet etiam ratione: quia dissensus conclusionis planè destrueret pramissarum assensum. Nec potest fieri, vt intellectui pramissæ appareat veræ, & conclusio quæ in bona forma inferitur appareat falsa. Et in hoc consistit tota vis nostri discursus: & per hoc conatur vnus argumentando conuincere alium, vt ex pramissarum assensu cogat illum assentiri conclusioni.

Sed nō omnino quoad exercitium. Item concedendum est, quod ipse intellectus de se necessariò etiam quoad exercitium elicit conclusionis assensum nisi impediatur & cohibeatur à voluntate; maxime in rebus valde claris & euidentibus. Nam assensus ipse perspicuus pramissarum, adiuncta aduerteria conclusionis ritè illarum, vim habet trahendi intellectum in ipsius conclusionis assensum. Et hæc præcipue voluerunt Auctores allegati.

Non videtur autem negandum, posse saltem à voluntate cohiberi intellectum ne eliciat conclusionis assensum. Ita, quamplures recentiores defendunt, & sequitur Ruuius 1. Post. cap. 1. quæst. 8. Nam voluntas habet imperium & dominium supra intellectum, & habet facultatem illum mouendi quoad exercitium, vt docet S. Thomas 1. 2. quæst. 9. art. 1. ad 3. & quæst. 17. art. 6. Habet etiam

voluntas facultatem diuertendi intellectum ad aliud obiectum, illumque distrahendi à cogitatione & consideratione obiecti prius apprehensi. Adhuc ergo posito pramissarum assensu, & apprehensione conclusionis, poterit voluntas continere intellectum ne eliciat assensum, conclusionis, aut mentem distrahendo ad aliud cogitandum, siue applicando ad aliam considerationem, non penitus extinguendo priorem cogitationem, aut solum suspendendo intellectum ab eliciendo actu assensus. Quamuis difficilius sit, cohibere intellectum perseuerante attentione circa illud obiectum, quam applicando intellectum ad aliam considerationem.

Similiter, supposita apprehensione terminorum in primis principiis euidentibus, intellectus habet necessitatē quoad specificationem, quia dissentiri non potest: habet etiam aliquo modo quoad exercitium, quia nisi contineatur præbebit assensum. Hæc tamē determinatio non provenit ex ipsa apprehensione, sed potius ex ipso lumine naturali. Nam quantum est ex parte apprehensionis, cū apprehensio potest ram benè composi dissensus quam assensus. Secus est in discursu, in quo assensus ipse pramissarum determinat intellectum: quia non potest coniungi cum assensu pramissarum dissensus conclusionis. Sicut nō potest esse simul assensus & dissensus circa eandē propositionem. At etiā potest voluntas cohibere intellectum, ne eliciat assensum supposita apprehensione terminorum. Sic interdum loquimur & cogitamus de his principiis sine proprio assensu: vt cū dicimus, omne totum est maius sua parte est propositio vniuersalis, est propositio affirmatiua, & similia: quia nimirum cum apprehensione illorum terminorum intellectus magis attendit ad considerandas alias conditiones eius propositionis: sicut ergo per attentionem coniunctam ad aliud quidpiam licet connexionem, suspenditur assensus proprius circa propositionem stante apprehensione: ita potest suspendi per conatum voluntatis.

Neque obstat exemplum illud voluntatis in intentione finis & electione mediolorum. Nā tunc solū ex iniectione necessariò sequitur electio quoad exercitium, quando is qui finē intendit, cognoscit hic

M m 3 & nunc

& nunc esse necessarium tale medium. tunc enim nisi medium assumat, iam mutat intentionem finis. Sed non ita se habet conclusio respectu præmissarum, ut manifestum est; cum non referatur ad operandum aut consequendum illas, nec habent illa rationem necessitatis & causalitatis, ut nisi intellectus simul assensum præbeat conclusioni, debeat deponere præmissarum assensum. Ceterum quomodo se habeat intellectus in rebus probabilibus & non evidentibus, alio loco in speciali dicemus.

*Assensus
illatus
consequens,
esse &
conferuari
neque
sine assen-
su anteceden-
tis.*

Quartò. E converso videndum est, an assensus consequens necessario præsupponat assensum antecedentis, ita ut sine illo esse non possit. Et quidem poterit esse talis assensus, si non eliciatur per discursum ex tali antecedenti, sed vel per simplex iudicium, vel per discursum ex alio antecedenti. Ille autem assensus qui elicitur illatus ex tali antecedenti, esse non potest sine talis antecedentis assensu. Non solum, inquam, non potest sine illo elici, sed neque conservari. Quoniam semper valet dicere, consequens cognosci ex vi antecedentis. & unam notitiam ex alia dependere. Et alioqui esset diversus actus in intellectu, prius per discursum, postea per simplex iudicium circa illam conclusionem. Quamdiù ergo intellectus perseverat in tali assensu illatus consequentis; omnino etià perseverat in assensu antecedentis. Sicut dicebamus circa iudicium, non posse conservari iudicium sine apprehensione semper perseverante cum ipso iudicio. Et ita hæ tres operationes nostri intellectus ita subordinatæ sunt & connexæ, ut secunda existere non possit sine prima, nec tertia sine secunda & prima.

SECTIO QUARTA.

De Veritate & falsitate, bonitate & prauitate, discursus.

IN Discursu, ut ex dictis patet, duo consideramus. & ipsum consequens quod infertur, & consequentiam seu illationem eius ex antecedenti: siue consideramus iudicium & assensum de conse-

quenti, & dependentiam ac sequela huius assensus ex antecedentis assensu. Primum dici potest se habere materialiter: secundum se habere formaliter in discursu. Per primum convenit discursus cum iudicio secundæ operationis: per secundum ab illo differt.

Quartum ad primum. In discursu invenitur veritas & falsitas, non secus ac in simplici iudicio. Nam discursus ipse est determinatus quidam assensus, siue est affirmatio aut negatio quædam, qua intellectus iudicat rem taliter se habere. Vel ergo ita reuera res se habet: & sic talis assensus illatus est cõformis obiecto, & verus. Vel res non ita se habet: & sic talis assensus est discõformis obiecto, & falsus. Et omnia alia quæ antea dicta sunt de veritate & falsitate iudicii in secunda operatione, omnia procedunt etiam de hoc assensu in tertia operatione.

Itaque hæc veritas & falsitas in discursu non attenditur penes bonitatem aut prauitatem consequentis & illationis: sed potius ab illa differt. Vnde potest dici: hæc veritas in discursu, etiam si illatio & consequentia non sit bona: ut si quis ita discurrat: omnis homo est aial, Petrus est aial, ergo Petrus est homo: hæc conclusio est verique in se vera, & assensus verus est: tamen illatio non est bona, quia est in secunda figura ex ambabus affirmatiuis. E contra potest dari falsitas in discursu, etiam si illatio optima sit: nimirum si discursus procedat ex aliqua præmissa falsa; ut si quis ita discurrat: omnis homo est lapis, Petrus est homo, ergo est lapis: verique forma discurrendi optima est, & conclusio est falsa. Nam alioqui si omnes præmissæ veræ sint, & illatio bona, conclusio non potest esse falsa: quia ex vero non nisi verum.

Deinde quantum ad secundum: In discursu invenitur bonitas & prauitas. Discursus bonus est, quando consequens infertur ex illo antecedenti, ex illis præmissis, cum quibus re vera habet connexionem: quando infertur sub tali forma quæ ex vi sua bene concludat. Discursus prauus est, quando consequens infertur ex aliquo antecedenti, cum quo reuera non habet connexionem: quando infertur sub aliqua forma quæ non ex vi sua bene

*Veritas
& falsitas discursus.*

*Bonitas
& prauitas discursus.*

Seçt. IV. De Verit. & fals. bonit. & prauit. Discurs. 551

benè concludat. Signum autem cognoscendi, quando forma ex vi sua benè concludat, est, quando in omni materia semper benè procedit, & ex vero non nisi verum infert. Quando autem aliqua forma discurrendi inuenitur posse inferre falsum ex vero, talis forma inutilis & praua est.

Rursus bona forma discurrendi ita se habet, quòd dum intellectus acceptat præmissas, eisquè præbet assensum, non potest reiicere & negare conclusionem: sed forma ipsa inferendi cogit intellectus assentiri conclusioni post assensum præmissarum. Prava autem discurrendi forma ita se habet, quòd posito præmissarum assensu, potest intellectus dissentiri conclusioni quæ ex illis non rectè infertur. Imò non debet ex vi illarum præmissarum assentiri tali conclusioni: sed deficit, & à recta via aberrat: si per talem formam inferendi præbeat assensum conclusioni ex vi illarum præmissarum. Hæc tota res, satis clara & perspicua, est, considerando viles & rectos syllogismorum modos in singulis figuris, & contra alios inutilis & non rectos: in illis enim discursus rectè procedit, in his prauè & indirectè.

Discursus prauus, est essentialiter discursus.

Aliqui verò dixerunt, discursum prauum non esse essentialiter discursum: siue non posse dari in mente discursum, prauum: quia essentia discursus consistit in eo, vt consequens verè inferatur ex antecedenti, vt assensus consequentis eliciatur ex vi assensus præmissarum: sed nisi discursus rectè procedat, iam consequens non inferitur ex vi antecedentis, nec vnus assensus elicitur ex vi alterius: ergo. Imò Aristot. 1. Topic. cap. 1., & 1. Elench. cap. 1. expresse docuit, Syllogismum deficientem ex parte formæ, non esse verè syllogismum. Absolutè tamen dicendum est, dari posse in mente discursum prauum, & in rigore habere essentiam discursus. Patet: quia experientia ipsa constat, interdum aliquem ex assensu alicuius rei induci in alium assensum, præter debitam discurrendi formam. Idcirco tot regulæ & instructiones traduntur ad rectè discurrendum, discernendo modos rectos & viles à prauis & inutilibus: quod aliqui esset superfluum, si nullum esset periculum prauè discurrendi.

Talis autem assensus elicitus ex alio præter debitam formam, non est vique simplex iudicium secundæ operationis: sed est discursus tertie operationis. Sicut ergo tam iudicium falsum, quàm verum, est essentialiter iudicium: ita tam discursus prauus, quàm rectus, est essentialiter discursus. Dictum autem Aristotelis explicabimus quæstione 19. sectione 6.

Hinc ad rationem oppositam patet: aliud esse, consequens in mente inferri ex antecedenti, assensum elici ex assensu aliud esse, debere inferri, debere elici. In prauo discursu valebit dicere, intellectus infert quidem & elicit hunc assensum ex illo: tamen non deberet inferre & elicere. Ex quamvis ipsum antecedens non habeat vim sub tali forma inferendi tale consequens: tamen intellectus suo defectu finit se moueri & induci ex vno assensu ad alium.

Ceterùm bonitas & prauitas discursus, non est formaliter veritas & falsitas, sed est quodammodo virtualiter. Non est formaliter: quia veritas & falsitas est conformitas & disconformitas ad obiectum: sed bonitas & prauitas discursus est dependentia vnus assensus ex alio, ex quo debebat vel non debebat elici. Est virtualiter: Tum quia ille qui discurret, ita se habet, ac si affirmaret, hoc consequens habet connexionem cum tali antecedenti: quod quidem verum est in discursu recto, falsum in discursu prauo. Tum præcipuè quia per discursum rectum, intellectus assequitur & acquirit veram rerum notitiam, post notitiam verorum principiorum: ac per prauum discursum facile labitur ex veris in falsas conclusiones. Recta ergo discurrendi forma, est veritatis norma.

Bonitas et prauitas à veritate & falsitate distinguitur.

SECTIO QVINTA.

De Argumentatione: Specialiter de Syllogismo.

Cum formalis perfectio discursus, in illationis bonitate consistat: conatus & industria Logice circa hanc tertiam operationem dirigendam, ad hanc perfectionem in omni discursu inducendam.

tendit: qua mediante directione etiam veritatem assequitur, ut nimirum ex veris principiis non nisi veræ conclusiones inferantur. Ad hunc effectum Argumentario destinatur, tanquam adæquatum instrumentum directiui nostri discursus.

Argumentatio in cōmuni. Unde argumentatio in cōmuni bene poterit definiri: est instrumentum suum modus rectè inferendi vnum ex alio. Aut, si imitari velimus definitionem syllogismi ab Aristotele traditam, est oratio in qua vnum bene inferitur ex alio. Potest autem sumi argumentatio, vel pro oratione vocali expressiva discursus interni, vel pro ipso actu mentali quo intellectus discurret & vnum ex alio infert: vel quatenus per Logicam formatur tanquam idæa & norma bene discurrendi, ex qua regulæ depromuntur ad ritè formandum quemcumque particularem discursum, & ad discernendum quinam discursus ritè procedat, qui verò prauè ut emendetur: & hoc modo propriè vocatur instrumentum directiui discursus. Hæc constant ex iam dictis de instrumentis in cōmuni.

At verò de compositione & constructione argumentationis, de regulis & præceptis eius, de quæ varijs speciebus, latè in Institut. differuimus: & quæ ibi tradita sunt, ad hunc propriè locum spectabant. Sed oportebat ab initio artem argumentandi plenius edocere. Nec oportet nunc eadem hoc loco repetere.

Argumentationis genera. Præcipuè diuidebatur argumentatio in quatuor species, Syllogismum, Entymema, Exemplum, Inductionem, quas omnes ibi explicauimus. De Syllogismo quidem agit Aristot. in maxima parte horum librorum: de alijs tribus speciebus agit breuiter ad finem lib. 2. Aliqui addunt quintam speciem, nempe conuersionem, qua dicimus: Omnis homo est animal; ergo aliquod animal est homo. De qua conuersione agit etiam Aristoteles libro primo capit. 2. 3. & 4. Aliqui rursum addunt sextam speciem, nempe illationem à propositione vniuersali ad particularem vel singularem: Omnis homo est animal, ergo hic homo est animal: quandoquique quis currit, mouetur; ergo hic qui modò currit, mouetur; ergo si hic currit, mouetur. Alij

tamen dicunt, hos modos inferendi contineri sub entymemate, quia entymema est quando ex vna sola propositione posita in antecedenti inferitur consequens. Alij verò ab initio distinguunt duo genera illationis; vnum vocant argumentationem: aliud vocant meram consequentiam. Sub argumentatione constituunt illas quatuor species: sub mera consequentia alias duas. Argumentationem explicant, quando in consequenti ponitur aliquis nouus terminus qui non sit positus in antecedenti; siue in antecedenti ponitur medium distinctum ab omnibus terminis qui ponuntur in consequenti, ex quo medio inferatur conclusio, & ipsum medium dicitur argumentum. Mera autem consequentia erit, quando iidem termini repetuntur in consequenti. Quod fit dupliciter: vel conuertendo prædicatum in subiectum, & subiectum in prædicatum: vel repetendo cum eodem ordine: & nè illatio sit prius nugatoria, dicendo, omnis homo est animal, ergo omnis homo est animal; mutetur saltem quantitas propositionis, & ex vniuersali fiat particularis vel singularis.

Controversia in hac re solum potest esse de nomine, qualiter accipiat nomen argumentationis, & sub genere argumentationis nomen entymematis. Possunt vno modo hæc nomina amplè sumi, ut omnes dictas illationis formas complectantur. Et possunt pressius sumi, ut non illas complectantur. Præstabit autem argumentationem amplè sumere pro omni forma illationis & consequentia. Deinde argumentatio diuidatur, in illa quæ procedit ex medio distincto à consequenti, & illam quæ non procedit ex medio distincto.

Argumentatio non procedens ex medio distincto, est per se clara & euidentis. Imo per conuersionem multi syllogismi probantur, tanquam per clariorem & notiozem inferendi modum. In hæc argumentatione sufficit vna sola propositio ex parte antecedentis ad inferendum consequens, ut manifestum est. Ex vna enim propositione, absque alia additione, euidenter inferitur propositio inquam illa conuertatur, iuxta regulas conuersionis traditas in Institut. & ex propo-

Quod dā argumentationis genus, nō procedit ex medio distincto à consequenti.

Sect. V. De Argument. specialiter de Syllogif. 553

propositione vniuersali similiter infertur quaelibet particularis & singularis contenta sub illa.

Argumentatio procedens ex medio distincto, diuiditur quidem in quatuor species: tamen adæquatè videtur in syllogismo consistere: quia alie tres species, vt vim habeant, debent ad syllogismum reduci. Imo in mente non nisi per syllogismum exerceri videntur.

Argumentatio procedens ex medio distincto, diuiditur quidem in quatuor species: tamen adæquatè videtur in syllogismo consistere: quia alie tres species, vt vim habeant, debent ad syllogismum reduci. Imo in mente non nisi per syllogismum exerceri videntur.

Entymema vel amplè sumitur, vt complectatur etiam argumentationem quæ non procedit ex medio distincto, & ex hac parte non reduci ad syllogismum, sed bene ex vna sola propositione concludit. Vel sumitur specialiter, quando procedit ex medio distincto. Et tunc licet videatur ex vna sola propositione, aliam inferre; vt Petrus est homo, ergo est animal. Tamen, vt rectè concludat, debet subintelligi alia propositio in antecedenti, nempe omnis homo est animal. Vnde entymema, vt à syllogismo distinctum, datur potius in voce, quam in mente. Et ideo proferri solet sub tali forma, quia is qui loquitur, supponit ab audiente sciri, & statim subintelligi alteram præmissam quæ deest. Ipse autem in mente sua, dum ex antecedenti approbat consequens, habet simul in mente alteram præmissam. Et, si is cui loquitur, non statim ex vna propositione concessa, acceptat consequens: non aliter probamus intentum, nisi suppledo alteram præmissam quæ deerat, vt ex utraque in forma syllogistica persuadeamus quod volumus.

Et ratio huius rei est: quia quando assumimus medium distinctum ad probandum consequens: non aliter probamus consequens ex tali medio, nisi per coniunctionem vtriusque extremi quod in consequenti inuenitur cum medio distincto. At vna propositio est, in qua vnum extremum, alia in qua aliud, cum medio coniungitur: & hoc totum sic in antecedenti, vt inferamus coniunctionem extremorum inter se; ergo entymema non concludit ex vna sola propositione: sed vna quidem prolata, & ex alia in mente recondita, ex quibus integer syllogismus consecretur.

Exemplum pariter per syllogismum efficaciam habet. Nam cum dicimus: An-

tonius non inuenit felicitatem in diuitijs, ergo nec Franciscus inueniet: subintelligitur alia propositio: nempe idem quod euenit Antonio, eueniet Francisco; vt ita inferatur: sed Antonio euenit non inuenire felicitatem in diuitijs, ergo &c. Quia autem propositio quæ additur, est tantum probabilis, & non certa: ideo tale argumentum ab exemplo, solum probabiliter, & non certo concludit.

Inductio demum duplex esse potest. Vna est, quæ a pluribus singularibus inferat aliud singulare: vt Antonius non inuenit felicitatem in diuitijs, nec Petrus, nec alij plures; ergo nec Franciscus inueniet. Et hic modus inductionis redit ad genus exempli, solumquæ addit quod ex multis exemplis idem confirmare conatur. Et sic etiam subintelligitur: sed quod tot alijs hominibus euenit, etiam huic eueniet. Vbi etiam, quia talis propositio non est certa & euident, sed tantum valde probabilis: ideo hic modus inductionis tantum probabiliter concludit, idest probabilem inducit conclusionis assensum.

Alia inductio est, quæ ex omnibus singularibus euidenter concludit de vniuersali. v. g. oculus dexter est idoneus ad videndum, oculus sinister est idoneus ad videndum: ergo omnis oculus est idoneus ad videndum. Similiter omnis substantia est vna, omne accidens est vnum: ergo omne ens est vnum. In hac autem inductione planè subintelligitur alia præmissa, quæ quidem in mentali discernu necessario interuenit, ad faciendam euidentiam conclusionis: nimirum oculus dexter & sinister sunt omnis oculus: substantia & accidens sunt omne ens. Itaque omnis huiusmodi argumentatio reduci ad syllogismum: siue hæc sunt species quædam syllogismi. Propter hoc de solo syllogismo deinceps tractare sufficit. Quo eodem consilio vltus est Sanctus Thomas Opusc. 48. tract. de Syllog. cap. 1.

Syllogismi nomen idem valet quod latine ratiocinatio. Definitur syllogismus ab Arist. lib. 1. cap. 1. *Est oratio in qua quibusdam positis, aliud quid necessario est consequens, virtute eorum quæ posita sunt.* Quam definitionem satis in Institutionibus

ad syllogismum.

Inductio reduci ad syllogismum.

Syllogismus definitur.

bus explicauimus. Breuius autem & clariùs dici potest: syllogismus est in quo ex duabus præmissis inferitur conclusio. Adnotari autem potest, ad rationem discursus & syllogismi perinde se habere, si vnus aut duplex sit assensus circa vtramque præmissam. Et vtroque modo posse se habere. Nam vno modo potest intellectus assentiri duabus præmissis per modum vnius propositionis copulatiuæ: vt omne animal est sensibile & omnis homo est animal; circa totam autem propositionem copulatiuam vnus est assensus in mente. Et hoc planè sufficit vt inferatur conclusio; ergo omnis homo est sensibilis. Alio modo potest intellectus assentiri solutè & sine nota copulatiua: & tunc ex vtroque assensu elicitur conclusionis assensus.

Cæterum, in syllogismo distinctè considerare debemus, & propositiones ex quibus constat, & dispositionem atque ordinem propositionum cum suis terminis ex quibus constituuntur. Hæc duo dicuntur materia & forma syllogismi. Propositiones enim se habent vt materia: dispositio & ordinatio se habet vt forma. De his duobus distinctè tractandum sequitur.

SECTIO SEXTA.

De materia Syllogismi.

In syllogismo inueniuntur duæ præmissæ & vna conclusio.

Quia propositiones constant ex terminis, termini dicuntur materia remota, propositiones verò materia proxima syllogismi. Termini per se debent esse tres, duo extrema, & medium. Propositiones etiam per se debent esse tres, duæ præmissæ, & vna conclusio. Dico per se, quia in syllogismo possunt etiam collocari propositiones coniunctæ: vna autem propositio coniuncta habet plures partes, plures propositiones simplices, & plures terminos: sed quia hæc plura se habent vt vnum; & quia præcipuè loquimur de syllogismo categorico constante ex simplicibus propositionibus: Ideo absolute dicimus, in syllogismo interuenire tres terminos, tres propositiones. Quæritio autem est, num omnes tres propositiones sint materia essentialis &

intrinseca syllogismi, vtum non solum præmissæ, sed etiam conclusio sit de essentiali constitutione syllogismi.

Prima sententia esse potest, solum conclusionem esse materiam essentialem syllogismi, præmissas verò esse eius causam efficientem. Nam syllogismus essentialiter est discursus: sed ad discursum intrinsecè non spectat nisi conclusio illata ex præmissis, discursus enim est formaliter & præcisè solius conclusionis assensus: ergo sola conclusio est essentialis materia syllogismi, conclusio tamen causata & illata ex præmissis.

Secunda sententia est aliquorum assentientium, syllogismi materiam essentialiter esse præmissas: conclusionem verò esse effectum syllogismi. Ita videntur docere Auerr. 1. Periherm. cap. 1., 2. Prior. cap. 4. & clariùs Epitome Prior. in princip. & Albert. 1. Prior. tract. 1. cap. 5. Et fundamentum esse potest: quia syllogismus est instrumentum sciendi, est instrumentum directiui discursus: ergo est causa effectiua scientiæ & discursus. At causa effectiua scientiæ & discursus, non est vtrique conclusio, sed sunt tantum præmissæ; conclusio autem se tenet ex parte effectus: ergo.

Tertia communis sententia asserit, conclusionem simul cum præmissis esse essentialiter materiam syllogismi. Hæc tamen controuersia, magis est de nomine quàm de re. Et resoluenda est, distinguendo tres syllogismi acceptiones, ex Aristotele ipso depromptas: & iuxta quas debent varia Aristot. loca intelligi, & conciliari.

Primò sumi potest syllogismus formaliter & præcisè pro ipso actu discurrendi, vel pro obiecto & materia circa quam hic actus versatur, quæ est conclusio. Et sic syllogismus essentialiter in conclusione consistit: & præmissæ dici debentur causa syllogismi, idest causa conclusionis, causa discursus. In hoc planè sensu loquutus est Aristot. primo de Anima textu 48. *Demonstrationes habent pro fine syllogismum aut conclusionem.* Vbi pro eodem lumpit syllogismum & conclusionem.

Secundò sumi potest syllogismus pro causa conclusionis & discursus. Sic planè constat, solas præmissas esse materiam essen-

Primo modo sola conclusio est essentialis materia syllogismi.

Secundo modo sola præmissæ.

essentialem syllogismi : & conclusio dici debet effectus syllogismi. In hoc sensu loquuti sunt Auctores secundæ sententiæ. In hoc sensu sæpe alij dicere solent, syllogismum causare conclusionem, demonstrationem gignere scientiam, & similia. Sic etiam sumit syllogismum. Aristot. 2. Prior. cap. 1. cum ait, ex eodẽ syllogismo inferri posse plures conclusiones, hoc est ex ijdem præmissis: ut patet in Celarent & Celantes, Darij & Dabitis: in quibus modis, cum præmissæ eodem modo se habeant, conclusio variatur; & vel est directa, vel indirecta. Sicut etiam in Barbara potest inferri conclusio particularis. Et vniuersaliter omnis syllogismus qui infert conclusionem vniuersalem, potest inferre particulare. Itaq. in hac acceptione syllogismi, dicitur idem syllogismus, etiam si conclusiones diuersæ sint, dummodo præmissæ non variantur. At in sequenti acceptione, syllogismi, dici debent diuersi syllogismi, etiam illi qui in sola conclusione differant.

Demum in eodem sensu aliqui intelligunt Aristot. 1. Prior. cap. 15. dicentem, syllogismum constare ex duabus tantum propositionibus. Sed aliter hic locus potest exponi. Nomine propositionis ibi non intelligi omnem enunciationem: sed tantum illam quæ præponitur conclusioni, quæ nomine magis proprio dicitur præmissa. Syllogismus ergo constat ex duabus tantum præmissis, non quidem ad excludendam conclusionem, sed ad excludendam aliam præmissam, vltra duas.

Tertio modo præmissæ simul & conclusio.

Tertio tandem sumitur syllogismus, ut qui integrè constituitur ex præmissis & conclusione. In hoc sensu clarum est, tam conclusionem, quam præmissas, esse de essentia syllogismi, esse materiam intrinsecam syllogismi. In hac planè significatione Aristot. syllogismum definit, est oratio in qua quibuldam positis, aliud inferitur. Non dixit, ex qua aliud inferitur: sic enim accepisset syllogismum secunda modo. Non dixit, quæ ex alijs inferuntur: sic enim accepisset primo modo. Sed dicens, in qua &c. planè accepit syllogismum hoc tertio modo. Et passim in his libris, & alibi, Aristot. loquitur, tam de conclusione, quam de præ-

missis, tanquam partibus intrinsecis syllogismi. Similiter in communi modo loquendi, non appellatur syllogismus, ex solis præmissis, sicut nec ex sola conclusione, sed ex omnibus simul iunctis & acceptis. Itaque hac acceptio syllogismi est maximè approbanda & retinenda.

Comparando autem conclusionem cum præmissis, præmissæ se habent quodammodo ad conclusionem, velut materia ad formam: quoniam determinatur & complentur per conclusionem. Et sic Aristot. interdum loquutus est: ut adduximus sect. 1. in 4. obiect. At respectu dispositionis & collocationis, omnes tres enunciationes, & tam conclusio, quam præmissæ, se habent ut materia, & ipsa dispositio vocatur forma syllogismi: ut antea prænotauimus.

Considerando etiam syllogismum quatenus instrumentum & idæam discurrendi, siue quatenus dicit regulas & præcepta: manifestum est, tam de conclusione, quam de præmissis, dari regulas & præcepta: qualiter ex talibus præmissis inferenda sit conclusio; affirmatiua, vel negatiua; vniuersalis, vel particularis; directa, vel indirecta. Itaque syllogismus adæquatè hæc omnia includit, tanquam materiam circa quam versatur.

Postremo. Ex his satis patet ad rationem primæ sententiæ. Illa enim ratio confirmat primam acceptionem syllogismi, & alias non impugnat. Patet etiã ad rationem secundæ sententiæ: non solum per secundam acceptionem syllogismi; sed etiam in hac tertia acceptione, Syllogismum, quatenus dicit modum & idæam dirigendi discursum, acquirendi scientiam, includendo maximè modum inferendi conclusionem; esse causam in genere causæ idæalis & directiue, huius & illius discursus, qui in particulari exercetur, huius & illius scientiæ quæ acquiritur: sicut iam diximus de instrumentis in communibus.

SECTIO SEPTIMA.

De Forma Syllogismi: & primò de Figuris.

Forma syllogismi in figura & modo consistit.

DE forma Syllogismi latè in Institue. egimus: & diximus qualiter consistat in Figura, & Modo. Et quid sit figura, nempe collocatio extremorum cum medio in præmissis secundùm debitam subiectionem & prædicationem. Et quid sit modus, nempe dispositio præmissarum, secundùm quantitatem hoc est vniuersalitatem & particularitatem, & secundùm qualitatem hoc est affirmationem & negationem, & secundùm illatione conclusionis. Ibidè quoq. diximus, collocactione extremorum cum medio posse tribus vel quatuor figuris distinguui. Aut subiijciendo medium vtrique extremo in vtraque præmissa. Et hæc erat tertia figura. Aut prædicando medium de vtroque extremo in vtraque præmissa: & hæc erat secunda figura. Aut subiijciendo medium maiori extremo in maiori præmissa, & prædicando de minori extremo in minori præmissa: & hæc erat prima figura. Aut demum prædicando medium de maiori extremo in maiori præmissa, & subiijciendo minori extremo in minori: vt dicendo: homo est animal, animal est corpus, ergo corpus est homo: & hæc nominatur quarta figura. De hac, controuersia grauis est, an sit concedenda, quam in Institut. non discussimus, vt potè tunc non opportunam & necessariam; sed modò examinare debemus.

Galenus excogitat quatuor tam figuram.

Galenus, vt refert Auerroes 1. Prior. cap. 5., 7., & alibi, hanc quartà figuram, præter alias tres, assignauit atque distinguit. Zabarel. tamen in libro de Quarta figura cap. 1. testatur, eam non inueniri in libris Galeni qui nunc exant. Huius quartæ figuræ patrocinium, Medici in gratiam Galeni acriter susceperunt. Distinguant in illa quinque modos, duos concludentes affirmatiuè, tres negatiuè. Nam alij modi qui excogitari possent, non benè concludunt.

Primus modus est, qui ex duabus vniuersalibus affirmatiuis infert particula-

rem affirmatiuam. Secundus est, qui ex maiori particulari affirmatiua, & minori vniuersali affirmatiua, infert particularem affirmatiuam. Tertius est, qui ex maiori vniuersali affirmatiua & minori vniuersali negatiua, infert vniuersalem negatiuam. Quartus est, qui ex maiori vniuersali negatiua, & minori vniuersali affirmatiua, deducit particularem negatiuam. Quintus est, qui ex maiori vniuersali negatiua, & minori particulari affirmatiua, concludit particularem negatiuam. Et, vt vno verbo dicamus, si accipiantur quinque modi indirectè primæ figuræ, & transponantur præmissæ, idest quæ erat maior fiat minor, & e conuerso; habentur hi quinque modi quartæ figuræ. Et, si illos quibusdam dictionibus placeat appellare: ne nouas effingamus, vt possumus quibusdam dictionibus conseruatis. Vocari ergo possunt, Darapti, Disamis, Camestres, Felapton, Feslino. Vel possunt immutari illæ ipsæ dictiones modorum primæ figuræ, Baralipron, Calentes, Dibatiss, Fesalmo, Feslismorum.

Ex aduerso contra hanc quartam figuram, Peripatetici cum Auer. conspirarunt. Zabarel. in lib. de Quarta figura, Scot. 1. Prior. quæst. 34. Ocham. 3. par. Logicæ cap. 9. Buridan. 1. Prior. cap. 7. & alij communiter. Et perspicuè ipsè Aristot. 1. Prior. cap. 23. ex professo docet & probat, tres tantum esse figuras: & ad eas, omnes syllogismos reducit. Varijs autem vijs hi Doctores quartam figuram oppugnant: & alij eam omnino tollere: alij tanquam non naturaliter concludentem; alij tanquam superfluum labefactare conantur. Quos varios dicendi modos referre & examinare oportet.

Primò. Aliqui volunt, quartam figuram penitus esse tollendam: eo quòd non sit utilis & bona ad inferendum; sed possit ex vero falsum inferre: quod est signum evidens malæ illationis & consequentiæ. Id autem suadere conantur, afferendo quosdam modos inutiles & ineptos in hac figura: vt si ex duabus vniuersalibus affirmatiuis concludatur vniuersalis affirmatiua: si ex maiori vniuersali & minori particulari affirmatiua: & si ex maiori particulari affirmatiua, & minori negatiua siue vniuersali siue particulari, fiat

Peripatetici cum Auer. negant quartam figuram.

Quarta figura bona, & necessaria ad concludendum.

fiat illatio: vt consideranti patebit.

Dicendum tamen est, hanc quartam figuram posse quantum ad hoc bene inferre, ita vt ex vero non inferat nisi verum: quod est evidens signum bonæ illationis & consequentiæ. Patet: quia in omnibus illis quinque modis antea allatis, semper bene concludit, & nunquam falsum ex vero: vt facili inductione constabit. Et possunt ij modi probari per reductionem ad quatuor primos primæ figuræ: vt facile conspici potest per easdem regulas per quas alij modi reducuntur. Nec quicquam obstat alij modi inutiles, qui in eadem figurâ inueniri possunt. Nam & in omnibus tribus figurâ inueniuntur modi inutiles & inepti. Et ratio est communis: quia vel non distribuitur medius terminus in aliqua præmissarum: vel aliquod extremum distribuitur in conclusione, cum non sit distributum in præmissis. Non ergo est ex defectu figuræ, sed ex defectu eorum modorum, in quibus debita regulæ non seruantur, quod non bene concludant.

Secundò. Auerr. reijcit quartam figuram tanquam viciosam; quia iuxta illam sequitur prædicatio eiusdem de se ipso: quod ait esse absurdissimum. Sequelam probat: quia in hoc syllogismo: omnis homo est animal; omne animal est corpus: ergo aliquod corpus est homo, prædicatur de homine animal, de animali corpus, de corpore homo: vnde à primo ad vltimum inferitur prædicatio hominis de homine. Hanc viam impugnandi quartam figuram defendit etiam Zab. cap. 12. & Vallius 1. Prior. cap. 26. quæstione vltima capite 9. Qui tamen alio modo dedit, prædicari corpus de corpore.

Sed non est hac ratione quarta figura reijcienda vt vitiosa. Tum quia hæc ratio non procedit in modis negatiuis huius figuræ, vt patet: ergo hi saltem essent acceptandi. Tum quia illud non est tam magnum inconueniens. Esto enim inconueniens esset, si in ipsa structura syllogismi poneretur propositio identica: tamen quod ex syllogismo iam constructo inferatur propositio identica, non erit inconueniens: nec est contra regulam aliquam syllogisticam: vel saltem non est tam magnum inconueniens,

vt propterea sit omnino reijcienda quarta figura. Tum demum potest etiam in alijs syllogismorum modis qui de facto assignantur, & in conuersiouibus propositionum quæ ab Aristotele traduntur, deduci prædicatio eiusdem de se ipso. Imo in modis indirectis primæ figuræ prorsus inuenitur id totum quod Auerr. in quarta figura notauit. Ergo hoc nullum est prorsus inconueniens.

Tertiò. Idem Auerroes præcipue reijcit quartam figuram tanquam innaturalem; quia non naturaliter inferit conclusionem. Hoc aliqui intendunt & defendunt ex parte materiæ: quia scilicet quarta figura inferit conclusionem in qua fit prædicatio innaturalis. Prædicatio innaturalis dicitur, in qua prædicatur inferius de superiori, vel subiectum de accidenti: cum è conuerso fit prædicatio naturalis.

Verum, nec omnes modi quartæ figuræ innaturaliter hoc modo concludunt: nec ob hanc rationem sunt vlli modi reijciendi. Nam in modis negatiuis & conclusionibus negatiuis non est hæc innaturalitas. Deinde in modis affirmatiuis, dum agitur de forma syllogismi, tantum attenditur bonitas & necessitas illationis: non verò an prædicationes sint naturales aut innaturales. Et ita patet in alijs figuris & modis. Et præsertim hæc tota innaturalitas reperitur in modis indirectis primæ figuræ, qui non propterea reijciuntur.

Quartò. Zab. cap. 8. & sequentibus, intelligit & defendit ratione Auerrois, quod quarta figura concludat innaturaliter ex parte formæ: & forma illa inferendi non sit naturalis intellectui. Quoniam intellectus non inclinatur ex suo lumine naturali ad inferendam eo pacto conclusionem quo constituitur quarta figura: sed potius alio modo quo constituitur prima figura. Vnde debet contra suam inclinationem retrahi intellectus, ab illatione quam naturaliter faceret, ad aliam faciendam, quodam machinamento & artificio. V. g. ex his præmissis; omnis homo est animal, omne animal est corpus; intellectus inclinatur ad inferendum, ergo omnis homo est corpus, non autem aliquod corpus est homo. Et illam quidem illationem statim euidenter inspicit intellectus. Hanc au-

Nec eo quod inferat conclusionem innaturalit & indirectam.

Nec eo quod habeat formam illationis innaturalit

Quarta figura non est vitiosa, eo quod inferat prædicationem eiusdem de se ipso.

tem

tem non nisi arte & industria.

Sed verum quidem est, illationem quartæ figuræ non esse per se ita euidentem, sicut illationem primæ figuræ; tamen potest illa illatio euidenter probari per reductionem ad primam figuram. Sic certè illatio secundæ & tertiæ figuræ, non est ita de se perspicua, sicut illatio primæ: sed debet per illam probari. Et licet fateamur, minùs adhuc perspicuam esse illationem quartæ figuræ, quàm secundæ & tertiæ, & maiori industria & reflexione intellectus indigere: non propterea debet prorsus reijci: sed saltem æquam omnibus alijs figuris imperfectior tradi deberet.

Præterea verum est, intellectum positum illis præmissis potius inclinari ad inferendum illo modo directè in primam figuram: atque adeò illationem quartæ figuræ esse quodammodo innaturalem, idest præter eam inclinationem naturalem. Tamen dum quaeritur, an concedenda sit quarta figura, duo quæri possunt. Primum est, an contineat bonam & necessariam illationem. Et hoc Auerores negare non possunt. Secundum est, an contineat euidentem & naturalem illationem, in quam intellectus statim se ipso feratur. Et sic defensores ipsi quartæ figuræ non inficiantur, quartam esse minus euidentem & naturalem, maiorique artificio indigere, quàm prima & aliæ duæ figuræ. Hinc potest quaeri tertium, an Logica debeat tradere & edocere hanc quartam figuram. Et sic negari non potest, Logicam, vt exacta sit, debere tradere omnem formam rectè & necessariò inferendam, vt intellectus discernere sciat bonitatem omnis sui discursus: simul etiam tradendo & edocendo viam, qua forma minus euidentis & naturalis, possit perfici per reductionem ad formam magis euidentem & naturalem.

Et hoc totum aptè confirmatur: quia de facto Logica rectè & vtiliter tradit quinque modos indirectè concludentes primæ figuræ: ac illi ita innaturaliter concludunt, sicut quarta figura. Nam planè post præmissas dispositas in Barbara, intellectus potius inclinatur ad inferendū directè in Barbaram: & sic in alijs modis indirectis. Imo, vt mox dicemus, modi quartæ figuræ sunt ipsi modi, indij-

recti primæ figuræ: ergo non debent hac ratione reijci quarta figura & tales modi. Auerr. autem, dictum innaturalitatis vitium quartæ figuræ opponens, pariter reijcit modos indirectos primæ figuræ. Eos tamen tradiderunt grauissimi Peripatetici, Theophrast. Eudem. Porphy. apud Boet. & ipse Boetius libr. 2. de Syllogismo categor. cap. 4. Et alij communiter receperunt, vt notum est.

Quintò ergo dicendum & concludendum est, illam quæ dicitur quarta figura, esse quidem bonam & aptam: tamen in rigore non esse à prima distinctam, atque adeò non esse quartam, nec quarto loco annumerandam tribus: sed adæquate tres esse syllogismorum figuras. Ita de quarta figura censent Scot. Ocham. & alij Peripatetici frequenter.

Probatum primò: quia totum discriminè quartæ à prima figura, consistit in transpositione præmissarum vt quæ in prima figura ponebatur primo loco, in quarta ponatur secundo loco, & è conuerso: vt pater manifestè in omnibus modis antea allatis. Sed sola transpositio præmissarum non distinguit figuras. Nam figura est apud collocatio extremorum cum medio secundum prædicationem & subiectionem: eadem autem permanet hac collocatio, etiam si præmissæ transponantur: semper enim vnum extremum prædicatur de medio, aliud subijcitur. Et id ipsum extremum prædicatur, idem subijcitur: quauis modò vnum, modò aliud, primo loco ponatur. Non ergo distinguitur quarta à prima figura.

Secundò. Omnes modi viles in quarta, inueniuntur in prima; & omnes modi viles in prima, inueniuntur in quarta: & omnes modi qui sunt inutiles in vna, sunt inutiles in altera: quod euidentis signum est has non esse distinctas figuras. Assumptum patet manifestè: quia omnes illi quinq; modi signati in quarta figura, sunt planè, quinque modi indirecti primæ figuræ, cum sola transpositione præmissarum. Item quatuor primi modi primæ figuræ possunt disponi cū transpositione præmissarum: & sic se habere vt veluti modi indirecti in quarta figura, videlicet in Barbara dici potest: omnis homo est animal, omne animal est corpus, ergo omnis homo est corpus: sic pos-

Quarta figura non est à prima distincta.

Nec modi eius à modis primæ.

possunt transponi præmissæ in alijs tribus modis. Similiter omnes modi inutiles sunt semper inutiles; siue vna siue altera præmissa primo loco ponatur: igitur nec modi quartæ à modis primæ, nec quarta à prima figura distinguitur.

Vnica figura est, quandoquodmodum unum extremum subiicitur & de altero prædicatur.

Tertiò præcipue à priori probatur, destruendo fundamentum oppositum distinctionis. In hoc distinguebatur quarta à prima figura, quòd in prima medius terminus subiicitur in maiori, prædicatur in minori; in quarta prædicatur in maiori, subiicitur in minori: siue in prima figura medium subiicitur maiori, prædicatur de minori extremo: in quarta è conuerso. Sed sic est, quòd quando vnum extremum prædicatur, aliud subiicitur medio termino: semper illud quod prædicatur est maius extremum, quod subiicitur est minus extremum: illa propositio est maior, in qua ponitur maius extremum, idest in qua aliquod extremum prædicatur de medio: illa est minor, in qua aliud extremum subiicitur medio. Ergo implicat in adiecto, dicere, medium terminum in quarta figura prædicari in maiori propositione, prædicari de maiori extremo, subiici in minori. Sed quandoquocunque ex duobus extremis, vnum prædicatur, aliud subiicitur: est vna & eadem collocatio extremorum, vna & eadem figura, quæ dicitur prima. Quando autem vtrunque extremum subiicitur, est secunda figura: quando vtrunq. prædicatur, est tertia figura.

Quòd autem maior & minor propositio, maius & minus extremum, debeant illo modo explicari, patet: quia maius extremum est illud, quod maiorem & veluti digniorem positionem obtinet in conjunctione cum medio in præmissis: sed quando vnum extremum prædicatur, aliud subiicitur semper potiori locum obtinet id quod prædicatur: ergo. Sic etiam maius & minus extremum explicat Aristot. 1. Prior. cap. 5. *In prima figura medium voco, quod est in alio. & aliud in ipso: extremitatum verò alia est, quæ est in alio, alia in quo aliud, idest alia est quæ prædicatur de medio, alia de qua prædicatur medium. Et in fine ait: Dico autem maiorem extremitatem, in qua medium est, idest sub qua medium est: ita enim patet ex contextu: Minorem voco*

quæ est sub medio. Hinc autem per accedens se habebit, quamam propositio primo, quæ secundo loco ponatur. Sed etiam si illa propositio in qua extremum prædicatur de medio, ponatur secundo loco, semper dicitur maior propositio: & extremum quod prædicatur, dicitur maius extremum. Imo Auerr. dicto cap. 5. in consiciendis syllogismis primæ figuræ, perperuò ponit primo loco minorem: & Philopon. vtroque ordine vritur. Et Sueff. 1. Prior. comm. 33. testatur, Arabes consueuisse minorem primo loco ponere; & Græcos vtrunque positionem seruare; Latinos autem ponere primo loco maiorem. Et hic sanè ordo est conuenientior.

Quartò demum. Aliud discrimen inter primam & quartam figuram: quòd in prima idem extremum quod prædicabatur de medio, prædicabatur in conclusione de altero extremo: & quod subiiciebatur medio, subiiciebatur etiam in conclusione: in quarta autem figura ex opposito, prædicatur subiicitur, & subiectum prædicatur. Hoc autem plavè non distinguit figuras, sed solùm constituit conclusionem directam aut indirectam in eadem figura. Nam figura est apta collocatio extremorum cum medio. Ergo non ex conclusione variatur figura. Neque dicitur maius extremum illud quod prædicatur, minus illud quod subiicitur in conclusione: vt propterea dici possit maius extremum subiici medio, & minus prædicari in quarta figura: idest illud quod prædicatur in conclusione, subiicitur medio: & quod subiicitur in conclusione, prædicatur de medio. Nam maius & minus extremum denominantur per respectum ad ipsum medium, & per dispositionem quam habent in præmissis antecedenter ad conclusionem. Quia autem directè & naturaliter illud ipsum quod prædicatur de medio, debet prædicari de altero extremo in conclusione, ex vi illius principij, dici de omni, in quo fundatur forma syllogistica: ideo illa conclusio dicitur directæ & naturalis. Alia autem conclusio in qua quod prædicabatur subiicitur, & quod subiiciebatur prædicatur, est indirecta & innaturalis. Non ergo per hoc distingu-

Vnica figura est, etiam si conclusio conuersatur.

guentur plures figura: sed tandem modi concludentes directè & indirectè in eadem prima figura.

*Qualiter
secunda
et tertia,
non autè
quarta,
distingua-
tur à pri-
ma figura*

In contrarium Obiic. 1. Omnes modi secundæ & tertiæ figuræ per conversionem præmissarum reducuntur ad modos primæ figuræ: & tamen illæ duæ figuræ distinguuntur à prima: ergo pariter quivis modi quartæ figuræ, reducuntur per transpositionem præmissarum ad modos primæ, & sic fiant iidem cum illis, non propterea debet quarta figura cum prima confundi.

Respondetur. Duas figuras reduci ad primam, non per solam transpositionem præmissarum, sed per transpositionem terminorum in ipsis propositionibus, & per mutationem medii termini, & diversam positionem eius cum extremis. Taliter, ut cum in secunda figura esset semper prædicatum, in reductione debeat aliquando subiici: & cum in tertia figura esset semper subiectum, in reductione debeat aliquando prædicari. Quando autem sic variatur collocatio medii cum extremis, utique variatur figura: at quarta figura non variat positionem medii cum extremis. Sed retinet eandem prorsus collocationem medii secundum prædicationem & subiectionem. No ergo debet à prima distingui.

*Quod suf-
ficit ad di-
stinguen-
dos modos
non sufficit
ad distin-
guendas fi-
guras.*

Obiiciunt secundo. Aliqui modi differunt in vna eademq. figura per solam transpositionem præmissarum: ut Disamis & Darisi in tertia figura: Cesare & Camestres in secunda figura: Ferio & Frisefomorum in prima figura. ergo eadem varietas sufficit ad distinguendas figuras, ut ita distinguatur quarta à prima figura.

Respondetur. Antecedens esse examinandum in obiectione sequenti. Nunc negatur consequentia. quoniam modus consistit in dispositione præmissarum, quæ variari potest retento eodem situ medii cum extremis: ut patet in omnibus modis singularum figurarum. Figura autè consistit in situ & positione medii cum extremis, quæ positio eadem remanet, etiam si præmissæ transponantur. Ita etiam diversæ quantitas & qualitas præmissarum, valent distinguere modos in vna eademque figura: non autem valent distinguere figuras, quando eadem est habitudo medii cum extremis.

Nec etià Obiiciunt tertio. Ergo saltem per trā-

spositionem præmissarum erunt distinguendi plures modi in eadem prima figura. Unde erunt plures modi quàm de facto assignari soleant in prima figura.

Respondetur. Nec etiam modos in prima figura distingui per solam transpositionem præmissarum. Sed potius distingui per mutationem conclusionis, quæ directæ aut indirectæ efficitur. Ita, non distinguitur alius modus syllogismi in Barbara, siue maior siue minor primo loco ponatur: & sic in aliis modis eiusdem figuræ. Ferio autem & Frisefomorum differunt, non ob transpositionem præmissarum, sed ob diversitatem conclusionis. Alioqui, retenta eadem conclusione quæ infer ut in Ferio, etiam si primo loco ponatur propositio particularis affirmativa, adhuc reputabitur idem syllogismi modus. Unde reductio modorum indirectorum primæ figuræ ad modos directos, non tam fit per transpositionem præmissarum, quam per conversionem conclusionis. In secunda etiam & tertia figura, præter transpositionem præmissarum in illis modis, inuenitur quoque mutatio & conversio conclusionis. Nam non eadem conclusio inferitur in Cesare & Camestres, Disamis & Darisi: sed convertitur: & quod erat subiectum in vna, fit prædicatum in alia: & quod erat prædicatum, fit subiectum. Est tamen aliqua peculiaris ratio in modis huius figurarum: ut eadem conclusio quæ est directæ in vno, sit indirectæ in alio, ob diversum ordinem præmissarum, ut mox tractabimus.

*Plures mo-
di quàm
confusi,
distinguen-
di sunt in
prima fi-
gura.*

SECTIO OCTAVA.

De Syllogismorum Modis in singularis figuris.

Modo: omnes omnium figura: um, & constructionem eorum, latè tradidimus in Inst. Vbi assignauimus primæ figuræ nouè modos, quatuor directè, quinque indirectè concludentes: secundæ figuræ quatuor: tertiz sex: omnes directè concludentes. Assignauimus etià syllogismos expositorios ex medio termino singulari. Alios insuper modos designauimus ex extremis ipsiq. præmissis singularibus cum medio communi.

*Modi ois
assignati
sunt in In-
stitutioni-
bus.*

An den-
tur modi
indirecti
concluden-
tes in se-
cunda &
tertia fi-
gura.

Latius nunc examinandum superest, an etiam in secunda & tertia figura possit indirecte concludi, siquæ concedendi modi indirecte concludentes, de qua re breviter etiam diximus in Institution. tract. 4. cap. 9. & 10.

¶ Fonseca lib. 6. Instit. cap. 13. & Cominbr. 1. Prior. capit. 7. quæst. 3. magis adherent parti neganti. Et primò fundamentum est: quia tunc indirecte concluditur, cum prædicatur minus extremum de maiori: sed id esse non potest in his figuris: ergo. Minor probatur: quia in his non aliter designari potest maius extremum, nisi quod in conclusione prædicatur: & minus extremum, nisi quod in conclusione subiicitur: quia nimirum in præmissis utrunque subiicitur in secunda, utrunque prædicatur in tertia figura. Est ergo implicatio in adiecto, dicere, in his figuris, posse minus extremum prædicari, & maius subijci.

Secundò. Hoc pacto videtur designare maius & minus extremum in his figuris ipse Aristot. qui 1. Prior. cap. 6. ait, maius extremum in secunda figura esse, quod est magis propinquum medio: minus, quod est magis remotum. Idque sic intelligendum videtur. Quia in secunda figura medium semper prædicatur, propinquius est medio illud extremum quod in conclusione prædicatur. Rursus cap. 7. è contra ait, maius extremum in tertia figura esse illud, quod longius à medio distat, minus esse quod est medio propinquius. Quia scilicet cum medium semper subiicitur, est illi magis propinquus terminus qui in conclusione subiicitur, magis distat terminus qui prædicatur, & ille est minus extremum, hic est maius extremum.

Tertiò ulterius. Syllogismus qui ponetur indirectus in Cesare, non differret à Camestres directo, nisi per transpositionem præmissarum. Item si in Feltino & Barocco transponantur præmissæ, & conclusio non mutetur: erit syllogismus indirectus, tantum differens à directo per transpositionem præmissarum. Sed ordo præmissarum non sufficit distinguere modos syllogismorum, ut circa primam & quartam figuram dicebamus: ergo.

Quartò. Concludere indirecte est cõ-

cludere innaturaliter. Quod explicatur optimè in prima figura, ut sectione præced. dicebamus. Sed id non videtur habere locum in secunda & tertia figura: tum quia non adest ratio ibi tradita: tum etiam quia ex his præmissis, nullus homo est equus, omne hinnibile est equus: non magis naturale esse videtur inferre: ergo nullum hinnibile est homo, quam nullus homo est hinnibilis.

Quintò demum. In secunda & tertia figura, non habemus dictiones peculiares & distinctas, indicantes modos indirectos præter directos: sicut habemus in prima figura: ergo signum est non dari modos concludentes indirecte in aliis duabus figuris, sicut in prima.

Dicendum tamen est, etiam in secunda & tertia figura posse suo modo indirecte concludi. Ita expresse S. Tho. Opuscul. tract. de Syllog. c. 8. Scot. 1. Prior. q. 13. & 24. Marsil. q. 3. 1. Auerr. & Suesf. cod. lib. cap. 8. Toler. lib. 4. Introduct. c. 7. Hieron. Pla 1. Prior. cap. 6. dist. 2. quæst. 4. & alii. Imò Arist. aperte 1. Prior. c. 8. loquens de duobus modis indirecte concludentibus in prima figura, si maior sit affirmativa & minor negativa, quos modos vocamus Fapellmo, & Frisefom. subiungit: *Cõsimiliter & in alijs figuris*. Quod Auerr. ibi explicat, similiter indirecte concludi. Verificatur autem hæc assertio per omnes quatuor modos secundæ, & sex tertiæ figuræ: diversimodè tamen, ut ibi explicauimus: nempe in Cesare & Camestres secundæ figuræ; Darapei, Disamis, & Darisi tertiæ figuræ: per conuersionem conclusionis: in Feltino & Barocco secundæ figuræ, Felapton, Bocardo, & Ferison tertiæ figuræ, per transpositionem præmissarum. Addendo etiam, quod in Cesare & Camestres potest inferri conclusio indirecta particularis, sicut & directa.

Fundamentum huius assertionis est: quia in his figuris designari debent maius & minus extremum penes ordinem præmissarum: maius extremum esse quod ponitur in prima propositione: minus quod ponitur in secunda. Ex quo euidenter sequitur, posse fieri ut prædicetur minus extremum de maiori, id est illud quod ponebatur in secunda præmissa, de illo quod ponebatur in prima: & hæc erit conclusio indirecta.

Resolutio
affirmati-
ua.

Fulatur,
quia pōt
maius ex-
tremum
prædica-
ri, & mi-
nus subij-
ci in con-
clusionem.

N n Assum.

Assumptum hoc de modo designandi maius & minus extremum, in quo consistit tota difficultas, probatur primò: quia generaliter maius extremum est, quod obtrinet digniorem locum in præmissis ante conclusionem: sed quando vel utrūque extremum subijciatur, vel utrunque prædicatur: non aliunde quàm ex ordine præmissarum potest hæc positiois & loci dignitas desumi: ergo. Maior patet: quia hæc comparatio faciendæ est extremorum cum medio, & extremum quod potest locum obtinet in coniunctione cum medio, dicitur maius extremum: at coniunctio extremorum cum medio continetur in præmissis: ergo. Consonat communis loquendi modus. Nam non aliter in secunda & tertia figura, designatur maior & minor, nisi quæ primo aut secundo loco ponitur.

Secundò. Distinctio figurarum in se, distinctio etiam medijs ab extremis, consideratur in præmissis syllogismi: ergo in ipsodem etiam debet considerari distinctio maioris & minoris extremi. Neque hæc designatio sumenda est ex conclusione: sed præmittenda est ante conclusionem.

Tertiò ita apparet manifestè in prima figura. Maius enim & minus extremum designantur in præmissis ex coniunctione cum medio non in conclusione ex coniunctione extremorum inter se. Et illud dicitur maius extremum, quod habet digniorem locum coniunctionis cum medio, non cum alio extremo. Sed etiam si illud extremum quod in præmissis digniorem locum habebat, idest prædicabatur de medio, postea in conclusione subijciatur, adhuc dicitur maius extremum: imò hoc est conclusioem esse directam vel indirectam: si illud extremum quod obtinebat digniorem locum in præmissis, obtineat etiam in conclusione, conclusio dicitur directæ, quia debitum ordinem servat: si secus, dicitur indirectæ, quia mutat debitum ordinem: ergo similiter loquendum est de secunda & tertia figura. Nisi quod ex solo ordine præmissarum, non ex prædicatione vnius extremi de medio, & subiectione alterius, potest sumi hæc differentia.

Quarò. Si ex positione extremorum in conclusione designari deberet maius

& minus extremum: sequeretur, quiaque modos quos dicimus indirectos in prima figura, potius consisterent quartam figuram distinctam à prima. Nam in his non diceretur prædicari minus extremum de maiori in conclusione: sed potius maius extremum fuisse subiectum medijs in præmissis, & minus extremum fuisse prædicatum de medio: quo modo Auctores quartæ figuræ distinguebant illam à prima. Fieri ergo oportet, non ex coniunctione extremorum inter se in conclusione: sed tantum ex coniunctione cum medio in præmissis, debere maius & minus extremum designari.

Quinò. In secunda & tertia figura, non potest indifferenter in omni modo quolibet extremum de quolibet in conclusione prædicari. V.g. in Festivo: cum dicitur: nullus homo est equus; aliquid animal est equus: non potest inferri, ergo aliquid homo non est animal: sed tantum aliquid animal non est homo. Debet itaque in conclusione esse prædicatum illud extremum quod possumus erat in maiori, idest in prima præmissa. Oportebat igitur certam aliquam regulam tradere ad bene inferendam conclusionem, edocendo quod extremum deberet in conclusione prædicari, quod subijci. Et sanè ita dispositi sunt omnes hi syllogismorum modi, vt semper conclusio bene inferatur, si extremum quod priorem locum habebat in præmissis, potest etiam obtineat in conclusione, & prædicetur de alio extremo quod possumus erat in secunda præmissa. Regula autem traditur generalis, in omnibus figuris & modis, semper bene inferri conclusionem, subijciendo minus extremum, prædicando maius extremum: ergo distinctio maioris & minoris extremi omnino habetur ex ipsis præmissis. Alioquin si solum sumeretur ex prædicatione & subiectione extremorum in ipsa conclusione, regula esset inutilis & nugatoria. Acque in secunda & tertia figura distinctio maioris & minoris extremi omnino sumenda est ex ordine præmissarum: igitur si in quibusdam modis possit etiam recte inferri talis conclusio, in qua maius extremum subijciatur, & minus prædicetur: vt re ipsa verum est: dici debent tales modi posse etiam indirectè, concludere.

Nō ex conclusione, sed ex præmissis.

Vnde signari debent maius & minus extremum in figuris.

dere. Et ita, non solum in prima, sed etiam in secunda & tertia figura, datur potestas indirecte concludendi.

Sexto præterea. Hurtad. disputatione 10. sectione 18. & 19. alia ratione affirmat, in secunda & tertia figura posse indirecte concludi, videlicet in illis modis qui constant ex vna præmissa vniuersali & altera particulari: dicens, vocandum esse maius extremum illud quod continetur in præmissa vniuersali, minus extremum illud quod continetur in præmissa particulari: & tunc concludi directe, cum maius extremum sic explicatum prædicatur in conclusione tunc indirecte, cum subiicitur. Respecialiter in modis negatiuis notat, conclusionem debere inferri per cōuersionem hoc modo. V. g. in Tertio directe concluditur dicendo: nullus homo currit; aliquod animal currit; ergo aliquod animal non est homo. Aut indirecte concludi dicendo; ergo aliquod non homo non est non animal. Nimirum quia alioqui falsò inferretur, aliquis homo non est animal. Et sic inquit in aliis modis negatiuis.

Verum hæc ratio assignandi maius & minus extremum, planè est aliena à communi modo loquendi. Nam in quibusdam modis primo loco ponitur propositio particularis, secundo loco vniuersalis: & prima appellatur maior, secunda minor. Et omnes modi iuxta communem dispositionem, præter illos quinque primæ figuræ, appellantur directi. Et in prima figura, atque in aliis figuris, non ex eo quod propositio sit vniuersalis vel particularis, sed ex diuerso ordine cum medio, designatur maius & minus extremum, vt dictum est. Deinde illa ratio concludendi indirecte in modis negatiuis, aliena est à communissima syllogismorum regula: syllogismus debere constare ex tribus terminis. Nam in rigore, diuersi, imo prorsus oppositi sunt, illi termini infiniti qui ponuntur in conclusione, à terminis finitis qui erant positi in præmissis: & ipsemet fatebitur sectione 14. Vnde certè si in præmissis medium terminus simili modo variaretur, efficeret duos terminos oppositos. Quamuis ex conclusione negatiua consueta, in illis modis, posset vltius inferri illa alia de terminis infinitis. Sed hoc fit

per aliam consequentiam, & non per simplicem syllogismum constantem ex tribus terminis.

Ex dictis patet ad primum fundamentum oppositæ sententiæ: non debere nec posse ex ipsa conclusione, sed posse & debere ex ordine præmissarum, signari maius & minus extremum. Et ita posse in conclusione indirecte prædicari minus de maiori.

Ad secundum argumentum ex auctoritate Aristot. dicendum est, longè alium esse sensum eius in illis verbis, vt exponit Suetan. com. 43. Allatus erat Aristot. exempla syllogismorum in illis figuris, & assumere volebat tres terminos requisitos. In secunda autem figura primo loco nominare volebat terminum, quo usus erat pro medio; secundo loco maius extremum; tertio minus extremum. In hoc ergo sensu ait, minus extremum esse, quod erat propinquius medio, id est quod à se nominabatur statim post medium; minus extremum esse, quod magis distabat à medio. Alio ordine in tertia figura primo loco nominat maius extremum, secundo minus extremum, tertio medium. In hoc sensu ait, minus extremum esse propinquius medio, maius esse remotius. Hic sensus constat clarè ex verbis ipsius Aristotelis, ait enim cap. 6. de secunda figura: *Maius extremum est, quod ad medium incit: minus autem, quod longius à medio: ponitur autem medium extra extrema, sed positio primum*. Sic etiam loquitur de tertia figura cap. 7. Idèò autem ait medium poni extra extrema, quia in prima figura medium nominauerat medio loco inter extrema. Imò in ijs figuris obseruari potest, Aristot. vocasse maius extremum, quod priori loco, minus quod posteriori nominabat.

Ad tertium concedendum est, verè modos indirectos à directis, in secunda & tertia figura, non differre plusquam, sunt dis- per transpositionem præmissarum. Et est manifesta disparitas inter has figuras, & primam figuram. Quoniam cum in prima figura vnum extremum prædicetur, & aliud subiiciatur: hæc posuit iunior, quod sit maius, & quod minus extremum. Multò maior enim, & magis intricata syllogismo, est hæc differentia, quàm

*Quædam
verba Ari-
stot. expli-
cantur.*

*Modi in-
directi pos-
sunt dis-
ferre à di-
rectis per
solâ tran-
spositionem
præmissarum.*

solus ordo præmissarum. Unde etiam si illud extremum quod prædicatur de medio, secundo loco ponatur, scilicet in secunda præmissa; adhuc est, & vocari debet maius extremum, & ea ipsa est maior præmissa. Item quodcumque idem extremum quod prædicatur de medio, prædicatur etiam in conclusione, conclusio est naturalis & directa, ac per se evidens lumine naturali. Nec quicquam refert transpositio præmissarum nisi quod etiam dici poterit convenientius ordinari, quando maior primo loco ponitur. At in secunda & tertia figura, cum non detur illa differentia, ex solo ordine præmissarum designari debent extrema. Et ita dispositio præmissarum sufficit ad hoc ut conclusio vel directa vel indirecta dicatur.

*Diserimē
secūda &
tertia à
prima fi-
gura.*

Ad quartum libenter concedimus, maiorem esse innaturalitatem & indirectiōnem in conclusione und recta primæ figuræ: cum etiam in illa sit multo potior distinctio maioris & minoris extremi. Atamen etiam in secunda & tertia figura, aliqua inuersione ordinis reperitur, quando non eundem ordinem maioris & minoris seruant extrema in conclusione, quem habebant in ordine præmissarum. Ideoque conclusio, licet non sit tam indirecta, sicut in prima figura, est tamen suo modo indirecta. Et cum controuersia tandem sit magis de modo loquendi, quam de re; præstat sic loqui cum grauiorum Peripatetico: una viū, quos allegauimus.

Ad quintum deniq. dicendum, quia maiorem differentiam habet modus indirecti primæ figuræ à directis: ideo opportunum fuisse, peculiare dictiones distinguere. At in secunda & tertia figura, modica differentia est, quæ facillime poterat indicari, signando quosdam modos, in quibus conclusio conuertatur, & quosdam in quibus præmissæ transponantur, ut iam indicauimus. Non ergo oportebat alias dictiones effingere, quarum nimia multitudo confusionem potius & perplexitatem gigneret potuisset.

SECTIO NONA.

Quotuplex sit Discursus & Syllogismus: præcipue de diuisione eius in scientificum & opinatiuum, demonstratiuum & dialecticum.

VARIÆ diuisiones discursus & syllogismi hic colligi possent, quæ partim ex superioribus deducuntur, partim de nouo addi possunt. Sed prætermittentes quæ facillima & serè manifesta iam sunt; solum pauca diuisiones adducemus, quæ aliqua discussione indigere videantur, & præsertim illam, quæ ad sequentes quæstiones de distinctis discursus & syllogismi generibus necessaria est.

Primo, bene diuiditur discursus & syllogismus in affirmatiuum & negatiuum. Affirmatiuus est, cum ex vi præmissarum affirmantium, affirmamus etiam in conclusione aliquid de aliquo, vnum extremum de alio. Negatiuus est, quo ex vi alicuius præmissæ negatiuæ, negamus etiam in conclusione aliquid de aliquo, vnum extremum de alio. Dico ex vi alicuius præmissæ negatiuæ: quia ex veritate præmissæ negatiuæ nihil bene inferatur. Itaque discursus negatiuus omnino procedere debet ex vna præmissa negatiua & altera affirmatiua.

*Bene di-
uiditur
discursus
in affirmatiuum &
negatiuum.*

Non desuegunt autem qui absolute negauerint discursum negatiuum, dicentes omnem discursum in rigore esse affirmatiuum, etiam circa conclusionem negatiuam. Nam certè dari potest assensus affirmatiuus circa propositionem negatiuam cum aliquo addito. ut si quis dicat, hominem non esse equum, verum est, necessarium est, & similia: vique verè affirmat. Sed qui discurret, dicit talem conclusionem bene sequi ex iis præmissis: quod in rigore est affirmare, etiam si conclusio in se sit negatiua. Sicut hæc propositio conditionalis illatiua: si est homo, non est equus; & hæc causalis, quia est homo, non est equus; est vique affirmatiua, quia affirmat connexionem consequentis cum antecedenti. Negatio autem

Se&t.IX.De Diuisione Discursus & Syllogismi. § 65

autem mentalis erit, quando negabitur
connexio & sequela consequentis ex an-
tecedenti. At hoc non erit discurre-
re: sed erit negare discursum.

*Datur enim di-
scursus ne-
gatiuus ab affir-
matiuo di-
stinctus.*

Dicendum tamen est, verè & in rigo-
re dari discursum negatiuum, essentialiter
ab affirmatiuo distinctum: non secus
ac in secunda operatione datur iudicium
negatiuum ab affirmatiuo distinctum.
Probatur: quia sicut potest dari iudicium
affirmatiuum elicitum ex vi alterius iu-
dicii: ita potest dari sine dubio iudicium
negatiuum circa propositionem aliquam
negatiuam, negatiue dicendo, homo non
est equus: & iudicium sic negatiuum po-
test elici ex vi alterius iudicii antecedentis:
videlicet ex eo quod homo est ra-
tionalis, & equus non est rationalis: & sic
in omnibus alijs rebus. Vbi, licet depen-
dentia vnius actus ex alio sit positiuum,
quid, non facit vt iudicium non sit nega-
tiuum. Nam certè iudicium ipsum nega-
tiuum, actus positiuus est: & tamen negat
vnum de alio ad differentiam iudicii af-
firmatiui:

Et hinc patet ad fundamentum opposi-
tium: discursum non esse, quando quis
affirmat, hæc conclusio bene sequitur ex
his præmissis: vbi consequutio se tenet
ex parte obiecti, non ex parte actus. Sed
discursus est, quando intellectus fert iu-
dicium conclusionis, & hoc iudicium
sequitur & causatur ex iudicio præmis-
sarum. Et bene potest esse negatiuum,
non secus, ac quando per se elicitur, &
non per dependentiam & illationem ab
alijs præmissis. Et ideo propositio illa
conditionalis, & alia causalis, sunt af-
firmatiuæ, quia in illis per simplex iu-
dicium intellectus affirmat connexionem
partium. Non ergo negatio mentalis op-
posita discursui affirmatiuo, est solum
actus ille quo intellectus dicit hoc non
bene inferri ex illo: sed est actus ille quo
intellectus dicit hoc non esse aliud, siue
negat hoc esse illud, & ad hoc inducitur
per aliud iudicium antecedens, ex quo
talis negatio elicitur.

*Præcipue
diuidi de-
bet discursus
in cer-
tū & pro-
babile ex*

Secundò præcipue diuidendus est dis-
cursus & syllogismus in certum & pro-
babilem. Certus est, cum intellectus fir-
miter & absque ulla formidine adhæret
conclusioni. Probabilis est, quando adhe-
ret quidem præmissis & conclusioni, ca-

men non ita firmiter, sed potius cum
quadam formidine de parte opposita.
Hic tamen defectus certitudinis in dis-
cursu probabili, non oritur ex parte
illationis & formæ syllogisticæ: hæc
enim evidens est. Sed ex parte materiæ,
id est ex parte antecedētis, cui intellectus
tantum probabiliter & non certò assenti-
tur. Si autem vna præmissa sit certa, &
altera probabilis, conclusio erit proba-
bilis & non certa: siue maior, siue mi-
nor syllogismi sit probabilis: quia sem-
per conclusio sequitur debiliorem par-
tem. Et ratio est clara: quia conclusio
in tantum censetur vera, in quantum præ-
missæ putantur veræ, & assensus conclu-
sionis dependet ex assensu vtriusque præ-
missæ. Ad infirmandam ergo conclusionem,
satis est defectus vnius præmissæ. Vnde
sicut, si censetur falsa vna sola præmis-
sa, nullo modo potest inferri conclusio:
ita si vna præmissa censetur tantum pro-
babilis & non certa: conclusio ex vi talis
discursus non probabitur certa, sed tan-
tum probabilis.

Tertiò rursus ex parte obiecti diui-
dendus est discursus, in eum qui est circa
obiectum contingens, & alium circa
obiectum necessarium. Circa obiectum
contingens est, qui versatur circa rerum
creatarum existentiam, & omnia prædi-
cata quæ consequuntur ad illam. Circa
obiectum necessarium est, qui versatur cir-
ca essentiam & prædicata essentialia, &
proprietas naturales rerum. Neque ve-
rò hæc diuisio coincidit cum præcedenti:
quasi discursus probabilis sit circa obiectum
contingens, certus circa obiectum
necessarium, sed est duplex prorsus di-
uersa diuisio: sumendo in hac posteriori
contingentiam & necessitatem ex parte
obiecti, & in illa priori probabilitatem
& certitudinem ex parte actus. Nam bene
potest quis circa obiectum contingens
habere iudicium vel probabile vel certū
ex parte actus: vt, certum nobis est mun-
dum existere, solem nunc lucere, Petrum
currere: & tamen hæc contingentia sunt.
E conuerso potest quis habere notitiam
tantum probabilem de obiecto neces-
sario: quando nimirum non attingitur mediū
certum & evidens sed tantum probabile,
ad persuadendam sibi talem conclusionem.
Omnis tamen discursus circa obiectum

*Item in
necessarium
&
contingens
ex parte
obiecti.*

etum impossibile, quo videlicet quis affirmaret id quod impossibile est: quia loquimur de discursu qui potest esse verus: cuiusmodi non est, nisi vel circa conclusionem necessariam, vel circa contingentem.

Discursus certus & necessarius, est scientificus.
Ex his duabus diuisionibus conficitur diuisio discursus in scientificum & opinatum, & syllogismi in demonstratiuum & dialecticum. Nam coniungendo simul duas condiciones & perfectiones, videlicet certitudinis & necessitatis, efficitur discursus scientificus. Itaque ille discursus qui est certus circa obiectum, necessarium, est discursus scientificus, & proprio nomine appellatur scientia: & an requiratur alias præterea condiciones, postea videbimus. Hic est perfectissimus humani intellectus discursus, ad quem dirigendum meritò maximo conatu & diligentia, Logica incumbit. Syllogismus proprius huius discursus, appellatur demonstratiuus, & vno nomine Demonstratio. De Scientia & Demonstratione agit latè Aristot. in duobus proximis sequentibus libris, qui Posteriores resolutionis inscribuntur.

Discursus vel probabilis vel
Deficiente autem alterutra ex ijs perfectionibus: & siue discursus sit probabilis ex parte actus, siue contingens ex par-

te obiecti, habetur aliud genus discursus qui dicitur opinatiuus, & vno nomine opinio: sub qua debet etiam includi fides humana, qua scilicet quis ob alterius hominis testimonium credit quod sibi manifestatur & dicitur. Syllogismus proprius huius discursus appellatur dialecticus. Nomen enim Dialecticæ vno modo amplè sumitur, vt commune toti Logicæ. Alio modo præse sumitur, vt proprium & peculiare illi parti Logicæ, in qua de hoc discursu & syllogismo differitur. De quo agit postea Aristot. in sequentibus libris Topicis.

Post hæc, ad exactam discursus directionem, considerantur in discursu & syllogismo variae fallaciæ quæ contingere possunt: & huiusmodi syllogismus fallax, appellatur sophisticus & apparens. Vt ergo per industriam Logicæ, intellectus plenius instruat, nè in has fallacias incidat: ideo illi clariù deteguntur. Et ad hunc finem de vitioso & sophistico syllogismo differitur. De qua re agit Aristoteles in vltimis Logicæ libris, qui Elenchorum inscribuntur.

De his omnibus iam est à nobis eodem ordine distinctè tractandum. Et primò ac principaliter de scientia & demonstratione.

QVÆSTIO VIGESIMASEXTA.

De Discursu scientifico:

Et priùs de Scientia in communi.

A Verroes in Prologo Poster. & in princip. lib. 2. Balduinus ibidem. Vallius in init. Poster. quæst. 1. cap. 7. & quidam alij censent, adæquatum obiectum librorum Poster. esse modum sciendi, demonstrationi & definitioni communem: quando Aristot. non solum de Demonstratione, sed in magna parte secundi libri etiam de Definitione pertractat. Alij communiter solum demonstrationem constitutum huius partis Logicæ adæquatum obiectum: dicentes, Aristot. tractasse simul de definitione, non tanquam de quodam distincto instrumento sciendi, sed in ordine ad demonstrationem, quatenus est medium in demonstratione perfecta, aut quatenus per demonstrationem potest inueniri & ostendi. Ita Sanctus Thomas, Philoponus, Sueffanus, Eustratius, Caietanus, Aegidius, & serè alij, initio primi & secundi Poster. At mul-

concludit, est opinatiuus.

Sec&.I. An detur in Intellectu nostro Scientia. 567

Obiectum huius partis Logicae est scientia, ad quam refertur demonstratio. At multo melius, insistendo obiecto totali Logicae ab initio designato, dicendum est, obiectum proprium huius partis esse discursum scientificum, & vno nomine scientiam. Nam cum obiectum totius Logicae assignatum sit cognitio intellectiva: omnino obiectum huius partis debet talis species cognitionis, nempe scientia, assignari. Et distinguendo demonstrationem a scientia, tanquam instrumentum ab operatione dirigenda: in hac parte Logicae non solum agitur de demonstratione, sed per se & specialiter etiam de Scientia. Sic Aristoteles ipse de Scientia tractat. Et alij hoc loco, etiam si alioqui in aliis Logicae partibus, non de cognitione in communi, non de singulis operationibus in speciali tractauerint: tamen hic de Scientia ex professo solent agere. Hoc supposito, non vtiq; obiectum huius partis debet Scientia assignari, & per ordinem ad scientiam demonstratio.

Et propter demonstrationem Aristot. agit de definitione.

Multoquē minus definitio debet aequē principaliter cum demonstratione intrinsecum obiectum huius partis includi. Nam definitio non est per se distinctum instrumentum directum scientiae propriē sumptae, praeter demonstrationem. Demonstratio enim est medium adequatum omnis scientiae. Sed solum prout in demonstratione inclusa, potest ad scientiam deferuire. Si autem consideretur definitio quatenus iuuans ad dirigendam aliam cognitionem praeter scientiam: sic non ad hanc Logicae partem pertinet: sed nos iam de illa suo opportuno loco tractauimus.

Aristoteles verò non per se & principaliter; sed tantum per ordinem ad demonstrationem, in hac parte definitionem inferit. Et patet: quia 1. Prior. capite 1. determinat, se tractaturum de demonstratione & scientia demonstratiua, nullam faciens definitionis mentionem. Et postea 1. Poster. textu 26. in quo ipso libro de definitione tractauerat, concludit, manifestam esse doctrinam de demonstratione & scientia demonstratiua traditam. Atque in ipso definitionis tractatu, ita illam cum demonstratione permiscet, vt satis ostendat, non propter se, sed propter demonstrationem considerari definitionem.

Prius agit de scientia, quam de demonstratione.

Prius autem agendum putamus de ipsa scientia quam de demonstratione. Tum quia Aristoteles ipse prius scientiam definit & declarat, postea demonstrationem persequitur. Tum quia in intentione & consideratione prior est finis mediis. Tum quia antea proponi debet operatio dirigenda, eiusque restitudo cognoscenda est: & consequenter instrumentum directum ordinandum est. Tum quia ex ratione ipsa scientiae, demonstrationis conditiones colligendae sunt: & sic facit ipse Aristot. Tum demum quia scientia principaliter & primario, demonstratio propter scientiam consideranda est.

Hec est pars principalis Logicae.

Ceterum haec pars Logicae quae de scientia & demonstratione pertractat, est inter omnes partes praecipua. Et hoc obiectum est inter omnes partes obiecti totalis partiale principale, vt ab initio praediximus. Et haec pars est, in qua maxime Logica dirigit ceteras scientias: edocens conditiones earum, & conditiones obiecti scibilibus, disponens etiam atque distinguens varias rerum scientias. Quamuis autem assensus intellectus circa prima principia sit praestantior discursu & assensu scientifico circa conclusiones demonstratas; vt habetur ex Aristotele primo Poster. capite secundo, & secundo Poster. capite ultimo, & magis postea ostendemus: tamen adhuc scientia recte dicitur obiectum principale: quia cum Logica habeat pro obiecto cognitionem quatenus dirigibilem: scientia est, in qua principaliter logicalis directio exercetur: cum assensus primorum principiorum secundum se tali directione non egeat.

SECTIO PRIMA.

An detur in intellectu nostro Scientia.

Celebris olim de hac re quaestio fuit. Et quidam antiqui Philosophi, ij præcipue qui dicti sunt Accademici, scientiâ intellectui nostro negabant: dicentes, non posse nos certam & euidentem vilius rei noticiam assequi. Sed ad summum habere opinionem aliquam & incertam existimationem de rebus. Ita referunt Cicero de Academicis qq. Diuus Augustinus contra Academicos, Laertius libro 9. & alij. Aliqui verò addiderunt, non debere sapientem quicquam opinari, nè exponeret se errandi periculo. Ita refert de Lucullo Cicero libro 4. Accad. qq. & de Zenone D. August. lib. 2. contra Accad. cap. 4. Atque hoc virumque approbat Lactan. libro 3. Quin. Instit. cap. 3. & 4. Vnde hi omnes, scire cognitionis vsum, sicutem omne philosophandi studij, intellectui humano, vel abfuisse, vel prohibuisse videntur. Ex opposito alij docuerunt, omnium rerum dari scientiam ac demonstrationem. Ita refert Arist. 1. Poster. cap. 3.

Dico primò. Non datur in intellectu nostro omnium rerum scientia. Est res certa & perspicua, Primò, id Aristoteles docet & probat: quoniam scientia est cognitio discursiva, quæ ex principiis prius notis deducit conclusionem. Oportet ergo deuenire ad priora aliqua principia, quæ sint per se nota, & indemonstrabilia per alia priora: alioqui procedendum esset in infinitum. Vnde potius sequeretur nullius rei dari scientiam, quia non datur perfecta scientia rei, nisi resolueretur vique ad prima principia. Nec dici potest, eadem principia scientifica mutuo demonstrari per sitas conclusiones. Dari enim non potest circulus & regressus in demonstratione. Hac ratio Arist. probat, concedendam esse cognitionem quandam certam & euidentem priorem scientia, quæ non sit formaliter scientia, sed sciendi principium.

Secundò præcipue probatur, non habere nos omnium rerum noticiam ce-

ram & euidentem. In primis enim innumera sunt, quæ penitus ignoramus; & antequam quispiam rerum noticiam compararet, vique non habebat rerum scientiam nec noticiam. Deinde, multa sunt de quibus cogitamus quidem, tamen dubitamus an sint, & quomodo sint. Plurima verò de quibus opinionem tantum & probabilem existimationem habemus absque omnimoda certitudine, sed potius cum formidine de parte opposita, i. ut cuique notissimum est, vitopet propria experientia exploratum. Demum de contingentibus & corruptibilibus, de omnibus propositionibus rerum creaturarum existentiam concernentibus, possumus habere, & in multis habemus, certâ firmamque noticiam: tamen non est adhuc scientia in rigore dicta, quæ est necessaria & immutabilis, ut postea ostendemus.

Tertiò hinc patet, in quibusdam rebus ex defectu nostri intellectus peculiaritè provenire, ut non assequamur perfectam scientiam: quia scilicet res ipsæ in se scibiles sunt, habent veritatem necessariam, & non deest in rebus medium, quibus sciri possint: tamen nos non assequimur talia media, & ipsarum rerum scientiam. In alijs autem rebus, provenire peculiaritè ex defectu rerum: in rebus scilicet contingentibus & mutabilibus. In quibusdam demum provenire ex perfectione earum: in primis scilicet principijs, quæ cum per se nota sint, demonstratione non indigent.

Dico secundo. Datur in intellectu nostro multarum rerum scientia. Hac est Aristot. Cicero, D. August. locis citatis. Et est ac semper fuit certa & nota apud omnes rectè philosophantes. Et primò, clarissimum est, habere nos multarum rerum certam & indubitam noticiam, aliquæ vlla formidine de parte opposita. Sic scimus, mundum calos, elementa existere, & alia quæ videmus ac sensibus percipimus. Quisque certissime scit, se existere, se esse hominem, se facere, se fecisse tales vel tales actiones. Quisque etiam certissime & perspicue novit quædam notissima principia, de quibus etiam si velit, dubitare non potest: ut omne totum est maius sua parte, quodlibet est vel non est, & alia plurima. In-

terdum

Non omnium rerum datur scientia.

Multarum rerum datur scientia.

terdum autem nomine scientie intelligitur omnis notitia certa & evidens, & hoc sufficit ad redarguendum illos, qui nullius rei certam notitiam admittebant.

Secundo, Non male contra eosdem argui solet. Qui dicit nullius rei dari scientiam: aut apte id scit, aut nescit. Si nescit: quomodo asserit? si scit ergo dum negat scientiam, eam plane adstruit. Hoc argumentum adeo valuit apud illos antiquos: ut propterea Chrys. Metrod. initio lib. de Nat. vltimo, ut refert Cicero libro 4. Accideret qd dixerit: *Nego scire nos, sciamus ne aliquid, an nihil sciamus: ne id ipsum quidem scire aut nescire, scire nos, nec omnino su ne aliquid, an nihil sit.* Socrates verò, eodem Cicerone teste, dicebat nihil se scire posse. Excipiebat vni tantum se scire, scilicet nihil scire. Sed non est cur in huiusmodi ineptiis rellehdendis immoremur.

Tertio probatur dari in nobis scientiam, cum omnibus alijs conditionibus ad rigorosam scientiam requisitis. Habemus certam notitiam de plurimis veritatibus necessarijs & immutabilibus: habemus per discursum & illationem ex primis principijs, ita vt sine omni dubitatione & formidine per viam demonstrationis assequamur certam & evidentem multarum conclusionum notitiam. At hæc est scientia in toto rigore dicta. Ad quam etiam naturali instinctu humanum ingenium inclinatur: omnes homines naturaliter scire desiderant. Et ad quam assequendam dignum est in tot varijs facultatibus diligenter conari & studio eniti atque incumbere.

In cotarium obiebat antiqui. Primo, omnis nostra intellectiua cognitio originem trahit a sensu & cognitione sensitiua: causaturque sensuum experientia: vt docet ipse Aristoteles initio Met. 1. Post. cap. vltimo. & 1. Post. tex. 134. vbi addit, deficiente sensu, necessario etiam scientiam aliquam deherere: quia etiam si scientia sit de vniuersalibus que non percipiuntur sensu: tamen vniuersalia colliguntur per inductionem a singulis: circa quos primo est sensus. At sensus, sæpe, fallitur. Videmus remum fræcui in aqua, colores apparentes vbi non sunt, magnam videmus vt parua, dul-

cia aliquando videntur amara, & omne experimentum esse fallax: ergo consequenter dubitare possumus ac debemus, an etiam intellectus decipiat in ijs quæ alioqui certa videntur: quia forsasse ex ipsis sensibus hauserit errorem.

Respondetur primo ex Aristotele 4. Metaphys. tex. 24. Sensum circa proprium obiectum, positis debitis circumstantijs & remotis impedimentis, non falli. Quod etiam docuit 1. de Ani. 63., 152., & 161. Et habetur apud Ciceronem loc. cit. *Maxima est in sensibus veritas, si sani sunt & valentes, & omnia remouentur que obstant & impediunt.* Hinc merito non dubitamus, quin res ita se habeat, vt a sensu bene disposito cum debitis circumstantijs percipitur, Solen esse lucidum, nunc esse diem, & similia. Secundo deinde verum est, interdum ob defectum alicuius circumstantiæ, vel indispositionem organi sensitiui, sensum falli: vt ob nimiam distantiam res apparet minor, ob crassitudinem medijs apparet remus inflexus in aqua, ob reflexionem lucis apparent colores, ob prauam dispositionem organi dulcia sentiuntur amara. Sed non propterea dubitandum est de omnibus quæ sensu percipimus. Admiratio enim dignum est, ait Arist. 4. Metaph. 24. *si hoc dubitant, verum tanta sint magnitudines, talesque colores, quales eminus, an quales cominus apparent, & verum qualia sanis, an qualia ægris.* Quinimo valet intellectus suo discursu aliquumque sensuum ope, corrigere errorem alterius sensus. Vt tangentes remum in aqua, aut extrahentes & conspicientes, alioque medio discurrentes, certo scimus remum esse rectum & non fræctum vel inflexum. Itaque non semper ex errore sensus, decipitur etiam intellectus. Tertio demum, circa veritates necessarias & essentielles non spectantes ad rerum existentiam, de quibus veritates proprie datur scientia, & ad quædam alienum intellectus ex innato lumine inclinatur, non decipitur intellectus errore sensuum. Non enim fieri potest, vt intellectus affirmet idem simul esse & non esse, vt neger totum esse maius sua parte, & similia, quia ex sensibus accipit quidem rerum species & simplicem apprehensionem, tamen non ex iudicio sensuum, sed ex innato lumine.

Non ob-
stant cer-
titudini
scientiæ, et
vires sen-
sum.

aliquosque
omni vni
omni vni
omni vni

lumine præbet assensum talibus veritatibus, & consequenter conclusionibus quæ ex ijs inferuntur.

Nec ob-
stant va-
ria & fal-
sa opinio-
nes homi-
num.

Obijciunt secundum. Nihil penè est tam certum & evidens, quod non ab aliquo fuerit in dubium revocatum, aut etiam expresse negatum. Quidam enim apud Aristot. 4. Metaph. tex. 9. dicebant, idè simul esse & non esse: & tamen idem. Aristot. tex. 8. testatur, omnium certissi- mum principium esse, non posse idem simul esse & non esse. Anaxagoras etiam apud Ciceronem libr. 4. cit. Accad. qq. dicebat, nunc esse nigram: de quo mer- cator dixit Laëtan. lib. 5. Divin. Institut. cap. 3. Cuius inveni amentum futurum, & tamen id apertissime est contra iudicium sensuum. Alia etiam possum dicta inveniuntur contra ea quæ nobis certissima ap- parent. Signum ergo est, omnia esse dubia & incerta.

Respondetur. Non propter incertiam potius stultitiam aliquorum, debere nos induci ad dubitandum de ijs quæ evident- ter nobis constant, & certò comperimus vera esse. Imo Aristot. 4. Met. textu 18. arbitrat, eos Philosophos, qui dice- bant idè simul esse & non esse, non quidè id mente putasse, sed tantum ore pronun- tiasse. Quod sic demonstrat: quia ali- quis eorum ambulans, vti que non per- gebat ad puteum aut præcipitium, sed il- lud videns, declinabat ne caderet: vin- de non similiter putabat, bonum & non bonum cadere: sed optimè cognoscebat & determinatè, bonum esse non cadere.

Nec ob-
stat muta-
tio & suc-
cessio re-
rum.

Obijciunt tertio. Res creatae sunt in continua mutatione: at scientia esse debet de rebus perpetuis & immutabilibus, alioqui non est firma & stabilis, sed erit etiam variabilis & incerta: ergo non datur certa veritas nec scientia. Imo propter hoc argumentum Plato posuit ideas illas separatas æternas & immuta- biles, de quibus defendebat dari certam firmamque scientiam. At illas ideas Ari- stot. prorsus abstulit. Nec certe de illis ideis est nostra scientia, quam nos puta- mus de rebus habere. Ergo nulla superest scientia.

Respondetur cum Aristot. 4. Met. tex. 22. & 23. Etiam si res essent in continua mutatione, saltem in aliquo momento extaret, atque id posset sciri: tunc, saltem

hoc ipsum posset sciri, res semper muta- ri. Deinde, non omnes res sunt ita muta- biles, vt patet. Vnde optimè Aristot. tex. 23. Dignum est, reprehendere eos qui ita arbitrantur: quoniam cum & ipsorum sensibilibus pauciora sic esse viderent, de- notò tamen eas similiter senserunt. Hic enim qui circa nos est solum sensibilem locus, in corruptione & generatione est, qui nulla, ut ita dicam, universi pars est. Vnde iustius fuisset, propter illa ista etiam absoluisse, quæ propter ista illa condemnasse. Demum, res creatae sunt mutabiles secundum existen- tiam & secundum prædicata accidentia: at nulla res est mutabilis secundum essentiam & prædicata essentialia: idest omnes veritates essentialia sunt necessa- riæ & immutabiles. Et de his propriè datur scientia.

SECTIO SECVNDA. Vtrum Scientia in nobis acqui- ratur de nouo.

Commemorat hoc loco Aristoteles *Platonis sententia.*
1. Poster. cap. 1. sententiam Plato- nis, qui in Menone, Phædro, Phadone, & lib. 12. de Reip. docuit, nullius rei scientiam à nobis acquiri de nouo, quasi nunquam antea præhabitam: sed potius omnem nostram scientiam esse remini- scentiam rerum antea cognitarum. Pu- tauit enim, animas rationales omnes fuisse à Deo antea conditas, priusquam infunderentur corporibus: & in illo sta- tu habuisse perfectam scientiam rerum omnium. Postea ex eo demissas in cor- pus, non tanquam in naturale domici- lium, sed tanquam in carcerem vel sepulchrum: ipsiusque corporis contagio- ne fuisse oblietas omnium quæ antea no- uerant. Sed tandem consequenti induc- tia & sensuum ope, omnium reminisci- tra scientiam non acquiri de nouo, sed esse quandam reminiscentiam. Rursus aliqui opinati sunt, simul atque animæ creatæ sunt & corporibus infusæ, acce- pisse à Deo habitus scientificos, ex quibus postea actus deponunt.

Dicendum tamen est cum Aristot. & aliis cum Philosophis cum Theologis, re- rum scientiam acquiri in nobis de nouo. Et quæ res certa. Et primò quidem non fuisse

Scientia
acquiri-
tur in no-
bis de no-
uo.

fuisse animas hominum ab initio conditas antequam corporibus infunderentur, ut in illo statu potuerint habere scientiam; sed tunc singulas creari, cum suis corporibus vniantur; est de fide, definitum in Concilio Lateran. sub Leone Decimo Sess. 8. Et multis etiam rationibus probatur à Sancto Thoma 2. contra Gent. cap. 83. ubi oppositum errorem tribuit Origeni, & pluribus Hæreticis, præcipue Manichæis. Porissima autem ratio est: quia anima rationalis est vera forma, constitutus simul cum materia hominem: forma autem non debet vnique per se creari separata: sed solum dum vultur materia. Quia verò anima rationalis est immortalis, ideo permanet adhuc post separationem à corpore: sed nulla ratione debebat etiam antea separata creari & conseruari.

Secundo vltius certum est, animam rationalem infundi corpori, non vt in carcerem & sepulchrum, quasi in poenâ: sed quia naturaliter ita exigit, quoniam ex sua essentia est forma, & pars ordinata ad hoc, vt per vnionem cum alia compare constituat totum compositum per se vnum: ergo dici non potest animam per vnionem ad corpus amisisse scientias si quas antea habuisset, oblitus fuisse rerum quas antea nouerat. Vt enim arguit optimè S. Thom. prima parte quat. 24. art. 3. non potest naturalis perfectio & operatio rei impediri per id quod est maxime naturale ipsi rei.

Tertio. Animam non habuisse scientiam antequam illam acquireret, non habuisse habitus scientificos, nec species intelligibiles rerum, probat idem S. Tho. loco proxime citato, & 1. 2. quat. 51. art. 1. & alibi. Docet etiam Aristot. 3. de Anima tex. 13. ex quo loco sumptum est vulgatum illud axioma, intellectum ex natura sua esse velut tabulam, in qua nihil est scriptum aut depictum. Et patet ratione: quia ideo homo indiget sensuum ministerio, vt hoc modo acquirat species intelligibiles rerum: non ergo habuit illas antea à natura congenitas. Ideo etiam indiget actu frequenter, vt habitus in se signat quibus acquirat maiorem promptitudinem & facilitatem ad actus: non ergo antea habebat habitus scientificos, sumendo habitus

pro qualitatibus à potentia intellectiua distinctis. Sed à natura habuit facultatem tantum & virtutem, qua sua industria & diligentia rerum sibi noticiam, & scientiam compararet.

Quarto. In vniuersum nostram scientiam non esse remissilem entium rerum, quasi res antea cognite fuerint, probatur ex Aristot. 1. Metaph. tex. 49. Si vnusquisq. antea habuisset noticiam rerum quas postea de nouo edisceret, saltem aliquando recordaretur se antea eadem rem cognouisse: sicut compertum est, nos quando per remiscētiā repetimus ea quæ prius noueramus, solere etiam recordari de illa priori notitia. At experientia constat, quamlocunque quis incipit alicui scientiæ operam dare, non inuenire res sibi antea notas: sed potius inuenire sibi prorsus nouas & hactenus ignotas. Non ergo nostra scientia est remiscētiā: nisi quando post rerum noticiam primò acquiram, iterum de rebus scitis & cognitatis recogitamus.

In contrarium, Primum fundamentum Platon. erat: quoniā vocatus aliquis adulescens, qui alicui scientiæ operam nunquam dederit, si ordinatè interrogetur de rebus eius scientiæ, aptè & rectè ad omnia responderit: igitur habuerat aliquando eandem scientiam, & postea illis interrogationibus memoriā excitantibus, reminiscitur.

Respondetur. Certè si homo ignarus interrogetur de difficultatibus alicuius scientiæ quæsitis, vel nihil aptè respondebit, vel casu aliquid rectè. Si autem de rebus facilibus & de se scizim perspicuis interrogetur; ex vi luminis naturalis iudicetur ad rectè respondendum, etiam de rebus nunquam antea cogitatis. Multum etiam conferet perspicacitas ingenii in eo qui respondet, & clara explicatio interrogationis: vt ad plura & rectius is qui interrogatur valeat respondere. Et alioqui si ex vi noticiæ antea præhabiti is bene responderet, statim ei veniret in mentem, se antea rem sciuisse: & tunc ita responderet, sicut antea se scisse reminisceretur. Vnde rectè Arnobius lib. 2. aduersus Gent. *Quid in Menone à Plato quadā rationibus numeri adnota ex puerculo scisciscitis, & ex eius miteris responsionibus compertebat, quæ discam; nō discere, sed in*

Nostra scientia non est remiscētiā.

Primum Platonis fundamentum falsum.

sed in eorum memoriam quæ antiquitus noneramus venire? Qui si tibi verè respondet, non rerum scientiam, sed intelligentiam ducitur.

*Secundum
fundamentum
sum solui
tur.*

Secundum fundamentum Platonis erat, Cum quis inquirat aliquam veritatem de aliqua re: aut hanc rem prius nouerat: aut non. Si primum habetur intentum. Si secundum: ergo inuestigare non potest. Nemo enim inquit veritatem rei de qua nunquam cogitauit. Igitur habet: mus aliquando rerum noticiam, quam postea noua inquisitione denuo reuocare conamur.

Respondetur. Afferendo prius instantiam. Ad hoc vt nunc actu inquiramus de re aliqua, oportet vt nunc actu eam in mente cogitemus. At Plato tantum ponebat scientias quæ tantò ante præcesserant. Nihil ergo iuuant illæ scientiæ. Sed sistendum est in noua scientia & cogitatione quam de rebus acquirimus. Et ad argumen. dicendum: cum qui veritatem inquit, habere in mente saltem apprehensionem rei, vel etiam habere aliquam, probabilem existimationem, aut dubitationem: & ex hoc inquirere, vt tota noticiam & perfectam scientiam assequatur.

SECTIO TERTIA.

Quid sit Scientia.

IN scientiæ ratione explicanda, & tractandis conditionibus ad eam requisitis, dissensio inter Auctores orta est ex varia vsurpatione nominis scientiæ: dum alij laxius, alij pressius, nomen scientiæ sumunt. Sed curandum præcipue est, illam acceptionem scientiæ inuenire, illasquæ conditiones, quæ sunt de mente Aristotelis hoc loco. Et ante omnia, supponimus, scientiam hic non sumi acceptione vulgari, quæ omnis cognitio intellectualis maxime iudicatur: solet nuncupari scientia, sed pro perfectiori quadam cognitionis specie: vt iam antea distinguebamus scientiam ab opinione.

*Scientia
definitur.*

Scientia ergo definitur ex Aristotele 1. Poster. tex. 5. Est cognitio intellectualis rei per causam per quam res est, ita vt non possit aliter se habere. Dicitur

primò, cognitio intellectualis. Et hoc est genus scientiæ, in quo conuenit cum omni alia cognitione intellectus, & per quod differt: non solum ab omnibus alijs rebus, sed etiam ab omni cognitione sensitiua.

Dicitur secundò, per causam: quæ particula contrahit genus cognitionis intellectualis ad genus magis propinquum, nempe ad cognitionem discursiuam. Quia per hanc particulam denotatur, scientiam esse cognitionem rei per aliquod medium, ita vt ex notitia talis medijs intellectus desumat noticiam rei, ex notitia antecedentis notitiæ consequens. Soet. tamen 1. Post. c. 3. q. 2. ad 4. principale, Ballolis in Prolog. Sent. quæst. 5. art. 3. & quidam alij docent, non esse de essentiali ratione scientiæ vt sit discursiua, sed satis esse si vno simplici intuitu cognoscatur res & causa rei. Et causâ quæ ponitur in definitione scientiæ dicunt non esse causam cognoscendi, sed tantum esse causam essendi. Quoniam Deus habet perfectissimam scientiam, & Angeli habent scientiam multò perfectiorem, quam homines; & tamen Deus & Angeli non discurrunt.

*Scientia
est cognitio
discursiua.*

Dicendum tamen est, posse quidem vno modo accipi scientiam pro cognitione perfecta, etiam si discursiua non sit: hoc tamen modo non sumi tantum pro cognitione rei cum causâ essendi, sed absolute pro cognitione rei: alio autem modo de mente Aristotelis hic debere sumi scientiam pro cognitione discursiua, & hæc est de qua nos agimus. Explicatur & probatur hoc totum: quia, satis exploratum est, Deo & Angelis tribui scientiam, vtique sumendo scientiam pro cognitione perfecta, licet non discursiua. Sic autem dicitur scientia, non tantum quatenus cognoscitur causa rei: sed quatenus absolute cognoscitur ipsa res, etiam si non habeat causam. Sic dicitur scientia Dei de se ipso. Dicitur etiam scientia de primis principijs quæ non habent aliam causam suæ veritatis.

At verò Aristoteles hic somit scientiam pro notitia quæ demonstratione pignitur, vt est notissimum. & statim post explicatam & probatam rationem scientiæ docet cognitionem scientificam habere per demonstrationem. Et manifestè suppo-

supponit, causam positam in definitione scientiæ esse causam cognoscendi. Hæc etiã scientia est quæ convenit intellectui humano, & distinguitur ab illa notitia quæ haberi potest sine discursu sed ipsa scientia est species notitiæ discursivæ. Et de hac modo sub genere tertiæ operationis agimus.

Dicitur tercio in definitione, per causam per quam res est. Vbi notandum est, dupliciter posse medium esse causam conclusionis: vel tantum in cognoscendo, quia est causa intellectui ut assensum præbeat conclusioni: vel in cognoscendo & essendo simul, quia est causa ut res sit, & ut cognoscatur. Primo modo potest esse medium sciendi, etiam illud quod realiter est effectus rei: ut lux diei est effectus præsentia Solis, & potest esse causa cognoscendi præsentiam Solis. Secundo modo idem est simul medium cognoscendi & causa essendi: ut hominem esse rationalem, est causa ut homo sit & cognoscatur esse rationalis. Aristoteles ergo, dum ait per quam res est, accipit causam secundo modo, quæ sit causa tum in cognoscendo tum etiam in essendo.

Propter quod distinguere oportet duplicem scientiam: unam magis perfectam, quæ procedit per causam essendi; alterã minus perfectam, quæ procedit per causam tantum cognoscendi & non essendi: sic etiam distinguitur duplex demonstratio, ut postea videbimus. In præsentia ergo definitione, Aristoteles definire voluit specialiter scientiam magis perfectam: sed passim postea in progressu operis, assignat etiam scientiam quæ est per causam cognoscendi & non essendi. Ut ergo definiatur adæquatè scientia utriusque communis: non est apponenda illa particula, per quam res est: sed sat est dicere, scientia est cognitio rei per causam.

Dicitur quarto, ita ut non possit aliter se habere. Hæc particula referenda est, tam ad rem quæ cognoscitur, quam ad cognitionem ipsam. Ad rem quidem ut sensus sit, rem non posse aliter se habere, quam sicut cognoscitur. Ad cognitionem quoque, ut intellectus cognoscat atque percipiat rem non posse aliter se habere. Itaque ex hac particula habetur veritas & necessitas & certitudo scientiæ. Veritas & necessitas, quia utique

non est scientia, nisi vera: cognitio enim falsa non est scientia, sed est error. Et non est scientia, nisi necessaria de re quæ non potest aliter se habere.

Explicatur pariter certitudo scientiæ. Nam dupliciter potest intellectus alicui rei assentiri: vel ita firmiter adhaerendo, ut certo putet ita esse & non aliter: vel cum formidine aliqua de parte opposita, quia putat rem posse aliter se habere.

Scientia ergo debet esse assensus certus & firmus: ita ut intellectus ita perscipiat rem taliter se habere, quod nullam formidinem admittat de parte opposita. Duplex autem certitudo distingui solet. Una dicitur extrinseca & ex parte subiecti: alia dicitur intrinseca & ex parte obiecti. Extrinseca est, quæ non provenit ex necessitate & infallibilitate obiecti cogniti, quod ita se habeat sicut cognoscitur, & non possit aliter se habere: sed provenit potius ex affectu & voluntate sic putare volentis, vel ex aliquo inepto syllogizandi modo, vel ex aliqua falsa præmissa, cui intellectus præbebat assensum. Atque adeo hæc certitudo extrinseca potest etiam in cognitione falsa reperiri, & reperitur in Infidelibus qui suis erroribus pertinaciter adherent. Certitudo intrinseca est, quæ nascitur ex ipsa firmitate, stabilitate, infallibilitate, & necessitate obiecti cogniti, quod non potest aliter se habere. Cognitio hoc modo certa, semper est vera, & non potest esse falsa. Scientia ergo est hoc modo certa. Et hoc significatur, dum in definitione dicitur, ita ut non possit aliter se habere.

Rursus aliter solet triplex certitudo distingui. Prima est moralis, quæ dici solet certum esse moraliter illud quod, a viro magnæ auctoritatis, vel quod a plurimis testibus fide dignis asseritur. Sic certum nobis est, extare Constantinopolim in orbe terrarum, Alexandrum in Græciâ imperasse: & similia dicimus esse certa, de quibus nullatenus dubitamus. Secunda est certitudo physica, quæ est de re naturaliter quidem necessaria, tamen per causam aliquam, saltem per Dei potentiam absolutam, mutabili. Sic dicimus, certum esse, cras Solem esse exoriturum, lapidem si deiciatur descensurum, & similia. Tertia est certitudo quæ dicitur metaphysica aut mathematica, quæ est de

Est pro-
fus certa.

Scientia
incommu-
ni debet
esse per
causam
cognoscen-
di.

Scientia
est vera
& immu-
nabilis.

re prorsus necessaria & immutabili: & hæc certitudo habetur de veritatibus essentialibus rerum. Dum ergo dicitur in definitione scientiæ, ita ut non possit aliter se habere: intelligitur, ita ut nullo modo, nec etiam per Dei potentiam absolutam possit aliter se habere. Atque certitudo tertio modo dicta, est de ratione & quidditate scientiæ.

An sit evidens.

Deinde difficultas remanet, an ex vi definitionis traditæ, etiam evidentia sit de ratione scientiæ. Pro qua re explicare oportet, quanam sit cognitio evidens & clara, quæ verò inevidens & obscura. Sanctus Thomas 2. 2. quæstione 1. art. 4. & quæst. 14. de Verit. art. 9. aliique communiter, sic rectè explicant. Illud dicitur obiectum evidens, quod propositum intellectui, se ipso movet intellectum ad assensum, & intellectus suo innato lumine inclinatur ad præbendum assensum. Sic evidens est, idem simul non posse esse & non esse. Statim enim apprehensa hæc propositio, obiecto ipso trahente, & intellectu obsequente, assentimur. Omniaque huiusmodi principia dicuntur per se nota. Item dicitur evidens conclusio quæ ex talibus principiis inferitur. Nam similiter statim per viam illationis intellectus præbet assensum conclusioni. Tale autem obiectum dicitur evidens & notum per aliud, non per se. Additur à Caietano eodem loco secunda secunda aliisque communiter tertius modus evidentiæ, ab experientia & ex cognitione sensitiua: cum nempe oculis cernimus, aliove sensu percipimus aliquod obiectum, & intellectus iudicat idem quod sensu apprehenditur. His omnibus modis dicitur evidentia, quasi clara videntia, obiecti: illa enim videri dicuntur, ut ait Divus Thomas loco citato 2. 2. quæ per se ipsa movent intellectum nostrum aut sensum ad cognitionem sui: & alio loco citato de Verit. ait, quibus non propter alienum testimonium, sed propter testimonium proprii intellectus assentimur.

E contra obiectum inevidens dicitur illud, quod per se propositum intellectui, non statim se ipso, aut per principia intrinseca quæ naturaliter modo explicato sint intellectui nota, siue per conformitatem naturalem inter lumen rationis & obiectum, movet intellectum

ad assensum: & in quo non statim apparet veritas & vera conexio extremorum: sed adhuc intellectus manet indifferens & veluti suspensus, donec accedat extrinsecum aliquod morium assentiendi; cuiusmodi est testimonium & auctoritas alicuius asserentis rem ita se habere: & cognitio quam hoc medio intellectus habebit, dicitur inevidens & obscura, qua intellectus non videndo credit quæ per testimonium extrinsecum sibi manifestantur. Hæc autem inevidentia potest esse cum summa certitudine & infallibilitate. quo pacto se habet Fides diuina, quæ credit mysteria reuelata per auctoritatem Diuini testimonii: est enim inevidens & obscura: sed certissima, cum innitatur testimonio Diuino quod est penitus infallibile.

Ex his patet illud discrimen quod assignari solet inter rem & cognitionem, evidentem, atque inevidentem. Quod rebus evidentibus propositis intellectus ita rapitur ad assensum, ut dissentiri non possit; neque sit necessaria motio voluntatis, ut inclinetur ad assensum. In rebus autem inevidentibus, ut intellectus credat ob auctoritatem attestantis, indiget libera motione voluntatis, qua inclinetur ad assensum. Et voluntas manet libera etiam quoad specificationem, ut possit facere intellectum dissentiri. Sic actus fidei in nobis est omnino liber, & per liberam motionem voluntatis captivamus intellectum in obsequium Christi. Atque tam multi sunt qui non credunt, quoniam ex libertate suæ voluntatis nolunt credere.

His suppositis, dubitatur, an evidentia sit de ratione scientiæ, & non sufficiat infallibilis certitudo. Quæ dubitatio specialiter movetur propter sacræ Theologiam, ad videndum an sit scientia. Constat enim Theologia in inferendis conclusionibus ex præmissis fidei notis, siue ex una præmissa de fide, & altera naturaliter evidenti. Vnde conclusio theologica per talem syllogismum probata, est quidem certissima, sed non est evidens, cum non ex ambabus præmissis evidentibus inferatur. Et alij affirmant, alij negant, Theologiam esse scientiam. Sed etiam multi qui affirmant, fatentur adhuc de ratione scientiæ esse evidentiā, atque

atque etiam ipsi Theologiæ conantur aliquo modo tribuere euidentiã. At vero Masius primo Posterior. capite 26. questione tertia, docet euidentiã non esse de ratione scientiæ.

Scientia de mente Arist. debet esse euidens.

Dicendum tamen est, de ratione scientiæ in eo rigore sumptæ quo hic ab Aristotele assignatur, omnino esse euidentiã: posse autem & debere alio modo sumi scientiam pro cognitione discursua certa & infallibili abstrahendo ab euidentiã; & sic esse admittendam scientiam aliquam ineuidentem. Probat clarè prima pars ex Aristotele, qui in toto hoc opere passim docet, præmissas ex quibus conficitur demonstratio, & gignitur scientia esse debere per se notas, atque conclusionem debere resolui in principia per se nota: & similia quibus plane supponit, scientiam esse noticiam euidentem conclusionis, genitam ex euidenti noticiã præmissarum. Et quidem cum Aristot. non cognosceret illam infallibilem certitudinem, quam nos habemus in ipsa fide Diuina; non poterat nisi per rerum euidentiã assignare infallibilem certitudinem & necessitatem scientiæ. Potest etiam in ipsa definitione scientiæ hæc conditio euidentiæ inueniri, in illa particula, ita ut non possit aliter se habere: si nimirum hæc particula referatur ad ipsam cognitionem scientificam; & intelligatur, ita ut intellectus non possit aliter cognoscere & iudicare, non possit dissentiri. Hoc enim conuenit cognitioni euidenti, & non conuenit noticiæ Theologiæ quæ fundatur in fide Diuina, quæ in nobis libera est. Aristot. tamen illam particulam simpliciter referre videtur ad necessitatem quæ cognoscatur in obiecto, idest ut intellectus cognoscat obiectum non posse aliter se habere. Sed postea in sequentibus declarat, euidentiã in ipsa cognitione esse de ratione scientiæ.

Insuper in hac rigorosa acceptione scientiæ, euidentiã debet esse ex parte rationis, & non sufficit illa euidentiã experientialis & ex parte sensus, quam ex Caietano commemoramus. Nam euidentiã sensitiua potest admittere falsitatem: ut patet, quia sensus decipit potest: & potest Deus conseruare in oculo speciem visiuam obiecti, & auferre

ipsum obiectum: tunc oculus eodem modo videbit obiectum, ac si esset reuera existens & præsens, atque adeo dabitur iudicium in intellectu, & noticiã per sensum, euidens de tali obiecto: & tamen iudicium erit falsum. Euidentiã autem rationis est, quæ non admittit nec comparatur falsitatem: hæc ergo est quæ constituit scientiam necessariam & infallibilem.

Deinde altera pars assertionis de alia communiori acceptione scientiæ, patet: quia Theologia, licet non sic euidens, solet frequenter scientia appellari. Et merito quia est prorsus certa & infallibilis, atque defectum euidentiæ supplet summa certitudo luminis supernaturalis, & reuelationis Diuinæ in qua fundatur. Idquæ proprio loco prima parte questione prima fusiùs ostendetur. Potest ergo & debet sumi scientia in hac amplitudine, pro cognitione discursua certa & infallibili: quæ deinde duplex esse potest, vel per euidentiã naturalem, vel per reuelationem supernaturalem. Ceterum hoc loco cum Aristotele agendum est de scientia rigorosè dicta, quæ est euidens. Vnde etiam desumi poterunt multa communia ad scientiam in alia acceptione sumptam. Quæ verò sacræ Theologiæ propria sint, in ipsa Theologia tradenda sunt.

Postremò. Aliqui vterius addiderunt, de ratione essentiali scientiæ esse, ut sit, non requiritur propter se ipsam, siue gratia sui, idest, ut sit ut non ordinetur ad operandum: atque adeo scientiã propriè dictam esse speculatiuam, cognitionem verò practicam propriè non esse scientiam. Et ita defendunt. Sanc. tom. 1. Log. questione 11. Vallius 2. Poster. dispuc. 4. parte 3. questione 4.

Absolutè tamen dicendum est, hæc conditionem non esse de ratione scientiæ. Patet, quia hæc controuersia non potest esse nisi de nomine, qualiter accipiendum si nomen scientiæ: & præsertim de modo quo ab Aristotele accipitur. Sed à Philosophis communiter scientia assignatur communis speculatiuæ & practiciæ, & Aristoteles in his libris, in quibus tam exactè de scientia & demonstratione pertractat, nusquam talem conditionem assignat, ut scientia debeat esse

Scientia potest, latius sumi, abstrahendo ab euidentiã.

Scientia non requiritur propter se ipsam.

576 Quæst. XXVI. De Scientia in communi.

esse gratia sui: sumit ergo scientiam communiter ad speculatiuam & practicam. Sic & in alijs libris solet assignare scientiam practicam quæ sit propter opus, ita p. Metaph. cap. 2. & lib. 2. tex. 3. & alibi Diuidit etiam scientiam in speculatiuam & practicam, vt quæstione sequenti videbimus. Neque in quopiam alio loco inuenitur accepisse scientiam in tali significatione, vt esse debeat propter se ipsam, & non nisi speculatiuam completatur. Quod examinando quædam loca quæ in contrarium videntur ob stare, perspicue ostendetur.

*Quædam
loca Ari-
stot. ex-
plicantur.*

Primò. Aristot. in his libris docet, scientiam esse debere de obiecto necessario & incorruptibili: at quæ non est propter ipsam, sed ordinatur ad opus, necessario est de obiecto operabili: quod autem est operabile non est necessarium & incorruptibile: ergo.

Respondetur. Etiam inter obiecta speculabilia quamplura esse corruptibilia, & tamen de iis secundum Arist. & omnes datur scientia, vt patet in Physica. Ergo de his omnibus dicendum est: etiam in rebus operabilibus & corruptibilibus inueniri veritates necessarias & immutabiles, spectantes ad rei essentiam, & de his dari scientiam: & huiusmodi esse etiam regulas ipsas practicas quæ de modo bene operandi traduntur.

Secundò. Aristot. 2. Metaph. textu 3. docet, scientiam practicam considerare causam non per se: ergo considerat per accidens. Sed scientia propriè dicta per se cognoscit rem per causam.

Respondetur Aristot. ipse clarè ait, nò per se, sed ad aliquid. Itaque non sumit ibi per se, vt opponitur per accidens, sed vt opponitur ad aliud. Et in hoc sensu scientia practica non considerat causam per se, idest propter se, & propter cognoscendum: sed considerat ad aliquid, nempe ad operandum. Quod non est contra rationem scientiæ. Sic etiam idem Arist. 1. Moral. Eudemior. cap. 4. cum doceat scientiam moralem ordinari ad operandum: simul docet, debere reddere rationes rerum quas docet, & non solum debere intelligere quid, sed etiam propter quid. Et 1. Metaph. cap. 1. in hoc distinguit artem, quo nomine intelligit etiam scientiam practicam, ab expe-

rientia, quòd sciat causam, & propter quid res sit.

Tertiò. Primo Metaph. cap. 2. Arist. videtur requirere ad perfectam scientiam vt sit gratia sui: & de antiquis Philosophis ait: *Quod causa cognoscendi, & nullius usus gratia. ipsum seire persequuntur.* Respondetur Arist. planè ibi docet, scientiam esse posse vel gratia sui, vel gratia operis: perfectiorem autem & nobiliorem esse, quæ est gratia sui. Et de hoc antiquos philosophos commendat.

Quartò. Difficilius est quod Aristot. 6. Ethic. ab initio distinguit duplicem animæ partem, vnam contemplatiuam, alteram operatiuam. Deinde in parte contemplatiua constituit tres virtutes intellectuales, scientiam, intellectum, & sapientiam: in parte operatiua duas, artem quam dicit esse factiuam, & prudentiam quam dicit esse actiuam. Docet etiam, artem & prudentiam esse circa ea quæ possumus aliter & aliter operari: & per hoc eas distinguit a scientia. Ergo Aristot. scientiam assignat tantum quæ est speculatiua, & quæ non est circa obiectum, aliter & aliter operabile. Cognitionem autem practicam, vocat artem & prudentiam. Et alioqui non apparet, quomodo hæc duplex alia virtus a scientia distinguatur. Nam tam ars, quam prudentia, debet esse cognitio certa & infallibilis: cum sint virtutes intellectuales, & distinguantur ab opinione. Ergo non aliter distinguuntur a scientia, nisi quia scientia est gratia sui, ars & prudentia gratia operis.

Respondetur. Aristot. partem contemplatiuam animæ appellat illam quæ considerat res in vniuersali, operatiuam vero quæ considerat res in singulari. Et per hoc distinguit artem & prudentiam a scientia: quia scientia est circa vniuersalia, ars & prudentia circa singularia. Et ita communiter ab antiquis Philosophis, ac etiam Theologi distinguunt. Ideò autem Arist. partem animæ quæ considerat vniuersalia vocauit contemplatiuam, quia operationes immediatè sunt circa singularia. & cognitio singularium est immediatè & proximè operatiua: consideratio autem vniuersalium magis mediatè & remotè confert & ordinatur ad operandum, vt habet.

SECTIO QUARTA.

De Obiecto Scientiæ.

habetur ex ipso Aristotele tertio de Anima tex. 53. & Diuo Thoma ibi lectione 16. Non ergo Aristoteles negauit scientiam practicam, quæ suo modo ordinetur ad opus : neque etiam cum prudentia & arte confundere voluit :

Hic totus sensus apertè colligitur ex ipso Aristotele primo Magn. Moral. capit. 32. Vbi eandem distinctionem partium animæ tradit per duplex obiectum, scilicet intelligibile & sensibile. Atque intelligibile esse obiectum partis indagatricis seu contemplatricis, sensibile partis consultatricis seu operatricis. Intelligibile sumit pro obiecto vniuersali, sensibile pro singulari : vt patet in textu. Et eodem sexto Ethicorum capite ostendit : *Particularium*, inquit, est prudentia, quæ experientia nobis innotescunt. Ex quo infer, iuuenes non esse prudentes, quoniam non sunt experti. Et infra : *Prudentiam non esse scientiam perspicuum est : est enim vltimi, sicut diximus : quippè cum eiusmodi sit id quod in actionem cadit. Vltimum intelligit singulare. Et capite septimo : Prudenti opus est, vt singula cognoscat : est enim actiua, & actio circa singularia versatur. Hinc fit, vt nonnulli etiam nescientes nonnullis scientibus actiuiores sint. Nescientes vocat eos, qui et si cognoscant singularia, non considerant vniuersalia de quibus est scientia.*

Nec obstat, quod ibi ait, prudentiam non tantum esse vniuersalium, sed opus est &c. & quod dixit primo Metaphysic. capite primo, artem esse de vniuersalibus. Nam primo loco tantum docere voluit, prudentiam esse in eo qui non tantum considerat vniuersalia, sed etiam singularia : & vt ait Sanctus Thomas secunda secundæ questione 47. articulo tertio, prudens debet cognoscere vniuersalia & singularia : prudentia autem propriè est circa singularia, & solet supponere scientiam vniuersalium. Secundo loco, artem latè sumpsit ; imo etiam confudit ibi cum scientia. Atque circa finem capituli, appellat artes mathematicas, eas quæ nullo modo ad operandum, nec ad necessitatem, nec ad voluptatem referebantur.

AD completam tractationem scientiæ, videndum modò superest, de quo obiecto esse debeat scientia, & quas condiciones requiratur obiectum, scibile. Vbi supponendum est, obiectum scientiæ, aliud esse complexum & est integra conclusio quæ demonstratur : aliud incomplexum, quod est subiectum eiusdem conclusionis. Et solet appellari, tum subiectum, tum obiectum scientiæ, de quo scilicet est scientia. De hoc obiecto incomplexo præcipuè nunc agendum est : de obiecto autem complexo, & de prædicato conclusionis scientiæ, multa simul dicentur hic ; alia, cum de demonstratione eiusquæ conclusionem tractabimus.

Primò ergo, ad obiectum scientiæ requiri solet, vt sit ens reale, ad excludendum entia rationis, & negationes. Videtur hæc conditio inuolui in definitione scientiæ, tradita ab Aristotele, est cognitio rei per causam per quam res est. Res enim & id quod est, propriè denotat ens reale. At Fonseca sexto Metaphysic. capite primo questione prima sectione sexta affirmat, non de solis entibus realibus, sed etiam de entibus rationis, & de non entibus quæ sunt negationes, dari scientiam. Quoniam de facto à Philosophis & à Theologis vtiliter de iis omnibus plerunquæ disseritur.

Ex his dicendum est, entia rationis & negationes habere quidem aliquem locum in scientijs : tamen scientiam perfectam, & præsertim scientiam totalem, esse debere de obiecto reali. Prima pars patet. Tum quia sæpè entia rationis & negationes considerantur in scientijs, tanquam prædicata quæ in conclusionibus scientiæ demonstrantur : vt in Metaphysica de ente demonstrantur, vnitas quæ est negatio, veritas & bonitas quæ dicuntur esse relationes rationis. De Deo ipso demonstrantur attributa negatiua, & denominationes rationis in ordine ad creaturas : & alia.

O o huius.

Obiectum scientiæ præcipuè debet esse reale.

huiusmodi passim in scientijs occurrunt. Tum etiam de ipsis negationibus & entibus rationis plerique solent in scientijs considerari, & discursibus evidenter demonstrari: ut hic in Logica speciali tractatu considerauimus ens rationis: & passim in alijs scientijs per reductionem ad obiecta realia, solent varia entia rationis & negationes considerari. Et præferim, sumendo adequatè scientiam pro omni cognitione discursiua evidenti, dubitari non potest, dari talem cognitionem etiam de entibus rationis & negationibus.

Secunda pars deinde facillè ostenditur. Tum quia idcirco dixit Aristoteles quarto Metaphysic. in principio, & libro 11. sum. 3. capite 1. Metaphysicam considerare eius ut ens est, reliquas verò scientias sibi obsecrere & considerare partes entis: & planè loquutus est de ente reali. Tum etiam viâ & ratione. quia de facto nulla scientia totalis extat, vel instituta est, habens pro obiecto suo totali ens rationis, vel certum aliquod genus entis rationis, vel negationem: & de Logica suo loco statimus, eius obiectum adequatum aut primum, non esse ens rationis distinctum ab ente reali. Et certè entia rationis ac negationes ad summum debent in scientijs collocari per reductionem ad entia & obiecta totalia. Igitur scientia perfecta & totalis non debet habere pro obiecto suo adequato, ens rationis aut negationem.

Definitio autem tradita scientiæ potest utroque modo explicari. Vel sumendo rem propriè & in rigore: sic definitio non competit nisi scientia habenti obiectum reale, quod realiter sit. Vel sumendo nomen rei amplè & latè pro omni obiecto cognoscibili: sicut sanè passim nominare solemus rem & cognitionem, non accipiendo rem in rigore reali, sed intelligendo quodcunque obiectum cognitionis. Et in hoc sensu definitio conuenit cuicunque cognitioni discursiue evidenti, etiam circa negationes & entia rationis.

Potest esse, vel substantia, vel accidentis. Secundo. Videri potest, obiectum scientiæ debere esse substantiam, & non posse esse accidentis. Nam Aristoteles sexto Metaphysic. capite secundo, aperte dixit, accidentis non esse scientiam.

Et septimo Metaphysic. textu 18. ait, solius substantiæ esse definitionem; ex quo sequitur, pariter solius substantiæ esse demonstrationem: imo medium, in demonstratione potissima est definitio obiecti. Addi potest ratio: quia accidens debet potius reduci ad substantiam: ergo non debet de illo dari per se scientia, præsertim scientia aliqua totalis.

Certum tamen est, non solum de substantia, sed etiam de accidenti, ac de ente communi substantiæ & accidenti, dari propriè & in omni rigore scientiam. Patet. Tum quia nec in definitione scientiæ quicquam apparet quo ad solam substantiam restringi possit. Tum, quia optimè possunt de accidentibus suæ passionis euidenter demonstrari. Tum quia de facto aliquæ scientiæ totales sunt quæ habent pro suo obiecto adequato aliqua genera accidentium: ipsa Logica cognitionem intellectuam; Mathematica quantitatem, & plures Mathematicæ partes, variat species quantitaris. Tum demum Metaphysica considerat ens, substantiæ & accidenti commune.

Aristoteles autem ibi sexto Metaphysic. non accepit accidens quod opponitur substantiæ: sed pro eo quod raro & fortuito accidit, vt ex contextu apparet. Et de his euentibus accidentalibus & fortuitis merito docet non dari scientiam. Sed textu sexto ait, omnem scientiam esse eius quod aut semper aut vt plurimum est. Et ferè hoc idem docet hic primo Posteriorum capite sexto. Alio loco septimo Metaphysic. non omnem definitionem accidenti negauit. Imo textu decimonono concludit: *Definitio aut solius substantiæ est, aut maxime primo & simpliciter.* Et supra explicauerat quomodo accidens quoque definiti posset, sed per additionem, hoc est ponendo in definitione ipsam quoque substantiam, quoniam per ordinem essentialem ad substantiam, per dependentiam a substantia, accidens constituitur.

Ad rationem adiunctam facillè dicitur: quasdam scientias esse, quæ sistant in consideratione accidentium, nec ad easmet pertinet considerare substantiam, a qua accidentia dependent: vt de

de non debent considerare accidentem per reductionem ad substantiam. Sic non pertinet ad Logicam considerare substantiam hominis, quod potius spectat ad Philosophiam: sed Logica sistit in directione cognitionis. Non pertinet ad Mathematicam considerare substantiam quantam, cum considerare debeat quantitatem abstrahendo à materia.

Potestesse, vel creatum, vel increatum. Tertiò. Dixerunt aliqui de solo ente creato, non autem de Deo dari posse scientiam hic definitam: quia Deus non habet causam per quam sit, nec vllum eius attributum habet causam per quam possit demonstrari, prout requiritur ad rationem huius scientiæ.

Dicendum tamen est, etiam de Deo dari scientiam. Tum quia si non per causam essendi, saltem per causam cognoscendi plerique de Deo ab effectibus demonstramus, vt notum est. Tum etiam aliquo modo à priori potest dari scientia de Deo. Quia, licet Deus eiusque attributa nullam habeant causam physicam & realem. Tamen nostro modo concipiendi cum fundamento in re distinguimus in Deo essentiam & plurima attributa: essentia se habet virtualiter tanquam prima ratio ex qua concipiuntur attributa manare: & vnum attributum solet concipi tanquam ratio prior, ex qua proveniat aliud attributum: & sic solent talia attributa de Deo demonstrari. Vt, ex immutabilitate ostenditur æternitas, ex intellectu voluntas: ex eo quod est ens a se, quæ est prima ratio quidditativa Dei, ostenduntur aliæ perfectiones, quæ concipiuntur veluti contentæ.

Et ad hunc sensum potest accommodari definitio scientiæ, non accipiendo causam in toto rigore: sed accipiendo pro quacunque ratione priori, ex qua concipitur alia ratio convenire subiecto. Sic etiam in rebus ipsis creatis sæpe non oportet, vt id quod demonstratur sit in toto rigore per causalitatem physicam & realem effectus medij per quod demonstratur: sed etiam per solam distinctionem & causalitatem virtualem potest saluari ratio scientiæ & demonstrationis. Vnde etiam si dicantur passionem non distingui à parte rei

ab essentia, adhuc possunt de illis demonstrari. Neque hoc quicquam derogat perfectioni scientiæ. Et eo magis hoc non obstat scientiæ de Deo, quominus sit perfecta scientia: quia id totum provenit ex summa perfectione Dei. Sicut etiam non obstat singularitas Dei, vt infra dicemus.

Quartò præcipue Aristoteles sæpe docet, obiectum scientiæ debere esse incorruptibile & æternum. Sic primo Posteriorum capite seprimo ait: *Non possibile est demonstratio corruptibilium, neque scientia.* Et sexto Ethicorum capite tertio: *Omne id quod scimus, non potest aliter se habere existimamus.* Scilicet igitur necessarium est æternum: quia enim necessarium sunt absolute, omnia sunt eterna: quæ autem sunt æterna, generationi & corruptioni minime subiaceant. Et in definitione ipsa scientiæ dicitur, ita vt non possit aliter se habere. Idem fuit sensus antiquorum Philosophorum, quorum alij propterea putantes omnia esse corruptibilia, negant dari scientiam: alij posuerunt idgas separatas incorruptibiles.

At ex alia parte, etiam de rebus corruptibilibus videtur dari scientia. Nam datur scientia de rebus naturalibus quæ est Physica; & aliæ scientiæ de similibus rebus, quæ corruptibiles sunt. Et patet ratione: quia possunt de ijs rebus sua predicata certò & evidenter demonstrari, vt experientia ipsa docet. Et alioqui de solo Deo dari posset scientia: quoniam omnes res creatæ sunt absolute mutabiles. Aliæ quidem naturaliter: Aliæ autem saltem per Dei potentiam absolutam. Possent enim Deus annihilare & calos & Angelos & omnia creata: & de facto hæc omnia non fuerunt æterna, sed coeperunt esse in tempore, quando creatæ sunt à Deo.

Ad saluandam scientiam rerum naturalium varijs modis conantur Auctores initio Physicæ defendere res naturales esse aliquo modo incorruptibiles. Aliqui dicunt, esse corruptibiles in particulari, incorruptibiles in vniuersali. Aliqui, esse incorruptibiles per se, corruptibiles per accidens. Aliqui, esse corruptibiles in potentia, non in actu. Aliqui esse corruptibiles negatiue, non

Quomodo debeat esse incorruptibile & necessarium.

Ita vt scientia eius obiecti non deficiat.

autem positiuè. Aliqui, esse incorruptibiles in actu signato, corruptibiles in actu exercitio. Alijsuè similibus modis. Quæ omnia intelligenda sunt eo pacto quo explicauimus quaestione octaua sectione quinta, naturas vniuersales non esse generabiles & corruptibiles. Sed hæc omnia non sunt modò necessaria; nec satisfaciunt, nisi accipiantur iuxta explicationem sequentem.

Nam adhuc potest instari: non solum res singulares, sed in ijs etiam naturas quæ dicuntur vniuersales desinere & corrumpi. Si autem dicantur non desinere quantum ad veritatem propositionum essentialium: idem etiam de ipsis singularibus erat pariter affirmandum. Insuper res naturales dici debent per se corruptibiles: quia ex sua intrinseca conditione ad interitum vergunt. Ac etiam si dicantur corruptibiles per accidens: id sufficere potest ad labefcendam debitam scientiæ firmitatem; quia veritas scientiæ nec per accidens deficere potest. Rursus ipse corruptibiles in actu, idest passim actualiter corrumpuntur. Ac etiam dum dicuntur corruptibiles in potentia: ergo sequitur, scientiam esse saltem defectibilem: at vera scientia nec deficit nec deficere potest. Item sunt corruptibiles positiuè, habent enim ex sua entitate talem potentiam vt corrumpi possint: corpora naturalia habent materiam quæ dicitur radix corruptionis. Sed etiam per hoc quòd dicuntur corruptibiles negatiuè, idest illis non repugnare corruptionem: sequitur, etiam ipsi scientiæ non repugnare falsitatem, quod est prorsus falsum. Demum ipse corruptibiles in actu signato, idest etiam secluso actuali exercitio corruptionis, valet dicere possunt corrumpi. Ac etiam dum in actu exercitio corrumpuntur: sequeretur, tunc etiam infirmari scientiam, & in illo exercitio ad veritatem deficere.

Dicendum ergo est, obiectum scientiæ debere esse incorruptibile, idest inuariabile & necessarium quantum ad veritatem propositionum essentialium, circa quas datur scientia: non autem quantum ad existentiam realem actua-lem. Siue scientiam dari de ijs veritatibus quæ sunt immutabiles & necessa-

riæ: non autem de ijs quæ sunt mutabiles & contingentes. Est res facilis. Nam de rebus creatis quantumvis corruptibilibus, aliquæ sunt veritates necessariae, & dicuntur propositiones æternæ veritatis: quæ veræ sunt, etiam si res ipsæ non actualiter existant, vt est notissimum & de his dari potest scientia. Sic scientia est necessaria & immutabilis. Et iuxta hoc debet intelligi Aristot. Aliæ propositiones sunt quæ concernunt actua-lem existentiam rerum, & mutantur sicut mutantur ipsæ res. De his potest quidem dari notitia certa & clara, quæ etiam potest dici scientia lato modo. Non appellatur tamen scientia in eo rigore, quo sumitur scientia pro notitia prorsus infallibili & immutabili. Itaque de nulla re creata quantum ad eius existentiam dari potest scientia in hoc rigore dicta: etiam si sint res naturaliter incorruptibiles. Sed de omnibus res dari potest quantum ad earum essentia: etiam si sint res quæ passim generantur & corrumpuntur. Imò de hac ipsa propositione, quòd res naturales sunt corruptibiles, quòd omnes res creatæ sunt annihilabiles à Deo, potest optimè dari scientia: quia talis propositio non est ipsa variabilis, sed est necessaria & æternæ veritatis. Et sicut veritates essentialis, sunt ita necessaria, vt nec per Dei potentiam absolutam variari queant: pariter scientia in hoc rigore sumpta, est ita infallibilis, vt per nullam potentiam possit reddi falsa.

Nec obstat quod Arist. 1. Post. tex. 181. & 6. Met. tex. 6. dixit, scientiam esse de ijs quæ sunt semper aut vt plurimū. Nam solum docere voluit, quando semper aut vt plurimum aliquis effectus sequitur ex aliqua causa, posse dari scientia de eo quod talis causa habeat naturalem virtutem & facultatem ad talē effectum, vt illū in rerum natura ponat nisi impediatur. Quod est scire virtutem & facultatē causæ per modum propositionis essentialis & inuariabilis, abstrahēdo ab existentia. Ad differētiā illorum euentuum quæ rarò & fortuitò accidunt, de quibus ibi docuit non dari scientiam. Vel scientiam non accepit in toto rigore: sed magis amplè, pro cognitione obiecti, naturali quadam necessitate determinati.

Quia.

*Esquomo
do etiam
de rebus
corrupti-
bilibus
possit dari
scientia.*

*Quomodo
debeat ef-
se vniuer-
sale.*

Quintò Vterius Aristoteles simul docere solet, obiectum scientiæ esse debere incorruptibile & vniuersale, atque de rebus corruptibilibus & singularibus non dari scientiam. Ita docet locis supra citatis, & septimo Metaphysic. 53. & alibi. Et hic lolet esse communis sentiendi & loquendi modus: de singularibus non dari scientiam. At ex aduerso videtur etiam de singularibus dari scientia: quoniam de ijs pariter formari possunt propositiones, & probari conclusiones essentielles, necessariae, & aeternæ veritatis, non minus quàm de vniuersalibus. Nec obstat corruptio ipsorum singularium: quoniam corrumpuntur quidem quoad existentiam, non autem quoad veritatem propositionum essentialium. Et præsertim de Deo qui singularis est datur scientia. & sacra Theologia tractat etiam de Christo qui singularis est.

Aliqui apud Conimbricenses primo Posteriorum capite septimo quæstione prima dixerunt, propositiones de singularibus, etiam essentielles, non esse veras, nisi dum ipsa singularia actu existunt: & ideo de ijs non dari scientiam in rigore sumptam. Satis tamen notum est, non minus esse veras & consuetas propositiones essentielles de singularibus etiam non existentibus, esseque simpliciter necessarias, & earum oppositas esse semper falsas & impossibiles, sicut de vniuersalibus: Adamus est homo, est rationalis, est risibilis, & omnes aliæ huius generis.

Alij dicere solent, esse quidem semper veras & necessarias tales propositiones; ipsa tamen singularia quantum ad suam existentiam per se & primariò posse corrumpi; vniuersalia autem tantum per accidens & secundariò: ideo benè de vniuersalibus, non autem de singularibus, dari scientiam in rigore dictam. Sed hoc planè non satisfacit: quia non alia necessitas est de ratione scientiæ, nisi vt sit penitus firma & infallibilis: sed, etiam si singularia corrumpantur, & etiam quando actu non extant, verissimè semper permanent & infallibiles, propositiones essentielles de illis. Et ideo datur scientia de vniuersalibus non quia non per se: sed per ac-

cidens corrumpuntur: sed quia veritates essentielles nullo modo deficiunt. Atque adeò, etiam si tota aliqua species penitus tolleretur, adhuc daretur scientia de illa. Non ergo ex hac parte destruitur scientia singularium.

Dicendum ergo est, de singularibus non posse dari scientiam per se primariò & propriè: dari tamen posse secundariò & communiter. Explicatur & probatur. Quodlibet singulare non habet passionem sibi propriam & peculiarem, ex differentia individuali promanantem: sed tantum habet passiones communes suæ speciei, aliorumque generum superiorum, sibi applicatas atque contractas. Ita diximus quæstione decimaquarta, sectione tertia. Non ergo potest de singularibus dari scientia primariò & propriè, quæ vel à posteriori talis eius differentia individualis per talem proprietatem, vel à priori talis eius proprietates per talem differentia demonstratur. Sed benè potest dari secundariò & communiter per applicationem & contractionem prædicatorum essentialium, & passionum communium. Dico secundariò: quia passiones essentielles per se primò demonstrantur de naturis communibus, & consequenter de singularibus. Dico, communiter: quia illud prædicatum quod demonstratur de vno singulari per aliquod medium, potest communi ratione per idem medium demonstrari de omnibus similibus singularibus in eadem specie convenientibus.

Ita planè notauit Sanctus Thomas Opusculo 70. quæstione quinta articulo secundo ad quartum. Et Philopon. primo Posteriorum capite septimo comm. suo 36. sic explicat Aristot. dicentem, non esse demonstrationem neque scientiam corruptibilium siue singularium, nisi sicut secundum accidens. Docet enim ly secundum accidens, debere intelligi secundariò. Propter quod notat, Aristotelem dixisse sicut secundum accidens, id est quasi per accidens, quoniam voluit ly per accidens lumi, non vt opponitur per se, sed vt opponitur primariò. Propter hoc etiam scientiæ non curant descendere ad singula individua, sed sistant in speciebus. Vbi quæcunque vniuersaliter asserunt: & demonstrant de

*Et quomodo
de singularibus
possit dari
scientia.*

speciebus, simul asserunt & demonstrant de omnibus indiuiduis non percurrendo singula. Hinc Aristot. 2. Poster. cap. 8. text. 81. ait: *Alieni oculo dicit salubre Medicus, sed aut omni, aut specie determinans.* Et libro 1. cap. 18. ex professo docet & probat, præstantiorem esse scientiam & demonstrationem de rebus in vniuersali, quam in particulari. Et quæ Philosophus scit ac demonstrat de Sole, alijque singulis planetis: verificantur de natura Solis in specie, & sic aliorum planetarum, etiam si essent alij numero diuersi: colligitur ex eodem 7. Metaph. text. 55. Et iuxta hoc etiam Plato iubebat, descendentes in linea prædicamentali sistere in speciebus, & non prosequi singularia.

In hac autem regula non includitur Deus: quinimo deus verè datur primariò & propriè scientia. Quoniam Deus habet suam essentiam & attributa peculiaria, nec habet alia indiuidua sibi specie similia. Sic etiam merito sacra Theologia tractat singulariter de Christo. In quo quia possunt plures & plures naturæ singulares assumi à Deo: illæ propositiones necessariæ quæ verificantur de Christo, verificantur adæquatè de omni indiuiduo possibili subsistente in persona diuina & natura assumpta. Et ita ea doctrina potest abstrahi, & tradi de subiecto quodammodo vniuersali.

Neque verò ijs quæ dicta sunt obstat, quod dixit Aristot. 2. Met. text. 11. non posse sciri antequam ad indiuidua deueniatur. Ibi enim per indiuidua, non intellexit singularia, sed intellexit prima & simplicissima prædicata essentialia quæ in alia superiora resolui non possunt. Vnde potius intellexit vniuersalissima prædicata: & docere voluit modum omnino exactum & explicitem cognoscendi essentias rerum. Hic sensus patet ex contextu. Sed alias præterea expositiones asserit ibi Sanctus Thomas lect. 7. parte 4.

Nec etiam obstat, quod ex eodem Aristot. sect. præced. dicebamus, circa singularia versari propriè artem & prudentiam, ad differentiam scientiæ. Nam ars & prudentia tantum versantur circa singularia operabilia, & non circa alia. Deinde etiam circa singularia operabilia, ars & prudentia dici potest quædam scientia, scilicet per applicationem com-

muniū prædicatorum ad ipsa singularia: & sic differunt à scientia primariò sumpta quæ in vniuersalibus sitit.

Sextò consequenter dubitatur, an obiectum scientiæ debeat esse vniuersum, vel possit esse etiam analogum. Nam de puris equiuocis certò constat non dari scientiam, quasi communem pluribus equiuocis sub vno nomine: quandoquidem non subest vna ratio communis illi nomini, de qua detur scientia. Negant, de analogo dari posse scientiam, Scot. in 1. dist. 3. quæst. 1. & alij qui tenent ens quod est obiectum Metaph. esse vniuersum. Afirmat Cæter. cap. 10. de Nominum analogia, & alij qui tenent ens esse analogum. Nam omnes supponunt ens esse obiectum Metaphysicæ, quæ vique est perfectissima scientia. Eadem est planè sententia Aristot. Nam 4. Metaph. text. 2. docet, quamuis ens multipliciter dicatur, idest analogicè, tamen dari posse scientiam vnā de ente: quia ait, non solum eorum quæ secundum vnum dicuntur, verum et eorum quæ à 1 vnam naturam dicuntur, idest analogorū attributionis, vnā esse scientiam. Et hic 2. Post. cap. 9. text. 26. docet vnum proportionale, habere consequentia sibi, hoc est passiones, tanquam si ipsum esset vna natura, vt de eo dari possit scientia. Idem significat text. 96.

Verim resolutio huius rei petenda est ex dictis de analogis, distinguendo duplicem acceptionem analogiæ. Si enim analogia sumantur, quæ non habent rationem, & conceptum communem, sed solum nominis communiter: cum aliqua tamen habitudine: Sic de illis non potest dari simpliciter vna scientia, qua videlicet vnum prædicatum de vno subiecto propriè demonstraretur. Potest tamen vna scientia totalis quæ plures partes habet, cum aliqua habitudine & attributione, considerare ipsa plura quæ analogiam habent: vt Medicina quæ per se considerat animal sanum, consequenter considerat, cibos sanos, remedia sana, & alia quæ denominantur per attributionem ad sanitatem animalis. Si autem sumantur analogæ, quæ habeant quidem conceptum & rationem communem: tamen cum dependentia essentialiter vnius ab alio, vel conceptum transcendenti &

An obiectum scientiæ debeat esse vniuersum, vel possit esse analogum.

com-

communem ad plura prædicamenta: & ideò dicantur analogæ, quæ non sunt genera vniuoca prædicamentalia. Sic absolute asserendum est, de ijs analogis, & non tantum de vniuocis prædicamentibus, per se dari posse scientiam. Sic datur scientia de ente, item de accidenti in communi, & alijs similibus gradibus qui excedunt prædicamenta. Sic enim attribuantur suæ passionibus, veritas, bonitas: & sic de alijs similibus naturis.

An debeat esse per se vnum, vel possit esse vnum per accidens. Septimò tandem querendum est, num obiectum vnius scientiæ debeat esse per se vnum, vel possit esse vnum per accidens & per aggregationem. Sonc. 6. Met. quatt. 13. concl. 2. vniuersaliter docet, de ente per accidens non dari scientiam. Et hæc videtur sententia Aristot. 6. Met. cap. 2. & lib. 11. cap. 9. Alij asserunt, non oportere, vt obiectum alicuius scientiæ sit vnum per se. Ita Caiet. tom. 3. Opusc. tract. 4. Suesan. 6. Metaph. disput. 5. & ex parte Fonseca. 4. Metaph. cap. 1. q. 1. sect. 3. & libro 6. cap. 2. quatt. 1. & alij.

Dicendum ergo est, de ente quod est vnum per accidens & per aggregationem dari posse vnam scientiam, sed non ita perfectè vnam, sicut de ente quod est per se vnum.

Prima pars probatur apertè: quia multæ scientiæ extant, quæ considerant suū obiectum, sub aliqua ratione accidentali, non constituyente cum subiecto vnum per se, sed tantum vnum per accidens. Medicina considerat animal quatenus sanabile: Scientia moralis hominem quatenus beatificabilem: Mathematica quantitatem quatenus mensurabilem: & aliæ similes. Insuper aliquæ scientiæ directè considerant quædam obiecta sua materialia, quæ sunt aggregata per accidens: Arithmetica considerat numerum: Musica numerum sonorum, siue sonum artificiosum: Politica Rempublicam: Architectura cuius meminit Aristot. 1. Metaph. cap. 1. ædificium: & vt notauit idem Aristot. 1. Post. cap. 13. in fine, Medicus scit de vulnere circulari quod difficilius sanatur. Et sic huiusmodi scientiæ multa de his subiectis docent atque demon-

strant. Et hæc est ratio huius rei: quia dantur suæ prædicata & passionibus quæ de his subiectis sciri possunt, dantur etiã media quibus probari & demonstrari possunt. Ergo de his subiectis potest dari scientia.

Secunda autem pars ostenditur: quia illa est perfectè vna scientia, quæ habet obiectum perfectè & per se vnum: hæc ergo scientiæ quæ habent pro suo obiecto ens vnum per accidens; licet habeant formaliter suam vnitatem, vnus enim actus est quo sciunt vna qualibet conclusio de tali subiecto: tamen non habent perfectam vnitatem obiectiuam. Imò definitio scientiæ, est cognitio rei per causam per quam res est, potest in hoc rigore intelligi: & ideò bene possunt hæc quoque scientiæ in ea definitione comprehendì.

Aristoteles verò illis locis loquutus est de illis entibus per accidens, quæ casu & fortuito eueniunt, & quæ non habent per se connexionem cum causa nobis nota. Sed neque etiam negauit, de ijs dari posse scientiam considerando has ipsas veritates, euentum per accidens non habere per se connexionem cum causa, aliisque similes: aut etiam absolute de ipso euentu apud intellectum cui nota esset collectio omnium causarum, ex qua per se provenit talis effectus. Sed tantum docere voluit, non posse dari scientiam qua cognoscatur talis euentus provenire ex tali causa, cum qua non habet per se connexionem.

Nec demum obstat, quod aggregatim per accidens, sicut etiã analogum, non potest propriè definiri: cum non constet ex genere & differetia. Satis enim est, posse suo modo describi, posseque eorum rationem quidditativam, talis qualis est, explicari: posseque assumi prædicata suo modo ijs essentialia, aut propria: vt per hæc de ijs demonstrationes fieri, & scientiæ haberi possint.

QVÆSTIO VIGESIMASEPTIMA:

De quibusdam Diuisionibus & Speciebus
Scientiæ.

Paribus modis potest scientia diuidi, & possunt scientiæ species designari. Quædam autem diuisiones expressius se tenent ex parte demonstrationis & mediis demonstratiui. Has differimus in quæstionem sequentem. Quædam expressius se tenent ex parte ipsius scientiæ. Has quæst. præsentem trademus. Colligemus autem & prosequemur præcipuas tantum quasdam & consuetas scientiæ diuisiones & species.

SECTIO PRIMA.

De Scientia speculatiua & practica: Quid sint.

*Relle di-
uiditur
scientia in
speculati-
uam &
practicam.*

Diuidit scientiam in speculatiuam, & practicam Arist. 1. 2. Metaphys. text. 3. alijsque plurimis locis. Et communiter ab omnibus hæc diuisio recipitur. Quamuis aliqui solam speculatiuam voluerint esse scientiam in toto rigore dictam, & scientiam practicam solum latiori significatione dici scientiam. Sed iam quæstione superiori sect. 3. satis ostendimus, ad rigorem scientiæ non requiri, ut sit propter se ipsam, sicens in contemplatione veritatis. Bene ergo scientia rigorose dicta hoc modo diuiditur. Verum est tamen, hanc diuisionem non esse solius scientiæ propriam: sed posse magis amplè omni notitiæ discursiue, imo & omni iudicatiue adaptari. Dicique potest, omne mentis iudicium, complectendo tam secundum quam tertiam operationem, esse vel speculatiuum, vel practicum. Iuno præterea etiam cognitio in communi, complectens quæque primæ operationem, potest aliquatenus hoc modo diuidi: quia etiam simplex apprehensio, alia est circa obiectum operabile, alia circa non operabile. Vsq. autem 1. par. disput. 8. num. 20. docet cum Ocham. Gabr. Maior. & Gregor. intellectiōnem simplicem & incomplexam non esse propriè practicam. Reddit ipse rationem: quia notitia simplex non respicit ut obiectum, actionem vel operationem. Sed certe notissimum est, sicut simplici actu apprehendimus alia obiecta, ita etiam

nostras actiones & operationes. Alia tamen ratione, notitia apprehensiuæ non est ita propriè practica, sicut notitia iudicatiua. Quia sola apprehensio non est sufficienter & proximè directiua operis, sicut determinatum iudicium. Quamuis ergo possit hæc diuisio cognitionis practiciæ & speculatiuæ, tam amplè sumi: tamen communi vsu specialiter scientiæ attribuitur, quia specialiter quæritur distinctio scientiarum, ad quam hæc diuisio maxime confert.

Videre iam oportet, quidnam sint scientia speculatiua & practica, & quæ conditiones ad utranque requirantur. Aristot. 1. Metaph. text. 3. breuiter explicauit, scientiam speculatiuam esse cuius finis est veritas, practicam cuius finis est opus. Et hæc est communis intelligentia omnium: scientiam practicam esse illam, quæ ordinatur ad operandum, idest ad exercendum aliquam operationem præter ipsam scientiam: speculatiuam esse, quæ non tendit ad aliam operationem, sed in se ipsa sistit, & non habet alium finem quam ipsum scire & cognoscere veritatem. Sed ad plenam & exactam explicationem huius rei, quædam difficultates emergunt, quæ distinctè examinandæ sunt.

Primò. Scot. in Prologo Sent. quæst. 4. significat, ad scientiam practicam satis esse, si quocumque modo ad ipsam sequatur operatio aliqua, ut si sequatur amor vel alius affectus in voluntate. Verum dupliciter potest sequi operatio aliqua ex notitia intellectus: vno modo si talis operatio sit obiectum notitiæ, quia videlicet intellectus cognoscat ipsam operationem, quæ exerceri potest: alio modo

*Scientia
speculati-
ua est pro-
pter se
practica
propter
opus.*

*Scientia
practica
esse debet
circa obie-
ctum ope-
rabile.*

Seçt. I. De Scientia speculatiua & practica. 585

modo, si non sit obiectum ipsius notitiæ, sed per connexionem potentiarum consequatur: ut cum aliquis considerans bonitatem Dei, mouetur ad amorem eius; qui actus amoris non est obiectum eius notitiæ, sed est actus voluntatis circa idem obiectum quod representabatur per actum intellectus.

Dicendum ergo est, ad scientiam practicam requiri, ut habeat pro obiecto operationem, nec satis esse ut alio modo apta sit ad illam sequi operatio: quinimo non esse præter rationem scientiæ speculatiuæ, ut ad illam eo modo sequi possit operatio. Hæc est communis doctrina, pro qua merito S. Thom. 1. par. quæst. 14. art. 4. cum retulisset sententiam oppositam, subdit: hi non videntur intelligere quid sit intellectus practicus. Et probatur manifestè: quia ex Aristot. & communi conceptu aliorum, illa scientia est practica, quæ est operatiua obiecti sui, quæ habet obiectum operabile, & versatur circa operationem exercendam quæ dicitur praxis; item scientia practica est, quæ tradit regulas & normam operandi, & ita est regulatiua & directiua operis faciendi. Imo nulla notitia est tam purè speculatiua, ad quam non sit aptus sequi affectus aliquis voluntatis, vel amoris seu prosequutionis, vel odij seu fugæ. Et ut arguit S. Thom. ex eo quod Philosophus sciat animam esse immortalem, potest moueri ad benè viuendum. Hæc autem scientia planè est speculatiua. Et Aristot. 10. Ethic. cap. 7. & 8. docet, ex speculatione nasci delectationem; nec propterea speculatio est practica.

Es modo operabili. Secundò. Dixerunt aliqui, ad scientiam practicam satis esse quocunq. modo versari circa obiectum operabile, & in hoc distingui à scientia speculatiua. Verùm duplex cognitio haberi potest obiecti operabilis. Vna, considerando naturam, causas, proprietates talis rei: ut dum quis considerat essentiam amoris, quomodo sit actus voluntatis, sit actus vitalis, & similia. Alia habetur considerando præcepta, regulas, & modum rectè operandi: ut dum quis considerat, modò beneor elicere actum amoris, debeo amare hoc obiectum, non illud, & similia, hoc solet appellari, considerare rem

operabilem modo operabili.

Dicendum ergo est, de ratione scientiæ practicæ in rigore esse, versari hoc secundo modo circa operationē & praxim, modo scilicet operabili, & quatenus operabilem. Scientia autem primo modo considerans obiectum operabile, si sit etiam utilis aut necessaria ad operandum & ad assequendam noticiam illam, propriè practicam, dici poterit practica per accidens & remotè. Hæc est etiam communis. Et præsertim S. Thom. 1. par. quæst. 14. art. 16. ait, si edificator consideret domum, definiendo & diuidendo, & considerando vniuersalia prædicata ipsius: hoc est operabilia modo speculatiuo considerare, & non secundum quod operabilia sunt. Et Opusc. 70. qu. 5. art. 1. ad 4. explicat, quomodo huiusmodi cognitio sit remotè practica, & pertinere possit ad scientias practicas.

Probatur faciliè: quia illa scientia est propriè & proximè practica, quæ est propriè ac proximè effectiua seu directiua operis: huiusmodi autem est illa quæ versatur circa rem operabilem modo operabili. Summus autem hic scientiæ proximè practicam, comparationem faciendā inter varias scientias habentes sua obiecta vniuersalia. quia aliqui iam antea diximus, comparationem faciendā inter cognitionem vniuersalem & particularium, propinquius concurrere ad executionem & directionem operis cognitionem particularium. Alia scientia quæ non considerat rem quatenus operabilem & modo operabili, non per se & propriè, sed tantum remotè & veluti per accidens, potest deferuire ac iuuare ad executionem & directionem operis: sic ergo dici potest remotè & per accidens practica. Hinc factum est, ut illæ scientiæ totales quæ verè sunt & communi conceptu exultimantur speculatiuæ, considerent etiam quasdam res operabiles, non tamen modo operabili. Sic Philosophia naturalis multa docet & tradit de nostris actibus, ac de ipsis actibus voluntatis. Quia nimirum huiusmodi cognitio est per se & essentialiter speculatiua. Factum est etiam, ut illæ scientiæ totales quæ simpliciter sunt practicæ, nonnulla considerant de rebus operabilibus, non proximè modo operabili, sed de natura.

natura & conditionibus ipsarum rerum. Sic Medicus quamplura considerat de corpore humano: Philosophia moralis, de actibus humanis: & hæc ipsa Logica, de actibus ipsis nostri intellectus. Quia nimirum hæc ipsa consideratio multum confert, & est plerumque necessaria, ad habendam plenam & perfectam notitiam practicam, & ad executionem ac directionem operationum.

*Quomodo
idem obis-
sum pos-
sit specu-
re ad vna
scientiam
speculati-
uam, &
aliam pra-
dicam.*

Et propterea sæpe eadem res secundum diuersas rationes & respectus dicuntur ad plures scientias, ad vnâ speculatiuâ, & aliam practicam, pertinere: & eadem quaestiones in pluribus scientijs inseri solent. Imo frequenter scientiæ speculatiuæ totam serè considerationem huiusmodi rerû operabilium remittunt alijs scientijs practicijs, aut leuiter attingunt, ne videlicet eadem res pluries repetantur. Et S. Tho. in 3. d. 23. q. 2. art. 3. questiuinc. 2. notauit, quandoq. verum quod in se consideratur, posse etiam vt regulâ operis considerari: & interdum, licet talis consideratio, posset esse intellectus tum speculatiui tum practici, principaliter esse practici. Sæpe etiam aliqua doctrina quæ in scientia speculatiua traditur, assumitur postea ad suum vsum à scientia practica, per quandam subalternationem.

His modis scientia moralis, & hæc ipsa Logica, vel tractant vel assumunt pleraque de actibus voluntatis & intellectus, quæ per modum speculationis ad Philosophiam naturalem pertinebant: tamen quia deseruiunt ad directionem ipsorum actuum, ad has scientias trahuntur. Et iuxta hæc Arist. 1. Ethic. cap. 13. docens, scientiam moralem practicè verari circa operationem animæ, præclare notauit: *Perficuum est, ciuilem quæ ad animam spectans quodammodo cognoscere oportere: quænammodum & oculum & totum corpus, cum qui curaturus est. Elegantes quoque Medici multa circa cognitionem corporis pertractant. Contemplandū igitur etiam ciuili homini de anima est, atque id horum causa, & quantum satis est adea quæ hæc queruntur. Dicuntur autem de ipsa in externis etiam disputationibus nonnulla, utendumquæ ipsis est.* Et 2. Phys. 26. *Considerat medicus normam, & scire ut, utque ad aliqd: alicuius enim gratia vni- quodque.* Et ex hoc explicat D. Thomas

Opusc. 70. loc. cit. diuidi solere Medicinam in practicam & theoreticam hoc est speculatiuam. Hinc etiam eadem scientia dici solet practica simpliciter & speculatiua secundum quid. Circa quod notauit Fonseca 6. Metaph. cap. 1. quæst. 5. sect. 6. assertionem secundam, non esse id desumendum ex eo quod talis scientia habeat plures conclusiones practicas, quàm speculatiuas: sed eo quod absolute habeat obiectum & finem practicum, & omnia ordinet ad directionem operis, etiam si habeat plures conclusiones secundum se speculatiuas.

Tertiò. Præter hæc, Aliqui ad rationem scientiæ practicæ vltierius requirunt, vt non solum cognitio sit de re operabili quatenus operabili, sed præterea ab ipso sciente ordinetur ad operandum: ita vt si quis exactè consideret modum & regulas operandi, non tamen intendit operari, sed tantum intendit scire, eius notitia non sit practica sed speculatiua. Ita Soncin. 6. Metaphys. quæst. 4. lauel. quæst. 5. & Valsq. 1. par. disp. 8. cap. 5. in fine, planè concedens eundem habitum posse fieri successiue speculatiuū & practicum, si homo scientiam suam prius non ordinet, postea ordinet ad operandum. Fauet S. Thom. 1. par. quæst. 14. art. 16. & Aristot. 2. Metaph. text. 3., & 3 de Anima tex. 46. & alibi dicens, scientiam esse practicam ex fine: non enim scientia habet finem practicum, nisi quando ordinatur ad operandum.

Dicendum tamen est, absolute & simpliciter, non requiri ad scientiam practicam, vt ipse sciens intendat vt sua scientia ad operandum, velique operari. Sed satis esse, quod ex natura sua ipsa scientia respiciat opus. Hæc est multorum Theologorum in Prolog. Sent. Scot. qu. 5. Dixi aptitudinali, Ocham. quæst. 4. art. 2. Gregor. quæst. 5. & aliorum ibi. Est item Ferrar. 3. contra Gent. cap. 25. §. Ad euidentiâ primū dubij. Fonseca. 2. Metaph. cap. 3. quæst. 2. sect. 3. & lib. 6. cap. 1. quæst. 5. sect. 5. Suar. disput. 44. sect. 13. Perer. 1. Physic. capite 3. Soci quæstione 9. proœciali Logicæ & aliorum hoc loco.

Probat: quia scientia practica communi conceptu intelligitur, quæ est directiua & regulatiua operis, non autem quæ

*Ad scientiam
practicam
satis
est, ex na-
tura sua
referri ad
operandū*

quæ actu dirigat & exerceat, aut quæ directura sit opus: sed etiam si quis nunquam velit ut sua scientia, & actualiter operari semper valet dicere ipsam scientiam de se esse operatiuam, esse aptam ad operandum: ergo ad scientiam practicam non requiritur intentio illi scientis. Similiter si quis è contra adducat scientiam aliquam speculatiuam, v: ea vratur ad aliquid aliud operandum, sicut frequenter sanè contingit: non per hoc talis scientia amittit rationem speculationis & efficitur practica. Et quidem quando Aristoteles & alij diuidunt scientiam in speculatiuam & practicam, vtique non curant de intentione arbitraria, & sine scientis, an velit vel non velit operari: quæ distinctio esset merè extrinseca & accidentalis, & inuoluis ad doctrinam, & ad dispositionem faciendam scientiarum. Sed solum cogitarunt de intrinseca aptitudine ipsius scientiæ ad exercendam operationem, quam considerat.

Hinc aliqui eam scientiam quæ de se est quidem operatiua, sed qua non intendit quis vt ad operandum, appellant intrinsecè quidem & essentialiter practicam, extrinsecè autem & accidentaliter speculatiuam: si suæ practicam ex obiecto, speculatiuam ex fine. Et ita Caiet. exponit S. Thom. loco illo allegato. Sed iuxta hunc loquendi modum, pariter illa scientia quæ de se non est operatiua, sed quam quis refert ad aliquid operandum, dici debet intrinsecè & essentialiter speculatiua extrinsecè & accidentaliter practica. Quamuis Vasquez nolit eodem modo loqui de scientia speculatiua, sicut de practica.

Ad Aristot. verò aliqui disputant, num scientia practica constitutur ex fine vel ex obiecto. quoniam idem Arist. 6. Met. cap. 1. & alibi, potius ex obiecto distinguit. Sed res est facilis, distinguendo duplicem finem. Alius est finis intrinsecus, ad quem ex natura sua scientia refertur: alius extrinsecus ad quem ex arbitrio hominis ordinatur. Primum dicitur finis scientiæ, secundus finis scientis. Finis primum modo sumptus, est ipsum merò obiectum scientiæ practicæ. Et ex hoc fine dici debet proprie & absolute constitui scientia practica. Et sic omnia

Aristotelis loca conciliantur.

Quartò. Ex his quæ dicta sunt de scientia practica, patet manifestè quid sentiendum sit de scientia speculatiua, & in vniuersum quæ scientia sit censenda speculatiua. Scotus autem in Prologo q. 4. §. Dixi aptitudinali, significare videtur, scientiam speculatiuam constitui formaliter per negationem, quia scilicet non est regulariua & directiua operis.

Dicendum tamen est. Licet scientia speculatiua clariùs & faciliùs explicetur per negationem: tamen essentialiter & intrinsecè constitui per rationem positiuam, nempe per ordinem ad tale obiectum. Paret: tum quia hic est conceptus quem communiter de scientia speculatiua habemus: & quando nominatur speculatio, intelligitur quedam ratio positiva cognitionis, opposita cognitioni practicæ. Tum quia speculatiuum & practicum sunt differentiæ essentialiter diuidetes scientiam in communi, vt sectione sequenti dicemus: ergo ambæ sunt positivæ. Tum quia alioqui scientia practica quatenus talis, esset nobilior speculatiua, imò tantò nobilior, quantum ens non ente. Tum demum, quia illa ipsa negatio per quam explicatur scientia speculatiua, vtique fundatur in ratione positiva talis subiecti sui, quæ ratio est positivè opposita formæ negatiuæ: & ita compertum est in alijs similibus rebus & differentijs, quarum vna explicari solet per negationem alterius: ergo scientia speculatiua intrinsecè & essentialiter constituitur per rationem positiuam.

SECTIO SECVNDA.

Quomodo Scientia speculatiua & practica distinguantur.

PRimò, Aliqui absolute docent distinguere solum accidentaliter. Quia potest vna & eadem scientia esse speculatiua & practica. Ita Capreolus questione 2. Prolog. ad argum. contra sextam conclusionem, Suchan. 6. Metaphysic. disput. 2. Moan. 1. par. quest. 1. artic. 4. disput. 2. Valent. 1. par. disput. 1. quest. 5. puncto 3. §. 4. & 2. disput. 5. quest. 3. punct. 1. in fine. Probant exemplis. Eadem

Eadem visio beatifica in Sanctis est speculatiua & practica, similiter eadem fides in viatoribus: & inter scientias humanas plures sunt quæ dici solent esse simul speculatiuæ & practice. Imo idem ipse intellectus est vtique speculatiuus & practicus. Ex opposito alij sunt qui docent, differre & opponi essentialiter. Ita Perer. 1. Physic. cap. 3. Suar. disput. 44. Vasqu. 1. par. disp. 9. cap. 3. & ex parte Caiet. 1. par. quæst. 1. art. 4. Bagn. ibidem & alij. Et fundamentum est: quia ex Arist. & communi vñ Philosophorum, scientia ita diuiditur in speculatiuam & practicam, quod aliæ scientiæ sint speculatiuæ, aliæ practice: & ita de facto plures scientiæ assignantur, quæ inter se vtique essentialiter distinguuntur.

*Scientia
adequatè
practica
& ad-
equatè spe-
culatiua
penitus di-
stinguun-
tur.*

Pro vera & clara resolutione distinguendum est: dupliciter posse scientiam siue quancunque facultatem, esse speculatiuam & practicam. Vno modo ita, vt adæquatè & totaliter vel habeat obiectum speculabile, vel practicabile. Alio modo ita vt plura obiecta complectatur, aliud speculabile, aliud practicabile. Primo modo, scientia speculatiua & practica essentialiter distinguuntur. Secundo modo non distinguuntur: sed potest vnâ eademque facultas esse simul speculatiua & practica. Neque etiam dici debent distinguí accidentaliter, sed dici debet eadem facultas respicere diuersa obiecta. Ita sumitur ex Diuo Thoma prima parte quæst. 1. art. 4. & videtur de mente Auctorum vtriusque sententiæ.

Prima pars ostenditur: quia sine dubio potest esse aliquis actus & habitus habens pro obiecto suo adæquato vnâ rem non operabilem, alius habens pro obiecto suo adæquato re operabilem modo operabili. Hæ duæ scientiæ, cum habeant obiecta diuersa, & singulæ habeant suum obiectum totale & adæquatum, planè distinguuntur essentialiter. Et in hoc sensu fieri vtique non potest, vt vnâ eademque scientia sit adæquatè & totaliter practica. Hoc modo distinguuntur scientiæ speculatiuæ à practicis, iuxta secundam sententiam relaxam.

*Potest ta-
men eadē
facultas
esse simul*

Secunda pars faciliè etiam ostenditur: quia sine dubio fieri potest, vt vnâ & eadem potentia complectatur tum res operabiles, tum non operabiles. Ita se ha-

bet intellectus, qui vnus cum sit, respicit omne obiectum intelligibile, & ita est simul speculatiuus & practicus. Ita etiam potest sine dubio se habere habitus aliquis infusus à Deo, qui se habet per modum potentie, & potest plura diuersa complecti: sic se habet de facto habitus fidei, qui etiam simul est speculatiuus & practicus. Si demum inueniatur aliquis actus qui simul attingat aliquam rem non operabilem, & aliquam operabilem, erit quoque simul speculatiuus & practicus: sicut prima sententia dicebat de visione beatifica.

*speculati-
ua & pra-
ctica.*

Solum superest difficultas, An in actibus naturalibus, & habitibus acquisitis, possit vnus & idem esse simul speculatiuus & practicus: & præcipue an in illis scientijs totalibus quæ continent aliquas conclusiones speculatiuas, & aliquas practicas, vt se habet Medicina, Theologia, Logica, & aliæ similes, sit vnus simplex habitus omnes complectens, vel sint plures habitus, alij speculatiui, alij practici, qui solum per aggregationem confluant, vnâ scientiam totalem. Hac tamen difficultas, non est propria huius rei, sed communis de modo nostro cognoscendi, & de nostris habitibus. Non enim debet esse maior dubitatio de vna re operabili, & alia non operabili, quam de pluribus operabilibus, de pluribus non operabilibus. Et quod attinet quidem ad actus, breuiter diximus ab initio quæstio. 3. Quod attinet ad habitus, attingemus sect. 7. loquentes in vniuersum de scientia totali.

Explicatur magis, quomodo fieri possit, vt vno modo sint diuersæ scientiæ, vna circa rem operabilem, alia circa re non operabilem; alio modo sit vna facultas circa omnes. Exemplum aptissimum huius rei habemus in nostris sensibus: omnes sensus externi habent sua obiecta adæquata, & omnes sunt inter se essentialiter diuersi. At datur interius vnus sensus qui dicitur communis, & est perceptiuus omnium obiectorum sensuum externorum: & in illo non distinguuntur facultas perceptiua coloris, soni, &c. Ita ergo intelligitur optimè, diuersas esse illas scientias, quarum alia habeat adæquatè vnum obiectum, alia aliud, alia sit speculatiua, alia practica: & vnâ esse

*Res expli-
catur ex
p. 10.*

Secl. II. De Distinct. Scientiæ spec. & practicæ. 589

esse illam facultatem, simul speculatiuâ & practicam, quæ plura simul completatur, alias res operabiles, & alias non operabiles.

Cæterum Caiet. prima parte quæst. 1. artic. 4. & 2. 2. quæst. 4. artic. 2. quando eadem facultas complectitur alias res operabiles alias non operabiles, illam appellare maluit speculatiuam & practicam eminenter. Verum hoc non est ita intelligendum, quasi non intrinsecè & formaliter habeat rationem speculatiui & practici. Nam formalissimè eadem facultas est quarundam rerum cognoscitiua, & quarundam etiam operatiua ac directiua. Sed ita loquutus est, ad differentiam illarum scientiarum, quarum alia est adæquatè speculatiua, alia adæquatè practica. Ille tamen modus loquendi non est approbandus.

Vna scientia speculatiua & practica, distinguuntur essentialiter.

Secundò deinde Scot. quæstione quarta Prolog. §. Dixi aptitudinali, loquens de ijs scientijs, quarum alia est speculatiua, alia practica, significauit distingui quidem intrinsecè, non tamen speculatiuum & practicum esse differentias essentielles, sed esse proprias passioness. Probat, quia ratio practici consistit in relatione ad obiectum: ratio autem non est formaliter de essentia rei absolutæ, cuiusmodi est scientia: rationem autem speculationis aut consistere in negatione, quæ multò minùs potest esse de essentia rei positivæ.

Dicendum tamen est, has scientias distingui essentialiter per has differentias speculatiui & practici. Probat ex eodem principio: quia ratio practici consistit in ordine ad obiectum: similiter supponimus rationem speculationis importare ordinem posituum ad obiectum. Sed ordo ad obiectum est formaliter de essentia omnis cognitionis. Nam alia non est essentia cognitionis, nisi quòd sit cognitio sui obiecti. Et talis cognitio specificatur per ordinem ad tale obiectum. Et hinc patet ad rationem Scoti: hoc genus relationum quæ dicuntur transcendentes, esse de essentia rerum, quæ dicuntur quidem absolutæ eo quòd non ponuntur in prædicamento relationis, tamè reuera non sunt absolutæ ab omni respectu, quinimo sunt essentialiter respectivæ, & in alijs prædicamentis collocantur.

Tertiò. Perer. libro 1. Physic. cap. 4. *Conueniunt tamè vni uocè.* contendit, scientiam practicam à speculatiua adeò differre, vt non conueniat cum illa vniuocè, sed tantum analogicè. Probat: tum quia nomine Philosophiæ & scientiæ, per se intelligitur scientia speculatiua: & hæc scientia habet pro fine ipsum scire, & per se perficit hominem. Tum quia scientia practica versatur circa res contingentes & mutabiles. Tum demum quia scientiæ practicæ subalternantur speculatiuis.

Dicendum tamen est, scientiam speculatiuam & practicam verè vniuocè conuenire in ratione & nomine scientiæ. Hic videtur communis aliorum sensus. Et patet manifestè: quia scire conclusionem operabilem, & aliam non operabilem, intrinsecè & essentialiter conueniunt in conceptu sciendi. Et scientia ponitur tanquam vnum genus in suo prædicamento. Nec obstat illa ratio analogiæ destruens vniuocationem.

Prima ratio Perer. tantum probat, scientiam speculatiuam esse excellentiorem & præstantiorem, quod non est contra rationem vniuocationis. Secunda ratio, si quid valeret, probaret scientiam practicam non esse verè scientiam. Sed certum sanè est, scientiam practicam habere suas conclusiones necessarias, & immutabilis veritatis. Tertia ratio non est vniuersalis. Nam non omnis scientia practica subalternatur omni speculatiuæ: ergo saltem illa scientia practica cum illa speculatiua cui non subalternatur conuenit vniuocè. Sed etià scientia subalternata conuenit vniuocè cum scientia subalternante, vellectione sexta dicemus.

Quartò. Fonseca 6. Metaph. capite 1. q. 5. sect. 6. assert. 4. ait, scientiam speculatiuam & practicam verè non distingui tanquam species sub genere, licet vt tales tractentur. Probat: Tum quia distinctio specifica habiuitur sumitur per ordinem ad actus & obiecta: at distinctio practici & speculatiui sumitur per ordinem ad finem. Tum quia non solum scientia, sed omnis notitia iudicatiua, diuiditur in practicam & speculatiuam. Tum quia: cum scientia adæquatè diuidatur in scientiam propter quid & quia, non potest etiam hoc alio modo adæquatè diuidi.

Vnde verè se habent, vt species sub genere.

diuidi tanquam genus in species.

Dicendum tamen est, has scientias verè distingui tanquam species sub genere. Patet: quia sunt differentie essentialis, vt ostensum est, & scientiæ est quid vniuocum, vt etiã ostensum est: ergo omnino hæc est diuisionis generis in species. Et ad primam rationem iam patet hanc distinctionem sumi per ordinem essentialem ad obiectum, quod coincidit cum fine extrinseco; & distinctio habiruum sumitur per ordinem ad actus. Ad secundam fatendum est: Speculatiuum, & practicum, si amplè sumantur, specificè diuidere genus commune notitiæ iudicatiuæ. Sed si determinatè sumantur in ipsa scientia, sic specificè diuidunt scientiam: sicut in aliis similibus diuisionibus aspè contingit. Ad tertiam, non est inconueniens, idem genus posse pluribus modis æquè immediatè & adæquatè diuidi: vt de omnibus vniuersalibus suo loco tractauimus; & in quamplurimis aliis generibus idem inuenitur.

*Scientia
speculati-
ua præfer-
tur pra-
ctica.*

Quintò demū. Scientia speculatiua & practica differunt in sua dignitate & perfectione; quoniam scientia speculatiua secundum hanc rationem est dignior & perfectior scientia practica. Ita habetur ex Aristotele primo Metaphysic. capite secundo, & sexto Metaphysic. textu secundo, & Platone apud Alcinoum capite secundo. Et est res clara. Nam scientia speculatiua per se sistit in cognitione veritatis: practica autem ordinatur ad operandum; speculatiua est gratia sui, practica est propter aliud. Dico verò secundum hanc rationem, quoniam alia ratione potest scientia practica speculatiuæ præferri, quatenus practica est utilior, & præsertim si hæc utilitas ad bonum animæ referatur. Et præterea si sumatur certa quedam scientia speculatiua, & alia scientia practica quæ habeat obiectum dignius & nobilius quam illa scientia speculatiua: sic absolute ex parte obiecti talis scientia practica erit nobilior tali speculatiua. Sed quia in tota latitudine scientiarum, scientia speculatiua habet præstantius obiectum, quam omnis scientia practica: habemus enim scientiam speculatiuam de substantijs separatis & de ipso Deo: Ideo simpliciter

dicendum est scientiam speculatiuam esse præstantiorem.

SECTIO TERTIA.

*De Obiecto Scientiæ speculatiuæ
& practicæ.*

*Specialiter de Praxi, circa quam
versatur Scientia pra-
ctica.*

AD exactam explicationem vtriusque scientiæ, superest modò per se & distinctè de earum obiecto differere. Et quia scientia speculatiua facilius explicatur per negationem: ideò specialiter de obiecto practicæ differimus, simulquè in omnibus apparebit quid sit de obiecto speculatiuæ sentiendum. Constat autem ex dictis, obiectum scientiæ practicæ debere esse aliquod operabile, idest operationem aliquam quæ exerceri possit. Hæc appellatur Praxis: vnde scientia practica dicitur adæquatè circa praxim versari. Potest autem fieri, vt ex ipsa operatione relinquatur aliud opus permanens, quod non dicitur quidem praxis, sed dicitur tantum res operabilis, & verè est obiectum ac effectus notitiæ practicæ. Sed præcipuè videndum est, an aliquæ aliæ conditiones requirantur ad operationem quæ sit propriè praxis, & practicæ notitiæ obiectum.

*Obiectum
scientiæ
practicæ
dicitur,
praxis.*

Primo. Sanctus Thomas 1. 2. quæst. 57. art. 1. ad 1. & 2. 2. quæst. 179. art. 2. significat, huiusmodi operationem debere esse exteriorē & transcuntem, & non interiorē & immanentem: arque practicum & operatiuum, quod diuiditur contra speculatiuum, sumi ab opere exteriori.

*Praxis po-
test esse
operatio
vel exter-
na vel in-
terna.*

Dicendum tamen omnino est, etiam operationem interiorē esse praxim dirigibilem per scientiam practicam. Hæc est communis sententia: pro qua Capr. quæst. 2. Prologi conclus. 4. ex plurimis D. Thom. locis ostendit, hanc esse mentem eius. Alijs autem locis solum voluit, habitum respicere operationem exteriorē, idest distinctam ab ipsa notitia practica quæ elicitur per ipsum habitum, & ex hoc distinguit ab habitu speculatiuo.

Patet

Sect. III. De Obiecto Scien. specular. & pract. 591

Pater autem assertio: tum ex Aristotele qui, ut infra asseremus, sæpe diuidit scientiam practicam in factiuam & actiuam; & praxim in factionem & actionem: ubi actio intelligitur operatio interna & immanens, sicut factio operatio externa & transiens. Tum etiam ratione: quia, praxis intelligitur ea operatio quæ regulari & dirigi potest ab intellectu. Sed etiam operatio interior est huiusmodi: & maxime actus voluntatis debent per rectam rationem dirigi & regulari. Item scientia practica est, quæ non sistit in cognitione veritatis, sed est effectiua & directiua operationis: huiusmodi autem est etiam scientia habens pro obiecto operationem interiorem. Ergo etiam, operatio interior est praxis; & scientia directiua eius, est scientia practica. Aliquas verò obiectiones contra actus voluntatis, quæ friuolæ sunt, soluit Gregor. quæst. 5. Prolog. artic. 1.

Potest esse operatio eiusdem intellectus.

Secundo. Scot. in Prolog. quæstione 4. Durand quæst. 6. Sonein. 6. Metaph. quæst. 2. Suseffan. 1. Metaph. dispnt. 10. cap. 2. Ant. Adr. quæst. 2. Scot. in Logica quæst. 4. proœm. Masius quæst. 10. & quidam alij volunt, praxim esse debere operationem aliarum potentialium ab intellectu, & non posse esse operationem eiusdem intellectus. Propter quod Sotus ibi docet, Logicam esse speculatiuam, & non practicam; quia versatur circa operationes intellectus. Et Scot. ibi definit praxim: est actus alterius potentie quàm intellectus, naturaliter posterior ab intellectione, natus elici conformiter rationi rectæ, ad hoc vt sit rectus. Assert Scot. quandam auctoritatem Aristot. ex libro 3. de Anima textu 49. intellectum extensione fieri practicum: quo significatur, intellectum practicum debere extendi extra se ipsum. Assert Sotus rationem: quia operatio intellectus est speculatio: at speculatio non potest esse praxis; hæc enim opponuntur. Et sicut se habent scientia practica & speculatiua, ita praxis & speculatio. Et præterea S. Thom. 1. 2. quæst. 3. art. 5. ad 2. docet, intellectum practicum habere bonum extra se ipsum, speculatiuum verò in se ipso.

Dicendum tamen est, etiam operationem ipsius intellectus habere rationem & denominationem praxis, quæ per scientiam

tiam practicam dirigatur. Ita sumitur ex Diuo Thoma 1. 2. quæst. 47. art. 2. ad 2. & ita docent Capreol. loc. cit. Gregor. Aureol. Ocham. Gabr. & alij in Prolog. Sent. Fonsec. 2. Metaph. cap. 3. quæst. 2. sect. 3. Suar. disp. 44. Metaph. sect. 13. num. 26. Perer. 1. Physic. cap. 2. Sanchez. quæst. 15. Proœm. Log. Molina 1. par. quæst. 1. art. 4. dispnt. 1. Valsq. 1. par. dispnt. 8. cap. 5. & alij frequenter. Idquæ supponunt omnes illi qui tenent Logicam esse practicam. Et probatur facile: quia nomine praxis debet adæquate intelligi omnis operatio per rationem dirigibilis: sed non minus operationes eiusdem intellectus, quàm aliarum potentialium, sunt hoc modo dirigibiles: ergo. Item illa scientia quæ cognoscit modum quo debeant dirigi & recte exerceri operationes intellectus, est vique directiua & operatiua: non est præcisè propter se ipsam, sed propter operationem exercendam; non intendit tantum cognoscere, sed intendit efficere obiectum suum: ergo est & dici debet practica. Et sanè opposita sententia tantum de modo loquendi contendit. Sed inutiliter & sine fundamento.

Quod enim Scot. ex Aristotele assert, nec apud Aristotelem inuenitur: nec, etià si admitatur tanquam commune dictum; vt illud vocat Gregor. quæst. 5. Prolog. art. 1. quicquid efficit. Nam debet intelligi, intellectum extensione fieri practicum, quia ultra notitiam ipsam practicam extenditur ad aliam operationem dirigendam, etiam si hæc sit alia operatio eiusdem intellectus. Adducit hanc explicationem ipse Scot. Et contra eam obiecit; quia sic Logica esset practica. At hoc ipsum est quod volumus, Logicam esse practicam.

Non etiam obstat ratio Soti. Tum quia non omnis operatio intellectus est speculatio. Tum quia speculatio optimè potest esse praxis. Nam speculatio non est scientia practica, idest non est operatiua & directiua operis: sed bene potest esse praxis, idest operatio quædam dirigibilis per notitiam practicam. Non enim speculatio sonat obiectum scientie speculatiue, sicut praxis obiectum scientie practice: sed speculatio formaliter est ipsa scientia speculatiua. S. Thomas autem

autem ibi solum voluit, intellectum practicum, idest per scientiam practica[m], habere bonum extra se ipsum, idest extra ipsam scientiam practica[m], quia habet pro fine aliam operationem distinctam, quam tamen poterit esse alia operatio eiusdem potentie intellectus.

*Nō solum
quatenus
dirigibilis
moraliter
est, sed
absolute,
operatio
est praxis*

Tertio. Ex eo quod Scot. definiuit praxim, esse actum natum elici conformiter rationi rectæ, aliqui intellexerunt praxim esse debere operationem moralem quatenus dirigibilem in genere moris, vt sit honesta & bona moraliter. Et specialiter Capreol. quæstione citata ad argumenta contra quartam conclusionem asserit, operationes intellectus, tantum quatenus hoc modo dirigibiles habere rationem praxis. Et fundamentum huius sententiæ est: quia operatio in tantum est praxis, in quantum libet electioni voluntatis: subest autem huic electioni, quatenus est moraliter dirigibilis.

Verum operationes nostræ dupliciter sunt dirigibiles, secundum duplicem rectitudinem. Vno modo moraliter, alio modo artificioso. Primo modo diriguntur per regulas bonitatis moralis, vt hanc cum debitis circumstantiis & conditionibus moralibus. Secundo modo diriguntur per regulas naturales & artificiales, vt perfecte hanc in esse reali: videlicet vt ædificium cõstruatur cum talibus fundamentis, parietibus, &c. Et hoc duplex genus rectitudinis ac directionis, etiam in ipsis operationibus intellectus distinguitur. & primo modo diriguntur per scientiam moralem & prudentiam: secundo modo per Logicam. Insuper operationes nostræ considerari possunt non solum quatenus dirigibiles, idest quatenus recte exerceri possunt, sed etiam absolute in quantum factibiles.

Dicendum ergo est, rationem praxis convenire operationibus, non solum quatenus sunt dirigibiles moraliter, sed etiam artificiosè, imo absolute quatenus factibiles sunt. Probat manifestè: Tum ex Aristotele qui diuidens praxim in actionem & factionem, interdum actionem sumit pro operatione dirigibili in genere moris, & factionem pro operatione alio modo dirigibili vel factibili. Tum ex notissimo modo loquendi. Omnes enim artes sunt maxime practicae: &

tamen non respiciunt operationes vt dirigibiles in genere moris, sed in genere artis. Et in vniuersum, quandoque fit à nobis aliqua operatio, iudicium intellectuum ex quo fit, appellatur practicum; non considerando an operatio recte vel non recte fiat. & in genere ipso moris, quando homines peccant, appellatur iudicium practicum illud quo homo inducitur ad peccandum, solum ex hoc quia est iudicium inducens ad operandum, & non quia sit iudicium directum in genere moris ad bene moraliter operandum. Tum perspicua ratione: quia omnis operatio quocunque modo factibilis per impulsum intellectus, est obiectum notitiæ operatiuæ: & omnis notitia impulsiva ad operandum, non est gratia sui, non est propter tantum cognoscendum obiectum, sed verè est propter operandum: ergo omnis talis operatio est praxis; & omnis talis notitia est practica.

Tum demum nulla ratio disparitatis est, cur operatio aliqua, & specialiter cur operatio intellectus, solum quatenus dirigibilis moraliter, & non quatenus dirigibilis artificiosè, debeat dici praxis. Sed planè eadem est vtriusque directionis ratio, & pari modo se habet notitia vno vel alio modo directiua. Vnde Logica quatenus directiua operationum intellectus, est verè & propriè practica, non minùs quàm scientia moralis: vt iam ab initio statuimus quæstione prima Logica.

Fundamentum verò oppositum facile soluitur. Aut enim intelligit operationem esse praxim, quatenus subest bonæ moraliter electioni voluntatis: & sic falsum assumit. Aut intelligit cuiusque electioni liberæ voluntatis: & hoc infra examinabimus. Interim non solum quoad rectitudinem moralem, sed etiam quoad artificialem, imo absolute secundum suam entitatem, operationes nostræ substant electioni voluntatis: etiam operationes ipsæ intellectus; nam libere eligimus eas exercere, vno vel alio modo exercere, vt notissimum est.



SECTIO QUARTA.

*Qualiter Praxis sit operatio qua
exerceri possit ab eo qui ha-
bet scientiam practi-
cam.*

IN primis communiter supponi videtur, ad rationem praxis requiri, ut possit exerceri ab eo ipso qui dicatur habere notitiam practicam: neque posse dici notitiam practicam de operatione, quæ non exerceatur ab eodem sciente, sed ab alio. Ita supponunt D. Thom. & Caietan. prima parte questione 14. articulo 16. Scorum questione quarta & quinta Prologi, Capreolus questione secunda, Molina prima parte quæst. 1. art. 4. disp. 1. & alij. Oppositum sentire videntur Gregor. qu. 5. Prologi art. 2. & Bonsec. 6. Metaph. cap. 1. quæst. 7. sect. 1. & 4. dicentes, etiam operationem quæ exerceri nequeat ab eodem sciente, posse dici praxim, & scientiam de tali operatione esse practicam. Quoniam si quis careat instrumentis necessarijs ad operandum, potest adhuc possidere artes: v. g. potest murus calere artem canendi, claudus saltandi, & manibus truncus ædificandi. Et si quis antea integer tales artes habebat, & postea amittat instrumenta necessaria, retinet utique easdem artes practicas. Et in multis rebus aliqui per notitiam practicam, dirigunt actiones aliorum, Prælati subditorum, Architectus fabricorum, & Angeli hominum. Insuper si Deus de potentia alius daret facultatem alicui, efficiendi quod de se non poterat, v. g. efficiendi flores; is habebit notitiam practicam de tali re: ergo etiam antea, notitia quam is habebat de productione florum, erat practica: quia utique non potest eadem notitia mutari de speculatione in practicum.

Praxis requirit potentiam operativam in habente scientiam practicam. Pro resolutione Dicendum, ad rationem praxis & notitiæ practice requiri, ut operatio exerceri possit ab eodem sciente, & is cognoscat opus quatenus à se ipso factibile: non tamen requiri potentiam proximam & expeditam ad operandum. Prima pars ostenditur clare: Tum ex Aristotele, qui id perspicue docuit 6. Met. text. 1.

Facinarum enim in faciente principium est, ædificiarum in agente electio. Et 6. Ethic. c. 6. *Arts considerat ut fiat aliquod eorum quæ esse & non esse possunt, & quorum principium in eo qui facit.* Tum à posteriori & ab exemplis. quando consideramus creationem mundi à Deo, operationes quæ sunt à cælis, ab Angelis, & ab alijs causis: utique talis nostra consideratio non dicitur practica, nec eius obiectum dicitur praxis: sed tantum, quando consideramus ea quæ fieri possunt à nobis. Tum à priori: quia notitia practica est illa quæ est directiva & effectiva operis, & praxis est illa operatio quæ est effectibilis per talem directionem rationis: ergo omnino supponitur, ut operatio possit exerceri ab eo qui dici debet habere notitiam practicam, & respectu cuius debet dici praxis. Non enim notitia quæ est in vno, est directiva & effectiva, nisi operis factibilis ab eodem cognoscente. Tum demum hinc patet, debere formaliter cognosci opus, quatenus factibile à cognoscente. Nam si cognoscat secundum alias rationes, adhuc talis notitia non erit effectiva operis: sed id erit considerare rem operabilem modo speculativo, & non practico.

Secunda pars deinde ostenditur exemplis adductis pro altera sententia. Nam ille qui caret instrumentis necessarijs ad operandum, non habet quidem potentiam proximam & expeditam: tamen remore & radicaliter habet, & recte considerat qualiter talia opera exerceretur, si haberet instrumenta necessaria: & habet notitiam ex parte sua sufficientem & idoneam ad operandum, licet ex alia parte impediatur. Item qui considerat & dirigit alienas actiones, utique illas respicit quatenus à se dependentes, & quatenus in potestate eius est operari ad illas procurandas & promovendas. Hæc ergo operatio est per se praxis: & consequenter etiam actiones alienæ, tanquam opera dependentia ex directione ipsius. Demum, si Deus alicui communicaret facultatem efficiendi v. g. flores: tunc is haberet duplicem notitiam de tali obiecto. Vna esset de modo quo à causis naturalibus efficiuntur flores: & hæc semper est speculativa, quia non est per se effectiva operis; & licet esset de

Non tamen requirit potentiam proximam & expeditam.

P p obiecto

obiecto operabili, tamen non quatenus operabili ab ipso sciente. Alia esset de modo quo ipse per facultatem acceptam à Deo deberet tale opus efficere: & hæc verè esset notitia practica & operatiua. Quare non bene aliqui admittunt, eandem notitiam posse mutari de speculatiua in practicam, si Deus tribuat alicui potestatem faciendi id quod antea non poterat. Quòd si quis nunc apud se consideret, quoniam modo flores efficeret, si à Deo talem facultatem acciperet: etiam, nunc talis consideratio esset practica, quia iam esset de obiecto quatenus ab ipso operabili per facultatem accipiendam à Deo. Vnde insuper si quis falsò puter, posse se efficere, vel per vires naturales, vel per eleuationem diuinam, aliquod opus, quod tamen nullo modo ab eo fieri posset: adhuc talis notitia poterit dici quodammodo practica, quia est de obiecto, in eius exultatione, quamuis falsò, operabili. Non esset tamen aliter practica, idest realiter operatiua & factiua operis: si quidem tale opus non est ab illo factibile.

An requi-
rat poten-
tiam libe-
ram vo-
luntatis.

Deinde vltierus multi docere solent, ad rationem praxis requiri, vt sit operatio libera, idest possit fieri & non fieri ab ipso operante. Ita docent Perer. 1. Phys. cap. 2. Fonseca 6. Metaph. cap. 1. q. 5. sect. 2. & 3. Suarez. 1. par. tract. 1. lib. 3. cap. 4. nu. 2. Et supponere videtur Scholastici in Prologo sent. Vnde Scot. Capreol. & alij dicunt, praxim omnino esse actum, vel elicium, vel imperatum voluntatis: & videtur exigere libertatem saltem quoad exercitium actus. Soncin. verò 6. Metaph. q. 2. exigere videtur libertatem etiam quoad specificationem, propter quod amorem circa finem & bonum in communi, qui est actus necessarius quoad specificationem, non esse proprie praxim. Atque ex hac etiam conditione libertatis declarare solent, actiones partis vegetatiuæ in homine, non habere rationem praxis, nec notitiam quam habemus de his actionibus esse practicam, item amorem quo Beati diligunt Deum in patria non esse praxim, nec visionem beatificam ex hac parte esse practicam, & sic alias similes actiones necessarias non habere rationem praxis: quia non sunt in potestate nostra vt per

scientiam practicam dirigantur. Et Arist. ipse 6. Ethic. cap. 4. & 5. dixit, artem & prudentiam esse de ijs rebus quæ esse & non esse possunt, non autem de ijs quæ ex necessitate sunt vel fiunt. Ex opposito aliqui significant, ad rationem praxis nullo modo requiri, vt à voluntate procedat, sed satis esse si ex cognitione dependeat.

Pro resolutione dicendum est, reuera praxim debere exerceri dependenter à voluntate: tamen non requirere vt liberè fiat. Prima pars ostenditur: quia intellectus per suam notitiam directum non mouet ad operandum nisi mediante voluntate. Et omnis operatio exercenda ex directione & impulsu rationis, omnino vel elici vel imperari debet à voluntate. Et sic Arist. 3. de Anima tex. 50. dixit, intellectum non mouere sine appetitu qui est voluntas.

Secunda etiam pars ostenditur: quia potest operatio aliqua à voluntate procedere, non liberè sed necessariò: & tunc etiam fit ex impulsu & iudicio intellectus; quod iudicium vtique erit practicum, idest operatiuum: & talis operatio erit praxis, idest facta ex iudicio rationis. Et in primis, potest esse actus aliquis voluntatis liber quoad exercitium, non quoad specificationem, vt amor boni in communi. Et hic actus potest dirigi ac regulari per rationem vt eliciatur nunc, vel non eliciatur. Vnde sine dubio, iudicium quo intellectus affirmat, esse hic & nunc eliciendum talem actum, est iudicium practicum, & ipse actus verè est praxis. Deinde, si intellectus ita determinet, esse hic & nunc exercendum certum actum, perspicuum in ipso exercitio actus omnimodam rationem boni, vt determinet necessariò voluntatem ad exercendum actum: vtique tale iudicium est omnino practicum: nam est operatiuum, imò inducit necessitatem ad operandum: non est propter se ipsum, nec gratia tantum cognoscendi; imò maximè est propter operationem exercendam: ergo operatio sic elicitur verè praxis. Dantur etiam, de facto in nobis actus subitanei & ineliberati qui sine libertate fiunt, & fiunt ex iudicio determinante voluntatem: & omnino tale iudicium dici debet practicum.

Debet qui-
dem depe-
dere à vo-
luntate.

Sed non
oportet vt
liberè de-
pendeat.

hicum. Et, si Deus esset agens necessarium, vt Arist. fortasse putauit, & ageret per intellectum & voluntatem: vtique adhuc eius scientia esset practica, sicut nunc est. Atque etiam intra latitudinem cognitionis sensitiuæ mouentis appetitum sensitiuum, debet concedi in suo genere cognitio practica, quæ scilicet mouet ad exercendam operationem representatam per talem cognitionem, licet moueat necessariò: & talis operatio dicitur in suo genere praxis.

Adhuc verò excluduntur operationes partis vegetatiuæ. Nam non solum sunt necessariò, sed sunt ex vi potentiarum naturalium, independentes à cognitione, & à voluntate, & appetitu: quæ autem ratione possunt remotè & in causa regulari per cognitionem, sic dependent etiam ex libera applicatione voluntatis, & vt sic earum directio habet rationem praxis. Amor autem Beatorum in patria, si dicatur elici ex iudicio distante talem actum esse exercendum, verè est praxis. Si autem dicatur elici solum ex cognitione terminata ad Deum in se, cuiusque infinitam bonitatem: sic non est praxis, non ex defectu libertatis, sed quia non est obiectum notitiæ practice, sed consequitur ad visionem speculatiuam per connexionem potentiarum iuxta ea quæ diximus sect. 1. Arist. demum ibi tantum docere voluit, artem & prudentiam non esse de ijs quæ ex necessitate extrinseca, idest ab alijs causis & non ab ipso homine efficiuntur: sed esse tantum de ijs quæ ab ipso homine effici possunt, & absolute loquendo possunt non effici, quia si desit ipsa ars non efficiuntur, etiam si supposita arte siue iudicio practico necessariò efficiantur.

SECTIO QVINTA.

Qua tandem operatio sit propriè & primariò praxis, circa quam versatur scientia practica.

Supposito quòd praxis esse debeat operatio à voluntate ex cognitionis impulsu dependens: duplex est hæc operatio, alia est actus elicited voluntatis, alia

est actus imperatus. Cùm v. g. quis vult scribere, vult saltare: actus volendi, est actus elicited voluntatis, actus autem scribendi, saltandi, &c. est actus imperatus à voluntate.

Scot. q. 5. Prol. Capr. q. 1. Sonc. 6. Met. q. 2. & alij, affirmare solent actum elicited, qui est etiam imperans, per se esse propriè & primariò praxim: imperatum verò tantum secundariò & per accidens. Atque adeò omnem actum alterius potestatis à voluntate, non esse nisi secundariò praxim, quia imperari debet mediante alio actu elicited voluntatis. Id autem probat Scot. quia praxis est que sequitur ad cognitionem per quam regulatur: sed primò sequitur actus elicited voluntatis, secundariò autem alius actus qui imperatur. Item praxis est quæ dependet ex libertate, aut saltem facultate voluntatis: quod etiam conuenit primariò actui elicited. Demum praxis est quæ conformatur rationi rectæ: primò autem conformatur actus elicited, & consequenter actus imperatus.

Nihilominus dicendum est, potius actum imperatum esse per se & propriè praxim, circa quam versatur scientia practica. Videtur res manifesta, si bene intelligatur. Et probatur primò. Praxis est operatio quæ regulatur & dirigitur per rationem. Sed actus imperatus est, qui per se & propriè dirigitur ac regulatur. Nam ipsis actibus imperatis per se applicatur, de ipsis traduntur regulæ & præcepta bene operandi. Videlicet de actu scribendi, de actu ædificandi, de actu saltandi. Similiter quoad actus internos, de ipso actu definiendi, de actu syllogizandi, & sic de alijs, directè traditur directio practica: non autem de actibus voluntatis, quibus homo velit scribere, velit ædificare, velit saltare. Ergo actus imperati sunt, qui per se & propriè habent rationem praxis.

Secundò. Illa operatio est regulabilis & praxis, ad quam principaliter ordinatur notitia practica, & propter quam est ipsa notitia practica, quæ ideo non est propter se, sed propter aliud, idest propter praxim: sed notitia practica principaliter ordinatur ad exercendos actus imperatos, V. g. ars ædificandi ad ædificandum, ars scribendi ad scriben-

Actus imperatus à voluntate, est per se & primariò praxis.

Quia per se regulatur à notitia practica.

dum: neque dixeris has artes ordinari ad volendum ædificare, ad volendum scribere: quinimo ipsemet actus volendi per se ordinatur ad actum alium exercendum: ergo actus imperatus est per se & propriè praxis.

Est obiectum notitia practica.

Tertiò præcipuè. Illa operatio est verè praxis, quæ est obiectum notitiæ practiciæ & regulatiuæ: circa hanc enim versatur notitia practica. Et per hoc assignatur essentialis ratio notitiæ practiciæ, quòd versatur circa obiectum operabile, quatenus operabile: sed actus imperatus, non autem actus imperans elicicus voluntatis, est obiectum scientiæ practiciæ. Nā cogitamus & consideramus opus ædificandi, actionem scribendi, & sic de alijs. Dicimus, obiectum Logicæ esse operationes intellectus, non autem voluntatem operandi, & sic in omnibus alijs scientijs practicijs: et est res manifestissima. Ergo actus ipse imperatus est verè & propriè praxis.

Quartò. Jam sect. 1. probauimus, scientiam non constitui practica per hoc quod ad eam consequatur actus aliquis voluntatis per modum naturalis sequelæ, qui non erat obiecti: cognitis & representatus per ipsam scientiam practica: sed tantum constitui per operationem cognitam & representatam obiecti. Sed quādo quis considerat practiciæ ædificiū construendum, & ex hoc vult ædificare: actus hic voluntatis non consequitur tanquam obiectiū representatum, tāquam operatio practiciæ cognita, sed potius per modum sequelæ: actus autem ædificandi est, qui aptus est sequi tanquā operatio practiciæ cognita & representata: ergo hic actus est verè & propriè praxis, per ordinē ad quam constituitur notitia practica, & & circa quā versatur scientia practica. Eaque praxis, sicut est obiectum notitiæ practiciæ, ita etiam est obiectum voluntatis operatiuæ. Et habet fieri ex vi huius notitiæ & voluntatis, tanquā actus imperatus.

Actus elicicus voluntatis, si sit etiā imperatus, est per se praxis.

Quintò. Potest etiā actus elicicus voluntatis esse pari modo praxis, si sit simul imperatus, & sit obiectiū repræsentatus per notitiā practica. Sicut enim intellectus iudicat esse ædificandum, ita & potest loqui iudicare esse elicicndū actum aliquem voluntatis, ut esse elicicndum actū amoris Dei. Tunc hic actus amoris est verè & in

toto rigore praxis, circa quā versatur iudicium illud practiciū, & quæ est obiectū eius notitiæ practiciæ; tamen hic actus voluntatis est etiam imperatus per alium actum, quo voluntas determinat volo exercere actum amoris Dei. Vnde quatenus est actus imperatus, optimè est praxis, cum simul sit actus elicicus. Ad rationem autem formalem praxis hoc modo per accidēs se habet quòd sit actus elicitus, sed per se facit quòd est actus imperatus, & obiectiū repræsentatus per noticiam practica.

Actus elicicus imperatus voluntatis dicitur participare quādam praxi.

Sextò. Etiam actus elicicus et imperans voluntatis, qui habet pro obiecto suo praxim, poterit suo modo denominatiue dici praxis per participationē ab actu imperato: quoniam habet pro obiecto suo operationē quæ est per se & directè praxis, & consequitur ad noticiā practica, tanquam actus imperans praxim ad quā scientia practica principaliter ordinatur: & concomitanter regulatur ac dirigitur per eandem noticiam practica: dum per illam dirigitur & regulatur illa operatio quæ est obiectum iudicij practici.

Ex his faciliè respondetur ad argumen. Scoti. Illam operationē esse per se & propriè praxim, quæ sequitur ad noticiā practica tanquam obiectū cognitum & regulatum, quæ dependet à voluntate tanquam obiectum volitum, quæ conformatur rationi rectæ tanquam obiectum cuius conformitas per se intenditur. Hæc autem omnia, per se conueniunt actibus imperatis.

SECTIO SEXTA.

De Scientia subalternante & subalternata.

Hæc est alia diuisio scientiæ, de qua agit Arist. 1. post. c. 7. à tex. 58. c. 8. à tex. 69. & c. 13. à tex. 100. Non tamē hæc traditur tanquam diuisio adæquata, quasi omnis scientia esse debeat aut subalternans aut subalternata: hoc enim uō est necessariū. Sed quia reuera inuenitur hic ordo inter quasdā scientias, quòd vna est subalternans, alia subalternata.

Pererius autem 1. Phys. cap. 4. asserit, Hæc diuisio est voluntatis non conuenire vniuocè in ratione scientiæ.

neris in
species.

Scientiæ, sed potius analogicè: quia scientia subalternata essentialiter à subalternante dependet. Sed in primis planè constat convenire vniocè, tanquam in vna ratione & conceptu communi, quia scientia verè & essentialiter dicitur de vtraque. Deinde nec etiam habent illam analogiam per dependentiam vnius speciei ab alia, quam habent accidens & substantia. Nam scientia subalternata non dependet à subalternante tanquam à causa per se & directè se habente, sed solum per modum rationis & conditionis agendi: sicut assensus conclusionis ab assensu præmissarum. Sicut ergo diximus, tertiam cum secunda, & vtraque cum prima operatione intellectus, vniocè convenire: ita dici debet de scientia subalternante & subalternata. Et sine dubio scientia ponitur tanquam vnum genus in suo prædicamento. Explicanda ergo nunc est hæc subalternatio scientiarum, & quid & quæ sit scientia subalternans, ac subalternata.

Scientia subalternans ex vi ipsius nominis propriè denotat scientiam subijcientem & subdentem sibi alteram: scientia subalternata è contra illam quæ subijcitur & subditur alteri. Plures autem modi subiectionis et subalternationis excogitari & distinguere possunt. Sed quoddam paucos ex doctrina Aristot. recensere sufficit. Plures etiam cõditiones requiri solent ad perfectâ subalternationem scientiarum: nec oēs cõveniunt de singulis cõditionibus, ut videre est non solum apud Expositores circa loca cit. Arist. sed etiâ de hac re disputant Scholastici in Prolog. Sent. & alij Theologi ad initium primæ partis, Sonc. 4. Metaph. quest. 9. Forsec. 4. Metaph. cap. 1. quest. 2. Suar. disput. 1. Metaph. sect. 5. Perer. 1. Physic. à cap. 13. & alij initio Physic. ac Metaphysic. Sed ex ipsis variis modis subalternationis, colligemus etiam quæ cõditiones ad perfectam subalternationem requirantur.

Primus
modus sub
alternationis.

Primus modus est ex parte obiecti, quando obiectum vnius scientiæ est species obiecti alterius scientiæ. Hoc modo Physica quæ agit de ente materiali, siue de corpore naturali, est subalternata Metaphysicæ quæ agit de ente in cõi: & sic

omnis alia scientia erit subalternata Metaphysicæ. Item in ipsa Physica, illa pars quæ agit de cælis, aut de elementis, aut de animalibus, aliisvè corporum speciebus, est subalternata illi parti, quæ agit de corpore in communi. Et sic in omnibus rebus similibus.

Secundus
modus.

Secundus modus est ex parte rationis formalis, quando videlicet vna scientia considerat obiectum alterius, vel in toto vel in parte, sub aliqua tamen conditione accidentali superaddita. Sic Perspectiva dicitur subalternari Geometriæ, quia agit de linea visuali, cum Geometria agat de linea simpliciter: sic etiam tota Mathematica dicitur subalternari illi parti Physicæ quæ agit de quantitate, quoniâ Mathematica considerat quantitatem quatenus mensurabilem.

Tertius
modus.

Tertius modus est ex parte finis, quando videlicet vna scientia ordinatur ad aliâ illiq. veluti ministrat & servit. Sic 1. Ethic. cap. 1. arti equestris subijcitur ac hæc frænorum effectrix, aliæq. artes quæ equestria instrumenta conficiunt, & etiam Polit. cap. 5. Arist. meminit huius modi subiectionis & ministerij. Sic etiam Logica quodammodo subalternatur alijs omnibus scientiis, quoniam ordinatur ad directionem totius nostræ cognitionis: ideòq. dicitur Organum & instrumentum scientiarum: habens tamen pro obiecto ipsam nostram cognitionem quam dirigit.

Quartus
modus.

Quartus & maxime proprius subalternationis modus, quem Arist. & Philosophi præcipuè attendunt, est ex parte præmissarum, ex quibus inferitur conclusio scientifica: quando videlicet vna scientia seu demonstratio ad probandam suâ conclusionem assumit propositionem aliquâ, quæ erat cõclusio demonstrata in alia superiori scientia. Sic Medicina assumit hoc principium, contraria contrariis curantur, quod probatur ex Physic. quia vnum contrarium expellit aliud. Similiter Geometria assumit hanc propositionem, à quolibet puncto ad quodlibet punctum potest duci linea, quæ probatur ex Physica: quia nunquam duo puncta sunt immediata, sed inter quælibet mediat spatium diuisibile. Atque in eadem scientia totali læpè vna demonstratio assumit præmissam probatam in alia antecedenti demonstratione: quod præsertim in Geometria est frequentissimâ.

V. g. in quinta demonstrat. primi Euclid. assumitur, Bases duorum triangulorum habentium latera alterum alteri æqualia, & angulos ijs lateribus contentos æquales, esse æquales: quæ erat conclusio probata demonstratione quarta. Sic ergo illa scientia & illa demonstratio quæ procedit ex aliqua præmissa probata in alia demonstratione, dicitur subalternata: illa alia dicitur subalternans.

Præcipue autem attenditur hæc subalternatio inter diuersas scientias totales. Sic Medicina dicitur subalternari Physicæ, & Perspectiua Geometriæ. Vt autem totaliter loquendo una scientia totaliter dicatur subalternata alteri, non sufficit, si in una vel in paucis quibusdam demonstrationibus subalternetur. Sed neque est requirendum, vt in omnibus prorsus demonstrationibus subalternetur. Sed tunc absolute loquendo dicitur subalternari, quando vel in omnibus, vel saltem in magna parte suarum demonstrationum subalternetur.

Perfecta subalternatio plures modos inuoluit.

Cæterum perfecta ex omni parte subalternatio erit, quando vniuntur simul plures modi assignati, specialiter primus, secundus, & quartus. Nam tertius refertur potius ad scientias practicas: subalternatio autem perfecta, etiam inter scientias pure speculatiuas inuenitur. Itaque hæ erunt tres conditiones requiritæ ad perfectam subalternationem: vt scientia subalternata habeat pro obiecto suo, speciem aliquam siue partem subiecti scientiæ superioris: vt addat conditionem aliquam accidentalem sibi propriam: & vt assumat præmissas probatas & demonstratas in scientia subalternante. Et hoc totum habetur ex doctrina Aristotelis hoc loco.

Essentialis ratio subalternationis.

Notauit autem recte Caietan. 1. parte quæst. 1. art. 2. hanc tertiam conditionem esse propriam & essentialem rationem subalternationis: & hanc esse essentialem differentiam scientiæ subalternantis & subalternatæ: quod subalternans procedit ex suis principiis per se notis: subalternata verò ex principiis acceptis & notificatis lumine superioris scientiæ. Quam etiam differentiam assignat ibi Sædus Thomas. Alias verò conditiones ait Caiet. aut consequi ad hanc conditionem essentialem, aut non esse necessarias. Et

quidem ideo illæ duæ conditiones cum alia tertia coniunguntur: quia si vna scientia habeat subiectum prorsus disparatum ab alia, non vteretur propositionibus probatis in alia scientia: sed haberet etiam propositiones disparatas. Si autem haberet idem prorsus obiectum, vel partem obiecti secundum rationem aliquam tali obiecto quidditariam & essentialem, non esset diuersa scientia, sed vel eadem prorsus, vel pars quædam illius scientiæ totalis. Vt ergo sit quidem distincta scientia & tamen sit subalternata, hæ omnes conditiones coniunguntur.

Postremo. Circa rationem dictam, essentialem subalternationis, explicandum est, quomodo scientia subalternata procedat ex principiis probatis in superiori scientia, & quam notitiam eorum habeat, & quomodo sit verè scientia. Et ratio difficultatis in hac re est: quia cum illa principia non sint seipsis essentialia, sed per demonstrationes subalternantis: scientia subalternata, quæ non ea demonstrat, non habebit notitiam euidenter eorum: sed credet alteri scientiæ, nempe subalternanti, à qua illa accipit. Vnde tandem non videtur demonstratiuè & euidenter scire suas conclusiones, quas solum ex principiis creditis deducit.

Propter hoc Capreol. quæstione prima Prolog. conclus. 1. & ad argum. Aureol. & Gregor. contra eandem conclusionem ait, ad scientiam subalternatam sufficere vt credat principia sua sibi tradita à subalternante: quod non est cognoscere euidenter, sed obicure per habitum fidei: & vt euidentia eorum principiorum detur in ipsa scientia subalternante; & hoc ipsum credatur à scientia subalternata. Sic quodammodo continuari, & cõnecti scientia subalternatam cū subalternante; & hoc modo habere rationem scientiæ. Fauet D. Tho. Opusc. 70. q. 2. art. 2. ad 5. & 7., & 1. par. quæst. 1. ar. 2. vbi hac via declarat, Theologiam esse propriè scientiam, quia quamuis sua principia ineuidenter credat fide diuina; ea tamen sunt euidentia in superiori scientia, nempe Dei & Beatorum. Imo Aristot. 1. Topic. capite primo ait, scientiam esse principiorum quorum habemus fidem.

Dicendum tamen est, scientiam subaltern-

Quomodo scientia subalternata summat præmissas ex subalternante.

Debet in

*intellectu dari noti-
tia cui-
dus ha-
rum præ-
missarum.*

ternatam, vt sit verè scientia, debere procedere ex euidenti notitia præmissarum earum quas accipit à scientia subalternante : non quasi ipsamet scientia subalternata eas euidenter demonstret : sed quia supponere debet in eodem intellectu scientiam subalternantem in qua demonstrantur. Ita Aureol. & Gregor. apud Capreol. Soncin. 4. Metaph. quæst. 9. art. 2. Surr. disput. 1. Metaph. sect. 5. num. 46. & alij hoc loco. Caiet. etiam Bagn. Molina & alij plures 1. par. quæst. 1. art. 2. Vbi propterea Caiet. ait, scientiam subalternatam, & specialiter Theologiam, quatenus est in tali intellectu nõ habente euidenti principiorum, non esse propriè scientiam, licet sumptam secundum se dicat esse scientiam.

Probatur hæc assertio clarè ex Aristotele: qui primo Posteriorum capite 1. ait: *Non scies is qui non habet demonstrationem ipsorum principiorum demonstrabilium: scire enim propriè, & non secundum acciden-
ta, quorum demonstratio est, habere demonstrationem est.* Quomodo verò ibidem dicat, principia debere esse indemonstrabilia, explicabimus questione sequenti. Addit etiam Aristot. ibi & 6. Ethic. cap. 3. principia debere esse notoria conclusio-
ne: non ergo potest conclusio cognosci per scientiam nisi principia cognoscantur tantum per fidem.

*Debet in
eodẽ intel-
lectu con-
iungi sci-
tia subal-
ternata
cum subal-
ternan-
te.*

Probatur etiam ratione. Ex notitia ineuidenti præmissarum non potest duci notitia euidens conclusionis: sicut nec ex notitia probabilis potest duci notitia certa: ergo si præmissæ tantum fide credantur, non potest haberi scientia conclusionis. Neque sufficit, quod in superiori scientia illæ præmissæ sint euident-
es: nisi in vno & eodem intellectu decur etiam ipsa scientia superior, idest notitia euidens earum præmissarum. Nam dum vnus habet euidentiã alicuius rei, eamquẽ testatur alteri: hic, dum credit testimonio illius, non habet vtique euidentiã, sed tantum fidem obcuram. Et etiam si credat illum alium habere euidentiã, hoc ipsum assensu fidei credit, non autem scire euidenter. Ergo consequenter non poterit deducere euidentiã scientiam aliarum conclusionum ex ijs præmissis tantæ fide creditis. Hinc rectè Sanctus Thomas quæst. 14. de Veri-

tate artic. 10. notauit, 'discipulum credentem ijs quæ sibi à magistro dicuntur, & non habentem rationem eorum, quæ tamen perfectè à magistro sciuntur, non habere scientiam perfectam, nisi cum postea eas rationes agnouerit; ab initio autem potius credere quam scire. Et ad hoc adducit illud: *Oportet addiscere credere.*

Itaque ad hoc vt in aliquo intellectu sit scientia subalternata quæ sit propriè scientia, oportet in eodem intellectu supponi scientiam subalternantem in qua habetur euidentiã præmissarum, vt ex hac notitiã euidentiã gigni possit assensus euidens & scientificus conclusionum: & hæc est continuatio & coniunctio scientiæ subalternatæ cum subalternante.

Hinc patet manifestè ad rationem difficultatis præmissam: qualiter scientia subalternata, vt sit vera scientia, non sola fide credit sua principia, sed supponit in eodem intellectu notitiã euidentem per scientiam subalternantem. Sanctus Thomas autem Opusc. 70. non sumpsit scientiam propriè & perfectè, sed in latiori significatione. In alio loco primæ partis explicatur à Caietano ibi, quod scientia subalternata, & Theologia, notur est in tali subiecto non habente euidentiã principiorum, non sit scientia: ramen secundum se sit scientia per continuationem ad subalternantem, quia ipsa principia in se sunt euidentia, seu euidenter cognoscibilia. Quod clariùs explicari debet, ex parte obiecti: conclusiones Theologicæ quantum est de se sunt scibiles, idest possunt sciri per sua principia, quia potest dari notitia euidens principiorum, & ex principijs conclusio-
num. Aristot. verò planè nomen fidei latè sumpsit pro cognitione: nam etiam prima principia indemonstrabilia ait se ipsis habere fidem: idest se ipsis mouere intellectum ad assensum: neque loquutus est specialiter de scientia subalternata. Sic etiam latè vitur verbo credendi 1. Poster. tex. 15. & sequentibus.

Ex his etiam explicandum est, quod Aristot. ait, Scientiam subalternatam scire quod res sit, siue quia res sit, subalternantem verò propter quid res sit: quia videlicet scientia subalternata non conficit per se demonstraciones ad probandas

*Sic subal-
ternata
est vera
scientia.*

*Quomodo
scientia
subalter-
nata sci-
at quia
res est, sub*

*ad remans
propter
quid est.*

suas præmissas, sed eas supponit ex alijs prioribus principijs demonstratas à scientia subalternante. Vel etiam docere voluit, scientiam subalternantem non demonstrare quidem à priori, & propter quid suas præmissas: tamen interdum illas demonstrare à posteriori, vel inductione, vel demonstratione quia. In hoc tamen modo sciendi & demonstrandi, non est verè subalternata, quia non dependet ex alia superiori scientia, sed per se probat suas propositiones.

SECTIO SEPTIMA.

De Scientia totali & partiali: de- quæ distinctione scientiarum totalium.

*Quomodo
de singula
tur scien-
tia tota-
lis & par-
tialis.*

Satis compertum est, solere singularem nomine nuncupari unam scientiam, non solum unum aliquem assensum unius conclusionis: sed præcipuè integram aliquam facultatem, quæ plurimas conclusiones earumquæ notitiam continet. Sic Logica dicitur una scientia, Physica una scientia, & aliæ similiter. Hinc orta est distinctio scientiæ totalis & partialis. Partialis dicitur, quæ versatur circa unam aliquam conclusionem per unam demonstrationem. Totalis dicitur quæ complectitur collectivè plurimas conclusiones & demonstrationes habentes inter se certam connexionem. Scientia totalis plane constituitur ex ipsis partialibus, earumquæ continet.

Potest autem hæc diuisio adaptari scientiæ, tum quantum ad obiectum, tum quantum ad actus, tum quantum ad habentem. Nam possunt sigillatim accipi conclusiones quæ sciuntur, & collectio plurium & omnium conclusionum. Item assensus actualis unius conclusionis, & assensus omnium. Habitus scientificus unius conclusionis, & habitus omnium.

*Ex parte
obiecti.*

Circa obiectum scientiæ totalis, & præsertim circa obiectum incomplexum quod est obiectum in conclusionibus quæ demonstrantur, explicandum hic esset, qualiter quælibet scientia totalis debeat habere suum obiectum adæqua-

tum & totale, vel per prædicationem, vel saltem per attributionem, & quale esse debeat, quales conditiones requirat scientia totalis in huiusmodi obiecto. Sed quicquid superesset dicendum præter ea quæ superiori quæstione absolute dicta sunt de obiecto scientiæ, iam satis præmissum est in q. 2. ubi assignare oportebat obiectum adæquatum totius Logicæ. Quicquid verò pertinebit ad diuisionem obiecti in varijs scientijs, tractetur infra.

Circa scientiam actualem facile constat, scientiam totalem non dicere unum simplicem actum qui attingat omnes conclusiones intra latitudinem certi obiecti totalis scibilis. Nam certè singulis conclusionibus, singuli ac distincti actus correspondent. Ac proinde scientia totalis actualis confurgit ex collectione totorum actuum singularium. Unde non est aliquid per se vnum, sed tantum habet unitatem collectionis & ordinis. Imo ulterius, quia intellectus non elicit simul omnes actus scientiæ circa conclusiones scibiles, sed successivè, modò unum modò alium, ut compertum est: sic scientia totalis non est tota simul quantum ad actus in intellectu: sed est successivè & per partes, ut patet. Nec demum scientia totalis actualis ponitur per modum unius compositi singularis in prædicamento: sed potius singuli actus ponuntur per se: ponitur etiam species siue genus talis scientiæ per modum unius universalis, complectens sub se singulos actus particulares.

Circa scientiam habituales, est præcipua & celebris difficultas: An sit vnus simplex habitus, eliciens omnes actus, & complectens omnes conclusiones spectantes ad certam scientiam totalem: sicut est vnus intellectus, eliciens omnes prius cognitionis actus, & respiciens omne obiectum intelligibile: & sicut est vnus simplex habitus fidei diuinæ circa omnes veritates reuelatas à Deo & credendas à nobis: Vel potius sint varij & distincti habitus quos sunt conclusiones scibiles, qui diuisim & successivè acquirantur, sicut conclusiones addiscuntur: Et ita scientia totalis habitualis, non sit vna simplex qualitas: sed tamen dicatur vna per aggregationem & colle-

*Ex parte
actus.*

*Ex parte
habitus.*

collectionem, sicut de actibus dictum est, & sicut constat esse plures distinctas species intelligibiles circa res distinctas. Verum hæc questio proprie spectat ad tractatum de habitibus, & supponit dari habitus, & omnino dependet ex natura & acquisitione habituum. Itaque in suum tractatum philosophicum de habitibus remittenda est.

Quomodo distinguatur plures scientia totales.

Nunc ad præsentem locum proprie spectat: inquirere, An & quomodo plures ac variae scientiae totales distinguendae ac designandae sint. Hoc enim est proprium munus Logicæ, vt notauit Auerr. 2. Phys. com. 16.

Antonius Bernardus Mirandulanus lib. 13. de Euerfione singularis certaminis sect. 6. & 7. quem quidam alij sequuti sunt, voluit, non esse ex natura rei distinctas plures scientias totales, præsertim speculatiuas: sed solum hominum placito & industria fuisse aliquot scientias distinctas ad maiorem addiscentium commoditatem. Imo antiquiores Philosophi non videntur agnouisse distinctionem scientiarum, sed potius totam doctrinam de omnibus rebus confusè tradebant. Et Plato ipse sine certo ordine & distinctione, in varijs dialogis disposuit suas tractationes & quaestiones, partim ad Logicam, partim ad scientiam, partim ad disciplinas mathematicas, & alias facultates philosophicas, pertinentes. Fundat Mirandul. suam sententiam in auctor. Arist. qui 4. Metaphysic. textu 6. & 7. asserit vnus scientiæ esse speculatiuæ & species eius & species specierum, & quæcunque conueniunt enti.

Alij communiter asserunt vel supponunt, distinctas esse scientias totales, non ex mero hominum arbitrio, aut addiscentium commoditate, sed ex natura ipsarum rerum scibilibum, earumque diuersitate.

Ob addiscentium commoditatem.

Dicendum ergo est, magna addiscentium commoditate factum esse, vt plures scientiae totales certo ordine ac dispositione distinctae sint: idque proximè quidem hominum studio & industria factum esse: sumpta tamen distinctione & dispositione ex ipsa natura & diuersitate rerum scibilibum. Hoc totum videtur satis manifestum. Nam sine distincti one plurium scientiarum, magna difficultas

& confusio esset in addiscendis rebus. Talis erat antequora Arist. & Plat. quando non adhuc scientiarum distinctio & dispositio, sicut postea fuit, excogitata erat. Præcipuè autem Aristot. post Platonem plures scientias distinctas & ordinauit. Differit de hac re Euseb. Caesarien. libro 11. de Preparatione Euangelica capite primo. Et Aristoteles quidem omnium optime hoc perfecit. Plato autem ex parte.

Hæc autem distinctio scientiarum, facta non est ex mero hominum arbitrio, veluti casu & temerè: sed spectata distinctione & conuenientia rerum. Neque distinctæ sunt plures scientiæ, nisi ob distinctas rationes obiecti: neque designata est vna quælibet scientia totalis, nisi ob vnā aliquam rationem obiecti. Sicut distinctio & constructio prædicamentorum, fuit quidem humanum artificium, hominum ingenio fabricatum, ad commoditatem addiscentium, vt facilius res omnes noscere & percipere possent: tamen totum factum fuit iuxta ipsarum rerum naturam, spectata varia diuersitate & conuenientia ipsarum rerum. Atque Aristoteles primo Posteriorum cap. 13. ex natura rei deducit quoddam regulas ad cognoscendam distinctionem vel vnitatem scientiarum. Hoc autem totum ostendendum est, discurrendo per distinctionem variarum scientiarum.

Et ex diuersitate ipsa rerum.

Debeant in primis distinctæ esse scientiæ, practica & speculatiua. Habent enim obiectum adeò diuersum, operabile & non operabile. Habent fines adeò distinctos, scire & operari. Habent modos procedendi dissimiles, vel tantum considerando res quæ sunt, vel tradendo regulas & præcepta faciendi vt res sint, conciliendo etiam & adhibendo instrumenta operatiua & directiua. De facto etiam inductione ostendi potest, quàm magna diuersitas sit inter omnem scientiam practicam ac speculatiua: vt manifestè constat, ex natura rei, & ex ipsa rerum diuersitate, has scientias debuissè seiungi.

Distinctiæ scientia totalis, speculatiua & practica.

Neque obstat debet, Fides Diuina & sacra Theologia, quæ vna totaliter esse dicitur, nec in plures facultates tales distinguitur: & tamen simul complecti.

Non in re, sed in rebus Theologicis, sed in rebus.

huius
modi
valibus.

plectitur partem speculatiuam & partem practicum. Nam fides Diuina est habitus infusus, se habens per modum potentie: & vnus habitus fidei infunditur à Deo circa omnes veritates reuelatas, Catholica fide credendas. Theologia verò ex eodem lumine infuso supernaturali procedit, & in ipsa vna fide fundatur: habentque res theologicæ talem habitudinem, & tota Theologia talem vniformem procedendi modum, vt nec necessarium, nec opportunum visum sit, illam in plures totales scientias distribueri, de qua re suo loco ad initium ipsius Theologiæ agendum est. At in scientijs naturalibus oportuit, penes diuersitatem speculatiui & practici, plures scientias totales distinguere.

Deinde debent etiam distinguere plures scientia speculatiuæ, & plures practicæ. De qua re sigillatim agendum sequitur. Et prius quidem de scientijs practicis, quoniam res est facilius, & carum distinctio aliquantum ad distinctionem speculatiuarum deferuiet.

Aristoteles verò ibi quarto Metaphysicorum docere voluit, ad vnâ scientiam pertinere contemplari ens & species entis secundum communem ipsam rationem entis. Vel vnâ scientiam veritate genericâ considerare omne obiectum scibile: sub qua tamen plures scientiarum species circa diuersas species obiectorum distinguere possint. Vel demum loquutus est de consideratione philosophica & speculatiua entis, coniungendo Metaphysicam & Physicam; ac docendo, vnâ totalem Philosophiam esse, quæ considerat ens & omnes species entis, vt attingemus sectione nona.

SECTIO OCTAUA.

De Distinctione plurium Scientiarum practicarum.

Quamuis absolute & amplè loquendo, omnis notitia qua iudicatur quicquam operandum, siue benè & rectè, siue malè & indirectè, siue tantum materialiter accipiendo operationem, sit verè practica ad distinctionem notitiæ speculatiuæ. Tamen specialiter altima-

tur illa notitia practica quæ ordinatur ad benè & rectè operandum, quæque sic dicitur directiua operationis. Hac ratione institutæ sunt scientiæ & facultates practicæ, quæ hominibus viles sunt, & quæ à peritis edoceri, à cæteris edisci solent. Omnis ergo scientia totalis practica, & in vniuersum omnis ars & omnis facultas practica, instituta est ad dirigendam aliquam nostram operationem.

Itaque ex diuersitate ipsarum rerum, operabilium, sue operationum dirigibilium, aut ex diuersitate finis intenti aut ex diuersitate rectitudinis in operationibus inducendæ, atque ex diuerso modo procedendi & operandi, ex diuersis generibus regularum & præceptorum, ex diuersis instrumentis & medijs deseruientibus ad finem intentum, plures scientiæ aliæque facultates practicæ distinguendæ fuerunt, & merito distinctæ sunt. Et ita insinuaui Aristoteles primo Ethicorum cap. 1.

In primis Aristot. 6. Metaph. text. 1. distinguit scientiam practicam in actionem & factum, & obiectum operabile in agibile & factibile, siue operationem in actionem & factionem. Hanc eandem distinctionem actionis & factionis, facultatis actiue & factiue, tradit ad distinguendum prudentiam & artem, 6. Ethicorum cap. 4. & 5., lib. 1. Magnor. moral. cap. 33. & alibi. Eo autem loco Magn. moral. ait, nomen praxis, & notitiæ practicæ, specialiter appropriari actioni & notitiæ actiue. Sed iam satis constat, absolute hæc nomina praxis & notitiæ practicæ, esse communia etiam factioni & notitiæ factiue. Ipsa autem nomina actionis & factionis, sicut & verba agendi & faciendi, extra hanc rem confundi solent: tamen in hac re in diuerso sensu sumuntur.

Difficile autem est, quidam Aristot. his nominibus intellexerit. Et multi sic explicant: nomine actionis intelligi operationem bonam moraliter, siue actionem humanam quatenus capacem bonitatis moralis, quatenus dirigibilem in genere moris. Nam Aristot. determinat, prudentiam versari circa actionem, & per hoc ab arte distinguit: ait actionem cum electione coniungi, idemque esse agibile ac eligibile, electionem autem

Scientia
practica
diuinitur
in
actionem
& factum
nâ.

Afferitur
quidam
modus ex
plicandi
distinctionem.

tem sine dubio refert ad exercitium virtutis & honestatis. Nomine factionis explicantur intelligi operationem quæ transit in externum subiectum, & non immanet in eodem operante, imo quæ relinquit aliquod opus factum permanens post ipsam operationem: sicut ædificatio relinquit post se ædificium. Nam hoc modo dicitur Aristot. ipse 9. Metaph. text. 16. explicat operationem transeuntem: & primo Magn. moral. cap. 33. aperte hoc modo distinguit factionem ab actione, quia factio habet aliquem alium finem, nempe opus quod efficitur, actio autem non habet aliquem alium finem aut opus, sed idem est huius exercitium & actio. Et 6. Ethicorum cap. 5. ait, finem factionis esse quid ab ea diversum.

Rejicitur.

Verum hic modus diuidendi sic explicatus, est planè inadequatus et insufficiens. Nam si nomine actionis intelligatur tantum operatio bona seu dirigibilis moraliter, & nomine factionis operatio transiens, ac etiam quæ relinquit opus post se: in quodam genere collocantur aliæ operationes quæ sunt dirigibiles in alio genere præter genus moris, & non relinquant opus post se, nec sunt transeuntes, sed immanentes in eodem operante: huiusmodi autem sunt, operationes pulchritudinis variæ instrumentæ per artes musicas, quæ transeunt quidem in subiectum externum, tamen non relinquant opus post se: ite operationes saltandi & canendi & rectè loquendi, quæ in corpore hominis exercentur, & diriguntur etiam per suas artes & scientias, operationes demum intellectus quæ omnino sunt immanentes. & sunt utique in suo genere dirigibiles.

Item hic modus non bene distinguit actionem à factione. Nam operatio moralis & dirigibilis in genere moris, non solum est immanens & interna, sed etiam transiens & externa. Imò actus externus dicitur participare eandem moralitatem cum actu interno. Et scientia moralis atque prudentia dirigit simul omnes actus. Et licet bonitas & malitia moralis dicatur primario convenire actibus internis voluntatis, & secundario denominare actus externos, formaliter loquendo: tamen obiectivè potius è converso actus interni specificantur ab externis quos habent pro suis obiectis. Et hoc est magis

attendendum ad rationem praxis & scientiæ practicæ, quia notitia practica intellectus habet pro obiecto suo dirigibili idem obiectum in quod debet fieri voluntas. Et ulterius aliqui actus sunt qui diriguntur in genere moris, ut relinquunt post se opus bene ordinatum moraliter. Sic actus bene constituendi ac gubernandi: Rempublicam per Politicam, & familiam per Oeconomicam, habet relinquere rectam ordinationem reipublicæ & familiæ: quod ipsum satis aperte indicavit Aristot. 1. Polit. cap. 1. & 1. Oeconomic. cap. 1. Non bene ergo illo modo distinguebatur actio & factio.

Alio modo aliqui adæquatè explicant divisionem: nomine factionis intelligi omnem & solam illam operationem quæ terminatur ad opus quoddam distinctum & relinquit ex se opus: nomine autem actionis omnem & solam illam quæ non relinquit post se aliud opus, siue interna sit siue externa. Vel aliter nomine factionis intelligi omnem operationem externam & transeuntem, siue relinquat, siue non relinquat post se opus: nomine autem actionis solam operationem immanentem & internam & quæ non relinquit post se opus. Verumque hunc modum approbat Fonseca ad scientias practicas distinguendas 2. Metaph. cap. 3. q. 2. sect. 4.

Affertur alius modus.

Verum hæc explicatio, licet ex una parte videatur constituere divisionem adæquatam: tamen non constituit aptam distinctionem scientiarum. Nam prima & præcipua distinctio tradenda est inter scientiam moralem & scientiam non-moralem: ut mox infra constabit: & retinendo distinctionem actionis & factionis, debet scientia moralis proprie circa actionem designari. At non potest scientia moralis adæquatè circa operationem non relinquentem opus post se, vel circa operationem immanentem & internam, designari: cum etiam circa alias per se & directè versetur tanquam circa obiectum dirigibile. Sicut prudentia, per se & directè considerat operationes ipsas exteriores, & aliquas etiam quæ relinquunt opus post se, ut constat ex supra dictis. Præterea illa explicatio adhuc non est omni ex parte adæquata. Si enim nomine actionis intelligatur opera-

Rejicitur.

operatio quæ sit immanens & non relinquat opus post se; nomine autem factionis operatio transiens: sic omittitur operatio si quæ sit immanens & relinquat effectum post se: sed deberet potius nomine actionis intelligi omnis operatio immanens, etiam si relinquat effectum post se: cuiusmodi potest assignari motus localis quatenus relinquit præsentiam in certo loco, item quodammodo vestire, ornare se ipsum, pascere se ipsum, ex qua operatione consequitur nutrir, & augeri, sanari, vel alijs modis affici. Nam huiusmodi etiam sunt illi effectus qui relinqui solent in externo subiecto per operationem transeuntem.

Verus modus explicandi diuisionem.
Optimus ergo modus explicandi & diuidendi erit, assignando ex vna parte operationem moralem, siue dirigibilem in genere moris; & ex altera parte operationem quæ dici potest artificialis, siue dirigibilis in genere artis, sumendo nomen artis, non prout distinguitur à scientia, sed magis ample prout distinguitur à genere moris, & extenditur ad omnem directionem à morali distinctam. Nam duplex est genus rectitudinis quæ induci potest in nostras operationes, & per facultates practicas intendi. Alia est rectitudo moralis quæ est bonitas & honestas. Alia est rectitudo quæ dici potest artificialis: vt scilicet, 3. notauimus. Possuntque eadem nostræ operationes considerari secundum utranque rationem: quare hæc distinctio est potius formalis quam realis. Nomine ergo actionis intelligetur operatio dirigibilis moraliter, & nomine factionis operatio dirigibilis artificialiter. Sic distinguetur optime duplex genus scientiæ practicæ. Alia est scientia moralis, quæ dicitur actiua. Alia non moralis, quæ dicitur factiua.

Comprobatur.
Paret autem, hunc esse optimum modum distinguendi scientias practicas. Tum quia de facto hæc distinctio vsu ipso obleruata est, ab ipso etiam Arist. Tum quia hac ratione, præter scientiam, distinguuntur etiam prudentia & ars, prudentia quidem circa operationes quatenus moraliter dirigibiles, ars circa operationes quatenus artificiosè dirigibiles. Tum quia hæc distinctio sumitur ex obiecto formali & fine præcipuo scientiæ

practicæ. Nam scientia practica maxime intendit rectitudinem operationis, & considerat operationem quatenus dirigibilem. Ex duplici ergo rectitudine & dirigibilitate, optime distinguitur duplex genus scientiæ practicæ. Neque ita per se facit ad specificandam scientiam practicam, si operatio sit transiens vel immanens, si relinquat vel non relinquat post se opus, sicut quoddam consideretur quatenus in vno vel alio rectitudinis genere dirigibilis. Tum demum hæc distinctio est omni ex parte commodissima, vt experientia ipsa docuit: fundatur in valde diuerso modo procedendi, diuersis regulis & præceptis directiuis.

Cæterum Arist. 6. Metaph. tex. 1. optime potest in hoc sensu intelligi, vt patet in textu. Et hic locus est præcipuus, quoniam ibi Arist. ex professo tradebat distinctionem scientiarum. Alijs vero locis non semper in eodem sensu, nec tam adæquate & distinctè videtur accepisse actionem & factionem. Poterant enim hæc nomina varijs modis accipi. Plato etiam in eodem sensu quem explicauimus de operatione & scientia morali, videtur assignasse actiones & scientias actiuas: vt videre est apud Alcin. cap. 3. de Doctr. Platonis.

Deinde scientia actiua, idest moralis, in tres præcipue diuiditur: Ethicam quæ dirigit actiones singulorum circa se ipsos: Politicam quæ dirigit actiones Principum, Magistratum, & aliorum circa Rempublicam: & Oeconomicam quæ dirigit actiones Patrisfamilias & aliorum circa familiam. quas omnes tres scientias Arist. latè conscripsit: & in earum initijs, qualiter distinguantur explicare curauit.

Denique scientia factiua, idest practica non moralis, videri potest rectè diuidi diuisione quadam vulgata quæ numerantur septem artes liberales, & septem seruiles seu mechanicæ. Liberales sunt, Grammatica, Rhetorica, Dialectica, Geometria, Arithmetica, Musica, & Astronomia. Seruiles sunt, Agricultura, Venatoria, Militaris, Fabrilis, Chirurgia, Textoria, Nautica. Illæ dicuntur liberales, quia magnis animi corpori dominantem exerant, & decet homines ingenuos ac liberos. Aliæ dicuntur.

Scientia actiua, seu moralis, diuiditur in Ethicam, Politicam, Oeconomicam.

Scientia factiua, seu non moralis, non bene diuiditur in septem artes liberales & septem seruiles.

dicuntur seruiles & mechanicæ, quia magis corpus exercent & fatigant, ac decet homines subditos & seruos.

Verum hæc diuisio, nec est propria scientiæ practicæ, nec est adequata. Non est propria: quia inter artes liberales numerat scientias mathematicas speculatiuas. Non est adequata: quia plures omittit, vt partim ex dicendis, partim facili consideratione constare potest. Sic etiam S. Thom. Opusc. 70. q. 5. art. 1. ad 3. ex Vgonis auctoritate notauit, illam diuisionem non esse adequatam: sed idcirco illas facultates enumeratas esse: *Quia his primùm erudiebantur qui Philosophiam discere volebant. Et idcirco in triniuum et quadriuiũ distinguuntur, eo quod ipsi quasi quibusdam vijs viuax animus ad secreta Philosophia introeat.* Arist. verò 8. Polit. c. 3. quatuor artes in quibus exerceantur iuuenes numerauit. Seneca epist. 89. quinque. Maro lib. 6. de Repub. sex. Itaque non est vnus certus ac necessarius modus diuidendi huiusmodi facultates.

Aliter ergo scientia practica non moralis diuidenda est. Alia scientia est quæ dirigit operationes immanentes & internas in anima, quales sunt operationes intellectus: & hæc est Logica. Addi etiam potest ars memoratiua, quæ tradit regulas & præcepta memoriæ, & oratoribus est in vñ. Aliæ sunt quæ dirigunt operationes immanentes & externas in corpore, non indigentes nisi naturalibus corporis organis. Tales sunt illæ quæ dicuntur sermocinales, & dirigunt sermonem externum: vt Rethorica, Poetica, Grammatica: item ars canendi, præterea ars saltandi & si quæ sunt aliæ similes. Aliæ sunt quæ dirigunt operationes indigentes alijs artificialibus instrumentis. Et hæc rursum, aliæ sunt quæ solum in ipso actuali exercitio consistunt, nec relinquunt aliud opus post se: aliæ quæ per se habent efficere quædam opera perennantia, quæ opera per se & principaliter dicuntur dirigi per facultates practicas, vt pingere, sculptere, edificare, & aliæ similes. In quo etiam genere potest computari Medici quæ intendit efficere sanitatem. Atque hæc omnes, variæ & distinctæ iuxta varietatem ipsorum operum, & actionum, & instrumentorum quibus vtuntur: vt via ipso satis

constat. Communi autem voce, hæc nuncupantur artes. Itaque Vel quando diuiditur scientia practica, sumitur nomen scientiæ larè: & intelligitur diuidi cognitio practica communis tam ad artes quàm ad scientias propriè dictas. Vel obseruandum est, in ipsiis facultatibus quæ appellantur artes, posse considerari res artificiales, tum in quadam vniuersalitate, tum in particulari: & quatenus considerari possunt in vniuersali, sic constituere possunt scientias propriè dictas, & hoc modo intelligitur diuidi scientia propriè & in rigore dicta. Et hæc scientiæ intelliguntur vocari artes, latinis sumendo nomen artis prout etiam ad scientias practicas extenditur, sicut sæpè sumpt Arist. 1. Metaph. cap. 1. & alibi.

SECTIO NONA.

De distinctione plurium scientiarum speculatiuarum.

Communis Philosophorum sententia, scientiam speculatiuam in tres species adequatè distinguit: Metaphysicam, Physicam, & Mathematicam. Ita perspicuè diuidit Arist. 6. Metaph. cap. 1. & alibi. Et ante ipsum Plato apud Alcin. cap. 6. de Doctr. Plat. eandem diuisionem tradunt & approbant Damasc. in Phys. cap. 1. Boet. de Trinit. cap. 2. Ptolemæus in princip. Almagest. Auicenna initio sue Metaph. Algazel. initio sue Philosoph. Themist. & Philop. initio Physicæ, Eustrat. initio Ethicæ, Albert. D. Thom. Scot. & alij Peripatetici communiter initio Physicæ aut Metaph. & 6. aut 11. Metaph. Opinatur vero Perer. 1. Physic. c. 6. & 12. hanc diuisionem non esse vniuocam sed analogicam. Afferit quoddam fures rationes: quas otiosum esset referre. Itaque supponendum est, diuisionem esse vniuocam: vt etiam quæstione sequ. sect. 2. dicemus, demonstrationem esse vniuocè communem demonstrationi propter quid & quia.

Ad explicandum hæc diuinctio, cuiusque sufficientia desumatur, valde frequens & communis dicendi modus est, obiecto conuenire rationem, quandam formalem in genere obiecti seu

Metaphysica, Physica & Mathematica.

Aliter diuiditur in varias scientias & artes.

in ratione scibilis, per quam scilicet constituitur obiectum scibilis: & hanc rationem esse abstractionem à materia: quoniam intellectus noster, cum sit potentia spiritualis & immaterialis, intelligit per abstractionem à materia, ad differentiam sensus qui attingit res sensibiles prout cōcretas in materia. Et quia, cum materia sit ratio mutationis & contingentie; res per abstractionem à materia habent certitudinem & necessitatem. Vnde hanc abstractionem vocant rationem formalem sub qua, idest sub qua obiectum est scibile. Et ita ex diuersis gradibus abstractionis desumi distinctionem earum trium scientiarum.

*Triplex
abstrahit
à mate-
ria.*

Triplex enim abstractione assignant. Prima est abstractio à materia signata & singulari: quo modo abstrahunt res ipsæ materiales consideratæ in vniuersali, saltem enim abstrahunt à materia singulari. Secunda est abstractio à materia sensibili in vniuersum, idest à materia substantiali etiam in vniuersali: quo modo abstrahit quantitas dum consideratur præcisè secundum se absque materia. Tertia est abstractio à materia intelligibili. Materia intelligibilis vocatur ipsa quantitas. Et ita appellatur ab Aristotele 8 Metaph. 15. & 16. Et vocatur materia, quia est subiectum aliorum accidentium & qualitarum materialium, ac dicit multitudinem & compositionem partium; intelligibilis verò; quia quatenus abstracta, potest quidem intelligi, non autem sentiri. Hoc modo abstrahunt ab omni materia res spirituales, quæ nempe nec habent materiam substantialem, nec extenduntur per quantitatem. Hoc etiam modo abstrahunt prædicata transcendentia & communia rebus immaterialibus & materialibus. Res quæ abstrahit à materia intelligibili, supponuntur etiam abstrahere à materia sensibili & signata: & quæ abstrahunt à materia sensibili, supponuntur abstrahere à materia signata.

Alio modo loquendi solet hic triplex gradus designari. In primo gradu dicuntur res non abstrahere à materia, nec re nec ratione, idest à materia essentialiter sumpta. In secundo modo dicuntur abstrahere ratione & non re, quia quantitas realiter quidem est in materia, sed per rationem consideratur sine materia.

In tertio gradu dicuntur abstrahere re & ratione, quia res spirituales realiter carent materia, & prædicata illa vniuersalia possunt realiter inueniri sine materia, in ipsidem scilicet rebus spiritualibus. Notauit autem D. Thom. Opuscul. 70. q. 5. art. 1. non dari quantum gradum abstractionis quo res abstrahant re & non ratione: quia quod à parte rei caret materia, non concipitur ab intellectu in materia: intellectus enim potius habet denudare res à materia.

Ex hac triplici abstractione distinguitur tres illas scientias. Physica enim considerat res abstrahentes tantum à materia signata, quia agit de rebus materialibus in vniuersali. Mathematica abstrahit vterius à materia sensibili, quia agit de quantitate per se sumpta. Metaphysica demum abstrahit à materia etiam intelligibili, quia agit de rebus spiritualibus, & de illis communibus prædicatis. Ita hanc rem explicant & defendunt D. Tho. Opusc. 70. quæst. 5. art. 1. & in principio Metaphysic. & alibi frequenter. Caiet. primo parte quæst. 1. art. 3. Soncin. 6. Metaph. quæst. 8. Suesf. 6. Met. disp. 3. Capreol. quæst. 3. Prolog. Ferrar. 2. contra Gent. cap. 4. Sotus & Toletus 1. Poster. cap. 23. Themist. in Proem. Phys. Perer. 1. Physic. cap. 5. & seq. Conimbr. 1. Physic. cap. 1. quæst. 1. Fons. 4. Met. cap. 1. quæst. 1. sect. 4. & lib. 6. cap. 1. quæst. 6. Suar. disput. 1. Metaph. sect. 2. num. 12. qui tamen postea disput. 44. sect. 11. num. 68. & 69. id non facis approbat. Imo Aristot. ipse per hanc viam abstractionis eas tres scientias videtur distinguere 6. Metaph. cap. 1. lib. 11. summa 3. cap. 1. & 1. de Anima tex. 19.

Rursus Mathematicam in plures scientias totales distinguunt ex diuersis etiam gradibus abstractionis, qui intra illam abstractionem à materia sensibili distinguui possunt. Et quidem quinque scientiæ Mathematicæ assignantur, Geometria, Arithmetica, Perspectiua, Musica, & Astronomia. Et aliqui addunt Geographiam quæ describit orbem terrarum: & alij alias. Diuersi autem gradus abstractionis sunt, quia Geometria considerat quantitatem continuum, Arithmetica verò discretam, idest numerum, vnde abstrahit ab illa materiali continuitate par-

*Sententia
distinguit
illas tres
scientias
ex triplici
abstrac-
tione.*

*Distin-
guunt plu-
res scienti-
as Mathe-
maticas
diuersis
gradibus
abstrac-
tionis.*

Sect. IX. De Distinct. Scient. Speculatiuarum. 607

re partium quam dicit quantitas cōtinua. Aliæ tres applicant quodammodo principia abstracta mathematica ad res sensibiles: vnde minùs abstrahunt à materia. Et dicuntur quodammodo mixtæ, & veluti mediæ inter puras Mathematicas & Physicam. Inter se verò differunt in abstractione, quia Perspectiua subalternatur Geometriæ, Musica Arithmeticæ, & Astronomia Physicæ. De quibus omnibus loquitur Arist. 2. Physic. text. 16. & seq. & ibi Averr. & latè Conimbric. cap. 2. quæstione vnica, & Soncin. 6. Metaph. quæst. 11. & alij.

*Abstrac-
tio à ma-
teria, non
est ratio
constitui-
ua obiecti
scibilis.*

Verùm hæc ratio distinguendi scientias, non leues patitur difficultates. Primum & à priori: quia abstractio illa à materia, reuera uò est ratio cōstituens obiectum scibile, nec quicquam iuuans ad scientiam: sed merè per accidens se habet. Nam intellectus intelligit quidem per abstractionem à materia, non tamen per abstractionem obiecti terminantis cognitionem, sed per abstractionem specierum intelligibilium quæ debent esse spirituales. Et hæc species in suo esse semper debent habere summam abstractionem ab omni materia, de quocunque obiecto sint. Per has species intellectus æquè cognoscit quodcunque obiectum, quantumuis concretum in materia. Atque etiam res concretas in materia singulari, quatenus tales, opprimè intellectus attingit. Et quando dicitur, de singularibus non dari scientiam: id solùm verificatur; quia non est propria de vno aut alio singulari, scientia de prædicatis cōmuniibus: tamen reuera datur de ipsis singularibus. Et hoc totum pari modo procedit de singularibus spiritualibus. Vnde illud non prouenit ex impedimento materiæ. Imo præterea intellectus noster faciliùs intelligit res materiales, quàm spirituales, vt est no istimum: intellectus item Diuinus & Angelicus non minùs faciliè intelligit res materiales quàm spirituales. Tantum abest vt abstractio à materia constituat obiectum scibile. Nec quicquam refert, quòd res dum magis abstrahunt à materia, sunt magis similes & proportionatæ intellectui. Nam ad intelligendum nō refert similitudo in essendo. Sicut ex eo quod intellectus est potentia accidentalis, non per hoc fa-

ciliùs intelligit accidentia quàm substantia; aut anima ex eo quod est substantia, faciliùs substantias quàm accidentia: nec magis aut minùs faciliè quascunque res quæ magis aut minùs affimulantur in essendo. Imo certè per hoc quòd res materiales considerentur in vniuersali, non sunt magis similes huic intellectui singulari. Neque est magis similis intellectui quantitas eo quòd abstrahat à materia substantiali, quàm sit materia substantialis si sumatur vt abstrahens à quantitate.

Secundò. Nec etiam abstractio à materia confert vllò modo certitudinem & necessitatem. quimòdō propositiones essentiales, tam certæ & necessariae sunt in rebus materialibus, & singularibus, quàm in rebus spiritualibus, & vniuersalissimis. E contra propositiones accidentales, tam sunt contingentes & mutabiles in rebus spiritualibus, sicut in materialibus; vt Angelus nunc mouetur, nunc loquitur, nunc cogitat hoc aut illud, & similes.

Tertiò in speciali. Non benè Mathematica per illam abstractionem distinguitur à Physica & Metaphysica. Tum quia, Mathematica nè curat quidem an quantitas distinguatur à substantia, vel sit ipsa substantia: sed perinde in se benè subsistit, etiam si quantitas esset ipsa substantia: aut si doctrina mathematica intelligatur de substantia quæ subest quantitati. Imo Aristot. 12. Metaphys. tex. 44. ait inter Mathematicas scientias, Astrologiam, considerare substantiam, alias verò nequaquam. Tum deinde, Arithmetica quæ agit de numero, tradit suam doctrinam æquè communem ad multitudinem quarcumque rerum, etiam spirituum, vt est manifestum: ergo abstrahit ab omni materia: & tamen distinguitur à Metaphysica. E contra Perspectiua, & Musica, per se agunt de quantitate, quatenus sensibili seu in materia sensibili: agunt de affectionibus obiecti visibilis, & soni quod est obiectum auditus; & quodammodo de affectionibus ipsorum sensuum visus & auditus. Astronomia etiam agit de quantitate & varijs affectionibus corporum celestium. Vnde Proclus lib. 1. in Euclid. refert, antiquos Mathematicos distinxisse alias disciplinas mathematicas

*Nec est di-
stinctio
scientia-
rum.*

cas circa res purè intelligibiles, & alias circa sensibiles. Et tamen hæ omnes distinguuntur à Physica. Ergo non est formaliter abstractio à materia, ea quæ distinguit Mathematicam à Physica & Metaphysica.

*Et alioqui
in Physi-
ca et Me-
taphysica
deberemus
etiā plu-
res scien-
tias distin-
gui.*

Quartò ulterius Si per abstractionem, scientiæ distinguuntur, & ob diuersos gradus abstractionis intra abstractionem Mathematicam distinguuntur plures scientiæ Mathematicæ: pariter distingui deberent plures scientiæ totales sub Physica & Metaphysica. Nam etiam in abstractione Physica diuersi gradus assignari possunt. Corpora enim caelestia abstrahunt à materia subiecta generationi & corruptioni atque mutationibus sensibilibus horum inferiorum: & in quaestione est, an illam habeant materiam vel sint substantiæ simplices. Imò Arist. ipse, quado videtur distinguere scientias per abstractionem à materia, vnà coniungit abstractionem à motu & mutatione. Ex alia parte corpora caelestia, non omnino abstrahunt à materia singulari. Nam dum quaeritur magnitudo figura & motus calorum, dum quaeritur quot Cæli sint, quot Planetæ, quot Astra, aliæque similia: vtiq; hæc quaeruntur de his singularibus cælis qui modò extant. Item intra obiectum Physicæ continetur viuens, & præsertim animal, quod in modo operandi, cognoscendi, & appetèdi, participat quādam eleuationem à materia. Vnde Arist. 2. de Anima tex. 124. reddit rationem cur plantæ non sentiant, quia sunt nimis materiales. Et maximè continetur homo, circa quem agitur de anima rationali, quæ sanè habet peculiarem quandam modum abstractionis: nam est in se spiritualis, sed dicit ordinem ad materiam. Deinde clarissimè in Metaphysica longè alius est modus abstractionis rerum spiritualium à materia, atq; abstractionis prædicatorum communium: vt est apertissimum. quæ ergo per viam abstractionis non distinguuntur in his plures scientiæ totales? & si in Physica non distinguantur: saltem deberent duæ in Metaphys. distingui: ita vt vna scientia sit quæ agat de prædicatis communibus rebus materialibus & immaterialibus: alia, quæ de rebus immaterialibus: & tertia quæ de rebus materialibus, quæ est Phy-

sica. Nam à prædicatis illis communibus tantum distant res immateriales, quantum materiales. Imò difficile prorsus est, assignare vnum obiectum Metaphysicæ tanquam vnus scientiæ, complectendo ens in communi & ens immateriale, excludendo materiale. Perinde enim id esse videtur, ac si quis assignaret obiectum alicuius facultatis, animal abstractum à rationalitate, complectendo animal in communi, & animal irrationale, excludendo rationale.

Alius dicendi modus est, huiusmodi scientias distingui ex distinctione principiorum & mediorum quibus vtuntur. Nam medium in ipsis principiis, est ratio formalis obiecti scibilibus, mouens intellectum ad assensum scientificum conclusionis: ex diuersitate ergo principiorum & mediorum ipsæ scientiæ distinguuntur. Ita significant D. Thom. 1. 2. q. 54. art. 2. ad 2. & hic 1. Post. lect. 41. Scot. etiam in Prol. q. 1. ad 2. Durand. q. 4. n. 4. & quidam alij Scholastici in Prolo. item Auerr. Themist. Philop. & alij plures 1. Post. cap. 23. Imò Arist. ipse ibi id aperte docere videtur.

Verum, valet quidem hæc ratio ad distinguendas scientias partiales inter se: non tamen sufficit ad distinguendas scientias totales. Nam distincti assensus scientifici sunt, non solum quando sunt circa distinctas conclusiones: sed etiam si sine circa eandem conclusionem ex diuersis principiis & medijs. Quoniam quilibet assensus scientificus essentialiter dicit ordinem, & ad conclusionem tanquam ad obiectum cognitum, & ad præmissas seu medium, tanquam ad rationem cognoscendi ex qua dependet. Imò notauit Dur. interdum posse esse maiore distinctionem ex medijs, circa eandem conclusionem, quam sit in actibus circa diuersas conclusiones: quando videlicet ex vno medio gignitur opinio & ex alio scientia: magis enim differt opinio à scientia, quam vna scientia ab alia. At verò manifestum est, in vna scientia totali contineri tam multas conclusiones, tam multa etiam principia & media, tum ad probandas diuersas conclusiones, tum etiam sæpè ad probandam eandem conclusionem. Aliquid aliud ergo addendum est, ad declarandum quando

*Alia sen-
tentia di-
stinguens
scientias:
ex diuer-
sitate prin-
cipiorum.*

*Est insuf-
ficiens.*

nam,

nam, & ex qua diuersitate principiorum & mediorum, distinguantur plures scientias totales.

Vera ratio distinguendi ex diuersitate obiecti, & modo procedendi.
Dicendum ergo tandem est, scientias totales debere distingu ex diuersitate obiectorum quæ considerantur, siue rationum formalium secundum quas considerantur: quando hæc diuersitas talis ac tanta est, vt ipse obiecta, seu rationes formales, & conclusiones, quæ de illis probantur; non habeant per se connexionem aut affinitatem propter quam, debeant per modum vnus aggregati coniungi. Sine distingu ex diuerso modo tractandi & procedendi circa diuersa obiecta.

Explicatur & probatur hæc resolutio. Cum scientia essentialiter constituitur per ordinem ad obiectum, & scientiæ totales per ordinem ad sua obiecta totalia, & præsertim secundum rationes formales secundum quas considerantur sua obiecta: vtique ex hac diuersitate debent distingu ipsæ scientiæ. At non omnis diuersitas obiecti debet distinguere scientias totales: alioqui tot fuissent instituendæ scientiæ totaliter diuersæ, quot sunt rerum species. Quod potius confusionem & difficultatem, quam utilitatem & claritatem parere posuisset. Sed multæ res sunt, quæ ita differunt inter se, vt tamen habeant magnam affinitatem & connexionem; exigant etiam vniformem tractandi & differendi modum. Tunc in vna totali scientia, per modum vnus obiecti adequati aduuantur.

In Physica non distinguuntur plures scientiæ.
Sic se habent res quæ considerantur in Physica, nempe res materiales. Nam omnes conueniunt in aliquo conceptu communi, vel reducuntur ad aliquid commune, quod primario consideratur: & quæcunque tractantur de corpore substantiali, de materia & forma, de accidentibus materialibus, & de varijs corporum speciebus, de calis, de elementis, de mixtis, de viucentibus, & animalibus, magnam habent coniunctionem & proportionem inter se. In his etiam omnibus, vniformis prorsus est modus procedendi & disputandi. Commodissimum ergo fuit, sic exigente ipsa rerum natura, vt non plures scientiæ totales Physicæ distinguerentur, sed vna

institueretur, habens plures partes.

At aliæ sunt res, quæ non habent tantam connexionem & colligationem & vniformitatem procedendi, sed potius se habent tanquam disparatæ cum diuerso procedendi modo. Sic planè se habent res mathematicæ cum rebus physicis & metaphysicis. Nam licet Mathematica consideret quantitatem quæ est affectio quædam aliarum rerum: tamen considerat secundum rationem mensurabilitatis: non inquitendo essentiam & naturam, causas, & alias proprietates: sed tantum inspicit varias proportionales & habitudines secundum rationem mensuræ: & veritates quas ipsa considerat, sunt disparatæ ab illis quæ in Physica & Metaphysica considerantur. quod multo magis vñ ipso & experientia apparet, cuiuslibet has scientias addicenti: vt statim ex rebus ipsis facillè videat, Mathematicam debuissè tradi distinctam.

Habet etiam Mathematica longè diuersum procedendi modum. Indiget enim & sæpè vitur varijs instrumentis in suis demonstrationibus consequendis, vt notum est. Quare ex hac parte procedit modò magis rudi & materiali, & assimilatur quodammodo scientiis practi-
Mathematica in casu distinguuntur à Physica et Metaphysica
cis. Vnde non sine causâ, scientiæ Mathematicæ inter artes liberales ab antiquis numeratæ sunt. Et Sanctus Thomas Opus. 70. quæstione quinta articulo primo ad tertium, ita notauit dicens, artes liberales habent non solum cognitionem, sed etiam opus aliquod, quod tamen est opus rationis: & quatuor illas facultates Mathematicas habere, *Mensurare, numerare, mediis formare, cursus syderum computare.* Rursum Mathematica, vt plurimum non procedit demonstrando per causas & effectus, sed potius per concomitantia quædam probat suas conclusiones. Vnde à quibusdam nec inter scientias computanda, nec Philosophiæ nomine digna censetur. Demum Mathematica ex alia parte excellit, quia communiter modo magis certo & euidenti procedit: cum de reliquo, Philosophia disputando, & argumentis hinc inde productis differendo, suas veritates inuenire conetur; & maxima ex parte in controuersijs & opinionibus exercetur, vt est notissimum. Ex tanta ergo
Q q diuer-

610 Quæst. XXVIII. De Demonstratione.

Et in Mathematicis plures scientiæ.

diuerſitate, debebat Mathematica totaliter à Metaphyſica Phyſicæq. diſtingui.

Deinde debebant etiam variæ ſcientiæ mathematicæ totaliter diſtingui: quoniam ipſæ inter ſe habent obiecta valde diuerſa, nec vnita in aliquo communi. Geometria conſiderat magnitudinem: Arithmetica numerum: & ſic aliæ ſua obiecta. Neque erat quicquam tractandum mathematico more de quantitate in communi, quo hæc poſſent in vnâ ſcientiam colligari. Habent etiam ſingulæ ſua propria inſtrumenta, ſuoſq. peculiareſ procedendi modos, quibus ſatis diſparatæ apparent: niſi quod aliquæ quandam ſubalternationem habent; cum tanta tamen diuerſitate & aliarum rerum permixtione, vt merito adhuc debuerint diſtingui.

Itaque ſicut ſcientiæ practicæ diſtinguebantur ex varietate rerum operabilium & modi operandi, etiam ſine varietate abſtractionis: ita in ſpectulatiuis ſimili modo poſſunt ſcientiarum

totalium diuerſitas reperiri.

Ceterum videndum ſupererat, quatenus iuxta prædicta, Phyſica & Metaphyſica diſtinguantur, vel quo modo inter ſe habeant. Sed quia vtrunque ſub ipſo Philoſophiæ nomine in proprio opere coniungemus: ibi in ipſo ingreſſu Philoſophiæ rem examinabimus, quo hanc omnem ſcientiam ſpeculatiuam recto tramite diſponamus.

Modò iuxta prædicta debet intelligi Ariſtoteles, quando per abſtractionem viſus eſt illas ſcientias diſtinguere, & quando dixit ſcientias diſtingui per diuerſitatem principiorum. Ex nimirum abſtractionis voce & via, Ariſtoteles voluit denotare diuerſitatem rerum, concluſionum, & mediorum; & diuerſitatem in procedendo inter illas ſcientias. Ex etiam diuerſitate principiorum, ſi ad diſtinctionem ſcientiarum totalium reſeratur, dici debet intellexiſſe talem ac tantam diuerſitatem, quantam iam deſcripſimus.

An Phyſica et Metaphyſica diſtinguantur.

Ariſt. explicatur.

QVÆSTIO VIGESIMA OCTAVA.

De Demonſtratione,

Per quam acquiritur Scientia.

Syllogiſmus erat commune inſtrumentum directiuum diſcurſus. Demonſtratio eſt inſtrumentum proprium & adequatum ſcientiæ. Nulla enim eſt ſcientia niſi per demonſtrationem: & nulla demonſtratio quæ non pariat ſcientiam. Potius autem dicendum eſt, eſſe inſtrumentum, quo ſcientia acquiritur, quàm quo ſcientia dirigitur. Scientia enim non poteſt eſſe indirecta: ſed non niſi rectiſſima intellectus operatio, ſcientiæ rationem & nomen habet. Diſcurſus verò communiter nominatus, ſicut & iudicium atque apprehenſio, poteſt rectè aut non rectè exerceri. Ideò ad eas omnes operationes inſtrumenta dabantur quibus dirigerentur, ideſt rectè exercerentur. Sed ſcientiæ damus inſtrumentum, quo acquiritur, ideſt ſimpliciter exercetur: quia ſi exercetur, non niſi rectè exercetur. Vocatur autem demonſtratio, quaſi rem demonſtrans, rem intellectui videndam proponens, rem euidenter oſtendens.

SECTIO PRIM A.

An & quid sit Demonstratio.

Datur de
monstra-
tio, sicut
scientia.

PRImò satis iam certum & notum est, Demonstrationem dari. Patet ex ijs quæ diximus ad probandum dari scientiam. Scientia enim est cognitio discursiva qua inferitur conclusio ex præmissis. Ea autem integra argumentatio ex præmissis ad conclusionem, est demonstratio.

Secd contra hoc, est dubitatio, de qua Arist. 1. Post. cap. 3. quia cum demonstratio debeat esse ex præmissis evidentibus, ac etiam notioribus conclusionem, semper deberet esse alia demonstratio de quacunque præmissa. Alioqui si præmissæ non demonstrantur; non evidentur sciuntur. Et similiter de præmissis alterius demonstrationis, qua probamus præmissas prioris demonstrationis, deberet dari alia demonstratio. Et sic semper in infinitum. Propter hanc difficultatem, nonnulli quidem, ne traherentur in infinitum, negant ab initio demonstrationes. Alij verò, ut scientiam & demonstrationem defenderent, concedebant omnium etiam principiorum cuiusque demonstrationis dari demonstrationem: non tamen per alia vteriora principia, ne abirent in infinitum: sed circulariter per eandem ipsam conclusionem quæ ex ijs principijs demonstrabatur.

Dicendum tamen facile est cum ipso Aristotele, principia prima demonstrationis ad quæ alia reducuntur, esse evidentia, & conclusionibus notiora, non per alias demonstrationes, sed immediate per se ipsa. Cumque sint indemonstrabilia, sic esse per se notissima, quæ solo naturali lumine per habitum & notitiam quæ dicitur intellectus cognoscuntur. Quomodo autem absurdum sit illud quod dicebatur alijs de circulo in demonstratione; inferius in hoc Tractatu videbimus.

Prima de
monstra-
tionis de-
finicio.

Secundo bene definitur demonstratio ab Aristot. capite secundo textu 8. *Syllogismus scientialis*. Syllogismus est genus, quo excluduntur, non solum illa omnia quæ ad priores duas operationes intellectus: sed etiam ex ijs quæ perti-

nent ad discursum, aliæ species argumentationis à syllogismo distinctæ, nempe consequentia entymema, inductio & exemplum, de quibus loqui sumus quæst. 25. sect. 5. Nam demonstratio debet procedere ex medio distincto à conclusione: & scientia propriè esse debet de consequenti distincto ab antecedenti. Itaque demonstratio non potest esse mera consequentia per conversionem eiusdem propositionis, aut per descensum à propositione vniuersali ad particulare. Exemplum tantum probabiliter concludit: demonstratio debet certò concludere. Inductio similiter vel tantum probabiliter concludit: vel reduci debet ad formam syllogismi: Vnde quod Aristot. quandoque affirmat, per inductionem gigni scientiam, sine dubio intelligitur de inductione reducta ad formam syllogismi. Entymema demum ut sit efficax, debet etiam reduci ad syllogismum per additionem alicuius præmissæ. Imo datur potius in voce quam in mente, ut loco citato tractauimus. Omnis ergo demonstratio debet esse syllogismus.

Scientialis deinde est differentia, quæ essentialiter constituit & determinat demonstrationem, eamque ab omni alio syllogismo distinguit, siue sophistico, siue dialectico, siue etiam theologico, sumendo scientiam in toto rigore pro discursu penitus evidenti. Demonstratio ergo est syllogismus scientialis, idest præbens scientiam conclusionis: siue ut ait Aristot. secundum quam, eo quod ipsam habeamus, scimus. Potest hæc particula clariùs explicari per conditiones ad scientiam requisitas: est syllogismus verus, certus, & evidens. Verus, ad differentiam syllogismi sophistici & fallacis. Certus, ad differentiam dialectici & probabilis. Evidens, ad differentiam theologici & obicuri.

Dicunt verò Albert. D. Thom. Aegid. Lincon. & alij hic, demonstrationem, hoc modo dechiri per effectum seu finem, qui est scientia: siue definiri per differentiam essentialem explicatam in ordine ad effectum & finem. Hoc multis non placet: quia actus scientiæ est intrinseca pars demonstrationis, non effectus & finis: ut generaliter q. 25. sect. 6. dicebamus, conclusionem esse formaliter

Quæ tra-
dit et per
conclusio-
nem scienti-
ficam.

Q 2 intrin-

intrinsecè de essentia syllogismi. Sed certè potest sumi demonstratio, ut dicens tantum præmissas, quo modo posse & solere viuari syllogismum, ibidè diximus. Secundò: Etiam si sumatur pro toto aggregato, includendo etiam conclusionem & assensum eius: hic non erit quidem effectus aut finis extrinsecus: sed quodamò intrinsecus, idest quedà pars intrinseca demonstrationis: effectus & finis alterius partis. Hoc modo dicitur definiri demonstratio per effectum & finem intrinsecum, idest qui ita est pars, quòd sit effectus & finis alterius partis. Tertiò, sumi potest demonstratio pro instrumento & modo sciendi in generali: sic non includit intrinsecè conclusionem & assensum scientificum particularem qui elicitur: sed se habeat tanquam causa instrumentalis illius, iuxta ea quæ suis locis dicta sunt de instrumentis nostræ cognitionis.

Demum in hac definitione notandum est, Aristot. per scientiam intellexisse eam, quæ est perfecta, a priori per causam, quæ paulò supra definierat. Quare per ordinem ad hanc scientiam definitur sola demonstratio à priori, & propter quid. In quo eodem sensu, textu nono subiungit Arist. scientiam demonstratiuam esse ex prioribus & causis conclusionis. At verò sumendo scientiam adæquatè, & in communi, complectendo etiam scientiam à posteriori & ab effectu. Sic pariter per ordinem ad talem scientiam intelligitur definiri adæquatè demonstratio in communi. Et hoc modo nunc demonstrationem sumimus ac definimus.

Tertiò. Aliter potest demonstratio definiri explicitè per præmissas ex eodè Aristot. 1. Topic. cap. 1. *Syllogismus constans ex principiis veris, aut primis, aut solibus, quæ ex primis sue cognitionis sumptæ principium.* Breuius vero sic: est syllogismus constans ex principiis euidencibus. Dixit autem Aristoteles, aut primis, hoc est ijs quæ se ipsis euidencibus sunt per habitum intellectus; aut ijs quæ per alia priora & prima principia fuerint euidenter demonstrata: sicut superius diximus se habere scientiam subalternam ad subalternantem. Videtur autem hic ex mente ipsius Aristot. definiri demonstratio in communi, continens

etiam demonstrationem quia. Nam ibi Arist. distinguere volens syllogismum topicum seu probabilem, à demonstratione, utriusque definitionem attulit. Cum ergo syllogismus topicus plurimum differat ab omni demonstratione, etiam quia, ibiquè definitur qui constat ex probabilibus: dicendum sequitur, Arist. ibi definire voluisse demonstrationem in communi, quæ constat ex principiis euidencibus, etiam si hæc principia sint à posteriori vel per inductionem nota.

Quartò demum. Putant aliqui, aliam definitionem similem huic, tradi ab Aristot. 1. Post. tex. 9. *Demonstratiuam scientiam esse ex veris, primis, immediatis, notioribus, prioribus, & causis conclusionis.* Alij dicunt, Aristot. ibi non tam voluisse definire, quam potius voluisse tradere ac numerare condiciones principiorum demonstrationis, requisitas ad gignendâ scientiam. Veruntamen certum videtur, posse quidem ex ijs conditionibus formari definitionem demonstrationis ac scientiæ. Arist. autem ex intento voluisse potius simpliciter condiciones afferre, quam nouam condere definitionem. Siquidem cum iam scientiam & demonstrationem antea definisset, colligit potest ex ijs quæ dixerat, eas condiciones, quas probare prosequitur. Et specialiter loquebatur de scientia & demonstratione perfectâ, quæ dicitur propter quid. De ijs autem conditionibus nos agemus postea.

SECTIO SECVNDA.

*Quotuplex sit Demonstratio:
Quam benè diuidatur in demonstrationem propter quid
& quia.*

Quoniam ut plurimum ea quæ de demonstratione conficienda traduntur, non eodem modo de omni demonstratione procedunt: sed distinctis demonstrationibus distincta præcepta & regulæ conueniant: idcirco prius diuidenda est demonstratio in suas præcipuas species; ut deinceps ea quæ generaliter ad demonstrationem in communi, & specialiter ad singulas species attinent, prosequamur.

Cele.

*Secunda
d' finitio.
quæ tradi
tur per
præmissas.*

*Tertia de
finitio per
conditiones,
nec præmissas.*

Diuiditur demonstratio in propter quid & quia.

Celebris ergo & vulgata demonstrationis diuisio est, in demonstrationem propter quid, & demonstrationem quia, sumpta ex Arist. 1. Post. tex. 95. & 96. & ab alijs communiter approbata. Demonstratio propter quid intelligitur, qua demonstratur propter quid res sit, qua conclusio demonstratur per causam per quam vera est. Hæc demonstratio correspondet perfectæ scientiæ qua cognoscitur res per suam causam essendi. Et dicitur etiam demonstratio à priori. Demonstratio quia intelligitur ea, per quam absolute demonstramus & scimus, rem esse, conclusionem esse veram, absque propria causa & ratione proxima adæquata propter quam sit. Ideo dicitur demonstratio quia, quoniam solum facit nos scire, quia res sit, siue quod res sit. Et correspondet scientiæ minus perfectæ, quæ etiam dicitur scientia quia: & dum procedit ab effectu ad demonstrandam causam, dicitur propriè demonstratio à posteriori. Non tamen omnis demonstratio quia, procedit ab effectu ad causam, vt dicemus postea. Quamuis vniuersaliter demonstratio quia solet appellari à posteriori, denominatione sumpta ab ea quæ procedit ex effectu ad causam, & quæ directè opponitur demonstrationi propter quid, quæ est ex causa & à priori.

Vtraque est vera demonstratio.

Sed in primis circa hanc diuisionem, Auicenna apud Auerr. 1. Post. com. 91. Item Alexan. 1. Prior. com. 3. Themist. 1. Post. cap. 15. Philop. cap. 8. & Simplic. 1. Physic. com. 2. negant, hanc quæ dicimus demonstrationem quia & à posteriori, esse veram demonstrationem. Et Arist. ipse 1. Post. textu 9. post enumeratas conditiones proprias demonstrationis propter quid, addit: *Sine his syllogismus quidam erit, demonstratio autem non erit, non enim facit scientiam.* Et textu 55. similiter docere videtur, solam demonstrationem & scientiam propter quid, esse veram demonstrationem & scientiam.

Omnino tamen concedenda est demonstratio quia, quæ in suo gradu sit vera demonstratio, licet minus perfectæ, quàm demonstratio propter quid. Iam communiter Peripatetici loquuntur & docent. Et apertissime ipse Aristoteles textu 95. & 96. & alibi, sub nomine

demonstrationis & scientiæ eam assignauit. & primo Physicorum textu secundo ait: *Innata est nobis naturaliter vis sciendi, ut à notioribus nobis procedamus ad ea quæ sunt nobis ignotiora, notiora verò natura, idest ab effectibus ad causas.* Neque alia ratione hæc res probanda est nisi quia verè datur talis modus discurrendi, verus certus & euidentis, ab effectu ad causam, siue à tali medio quod non est propria causa conclusionis in essendo: imo hic modus discurrendi est frequentissimus in omnibus philosophicis disciplinis. Hoc supposito poterat vtrique nomen scientiæ & demonstrationis ita sumi, vt talem modum discurrendi complecteretur. Debebatque ita sumi ad differentiam opinionis & discursus probabilis seu non euidentis. Ita de facto sumptum est ab Aristotele aliisque Philosophis. Et ita a nobis accipiendum est.

Verè autem hic modus sciendi & demonstrandi est valde imperfectior alio modo sciendi & demonstrandi per causam. Ideo interdum sumitur nomen scientiæ & demonstrationis pro sola perfectæ. Sic debent intelligi illi, qui negant demonstrationem quia: solum enim negare voluerunt esse demonstrationem perfectam. Imo Aristoteles ab initio, nomen scientiæ & demonstrationis ita rigorosè sumpsit. Ideo dehinc sciendi, esse rem per causam essendi cognoscere, & assignauit conditiones demonstrationis huic esse eundem proportionem. Et in illa acceptione antea negauit sine ijs conditionibus dari demonstrationem. At postea textu 95. incepit aliam acceptionem demonstrationis & scientiæ tradere, ibique assignauit demonstrationem quia.

Secundo. Ex opposito Apoll. 1. Post. q. 75. art. 2. negasse videtur, demonstrationem quia specificè & essentialiter differre à demonstratione propter quid. Sed alij communiter affirmant. Et merito, quia hæc demonstrationes procedunt ex modis essentialiter distinctis, gignuntque scientias essentialiter differentes. Na ioye alius est modus sciendi id per tua propria & adequatâ causâ ab omni alio modo sciendi.

Tertiò. Aliqui volunt, has demonstrationes & scientias tamen analogice, & non

Essentialiter distinctas.

Vniuersæ communes.

vnivocè conuenire. Ita Zabar. lib. de Speciebus demonstrat. cap. 1. qui ait, id à nullo vnquam esse negatum, & Balduin. quasi o de Regressu demonstrat. cap. 2. & quidam alij: indicat etiam Auerr. in Epith. Log. tract. de Demonstr. & alibi. Cuius sententiæ fundamentum est: quia scientiæ & demonstrationi propter quid, simpliciter conuenit hoc nomen & ratio: scientiæ autem & demonstrationi quia, tantum secundum quid, imo vix illi tribuitur.

Dicendum tamen absolute est, vniuocè conuenire. Patet: quia planè datur conceptus discursus & syllogismi euidentis in communi, abrahams ab vtroque modo sciendi & demonstrandi, & essentialiter vtrique conueniens. Imo licet effectus dependeat à causa: tamen in intellectu ille discursus qui fit ab effectu ad causam, non dependet ab alio ex causa ad effectum. Sed potest realiter inueniri vnus sine alio, vt est manifestum. Atque ita ratio illa communis æquè primò, licet non æquè perfectè, conuenit vtrique modo sciendi. Hæc autem inæqualitas nō tollit vniuocationem, vt satis exploratum est. Vnde ad fundamentum oppositum facile patet: scientiæ & demonstrationi quia, conuenire secundum quid hoc nomen, idest minus perfectè, & quia in quadam acceptione peculiari & magis rigorosa illi non conuenit: tamen non conuenire secundum quid, quasi per denominationem extrinsecam, aut per metaphoram, aut per attributionem & dependentiam: sed verè & intrinsecè in suo significato adequato continere, quatenus opus est ad vniuocationem.

Quare præcipuè circa sufficientiam huius diuisionis, Auerr. 1. Poster. comm. 95. & 96. in Epith. hom. Log. tract. de Demonstr. & alibi sapè, præter duas species assignatas addidit tertiam, quam vocat demonstrationem potissimam & simpliciter. Eumondè vt plurimum Auerr. ostendit sequuntur. Zimar. Theoremate 53. & in 7. bula verb. Demonstrationes sunt in quibus, & verbo Via doctrinæ, Balduin. quæsto de Regressu demonstrat. capit. 1. & q. de Med. Demonstrat. cap. 1. & alij.

Explicat Auerr. suam demonstrationem simpliciter, & ab alijs distinguere eo præcipuè: quia inquit demonstratio quia,

tantum ostendit, quod res sit, nec manifestat causam propter quid sit: demonstratio propter quid ostendit causam quare res sit: non tamen ostendit, sed supponit ipsam rem esse: V. g. cum nobis nunc notissimum sit esse diem: si quis ita demonstret: quandoque sol lucet dies est, nunc sol lucet, ergo nunc dies est: tantum notificaret propter quid nunc sit dies. Talem etiam Zimara esse ait demonstrationem quandam Aristot. octauo Physic. text. 65. Talis quoque esset demonstratio, si dum videmus Lunam eclypsatam, quicquam ex interpositione terræ demonstret eclypsim. Et in vniuersum, quando percipimus effectum, & inuestigamus causam, tunc tantum querimus propter quid res sit. Sicut notauit Aristot. 1. Metaphysic. cap. 2. homines admirantes effectus philosophari cœpisse, hoc est causas inquirere. Demum demonstrationem potissimam esse ait, quæ vtrunque quæstum simul ostendit, & quid res sit, & causam per quam sit. Cum nimirum etiam ipse effectus antea erat ignotus. Vt si in exemplis demonstrationum adductis, eas conclusiones prius quis ignorabar. Addunt etiam differentiam, ex parte præmissarum, quoniam in demonstratione quia præmissæ sunt notiores quoad nos, in demonstratione propter quid sunt notiores ex ipsa natura, in demonstratione simpliciter vtrunque modo.

Videtur hæc tota doctrina desumi ex ipso Aristot. qui 1. Poster. cap. 21. textu 178., & 2. Poster. cap. 5. textu 39. significat, quandoque notificari quod res est, aliquando propter quod est, aliquando vtrunque simul. Et rursum 1. Poster. capite 13. text. 102. ait, aliquos scire quod, & non propter quid: aliquos verò habere demonstrationem causarum, & non scire ipsum quod: & in vniuersum scientiam subalternantem scire propter quid, subalternatam scire quod. At sine dubio poterit dari alius modus cognoscendi vtrunque simul: ergo ex Aristotele est tertia demonstrationis species concedenda.

Dicendum tamen est, demonstrationem diuidi adequatè in duas illas species, demonstrationem propter quid, & quia, nec dari aliam speciem conditio-

Indica-
tur ab
Aristot.

Demonstra-
tio ada-
quatè di-
uiditur
Quam

An de-
monstra-
tio sit
ei: & demon-
stratio
simplici-
ter

in illas
duas spe-
cies.

Etiam demonstrationis simpliciter. Hæc est sententia aliorum communis, Themistij Philopon. Alberti, S. Thomæ, Scoti, Lincon. Aegid. Veneti Caiet. Apollin. & aliorum hic circa textum 95. & alia loca Aristotelis allegata. Pro qua etiam latissime pugnat Zabarella in libro de Speciebus demonstr.

Probatur primò ex Aristotele, qui adæquatè dicitur demonstrationem in illas duas species, nec vnquam meminit alterius demonstrationis. Imò in iisdem locis pro sententia. Auerr. allegatis, idem supponit, vt postea videbimus.

Secundò ratione. Omnis demonstratio, aut procedit ex causa propria conclusionis, aut ex alio medio, quod non sit propria causa. Illa est demonstratio propter quid, alia quia. Inter quas non potest dari medium, cum extrema contradictoriè explicentur. Et ad summum demonstratio simpliciter posset esse species demonstrationis propter quid & per causam: vt sentit Suetan. primo Poster. comm. 139.

Non sup-
petit ratio
distingui
di tertiam
speciem.

Tertiò præcipuè contra fundamentum oppositæ sententiæ. Omnis demonstratio propter quid, probat non solum causam per quam res sit, sed etiam rem ipsam esse: vana est ergo illa distinctio demonstrationis simpliciter à propter quid. Antecedens ostenditur, tum ex Aristot. 3. Poster. tex. 16. Omnis demonstratio aliquid monstra, aut quòd res est, aut quòd non est. Tum ratione quia in omni demonstratione per causam non inferimus in conclusione aliquid esse causam rei, sed potius rem ipsam esse: quæ tamen illatio est ex virtute causæ, per quam res est. Tum etiam ex dictis antea de cursu in communi. ad rationem discursus non sufficit cognoscere hanc esse causam rei, siue rem dependere à tali causa: sed prorsus exigitur, vt intellectus assentiatur antecedenti, & ex vi talis assensus etiam consequenter iudicando ita verè esse. At omnis demonstratio in discursu consistit: ergo semper intellectus demonstrans cognoscit conclusionem in se ita esse: & alioqui destruitur demonstratio.

Demonstra-
tio simpli-
citer, non
distingui-

Quartò. Non obstat notitia quæ præhabetur alia via de existentia eiusdem effectus in se ipso: quoniam per demonstrationem aptus est elici alius af-

fectus discursivus & scientificus de eadem conclusione. qua ratione etiam verificatur, semper aliquo modo intellectum discurrentem procedere à principiis notis ad conclusionem ignotam, vt explicauimus circa discursum in communi. Per accidens autem est, quòd intellectus habuerit vel non habuerit alia viæ noticiam eiusdem conclusionis: non ergo ex hoc distinguenda est duplex demonstrationis species. Et alioqui eadem demonstratio posset esse, apud vnum intellectum propter quid, & apud alium simpliciter. Imò & apud eundem intellectum, modò propter quid, modò simpliciter.

Quintò. Pari ratione deberet etià distinguui duplex demonstrationis species ab effectu ad causam. Vna, quando intellectus non præhabuerat noticiam causæ, quia sic ei manifestatur quòd causa sit & quòd habet talem effectum. Alia, quando intellectus prænouerat causam, quia tunc illi solam manifestatur quis sit effectus causæ. Fatendum ergo est, non esse ex hac parte distinguendas demonstrationis species.

Sextò. Nec valet differentia illa ex par e præmissis. Nam quòd præmissæ sunt notiores quoad nos, potest accidentaliter provenire ab experientia, cognitione sensus, vel doctrina. Ex quo proinde non sunt demonstrationis species distinguendæ. Alioqui eadem demonstratio, vel apud diuersos intellectus, vel etiam successiuè apud eundem, de vna ad aliam speciem transferretur. Quomodo autem præmissæ demonstrationis sint notiores quoad nos, vel ex sua natura, sect. 3. explicandum erit.

Demum aliqui alio modo distinguere conati sunt plures species demonstrationis per diuersas causas ex quibus possunt inferri conclusiones. Sed hoc nou est aliud quàm distinguere plures modos ipsius demonstrationis propter quid, de qua in speciali agemus.

Ad loca Aristot. pro Auerr. allata. Respondetur, in primis duobus locis Aristot. distinguere cognitionem, quòd est tantum, & cognitionem quòd est & propter quid simul, nec assignare tertiam cognitionem propter quid tantum. Vnde hinc potius confirmatur doctrina

Arist. explicatur.

iradita. In tertio loco Aristot. distingvens demonstrationem propter quid, & quia seu quod, docuit quoddam habere demonstrationem quia de eadem conclusione, quoddam verò demonstrationem propter quid. Neque negavit, per hanc etiam demonstrationem sciri rem esse. Et ita capè de eadem conclusione, scientiam subalternantem habere demonstrationem propter quid, scientiam verò subalternantem habere demonstrationem quia, ab experientia & à posteriori: sicut Medicus non solum à priori ex Philosophia, sed etiam ab experientia ipsa dicitur contraria contrariis curari.

Obijci præterea potest. Aristot. 1. Poster. cap. 1. quatuor quæstia distinguit, an sit, quid sit, quod seu quale sit, & propter quid sit. Hæc autem duo posteriora videntur correspondere duabus speciebus demonstrationis hætenus assignatis: ergo alia duæ demonstrationis species addende sunt. Sed res est facilis. Aristot. enim ibi non distinguit modos demonstrandi, sed potius conclusiones demonstrabiles, quæ vel demonstrantur per propriam causam, & hic est modus demonstrandi propter quid; vel per medium, quod non est propria causa, & hic est modus demonstrandi quia. Hæc ergo duæ demonstrationis species adequatè diuidunt demonstrationem.

SECTIO TERTIA.

De Demonstratione propter quid.

UT distinctè vtrunque demonstrationis speciem percuramus, debic perfectionis ordine præmittimus demonstrationem propter quid. Et quia propria ratio huius demonstrationis consistit in eo quod probat rem per causam, circa hanc causam eiusque causalitatem quædam examinanda sunt.

Primo. Auerr. 1. Poster. comm. 11. disputat, an huiusmodi causa debeat esse causa extremorum secundum se, & quantum ad suam esse absolutum, vel quantum ad existentiam vnius extremi in alio, maioris in minori. Et refert Alpharab. dixisse, medium debere solum

esse causam minoris extremi in se ipso: Auicennâ dixisse, debere esse causam solum inexistentiæ maioris extremi in minori. Ipse significat, debere esse causam maioris extremi secundum se. Aristot. etiam 1. Poster. tex. 41. 95. & 97. asserit, medium esse debere rationem maioris extremi. Rursus Auerr. in quæstio tertio, agens de Demonstr. refert varios modos distinguendi plures species demonstrationis per respectum causalitatis ad vnum vel aliud extremum, aut inexistentiæ vnius in alio. Multi tamen volunt, Auerr. nomine causæ intellexisse formaliter definitionem, & quæsiisse cuius rei definitio debeat esse medium in demonstratione. Sed de hoc nos postea agemus circa ipsum medium. Nunc loquimur formaliter de causa cuius debeat esse causa.

Et breuiter dicendum est, de ratione huius demonstrationis per se tantum esse: causa sit causa conclusionis eiusque veritatis, quod est dicere ut prædicatum, verè insit & conueniat subiecto, de quo dicitur in conclusione. Paret: quia illud circa quod assensus scientificus versatur, est ipsa conclusio quæ inferitur: & quando scire definitur cognoscere rem per causam per quam res est: id intelligitur de illa re circa quam versatur ipse assensus scientificus: itaque intelligitur de conclusione: ergo per se de ratione huius scientiæ est, scire conclusionem per causam ipsius conclusionis: causa autem conclusionis est illa per quam prædicatum inest & verè conuenit subiecto. Igitur causa, ex qua procedit demonstratio propter quid, quæ hanc perfectam scientiam gignit, per se debet esse causa conclusionis, seu inexistentiæ prædicati in subiecto.

Iuxta hoc Aristot. præclare 1. Poster. textu 96. & 67. maius extremum vocat, id cuius medium est causa: minus extremum vocat, id cui medium est causa: quia nempe medium est causa, ut maius extremum insit minori, est causa inexistentiæ prædicati in subiecto. Et in exemplis etiam quæ solet asserre demonstrationis propter quid, apparet manifestè non oportere ut medium sit causa subiecti secundum se. Ut 1. Posteriorum textu 97. & 98. asserit hæc exempla demonstrationis propter quid: si ex prop-

Hæc demonstratio procedit ex causa conclusionis.

pin-

ipsam causam. Addendo etiam per quam res est, significauit vnicam esse propriam & adequatam causam per quam scire debemus rem.

Verum nihil prohibere videtur, quominus eiusdem rei & conclusionis possint esse plures causæ, singulæ proximæ & adequatæ. V.g. possumus demonstrare hominem & Angelum esse elicium actuum moralium, tum ex causâ effectiua quia est intellectus, tum ex causâ finali quia est ad beatitudinem ordinatus, tum veluti ex causâ formali quia, est liber, tum velut ex causâ materiali quia habet substantiam spirituales. Et in alijs multis rebus possunt huiusmodi exempla inueniri, vt per plures aliquas causas adequatas eadem conclusio demonstretur. Neque vlla ex parte apparet repugnantia vel impedimentum huius rei. Atque Arist. ipse clarissimè 1. Post. tex. 180. docet, eiusdem conclusionis plures posse esse demonstrationes ex distinctis medijs. Neque loquitur solum de medijs à posteriori, vel de causis remotis inadæquatis: sed loquitur absolute: & præcipue loquitur de demonstratione perfecta de qua maximè loqui solet. & 2. Poster. tex. 53. itidem docet, eiusdem rei plures esse causas per quas possit demonstrari propter quid.

Ad Arist. verò dicendum est, in 1. Post. tantum voluisse, quando inuenitur aliquod prædicatum communiter conuenire pluribus rebus: tunc si per se demonstretur de vna illarum rerum per certam causam, pariter per eandem causam demonstrari de alijs rebus similibus. Et hoc quidem est necessarium, si causa sit propria & adequata. Videlicet si per se demonstretur, equum habere virtutem sentiendi quia est animal: vtique per eandem causam idem demonstrabitur de leone, cane, & cæteris in eadem proprietate & genere conuenientibus. Non autem negauit Arist. idem prædicatum posse de iisdem rebus per plura media & causas adequatas demonstrari. Quando autem definiuit scientiam, explicare voluit illud quod erat simpliciter necessarium, vt saltem per vnam causam res cognoscatur, & per ipsam causam adequatam per quam res est: non autem negauit posse etiam per plures causas rem esse & sciri.

Sextò. Hinc vltèrius dubitari potest, An quando extant plures causæ eiusdem rei, oporteat per omnes illas demonstrare conclusionem, ad hoc vt perfecta scientia habeatur: vel sufficiat demonstrare per vnam. Tangere solent hanc rem Expositores in principio Phyl. occasione verborum Arist. ibi dicentis: *Tunc putamus cognoscere vnumquodque, cum causas primas cognouerimus, & principia prima, & usque ad elementa.* Et aliqui dicunt, ad perfectam scientiam requiri notitiam omnium causarum. Aliqui dicunt, ad perfectam demonstrationem sufficere vnam causam.

Sed dicendum faciliè est, ad plenam, atque exactam rei notitiam quæ in scientia totali tradi debet, debere cognosci omnes rei causas: sed ad perfectionem vnius simplicis demonstrationis sufficere notitiam vnius causæ, dummodo habeat omnes conditiones ad perfectam demonstrationem requisitas. Prima pars ostenditur: quia sine dubio res est cognoscibilis quoad omnes suas causas à quibus in suo esse dependet. Et sicut per omnes causas est, ita per omnes petit & debet cognosci vt exactè penitus cognoscatur. Alioqui non expletur tota cognoscibilitas eius. Vnde scientia quidem totalis debet omnes rei causas inquirere & cognoscere. Et sic potest intelligi Arist. ibi, & eod. 1. Phyl. tex. 35.

Secunda etiam pars ostenditur, quia in vna demonstratione poni non debet nisi vnum medium: & vbi plura sunt media, plures erunt demonstrationes. Igitur ad vnam perfectam demonstrationem sufficit vna causa propria & adequata cum omnibus conditionibus requisitis. Ita, Arist. vbique in his libris affert demonstrationum exempla, vnum medium, vnam causam, in singulis constituit. Et 1. Post. cap. 5. per omnium causarum genera diuersa demonstrationum assignat exempla. & 1. Post. tex. 180. docet, si media & causæ sint plures, plures quoque esse eiusdem rei demonstrationes. Poterit quidem quis plures causas & media simul inuoluere: vt si dicat, omne agens intellectuum & ad beatitudinem ordinatum, habet vim eliciendi actus morales: sed homo &c. Tunc tamen implicite quodammodo & virtualiter

Perfecta scientia totalis requirit notitiam omnium causarum.

Perfecta demonstratio simplex constituitur per vnam causam.

hac esset multiplex demonstratio, licet expressis & formaliter disponatur ut vna. Quando etiam causa quæ assumitur in vna demonstratione, indiget probari per aliam causam anteriorem: tunc sanè ad perfectam scientiam ultimæ conclusionis oportet omnes causas subordinatas percurrere: erique subalternatio in demonstrationibus. Et hoc etiam docere voluit Arist. ibi initio Physf.

SECTIO QVARTA.

De Demonstratione quia.

Demonstratio quia, procedens ab effectu ad causam.

Primus modus huius demonstrationis, est procedendo ab effectu ad causam, à posteriori ad prius: quando videlicet antea notum nobis est effectum esse, & inde inferimus dari talem causam ex qua talis effectus provenit: quando antea cognoscimus alicui subiecto convenire aliquod prædicatum, & inde inferimus tali subiecto convenire causam talis prædicati. Hoc probandi genere, ex eo quòd dies est, arguimus præsentiam: ex eo quòd nox est, arguimus absentiam Solis. Exempla etiam huius generis protulit Arist. 1. Post. tex. 96. omnia alia quæ non scintillant sunt prope, planetæ sunt alia quæ non scintillant, ergo sunt prope. Vbi certè, non scintillare, est effectus propinquitatis: ideò enim planetæ non scintillant quia sunt prope. & tex. 98. ex modo quò Luna illuminatur per incrementum & decrementum, probatur Lunam esse sphericæ figuræ: vbi etiam ipsa figura spherica, est causa cur Luna tali modo illuminetur. Neque refert, si in his exemplis asserantur accidentia quæ concernunt existentiam rerum. Nam hæc sunt clariora & facilliora, & ex ijs intelliguntur alia. Et possunt etiam reduci suo modo ad propositiones necessarias, si de possibili vel sub conditione enunciantur. Et quia insuper latiori modo sumitur scientia & demonstratio, pro omni discursu evidenti, etià per evidentiam sensitivam, etiam circa existentiam rerum quæ sunt naturaliter & physico modo necessariæ. Cæterum effectus ex quo hæc demonstratio procedit, potest esse in quolibet genere cau-

potest etiam esse aptum medium, licet non sit effectus propriè physicus, sed se habeat tanquàm posterius ex ratione priori: sicut è conuerso de demonstratione propter quid dictum est.

Præterea ad hunc modum demonstrationis pertinet demonstratio quæ dicitur à signo: quando videlicet ex signo aliquo noto arguimus rem significatam aliqui ignotam. Signum enim supponit rem significatam: & se habet tanquàm posterius ad prius in essendo. Quare ad hunc modum etià reducitur demonstratio per deductionem ad impossibile, de quo genere syllogismi satis egimus in Institut. In hac enim demonstratione probamus, ex cõcessionem vel negationem alicuius propositionis sequi aliquod impossibile. Vñ cū ex vero non possit sequi falsum & impossibile: signum habetur evidens, cõcessionem aut negationem illius propositionis non fuisse veritati conformem. Hoc autem genus probationis esse demonstrationem quandam, cõstat ex Arist. hic lib. 1. cap. 20. & alijs communiter, & ex vsu scientiarum quæ frequentissimè hoc genere probationis vntur. Hæ autè probationes quæ ducunt ad impossibile, sunt demonstrationes, non vique ratione primi syllogismi in quo inferitur conclusio falsa & impossibilis: sed ratione alterius syllogismi veluci reflexi, quo ex eo quòd ea conclusio impossibilis inferatur, arguimus tandem falsitatem alicuius cõcessionis vel negationis de alia propositione antea factæ: siue absolute arguimus, aliquam præmissarum ex quibus conclusio impossibilis inferitur, esse impossibilem. Sic inquam hæc probatio potest dici demonstratio. Quamvis Arist. quarto Metaph. tex. 9. ut eam à perfecta & ostensiuâ demonstratione distingueret, dixerit potius esse redargutionem quàm demonstrationem. Nisi hoc dixit de primo illo syllogismo in quo ad redarguendū aduersariū, falsa conclusio inferebatur.

Neque verò huic demonstrationi ab effectu, obstat, quòd dixit Aristot. 2. Prior. cap. 21. peti principium, cū prius per posterius demonstratur. Nam Aristot. ibi loquutus est de priori et posteriori, non in essendo, sed in cognoscendo: id est peti principium, cū ab eo quòd est minus

Vel à signo ad rem significatam.

Procedit à notioribus ad minus notum.

notum

notum et posterius in cognoscendo, proceditur ad magis notum & prius in cognoscendo. In demonstratione autem quia ab effectu ad causam, supponimus, tunc solum hoc genus probationis valere, quidam habitudo effectus licet posterior in essendo, est notior & prior in cognoscendo, ut ita possit ingenerare cognitionem causæ, quæ in conclusione interitur.

Alia demonstratio quia procedens à causa non conuertibilis.

Secundus alius modus demonstrationis quia, ab eodem Aristotele assignatur, si conclusio probeatur quidem per causam, non tamen per causam propriam & immediatam, sed veluti remotam & non propriam. Demonstratio enim propter quod, solum est illa quæ procedit ex causa propria & immediata. Causam immediatam Expositores communiter intelligunt, quæ est conuertibilis cum effectu: id est ubique est causa, est effectus; & ubique est effectus, est causa: de quocunque prædicatur vni, prædicatur & aliud: Quando ergo causa non est hoc modo conuertibilis: demonstratio quæ ex illa procedit, dicitur demonstratio quia. Sic Aristot. tex. 98. concludit, per media quæ non conuertuntur cum prædicato quod demonstratur de subiecto, & per media quæ non sunt causa conclusionis, demonstrari quod est, non autem propter quod est. Vbi duplex species demonstrationis quia assignatur. Vna quæ procedit à causa non conuertibili: alia quæ procedit à non causa. Et tex. 99. explicare prosequitur demonstrationem à causa non conuertibili.

Triplex modus huius causæ.

Triplici autem modo potest inueniri causa non conuertibilis cum effectu. Primò, quæ nec semper quando est, ponit effectum; nec semper quando est effectus, est ex tali causa. Sic interdum quidens ventus est causa frigoris: at non semper quando est ventus, causat frigus; nec semper quando est frigus, causatur à vento. Secundò, quando semper quidem dum est causa, ponit effectum: sed non semper dum est effectus, est ex tali causa. Sic ignis semper est causa caloris: sed non semper calor est ab igne, quia potest esse à Sole, & à motu, alijsue causis. Tertiò, quando è contra semper dum est effectus, prouenit à tali causa: sed non semper dum est talis causa, ponit illum

effectum. Sic respiratio non est nisi ab animali: sed non semper, id est non omne animal respirat. Vt enim docet Aristoteles 3. de Part. animal. cap. 6. necesse non est pisces respirare: quia dum pulmone carent, non indigent respiratione. Et hoc exemplum causæ non conuertibilis, adducit Aristoteles hic textu 99.

Ex his tribus modis causarum non conuertibilium: Primus ad nullam demonstrationem est aptus, neque affirmatiuum, neque negatiuum; neque ab effectu ad causam, neque à causa ad effectum. Vt in illo exemplo, non est necessaria consequentia: est ventus, ergo est frigus: Vel non est ventus, ergo non est frigus. Nec è conuerso. Per secundum modum causæ, potest fieri demonstratio affirmatiua: uia à causa ad effectum; negatiua ab effectu ad causam: & non è contra. Sic in exemplo illo bene inferitur: est ignis, ergo est calor. Item non est calor, ergo non est ignis. Non autem valet: non est ignis, ergo non è calor. Nec valet: est calor, ergo est ignis. Itaque hæc res se habet sicut in propositione conditionali: Vbi valet consequentia affirmatiua à conditione ad rem, & negatiua à re ad conditionem. Per tertium modum causæ potest fieri demonstratio affirmatiua ab effectu ad causam: negatiua à causa ad effectum: & non è contra. Sic bene inferitur; respirat, ergo est animal. Item non est animal, ergo non respirat. Sed non valet: non respirat, ergo non est animal. Nec valet: est animal, ergo respirat. Quomodo autem de: ur demonstratio negatiua, dicemus postea circa præmissas demonstrationis.

Demonstrationem ergo huiusmodi ex causa non conuertibili procedentem, dicendam esse quia, non propter quid, constat ex Aristotele non solum loco allegato; sed etiam tex. 9. 13. 66. & sequentibus, dicentibus, principia demonstrationis perfecte & propter quid, debere esse propria & adequata conclusioni. Atque in demonstratione scientia propter quid allata textu 5. cum dicitur: Per causam, per quam res est, ita ut non possit aliter se habere & sentius est, ut nec effectus possit esse nisi ex tali causa, neque causa possit esse quia ponat effectum. Quamuis etiam per

Quisnam sit apertus ad demonstrationem.

Constituit demonstrationem quia non propter quid.

per huiusmodi causam non propriam dici possit quodammodo effectus demonstrari per causam per quam est : tamen non demonstratur per causam propriam, proximam, completam, & adequatam, qualis requiritur ad scientiam perfectam.

Vnde intellectus querens scire causam alicuius effectus, si illi proponatur causa non conuertibilis, non planè quiescit : & adhuc vltiorem causam inquireret, donec adequatam inueniet . Vt si dicatur, ideò lignum non respirat, quia non est animal : statim inquirendum recurrit, cur & aliqua quæ sunt animalia non respirant . Cum autem reddetur causa, quia caret pulmone : tunc intellectus planè quiescit, quia sicut habere pulmonem est causa adequata respirandi : ita non habere pulmonem, non respirandi . In terminis enim conuertibilibus valet illa regula : affirmatio est causa affirmationis, & negatio negationis .

Alia demonstratio quia, procedens à concomitantibus .

Tertius adhuc modus demonstrationis quia esse potest, procedendo ab aliquo medio, quod non sit, neque effectus, neque causa conclusionis : sed tamen concomitanter se habeat, ita vt verè & rectè vnum inferri possit ex alio. Hunc modum demonstrationis Arist. non assignauit, nec alij assignare solent . Et Zab. lib. de Spec. Demon. c. 5. refert, Themist. quidem hunc modum tradidisse . Sed ab Auerr. impugnari . Quem ipse sequitur . Et fundatur in hoc : quoniam si inter medium & extrema non sit habitudo causæ & effectus ; erit connexio accidentalis, à qua alienissima est demonstrationis natura . Et illa propositio in qua prædicabitur maius extremum de medio, non erit per se : cum neque prædicatum ponatur in definitione subiecti, neque subiectum prædicari : & ita erit propositio per accidens, inepta ad demonstrationem .

Omnino tamen dicendum est, dari hoc genus probationis, quæ sit quidem euidens & necessaria ; atque adeò dici possit in suo gradu demonstratio . Probatur clarè : quia fieri optimè potest, vt aliqua duo habeant talem connexionem & concomitantiam, vt separari non possint, & vbi est vnum necessariò sit & aliud : etiam si vnum non sit causa alterius : tunc vtique ex vno poterit euidenter & necessariò inferri aliud . Hoc autem modo

possunt se habere duæ passionēs, duos effectus, quorum vtique necessariò ab aliqua communi causa procedat . Sic se habent in homine risibile & flebile . Vnde potest benè probari : omne risibile est flebile : homo est risibilis : ergo est flebilis : aut e conuerso . Item hoc modo se habent duæ relationes muræ, quæ dicuntur esse simul natura, & vna non est causa alterius, & ex vna benè inferitur altera . Demum hoc modo perspicue se habent plurima mathematica attributa, quæ præsertim in Geometria assumuntur & demonstrantur : neque medium est causa conclusionis, vel e conuerso : sed tantum concomitanter se habent . Quod totum est notissimum . Et statim in primis propositionibus Euclidis conspicitur . Nam inferitur æqualitas ex vna ad aliam lineam, ex angulis ad latera trianguli, vel e conuerso . Vbi sanè nulla causalitas, sed tantum mera concomitantia inuenitur . Probationes autem mathematicæ, vocantur vtique demonstrationes : & omnis probatio euidens necessaria, potest vocari demonstratio : ergo omnino est hoc genus demonstrationis concedendum . Poteritque vocari demonstratio quia, non à posteriori, sed à simili : non ab effectu, sed à concomitanti .

Neque obstat debet, quòd Arist. hunc modum non assignauit, quando res ipsa illum ostendit, & vsus obleruat, & utilitas commendat . Sæpè enim hoc probandi genere vtiliter vitmur . Neque obstat fundamentum oppositum . Quia si connexio accidentalis & propositio per accidens intelligatur, quæ non est necessaria & infallibilis : sic illa connexio & propositio, non est accidentalis . Si autem intelligatur, in qua vnum non est de ratione alterius, nec vnum dependet ab alio, etiam si habeant necessariam connexionem : sic tale genus connexionis & propositionis, est sufficiens ad hoc genus demonstrationis à simili & concomitanti, id est ad hoc genus probationis necessaria & euidentis .

SECTIO QUINTA.

De Præcognitionibus & Præcognitis ad Demonstrationem requisitis.

Arist. doctrina de præcognitionibus & præcognitis.

Aristoteles incipiens 1. Post. omnem doctrinā & disciplinā fieri ex præexistente cognitione: tex. 2. duplicem præcognitionem, idest præiam cognitionem ad discursum requisitam distinguit: unam quoad an est; aliam quoad quid est: idest unam qua affirmetur rem esse: aliam qua perspicitur quid res sit, siue quid significetur per id quod dicitur. Hinc docet, alia debere præcognosci quoad an est: alia quoad quid est: alia quoad utrumque. Affert exempla. quoad an est oportet præcognoscere hoc principium, omne po est affirmari aut negari, siue omne est aut non est. quoad quid est oportet præcognoscere triangulum, quid significet. quoad utrumque oportet præcognoscere unitatem, videlicet quid unitas significet, & quod verè unitas sit. Rursus tex. 75. & 76. reperit eundem duplicem modum præcognoscendi: & asserit, ad scientiam tria requiri, præmissas, subiectum conclusionis, & prædicatum conclusionis: præmissas ex quibus demonstratur, subiectum de quo demonstratur, & prædicatum quod demonstratur. Et explicat quoniam modo hæc tria debeant præcognosci.

Communis expositio de duabus præcognitionibus, & tribus præcognitis.

Hinc Expositores valde communiter colligunt & asserunt, ad demonstrationem duas præcognitiones & tria præcognita requiri: & specialiter loquuntur de demonstratione propter quid, de qua Arist. maxime agere intendebat. Primum præcognitum assignant præmissas, quas volunt ab Arist. esse indicatas exemplo illius principij. Secundum assignant prædicatum conclusionis, quod etiam appellatur quæsum & passio. Et hoc esse indicatum exemplo trianguli, quoniam triangulus est prædicatum seu quæsum in quadam conclusione & problemate geometrico, nempe super datam rectam lineam triangulum constituere. Tertium assignant subiectum eisdem conclusionis, quod etiam dicitur datum

& genus. Et hoc esse indicatum exemplo illo unitatis: quoniam unitas est subiectum in plurimis quæstionibus & conclusionibus arithmetici, cuius obiectum adequatum est numerus. Sic Arithmetica quærit an unitas mensuret numerum & similia.

Vnde ulterius, conformiter ad hæc eadem exempla dicunt, præmissas præcognosci debere quoad an est. quod planè docet ipse Arist. tex. 11. 15. & 73. Ad dunt Themist. Auerr. Philop. S. Thom. & alij communiter ipsdem locis, debere etiam præcognosci quoad quid est. quod ipsum docet Arist. tex. 11. Item dicunt, subiectum debere præcognosci quoad quid est, & quoad an est simul: prædicatum verò tantum quoad quid est. Quoniam, ut procedatur ad demonstrationem, prius proponitur conclusio sub forma problematis & quæstionis: ut utrum, anima sit immortalis: & sic prænosci debet quid utrumque significet. Debet etiam prænosci, subiectum in se simpliciter esse, ut possit affirmari: esse tale vel tale per prædicatum. Non debet autem prænosci prædicatum simpliciter esse, quia hoc ipsum demonstratur, dum probatur prædicatum inesse subiecto.

Verum in hac tota doctrina plures difficultates innolunt, tam de re ipsa, quam de mente Arist. Quia sicut dicuntur debere præcognosci subiectum & prædicatum conclusionis, quæ sunt extrema: ita etiam debet præcognosci medium. 1. Quia non est necessaria illa ratio ut debeant præcognosci extrema conclusionis, quia conclusio antea proponitur sub forma problematis. Hoc enim non est necessarium. Et etiam si non ita proponatur, alia ratione oportet ut omnia præcognoscantur quoad quid est. 3. Etiam tota ipsa conclusio, etiam quoad copulam, debet præcognosci quoad quid est, scilicet per simplicem apprehensionem. sicut de ipsis præmissis faterentur debere præcognosci quoad quid est. 4. deinde. Non oportet subiectum distinctè præcognosci quoad an est. Nam ad propositiones essentielles non oportet supponere subiectum existere. Quod si dicant debere prænosci talem esse possibile, vel esse essentialiter ens reale. Neque etiam hoc est necessarium. Et qua ratione po-

Hæc expositio non bene rem explicat.

Sect. V. De Præcognitionibus & Præcognitis. 623

test præcognosci de subiecto, potest etiam de prædicato.

Non est de mente Aristot. Quinto præterea, Arist. tex. 2. non attulit illa exempla ad indicanda illa tria præcognitionis demonstrationis. Prorsus enim gravis, & nimis violenter dicitur Arist. obscurissimo illo modo voluisse indicare prædicatum exemplo trianguli &c. Imo triangulus in Geometria potius se tenere solet ex parte subiecti Et e converso in Arithmetica ponendo numerum ex parte subiecti, unitas se tenebit ex parte prædici; numerus mensuratur unitate. 6. In illa expositione ex una parte dicitur, præmissas assignari pro illo præcognito quod debet præcognosci tantum quod id an est, ad differentiam illius quod debet præcognosci, tum quod an est, tum quod quid est. Ex alia parte asseritur, præmissas debere præcognosci etiam quod quid est. 7. Illa expositio non explicat nec saluat rationem quam reddit Arist. tex. 2. cur aliquid debeat præcognosci vno vel alio modo, quia inquit non consimiliter omnes res esse nobis manifestas. 8. demum. Nec etiã saluat & explicat quod Aristoteles docet textu 76. quando aliqua quæ præcognoscenda forent, sunt satis notæ tunc scientias illa despiciere, & non curare tales præcognitiones. Cum tamen certum sit, ad omnem actum scientificum in omni singulari demonstratione debere intervenire suas debitas præcognitiones.

Est inutilis.

Ceterum conati sunt multi Expositores, his difficultatibus vel omnibus, vel aliquibus satisfacere. Propter quod prolixè nimis & molestum de præcognitionibus & præcognitis tractationem texere conati sunt. Sed inutiliter prorsus, sine ulla vel necessitate, vel emolumento ad constructionem demonstrationis. Et nunquam satis difficultates expedire, suamque illam assignationem defendere possunt.

Vera doctrina de præcognitionibus & præcognitis.

Aliiter facillimè & breviter, tum res ipsa, tum doctrina Aristot. explicanda est. Quod ad rem ipsam attinet, clarum est, ad demonstrationem concurrere tres terminos, ex quibus consiciuntur propositiones & ipsas propositiones idest præmissas, & conclusionem. Hæc omnia debent præcognosci quod quid est. Non oportet quidem præcognosci conceptu

explicito & definitivo. & ut dici solet, quoad quid res sed sufficit conceptu aliquo implicito, & ut dici solet, quoad quid nominis. Imo hæc præcognitio non debet esse complexa per modum iudicii, sed simplex per modum apprehensionis. Præter hoc, præmissæ debent præcognosci quod an est, idest per assensum & iudicium determinatum, quo intellectus cognoscat ira esse sicut per præmissas enunciatur. Post has præcognitiones sequitur assensus conclusionis quod an est, qui assensus est ipse actus scien. i. in quo a demonstratio perficitur & completur. Hoc autem totum de distinctione huius duplicis cognitionis quoad quid est & quoad non est, & de necessitate huius præcognitionis quoad quid est ad assensum determinatum ferendum, & de necessitate præcognitionis, idest assensus quoad an est præmissarum, ad assensum conclusionis, satis iam patet ex dictis suis locis de tribus actibus nostræ cognitionis.

Huc spectat quod Auerr. 1. Post. com. 1. distinguit, aliam præcognitionem esse dirigentem, aliam agentem. quam distinctionem recipiunt & explicant alij Expositores communiter. Communis autem explicatio est: præcognitionem dirigentem dici illam, quæ tantum aliquo modo disponit intellectum, ut devenire queat in noticiam & assensum conclusionis: præcognitionem agentem esse illam, quæ mediante, & in virtute cuius, intellectus elicit ipsum conclusionis assensum. Clariùs ergo dicemus. præcognitionem dirigentem, esse simplicem apprehensionem & quoad quid est, quæ requiritur quidem non tamen movere & impellit intellectum per modum principij illarum, præcognitionem agentem, esse assensum præmissarum, & definitum iudicium quod an est, ex quo intellectus per modum illationis inducitur ad conclusionis assensum.

Deinde quod attinet ad mentem Arist. is non tam loquutus est in illis locis de singularibus demonstrationibus, & actibus cognitionis ad singulas requisitis. quàm potius de scientiis totalibus, quas in principio nomine doctrinæ & disciplinæ nuncupavit. Et præcognitionem accepit etiam per modum doctrinæ & disci-

Vera expositio Aristot.

disciplinæ, qua in qualibet scientia explicatur, quid res sit & an sit. Atque docere voluit, quasdam res esse, de quibus scientia totalis per modum doctrinæ debeat explicare tantum an sint, quasdam quid sint, & quasdam quoad utrumque, ut possit ad vteriora procedere. Hanc autem diuersitatem prouenire ex eo quod non similiter & eodem modo tales res supponuntur notæ & manifestæ. Sed quandoque indigere vna, quandoque alia, quandoque vtraque explanatione: quandoque autem aliquid ex his non antecedenti & præuia explanatione præcognosci, sed potius per ipsam scientiam demonstrandum est.

Ad hoc propostum assert textu secundo, exempla illa. Et quidem principium illud, omne est aut non est, ipse latè sic esse declarat 4. Metaph. Triangulum, autem quid significet, Geometra ab initio explicat: sed an sit, postea debet demonstratione probare: ut docet idem Arist. 2. Poster. textu 33. De vnitare demum, præuia explanatione debet præcognosci quid sit & an sit. Nam ait Aristot. textu 76. non ita planum est, numerum esse, sicut calidum aut frigidum esse. Hæc verò Arist. attulit tanquam exempla. Nec alioqui est in exemplis exacta veritas requirenda. Ideo etiam addidit Aristot. textu illo 76. ea ipsa quæ alioqui præcognosci, idest prius edoceri & explicari solent ac deberent, prætermitti, quando ex se satis nota & perspicua esse supponuntur. Demum hæc tota expositio est expressè de mente Auerrois, qui pro eadem refert Themistium. Et inter alia notauit Auer. comm. 2. siue præmissas, siue subiectum, siue prædicatum, indifferenter debere, quandoque vno, quandoque alio, quandoque utroque modo præcognosci: sine distributione illa præcognitionum & præcognitorum, quam postea alij excogitarunt. Sequitur iam, ut distinctè de singulis ipsis partibus demonstrationis, terminis, & propositionibus, pertractemus.

SECTIO SEXTA.

De Terminis Demonstrationis, præcipuè propter quid: & prius de Extremis.

TErmini dicuntur materia remota, syllogismi, propositiones materia proxima: ideò à terminis incipimus, ut ad propositiones transeamus. Manifestum est autem, in demonstratione, sicut in quolibet syllogismo, duos esse terminos extremos, & vnum medium: quod in specie de ipsa demonstratione Aristot. adnotauit lib. 1. cap. 16.

Et in primis, de termino minori extremo, quod est subiectum conclusionis in demonstratione, & ita obiectum scientiæ incomplexum, iam satis ad naturam ipsius scientiæ explicandam, egimus in ipso tractatu de Scientia. Vnde etiam nonnulla de maiori extremo, conclusionis prædicato colliguntur. His ergo suppositis, & alijs leuioris momenti omis-
De minori extremo.

sis. Breuiter in demonstratione quia, maius extremum potest esse quodcumque prædicatum, quod de subiecto aliquo possit euidenter sciri & comprobari: siue sit causa ipsius subiecti aut medij: siue sit effectus non adequatus: siue sit aliquid concomitanter se habens: ac etiam si sit prædicatum essentiale, ipsaque definitio subiecti: possumus enim demonstrare hominem esse rationalem, ex eo quod est risibilis, & similia.

In demonstratione propter quid, de qua præcipuè est loquendum, maius extremum quatenus prædicatur de minori, debet esse aliquo modo effectus medij. Ita patet ex ipsa essentia huius demonstrationis. Demonstramus enim per causam, per quam prædicatum conuenit subiecto. Debet item esse effectus consequens per se & necessariò, non per accidens vel contingenter. Quod etiam patet ex dictis antea de necessitate scientiæ in communi.

In demonstratione, propter quid, maius extremum debet esse effectus medij.

nia & natura. & hæ sunt propriæ passionēs, & naturales proprietates. Secundò aliquid quod sit causa subiecti, quæ tamen ab alia causa superiori dependeat, & per eam subiecto conueniat. Tertiò aliquid prædicatum essentialē subiecti, quod ei conueniat per aliquam causam, per quam possit de illo probari.

Et primò quidem, propriæ passionēs, apertissimæ sunt ut de subiecto demonstrentur per essentiam, id est differētiā essentialē vel definitionem eiusdem subiecti, tanquam medium. Et huiusmodi etiam demonstratio est perfectissima inter omnes propter quid. Quod totum constabit magis ex dicendis de medio demonstrationis. Secundò etiam aliqua causa poterit per aliam demonstrari: quia dantur causæ inter se subordinatæ. Imo eadem causæ sunt sibi inuicem causæ: & ita poterit vna per aliam à priori demonstrari. Quomodo verò in hoc possit esse circulus & regressus, dicemus postea. constabit etiam magis hæc res ex modo dicendis.

Potest etiam esse alia causa minoris extremitatis.

An possit etiam esse prædicatum essentialē. De Tertiò, multi Expositores in 1. Poster. & Auicē. apud Auerr. com. 38. absolute negant, prædicatum essentialē, & præcipue definitionem, posse demonstrari de re cuius est definitio, ut animal rationale de homine. Nam dubium non est, definitionem accidentis posse demonstrari de subiecto eiusdem accidentis: ut de homine definitionem risibilitatis: quia sic non demonstratur definitio aut prædicatum essentialē, de ipsa re cui est essentialē. Alij verò distinguunt, dupliciter posse intelligi hanc demonstrationem. Vel materialiter, demonstrando illud quod est definitio essentialis, & inferendo homo est animal rationale. Vel formaliter sub ratione definitionis essentialis, demonstrando & concludendo, homo est essentialiter animal rationale, animal rationale est definitio hominis. Primo modo concedunt, secundo negant, posse demonstrari. Et hæc est communior doctrina.

Fundam. partis negativæ ex Aristot. Pro hac autem parte negatiua, videtur esse Aristot. eod. 2. Poster. Vbi à cap. 2. per plura sequentiā, multis rationibus conatur ex professo probare, ipsum quid est & definitionem rei non posse demonstrari. & sexto metaphys.

textu primo, ex inductione à se facta, inferre non esse demonstrationem ipsius quid est, sed alium manifestationis modum. Accedit ratio, quia definitio, & quodcunque prædicatum essentialē, intrinsecè & immediatè per se ipsum conuenit rei, & non per aliam rationem, vel causam priorem: alioqui se haberet, ut passio consequens, non ut prædicatum essentialē constituens.

At verò pro parte affirmatiua, quòd definitio possit de definito demonstrari, est idem Aristot. eodem secundo Poster. capite quinto, alias 8. Vbi, cum in præcedentibus plurimas dubitationes adduxisset, nihil tamen asserendo: ibi incipit, cōsiderandum esse quid in præcedentibus benè aut non benè dictum fuerit. Et textu 37. planè docet, quid est posse demonstrari, sed per aliud quid est, & definitionem per definitionem. Et textu 46. aliam esse ait definitionem, quæ non demonstratur, sed est principium, siue mediū demonstrationis. Aliam quæ est demonstrationis conclusio. Aliam quoque assignat quæ videtur esse eadem demonstratio, positione vel collocatione tantum differens, ut videre est in textu. Sed rursus redit difficultas: quia ipse Aristot. textu 38. post traditam eam doctrinam, ait, illud modum assignatum demonstrandi quid est, non esse demonstrationē, sed logicum syllogismum, per quem videtur intelligere argumentum topicum. Et præterea textu 42. ait, ipsius quid est non esse syllogismum, nec demonstrationem: tamen ipsum quid est, haberi per syllogismum & demonstrationem.

Fundam. partis affirmatiuæ ex Aristot.

Ad veram resolutionem huius dubij, & intelligentiam Aristot. distinguenda, *Vera resolutio.* est duplex causa per quam demonstratio fieri possit. Alia est intrinseca & essentialis subiecto, ut rationalitas homini. Alia est causa extrinseca non essentialis, ut finis Beaticus, ad quem homo ordinatur. Distinguendum est etiam, aliud prædicatum essentialē, velut partiale, non continens totam essentiam, ac definitionem, & definitio ipsa integra & totalis continens totam rei essentiam.

Potest ergo à priori demonstrari de re prædicatum aliquod essentialē per causam extrinsecam, demonstrari inquam

Potest prædicatum essentialē

R r non

*dimissum
riper cau-
sam ex-
trinsecam.*

non solum materialiter, sed etiam formaliter. Probatur, quia potest dari causa quæ huiusmodi prædicatum realiter & essentialiter conueniat subiecto: ergo potest per talem causam fieri demonstratio. Sic, hominis causa finalis est Beatitudo in contemplatione intellectiua consistens: per hanc ergo causam finalem demonstrari potest, hominem habere naturam intellectualem, & habere utique essentialiter. Causa finalis ut domus recto & parietibus construat, est ad propulsandas aeris iniurias: licebit ergo per hanc causam finalem à priori demonstrare, domum debere recto parietibusque constare. Per idem genus causæ exemplum affert Sanctus Thomas secundo Posteriorum lect. 7. omnis habitus perducens ad beatitudinem, est secundum rectam rationem operatiuus; sed virtus est habitus perducens, &c. Datur item similis demonstratio per causam efficientem: ut si demonstremus, amore essentialiter esse actum vitalem, ex eo quod elicitur à potentia vitaliter operante. Si demonstremus filium esse substantiam viuentem genitani in similitudinem naturæ: quia omnis filius generatur à patre; & omnis pater generat ut viuens, aliud viuens sibi simile in natura.

*Potest et
per causam
intrinsicam.* Insuper potest etiā per causam intrinsicam & essentialem demonstrari formaliter aliquod prædicatum, seu aliqua pars essentialis. Sic possumus demonstrare formam per causam materiale: omne quod habet essentialiter materiam, habet essentialiter formam; sed omne corpus physicum habet essentialiter materiam, ergo, &c. Vnde qui concedit cælum habere materiam: inde à priori tenetur concedere, habere etiam formam. Et ex eo quod aliquod compositum habeat corpus organicum, à priori potest demonstrari quod habeat essentialiter animam. Sic ergo saltem inter materiam & formam, potest vnum prædicatum, seu pars essentialis, per aliam causam essentialem demonstrari.

*Potest itē
integra de-
finitio per
causam
intrinsicam.* Deinde integra etiam definitio potest formaliter per causam extrinsecam demonstrari. Ita concedit Auerroes secundo Posteriorum com. 38. causa quæ est pars quidditatis, non demonstrat definitionem, sed causa quæ est extra quiddi-

tatem. Diuus Thomas etiam, Caietanus, & alij in secundo Posteriorum concedunt, definitionem saltem materialiter demonstrari. Probatur assertio, quia nullum est impedimentum, nullum inconueniens, cur definitio non possit per talem causam demonstrari. Nam reuera conuenit rei per eam causam: ergo per eandem potest sciri & demonstrari. Sic demonstrare possumus, domum esse compositum, artificiale ex parietibus & recto, per finem ipsius domus: & definitionem filij probamus ex ratione patris.

Item demonstrare possumus, genus commune homini & Angelo esse substantiam intellectualem ex fine Beatitudinis. Nec apparet ratio, cur non possit definitio etiam formaliter demonstrari. Si quidem definitio etiam essentialiter conuenit rei per talem causam, & verè dicere possumus, talis res essentialiter ordinatur ad huiusmodi finem: ergo essentialiter est talis. Item sumendo ipsam definitionem, v. g. animal rationale, sic possumus demonstrare: omnis oratio explicans essentiam rei per genus & differentiam, est definitio essentialis: sed hæc est oratio, &c.

Demum integra definitio, neque formaliter, neque materialiter, potest per causam intrinsicam demonstrari. Hoc indicauit Auerroes supra. Et in hoc sensu verificatur sententia negatiua. Probatur assertio: quia in ipsa definitione adequatè sumpta continentur omnia, quæ sunt de essentia rei: alioqui esset diminuta. Et si illi desit aliquod prædicatum essentialē, per quod demonstrari dicatur: tantum demonstrabitur illud aliud prædicatum, quod in definitione continetur, non autem tota definitio, prout includens omnia prædicata. Si ergo definitio demonstratur per aliquam causam essentialē, demonstrabitur per medium in ipsa inclusum: ergo quantum ad istam partem demonstraretur idem per idem; & quoad hoc esset petitio principij. Et quidem hoc præcipue fundamentum Aristoteles per plura capita probat, quid est non posse demonstrari, quia peteretur principium. Et vltimis illud prædicatum essentialē, quod assumitur ut medium, non est utique causa sui ipsius: ergo tota definitio includens

*Non po-
test per
causam
intrinsicam.*

SECT. VII. De Medio termino Demonstrat. 627

cludens etiam hoc predicatum, non potest per illud ipsum demonstrari propter quid, tanquam per causam.

*Pro ultra
que parte
Arist. ex-
plicatur.*

Ex his omnibus facile explicabitur mens & doctrina Aristot. relictis alijs expositionibus, vel manifeste falsis, vel quæ ex ipsa vera expositione perspicue refelli possunt. Aristoteles capite quinto distinguit duplicem causam; quidam quæ est eadem, & quidam quæ est alia: hoc est quandam intrinsecam & essentialem, quandam extrinsecam. Ita exponit ibi Sanctus Thomas, & fauet Simpl. Et omissa causa intrinseca, subdit Aristot. si causa extrinseca sit demonstrabilis, id est idonea ad demonstrationem; per eam posse demonstrari quid est, & hunc esse unicum modum demonstrandi quid est. Hoc ipsum repetit textu 42. dicens, quasdam definitiones esse, quæ habent alteram causam, id est extrinsecam aptam ad demonstrationem: quasdam verò non habere, aut non habere talem quæ spectet ad eandem scientiam, quæ considerat illam definitionem cum definito, ut indicat exemplo Arithm. & unitatis; & explicat ibi Auerr. & D. Thom. Itaque Aristot. loquutus est de integra definitione, continente totam essentiam rei; & negat posse demonstrari per causam intrinsecam: concedit per causam extrinsecam, quando suppetit talis causa apta ad demonstrationem in aliqua scientia.

Dum verò textu 38. talem probationem definitionis ait non esse demonstrationem, sed logicum syllogismum: non utique intellexit esse syllogismum topicum & probabilem. Nam planum est, esse necessarium & evidentem: quinimo ibidem ipse appellat demonstrationem per causam. Sed tantum negavit esse demonstrationem illam potissimam, quæ procedit ex causa intrinseca & essentiali, de qua loquimur sectione sequenti, & per syllogismum logicum intellexit demonstrationem procedentem ex causis extrinsecis. Sic etiam vocavit logicam demonstrationem libro secundo de Gener. animal. cap. 6. & Auerroes in Epith. Log. tract. de Demonstrat. notavit, quasdam demonstrationes de prædictis generibus & non proprijs rei, prædictæ dialecticas, tunc esse necessarias. Rur-

sus text. 42. ubi Aristot. simul negare videtur & concedere syllogismum ac demonstrationem definitionis breuiter voluit repetere quod dixerat, aliquo modo dari, & aliquo modo non dari: alicuius definitionis dari, & alicuius non dari. ut clarius concludit textu 47. *Manifestum ex dictis est, quomodo est ipsius quid est demonstratio, & quomodo non est: & quorū est, & quorū non est.* Demum quod dixit, quid est demonstrari per aliud quid est, & definitionem per definitionem; sensum habet, illam causam extrinsecam per quam definitio demonstratur, aptam esse etiam explicare suo modo essentiam rei, & posse constituere definitionem causalem, ut explicat S. Thom. lect. 6. Iuxta hæc tandem explicari etiam debet locus ille Metaphys. & soluta manet ratio pro eadem parte negatiua adducta.

SECTIO SEPTIMA. De Medio Terminio Demonstrationis, præsertim propter quid & potissimam.

Generaliter medius terminus cuiusquæ demonstrationis debet esse talis, qui ex necessaria & euidenti connectione sui cum extremis in præmissis, euidenter inferat conjunctionem eorundem extremorum inter se in conclusione. Quare, cum conclusio sit necessaria, ipsum quoque medium debet esse necessarium: ut docet & probat Aristot. 2. Poster. 50. & 51. Docet etiam Aristot. 1. de Anima tex. 11. Omnis demonstrationis principium, id est medium, esse quid est, id est definitionem. Sed vel hoc specialiter intellexit de omni demonstratione potissima, aut propter quid, ut infra: vel generaliter per quid est intellexit quicquid aptum est explicare essentiam rei, etiā si sit accidens, vel effectus rei: sicut ipse ibi ait, accidentia multū conferre ad cognoscendū ipsum quid est. Demonstrationis verò quia, quale & quo: ulex sit medium, constat ex dictis sect. præced. Demonstrationis autem propter quid medium, ut ex eadem sect. manifestum est, esse debet causa conuertibilis, ut dicebamus.

*Medius
terminus
demon-
strationis
quia.*

Cumque quatuor sint genera causarum, Materialis, Formalis, Efficientis, &

*Medius
terminus*

R r 2 & Fi.

*demonstra-
tionis pro-
pter quid.*

& Finalis: Philoponus secundo Poster. com. 23. significauit, solam causam formalem esse posse medium. Et alij pro eodem sumunt causam formalem, ac definitionem, quatenus definitio se habet vt forma rei. Quidam verò recentiores asserunt, tria tantum genera causarum, materiale, finalem, & efficientem, posse esse medium: formalem propriè dictam excludunt: & dicunt quamlibet ex illis tribus posse aliquo modo appellari formalem, quatenus quilibet suo modo rem constituit: & sic semper medium esse causam formalem. Afferunt, quod Aristot. secundo Poster. capite 6. ponit demonstrationis exempla tantum in illis tribus generibus causarum, & non in causa formali. Probant etiam ratione, causam formalem propriè dictam non esse medium: quia id quod demonstratur est passio & accidens, cuius propriè non datur causa formalis: sed ipsa est forma quæ edâ accidentaliter habens causam materiale in qua est, effectiuam à qua est, & finalem ad quam est. Rursus Auerr. primo Poster. com. 34. & 35. & 68. demonstrationem esse causâ efficienti & finali, videtur collocare inter demonstrationes quia. Ex opposito libro secundo com. 6. & 42. videtur materiam & formam excludere, solumquæ causam efficientem & finalem approbare.

*Potest esse
in omni
genere
causæ.*

Communis tamen & vera sententia est, omne genus causæ esse medium apud absolute ad demonstrationem propter quid. Ita Expositores communiter circa loca Aristot. quæ afferemus. Probat ut ergo ex Aristotele septimo Metaphysic. text. 19. & 60. propter quid, quæri & assignari per causam, etiam finalem, efficientem, & materiale. Et primo Physic. 70., & 8. Metaphysic. 12. Physicum per omnia causarum genera demonstrare. Sed præcipuè 2. Poster. cap. 6. vel 11. text. 43. clarè significans se loqui de scientia, quam definiuerat libro primo textu 5. Quoniam scire putamus, quando scimus causam: subiungit: Causæ verò quætur sunt. Et numerat formalem, quam vocat quod quid erat esse, ubi comprehenditur definitio; materiale, efficientem, & finalem. Et addit: Omnes ipsæ per medium demonstrantur, idest tanquam medium in demonstratione possunt adu-

mi, vt exponunt Auerroes Philopon. & alij communiter. Et in reliquo cap. eandem doctrinam profecquitur, adducens exempla in omni genere causæ, & præcipuè in tribus illis generibus, cum iam antea latius tractasset de ipsa causa formali. Causam verò formalem certum est, non intrinsecè conuenire accidenti vel passioni, vt per eam demonstrari possit. Attamen multa demonstrantur per causam formalem subiecti: vt ex hoc quod animal habet animam sensitiuam, demonstratur habere virtutem sentiendi. Et datur quoque definitio subiecti, quæ se habet vt causa formalis. An verò definitio ipsiusmet passionis, possit esse medium eius demonstrandæ, infra videbimus, & affirmabimus.

Notandum nunc est, causam efficientem distingui solere in extrinsecam, & intrinsecam. Extrinseca est, quæ producit aliquid extra se, vel quæcunque non producit per naturalem & necessariam emanationem, ad eum modum, quo propriæ passionis ab essentia oriuntur. Intrinseca est, quæ per naturalem emanationem producit in se ipsa propriam passionem. Et hæc quæ est, essentia, definitio, vel differentia subiecti, appellatur causa formalis; ad differentiam causæ efficientis, quæ intelligitur extrinseca. Dicitur autem causa formalis, non tantum respectu subiecti, sed etiam passionis, inquantum ratio prima formalis, quæ talis passio conueniat subiecto, est essentia eiusdem subiecti. Et sic datur peculiare genus demonstrationis propter quid, per causam formalem distinctam ab alijs. Nec nisi nimis improprie, demonstrationes per alia causarum genera, dici possunt per causam formalem. In omnibus verò causis obseruandum est, vt sumantur, dum non sunt impeditæ, & dum adlucet etiam omnia requisita ad operandum: sic enim necessariò inferunt effectum.

Quia autem plura sunt, vt vidimus, genera causarum, & plura per eas genera demonstrationis propter quid: inter hæc omnia eminet causâ, & demonstratio omnium perfectissima, quæ potest appellari potissima, & simpliciter. Est autem quæ per propriam essentiam, vel

*Potissima
est demon-
stratio,
cuius me-
dium est
causa for-
malis.*

Seçt. VI. De Medio termino Demõstrationis. 629

vel differentiam essentialẽ, demonstrat passionẽ de subiecto, ab illo necessariõ emanantẽ. Cui demonstrationi peculiari ac perfectõ modo insunt omnes conditiones ad demonstratõis perfectiõem requisitæ: Equẽ habet maximam veritatẽ ac necessitatẽ, & proximẽ ac explicitẽ versatur in terminis essentialibus, ac circa veritates essentialẽs & immutabiles. Et is est perfectissimũs modus cognoscẽdi rem per causam, cum cognoscitur passio per rationẽ essentialẽ, per quam subiecto conuenit. Itaque hæc non est demonstratio illa simpliciter, diuisa à propter quid, quam ponebat Auerr. sed est demonstratio propter quid perfectissima. In hoc tamen nimij videntur illi, qui volunt, huic soli conuenire conditiones ab Aristotele assignatas, & de hac sola Aristot. fuisse loquutum. Hoc inquam falsum est. quia & Aristot. loquutus est vniuersaliter de scientia & demonstratione, propter quid, quam etiã definierat: & illæ conditiones omni tali demonstrationi conueniunt, vt deinceps constabit. Magis tamen perfectẽ aliterum conuenire demonstrationi potissimẽ.

Quæ colligit quodammodo omnes causas.

Huiusmodi ergo demonstrationis medium, est causa formalis modõ explicata. Quæ etiã alias causas in se quodammodo continet, earumquẽ vim & efficaciam in se colligit. Habet rationẽ causæ formalis, siue respectu subiecti, siue passionis, vt explicauimus. Habet rationẽ causæ efficientis, & eõ perfectioris, quõ perfectior est efficiens intrinseca, quam extrinseca. Est causa materialis: quoniam ipsa eadem est, quæ in se recipit propriam passionẽ. Demum se habet vt finis: ad ejus enim complementum atque perfectionẽ, suæ passionis naturaliter ordinantur. Harum trium rationum in causando essentia respectu passionis, meminit Sanctus Thomas prima parte quæstione 77. articulo sexto ad secundum.

At verõ potest in prædicto sensu causa formalis esse, non tantum essentia & differentia rei, sed etiã aliqua alia passio subiecti: ita vt per vnã passionẽ tantum causam formalem, duplicẽ demonstretur. Quod euenit, cum in ipso subiecto immediatẽ ex eius essentia aliqua prima

passio prouenit, & ex hac passione deinde alia passio vt ex rationalitate hominis, quæ est principium radicale, proximẽ sequitur esse discursum, quæ est facultas proxima; & ex hac sequitur esse admiratum; & ex hac demum, vt communiter dicunt, esse risibile. Huiusmodi ergo passio, quæ non est prima, potest & debet per aliam passionẽ priorem à qua prouenit demonstrari.

Rursus Aristot. sapẽ docet, medium huius demonstrationis esse quid est, scilicet definitionẽ. Hoc aliqui intelligunt de omni demonstratione propter quid. Aliqui de perfectissima demonstratione, de illa scilicet quæ modõ dicebatur procedere ex causa formali. Cumquẽ in demonstratione detur subiectum & ipsa passio, dubium est, an definitio vel differentia essentialis subiecti, an passionis, sit medium in hac demonstratione, an discursum de homine demonstretur per rationalitatẽ, quæ est differentia hominis, vel per aptitudinem discurrendi, quæ est essentia discursui, vel debeat vniuiusque medium simul, omne rationale & aptum ad discurrendum esse discursum, sed homo est, &c. vel sic, omne aptum ad discurrendum propter rationalitatẽ, est discursum, sed homo est &c.

Aristoteles secundo Posteriorum textu 41. 95. & 97. docere videtur, medium esse definitionẽ maioris extremi & passionis. Idem asserit Auerr. ipsdem locis, & latẽ defendit Zabar. libro primo de Medio demonstrationis, qui tamen declarat, nunquam definitionẽ essentialẽ passionis quẽ demonstratur, sed semper in omni demonstratione propter quid definitionẽ causalem passionis esse medium demonstrationis. Communis sententia est, medium non esse, nisi definitionẽ vel differentiam essentialẽ subiecti.

Sed primõ videtur, posse quidem in aliqua demonstratione poni vtrumquẽ medium, vt in exemplo illo adducto. Sed id esse superfluum, & demonstrationẽ non videri perfectẽ vnã. Nam demonstratio vna est, quæ vnicõ medio consistat. Ibi autem ponitur duplex medium. Et specialiter propositio illa in forma causali, omne aptum

Quomodo medium demonstr. propter quid, sit definitio.

Nõ debet esse definitio vtrumque extrinsecum simul.

ad discurrendum propter rationalitatem, inuoluit integram demonstrationem. hanc, aptum ad discurrendum est discursuum, rationale est aptum ad discurrendum, &c. Et huiusmodi est definitio illa, quam Aristot. 2. Poster. textu 45. ait esse ipsam demonstrationem, sola positione, hoc est collocatione terminorum, differentem: ut tonitruum est sonus in nubibus propter extinctionem ignis: eclipsis est priuatio luminis in Luna, propter interpositionem terræ. superfluum autem in vna propositione demonstrationis ponitur penè tota demonstratio.

Potest esse definitio maioris extremi. Secundò. Definitio passionis potest esse medium in demonstratione propter quid per causam formalem, quamuis aliqui hanc definitionem nimis seuerè rejiciant. Nam illa est causa formalis & essentialis passionis. Et interroganti cur homo sit discursiuus, benè responderi potest, quia est apertus ad discurrendum. Et hæc definitio est per se magis nota, quam suum definitum. Et qui negaret hominem esse discursiuum, posset hac via conuinci. Potest etiam talis definitio dici causa, ut passio insit subiecto, sicut est causa formalis eiusdem passionis secundum se, quatenus nempe assumitur in utraque præmissa, quòd esse aptum sit discursiuum, & quòd esse aptum homini insit: sicut etiam rationale est causa, ut homini insit discursiuum, quia rationale est discursiuum, & rationale inest homini. Imò in aliquo casu accidere potest, ut ferè non possit aliter prædicatum demonstrari de suo subiecto, quam per definitionem ipsius prædicati: ut non potest melius demonstrari, animal rationale esse definitionem hominis, quam assumendo definitionem ipsius definitionis, omnis oratio explicans essentiam rei per genus & differentiam, est optima definitio rei, &c. Et si quæretur, quare animal rationale est definitio hominis, non aliter responderi debet, nisi quia explicat essentiam hominis. Atque in Physica, alijsquæ scientijs, frequenter occurrunt huiusmodi probationes & responsiones. Fatendum verò est, definitionem passionis, seu prædicati, non esse medium perfectissimum, quod assignauimus, ut mox dicemus.

essentialis subiecti, seu minoris extremi, est medium apertissimum, & super alia perfectissimum. Pater ex supra dictis. Et quia hæc est causa, ex qua passio prouenit & emanat. Et tunc maxime nos scire possumus causam passionis, cum scimus subiectum habere talem differentiam, & ex tali differentia talem passionem. Tale verò medium, quod est essentia subiecti, dici etiam potest definitio passionis, definitio nempe causalis. Nam passio optime causaliter definitur per essentiam, à qua intrinsecè manat. Et de hac definitione loquutus est Aristot. illis locis, apud quem idem esse videtur definitio & causa passionis, & expressè lib. 2. textu 7. ait, idem esse cognoscere quod est, & propter quid est. Cæterum, quoniam definitio subiecti potest considerari, tum respectu subiecti, quatenus ratio essentialis eius, tum respectu passionis, quatenus eius causa: disputari solet, quam potius ratione sit propriè demonstrationis medium.

Dicèdum breuiter est, esse proximè medium, quatenus causa passionis, & veluti remotè quatenus est essentialis subiecto. Primum probatur: quia scire est cognoscere rem per causam, per quam est: ergo definitio, quatenus est causa passionis in subiecto, est medium sciendi, eamquæ demonstrandi. Et quidem definitio, quatenus definitio per se tantum resoluit quæritum quid, quid sit subiectum: sed quatenus causa passionis, demonstrat quæritum propter quid. Idquæ est de mente Aristotelis, assignantis absolute medium demonstrationis causam conclusionis & rei. Et definitionem ipsam assignauit in quantum est causa: eamquæ vocauit definitionem ipsius passionis, nempe causalem: quia ut sic est medium. Cum hoc tamen asserendum omnino est, definitionem tantum esse causam efficientem intrinsecam, vel formalem passionis, ita perfectam, in quantum est definitio & importat essentiam subiecti. Et ex hoc probatur secundum illud quod diximus, definitionem, quatenus definitionem, veluti remotè esse medium.

debet esse definitio minoris extremi.

Per se autem est medium, quatenus causa.

Præcipue Tertiò igitur definitio aut differentia

SECTIO SEPTIMA.

De Præmissis Demonstrationis.

An & quomodo esse debeant, prima, immediata, & per se nota.

Circa præmissas demonstrationis maxime assignantur conditiones ad eius constitutionem requisitæ. De quibus latè Aristot. 1. Post. à cap. 2. Et cum illo Expositores: specialiter quidem pro demonstratione propter quid: sed quia aliquæ conditiones sunt omni demonstrationi communes; in singulis adnotabimus, quæ sint propriæ, & quæ communes.

Has omnes conditiones recenset Aristot. partim cap. 2. tex. 9. & partim cap. 4. Primo loco ait, præmissas demonstrationis debere esse, veras, primas, immediatas, notiores, priores, causas, & principia propria conclusionis. Secundo loco docet, debere esse, necessarias, de omni, per se, de prædicato vniuersali, secundum quod ipsum, & primo. Quæ posteriores conditiones ferè ex prioribus colliguntur. Priores conueniunt præmissis secundum se: posteriores expressius traduntur ex parte terminorum, quibus præmissæ constant. De veritate autem, & necessitate, in qua inuoluitur certitudo, nihil ultra tractandum superest, præter ea quæ de ipsa scientia eiusquæ obiecto iam docuimus. De alijs conditionibus distinctè agendum sequitur.

Præmissæ demonstrationis debent esse primæ & immediate. Hæ non sunt duæ conditiones: sed explicatur vna conditio duplici nomine. Ità Auerr. Themist. Sanctus Thomas, & alij communiter: quicquid aliqui contradicant. Colligitur manifestè ex ipso Aristot. qui tex. 10. explicans hanc conditionem, simul versusque nomen coniungens, ait ex primis indemonstrabilibus, & vnicum ibi tradit sensum. Idem habetur ex textu 13. Idem etiam significatur, dicendo propositiones per se notas. Est igitur propositio prima & immediata, ex expositione Auerr.

Themist. Philop. D. Thom. & clarissimè ex ipso Aristot. illa, qua non est alia prior, & cuius non datur aliud medium, & quæ caret causa & medio priori quo possit demonstrari: ideòquè appellatur etiam indemonstrabilis. Itaque intelligitur non posse demonstrari a priori per causam: nec quicquam obest, si demonstretur à posteriori, vel per inductionem. Item intelligitur, non habere causam priorem eiusdem generis. Alioquin dum vna causa demonstratur per aliam alterius generis, v. g. formalis per materiam, adhuc dicitur prima & immediata in suo genere. Atque ita etiam propositio immediata idem est, ac propositio per se nota, hoc est, quæ per se ipsam cognoscitur, & non per aliud medium demonstratur.

Ad explicandum magis, quænam propositiones sint sic immediate: Primò, principia illa notissima quæ cognoscuntur actu & habitu, qui dicitur intellectus, vt omne totum est maius sua parte, quæ sunt æqualia vni tertio sunt æqualia inter se, & similia, planè sunt propositiones immediate. Hæc enim absque alio medio & demonstratione, vel causa, nota sunt, & ex sola apprehensione terminorum euidenter cognoscuntur: vt habetur ex Aristot. 1. Poster. textu 2. Boet. lib. de Hebdomadibus c. 1. D. Tho. 1. par. quæst. 17. art. 3. ad 2. & Scot. in 1. d. 2. q. 2. Appellantur etiam Dignitates ab Aristot. alijsque Philosophis. Quia vt ait Themist. 1. Poster. cap. 1. dignæ sunt, vt statim credantur ab omnibus; vel quia inter omnes propositiones principem locum obinēt. Vocantur & Axiomata, Maxime, Sententiæ, & alijs similibus titulis.

Secundò, Propositiones in quibus prædicatur definitio aut aliquod prædicatum essentiale de re, sunt immediate. Ità D. Thom. 1. par. quæst. 2. art. 1., & 1. contra Gent. cap. 11. & ibidem Caietan. ac Ferrar. & Capreol. in 1. d. 2. quæst. 2. Durand. d. 3. quæst. 3. & alij dicentes, tales propositiones esse per se notas. Itè Expositores hic 1. & 2. Poster. Patet ex dictis: quia non datur medium prius in eodem genere causæ, aliquo prædicato essentiali. Atque per solam explicationem terminorum debet intellectus tali-

Primum genus harum propositionum.

Secundum genus.

bus propositionibus assentiri. At vetò S. Thom. significat, adquatè propositionem per se notam esse huiusmodi, vt prædicatum sit de essentiali ratione subiecti. Hoc impugnat Scot. in 1. d. 2. q. 2. Et quidem necessarium non est, vt prædicatum sit formaliter de essentiali ratione subiecti. Vnde Caiet. & Ferrar. explicant S. Thom. vel non esse loquutum de omni propositione per se nota. Vel intellexisse prædicatum esse, aut formaliter de ratione subiecti, aut solum virtualiter, idest quod per essentialem aliquam habitudinem habet necessariam connexionem cum illo.

*Tertium
genus.*

Tertiò Propositiones, in quibus prædicatur causa primaria de subiecto, aut effectu proprio, sunt immediatæ. Nam causa, quæ est in suo genere principalis, non habet aliam potorem, per quam possit demonstrari. Ideò tantum dixi, de causa primaria, quia datur causa minus principalis & secundaria, quæ potest per causam superiorem eiusdem generis demonstrari. Igitur propositiones ex causis primariis sunt immediatæ.

*Quartum
genus.*

Quartò Propositiones item in quibus effectus prædicatur de suis causis proximis, sunt immediatæ. Vt cum prima passio prædicatur de differentia, rationale est dicursuum. Ratio est: quia cum datur causa vt prædicatum cõueniat subiecto: ramen vt idem prædicatum dicatur de eadem causa, vel ab ea emanet, nulla alia datur causa, per quam tanquam medium possit demonstrari de illa. Ideò quæ dixi, de causa proxima: quia de causa remota potest effectus demonstrari per causam intermedium, quæ erit effectui proxima, sicut demonstramus secundam passionem de differentia, rationale esse admirantium.

*Alia dicta
sunt Dignitates,
alibi
Positi-
ones.*

Ac quæ has alias omnes propositiones, quæ non sunt dignitates, videtur intellexisse Aristot. nomine Positionis. Diuidit enim propositionem immediatam, in dignitatem & positionem. Et dignitatem ait esse, quæ cõmuniter ad scientias præsupponi debet, quam etiam 2. Metaphys. textu 1. appellat scientiarum ianuam. Positionem assignat, quam non oportet antea scire, sed sufficit in ipsa scientia tradi & explicari. Positionem rursus diuidit in suppositionem & definitionem.

Suppositio est, quæ accipit rem esse aut non esse: vt vitare esse. Definitio est, quæ accipit quid res sit, seu rem esse hoc, aut illud: vt in Arithmetica vitare esse indiuisibilem. Hinc patet, eas propositiones non esse immediatas, quæ enunciant passionem aut effectum de re, illi cõuenientem virtute alicuius causæ medianis.

Sed Caiet. 1. Poster. cap. 2. & 3. Ferrar. 1. cont. Gent. cap. 11. & alij ex Thomistis, quibus fauet Sanct. Thom. 1. Poster. lectione 36. par. 6. volunt propositionem, in qua prima passio prædicatur de subiecto, esse immediatam: vt homo est dicursiuus: eo quod non datur causa & medium distinctum ad demonstrandam talem passionem. Scot. verò in 1. d. 2. quæst. 2. Capreol. ead. q. ad 1. cont. 1. conclus. Gregor. quæst. 1. artic. 2. & alij asserunt, eam esse propositionem mediatam ac demonstrabilem.

Sed verum quidem est, inter subiectum & primam passionem non dari medium à parte rei distinctum. Et in hoc sensu ea propositio dici potest immediata, idest sine medio distincto. Ac verum quoque est, esse mediam & demonstrabilem medio ratione distincto. Alioqui tolleretur possibilia & perfectissima demonstratio, quam supra assignauimus. Ac absolute concipiendo confusè subiectum & passionem, non est per se notum, passionem inesse rei, sed id per se notum est, si essentia vel differentia rei expressè concipitur.

Demum hic queritur, an propositiones etiam negatiuæ, non solum affirmatiuæ, de quibus loquuti sumus, sint immediatæ. sed de hoc commodius dicemus sectio. 12. vbi id affirmabimus.

His suppositis, videndum est, quæ ratione demonstrationis præmissæ debeant esse immediatæ. Et aliqui sunt qui dicunt, vtique, vel saltem vnã demonstrationis præmissam, debere esse per se ipsam immediatam, saltem secundum mentem Arist. Sed distinguendum est cum communi sententia Philosophorum, Philop. Sanct. Thom. Apollin. Veneti & aliorum. Vel enim propositio est immediata, in se ipsa medio vacans, vt homo est rationalis, quæ di-

An prædicationis de subiecto, sit immediata.

Præmissæ debent esse immediatæ, vel formaliter, vel virtualiter.

citur immediata formaliter. Vel habet
 quidem medium quo demonstratur: sed
 in demonstratione assumitur, quatenus
 iam demonstrata per superiores de-
 monstraciones subalternantes, usque
 dum deueniatur ad principia indemon-
 strabilia formaliter immediata. Et hæc
 dicitur immediata virtualiter, idest ma-
 nifestata virtute immediatarum. Est
 ergo prorsus necessarium, ut aliquo
 ex his modis demonstratio consistat ex
 immediatis, vel formaliter, vel virtuali-
 ter, quia omnino præmissæ debent
 esse evidentes, vel per se, vel per al-
 lias, quousque deueniatur ad per se
 evidentes, ne detur processus in infini-
 tum. Neque plus voluit Aristot. qui
 primo Topic. capite primo ait: *De-
 monstratio est ex primis, aut ex tali-
 bus quæ per primam cognitionis principium
 sumptæ sunt.* Et hic text. 10. volens pro-
 bare, præmissas debere esse immedi-
 atas, adducit; quoniam si sunt demon-
 strabiles, non sciet non habens demon-
 strationem earum, idest nisi demon-
 strata fuerint, & resolutæ usque
 ad principia immediata. Oportet igitur
 semper demonstrationem resolui ad
 immediata. Idem aperte colligitur ex
 text. 16. secundum commune exposi-
 tionem.

Etiam præ-
missæ de-
monstra-
tionis
quia, de-
bent esse
immedia-
ta.

Cæterum, hæcenus dicta procedunt
 specialiter de demonstratione propter
 quid, vel adequatè de omni quæ est
 per causam. Ut autem explicemus, an
 & quomodo demonstrationis etiam
 quia & per effectum præmissæ debeant
 esse immediata ac per se notæ: cer-
 tum esse debet, in hac etiam demon-
 stratione deueniendum esse ad aliqua
 principia se ipsis evidentiā, & non
 per alia principia: alioqui procedere-
 tur in infinitum. Vel ergo præmissæ
 sumptæ ex effectu, sunt per se nobis
 evidentes, vel per alias quæ demum
 sint tales. Et Aristot. 2. Metaph. text.
 7. sicuti dixerat, non posse abiri in
 infinitum sursum per causas, addit nec
 etiam posse deorsum per effectus. Fiunt
 autem nobis evidentes huiusmodi pro-
 positiones, ut ait Aristot. textu 96. per
 inductionem, vel per sensum. sic ex-
 perientia compertum est; quod pro-
 pinquius est, perfectius cerni; quod re-

motius est, debilius percipi: & præteritum
 corpus splendens, ut faciem accensam,
 si nimis distet, veluti effugere ab oculis,
 & ira scintillare conspicimus: cum-
 què eadem experientia constet, sydera
 aliqua non scintillare, nempe Plane-
 tas, alia scintillare: hinc à posteriori
 demonstramus, Planetas esse propin-
 quiores, alia sydera magis distare. Ac-
 tamen, ut hæc sit vera & rigorosa de-
 monstratio, oportet abstrahere ab exi-
 stentiā, & iudicare de essentiali condi-
 tione rerum: essentialiter enim verum
 est, talem esse nostri sensus, & obiecti
 sensibilis conditionem; ut quod prope est,
 perfectius cernatur; quod longius distat,
 veluti videatur effugere.

Arque ex hoc distinguitur multiplex
 propositio immediata, & per se nota.
 Alia est propositio per se nota natu-
 ra. Alia quoad nos. Alia utroque mo-
 do. Hæc distinctio traditur à Diuo Th.
 quæst. 10. de Verit. art. 12. 1. par. quæst.
 2. artic. 1. & 1. cont. Gentiles cap. 11. Ca-
 iet. & Ferr. iisdem locis, & ut pluri-
 mum à Scholasticis in 1. distin. 2. vel
 3. ab Expositoribus hoc loco. Et sum-
 mitur ex ipso Aristotele lib. 1. text. 12.
 Scutus tamen dist. 2. quæst. 2. §. Ex hoc
 patet illam non approbat. Explicante ali-
 qui, propositionem per se notam quoad
 nos, quæ verè nobis nota est: notam
 quoad se, quæ dicit quidem essentialē
 seu necessariam connexionem prædicari
 cum subiecto, non tamen à nobis co-
 gnoscitur. Sed hoc non benè dicitur.
 Quia cum nota idem sit, ac cognita, vel
 cognoscibilis: id nullo modo esse po-
 tesse, ut patet, nisi per respectum ad co-
 gnitionem. Etiam ergo propositio per
 se nota natura, talis dicitur per ordi-
 nem ad cognitionem.

Est ergo propositio per se nota na-
 tura ad mentem Aristotelis, & iux-
 ta doctrinam modò traditam: quæ ex
 natura rei est ita prima, ut non ha-
 beat aliam priorem tanquam causam
 per quam sit; & ita etiam cognoscitur,
 & potest ac exigit cognosci inde-
 penderet à causa priori, quippe
 quam non habet. Ac tales sunt propo-
 sitiones immediata, quas antea enu-
 merauimus. Per se nota quoad nos
 est illa, cuius noticiam nos imme-
 dia-

Alia præ-
missæ sunt
per se nota
natura,
alia
quoad
nos.

diatæ & proximè sine alio medio intellectuall accipimus per sensum, aut inductionem. Sic cognoscimus niuem esse albam, aquam frigidam. Et dicitur per se nota quoad nos: quia ex nostra cognitione accepta per sensum provenit, ut per se sine alio medio cognoscatur. Ideoque distinctio hæc traditur, non formaliter, quasi propositio cognoscatur, vel non cognoscatur à nobis sine medio: sed radicaliter, quod vel ex ipsius rei natura non habentis causam proveniat, ut sine medio & causa cognoscatur; vel ex nobis & nostro modo cognoscendi. Si quæ autem propositio nec habeat causam priorem, eamque etiam cognoscamus immediatè per sensum, dicitur vtroque modo per se nota.

Ex his autem conitat, præmissas demonstrationis propter quid & per causam, debere esse vel formaliter vel virtualiter per se notas naturæ, quæ saltem reducuntur ad primas causas, per quas cognoscuntur. An verò possint vel debeant esse simul per se notæ quoad nos, dicemus sectione sequenti. Demonstrationis autem quia & per effectum, præmissæ debent esse vel formaliter vel virtualiter per se notæ quoad nos, ut explicauimus.

SECTIO OCTAVA.

An & quomodo Præmissæ demonstrationis esse debeant priores & notiores conclusionem.

Priores et notiores, est una alia conclusio.

Præmissæ demonstrationis debent esse priores & notiores conclusionem. Ita Aristot. & alij omnes. Hæc etiam est vna conditio duplici nomine explicata, iuxta communem expositionem. Et constat ex verbis ipsius Aristot. Hæc enim prioritas intelligitur etiam in cognoscendo. Non solum autem sensus est, præmissas esse debere prius & antecedenter cognitas saltem ordine naturæ, ut possit elici conclusionis assensus, quod Aristot. docet textu 11. sed etiam magis, hoc est perfectiori modo cognitæ; quod Aristot. docet textu 15. Et probat: quia cum sciamus conclusionem, in quantum habemus syllogismum demonstrativum, siue

præmissas ex quibus syllogismus infer conclusionem: oportet non solum præcognoscere has præmissas; sed cognoscere magis: quia *Propter quod unumquodque tale, illud est magis tale.* Hinc textu 16. inferit, præmissas debere esse cognitæ; vel per aliam scientiam & demonstrationem superiorem, vel per cognitionem aliam meliorem, quæ dicitur intellectus. Et textu 167. addit, principia non solum debere esse notiora, sed etiam notissima: ita ut nō sit notius aut credibilius ipsis, quicquam oppositum eis. Et rationem reddit, quia oportet scientem esse simpliciter à sua scientia & credulitate immobilem. Hanc doctrinam cum illo principio, propter quod alijs inest aliquod prædicatum, ei magis inest, & est magis tale, repetit Aristot. secundo Metaph. 4.

Ad huius doctrine explicationem, potest intelligi cognitio maior & minor dupliciter: vel secundum graduum latitudinem & intensiōem: vel secundum perfectionem essentialē. Et prius quidem certum est, non posse notitiam præmissarum causare notitiam conclusionis perfectiorem se: ut diximus antea circa discursum in communi: & experientia constat, nisi fortè ex alio capite notitia conclusionis accrescat, ut infra dicemus. Aliqui verò concedunt, posse assensum conclusionis esse perfectiorem assensum vnius præmissæ. Præcipue quia in demonstratione theologica, quando inferitur conclusio ex vna præmissa de fide & altera naturaliter evidenti, conclusio videtur participare de certitudine fidei divinæ, & ita excedere cognitionem merè naturalem. Sed tamen absolute censendum est, assensum conclusionis non posse excedere vilius præmissæ assensum: sicut si altera præmissa sit tantum probabilis, conclusio non est plurius probabilis. Et ratio est clara: quia conclusio omnino ex vtraque præmissa dependet; & quantum aliqua præmissa deficit, tantum etiam conclusio deficit; & semper conclusio sequitur debiliorem partem. Vnde etiam in demonstratione theologica, conclusio assensus neutrius præmissæ assensum superat. Et non est evidens: quia inferitur ex vna præmissa de fide. Non habet certitudinem fidei: quia
infer-

Præmissæ non possunt esse minus nota, quam conclusio.

Sec. VIII. An præm. dem. esse deb. prior. & not. 635

infertur ex altera præmissa naturaliter nota.

Aristotele primo. Metaphysic. capite secundo.

Deinde non videtur necessarium, cognitionem præmissarum esse maiorem in intensione gradum. Tum quia non est unde talis necessitas oriatur, vel ostendatur. Tum quia principium illud, propter quod vnumquodque tale &c. non est verum vniuersaliter quoad intensiorem. Ut enim Philosophi docent, corpus lucidum producit in prima superficie aeris sibi contigui lumen æquè intensum cum sua luce. Tum quia causa naturalis in subiecto debite disposito & applicato, operatur secundum totam suam entitatem & virtutem: unde si nihil aliud obster, producit effectum æquè intensum. Potest ergo intellectus discurrens, æquè & non minus intensè cognoscere conclusionem ac præmissas, si debite sequelam & illationem simul inspiciat.

Demum posita etiã aequali intensione, semper alio modo verum est, præmissas esse magis notas, perfectioremque esse earum noticiam in secundo sensu. Vel enim præmissæ sunt formaliter immediatæ & indemonstrabiles, cognitæ per actum & habitum, qui dicitur intellectus. Et hæc notitia est essentialiter perfectior notitia scientifica cõclusionis per discursum: ut tradit Aristot. hic textu 16. & amplius lib. 2. cap. vlt. & ideò dixit 1. Metaph. cap. 2. *Maximè scibilia*, hoc est cognoscibilia, *sunt ipsa prima & causa: propter hoc enim & ex his cetera cognoscuntur.* Et est res satis clara. Sed non propterea talis notitia præmissarum, ob suam perfectionem essentialem, potest gignere intensiorem conclusionis assensum. quia debet etiam in intensione proportionari. Sicut lux, quæ est causa æquiua caloris, non propterea potest efficere calorem supra suam intensiorem. Vel præmissæ sunt etiam cognitæ per demonstrationem, & sic sunt tantum virtualiter immediatæ. Et tunc etiam concurrunt prima principia, à quibus omnia dependent: & ita semper conclusio infertur ex principijs perfectiùs cognitis. Et ipsæmet præmissæ demonstratæ, saltem magis accedunt ad ipsa prima principia, & paucioribus indigent vt cognoscantur, quam vltima conclusio: ideòque etiam magis seu perfectiùs notæ erunt: vt sumitur ex

Ex his explicari debet, quod ait Arist. 2. Post. in fine, demonstrationem non posse esse principium demonstrationis, principium scilicet simpliciter primum: quia semper deuenire oportet ad principia indemonstrabilia. Item quod dixit 1. Poster. 15. & 16. *Necesse est magis credere principijs, aut omnibus, aut quibusdam, quàm conclusioni.* Vbi significat, sufficere si aliqua principia sint notiora conclusioni. Hoc inquam intelligendum est, quando conclusio aliqua infertur ex præmissis etiam demonstratis. Tunc enim non omnia principia concurrentia ad talem conclusionem, sed tantum aliqua, idest prima, sunt notiora, illo genere notitiæ perfectioris, quæ dicitur intellectus. Et hoc expressit idem Aristot. lib. 1. textu 156.

Hactenus præcipue ostensum est, quomodo præmissæ demonstrationis propter quid & per causam, sint magis notæ. At etiam demonstrationis quia & per effectum, sunt aliqua ratione magis notæ. Vel quia inter dum intensiori & clariori notitia cognoscuntur. Vel saltem quia possunt esse per se notæ absque alio medio quoad nos. Vel quia sunt magis propinquæ alijs principijs per se notis. Et demum quia ipsæ sunt ratio cognoscendi conclusionem: & in eo discursu non cognoscuntur dependenter à conclusione, sed conclusio dependenter ab ipsis. Sicut enim propositio per se nota, alia est talis secundum naturam, alia secundum nos, vt supra explicauimus: ita in comparatione ad conclusionem, alia est notior natura, alia quoad nos. Ita Aristot. text. 12. Aliquando autem sumitur notius natura pro eo quod est in sua entitate perfectiùs: quo enim aliquid est magis ens, eò magis & perfectiùs notitia dicitur cognosci: vt sumitur ex D. Thoma prima parte quest. 12. art. 2. Quatenus verò ex debilitate nostri intellectus difficiliùs percipimus quæ sunt nobiliores & perfectiores, faciliùs quædam inferiora, minùs perfectas: scilicet notius natura dicitur minus notum nobis, & minus notum natura dicitur notius nobis. Et in hoc sensu dixit Aristot. 2. Metaphysic. textu 1. *Per se habent oculi vespertilionum alia.*

Etiã de demonstrationis quia, debent esse notiores.

Debet esse perfectiori modo cognita.

ad lumen dei, ita intellectus anima nostra ad ea que manifestissima sunt natura. Et 7. Metaph. 10. *Qua singulis nobis & primis sunt nota, sapientia parum nota sunt*, hoc est natura, & parum aut nihil enim participant. Sed nunc in præfenti proposito ex Arist. hic tex. 12. 6. Topic. loc. 18. & alibi, notiora quoad nos dicuntur, quæ sunt propinquiora sensui: simpliciter autem & secundum naturam priora & notiora, quæ longius distant a sensui; & sunt prima principia euidenter naturali lumine cognita. Atque ex dictis satis patet, qualiter demonstrationis per effectum præmissæ debeant esse notiores quoad nos, demonstrationis per causam notiores natura.

Præmissæ sunt certiores & euidentiores conclusionibus, non autem notiores.

Ceterum, cum præmissæ dicuntur notiores conclusione, & notitia præmissarum dicitur perfectior; dici pariter debent præmissæ certiores & euidentiores, assensus etiam præmissarum certior & euidentior. Hinc eodem modo videri potest dici debere, præmissas viores, & assensum viores. Imo Arist. 4. Metaph. tex. 18. explicat, dari magis aut minus verum, sicut magis & minus falsum. Attamen id propriè loquendo non est dicendum. Nam veritas cum sit æquatio cognitionis & propositionis cum re: hæc æquatio consistit in indiuisibili, sicut de æqualitate diximus in prædicam. Relat. Et ita notauit S. Thom. q. 2. de Virtutib. art. 9. Si tamen veritatis nomen extendatur ad certitudinem & necessitatem aut perfectionem rei & assensus; sic potest admitti magis & minus verum. Arist. autem ibi docere quidem voluit, dari magis aut minus falsum: quia plus menciur, qui dicit quatuor esse mille, quam qui dicit esse quinque, quoniam plus à veritate recedit: sicut etiam datur magis & minus inæquale. Tamen de veritate solum negatiue appellauit maius & minus: vt dicatur magis verum, quod minus distat a veritate, vt inferret dici aliquid simpliciter verum, quod est positius verum, vt patet in textu. Atque hæc sunt circa rem propositam, quo pacto præmissæ demonstrationis, per quas conclusio innoscit, sint conclusionem notiores.

Explicatur, Pro- Circa principium verò illud vniuersaliter ab Arist. assumptum, Propter

quod vnumquodque tale, illud est magis tale, dubitatur, quòd manifestè videatur falsum in omni causarum genere: In genere causæ effectiue, ad quod pertinet causalitas præmissarum, non valet, aer est calidus propter solem, vel generatur homo propter solem, ergo sol est magis calidus, vel magis homo. In genere causæ finalis, cuius exemplum affert Arist. de eo qui amat vñ propter aliud, falsum est dicere, homo ambulat propter sanitatem, ergo sanitas magis ambulat. In causa materiali falsum est, corruptus est corruptibile vel compositum propter materiam, ergo materia est magis corruptibilis vel composita. Demum, in causa formali, homo est animatus propter animam, ergo anima est magis animata.

Propter hæc, supponunt omnes, debere illud axioma in recto sensu explicari & limitari vt verum sit. Et omisiss quibusdam conditionibus, vel falsis, vel inutilibus. Primò requiritur, vt causa sit vniuoca. Ita Expositiores communiter. Et sensus est, vt forma in qua sit comparatio, & quæ dicitur de causato, supponatur etiam formaliter esse in causa, eamque formaliter denominare. ita vt ex eo quòd effectus sit talis, non semper inferatur causam esse talem: sed quando supponitur causa etiam esse talis, bene inferatur esse magis talem. Sic valet in causa effectiua, aer est lucidus propter solem, ergo sol est magis lucidus. Et in causa finali, amat quis medium propter finem, pharmacum propter sanitatem, ergo magis amat finem, magis amat sanitatem. Et in causa formali, compositum est ens actu propter formam, ergo forma est magis ens actu. Et in causa materiali, compositum est in potentia propter materiam, ergo materia est magis potentia. In quibus omnibus, causa supponitur etiam habere illà denominationem, in qua fit comparatio. Et ex defectu huius conditionis, in exemplis illis adductis in contrarium non verificatur illud principium. Et per hanc vniuocationem rem expressit Arist. 2. Met. 4. Dicitur tamen causa æquiuoca continere effectum virtualiter, atque adeo eminentiori & perfectiori modo. sic aduertit S. Thom. 1. Poster. lect. 6. Quamuis autem

per quod vnumquodque tale, illud magis.

Procedit in causis vniuersis.

autem assensus præmissarum videatur causa æquiuoca conclusionis, maxime quando habetur proximè per habitum intellectus: tamen in sensu explicato intelligitur esse causa vniuoca, idest formaliter communicans in eadem denominatione cum effectu. Vterque enim est noticia & assensus, vterque denominatur formaliter certus & euidens.

Per se con-
curren-
tibus ad ef-
fectum.
Secundò requiritur, vt effectus sit talis ex virtute illius formæ vniuocæ existentis in causa: alioqui si hæc per accidens se habeat, nihil refert; & effectus non dicitur esse talis ex eo quod causa sit talis, vt inde dicitur causa esse magis talis. Ideò non valet, ædificium est album propter ædificatorem, ergo ædificator est magis albus. Item propter eandem conditionem, si aliquid in effectu detur ex alia ratione præter causam, & ita non in virtute ipsius cause; neque valebit inferre causam esse magis talem. Vt in casu nostro, si conclusio aliqua sit nota non solum ex certis præmissis, sed simul ex alio argumento & medio, poterit esse magis nota quam illæ præmissæ. Semper tamen verum est, quòd præcisè sumendo id quod habetur ex tali causa, causa sit magis talis.

Et quan-
do deno-
minatio
cõmunis
suscipit
magis &
minus.
Tertiò requiritur, vt forma & denominatio suscipiat magis & minus. Ideò quæ non valet, filius est homo propter patrem, ergo pater est magis homo. Hoc verò magis & minus, non debet intelligi secundum intensionem & remissionem. Siquidem in rebus etiam incapacibus intensionis verificari potest illud axioma. Necque verum semper est, causam producere effectum minus intensum, vt supra diximus. Sed intelligitur magis vel minus perfectè, iuxta vsum talis denominationis & comparationis in singulis rebus. Ita in omni genere causæ cum his limitationibus verum est illud vniuersale principium. Quamuis enim aliis, ly propter tamen hic lumitur generaliter pro omni genere causalitatis. Sic

quoque appellatur demonstratio propter quid, ex quacunque causa procedat.

SECTIO DECIMA.

An & quomodo Præmissa Demonstrationis esse debeant causa & principia propria conclusionis.

QVia scientia definita fuerat cognitio rei per causam: scimus autem rem, hoc est conclusionem, in demonstratione, per præmissas: hinc præmissæ debent esse causa conclusionis. Ita id probat Aristot. textu 11. Continent autem præmissæ medium, in quo vis cau-
Præmissa demonstrationis propter quid, debent esse causa.
sandi saluatur: idcirco satis sint quæ de tali causatione & causa diximus circa medium demonstrationis. Vnde hæc conditio propriè est demonstrationis propter quid. Intelligitur enim causa in essendo, propria & conuertibilis. Demonstrationis autem quia præmissæ dici possunt causa saltem in cognoscendo.

Post has omnes conditiones, Aristot. textu 9. subiungit, præmissas esse principia propria eius rei & conclusionis quam demonstrant. Et, cum cap. 4. assignasset conditiones illas præmissarum ex parte terminorum; iterum cap. 6. infert & docet, demonstrationem ac scientiam debere constare ex proprijs, & non ex alienis, vel communibus. Et loquitur non solum de demonstratione qualibet particulari, sed de integra etiam scientia totali. Dupliciter autem possent intelligi principia non propria demonstrationis & scientiæ: vel si sint aliena & extranea, ad eam non spectantia; vel si sint communia, & spectent quidem ad ipsam scientiam, sed simul quoque ad alias.

Vult ergo Aristot. principia esse debere perfectè propria, vt nec sint aliena, nec communia. Non esse aliena, ostendit cap. 6. Non communia cap. 8. & 9. Et ait cap. 6. Non licere demonstranti, transcendere de genere ad genus, hoc est de subiecto in subiectum: nec vnâ scientiam debere ad se transferre conclusiones & principia alterius scientiæ & subiecti. Quod euidenter probatur: quia omnis demonstratio & scientia habet suum subiectum vnum, cuius principia consti-

Debit esse principia propria.

Idest non aliena.

deret, & passionis demonstret, eiusque limites non transgrediat. Nulla ergo scientia potest transire ad subiectum, principia, vel passionis alterius. Cumque scientia debeat procedere ex causis propter quas suum subiectum, & suæ conclusionis de illo sunt; non potest uti causis & principiis alienis.

*Neg. com-
munia.*

Principia item communia & remota non debere assumi in demonstratione, perfecta & propter quid, probatur: quia talia principia, cum sint remota, non continent causam perfectam & conuertibilem conclusionis & rei, qualis causa requiritur ad demonstrationem perfectam propter quid. Ideoque Aristot. tex. 13. cum dixisset, demonstrationem debere esse ex primis, ne quis intelligeret principia prima communia & remota, addidit: *Ex primis autem dico principijs proprijs.* In demonstratione tamen quia, quæ est ex causa non conuertibili, possumus his principijs uti: ut dictum est superius: & Aristot. concedit posse aliquo modo scientias uti talibus principijs. Insuper, si talia principia contrahantur ab illa vniuersalitate & communitate, poterunt assumi in demonstratione perfecta alicuius scientiæ: quatenus dum restringuntur, fiant illi propria. V. g. hoc principium, si ab æqualibus aequalia demas, quæ remanent sunt aequalia, commune est ad quantitatem continuam & discretam, ad Geometriam & Arithmeticam. Restringetur autem & determinabitur, vel ad unam partem vel ad aliam, dicendo, si ab æqualibus numeris, si ab æqualibus lineis, &c. Ita habetur ex Aristotele textu 74. & 11. Metaph. sum. 2. cap. 2. Principia autem vniuersalia & communissima, ad Metaphysicam spectare, docet Aristot. hic textu 70. & ibi 11. Metaphysicæ.

SECTIO VNDECIMA.

An & quomodo Præmissæ demonstrationis debeant esse de omni & per se.

*Quid sit
propositio
de omni.* Prosequemur nunc conditiones illas ex parte terminorum, eorumque comparationis & prædicationis; ab Ari-

stot. assignatas cap. 4. Et in primis, præmissæ dicuntur debere esse de omni. Vbi duplex modus propositionis de omni distinguitur ab Expositoribus: scilicet prioriticæ & posterioriticæ: sic etiam duplex dictum de omni. Propositio dicitur de omni prioriticæ, quæ est vniuersalis, habens signum vniuersale ex parte subiecti, etiam si sit falsa & impossibilis: tantum enim attenditur forma vniuersalitatis, non autem veritas rei. Propositio de omni posterioriticæ, de qua Aristot. loquitur, sic ex eodem definitur text. 29. Est in qua prædicatum conuenit subiecto, non alicui sic, alicui non, neque aliquo modo sic, aliquo modo non: vel ita, est cuius prædicatum conuenit subiecto, omni & semper. Ad dici ergo de omni, requiritur primò ut propositio sit vera vniuersaliter, secundo ut sit necessaria, ita ut semper prædicatum de subiecto verificetur, etiam si subiectum non existat. Quando tamen ad connectionem prædicati cum subiecto requiritur aliqua causa: tunc satis est, si semper interueniente tali causa prædicatum conueniat subiecto, & dicatur de subiecto sumpro sub tali causa. Nam absolute non semper valet dicere, Luna eclypsatur, quia nimirum non semper interponitur terra: at semper valet dicere, quando interponitur terra, Luna eclypsatur. Videtur etiam proportionaliter admittenda propositio negatiua de nullo posterioriticæ, spectans ad demonstrationem negatiuam.

Debere autem demonstrationis præmissas esse de omni posterioriticæ, satis colligitur ex conditionibus superius assignatis, quod debent esse veræ & necessariæ, æternæ veritatis. Quomodo etiam debeant esse de omni prioriticæ, hoc est vniuersales quoad formam, constabit sectione 13.

Deinde, præmissæ demonstrationis debent esse per se. Distinguntur ab Aristotele a textu 30. quatuor modi dicendi per se, ut ex eis eligantur, qui sint ad demonstrationem utiles, & explicetur quomodo præmissæ demonstrationis debeant esse per se.

Primus modus dicendi per se est, cum prædicatum inest & dicitur essentialiter de subiecto, siue est de definitione subiecti:

*Præmissæ
demonstrationis
debent esse
de omni.*

*Primus
modus di-
cendi per
se.*

Se&t.XI.An præm.dem.deb.effe de om. & per se. 639

eti: vt homo est animal & est rationalis; vel triangulus constat ex lineis, linea ex punctis; definitur enim triangulus figura ex tribus lineis, linea longitudo terminata punctis, siue fluxus puncti.

*Secundus
modus.*

Secundus modus text. 31. est, cum subiectum est de ratione & definitione prædicati: vt in his propositionibus: linea est recta aut curua, numerus est par aut impar: subiectum enim quod est linea, ponitur in definitione recti & curui, numerus in definitione paris & imparis: rectum est linea, cuius partes non egrediuntur à medio: par est numerus in partes æquales diuisibilis. Atque hi duo modi dicuntur per se prædicandi. Subditque Arist. textu 32. quæcunque neutro ex his modis insunt, seu prædicantur per se, dici per accidens.

*Tertius
modus
per se exi
stendi.*

Tertius modus textu 33. qui dicitur per se existendi est, cum aliquid non dicitur de aliquo subiecto, neque inest alteri subiecto, sed est per se: cuiusmodi sunt substantiæ, & quæcunque significant hoc aliquid: quæ verò non sic sunt per se, dicenda sunt acci-

*Quartus
modus per
se causan
di.*

dentia. Quartus modus textu 34. qui dicitur per se causandi est, cum per se ex virtute causæ sequitur effectus; cum verò vna res non est causa alterius, propositio dicitur per accidens. Sic si dicatur Socrate ambulante fulgurauit, propositio est per accidens: si dicatur iugulatus interiit, propositio est per se. Et potest causa se tenere, siue ex parte subiecti, siue ex parte prædicati.

Zabarella libro primo de Propositionibus necessar. capite tertio & quarto, contendit, hos etiam duos modos esse per se prædicandi. Et sanè etiam in ijs modis fieri possunt prædicationes: sed non faciunt ad demonstrationem, nisi quatenus includantur in duobus primis modis: idè illi propriè dicuntur modi per se prædicandi.

Alios modos per se, quorum aliqui sunt ab his distincti, numerat Aristoteles quinto Metaphysic. 23. qui tamen vel reducuntur ad hos præsentés, vel non sunt viles, nec conferunt ad nostrum propositum. Varias autem sufficientias horum quatuor modorum, Expositores conantur adducere. Sed res

est de se clara. Multi etiam sine fructu contendunt, quenam propositiones, vel res, in quolibet horum modorum contineantur. Sed breuiter demente Aristotelis id totum expediri potest.

In primo modo perspicuè continentur propositiones, in quibus de re aliqua prædicatur tota definitio: item differentia essentialis: siue propria: & vltima, vt rationale de homine; siue communis, vt de eodem homine sensitiuum: similiter genus siue proximum, siue remotum, vt de homine animal & substantia. Et non solum intelligimus genus propriè, quod est inuocum in aliquo prædicamento: sed latius pro quocunque prædicato essentiali, etiam transcendenti, vt ens. Quod tamen à quibusdam excluditur. Sed immerito: cum verè sit de essentia rei, & in definitione includatur, possitque in demonstrationibus deferuire. Deinde in hoc modo etiam continentur quædam prædicata, quæ important partem, vel entitatem intrinsecam rei, quamuis non sint genus, nec differentia. Sic Aristoteles assignauit exempla, lineæ constant ex punctis, trianguli ex lineis. Sic quoque se habent materia & forma. Nec enim est necessarium, prædicatum in hoc modo esse in recto: sed sufficit esse in obliquo. Et in hoc Doctores conueniunt, Auerroes, Sanctus Thomas, Albertus, Theophr. Philopon. Caietanus, Aegid. Lincon. & alij. Demum continentur insuper illa, quæ rei definitionem ingrediuntur ad illius essentiam explicandam, etiam si ipsa formaliter non sint intrinseca, nec de essentia rei: sicut definitur risibilibus, aptitudo hominis ad ridendum, simitas est nasi curuatus, vel pressitudo. Et vniuersaliter accidens, quod est in subiecto, per suum subiectum. Ita plurimi Expositores. Nam si in secundo modo, vt videbimus, continetur ea propositio, in qua non plusquam hoc modo subiectum est de ratione & definitione prædicati: In hoc primo poni debet ea, in qua eodem modo prædicatum non plus est de ratione subiecti. Atque ita quæuis causa, per quam potest rei essentia causaliter determinari, & explicari, hoc primo modo

*Quæ pro
positiones
sunt in pri
mo modo
dicendi
per se.*

per

per se prædicabitur. Excluditur tamen passio rei, per quam definitio descriptiva tradi solet, quæ non constituit rei essentiam, sed supponit constitutam, & ab ea causatur: & propter hoc, dum passio prædicatur de subiecto, subiectum se habet ad passionem in secundo modo dicendi, ut mox constabit. Excluduntur quoque propositiones identicæ, & indirectæ, quæ non sunt aptæ ad demonstrationem.

*Quæ sint
in se cum
de modo.*

In secundo modo ex omnium sententia continentur illæ, in quibus propria passio prædicatur de subiecto, aut definitione, aut differentia essentiali subiecti; homo est risibilis, rationale est risibile: passio enim definitur per suum subiectum. Addendæ quoque sunt, in quibus effectus prædicatur de causa, per quam potest definiri. Addunt præterea aliqui quascunque propositiones, in quibus prædicatur accidens de subiecto: quoniam semper subiectum est de definitione accidentis. Aliqui è contra laborant in excogitanda ratione qua has propositiones excludant. Et certè excludendæ sunt: quia propositio, in qua accides contingenter & non necessario prædicatur de subiecto, est ad demonstrationem inepta, & communi modo loquendi non appellatur per se, sed per accidens. Et Aristot. sine dubio hoc intendit. Itaque propositiones per se, supponuntur esse de omni & necessaria: ut planè colligitur ex ipso Aristotele eo cap. & tex. 44. & alibi passim. Et hæc est ratio, quare propositiones, in quibus prædicatur accidens communia & non necessaria de subiectis, non contineantur in hoc modo dicendi per se.

Rursus Auerr. & Albert. apud Zab. & ipse Zab. lib. 2. de Propos. necess. cap. 5. excludunt illas propositiones, in quibus prædicatur passio generis de specie, ex Aristot. 2. Poster. 37. & 2. Top. loc. 8. dicente, hanc propositionem, triangulus habet tres angulos, esse per se; hanc verò, triangulus Isoticeles, quæ est quædam species trianguli, habet tres angulos, non esse per se. Sed Philopon. & alij apud eundem Zab. Caiet. hic & Apollin. q. 22. volunt, eas esse per se, non quidem simpliciter & perfectè, sed aliquo modo: quia quamvis passio generis

nō definitur per totam essentiam speciei: tamen definitur per partem essentiali eius, quæ est idem genus. Et Aristot. ibi iuxta expositionem Auerr. Alexan. & D. Thom. per se & per accidens in ellexit primario & secundario. An verò hæ propositiones aptæ sint ad demonstrationem, infra constabit.

Excluditur demum etiam propositiones indirectæ, in quibus species de genere, vel de differentia prædicatur, licet subiectum sit de essentia prædicati: quoniam in his modis assignantur tantum illæ propositiones per se, quæ supponuntur esse directæ & naturales. Propter quod benè Zab. notavit libro primo de Propos. necess. cap. 6. malè dixisse quosdam propositiones per se primi modi, si convertantur, fieri per se secundi modi; & è conuerso. Nam per huiusmodi conversionem fierent propositiones indirectæ & innaturales, quæ non debent in his modis includi. Formaliter etiam excluduntur ab viroque modo dicendi per se, propositiones negatiuæ: reductiuè tamen dici possunt per se, quæ scilicet intrinsecè consequuntur ex propositionibus affirmatiuis per se, & deriuant ad demonstrationem negatiuam.

In tertio modo per se, continentur substantiæ quæ per se existunt; vel tantum primè secundum aliquos; vel èt secundæ, ut volunt alij, qui dum Arist. ait quæ significant hoc aliquid, per hoc aliquid intelligunt vniuersaliter substantiam.

In quarto modo, aliqui sine ratione volunt, contineri non quodlibet, sed quoddam determinatū genus causæ, scilicet efficientis. Sed dicendum ex communi sententia Themist. Philop. Apoll. Albert. & aliorum, comprehendi omnem genus causæ. Quod patet ex Aristot. dicente, per se esse id propter quod aliquid est, vel inest alteri: propter quod autem in præsentia significat omnem causam & causalitatem.

Postremò videndum est, quinam ex his modis apri sint ad demonstrationem. Ac tertius modus euidenter non est ad rem. Alij solos duos primos recipiunt, excluso etiam quarto: quia ita significat Arist. text. 35. & 44. & 157. Ac non obscurè Aristot. eodem texu 35. adiungit quartum cum duobus primis modis.

Et si-

*Quæ res
sint in ter
tio &
quarto
modo.*

*In quo
modo per
se, esse de
beant præ
missa de
monstrat.*

Secl. XII. Quo præm. dem. deb. ef. de præd. vniu. 641

Et significat, propositiones demonstrationis omnino esse debere in quarto modo, & vel in primo vel in secundo ex primis duobus. Et ita reuera est asserendum. Et est communis sententia. Quia cum demonstratio propter quid procedat ex causa, propositiones debent esse per se in cauendo. Quia item propositiones per se priorum modorum etiam exercentur inter causam, & effectum seu rem: clarum est præmissas demonstrationis esse per se in prædicando. Et dum causa subijcitur, propositio est per se secundo modo: dum prædicatur, est primo modo. Vbi etiam obseruare licet, quod cum causa sit medium, medium autem debeat subijci maiori extremo, prædicari de minori, altera propositio erit in primo, altera in secundo modo.

Ex dictis item constat, doctrinam & conditionem hanc non esse applicandam demonstrationi quia, quæ etiam procedit ex causis non conuertibilibus, & ex ipsis quæ non sunt causa, nec effectus, & vnum non ponitur in definitione alterius. Et ergo est propria demonstrationis propter quid: & præcipue conuenit demonstrationi potissimum, in qua in primo modo definitio vel differentia essentialis prædicatur de subiecto, & in secundo passio de eadem definitione.

SECTIO XII.

An & quomodo præmissæ demonstrationis debent esse de prædicato vniuersali, secundum quod ipsum, & primum.

Prædicatum vniuersale includit effectum secundum quod ipsum & primum.

TEX. 56. Aristot. incipit explicare prædicatum vniuersale. Aitque: Vniuersale dico, quod est de omni, & per se, & secundum quod ipsum. Vbi prædicatum vniuersale videtur vno nomine importare, quod omnibus illis particulis explicatur. Dux autem illæ, prædicationis de omni & per se, præmissæ fuerant. Additur secundum quod ipsum, de quo subiungit, idem esse prædicatum secundum quod ipsum, ac per se. TEX. 37. iterum prædicatum vniuersale sic definitur: est quod primum inest rei, seu demonstratur de re. Vbi vniuersale dicitur esse prædicatum

primum. Igitur per prædicatum vniuersale non denotatur conditio distincta à secundum, quod ipsum & primum, sed asseritur nomen huic utrique commune.

Prædicatum ergo secundum quod ipsum significat illud, quod conuenit subiecto secundum rationem essentialiam, seu secundum quod ipsum subiectum tale est, habetque talem rationem & quidditatem. Quod dupliciter ab Expositoribus intelligitur. Primum, ut prædicatum conueniat subiecto per connexionem essentialiam, non solum secundum rationem propriam, sed etiam communem & genericam: quo modo etiam substantia dicitur conuenire homini, secundum quod homo est. Secundum, ut prædicatum conueniat subiecto secundum propriam & specificam rationem, ita ut non conueniat alteri. Sic homini secundum quod homo conuenit uon quidem animal, & similia prædicata communia: sed rationale, discursuum, & alia propria.

Plerumque exponunt secundum quod ipsum secundo modo. Ita Alb. Caict. Conimb. Tolet. & alij plures Expositores, Zabar. lib. 2. de Propos. necess. c. 2. Theoph. eiusque sectatores apud Philop. comm. 10. Fauet S. Thom. 2. contra Gent. c. 15. Hi volunt ly secundum quod ipsum addere supra modum dicendi per se, ac de omni, aliam conditionem requisitam ad prædicatum vniuersale. Mouentur: quia alioqui si secundum quod ipsum sumatur in priori sensu, est prorsus idem ac per se: unde superfluum & inuoluitur additum esset. Respondent quoque ad Arist. dum dixit secundum quod ipsum & per se esse idem: id debere intelligi per modum superioris & inferioris, seu inclusi & includentis: quia, oē secundum quod ipsum est per se, non est conuerso: & secundum quod ipsum addit aliquid supra per se.

Alij exponunt secundum quod ipsum in priori sensu: ita ut sit adequatè idē, ac per se, cōplectendo tam secundum, quam primum modum dicendi per se. Ita est manifestum ex ipsis exemplis, quæ Arist. asserit. Et ita exponunt Themist. c. 12. Sueff. com. 52. Ferrar. 2. contra Gent. cap. 15. 5. Aduertendum quoque. Et aperte S. Th. hic lect. 11. sic dicit: *Non aliquis erraret, aliud esse per se et secundum quod ipsum, ostendit quod hæc idē sunt.*

S f Et

Secundum quod ipsum explicatur.

An sit idē quod per se.

Et hæc intelligentia est magis approbanda de mente Aristot. Neque verò frustra additum est ly secundum quod ipsum. Positum enim est ad restringendum per se ad duos priores modos, quod Aristot. suis exemplis planè indicat, & rursus significat textu 54. Alioqui frustra etiam postea adderet primum, si secundum quod ipsum sumeretur in secundo sensu, ut alij volebant.

Prædicatum primum excluditur.

Vt igitur aliquid supra assignatas iam condiciones addatur, dicitur prædicatum primum. Quod non intelligitur primitivè causæ, hoc est, quod non habeat causam, sicut antea explicauimus propositiones primas: sed primitivè subiecti, de mente Aristot. & communi Doctorum expositione, hoc est quod rei insit non alio mediante subiecto: quo pacto rationalitas & risibilitas inest homini; non autem sensibilitas, quæ prius inest animali, & per animal homini. Excluditur verò nõ quodcunque subiectum, de quo prædicatum prius dicitur: nam risibilitas prius dicitur de admiratio & rationali, quam de homine, & tamen dicitur prædicatum primum de homine. Sed excluditur subiectum, quod vel est diuersum, vel est commune & vniuersale, ut animal homine. Itaque non solum propria differentia, sed etiam propria passio est prædicatum primum.

Dubium tamen superest, an genus proximum respectu singularum specierum sit prædicatum primum. Affirmant aliqui: quia reuera non conuenit speciebus mediante alio gradu communi. Negat Auerr. ac latè defendit Zab. libro 3. de Proposit. necess. capite 7. & sequentibus. Et hoc sanè est magis de mente Aristot. qui planè vult prædicatum vniuersale, & primum, esse debere adequatum & proprium subiecto. Declarat Zab. harel. cap. 9. genus non esse prædicatum primum: quia ut conueniat certæ speciei debet prius disponi & præparari ad formam talis speciei: & ita mediat aliquid inter ipsum genus & speciem. Inter animal & hominè aut, mediat animal quoddam, quod ait esse animal præparatum ad formam hominis, & non commune ad alias species, sed proprium humanæ speciei. Hæc tamen ratio & fallum assumit, & non satisfacit. Nam certè nulla

praua dispositio & præparatio intelligitur in ipso genere, sed immediatè contrahitur per differentiam specificam: ut notissimum est. Nec aliter potest in homine animal quoddam designari, nisi animal rationale. Deinde si daretur huiusmodi gradus intermedius, esset proprius & adequatus homini: ergo non impediret, quominus genus esset prædicatum primum.

Aliqui reddunt aliam rationem: quia prædicatum primum, non solum debet conuenire subiecto, non mediante alio gradu communi, sed debet etiam mediante ipso subiecto conuenire alijs omnibus, de quibus dicitur. Sic se habet rationale & risibile in homine, sensitiuum & sensibile in animali: at genus non ita conuenit vni speciei, ut mediante illa conueniat alijs omnibus. Hæc ratio benè quidem rem explicat. Tamen non tradiitur ab Aristotele. Nec est necessaria.

Sed facile & sufficienter de mente Aristotelis potest, & debet prædicatum primum explicari, quod adequatè conuertitur cum subiecto. Ita patet manifestè ex ipso Aristot. text. 37. & sequentibus. Prædicatum ergo vniuersale hic intelligitur, quod non solum dicitur de omni, ac per se, & secundum quod ipsum: sed quod etiam adequatè conuertitur cum subiecto. Atque in hoc sensu appellatur vniuersale: quod scilicet ex parte sua potest affici signo vniuersali, id est vniuersaliter omne ipsum conuenit tali subiecto. Sic rationale & risibile dicitur vniuersaliter de homine: quia omne rationale & risibile dicitur de homine.

Nunc, ut concludamus, videndum est, an & qua ratione præmissæ ac simul conclusio demonstrationis, debeant esse de prædicato primo & vniuersali. Zab. libro citato cap. 11. contendit, id esse omninò necessarium. Sed dicendum videtur, id non esse absolurè necessarium: attamen requiri ad demonstrationem ex omni, & ex hac etiam parte perfectam. Probatur prima pars: quia possumus per syllogismum euidentem demonstrare aliquod prædicatum de subiecto communis: neque talem syllogismum possumus sub alio discursus genere collocare: ergo abso-

Non omnis demonstratio debet esse de prædicato vniuersali.

Se&t.XII. Quō pr&em.dem.deb. esse de pr&ad.vniu. 643

absolutè dici debet demonstratio, vel quia, vel etiam propter quid. Potestquē talis demonstratio fieri per causam, quæ sit quidem adequata & cōuertibilis cum effectu, quantum, neque causa demonstrans, neque effectus, seu passio demonstrata sit cōuertibilis cum subiecto. Sic potest demonstrari hominem esse sensibilem per esse sensitivum, sumendo sensitivum pro principio radicali, sensibile pro aptitudine proxima sentiendi. Vnde fit, ut saltem vna præmissa talis demonstrationis, illa nempe, in qua effectus de causa, maius extremum de medio prædicatur, sit de prædicato primo, & cōuertibili.

Bend tamē sa-
men de-
monstra-
tio perfe-
ctissima.

Secunda pars probatur. Tum quia multò perfectiùs demonstratur prædicatum de subiecto primario, cui primò convenit, & illo mediante cæteris. Tum quia multò perfectiùs cognoscitur prædicatum inesse cuicumque verè inest. Tum etiam respectu eius subiecti, de quo non primò scitur, ut sensibiles respectu hominis; cum ei non inest secundum quòd tale specificè, secundum quòd homo, sed secundum quòd animal, melius & perfectiùs demonstratur de animali; & sic de ipso simul homine quatenus animal. Tum insuper est quodammodo magis necessaria propositio, in qua prædicatum dicitur de subiecto adequato: quoniam ita de illo dicitur, ut non possit de alio dici, & verificari: & alioqui non est illi necessarium, ut de tali subiecto dicatur, cum possit dici de alijs speciebus, & accidit illi de hac, vel illa specie sigillatim dici.

Verumque
est de mē-
te Arist.

Tota hæc doctrina probatur ex Aristotele, qui in fine textus 37. ait, prædicatum perfectè demonstrari de subiecto, cui primò cōvenit, & vniuersaliter inest; De alijs verò quodammodo non per se, & non vniuersaliter. Vbi, ut patet, non omninò demonstrationem negat: sed vult esse velui non per se, idest nō primariò, sed secundariò, & consequenter: ut amplius explicauimus, quælibet 26. sect. 4. & tex. 27. ait, raro demonstrationem constare ex omnibus terminis adequatis inier se & cōuertibilibus. Et clariùs cap. 18. à textu 169. mouet quæstionem, an perfectior sit demonstratio vniuersalis, vel particularis: vbi vniuersalem intel-

ligit, quæ est de prædicato primo & cōuertibili; particularem respectu subiecti cum quo non cōuertitur. & post multas rationes in contrarium positas, resoluit perfectiorem esse vniuersalem: concedens particularem quoque esse demonstrationem. Et textu 170. concludit, vniuersalem esse perfectiorem, quia sub illa scimus etiam particularem, & non è contra. Atque hæc intelligenda sunt non tantum de demonstratione propter quid, sed etiam quia: in qua pariter possumus demonstrare prædicatum de subiecto, cui primò & cōuertibiliter continet, aut particulariter de aliquo, cum quo non ita se habet.

SECTIO XIII.

De Forma, Figura, & modo Demonstrationis.

Forma Syllogismi consistit in figura, & modo. Figura est apud dispositio & collocatio extremorum cum medio: modus est apud dispositio propositionum. Consideratis ergo terminis & propositionibus, quæ sunt materia; superest assignare dispositionem, quæ est forma demonstrationis. De qua re agit Arist. cap. 14. à textu 103.

Dicendum primò, cum eodem Aristot. *In prima*
primam figuram esse maximè accomodatam & aptam ad scientiam generandam, ac demonstrationem perficiendam: in alijs etiam figuris posse quodammodo fieri demonstrationem. Probat Aristot. primam partem primò. Scientiæ mathematicæ in hac figura demonstrant. Aliæ quoque scientiæ, ac demonstrationes quæ considerantur propter quid, aut omninò, aut vniuersaliter per hanc figuram procedunt. Hac itaque est maximè scientialis.

Secundò idem probat de scientia, & demonstratione quia, hoc est ostendere essentiam rei, & definitionem, ut intelligunt Auerroes, Diuus Thomas, & alij: quia secunda figura non concludit, nisi negatiuè: tertia figura non concludit, nisi particulariter: 21 quidditas affirmatiuè, & adequatè dicitur de re.

Tertio, absolute pro quacunque demonstratione probat intentum: quia prima figura non indiget alijs, aliæ autem indigent prima, ad quam debent reduci. Vnde prima per se ipsam euidenter concludit, aliæ per primam. Hæc ergo est ad demonstrationem aptissima.

*pse etia
fieri in
alijs figu-
ris.*

Ex his 4. probatur 2. conclus. pars. Tum quia dum Arist. ait primam figuram esse magis aptam & frequentē, tacite admittit in alijs quoque figuris posse demonstrationes confici. Et tex. 99. demonstrationem quia ex causa non adæquata conficit in secunda figura. Vbi Caiet. c. 13. & Zabar. lib. de Spec. demonstr. cap. 3. dicunt talem demonstrationem non posse confici, nisi in secunda figura. Sed id nec est verum, nec de mente Arist. Tum etiā syllogismi secundæ & tertiæ figuræ non sunt dicendi dialectici, quando præmissæ & conclusio illata sunt necessariæ & euidentes: ergo sunt demonstratiui; imperfecti tamen quoad formam. Et virtualiter referuntur ad primam figuram. Eademque ratio est de modis indirectis primæ figuræ.

Deinde dispositio propositionum, quæ est modus, in duplici specialiter proprietate consistit, in qualitate quæ propositiones sunt affirmatiuæ vel negatiuæ, & quantitate quæ sunt vniuersales, vel particulares.

*In modis
etiam ne
gatiuis
possunt fie-
ri demon-
stratio-
nes.*

Dico 2. Demonstrationem posse esse, non tantum affirmatiuam, sed etiā negatiuam, perfectiorem tamen esse affirmatiuam. Pro hac tota conclus. sunt Auerr. Themist. Philop. D. Thom. & alij 1. Post. cap. 19. Et probatur 1. apertè ex Aristot. ibidem: qui cum tex. 160. diuississet demonstrationem in prædicatiuam & priuatiuam, idest affirmatiuam & negatiuam; à tex. 171. disputat, quam sit perfectior: & multis rationibus probat, affirmatiuam esse præstantiorem. Idem habetur ex tex. 99. vbi diximus sect. 4. agentes de demonstratione quia.

Secundo, demonstrationem, siue quia, siue propter quid, esse posse affirmatiuam, per se patet. Dari etiam demonstrationē negatiuam probatur. Tum quia possumus necessariò & euidenter inferre conclusionem negatiuam ex præmissa aliqua negatiua: daturque discursus euidens, ac scientificus negatiuus. Tum quia potest

etiam per causam propriam demonstrari conclusio negatiua: & sæpe negationes assignantur vt passionis propriæ rerum, profuentes ab earum essentia: igitur dari potest etiam demonstratio propter quid negatiua. Sic passio propria substantiæ est non inhærere subiecto, procedens ex ratione essentiali substantiæ quæ est esse per se. Hæc ergo erit demonstratio propter quid: nullum per se existens est in subiecto, omnis substantia est per se existens; ergo. Sic quoque demonstramus Lunam priuari lumine propter interpositionem terræ. Vnitas item, quæ est passio entis, est negatio diuisionis. Et alia multa sunt talia exempla.

Tertio, demonstrationem & scientiam affirmatiuam esse præstantiorem negatiua, probatur rationibus, quas affert Aristot. & videre est apud ipsum: & quia illi propriæ, & multo perfectius conueniunt conditiones, hæcenus assignatæ.

Denique vt innotescat, quomodo etiā scientiæ, ac demonstrationi negatiuæ conueniant definitiones & conditiones communes scientiæ & demonstrationis. Scientia est discursus euidens: & talis est scientia negatiua. Scientia est cognitio rei per causam, per quam res est: per rem intelligi debet conclusio, quæ vera est per suam causam: & sic scientia negatiua est cognitio rei per causam per quam res est. Item scientia negatiua est immutabiliter vera, & certa certitudine intrinseca, est essentialiter euidens, & sic habet omnes conditiones scientiæ. Rursus termini demonstrationis negatiuæ habent suas conditiones: ita tamen, quod medium non est positiuæ causæ maioris extremi, sed negatiuæ, idest est causa ipsius extremi negari, est causa vt negetur de subiecto, est causa conclusionis, quæ negatiua est. Et potest esse causa in quouis genere. Item potest esse definitio aut differentia essentialis subiecti: vt in exemplo substantiæ superius allato. Præmissæ denique huius demonstrationis sunt veræ certæ & euidentes. Esse immediatas negat Auicenna, apud Auerr. primo Poster. commun. 108. Sed affiunt Auerr. & communiter Interpretes: ac manifestè Aristoteles ipse

*Habitu
omnes co-
ditiones
requisi-
tas.*

Se^{ct}. XIV. De Circ. & regref. inter Demonftr. 645

textu 157. & 104. & fequentibus. Tunc autem propofitiones negatiuæ funt immediatæ, cûm non habent caulam mediam qua poffint demonftrari, fed funt principia per fe nota & euidentia. Sicut enim dantur affirmaciones, quibus ex luminis naturalis ftatim apprehenfis terminis intellectus affentitur: ita dantur fimiles negaciones; vt non potefit idem, fimul efle & non efle: quod exiftit per fe non ineft in alio. Satis etiam efle potefit, fi propofitiones negatiuæ funt immediatæ virtualiter, ideit reducantur ad primas immediatas, per quas innoteſcant. Et ex his etiam conſtat, quomodo hæ præmiſſæ ſint notiores, & priores, & cauſæ conſuſionis, itemque propriæ, & quomodo ſint de omni, ſeu potius de nullo; quomodo aliquatenus reducantur ad modos dicendi per ſe, ac demum, poſſint efle de prædicato primo & vniuerſali.

Quo pa-
to poſſint
etiam ſi
vi in mo-
dis parti-
cularibus

Dico tertio. Demonſtratio non potefit efle particularis & particulariter concludere, quoad ea quæ primò & per ſe conueniunt ſingularibus, ſuntque prædicata accidentalia & contingentia; potefit tamen efle particularis de ſingularibus, quoad prædicata eorum eſſentialia & paſſiones ſpecificas ipsis inexistentes, quæ tamen non erit perfectæ demonſtratio; ideoque perfectiſſima demonſtratio erit vniuerſalis. Hac tota conſuſio intelligi & probari debet ex dictis quæſtione 16. ſe^{ct}ione quarta cûm tractauimus, an obiectum ſcientiæ poſſit efle ſingulare. Et nunc vterius, dari demonſtrationem particularem docent Themift. Auerroes, Philopon. Diuus Thomas, Aegidius, & alij; ac præcipue Ariſtoteles capite decimo octauo, qui concedit dari demonſtrationem particularem, tamen imperſectiorem vniuerſali, per demonſtrationem particularem intelligens eam quæ de ſubiecto nõ adæquato concludit prædicatum magis cõe. Tales enim q. 16. diximus dari demonſtraciones de ſingularibus, quæ poſſunt efle non tantum quia, ſed etiam propter quid, per cauſam effectui conuertibilem: v. g. Petrum efle diſcurſuum ex rationalitate. Veruntamen huiusmodi demonſtrationi deſunt conditiones illæ assignatæ, vt propofitiones ſint de omni,

per ſe, ac de prædicato primo & vniuerſali. Abſolute ergo perfectæ demonſtratio erit vniuerſalis. Et tandem concludendum eſt, primum modum primæ figuræ, qui eſt affirmatiuus & vniuerſalis, aptiſſimum efle ad demonſtrationem.

SECTIO XIV.

De Circulo & regrefſu inter Demonſtrationes.

Circulus & regrefſus demonſtratiuus eſt, cûm in vna demonſtratione inferimus ſuam conſuſionem, & hæc ipſam deinde aſſumimus, vt præmiſſam ad concludendam aliquā ex præmiſſis prioribus demonſtrationis. Vbi duplex demonſtratio interuenit, vt patet, v. g. rationale eſt diſcurſuum, homo eſt rationalis, ergo diſcurſuum: ruſus diſcurſiuſ eſt rationale, homo eſt diſcurſiuſ, ergo rationalis. Hunc circulum & regrefſum Themift. 1. de Anima cap. 7. & 3. Poſt. c. 14. vocat obambulationem, & demonſtrationem obambulatoriam. Et dupliciter intelligi potefit hic regrefſus & circulus. Vel inter vnam demonſtrationem propter quid ex cauſa & aliam quia ab effectu, vt in exemplo poſito; & hic proprio nomine apud recentiores vocatur regrefſus. Vel inter duas demonſtrationes quia, aut duas propter quid, & hic proprie appellatur circulus. Qui ruſus vel intelligitur in diuerſo genere cauſalitatis, vt prius v. g. per cauſam efficientem demonſtratur finalis, deinde per eandem finalem eadem efficiens; vel in eodem genere cauſalitatis, qui eſt circulus perfectus. Quæ verò dicemus ſpecialiter de ipsis demonſtrationibus propter quid, pari proportionem intelligenda erunt de demonſtrationibus quia.

Dubitar ergo, an & quo ſenſu detur talis circulus & regrefſus, an ſic vtilis, & in demonſtrationibus exercendus. Antiqui relati ab Ariſtote. textu 20. ponebant circulum, dicentes, principia demonſtrationis poſſe mutuo demonſtrari per eandem conſuſionem demonſtrantem ex eis. Ipſe Ariſtoteles hanc opinionem impugnatur atq. textu 22. impoſſibile efle ſimpliciter circulo demonſtrare.

Sf 3 Primò

Quid ſit
circulus
& regref-
ſus.

An poſſit
in demon-
ſtrationi-
bus exer-
ceti.

Primò, quia idem esset prius & posterius, notius & ignotius. 2. textu 24. quia idem demonstraretur per idem. Si enim per A demonstratur B, & per B rursus A: ergo A demonstratur per A. 3. textu 26. & 27. quia non semper, nec omnia principia possunt per conclusionem demonstrari: ergo alio modo debent esse notà principia, & vanum erit vii circulo. Antecedens patet: quia in secunda figura conclusio est negatiua, in tertia est particularis: saltem verò vna præmissa debet esse affirmatiua & vniuersalis, ad quam concurrere non potest negatiua vel particularis. In prima quoque figura debet fieri conuersio simpliciter propositionis, vt in exemplo superius posito, quæ conuersio non semper potest fieri, nisi quando omnes termini sunt conuertibiles.

Communis sententia.

Attamen alij Auctores & Expositores, Themist. Aueroes, Philoponus, Albertus, Ditus Thomas, Simplicius, Caietanus, Apollon. & alij, vel hic cap. 3. aut 13. vel 2. cœli, & Zabarel. in libro de Regressu, Balduinus in quaestio de hac re, damnant quidem circulum in eodem genere causæ, concedunt tamen circulum inter duas demonstrationes propter quid per diuersa causarum genera, quam regressum inter vnā demonstrationem, propter quid, & alteram quia, inter causam & effectum. Quia nimirum non est inconueniens idem esse prius & posterius, notius & ignotius in diuerso genere causæ: siue notius natura ignotius quoad nos. Et hoc videtur admittere ipse Arist. textu 23. Imò alibi frequenter vii videtur huiusmodi regressu. Antiqui autem illos dicunt posuisse circulum in eodem genere causæ, & idè merito ab Aristotele reprehensos. Addunt tamen Caietanus, Balduin. & alij, vti cupit esse regressum, si demonstratio quia præcedat, propter quid sequatur, non è conuerso. Dicunt enim post demonstrationem quia adhuc superesse aliquid quod cognoscatur, nempe causam ipsius effectus, nihil verò superesse post demonstrationem propter quid.

Distinguitur duplex modus dandi circulum.

Ad veram resolutionem huius rei ita distinguendum est. dupliciter intelligi potest regressus & circulus. Primò, ita vt à conclusione non aliter cognita,

quàm per primam demonstrationem reuertatur ad probandam in secunda demonstratione præmissam ex ijs, quæ eandem conclusionem demonstrauerant: V. g. non aliter cognoscimus hominem esse rationalem, quàm ex eo quòd est risibilis, & per rationalitatem sic cognitum demonstratur risibilitas. Secundò, vt non tantum cognoscatur conclusio primæ demonstrationis ex vi eiusdem demonstrationis, sed & alio modo, vel per se ipsam ratione propriæ euidentiæ, vel inductione, aut alia demonstratione: & ex illa sic cognita demonstratur alia propositio; quæ poterat esse præmissa in illa demonstratione, quæ poterat illa eadem conclusio demonstrari. Hic est circulus & regressus tantum materialiter & improprie ex parte obiecti, non verò proprie & formaliter ex parte cognitionis, & inter actus nostri intellectus, quia non reuertitur intellectus ab eadem notitia ad eandem notitiam.

Dico primò. Nullo modo dari potest circulus in eodem genere causæ. Hæc est omnino certa. Et probatur: quia, vt nunc suppono ex Physicis. Impossibile est duas causas in eodem genere causæ se inuicem causare. Sic enim idem esset causa & effectus, prius & posterius in eodem genere causæ: & idem esset causa sui ipsius. Contingere ergo non potest, vt inter aliquos terminos detur circulus demonstrationis per idem genus causalitatis.

Dico secundò. In priori sensu ex duobus explicatis impossibilem esse regressum & circulum formaliter non solum inter plures demonstrationes propter quid, sed etiam inter vnā propter quid & alteram quia. Hæc conclusio est directè contra Antiquos relos ab Aristotele, & æque ad mentem ipsius Aristotelis. Probatur primò, ratione Aristotelis, quia demonstratio & discursus debet procedere ex notioribus: si ergo conclusio demonstretur per præmissas, & præmissa circulariter per eandem conclusionem, ipsa conclusio erit minus & magis nota, & similiter ipse præmissa. Et si eadem notitia conclusionis est, quæ habetur ex notitia præmissarum, & ex qua mutuo habetur ipsa,

culi & regressus.

Nullo potest exerceri in eodem genere causæ.

Nullo modo potest formaliter exerceri.

notitia præmissarum, quælibet notitia erit prior & posterior, causa & effectus alterius. Impossibile ergo prorsus est, ut intellectus hoc modo in suo discursu procedat: sed omnino oportet, ut prius habeat notitiam & assensum præmissarum independentem ab assensu conclusionis.

Quia demonstratur ignotum per ignotum.

Si autem quis respondeat, posse eandem propositionem esse magis & minus notam diuerso modo, natura & quoad nos. Contra arguit Aristotel. textu 13. quia scientia, & demonstratio propter quid, de qua loquebatur, procedit à notioribus & prioribus natura, à causa ad effectum: non de omnibus ergo datur scientia, & demonstratio propter quid. Sed si quis aliter dicat, idem esse magis & minus notum natura, in diuerso tamen genere prioritatis & causæ. Contra: quia non semper conclusio & effectus qui demonstratur, habet rationem causæ in alio genere respectu præmissarum. Et vniuersaliter aduersus has responsiones instamus: quia hoc est quod intendimus, non posse propositionem demonstrari per conclusionem quatenus cognitam ex ipsamet; quoniam ut sic habet rationem minus notæ, siue quoad naturam, siue quoad nos: sed bene per eam cognitam alia notitiâ maiori seu priori. Et causa non possit demonstrari per effectum, quatenus hic est minus notus natura, secundum quam notitiam infertur ex causa magis nota natura: sed bene quatenus effectus est magis notus quoad nos, notitia nempe habita per sensum aut inductionem: in quo genere notitia causæ est minus notæ. Eodemque modo causa quæ demonstratur per causam alterius generis, non potest demonstrare illam, quatenus effectus eius, & per notitiam quam eiusdem tanquam effectus habuimus ex ea causâ: sed bene quatenus est causa per aliam notitiam independentem ab illa alia re, in qua notitia, hæc alia res potius dependet ab ipsa, ut patebit conclusionem sequenti.

Imo idem per idem.

Probathe secundò, alia Aristotelis ratione: quia idem probaretur & cognosceretur per se ipsum & idem esset prius, ac notius se ipso in eadem cognitione: si nempe quatenus terminat eandem cognitionem demonstrat & demonstratur. Si

enim A cognoscitur per B quatenus cognitum per ipsum A: ergo A. cognoscitur per seipsum A. Et si eadem notitia præmissarum causatur ex eadem notitia conclusionis quam causat: ergo eadem notitia causatur ex se ipsa. Neque iuvat confingere ad diuersa genera causarum. Nam inde tantum fit, ut quælibet causa possit per se euidenter cognosci, ex eaque sic cognita independentem ab alia, possit hæc alia tanquam effectus demonstrari. Alioqui quatenus causæ & notitiæ concurrunt ad pignendam aliam cognitionem in inferenda conclusione, non exercent nisi munus causæ vel rationis agendi & cognoscendi, omnesque concurrunt in eodem genere causæ, considerando causalitatem vnius assensus respectu alterius. Si ergo causa ut formaliter cognita tali cognitione, eademque eius notitia est ratio effectus cognoscendi id quod simul est ratio effectus illius notitiæ, ipsa eadem notitia erit ratio effectus sui in cognoscendo.

Constat utraque hæc ratio ex demonstratione vel syllogismo vocali ab arguente prolato. Si enim quis præmissam assumptam à se in arguendo, negatam à respondente, pergat probare, assumendo eam ipsam conclusionem, quam prius inferebat, & rursus eandem conclusionem assumptam ut præmissam probare persistat per easdem præmissas planè esset irridendus, & ineptissimè peteret principium, ac probaret ignotum, per aequè ignotum, & idem per idem Est igitur talis circulus, in voce inutilis, in mente impossibilis.

Tertia ratio Aristot. non probat vniuersaliter nunquam dari circulum, sed sapè non dari, ut antea explicauimus. Docuerat autem 1. Priorum à cap. 4. quomodo, quando, & in quibus modis, posset dari circulus à conclus. ad præmissas. V. g. in celarent, ubi præmissa est negatiua, inferri tantum posset præmissa negatiua, non autem affirmatiua. In Darij præmissa particularis, non vniuersalis. In herio nulla, quia ex particulari negatiua, nec inferri potest vniuersalis negatiua, nec particularis affirmatiua. Voluit autè ibi explicare Arist. quo pacto ex parte formæ in quibusdam syllogismis posset

Et sapè forma syllogismi non compatitur circulum.

dari circulus : non autem intellexit esse vtilem ex parte materiæ, vt nonnulli male interpretantur.

Nec etiã a quia adpropter quid potest formaliter fieri regressus.

Quartò. Specialiter contra illos qui dicebant, à demonstratione quia ad propter quid licere regressum, & non è contrarietatem, quod etiã in illa demonstratione quia, potest causa formaliter vt causa realis est cognosci & inferri in conclusione : ergo nihil superest quod vterius cognoscendum sit in demonstratione, propter quid. Quod si dicatur posse idem cognosci diuerso modo. Sic etiã si demonstratio quia sequatur post demonstrationem propter quid, cognoscetur idem diuerso modo. Et sanè Aristot. eodem modo concedit regressum à demonstratione quia ad propter quid, vt iam constabit.

Potest materialiter regressus ex circulo exori.

Dico tertio. In posteriori illo sensu materialiter & ex conclusione cognita ab ea, quæ erat illatiua ex præmissis potest vniue: saliter dari regressus & circulus ad demonstrandas eadem præmissas : tum inter vnã demonstrationem propter quid, & aliam quia, siue hæc, siue illa præcedat : tum inter vtrunque demonstrationem propter quid, aut vtrunque quia, in diuerso genere causalitatis.

Explicatur conclusio. Prius, v. g. possumus demonstrare, hominem esse risibilem quia est admiratiuus, esse autè admiratiuum. in hac demonstratione cognoscamus non ex eadem risibilitate, sed ex esse discursiuo & rationali. Deinde præter cognitionē illam risibilitatis habitam in hac demonstratione, possumus eandem rem cognoscere experientia & sensu independenter ab illo medio admiratiui. Ex risibilitate ergo sic cognita per aliam notitiã possumus regredi ad demonstrandum esse admiratiuum. vbi demonstratio propter quid præcedit, & quia sequitur. Item, exemplo Aristot. 2. Poster. textu 98. prius demonstramus à posteriori, Lunam esse sphericam, quia sphericè illuminatur, sphericè autem illuminari cognoscimus sensu. Deinde regredimur, & à priori demonstramus, Lunam sphericè illuminari, quia est spherica : esse autem sphericam in hac demonstratione cognoscere debemus, non illa notitia habitã in priori demonstratione, sed vel alijs instrumentis aut rationibus,

vel ex eo quòd spherica figura est perfectissima, & corporibus celestibus congruentissima. Ita patiter in duabus demonstrationibus propter quid, in vna possumus per causam efficientem demonstrare causam finalem : vbi hæc se habet vt effectus in genere causæ efficientis : in alia deinde circulariter demonstramus efficientem per eandem finalem, quatenus eadem efficiens est effectus in genere causæ finalis.

Duplex ergo cognitio vtriusque causæ datur. Vna eius tanquam causæ in vno genere, altera eiusdem tanquam effectus in alio genere. Et illa est immediata, ac per se, hæc mediata. Cùm causa vt causa debeat immediatè cognosci, vt effectus mediatè per suam causam. Et in demonstrando, cognitio rei, vt effectus in eo genere causatur ex cognitione alterius, vt causa est in eodem genere, & è conuerso. Et hoc modo potest fieri circulus inter ambas demonstrationes propter quid.

Probat nunc conclusio, primo ex Aristot. qui text. 23. admittit regressum à notioribus nobis ad notiora natura : ita tamen, vt notiora nobis verè sint sic notiora : talia autem sunt non cognitione sumpta ex priori demonstratione, in qua sunt ignotiora natura : sed cognitione sumpta ex inductione vel sensu. Idem habetur textu 96. & primo de Anima text. 11. ex cognitione essentia cognosci accidentia, & ex accidentibus essentias. Et primo Physic. text. 1. rem cognosci ex causis & principiis quatenus notioribus natura. Et text. 2. innatam esse quoque nobis viam, vt procedamus à notioribus nobis ad notiora natura. Et 2. Poster. textu 90. 91. & 92. Cum cause sunt sibi inuicem cause, possunt mutuo per se inuicem demonstrari, vel effectus per causam à priori, causa per effectum à posteriori. Alia etiã loca allegantur, in quibus Arist. regressu & circulo videtur vti : vt 1. Poster. text. 28. & 24. 2. Physic. text. 53. 2. Celi 10. & 34. ac textu 48. & 59. In vno loco ponens vnã demonstrationem, & probationem, in alio aliam circularem. Quamuis in quibusdam ex his locis, non tam formetur circulus, quam potius res ipsæ explicentur.

Per plures notitias eandem rem.

Est de mte Arist.

Secun-

*Ratione
probat.*

Secundò ratione ex dictis faciliter probatur conclusio, quia cum detur verè, & sit veritas, tam demonstratio propter quid ex causa ad effectum, quam ex effectu ad causam, & ex quocunque genere causæ, secundum diuersas noticias, ut explicauimus, potest sic vtraque demonstratio exerceri. Nec vna impedit aliam. Nec sequitur aliquid inconueniens. Nam semper probatur minus notum per magis notum in certo genere notitiæ, & bene potest idem esse magis & minus notum penes diuersas noticias. Non denique sequitur idem probari per idem, quia B demonstratur per A, non quatenus A est cognitum per ipsum B, sed alio modo: & sic cognitio ipsius B non dependet ex cognitione eiusdem B, siue ex seipsa.

Tertio. Simili modo diximus quæstione vndecima sectione secunda, posse

duas res per se mutuò veluti circulariter definiri: ut altera explicetur per alteram, non quatenus explicatam vel explicandam per illam, sed alio modo. Pariter ergo, non formaliter, sed sic materialiter datur regressus & circulus in demonstrationibus, ac definitionibus. Et ex his facile soluentur omnes obiectiones, quæ in contrarium adduci possunt.

Postremò, restaret explicandum, in qua figura & modo hic regressus & circulus fieri possit: nisi iam ex supradictis, & ex Aristotele secundo Priorum, à capite quinto manifestum esset, cum habere locum in omni figura, & in omni modo, in quo talis præmissa continetur, ad quam probandam apta sit concurrere eiusdem modi conclusio, & insuper, quando termini sunt inter se conuertibiles: ut superius explicauimus.

*In qua
figura, &
modo pos-
sit circulus
exerceri.*

QVÆSTIO VIGESIMANONA.

De Discursu, & Syllogismo, Opinatio, & Apparenti.

Aristor. ut finem Logicæ imponeret, post libros resolutorios instituit octo Topic. & duos Elench. Topos græcè, est latinè locus, & Topicus est localis. Propositum Aristor. in ijs octo libris est, ut in principio ipse præfatur, artem inuenire & tradere, per quam possimus de omni proposito problemate syllogizare ex probabilibus. Itaque obiectum sibi proposuit syllogismum dialecticum, idest opinatiuum & probabilem. Ideò hos libros appellauit Topicos, quia in ijs traduntur loca, tanquam fontes quidam, ex quibus abunde probabilia argumenta depromi possunt. Vnde & ipsa talia argumenta appellantur topica. Agit etiam nonnihil de opinione Aristor. 1. Poster. cap. 26. ad melius declarandum scientiæ & opinionis discrimen. Elenchos græcè est latinè argumentum, siue inquisitio. Contraçto tamen significato nominis, denotat argumentum fallax & viciosum, in specie quidem apprens, sed in re decipiens. Agit itaque Aristor. in alijs duobus libris de fallacijs syllogismi, easque detegit & dissoluere docet. Possuntque hi libri vocari Elenchici, ex Quintil. lib. 2. cap. 6. 1. tractantes de fallacijs argumentorum. Vocantur autem hæc argumenta sophistica; & qui ijs vtuntur, sophistæ. Quoniam sophisma est oratio, quæ apparet vera & sapienter composita: vnde sophistæ dicuntur quasi apparenter sapientes, & argumenta sophistica, tanquam apparenter apta ad sapientiam. Vocantur quoque litigiosa & contentiosa, eo quod solum ad inutilem quandam contentionem, non autem ad veritatem eruendam deferuntur. Quare obiectum eorum librorum est syllogismus apprens & fallax, quatenus detegendus & dissoluendus, siue est detectio & dissolutio fallaciarum, quæ in syllogizando committi possunt.

Igitur

Igitur nunc huic Aristot. ordini, & nostro etiam ad hunc vique locum perducto, insitendo: agendum superest de discursu opinatio, quem sub discursu in communi à scientia distinctimus. Et simplici nomine possumus opinionem appellare, contradiſtinctam à scientia. Licet enim opinionis nomen sit omni assensui opinatio commune: tamen potest specialiter usurpari pro assensu per discursum elicito. Coniungimus etiam de discursu apparenti & vitioso. Quoniam utrunque breviter expedimus. Et Aristot. ipse in principio Topicorum, & in fine elench. utrunque coniungit. Et uterque potest sub vno communi opinionis nomine ad differentiam veræ scientiæ comprehendere.

SECTIO PRIMA.

Quid sit opinio, & quomodo differat à scientia.

Opinio an sit notitia discursiva.

IN primis Aristot. 1. Poster. agens de opinione, tex. 195. veluti illam definiens ait: *Est existimatio immediata propositionis & non necessaria.* Per quod indicare videtur, opinionem non esse cognitionem discursivam. Nam propositio immediata est, quæ sine medio, sine discursu, cognoscitur. At ex opposito videri potest, opinionem non posse esse propositionem immediatam & sine discursu: Nam propositio immediata, est quæ per suum evidentiam inclinatur & cogit intellectum ad sui assensum. Et propositiones immediatæ sunt principia demonstrationis & scientiæ. Vnde etiam videtur inuolui repugnantiam in terminis, dum dicitur propositio immediata & non necessaria.

Dicendum tamen est, opinionem contradiſtinctam à notitia evidenti necessaria, posse haberi tum per discursum, tum immediatè per lumen naturale sine discursu: sumptam verò opinionem conuenientem cum scientia in genere notitiæ discursivæ: sic omnino esse assensum illationis consequentis ex antecedenti. Explicatur & probatur conclusio: quia ex vna parte, experientia ipsa notissimum est, quam læpè intellectus noster ad opinandum inducatur ex varijs medijs & motiuis probabilibus, vtiq; discurrendo & inferendo. Et, si semel concedatur in intellectu assensus aliquis opinatio: omnino etiam concedendum est, posse ab eodem intellectu aliquis alius similis assensus de re aliqua consequente elici, qui erit assensus discursivus per illationem. Et hoc non solum aperte supponit Aristot. 1. Top. cap. 1. & in toto eo

opere: sed etiam 1. Poster. paulò post illa verba, scilicet tex. 197. supponit dari opinionem de cõclusionibus, quæ ex primis propositionibus deducantur. Imo insinuat similem distinctionem opinionis in opinionem quia, & propter quid, quam de scientia tradiderat. Nam certè possumus induci ad opinandum, vel per medium quod sit causa rei, vel per medium quod non sit causa.

Ex altera parte, experientia etiam notum est, quasdam res esse, quibus statim intellectui nostro propositis, ab eoque apprehensis, sentit intellectus se inclinari ad assensum, licet non cum omnimoda certitudine & securitate, sed tantum cum quadam probabilitate. Inio quando per discursum inferimus conclusiones probabiles, ex præmissis probabilibus interimus, Nec procedimus in infinitum: Deuenimus ergo ad primas quasdam propositiones probabiles, ad quarum assensum intellectus ex se ipso inclinatur. Et hæc sunt principia probabilia, de quibus ait Aristot. 1. Top. cap. 1. *Probabilia sunt, quæ videntur omnibus, aut plurimis, aut sapientibus: & his vel omnibus, vel plurimis, vel maximè familiaribus & probatis.* Ideò etiam 1. Post. tex. 197. tam de opinione, quam de scientia ait, res solui ad principia immediata.

Itaque sicut in genere cognitionis necessariæ & evidenti, distinguuntur scientia & intellectus, scilicet circa cõclusiones & principia. Ita similis distinctio in genere opinionis cõdistinctio ab illo genere notitiæ, admittenda est. Diuidendo autem prius in genere notitiæ iudicativam secundæ operationis, & discursivam tertie operationis: & hanc rursus diuidendo in scientiam & opinionem: sic non sumitur opinio, nisi pro assensu discursivo, conueniente quidem in genere discursus cum scientia, diuerso autem per discern-

Datur de fine discursus.

Datur opinio per discursum.

Opinio, quæ cõuenit cum scientia est discursiva.

Seet. I. Quid sit opinio, & quō differat à scientia. 651

ferentia quam mox inquiremus.

Arist. explicatur. Ex his ad verba illa Arist. dicendū est: Vel illum ita dixisse, quia omnis opinio saltem reducitur ad primas propositiones immediatas: Vel in illis verbis voluisse tantum distinguere opinionem quæ conveniebat in genere proximo cū notitia necessaria quæ habetur per habitū intellectus, supponens pari modo distingui à scientia opinionem sumptam pro notitia discursiva. Nam tam ab intellectu principiorum, quàm à scientia, distinguit ibi opinionem in tota sua latitudine sumptā. Paret etiam ad rationem partis oppositæ: duos esse gradus propositionum immediatarum. Alias esse quæ per sui evidentiam cogunt intellectum ad assensum certum ac necessarium: & hæ sunt principia demonstrationis. Alias esse quæ per sui probabilitatem & verisimilitudinem inclinant intellectum ad assensum non adeo certum & firmum: & hæ spectant ad opinionem.

Opinio est vel circa obiecta contingētia, vel est in se incerta, & probabilis. Secundo. Arist. eod. tex. 195. determinat, opinionem esse circa contingētia, quæ scilicet possunt aliter se habere: & per hoc distinguit à scientia, quæ est circa necessaria, quæ non possunt aliter se habere. Alij autē solent explicare opinionē, & à scientia distinguere, quòd scientia sit certa & firma, opinio autem sit incerta quædam & imbecilla existimatio. Ita supponit Cic. lib. 4. Accad. qq. & lib. r. item li. 2. de Finibus, & lib. 4. Tuscul. ubi ait: opinationem esse imbecillam assensionē. & Lactantius lib. 7. Divin. inst. c. 3. scientia certæ est, opinatio incertæ. Hæc autē incertitudo, seu imbecillitas assensus appellatur à Philosophis probabilitas. Vnde distingui solet, alius assensus certus, & alius probabilis.

Hi duo modi explicandi opinionem diversi sunt. Nā contingētia se tenet ex parte obiecti, illa autē incertitudo, seu imbecillitas assensus se tenet ex parte actus. Atq; circa obiectū contingens potest dari assensus oīno certus & firmus, imo intuitivus. Et circa obiectum necessariū potest e contra dari assensus incertus & imbecillius: ut quodcumque in disputatione veritatur, quanam sit natura aut conditio intrinseca alicuius rei, an aliquid sit possibile, vel non.

Vnde neuter ille modus per se videtur

sufficiens & adequatus ad rōnē opinionis explicandæ, sed utriq; debet sub distinctione cōiungi. Nam scientia debet esse tum certa ex parte actus, tum etiam debet habere obiectū necessarium. Vnde siue detur assensus certus circa obiectum cōingens, siue probabilis circa obiectum necessariū omnis talis assensus est opinio, nō scientia. Itaq; utroque ex illis modis datur opinio cōdistincta à scientia. Ita notavimus q. 25 sect. 9 ubi dividebamus discursum in scientificum & opinativum. Imo uterius sub nomine opinionis potest intelligi assensus circa obiectum impossibile, idest quo affirmetur aliquid, quod reuera est impossibile: siue negetur aliquid, quod in re est necessarium: etiam si quis apud se certū & absque formidine sibi persuadeat, ita esse sicut ipse putat. Nam tradi solet tanquam adæquata divisio scientiæ & opinionis. Vnde omnis assensus, qui non est scientia, sub opinionis nomine includetur.

Arist. autem ibi non videtur voluisse adæquatē omnem opinionem explicare: sed tantum illam quæ deficit à ratione scientiæ ex parte obiecti. Nam ex parte obiecti distinguit scibile & opinabile. Cumen in toto tractatu scientiæ ac demonstrationis, docuisset, scientiam esse de obiecto necessario: ibi determinare voluit, illam cognitionem, quæ habetur de obiecto contingenti, esse opinionem. Vel explicari potest per obiectum contingens intellexisse, non tantum quod est cōingens in essendo, & potest in re aliter esse: sed etiam contingens quodammodo in cognoscendo, idest quod non cognoscitur assensu firmo & certo non admittente formidinē de parte opposita: sed assensu infirmo & variabili, ita ut possit intellectus in parem oppositam declinare. Et hæc est quædam contingētia ex parte actus. Ita exponit Caietan. super. eundem locum, & Sotus q. 8. concl. 2. art. 2. Atque hunc modum opinionis maxime accepit Arist. in Topicis, dum ab initio syllogismus dialecticū definiuit, qui procedit ex probabilibus: & deinceps loca cōstituit, ex quibus probabilia argumenta promittur: & inter problemata dialectica ponit, de genere, definitione, & proprio, quæ utique ex parte sua sunt prædicata necessaria.

Arist. clarior locutus est de primo modo opinionis.

Alij

*Alij de
secundo
modo.*

Alij verò Auctores; vel etiam sumpturunt incertum & imbecillum, non tantum ex parte actus, sed etiam obiecti, quando obiectum ipsum non est necessarium & immutabile. Vel non sumpturunt opinionem adæquare: sed tantum pro illa parte quæ se tenet ex parte actus. Imo regulariter in communi modo loquendi sic potius solet opinio usurpari: & hæc est magis latina significatio vocis. Et contra solet scientia sumi pro omni cognitione certa & clara, etiam si sit rerum contingentium: ut patet ex dictis antea de scientia. Imo vltimè ea quæ Logica tradit de directione opinionis, specialiter procedunt de opinione sic sumpta pro cognitione probabilis. Et de hac etiam nobis præcipue tractandum superest.

*An de ratione
opinionis
probabilis sit
formido
de opposi-
to.*

Tertiò dubium est, an & quomodo de ratione eius opinionis, quæ est assensus probabilis alicuius propositionis, sit formido de parte opposita. Ex vna parte videtur necessariò affirmandum: quia alioqui non haberet, in quo distinguatur probabilitas à certitudine ex parte actus. Et ita planè supponit Sanctus Thomas 1. 2. quæst. 67. art. 3. dicens: *De ratione opinionis est, quod accipitur unum cum formidine alterius oppositi: unde non habet firmam adhesionem.* Idem supponit Durandus quæstione 1. Prol. num. 27. & alij communiter sic solent explicare opinionem & assensum probabilem. Et ita defendit Vallius 2. Poster. disput. 4. par. 5. quæst. 6.

Ex alia parte constat, quædam esse in communi hominum notitia, adeò tuta & explorata; sicut sunt multæ antiquæ historiæ, & alia probato plurimorum testimonio nota, ut nulla subit de parte opposita formido: & tamen hæc non nisi sub opinionè cadunt. Constat etiam, quoidam esse, qui tam firmè & tenaciter suis opinionibus adherent, ut nullam de parte opposita suspicionem admittant. Et Arist. 7. Ethic. c. 3. notauit, quosdam ita opinari, ut non ambigant, sed certò se scire existiment; & non minorem adhibent fidem ijs quæ opinantur, quàm alij ijs quæ sciunt. Et libro 2. Magn. Moral. cap. 7. idem significauit. Ac præsertim infideles cum tanta adhesionem suam sibi dogmata persuadent, quasi Fidei veritates. Hinc

Fonseca sexto Metaphysic. cap. 1. quæst. 2. sect. 4. ad 4. negat, de ratione opinionis esse formidinem de opposito, àiquè verum non esse quod dici solet, omnem opinionem esse cum formidine assensus.

Dicendum tamen est, de ratione huiusmodi opinionis esse, ut vel habeat actualiter admixtam formidinem de parte opposita, vel saltem possit illam secum compari; vel procedat ex tali fundamentum, quod ex conditione sua fallibile est, & apud relinquare formidinem de parte opposita. Explicatur & probatur assertio. Quia debet omnino distingui probabilitas opinionis à certitudine scientiæ: nec potest aliter distingui, nisi per admixtionem vel capacitatem formidinis. Sufficit autem capacitas: quia scientiæ talis est, ut quandiu permanet, & ex vi fundamenti, cui innititur, non possit compari formidinem de parte opposita.

Tunc autem opinio habet actu admixtam formidinem de opposito, quando intellectus expressè considerat imbecillitatem motiui, quo ducitur ad opinandum, vel aliquod etiam motiuium partis oppositæ: tunc enim intellectus metu & suspicatur, nè fortè non ita sit verum. Interdum verò non id expressè considerat, sed potest facillè considerare: & tunc non habebit actu formidinem de opposito: tamen potest, si melius aduertat, stante opinione de vna parte formidare de opposita. Interdum denique fundamentum quidem assentiendi ex conditione sua fallibile & incertum est: tamen adeò confirmatur & corroboratur, ut prudenter homo ita sibi rem persuadeat, quod de opposito non formidet. Sic auctoritas humana, & testimonium hominum, est ex conditione sua fallibile medium: tamen tanta potest esse auctoritas, & tot hominum, & tam publica attestatio; ut nihil de opposito formidemus. Sic credimus illas antiquas historias, & res quæ ab omnibus approbatur. A quæ hæc appellari solet certitudo moralis, non physica, ut distinguatur à certitudine scientiæ. Aut præterea affectu suæ voluntatis, & obstinatione quadam ac pertinacia, temerè & imprudenter, quis adeò firmiter suis opinionibus adheret, sine sufficienti & certo medio: sicut

Est vel formido, vel capacitas eius.

Seçt.II. Quo opin. ex mētis assen. vel ex vol. dep. 653

sicut notauit Arist. 7. Ethic. c. 3. & tunc etiam satis est, quod quantum est ex natura talis mediij, persuasio vnus partis posset admittre formidinem de opposita. Imo quando talis firma persuasio cōtingit in rebus falsis, erroris nomen meretur & habet, vt patet de erroribus infidelium.

*Quid sit
formido
in opinio-
ne.*

Quartò demum explicandum est, quidnam sit hæc formido opinionis admixta. Soc. 1. Post. q. 8. propò fin. docet, esse priuationem certitudinis. Aliqui verò significant, esse actum quēdam intellectus, distinctum ab ipso opinionis actu. Sed neutro modo benè explicatur, quomodo formido sit intrinseca & essentialis ipsi opinionis, siue assensusui formidoloso. Dicendū ergo est, formidinem essentialiter seu radicaliter importare talem naturam assensus opinatiui, in qua fundetur carentia illius certitudinis & firmitatis, quæ inuenitur in actu scientiæ: & cum qua cōsistere possit suspicio quædam de parte opposita: ita vt intellectus quādo actualiter tormidat; simul arq̃e putet rē ita se habere, suspicatur nē fortē non ita sit. Et hoc totum heri potest, vel per eundē simplicem actum: vel etiam interdum per duos actus, vnum opinionis pro vna parte, alium suspicionis pro parte opposita.

SECTIO SECVNDA.

An & quomodo opinio probabilis, per discursum ex suis præmissis deducatur: vel ex opinantis voluntate dependeat.

Primò. Ad assignandum, vnde nam probabilitas, prout opposita certitudini, opinionis, quam per discursum, acquirimus, obueniat, dicit aliqui, interdum opinionem contrahere suam imbecillitatem ex parte formæ, interdum ex parte materiæ. Hoc est, interdum ex parte illationis & consequentiæ, nēpe quando discursus fit in forma enymematis, aut imperfectæ inductionis: interdum ex parte antecedentis, quando discursus fit quidem in forma syllogismi, tamen præmissæ non sunt plus quàm probabiles.

Verum in rigore inueniatur semper incertitudo ex parte materiæ & antecedentis: vnde assensus conclusionis efficitur debilis & incertus, non ex defectu formæ & illationis, sed ex defectu præmissarum & assensus earum. Nā non solum in syllogismo res est clara: quia syllogismus habet euidentem formam illationis, & ex præmissis certis omnino infert certā conclusionem. Sed etiā illæ aliæ argumentationes habent suam vim per syllogismū, licet non penitus in voce expressum. Et enymema, si proferat vnā propositionem certā pro antecedenti, inferat aut cōclus. probabile id non aliter fit, nisi quia subintelligitur ex parte antecedentis alia, præmissa probabilis. Similiter per viam exempli probabiliter inferitur: ita cōtingit Petro, ergo sic eueniet Paulo: quia subintelligitur propositio probabilis, quod cōtingit Petro, eueniet etiā Paulo. Sic etiam in illa inductione, quæ procedit per modum exempli, & potest probabiliter concludere. Itaque nisi intellectus aberraret in forma discurrendi, semper probabilitas opinionis in conclusionē contrahitur ex probabilitate assensus antecedentis, ex quo inferitur. Et hoc totum clarius patet ex dictis suo loco de Discursu in communi.

Secundò. ex dictis etiam ibi q. 13. sect. 9. constat, non solum quando vtraq. præmissa, sed etiam quando vna est probabilis, etiam si altera sit certa; inferri conclusionem non plus quàm probabilem, quia semper conclusio sequitur debiliore parte. Dubitari nunc pot, an quando cūq. præmissæ sunt probabiles, semper inferatur cōclusio saltem probabilis, vel interdum inferri possit conclusio euidenter falsa & improbabilis.

Et dicendum est, qñ altera vna præmissa est certa & altera probabilis, omnino cōclusionē esse probabilem. Patet, quia si cōclusio sit euidenter falsa & improbabilis poterit oppositū eius assumi pro vna præmissa certa, & per deductionē ad impossibile inferretur euidenter oppositū alicuius præmissæ; sed nō pot' erāt inferri oppositū eius præmissæ: quæ erat certa; ergo inferretur oppositum eius præmissæ, quæ dicebatur probabilis: igitur illa præmissa ostenderetur certō & euidenter falsa: non erat ergo probabilis. Fieri itaq. non pot,

*Opinio di-
scursiua
non sumit
probabili-
tatem ex
illatione,
sed ex
præmissis.*

*Semper
ex vna
præmissa
certa, &
altera pro-
babili in-
feritur cō-
clusio pro-
babili.*

654 Quæst. XXIX. De Discut. & Syllog. opin. & app.

vt ex vna præmissa certa & altera probabili inferatur conclusio euidenter falsa, & improbabilis.

Non semper ex vna præmissa probabilis inferatur conclusio probabilis.

Allumendo autem duas præmissas, ambas probabiles, sic fieri potest, vt ex ijs inferatur conclusio euidenter falsa & improbabilis. Tunc autem non erit probabile, copulationem illarum præmissarum esse simul veram: sed tantum quolibet ex illis per se habet suam probabilitatem, & neutra conuincitur euidenter falsam determinatè: tamen certum est, & euidenter colligitur, alterutram esse in re falsam: nobis autem non constat, quæ illarum sit vera; & quæ falsa; & ita vtræque per se sumpta, censetur probabilis.

Explicatur & probatur assertio à priori. Sæpius in rebus, de quibus non habemus euidentiam & certitudinem, extant oppositæ & contradictoriæ, ambæ in suo gradu probabiles. Si ergo ex illis delumantur duæ præmissæ, inferri potest conclusio euidenter falsa & improbabilis: illæ autem præmissæ erunt inter se, vel formaliter, vel virtualiter oppositæ. Vnde impossibile quidem est & improbabile illas ambas esse simul veras; certumquæ est, alteram ex illis esse in re falsam: tamen nobis non est euident, quæ sit vera, & quæ falsa.

Exempla huius rei possunt esse innumera. sufficiet vnum asserre. Quædam præmissa probabilis est, omnis res, quæ existit habet existentiam propriam: altera esse potest, materia non habet existentiam propriam: Conclusio in bona forma inferitur, ergo materia non existit, quæ tamen est euidenter falsa & improbabilis. Sed perspicuè apparet, non esse probabilem, nec possibilem, copulationem illius vtriusque præmissæ. Itaque non poterit vnus & idem intellectus, vtrunque illam præmissam acceptare; sed qui concedit vnā, cogitur negare alteram. Atque hæc regula vti solent Theologi in rebus moralibus, admonentes, non semper ex vtraque præmissa probabilis inferri conclusionem practicè probabilem, & licitam: sed interdum inferri posse improbabilem, ac in praxi illicitam.

Antestio et iniectionis ex volum Tertiò vltierus supposito probabilitate totius antecedentis, & stante in intellectu assensu vtriusque præmissæ, dubita-

ri potest an ex se & necessariò sequatur conclusionis assensus, vel debeat interuenire libera determinatio voluntatis inclinantis intellectum ad talem assensum. Sanctus Thomas 1. 2. quæst. 1. art. 3. significat requiri electionem liberam voluntatis. Communiter etiam Theologi idem docent de assensu Fidei: eadem autem ratio est de opinione. Et plauè intelligunt, hominem ad huiusmodi assensum esse liberum, non solum quoad exercitium, sed etiam quoad specificationem actus; ita vt possit etiam dissentiri, si velit. Imo experientia ipsa constat, in libertate singulorum stum esse, in rebus incertis & opinabilibus, vel vnā vel alteram opinionem amplecti, & de vna in aliam opinionem transire. Et hoc est discrimen à rebus euidentibus, in quibus intellectus habet necessitatè quoad specificationem, vt dicebamus quæstione 25. sect. 3.

Dicendum tamen est, supposito assensu totius antecedentis in discursu opinatiuo, non manere intellectum indifferenter quoad specificationem, ita vt possit coniungi dissensus conclusionis cum assensu totius antecedentis: sed ad assensum ipsum antecedentem probabilis intellectus esse indifferenter, & dependere ab electione voluntatis: & sic absolute loquendo etiam assensum consequentis esse liberum. Prima pars probatur clarè ex dictis ibi quæst. 25. Nam in bona forma illationis non potest negari conclusio concessis præmissis. Non potest negari formaliter consequentia. Alioqui nihil vnquam probari posset in disputando. Sed certissima est illa regula, ex vero non inferri falsum. Impossibile ergo est, intellectum assentientem toti antecedenti probabili, simul dissentiri conclusioni. Patet etiam ex modo dictis: quia dissensus conclusionis est virtualiter oppositus assensui præmissarum: & ex contradictoria conclusionis, simul cum vna præmissa bene inferitur per redargutionem oppositum alterius præmissæ. Sicut ergo impossibile est absolute, assentiri simul & dissentiri eidem propositioni: ita impossibile est, assentiri præmissis, & dissentiri conclusioni, in quacunque materia, non solum euidenti, sed etiam probabilis. Imo etiam in materia apertè

Nō potest quis cum assensu præmissarum respondere conclusionem.

Seçt.II. Quo opin. prob. per discurs. ex suis, &c. 655

apertè falsa, aut in terminis non significatiuis, non potest negari formaliter conclusio suppositis præmissis.

Potest tamen amittere assensum non assensum præmissis.

Secunda pars probatur ex modo allegatis & adductis. Nam oportet fieri, intervenire libertatem in electione opinionis. Sed non potest intellectus stante assensu præmissarum, dissentiri conclusioni: ergo potest assentiri aut dissentiri ipsis præmissis. Itaque simplex apprehensio præuia per se non determinat intellectum ad assensum alium propositionum, sicut assensus antecedentis ad assensum consequentis. Potest quidem fieri, ut cum ipsa apprehensio magis inclinetur intellectus per modum actus primi ad vnam vel alteram partem, iuxta maiorem probabilitatem aut apparentiam: non tamen per hoc determinatur. Sed adhuc absolute remanet in libertate voluntatis, determinare intellectum ad vnam vel alteram partem.

Quando autem apparet maior probabilitas ex vna parte, & intellectus magis inclinat ad illam, tunc si voluntas determinet intellectum ad partem oppositam, dicitur prauè eligere. Et quando quis propositis sufficientibus credendi motiuis, non vult credere, dicitur imprudenter agere: sicut etiam quando sine sufficienti motiua & auctoritate credit, dicitur leuiter & imprudenter credere. Imo interdum tanta potest esse probabilitas & credibilitas alicuius rei, ut non nisi imprudentissimè posset quis dissentiri, aut dubitare, quamuis physicè loquendo possit: ut si quis noller credere rem, receptissimo omnium vel plurimorum, aut alicuius fide dignissimi testimonio comprobata.

Idem etiam fides est libera.

Iuxta hæc debet intelligi S. Thom. & communis sententia Theologorum, dum docent, fidem esse voluntariam & liberam. Nam certè si sumatur fides per modum discursus, fieri non potest, ut intellectus repugnet conclusioni supposito præmissarum assensu, videlicet si intellectus affirmat, quicquid Deus reuelauit, verum est, & Deus reuelauit hæc mysteria: non potest negare hanc conclusionem, ergo hæc mysteria vera sunt. Sed absolute potest negare aliquam præmissam, specialiter illam, Deus reuelauit hæc mysteria: quia non est evidens, sed est tan-

tum prudenter credibilis. Et hoc modo fides est voluntaria & libera. Imo etiam supposito, quod intellectus cognoscat, hæc res est credibilis, est magis credibilis, quam illa, adhuc potest ad voluntatem deflecti ad non credendum, ad credendum oppositum. Et ideò quamuis mysteria nostra fidei sint euidenter credibilia, ut Theologi docent, adhuc fides est voluntaria & libera. Illi tamen qui percipientes motiua & fundamenta, adhuc nolunt credere, imprudenter agunt.

Est opinio est, libera

Hoc etiam est, quod experientia ostenditur. Nam constat in libertate hominum situm esse, assentiri, aut dissentiri propositionibus probabilibus antecedenter, non autem dissentiri conclusioni cum assensu præmissarum. Et hoc modo magnam vim habet voluntatis affectus in electione opinionum, tam in rebus speculatiuis, quam practicis: ut satis compertum est. Ideò quæ ad veritatem inueniendam, & ad rectè discernendum quidnam sit probabilis, admodum expedit, non habere voluntatem certo aliquo affectu, nisi solo veritatis desiderio præoccupatam, nè intellectus à rectiori veritatis itinere deuiet.

Ad differentiam scientia.

Hoc demum sufficit ad saluandum discrimen inter res opinabiles, & res euidentes. Quia in rebus euidentibus, non solum ad assensum conclusionis ex assensu præmissarum, sed etiam ad ipsarum præmissarum assensum intellectus est ipso naturali lumine determinatus quoad specificationem: at in rebus opinabilibus est indifferens circa primas præmissas: & ad summum potest magis propendere in vnam, quam in aliam partem: nec est simpliciter determinatus, & ideò subditur liberæ electioni voluntatis.

Quartò, quantum ad exercitium actus, à fortiori patet, hominem esse liberum ad exercendum, aut non exercendum actum assentiendi circa præmissas probabiles, & consequenter circa conclusionem. Sed etiam supposito præmissarum assensu est liber, ut voluntas possit cohibere intellectum, nè eliciat conclusionis assensum. Nam si id concessimus in discursu circa res certas & euidentes ibi quæ est. 25. sect. 3. multò magis affirmandum est circa res opinabiles. Si autem voluntas non possit cohibere intellectum: tunc dici potest, quòd magna

Quo assensum su præmissarum posset quis non eliciere conclusionis assensum.

magna & vehemens est probabilitas in assensu antecedentis, & maxime si vna præmissa sit evidens, & altera moraliter certa; tunc inquam, intellectum absque alio voluntatis impulsu ex se statim prorumpere in conclusionis assensum. Quando autem tenuis & levis erit probabilitas in antecedenti, maxime si veræque præmissa, earumque copulatio sit leuiter probabilis; tunc fortasse opus esse peculiari voluntatis determinatione ad assentiendum conclusioni: quia ille tam tenuis assensus antecedentis, non habet tantam vim impellendi intellectum, qui quodammodo retardatur per formidinem admixtam de parte opposita: & præsertim si appareat aliqua peculiaris difficultatis ratio circa conclusionem, magis emergens, dum cogitur conclusio, quam dum cogitabantur præmissæ.

Quintò, hinc præterea dubitatur, an possit quis pro sola sua voluntate inclinare intellectum ad assensum opinatum, alicuius conclusionis absque alio motiuo & fundamento. V. g. Si alicui proponatur hæc dubitatio, an Altra sit paria, absque ulla ratione, vel auctoritate pro alterutra parte, an possit suo arbitrio opinari vnam, vel alteram contradictionis partem. Affirmat Caiet. 1. 2. quæst. 68. artic. 4. Sicut enim voluntas, inquit, determinat potentiam rationalem ad alteram contrariorum, ad quæ neutraliter se habebat: sic potest determinare intellectum ad alteram partem contradictionis. Et sicut Medicus ex solo odio determinat artem ad occidendum infirmum: ita ex solo amore alicuius extranei determinari potest quis ad credendum id cuius nullam rationem habet. Idem indicauit Ocham. in 2. d. 25.

Dicendum tamen est, non posse intellectum opinari quicquam, quod vel tum ex ipsis terminis præferat aliquam probabilitatem, vel non alicui motiuo innitatur. Ita indicauit Aristot. 2. de Anima, tex. 153. Experientia. Vnusquisque enim in se experiri potest, si ei proponatur aliqua dubitatio de re, in qua neque ex ipsa connexionem terminorum appareat probabilitas trahens ad assensum, neque offeratur illi aliqua ratio, vel motiuum inclinans in alterutram partem; vt in exemplo illo, an Altra sit paria,

item an nunc Rex sedeat, & similia nulli posse ex se elicere assensum: sed in mera dubitatione manere perplexum, quousque illi se offerat aliquod motiuum pro vna vel altera parte.

Nullumquæ exemplum in contrarium asserere potuit Caiet. Determinat enim voluntas potentiam rationalem ad alterum contrariorum, & intellectum ad alteram partem contradictionis: tamen existente aliquo motiuo pro vna vel alia parte. Medicus autem non determinat ex sola voluntate intellectum, vt per artem iudicet, quidnam infirmo proficiet, vel obfist: sed ex odio determinat potentiam exequutiuam, vt iubeat illud quod nouit esse nocuum. Ex amore verò alicuius extranei determinari potest quis ad credendum quod ille testatur, absque alia ratione præter ipsum testimonium. Sed hoc iam est credendi motiuum: ita vt si sine ulla testimonio non posset quis determinari ad quicquam sua sponte credendum.

Ex his patet, illud quod antea dictum est, hominem esse liberum in eligendis opinionibus, sic esse intelligendum, quod existentibus hinc inde probabilibus motiuis possit quis quam partem maluerit eligere. Alioqui si motiua probabilia tantum adsint pro vna parte, & non pro alia: tunc erit quidem homo liber quoad exercitium acceptandi vel non acceptandi illam partem; non tamen poterit quoad specificationem positiuè acceptare partem oppositam. Sic patet in exercitio fidei humanæ. Si quis audiat vnum dicentem aliquid, & alium dicentem oppositum poterit se determinare ad credendum vni vel alteri. Si tamen audiat vnum tantum quidpiam dicentem, poterit quidem illi credere, aut non credere suspendendo assensum; non tamen poterit determinatè credere oppositum, vique dum audiat aliquem alium dicentem oppositum.

Hinc etiam definiendum est, an quodcumque est probabilis vna pars contradictionis, debeat etiam dici probabilis altera pars. Aliqui affirmant. Aliqui negant, Sed distinguere potest, dicendo: non oportere alteram partem esse etiam probabilem positiuè: quia fieri potest, quod non adsit aliquod peculiare motiuum pro

An possit quis ex sola sua libertate opinari quod voluerit.

Nō potest sine alio quo probabili motiuo.

Quando possit quis liberè opinari pro vna, vel altera parte.

An quando opinio est probabilis, etiam opposita sit probabilis.

pro illa altera parte. Sed saltem esse quodammodo probabilem negatiue, siue esse suspicabilem. Dum enim pars opposita non est certa, sed tantum probabilis, & admittere potest formidinem de altera parte: iam non est certum alteram partem esse falsam; sed sub suspitione cadit an sit vera: & sic dici potest probabile negatiue quicquid non est certo & euidenter falsum.

*Vnde proueniat ista opinio-
num va-
rietas apud homi-
nes.*

Ex his denique colligi etiam potest; vnde proueniat, vt diuersi homines in diuersas & contrarias opiniones inclinarentur, & alij vnā, alij aliam magis approbent. Prouenire enim id potest ex pluribus capitibus. Primò, ex eo quòd vni afferuntur motiua vnus, alteri alterius partis. Secundò, ex eo quòd etiam si vtrique afferantur motiua vtriusque partis, plura vel efficaciora motiua pro hac vel illa parte afferantur. Tertiò, ex eo quòd etiam si ipsa motiua in se paria sint, tamen efficacius, aut attentius considerantur motiua huius vel alterius partis. Quartò, ex anticipato voluntatis affectu, quo vnus vel alius inuenitur præueniens. Sic vni quicquid facilius & libentius credit amico, quàm extraneo; promprior est opinari ea quæ magis placeant. Et qui in philosophicis disciplinis certæ alicui sectæ se addixerint, ex affectu erga suum Auctorem ad eius opiniones mouentur. Quintò etiam diuersi ad diuersa mouentur ex varijs exercitationibus, aut habitibus antea comparatis: vnde fit, vt magis inclinentur ad eas opiniones, quæ sint magis conformes aut consimiles ijs, quæ animo præconceperint. Sexò, deum multum quoque couertere potest naturalis ipsa complexio, & dispositio ingenij. Sicut enim ex natua dispositione alij ad alios mores procliuēs sunt, alij ad alias exercitationes capessendas, alij ad alias facultates, scientias, aut artes ad discendas, & sic etiam magis apti, idoneique sunt ad vnum vel aliud exercitiū: ita ex natua dispositione ingenij fieri potest, vt alijs alia magis minuiue probabilia videantur. Sic quibusdam opinionēs nouæ magis placeant, quibusdam magis difficiles & abstruse; & in rebus moralibus, quibusdam rigidiores, alijs laxiores; & sic in alijs rebus, alijs aliæ.

SECTIO TERTIA.

Quotuplex sit Opinio.

IN primis potest opinio diuidi iisdem modis, quibus scientia diuisa est; videlicet in speculatiuā & practicā, subalternantem & subalternatam, imò et scientia. quia & propter quid vt ex Ar. sect. 1. notauimus. Et ex dictis de speciebus scientiæ facili colligitur quicquid de distinctione similium specierum opinionis dicendum foret. Aliæ autem diuisiones & species propriæ modò addendæ sunt.

Opinio potest diuidi sicut scientia.

Secundò, Aristot. 1. Poster. statim post opinionem addit solertiam: de eaq. agit cap. ult. eamque assignat, vel tanquam ab opinione distinctam, vel tanquam speciem opinionis. Explicat solertiam, quando statim & velociter quis ex aliquo signo viso infert aliud quod non videt. V. g. videns quis, semper eam Lunæ partem esse lucidam, quæ est conuersa Soli, conicit Lunam illuminari à Sole. Videns quis pauperem accedere ad diuitem, statim cogitat velle petere pecuniam. Itaque opinio potest diuidi, in illam quæ statim ac velociter acquiritur, & in aliam quæ diuturniori consideratione & inquisitione comparatur. Illa dicitur solertia. Alia dicitur opinio distincta à solertia. Hæc autem distinctio non est per se essentialis: nisi ex parte obiecti, aut aliundè oriatur distinctio essentialis.

Diuidetur in solertiam & opinionem non solertem.

Tertiò, Arist. 6. Ethic. cap. 3. distinguens habitus intellectuales, distinctè numerat opinionem & existimationem, idest suspitionem. In communi etiam loquendi modo solet suspicio nominari quasi ab opinione distincta. Vtranque autem Aristot. ibi vna cōi ratione à scientia, alijsq. habitibus certis distinxit: quia suspitione & opinione fieri potest vt mentiamur. quasi diceret, hoc genus cognitionis est incertum & fallibile. Alias verò vno opinionis nomine hoc genus cognitionis amplectitur. Ac etiam interdum nonnō suspitionem amplè sumitur pro omni incerta cognitione. Sic Aug. tract. 90. in Ioan. distinguit suspitionē à iudicio, idest definita, firmāq. sententiā. & D. Tho. 3. par. q. 60. ar. 3. ex Cicerone ait, suspitionem esse opinionem. At tamen opinio communiter dicta in

Diuidetur etiam in suspitionem et opinionem præiudicatam.

tota sua amplitudine, diuidenda est in opinionem pressè dictam, & suspensionem etiam pressè dictam. Conimb. 1. Poster. cap. 27. vtrunque distinguunt, quod suspicio est quæ ex iudicio, vel coniectura aliqua ducitur; opinio pressè sumpta est, quæ ex terminis aut ratione aliqua gignitur. Hic tamen modus distinguendi obsecutus est. Posset autem sic explicari. Suspicio est, quæ ex signo aliquo à posteriori ducitur, opinio, quæ vel ratione aliqua à priori, vel ex sola apprehensione terminorum.

opinio & suspicio explicatur,

Alio modo iuxta communem loquendi morem possunt distingui penes magis & minus. Suspicio enim dicitur, quando habetur leuior exultimatio de aliqua re; opinio, quando habetur vehementior persuasio & adhesio. Dicimur enim suspicari illa, quæ leui aliquo motiuo, tenui aliqua assensus inclinatione putamus. Dicimur opinari, quæ validiori aliquo motiuo firmitus quodammodo & propensiori quodam assensu nobis persuadetur.

Vel demum possunt sic distingui. Ut opinio sit, quando eoque absolutè putamus, potius esse hanc partem, quàm oppositam, potius rem esse, quàm non esse. Suspicio autem sit, quando cogitamus, rem forte ita esse; putamus tamen potius oppositum esse. Itaque opinio dicatur respectu illius partis, in quam intellectus magis propendet: suspicio respectu illius, in quam minus propendet. Unde, cum dictum sit, opinionem habere, vel habere posse ad mixtam formidinem de parte opposita, hæc formido vocetur suspicio. Et quò propensior ac vehementior est inclinatio, & opinio in vnam partem, eò diminuat suspicio de opposita. Et è contra, si magis accrescat hæc suspicio, attenuetur opinio de altera parte. Et si tandem res constituatur in tali statu, ut intellectus non magis propendat in vnam, quàm in aliam partem: tunc non dicitur, nec opinio, nec suspicio; sed potius dubitatio, & suspensio omnis assensus.

Diuiditur etiam in fidem humanam, & opinionem pressè dictam.

Quartò deinde sub opinione, vel cum opinione assignatur fides humana. Fides humana, est assensus, quem aliquis præbet obtestimonium alterius assensum rem ita esse. Duplex est autem fides. Diuina quæ innititur testimonio Dei; & humana

quæ innititur testimonio hominis. Vel hæc magis amplè potest appellari fides naturalis & acquisita, vt complectatur omnem assensum, qui potest inniti testimonio cuiuscunque creature intellectusalis etiam Angeli: sed sufficit appellare fidem humanam, denominatione à nobis sumpta. Fides Diuina ex sua ratione essentiali, quamuis non sit euidentis, est tamen certissima, & penitus infallibilis, incapax prorsus omnis formidinis de parte opposita. Itaque nullo modo sub hoc genere cognitionis, de quo modo agimus comprehenditur. Fides autem humana est ex suo genere incerta, & fallibilis.

Quocirca hoc genus cognitionis probabilis, quod modò distinguimus à scientia, & dicimus deficere à certitudine scientiæ, complectitur planè sub se fidem humanam. Distinguenda est ergo duplex species huius cognitionis probabilis. Vna est, quæ innititur testimonio alterius. Alia est, quæ innititur alicui rationi, desumptæ ex ipsa re, vel ipsæmet propositioni & apprehensioni eiusdem rei. Quod totum vno nomine dici solet, quæ innititur motiuo intrinseco, sumendo intrinsecum solum ad distinctionem testimonij alieni, quod ex opposito dicitur motiuum extrinsecum.

Nomen autem opinionis dupliciter vsurpatur. Vno modo amplè pro omni cognitione probabilis. Sic opinio dicitur sub se complectitur fidem humanam. Et ita distinguitur in duplex genus dictum cognitionis probabilis. Hanc amplam acceptionem opinionis indicauit S. Thom. in 3. d. 23. in Expofit. lit. Durand. quæst. 1. Prolog. num. 19. Albert. 7. Ethic. tract. 1. cap. 2. & alij communiter approbant. Atque Aristot. ipse tam hic, quàm 6. Ethic. in hac amplitudine opinionem accipit. Et expressè libro 4. Topic. loc. 67. ait fidem esse opinionem vehementem. Et inter loca, quæ ponit ad opiniones confirmandas per argumenta probabilia, ponit locum ab auctoritate. Sicut è contra interdum nomen fidei amplè sumitur pro omni opinione, seu exultimatione: vt apud Aristot. primo Topicorum capite septimo, 1. Rethoric. cap. 2. Et alibi.

Alio modo sumitur nomen opinionis magis

Fides, & opinio explicatur.

magis præse ad distinctionem fidei humanæ, ad designandum præcisè illud genus cognitionis probabilis, quod innititur motui intrinseco. Sic sumitur, quâdocunque distinctè tanquam duo cognitionis probabilis genera nominantur opinio & fides humana.

*Quo expli-
catur
August.*

Aliter verò opinionem & fidem, opinari & credere, distinxit August. lib. de Mendac. ad Consent. cap. 2. & lib. de Utilit. credendi cap. 11. dicens, omnem qui opinatur credere; sed hoc differre inter opinari & credere, quòd qui opinatur putat se scire quod reuera non scit; credit autem etiam, ille qui sentit se non scire, idest non clara & euidenti ratione percipere quæ credit. Sed, vt patet, August. non sumpsit opinionem in ea significatione; qua nos nunc sumimus, sed potius pro fallaci illa & temeraria persuasione. Sic etiam dixit in Enchirid. cap. 9. de Philosophis: *Quadam humana cœcitate inuestigantes, quadam verò hyssorica experientia perferutantes, in eis qua inuenisse gloriuntur, plura opinantes potius, quàm scientes.* Sumpta autem opinio in significatione recepta & vsitata, vel condistinguitur à fide, vel sub se complectitur ipsam fidem humanam, & opinionem distinctam à fide, eo modo, quo diximus.

*Diuidi-
tur opinio
in verã,
& falsã.*

Quintò. Opinio, alia est vera, alia falsa. Non enim opinio est sicut scientia, quæ necessariò erat vera. Imo, vt adæquata sit diuisio in scientiam & opinionem, nomine opinionis intelligitur quicunque assensus falsus etiam quando quis putat se habere scientiam, reuera errans. Nec est inconueniens, eandem opinionem esse probabilem & falsam. Nam falsitas dicit disconformitatem cum re aliter se habente à parte rei: probabilitas dicit motuium taliter opinandi. Sapè autem ea quæ in re sunt falsa, habent sua probabilia motiua inducentia ad falsam opinionem. Et quâdocunque de aliqua quaestione erant opiniones oppositæ, omnesque probabiles; vtique vna illarum est vera, alia falsa. Notauit autem Arist. lib. 6. Ethic. cap. 9. veritatem esse opinionis rectitudinem. Itaque ad directionem nostri discursus pertinet, vt in omnibus rebus veras opiniones conemur assequi. Vtrum verò eadem opinio possit

mutari de vera in falsam, aut è contra, quando est circa obiectum contingentem: an etiam opinio de contingentibus futuris sit determinatè vera aut falsa; satis tractauimus quæst. 24.

Sextò rursum, alia est opinio reuera, probabilis, alia apparenter tantum, idest apparet probabilis, cum non ita sit, sed sit apertè falsa. Et iuxta hoc distinguitur syllogismus dialecticus & philosophicus. Ideò hanc differentiam magis explicabimus infra sect. 6.

*Diuidi-
tur mo-
dus opinio-
is in
diuisione
subiecti
et obiecti.*

Demum aliæ quoque diuisiones opinionis modi, & varijs modis plures species distnguui possent, ex distinctione obiectorum, aut mediolorum, alioque capite. Sed non sunt plura necessaria, & ex dictis de scientia perspicue colliguntur. Ex parte autem subiecti, scilicet intellectus, distinguendum est. Dupliciter posse intellectum habere opinionem: vno modo subiectiue; alio modo obiectiue. Primo modo habet, quando intellectus verè in se elicit assensum probabilem deficientem à certitudine scientiæ. Secundo modo habet, quando veluti cum quadam reflexione cognoscit, tale obiectum est opinabile, talis propositio est probabilis. Quod iudicium intellectus potest esse certum sine omni formidine, & formaliter euidens. Vnde non est formaliter opinio, sed se habet ad modum scientiæ; non est formaliter probabilis & incertus, sed habet pro obiecto probabilitatem rei. Sicut & Theologi distinguunt, alium esse actum credendi, & aliud iudiciu de credibilitate obiecti: actus credendi est obfuscus & ineuidens: iudicium credibilitatis potest esse clarum & euidens. Primus modus habendi opinionem non conuenit, nisi intellectui imperfectè cognoscenti. Secundus modus non dicit imperfectiorem, quando non excludit simul certum notitiam rei in se. Sic Deus ipse inuenit quidem res sicuti sunt: & simul videt qui gradus probabilitatis & credibilitatis sit in rebus, vt possint mouere intellectum nostrum ad aliquem assensum. Et hoc modo in intellectu nostro possunt esse opiniones contrariæ: quando nempe perspicimus, vtrunque ex duabus opinionibus oppositis esse in suo gradu probabilem.

SECTIO QVARTA.

*Vtrum opinio possit haberi simul
cum scientia de eodem
obiecto.*

Atingit hanc quæst. ipse Arist. 1. Post. cap. 26, solent etiam tractare Theologi ob aliam affinem difficultatem, si fides diuina & scientia possint esse simul. Difficultas autem procedit de eodem obiecto, non solum incomplexo quod est subiectum conclusionis: sed complexo id est de eadem tota conclusione. Alioqui facillimè constat, non solum de diuersis rebus, sed circa eandem rem dari posse, scientiam de vno predicato, opinionem aut etiam totalem ignorantiam de alio. Item procedit difficultas tum de actibus opinionis & scientiæ, tum etiam de habitibus, supposito quod ex actibus habitus generentur.

Prima sententia.

Prima sententia est, quæ prorsus negat opinionem posse haberi simul cum scientia, siue per modum actus, siue per modum habitus. Ita Caietan. 1. Posteriorum cap. 26. §. circa hanc partem, Sor. quæst. 8. artic. 2. Concl. 3. Tolet. Louanienses & quidam alij eodem cap. Item Scot. in 3. dist. 24. quæst. vnica. Caprelo. d. 25. q. 1. cõcl. 2. & ad argum. contra eandem. Durand. q. 1. Prologi & quidam alij Theologi, dū tractant an fides possit esse simul cum scientia Et hæc videtur aperta sententia Arist. eo cap. Imò etiam in diuersis intellectibus negare videtur dari posse in vno sciẽtiã, in alio opinionẽ de eadem re: nisi sicut dicebamus de vno subiecto posse sciri vnum predicatum, & aliud opinatiuè cognosci. Quoniã, cum dicat opinionẽ esse de obiecto contingenti, scientiam de obiecto necessario: non aliter poterit dari in vno scientia, in alio opinio, nisi quod vnus puer rem esse necessariam, alius contingentem.

Secunda sententia.

Secunda opposita sententia est, quæ affirmat, eam quoad actus, quàm quoad habitus, posse simul ab eodem intellectu haberi opinionem cum scientia de eadem conclusione. Ita significant Alenf. 3. par. q. 79. memb. 3. Anzilod. l. 3. tract. 3. q. 4. & 5. Bonau. in 3. d. 24. art. 2. q. 3. Albert. Bass.

& alij eadem dist. Palud. d. 3. r. q. 2. art. 1. Argent. in Prologo q. 3. art. 2. Mar. Cart. 3. & alij item in Prologo. Villalpand. etiã & quidam alij hic 1. Post. cap. 26. Hortad. disp. 10. de Anima sect. 5. Et hæc videtur aperta sententia S. Thom. 1. 2. q. 67. art. 3. & 3. par. q. 9. art. 3. ad 2. licet alioqui neget fidem posse esse simul cum scientia. Idem asserit iisdem locis Caiet. Dicit tamen adueniente scientia remanere quidem cognitionem dialecticam ex medio probabili, sed tamen sub nomine opinionis, quia remanet sine formidine.

Tertia media sententia est, quæ negat actus, concedit habitus posse esse simul. Ita Fonsec. 6. Met. cap. 1. q. 1. sect. 5. Cornimb. 1. Post. c. 27. q. 2. Runtius, Didacus a Iesu, Vallius, & plures alij cap. 26. multi etiã Theologi ita sentiunt de fide & scientia. Intelligit autem hæc sententia, non solum vnum habitum posse esse simul cum alio, sed etiam actum vnius habitus cum alio habitu.

Tertia sententia.

Quarta sententia addenda est, quæ licet neget distinctos actus opinionis & scientiæ posse esse simul: concedit tamen posse elici vnum simpliciter actum ex pluribus medijs, alio demonstratiuo, alio probabili. Ita Durand. q. cit. a num. 29. Fonteca loc. cit. Sorus, Conimbr. & Tolet. expressè etiam Caiet. loc. cit. 1. Post. Durand. verò admittit, eundem actum fidei dici posse scientiæ & opinionis. Hoc Fonsec. negat, & vult non esse dicendum nisi actum scientiæ.

Quarta sententia.

Dico primò. Non potest actus opinionis formaliter haberi simul cū actū scientiæ de eadem propositione in eodem intellectu. Hanc assertionem probauit 1. Durand. num. 25. quia non possunt plures actus coexistere simul in nostro intellectu. Sed hæc ratio est nimis generalis. Nam pariter, nec etiã circa diuersas propositiones, nec et duo actus scientiæ aut duo actus opinionis, possent esse simul, & idẽ Durand. non perit in illa ratione. Sed admissio, quod absolute possint plures actus esse simul: probandum est ex speciali ratione scientiæ, & opinionis circa idẽ obiectum non posse esse simul.

Nō potest actus opinionis haberi simul cum actus scientiæ.

Secundò ex Arist. probatur conclusio summarum opinio quæ dicit contingentia ex parte obiecti. Opinio est circa obiectum quod potest aliter se habere, scientia

Probaturs de opinione, dicente contingentiam obiecti.

Se& IV. Vtr. opinio possit esse simul cū scien. 661

circa obiectum, quod non potest aliter se habere. At neq. in re fieri pōt, vt idē obiectum possit & non possit aliter se habere. Neq. in mente & exultimatione fieri pōt, vt idem intellectus simul vtrunq. putet: esset enim affirmare simul duo contradictoria. Ergo nō potest opinio sic sumpta esse simul cum sciētia de eodem obiecto. Et in hoc sensu accipiendum etiam est dictum Ar. nec in diuersis hominibus posse esse opinionē & sciētiā de eadē re, nisi penes diuersa prädicata: quia videlicet vnus affirmat rē esse contingentem, alius necessariam. Sic etiā ipse dixit, sciētiā & opinionem non posse esse de eodē obiecto, nisi sicut possunt esse cognitio vera & falsa. Nam opinio illa putans eam rem esse contingentem, falsa esset.

Probatnr de opinioe dictae formidinis partis opposita.

Tertiō deinde. Sumēdo opinionē prout dicit formidinalē actuale ex parte actus, patet manifestē non posse esse simul cum sciētia in eodē intellectu. Nā per sciētiā, intellectus est oīno certus, et cuidēter inspicit rē ita esse: ergo nō pōt simul formidare, ne fortē non ita sit. Nec iuuat dicere id fieri posse per diuersum mediū. Nā stante illa certitudine & euidētia, nullo medio fieri poterit, vt admittatur formidō in oppositū. Benē tamē in diuersis hominibus poterunt sic esse sciētia & opinio de eodē prorsus obiecto: quia pōt heri, vt vnus non assequatur tantā certitudinem & euidētiā quantā alius per mediū scientificū.

Probatnr absolutē de opinioe dicente assensū probabilē.

Quartō, sumēdo absolutē opinionem pro assensu probabili, aliqui adhuc probāt non posse esse simul cum sciētia, quia opinio cit cognitiō ex genere suo incerta & incidens est capax formidinis: ergo semper repugnat cū cognitiōne certa & euidēti & incapaci formidinis, sicut fere repugnāt negatiō & forma. Verū hęc res non est accipiēda cū tanto rigore: quasi ēt oīno implicare contradictiōnē, opinionē existere cū sciētia. Est saltē de potentia Dei possent hi duo actus consistere simul. Nam opinio dicitur sibi se incerta & incidens, id est nō habens illā certitudinē & euidētiā, quā est de ratione sciētiā. Vnde non repugnabit dari simul aliā notitiā certā & euidētiē. Itē opinio est ex parte sua capax formidinis: vnde non repugnabit dari simul aliā notitiā, quā impediāt omnē formidinem.

Quintō ergo probanda est concl. Quia dum intellectus per actū sciētiā, tā certō & euidēter cognoscit rei veritatē, nō videtur simul moueri posse ad aliū actū debilem, & ex conditione sua non firmū & certum, sed tantū probabilem: & dum trahitur eo motiū tā valido & efficacī, quo determinatur prorsus ad actum non videtur simul impelli posse alio motiū debili & infirmo. Quod pōt experientia confirmari: dū enim oculis cernimus aliquam rem, itemq. dum mente contemplamur veritatē alicuius principij per se noti, vt oē totū est maius sua parte: nullā vim apud nos habet, & nihil præterea operatur, aliqua probabilis ratio, vel aliquod alterius testimoniū, ad habēdum actum opinionis de eadem re.

Benē tñ fieri pōt, vt simul cognoscamus quānā & quāra probabilitas sit in tali ratione, credibilitas in tali testimonio. Hoc ipsū enim cognoscimus euidēter, & hoc est formaliter aliud obiectū ab illo quod cōsideratur in cognitiōe illa directā rei in se. Hoc autē est habere opinionem, seu probabilitatem in mente obiectiūe eo mō quo scēt. praced. dicebamus. Et hęc cognitio pōt optime stare simul cū sciētia rei. Et hoc fortasse voluit S. Tho. loc. allegatis pro 2. senten. tñ dicitur tñ quoad habitū opinionis fuisse loquutus. Imo eo loc. 3. par. sic rem declarauit: *Quia is qui cognoscit causam, ex hoc magis potest cognoscere signa probabilia, &c.*

Dico 2. Nec ēt potest vnus & idē actus elici ab intellectu in virtute mediij probabilis simul cum medio scientifico, & euidēti. Hęc conclusio sequitur ex pcedenti, prætērit ex ratione, quā illam probauimus. Ea enim ratio probat, stante euidētia rei, vel per se, vel per mediū demonstratiuum, non posse simul motiū probabile quicquā mouere intellectū, vel ad distinctū, vel ad eundem actum. Et experientia hanc etiam partem ostendit. Qui enim aspicit lucem in aere, qui contemplatur omne totum est maius sua parte, nihil prorsus mouetur ex testimonio alicuius idem asserentis, aliōtē simili motiū probabilis: sed ita elicit assensū certū firmum & euidētem de re proposita, ac si nullum aliud motiū cogitaret. Nec sanē mediā probabilitā posuit corroborare magis ipsam sciētiā, vt aliqui dicunt

Pōt actus cognoscēti probabilitatis mediij opinatiui simul cū actū sciētiā.

Nō potest idē actus elici ex medio opinatiui qd sciētiā.

quasi faciant ut firmitior & certior euadat per consortium probabilium mediorum. Nam si ex hoc medio erat verè scientia, erat tam firma & certa, ut non possit maiorem soliditatem ex quocunque probabili motiuo desumere. Nec bene ait Fons. habitum opinionis, & si non inclinet ad certitudinem aut euentiam, inclinare tamen assensum ut assensus ipse scientiæ procliuus habeatur. Nam proposui & bene percipio medio demonstratio cum euentia rei, adeò procliuus, imo determinatus est intellectus ad assensum: ut non appareat quomodo possit simul per habitum opinionis & medium probabile tantò debilius. procliuus inclinari.

*Nisi quis
non bene
percipiat
vim me-
diij demon-
stratiui.*

Bene tñ fieri pòt, & sæpè ita còtingit, ut aliquis non tñ bene percipiat vim mediij demonstratiui, nec assequatur oimodà euentiã rei, quã perfectã scientia requirit, ut ind. cavit Ar. 2. Met. tex. 15. & sect. 18. Probl. q. 3. Et tunc apud talem intellectum nò parum valebunt alia media probabilia, siue ex auctoritate sapientum, siue ex alijs rationibus, quæ aggregari possunt. Patemur enim ad eundem assensum intellectus posse simul concurrere, plura media còsimilia. Possunt etiam iuuare media probabilia per modũ dispositionis, ut melius tandem percipiat vis mediij demonstratiui. Ac demum etiam quando habetur scientia conclusionis, non inutile est scire etiam quænam media probabilia, quæ sapientum auctoritas, eidem veritati consonent. Et idè non immeritò obseruatum videmus, ut frequenter ad eandem conclusionẽ comprobandã plura media tum ex auctoritatibus, tum ex rationibus congerantur.

*Potest tñ
aſſentiri,
quàm ha-
bitus opi-
nionis da-
ri simul
cum habi-
tu scientiæ.*

Dico tertio. Potest habitus opinionis inueniri simul cum habitu scientiæ; itemque actus opinionis cum habitu scientiæ, & habitus opinionis cum actu scientiæ de eadem conclusione. Probatũr faciliè primò, quia multò facilius possunt simul inueniri diuersi habitus, aut actus cum habitibus, quàm ipsi actus inter se. Habitibus enim accedit magis ad rationem, potentiam. Potest autem simul extare potentia ad contrarios actus; item vnus actus cum potentia ad oppositum; Vnde etiam habitus directè contrarij possunt existere simul saltem in gradibus remissis, & sic vnus actus cum alio habitu

contrario, ut nunc supponimus. Multò autem facilius poterunt extare simul, quando non sunt directè contrarij.

Secundò itaque. Si sumatur opinio in eo sensu ex parte obiecti, qua iudicatur obiectum posse aliter se habere: sic sanè habitus scientiæ & opinionis sunt directè contrarij, nec poterunt esse simul nisi ad instar aliorum habituum contrariorum. Si autem sumatur opinio ex parte subiecti pro cognitione probabili eiusdem veritatis. Sic absolurè poterit consistere perfectus habitus opinionis, cum actu & habitu scientiæ, ac similiter actus opinionis cum habitu scientiæ. Neque circa habitus militat illa ratio quæ circa ipsos actus inter se.

Tertiò, declaratur magis quò possit faciliè contingere huiusmodi coniunctio. Potest quis prius habere habitũ opinionis, postea assequi medium demonstratiuum eiusdem conclusionis. tunc eliciendo actum & acquirendo habitum scientiæ, viique non statim in se destruit habitum illum opinionis, quo per mediũ probabilia eandem veram conclusionem nouerat. Si verò quis prius & ab initio supponatur habere habitum scientiæ: tunc sanè poterunt adhuc illi occurrere alia media probabilia eiusdem conclusionis. Sed tamen si incidente tali cogitatione, statim ex vi illius habitus scientifici perscipiat euidenter obiectum: tunc non simul eliciet actum probabilem. Tamen fieri poterit, ut non semper & statim illi subeat recordatio mediij demonstratiui: & tunc bene poterit elicere actum probabilem opinionis, & consequenter acquirere habitum. Hoc explicauit Fonseca dicendo, posse dari in intellectu simul actum opinionis cum habitu scientiæ existente per modum potentie, idest non prodeunte in actum secundum: non tamen cum habitu existente per modum habitus, idest cum prompta & expedita recordatione mediij demonstratiui.

Ceterum huic conclusioni non repugnat Aristot. dum negat posse dari simul opinionem cum scientia. Debet enim iuxta alias conclusiones intelligi. Et similiter si quæ alia argumenta pro sententijs initio relaxis possent afferri, debent iuxta distinctas conclusiones positas dissolui, aut etiam possunt ad illas confirmari.

*Vel si
prius sup-
ponatur,
vel si pos-
sint a duobus
habitu.*

firmandas acceptari. Plura autem de re consimili addenda erunt secunda secunda in materia de fide, vbi videbimus quatenus fides & scientia possint esse simul: & coherenter discurrendo, hæc tota doctrina abundantius confirmata, manebit.

SECTIO QVINTA.

De Syllogismo opinatiuo.

Syllogismus opinatiuus, dicitur dialecticus.

Syllogismus opinatiuum dicimus quo per discursum gignitur opinio. Arist. 1. Topic. cap. 1. Dialecticum appellat. Vnde & hæc pars Logica, quæ libris Topicis continetur, specialiter Dialectica appellatur. Alia autem ampliori significatione hoc nomen est toti Logica commune. Sed appropriatur huic parti, quia in rebus maxime incertis, & opinabilibus, copiose possumus disputare, & in vtranque partem disserere: vt ab initio Logica prænotauimus. Vnde dialecticus syllogismus dicitur, quasi dissertiuus & disputatiuus.

Syllogismus dialecticus definitur.

Dialecticum syllogismum definit Arist. *Est qui ex probabilibus colligitur.* Clarius dici potest, qui ex antecedenti probabiliter inter conclusionem probabilem. Intendit autem per hanc definitionem Aristot. distinguere syllogismum dialecticum non solum a demonstratione, quæ procedit ex præmissis certis & euidentibus: sed etiam à syllogismo sophistico & apparenti, qui vel deficit in forma, vel procedit ex ijs quæ videntur & apparent probabiliter, reuera autem non sunt probabiliter. Sed de distinctione syllogismi opinatiui a demonstratiuo, satis iam patet ex dictis modo de opinione, suppositis alijs quæ dicta erant de scientia, & demonstratione. De distinctione autem à syllogismo sophistico agemus sectione sequenti.

Construuntur ex problemate, propositione & prædicato dialectici.

Deinde ad constructionem syllogismi dialectici Arist. c. 3. assignat problema, propositionem, & prædicatum. Problema dialecticum est questio & interrogatio de vtraque parte contradictionis: vt V. cælum sit incorruptibile, an non: V. animal gressibile bipes sit definitio hominis an non. Et similiter si fiat interrogatio de

vtraque parte contrarietatis: vt V. aer sit ex natura sua calidus, an frigidus. Propositio dialectica in hac assignatione nõ sumitur sicut alias sumi solet pro enunciatione, aut pro præmissa syllogismi. Sed propositio est questio, seu interrogatio de vna tantum parte problematis, vt an cælum sit incorruptibile, & sic in alijs exemplis. Itaque propositio non est aliud quam vna pars problematis; & non aliter ab illo differt, nisi sicut pars à toto. li. 1. Prior. c. 1. Arist. designauit propositionem dialecticam, & à demonstratione distinxit: non tamen ibi distinxit problema & propositionem. Prædicatum dialecticum est illud, quod queritur & interrogatur de subiecto in ipsa questu: vt incorruptibile, est prædicatum in illa questu, an cælum sit incorruptibile, & sic de alijs. Hinc docet Arist. totidem esse genera problematum propositionum & prædicatorum. Patet autem hæc non assignari tanquam partes intrinsecas syllogismi, sed potius antecedentem ad syllogismum: vt ad resoluendum ipsum problema, in quo propositio, & prædicatum per modum questus, includitur, conemur argumenta inuenire, & syllogismos conficere.

Pergit deinde explicare quoniam hæc genera sint, quorū sunt dialectica prædicata. Et docet esse quatuor, Terminū, id est, Definitionem, Genus, Proprium, & Accidens. Definitionem explicat orationem significantem essentiam, & quidditatem rei. Similiter alia tria explicat eo modo, quo iam in Tract. Prædic. cum Porph. explicauimus. Ex hoc enim præcipue Arist. loco, Porph. definitionem illorum prædicabiliū recepit.

Quatuor sunt dialectica problemata, & prædicata.

Aliqui verò explicant, ita debere intelligi hæc quatuor prædicata, & problemata ex ijs constructa; vt expressè queratur modus prædicati, tunc sit problema, generis, quando expressè queritur, an hoc prædicatum sit genus illius subiecti, an animal sit genus hominis. Similiter an animal rationale sit definitio hominis, an risibile sit propriū hominis. Sed quia possumus etiam absolute querere prædicatum sine modo: an homo sit animal, &c. dicitur hæc omnia esse problemata accidentis: hoc enim prædicatum esse dicunt, cum quando expressè queritur, an hoc sit accidens illius subiecti: cum quandoque absolute queritur sine modo, an hoc prædicatum queratur

Prior explicatio quonundam.

subiecto, ita sensit Ruinus in Topicis numer. 8. & 9. Foulca autem lib. 7. instit. cap. 8. propter hoc distinguit duplicem acceptionem accidentis. Colligitur hoc totum ex ipso Arist. 7. topic. cap. 1. loc. 37 & 38. ait enim in alijs quidem non solum inesse, sed & quantum sic inest, ostendendum: in accidente vero quantum inest duntaxat, sufficit ostendere. ex quo probat: facilius esse constituere & probare accides, quam alia prædicata: & infert difficilius esse destruere accidens quam alia prædicata. quia de accidente oportet probare, quod non inest: de alio autem satis est probare, vel quod non infunt, vel quod non tali modo infunt.

Resolvitur

Hic tamen dicendi modus, & hæc ipsa doctrina Arist. difficilis est. Perendum est enim quando inter quatuor prædicata vnum ponitur ipsum accidens: quomodo intelligatur accides? Arist. quidē ipse definiuit & explicavit, quod non est definitio, aut genus, aut propriū. Item quod contingit eidē inesse & non inesse. Quando ergo postea dicuntur omnia prædicata quæ quaruntur sine modo, spectare ad prædicatū & problema accidentis: non potest sumi accides illo modo definitū & explicatū. Nam animal, animal rationale, & sic de similibus, non contingit eidē inesse & non inesse: non est neque genus neque definitio. Imo si sumatur accides illo modo: ut probetur aliquod esse accidens rei, ita debet probari, non esse genus & posse inesse & non inesse eidē: sicut vt probetur animal esse genus, debet probari, prædicari essentialiter in quid, & sic de alijs. itaq; tā de accidenti, quam de alijs prædicatis, potest & debet probari, non solum quod inest, sed etiam quod tali modo inest. & pariter poterit destrui prædicatū accidentis, non solum probando quod non inest, sed etiā probando quod non inest tali modo, probando quod tale prædicatū sit genus &c. quod non contingat abesse in subiecto.

Vel ergo quādo dicitur illa prædicata absolute quæstia, spectare ad problema accidentis, sumitur accidens alio modo ab illo quo fuerat antea explicatū. Et tūc iam non erunt illa solum quatuor prædicata: sed addetur aliud genus, licet æquivoce appelletur eodē nomine accides sub alia significatione. Deinde oportebat assignare hanc aliam acceptionem & signifi-

cationem accidentis. Et dici debet, accidens in hac alia significatione esse, quodcunque prædicatū, quod dicitur de re sine modo. At hic modus loquendi erit alienissimus tam a cōmuni & consuetō altorum omnium, tum ipsius Arist. in oibus alijs locis loquēdi more. sic n. dicere oportebit has prædicationes, homo est animal, est animal rationale, & substantia, esse prædicationes accidentis, & in forma problematis & interrogationis esse quæstiones accidentis. quod est prorsus absurdum.

Aliqui contra explicant, tunc exerceri singula illa prædicata & problemata, quando absolute prædicatū quæritur de subiecto. Si queritur an homo sit animal esse problema generis: si animal sit animal rationale, esse definitionis: & sic de omnibus rebus. quando autem queritur modus prædicati: potius esse problema accidentis, quia quod animal sit genus, est illi accidens, similiter quod animal rationale sit definitio: hæc enim sunt denominationes rationis & secundæ intentiones.

Altera explicatio aliorum.

Verū hoc, licet de re ipsa dici & saluari possit: quia reuera dum queritur nū animal sit genus hominis, animal est subiectum, genus est prædicatū. & quodcunque prædicatū affirmatur de re si non est illi essentialē, est accidentale: tamen hic dicendi modus planē est a mente Arist. alienus. Patet tum ex verbis illis 7. topic. tum quia expressē lib. 1. cap. 3. volens distinguere problemata per prædicata vt distincta ex p̄la assert, num animal gressibile bipes, sit definitio hominis, & num animal sit genus hominis: utiq; supponēs, vni ex his esse problema definitionis aliud generis. Tum deinceps in progressu operis, dum loca argumentorum assignat ad varia prædicata antea distincta docet quomodo discernendum sit, an prædicatū sit genus subiecti, an sit definitio, &c.

Etiā vt soluitur.

Dicendum ergo est illa prædicata & problemata sic esse intelligenda, vt de ijs singulis quæri possit, tum an absolute conveniant subiecto, tum etiam quonā modo conveniant: an homo sit animal, & num animal sit genus hominis: & tunc quidem completē quæri & exactē disputari, cum non solum queritur an præ-

Vera explicatio.

dicatum in sit subiecto, sed & modus quo in sit. Atque adeo quando tantum queritur an predicatum in sit subiecto, tunc disputationem manere ex parte suspensam, donec vltius queratur, quomodo in sit, an sit genus, vel an sit definitio, vel an sit proprium, & sic etiam an sit accidens. Tum enim de hoc predicatum quam de alijs querendus est modus. Et ita cetero loca argumentorum, quæ in hoc opere assignantur, deseruiunt tum ad inquirendum, an prædicata conueniant rebus, tum ad inquirendum modum quo conueniant.

Eo autem loco 7. topic. dici debet, Ar. loquutus, veluti per diminutionem: quia scilicet infimus modus essendi prædicari in subiecto, est modus accidentis: quandoque probatum fuerit prædicatum inesse subiecto, probatum manet ad minus inesse tanquam accidens, & non oportet probare non esse aliquid minus accidentis: de alijs autem prædicatis oportet aliquid plus & maius probare, cum solum probatum fuerit, inesse subiecto, non per hoc probatum remanet, non esse aliquid minus, definitione genere, aut proprio. Sic facilius est construere accidens, id est prædicatum, saltem esse accidens, siue non esse quid minus accidentis. Et difficilius est destruere accidens, id est probare esse minus accidentis, quia oportet probare prius non conuenire subiecto.

Maior difficultas est de sufficientia illius diuisionis. Præsentim quia saltem tot debent esse prædicata, quot sunt prædicabilia, quæ sunt quinque. Imo cum hic addatur definitio, quæ non erat distinctum prædicabile à cæteris, effici debent sex prædicata, addendo per differentiam & speciem. Et certe sicut dialectica differit de genere & definitione rerum: ita & de differentia ac specie, debetque suppeditare argumentorum loca ad de his omnibus differendum.

Respondent aliqui, non debuisse hæc duo prædicata addi: quia species infima proximè prædicatur de indiuiduis: de indiuiduis autem non datur scientia: neque de ijs fieri debent dialecticæ disputationes, sed tantum de subiectis communibus. Differentia autem prædicatur in quale: sed quæ querimus essentiam rei, debemus querere ea quæ prædicantur in quid: querimus .n.

quid sit res. Et ideo Ar. lib. 1. cap. 4. notauit, se assignasse genus prædicatum essentiale, quia per genus respondendum est ad interrogationem quid est.

Hæc tamen responsio non satisfacit, quia esto de indiuiduis non decur scientia in eorogore dicta, quæ per demonstrationem gignitur, de qua egit Ar. in lib. Posterior. tñ sine dubio debet concedi opinio, & potest de ijs dialecticè disputari. Atque possunt de indiuiduis prædicata accidentalia queri & inueniri: ergo non minus prædicata essentialia, atque adeo species potest de indiuiduis inquiri. Item quando interrogatur de essentia rei, non tantum queritur illud prædicatum, quod dicitur in quid per modum termini substantiu: sed omne prædicatum essentiale.

Dicendum ergo est etiã differentiam & speciem debere inter prædicata dialectica includi: Et ideo ut diuisio illa quatuor prædicatorum sit sufficiens & adequata debent definitio & genus ita amplè explicari, ut etiam differentiam & speciem complectatur. Et quidem Ar. ipse cap. 3. notauit, differentiam cum sit generis, esse cum genere ordinandã. Et c. 7. rursum simul cum genere differentiam coniungit. Deinde li. 4. vbi tradit loca ad inquirendum genus rerum, tradit etiam ad inquirendam speciem.

Itaque diuisio sic adequatè explicanda est. Prædicatum vel est essentiale subiecto, vel est extra essentiam. Essentiale vel est proprium & conuertibile: & huiusmodi est definitio & pariter differentia specifica & vltima rei. Vel est magis amplum & comune: & huiusmodi est genus, ac pariter differentia non vltima & generalis, atque etiã species respectu singularium. Similiter prædicatum extra essentiam vel est proprium & peculiare subiecto: & hoc absolute dicitur proprium. Vel est comune: & hoc absolute dicitur accidentis. Siue prius diuidatur prædicatum, in proprium & comune. Deinde utrumque subdividatur, in essentiale & extra essentiam. Hoc modo diuidit & explicat ipse Arist. cap. 7. sic planè efficitur diuisio adequata. Designauit autem Arist. pro prædicato essentiali commune ipsum genus: quia differentia generalis, quantum ad inuentionem & disputationem dialecticam eodem modo se habet cum genere: & ex iisdem locis sua arg. sortitur. Et in hoc supponere

Refellitur

*Nota vñ
sufficiens sic
assignatur*

*Quo en
diuisio sit
sufficiens
et adequata.*

*Quoridã
explicatio*

videtur Arist. differentias rerum esse generales & magis amplas; de qua re egimus suo loco de vniuersalibus. Si autem adducatur differentia specialis & propria, reducitur optime ad definitionem, quia se habet vt definitio, indicans totam essentiam rei. Quia demum frequentius & vtilius disputatur de speciebus siue subiectis communibus, inquirendo prædicata generalia, quam de indiuiduis inquirendo prædicata specifica; ideo non curauit distinctè in prima assignatione præter genus speciem nominare, sed reliquit ad ipsum genus speciem reducendam. Denum sub genere debet etiam hic intelligi prædicata transcendentia, & quæcunque sunt essentialia rebus, tanquam gradus communis: etiam si aliquo d. cantur analogæ.

*Ex problema
matè sit
conclusio
syllogismi*

Ceterùm in problemate dialectico includuntur duo extrema, ex quibus debet confici syllogismus, & inibi continetur per modum interrogationis conclusio, quæ inferenda est per modum enunciationis. Itaq. resolutio problematis vel affirmatiua, vel negatiua debet esse conclusio syllogismi. Vt si problema erat, an cælum sit incorruptibile, vel non: conclusio, erit cælum est incorruptibile, aut cælum non est incorruptibile.

*Ex medio
sunt præmissæ
& inferuntur
conclusio.*

Superest modo assignare mediū, quod præcipue querendum est, ex quo simul cū illis extremis conficiantur præmissæ syllogismi, vt ex ijs præmissis conclusio inferatur. Ad inquirendū ergo & inueniendū mediū, assignantur ea, quæ dicuntur loca, & sunt quasi sedes quædā & promptuaria, ex quibus argumenta sumantur; soletq. ipsum mediū vocari argumentum. In his etiā locis reponuntur quædam quæ dicuntur maximæ, deferentes ad confirmandum intentum, & sunt quædā principia generalia vera & nota. Videlicet si vtamur pro media definitione aliqua, aut genere, aliouè prædicato essentiali: deferuntur hæc principia: quicquid continetur definitioni, aut generi, aut cuius prædicato essentiali, coheret definitio, aut speciebus, aut cuius subiecto participantiale prædicatiōe contra quod non conuenit definitioni, non conuenit definitio: & alia huiusmodi.

*Loca, ex
quibus
media de*

Hæc loca dialectica solent magnum in numerum multiplicari. Et variis modis solent distingui & ordinari. Aliquod

plura, alii pauciora designant. Agit de his latissime Arist. in his libris Topicis, & prolixè etiam aliqui Interpretes, præcipue Alexan. & Auer. Cicero etiā in sua Topica, ferè tamen tota ex Arist. depropra, vt ipse in principio saterur, & Boet. in suis comm. in ead. Top. Aliqua etiam recentiores præcipue Fons. lib. 7. Instit. Dialect. Tolet. lib. 5. Introduct. Rodolphus Agricola libris tribus de Inuent. dialect. Ludou. Carb. lib. 5. de Oratoria & Dialect. Inuen. & præsertim Rectores solent hanc tractationem larè prosequi ad præbendam copiam dicendi.

*promun-
tur.*

Sed necesse non est in hac re prolixius immorari. Nam ferè quæcunque hic congeri possent, satis ex antea dictis in tota Logica colliguntur. Hæc enim argumentorum loca, ferè omnia communia sunt ad omnem discursum: & tam possunt deferuire ad demonstrationes, quam ad probabiles syllogismos, vt indicat ipse Arist. hic lib. 8. cap. 1. Et iā de Demonstr. tractando tradita sunt media, ex quibus demonstrationes confici debent.

*Remis di
stinctio es
assignatio
locorum.*

Breuitè ergo possunt simili modo loca & media dialectica designari, cum discrimen solum sit penes certitudinem & probabilitatem. Itaq. alia media sunt essentialia extremis: alia quæ le habent per modum causæ: alia quæ per modum effectus: alia quæ per modum concomitantium. Essentialia sunt, integra definitio, aut singula prædicata, & genus & differentia: itemq. species respectu indiuiduorum: item partes physica materia & forma, & partes integrantes, & ipsum totum quatenus ex iis compactum.

Per modum causæ tot sunt, quot sunt causæ: unum genera, intelligendo illas causas quæ non sunt essentialis rebus, de quibus agitur: nè coincident cum mediis essentialibus modo assignatis. Adhuc autem inter hæc causas copari possunt, non solum efficiens & finalis, materialis, & formalis, non quidem respectu copositi quod constituitur, cui vique sunt essentialis, sed etiam materialis respectu formæ, quam recipit, & formalis respectu subiecti, quod afficit. Totidem etiam loca & media per modum effectus, quando ex effectibus proceditur ad causam, constituenda sunt.

Per modum concomitantium se habent, alia

alia, quæ nec sunt essentialia, nec sunt causæ vel effectus. Et rursus sunt in duplici differentia. Alia se habent per modum conuenientiæ & affinitatis. Et hæc sunt loca similiū parium, aliorumque relationum. Itē eorum quæ in eodē subiecto coniunguntur, aut ab alia comuni causā procedunt, aliamuē connexionem & communicationem inter se habent. Ad hoc ē genus spectat locus humanæ auctoritatis, & testimonij, quo fides humana nititur. Et de quo Arist. 1. Moral. Eudem. cap. 3. *Potentissimum verò est in omni probatione, confisum omnibus testimonij propositis firmare posse.* Alia se habent per modum disconuenientiæ & repugnantie. Et hæc sunt loca contrariorum, & aliorum oppositorum, aut quæcunque sibi repugnant quando ex vno duci potest argumentum ad aliud, si non affirmatiue, saltem negatiue.

In his autem omnibus locis suæ maximæ continentur, quæ indicant quanta vis sit in singulis argumentis, & sanè multum iuuant & dirigunt intellectum ad recte discurrendum, & veritatem inueniendam. Verum maxima ex parte tradita iam sunt in alijs Logicæ tractatibus de Instrumentis directiuis, de Vniuersalibus, de Prædicamentis: ideòq. illi tractatus præmissi sunt communem directionem nostræ cognitiones exhibētes, singulis postea actibus iuxta vniuscuiusque exigentiam applicandam.

SECTIO SEXTA.

De Discursu & Syllogismo apparenti.

Discursus, & Syllogismus apparens, hic intelligitur, qui ita apparet, vt non sit sicut apparet. Itaque apparentia sumitur negatiue seu exclusiue, negando & excludendo id quod apparet. Alioqui etiam syllogismus demonstratiuus & dialecticus apparet quidem: sed est sicut apparet. Sic de syllogismo sophistico, ait optimè Arist. 1. Elench. cap. 1. *Apparens, atque non existens.*

Duobus autem modis hæc fallax apparentia in syllogismo contingere potest ex Arist. 1. Top. c. 1. & 1. Elench. c. 1. Vno modo si syllogismus appareat in bona forma

constructus: reuera autem peccet in forma: vt si sit in secunda figura ex ambabus affirmatiuis: si in prima figura sit ex aliqua præmissa particulari negatiua, si constet quatuor terminis, alioque formæ defectu vitietur. Secundo modo si syllogismus appareat procedere ex præmissis veris, seu probabilibus, reuera autem procedat ex aliqua præmissa falsa, seu improbabili. Addi potest tertius modus non quidem conditinctus, sed per connexionē vtriusque, si simul ex vtraque parte formæ materiæque deficiat. Et sapè fallax syllogismus est ita dispositus: quod si in quodā sensu eius præmissæ sumantur, defectus sit in forma, & præmissæ sint veræ. Si autem in alio quodam sensu sumantur præmissæ, defectus sit in materia, quia præmissæ sunt falsæ, forma autem bona sit.

De Syllogismo apparenti, ac deficienti ex parte formæ docet Arist. vtroque loco cit. non esse verè syllogismum, quia verè non habet formam essentialē syllogismi atq. adeò dici apparentē syllogismum, quia apparet quidem, sed non est syllogismus. Sicut statum est argentiū apparens, sed verè non est argentiū. & sic alia similia, quæ dicuntur apparentia. Probat quia syllogismus definitus est, ex quo quibuscūq. positis, necesse est aliquid aliud, id est positis præmissis, necesse est conclusionem inferri. Sed deficientē forma syllogistica, non necesse sequitur conclusio ex præmissis, imò potest & debet negari conclusio: ergo syllogismus deficiens ex parte formæ, non est verè syllogismus.

In contrarium esse videtur, quod diximus & probauimus q. 2. s. sect. 4. discursum prauum esse verè discursum, & habere rationem essentialē discursus, dariq. in mente talem discursum: ergo & syllogismus vitiosus in forma, per quem fit talis discursus, est verè & essentialiter syllogismus. Talis autē discursus diceretur apparens, nō quia appareat discursus & nō sit discursus: sed quia apparet rectus, & non est rectus: dñ is, qui prauè discurrit, putat se ritè discurrere, sed nō ritè discurrit.

Propter hoc putandū nō est Arist. voluisse negare, dari posse in mente discursum prauū, eumq. habere rationē essentialē discursus, id est tertie operationis differentiæ à simplici iudicio & secunda operatione: atq. adeò syllogismum, si syllogismus

materiæ contingit vitium in discursu & syllogismo.

An sub vitiosa forma est syllogismus, & discursus.

Vel ex parte formæ, vel ex parte materiæ.

gismus sumatur pro quacunque illone cõcl. ex duabus præmissis. Distinguedũ ergo est dupliciter posse accipi syllogismũ: vno modo prædictæ definitione illa Ar. in quo necesse est inferri conclusio ex præmissis, sic sine bona forma non est syllogismus; sed tamen esse potest discursus sine syllogismo, idest sine bona forma. Alio modo potest sumi syllogismus magis amplè pro quacunque illatione quæ reip̃a fit ab intellectu ex præmissis, licet fiat ex præmissis, ex quibus non deberet fieri, & ex quibus non necessariò debet inferri conclusio. Et sic syllogismus vitiosus in forma, est syllogismus, idest est illatio quædam, quæ exercetur ab intellectu, conclusionis ex præmissis. Si autem hæc acceptio syllogismi non placeat, absolute dicatur, dari posse discursum sine syllogismo; & discursum vitiosum esse verè discursum; & non esse per syllogismum.

De Syllogismo apparenti, ac deficienti ex parte solius materiæ, docet Arist. esse essentialiter syllogismum; quia scilicet habet veram & legitimam formam syllogismi, & ex præmissis, necessariò conclusionem adducit. Putandum tamen non est huiusmodi syllogismum, siue discursum in mente ex parte actuum exerceri; nisi dum intellectus re ipsa præbet assensum toti antecedenti, & ex huius vi etiã consequenti, putans omnia esse vera, & nullius præmissæ perspicies falsitatem. Alioqui syllogismus exerceri quidem poterit in voce, non autem subierit in mente discursus; sed ad summum per actum simplicis iudicii, & non inferendo inspiciet intellectus bonitatem illationis insitam formæ syllogisticæ. Ita patet ex dictis antea de discursu in communi.

Rursus pluribus modis potest esse syllogismus apparens, & in re fallax ex parte materiæ. Primò si præmissæ appareant veræ, ac reipsa sint falsæ. At non hæc apparentia constituit syllogismũ sophisticũ, & vitiosum à dialectico condistinctum. Quinimo syllogismus ipse dialecticus, cũ procedat ex probabilibus semper vitique procedit ex ijs quæ apparent vera, nec sunt semper vera; non enim quicquid probabile est, verum est.

Secundo modo syllogismus est apparens, & à dialectico condistinctus, si præmissæ appareant probabiles, & reipsa

non sic probabiles. Probabile enim est, nõ quicquid cuiusvis videtur: sed sicut Arist. definiuit, quod videtur omnibus, aut oibus sapientibus, aut plurimis sapientibus, aut quibusdã egregijs & probis. Alqua autem sunt, quæ apud sapientes quidem sunt evidenter falsa, aut cõl eorum existimatione censentur falsa: quibusdã tamen rudibus, & imperitis videntur vera. Et hæc apud sapientes dicuntur improbabilia. Si v.g. à rudibus & idiotis Sol puretur exiguæ magnitudinis, Altra puretur figuræ planæ, aut si alicui dicatur, quicquid nõ amissit possides, & ille statim leuiter assentiat. Syllogismus ergo dialecticus constat ex ijs, quæ verè sũt probabilia, vt explicatũ est. Ex præmissis aut, q̃ sũt tñ apparenter probabiles cõstituit syllogismus sophist. & vitiosus hoc modo ex parte materiæ.

Tertio modo syllogismus est apparens & vitiosus, si procedat ex præmissis, quæ appareant necessariæ, ac demonstratiuæ; reipsa autem sint euidenter falsæ & impossibiles; vt si quis ita discurrat, omnes lineæ ductæ ab eodem puncto ad idẽ punctum sunt æquales, sed hæ lineæ (signando diametrum circuli & semicirculi) sunt ductæ ab eodem puncto ad idẽ punctum; ergo sunt æquales. Item si quis dicat, omnes semicirculi sũt æquales, sed hi sunt semicirculi (signando vnum ex circulo maiori, & alterum ex minori) ergo sunt æquales. Huiusmodi syllogismus Arist. 1. Top. cap. 1. proprio nomine appellat Paralogismũ præsertim dum procedit ex principiis proprijs alicuius scientiæ male acceptis, vt in exemplis positis, principia propria Geometriæ & vera, sunt, omnes lineæ rectæ ductæ ab eodẽ ad idẽ punctum, omnes semicirculi eiusdẽ circuli sunt æquales. At in illis paralogismis malè accipiuntur sine debitis conditionibus; vt patet. Hoc genus vitiosus syllogismi per se & directè opponitur demonstrati, vt patet. Arist. autem hoc assignat tanquam nouum genus syllogismi, cõdistinctum à sophistico & litigioso; quia hunc accipit specialiter pro illo, qui procedit ex apparenter probabilibus, & qui directè opponitur syllogismo dialectico. Amplè tñ & adæquate syllogismus sophisticus & apparens tum potest pro omni syllogismo vitioso, ita vt vtunque hoc genus complectamur,

Assignat

tur probabilis & non est

Alio modo, quando videtur demonstratiuus, & nõ est.

An in materia falsa saluetur essentia discursus & syllogismi.

Syllogismus vno modo est apparens, quando videtur verus & non est.

Alio modo, quando videtur

Sect. VI. De Discursu & Syllogismo apparenti. 669

*Circa qua-
mam ver-
setur so-
phistica
disputa-
tio.*

Assignat deinde Arist. 1. Elench. cap. 3. circa quod versetur sophistica argumen-
ta, idest, quos fines intendat, & ad quæ
inconuenientia sophistæ trahere soleant
respondentes. Et assignat quinque. Pri-
mò vt respondens dicat aliquid repugnans
ijs quæ antea dixerit, aut concedendo
quod negauerat, aut negando quod con-
cesserat. 2. vt dicat aliquid apertè falsum.
3. vt dicat aliquid inopinabile, siue præ-
ter communem sensum sapientum, aut eo-
rum qui de disputatione iudicium ferre
debent. 4. vt erret in modo loquendi, &
solcicismum cõmitat. 5. vt nugatoriè, &
otiosè idem sæpius repetat.

*Loca ex
quibus
fallacia
argumen-
ta sumun-
tur.*

Pergit deinde assignare loca, & dete-
gere insidias, ex quibus fallacia argu-
menta promuntur. Et eodem cap. 3. di-
stinguit duo locorum genera. Primum
consistit in fallacia verborum. Secundum
in fallacia rerum. Propterea priora vocat
loca fallaciæ dictionis. Posteriora
vocat extra dictionem. In primo genere
sex loca distinguit, equiuocationis, Am-
phibologiæ, Compositionis, Diuisionis,
Accentus, & Figure dictionis. In secun-
do genere septem loca distinguit, Acci-
dentis, eius quod dicitur simpliciter aut
secundum quid, Ignorationis elenchi,
Peritionis principij, Consequentis, Non
causæ vt causæ, & Plurium interrogatio-
num tamquam vnus. Hæc omnia falla-
ciarum loca Arist. ipse explicat, & sin-
gularum exempla ponit libro primo, &
libro secundo prosequitur modum & ar-
tem illas euadendi & dissoluendi.

*Alia sunt
ex parte
formæ,
alia ex
parte ma-
teriei.*

Verum pro hac re abundè sufficiunt,
quæ tradidimus in Institut. de syllogis-
mis consiciendis. Considerandæ enim
sunt regulæ ibi traditæ, & obseruandæ.
Indeqne notissimum est, quot & qui defe-
ctus in syllogismis committi possint. Et
quia dictum est, syllogismum posse desi-
cere, vel ex parte formæ, vel ex parte
materiæ: tot sanè defectus possunt com-
mitti ex parte formæ, quot modis potest
confici, seu potius fingi syllogismus præ-
ter regulas figurarum ibi præscriptas, &
quot modi inutiles & inepti possunt con-
fici in ipsis figuris. Et omnia hæc possent
distingui, tamquam loca ex quibus argu-
menta fallacia & vitiofa deduci possint.
Item ex parte materiæ tot defectus com-
mitti possunt, quot modis possunt proferri

præmissæ, latenter occultando falsitatem
earum, & simulando veritatem. Arque
huc etiam possunt sua loca distingui. Sed
nò oportet hæc omnia distinctè prosequi.
Satis est, respondentem monitum esse, vt
diligenter inspicat, tum formam argu-
mentorum, tum sensum præmissarum, vt
probè discernat illarum bonitatem, &
propositionum veritatem.

Loca autem illa quæ Arist. designauit,
non omnia versantur præcisè circa syllo-
gismos: sed aliqua cõcernunt quasdam alias
insidias sophistarum, vt capiant & confun-
dant respondentem. Nec erit inuילו illa
breuiter enarrare: sicut nec est necessa-
rium prolixius prosequi. Loca primi
generis serè omnia consistunt in vocabulo-
rum abusu propter varietatem significa-
tionis. Et ex illis tales syllogismi consi-
ciuntur; vt si propositiones in vno aliquo
sensu sumantur, falsæ sint, & ita syllogis-
mi peccent in materia; si in alio quodam
sensu sumantur, veræ quidem sint; tamen
in rigore contineant quatuor terminos, &
ita peccent in forma. Vnde in vno sensu
negandæ sint præmissæ, seu earum aliqua;
in alio neganda sit consequentia concess-
is præmissis.

Fallacia æquiuocationis est, cum vsur-
patur aliquis terminus æquiuocus, habens
plures significationes: vt omnis canis la-
trat: hic piscis est canis ergo latrat. Fal-
lacia amphibologiæ est, quando modus
loquendi, seu integra propositio potest
multiplicè reddere sensum: vt quod quis
videt intuetur, cælum quis videt; ergo
cælum intuetur: fallacia est, si cælum in-
tuetur in conclusione sumatur actiue.

Fallacia compositionis est, cum coniun-
gitur aliquis terminus cum conditione illi
repugnante: vt possibile est Petrum cur-
re & sed Petrus sedet; ergo possibile est
sedentem currere vbi si sensus sit, possit
componi cursum cum sessione, in quo sen-
su conclusio est falsa; non seruatur idem
sensus in conclusione qui in præmissis, &
ita sunt plures termini contra debitam for-
mam syllogismi. Fallacia diuisionis est,
quando aliqua modò sumuntur diuisim,
modò coniunctim: vt duo & tria, sunt nu-
meri par & impar; sed quinque sunt duo
& tria; ergo quinque est numerus par &
impar. Vbi etiam variatur sensus termi-
norum, & destruitur forma.

*Explica-
tur falla-
cia dictionis
ab
Arist. affi-
gnata.*

Fallacia

Fallacia accentus est, quando eadem vox per diuersos accentus, aut modos pronunciandi, habet plures sensus, & accipitur in syllogismo tanquam vna. Fallacia figuræ dictionis est, quando propter similitudinem vocabulorum inferitur, esse idem ea quæ non sunt idem, vel inferitur aliquod prædicatum de subiecto de quo non debet, vel aliter quàm debet: vt si quis inferat, valere, aut existere, esse actionem, quia dicitur sicut facere & agere: aut si quis inferat, ly Poeta & Musa esse eiusdem generis, quia vocabula sunt similia: aliouè simili modo.

*Explican-
tur falla-
cia extra
dictionē.*

In alijs locis secundi generis, fallacia accidentis est, quando quis ea omnia quæ tribuit prædicato, vult etiam tribuere subiecto, aut quæ agat prædicato, vult negare subiecto, aut è contras: & sumendo prædicatum aut subiectum in diuersis statibus: vt animal est genus; homo est animal; ergo est genus: vel homo est animal; animal non est species; ergo homo non est species; aliouè simili modo: vbi termini sumuntur in diuersis statibus, & non distribuuntur sicut oportet ad rectam syllogismi formam. Fallacia eius, quod simpliciter & secundum quid est, quando arguitur ex simpliciter ad secundum quid, vel è conuerso: vt Aethiops non est albus; ergo non est albus secundum dentes: vel est albus secundum dentes; ergo est albus. Vbi etià non seruatur debita forma.

Fallacia ignorationis Elenchi est, quādo probatur aliquid quasi contrarium conclusioni quæ sustinetur, quod tamen

non est contrarium; vt si quis probet Aethiopem esse album secundum dentes, contra illum, qui sustinebat Aethiopem esse nigrum. Vbi satis est explicare, vnā conclusionem non esse contrariam alteri, sed vtrunque esse veram. Fallacia petitionis principij est, quando occultè assumitur in antecedenti ipsa conclusio quam quis probare debebat: Talis syllogismus peccat in materia, assumendo quod apud respondentem falsum est, & ab illo negandum, imo negatum.

Fallacia consequentis est, quando quis ex eo quod aliquod consequens bene inferatur ex aliquo antecedenti, vult inferre oppositum ex opposito: vt si quis dicat, bene valet, est homo, ergo est animal; ita etiam valebit, non est homo, ergo non est animal: aut si quis inferat, si est homo est animal, ita etià si est animal est homo. Qui modus arguendi peccat in forma. Fallacia non causæ, vt causæ est, quando assumitur tanquam causa conclusionis aliquid quod verè non est causa; vt ex destructione conclusionis destruaturs causa. Et hic modus peccat in materia.

Fallacia demum plurium interrogationum vt vnus est, quando quis plura simul interrogat, quorum aliquid sit verum, aliquid falsum, & conatur vnā responsionem ab altero extorquere; vt vel affirmet tam falsum quàm verum, vel neget tam verum quàm falsum. Tunc facile est; partes questionis distinguere, & ad singulas appositis respondere.



QVÆSTIO TRIGESIMA.

De Ordine & Methodo.

Res cognoscendi, ac Scientias disponendi.

*Ratio hu-
ius tra-
ctionis.*

Vltimo tandē loco inter logicas tractationes Ordinem & Methodum attingimus, tanquam supremum quoddam totius directionis Logicæ complementum; tanquam commune quoddam decus omnem nostram cognitionem exornans; tanquam generale instrumentum, quo & actus nostri intellectus, & scientiæ omnes aptè ritèquē disponantur. Et quoniam ars sequitur naturam: inquiremus antea, quonam ordine naturalis ipse rationis instinctus in rerum cognitione procedat; & postea, quonam artificiali ordine debeant scientiæ omnes facultatesquē disponi.

Non solent vtique Logici Auctores specialem tractationem de ordine instituire. Aliqui tamen recentiores aliquid de illo attingunt. Plerique ad initium Physicæ, aut Metaphysicæ, solent aliquantum de illo disserere. Nec ex Aristotele, aut in Logica, aut in alijs operibus extat hac de re tractatus aliquis. Sed facillè constat, neque hanc tractationem fuisse penitus negligendam, neque ad aliam facultatem, magis quàm ad Logicam, cognitionis directricem, & reliquarum scientiarum ianuam, pertinere.

*Nominū
explica-
tio.*

Ordinis nomen interdum sumitur pro certo aliquo hominum gradu & statu, seu pro hominibus certi gradus: sæpè etiam pro quacunque relatione & respectu vnus rei ad aliam. At propriè significat aptam collocationem & dispositionem plurium rerum inter se secundum prius & posterius. Quæ ordinata dispositio, non in sola nostra cognitione, scientiarumquē textura, sed & in alijs operationibus, ac rebus communiter reperitur. Hic autem consideramus ordinem specialem in cognoscendo, atque ad eò in scientijs disponendis. Et quod dicimus de scientijs, accipi amplè potest de quibuscunque facultatibus intellectiuis, etiam si sint artes, aut in opinione, vel quacunque intellectuuali exercitatione consistant. Methodi nomen graecum est, & in rigore significat viam, artem, rationem sciendi, siue docendi, aut discendi, & dicendi; & ab Aristot. 1. Top. cap. 1. ita sumitur. Imo 1. Physic. tex. 1. pro omni scientia, & 1. de Anima tex. 4. & 5. pro omni instrumento sciendi. Sicut etiam sumpsit Damascen. cap. 1. suæ Physic. Vnde ex vna parte est quid pressius, quàm ordo adequatè sumptus. Nam propriè spectat ad intellectuales operationes, vel in cognoscendo, vel in dicendo. Ex alia parte in hoc ipso subiecto magis latè patet, quia non solum dicit ordinationem consistentem in collocatione & successione partium: sed adequatè dicit omnem artem & modum, omne instrumentum cognoscendi. Sed tamen præcipuè sumi solet pro ipso ordine nostris cognitionibus & scientijs adaptato.

SECTIO PRIMA.

*Quàm utilis & necessarius sit Or-
do ad rectam cognitionem
rerum & dispositionem
scientiarum.*

Vtilissimum & valde necessarium, esse ordinem ad rectam cognitionem rerum, & optimam scientiarum dispositionem, compertissimum sanè est

omnibus prudentibus & peritis. Potest què plurimis auctoritariis, exemplis & rationibus comprobari. Sed in re tam conspicua & explorata, pauca quædam asserre sufficiet.

Primò. Aristot. Philosophorum princeps, multis quidem suæ doctrinæ meritis, in omnibus philosophicis disciplinis omnibus antiquioris Philosophiæ parentibus, antecellit. Sed cerè inter omnes suæ laudis titulos quibus Philosophiæ palmam obtinuit, præcipuus est ordo, quem

*Arist. na-
turalium
scientia-
rum ordi-
nem ingi-
tuit.*

quem excogitavit & obseruavit, dum tam varias disciplinas, tot Philosophiæ partes, dispersas antea & confusas in certam Methodum reduxit, singulasquæ suis materijs præclare ordinavit, ac philosophiæ studiosis reliquit. Hac præcipuè de re Aristot. opera cum tanta veneratione & æstimatione à posterioribus suscipi, in scholis inuehi, totq. insignium virorum commentariis illustrari meruerunt. Hanc quidem laudem Platoni attribueret voluit Atticus Platonius apud Euseb. Cæsarian. lib. 11. de Præparat. Euang. cap. 1. dicens: *Platonem primum omnes Philosophiæ partes usque ad ætatem suam, sicut membra Pentæ, dissectas, atque confusas, in unum corpus atque animal integrum reduxisse.* Attamen viriulq. libros legenti & obseruanti, satis apertè constabit hanc laudè Aristot. prorsus deberi.

Magister
Sent. ordi-
næ Theo-
logiæ.

In litteris deinde Theologicis Magister Sententiarum hoc etiam nomine maxime eniuit, qui res sacras ex scripturæ fontibus haustas, ab Ecclesiæ Patribus auctas, controuersis cum hæreticis exortas, quæstiones desuper adinuertas in quatuor libros distinctè & ordinatè digessit: suæ de Christiana Republica optimè meritis, & iure Magistri nomen adeptus, tot Discipulis, quot Scholasticos, & Theologos viros egregios, quos deinceps, vel sequaces, vel imitatores habuit, longo ordine trahens.

Meliorem
instituit
S. Thom.

Super hunc Sanctus Thomas Theologorum princeps meritò appellandus, aduertens quantum sacræ Theologiæ ordo profici posset, quamuis iam plulquam semel res Theologicas, tum sequens ordinem Magistri, tum in aliis operibus cõscripserat: tamen hac præcipuè ratione nouum & eximium labore assumpsit, præclarum ordinem adinuenit, summâ Theologicam confecit: qua certè supra omnes alias lucubrationes, quas ediderat, tam eximiam laudem, tot sequaces, & præclarissimas commentationes consequutus est. Hanc rationem ipse in præmio eiusdem summæ exprimere voluit. In cæteris demùm Auctoribus & Scriptoris, insigne sanè sapientiæ officium & iudicium est, recto ordine progredi, & res omnes, quas considerat ordinari, dispositione contexere. Nam Sicut dicit Philosophus, Sapientis est ordinare: ut te-

statum reliquit Sanctus Thomas initio Ethicorum.

Secundò. In rebus naturalibus, artificialibus & moralibus, quam maxime enitere conspicitur ordo: ad earumquæ rectam constitutionem est prorsus necessarius ordo. In rebus naturalibus, bonum ipsius vniuersi consistit in ordine totius in se, & singularum partium inter se, ex Aristotele 12. Metaphysic. 52. Et est notissimum. Quid enim esset vniuersum sine ordine, nisi vniuersa confusio? Vel in quonam ratio vniuersi à Chaos illo, quod Philosophi aliqui ante hanc mundi constitutionem inuixerunt, & poëta per mixtionem omnium rerum descripserunt, nisi per elementorum & omnium partium ordinem aptè distinguitur? In singulis deinde vniuersi partibus, & naturæ operibus exactissimus ordo seruatur. *Nihil inordinatum est, eorum quæ natura & secundum naturam sunt. & natura ipsa omnibus est causa ordinis:* inquit Aristot. octauo Physic. 15. & præsertim in humanis corporibus ordo membrorum est, qui ipsa corpora aptè constituit: atque etiam in origine ipsa & generatione modo seruatur. *Membra nō sine ordine oriuntur, sed primum hoc, deinde illud: atque in hunc modum omnia quæ natura consistit disponuntur:* ait Aristot. 1. de Partibus Animal. c. 1. Similiter & in nostris naturalibus operationibus quârū valeat ordo expressit idem Aristot. sect. 19. Probl. 35. *Motus enim familiariter natura est, ordinatus, quàm inordinatus: itaque secundum naturam hic magis esse probatur. Argumentum, quod cum ordinatè & laboramus, & bibimus, & comedimus, naturam, viresquæ nostras, & seruamus & augemus. Contra inordinatè cum agimus, deprauamus naturam, atque de suo sensu dimouemus.*

In rebus
naturalibus
seruatur ordo.

In rebus deinde artificialibus, nulla re sanè magis quàm ordine ars sua opera perficit, aptè disponendo & collocando partes, vade varia opificia concinnè & elaboratè resulent. vnum exempli sufficit ex Xenoph. lib. 1. de Prædictis & Factis Socraris: *Quemadmodum lapides, lateres, ligna, & regule inordinatè quidè proiecta, ad nihil utilia sunt: cum vero ordinentur deorsum ac sursum, tunc domus bene constructa dicitur.*

In rebus
artificialibus.

Est in reb. moralib. In rebus quoque moralibus omnia sub recto ordine concluduntur. Vnusquisque in se ipso tunc suos mores rectè componit, cum debitum ordinem in suis actibus seruat. Regnum & ciuitas tunc benè componitur, cum ordine regitur. Sic Plato dial. de legibus: *Ordinis ac legis cum ciuitas participes est, omnia benè facta sunt: ac pleraque quæ ordine carent, aut malè ordinata sunt, ex benè ordinatis alia quadam solunt.* Domus item & familia tunc benè se habet, cum ordinem seruatur & bonum exercitum in ordine ipso consistit. Ita Arist. 12. met. tex. 52. Et in omnibus demum rebus, ut rectè se habeat, ordo seruandus est. Ita Chrysostom. homil. 37. in 1. ad Cor. circa illa verba. *Apost. omnia honestè, & secundum ordinem fiant in vobis: dicens: non solum in spiritualibus, sed etiam in alijs omnibus hoc videtis. Nam siue in choro, siue in nauigio, siue in curru, siue in castris, ordinem confundas, & maioribus suo loco electis, in illorum ordinem minora induxeris, omnia corrumpis.*

Seruandus est in sciētiji. Ex his optima ratione concluditur, quanta cura & diligentia in rerum cognitione & scientiarum dispositione debitus ordo seruandus est. Ordinatam enim ac benè dispositam seriem sciendi, & cognoscendi meritò comparaueris, vniuerso tam ritè composito, corpori ex suis membris benè disposito, domui ex suis partibus aptè constructæ, reipubl. suis legibus & ciuium statibus optimè gubernatæ. exercitui suis aciebus ritè instructo & ordinato. Et è contra de philosophia non rectè disposita & ordinata dixit Lactant. lib. 3. Diuin. institut. cap. 2. *scitamen potest corpus vocari, cuius partes ac membra discordent, nec ulla compage inter se cohereant, sed quasi diuisa & dispersa, palpitare potius videantur, quàm vivere.*

Ordo conseruat naturalem. Tertiò demum multæ simul utilitates & commoda ex recto ordine cognoscendij & sciendi, recenseri possunt. Multum enim confert ordo ad claritatem. Quæ sanè ordinata sunt longè facilius & clarius percipiuntur: cumq. suis locis singula disponuntur, seles mutuo iuuant & explicant. Confert ad breuitatē. Nisi enim debitus ordo seruetur in ijs quæ prius & posterius disponenda sunt, sæpè contingit eadem in pluribus locis repeti & reuolui:

ut notauit Arist. 1. de part. animal. cap. 1. Confert ad integritatem & perfectionē. Nam quando modò vna res, modò alia, sine recto ordine arripitur, facili contingit plura è medio indiscussa elabi & ignota relinqui: aut saltem non constabit omnia integrè sciri & cognosci, sed semper auxilij animus relinquetur, an quicquam prætermisum sit.

Confert ad pulchritudinem & venustatem. Deficiente enim ordine, dicebat optimè August. lib. 2. de ordine c. 4. *Pulebra illa non prominent, non in suis quasi regionibus, possessionibusque dominantur, sed ipsa sua luce obstant, setumq. confundant.* Et sicut sanè nulla forme deformitas in humano corpore esse posset, quàm peruersus ordo partium: ita deformis planè red dicitur scientia debitum ordinem peruerrens. Confert ad iucunditatem & voluptatem. Ideò enim tantopere musici cœcœtus oblectant animum teste Ar. sect. 9. probl. 38. *numeri propterea mulcent, quia ritè ordinatimq. computandi numerum habent, mouentq. nos pro sua aquabili serie ordinatè.* & paulò infra: *Porte igitur ordo est, quem modo natura suauè esse preposuimus.* Ita sanè magna cum iucunditate audimus & addiscimus ea quæ ordinata quadam serie proponuntur. Et appositius dicendi modus, laborem augeat, tediumq. ingerit. Confert denique ad memoriam, & firmam impressionem eorum quæ addiscuntur. Ita testantur Cicero libro 1. de oratore. *Ordo est qui memoria maxime lumen affert.* Et hoc tandem sicut & alia commoda quæ dicimus, & plura quæ addi possunt satis experientia ipsa constant. Vtilissimus est ergo & valde necessarius ordo ad directionem nostræ cognitionis, & dispositionem scientiarum.

Ad integritatem

Ad pulchritudinem

Ad iucunditatem

Ad memoriam

SECTIO SECVNDA.

Quid & quotuplex sit ordo scientificus.

IN primis hanc ordinis definitionem affert Speusippus in lib. de definit. Plat. *Ordo est concertus operationum ad iniuicem, communisq. proportio, viciissitudinis in*

Ordo definitur & explicatur.

Vu om.

omnibus causa, contemporatio ad percipiendum idonea. Clarius & breuius D. Aug. lib. 19. de Ciuit. cap. 13. *Ordo est parum, disparumque rerum, sua cuique loca tribuens dispositio.* Hæc autem definitio communis est ordini quoruncunque rerum. Sed hinc definiri & explicari potest in specie, ordo in cognoscendo, & sciendo, qui dici potest ordo scientificus: est enim apta dispositio inter plures cognitiones, siue inter cognitiones plurium rerum: item inter plures partes scientiarum, siue inter plures scientias. Ita videlicet ut alia præcedat, alia sequatur; alia prius, alia posterius collocetur. Hoc autem modo explicatur ordo tanquam exercitus, & sive materia applicatur.

Sumi etiam potest, ac debet ordo prout in mente consideratur per modum regulæ & normæ, abstrahendo ab actuali applicatione, & exercitio, quatenus tamen potest applicari & exerceri. Hæc est idea ipsa ordinis obiectiue in mente existens, dum intellectus considerat, quis & qualis sit ordo, & qualiter debeat cognitioni scientia ordinari. Sic est propriè instrumentum directiui cognitionis & scientiæ, quatenus ordinabilis. In hac acceptione hanc definitionem ordinis affert ex communi sententia Zabarella lib. 1. de Methodis, c. 4. *Est habitus instrumentalis, seu instrumentum intellectuale, quo docemur cuiusque disciplina partes convenienter disponere.* Ipse autem, ut magis explicet quæ sit ista conueniens dispositio, per quam debeat scientia ordinari, cap. 1. sic ordinem definit: *Est instrumentalis habitus per quem aptissimus utriusque disciplina partes ita disponere, ut quantum fieri possit optimè & facillimè illa disciplina discatur.* Contendit enim ordinem scientificum, non ex natura rerum, sed tantum ex addiscentium commoditate esse sumendum, quod nos infra examinabimus.

Ordo rectus & prauus.

Secundò, dubitari potest, num ordo diuidendus sit in rectum, & prauum, vel omnis ordo sit rectus, & alioqui non sit ordo. Nam ex vna parte solet quidem nominari prauus & peruersus ordo, & dantur res bene aut male ordinatæ. Ex alia parte ordo dicitur apta & idonea dispositio: si ergo dispositio non sit apta, & idonea, non est ordo. Sed res est facilis,

dicendo, nomen ordinis dupliciter sumi posse. Vno modo amplè pro quacunque dispositione vnius rei post aliam. sic vtrique diuidi potest in rectam & prauam dispositionem, rectum & prauum ordinem. Alio modo pressè pro sola recta & conuenienti dispositione & collocatione partium. Sic indirecta collocatio non dicitur ordo, sed potius opposita ordini. Et ita dici solet inordinatum; quasi ordine carens, id quod recto & debito ordine caret. Sicut in superiori dicebamus, syllogismus dupliciter sumi posse vno modo pro omni etiam vitioso syllogismo: alio modo pro solo recto, & benè formato syllogismo.

Tertiò præcipuè loquendo de vero & recto ordine, duplex solet ordo distinguui; ordo naturæ, & ordo doctrinæ. Posset vno modo hæc distinctio explicari, ordinem naturæ, esse ordinem rerum in essendo, naturaliter inditum ipsis rebus, quatenus vna est ex alia, vel post aliam ordinem doctrinæ esse ordinem in cognoscendo, seu docendo, ac discendo. Sed hic iam specialiter loquimur de ordine in cognoscendo. Itaque hic ordo diuiditur in ordinem naturæ & doctrinæ. Ordo naturæ dicitur ille ordo scientificus, qui est conformis ordini naturali ipsarum rerum, id est quando illa res prius cognoscitur & consideratur, quæ reuera & secundum naturam suam in essendo est prior. Ordo doctrinæ dicitur ille, qui solum attendit maiorem facilitatem & commoditatem addiscentium, non spectato naturali ordine rerum, imo præter aut contra ipsum ordinem naturalem, ita ut illud quod est in sua natura posterius, prius tractetur & consideretur.

Zabar. lib. 1. de Method. cap. 5. & lib. 1. Apolog. de Ord. doctr. cap. 3. refert sententiam asserentem in scientijs per se & adequatè seruandum esse ordinem naturæ. Fundatur hæc sententia tum in ratione, tum in auctoritate & consuetudine Ratio est in promptu, quia sicut res se habent ad esse, ita ad cognosci, & ordo in cognoscendo debet sequi ordinem in essendo, & ordo scientificus debet esse conformis ordini naturali: sic enim rectus & congruus erit; & alioqui est obliquus & indirectus. Arist. verò ita in suis libris obseruat, & sæpè testatur se idèd

Ordo rectus duplex, ordo naturæ, et ordo doctrinæ.

An semper seruandus sit ordo naturæ.

Se&t.II. Quid & quoduplex sit ordo scientificus. 675

ideò prius agere de quibuscūq; rebus, quia secundum naturam priora sunt. Ita 1. Elē. c. 1. & 3. Re&tor. c. 1. lib. de sensu, & sensib. in princ. lib. 2. de Gener. Anim. cap. 4. 1. Phyl. tex. 57. 2. de Anima, tex. 34. & alibi. & lib. 2. de Partib. Anim. cap. 10. ait se prius de homine quàm de alijs animalibus agere velle, quoniam homo secundum naturā suam dignior est, & diuinitatis particeps. Imo in Phisicis primo loco agit de principijs rerū naturalium, vti quia quia secundum naturam priora sunt, quamuis alioqui sint difficiliora, & obscuriora.

Vel semper ordo doctrinae.

In contrarium ipse Zabar. lib. 1. de Method. ad c. 6. & lib. 1. Apolog. contendit, per se & adequatè in scientijs seruandum esse ordinem doctrinae, qui scilicet cōfert ad faciorem intelligentiam, non curando ordinem naturalem rerum. Fundat èt suam sententiam in ratione & auctoritate. Probat ratione, quia finis ordinis in scientijs est perfecta cognitio rerum; sed ad hunc finem magis confert ordo doctrinae praetermissio ordine naturae: ergo. Imo sapè inter easdem res multiplex est ordo naturae, quia vna res potest esse prior & posterior alia in diuerso genere causae: ergo ordo doctrinae determinare debet, quidnā prius, quidnā posterius considerandū sit. Ar. verò expressè 1. Phyl. tex. 2. & 1. Eth. c. 4. docet procedendum esse ab ijs quae sunt notiora nobis, ad ea quae sunt notiora & manifestiora natura. & 1. Met. tex. 1. planè distinguit aliud principiu essendi, aliud cognoscendi: & inquit: *ut doctrina non à primo ac rei principio aliquando inchoandum est, sed unde quis facilius d'scat.* Item lib. 1. de Histor. Animalium cap. 6. praefatur, prius se agere velle de differentijs, & accidentibus quae circa animalia contingūt, postea ad causas comperiendas eniti. Et hanc aie viam rationemquē docendi esse naturae congruā, scilicet naturali nostro cognoscendi modo, vt à facilioribus, & propinquioribus nobis, ad difficiliora & remotiora procedamus. & eodem illo loco secundo de Part. Animal. capite 10. addit aliam rationem, cur prius de homine agere velit, quia, *exteriorum patium eius forma, notissima est.* Similiter Plato libro secundo de Republica, Galen. libro 9. de Decretis, Hypocratis, &

Platonis capite 2. & Auicē. in principio libri de Anima monent, esse in rerum tractatione & scientia à clarioribus & facilioribus inchoandum.

Sed res haec ita resoluenda videtur: regulariter & vt plurimum in scientijs seruandum esse ordinem naturae, ita, vt res omnes eo ordine disponantur, quo ex natura sua connexae sunt & ordinatae: & hunc ipsum ordinem solere esse faciliorem & commodiorem ad perfectam rerum notitiam assequendam. Interdum tamen licere, ob vrgentem aliquam rationem facilitatis & commoditatis huc ordinē immutare, & vt ordine doctrinae praetermissio ordine naturae. Et quando inter easdem res multiplex ordo naturalis & causalis inuenitur: tunc per ordinem doctrinae determinari debere quomodo sit procedendum.

Hoc totum potest consuetudine ipsa, & velut inductione, simulquē ratione ostendi. Nam satis compertum est solere ab vniuersalioribus, quae sunt natura priora ad inferiora procedi: & circa subiectum scientiae soler à causis procedi ad proprietates, & accidentia; item à rebus perfectioribus, & dignioribus ad minus perfectas, & minus dignas. & hoc ipsum commodum, & opportunitum est ad maiorem addiscendi commoditatem, dum eo ordine rerum notitia capitur, quo ipsarum rerum natura disponitur. Interdum verò contingit rem aliquam, quamuis in essendo posteriorem, esse adeò propinquiorem, & faciliorem cognitiui; aliam verò rem in essendo priorem adeò reconditam, vt auct non aliter quam ex praxia consideratione illius possit haec alia res cognosci, aut non nisi admodum imperfecte, & magna cum difficultate; tunc sine dubio licitum erit à posterioribus natura ad priora procedere,

Quando autem inter easdem res multiplex potest considerari ordo naturae: tunc sanè ex maiori facilitate & commoditate doctrinae determinandus est ordo sciendi. Vt quando inter finem, & media est mutus causalitatis ordo: tamen sicut absolute in iniectione prior est finis, quàm media, ita ex consideratione finis, inelius media innotescunt. Ideò per se procedendum est à fine ad media;

Vu 2 licet

Regulariter seruandus est ordo naturae.

Ordo naturae determinatur per ordinem doctrinae.

licet media sine ordine executionis & causalitatis effectivæ priora. Itē quādoq. inter easdem res potest etiam diversus ordo dignitatis, & ordo originis seu generationis considerari, quando scilicet natura procedit ab imperfecto ad perfectum: etiā tunc interdum commodius est imitari ordinem dignitatis, interdum ordinē originis & generationis. Si quando demum aequē commodum apparebit inter res habentes varias habitudines ordinis naturalis, vno vel alio modo procedere: tunc arbitrarius erit ordo sciendi, ut vel vnus vel alius ordo servetur.

Atque iuxta hanc resolutionem facile possunt conciliari omnes auctoritates pro duabus illis sententiis antea allegatæ, & rationes adductæ.

Quartò rursus alio modo ordo scientificus dividitur in ordinem compositivum & resolutivum. Galenus initio libri de Arte medicinali addidit tertiam speciem ordinis quem vocavit definitivum. Desendunt Carpenter. in disputatione sua de Methodo. Masius quæst. vltima processuali Log. & quidam alii. Sed Zabarell. lib. 2. de Methodis, & libro 2. Apolog. conatur ostendere, nō dari talem tertiam speciem ordinis ab illis duabus distinctam. Hoc autem satis constat ex explicatione illius duplicis ordinis. Hæc ergo distinctio duplicis ordinis sumitur ex Aristot. primo Ethicorum capite quarto, & Platone apud eundem. Ait enim Aristot. *Disserre inter se disputationes, quæ vel à principiis fiunt, vel ad principia. Resse etiam Plato de hoc dubitabat, quæbatq. utrumne ab initijs an ad initia via esset.* In his enim verbis Aristot. indicavit duplicem ordinem procedendi. quorum ille qui est à principiis intelligitur esse compositivus: ille qui est ad principia intelligitur esse resolutivus.

Hinc Zabarell. utroque lib. citat. explicat & defendit ordinem compositivum esse, quando scientia incipit à primis principiis, & ad vteriora procedit: ordinem resolutivum esse, quando scientia incipit à fine, & progreditur usque ad prima principia. Ideo ait, ordinem compositivum esse proprium scientiis speculativis; quoniam

hæ, cum non referantur ad finem, alicuius operis faciendi, non possunt aliter ordinari quàm à principiis incipiendo. & hoc esse de mente Aristotelis primo Physic. texto primo. Ordinem autem resolutivum esse proprium scientiis practicis & artibus: quoniam cum hæ habeant pro suo fine opus exercendum, ad quod media concurrunt tanquam principia effectiva; debent prius considerare ipsum finem, qui est primus in intentione, & vltimus in executione; deinde media propinquiora fini, & tandem illa media, quæ sunt vltima in intentione & prima in executione. Et ideo libros priores & posteriores in logica appellatos esse resolutorios, quia incipiunt à syllogismo, & scientia, seu demonstratione, quæ se habent per modum finis. Et sic Aristot. ipse docet septimo Metaphysic. textu vigesimo tertio in quavis arte prius considerare finem deinde media. & in scientia morali ita observat, prius agens de felicitate quæ est finis, deinde de virtutibus quæ sunt media.

Verum aliter possunt hi duo ordines explicari taliter ut magis directè opponantur. Ordo compositivus est, quando proceditur à partibus ad totum: tunc enim ex partibus veluti proceditur ad compositionem totius. Ordo resolutivus est, quando proceditur à toto ad partes: tunc enim mente resolvitur totum in partes. Quia autem diversi sunt gradus compositionis, totius & partium alia est enim compositio ex partibus metaphysicis scilicet ex predicatis essentialibus: alia physica ex materia, & forma: alia integralis ex partibus integralibus: & aliæ huiusmodi: omnibus his modis possunt accipi, & poni ordo compositivus & resolutivus. Si enim prius considerentur per se partes essentielles, aut aliæ; servatur ordo compositivus: si è converso prius totum quàm partes, servatur ordo resolutivus. Possuntque ad hunc sensum adaptari verba illa Arist. de duplici via procedendi à principiis, & ad principia.

Atque iuxta hanc explicationem necesse non est, scientiâ speculatiivam procedere ordine compositivo, practicâ resolutivo: sed

Rursus ordo duplex compositivus & resolutivus

Quædam divisionis explicatio

sed vtrique potest vterque modus procedendi competere: vtr consideranti patebit. Imo possunt plures partes eiusdem scientiæ totalis ita se habere, vt vna procedat ordine compositiuo alia resolutiuo. V. g. illa pars Philosophiæ naturalis quæ prius considerat mundum quantum ad compositionem & structuram suam, vnitatem; originem, & alia; deinde distinctè considerat singulas mundi partes procedit ordine resolutorio. Alia autem pars quæ prius considerat elementa, deinde mixtum, procedit ordine compositiuo. Atamen qualibet scientia totalis dici debet secundum totalitatem suam certum aliquem ordinem habere. Sic quia tota Philosophia prius considerat prædicata vniuersalia in communi quæ se habent, vt partes essentielles, deinde considerat varias species dicitur procedere ordine compositiuo. Aut si considerantur vniuersalia, quatenus dicuntur tota potentia, & species partes potentiales, dicitur procedere ordine resolutiuo. Quoniam autem ordine, aut compositiuo vel resolutiuo, quælibet scientia, & quælibet pars scientiæ procedere debeat, partim colligitur ex supra dictis, partim constabit magis ex dicendis.

SECTIO TERTIA.

Quonam ordine naturaliter res cognoscamus, prius nè vniuersalia, an singularia.

Supponendum est intellectum nostrum, quando res cognoscere incipit, ordinem aliquo, ipsius naturæ ductu procedere. Nec enim omnia simul amplectitur, sed prius vnum quàm aliud. Est res inquisitione digna, quodnam sit primò cognitum ab intellectu nostro, vniuersale nè, an singulare: & rursus quæ nam vniuersalia aut singularia prius quam alia cognoscantur. De qua re disputare solent Philosophi initio Phys. & Theologi varijs in locis. Sed potius hæc res in rigore spectaret ad lib. de Anima circa modum intelligendi nostri intellectus. Tamen, quia magnam connexionem habet cum ordine artificiali, qui directè ad Lo-

gicam spectat: idèò hic etiam illam inserimus: sicut & pleraque alia de artibus nostræ cognitionis, quoniam deseruiunt ad eorum directionem in Logica meritiò pertractantur.

Videtur aperta sententia Arist. 1. Phys. sic. tex. 4. & 5. prius cognosci vniuersalia, quam singularia: cum enim textus adducit innatam esse nobis viam procedendi ab ijs quæ sunt notiora & manifestiora nobis tex. 4. inferit: *Ex vniuersalibus ad singularia procedere oportet.* Idquæ ibi & tex. sequenti rationibus probare conatur. Aque ita asserunt & defendunt S. Thom. super eundem locum, & 1. par. q. 85. art. 3. & alibi, & plures alij Expolitores Arist. eod. loc. Itè Caiet. eod. loc. 1. p. & de Ente & ess. c. 1. Ferr. 1. Phys. q. 2. Masius c. 1. q. 6. Iau. 7. Metaph. quest. 16. Soncin. 7. Metaph. quest. 11. & 12. alijque Thomistæ communiter, & Zimara. sua quest. de primo cognito. indicant etià Auicenna lib. 2. Metaph. cap. 1. Richard. in 2. d. 24. q. 4. circa 3. principales & alij. Fatetur autem S. Thom. intra latitudinem totius cognitionis includendo tam sensitiuam, quàm intellectiuam cognitionem, priorem esse cognitionem singularium: nam cognitio sensus uis præcædit in nobis intellectiuam, & non nisi circa singularia versatur. Sed intra latitudinem cognitionis intellectus, de qua est questio affirmat hæc sententia prius cognoscere vniuersale, quam singulare.

Opposita sententia est, quæ asserit prius ab intellectu nostro cognosci singulare: Ita sentiunt quæplures Theologi. Oham. Gregor. Maior. Bachon. & alij in 1. d. 3. Durand. in 2. d. 3. q. 7. Item Suesf. 1. Met. disp. 11. Font. 1. Met. cap. 2. q. 3. Zabar. in sua Philosophia lib. de Ordine intellig. c. 5. Tromb. 7. Met. q. 3. Anton. Andr. q. 14. & frequenter alij Scotistæ, & multi Expolitores vniuersi Phys. vbi Conimbr. c. 1. quest. 4. Ruus quest. 3. Mure quest. 3. & v. plurimum alij recentiores, ac latè Peter. suo lib. 3. Tolet. etiam 3. de Anima quaestione 12. & alij circa eundem locum.

Dico primo prius naturaliter nostro intellectui offerri, priusquæ cognosci singularia quam vniuersalia. Probatur primò, aperte ex Arist. qui 1. Post. tex. 12. sic inquit: *Dico autem ad nos quidem prius*

Prima sententia.

Secunda sententia.

Absolutè prius cognoscimus singularia ex Arist.

& notiora, quæ sunt propinquiora sensui: simpliciter autem priora & notiora, quæ longius. Sunt autem longissimè quidam ipsa maximè vniuersalia: proximè verò ipsa singularia. Vbi perspicue docet Aristot. singularia esse respectu nostri notiora, & priora in cognoscendo. Et planè loquutus est, non de cognitione solùm sensitiua, sed maximè de cognitione intellectuua. Ideò enim ait, illa esse priora & notiora, quæ sunt propinquiora sensui, id est illa facilius & prius ab intellectu cognosci, quæ propinquius ipsis sensibus cognoscuntur. Similiter 1. Metaph. c. 2. *Forè autem & difficilissima hominibus cognita sunt, ea quæ maximè vniuersalia sunt: siquidem remotissima sunt in sensibus.* Eadem ratione 1. de Part. Animal. capit. 4. loquens de rebus spiritualibus & diuinis ait: *Partem illam æternam, nobilem, ac diuinam, minus contemplari propterea possumus, quod admodum pauca illius sensui patent, quorum beneficium, tum de ea ipsa parte diuina, tum de ipsa quæ nunc cupimus facilius nobis cogitandi, indagandi què supeditatur.*

Experien-
tia, & ra-
tione.

Secundò. Hinc experientia & ratione probatur assertio. Intellectus noster acquirir cognitionem per sensus: Vnde primum quod intellectui cognoscendum offertur, est quod repræsentatur in sensu: statim enim coniungitur cognitio intellectiua cum cognitione sensitiua: circa idem obiectum. Sed sensus per se non attingit, nisi singularia: ergo singularia prius à nostro intellectu cognoscuntur. Et consequenter per vltiorem considerationem & negotiationem intellectus, quia est excellentioris virtutis quàm sensus, idoneus est cogitare & inuenire illa, ad quæ sensus non pertingebat. Omnino autem prius cognoscit illa, quæ per sensus ipsos manifestè afferbantur.

Quadam
alia ratio-
nes exami-
nandæ.

Tertiò. Durand. Ocham. & alij probant eandem assertionem, quia vniuersale est opus rationis, non est quid reale: sit ab ipso intellectu, non præsupponitur: imò sit per comparisonem ad ipsa singularia, siue per abstractionem à singularibus consimilibus intellectui repræsentatis. Vnde Aristot. 1. de Anima tex. 6. dixit, vniuersale aut nihil est, aut posterius est. Et omni ex parte multò difficilius est cognoscere vniuersalia, quàm sin-

gularia, quæ se ipsis statim obuia sunt. Ergo omnino prius singularia quàm vniuersalia cognoscuntur. Hæc ratio conuincit quidem non prius cognosci vniuersale: formaliter quatenus vniuersale est, id est quoad ipsam vniuersalitatem. Et hoc vltro sateatur Auctores primæ sententiæ. Sed non satis probat, non prius cognosci vniuersale quoad naturam realem repræsentatam sine conditionibus indiuiduantibus.

Aliqui etiam probant, supponendo ab intellectu nostro acquiri species intentionales, non tamen repræsentatiuas vniuersalium, sed per se etiam repræsentatiuas singularium. Vnde nullum impedimentum est, quominus statim primo loco singularia cognoscantur. Sed de huiusmodi speciebz agendum erit in Philosoph. in tract. de Anima. Rursus aliqui probat, quia prior esse debet notitia magis, quàm minus perfecta: sed perfectior est notitia singularium: ergo est prior. Verum nec necesse est notitiam perfectiorem esse priorem. Nec prima notitia singularium est satis perfecta, cum sit confusa & indistincta, vt mox dicemus. Sic & alias quasdam minus validas rationes, satis est omittere, quàm asserere. Magis hæc conclusio confirmata manebit ex dicendis sect. seq. & ex solut. obiectionum.

Dico secundò. Notitia, quam naturaliter prius de singularibus habemus, est confusa & imperfecta: Vt autem explicite & perfecte res cognoscamus, prius quodammodo est, cognoscere naturas vniuersales, quàm res singulares. Ita asserunt communiter, illi qui volunt, absolute prius cognosci res singulares. Et iuxta hanc etiam assertionem possunt explicari aliqui Auctores primæ sententiæ. Explicatur & probatur conclusio illa notitia, quæ primo loco capitur de singularibus: est planè rudis & confusa, non distinctè & explicite percipiendo quidditatem & prædicata essentialia rerum. Ad notitiam autem explicitam & distinctam: oportet vtique clarè percipere naturam & prædicata essentialia, quæ dicuntur vniuersalia: non quidem quoad secundam intentionem vniuersalitalis, sed quoad entitatè & quidditatem realem: Hoc ergo modo prius est cognoscere vniuersalia, id est prædicata quidditatiua quæ

Explicitè
prius co-
gnosci-
mus vni-
uersalia.

Se& III. Quo ord. res cogn. prius vniuers. an singul. 679

quæ sunt communia, quam explicite & distinctè cognoscere singularia. Quod denique auctoritate Aristot. confirmatur, qui iuxta hanc conclusionem quibuldam in locis debet intelligi, vt mox explicandum est.

Arist. explicatur. Contra primam conclusionem obijciunt enim auctoritates Aristot. non solum ibi in princ. Phys. sed rursus 1. Phys. text. 49. vbi expressè ait, vniuersalia esse notiora secundum rationem, idest intellectum, singularia secundum sensum. Et 1. Metaph. cap. 11. vbi loquens de prioritate in cognoscendo, ait vniuersalia esse priora secundum rationem, singularia secundum sensum. Præterea 9. de Anima text. 10. significat vniuersalia cognosci directè singularia reflexè: certè autem prior est cognitio directæ, quam reflexæ.

Respondetur totum illud contextum initio Phys. pluribus valde modis solere exponi. Sed breuiter satis est dicere, bene posse intelligi de cognitione explicata & distincta sic enim notiora & priora sunt in cognoscendo vniuersalia. Ita passim multi exponunt. Idem voluit Aristot. in alijs duobus locis. Vbi cum dixit singularia esse notiora & priora secundum sensum: non tatum id veru est de ipsa notitia sensitiua, sed etiã de intellectu: quæ sensum & proximè per sensus hauritur. Vltimum locum aliqui potius afferunt pro contraria sententia. Aliqui pro neutra facere arbitrantur. Arist. enim ibi solum asserit, animam potentia sensitiua percipere sensibilia: alia autem potentia vel separabili, seu distincta, vel ita se habente sicut linea circumflexa ad se ipsam extensam percipere alia: quæ res simul cum intentione Aristot. in tract. de Anima explicanda est.

Rationes ex Arist. de prompta solutione.

Obijciuntur rursus tres rationes, quibus Arist. initio Physic. probare videtur prius cognosci vniuersalia. Tum quia prius cognoscitur eorum quam partes, vt patet in rebus sensibilibus: sed vniuersale est quoddam totum, multa continens, vt partes: ergo prius cognoscitur. Tum etiam prius percipitur definitum tanquam quid totum quam distinctè partes definitionis. Tum denum, *Pueri primum omnes viros appellant patres, & feminas matres: postea autem determinate homines virumque.* Prius ergo cognoscuntur res

in vniuersali, postea determinantur in particulari.

Respondetur, hæc valere solum tanquam exempla quardam ad suadendum prius debere cognosci vniuersalia, quam distinctè cognoscantur singularia. Sicut enim præcedit notitia totius ad distinctam notitiam partium, & conceptus definiti ad distinctum conceptum definitionis: ita notitia vniuersalium ad distinctam notitiam singularium. Et Arist. sumpsit vniuersale tanquam totum potentiale, quod distinguendum est in sua inferiora tanquam in partes. Pueri autem non prius cognoscunt patrem & matrem, seu virum & feminam in vniuersali, quam in particulari. Neque id ex illo signo colligitur. Alioqui probari etiam posset per sensum cognosci vniuersalia, quia nec per sensum vtrique pueri tunc discernunt quis determinatè sit pater, & quæ sit mater, Agni etiam recenter nati, omnem opem ab initio sequuntur tanquam matrem. Sed solum inferitur ab initio valde confusè, et imperfectè cognosci ipsa singularia, veluti in determinatè & vagè, non rectè distinguendo vnum ab alio. Nam vtrique quâdo puer sunt vel illum virum appellat patrem, non nisi hunc vel illum particularem tunc cognoscit: Aristot. autem hoc etiam argumentum attulit per modum exempli, quod sicut pueri prius sic vagè & indeterminatè cognoscunt, ita eiusdem naturæ ductu nos prius considerare debemus vniuersalia, quam distinctè & explicite singula inferiora.

Obijciuntur certò, alie rationes. In intellectu non dantur, nisi species vniuersalium: ergo prius vniuersalia cognoscuntur. Obiectum primum intellectus debet esse distinctum ab obiecto sensus: ergo debet esse vniuersale. Prima notitia debet esse certissima, quia dat certitudinem omni cognitioni sequenti: ergo debet esse de rebus in vniuersali: quoniam notitia singularium est incertissima, cum hæc sint maxime variabilia. Materia impedit cognitionem intellectuam: ergo facilis & prius percipitur vniuersalia: hæc enim abstrahunt à materia.

Respondetur ad omnes hæc rationes negando antecedentes. Nam intellectu tribuendæ sunt species etiam singularium, & primum quod cognoscitur ab intelle-

Alie rationes solutione habent.

Ita debet potius esse illud quod cognitum est à sensu. Et prima notitia intellectus est valde exilis & contingens. Neque certè ex certitudine primi actus cognitionis intellectus, quem quis elicit sumenda est certitudo omnis notitiæ sequentis: sed in progressu maximè perficitur nostra cognitio. Quando autem vnus assensus ita se habet, vt ex illo per illationem ducta ut alius: tunc ex certitudine prioris assensus sumitur certitudo posterioris. Materia demum quæ se tenet ex parte obiecti non impedit cognitionem intellectuum, neque abstractio iuuat, vt satis ostendimus quæst. 27. sect. 9. Alia rursus ad hanc rem conferentia afferemus lect. one sequenti.

SECTIO QVARTA.

An magis vel minus vniuersalia, et singularia sub ijs contenta, prius naturaliter cognoscamus.

NON solum inter vniuersalia consideramus illa, quæ sunt magis communia & superiora, vsque ad ens, quod est supremum, & illa quæ sunt minus communia, suntque inferiora, vsque ad speciem infimam. Sed etiam in ipsis singularibus considerare debemus singularia, quatenus determinatè contenta sub vniuersali inferiori. V. g. hic homo, hoc album, aut indefinitè cõtenta sub vniuersali superiori, vt hoc animal, hoc coloratum, hoc ens.

Illi Auctores qui volebant prius à nobis vniuersalia cognosci, pariter volunt iuxta vniuersalia prius vniuersalia cognosci: eandem uè sententiam sequitur Zabarel. de O. dine intelligendi cap. 12. quamuis sequens esset oppositam sententiam in comparatione singularium cum vniuersalibus. Ita volunt primum cognitum esse vniuersalissimum prædicatum, nempe ens, ita defendit Masius 1. Phyl. cap. 1. quæst. 7. Aliqui tamen limitant esse ens corporeum, siue ens sensibile. Ita explicat Caiet. q. 1. de Ente & essentia. Aliqui addunt ordinatè deinceps cognosci alios gradus subordinatos vsque ad speciem infimam: ita defendit Masius q. 8:

Aliqui verò negant id esse necessarium. Ita Caiet. loco cit.

In contrarium Scot. in 1. d. 3. q. 2. & 1. Metaph. q. 10. Maior Licher. Barg. & alij. ead. d. Fracastor. lib. 1. de Intellect. prope finem, & alij asserunt, primum quod inter vniuersalia intellectu cognoscendum & offert esse speciem infimam. Et similiter aliqui volunt ordinatè deinceps concipi gradus superiores vsque ad supremum entis. Aliqui dicunt id non esse necessarium. Fonleca verò 1. Met. c. 2. q. 2. defendit prius à nobis cognosci minus vniuersalia, & species infimas, quæ genera, quando nullum adest impedimentum. Et hoc modo conciliare conatur S. Thomam, & Scotum siue vtriusque sententiam.

Disco primò. Non apparere certam aliquam necessitatis rationem, qua prius debeat cognosci magis vel minus vniuersale, siue singulare prout determinatur magis aut minus vniuersale: sed indifferenter posse vnum aut aliud prius intellectui cognoscendum offerri. Probatur primò, si intellectus antea percipiat certum aliquid singulare, non est vnde determinetur, vt prius debeat in illo considerare rationem vniuersalissimam entis, aut rationem specialissimam infimæ speciei: sed ex varia occurrence rerum facillè cõtingere potest, vt vel vnam, vel aliam. rationem in aliquo indiuiduo, aut vnam in vno, aliam in alio prius consideret, vt experientia ipsa videtur manifestum. Aut etiam si intellectus non antea percipiat certum aliquid singulare, sed inciperet à cognitione vniuersalium: adhuc non est vnde emergat necessitas conficiendi prius prædicatum magis, aut minus vniuersale, vniuersalissimum, vel specialissimum.

Secundò. Dum intellectus incipit cognoscere singularia, bene fieri potest, vt primò determinatè percipiat indiuiduum certæ speciei vltimæ, videlicet hominem singularem, singulare album, aut aliud. item fieri potest, vt ab initio solum percipiat indiuiduum generis superioris, non discernendo speciem eum à longè cõspicitur aliquis veniens, & adhuc non percipitur an sit homo, vel aliquid aliud animal; vel cõspicitur quoddam corpus, & adhuc non percipitur an sit animal vel quid

Non oportet prius cognosci magis aut minus vniuersalia.

*Prius est
nulla.*

Nec singularia contenta sub magis aut minus vniuersalibus.

Sect. IV. An mag. vel min. vniu. & sing. prius cogn. 681

quid inanime. Quia autem cognitio intellectiua ab initio fertur circa illud ipsum obiectum, quod proponitur per notitiam sensitiuam; & sensus non potest incipere cognoscere nisi aliquid sensibile; hinc sequitur, si non posse fieri ut intellectus ab initio percipiat ens, seu singulare entis abstractendo ab ente sensibili; sed ad summum percipere posse singulare entis sensibiles. Vnde verum est regulariter loquendo in prima acquisitione, notitiæ de rebus per ministerium sensui, prius quidem cognosci speciem infimam, quando nullum adest impedimentum; prius verò cognosci genus superius, quando adest aliquod impedimentum, quominus res plenè & perfectè percipiat. At post semel acquisitam rerum notitiam, tunc in repetitione actuum cognoscendi & cogitandi indifferens simpliciter est ordo cognoscendi.

Nec oportet ordinare cognoscere omnes gradus superiores, & inferiores.

Tertiò, specialiter necesse non est, ut ordinatè cognoscantur omnes gradus intermedij, vel descendendo à prædicato supremo, vel ascendendo à specie infimas ut experientia ipsa videtur notum: & ratione suadet, quia potest intellectus ministerio sensum moueri, vel ad vnam vel ad aliam rationem percipiendam: aut ex sua mer consideratione potest intellectus applicari, vel ad vnam, vel ad aliam rationem cogitandam. Et hinc rursus infertur, nec esse necessarium ex natura rei, ab initio incipere à prædicato supremo, vel à specie infima, quia si quæ ratio ad id coheret, ferè etiam coheret ad ordinatam cognitionem omnium graduum intermediorum: ergo si ad hoc non cogit, nec etiam cogit ad initialem illam cognitionem certi gradus.

Ad cognitionem explicitam minus vniuersaliū requiritur conceptus magis vniuersaliū.

Dico secundo, ad cognitionem distinctam & explicitam rerum, requiritur cognitio graduum superiorum ad hoc, ut naturæ inferiores explicitè & distinctè cognosci deaneur. Hæc assertio sequitur ex dictis sect. præced. Et patet manifestè, quia tunc explicitè & distinctè concipitur aliqua natura, quando percipiuntur gradus essentialis eius. Tunc explicitè concipitur homo, quando percipitur animal rationale: & tunc animal, quando viuens sensitiuum; & sic vsque ad gradum supremum, iuxta hoc notauit Aristot. 6. Topic. loc. 82. genus esse no-

tius, quia est communis. Ita ergo ad explicitam cognitionem eorum quæ sunt minus vniuersalia se habet quodammodo prius notitia eorum, quæ sunt magis vniuersalia, quoniam hæc sunt prædicata superiora & essentialia minus vniuersalibus.

Contra primam conclusionem, obijci fundamentum S. Thom. Natura in suis operationibus solet incipere & progredi ab imperfecto ad perfectum: ut notum est in multis exemplis: ergo similiter in cognoscendo similem ordinem seruat. Igitur prius naturaliter cognoscimus prædicatum supremum, quæ est imperfectissima cognitio: & deinceps progredimur ad gradus consequentes vsque ad vltimum. Imo si gradus ipsi essentialis sumerentur realiter ex distinctis formis; vtiq. in producendis rebus, prius natura efficeret formam dantem gradum superiorem, & deinde ordinatè reliquas.

Respondetur, tunc naturam debere progredi ab imperfecto ad perfectum, quando imperfectum est dispositio prærequiritæ ad magis perfectum; alioqui constat non obseruari talem ordinem. Nam in ipso exercitio cognoscendi intellectus procedit ab assensu præmissarum ad assensum conclusionis; & tamen assensus præmissarum est per se nobilior. In casu autem nostro cognitio graduum superiorum non est dispositio necessaria ad cognitionem implicitam & confusam naturæ inferioris. Elset quidem formans gradum superiorem, necessaria dispositio in essendo ad aliam formam dantem gradum inferiorem: tamen non idè est in cognoscendo. Sicut resque sunt quidem necessariae ad hoc ut res sit: non tamen cognitio causæ est antecedenter necessaria ad qualemcunq. cognitionem effectus; quinimo sapissimè ex effectibus potius dicimur in notitiam causarum.

Obijcies secundo, illud est primò cognitum ab intellectu, cui primò conuenit ratio obiecti adequati intelligibilis; sicut illud primò oculis cernitur, cui primò conuenit ratio colorati, seu visibilis: sed obiectum adequatum intellectus est ens in communi; vnde id cui primò conuenit hæc ratio obiecti; & ratio intelligibilis, est vique ipsum ens in communi; ergo hoc est primò cognitum ab intel-

Non semper debet natura progredi ab imperfecto ad perfectum.

Non oportet ens in communi esse primò cognitum ab intellectu.

intellectu. Similiter in cognitione iudicatiua prima propositio, quæ cognoscitur, est illa vniuersalissima, quodlibet est vel non est. Ergo in cognitione apprehensiuâ primum quod concipitur est ens.

Respondetur, obiectum adequatum intellectus non esse ens in communi, quasi in statu communitatis sumptum, sed esse omne ens, siue in communi, siue in specie, siue in indiuiduo sumptum: ergo omne ens est ex hac parte æquè primo intelligibile ab intellectu. Et iuvat etiam exemplum allatum. Nam primum quod oculis cernimus non est vtrique coloratum in communi, sed aliquod particulare coloratum: ira ergo licet intellectus possit quidem non solum singularia, sed etiam vniuersalia cognoscere; tamen potest prius singularia, & non necessario debet ante omnia percipere vniuersalissimum, entis prædicatum. Similiter non oportet primam propositionem, quæ cognoscitur ordine originis, & generationis esse illâ vniuersalissimam; quinimo potius solent aliæ propositiones particulares, & sensibus proximæ prius dignosci.

Ad conceptum implicitum speciei non requiritur conceptus distinctus graduum superiorum.

Obijc. 3. Ens intime imbitur in quocunque alio obiecto: imo omnes gradus superiores intime includuntur in omni natura inferiori: ergo impossibile est concipere naturas inferiores sine prævio conceptu entis & aliorum graduum superiorum. Hinc etiam facilius est notitia superiorum, nam pauciora requirit; ergo est naturali ordine prior.

Respondetur vtrique in conceptu naturæ inferioris includitur implicitè conceptus entis & omnium graduum superiorum. Ad notitiam etiam explicitam requiritur explicitus conceptus illorum. Sed quod negamus est, debere esse priorem distinctum, & peculiarem conceptum entis, aliorumque graduum superiorum ante conceptum confusum naturæ inferioris. De hoc enim est controuersia. Similiter fateamur faciliorem esse conceptum gradus superioris, quam conceptum explicitum naturæ inferioris, qui requirit tantum illum conceptum gradus superioris, tum etiam alium alterius gradus essentialis. Sed bene potest esse facilius & propinquior conceptus implicitus & confusus naturæ inferioris.

Sensus non Obijc. 4. Quando sensus nostri impe-

dimento aliquo detinentur prius percipiunt singularia magis communia, quam propria: vt ex impedimento distatæ prius percipitur animal, quàm homo, & corpus quàm animal. Aut etiam quando singulari re proprium vltimæ speciei percipitur: saltem valet dicere efficacius & vehementius moueri sensum accidentibus sensibilibus communibus, quàm propriis. Sed ab initio humani sensus valde impeditur & crassi sunt ob indispotionem intrinsecam organi sensitiui, & tunc multò magis mouetur accidentibus communibus, quàm propriis; ergo semper naturali necessitate prius ab intellectu humano percipiuntur communia quàm propria.

Respondetur, non apparere tale impedimentum in humanis sensibus ab initio, quo non possint percipere determinata, & propria singularia. Sed per sensum visus statim percipi potuit color albus, vel alius in specie, per sensum tactus calor & frigus, per sensum gustus certus sapor. Nec etiam necesse est sensus vehementius moueri accidentibus communibus, quàm propriis, vt patet in iisdem exemplis. Sed etiam si efficacius mouerentur, non sequitur prius illa percipere, sed possunt adhuc simul omnia.

Obijc. 5. fundamentum Scot. causâ naturalis non impeditur, producit ab initio effectum perfectissimum; sed perfectissima est cognitio speciei infimæ, in qua nimirum includuntur omnes gradus superiores, & intellectus non est impeditus à tali cognitione. ergo ab initio primum cognitum est species infima.

Respondetur. Si intellectus ab initio acquirat speciem intentionalem repræsentatiuam speciei realis infimæ, siue indiuidui prout determinata est coram speciei; tunc quidem elici ab intellectu conceptum determinatum talis speciei. Sed potest fieri vt intellectus acquirat speciem intentionalem repræsentatiuam rei sub conceptu magis vago & indeterminato, & tunc sub tali communiori conceptu rem percipiet: quoniam intellectus non est expeditus, neque adest tota causa requisita ad conceptum determinatum certæ speciei. Et præterea quia homo est copiosus suæ libertatis, non cogitur sepe proferre perfectissimum conceptum, quæ posset, sed est causa libera potest varias consideraciones exercere.

Obijc.

Ab initio possumus res in speciem percipere.

Non oportet primam notitiam intellectus aut effectum perfectissimum.

*Qualiter
notitia ex
plicita re
quirat co
ceptu om
niū gra
dū supe
riorum.*

Ob. demum 6. cont. secundam concl. si ad conceptum explicitem naturæ inferioris requiritur cōceptus distinctus graduum superiorum; sequitur ad concipiendam explicitam speciem aliquam infimam, debere distincte cognosci omnia genera superiora & differentias, quod videtur impossibile, quia huiusmodi prædicata possunt in infinitum multiplicari. aut saltem est difficillimum: cum potius ex opposito Aristot. 1. Poster. tex. 82. doceat facilius esse definire singulare, quam vniuersale. vbi per singulare intelligit speciem inferiorem per vniuersale genus superius, vt est manifestum in textu.

Resp. vere quidem ad notitiam omni ex parte explicitam & perfectam requiri conceptum omnium graduum essentialium. Et ad notitiam, quæ a nobis haberi potest requiritur cōceptus omnium graduum qui recta serie vsque ad summum per essentialem subordinationem deduci possunt, qui sanè non sunt in magno numero, neque id est multum difficile. Ad notitiam ramen proximam, explicitam sufficit cōceptus eorum graduum essentialium qui sunt proximi, scilicet generis & differentie, & hoc sufficit ad discrimen eius notitiæ implicitæ, in qua res sine omni distinctione conceptus apprehenditur. Arist. autem ibi cum supra tradidisset duplicem viam inuestigandi definitionem vnam de specie inferiori per prædicata superiora, alteram de genere superiori per species inferiores, solum docere voluit faciliorem esse illam viam de specie inferiori. Eas autem duas vias inuestigandi definitionem, commemorauimus ex Arist. cum de definitione egimus inter instrumenta cognoscendi.

SECTIO QVINTA.

An Substantiam vel accidentia prius naturaliter cognoscamus.

*Sententia
affirmans
prius co
gnosci sub
stantiam.*

S. Oncinas 7. metaphys. quæst. 13. cui consentit Iauell. quæst. 3. conuenit prius a nobis naturaliter intelligi substantiam quam accidentia. Purat esse sententiam Arist. & commentatoris. Nam Arist. 7. metaphys. text. 4. clarè docet substantiam esse priorem accidentibus

ratione, & cognitione &c. Probat quibusdam alijs rationibus, sed præcipuum fundamentum ad quod aliz rationes reduci possunt, est quia accidens essentialiter constituitur per ordinem ad substantiam: est enim entis ens: ergo non potest concipi sine tali ordine: igitur non potest cognosci ante substantiam: sed potius tam in cognoscendo, quam in essendo dependet a substantia; & sicut substantia est prior accidentibus in essendo, ita etiam in cognoscendo.

Communior sententia docet prius naturaliter a nobis cognosci accidentia quam substantiam. Ita docent Herueus quodlib. 3. quæst. 6. Richar. in 1. distin. 24. artic. 3. quæst. 3. Scot. in 1. dist. 3. & 7. metaph. quæst. 3. landun. item 7. metaph. quæst. 3. Anton. Andr. quæst. 4. Sueffan. dist. 4. Suarez disp. 38. metaph. section. 2. Conimbr. 1. phys. cap. 1. quæst. 5. Zim. in sua quæst. de pri. cogn. & alij dū disputant quodnam sit primum cognitum. Explicant autem hi auctores primum quod a nobis cognoscitur, non esse accidens in abstracto & nudè sumptū, sed potius in concreto, prout inuoluit subiectum; & ita, admittunt quodammodo virtualiter & implicitè cognosci substantiam. Faut etiam huic sentent. Auerr. 1. physic. com. 4. 6. metaph. com. 1. & lib. 7. com. 9. Arist. etiam 7. metaph. text. 10. dum significat substantiam esse cognoscendam ex ijs quæ sunt nota in nobis, licet minus nota natura & simpliciter. & addit ea quæ sunt prius nota nobis solere esse parum nota in se, & parum aut nihil entis participare: qui loquendi modus maxime ad accidentia refertur videtur. Fundamentum huius sententie sumitur ex antea dictis, quia accidentia sunt quæ percipiuntur a sensibus, atque adeo prius quam substantia intellectui offeruntur.

Pro resolutione dicendum est, prius quidem naturaliter cognosci a nobis illa quæ in re sunt accidentia: non tamen statim cognosci quatenus sunt accidentia distincta a substantia, eique inaherentia: quinimo sub ratione explicita & determinata accidentis dependent potius in cognoscendo a substantia. Explicatur & probatur assertio. Primum quod intellectui cognoscimus, est illud ipsū quod sensibus offertur & representatur quā intellectus

*Sententia
affirmans
prius co
gnosci ac
cidentia.*

*Resolutio
affirmans
prius co
gnosci ma
terialiter
accidentia*

no-

noster acquiritur rerum notitiam mediante ministerio sensuum, per species quas ex sensibus haurit, & per notitiam sensitiuâ. Sed per sensus primò percipiuntur accidentia, ut notum est. Imò vel nullus omnino sensus attingit illo modo substantiâ sub accidentibus inuolutam: vel si qui sensus internus attingit ipsam substantiâ, (de qua re erit suo loco de Anima disputandum) adhuc prius, et per se percipit accidentia. Insuper vel non datur species impressa propria substantiæ præter species per se & directè repræsentatiuas accidentium: vel si datur species distincta substantiæ (de qua etiam re erit ibidem disputandum) adhuc prior ordine originis & generationis est species accidentium. Omni ergo via & ratione prius ab intellectu nostro percipiuntur illa, quæ realiter & essentialiter sunt accidentia, videlicet qualitates sensibiles, quæ sensibus obijciuntur.

*Non sunt
maliter
quantum
accidentia
sunt.*

At verò in hac prima notitia non discernimus, an illa quæ percipimus existant per se vel in alio, neque percipiuntur distinctione accidentium & substantiæ. Quinimo non nisi industria, & discursu ex mutatione accidentiumprehendimus, distinguimus subiectum aliquod per se existens, & formas ipsi subiecto accidentaliter inherentes. Vnde homines rudes, & Philosophiæ expertes sepe, ne cogitarunt quidem de hac distinctione. Itaque non statim in prima notitia cognoscuntur accidentia quatenus accidentia: sed solum cognoscuntur materialiter videlicet album, dulce, calidum, & reliqua non discernendo, nec cogitando has esse qualitates inherentes substantiæ, sicut reuera sunt.

*Sed explici-
tè et for-
maliter
prius quo
dammodo
cognos-
ci substantiam.*

Tunc autem cognoscuntur explicite & determinate sub ratione accidentis, cum inuenta distinctione subiecti, & formæ cogitamus albedinem, & sic de alijs, esse formam inherentem subiecto. Hoc autem planè dependet ex notitia ipsius subiecti, ut patet. Atque ad plenâ rei notitiâ oportet deuenire ad subiectum primum per se existens non immixtum alteri subiecto: & hæc est substantia. Determinata ergo & explicite notitia accidentium dependet à substantia. Non dico oportere esse distinctos cognitionis actus vnum de substantia, alium de accidenti-

bus: & priorem omnino esse debere cognitionem substantiæ. Sed etiam si vno eodemque actu intellectus deprehendat & cogitet distinctionem accidentium à substantia complectendo vtrumque simul, tamen in hac ipsa cognitione consideratur aliquis ordo: quoniam accidens cogitur per respectum ad substantiam, tanquam dependens à substantia. Et idè ex parte obiecti saltem accidens dependet à substantia in cognoscendo, & ex parte actus non cognoscitur antecederet & præcisè à substantia, quando cognoscitur formaliter tanquam accidens.

Iuxta hoc intelligitur optimè dictum illud Aristot. substantiam esse priorem ratione & cognitione accidentis: quoniam accidens formaliter definitur, concipitur, & consideratur dependenter à substantia, & per ordinem ad substantiam tanquam ad causam suam. Sic & lib. 7. Metaph. docet in definitione accidentis debere poni substantiam: quoniam essentialiter accidentis consistit in habitudine dependentiæ ad substantiam. Ad hoc etiam tantum probandum efficax est fundamentum prioris sententiæ allatum: neque probat non posse illud quod est accidens antecederet cognosci implicitè & confusè non cogitando de ipsa ratione accidentis, eiusque dependentiæ à substantia. Sicut & fundamentum secundæ sententiæ tantum probat priorem conclusionis partem, nec impugnatur posteriore.

*Conciliatur
fundamentum
vtriusque
sententiæ.*

SECTIO SEXTA.

Quanam alia prius aut posterius naturaliter cognoscamus.

ALias quasdam comparationes rerum cognoscibilium, ne quicquam in tactum relinquamus, simul breuiter expediemus.

Primò, dubitari potest, an prius cognoscamus essentiam vel proprietates attributa rerum. Et hoc siue in substantijs siue in accidentibus. S. Thom. prima parte quæst. 85. art. 4. apertè docet primum & proprium obiectum intellectus esse quidditatem ipsius rei: deinde verò intelligi proprietates & accidentia & habitudines circumstantes rei essentiali.

*An prius
cognosca-
tur essen-
tia, vel
proprietates.*

Aliqui

Se^{ct}. V. Subst. vel accid. prius natural. cognosc. 68 ;

Aliqui etiam in hoc sensu intelligunt dictum illud Arist. substantiam esse priorem accidentibus in cognoscendos accipientes substantiam pro essentia, accidentia pro proprietatibus rerum. Ex alia parte comperitur est, solere nos ex proprietatibus & attributis rerum inuestigare & inuenire rerum essentias: quoniam essentie sunt magis recondite & occultæ, proprietates verò magis obuiæ & in conspicuo posite. Atque Arist. ipse 1. de Anima textu 11. aperte docuit accidentia multum conferre ad cognoscendam quidditatem rei: quia cum nota nobis fuerint accidentia rei: tunc possumus optime cognoscere rei substantiam idest essentiam.

Pro resolutione dicendum est, posse quidem & solere prius haberi à nobis conceptus aliquis rudis confusus & imperfectus de quidditate rei: per proprietates & attributa solere subinde à nobis acquiri explicitam & distinctam notitiam de quidditate & essentia rei. Patet quia hoc ipso quod simpliciter rem concipimus, id planè est concipere saltem imperfectè & ruditer quidditatem rei. Vnde prima apprehensio intellectus dicitur esse circa quidditatem rerum. Et hoc planè voluit ibi Sanct. Thom. Et de hoc nos egimus proprio loco de simplici apprehensione. At explicitè & distinctè solemus eandem ipsam rei essentiam concipere per ordinem ad proprietates consequentes ab essentia, & ex proprietatibus nobis notis solemus inuenire & distinctè explicare propriam rei essentiam, & hoc docuit Arist. & frequens usus ostendit.

*An prius
res vel
causa.*

Secundò dubitari potest an prius cognoscamus res ipsas vel causas & principia rerum. Aristot. 1. phys. text. 1. significat prius cognosci causas & principia, & ex iis cognosci reliqua. Et 1. Metaphys. cap. 2. *maximè scibilia sunt ipsa prima & causa: propter hæc enim & ex his cetera cognoscuntur, sed non hæc per subiecta.* Et hanc rationem pramittit Aristot. in utroque opere, ut incipiat agere de rerum principiis. At ex alia parte comperitur est, prius solere esse nobis notas res ipsas & effectus, & ex iis inquirimus & inuestigamus causas; ita enim & facile percipimus ipsas res: sed non nisi diligenter perquisitione, & sæpe magna cum difficultate in-

uenimus rerum causas. Vnde Arist. ipse 1. Metaphys. cap. 2. notauit homines ex admiratione incepisse philosophari: vique quia ab initio videbant effectus, & ignorabant causas, & inde coeperunt inquirere causas.

Pro resolutione dicendum est, cognitione quidem experimentalis & imperfecta prius solere à nobis cognosci res quam causas: & hoc satis probat ipsa experientia. Vnde passim multò plures sunt ij, qui res cognoscunt, quam qui perspectas etiam habeant causas. At perfecta & clara nobiliorique cognitione prius debere cognosci causas, & ex causis effectus. Nam hoc propriè est scire rem per causam, & ex causa deuenire in cognitionem effectuum; & hic est præstantior modus demonstrationis & scientiæ. & de hoc genere cognoscendi debet intelligi Aristot. locis citatis. Itaque præcedere quidem solet imperfecta quædam notitia rei, & per hanc manuducitur intellectus in notitiam causæ: sed rursus per notitiam causæ habetur perfectior & nobilior cognitio rei. Interdum etiam contingit ut ab solutè prius cognoscatur illud quod est principium & causa, & ex illo intellectus ediscat aliud quod ex tali causa provenit, & prius erat ei prorsus ignotum: quando videlicet ipsa causa vel immediatè per euidenciam suam, vel alio medio innotuerit.

Tertiò dubitari potest, num anima nostra prius cognoscat seipsam & ea quæ in se sunt, vel potius alia à se & quæ sunt extra se. D. August. libro octauo de Trinitate capite sexto significat mentem humanam prius & ante alia omnia cognoscere se ipsam, & ex se ipsa cognoscere alia. & rursus libro decimo quarto cap. 4. & 6. idem videtur asserere. *Nihil enim tam nouit mens, quam id quod sibi præsto est: nec menti quicquam magis præsto est, quam ipsa sibi. & declarat quomodo etiam in infantibus mens cognoscat se ipsam.*

*An prius
anima co-
gnoscat se
ipsam vel
alia à se.*

Dicendum tamen est animam humanam dum est coniuncta corpori prius intelligere alia à se, & ex iis deuenire in notitiam sui ipsius. Ita præclare docuit Arist. libro tertio de anima text. octauo. Et patet experientia in prin-

principio enim homines cognoscere incipiunt ea quæ ipsis exterius proponuntur: in progressu autem nonnisi per reflexionem ex ipsis operationibus, quas anima exercet, & per discursum ex rebus alijs cognoscit se ipsam. Imo ea quæ ad ipsam animam pertinent à plurimis ignorantur, & à peritis nonnisi magna industria & labore cognita sunt, etiam ea ipsa, quæ pertinent ad ipsum intellectum cognoscentem, suorumque actus & principia cognoscendi: ut satis comperitur & exploratum est. Ratio autem huius rei est, quia anima dum est in corpore, non intuetur immediatè seipsam, sicut Angeli perspicuè se ipsos vident: sed dependet in suis operationibus & cognitionibus ab organis corporeis, indiget speciebus acquisitis, & ministerio sensuum. Ideò non prius, & immediatè cognoscit se ipsam: sed prius cognoscere debet ea, quæ sensibus percipiuntur, eique proponuntur, & ex ijs ducitur in notitiam aliarum rerum quæ non cadunt sub sensum, & ita ducitur etiam in notitiā sui ipsius. Anima tamen a corpore separata bene potest alius modus cognoscendi competere. Sed de hoc nunc non agimus. Atqui dum est in corpore, anima multò facilius per experientiā ipsam cognoscit se esse, & operari, quam discernat quid & qualis sit ipsa operatio, quid & qualis sit ipsa anima.

D. Aug. autem ipsemet declaravit, humanam mentem non prius cogitare se, quam alia, imo prius alia. Sed solum docere voluit, animam esse sibi coniunctissimam, & proximā in actu primo ad hoc, ut possit cognoscere seipsam: quamvis dum est in corpore impediatur ab exercitio huius cognitionis: & ideò non inueatur de facto clarè se ipsam, ac etiam in infantibus habet quidem illā virtutē, non tamen promptam in actu & expeditā: & ideò potius in actu cognoscit alia à se, ut ex illis tandem modo proportionato huic statui coniunctionis cognoscat se ipsam.

An prius cognoscamus Deum, vel creaturas, et immateria-
Quartò dubitari potest, Vtrū prius cognoscamus Deum ipsum, vel res creatas. V. prius res immateriales, vel materiales. Disputat de hac re S. Tho. 1. p. q. 88. vbi art. 1. refert Plat. sensisse substantias immateriales esse primū quod à nostro intellectu

lectu cognoscitur, qui ideò posuit formas separatas, quas vocavit ideās, tanquā proprium & primum obiectum nostri intellectus. Et art. 3. arg. 1. refert dictū Aug. nos oīa in luce primæ veritatis agnoscere & per eā de oībus alijs indicare: ex quo sequi videtur prius à nobis cognosci Deū, & per ipsū Deum cognosci res creatas. Atq. Opusc. 70. q. 1. art. 3. refert quosdam de facto affirmasse primum quod à nobis cognoscitur etiam in hac vita esse Deum ipsum, & aliquos dixisse primum cognitū esse influentiam diuini luminis.

Certū tamen est prius à nobis cognosci res creatas, quā Deū, prius res materiales, quā immateriales. Ita S. Tho. & alij oēs. Vnde S. Tho. art. 3. concl. primū quod à nobis cognoscitur pro statu præsentis vitæ, esse quidditatē rei materialis. Atque ex rebus creatis & materialibus, cognosci à nobis Deus & res immateriales. Colligitur apertè ex Script. ad Rom. 1. *Inuisibilia enim ipsius à creatura mundi, per ea quæ facta sunt, intellecta conspiciuntur.* Et ratione probatur ex dictis quia, noster cognoscit modus pro statu præsentis vitæ, est per species ministerio sensuum acquisitas, & ex rebus sensibilibus haustas. Nec quicquā nisi hac via cognoscere possumus. Vnde Arist. 3. de Ani. tex. 30. *Nunquam sine phantasmate intelligit anima.* Cū ergo Deus & res immateriales nō cadāt sub sensū, nō possint primò à nobis cognosci. Sed ad summū per discursū & notitiā rerū materialium, quæ cadūt sub sensum, possumus vltierius in illarū rerū notitiā deuenire: igitur omnino prius cognoscimus res materiales, quæ sunt nobis propinquæ & sensibus notæ. Plurū autem deceptus est in illis suis formis separatis earumque cognitione. D. Aug. autē docere voluit ipsummet intellectū nostrum, per quē res cognoscimus esse lucē, id est participationē quaudā diuinæ veritatis. Plura ad confirmationē & defensionē huius rei videri possunt apud S. Thom.

Postremò, aliæ coparationes quæ iuxta innumeratas alias rerum veritates fieri possent, vel nihil faciunt ad ordinem cognoscendi, vel non aliquam peculiarem difficultatem afferunt. Vel siquid supererat explicandum, satis erunt, quæ de artificiali scientiarum ordine mox dicentur.

SECTIO VII.

*Quonam ordine disponi debeat,
qualibet scientia circa suum
obiectum.*

*Potest sci-
tia dispo-
ni, vel or-
dine ex-
positionis,
vel tra-
ctationis.*

Supponimus quamlibet scientiam totalem in se debere habere certum obiectum sibi proprium & adæquatum, circa quod versetur. Hinc consequenter quilibet scientia debet ordinatè suū obiectum, & ea quæ illi conveniunt considerare. Et quidem dupliciter potest quis certum ordinem sibi eligere, iuxta duplicem modum quo potest scientia aliqua pertractari. Vnus dici potest ordo & modus expositionis: alius inuentionis, seu tractationis.

Primus est, quando aliquis assumens sibi certum Auctorem, à quo inuenit talem scientiam antea traditam, conatur illum probè intelligere & explanare, vt eius mentem percipiat, doctrinamquæ sequatur. Hic vtrique non debet amplius de ordine esse sollicitus: sed non nisi ordine librorum, tractatum, & questionum illius Auctoris procedere debet.

Secundus ordo & modus est, quando quis suomet ingenio & industria intendit aliquam scientiam tradere, licet inueniat antea ab alijs traditam & conscriptam. Tamen non tam satagit alterius cuiuspiā Auctoris dicta, sensaque percipere: quàm potius principaliter conatur, rationibus omnibusquæ medijs veritatem inuenire & assequi, quærendo & disputando de rebus ipsis. In qua via potest adhuc inter varia media etiam aliorum auctoritatis vi. Hæc Methodus, vt rarior, ita sanè excellentior est: maxime si rectus & optimus scientiæ ordo, iuxta rerum exigentiam inueniatur & obseruetur.

*Præstan-
tior est or-
do tracta-
tionis: &
de hoc de
inceps a-
giatur.*

Et præsertim omnium maxime à recto ordine deuiare videntur, illi qui vtrunque munus expositionis ac disputationis permiscentes, & textum aliquem exponendum, & questiones incidentes disputantes, assumunt. Nam occasione quorumcumque verborum, quæ ab Auctore textus interponuntur, ex professo suas questiones institunt, quæ prorsus extra

locum, & ordinem ibi inseruntur. Neque defectus ordinis est in Auctorem, textus refutandus, qui incidenter & obiter aliquid commemorat, quod non erat eo loco exactè tractandum: Sed ordinem peruertunt illi, qui præter rem ibi cas questiones disputant. Hinc sapissimè videre est, in scientijs philosophicis theologicis, & in Theologia philosophicas questiones permisceri: & inter ipsas philosophicas disciplinas, de vna ad aliam varias questiones transferri: & intra eandem scientiam de vno ad alium tractatum. Vnde si conferantur ipsæ questiones inter se, prorsus sine ordine, sine connexionem, & penitus disparatæ apparent: vidit egregiè hoc inueniens S. Thom. in Prolog. Summæ: quando, *Ea quæ sunt necessaria talibus ad sciendum, non traduntur secundum ordinem discipline, sed secundum quod requiruntur librorum expositio, vel secundum quod se præbent occasio disputandi.* Et hæc fuit vna ex potissimis rationibus, quæ impulit Doctorem Angelicum, vt relicto ordine expositionis super Magistrum Sententiarum, suomet ordine, quem sanè præclarissimum excogitauit, denuò sacram Theologiam conscriberet. Iure ergo ac merito hic ordo præferendus & valde commendandus est.

De hoc ordine modò quærimus, quonam modo scientiæ ritè disponendæ sint ex ipsa scilicet rerum natura & exigentia scientiarum.

Primò satis certum & notum est, debere scientiam prius considerare obiectum suum in communi secundum totam vniuersalitatem quam habet, deinde singulas distinctas species quæ sub tali genere continentur. Ita notauit optime Aristot. 1. Physic. tex. 57. secundum naturam ordinem debere prius ea quæ communia sunt, deinde quæ sunt propria considerare. Et libro tertio textu secundo, *Posterior est de proprijs speculatio ea quæ de communibus est.* Similiter libro primo de Partibus Animalium capite primo & 4. docet, prius esse de communibus & vniuersalibus; deinde de speciebus singulis differendum. Ita etiam de facto communis vñs omnium scientiarum & facultatum obseruat.

Rationes autem huius ordinis plures reddi

*Prius de-
bet scien-
tia agere
de suo
obiecto in
generali &
postea in
speciali.*

Plures
sunt
ordinis
rationes.

reddi possunt. Tum ex Aristot. quia si prius de distinctis speciebus ageretur, oporteret eadem sæpius repeti, in singulis videlicet speciebus ea quæ omnibus communia sunt. Tum præcipue quia ad perfectam cognitionem specierum necesse est cognoscere genus, & quæ generi insunt; quoniam sunt de natura speciei: non autem est cõuerso ad exactam notitiã generis requiritur notitiã singularum specierum, quia species, & quæ sunt speciei propria, non sunt de natura generis. Omnino ergo prius de communibus & vniuersalibus scientia agere debet. Tum etiam scientiæ intendunt tradere explicitam & distinctam rerum noticiam: sed ex natura rei notitiã vniuersaliũ requiritur ad explicitam cognitionem inferiorum, vt antea dictum est: ergo ab vniuersalioribus incipiendum est. Quoad notitiã verò confusã, licet prius singularia intellectui offerantur, vt dicebamus: tamen non est de hoc curandum. Imò de ipsis singularibus in indiuiduo sumptis non tractant scientiæ. Sed præterea non oportet, prius cognosci singularia, quatenus sub infimis determinatis speciebus continentur: sed possunt prius cognosci secundum determinationem generis superioris: ille ergo ordo confusæ cognitionis non impedit ordinem scientificum ab vniuersalioribus ad inferiora. Tum demum vniuersalia, quantum ad statum essentiæ secundum quem maximè in scientijs considerantur, sunt quodammodo priora suis inferioribus: ac etiã quantum ad illationem essendi; quia ex quocunque inferiori bene infertur dari naturam superiorem, & non e cõuerso. Vniuersalia etiam dicuntur quodammodo principia suorum inferiorum: quæ omnia patent ex dictis q. 8. sect. 15. Ergo his omnibus rationibus prius est de vniuersalioribus agendum, vt scientia recto ordine disponatur.

Prius debet
sciri
agere de
suo ob-
iecto direc-
tè, postea
de q. quæ
ad illud
reducuntur.

Secundo, quoniam scientia ita assumit sibi vnum adæquatum obiectum, vt obiectum sic & dicatur adæquatum per attributionem, idest ad quod reducuntur alia omnia quæ in eadem scientia considerantur. hinc debet primo loco ipsa scientia posse & directè considerare ipsum obiectum: deinde per reductionem ad illud debet considerare alia

quæ illi attribuenda sunt. Est res clara, quia hoc modo ipsum obiectum directè & per se consideratur, & ad illud alia consequenter reducuntur & ordinantur, tanquam aliquid eius, vt tanquam causæ eius, aut alio modo. Ita etiam colligitur ex Arist. 12. Metaphys. text. 52. vbi in vniuersum de ijs quæ ordinata sunt ait: *Ad vnum namque ordinata sunt omnia*. Et præsertim septimo Metaphys. text. 23. vbi ait in arte medendi & sanandi primo considerari debere sanitatem, deinde consequenter remedia, & prius illa quæ sunt propinquiora sanitati. Ita ergo in omni alia scientia & facultate, siue practica, siue speculatiua, primo loco debet considerari id quod directè & per se intenditur, & deinde alia quæ ad illud pertinent ac reducuntur.

Sic etiam regulariter in suis libris Aristot. obseruauit. In scientia morali primo loco agit de hominis beatitudine. Hic in Logica, in libris Prior. resolution. ante omnia proponit ipsum syllogismum, & in libris Posterior. resolution. scientiam ac demonstrationem: & deinde profequitur ea quæ ad hæc obiecta partialia reducuntur. Similiter in aliis libris philosophicis obseruauit. Alii etiã probati authores, qui exactè & ordinatè scientiam aliquam vel tractatum conscribendum assumpserunt, hoc ordine res disponere conati sunt. Quod si interdum non inuenimus, Aristoteli præmississe directè tractatum de obiecto totali, quod in aliqua scientia considerandum aggregabatur: vt in Logica non habemus aliquem primum tractatum de obiecto Logicæ: & in Physica statim incepit agere de principiis. Id vel provenit ex eo quod ad nos non peruenerunt omnes tractatus & libri ab illo conscripti. Vel quia non semper omnia exactè conscribere satagebat. Vel quia aliqua, quæ præmitti debuissent, tanquam clariora & faciliora supposebat. Alioqui constat, multa vtiliter à posterioribus scientiarum tractatoribus addita esse, quæ ab Aristotele vel prætermissa, vel breuiter & incidenter extra ordinem indicata erant.

Potest etiam interdum peculiari aliqua ratione expedire, prius præmittere al-

SECT. VIII. QUENĀ & QUO QUEL. SCIEN. DEB. CŌSID. & C. 689

aliquid, ex quo ipsum principale obiectū directē considerandum & explicandum sit; quando scilicet id necessarium, aut valde opportunum ad ipsius obiecti notitiam videbatur. Et quidem Auerroes primo Physicorum in fine significauit, & fusius explicat ac defendit Zabarell. libro de Ordine intelligendi capite nono, proprium & legitimum initium Physicæ esse à secundo libro, in quo Aristoteles agere incipit de Natura, quasi directē tractans de entibus naturalibus, siue de corpore naturali. Idquē sumitur ex ipso Aristotele qui primo Physicorum in fine ait, se velle sumere aliud principium.

*Inter spec-
ies ob-
iecti tri-
plex ordo
seruari po-
test.*

Tertiò, quia sub obiecto in genere sumpto directē continentur plures species, quæ per se ac distinctē ab eadem scientia considerandæ sunt: triplex ordo in ijs collocandis obseruari potest. Primus est excellentiæ & dignitatis, quo illa prius collocentur, quæ ex natura sua nobiliora & digniora sunt. Sic Aristoteles secundo de Partibus Animalium capite decimo, rationem reddit, cur ibi prius de homine, quàm de cæteris animalibus disserere voluerit, quia homo maximè est Diuinitatis particeps. Secundus est ordo originis & generationis, seu causalitatis, quo illa antea collocentur; quæ prius gignuntur & extrant, & maximè si respectum aliquem causalitatis ad alia habeant. Sic in Logica prius egimus de prima, postea de secunda, postremò de tertia operatione intellectus. Et in Physica prius agitur de corporibus simplicibus, nempe elementis, quàm de mixtis: prius de corporibus cælestibus, quàm de inferioribus. Tertijs generali nomine dici potest ordo commoditatis & facilitatis: quando nempe, non attento ordine dignitatis, aut excellentiæ & causalitatis, illa prius considerantur, quæ faciliora sunt, aut quæ aliqua ratione conferre possunt ad notitiam aliorum. Ex his autem ordinibus, interdum vnus, interdum alius, pro varia rerum opportunitate, & scientiarum utilitate seruatur.

Quartò. Quia inter ea quæ ad obiectum directē consideratum reducuntur, distinguuntur causæ & proprietates, ex-

plicandus esset ordo, quo disponi debeant. Sed de hoc commodiùs sectione nona dicemus.

Quintò vterius, quia non solum enitendum est, vt inter plures tractatus eiusdem scientiæ de diuersis obiectis partialibus debitus ordo seruetur: sed etiam vt in quolibet vno tractatu de vno subiecto, omnia quæ occurrunt, recto ordine disponantur: de hoc etiam eadem sectione loquimur. Mox enim distinguemus, & ad certa capita colligemus quæcunque debeat de suo obiecto quilibet scientia pertractare, & quælibet omnes quas discutere debet: vt tandem debitum ordinem prægiamus.

*Quis or-
do seruan-
dus sit in
ter plures
questio-
nes de
eodem su-
biecto.*

Sextò, in quolibet vna quaestione, siue quesito aut dubio quod proponitur, oportet etiam in eius tractatione rectum, & conuenientem ordinem obseruare. Ita quæ si in primis sensus quaestiones non sit adeò clarus & perspicuus, vt illatim ab omnibus percipiat, debet in principio explicari. Deinde si resolutio quaestionis plana & aperta sit, sine dubitatione & contradictione sententiarum, debet statim manifestari & comprobari. Si demum excogitari possint argumenta quæ in contrarium opponi possint, debent afferri & resolui.

*Quis or-
do seruan-
dus sit in
qualibet
quaestione
disponen-
da.*

Si autem resolutio quaestionis sit ambigua, & circa illam extent variæ ac repugnantes Auctorum sententiæ, multiplex ordo seruari potest. Vel prius aperiendo & confirmando propriam sententiam: tum referendo & repellendo oppositas. Quem ferè ordinē seruauit Arist. 3. Phys. agens de ratione motus. Vel è conuerso prius referendo & reiiciendo minus probabiles, magisque à veritate alienas sententiæ: tum propriam & veram proferendo, & vterius confirmando. Quē ordinē seruauit Arist. 1. Met. & 1. Phys. agens de Rerū principijs: 1. c. xli à tex. 101. agens de Origine Mundi: & primo ac 2. lib. de Anima agens de ratione ipsius Animæ. & primo Ethicorum agens de humana felicitate. Vel aliter prius quidem referendo varias diuersatque sententiæ: tum propriam & veram exponendo simulquē eam confirmando, & contrarias resellendo. Arque hic sanè ordo magis expeditus est, & breuiter commodus, ac de facto magis in scientijs consuetus.

X x Inter-

Interdum tamen ob magnum sententiarum diuersitatem, aut argumentorum copiam in varijs sententijs refellendis, & propria confirmanda, siue ad maiorem certitudinem & claritatem doctrinæ, expedit, per se ac distinctè varias sententias examinare atque discutere. Ex quibus etiā quandoque quæstiones ipsæ distingui possunt.

Consuetum est etiam, dum ab initio alienæ sententiæ referuntur, afferri etiam earum fundamenta, & argumenta quibus potest propria sententia, ibi tradenda, impugnari: & tandem in fine ea fundamenta & argumenta dissolui. Et Aristot. ipse .i. cæli tex. ibi & 3. Met. tex. 1. hunc ordinem commendare videtur: quoniam perspectis & ponderatis omnibus dubitanti rationibus, omniumque partium argumentis, melius de veritate poterit ferri iudicium. Nam, ut inquit Arist. *Melius se habere necesse est illum ad iudicandū, qui tanquam aduersarios omnes, utrinque rationes oppositas audiat.*

Præstat, prius probare propriam conclusionē deinde afferre & solvere contraria argumenta.

Verū aliud est, loqui de eo, qui propria exercitatione & industria inquirat, & intendit inuenire veritatem; & aliud de eo, qui veritatem quam à se putat iam inuentam, intendit alijs tradere & perscrutare. Qui enim intendit ex se inuenire veritatem, debet utique omnia argumenta & omnium partium rationes expendere & conferre. At qui intendit alios edocere, suamque ipsi persuadere sententiam; is certe non cogitur, ab initio in conspectu aliorum ponere & recensere partium fundamenta, atque argumenta quæ directè contra suam sententiam fieri possunt. Quinimo potius debet prius suam sententiam stabilire & confirmare, deinde afferre & soluere contraria argumenta. Hoc enim videtur planè commodius docendum. Et alioqui compertum est, non parum esse incommodum addiscantibus, coniungere solutiones in fine quæstionis appositæ cum argumentis initio præmissis. Vnde Arist. ipse raro admodū præmittit in principio & soluit in fine, aduersantia argumenta. Atque hunc alium docendi ordinem, prius confirmando propriam sententiam, deinde afferendo simul & soluendo contraria argumenta, sapē Authores obseruant. hunc esse nos frequentius obseruamus.

Interdum tamen expedit, ab initio proponere rationem dubitanti, vel fundamenta Authoris diuersa opinanti: quando scilicet id opportunum apparet, vel ut melius percipiatur sēsus quæstionis & punctus difficultatis, vel ut exciteretur animus audientium & legentium ad maiorem attentionem & inquisitionem veritatis, vel alio occurrenti morio.

Cæterum quia plerumque vnius quæstionis resolutione plures adhuc conclusiones inuoluit, per quas distinctius & clarius tota rei veritas aperitur: tunc inter tales etiam conclusiones suus ordo seruandus est; ut vel præponatur illæ quæ vniuersaliores sunt, aut quæ naturali prioritate præcedunt, vel faciliores sunt, & ad sequentes iuuant; vel, si res vndique appareat æqualis, erit arbitrariorum ordo. Rursus quia vna eademque conclusio potest & solet pluribus probationibus confirmari, ac similiter plura aduersantia argumenta plerumque soluenda occurrunt: Tūc regulariter præponi debet probationes & argumenta ab auctoritate, quoniam faciliora sunt, & mentem ad vltiora disponunt. Et colligitur ex Arist. sect. 18. Probl. 3. Inter rationes verò, ex natura rei præferendæ sunt illæ, quæ ex medijs essentialibus desumuntur: deinde illæ quæ ex causis: & tandem collocari debent quæ ex effectibus & signis procedunt. Præstat tamen in hac re potius respicere ad maiorem facilitatem & commoditatem doctrinæ.

Quo ipsa conclusiones probationes & argumenta debeat ordinari.

SECTIO OCTAUA.

Quanam, & quomodo, quilibet scientia debeat considerare circa suum obiectum.

Arist. præclare 1. Post. in princ. adæquata partitione distinguit atque recenset omnia quæstia, quæ à qualibet scientia circa suum obiectum pertractari possunt, siue omnia quæ de iplo obiecto sciri possunt: & totidem facit scita, quam quæstia. Eorumque ordinem quo sint disponenda designat. Operepretum ergo valde est, ad perfectam scientiarum dispositionem edocendam, horum quæstionum numerum & ordinem explanare.

Quatuor

Arist. distinguit & ordinat quæstia scientifica circa obiectum.

Seet. VIII. Quenā & quō quel. scien. deb. cōsid. &c. 691

Quatuor quæstia Arist. adquatē cōstītur, circa quæ tota scientia versari debet. An res sit. Quid sit. Quod sit, seu Qualis sit. Et propter quid sit. ait hæc ipsa esse, quæ de obiecto sciri debent. Vbi notant Expositores, scire hic non sumi sub eo rigore, quo lib. r. definitum erat, cognoscere rem per causam: sed magis amplè pro cognitione certa & perspicua. Imo absolutè dici potest, hæc esse quæ de quacūque re cognosci possunt, etiam per cognitionem incertam & tantum probabilem. Quoniam in facultatibus scientificis, magna ex parte ea quæ sunt tantum probabilia, disputantur: & omnia ad hæc quatuor capita reducuntur.

Bene & sufficienter quatuor quæstia distinguuntur. Horum sufficientia varijs modis à quibusdam traditur. Sed sic facile reddi potest. Quicquid potest queri & sciri de re, est, vel existentia, vel essentia eius, vel proprietates seu accidentia aut operationes consequentes ipsam rem, vel causæ antecedentes rem. Ad existentiam, pertinet quæstio an est. Ad essentiam, quid est. Ad proprietates & accidentia qualis est. Ad causas propter quid est. Vnde ad quæstionem an est, solum pertinet absolutè scire, rem esse aut non esse, per propositionem de secundo adiacente: non autem an sit hoc vel illud: vt Arist. ipse perspicuè explicauit. Ad quæstionem quid est pertinet scire omnia prædicata essentialia, & omnes partes & rationes quidditatis rei. Licet Cajet. 2. Post. cap. 1. ad 5. dub. dicat, huiusmodi prædicata pertinere ad quæstionem, quod est. Sed potius dici absolutè debet pertinere ad quæstionem, quid est. Ad quæstionem qualis est pertinent, non solum illa accidentia, siue propria, siue communia, quæ verè insunt rei; sed etiam quæcunque aliæ denominationes, sumptæ siue ab operando, aliamue causalitatem exercendo, siue a terminando alienam operationem, alioquè modo. Ad quæstionem demum propter quid pertinet omne genus causæ, siue sit causa ipsius rei in se, siue sit causa, vt res sit talis aut talis, hoc est vt aliquod prædicatum conueniat ipsi rei.

Præter hæc videbatur addi debere, aliud quæstium, quoruplex res sit. ad quod pertinet diuidere genus in suas species, vniuersale in sua inferiora. Pro-

pter hoc dici potest, vel Aristot. numerare voluisse tantum illa quæstia, quæ pertinent ad rem in se suæque communicare. sumptam ante diuisionem in plura. Vel quæstium quoruplex reduci ad quæstium qualis est: quoniam species non sunt de essentia generis, sed ei veluti accidunt.

Cæterum dubitant Expositores, quomodo hæc quatuor quæstia se habeant cū quatuor illis problematibus & prædicatis dialecticis, quæ idem Arist. 1. topic. assignat. Auert quæ sequitur Zabar. ait qualita scientifica esse de rebus quoad primas intentiones, problemata dialectica esse de rebus quoad secundas intentiones. Louaniens. asserunt, omnia problemata dialectica contineri sub quæstione qualis est, quæ hic assignatur. Alij aliter declarant. Sed quia sine dubio eadem quæstiones fieri possunt, ad hoc vt conclusiones certè probentur, vel ad hoc vt tantum probabiliter & dialecticè: dicendum potius est, vnam diuisionem, in alia quodammodo contineri: quia pluribus modis possunt hæc quæstiones distinguui, & earum numerus designari. Itaque ad quæstium quid est pertinent duo problemata, definitionis, & generis, addita etiam differentia. Ad quæstium, qualis est pertinent duo alia problemata, proprii, & accidentis. Ex alia parte quæstium an est concludi potest sub problemate accidentis, quia accidit rebus creatis actu existere. Et quæstium propter quid, si quærat causam à qua res essentialiter dependet, includi potest sub problemate definitionis, aut generis. Si autem quærat causam à qua res contingenter dependet, includi potest sub problemate proprii aut accidentis. Et ita commodè vna diuisio cum alia concordatur, tam in ordine ad cognitionem, opinariam & probabilem, quam scientificam & certam.

Verum specialiter circa illa duo quæstia, an est, & quid est, docere solent Expositores, non debere, nec posse, in scientia, per modum demonstrationis & argumentationis probari, obiectum esse, aut esse talis essentia: sed solum debere tanquam notum absque probatione supponi. Colligunt ex ipso Aristot. qui 1. Posterior. text. 2. & 73.

X x 2 ait,

*Quæ si hæc bene hæc quæstia ad problema dia-
lectica.*

*Nū scien-
tia debeat
probare
de suo ob-
iecto, an
sit & quid
sit.*

air, de subiecto præcognosci an sit: & quid sit: præcognitionem autem à demonstratione & probatione distinguit. nam similiter ait, prima principia & præmissis demonstratiuis præcognosci quoad an est, quæ vtrique non demonstrantur. Præterea 6. Metaphyl. text. 1. apertè docet, non esse demonstrationem de substantia & quidditate rei, sed alium manifestationis modum. nec etiam scientias tractare, si suum obiectum sit, aut non sit: sed eiusdem mennis esse, manifestare si res est & quid est. Vnde ita sentiunt Auerr. iisdem locis, & 1. Physic. com. vlt. & lib. 2. com. 26. & alibi, Zimara theor. 13. Zabara lib. de tribus præcogn. cap. 9. Caietan. 2. Poster. capite 1. dub. 8. & alij Expositores frequenter circa eadem loca Aristot. Scorus verò & Anton. Andr. 1. Met. cap. 1. alijque Scoticæ docent, scientiam non posse à priori, benè tamen posse à posteriori demonstrare suum obiectum esse. & Sotus 1. Post. quæst. 1. circa 3. argum. ait, esse errorem communem Dialecticorum & Philosophorum, putantium, non spectare ad singulas scientias, constituere definitionem de suo obiecto. Ipse tenet, spectare constituere, sed non probare & demonstrare.

Ad singulas scientias pertinere, hæc de suo obiecto tractare & probare.

Dicendum tamen absolutè est, ad rerum scientias pertinere, probare ac demonstrare, suum obiectum esse, & quid sit. Hoc videtur planè de mente Aristot. secundo Poster. vbi designat ea quæstia. Nam ait illa quæri & inquiri: & cum inuenta fuerint, sciri. Quæstio autem & inquisitio vtrique fit ad probandum. Et tunc quod quæritur, inuenitur, quando tenetur raro probans: & tunc etiam scitur. Docet quoque expressè Aristot. omnes illas quæstiones esse quæstiones mediæ, id est mediæ ad inveniendum resolutionem earum quæstionum: quia non satis est, simpliciter respondere, affirmando aut negando: sed oportet asserre medium, quo probetur conclusio quæstionis. Addi etiam potest, quod primo Posteriorum textu 26. ait Aristot. scientias interdum despicere dicere quædam, ut subiectum esse, & quid sit: quando nempe res est manifesta. Alioqui non despicere, quando res non est adeo manifesta. Ex quo colligitur ad scientiam pertinere, manifestare suum ob-

iectum esse, & quid sit. Et hæc manifestatio fieri poterit aut debet per probationem & demonstrationem, quando res ita possit.

Ratione idem ostenditur: quia sine dubio potest sub disputationem & probationem cadere: an res sit: & sæpè de multis rebus id quæri & probari solet. & licet dum probatur actualis existentia rerum creaturarum, hæc non sit demonstratio illa de obiecto simpliciter, necessario, sicut de veritatibus essentialibus: tamen potest esse probatio suo modo certa & evidens, quæ latiori acceptione dicitur demonstratio: potestque tale obiectum esse suo modo necessarium ex suppositione, ut ad hoc propositum explicat Caietan. 2. Posterior. cap. 1. ad 3. dub. Item potest sub probationem, ac demonstrationem cadere, quid res sit: non solum de singulis predicatis essentialibus per se, sed etiam de integra definitione: ut latè tractauimus quæst. 28. lect. 6.

Ostenditur ratione.

Possuntque fieri hæc probationes, non solum à posteriori, & ab effectibus, sed etiam à priori & per causam: ut de prædicatis quidem essentialibus eodem loco ostendimus. De existentia verò rei patet etiam facile. quia res creatæ habent causam essendi, & sæpè habent causas naturales, ex quibus necessariò naturaliter proueniunt. Hæc autem omnes probationes maxime pertinent ad illas scientias & facultates, quæ de ipsis rebus tractant, easque habent pro suo obiecto. Non enim extra omnes scientias vagantur, quasi ad nullam pertinentes. Neque ad vnâ diuersam, & extraneam scientiam pertinere debet, probare de obiecto alterius scientiæ: ita, ut vna scientia tractet, qualis res sit, & propter quid sit: alia, an sit, & quid sit. Quinimo eadem scientia totalis hæc omnia de eodem obiecto debet per se considerare. Et hoc ipso, quod scientia probat, talem rem esse, vel esse talis essentiæ: iam ex ea parte habet pro obiecto suo ipsam rem. Ergo ad scientias pertinere, non solum supponere, sed etiam probare & demonstrare, an suum obiectum sit, & quid sit.

Vlti demum ipso & praxi scientiarum hæc res ostenditur: simulque de-

Vlti vtriusque praxi scientiarum.

Sect. VIII. Quenā & quō quel. scien. deb. cōsid. & c. 693

*Vsu etiā
in praxi
sciētiarū.*

declatur, quando debeat probari existētia & essentia obiecti, & quando id possit prætermitti. De factō constat, solere in sciētijs probari, an sint, & quid sint, quædam quæ sunt partes obiecti totalis, aut reducuntur ad illud; & ita sunt obiecta partialia, id est quarundam partium, quorundam tractatuum sciētiæ totalis. & sanē id est competētissimum & frequentissimum. Vnde malē dixit Auerr. primo Physic. com. vltimo, Auitennam peccasse maximē, dicendo Primum philosophum demonstrare Primum principium esse. Nam vtique ad Metaphysicam pertinet id ab effectibus demonstrare. Malē etiam dixerunt alij, sciētijs particulares probare solere de suis rebus, an sint, & quid sint; non ex proprio munere, sed vsurpando sibi munus Metaphysicæ ad quam id pertineret. Nam Metaphysicæ non se extendit, nec extendere debet ad peculiaria obiecta aliarum sciētiarum secundum proprias rationes. Sed considerate, an sint, & quid sint talia obiecta, omnino debet pertinere ad singulas sciētijs, potius quàm ad Metaphysicam. Et de factō nunquam vllus Metaphysicus tale sibi munus assumpsit. Aliæ tamen sciētiæ non possent sine suo detrimento id omittere. De rebus etiam metaphysicis, quænam alia sciētia considerare debebit, an sint, & quid sint? Inducenda ergo non est huiusmodi permixtio & confusio sciētiarum, ac peruersio ordinis.

Sic vltius etiam de obiecto suo totali, sciētiæ probare solent, an sit, & quid sit. Nam sicut se habet quælibet pars sciētiæ ad suum partiale obiectum, ita tota sciētia ad suum totale obiectum. Et sicut non vnus tractatus sciētiæ probat obiectum alterius tractatus, sed vnusquisque probat suum obiectum: ita non debet vna sciētia totalis probare obiectum alterius, sed vnaquæque suum. Et quidem satis frequens & consuetum est, sciētijs probare suum obiectum, probando & demonstrando prædicata eius essentialia. Interdum etiam probant, suum obiectum esse. Sic sacra Theologia, cūm assumat pro suo obiecto Deum; statim in principio probare aggređitur Deum esse. Sciētia moralis,

cūm habeat pro obiecto Beatitudinem, assequendam, siue hominem beatificabilem, probare debet dari Beatitudinem, quam assequi possumus. siue hominem esse beatificabilem. Et in Physicā etiam, iuxta sententiam assignantem pro obiecto ens seu corpus mobile, probari solet motum dari, quod idem est, ac probare verē corpus esse mobile, dari corpus mobile. Sæpē autem adeo notum & perspicuum est, obiectum dari, vt superfluum videretur, velle conari ad id probandum: & tunc sciētiæ id siue probatione supponunt.

Imo præterea quando id de quo agitur, refertur & deferuit ad aliquem finē, seu ad aliquem alium effectum consequendum; ad questionem an est, pertinet etiam pertractare, an sit vtile seu necessarium, specialiter ad illum finem & effectum ad quem deferuit. Et pertinet vtique ad eandem sciētiā quæ de tali re tractat, considerare & probare talem vtilitatem & necessitatem. In eodemque loco, in quo ponitur quæstio an est, simul poni debet quæstio de vtilitate & necessitate. & hoc totum vsu ipsa obseruatum videmus.

Aristor. autem potest pluribus modis explicari. Vel tantum voluisse, præcognosci debere, subiectum esse, & quid sit: quia id cognosci debet ante alias conclusiones & cognitiones; etiam si id ipsum debeat cognosci ex alia antecedenti probatione: quoniam præcognitio benē dici potest per ordinem ad sequentem cognitionem, licet ipsa non sit simpliciter prima. Nec inconueniens est, dicere, diuerso modo præcognosci debere à primis principijs, quæ sine probatione supponuntur. Vel tantum voluisse, illa præcognosci ante eam sciētiā demonstratricem, quæ probat passiones & proprietates de subiecto: & ad differentiam huius sciētiæ assignasse præcognitionem, quasi sine demonstratione, id est sine tali demonstratione. Vel tantum voluisse, sæpē non oportere illa in sciētia probari, sed sufficere præsupponi de obiecto totali, quia plerumque solent esse nouissima. Vel denum tantum voluisse, non posse per causam intrinsecam demonstrari integram definitionem subie-

*Adquæst.
an esse
Beatitudi
nare de
vtilitate
& necessi
tate res.*

*Arist. ex
plicatur.*

ci: sicut varia Aristotelis loca explicauimus dicta quæstione vigesima octaua sectione sexta. Et similiter non posse per causam intrinsecam demonstrari, subiectum esse: quoniam res creatæ non habent ab intrinseco necessitatem & causam essendi. Non autem Arist. negasse omnem alium probationis modum, tum ab effectibus, tum à causis extrinsecis, tū etiam ab una causa intrinseca, quæ sit pars totius rei, ad aliam partem eiusdem rei.

SECTIO IX.

Quonam ordine debeat scientia, hæc quæ dicta sunt, considerare circa suum obiectum.

Supposita iam distinctione & numero eorum quæ, scientia debet circa suum obiectum considerare, determinandum est, quonam ordine debeant hæc quæ sita disponi.

Arist. doctrina.

Et in primis Aristot. præferre videtur quæ sita, qualis, & propter quid: & posterius nominat, an sit, & quid est. Expositores illa duo vocant quæ sita complexa, hæc vero simplicia. Communiter autem supponunt, potius quæ sita simplicia in qualibet scientia, debere præponi. Colligitur ex ipso Aristotele primo Posteriorum in principio, ubi docet præcognosci debere, an sit & quid sit. Et præterea primo Ethicorum capite septimo in fine, præclare docet, prius debere res definiri propter alia quæ tractanda sequuntur. *Singula, inquit, ita tractanda sunt, ut natura eorum possint latere: dandaque est opera, ut res illæ definiantur.* Magnum enim asserere momentum ad ea quæ sequuntur consuetore. Videtur enim principium plusquam dimidium totius esse: compluræque rerum quæ in questionem veniant, per ipsam determinantur. Et primo de Part. animalium capite primo, *Ubi, inquit, Medicus sanitatem, opifex ædes, deficiet, rationes & causas rei quam facit reddere solet.* Et primo de Anima textu secundo. *Quatinus amicum contemplari & cognosce-*

re naturam eius & substantiam: posse quacunque accidere circa ipsam &c. Et alibi similia docet. Ac passim in suis libris hunc ordinem seruat. Plato etiam in Phædro notauit, debere scientias incipere à definitione subiecti. quod maxime intelligitur comparatione facta ad causas & proprietates rei, de quibus consequenter agi debet. Varijs autem modis explicare conantur Expositores, cur a. Post. Arist. potius alia duo quæ sita præmiserit.

Dicendum ergo est, debere sine dubio in scientia præmitti hæc duo quæ sita, an est, & quid est: sine prius debere scientiam de suo obiecto tractare, an sit, & quid sit. Patet: quia hæc pertinent per se & directè ad ipsum, in se: alia autem duo quæ sita attingunt ea quæ reducuntur & attribuntur ad ipsum obiectum, nempe proprietates siue operationes, & causas. Et, tum ex natura rei, tum ad facilitatem & commoditatem addiscendi, prius occurrere scire, si res est, & quid est, quàm, qualis est, & a qua causa est. Ex dicendis etiam id confirmabitur magis.

*Prius edo-
derari de-
bet, an sit
& quid
sit subie-
ctum.*

Aristot. verò secundo Posteriorum, nequaquam docuit, quæ sita qualis, & propter quid debere præmitti: sed tantum priori loco illa numerauit & explicauit. Quod non multum refert. Et ratio reddi potest: quia cum per se tractaret de scientia & demonstratione, prius nominare voluit illa quæ præcipuè in demonstratione considerabat. Et præsertim eo libro maxime agere intendebat de quid, & propter quid. Neque etiam Aristoteles ipse appellauit eo modo, duo quæ sita complexa, & duo simplicia. Sed tantum dixit, quod cum, quærimus, *Verum hoc aut hoc insit, quærimus in numerum ponentes*, hoc est facientes complexiorem & compositionem. Quod vel peculiariter dixit de quæ sita qualis est: & illud hæc ratione paulò post distinguir à quæ sita simplici an est. Vel dixit de omnibus tribus quæ sitis: in omnibus enim sit complexio prædicati cum subiecto per propositionem, de tercio adiacente: quæ sita vero an est, resoluitur per propositionem de secundo adiacente. Quamuis si quæ sita simplex etiam dicatur, in quo non distingi-

guitur prædicatum à subiecto, siue prædicatum est de essentia subiecti: sic etiam quæsitum, quid est, dicitur simplex. Et ita saluari potest, duo esse quæstia complexa, & duo simplicia.

Esprimi an sit, quā quid sit. Secundò, circa ordinem utriusque quæsti, an est, & quid est, Aristot. expressè docet, prius debere queri & sciri, an res sit, & postea quid sit. Rursus eodem libro secundo Posteriorum textu trigésimosecundo apertè ait, non posse cognosci, quid res est, nisi cognoscatur esse: quia non ens non potest cognosci, nisi quoad nomen, vt Hirrocervus. Similiter textu trigésimonono docet, non posse cognosci, quid res sit, quin cognoscatur quid sit: *impossibile est enim cognoscere quid est, ignorantes an sit.* Et infra. *Querere autem quid est, non habentes quod est, nihil querere est.* Et deinceps idem repetit. Hæc est etiam communis sententia aliorum. Et vix scientiarum sic obseruat. Prius enim inquiri & doceri solet, an res sit, & postea quid sit.

At ex opposito probari potest, prius debere queri & cognosci, quid res sit, & postea an sit. Tum quia quid est pertinet ad primam operationem intellectus, an est ad secundam: vt quæst. 23. & 24. docuimus. Et certè sciri non potest, an quicquam sit, nisi præintel ligatur significatum eius; & hoc est præcognoscere quid est. Tum præterea essentia rei abstrahit ab existentia, & prior est essentia quàm existentia. Vnde etiam si res non existat, potest sciri, quid sit, quam essentiam habeat. Imo etiam si in quæstione an est, inueniamus rem non esse, non existeret: adhuc potest inquiri quid sit: & potest de tali re haberi tota scientia, quæ propriè est circa veritates necessarias independentes ab existentia actuali. Sic de facto in quarto Physic. etiam si statueretur non dari vacuum in natura; tamen de illo scientificè tractatur, & adhuc queritur quid sit vacuum, an in vacuo possit fieri motus, & similia.

Sed ante an sit, præcedit apprehensio simplex et explicatio. Propter hæc ad priorem difficultatem omnino faciendum est, cognitionem incomplexam, idest apprehensionem rei debere præcedere iudicium. At quæstio de scientia de quid est hoc loco sumitur pro cognitione complexa & iudicatiua

de essentia rei. Vnde non sumitur hic eodem modo, an est, & quid est; sicut sumebatur, quando egimus de illis duabus operationibus intellectus. Sed modò utrunque sumitur prout spectans ad cognitionem iudicatiuam, an est de existentia, & quid est de essentia rei. Similiter faciendum est, prius debere cognosci significatum nominis, etiam si hæc cognitio habeatur per iudicium complexum. Nam ante omnia oportet præcognoscere, quid significetur per nomina. Vnde communiter Expositores distinguunt quid nominis & quid rei: & dicunt, quid nominis debere, ante omnia præcognosci. Sed Aristotelè hoc loco esse loquutum de quid rei: quia loquitur de quæstione circa quid est: at quid rei, non quid nominis, cadere solet sub quæstionem. Et quidem de facto ita scientiarum vsus obseruat, vt in principio tractationis de aliquo re primo loco significatum nominis explicetur. Quæstio autem de quid rei, querit explicitam & exactam cognitionem de essentia rei, per definitionem, & essentialia prædicata: & hæc non debet præcedere cognitionem an est, sed potius dicitur debere consequi.

Ad posteriorem difficultatem plerique respondent, quæstionem an est non tam debere intelligi de actuali existentia, quàm potius de possibili, siue de essentia reali & entitatiua rei, ita vt sciri debeat, rem esse realiter possibilem, esse essentialiter ens reale. Alii tamen supponunt, quæstionem an est distinctam ab aliis quæstionibus, debere intelligi de existentia actuali. Ita Caietan. secundo Posteriorum capite primo ad 3. dub. & alii plures. Alioqui si intelligitur solum de existentia possibili, siue de realitate essentiali, spectat potius ad quæstionem quid est.

Sed utroque modo potest hæc res explicari. Et, si explicetur primo modo, dici debet, quæstionem quid est intelligi quoad reliqua prædicata essentialia, contenta sub vniuersalissimo entis realis prædicato. Et sic quidem prius debet queri & explicari, an res sit possibilis, an sit ens reale; vt deinde procedatur ad alia prædicata essentialia.

sentia & quidditativa : quando scilicet in definitione construenda proceditur via compositiva, nempe à superioribus ad inferiora. Secundo autem modo dici debet, convenienter quidem debere & solere inscientiis prius quæri & tractari, an res sit actu realiter quoad existentiam realem : id tamen non esse in rigore necessarium. Et ita quidem fieri solere, patet experientia ipsa & consuetudine. Esse etiam conveniens, hinc satis colligi potest. Et ratio huius convenientiæ est : quia facilius & notius nobis est, an res sit ; quam earum intimas essentias discernere : habetque proximam connexionem ad ipsum entis reals essentialia prædicatum : & gradum quodammodo facit, ad persequendum quid res sit & quæ sit intima essentia rei.

Non esse verò simpliciter necessarium, talem questionem & cognitionem præcedere, satis probatur ratione difficultatis allata. Quæ quidem destruit necessitatem, non autem convenientiam. Quoniam licet essentia abstrahat ab existentia, & sit veluti prior : tamen propter hoc satis est præcedere implicitam & rudem essentia cognitionem, quæ satis habetur per explicationem nominis. Explicata autem cognitio essentia prius induget inquiri per cognitionem præviam existentia, quam è converso. Atque etiam si inveniamus rem non existere : hoc ipsum est resolvere questionem an sit, cognoscendo rem non esse & id ipsum inquit ad inquirendam ulterius talis obiecti essentiam. Imo, etiam si ab initio constet, aliquid nec esse possibile, nec esse ens reale : adhuc potest inquiri & explicari tota ratio eius, non sicut de ente reali, sed sicut de ente rationis, sine de non ente : Quod quidem potest per resolutionem ad aliquid obiectum totale in aliqua scientia considerari. Sic agitur de ente rationis & alijs quibusdam non entibus, iuxta exigentiam scientiarum per ordinem ad sua obiecta adequata.

Arist. explicatur. Aristot. autem secundo Posteriorum in principio questionem an sit simpliciter videtur pro existentia rei : & optime potest intelligi ratione convenientiæ, ut diximus. Textu verò 32. loquutus est

potius dubitando, quam asserendo. Sed textu 39. loquutus est asserendo. Et potest exponi de cognitione ipsius an sit pro existentia possibili & entitate reali : quæ cognitio est necessaria ad cognoscendum quid est. Vel, ut multi notant simpliciter cognitionem de an sit, siue de eo, quod res sit, simpliciter & adequatè, pro quacunque cognitione enunciativa de re, affirmando prædicatum de subiecto, ut hominem esse animal, albedinem esse colorem. Non enim dixit Aristot. cognitionem de an sit debere esse priorem cognitionem de quid est : sed potius voluit, saltem ex ipsa cognitione de quid est, includi cognitionem de an sit. Neque videtur accepisse cognitionem de an sit, sicut ab initio acceperat questionem an sit, distinctam ab alijs questionibus : sed potius in alio sensu ita amplo & universali. sicut etiam primo Posteriorum textu secundo quando distinguit præcognitionem an sit & quid est ; simpliciter an sit pro veritate cuiuscunque propositionis.

Tertio circa distinctionem & ordinem aliorum duorum quæsitum, qualis & propter quid, Aristot. secundo Posteriorum in principio, planè docet aliud esse quærere qualis sit res, id est an sit talis vel talis, an Sol deficiat, an Terra moveatur : & aliud esse quærere propter quid ita sit, cur Sol deficiat, cur Terra moveatur. Atque debet prius quæri & sciri ipsum quod seu quale, deinde propter quid. Cum scimus, inquit, ipsum quod, tunc ipsum propter quid quærimus : ut scientes quod Sol deficit, & quid movetur Terra ; quærimus propter quid deficit, aut propter quid movetur.

In contrarium occurrit quod idem Aristot. secundo Posteriorum textu trigesimo nono expressè docet, in eisdem non prius quæri & sciri ipsum quod antequam propter quid, sed simul utrunque. Occurrit etiam ratio : quia potest simul ab initio sciri conclusio per modum à priori, id est per causam & eorum non distinguitur, neque præcedit quæsitio & cognitio de eo quod res ita sit. Imo quoadocunque conclusio scitur per demonstrationem propter quid ; simul scitur veritas conclusionis secundum se, & scitur per suam causam, ut dicebamus.

mus

Quo distinguatur & ordinatur quæsitum qualis & propter quid.

Secl. IX. Quonā ord. debeat scien.ca cōsiderare. 697

mus quæst. vigesima octaua sectione secunda. Insuper si in scientia totali considerare velimus distinctos tractatus, vnum de causis, alium de accidentibus & proprietatibus rei; porius tractatus de causis debet & solet precedere: at ipse tractatus de causis continet quæstionē propter quid, tractatus de accidentibus & proprietatibus quæstionem qualis.

Propter hæc dicendum est, sapē quidē ex modo nostro inquirendi & cognoscēdi, quo procedere solemus à notioribus nobis, ab ijs quæ propinquiora sunt nostris sensibus, & prius nobis solent offerri, prius solere inquire & cognosci an res ita sit; deinde cur ita sit, propter quam causam ita sit. Nonnunquam vero simul offerri & cognosci, rem ita esse, & propter talem causam ita esse.

Hoc modo debent planē intelligi & conciliari duo loca Aristotelis allegata. Neque enim priori loco docere voluit, esse prius necessarium, & in omnibus rebus vniuersale, prius cognosci rem ita esse, & deinde per quam causam sit: sed tantum docuit illud quod sapē & plerumque accidit.

Experientia autem & ratione hoc totum ostenditur. Nam sapē per sensus notum nobis est rem ita esse, vel per signum aliquod à posteriori, aut per effectum. Neque statim perspicua nobis est causa cur ita sit. Ita patet in exemplis illis Aristot. de defectu Solis, & motu terra; & aliis innumeris. Tunc ulterius inuestigamus causam cur ita sit: & tandem allequimur ipsam causam: interdum etiam non allequimur. Aliquando autem contingit, statim in prima inquisitione de re aliqua offerri nobis medium aliquod à priori, & causam talis rei. Tunc simul cognoscimus, rem ita esse, & per quam causam ita sit. Quando verò nos diximus, semper per demonstrationem propter quid sciri etiā veritatem conclusionis in se; loquuti sumus de demonstratione per quam inferitur conclusio absolute per illationem ex causa. Alio tamen modo potest haberi simplex quædam notitia de ipsa causa: ut si dicamus, hæc est causa talis rei, ut ibidem notauimus. Nec etiam negauimus, posse & solere ante demon-

strationem & cognitionem propter quid haberi cognitionem de ipsa re, non adhuc cognita causa.

Deinde dicendum est, in scientia totali prius regulariter collocari debere tractatum de principiis & causis obiecti, postea de accidentibus & proprietatibus. Ita planē ipse Aristot. obseruauit. Nam in Physicis prius egit de principiis & causis rerum naturalium libro primo & secundo, & postea de motu alijque affectionibus lib. 3. & sequentibus. & ita etiam in alijs suis operibus. Et tanē ita poscit ordo ipse naturæ ex parte obiecti, ut patet. Id etiam confert ad perfectionem sciendi modum; ut deinceps possint ex causis cognitis demonstrari proprietates & affectiones subiecti. Neque obstat quod dicebamus, prius ex parte nostra solere cognosci rem ita esse, quam per quam causam ita sit. Nam plerumque alius est ordo inueniendi, alius docendi. Qui ergo per viam inuentionis sua industria rerum occulta scrutatur, prius solet cognoscere, rem ita esse, quam cur ita sit. At qui alium docet, porius debet prius proponere & enarrare causas in se spectatas, deinde procedere ad proprietates & affectiones ex ipsæ causis promanantes. Accedit, quod causa quæ in scientiis considerantur, primariō considerari solent tanquam causæ ipsius obiecti in se quoad suam entitatem. At verò prius supponitur, & si opus est, probatur obiectum esse; deinde considerantur eius causæ à quibus est. Postea conuenienter sequuntur proprietates quæ ex vi suæ essentia & virtute earundem causarum eidem subiecto conueniunt.

Rursus inter causas ipsas præferendæ sunt intrinsecæ extrinsecis: quoniam causæ intrinsecæ accedunt magis ad ipsum obiectum intrinsecè in se spectatum. Inter intrinsecas autem, vel extrinsecas, illa præferenda est, quæ aut ordine ipso causalitatis, aut ordine dignitatis, maiorem quandam prioritatem habere videatur. Similiter inter proprietates, illæ in primis præferendæ sunt, quæ magis intimæ & propinquæ ad ipsam rei essentiam apparent, & ex quibus aliæ quodammodo con-

Sciētia totalis prius agit de causis, deinde de accidentibus subiecti.

Quis sit ordo inter ipsas causas & accidentia.

sequuntur. Inter eas verò, quæ æqualiter ex hac parte ad rei essentiam se habent, aut dignitatis, aut originis, aut commoditatis ordo servetur.

SECTIO X.

*Quonam ordine debeant
disponi varia scientia inter se.*

*Quo loco
consideran-
dum sit quæ
sint quorū
plexius di-
nididum
subiectū
in suas
species.*

Cæterum quæsitum quoduplex, quod dicebamus posse quodammodo ad quæsitum qualis reuocari, facile constat, debere post omnia prædicta in fine totius tractationis de re in genere sumpta, collocari: nempe per gradum faciat ad distinctam & peculiarem tractationem singularum specierum, in quas tale genus diuiditur. Hoc autem intelligitur, quando in ipso communi tractatu agitur tantum de re in genere, non descendendo ad varias res in specie. Alioqui tunc præmittenda esset diuisio. Et ita interdum de facto contingit: vt obferuanti patebit. Quandoque enim non potest commodè tractari de re præcisè in sola sua communitate: sed simul agitur de ijs quæ conueniunt communiter ipsi rei in genere, omnibusque speciebus eius, ac de ijs quæ distinctè conueniunt singulis speciebus. Et tunc ab initio oportet hæc omnia proponere. Et ita præsertim in tractatu de Demonstrat. nos supra seruauimus. Imò vltèrius, quando id quod videbatur in genere summi, non est propriè vnum & vniuocum, sed æquiuocum, vel ita analogum, vt non dicat vnum conceptum de re communem per se considerabilem: tunc omnino est ab initio diuidendum, ac deinceps de singulis membris & partibus pertractandum: iuxta illam regulam, æquiuoca sunt prius diuidenda quàm definienda. Hæc enim, diuisio tunc spectat ad nominis explanationem, quam dicebamus, prorsus esse ab initio præmittendam. Sic etiam in analogis, quæ in rigore sunt æquiuoca, Medicina non agit de sano in communi, complectendo animal, sanum, & causas, & signa sanitatis: sed distinctè & per se, prius de sanitate animalis, deinde de causis & signis,

Aristot. primo Metaphysic. capite primo notauit, prius apud homines inuentas & institutas fuisse artes (nomine artium scientias etiam practicas comprehendens) vel ad necessitatem, vel ad voluptatem vitæ opportunas. Deinde *Huiusmodi iam omnibus institutis, illa sapiensiarum, quæ neque ad degendum voluptaria, neque ad necessaria conducunt, inuenta sunt.* Verum non oportet deinceps eundem esse ordinem addicendi, qui fuit inueniendi. Nec singuli homines, vt ingenua Philosophiæ studia capebant, coganur prius artes humanæ vitæ necessarias vel commodas addiscere, sicut nec per se ipsos exercere. Sed illæ inuentionis ordo, magis respectu totius humanæ Reipublicæ, quàm respectu singulorum assignatus est.

Prætermisissis ergo inferioribus huiusmodi artibus & facultatibus: superiorum tantum & digniorum Scientiarum, quæ ad cultum & ornatum animi referuntur, ordinem inquiremus. Et generali quadam partitione assignantur quinque: tres speculatiuæ, Metaphysica, Physica, & Mathematica: & duæ practicæ, Logica, & Moralis. Quæ etiam omnes solent generali Philosophiæ nomine nuncupari.

Harum scientiarum, Logica debet esse ordine prima. Ita indicauit Aristot. tertio Metaph. textu decimoquinto dum dixit, absurdum esse, simul scientiam, & modum sciendi quærere: per modum sciendi intelligens Logicam: & volens vitæque debere antea possideri Logicam, quàm ad alias scientias transferatur. Ita etiam alij veteres Philosophi agnouerunt. Et est res satis explorata. Nisi quod apud Platonem, aliqua Mathematicæ pars ipsi etiam Logicæ prælata videtur. Sequitur planè ex dictis q. prima de vtilitate & ne-

*Scientia
quarū or-
do quæritur.*

*Logica est
omnium
prima.*

cessitate Logicæ ad reliquas scientias comparandas: & ex natura ipsa, proprioque officio Logicæ, quæ est nostræ cognitionis, aliarumque scientiarum directiua.

Scientia moralis an sit secundum post Logicam. De scientia morali Simpl. in procem. prædicab. Themist. initio Physf. Burl. ibidem in diuis. Philosf. Eulfrat. initio Ethic. volunt, immediatè post Logicam ante alias philosophicas scientias quæ sunt speculatiue collocari debere. Et ira Pythagoram seruasse colligitur ex epist. Iysidis relata à Carpentar. in præfat. physicc. Et fundamentum erat: quia prius expedire mores benè componere: idque est longè magis vile ac necessarium. Et præsertim maximè iuuat ad veritatem in reliquis scientijs puriori ac vegetiori mètis oculo assequendam. Addi potest propinquitat, & magna conuenientia scientiæ moralis cum Logicæ: vtraque enim est operationum animæ directiua: prima intellectus, secunda voluntatis: prima intendens verum, secunda bonum.

Vel vltima post omnes. At debere potius scientiam moralem post aliam philosophiam collocari, docuisse videntur antiqui philosophi apud Laertium in vita Zenonis. Indicant Auer. initio Physf. cum Alexand. & D. Th. 6. Ethic. c. 6. lect. 7. & ita seruauit Alcinous in iuo lib. de doctrina Platonis. Fuisse etiam scientiam moralem inuentam post alias philosophicas scientias, constat ex Arist. 1. de Part. animal. cap. 1. & Cicer. lib. 1. Accadem. qq. & lib. 5. Tulc. qui referunt Socratem primùm totum philosophandi studium ab alijs rebus ad humanos mores auocasse. Debere autem post Mathematicam & Physicam, sed ante Metaphysicam, collocari, descendunt Cornimb. in Physf. q. 5. procem. Fonseca 2. Metaph. cap. 3. q. 5. in fine, & alij. Colligitur etiam hic ordo ex Arist. qui 1. Eth. cap. 3. ait iuuenem non esse idoneum auditorem doctrinæ moralis, quia inexperitus est, & passionibus agitur. Et lib. 6. cap. 8. iuuenes, licet geometrici & mathematici, atque in eiusmodi rebus sapientes evadant: prudentes tamen evadere non videntur. Præterea 1. Ethic. cap. ult. docet: similem quæ ad animam spectant quodammodo cognoscere oportere: quemadmodum oculum, & totum corpus eum, qui curaturus est. Et. ex his sumitur huius ordinis

fundamentum: quia per exercitationem aliarum scientiarum homo redditur magis idoneus ad moralem doctrinam: & quia cum scientia moralis sit de operationibus animæ, præsupponere debet notitiam de ipsa anima. Et cum tandem referatur ad Deum, præsupponere debet notitiam Dei.

Dicendum tamen est nõ requiri per se certum ordinem inter scientiam moralem & alias dictas scientias, quasi moralis vel præcedere vel consequi ad illas debeat. Fundatur quia ea quæ in scientia morali addiscuntur nõ habere per se connexionem cum ijs quæ in alijs scientiis: & neque sunt necessaria ad illa, vt præcedere debeant: neque dependent ex illis, vt sequi debeant. Quod si aliqua ratione se mutuò iuvant: inde etiam non efficitur, vt potius vel consequi debeat, vel præferri.

Vel ad summum fatendum est, expedire quidem, imo ad rectam institutionem vitæ oportere, vt homo ante omnia breuiter ex doctrina morali cognoscat ea quæ agere, & quæ vitare debeat, suosque mores benè componere assuecat. Et hoc probat fundamentum prioris sententiæ. Ex ista verò & exquisitam scientiam moralem melius percipi & possideri posse post proveciorem aetatem: diuturnioris experientiam, & alia philosophica studia si præcesserint. & hoc probat fundamentum postterioris sententiæ. Quamvis possint, ac debeant, & de facto soleant, in ipsamet scientia morali inseri aliqua spectantia ad naturam, potentias & operationes animæ, quæ per se videbantur spectare prius ad naturalem scientiam. Sed huiusmodi scientiæ practicæ meritò tractant ea quæ conferunt ad finem suæ directionis. sic facit & Logica, facit etiam medicina. & hoc potissimum docuit Ar. 1. Eth. cap. vltimo.

De Mathematica, debere ante Physicam & Metaphysicam præcedere, docet S. Th. 6. Eth. cap. 8. & Opusc. 70. q. 5. art. 1. ad 3. Sappo nit etiam plures Expofitores initio Physf. Accedit Vgo de S. Victore lib. 2. Didascalion cap. 18. & in Prologo Cælestis Hier. Indicauit Ar. loc. cit. 6. Eth. cap. 8. vbi subdit: puer fieri mathematicus debet: Sapiens autem naturalis nõ potest, id est Metaphysicus aut Physf. Plato etiã li. 7. de Rep. idē docuit, & alij veteres idē supponebant. Conimbr.

Nõ requiritur certus ac necessarius ordo. cū alijs.

Mathem. an sit prior Physf. & Metaphys.

verò q. 5. proœm. Phys. explicat Mathematicam esse ordine doctrinæ priorē, sed Perer. libro 1. cap. 17. contendit, non solum ordine doctrinæ, sed etiam ordine naturæ esse priorem Physicā. Fundamentum huius ordinis est, quia disciplinæ mathematicæ sunt faciliores & certiores, minorique experientia indigent. Addit Perer. quia Mathematica considerat quantitatem, ut quantitas est, & ut abstrahit à materia: Physica verò considerat res, etiam quantitatem, ipsam & substantiam, quatenus mobiles & sensibiles: ergo ex natura ipsa obiectum Mathematicæ est prius obiecto Physicæ.

*Vel sicut
rior.*

In contrarium Albert. primo Physic. tractatu primo cap. primo, Ammon. init. Prædicab. & alij censent, Mathematicam esse potius simpliciter posteriorem Physicæ. Fundamentum est: quia quantitas est accidens: at prior est consideratio subiecti & substantiæ quàm accidentis. Et quia res physicæ sunt propinquiores sensibus, à quibus omnis nostra cognitio ortum ducit. Et quia Mathematica habet abstractionem mediam inter Physicam & Metaphysicam. Fons. verò 2. Metaphys. cap. 3. quæst. 5. docet, Mathematicam ordine quidem exquisitam doctrinæ esse posteriorem, non solum Physicæ, sed etiam Metaphysicæ: absolute autem & simpliciter esse utraq; priorē. Probat ex fundamentis utriusque sententiæ.

*Nō requi-
rit certū
ac necessa-
riū cū il-
lis ordinē*

Sed dicendum etiam est, non requiri per se certum ordinem inter Mathematicam & alias diſtas ſcientias. Pater: quia de facto quamplures sunt, qui Physicæ & Metaphysicæ operam nauant, nulla præmissa Mathematica. Et è conuerso alij Mathematicæ, sine Physicæ & Metaphysicæ. Ratione suadetur: quia nec veritates mathematicæ per se requiruntur ad intelligentiam earum quæ traduntur, vel quæſtionum quæ disputantur in alijs Philosophiæ partibus. Nec quæſtiones ad intelligentiam ad mathematicas veritates & obseruationes.

Ex eo autem quod Mathematicæ sunt faciliores & certiores, solum sequitur, cum prima sententia, posse vtiliter ante præmitti ad exercendum ingenium. Et ex eo quod iuuenilis ætas sit ad altiores

Philosophiam minùs apta, idem sequitur. Non verò per se propter rationem ordinis. Falsum est autem quod dicebat Perer. obiectum Mathematicæ esse naturæ, sua prius obiecto Physicæ. Sed potius oppositum verum est. Nam Physica considerat quantitatem ipsam secundum essentiam quantitatis, & considerat substantiam, quæ est subiectum quantitatis. Mathematica verò considerat quantitatem, secundum rationem mensuræ: quæ ratio est utique posterior in essendo.

Deinde ex eo quod quantitas obiectum Mathematicæ, est accidens, solum sequitur, quoad essentiam & rationem eius physicam debere considerari dependenter à substantia: Et sic consideratur in Physicæ. At in Mathematica consideratur abstractè, & solum secundum rationem mensuræ, ad quam non prærequiritur physica consideratio: ut ex ipsa experientia patet. Vnde nec etiam refert, quod res physica sunt propinquiores sensui, & quod res mathematicæ sunt abstractiores à materia: quia non per hoc physica speculationes & cōiunctio cū materia deferuiunt ad mathematicas demonstrationes.

Præcipua comparatio remanet inter Physicam & Metaphysicam, & quæ nunc ad hos maximè pertinet. Quoniam, cum iam Philosophiam, in quæ Mathematicam Physicamq; complectimur: prosequi cogitemus: speciali cura enitendum est, utraq; recto ordine contexere: & eo magis si aliquid præter cōmunem expectationem & consuetudinē moliri paramus. Nō determinamus autem nunc, quænam & quantitas sit distinctio inter Physicam & Metaphysicam. Sed absolute Physicam sumimus pro ea Philosophiæ parte, quæ agit de rebus materialibus, Metaphysicam pro ea quæ agit de gradibus & prædicatis communibus ad res materiales & immateriales, & quæ agit de rebus immaterialibus.

Satis exploratum videretur, Physicam esse, & debere esse, Metaphysicæ ordine doctrinæ priorē: & sicut supremam, ita potestam scientiarum in addiscendo, esse Metaphysicam, quæ & dignitatis prærogatiua primæ philosophiæ nomine gaudet. Ita notarunt Auicenn. libro 1. Metaphys. cap. 3. Sanct. Tho. Opusc. 70. quæst.

*De ordina-
inter Phy-
sicam &
Metaph.*

*Cū sentē-
tia propo-
nens Phy-
cam.*

quasi. 1. art. 1. & 1. Con. Gen. c. 4. & alibi, Alib. 1. Met. tract. 2. c. 10. Aegid. in proem. Met. & alij communiter. Et cōmunis Philosophorū vīus hunc ordinem seruat. Aristot. etiam 1. Met. in fin. ait, prius agi debere de natura, quod referre videtur ad Physic. & lib. 1. c. 3. incipiens tractare de causis, commemorat satis de ijs speculationum in Naturalibus, supponens vique, Physicam præcessisse. Et 1. Phys. in fine ait, de formis abstractis & separatis agendum esse in prima Philosophia: *Quæ propter in illud tempus reponatur*. Et alibi plura similia Arist. indicat. Sed quid plura? Ipsum Metaphysicæ nomen satis rem demonstrat. Metaphysicæ enim dicitur, quasi trans Physicā, post Physicam. Fundamentum verò huius ordinis est: quia res metaphysicæ sunt abstractissimæ, & à sensibus remotissimæ, ac proinde difficillimæ: & præsertim substantiæ separatæ non nisi ex rebus his sensibilibus nobis innotescere possunt.

Ex alia parte non desunt etiam Auctores & auctoritates, priorem ordinis locum Metaphysicæ tribuentes. Præclare D. Thom. initio Physicæ ait, in scientiis naturalibus meritiò præmitti illam partem, quæ agit de ente mobili in communi: sicut omnibus scientiis præmittitur Philosophia prima, in qua determinatur de ijs quæ sunt communia enti, in quantum ens. Auicenna eodem loco norauit, Metaphysicam, debere esse priorem secundum ordinem sciendi distinctè. Albert. etiam apud Sueffan. & ipse Sueffan. 6. Met. disp. 3. c. 4. Scot. in 1. d. 3. q. 2. 5. loquendo igitur, vers. secundo probo, priorem locum ordine doctrinæ præcipuam, quadam ratione Metaphysicæ tribuunt. Fons. 2. Met. c. 3. q. 5. sect. 4. asserit, Metaphysicam ordine exquisitæ doctrinæ esse priorem, licet absolute & simpliciter dicat esse posteriorem. Suar. d. 1. Met. sect. 4. num. 10. ait, ordine doctrinæ secundum se Metaphysicam esse priorem, sed ratione nostri modi cognoscendi sibi vèdicasse postremum locum. Conimbr. in Physic. q. 5. procemial. art. 3. farentur, Metaphysicam esse ordine doctrinæ priorem ad perfectissimam adaptionem aliarum scientiarum. Perer. lib. 1. c. 17. asserit, esse ordine naturæ priorem, sed secundum nos esse posteriorem. Zabar. lib. de Ordine

intelligendi cap. 15. ait, non nisi ratione eius partis, in qua agitur de substantiis separatis, esse posteriorem ordine doctrinæ. Sed præcipue Antonius Bernardus Mirand. lib. 15. de Euerfione singularis, certaminis, & deinceps, absolute defendit, Metaphysicam debere esse priorem.

In hac re distinguere oportet illā Metaphysicæ partē quæ agit de ente & alijs prædicatis communibus, & aliam quæ agit de rebus immaterialibus, siue de substantiis separatis. Et de veraque parte distinctè respondendum putamus.

Dico primò. Illam Philosophiæ partē, quæ agit de ente & cæteris similibus cōmunibus prædicatis, non solum esse ordine naturæ, & exquisitæ doctrinæ priorem: sed absolute & simpliciter debere prædicare etiam illi parti Philosophiæ, quæ agit de rebus materialibus, quæ dicitur Physica. Et hunc potius ordinem, de facto esse seruandum. Hac conclusio satis manifestè, & efficaciter demonstratur.

Primò generalis & perfecta ordinis regula est: ea quæ magis vniuersalia sunt, in sciētijs esse priora: diciturque, ordine naturæ priora: & absolute loquendo ordine doctrinæ prius cōsiderari debent. Idque ex Arist. ex communi vīu, & pluribus rationibus, sect. 7. iam ostendimus. Atque eadem omnia & singula media ibi allata, specialiter applicari possunt ad probandum, illa prædicata communia entis cum suis passionibus, rationem quoque substantiæ & accidentis, & alia quæ sunt rebus materialibus, immaterialibusque communia, debere prius & antea cōsiderari. Certè ea pars Philosophiæ quæ agit de his prædicatis communibus, debet esse prior alia partē quæ agit de rebus immaterialibus. Et illa pars Philosophiæ quæ agit de rebus materialibus, prius cōsiderat obiectum suum in genere, quàm alia genera, speciesque subiectas. Et rursus eadem pars, quæ agit de prædicatis communibus, prius vique cōsiderare debet ens in communi, quàm distinctè substantiam & accidens, aliaque genera entis. Et ita omnes scientiæ constanter obseruant. Oninino ergo ea pars Philosophiæ quæ agit de dictis prædicatis cōmunibus, debet esse prior illa quæ de rebus

illa pars Philosophiæ, quæ agit de ente & communibus prædicatis, est præponenda Physicæ.

Quia magis vniuersalia sūt prius cōsideranda.

Sententia præposita Metaph.

Res physica dependens in cognoscendo ex illis communibus gradibus.

rebus materialibus in specie agit.

Secundo, idem ostenditur magis inductione quadā magis explicita & distincta ex rebus metaphysicis ad res physicas. Physica debet considerare & de facto considerare essentiam & existentiam suarū rerū, præsertim compositi naturalis: disputat, num materia habeat essentiam vel existentiam à forma, num existentia compositi sit simplex vel composita. Considerat etiam subsistentiam, quæ completionem substantiæ, an conveniat materiæ vel formæ, quomodo conveniat toti composito. Hæc vitæ non potest satis dignoscere, nisi supponat notitiam essentia & existentia & subsistentia in communi ex Metaphysica, in qua quæstiones generales de his disputari debent: vel nisi ipsa Physica anticipet & usurpet ea quæ ad Metaphysicam pertinebant. Physica considerare debet principia & causas rerum naturalium. Vnde etiam vel supponere vel ad se transferre debet considerationem principiorum & causarum in communi. Physica considerare debet rationem accidentium materialium: & in specie qualitates, earum intensiorem & alias proprietates; item actiones passionem, durationes, & alia. Vel ergo debet de his suis rebus disputare ea quæ alioqui erant communia etiam ad res immateriales: & ita ad se trahit Metaphysicam; atque adeo non iam est Physica ante Metaphysicam. Vel supponere debet Metaphysicam.

Tertio, de facto observandum est, quā plurimas quæstiones in Physica pertractari, quæ in rigore communes sunt etiam ad res immateriales; vnde ad Metaphysicam pertinebant. Imo & in Logica solent plura, tum de ente, tum de generibus entis, in Prædicamentorum tractatu inseri, quæ profus ad Metaphysicā spectant. Quod totum non aliunde factum est, nisi quia Metaphysica sub nomine Metaphysica in ultimum locum dilata est: cum potius tales communes tractationes & quæstiones debuissent statim post Logicam ante Physicam collocari. Ideoque in ipsa Physica & Logica præter ordinem insertæ sunt. Itaque, si non Metaphysicæ nomen, tamen res Metaphysicæ rebus Physicis prælatæ sunt.

Metaphysica ita

Quarto addunt aliqui. Metaphysica constituit prima principia universali-
 tas

ma, in quibus fundatur certitudo aliarum scientiarum. Ad illam etiam pertinet probare principia propria aliarum scientiarum. Vnde alia scientia dicuntur quodammodo subalternari ipsi Metaphysicæ. Et hoc totum sumitur ex Aristot. 1. Post. cap. 7; 1. Phys. tex. 8., 1. Metaph. cap. 1. & 2. & alibi. Ergo Metaphysica debet ordine naturæ & doctrinæ præcedere. Hæc tamen ratio non est adeo efficax: quia principia Metaphysica, v. g. non potest idem simul esse & non esse, & similia; principia item propria aliarum scientiarum; sunt per se satis evidenter. Vnde non necessario indigent alia probatione. Ad maiorem tamen doctrinæ copiam, & contra omnem proteritiam, in Metaphysica dicuntur constitui & comprobari. Item alia scientia non proprie, & in rigore subalternantur Metaphysicæ ea subalternatione, qua suo loco diximus scientiam subalternantem debere omnino in intellectu supponi, vt subalternata sit veta scientia: sed solum secundum dictam rationem subordinantur Metaphysicæ. Hæc omnia notavit Ferrar. 1. contra Gen. cap. 4. Iuvat tamen hæc etiam ratio ad suadendum, vt si ex alia parte non pravealeat alia ratio, qua Metaphysica postponatur, convenientius præponatur. Quæ sanè convenientia maxime inter Metaphysicam & Physicā reperitur.

Quinto demum. Cū Metaphysica quantum ad illam partem universalem, ordine naturæ & universalitytis præcedat Physicæ, vt manifestū est; & hinc aliqui concesserint, esse etiam ordine doctrinæ, saltem quoad se, siue ordine exquisitæ doctrinæ priorem: probatur absolute & simpliciter debere præponi. Nulla occurrit ratio, qua non servetur hic ordo naturæ & doctrinæ, & ob quam expediat talem ordinem commutari: ergo absolute & simpliciter debet illa Philosophiæ pars Physicæ ipsi præponi. Assumptum probatur, conuolendo simul omne fundamentum partis aduersæ. Non refert, quod res metaphysicæ sunt abstractiores & remotiores à sensibus. Nam in universum semper universalia sunt abstractiora & remotiora à sensibus: & tamen hoc non facit, quominus semper in omni alia scientia, & omni parte Philosophiæ, prius universalia considerentur: etiam in ipsa Physica.

dit & probat principia scientia.

Ad maiorem commoditatem, facilitatemque fieri talis ordo.

ea: ac in eadem quoq; Metaphysica, in qua prius de ente quam de substantia & accidente differitur. Illa ergo ratio mouere non debet ad peruertendum ordinem, aliqui tam doctrinæ, quam naturę debitum.

Non refert quod res metaphysicę dicantur difficiiores & simpliciter difficillimæ. Quinimò certè, si ostendamus ea, quæ tractari solent in Logica: sunt magna ex parte, aut non minus aut magis etiam difficilia. Et Sanct. Thom. Opusc. 70. quæst. 6. artic. 1. quæstiunc. 2. ad 3. notauit, esse incipiendum à Logica, quauis Logica non sit faciliore alijs scientijs, sed potius habeat maximam difficultatem. Imo iuxta modum, quo Logica tradi solet, ferè quæ difficioliora sunt Metaphysicę in Logicam transferuntur: & tamen Logica primo loco traditur ante alias scientias. Quoniam modo ergo ea rerum difficultas potest Metaphysicam è suo debito loco diuellere, & à recto suo ordine exturbare? Rursus pleraque etiam quæ in Physica pertractantur, sunt aut non minus aut magis difficilia, quam quæ in Metaphysica. Et vt alia taceamus, certè tractationes de quantitate & infinito aliqua ratione longè superant omnem Metaphysicę difficultatē. Et intra ipsam Physicam, ea quæ tractantur de rebus naturalibus in communi circa octo libros de Physica auscultatione sunt longè difficioliora alijs, quæ tractantur in sequentibus libris de varijs rebus naturalibus in speciali: vt satis compertum & notum est. Quædam etiam sunt in Physica: quę nisi Metaphysicam supponant difficioliora sanè redduntur. Itaque non solum ratio illa difficultatis non obstat: sed ob maiorem etiam facilitatem & commoditatem, debet Metaphysica quoad illam partem vniuersalem, Physicæ absolute præponi.

Ceterum non est par ratio, vt similiter alijs scientijs, quę vtique certa quædam enis genera considerant, Metaphysica debeat præponi. Nam alię scientię vel sunt practicę, vel sunt Mathematicę. At ad eas omnes non pertinet, exactè cognoscere naturam & rationem suorum obiectorum: sed sufficit breuiter attingere, quantum opus est ad directionem operandi, vel ad exercitium mensurandi.

Vnde in ijs non habet locum illa regula, vt prius prædicata essentialia communia dignoscantur. Hinc, Logica: non debet præsupponere scientiam de accidentibus aut de actibus vitalibus in communi, sicut nec de anima, vt consideret & dirigat actus nostre cognitionis. Et sic in alijs similibus sciētijs. Multo minùs ergo Metaphysica debet ad has scientias precedere.

Dico deinde 2. Illam Philosophię partem, quę agit de rebus immaterialibus, siue de substantijs separatis, licet ordine dignitatis & ordine naturæ præstet Physicæ, quę agit de rebus sensibilibus & in materia concretis: tamen vilius & commodius in postremum locum differri. Hęc conclusio probatur facili. Quia sine dubio dignior & nobilior est consideratio rerum immaterialium, vtpotè nobiliorū: Deus etiam ordine causalitatis est primus, & primum principium omnium aliarum rerum: Intelligentię quoque habent aliquam causalitatē erga res corporeas. At ex vna parte notitia harum substantiarum non est per se necessaria ad cognitionem rerum materialium: sicut necessaria erat notitia prædicatorum communium. Quinimò potius ex rebus his sensibilibus, nobisque notioribus, cognoscimus et probamus ea quę pertinent ad Deū aliasquę substantias separatas: vt habetur ex ipsa Scriptura Sap. 13., & ad Rom. 1. & ex Arist. 1. de Part. Anim. cap. 5. Et est res notissima. Nec alio modo possumus naturaliter habere de illis scientiam. Hac ergo ratione, & hoc doctrinæ ordine, debet Physica huic alteri Philosophię parti præponi. Imo iam iuxta communē vñm tota scientia de Deo, aliisquę substantijs separatis, in sacram Theologiam coniungendo lumen rationis cum lumine Fidei, translata est: Theologia autem Philosophiam ante se præmissam, supponit.

Et præcipuè omnis alia cognitio rerū creaturarum ad maiorem Dei noticiam cōducit, & ad hanc meritò referenda est. Vnde specialiter contemplatio Dei debet post naturalem Philosophiam reponi. Sic notauit optimè Sanctus Thomas primo contra Gentes cap. 4. Cum ferè totius Philosophiæ consideratio ad Dei cognitum ordinatur: Metaphysica, quæ circa Diuinam versatur, inter omnes Philosophiæ partes vltima

Alia pars Philosophiæ, quæ agit de rebus immaterialibus, conuenientiùs post Physicam collocatur.

Non propterea debet Metaphysica ante omnes præfatus scientias collocari.

tima

anima remanet ad discenda. Et Arist. 1. Metaph. cap. 2. per excellentiam quandam, docet, sapientiam quæ considerat prima & nobilissima entia, esse præ aliis liberam, & maxime propter se ipsam: quoniam scilicet alia scientiæ suo modo referuntur ad illam.

Arist. explicatur. Ex his tandem potest in parte satisfieri ad auctoritates illorum, qui Metaphysicam collocant post Physicam: hoc verificando quoad illam Metaphysicæ partem, quæ agit de substantiis separatis. Aristot. autem 2. Metaph. in fine, dixit, considerandum primum esse quid sit natura, quia sic manifestum fieret, de quo sit naturalis scientia. Non ergo comparationem faciebat inter Physicam & Metaphysicam: sed tradebat modum quo cognosci deberet ad quenam naturalis scientia se extendat. Imo aliqui librum illum secundum Metaph. collocandum putant inter primum & secundum Physicæ auscultationis: cum quibus maiorem quam cum primo & tertio Metaphysicæ connexionem præferre videtur. Et tunc sensus esse posset, prius agendum esse de natura, de qua statim agit 2. Phys. ante alios tractatus sequentes de rebus naturalibus.

Rursus lib. 1. Metaph. videtur eo loquendi modo, solum ad indicandum alium, suum tractatum de causis: consuetus enim est talis loquendi modus, non spectato ordine vnius tractatus cum alio. At 1. Phys. merito remittit tractationem de formis separatis in primam Philosophiam: quod est conforme secundæ cõclusioni positæ. Vel certe fieri potuit, ut non eodem temporis ordine hæc opera conscripta fuerint, quem inter se servare debebant. Sicut facile contingit, quempiam prius cõscribere volumen aliquod Philosophiæ quam Logicæ, Theologiæ quam Philosophiæ: & ita in Philosophia referat, se aliquid tractasse in Theologia, & in Theologia remittat aliquid tractandum

in Philosophia. Vel demum Arist. fortasse Metaphysicam disposuit, non post totam naturalem Philosophiam, sed proximè post illam partem, quam propriè nominavit Physicam & de natura, quæ cõtinet octo libros Physicæ auscultationis: quia ita tunc commodum ipsi videri potuit. Et fauent ipsa nomina inscriptionesque librorum: nam Metaphysica Physicæ proximè consonat. Neque refert, quod Aristot. in vno opere à Physica distincto Metaphysicam edidit, in qua simul de prædicatis vniuersalibus & de substantiis separatis tractare instituit. Nam nec distinctio & dispositio librorum ab ipso Aristot. facta est: nec ad nos peruenerit omnes lib. i ab eo conscripti. Neque absoletum omni ex parte Philosophiæ ordinem ex ipso Arist. habemus.

Metaphysicæ autem nomen potest propriè denotare, vltra Physicam, supra Physicam: respiciendo non tam ad ordinem docendi & addiscendi, quam ad vniuersalitatem obiecti: obiectum enim Metaphysicæ est vniuersalius vltra & supra obiectum Physicæ. Vel, etiam si dicatur, post Physicam, intelligi potest ordine primæ cognitionis & inuentionis: quia scilicet naturalis hominum cognitio prius res sensibiles attingit, deinde per abstractionem prædicata communia excogitare sunt. Et ita fieri etiam potuit, ut prius inuenta fuerit scientia, licet tunc minus perfecta, de rebus sensibilibus ac naturalibus: & per eam fuerit concomitanter inuenta scientia de prædicatis superioribus: quæ tamen deinceps debuit esse doctrinæ ordine prior. Denique fundamentum eiusdem primæ sententiæ satis solum manet ex dictis.

Plura verò pro hac tota re, examinando distinctionem Metaphysicæ & Physicæ siue vteram Philosophiæ in suis partibus, in principio nostræ Philosophiæ mox sequetur dicemus.

Nomē Metaphysicæ exponitur.

Philosophia promittitur.

Laus Deo, Beatæq. Virgini.

INDEX RERVM.

A



ABSTRACTIO à materia triplex pag. 606. col. 1. Non est ratio constitutiva obiecti scibilis pag. 607. col. 1. Non est distinctiua scientiarum, ibidem, col. 2.

Abstractio, siue precisio, vide Vniuersale.

ACCIDENS singulare quomodo indiuidetur, vide Singulare.

Accidens materiale habet unitatem & distinctionem cōtinuatim ex quantitate pag. 223. col. 2.

Accidens est Vniuersale 320. 1. Accipitur in concreto col. 2. Habet suam Unitatem & Aptitudinem 321. 1. Ab alijs Vniuersalibus distinguitur col. 2. Potest pluribus modis diuidi pag. 322 col. 1.

Accidens predicabile unde à predicamentali distinguitur 323. 1. Ad ipsum pertinent etiam natura extrinsecè denominantes subiectum 323. 1. & 2. Et hoc absque admixtione relationum rationis 324. 1.

Accidens definitur 329. 2. Quomodo possit adesse & abesse prater subiecti corruptionem varijs modis explicatur 330. 1. & sequentibus. Definitur secundò 331. 1. Definitur tertio col. 2. Definitur quatenus Vniuersale non requirit existentiam actualem. ibidem. Diuiditur c. 2. Suscipit magis & minus. ibidem.

Accidens diuiditur in plura Pradicamenta 358. 2. Accidentium nouem Pradicamenta assignantur 359. 1. Accidentia in rigore in abstractio ponuntur in Pradicamentis, possunt tamen poni in concreto 368. 2.

Accidentia an prius cognoscantur quàm substantia, vide Ordo.

ACTIO humana quomodo possit mutari de bona in malam. 385. 2.

Actionis definitio ex Gilberto pag. 461. 1. Melior definitio traditur col. 2. Omnis actio predicamentalis est productiua termini pag. 462. 1. Omnis actio predicamentalis distinguitur à sermone, non verò actio non predicamentalis. 463. 2.

Actio non solum successiua, sed etiam instantanea est de Pradicamento Actionis. 464. 1. Non solum transiens, sed etiam immanens col. 2.

Non solum accidentalis, sed etiam substantialis 465. 2. An etiam creatio & dependencia rerum à Deo 466. 1.

Actionis diuisiones, & genera 466. 2. Attributione & proprietates ibidem.

ACTVS intellectus quomodo sumat unitatem ab obiecto, & de unitatem natura vniuersali 172. 1. Quomodo distinguitur ex obiecto & ratione cognoscendi 546. 2.

AEQUIVOCA nomina sunt Vniuersalia in significando 334. 1. Definiuntur col. 2. Descriptio explicatur. ibidem. Aequiuocorum ratio est diuersa 335. 1. Nomen quomodo debeat esse idem col. 2. In aequiuocorum nomine qua sit ratio significatiua. ibidem. Aequiuocum nomen est vnum materialiter & multiplex formaliter 336. 2. Quo nam modo plura significet. ibidem. Absolutè prolatus nihil determinat 337. 1. Per additionem determinatur, ibidem. Qualiter determinetur col. 2.

Aequiuoca diuiduntur in pura aequiuoca & analogia, siue aequiuoca à casu & à consilio 337. 1. & sequent.

ANALOGA dantur 338. 2. Definiuntur. ibidem. Tres Analogorum acceptiones 339. 1. In prima, Analoga non dicuntur con ceptum imperfectè precisum, in tertia con ceptum perfectè precisum 339. 1. & sequent.

Analoga inaequalitatis explicantur 342. 1. & 2.

Analoga attributionis explicantur 343. 1. In Analogis attributionis aliud est principale, aliud minus principale. pag. 343. 1. & 2. In Analogis transcendentibus forma principalis reperitur in omnibus analogatis 344. 1. & 2.

Analoga proportionalitatis differunt ab Vniuersis & purè aequiuocis 346. 1. Item ab alijs Analogis. ibidem.

Analoga nomen exponitur 338. 2. Analogia attributionis exercetur inter varias causalitates 343. 2. Est duplex 344. 1. Analogia proportionalitatis explicatur 345. 2. Exercetur per comparationem ad plura ibidem. Quandoque dicitur significationem metaphoricam, quandoque propriam 346. 1. Analogia proportionalitatis, & attributionis potest in ijdem rebus & nominibus reperiri 346. 2.

Analogè nomini quis conceptus formalis correspondens 341. 2. Analogo nomini per attributionem

Y Y

tionem

Index Rerum.

riemem quis conceptus correspondens, quid sit significatio in 344. 1.

ANGELVS non efficitur entia rationis nisi ex parte 101. 1. Bene illa cognoscit 105. 2.

APPARENS Syllogismus, vide Syllogismus.

APPREHENSIO vide simplex apprehensio.

APTITVD vniuersalis, vide Vniuersale.

ARGUMENTATIO est insignis instrumentum Logica 72. 1. Inuenit omnem cognitionem, sed per se dirigit discursum 78. 1.

Argumentatio in communi 552. 1. Argumentationis genera, ibidem. Argumentationis quoddam genus non procedit ex medio distincto à consequenti col. 2. Quod procedit ex medio distincto coincidit cum Syllogismo pag. 553. col. 1.

ARS 14. 2. vide Scientia.

ATTENTIO non est actus positivus ab alijs distinctus 50. 2.

B

BONITAS & prauitas discursus, vide Discursus.

C

CAUSA antequam cognoscatur quam effectus, vide Ordo.

COGNITIO intellectus est obiectum Logica 42. & 43: Quid sit 47. 1. Habet pro obiecto omne ens, etiam singulare, ac ens rationis. & negationes, ipsam quoque cognitionem 48. Habet tres actus Apprehensionem, Iudicium, & Discursum 49. 1. Perit immediate diuidi in Apprehensiuam, & Iudicatiuam 50. 2.

Cognitio reflexa que sit 49. 1.

Cognitio quid est, quomodo precedat cognitionem an est 495. 2.

Cognitionis rectitudo & veritas irrectitudo & falsitas atque dirigibilitas, vide in proprijs locis.

Cognitio sensitiua quomodo attingat rem quoad auct. pag. 495. 1. An dicat falsitatem magis quam apprehensio 503. 2.

Cognitionis ordo, id est qua prius & que posterior cognoscantur, vide Ordo.

COMPOSITIO, vide Iudicium.

COMPOSITVM ad quatuor indiuiduat per materiam & formam singularem 219. 2.

Magis precipue per formam 210. 1.

CONDITIONALIS propositio quomodo sit illatiua cum suspensione assensus pag. 542. col. 2.

CONNEXIO per prius & posterius & simul 486. 1. Connexionis essendi per prius plures modi 487. 1. & 2. Connexionis essendi simul modi 488. 1. Prius & posterius quomodo sunt simul, ibidem. Quomodo dicantur per connexionem col. 2.

CONTRARIETAS, vide OPPOSITIO.

D

DEFINITIO est logicum instrumentum, 72. 2. Commune omnibus operationibus 78. 2.

Definitio est utilis 80. 1. Potest definiri & desinitur 80. 2. Est ens reale, ibidem. Potest sumi pro apprehensione, vel pro tota affirmatione 81. 1. Differt à desinito solum in modo concipiendi, ibidem. Continet predicata essentialia 81. 2. Continere potest alia per modum causae aut effectus 82. 1. Non oportet ut explicite continent omnia 82. Quibus rebus conueniat pag. 82. 2. & 83. 1. Possunt esse plures definitiones vnius rei pag. 33. 2.

Definitio qualiter querenda & inuenienda sit, pag. 83. 2. Quomodo apprehendatur pagina 491. col. 1.

Definitio non est distinctum predicabile à quinque communiter assignatis pag. 195.

DEMONSTRATIO dicitur 611. 1. Desinitur, ibidem, ac 612.

Demonstratio diuiditur in propter quid & quia, & vtrique est vera Demonstratio 613. col. 1. Diuisa est essentialis generis in species vniuersales conuenientes 613. col. 2. Est diuisa adaequata 615. 1. Demonstratio simpliciter non distinguitur à Demonstratione propter quid, ibidem.

Demonstratio, propter quid, procedit ex causa conclusionis pag. 616. column. 1. & 2. Ex causa proxima & adaequata, que vel sit causa physica, vel ratio essendi 617. 1. Potest procedere ex quolibet genere causae col. 2. Demonstrationis eadem conclusio potest demonstrari per plures causas adaequatas, ibidem.

Demonstratio perfecta simplex consistit per vnam causam 618. 2.

Demonstratio, quia, procedit ab effectu ad causam

Index Rerum.

sam pag. 619. col. 1. A signo ad rem significatam col. 2. A notiore ad minus notum. ibidem. A causa non convertibili, quae triplex assignatur, & quantum sit apta ad demonstrationem 620. Item procedit à concomitantibus pag. 621.

Demonstrationis propter quid, maius extremum est effectus medij 624. 2. Potest esse aliqua causa minoris extremi 625. 1. Potest esse pradicatum essentiale quod per causam tum intrinsecam, tum extrinsecam demonstratur 626. 1. Item integra definitio potest demonstrari per causam extrinsecam, sed non per intrinsecam col. 2.

Demonstrationis quia, quodcumque pradicatum quod de subiecto potest evidenter sciri, potest esse maius extremum pag. 624. col. 2.

Demonstrationis propter quid, medium potest esse quilibet causa, sed potissima est formalis 628. Item definitio non utriusque extremi, sed potest esse maioris extremi, precipue tamen debet esse minoris 630. Demonstrationis medium est definitio, proxime quatenus causa passionis, remote quatenus essentialis subiecto ibidem.

Demonstrationis praemissa debent esse primae, immedie, & per se nota secundum unam conditionem 731. 1. Harum propositionum varia genera assignantur col. 2. & pag. 631. Debent esse immedie vel formaliter vel virtualiter. ibidem. Etiam Demonstrationis quia praemissa debent esse immedie, & per se nota 633. 1. Esse praemissas immedias, & per se notas intelligitur vel natura, vel quoad nos col. 2.

Demonstrationis praemissa debent esse priores, & notiores pag. 634. Non oportet, ut sint intensius, sed debent esse perfectiori modo cognita 635. 1. Hoc verificatur etiam in Demonstratione quia, col. 2. Debent esse certiores & evidentiores, non autem variores pag. 636. col. 1.

Demonstrationis propter quid, praemissa debent esse causa conclusionis, ac item principia propria id est non aliena neque communia 637. 2. ac 638. 1.

Demonstrationis praemissa debent esse de omni, & quid se propositio de omni 638. 2. Debent esse per se, ubi varij modi dicendi per se explicantur, & in quo modo dicendi per se debent esse Demonstrationis praemissa pag. 638. 639. & 640.

Demonstrationis praemissa debent esse de pradicato

to uniuersali secundum quod ipsum & prima pag. 641. & 642. Vbi explicatur secundum quod ipsum & pradicatum primum. Non omnis Demonstratio debet esse de pradicato uniuersali, sed tantum perfectissima. pag. 643. 2. & 643. 1.

Demonstrationum figura precipua est prima 643. 2. Potest esse secunda & tertia 644. 1. Possunt esse modi negatiui, qui habent omnes condiciones requisitas ad Demonstrationem 644. Quo pacto possint esse modi particulares 645. 1.

Demonstrationum circulus quid sit 645. 2. Complex circulus explicatur, materialis, & formalis 646. 2. Non potest in Demonstrationibus exerceri circulus in eodem genere cause. ibidem. Non potest exerceri formaliter etiam in Demonstratione quia, ibidem pag. 647. ad 643. col. 1. Potest exerceri circulus materialiter 643. In qua figura, & modis possit talis circulus exerceri 649. 2.

DENOMINATIONES extrinsecae pertinent ad Proprium & Accidens pag. 313. 1. Sunt reales col. 2. ac 89. 1. & 94. 1. ubique admixtione relationis rationis 324. 1. Verificatur; non solum fundamentaliter, sed formaliter col. 2. Non per relationem rationis possibilem, sed per formas reales. ibidem. Alia spectant ad Proprium, alia ad Accidens 315. 1.

DESCRIPTIO traditur per effectus & proprietates rei. 82. 1.

DEVS non habet distinctas operationes intellectus pag. 50. col. 1. Non efficit ens rationis 102. Sed verè cognoscit pag. 104. & 105. An prius cognoscatur quam creatura, vide Ordo.

DIALECTICAE nomen significat artem differendi 3. 1. Specialiter significat partem Topicam 4. 1. Generaliter etiam significat totam facultatem. ibidem. Aliquando sumptum est ab Aristotele pro tota facultate pag. 4. col. 2. & 5. 1. Aliquando pro arte differendi pag. 5. col. 2.

DIFFERENTIA triplex. Communis, Propria, & Propriissima 286. 1. An haec diuisa complectatur omnes differentias. ibidem. An differentias individuales col. 2. An naturas genericas pag. 287. col. 1. An formas substantiales. ibidem. An passioni ab essentia provenientes. ibidem. Haec distinctio potest considerari ut materialis, & ut formalis, ut essentialis, & ut accidentalis pag. 288. col. 1. Est diuisio analogica. ibidem. Dissimilis est.

Index Rerum.

fontialis est primum analogum, & est propriissima & seruum pradicabile, qua verò datur 288. 2. & 289. 1.

Differentia quatuor modis consideratur; ut diuisus generis; ut constitutiva speciei; ut distinctiua cuius speciei ab alijs; & ut vniuersalis 289. 1. & 297. Pradicatur in quatuor quid 291. 1. De pluribus differentiis specto, sed hoc non conuenit differentiis vniuersis & specificis, sed genericis 291. 2. Differentia adaequata definitio 292. 1. Differentia non suscipit magis & minus. ibidem.

Differentia non est vniuersale respectu generis 292. 1. Neque formaliter respectu speciei quia constituit 293. 1. Potest referri ad sua inferiora, sed resp. illa eorum se habentur genus vel speciei 293. 2. & 294. 1. Quomodo non differat in ratione vniuersalis à genere & specie, & quomodo differat 295. 2. & 296. 1. Dimplex est, alia generica, alia specifica. col. 2.

Differentia quomodo de rebus simplicibus pradicentur 299. 2. Quomodo simpliciter cum genere designetur, ibidem. An possit infinitis modis designari 300. 1. Potest interdum ex distinctis partibus desumi 301. 2. Regulariter ex tota entitate desumitur 302. 1. Non desumitur solum à forma. col. 2. Assimilatur tamen forma 303. 1.

Differentia alia propria speciei, alia non propria. 304. 2. Pot inueniri propria, & pot sufficere communis 305. 1. Differentia communis quomodo per ipsum genus determinetur ad speciem. col. 2. Quanam sit propria, qua communis 306. 1. Inter Differentias non proprias & genera datur perfecta praefatio, at inter differentias proprias & genera non datur perfecta praefatio. 311. Differentia propria quomodo sit verò differentia 307. 2. Non distinguuntur vllò modo à parte rei à genere 309. 1. Distinguuntur ratione cum fundamento in re. 310. 1. Quomodo plures differentiae subalternae constituant unam speciem. 307. 1.

Differentia contrahens genus quomodo contrahatur per genus 306. 2. Differentia & Genus non distinguuntur, ut ratio incompleta & completa, sumende completum pro gradu totali. incompletum pro partiali 314. 2. Nec sumendo completum pro gradu subsistente, & incompletum pro adiacente. 315. 1.

DIRIGIBILITAS est ratio formalis obiecti. Logica 44. Conuenit cognitioni in communi 67. 1. Cognitioni recta. col. 2. Et indirecte. ibidem, & 66. 1.

Dirigibilitas quadam est capacitas actus directi.

ne. 63. 2. Esquod denominatio extrinseca. ibidem. & 69. 1. Non hoc est obiectum formale Logicae. 69. 2. Dirigibilitas praecipua est capacitas rectitudinis. 69. 1. Esquod entitas cognitionis. 69. 1. Est obiectum formale Logicae. col. 2.

DISCURSVS definitur. 539. Est cognitio iudicialis. 540. 1. Requirit assensum plurimum propositionum. ibidem. Eius obiectum assignatur 541. 2. Proccedit ex notis ad ignota. pag. 542. col. 1.

Discursus requirit dependentiam in assensu consequentis ex assensu antecedentis. 540. 2. Constituit formaliter & praecise in assensu consequentis. 541. 1. Assensus consequentis est distinctus ab assensu antecedentis, & distinctio est realis. 544. 2. & 545. 1. Assensus consequentis uenit includit assensum antecedentis, quatenus utitur, quae debeat esse simul coniunctus 545. Assensus consequentis causatur ab assensu antecedentis in genere causae effectiuae tanquam à ratione efficiendi. 548. 1. Assensus antecedentis infert assensum consequentis necessario quoad specificationem, sed non quoad exercitium. 549. 1. Assensus consequentis confirmari nequit sine assensu antecedentis. 550. 1.

Discursus cum iudicio conuenit vniuerso. 548. 2. Eius bonitas & prauitas, veritas & falsitas declaratur 550. 2. Et bonitas & prauitas à veritate & falsitate distinguuntur 551. 2. Discursus prauus est essentialiter discursus 551. 1. Discursus diuiditur in affirmatiuum, & negatiuum. 565. 1. Item in certum & probabilem. ibidem. Item in necessarium & contingentem ex parte obiecti. col. 2.

Discursus certus & necessarius est scientificus, at probabilis vel contingens est opinarius 566.

DISTINCTIO rationis non est necessaria 97. 2.

DIVISIO est instrumentum logicum 73. 1. Commune tribus operationibus 79.

Diuisio definitur & explicatur 84. 1. Quanam res diuidi possint, & qua sint membra diuisionis 84. 2. Qua diuisio sit logicum instrumentum. ibidem.

Diuisio & Compositio, vide Iudicium.

DVBITATIO est actus posterior 51. 1. Non est alius dirigibilis col. 2. Potest sumi pro iudicio dubitatio 52. 1.

E

EFFECTVS contingens duplex, naturalis, & liber 528. 2. Potest considerari de praeritio,

Index Rerum.

vito, presenti, & futuro. pagina 529. columna 1. Effectus contingentes an dicant veritatem vel falsitatem, vide Enunciatio. Item an effectus prius cognoscatur quàm causa, vide Ordo.

ENS RATIONIS non est obiectum Logice. pagina 36. & 37. Merito consideratur in Logica. pagina 65. Eius nomen explicatur. ibidem.

Ens rationis datur, sed non nisi per operationem intellectus. pagina 37. Non convenit rebus ante operationem intellectus. pagina 37. col. 2. & 38. 1. Non est subiectivè in rebus, sed tantum obiectivè in intellectu. pagina 38. col. 1. Habet propositiones essentielles aternæ veritatis. pag. 38. col. 2.

Ens rationis in quodam sensu est purum nihil. pag. 90. In alio sensu est quid oppositum nihilo. pagina 90. col. 2. Non ponitur in predicamentis. pag. 91. col. 1. & 363. 2. Potest in alijs proprijs predicamentis disponi. pag. 364. col. 2. Non est ens reale, nec actuale, nec possibile. 91. 1. Non est denominatio extrinseca. 91. 2. Potest in quodam sensu sumi pro denominatione extrinseca cognitionis. ibidem. Non est relatio resultans in rebus. pag. 92. Est obiectum quod ab intellectu fingitur. pag. 92. col. 2. Est quid medium inter ens reale & purum nihil. pagina 93. col. 1. Non est possibile à parte rei, sed penitus impossibile. pag. 93. col. 2.

Ens rationis sæpè, sed non semper habet fundamentum in rebus. pag. 95. col. 1. Non necessario fingitur ex vi fundamenti. 95. 2. & 97. 1. Fundamentum distinguitur à subiecto. pag. 96. col. 1. Non est ens reale, ad cuius inleat fingitur ens rationis. ibidem. Est occasio suo motuum fingendi. pag. 96. col. 2. Est veluti causa materialis. pag. 98. col. 1.

Ens rationis non habet propriè, habet aliquo modo causam effectivam. pag. 98. col. 2. A solo intellectu efficitur. pag. 99. & 100. Efficitur ab intellectu humano, non à divino. pag. 100. col. 2. Et ab Angelico ex parte. pag. 101. col. 1. Cognoscitur à Deo & Angelis. pag. 103. & seq. Eius productio est cognitio, sed non omnis cognitio est productio. ibidem. Potest fieri in genere sine certa specie. pag. 107. 1. Ens rationis non fit distributivè per tres operationes intellectus. pag. 108. col. 2. Sed omne potest fieri per notationem indicativam, & fit per apprehensivam. pag. 109. col. 2. Aliquod fit per notationem comparativam, & aliquod per absolutam. pag. 110. columna 1.

Ens rationis dividitur in Relationem, Privationem, & Negationem. pag. 111. col. 2. Explicatur divisio per tres ostendi modos. pag. 112. col. 2. Dividitur etiam per omnia predicamenta. pag. 112. col. 1. & 113. 1. Habet pro peculiari specie secundam intentionem. 114. 2. Ens rationis quomodo dirigit cognitionem. pag. 115. col. 2. 116. & 117.

ENTYMEMA deducitur à syllogismo. pag. 553. col. 1.

ENUNCIATIO est instrumentum Logicum. pag. 72. col. 1. Omnem cognitionem inuas, sed per se dirigit iudicium. pag. 72. 2. Pluribus modis sumitur. pagina 519. col. 1. Sub enunciationis nomine iudicium dirigitur. col. 2. Enunciatio affirmativa requirit identitatem extremorum. pagina 519. col. 2. An etiam requiratur extrema in concreto, & quomodo fiant predicationes in abstracto & concreto. pag. 520. & sequenti.

Enunciatio affirmativa, & negativa, que differunt essentialiter. pag. 523. 2. & 524. col. 1. Item universalis & particularis. pag. 524. col. 2. Item simplex, & composita. pag. 525. col. 1. Enunciatio composita in mens dicitur unum iudicij assensum. col. 2. Item enunciatio absoluta, & modalis. 526. 1. Item certa & probabilis. 527. 1. Item necessaria & contingens. ibidem. Enunciatio necessaria est vera & aternæ veritatis. 527. Quomodo sit vera quædo non est, et obiectum non existit. 527. 2. & 528. 1. Inter enunciationes necessarias sunt propositiones per se notæ. 527.

Enunciatio contingens potest esse vera, aut falsa. pag. 528. col. 2. De præterito & presenti est determinatè vera, aut falsa. 529. 1. De præterito & quodammodo necessaria. col. 2. De presenti quando verificatur, ibidem. Non videtur eadem posse mutari de vera in falsam. 532. Circa futura non solum dissonat, sed dissensit & determinatè dicit unam partem veram alteram falsam. 533. & sequenti.

EXEMPLVM reducitur ad syllogismum. pag. 553. col. 1.

F

FALLACIA Dictionis, & extra dictionem. pag. 629. 2. & 670. 2.

FALSITAS sæpè in nostris cognitionibus contingit. pag. 65. 1. Non oritur ab intrinseco ex inclinatione animi naturalis. 65. 1. Oritur ex causis & impedimentis extrinsecis. 66. 1. Quid sit. 66. 2.

Index Rerum.

- An detur in rebus simplicibus*. pag. 669. 2. *vide Simplex apprehensio, Iudicium, Discursus*.
- FIDES** est libera, ex eo quod potest quis in Fide per modum discursus non assentiri pramisso, non ex eo quod possit respicere conclusionem pag. 655. col. 1. Explicatur pag. 658. col. 2. & 659 col. 1.
- FIGURA** in tota magnitudine reperitur pag. 455. col. 1. Ad figuram quomodo reducuntur Curvum, Rarum, Densum, & similia. pag. 456.
- Figura syllogismi, vide Syllogismus*.
- FORMA** non est principium individuationis. pag. 213. columna 2. Quo sensu dici possit magis precipua ratio individuationis quam materia pag. 221. 1. Vide Singulare, Materia, Compositum.
- Forma species qualitatis quomodo sit distincta à Figura* 456. 1.
- FOUNDAMENTUM ENTIS RATIONIS**, vide Ens rationis.
- Fundamentum Relationis, vide Relatio*.

G

GENUS convenit pluribus speciebus, seu pluribus Universalibus pag. 249. 1. Generis, & Speciei multiplicatio in plura quomodo differat. pag. 250. col. 1. Genus potest suo modo definiti pag. 251. col. 1. Non definitur directe quoad Secundam Intentionem. ibidem. Neque precise quoad naturam Universalem col. 2. Neque quoad utramque, vel quoad Secundam Intentionem connotando Primam. pag. 252. col. 1. Definitur quoad naturam realem sub ratione formali Secundae Intentionis. ibidem. Definiri potest, quia est Species Universalis pag. 252. col. 2. Habet unitatem sufficientem ad definitionem. ibidem. Plures definitiones assignantur. pagina 253. col. 1. In Generis definitione Universalis est Genus & Ordo ad species ex propria differentia pag. 253.

Genus predicatur in quid de speciebus. pag. 254 col. 1. Genus predicari in quid ad distinctionem Differentia non est ex natura rei pagina 255. col. 2. Quomodo predicetur non solum de speciebus, sed etiam de Individuis & Generibus pag. 256. Requiritur plures species possibiles pag. 257 col. 2. Non tamen in certo numero pag. 258 col. 1. Non requirit species alium existentem pag. 258. col. 2. Quomodo per

hoc differat à specie pagina 259. col. 1.

Genus respicit etiam Individuum pag. 261. col. 1. Eadem habitudine qua respicit species ibidem. Possunt distingui plures habitudines col. 2. Generis habendo ad Individua specie differentia est generica pag. 262. col. 1. Non verò ad Individua eiusdem speciei, quae potius est specifica pag. 262. In genere potest considerari habitudo abstracta à generica & specifica. pag. 263. col. 1. Generis correlativum quodnam sit, ibidem. Finit habitudo quomodo datur respectu individuum. pag. 264. col. 1.

Genus valde multiplex est ex parte natura. pag. 265. col. 1. Inde redundat diversitas in ipsam genericitatem. ibidem. Aliud generalissimum, aliud subalternum pag. 266. 1. Aliud infimum, aliud superius. ibidem. Aliud perfectius, aliud imperfectius precipiendū col. 2. Potest pluribus modis dividi pag. 198. col. 2. An possit infinitis modis designari 300. 1.

Genus potest interdum ex distinctis partibus desumi pag. 301. col. 2. Regulariter ex tota civitate desumitur pag. 302 col. 1. Non desumitur solum ex materia col. 2. Assimilatur tamen materia pag. 303. col. 1. Nullo modo distinguitur à parte rei à Differentia pag. 309. col. 1. & sequent. Distinguitur ratione cum fundamento in re pag. 311. col. 1. Inter Genera, & Differentias non proprias datur perfecta praefatio inter Genera, & Differentias proprias non datur pag. 312. Genus & differentia non possunt distingui tanquam ratio completa, & incompleta sumendo completum pro gradu totali & incompletum pro partiali pag. 314. col. 2. Non sumendo completum pro gradu subsistente, incompletum pro adiacente. pag. 315. col. 1. Genus & Differentia propria imperfecta praefatione distinguuntur pag. 316. col. 2.

H

HABITVS pradicamentum explicatur. pag. 478. col. 1. Non est modus intrinsecus, sed denominatio extrinseca, & à quibus denominatur sumatur pagina 479. Quibus conveniunt pagina 480 col. 1. Eius divisiones & genera col. 2. Attributa & proprietates. ibidem.

Habitus practicus est decens & vitiosus, Habes actum quem elicit, & alium quem dirigit. & 2.

Index Rerum.

I

IDEAS Platonis non dari, & ad scientias non deferre pag. 142. col. 1. Ideas universales separatas posuit Plato. 143. 2. Platonis sententiam circa Ideas multi explicant. ibidem, & 144. Quid de sententia Platonis circa Ideas sentiendum sit. 145. & sequent. Ideas Platonis fideliter retulit Aristoteles pag. 146. col. 2. Merito impugnantis pagina 147. col. 2. Sine ipsis dantur scientia de rebus pag. 147. col. 2. Ac res à suis similibus produciuntur pag. 148. 1. Ac item Vniuersalia à singularibus separantur. ibidem.

IGNORANTIA positiva & negativa corrigitur per Logicam, ibidem & col. 2.

IMPERIVM est actus intellectus 52. 1. Non dirigitur per Logicam 52. 2.

INDIVIDVA & Species an eadem vel diuersa habitudine referantur ad Genus, pagina 263. col. 2. An Individua eadem vel diuersa habitudine referantur ad Genus & Speciem. pag. 264. col. 1. Individuis & speciebus respectu Generis quomodo dari possit conceptus subijcibilis 264. 1.

Individua quae non differant numero. 263. 1. Individua etiam spiritualia quomodo differant numero 270. 1.

Individuum vagum non est distinctum Pradicabile à quinque Pradicabilibus communiter assignatis 144.

Individuum item vide Singulare.

INDUCTIO reducitur ad Syllogismum. pag. 553. col. 2.

INFANS nutritus in sylvis nullo idiomate loqueretur. 120. 1.

INSTRUMENTA quando cum operibus coniungantur in eadem scientia, pagina 41. col. 2.

Instrumenta logica pluribus modis accipiuntur pag. 40. col. 2. Non sunt obiectum Logicae pag. 39. & 40. Sunt quinque Definitio, Divisio, Enunciatio, Argumentatio, Methodus, 72. & 73. Possunt constitui in vocibus, 75. 1. Et in actibus intellectus, pag. 75. col. 2. Et praecipue in obiecto, 76. Sunt Idea actuum dirigibilium pag. 77. col. 1. Quomodo differant ab ipsis actibus, 77. 1. & 2. Singula deferuntur ad omnes res operationes, sed diuerso modo, 78. & 79.

INTELLECTVS 14. 1. Intellectus quomodo possit habere simul plures actus. pagina 547. col. 1.

IRRECTITVDO cognitionis, 64.

IUDICIUM dicit affirmationem cuiusdatis rei, pag. 493. col. 2. Quomodo dicatur versari circa existentiam 494. 1. Iudicium explicatur 507. 1. Est actus distinctus ab apprehensione realiter & essentialiter col. 2. Necessario presupponit apprehensionem pag. 508. 1. An requirat diuersas apprehensiones col. 2. & sequenti. Eius obiectum sunt res quoad convenientiam vel disconvenientiam. pagina 509. col. 2.

Iudicium dicit compositionem & dissolutionem. pag. 510. col. 2. Eius compositio non se tenet tantum ex parte obiecti. ibidem. Non est unio duorum simplicium conceptuum, sed debet esse actus distinctus. pag. 511. Non includit intrinsecè, sed presupponit apprehensionem 512. 1. Non dicit necessario plures apprehensiones col. 2. dicit proprie distinctionem Iudicij ab apprehensione pag. 513. col. 1. Quomodo in Iudicio distinguatur compositio & divisio, ibidem. Quomodo unus Iudicij actus plura complectatur col. 2. Quomodo attingat etiam propositionis extrema 514. 1.

Iudicium maxime dicit veritatem & falsitatem. pag. 514. col. 2. Non est veritas cognita formaliter expressè, nisi in iudicio reflexo, pag. 515. col. 1. Non est veritas cognita in actu exercito & implicitè col. 2. Quomodo posset dici veritas cognita 518. 2. Iudicium quomodo dicat veritatem differenter ab apprehensione 517. 2.

IVRIS facultas innatur per Logicam, 10. 1. Ut in auctoritate fundata, est potius fides quam scientia. 10. 2.

L

LATITVDO quomodo sit propria superficiei 397.

LITTERAE quae scribuntur significant ad placitum. pagina 120. col. 1. Significant immediate voces, pagina 126. col. 1. Possunt inscriptus immediatè pro rebus. ibidem.

LOCA Dialectica 666. 2. Eorum distinctio & assignatio, ibidem.

Loca ex quibus fallacia argumenta sumuntur. 669. 1.

Locus sumptus pro superficie non est species distincta quantitatis à superficie. pagina 399. col. 1. & 2.

LOGICAE nomina 2. in fine. Logica nomen sumitur à ratione, & significat scientiam rationis.

Y Y 4 tigna-

Index Rerum.

tionalem, pag. 3. col. 1. Sumitur etiam à sermone & significat scientiam sermocinalem pro sermone mentali. pagina 3. columna 1. & 2. Non inuenitur hoc nomen substantiuè dictum ab Aristotele. pagina 4. col. 1. & 2. Inuenitur adiectiuè in vario sensu. 4. 2. Melius dicitur rationalis, quàm sermocinalis. pag. 3. col. 1.

Logica negatur ab aliquibus, pagina 5. columna 2. Exiat, ibi item. Ante Aristotelem, imò apud primos homines incepit, sed ab illo ordinata & aucta fuit. pagina 5. columna 2. Logica naturalis est lumen rationis: Artificialis est facultas instruens intellectum pagina 6. col. 1. Logica artificialis obiectiua, actiua, & habitus. 6. 1. & 2. Logica vniuersalis pro omnibus scientijs. 6. 2. Et particularis pro singulis, ibi item. Logica docens & utens quid sit. 7. 1. Non solum in parte topica, sed in tota facultate distinguitur. 7. 2. Alius realiter & essentialiter distinguuntur. Habitus est unus respiciens utroque actus. 8. 1.

Logica accusatur ab aliquibus, contemnitur ab alijs, pagina 9. columna 1. Est tamen utilis & conueniens. ibi item. Ad intelligentiam sacre Scripturæ, & exareatur in Scripturis. ibi item. Ad defensionem fidei & illa utebatur Diuus Augustinus, imò Paulus Apostolus, & Christus Dominus. 9. 2. Ad Hæreticos repellendos. ibi item. Ad directionem nostræ cognitionis. ibi item. Ad scientias addiscendas, & ad Rectitudinem, & facultatem iuris, pagina 10. col. 1. & 2. Et ad Mathematicam. 10. 2. Etiam pars sophistica Logica est utilis & conueniens, ibi item.

Logica non est necessaria simpliciter. pagina 11. columna 2. Est necessaria secundum quid. 12. 1. Etiam ad se ipsam. 12. 2. & 13. 1. Et per se ipsam inuenta fuit. 13. 2. In aliqua parte est intellectus. 15. 1. In magna parte est opinio. 15. 2. In quodam sensu est ars. 15. 2. In aliqua parte est propriè ars. 16. 1. Principallyter non est ars, ibi item. Est propriè scientia. 16. 2. Etiam in parte topica & sophistica. 17. 1. Logica utens in sola parte demonstratiua est scientia. 17. 1. & 2. Quomodo Logica dicatur modus sciendi. 18. 1.

Logica non abstrahit à speculatione & practico. pagina 20. columna 1. & 2. Non est simpliciter speculatiua & practica. pagina 20. col. 2. & 21. 1. Est simpliciter practica. pagina 21. col. 2. & 22. 1. Comparatur scientiæ moralis. pagina 22. columna 2. Est secundum quid speculatiua. pagina 22. columna 2. & 23. 1.

Logica utens est praxis si sumatur æqualiter. pagina 23. columna 1. Est practica si sumatur habitualiter. pagina 23. columna 2. Est actiua vel factiua. 24. 1.

Logica definitur. pagina 25. columna 2. Est una. ibi item. & 26. 1. In quodam sensu est pars Philosophiæ. pagina 26. columna 2. In quodam est instrumentum & pars instrumentalis. pagina 27. columna 1. & 2. Non est propriè subalternata Philosophiæ. pagina 27. col. 2. Est dignitate inferior Physicæ, & Metaphysicæ, superior Mathematicæ pagina 28. col. 1. & 2. Est inferior scientiæ morali superior alijs tractatibus. pagina 28. col. 2. & 29. 1. Habet pro fine rectitudinem nostræ cognitionis, sed non semper eum assequitur. pagina 29. col. 2. Est in ordine omnium scientiarum prima. pag. 693. columna 1.

Logica obiectum. vide obiectum.

LONGITUDO quomodo sit propria linea. pagina 397.

LV MEN rationis non inclinat ad falsum. pagina 65. columna 2. Non respatat fidei. pagina 66. col. 1.

M

MATERIA non indiuiduatur per signationem. pagina 216. columna 2. Radicallyter potest dici principium, ut indiuidua multiplicentur. pagina 217. columna 1. Propter Materiam copiam forme multiplicentur. pagina 217. columna 1. Materia signabilis quantitate est in aliquo sensu principium indiuiduationis. pagina 217. columna 2. An sit unicum & certum principium. ibi item. Non indiuiduatur per formam, nec per ordinem ad formam. pagina 218. col. 2. & 219. col. 1. Quomodo possit habere unitatem. pagina 220. col. 1. Quomodo dici possit indiuiduare per habitudinem ad formam. pag. 220. col. 2. Quo sensu dici possit magis præcipua ratio indiuiduationis quàm forma. pagina 221. columna 1.

Materia item, vide Singulare.

MATHEMATICA inuatur per Logicam. pagina 10. col. 2. Distinguitur à Physicæ & Metaphysicæ. pagina 609. col. 2. Diuiditur in plures scientias. pagina 610. col. 1. Non requirit certum ordinem cum alijs scientijs physicis. pag. 699. col. 2.

METAPHYSICA probat principia scientificæ. pagina 602. col. 2. Eius nomen exponitur.

Index Rerum.

ponitur. pag. 704. col. 2. *Quem ordinem habeat in scientiis, vide Ordo.*

METHODVS est quoddam instrumentum logicum. pag. 73. col. 2. *Commune omni cognitioni.* pag. 79. col. 2. *vide Ordo.*

MODI fortasse indiuiduantur per ordinem ad subiectum. pag. 223. col. 1.

Modi syllogismi, vide syllogismus.

Modus sciendi non est obiectum Logice. pagina 39. & 40. *Vide instrumenta Logica.*

MORALIS scientia non requirit certum ordinem cum alijs scientijs. pagina 699. columna 2.

MOTVS an & quomodo sit species quantitas. pag. 407. col. 2.

MVLTIPLVS Predicamentorum pertinet ad illa predicamenta, quorum sunt multitudo. pag. 407. col. 1. *Multitudo sola de rebus exterijs accidentaliter dicitur de subiecto.* col. 2.

N

NATURA creata à diuina quantum distet in simplicitate. pagina 319. columna 2. *Natura diuina sola est vna in personis.* pagina 161. col. 1.

Natura indiuidui & singularis, vide singulare.

Natura vniuersalis, vide vniuersale.

Natura generis sub secunda intentione conuenit definitio. pag. 252. col. 2.

Natura omni communi nūm sua proprietat inest 328. pag. 2.

NECESSITAS duplex, simpliciter, & secundum quid. pag. 11. col. 1.

Necessitas in sensu composito, & in sensu diuiso pagina 337. col. 2. *Item antecedens, & consequens. ibidem.*

NVMERI non distinguuntur plures realiter inter se. pag. 394. col. 1. *Ex unitatibus non resultat vna entitas numeri.* col. 2. *Numerus ita se habet in rebus corporeis, sicut in spiritalibus.* pag. 394. col. 1.

O

OBIECTVM non constituitur per denominationem extrinsecam à potentia. pag. 69. *Obiectum scientia quatuorplex.* pagina 50. *Quas condiciones habeat. ibidem.*

Obiectum Logica non sunt res omnes. pagina 31.

col. 2. & 32. *Nisi remotum.* 32. 2. & proximum Logice utentis, ac in quadam parte Logica docentis. pagina 32. col. 2. & 33. 1. *Non sunt voces, sed reducitur.* pag. 34. *Non est ens rationis, vel secunda intentio, sed reducitur.* pag. 36. & 37. *Non est modus sciendi sed reducitur.* pag. 39. 40. & 41. *Est cognitio intellectiua.* pag. 42. & 43. *Completens omnes tres operationes.* pag. 43. col. 2. *Consideratur quatenus dirigibilis.* pag. 44. *Eius pari principalis est scientia.* pag. 45. col. 1.

Obiectum cognitionis est omne ens, ac etiam ens rationis, & negationis. pag. 48.

OPERATIONES intellectus, vide Cognitionis intellectiua.

Operationes naturales, alie possunt, alia non possunt per artem dirigi. pag. 6. col. 2.

OPINIO pagina 14. col. 2. *Quomodo possit mutari de vera in falsam.* pagina 385. columna 1.

Opinio definitur. pagina 650. col. 1. *Datur per discursum. ibidem. Datur sine discursu.* col. 2. *Vel est circa obiecta contingentia, vel in se incerta & probabilis.* pagina 651. col. 1. *De ratione opinionis vel est formido de opposito, vel capacitas eius.* pag. 652. col. 2. *Opini. nis formido quid.* pag. 653. col. 1.

Opinio discursiua non sumit probabilitatem ex illatione; sed ex premissis. pagina 653. col. 2.

Opinionis electio ex voluntate dependet ex eo, quod potest quis non assentiri premissis ad differentiam scientiarum, non ex eo quod potest respuere conclusionem. pag. 654. col. 2. & 555.

Cum assensu tamen premissarum potest suspendi actus circa conclusionem. pag. 655. col. 2.

Opinari aliquid quis non potest sine motiue. pagina 656. col. 1. *Opinari pro vna parte vel pro altera quando quis potest.* col. 2.

Opinio probabilis ex vna parte an necessario dicat partem oppositam probabilem. pag. 656. col. 2.

Opinionum tanta varietas unde proueniat. pag. 659. col. 1. *Opinio non potest dari simul cum actu scientiæ.* 660. 2. *Opinatio medijs probabilitas potest actu cognosci simul cum actu scientiæ.* 661. 2. *Ex opinatio & scientifico medio non potest idem actus elici.* ibidem. *Opinionis actus & habitus potest dari cum habitu scientiæ.* pag. 662. col. 1.

Opinio adiudicatur in solertiam & opinionem non solertem. pag. 657. col. 2. *Item in suspicionem & opinionem presie sumptam.* ibidem. *Opinio & suspicio explicatur.* 658. 1. *Item in fidem humanam, & opinionem presie sumptam, ubi opinio & fides explicatur.* pag. 653. col. 1. & 2. *Item*

Index Rerum.

- Item in Veram & Falsam.* pagina 659. columnas 2. Opinandi modus subiectione, & obiectum. col. 2.
- OPPOSITIO** in communi. pagina 482. col. 1. Oppositionis quatuor genera, ibidem. Oppositio contradictoria. ibidem. Oppositio priuativa. & huius oppositionis plures gradus. col. 2. Oppositio relatiua. pag. 483. col. 1. Omnis oppositio est relatio, sed non omnis est relatiua. ibidem. Oppositio contraria. pag. 484. col. 1. Oppositionis contrarie quinque conditiones 484. 2. & sequens.
- ORATIO** seu petitio est actus intellectus, 52. 2.
- Oratio quò possit mutari de vera in falsam. 385. 1.
- ORDO**, seu Methodus 771. Eius nomen explicatur ibidem. Est uilis & valde necessarius ad rectam cognitionem rerum. ibidem. Ordinem naturalium scientiarum instituit Aristoteles. 674. 2. Theologie, Magister Sententiarum, sed meliorem S. Thomas, pagina 772. col. 1. Ordo seruatur in rebus naturalibus, 772. 2. In rebus artificialibus. ibidem. In rebus moralibus 673. 1. Seruandus est in scientiis. ibidem. Conferri ad claritatem, ad breuitatem, ad integritatem, ad pulchritudinem, ad incunctitatem, ad memoriam. pag. 673. col. 1. & 2.
- Ordo definitur & explicatur 673. 2. Datur rebus & prauit 774. 1. Rectus duplex Natura, & Doctrina col. 2. Ordo nature regulariter seruandus 675. 2. Ordo nature determinatur per ordinem doctrinae. ibidem. Ordo scientificus Compositiuus & Resolutiuius, huiusque diuisionis explicatio. 676.
- Ordo cognitionis est, ut prius absque cognoscamus singularia quàm uniuersalia. 677. col. 2. Sed explicite prius uniuersalia pagina 678. col. 2. & sequens. Non oportet prius cognosci magis vel minus uniuersalia, nec singularia contenta sub magis aut minus uniuersalibus. 679. 2. Non oportet ordinatè cognosci omnes gradus superiores & inferiores. 681. 1. Ut explicite cognoscantur inferiores. ibidem. Ad conceptum implicitum speciei non requiritur conceptus distinctus graduum superiorum, sed ad explicitem requiritur. 682. 1. Semper notitia explicita requirit notitiam graduum superiorum. 683. 1.
- Ordo exposcit ut semper natura progrediatur ab imperfecto ad perfectum. pagina 631. col. 2. Non debet eus in communi esse primò cognitum. ibidem. Sensus nostri possunt ab initione in speciali percipere. pag. 632. 2. Non

- oportet primà notitiam esse perfectissimam. ibidem. Prius materialiter cognoscitur Accidentia, quàm substantia. pagina 635. col. 2. Sed formaliter quatenus accidentia sunt non prius cognoscuntur pagina 634. columna 1. Explicite & formaliter quodammodo prius cognoscitur Substantia, quàm Accidentia. ibidem. Cognitione experimentalis & imperfecta prius solet cognosci res quàm causa, interdum prius cognoscitur causa pagina 635. col. 2. Prius anima cognoscit alia à se. pagina 685. col. 2. Prius cognoscit res creatas quàm Deum; & materiales, quàm immateriales. 686. col. 1. & 2.
- Ordo vel Expositionis vel Traditionis. pagina 687. columna 1. Viroque potest scientia disponi. ibid. Præstantior est ordo traditionis. ibidem. Prius in Ordine debet scientia agere de suo obiecto in generali, postea in speciali. pagina 687. col. 2. Prius agere de suo obiecto directè, postea de iis que ad illud reducuntur. pagina 688. col. 1. Inter species obiecti triplex ordo seruandus, Dignitatis, Originis, & Commoditatis. pagina 689. columna 1. Qualis Ordo seruandus in qualibet questione disponenda. ibidem. Præstat prius probare conclusionem, deinde offerre & soluere argumenta. pagina 690. columna 1. Quomodo debeant ordinari conclusiones, probationes, & argumenta. col. 2.
- Ordo exposcit, ut quatuor quæ sita fiant circa obiectum: nempe, An sit, Quid sit, Quale sit, & Propter quid sit. pagina 691. columna 1. Sufficiens hæc quæ sita distinguuntur. ibidem. Quomodo se habeant ad Problemata Dialectica. columna 2. Ad scientias pertinet probare & demonstrare suum obiectum esse & quid sit. pagina 692. 1. Ad quæ situm An est pertinet utilitas & necessitas rei. pagina 693. col. 2. Prius considerari debet an. & quid sit subiectum. pagina 694. col. 2. Prius an sit, quàm quid sit. pagina 695. col. 1. Ad quæ situm an sit præcedit apprehensio rei, & simplex explicatio nominis. ibidem. Quomodo ordinantur quæ sita Qualis, & Propter quid res sit. 696. col. 2.
- Ordo exposcit ut prius scientia totalis agat de causis, deinde de accidentibus subiecti. pagina 697. col. 2. Ordo quis inter causas & accidentia. ibidem. Quo ordine considerandum quæ situm Quotuplex sit & quò diuidendum subiectum. 698. col. 1. Ordo scientiarum exposcit ut Logica sit prima. pagina 698. columna 2. Moralium non requirit certum ordinem.

Index Rerum.

nem. pagina 699. col. 2. *Mathematica non requirit certum ordinem cum Physica, & Metaphysica.* pagina 700. colum. 1. *Ordo inter Physicam & Metaphysicam,* pagina 700. columna 1. *Pars Philosophia quæ agit de ense, & predicatis communibus præcedit partem quæ agit de materialibus.* pagina 701. columna 2. *Pars quæ agit de immaterialibus postponitur.* pag. 703. col. 2.

P

PASSIO Prædicamentum definitur. pagina 466. col. 2. *Dicitur respectu subiecti recipientis formam.* pagina 467. columna 1. *Consistit solum in fieri.* col. 2. *Conuenit intrinsicè subiecto.* pagina 467. col. 1. *Adæquatur cum Actione prædicamentali.* ibidem. *Quomodo distinguatur ab Actione.* columna 2. *Quomodo Passiois, & Actionis Prædicamentis distinguantur & includant motum.* ibidem. *Passiois attributa, & proprietates.* pagina 469.

Physica non distinguitur in plures scientias totales. pag. 609. col. 1. *Eiut ordo cum alijs scientijs,* vide Ordo.

Platonis Idea, vide Ideas.

PRAxis potest esse operatio, vel extrinseca, vel intrinseca. pagina 590 col. 2. *Potest esse operatio eiusdem intellectus.* pagina 591. columna 1. *Non solum operatio quatenus dirigibilis moraliter, sed alia operatio est praxis.* pagina 592. col. 1. *Requirat potentiam operatiuam in habente scientiam practicam.* pagina 593. col. 1. *Non requirit potentiam proximam & expeditam.* col. 2. *Debet dependere à voluntate, sed non oportet ut liberè dependeat.* pagina 594. col. 2. *Per se propriè est actus imperatus à voluntate.* pagina 595. col. 2. *Elicitus etiam est praxis si sit etiam imperatus; Elicitus imperatus voluntatis per quādam participationem dicitur praxis.* columna 2.

PRAECOGNITIONES dua, quoad Quid est, & quoad, An est. *Præcognita tria, Alia quæ cognoscuntur quoad An est tantum, alia quoad Quid est, alia Quoad utrumque.* pagina 622. col. 1. *Harum Præcognitionum, & Præcognitionum communis expositio rejicitur.* pagina 622. columna 2. & pagina 623. columna 1. *Vera explicatio affertur.* pag. 623. col. 1. & 2.

Prædicabile, vide Vniuersale.

PRAEDICAMENTA varijs modis ordinari possunt. pagina 299. columna 1. & 2. *Eorum tractatum spectare ad Logicam.* pagina 347. columna 2. *Conferat ad directiorem nostram cognitionis.* pagina 348. columna 2. & pag. 349. col. 1. *Immediatè consequitur tractatum Vniuersalium.* ibidem. *Eius obiectum sunt rei omnes quatenus intel. lectui distinctè proponibiles ad directiorem cognitionis eius.* pag. 394 col. 2.

Prædicamenta sunt collectiones & coordinationes rerum. pag. 350. columna 2. *Sunt opera rationis & veluti opera artificialia.* ibidem. *Possunt constitui in gradu supremo & communissimo.* pagina 351. columna 2. *Possunt plura constitui ex generibus non supremis simpliciter, sed supremis secundum quid.* pagina 352. columna 1. *Quæ sunt in usu non constant generibus simpliciter supremis.* ibidem. & sequentibus. *Constant generibus summis prædicamentaliibus.* pagina 355. columna 2. *Potest unum Prædicamentum constitui.* pagina 353. colum. 1. *Poterunt varijs modis plura constitui.* pag. 353. col. 1. *Rectè distincta sunt decem.* ibidem.

Prædicamenta secundum naturas reales possunt sola ratione distingui. pagina 360. columna 2. *Prædicamenta Accidentium quomodo debeant distinguere à Prædicamento Substantia.* pagina 361. columna 1. *Prædicamentorum formalis ratio quomodo distinguatur.* pagina 361. columna 2. *Prædicamentorum distinctio unde sumatur.* ibidem. *Maximè sumi ex diuersitate naturæ.* pagina 362. 1. *Prædicamenta in aliqua parte communicant.* 362. 2. *Prædicamenta diuersa nullam speciem habent communem.* ibidem. *Nec etiam ullam differentiam prædicamentalem.* pagina 363. col. 1.

Prædicamenta dicunt rei & non voces. pagina 363. columna 1. *Item sola entia realia.* col. 2. *Possunt constitui de entibus rationis.* pagina 364. columna 1. *Ad Prædicamenta etiam pertinent modi.* ibidem. *In rigore ponuntur sola entia per se una, sed aliqua etiam entia per accidens nominantur.* pagina 364. columna 2. ac 365. 1. *Ponuntur sola entia incomplexa & quomodo.* ibidem. *Quo pacto ponantur solum entia completa directe.* columna 2. *Sola entia creata.* pagina 366. columna 1. *Non solum entia corporea & corruptibilia.* ibidem. *Quomodo ponantur etiam indiuidua.* col. 2. *Ponuntur entia maximè quoad essentiam.* pagina 367. columna 1. *Possunt*

Index Rerum:

sunt disponi quoad existentiam. *ibidem*.

Ponuntur substantia in concreto. pag. 367. col. 2.

Ponuntur accidentia in abstracto, sed possunt poni etiam in concreto. pag. 368. col. 2.

Pradicamenta quaedam constituuntur per entia distincta, quaedam per denominationes. pagina 428. columna 1. Pradicamentalis distinctio saluari potest per denominationes. pag. 427. col. 2.

Pradicamenta sex ultima non necessarii habent rationem communem pagina 460. columna 1. Non tamen est inconueniens ea assignare. col. 2. Aliquo modo assignatur. *ibidem*.

PRAEDICARI in quid non est predicari per modum totius. pagina 254. columna 1. Sed est predicari per modum se stantis. columna 2. Predicari in quid & quale quibus conuenit. pag. 255.

PRAEDICATA quaedam essentialia distinguuntur realiter. pag. 308. col. 2.

PRAEMISSARVM si una sit probabilis inferre conclusio probabilis; si ambe sint probabiles, possunt inferre conclusionem falsam. pag. 653. col. 2. & 654. col. 1.

PRAESENTIA localis an sit speciei quantitatis. pag. 399. col. 2.

PRIMA OPERATIO intellectus, vide Simplex apprehensio.

PRIVATIO non admittit regressum ad habitum. pag. 483. col. 1.

Primatiua oppositio, Vide Oppositio.

PRIVS ET POSTERIUS. Vide Connexio.

PROBLEMATIA Dialectica quatuor. pag. 663. col. 2. Huius numeri sufficiencia. pagina 665. col. 1. & 2.

PROFUNDITAS quomodo sit propria corpori. pag. 397. col. 2.

PROPOSITIO quomodo includat extrema cum copula. pagina 514. col. 2. Viue Enunciatio.

PROPRIVM est vniuersale. pagina 320. col. 1. Accipitur in concreto. col. 2. Habet suam vniuersitatem & aptitudinem. pag. 321. columna 1. Ab alijs vniuersalibus distinguitur. pag. 321. col. 2. Potest pluribus modis diuidi. pag. 322. col. 1. Quatuor modis sumitur. pag. 325. col. 1. Sumptum quarto modo constituitur quartum predicabile. pag. 526. col. 2. ac 327. 1. Definitur. col. 2. Est vniuersale per respectum ad plura. 328. 1. An ab essentia distinguatur. pagina 329. col. 1. In rigore sumptum non suscipit magis & minus. pag. 333. columna 1.

PROPTER QVOD VNVN QVODQVE

TALE & illud magis. pagina 636. col. 2. Proce dit in causis vniuersis. *ibidem*. Proce dit in causis per se concurrentibus ad effectum. pagina 637. columna 1. Et tunc quando denominatio suscipit magis & minus. *ibidem*.

PRVDENTIA. pagina 14. col. 2. Eius distinctio ad sciencia. pag. 576. col. 2.

Q

QVAESITA quatuor, an sit, quid sit, propter quid sit, & qualis sit. 691. col. 1.

QUALITAS quoad nomen variè sumitur. pagina 442. An definita vel explicata ab Aristotele. pagina 443. columna 2. Eius explicatio examinatur. *ibidem*. Est Accidentis absolutum. pag. 444. columna 1. Alia explanationes examinantur. *ibidem*. Inhaeret intrinsece substantiis. columna 2. Se habet tanquam forma. *ibidem*. Determinat certo modo subiectum. *ibidem*. Non satis recte dicitur consequi formam. pag. 445. col. 1. Ex se conuenit subiecto indimissibiliter. col. 2. Definitur. *ibidem*.

Qualitas diuiditur in spirituales, & corporales. pagina 445. col. 2. In Supernaturales, & Naturales. pag. 446. col. 1. Principiè diuiditur in quatuor species, Habitum & Dispositionem; Potentiam, & Impotentiam; Passionem, & Passibilem qualitatem; Formam & Figuram. pagina 446. col. 2. Eius divisionis varij modi explicandi examinantur. pagina 446. columna 2. & sequenti. Designantur prima duae species. pagina 448. columna 1. Designantur tertia & quarta, columna 2. Earum distinctio & ordo. pagina 449. columna 1.

Qualitas habet contrarium, non tamen omnis. pagina 456. columna 2. An sola. pag. 457. col. 1. Suscipit magis & minus, sed non omnis. pagina 457. columna 2. An sola. pagina 458. columna 1. Qualitas est secundum quam res dicuntur similes. pagina 458. col. 2.

Qualitas prime & secunda speciei communis generis assignatur. pagina 449. columna 2. Vtriusque speciei distinctio examinatur. *ibidem*, & sequenti. Prima species habet duas partes, Habitum & Dispositionem, quae vel essentialiter, vel accidentaliter distinguí possunt. pagina 452. & 451. columna 1.

Qua

Index Rerum.

Quæ qualitas sit Habitus, quæ Dispositio col. 2. *Secunda Species distinguitur in Potentiam & Impossibilitatem* 452. 1. *Vtræque in plures dividenda* col. 2. *Tertia Species designatur per ordinem ad sensum* 452. 2. & 453. 1. & 2. *Potesit alijs modis designari* 354. 1. *Distinguitur per passibilem qualitatem & passionem* col. 2. *Quarta Species, quæ non est operativa, nec sensibilis* 455. 1. *Habet duas partes, ibidem.*

QUANDO *Pradicamentum explicatur* 475. 1. *Non est modus proprius distinctus à rebus*, ibidem. *Non est propria duratio rerum*, col. 2. *Est extrinseca denominatio à tempore, non imaginario, sed reali, & precipue à tempore extrinseco Primi Modibilis* 476. *Ad ipsum non spectat tempus quatenus intrinsecum suo moeni*, ibidem. *Huius Pradicamenti denominatio potest attribui omnibus rebus* 477. 1. *Huius Pradicamenti divisio & genera* col. 2. *Attributa & proprietates* 478. 1. & 2.

QUANTITAS *quoad nomen quid significet* 386. 1. *In genere an definienda* col. 2. & 387. 1. *Ex Aristotele definitur* 387. 1. & 2. *Quæ definitio convenit Quantitati etiam infinita* 388. 1. & 2. *Quantitas non ponitur in pradicamento sub ratione mensuræ* 389. 1. *Quomodo de se, suisque speciebus pradicetur* col. 2. *Quantitas dividitur in Continuum & Discretam, & divisio explicatur* 390. *Quantitas Discreta quæ sensu sit realis* 391. 1. *Quomodo sit opus rationis* 392. 1. *Quomodo se habeat positivè aut negativè*, ibidem. *Qualiter à rebus alijs distinguatur* col. 2. *Non habet unitatem per se* 393. 1. *Non habet unitatem partium sine qua non sit per se unum* 393. 2. & 394. 1. *Quomodo sit Species Quantitatis* 394. 2. *Quare posita sit in Pradicamento* 395. 1.

Quantitas Continua dividitur in permanentem & successivam 395. 2. *Quantitas Permanens est maximè Quantitas* 396. 1. *Datur Quantitas successiva vera Species Quantitatis*, ibid. *Quantitas Permanens dividitur in Lineam, Superficiem, & Corpus* 396. 2. *Quomodo hæ tres Species directè in Pradicamento collocantur* 398. *Quantitas successiva an in plures Species distinguatur* 402. 1. *An Quantitates Continuae inæquales sint distinctæ specie* 402. 2.

Quantitas Discreta & Permanens & Successiva, seu Numerus & Oratio 403. 1. *Successiva nū minus quàm Permanens participat rationem Quantitatis, neque magis* 403. *Ad Quantitatis Discreta Successiva speciem non solum pertinet Oratio sed omnis Discreta Successiva* 404. *Quantitas Discreta Permanens uno modo co-*

nsistit etiam multitudinem rerum spiritualium excepto numere Divinarum Personarum 405. 2. & 406. *Alio modo continet solum multitudinem rerum corporalium*, 407. 1. *Per se & formaliter consistit in multitudine Quantitatum Continuarum* 407. 2. *Eius varia Species* 408. *Quomodo unitas sit veluti forma & differentia harum Specierum* 409. 2.

Quantitas Discreta Successiva continet Successiones motuum quæ minus differunt quàm in numero rerum permanentium 410. 2. & 411. 1. *Quomodo Aristoteles dixerit solam orationem vocalem esse speciem huius Quantitatis*, ibid. *An oratio brevis & longa specie distinguantur* 411. 2. *An distinguantur realiter* 412. 1. *Quantitatis proprietas est non habere contrariū* 412. 2. *Non suscipere magis & minus* 413. 1. *Dicere æquale & inæquale*, ibidem. *Dicere multum & parum, longum & brevis &c.* col. 2. *Habere positionem & presentiam* 414. 1. *Habere figuram, densitatem, raritatem, lenitatem &c.* ibidem. *Habere divisibilitatem* col. 2. *Rationem mensuræ*, ibidem. *Dicere Finitum, & Infinitum*, ibidem. *Quomodo recipiat Accidentia contraria præsertim in sacramento Eucharistia* 385. 2.

QUIDDITAS REI *quomodo dicatur ab Aristotele distinguì à re* 228. 2. *Non intelligitur de distinctione naturæ à supposito* 229. 1. *Sed vel de distinctione quidditatis ab ente per accidens*, ibidem. *Vel formæ à composito* col. 2. *Vel de distinctione aliqua naturæ ab individuo*, ibidem.

R

RATIONALITAS *an sit propria hominibus* 305. 1.

RECTITUDO *cognitionis* 53. 1.

RELATIO *cur tractetur post Substantiam*, 415. *Quomodo pertinet ad Logicam*, ibidem. *Altera Pradicamentalis, altera Transcendentalis* 416. 1. *Relatio Transcendentalis datur non pertinens ad Pradicamentum Relationis, sed ad alia Pradicamenta* 416. 2. & 417. *Datur Relatio Pradicamentalis constitutens Pradicamentum Relationis* 418. 1. & 2. & seq. *Hinc distinctionem à Transcendentali varijs modis explicandi examinantur & refelluntur* 419. 2. 420. 1. & 2. & sequens. *Veri modi distinguendi traduntur* 422. 2. & 423. *Relatio secundum Esse quomodo dicatur distinguì à Relatione secundum Dici varia sententia referuntur*

Index Rerum.

tur & refelluntur 124. & 125. Vera explicatio traditur pag. 426. col. 1. & 2. Relatio secundum Effectum Pradicamentali confunditur. ibidem.

Relatio Pradicamentalis saluatur per solam denominationem realem ab ipsi rebus, pag. 427. Per talem denominationem saluatur distinctio eius ab alijs Pradicamentis pag. 428. col. 1. Dicitur subiectum & terminum eorum. 2. Dicitur item fundamentum non necessarium à subiecto distinctum. ibidem. ac pag. 429. celum. 1. Item rationem fundandi non tamen semper præter fundamentum pag. 429. & 430. col. 1.

Relationis generalissimum datur tum in abstractum in concreto pag. 431. col. 1. Datur eius terminus in communis col. 2. Qui per reductionem spectat ad Pradicamentum Relationis pag. 432. col. 2. Inter Relatum & terminum quomodo saluatur distinctio pag. 433. col. 1.

Relationis diuisio in tria genera ex Aristotele pag. 433. col. 1. Non est propria huius Pradicamenti ex ipso Aristotele col. 2. Nec adequata totius Relationis pag. 434. col. 1. Nec bene communiter explicatur. ibidem. Quid intendit Aristoteles in illa diuisione col. 2. Relationes tertij generis qua fundantur in ratione mensura non sunt de hoc Pradicamento. ibidem. Nec relationes secundi generis qua fundantur in actione & potentia, nisi in sententia relationes distinguente à rebus pag. 433. col. 1. Relationes primi generis qua fundantur in unitate & multitudine constituunt hoc Pradicamentum col. 2. Ha relationes qualiter differant ab alijs ibidem. Diuiduntur in alia genera pag. 436. col. 1. Relationes Identitatis, & Diversitatis col. 2. Aequalitatis, & Inaequalitatis ibidem. Similitudinis, & Dissimilitudinis ibidem. Proximitatis & Distantia pag. 437. col. 1.

Relationes. alia mutua alia non mutua pag. 437. column. 1. Mutua, alia Aequiparantia, alia Disquiparantia. col. 2. Disquiparantia alia Superpositionis, alia Suppositionis. ibidem. Relationes quomodo dicantur habere contrarium pag. 437. col. 2. & 438. Quomodo suscipiant magis & minus pag. 439. cel. 1.

Relativa dicuntur ad commercium pag. 439. quatenus correlatiua sunt ibidem. Sunt simul natura pagina 440. column. 1. Sunt simul cognitione & definitione pagina 441. Quomodo unum per alterum designatur pag. 442. col. 1.

RES omnes non sunt obiectum Logica pag. 37. & 32.

Res sit vniuersalis per intellectum, est singularis à parte rei. 201. 2.

Res materiales an prius cognoscantur quàm immateriales. Vide Ordo.

RETHORICA inuatur per Logicam pag. 10. col. 1.

S

SAPIENTIA pag. 14. col. 1.

SCIENTIA pag. 14. col. 1. Est obiectum librorum Poileriorum pag. 567. Principaliter consideratur in Logica ibidem. Non datur omnium sed multarum rerum pag. 568. Eius certitudinis non obstat error sensuum. pag. 569. Nec varia & falsae opiniones hominum pag. 570. Nec mutatio & successio rerum ibidem. Acquisitur in nobis de nouo pag. 570. col. 2 & pag. 571. col. 1. Non est remissio col. 2.

Scientia definitur pag. 572. col. 1. Est cognitio discursiva col. 2. In communis debet esse per causam cognoscendi pag. 573. col. 1. Est vera, immutabilis ibidem. Est prorsus certa col. 2. Secundum mentem Aristotelis debet esse euidentis pag. 575. cel. 1. Potest latius sumi, ut non dicat euidentiam column. 2. Non requirit ut sit propter se ipsam. ibidem. Eius discrimen ab Arte & Prudentia. pag. 576. col. 2.

Scientia est de obiecto reali pag. 577. col. 2. Potest esse de Substantia vel Accidente 578. 1. Pote esse de ente creato & increato 579. 1. Quomodo debet esse de incorruptibili & necessario ut deficere nequeat 579. 2. Quomodo possit esse de corruptibilibus 580. Quomodo debet esse de vniuersali 581. An debeat esse de vniuerso, vel possit dari de Analogo. 582. 2. An debeat esse de vno per se vel possit esse de vno per accidenti pag. 583.

Scientia diuiditur in Speculatiuam & Practicam 584. 1. Scientia Speculatiua est propter se, Practica propter opus col. 2. Scientia Practica debet esse circa obiectum operabile ibid. Et modo operabili 585. Quomodo ad vnam Scientiam speculatiuam & aliam Practicam possit spectare idem obiectum pag. 586. col. 1. Ad Scientiam Practicam satis est ex natura sua referri ad operandum col. 2.

Scientia Speculatiua non constituitur per negationem, sed per rationem positiuam 587. 2. Adequate Speculatiua, & adequate Practica pmius

Index Rerum.

penitus distinguuntur 538. 1. Potest eadem facultas esse simul Practica & Speculativa col. 2. Vnde Scientia Speculativa, & altera Practica distinguuntur essentialiter pag. 589. col. 1. Conueniunt uniuersè col. 2. Se habent ut Species sub Genere ibidem. Speculativa præfertur Practicæ pag. 590. 1. Scientia Practica obiectum dicitur Praxis, Vide Praxis.

Scientia diuiditur in subalternantem & subalternatam; & est diuisio generis in species pag. 596. col. 2. & 597. 1. Scientia subalternata sumit præmissas ex subalternante pag. 598. col. 2. Harum præmissarum debet dari euidentis notitia in intellectu pag. 599. col. 1. Debet in eodem intellectu coniungi cum subalternante pag. 599. ut sit v. ra scientia col. 2. Scit quia rei est ad differentiam subalternantis que scit Propter quid est. pag. 599. col. 2. & 600. 1.

Scientia diuiditur in totalem & partialem pag. 600. col. 1. Scientia totalis ex parte actus non dicit vnum simpliciter actum col. 2. Scientiarum totalium diuisio est ob addecentium communitatem 601. 1. Non temerè, sed spectata distinctione & conuenientia rerum col. 2. Practicè attenditur in ratione Speculatiui et Practici non in rebus Theologicis, sed in naturalibus pag. 601. col. 2. & 602. 1.

Scientia Practica diuiditur ex diuersitate rerum operabilium, Finis, Modi procedendi, & ex diuersis generibus instrumentorum pag. 602. col. 2. Diuiditur in Activam & Faciliam, eiusque diuisionis explicationes ibidem 603. & 604. Scientia Activus in Ethicam, Politicam, & Oeconomicam. 604. 2. Scientia Facilius non bene diuiditur in septem artes liberales, & septem seruales ibidem. Alter diuiditur in alias scientias & artes 605.

Scientia Speculativa diuiditur in Metaphysicam, Physicam, & Mathematicam pagina 605. col. 2. Hec distinctio non promouet ex diuersa abstractione à materia. Nec ex diuersitate principiorum pag. 606. col. 2. 607. & 608. Sed ex diuersitate obiecti & modi procedendi pag. 609. col. 1. Vide Abstractio.

Scientia perfectè totius requirit notitiam omnium causarum 618. 2.

Scientiarum ordo, Vide Ordo.

Scientia verè possit dari cū opinione, Vide Opinio.

SECUNDA INTENTIO à Prima distinguitur pagina 142. col. 2. Est ens rationis 115. 1. Prædicatur de Prima col. 2. Non per se dirigit cognitionem ibid. & 116. Deseruit aliquo modo ad directionem 116. 2.

Secunda Intentio est ratio formalis non conditio in definitione Generis pag. 252. col. 1. Quomodo in Genere constituatur definitum pag. 253. col. 1.

SENSVS non habet tres operationes distinctas in cognoscendo pag. 57. col. 1. Non efficit, nec attingit ens rationis, sed semper attingit obiectum possibile 100.

SERMO mentalis duplex Rerum & Vocum pag. 3. col. 2.

SIMPLEX APPREHENSIO explicatur pag. 489. col. 1. Habet pro obiecto terminos Complexos, & Incomplexos pag. 489 col. 1. & 2. Etiam integras propositiones pag. 490. col. 1. Non solum quoad extrema, sed etiam quoad connexionem extremerum ibidem. Non solum quoad Veres, sed etiam quoad Res col. 2. Quomodo dicatur Simplicium apprehensio pag. 491. col. 1. Quomodo plura comprehendat col. 2. Quomodo separari possit apprehensio plurium terminorum ibidem. Quomodo differat à secunda operatione quoad propositiones 492. 1.

Simplex Apprehensio attingit tantum Quid est, & non An est pag. 492. col. 2. In hoc differat à Iudicio pag. 493. col. 1. Non inuoluit Iudicium col. 2. Non dicit affirmationem quidditatis de re. ibidem. Quomodo dicatur versari circa essentiam ad differentiam iudicij, quod dicitur versari circa existentiam pag. 494. Quomodo cognoscat Definitionem pag. 495. column. 1. Quomodo sit sine ratione Iudicij. ibidem.

Simplex Apprehensio non dicit falsitatem pag. 500. Nec veritatem perfectam & determinatam pag. 501. Dicit aliquam simplicem veritatem pag. 501. col. 2. & 502. col. 1. Cur nō sit obnoxia falsitati sicut secunda operatio. columna 2. Cur sit conformis. & non dissimilis obiecto. columna 2. An possit apprehendere rem aliter ac est pag. 503. col. 1. Quare sit subiectum veritatis & non falsitatis pag. 504. col. 2.

Simplex Apprehensio dicit defectus & relictitudinem pagina 505. columna 1. Defectus obsecuturatis, & relictio claritatis columna 2. Defectus non attingentia, & relictio opposita pagina 506. columna 1. Ad cuius directionem sufficit directio communis cognitionis. col. 2.

Simplex apprehensio Reflexa potest cognoscere veritatem pag. 515. col. 2. In Simplici Apprehensione terminorum quomodo necessariò sequatur assensus pag. 549. col. 2.

SIN-

Index Rerum.

SINGVLARE qua ratione consideretur à Logica 199. Quot modis sumi possit 200. 1. & sequenti. Non necessariò omne quod est, est singulare relatum ad speciem 200. 1. vel singulare unum numero. ibidem. vel singulare indiuisibile col. 2. vel singulare incommunicabile. ibidem. Sed est necessario singulare oppositum Vniuersali 201. 1.

Singulare est quicquid est & esse potest 201. 2. Quomodo definiti possit 202. 1. Eius plures definitiones 202. & sequenti. Quomodo de uno pradicatur & non de pluribus 202. 2.

Singulare an & quo sensu dicat principium indiuiduationis 203. & 204. 1. Tàm in rebus spiritualibus, quàm materialibus debet assignari principium indiuiduationis quod non sit de conceptu essentiali nature communis, & quo Individua differant 204. Singulare habet negationem, sed eius principium indiuiduationis est positivum 205. & 206. 1. Praecludens ab existentia.

Singulare substantiale non indiuiduatur per collectionem suorum Accidentium 207. Per Accidentia tamen solet discerni distinctio Individuorum 208. Substantia materialis non indiuiduatur formaliter per quantitatem 209. 2. Quomodo debeat indiuiduari per differentiam substantialem 210. 1. In aliquo sensu potest dici indiuiduari per quantitatem 212. 2. Non indiuiduatur per materiam absolute sumptam 214. 2. Neque per certam materiam singularem. ibidem. Neque recipit à materia incommunicabilitatem indiuidualem 215. 1. Neque indiuiduatur per materiam signatam quatenus capace[m] certe quantitatis 215. 2. Non indiuiduatur adaequate per formam 218. 2. Vide Materia, Forma, Compositum.

Singulare Accidentis non indiuiduatur per certum singulare subiectum 221. 2. Respicit indifferenter omne subiectum 222. 1. Separatum à subiecto esse singulare. ibidem. Non exigit certum numerum subiectum. ibidem. Plura singularia Accidentia possunt esse in eodem subiecto col. 2. Singularia quorundam Accidentia & modi fortasse habent indiuiduari per ordinem ad subiectum 223. 1. Singularia Accidentia habent posse multiplicari ex multitudine subiectorum. ibidem.

Singulare quomodo indiuiduetur explicatur per differentiam intrinsecam etiam in rebus spiritualibus 224. 2. Constituitur & distinguitur ab alijs per Differentiam indiuidualem qua in aliquo sensu potest dici formalis & essentialis 225. 1.

Singularia omnia sunt similia sub specie Logice sumpta 239. 1. Sub specie Physice sumpta possunt plus minusve assimilari col. 2. Non est necesse omnia eiusdem speciei esse inaequalia 241. 1. In quibusdam speciebus non possunt esse inaequalia 241. 2. In nulla specie Logice sumpta possunt esse inaequalia 242. Sub specie Physice sumpta possunt esse aequalia 243. 2. Quare Differentia singularis sint aequales & specifice inaequales 244. 1. Ex earum inaequalitate non sequitur indiuidua substantiaalia suscipere magis & minus col. 2. Non sequitur univocatio 244. 1. Non sequitur mundum esse instabilem 244. 2. Non sequitur de Individuis dari Definitiones & Demonstrationes 245. 1. Non sequitur Individua semper deteriora produci 245. 2. Singularibus non conveniunt nomina proprietates 328. 2. Quomodo in hijs determinentur proprietates communes ibidem. An de istis Definitio & Demonstratio fiat 227. 1.

Singularis Natura à parte rei in se est singularis 227. 2. Est incommunicabilis & indiuisibilis 228. 1. Est distincta ab omni alia. ibidem. Non indiget alia singularitate col. 2.

Singularis compositio ex natura & singularitate comparatur cum Compositione ex Genere & Differentia 236. 1. Singularis Differentia comparatur cum Specificis 236. 1. & 2. Inter singulare & Vniuersale distinctio explicatur 237. 1. Singulare quomodo dici possit Vniuersale. ibidem.

Singularitas non presupponit sed facit naturam singularem 226. 1. Non presupponit sed facit distinctionem Individuorum col. 2. Triplex est in Compositis ex materia & forma. ibidem. In rebus continuis vel diuisis semper est eadem 227. 1. Non distinguitur à parte rei à Natura singulari 227. 2. Neque perfecta precisione rationis 230. & 231. & sequenti. Solum imperfecta 234. & sequenti. An sit una vel multiplex in quolibet individuo 235. & sequenti. Singularia an prius cognoscantur quàm Vniuersalia. vide Ordo.

SITVS explicatur 472. 2. Non continetur in Predicamento Relationis ibidem. Distinguitur à Predicamento Vbi 473. 1. An ad Predicamentum Situs pertinentia Ratum & Densum. & similia col. 2. Huius Predicamenti positiones quo sine 474. 1. Situs genera & species col. 2. Attributa & proprietates. ibidem.

SOPHISTICA disputatio circa qua versetur 669. 1.

SPECIES 267. Eius & Generis multiplicatio in plura quomodo differat 250. 1. Multiplicari potest

Index Rerum.

potest per intrinsecas differentias . pagina 248. col. 1. Quomodo sit totum esse individuum. pagina 225. col. 1. Dupliciter sumitur logicè & physice . pagina 238. Species & individuum eadem vel diversa habitudine referantur ad genus . pagina 263. columna 2. Speciebus & individuis respectu generis quomodo dari possit conceptus subijcibilis . pagina 264. columna 1.

Species in suavatione connititur pluribus individuis . pagina 267. Constituitur per solam naturam communicabilem proxime individuis . pagina 268. columna 2. Consistit in respiciendo sola individua . pag. 269. col. 1. Per hoc differt à genere . col. 2. Definitur . ibid. Quomodo explicatur & non constituitur per negationem . pagina 270. columna 1. Quomodo differt à genere per diversa inferiora , vel per diversam modum communicationis . columna 2.

Species subijcibilis debet esse in se uniuersalis . pagina 271. col. 1. Omnis species predicabilis & subijcibilis . columna 2. Species subijcibilis duplicitur refertur ad genus . pag. 272. col. 1. Definitur & definitio explicatur . pagina 273. col. 2. & 273. col. 1. Quomodo definitur per genus , cum genus definitur per speciem . pagina 277. col. 2.

Species omnis habet duas habitudines subijcibilitatis & predicabilitatis . pagina 274. col. 1. Ha habitudines conueniunt analogice . columna 2. Denominatio uniuersalis connecat rationem subijcibilis . pagina 276. columna 1. Denominatio subijcibilis innoluit rationem uniuersalis . ibidem . Ratio uniuersalitatatis fundat rationem subijcibilitatis specificam . col. 2.

Species formaliter ut species quomodo sit uniuersalis , vel subijcibilis : pagina 277. col. 1. Quomodo ut uniuersalis , vel ut subijcibilis respiciatur à genere , vel respiciat genus . pagina 277. col. 2. Quae ratio uniuersalis . ibidem . Et subijcibilitas sit passio uniuersalis . pagina 278. col. 1.

Species subijcibilis alia infima , alia subalterna inter se aliquo modo formaliter differentia . pagina 278. col. 2. Species predicabilis duplex per dupliem multiplicationis modum . pagina 279. col. 1. Qualiter assignanda species , quae multiplicatur per diuisionem quantitativam . col. 2. Alias diuisiones . vide pag. 277. col. 2. & 280.

Species diuersa possunt & solent esse inaequales .

pagina 281. columna 1. Videntur possibiles aequales . colum. 2. Aequales de facto inueniri . pagina 282. columna 2. & 283. col. 1. Specierum sapè dubia est inaequalitas . pagina 283. Vnam speciem dicere priuationem alterius , quomodo intelligatur . ibidem .

Species quomodo possint differre & esse dissimiles sine inaequalitate . pagina 234. columna 1. Quomodo in ipsis sit prius & posterius . col. 2. Quomodo sint sicut numeri . ibidem . Quare non omnes sint inaequales , & individua sint aequalia . ibidem .

Species diuersa quomodo possint inter se commensurari . pagina 285. col. 1. Species aequales quomodo possint sese causare . col. 2. In omni specie debet genus & differentia designari . pagina 298. columna 1. In una specie possint pluribus modis designari . col. 2.

Species quomodo sit essentialiter una . pagina 300. columna 1. Quomodo constituitur per coniunctionem plurium predicatorum communium . pagina 306. columna 2. Nunc omnis habent suam unam differentiam propriam & plures communes . pagina 307. columna 2. Eius constitutio interduum est per medium explicationis , interduum per medium compositionis . pagina 318. columna 1. Eius compositio est rationis . ibidem . Exercetur inter conceptus obiectiuos . columna 2. Quomodo dicatur constitui ex genere & differentia . pagina 316. columna 1. Quare non dicatur constitui sola differentia . ibidem . Compositio quomodo sit rationis , Compositum & componentia sunt realia . pag. 320. col. 1.

SVASIO est actus intellectus , differt ab oratione & imperio . pag. 53. col. 2.

SVBALTERNATIO varij modi pagina 597. Subalternatio perfecta plures modos inuoluit . pagina 598. columna 1. Vide scientia .

SVBIICIBILITAS quid . pagina 188. col. 1.

SVBSISTENTIA est complementum substantiae . pag. 371. col. 1.

SVBSTANTIA facit unum predicamentum . pagina 358. columna 1. In concreto ponitur in predicamento . pagina 367. col. 2. Eius nomen quid significet . pagina 369. col. 1. Eius ratio duplitter explicatur . col. 2. Ratio essentialis non est substatere Accidentibus . pag. 370. Sed est per se existere quod est positum . col. 2. Ad substantia complementum . pag. 371. col. 1.

Index Rerum.

Substantia dividitur in Primam & Secundam. pag. 371. col. 2. *Quæ nam Substantia hic dividatur.* pag. 372. col. 1. *Diviso potest accipi quoad rationes intentionales.* pag. 373. col. 1. *Et partim quoad rationes reales, & partim quoad intentionales.* pag. 373. col. 2. *Etiam quoad mentem Aristotelis.* ibidem. *Diviso est Generis in Species.* pagina 374. columna 2. *Est Analogia Analogæ.* ibidem. *Est subiecti in Accidentia.* ibidem. *Est Accidentis in subiecta.* ibidem. *Est Accidentis in Accidentia.* pagina 375. col. 1. *Prima Substantia quomodo dicatur magis Substantia, quàm Secunda.* pagina 375. *Quænam Substantia ipsæ sunt ad hanc divisionem.* pagina 376. columna 2.

Substantia Predicamentum potuisset fieri, ut contineret substantiam incrementam & incompletam. pagina 378. columna 2. *De facto solum continet etiam & completam.* pagina 379. col. 1. *Continet partes reditum.* ibidem. *Deus non ponitur directè.* ibidem. *Nec etiam reducti.* pagina 380. columna 1. *Ponitur Christus ut homo.* columna 2. *Ponuntur Substantia spirituales & incorruptibiles.* ibidem. *Huius Predicamenti divisio & coordinatio posset pluribus modis fieri, sed unus solus affertur.* pagina 381. col. 2. & 382. col. 1.

Substantia proprietates est non esse in subiecto. pagina 382. columna 2. *Est adæquata Substantia in tota sua latitudine.* ibidem. *Alia proprietates est uniuersalè prædicari de Prima.* pagina 383. columna 1. *Alia significare hoc aliquid, quæ Prima videtur continere, cum Secunda potius videatur significare qualem quid.* pagina 383. columna 1. & 2. *Alia est non habere contrarium, quæ non conuenit soli Substantia.* *Alia non suscipere magis & minus.* ibidem. *Alia suscipere magis & minus, quæ est maximè propria Substantia.* pag. 384. col. 2. & 385.

Substantia an prius cognoscatur, quàm Accidentia, vide Ordo.

SVSPICIO explicatur. pagina 658. columna 1.

SYLLOGISMVS quomodo conficiatur forme assensu intellectus. pagina 542. columna 2. *Definitur.* pagina 543. col. 2. *Dicitur materiam & formam.* pagina 554. columna 1. *Dicitur duas præmissas & conclusionem.* ibidem. *Secundum varios modos, & sole præmissæ, & sola conclusio, & præmissæ & con-*

clusio possunt dici essentielles Syllogismo. pagina 554. columna 2. & pagina 555.

Syllogismus quoad formam in figura & forma consistit. pagina 556. columna 1. *Quarta figura non est tollenda ex eo quod non bene concludat.* columna 2. *Non ex eo quod virtus concludat.* pagina 557. col. 1. *Non ex eo quod concludat immaturè, vel dicitur formam illationis immaturalem.* pagina 557. columna 2. *Non est distincta à prima, nec dicitur modus à prima distinctus.* pagina 558. col. 2. *Vnica figura est quancumque medium uni extremo subijciatur, & alteri prædicatur.* pagina 559. col. 1. *Etiam si conclusio conuertatur.* col. 2. *Quare Secunda & tertia figura, non autem quarta distinguatur à prima.* pagina 560. columna 1. *Quod sufficit ad distinctionem modorum, non sufficit ad distinctionem figura.* ibidem.

Syllogismus habet modos in prima figura, qui non distinguuntur per transpositionem præmissarum. pagina 560. columna 2. *In secunda & tertia figura dantur modi indirecti concludentes.* pagina 561. *In figuris vnde figurare debeamus maius, & minus extremum.* pagina 562. columna 1. *Modi indirecti in secunda & tertia figura possunt differre à directis per solam transpositionem præmissarum.* pagina 563. columna 2. *Discrimen secunda & tertia figura à prima.* pagina 564. columna 1.

Syllogismus opinatiuus dicitur Dialecticus. pagina 663. columna 1. *Definitur.* ibidem. *Construitur ex Problemate, Propositione, & Predicato Dialectico.* ibidem. *Eius Conclusio fit ex Problemate.* pagina 666. col. 1. *Premissæ sunt ex medio, & inferuntur conclusio.* ibidem.

Syllogismus apparet & fallax, vel ex parte forme, vel ex parte materie. pagina 667. *An eius essentia consistat sub vitiata forma.* ibidem. *An saluetur in materia falsa.* pagina 668. columna 1. *Syllogismus uno modo apparet, quando videtur verus, & non est.* pagina 663. columna 1. *Alio modo quando videtur probabilis, & non est.* columna 2. *Alio modo quando videtur Demonstratiuus, & non est.* ibidem.

Syllogismus Demonstratiuus, Vide Demonstrationem.

TEMPVS

Index Rerum.

T

TEMPVS quomodo sit propria species quantitatit. pag. 401. col. 1.
TERMINI varij. pagina 496. columna 1.
 Termini abstracti & concreti. columna 2.
 Termini concreti substantiales & accidentales quid propriè significant. pagina 497. columna 2. Vnde sumant unitatem. pag. 498.

V

Vbi definitur. pagina 469. columna 2. Est modus intrinsecus rei locata. pagina 470. col. 1. Ad ipsum reducitur denominatio extrinseca desumpta à loco. ibidem. Vbi pradicamentale conuenit etiam rebus spiritualibus. ibidem. & pagina 471. columna 1.
 Diuiditur in Definitiuum & Circumscriptiuum, quia diuisio est adequata. pagina 471. Item in Permanentem & Successiuum. pagina 462. columna 1. Eius attributa & proprietates. pag. 472. col. 1. & 2.

VERITAS transcendentalis in essendo. pagina 53. columna 2.

Veritas repræsentatiua in cognoscendo. pagina 53. columna 2. Est in nostra cognitione possibilis. pagina 54. columna 1. Est sapi difficilis. col. 2. Eius difficultas unde oritur. pag. 54. col. 2. & pag. 55.

Veritas cognitionis sumitur ex re cognita. pagina 56. columna 1. Etiam in cognitione practica. col. 2. Quibus actibus conueniat, an etiam habitibus, ac speciebus. pagina 57. col. 1. Conuenit etiam sensui. ibidem.

Veritas non est conformitas conceptus formalis ad obiectiuum. pagina 58. columna 1. Nec conformitas in essendo cognitionis ad rem. ibidem. Est conformitas conceptus formalis, & obiectiui ad rem. columna 2. Est una conformitas. ibidem. & pagina 59. columna 1.
 Prius conuenit conceptui formali. pagina 59. Est conformitas ad negationes & entia rationis. pagina 60. columna 1. Conuenit etiam propositioni vocali. columna 2. Potest explicari per modum relationis. pagina 61. columna 2. Interdum realis. ibidem. Interdum rationis pagina 62. columna 1. Precipue explicari debet per entitatem cognitionis & connotationem obiecti. pagina 62. & 63.

Veritas non est veritati contraria. pagina 66. columna 1. An detur in simplicibus vocibus pagina 504. columna 1. An in alijs rebus simplicibus. columna 2. Vide Apprehensio, Iudicium, Discursus.

VIVENS quomodo sit idem non obstante successiva mutatione materie. pagina 220. columna 2.

VNITAS quid & quotuplex. pagina 159. columna 2. Quam naturam vniuersali conueniat. pagina 160. columna 2. & sequens. Quomodo sit adequata passio entis. pag. 167. columna 1.

VNIVERSALE quoad nomen explicatur. pagina 140.

Vniuersale in essendo datur. pagina 141. col. 1. Ipso ablato auferantur scientiæ. columna 2. Datur diuerso modo ac vniuersale in significando & representando. ibidem, ac pagina 142. columna 1. Vniuersalia vel esse separata à singularibus, vel esse mera opera intellectus, falsum est. columna 2. Vnitatis & communis bonæ vniuersali inunguntur. pagina 143. columna 1. Datur vniuersale, etiam si omne quod est sit singulare. ibidem. Non datur à singularibus separatim. pagina 144. columna 1. Ad nihil deferretur si daretur. col. 2.

Vniuersale quoad naturam est à parte rei. quoad vniuersalitatem in mente. pagina 149. columna 1. Tenet à singulari diuiditur. columna 2. Non esset à parte rei, licet sit singulare. pag. 150. col. 1. Fundamentaliter est necessarium à parte rei, formaliter est consequenter per intellectum. ibidem. De Vniuersali dicuntur, quæ natura conueniunt. ibidem.

Vniuersale Quid. pagina 150. columna 2. Definitio explicatur. ibidem. & sequens. Necessè est Vniuersale posse esse re vera in multis. pagina 151. columna 1. & sequens. Sufficit quacunque potentia. pagina 152. columna 1. & sequens. Secundum amplam acceptionem completitur omnes naturas communes. pag. 153. col. 1.

Vniuersale pradicamentale completitur tantum ea, quæ directè ponuntur in Pradicamentis. columna 2. Vniuersale solum datur in naturis creatis. pagina 154. columna 1. Constituitur ex natura unitate & aptitudine. ibidem. Quo pacto definiti potuerit. pag. 154. col. 2. ac pag. 166. col. 2.

Vniuersale quoad naturam est reale potens existere à parte rei. pagina 155. Etiam ensibus

Index Rerum.

rationis cogitur natura vniuersalis. ibidem. Quadam natura Vniuersales sunt substantiales, quadam accidentales, quadam abstractas. ibidem & sequenti. Quadam corpora, quadam incorporea, quadam neutra. pagina 156. columna 2. Quadam sensibiles, quadam insensibiles. pagina 157. columna 1. Possunt generari & corrumpi in singularibus, & non aliter. pagina 157. columna 1. Vel ex parte, vel ex toto. columna 2. In se ipsa dicunt potentiam ad generationem, & corruptionem. Alius exercetur in singularibus. pagina 157. columna 2. & 158. col. 1. Quadam sunt generabiles, quadam ingenerabiles, quadam neutra. pag. 158.

Vniuersale quoad naturam in triplici statu consideratur. pagina 159. columna 1. Hi status inter se conferuntur. ibidem. Vniuersalis natura non est à parte rei materialiter in singularibus una. pagina 160. columna 2. Si esset una in singularibus non esset Vniuersalis. pagina 161. columna 1. Non est à parte rei formaliter una. columna 2. Est multiplex & diuisa. ibidem. Dicit unitatem formalem in quocunque individuo. sed non facit ad Vniuersale. pagina 162. columna 2. In quo sensu dicat unitatem negativam. ibidem.

Vniuersale quoad naturam à parte rei est formaliter unum, id est consimile & conforme. pagina 163. columna 1. Habet plures gradus in tali unitate. ibidem. Explicatur eius diuisio in singularibus. pagina 164. col. 1. Item convenientia singularium in naturis. columna 2. Vniuersales natura in sua essentia non est formaliter una pectus loquendo. pagina 165. columna 2. Ipsi non datur unitas essentialiter, que non sit in singularibus. ibidem. Non potest unitas natura communis dici numeralis. pagina 166. columna 2.

Vniuersale quoad naturam in sua essentia non est diuisum. pagina 166. col. 1. Inde dici potest negativum. col. 2. Vniuersales natura quomodo numerari possint. pagina 167. columna 2. Quomodo in sua essentia abstractant à contradictorijs. ibidem. Quomodo propositiones affirmatiue non admittant, admittant negatiuas. pag. 168. col. 1.

Vniuersale quoad naturam fit unum per operationem intellectus. pagina 168. columna 2. Est unum obiectum in mente. pagina 169. columna 1. Est unum per praeiudicium intel-

lectus. ibidem. Talis praeiudicium explicatur. col. 2. Et est cum fundamento in re. ibidem. & pagina 169. columna 1. Vniuersalis unitas est denominatio rationis. pagina 170. columna 1. Est duplex Perfecta & Imperfecta. ibidem. & sequenti. Quam ad vniuersale sufficiat. pagina 171. col. 2.

Vniuersale quoad naturam non habet à parte rei aptitudinem essendi in multis. pagina 171. columna 2. Nec unicam nec multiplicatam. pagina 173. columna 1. Nec positivam, nec negatiuam. columna 2. Nec proximam nec remotam. ibidem. Nec etiam si esset à singularitate distinctum. ibidem. In statu essentia non dicit aptitudinem. pagina 174. columna 1. Nec repugnantiam. ibidem. Negatiue se habet. ibidem. Qualiter natura à parte rei apta est esse in suo individuo. columna 2. In intellectu habet aptitudinem essendi una in multis. pagina 174. columna 1. Que aptitudo est pluribus modis. pagina 165. col. 1.

Vniuersale duplex modus constituendi. pagina 175. columna 2. Vterque modus approbatur. pagina 176. columna 2. Eius duplex acceptio. ibidem. Non fit per operationem intellectus agentis. pagina 178. Quoad unitatem fit per notitiam praeiudicium. Quoad aptitudinem per comparatiuam. ibidem. Eius abstractio non necessario inuoluit comparationem. pagina 179. columna 1. Eius comparatio non necessario inuoluit, sed supponit abstractionem. pagina 179. columna 2. Quomodo sit vniuersalis natura praeiudicium & non comparata. pagina 180. Quomodo sit apta esse in multis. ibidem. Quomodo in precisione sint diuersa Vniuersalia. pagina 180.

Vniuersale an fieri possit in sensibus per notitiam abstractiuam. pagina 180. columna 2. An fiat ab intellectu Angelico. pagina 181. columna 1. Vniuersalis nature triplex actus essendi consideratur. pagina 181. columna 1. Qualiter omnes hi tres actus essendi ipsi esserant. ibidem. Quid sint hi tres actus essendi. pagina 182. columna 1. Quis eorum sit de necessitate Vniuersalis. ibidem. Non actus existentia realis non eibetius, sed convenientia essentialis. pagina 182. columna 2. Vniuersalis aptitudo per ordinem ad quem actum dicatur. pagina 183. columna 1. Dicitur per ordinem ad actum existentis. ibidem. Vniuersalitas dicitur actus ipse convenientia essentialis. col. 2.

Index Rerum.

Vniuersale dicatur nō quod actū, vel potius aptitudine est in multis. pagina 183. columna 2. Dicatur solum respectu existentie realis, vel etiam obiecti. pagina 184. columna 1. Vniuersalis natura contrāctio est ipsius diuisio in plura. ibidem. In plures nō modo naturas singulares. columna 2. In tali diuisione tota natura est in singulis. ibidem. Quomodo cum tali diuisione sit eius totalitas pagina 185. columna 1. Vniuersalis natura diuiditur ut totum potentiale, non ut totum essentialiter. pagina 185. Eius contrāctio fit per differentias. pagina 186. columna 1.

Vniuersale quodlibet est predicabile de pluribus. pagina 186. columna 1. Non predicatur formaliter quoad vniuersalitatem. columna 2. Nec quoad singularitatem. ibidem. Predicator secundum essentiam sub uno conceptu obiectiue. pagina 187. columna 1. Non destruitur in mente per actualem predicationem de pluribus. ibidem. Eius verissimae proprietates est predicabilitas. columna 2. Sed cum quibusdam conditionibus. pagina 188. columna 1. Predicabilitas duplex. ibid. An sit formaliter vniuersalitas. col. 2. In quo sensu sit vniuersalitas, & in quo non sit. ibidem. Quomodo sit passio consequens ad vniuersalitatem. pagina 189. Ad quem actum predicationis referatur. pagina 189. columna 2. Quomodo consequatur actum essendi essentialiter & aptitudinem existendi. pag. 190. col. 1.

Vniuersale quomodo dicatur prius & posterius singularibus. pagina 190. Quomodo sit principium rerum. pagina 191. columna 2. Quomodo sit perfectius & imperfectius singularibus. pagina 191. columna 2. & pagina 192. columna 1. Et intelligibile & scibile. ibidem.

Vniuersale diuiditur in quinque Vniuersalia, Genus, Speciem, Differentiam, Proprium, & Accidens. pagina 192. columna 2. Diuisio approbatur & explicatur. ibidem. ac pagina 193. columna 1. & pag. 194. Potest sumi, ut complectatur solum Genus & Speciem. pagina 193. columna 2. Diuisio in quinque Vniuersalia communiter assignata est adsignata. pagina 196. columna 1. Possunt subdiuidi in plura. columna 2. Quoniam Vniuersalia spectent ad hanc diuisionem. ibidem & pagina 197. col. 1. An addi possit sextum Vniuersale ex mysterio Incarnationis. pag. 196. col. 1.

Vniuersale in communi nomen sit Genus ad quinque Vniuersalia. pagina 197. columna 2. Secundum naturam non est. pagina 198. columna 1. Sumptum pro vniuersalitate formalis est Genus non essentialiter. sed denominatione. ibidem. Quomodo admittat intentionem Genus. columna 2. Et quinque Vniuersalia intentionem speciei. pagina 199. columna 2.

Vniuersalia an prius cognoscantur, quàm singularia. Vide Ordo.

VNIVOCA nomina sunt Vniuersalia in significando. pagina 334. columna 1. Desiniuntur. columna 2. Definitio explicatur. ibidem. Vniuocorum ratio est una. pagina 335. columna 1. Nomen quomodo debet esse idem. columna 2. In tali nomine quā sit vniuersalitas significatiua. ibidem. An in tali nomine ratio significatiua debeat esse essentialis. pagina 336. columna 1. An debeat esse perfectā una precisa. ibidem. An debeat aequē primō participari ab Vniuocis. columna 2.

VOCES non sunt obiectum Logice. pagina 340. Sunt commodissima signa. pagina 118. columna 1. Desiniuntur. columna 2. Diuiduntur. ibidem. Non significant naturaliter, sed ad placitum. pagina 119. Interdum habent proportionem cum rebus. pagina 120. columna 2. Ratione Etymologiae vel soni. pagina 121. col. 1.

Voces quoad significatorem. pagina 121. columna 2. Vocis significatio quid sit. ibidem. & pagina 122. Voces significant audienti. pagina 123. columna 1. Interdum i-fomet, loquenti potius scribenti. ibidem. Significant res cognitās. pagina 123. columna 2. & pagina 124. Substituuntur loco cognitionis. pagina 124. columna 2. Multiplicantur ex distinctis conceptibus. pagina 125. columna 2. Interdum ex una re sumuntur, & aliam significant. ibidem. Prærequirunt notitiam in loquente. pagina 126. columna 2. & pagina 123. columna 1. Non in audiente. pagina 127. col. 2. Imo non significant i-f; qui actualiter cogitant easdem res. pag. 127. col. 2. & pag. 128. col. 1.

Voces tunc perfectē significant quando significant perfectam rei notitiam. pagina 129. columna 1. Non possunt de nouo perfectius significare rem audienti, quā nota sit loquenti. pagina 129. columna 2. Et scē n-e etiam aequē perfectē pagina 130. columna 1.

Pessune

Index Rerum.

Possunt tamen excitando perfectiorem notitiam. pag. 130. col. 2.

Voces participant veritatem, & falsitatem. pagina 132. columna 1. Per denominationem à cognitione. columna 2. Cognitionis directioni inserviunt. pagina 133. Possunt dici instrumenta, directiva. pagina 75.

Voces simplices, an dicant veritatem. pagina 504. columna 1.

VOLUNTAS non efficit Ens rationis, sed potest appetere aliquid impossibile. pagina 100. columna 2. Quomodo uno actu appetat finem & medium. pagina 547. columna 1.

Finis Indicis Rerum, & totius Operis.





REGESTVM.

* a b c d. A B C D E F G H I K L M N O
P Q R S T V X Y Z.

Aa Bb Cc Dd Ee Ff Gg Hh Ii Kk Ll Mm
Nn Oo Pp Qq Rr Ss Tt Vv Xx Yy Zz.

*Omnes sunt Quaterniones prater d, & Zz, qua sunt
Duerniones.*



R O M A E,

Ex Typographia Iacobi Mascardi, M. DC. XXIII.

SVPERIORVM PERMISSV.

THE
JOURNAL
OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 18
PART 1
1888
LONDON
PUBLISHED BY THE INSTITUTE
1888



